









BIBLIOTHECA
MAXIMA
PONTIFICIA
TOMVS XIII.

THE UNIVERSITY OF
ALABAMA
LIBRARY
AUG 25 1971





BIBLIOTHECA MAXIMA PONTIFICIA

I N Q V A

Autores melioris notæ qui hæcenus pro Sancta Romana Sede,
tum Theologicè, tum Canonicè scripserunt,
ferè omnes continentur.

P R O M O V E N T E , A E S Q V E S V P P E D I T A N T E

ILLVSTRISS. ET EXCELLENTISS. D.

D. FR. IOANNE THOMA
DE ROCABERTI


Prælato domestico assistente sacro Solio, ab INNOCENTIO XI. Archiepiscopo Valentino:
olim in eiusdem Urbis Vniuersitate S. Theologiæ Primario Professore, Ordinis
Prædicatorum in Prouincia Aragoniæ Prouinciali, postmodum
totius Religionis Generali Magistro; semel, atque iterum
Valentini Regni Prorege, & in præsentia
Hispaniarum Inquisitore
Generali.

SANCTISS.^{MO} IN CHRISTO PATRI
INNOCENTIO XII.

DIVINA PROVIDENTIA PONTIF. MAX:

D I C A T A.

T O M V S XIII.



ROMÆ, M. DC. XCVIII.

Ex Typographia Ioannis Francisci Buagni.

S V P E R I O R V M P E R M I S S V.

AMERICAN LITERATURE

A HISTORY OF THE

AMERICAN LITERATURE

FROM THE FIRST SETTLEMENTS TO THE PRESENT

BY

JOHN R. ALLEN

OF THE UNIVERSITY OF CALIFORNIA

AND

OF THE UNIVERSITY OF MICHIGAN

AND

OF THE UNIVERSITY OF ILLINOIS

AND

OF THE UNIVERSITY OF WISCONSIN

AND

OF THE UNIVERSITY OF MINNESOTA

AND

OF THE UNIVERSITY OF IOWA

AND

OF THE UNIVERSITY OF NEBRASKA

AND

OF THE UNIVERSITY OF KANSAS

AND

OF THE UNIVERSITY OF MISSOURI

AND

OF THE UNIVERSITY OF ARIZONA

AND

OF THE UNIVERSITY OF CALIFORNIA

Imprimatur,

Si videbitur Reuerendiss. Patri Magistro Sacri Apostolici Palatij.

Sperellus Episc. Interamnen. Viceg.

C E N S U R A
T O M I XIII.
BIBLIOTHECÆ PONTIFICIÆ.

DE ordine Reuerendiss. P. Paulini Bernardinij Sac. Palatij Apostolici Magistri reuidi infra scripta Opera: Gregorij de Valentia: De Romano Pontifice. Item: Analysis Fidei Catholica, &c. Gasparis Contareni: De Potestate Pontificis in usu Clauium, & compositionibus, dua Epistola. Item: De Potestate Pontificis, &c. Gennadij Scholarij: De Primatu Papa. Henrici Regis Anglia huius nominis Octauij: De Primatu Romani Pontificis, &c. Hieronymi Mutij: De Romana Ecclesia. Iacobi Latomi: De Primatu Pontificis aduersus Lutherum. Iacobi Simanca: De Papa. Ioannis de Turrecremata: De Potestate Papali. Item: De Concilijs. Item: De Summi Pontificis, & Generalis Concilij potestate. In ijs nihil reperi contrarium Fidei, aut bonis moribus, quare censeo posse permitti, quod imprimantur, vt Decimustertius Tomus Bibliotheca Pontificia. Ita censeo ego infra scriptus. Ex Aedibus S. Maria in Porticu in Campitello hac die 15. Iunij 1698.

Franciscus Maria Campionus
Examinat. Synod. in Vrbe.

Imprimatur,

Fr. Paulinus Bernardinus Ordinis Prædicatorum Sacri Apostolici Palatij Magister.

A V T H O R E S

Quorum opera in hoc XIII. Tomo continentur.

Gregorij de Valentia; De Romano Pontifice.

Item : Analyſis Fidei Catholicæ, &c.

Gasparis Contareni; De Potestate Pontificis in vſu Clauium, & compositionibus, duæ Epistolæ.

Item : De Potestate Pontificis, &c.

Gennadij Scholarij; De Primatu Papæ.

Henrici Regis Angliæ huius nominis Octauj; De Primatu Romani Pontificis, &c.

Hieronymi Mutij; De Romana Ecclesia;

Iacobi Latomi; De Primatu Pontificis aduersus Lutherum.

Iacobi Simancæ; De Papa.

Ioannis de Turrecremata; De Potestate Papali;

Item : De Concilijs.

Item : De Summi Pontificis; & Generalis Concilij Potestate;

I N D E X C A P I T V M

Huius Decimitertij Tomi .

GREGORII DE VALENTIA METIMNENSIS,

E Societate Iesu Sacræ Theologiæ in Academia
Ingolstadiensis Professoris.

Commentariorum Theologicorum, Tomus Tertius, Quæst. 5. Disput. 1.

De obiecto Fidei, Punct. 7. ibique Synopsis. pag. 1.

Q V Æ S T I O V.

- S. xxvij.** **I**N quonam, vel in quibus fidelibus de ipso cœtu Ecclesiæ, resideat auctoritas illa infallibilis, iudex, & magistra fidei, quæ in sola vera Ecclesia Romana quæri debet? In omnibusne fidelibus? aut in aliquibus? aut in vno aliquo, puta in Romano Pontifice, tamquam in Ecclesiæ capite? pag. 3
- S. xxviii.** Primariam in Ecclesia auctoritatem fuisse à Christo collatam Diui Petro, probatur in primis testimonio Christi, Matth. 16. 4
- S. xxix.** Probaturs secundo Petri primatus ex loco Euangelij, Lucæ 22. pag. 11
- S. xxx.** Probaturs tertio Petri primatus ex loco Euangelij, Ioan. 21. 12
- S. xxxj.** Alia quædam Euangelij testimonia, ex quibus iudem D. Petri primatus confirmatur quarto. 14
- S. xxxij.** Probaturs quinto D. Petri primatus ex rebus ab eo gestis. 15
- S. xxxiiij.** Probaturs sexto, D. Petri primatus, peculiari quadam, eaque firmissima, argumentandi forma, ex præcipuis, qui ea de re exstant, Euangelij locis. 17
- S. xxxiv.** Probaturs etiam septimo, D. Petri primatus ratione. 18
- S. xxxv.** Probaturs octauo Diui Petri primatus, testimonijs patrum. 20

- S. xxxvj.** Primariam illam in Ecclesiam auctoritatem successoribus etiam Diui Petri à Christo conferri. 21
- S. xxxvij.** Romanum Pontificem, pro tempore existentem, D. Petri successorem esse. 22
- S. xxxviii.** Vtrum Diuino, an Ecclesiastico iure ille idem sit Diui Petri successor, qui est Episcopus Romanus. pag. 27
- S. xxxix.** Confutatio argumentorum, quibus Sectarij contendunt, Romanum Pontificem non esse Diui Petri successorem. 29

Q V Æ S T I O VI.

- S. xl.** **A**N ab omnibus fidelibus, ex diuino præcepto recipiendum sit, quod Romanus Pontifex definit, esse fidei sententiam. 33
- S. xli.** Refutanturs ea, quæ contra infallibilem auctoritatem Pontificis obijci possunt. 35

Q V Æ S T I O VII.

- S. xliij.** **V**trum aliquæ regulæ sint consulendæ à Rom. Pontifice, vt legitimè vtatur auctoritate illa sua in explicanda, & definienda doctrina fidei, & quænam regulæ illæ sint, & quomodo illis in ea re Pontificem vti oporteat. 41

E I V S D E M A V C T O R I S.

*Analysis Fidei Catholica, hoc est, Ratio Methodica eam in uniuersum
Fidem ex certis principijs probandi, quàm Sancta Romana,
Ecclesia aduersus multiplices Sectariorum
errores proficitur. pag. 43.*

P A R S P R I M A.

Necessarium omnino ad salutem,
esse firma fide credere, doctrinam
supra rationis naturalis captum
à Christo traditam, esse diuinam,
adeoque verissimam. *ibid.*

P A R S I I.

Non satis ad salutem est credere in
genere vniuersam doctrinam esse
veram, nec etiam omnino sufficit aliqua
doctrinæ præcipua capita in specie
tenere, sed simul quoque necesse
est, nihil falsi determinatè quod in
aliqua fidei quæstione cum vera sententia
Doctrinæ Christianæ pugnet,
pertinaciter credere. *59*
Probatio prima. *ibid.*
Probatio secunda. *ibid.*
Probatio tertia. *60*
Probatio quarta. *ibid.*

P A R S I I I.

Dubitandum non est, quin aliqua
existeret auctoritas ad iudicandum
de fidei controuersijs omnibus, infallibilis
per quam in omni determinata
quæstione cognoscere fideles omnes
commode possint, quæ sit Christi
verissima sententia, & doctrina. *pag. 62*
Probatio prima. *ibid.*
Probatio secunda. *ibid.*
Probatio tertia. *63*
Probatio quarta. *ibid.*
Probatio quinta. *ibid.*

P A R S I V.

Auctoritas illa, quæ extat ad iudicandum
de fidei controuersijs omnibus, infallibilis,
non est tantum diuina, neque tantum humana,
sed humana diuinitus inspirata. *64*
Probatio prima. *ibid.*
Probatio secunda. *ibid.*
Probatio tertia. *ibid.*
Probatio quarta. *ibid.*

P A R S V.

Humana illa auctoritas, inspirata,
diuinitus, quæ de controuersijs
fidei omnibus iudicare valcat, non
vnius tantum, vel alterius hominis
quondam vita defuncti, aut etiam
aliquorum propria est, qui olim, vel
scripto, vel voce sententiam diuinam
explicauerint, posteritatem commendarint,
sed omnibus seculis apud fideles ipsos
viget præsens, & pronunciare perspicue,
ac palam de fidei controuersijs
omnibus potest. *67*
Probatio prima. Scripturam sacram
non esse iudicem omnium controuersiarum
fidei. *ibid.*
Probatio secunda. *74*
Probatio tertia. *75*
Probatio quarta. *76*
Probatio quinta. *ibid.*
Probatio sexta. *77*
Probatio septima. *ibid.*

P A R S V I.

Cum auctoritas illa, Magistra fidei,
apud ipsos Christi fideles perpetuo
viget; non alibi, vel quæri debet,
vel inueniri potest, nisi apud veram
Christi Ecclesiam, hoc est, apud
congregationem verè fidelium. Ea
verò congregatio non alia est, quàm
cœtus eorum, qui Romano Pontifici
pro tempore existenti parent. *78*
Quæ sit Ecclesiæ ratio. *ibid.*
Quæ sint Ecclesiæ proprietates. *81*
Prima proprietas. *ibid.*
Secunda proprietas. *82*
Tertia proprietas. *ibid.*
Quarta proprietas. *83*
Quinta proprietas. *ibid.*
Sexta proprietas. *84*
Probatio prima. *ibid.*
Probatio secunda. *85*
Probatio tertia. *ibid.*
Probatio quarta. *ibid.*
Proprietas septima. *86*
Octaua proprietas. *87*
Quinam hominum cœtus sit vera
Ecclesia, & ex quibus notis id discernendum sit. *ibid.*

Re-

Refutatur euidenter Ecclesiæ notæ,	
quas Sectarij assignant.	88
Probatio prima.	89
Probatio secunda.	90
Probatio tertia.	91
Probatio quarta.	92
Probatio quinta.	ibid.
Probatio sexta.	93
Veræ Ecclesiæ notæ stabiliuntur.	94
Demonstratur ex legitimis notis Ec-	
clesiæ solam Romanam esse veram.	
Ecclesiam.	96
Probatio prima.	99
Probatio secunda.	101
Probatio tertia.	ibid.
Probatio quarta.	ibid.

PARS VII.

P ontifex ipse Romanus est, in quo	
auctoritas illa residet, quæ in Ec-	
clesia existat ad iudicandum de omni-	
bus omnino fidei controuersijs.	108
Primariam in Ecclesia auctoritatem	
fuisse à Christo collatam Diuo Petro.	
pag.	109
Primariam illam in Ecclesia auctorita-	
tem successoribus etiam Diui Petri à	
Christo conferri.	124
Probatio prima.	ibid.
Probatio secunda.	ibid.
Probatio tertia.	ibid.
Probatio quarta.	ibid.
Romanum Pontificem pro tempore	
existentem Diui Petri successorem	
esse.	125
Argumentum primum.	130
Argumentum secundum.	131
Argumentum tertium.	ibid.
Argumentum quartum.	132

PARS VIII.

Q uotiescumque Romanus Pontifex,	
in fidei quæstionibus definiendis,	
illa qua est præditus auctoritate	
uitur; ab omnibus fidelibus, tam-	
quam doctrina fidei recipi diuino	
præcepto debet ea sententia, quam	
ille decernit esse sententiam fidei.	
Toties autem ea ipsum auctoritate,	
ut credendum est, quoties in contro-	
uersa fidei sic alterutram sententiam	
determinat, ut ad eam recipiendam	
obligare velit vniuersam Ecclesiam.	
pag.	136
Obiectio prima.	137

Obiectio secunda.	139
Obiectio tertia.	ibid.
Obiectio quarta.	140
Obiectio quinta.	ibid.
Obiectio sexta.	141
Obiectio vltima.	ibid.
De modo quo Pontificem oportet au-	
thoritatem suam uti.	143
De quibusdam quasi definiendi regu-	
lis, quæ in determinandis fidei con-	
trouersijs consuli debent, & primum	
de sacra Scriptura.	ibid.
Scriptura sacra ratio quæ sit.	ibid.
Qui libri sint Canonici.	144
Quanta Scripturæ sacræ sit auctoritas.	
pag.	145
Verum hi libri sacri, qui nunc extant,	
sint infallibiles.	146
Argumentum primum.	ibid.
Argumentum secundum.	ibid.
Argumentum tertium.	147
Argumentum quartum.	ibid.
Argumentum tertium.	150
Argumentum quartum.	ibid.
De traditionibus Apostolicis.	151
Argumentum primum.	152
Argumentum secundum.	153
Argumentum tertium.	ibid.
Argumentum quartum.	ibid.
Probatio prima.	ibid.
Responsio ad primum argumentum	
Sectariorum.	158
Probatio secunda.	159
Responsio ad secundum argumentum	
Hæreticorum.	ibid.
Probatio tertia.	160
Responsio ad tertium argumentum	
Hæreticorum.	161
Probatio quarta.	ibid.
Responsio ad testimonia Patrum, qui-	
bus abutuntur hæretici contra tradi-	
tionem.	162
Traditio verè Apostolica, quo modo	
dignoscenda; quam ad rem 4. assi-	
gnantur Regula.	163
De Concilijs.	164
Conciliorum ratio, & varietas.	ibid.
Conciliorum quanta auctoritas sit.	
ibid.	
Probatio prima.	165
Probatio secunda.	ibid.
Probatio tertia.	ibid.
De consensu Doctorum.	171
De consensu fidelium.	172
Quem modum debeat tenere Pontifex	
in definiendo secundum prædictas re-	
gulas.	173

GASPARIS CONTARENI CARDINALIS,

Ad Paulum Tertium Pontificem Maximum.

*De potestate Pontificis in usu Clauium, & compositionibus,
duæ Epistolæ, ibique Synopsis. pag. 175.*

EIVSDEM AVCTORIS.

De potestate Pontificis, quod diuinitus
sit tradita. Ad Nicolaum Teupolum
Commentariolus. 184

DE potestate Pontificis in compo-
sitionibus epistola. 180

GENNADII SCHOLARII,

Patriarchæ Constantinopolitani.

*De Primatu Papæ, quinti Capituli in sanctæ Oecumenicæ Florentinæ Synodi
Decreto contenti Responsio, ibique Synopsis. pag. 188.*

SECTIO PRIMA.

QUOD iuste, verèque dictum sit,
Papam Caput esse totius Eccle-
siæ Caput. 190

Sectio II. 191

Sectio III. 192

Decretum inuicti Imperatoris, & Ma-
gni Constantini ad Sanctissimum Sil-
uestrum Romanum Papam. ibid.

Sectio IV. 193

Sectio V. 194

Sectio VI. ibid.

Sectio VII. 195

Epistola Innocentij Papæ. ibid.

Sectio VIII. 196

Sectio IX. 197

Sectio X. 198

Sectio XI. Gloriosissimo, & serenissimo
filio Zenoni Augusto Felix Episcopus
in Domino salutem. 199

Sectio XII. 200.

Sectio XIII. 201

Sectio XIV. 202

Sectio XV. 203

Sectio XVI. 204

Sectio XVII. 205

Sectio XVIII. 206

Sectio XIX. 208

Sectio XX. ibid.

HENRICI REGIS ANGLIÆ,

Huius Nominis Octauus.

*De Primatu Romani Pontificis, & de Indulgentijs aduersus Lutherum,
ibique Synopsis. pag. 210.*

Consentiantur seqq. Propositiones.

Indulgentiæ sunt adulatorum Roma-
norum nequitia. 213

Papatus est Robusta Venatio Romani
Pontificis. 214

HIERONYMI MYTII IVSTINOPOLITANI.

De Romana Ecclesia Tractatus, ibique Synopsis. pag. 216.

CAPVT PRIMVM.

DE B. Petri, & Successorum dignita-
te, & auctoritate. 218

Cap. II. Romanam Ecclesiam à Deo im-
mediatè auctoritatem accepisse. 220

Cap. III. Sacerdotium esse à Rom. Pon-
tificis. ibid.

Cap. IV. Episcoporum appellationes, &
maiores causas ad Pontificem Roma-
num pertinere. 221

Cap. V. De minis, & censuris Apostolis.
pag. 222

Cap. VI. Conciliorum testimonia de Ro-
mana Ecclesia. 223

Cap. VII. Pontificum Romanorum au-
ctori-

Autoritatem esse supra Concilia . pagina 224
 Cap.VIII. Concilia à Romano Pontifice conuocanda . 226
 Cap.IX. Nullius iudicio in terris subiacere Romanum Pontificem . 227
 Cap.X. Non in Petro tantum fuisse, sed in Successoribus eius, & in Romana

Sede esse supremam Ecclesiæ auctoritatem . 228
 Cap.XI. Romanum Pontificem esse Episcopum vniuersalis Ecclesiæ, nec distributiuè modò, verum etiam collectiuè . 229
 Cap.XII. Dictorum in præcedentibus approbatio . 231

IACOBI LATOMI CAMBERONENSIS,

Sacrae Theologiæ apud Louanienſes Professoris celeberrimi Opera, quæ præcipuè aduersus horum temporum hæreses eruditissimè, ac singulari iudicio conscripsit, ab innumeris vitijs, quibus scatebant, diligenter repurgata.

De Primatu Pontificis aduersus Lutherum, ibique Synopsis. pag.232.

CAPVT PRIMVM.

Ostendens sex rationes esse inefficaces, quas Lutherus adducit tamquam necessarias, quibus ostendi possit, quod potestas Pontificis Romani profecta sit ex diuina institutione. pag. 235
 Cap.II. Confutans cauillationes, quibus Lutherus verum Scripturæ sensum conatur subuertere, ex qua primatum Romani Pontificis Catholicus demonstrat. 236
 Cap.III. Continens responsiones ad diuersa argumenta probandæ conclusioni adducta, & iuxta eorum diuersitatem diuiditur in sex partes. 238
 Prima pars declarat allegata ex beato Hieronymo esse perperam ab Luthe-ro intellecta. ibid.
 Secunda pars tradit verum sensum sententiarum, quas ex beato Cypriano

citat Martinus. 242
 Tertia pars interpretatur canones, & acta Conciliorum Africani, & Chalcedonensis, quibus vtitur Martinus. pag. 243
 Quarta pars interpretatur scripturas ex Euangelio per Martinum perperam citatas. 244
 Quinta pars tractans historia, & res per maiores nostros in Ecclesia sancta gestas. 246
 Sexta pars confutans insignem illam hæresim, quam Martinus ex conclusione sua colligit. 258
 Cap.IV. Continens responsiones ad nonnulla argumenta, quæ Martinus alijs quibusdam libellis suis ad corroborandum eandem suam conclusionem collegit. 260
 Cap.V. Continens testimonia veterum, de primatu Petri, & Ecclesiæ Romanæ. 264

IACOBI SIMANCÆ PACENSIS EPISCOPI.

De Catholicis Institutionibus Liber ad præcauendas, & extirpandas hæreses, admodum necessarius, ibique Synopsis. pag.270.

TITVLVS XLV. DE PAPA. pag.271.

CAPVT PRIMVM.

- Q**uod in Ecclesia sit ordo.
pag. 283
- Cap. II. Quod talis ordo sit, & debeat esse in Ecclesia, vt vnus in ea superior sit princeps, & Rector existat. 284
- Cap. III. In quo ponuntur obiectiones quædam aduersariorum contra prædicta de vnitate vnius Præsidentis Capituli in Ecclesia. 286
- Cap. IV. In quo confutatur prædicta aduersariorum responsio, vt responderetur rationibus eorum. 287
- Cap. V. In quo ostenditur multiplici sacra Scripturæ argumento, quod B. Petrus primum inter Apostolos habuerit. 289
- Cap. VI. In quo inducuntur aliquæ rationes ad idem, videlicet ad probandum, quod Petrus Apostolus primum habuerit super Apostolos. 291
- Cap. VII. In quo ponuntur improbabiles quædam aduersariorum, contra fundamenta, quæ inducta sunt pro primatu B. Petri. 292
- Cap. VIII. In quo ponuntur aliæ rationes, aduersariorum contra Petri primum ex Euangelij sumptæ. 293
- Cap. IX. In quo ponuntur aliquæ aduersariorum rationes ex epistolis B. Pauli collectæ. ibid.
- Cap. X. In quo sunt aduersariorum rationes contra Petri primum sumptæ ex actibus Apostolorum. 294
- Cap. XI. In quo respondetur ad improbabiles factas contra fundamenta, quæ inducta fuerunt pro primatu B. Petri. ibid.
- Cap. XII. In quo respondetur rationibus supra factis contra B. Petri primum, quæ ex Euangelio sumi videbantur. pag. 295
- Cap. XIII. In quo respondetur rationibus sumptis ex epistolis beati Pauli. pag. 297
- Cap. XIV. In quo respondetur rationibus Aduersariorum, quæ sumuntur ex Actibus Apostol. 298
- Cap. XV. Quod B. Petrus non solum inter Apostolos, sed super omnes fideles in toto Orbe terrarum habuit principatum. 299

- Cap. XVI. In quo ponuntur aduersariorum obiectiones contra id, quod dictum est, quod Romanus Pontifex habeat vniuersalis Ecclesiæ primum, & responsio ad illas. 301
- Cap. XVII. Quibus rationibus B. Petrus fundamentum Ecclesiæ dictus sit. ibid.
- Cap. XVIII. In quo aduersariorum obiectiones quædam ponunt contra hoc, quod dictum est, quod Petrus Apostolus Ecclesiæ Catholice fundamentum verè dictus sit. 303
- Cap. XIX. In quo respondetur ad superiores obiectiones aduersariorum. pag. 304
- Cap. XX. Quod B. Petrus Caput fuerit sanctæ, & vniuersalis Ecclesiæ. 305
- Cap. XXI. In quo Aduersariorum ponuntur obiectiones contra hoc, quod dictum est, quod B. Petrus Caput fuerit vniuersalis Ecclesiæ. 306
- Cap. XXII. In quo improbatur aduersariorum præfata sententia, & ostenditur qualiter ratio capituli respectu Ecclesiæ Petro conuenit, ac eius successori. 307
- Cap. XXIII. In quo respondetur ad obiectiones aduersariorum contra illud, quod B. Petrus fuerit Caput Ecclesiæ sanctæ Catholice. ibid.
- Cap. XXIV. De quorundam errore dicentium Petrum non fuisse caput vniuersalis Ecclesiæ, licet bene singulorum Ecclesiarum particularium. 310
- Cap. XXV. In quo improbatur error præfatus aduersariorum. ibid.
- Cap. XXVI. In quo respondetur rationibus inductis in fauorem erroris præfati. 312
- Cap. XXVII. Quod Papa aliquo modo dicendus sit Sponsus Ecclesiæ vniuersalis. 313
- Cap. XXVIII. In quo obijcitur, quod Papa non possit dici Sponsus vniuersalis Ecclesiæ, & respondetur ad obiectiones. 314
- Cap. XXIX. De tempore, quo pontificali auctoritate B. Petrus à Christo sublimatus, ac consecratus sit. 315
- Cap. XXX. In quo ponuntur aliqua obiectiones contra prædicta. 316
- Cap. XXXI. In quo respondetur ad obiectiones præfatas. 317

- Cap. XXXII. Quòd solus Petrus inter Apostolos à Christo immediatè ordinatus, & factus fuerit Episcopus. 318
- Cap. XXXIII. In quo ponuntur aliquæ obiectiones contra prædicta. 320
- Cap. XXXIV. In quo respondetur obiectionibus factis in superiori Capitulo. pag. 321
- Cap. XXXV. Quòd beato Petro in Apostolici principatus amplitudine aliquis succedere debuit in Ecclesia vsq; ad consummationem seculi. 322
- Cap. XXXVI. Quòd beato Petro succedens in primatu, & amplitudine Apostolicæ dignitatis sit Rom. Pont. 324
- Cap. XXXVII. Quòd Romanus Pontifex sit Christi Vicarius, & locum eius teneat in terris. 326
- Cap. XXXVIII. Quòd Romanus Pontifex primatum, & amplitudinem dignitatis suæ à Christo immediatè habeat. 327
- Cap. XXXIX. In quo ponuntur obiectiones contra prædicta. ibid.
- Cap. XL. In quo respondetur ad rationes superius factas, quod Romanus Pontifex ex ordinatione Apostolorum primatum habuerit. 329
- Cap. XLI. In quo respondetur ad obiecta aduersariorum, quod Romanus Pontifex ordinatione, & dispositione Sacerdotum, siue Conciliorum primatum habuit. ibid.
- Cap. XLII. In quo dantur responsa, ad obiecta aduersariorum dicentium, quod dispositione, & dono Constantini Romanus Pontifex habeat primatum super alios. 331
- Cap. XLIII. In quo respondetur rationibus aduersariorum dicentium, quod à Cardinalibus pendeat primatus Romani Pontificis. ibid.
- Cap. XLIV. Quòd potestas papalis à nullo alio, quàm à Deo restringi possit, nec ampliari. 332
- Cap. XLV. De errore quorundam aduersariorum dicentium Papam non habere iurisdictionem coactiuam super fideles, & rationibus eorum. 333
- Cap. XLVI. In quo improbatur error præfatus. 334
- Cap. XLVII. In quo respondetur ad obiectiones aduersariorum supra positas. pag. 336
- Cap. XLVIII. Quòd Romano Pontifici ab omnibus Christifidelibus parentum sit, & obediendum. 338
- Cap. XLIX. In quo ponuntur obiectiones contra prædicta de obedientia debita Romano Pontifici, & respondetur eisdem, 340
- Cap. L. De errore dicentium, quòd non sit obediendū statutis papalibus. 341
- Cap. li. De rationibus, propter quas successoribus Petri Romani Pontifices magis per electionem, quàm per carnis successionem, aut institutionem, prædecessoris ad pontificatum assumuntur. 342
- Cap. lii. Quòd Romanus Pontifex habeat plenitudinem potestatis in Ecclesia Dei; & explicantur 15. in quibus maximè illa ostenditur. 344
- Cap. liij. Quòd solus Romanus Pontifex in Ecclesia Dei habeat plenitudinem potestatis. 346
- Cap. liiv. Quòd potestas iurisdictionis omnium Prælatorum Ecclesiæ deriuetur à Papa, siue Apostolica Sede, mediatè, vel immediatè. Arguitur prima via, scilicet ex ordine aliorum Apostolorum ad Petrum. 348
- Cap. lv. In quo probatur eadem conclusio secunda via, scilicet per rationes. pag. 350
- Cap. lvj. In quo probatur eadem conclusio tertia via, seu ex inconuenientibus, quæ ex contrario modo dicendi sequuntur. 352
- Cap. lvij. In quo obijcitur contra antedictam conclusionem per aduersarios, ex ordine Apostolorum ad Petrum. pag. 354
- Cap. lvij. In quo contra conclusionem præfata per aduersarios obijcitur via rationum. 355
- Cap. lix. In quo obijcitur contra præfata conclusionem in speciali de presbyteris curatis. 356
- Cap. lx. In quo ponuntur aduersariorum obiectiones sumptæ ex inconuenientibus, quæ dicuntur sequi ex conclusione præfata. 357
- Cap. lxi. In quo respondetur ad obiecta aduersariorum primò sumpta ex parte Apostolorum. 358
- Cap. lxij. In quo respondetur ad secunda obiecta aduersariorum, scilicet per rationes. 361
- Cap. lxij. In quo respondetur obiectionibus, quæ inducta sunt pro Curatis. 364
- Cap. lxiv. In quo respondetur obiectionibus aduersariorum sumptis ex parte inconuenientium, quæ dicuntur sequi ex conclusione præfata. 369
- Cap. lxv. Quòd Papa est immediatus Prælatus, & Iudex omnium Fidelium, ac in toto terrarum Orbe facere possit quicquid inferiores Prælati facere possunt. 370
- Cap. lxvj. In quo obijcitur contra prædicta, 372

- Cap. lxxvij. In quo respondetur obiectionibus aduersariorum iam factis. ibid.
- Cap. lxxviii. Quod præter Romanum Pontificem sunt in Ecclesia necessarii alij Prælati. 373
- Cap. lxxix. Quod omnes in Ecclesia Dei, aliæ a papali potestates ecclesiasticæ subijciuntur potestati Romani Pontificis quantum ad obedientiam præceptorum, quantum ad correctionem, & quantum ad subuentionem in necessitatibus. 374
- Cap. lxx. In quo obijcitur contra id, quod dictum est superius, quod solus Romanus Pontifex in Ecclesia habeat plenitudinem potestatis. 375
- Cap. lxxi. In quo impugnatur præfata conclusio aduersariorum dicentium, quod in alio, quam in Romano Pontifice resideat plenitudo potestatis in Ecclesia. 378
- Cap. lxxij. In quo datur vera intelligentia huius, quod a sanctis Patribus dicitur, quod Ecclesiæ vniuersali sint clauces datæ. 383
- Cap. lxxiii. In quo respondetur ad rationes fundatas in prima suppositione. pag. 384
- Cap. lxxiv. In quo ponitur responsio ad rationes fundatas in secunda suppositione. 385
- Cap. lxxv. In quo respondetur ad rationes fundatas in suppositione tertia, ubi de multiplici modo, quo aliquid dicitur figurare, aut representare personam alterius. 387
- Cap. lxxvi. In quo respondetur ad auctoritates, & rationes fundatas in quarta suppositione. 391
- Cap. lxxvii. In quo respondetur ad obiectiones fundatas in suppositione quinta. 392
- Cap. lxxviii. In quo respondetur ad ea, quæ inducuntur in suppositione sexta. pag. 394
- Cap. lxxix. In quo videndum est de veritate septimæ suppositionis aduersariorum; & de validitate eorum, quæ inde concludebant. 397
- Cap. lxxx. Quod Romanus Pontifex iurisdictionis auctoritate, ac potestate superior, ac maior existat totæ vniuersali Ecclesiæ. 398
- Cap. lxxxi. In quo per aduersarios obijcitur contra prædicta. 399
- Cap. lxxxij. In quo respondetur ad obiectionem primam. 401
- Cap. lxxxiii. In quo respondetur ad secundam obiectionem. 402
- Cap. lxxxiv. In quo respondetur ad obiectionem tertiam. 404
- Cap. lxxxv. In quo respondetur ad quartam obiectionem sumptam ex eo, quod apud Ecclesiam sit maior sapientia, & charitas. ibid.
- Cap. lxxxvi. In quo respondetur ad quintam obiectionem sumptam ex eo, quod Ecclesia dicitur Mater Fidelium. 405
- Cap. lxxxvii. In quo respondetur ad sextam rationem sumptam ex eo, quod Ecclesia dicitur Domina. 407
- Cap. lxxxviii. In quo respondetur ad obiectionem septimam sumptam ex eo, quod Ecclesia est Domina rerum Ecclesiarum. 408
- Cap. lxxxix. In quo respondetur ad obiectionem octauam sumptam ex eo, quod Ecclesia dicitur Regina. ibid.
- Cap. xc. In quo respondetur ad obiectionem nonam sumptam ex eo, quod Ecclesia dicitur Sponsa Christi. 410
- Cap. xci. In quo respondetur ad obiectionem decimam sumptam ex eo, quod Ecclesia errare non possit. ibid.
- Cap. xcij. In quo respondetur ad ultimam obiectionem fundatam super illo Matth. 18. Dic Ecclesiæ, 411
- Cap. xciii. Quod Romanus Pontifex extra casum hæresis, non habeat iudicem superiorem in terris. 415
- Cap. xciv. In quo obijcitur contra prædicta, & primò, quod Imperator sit iudex ordinarius Papæ. 419
- Cap. xcvi. In quo præfatus error dicentium, quod Imperator, aut secularis potestas sit iudex ordinarius Papæ confutatur. ibid.
- Cap. xcvi. In quo respondetur obiectionibus aduersariorum dicentium, quod Imperator, &c. 420
- Cap. xcviij. In quo ponuntur aduersariorum rationes ad probandum, quod Papa extra casum hæresis, &c. 422
- Cap. xcviij. In quo reprobantur rationes aduersariorum, &c. 424
- Cap. xcix. In quo respondetur aduersariorum obiectionibus, &c. 426
- Cap. c. In quo respondetur obiectionibus aduersariorum sumptis, &c. 429
- Cap. ci. In quo respondetur aduersariorum obiectionibus, &c. 432
- Cap. cij. In quo respondetur aduersariorum obiectionibus sumptis ex rationibus, & qualiter Papa, &c. 433
- Cap. cij. In quo respondetur obiectionibus aduersariorum sumptis, &c. 435
- Cap. civ. Quod Romanus Pontifex non possit se submittere alteri, &c. 436
- Cap. cv. In quo ponuntur aliquæ obiectiones aduersariorum, & respondetur eisdem. 438

Cap. cvj. De remedijs contra Papam, moribus suis prauis scandalizantem Ecclesiam, & facere Scripturam, &c.	439
Cap. cvij. Quod ad Romanum Pontificem pertineat determinare ea, quæ fidei sunt, & sacre Scripturæ, &c.	441
Cap. cvij. Quod decreta, siue decretales Romanorum Pontificum, &c.	444
Cap. cix. Quod Sedis Apostolicæ iudicium in his, quæ fidei sunt; & ad humanam salutem, &c.	446
Cap. cx. In quo responsionibus præfatum Apost. Sedis priuilegium probatur, & confirmatur.	448
Cap. cxj. In quo obijcitur contra ea, quæ dicta sunt, tam de infallibilitate iudicij Apost. Sedis in his, &c.	451
Cap. cxij. In quo obiectionibus præfatis aduersariorum respondetur.	453
Cap. cxij. De iurisdictione, quam Romanus Pontifex habet in temporalibus.	458
Cap. cxiv. In quo exponitur, qualiter Romano Pontifici iure principatus sui competat iurisdictionem, &c.	462
Cap. cxv. In quo ponuntur aliquæ obiectiones aduersariorum contra ea, quæ dicta sunt de potestate, &c.	467
Cap. cxvj. In quo respondetur obiectionibus præfatis.	468

LIBERTERTIVS.

De Concilijs.

Cap. j. Q uid Concilij nomine importetur.	473
Cap. ij. De origine celebrationis Conciliorum in Ecclesia.	474
Cap. iij. De multiplici specie Conciliorum in Ecclesia.	475
Cap. iv. De tempore, quo vniuersalia Concilia in Ecclesia celebrari inceperunt.	477
Cap. v. Quid per definitionem dicatur vniuersale Concilium Catholicæ Ecclesiæ.	478
Cap. vj. Cuius auctoritate Concilium vniuersale congregandum sit.	479
Cap. vij. In quo ponuntur aliquæ obiectiones contra prædicta, &c.	480
Cap. viij. In quo respondetur ad obiectiones iam factas.	481
Cap. ix. De causis congregationis vniuersalium Conciliorum.	484
Cap. x. De vtilitate celebrationis Conciliorum.	486
Cap. xi. Quod Romani Pontificis presentia personaliter non necessario requiratur in Concilijs vniuersalibus.	488

Cap. xij. Qui ad vniuersalia Concilia, necessario vocandi sunt.	489
Cap. xij. In quo ponuntur obiectiones contra iam dicta.	490
Cap. xiv. In quo ponitur solutio ad obiectiones facta.	491
Cap. xv. Qui admittendi sunt ad Concilium vniuersale, & qui non.	493
Cap. xvj. An omnes Prælati maiores totius Orbis Christiani, &c.	496
Cap. xvij. In quo ponuntur obiectiones aliquæ contra prædicta.	498
Cap. xvij. In quo datur responsio ad superiora obiecta.	ibid.
Cap. xix. De qualitate Prælatorum ad vniuersalia Concilia conuocandorum.	499
Cap. xx. De punitione Prælatorum, qui vocati ad Concilium venire contemnant.	500
Cap. xxj. De impediens celebrationem vniuersalium Conciliorum.	501
Cap. xxij. Quis in vniuersali Concilio præsidere debeat.	502
Cap. xxij. In quo obijcitur per aduersarios, contra ea, &c.	503
Cap. xxiv. In quo respondetur ad obiectiones præfatas in primo loco positas.	ibid.
Cap. xxv. In quo respondetur ad obiectiones secundo positas.	505
Cap. xxvj. De his, quæ in ipso vniuersali Concilio prosecutionis exordio obseruanda sunt.	506
Cap. xxvj. A quibus cauendum est in Concilijs.	507
Cap. xxvij. Quod vniuersalium Conciliorum auctoritas à Rom. Pont. deriuatur, & pendeat.	509
Cap. xxix. In quo obiectiones aliquæ aduersariorum ponuntur contra prædicta.	511
Cap. xxx. In quo reprobat prædicta aduersariorum assertio, &c.	512
Cap. xxxj. In quo respondetur obiectionibus superpositis aduersariorum ad probandum, &c.	514
Cap. xxxij. Quod quicquid in Concilijs vniuersalibus statuitur, definitur, aut sententiatur, &c.	516
Cap. xxxij. De laudabili consuetudine antiquorum Conciliorum, &c.	518
Cap. xxxiv. Quod vniuersalia Concilia, semper solita sunt gesta sua, &c.	520
Cap. xxxv. In quo ponuntur aduersariorum obiectiones.	522
Cap. xxxvj. In quo respondetur ad obiectiones factas.	523
Cap. xxxvij. De honorando Summo Pontifice per vniuersalia Concilia, & vniuersos fideles, &c.	526

- Cap. xxxvii. De quibus causis vniuersale Concilium debeat se intrinittere. 527
- Cap. xxxix. In quo obijcitur contra prædicta. 529
- Cap. xl. In quo respondetur ad obiectiones prædictas. 530
- Cap. xli. Ad quæ vniuersale Concilium congregatum, aut congregandum, vacante Sede Apostolica, se debet, aut possit extendere, & qua auctoritate. pag. 531
- Cap. xlii. In quo obijcitur contra prædicta. 532
- Cap. xliii. In quo respondetur obiectionibus præfatis aduersariorum. 533
- Cap. xlii. In quo ostenditur, quod Romanus Pontifex auctoritate iurisdictionis superior sit vniuersali Concilio. 534
- Cap. xlv. In quo ponuntur aduersariorum obiectiones. 535
- Cap. xlvj. In quo respondetur obiectionibus præfatis. 538
- Cap. xlvij. Quod non liceat appellare à Papa ad vniuersale Concilium. 545
- Cap. xlviii. In quo aduersariorum obiectiones ponuntur contra prædicta. pag. 547
- Cap. xlix. In quo respondetur obiectionibus præfatis aduersariorum. ibid.
- Cap. l. Quod vniuersale Concilium in Rom. Pontif. verum, & indubitatum extrà casum hæresis, nullam habeat iurisdictionem. 548
- Cap. lj. Quod Romanus Pontifex legibus, & statutis vniuersalium Conciliorum, nec ligatur, nec necessario subiicitur. 549
- Cap. liij. Quod vniuersale Concilium non possit facere contra Romanum Pontificem decretum irritans. 550
- Cap. liij. Quod ad Romanum Pontificem pertineat Canonum sacrorum interpretatio. 551
- Cap. liiij. Quod ad Romanum Pontificem maxime spectet, tam dispensatio sacrorum Canonum, quam regularum sanctorum Patrum moderatio. 552
- Cap. lv. Quod Romanus Pontifex habet auctoritatem tollendi statuta aliqua, tam sacrorum Conciliorum, quam Prædecessorum suorum. 553
- Cap. lvj. In quo obijcitur per aduersarios contra prædicta. 554
- Cap. lvij. In quo respondetur obiectionibus præfatis. 555
- Cap. lvij. Quod vniuersale Concilium plenarium in his, quæ fidei sunt, errare non possit. 559
- Cap. lix. In quo obijcitur contra prædicta. 561
- Cap. lx. In quo respondetur obiectionibus præfatis. 562
- Cap. lxj. In quo ostenditur, quod Apostoli omnes in passione Christi à fide eius defecerunt. 563
- Cap. lxij. Quod ad Romanum Pontificem spectat corrigere, & damnare Concilia, quæ in perniciem fidei, aut scandalum Ecclesiæ processisse contingit. 565
- Cap. lxiiij. De ordine Conciliorum adinuicem: Cui standum sit si ibi inuicem discrepare, siue dissonare inueniantur? 567
- Cap. lxiv. Cuius iudicio standum sit, si in Concilio vniuersali contingat Patres à Papa, vel eius Legato dissentire? 569
- Cap. lxv. Cui parti Patrum de Concilio standum sit, si inter eos dissensionem interuenire contingat. 570
- Cap. lxvj. Quod Papa possit transferre Concilium congregatum de loco ad locum, id rationabili causa exigente. pag. 571
- Cap. lxvij. Quod Romanus Pontifex causa legitima, siue rationabili existente, possit auctoritate sua vniuersale Concilium dissolvere, etiam inuitum. pag. 572
- Cap. lxviii. In quo obijcitur per Aduersarios contra prædicta. 573
- Cap. lxix. In quo respondetur obiectionibus factis. ibid.


E I V S D E M A V C T O R I S.

De Summi Pontificis, & Generalis Concilij potestate. pag. 575.

Responsio ad primum Articulum. pag. 576

Responsio ad secundum Articulum. 604

Ex Concilio Constantiensi Sess. quarta, &c. 609



G R E G O R I I
D E V A L E N T I A
M E T I M N E N S I S ,

**E Societate Iesu Sacræ Theologiæ in Academiâ
Ingolstadiensis Professoris.**

COMMENTARIORVM THEOLOGICORVM.

TOMVS TERTIVS.

QVÆSTIO V. DISPVTATIO I.
De obiecto Fidei, Punct. VII.

Gregorius de Valentia natione Hispanus patria Methymnenſis ab ipſa penè infan-
tia educatus eſt in Societate Ieſu, & ad optimam Religionis normam inſtitutus.
Vbi verò animum liberalibus diſciplinis cohoneſtauit, & probitatis ſuæ ſpeciem
præbuit in Germaniam miſſus eſt, vt Sacram Theologiam in ijs Collegijs expli-
caret, & Furentium Theologorum impetum retardaret, iacentesque catholicos
excitaret, atque exigeret, quod tam cumulatè præſtitit Dilingæ primùm, deindè
Ingolſtadis poſt Hieronymum Torrenſem prælectionibus diſputationibus con-
greſſibus, ſcriptis denique, vt omnium catholicorum animos, ſibi deuinxerit,
& quæ maxima locus eſt in odium hæreticorum incurrerit, omnibus enim
Aduerſarijs contra quos ſcripſit ſilentium impoſuit. A Stephano Rege Polo-
niæ eius fama commotus diù fuit poſtulat. In Collegio Theologico Ingolſ-
tadienſis Annos XXIV. muratus ſexdecimꝰ annis continuis S. Theologiam
magno Auditorum plaufu, & fructu, & fœcundiſſima eruditione docuit, Hoc
meritus Elogium poſt mortem à celebri illa Academiâ, quod inter Theologos
ſui temporis nulli vixerit ſecundus. Galliarum item Rex vehementibus literis,
& Academiâ Pariſienſis ipſum expetere. Apoſtolicæ Sedis deſenſor Acer-
rimus, ità vt multarum propoſitionum Romano Pontifici fauorabilium à quam-
plurimis Auctoribus credatur, vel inuentor, vel excitator, & propagator, vt
videre eſt in doctiſſima deſenſione Cathedræ S. Petri edita ab Eminentiſſimo
Cardinali Iosepho Saenz de Aguirre. Nec minorem exiſtimationem de ipſo
habuere Romani Pontifices, quippè Clemens VIII. Pontifex Maximus, qui eum
audierat vocari Doctorem Doctorem, vt refert Adamus Contzen lib. 5. Poli-
ticorum cap. 1. quæ verba omnia alia elogia Theologorum paſſim occurrentia
abſcribent. Denique Anno MDLXXXVIII. Superiorum ſuorum voluntate
Roman aduocatus eſt, & cum illic partim S. Theologiæ Profeſſor, Partim ſupre-
mus in Collegio Societatis ſtudiorum moderator aliquandiu clariffimus vixiſſet,

Tom. XIII.

A

deniùm

demum assiduis laboribus, prælectionibus, disputationibus coram Clemente VIII. Pontifice Maximo, & Cardinalium, grauissimorumque virorum confessori, continuisque studiorum laboribus, necnon acriter, ac nimia contentione, merbum contraxit, & Neapolim ad recuperandam valetudinem profectus magno sui bonis omnibus relicto desiderio, piè, sanctèque mortuus est 6. kalend. Aprilis anno salutis MDCIII. ætatis verò LX. Edidit autem infrascripta opera. Multa opuscula de controuersijs fidei contra Sectarios, quæ diuersis subinde temporibus edita postremò recognouit certa Methodo, ac ratione distribuit, vnoque volumine comprehensa vulgauit. Lugduni apud Hæredes Gulielmi Ruuili MDXCI. hac inscriptione. De rebus fidei hoc tempore controuersis, qui libri hæcenus extant omnes cum nonnullis alijs nondum antea editis. Index autem Generalis omnium librorum, qui hoc volumine continentur; hic est. **Analisis fidei Catholice** libris 8. comprehensa, in quibus simul de Ecclesia, de Romano Pontifice, de Scriptura, de Traditionibus, de Concilijs Disputatur. Editus est hic liber Anno MDLXXXV. De Sanctissima Trinitate libri 5. in quorum postremò pestilens quidam liber in Polonia editus confutatur. Editi fuerunt MDLXXVI. De Vera Christi Maiestate, & præsentia contra Lutheranos. Vbi quistas lib. 4. cum epistola Francisci Turriani de eodem argumento ad Auctorem scripta. Editi sunt MDLXXII. & duobus sequentibus; in tertio autem libro continetur annotatio aduersus admonitionem à Schmidelino Lutherano Vbi quista pro Iesuitis contra Caluinianos editam. De rebus controuersis ad materiam Sacramentorum pertinentibus lib. 23. nempe de numero, & efficacia Sacramentorum nouæ legis lib. 1. de Baptismo paruulorum lib. 1. de reali Christi præsentia in Sacramento Eucharistia; & de conuersione panis, & vini in corpus, & sanguinem Christi lib. 4. contra Caluinistas. Editi sunt MDLXXXVII. de eodem argumento lib. 11. in quibus continetur examen, & refutatio præcipui mysterij doctrinæ Caluinistarum cum responsione ad obiectiones Antonij Sadaclis, & Fortunati Irelis. Accessit appendix de colloquio Monpelgartensi. Editi sunt MDLXXXIX. De legitimo vsu Eucharistia; in altera tantum specie lib. 1. de sacrosancto Missæ Sacrificio lib. 1. contra Lutheri Kemnitis Herbrandi, & aliorum Sectariorum doctrinam. Editi prior MDLXXX. posterior MDLXXXI. de contritione, & prænarum timore concepta lib. 1. de necessitate confessionis lib. 1. de satisfactione lib. 1. Editus MDLXXXVIII. de Ordinis Sacerdotalis, & Episcopalis discrimine lib. 1. de indissolubili vinculo Matrimonij lib. 1. de Idololatria lib. 5. in quibus cultus Sacra Eucharistia, & Sanctorum, & Sacrarum Imaginum, ac Reliquiarum aduersus Sectariorum contumelias defenditur. Editi MDLXXX. & sequente. De diuersis alijs materijs controuersis lib. 11. nempe de Peccato Originali lib. 1. de officio proprio Christi Mediatoris, ac Redemptoris lib. 1. Editus MDLXXXV. de vera, & falsa differentia Veteris, & nouæ legis contra fundamentum Lutherana, & Caluinianæ doctrinæ lib. 1. de gratia iustificatione, & meritis lib. 1. Editus MDLXXXVI. De Prædestinatione, & Reprobatione lib. 1. Editus MDLXXIV. De Statu, & Votis Religiosorum hominum lib. 1. De Coelibatu lib. 1. De Potestate Legis Humanæ præsertim Ecclesiasticæ lib. 1. De efficacia excommunicationis Ecclesiasticæ lib. 1. De Indulgentijs lib. 1. Editus MDLXXXVII. De Purgatorio lib. 1. Atque hæc quidem eo volumine benè magno continentur; postquæ sic excusa prodijt eodem Valentia Auctore. Redargutio infictarum, & fraudum, quibus nonnulli falsi Theologi, & Pseudo Philosophi Geneuenses Subsidiarij Antonij Sadaclis, & Fortunatus Grellius Heidelbergensis eum librum cauillati sunt, quo præcipuum Mysterium doctrinæ Caluinistarum Anno MDLXXXIX. examinatum, & conuictum est. Ingolstadtij apud Dauidem Sartorium MDV. In quartum supplementum earum fraudum, seu mendaciarum, quæ in redargutione superiore anno edita quibusdam Caluinistarum obiecta sunt collecta ex indice quodam secundo aduersus eam redargutionem Geneuæ euulgato. Ibidem MDXCI. Peccata tria Sadaclis in Apologia secundorum ipsius peccatorum. Ibidem MDXCV. In quarto Edidit præterea Valentia. Commentariorum Theologicorum, & Disputationum in summa D. Thomæ Aquinatis Tomus VI. qui primùm Anno MDXCI. & sequentibus sæpius dèum ab Auctore recogniti, & aucti recusi sunt Ingolstadtis typis Adami Sartorij MDCIII. In quibus Commentarijs, seu disputationibus, ita stylym temperauit, ut solidam, & reconditam D. Thomæ doctrinam explicet, & spi-

notus subtilitates circumeidat, & spinosum illum scribendi Scholasticorum morem in faciliorem, atque elegantiore commutet, vt hac velut illecebra Catholicos illarum nationum inuitet ad legendum, & abhorrentes à D. Thomæ doctrina hæreticos, & nauseantes eruditionis sapore prouocet. Inter hæc cæ feligimus, quæ ad nostrum propositum de Romano Pontifice Auctor iste eximie scripsit.

QVÆSTIO QVINTA.

S. 27.

In quonam, vel in quibus fidelibus de ipso cœtu Ecclesiæ, resideat auctoritas illa infallibilis, index, & magistra fidei, quæ in sola vera Ecclesiâ Romana queri debet? In omnibus fidelibus aut in aliquibus? aut in vno aliquo? puta in Romano Pontifice, tamquam in Ecclesiâ capite?



Espondemus per hanc assertionem; [Pontifex Romanus est is, in quo, tamquam in Diui Petri successore, & totius Ecclesiæ capite, auctoritas illa residet.]

Hanc assertionem prius, quam probemus, ita declaramus: Cum varij sint ordines fidelium in Ecclesiâ Christi, alius, eorum, qui docent, & præfunt, quales in primis sunt Episcopi; alius, eorum, qui ab ijs reguntur, ac pascuntur doctrinâ salutari, atque vsu Sacramentorum; cuiusmodi sunt vulgò ipsi fideles: hic non iam disputamus, an illa auctoritas infallibilis, cuius definitione oportet in Ecclesiâ dijudicari posse quæstiones fidei omnes, sit etiam in Episcopis, & Doctoribus, adeoque in Concilijs, aut in cœtu ipso vulgariū fidelium (quorum ordinem quatenus cetera sit sententia in fidei controuersijs, infra dicemus) neque vllam, etiam comparationem huius, aut illius ordinis iam instituiamus; sed affirmamus nunc absolute, eiusmodi auctoritatem in Romano Pontifice, qui pro tempore existit, residere. Quam assertionem satis ipso iudicio legitime Christi Ecclesiæ confirmare possemus. Ita enim persuasus est ille hominum cœtus, qui Romano Pontifici parer. Quem cœtum, & veram esse Christi Ecclesiā, neque falli posse, hætenus à nobis demonstratum est. Sed vtetur præterea ijs probationibus, quæ sunt huius loci propriæ. Atque vt viâ, & ratione de re latissime patente differamus, placeat hanc totam disputationem huiusmodi argumentandi forma concludere:

[Cui Ecclesiâ tota obtemperare tenetur in ijs rebus, quæ ad spirituales animæ salutem pertinent, siue illæ fidem, siue cultum, siue mores concernant; in eo auctoritas est infallibilis ad fidei quæstiones omnes dijudicandas:]

[Sed Romano Pontifici, pro tempore existenti, ita prorsus vniuersa Ecclesiâ obtemperare tenetur:]

[Igitur in Romano Pontifice est eiusmodi auctoritas infallibilis.]

Tom. X III.

Prima istius argumenti propositio facile probatur ex his promissionibus, quæ de doctrinæ veritate sunt diuinitus factæ ipsi Ecclesiæ. Quod enim vniuersa Ecclesiâ credere tenetur: id infallibiliter verum esse oportet. Alioquin falsum illa quandoque obligaretur credere. Quod plurimum abhorret ab illarum certitudine promissionum, Isaïæ 59. Hoc fœdus meum cum eis: Spiritus meus, qui est in te, & verba, quæ posui in ore tuo, non recedent de ore tuo, & de ore seminis tui, amodò, & vsque in sempiternum.] Item Ioann. 14. [Alium paraclætum dabit vobis, Spiritus veritatis: vt maneat vobiscum in æternum.] Item: [Ille vos docebit omnia &c.] Vt alia nunc præteream, quæ supra §. 16. cini de ea Ecclesiæ prærogatiua ageremus, disputata à nobis sunt. Si alicuius igitur in rebus ad salutem pertinentibus, atque adeo in fidei controuersijs, iudicium sequi debent omnes fideles: is quin auctoritatem infallibilem ad fidei controuersias omnes determinandas habeat, dubitari non potest: vt in illa priori propositione nostri argumenti posuimus.

Illud maius est, & accuratior demonstratione indiget, quod in altera propositione assumpsimus, Pontificem Romanum esse eum, in quo talis, ac tanta dignitas præmineat, vt in ijs, quæ ad animi spectant salutem, adeoque ad ipsam fidem, omnes fideles ei obtemperare parereque teneantur. Quæ sanè assertio illam in Ecclesiâ Primum Romano tribuit Pontifici, quem Sectarij omnes cum primis reuocant in dubium, inò verò inficiantur. Neque enim aliud nomine eiusmodi Primatus intelligimus, quam talem auctoritatem, cui omnes fideles in vtroque foro interno, & externo parere debeant in ijs, quæ spectant, vel ad mores, vel ad cultum, vel ad fidem, id est, in salutis negotio.

Ac sanè Romanum Pontificem hunc principatum obtinere, demonstratum luculenter est à quàm plurimis catholicis auctoribus: è quorum numero sunt Thomas Waldensis lib. 2. doctrinalis fidei antiquæ cap. 29. & deinceps: Turresemata lib. 2. de Ecclesiâ ferè per totum: Rossensis art. 25. contra Lutherum. Ioannes Driedo lib. 4. de varijs dogmatibus cap. 4. par. 2. & 3. Melchior Canus lib. 6. de locis Theologicis per totum, vt eos nunc omitam, qui doctissimi etiam de hoc ipso argumento posterius scripserunt: vt Sanderum, Stapletonum, Franciscum Turrianum, Bellarminum &c.

Nos quidquid in eius assertionis confirmatione præcipue dispensari solet, ad hanc rationem commoda methodo reuocare posse videmus.

[Auctoritas illa in Ecclesiâ primaria, prorsus à Christo tributa est beato Petro, & eius

eius successoribus, vsque ad consummationem seculi:]

[Sed Romanus Pontifex, pro tempore, existens, beati Petri est successor:]

[Igitur Romano Pontifici pro tempore existenti illa auctoritas à Christo tribuitur.]

In hoc argumento tria ponimus. Primum, auctoritatem illam primariam D. Petro esse à Christo collatam. Secundum, non illi solum, sed etiam eius successoribus. Tertium, Romanum Pontificem pro tempore existentem B. Petri successorem esse. Quæ tria cum ordine probauerimus, locus hic erit expeditus.

S. 28.

Primariam in Ecclesia auctoritatem fuisse à Christo collatam Diuo Petro, probatur in primis testimonio Christi, Matth. 16.

Primum illud, quoniam omnis hæc questio est facti, probandum est ex historia Evangelica, vbi Christi Domini gesta narrantur. Et quia mihi in hac tractatione propositum est, non tam proferre noua, quam & explicatione nonnihil illustrare, & argumentis communiter vetera, quæ solent esse serè firmiora: vt iam etiam ad probationem illis potissimum Evangelij locis, ex quibus vniuersi Ecclesie Doctores (quos etiam allegabimus) eiusmodi Primatum Petri colleguntur.

Primus igitur locus valde illustris est apud D. Mattheum cap. 16. vbi Christus Dominus eam auctoritatem verbis amplissimis D. Petro promittit. Cum enim is Christo, communiter ex omnibus Apostolis percontanti: [Vos autem quem me esse dicitis? tanquam os omnium Apostolorum, & vertex totius confortij] vt inquit D. Chrysostomus hom. 55. in Mattheum, respondisset: [Tu es Christus Filius Dei viui:] vicissim Christus ad eum ita loquitur: [Beatus es Simon Bariona, quia caro, & sanguis non reuelauit tibi, sed Pater meus, qui in celis est. Et ego dico tibi, quia tu es Petrus, & super hanc petram ædificabo Ecclesiam meam. Et portæ inferi non præualebunt aduersus eam. Et tibi dabo clauis regni celorum. Et quodcumque ligaueris super terram, erit ligatum, & in celis, & quodcumque solueris super terram, erit solutum, & in celis.] Ex quo sanè loco ad confirmandam illam Petri auctoritatem, totidem penè argumenta duci possunt, quot sunt in illa Christi oratione verba. Expendamus igitur singula, quò denum intelligatur non perperam eruditissimos Ecclesie Patres hoc in primis testimonio Christi, singularem illum D. Petri primatum, vt post videbimus asseruisse.

1. Beatus es, inquit, Simon Bariona. Quemadmodum ex omni illo numero Apostolorum Petrus solus responderat, & vsque adeo præclaram de Christo professionem ediderat: ita Christus prætermisiss ceteris, nomine proprio eum compellat, parentis etiam nomine indicato, vt ea re facilius intelligeretur ad quemnam proprie, atque singula-

liter sequentes promissiones referendæ essent.

II. [Quia caro, & sanguis non reuelauit tibi, sed Pater meus, qui in celis est.] Nempè declarauit etiam ijs verbis, quantam certitudinem habitura esset ea doctrina fidei, quæ à Petro traderetur ex præcipua illa auctoritate, quam deinde illi promittit, vt iamam videbimus. Non enim sensu (qui sæpè fallit) carnis, & sanguinis, sed celestis Patris inspiratione fides de Christo, atque adeo de alijs omnibus mysterijs (vt quæ ad Christum omnia reuocantur) concipiendæ à Petro, atque explicandæ erat.

III. [Et ego dico tibi:] Mercedem, inquit B. Hieronymus lib. 3. comment. in Mattheum, & recepit vera confessio.] Et B. Cyrillus lib. 4. Dialog. de Trinitate cum Hernia, paulò post initium: [Tam verè, inquit, sententiz, remunerationem Petrus reportauit,] idest, donum aliquod, atque prærogatiuam singularem vicissim Christus Petro pollicetur in præmium illius verissimæ confessionis, quam ipse solus præ alijs de Christo fecerat. Quod similiter D. Chrysostomus, Theophylactus, Euthymius, Hilarius in commentarijs eius loci iuxtalexerunt.

IV. [Quia tu es Petrus.] Hæc nominis commutatio, promissæ etiam in omnes fideles auctoritatis indicium est. Quod primum apparet ex Scripturæ analogia in alijs locis. Vbi enim alias similis commutatio nominis diuinitus facta perhibetur, singularis alicuius dignitatis Symbolum eam fuisse intelligimus. Id videre est in Abraham, Sara, & Jacob, & alijs. De qua re sic D. Chrysostomus hom. 13. in Ioannem: [Ipse Deus est, qui nomina, aptè imponit. Qui Abram, Abraham, & Sarai Saram, & Jacob Israel vocauit. Multis à natiuitate nomina imposuit. Vt Isaac, & Samson, & ijs, quorum meminit Isaias, & Osee. Quibusdam quam acceptum à parentibus appellationem mutauit, vt prædictis, & Iesu. Mos etiam antiquitus erat à rebus nomina imponi. Quod & Elias fecit. Hoc autem non temere fit sed vt ea appellatio imponatur, quæ sit diuini beneficij perpetuum monumentum, & memoria per prædicta nomina auditorum animis imprimitur.]

Deinde idem in proposito confirmat ipsa ratio impositi nominis. Petrus enim Latine, Græcè *Petros*, & Syriacè, atque Hebraicè (qua lingua Christus tunc vsus est) *Cephas* Cephas est. Quod vocabulum significat saxum firmum, & magno ponderi sustinendo aptum. Eum igitur, qui in primis doctrinæ celestis soliditate, ac firmitudine totam Ecclesie fabricam sustentaturus erat: aptissimo vocabulo Christus Petrum appellat: neipè qui tanquam saxum immobile in edificio Ecclesie futurus esset, [quod rotius operis Christiani molem, atque compagem contineret,] vt D. Ambrosius, serm. 47. de fide Petri, disertis verbis interpretatur.

Accedit quod multo etiam antea eam appellationem Petro Christus promiserat. Cum primum enim Petrus ab Andrea est adductus ad Christum, intuentem eum Iesus dixit: [Tu es Simon filius Iona: Tu vocaberis Cephas, quod interpretatur] inquit Evangelista Petrus. Ioan. 1. Quorsum tanto antea hæc tam seria appellationis promissio, si vacabat

cabat mysterio? Equidem hic mihi subaudire videor Christum, rationem eius nominis ab officij auctoritate, quam erat Petro aliquando collaturus, reddentem: perinde, ac si aperte subiunxisset: ideo Cephas vocaberis, quoniam instar firmissimi saxi totam molem edificij Ecclesie sustentaturus es. Hoc enim proculdubio illud est quod animo Christus volebat, tum cum minimè ociose intuens in Petrum aiebat: Tu vocaberis Cephas.

Sic hunc locum interpretatur D. Cyrillus lib. 1. in Ioan. cap. 11. [Respicit, inquit, ut Deum decet, qui corda, & renes scrutatur, videtque, qui nihil ignorat, ad quantam fidem, & virtutem discipulus peruenturus sit &c. nec Simon fore iam nomen sibi, sed Petrus, prædicti vocabulo ipso commodè significans, quod in eo tamquam in petra lapideque firmissimo suam esset ædificaturus Ecclesiam.] Quamvis non omnia quidem, inquit Chrysostomus homil. 38. in Ioannem, [quæ euentura ei erant, hoc primo congressu prædixit. Non enim tum dixit: super hanc petram ædificabo Ecclesiam meam &c. Illud enim maioris erat potestatis, necnon & auctoritatis.] Quemadmodum igitur Deus Abraham dicens: [Tu vocaberis Abraham,] Genes. 17. rationem eius appellationis ab eius futura dignitate subiunxit: Quia Patrem multarum gentium constitui te: ita Christus Petro dicens: Tu vocaberis Cephas, futuram illius dignitatem, & principatum in edificio Ecclesie insinuat, etsi nondum tum quidem penitus id expresserit, sed postea demum cum is est confessus Christi diuinitatem, ut ait idem Chrysostomus homil. 38. in Ioannem.

V. [Et super hanc petram ædificabo Ecclesiam meam.] Quam non explicarat rationem appellationis cum Petro id nomen promitteret; eam tandem his verbis apertissime exponit, in ipsa nominis attributione. Tu es, inquit, Petrus. Quamobrem verò? & qui tandem eiusmodi appellatio tantum valet, ut mercedem illam contineat, quam, ut Patres asseuerant, recepit vera confessio? Nempe, quia super hanc, inquit, petram, id est, super te Petre, ut statim probauimus, ædificabo Ecclesiam meam.]

His autem verbis quemadmodum Dominus Petro promiserit primariam illam in Ecclesia auctoritatem, quam diximus, ita declaramus, & confirmamus: Ex multis nominibus, quibus Ecclesie dignitas, atque status propter varietatem, & ordinem, qui in ea cernitur, commodè significari potest, vnum est, Domus, ut supra notatum est, cum de prerogatiua ordinis Ecclesie ageremus. Quod vocabulum ideo etiam in Ecclesiam bene conuenit, quia ut domus ab inquilino, ita cætus fidelium à Spiritu sancto inhabitatur. Hanc domum Deus per Filium eius Iesum Christum ædificat, ut Apostolus, inquit, 1. ad Corin. 3. [Dei edificatio estis.] Nec verò, diuinitus hanc domum ædificari, aliud est quam, fide, cultu, & moribus, aptari diuino beneficio, atque perfici fideles, ut postquam gratia domus expositi, ac tum inter se, tum cum Christo, quam optime coniuncti fuerint, ex illis quasi construatur dignum Deo habitaculum, secundum gratiam quidem in hac vita, & secundum æternam etiam

beatitudinem in altera, quod spectat hæc omnis Ecclesie fabrica. Hæc illa edificatio est, cuius Apostolus præsertim 2. Corin. 10. 12. 13. & ad Ephesios 2. meminit; quam ad Ephesios 4. dicit esse cum primis in charitate, & in fide; ad quam omnia, quæ sunt, referri vult, & in qua perficienda suorum opera ministrorum Deum, ut docet, hoc est, Doctorum, & Pastorum, quos dedit Deus, inquit, in edificationem corporis Christi, ad consummationem Sanctorum, ut euadamus omnes in virum perfectum.] Cum Christus igitur singulariter supra Petrum se Ecclesiam suam ædificaturum dixit; Petrum constituit facere huius domus, atque edificatoris singulare fundamentum. ut ei videlicet post Christum tanquam firmæ petre rotæ illa fabrica spiritalis innitatur. Id verò aliud non est, quam auctoritatem prorsus solidam, ac firmam Petro promissam esse, quæ certo uiti oporteat omnes fideles, in ijs rebus, quæ ad fidem, cultum, & mores, hoc est, quæ ad edificationem Ecclesie, ut explicatum est, pertinent.

Quod autem eandem Petri personam, (secundum officij alicuius prerogatiuam) intelligere debeamus, quæ hoc loco significatam à Christo esse nomine petre (super quam ædificaturum se Ecclesiam dicit) atque nomine Petrus, multis modis confirmari potest.

Primo. Quia Christus non duobus illis vocabulis, [Petrus, & petra,] sed vno, & eodem, nempe Cephas (cum Syriacè loqueretur) utrobique vsus est. Quod vocabulum, ut B. Hieronymus in cap. 2. epistolæ ad Galatas notat, absolute significat saxum: sicut etiam Petros Græcè indifferenter significat, & Petrum, & petram. Ut igitur, si Christus latine dixisset: Tu es saxum, & super hoc saxum ædificabo Ecclesiam meam; non dubitarem, quin utrobique illo eodem vocabulo saxum vnam, & eandem personam significasset: ita sentiendum est illum fecisse, cum Syriacè loquens utrobique similiter vocabulo Cephas vsus est, quod saxum significat. Neque quidquam impedire nos in ea re debet, quod primo quidem, vbi magis expressè ad ipsam Petri personam vocabulum Cephas, & Petros refertur, interpretes à Græco, Petrus verterit, postea autem petra. Hoc enim ille fecit, non quia diuerse res vocabulo Petrus, & petra in eo loco significentur, sed ut commodius loqueretur secundum vocum formationem latinam.

Secundo. Idem ostendit ipsa series orationis Christi, & maxime vsus illius demonstratiui pronominis, [Hanc.] Super quam enim petram, dicit ædificaturum se Ecclesiam? [Super hanc,] inquit; nempe quam proximè antecederetis verbis demonstrarar, inquiring: Tu, tu es Cephas, id est, petra seu Petrus. Alioqui quorsum tunc attingebat ipsum Petrum, seu saxum appellare, nisi illud etiam, quod de petra subiunxit, ad eundem retulit? Certè id fecit, ut aptè ostenderet, rem illius nominis in Petri personam conuenire. Ut cum Dominus dixit ad Abraham: [Tu vocaberis Abraham,] Genes. 17. ad ipsum accommodat rem etiam hominis, illud subiungens: [Quia patrem multarum gentium constitui te.] Sic etiam Angelus de ipso Christo,

flo, Luc. 1. [Vocabis, inquit, nomen eius Iesum, ipse enim, inquit, saluum faciet populum suum à peccatis eorum.] Vt iam alia exempla similia præteream.

Tertio: Si non eundem Petrum fidem profiteantem eam petram esse Christus significauit: quem igitur aut quam rem ibi nomine petra intellexit? Seipsum, inquiunt (vt postea videbimus) plerique Sæctarij. At hoc multis argumentis refelli potest. Primum enim, qualis obsecro tunc esset illa orationis consequentia? Tu Petrus es: Ego super me ædificabo Ecclesiam meam. Deinde, cur dicit [hanc?] Num digitum in se intendit, aut manu sublata sese indicauit, vt commodè [hanc] diceret? Tertio accedit, quòd rem illis verbis facturum se promittit, planè futuram, quam nondum aut fecisset tunc, aut etiam inchoasset. At ipse Christus iam inde ab origine mundi erat fundamentum Ecclesiæ, ac super illum iam tunc bona ex parte Ecclesiæ ædificata. Quarto, si se, non Petrum ibi petram esse intellexit; quam, obsecro, mercedem illis verbis Petro propter factam ab eo confessionem promissit? Nou enim Petri prærogatiua est, quòd super Christum ædificetur Ecclesiæ: At rectè sentiunt veteres, Petri confessionem illis Christi verbis, atque promissione singulariter remitteri, vt antè dictum est. Necessè est igitur, vt intelligamus, Christum, ibi ipsum Petrum fidem profitemtem, appellasse petram, super quem ad eò promissit Ecclesiæ se suam ædificaturum.

Quarto: Ita locum illum vniuersi Patres interpretati sunt; neque prorsus dubitauerunt, quin Petrus ibi petra dictus à Christo sit. Etsi vnus quidem expiendius est Augustinus, qui cum vtroque modo locum interpretetur, lib. 1. Retracti. cap. 21. scilicet & de Petro, & de Christo, iudicium ad extremum permittit liberum Lectori, vt quam interpretationem probabiliorē putet, eam sequatur. Sed cum ipse Augustinus nihil hac de re certe definiat, atque etiam permittat per petram ibi Petrum intelligere: Sequi nos oportet communem sententiam aliorum Patrum, qui in eiusmodi interpretatione consentiunt. Maxime cum ratio ipsa loci cum sensum præferat, vt ostensum est, nec ex contrario sit firma ratio, quæ Augustinum de eiusmodi interpretatione addubitare fecit. [Non enim, inquit ipse, dictum est Petro: Tu es petra, sed tu es Petrus.] Atqui si de vocabulis quærimus; ne Petrus quidem à Christo dictum est illi, sed Cephas. Quod vocabulum petram seu saxum significat, vt suprà notatum est. Quare nihil impedit, quo minus petram à Christo Petrum esse appellatum intelligamus, quamuis secundariam quidem post Christum, vt paulò post docebimus.

Nunc Patres cum locum ita interpretantes audiamus, Tertullianus libro de præscript. hæreticorum: [Latuit ne, inquit, aliquid Petrum, ædificandæ Ecclesiæ petram, dictum?] Clemens epist. 1. ad Iacobum: [Simon Petrus fundamentum Ecclesiæ designatus est. Quia de causa etiam Domini ore cognominatus est Petrus.] Origenes homil. 5. in Exod. [Vide magno illi Ecclesiæ fundamento, & petre solidissimæ, super quam Christus fundauit Ecclesiā, quid dicatur à

Domino: Modicæ fidei quate dubitasti?] Cyprianus in epistola ad Quintum de baptis. hæreticorum: [Petrum, inquit, primum Dominus elegit, super quem ædificauit Ecclesiā.] Atque idem diserte, quoque asserit lib. 1. epist. 3. & 12. & lib. 4. epist. 9. & in epistola ad Iubaianum, & libro de vnitatē Ecclesiæ. Hippolytus de consummat. mundi: [Princeps Petrus fidei petra.] Ambrosius in hymno, teste Augustino lib. 1. Retractat. cap. 21. [Hoc (gallo gallicantio) ipsa petra Ecclesiæ cuncte culpam diluit. Qui sensus (inquit Augustinus loco citato) multorum ore cantatur in versibus beatissimi Ambrosij.] Item Ambrosius in alio loco sermone 47. de fide Petri: [Petrus pro soliditate deuotionis Ecclesiæ, petra dicitur, sicut ait Dominus: Tu es Petrus, & super hanc petram ædificabo Ecclesiā meam; petra enim dicitur eo quod primus in nationibus fidei fundamenta posuerit, & tamquam saxum immobile totius operis Christiani compagem, molemque continet.] Ac rursus serm. 68. de Natali Petri, & Pauli, de claudio illo homine, qui diuinitus à Petro sanatus est, loquens: [Si Petrus, inquit, petra est, super quam ædificatur Ecclesiā, rectè prius pedes sanat, vt sicut in Ecclesiā fidei fundamentum continet ita & in homine membrorum fundamenta confirmet.] Gregorius Nazianzenus in oratione de moderatōne in disputat. habenda: [Vides, inquit, quemadmodum ex Christi discipulis, magnis, vtique omnibus, & excelsis, atque electione dignis, hic (Petrus) petra vocetur, atque Ecclesiæ fundamenta] nempe intelligit reliquos Christi Apostolos [fidei suæ credita habeat.] Hieronymus lib. 3. comment. in Matthæum, in cap. 16. [Secundum metaphoram, inquit, petra, rectè dicitur ei (Petrus) ædificabo Ecclesiā meam super Te.] Atque idipsum expresse affirmat in cap. 2. Isai. & 16. Ieremi. & 41. Ezech. & 7. Amos, & 1. Abdæ, & lib. 1. contra Iovinianum circa medium, & libro primo Dialog. contra Pelagian. ante medium. Basilus in concione de penitentia, quæ est num. 28. [Petrus cum dixisset: Filius Dei es altissimi, & audisset, petra es; encomijs celebratus est. Etiam si autem petra est, non vt Christus petra est, sed vt Petrus petra. Christus enim reuera petra inconcussa est, Petrus verò propter petram, largitur enim Iesus suas dignitates, & non euacuatur, sed habens dat.] Hilarius canone 16. in Matthæum: [O in nuncupatione, noui nominis felix Ecclesiæ fundamentum, dignaque ædificatione illius petra, quæ infernas leges dissoluet. O beatus calix ianitor, &c.] Paulinus epistola quarta ad Severum: [Petra est Christus; Etiam discipulo huius vocabuli gratiam non negauit, cui dicit: Tu es Petrus, & super hanc petram ædificabo Ecclesiā meam.] Chrysostomus homilia 17. ex varijs Matthæi locis (idem in Psal. 50. & hom. 2. de encomio Petri, & Pauli, & hom. 55. in Matth.) [Princeps Apostolorum Petrus, super quem Christus fundauit Ecclesiā, verò immobilis petra, & firma confessio.] Prosper Aquitanicus lib. 2. de vocatione gent. cap. 9. [Hæc fortissima petra ab illa principali petra (Christo) communionem, & virtutis sumpsit, & nominis.] Epiphanius in libro

Anchoratus, non longè ab initio; [Ipse Dominus constituit Petrum primum Apostolorum, petram firmam, super quam Ecclesia Dei ædificata est.] Maximus sermone de Petro, & Paulo, qui incipit, Gloriosissimos. [Per Christum Petrus factus est petra: dicente ei Domino, Tu es Petrus, & super hanc petram ædificabo Ecclesiam meam.] Concilium Chalcedonenſe Aſſione tertia; [Petrus Apostolus, & petra, & crepido Ecclesiæ Catholicæ.] Theodoretus lib. 3. in Cantica, ex Psello; non longè à fine; [In Petro Apostolorum principe Dominus in Evangelio se Ecclesiæ suam ædificaturum promittit.] Eadem sententia (ne simus prolixi) reliquorum Patrum est. Optati lib. 2. contra Parmen. Leonis serm. 3. de passione Domini. Cyrilli lib. 2. in Ioannem, cap. 12. Isidori lib. de Patribus noui Testamenti. Euthymij in cap. 16. Matth. Gregorij in Registro, lib. 6. epist. 37. & aliorum.

Quin, & ipse Augustinus multis in locis Petrum à Christo dici petram, & fundamentum Ecclesiæ interpretatus est. Vt cum inquit sermone de Cathedra Petri, qui est decimus quintus de Sanctis; [Petrum fundamentum Ecclesiæ Dominus nominauit, & ideo dignè fundamentum hoc Ecclesia colit, supra quod Ecclesiastici edificij altitudo confurgit.] Item in Psalm. 69. [Petrus Christum confessus erat Filium Dei, & in illa confessione appellatus erat petra, supra quam fabricaretur Ecclesia.] Item tract. 11. in Ioannem; [Respondit Petrus, petra illa, voce omnium: Domine ad quem ibimus? Etsi autem in alijs quibusdam locis petram Christum interpretatus sit (tract. ult. in Ioannem, & sermon. 13. de verbis Apostoli) tandemque, vt antea diximus, dubitauerit, tunc modo potius ille quidem locus Matth. 16. intelligi debeat, lib. 1. Retract. cap. 21. tamen de ipso principatu alioqui, quem habuerit Petrus in Ecclesia, quemque vocabulo petra, capitis, fundamenti, ianitoris cœli, metaphoricis significare Orthodoxi solent, nullo pacto dubitauit vnquam Augustinus. Eius enim sunt illa verba tract. 57. in Ioannem; [Quis nesciat, primum omnium Apostolorum esse beatissimum Petrum?] Item, quæst. 75. ex nouo Testamento; [ipsumque, inquit, constituit Dominus esse caput eorum, vt pastor esset gregis Domini.] Item enarratione prima in Psalm. 108. [Primum in discipulis habuit.] Item lib. 2. de baptismo contra Donatistas, cap. 1. [Quis nesciat illum Apostolatus Petri principatum, quilibet Episcopatum præferendum?] Ac ex Augustini in epistola 68. ad Casulan. ex quo satis apparet, minimè illum impropre, quo minus Petrus etiam [Apostolorum caput, cœli ianitor, & Ecclesiæ fundamentum] nominetur. Tot enim, ac talibus nominibus, Augustino referente, & minimè reprehendente, Petrum (ex vulgatissima procul dubio Ecclesiæ omnium sententia) appellauit is, contra quem ibi Augustinus de ieiunio Sabbarhi disputat. Sed reliqua argumenta, quæ continentur in illo loco Matthæi pro primatu Petri persequamur.

VI. [Et tibi, inquit, dabo clauces regni cœlorum.] Illustrat his verbis Christus alia metaphora vim auctoritatis illius primariæ,

quam Petro ad constituendum de ijs rebus, quæ pertinent ad salutem fidelium, pollebatur. Namque clauces regni cœlorum eam potestatem vocat, propterea quod eius vñ multiplici cœlum fidelibus, vel clauditur, vel aperitur. Quid enim aliud est, doctrinam fidei certè explicare, peccata remittere; leges salutares condere; ea quæ ad sanctissimum cultum pertinent, constituere; alijsque id genus rationibus, hominum saluti consulere; quàm iisdem cœlum, hoc est, aditum, ad æternam beatitudinem aperire? Contra, verò, cum beneficium remissionis peccatorum iusta ex causa negatur, cum alienius aut vita, aut doctrina condemnatur: cum excluditur ex communione fidelium; huic nimirum quasi clauditur cœlum.

Itaque intelligendum est, cum soli Petro in hoc loco clauces regni cœlorum singulariter promittuntur, summam illi post Christum in Ecclesia promitti potestatem. Nempe cuiusmodi, qua & omnibus alijs (arque adeò etiam ipsis Apostolis) & omnibus modis aperire poterit regnum cœlorum. Non enim Apostolis, item reliquis clauces ipsas cœli, aut promississe, aut tradidisse Christum legimus. Etsi attribui illis quidem quamdam auctoritatem vñs cuiusmodi clauium; vt scilicet clauderent cœlum, aut aperirent, retinendo, vel remittendo, seu quod idem est, soluendo, vel ligando peccata. Matth. 18. & Ioan. 20. Clauces autem ipsæ, hoc est, plenæ, atque summa potestas, id omni ratione faciendi, Petro soli promissæ, atque adeò tributæ sunt, quæ est Christi promissionum fidelitas.

Quod sanè discrimen inter Petrum; & reliquos Apostolos, quod attinet ad potestatem eam clauium, præclare veteres Patres animaduertunt. Nam Augustinus, quoniam ad utilitatem ipsius Ecclesiæ, principatus eius auctoritatis Petro tributus est, idè scribit Ecclesiæ illum representasse, cum ei à Christo diceretur; [Et tibi dabo clauces regni cœlorum; Quædam, inquit in Psalmum 108. dicuntur, quæ ad Apostolum Petrum, propriè pertinere videantur, neque tamen, habent illustrem intellectum, nisi cum referuntur ad Ecclesiæ, cuius ille cognoscitur in figura gestasse personam propter primatum, quem in discipulis habuit; sicuti est; Tibi dabo clauces.] Et rursus tract. 124. in Ioannem: Quod ad Petrum, inquit, propriè pertinet, natura vnus homo erat, gratia vnus Christianus, abundantior gratia vnus primusque Apostolus. Sed quando ei dictum est: Tibi dabo clauces; vniuersam significabat Ecclesiam. [Item in tract. 134. in Ioannem: [Petrus, inquit, Apostolus propter Apostolatus sui primatum totius Ecclesiæ gerebat figuratam generalitatem personam.] Conſentit cum Augustino Optatus Milenitanus lib. 1. contra Parmen. circa medium, qui ob eam, amplitudinem auctoritatis Petri, qua cæteris Apostolis antecellit; disertis verbis inquit: [Solus Petrus clauces accepit.] Item Origenes tractat. 6. in Matth. fere in medio: [Quoniam oportebat, inquit, aliquid maius habere Petrum, idè illi quidem sic dicit; Et tibi dabo clauces regni cœlorum, & quæcumque ligaueris super terram, erunt ligatæ, & in cœlis.]

lis. Non ergo modica differentia est, quod Petrus quidem sint datae clauis non vnius coeli, sed multorum celorum, ut quicumque ligauerit super terram, sint ligata non tantum in vno coelo, sed in omnibus celis, & quae soluerit super terram, sint soluta non solum in vno coelo, sed in omnibus celis. Ad eos autem, qui multi sunt ligatores, & solutores in terra, sic dicit, ut soluant, & alligent, non in celis, sicut Petrus, sed in vno coelo, quia non sunt in tanta perfectione sicut Petrus.] Item beatus Leo epist. 89. ad Episcopos per Viennensem prouinciam constitutos: [Petro, inquit, praeter ceteris est tradita soluendi, atque ligandi potestas.] Neque vero praeminentiam hanc auctoritatis clauium in Petro Hieronymus, & Cyrianus ignorauerunt, cum ille lib. 1. contra Iouin. circa medium scripserit, [inter duodecim vnum eligi, ut capite constituto schismatis tollatur occasio:] hic autem lib. de unitate Ecclesiae, non longe ab initio: [primum Petro dari, ut vna Christi Ecclesia, & vna cathedra monstretur.]

Huc praeter auctoritatem sanctorum Patrum, accedit analogia Scripturae: eiusque phrasim in alijs locis. Etenim clauium nomine summa potestas designari in Scriptura sacra solet. [Dabo (inquit Dominus Isaia 22. Eliaichum summo Sacerdoti, qui typum Christi gessit) clauem domus David super humerum eius. Et aperiet, & non erit, qui claudat. Et claudet, & non erit, qui aperiat.] Quid vero haec clauis significat? Nempe potestatem talem in domo David, hoc est, in Ecclesia, ut quod ab ea recte, ac legitime constitutum sit, ratum apud omnes, ac firmum esse debeat, nec possit à quoquam rescindi. Hoc enim est quod ait: [Aperiet, & nemo claudet, & claudet, & non erit, qui aperiat.] Hanc clauem, hoc est, potestatem in Ecclesia, quae & dicitur regnum celorum, Christus praestantissima ratione habet. Ipse enim est [sanctus ille, & verus (inquit Ioannes Apostolus Apocalypsis tertio) qui habet clauem David, qui aperit & nemo claudit, claudit & nemo aperit.] Petro igitur vices suas in hac usurpanda clauis, hoc est, summam post ipsum auctoritatem in terris promissit, cum se illi clauis regni celorum traditurum pollicitus est. [Largitur enim Christus (inquit Basilus in concione de penitentia, quae est 28.) suas dignitates, & non euacuatur, sed habens dat.]

Ac sanè in pollicitis, etiam id similiter obtinuisse videmus, ut cui regendae ciuitatis summa auctoritas attribuitur, huic tamquam eius dignitatis Symbolum quoddam, clauis ciuitatis tradantur. Ab hac igitur antiquissima, atque receptissima consuetudine existimare debemus, Christum (qui solus fuit ex rebus fere, vulgo vñatis sermonis rationem, ac modum petere) illam metaphoram mutatum esse: ut amplitudinem eius potestatis, quam Petro promittebat, quam aptissime exprimeret.

VII. [Et portae inferi non praeualebunt aduersus eam.] Portae inferorum, inquit Epiphanius in libro Anchoratus, non longe ab initio, [sunt haereses, & haeresiarum.] Luxta omnem enim modum in ipso Petro firmata est fides, qui accepit clauis regni celorum.] Quo pacto, & alij Patres portas inferorum,

hoc loco interpretantur. Si igitur ita super Petrum Ecclesia fundata est, ut possit operari, Petri, ac ministerio aduersus omnes haereses, & omnem vim inferorum firma stare: confiteri necesse est, talem auctoritatem Petro tributam esse, qua si potuerit tum in omni fidei quaestione, quod verissimum est certò docere, tum quae essent fidelibus, aut in cultu, aut in motibus salutaria, sanè constituere. Quod enim Christus subiunxit: [Et portae inferi non praeualebunt aduersus eam,] id ad antecedentia refertur debet, ut inde praestantiam, atque similitudinem illius potestatis intelligamus, quam Petro pollicebatur, affirmans se super illum Ecclesiam fundaturum, eique traditurum clauis regni celorum. Nam & ad explicandam etiam vim, atque vsum eius auctoritatis adiunxit, illud quod ad extremum sequitur.

VIII. [Et quodcumque ligaueris super terram, erit & ligatum & in celis: & quodcumque solueris super terram, erit solutum, & in celis.] Quibus verbis, non qualicumque modo cum significat soluere, atque ligare, posse, sed tamquam eum nimirum, qui auctoritatem ipsam clauium regni celorum absolutam, atque plenam habet: ut ex verbis antecedentibus, quae haecenus exposita sunt, didicimus. Quò sanè pacto ceteri Apostoli clauium auctoritatem non acceperunt, ut testimonij Patrum, quae partim adduximus, partim postea adducemus, perspicuum fit.

Hic verò quominus ex hoc Euangelij loco primum illum Petri colligamus, tria potissimum nobis obijciuntur aduersarij. Primo: Non Petrum, sed Christum ipsum nomine petrae super quam Ecclesia aedificanda fuerit, intelligi hoc in loco debere: vel certè confessionem ipsam fidei de Christi diuinitate à Petro editam. Atque hic vrgent illud 1. Cor. 3. [Fundamentum aliud nemo potest ponere, praeter id quod positum est, quod est Christus Iesus.]

Secundo: Quicquid hic Petro promissum est, alijs etiam Apostolis esse tributum. Nam, & omnes fundamenta appellantur, Apocalyp. 21. & omnibus Christus dixit, Matth. [Quicumque ligaueritis super terram, erunt soluta, & in coelo.] Et illud item omnibus, Ioan. 20. [Ego mitto vos, quorum remiseritis peccata, remittentur eis, &c.] Quò accedit auctoritas Patrum, qui pares omnes Apostolos fuisse, testari videntur. Cyrianus enim lib. de unitate 2. dicit: [Hoc erant, vtrique ceteri Apostoli, quod erat Petrus, pari consortio praeu. & honoris, & potestatis.] Quod ipsum similiter affirmant Anacletus distinct. 21. cap. in nouo. Hieronymus lib. 1. contra Iouin. Leo epistola ad Anastasium Tharsens.

Tertio. Quòd Petro peculiariter videatur Christus clauis regni celorum promississe: id, inquit, ad confirmandum illius principatum non valere: Non enim ipsi Petro peculiariter, sed Ecclesiae, cuius figuram ibi Petrus, auctore Augustino, praeferebat, esse promissas atque datas clauis.

Ad primum respondemus: Etsi Christus aliqui petra angularis, & fundamentum praecipuum, sit, quò Ecclesia omnis nititur, tamen

tamen in eo quidem loco apud Matth. 16. petra nomine non posse ipsum intelligi, sed Petrum significari. Quod cum antea perspicuis argumentis ex ipso loco ductis, & consentiente auctoritate sanctorum Patrum confirmaverimus, nihil est necesse idem denuo probare. Nam quod Augustinus (vt diximus) subdubitarit, Petrusne, an potius Christus ibi petra nominetur: cum aliorum omnium Patrum sententia per petram Petrum intelligentium, tam sit concors, & constans, nihil nobis przludicare debet.

Vt autem ibi per petram confessio fidei etiam, à Petro facta, intelligatur, non impedimus. Nam quod ad rem ipsam attinet, nihil interest, vtrum supra Petrum, fidem, cerò consistentem atque docentem, vel supra certam Petri confessionem, Ecclesiam fundatam esse dicas. Eodem enim res redit. Nam neque nos, cum ex sententia Patrum, supra petrum fundaram Ecclesiam esse affirmamus, personam Petri cogitamus nudam, sed explicantem certam de Filio Dei fidem: neque, etiam illo loco, vel nuda fidei confessio per se ipsa, vel alterius hominis, præterquam Petri, potest intelligi. Dicit enim Christus: Super hanc petram, id est, super te petre, consistentem, atque adeo super confessionem fidei tuam certam, ac immobilem.

Itaque vtrumque videmus à veteribus explicatum esse, & supra Petrum, & supra Petri confessionem Ecclesiam esse fundatam. Quoniam nihil re ipsa inter vtrumque interest, vt dictum est: [Princeps, inquit Chrysostomus homin. 27. ex varijs locis Matthæi, Apostolorum Petrus, super quem Christus fundavit Ecclesiam, verè immobilis petra, & æterna confessio.] Ac rursus homin. 55. in Matthæum, posteaquam supra fidem Petri Ecclesiam ædificatam esse dicit; vt magis explicet, hoc tantum esse, ac supra Petrum cerò de fide pronunciantem ædificari, hæc verba subiungit: [Id Christus agit, vt homo pascator quavis fide firmiter reddatur, universo terrarum orbe relictaute.] Atque ibi ad extremum super ipsum Petrum Ecclesiam ædificatam esse, disertis verbis testatur.

Item D. Cyrillus lib. 4. Dialog. de Trinitate paulò post initium. Insignem remunerationem atque honorem ipsius Petri maximum fuisse asserit, quòd [inconcussam, & firmissimam illius fidem petram Christus vocavit.]

Et Hilarius lib. 6. de Trinitate post medium: [Hæc inquit, fides Petri Ecclesiæ fundamentum est.] Cuius tamen illa etiam sunt verba canon. 16. in Matthæum: [O in nuncupatione noui nominis felix Ecclesiæ fundamentum: O beatus celi ianitor.]

Sic enim D. Cyprianus libro de vnitate Ecclesiæ paulò post initium: [Super illum vnum, inquit, ædificat Ecclesiam suam: Qui tamen eodem loco, paulò post dicit, [Super Cathedram, id est, supra doctrinam Petri, Ecclesiam esse fundatam.]

Et ob id etiam D. Basilii lib. 2. contra Eunomium paulò post initium, Petri nomine prærogatiuam Simonis, filij Ionæ, intelligi docet: [Qui de piscatoribus, inquit, ad Apostolatus functionem vocatus, propter fidei excellentiam, Ecclesiæ ædificationem in

seipsum suscepit. [Quibus verbis an non Basilii clarissime significauit, nec Petrum sine fide, nec fidem sine Petro, ædificio Ecclesiæ, quasi fundamentum, subesse?]

Porrò illud, quod vrgent Sectarij, solum Christum esse fundamentum, facillimè expeditur, Ita enim Christus solus est Ecclesiæ fundamentum, sicut solus est mundi lux, sicut solus est noster Pontifex, Episcopus, Doctor, & pastor animarum. Et tamen sunt præter Christum alij etiam in Scripturis, lux mundi, Episcopi, Doctores, pastores, verissime appellati. Nempe non eadem, sed alia ratione. Ita quoque fundamenta in Apocalypsi Ioannis, cap. 21. appellantur Apostoli. Num verò id impedit quo minus verè dictum sit: 1. ad Corinth. 3. fundamentum aliud neminem posse ponere præter id quod positum est, quod est Christus Iesus? Minime. Non enim absurdum est, vt que primariò, & principaliter, hoc est, præstanti quadam, & singulari ratione Christo conueniunt, eadem alijs conueniant secundariò. Lux ipse solus est, [que illuminat omnem hominem venientem in hunc mundum.] Ioan. 1. Item solus ipse est ille pastor, qui posuit animam pro ouibus suis, Ioan. 10. seque dedit redemptionem, pro omnibus, 1. Tim. 2. Et ipse est Pontifex solus ad Hebr. 4. [qui penetrauit cælos, introiuitque per sanguinem suum in sancta], æterna redemptione inuenta, ad Hebr. 9. Item Doctor est vnicus, [Isaï 30. in quo, vt in alio nullo, absconditi fuerint omnes thesauri sapientiæ, & scientiæ Dei, Coloss. 2. Denique fundamentum est primum Ecclesiæ, & maximum, 1. Coriuth. 3. & vt Augustinus, enarratione in Psalmum 86. non longè ab initio appellat fundamentum fundamentorum], quod videlicet seipso consistat, neque vlli alteri imitatur, sustineatque quidquid omnino pertinet ad Ecclesiæ edificium, adeoque ipsum etiam confirmet Petrum. Sed, vt alij post Christum, suo quodammodo lux mundi sunt: itemque Episcopi, pastores & Doctores: sic etiam Petrus est secundarium, ac precipuum, post Christum, Ecclesiæ, fundamentum. Nempe cuius fidei etiam Ecclesiæ fundamenta commissa sunt (vt ait Gregorius Nazianzenus in oratione de moderat. in disputatione habenda) id est, Apostoli ipsi, qui, vt alios in religione confirmarunt, fundamenta etiam quedam fuerunt.

Atque hoc ipsum item, & veteres ipsi, qui Petrum fundamentum Ecclesiæ constitutum esse affirmauerunt, luculenter notarunt. [Sicut ipse, inquit Hieronymus lib. 3. comment. in Matth. circa caput 16. lumen Apostolis donauit: vt lumen mundi appellarentur, cæteraque ex Domino sortiti sunt vocabula: ita & Simon, qui credebatur in petram Christum, Petri largitus est nomen: & secundum metaphoram petreæ dicitur ei: ædificabo Ecclesiam meam super te.]

Et Basilii in concione de penitentia: [Christus verè est petra inconcussa, Petrus verò propter petram, largitur enim Deus suas dignitates, & non euacuatur, sed habens dat. Lux est, & dicit: Vos estis lux mundi. Sacerdos est: facit sacerdotes. Ouicula est, & inquit: Ecce ego mitto vos sicut oues in medio luporum. Petra est, & petram facit.]

B

Nec

Nec opus est prolixius referre, quæ in eadem sententiam dicit Ambrosius libro 6. in Lucam, cap. 3. Leo ferm. 2. in Natali Petri, & Pauli. Prosper lib. 2. de vocatione gentium, cap. 9. & alij. Ac potest, qui plura de hoc discrimine fundamentorum Ecclesiæ cognoscere volet, legere inter ceteros doctissimum Turrecrematam in erudito illo suo opere, quod summam Ecclesiæ nominauit, lib. 2. cap. 7. & sequent.

Ad secundam objectionem Sectariorum, de Apostolorum omnium æqualitate, doctè sanè à multis Catholicis auctoribus iam pridem secundum doctrinam Orthodoxam responsum est, vt à Ioanne Driedone, lib. 4. de varijs dogmatibus, cap. 4. par. 2. à Caietano in tractat. de comparat. Papæ, & Concil. capit. 3. à Melchiorre Cano, libro 6. de locis Theologicis, cap. vit. ad vndecimum argumentum, à Dominico Soto in 4. sentent. distinct. 20. quæst. 1. artic. 2. & 3. &c. Res autem, vt summam, & aliquantò planius eam complectar, sic habet.

Ad Apostolatus prærogatiuam atque dignitatem duo pertinerunt. Vnum est, quod ab ipso Christo proximè auctoritatem Ecclesiasticam ministerij Apostoli acceperunt. Quamobrem, & ab eo missi, sicut ipse missus erat à Patre, dicuntur. Alterum est, quod eam auctoritatem sic à Christo acceperunt, vt non tantum in hac, vel illa orbis parte, sed vbique prorsus possent ritè, ac legitimè fungì muneribus Ecclesiasticis: Euntes enim, inquit Matth. 18. docete omnes gentes. Et: [Prædicate Euangelium omni creaturæ,] Marci 16. In his duabus rebus, atque adeo in huiusmodi dignitate, atque prærogatiua Apostolatus, partes omnes Apostoli tuerunt. Atque hæc dumtaxat aequalitas Apostolatus probari potest ijs testimonijs, vel Scripturæ, vel Patrum, quæ nobis obijciuntur.

Cæterum aliz duæ res sunt, in quibus Petrus Apostolus antecelluit reliquis Apostolis, non quidem propriè, vt Apostolus, sed vt singulare fundamentum, & caput Ecclesiæ, & pastor ouium Christi, & cæli ianitor constitutus. Vna est, quod illam Apostolatus auctoritatem in vniuerso orbe, accepit ipse à Domino tanquam ordinariam, & duraturam suisque adeo successoribus relinquendam: eo quod vniuersæ Ecclesiæ, quæ vnquam futura esset, fundamentum esse constitutus (sicut infra ostendemus) nec talis fundamenti locum ipse perpetuo, nisi per suos etiam successores tenere potuit. Reliqui verò Apostoli eam auctoritatem non eo modo acceperunt: sed eorum quasi extraordinarium priuilegium fuit, quod & in orbem vniuersum, & à Christo proximè illam auctoritatem Apostolatus acciperent. Itaque illis è vita decedentibus, dignitas etiam eiusmodi Apostolatus esse desijt, neque eis ad vilos eorum successores deuoluata. Quod cum ita dicimus, minime volumus, nullam iam petuenire Apostolatus auctoritatem ad Episcopos, qui sunt (vt Anacletus explicat dist. 21. Canon in nouo) Apostolorum successores. Habent enim hi, in suis quique Ecclesijs, vicem atque functionem Apostolorum: estque adeo perpetuum illud Dei in Ecclesiam beneficium, quo inter ceteros ministros ei attribuitur. Apostoli ad cõ-

summationem sanctorum; vt D. Paulus ad Ephesin. 4. disput. Hoc igitur tantum dicimus, si & modum, quo Apostolicam auctoritatem reliqui præter Petrum acceperunt, & acceptæ auctoritatis amplitudinem, in totum scilicet orbem, spectemus; non transiisse eiusmodi dignitatem Apostolicam ad eorum successores. Nam neque auctoritatem ex aequo in vniuersum orbem habent; neque eam, quam habent, habent ita proximè à Christo, sicut habuerunt Apostoli, cum Christus nimirum illam ipsis Apostolis per se tribuit, eaque re officium ordinarium Petri (id est, vniuersalis pastoris, à quo nimirum potestas aliorum pastorum ordinariè aliqui detinenda est) sua quadam excellenti potestate quasi præuenit.

Altera res, in qua Petrus reliquis Apostolis antecelluit, est, quod ipse quidem potestatem accepit etiam quamdam in ipsos Apostolos: tanquam omnium videlicet (nemine excepto) qui ad Ecclesiæ adificium, & ad Christi gregem pertinent, fundamentum, & pastor, vt post ostendemus) singularitè constitutus. Itaque regere ipsos atque in fide confirmare cum auctoritate potuit, ijsque præscribere, & modum, & locum ad fungendum ministerio Apostolico, quatenus ad Ecclesiæ bonum id expediret. Quam sanè re doctè mihi videtur Caietanus loco supra citato expeditisse, vbi scribit, Apostolos reliquos, quatenus Apostolos, fuisse quidem D. Petro pares: tamen, qua ratione erant oues Christi, fuisse Petro subiectos.

Porro, hanc Petri præminentiam inter reliquos Apostolos minime negauerunt veteres Patres. Quin imò ex loco Matthæi hæcenus à nobis expositio, & ex alijs, quos deinceps adducemus, luculentissimè eam asseruerunt: etiam illi ipsi, qui pares aliqui in Apostolatus dignitate omnes fuisse affirmauerunt. Etenim D. Cyprianus libro de vnitatè Ecclesiæ non longè ab initio, in eo ipso loco, vbi dixit, [pari consortio præditos reliquos Apostolos fuisse, & honoris, & potestatis,] mox subiungit: [Sed exordium ab vnitatè proficiscitur; Petro primatus datur, vt vna Christi Ecclesiæ, & vna cathedra monstretur.] An non in pari consortio Apostolatus, primatum Petri agnoscit?

Legat, cui otium est, locum illum integrum Cypriani, & satis impudentiam Sectariorum mirari non poterit, quod ex ea Cypriani disputatione probare veint, ita fuisse Apostolatus dignitatè pares Apostolos, vt Petrus illis præpositus à Christo non fuerit. Dicit 1. compendio veritatis facili fidem, probari posse, [si caput teneatur, ac illud consideretur, quod Dominus loquitur ad Petrum: Tu es Petrus, &c. Dicit 2. Super vnum Petrum Ecclesiam esse fundatam. Dicit 3. Quamuis, & alij Apostoli pastores constituti sint; ramen vt vnitatem manifestaret, vnam Cathedram Christum constituisse, & vnitatis eiusdem originem ab vno incipientem suam auctoritatè disposuisse. Dicit 4. Super Cathedram Petri Ecclesiam esse constitutam. Et 5. illud item, quod antè recitatum est, primatus Petro datur, vt vna cathedra monstretur. Denique 6. causam, quam ob rem hæretici perfidiam sub prætextu fidei, & Antichristum, sub

sub vocabulo Christi mentiantur esse, quia, ad veritatis illam, & vnitatis originem (de qua dictum est) non deditur, nec caput, inquit, queritur.] Quid hæc omnia sibi volunt, si nullum habuit Petrus principatum, auctoritatem?

Nec minus profectò clarè Hieronymus lib. 1. contra Iovinianum circa medium: [Super Petrum, inquit, fundatur Ecclesia. Et licet idipsum in alio loco super Apostolos fiat, & cuncti claudes regni cælorum accipiant, & ex æquo (quod attinet quidem ad prerogativam Apostolatus) super eos Ecclesiæ fortitudo solidetur: tamen propterea inter duodecim vnus eligitur, vt capite consilieto schifinatis tollatur occasio.] Au verò ab Hieronymo, vel amplius aliquid ad æqualitatem in Apostolatu declarandam, vel clarius ad Petri nihilominus præminentiæ in auctoritate regiminis tuendam dici potuit?

Et D. Leo epistola ad Anastasium Tharsensem Episcopum. I. Inter beatissimos, inquit, Apostolos in pari honoris consorcio fuit quædam discretio potestatis. Et cùm omnium par esset electio (nempe ad Apostolatum) vni tamen datum est, vt cæteris emineret.]

Et Anacletus dist. 21. canon. in nouo: & clarissimè epist. 7. vbi pari etiam consorcio honorem, & potestatem Apostolicam reliquos accepisse dicit; perspicuè nihilominus asseuerat, [à Petro post Christum in nouo Testamento, sacerdotalem ordinem cepisse, & ipsam Apostolos reliquos habuisse pro picipue.]

Mitto, quòd auctor aliqui eruditissimus Ioannes à Turrecrenata loco superius citato contendit, in hoc etiam Apostolos ceteros D. Petro fuisse inferiores, quòd à Christo accepterint Apostolicum munus auctoritatem non nisi per ipsum Petrum. Id quod etiam probat ex Anacletò 67. dist. can. porro, qui àfirmat Iacobum fratrem Domini fuisse oedinarum Episcopum Hierosolymitanum à Petro, & Ioanne, & alio Iacobo. Sed hæc quidem sententia minus communis est, neque etiam ad Petri, primum asserendum necessaria. Nam etiam ceteris, à Christo proximè omnes Apostolos auctoritatem Apostolicam, vt antè docuimus, accepisse: satis nihilominus defectum iam est, quod ad auctoritatem quidem regiminis attinet, fuisse illos ipso Petro inferiores. Ex qua re fiebat, vt in modo quidem exercendi munus illud Apostolicum possent à Petro cum auctoritate dirigi. Quod vero de ordinatione Iacobi dicit Anacletus: id ad solam designationem quantum loci referri potest.

Denique ad id, quod tertio aduersus probationem nostram, ex illo Matthæi loco sumptam, obijciunt Sectarij, claudes regni cælorum nec promissas, nec datas Petro esse nisi in persona Ecclesiæ, facilis responsio est. Nam idipsum planè nobis potius suffragatur, & istos redarguit. Ideò enim de Petro peculiariter Augustinus scripsit, cum in persona Ecclesiæ claudes accepisse, quoniam non vt priuata persona; neque vt quascumque alius Ecclesiæ minister, sed vt Ecclesiæ totius præfectus, qui singulariter proinde totam Ecclesiam repræsentauit, catenusque in vilitate

Tom. XIII.

tem Ecclesiæ, eas accepit; vt suprà quoque exposuimus, & diligenter etiam à Caetano in tract. de Rom. Pontif. iustit. cap. 3. & ab Eckio in locis communibus cap. 3. notatum est. Sed facis, vt arbitror, de loco Matth. 16. dictum est, ex quo certè est perspicuum, præcipuam illam in Ecclesiâ auctoritatem fuisse Petro promissam.

§. 29.

Probat secundò Petri primatus ex loco Euangelij, Lucæ 22.

Secundus Euangelij locus, valdè etiam illustis, quo auctores Catholici primatum Petri probare consueverunt, est apud Lucam cap. 22. vbi Christus contentione exorta inter discipulos, [quis eorum videretur esse maior:] primum ambitionem eam, atque superbiam, vt potè secularium ferè principum ambitioni similem, refutat, & suo exemplo propositi modum humilitatis præscribit ei, qui maior esset futurus, inquit: [Reges gentium dominantur eorum, & qui potestatem habent super eos, benefici vocantur: Vos autem non sic. Sed qui maior est in vobis, fiat sicut minor, & qui præcessor est, sicut ministrator. Nam quis maior est, qui recumbit, an qui ministrat? Nonne qui recumbit? Ego autem in medio vestrum sum, sicut qui ministrat.] Deinde conuersus ad Petrum, eique imperans vsum illius primariæ auctoritatis in confirmandis in fide fratribus; facis profectò indicauit, eum ipsum Petrum esse, cui antecedentibus verbis modum ius supremo dignitatis gradu teneudum proposuerat. Ait enim è vestigio ad ipsum solium: [Simon, ecce Sathanas expetiuit vos, vt cribraret sicut triticum: Ego autem oraui pro te, vt non deficiat fides tua. Er ru aliquando conuersus: confirma fratres tuos.]

Ex hoc loco primum Petri confirmari, facile anima lueret lector, si quatuor apud se diligenter expendat. I. Primum enim in illa discipulorum contentione, minime Christus negauit, aliquem in Ecclesiâ superiorem reliquis fuisse futurum. Quin potius id planè affirmat: [Qui maior, inquit, est in vobis,] quia videlicet iam erat Christo decretum, aliquem præficere, & caput cæterorum facere. Itaque hunc monet, vt ius maximo gradu dignitatis post constitutus, non inuidandorum principum arrogantiam, sed suam moderationem, atque submissionem imitetur: [Ego enim, inquit, sum inter vos, sicut qui ministrat.]

II. Quis autem ille maior futurus est? Nequè Petrus, pro cuius videlicet fide, vt ad confirmationem aliorum vtilitatem sit firma, orat: quem iubet fratres aliquando, hoc est, accepta post lapsum, & resipiscientiam cura pastoralis, confirmare in fide. Quo sanè confirmandi vocabulo, auctoritatem in docendo significari, ex alijs Scripturæ locis intelligi potest. A. cor. 15. vers. 41. & cap. 16. vers. 5. & 1. ad Thess. 3. vers. 2. & c.

III. Atque Petrum maiorem reliquis significari hoc loco futurum, non propriè inuitæ sanctimonia, aut virtute, sed in muneris auctoritate; tum ex eo confirmandi præcepto,

cepto, quod illi deinde tanquam maiori datur, tum ex ipsa ratione huius Christi sermonis apparet. Monuit enim, ut is qui maior futurus esset, fieret virtute humilitatis, & submissiois sicut minor. Quia monitione non magnopere iam eget, qui in maximo virtutis, atque sanctitatis est gradu, adeoque perfectionem humilitatis consecutus est. Sed is demum ita cum primis admonendus est, qui in alio aliquo genere excellit; nempe potestatis, quæ nimirum cum importunitatis, atque superbiæ vitio facili coniungi solet; ut est videre in regibus gentium, quorum voluit Christus eum esse dissimilimum, qui maior inter Apostolos futurus erat.

IV. Nec verò putare in hoc loco possimus sermonem Christo fuisse de potestate alienius temporalis principatu, quem moderate ab aliquo Apostolorum sustineri veller. Perspicuum enim est de eiusmodi auctoritatis præstantia eum ibi agere, cuius maxime proprius sit usus confirmare in fide fratres. Quæ auctoritas, spiritualis est. Quamquam nec indignum est, ut qui [spiritualia non seminant, temporalia etiam metant,] 1. Corin. 9. unusquisque quantum opus habet, spectata temporum ratione, & sui cuiusque in Ecclesiæ gradus.

Sed ipsos etiam sanctos Patres adire, operæpretum est, qui etiam ex hoc loco Petri in Ecclesiæ principatu rectissime collegerunt. D. Leo serm. 3. de die anniuersario assumpt. suæ (idemque habet serm. 2. de Natali Petri, & Pauli.) [Commune, inquit, erat omnibus Apostolis periculum de tentatione fornicationis, & diuinæ protectionis auxilio pariter indigebant; quoniam diabolus omnes exagitare, omnes cupiebat elidere.] Et tamen specialis à Domino Petri cura suscipitur, & pro fide Petri proprie supplicatur: Tanquam aliorum status certior sit futurus, si mens principis victa non fuerit. In Petro ergo omnium fortitudo munitur, & diuinæ gratiæ ita ordinatur auxilium, ut firmitas, quæ per Christum Petro tribuitur, per Petrum Apostolis conferatur. Cum itaque, dilectissimi, tantum nobis videamus præsidium diuinitis institutum: iuste in ducis nostri meritis, & dignitate lætamur, gratias agentes redemptori nostro, qui tantam potentiam dedidit, quem totius Ecclesiæ principem fecit.]

Et D. Ambrosius in Psalm. 47. aliquantè post medium. [Petrus, inquit, Ecclesiæ præponitur. Itaque ante significat Dominus, quid sit illud, quod postea eum pastorem elegit Dominici gregis. Nam huic dixit: Tu autem conuersus, confirma fratres tuos.] Lucæ 22.

Item Theophylactus in comment. eius loci: [Planus, inquit, huius loci intellectus hic est: Quia te habeo, ut principem discipulorum, postquam negato me stueris, & ad penitentiam veneris, confirma ceteros. Hoc enim te decet, qui post me Ecclesiæ petra, & fundamentum es.]

Tum D. Augustinus quæst. 75. ex nouo Testamento: [Quid ambigitur? inquit, pro Petro rogabat, & pro Iacobo, & Ioanne non rogabat? ut ceteros taceam. Manifestum est, in Petro omnes contineri: Rogans enim pro

Petro, pro omnibus rogasse dignoscitur. Semper enim in præposito populus, aut corripitur, aut laudatur.]

Et ramen vique adeo miserabilis cæcitas Sectariorum est, ut contra Petri potius principatum ex hoc ipso Lucæ loco, quo ille vel maxime stabilitur, argumentum petant. Vrgent enim admodum inconsiderate illud: [Vos autem non sic:] Si non sic: ergo nemo, inquit, debet in Ecclesiâ cæteris omnibus imperare, id quod faciunt Reges gentium. Quantò rectius contrarium illi concluderent, hoc modo: Si non sic, id est, si non eo modo dominari, seu imperare aliquis Apostolorum debuit, sicut dominantur Reges gentium: Ergo debuit quidem aliquis ex Apostolis imperare (de quo inter eos fuit contentio, quis esset) sed alio quodam modo. Quo tandem? Qui, inquit, maior est in vobis, fiat sicut minor. Non dicit: Nullus erit in vobis maior. Nemo imperabit. Nec: Qui maior est, fiat aut sit minor, aut omnino non imperet. Quorum enim tunc esset maior? Sed: Fiat, inquit, sicut minor, hoc est, in mansuetudine, sine superbia, sine importunitate imperet. Non igitur summam auctoritatem hic Christus remouet: sed modum in auctoritate summa requirit, eumque longè diuersum ab eo, quem Reges geurium tenent.

Idipsum confirmamus rursus hoc modo: Qui inter Apostolos maior sit, cum ira vult Christus erga reliquos se gerere, sicut ipse, Christus se gessit erga Apostolos. Exemplum enim suum proponit eis, inquit: [Ego autem in medio vestrum sum, sicut qui ministrat.] Sed Christus ita fuit, sicut qui ministrat, ut non ideo tamen potestate caruerit. Igitur nec vult potestate carere eum, quem eie vult ut minorem cum sit maior, sed modum in usu potestatis ei præscribit, ut dictum est.

Quid multa? Ipse Apostolus Petrus, quò pertinuerit illud Christi magistri sui præceptum, disertè explicat, cum iidem propè verbis id repetens, ac alios etiam Ecclesiæ pastores de eo commonefaciens: [Pascite, inquit, 1. Petr. 5. qui in vobis est gregem: providentes non coactè, sed spontaneè secundum Deum: neque turpis lucri gratia, sed voluntariè, neque ut dominantes in cleris, sed forma facti gregis ex animo.]

§. 30.

*Probatnr tertio Petri primatus ex loco
Euangelij, Ioan. 21.*

Tertius locus clarissimus est apud Ioannem c. 21. Vbi Christus Dominus ascensus in celum, [Vicarium amoris sui erga gregem (ut inquit B. Ambrosius lib. 10. in Lucam cap. 24.) D. Petrum relinquens; omnibus eum Apostolis antetulit,] eique summam tandem auctoritatem Ecclesiæ suam regendi, roties antea promissam, attribuit. [Erant, inquit Euangelista, Simon Petrus, & Thomas qui dicitur Didymus, & Nathanael, qui erat à Cana Galilææ, & filij Zebedæi, & alij ex discipulis eius duo, &c. Et dicit Simon Petro Iesus: Simon Ioannis diligis me plus his?

his? Dicit ei; etiam Domine: tu scis, quia amo te. Dicit ei: Pasce agnos meos. Dicit ei iterum: Simon Ioannis diligis me? Ait illi, etiam Domine: tu scis, quia amo te. Dicit ei: Pasce agnos meos. Dicit ei tertio, Simon Ioannis amas me? Contristatus est Petrus, quia dixit ei tertio: amas me? Et dicit ei: Domine tu omnia scis, & scis, quia amo te. Dicit ei: Pasce oves meas.

Hunc autem in modum ex hoc tam illustri loco, pro Petri principatu in Ecclesia, ratiocinamur. Si Petro singularis aliqua regendi vniuersam Ecclesiam auctoritas à Christo tributa est, qualem ceteri Apostoli non habuerunt; certe Petrus habuit regiminis in Ecclesia principatum. Nam quæ maior in Ecclesia regendi auctoritas sit, quam ea, quæ antecelluit auctoritati alioqui Apostolicæ? At singularis Ecclesiam vniuersam regendi auctoritas, qualem ceteri Apostoli non habuerunt, Petro est à Christo tributa: Habuit hic igitur regiminis in Ecclesia principatum.

Id probatur perspicue ex circumstantiis eius loci apud Ioannem. I. Simon, inquit, Ioannis diligis me plus his? Cur de præstantiori charitate eum, præ ceteris, tum præsentibus, interrogasset, nisi maioris etiam, atque præstantioris muneris auctoritatem ipsi attribueret voluisset?

II. Pasce agnos meos. Vel vt est Græcè, Rege oves meas. Et denique: Pasce oves meas. Nempe commisit ei curam omnium Ecclesiarum ordinum; vt regeret non modò vulgares, atque imperfectiores fideles; qui quasi agni sunt, & velut paruuli lacte pascendi: sed etiam perfectos, adeoque Pastores ipsos Ecclesiarum, qui velut oves, ac matres sunt cæterorum: Sic enim D. Ambrosius lib. 10. in Lucam cap. 24. hanc Christi sermonis varietatem in hoc loco interpretatur: [Tertio, inquit, Dominus interrogauit. Et iam non, agnos lacte pascendos, vt primo, neque ouiculas, vt secundo, sed oves pascere iubetur, perfectiores, vt perfectior gubernaret.]

III. Neque inter has, aut illas oves distinguit: Sed absolute: Pasce, inquit, oves meas. Quo ipso aperte significauit, alienum fore à suo ouili, quicumque Petrum pastorem non agnosceret; vt sciret, atque eleganter concludit D. Bernardus lib. 2. de considerat. ad Eugenium, paulò post medium. Quam ob rem nec Apostolos quidem à Petri cura exemit. Nisi forte non etiam illi fuerunt Christi oves.

IV. Denique vis verbi, pasce, consideranda est. Quod vsum auctoritatis salutarem in subditos, in regendo, & docendo, secundum Scripturæ sacre consuetudinem, significare, dubium nullum est. 2. Reg. 5. Ezechiel. 34. &c. quicquid Caluinus lib. 4. instit. cap. 7. contra obgannuerit. Quare Ioannes in recitanda, ea Christi sententia, tali verbo Græco (*ποιμαίνε*) vsus est, quod & pascere, & regere significat, vt à sanctissimo Rossensi artic. 25. contra Lutherum, & alios ex Scriptura etiam sacra passim, est notatum psal. 2. & 79. act. 10. Math. 2. &c. Nec aliter Augustinus tract. 123. in Ioannem sub finem, Chrysostomus lib. 2. de sacerdotio, in initio, & alij Patres eius verbi significationem hoc in loco intellexerunt.

Sed quemadmodum hic Christus aucto-

ritatem in Ecclesia primariam Petro attribuerit, quam antea tot modis eidem erat pollicitus, præstat vt Lector eis ipsis verbis Sanctorum Patrum, quam ex nostris intelligat; Chrysostomus homil. vlt. in Ioannem: [Cæteris, inquit, omnis solum Petrum alloquitur, curam ei committens fratrum suorum, Et rursus lib. 2. de sacerdotio, initio: Interrogat, inquit, discipulum magister, num ab eo ametur? Non quod ille ipse edocuerat; verum vt nos doceat, quantæ curæ sibi sit gregis huius præfectura. Item ibidem paulò post: Illum, inquit, auctoritate prædictum, esse voluit, ac reliquos item Apostolos longè præcellere. Petre enim, ait, amas me plus, quam hi omnes? Ac rursus hom. 1. de penit. Ecclesiarum, inquit, primatus, gubernatioque per vniuersum mundum ei à Christo concretus est.]

Ambrosius libro 10. in Lucam cap. 24. [Interrogabat, inquit, Dominus, non vt diceret, sed vt doceret, quem eleuandus in celum amoris sui velut vicarium nobis relinquebat. Sic enim habes: Simon Ioannis diligis me? &c. Petrus testificatur affectum, & ideo quia solus proficitur ex omnibus, omnibus antefertur. Et paulò post: Oves pascere iubetur, perfectiores vt perfectior gubernaret.]

Cyprianus in lib. de vnitatem Ecclesiarum sub initium: [Petro, inquit, post resurrectionem suam dicit: Pasce oves meas, super illum, vnum ædificat Ecclesiam suam (en, sententia Cypriani, quando Christus impleuerit promissionem illam: super hanc petram, &c.) (& illi pascendas mandat oves.)]

Et Origenes in caput 6. ad Romanos: [Cum Petro, inquit, summa rerum de pascendis ouibus traderetur, & super ipsum velut terram, fundaretur Ecclesia (en etiam, quando impleta promissio) nullius confisio virtutis alterius, nisi charitatis ab eo exigitur.]

Theophylactus in locum Ioan. 21. [Petro, inquit, non alij præfecturam ouium per vniuersum mundum tribuit.]

Gregorius lib. 4. Registri epist. 32. [Totius, inquit, Ecclesiarum curam Petro dominica voce commisit esse, cuius scientibus Euangelium liquet.]

Item Arnobius in psalm. 138. Petrum, Episcopum Episcoporum esse inde ostendit, quod [nullus, inquit, Apostolorum nomen pastoris accepit (intellige, ita singulariter, & ab ipso Christo) solus enim Dominus dicebat: Ego sum Pastor bonus. Hoc nomen, sanctum, & ipsius nominis potestatem post resurrectionem suam Petro peniteuti concessit, & ter negatus, negatori suo hanc, quam solus habuit tribuit potestatem.]

Nec multò aliter hoc idem expressit Diuus Augustinus tract. 123. in Ioannem, ubi ita eleganter scripsit: [Sit amoris officium, pascere dominicum gregem, si fuit timoris indicium negare pastorem.] Quibus verbis, quis maxime sit sensus illius loci literalis, quòd toties tamque accurate de singulari amore Petrus examinatus fuerit, Augustinus significauit. Nempe vt intelligeretur, quantopere charitas in subditos, & eorum Dominum, in Præposito necessaria sit.

Quod ipsum Chrysostomum significare,

voluit, vbi suprà lib. 2. de sacerdotio, cum dixit Dominum interrogasse, [vt nos doceret, quanta curæ sibi sit gregis huius præfutura. Et hom. 87. in Ioannem: Ter, inquit, interrogat, & semper idem præcipit, inquiens: Pascite, vt demonstret, quanti ouium suarum curam faciat.]

Neque tamen idcirco id improbamus, quod Augustinus in illo ipso tract. 123. in Ioannem etiam de hoc loco ita commentatus est: [Redditur, inquit, negationi trinæ trina confessio, ne minis amori lingua seruiat, quam timori: & plus vocis licuisse videatur mors imminens, quam præseus.]

Quod & Cyrillus lib. 2. in Ioan. cap. 64. notat in eundem locum, simul ibi Petrum appellans, [& principem, & caput ceterorum Apostolorum.]

Neque tamen illi Augustini interpretatio (de trina interrogatione ob præteritam trinam negationem) impedit quo minus maxime etiam propter præfaturam gregis Petro commitendam, ita sæpe illum Christum interrogauerit, vt Chrysostomus & alij Patres locis aut citatis exponunt.

Sed aliud est, inquit Caluinus lib. 4. in fit. cap. 7. pascite oues meas, quàm habens auctoritatem in eas omnes. Accedit, quod non dicit, omnes. Et ipse Petrus alijs piscopis, inquit: [Pascite, qui in vobis est, gregem.] 1. Petr. 5. Tamquam habent omnes ex æquo curam Dominici gregis sibi commissam. Arque hæc ferè sunt, quæ aduersus pondus tanti, tamque illustis testimonij, quo Petri principatum confirmant Catholici, leuissimè obijciunt Sectarij.

Quibus Respondemus, & vsum aliqui sacre Scripturæ, & huius loci circumstantias, & collationem eius cum locis alijs, in quibus antè summa auctoritas Petro promissa est; & (quod magni momenti apud nos esse debet) consentientem interpretationem sanctorum Patrum, satis superque comprobare, pascendi vocabulo in eo loco, metaphorice significari etiam regendi auctoritate. Significat enim ea vox officium, cuiusmodi erga oues Christi, quo bene, atque conuenienter illæ possint, & in spiritali vita sustentari, & omnino ad illa, vsque pascua vberissima vitæ sempiternæ diuigi, atque deduci. Hoc autem, si spectemus hominum naturæ conditionem, sufficienter præstari nequit, sine auctoritate etiam, atque vi præcipiendi, adeoque obligandi ipsas oues ad eum doctrinæ, & religionis quasi pascuum sumendum, qui iudicetur salutaris à pastore. Quare, in quo Ecclesiæ præposito Christus significauit esse plenam auctoritatem pascendi, in eodem auctoritatem, quoque spiritaliter esse regendi intelligere debemus, vt auctoritate Scripturæ, & sanctorum Patrum, & ipsa illius loci ratione satis hæcenus demonstratum est.

Nec nobis illud quidquam obstat, quod aduersarij obijciunt, Christum non dixisse: Oues omnes. Etenim loci circumstantiæ iam commemoratæ, & sententia communis Patrum cogit (nisi velimus esse impudentes) intelligere omnes. Obsecro enim, quænam, & quot, & quales omnes intelligendæ ibi sunt, si non oportet omnes intelligi? Certè Christus non distinxit inter has, & illas, sed absolute:

[Pascite, inquit, oues meas.] Vnde sic sanè (præter ea, quæ prius à nobis allata sunt) licet ratiocinari.

Dubium nullum est, quin Christus ita diligenter commendans Petro oues suas, voluerit ab eo satis intelligi, de quibus ouibus loqueretur. At nisi de omnibus, quæcumque essent suæ, sit locutus: non satis ootuit Petrus, de quibusnam diceret, intelligere. Confirmandum est igitur, illum de ouibus suis omnibus in eo loco locutum esse. Non enim de ijs, aut illis determinatè locutus est; nec verò de nullis; nec, si indeterminatè, & confusè de aliquibus locutus esset, satis illæ à Petro potuissent distinctè cognosci. Quod rectè etiam ante nos doctissimus Caietanus in eruditissimo suo tractatu de Romani Pontificis institutione cap. 10. concludit.

Iam verò Petrus Episcopos item alios, vt gregem pascere, admonuit, non quia par illis esset commissæ cura totius Christi gregis in vniuerso Orbe pascendi: sed quia illi etiam certè, sub Petro, pascere oues Christi debuerunt, & hodie debent: vniquisque in assignato sibi loco. Itaque nec dicit Petrus absolute, [Pascite gregem,] sicut ipsi à Christo generatim, atque absolute dictum est: [Pascite, oues meas.] Sed: Pascite, inquit, qui in vobis est gregem; id est, vniquisque illum, quem fidei, atque curæ suæ habet commendatum. Vt si Rex ad Consules diceret: Regite prudenter commissas vobis ciuitates; unquid propterea significaret, auctoritate regendi esse consules sibi ipsi pares?

§. 31.

Alia quedam Euangelij testimonia, ex quibus iidem D. Petri primatus confirmatur quarto.

ATque hæc quidem testimonia, quæ pro Petri primatu hæcenus ex Euangelio proposuimus, potissima sunt, quoniam etiam sancti Patres ad eam rem maxime aut vti. Sed illis tamen ita positis, atque confirmatis, non minimi ponderis ad eam assertionem stabilendam alia quedam Euangelij testimonia videri debent, quæ solent hæc etiam auctores Catholici non immerito retere. Huius generis est, quòd Christus Dominus soli Petro Matt. 17. nominatim iussit, vt pro se, & pro illo ijs, qui tributum exigebant, solueret flatterem, id est, duo didrachma, vt exposuit eo loco D. Hieronymus. Quæ re primatum Petri significari Christum voluisse Patres non absurdè intellexerunt. Genus enim illud tributum, quidam erat census capitis, id est, vel patris familias, vel certè primogeniti, hæc præcipui in familia post ipsum, vt D. Hieronymus homil. 59. in Matthæum iniciò interpretatur. Qui, & propterea inquit: [Cum primogenitus esset Christus, Petrus quoque discipulorum primus esse videretur, ipsum, adeunt, &c.] Ac post aliqua: [Hunc locum, inquit, Marcus, qui discipulus Petri fuit, ideo non scripsisse videtur, quoniam ingens hinc honor magistro deferrebat.] Item paulò post: [In illa hora, inquit, Petrum omnibus discipulis prætulit.]

Item Augustinus quæst. 75. ex nouo Testam.

flamento; [Saluator, cum pro se, & Petro dari iuber, pro omnibus exsoluisse videtur. Quia sicut in Salvatore erant omnes causae magisterij, ita & post Salvatorem in Petro omnes continentur. Ipsum enim constituit esse caput eorum, ut pastor esset gregis Domini.]

Hinc factum est, ut occasione huius honoris Petri, in illa ipsa hora, sicut Evangelista narrat, discipuli adirent Iesum dicentes; quis putas maior est in regno celorum? Quia viderant, inquit Hieronymus in commentariis eius loci [pro Petro, & Domino idem tributum redditum, arbitrati sunt Petrum omnibus Apostolis esse Prælaturum.] Item Chrysostomus homil. 59. in Marth. [Veriti, inquit, turbationem proferri suam, non aperte quare Petrum ipsis praeponeret, sed confusi?] Quis ergo maior est, interrogarunt? Et rursum ibidem; [Cum ad vnum, inquit, delatus honor est, tunc nimirum doluerunt, Quamquam non ex hac re solum, sed ex alijs multis inflammari fuerunt: Tum quia dixit illi: Dabo tibi claves regni celorum: Tum quia: Beatus es tu Simon, &c. Tum etiam hic: Da illis pro me, & pro te.] Eodem fere modo loquitur in illum locum Origenes tract. 5. in Marth.

Huc addunt etiam Doctores Catholici, quod Matheus cap. 10. cum Apostolorum nomina recensere constitueret [Nomina, inquit, Apostolorum hæc sunt: Primus Simeon, &c. Vbi apparet, illum ad ordinem dignitatis respexisse, non ad ordinem temporis, quo essent Apostoli à Christo vocati. Ita enim Andream primum dicere debuisse: quem primum vocatum esse constat. Quare Ambrosius, in 2. Corinth. cap. 12. [Prior, inquit, secutus est Andreas Salvatorem quam Petrus, & tamen primatum non accepit Andreas, sed Petrus.] Et animadvertatur contra Scismaticorum cavillationes, Doctores Catholicos non inde argumentari, quod Matheus primò nominaverit Petrum, sed quod diserte dixerit: Primus Simon, &c.

Nec obscure idem Petri primatus significatur etiam illius generis locis, quibus perhibetur ipse nomine omnium Apostolorum vel interrogasse Christum, vel eidem respondisse, vel ab eo, de necessaria doctrina pro omnibus peculiariter fuisse instructus. [Per vnum (inquit D. Cyrillus lib. 4. in Ioannem cap. 28.) qui praeerat, omnes respondent. Saneam profecto disciplinam optime conservantes, & posterioribus prudentia, atque modestia relinquere exempla. Decet enim non omnes confusi proflire, sed credere ijs, qui & consilio, & ordine praepositi sunt.] Hæc Cyrillus in eum locum, ubi Christo interroganti, Ioan. 6. [Numquid, vos vultis abire?] Respondit Petrus: [Domine quò ibimus? Verba vitæ æterna habes.]

Accedit, quod ubi in historia sacramentum Collegij Apostolici facienda fuit, passim videas nominari solum Petrum, ceteris non nominari expressis, planè tanquam ipsorum caput. [Profecutus est eum (inquit Marcus cap. 1. Petrus, & qui cum eo erant.) Item Lucas cap. 8. [Dixit Petrus, & qui cum illo erant.] Et rursum Act. 3. [Stans autem Petrus cum vudecim, leuavit vocem suam,

&c.] Nonne modus ipse narrationis indicat ex omnibus Petrum fuisse præcipuum, cui reliqui, tamquam præposito suo adhererent?

Hoc ipsum, & ea re significatum est, quod ad illum primò Christus lauaturus omnium pedes accedit, Ioan. 13. quod illi nominatim suam resurrectionem nunciari voluit, Marci 16. &c.

Atque inrer cætera eiusdem generis indicia, quæ ex Euangelio pro primatu Petri, diligenter etiam à Ioanne Turrecremata lib. 2. de summa Ecclesia cap. 5. & 15. collecta sunt: illud mihi videtur à D. Bernardo lib. 2. de consider. ad Eugenium. post medium, pulchrè notatum esse, quod apud Ioannem cap. 21. legimus, Petrum se meri commississe, ut ad Christum lictore consistentem perueniret, cæteris discipulis nauigio venientibus. [Quid istud est?] ait Bernardus: [Nempè signum singularis Pontificis in Petro, per quem non vnam Ecclesiam, vt ceteri quique suam, sed seculum ipsum gubernandum suscepit. Mare enim seculum est: naues, Ecclesie. Hinc est, inquit, quod altera vice, Marth. 14. instar Domini gradiens super aquas, vnicum se Christi Vicarium designauit, qui non vni populo, sed cunctis præesse deberet. Siquidem aquæ multæ populi sunt multi.] Apocal. 17.

§. 32.

Probatur quinto, D. Petri primatus ex rebus ab eo gestis.

P Ræterea colligitur Petri primatus ab Orthodoxis ex rebus ab eo gestis, quæ in actis præsertim Apostolicis commemorantur. Ille enim post Christi resurrectionem Act. 2. publicè ad multitudinem ex omninatione congregatam primus concionem habuit, adeoque [in nationibus (inquit Ambrosius ferm. 47. de fide Petri) fidei fundamenta posuit.] Ille omnium primus in curatious claudi mirabiliter fidem confirmat. Act. 3. [Si enim Petrus petra est (inquit Ambrosius ferm. 68.) super quam ædificatur Ecclesia, rectè primus pedes sanat, vt sicut in Ecclesia fidei fundamentum continet, ita & in homine membrorum fundamenta confirmet.] Ille, exurgens in medio stratum, Act. 1. statuit aliquem in locum Iudæ fuisse eligendum. Quæ de re Chrysostomus homil. 3. in Acta: [Vide, inquit, feruorem. Quam agnoscat sibi creditum à Christo gregem? Quam in choro princeps est, & vbiq; primus omnium incipit loqui? Ad hunc enim inquit Christus: & tu aliquando conuerfus confirma fratres tuos:] Ille præ cæteris Anania, & Saphira, condemnandis auctoritate vsus est. Act. 5. Ille, Simonem Magum, hæreticorum primum, ex Ecclesia eiecit, deinde Romæ palam reuocavit, vt plerique veteres testes funt. Ambrosius ferm. 66. Hieronymus in Catalog. scriptorum Ecclesiast. ubi agit de D. Petro. Maximus hom. 5. de natali Petri, & Pauli. Egesippus lib. 3. cap. 2. de excidio Hieros. & alij plures apud D. Augustinum epist. 86. Ille morte controuersia de obseruatione legalium, primus in Apostolico Concilio loquitur, Act. 15. remque definit tanquam princeps decreti, vt affirmat Hieronymus in epistola quadam ad Augusti-

gustinum, quæ est 11. inter epistolas Augustini. [Vos enim scitis,] inquit in eodem Concilio Petrus, [quoniam ab antiquis diebus Deus in nobis per os meum (nempe singulari cum auctoritate) elegit audire gentes verbum Evangelij, & credere.] Vnde, & ipsi omnium primò visione celestis monstratum, est gentes etiam in Ecclesiam Christi debere recipi, Aſor. 10.

In summa, vbique, inquit Chrysostomus homil. 21. in Acta, [Petrus primus inuenitur. Quando eligendus Apostolus, hic primus. Quando loquendum Iudæis, non esse Apostolos ebrios, quando curandus claudus, quando concionandum, quando agendum contra principes; quando contra Ananiam, quando ab umbrâ sationes fiebant, hic erat. Et vbi quidem erat periculum, hic; & vbi moderatio. Vbi autem tranquillitate, res erant plenæ, communiter omnes; Sic non exigit honorem maiorem.]

Atque, vt hic Chrysostomus Petrum à facilitate, & submissione commendat, quòd vbi opus auctoritate non fuit, cæteris Apostolis minime se antetulit: ita vicissim reliquis Apostolis laudat, quòd sine controuersia, Petrum post Christi resurrectionem, superiorem suum in omnibus illis actis, de quibus iam dictum est, agnouerunt. Considera, inquit homil. in Acta, [quo pacto concedunt ei solum (cùm de successore Iudæ eligendo ageret) nec amplius ambigunt, discipulantes inter se, quis futurus esset eorum maior?] Et clarissimè homil. 51. in Mattheum: [Nondum, inquit, gratia Spiritus sancti corroborati, facili mouebantur; gratia verò accepta nou tales nempe fuerunt, sed vbique primum Petro præbent, & in concionibus cum anteponunt, quamuis cæteris rudior videretur.] Tractat hoc argumentum à Petri rebus gestis eruditè inter cæteros Rosensis, articulo 25. aduersus Lutherum.

Verùm hic Lutherus, & Caluinus, & sectarii reliqui clarissimæ luci tenebras offundere nituntur. Obijciunt etiam impudenter, Petrum iniquam exercuisse aliquando eiusmodi in Ecclesia primatum. I. Non enim constat, inquit, cum in reliquos Apostolos auctoritate esse vsum. II. Quin imò ipse cum Ioanne missus est ab illis in Samariam, Aſor. 8. III. Deinde cùm electio Mathiæ, Acta. 1. & septem Diaconorum, Aſor. 6. facienda fuit, non à Petro est facta, sed ab omnibus æquè Apostolis iacta sunt sortes. IV. Nec solus etiam controuersiam de religione definiuit, sed in Concilio res decernitur. Vbi, & Iacobus quidem cum auctoritate dicit Aſor. 15. [Ego iudico, &c.] V. Sed & D. Paulus disertè ad Galat. 2. ait: [Mihi autem, qui videbantur esse aliquandò (loquitur de Petro, Iacobo, & Ioanne) contulerunt. Sed contra, cùm cognouissent, quòd creditum est mihi Euangelium præputij, sicut Petro circumcissionis (qui enim operatus est Petro in Apostolorum circumcissionis, operatus est; & mihi inter gentes) & cùm cognouissent gratiam, quæ data est mihi, Iacobus, & Cephas, & Ioannes: qui videbantur columæ esse, dexteræ dederunt mihi, & Barnabæ societatis: vt nos in gentes, ipsi autem in circumcissionem.] VI. Accedit quo Paulus etiam

in faciem Petrum reprehendit:

Ad hæc omnia ordine sic respondeo. Ad I. Aliud est, Petrum non habuisse auctoritatem in reliquis Apostolos: Aliud; propter eam modestiam, atque submissionem, quæ ipsi à Christo Lucæ 22. commendata fuit, eiusmodi auctoritate in illos non fuisse vsum. Illud primum omnino falsum est; Hoc vltimum, absque incommodo dari potest. Atque id tantum ea ferè probare possunt, quæ sunt obiecta. Nam cùm reliqui Apostoli ipsi per se quàm decentissimè omnia facerent, quid opus habuerunt Petri imperio? rectissimè enim D. Gregorius lib. 7. Registri epist. 64. [Si quæ, inquit, culpa in Episcopis reperitur; nescio quis Episcopos Sedi Apostolicæ subiectus non sit: Cùm verò culpa non exigat, omnes secundum rationem humilitatis æquales sunt.] Huius igitur moderationis seruandæ exemplum suis Petrus successoribus præbuit.

Ad II. Quòd ab alijs Apostolis, vt Samaritanis manus imponeret, cùm Ioanne missus fuerit; id verò nihil obstat. Sæpe enim, qui præcipui sunt de collegio, mittuntur. Nam & filij Israel miserunt ad filios Ruben, Phinees, filium Eleazari sacerdotis, [& decem principes cum eo.] Iosue 22. Fuit autem Phinees [Dux eorum coram Domino,] vt historia sacra testatur, 1. Paral. 9. Ac sanè si mittendi vocabulum, nimis hoc loco premere velint Sectarii, non modò Petrum superiorem cæteris non fuisse, concludere debent, sed eo parem quidem: quod illi tamen contendunt. Etenim vulgò, & communiter, vt inferior non mittit superiorem, ita nequæ æqualis æqualem. Peculiari autem modo missionis, videlicet rogatu potius, & conuentione, quàm imperio; constat & pares, & superiores etiam, quandoque solere mitti, præsertim à toto aliquo collegio, sicut tunc Petrus, & Ioannes missi fuerunt.

Ad III. Quod ad electionem Matthiæ, & Diaconorum attinet; respondit pro nobis luculenter D. Chrysostomus, homil. 3. in Acta. [Quid? inquit, An non licebat ipsi Petro eligere? Licebat ei quidem maxime. Verùm id non facit, ne cui videretur gratificari.] Non igitur, quia non potuit, sed quia expedire non putauit, ipse non elegit. Et tamen in eo ipso genere satis ea re primatum suum ostendit, quòd de electione faciendi reliquos ipse cum auctoritate admonuit; vt Chrysostomus etiam annotauisse supra intelleximus. [Oportet enim, inquit Act. 1. ex his viris, qui nobiscum sunt, vnum eligere, &c.]

Ad IV. de congregato Concilio Apostolico, ob controuersiam de obseruatione Legalium, sciendum est. Quid enim auctoritati suæ Petrus derogauit, quòd ex aliorum etiam consensu rem decerni vultuere? Nec verò in ea ipsa re auctoritas Petri non emittit. Ipse enim primus sententiam pronunciauit, [quo etiam loquente, tacuit omnis multitudo,] cæterique deinde illius sententiam sunt sequuti. Nam quod Iacobus dixit: Ego iudico; quid obstat? Nempè iudicauit idem, quod caput cæterorum Petrus. Et expediebat, vt de Iacobi sententia iudicioque constaret, quia Hierosolymis quæstio mota fuit,

vbi ille (inquit Chrysoſtomus homil. 33. in Acta) Epicoſopus erat, & vt in ore duorum, vel trium teſtim ſtareſt omne verbum.

Ad V. Iam verò D. Paulus ſignificat quidem Apoſtolaſt dignitate parem ſe Petro, & reliquis Apoſtoliſt fuiſſe: Quod minimè ſane impedit, quominus, vt ipſe etiam ouis Chriſti erat, Petro inferior fuerit; quemadmodum hoc idem communiter de cæteriſt Apoſtoliſt ex Patrum ſententiâ ſuperiùſt ſ. 37. à nobiſt expoſitum, atque deſenſum eſt. Itaque Diuus Gregoriuſt homil. 18. in Ezechiel. Paulum cum Petro comparans, minorem fratrem eum appellat: Itemque diuus Auguſtinuſt libro 2. de baptiſm. contra Donatiſtſ cap. 1. poſteriorem Petro. Quin, & Pauluſt ipſe hunc primatuſt honorem D. Petro non obſcureſt detulit. Quorum enim poſt annos treſt prædicationiſt ſuæ (vt in eadem epiſtola ad Galat. 1. legimur) venit Hieroſolymam videre Petrum? Nempe, inquit Chryſoſtomuſt homil. 87. in Ioannem; [quia oſ Apoſtolorum Petruſt erat princepſt, & vertex ipſiuſt cætùſt: propterea Pauluſt aſcendit eum videre, præ alijs.] Et Ambroſiuſt in caput 1. ad Galatàſt; vel quiſquiſt fuit ille veruſt auctoſr; Dignum, inquit, erat, vt vellet videre Petrum, cui delegauerat Dominiſt curam Eccleſiaſt. Et D. Hieronymuſt in commentarijſt illiuſt loci: [Iuit, inquit, non diſcedi ſtudio, ſed honoris priori Apoſtolo deſtendi.] Item Tertullianuſt in libro præſcript. circa medium: [Aſcendit, inquit, Hieroſolymam, Petri cognofcendi cauſa ex officio, & iure; ſcilicet cuiuſdem fidei, & prædicationiſt.] Et Theodoretuſt in illuſt locum ad Galat. 1. [Principi, inquit, Apoſtolorum, quem par erat, honorem tribuit.]

Quod verò ibidem Pauluſt dicit, nihil ſibi à Petro, & ab alijs collatum eſſe; ſignificat quidem, nihil ſe ab illiſt didiciſſe; quod pertineret ad ſidenſt: vt qui erat ab ipſo Chriſto ſatiſt in eo genere erudituſt, quemadmodum ipſe initio etiam eiuſdem epiſtolaſt declarat. Quamquam approbationem quidem Euangelij ſui petijt à Petro, vt à principi, & ab alijs, qui videbantur (vt inquit) aliquid eſſe, hoc eſt, ab Eccleſiaſt auctoſitate, cui Petruſt præſidebat; Adeo vt neget aperte diuus Auguſtinuſt lib. 28. contra Fauſtuſt caput. 4. fideleſt fuiſſe ei Euangelio, quod Pauluſt prædicauit, credituroſt, niſi cum illiſt Apoſtoliſt conſuliſſet. Quod idem aſſiruant D. Hieronymuſt epiſtola ad Auguſtinuſt, num. 11. inter Auguſtini epiſtolaſt, & Tertullianuſt lib. 4. contra Marcion. paulo poſt medium. Atque id clariffimè ſignificat illa eiuſdem Apoſtoliſt verba ad Galat. 2. [Conſuli, inquit, cum illiſt Euangelium, quod prædico in gentibuſt, ſecurſum autem iſt, qui videbantur aliquid eſſe ne fortè in vacuam curterem, aut eucuriſſem.] Iam verò quòd dexteram ei ſocietatiſt dederunt, aliud nihil quàm æqualitatem in Apoſtolaſt ſignificat: quæ non pugnat cum D. Petri principatu, quatenuſt illiſt curæ ſingulariter ipſa fidei fundamenta (vt inquit Nazianzenuſt, oratione de moderatione in diſputatione habenda) commiſſa ſunt, hoc eſt, ipſi etiam Apoſtoli, vt auctoſitate Scripturæ, & Patrum ſuprà confirmatuſt eſt, ſ. 26.

Nec quod ait illic Pauluſt ſibi in gen-

Tom. XIII.

tibuſt, Petro autem in circumciſione Euangelium commendatuſt fuiſſe,] ita intelligi debet, quaſi nec Petro lieuerit Gentibuſt, nec Paulo Iudæiſt prædicare Euangelium. Contrarium enim conſtat ex Actiſt, cap. 10. Vbi legimur, viſo linteo calatuſt monſtrato; in quo eſſent omnia reptilia, & quadrupedia terræ, Petruſt cognouiſſe, ad ſe pertinere, vt gentes etiam ad Eccleſiaſt aggregaret. Quare, & poſtea quoque diſertiſt verbis pronun-
ciat Actoſr. 15. Deum elegiſſe ſe, vt ad ciuſt prædicationem gentes crederent Euangelio. Ac de D. Paulo viſiſſim ſcriptum eſt; quòd [ingreſſuſt in Synagogaſt prædicabat Ieſum, aſſirmauſt, quoniam hic eſt Chriſtuſt, & conſu-
debat Iudæoſt.] Actoſr. 9. Eſt igitur illa diſtributio præputij, & circumciſioniſt inter Petruſt, & Pauluſt facta per accommoda-
tionem tantum quandam: vt illo videlicet tem-
pore (quoniam ita expedire videretur) Pauluſt Gentibuſt, Petruſt Iudæiſt ſingulari cura
nunciaret Euangelium, quemadmodum rectè exponit Ioanneſt à Turrecremata lib. 2. de Eccleſiaſt caput. 13. Neque verò quaſicumque hæc diſtributio præputij, & circumciſioniſt quidquam obſtitit, quo minus, & in præpu-
rio, & in circumciſione; hoc eſt, Iudæiſt, & Gentibuſt ſingulari Petruſt auctoſitate emi-
nuerit, vt ſuprà probatuſt eſt.

Ad VI. Quòd Pauluſt Petruſt reprehendit (ſi maxime illud ab eo ſit factum non ſimulare) vt Hieronymuſt contendit epiſtola ad Auguſtinuſt 11. inter Auguſtini epiſtolaſt (ſed ex animo, vt vult Auguſtinuſt epiſt. 19. ad Hieronymuſt, argumeto eſſe non debet, Pauluſt, vel parem, vel ſuperiorem auctoſitate Petro fuiſſe. Quando enim ita reſ poſtulat (præſertim publica) ſas etiam eſt inferioriſt ſuperiorum peccata debito cum modo redarguere. vt à D. Gregorio lucculenter eſt explicatuſt. Vide 2. qu. 7. can. Si quiſt, & can. Lator.

ſ. 33.

Probatuſt Sexto, D. Petri primatuſt, peculiari quadam, eaque firmiſſima, argumentandi forma, ex præcipuiſt, qui ea dere exſtant, Euangelij lociſt.

ET hætenuſt ſane illuſtria teſtimonia pro Petri primatu à nobiſt allata, & confirmata, & ab Aduerſarioſum cauillationibuſt deſenſa ſunt. Sed vt clariuſt adhuc iſorum pertinacia, quòd tanta mole teſtimonium, non moueantur, ante omnium oculoſt conſtituatur; Probemur iſoruſt hanc primatuſt aſſertionem iſdem ex teſtimonijs hoc modo.

Si poſteaquam Chriſtuſt, & Petro, & reliquiſt omnibuſt Apoſtoliſt auctoſitateſt Apoſtoliſt muneriſt communiter attribuit; in-
quiens: [Ite, ego mitto voſ: quorum remiſeritiſt peccata, &c.] Ioann. 10. Et: [Prædicare Euangelium, &c.] Marci 16. nihilominuſt ſingulariter Petro cum ita diſiſſeſt legemur. [I Petre, non ædificabo ſuper te Eccleſiaſt meam: Non tibi dabo clauet regni cælorum: Non quodcumque tu ſoluſerit, aut ligauerit ſuper terram, erit ſoluſum; aut ligatuſt in cæliſt: Non confirmet tu in fide fratreſt tuoſt; Non paſcaſt tu oueſt meat. Item

C

pe-

Petrus non est primus Apostolorum: &c.] Si, inquam, hæc in Euangelij historia sic legemur: obsecro, quis ex Sectariis dubitaret: quin in eiusmodi enunciationibus negatiuis ædificatio Ecclesiæ super Petrum, claus regnum cælorum, cura singularis pascendi oues, auctoritas fratres in fide confirmandi; primatus, & similia vocabula potestatem in Ecclesia post Christum summam significarent? An clariora (dicerent) testimonia contra Petri primatum requirimus? En, verbum habemus ipsius Christi manifestum. [Non ædificabo o petre super te Ecclesiam meam. Non tibi claus regni cælorum dabo. Non pascas tu oues meas. Non confirmes tu in fide tuos fratres, &c.] Quid vos Papistæ? An non videtis hic à Christo diuersis verbis negari primatum? Quid enim aliud claus regni cælorum? Quid Ecclesiæ fundamentum? Quid cura singularis oues pascendi, & confirmandi fratres, nisi primatum in Ecclesia significat? Et tamen hæc omnia, dicerent, Christus negat Petro, &c. Equidem minime dubito, quin pluribus etiam verbis, si quæ talia testimonia ex Euangelio recitare possent, nobis isti insultarent, vt qui nec iam verentur, nullis, ne probabilibus quidem, testimonijs aut argumentis freti, iactare, eius primatus assertionem, & commentitiam, & cum Euangelio pugnantem esse. Nunc igitur ita concludo: Quod in enunciationibus illis negatiuis, Non super te, o petre, ædificabo Ecclesiam meam, Non tibi dabo claus regni cælorum. Non es tu primus Apostolorum, &c. vocabula illa: Fundamentum ædificationis Ecclesiæ; claus regni cælorum; munus pascendi, & confirmandi; primatus, &c. significarent, hoc idem, significant in contradicentibus enunciationibus affirmatiuis, quæ iam exstant in Euangelij historia: Nempe in his Matth. 16. Super te ædificabo Ecclesiam meam: Tibi dabo claus regni cælorum. Lucæ 22. Confirma, fratres tuos Ioann. 21. Pascas oues meas. Matth. 10. Primus Apostolorum Petrus, &c. (Eadem enim ipsa vocabula in his affirmatiuis enunciationibus vsurpantur) Sed in illis enunciationibus negatiuis ea vocabula significarent primariam aliquam, ac summam in Ecclesia auctoritatem post Christum, quæ Petro negaretur, vt iam ex ipsa etiam mente, & sensu tacito Aduersariorum ostensum est, Igitur hanc eandem primariam auctoritatem, quæ Petro sit tributa, significant illa vocabula in ijs enunciationibus affirmatiuis, quas in Euangelio iam legimus: & vi consequentis efficitur, optimè primatum Petri testimonijs illis ex Euangelio productis confirmari.

Hic nisi, vel conscientia reclamante, vel præcipiente incitita, & incogitantia, nihil ab aduersarijs responderi posse, certissimus sanè sum. Nam quid dicant? An non idem illa vocabula in enunciationibus affirmatiuis significare, quod significarent in negatiuis? At cum propositiones contradicentes, hoc est affirmatiuæ, & negatiuæ, ijsdem terminis torquentur: quis tam omnis artis atque etiam rationis expertus est, vt non intelligat, eosdem terminos, siue vocabula eandem significationem utrobique retinere? Quid igitur? Num contentum in negatiuis illis:

Non ædificabo super te, o petre, Ecclesiam meam, &c. vocabulis illis fuisse Christum significaturum non propriè aliquem auctoris principatum, sed ipsam omnino auctoritatem Apostolici muneris, quam solam proinde etiam in affirmatiuis nunc significat? At excludit propterea hanc responsionem nostri argumenti hypothesi: quæ cum nihil contineat repugnans; & explicationis tantum gratia à nobis sumatur; rei certi, nec debet, nec potest. Posuimus enim Christum, posteaquam, & Petro, & reliquis Apostolis communiter auctoritatem Apostolici muneris alijs verbis concessisset, nihilominus singulariter Petro dicere: Non super te, o petre, ædificabo Ecclesiam meam: Non tu confirmes fratres tuos, &c. Itaque principatum propriè aliquem auctoritatis Apostolicæ eiusmodi verbis Christus significasset; Petroque negauisset: Non autem Communem Apostolatatus auctoritatem, quam alias concessisset eidem, vt ponimus. Quandoquidem igitur Christus vtiut ijsdem illis vocabulis in affirmatiuis enunciationibus contradicentibus, quæ in Euangelio exstant, profecto eundem à Christo auctoritatis principatum inibi significari, Petroque attribui, confitendum est.

§. 34.

Probat ut etiam septimo, D. Petri primatus ratione.

Suppedit etiam Catholicis ad eandem confirmandam assertionem, præter testimonia, ratio, quæ partim ex Scriptura, partim ex ipsa natura Ecclesiæ, & diuina prouidentia erga illam duci potest hoc modo: Si Christus voluit Ecclesiæ regimen esse monarchicum, quod ab vno videlicet penderet, in quo principatus auctoritatis post Christum esset, necesse est fieri, D. Petrum esse, quem huic rei præfecerit. Nam quem, obsecro, potius existimare possumus cum tantum non expressis verbis legamus in Euangelio Christum dicentem: Volo, vt Petrus summa post me auctoritate in Ecclesia polleat, vt ex allatis supra testimonijs apparet? Atqui Christus Ecclesiæ suæ regimen monarchicum esse voluit: Petrum igitur illi præfecit. Id confirmamus. Nam constat Christum convenientissimo atque optimo modo voluisse prouidere, vt Ecclesia, quæ varia atque multiplici conditione hominum continetur, vna esset vnitatis doctrinæ, charitatis, pacis, &c. vt supra §. 16. demonstratum est, cum de eiusmodi Ecclesiæ proprietate, quæ est vnitatis, inter cætera ageremus. Nec enim fuisset aliqui Christus Dominus vtilitatem Ecclesiæ sponse suæ satis prouidus. Siquidem experientia cognitum est, perniciosum ac pestem, communitatum omnium esse dissidia: contrā verò optimum illarum esse statum, cum est omnium partium consensio stabilis atque firma pax. Est autem eius vnitatis in Ecclesia conseruandæ modus sanè optimus, si omnes pendeant ex vnius auctoritate inter terris post Christum suprema.

Quod dupliciter probamus. Primo ab ipsa ratione vnitatis. Nam quod potest accommodatiùs esse quam ipsi principium, & causa vnitatis.

vnitatis, quam vnitas? Etenim contrā videmus, omnia diffidia, & quaecumque controversias in communitatibus non nisi ex aliqua tandem diuersitate proficisci, vel opinionum vel voluntatum. Deinde id ipsum intelligi debet ex ijs omnibus rebus, quas videmus ab auctore ipso mundi Deo, quam optime factas atque constitutas esse. Quaecumque est enim in omni genere multitudo, sic est ab eo condita, institutaque; vt quoad eius fieri potest, ex vnitatem pendeat, ab eaque contineatur. Satis, vt appareat bene esse multitudini eo modo prouisum. Hoc licet animaduertere in corpore humano, cuius omnes partes vim suam percipiunt ab vna quadam praecepta, nempe à capite, vel corde; in quo sit vitae quasi principatus. Hoc in arboribus, quarum omnes ramusculi per ramos, & omnes rami per truncum pertinent ad vnam radicem, ex qua succum attrahunt. Idem cernere possumus in bestiis etiam minimis, quae quidem congregari soleant. Vt in gruibus, in apibus, quae ducem vnum, & tamquam regem suum sequuntur. Denique ne singula persequar, id in ipsa cernitur vniuersitate rerum, quae quidem res, quoniam (vt ait in duodecimo libro primae Philosophiae Aristoteles) nolunt male disponi, sed bene, hoc est, quia rectissima quadam inclinatione omnes in optimum sui statum propendunt, non plura principia, sed vnicum habent, à quo velut à principe vno reguntur, vt concludit etiam in illo loco Philosophus.

Ac sane Respublicas, quam optime constituit monarchico ordine, idem Philosophus libro octauo Ethicorum, & tertio Politicorum euincit. Itaque, & in veteri lege vnus sacerdos summus praeficiebatur, Deuter. 17. cuius auctoritate fuissent omnes controversiae: quamdiu Synagoga quidem finem nondum fuit habitura, sicut habuit temporibus Christi. Quin, & Sacerdotes quidam, non infimi inter Lutheranos nominis, palam aliquando affirmauisse ferunt, nisi vnus aliquis Archiepiscopus, reliquis omnibus Sacerdotibus in causa religionis praesit, Synagoga ipsorum nequaquam posse consistere. Id de Schmidelino publicè nuper testati sunt Heidelbergenses in epistola consolatoria ad eundem. Nempe quia, & isti experiuntur, nullam aliquam disciplinam religionis facile conservari posse, nisi contineatur vnus auctoritate. Ac multa praeterea, quae illustrant confirmantque hoc argumentum tractata sunt inter ceteros à diuo Thoma lib. 4. contra Gentes, capitulo 76. & à Turrecremata lib. 2. de Ecclesia capit. 2. & 4. & plura non ita pridem à Nicolao Sanderò in accurato illo suo opere de visibili Ecclesia monarchia in quinque libris prioribus. Nos breuiter tantum volumus ostendere, nequaquam defuisse rationem, quamobrem Christus regimen Ecclesiae voluerit esse monarchicum, cui Petrum praefecerit, vt in primis constat ex propositis antea Euangelij testimonijs si maxime nulla nobis eius institutionis ratio perspicua esset.

Verum hoc etiam loco nobis obstreper Caluinus lib. 5. instit. cap. 7. Arbitratur enim ille nequaquam expedire, vt vnus Ecclesiae toti praeficiatur: vt nec expediat, inquit.

Tem. XIII.

vnum orbi toti in temporalibus dominari; Quin & exempla nostra aduersus nos retorquet. Nam quod ad apes attrinet, singuli, inquit, Reges suis aluearibus contenti sunt. Cur non igitur sit contentus Romanus Pontifex Romana sua diocesi? Praeterea, vt maxime oporteat Ecclesiae totius esse vnum caput, illud certe est Christus, non alius.

Respondeo. Primum assertio nostra non illa ratione praecipue nititur, sed Christi instituto, quod constat ex Euangelij perpericulis testimonijs. Deinde & illam quoque rationem congruentem esse defendimus. Nec enim si non expediret, vnum praesere vniverso mundo in temporalibus, illico sequeretur, neque in spiritualibus vnum praeponi omnibus debere. Gubernatio enim temporalis plus multò habet negotij, ac proinde non aequè commodè potest per vnum administrari. Praeterea longè difficilis est, poena temporalis, quam spirituali eos coercere, qui longissime distant. Animaduersio enim spiritualis, vt excommunicatio &c. nullo locorum intervallo impeditur, quo minus efficax esse possit. Denique reliqua omnia, quae ad gubernationem spiritualem pertinent, faciliè ab vno Pontifice administrantur, modò Episcopis, & alijs ministris inferioribus tantam pro ratione locorum, & rerum, & aliarum circumstantiarum impertiat auctoritatem, quanta satis sit ad commodam omnium expeditionem. Neque enim, qui vniversae Ecclesiae praefectus est, debet omnia per se ipse conficere.

Quod autem Caluinus deinde nobis obijcit, singulos quosque apium reges contentos esse suis aluearibus: id sanè rationem nostram confirmat. Cogitare namque Caluinus debuit, non modò vnamquamque Ecclesiam, aut diocesim particularem, sed Ecclesiam etiam vniversam, tamquam vnum esse aluèare. Itaque vt qualibet aluèaria suum habent regem; sic tota Ecclesia, quae vna item est vnitatem totius, vnum etiam, quasi regem, id est, vniversalem pastorem, habeat oportet: non minus, quam vt qualibet Ecclesia particularis habeat etiam particularem praepositum suum. Caluini verò cauitatio procederet, si particulares dumtaxat Ecclesias voluisset Christus vnitatem retinere, & non etiam statuisset, vt vniversa quoque Ecclesia, quae ex particularibus, tamquam ex partibus, constat vnita esset. Nunc verò, quia Ecclesia etiam tota, instituta atque voluntate Christi, est vnita, necesse Caluinus habet huic quoque magno aluari suum, quasi regem concedere.

Neque obstat, quòd Christus nunc etiam sit omnis Ecclesiae caput. Nam vt fidelium congregatio visibilis est, sic oportet, vt quò suauiter gubernetur, caput etiam habeat in terris visibile, id est vnum pastorem: licet is ipse quidem ab illo pastore primario Christo pendeat, vt supra satis ex sententia Patrum explicatum est.

Nec ideo, vt Aduersarij nugantur, Ecclesiam monstruosum corpus facimus. Ratio enim metaphorae animaduerti debet Christus regit Ecclesiam primò, & principaliter. Vicarius eius etiam id facit in terris summa secundum ipsum auctoritate. [Omnes enim

hic propriè regit] inquit D. Leo serm. 3. de die anniuerfario assumptionis fux [quos principaliter regit, & Chriflus.] Hoc folùm, quod ad rem iftam attinet, fignificare volumus, cùm & Chriflum, & eius Vicarium caput Ecclefie appellamus. Quemadmodum etiam, & Petrus petra fundamentalis Ecclefie eft à Chrifto appellatus, cùm ipfe Chriflus maximè fit petra, & fundamentum. [Communicat enim Chriflus alijs fua nomina, & poteflatem, & habens dat,] vt fuprà 5. 17. ex Sanctis Patribus audiuimus.

S. 35.

*Probatnr oſtendo Diui Petri primatus,
teſtimonijs Patrum.*

QUæ cùm ita ſint, merito ſanctiſſimi Ecclefie Patres (quorum ſententias magna ex parte hæcenus recitauimus) Euangelij teſtimonijs fuprà citatis, adducti ſunt, vt Petro primatum in Ecclefia fuiſſe à Chrifto tributum aſſerent. Ambroſius lib. 10. in Lucam cap. 24. affirmat, D. Petrum à Chrifto [omnibus prælatum fuiſſe, tamquam Vicarium in terris relictum.] Hieronymus lib. 1. contra Iouinianum, fuiſſe [caput omnium Apoſtolorum.] Auguſtinus in Pfalm. 108. [primatum in diſcipulis habuiſſe.] Gregorius lib. 4. Regiſtri, epiſt. 32. [Cunctis Euangelio ſcientibus liquere, voce Dominica Petro Apoſtolorum principi totius Ecclefie curam commiſſam eſſe.]

Hoc ipſum quod ij quatuor Ecclefie Doctores, aſſerunt æquè luculentis verbis cæteri Patres Latini, Hilarius can. 16. in Mattheum. Cyprianus libro de vnitare Ecclefie. Optatus lib. 2. contra Parmen. Proſper lib. ſententiarum ſen. 259. & lib. 2. de vocat. gent. cap. 9. Maximus ſermon. 3. in Natali Petri, & Pauli, Arnobius in pfalm. 138. Beda in cap. 1. Ioan. Bernardus lib. 2. de confider. ad Eugenium &c.

Nec minus clarè Doctores Ecclefie Græcæ vetuſtiores, à quibus recentes Schiſmatici, degenerauerunt. Dionyſius cap. 3. de diuin. nominibus vocat Petrum ſummum, & verticalem. Baſilius in oratione de Dei iudicio circa finem tom. 3. ait [Omnibus diſcipulis fuiſſe prælatum.] Gregorius Nazianzenus, in oratione de moderatione in diſputatione habenda: [vnum ex omnibus diſcipulis fuiſſe electum, & eius curæ fundamenta ipſa fidei, hoc eſt, reliquos Apoſtolos fuiſſe commiſſa.] Chryſoſtomus hom. 55. in Mattheum: [Paſtorem, & caput fuiſſe, & vniuerſo terrarum Orbi à Chrifto præpoſitum.] Cyrillus Alexandrinus lib. 12. in Ioan. cap. 64. [Principem caputque cæterorum.] Cyril. Hieroſol. catech. 2. 17. 21. [Principem diſcipulorum, & regni cælorum clauigerum.] Epiphanius hæreſi 51. [Ducem diſcipulorum.] Eufebius lib. 2. hiſt. cap. 14. [Chriſtianorum primum Pontificem. Idem Origenes ſuper caput 1. Ioannis, Theophylactus in cap. 27. Lucæ. Euthymius, & Oecumenicus in cap. 21. Ioannis, vt reliquam vtriuſque Ecclefie Doctorem turbam iam omittam, [quam diſnumerare nemo poteſt,] inquit apoſtolicæ Cæſaræus in tractatu de inſtitutione

Romani Pontificis capitulo vltimo.

Neque paruipendi in hac quaſtione debent antiqui Pontifices ſanctiſſimi, iſdemque maiore ex parte inſignes Chriſti Martyres, qui & ipſi Petri primatum ex Euangelio confirmauerunt, quaſi teſtimonium in propria cauſa perperam dicerent, vt calumniantur impudentiſſimè Scelarij. Nam præterquam quòd eos, & ſanctitatis doctrinæ ſingularis exiſtinatione, & martyrij gloria, iure, ac merito apud prudentes omnes ea ſuſpicionem liberat, obſecro, qui fieri potuit, vt ad vnum omnes, tam multi tamque, & natione, & ætate varij, ad cauſam propriam inique tuendam conſpirauiffent?

Igitur ex eo numero Summorum Pontificum non tamquam priuatam cauſam, ſed tamquam Ecclefie Chriſti communem, viri, & zelo religionis, & ſtudio veritatis, vſque ad vitæ proſuſionem (magna ex parte) inſignes D. Petri primatum perlique aſſeruerunt: præſertim Clemeus epiſt. 1. ad Iacobum, Anacleus epiſt. 2. & 3. Euariftus epiſt. 1. ad Epiſcop. Afric. Alexander epiſt. ad omne Orthodoxos, Pius I. in epiſt. ad omnes Eccleſiaſticos, Viſtor in epiſt. ad Theophil. Epiſcopum Alexandrinum, Zephirin in epiſt. ad Epiſcopos per Siciliam conſtitutos, Marcellus epiſt. 1. ad Epiſcopos per Antioch. prouinciam conſtitutos, Eufebius epiſt. 3. ad Epiſcopos Campaniæ, & Tuſciæ, Melchiades epiſt. ad Epiſcopos Hiſpaniæ, Iulius I. in epiſt. ad Orientales pro cauſa D. Athanaſij, Felix II. in epiſt. ad D. Athanaſium, & reliquos Alexandria congregatos; Damafus in epiſtola ad Stephanum Archiepiſcopum, Mantitanæ, & reliquos Epiſcopos African. Innocentius I. epiſt. 1. ad Decentium, Leo I. epiſt. ad Anaſtaſium, & aliàs paſſim, Gelafius in decreto de ſcriptis Apocryphis, Anaſtaſius in epiſtola ad Anaſtaſium Auguſtum. Vigilius in epiſtola ad Eutherum, Pelagius I. in epiſt. ad Vigilium Epiſcopum, Gregorius lib. 4. Regiſtri epiſt. 32. & aliàs ſæpè, & reliqui omnes his poſteriores.

Quibus addè grauiffima ſanctiſſimæque iudicia Patrum in Oecumenicis Concilijs: In Nicæno primo, teſte Iulio I. in epiſtola ad Orientales Epiſcopos, & in epiſtola ad Epiſcopos Antiochiæ, citatque ad eam rem can. 18. & 19. qua de re lege præſertim Melchiorum Canum lib. 6. de locis Theologicis cap. 4. Item in Chalcedonenſi act. 1. 2. & 3. Item in quinta Synodo, in ſententia Menæ contra Anthymum. Et in Synodo ſexta, in ſuggeſt. Synodica Agathonis, approbata, act. 8. 13. & 17. Et in Synodo ſeptima, in epiſtola Synodica Adriani I. approbata, act. 2. Et in Sydon octaua, in epiſtola Ignatij Patriarchæ Conſtantinop. ad Adrianum II. approbata in eadem Synodo. Et in Synodo Romana ſub Symmacho, vt reſertur 96. diſt. cap. Bene. Et in alia ſub Nicolao, vt reſertur 25. quaſt. 2. cap. Si quis. Et in alia Lateranenſi ſub Innocentio III. vt reſertur cap. Damnamus, de ſumm. Trinit. l. 6. Et in Florentina, vbi Græci tandem in ea ſententia, cum latinis conuenerunt. De prouincialibus autem Concilijs longum eſſet dicere.

Quare habentes tantam nubem teſtimij, tamque firma ad hanc rem Scripturæ ſanctæ teſti-

testimonia, in re, ac merito hunc in modum cum D. Leone concludimus epist. 89. ad Episcopos per Viennensem prouinciam constitutos: [Quisquis Petro, inquit, principatum aſſimar denegandum, illius quidem nullo uodo poſſeſt minuire dignitate, ſed inflatus ſpiritu ſuperbiz fuz, ſemetipſum in inferna demergit. Atque haecenus probauimus id, quod erat primum ē tribus, quæ ſupra, §. 27. confirmada propoſuimus in hac quaſt. de Primatu Romani Pontificis. Nunc ſequitur, vt probemus ſecundum .

§. 36.

Primariam illam in Eccleſiam auctoritatem ſucceſſoribus etiam Dni Petri à Chriſto conferri.

Hæc vis, atque ſententia huius propoſitionis eſt voluiſſe Chriſtum, vt Petro vita deſuncto aliquæ perpetua ſerie ſucceſſionis in locum Petri ab Eccleſia reciperetur, cui Chriſtus ipſe auctoritatem ſupremam, ſicut Petro conferret, de fide, & alijs rebus ea conſtituendi, quæ ad ſaltem fidelium pertineant . Hanc autem catholicam aſſertionem Ioannes Wiclephus hæreticus negauit, cuius error vigintiſ ſepimus (vnā cum alijs in Concilio Conſtantiensi ſeſ. 8. & 15. damnatus) fuit talis: [Non eſt, inquit, ſcintilla apparentis, quod oporteat in ſpiritualibus eſſe vnum caput regens Eccleſiam; quod ſemper cum ipſa Eccleſia militante conuerſetur, & conſeruetur.] Quem errorem Lutherus, & Caluinus, & reliqui Sectarij recentiores ſequuti ſunt .

Contra hos omnes probatur aſſertio noſtra; Primo ex conſenſu Conciliorum, & Patrum præcedente, §. Citatorum, atque adeo totius Eccleſiæ Catholice, quæ verba illa: [Tu es Petrus, ideſt, ſoliſ in fide, & ſuper hanc petram, &c.] iteque illa. [Confirmatores tuos, & Paſce oues meas;] ad Petri etiam ſucceſſores pertinere intellexit. Quod vnum aduerſus omnes hæreticorum corruptelas, & vanas interpretationes ſatis eſſe nobis deberet. Nam, quod ſæpe dicendum eſt, ille eſt certiffimus Scripturæ ſenſus, quem Eccleſia eſſe intelligit, peculiariter autem ad eius rei confirmationem valent ea ſanctorum Patrum teſtimonia, quæ etiam nominatim confirmant, Romanos ipſos Pontifices, illos Petri ſucceſſores eſſe, ad quos item ea Chriſti verba, D. Petro dicta, pertinuerint. De quibus teſtimonijs poſtea etiam ſuo loco dicemus .

Deinde eadem aſſertio probatur, tum ex ipſis Chriſti verbis ad Diuum Petrum, tum etiam ex eo ſue, cuius cauſa Petrum vniuerſæ Eccleſiæ præſecerat. Ex verbis quidem. Nam dum ait abſolute: [Super hanc petram ædificabo Eccleſiam meam;] procul dubio de Eccleſia illa loquitur, quæ iuxta certiffimas promiſſiones ad finem, vſque mundi duratura eſt: Iſaia 59. Matth. vltim. &c. Hæc enim eſt omnino illa Eccleſia ipſius. Hanc autem Eccleſiam ita perpetuo duraturam, ædificare ſupra Petrum ipſum ſolum non potuit. Intellexit igitur ibi Petrum, & ſucceſſores eius, vt optime D. Thomas libro aduerſus gentes

tertio, capitulo 26. eſt argumentatus .

Item ex eo, quod Chriſtus dicit: [Paſce oues meas,] dupliciter eadem veritas colligitur, vt eruditè à Caſetano in tract. de inſtitutione Romani Pontificis cap. 12. notatum eſt. Primo, quoniam inſtituit ibi officium paſtoris ordinarij: vt vel ex ipſo paſtoris nomine (quod ordinarij quoddam officium ſignificat) intelligi poſſet. Neceſſe autem eſt, vt paſtoris officium ordinarij tandiū duret, quamdiū ipſum onus duraturum eſt. Fuit autem Chriſti ouile in finem, vſque mundi duraturum; neque illud ſolus Petrus ſine ſucceſſoribus perpetuo paſcere potuit: Eſt igitur auctoritas eius officij non Petro tantum; ſed etiam eius ſucceſſoribus à Chriſto commiſſa. Secundo, quia (oues meas) item abſque exceptione dicit: proinde oues omnes intelligit, quæ vſque ad conſummationem ſæculi efficiunt vnum ouile ſerie perpetua. Haſ autem omnes ſolus Petrus, vt iam dictum eſt, paſcere non potuit. Quare tradita eſt etiam eius ſucceſſoribus auctoritas illa paſcendi .

Ex ipſo autem ſine, cuius cauſa Petrus eiſmodi accepit auctoritatem, idem probatur. Is enim finis fuit, [vt vnus paſtor, atque capite conſtituto, ſchiſmatis tolleretur occaſio,] inquit, Hieronymus lib. 1. contra Iouinianum, [& vt vna Eccleſia, & vna Cathedra eſſe monſtraretur,] inquit, Cyprianus lib. de vnitae Eccleſiæ; & vt in illa [vna Cathedra vnitas ab omnibus ſeruetur,] inquit Optatus lib. 2. contra Parmen. & in ſumma, vt Eccleſiæ toti, quàm reſtiſſimè Chriſtus ipſius ſponſus conſuleret, ſicut ſupra oſenſum eſt. Atqui non minus voluit Chriſtus Eccleſiæ ſue conſultum eſſe deſuncto Petro, quàm eo viuente, ſiquidem eam perpetuam charitate diligit. Voluit igitur vnum aliquem Petri ſucceſſorem, illo deſuncto, perpetuam ſerie in Eccleſia præſeſſe .

Accedit, quod non minus Eccleſiam ſuam modo Dei filius diligit, quàm olim Synagoga, de qua per Iſaiam cap. 5. dixit: [Quod eſt quod debui vltra facere vineæ meæ, & non feci.] Sed Synagoge paſtorem vnum prouidit Deut. 17. (omni tempore, quo ſtare certè illa debuit) vt illius auctoritate cõtrouerſiæ omnes exorte definirentur. Igitur & iam Eccleſiæ ſue Petrum paſtorem præſciens, perpetuo cum in ſucceſſoribus ſuis præſeſſe illi voluit. Quod autem Sectarij quidam comminiſcuntur, vnum illum ſacerdotem in veteri Synagoga tantummodo debuiffe indicare de cõtrouerſijs poliicis; nonne ex ipſius Scripturæ verbis maniſeſtiſſimè redarguitur? Etenim cùm abſolute dixiſſet Moyſes: [Venies ad Sacerdotes, & ad Iudices, qui fuerit illo tempore &c. & facies.] Quodcumque dixerint, qui præſunt loco, quem elegerit Dominus, & docuerint te, quia nimirum conſilio aliorum etiam illi Sacerdoti erat vtendum, [iuxta legem eius, ſequerique] ſententiam eorum, nec declinabis ad dexteram, neque ad ſiniſtram:] continuo ſubiungit: [Qui autem ſuperbierit, nolens obedire Sacerdotis imperio, qui eo tempore miniſtrat Domino Deo ex decreto Iudicis morietur homo ille.] In omnibus igitur omnino, atque adeo multo maxime in materia religionis, cūctio

dicto audientes Sacerdoti esse oportebat.

At, inquit, Caluinus lib. 4. instit. cap. 7. dispar ratio est. Nam Synagoga, atque etiam Ecclesia, quo tempore vivebat Petrus, angustis terminis continebatur: postea per vniuersum orbem diffusa est. Itaque si maxime expediti fuerit, tunc temporis illi presicere pastorem vnum: tamen non etiam expediret, ut postea quoque vnus ei pastor presit. Quemadmodum, nec si commodè possit alicui colonus vnus, vel alterius agri cura committi, illico sequitur, perinde expedire, ut agrorum totius Orbis cultura vni committatur. Sed non vidit hic Caluinus, illa quam obijcit, rationis disparitate, nostro argumento vim addi, non minui. Etenim quò maiore ouium varietate, & numero existente, maius est periculum diffidiorum, quibus Ecclesia scindatur; eò maior nunc necessitas est vnius pastoris, cuius auctoritate, & officio controuersie componi possint. Cuius rei argumento esse possunt, vel ipsæ dissensiones Sectariorum, irreconciliabiles, eò quòd extra ouile Christi oberrantes, pastorem vnum minime agnoscunt.

Neque verò Caluini exemplum nobis obstat. Pontifici enim vniuersalis quædam cura, eademque spiritualis incumbit, quam ille, attributa ministris inferioribus tantæ potestate, quanta satis sit, haud difficulter suscipere potest, ut supra à nobis explicatum est. Muneris autem agrorum coleandorum alia est ratio. Ex qua, si libeat Caluino argumentum ad propositum petere longius, quam ipse etiam vult, progrediatur necesse est. Nempe ut similiter probet, ne vnus quidem diocesis paulò amplioris curam vni Episcopo rectè committi posse. Nam nec vnus potest colonus omnes vnus prouinciæ agros conuenienter colere.

Arque eiusdem farinae sunt reliquæ cauillationes, quibus Sectarij conantur perperam offendere, Euangelij locos, qui sunt de Petri auctoritate, minime pertinere ad aliquos eius successores. Ad omnes autem id genus cauillationes refutandas hæc quasi regula adhibenda est.

Quæ D. Petro à Christo Domino dicta esse Euangelium commemorat, ea duplicis sunt generis. Quædam ad ordinarium Pastoris officium spectant. Ut illud Matth. 16. Tu es Petrus, & super hanc petram, &c. Et Luc. 22. Confirma fratres tuos. Et Ioan. 21. Pascue oues meas, &c. Alia ad Petri priuam personam pertinuerunt: ut illud Matth. 16. Vade post me Satana. Et Ioan. 21. Alius cingit te, & ducit quo non vis. Et illud Luc. 22. Tu aliquando conuersus, id est, postquam à peccato resipueris per penitentiam. Nec enim necesse est, omnes qui officio summi Pastoris in Ecclesia functuri sunt, prius quam fratres cum auctoritate consernent in peccatum illud Petri, aut aliud incidere, à quo resipiscunt.

Iam verò quæ sententiæ sunt prioris generis, eas ad successores etiam Petri rectè censet Ecclesia referri debere. Posterioris generis non item. Quæ de re plura Lector (si necesse esse putat) videre potest apud Turrecrematam, lib. 2. de Ecclesia cap. 35. & Thomam Waldensem, lib. 2. doctrinalis fidei antiquæ,

cap. 30. & Caeteranum in tract. de institutione Romani Pontificis, cap. 12. & Melchiorem Canum, lib. 6. de locis Theologicis, cap. ult.

Ego, quæ à me sunt iam breuiter explicata, satis esse iudico, ut intelligatur rectissime à D. Leone ferm. 2. de die anniuersario assumptionis suæ, de auctoritate successorum D. Petri illud scriptum esse, quod in huius rei conclusione opportunè poni potest: [Soliditas, inquit, illius fidei, quæ in Apostolorum principe est laudata, perpetua est. Et sicut permanet, quod in Christo Petrus credidit; ira permanet, quod in Petro Christus instituit. Manet ergo dispositio veritatis, & Beatus Petrus in accepta fortitudine petre persequens, suscepit Ecclesiæ gubernacula non reliquit.] Hæc de secundo, quod iuxta methodum supra §. 27. propositam, fuit probandum. Nunc superest, ut confirmemus etiam Tertium, nempe D. Petri successorem esse Pontificem Romanum.

§. 27.

Romanum Pontificem, pro tempore existentem, D. Petri successorem esse.

Hoc vt probemus, in primis demonstrandum est, quid propriè sit, aliquem esse D. Petri successorem in Ecclesiæ principatu. Quamuis enim is, qui D. Petro succedit, à Christo ipso certissime accipiat illam in Ecclesia auctoritatem, quam habuit D. Petrus: tamen si rationes ipsas vocabulorum, atque adeo rerum etiam significatarum propriè consideremus, non idem significamus, cum dicimus, hunc esse D. Petri successorem; & huic à Christo recipere eandem auctoritatem, quam habuit Petrus. Pater Nam hoc secundum ex priori rectè concluditur, tamquam ex eo quòd est clarius. Itaque supra, vt efficeremus, Romanum Pontificem habere in Ecclesia primariam à Christo potestatem, quam habuit Petrus, sine vilo vitio argumentationis assumpsimus, cum esse Petri successorem; vt inde demum eius in Ecclesia principatum euinceremus.

Quemadmodum igitur in ciuilibus aliud est propriè, Ioannem, v.g. esse successorem Petri; & aliud, Ioannem legitime possidere patrimonium à Petro relictum (nam ex illo probari hoc solet) ita in proposito, aliud propriè est, aliquem esse D. Petri successorem; & aliud, cum à Christo habere illam potestatem, quam habuit D. Petrus. Merito itaque propria huius successoris ratio explicanda est, vt eam demum ostendamus in Romanum Pontificem, pro tempore existentem, competere: vnde tandem efficitur id, quod supra §. 27. conclusimus: Romanum Pontificem in Ecclesia obtinere Petri principatum, quasi patrimonium quoddam à Christo constitutum.

Affirmamus igitur aliquem esse D. Petri successorem, nihil aliud esse, quam cum ab Ecclesia in locum D. Petri legitimo modo recipi, ac veluti Christo offerri, vt is illi conferat supremam auctoritatem, quam Petrus habuit, hoc est, vt certa lege statuat, peculiari quadam assensu cum eo concurrere, ad ea in doctrina, & moribus rectè constituenda,

ela, quæ ad bonum Ecclesiæ statum pertineant. Hoc enim est, aliquem habere supremam illam in Ecclesiâ potestatem, atque principatum, quem Petrus habuit. Porro modus legitimus recipiendi aliquem in locum Petri, omnino is est, quem Ecclesiâ ipsa præscribit, & adhibet pro ratione cuiusque temporis, & aliarum omnium circumstantiarum.

Quod ut melius intelligamus, expendenda diligenter est vis illarum promissionum: [Ego vobiscum sum, usque ad consummationem sæculi, Matth. ult. Et; Vt maneat vobiscum in æternum, &c.] Ioan. 14. Ex his enim, & similibus intelligitur, curam & charitatem Christi erga sponfam suam Ecclesiâ perpetuam eam esse, quæ ad Ecclesiæ statum suauiter, & conuenienter hominum naturæ conseruandum accommodatissima sit. Dubitari autem minime potest, quid hominum natura, atque conditione considerata expediat, ut qui Ecclesiâ vniuersam, accepta à Christo auctoritate, gubernatur sit, is ab eadem Ecclesiâ ad id munus recipiatur, approbeturque. Proinde volens Christus Dominus, in Ecclesiâ perpetuo esse (vt §. præcedente probatum est) Petri successores, quibus ille attribueret supremam in terris auctoritatem, quam Petro contulerat, necesse fuit, Ecclesiæ suæ hoc dare, ut eum ipsa diligeret in talem Pastorem, quem pro ratione temporis, & circumstantiarum iudicaret esse ad id munus aptissimum. Quod ipsum confirmatur ex perpetua Ecclesiæ consuetudine circa successiōnem in sede tum Petri, tum aliorum Episcoporum. Is enim habitus est semper Episcopi alicuius successor legitimus, quem in eius locum Ecclesiâ recepit ea forma, & modo, qui pro ratione circumstantiarum in vnoquoque loco maxime conuenire existimatus est.

Iam cum hoc ita sit, facile intelligitur, quæ ratione probari oporteat, Romanum Pontificem pro tempore existentem, D. Petri successorem esse. Nempe non hic aliquibus argumentis à ratione ductis opus est; ut cum de rebus agitur, quæ non sunt in factis positæ; sed satis superque id probamus testimonijs omnium ætatum locupletissimis, ex quibus planè constat, Pontifices Romanos continuari successiōnis in D. Petri locum (absque vlla potestatis restrictione) fuisse ab Ecclesiâ receptos, atque ad eos, tamquam ad Petri in eadem potestate successores, per omnes Ecclesiæ ætates fuisse relatas maiores Ecclesiæ causas, ut persequitur diligenter Turrecremata, lib. 2. de Ecclesiâ cap. 36. 37. & 38. & Caietanus de institutione Romani Pontificis, cap. 13. & Canus lib. 6. de locis Theologicis, cap. 4. §. 6. & admodum copiose, ac luculenter Nicolaus Sanderus, in suo opere de visibili Ecclesiæ Monarchia lib. 7. ut alios iam omittam.

Quæ de re hæc in specie testimonia antiquitatis notentur. Irenæus lib. 3. cap. 3. Epiphanius hæret. 37. Augustinus epist. 165. ad literas cuiusdam Donatistæ. Optatus lib. 2. contra Parmen. sui temporis Romanos Pontifices, quorum & posteriores Pontifices constat successores fuisse, ad Petrum ipsum continua serie successiōnis ordine deducunt. Innocentius I. in epistola ad Concilium Mileuitanum, quæ est 93. inter epist. D. August.

Eulogius apud D. Gregorium epist. 37. lib. 6. Registri, Petrus Chrysológus epistola ad Eutych. quæ extat inter epistolas alias sub initium Concilij Chalcedonenfis tomo 1. Conc. fol. 227. Leo serm. 2. de die annuariario assumptionis suæ, & alij, [Petrum in sua adhuc cathedra,] ministerio Romanorum Pontificum ipsius successorum, præsidere assueverant. Tertullianus libro de præscript. Augustinus contra epistolam fundamenti cap. 4. & alijs, Hieronymus ad Damasum. Gregorius lib. 6. Registri epist. 37. Eusebius lib. 3. histor. cap. 4. & alij infiniti, eosdem Romanos Pontifices successores esse D. Petri, aperte asserunt. Anacletus epist. 3. Marcellus epist. 1. ad Antiochenos, Sozomenus lib. 4. histor. cap. 14. Theodoretus in epist. ad Leontem, Cyprianus lib. 4. epist. 2. Augustinus epist. 157. & lib. 2. contra literas Petilianis cap. 51. &c. & alij Patres, idcirco etiam Sedem Romanam, [Petri locum & cathedram, seu Apostolicam Sedem] vocant. Quocirca Romano Pontifici, non nisi tamquam Petri legitimo successor, principatum auctoritatis in Ecclesiâ tribuit omnis antiquitas, Concilia, Patriarchæ, Patres vniuersi.

In Concilio Nicæno I. Iulius I. epist. 1. & 3. de quo vide Canum lib. 6. de locis cap. 4. & Alanum Copum in dialogis, dialogo primo, testatur, decretum fuisse ne Concilia, præter sententiam Romani Pontificis celebrarentur, itemque ad eum liceret Episcopis alijs ex toto orbe appellare, confirmatque solemni iuramento, eos Canones in sacro Sedis Apostolicæ scrinio asseruatos fuisse. Quod itidem in eo Concilio Nicæno fuisse sic statutum, testantur D. Athanasius, & alij Episcopi Thebaidis, & Lybiæ, qui ei Concilio Nicæno interfuerunt, in epistola ad Felicem II. Pontificem, qui Pontifex in rescripto ad eosdem Episcopos, conqueritur fuisse plurima decreta Concilij Nicæni ab hæreticis suppressa. Extant hæc epistolæ tomo 1. Conc. inter decreta Felicis II. Fuerunt autem huius Iulij epistolæ receptæ in Concilio Ephesino, ut Vincentius Lyrensis in libro aduersus hæresum nouitates, sub finem, ante annos mille citatus est. Item illius primam epistolam recitat in Apologia sua secunda D. Athanasius.

Nec sanè obstat, quod Africanis Episcopis in epistola ad Pontificem Cælestinum, quæ habetur tom. 1. Conciliorum fol. 520. negant eiusmodi Canonem de appellationibus ad Romanum Pontificem reperiri inter Concilij Nicæni Canones, quos à Patriarchis Constantinopolitanis, Alexandrino, & Antiocheno petierant. Certum enim est, longe plures Conc. Nicæni Canones fuisse, quam illos viginti & vnum, quos illi Patriarchæ ad Africanos miserunt, ut luculentissimis veterum, testimonijs à nonnullis demonstratum est. Lege Alphonsum Pisānum de Concilio Nicæno, & Sanderum de Monarchia Ecclesiastica libro 7. circa annum Domini 336. Itaque ex illis Canonibus Concilij Nicæni, qui desiderantur, quique hæreticorum fraude, ut conqueritur etiam Felix II. interierunt, proculdubio in etiam fuerunt, quos, ab Iulio I. & ab Athanasio commemorari diximus.

Ac licet Patres illi Africanis apud eundem Pontificem Cælestinum egerint, ne ap-

pellationes villas ab Africanis ad Sedem Apostolicam factas admitteret, aut de causis eiusmodi ipse vel per se, vel per legatos suos constitueret, sed iudicium omne provincialibus Episcopis permitteret, vt rectius cognita causa in eo ipso loco, vbi criminis delatio instituta esset, ipsi litem finirent: tamen nihil minus illi Patres ea re agebant, quam vt supremam alioqui in Ecclesia potestatem, adeoque auctoritatem in iudicio etiam quarumcumque causarum Ecclesiasticarum, Romanæ Sedi competere negarent: Sed putabant certè non expedire, vt eiusmodi auctoritate Pontifex Romanus vellet vti in litigiosis controuersijs, quæ in transmarinis illis prouincijs inciderent: cum existimarent eiusmodi causas personarum, & criminum, melius in proprio loco posse cognosci, & definiri.

Alioqui, quàm illi Patres Africani Romanæ sedis primatû agnouerint, suspexerintque, vel ex vna epistola Mileuitani Concilij ad Innocentium I. quæ est epistola 92. inter epistolas D. Augustini (cui Concilio plerique ex illis ipsis Patribus Africani Concilij paulò antè interfuerant, clarissimè licet intelligere: [Quia te, inquit, Dominus, gratiæ suæ præcipuè munere, in sede Apostolica collocauit, taleque nostris temporibus præstitit, vt nobis potius ad culpam negligentiae valeat, si apud tuam venerationem, quæ pro Ecclesia suggerenda sunt, tacuerimus, quàm ea tu possis vel fastidiosè, vel negligenter accipere: magnis periculis infirmorum membrorum Christi pastoralis diligentiam quæsumus adhibere digneris. Noua enim hæresis, Pelagianorum, furgere cepit &c. Et post aliqua: Hæc insinuantes Apostolico peccatori tuo non opus habemus tantam impietatem, verbis exaggerare, cum proculdubio te ita moueant, vt ab eis corrigendis ne latius serpent, multo quæ continentur, vel potius intermittant omnino dissimulare non possis. Et sub finem epistolæ: Hæc ad sanctitatem tuam de Concilio Numidie scripta direximus, imitantes Carthaginensis prouinciæ Coepiscopos nostros, quos ad Sedem Apostolicam, quam benignus illustras, de hac causa scripsisse comperimus.]

Certè luce clarius ostendit hic locus, Romanum Pontificem, ab Africanis Episcopis, & pastorem Ecclesiæ summum, cui aliarum etiam Ecclesiarum præter Romanam, cura pastoralis sollicitudoque incumbat, & iudicem causarum religionis, ac fidei agnitionum fuisse.

Carthaginensis autem prouinciæ Episcopi, quorum in ea epistola mentio facta est, hunc in modum ad eundem Innocentium in ea causa scripserant: epist. 90. inter epistolas D. Augustini: [Hoc gestum charitati tuæ innotandum duximus, vt statutis nostræ mediocritatis etiam Apostolicæ sedis adhibeatur auctoritas pro tuenda salute multorum, & quorundam peruersitate etiam corrigenda. Et infra: Error ipse & impietas, quæ tam multos assertores habet, etiam auctoritate Sedis Apostolicæ anatematizanda est. Consideret ergo sanctitas tua, & pastoralibus nobis compariatur visceribus, &c.]

Et certè ex epistolis quibusdani D. Cypriani ad Pontificem Cornelium, lib. 1. epist. 3.

& lib. 4. epist. 8. apparet, antiquam etiam fuisse Africanorum consuetudinem ad Apostolicam Sedem appellandi: vt mirum sit, hoc ab illis Patribus Africanis cogitatum non fuisse: sicut etiam in antiqua Synodo Sardicensi, can. 3. 4. & 7. eiusmodi appellationes ex omni loco ad Sedem Apostolicam differensimis verbis & concessæ, & probatæ fuerant, vt paulò post dicemus.

Sic etiam neque testimonio illi Concilij Nicæni, quod pro Romanæ Sedis primatu, ex Iulio I. & Athanasio commemorauimus, auctoritatem detrahunt villo modo Sectarij, cum ex Canone sexto eiusdem Concilij hæc verba, sicut ea Rufinus lib. 10. hist. cap. 6. refert, nobis obijciunt: [Apud Alexandriam, & in vrbe Roma, vetusta consuetudo seruatur, vt ille, Episcopus Alexandrinus, & Aegypti; hic, Episcopus Romanus, suburbicariarum sollicitudinem Ecclesiarum gerat.] Primum enim Canon, hic sextus in exemplo à tribus Patriarchis, sicut antè commemorauimus, ad Episcopos Africanos missus, non omnino ita habet, vt refert Rufinus: sed quædam verba ibi adduntur, ex quibus clariùs apparet, nihil ibi minus, quàm supremam in omnes auctoritatem Rom. Pontificis negari. Sic enim dicitur in Concil. 6. Carthag. vbi Canones illi Nicæni recitantur: [Antiquiores, Episcopi, obtineant, id est, honore præcedant, vt colligitur ex can. 8. Nicæno apud Rufinum vbi supra, qui apud Egyptum sunt, & Lybiam, & Pentapolim: ita tamen, vt Alexandrinus Episcopus horum omnium habeat sollicitudinem; quia & vrbs Roma Episcopo similis mos est. Similiter autem, & circa Antiochiam, & in cæteris prouincijs priuilegia propria seruentur Metropolitanis Ecclesijs.]

Non igitur negat hic Canon Romano Pontifici primatus auctoritatem, quam habet is alioqui tanquam successor D. Petri in omnibus Ecclesijs, sed significat certè, habere eum, quoque specialem quandam Metropolitanam auctoritatem in adiacentes diocesis Romanæ Ecclesijs: quam quidem auctoritatem similiter, & alijs Archiepis. Metropolitanis, vnicuique in sua prouincia, Concil. Nicænum voluit constare.

Accedit deinde, quòd in Concil. Chalcedonensi, act. 16. Canon hic 6. Nicænz Synodi (recitante Paschasino, & nemine prorsus contradicente) sic incipit: [Ecclesiæ Romana semper habuit primatum, &c.] Ac tunc subiunguntur reliqua de auctoritate Metropolitanorum, quæ ex illo Canone iam à nobis exposita sunt.

Denique in eadem actione Concilij Chalcedonensis, post recitatum illum Nicænum Canonem, & omnium sententias auditas, Iudices ita dixerunt, [Ex his quæ gesta sunt, vel ab vnoquoque deposita perpendimus, omnem quidem primatum, & honorem præcipuum secundum Canones (nempe secundum illum etiam Nicænum) antiquæ Romæ Deo amantissimo Archiepiscopo conferuari.] Ac tunc ipsi Patres Concilij dixerunt: [Hæc iusta sententia, hæc omnes dicimus, &c.] Sed de Canone Nicæni Concilij satis.

Item in Sardicensi Concilio, (quod quænegali etiam fuisse testantur Socrates, lib. 2. hist.

hisl. cap. 16. & Athanasius, qui id Concilium vocat magnum, per illudque dixit electos fuisse ex Ecclesia, oratione 1. contra Arianos, appellationes ex toto orbe factæ ad Romanum Pontificem approbantur. Et Iulio Pontifici ins. competuisse euocandi cum auctoritate alios Episcopos, non obscure agnoscitur apud Theodoretum, lib. 2. hist. cap. 8.

Item in Constantinopolitano I. capite quinto (generali II.) post Romanum Pontificem primatus honor tribuitur Patriarchæ Constantinopolitano. Atque etiam eius Concilij Patres testantur, se Damasi Romani Pontificis literis monitos conuenisse Constantinopoli, in epistola ad eundem Damasum, cuius meminit Theodoretus, lib. 5. cap. 9. Vicissimque Damasus apud eundem Theodoretum eodem lib. cap. 10. reuerentiam ab illis in eare exhibitam Sedi Apostolicæ collaudat.

Item in Ephesino (generali III.) Cyrillus, teste Euagrio, lib. 1. hist. cap. 4. locum Cælestini Romani Pontificis tenens, eius mandato dicit, se (vnâ cum alijs Patribus) compulsum fuisse, ne Nestorium damnaret. Itemque Patres eiusdem Concilij ad eundem Cælestinum hoc modo scribunt: [Ioannis Antiocheni temeritate (quod Cyrillum deposuerat) referuauimus tuæ pietatis indicio.]

Item in Chalcedonenſi porrò Concilij (generali IV.) actione 16. idem probatur iudicium illud Synodi Constantinopolitanæ, quod Constantinopolitano Patriarchæ secundæ concedatur post Romanum Pontificem. Et rursus ibi, actione 1. Marciano Imperatore præſente, sine vlla controuerſia, [caput omnium Ecclesiarum] Romana Ecclesia appellata est. Atque etiam ipſe Imperator Marcianus ibidem Leonem, tunc Pontificem Romanum, [Apostolicum thronum gubernare.] dicit. Itemque Concilij Patres eundem Pontificem his modis compellant, actione 3. in relatione facta eidem Pontifici ab ipſa Synodo: [Tu ſicut caput membris præſeras. Dioscorus contra te, cui vineæ cuſtodia à Saluatore commiſſa eſt, extendit inſaniam. Tuis decretis noſtrum honora iudicium: & firmitas tua filijs, quod deest adimpleat.] Itaque in eo Concilio Palchafinus cum Lucentio, & Bonifacio, loco Leonis ſic præſuit, vt inter cetera, quæ cum auctoritate ibi geſſerit, etiam prohibuerit, teste Euagrio lib. 2. cap. 4. ne Dioscorus cum reliquis Episcopis Orthodoxis ſederet.

Item in Concilio II. Constantinopolitano (generali V.) actione 4. in ſententia Synodi contra Antimum, Patres proſtitentur, ſe per omnia ſequi velle ſententiam ſummi Pontificis Agapeti in cauſa Anthymi hæretici, quem idem Agapetus ex ſede Constantinopolitana, & à communione fidelium eiecerat, vt patet ex loco citato: Itemque ex conſtitutione Juſtiniani Imperatoris contra eundem hæreticum, quæ exiſtat in eadem Synodo. Cuius etiam ſententiæ vi Synodus, eundem quoque eiecit ex ſede Trapezuntina.

Item in Constantinopolitano III. (generali VI.) actione 18. ſub ſinem dicitur: [Per Agathonem Romanum Pontificem loquutus eſſe princeps. Apoſtolorum Petrus, cuius nimirum ille, & imitator fuiſſet, & ſucceſſor.]

Tom. XIII.

Item in Constantinopolitano IV. (generali VIII.) can. 21. Patriarchas omnes honorandos, [præcipue verò ſanctiſſimum Papam ſenioris Romæ.]

Item in Nicæno II. (quod fuit ſeptimum generale) actione 2. [Romanam Sedem, primum per orbem totum obtinere, omnium Chriſti Eccleſiarum caput exiſtere, &c.]

Similia in Concilio Lateranenſi, ſub Alexandro III. titulo 2. cap. 3. & 4. & Lateranenſi, item ſub Innocentio III. cap. 5. Lugdunenſi II. vt patet lib. 6. decret. cap. vbi periculum, de electione, & electi poſtulate; & Viennenſi, vt patet ex Clementina 1. de S. Trinit. & Conſtantiensi, ſeſſione 8. & 15. & Lateranenſi ſub Iulio II. & Leone X. ſeſſ. 2. & 3. & Trident. ſeſſ. 14. cap. 3. Quibus adde prouincialia, Arelatenſe, canone 1. Aurelianenſe IV. can. 1. Toletanum I. in aſſertione fidei in fine, Africanum, cap. 5. Mileſitanum apud Auguſtinum, epistoſa 92. & 93. &c.

Nec minus perſpicue Patriarchæ quatuor. Certè Athanaſius Patriarcha Alexandrinus, ad Iulium I. Romanum Pontificem, in ſua cauſa contra Arianos appellauit, vt patet, ex Sozomeno, lib. 3. cap. 7. & ex ipſo Athanaſio in Apologia ad Conſtantium. Itemque in epistoſa ad Felicem II. Papam ab Athanaſio, & alijs miſſa ex Synodo Alexandrina, ita Athanaſius cum illis Episcopis Felicem alloquitur: [Vos præſeſſores veſtros, Apoſtolicos videlicet præſules in ſummitatis arcæ Deus conſtituit: omniumque Eccleſiarum curam habere præcepit.] Item in epistoſa ad ſolitariam vitam agentes, idem Athanaſius: [Romanus, inquit, Episcopos Iulius Synodum iuſſit fieri, vt tuſ, & crimina obijcerent, & inuicem ſibi oblata reſtarent.]

Item D. Cyrillus, & ipſe Alexandrinus Patriarcha, ad Cæleſtinum Romanum Pontificem in cauſa Neſtorij ſcribens, epistoſa 18. (ſimiliter quoque loquitur epistoſa 10. & 11.) [Ab illius, inquit, communione cum ſiducia nos non exeuimus, donec iſta pietatis tuæ communicaremus. Quapropter quid videatur, exprimere dignare, an aliquando illi communicare debemus.]

Item Calandio Antiochenus Patriarcha, teſte Liberato in Breuiario, cap. 18. Ioanni Talaiz Patriarchæ Alexandrino ſuaſit, vt contra Petrum Mogguni, quem Achatis intruſerat, ad Simplicium Romanum Pontificem appellaret. Item Flavianus, vt videre eſt apud Theodoretum, lib. 5. hiſt. cap. 23. eiſdem ſedis Patriarcha, à Romano Pontifice, vt cauſam diceret euocatur, pro eoque apud Damasum, teſte Sozomeno lib. 8. hiſt. cap. 3. & Socrate lib. 5. cap. 14. intercedunt Chryſoſtomus Patriarcha Conſtantiuopolitanus, & Theophilus Patriarcha Alexandrinus.

Item Petrus Patriarcha Hieroſolymitanus in Synodo quia, actione quarta, in ſententia eiſdem Petri Hieroſolymitani, aſſignat, Agapetum Papam diuinitus ſciſſe, quod Anthimum, Conſtantiuopolitanum aliquando Patriarcham, de ſede dicit eieciſſe.

Denique D. Chryſoſtomus, Conſtantiuopolitanus Patriarcha, in epistoſa ad Innocentium, tom. 5. ad Romanum Pontificem appellauit. Macedonius item eiſdem ſedis

D

Pa-

Patriarcha, vt refert Theodoretus Lector, lib. 2. Collectaneorum circa medium, (qui libri exstant post historiam Sozomeni,) Anastasio Imperatori vehementer virgenti, & mandanti, vt Episcopos sibi subiectos ad Synodum conuocaret, nihil omnino se ea in re facturum respondit, abique vniuersali Synodo, cui [magnæ Romæ Episcopus præfideret.] Item Menas in Synodo quinta, actione prima, Securo, Petro, & Zoaræ, vitio vertit, quod contempserint Ecclesiam Romanam, quæ [Apostolis, inquit, succedens,] contra ipsos sententiam protulit.

Longum verò est aliorum Patrum sententias referre. Irenæus lib. 3. cap. 3. [ad Romanam Ecclesiam propter potentiorē principatū necesse esse affirmat omnem aliam Ecclesiam conuenire.] Cyprianus lib. 4. epist. 8. ad Cornelium Papam, eandem esse [Ecclesiam matrem.] Ambrosius lib. 10. epist. 81. in initio, Siricum Papam [Christi oile custodire, dignumque esse, quem oues Domini audiant.] Hieronymus epist. 57. ad Damasum, eundem [piscatoris, id est, Diui Petri,] successorem esse in eadem fidei cathedra, super quam sit ædificata Ecclesia. Angustinus epist. 162. [in Romana Ecclesia, Apostolicæ Cathedræ semper viguisse principatū.] Idem obsecrat Innocentium I. epist. 92. ad eundem missa ab Augustino, & alijs Patribus Concilij Milenitani, vt [pastoralē diligentiam adhibeat magnis periculis infirmorum in Africa] propter hæresim Pelagianam imminentibus. Quod eius studium laudat idem Innocentius epist. 93. inter epistolas Diui Augustini, quod [antiquæ regulæ sortiam secutus, opem implorari ab ea sede, cui nancat sollicitudo omnium Ecclesiarum.] Isidorus præfatione in opus Concilij, [nullam se Synodum reperisse, nisi vel congregatam, vel fultam Romanæ sedis auctoritate.] Prosper lib. de ingratis, contra Pelagianos, [Romam pastorali honore factam esse caput mundi.] Vincentius Lyrinensis libro aduersus hæreses, [Romanum Pontificem esse caput Orbis.] Beda lib. 2. hist. Anglorum Gregorium [in toto Orbe] Pontificatum gerere, Origenes, teste D. Hieronymo epist. ad Pammachum, & Oceanum, libellos penitentiæ de suis erroribus offert Fabiano Papæ. Basilium in epistola 52. ad Athanasium, ad Romanum Pontificem referendum iudicat, [vt iudicij sui decretum interponat.] Chrysostomus posulat ab Innocentio II. epistola ad eundem, tom. 5. vt [decreta Theophili rescindantur, & vt penis Ecclesiasticis,] qui inique agerent, [coacerentur.] Theodoretus in epistola ad Leonem, in fine tomi 2. ad Romanam sedem appellat, & illius dicit [se expectare sententiam.] Socrates lib. 2. hist. cap. 11. [Romanam Ecclesiam priuilegium præceteris obtinere.] Er quid omnes, seu Latinos, seu Græcos commemorem?

Iam verò Pontifices ipsi Romani, sanctissimi, & antiquissimi, successores se esse D. Petri in cura vniuersalis Ecclesiæ, iisdem in locis palam professi sunt, quos pro ipsius D. Petri primatu superius magno numero allegauimus. Quorum testimonia, quamobrem in hac quæst. & causa minime suspecta esse debeant, supra causæ exposui. Clarissima

verò, gratissimaque sunt in hoc genere illa. verba Iulij I. epistola 1. ad Orientales, de causa Athanasij: [Semper, inquit, maiores causæ ad sedem Apostolicam multis auctoritatibus referri præceptæ sunt; Ipsa namque omnibus prælata est Ecclesijs, quæ non solum cauonum, & sanctorum Patrum decretis, sed Domini voce singularem obtinuit principatum, cum inquit; Tu es Petrus, &c.] Atque illa quoque Innocentij I. ad Patres Concilij Mileuitani, epistol. 93. inter epistolas D. Augusti. [Per omnes, inquit, prouincias de Apostolico fonte petentibus responsa semper emanant. Præsertim quoties ratio fidei ventilatur, arbitror omnes fratres, & Cœpiscopos nostros non nisi ad Petrum, id est, sui nominis, & honoris auctorem, referre debere, velut nunc retulit vestra dilectio, quod per totum mundum possit omnibus Ecclesijs in commune prodesse.] Item ibidem: [Dilligenter ergo, & congruè Apostolico consulti honori, honori, inquam, illius, quæm sollicitudo manet omnium Ecclesiarum, super anxijis rebus, quæ sit tenenda sententia: antiquæ scilicet regulæ formam secuti, quam toto semper ab orbe necum nobis esse seruatum.] Et Leo ad Anastasium Thessalonicensem Episcopum epist. 84. [Sicut præcessores nri, inquit, præcessoribus tuis, ita etiam ego dilectioni tuæ vices mei moderaminis delegaui, vt curam, quam vniuersis Ecclesijs principaliter ex diuina institutione debemus, imitator nostræ mansuetudinis effectus adiuuaueris.]

Sed exstat multa testimonia similia Pontificum in locis suprâ citatis. Quorum fauor in Ecclesiâ, caquam successorem Petri, primatum agnouerunt, non Patres tantum, sed etiam ipsi Imperatores Maximi, & disertissimis verbis protestati sunt. Valentinianus in epistola ad Theodosium ante Concilium Chalcedonense, affirmat, Romano Pontifici [principatum sacerdotij collatum.] Marcianus in epistola ad Leonem, [principatum in Episcopatu fidei obtinere,] Iulianum in nouel. constit. 131. [primum omnium esse, Sacerdotum secundum quatuor Synodorum definitionem. Quibus Imperatoribus posterior fuit Phocas, à quo tamen Romanum Pontificem primatum accepisse Caluinus lib. 4. instit. cap. 7. ineptissime negatus est. Carolus Magnus, teste Cranzio in historia Eccles. Metropolit. Saxon. lib. 1. cap. 7. Romanum Pontificem [vniuersalem Papam.] compellat.

Sed, & hæretici, cum principatum Romani Pontificis à nemine ignorari probè intelligerent, se idem cum illo de rebus fidei sentire, vt facilius laterent, subdole simulauerunt Cœlestinus Pelagianus cum Innocentio, referente Augustino, lib. 2. de peccato originali, cap. 7. Melitius & Vitalis cum Damaso, apud Hieronymum epist. 2. ad Damasum.

His accedit, quod Romanus Pontifex perpetuè in Ecclesiâ earum, quæ essent fidei controuersiarum iudex agnitus est: Testimonia, & exempla multa eius rei petere licet ex Eusebio, lib. 4. hist. cap. 13. & 22. & lib. 5. cap. 27. & lib. 6. cap. 35. & lib. 7. cap. 8. & ex Augustino epist. 92. & 91. & lib. 1. contra duas epistolas Pelagian. cap. 1. & ex Oprato lib. 1. contra

tra Parmen. & Ireneo lib. 3. c. 3. & c. & passim ex actis Concil. quod ipse hæreses [condemnavit:] ut videtur est apud Eusebium, lib. 5. cap. 27. & lib. 6. cap. 35. Cyrillum epist. 10. & 11. Tertullianum lib. contra Praxean, &c. quod leges cum auctoritate sancit: ut est videre apud Eusebium in Chronicis, de Telephoro, & Pio I. & lib. 5. hist. cap. 24. & passim in ipsis decretis antiquissimorum, etiam Pontificum, quod Concilii generalibus [præfuit,] eademque [confirmavit,] ut infra in loco de Conciliis ostenditur: quod ad eum, vndique in gravissimis causis Ecclesiasticis [appellatum] est: ut est videre apud Sozomenum, lib. 3. cap. 7. & 9. Euagr. lib. 3. cap. 15. Athanasium epistola ad solitariam vitam agentes: Basilium, epist. 74. Chrysostomum, epistola ad Innocentium tom. 5. Epiphanius, hæresi 68. quod alios Episcopos auctoritate sua in varias mundi partes misit: ut apparet ex Augustino epistola 157. & posidonio in vita eiusdem Augustini, cap. 14. & Beda lib. 1. vitæ sanctorum Patrum: quod eos Vicarios suos constituit, ut apparet ex D. Leone, epist. 84. & D. Gregorio, lib. 4. epist. 51. 52. 53. quod eos creavit apud Socratem, lib. 7. hist. cap. 35. & Metaphrastem in vita Gregorij Agrigentini: quod eos confirmavit, ut apparet ex Concilio Chalcedonensi, actione 7. & ex D. Gregorio, lib. 4. epistol. 9. & ex Cedreno in Compendio historiarum de Ireneo, fol. trecentesimo octuagesimo septimo, &c. quod eos passim inuenerunt, ut est videre apud D. Gregorium, libro quarto, epistola decima quinta, & quinquagesima quinta. Bedam lib. 2. hist. Anglorum, &c. quod eos deposuit, ut patet ex Synodo quinta, actione quarta. Gregorio lib. 4. epistola quinquagesima, & in actis Sixti III. tom. 1. Concil. &c. quod eos restituit, ut apparet ex Sozomeno, lib. 3. cap. 7. Basilio epist. septuagesima quarta, &c.

Hunc vsum auctoritatis tam varium, tanque latè patenter, eundemque Romano Pontifici, per omnes recte sentientes in Ecclesia, semper integrum, atque liberum, quis non videat inditum, atque testem locupletissimum esse, quod D. Petro in cura Ecclesiæ vniuersali, ad constituendum de ijs rebus, quæ ad fidem, & salutem spectent, Romani Pontifices succedant?

Quoniam igitur probatum est, & primariam in Ecclesiâ potestatem, atque adeo infallibilem auctoritatem, de rebus fidei omnibus controuersis iudicandi D. Petro datam esse; nec illi solim, sed etiam illius successoribus esse datam, & eius in eo genere successorum Romanum Pontificem pro tempore existentem esse: verè, ac rectè, s. 27. conclusimus, Romanum Pontificem pro tempore existentem esse: verè, ac rectè; s. 27. conclusimus, atque posuimus, Romanum Pontificem esse eum, in quo auctoritas illa primaria, de questionibus fidei omnibus infallibiliter statuendi, resideat.

S. 38.

*Vtrum Diuino, an Ecclesiastico iure ille idem sit
Diui Petri successor, qui est Episcopus
Romanus.*

Sed cum Romanum Pontificem D. Petri successorem in vniuersali Ecclesiæ cura esse dicimus, sciscitabitur aliquis, æquonam iure successor talis D. Petri sit is, qui Pontifex est Romanus? Vtrum scilicet diuino? ita ut Christus Dominus non modò voluerit in Ecclesiâ esse perpetuò eiusmodi successorem Petri, cui ipse supremam auctoritatem, quam habuit D. Petrus, conferret, sed etiam statuerit, ut hic successor esset perpetuò Romanus Episcopus? An verò id obtinuerit in Ecclesiâ solum iure humano, hoc est, ipsius Ecclesiæ instituto, quæ non nisi Romanus Episcopus in Diui Petri locum; quod ad vniuersalem Ecclesiæ curam attinet, recipiendos esse putarit?

Refert autem non patum hoc scire. Nam si solum ex iure humano Ecclesiastico, ratio hæc successionis cum Romanæ Diocesis Episcopatu coniuncta est; posset fieri, eiusdem Ecclesiæ, atque adeo ipsius etiam Pontificis auctoritate, ut aliquando is, qui vniuersalis Ecclesiæ pastor est, non idem sit Romanæ Diocesis Episcopus, sed vt alterius digesserit; ut cum Petrus Antiochiæ sedebat, erat Episcopus non Romanus, sed Antiochenus; vel etiam nullius particularis determinatæ; sicut eo tempore, quo nondum Diuus Petrus Antiochiæ sedebat, cum tamen nihilominus esset tunc pastor vniuersalis Ecclesiæ, à Christo constitutus. Sin autem diuino iure constitutum est, ut non alius præterquam Romanus Pontifex, sit Petri successor, non erit in Ecclesiæ potestate id institutum mutare. Item etiam ex hac quæstione pendet, vt postea patebit, quomodo illud Ecclesiæ Romanæ priuilegium intelligendum sit, cum dici solet recta, atque Apostolica fides non posse à Romana Ecclesiâ deficere: sicut iam deficit exempli causa ab Ecclesiâ Constantinopolitana.

Ego verò hac de re varias reperio sententias Doctorum. Nam Canus lib. 6. de locis Theologicis cap. 4. 5. & 6. & Driedo lib. 4. de varijs dogmatibus cap. 4. par. 3. & Turrecremata lib. 2. de Ecclesiâ cap. 40. & alij communiter, sine dubitatione affirmant, ex Christi Domini institutione Romanum Episcopum fuisse, futurum esse semper D. Petri successorem in cura vniuersalis Ecclesiæ. Fundamentum ipsorum præcipuum est in modo loquendi Patrum, ac Conciliorum, cum passim asseuerant, Romanum Pontificem ab ipso Christo Domino potestatem obtinere. Item Romanam Sedem à Christo Domino priuilegium habere, vt sit peculiariter Apostolica, à qua fides recta nequeat deficere. Denique ex Romana Sede definitionem certam in controuersijs fidei petendam esse, atque illos catholicos esse, qui illius sequuntur doctrinam: illos è contrà hæreticos, qui reijciunt. Ex quibus, & id genus alijs Ecclesiæ Romanæ elogijs, quæ magno numero superius recitauimus, colligi videtur, institutio-

tionem Christi esse, vt qui successor Petri futurus est, sit Romanus Episcopus.

Accedit, quod D. Ambrosius in oratione ad Auxentium, quæ extat lib. 5. epistolarum, post epistolam 32. & Egesippus lib. 3. excidij Hierosol. cap. 2. referunt, Christum Dominum Petro ex Vrbe decedente occurrisse, ac interroganti quò pergeret, respondisse: Eo Romam iterum, crucifigi. Ex qua historia conijci potest, Petrum ex voluntate, atque præcepto Christi Romam reuersum esse, ibique morientem reliquisse Romanum Episcopum successorem.

Alia sententia est Dominici de Soto, lib. 4. sent. dist. 24. quæst. 2. art. 5. qui contrà existimat, Apostolicam Sedem, hoc est, diuina successiois rationem iure Ecclesiastico tantum annexam esse Episcopatu Romano: ac proinde fieri posse auctoritate Ecclesiæ, vt Petri successor non sit Romanus Episcopus, sed vel Episcopus alterius Dicecesis, vel nullius determinatæ, sed dumtaxat pastor vniuersalis. Fundamentum eius auctoris est, quod Christus Dominus instituens Petrum vniuersalem Pastorem, nulli cum Ecclesiæ particulari addixit; neque aliunde institutio Christi circa hoc satis constat, quare videtur potius totum hoc reliquisse Christus dispositioni Ecclesiæ, vt scilicet illa pro ratione circumstantiarum, ac temporum va. i. e. statuere posset de conditione personæ eligendæ, quod expedire maxime videretur: sicut constat, vt postea videbimus, mutasse illam quandoque circumstantias electorum Summi Pontificis, & modum eundem eligendi.

Hanc vero opinionem, vt Sotus defendere, sanè oportuit cum in primis dicere, Concilia, & Patres neutram partem huius questionis aperte satis determinauisse. Quod enim dicunt, Romanum Pontificem habere potestatem à Christo, eiusque institutione primatum obtinere; id vero non nisi ex quadam hypothesi ab illis dictum esse, nimirum, vt id intelligatur, quamdiu Romanus Episcopus est ille, quem Ecclesiæ ipsa successori Petri constituit, siue hoc illa faciat propria auctoritate, siue institutione Christi. Nihil verò Concilia, vel Patres determinare circa hanc hypothesein, vtrum scilicet illa sit ex institutione Christi, vel tantum ex Ecclesiastica traditione. Quidquid enim horum dicatur, manere ex fide certum id, quod ipsi asserunt, Romanum Pontificem, quamdiu in Petri successorum; sicut fit, eligitur, ab ipso Christo accipere auctoritatem vniuersalis pastoris. Quod verò attinet ad illam historiam ex Egesippo; licet Christus Dominus præcepit tunc Petro, vt Romæ maneret, vsque ad mortem, inde tamen non necessario sequi, præcepisse etiam cum, vt successor illius in cura Ecclesiæ vniuersalis, esset perpetuo Romanus Pontifex; sed bene inde consequi, institutionem ipsius Petri, & Ecclesiæ, quæ cæterum est, vt Romanus Pontifex sit Petri successor, habuisse fundamentum in Christi voluntate statueret, vt Petrus Romæ permaneret, & suo martyrio Ecclesiam illam decoraret. Quod nisi accidisset, non fuisset dispositum, vt Romanus Episcopus D. Petro in vniuersali cura Ecclesiæ succederet. Quod ipsum etiam Caietanus tract. 2. de compar.

Pontif. & Concil. cap. 22. & in opusculo de Romanis Pontificis institutione cap. 13. tantummodò voluisse videri potest, cum ait, causam, ob quam Romanus Pontifex sit is, qui Petro succedat, fuisse (vt ille inquit) appropriationem Romanæ Ecclesiæ ad Petri vniuersalem pontificatum, firmatam Christi auctoritate, volentis, vt Petrus Romæ maneret, ac ibi moreretur: non autem Euangelicam institutionem.

Cæterum vtrumque ista subtiliter pro Soti opinione disputari possint: mihi certè videtur ea opinio in re tam graui nimium, esse singularis, nec verò satis tuta. Quæ enim testimonia Patrum, & Conciliorum pro contraria sententia Driedoni, Cani, & Turcicrematæ allegari possunt, maius omnino pondus habent, quam vt tam subtilibus distinctionibus eludi possint. Quia prorsus arbitror, cum Patres tot modis asseuerant, Romanam Sedem à Christo obtinere auctoritatis in Ecclesiæ primatum, non aliam institutionem, nisi ipsius Christi, à quo totum id priuilegium Sedis Romanæ pendeat, cogitauisse. Penderet autem id priuilegium etiam ex Ecclesiæ ipsius humana institutione, si posito tantum, quod Ecclesiæ auctoritate suæ, vellet in Petri successorem eligi Romanum Pontificem, Romana Sedes diceretur habere à Christo primatum. Atqui Patres hoc minime putauerunt: sed absolute, Romanæ Ecclesiæ ex diuina institutione curam incumbere aliarum omnium Ecclesiarum, affirmat D. Leo, epist. 84. item ad Ecclesiam Romanam, cuius fides sit ab Apostolo Paulo laudata, [non posse perditionem habere accessum,] ait D. Cyprianus ad Cornelium, libro primo, epistola tertia, post medium: Item ad Romanam Ecclesiam propter potentioris principalem potestatem omnes alias Ecclesias conuenire, censet Irenæus libro tertio, capite tertio. [Quæ semper, inquit, Hieronymus aduersus Rufinum, immaculata permansit, & Domino providente, ac Beato Apostolo ferente opem, in futuro manebit.] Et clarissime S. Anacletus epistola tertia: sicut Sixtus II. epist. 1. Et hæc, inquit, sacrosancta Romana, & Apostolica Ecclesiæ non ab Apostolis, sed ab ipso Domino Salvatore nostro, primatum obtinuit, & eiusdem potestatis super vniuersas Ecclesias, ac totum Christiani populi gregem alicuta est; sicut ipse B. Petro Apostolo dixit: Tu es Petrus &c. [Et Iulius huius nominis primus, in epist. ad Episcopos congregatos Antiochiæ: Sanctam, inquit, Romanam Ecclesiam ipse Dominus allocutus est, inquit: Tu es Petrus &c.] Atque vt alia antiquitatis testimonia (quæ sunt magno numero collecta, etiam à Caio libro sexto de locis Theologicis capite quarto, quinto, & sexto) præteream, in magno certè Lateranensi Concilio, de summa Trinitate cap. Dauidamus, ex cæterillima Ecclesiæ sententia, disertis verbis Ecclesiæ Romana dicitur, [Deo ipso disponente, mater esse, & magistra omnium Ecclesiarum.]

Itaque vetus Patrum traditio indicare videtur, Christi etiam institutionem esse, vt qui Petro successurus esset, atque adeo, qui esset à Christo accepturus primatum, is alius non sit, nisi Episcopus Romanus; vt copiose etiam

ac diligenter disputat Ioannes Driedo loco supra citato. Quia sanè ex re sequitur, nunquam omnino futurum, vt ij à recta fide desistant, qui fidem sequuntur eius, qui legitimus erit, atque permanebit Episcopus Diocesis Romanæ, siue is in illius Diocesis loco morabitur, siue alibi. Nam idem ex institutione Christi erit successor Petri in cura Ecclesiæ vniuersalis, ac proinde errare minime poterit in fidei doctrina proponenda, vt postea etiam sumus probaturi. Nunc satis fuerit ita breuiter explicauisse, quod est à nobis tertio loco probatum: Nempè Romanum Pontificem D. Petro in cura Ecclesiæ vniuersalis succedere. Videamus modò quid contra id foleant, aut possint etiam hæretici obijcere.

§. 39.

Confutatio argumentorum, quibus Sæctarij contendunt, Romanum Pontificem non esse Diui Petri successorem.

P Rincipio, Petrum Romæ fuisse, nedum Romæ mortuum esse, Velenus quidam, & Sebastianus Francus, & alij eiusdem farinæ hæretici negant: Quin etiam dubitat ea de re Caluicius. Falsum igitur, aut certè minus exploratum est, quòd Romanus Pontifex succedat Petro defuncto.

Respondeo, quòd hoc isti negent, vel in dubium vocent, facere eos stultissimè, acque pueriliter, cum sit res confirmata omnium historiatarum, & Patrum testimonio, & ipsius Petri in Vrbe velligijs. Id enim affirmant Eusebius lib. 2. cap. 14. & 15. & 25. & lib. 3. cap. 1. & 25. Egeflippus lib. 1. de excidio Hierosolym. cap. 2. Sulpicius lib. 2. histor. Orosius lib. 7. hist. cap. 6. Eusebius libro itidem histor. Irenæus lib. 3. cap. 3. Tertullianus lib. 4. contra Marcion. & libro de præscriptionibus. Epiphanius hæres. 27. Ambrosius in oratione eoque Auxensium, quæ habetur lib. 5. epistoliarum, post epistolam 32. August. lib. 1. contra Iulianum cap. 2. & alijs passim. Hieronymus in Catalogo, vbi agit de Diuo Petro, & innumeris alijs. Quæ de re quoniam non vniuersissimas rationculas pro suis sententijs Sæctarij isti afferunt, quæ nemini prudenti persuadent, non opus esse iudicium à me repeti, quæ sunt ab alijs sufficienter, vel potius diuina, penè supernarum (quis enim sanus de hoc dubitat?) tractata. Lege potissimum Nicolaum Sanderum de visibili Monarchia Ecclesiæ lib. 6. cap. 10. Horatium lib. 6. Catholicorum locorum cap. 12. Lindanum lib. 4. Panopl. cap. 3.

Huc accedit, quòd si maximè dubitari posset, vtrum Diuus Petrus Romæ fuisset (quæ tamen ipsa dubitatio nihil profectò differret ab insania (adhuc tamen non id habere Sæctarij), quod volumus. Nam inde solùm sequeretur, non esse Romanum Pontificem successorem D. Petri etiam in cura Diocesis Romanæ: sicut iam ex omnium traditione esse constat, posset tamen adhuc ille Diuo Petro succedere in cura vniuersalis Ecclesiæ, quam possidet Petrus annexere Romanæ Sedis, cernitisse fuisset alibi Episcopus, aut etiam nullius fuisset particularis

Ecclesiæ Episcopus. Quemadmodum etiam manens Romæ potuisset alterius Diocesis Episcopo vniuersalem curam Ecclesiæ demandare, si coniunctio illa quidem Romanæ Sedis cum successione Diui Petri in vniuersalis Ecclesiæ cura non esset de iure diuino.

Secundum argumentum Sæctariorum, est, quòd Concilia, & Patres veteres, quorum auctoritate vtitur, non de huius temporis pontificibus loquuntur, cum affirmant illos esse Petri successores legitimos, ac proinde in Ecclesia tenere primatum, sed de illis, qui præfuis temporibus Ecclesiæ Romanæ præfuerunt; Nihil ergo eorum Patrum auctoritas Pontifici Romano præfenti, & alijs pro tempore futuris suffragari videtur.

Respondeo, veterum Patrum, & Conciliorum testimonia omnino etiam ad hunc præsentem Pontificem Romanum, & alios, qui pro tempore, tanquam Petri successores, ab Ecclesia recipiunt, pertinere. Nam ratio, ob quam Patres illi suorum temporum Pontifices Romanos, Petri successores esse agnoscebant, alia propriè non erat, nisi quia illi legitimo modo ab Ecclesia Catholica in locum Petri recipiebantur, in qua re, vt supra §. 36. diximus, consistit hæc ratio successionis. Sed hic etiam pontifex, qui nunc est, legitime item ab Ecclesia eadem in locum Diui Petri receptus est, & alij quoque, qui succedent, similiter, vt pono, recipiuntur. Ergo huic item pontifici, & futuris, veteres illi Patres testimonium successionis legitimæ perhibuerunt. Quemadmodum simili quoque ratione supra conclusimus, testimonia veterum Patrum, qui congregationem Romanis Pontificibus, suis illis temporibus ad hærentem, legitimam esse Ecclesiam asseruerunt, ad hanc quoque numero congregationem pertinere, quæ Pontifici Maximo hodiè obtemperat.

Tertium argumentum est propriè contra hoc ipsum, quod nunc ponebamus, eos Pontifices Romanos, qui antecesserunt, vsque ad præsentem, esse legitime receptos ab Ecclesia. Et enim à tempore Urbani VI. qui Gregorio XI. demortuo, Anno 1378. electus fuit in mense Aprili, vsque ad præsentem, pontificem, nullus videtur legitime successisse. Nam, vt videre est apud Diuum Antonium tertia parte histor. tit. 22. cap. 2. & initio Concilij Constantinensis, eodem anno 1378. in mense Iulio, ex Cardinalibus quidam, quòd pontificis electi mores difficiles non ferrent, Roma discesserunt, & in sequenti mense Septembri elegerunt alium pontificem, qui nominatus est Clemens VII. Porro Urbani Romæ manebat, Clemens Auentione. Et vterque suos asceas habebat. Quod schisma, vsque ad annum 1417. quò, vndecimo die mensis Nouembris, Martinus Quintus electus est, ita continuata successione vtriusque Pontificis, & Cardinalium ab ipsis creatorum, continuatum est, vt non posset satis dignosci vter illorum electi verus pontifex. Imò & alius etiam tertius pontifex anno 1408. accessit, dictus Ioannes XXIII. quem, aliqui Cardinales ex vtraque factione ad eam rem designati creauerunt, vt refert Turrecremiana lib. 4. cap. 9. Tandem Martinus V. à Cardinalibus multis ex illis dubijs, & schisma-

maticis, anno, vt dictum est 1417. creatus est in Concilio Constantensi. Itaque nec precedentes pontifices, nec ipse Martinus V. & consequenter, neque alij pontifices posteriores, qui Martino deinceps successerunt, legitimo modo videntur ab Ecclesia recepti. Accedit etiam, quod post Martinum V. tempore Eugenij IV. fuit aliud schisma. Amadeus enim quidam in Concilio Basileensi, à quibuldam electus est, & vocatus Felix: Is postea Nicolao V. cessit, à quo Cardinalis creatus est. Neque tamen videtur satis compertum, vter istorum habuerit maius ius ad pontificatum: atque ita propter hoc etiam schisma dubij videntur pontifices illi omnes, qui Nicolao vsque ad pontificem praesentem successerunt.

Respondéo, tempore illo, quod ab Urbano VI. vsque ad Martinum V. intercessit, illos sanè Pontifices censeri posse legitime fuisse receptos, qui in huius Urbani locum successione serie recepti sunt: alios verò fuisse Schismaticos. Nam de electione ipsius Urbani non videtur dubitandum, quin fuerit legitima. Qui proinde de modo, rationeque eligendi suos successores, poterat id statuere, quod in illa schismatum difficultate magis expedire iudicabatur, donec aliquid aliud, ipso defuncto, Ecclesia ea de re decernendum putaret. Sed sine hi, siue illi, durante eo schismate, fuerint legitimi Pontifices, siue nullus eorum, qui in schismate electi sunt, sed tunc sedes quasi vacauerit; nihil hoc quidem interest; modo conitet ipsum tandem Martinum V. in Concilio postea Constantensi legitimo modo receptum fuisse in locum illius Urbani, & antecessorum, atque adeo etiam in locum ipsius D. Petri.

Id autem ita esse, hoc modo probamus: Nam, vt supra §. 36. dictum est; modus legitimus recipiendi aliquem in Petri successorem ille prorsus est, quem Ecclesia pro ratione temporis, & aliarum circumstantiarum praescribit, rectumque esse iudicat: siue is modus praescribatur ab ipsonem Pontifice, in quo tanquam, in capite, residet primaria auctoritas Ecclesiae, atque adeo ius etiam constituendi modum in electione Pontificis, vt colligitur ex multis Canonibus septuagesima nona distinctione, & rectè ostendit inter ceteros Caietanus in Apologia de auctoritate Pontificum, & Conciliorum, par. 2. cap. 22. siue praescribatur ab Ecclesia in Concilio, vel aliter decernente; quando Sedes quidem Apostolica vacaret, aut illius possessio non esset admodum certa, & graues aliquae circumstantiae postularent eligendi modum aliquem extraordinarium; sicut intelligi potest ex his, quae eruditè Turrecremata lib. 4. de Ecclesia, cap. 10. scripsit de decem vijs sedandi schismata in electione Pontificis. Nunquam enim deest Christus Ecclesiae suae, quin in omni casu possit illam ex schismatum difficultatibus emungere, & indubie certum Pontificem pacifice, & absque scandalis recipiendo in Diui Petri locum. Nunc certum est, Martinum V. electum in Concilio Constantensi fuisse eo modo, qui omnibus circumstantijs illorum temporum consideratis, iudicatus est ab Ecclesia in Concilio tunc congregata optimus. Nam Gregorio XII. qui tunc erat Urbani suc-

cessor, suo iuri, propter Ecclesiae pacem; atque bonum, cedente & alijs duobus Antipapis, scilicet Benedicto XIII. & Ioanne XXIII. depositis; omnibus Cardinalibus, qui Concilio quidem interfuerunt; siue illi veri essent, siue falsi, & sex praterea ex qualibet natione, qui Concilio interessent, delectis, ius suffragij actiui, & passui datum est, quorum demum suffragijs Martinus V. est electus. Qua quidem ratione nihil prudentius tunc temporis ad tantas schismatum difficultates, & scandala sedanda, constitui poterit. Itaque perspicuum certè est, Martinum V. legitimum fuisse Petri successorem, & consequenter etiam alios Pontifices sequentes, quia omnes recepti sunt eodem modo, quem habita temporis ratione Ecclesia legitime praescripsit: quamuis pro ratione temporis modus ille quidem, quo Martinus electus est, fuerit à solito diuersus. Ordinariè autem iam ea ratio seruatur, vt qui à duabus partibus Cardinalium eligitur, ille Pontifex legitimus habeatur, vt patet extra de electione, cap. licet de euitanda.

Ex quibus intelligitur, quam turpiter Wiclephus, quem & alij Sectarij sequuntur, errauerit, cum propositione nona damnata in Concilio Constantensi afferuit, à tempore Urbani VI. nullum esse recipiendum tanquam Pontificem, sed more Graecorum proprijs legibus esse viuendum. Errant isti turpissime: quoniam via ac ratio fuit, ac erit semper in Christi Ecclesia; vt schismate sedato, vnicus, verus, & indubitatus Pontifex ab omnibus agnoscat. Neque enim illud schisma primum fuit in Ecclesia, sed schismata omnino viginti illud praecedunt, vt Turrecremata etiam lib. 4. de Ecclesia cap. 9. commemorat. Nec ideo tamen nullus ante Urbanum VI. fuit verus in Ecclesia Pontifex.

Iam verò ad illud, quod in confirmationem eius argumenti de schismate Amadei addebatur, facilis est responsio. Nihil enim huiusmodi casu successio Pontificum dubia redditur, cum constat Amadeum illum cum suis electoribus a parte schismaticum fuisse, maxima Ecclesiae parte Eugenium IV. (legitimum sine controversia successorem Martini V.) & successorem Eugenij, Nicolaum V. pro legitimis Pontificibus cognoscente.

Quartum argumentum fieri porro potest contra hoc quod nunc dictum est, cum esse legitimum Petri successorem, quem Ecclesia recipit, modo quem iudicat conuenientissimum: Nam qui legitimus Petri successor est; is à Christo Domino certò, & infallibiliter accipit supremam in terris potestatem, quam habuit Petrus, vt supra probatum est. At non semper, qui ab Ecclesia legitimo modo in locum Petri recipitur, eam potestatem à Christo Domino accipit. Ergo non illic legitimus Petri successor is est, qui ab Ecclesia recipitur modo legitimo. Id patet in casu, quo per errorem eligeretur mulier, quod saltem posse accidere non admodum dubitare videntur quidam, etsi falsa, atque commentitia omnino sit alioqui historia illa de Ioanne femina, vt Onuphrius in annotat. ad Platin. & etiam Alanus Cop. dialogo primo, capite octauo, & alij demonstrant. Praterea idem patet, si errore eligeretur infidelis quispiam non baptizatus. Talis enim non recipi-

reciperet verè à Christo primariam potestatem, neque verè esset Pontifex, vt ex communi orthodoxorum sententiâ ponit Turrecremata lib. 4. de Ecclesia par. 2. cap. 20.

Respondeo. Quod dictum est, illum esse legitimum D. Petri successorem, atque adeo primariam auctoritatem à Christo accipere, quem Ecclesia modo legitimo recipit in locum D. Petri; id non aliter intelligendum est, nisi posito, quòd Ecclesia legitimo modo eum eligat, ac recipiat, qui sit aliqui capax Pontificatus. Mulier autem, & infidelis, Pontificatus minimè sunt capaces. Quare argumentum hoc non euertit ea, quæ sunt dicta.

Sed hinc rursus nascitur alia difficultas, de qua non inuulter tractari solet à Catholicis Theologis in scholis. Nam si casus isti, in quibus incapaces Pontificatus eligantur, possibiles sunt; sequitur, non posse nos penitus esse certos; vtrum hic, vel ille electus, sit verus Pontifex. Nam licet simus omnino certi, Ecclesiam veram, modo conuenienti, tum ex parte electorum, tum ex parte modi in eligendo, hunc, aut illum legitime recepisse: at dubitare poterimus, vtrum ille baptizatus sit, atque adeo num sit capax Pontificatus. Itaque nec poterimus esse certi omnino de ijs, quæ ille tanquam de fide definierit. Eodemque res recidet, atque si liceret dubitare, vtrum Deus voluerit esse aliquem omnino successorem Petri in Ecclesia perpetuo, qui sit regula fidei, & morum infallibilis. Illud enim idem incommodum, quòd ex hac dubitatione sequeretur; videlicet incertitudo eorum, quæ Romanus Pontifex decerneret; perinde sequeretur ex illa etiam dubitatione, vtrum videlicet hic sit verus successor Petri nec ne.

Ad hanc expediendam difficultatem, libenter illud solum responderem, quòd multi docti, ac pij viri meritò credunt, atque ipse mihi persuadeo: nempe nunquam futurum, vt incapax eligatur; Deo, ad auertendum ab Ecclesia sua periculum, facili (vt potest) id prohibente. Neque id reuera vquam accidisse arbitror, aut de lege ordinaria posse accidere: obstant nimirum decreto eiusmodi prouidentiz diuinæ. Sed quia graues etiam Doctores eiusmodi casum tanquam possibilem admittunt; consequenter sanè concedendum est ab illis, non ex hoc ipso tantum, quòd aliquis ab Ecclesia in Diui Petri locum electus est, ex fide infallibili esse certum, quòd is sit verus Pontifex; quandoquidem incapax eius muneris eligi posset, vt admittunt. Ceterum non inde inquit illud incommodum, quòd obijciabatur, nempe vt necesse sit de certitudine definitionum, siue decretorum, electi Pontificis dubitare. Hoc, inquam, incommodum dico non sequi, idque ostendimus duplici ratione.

Prima, quia certa fide compertum est firmum esse, ac ratum quicquid circa vniuersam Ecclesiam statuit is, qui existimatur ab omnibus fidelibus Pastor Ecclesiæ vniuersalis: nam illud Ecclesia tota, quæ decipi nequit, teneri recipere, vt paulo post probabitur. Atqui Pastor vniuersalis ab omnibus fidelibus est existimatur, qui ab Ecclesia in locum D. Petri legitime est receptus: Igiture si is ali-

quid erga vniuersam Ecclesiam decernat, à nemine dubitari potest quin illud sit ratum, & firmum: siue id quidem infallibiliter decernat tanquam verus Pontifex, cuius videlicet ministerio Deus, ex certa, & ordinaria lege in Ecclesia gubernanda, tanquam instrumentum vtatur, siue Deo tantummodo in particulari casu non permittente, vt erret, in erroremque adeo inducat vniuersam Ecclesiam, cui se Deus nunquam defuturum promissit. Procedit enim perinde hæc prima ratio, siue concedamus fieri etiam posse, vt falsus Pontifex statuatur aliquid circa vniuersam Ecclesiam, siue id non concedamus, vt concedi reuera non debet, sicut iamiam videbimus.

Secunda ratio quare non sequatur illud incommodum, quòd obijciabatur, est, quia cum primum is, qui est electus Pontifex, statuit aliquid in fide, aut moribus, quòd ab vniuersam Ecclesiam pertineat, eo ipso est nobis certum de fide, quòd ille sit Pontifex legitimus; qui à Deo videlicet acceperit potestatem illam iurisdictionis primariam. Quæres autem vnde hæc fidei certitudo tunc eliciatur? Respondeo, ex duabus propositionibus de fide, hoc modo: Quem Christus Dominus in ijs, quæ vel ad fidem, vel ad mores pertinent, ab vniuersa Ecclesia audiri vult; is verus ac legitimus est pastor Ecclesiæ vniuersæ. Sed Pontificem ab Ecclesia legitimo modo electum, cum is aliquid ab vniuersam Ecclesiam pertineans in fide, aut moribus statuit, audiri vult Christus Dominus ab vniuersa Ecclesia: ergo verus ille Pastor est vniuersæ Ecclesiæ.

Prior propositio patet ex illis Scripturæ testimonijs, quibus superius §. 27. probauimus, Christum Dominum super Petrum determinatè, & eius successores, quorum vniuersique, communionem quidem eiusdem auctoritatis, esse in Ecclesia futurum quasi alter Petrus, voluisse, vt exurgeret totum ædificium Ecclesiæ. Nam super te, inquit Mat. 16. [ædificabo Ecclesiam meam.] Et Ioan. 21. Pafce, tu Petre, oues meas. Et Lucæ 22. Tu aliquando conuersus, confirma fratres tuos.] Quarum certè sententiarum ea vis est, vt intelligere debeamus per neminem alium hominem singularem, nisi qui communionem eiusdem auctoritatis reuera sit tanquam ipse Petrus, quique habeat præceptum illum ascendendi oues Christi vniuersas, Ecclesiam regi, ac proinde, obligari ad recipiendum fidei, & morum instituta, quibus illius ædificium continetur. Ideo enim cæteris Apostolis preteritis solum Petrum ex nomine toties tanquam singulariter Christum compellauit, dum eam illi auctoritatem vel promitteret, vel tribueret, vt ea re clarè significaret, per neminem alium hominem singularem, velle se spiritu suo sancto ita instruere Ecclesiam, sicut per Petrum et eos, qui in eadem auctoritate futuri essent, tanquam ipse Petrus, vt supra disputatum est.

Iam probatur illa altera propositio potestatis: nempe velle Christum, vt is in rebus fidei, atque morum ab vniuersa Ecclesia audiat, qui ab Ecclesia est legitime in Pontificem electus. Nam cum in Scriptura datur præceptum subditis, ad Hebr. 13. vt [Præpositos suos audiant;] de ijs Præpositis omnino

nino fermo est, quos subditi suos esse Præpositos agnoscent, & pro talibus habent; alioqui frustra propterea id præceptum daretur. Quare certum ex fide est, velle Christum, ut quem Ecclesia vniuersa Pastorem suum esse agnoscat, cum de rebus fidei, & morum docentem audiat. Agnoscat autem omnino eum esse Pastorem, quem ipsa legitime elegit, ac recepit. Hunc igitur ex Christi voluntate tenetur audire. Certa igitur ex fide est quoque posterior illa propositio. Atque ita patet, conclusionem etiam, quam ex utraque propositione deduximus, certam ex fide esse: videlicet, electum legitime in Pontificem, & aliquid postea erga vniuersam Ecclesiam desinentem, verum esse Pontificem: ac proinde minime de certitudine illius decretorum esse dubitandum.

Ex quibus rebus consequitur, si quis forte in Pontificem, huius auctoritatis incapax, quod minime vereor futurum, eligeretur, numquam tamen fore, ut is aliquid erga Ecclesiam vniuersam decerneret, sed vel discederet à vita, priusquam ad id, ventum esset, vel illius certe vitium, & incapacitates Deo providente detegere. Neque verò hoc foret aliquod miraculum, sed quiddam omnino consequens ex ordinaria illa Christi lege, qua is voluit Ecclesiam suam vniuersam non per ministerium alicuius alterius hominis singularis, præterquam legitimi Pastoris, gubernare.

Erga particularem verò Ecclesiam aliquam, aut aliquas etiam personas, non esset vique adeo incommodum concedere, posse aliquid statuere eum, qui verus non esset Pontifex. Quo casu Deus per se, sicut in similibus casibus pie credi posse, notat ex sententia D. Thomæ, & aliorum Theologorum, Turrecremata lib. 4. de Ecclesia, part. 2. cap. 2. superaret, ad aliorum videlicet necessarias utilitates, ministerium Pastoris veri: Ut confirmando per se, exempli causa, eos Episcopos, quos ille Pontifex confirmasse verè putaretur.

Sed quaerit hic aliquis, cuiusmodi debeat esse illud, ad vniuersalem Ecclesiam pertinens, quod cum Pontifex statuit, intelligitur certissime secundum fidem esse verum Pontifex. Nam si opus est, ut aliquid circa fidem definiat; cum eiusmodi definitiones à paucis Pontificibus, & raro fiant; raro etiam ex fide constabit, aliquid esse Pontificem verum.

Respondendo primo, quādiu Pontifex quidem nihil erga vniuersam Ecclesiam statuit, nihil vel parum admodum imminere periculi, si diu, aut etiam omnino non constaret ex fide, illum esse verum Pontificem, sed certitudine tantum morali. Plus enim quiddam est, sedem Apostolicam omnino vacare, quā non propterea ex fide constare, num is, qui in ea præsidet, legitime ac verè præsideat. Et tamen vacat quandoque sine magno Ecclesie incommodo Sedes Apostolica aliquamdiu. Minus igitur incommodum erit, si is, qui in ea præsidet, morali tantum certitudine existimetur rite præsidere, non autem infallibili fide.

Deinde dicimus, non modò ex definitione fidei, sed etiam ex aliqua institutione circa mores, ad vniuersam Ecclesiam pertinente, quales sæpe sunt à Pontificibus, colligi posse

de fide, quòd aliquis sit verus Pontifex. Imò etiam ex dispensatione Thesauri Ecclesie per generalem indulgentiam, siue Iubilum. Nec enim his etiam modis Christus Ecclesie suæ prospicit per alterius ministerium præterquam veri Pastoris. Quare non ita tarò accidit, ut per fidem constet de vero Pontifice.

Postremò à nobis illud breuiter refellendum est, quod vaniloqui hæretici obijciunt, aliquos Romanos Pontifices à nonnullis principibus, aut etiam ab alijs grauius viris, vehementius quandoque reprehensos fuisse, atque etiam eo loco habitos, quāsi non Petri successores, & Christi Vicarij, sed Antichristi essent. Quo in calumnia genere eo etiam nostri Adversarij processerunt impudentia, ut eam communem fuisse Ecclesie existimationem de Pontificibus Romanis suaderet quidam vanissimè, & mendacissimè conentur. Sed hanc de Antichristo contumeliam varij Theologi, nec ita pridem sufficientissimè, & doctissimè refutarunt; Ut Sanderus toto libro octauo de visibili Monarchia Ecclesie. Et Bellarminus libro tertio de Romano Pontifice. Et quo loco Romanus Pontifex in Ecclesia semper sit habitus ex allatis suprà §. 26. testimonijs aduersus istorum vanitatem, satis superque iam constat. Itaque breuiter iam pro instituto nostro respondemus: Si qui ex orthodoxis acrius aliquando in Romanum Pontificem inuecti sunt; ij non ad locum, & auctoritatem, sed ad priuata vitia personæ, seu consuetudinem, seu vera, respuerunt. Quod nobis nihil sanè obstat. Nec enim, ut illi sedi auctoritas sua constet, defendi necesse est, omnes, & singulos, qui in ea sederunt, fuisse innocentissimos.

Quin immò schismaticis istis Romanorum Pontificum obreftatoribus, qui, mendacis ferè diaboli voce consilijs aduersus sacerdotes Dei (ut de sui temporis hæreticis grauissimis verbis scripsit Cyprianus) Catholice vnitatis concordiam rumpere conantur, sidentem idem respondemus, quod ad similes criminationes (sunt enim omnes hæretici, quod ad odium sedis Apostolicæ attinet, similes) olim respondit D. Augustinus Donatistis hæreticis, libro 2. contra literas Petil. cap. 51. [Cathedra, inquit, tibi quid fecit Ecclesie Romanæ? in qua Petrus sedet, & in qua hodie Anastasius, dicamus nos Clemens, sedet, quibus nos in Catholica vnitatem connectimur, & à qua vos nefario furore, separastis? Quare appellas cathedram pestilentiam, cathedram Apostolicam? Si propter homines, quos putas legem loqui, & non facere: numquid Dominus Iesus Christus propter Phariseos, de quibus dixit Matthæ 23. Dicunt enim, & non faciunt; cathedræ in qua sedebant, vllam iniuriam fecit? Nonne illam cathedram Moysi commendauit, & illos tamen, seruato cathedræ honore, redarguit? Ait enim: Super cathedram Moysi sedent, quæ dicunt, facite, quæ autem faciunt, facere nolite. Dicunt enim, & non faciunt. Hæc si cogitaretis (nonne Sectarios hodie etiam alloqui videtur?) non propter homines, quos infamatis, blasphemaretis cathedram Apostolicam, cum non communicatis.] Tum etiam idem Augustin. lib. 2. contra lit. Petil. cap. 72. [Cum tales, Pharisei, sede-

QVÆSTIO SEXTA

§. 40.

An ab omnibus fidelibus, ex diuino præcepto recipiendum sit, quod Romanus Pontifex definit, esse fidei sententiam.

rint super cathedram Moysi, cui Dominus honorem seruauit:quare vos propter eos,quos istis, siue iustè, siue iniustè, comparatis, cathedram Apostolicam blasphematis ?] Hæc Augustinus. *Quæ à nobis hoc tempore similiter, aduersus Sectariorum meledicta in Romanos Pontifices, iure optimo vsurpantur.*

Ex quo etiam intelligi potest, qua ratione, & illud accipi debeat, quod D. Gregorius lib. 4. Registri, epistola 32. scripsisse legimus : [Antichristi præcursores cum esse, quisquis se contemptis reliquis Episcopum, vniuersalem appellare audeat.] Non enim, locum ipsum, & dignitatem vniuersalis Episcopi Gregorius exagitat, sed superbiam, & arrogantiam in eo nomine temerè vsurpando, quasi nullus alius Episcopus esset. Quod vitium iure optimo reprehendere potuit Gregorius in illo Ioanne Constantinopolitano, schismaticè primatum affectante, aduersus quem eo loco scribebat.

Ac sanè maximam esse Sectariorum vanitatem, quod illud etiam Gregorij dictum aduersus Pontificis Romani primatum obijcere soleant, ex ea re perspicuum est, quod in eo ipso loco, vbi Gregorius vocabulum illud exagitat, simul etiam Petri primatum, cuius ipse successorem se frositetur, agnoscit, ac luculentè asserit; nempe lib. 4. epist. 32. [Cunctis, inquit, Euangelium scientibus liquet, quod voce Dominica, sancto & omnium Apostolorum principi Petro, totius Ecclesiæ cura commissæ est, &c.] Et infra vocabulum etiam ipsum vniuersalis Episcopi Romano Pontifici à Chalcedonensi Synodo delatum, esse memorat; quauis illud Pontifex modestè detraxerit: [Certè, inquit, pro beati Petri Apostolorum principis honore, per venerandam Chalcedonensem Synodum Romano Pontifici oblatum est nomen Vniuersalis.] Idem lib. 4. epist. 38. scribens ad illum ipsum Ioanuem: [Numquid non, sicut vestra sanctitas nouit, per venerandam Chalcedonensem Concilium huius Apostolicæ sedis Antistites, cui, Deo disponente, deseruio, Vniuersales, ob lato honore, vocati sunt ?]

Tria igitur à nobis hæcenus probata atque defensa sunt, ex quibus certissimè concludimus, Romanum Pontificem supremam in Ecclesia auctoritatem ad constituendum infallibiliter de rebus fidei, & morum præditum esse. Primò, auctoritatem eiusmodi D. Petro à Christo tributam esse. Secundo, non, Petro solim, sed eius etiam vsque in sæculi finem legitimis successoribus eam à Christo auctoritatem tribui. Tertiò, Romanos omnino Pontifices esse in eo genere legitimos D. Petri successores. Quare manet profectò, Romanum Pontificem, pro tempore existentem, eum esse cui tamquam successori D. Petri, vniuersalis Ecclesiæ cura, quod ad fidem, moresque spectat, commissæ sit, & in quo proinde de questionibus omnibus fidei decernendi auctoritas resideat.

Respondemus per hanc assertionem: [Quotiescumque Romanus Pontifex in fidei questionibus definiendis, illa, qua est præditus, auctoritate vtitur; ab omnibus fidelibus tanquam doctrina fidei recipi diuino præcepto debet ea sententia, quam ille decernit esse sententiam fidei. Toties autem eum illa ipsa auctoritate vti credendum est, quoties in controuersia fidei sic alterutram sententiam determinat, vt ad eam recipiendam obligare velit vniuersam Ecclesiam.]

Prior huius assertionis pars facile probatur ex his, quæ hæcenus sunt constituta. Nam si D. Petro, tamquam vniuersali Ecclesiæ pastori, Christus auctoritatem tribuit, infallibiliter constituendi de questionibus fidei: & hæc eadem auctoritas Romanis Pontificibus D. Petri successoribus diuinitus confertur (quæ duo hæcenus à nobis confirmata sunt) dubitari non potest quin etiam Christi oues teneantur tunc salutarem pastum doctrinæ fidei acceptare, cum vsu illius auctoritatis à Romanis Pontificibus ipsis ostenditur. Omnes enim in primis hanc obedientiam suo pastori, atque præposito debent, vt verum ille in questionibus fidei infallibiliter seculum tradiderit, id sibi verissimum esse persuaideant, nec possint assentiri contrario.

Ac nisi eiusmodi auctoritatem docendi Christus D. Petro (atque adeo etiam successoribus eius) attribuisse, sanè quidem, nec absolutam curam pascendi Dominicum, gregem Petrus suscepisset (cum pascatur ille in primis veritate doctrinæ) neque omnino clauis regni cælorum accepisset, cum aperiantur in primis cæli vera doctrina fidei sine qua impossibile est placere Deo, ad Heb. 11.

Huc apertissimè quoque spectat illud Christi: [Ego, inquit Lucæ 22. rogavi pro te, vt non deficiat fides tua. Et tu aliquando conuersus, confirma fratres tuos.] Quod rectè in primis ad officium docendi sancti Patres referunt. Hoc, & ipse Petrus etiam illis verbis testatus est: [Viri fratres, inquit, vos scitis, quoniam ab antiquis diebus elegit Deus per os meum audire gentes Euangelium, & credere,] Actor. 15. Atque eam etiam D. Petri auctoritatem D. Ambrosius in cap. 5. Lucæ, pulchrè colligit, ea re à Christo significatam esse, quod alijs Apostolis præsentibus, soli tamen Petro dixit, Lucæ 5. [Duc in altum, idest, in profundum disputationum.] De quo multa etiam superius à nobis dicta sunt, circa locum præferri Matth. 18. pro D. Petri primatu, §. 27. & multa quoque disputantur eruditè cum ab alijs scriptoribus, tum præcipuè à Ioanne Turrecremata lib. 4. de Ecclesiâ cap. 107.

Cum igitur constet, id ab omnibus in-

E

ma-

materia fidei recipi debere, quod Romanus Pontifex D. Petri successer utens ea docendi auctoritate, qua est præditus, infallibiliter tradit; Altera nunc pars assertionis à nobis confirmanda est, nempe toties Romanum Pontificem illa docendi auctoritate uti, hoc est, infallibiliter Spiritu sancto assistente docere, quoties de rebus fidei controuersis alterutram sententiam ita determinat, vt ad eam recipiendam obligare velit vniuersam Ecclesiam. Nisi enim etiam de hoc constet, dubitare liceret, num ob eam rem fortassis Pontificis definitio in fidei quæstionibus falsa sit, quod non sit in definiendo vsus illa infallibili auctoritate docendi, qua est præditus.

Id autem, vt probemus, distinguendi sunt modi, quibus potest contingere, Pontificem aliquid asserere. Primò enim potest sibi persuadere, aut asserere aliquid, vt priuata persona quælibet, vel doctor alius quispiam. Vt, si nollit Ecclesiam vniuersam ad recipiendam suam assertionem obligare, sed tantum sententiam ipse suam reputare veram. Hoc modo Innocentius III. & nonnulli alij Pontifices opuscula varia ediderunt. Ac illa quidem, quæ sic Pontifex asseruerat, communis sententia omnium Theologorum est, non oportere etiam omnia vera, & infallibilia, quasi à Pontificia auctoritate profecta. Quin, imò à plerisque auctoribus conceditur; fieri posse, vt Pontifex tamquam quædam priuata persona in hæresim labatur.

Quod, & quandoque euenisse, ex sexta & septima Synodo generali, itemque ex nonnullis Pontificum epistolis, nonnulli colligunt nimirum ex epistola Adriani, vt habetur in octaua Synodo, actione 7. & ex epistola Agathonis, vt habetur in sexta Synodo, actione 4. in quibus commemoratur. Honorium Pontificem defunctum condemnatum esse, tamquam infectum errore Eutychetis, de vna voluente, & peratione Christi. Et quamquam Albertus Pighius Campensis lib. 4. Ecclesiasticæ hierarch. cap. 8. & autem cum Ioannes à Turrecremata lib. 2. de Ecclesia capit. 93. pie conentur hunc Pontificem (sicut, & nonnullos alios, de quibus minor difficultas est) à nota hæresis vindicare, defendantque eum aut omnino damnatum ab Ecclesia non fuisse, aut non nisi secundum falso allegata, & probata fuisse damnatum: tamen (quicquid de ea quæstione, particularis facti statuatur) videtur saltem in illis Concilijs, & epistolis Pontificum, atque etiam in Concilio quinto Romano sub Symmacho, canon. 3. admitti tamquam positiois eiusmodi casus, quo scilicet Romanus Pontifex in hæresim priuatum labatur.

Secundò modo potest Pontifex aliquid asserere obligando vniuersam Ecclesiam, vt illud recipiat, nec quispiam audeat sibi persuadere contrarium. Et quæcumque Pontifex in aliqua de re religionis controuersia sic asserit, certa fide credendum est, illum infallibiliter, ac proinde ex auctoritate Pontificia, hoc est, ex diuina assistentia, id asserere.

Atque hoc ipsum est, quod ponimus in Secunda parte illius nostræ assertionis. Quæ sic probatur. Quidquid eo modo Pontifex determinat, id sine contradictione Ecclesia

vniuersa tenetur recipere. Sed quidquid Ecclesia vniuersa, vno aliquo homine docente, tenetur recipere, id est veritas infallibilis, quam Spiritus sanctus ministerio legitimi pastoris illi suggerit. Ergo quidquid eo modo Pontifex determinat, id suggerente Spiritu sancto, tamquam legitimus pastor, ac proinde ex Pontificia auctoritate infallibiliter determinat.

Maiores propositio probatur. Nam cum Christus dedit Petro, & successoribus (vt superius probatum est) auctoritatem regendi totum Ecclesiæ ouile, atque adeo illud pascenti verbo doctrinæ; dubium non est quia etiam oues vniuersas obligat, ad sui Pastoris, atque Præpositi vocem audiendam: idque tunc præcipue, cum Pastoris cura, & educatus maxime illis necessarius est, videlicet in rebus de fide, ac religione controuersis. Quin imò D. Petrum habuisse, & successores eius Romanos Pontifices nunc habere, potestatem à Christo cum auctoritate docendi vniuersam Ecclesiam (quod abnude superius probatum est) hoc ipsum sanè est; ita docendi munus illis commissum à Christo esse, vt eorum vocem audire vniuersi fideles teneantur. Quod præclare intelligens D. Cyprianus lib. 1. ep. 3. verissime illud scriptum reliquit: [Non aliunde hæreses oriri, quam quod sacerdoti Dei non obtemperatur, nec vnus in Ecclesia ad tempus Sacerdos, & ad tempus iudex vice Christi cogitur.] Vt iam cætera testimonia veterum superius pro D. Petri, & successorum, auctoritate citata, non repetam. Certa est igitur illa propositio maior.

Minor autem eiusdem argumenti propositio patet ex promissionibus diuinis, quas habet Ecclesia de doctrinæ veritate certissimas, ne vnquam tota in errorem induci possit, sicut supra §. 16. in loco de vera Ecclesia circa proprietatem septimam vidimus: itemque ex Scripturæ testimonijs supra §. 3. 8. allatis, quibus sanè constet, lege ordinaria Spiritum sanctum, non per aliquem alium hominem singularem, veritatem suggerere vniuersæ Ecclesiæ, (cum obligatione acceptandi) nisi per legitimum Pastorem, cui nimirum traditæ sunt oues Christi pascentæ; & super quem est ædificata ipsa Ecclesia.

Ac sanè iustar petre firmissimas, maximeque infallibiles eiusmodi Pontificum Romanorum definitiones esse, passim est à sanctis Patribus, & Concilijs constitutum, vt videre est in plerisque testimonijs, ex ijs quæ supra non paruo numero pro primatu Petri successorum citauimus. Præsertim in ijs, quæ allata sunt ex antiquis Concilijs, & Pontificibus, & alijs circa locum Matth. 16. Lucæ 22. & Ioan. 21. supra paragraphis præcedentibus. Prorsus vt iure, ac merito Leo X. articulum, etiam Lutheri vicesimum octauum damnauerit, qui continebat, non obstante determinatione Pontificis, posse quempiam contra eam sentire: in Bulla damnationis Lutheri. Ac eandem propositionem tamquam hæreticam damnauit Sixtus IV. in Concilio Complutensi contra Petrum quemdam Oxoniensem.

Postremo id ipsum probare possumus ex perpetua praxi Ecclesiæ. Si enim iam vsque ab exordio Ecclesiæ memoriam temporis Ordine

dine repetamus, constat profectò controuersas omnes de religione moras, ex D. Petri cathedra fuisse iudicatas, eosque tandem, & solos, communi Ecclesie iudicio, hæreticos esse habitos, qui repugnarint definitioni eius cathedræ. Etenim ortam quæstionem de obseruatione legalium, in primis ipse Diuus Petrus in Apostolico Concilio Actor. 15. terminauit.

Deinde qui volebant Pascha non nisi decima quarta luna, etiamsi Dominicus dies tunc non esset, celebrari debere, tandem obtinent sententia, atque destitutione Romani Pontificis Victoris, hæretici sunt habiti, vt patet ex Eusebio lib. 5. cap. 23. & 24. & à propria secta, vt fit, nominati Quartadecimani, vt patet ex Epiphano, hæres. 50.

Item Cornelius in Concilio Romano Nouatianorum damnauit errorem, vt patet ex Eusebio lib. 6. cap. 33.

Item damnauit idem Cornelius (teste Eusebio lib. 7. cap. 2.) atque etiam Stephanus, errorem rebaptizatum hæreticos, teste D. August. lib. 5. de bapt. contra Donatistas cap. 23. Idque apparet etiam ex D. Cypriano, in epistola ad Pompeium: quam epistolam Diuus etiam Augustinus illic commemorat.

Item damnauit sunt Ariani, in Concilio Nicæno (vt patet ex actis eius Concilij) Siluestri Legatis, Vito, & Vincentio, & Hosio, in eo præsentibus, & eodem postea Siluestro, ad Patrum petitionem, Concilium id confirmante.

Item Macedoniani in Concilio primo Constantinopolitano, quod Damasus Pontifex ad eum finem suis literis mandauit congregari, vt apparet ex Theodoro, lib. 5. cap. 9.

Item Nestoriani in Concilio Ephesino, Cælestini Pontificis vices gerente D. Cyrillo, vt patet ex Euagrio, lib. 1. cap. 4.

Item Eutychiani in Concilio Chalcedonensi, Paschasino, & Lucenctio, locum Leonis tenentibus, vt patet ex actis eius Concilij.

Item Pelagiani ab Innocentio, & Zoziimo, vt patet ex Augustino lib. 2. Retract. cap. 50.

Item Monothelitz in Synodo sexta, & Iconomachi in septima, similiter præsentibus Romani Pontificis Legatis, vt patet ex actis illorum Conciliorum.

Item error Berengarii in Leone IX. in Concilio Vercellensi, & Nicolao II. in Concilio Romano, & ab alijs etiam Pontificibus.

Et Petri Abailardi ab Innocentio II. epist. 195. inter epistolas D. Bernardi.

Et Gilberti Porretani ab Eugenio III. in Concilio Remensi, teste D. Bernardo, ferm. 80. in Cantica circa finem.

Et Abbatis Ioachimi ab Innocentio III. in magno Concilio Lateranensi sub eodem Pontifice.

Et Begardorum, ac Beginarum à Clemente V. in Clementina ad nostrum, de hæreticis.

Et Ioannis Wiclephi, & Ioannis Hus à Martino V. in Concilio Constantiensi.

Et Græcorum ab Eugenio IV. in Concilio Florentino: Vt dubitare iam nemo possit, quin sententia, quoque nostri temporis Sæcutorum, similiter à diuersis hoc nostro

seculo Pontificibus condemnatz, hæreticæ sint.

§. 41.

Refutatur ea que contra infallibilem auctoritatem Pontificis obijci possunt.

Cæterum, vt magis etiam huiusmodi assertio confirmetur, nonnullæ iam expediendæ sunt hoc in loco difficultates. Quod faciam bieuiter ad ea ipsa respondendo, quæ contra constituta hæcenus de Pontificis auctoritate infallibili, opponi possunt. Potest autem opponi Primo, quòd non satis certum esse videatur, errum Pontifex in canonizatione Sanctorum errare nequeat. Cùm enim ille testimonijs hominum, & probatione necessariò in ea re nitatur; vt hoc testimonium fallibile est, sic videtur Pontifex falsò posse pronunciare, aliquem reuera esse sanctum. Item in approbandis Religionibus similiter errare posse videtur. Nam ex iure Canonico constat, aliquas Religiones prius approbatas, postmodum improbatas, & expensas esse, vt patet in lib. 6. Decretalium, titulo de religionis domibus, cap. vnico, & in extravagantia, Sancta Romana, quæ est Ioan. 22. Non igitur ea quæ Pontifex determinat, omnia sunt infallibilia.

Respondeo. Non est negandum, quin quòd dictum est de infallibili certitudine definitionum Pontificis, in primis locum habeat in ijs, quæ Pontifex ad doctrinæ controuersias finiendas, erroresque exterminandos, fidelibus proponit, tanquam à Deo reuelata, & credenda ex fide. Cæterum quoniam Pastorem suum semper audire tenetur Ecclesia, & Ecclesiam diuina Scriptura absolute prædicat, esse columnam, & firmamentum veritati, 1. Timoth. 3. ideòque nunquam errare tota potest; dubium esse non debet, quin in alijs, quoque rebus omnibus asserendis, quæ ad pietatem spectent, & Ecclesiam totam concernant, infallibilis sit Pontificis auctoritas. Neque sanè arbitror, hoc abique errore negari posse. Vt enim alijs omnibus Ecclesie Ministris, ita etiam in primis summo Ecclesie Pastori attributa est potestas auctoritalis; sui muneris ad ea, quæ pertineant ad Ecclesie ædificationem. Talia autem cùm sint, quæcumque spectant ad pietatem; dubitari non debet, quin in ijs constituendis Pontifex officio suo fungatur. Cùmque in vñ sui muneris ille, si quid pro Ecclesia vniuersa statuit, errare (vt antè probatum est) non possit: fit vt in omnibus, quæ ad pietatem religionemque spectent, sit infallibilis illius auctoritas, quemadmodum dixit.

Itaque, quòd ad Canonizationem Sanctorum attinet, omnino nego id, quòd communiter Doctores Catholici iure optimo negant, videlicet posse Pontificem hac in parte errare. Quamuis enim testimonia, quæ pro alicuius hominis sanctitate afferuntur, sint humana, ideòque natura sua fallibilia: tamen posito quòd Pontifex illis inductor tandem ad pronuntiandum, quempiam sanctum, atque beatum iam esse, certa fide credendum est, testimonia illa (quatenus in genere saltem probant pie, atque sanctè queniunt ex

hac vita excessisse) vera esse, & hominem eiusmodi ex eorum esse numero, quos per reuelationes Scripturæ generales in communi constaret, diuinæ gratiæ beneficio consequi æternæ vitæ beatitudinem.

Quæ sanè certitudo ipsi illis Dei promissionibus nititur, ex quibus compertum habemus numquam esse futurum, vt vniuersa Ecclesia in rebus Religionis fallatur. Falleretur autem grauius in negotio Religionis, si sanctum reputaret, ac pro tali veneraretur eum, qui sanctus non est. Hic autem illud, quod aliàs ab orthodoxis probatum, atque defensum est, tæquam ex fide certum pono, nempe rem esse omnino, quæ ad Ecclesiæ edificationem, adeoque ad officium Pontificis pertineat, vt Sancti quidam aliquando canonizentur: ac proinde vniuersam Ecclesiam, debere, vt sanctum, venerari illum, quem summus Pontifex numero Sanctorum adscribit; sicut etiam vltus ipse perpetuus, atque traditio Ecclesiæ confirmat. Quæ de re videri plura possunt apud Thomam Waldensem, tom. 2. de Sacramental. cap. 122. & deinceps, & Alphonsum à Castro, lib. 1. de iusta hæreticorum punitione, cap. 6. itemque apud D. Thomam, quodlib. 9. art. 16.

Ad aliud, quod de Religionum approbatione in argumento obijciatur, ita respondeo: Cum Pontifex Religionem aliquam, hoc est, certum aliquid vitæ institutum approbat, duo in eiusmodi facto Pontificis considerari debent. Vnum est in ipsa definitione Pontificis, atque iudicio positum; nimirum quod is alicuius, institutum illud vitæ malum non esse, sed Euangelicæ potius perfectioni omnino consentaneum. Alterum verò spectat ad quandam Pontificis prudentiam in gubernando: nempe quod tali vitæ instituto, tali tempore, &c. suum quemdam in Ecclesia concedit locum.

Iam in primo illo quidem nullo modo Pontifex errare potest. Deciperetur enim tunc Ecclesia tota non parum, si is hominum ordo eaque religio à Pontifice commendaretur ei vt sancta, quæ non esset sancta, sed profana potius, ac perperam instituta. Quo circa in Concilio Constantensi sess. 8. damnatur vltimo loco error quidam Wiclephi, impudentissime assertoris, [omnes Religiones indifferenter esse introductas à diabolo.] Neque ob aliam certè rationem hic error damnatur, nisi quia multæ sunt Religiones per Sedem Apostolicam approbatæ. Quare prorsus errare censendus est is, qui hanc vel illam Religionem, à sede Apostolica approbatam, diceret esse aut malam, aut pugnantem cum doctrina Euangelij.

Quod verò attinet ad Pontificis prudentiam in admitenda hac, vel illa Religione, quibusdam sanè visum est, errari posse à Pontifice, sic vt Religionem aliquam admitat, quam circumstantijs omnibus spectatis oportuisset rejicere. Sed ea tamen opinio iure, ac iuristè reprehenditur. Neque enim debet villo modo concedi, posse Pontificem vniuersam Ecclesiam ad rem aliquam obligare, quæ ipsa tamen non ad ædificationem, sed ad destructionem (quæcumque tandem ratione) pertineat Ecclesiæ, vt satis superque iam ex dictis intelligi potest. At cum Pontifex lo-

cum concedit in Ecclesia alicui Religioni, certè vniuersam Ecclesiam eatenus etiam ea re obstringit, & obligat, vt nequeat illa obfistere, quominus talis Ordinis Religiosi inter fideles ipsos versari possint. Hoc igitur si incommodum ipsi Ecclesiæ esse posset, iam illam Pontifex obligaret ad rem, quæ non ad fideliū ædificationem spectaret, sed ad destructionem potius. Et tamen quoniam, & rerum, & temporum, & personarum circumstantiæ sæpe mutantur, concedendum nihilominus est euenire posse, vt quæ Religio prius bonè, ac prudenter approbata, atque recepta fuit; postea item bonè, ac prudenter rejiciatur.

Quod igitur in argumento obijciatur, Religiones quasdam antea probatas, postea explosas esse, id non ita factum est, quasi aliquando fuerit probata religio; quæ esset malè, ac imprudenter instituta: sed quod postea progressu temporis visum fuerit, magis ad ædificationem Ecclesiæ conuenire, vt ex Religionibus antè probatis quædam exploderentur. Cauenda autem in hoc genere præsumptio, atque temeritas est in arrogando sibi iudicio, quod Pontifex in hac, aut illa Religione prius admittenda, vel post retinenda, & fouenda minus faciat conuenienter. Non enim ad quoscumque pertinet hoc iudicium, sed ad Pontificem tantum, vel ad eos, quorum ille opera vitur in ijs rebus instituendis, quæ ad commune Ecclesiæ bonum spectant. Quæ sanè in re dicendi libertas auctoris cuiusdam, & Catholici aliqui, & bene cruditi, merito ab alijs est notata, atque reprehensa.

Sed dicit modò aliquis: Si certum infallibiliter est, hominem illum in celis esse, quem Pontifex canonizat: Item illud Religionis institutum Euangelio consentaneum esse, quod ipse approbat: erit igitur fidei assensus ille, quo nobis Sanctum aliquem in celis esse, & Religionem aliquam esse bonè institutam, persuademus. Quod si ita est, Primum oportet reuelationem aliquam assignare diuinam, quæ eiusmodi veritas contineatur, id quod videtur difficile. Deinde, falsum erit, quod Theologi tradunt, nunquam aliquid per Pontificis definitionem fieri nobis ex fide certum, quod sit omnino nouum, hoc est, quod fuerit Apostolis, & veteribus Patribus iucognitum. Quid enim Apostoli de D. Francisci (v. g.) & Ordinis ab ipso instituti sanctitate nouissent? Postremo ex ea re sequeretur, hæreticum esse eū, qui negat D. Franciscum (v. g.) esse in celo: at talis à Doctores, hæreticus non putaretur aperte, vt videre est nominatim apud Melchiorum Canum lib. 5. de locis cap. 5.

Hæc paucis expediri possunt. Quod enim ad Primum attinet, dico satis esse in proposito generalem illam reuelationem, quæ constat, quidquid Pontifex determinat ad vniuersam Ecclesiam pertinet: id esse verissimum. Item ad Sanctos canonizatos, illæ etiam (vt suprâ artigi) reuelationes Scripturæ pertinent, quibus generatim ijs, qui piè viuunt, beatitudo celsitris promittitur. Per determinationem enim Pontificis cognoscimus, contineri Sanctum canonizatum in eiusmodi propositionibus Scripturæ vniuersalibus:

bus : atque ita possumus sanè propter eiusmodi propositiones elicere fidei assensum, quo nobis persuadeamus eiusmodi Sanctum æternam beatitudinem adeptum esse.

Ad Secundum verò, quod de nouitate assensus fidei obieiebatur, respondeo, id nec incommodum habere vllum, neque doctrinæ Theologorum repugnare. Etenim cum illi aiunt, nullam fidei veritatem nouam in Ecclesia definiri ; id intelligunt de veritate dogmatum, quæ controuerti possint circa nostræ Religionis capita : vt circa Deum, circa Sacramenta, & similia. Nihil autem obstat quominus de particularibus, & contingentibus materijs, quales sunt illæ in nostro proposito, aliquid per definitionem Pontificis innoscere nobis de nouo possit. Quod potest confirmari hoc exemplo : Communiter enim dici solet, eum qui debita cum intentione infantem baptizat, credere ex fide debere (propter reuelationem Scripturæ ea de re vniuersalem) talem infantem esse in gratia. Quod ipsum tamen ab Apostolis certè non fuit ita determinatè creditum de eiusmodi infante.

Ad illud autem, quod Postremo obieiebatur, negari debet consequentia. Non enim est hæreticus, quicumque negat aliquid, quod reuera pugnat cum sententia fidei. sed is qui negat, quod scit vel debet scire esse contrariam sententiam ab Ecclesia traditam, tanquam de fide, sine vlla apud orthodoxos controuersia. Non est autem ita prorsus ab Ecclesia tradita hæc doctrina, qua ponimus, Pontificem non posse etiam errare in canonizatione Sanctorum, & proinde ex fide credi sanctum canonizatum esse in celo : Sed cum Theologi nonnulli (vt Canus lib. 5. de locis Theologicis, cap. 5.) sentiant, certum quidem esse, non posse in eo genere Pontificem errare, non esse id autem certum ex fide : opinantur nos fasce, id etiam verè esse certum de fide propter promissiones factas Ecclesie de omni veritate, quæ ad illius ædificationem spectet. Et consequenter etiam putamus, vel hoc ipso ab Ecclesia, id esse nobis propositum, quod proponit nobis Scripturas, in quibus sunt tales promissiones. Id quod nobis quidem satis est, vt conemur ipsi elicere assensum fidei circa eiusmodi veritatem; atque adeo etiam, eum omnino eliciamus, si nostra sententia, quemadmodum exilimamus, est vera.

Alij autem, cum non teneantur quidem sibi persuadere, veritatem eiusmodi ex fide esse certam, non illico sunt hæretici, si eam negent; quamdiu Ecclesia quidem non aperte declarat, certam illam ex fide esse. Sed essent tamen illi sine controuersia temerarij, & scandalosi, atque adeo digni, qui ab Ecclesia puniantur, vt rectè notat Melchior Canus lib. 5. cap. 5. Atque hætenus de ijs, quæ primo loco aduersus certitudinem definitionum summæ Pontificis opponebantur.

Secundo, opponi potest, quòd aliquorum Patrum scripta ab Ecclesia sunt approbata, vt Cypriani, Chrysostomi, Gregorij Nazianzeni, Basilij, & Ambrosij, quæ approbantur à Gelasio Papa 15. d. Can. sancta Romana : neque tamen omnes istorum Patrum sententiæ, infallibiles existimantur. Non igitur quidquid Pontifex decernit verum esse, id infallibiliter verum est.

Respondeo breuiter, Pontificem eiusmodi approbatione non vtiq; decernere, verum esse quidquid illi Patres scripserunt; solum affirmat, illos bene, atque vtiliter, addo etiam sanè de Religione scripsisse; sed vt homines tamen, qui non ita fuerint spiritui Dei præditi, sicut fuerunt Scriptores Canonici, quique proinde in illis rebus, quæ suo tempore non erant adeo expressè de fide errare interdum potuerunt. Qua de re eruditè mihi scripsisse videtur Canus lib. 7. de locis Theologicis, cap. 3. concl. 2.

Tertio mouere fortè potest, quòd nonnulli Scriptores Catholici negauerunt, oportere verum esse infallibiliter, quicquid Pontifex determinat. Non ergo, vique adeo id est certum, quod de infallibilitate Pontificis auctoritatis statuimus.

Respondeo. Quid eiusmodi auctores voluerint, non satis illi perspicue, (vt mihi videtur) declarauerunt. Itaque non est mirum, si non satis etiam constet, illos contra fidem errauisse. Nam si tantummodo voluerunt, Pontificem, vt priuatam personam, errare posse, aut etiam priuatam aliquem suum errorem in fide manifestum peruersè velle Ecclesie ipsi, aduersus exploratam alioqui in eadem Ecclesia fidem, obtrudere; rem illi opinantur non penitus improbabilem. Nam Pontificem posse priuatim in hæresim incidere, multi, vt supra vidimus, concedunt : (de quo lege Melchiorum Canum lib. 6. de locis Theologicis, cap. ult. ad 11. argumentum) & posse eum præterea frustrà velle priuatam suam hæresim manifestam alijs etiam obtrudere, auctores etiam graues admittunt. Vt Innocentius lib. 2. de Ecclesia, cap. 112. ad 7. argumentum, & lib. 4. par. 2. cap. 16. modo 17. conuincendi alique de pertinacia. Et idem subinducit Siluester, in summa, verbo opinio, in fine. Neque esset id sanè contrarium cum Ecclesie periculo : vt potè quæ iam agnosceat, per hæresim manifestam, Pontificem eiusmodi de auctoritate sua decidisse, & contra compertam in Ecclesia fidem docere, minime tunc eum tanquam pastorem audire, sed tanquam lupum manifestum fugere teneretur. Sin autem auctores illi volunt, Pontificem in rebus alioqui omnino controuersis, hoc est, non satis expressè in Ecclesia compertis ac determinatis; definire posse, vt personam publicam, errorem recipia contra fidem; errant ipsi in fide grauissimè. Posset enim, imò teneretur tunc Ecclesia vniuersa, Pontificem de re controuersa docentem, ac nondum hæresim manifestam notatum, pro Pastore suo agnoscere, atque adeo ipsum omnino audire. Ita fieret, vt si tunc ille errare posset; Ecclesia etiam vniuersa posset, imò teneretur errare, quæ est hæresis intolerabilis, vt satis supra disputatum est.

Atque hinc intelligi debet, multum interesse, cuiusmodi sit ea quæstio fidei, quam Pontifex determinat. Aut enim est, vel esse potest controuersia omnino, etiam inter ipsos orthodoxos: aut tantum est cum hæreticis certè controuersia, ipsis autem orthodoxis explorata. Si quæstio apud omnes, etiam orthodoxos, sit aut possit esse controuersia; fieri nullo casu potest, vt alterutram talis quæstionis partem Pontifex recipi velit ab vni-

vniversa Ecclesia, & tamen in ea re erret. Quoniam consequenter etiam errare tunc posset, imò errare teneretur vniversa Ecclesia: cum nullo alioqui posset nisi certo praiudicio, quominus propostam à suo alioqui Pastore in tali questione doctrinam ipsa reciperet.

Si autem questio tantum cum hæreticis sit controversa, & aliàs iam definita in Ecclesia; porro distiguendum est. Nam vel controversia peculiaris ab hæreticis rursus de illa mouetur, ita vt peculiare scandalum oriatur in Ecclesia, cui per clariorem Pontificis definitionem occurrat ad confirmandos in fide fideles, expeditur: vel nulla denuò peculiaris controversia de eiusmodi questione mouetur. Si nulla controversia talis rursus mouetur; tunc quidam illud posset habere locum, quod non improbabiliter quidam (vt antè diximus) admittunt, nempe fieri posse, vt Pontifex tanquam priuata persona in hæresim antè ab Ecclesia damnatam lapsus, eam etiam frustra vellet Ecclesie obtrudere: quæ res cum nullo esset coniuncta ipsius Ecclesie periculo, vt paulò antè expositum est. Sin autem de eiusmodi questione fidei, rursus controversia mouetur; nulla tunc ratione fieri posset, vt Pontifex sententiam hæreticam de ea questione vellet recipi ab Ecclesia vniversa: quin imò simpliciter, & absolute eam quoque fidei controversiam infallibiliter determinaret, nec posset nisi sententiam veram, in Ecclesia prius definitam, fidelibus credendam proponere. Omnino enim earum promissionum, quas vel Diuo Petro, & successoribus, vel ipsi etiam Ecclesie Christus fecit, ea etiam vis atque ratio est, vt moris controversiis nunquam non infallibiliter summus Ecclesie Pastor confirmatus sit fidelis in veritate, etiam si antè in Ecclesia haberetur eiusmodi veritas manifestè præiudicata.

Porro, & illud hinc etiam intelligi debet, cum à Pontifice Romano, vel per se, vel vnà cum Concilio, definitiones eiusmodi questionum fidei instituuntur, quæ apud orthodoxos quidem sunt alioqui exploratæ, & cum hæreticis tantum (vt ferè fit) controversæ, non idcirco institui, vt quasi de re per se dubia, & ancipiti disceptetur, sed vt re alioqui certa rursus diligenter discussa, & argumentis contrariis, quæcumque possint opponi, confutatis, illustriori quadam cum auctoritate, & veritas ipsa fidei commendetur fidelibus, & damnetur atque proscribatur hæresis contraria. Quo fit, vt minime mirum videri debeat, si per eiusmodi Ecclesie definitiones raro, vel nunquam ij hæretici aduersus quorum pertinationem illi insilui solent, in viam reuocentur. Cum enim id genus definitiones à præiudicata Ecclesie sententia, qua tales alioqui hæretici damnati etiam sunt, minime discrepent; æque demùm pertinaciter solent ab illis contemni, atque ipsa Ecclesie sententia præiudicata. Et de tertia quidem obiectione satis.

Quarto, posset item aliquem fortasse perturbare, quòd Doctores aliqui etiam Catholici, cum concedunt Pontificem in rebus controversis infallibiliter definire: addere tamen solent; si res illæ ad salutem sint necessariæ. Quasi aliquæ controversiæ sint, de quibus

Pontifex, non semper verè constituat. Quæ si sunt, non igitur est vnuersum verum, quod hæcenus docuimus.

Respondeo. Si Pontificis auctoritas infallibilis esse dicatur in ijs tantum rebus, quæ per se ad pietatem, & religionem (& cateismus quidem ad salutem) spectare possunt, non, autem in alijs, cuiusmodi sunt res (v.g.) Mathematicæ, aut Physicæ: rectè id dicitur. Non enim ad scientiarum cognitionem, sed ad Ecclesie ædificationem, quæ in pietate est & ad salutem animarum spectat, omnis auctoritas Pontifici attributa est. Si autem præterea in earum rerum genere, quæ ad religionem pertinent, dicat aliquis, Pontificem cum demùm infallibiliter definire, si res illæ ad salutem sint necessariæ; videri certè potest loquendi modus non satis expeditus. Nani si necessaria ad salutem hoc loco intelligantur ea esse, quæ à fidelibus cunctis explicitè sunt credenda: immeritò infallibilis auctoritas Pontificis ad hæc tantum coarctabitur. In alijs enim ferè rebus definiendis illa exerceatur, quas videlicet non omnes fideles explicitè scire tenentur, vt, quòd essentia diuina non generat (v.g.) quòd sumus iusti per inhærentem iustitiam, & id genus alia. Si verò necessaria ad salutem in proposito appellentur illa, quæ nemini certe absque salutis periculo negare licet; tunc quidem omnia simpliciter, quæ Pontifex in rebus de Religione controversis, tanquam persona publica, determinat, necessaria hoc modo ad salutem efficit, hoc ipso quòd vnuerfam Ecclesiam obligat ad illarum determinationem recipiendam; si non explicitè credendo, necessitate, vt vocant. [quoad actus exercitium,] certè non ea negando cum fuerint proposita, arque adeò credendo ea necessariò, [quoad actus (vt dicitur) specificationem.] Ita absque vlla restrictione dicendum est, quicquid Pontifex in rebus controversis ad pietatem spectantibus determinat, infallibiliter illum determinare, quando, vt expositum est, vnuerfam Ecclesiam obligat.

Quinto, obijci posset, quòd sicut potest Pontifex (multorum quidem sententia) errorem aliquem in fide manifestum sibi, vt priuata persona persuadere, ita etiam errorem contra fidem quidem, sed non manifestum. Rursus sicut liberè potest (vt admittunt Turrecremata, & Siluester locis paulò superius citatis) velle quantum in se est obtrudere Ecclesie priuatum errorem suum manifestum: ita etiam videtur posse eadem libertate velle ipsi obtrudere errorem aliquem non manifestum. Fieri igitur potest aliquo casu, vt de re alioqui controversa, nec satis apud Catholicos explorata, errorem definiat.

Atque id rursus ea re Confirmatur. Nam potest accidere, vt quo tempore Pontifex errorem non manifestum imbutus esset, eodem tempore necesse esset in Ecclesia determinari controuerfiam circa materiam illius erroris. Quo casu, vt apparet, Pontifex erroneam sententiam suam definiret.

Respondeo ad hoc argumentum, fidelitatem Dei, quæ ex promissione tenetur communem Ecclesie errorem impedire, tunc obflare, quominus Pontifex errorem non manifestum imbutus, vellet Ecclesiam ad illum recti-

recipiendum obligare. Teneretur enim illa tunc errorum eiuſdem recipere, ſi res eſſet planè controuerſa; atque ita teneretur errare, quod eſt abſurdiſſimum. Hæc verò Dei fidelitas non perinde obſtat, quominus poſſit Pontifex iam apertè hæreticus, atque adeo non ampliùs, aut reipſa, aut etiam fidelium exiſtimatione Pontifex, velle fruſtrà errorem manifeſtum Eccleſiæ obtrudere. Nam, vt ſuprà diximus, ex tali conatu Pontificis nullum periculum errandi immineret toti Eccleſiæ; vt quæ ſtatim agnoſceret, non iam eum eſſe reuera Pontificem, atque paſtorem ſuum, quem audire oporteat, ſed lupum manifeſtum ab oculi arcendum.

Ad confirmationem autem illius argumenti reſpondeo, ſimiliter ad fidelitatem Dei erga Eccleſiam ſpectare, vt impediret in eo caſu quominus per Pontificem illum controuerſia falſo definiatur. Id quod facere Deus poſſet, aut Pontificem de medio tollendo, ne ipſe, ſed ſucceſſor potiùs rem decerneret: aut interna mentis illuſtratione, vel alio aliquo modo Pontificem ab errore reuocando. Neque verò huiuſmodi prouidentia Dei in ſimilibus caſibus miraculoſa eſſet cenſenda, ſed eſſet potiùs quidam effectus eius legis ordinariæ, quia Deus per promiſſiones de veritate factas, ſeſe obſtrinxit Eccleſiæ.

Ac ſane huius rei expemelum illud proferri poteſt, quòd cum Ioannes XXII. exiſtigaret, ſanctorum animas autem diem Iudicii diuinam eſſentiam non videre, idque eo tempore, quo in Eccleſia (ſicut Canus etiam lib. 6. de locis Theologicis cap. ult. ad 1. argum. notauit,) nouum erat ſatis explicata hæc controuerſia, & ad rem definiendam ſeſe compararet; priuſquam id faceret, è vita exceſſit. Quod & illius ſucceſſor Benedicſtus Vndecimus reſert in Extrauaganti Benedicſtus, de qua Extrauag. lege Alſonſum à Caſtro lib. 3. aduerſus hæreſes, verbo Beatitudo, hæreſ. 6. Qui tandem Benedicſtus (Deo Eccleſiæ ſue propitiante) contrariam ſententiam definiuit: nimirum, ſanctorum animas autem diem extremi Iudicii Deum videre.

Sextò obijci poteſt, quòd, vt poſteà dicturi ſumus, vt Pontifex in definiendo auctoritate ſua rectè utatur, ſtudio, & diligentia in inquirenda veritate opus habet. Nihil autem obſtare videtur quominus poſſit interdum ille eiuſmodi diligentia prætermiſſa, controuerſiam definire. Poterit igitur tunc ſaltem errare.

Reſpondeo. Siue Pontifex in definiendo ſtadium adhibeat, ſiue non adhibeat: modo tamen controuerſiam definiat; inſolubili-ter certè definit, atque adeo reipſa utitur auctoritate ſibi à Chrifto cõeſſa. Quod ex promiſſionibus diuinis de veritate per magiſterium vniuſ paſtoris Eccleſiæ factis certifiſſimè colligimus, vt ſepiù argumentati ſumus. Itaque ſtadium, ac diligentia Pontifici neceſſaria eſt, non vt omninò definiat, atque inſolubili ſua auctoritate utatur, ſed vt conuenienter, ac rectè (hoc eſt, ſine peccato) ea utatur: ſicut patebit etiam ex ijs quæ poſt dicemus.

Huc accedit, quòd ſi maximè diligentia Pontifici neceſſaria eſſet, vt omninò definiat; tamen eadem hæc credere deberemus,

illum quando rem controuerſam definiat, ſufficientem adhibuiſſe diligentia; qua ſuprà demouſtratum eſt, debere non credere, quòd tunc illè inſolubili-ter, ac verè definit. Ratio eſt, quoniam eo ipſo quòd Chriſtus promiſit Eccleſiæ, numquam futurum vt ipſa fallatur, atque adeo, neque vt Pontifex controuerſiam falſò definiat; etiam promiſſiſſe cenſendus eſſet, nunquam futurum, vt iſ prætermiſſa debita diligentia definiat; ſi eiuſmodi quidem diligentia neceſſaria omninò Pontifici eſſet ad definiendum. Quemadmodum ſi Deus nobis promitteret, futuram anno ſequenti magnam frugum copiam; promittere hoc ipſo quoque cenſeretur aeris temperiem, quæ ad eum effectum neceſſaria eſſet, vt appoſite ad hanc rem inquit Melchior Canus lib. 5. de locis Theologicis, cap. 5. Cæterum non eſt ratio vlla firma, quamobrem exiſtimare debeamus, ſtudio diligentiam Pontifici neceſſariam eſſe non modo, vt conueniret, ac ſine culpa, auctoritate ſua inſolubili utatur, verum etiam vt omninò illa utatur. Quare quòd à nobis antè reſponſum eſt, abundè ſufficit ad id explicandum, quòd obijciebatur.

Postremo, ad probandum, fieri poſſe, vt Pontifex erret, opponi hoc loco nonnulli caſus ſolent, quibus Pontifices aliqui ipſo facto videntur errauiſſe. Summa autem rei eſt. Qui Pontificem tamquam errorem obijciuntur, eos vel errores non eſſe; vel falſò Pontificibus imponi; vel certè Pontifices non ita definiſſe, ſed ita ſenſiſſe tantum, vt priuatas perſonas, aut aliquod aliud agendo, aut etiam obiter inter probandum id, quòd ex inſtituto determinare voluerunt. Neque enim omnia, quæ Pontifices ad rem confirmandam aſerunt, volunt illi definire, hoc eſt, obligare ad ea etiam recipienda vniuſ Eccleſiam, ſed illa tantum, quæ ex inſtituto determinat. Quæ autem ſint huiuſmodi, colligi poteſt, aut ex erroribus contrarijs, aduerſus quos Pontifices aliquid definiunt, aut ex aſſeruendi modo atque forma; vt ſi aliquid ſub anathemate ſtatuunt, aut ſi ex fide certum eſſe aſſerunt, &c. id quòd rectè notauit Canus lib. 5. de locis Theologicis, cap. 5. & lib. 6. cap. ult. Quod & Caictanus in comment. 1. part. D. Thom. queſt. 61. art. 3. ante Canum attigerat.

I. Vt igitur caſus illos, qui ſolent obijci, breuiter percurramus: minimè Cæleſtinus III. definiuiſſe exiſtimandum eſt, matrimonium diſſolui, ſi alter coniugum in hæreſim labatur. Eti enim Innocentius III. in cap. Quanto, de diuorſijs, ſignificat Cæleſtinum ita viſum eſſe ſentire; tamen non dicit ipſum ita determinafſe. Et certè in cap. Laudabilem, de conuerſione inſidelium, ubi Cæleſtinus perhibetur illud diſiſſe, nequam de ea quæſtione, ſed de alia diuerſa interrogabatur: ſatis vt appareat, ſi quid illè tale ibi dixit (non enim eiuſmodi Cæleſtini ſententia ampliùs iam reperitur) id nouiſſimè obiter ex priuata ſua opinione interſeruiſſe, cum res adhuc nondum eſſet ſatis explicata in Eccleſia.

II. Item cum Alexander III. cap. Licet de ſponſa duorum, definiit matrimonium non irritari per ſecundum matrimonium,

consummatum; additque id ita tenendum esse, quamvis aliqui sui Præcessores aliter induerint, minime asserit absolute, tales aliquos fuisse Pontifices, qui contrarium iudicauerint; de nullis enim omnino id constat. Imò expressè Innocentius Tertius in cap. ult. eiusdem tit. de sponsa duorum, contrariam sententiam ita definit, vt planè significet, eam fuisse perpetuam sententiam Sedis Apostolicæ. Sed loquitur Alexander per exaggerationem, significatque vique adeo certam esse illam suam definitionem, vt quamvis contrarium præcessores, etiam sui iudicasset, tamen ita tenendum sit. Quo modo loquendi Apostolum imitatus est, cum is dicit ad Galat. 1. [Licet nos aut Angelus de cælo euangelizet vobis præterquam quod euangelizauimus vobis, anathema sit.] Atque est Alexander ita locutus, quouiam, vt coniecere licet ex glossa in illo c. Licet, itemque ex cap. ult. eiusdem tit. contraria illi consuetudo diuturna, atque adeo veluti à Pontificibus aliquibus approbata, obijciebatur.

III. Item, cum idem Alexander III. cap. Cum esses, de testam. ait, à sanctorum Patrum institutis, & ab Ecclesiæ consuetudine generali, & à diuina lege esse alienum, vt in testamentis plures, quam duo, vel tres testes requirantur (cum in ore duorum, vel trium stet omne verbum) iubetque, vt rata habeantur, si sint adhibiti duo, vel tres testes coram Parocho: cum hoc, inquam, dicie, nihil ille sanè erat in ipso decreto, siue definitione. Primum, quoniam quicquid illud sit tandem, quod significat cum dicit, illum morem esse à Diuina lege alienum; id tamen non dicit, nisi in ratione, quam affert pro decreto. Non autem à pontificis desinui putandum est, quod ab eo pro ratione affertur; vt antea ex sententia etiam Caietani, & Melchioris Cani notatum est. Deinde, quia non significat id institutum legum ciuiliū esse diuinæ legi contrarium, sed non satis illi consentaneum, aut etiam consuetudini Ecclesiæ in alijs cauendum generibus. Nec id institutum abrogat, nisi in testamentis, vt vocant, pijs, sicut rectè Doctores colligunt ex eiusdem Alexandri decreto, quod in eodem titulo proximè sequitur, vt videre est in glossa illius capituli, cum esses.

IV. Item, cum Innocentius I. in epist. 22. ad Rufum, & Eusebium, & reliquos Episcopos Macedoniæ cap. 1. qui viduas acceperunt uxores, Sacerdotes fieri non debere, præceptum vocat [Diuinæ lege Moisaica subnixum] minime quidem ille vult, legem Moisaicam, nunc etiam vim obligandi habere, sed significat, legem Ecclesiasticam, quæ bigamus Sacerdotio interdicit, exemplum, & quæ fundamentum habere in illa lege antiqua.

V. Atque eodem modo Innocentius III. in cap. Per venerabilem, titulo qui filij sunt legitimi, intelligi debet, cum controuersias in Ecclesia per Summum Pontificem desinui oportere, ea re confirmat, quoniam in Deuter. cap. 17. præceptum fuit, vt obediretur Sacerdotis imperio. [Et cum Deuteronomium, inquit, secunda lex ex vi vocabuli sit, inde comprobatur, vt quod ibi decernitur, in nouo Testamento debeat obseruari.] Quod minime sanè eruditissimus aliqui Pontifex ita

intelligit voluit, quasi illa ipsa per se, quæ in Deuteronomio præcipiebantur, nunc sint necessaria faciendæ, sed quia illa certè figura fuerunt eius, quod nunc ex nouæ legis præscripto fieri debet. Quod proinde cum sit, illa lex Deuteronomij, quasi seruatur quodammodo in suo prototypo: vt ipsemet Innocentius pluribus verbis in eo loco declarat.

VI. Præterea, nec in definitione errauit Nicolaus de consec. dist. 4. Can. A quodam Iudæo, cum ad consulta Bulgarorum respondit, baptizatum à quodam Iudæo, etiam in nomine tantum Christi, rebaptizandum non fuisse. Hæc enim vis definitionis est, non fuisse illum rebaptizandum propterea quod baptizatus esset à quodam Iudæo; de quo propriè pontifex interrogabatur. Valere, autem baptismum in nomine tantum Christi, obiter ipse ex opinione sua (quæ etiam fuit aliquorum) adiunxit.

VII. Item Ioannes XXII. quamuis, vt retulit Benedictus XI. in Extrauag. Benedictus, opinatus sit, animas iustorum ante extremum Iudicij diem non videre Deum (qui sanè error non fuit semper in Ecclesia manifestus) tamen numquam id desinuit, vt prædictus illius successor Benedictus XI. in dicta Extrauag. disertis verbis testatur.

VIII. Item, Nicolaus III. in Extrauag. exijt, qui seminat, de verborum significat, cum inquit, Christum abdicationem proprietatis rerum, tum in communi, tum in particulari, exemplo etiam vix docuisse; minime vult, Christum omnino numquam habuisse proprium in particulari, vel in communi (quod asserere esset hæreticum, vt Ioannes postea XXII. in Extrauag. cum inter nonnullos, desinuit) sed significat certè, quandoque etiam Christum abdicando, se in communi, & in particulari à proprietate aliquarum rerum, vix etiam perfectionis exemplum præbuisse: vt suam ipse Nicolaus sententiam satis declarat, & repetit quoque ex eius mente Ioannes XXII. in dicta Extrauag.

IX. Item, neque errauit Gregorius I. in epistola ad Augustinum Cantuariensem Episcopum, & III. in epistola ad Bonifacium Episcopum, cum desinuerunt, si mulier ob infirmitatem debitum reddere non possit, licere viro alteram ducere. Loquuntur enim illi planè in casu, quo eiusmodi aliqua infirmitate ante matrimonium initum mulier correpta fuerit; vt minime proinde fuerit matrimonium validum.

X. Item Pontifex Gelasius minime sensit (vt Scellarij obijciunt) substantiam panis manere post consecrationem in Eucharistia. Non enim huius Gelasij Pontificis est fragmentum illud libri, quod Gelasij nomine, de duabus naturis contra Eutychetem, circumfertur, vt lib. 2. Apolog. de Idololatria cap. 5. diximus, & à Melchiorie etiam Cano lib. 6. de locis Theologicis cap. ult. ad nonum argumentum, & ab alijs bene animaduertum, atque probatum est. Quamquam, nec prorsus asserit ille liber, substantiam ipsam panis remanere, vt in dicta Apologia, vbi supra exposuimus.

XI. Denique quod Honorius, & nonnulli alij pontifices in errorem lapsi fuisse dicuntur (quamquam de nullo prorsus satis conpertum est, pertinaciter errauisse) id quidem

vtcum

utrumque res habeat, non nisi ad priuatum attinet personarum virium: atque adeò nihil nobis obitare potest, vt, qui tam non ipsas personas, quam auctoritatem illam Apostolicæ Sedis in definiendo defendimus, sicut supra, Augustini etiam exemplo, respondemus.

QVÆSTIO SEPTIMA.

S. 42.

Vtrum aliqua regula sint consulenda à Romano Pontifice, vt legimè utatur auctoritate illa sua in explicanda, & definienda doctrina fidei, & quanam regule illa sint, & quomodo illis in ea re Pontificem uti oporteat.

Cum hæcenus expositum, atque defensum sit, toties pontificem auctoritatem suam vt, atque adeò Spiritu sancto assistente infallibiliter decernere, quoties in rebus controuersis alteram partem definit, & ad eam recipiendam obligare vult vniuersam Ecclesiam: merito queritur hoc loco, quidnam illud sit, quod Pontificem præstare oporteat, vt illa auctoritate non modò vtatur, sed etiam rectè, hoc est, sine culpa vtatur. Nec enim existimandum est, nullum modum in eius auctoritatis vsu pontificem seruare debere.

Ac principio quidem illud extra omnem controuersiam est, pontificem in vnaquaque re decernenda ijs argumentis, vel testimonijs niti oportere, ex quibus veritas, quam determinaturus est, pro ratione materiæ, possit colligi, quàm certissimè. Hoc primum patet ex ipsius pontificis officio, quod est, vt patet ex Orthodoxa doctrina, quam passim etiam Vincentius Lyrinensis in libro aduersus hæreses inculcat, non noua fidei dogmata constituere, sed eruere vetera. Quam ad rem inquisitione aliqua pro rei subiectæ natura, opus est. Deinde id etiam patet ex perpetuo pontificum vsu, iam vsque ab Apostolo Petro, qui sanè controuersiam de cessatione legalium nonnisi facta prius magna conquisitione in Concilio Hierosolymitano Act. 15. constituit. Denique ob eam rem etiam in pontificis diligentia necessaria est, vt quæ illi, tamquam regula doctrinæ quædam nobis notior, constituit, ea facilius nobis persuadeamus vera esse, si adhibita etiam studij diligentia sint constituta.

Diximus verò debere pontificem ea argumenta conquirere, quæ ad veritatem, pro ratione vniuersi cuiusque materiæ, indagandam sint aptissima; quoniam vt materiæ, quæ possunt in controuersiam venire; sic etiam argumenta, quæ pontifici consulenda sunt, latè patent. Verbi gratia, si de sancto canonizando, aut de religione approbanda agitur; humana informatione, & historia vtatur necesse est. Si verò determinaturus est dogma aliquod, vt diuinitus reuelatum; illa consulas oportet, quibus diuina reuelatio pura, atque integra custoditur. Cuius generis est primò, Scriptura sacra, vt quæ tota est reuelatio diuina. Secundo, traditio Apostolica,

Tom. XIII.

quæ & ipsa, vt dicemus, diuina quædam reuelatio est, tamen non consignata literis. Tertiò, [definitio priorum pontificum, & Conciliorum.] Quartò, concors sententia Patrum, atque Doctorum omnium. Quintò, quadam etiam ratione, consensus fidelium. De quibus rebus consentaneum erit hoc in loco quædam generatim, cum delectu, & nonnulla explicatione, breuiter annotare, vt quis sit in pontificum definitionibus istorum locorum vsus, & quàm rectè ipsis iniuncti illæ soleant, plenius intelligatur.

Prius tamen explicanda est hic breuiter quædam dubitatio, quæ ex dictis oritur. Nam si regulæ infallibiles ad controuersiam fidei constituendam, tam multæ sunt, tanquæ latè patent, dubium esse potest, vtrum pontifex determinatè debeat illas omnes consulere, vel certè aliquam, aut aliquas. Item vtrum determinatè debeat in eiusmodi inquisitione, & studio, aliorum quoque vti opera; vt Episcoporum, vel Cardinalium, &c. an verò omnia ista sint planè in illius arbitrio posita: nimirum, vt in adhibenda diligentia cum ipse modum teneat, quem expedire magis putauerit.

Respondeo. Primum, vt alios etiam, qui in diuinis literis, rebusque Theologicis exercitari sint, consulat, eorumque opera vtatur, omninò est consentaneum. Hoc enim & ipsa rei conditio postulat, quæ sanè est grauissima, & perpetuus etiam pontificum vsus declarat, quodcumque illis fuit aliquid in materia fidei constituendum. Cætera verò, quæ attinent ad diligentiam modum in definiendo, adhibendum, planè pudent ex libero pontificis arbitrio: nempe vt operæ horum, vel illorum Doctorum potius vtatur, siue Cardinales illi, siue Episcopi, siue alij sint. Item, vt hanc, vel illam, vel illas regulas consulat, quatenus requirit ratio subiectæ materiæ. Satis enim ad rectè definiendum fuerit, si eam ille diligentiam adhibeat, quæ ad ipsam rem, de qua agitur, iudicari possit sufficiens. Vt enim in alijs negotijs, ita etiam in hoc necessaria, & sufficiens diligentia latè patet.

Id quod etiam ex pontificum more in definiendis controuersijs confirmare possumus. Multæ enim, ac varix illorum definitiones exstant in Ecclesia, quæ omnes habent infallibiles; neque tamen illi semper ratione eadem ad definiendum processerunt. Aliquando enim ad id conuocatur Episcoporum Concilium, nam & Concilij definitio nis auctoritas non ex multitudine, sed ex pontificis auctoritate potissimum pendet; sicut infra docebitur) aliquando sine Concilio ipsi definirunt. Quare sicut in hoc, arbitrio suo sunt vsi, sic etiam in alijs, quæ ad modum diligentie spectant, illo citra culpam aliquam vti posse videntur.

Ex quo nouicia cuiusdam auctoris, eaque minimè tolerabilis, opinio reuincitur. Qui pontifici in vtenda sua auctoritate, vsque adeo angustos limites præscribit, vt censcat, illum infallibiliter non desinere, nisi de consensu Cardinalium definat. Itaque distinguit hoc loco inter Romanam Ecclesiam, seu Apostolicam Sedem, & ipsum Romanum Pontificem. Apostolicam Sedem ait non

F Pon-

Pontificem modò, sed etiam collegium Cardinalium continere. Hanc proinde dicere errare in definiendo non posse. Pontificem verò, si absque consensu, & approbatione, Cardinalium definiat, errare posse. Hæc sententia merito viris doctissimis displicet, ac uoluntati Cano lib. 6. de locis Theologicis cap. vii. In alterutrum enim incommodum incurrit, quorum utrumque est maximum, neque ullo modo ferendum; videlicet, aut auctoritatem infallibiliter confirmandi fratres in fide, non Petro tantum, & illius successoribus, à Christo Domino collatam fuisse, sed etiam Cardinalibus; qui est error in fide manifestus: aut certe auctoritatem hanc pontificis, quod attinet ad eius usum infallibilem, esse Cardinalium sententiæ quasi alligatam; Itaut si pontifex sine illorum consensu aliquid in fidei controuersia definiat, non obligetur Ecclesia ad ipsum audiendum iure diuino, siquidem ita errare possit. Quod etiam plane commentitium, atque absurdum est, cum semper teneatur Ecclesia pastori suo assentiri, quem solum fidei magistrum infal-

libilem ab ipso Christo accepit, ut ex supra dictis patet.

Neque verò nego, quin pontifices conuenientissime faciant, quòd Cardinalium de controuersijs fidei iudicia consulunt in definiendo. Solum assero, non esse hoc ita necessarium, ut nisi fiat, errare pontifex possit, aut etiam contra officium suum sit peccaturus in definiendo. Quinimò dicimus, posse illum pro negotij conditione aliorum dumtaxat Doctorum opera ad eam rem uti: sicut sine controuersia posset, quando Cardinales ipsi inter se minime consentirent, & oporteret quæstionem à pontifice definiri. Quare rectissime Melchior Canus, ubi supra, notat, in iudicio fidei non esse inter Apostolicam Sedem, seu Romanam Ecclesiam, & Romanum Pontificem, ita distinguendum, quasi iudicium Sedis, suæ Ecclesiæ Romanæ sit infallibile, iudicium verò Romani Pontificis non item: quin potius esse hæc reipsa vnum, & idem. Propterea enim Sedes Apostolica, seu Rom. Eccl. infallibilis dicitur, quia is, qui præest illi, auctoritatem habet per se infallibilem.





EIVSDEM AVCTORIS.

ANALYSIS FIDEI CATHOLICÆ,

Hoc est, Ratio Methodica eam in vniuersum Fidem ex certis principijs probandi, quàm sancta Romana Ecclesia aduersus multiplices Sectariorum errores profitetur.

P A R S P R I M A.

Necessarium omninò ad salutem esse firma Fide credere, doctrinam supra rationis naturalis captum à Christo traditam, esse diuinam adeoque verissimam.



DUæ causæ sunt, quàmobrem arbitrati sumus, ab hac sententia nobis exordium esse. Vna est: quoniam ab eiusmodi asseritione, tamquam à capite, reliqua pendent, quæ ex instituto nostro tractanda sunt; nec sine illa, plenè satisfactis inquisitioni rationis humanæ, quæ in fidei negotio ante omnia secum reputare posset, vtrum omninò sit necesse Christianæ doctrinæ fidem adhibere. Altera: quoniam ut hunc etiam locum confirmemus, ipsa ratio horum temporum nonnihil postulare videtur. Etenim qui se varijs sæculis, deferta veritate, tradiderunt; si fug quidem perfidiæ conuenienter ratiocinati fuerint; facillimè possunt ethnici tandem, (quod plerisque iam illorum contigit) euadere; ita vt præcipuum hunc etiam articulum fidei, de veritate ipsius vniuersum necessitateque doctrinæ Christianæ, vnà cum alijs, vel vocent in dubium, vel rejiciant penitus. Quod sanè si faciant, mirum videri non debet. Quid enim ij credant, qui Ecclesiæ magisterium contemnunt? Certè si vllus articulus fidei est, qui auctoritate, atque magisterio Ecclesiæ, (Ecclesiæ, inquam, Catholicæ Romanæ, quæ sola Ecclesia vera est, vt infra ostendemus, quæque sola pro Ecclesia in orbe semper est habita,) vt credatur, indigeat, hic maximè est, de veritate Scripturæ sacræ adeoque de necessitate Chri-

stianæ doctrinæ. Si enim singuli quique fidei articuli, qui naturalis captum excedunt, per se difficiles ad credendum sunt, ideoque oportet eos Ecclesiæ certissima auctoritate, hominibus commendari: quanto magis ipsa veritas vniuersæ Scripturæ, quæ non vnus tantum, aut alter, sed omnes fèrmè eiusmodi fidei articuli continentur, quæque tam varia, & multa in omni genere, rerum etiam quandoque minutissimarum, tradit, eiusdem Ecclesiæ testimonio, atque approbatione indigebit, vt ab ipso Spiritu sancto dicta esse credatur? Equidem hoc ego cum attentius perpendo, rem esse potius maxime admirabilem iudicio, si quisquam ex Sectarijs est, qui repudiata Ecclesiæ auctoritate, à qua, & Scripturæ ipsas accepimus, aliquid omninò credat. Firma certè fide nihil credunt.

Sed vt ad sententiam propositam redeamus, hic vnus locus, ex omnibus quos in hoc libro tractandos suscepi, est, in quo Scripturæ sacræ auctoritatem ad probandum, quidem vsurpare inuimè licet. Nam confirmandum primò loco est, necessariò credi debere, doctrinam Christi, atque adeò Scripturam sacram, (quia eiusmodi doctrina magna ex parte continetur) esse diuinam, atque certissimam. Ita sit, vt si Scripturæ auctoritatem tanquam certam hoc loco ad probandum sumere, id in probatione vitiosè finirem, quod est iam mihi probatione efficiendum. Quod quamuis ita sit, non ideo-

tamen in hac prima disputationis nostre parte Scriptura penitus muta esse debet. Quin, & hic quoque opportunas inde sententias inducere possumus, si non rem confirmandi, certe illustrandi causa.

Sed quamam igitur ratione hoc, quod in primis ponimus, Christianam doctrinam necessarium, ut veram atque diuinam recipi debere, probari oportet? Sanè cum necessitas credendi doctrinam Christianam vnus quidam articulus eiusdem Christianæ doctrinæ sit; nec euidenti aliqua ratione constet; ipsæ argumentis probari debet, quibus veritas in vniuersum Christianæ doctrinæ confirmatur. Et verò Deus ipse in primis est, qui Christianam doctrinam, atque adeo Scripturam sacram veram esse, voce reuelationis fug, & interno quodam instinctu atque impulsu humanis mentibus constaturatur atque persuadet, ut in ea ipsa Scriptura multis in locis est expressum. Sed quia rationi humanæ reuelatio ipsa diuina non euidenter patet: alijs quibusdam præter diuinam reuelationem argumentis opus est, quibus homines etiam inducti prudenter sibi persuaideant doctrinam Christianam veram esse. Nec verò cuiusmodi argumenta ad eam rem requiruntur, ut propter illa propriè, certò, ac firmiter homines credant (certitudo enim, & firmitas fidei, atque adeo ipsius assensus per se, diuinæ reuelationi soli, tanquam fundamento quidem, innititur) sed vt clariora quedam habeant motiua, quibus prudenter animum inducant velle certò, ac firmiter propter diuinam reuelationem, adiuuante Deo, credere.

Etenim accurate sunt animi motus duo in ijs, qui fidem amplectuntur discernendi. Nam, & prudentia etiam discante iudicant dignam esse Christi doctrinam, quæ certò, ac firmiter credatur; & demum credunt assensione fidei, adiuti diuinitus, eam veram esse. Quod assensione fidei certa, atque firma, adiuti diuinitus, credunt doctrinam Christi veram esse: id in solum diuinum testimonium, quod reuelatione continetur, tanquam in causam quidem rationemque credendi, referri debet; itemque in Ecclesiæ propositionem, tanquam in quandam sanè conditionem, sine qua Christiana quidem fide minimè crederetur, vt infra suis locis magis intelligetur. Quod autem prudenter in primis deliberant, atque statuunt, meritò eam à se doctrinam, tanquam diuinam, ac veram, certò ac firmiter credi posse: id verò prudentiæ quoddam iudicium est, quod propriè argumentis alijs præter diuinam reuelationem nititur. Quæ sanè argumenta incitamenta quedam ad prudenter credendum necessaria (vt & Scriptura indicat, & experientia ipsa constat) dici possunt: sed ratio propriè causales credendi censeri non debent. Non enim propter illa propriè, sed propter diuinæ reuelationis auctoritatem demum creditur, vt dictum est. Itaque præclare D. August. [Ratio, inquit, auctoritatem non dedit, cum consideratur cur sit credendum.] Nempe quia vbi de fide agitur, eò propriè pertinere ratio, vt intelligatur, prudenter animum induci, vt propter auctoritatem diuinæ reuelationis, licet alioqui obscure, Christi doctrinæ fide adhibeat.

Quæ cum ita explicò, minimè sanè ne-

go, quia in re ipsa tamen, & prudentiæ quoque illud consilium, in eo qui credit, diuina item reuelatione nititur, sitque proinde certissimum; & vicissim etiam assensus ipse fidei argumentis illis fulciatur, quæ præter diuinam reuelationem adducuntur. Sed expono tantum, quod nam sit certè cuiusque actus fundamentum proprium, cum affirmo, assensum ipsum fidei, diuinæ reuelatione; prudentiæ autem illud consilium credendi, argumentis alijs, præter diuinam reuelationem, niti. Et loquor sanè in hac explicatione de assensu ipso fidei, non qualicumque, sed Christianæ & supernaturalis, cuius nimirum instituitur à me Analysis. Nam assensum alioqui humanæ cuiusdam fidei (quam, acquisitum Theologi nominant) de eadem veritate Christianæ doctrinæ, illis etiam argumentis, quæ præter diuinam reuelationem adhibentur, tanquam fundamento, niti posse, explorata res est. Sed ipsum tandem assensum Christianæ supernaturalisque fidei negamus cuiusmodi argumentis proptè niti.

Atque hæc videlicet explicationem idcirco adhibendam hoc loco existimaui, vt ex ea intelligatur, non illico fore, vel nostram fidem infirmam, vel consilium nostrum in credendo imprudens, ac leue, si vt velimus credere, eiusmodi etiam aliis argumentis moueamur, quæ non sint ex suo genere, prorsus infallibiles vt antiquitate, vt multitudine, vt confessione hominum, & id genus alijs. Nam (quod sæpe dico) non his argumentis propriè fides nostra innititur, sed prudentiæ quoddam consilium, quo ad credendum cum iudicio, (vt Clemens etiam Romanus loquitur) impellimur. Non est autem à maturo, & graui prudentiæ consilio alienum, vbi euidentia rei non est, argumentis etiam bonis, licet non penitus per se infallibilibus, commoueri.

Ergo, argumentis, Christianæ fidei veritas atque adeo necessitas, ijs qui aut dubitant, aut non credunt, suaderi debet, non vt propter illa credant, sed vt animum inducant propter diuinam reuelationem credere; id quod Deo mentem illustrante, & libetum, adiuuante arbitrium, facere possunt. Ea verò argumenta cum pro cuiusque ingenio, & naturæ perspicacitate multiplicia varijs ex locis proferri possunt: ego maximi ponderis illa, esse duco, quæ non recentè excogitata, sed auctoritate iam pridem fidei confirmata, communis, & summi etiam ingenij eruditissimorum Patrum iam olim persuaserunt. Quæ sic à me nunc, præter doctrinæ ordinem, initio propositum, breuiter repetentur, vt & lucem aliquam, Christo propitio, his addam, & modum, ex quo simul illud ipsum appareat quod antè docuimus; nempe argumentis cuiusmodi, quæ præter diuinam reuelationem adducuntur, non ipsam fidem nostram, sed prudentiæ consilium deliberationemque credendi tanquam fundamento inniti. Atque, vt rationes omnes, ordinis causa, certos ad locos, & veluti ad sedes suas reuocemus, considerandum est, eas ab aliquo ferè ex quinque locis duci posse, ac solere. I. ab eorum conditione, & auctoritate, qui fidem Christianam olim receperunt. II. à modo, quo in ore recepta illa est. III. ab ijs etiam, eorum-

que

que exitu, qui illam non receperunt, aut hostiliter etiam infestati sunt. Illi ab ipsa per se ratione Christianæ doctrinæ. V. denique à dignitate virtutisque Doctoris eius, qui est Dominus noster Iesus Christus. Ex his igitur locis argumeta varia iam olim pro Christiana fide veteres Patres depropperunt. Quæ quidem, vt confirmare plurimum, atque consolari vere Christianos, hoc est, Catholicos debent : ita quoque Sectarios pudore, summo afficere : quod ex eiusmodi etiam communibus argumentis Christianæ doctrinæ perspicere liceat, eos à vera doctrina Christiana (in ijs quidem dogmatibus, quæ propria ipsorum sunt) peripissimè descivisse, quænam admodum sub cuiusque argumenti finem à nobis breuiter indicabitur, magisque postea confirmabimus toto progressu huius operis.

I. Ac primò quidem præclarissimum ecclesiæ lumen Dñus Aurelius Augustinus, licet ipse incredibili esset ad iudicandum de re ingenio præditus, tamen vt ille sæpè significat, huiusmodi quodam argumento ab auctoritate ducto maxime mouebatur. Prudentissimè creditur, quod omnes penè gentium nationes, & in his innumerabiles viri summa auctoritate, summo ingenio, & excellenti virtute, atque eximia variaque doctrina præditi, ita crediderunt, vt & rationem disciplinæ suæ reddere omni postcenti sepulchre posent, & contrarios errores religionum aliarum (quod alia nulla disciplina ita præstitit) manifestè refellent. Talis autem Christiana doctrina est. Illi igitur prudentissimè fides adhibetur. [Ego, inquit is, quem dico, Augustinus, nullis me video credidisse, nisi populorum atque gentium confirmatæ opinionis, ac famæ admodum celeberrimæ.] Et alio in loco : [Tenet me in Ecclesiâ, inquit inter cætera, consensus populorum atque gentium, tenet auctoritas miraculis inchoata, spe nutrita, caritate aucta, vetustate firmata.] Atque hæc, & similia tum quidem Augustinus, cum ipse sanè neque Augustinum, neque reliquos, qui post ipsum in Ecclesiâ floruerunt, habere, quorum etiam auctoritate moueretur. Nos, qui, & Augustinum ipsum, & alios è fidelium numero innumerabiles Ecclesiæ Doctores eruditissimos (quorum etiam Catalogi prolixissimi existant) duces sequimur, quantò vehementius exemplo maiorum commoueri par est, ad Christianam fidem toto pectore complectendam? Habuerunt quoque supersticiosarum religionum culcores, maiores suos quos sequerentur : sed tanta præditi auctoritate, tanta doctrina, tanta probitate vitæ, tanta constantia, tanta luce, tam deinde paratos instructosque tum ad suam disciplinam tuendam, tum ad alienas omnes religiones confutandas, & euertendas, quam nostri fuere, maiores, quinam vnquam populi habuerunt? Neque verò cogitari potest, aliquod humanum commodum, aut diuitiarum, aut voluptatis, aut mundanæ gloriæ, quod mentem in deligenda religione excæcasset, propositum sibi habuisse eos, qui primis illis temporibus, reiecta vanitate patriæ superstitionis, Christiana sacra suscepunt. Quis enim nescit, quàm tunc acerbè cum Christianis hominibus agebatur? Ita nimirum, vt qui Christi-

ni fierent, præter salutem animi, & vitam æternam in cælis, aliud ex ea re nihil in hoc mundo nisi ignominiam, & crucem, ac ipsam adeo mortem polliceri sibi poruerint. Quod, vel ex vna illa appellatione, quæ ethnicos homines Christianis conuiciari etiam soliti, luculenter intelligere licet. Sarmenticos enim (vt de cæteris ludibrijs nihil dicam) vulgò appellabant à vitæ discrimine, in quo perpetuò versabantur : quod scilicet ad pænam deligari, sarmenticos suppositis passim comburentur. Apollinem ferunt Picinium percunctantibus de legitima religione Atheniensibus, oraculo respondisse, patriam religionem, & quam coluissent maiores, retinendam esse. Hoc consilium cum sequerentur Athenienses, quia in maioribus suis non nisi religionis errorem, quem imitarentur, habebant, miserè fellebantur. Nos autem, cum tam sincerè salutem animi solam, vt dictum est, maiores nostri in Christiana complectenda fide quaesuerunt; ac tales præterea, tamque in omni genere præstantes fuerint; consilium illud, non dico ab Apolline, sed à Deo, in Scripturis sanctis datum iure optimo sequemur, Deoque patrum nostrorum (vt eiusdem Scripturæ vtar phrasi) arctissimo Christianæ religionis, ac fidei vinculo adhaerebimus.

Contra verò ex hoc ipso argumento, ad præbandum doctrinam Sectariorum non recedimus, sed nomine tantum esse Christianam, ita licet rationem ducere : Quæ verè Christiana doctrina est, ea maiorum etiam auctoritate, hoc est, consensu doctorum atque populorum, & fama, vt Augustinus loquitur, admodum celeberrima nititur. Huius autem Sectariorum doctrina minime nititur. Non est igitur doctrina Sectariorum verè Christiana. Obsecro enim, quos populos? quos maiores? quamque Christiani nominis exultatione atque fama celebres sequuntur? Ipsos, inquit, Prophetas, & Apostolos sequimur. Equidem non requiro antiquiores. Sed cum quaestio omnis, sit vtrum Catholicis, an Sectarijs, Prophetas, & Apostolos doctrinæ duces sequantur : habuerintque etiam eiusmodi antiquissimi Patres, suos sine controuersia discipulos fidelissimos, famaque celeberrimos, quos ipsos quoque tanquam maiores sequi necesse sit eos, qui nunc Apostolicam, & Propheticam doctrinam verè complectuntur; quaerimus sanè, quosiam etiam ex eo numero sequantur Sectarij? Num Augustinos, Hieronymos, Ambrosios, Gregorios? Num, vel doctores, vel fideles reliquos, qui per omnes Ecclesiæ ætates, cum Augustino, Hieronymo, Ambrosio, Gregorio, in doctrina Christiana Prophetica, & Apostolica contentientes fuerunt? Non magis certè quàm ipsos Concilij Tridentini Patres, à quibus isti nuper ex consensu omnium temporum superiorum condemnati sunt. Etenim doctrinam Diui Augustini, vt vtar compendio, Catholicam doctrinam maiorum esse, ne ipsi quidem audent diffirri Sectarij. Num verò aliud Dñus Augustinus, aliud Concilij Tridentini Patres, de quaestionibus fidei controuersis docuerunt? Quid? Nonne iam ipse Augustinus in ea confessione, quæ cum ingenti istorum frenitu ab omnibus

teritur, definitiones illas Tridentini Concilij, ad verbum ex ipso Concilij codice recitatas, doctrina sua comprobauit, iisque quasi propria manu subscripsit? Nam quid ego de diligentia catholicorum auctorum in singulis locis controuerfis ex sententia tum Augustini, tum aliorum Ecclesie doctorum, aduersus istorum pertinaciam tractandis dicam? An aliquis est, vel mediocriter in eo genere disputationum scripsitque tum Sectariorum, tum ipsorum Patrum versatus, qui non videat, toto celo, ab erudita illa Orthodoxaque antiquitate distare faciem istam, omnem Lutheranz, Caluinianaque doctrinam? Quod non nisi ita sit; cur, vt proditum est, de ijs discipulis penitus desperare solitus erat Lutherus, qui veterum Patrum monumenta paulo diligentius in causa religionis consulere cepissent? Cur toties à Patrum sententia ad Scripturam, hoc est, à certa antiquitatis interpretatione, quam sibi aduersari vident, ad sua commenta vanissimè prouocant? At citant, & ipsi testimonia Patrum, Deus bone, qua fide! Equidem (vt de meo ipso hoc in loco proficatur) nullam hos totos annos duodecim, vel docendo publicè in schola, vel scribendo, petrastrauit controuersam de fide quæstionem, in qua non aliquot iuignes istorum corruptelas in allegandis veterum testimonijis manifestissimè deprehenderim. Quo in fraudis genere, cum illi omnes exercitissimi sunt, tunc examinator ille Concilij Tridentini Kemnitius maximè excellit. Qui quàm multa, & magna mihi semper exempla, ad hanc istorum improbitatem in ordinario ipso cursu prælectionum mearum exagitantem suppediitauerit; omnes aliquando, si Dominus voluerit, clarissimè intelligent. Sed quoniam de antiquitate catholice, atque Apostolicæ doctrinæ Ecclesie Romanæ, à quæ illi descuerunt, infra quoque certo loco dicendum est, illos ego nunc, vt ad alia argumenta pergam, rursus interrogo, si non Augustinum, non doctores, & fideles alios populos, cum Augustino consentientes, doctrinæ duces habent, quosnam alios doctores, & populos christianos sana admodum celeberrimos, vt Augustinus loquitur, tanquam maiores suos sequantur? Nempe, vt vno verbo expeditam, illos omnes populos, ac doctores Lutheranos, & Caluinianos ipsi sequuntur, qui multis ante Lutheri, & Caluini nomen auditum sæculis in orbe illustres, & noti fuerunt: idest, nullos penitus. Nam de consensu cum præcis hæreticis in Ecclesia olim notis, & proscriptis, quorum isti, vt infra certo loco docebinus, opiniones infaurarunt, opinor, minime gloriari voluit.

II. Alterum argumentum duci solet à constantia martyrum hoc pacto: Nullo modo verisimile est, falsam eam esse doctrinam, quam innumerabiles omnis ordinis, sexus, & ætatis homines, qui & Deo placendi veræque religionis agnoscendæ colendæque cupidissimi erant, & singulari vitæ probitate, atque sanctimonia conspicui, sic amplexi sunt, vt illi res omnes, ac vitam ipsam, exquisitissimis tormentorum generibus admiranda patientia tolerandis, postponere non dubitauerint. Talis autem, vt constat,

est Christiana doctrina. Non est igitur verisimile eam falsam esse. Id probatur ex prouidentia, ex bonitate Dei, ex eiusdem erga hominum genus multis modis testata charitate. Ex Dei prouidentia: quia cum homines ad eum finem ipse creauerit, vt sibi vera religione, atque cultu seruirent; aut nullis omnino, quod incredibile est, aut illis maxime, secundum rectissimam suæ prouidentie rationem, opitulari ad eam rem putandus est, qui tam ardentè ipsi seruire cupierunt, vt quò placerent illi, non modò sanctissimè, ex ipsa lege naturæ, vixerint, verum etiam, quod omnium inaximum est, constantissimè mortem pro illo oppetuerint. Ex Dei bonitate, & charitate erga homines: nam quàm esset ab illa alienum, imò verò quàm crudele esset, permittere jatque pati, vt homines ea voluntate, eo studio religionis, eo desiderio salutis, ea vitæ innocentia, in negotio summo, quod ad salutem æternam spectat, fallerentur, ac vitam etiam sine vitæ utilitate prodigerent? Hoc certè nemo, qui modò conuenienter rationi iudicet persuadere sibi possit de Deo: siquidem eum, & sapientem, & prouidum, & clementem, & nostri amantissimum esse, illa cogitationis luce, quæ mentibus nostris est innata, compertum omnes habemus. Quòd si iam ipsius etiam diuinæ doctrinæ testimonijis probare nobis liceret, Deum inquirentes se non deferere, in promptu plurima eaque luculenta haberemus. [Queretis me, inquit ipse Deus per Hieremiam, & inuenietis, cum quæseritis me in toto corde vestro, inueniatur vobis.] Et per Amos: [Querite me, & viuetis.] Quod, vt cætera loca præteream, adeò certum, & constitutum in diuinis libris est, vt Apostolus id imprimis, tanquam immotum quoddam principium fidei, credi oportere docuerit. [Accedentem ad Deum,] inquit, [oportet credere, quia est, & qui inquerentibus se remunerat est.] Sed initio istius primi capituli præfati sumus, non licere iam nobis, cum veritatem christianæ doctrinæ probare iustituimus, ex christianæ doctrinæ testimonijis probationem ducere. Quanquam, vt etiam monuimus, vtiliter ex illa quoque sententiæ proponuntur hoc loco gratia explanationis, atque etiam, vt appareat, eam cum ijs, quæ ratione naturali nota sunt, pulchrè consentire. Quoniam igitur compertum est, innumerabiles eiusmodi martyres, quales iam descripsimus, veræ religionis inueniendæ, & Deo placendi cupidissimos &c. fidem christianam complexos fuisse: Et incredibile est, vt ostendimus, tales esse in re tanta deceptos; certò certius concludimus, doctrinam christianam prorsus dignissimam esse, quæ pro vera, atque certa habeatur. Sed nonne, diceret aliquis, proditum est, ethnicos etiam quosdam, specie religionis falsa deceptos, demonibus deuouere se esse solitos? Negari non potest. Verum, ij professores res, aut credunt alioqui, aut faciunt tam pugnantibus cum ipsa etiam ratione, & lege naturæ, vt facile appareat, illos ea re non à diuinæ prouidentia in vera religione dirigi, sed secundum æquissimam diuinæ prouidentie rationem penas meritas, vel stultitiam, vel improbitatis dare. Nostri verò plerique martyres,

tyres, ex christianæ religionis instituto priusquam mortem oppeterent, innocentissimè vixerunt: nihilque contrà, quamvis quædam, vt post dicemus, supra rationem, crediderint. Quamobrem, & D. Ambrosius, eorum esse illam vocem in Psalmis, non incommode interpretatur: [Principes persecuti sunt me gratis. Quia cum nihil malè fecerint; ait Ambrosius; peiora latronibus subire tormenta sint coacti.] Non igitur Deo vindice ob aliqua scelera, vt quidam ethnici, sed adiutore Deo vitam pro veritate profudisse christiani martyres existimari debent.

Num vero etiam, & hoc argumento doctrinam quoque suam confirmare Sectarij potuerunt? Nihil profecto minus: quinimò, vt probemus ipsi, eorum doctrinam non esse reuera christianam, iure optimo possumus ex eo argumento ita rationem deducere: Vera Christi doctrina sanguine etiam innumerabilem sine controvèrsia martyrum mundo testata est, vt hæcenus est ostensum. Non habet autem illi testimonium Sectariorum doctrina. Non est ea igitur verè christiana doctrina. Qui enim pro ea doctrina mortem oppetere potuerunt martyres, quam vel in veteribus hæreticis martyres ipsi execrati sunt, vel multis sæculis post martyrum tempora: sicut præcedenti argumento vidimus: Martinus Lutherus, & id genus nouiores excitauerunt? Quid quod præcipui, ac maximi quique martyres contrariam istorum, erroribus doctrinam, hoc est, doctrinam, quam hodiè profectur Ecclesia Catholica, disertis verbis asseruerunt? Martyres fuerunt Dionysius, Ignatius, Martialis, Iulianus, Irenæus, Cyprianus, Hypolitus, & amplius triginta Romani pontifices ex primis, atque plures alij. Horum verò, quis nesciat, nos aduersum Sectarios passim pugnare testimonijs? Quid? An non hoc ipso nomine Sectarij Centuriatores in cælum ponunt os suum, impudentissimeque sanctos eiusmodi martyres reprehendunt, quod senserint nobiscum, atque adeo, ipsorum quidem iudicio, à pura, atque Apostolica doctrina, scilicet, degenerauerint? Sic enim de discipulis ipsis Apostolorum sanctissimisq. martyribus Ignatio, Policarpo, Irenæo, Iuliano &c. censent: Deploratione, inquit, dignum est, quòd tam citò magne obsecrationes magnorum, articulorum fidei sensim inciderunt. Summi enim in Ecclesia Doctores (nempe illi quos iam nominauimus, quosque ipsi Centuriatores ex illo sæculo solos commemorant) suas quasdam opiniones parum commodas, suasque nouas habuerunt, quibus sequentibus temporibus Ecclesia quaesita, & turbata est. Nam doctrina de libero arbitrio statim hoc sæculo cœpit vitari, nimiumque viribus humanis tributum est &c. Operibus iustificatorum, plusquam debeant ascripserunt; quod fortè, inquit, ex errore de necessitate operum ad salutem promanauit. Martyria Sanctorum sentire cœperunt esse peccatorum expiationes.] Item: Videas, inquit, in doctorum huius sæculi, ante annum videlicet trecentissimum, non obscura, hoc est, clara, vestigia inuocationis Sanctorum. Item inquit: Ex Iguatij epistolis apparet, homines iam tum

paulò impensius episse amare, & venerari Virginitatis statum. Nam in epistola ad Antiochenos inquit: [Virgines videant, cui se consecrari.] Et ad Heronem: [Virgines custodi ramquam Sacraia Christi.] Item ad Tharsenses: [Eas que in Virginitate sunt honorate, sicut sacras Christi.] Rursus Centuriatores impetum propterea faciunt in eundem Christi martyrem Ignatium, quòd ad Philippenses in hæc verba scripserit: [Dies festos nolite inhonorare: Quadragesimam, verò nolite pro nihilo habere. Imitationem enim continet Dei conuersationis: Hebdomadam etiam passionis nolite despiciere.] Quid hic Centuriatores? Nimirum asserunt, Ignatium contra doctrinam Pauli (Nemo vos iudicet in cibo, aut parte dici festi) ita scripsisse. Quid autem de Dionysio? Non sentit, inquit, Apostolicè quòd monachorum ordinem, vt sublimiorem, & excellentiorem, reliquis, commendat.] Quod ipsum superstitione admodum ab eodem Dionysio traditum esse, pluribus etiam verbis Philippus Melachthon asseuerat. Porro censent isti fidelis solarij, perperam Iulianum martyrem scripsisse, totam legis iustitiam esse diligere Deum plusquam seipsum, & proximum, vt seipsum. Quæ tamen sententia non tam est Iuliani, quam ipsius Christi. Sic, & martyrem Irenæum de oblatione, hoc est, de sacrosancto Missæ sacrificio, satis loqui incommode, cum ait: [Noui Testamenti nouam docuit Christus oblationem, quam Ecclesia ab Apostolis accipiens in vniuerso mundo Deo offert.] Irenæum eundem martyrem Irenæum reprehendunt, quòd liberum arbitrium, etiam in spiritualibus, passim defendat. Item de martyre Cypriano, superstitione, inquit isti, ait, Eucharistiam in Altari sanctificari, & sacerdotes sanctificare calicem, & vice Christi fungi, ac Deo Patri sacrificium offerre.] Atque etiam in eodem vehementer ipsis displicet, quod asseruerit, Romanam Ecclesiam ab omnibus alijs pro matrice, & radice Catholica Ecclesia agnosendam esse.] Quid multa? Hæc & id genus catholica dogmata, ne alia plurima nominatim à Sectarijs eodem modo reprehensa persequar, quæ primis etiam illis sæculis martyrum, sanctissime à nostris maioribus iuxta Apostolicam traditionem defensa sunt, non aliud isti, quàm peculiare, incommode, monstruosas opiniones, stipulas, nauos, & errores, quia nunc etiam à Papistis videlicet, similiter retinentur, contumeliosè appellant. Quod cum ita sit, quid habet obsecro commune doctrina Sectariorum cum doctrina Martyrum?

III. Est etiam pro fide nostra inagnum argumentum illud, quod ex admirabili quadam animi mutatione eorum, qui eam complectuntur, & colunt, sumitur. Primum enim, si ex christianæ religionis instituto vuant, singulare quoddam animi robur, magnamque facultatem, vt illorum vita testatur, ad grauiora peccata omnia contra naturæ legem vitanda obtinent. Quæ facultate cum careant ij, qui christianæ religionis sunt expertes, apparet profecto, illam naturalem non esse, sed à Deo tributam, tamquam testimonium etiam quoddam veritatis christianæ doctrinæ. Deinde cuiusmodi luce, & quibus inter-

interdum spiritalibus delictijs animo perfundantur ij, qui secundum christianam religionem sanctè, ac pie viuunt; id vtrò nequino alius, nisi qui accipit, neque illi ipsi, qui norunt, & experti sunt, villa possunt oratione explicare. Certè ex illorum rectissimis factis, & tranquillitate, atque constantia vitæ, perspicuum est, in eorum animis aliquid versari, acque ineffe diuinum, quod nec humanitis soleat contingere, & veritatem, siue quæ rectè se habere, aut requiescere mens nostra nullo modo potest, necessariò sociam habeat. Hoc argumento Malachias Propheta, vel potius ipse Deus per Malachiam, ad probandam hominibus Christianam religionem, quæ veteri legi successura erat, tanquam validissimo, vius etiam fuisse videtur. [Erunt, inquit, mihi in die quam ego facio, in peculium, & parcam eis, sicut parci vir filio suo seruienti sibi. Et conuertimini, & videbitis, quid sit inter iustum, & impium, inter seruientem Deo, & non seruientem ei.] Vides, quibus verbis, futuram in melius animorum mutationem, quæ experimento etiam probari possit, proponit, vt homines ad legitimam Dei in Ecclesia cultum, spe quoque experiundi alliciantur? Ducebat item ab eadem mutatione rationem Apostolus Paulus, quæ persuaderet Ephesijs studium virtutum. [Eratis enim, inquit, aliquando tenebræ, nunc autem lux in Domino: vt filij lucis ambulate, fructus enim lucis est in omni bonitate & iustitia, & veritate &c. Denique nonnisi dextera excelsi mutationem] hanc in his, qui Christianam religionem susceperunt, fuisse, vel inde colligi potest, quod ipsi etiam Ethnicis, quibus Christus fuit lapis offensionis, maxime admirabilis exitit. Nemo est enim, qui falsum existimet narrauisse D. Petrum in illo loco, vbi recens Christianos adhortatus inter cætera dicit: [Sufficit præteritum tempus ad voluntatem gentium consummandam, ijs qui ambulauerunt in luxurijs, desiderijs, inolentijs, commestationibus, potationibus, & illicitis idolorum cultibus. In quo, inquit, admirantur (vel obspiciunt, vt habet alia litera) non concurrentibus vobis in eandem luxuriæ confusionem.]

Quo ex argumento doctrinam Sectariorum verè Christianam non esse ita certissime ostenditur. Qui ex doctrinæ Christianæ instituto viuunt, ij & magnani in se experiuntur ad euitanda grauiora peccata facultatem, & reliquis ferè sunt innocentie, atque omnis probitatis exemplum. At non eadem vis, ac ratio doctrinæ Sectariorum est; quinimò hæc facillimè ipsa mores peruerit, & ad omnem vitæ licentiam homines facit procliuēs. Doctrina igitur Sectariorum nihil præter nomen habet commune cum verâ Christi doctrinâ. Etenim, si non alio tremore, & labore præterquam sola fide salutem quisque suam operari debet; si conscientie ratio, ad obtinendam remissionem peccatorum, reddenda Dei ministris non est; si icinijs nullis caro, domari, & coerceri debet; si denique conuenienter reliquis Sectariorum placitis, ad libertatem carnis excogitatis, vita instituitur; quid mirum erit, si eius alumni doctrinæ, nullo certo disciplina freno cohibiti, sed habentibus potius ad omnem carnis cupiditatem laxatis,

desideria carnis in omni genere perficiant? Exierunt ex Ecclesia, vt de hæreticis D. Ioannes inquit, & transierunt ad istorum castra, magno suo malo quandoque nonnulli. An hi vnquam meliores apud istos sunt facti, posteaquam ex Lutherana doctrinæ ratione, viuere cœperunt? An mutatio in eorum vita dextera excelsi, alijs admirantibus, vt Diuus Petrus de recens Christianis dicit, notari potuit? Num exemplis illustribus, & frequentibus, charitatis, orationis, penitentiae, patientiae, modestiæ, humilitatis, omnisque continentiae vitæ, quæ apud Sectarum prædicantes viderint, ad pietatis studium vehementius inflammati sunt? Quis nescit, apud istos ferme iacere hæc omnia, præter suum illud Verbum, & nimis solam suam, vel potius nullam, fidem? Sed ne ego in istorum vita, quibus cum parum ipse versor, curiosius fortè inquirere videar, domesticos eorum testes vnus, aut alterum de fructu sui Euangelij protitentes audiamus. Bucerus igitur de eiusmodi hominibus Euangelicis loquens: Maxima, inquit, eorum pars visa est id tantum ex Euangelio Christi petijisse, vt iugum qualicumque disciplinæ, penitentiae, & religionis vniuersæ, quæ in Papatu reliqua fuit, abijcerent, proque carnis suæ arbitrio, ac libidine instituerent, agerentque omnia. Tum non ingratum eis fuit audire, iustificari non fide in Christum, non bonis operibus, quorum nullo tenebantur studio. Nec pauci eorum qualemcumque Euangelij prædicationem eo tantum receperunt, vt in opes inuaderent Ecclesiasticas.] Hactenus Bucerus. Tum etiam de laxatione disciplinæ pluribus verbis conqueri Wigandus: Rapere, inquit, Ecclesiastica bona, scortari, inebriari, aliaque id genus innumera peccata, eo magis inualescunt quotidie, quia libertatem crescenti habent.] Et vnde nam potius crescenti libertatem, Wigande, innumera, vt inquis, peccata nunc habent, quàm ex relaxata apud vos (quem admodum antè diximus) Christianæ religionis sanctissima disciplina? Cuius profectò rei, & aliud quoddam illustre admodum testimonium, idemque publicum, primariæ ciuitatis Lutheranae, Dominicus Sotus, auctor in primis grauis, & ob summam doctrinæ, atque prudentiæ existimationem, inuicissimè Imperatoris Caroli V. in ipsa etiam Germania à sacris confessionibus, ita ad verbum commemorat: [Verecundia, inquit, confitendi vehementissimè homines à peruersis moribus arceat.] Id quod me, inquit, testis Germani ipsi publicè dum inter eos agebam facebantur. Quæ de re ex inclyta Norimbergæ ciuitate missa est ad Cæsarem legatio, per quam ciues illi petebant, vt Cæsar Imperatorio iure confessionem auricularem inderet. Aiebant enim se vfu, & more intellexisse, Rempublicam suam, postquam confessio cessauerat, vitijs contra iustitiam, & alias virtutes scaturire, quæ illis antea fuerant incognita. Rîsum autem, inquit Sotus, ea legatio mouit. Nam cum fieri omnino renuerent, per absolutionem sacerdotis culpas remitti, & diuino iussu teneri homines ad confessionem: quomodo plebs induci posset Cæsarea lege occultata sua scelera secretò confiteri.] Ergo à fructibus etiam eorum doctrinæ,

falsi

falsiſſi Prophetæ, iuxta præceptum Chriſti, cognoscî debent.

IV. Præterea: quæ doctrina diuinitis eſt hominibus probata, ea ſine dubitatione eſt vera. Atqui doctrinam Chriſtianam eſſe probatam diuinitus, modus certè, quo in orbem eſt introducta, declarat. Nam à pauciſſimis hominibus, nulla neque humana eruditione eloquentiæ inſtructis, eſſe potentia, & vi armatis, neque nobilitate claris, neque opulentia præſtantibus; & præterea eiufmodi res docentibus, quæ magna ex parte hominum voluntatibus, atque adeo ipſi carui repugnant; plurimi ſapientiſſimi, eloquentiſſimi, potentiſſimi, nobiliſſimi, opulentiſſimi, vna vi veritatis, [Domino cooperante, & ſermonem eorum admirabiliter confirmante,] victi ac ſuperati ſunt, eoque demum adducti, vt deſertis patrijs religionibus, quæ vel ipſa diuturnitate valdè confirmatæ erant, Chriſtianam diſciplinam ampleſcerentur. Quod profeſſo naturaliter, id eſt, abſque aliqua maiore virtute planèque diuina, non magis fieri potuit, quàm vt ferociſſimi lupi, à manuſiſſimis agnibus ſuperarentur. Itaque cum Apoſtoli, qui, vt agni inter lupos ſunt miſſi, lupos vicerint: id eſt, cum abſque vllis humanis prædijs orbem Chriſto ſubdiderint; nemo prudens dubitare debet, quin iuſit in Chriſtiana doctrina vis veritatis, quam ipſe Deus ſanctiſſimorum illorum hominum miniſterio, atque opera mundo probauerit. Quod ipſum pulcherrima ſanè ratione confirmat D. Auguſtinus. Si enim priuſquam Chriſtianam fidem mundus compleſceretur, ſapientum philoſophorum aliquis interrogatus fuiſſet, vtrum cenſeret, ſine virtute diuina per vnum, vel per paucos homines nulla neque potentia excellentes, neque humana doctrina claros perſuaderi mundo illa poſſe, quæ Chriſtum, & Apoſtolos perſuaſiſſe iam cernimus: Reſpondiſſet credo ille, inquit Auguſtinus, non poſſe hoc ab hominibus fieri, niſi quos ipſa Dei virtus, atque ſapientia commouendiſſet, vt omnia contemnendo, quæ prauis homines cupiunt, & omnia perpetuando, quæ horreſcunt, genus humanum ad tam ſalubrem fidem ſummò amore, atque auctoritate conuerteretur. Hoc igitur cum iam factum videamus; non niſi diuina planè ope eſſe factum, conſtitendum eſt. Huius argumenti vim, quæ eſt ſanè maxima, intelligi à Corinthijs voluit Apoſtolorum, quos ideo illis verbis commonſciebat: [Videte, inquit, fratres vocationem veſtram. Quia non multi ſapientes ſecundum carnem, non multi potentes, non multi nobiles; ſed quæ ſtulta ſunt mundi elegit Deus, vt confundat fortia, & ignobilia mundi, & contemptibilia elegit Deus, & ea quæ non ſunt, vt ea quæ ſunt deſtrueret. Accurſus ad eodem: Non ſecundum carnem, inquit, militamus. Nam arma militiæ noſtræ, non carnalia ſunt, ſed potentia Deo ad deſtructionem munitionum, conſilia deſtruentes, & omnem altitudinem extollentem ſc aduerſus ſcientiam Dei, & incapiuitatem redigentes omnem intellectum in obſequium Chriſti.] Certè vel hæc ipſa D. Pauli verba ſuprà grauitate declarant, Apoſtolorum in perſuadenda Chriſtiana doctrina, quemadmodum diximus, maiori vi fuiſſe

viſos, quàm ſit vlla humana. Quo & illud eiufdem Apoſtoli pertinet: [Sermo meus, inquit, non in perſuaſibilibus humana ſapientiæ verbis, ſed in oſtentione ſpiritus, & virtutis, vt fides veſtra non ſit in ſapientia hominum, ſed in virtute Dei.]

Iam verò, ſi Sectariorum doctrina, illa ipſa doctrina Apoſtolica eſt, quam duodecim illi viri ſine humana ſapientiæ verbis, mundo vniuerſo perſuaſerunt: qui nunc ſit tandem, vt eam tam multi Sectarij prædicantes, iidemque verborum etiam artifices non adinodum imperiti, ne diuturno quidem multorum iam annorum ſpatio, probare orbi potuerint? Nempe quia militant proſus ſecundum carnem, non autem, vt Apoſtoli, in virtute Dei, & potentia ſpiritus. Verùm, quia non illos propugnare, ſed oppugnare planè doctrinam Apoſtolicam, atque adeo Eccleſiam ipſam Chriſti inſrà ſuis locis accuratè probandum eſt; ſatis nunc erit, ſi Lector noſcet, poſſe iſtorum doctrinam ita redargui ex hoc loco: Quæ doctrina ab ijs nouatoribus propriè, ac ſingulariter defenditur, qui & vita, & moribus, & virtute, atque efficacia in docendo, plurimum diſtant ab Apoſtoliſ; eam nullo modo veriſimile eſt doctrinam eſſe verè Chriſtianam, & Apoſtolicam, qualis olim orbi ab ipſis Apoſtoliſ probata eſt, duratura ſecundum Chriſti promiſſiones in Catholica Eccleſia perpetuò. At doctrina Lutherana, & Caluiniſia à talibus nouatoribus ita defenditur. Quare minimè veriſimile videri debet, eam eſſe doctrinam verè Chriſtianam, & Apoſtolicam.

V. Pertinent & ad hunc locum miracula: quæ vel ob eam rem maxime, quaſi autonomaticos, nominari ſolent ſigna, quia cum primis ſignificant, atque declarant, eam doctrinam diuinitus probari, atque adeo veram eſſe, cuius ad confirmationem edatur. Quo quidem ex loco ita licet formare rationem. Non dubium eſt, quin ea doctrina prudentiſſimè exiſtmetur vera eſſe, quæ miraculis diuina planè virtute editis, confirmata, atque probata orbi eſt. Eiufmodi eſt autem Chriſtiana doctrina. Quare dubium nullum eſt, quin vera, planèque diuina eſſe prudentiſſimè putetur. Sed vnde, dicit aliquis, intelligi poteſt, eiufmodi miracula, & diuinitus facta eſſe, & etiam fuiſſe facta ad confirmationem Chriſti doctrinæ? Ego verò ad huius argumenti conſuſionem, quæ eſt, doctrinam Chriſti digniſſimam eſſe fide, primam non neceſſe eſſe puto, vt iſta duo ſimul, proſus euidenter conſtent. Nam ſi fic conſtarent; euidenti etiam conſequentia rationis nobis eſſet nota Chriſtianæ doctrinæ veritas. Et tamen illam ſola fide, in qua non eſt euidentia, tenemus. Vt igitur propter miracula etiam, prudenter animum inducamus ad aſſentendum Chriſtianæ doctrinæ, ſatis erit, ſi alia, quadam, ſed tamen magna illa quoque, certitudine, quam morale munimentum, nobis conſtet, ea & diuinitus eſſe facta, & ſimul ad eam rem facta fuiſſe, vt Chriſti doctrina confirmaretur.

Deinde quin ſint pleraque miracula ex illis patrata non alicuius creaturæ virtute naturali, ſed planè potentia diuina, pluſquam morali certitudine perſpicuum eſt. Nam à

saeculo non est auditum, quod naturaliter aperti sint oculi cæci nati, aut mortui planè ad vitam resurrexerint. Quæ ac plura eiusdem generis admirabilia à Christo, eiusque ministris præter naturæ consuetudinem fuisse gesta, si quis neger, hic omnem omnino historiam eadem ratione in dubium reuocare possit, vt egregie conuincit S. Augustinus. Commemorantur quidem apud veteres Scriptores prophanas aliqua prodigia, quæ aliarum religionum hominibus acciderunt, quæ persequitur diligenter D. Augustinus: Sed non talia, nec tanta, nec tam testata ac illa, quæ sunt à Christo, & eius ministris pro nostra religione facta. Itaque nemo profecto similia aliqua mirabilium operum exempla opponi posse existimabat, cum Christus ipse non minus fideret illud, quam verè affirmaret: Si opera, inquit, non fecissem, quæ nemo alius fecit, peccatum non haberent. Quod ipsum eruditè sanè, ac copiosè Michael Medina, auctor valde diligens, in suo opere de recta in Deum fide percurtus est.

Sed & omnia eiusmodi opera Christi admirabilia, in vniuersum gesta fuisse diuinæ virtute, ita compertum est, vt nemo ea de re prudenter dubitare possit. Hoc patet, tum ex illorum operum magnitudine; tum ex singulari innocentia, & perfectissima sanctimonia vitæ eius, per quem fiebant, nempe Christi Domini; tum ex modo quo idem admirandas eiusmodi res operabatur. Nam neque vilius rei naturalis, quæ ad illos effectus natura sua valeret, adminiculo, sed solo verbo, atque imperio, vel certè precatione utebatur; neque malignorum spirituum præstigijs, atque opera credibile est, adiutum eum fuisse, cui tantum, tamque apertum fuit cum illis nequam spiritibus bellum, vt non modo sanctissimis studijs in omni vitæ eorum conatibus aduerfaretur, verum etiam reluctantes ipsos, atque inuito se corporibus humanis summa vi pelleret. Quæ ratione ad hanc ipsam rem illè vtens: [Si Satanas, inquit, Satanam eiecit, quomodo stabit Regnum eius?] Itaque reliquum est, vt Dei ope supra humanas suas, & omnium etiam creaturarum vires ad eas res peragendas usus fuerit. Huc accedit, illum vno & eodem ferè modo miracula, quæ fecit, omnia patrauisse, nempe admirabili imperio. Quare, vt opera quædam maiore virtute, quam sine dubitatione sit aliqua vis creata, fecit (nempe illuminandis cæcis à natiuitate, & mortuis excitandis) ita & reliqua omnia fecisse putandus est, quæ similiter fecit.

Quod autem in argumento quoque sumebamus, miracula hæc ad eam rem diuinis facià per Christum fuisse, vt Christiana confirmaretur doctrina: id verò, si non euidenter, (quis enim præsertim citra lumen fidei, vt iam loquimur, cognouit penitus, atque vidit sensum, & consilium Domini?) at ita certè compertum est, vt nonnisi imprudenter, ac temerè in dubium reuocari possit. Primum, quoniam ipse Christus Dominus id testabatur, in cuius spectatissima virtute, quod obsecro iure desiderari potuit, quo minus eius auctoritati, ac testimonio in ea res à prudentibus fides haberetur? Magnus vir, ac sapientissimus erat Ioannes Baptista, ne-

que indoctos, aut imprudentes habebat, & ipse discipulos. Annè igitur hi temerè fidem Christo adhibuerunt, cum is, vt suam illis auctoritatem probaret: opera eiusmodi mirabilia ad dignitatem doctrinæque suæ comprobendam pertinere significauit? (Euntes, inquit, renunciate Ioanni, quæ audistis, & vidistis, cæci vident, claudi ambulant, surdi audiunt, mortui resurgunt, leprosi mundantur, pauperes euangelizantur, & beati qui non fuerint scandalizati in me.) Certè operum Christi, tam admirabilium ea quæque vis fuit, vt credere oporteat sapientes non modò per se esse vera, quæ ille docuit, sed hoc ipsum etiam verissimum esse, quod asseuerauit, opera quæ ipse faceret testimonium de se præbere, id est, ad ipsius confirmandam doctrinam diuinitus fuisse patrata.

Sed & valde præterea hoc idem diuine erga homines prouidentie verissimum, atque ad eorum salutem aptissima ratio confirmat. Nam si Deus ad confirmandam aliam aliquam doctrinam veram (non enim ad falsam potuit,) aut orationè ad alium finem, quam ad conciliandam auctoritatem Christo, miracula illa tam stupenda edidit, cur non vltimum hominibus dedit eius finis iudicium, ne in re tanta, vsque adeò verisimiliter falsi posset? Quid enim ipsi aliud cogitare poterant, nisi in eius gratiam miracula illa fieri, per quem omnino fiebant, aut quomodo diuinassent aliò illa referri, cum nihil ipsis ostenderetur vltio modo quò aliqui pertinere? Aut igitur miraculorum illorum finis non alter fuit, quam vt Christi doctrina probaretur, aut Deus cum finem non monstrans, in re maxime necessaria deiecit hominibus. At Dei prouidentia hominum salutem non deest. Non igitur nisi ad eam rem diuina illa miracula fuerunt, vt Christianæ doctrinæ adhiberetur. Quæ ratio docet, prudenter admodum illos omnes fecisse, qui propter miracula, quæ à Christo fieri cernebant, inducebantur, vt ei fidem accommodarent. Sic Regulus cum domo sua tota, sic Centurio, sic alij, de quibus passim legimus, ad fidem adducti sunt.

Sed perspicitur nescio quo pacto magis huius argumenti vis, si proponitur illa forma & modo: quo est à D. Augustino propositum. Is igitur per religionem nostram contendens contra ethnicos, hunc ferè in modum à miraculis argumentatur. Aut Christiana religio diuinis miraculis orbi probata est, aut nullis miraculis est confirmata. Si aliquibus miraculis probata est, diuina est igitur, & digna quæ recipiatur: sin autem nullis; multo etiam magis est fide digna. Quod enim maius miraculum ad illius veritatem auctoritatemque persuadendam proferri potest, quam si nullis testata miraculis, eam tamen vim per se habuerit, vt ab vniuerso orbe sit suscepta?

Sed vt hunc locum magis firmemus, ad extremum breuiter dicendum est, quæ sit illarum sententiarum vis, in quibus Christus nihilominus significat non esse miraculis in negotio fidei innitendum. Faciet enim signa, & prodigia magna Anrichristus, facient etiam, & fecerunt sapienter alij seductores; quibus tamen non est credendum. Hoc
si ita

fi ita est, qui potest pro fide nostra, tam firmum argumentum à miraculis duci, quàm hactenus condendimus? Hoc ita expeditur. Non prohibet Christus, seductorum miraculis credere, quia nullis miraculis sit credendum. Nam ad confirmandam doctrinam suam, & ipse miracula fecit, & vt à suis etiam discipulis fierent, omnino voluit. Quod ipsum esse alioqui consilium Dei, quando-cunque opus fuit auctoritatem hominibus aliquibus in negotio religionis diuinitus addi, ex sacris quidem literis non est obscurum. Quid ergo commune factio illa Christi significat? Nimirum, vt seductorum miraculis ne commoueamur, quia iusiurandi sunt, vt si illorum ratio dispiciatur, haud difficulter intelligi possit, non vera miracula ea esse per virtutem Dei facta, sed signa, vt Apostolus loquitur, planè [mendacia in virtute Satanae.] Primum quoniam ex eorum alijs fructibus, hoc est, ex vita, ex consilijs, ex actionibus denique cæteris appareat quò pertineant, & cuius adminiculo edantur ab illis ea signa. Referunt enim ea, vel ad ambitionem ple-rumque, & gloriæ vanam, vel certè ad op-pugnandam doctrinam veram, quæ sit alijs multis, ac magnis argumentis probata: Quod est in primis studium dæmonis. Quæ autem opera verè admirabilia sunt diuinæque vir-tute edita, non nisi ad optimum sanctissimum-que finem spectant, vt doceat etiam præclare Diuus Augustinus. Itaque miracula, quæ primò pro religione Christiana verissimè à Deo (alijs argumentis id contestantibus) facta sunt; meritò quibusque alijs impostorum Christiæ hostium signis auctoritatem, at-que fidem derogant. Deinde pleraque isto-rum facinora, aut merè præstigia sunt, aut res certè non prorsus per se admirabiles, sed potiùs eiusmodi, quæ in causam aliquam natu-ralem, tamen occultam, & additam refer-ri à peritioribus possunt. Atque inde porro fit, vt minime seductores isti quidquid ad-mirabiliter diuinæ virtute, pro confirmanda veritate; religionis Christianæ, aut etiam olim Moisaicæ, factum est, similiter facere possint. Quod Magi Pharaonis ostenderunt, cum ne-quiuerunt similiter, vt Moyses efficere ciui-phen. Multò minus valent, aut cæcis ocu-lorum lumen, aut mortuis veram, atque so-lidam vitam restituere. Quamquam com-memorantur quoque in his generibus multæ apud ethnicos præstigia, quas redarguit Mi-chael Medina diligenter, quem auctorem ante noninaui. Nec verò, quod Apostolus Paulus scripsit, futurum aduentum Antichri-sti [in omni virtute, &] ita intellexit, quasi facturus sit aut facere possit ille homo nequi-simus omnia quæcumque fieri possunt admi-rabilia: Sed quia in omni genere miraculo-rum enitetur opera diaboli, cuius erit præci-puum organum, homines ludificari. Quare non absolute dicit, venturum illum in omni virtute: sed addit etiam, [secundum opera-tionem Satanae, & signis, & prodigijs men-dacibus.] Quamobrem igitur ijs miraculis, quæ pro religione Christiana adduci solent; moueri debeamus, alijs autem non item, ita breuiter explicasse ad institutum nostrum sa-tis nunc erit.

Quo ipso argumento à miraculis, tan-
Tom. XIII.

tum abest, vt Scæsarj ad confirmationem do-ctrinæ suæ vt possint, vt ex eo etiam ratio-nem petere facillimum sit, quæ planum fiat, non esse reuera Christianam illorum doctri-nam. Sic enim licet argumentari: Si quam doctrinam singularem (hoc est, abhorrentem à recepta communique sentia orbis) Deus ali-quando eorum hominum ministerio persua-deri voluit, qui auctoritate, secundum hu-manum iudicium, iuipares cæteris videren-tur; eam doctrinam necesse fuit supernatura-libus aliquibus miraculis diuinitus compro-bari, vt verissimè Diuus Augustinus dispu-tat, & exemplum prædicationis Apostolo-rum, & Prophetarum, & ratio ipsa docet: Non enim alioqui posset eiusmodi doctrina, prudenter recipi, ab his præsertim qui ratio-nem ipsam per se doctrinæ diiudicare satis non possunt, sed auctoritate potissimum do-centis commoueri debent. At singularem illam doctrinam, quam orbe vniuerso recla-mante profiteri isti ceperunt, nullis Deus miraculis mundo comprobauit. Neque vult igitur, neque voluit Deus, vt eam sibi ho-mines istorum ministerio persuadent; ac proin-de neque Apostolica, neque verè Christiana doctrina est. Quam rationem, quoniam in-frà sumus vberius confirmaturi, nihil atinet hic dilatare.

VI. Splendescit præterea maxinè doctri-næ, atque fidei nostræ veritas ex eo, quod vel illorum etiam, qui ipsius lumen non receperunt, testimonia luculentissima exstant de dignitate huius doctrinæ auctoris, qui est Christus Dominus, ac magister noster. Quo in genere nescio, quid aut verius, aut grauius dici potuit, quàm illud quod est scri-ptum à Iosepho Iudæo, magnæ existimatio-nis auctore. Is cum in historia gentis suæ ad id seculum felicissimum peruenisset, quo Christus vnigenitus Dei filius in terris visus, & cum hominibus conuersatus est, de ipso hunc in modum (proculdubio ex communi valdèque celebri hominum opinione) scripsit: [Fuit autem, inquit, his temporibus Iesus sapiens vir. Si tamen virum eum nominare fas est. Erat enim mirabilium operum effector, & doctor omnium eorum, qui li-beuter audiunt, quæ vera sunt. Et multos quidem Iudæorum, multos etiam ex gentibus sibi adiunxit. Christus hic erat. Huc ac-cusatione primorum nostræ gentis viro-rum, cum Pilatus in crucem agendum decreuisset, non deseruerunt hi, qui ab initio eum dile-xerunt. Apparuit enim eis tertio die iterum viuus: secundum quod diuinitus inspirati Prophetae, vel hæc, vel alia innumera mi-racula futura prædixerant: Sed & in hodie-rum diem Christianorum, qui ab ipso nun-cupati sunt, & nomen perseuerat, & genus.] Huc, & alia Imperatorum veterum Roma-norum spectant testimonia præclara, quæ illi pro Christianis, quos aliqui crudelissimè per-sequebantur, ab ipsa veritate sunt coacti ferre; ex quibus Christianæ vitæ, atque do-ctrinæ institutum, optimum sanctissimum-que esse, omnino intelligitur. Sed quia bre-uitas in hoc mihi præsertim argumento ma-ximè propolita est, omnia non necessaria re-citatione, niueo tantum Lectorem, vt ea de-rc, si libereris, legat epistolæ varias, ciui-
modi

modi Imperatorum apud Eusebium. Omnia certe exterminorum, hæc hominum testimonia eiusmodi sunt, vt non temerè proinde postulare possimus, vt in negotio, & causa Christianæ religionis contra inimicos nostros, vel ipsi etiam inimici nostri sint iudices.

Tale verò aliquod testimonium inimicorum Christianæ religionis, vel veterum, vel recentiorum, omnino pro suis opinionibus Sectarij non habent: nisi intestinos hostes, hoc est, hæreticos veteres, quorum isti discipuli sunt, intelligas. Etenim, vt veteribus christianis (quod, & supra argumento primo vidimus, & infra etiam docebimus) Lutherana, atque Caluiniana doctrina incognita fuit, sic & veteribus Christianæ religionis hostibus externis. Qui autem modò supersunt Ecclesiæ hostes, seu Turcæ, seu Ethnici, si modò rationis aliquam habent scintillam, ne possunt quidem sine summa execratione de istorum proteruita, atque rebellionē erga Ecclesiæ Dei prepositos, cum Christiani illi se proficantur, audire. Nam quod fuerit nuper Ecclesiæ Græcæ de istorum opinionibus iudicium, quamque ipsis acerba, & ignominiosa censura, cum res iam vulgo notissima sit, quid atinet hoc in loco commemorare?

VII. Sed enim, cum illustria, & verbis, & scriptis testimonia inimici Christianæ doctrinæ pro eadem ipsa doctrina præbuerint; haud scio tamen, an non illud testimonij genus, multò luculentius esse existimari debeat, quòd illi ferè grauissimas, & iustissimas acerbissimas suæ, ac odij in Christum, & homines christianos penas Deo dederunt. Velut impij, & Christicidæ Iudæi. Qui maximas calamitates, eò quod tempus non cognouerunt visitationis suæ, patiuntur in hanc vsque diem, vt prædixerat illis futurum Christus Dominus. Nam, si non ira est, quam obsecro aliam ob causam suspicari possumus, illos vsque adeò grauiter à Deo multari? Certè cum, & grauissimè, & iam indè à Christo per ipsos interfecto, & omnes communiter, & continenter, puniuntur; necesse omnino est, crimen illud, propter quod ita acerbè puniuntur, & grauissimum esse, & in illa Christi tempora incidisse, & id omnibus illis aliqua ratione esse commune, & illius eos numquam omnino pœnitere. Has verò peccati conditiones omnes, in nullo alio facinore gentis istius, præterquam in eo quo Christum occiderunt, apparet esse coniunctas: In illo verò maxime. Etenim in ca re, si peccatum ab illis est, vt omnino est, grauissimè peccatum est; (quippe qui auctorem interfecerint vite) & id istorum peccatum calamitates eas, quas tolerant, non ita multum antecessit, & commune illis omnibus, saltem consensu, ac voluntate est; & eius numquam ipsos pœnitet, imò de illo nefariè gloriautur. Quibus ex rebus colligitur, homines istos infelicitissimos, non nisi illius sceleris, tam diuturno acerbique supplicio, & penas dare, quòd impiè conati sint opprimere veritatem, hominemque Deum interfecerint, qui vera, vt ipse verissimè aiebat, loqueretur illis.

Quò, & illa etiam D. Chrysostomi accedit, haud exigui ponderis ratio. Fingamus enim animo, id quod existimare nefas est, Christum, verum Deum, vt dicebat ipse,

non fuisse, neque veram adeò, atque diuinam, vt profitebatur, doctrinam tradidisse. Dubium ita non est, quin in interficiendo eo, qui vsque adeò impiè gloriam diuinam ad se transfulisset, magnum tunc fuisset à Iudæis gratissimumque obsequium præstitum Deo. Hoc autem posito, nequaquam certè esset diuinæ bonitati consentaneum, quòd post id facinus illa gens, tam multis, tam diuturnis, tam magnis ærumnis vexaretur. At in ea re diuinam bonitatem accusare nullo modo possumus. Nou igitur illo facio diuinam illi gloriam propugnant, sed grauissimè offenderunt, cum qui verissimè erat Filius Dei occidendo. [Si Phinees, inquit D. Chrysostomus perempto homine totam nuntius iram aduersus populum placuit (Stetit enim Phinees, & placuit, & cessauit quassatio) tamque multos homines eripuit ab ira diuina vnius hominis eades: multò magis hæc vobis oportuit accidere, si legis transgressor erat, quem vos crucifixistis. Cur igitur, quæso, Phinees, viro legis transgressore perempto, iustus habitus est, & sacerdotio honoratus; vos autem cum in crucem egeritis virum impostorem, vt dicitis, non modò non indè fertis laudem, & honorem, verum etiam acerbiora parimini, quàm tunc cum filios vestros mactaretis? An non istud perspicuum est, etiam vehementer tardis, & hebetibus, quòd posteaquam aduersus seruatoreum, ac principem orbis impiè egistis, talis sit de vobis sumpta vindicta?] Iam verò supplicia, & horribiles exitus aliorum, qui religionis Christianæ præcipui hostes extiterunt, non prolixum modò, sed etiam superuacaneum esset repetere, cum in promptu vnique sint ips de rebus historiz. Legat, si quis velit, Terrullianum saltem, & Eusebium, & Nicephorum.

Neque committere possum, quin hoc etiam in loco Sectarios interrogem, qui tandem fiat, quòd res Ecclesiæ Catholicæ Romanæ, tam habeant in omni genere faustum progressum, si ipsi (quòd iactare solent) velut alij quidam Apostoli, doctrinæ sanæ propugnatores sunt: Ecclesiæ verò Romana, non iecus, atque Iudæorum olim Synagoga, à doctrina vera, sinceræque religione deficiunt? Cur templa? cur sacrificium? cur cærimoniz, atque ritus? cur certa descriptio formaque religionis in Ecclesiæ Romana magis, quàm in reliquis, ac sæce Iudæorum, durauit? Ita ne verò? portas inferorum aduersus sanam, incorruptamque doctrinam, quam Sectarij scilicet, tuerentur, tam diu Christus, contra promissiones suas, præualere permisit? Tam diu etiam patitur doctrinæ lumen ministerio doctoris Lutheri, vt isti loquantur, accensum, intra insolentem tantum partiunculam, vt Paciani verbis vtat, turbeque collectum, & à reliquo corpore separatum, tanquam sub modio inclutum contineri? Mitto, quòd non minus horribiles multorum Sectariorum exitus fuerunt, qui doctrinam Ecclesiæ Romanæ his temporibus oppugnant, quàm eorum, qui olim hostiliter eandem infestati sunt, vt nominari etiam ab Erasmo Albero est liris produrum. Quod ipsum profectò argumento minime leui est, non magis istorum doctrinam, quàm veterum illorum Ecclesiæ

hostium, esse reuera christianam.

VIII. Denique, & illud nobis minime leue argumentum inimici nostri, Iudæi, supeditant, quod Scripturam veteris Testamenti ipsi probant, ac retinent, vnde clarissime nostræ fidei mysteria confirmantur. Quare diuinitus magnoque nostro commodo factum esse censuit D. Augustinus, vt Iudæi illa vastatione Hierosolymitana non omnes funditus deleti fuerint, sed aliqui etiam in varias mundi partes dispersi. Sic enim consecuti sumus, vt testimonia nostræ fidei secum ipsi, contra se, & pro nobis, circumferant, nosque optiuo iure vsurpare possimus illud: [Et inimici nostri sunt Iudices.] Quod & idem Augustinus indicat, à Deo postulatam fuisse voce illa Christi in Psalmis: [Deus, inquit, ostendit mihi super inimicos meos. Ne occidas eos, ne quando obliuiscantur populi mei. Disperge illos in virtute tua, & depones eos protector meus Domine.]

Quod cum ita sit; profectò non est, cur sibi Sectarij tantoperè de Scripturarum sola professione blandiantur. Quid enim illæ, nunc profunt Iudæis? Aut quare ipsis non profunt, nisi quia eas illi ex proprio suo sensu (quod faciunt aq̃ue pertinaciter Sectarij) interpretantur? Nam quod ex collatione Scripturarum dicunt verissimam se colligere sententiam, an non idem, & Iudæorum, & omnium, qui vnquam fuerunt hæreticorum prætextus est? Quemadmodum igitur Iudæi, ita & Sectarij (quod inferius abundè probabitur) [Scripturas tenent ad speciem, non ad salutem,] inquit præclare Diuus Augustinus.

IX. Sed operæ pretium est considerare, deinceps, quàm multa quoque, & magna pro se argumenta continet ipsa ratio, atque conditio Christianæ doctrinæ. Primum enim, cum mysterijs magna ex parte continetur planè contingentibus, quæ præsciri certò futura, nisi diuinitus non potuerunt; multa, tamen ex illis ita planè prædicta sunt, vt postea euenisse constet. Id apparet maxime in rebus, quæ pertinent ad vitam, & passionem, ac mortem Christi. Rursus alia mysteria nostræ fidei, item contingentia, quæ vel futura adhuc sunt, vel iam quidem præterita, sed per se tamen occultiora, quàm vt ex historijs etiam humanis sine controuersia etiam euenisse constet; similiter atque illa, quæ sine controuersia iam acciderunt, sunt olim prædicta. Porro, vt ex simili prædictionum modo appareat, illa æquè certò, atque adeò perinde diuinitus prædicta esse, atque illa, alia, quæ in externo euentu, de quo nulla iam controuersia est, sunt posita. Iam verò cum huiusmodi omnia mysteria sic prædicta diuinitus, & certò sint, vt eadem ipsa prædicatione fuerint quoque per se asserta: sit necessariò, vt omnia sint vera; siquidem sunt asserta ab ipso Deo, qui nec falli potest, nec fallere.

Hoc argumentum, quod ex prædicatione fidei nostræ prophetica duci solet, hac forma, & modo proponi debere, vt pro veritate doctrinæ Christianæ vim habeat; sicut habet fidei maximam; explicabo vno exemplo. Cum Isaias dixit: [Ecce virgo concipiet:] alieue-

ratio ipsius futuri mysterij cum prædicatione coniuncta est. Non enim tantum dixit, fore, vt virginem concepisse ab aliquibus crederetur: quo modo etiam hæreses, & falsa dogmata prædicta diuinitus à Christo fuerint, neque tamen ideò sint ipsa vera: Sed prædicendo illud mysterium, simul etiam ipsum, per se asseuerauit. Virgo, inquit, concipiet. Cum ergo eiusmodi asseueratio mysterij contingentis, quæ prædicatione illa continetur, fuerit, vt antè ostensum est, planè diuina: verum prorsus id mysterium est. Atque hæc quidem argumentandi ex hoc loco forma, eodem modo ad probandum alia Christianæ fidei mysteria, quæ similiter sunt diuinitus prædicta, accommodari debet. Vt ad salutem humani generis per Christum partam; ad eius resurrectionem; ad ascensionem in celum; ad Spiritus sancti admirabilem aduentum; ad assistentem opem diuinam in operibus mirabilibus, quæ vel à Christo, vel ab illius discipulis in confirmationem Christianæ doctrinæ patrata sunt; ad iudicium futurum; ad resurrectionem carnis quam speramus; ad alia huius gentris, quæ partim à Prophetis in Scripturis, partim etiam à Sybillis, seminis à populo gentilium prophetis, de Christianæ religionis mysterijs prænuntiata fuerunt.

Hinc Christus ipse, vt vel hoc argumento auctoritatem doctrinæ suæ Iudæis probaret, Prophetarum de se Vaticinia, quibus illi fidem habebant, obijcere eis erat solitus: [Scrutamini, inquit, Scripturas, in quibus vos dicitis vitam æternam contineri, quoniam illæ testimonium perhibent de me. Et; Si crederetis Moysi, crederetis etique, & mihi, quoniam de me ille scripsit.] Ab eodem argumento, & sanctus Apostolus, vt auctoritatem Euangelio conciliaret, exorsus in epistola ad Romanos est: [Segregatus, inquit, in Euangelium Dei, quod ante promiserat per Prophetas suos in Scripturis sanctis de filio suo, qui natus est ei ex femine Dauid, secundum carnem.]

Obsecro verò, vbi nam Lutheri Euangelium, hoc est, Euangelicæ doctrinæ, vt Sectarij dici malunt, Lutheranam institutionem, per Prophetas suos, aut per Apostolos, promiserat Deus? Equidem nullum Scripturæ locum video, qui ad eam rem pertineat præterquam illos: [Oportet hereses esse. Surgent pseudoprophete. Spiritus manifeste dicit, quia in nouissimis temporibus discedent quidam à fide, attendentes spiritibus erroris, & doctrinis demoniorum, in hypocritis loquentium mendacia, & cauteria habentium conscientiam, &c.] Hæc nimirum Euangelij Sectariorum sunt prophetiæ: non alia. Nam vbi perpetuò sonare oportuit vocem veri Euangelij, Deus ipse clarissime significauit cum Ecclesia loquens per Esaiam. [Spiritus, inquit, meus, qui est in te, & verba mea, quæ posui in ore tuo, non recedent de ore tuo, & de ore seminis tui amodo, & vsque in sempiternum.] Cum quanam verò Ecclesia hic loquitur? Nempe cum ea, quæ sit congregatio eorum, de quibus per eundem Prophetam dicit: [Sciatur in gentibus semen eorum, omnes qui viderint eos, cognoscent illos, quoniam isti sunt semen cui benedixit Dominus.] Hi verò, &

viri scilicet, & cogniti ab omnibus; quāquam alij sunt, nisi qui omnibus illis seculis ante Lutherum, Ecclesie sancte Romanę membra fuerunt? Ab huius igitur Ecclesie ore si (iuxta illustrem illam Dei promissionem) nunquam recessit, aut recedet Euangelij verbum: qui potuit Deus velle, ac promittere, vt Lutheri aliorumque Sectariorum opera in eam Ecclesiam Verbum Euangelij (tamquam si recessisset) denuo reduceretur? Redarguamus igitur ex prophetiz ratione Sectarios hoc modo: Vetus Christi Euangelium, hoc est, veram Christi doctrinam, multo ante per Prophetas suos tamquam perpetuò in Ecclesia duraturam promiserat Deus. Lutheri autem aliorumque Sectariorum Euangelium nunquam Deus promisit: quin immò id planè priorem illam Dei promissionem euacuat, vt est ostensum. Non est igitur illud verum Christi Euangelium, sed hæresum potiùs sentina quædam, quales & fuisse in Ecclesia futuras diuinitus prædictum est, & ceteri quoque hæretici (teste D. Irenæo) Euangelij nomine similiter palliare iam olim consueverunt.

Deinde sanctitas, & reuerentia Christianę doctrinæ ex omni parte ea profectò est, vt facile appareat, illam omninò veram, ac salutarem hominibus esse. Nam primum contra rationem docet nihil. Quamquam docet quidem supra rationem non pauca: sed quæ sunt tamen eiusmodi, vt ab argumentis omnibus eiusdem humanę rationis quæcumque contra fiant, defendi haud difficulter possint, sicutque luculenter defensa à Christianis auctoribus. Sed neque iubet aliquid, quod sit improbum: Immo verò naturę leges vniuersas sanctissime cuetur confirmatque, cum alia porro nonnulla præcepta addit, quibus modum religionis, & per se optimum, & ipsi rationi Christianę doctrinæ hominumque naturę valde convenientem præscribit. Quę res quantam vim habere debeat, vt & qui nouum Christianam religionem susceperunt, animi ad eam applicant, & qui receperunt, constanter eandem teneant: Plurimula etiam indicasse videtur. [Lex enim, inquit, Domini immaculata, conuertens animas, testimonium Domini fidei sapientiam præstans paruulis, illuminans oculos.] Quasi diceret: Quia, & immaculata prorsus est, & præclara docet: conuertendi vim habet animas. Quam etiam ob causam; [Iudicia item Domini vera, & iustificata in semetipsa esse dixit.] Quia videlicet, cum diuina doctrina, non nisi optima quęque doceat, satis se ipsa probat. Contra verò nulla scita fuit, aut est hominum infidelium, quam nostri non conuincerint aliqua, vel docere absurda, vel facinre atque approbare planè impia.

Tale verò illud est, non minus scelera tum, quam peruulgatum, doctrinæ Lutheri decretum: Si non vult vxor, veniat ancilla. Itemque illa eiusdem aduersus Christi sanctissimum consilium, blasphemia, quam scripsit, præter morem suum. Græcè, vt tegetet aliquo modo turpissimę sententię improbitatem: *agamos* (celebs) planè *adyrata terei* (impossibilia scilicet) *cui olos theomachei* (& omninò cum Deo pugnat.) Vt præteream nunc alia istotum dissolutissima placita, quę

eum fructum suapte vi proferunt, de quò ipsos supra argumento tertio testificantes adduximus. Quamobrem non hæc Sectariorum doctrina, lex Domini sancta, & immaculata, sed legis atque doctrinæ Dominicę præuariatio, multis erroribus contaminata, ceptari debet.

XI. Et verò cum Christiana doctrina ferè doceat, quę sunt hominum depauperatis voluntariis atque studijs aduersa; cumque à tot, tamque diuersi generis hostibus oppugnata omnibus temporibus sit; nisi in ea esset, magna vis veritatis, & patrociniò diuino prorsus niteretur; non potuisset vllò modo, vel initio persuaderi, vel postea consistere. Nunc verò non modò oppugnationibus tum hæreticorum, cum tyrannorum firmior reddita est, vetum etiam hac impietis ratione mirabiliter aucta. Ita neque verendum est, ne vllò vmquam tempore opprimatur. Nam si hostes illi sunt commodo, à quibus, nam ei periculum interitus impendere potest? Quod si, & stetit hæcenus, sicut alia religio nulla, & perpetuò consistit, neque ab vllis hostibus delebitur; auctoritate illam firma, & stabili, id est, planè diuina, niti necesse est.

Contra verò, aduersus Sectariorum doctrinam hunc in modum, & illud argumentum retorquere licet; Christiana doctrina, vel ea ratione maxime commendatur, quòd cum disciplinam contineat repugnantem, alioqui propensis hominum cupiditatibus, tamen mirabiliter ipsædem hominibus probata est. Atque doctrina Sectariorum prout carni, & auribus, congruitque his planè, qui ex sanguinibus, & ex voluntate carnis, & ex voluntate viri, non ex Deo, nati sunt; & vix tamen paucis nationibus hæcenus persuaderi potuit. Nihil igitur doctrina Sectariorum est minus reuera, quàm Christiana doctrina.

XII. His accedit in magna differentia officiorum, & graduum pulcherrimus ordo religionis, quem tenet Christiana disciplina. Qui profectò est indicium ab eo illam constitutam esse, à quo omnia, quę sunt, ordinatissima sunt. Nam si Regina Saba rectè colligebat, res illius regis singulati Dei prouidentia atque ope contineri. Quid nos de Ecclesia Christi censere debemus in qua tanto admirabilior est ordo atque consensus, quanto latius illa, per cunctum orbem diffusa, quàm domus Salomonis patet.

Hic verò de Babylonica confusione, quę est in cæcibus Sectariorum, quoniam inferius commodiori loco de eadem dicturus sum, aliud nihil dicam, nisi non esse mirum, si nullus apud illos, vel in differentia ritæ statum, vel in hierarchicis Ecclesie veris atque legitimis ministerijs ordo emineat, postquam omnem istam varietatem, ex qua ordo ipse existit, quoque est Christi Ecclesia pulcherrime circumdata, fusi ex Synagogis procul eiecerunt.

XIII. Sed cum multa sint in ipsa Christiana doctrina, quę ipsa per se fidem illi atque auctoritatem conciliare possunt: tamen mihi maximum illud esse videtur, quod sua nescio qua admirabili vi, diuinè prorsus hominum

minum animos afficit, atque ad virtutem impellit. Est scripta verbis simplicibus, & caret ferè artificio orationis, & ornamentis. Nihilominus ita vehementer Lectoris mentem commouet, vt alia nulla doctrina. Quod argumento est, illius auctoritatem omnino diuinam esse, non humanam: hæc enim sine verborum arte, & leuocinijs ad efficiendum animorum motum non valet. Neque verò in vno aliquo, vel altero genere, sed in omni prorsus, hæc doctrina hominibus [vtilis est, vt perfectus sit homo Dei ad omne opus bonum instructus.] Docet ignorantes: solatur tristes: torpentes excitat: confirmat atque erigit afflictos. Denique nulla animorum ægritudo est, cui nederi non possit. Nam verissime Sapiens: [Omnis, inquit, sermo Dei ignitus clypeus est sperantibus in se.] Quam Scripturæ sanctæ virtutem cùm essent Machabæi experti: licet hostibus vndique sapri essent, magnisque difficultatibus premebantur: nulla res tamen indigere se aiebant, [habentes solatio sanctos libros, qui sunt, inquit, in manibus nostris.] Mihi quidem Machabæorum hoc testimonium sæpe numero eiusmodi visum est, vt vel eo audito, qui non omnino sit malæ mentis, salutarem hanc, & diuinam Scripturæ sacræ virtutem, etiam sine alia experientia, sentire possit. Vnde etiam Apostolus: [Quicumque, inquit, scripta sunt, ad nostram doctrinam scripta sunt, vt per patientiam, & consolationem, Scripturarum spem habeamus.]

Hanc consolationem, & hunc fructum ex Scriptura, si Sectarij perciperent, proculdubio Ecclesiam Catholicam, quam sine ulla dubitatione (vt Augustinus inquit) Scriptura commendat, & ad quam nos illa sæpe remittit, minime vel infestarentur, vel contemnerent. Quod cum faciant: rursus hic repeto ex eodem D. Augustino, [teuere illos Scripturam ad speciem non ad salutem.] neque magis, vt probeant suam doctrinam verè Christianam esse, Scripturam ipsis suffragari, quàm Iudæis, itidem Scripturæ tenacissimis, vt comprobent perfidiam suam.

XIII. Huc accedit sanctarum etiam Scripturarum summa antiquitas, quæ bona sui parte longè antecesserunt omnia alia profanorum hominum monumenta. Itemque consensus earum maximus. Tum etiam in illis seruandis, ac ex Hebraico sermone in Græcum per interpretes illos septuaginta admirabiliter transferendis, singularis prouidentia diuina. Denique tanta in eisdem sapientie vbertas, vt etiam profanarum scientiarum vetustissijmi doctores ex hoc fonte hauerint, quidquid melius, & verius traderunt. Quæ omnia proculdubio pondus auctoritatis doctrinæ nostræ addunt maximum.

Quod si antiquitas ipsa per se ad commendationem doctrinæ valer; certè doctrinæ nouitas, præsertim cum antiquitate e diametro pugnans, auctoritatem Sectariorum doctrinæ (ne habeatur pro verè Christiana) merito apud omnes detrahet. Nam quod dicant, se omnium primam, & antiquissimam doctrinam profiteri ab ipso Deo in paradiso illis verbis traditam: Ipse (sic enim inuolunt, quàm, ipsa; licet eodem res decidat) contem-

ret caput tuum; nonnè valdè est ridiculum? Etenim, quod vnigenitus Dei atque Mariæ virginis filius contriuerit passionem suam caput, hoc est, vim diabolici serpentis, non ipsorum propria, immò non reuera ipsorum, sed Ecclesiæ Catholicæ; cuius ipsi quasi calcaneo insistantur, doctrina est. Ipsorum autem doctrina propria est, reliquissè potius Christum integrum caput serpentis, immò nescio quo illud inuolucro mollissimè quasi conuoluisse; hoc est, non delere penitus illum suam gratiam in Baptismo peccatum originis (quod quasi caput operum diaboli in homine est) sed tanquam velo quodam regere. Hoc commentum, & reliqua absurdissima, quæ de iustificatione, aliq̃ue locis ipsi propriè defendunt, quæro, quoniam in loco paradisi Deus docuit?

XV. Iam ipse etiam Christianæ doctrinæ, auctor Christus multis certè de causis, quæ præter argumenta facta, ab ipsis etiam persona peti possunt, fidem atque auctoritatem obtinere debet. Nam, vt nihil nunc repetam de illius absolura sapientia, de singulari innocentia vitæ, de patientia admiranda, de signis stupendis, quæ illius, & vitæ, & mortem, & resurrectionem admirabilem mundo reddiderunt; de virtutibus denique omnibus, quæ conciliare doctrinæ alicuius apud homines auctoritatem possunt: nonnè etiam veritatis se doctorem esse, multarum rerum prophetica prædicatione, quas euenisse iam constat, luculentissimè probauit? Nonnè Hierosolymitanæ vrbs excidium, futuram in Ecclesia perfidiam hæreticorum; conuersionem Gentium; prædicationem Euangelij vbique; peccatum Petri, Iudæ prodicionem; Apostolorum martyrium, &c. prædixit? Aut non hæc omnia quæ admodum prædixit, eueniunt? Quid quod intimas hominum cogitationes diuinitus sæpe vidit, ad easque mirabiliter responsum accommodauit? Hæc certè tam insignis virtus argumento nobis esse debet, in omnibus eum doctrinæ partibus tradendis verissimè diuinique magistri munus expleuisse.

Hic verò mihi venit in mentem admirari, cùm toties audiant Sectarij, à Christo Domino inter cætera verissimè esse prædictum, hæreticos Christiano nomine palliatos, fuisse futuros; cur non aliquando tandem intelligant, ex eorum omnino se esse numero, atque adeò nihil minus, quàm doctrinam retinere verè Christianam? Neque enim difficile est hunc in modum ratiocinari: Hæretici, quos Christus Dominus prædixit futuros, illi homines omnino sunt, qui cùm opinione quidem sua existimant, atque iactent, se propugnare veram, atque Apostolicam doctrinam; se sequi prorsus sententiam Scripturæ; se in hoc non errare; se esse Christi veram Ecclesiam; alios qui ipsis contradicunt in errore versari, uel Ecclesiam veram esse &c. hæretici, inquam, sunt ij, qui cùm hæc, & similia opinione quidem sua ira de se iactent: eius tamen cæcis auctoritate, & sententia, qui pro Ecclesia Christi vera in orbe vniuerso ante nam controuersiam habitus fuerit, & postea etiam à cæteris omnibus habeatur, hæretici iudicantur. Tales autem prorsus sunt omnes Sectarij, tum Lutherani, tum Cal-

viniani. Igitur omnes illi ex eorum hæreticorum sunt numero (cogor ita loqui propter argumenti consequentiam) quos Christus verè prædixit fuisse futuros. Obsecro, quid in illo quæstionis genere certius concludi potest? Vtrum enim maiorem, an minorem, an consequentiam negabunt? Quid? Diffiteri ne possunt, quin sententia eius cæteris fidelium, qui pro vera Ecclesia ante Lutherum in vniuerso orbe habebantur, & postea etiam à reliquis præter ipsos habentur, hæretici sint indicati? At hoc & sciunt ipsi plus satis, & animo iniquissimo (quod est etiam hæreticorum ingenium) ferunt. An verò negabunt iudicium reliqui orbis terrarum satis esse, ut iure habeantur hæretici? Quorum nam igitur præterea iudicium requiritur, si non sufficit iudicium aliorum omnium præter ipsos? Certè nullum superest nisi iudicium etiam ipsorum. Quid igitur? Hæretici meritò non habebuntur, nisi qui sua etiam sententia propria sint hæretici? Nulli igitur omnino hæretici in Ecclesia Christi vel fuerunt, vel erunt aliquando; falsoque Christus hæreticos aliquos fuisse futuros prophetauit. Quis enim vnquam aut fuit, aut erit hæreticus, qui se ipse etiam hæreticum esse profiteatur? An non etiam Manichæi, Ariani, Pelagiani, & reliqui omnes sine controuerfia hæretici, errare se aut hæreticos esse pernegabant? Nonne, ut meritò haberentur hæretici, iudicium satis fuit reliquorum fidelium cæteris, qui ante controuerfiam communiter ab omnibus pro vera Ecclesia agnoscebatur? Sed de hoc aduersus istos inuicissimò argumento infra nobis reddi oportuè sermo.

XVI. Porro doctrinam omnem à Christo traditam (vt argumento præcedenti concluderemus) esse diuinam, atque verissimam, vel ipse professò in docendo admirabilis modus, atque energia, qua ille ad stuporem vsque maximum auditorum, vti solitus erat, persuadere possit. Quis enim hominum vnquam ita locutus est, vel ille homo? Aut de quo legimus tantum dicendo potuisse, vt turbæ maximæ relicti domibus, ad agros, & ad montes desertos audiendi causa toto triduo, atque etiam oblitæ necessarij cibi, sequerentur? An hoc efficere potuit humana vis, præsertim vani alicuius, & mendacis magistri? Negemus, hæc ita vtarrantur accidisse; & planè barbari tum erimus, qui pari ratione historijs aliarum rerum, quas ipsi non vidimus; nullam debeamus adhibere fidem; vt argumentatur rectissimè D. Augustinus. Sed loquebatur ille fortassis humanæ sapientiæ verbis. Nihil minùs. Imò simplicissima oratione, & planissimis sententijs, ac vulgaribus similitudinibus vsus est. Quo magis est perspicuum illius in dicendo vim fuisse planè diuinam. Beati, inquit in eo sermone, quem ad multas vndique turbas concurrentes in monte habuit, pauperes spiritu: quoniam ipsorum est regnum cælorum. Beati mites, &c.] Quid hæc, & sequenti oratione tota lenius esse potest? Et tamen, [cùm consummasset Iesus omnia verba hæc, admirabantur turbæ super doctrinam eius. Erat enim docens eos sicut potestatem habens, & non sicut scribæ eorum, & Pharisæi.] Nempe homo erat non tantum homo, sed idem Deus. Vnde &

illud etiam, quod producit est, eueniebat, vt quos ipse discipulos deligeret, ad vnam statim eius vocem diuina vi attracti, confestim sequerentur, vt Mattheus, & alij Apostoli. Quod cùm Iulianus, & alij Christiiani religionis hostes, velut leuiter à discipulis Christi factum impie deriserunt; validius etiam nobis hoc argumentum pro fide nostra reddiderunt: si quidem eo ipso agnouerunt tamen, id factum esse, quod nisi diuina Christi docentis, atque vocantis virtute accidisse, non est verisimile.

Iam verò, qui cum illa Christi in docendo moderatione summa, atque puritate, arrogantiam, superbiam, obsecrationem, & procacissimam maledicentiam, quæ est passim in Lutheci aliorumque Sectariorum scriptis, contulerit; sibi ne persuadere poterit, istorum doctrinam de sursum esse, & non potiùs (vt ait D. Jacobus) terrenam, animale, diabolicam? Quæ enim defursum est sapientia, inquit idem Apostolus, primum quidem pudica est, deinde pacifica, modesta, suadibilis; bonis conscientijs, plena misericordia, & fructibus bonis, non iudicans, sine simulatione.] Quibus professò verbis, quod nominatim defuturum esset in huius temporis Sectariorum doctrina, videti non inuisa posset sanctissimus hic Apostolus voluisse describere.

XVII. Omnino autem ex dignitate, atque præstantia Christi, magna mihi videtur pro illius doctrinæ auctoritate ratio duci posse isto modo: Si Christus eiusmodi homo fuit, qui falsò contenderet se Filium Dei naturalem esse, veramque adeo doctrinam diuinam tradere, necesse profus est, cum aut singulari, imò portentosa superbia, & ambitione, aut stulticia, & stupiditate mentis maxima præditum fuisset, qui videlicet dignitatem tantam vel nequiter, vel ignoranter, atque stolide sibi falsò arrogaret. Rursus verò, tam improbus, vel tam stupidus si fuisset, facere aliter non poterat, quin aliquo, vel in vita, & conuersatione peccato, vel in doctrina manifestò errore, nonnullum indicium improbitatis, aut stultitiæ suæ aliquando daret. Ostendit enim impietas, atque insipientia sese; neque latere penitus diu potest. At nemo fuit vnquam, etiam ex inuidiosissimis, & ad omnem cauillandi occasionem intentissimis hostibus, qui aliquod illius, aut dictum, aut factum posset probabiliter [arguere de illo peccato, vel errore: tamen multi falsi testes] ad eam rem diligentissimè quæriti fuerint. Neque ambitione igitur improbus, neque verò insipiens homo fuit. Quod si talis non fuit: non falsò igitur contendit se Dei Filium naturalem esse, veramque doctrinam diuinam tradere.

Cæterum, [quomodo, inquit prælarè D. Augustinus, confidimus, ex diuinis literis accepisse nos Christum manifestum, si non inde accepimus, & Ecclesiam manifestam?] Atqui Sectarij ex diuinis literis nondum didicerunt, Ecclesiam Christi manifestam, omniumque oculis perpetuò expositam esse, vt infra suo loco videbimus. Non igitur, auctore D. Augustino, considerare possunt, ex diuinis se literis didicisse Christum manifestum. Quod si hac fiducia freti esse nequeunt: certè non re, sed nomine tenus Christiani sunt.

XVIII. Et hæcenus quidem eiusmodi argumenta pro auctoritate Christianæ doctrinæ fecimus, quæ per se ipsa satis esse prudentibus debeant, ut animum inducant velle credere. Illud autem nescio, an sit argumentum ijs omnibus maius, quod qui verè Christiani sunt, ita se animo diuinitus affectos esse, quod ad fidem attinet, sentiunt, vt præcipuè quidem propter nullum argumentum, quod vel hæcenus fecimus, vel ratione similiter excogitari possit, sed propter aliud nescio quid, quod alio quodam modo, & longè fortius, quàm vlla argumenta, animis nostris persuadet (est autem id reuera diuinum ipsum testimonium) ad firmiter credendum moueri se intelligant. Hanc experientiam diuini testimonij & sensum, licet per se quidem non, satis sit euidentis; tamen quoniam ab ijs, qui credunt, propemodum clarè percipitur, & ab alijs etiam, indicio quodam, & significatione, in credentibus ipsis animaduerti potest: dico pro multis argumentis esse debere, ad fidem vel constantissimè retinendam, vel etiam de nouo suscipiendam. Etenim quod minimè vanus hic sensus sit, sed diuinus, & solidus, & ex natura ortus supernaturalis fidei, quæ mentem ipsa per se in diuinam reuelationem faciat ita firmiter acquiescere: fructus optimè, atque sanctissimæ vitæ ostendit eorum, qui ad normam Christianæ fidei actiones suas studiosè insistant. Accedit eodem, quod etiam quandoque contingat, vt Angelus Satanæ in Angelum lucis sese transfiguret, hoc est, vt ij qui errant, lucem nihilominus veritatis sibi percipere videantur aliqua ex parte similem (nam profectus similiter eos, atque fideles affici non mihi persuadeo), etiam persentiant, qui verè credunt: tamen non, est vilo modo diuinæ providentiæ consentaneum, vt toti Christi fideles, ac tales, & tam ordinariè, in orbe toto sic illudantur.

Quo ipso argumento, & Lutherus ipse, aliquando, quasi clarissima voce, à conscientia propria in viam reuocabatur, monebaturque verissimè, si voluisset audire, quantopere à recto itinere veræ, Christianæque doctrinæ declinare inciperet. Quærit, inquit ipse, Lutherus, mihi palpitante tremulunj cor, & reprehendens obiecit fortissimum illud argumentum? Tu solus sapi? tot ne errant vniuersi? Tanta sæcula ignorauerunt? Quid si tu erres, & tot tecum in errorem trahas damnandos æternaliter? Infelicissimum verò te mortaliu omnium, Luthere, quod non tunc audieris, quid Dominus, secundum magnam misericordiam suam, cum nondum esses consumptus, in te loqueretur. Quid enim ad fortissimum illud argumentum, vt ipse appellas, quo & sanctissimi olim Ecclesiæ Patres ad sese, & alios confirmandos, vt infra videbimus, vti solebant, respondere poteras? Tandem, inquit, confirmauit me verbis suis Christus, vt iam non tremat, nec palpitet, sed insultet cor meum his Papisticis argumentis. Atqui ab Angelo potius Satanæ in ista tua oblatione, Luthere, obfirmatum auge te, illud ipsum fortissimum argumentum, à tanta aliorum auctoritate, & fama, Catholici nominis, vt Augustinus inquit, admodum celeberrima, certissimè concludebat. Sed scriptum est: [Impius cum in pro-

Tcm. X.iii.

fundum peccatorum venerit, contemnit.] Ad eos verò omnes, qui Lutheri, aliorumque Sectariorum fraudibus irretiti tenentur, clamant adhuc Dominus, & vel hoc ipso horribili exemplo obstinationis Lutheri monet, vt [magnum ipsi, sicut in simili causa D. Cyrillus ait, profectum faciant à peccatis aliorum, querantque, vt Augustinus grauissimè inquit, Christianam religionem in Ecclesiæ Catholicae communione, quæ Catholica est, & Catholica nominatur, non solum à suis, verum etiam ab omnibus inimicis.]

XIX. Concludam ad extremum hunc locum, si de ratione vna breuissimè dixerò, quæ iure etiam optimo ad consolationem vsurpari, ac repeti memoria potest. Vt maximè enim argumenta singula, quæ fecimus, tantam vim non haberent, vt vnuquodque per se mouere debeat, quanquam nullum est omnino quod non sit maximum, certè in omnibus simul ingens est pondus: si non vt constet euidenter Christianam doctrinam esse veram; certè vt euidenter intelligamus, eam quamuis per se non sit euidentis, esse tamen fide, & assensione prudentum dignissimam: quod sine hoc quidem, certè vt error, atque ignorantia, si quæ in assentiendo Christianæ doctrinæ esset, est autem in ea re potius summa, verissimamque sapientia, omni culpa, & reprehensione vacaret. Quid enim vnquam de rebus non, euidentibus sine culpa creditum est, si credere, quæ Christiana tot, tantisque argumentis confirmata docet, culpa non vacat? Aut quomodo in extremo illo iudicio Deus propter studium, professionemque Christianæ religionis condemnare nos poterit, quam tot modis vel ipse probauit, vel certè probari se permisit, vt nisi planè desipimus, nulla religio alia, ac multò iunius contemptus omnis religionis vel gratus Deo ipsi, vel rectè rationi conueniens esse videtur nobis possit? Nunquam igitur laudari satis illa cuiusdam oratio ad Deum poterit: Domine, si decepti sumus, tu nos decepisti. Quæ mihi vox, & verissima, & consolationis plenissima, & prorsus eiusmodi videtur, quam omnibus portis inferorum in negotio fidei confidentissimè opponere possimus. Neque enim video, vt assentiamur Christianæ doctrinæ, quid vehementius mouere nos possit, quàm quod intelligimus, vt explicatum est, eam aut omnino esse veram, aut sine culpa prorsus veram à nobis iudicari.

Hac verò consolatione, cum (vt argumentis etiam ipsis, hæcenus pro Christiana doctrina factis) destituantur omnes Sectarij; nihil eis, dum ad regiam viam Ecclesiæ Catholicæ non redeunt, nisi vt planè desperent, superesse video.

Quæ cum ita sint, apparet eos, qui Christianam doctrinam complectuntur, nequam indoctas fabulas sequi, sed testimonijs eiusmodi niti, quæ verè sunt, vt Psalmista loquitur, credibilia nimis. Deinde intelligitur, quamcumque aliam religionem à Christiana differrentem, indignam esse prorsus cui adhibeant fidem prudentes. Iisdem enim argumentis vtunque conuincitur: videlicet & nostram fidem credi prudenter, & quæ cum ea pugnant, prudenter credi non posse. Primum, quoniam id ipsum inter cætera docet

H nostra

nostra fides, quæ in vniuersum, vt probatum est, vera docet. Tum etiam, quoniam vt repugnantes doctrinæ prudenter credantur, fieri per se quidem non potest: id est, si vtriusque partis argumenta satis cognita sint, & inter se benè conferantur. Quod ob eam rem ita dico; quoniam propter ignorantiam fieri, ex accidenti potest, vt quis, antequam rationes, & argumenta nostræ fidei percipiat, haud imprudenter assentiat doctrinæ pugnantem cum ijs fidei nostræ articulis, qui sunt supra captum naturalis rationis. Itaque hoc euincunt euidenter argumenta nostræ fidei, qui argumenta hæc percipiat, hunc neque posse prudenter credere, quod pugnet cum nostra fide, & prudentissimè facturum si complectatur illam, quoniam omnino nulla religio est, aut fuit vnquam ita probata, sicut est nostra. Ex qua re etiam illud intelligi debet, iure hominibus impositum esse diuinitus præceptum credendi; siquidem prudenter, ob ar-

gumenta iam explicata, possunt hoc facere, quamuis fidei doctrina non sit ipsa euidentis, Quod erat igitur nobis primo loco argumentis docendum, id satis, vt arbitror, ostensum est: nempe necesse omnino ad salutem esse, firma fide credere doctrinam à Christo traditam esse veram. Quoniam id ipsum hæc doctrina tradit, quam probauimus esse in vniuersum fide dignam, & veram. Quod ipsum tamen, vt initio etiam monui, potius propter diuina testimonia, & reuelationem, quæ lateet, quàm propter vlla argumenta, persuasum habemus. Sed argumenta efficiunt tamen, vt animum inducamus propter diuinam reuelationem, atque testimonium, velle adiuvante Deo, credere: vt initio declaratum à nobis est. Deinceps in confirmatione eorum assertionum, quæ sequuntur, auctoritate, quoque Christianæ doctrinæ, atque adeò Scripturæ sanctæ, quam argumentis hæcenus asseruimus, ad probandum vti licebit.





P A R S S E C U N D A.

Non satis ad salutem est credere in genere vniuersam doctrinam esse veram, nec etiam omnino sufficit aliqua doctrina præcipua capita in specie tenere, sed simul quoque necesse est, nihil falsi determinatè quod in aliqua fidei questione cum vera sententia doctrina Christiana pugnet, pertinaciter credere.



Vult, ut intelligo, non pauci, qui posteaquam Sectariorum fraude ab Ecclesia Catholica abducti, nullo se firmo fundamento ad veritatem in tanta doctrinarum veritate cognoscendam niti possent, nisi ad Ecclesiam redeant, animaduertunt: perniciosissima opinione conscientijs exulceratis mederi, & desperationi, à qua non longè absunt, obistere student. Sibi enim persuadent, modò aliquis Deum, & Christum, & præcipua fidei capita fateatur; nihil interesse præterea quid credat, aut quorum disciplinam sequatur, ut adipiscatur salutem. Aduersus quem errorem, assertio iam posita confirmanda est, ut ordinem, etiam, quem initio nobis proposuimus, persequamur.

Probatio Prima.

AC primùm quidem demonstrati, hæc assertio potest hoc modo. Si de aliquibus omnino fidei capitibus contra sententiam veram aliorum Christianorum, quod velis credas; non vna, & eadem fides erit apud te, quæ est apud verè Christianos omnes, sed alia diuersa: non enim id ipsum quod alij sapiens, nec in eadem permanens regula, sicut ad vnitatem fidei requirit Apostolus. Si autem non vna & eadem fides est apud te, quæ sit etiam apud verè Christianos omnes; non habebis fidem Christianam; hæc enim vbiq̃ue est vna, sicut vnum Baptisma. Si autem Fidem Christianam non habebis; Deo gratus esse non poteris. Sine fide enim (vtique Christiana) inquit Apostolus, [impossibile est placere Deo.] Quod si Deo gratus non eris; certè nec poteris saluus esse. Igitur, ut hoc vltimum ex primo concludamus, si quod velis credas, nequaquam poteris consequi salutem. Hoc certè probationis solum quini, ex parte ferreum est, neque potest disrumpi vllò modo.

Tom. I. III.

Probatio Secunda.

DEinde. Nemo hæreticus, nemo Sectarius, nemo incredulus, nemo falsus propheta, aut magister mendax, aut lupus rapax, docens peruersa, &c. nisi antemortem resipuerit, salutem consequi poterit. Hoc enim manifestè Scriptura declarat, cum vniuersè de ijs omnibus absque vlla, vel personarum, vel erroris (qui quidem cum doctrina fidei pugnet) exceptione hunc in modum pronunciat: [Docete omnes gentes. Qui non crediderit (non dicit, hoc aut illud, sed absolute, qui non crediderit) condemnabitur. Attendite à falsis Prophetis, qui sunt lupi rapaces, &c. Obseruetis eos, qui dissensiones, præter doctrinam quam vos accepistis, faciunt, & declinate à illis. Huiusmodi enim Christo Domino nostro non seruiunt. Doctrinis varijs, & peregrinis nolite abducì. Hæreticum hominem post vnam, aut alteram admonitionem deuita, quoniam est proprio iudicio condemnatus. Si quis vobis euangelizauerit, præter id quod accepistis, anathema sit. Si quis venit ad vos, & hæc doctrinam non afferit, nolite recipere, nec aus ei dixeritis. Manifesta sunt opera carnis, fornicatio, inuidia, dissensiones, scdæ, &c. Qui talia agunt, Regnum Dei non possidebunt. Erunt in vobis magistri mendaces, qui introducent scdās perditionis, superinduentes sibi celerem perditionem.] Nunc ne sim sententijs similibus recensendis prolixior, ita rationem concludo; Omnis qui obstinatè, & contumaciter contra veram fidei sententiam arbitrato suo aliquid omnino credit, est hæreticus, infidelis, incredulus, Sectarius; atque etiam, si alios quidem doceat, falsus propheta, magister mendax, lupus rapax, &c. Igitur cum nemo qui est talis, salutem consequi possit, ut probatum est; nemo quoque poterit consequi salutem, qui pro libito contra sententiam fidei aliquid obstinatè, & contumaciter credat.

H 2

Pro-

Probatio Tertia.

Sed & contra eos etiam, qui arbitrentur vnumquemque non prorsus Atheum (sive is Christi doctrinam recipiat, sive non recipiat) secundum sectam viuendo suam, modò nihil contra conscientiam admitteret, saluari posse: licet nobis etiam, absque testimonio Scripturæ, huiusmodi sanè firma re- & rationis argumentatione vti. Si quilibet secundum sectam suam salutem consequi potest; causam necessariò erit, quia vel omnes omnino sectæ, quæ possint esse, placent atque probantur per se ipse Deo: vel quia omnes qui sectis addicti sint, excusari per inuincibilem ignorantiam poterunt: vel certè quia ipsa opinio, quantumcumque vincibilis, omnes excusabit, qui secundum conscientiam suam, id est, congruenter cum eo quod ipsi putant, viuunt, & sentiant. Sed neque omnes sectæ per se placent Deo: neque omnes qui sectis addicti sint, excusari per inuincibilem ignorantiam poterunt: ac multò etiam minus opinio qualiscunque, si sit vincibilis, excusabit. Igitur non omnes secundum quamlibet sectam salutem consequi poterunt.

Iam confirmo singula. Ac primùm, non omnes certè sectas per seipsas probari Deo, planissimum est. Nam cum pleraque opinionis differentium sectarum, atque adeò etiam nata ex opinionibus actionum studia, oporteat inter se pugnare: fieri nequit, vt quilibet sectæ per se sint diuinæ voluntati consentaneæ. Inde enim (quod est perabsurdum) sequeretur, eundem ipsum Deum auersari, quod approbat, & idem vetare, quod sibi tamen placet. Etenim ex omnibus contrarijs, ac repugnantibus actionibus necesse est quædam esse, cum recta ratione congruentes, ac proinde probari, vel etiam imperari à Deo: eas autem quæ ex contrario his repugnant, necesse est item esse hoc ipso à recta ratione auersas, ideòque peccata, Deo inuisa, ab eoque prohibita. Itæ si opiniones omnes, & actiones quarumlibet sectarum diuinæ voluntati consentaneæ sunt: cum quædam ex illis, vt ostensum est, Deo sint exosæ, & ab eo prohibitz: consequetur, vt dicebamus, aliquid auersari Deum, quod ipse tamen approbet, & id ipsum vetare, quod sibi tamen placet. Accedit quod si proprius etiam disciplinas inspicimus earum sectarum quarum notitiam tenemus, vt Gentilium, Iudæorum, Turcarum, hæreticorum; in singularis prauos errores, atque adeò actionum instituta, peruersissima facillè animaduertimus, quæ esse quidem media salutis consequendæ, ipsi gratæ Deo, neque cogitari sine summo scelerè, neque dici sine atroci blasphemia potest.

Iam verò quod per inuincibilem ignorantiam aliqui quandoque excusentur, fieri quidem potest: vt autem ita excusentur omnes, non est vilo modo probabile. Quis enim credat, omnino nullos esse ex omnibus Sectarijs, qui & idoneo indicio præditi sunt, & opportunitatem aliquando habeant, ad cognoscendum veritatem? Quod si multis, vt sanè sit, facultas hæc suppetit: multi profectò possunt vera scientia comparanda viuere

ignorantiæ errorem. Quare non omnes Sectarij ignorantia inuincibili excusabuntur.

Multò etiam minus ipsa opinio falsa excusabit (nam hoc erat in partitione nostra, postremum) si voluntaria sit, hoc est, si in ea peruicaciter persistas, cum veritatem cognoscere bene possis. Inest enim vel maxime in ipsis, etiam prauis opinionibus, cum alioqui deponi possunt, turpitudò: à qua proinde non magis honestari opus aliquod improbum potest, quam illustrari, v. g. obscuro locutus à tenebris. Itaque & hæresis, cum error ipse sit peruersus de rebus diuinis opinionis, peccatum est maximum: nec ipsis etiam præfici Philosophis, qui modo rationem sequerentur, ignotum fuit, summam esse impietatem in falsis, atque improbabilibus sententijs de Deo. Denique nullum omnino esset peccatum in falsi cultus superstitione, si opinio ipsa falsa per se, tum etiam cum deponi potest, à peccato excusaret. Quis enim in eo genere delinquit, qui non falso arbitretur obsequium se præstare Deo? Ergo falsa opinio, cum est quidem voluntaria, & vincibilis, non modò non omnes Sectarios, sed ne vllum quidem à peccato excusare ipsa potest. Quod quidem non modò ratio recta, vt ostensum est, docet, sed etiam Scripturæ diuina confirmat multis in locis.

Huc accedit, quod si maxime vel inuincibilis ignorantia, vel opinio qualiscunque eos omnes, quod fieri non potest, à peccato excusaret, qui sectis quibuscunque dediti sunt: tamen inde non statim consequitur, vt quisque possit secundum sectam quamlibet adipisci salutem. Namque vt salutem consequaris, satis tibi non est, vt à peccato in prauis alioqui actionibus excuseris: sed præterea etiam necesse est, vt aliquibus medijs consequendæ salutis, per se rectis, & diuina prouidentia ad eam rem institutis, vtare. Cuiusmodi sunt, fides, pœnitentia, &c. Vt enim Deus ipse hominibus præstituit finem, vltimum, id est, summam beatitudinem: sic etiam ad ipsum pertinuit media, etiam aliqua, & bona, & necessaria constituere ad perueniendum in eum finem. Quod si terminum tantum, & non etiam viam hominibus ostendisset, non illius esset prouidentia perfecta. Non est autem consequens, si per ignorantiam, aut opinionem in prauis actionibus à peccato excusaris, vt etiam vtaris eiusmodi medijs, quæ per se sunt bona, & necessaria ad salutem. Quoniam igitur, vt demonstratum est, neque omnes sectæ per se placent Deo: neque omnes Sectarij per ignorantiam inuincibilem, aut opinionem excusabuntur: nec, si maxime excusarentur, ideò futurum esset, vt omnes adhererent medijs per se necessaria ad salutem: periculum est, eos desipere, qui in vniuersum omnibus, secundum quamlibet sectæ disciplinam, salutem pollicentur.

Probatio Quarta.

Longe verò secus sanctissimi, & eruditissimi Patres arbitrati sunt, qui vel si minimum aliquid contra fidem crederetur, eo ipso fidem, atque salutem amittere constanter tradiderunt. Ita enim scriptura reliquit Bea-

tus Gregorius Nazianzenus: Nihil, inquit, periculosius his haereticis esse potest, qui cum integrè per omnia decurrant, vno tamen verbo, tanquam veneni gutta, veram illam, ac simplicem fidem Dominicam, & exinde Apostolicam traditionis, inficiunt. Ac Diuus Hieronymus, ubi de Origenis erroribus agit, disertis verbis affirmat, [propter vnum etiam verbum, aut duo, quæ contraria essent fidei, multas hæreses eiecitas esse ab Ecclesia.] Hinc quoque D. Basilii apud Theodoretum: [Qui sunt, inquit, in sacris literis educatione vnam quidem syllabam diuinorum dogmatum, prodi sinunt, sed pro istius defensione, si opus sit nullum non mortis genus libenter amplectuntur.] Atque ideo etiam Diuus Augustinus haereticum hominem, & ab Ecclesia alienum ita describit: [Qui in Ecclesia, inquit, Christi, morbidum aliquid paruumque sapiunt (non dicit, qui de omnibus doctrinæ partibus prauæ sentiunt; sed: Qui morbidum aliquid,) si correpti vt sanum rectumque sapiant resistunt contumaciter: haeretici sunt, & foras exeuntes habentur in inimicos.] Et præclare hoc idem ante Augustinum ita confirmauit Diuus Cyprianus: [Neque enim, inquit, Dominus nollet Iesus Christus, cum in Euangelio suo tætaretur, aduersarios suos esse eos, qui secum non essent, aliquam speciem hæreses designauit; sed omnes omnino hæreticos, qui secum non essent, & secum non colligentes gregem suum spargere, Aduersarios suos esse ostendit, dicens: Qui non est mecum, aduersum me est, & qui mecum non colligit, spargit. Item Beatus Ioannes Apostolus, nec ipse vllam hæresim, aschisina discreuit, sed vniuersos qui de Ecclesia exissent Antichristos appellauit, dicens: Audistis, quia Antichristus venit, nunc autem Antichristi multi facti sunt. Ex nobis exierunt, sed non fuerunt ex nobis. Si enim fuissent ex nobis, mansissent vtique nobiscum. Vnde apparet, Aduersarios Domini Antichristos omnes esse, quos conser, à charitate, atque ab unitate Ecclesiæ Catholicæ recessisse.] Nec quid quam potest ad hanc rem illa D. Athanasij sententiâ proferri clarius: [Quicumque vult, inquit, saluus esse, ante omnia opus est, vt teneant fidem Catholicam, quam nisi quisque integram inuiolatamque serauerit, absque dubio in æternum peribit.] Sic ille in fidei symbolo, quod ad Aduersarios, etiam obtinuit auctoritatem. Quod enim ibidem Athanasius subiungit:

[Fides autem Catholica hæc est, &c.] non, significat, illos dumtaxat articulos, quos de mysterio sanctissimæ Trinitatis, atque Incarnationis commemorat, continere in vniuersum ipsam fidem integram: sed eos certe, vel maximè etiam ad fidem integram pertinere: id quod ibi Diuus Athanasius ex instituto agebat. Itaque si quis negaret, v. g. Baptismum esse Sacramentum, vel aliam eiusmodi sententiam fidei sine controuersia certam, neque tamen ab Athanasio propositam in eo symbolo; in æternum profectò, ex mente quoque sententiaque Athanasij, esset periculus, cò quòd fidem integram non seruaret.

Quæ cum ita sint, non est profectò, cur sine illa fide vndequeque incorrupta, atque integra, quam Apostolus sperandarum substantiarum rerum, hoc est, quasi basim, atque fundamentum spei vitæ æternæ, esse, verissimè definiuit, salutem sibi quisquam apud Sectarios polliceatur. Neque enim aliquis vllam excusationem perfidia suæ ob difficultatem inueniendæ sincerissimæ veritatis pretendere poterit, [cùm facillè alioqui sit (inquit præclare Diuus Irenæus) veritatem ab Ecclesia fumere, nempe in quam, tanquam in depositorium diues, plenissimè Apostoli contulerunt omnia quicunque sunt veritatis, vt omnis, quicumque velit,umat ex ea potum vitæ. Hæc est enim, inquit, vitæ introitus, omnes autem reliqui, fures sunt, & latrones: propter quod oportet deuitare, quidem illos. Quæ autem sunt Ecclesiæ, cum magna diligentia diligere, ab eaque accipere veritatis traditionem.] Ac sanè mhi Diuus Augustinus non modò Honoratum Manichæum, cui illi scribebat, sed etiam vnumquemque eorum, qui in indaganda nunc veritate extra Ecclesiam Catholicam inani labore se defatigant, saluberrimis illis verbis adhortari videtur: [Si iam, inquit, satis tibi iactatus videris, finemque huiusmodi laboribus vis imponere, sequere viam Catholicæ disciplinæ, quæ ab ipso Christo per Apostolos ad nos vsq; manauit, & ab hinc ad posteros manatura est.] Sed quemadmodum, sola Ecclesia Catholica Romana, legitima sit Christi Ecclesia, in qua veritas incorrupta doctrinæ, iuxta istorum sanctissimorum Patrum, vel potius ipsius Christi præceptum, querenda sit, suo loco postea demonstrabitur. Nunc ad ea, quæ sunt nobis deinceps proposita, progrediendum est.



P A R S T E R T I A.

Dubitandum non est, quin aliqua exstet auctoritas ad iudicandum de fidei controuersijs omnibus, infallibilis, per quam in omni determinata quaestione cognoscere fideles omnes commodè possint, qua sit Christi verissima sententia, & doctrina.



Hæc etiam assertio præcipue propter rem ipsam, & vt ex ordine proposito in veritate indaganda progrediamur, breuiter admodum confirmari debet. Et quidem putare quis posset, de hac assertionem, sic generatim posita, nullam nobis cum vllis Sæctarijs esse controuersiam: Sed cum ab omnibus, qui volunt haberi Christiani, constitutum sit (& certè verbis nemo id apertè negat) esse aliquam auctoritatem, à qua possimus in omni quaestione discere, Christi sententiam; illud tantummodò, de quo in sequentibus agemus, controuerti; cuiusmodi omnino, & qualis sit hæc auctoritas. Cæterum talem hanc auctoritatem esse contendunt Sæctarij, vt nullam reuera (quem admodum infra videbimus) eiusmodi, asserant, quæ ad omnes omnino fidei quaestiones satis fidelibus esse possit. Itaque vt id firmemus, quod non tam illi verbis latentur, quam re ipsa negant, & quia per se quoque id proderit ad confirmandum animos; non alienum, ab iustituto erit monstrare hic breuiter eorum rationum capita, quæ cum primis doceant, eiusmodi auctoritatem aliquam, ad omnes fidei quaestiones sufficientem, esse oportere: maximè cum ex ipsædem ipsi rationibus firma deinde argumenta ducturi simus ad demonstrandum præterea contra Sæctarios, quæ etiam & qualis eiusmodi auctoritas esse debeat.

Probatio Prima.

ERgo prima eius rei ratio hunc in modum à diuina prouidentia ducitur: Nisi talis aliqua exstaret auctoritas, magistra doctrinæ fidei, non satis esset à Deo prospectum hominibus de necessarijs rebus ad salutem æternam comparandam. At satis in eo genere illi prospectum est. Exstat igitur talis aliqua auctoritas. Et quidem quod satis superque Deus hominum saluti prouideat; vique ad eam Scripturæ sacra euidenter tradit,

vt ab ea etiam erga homines prouidentia, quasi cognomen quoddam Deum suscepisse significet. Nam ideo vocatur Deus saluos faciendi; quia quæ præsidia ad salutem necessaria sunt, assatim suppeditat hominibus. Quod autem minimè satis prospectum hominibus esset, nisi exstaret aliqua certa auctoritas magistra fidei, indè patet, quod Scriptura diuina multis in locis docet, rectam ex omni parte fidem de diuinis rebus ad salutem nobis necessariam esse. Hanc autem fidem, animalis homo per se non percipit, idest, nequit rationis humanæ viribus assequi ipse per se, sed eam necesse est, discat. [Stultitia enim est illi doctrina fidei, & non potest intelligere.] Quod si discere, quæ sunt fidei oportet, alicundè discere profectò oportet. Quare aliquam exstare auctoritatem magistram doctrinæ fidei, quæ de rebus in eo genere dubijs omnibus, docere verè possit, necesse est.

Itaque præclare ob hanc rationem Diuus Augustinus: [Si Dei, inquit, prouidentia non præsidet rebus humanis, nihil est de religione satagandum. Sin autem præsidet, quod pulchre Augustinus isti ostendit, non est, inquit, desperandum, ab eodem ipso Deo auctoritatem aliquam constitutam esse, quæ velut gradu certo nitentes, attollamur in Deum.] Id confirmat etiam verissimè illa sententia, quam ibi paulò ante posuerat Augustinus. [Sola est, inquit, auctoritas quæ commouere possit stultos (hoc est, adhuc ipsius rei ignaros) vt ad sapientiam festinent.] Quod Augustini dictum, si in vilo genere locum habet, maximè certè in fidei religionisque negotio, in quo vel ipsa mundi sapientia stultitia est, si auctoritate neglecta inuestigare ratione vellet diuina mysteria.

Probatio Secunda.

SEcondò. Mens nostra non modò natura sua imbecilla est, & omnino impar viribus, vt ipsa per se necessariam doctrinam fidei peruestigare possit; sed in ea ipsa doctrina, tum etiam cum reuelata nobis dininitus est,

est, quàm facillimè hallucinatur, & aberrat. Cuius rei partim causa est exiguitas nostri luminis, partim maiestas doctrinæ fidei, nempe quàm, eo quòd supra naturam est, nunquam satis ratione, ac mente complecti possumus. Quæ ratio est, quàm ob rem in ipsa etiam Ecclesia, ubi lucet splendidissimè fides, necesse tamen sit, oriri quandoque hæreses, ut & Apostolus dixit, & plus satis experientia docet. Id cum ita sit, auctoritatem aliquam exstare oportuit, cuius magisterio singuli, nisi velint esse nimium cæci, in vera doctrina retineri, ac ad eam reuocari possint.

Probatio Tertia.

Tertio. Hæc est fidei ratio, [ut argumentum sit rerum non apparentium;] id est, cognitio non euidens, sed quæ nitatur testimonio, & pariatur ex auditu. Quæ autem res obscure isto modo sciuntur, eas necesse est, alicuius auctoritatis indicio, atque assueuatione discere. Quia igitur cuncti fideles possunt, atque debent in omni questione fidei falsum repudiare, & quod verum est, Christique doctrinæ consentaneum credere; consequitur, aliquam auctoritatem exstare, per quam fideles vniuersi in quacunque controuersia fidei possint ita doceri, ut falsum respuant, verum amplectantur.


Probatio Quarta.

Quarto. Cognitio, quæ cum obedientia quadam mentis in assentiendo coniuncta est, aliqua nititur auctoritate magistra, cui sit in hoc genere obediendum. Talis autem est omnis cognitio fidei. Exstat igitur aliqua talis auctoritas, quæ fidei veritatem in omni questione doceat. Maior probatio-

ne nulla indiget. Minor occurrit passim in Scriptura Apostoli. Nam non alia causa est, quam obrem ipsa etiam fides obedientia quædam nominari solet; contra verò hæresis, aut obstinatio aduersus fidem, inobedientia; nisi quia necesse est in credendo obedire, [Gratias autem Deo, inquit Apostolus, quod fuistis serui peccati, obedistis autem ex corde in eam formam doctrinæ in qua traditi estis.] [Sed non omnes, inquit alibi, obediunt Evangelio,] id est, non omnes credunt. Ideo enim subiungit: [Isaias enim dicit; Domine, quis credidit auditui nostro?] Idem rursus: [Quis, inquit, vos fascinauit non obedire veritati?] Atque etiam de hæreticis communes faciens Titum ob eam rem affirmat, [Episcopum amplecti oportere sermonem fidelem: quoniam sunt, inquit, multi inobedientes, vaniloqui, & seductores &c.] Hæ sententiæ, & aliæ, quæ sunt similes, perspicuè indicant, aliquam eiusmodi auctoritatem esse, cui velut magistrem in omnibus fidei questionibus oporteat in assentiendo obedire; uti dictum est.

Probatio Quinta.

Quinto. Nulla potest oriri de aliqua fidei questione hæresis, quæ non possit, ac debeat in Ecclesia damnari, & reijci, dicto anathemate eius auctoribus. Absolutè enim pronunciat Apostolus: [Si quis vobis euangelizauerit, quidquid illud sit, præter id quod accepistis, anathema sit.] At hoc minime fieri posset, nisi auctoritas exstaret aliqua, quæ in omni questione de rebus fidei excitata certò doceret, quid rectè fidei consentaneum sit, & quid eidem repugnans. Sed nihil necesse est amplius dilatare hoc loco probationem, quare ad alia progrediamur.





P A R S Q V A R T A.

Auctoritas illa, quæ extat adiudicandum de fidei controuersijs omnibus, infallibilis, non est tantum diuina, neque tantum humana, sed humana diuinitus inspirata.



On esse purè humanam eam auctoritatem, cuius magisterio in omni fidei questione sententia Christi cogoscenda sit, satis liquet ex demonstratione præcedentis assertionis. Nam planum fecimus, humani vires ingenij esse minores, quàm vt quicumque valeat per se doctrinam fidei sine errore percipere alijque tradere. Quod verò neque purè diuina sit eiusmodi auctoritas, id est, quod non absque alicuius humanæ auctoritatis ministerio Deus ordinariè doceat per se (vt nonnulli Sectarij ex Anabaptistarum factione somniauerunt) facile quoque probatur his argumentis.

Probatio prima.

Primò. Scriptura docet, fidem oportere primùm concipi ex auditu: Deinde fouendam atque conservandam eam esse (obedientia erga præpositos, qui nos docuerunt verbum Dei: petendam ex ore sacerdotis: discendam à Pastoribus, & doctoribus, quos posuit in Ecclesia Deus, vt non circumferamur omni vento doctrinæ, &c.) His autem, & alijs externis adminiculis quid opus erat, si Deus per se ipse, quæ sit in omni questione recta fides, docere voluisset?

Probatio secunda.

Secundò. Deus non eo modo docet nos ordinariè veram fidem, quo modo de rebus fidei ordinariè nobis non loquitur. Etenim docet vtiq; loquendo. At nobis de doctrina fidei per se ipse ordinariè non loquitur, sed per os Sanctorum, qui à seculo sunt, Prophetarum eius; atque etiam per os Ecclesiæ, in quo posuit ipse, & manere perpetuò voluit suum verbum. Non igitur per se ipse eiusmodi rebus ordinariè nos docet.

Probatio tertia.

Tertiò. Si singulos ipse per se solus docet; quamquam obsecro ratione hoc facit? Do-

cet ne illos, ita vt nequeant omnino ipsi falli dum putant se aliquid didicisse ex Deo? An verò permittit eos in eiusmodi iudicio quandoque decipi? Primum dici nullo modo potest. Nam extra controuersiam est, omnibus temporibus fuisse, & iam etiam esse per multos hæreticos, qui falsò sibi persuadeant eam esse diuinam doctrinam, quæ pugnat cum sententia diuina. Quod si Deum illo altero modo docere omnes dicas, scilicet ita, vt nihilominus quiuus decipi possit existimando id se discere ex Deo, quod ipse fingit errore proprio: certè nondum erit ea ratione satis hominibus prouisum, vt veram in omnibus controuersijs fidem primùm dignoscere, deinde completi, ac retinere possint. Quid enim proclius, quàm in illo iudicio falli, si in eo falli possumus? Spiritus est Deus, ideoque spiritualiter, ac latenter ipse mentibus humanis loquitur (loquitur eis autem, cum vult efficaciter, vt hoc aut illud intelligant, ac sibi persuadeant) nec oculis euidenter cernitur, vt facile animaduertere possis vtrum id audias, quod ille in te loquatur, an quod dicit tibi spiritus tuus, vel certè spiritus Satanæ, qui se in Angelum lucis persæpe transfiguratur. Huc accedit, quod nihil interest, vtrum fidem dicas vnicuique ex proprio ingenio cognoscendam esse; vel ex magisterio solius Dei, qui tamen verum aliquid ipse doceat, necne, vnusquisque ingenio proprio, & fallibiliter dijudicare debeat. Nam ex ea parte singulis erit æquè faciliè in doctrina fidei errare, atque si fallibiliter ipsos, sine magisterio peculiari Dei, dijudicare oporteret doctrinam fidei. Quibus igitur rationibus constat, homines præter vim ingenij sui, aliqua auctoritate externa infallibili indigere, vt vera fide salutem consequi possint; iisdem efficitur, eam auctoritatem non esse solius Dei per se ita docentis, vt homines in doctrina diuina percipiendâ, quemadmodum sit, falli possint.

Probatio quarta.

Quartò. Cum ab ipso Deo in Scriptura sacra ij reprehendantur, qui de rebus diu-

diuinis ea, & sentiunt, & docent, quæ ipsi propriè, ac singulariter veniunt in mentem: numquid aliquid ad excusationem eos inuauit, quod id faciant prætextu diuinæ doctrinæ, quam ipsi singulariter, ac propriè diuinitus se accepisse iactent? Minime verò. Hic enim ipse prætextus est, qui cum primis in Scriptura sacra redarguitur. Nam, [Væ, inquit, Prophetis insipientibus, qui sequuntur spiritum suum, & nihil vident. Dicunt: Ait Dominus: cum ego non sim locutus.] Et rursus: [Nolite audire verba Prophetarum, qui prophetant vobis, & decipiunt vos. Visionem cordis sui loquuntur; non de ore Domini.] Et: [Falsò Prophetæ vaticinantur in nomine meo. Non loquutus sum ad eos. Visionem mendacem, & diuinationem fraudulentam, & seductionem cordis sui prophetant vobis.] Item ipse magister noster Christus: [Attendite à falsis Prophetis.] Et: [Si quis vobis dixerit, Ecce hic est Christus (id est, hæc est diuina Christi doctrina) ecce illic, nolite credere.] Iam verò cum duplex causa esse possit, cur tam seriò, ac grauiter moneamur priuatos huiusmodi prætextus diuinæ doctrinæ fugere; vna, quia per se, quod ad rem, ipsam attinet, sint falsi; altera, quòd priuati & singulares sint, eoque ipso abhorreant à consilio Dei, qui ordinariè non priuati, singulos, sed per communem aliquam regulam omnes docere soleat: profectò causa hæc posterior, est eius admonitionis ratio præcipua. Pauci enim admodum sunt, qui diiudicare de re ipsi possint, vtrum ea doctrina, quæ tamquam diuina proponitur, vera sit an falsa. Et tamen omnes communiter eiusmodi priuatos spiritus, atque doctrinas iubentur auerari: quoniam nemo est, qui non faciliè vel per se, vel alieno auxilio discernere queat num dogma, quod proponitur sit proprium, ac singulare alicuius, an verò per communem aliquam auctoritatem, & regulam in Ecclesia traditam.

Quod igitur ordinariè Deus per se solus ac priuati vnumquemque non doceat, ex dictis satis perspicuum esse videtur. Itaque præclare D. Augustinus: [Veritas, inquit, tua Domine, nec mea est, nec illius, aut illius; sed omnium, quos ad eius communionem publicè vocas: territorialiter admonens nos, vt nolimus eam habere priuatam, ne priuemus ea. Nam quisquis id, quod tu faciendum omnibus proponis, sibi propriè vendicat, & summè eius vult, quod omnium est, à communi propellitur ad sua: id est, à veritate ad mendacium.] Sic Diuus Augustinus. Ac ob id etiam B. Iræneus iure hæreticos est inuectus sui temporis, [quod singularitate dogmatum se ipsos prædicarent, ac veritatis deprauarent regulam.] Tum illud à Tertulliano rectè hæreticis exprobatum est, [Idem, inquit, licuit Valentianis, quod Valentino, idem Marcionitis, quod Marcioni: de suo ingenio fidem innouare.] Et à veritate ipsa dictum est, diabolum etiam, cum mendacium loquitur, ex proprijs loqui: qui tamen diuinæ doctrinæ prætextu, & ipse vius est: inueniens, scriptum est enim, &c. Ergo, de fidei rebus quocumque prætextu ex proprijs sibi loquendum putant, ij ex parte sunt diabolo.

Tom. XIII.

Quod si neque purè diuina, sine communi aliò medio, est illa auctoritas infallibilis, quæ in omni quæstione nos doceat, vt ostendimus hætenus; neque etiam purè humana, vt præcedente capite probatum est; non est nobis opus alia propria probatione, vt quod in hoc loco agimus, persuadeamus; esse scilicet illam auctoritatem quasi ex vtraque compositam atque mediā, nempe humanam diuinitus inspiratam. Bonus enim, ac firmus est hic syllogismus. Oportet auctoritatem illam, in determinandis omnibus fidel quæstionibus infallibilem, aut purè diuinam, aut purè humanam, aut humanam diuinitus inspiratam esse. (Nemo enim est cui probare nunc oporteat, non esse Anglicam.) Non est autem, vel purè diuina, vel purè humana, vt probatum est. Est igitur humana inspirata diuinitus.

Et sanè cum omnes penè Sectarij eam auctoritatem sola Scriptura sacra contueri contendunt, fateri eos necesse est, humanam, diuinitus inspiratam, illam esse. Homines enim ij sunt, qui spiritu sancto inspirati, sunt nobis in Scripturis loquuti. Sed an rectè Scriptura sola eam auctoritatem isti definiant, videbimus in capite sequenti. Nunc tantum hic restat, vt Scripturæ quosdam locos explicemus, quibus contra assertionem positam videtur confirmari posse, Deum per se ipsum singulos docere rectam fidem, sine vilo profus humano ministerio. Quod eò quoque faciendum est, quia eiusmodi locis isti etiam Sectarij imprudentes ad errorem suum abutuntur, qui volunt tamen Deum non docere sine omni medio, sed per Scripturam sacram, quæ ipsa, vt dictum est, continetur humana auctoritate diuinitus inspirata.

Eius generis sunt ij loci: [Erunt omnes docibiles Dei. Et: Si quis indiget sapientia, postulet à Deo, qui dat omnibus affluentem. Et: Si quis voluerit voluntatem eius facere, cognoscat de doctrina eius vtrum ex Deo sit. Item: Oues meæ vocem meam audiunt. Item: Cum venerit ille spiritus veritatis, docebit vos omnem veritatem.] Atque in ijs quidem & alijs eiusdem generis testimonijs, simpliciter significari videtur futurum, vt omnes de rebus fidei ab ipsomet Deo erudiantur. Sunt autem, & alij loci quidam, in quibus item, negari videtur, opus alicui fore alio magistro præter Deum. Vt in prima Canonica Ioannis: [Non necesse habebitis, vt aliquis doceat vos: sed ipsa vnctio docet vos de omnibus.] Et apud Ieremiam: [Non docebit amplius vnusquisque proximum suum.] Et in Euangelio ipse Christus: [Ego, inquit, testimonium hominum non accipio.] Acciperet autem, si oporteret ab hominibus veritatis Christianæ fidei proponi. Quare, & alibi scriptum est: [Qui credit in filium Dei, habet testimonium Dei in se.]

Respondendum est, ad locos priores, vtrumque verum esse: & à Deo doceri fideles (sicut in illis testimonijs diuinitus est promissum) & doceri tamen ab illo ordinariè non nisi per ministerium humanum. Sed est consuetudo sacræ Scripturæ, vt quæ Deus principaliter facit, ea illi sic tribuat, ac si solus omnino sine aliquo instrumento faceret: idque etiam propterea, quod ipse quoque sup-

I

pedi-

pedeat vim instrumentis ad operandum. Hanc ob causam simpliciter ab Apostolo illud scriptum est: [Neque, qui plantat est aliquid, neque qui rigat, sed qui incrementum dat Deus.] Et Christus ipse: [Non estis vos qui loquimini, sed spiritus Patris vestri, qui loquitur in vobis.] Nec sanè dicit aliquis (vt hoc quoque vram exemplo) producere Deum absque concursu aliarum causarum in motibus sævum: quanvis Psalmista illi soli videatur hunc effectum, sicut & alios permulcos, attribuire. Ergo pari ratione, cum in Scripturis citatis legimus, Deum esse qui nos docet: intelligere debemus, hoc eum facere per ministerium auctoritatis humanæ, cuius etiam per os loquitur, & auditur. Itaque non ipse solus per se docuit Paulum, sed ad Ananiam adire illum voluit, à quo erudiretur, & Philippum misit, vt ad curram accedens doceret Eunuchum, & Petro traditur in disciplinam Cornelius.

Quæ explicatio ad eos locos etiam, qui sunt posterius obiecti, pertinere potest. Nam quod negat Scriptura, necesse esse, vt alius alium doceat: eodem modo intelligi debet, quo illud: [Neque, qui plantat est aliquid, neque qui rigat:] Et illud etiam, quod si, militè explicauimus: [Non estis vos qui loquimini.] Quid enim hoc significat? An, qui inspirante Deo loquitur, prorsus ipsum non loqui? Minime verò: sed Deum esse quidem, qui eius ore tamquam instrumento quodam præcipue loquitur, Ita non doceri fideles ab homine, minime idem est quod nullo modo per humanum ministerium doceri: sed est, doceri præcipue à Deo: qui cum omnibus temporibus docuerit ipse, vt Psalmista loquitur, hominem scientiam; longè id vberius in hoc tempore gratiæ facit. Quod si nullo modo doctrinam hanc Deus per humanum ministerium traderet; responderi profecto satis Augustino non posset, hunc in modum cum ipso Ioanne Apostolo hac de re colloquenti: [Vnctionem, inquit, habebant quibus loquebaris. Tu dixisti: quia vnctio ipsius docet vos de omnibus.] Vt quid igitur talem epistolam fecisti? Quid illos tu docebas? Quid instruebas? Quid edificabas? Sed respondit facile pro ipso à postolo conuenienter ijs, quæ iam à nobis explicata sunt, idem ipse Augustinus: [Iam hic videte fratres magnum sacramentum. Sonus verborum nostrorum aures percutit. Magister intus est. Nolite putare quemquam hominem aliquid dicere ab homine. Admonere possumus per strepitum vocis nostræ, Si non sit intus, qui doceat, inanis fit strepitus noster.] Ac paucis in eandem sententiam interpositis: [Cathedram, inquit, in cælo habet, qui corda docet. Pro-

pheta ait, & ipse in Euangelio; Nolite vobis dicere Magistrum in terra, vnus est Magister vester Christus.] Hæc Augustinus. Qui pulchrè hac oratione docet: ideo fidei doctrinam ipsi Deo acceptam ferri debere, quoniam et si per se ipse sine ministerio auctoritatis humanæ non doceat; tamen ipse est magister huius discipline principalis.

Quod verò ait Christus: [Ego non ab homine testimonium accipio,] sic intelligendum est. Non indiguit Christi doctrina humano testimonio, vt ipsa ab illo robur acciperet: Sed opus habuit eo tamen, vt secundum consilium Dei, & rationem constitutam eius prouidentię propagaretur, id est, vt ei homines fidem haberent. Nam & illud etiam ob eam rationem à Christo Domino dictum est: [Eritis mihi testes in Hierusalem, & in omni Iudæa, &c.] Tum illud eodem pertinuit: [Hic venit in testimonium, vt testimonium perhiberet de lumine.] Ac subiungit Euangelista rationem à nobis assignatam: Vt omnes, inquit, crederent per illum. Hinc est, quod in eo ipso loco vbi negat Christus se ab homine testimonium accipere: vritur tamen aduersus Iudæos testimonio Ioannis. Dixerat enim: [Vos misistis ad Ioannem, & ille testimonium perhibuit veritati.] Tum subiungit: [Ego autem non ab homine testimonium accipio. Sed hæc, inquit, dico vt vos salui sitis.] Quasi diceret: Ego quidem testimonium, quod mihi perhibuit. Ioannes, non adfero tanquam illo nitatur mea doctrina: sed vt illam eo vobis probem, id est, vt Ioannis auctoritate, qui magnus est apud vos, commoti, mihi credatis, & salui sitis.

Ex his arbitror satis confirmandam, ac defensam tertiam nostram assertionem esse, nempe, non purè diuinam neque purè humanam, sed humanam diuinitus inspiratam esse oportere auctoritatem illam, quæ de fidei questionibus omnibus certò doceat fideles. Nam quod phantasi illi Sesarij, qui contempta Scriptura solis somnijs priuatarum reuelationum niti volunt, illud præterea Diui Pauli vrgere solent: [Litera occidit, Spiritus autem viuificat:] confutatione vix indiget. Neque enim his verbis Apostolus aut perniciosam, aut inutilem ipsam per se Scripturam (quam aliàs prædesse, vt perfectus sit homo Dei verissimè affirmat) significauit, sed vel ab ipsa certè illos redargui, & damnari, qui spiritu gratiæ, & charitatis non, eius præceptis obsequuntur, quique nudis illius verbis, neglecto vero sensu, ad errorem abutuntur, vt fecerunt Iudæi, & faciunt omnes hæretici: vtroque egißi modo eum locum D. Augustinus benè interpretatus est.



P A R S Q V I N T A.

Humana illa auctoritas, inspirata diuinitus, qua de controuersijs fidei omnibus iudicare valeat, non unius tantum, vel alterius hominis quondam vita defuncti, aut etiam aliquorum propria est, qui olim, vel scripto, vel voce sententiam diuinam explicauerint, posteritatiue commendarint, sed omnibus saculis apud fideles ipsos viget. presens, & pronunciare perspicue, ac palam de fidei controuersijs omnibus potest.



On absolute hic negamus, alicuius omnis, vel aliquorum vita defunctorum auctoritatem diuinitus infallibilem esse in questionibus fidei. Sed cum in iudicio, & quasi causa fidei, duobus modis intelligi possit, aliquam auctoritatem esse infallibilem; videlicet, aut tamquam magistram, & iudicem, cuius sit sufficienter pronunciare, & statuere, quæ sit in omni questione doctrina fidei; aut certe tamquam testem, qui licet in eo iudicio definire satis ipse, ita ut est necesse, questionem omnem non possit, tamen ab auctoritate magistra, & iudice consuli debeat: affirmamus sanè, auctoritatem illam infallibilem, à qua oportet, ut hæcenus ostensum est, in omnibus questionibus, quæ de fide moueri possint, tanquam à iudice, ac magistra, fideles cunctos omni tempore sufficienter de fide doceri; non esse propriam alicuius, vel aliquorum hominum vita defunctorum. Quanquam & talis quidem auctoritas aliquorum, qui supersites non sunt, & olim diuinam sententiam, aut verbo, aut scripto infallibiliter explicauerunt, tanquam testis in fidei causis certa ratione, & modo, id est, ut vel rem ipsam dicat, vel aliquid rei consentaneum, ex quo res deduci possit, consuli debeat, ut à nobis suo loco post explicabitur.

Nunc explicatio hac adhibita, probanda nostra assertio est. Quod fiet commodissime si vtamur huiusmodi partitione. Auctoritas humana eorum, qui vita functi sunt, & olim diuinam sententiam, aut verbo, aut scripto infallibiliter declarauerunt, partim Scriptura ipsa sacra, partim traditionibus Apostolicis; id est sententia per Apostolos viua primum voce tradita, & deinceps ab eorum successoribus retenta, & custodita, & continua successorum serie ad posteros trans-

missa, continetur, ut infra quoque suis locis docebimus. Sed neque Scriptura sacra, neque etiam sola traditio, si ab ea separet præsentem in Ecclesia auctoritatem infallibilem; sic enim de traditione nunc loquimur, est illa auctoritas infallibilis magistra fidei, & iudex in omnibus questionibus. Talis igitur auctoritas non est propria alicuius, vel aliquorum hominum vita defunctorum. Quod si exstat tamen aliqua talis humana auctoritas, ut probatum est; neque verò ea est illorum hominum propria, qui iam præterierunt; restat, ut viuat semper inter fideles præsens, quemadmodum in assertione nostra positum est. Confirmemus singula. Ac primum eiusmodi auctoritatem sola Scriptura sacra, ut hæretici perperam sentiunt, non contineri, sequentia argumenta persuadere debent.

Probasio Prima. Scripturam sacram non esse iudicem omnium controuersiarum fidei.

PRIMO. Sententia eius auctoritatis, cuius de rebus omnibus fidei iudicium est, apertam oportet esse, ut ab omnibus fidelibus commodè possit intelligi. Nam si non ita, perspicue, & planè auctoritas illa doceat, non ad eam rem valebit, cuius causa, ut supra probauimus, diuinitus instituta est; nempe ut omnes, nisi nimium velint esse cæci, facile cognoscere possint, quid ex fide credere debeant, & quid tanquam fidei contrarium repudiare. Quomodo enim conscientia acquiescet, aut in animum aliquis inducet certò, & absque ulla hæsitatioe id credere, quod scire clarè ipse non possit ab aliqua auctoritate proponi, & tradi quam sibi persuadeat esse infallibilem? Tam verò sententia Scripturæ de maximis etiam fidei questionibus, ita obscura, & difficilis ad intelligendum est, ut homines etiam benè literati, nedum vulgares

fideles, in eius inquisitione facillimè hallucinantur ab eaque aberrant.

Id, quia hæretici omnes pertinaciter negant, demonstrandum iam diligenter est. Quod rectius fiet, si primum confiterit, quo sensu, & quare Scripturam obscuram esse, affirmemus. Ita enim, & ipsas vias quasi obstruimus Aduersariis, quibus illi in hac re arbitrantur, se posse subterfugere. Cum enim Scripturam obscuram esse dicimus, non vitium aliquod in doctrina ipsa diuinitus tradita inesse sentimus, sed maiestatem, atque altitudinem potius eiusmodi sapientiæ, & scientiæ Dei, & imbecillitatem ingenij nostri profiteremur. Nam hoc significat, eam obscuram esse, difficulter à nobis illam intelligi posse; quoniam, & ipsa diuino, ac singulari suo quodam modo conscripta est, & nos multis rebus, atque adiuuiculis indigemus, vt eius sententiam assequamur; atque adeo multis etiam modis in ea re impeditur. [Quod totum, inquit præclare D. Augustinus, diuinitus prouisum esse non dubito ad edomandam labore superbiam, & intellectum à fastidio reuocandum, cui facile inuestigata plerumque vilesunt.] Nec dissimilem rationem, cur Scriptura sit obscura, reddidit Clemens Alexandrinus.

Fatemur igitur ante omnia, & concedimus aduersariis, hominum, vel infirmitate, vel etiam vicio accidere, vt Scriptura non intelligatur. Sed vicissim ab ipsis posuimus, vt, quia tolli hac in vita nequit illa infirmitas, & difficillimè vitari hoc vitium ab hominibus potest; nobiscum etiam agnoscant & fateantur, Scripturam solam, quæ vix à paucis rectè intelligi potest, non esse communem illam fidelium omnium regulam, & magistram, à qua in questionibus fidei doceri posse infallibiliter omnes oportet. Quæ enim fidei regna communis hominibus ipsis est propinata: eam propterea oportet ex parte inprimis plorum hominum esse cognita facilem, atque adeo perspicuam: Siquidem tot eorum ad usum accommodata esse debet. At Scripturam, ex parte saltem conditionis hominum, obscuram, & difficilem esse, ita certum est, vt sint etiam impudentes Sectarij si negent. I. Et enim ipsi etiam intelligunt, vim dictionis cognosci debere, qua vel primum est ipsa doctrina sacra mandata literis, vel certè deinde in aliam linguam bene versa. Hoc, quod minimum est: tamen non omnes fideles rectè nouerunt. II. Scientiam quoque rerum ipsarum, & sensus in Scripturis exercitatos, ad Scripturarum intelligentiam requiri, negari non potest. Ideo enim fit, vt etiam inter eos, qui verborum cuiusque lingue, omnisque Grammaticæ bene periti sint, difficillimè tamen de Scripturarum sensu in maximis rebus conueniat. Cui rei ipsi sunt argumento Sectarij. Sunt enim ex Calvinistis, & Lutheranis non pauci Calvinistæ, & Lutherani bilingues, imò trilingues Grammatici. Et tamen, qui de maximis fidei rebus, Lutheranis cum Calvinistis, imò ipsis etiam tum Lutheranis, tum Calvinistis inter se, dum omnes sola Scriptura niti volunt, conueniat, nouit iam satis Orbis Christianus, quin etiam norunt Turcæ, & Ethnici. Non igitur Grammaticæ tantum, sed rerum

inprimis doctore ad Scripturam intelligentiam opus est. Quod profecto censuit Augustinus, cum ita scripsit ad Honoratum: [Terentianum Maurum, se magistro attingere non auderes: Asper, Cornutus, Donatus, & alij innumerabiles requiruntur, vt quilibet Poeta possit intelligi: Tu in eos libros, qui sancti diuinarumque rerum pleni propè totius generis humani confessione diffamantur, sine duce irruis, & de his sine præceptoribus audes ferrè sententiam?] Nec dissimilis Diui Hieronymi oratio est, quam, quia notissima est, breuitatis causa prætereo. Iam quotumquisque idoneum Scripturarum præceptorem, vel querit, vel inuenit, vel rectè intelligit, vt Scripturæ genuinam sententiam assequatur? Tertiò. Sed neque historiam multarum rerum artesque liberales quasdam ignorare, oportet; quarum igatione fit sæpè, vt aberret aliquis à verò Scripturæ sensu, quem admodum Diuus Augustinus diligenter notat, & res ipsa docet. Quartò. Ratio quoque omnis tenenda rectè fidei est, vt eius vbi-que analogiam videre, & ad eam exigere, Scripturæ sententias difficiliores possis. In qua re magno sanè iudicio, quod paucis contingit, & dexteritate magna opus est. Quintò. [Et quoniam in malenolam animam non intrabit sapientia,] purgandus eius est animus, ne cæno vitiis obruta, atque execrata mens videre in Scriptura non potest lumen veritatis. Quod Diuo etiam Augustino, quantumvis magno, & perspicaci ingenio esset præditus, tum accidebat, cum adhuc erat inquinatus peccatis. [Infiltrui, inquit, animum intendere in Scripturas sanctas, vt viderem quales essent. Et ecce viderem rem, non compertam superbis, neque nudatam pueris: sed incesu humilem, succellu excelsum, & velatam mysterijs. Et non eram ego talis, vt intrare ad eam possem. Nam illa erat, quæ cresceret cum paruulis. Sed ego indignabar esse paruulus, & fastu turgidus mihi grandis esse videbar.] An verò nullius difficultatis res est, ab hoc tumore vitiis vacuum esse, corumque fulgine velatum cor, instar ludæorum, non habere, sed humilem fieri, ac docilem discipulum, ad huiusmodi Spiritus sancti disciplinam capessendam? Sextò. Quid autem præcatio ad Deum pro sapientiæ interpretationis Scripturæ dono? An exigua difficultas est, & pie, & perseueranter illud cum eodem Augustino orare: [Domine attende, & miserere mei]. Domine Deus meus, lux cæcorum, & virtus infirmorum. Largire spacium meditationibus nostris in abdita legis tue, neque aduersus pulsantes claudas eam. Neque enim frustra scribere, voluisti tot paginarum opaca secereta. Et ali- quibus interpolitis. [Vide, inquit, Pater, & aspice, & vide, & approba, & placeat in conspectu misericordie tue inuenire me gratiam ante te; vt aperiantur pulsanti mihi interiora sermonum tuorum. Obsecro per Dominum nostrum Iesum Christum Filium tuum, in quo sunt omnes thesauri sapientiæ, & scientiæ absconditi. Ipsum quero in libris tuis &c.] Septimò. Sed ex omnibus, quæ ad intelligentiam Scripturarum necessaria sunt, illud est difficillimum, quod tamen magno sanè errore Aduersarij putant omnem remouere,

Scripturae obscuritatem. Aiunt enim, difficiliores Scripturae locos ex alijs clarioribus, qui sunt eadem de re, interpretandos esse, Quod & nos fateamur. Sic enim, & Augustinus praecipit, & passim praeter Augustinum alij Patres docent, ac vfu exemploque suo confirmant. Sed difficillimum tamen esse asserimus, huiusmodi locorum collationem ita instituere, vt quem locum tu puras clariorem esse, ideoque ex eo alium locum interpretandum, is reuera sit clarior, & non contra potius obscurior: ex quo idcirco non alterum interpretari, sed eum ex altero sit necesse. Vt enim quis in Scriptura ipsa, & in cognitione locorum Theologicorum, magis, aut minus versatus est, atque etiam, vt magis, aut minus perפיקא, & in indagando diligens, sit magis, aut minus rationes videt, cur hic sensus potius, quam alius huic loco subijci debeat. Ita fit, vt qui locus in vno sensu alteri clarus videtur, alteri videatur obscurus: eaque varietas facit, vt facillimum sit, quemadmodum diximus, in huiusmodi collatione locorum Scripturae falli, atque errare: dum non obscurus reuera locus ex claro, sed clarus, si rationes omnes latentes, & circumstantes considerantur, ex obscuro peruersè exponitur.

Cuius rei, cum multa, & vetera, & recentia etiam exempla ex nostrorum temporum controuersijs proferri possint, ego breuitatis causa vnum, aut alterum ponam, vt Lector contempletur Labyrinthum errorum, in quo, propter hanc suam Scripturae collationem, versantur Sectarij, & versabuntur perpetuo, nisi redeant ad sanioerem mentem. Questio est, Vtrum concupiscentia in ijs, qui gratiam sunt adepti in Baptismo, sit peccatum veri nominis damnatione etiam dignum. Affirmant omnes Sectarij. Quia quod in persona iustificati hominis Paulus ait, [Habitare in se peccatum;] putant habere illum sensum clarum, quem illico verba superfluentius exhibent, nempe concupiscenti facultatem, seu appetitum esse peccatum. Itaque ex hoc loco interpretantur alios eiusdem Apostoli, vbi contrà negat, vllum remanere peccatum, in ijs, quos affirmat [ablutos, & sanctificatos] esse in Baptismo. Dicunt enim sensum esse, non quod ij mundi prorsus facti sint, & immunes à peccato, sed quod peccatum quo aliqui inquinati sunt, non imputetur ipsis ad poenam. Falluntur autem in hac Scripturarum collatione. Quoniam locos clariores male interpretantur ex obscuro. Demonstrant enim certissime Catholici, sensum eius, quod Apostolus inquit, habitare in se peccatum, non esse illum primae facie clarum, quem falsò putant Aduersarij, nempe reuera concupiscentiam peccatum esse. Hoc enim, & naturae ipsi diuinae gratiae repugnat, quae cum peccato mortali stare nullo modo potest, & alijs etiam innumeris Scripturae locis, ex quibus constat per gratiam ita aboleri penitus peccata, vt nihil in ipso homine insit damnationis, id est, damnatione dignum. Docent igitur iidem Catholici alium quendam illi Apostoli loco subijci sensum obscurum, videlicet, concupiscentiam, & ex peccato prouenisse, & ad peccatum inclinare, ideoque appellari ihi

ab Apostolo peccatum: sicut etiam ipsum Christum peccatum alibi improprie appellat, quia fuit hostia pro peccato: & Adam. Eam similiter os appellauit, quia ex ore extitisset. Proinde non ex eo Apostoli loco, tanquam ex claro, illi alij loci, qui gratia enundati penitus hominem à peccatis manifestissime docent, exponendi perperam erant: Sed ex ijs potius locis, tanquam claris, illius alterius loci sensus obscurior, quem iudicauimus, colligi ab Aduersarijs debuit.

Item questio est, vtrum quilibet possit, ac debeat certò credere se iam esse receptum in gratiam diuinam. Affirmant etiam cuncti Sectarij: quamuis ego quidem nunquam mihi persuadere potero, vllum esse cordatum hominem inter illos, qui sibi omnino ita certò persuadeat: cuius rei alio in loco manifestissimas rationes reddidi. Sed affirmant tamen ita credendum esse, licet minimè ipsi credant. Cum autem obijciatur illis testimonium Apostoli clarum in persona hominis iustificari, dicentes: [Nihil mihi conficius sum, sed non in hoc iustificatus sum;] conferunt hunc locum cum illo alio eiusdem Apostoli: [Ideò ex fide, iustificatio, vt secundum gratiam firma sit promissio.] Quoniam autem putant significasse hic Apostolum, gratiam per fidem solam ideò apprehendi, vt quilibet, non ex bonis animi sui motibus, aut recta conscientia, sed ex promissione diuina per fidem certò possit sibi persuadere, quòd gratiam sit consequutus; interpretantur, non negauisse Apostolum in illo alio loco, quin sciret omnino, atque adeò, quia sciat quibus iustus, in cuius persona tunc loquebatur, se esse iustificatum: Sed negauisse tantum, id se scire ex bona sua conscientia. Decepti verò sunt in ea collatione turpissime. Nam vt aliud non esset, tamen antithesis certè, quae continuo sequitur in verbis Apostoli, declarat, eum (in persona quidem hominis iustificati) omnino negauisse se vel ex promissione diuina, vel aliunde, secundum legem Dei ordinariam, scire in praesentia num esset iustificatus. Subiungit enim: [Qui autem iudicatus me, Dominus est. Itaque nolite ante tempus iudicare, quoadusque veniat Dominus, qui & illuminabit abscondita tenebrarum, & manifestabit occulta cordium, & tunc laus erit vnicuique à Domino.] Cum Dominum solum esse affirmat, qui num aliquis iustificatus sit, sciat; de eaque re ante tempus illud extremum, à nobis certò iudicium fieri vetat, nonne omnino negat, in praesentia quemquam hoc de se certò scire aliqua ordinaria via? Alter igitur debuissent hic instituere collationem Sectarij; & vel ex hoc loco potius intelligere, sensum illius alterius loci, vbi Apostolus ait; ideò ex fide hominem iustificari, vt secundum gratiam firma sit promissio, non esse, quòd per fidem iustificemur, vt ex promissione sola possumus certò scire nos esse iustificatos. Negat enim absolutè Apostolus, hoc à nobis sciri ante nouissimum tempus ordinario villo modo posse. Sed docet, ideò nos gratis, absque merito nostrorum operum, per fidem, & alios nimirum animi rectos motus, charitatis, & poenitentiae, qui cum fide vni coniuncti sunt, iustitiam, & gratiam consequi, quoniam

oportet certò diuinam promissionem impleri, quæ fuit prorsus talis; scilicet vt eo modo gratis iustificarentur absque nostro merito; quemadmodum sic etiam Abraham iustificatus est coram Deo. Hæc ibi tantum Apostoli sententia est, neque quidquam de yana illa istorum persuasione hic agit: vt ex disputatione, & instituto Apostoli in ea epistola, alibi quoque probauimus.

Notum etiam est Sacramentarios hæreticos idcirco errare, quoniam Scripturæ locos, qui sunt de Christi discessu ex hoc mundo, non ex hoc claro loco; [Hoc est corpus meum,] sicut oportet, interpretantur (ita scilicet, vt de discessu tantum, & absentia Christi secundum modum ordinarium, atque visibilem eos locos intelligi necesse sit,) sed hunc peruersè ex illis male intellectis. Vnde sit, vt dum præuè, tum illi tum etiam Lutherani panistæ collationem instituunt, plures quam octoginta interpretatione differentes plenasque vanitatis paucissimis illis Christi verbis; [Hoc est corpus meum,] adhibeant, ne vel præsentiam corporis Christi in Eucharistia, vel conuersionem panis in illud faciantur. Quæ profectò varietas clarissimo argumento est, hos omnes, quantumlibet Scripturæ collationem iactitent, à proprio illorum Christi verborum sensu longissimè aberrare.

Atque vt vno verbo dicam, in omni fidei questione, quæ in vtramque partem ex Scripturis agitur; proposita quacunque collatione Scripturæ, semper porro questio esse poterit, vter potius locus ad sensum alterius accommodandus sit ex eoque interpretandus? Ita fit, vt collatio non finiatur ipsa & absolutæ difficultatem questionis de sensu Scripturæ, sed perquam etiam augeat. Huic accedit, quod non modo facillimè contingit error in iudicando, an hic locus per illum exponi debeat; cum vtrumque constat de eadem re loqui: sed etiam in discernendo, an id ipsum, quod in collatione sumitur, verum sit, scilicet vtrumque locum de vna eademque re loqui. Quandoque enim idem in Scriptura verbum, & eadem ferè phrasis ad significandas res diuersas accommodatur, vt admonuit etiam D. Augustinus. Quod quia nuper quidam Sectaris, Lutheri discipulus, non inuaduerit, ineptè voluit per Scripturæ scilicet collationem ostendere, oblationem mundanæ, de qua varicatus est Malachias, non aliud sacrificij genus in Ecclesia esse, nisi Euangelij prædicationem, quam etiam Apostolus per similitudinem oblationem vocat. Rectè autem D. Augustinus: [Non putemus, inquit, esse præscriptum, vt quod in aliquo loco res aliqua per similitudinem significauerit, hoc eam semper significare credamus.] Sed errorem istiusmodi collationis in alio loco redarguimus. Et omnes disputationes, quæ nobis intercedunt cum istis, plenissimæ sunt exemplis similibus, in quibus appareat varijs vbique erroribus Aduersarios esse implicatos, propter Scripturæ collationes à se suis institutas.

Nunc quæ exempla huius rei adduximus, non tam adduximus, vt in illis questionibus eos errasse ostenderemus, id enim aliorum est locorum, quam vt (quod iam agi-

mus) euinceremus, eos facillimè certè, dum sola Scripturarum collatione niti volunt, sic errare potuisse. Ex quo intelligi debet, non quidem eorum esse leuiorem culpam in errando, quis enim eos Scripturis solis questiones fidei velle definire cogit? sed Scripturam profectò esse ad intelligendum difficilem: quandoquidem in eius interpretatione collatio locorum, in qua facillimè erratur, negligenda non est, & alia multa adminicula antè enumerata ad eam rem requiruntur, ex quibus aliqua in plerisque hominibus sæpè desiderantur. Neque sanè ab hoc proposito aliena observatio est, quod cum præter ea, quæ diximus, quasdam etiam peculiarias regulas ad Scripturam intelligendam viles, Angustinus ex quodam Tryconio commemorasset: tamen quasdam dicit tale esse Scripturæ locos, vt ad eorum sensum inueniendum vix vlla eiusmodi regularum satis esse, imò ne seruire quidem possit.

Quod si necdum ista omnia satis Aduersarij probant, difficulter Scripturæ sensum intelligi posse; vel domesticis tandem eius rei argumentis experientiaque propria mouentur. Nam si Scriptura difficilis non est, quid sibi vult inter ipsos, in tam multis tamque grauibz fidei questionibus de Scripturæ sensu tanta dissensio? Cur Calviniani Lutherani, & Lutherani Calviniani, vt capitæ tantum ipsa sædarum, variè porro inter se discerant, nomen, non persuadent rem claram? An literas nesciunt? An locus non conferunt? An à Deo, qui dat omnibus affluenter, sapientiam non postulant? Eligant igitur hic quod maluerunt, alterutrumque fateantur, aut Scripturam esse difficilem: aut se insanire, quod inter eos de clarissimo minimeque difficili Scripturæ sensu conuenire non possit.

Sed audiamus Scripturam ipsam de se loquentem, num eam facilitatem sibi tribuat, quam ei isti quasi per vim obruderet, contra sensum, contra experientiam, suam, & alienam, conantur. Non autem noua adferam, sed vetera hac de re Scripturæ testimonia, cùm sint optima, repetam, vt ea magis confirmem. In quo genere clarissimum certè testimonium est illud D. Petri, qui testatur, quasdam esse in epistolis D. Pauli difficultia intellectu. [Quæ, inquit, in docti homines, & instabiles, sicut & cæteras Scripturas, deprauant ad suam ipsorum perditionem.] Cùm dicit, illa Diui Pauli, sicut & Scripturas cæteras, deprauari à peruersis, certè Scripturas, etiam cæteras magna ex parte similiter esse difficiles indicat. Nam, propter difficultatem vtiq; cæteræ quoque Scripturæ deprauantur, sicut & illa de Pauli epistolis. Neque verò D. Petrus latebat, quid valere possent ad Scripturæ intelligentiam collatio locorum: et tamen ea re non obstant pronunciat simpliciter, Scripturam intellectu esse difficilem: ac ideo faciliè deprauari posse.

Et planè falsum, ac ineptum etiam est, quod quidam Lutheri discipulus, vt hoc testimonium eludat, hic comminiscitur. Respondendo, inquit, Petrus non dicit, epistolas Pauli ita esse conscriptas, vt difficultate, & obscuritate sua Lectoribus præbeant occasionem

nem ad perditionem. Vtitur enim articulo non ſæminio ſed neutro: ſignificans, res ipſas de quibus Paulus loquitur, quia poſitæ ſunt longè ſupra, & extra omnem conſpectum rationis, non poſſe rectè intelligi ab hominibus carnalibus, ſed opus eſſe illuminatione Spiritus ſancti.] Hæcenus ille Lutheranus. Quem adeo nõ eſt Deus paſſus, hæc interpretationis vanitate Lectorem decipere, vt ad eam clariffimè reſellendam ipſius etiam ore ſit vſus. Subiungit enim iſte illico: Vtitur autè Petrus, inquit verbo valde emphatico, *ſtreuſſi*, id eſt, detorquent, quod à torturis ſumptum eſt. Sicut enim adhibitis tormentis ſæpe de innocentibus habentur quaſtiones, vt aliquid aliud, quàm res habet, pro affectu torquentium, ab illis exprimatur: ita Petrus hanc Scripturæ quaſi tormenta adhiberi, quibus à genuina, ſimplici, & aperta ſententia diſtorqueatur, vt illud nobis loquatur, quod ante lectionem præſumpſimus intelligendum, vt Hilarius loquitur.] Hæcenus etiam iſte. Ex cuius hac poſtrema oratione tale contra commentitiam illam expoſitionem ipſius conſcitur firmum, ac enidens argumentum: D. Petrus ea in epistoſis D. Pauli dicit eſſe intellecū diſſicilia, quorum item ait ſignificationem deprauari ab indoctis hominibus: vt ſcilicet aliud illa nobis loquantur & ſignificent, quàm res habet: ſicut iſte, Lutheranus ex verbi Græci interpretatione, non malè colligit, & ex ipſa ſententia, & oratione D. Petri eſt peſpicuum. Nunc ita ſubſumo: Illa quæ ſecundum ſignificationem iſto modo deprauantur, non ſunt res ipſæ ſignificatæ à Paulo (non enim propriæ res ipſæ loquuntur nobis, & ſignificant) ſed loci & partes ſcripturarum epistoſolarum à Paulo. Igitur illa quæ D. Petrus affirmat eſſe diſſicilia intellecū in epistoſis Pauli, non ſunt propriæ res ipſæ à Paulo ſignificatæ, ſed ipſius Scripturæ Paulinæ loci, & partes. Nihil proſectò poteſt euidens concludi.

Iam & velamen, quod ipſe Paulus affirmat, vſque in hodiernum diem, cum legitur Moſes, eſſe poſitum ſupra cor Iudaæorum:] proſectò texum, vt ita dicam, bona ex parte eſt ex diſſicultate Scripturarum illarum. Hoc enim, vt antè monnuimus, eſt, Scripturam, eſſe diſſicilem, cuiusmodi eam eſſe, & tam multa, vt illa intelligatur, requirit, vt proclius iuerit Iudæis, & ſit alijs omnibus, non percipere veram eius ſententiam. Quod quia dare nobis coguntur, velint, nolint, Sectarij: rectè ac neceſſario inde concludimus, communem illam regulam, & magiſtram fidei, quam neceſſe eſt, eſſe propoſitam fidelibus omnibus, non eſſe Scripturam: cum non ſit cognita facilis ipſis hominibus: vt antè quoque argumentati ſumus.

Huc & illud Iſai. 29. pertinet: [Erit vobis viſio omnium, ſicut verba libri ſignati, quem cum dederint homini ſcienti literas, & dicent, lege iſtum, reſpondebit non poſſum. Signatus eſt enim.] Atque etiam obſcuritatem Scripturæ D. Gregorio Magno rectè ſignificauit liber ille inuolutus, quem de manu Domini Propheta Ezechiel accepit. [Liber inuolutus, inquit Gregorius, eſt Scripturæ ſacræ eloquium obſcurum, quod profunditate ſententiarum inuolutus, vt non facile

ſenſu omnium penetretur.] Quocirca & Euanuchus ille, de quo D. Lucas in actis, cum Scripturam legeret, ab eoque Philippus percontaretur, [putas ne intelligis quæ legis? Quomodo poſſum, inquit, niſi quis doceat me?] Tum illud eleganter (vt iam alios Patres præteream) Clemens Alexandrinus: [Dauid, inquit, dicit, tenebroſa aqua in nubibus aeris, à fulgore coram ipſo nubes tranſierunt grandio, & carbonēs ignis, abditos eſſe docens ſanctos ſermones.]

Et tamen dicitur Scriptura [lucerna pedibus noſtris, & lumen noſtris ſemitis, cui benè faciamus attendentes tanquam lucernæ lucenti in caliginolo loco, &c.] Hæc vſiſſima ſunt omnia. Sed eſt in primis etiam videndum, vbi nam collocatam eſſe oporteat hanc lucernam doctrinæ diuinæ, vt ipſi lumen eius videre, & eo dirigere greſſus noſtros poſſimus. Quid enim ſi lucernam aliquam ponas ſub modio? Certè lucebit ibi nihilominus ipſa & ardebit, & lumen retinebit ſuum: ſed non etiam ibi te illuminabit, niſi eam colloques in idoneo loco. Concedimus igitur pari modo, ſacras literas, quæ diuinæ doctrinæ continent lumen, tanquam lucernam eſſe per ſe ipſam ſplendiſſimam ſemper, atque fulgentiſſimam. Sed nobis tamen conſiderandum eſt, quomodo ſit hoc lumen non in ſe modo lucidum, verum etiam (vt regius Propheta dicit) illuminans oculos? Nunquid qua ratione vnuiuiſque ingenij proprij, atque indiſtriæ ſuæ ſinitibus illud tanquam modio quodam exigno comprehendit? Minimè verò: ſed quatenus eſt diuinitus in Eccleſiæ Catholicæ auctoritate tanquam in candelabro poſitum; [vt luceat omnibus; qui in domo ſunt.] Hanc enim Eccleſiæ auctoritatem, docebimus poſtea ſuo loco, eſſe in vniuerſum iudicem, atque magiſtram fidei vſuam: quæ idcirco neceſſe eſt, vt lumen illud fidei, quod in diuinis literis ſplendet, præſtat ipſa, atque offendant omnibus, qui ad eam aggregantur, in eaque manent, licet ineruditi ſint alioqui, nec valeant ipſi per ſe lumen illud, vt in ipſis literis ſanctis tanquam in lucerna continetur, aſpicere.

Quam rem benè mihi, ac ſubtiliter Diuus Ambroſius attriſſe videtur, cum docuit, Chriſtum; vt fidem noſtram Eccleſiæ Catholicæ accommodarem, oratione illa hortari. [Nemo, inquit, accendit lucernam, & in abſcondito ponit, neque ſub modio, ſed ſuper candelabrum, vt qui ingreditur, lumen videant.] Quid autem aliud fuiſſet, Scripturam non alicui communi auctoritati inſtillabili interpretandam commendare, ſed vnicuique priuato ex æquo committere; quid, inquam, hoc aliud fuiſſet, quàm accentam lucernam in abſcondito ponere? In abſcondito enim, Scripturæ lumen poni eſt, ea illud ratione, ac modo proponi, quo non poſſit, neque debeat lucere omnibus, qui ſunt in Eccleſiæ domo. Non poteſt autem, aut non debet certè Scripturæ, fideique lumen ſic lucere alijs omnibus, ab ipſique recipi, quomodo lucet vni, aut alteri priuato, quicumque ille ſit tandem, & quantumcumque in indaganda Scripturæ ſententia laborarit. Nam cur alijs non liceat illi antepone re parem auctoritatem iudicij etiam ſui? Cur non poſſint putare il-

lumen

lum ex ijs esse, qui priuato spiritu dicunt: [Ecce hic, ecce illic Christus:] à quibus, vt diligentissime nobis cauetemus, Magister noster Christus præcipit? Errant igitur vehementer aduersarij, cum Scripturam esse lucidam lucernam, ac illuminare nos, idem esse existimant, quod eam non egere Ecclesiæ communi aliqua, atque infallibili auctoritate, vt certos nos faciat de fidei dogmatibus. Lucet enim, & illuminat, sed super candelabrum Ecclesiæ constituta, vt est explicatum. Quod si eam sub modio ingenij tui tegere, atque comprehendere velis; ipsa quidem lucida, per senihilonius est, & simul tamen, vt hæcenus est probatum, tibi esse obscura: sicut esset alia lucerna quævis sub modio.

At, si maxime, inquit, de quæstionibus fidei subtilioribus quadam tradat Scriptura obscurius: tamen ex articulis fidei necessarijs, quos satis est ad salutem credere, nullus est, qui non alicubi in Scriptura clarissime doceatur. Hac erroris sui defensione cum vtuntur Aduersarij, profectò declarant se non satis animaduertisse, quibus modis fiat, vt ad salutem necesse sit credere aliquam fidei veritatem. Fit autem hoc bisariam. Vno modo, quoniam absolute, & simpliciter necesse est, vt veritatem hanc, aut illam fidei noris, & credas. Altero modo, quia cum omnis infidelitas diuinitus sit prohibita, non licet tibi sine iactura salutis, credere aliquem errorem vlli veritati fidei contrarium. Vnde fit, vt etsi aliquam fidei veritatem absolute non necesse habeas nosse, & credere: sub conditione tamen debeas illam & credere, & nosse. Nam si contingat tibi proponi eiusmodi veritatem fidei, atque ei contrarium errorem; & alterutri assensum præbiturus sis: necesse tibi ad salutem est, vt veritati fidei assentiaris, non contrario errori.

Priori modo, scilicet absolute, & simpliciter, paucatum admodum veritatum fides, & cognitio omnibus fidelibus ad salutem necessaria est. Posteriori autem modo, scilicet, sub illa conditione, vt contrarij caueantur errores; omnes omnino fidei sententiæ, ac veritates, cum quibus pugnare possint aliqui contrarij errores, sunt omnibus hominibus necessario credendæ ad salutem. Nemo enim est, cui liceat amplecti aliquem contrarium fidei errorem: qui (vt supra probatum est par. 2.) omnes prorsus, & singuli mandato diuino iubentur quemvis errorem, atque hæresim repudiare quæ anteponeat veræ fidei sententiam. Iam quæ fidei veritates priori modo, scilicet absolute, & simpliciter, ab omnibus hominibus necessario cognoscendæ, & credendæ sunt, vt & fide, & spe, & charitate ad beatitudinem contendere valeant; eas non diffitemur perspicue ferè in Scripturis ipsis doceri, vt Augustinus etiam notauit. Sunt enim illæ & paucæ, & communissimæ, nec noticiam requirunt vsque adeò distinctam & expressam, modo aliquali ratione non falsa in mente concipiantur. Atque huius quidem generis sententiæ sunt comprehensæ in Apostolorum symbolo. Veritates autem aliz, propè infinitæ, quæ posteriori modo (scilicet sub conditione, vt contrarij quique errores caueantur) ab omnibus fidelibus credi debent; ipsi Aduersarij coguntur fateri, & cui-

denter hæcenus est probatum, maiori ex parte contineri in Scripturis obscure. Itaque & illos Scripturæ locos, ex quibus oportet hæreses refutare, obscuros esse scripsit D. Augustinus. [Multi, inquit, sensus Scripturarum sanctarum latent: & paucis intelligentioribus noti sunt: nec afferuntur commodius, & acceptabilius, nisi cum respondendi hæreticis cura compellit.]

Huiusmodi verò locorum Scripturæ obscuritas, in his rebus difficilioribus, caput est probationis nostræ, qua necessario euincimus, Scripturam non esse illam communem regulam, & quasi magistræ, à qua possint fideles omnes sufficienter doceri; vt in omnibus fidei quæstionibus veritatem amplectantur, & errorem repudient. Nam cum omnes mandato diuino debeant quoscumque errores contrarios fidei cauere; & eatenus quibuscumque etiam fidei veritatibus, vt expositum est, assentiri; certè facere hoc, secundum diuinam providentiam, omnes possunt: licet casu contingere possit, interdum aliquos in ea re à peccato excusari. Quomodo verò præstare id omnes poterunt, nisi communis illa regula diuinitus proposita, clarè & perspicue, & accommodatè ad captum omnium de quæstionibus, ac rebus fidei quibuscumque definat? Hoc autem Scriptura non facit, vt ostensum est, & ipsi etiam inuiti agnoscunt Sædarii. Quare perspicuum est, nihil proficere Aduersarios nec argumentationis nostræ vim vilo modo infirmare, cum dicunt, Scripturam de ijs rebus fidei, quæ sunt necessariae, claram doctrinam tradere. Omnes enim res fidei vno quodam modo necessariae sunt, vt exposui; & proinde de omnibus perspicue Scripturam docere oporteret, si esset ipsa fidei Iudex, communisque illa regula.

Huc accedit quod illos ipsos Scripturæ locos, qui continent articulos fidei simpliciter necesarios, non nisi quadam cum distinctione, concedi debet esse omnes perspicuos. Duobus enim modis intelligi, atque dici potest, locum scripturæ aliquid esse clarum. Vno modo, quia ipse locus certè, si per se spectetur, proprio, plano, & aperto sermone constat, neque vilo genere figuratæ dictionis inuoluitur. Atque hoc quidem passò illi loci, qui continent fidei articulos absolute necessarios perspicui ferè sunt, vt ex sententia D. Augustini exposuimus; quin omnes alij quoque Scripturæ loci, qui proprijs, & planis verbis sunt scripti, edè etiam clariore, ex ea parte, quam aliz Scripturæ prophanorum, auctorum, censi possunt, quò minus humanæ eloquentiæ artificio fucati sunt. Quæ quidem ratione rectè Patres affirmare solent Scripturam facilem, & planam esse; videlicet per se, quatenus ferè vitur proprio, & simplici sermone. Quemadmodum contra, per se etiam obscuro dici possunt illi ferè Scripturæ loci, qui constant ex figurato sermone. Quanquam & horum tamen locorum sententia ferè etiam exposita reperitur in alijs quibuscumque Scripturæ locis, qui sunt per se quidem clari, hoc est, plano, ac proprio sermone scripti. Quod rectè notauit D. Augustinus cum dixit: [Nihil ferè de illis obscuritatibus figurati sermonis erui, quod non planissime dictum alibi reperitur.] Ibi enim ipse

ipse Augustinus explicat id dici [planissimis verbis, quod sine similitudinis adminiculo dicitur.] Altero modo dici posset locus aliquis Scripturæ clarus, non modò si per se ipse consideretur, sed etiam si consideretur cum relatione ad locos alios, cum quibus & bene, & malè conferri possit. Atque hoc quidem modo quàm paucissimi, imò vix aliqui loci, etiam ex ijs, qui & placè scripti sunt, & articulos simpliciter facitiosos continent, clari & perspicui censi possunt: quin propemodum omnes illi, ob humani quidem ingenij vel imbecillitatem, vel perueritatem, vt supra exposuimus, sunt obsecuri. Etenim, si ad verba ipsa rationemque dicendi spectemus, quis planior, & clarior videri possit locus, quàm ille: [Hoc est corpus meum?] Aut quàm ille de diuinitate Christi: [Hic est verus Deus.] Et tamen collatio cum locis alijs, quàm plurimas de genuina eius etiam generis locorum sententia parit controuersias. Quæ controuersie tam variz, ac multiplices an non euidenti argumentum sunt, esse etiam eiusmodi Scripturæ locos, si cum relatione ad alios considerentur, difficiles ipsis quidem hominibus ad intelligendum, atque obscuros? Hæc igitur obscuritas Scripturæ, quæ ex relatione potissimum, atque collatione locorum existit, ob quam etiam locis per se quidem planissimis, & clarissimis, hæretici facillimè abutuntur, vt postea quoque docuimus ex Augustino, fundamentum est nostræ probationis firmissimum.

Sed enim hoc loco, cum à Scripturæ difficultatibus probamus, non esse eam sufficientem omnium questionum fidei iudicem, admodum impudenter Sectarij nobis obijciunt, similiter nos facere, atque hæreticos illos, quos D. Irenæus his verbis redarguit: [Cum ex Scripturis, inquit, redarguuntur, in accusationem conuertuntur ipsarum Scripturarum, quasi non rectè habeant, neque sint ex auctoritate, & quia variè sint dictæ, & quia non possit ex his inueniri veritas ab ijs qui nesciant traditionem.] Considerandum autem est, qua ratione D. Irenæus aduersus eiusmodi hæreticos pugnandum esse, tum purabat, & quomodo etiam illi in accusationem conuertebatur Scripturam: quod in ipsis iure, ac merito D. Irenæus accusauit. Nempe Irenæus Scripturæ testimonijs hæreticos illos, Gnosticos, reuincendos arbitrabatur, non vt quisque Scripturam, per ipsam Scripturam solam, intelligendam autumat, sed vt ab Ecclesiâ in primis intelligitur, ex viua etiam Apostolorum traditione, quæ fideliter custodiatur ab Apostolorum legitimis successoribus: quemadmodum statim ex ipso Irenæo audiemus. Contrà verò hæretici illi aduersus Scripturæ sententiam ex Apostolica traditione ab Ecclesiâ ipsa certissimè propositam, commentitijs suis tantummodo traditionibus, nulla Ecclesiæ auctoritate commendatis, nitentur. Atque hic contendebant; immerito, ac perperam ipsi Scripturas illas obijci: non enim eas habere aliqui certam auctoritatem, & variè esse dictas, neque posse ex illis elici veritatem sine adminiculo suarum illarum commentitiarum traditionum.

Hanc impudentiam quin rectè D. Irenæus

Tom. III.

Irenæus taxauerit, dubium esse non debet. Etenim posteaquam Ecclesiâ sententiam aliquam ex Scriptura colligit, Scripturamque proinde, vt est à se secundum Apostolicam traditionem intellecta, contrarij erroribus opponit; summa improbitas est, aliquid prætereā in eiusmodi Scriptura, vel auctoritate, vel interpretatione, quocumque id fiat sine difficultatis, siue obscuritatis prætextu, desiderare. Quæ enim Scriptura per auctoritatem Ecclesiæ commendatur explicaturque, eam iam hoc ipso, & maxime est authentica, & splendidissime clarissimeque lucet, tanquam lucerna videlicet, vt supra exponebamus, posita super candelabrum. Num verò cum ea, quàm Irenæus hic inculcat, hæreticorum veterum in Scripturis ipsis, accusandis perulantia, quidquam est commune Catholicis propterea quòd sentiunt, Scripturam, si per se & ex se quidem sola, semper Ecclesiæ lumine, quo ipsa illustratur, consideretur, difficilem ad intelligendum eamneque obscuram esse? Nonne eiusmodi aliqui intelligendæ Scripturæ difficultas in causa est, quamobrem hæreticis omnibus proclue sit, suis etiam figmentis, vt ostendit luculenter idem Irenæus, Scripturas accomodare, illaque etiam paliare ipso sacrosancto Euangelij nomine? Quid quod ipsi potius Sectarij eodem planè modo in accusationem hodie conuertuntur Scripturarum, quem in Gnosticis illis hæreticis Irenæus hic notauit? Etenim quas Scripturas manifestas eorum erroribus opponit Ecclesiâ, eas dicunt, vel non esse ex auctoritate, vt quæ affruntur ex lib. Machab. & ex epistola Iudæ, &c. vel non rectè ita habere sicut ab Ecclesiâ explicantur, non posse ex his inueniri veritatem ab ijs, qui nesciant Lutheranam traditionem. Quanta igitur Sectariorum impudentia hæc est, cum nobis Irenæi locum obijcere, in quo nihil minus quàm nostra de Scripturæ difficultatibus sententia, sed ipsorum potius Sectariorum in sanctas Scripturas crimen iustissime vituperatur?

Sed ne hæc à nobis D. Irenæi sententiæ explicatorem pro arbitrio nostro, non ex ipsius mente Irenæi, proponi, Sectarij suo more cauillari possint, age, quæ illi hæreticorum accusationi eodem in loco D. Irenæus opponit, audiamus: [Cum autem, inquit, ad eam iterum (id est, præter Scripturam) traditionem, quæ est ab Apostolis, quæ per successiones presbyterorum in Ecclesijs custoditur, prouocamus eos, aduersantur traditioni, dicentes, sc non solum presbyteris, sed etiam Apostolis existentibus sapientiores inuenisse veritatem; sed indubitatè, & incontaminatè, & sincerè (dicas, Lutheranum alique, vel Calvinistam, loqui) absconditum scire mysterium. Euenit itaque, neque Scripturis iam, neque traditioni consentire eos.] Vides, Scripturas, & traditionem in Ecclesijs præter Scripturas, per successionem presbyterorum custoditam? Vides, quemadmodum Irenæus ad Scripturam, in disputatione contra hæreticos, traditionem quoque adhibendam, & ex ea Scripturam interpretandam, atque ita demum aduersus hæreticos Scripturam vrgendam, existimauerit? Vides denique Irenæum non nisi illos

K

hære-

hæreticos accusare, qui Scripturam, postea quam est ab Ecclesia, hoc est, ab eo fidelium cœtu qui solus pro Ecclesia Christi in orbe sit agnitus, explicata, tanquam dubiam, atque incertam incusant? Sed quia de probatone prima, ab obscuritate Scripturæ sumpta, satis, vt arbitror, ad errorem Aduersariorum redarguendum, qui Scripturam solum de fide iudicare volunt, dictum est, alia etiam argumenta subiungemus, quibus item auctio nostra confirmetur.

Probatio Secunda.

Sit igitur hæc secunda probatio. Si maxime Scripturæ sententia ubique esset clara: tamen quædam de fide quæstiones, & fuerunt aliquando, & esse possunt, quæ sola Scriptura definiri nullo modo valent. Non est igitur Scriptura sola, illa auctoritas, quam inquirimus, diiudicandi quæstiones fidei omnes. Id probatur, quoniam fieri potest, vt in dubium veritatur auctoritas ipsa tota, & doctrina alicuius, vel aliquorum librorum, sacre Scripturæ; an scilicet in vniuersum à Deo reuelata sit. Hæc autem controuersia, ex Scriptura, aut raro, aut nunquam dirimi poterit. Itaque alia regula opus erit, quæ non modò iudicet de sensu Scripturæ, sed omnino de Scripturæ auctoritate: num sit diuina, quæ proinde contineat sententiam fidei. Scribit Eusebius, Simonideum fuisse, quendam hæreticum, qui libros nescio quos Prophetarum, præter eos, qui in sacro volumine sunt, comminisceretur. Eorum vnum, Barchabam: alterum Barcham nominauisse. Hanc opinionem quomodo Scripturæ tantum testimonio reselleret? Item sanctus Augustinus auctor est, nonnullos omnia reieccisse Euangelica. Neque desuerunt, testes etiam Eusebio, quibus omnes epistolæ Diui Pauli in vniuersum improbarentur. De multis quoque alijs libris sæpe fuit in Ecclesia disputatum, an Canonici essent, cum vel tales aliqui falsò à quibusdam esse negarentur, vel importune alij, euentito nomine Apostolorum, fidelibus obtruderentur. Quæ controuersie omnes non potuerunt Scripturæ solius auctoritate definiri in Ecclesia.

Itaque non modò falsa, sed admodum etiam frigida atque inepta Caluini sententia est, cum scribit, haud difficultius Scripturam Canonicam à non Canonica per se ipsam dignosci, discernique posse, atque album à nigro, frigidum à calido, dulce ab amaro. Hoc ita est, quomodo magis controuerti posset, an hic liber, aut ille sit Scriptura Canonica, quam vtrum ignis sit calidus, & aqua frigida; aut amarum fel, & mel dulce? Num verò ipsa de se tota nominatim, Scriptura loquitur? aut vllus in ea locus est, vbi Caluinus, aut alius quispiam ex Sectarijs legerit, singulos illos, atque omnes libros nominatim, qui sine controuersia sacri, dicuntur Canonici sunt, esse à Spiritu sancto dictatos? Cur igitur doctrinam illam in eis libris contentam, diuinam esse credunt, si nihil arbitrantur certa fide credi oportere, quod ex ipsa Scriptura non didicerint?

Quod si aliam præter Scripturam necessariam esse credunt, infallibilem fidei regulam, quæ do-

ceat id quod in fide est maximum, nempe Scripturæ ipsam doctrinam esse in vniuersum diuinam: profectò est infania non credere, illam ipsam regulam infallibiliter item docere, quæ sit sententia eiusmodi diuinæ doctrinæ. Simile namque illud est, quod præclarè in primisque sapienter scriptum est à Diuo Augustino; [Cur, inquit, non apud eos potissimum (loquitur de Ecclesia Catholica) diligentissime requiramus quid Christus præceperit, quorum auctoritate commotus, Christum aliquid præcepisse iam credidi? Tu ne mihi melius expositor es, quid ille dixerit, quem fuisse aut esse non putarem, si abs te mihi hoc commendaretur esse credendum? Quæ igitur, inquit, ista tanta dementia est? Illis crede Christo esse credendum: & à nobis discere quid dixerit? Multò facilius mihi persuaderem Christo non esse credendum, quam de illo quidquam nisi ab ijs, per quos ei credidiscem, discendum. Hæc ibi diuinè prorsus Augustinus.]

Quæ nos similiter Lutheranis, & Caluinianis hominibus, vt ille tunc Mauchæis, pro Ecclesiæ Catholicæ auctoritate, quam esse fidei magistratam post ostendemus, dicere possumus. Agite enim vos, seu Lutherani, seu Caluiniani Sectarij: Cur non apud Ecclesiam Catholicam potissimum requiremus, quid Deus omnino in libris sacris docuerit, cuius auctoritate commoti credidimus, Deum aliquid omnino docuisse in ijs libris? Vos ne melius quam Ecclesia Catholica, exponetis nobis, quid in Scripturis Deus dixerit, quem nec dixisse omnino in Scripturis aliquid, nisi hoc Ecclesia docuisset, crederemus? Et quæ isthæc infania est: Ecclesiæ credere, Deo in Scripturis loquenti esse credendum, & à nobis potius, qui Scripturam rectius, quam Ecclesia intelligimus, quid in eis Deus dixerit, discere. Ego verò, vt ex Augustini mente, atque sensu loquar, vehementer admiror, cur non multò facilius ibi persuadeant, qui Caluino, aut Luthero credunt, Scripturæ diuinæ nihil omnino esse credendum, quam ex ea quidquam, nisi ab Ecclesia per quam ei crediderunt, esse discendum. Quanquam hic tandem multorum exitus miserimus est, vt nec Scripturæ ipsi credant, postquam Ecclesiæ, quam Scriptura commendat, & à qua ipsos etiam Scripturam discere, atque accipere oportuit, non credunt.

Sed Ecclesiæ in fide docenda auctoritatem postea in proprio loco asserimus. Nunc quia Scriptura sola de præcipuis fidei quæstionibus, & in primis ad salutem necessarijs, quæ scilicet de auctoritate sunt ipsius Scripturæ, nihil, ne obscure quidem, definit: rectè concludimus, non ipsam esse iudicem sufficientem, ac regulam illam generalem in omnibus controuersijs fidei, quam inquirimus. Huc accedit, quòd ne de alijs quidem multis fidei dogmatibus peculiaribus, quæ certissime credi debent, Scriptura ipsa docet. Quod non meis, sed Augustini verbis breuiter indicabo, vt minis possint repugnare Aduersarij; [Credo, inquit, consuetudinem non rebaptizandi hæreticos ex Apostolica auctoritate venire: sicut multa non inueniuntur in literis eorum, neque in Concilijs posterorum: & tamen quia custodiuntur

tur per vniuersam Ecclesiam, non nisi ab ipsis tradita, & commendata creduntur. Sic ille. Item alibi: Patrem, inquit, in sacris libris nusquam ingenitum legimus, & tamen dicendum esse defenditur. Item: Da, inquit, testimonia, vbi adoratur Spiritus sanctus. quasi non ex ijs, quæ legimus, aliqua etiam quæ non legimus intelligamus. Sed ne quære multa compellar: tu vbi legisti, Patrem Deum ingenitum vel innatum? & tamen verum est. Item: Multa sunt, quæ vniuersa tenet Ecclesia, & ob hoc Apostolis præcepta bene creduntur, quanquam scripta non reperiantur.] Hæc ille. Atque vt alia exempla præteream. Nullus Christianus est, qui perpetuam beatissimæ Dei matris virginitatem contra blasphemiam Heluidij, vt in libro de Ecclesiasticis dogmatibus appellatur, non putet sibi esse credendam. E tamen ex Scriptura certè non hoc dogma satis probabitur.

Quæ cum ita sint, necesse est vt aliter, atque intelligant Aduersarij, interpretemur locum illum D. Pauli: [Omnis Scriptura diuinitus inspirata utilis est ad docendū, &c. vt perfectus sit homo Dei ad omne opus bonum instructus.] Sententiam enim huius loci esse volunt, Scripturam ipsam solum sine adminiculo alterius regulæ omnia docere, quæ ad rectam fidem, atque ad absolutam Christiani hominis perfectionem sint necessaria. Quæ in re magnoperè, vt in alijs omnibus decipiuntur. Nam ibi Apostolus, non Scripturam solum sufficentem esse, vt perfectus sit homo Dei, dicit, sed simpliciter ad eam rem affirmat Scripturam quidem valere. Hoc autem duobus modis intelligi potest. Primò, quasi ipsa Scriptura immediatè omnia tradat. Hoc minime vult Apostolus. Secundò, quoniam Scriptura, quæ sunt credenda, & facienda, aut ipsa tradit, aut certè auctoritatem, à qua illa peti debent, nobis monstrat, commendatque. Hoc modo Apostolus vult, & Orthodoxi etiam sentiunt Scripturam continere, quæ ad salutem sunt necessaria. Ita fit, vt præter Scripturam suam etiam moneat alicui alteri auctoritati in controuersijs fidei locus. Quod profectò Diuus Augustinus intellexit, cum ita scripsit: [Scripturarum à nobis tenetur veritas, cum id facimus, quod vniuersæ iam placuit Ecclesiæ, quam ipsarum Scripturarum commendat auctoritas: Vt quoniam sancta Scriptura fallere non potest, quisquis falli meruit obscuritate quæstionis, eandem Ecclesiam de illa consulat, quam sine vlla ambiguitate sancta Scriptura demonstrat.]

Simili modo Patres, cum vni Scripturæ omnia tribuere videntur, intelligi debent. Non enim eorum mens est à Scripturæ auctoritate, vbi de fide iudicandum est, auctoritatem Ecclesiæ, quæ item ipsa diuina est, diuellere. Sed quemadmodum, quando vni personæ diuinæ aliqua perfectio diuinitatis absoluta tribuitur, intelligunt Theologi, ab eius perfectionis communione creaturas tantum excludi, non autem personas alias diuinas, quæ sunt eiusdem naturæ: ita sancti Patres, sicuti Scripturæ auctoritatem solum ad fidei quæstiones finiendas valere significant; Ecclesiæ certè auctoritatem, quam item pro diuina habent, minime excludunt, sed alia

tantum sine testimonia, siue argumenta, quæ sint tantum humana. Nam si non ita intelligerent: profectò nunquam illi in controuersijs fidei ipsa per se auctoritate Ecclesiastica traditionis ad probandum vterentur. At, & videntur ea ipsi frequentissimè, vt infra quoque suo loco videbimus, & vtendum esse docent. Quo in genere præter Augustini testimonia, quæ paulo antè allegauimus, illustris etiam illa D. Basilij oratio est: [Plurimæ, inquit, mystica citra Scripturarum inter nos versantur. Et Apostolicum arbitror esse, etiam in non scriptis traditionibus perseuerare. Laudo enim, inquit Apostolus, vos; quod omnia mea meministis, & quemadmodum tradidi vobis, traditiones continetis, &c.] Ita Magnus basilius.

Probatio tertia.

Tertia probatio. Regula quæ ad iudicandas omnes fidei quæstiones diuinitus est instituta, proculdubio accommodatissima est ad cognoscendos, & cauendos errores omnes fidei contrarios. Nam ad eam rem talis aliqua regula diuinitus est propoſita: vt homines ad illam iudicium suum conformet, atque ita repudiatis erroribus rectam fidem complecti, tenereque possint. Neque putandum est, aut voluntatem, aut sapientiam, aut facultatem Deo defuisse, quo minus nobis ad eum finem optimam, atque accommodatissimam regulam diuinam sua prouidentia pararet. At Scriptura sacra sic omnino composita est, vt experientia etiam doceat, eam per se solum non tam regulam accommodatam, esse ad declinandos omnes errores, quam arcano Dei iudicio esse velut lapidem offensionis, & in tentationem (vt Sapiens de Dei creaturis inquit) pedibus insipientium, vt qui velint ea sola niti, facillimè impingant, & errent. Vnde enim vlli errores existunt, nisi de Scripturis malè intellectis? Aut qui fieri potest, vt quæ doctrina tam faciliè ab hominibus adulteratur, vt in patrocinium omnium errorum aduocetur, eadem sit accommodatissima appositissimaque regula ad reiiciendum omnes omnino errores? Non magis hoc certè stare potest, quam si quis diceret, illud esse accommodatissimum remedium ad rectè videndum, ex quo accideret omnes cæcures, quicunque ferent cæci.

Quod enim dicunt Sectarij, id hominum culpa, ac peruersitate, non Scripturæ vitio, accidere: nos etiam fatemur. Sed considerandum est, hoc ipsum quidem præiudiciale Deum: nempe vitio hominum fuisse futurum, vt quicumque forent hæretici, ij omnes Scripturæ prætextu faciliè vterentur ad confirmandum errorem. Ita cum non sit vllum dubium, quin Deus in negotio fidei de optima, & accommodatissima ad hominum naturam regula prospectum esse voluerit: profectò est dementia arbitrari, non aliam esse eiusmodi fidei regulam, nisi Scripturam. [Omnes enim hæretici, inquit D. Augustinus, qui Scripturas in auctoritate recipiunt, ipsas sibi videntur sectari, cum suos potius sectentur errores.] Et alio in loco: [Neque enim, inquit, natæ sunt hæreses, & quædam dogmata peruersitatis illaqueantia animas, nisi dum

Scripturæ bonæ intelliguntur non benè: & quod in eis non benè intelligitur, etiam temerè, & audacter asseritur.] Hæc ille. Et observatione dignum est, quod idem Augustinus alibi verissimè scribit, non modò locos Scripturæ obsecuros, sed etiam eos, qui sunt aperti, & clari corrupti ab hæreticis. [Non est mirum, inquit, si Pelagiani dicta nostra, in sensus, quos volunt, detorquere conantur, quandoquidem de Scripturis sanctis, non vbi obscure aliquid dictum est, sed vbi clara, & aperta sunt testimonia, id facere consueverunt, more quidem Hæreticorum etiam exterorum.] Quam ob rem, & Tertullianus in præscriptionibus adversus hæreticos ita scriptum reliquit: [Non ergo, inquit, ad Scripturas provocandum est; nec in his constituendum certamen, quibus aut nulla, aut incerta victoria est, aut parum certa.]

Neque Augustini modò, & Tertulliani, aliorumque Patrum ea de hæreticis sententia est, sed Christus etiam facillimè ab illis doctrinam corrupti subinducit, cum admonuit, vt ab ijs tanquam à falsis Prophetis, cauermus. Nam idè falsi Prophetæ à Christo sunt dicti, quia cum Prophetæ, id est, interpretes diuinæ sententiæ, propter externam diuinæ doctrinæ quasi speciem, verissimiliter videantur: minimè tamen Prophete sunt. Videntur Prophetæ, quoniam Scripturæ verba proferunt, quæ diuinæ doctrinæ sunt caractes, & quasi externa species. Sed Prophetæ non sunt: quoniam sub ea verborum diuinorum externa specie non ostendunt nobis genuinam Spiritus sancti sententiam, sed adulterinas suas puerilisque opiniones facillè in verbis sacris à se collocatas tanquam abominacionem (vt eleganter Origenes notauit) stantem in loco sancto. Quod ipsum appellacione quoque luporum rapacium, qui vestimentis induti sunt ouium, Christum nobis declarauit. [Nam quænam illæ sunt pelles ouium, inquit Tertullianus, nisi nominis Christiani, & Scripturæ, extrinsecus superficialis? Qui lupi rapaces, nisi sensus, & spiritus subdoli, ad infestandum gregem Christi intrinsecus desitescentes? Qui pseudo-prophetæ, nisi falsi prædicatores, &c.] Quem Tertulliani locum pulchrè quoque Vincentius Lyrinensis imitatus, & prosequutus est. Atque etiam huc pertinet, quod elegantissimè hic ipse Lyrinensis dicit, vbiq; hæreticos Scripturæ verbis opinionibus suas tanquam quodam aromate aspergere, ne factorem exhalent. Quæ quidem idè recitauit, vt quoniam vniuersi hæretici facillimè Scripturas omnes in suam perditionem, sicut D. Petrus inquit, deprauant: intelligamus certè, non in Scripturis solis vniuersalem illam, & ad hominum salutem accommodatissimam totius fidei regulam, quam inquirimus, diuinitus constitutam esse.

Probatio quarta.

Quartò. Quomodo posset stare ea Respublica, in qua scripsi tantum legibus ita causas politicas iudicari oportet, vt priuato cui libet, atque adè ipsi etiam reo esset integrum ad scripturarum legum normam iudicia quæcumque exigere, nec

prius acquiescere, quam ipse persuaseret sibi cum legum sententia congruere controuersæ definitionem? An esset vquam in illa Republica controuersiarum exitus aliquis futurus? Quilibet certè in suo sensu abundaret, & vim faceret legibus, vt eas ad suam mentem, & causam quoquo modo inflecteret. Itaque, vt ea perturbatio, & confusio tolleretur, omnes intelligunt necesse fuisse Magistratus tanquam iustitiæ normam animatam, vt Aristoteles inquit, in populis exstare, atque etiam aliquam auctoritatem parem ipsis legibus, cuius sit summa potestas iudicandi, finemque omnino imponendi litibus. Num verò censebimus, rationem iudicandi fidei causas minus aptè in Ecclesia diuinitus esse constitutam, quam sit ratio in Rebus publicis dirimendi controuersias politicas? Non est id quidem vilo modo credibile. Nam dilexit Christus Ecclesiam, nec facultas, aut sapientia illi defuit, quo minus optima ratione, eius statum constitueret. Quam ob rem, vt finis facillè esse posset controuersiarum de doctrina fidei; præter auctoritatem, quæ est in Scripturis Canonice infallibilis, aliam aliquam procul dubio infallibilem item auctoritatem, eamque animatam in Ecclesia Deus esse voluit, cui debeant omnes in iudicio fidei parere, licet ipsi non penitus etiam videant quemadmodum ea auctoritas conuenienter Scripturæ iudicet.

Probatio quinta.

Quintò. Cum tam seriò, ac graniter admonuit beatus Petrus, vt hoc inprimis sciremus, quod omnis, inquit, Prophetia Scripturæ, propria interpretatione non sit: obsecro, quid significare voluit? An tantum vt non putet aliquis esse sibi vnum, aut alterum Scripturæ locum ingenio proprio, non consultis, & collatis alijs Scripturæ locis intelligendum? At hoc quis omnino hæreticorum putat? Quid opus erat hoc tam seriò admonere? Item, si vnum aut alterum locum Scripturæ, ingenio, sensusque proprio interpretari non licet: quantò minus licèbit, interpretari proprio sensu, atque auctoritate locos Scripturæ plures, inter quos collatio instituitur? Quid ergo illud est, quod Deus Petrus vult? Videamus quomodo loquitur. [Omnis, inquit, prophetia Scripturæ, &c.] Non dicit, Hæc, aut illa tantum: sed absolute, ac sine vlla exceptione, [omnis prophetia Scripturæ, propria interpretatione non fit.] Hæc igitur vis atque sententia, huius Apostolicæ monitionis est: Nemini priuato suo labore, atque proprio studio, quæcumque demum ratione, atque adè etiam ne ex ipsa quidem Scriptura doctrinam Scripturæ certè, ac infallibiliter in controuersis quæstionibus intelligere posse: sed opus esse, vt discat ex aliqua alia auctoritate in Ecclesia communi, per quam Spiritus sanctus communiter loquatur, ac omnes doceat. Nam, vt ipse Apostolus ibidem subiungit, quemadmodum [non auctoritate humana, sed diuina loquuti in Scripturis sunt sancti Dei homines:] ita etiam non humana, ac propria industria huius, vel illius hominis, vilo modo, ne ex ipsa quidem Scriptura, sententia Scri-

Scripturæ certò cognoscenda est, sed ex aliqua auctoritate, item diuina, per quam ipse Spiritus sanctus, qui Scripturæ auctor est, sit etiam certissimus Scripturæ interpret. Ita fit, vt sola Scriptura non sufficiat nobis ad certò dijudicandas fidei quæstiones.

Atque etiam hinc intelligitur, quemadmodum ex mente, atque sententia planè ipsius D. Petri, suprà expofuerimus, quod ille hoc in loco dixerat, Scripturam [quasi lucernam quandam esse, cui lucenti in caliginoso loco benè faceremus attendentes.] Docuimus enim, Scripturam quidem lucernam per se esse: sed eam tamen non modio proprii iudicii comprehensam, sed in auctoritate Ecclesiæ tanquam in candelabro constitutam, illuminare nos posse. Quod, vt D. Petrus doceret; statim, ac dixerat Scripturam esse lucernam, subiunxit admonitionem, ne quis hoc ita intelligeret, quasi illuminaret ea etiam secundum propriam, aliusque interpretationem, valeretur proinde ipsa sola ad terminandas fidei quæstiones sine communi, & certa alia regula.

Probatio Sexta.

Sextò. Potest huc etiam illa forma argumentandi rectissime accommodari, qua suprà sumus vti, vt probaremus, Deum per se solum sine vilo alio medio non docere. Nam ab ijs etiam, qui asserunt, per Scripturam fidei Deum omnes, ac singulos de rebus solum sufficenter docere: querendum est, vtro modo id Deus faciat? Nunquid ita omnes, ac singulos Deus per solum Scripturam docet, vt nequeant omnino ipsi falli dum indicant se aliquid in fidei quæstionibus didicisse ex Scriptura diuinitus? An verò ita, vt permittat eos in eiusmodi iudicio quandoque falli? Primum dici non potest. Nam, vt suprà quoque ex Apostoli sententia dicebamus, oportet hæreses esse, & fuerunt ferè omni sæculo, ac sunt iam, ob Scripturam falsò intellectam, plures etiam, quàm oporteret. Quod si Deus illo altero modo per Scripturam solum docet; permittendo videlicet, vt homines falsò putent, se ex Scriptura didicisse id, quod Scripturæ est contrarium: non magis isto modo consuluisset saluti hominum, quàm si ipse solus per se sine omni medio doceret. Nam cum Scriptura nec linguam; vt sese ipsa sonora voce declararet, habeat, & præterea difficilis, vt euidenter suprà ostendimus, atque obscura nobis sit: æque ferè facile decipi possumus in existimando nos aliquid ex Scriptura didicisse, atque in iudicando nos didicisse sine vilo medio ex ipsomet Deo: vt plus etiam satis hæreticorum omnium exemplo, tam facile ad errores suos Scriptura abutentium, comprobatur. Quemadmodum, igitur propter eiusmodi facilitatem errandi non esset satis hominibus prospectum, si absque medio Deo doceret: ita neque si doceret per solum Scripturam absque alia quadam

auctoritate administra, quæ viuat, & loqui clare ipsa possit, ne quis in eius sententia percipienda facile decipiatur.

Probatio Septima.

Septimò. Si ex Scripturis solis discenda esset fides; non oporteret ex diuino mandato, Ecclesiæ in credendo obedire; illius iudicio prorsus acquiescendo, eique submit-tendo iudicium proprium. Liceret enim, semper illi refragari prætexit Scripturæ, si præter Scripturam nulla in ea auctoritas sit, quæ certò, & infallibiliter doceat de fide. At veram, & Christianam fidem cum quadam obedientia mentis (nempe erga Ecclesiam per cuius os Deus loquitur, & auditur) continentem esse necesse est, vt suprà par. 3. certissime demonsttrauimus. Non est igitur fides ex Scriptura sola, tanquam ex iudice controuersiarum omnium, discenda.

Atque ipsidem ferè argumentis effici-tur, neque solum traditionem viuæ vocis eorum, qui olim vita defuncti sunt, esse regulam sufficientem fidei, quæ valeat per se sine alia aliqua infallibili, ac præsentè auctoritate omnes omnino definire fidei quæstiones. Nam primum, sicut de auctoritate ipsius Scripturæ necesse est per aliquam aliam certam regulam constare, ita etiam de auctoritate traditionis, si ea quoque reuocetur in dubium. Non enim traditio loquitur etiam ipsa clare, & perspicue de sese: vt neque ipsa Scriptura. Deinde cum traditio scriptis ferè doctorum Orthodoxorum in Ecclesia conferretur: quæstiones, ac dubia moueri possunt de sensu illius, sicut dubitatur sæpè de sensu, ac mente Doctorum. Eiusmodi autem quæstiones, cum erunt ortæ post traditionem; quæ semel tantum, vt ita dicam, loquuta est, neque præterea amplius loquitur: certè per eandem ipsam traditionem definiri satis non poterunt. Postremò multæ in Ecclesia varijs reimpioribus definitæ, ac declaratæ sunt sententiæ fidei, & deinceps similiter, motis controuersijs, definiti possent, de quibus antè non fuerit, vsque adeò expressa traditio.

Quod si igitur aliquam humanam auctoritatem diuina assentientia infallibilem, magistram; ac iudicem, in omnibus quæstionibus fidei, extare necesse est, vt superius probauimus: neque verò ea est illorum hominum propria, qui olim diuinam doctrinam aut verbo, aut scripto tradiderunt, & vita defuncti sunt, vt iam etiam probatum est; restat, vt viuat hæc auctoritas successionè semper inter fideles præsens, quemadmodum in assertionè nostra posuimus. Atque hoc in loco velim, vt ij, qui scitis hodie additi sunt, incipient secum perpendere, quantoperè à recta fide aberrrent: si quidem eam discere nolunt ex aliqua auctoritate præsentè: cuius tamen solius, vt probatum est, absoluta & plena potestas est de omnibus fidei quæstionibus iudicandi. Sed progrediamur ad reliqua.



P A R S S E X T A.

Cum auctoritas illa, Magistra fidei, apud ipsos Christi fideles perpetuò vigeat; non alibi, vel quari debet, vel inueniri potest, nisi apud veram Christi Ecclesiam, hoc est, apud congregationem verè fidelium. Ea verò congregatio non alia est, quàm cætus eorum, qui Romano Pontifici pro tempore existenti parent.



Vod illa auctoritas, cuius est omne fidei iudicium, in Ecclesia vera Christi fidelium querenda sit, nec alibi inueniri possit id verò probatione noua nihil indiget. Nam si rota eiusmodi auctoritas ad vsum, & salutem Christifidelium est diuinitus instituta, viuittque, vt probatum est semper, ac præstò in omnibus fidei questionibus adest: frustra nisi inter fideles ipsos, atque adeò in Ecclesia quereretur. Sed vt illam demum auctoritatem in Ecclesia Christi vera inueniamus, necesse est primum inueniri, ac ostendi eam ipsam veram Ecclesiam Christifidelium. Hanc asserimus esse congregationem, seu cætum eorum hominum, qui Romano Pontifici pro tempore existenti parent, idest, Romanam Ecclesiam. Hoc nunc probandum est. Quam ad rem, necessàriò dicendum primo loco erit, & de ratione ipsa in genere veræ Christi Ecclesiæ, & de proprietatibus eius, quæ partim ipsi in Scriptura sacra, partim in fidei symbolis tribuuntur. Nam congregationem illam, quæ Romano paret Pontifici, atque adeò hanc ipsam, quæ nunc paret Gregorio XIII. Pontifici Maximo, esse veram Ecclesiam Christi; tum demum probabimus, si ostenderit ei congregationi conuenire prorsus, & rationem, & proprietates veræ Christi Ecclesiæ. Dicam igitur primum de his duabus rebus, hoc est, de ratione, & proprietatibus veræ Ecclesiæ, & breuiter, & meo modo, quæ ad rem pertinebunt. Et quia controuersia est inter nos, & Sectarios, non modò, quæ sit vera Ecclesia, sed etiam ex quibus notis, ac proprietatibus Ecclesia vera probari debeat: istud quoque deinde constituemus. Ita enim aperta demum, atque expedita via erit, vt probemus id, quod nunc agimus, Ecclesiam Romanam, idest, congregationem, quæ Ro-

manam Pontificem pro Pastore habet, esse veram Ecclesiam. Si quis verò, de ipsa quidem ratione, ac forma Ecclesiæ in communi, plura fortasse, quàm ego dicenda putem, desiderabit, quamquam rem ipsam complectemur, ea petet ab alijs, qui antè de Ecclesia scripserunt. Nam tractarunt id argumentum latissimè Thomas Waldensis lib. 2. doctrinalis fidei antiq. cap. 9. & deinceps. Ioannes Tuttrecremara in summa de Ecclesia. Ioannes Driedo lib. 4. de varijs dogmat. c. 2. Albertus Pigius lib. 6. de Ecclesiastica hierarchia. Melchior Canus toto lib. 4. de locis Theologicis. Hosius Cardinalis in Confessione Polonica, super Articulum de Ecclesia. Alfonso à Castro in suo opere aduersus hæreses, verbo, Ecclesia. Franciscus à Victoria in relectione de potestate Ecclesiastica. Franciscus Turrianus, & alij quàm plurimi. Nos sanè eò potissimum tractationem hanc totam dirigemus, vt manifestissimè constet, illam congregationem determinatè, quæ Romano Pontifice, pro tempore existenti paret, esse veram Ecclesiam.

Quæ sit Ecclesiæ ratio.

Ergo, vt remota vocabuli ambiguitate, rem illico aggrediamur, Ecclesia Græcè, Latine est conuocatio, sicut omnes notant. Inde tractatum est hoc nomen 1. ad significandum locum ipsum, in quem conueniunt plures, qui sunt conuocati. Sic in libro Iudith ea vox accipitur, vbi scriptum est: [Totam noctem intra Ecclesiam orauerunt.] Hæc vocabuli vsurpatio ad præsens institutum non attinet 2. Accommodatum est id nomen ad significandum cætum ipsorum, siue conuentum hominum conuocatorum. Quæ acceptio pertinet ad propositum. Sed animaduertendum est, nomen hoc in æ significatione, vtrunque in partem, nempe in bonam, & ma-

malam à Scriptura sacra vsurpari. In malam, vt cùm in Psalmo dicitur: [Odiui Ecclesiam malignantium.] In bonam autem, vt ibi legimus: [Laus eius in Ecclesia Sanctorum.] Iam verò Ecclesiastici Doctores in bonam tantum partem ea voce vtuntur: vt Ecclesia dicatur cœtus eorum, qui diuinitus ad virtutis aliquam, sanctęque religionis societatem conuocantur. Et quemadmodum varijs modis cœtus aliquis virtute, ac religione copulari potest: ita Ecclesię nomen in ea ipsa significatione latè porro patet. Quę sanè est causa, quomobrem, vbi de Ecclesię ratione agitur, non expedit vnā tantum aliquam Ecclesię descriptionem ponere, sed satius sit plures magis, & minus latè patentes, quę totum Ecclesię ambitum, illiusque varias acceptiones exponant, distinguere. Ita enim, semotis verbi controuersijs, commodius, quod ad rem ipsam attinet, intelligi poterit primò, quid Ecclesię conueniat iuxta vnāquamque acceptionem nominis, in illa vltima significatione, quę est in vsu Ecclesiastico, secundò, qui nam errores circa variā Ecclesię rationem, seu varias eius partes vitari debeant, tertio, quę sit Ecclesię acceptio, & descriptio apud Doctores vsitator, quę præcipuus huius loci difficultates continet.

Secundum postremam igitur nominis acceptionem in bonam partem, quam apud Ecclesiasticos Doctores diximus esse vsitam, potest primò Ecclesia describi latius, vt sit eorum multitudo, quos beneficio vocationis diuinę verus Dei cultus, & vera Dei cognitio indita diuinitus coniungit: siuè ea quidem cognitio sit obscura, qualis est cognitio fidei, siuè clara, & aperta, cuiusmodi est beatorum. Isto modo latissimè Ecclesia parer. Atque ita de illa loquuntur doctores, quando tripartito eam diuidunt: nempe in militantem hac in vita cum eius hostibus, mundo, demone, & carne; & peccata expiantem in purgatorio; atque triumphantem in patria celesti. Hoc tam amplo modo definita Ecclesia, in ipsa conditione Angelorum suum habuit initium. Nam sunt illi creati cum vera cognitione Dei: imò etiam in gratia, vt verissime sentiunt grauiores Theologi. Quocirca ad Ecclesiam communem isto modo acceptam pertinent: vt D. Bernardus, & D. Thomas notauerunt.

Secundò. Alio modo definitur angustius Ecclesia, vt sit hominum multitudo, quos verus Dei cultus, veraque cognitio, sed obscura, nimirum fidei, hac in vita coniungit. Sic Doctores accipiunt, cùm asseuerant, vnā atque eandem esse veteris, & noui Testamenti Ecclesiam, ob eandem videlicet fidem in eundem Christum Mediatorem: quę Patribus illis, nobiscum fuit communis. Atque idcò Apostolus lapidem angularem Christum esse dixit, quo sit vtraque Ecclesia connexa. De initio Ecclesię sic acceptę, non eodem modo loquuntur recentes scriptores. Aliqui asseuerant, illam ab Adams ducere suam originem, quod sentiunt Ioannes Driedo, & Hosius in Confessione Polonica. Sed Ioannes Turrecremata in sua summa de Ecclesia affirmat communionem esse sententiam, quod Abel dederit huic Ecclesię initium. Id quod

D. Augustinus sensit. Quasi autem hæc non tam est de re, quàm de nomine. Nam si Ecclesia illo modo dicatur hominum multitudo, quam coniungit fides, & cultus Dei absolute; etiam si nullis externis cærimonijs, ac singulis cultus cuiusmodi declaratur: certum est, ab Adamo eam incepisse. Sin verò in ea Ecclesię descriptione fides, & cultus intelligantur cum cærimonia externa; non constat cerè Ecclesiam ita incepisse ab Adamo: quoniam non constat Adamum cærimoniam aliquam cultus externam vsurpassè ante Abel: quamquam id fortè non improbabili suspicari liceat. Ita cùm Abel sit primus, de quo cerò quidem constat externam cultus cærimoniam rectè adhibuisse Deo, ille ferè dicitur fuisse Ecclesię sic acceptę principium; quod videlicet sciatur.

Tertio. Postremò pressius definitur Ecclesia, vt sit hominum multitudo, quam congregat, non modò verus Dei cultus in hac vita, & vera cognitio: fed etiam idem baptismi Sacramentum, eademque professio Christianę religionis. Sic diuersa est nunc Ecclesia ab ea, quę fuit olim in lege veteri. Ad huiusmodi enim Ecclesiam propriè quidem, atque simpliciter omnes, & soli baptizati, ac verè Christiani pertinent, siuè prædestinati sint, siuè reprobi, siuè iusti, siuè iniusti, siuè cuiuscumque alterius conditionis, dummodò fidem retineant integram. Quamuis, vt sunt in hac Ecclesia diuersi gradus, ita ex ijs ipsis, qui ad eam pertinent, alij magis, alij minus arctè in hoc corpore copulantur. Indè enim fit, vt excommunicati certa quadam ratione dicantur non esse membra Ecclesię; quamuis, si sint verè fideles, absolute quidem non sunt extra Ecclesiam: vt paulò post dicemus. Catechumeni verò, si per vorum Baptismi, gratiam consecuti sint, & fidem adeò habeant; ad Ecclesiam Christianam, & ipsi pertinent secundum meritum: quamuis non propriè, & secundum numerum, vt rectè notat ex recepta Theologorum sententia Turrecremata. Hæretici autem ad Ecclesiam Christi non pertinent verè tanquam membra. Nam, vt rectissime, inquit Diuus Augustinus: [Non quia videntur Ecclesię Christi habere nomen, idcirco pertinent ad eius consecrationem.] Quare, & alibi dealbaros tantum Christiano nomine eos esse dicit eleganter idem Augustinus. Quod idem asseuerunt Tertullianus, Cyprianus, Ambrosius, & alij communiter sancti Patres. Et clarum est testimonium Ioannis: Ex nobis, inquit, prodierunt. Hoc probat etiam inter cæteros diligenter Melchior Canus. Et si autem hæretici verè, ac propriè membra Ecclesię non sunt, tamen minimè negandum est, quin quadam ratione ad Ecclesiam pertineant. Quia enim, & characterem habent Baptismi, & aliquando membra Ecclesię fuerunt; illorum quadam cura ad eam pertinet. Vt manus verbi gratia à corpore cuiuspiam abscissa: peculiari quodam iure, ac ratione ad eius curam, & potestatem attineret, cuius fuisset antea membrum. Ex quo intelligi debet, Ecclesiam, dum hæreticos iure suo punnit, minimè facere contra illud Apostoli: [Quid mihi de ijs, qui foris sunt iudicare?] loquitur enim hoc loco Apostolus de infidelibus,

libus, qui nunquam in Ecclesia fuerunt, quos persequitur est non perinde, atque hereticos ad Ecclesiam ius pertinere, nec Ecclesiam membra esse: nisi forte membra dicas in potentia: quatenus ad fidem conuerti possunt. Quo pacto ad Ecclesiam eos pertinere, eorumque caput esse Christum, docet B. Thomas.

Porro hæc Ecclesiarum ratio, quam ita breuiter nunc descripsi, & exposui, omnium est frequentissima apud Orthodoxos scriptores. Sic Ecclesia proprie ad nos Christianos pertinet. Sic eam Apostolus vocat societatem Iesu Christi Filij Dei, ad quam sumus immenso Dei beneficio vocati. Atque ad eam item pertinent Scripturæ noui Testamenti multæ, ac variæ sententiæ, quæ nobis declarant qualis sit Ecclesiarum Christianarum forma, & status, quamque variâ, & multa genera hominum illa complectatur. [Attendite, inquit, Apostolus, vobis, & vniuerso gregi: in quo vos posuit Spiritus sanctus regere Ecclesiam Dei.] Hic quoddam esse in Ecclesia, qui alios regendi auctoritatem habeant, & quoddam etiam, qui aliorum auctoritate, & cura regantur, clarè significat. Quam regendi potestatem Christus quoque declarauit inquit: [Si te non audierit dic Ecclesie: si autem Ecclesiam non audierit, sit tibi tamquam Ethnicus, & Publicanus.] Atque etiam reprobos cum prædestinatis, malos cum bonis, dum fidem quidem retinent, permixtos esse in Ecclesia, vsque ad extremum diem Iudicii, multis similitudinibus in Scriptura significatur. Ideo siquidem, vt Augustinus rectè intellexit, Ecclesia comparatur [aræ], in qua eritritum est cum palea, donec cribro perpuratum reponatur in horreum: [palea autem comburatur igne inextinguibili.] Ac eadem ratio comparationis est, cum esse Ecclesiam quasi saginam dicitur, [ex omni genere piscium congregantem,] qui primum in littore segregantur. [Sic, inquit, erit in consummatione sæculi: Exibunt Angeli, & separabunt malos de medio iustorum, & mittent eos in caminum ignis.] Item, [Simile est, inquit, regnum celorum] (id est, Ecclesia, vt rectè D. Gregorius interpretatur) [decem virginibus: quarum quinque erant prudentes, & quinque fatuæ &c.] Ideo etiam Apostolus: [In magna, inquit, domo non solum sunt vasa aurea, & argentea, sed & lignea, & fictilia, & quedam quidem in honorem, quædam autem in contumeliam.] Et illud quoque pulchrè Augustinus: [Est in Canticis canonicorum quod de sancta Ecclesia dictum omnis Christianus agnoscit: Sicut lilium in medio spinarum, ita proxima mea in medio filiarum. Vnde appellat spinas, nisi propter malignitatem morum: Et easdem, vnde filias, nisi propter communionem Sacramentorum] Ac sunt, quam plurima Scripturæ testimonia similia, ex quibus satis apparet, illam Ecclesie descriptionem, secundum quam affirmauimus, omnis conditionis homines fideles in Ecclesia contineri, certissima fide iuri.

Ex qua doctrina tres errores circa formam Ecclesiarum Christianarum facile refutantur. Primus Catharorum, Donatistarum, & Anabaptistarum. Qui commentii sunt, Ecclesiam ex ijs tantum hominibus constare, qui gratia, & charitate perfecti sint, neque vlla sint

infecti peccati macula. Secundus error fuit, Ioannis Wiclephi, & Ioannis Hufs. Hi contenderunt, ne ex bonis quidem omnibus, sed tantum ex solis prædestinatis Ecclesiam constare. Tertius error est, aliorum quorundam Sectariorum, qui voluerunt constare tantum ex iustis, quantumvis iij sint aliquibus obstricti peccatis. Aduersus hos omnes illarum Scripturæ testimonia, quæ sunt adducta, satis sunt, & firma, & perspicua. Deinde etiam illa ratio eosdem reuincit, quod si Ecclesia tantum ex perfectis, aut ex prædestinatis, aut ex iustis constaret, omnis gubernatio, siue regimen illius funditus tolleretur. Nam neque superiores cognoscere possent suos subditos, neque vicissim subditi suos superiores. Quis enim sciat vtrum sui perfectus, nec ne? vtrum prædestinatus, an reprobus? vtrum iustus, an impius? Proprie vnde contra primum errorem valent illa, ex quibus in materia de gratia probari solet, perfectam illam iustitiam, quæ peccatum excludit prorsus omne, in hac vita minime reperiri. Quare Augustinus: [Vbiunque, inquit, commemorauimus Ecclesiam, non habentem maculam, neque rugam: non sic accipiendum est, quasi iam sit, sed quæ præparatur, vt sit: quando apparebit etiam gloriosa. Nunc enim propter quasdam ignorantias, & infirmitates membrorum suorum, habet vnde quotidie tota dicat: Dimitte nobis debita nostra.] Hæc ille. Est etiam secundus ille error Wiclephi damnatus in Constantiensi Concilio. Quod si quis plura hæc de re videre velit, legat inter cæteros auctorem eruditissimum Ioannem à Turrecremata lib. 1. de Ecclesia cap. 54. & 55. & Thomam Waldensem lib. 2. doctrinalis fidei antiq. c. 3. & 9. & Melchiorem Canum lib. 4. de locis Theologicis cap. 3. Hi etiam scriptores ad argumenta illorum hæreticorum facile respondent.

Quibus sanè argumentis omnibus ex hoc vnicò fundamento occurrit potest: nempe Ecclesiarum Christianarum, cum tam latè pateat, plures & eas valde diuersas esse partes. Nam qui non solum fide inter se, & cum Christo capite coniuncti sunt, sed etiam gratia, & charitate: ex ijs præstantior Ecclesie pars constituitur, quam sit illa, quæ consistit ex hominibus fide dumtaxat præditis: & ea pars Ecclesie omnium est præstantissima, quæ hominibus non modo fidelibus & iustis, sed etiam prædestinatis continetur. Si quid igitur interdu, vel à Scriptura sacra, vel à Patribus tribuitur Ecclesie, quod aut iustis tantum, aut prædestinatis tantum conueniat, id non ad Ecclesiam totam, sed per Synechdochen ad Ecclesie partes illas præstantiores referri debet. Quod si Patres etiam quandoque negant, peccatores esse membra Ecclesie; aut certè asserunt membra ipsius esse mortua: sensus est, non eos esse membra sana, & perfecta, quæ scilicet vita perfecta spirituali, hoc est, etiam gratia, & charitate vigant. Hoc tamen non obstat, quod minus ratione fidei, quam à Christo capite percipiunt, vera aliqui membra simpliciter censcantur. Etenim vel ipsa fides vita est quædam spiritualis imperfecta, qua vtcunque moneri possit, & contendere in vitam æternam, licet minime quidem sufficienter absque charitate. Ita vel sola

participatione fidei in Ecclesiæ corpore con-
nexus, tanquam membrum, hæret peccator.
Velut si pars aliqua verbi gratia, sic esset vni-
ta corpori humano, vt nonihil vitæ partici-
paret ex corpore, videlicet motum, & vigo-
rem per nutrimentum, non autem etiam sen-
sum: membrum corporis censeretur, tamen
non sanum, & perfectum. Quocirca non est
certè ratio, cur magnoperè recipiamus mo-
dum quorundam loquendi, qui aiunt, pec-
catores quidem Ecclesiæ partes dici posse,
membra non posse. Quamquam quæstio est
omnis de nomine: cum res ipsa quidem vno,
& eodem modo sine controuersia ab omnibus
Orthodoxis intelligatur.

Ex eodem illo fundamento, quòd sint
videlicet Ecclesiæ Christianæ partes multæ,
ac diuersæ; intelligi potest, qua ratione ex-
communicari, licet fideles sint, tamen à qui-
busdam dicantur præcisi ab Ecclesia, neque
membra eius esse. Hoc sanè verissimum est, si
intelligantur esse præcisi ab ea parte Ecclesiæ,
quæ non modò fide, sed etiam solemnium
prezum, atque suffragiorum mutua commu-
nicatione coniungitur. Sic etiam illud acci-
piendum, quod verissimè à Theologis docetur,
schismaticos, etsi non sint etiam hære-
tici (contingere namque id potest, vt intel-
lexit quoque D. Augustinus, ac rectè D. Tho-
mas declarat) hoc ipso quòd schismatici sunt,
non esse membra Ecclesiæ. Huius enim ratio
est, quòd cum subtrahunt sese ab imperio
summæ in Ecclesia potestatis (quæ est, vt in-
frà probabimus, Summi Pontificis) eo ipso
ab recto desciscunt ordine, quem conuenit
Ecclesiæ membra habere cum illius in terris
capite visibili, Christi Vicario: atque ita ad
potiorem illam, & saniorum Ecclesiæ partem
non pertinent, quæ non solùm inter se, & cum
Christo fide coniuncta est, sed etiam ordine
recto subest, atque coniungitur visibili ca-
piti. Atque hæc pro instituto nostro sufficiant,
tum ad rationem ipsam Ecclesiæ per se intel-
ligendam, tum ad rectè de quibusdam docto-
rum disputationibus iudicandum. Quos qui-
dem apparebit ex dictis, etsi in aliquibus vi-
deantur circa rationem, formamque Ecclesiæ
dissentire, re tamen consentire, tantumque
propter varias Ecclesiæ acceptiones loqui di-
uerso modo.

Quæ sint Ecclesiæ proprietates.

Numerabimus hic breuiter eas Ecclesiæ
Christianæ proprietates, quas ipsi, vel
Scriptura sacra, vel etiam fidei symbola sine
controuersia tribuunt. Etsi autem varia nu-
merandi ratio esse possit, neque magnoperè
interfit, quomodo distinguas, ac numeres;
modo illa attributa, quæ re ipsa conueniunt
Ecclesiæ (sive illa illorum ad alias referas,
sive ab alijs separe numerando, ac distin-
guas) cognoscantur: animaduerto tamen
Ecclesiæ prerogatiuas, quæ quidem ad pro-
positum attingere possint, esse potissimum
octo. Ex quibus quatuor priores recitabimus
ex vñtatis etiam fidei symbolis; Posteriores
autem quatuor colligemus ex diuina Scrip-
tura. Tum videbimus, ex quibus earum, &
quomodo, quænam sit vera Ecclesiæ probari
debeat.

Tom. XIII.

Prima Proprietas.

Primò igitur Ecclesiæ dicitur, vna. Hæc
proprietas in symbolo fidei Nicæno ha-
betur. Ac significatur ex Patrum sententia
illis canticorum verbis: [Vna est Columba
mea.] Quæ verò sit huius vñtatis ratio,
exposuit Apostolus. [Solliciti, inquit, ser-
uate vñtatem spiritus in vinculo pacis. Sicut
vocati estis in vna spe vocationis vestræ;
Vnum corpus, & vnus spiritus, vna fides,
vnum baptisma, vnus Deus, & Pater om-
nium.] Quo loco Ecclesiæ vñtatem conti-
neri docet tum vñtate principij, videlicet
Dei vocantis: tum vñtate finis, nempe vitæ
eternæ, quam speramus, & ad quam vocati
sumus: tum vñtate mediourum, per quæ no-
bis ad illam contendendum est, nimirum
fidei, baptismi, & reliquorum Sacramen-
torum, quorum quasi ianua est baptismus. Ex-
plicat quoque speciatim illam Ecclesiæ vñtatem
in alio loco ab vñtate eiusdem cibi celestis,
id est, Eucharistis, qua fideles omnes re-
ficiuntur. [Vnus, inquit, panis, & vnum
corpus multi sumus omnes, qui de vno pane,
& calice participamus.] Item id declarat ab
vñtate charitatis, & doctrinæ, quæ sit eadem
à fidelibus retinenda. [Vnamines, inquit,
in charitate id ipsum sentientes.] De quo mo-
do vñtatis illud etiam intelligi potest: [Erat
multitudo credentium cor vnum, & anima
vna.] Est etiam, sententia Patrum, Ecclesiæ
vna ab vno Pastore, seu Episcopo, [cui plebs
Christiana,] vt Cyprianus, inquit, adunata
cohæret. Cum verò dicimus Ecclesiam sic
esse vnam; hoc intelligimus vñtate totius.
Nam ratione diuersi loci, aut temporis non
dubium est, quin plures Ecclesiæ dici possint,
vbi loquitur etiam [scilicet] D. Paulus. Sed tamen
omnes istiusmodi Ecclesiæ sunt partes vnius
Ecclesiæ Christianæ vñtate totius. Et hoc
quidem perspicuum est.

Sed illud deinde circa hanc Ecclesiæ
proprietatem diligentissimè notari debet,
Ecclesiam Christi non ob eam rem solùm, ab
vñtate fidei, & doctrinæ vnam esse, ac dici,
quoniam omnes, qui sunt eius membra in
eamdem fide, atque doctrinam, quamdiu qui-
dem sunt eius membra, consentiant actui: Sed
ob id inprimis ab vñtate fidei, & doctrinæ
dicitur Ecclesiæ vna, quoniam modum, atque
rationem ipsa tenet accommodatissimam ad
consensionem fidei, & doctrinæ tuendam.
Quod erit postea præcipuè ponderandum,
cum ex hac Ecclesiæ proprietate probabi-
mus, Ecclesiam Christi legitimam non apud
illos Sectarios, sed apud eos solos esse, qui
Romano parent Pontifici. Cur verò hæc Ec-
clesiæ proprietas ita necessariò debeat intel-
ligi: ratio est in promptu clarissima. Etenim,
si Ecclesiæ vñtatem in actuali tantum doctrinæ
fidei consensione, & non præcipuè in ra-
tione ad consensionem accommodatissima
poneremus; nihil omnino magnum Ecclesiæ
Christi tribueremus, dum illam propter vnam
atque eandem fidei doctrinam asserimus
vnam esse. Sed neque posset Christi Ecclesiæ
per eam notam ab hæreticorum conuenticulis
vilo modo discerni. Quis enim vnquam fuit
hæreticorum cæcus tam exiguis in quoque

L ad

ad eum pertinerunt (quamdiu pertinerunt ad eum quidem) non fuerint actu de doctrina consentientes? Etenim ubi primum, quis, prudens, ac sciens; ab alijs dissentit, eo ipso censetur à cetero aliorum, qui secus sentiunt, alienus. Itaque hodie Lutherani, in publicis etiam suis scriptis, pro alienis, ac planè pro hereticis Calvinianos habent, & vicissim Calviniani Lutheranos: quia licet in una, & eadem familia, cuius infanum caput exstitit Lutherus, omnes principio fuerint: tamen postea inter se de fidei doctrina dissentire ceperunt. Non igitur in actuali tantum consensu: sed inprimis in ratione aliqua optimè accommodata ad retinendum consensum unitas Ecclesie Christi consistit. Quod velim diligentissimè considerari ab ijs maxime, qui sunt Secarijs, vel Lutheranis, vel Calvinianis addicti. Sed postea id quoque repetemus.

Secunda Proprietas.

DEinde dicitur Ecclesia Sancta. Ita vtrumque symbolum; atque etiam Apostolus: [Templum, inquit, sanctum quod estis vos.] Et sunt rationes plures quamobrem Ecclesia sancta censeri debeat. Decem collegit Ioannes à Turrecremata in erudito illo suo, ac prolixo opere de Ecclesia. Potissimè sunt hæc. Primò. Quoniam secundum aliquam præcipua sua membra, nempe secundum iustos immunis est ab omni peccati macula mortali, quæ sola videlicet cum gratiæ sanctitate stare non potest, & eius delet nitorem. Itaque per synecdochon Ecclesia sancta dicitur, propter iustos. Quemadmodum nationem aliquam, fortem dicere solemus: non quod omnes eius nationis homines, fortes sint, sed quoniam aliquos gignit fortes. Neque verò obstat quod in Canticis de Ecclesia dicitur: [Tota pulchra es amica mea, & macula non est in te.] Sensus enim non est, omnes, ac singulos fideles in Ecclesia carere macula peccati mortalis, sed aliquos, ita carere ea prorsus, vt sint toti mundi: id est, vt neque secundum intellectum, neque secundum affectum, sint aliquo peccato mortali inquinati. Quam interpretationem doctè explicat, ac dilatat Ioannes Turrecremata. Quamquam dici etiam potest, sententiam illam non ad Ecclesiam qualis in hac vita est, sed qualis in patria celestis est futura referri debere: [cum exhibebit sibi Christus Ecclesiam gloriosam non habentem maculam, neque regulam.] Vera enim esse illa D. Augustini oratio videtur: [Quæcumque, inquit, testimonia diuinarum Scripturarum commemorari poterint, quibus ab omni malorum hominum permixtione pura prænuntiatur Ecclesia: non qualis nunc est illis testimonij prænuntiatur: sed qualis post istam mortalitatem in vita æterna futura est.] Huc adde, posse quoque in hac vita totam pulchram dici propter christianam professionem, quæ tota pura est, vt mox dicemus. Secundò. Item dicitur Ecclesia, Sancta, à sua firmitate. Est enim supra petram, quæ inprimis est Christus, fundata, contra quem nulla vis præualebit. Ideò in Canticis, [terribilis dicitur, quasi castrorum acies ordinata.] Atque

hac ratione pulchrè D. Augustinus Ecclesiam interpretatur terram esse illam, de qua David in Psalmo: [Fundasti terram super stabilitatem suam: non inclinabitur in seculum seculi.] Hanc rationem sanctitatis rectè explicauit in Confess. Polonica, Cardinalis Hosius. Tertiò, Sancta dicitur, quoniam sanguine est Christi iuncta, & acquisita. Ad quod attendisse D. Petrus viderur, ubi fideles vocat gentem sanctam, populum acquisitionis. Quartò, Quia tota diuino cultui consecrata est: præceptis, Sacramentis, institutis sanctis continetur: prorsus, vt in eam rectissimè conueniat illud Psalms: [Lex Domini immaculata &c.] Hac ratione Ecclesia tota sancta dici potest, Quia licet non omnes fideles celerant vitæ sanctimoniam: omnes tamen certè illam profitentur. Quemadmodum religiosos, aut artifices, propter vitæ institutum, & professionem, eos etiam solemus dicere, qui religionis, aut artis præcepta transgrediuntur, vt ad hoc propositum rectè notatum est in Catechismo Romano. Quintò, Sancta item dici potest propter sanctissimam eademque varia, ac multiplicia diuinæ gratiæ charismata, quibus ornata est: atque etiam ob vniuersalia, efficacissimaque remedia sanctitatis, quibus affatim diuino beneficio abundat.

Tertia Proprietas.

Est præterea Ecclesia Christi, catholica: vt dicitur in vtroque symbolo. Cum autem, catholica, idem sit quod vniuersalis, variam habet rationem hæc Ecclesie proprietas. Nam primum catholica dicitur ab vniuersitate eius doctrine, quam proficitur. Continet enim materiam vberissimam de Deo, & de Creaturis. Secundò. Ab vniuersitate loci: quia per vniuersum est orbem diffusa. Quam rationem appellationis D. Augustinus diligenter exposuit. Ex eaque sæpe probat hereticorum conuenticula Ecclesiam Christi non esse, quoniam suis quibuscumque tantum contineantur prouincijs. De qua re postea. Huc autem illa Patris æterni ad Christum promissio pertinet: [Dabo tibi gentes hereditatem tuam, & possessionem tuam terminus terræ.] Ac item illud: [In omnem terram exiit sonus eorum, & in fines orbis terræ verba eorum.] Vt iam præteream multa similia.

Tertiò. Dicitur quoque Ecclesia Catholica à temporis vniuersitate. Nam ad finem, vsque mundi peruehit. Quemadmodum, & à mundi exordio consensu perpetuò aliqua Dei Ecclesia fuit, vt erudire inter ceteros Ioannes Turrecremata, & Ioannes Driedo ostenderunt. Nunc quod Christi Ecclesia ad finem, vsque mundi sine interruptione mansura sit, satis constat ex illis Christi promissionibus, in Matthæi Euangelio: [Portæ, inquit, inferi non præualebunt aduersus eam. Er: Ego vobiscum sum, vsque ad consummationem sæculi.] Item in Euangelio Lucæ Gabriel Angelus: [Dabit, inquit, ei Dominus sedem David Patris sui, & regnabit in domo Iacob in æternum.] Quod & ab Isaia prædictum erat: [Super folium, inquit, David, & super regnum eius sedebit, vt confirmet, & corroboret in iustitia, & in iudicio, à modo, & vsque

vfque in fempiternum.] Ex qua Ecclefiæ perpetuitate intelligitur, & fidem illius fore perpetuam : vt luculentiffimè Diuus Auguftinus oftendit. Nam delpenfabo (inquit Dominus Ecclefiæ per Ofeam) te mihi in fide. Huic autem perperuitati confultuit Deus profpicendo Ecclefiæ de Paftoribus, & Doctõribus, qui fidem Chriftianam, ac religionem tuerentur. Quos idè Paftores, & Doctores Ecclefiæ datos dicit Apoftolus [ad confirmationem Sanctorum, donec occurrat uis omnes in unitatem fidei in agnitionem Dei in virum perfectum, &c.] Idque promittit Deus Ecclefiæ per Zachariam: [Circumdabo, inquit, domum meam ex ijs, qui militant mihi.] Sic Timotheum Apoftolus militare Deo, & Ecclefiæ volebat, cui dicebat: [Labora vt bonus miles Chrifti Iefu.] [De ijs Deus per Ifaiam:] Super muros tuos Hierufalem confluit cufodes, &c.] Atque hi funt nimirum, is fortes, qui cufodiunt lædulum Salomonis.

Dicit aliquis: Cùm Apoftoli scandalum omnes in Chrifti paffione funt paffi, vbi fuit tunc Chrifti Ecclefiæ? Item vbi erit illo tempore, de quo Chriftus inquit: [Putafie filius hominis veniens inueniet fidem in terra?] Quod fi aliquando Ecclefiæ non fuit, & aliquando etiam non erit, quomodo eft etiam Catholica ab vniuerfitate temporis? Nonnulli fentiunt, Chrifti paffionis tempore, in fola Beata Virgine maniffe fidem. Id verum non eft. Primum quia fi maximè omnes tunc Apoftoli fidem abieciſſent, non inde confequitur in nullo præterquam in Beata Virgine fidem permaniffe: Potuerunt enim alij perſeuerare fideles, etſi de illis quidem, tacetur. Deinde nego amiſiſſe fidem omnes omniuo Apoftolos: imò retinuerunt eam, aliqui, vt eruditè offendit Melchior Canus. Et certè id defendit de Diuo Petro manifefte D. Hilarius. Neque verò aliud ex Scriptura colligi poteſt, quàm quod omnes Apoftoli [ſcandalum paſſi funt in illa nocte,] quod attinet quidem ad externam fidei confeſſionem. Id autem fieri potuit, licet illorum aliqui fidem ipſam animo retinuerint. Fuit itaque, & tunc aliquis fidelium numerus, ex quorum congregatione, tametiſi exigua, conflaret Eccleſia. Sic etiam ſub mundi finem, aliqua omnino Eccleſiæ congregatio erit. Chriftus enim illo modo dicendi: Putafie, &c. paucos futuros tunc eſſe fideles ſignificauit, nullos fore non ſignificauit. Præclare enim Diuus Auguſtinus: [Hoc, inquit, nos intelligamus à Chriſto dictum, vel propter ipſam hdei perfectionem, quæ ita difficilis eſt, vt in ipſis quoque admirabilibus Sanctis, ſicut in ipſo Moſe, inueniatur aliquid, vbi trepidauerint, vel trepidare poterint: vel propter illam iniquorum abundantiam, & paucitatem bonorum. Propterea enim, tantam dubitationem, hoc Dominus dixit. Neque enim ait: Veniens filius hominis non inueniet fidem in terra. Sed, putas inueniet fidem in terra?] Hæcenus Auguſtinus.

IV. Dicitur denique Eccleſia Catholica, id eſt, vniuerſalis, quoniam ad eam homines vniuerſi, cuiuſcunque ſint ſexus, aut ætatis, aut conditionis, conuocantur. [Quicunque enim, ait Apoftolus, baptizati eſus,

Tom. III.

Chriftum induiſtis. Non eſt Iudeus, neque Græcus, non eſt ſeruus, neque liber, non eſt mafculus, neque femina. Omnes enim vos vnum eſtis in Chriſto Iefu.] Atque, vt rectè explicauit Ioannes à Turrecremata, ob eandem rationem, & fides ipſa, Catholica dicitur, & fideles, Catholici. Quo etiam loquendi modo Apoftolus penè eſt vſus, cùm epistolam ſcribit dilecto filio Tito, ſecundum communem, inquit fidem, id eſt, ſecundum Catholicam, vt exponit Gloſſa ex D. Auguſtino.

Quarta Proprietas.

Propterea dicitur Eccleſia Chrifti in Nicæno Symbolo Apoftolica. Primò, quoniam in Apoftolis habuit initium. Quam rem Diuus Paulus explicauit illa oratione: [Nos autem, inquit, primitias Spiritus habentes. Vbi Gloſſa: Et tempore, inquit, prius, & cæteris abundantius. Secundò, quoniam ab illis per orbem propagata eſt. Vnde Chriftus Dominus, dum pro ijs rogat æternum ſuum Patrem, [qui per Apoftolorum verbum erant in ſe credituri;] pro Eccleſia ſanè rogarat. Tertiò, quoniam antiquam proinde fidem, doctrinam, auctoritatem, Apoftolorum perpetuò ſequitur, vt ſuprà quoque dictum eſt. Quod non modò facit, quando ſcriptis Apoftolicis expreſſam doctrinam retinet: Verum etiam cùm aliquid ipſa per orbem vniuerſum obſeruat, neque id tamen ſcriptum eſt in Apoftolicis libris. Illa enim vniuerſalis Eccleſiæ conſuetudo, quod inſrà ſuo loco probabimus, argumento certo eſt, manafſe rem ex Apoftolica traditione, vt & ſæpiſſimè, & clariffimè, & veriſſimè affirmat Diuus Auguſtinus. Huc pertinet, quod idè in libro Apocalypſis, atque etiam à Diuo Paulo, Apoftoli vocantur fundamenta Eccleſiæ: tametiſi ſunt illi quidem nonnulli fundamenta ſecundaria; quippe cùm & ipſi niterentur fundamento primo, [quod eſt Chriſtus Iefus.] Quo etiam ſpectat illud Davidis de Eccleſia: [Fundamenta eius in montibus ſanctis, id eſt, in Apoftolis, vt Diuus Auguſtinus interpretatur. Itaque meritò propter hæc dicitur Eccleſia Apoftolica. De qua Eccleſiæ proprietate, plura, ſi quis volet, videre licet apud Turrecrematam præſertim, & apud Waldenſem. Atque hæcenus quidem de ijs Eccleſiæ proprietatibus, quas etiam conſtitemur in fidei Symbolis.

Quinta Proprietas.

Ex alijs autem ſiue prærogatiuis, ſiue proprietatibus Eccleſiæ, quæ colligi ex Scriptura poſſunt, non eſt ſanè poſtrema, quòd licet multorum hominum ſit congregatio, minime tamen eſt, quaſi chaos aliquod, confuſa, ſed quàm rectiſſimè ordinata. Hoc ex multis poteſt intelligi nominibus, quibus illa propter eiufmodi ordinem afficitur in ſactis literis. Cuiuſmodi ſunt: [Regnum, ciuitas, templum, domus, tabernaculum, hortus, caſtrum acies ordinata,] & id genus alia, quorum rationes ad Eccleſiam pulchrè, atque eruditè accommodat Ioannes Turrecremata. Maxime verò optimus Ec-

L 2 *cleſia.*

ecclēz ordo significatur eūdem, corpus dicitur. Cuius appellationis ea potissimum ratio est, [quia sicut in vno corpore multa, ac varia sunt membra, nec illa omnia tamen eundem actum habent.] Sic in Ecclesia fideles non omnes auctoritate sunt pares. non officio, non gradu dignitatis. Vt perspicue Apostolus in epistola ad Romanos docuit, & elegantissime persequitur D. Gregorius Nazianzenus. Sunt enim oculi in Ecclesia, sunt pedes, sunt manus; hoc est, sunt qui alijs obsequi, & ab ijs doceri debeant; sunt etiam, qui alios doceant, & regant, [Pastores, & Doctores, quos dedit Christus Ecclesie, & in ea perpetuo conseruat, ad consummationem Sanctorum in opus ministerij, donec occurramus omnes in unitatem fidei, & agnitionem Filij Dei, in virum perfectum, vt iam non simus paruuli fluctuantes, & circumferamur omni vento doctrinæ, in nequitia hominum in, astutia ad circumuentionem erroris.]

In ordine hoc igitur, quo est Christi Ecclesia constituta, illud præcipuum est, quod Pastores, & Doctores perpetua sibi successione serie succedunt, qui legitime vocentur ad id opus ministerij sustineundum, sine quo Ecclesia Christianæ forma consistere nullo modo potest. Nam si Ecclesia est, certe oportet, vt corpus sit Ecclesie quoddam; idque totum, vt ait Apostolus, [Compactum, & connexum per omnem iuncturam subministrationis secundum operationem in mensuram viuificuiusque membri.] Et promissiones hac de re diuinas superius indicauimus, cum Ecclesie sanctitatem, atque firmitatem ministerio perpetuo Doctorum, atque Pastorum niti doceremus.

Sexta Proprietas.

Dicitur porro ab Orthodoxis Doctorebus, secundum certissima, & clarissima sanctorum Scripturarum testimonia, Ecclesia visibilis: id est, sic in luce hominum, & conspectu posita, vt quouis seculo euidenter internosci, & quasi digito monstrari queat congregatio illa, quam esse Ecclesiam veram determinatē credere possis, ac debeas. Hæc autem Ecclesie proprietates vniuersos hæreticos pessime habet. Neque id sanè mirum. Etenim huius proprietatis assertio cogit illos fateri, vel certè intelligere, se non esse, de Christi Ecclesia: Cùm nullum possint illustrem, hoc est, in orbe præteritis temporibus cognitum, hominum cœtum indicare, in quo fuerit ea religionis, atque doctrinæ forma, quam ipsi nuper inuenerunt. Ergo vt se filios esse tenebrarum ostendant, Ecclesiam, quod in ipsis est quidem, priuauit sua luce, eamque tanquam in latebris per plura secula delitescere posse putant. Quod enisse scilicet ante nouatorem Lutherum asseuerant. Ac Brentius quidem, & nonnulli alij Sectarij hoc ad eam rem argumento utebantur. Si quid credi debet: id non etiam oculis cerni potest. At ex fidei articulis ille vnus est: [Credo sanctam Ecclesiam.] Non igitur Ecclesia cerni potest; aut si conspicua esse dicitur, tollendus erit ille de Apostolico symbolo articulus.

Sed quàm sit hæc istorum argumentatio imperita, & opinio etiam falsa, faciliè intelligetur, si prius quàm probeamus, explicemus etiam, quæ sit nostræ assertionis sententia, cùm dicimus Ecclesiam esse cōspiciuam. Nam & hoc ipsum animaduerto posse perperam intelligi: Si videlicet aut nimis multum, aut nimis parum claram, atque visibilem Ecclesiam esse, asseratur. Primum igitur, non vsque adeo ipsi volumus, Ecclesiam esse conspicuam, vt censeamus, aut oculis cerni, aut euidenti ratione intelligi posse ipsam etiam Ecclesie quasi essentiam, & veritatem, aut etiam proprietates eius omnes. Non enim arbitramur palam aspicere, aut euidenter cognosci posse, quòd vlla congregatio sit reuera cœtus rectè colentium Deum, & sancto Spiritu gubernetur, sanctitate, vera fide, & doctrina, alijsque donis affecta sit. Imò verò hæc in illa ipsa congregatione hominum inesse, quæ vera est Ecclesia, non nisi obscura fide credimus. quomodo cæteros fidei articulos. Sed neque rursum cùm Ecclesiam dicimus visibilem esse, vsque adeo parum dicimus, vt solum contendamus, eam ex hominibus constare, qui per se, cùm sint præditi corpore, pateant sensibus. Hoc enim nemo, qui modò sit homo, sciatque homines, quorum sine controuersia Ecclesia est cœtus, sensibilis, atq; aspectabili ex corpore esse constitutos, in dubium reuocare potest. Sententia igitur nostræ assertionis hæc est: euidenter posse omni seculo conspici, & internosci, & quasi digito demonstrari congregationem, aliquam hominum, de qua possit, ac debeat vnusquisque firma fide, tamen si aliqui obscura, vt antè dictum est, credere, quòd sit vera Ecclesia, id est, cœtus rectè Christum, colentium, quòd vera fide copuletur, quòd Spiritu sancto regatur, quòd alijs muneribus, atque prærogatiuis sit prædita, de quibus partim iam dictum est, partim dicetur. Ita fit, vt, quamuis isto modo Ecclesiam visibilem esse statuamus, suum locum tamen, quod non videbant Sectarij, in symbolo relinquamus illi articulo, quo credimus Ecclesiam esse, & esse sanctam, &c.

Esse verò isto modo Ecclesiam conspicuam, fremant licet lucifuge Sectarij, Scripturæ sanctæ certissimis testimonijs conuincitur.

Probatio Prima.

Nam primum aperta est illa Christi oratio de Ecclesia: [Vos, inquit, estis lux mundi. Non potest ciuitas abscondi supra montem posita. Item: Nemo accendit lucernam, & ponit eam sub modio, sed super candelabrum, vt luceat omnibus, qui in domo sunt.] Quibus duobus testimonijs Augustinus ad eam ipsam rem vsus est contra Donatistas. [Non est, inquit, operata Ecclesia. Quia non est sub modio, sed super candelabrum: Et de illa dictum est: Non potest ciuitas abscondi supra montem posita. Sed Donatistis (intellige etiam Lutheritis, & Caluinistis) operata est; quia audiunt tam lucida, & manifesta testimonia, quæ illam toto orbe esse demonstrant, & malunt clausis oculis offendere in montem, quàm in eam ascendere,

qui

qui cum esset lapis præfixus de monte sine manibus, creuit & factus est mons ingens, & implevit vniuersam terram.] Hactenus Diuus Augustinus. Qui etiam illud Davidis huc pulchrè accommodat: [In sole posuit tabernaculum suum,] id est, inquit Augustinus, [Ecclesiam suam in manifestatione.] Nam & alibi etiam Ecclesiam intelligit Rex David per hoc tabernaculum: [Proteges, inquit, eos in tabernaculo tuo.] Vbi etiam Augustinus: [Quid est, inquit, tabernaculum Dei, nisi Ecclesia præsentis temporis, quæ tabernaculum idè dicitur, quoniam adhuc in terra peregrinatur?] Sed recitemus integrè superiorem locum Augustini, qui de Ecclesiæ claritate videtur hodie contra Sædarios loqui: [In manifestatione, inquit Augustinus, posuit Ecclesiam suam non in occulto, non quæ lateat; non velut operata, ne fortè fiat sicut opera super greges hæreticorum. Quid tu hæretice fugis in tenebras? Quid latitare conaris?] Hactenus ibi Augustinus. Nec potuit certè Isaias illustrius significare hanc Ecclesiæ Christi claritatem, quam cum de fidelibus, ex ipso Dei ore, hunc in modum vaticinatus est: [Fædus, inquit, perpetuum feriam eis: & scietur in gentibus semen eorum in medio populorum. Omnes, qui viderint eos, cognoscent illos quia isti sunt semen, qui benedixit Dominus.] Atque ut alia multa, quæ ad hanc rem ex Scripturis adduci possunt, præteream; ad Ecclesiam ipsam pertinet, auctore Augustino, quod ita vaticinatus est, alius Propheta: [Operuit cælos gloria eius, laudis eius plena est terra: Splendor eius, vt lux erit.

Probatio Secunda.

EXtra controuersiam est, omni tempore aditum ad Christi Ecclesiam ijs omnibus patere, qui extra eam sunt, vt possint, ac debeant ad eam se aggregare. Sic enim cum ipsa Dominus per Isaiam loquitur: [Aperiant portæ tuæ iugiter, die ac nocte non claudentur, vt afferatur ad te fortitudo gentium, & reges earum adducantur. Gens enim, & regnum, quod non seruiert tibi, peribit.] At ne intelligi quidem potest, quemadmodum fores Ecclesiæ pateant omnibus, vt ad eam se adiungere, & intrare possint; si non ea hominum congregatio queat internosci, quæ vera est Ecclesia. Est igitur illa prorsus conspicua.

Probatio Tertia.

NEque verò eorum aliquid, quæ in Ecclesia geri debeant, si non ipsa pateat, agi posse. Nam si nescias, quam hominum congregationem credere debeas esse veram Ecclesiam; multò minus cognosces, qui sint in Ecclesia tamquam oues, qui verò vt pastores: id est, quosnam oporteat doctrina, & Sacramentis pasci, ac ministerij auctoritate hierarchica ab alijs duci atque regi: qui verò munus sustineant docendi, regendi, pascendi. Quod si ignorent fideles, à quibus quæri, aut quibus impartiri Sacramenta debeant: item cui præcipi possit, aut quibusnam obtemperari oporteat: quanam esse poterit in Ecclesiæ cor-

pore functio membrorum? aut quomodo (quod Christus inber) [Ecclesia audierit, & pascetur Grex Christi?] Tollitur profecto pulcherrimus ille ordo, differentiaque Ecclesiæ membrorum, quæ vt D. Gregorius Nazianzenus inquit, diuinitus sic constituta est, [vt alij sint oues, alij pastores: illi obediunt, ij imperent, quò omnia rectè inter se conueniant, commodumque tam ad præfatos, quam ad subditos redunder, omnesque fiant vnum in Christo.]

Probatio Quarta.

Hanc etiam esse de Ecclesia sententiam, Patrum non dubium est. Ex Augustino quædam iam recitauimus. Qui rectè quidem claritatem Ecclesiæ inde ostendere solet, quòd vbique terrarum diffusa est. Nam quomodo possit esse ignota illa hominum congregatio, quæ religionis instituto communicat cum omnibus gentibus? [Quia, inquit Augustinus, iu omnem terram exiuit sonus eorum, & in fines orbis terræ verba eorum: hinc fit, vt Ecclesia vera neminem lateat.] Et alio loco: [Nonne, inquit, aperta est Ecclesia? Nonne obrinuit omnes gentes? Nonne impletur, quod ante tot annos promissum est Abraham; in semine eius benedicti omnes gentes? Ecce mons impleus vniuersam faciem terræ.] Tum illud rectè: [Quid amplius, inquit, dicturus sum, quam cæcos, qui tam magnum montem non vident? qui contra lucernam in candelabro positam oculos claudunt?] Hieronymus autem ita conspicuam Ecclesiam esse censuit, vt solem etiam eleganter appellarit. [Poteram, inquit, omnes propositionum tuarum titulos vno Ecclesiæ sole ficcare.] Item D. Chrysostomus: [Sic, inquit, eritis manifesti cunctis quemadmodum ciuitas in montis vertice collocata: vel sicut lucerna in domo super candelabrum relucens.] Vbi igitur nunc sunt Christi virtuti increduli? Audiant, inquit, ista & prophetiæ potentiam post experimenta mirantes, maiestatem Domini adorando reuerentur.] His, ne si prolixus, testimonium vnicum adiungam D. Cyrilli Alexandrini. Qui rationem, cur Christi Ecclesia [Sion atque etiam Hierusalem nominetur, assignauit his verbis: Excelsa, inquit, & specula exponitur Sion; Visio autem pacis, Hierusalem. Est autem vtrumque hoc verè Christi Ecclesia: celsa nempe, & illustris, velut in monte posita.]

Iam verò ad varias Sædiorum argutias hoc loco refellendas diligenter animaduerti debet, non sic accipiendum esse, quod dicimus, Ecclesiam esse semper conspicuam, quasi velimus eam omni tempore dignosci posse æquè facili. Nouimus enim ijs illam aliquando errorum, schismatum, persecutionum fluctibus esse agitatam, vt imperitis quidem, nec satis prudenter rationes temporum rerumque circumstantias æstinantibus, cognitum fuerit difficilis. Quod tum maxime accidit, cum Arrianorum perfidia in orbe penè toto dominabatur. Nam, & eo tempore, scripsit Hieronymus, Ecclesiæ nauem fuisse sermè obrutam; & Hilarius pluribus admonuit verbis non fuisse Ecclesiam tunc temporis in rectis, & exteriori pompa querendam, sed

sed potius in carceribus, & speluncis. Non igitur negamus, quin fuerit alio, quam alio tempore difficilius Ecclesiam dignoscere. Hoc tamen asserimus, semper illam potuisse à prudentibus rerum assestimatoribus internosci. Ecce enim illo ipso tempore, quo videbatur latere, cum præteritis temporibus collato, deprehendi potuit, Ecclesiam non apud multitudinem eorum, qui religionem inuoluabant, sed apud paucos illos potius fuisse, qui, quod veteres Ecclesie Patres, & fideles omnes magno consensu diuturnisque temporibus tenuerunt, confitebantur. Quod præclare mihi de prouidentia Dei erga Ecclesiam cogitauit D. N. Augustinus videtur, cum ita scripsit: [Ipsa est, inquit, Ecclesia, quæ aliquando obfcuratur, & tamquam obnubilatur multitudinis scandalorum, quando peccatores intendunt arcum, ut agitent in obscuro rectos corde. Sed etiam tunc in suis firmissimis eminet.] Itaque cum Ecclesiam omni tempore esse visibilem, id est, cognitiu facilem asserimus: non ad præsentem tantummodo statum, quem habeat illa vno tempore, aut altero, sed etiam ad perpetuam eius continuamque successione seriem respicimus. Hæc series si cogitentur, & diligens adhibeatur temporum arque personarum comparatio: neque latuit Ecclesia, neque vniquam latere poterit, sed in suis firmissimis, vt Augustinus inquit, semper eminebit. Quia re auimaduersa, tenebre omnes facili discutiuntur, quas offundere lucifuge Sæcularij luci, arque claritati Ecclesie hoc in loco conantur.

Proprietas Septima.

Illa quoque præclara est Ecclesie prærogatiua, quod sic à Spiritu sancto sibi assistente veritatem omnem fidei docetur, vt aberrare ab ea minime possit. Ac notet hoc loco Lector, non ipsam fidei veritatem per se à nobis nominari Ecclesie prærogatiuam, & quasi proprietatem: hæc enim essentia ipsa potius, seu de essentia Ecclesie est; quatenus Ecclesia videlicet congregatio veræ fidelium esse describitur. Non igitur ipsam per se doctrinæ fidei veritatem, sed assistentiam illam Spiritus sancti, qua fit, vt à veritate Ecclesia aberrare non possit, in prærogatiuam, & quasi proprietatem Ecclesie numeramus. Quæ quidem explicatio quorsum pertineat, & quantum ad redarguendam Sæculariorum obliuiscam infestiam valeat, quod veritatem ipsam doctrinæ fidei pro nota Ecclesie assignent; suo loco postmodum clarissime intelligetur. Nunc quod asserimus, Ecclesie etiam prærogatiuam esse, quod à veritate fidei desicere nequeat, Apostolus satis indicauit, cum Ecclesiam ideo vocat columnam, atque firmamentum veritatis. Et habemus illustres hæc de re promissiones. [Ego, inquit Christus, rogabo Patrem, & alium paracletum, dabit vobis, spiritum veritatis: ille vos docebit omnia, & suggeret vobis omnia, quæcumque dixerò vobis.] Ac rursum in eodem Evangelio Ioannis: [Pater, inquit, sanctifica eos in veritate. Sermo tuus veritas est; & ego pro eis sanctifico me ipsum, vt sint ipsi sanctificati in veritate. Non pro eis autem rogo tantum, sed pro illis etiam, qui credi-

turi sunt per verbum illorum in me. Ex qua Christi precatore (cum efficax fuerit) sanè perspicitur, ita Ecclesie promissum esse Spiritum veritatis sanctum, vt ea promissio non modo ad illos, qui Apostolorum temporibus vixerunt, sed etiam ad omnes posteros pertineat, ex quibus quacumque ætate Ecclesia, Christi coalescat. Idipsum clarissime Deus per Isaiam est testatus his verbis: [Hoc fecimus cum eis: spiritus meus, qui est in te, & verba mea, quæ posui in ore tuo, non recedent de ore tuo, & de ore seminis tui, à modo, & vsque in sempiternum.] Quam promissionem, & Christus ipse confirmauit; [Alium, inquit, paracletum dabit vobis Spiritum veritatis, vt maneat vobiscum in æternum.] Nec sanè adest Christus Ecclesie suæ, vt promissit, vsque ad consummationem sæculi, & non eam in veritate conseruat, cum sit ipse magister veritatis. Quare præclare Augustinus, terram illam, quæ fundata est (vt Rex David inquit) super stabilitatem suam, nec inclinabitur in sæculum sæculi; Ecclesiam esse intelligit supra fundamentum, quod est Christus, fundatam. [Ipsa est enim, inquit, prædestinata columna, & firmamentum veritatis.]

Ceterum, quoniam promissiones hæc generale quiddam sonant: explicanda iam vis illarum est speciatim. Summa hæc est. Primò. Si quando oriantur controuersie de fide, Ecclesiam non posse in ijs definiendis à veritate aberrare. Hæc autem Ecclesie infallibilis auctoritas ad definiendum non est in singulis fidelibus, quippe qui sine controuersia possunt errare singuli. Neque est etiam in omnibus omnino fidelibus. Frustra enim data illis esset, cum fieri vix possit, in fidei causis, vt ab omnibus illis sigillatim sententia dicatur. Sed residet illa summa Ecclesie auctoritas (vt postea sumus ex instituto probaturi) in Christi Vicario, summo Pontifice; sine vna cum Episcoporum Concilio, sine abique Concilio res fidei definire velit. Secundò, vis etiam illarum promissionum est, omnes fideles non posse desicere à doctrina fidei, neque omnino, neque quoad aliquam ipsius partem. Nam si desicerent omnes, Ecclesia tota desiceret: ita falsa esset illa Dei pollicitatio, falsæ Ecclesie per Prophetam. Oleam: [Despensabo, inquit, te mihi in fide vsque in sempiternum.] Tertiò, nec posse omnes fideles in vniuersum aliquem articulum fidei ignorare. Id probatur ex illarum promissionum: [Docebit veritatem.] Item: [Ille vos docebit omnia, & suggeret vobis omnia, quæcumque dixerò vobis.] Est enim sensus, Spiritum sanctum minime passurum, vt cognitio alicuius fidei veritatis penitus in Ecclesia extinguatur. Quartò, ostendit rectè Melchior Canus, eam etiam vim prædictarum promissionum esse, vt nequeat Ecclesia tota persuadere sibi sententiam aliquam erroneam etiam in materia, quæ non pertineat ad fidem. Nam hoc quidem pati, alienum esset ab illo Spiritu veritatis, quo semper Ecclesia regitur. Quintò, quod dictum est, omnes fideles, neque omnino, neque partim, aut errare in fide, aut ignorare fidei articulum aliquem, aut persuadere sibi quiddam falsi in illo genere posse; hoc idem de Ecclesie pastoribus,

zibus, atque Doctõribus omnibus dicendum est: vt rectè demonstrat ille idem auctor. Primum quoniam Pastores, & Doctores, cum sint in Ecclesia primarij, tota quasi censentur Ecclesia. Itaque cùm Scriptura commemorasset, congregatos esse omnes principes filiorum Israel: perinde ac si nemo prorsus de Ecclesia desierit, subiunxit: [Tunc conuersus Rex benedixit vniuersæ Ecclesiæ: Omnis enim Ecclesia, inquit, astat.] Qua etiam ratione Aristoteles scripsit, ciuitatem id esse, quod est in ciuitate præcipuum. Deinde huc accedit, quod si Pastores, & Doctores omnes à veritate aberrare possent, consequenter omnes fideles in vniuersum possent errare. Ab illis enim isti erudiuntur in Ecclesia. Quam ob rem hoc ipso, quod errare fideles omnes non possunt; necessariò fatendum est, neque posse Pastores omnes atque Doctores errare. Immo idcirco fideles omnes errare non possunt, quia Pastores omnes, & Doctores omnino errare nequeunt. Ipsos enim ad eam rem esse datos affirmat Apostolus, vt alij [non circumferantur omni vento doctrinæ in circumuentionem erroris.] Cùm verò hoc loco dico Pastores, & Doctores omnes: non tantum omnes omnino intelligo, sed etiam ita maiorem, aut illustriorem eorum partem, vt reliqui penè nulli sint (id est, nullius auctoritatis, si cum illis comparentur. Vnde sæpè fit, vt eum aliquis, aut etiam aliqui Doctores errant, rectè, & infallibiliter possint aliorum Doctorem consentiente auctoritate refelli, & premi. Quod magis postea declarabimus, cum regulas quasdam ostendamus, quas oportet ab Ecclesia consuli cùm sunt res fidei definiendæ.

Nunc obijciat aliquis: Cùm quilibet fidelis, & quilibet Doctor per se, immò quilibet Ecclesia particularis errare possit: consequens videri, vt possint errare in vniuersum omnes Doctores, & fideles atque adeò Ecclesia ipsa tota. Respondeo. Virium est in omni argumenti materia maximum, quod de singulis dicitur, id velle transferre per consequentiam ad omnes. Adest ita Spiritus sanctus Ecclesiæ, vt non possint quidem errare omnes; sed (quod singulis certè, non autem ipsi Ecclesiæ, vtilius esset) iustis rationibus non vult sic adesse, vt nequeat errare hic, aut ille. [Oportet enim hæreses esse, vt qui probati sint, manifesti fiant.] Rursus obijciat, quod olim Ecclesia Israelitica omnis errauit, cùm adorauit vitulum in deserto. Quod idem eueniens videretur Eliæ temporibus; cùm is reliquum se esse solum conquereretur. Cur non igitur, & Christi Ecclesia similiter errare possit? Sed & ipse Christus dicit: [Cùm venerit filius hominis, putasne inueniet fidem in terra?] Quasi diceret, Non inueniet. Respondendum est, in maiore esse Scripturæ interdictum, vt quod in paucis reperitur, negetur vniuersim. Sic in Psalmo dicitur: [Non est, qui faciat bonum, non est vsque ad vnum.] Quod nemo tamen ita, vt sonat, intelligit. Sic Eliæ temporibus; quia paucissimi rectum cultum retinebant; omnes quasi damnantur infidelitatis; Et se solum reliquum esse Elias queritur; cùm tamen seruasset Deus septem hominum milia, qui non curuauerant genua ante Baal. Quod verò attinet ad cultum

illum vituli in deserto; constat certè non ab omnibus illum fuisse adoratum. Non enim adorauit Moyses, non Iosua, quibus erat demandata in primis cura illius populi. Sed & alij multi ab illo scelere abstinerunt. Itaque ibidem legimus filios Leui ad vnam Moysis vocem sese illi adiunxisse, [& consecraui manus suas Domino, vnumquemque in fratre suo, & in proximo suo. Quod autem Christus inquit, Putasne inueniet filius hominis fidem in terra?] Suprà ex Augustino interpretati sumus. Significat enim, paucissimos certè fore postremo illo tempore fideles: Non autem nullos fore. Item indicat, rem esse omnino diffilem, fidem integram conseruare. Quare maneat Ecclesiam vniuersam à veritate aberrare non posse. Quod cùm certissimum sit turpiter errauit Montanus, qui, vt refert Eusebius, discipulis suis, vt Ecclesiæ per orbem diffusæ auctoritatem contemnerent, præcipiebat. Item Donatistæ, ac Rogatiani, quos similiter contempsisse auctoritatem Ecclesiæ commemorat Diuus Augustinus.

Quæstio Proprietas.

Est & illud in Ecclesiæ Catholicæ prærogatiuis vel maximum, quod, vt ex numeratis hæcenus ipsius proprietatibus est consequens, extra ipsam nemini patet salus. Quæ ratio est cur B. Petrus Ecclesiam cum Arca Noe rectissime compararit. Hinc illa sententia Diui Augustini apud vniuersum trita est: [Non habebit Deum Patrem, qui noluerit Ecclesiam habere matrem.] Quod certè tam verum est, quàm est verum, [vne fide neminem placere Deo posse.] Nam qui extra Ecclesiam est, recta fide caret: cùm Ecclesia sit congregatio fidelium. Qui autem infidelis est, hostis est Dei, non adoprius filius. Ac præclare D. Augustinus: [Ad ipsam, inquit, salutem, ac æternam vitam nemo peruenit, nisi qui habet caput Christum; habere autem caput Christum nemo poterit, nisi qui in corpore eius fuerit, quod est Ecclesia.] Sed cùm hæc res apud omnes sit in confesso, non est prolixius hoc loco confirmanda. Sed illud ad extremum, quod ad summam hanc Ecclesiæ prærogatiuam attinet, animaduertendum: non eos modò in Ecclesiæ corpore, vt salutem quidem assequi possint, hoc loco censeri, qui actu Baptismum susceperunt, sed etiam eos, qui illum habent in votis. Tales sunt Catechumeni. Qui, si in diuina quidem sint gratia; secundum meritum sanè dici solent ad Ecclesiam pertinere: licet non actu omnino secundum numerum, vti Doctores loqui consueverunt.

Quinam hominum catus sit vera Ecclesia, & ex quibus notis id discernendum sit.

Hæc cùm ita sint, quæstio restat huius loci grauissima, quænam hominum congregatio sit illa, ex qua constat vera Ecclesia. Hoc enim cùm constiterit, etiam constabit, apud quosnam sit verissimum, atque infallibile de doctrina iudicium, quod non est, vt suprà posuimus, nisi in vera Ecclesia. Item

Item etiam inde perspicuum erit, qui sint heretici, secundum præceptum Apostolicum, deuitandi, quorum videlicet proprium est ex Ecclesia exiuisse. Quæ causa est, ut, quoniam nulli vnquam heretici pro hereticis agnosci voluerunt, inuisa illis omnibus hæc quæstio fuerit, sicut iam est maxime vniuersis Sectarjjs. Eos enim, ne deusci videantur, hæc controuersia compellit, causam ex desperatione quadam, vt mihi persuado, suscipere, quam sentiunt ipsi parum esse probabilem; nimirum vt doceant, se cum à Christi Ecclesia semetipsos segregauerint, tamen de Ecclesia Christi non esse egressos, imò se solos esse Christi Ecclesiam. Nam cum sint soli, & singulares in ratione doctrinæ, necesse est, vt demonstrent, se solos Ecclesiam esse, si nobis persuasuri sunt, omnino se esse in Ecclesia. Hoc etiam frustra egisse veteres hereticos annotauit Lactantius: [Singuli, inquit, hereticorum cœtus se potissimum esse Christianos, & apud se veram Ecclesiam esse contendunt. Item B. Cyprianus: Nouatianus, inquit, Simiarum more, quæ cum homines non sint, homines tamen imitantur; Ecclesiæ auctoritatem sibi vendicauit. Et cum in Ecclesia non esset, sed Ecclesiæ rebellis, reliquos hereticos faciens, apud se Ecclesiam esse præsumpsit.] Ideo etiam D. Augustinus hæc ipsa de re cum suis, & Ecclesiæ aduersarijs Donatistis accerrime pugnavit. [De hoc, inquit, inter nos quæstio versatur, vtrum apud nos, an apud illos vera Ecclesia sit.] Determinanda nunc est igitur, & nobis Ecclesia Christi vera.

Sed importunitas, atque etiam astutia quædam Sectariorum nos cogit, vt prius indicemus, ex quibus quasi notis idipsum discerni debeat, nempe quæ sit Ecclesia vera. Nam postquam hanc illi de vera Ecclesia quæstionem omnino defugere (quod maxime vellent) non possunt: Saltem facere student, vt nunquam illa finiri possit: dum notas Ecclesiæ constituunt, vsque adeo non notas, vt multo magis in ijs cognoscendis laborandum sit, quam in ea ipsa vera Ecclesia, quæ queritur, inuenienda. Has notas ferè dicunt duas coniunctum esse: Veritatem doctrinæ fidei secundum sacram Scripturam; & legitimum vsum Sacramentorum; qui tamen ipse ex doctrina etiam diiudicari debet. Ita cum ad indicandum quis hominum cœtus sit Ecclesia, prius constitui velint, quinam teneant veram doctrinam; consecuturos hæc calliditate se putant, vt quæstione proposita de vera Ecclesia; nunquam tamen ad eiusmodi quæstionem propius accedatur, sed de veritate, solum doctrinæ quæstio sit primò infinita. Atque etiam isto modo subdole id agunt, vt ne in quæstionibus de doctrina ipsis vnquam opponi possit Ecclesiæ veræ auctoritas, cum constare prius de hac nolint, quam fuerit de veritate doctrinæ constitutum. Qua ratione laxissimum isti sibi faciunt ad pertinaciam, locum. Nam cum difficilis per se, vt supra docuimus, atque obscura disputatio de veritate doctrinæ sit; quis erit finis contendendi, nisi auctoritas Ecclesiæ aliunde cognita, tanquam iudex in doctrinæ quæstionibus interponatur? Facillimè enim ad imagines phantasmatum suorum, vt præclare inquit Diuus

Augustinus, [carnales, atque seductores heretici conuertunt omnia Sacramenta, & verba librorum sanctorum.] Ergo nostri Sectarj à veteribus quidem hereticis, quorum pertinaciam imitari sunt, hunc etiam astum didicerunt, vt Ecclesiæ veræ notas esse velint doctrinam, & Sacramenta. [Omnes enim, Seductores, vt D. Augustinus eodem in loco notauit, non aliter populos fecerunt, nisi prætextu Sacramentorum, & Scripturarum, quæ tenent, inquit, ad speciem, non ad salutem.]

Refutantur euidenter Ecclesiæ nota, quæ Sectarj assignant.

NOs autem fatemur, neque veritate doctrinæ, neque legitimo Sacramentorum vfu Ecclesiam Christi carere posse; & apud quos hæc omnino sunt salua, ex ijs constare, veram Ecclesiam. Sed negamus tamen, veritatem doctrinæ, & legitimum Sacramentorum vsum idoneas notas esse discernendæ Ecclesiæ. Id probamus hoc modo.

Quod neque vniuersæ doctrinæ, neque singulariter alicui parti illius conuenit; id minime conuenit doctrinæ fidei. Sed neque vniuersæ doctrinæ fidei, neque verò alicui parti singulari illius, etiam accedente legitimo Sacramentorum vfu, conuenit, vt sit sufficiens Ecclesiæ discernendæ nota. Non est igitur Ecclesiæ sufficiens nota fidei doctrina, etiam cum legitimo Sacramentorum vfu. Huius argumentationis partes cum confirmatæ fuerint; locus omnino tergierfandi præcludetur Sectarjjs. Quod enim dicunt, veram doctrinam fidei esse notam Ecclesiæ, necesse est intelligant, vel de doctrinæ aliqua singulari parte (voco autem hic doctrinæ partem, quiddid dogmatum non sit tota ipsa, atque integra summa doctrinæ) vel de doctrina vniuersa, secundum omnem sui partem. Nam ne fingi quidem aliquid tertium potest: vt scilicet doctrinæ tribuatur aliquid, neque tamen tribuatur ipsi vel secundum se totam, vel non secundum se totam, id est, secundum partem.

Et non esse quidem Ecclesiæ notam, fidei doctrinam, secundum aliquam tantum sui partem, probatur euidentissimè huiusmodi argumento. Si quid esse possit Ecclesiæ veræ commune cum hereticis: id non est per se sufficiens nota, seu symbolum veræ Ecclesiæ. Potest autem quævis doctrinæ pars, vnà cum recto Sacramentorum vfu, communis esse Ecclesiæ veræ cum hereticis, id est, cum ijs, qui sine controuersia sunt extra Ecclesiam. Quare nulla doctrinæ pars potest ipsa per se, etiam cum Sacramentorum vfu, sufficiens, atque certa esse nota Ecclesiæ. Id confirmatur. Quoniam ex Scriptura diuina supra ostendimus, hereticos eos esse, qui vel vnicam fidei sententiam pertinaciter inficiantur. Potest autem euenire, vt retenta quauis singulari parte doctrinæ, & vfu etiam legitimo Sacramentorum, negetur tamen hereticæ, atque, pertinaciter vnà quædam alia, vel altera huius sententia. Ita fit, vt quævis doctrinæ pars, & vfus Sacramentorum legitimus, possit esse communis Ecclesiæ veræ cum aliquibus hereticis. Ex quo efficitur, vti conclusimus,

non

non esse id certum, ac proprium symbolum veræ Ecclesiæ.

Quocirca plenissima vanitatis opinio est quorundam Sectariorum, qui Sectarios alios, quantumvis de maximis hodie rebus à se dissidentes, ab Ecclesia vera, in qua se falsò esse putant, propterea exclusos esse non volunt, quoniam teneant illi, vt isti loquuntur, fidei nescio quod fundamentum, etsi fidei repugnent alioqui in nonnullis quasi secundarijs rebus. Credo autem (non enim satis ipsi se declarant) hoc fundamentum continere intelligunt ea doctrinæ dogmata, in quibus communiter illi omnes conspirant aduersus Ecclesiam Catholicam. Vt, non comparari, scilicet, ipsis bonis operibus vitam æternam: Fas nobis non esse, quidquam boni ad obsequium Dei vitro facere, præter id quod lege iubentur: Id si faciamus, idololatriam à nobis committi: Omnia, etiam iustorum, opera, quantumvis bona, esse per se horribilia peccata damnatione digna: Per Christi gratiam non proflus peccata tolli: Vota castitatis, & paupertatis Evangelicæ non esse, necessariò seruanda: Et cætera huiusmodi nefaria placita, in quibus ars istorum perfidiæ, tanquam in fundamento esse constituta. Sed utrumque nobis istud fundamentum interpretentur; certè statuit illud non in doctrinâ fidei vniuersâ, sed in aliqua tantum parte doctrinæ, quæ sit ipsis quasi præcipua. Nam si fundamentum hoc illis esset tota fidei doctrina, non sanè concederent, eos etiam, qui contra doctrinam fidei in aliquibus rebus sentiunt, retinere tamen illud fundamentum, & ob id, vt dicunt, esse in Ecclesia. Atqui iam probatum est, nullam doctrinæ partem sufficere, vt non sit hæreticus extra Ecclesiam, si præterea quid aliud pertinaciter contra doctrinam fidei sentias. Quare nec illud istorum, qualecumque sit, fundamentum sufficit: cum illud esse ponat partem tantum doctrinæ.

Accedit quod sanctus Apostolus non fidei aliquam partem, sed ipsam fidem vniuersam nobis describit, atque commendauit, cum eam afferuit esse [sperandarum rerum,] id est, salutis nostræ, quasi basim, atque fundamentum. Hoc illud fundamentum est, quod ad Ecclesiæ structuram est initio diuinitus [positum, præter quod nemo potest aliud ponere; quod est Christus Iesus,] per fidem nimirum nulla ex parte falsam aut fictam, sed vndequeque integram, atque absolutam; & viuam, inhabitans in cordibus nostris. Ab huiusmodi igitur firmissimo fundamento, si vel secundum minimam eius partem, quis decidat; etiam si in alijs doctrinæ partibus persistat; omnium fiet reus, vt D. Iacobus de transgressore legis loquitur, excidetque hoc ipso à fidei, atque adeò etiam ab Ecclesiæ vniuersitate. Quam rem præclare, vt omnia, sancti Patres, Gregorius Nazianzenus, Hieronymus, Basilus, Augustinus, Athanasius, intellexerunt, quorum hac de re clarissima testimonia superiùs à nobis recitata sunt. Concludo ex ijs igitur, nullam doctrinæ singularem partem, quod fuit mihi probandum, certam esse notam veræ Ecclesiæ, siquidem quamlibet teneas doctrinæ partem, aut fundamentum; hæreticus esse potes, si quacumque alia in parte pertinaciter fidei refrageris. Atque

Tom. XIII.

hoc ita esse, ipse etiam Sectariorum omnium pater Lutherus, vt cæterorum erga se mutuo conuitia omittam, apertè confessus est. Quamuis enim Zuingliani, & alij Sacramentarij in doctrinæ multis capitibus, & vt hodie quidam istorum loquuntur, in fundamento, perfidiæ, cum Lutheranis consentiunt: tamen, quia non per omnia cum ijs sunt concordēs, ita scriptum reliquit Lutherus: [Hæreticos, inquit, serio censemus, & alienos ab Ecclesia Dei esse Zuinglianos, & Sacramentarios omnes.] Tum etiam Petrus Martyr, non ignobilis Sacramentarius: [Improbamus, inquit, nouam quorundam opinio.] qui affirmant, de controersia Sacramentaria quemlibet posse absque fidei, atque salutis periculo, quam velit, amplecti sententiam.] Vel ipsorum igitur Sectariorum testimonio constat, vnicum etiam in fide errorem, si pertinacia accesserit, obflare, quominus salutem aliquis tanquam Ecclesiæ membrum adipiscatur, atque adeò nullam singularem partem doctrinæ, sufficientem ac propriam notam esse Ecclesiæ dignoscendæ.

Deinceps probo, neque eiusmodi notam esse doctrinam fidei vniuersam, id est, omni ex parte incorruptam: id quod etiam in argumentatione nostra paulò antè sumpsi- mus, vt euinceremus, veritatem doctrinæ fidei nullo modo, sicut Sectarij contendunt, proprium atque sufficiens symbolum esse ad dignoscendam Christi Ecclesiam. Id verò cum multis argumentis ostendi possit, ego tantum subiungam, quæ mihi maxima clarissimaque videntur.

Probatio Prima.

Primò. Nota sufficiens, ac propria ad dignoscendam Ecclesiam omninò necessè est, vt sit omni hominum generi, atque conditioni accommodata. Omnes enim, vt ex Scriptura sacra planissimum est, ad Ecclesiam diuinitus euocantur, neque vllus est, qui non diuina lege debeat, atque adeò qui non etiam prudenter possit, vel ad eam aggregare se, si est extra, vel in ea permanere constanter, si ipsius iam est membrum. Quam, ad rem proculdubio opus est, vt propriam, atque sufficientem Ecclesiæ dignoscendæ notam omnes possint dispicere, quò inter veram Ecclesiam Christi, & hæreticorum, aliorumque infidelium cæcus discernere valeant. At vniuersa fidei doctrina minimè, quidem eiusmodi nota est, quæ omnia hominum conditioni, id est, ad omnium captum, sit accommodata. Non est igitur ipsa idonea; atque propria Ecclesiæ dignoscendæ nota. Quid enim? An in Ecclesia Christi omnes sunt, aut etiam esse possunt, oculi, qui veritatis lumen in omnibus doctrinæ partibus ipsi perueiant? An omnes Doctores? Non certè. Sed quosdam, inquit, dedit Doctores. Neque quisquam omnino potest satis prudenter de doctrinæ ipsius veritate in tam multis questionibus hodie controersis iudicium ferre, nisi errore penitus animaduerso contrariorum argumentorum sciuerit quemadmodum fides saluberrima, quæ ad beatitudinem ducit, defendatur? [Atqui hac scientia, inquit verissime D. Augustinus, non possent

M

fideles

fideles plurimi, quàmuis polleant ipsa fide plurimum. Aliud enim, inquit, est, scire, tantummodo quid homo credere debeat, propter adipiscendam vitam æternam: aliud autem, quemadmodum hoc ipsum, & ipsi optuletur, & contra impios defendatur: quam proprio appellare vocabulo scientiam videtur Apostolus.

Quid quod bene cum ipsis etiam huius scientiæ Doctores agitur, si non aliqua in parte doctrinæ hallucinentur, à veritateque aberrant? Quod si illis tamen quandoque id accidit, qui professione Doctores, aut certe Theologi sunt, & vitam in sacre doctrinæ studio consumperunt; quis tam demens est, ut omnibus hominum ordinibus, id est, rudibus etiam, illiteratis, agricolis, opificibus & id genus, tantum cognitionis, atque intelligentiæ tribuat, ut eos censeat vniuersam fidei doctrinam non aliorum tantum auctoritate commotos veram esse sibi persuadere posse, sed intelligere quoque, & diiudicare, ac videre in omnibus illam suis partibus esse veram? Cogitet tantum hic Lector eam doctrinæ capita, de quibus hodie Sectarij partim nobiscum, partim etiam inter se contendunt: Nempe de originis peccato, de iustificatione hominis, de operibus, de cultu, de Sacramentis, deque alijs omnibus locis hodie controuersis, qui continent porro singuli varias admodum, atque multiplices fidei quæstiones. Profecto desipiat, qui à vulgo putet lucem ipsam veritatis in his omnibus doctrinæ partibus controuersis discerni ipsam per se satis, atque videri posse. Et tamen non dubium est, quin aliæ etiam sint, ac esse possint innumerabiles de fide quæstiones, cum pateat vniuersa doctrina fidei multò latius, quàm illi loci, qui sunt his temporibus controuersi.

Ac sanè mihi venit in mentem hoc loco admirari vehementer, cur non timeant Sectarij futurum, ut illicò populi, quos seduxerunt, deceptos se esse animaduertant, cum ab illis audiunt, veritatem incorruptam doctrinæ, de capitibus controuersis, notam esse propriam, & quasi testem, cuius indicio necesse sit ad Ecclesiam se adiungere eos, qui prudenter saluti suæ voluerint esse consultum. Ratiocinabatur enim hic secum facillimè homo Lutheranus, vel Sacramentarius illiteratus, seu Princeps ille sit, seu nobilis, seu mercator, seu aliquis opifex, seu etiam rusticus, in hunc modum: Qui consultè, ac prudenter in Ecclesia Christi sunt, ij notitia veræ doctrinæ de locis controuersis ad Ecclesiam sunt adducti; vti me docent mei Prædicantes. At ego mihi euidenter conscius sum, non intelligere me, neque satis diiudicare, ac videre ipsam fidei veritatem, in illis omnibus doctrinæ partibus; non enim studui literis, neque Theologus sum, neque adeò res ipsas (licet nomina quidem audiam) ita mente comprehendendo, ut ad iudicandum de veritate doctrinæ controuersæ oporteret: non inquam, comprehendendo satis, quid omnino sit peccatum naturæ, sine originis, quid redemptio generis humani, quid vniuersalis personalis duarum naturarum in Christo, quid transubstantiatio, quid esse circumscriptum, vel incircumscriptum corporis Christi, quid iusti-

ficatio formalis, quid opus operatum, quid meritum, aliaque sexcenta, de quibus hodie maxima contentione disceptatur. Sed neque disputationes, & argumenta dissentientium partium conferre, atque momentis suis ponderare mihi facile est, ut necesse haberem ad iudicandum in tot controuersis, de veritate ipsa doctrinæ. Non igitur ego sum consultè, atque prudenter in Christi Ecclesia. Sed aut sum extra illam, aut sum in ea non nisi remere, nempe motus humana auctoritate, sicut in rei veritate sum, meorum Prædicantium, quos puto, licet ipse non intelligam, habere veram, ac consentaneam Scripturæ sacræ doctrinam. Quod si ita est, certè decipiunt me, cum eiusmodi viam ad Ecclesiam, nempe cognitionem veræ doctrinæ, mihi ostendunt, per quam sum mihi fat conscius, & ipsi etiam sciunt, incedere me non posse. Hic quomodo, quæso, expedient se Prædicantes?

Probatio Secunda.

Secundò. Non modò, ut dictum est, omnibus facilis ad cognoscendum esse debet nota ipsa Ecclesiæ, sed cognitu etiam facilius, quàm id ipsum quod quæritur, nempe verum hic, aut ille cætus hominum vera sit Ecclesiæ. Ideò enim alicuius rei notam appellamus, quod facilius ipsa in hominum notitiam incurrat, atque adeò perspicuum indicium sit rei magis additæ, quam inquirimus. At omnium iudicio æque difficilè, imò difficilius esse putatur, statuere, verum homines hi vel illi complectantur sanam omnino doctrinam, quàm verum ex his, aut illis vera Christi Ecclesiæ, in Scripturis sanctis descripta, constet? Quare sana, atque incorrupta omnino fidei doctrina non potest idonea esse nota dignoscendæ Ecclesiæ. Nam, si Ecclesiam ex aliquo alio indicio cognoscere, facilius quàm ipsam per se doctrinæ veritatem intelligere, non esset, non ipsa tanquam magistra, & custos ipsius veritatis omnibus, ac præsertim cognitione paruulis proponeretur, ut illi tanquam firmamento, & columnæ innitentes non circumferantur omni vento doctrinæ. Quod præclare intelligens D. Augustinus Cathecumenum de ratione cauendi doctrinæ errores in his verbis non frustra interrogantem alicubi facit: [Quo ergo, inquit, signo manifesto adhuc paruulus, & nondum valeas liquidam à tot erroribus discernere veritatem; quo manifesto indicio tenebo Ecclesiam Christi, in quem iam credere tanta rerum antea prædicarum manifestatione compellor? Hic certè minimè dubium est, quin Augustinus persuasus fuerit, facilius à rudi Cathecumeno, quæ sit Ecclesiæ Christi, in qua doctrinæ errores debeant vitari, cognosci posse, quàm ipsam per se liquidam veritatem à tot erroribus segregatam.

Itaque longè aliud Cathecumeno sic percontanti Augustinus respondit, quàm opinio Sectariorum debuisset respondere. Interroganti enim Christiano Cathecumeno, quo manifesto indicio, ut Augustinus inquit, ad euitandum errores Ecclesiam possit tenere, cum alioqui paruulus ipse non valeat, liquidam veritatem discernere à tot erroribus, respondendum Sectarij putant, non alio indicio Ecclesiam ab eo esse dignoscendam, nisi illo

illo ipso, quod se non posse discernere verissimè ille asseruerat: nempè liquida, neque vili erroribus contaminata, doctrinæ veritate. Augustinus verò id responsum, quoniam est stultissimum, Cathecumeno dandum non censuit: Sed ex Propheta Hieremia ei responderet, [Ecclesiā Christi ipsam esse prædictā, quæ omnibus eminet, & apparet. Ipsa est enim (vt ait Propheta) sedes gloriæ: de qua Apostolus dicit: Templum enim Dei quod estis vos. Vnde iste Propheta dicit: Sedes autem gloriæ exaltata est.] Sed quemadmodum ex claritate, & alijs, eiusdem Augustini quoque sententia, manifestis indicijs Ecclesiā dignosci possit, postea dicemus. Nunc non eam esse notā Ecclesiæ, quam Sectarij volunt, scilicet doctrinæ veritatem, ea ratione probamus, quia non est notior hominibus, quā ipsa Ecclesiā.

Cui argumento non satis fecit nuper quidam Sectarij, cūm respondit indoctè, vt doctrinæ veritas sit Ecclesiæ nota, satis esse, quòd natura sua sit notior, quā Ecclesiā, etsi non sit ea notior secundum nos. Hoc imperitissimè dici nemo dubitare poterit; qui rationem teneat notioris secundum naturam, & item notioris secundum nos. Natura enim notius id dicimus, quod habet in se plus rei, atque perfectionis. Nam cūm intelligentiā nostrā, in re ipsa, atque rei perfectione perspicenda versetur, illud, natura quidem sua, notius, seu magis cognoscibile est, quod natura plus habet perfectionis intelligibilis. Notius autem secundum nos illud dicitur, quod spectata nostræ intelligentiæ imbecillitate, humanaque conditione, facilius à nobis cognosci potest. Vnde fit, vt quia rebus perfectissimis perspicendis, ob exiguum mentis nostræ lumen, imparcs sumus; illa secundum nos minus nota sint, quæ sunt notissima sua natura. Quod appositè Philosophus declarauit, vbi breuiter dixit: ita se habere intellectum nostrum ad ea, quæ sunt manifestissima natura, vt oculus noctuæ se habet ad lumen solis: quod etsi natura sua maxime omnium visibile sit, à noctua tamen vix videri potest. Iam verò cūm rei notā appellemus non id, quod in se plus habet, vnde cognosci possit, sed quod nobis inprimis ad rem obscuriorem facilius ex nostra parte cognoscendum adiumento est; perfectio non est satis, vt rei nota sit notior natura sua, sed oportet, vt inprimis nobis ipsis, seu secundum nos, sit notior. Quare si doctrinæ veritas non secundum nos, vt isti faterentur, sed tantum tantum notior, quā Ecclesiā est; nequaquam Ecclesiæ nota esse ipsa potest. Si enim, nature, atque intelligentiæ nostræ modo, & conditione spectata, notior nobis ad cognoscendum veritas doctrinæ non sit, vt eius tanquam lumine, in videndo, vbi sit Ecclesiā, iuuemur; quid, obsecro, nobis ad Ecclesiæ cognitionem ea nota valebit? Non plus certè (vt exemplum vrgeam Aristotelis) quā lumen solis ad cernendum adiuuat oculos noctuæ. Verūm hi homines lynces in Scripturis videri volunt; cūm tamen repudiata Ecclesiæ luce, quæ ad intelligentiā Scripturarum necessaria est, vix tantum illis videant quantum noctuæ, & vespertilionis in lumine solis.

Tertio. Valdè absurdum est, illud assignare pro sufficienti rei alicuius nota, quod ipsum tamen tanquam abdūm, atque obscurum, vnā cum ipsa re, vel maxime inquiratur. Exempli causa, si querā, in quoniam loco Germaniæ cælum sit salubre: ineptè atque etiam ridiculè respondebis, si tantummodò dicas, in eo loco salubre esse cælum, vbi rarissimum est, vt homines propter aeris intemperiem ægrotent. Id enim ipsum est quod querō, cuius proinde necesse est, vt aliquam aliam notā habeam. Sic, cūm querimus, quisnam hominum cæcus sit Ecclesiā; certè etiam inprimis querimus, quis hominum cæcus incorruptam teneat doctrinæ fidei veritatem: vt si ad eum nos aggregemus, de veritate securi simus. Videmus enim veritatem omnes, sibi Sectarijs summa contentione arrogare; ideoque cūm audimus Ecclesiā esse firmamentum, & Columnam veritatis, & ea de re præclaras habere à Deo promissiones, quæ nequeunt fallere; Ecclesiā inquirimus, vt in illa quoque certò inueniamus doctrinæ veritatem. Item scimus, doctrinæ fidei veritatem ad ipsam Ecclesiā substantiam, vt supra quoque notauimus, pertingere: Describitur enim Ecclesiā esse congregatio verè fidelium, idest, eorum qui fidei doctrinam inuiolatam tenent. Hinc autem necessario etiam efficitur, vt si cum iudicio, quinam cæcus Ecclesiā sit. inquirimus; inprimis etiam queramus, apud quosnam sit incorrupta doctrinæ fidei veritas? Quare respondere hic, cum cætum hominum Ecclesiā esse, qui fidei veritatem tenet; minime satis erit.

Quam ad rem declarandam (quoniam, vel hoc vnum argumentum satis Sectariorum cæcitatem redarguit) vt altero exemplo ex hac ipsa questione sumpto. Querō enim à Sectarijs, vtrum non sentiant, illam quoque, non minus certò, quā constantiam in veritate doctrinæ, esse Ecclesiæ prærogatiuam, quòd extra ipsam videlicet nemini contingat æterna salus? Opinor in ea re Apostolo Petro non repugnabunt, qui ob eam causam Ecclesiā cum Arca Noe comparauit. Neque etiam reiicient peruiulgarum illud dictum, Augustini, atque aliorum Patrum: [Non potest Deum in cælis habere patrem, qui non habuerit Ecclesiā in terris matrem.] Rursus ab eis interrogo, num percontanti, quis hominum cæcus sit vera Ecclesiā; satis fuerit respondere, eum hominum cætum veram Ecclesiā esse, extra quem nemini vquam contingit salus? Negabunt procul dubio satis esse. Quam ob rem verò? Quia nimirum hoc ipsum, vel maxime, quis querit, cūm de Ecclesiā querit; in quoniam videlicet hominum cætum, tanquam in vera Christi Ecclesiā, sit certa salutis spes, vt ad eum tanquam ad Arcam in diluuiū sese recipiant. Quare alia nota ipsis opus est, ex qua vtrumque intelligant, scilicet, & aliquem hominum cætum esse veram Ecclesiā, & in eo solo proinde posse sperari salutem. Iam verò cūm, vt dictum est, pari modo doctrinæ veritatem, qui de Ecclesiā inquirunt, vnā cum Ecclesiā,

imò in ipsa substantia Ecclesiæ quarant, profectò non rectius ijs respondetur, Ecclesiam esse eum cœtum hominum, qui veritatem tenet doctrinæ, quàm si respondeas eum cœtum esse Ecclesiam, in quo solo est certa salutis spes. Nam (quod sæpe repetendum est) veritatem inuenire cupimus, cum Ecclesiam indagamus, in cuiusque quasi gremio contineri volumus. [In ventre enim Ecclesiæ, inquit, elegantissimè D. Augustinus, veritas manet. Quisquis ab hoc ventre separatus fuerit, necesse est, ut falsa loquatur. Necesse est, inquam, ut falsa loquatur, quisquis, aut concipi nolit, aut quem conceptum, mater excussit.] Sic Augustinus, qui maxime certè hac oratione argumentum nostrum confirmat.

Ex quo planè intelligitur, crassissimam esse quorundam Sectariorum ignorantiam, cum nunc garriunt, idèò Ecclesiam ex veritate doctrinæ dignosci oportere, quia doctrinæ veritas sit illi intima, & substantialis. Atqui inde potius perspicere isti deberent, doctrinæ veritatem non esse idoneam, ac sufficientem Ecclesiæ notam, siquidem ipsam in Ecclesiæ substantia, & tanquam in eius ventre, ut loquitur Augustinus, ablata, simul quaritur ab ijs, qui inquirunt Ecclesiam. Idèò enim alijs notis opus omnino est, quæ cam substantiæ rationem in vera Ecclesia nobis demonstrent. Tales autem notæ, ut paulò post ostendemus, sunt Ecclesiæ quædam manifesta accidentia. Quæ tantum abest, ut quia accidentia Ecclesiæ sunt, idèò esse nequeant (sicut imperitè isti ratiocinantur) Ecclesiæ notæ, ut vel eo nomine, maxime illis notæ ratio conueniat. Sunt enim ferè accidentia rei ipsa re elatiora, faciliusque in hominum cognitionem incurrunt. Quæ ratio est, cur etiam Philoſophus in vniuersum verissimè senserit, vniuersumque rei accidentia ad ipsius essentiam, siue substantiam cognoscendam conferre. Quod si necdum hoc sibi persuaderent Sectarij, sed doctrinæ veritatem eo ipso, quod Ecclesiæ substantiæ ratio est, sufficientem Ecclesiæ notam esse putant; obsecro, mihi dicant, si Deus talem aliquam naturam indiuiduam hominis conseruaret, in qua, nec humana figura, neque hominis vlla operatio, neque aliquod omnino humanum accidens, præter humanam substantiam effet, quod percipi posset: dicant, inquam, vtrum ex sola substantiæ hominis definitione (nempe animal rationale) quæ nihilominus illi naturæ, tunc conueniret, posset omnino aliquis hominum deprehendere, naturam hominis illam esse? Nullus profectò, nisi Deus, vel Angelus, id cognoscere posset. Sunt enim, nobis essentia ipsa per se rerum obscura, & abdita; neque ad eas intelligentia nostra, nisi per accidentia penetrare vilo modo potest. Quocirca doctrinæ veritas non eo ipso, quod essentia, seu ratio Ecclesiæ sit, sufficiens est Ecclesiæ nota: sed vt altarum rerum, sic etiam Ecclesiæ accidentibus quibuscumque ratio notæ competit.

Probatio Quarta.

Quartò. Vniuersa fidei doctrina incorrupta, atque integra non potest esse

necessaria, & idonea notæ eius rei, quæ vna quædam pars est doctrinæ fidei. Eset enim tunc, secundum eam quidem partem, notæ sui ipsius: & sic seipsa quoad eam quidem partem deberet esse magis, & minus, prius & posterius notæ, quod est planè absurdum. At vna quædam fidei doctrinæ pars est, quod ille cœtus hominum sit vera Ecclesia, quæ reuera est. Non est igitur vniuersa fidei doctrina eius rei dignoscenda necessaria, atque idonea notæ. Sed neque fidei doctrina tota, hoc vno excepto fidei dogmate (nempe illum cœtum esse veram Ecclesiam, qui re ipsa est) pro idonea Ecclesiæ notæ, assignari potest. Fac enim aliquem hominum cœtum de omnibus alijs fidei dogmatibus rectè sentire, & in illo solo articulo fidei errare: Credo sanctam Ecclesiam catholicam: certè, vel ob hunc solum errorem cœtus ille non vera Ecclesia fidelium, sed Synagoga cetera hæreticorum. Ita fit, ut ne ex veritate quidem doctrinæ in reliquis omnibus fidei partibus, tanquam ex certa, & sufficienti notæ, statui possit, aliquem determinatè cœtum esse veram Ecclesiam. Quanquam iam quidem, secundum partitionem, quam supra fecimus, probationis nostræ contra Sectariorum notas, in primis illud confirmamus, vniuersam omnino fidei doctrinam non esse idoneam notam Ecclesiæ. Quod autem, neque sit secundum aliquam dogmata (quæcumque illa fuerint) antea quoque est à nobis probatum.

Probatio Quinta.

Quintò. Neque verisimilis, neque diuina erga homines providentia consentanea res est, ut idèò dignoscere, atque discernere oporteat Ecclesiam, quod, et si falsò quidem, tamen summa cum facilitate singuli quique hæreticorum cœtus, sibi arrogat. Imò verò si quid tale est, id profectò non modo secundum Dei providentiam non est conueniens Ecclesiæ notæ, sed ne notæ quidem: cum adeò parum ipsum sit notum, ut in eo falli, atque errare tam sit omnibus ijs proclive, qui in fidei rebus falluntur. At quàm facile vniuersi hæretici de doctrinæ veritate, atque bono Sacramentorum vñu gloriantur, quis est, qui ignoret? Certè & videmus id non absque dolore ipsi in omnibus huius ætatis Sectarijs (quod ne ipsi quidem diffiteri possunt, & de hæreticis similiter temporum superiorum) idem cognoscimus sanctorum Patrum testimonijs. [Facillimè enim, inquit Augustinus, ad imagines phantasmatum suorum carnales, atque seductores hæretici conuertunt omnia Sacramenta, & verba librorum sanctorum.] Quod idem alijs verbis beatus Irenæus, & Tertullianus testatum reliquerunt.

At enim, inquit Aduersarij, falsò, sibi hæretici verbum Dei, idest, fidei doctrinam arrogat. Certè. Nam à sententia, & intelligentia ipsa, in qua verbum Dei propriè consistit, aberrant, tantumque Scripturæ sacræ literis, tanquam melle, oblitum, venenum opinionum suarum pro cælestis doctrinæ succo venditant populus, quos misère decipiunt. Sed quia tam facile est vniuersis hæreticis doctrinam veram falsò, sibi

sibi arrogare, & eiusmodi prætenu Ecclesiam se esse cum multorum exitio persuadere: idcirco rectè concludimus, non esse, credibile, quin alia sine Dei beneficio clarissimæ notæ, quarum perceptione parvullæ etiam ac simplices, qui non valent ipsi liquidam (ut ait Augustinus) à tot erroribus discernere, veritatem, possint ad Ecclesiam Christi, tanquam ad salutis tutissimum portum, sese recipere. Quid enim, quæso, alioqui faciat, seu rusticus, seu mercator, seu artifex, seu nobilis illiteratus, qui sue salutis cupidissimus diligentèr, atque sollicitè Interrogat, apud quosnam Ecclesia sit, quorum cœtui aggregare se debeat? Obit eius rei causa Germaniam, & Galliam totam; interrogat Zuin- glanos, Lutheranos, Hussitas, Anabaptistas, & harum omnium Sectarum quascumque factiones, in quas vnaquæque rursus multipliciter varièque diuiditur. Audit ab omnibus eiusmodi Sectaris pari contentione sibi dici, Ecclesiam Christi eam esse, quæ veritatem doctrinæ retinet, & rectum usum Sacramentorum: Se autem omnino eos esse, qui veram doctrinam, & Sacramentorum rectum usum retineant. Proinde suum ipsorum cœtum esse Christi Ecclesiam, cui aggregare, unusquisque se debeat. Hæsitat hic animo miser ille: cum omnes eiusmodi Sectaris videat æquè sibi auctoritatem Ecclesie vendicare, neque ipse facis ex differentia doctrinæ (quæ pro notâ ei proponitur) dijudicare, valeat quinam potius ex illis sint vera Ecclesia. Quod si de peccato, de iustificatione, de meritis, de Sacramentis, deque alijs doctrinæ capitibus hodie controuersijs explicare ipsi velis, quæ sententia sit verior: obsecro quid ipsum iuuat? An enim hominem illiteratum de ijs rebus rectè iudicaturum arbitraris, quas vix Theologi, multorum annorum spatio, in Scholis discere potuerunt? Audiet verba, quæ profères, & nonnihil etiam fortassis intelliget. Sed nisi demens quoque, & non tantum illiteratus eiusmodi homo sit, euidenter sibi conscius erit, se res illas etiam quod attingunt tantum ad ipsa puncta his temporibus controuersa, vt nihil de exactiori cognitione Theologicorum dogmatum dicamus) non ita certè intelligere, vt valeat ipse liquidam à tot erroribus discernere veritatem. Quid igitur talibus facias? Ad scholas ne omnes ducendi sunt, vt inde, cum intellexerint doctrinæ veritatem, deduci deinceps, eius notæ beneficio, ad veram Ecclesiam possint? Profecto fuisse crudelè, & est adeo incredibile, Deum non per alias notas Ecclesie clariores, minusque fraudi hæreticorum expostas, voluisse hominum salutem consulere.

Probatio Sexta.

SEXTO: Maximum pondus in fidei controuersijs, Ecclesie veræ auctoritatem habere, & eam idcirco rectissimè ad reuincendos errores in eiusmodi questionibus interponi, extra omnem controuersiam est. At nec valeret Ecclesie auctoritas in eiusmodi questionibus aliquid, nec in illis iure interponi posset, si veritas doctrinæ fidei integra, atque incorrupta, esset nota necessaria ad dignoscen-

dam Ecclesiam, Non ea igitur Ecclesie nota debet statui, iam confirmo, quæ sumpti singula. Ac primum, quod Ecclesie auctoritas in fidei questione valeat, interponique possit, ne ipsi quidem Sectaris negant. Nam etsi disputant perfidè, hæc Ecclesie auctoritatem non esse ipsam infallibilem, non iudicant tamen nullam esse, quin potius consentiant ad eam rem omnino valere, vt instituta per Ecclesiam diligenti inquisitione doctrinæ, dijudicentur, atque noceant errores, & hæreticorum audacia comprimatur. Neque enim (inquit è præcipuis Sectaris quidam) Ecclesia Dei, motis præsertim de religione controuersijs talis cœtus est, ubi nulla fides de controuersijs ex verbo Dei inquisito, nulla sententiarum collatio, nulla dogmatum dijudicatio, sed quisque singat, & presumat sibi peculiarem, quam amplecti, & tueri velit, sententiam. Sed idcirco Deus voluit esse communionem, & consociationem, vt instituta de controuersijs inquisitione doctores in verbo Dei fundamenta veræ sententiæ alijs ita præmonstrant, vt ipsi agnoscere possint, quæ sententia, vt Orthodoxa sit amplectenda, quæ verò opinioniones, vt falsæ sint damnaudæ, vt ita errantes in viam reuocentur. Et habemus pro auctoritate, quæ est in Ecclesia iudicandi de rebus fidei (si maxime eam Sectaris nullo modo concederent) illustrata Scripturæ sacræ sanctorumque Patrum testimonia. Si enim columna, & firmamentum est ipsa veritas; cur non in questionibus de veritate ad confirmationem nostram audiri debeat, ne omni circumferamur vento doctrinæ? Si diuina veritas, vt testatur etiam est David, in Ecclesia est Sanctorum, & tamquam in eius ventre, vt Augustinus interpretatur, delitescit; nonne iure, ac merito explicationem veritatis de ore ipso Ecclesie requiremus? Ibi est enim diuinitus positum, id est, ibi sonat ipseus Dei verbum: neque tam ipsa est, quæ loquitur, quam Spiritus ipse diuinus, qui suggerit illi omnia, quem proinde iudicem audimus, cum audimus Ecclesiam de fidei questionibus pronunciantem. Atque hoc ipsum etiam veteres Patres de Ecclesie auctoritate præclare intellexerunt, & testari sunt. Quam tanti fecit Diuus Augustinus, vt ne Evangelio ipsi quidem (quod caput est doctrinæ fidei) crediturum se fuisse dixerit, nisi haberet Ecclesie auctoritatem. Qui rursus ibidem pluribus verbis contestatur, eadem Ecclesie celeberrima auctoritate, retentum etiam in Ecclesia fuisse se, nempe vt pergeret credere: magna profectò, vt fuerit impudentia Kemnitij, & Caluini, quod Augustinum notum initio Ecclesie auctoritate fuisse, vt fidem Evangelio adhibere inciperet, non autem postea, vt in ea item fide perseveraret, finxerunt. Item Augustino antiquior D. Irenæus: [Non oportet, inquit, querere apud alios veritatem, quam facile est ab Ecclesia sumere, cum Apostoli, quasi depositarium diues, plenissime in eam contulerint omnia, quæ sunt veritatis, vt omnis, quicumque velit, sumat ea potum vitæ. Hæc est enim vitæ introitus: Omnes autem reliqui fures sunt, & latrones: propter quod oportet deuitare quidem illos: Quæ autem sunt Ecclesie, magna diligenter diligere, & apprehendere veritatis traditionem.

nem: Quid enim si aliquibus, vel de modica quaestione disceptatio esset; nonne oportet in antiquissimas recurrere Ecclesias, in quibus Apostoli conuersati sunt, & ab eis sumere quod certum, & de re liquidum est? Item Tertullianus: [Quid, inquit, Christus Apostolis reuelauerit, & hic prescribam non aliter probari debere, nisi per eandem Ecclesiam, quas ipsi Apostoli condiderunt.] Quod autem præterea in argumento sumimus: Si veritas doctrinæ fidei integra, atque incorrupta, esset nota necessaria dignoscendi, quæ sit Apostolica, atque adeo vera Christi Ecclesia; nihil omnino in quaestionibus de doctrina fidei valere posse Ecclesiæ auctoritatem; id verò probò manifesta ratione. Nam si quis eam interponeret, illico tunc liceret obijcere; cum Ecclesia veræ ex incorrupta prorsus doctrina dignoscenda sit, non ante constare, utrum cætus ille hominum, cuius sententia, & auctoritas allegatur, sit vera, & Apostolica Ecclesia, quam fuerit de illa ipsa sententia alijs argumentis constitutum verum vera sit: proinde cum adhuc ea de re disceptetur; minime licere in aliquam eius quaestionis partem auctoritatem, atque sententiam vllius cætus hominum tanquam Ecclesiæ veræ interponere. Atqui constat ex ijs testimonijs, quæ attulimus, plurimum sine controuersia in fidei quibusque quaestionibus auctoritatem Apostolicæ, veræque Ecclesiæ valere debere, atque adeo iure optimo, tum ad probandum, tum ad reuincendum interponi posse. Non est igitur doctrinæ veritas incorrupta necessaria, atque idonea nota Ecclesiæ veræ dignoscendæ: Si enim esset; auctoritas Ecclesiæ, vt probatum est, nihil omnino tunc valeret: Quod absurdissimum est.

Quoniam igitur veram doctrinam fidei neque in vniuersum integram, atque incorruptam, neque etiam secundum vllam eius partem, aut partes, idoneam, atque necessariam Ecclesiæ notam esse, demonstratum est: coguntur pati Aduersarij, vt ex alijs notis, quæ sit vera Ecclesia dijudicemus. Et dico, coguntur, quoniam non possunt non inuiri eam rationem de Ecclesia vera disputandi admittere, quæ ipsos euidenter ostendit esse planè extra Ecclesiam veram. Nam, vt (suprà dicebamus, veritatem doctrinæ notam Ecclesiæ esse contendunt, non tam, vt ex illa ipsi ostendant (quod planè desperant) esse se in Ecclesia vera, quam vt infinita quaestione primum de veritate doctrinæ instituta nos impedian, atque retardent, quo minus ex alijs idoneis Ecclesiæ notis, à quibus omnibus defecerunt, clarè videamus, eos ex Ecclesia Christi exiuisse, quod hæreticorum est proprium.

Vera Ecclesiæ notæ stabiliuntur.

Sed quænam tandem illæ sunt notæ? Omniuo in Ecclesia, quemadmodum neque in alia vlla re, præter ipsius essentiam, & accidentia nihil inest. Ostendimus autem euidenter paulò antè, essentiam ipsam Ecclesiæ, ad quam veritas doctrinæ fidei pertinet (est enim congregatio verè fidelium) nequaquam esse satis, vt aliquem hominum cætum Ecclesiam veram esse dignoscamus. Si enim ad probationem aliud nihil sumas, quàm quod

hic, vel ille cætus sit congregatio verè fidelium baptizatorum, &c. (hæc enim est ratio, & essentia Christianæ Ecclesiæ) nihil omnino effeceris. Hoc enim ipsum alijs ex notis volo mihi confirmes, sicut paulò antè contra nimis arrogantem Aduersarium inscitiam argumentati sumus. Restat igitur, vt accidentia alia quædam, seu proprietates Ecclesiæ sint illius notæ. Sed quia multa, ac varia, vt supra docuimus, sunt Ecclesiæ accidentia, seu proprietates, intelligendum est, & quid in ijs requiratur, vt sint Ecclesiæ notæ, & quid etiam, quo minus sint, non impediatur. Requiritur ergo primum, vt omnino Ecclesiæ veræ conueniant; atque etiam, vt illi foli, quæ ratione quidem assignabuntur pro Ecclesiæ notis. Nam si aut Ecclesiæ veræ non competunt, aut in alijs cætib; qui Ecclesia non sunt, reperiuntur, non poterit ex illis certò, atque propriè dignosci ille cætus hominum, qui solus est Ecclesia Christi vera. Deinde, etiam necesse est, vt sint eiusmodi accidentia cognitu facilia omnibus, & quidem clariora, ea ipsa re, quæ quæritur, nempe vtrum hic, aut ille cætus sit Ecclesia, id est, congregatio eorum, qui veram fidem habent. Nam id est de ratione notæ, sicut demonstrauius paulò superius. Non impedit verò neque tollit rationem notæ, quod quædam ex eiusmodi Ecclesiæ accidentibus non iam inde ab eius exordio ipsi conuenerunt. Satis est, si secundum certissimas Scripturas ei competant in eo statu, quem iam habet, quemque habitura fuit post disseminatum Euangelium in orbem per prædicationem Apostolorum. Quæritur enim iam post Apostolorum tempora Ecclesia in eo velut ætatis suæ statu, quem habet, & fuit habitura post ea tempora, non autem in illo, quem, vel in ortu suo, vel in primo progressu habuit ad breue tempus, tamquam in infanzia. Quare illa accidentia, quæ in hoc statu ipsi competunt, illius sunt in hoc statu notæ, licet non illis prædicia fuerint etiam initio, cum primum oriretur. Sicut contra quodque, alijs quibusdam ex accidentibus, tamquam ex uotis, in suo primordio cognosci Ecclesia potuit, ac etiam debuit, quibus nunc quidem post Euangelij propagationem non perinde est prædicia. Erant illius temporibus Ecclesiæ notæ non modò quædam eius proprietates, quas nunc habet, & tunc etiam habebat (vt quod erat vna, Apostolica, &c.) sed etiam mira quædam prodigia, & signa visibilia, quæ tunc cerebantur in Ecclesia, id est, in cætu fidelium. Quas notas ipse miraculorum auctor Dei filius assignauit, atque ostendit hominibus. [Nam, signa, inquit, eos qui crediderint hæc sequentur, in nomine meo dæmonia eiicient, linguis loquentur nouis, serpentes tollent, &c.] Atque etiam descendebat visibiliter Spiritus sanctus super ijs, qui manuum impositione ab Apostolis confirmabantur. Hæc signa non perinde nunc in Ecclesia sunt: neque tamen id impedit, quo minus tunc, cum illis ornaretur Ecclesia, notæ ipsius, vt erat quidem, in illo statu, fuerint. Ita vicissim, post propagatum Euangelium, alia quædam Ecclesiæ accidentia, quæ statim exponeamus, Ecclesiæ notæ sunt in hoc Ecclesiæ statu: tamen si non etiam illis initijs fuerint in Ecclesia.

Quæ

Quæ explicatio ignorantiam, erroremque quorundam ſectariorum perſpicue reſarguit, qui putant nunc aliquid ſe dicere, cùm argumentantur, claritatem, & diffuſionem, & ſimiles prærogatiuas Eccleſiæ, de quibus ſtatim dicemus, ideò Eccleſiæ notas eſſe non poſſe, quoniam illis aliquando caruit Eccleſia: quæ tamen tunc etiam cognoviſſe debuit, ac poſuit. Non enim cogitant, cum differentia ſtatus Eccleſiæ, vt explicatum eſt, differentiam notarum eiufdem Eccleſiæ optimè congruere. Quocirca perperam etiam, atque inſcitè concludunt, idoneam, atque neceſſariam Eccleſiæ notam omni tempore eſſe doctrinæ veritatem, quia eam nunquam Eccleſia caruerit, cùm ſit de eius eſſentia. Contrarium enim, vt ſuprà demonſtravi, concludere debent. Nam quia de eſſentia Eccleſiæ eſt, perpetuò doctrinæ veritas, inde ſit vt inprimis ipſa quærat, cùm queritur Eccleſia, atque adeò, vt ex alijs notis indicari ipſa in Eccleſiæ quaſi ventre, vt loquitur Auguſtinus, & antè in illis initijs debuerit, vt explicatum eſt, & nunc etiam debeat. In Eccleſia enim ſicut depoſitorium, vt Irenæus inquit, cœleſtis doctrinæ veritas cuſtoditur: atque adeò non ſatis ipſa per ſe patet, niſi Eccleſia, quæ cuſtos & depoſitaria eius eſt, auctoritatem ſuam, tanquam clauem, ad Scripturam admoueat, & aperiat. Proſus, vt non minus abſurdum ſit, veritatem ſacre notam Eccleſiæ, quam ſi ex re depoſita, bene, atque arcane cuſtodita, cognoscere velles, quis & qualis ſit depoſitarius, & non potiùs ex depoſitario quæteres de re ipſa depoſita. Sed quemadmodum Eccleſia non ex eſſentia ſua, aſi quam ſpectat veritas, ſed ex eius accidentibus, tanquam ex notis, cognosci debeat; & qua id ratione poſſit accidentibus conuenire, ſatis hæcenus expoſitum eſt.

Nunc aſſero, ſecundum eam doctrinam, notas dignoſcende Eccleſiæ eſſe priores ſex proprietates, ex illis octo, quas ſuprà oſtendimus, Eccleſiæ Chriſti conuenire: videlicet, quòd ſit vna, Catholica, ſancta, Apoſtolica, rectè ordinata, viſibilis. Has ſiue proprietates, ſiue prærogatiuas Eccleſiæ, ſimul ſaltem, atque coniuñctim conſideratas, aſſeruo neceſſarias, atque ſufficientes illius notas eſſe, ſecundum eum quidem ſtatum, quem poſt diſſeminatum in orbe Euangelium habet, & habitura eſt uſque ad tempus conſummationis ſæculi. Nulla eſt enim earum Eccleſiæ prærogatiuarum, quæ ſecundum aliquam ſaltem noſtionem ipſius, vt explicabimus, faciliò cognitu apud omnes non ſit, quam ipſa ratio Eccleſiæ, & præterea omnes conueniunt Eccleſiæ, vt ſuprà probatum eſt; atque etiam ſoli ipſi, ſaltem ſi coniuñctim, ac ſimul omnes illæ, vel etiam pleræque earum conſiderentur. Quod ideò ſic dico, quia fieri fortè poſſet: vt aliqua prærogatiua illarum per ſe ſola, & ſeparatim ab alijs, reperiretur in aliquo cœtu hominum, qui non ſit vera Eccleſia (vt claritas per ſe, verbi gratia) ſed vt aliqua illarum prærogatiuarum ſimul, atque coniuñctim cum omnibus reliquis, aut illarum plerique, in alio cœtu, niſi in Eccleſia vera reperiantur, fieri ſecundum legem quidem Dei ordinariam.

non poſſet. Quouiam via, & ratione omnino tunc careremus, Eccleſiam Dei certò internoſcend (vt etiam iubemus) ſecernendique ab alijs hominum conuenticulis, qui Eccleſia non ſunt. Quod diuinæ erga nos providentiæ nullo modo conſentaneum eſſet. Non enim ex ipſa alioqui Eccleſiæ eſſentia, atque adeò neque ex doctrinæ fidei veritate, aut ex officijs, ſeu ritibus, de quibus ex doctrina iudicandum eſt, ſatis ab omnibus Eccleſia dignoſci poſſet, vt ſuprà euicimus. Neque verò præter doctrinæ veritatem, & ritus ex doctrina pendentes, aliud aliquid ipſa Eccleſiæ eſſentia clariùs ordinariè in Eccleſia animaduertere licet, niſi iam numeratas illas eius prærogatiuas. Quare reſtat omnino, vt ex illis, ſaltem coniuñctim conſideratis, tanquam ex ſuis proprijs notis dignoſci Eccleſiam oporteat. Et certè Scriptura ſacra, manifeſtè hoc ipſum indicat, dum propriè per hæc ipſa accidentia Eccleſiam nobis, qualis ea poſt Euangelium diſſeminatum futura fuit, deſcribit, vt ſuprà perſpicuis teſtimonijs, pro vnaquaque earum proprietatum adductis, docuimus. Inde enim ſit, vt qui ſibi perſuadeat, eam congregationem eſſe Eccleſiam, in qua omnes eiufmodi proprietates, quæ quidem ab omnibus facile cognosci queant, ſicut Eccleſia debet cognosci ab omnibus, animaduertit: is planè Scripturam ſacram, tanquam Duceſ Eccleſiam indicantem, ſequatur. Quamobrem ne in errorem homines à Scriptura ipſa per ſe, cùm ita de vera Eccleſia ratiocinantur, induci aliquando poſſint; neceſſe proſus eſt, eiufmodi accidentia, ſeu prærogatiuas (ſaltem coniuñctim) eſſe proprias, ac certas Eccleſiæ notas, quæ nequeant proinde ſecundum legem quidem Dei ordinariam in alio cœtu hominum, qui non ſit Eccleſia, reperiri. Atque hoc ipſum præclare ſanctos Patres intellexiſſe, inde perſpicuum eſt, quod non niſi ex ijs proprietatibus, vt videbimus, contra hæreticos ſuis temporibus Eccleſiam veram aſſeruerunt, illoſque ab ea deſciſſiſſe conuincerunt. Hæc viſ illius Diui Auguſtini ſententiæ eſt: [Nolo, inquit, humanis documentis, ſed diuinis oraculis ſancſam Eccleſiam demonſtrari.] Quia nimirum Scriptura eſt, quæ quibuſdam in locis clariſſimè (non enim vbique planè obſcura eſt) nobis eas Eccleſiæ proprietates indicat, ex quibus illa tanquam ex notis probari debeat. Porro ſeptimam, & octauam proprietatem Eccleſiæ ſuprà numeratas, nempe aſſiſtenciam, atque directionem Spiritus ſancti perpetuam, ne vnquam aberret à veritate; & certam in ea ſola ſpem comparande æternæ ſalutis, ideò in Eccleſiæ notis non etiam pono, quia licet illi quoque proprietates iſtæ, vt ſuprà probauimus, maxime conueniant, tamen ſunt cognitu difficilioreſ, quam ipſa Eccleſia, vt ex ijs patet, quæ antè ſunt à me diſputata.

*Demonstratur ex legitimis notis Ecclesiam
solam Romanam esse veram
Ecclesiam.*

Probo igitur ex notis iam assignatis solam illam congregationem, seu cœtum hominum, qui Romano Pontifici pro tempore existenti paret, esse veram Christi Ecclesiam, hoc modo: Illa hominum congregatio sola est Ecclesia Christi, quæ eadem est, & vna, & sancta, & Catholica, & Apostolica, & rectissime ordinata, & visibilis, hoc est, in luce hominum perpetuo constituta. Sola autem ea congregatio, quæ Romano Pontifici pro tempore existenti paret, & nulla alia est talis. Igitur ipsa sola est Ecclesia Christi. Prior propositio, scilicet illam solam hominum congregationem esse Christi Ecclesiam, quæ est vna, sancta, &c. satis hæcenus probata est tum ijs testimonijs, quibus eas Ecclesiæ proprietates suprà asseruimus, tum etiam ijs rebus, quæ de Ecclesiæ notis disputatæ iam sunt. Solam autem congregationem, quæ Romano Pontifici pro tempore existenti paret, esse talem, nempe vnam, sanctam, Catholicam, &c. id verò nunc ordine probandum est. Neque verò in hac probatione omnes eas notiones persequemur, quas suprà docuimus spectare ad huiusmodi Ecclesiæ proprietates, sed illas dumtaxat, quas cognitu facillimum sit alicui hominum cœtui competere.

I. Talis est potissimum in vnitæte Ecclesiæ doctrinæ fidei consensus. Hanc in sola congregatione, quæ Romano Pontifici paret, nunc reperiit facile probatur. Nam ea sola rationem accommodatam ad retinendam in doctrina concordiam retinet: in qua re suprà euicimus hanc doctrinæ fidei vnitatem propriè consistere. Ipsa enim vnus Pastor, rectissime, vt suo loco probabitur, agnoscit, cuius iudicio in fidei controuersijs acquiescit. Vel, vt Cypriani verbis utar, quibus Ecclesiam desinit, ipsa est [plebs sacerdoti adunata, & pastori suo grex adherens.] Itaque quàm facile est in Ecclesia cognoscere, quid summus Pontifex de huiusmodi questionibus cum auctoritate, hoc est, vniuersam Ecclesiam obligando decernat: tam est Ecclesiæ facile retinere in doctrinæ fidei consensum. Contra verò hæreticorum omnium conuenticula, dum Scripturarum, atque adeo fidei explicationem alicui certæ auctoritati, tanquam diuina assistentia infallibili, non committunt; sed vnicuique Scripturam solam, vt vnicam, ac sufficientem fidei regulam proponunt; necesse est, vt in tot sententijs de fide ipsa diuersas distrahantur, quot sunt fere capita. Quod & experientia plus satis profectò docet. Ita non retinent doctrinæ fidei vnitatem: quoniam non sequuntur in doctrinæ rationem accommodatam ad consensum, sed eiusmodi prorsus, quæ scilicet ipsa varijs identidem pariat, vt variè à varijs Scriptura ipsa intelligitur. Nam quod dicunt, Scripturam esse cognitu facilem; suprà ostendimus, qui sibi id persuadent, eos propemodum etiam insanire. Quid enim esse causæ censebimus, quam ob rem Lutheri doctrina, dum Scripturam tantum, id est, Lutheri de Scriptura sen-

sum, est sequuta, tot sectas differentes ipsa protulerit, quot passim etiam in tabulis depictæ monstrantur? Nempe quia Scripturam, quam solam proposuit discipulis suis Lutherus, facillimè potuit diuersis modis intelligi, cum sit ea hominibus ipsis quidem, ob multas causas superius expositas, ad intelligendum difficilis. Neque verò aliqua ex illis ipsis sectis, quæ ex Lutheri quasi prima disciplina prodierunt, magis iam vna, & suapte ratione consentiens secundum doctrinam fidei, quàm illa prima disciplina Lutheri dici potest. Nam cum similiter vnaquæque sectarum Scripturam solam sequendam sibi nunc proponat, illarum quælibet esse similiter suapte ratione, vt ita dicam, dissolubilis porro, atque dissipabilis: Siquidem nihil proliuius est, hominibus præsertim æquè imperitis, ac superbis, quàm varias admodum de Scriptura opiniones comminisci.

Quod si nobis isti respondeant, se satis hoc ipso doctrinæ vnitatem retinere, quod tamdiu quidem omnes consentiunt, quamdiu in vna aliqua secta, vt Sacramentaria, vel Vbiquitaria, vel Illyricana, &c. numerantur: iam suprà docui non propriè in actuali consensu, sed potissimum in ratione accommodata ad retinendum consensum ponendam, esse necessariò hanc prærogatiuam vnitatis, quæ propriè tribuitur Ecclesiæ veræ. Non enim alioqui Ecclesia Dei ab hæreticorum cœtibus vnitæte doctrinæ differret: cum, vt suprà docui, nullus vnquam hæreticorum fuerit cœtus tam exiguus, in quo non actu, fuerint in questionibus fidei consentientes, qui ad ipsam pertinerunt, quamdiu pertineuerunt ad eum quidem. Et tamen sancti Patres antiquis etiam nihilominus hæreticorum sectis diuisionem, atque doctrinæ schismata, & varietatem rectissime obiecerunt: quia cum omnibus hæreticis commune fuerit Scripturis solis, id est, suo de Scripturis sensu nitere: vel: in ipsa sectarum omnium ratione radix fuit, & causa dissensionum. Hinc Donatistarum secta, seu pars, vt Augustinus inquit, in minutissima frustra concessa fuit. Quod similiter de alijs hæreticis, alij Patres memoriz prodiderunt. [Variant enim, vt inquit Tertullianus, hæretici inter se, dum vniuiusque pro suo arbitrio modulatur, quod accepit: quemadmodum ea pro arbitrio composuit ille, qui tradidit. Quare idem licuit, inquit, Valentianis quod Valentino, sicut & Lutheranis quod Luthero, Marcionistis quod Marcioni, de arbitrio suo fidem innouare. Denique penitus inspectæ omnes hæreses in multis cum auctoribus suis, dissentientes deprehenduntur.] Ergo doctrinæ vnitatis in Ecclesia vera, in primis etiam ratione accommodata ad retinendum doctrinæ consensum continetur. Qua ratione, quia caret, vt ostendit, omnes sectæ: nulla illarum vera Ecclesia est: sed sola Ecclesia Romana. Hæc enim, vt ex Cypriano repetamus, plebs est sacerdoti adunata, & grex pastori suo, adherens. Quem quidem dum audit, vnitatem doctrinæ retinet: sicut contra non aliunde hæreses oborte sunt, aut nata sunt schismata, quàm inde, quod sacerdoti Dei non obtemperatur, nec vnus in Ecclesia ad tempus sacerdos, & ad tempus iude vice Christi cogitatur, vt idem inquit Cypri-
an. iam

II. Iam verò quod sola congregatio, quæ Romano Pontifici pro tempore existenti pareret, sit catholica, eodem modo probamus, quo probauerunt id olim sancti Patres, vt hereticos sui temporis ostenderent exiuisse ex Ecclesia. Ille enim cætus in primis catholicus est, qui communicat in fidei, & religionis christianæ instituto cum omnibus per orbem gentibus; vt ex instituto etiam suscepit Augustinus probandum in peculiari libro, quem de vnitæte Ecclesiæ conscripsit. Solus autem cætus, qui Romano Pontifici nunc pareret, ita communicat cum omnibus gentibus, hoc est, credit, quod vbique, quod ab omnibus nationibus creditur, igitur ille solus catholicus est. Sed præstat audire Augustinum, qui contra Donatistas maxime argumentum hoc ita tractat, vt planè etiam videatur contra Sectariorum hodiè propugnare causam Ecclesiæ Romanæ, sicut tunc etiam propugnabat. [Cum Christi Ecclesia, inquit, catholica canonicarum Scripturarum diuinis, & certissimis testimonijs in omnibus gentibus designata sit: quidquid attulerint, aut vnde cumque recitauerint, qui dicunt: Ecce hic est Christus, ecce illic; andiamus potius, si oues eius sumus, Pastoris nostri vocem, ibidem dicentis: Nolite credere. Singulæ quippe hereses in multis gentibus, vbi Ecclesia Catholica est, non inueniuntur: Hęc autem, quæ vbique est, etiam vbi illę sunt, inuenitur.] Item: [Audite, inquit, heretici, quid scriptum sit: Oportebat Christum pati, & resurgere à mortuis, & prædicari in nomine eius penitentiam, & remissionem peccatorum per omnes gentes. Omnes gentes totus mundus est. Ecclesia totum possidet, quod à viro suo accepit in dote. Quæcumque congregatio cuiuslibet heresis in angulis sedet, concubina est, non matrona.] Nonne videtur cum Sectarijs hodiè loqui? Hoc enim est in angulis sedere, & tanquam concubinam esse, in paucis prouincijs (vt hodiè euenire, Sæctis omnibus cernimus) locum habere; in plerisque alijs omnibus, aut omnino non esse, aut latere, non se prodere, non manifeste per orbem dilatari. Quod perinde est, ac omnino non esse. Nam Ecclesia Christi continuò succrescit, [vsque ad metem, & plamites suos vsque ad mare extendit, neque sub modio delitescit, sed Domini luce pertusa,] vt Cyprianus, inquit, per totum orbem radios suos porrigit: vt videmus num etiam facere vberime in immensis illis Orientis, atque Occidentis plagis. Contra Sectarij in penetralibus sunt, & vbera habent arenæ. Sed audiamus adhuc pro nobis contra Sectarios loquentem D. Augustinum: [Quoniam Ecclesiam Dei, inquit, quæ catholica dicitur, sicut de illa prophetatum est, per orbem terrarum diffusam videmus: arbitramur nos non debere dubitare de tam euidentissima impletione sanctę prophetię. Nam & in capite sacrosancti Plaltery scriptum est de Filio Dei: Postula à me, & dabo tibi gentes hereditatem tuam, & possessionem tuam terminos terrę.] Item contra Petilianum: [Caluicio, inquit, tibi, Lutheranè, vel Calvinistæ, & Schismaticis crimem, quod tu negabis, ego autem statim probabo. Neque enim communicas omnibus gentibus, & illis Ecclesijs Apostolico labore

Tom. XIII.

fundatis.] Item: [Tenet me, inquit, in Ecclesia ipsam catholicæ nomen, quod non sine causa inter tam multas hereses hic ista Ecclesia obtinuit, vt cum omnes heretici se catholicos dici velint; quærenti tamen peregrino alicui, vbi ad catholicam conueniatur, nullus hereticorum, vel basilicam suam, vel domum audeat ostendere. Velint enim nolint,] inquit, alibi idem Augustinus, [ipsi quoque heretici, & schismatici alimni, quando non cum suis, sed cum extraneis loquuntur, catholicam nihil aliud, quàm catholicam vocant, non enim possunt intelligi, nisi hoc nomen, eam discernant, quo ab vniuerso orbe nuncupatur.] Exemplum planè hodie habemus in ijs etiam regionibus, in quibus aliquis sæctis locus est, vt in Germania. [Quamuis enim Ecclesiæ Catholicæ variæ hereses, ait idem Augustinus, diuersa nomina imponunt, cum ipse singulæ proprijs vocabulis appellentur,] tamen apud ipsos etiam hereticos nomen potissimum catholicæ ea Ecclesia obtinuit, quæ verè catholica est, nempe quæ sequitur fidem Romanam. Quod vel ipsi certè librorum catalogi, qui conscribuntur in nundinis Francfordiæ singulis, anni bini ab ipsismet hereticis, declarant. Libros enim, qui à catholicis auctoribus scribuntur, libros vocant catholicos, qui Romanæ, inquit, Ecclesiæ subiunguntur. Quo nomine, & titulo eiusmodi libros ab alijs libris discernunt, qui sunt à Sectarijs hominibus compositi, quos illi Protestantes, Theologos appellant, catholicos autem appellare non audent: non enim intelligerentur, vt inquit, Augustinus. Sed & alios Patres præter Augustinum audire, operæ precium est, qui hac eadem nota catholicæ, cætum eorum, qui veram, idem amplectuntur, idest, Ecclesiam Christi ab hereticorum conuenticulis discernunt. [Statim, inquit magnus Basilus, in fide, ipsum orbem inspicite, & videte, quomodo modum ipsi portio, quæ hoc morbo laborat. Reliqua verò vniuersa Ecclesia, quæ ab orbis finibus, vsque ad fines Euangelium recepit, sanam hanc, & rectam fidem sectatur; & cuius communionem, vt ne excidatis, petimus.] Item Tertullianus: [Nos, inquit, communicamus cum Ecclesijs Apostolicis,] idest, ab Apostolis fundatis, [quod nulla doctrina aduerfa facit. Hoc est testimonium veritatis.] Hieronymus: [Poteram, inquit, omnes propositionum tuarum riuulos vno Ecclesiæ sole siccare.] Opratus Mileuitanus: [Cum manifestum, inquit, sit & ipsa luce clarius, nos cum tot innumereabilibus populis esse, & tot nobiscum prouincias; iam videtis vos in parte vnus, aut alterius regionis positos, & ab Ecclesia vestris erroribus separatos, frustra vobis solis hoc nomen Ecclesiæ cum suis dotibus vendicare.] Item Cyprianus ea ratione probat, Nouatianos hereticos esse, & ab Ecclesia alienos, quia constat, inquit, [eos cum corpore Ecclesiæ non conuenire &c.] Et Vincentius Lyrensis: [In Ecclesia, inquit, catholica, ad quam non vna natio, non vnus angulus, sed multitudo maris conuertitur, id teneamus quod ab omnibus, quod vbique quod semper creditum est.] Præclarè igitur, vt alios omitam, Pacianus annotauit, christiani nomine à Paganis, & Iudæis, catholici autem cognomine

N

in me

mine ab hæreticis fideles distingui: [Ne astutus, inquit, frater, christiani mihi nomen est, catholicus verò cognomen; Illud me nuncupat, istud ostendit, hoc probor, inde significor.]

Hæc omnia iure suo certè Ecclesia Catholica, nunc etiam sibi vendicat, nec ad illam accommodari possunt sectam recentium hæreticorum. Sola enim Ecclesia, quæ Romana paret Pontifici, per vniuersum orbem pertinet, vel certè in dies per eum diffunditur. Itaque ipsa sola est, hæreditas, illa, ac possessio Christi, quæ non angustioribus, quam totius terræ terminis continetur. Quam quo Sectarij quidem vehementius oppugnant, eo magis in Oriente, & Occidente propagatam esse videmus. Prorsus, vt in istos pulchre conueniat, quod de sui temporis hæreticis commodè dixit D. Bernardus. [Ipsi, inquit, potius se subtrahunt huic hæreditati, qui illam Christo conantur subtrahere.] Neque, verò nobis hic obstat, quod apud illas ipsas gentes, in quibus doctrina Romanæ Ecclesiæ disseminatur, multi etiam inueniuntur, qui illam repudient. Nam & illud oportet impleri, quod item scriptum est: [Eritis odio omnibus hominibus propter me.] Itaque Ecclesiam Christi esse Catholicam, minime quidem est, eius doctrinam ab omnibus, & singulis vbique gentium recipi, sed esse certè vbique, qui illam in dies recipiant: vt diligenter etiam Ioannes Driedo, vir eruditissimus, annotauit. Quod cum in eum cæcum duntaxat, qui Romano Pontifici, tanquam Pastori grex adheret, conueniat; ille solus Ecclesia Catholica est.

Quamobrem, siue prophetiam istam Davidis de Apostolis: [In omnem terram exiit sonus eorum, & in fines orbis terræ verba eorum:] per Apostolos ipsos omnino impletam fuisse: sicut placuit quibusdam de sanctis Patribus, siue continua in dies Evangelij propagatione per orbem, vsque ad seculi consummationem impleri, vt Augustinus, & alij sentiunt, arbitremur, periculum est, in solam Ecclesiam, quæ idem amplectitur Romanam, eiusmodi prophetiam competere, atque adeo ipsam solam esse catholicam. Nam (quod obseruatione dignissimum est) sicut à nulla vnquam hæreticorum Secta legitur Christi fides apud villas gentes fuisse plantata: ita nulla vnquam gens christianam complexa est fidem, nisi eorum opera, qui cum Ecclesia Romana communionem habuerunt; eiusque membra fuerunt: sicut & hodie quoque in amplissimis Orientis, & Occidentis regionibus ab Ecclesiæ Romanæ ministris Euangelium diffunditur. [Negotium enim, inquit Tertullianus, est hæreticis non ethnicos conuertendi, sed nostros euertendi. Hanc magis gloriam capiant, sistantibus ruinam, non si iacentibus eleuationem operentur.] Quæ in re, quàm illi sint Apostolorum dissimiles, pulchrè idem Tertullianus ostendit his verbis: [Apostoli enim, inquit, de mortuis viuos suscitabant, isti de viuis mortuos faciunt.] Neque verò Christi fidem Ecclesia Romana tantummodo propagauit, sed etiam perpetuo illam ipsa conseruauit; auctoritate nimirum sua hæreses, quæcumque olim exortæ sunt, damnando, & proscribendo, vt ex

uarijs historijs, & Conciliorum actis cognoscisci potest.

III. Iam sanctitatis Ecclesiæ illa inter ceteras illustrior notio est, quæ illius firmitas, atque constantia declaratur, contra quam, nec portæ inferi preuallebunt, vt superius à nobis in huius proprietatis assertionem demonstratum est. Hoc modo solam congregationem, quæ Romano Pontifici paret, sanctam esse; planissimum est. Nempe, quæ nullis vnquam, aut persecutionibus, aut erroribus opprimi potuit, sed illis est potius illustrior multo facta. [Improbatio enim hæreticorum,] inquit ad Dominum D. Augustinus, [facit eminere quid Ecclesia tua sentiat, & quid habeat sana doctrina.] At hæreticorum cōuenticula nulla fuerunt diuturna vnquam. Sed neque erunt recentium Sectariorum, cum & illa ipsa, quæ ab illis descendunt, nefaria dogmata, iam olim etiam ab Ecclesiæ relictis fuerint: vt minime existimandum sit, eam, in posterum doctrinæ deprauationem perpetuo duraturam. Etenim fidem solam ad salutem satis esse; cum Simone Mago, & Eunomio volunt: cum Ariani sacrosanctum, & orationes pro defunctis improbant: Sanctorum, atque imaginum cultum cum Vigilantiis, & Iconoclastis: Matrimonium virginitati anteponunt ex sententia damnati Vigilanti: Episcopos superiores presbyteris non agnoscunt, quæ fuit hæresis Arii. Originis peccatorum tegi tantum, non tolli baptismatis gratia, docent cum Messalianis: Execrantur Euangelicam paupertatem cum Vigilantiis: Item Ecclesiam errare posse putant, vt ante illos Donatistæ, & alij hæretici opinati sunt. Traditiones non scriptas repudiant, solisque Scripturis niti volunt, quod illis est commune cum Arianiis, & Eunomianis, & quotquot vnquam existerunt hæretici. Et ne omnia enumerem quidquid aduersus Ecclesiam Catholicam, perniciosam animositate: vt Augustini verbis vtar, defendunt, non nisi ex veterum secessu hæreticorum hauserunt: vt in omnibus questionibus controuersis facile ostenditur. Quod cum ita sit, omnino separandum est, non multo post fore, vt quorum errores isti imitantur, eorum quoque habeant exitum, [deficientesque quemadmodum fumus deficient.]

IV. Deinceps sequitur, vt illam ipsam congregationem, quæ cum Ecclesia Romana communionem habet, Apostolicam item esse, id est, fidem atque dogmata Apostolorum sequi, ab istisdemque originem ducere, probemus. Hoc Episcoporum omnium continua successione, & doctorum, ac populorum, per quos doctrina ab Apostolis accepta, ad nos vsque perpetua temporum serie peruenit, rectissime probatur. Vt enim aliquis tum optime probat, se patrimonium aliquid, aut nobilitatem antiquam à maioribus suis, qui multo antè vixerunt, accepisse, cum ostendit, id se accepisse à parente, & hunc rursus à patre suo, & illum item à suo, sicque deinceps donec ad familiæ caput perueniat: ita nos rectè probamus, doctrinam, quam hodie tenemus, à maioribus nostris, Apostolis, atque adeo ab ipso Christo, tanquam hæreditatem accepisse, cum defendimus, hanc ipsam doctrinam fuisse eorum, qui nos

pro-

proximo sæculo antecesserunt, & rursus illos à maioribus suis, qui similiter proximè illos præcesserunt, eandem ipsam accepisse, & ita deinceps, donec successionis series continua ad Apostolos ipsos perducatur, qui Ecclesiam Christi plantauerunt. Hanc probandi rationem aptissimam esse, sanctissimi Patres etiam iudicant, eamque ipsi contra sui temporis hæreticos passim vsurpauerunt. Quo quidem in genere maxime est illustris illa Diui Irenæi sententia: [Traditionem, inquit, ab Apostolis, & annuntiatam hominibus fidem, per successiones Episcoporum peruenientem vsque ad nos, indicantes, confundimus omnes eo, qui quoquo modo, vel per sui phantasiam malam, vel vanam gloriam, vel per cecitatem, & malam sententiam, præterquam oportet, colligunt.] Sed vt hanc argumentandi formam nobis competere doceamus, confirmandum iam est, nos hanc ipsam doctrinam, quam Romana nunc tenet Ecclesia, ab ijs, qui proximo sæculo præterierunt, & illos similiter ab antecedentibus proximè suis maioribus, & sic deinceps vsque ad Apostolorum tempora accepisse. Quod his modis certissimè ostendimus.

Probatio Prima.

Primò. Quotiescunque in Ecclesia aliqui ab Apostolica doctrina discesserunt, constat eos tandem à Catholica Ecclesia, iuxta diuinas promissiones, quas habet, notatos primùm, deinde repressos, & proscriptos esse; idque cum personarum, ac temporum notatione varijs historijs est proditum. Quo autem tempore, vel à quibus Ecclesijs primùm, post Apostolorum tempora, doctrina ea, quam nunc Ecclesia Romana tenet, contra doctrinam Apostolicam introducta fuerit, doceri non potest; multoque minùs constat, illi vnquam ab Ecclesijs Catholicis (ab Ecclesijs Catholicis inquam, non ab vno, vel altero, vel paucis hæreticis, qui & ipsi communis Ecclesiæ damuari fuerint, vt Hufs, Wiclephus, & similes) reclamatum esse. Dum autem Sectarij, qui Ecclesiam accusandi partes sceleratè sibi sumserunt, id non ostendunt; iure optimo possessionem huius doctrinæ Apostolicæ, tanquam hæreditatis à nostris maioribus acceptæ, nobis vendicamus.

Nam quod quidam ex Sectarijs dicunt, ab hinc annis circiter quadringentis doctrinam Apostolicam in Ecclesia palam corruptam esse; alij abhinc ferè sexcentis; alij abhinc ferè mille, circa tempora videlicet Diui Gregorij: nonne fatis hac opinio nem varietate declarant, habere se nihil ea de re compertum? Fuit temporibus Gregorij communis orbis terrarum ea fides, quam defendit Gregorius; vt qui cum omnibus Ecclesijs, earumque Episcopis communionem habuit. Eandem autem fidem Gregorij, post Gregorij tempora vsque ad nos, in orbem communem, atque Catholicam fuisse fidem, constat de omnibus hodie doctrinæ capitibus controversis. Quomodo igitur aut Gregorij temporibus, aut post Gregorij tempora doctrina illa, quæ sola erat vbique terrarum eadem,

corruptela doctrinæ Apostolicæ fuit? Quod enim apud multos, & multò magis quod apud omnes, vnum inuenitur, non est erratum, sed traditum, inquit verissimè Tertullianus. Et impossibile est, vt in orbè toto contra legitimam Christi Ecclesiam portæ inferorum præualeant, corruptelæque Apostolicæ fidei vbique obtineant, sicut obtinuit à tempore Gregorij, atque adco Apostolorum vsque ad nos, fides ipsa Gregorij.

Quod autem Sectarij quidam hoc loco respondeant, iam vsque ab Ecclesiæ exordio Apostolicam doctrinam corrumpi cæpisse; id verò nihil quidem pertinet ad rem, de qua nunc agimus. Quærimus enim, quando Apostolica doctrina adulterari cæperit, non tantum priuato vnus, aut paucorum errore, sed communi eius cætus consensu, qui vera Christi Ecclesia antea fuisse, quique proinde, deficiens communiter à vera fidei doctrinæ, vera etiam esse Christi Ecclesia desierit.

Hæc enim summa eius accusationis, quam Ecclesiæ Romanæ non ita pridem Sectarij intendant, est: eam cum aliquando esset cætus verè fidelium, hoc est, cum fuisset aliquando legitima Christi Ecclesia, ab ipso Apostolo Paulo, alijsque permultis Apostolicis, sanctissimisque viris, magificè etiam ob integritatem fidei laudata; demum errore communi ab Apostolica, veraque doctrina fidei degenerasse, adeoque legitimam Christi Ecclesiam esse desisse. Hoc autem quando factum sit, iure nos optimo percontamur Sectarjos; quando, inquam, vel omnino, vel ex parte, Apostolica doctrina corrupta in Ecclesia Romana, communi (communi, inquam) errore cæperit. Etenim priuatis erroribus, non dubium est, quin iam inde ab Ecclesiæ primordio seductores aliqui veritatem fidei adulterare tentauerint, quos passim suis in epistolis confutauit Apostolus, qui etiam idcirco ad Thessalonicenses scribens aiebat, iam suo tempore mysterium iniquitatis operari. Quando autem communi eius cætus consensu, qui vera fuisset Christi Ecclesia, corrumpi Apostolica doctrina, vel omnino, vel ex parte cæperit; hoc verò est, quod expedire nobis nequeant Sectarij iure, ac merito de ea re interrogari.

Accedit quod de auctoribus, per quos ea communis corruptela sit inuecta, & quomodo deinde ab Ecclesia vera fuerint illi repressi, nihil isti proferre possunt. Nisi quod planè inucredibiliter, & admodum etiam ridiculè quadoque solent (ne videatur ipsi esse hæretici) nobis affingere errores quorundam veterum hæreticorum; qui tamen à nulla alia Ecclesia, neque secundum vllam aliam doctrinam nisi nostram, damuati & profligati ex Christi castris sunt. Verbi gratia: Dixerunt Ebionitæ, non solam Christi fidem (quatenus ea vox pro tota lege Christi accipitur) ad salutem sufficere: intellexerunt autem etiam requiri cæremonias, & obseruationem veteris legis. Quia verò nos docemus, non sola fidei virtute, sed alijs etiam animi bonis motibus, vt charitatis, &c. & obseruatione aliorum mandatorum Christi, salutem comparari: Nugantur isti, doctrinam illam Ebionitarum nos defendere. Quis non videt discrimen? Ac ratione æque facili si-

miles istorum in hoc genere leuissimas nugas confutauit alio loco.

Sed aiunt præterea se ex libri ipsis Apostolicis, id est, ex Scriptura sacra, probare, contraria nos Apostolicæ doctrinæ sentire. Id verò non modò falso, sed etiam admodum ineptè ab illis in hac controuersia obijciunt. Cum enim questio aliàs de Scripturæ sententia, & interpretatione in varijs doctrinæ capitibus inter nos agitur; eaque sit propter istorum pertinaciam penè interminabilis: postulamus ab ipsis duo. Primum, vt quandoquidem Ecclesiæ accusatores sunt, quibus incumbit ex officio probare, planum nobis ex Scriptura faciant, doctrinam suam esse Apostolicam potius, quam nostram. Hoc verò cum præstare non possint, eoque nomine, sicut est accusatorum lex, causa cadant; nec videant tamen, vt sunt cæci, à nobis potius se in questionibus omnibus tanquam corruptores Apostolicæ doctrinæ reninci: Petimus deinde, vt compendio historiarum, notatis temporibus, & personis, testimoniisque contrarijs Catholicorum, doceant, nostram doctrinam post Apostolorum tempora contra Apostolos, aut eorum in doctrina successores inuectam in Ecclesiam fuisse. Hic dico inceptè ipsos facere, si ad questionem de Scripturæ sententia infinitam regredi velint. Quod nostri quidem non ideo in hac de Ecclesia controuersia detrectant; quia de doctrina ipsa ex Scripturæ fundamentis disputare nolint (faciunt enim id in singulis doctrinæ locis controuersis, satis copiose, & voce quotidie in templis, & scholis, & scriptis etiam libris, pluribus fortè quàm est necesse) sed vt questio de vera Ecclesia, atque adeò de veritate in vniuersum de doctrina, si nem aliquando habere, compendiosè, ne iudicari possit ex ijs notis, quibus Ecclesiam suam Deus discerni voluit, quarum vna est hæc originis Apostolicæ.

Postulamus igitur ab Aduersarijs, vt si Ecclesia Romana ab ea fide Apostolica communiter defecit, quæ de ea, per vniuersum mundum, vt Apostolus inquit, cum laude, aliquando annunciabatur; nobis tempora, auctores, & modum indicent eius defectio- nis. Cum enim hæreses in utilitatem Ecclesiæ diuinitus permittantur, vt qui probati sunt, sicut Apostolus inquit, manifesti fiant; cumque maneat Spiritus veritatis cum Ecclesia in æternum: certè fieri nequit, vt doctrina vera, atque Apostolica, vel simul, vel sensum per partes, palam adulteretur, quin id ipsum in Ecclesia manifestum fiat.

Non enim Ecclesia, vt Sectarij quidam ludunt, tanquam singulare alicuius hominis corpus est, quod nemine animaduertente labefactari sensum potest, donec totum appareat tabidum. Neque etiam ideo nauicula Petri eadem nominatur, quia vt nauicula potest nemine attendente rimas paulatim facere, donec fluctibus tandem obruatur: sic sensum etiam Ecclesia ipsa possit inquinari eiusmodi erroribus, qui neque sciuntur, neque notentur, neque damnentur ab Ecclesiæ cætu. Non est in hoc comparatio, sed in eo, quòd vt corpus, sic etiam Ecclesia varijs ex membris conflat, & tentationibus varijs, sicut naui fluctibus, quatitur, dum ad por-

tum patriæ cælestis appellat. [Cum verò ciuitas etiam supra montem posita] sic & Ince solis clarior; necesse est, vt sensum in ea notentur errores, si sensum in illam irrepant.

Itaque cum multas, ac varias doctrinæ corruptelas, iam inde ab Apostolorum temporibus diuersi heretici, atque iam zizaniam, supereminare in agro Ecclesiæ contra fidem Apostolicam tentauerint: nulla tamen ex illis est, cuius auctorem, originem, progressum, extirpationem, notatis temporibus assignare ipsi non possimus. Imò verò ex qua hæresum hæc doctrina Lutheri, aliorumque Sectariorum sit hausta, clarè & distinctè eiusmodi obseruatione docemus. Potest igitur isto modo indicari, quo tempore, à quibus, qua ratione, ea quæ hodie est doctrina Ecclesiæ Romanæ, contra doctrinam Apostolicam inuecta sit, & rursum à Catholica Ecclesia reiecta? profectò non potest. Quare alterutrum fatendum est, vel doctrinam, quam hodie tenet Ecclesia Romana, esse planè eam, quam ab Apostolis initiò sine controuersia accepit; vel si corruptela potius illius doctrinæ Apostolicæ est, Spiritum sanctum Ecclesiam suam deseruisse, qui de ea iniquatione doctrinæ nullis sæculis præteritis ante Lutherum ipsam admonuerit; atque etiam orbem vniuersum perpetuo quasi lethargo laborauisse, qui non animaduertente, neque literarum monumentis prodiderit tantam in religione Romana mutationem. At hoc incredibile est: alterum illud igitur est verum, nempe doctrinam Ecclesiæ Romanæ esse incorruptam, planeque Apostolicam.

Quæ ratio eò apud me maioris est ponderis, quòd illa similiter video veteres Patres suorum temporum hereticos refutasse, ecclesiæque doctrinam in vniuersum Apostolicam esse probauisse, cum illi eque, atque iam Sectarij à doctrina Apostolica eam deficiuisse, comminiscerentur. [Videamus, inquit Tertullianus, ne Apostoli simpliciter, & plene omnem regulæ ordinem omnibus ediderint: Ecclesiæ autem suo vitio aliter acceperint, quàm Apostoli præferebant: Omnia enim, inquit, ista scrupulositatis incitamenta inuenias præteriti ab hereticis.] Et plus satis, Tertulliane, cum hodie præteximus impium notamus in nostris Sectarijs. Sed subiungit deinde eiusmodi calumniæ refutationem: [Hoc, inquit, si ita est; neglexerit officium Dei villicus, Christi Vicarius Spiritus sanctus, siens Ecclesiæ aliter interim intelligere, aliter credere, quod ipse per Apostolos prædicabat. Quomodo, inquit, veritatem est, vt tot, ac tantæ Ecclesiæ in vnam fidem errauerint? nullus inter multos euentus, vnus exitus: variasse debuerat error doctrinæ Ecclesiæ. Ceterum quod apud multos vnum inuenitur, non est erratum.] Hæcenus ille, & rectissime quidem. [Vbi enim Ecclesia, inquit Beatus Irenæus, ibi, & spiritus Dei: & vbi spiritus Dei, illic Ecclesia, & omnis gratia, spiritus autem veritas.]

Neque sacre possum, quin hic propter loci opportunitatem adscribam pulcherrimam, ac spiritui Dei plenam, Campiani nostri non ita pridem fortissimi in Anglia Christi martyris, orationem, quæ figucentum Sectariorum de corrupta doctrina in Ecclesia-

Romana, mirificè redarguit. [Quando, inquit, fidem tantoperè celebratam Roma perdidit? Quando esse desijt, quod anrè fuit? Quo tempore? Quo Pontifice? Qua via? Qua vi? Quibus incrementis urbem, & orbem religio perſuaſit aliena? Quas voces, quas turbas, quæ lamenta, ea res progeniuit? Omneſne orbe reliquo ſopiri ſunt, dum Roma, Roma inquam, noua Sacramenta, nouum ſacrificium, noua religionis dogmata produceret? Nullus exiſtitit hitoricus: neque Latinus, neque Græcus, neque remotus, neque citimus, qui rem tantam, vel obſcurè iaceret in commentarios?]

Atque, vt ego quidem aliqua ratione exprimam, quantam apud animum certè meum hæc oratio Campiani vim habeat: hoc vtar exemplo. Conſent Sectarij, inſtitutum ſacrificandi Euchariftiam, moremque ſanctos inuocandi, & aliorum eiſmodi cultum, turpiſſimam eſſe idololatriam, atque adco non minns, ſed multo etiam magis peruerſum, Apoſtoliceque doctrinæ contrarium, quàm ſi quis veller ritu gentiliſm, aut Iudæorum, oues, & boues, aliæque pecudes immolare Deo, aut pro Dijs venerari volucres, & ſerpentes. Obſecro, quis nunc credat, fieri his temporibus poſſe, vt vel Pontifex aliquis Romanus, vel alius quiſquam, eiſmodi ritus immolandi animalia, vel adorandi ſerpentes; contra Chriſti Apoſtolorumque doctrinam in Eccleſiam inducat, tum Spiritu ſancto conueniente, tum eadem ipſa Eccleſia Catholica per cunctum orbem, & conſequenti, & planè diſſimulante, neque notante quidem ad memoriam poſteriorum talem Chriſtianæ, atque Apoſtolice doctrinæ deprauationem? Profectò inſanus eſt, ac mente omni caret, qui hoc exiſtiter in Chriſti Eccleſia poſſe euenire. Quod ſi hoc accidere poſſe incredibile eſt: quomodo credi poſſet, idipſum iam antè eueniſſe? Quomodo, inquam, eſt veriſimile, & ſacrificium Miſæ (v. gr.) atque adco ritum veſtium ſacrarum, & templorum; & morem venerandi imagines, ac Diuos inuocandi; æquè (vt æſtimant Sectarij) Apoſtolice doctrinæ contrarium eſſe, atque immolandi animalia ritum; & tamen in Eccleſiam per cunctum orbem ſic eſſe introductum, vt neque repugnauerint in ea re vquam Chriſtiani populi, neque poſteriorum quidem memoriar, cum obſervatione perſonarum, & temporum, talem corruptelam religionis prodiderint? Porro, ſi hoc in vno etiam, vel altero dogmate factum eſſe, incredibile appareret: quanto id videri debet incredibilius, ſi res omnes cumules hodie controuerſas, in quibus Sectarij criminantur Eccleſiam Catholicam communi errore ab Apoſtolorum inſtitutis, doctrinæque reſeſſiſſe? Me quidem hæc conſideratio certiffimè apud animum, meum ſtatuerè facit, aut nullam omnino eſſe in orbe incorruptam doctrinam Apoſtolorum, quod exiſtimare nefarium eſſet, aut eam eſſe, quam retinet Eccleſia Romana, quæ proinde veriſimè eſt Eccleſia Chriſti Apoſtolica.

Probatio Secunda.

Secundò, Id ipſum probamus, quia, vt maxime conſuetudines aliquæ pro ratione, temporum, vt fit, variæ fuerint: tamen quod attiner ad doctrinam ipſam de auctoritate ſtatuendi, quod in Eccleſia conuenit, aliſque doctrinæ locis hodie controuerſis, ſæpè noſtri oſtenderunt, Patres, & Doctores illuſtres, qui ab Apoſtolorum temporibus ad hæc vſque tempora diuerſis ſæculis ſcripſerunt, nobiſcum eſſe conſentientes. Quod proſectò veriſſimum eſſe, ab ijs deprehenditur, qui non Sectariorum more pauculas quaſdam ſententias obſcuriores hiuc inde in monumentis Patrum venantur, ſed locos ipſos perlegunt, & cum iudicio conſerunt. Conſenſus autem ille diuerſarum ætatum maniſeſto argumentum eſt, continua ſerie ſucceſſionis eam doctrinam iam inde ab Apoſtolico ſæculo ad nos vſque perueniſſe.

Probatio Tertia

Tertiò. Non tantum Patres, ac Doctores illuſtres per omnes ætates ad hæc noſtra vſque tempora in doctrinæ capitibus hodie controuerſis nobiſcum conſentiunt, ſed diſerſis etiam verbis paſſim conſentunt, Eccleſiam Romanam, cui ſimiliter, vt iam: Pontifices Romani varijs temporibus præſerunt, legitimam, & Apoſtolicam eſſe Eccleſiam. Neque verò hic obſtat, quod veteres Patres non videantur de hac ipſa numero congregatione, quæ hodie patet Romano Pontifici, paruitque Pontificibus recentioribus, eſſe loquuti. Huic enim quoque teſtimonium re ipſa perhibuerunt, eo ipſo, quod non alia de cauſa farebatur, eum cæcum hominum, qui cum Romana Eccleſia communionem illis temporibus habebat, eſſe Apoſtolicum, niſi quia ſucceſſione Episcoporum, ac populorum, atque adco etiam ipſius doctrinæ, cum illa ipſa Eccleſia primitiua coniungebatur, quæ fuit ab ipſis Apoſtolis plantata, ſicut hodie planè coniungitur Eccleſia, quæ nunc eſt Romana.

Probatio Quarta.

Quartò, cum Aduerſarij contrà, teſtimonijs veterum, tum alibi, tum maxime in hiſtoria Magdeburgenſi probare voluerint, non retineri à nobis, ſed inſtaurari à ſe potius doctrinam ab Apoſtolis traditam; hoc adco non præſtiterunt, vt tamquam laboraſſent ipſi pro nobis, non ſuam, ſed noſtram omnino originem oſtenderint eſſe Apoſtolicam. Etenim (vt optime Turrianus noſter annotauit) præcipuus illorum labor in eo conſumptus eſt, vt ex omnibus Eccleſiæ ætatibus teſtes colligerent, & accerſerent, qui pro nobis, noſtræque doctrinæ, contra teſtimonium dicerent, vt id ipſi teſtimonium non aliter reſellerent, quàm auctoritate ſua, (magna ſcilicet) affirmando, nzuos, atque errores eſſe eiſmodi Parrum, quod nobis fuerint ſuſtragati. Qua quidem re non minus ſultè fecerunt, quàm reus aliquis faceret, ſi dum nullum innocentiz ſuæ idoneum teſtem inue-

inuenire potest, laboraret tamen in testibus accersendis, qui ipsum condemnarent, ut coram iudicibus deinde diceret, illos omnes mentiri. Atque hoc idem iudicium est aliorum omnium, qui cum iudicio aliquo historiam illam Centuriarum Magdeburgensium legunt. Nulla enim annorum centuria est ex tredecim, in quas memoriam temporis à Christo nato ad annum vsque circiter 1300. partiti sunt, in qua non ipsi aperte indicauerint, Orthodoxos, qui vnaquaque centuria floruerunt, doctrinæ nostræ, vel more, institutoque religionis, vel fidei dogmatibus explicandis, vel dammandis hæreticis (quorum isti nunc discipuli sunt) suffragari: nisi quod inclinationem doctrinæ, nouos, supersticiosos cultus, errorisque Doctorum (scilicet) appellant.

V. Alia Ecclesiæ proprietates, ex qua item, tamquam ex nota, dignosci illam debere dicebamus, rectus est ordo. In quo maxime illustris est auctoritas, atque dignitas Ecclesiastici ministerij, continuata serie successionis Episcoporum, ac Ministrorum Ecclesiæ constans, quos Deus vsque ad seculi consummationem esse voluit, ut tamquam Pastores, & Doctores in vera, solidaque doctrina continerent, atque confisterent fideles alios, ne falsarum opinionum vento circumferantur. Hinc verò propterea firmissimum ad veram Ecclesiam comprobendam argumentum ducitur, quia ex epistola ad Ephesios perspicuum est, doctrinam fidei veram, atque adeo communicationem cum legitima Christi Ecclesia, ab huiusmodi Pastorum, atque Doctorum ministerio distinguere non posse. Nam, Apostolus nobis declarat, consilium Dei fuisse, perpetuò, ut in Ecclesia sint Pastores, à quibus Christianus populus doctrina solida rectè informari possit. Cuius quidem consilij, cum totum ad Christiani populi salutem accommodatum sit, ea certè vis est, ut numquam non idem populus, in Ecclesiæ legitimis Pastoribus doctrinam veram reperturi sint, si ab ijs eam requirant. Id autem, ut consistat, omnino fatendum est, secundum legem quidem ordinariam Dei, neuiquam fieri posse, ut legitima perseueret in Ecclesia successio Pastorum, & tamen apud eos non sit vera, atque solida fidei doctrina. Quod, & illa etiam ratione manifestissime patet: enim fieri posset, ut omnes legitimi Ecclesiæ ministri à vera fide aberrarent, posset quoque euenire, ut aberrarent item cum illis reliqui fideles omnes. Sequuntur enim hi, immò sequi debent, vocem Pastorum. At ut oves omnes, & Pastores errant, id est, ut erraret Ecclesia vniuersa, quæ constat omnis, ut D. Gregorius Nazianzenus ait, ex ouibus, & pastoribus, fieri, ut supra est probatum, nullo modo potest. Ergo neque, ut errant omnes Ecclesiæ ministri legitimi.

Hoc cum præclare olim intelligerent sanctissimi Patres, ipsi quoque contra sui temporis hæreticos vehemente premebant illud argumentum, quod per Ecclesia vera, ex legitima Episcoporum auctoritate, continuata successione ab Apostolis proueniente, ducitur. (Edant, inquit Tertullianus, origines suarum Ecclesiarum: euoluant ordinem Episcoporum, ita per successiones ab initio

decurrentes, ut primus ille Episcopus aliquem ex Apostolis, vel Apostolicis viris, qui tamen cum Apostolis perseuerarit, auctorem haberit, vel antecessorem.) Item Augustinus aduersus Donatistas: [Numerate, inquit, Sacerdotes primò ab ipsa sede Petri: & in ordinem illorum Patrum, quis cui successerit, videte.] Et contra Epistolam fundamenti: [Tenet me, inquit, in Ecclesia Catholica ab ipsa sede Petri Apostoli, cui pacendos oves suas Dominus commendauit, vsque ad præsentem Episcopum successio sacerdotum.] Hoc argumento Augustinus nunquam esse permotus, nisi ex sacris literis didicisset à manifesta, continuataque Pastorum Ecclesiæ successione, doctrinæ veritatem, atque adeò legitimam Christi Ecclesiam diuellere non posse. Quod enim ait: [Tenet me in Ecclesia Catholica, sacerdotum successio:] tantumdem valet, ac si dixisset: Ideò in huius ætus communionem permaneo, quoniam in eo existimo esse cum successione veritatem continuam, quæ tamquam anima est Ecclesiæ. Prætereo Irenæum, Epiphanium, Cyprianum, Optatum, & alios, qui similiter ex eiusmodi successione, tamquam ex certa nota, dignoscere legitimam Ecclesiam voluerunt.

Hanc notam ordinis in manifesta Pastorum, atque Doctorum successione, in solam Ecclesiam, quæ Romano Pontifici pareat, conuenire, clarius est, quàm, ut ab ipsis Sectarijs negari vilo modo possit. Constat enim à Diuo Petto vsque ad Gregorium ipsum decimum tertium, qui Pontifices in Ecclesia Romana, successionis serie præfuerint, itemque in alijs etiam Ecclesijs omnibus qualis iisdem fuerit à sua cuiusque Apostolica origine successio Pastorum. Contrà Sectarum magistris, quibus ipsi Apostolicis viris loco, atque ministerio Ecclesiastico successerint, demonstrare non possunt. Immo ne volunt quidem cum ijs aliquid esse sibi commune, qui in illo externæ successionis ordine suum locum ministrorum tenent. Itaque, quod Optatus Mileuitanus de Viatore hæretico Donatista, inquit, cum Romæ fuisse filium sine patre, discipulum sine magistro, &c. hoc idem rectè de Luthero dici potest, itemque de Zuinglio, Caluino, & alijs Sectarijs, qui primi varijs in vrbibus nostræ, Patrumque memoria erroris disseminarunt. [Hi enim nemini succedentes (ut de Nouatiano Cyprianus scripsit) à se ipsis Episcopi ordinati sunt, & tamquam de se prodigiosè nasci voluerunt,] ut inquit de hæreticis alijs Optatus. Quod cum ita sit, non sunt Ecclesia Christi illi ætus, qui ab eiusmodi Sectarijs sunt eruditi. Cæterum hic respondent dupliciter. Primum, externam successionem Pastorum, & Doctorum, in ministerio tantum externo, & loco, minime ipsam per se indicium esse veræ Ecclesiæ, nisi cum successione sit coniuncta in eadem doctrina Apostolica. Ab hac autem desciuiffe Pastores, & Doctores, qui adherent Romano Pontifici. Proinde, quamuis in locum illi successerint Apostolorum, tamen nihil minus, quàm Apostolicam esse eam Ecclesiam, quæ ipsi adheret. Deinde aiunt, se quantumuis careant illa successione, tamen legitimos esse Pastores, & Doctores, quoniam diuinitus sint ad instaurandam doctrinam Apo-

Apostolicam excitati extraordinaria vocatione: non minus quam olim Prophetæ, aut ipsi etiam Apostoli: qui auctoritatem docendi minimè sunt consequuti ordinaria successione.

Sed quis non videat verumque ab istis vanissimè dici? Quod enim ad primum attinet, paulò antè ex Scriptura, & Patribus probauimus, à successione legitima, & ordinaria Pastorum omnium, & Doctorum Ecclesiæ nequitiam separari posse veritatem, Apostolicæ doctrinæ. Quare fateamur, si successio legitima Pastorum, & Doctorum absque doctrinæ veritate staret, non ex illa satis posse veram Ecclesiam demonstrari. Sed pernegamus, secundam legem quidem Christi ordinariam, doctrinæ veritatem ab illa successione penitus seungi posse; ita nimirum, ut nulli aliquando supersint in illa successione Doctores, atque Pastores, qui doctrinam incorruptam retineant, sed omnes à verò aberrant. Quid enim si Augustino, Ireneo, Cyrilliano, & alijs Patribus, à successione Pastorum, & Doctorum Ecclesiam Christi, atque adeò veritatem in ea doctrinæ quasi compendio quodam demonstrantibus, Lutherus aliquis, vel Caluinus, vel quilibet alius recens Sectariorum, obiecit, ex successione ipsa ministrorum per se, veram Ecclesiam demonstrari non posse, nisi cum ea successione veritatem doctrinæ coniunctam esse argumentis alijs comprobetur? An non hoc fuisset stultitiæ sanctissimæ, atque eruditissimæ Patres argueret, quod ex successione pro vera Ecclesia argumentarentur, cum potius deberent argumentari ex vnica veritate doctrinæ? Atqui illi veritatem doctrinæ, vnà cum legitima Ecclesia rectè ex ordinaria illa successione probari posse putauerunt, quia nec Ecclesiam, neque adeò veritatem doctrinæ ab illa Doctorum, successione seungi posse existimabant. Hac verissima persuasionè fretus D. Gregorius Nazianzenus hunc in modum sui temporis hereticos Arianos exagibat: [Absconditam post Christum sapientiam nobis annunciant. Rem lachrymis dignam. Si enim triginta, his annis fides originem habuit; cum quadringenti ferè anni ab eo tempore fluxerint, quo Christus palam conspectus est: inane tunc tempore fuit Euangelium. Inanis etiam fides nostra. Et Martyres quidem frustra martyrium subierunt. Frustra etiam tales, tantique Antistites populo præfuerunt. Item Hieronymus: Cur post quadringentos annos docere nos niteris, quod antè nesciuimus? Vsq[ue] in hunc diem sine illa doctrina mundus Christianus fuit. Et Tertullianus in præscriptionibus contra hereticos: Qui estis, inquit, vos? Vnde aut quando venistis?

Nunc verò illi heretici, quos ita sanctissimi Patres refutabant, nouam & ab Apostolica traditione diuersam doctrinam proferre se facebantur? Minimè. Sed id tamen Patres eo argumento conuincabant, quod secus illi docerent, quam ordinarij ministri aut illos docuissent, à quorum ordinaria vocatione, & successione doctrinam Apostolicam separari non posse, Patres illi sanctissimi merito persuasi erant. Quod ipsum euidentissimis illis verbis affirmat D. Ireneus. [Obaudire oportet ijs, qui successionem habent ab Apostolis,

qui (id est, quia) cum Episcopatus successione charissima veritatis acceperunt. Et rursus. Vbi charismata Domini posita sunt, ibi oportet discere veritatem: apud quos est ea, quæ est ab Apostolis successio. Hi enim eam, quæ est in vnum Deum, qui omnia fecit, fidem nostram custodiunt, & Scripturas sine periculo nobis exponunt.] Vides quemadmodum ex successione, certo quasi vinculo colligit veritatem?

Quod autem isti aiunt, se extraordinario modo diuinitus esse vocatos, atque missos, ut olim Prophetæ, & Apostoli fuerunt: id verò nonnisi vanissimè ab ipsis fingi demonstrauimus nuper alio quodam in loco. Vbi primum aiebant, vix me credere, sic illos esse persuasos. Quanta enim temeritas est, homines & ventri plerumque, & mundo deditos; nec magnis aliquibus aut eruditionis, aut pietatis insignibus ornatos, hunc in modum apud se statuere: Ego neque vocatus ad Ecclesiasticum ministerium, neque missus modo ordinario sum, videlicet per seriem successio[n]is: sed sum tamen vocatus, & missus ab ipso Deo, vel certè à Martino Lutero, & similibus, qui sine successione fuerunt ipsi diuinitus tantquam Prophetæ, atque Apostoli, ad id ministerium excitati. Profectò dubitant isti saltem vtrum ita sit, nisi planè insaniunt.

Deinde neque Lutherum, neque vllum Sectarium extraordinario modo fuisse à Deo missum, hac ratione manifestissimè probatur: Si qui vnquam extraordinariè ad docendum diuinitus mitterentur; ij sic etiam ad persuadendum, diuinitus instructi essent, ut spectatis omnibus rerum circumstantijs, prudenter possent fideles, etiam vulgares, illis potius, quam ordinarijs ministris fidem adhibere. Non sunt autem ita ad persuadendum diuinitus instructi Sectarij. Quare extraordinariè ad docendum missi diuinitus nequaquam sunt. Maior propositio patet. Quoniam, quos extraordinariè Deus ad docendum contra doctrinam ab ordinarijs ministris traditam mitteret; ijs vt potius fideles omnes; etiam vulgares crederent, proculdubio vellet: imò ad eam rem mitteret, vt ab ijs omnes de veritate aduersus receptos errores docerentur. Neque verò Deus vult, aut etiam velle potest, vt ijs Doctoribus homines fidem habeant, quibus fides haberi prudenter nequeat re tota circumspèctè deliberata. Vult enim Deus, vt nihil nisi rectè ab hominibus agatur, rectè autem non creditur, nisi quod prudenter creditur. Atque ideo diuina testimonia dicuntur à Psalmista [credibilis nimis,] quia doctrina cælestis eo modo, quo ex voluntate Dei hominum ministerio proponitur, dignissima est fide, ac assensione prudentum. Quin sit igitur vera nostri argumenti maior dubitandum non est: nempe qui extraordinariè ad docendum diuinitus mitterentur, eos ita etiam ad persuadendum diuinitus oportere esse instructos, vt omnes etiam vulgo fideles prudenter possint, ac debeant illis potius, quam ordinarijs ministris, fidem adhibere.

Nunc probo propositionem alteram argumenti maiorem, videlicet nullos Sectariorum, ita diuinitus ad persuadendum esse instructos. Hi enim quò hominibus persuadant, do-

doctrinam quam proferunt, esse illam ipsam, quæ in Scripturis contenta, quæ ab Apostolis tradita, quæ miraculis olim confirmata, & in summa, quæ vera sit, nulla re alia præterquam vnica pollicitatione doctrinæ veræ nituntur. Non multitudine, non antiquitate, non integritate vitæ, non vilo eiusmodi titulo, qui auctoritatem aliqui doctrinæ conciliare possit, extraordinarij isti Prophetæ cum Ecclesiæ Ministris ordinarijs certare volunt. Quin propterea tantum postulant, vt sibi potius credatur, quoniam verissimam, vt dicunt, ostendunt doctrinam. At ipsa per se veritate doctrinæ quomodo ad credendum prouideri induci poterunt ij, qui non queunt ipsi satis diiudicare, & perspicere doctrinæ veritatem? Quid opifices? Quid rusticis? Quid ad vnum omnes literarum ignari faciant? Debent, inquit Sectarij, nobis potius, quam Papificis ministris ordinarijs credere, sibi quæ persuadere à Deo nos esse ad repurgandam fidei doctrinam missos. Cur ita verò? Quoniam nihil in vlla fidei questione hodie controuersa, nisi ipsissimam Scripturæ sanctæ doctrinam docemus. At maior hominum pars, iudicare de ipsa per se veritate doctrinæ in questionibus controuersis nequit, vt supra conuicimus. Nam est sententiam fortasse vnius partis vtcumque possunt vulgares fideles percipere: non tamen cum alia contraria accurate conferre, non argumenta vtriusque suis momentis satis prudenter ponderare, non denique ita intelligere, vt necesse est ad iudicandum de ipsa ratione doctrinæ; quod sine doctrina, qua plerique carent, fieri minime potest. Quomodo igitur ij prudenter animi inducent, vobis potius credere, si nihil aliud, quam doctrinæ veritatem, vt vobis assentiantur, proponitis? Quid quod non minus ab ordinarijs ministris promitti veritatem animaduertunt? Certè est manifestum, eos, qui obiecto tantum veritatis titulo opinionem suas alij persuadere student, non esse diuinitus ad persuadendum ita instructos, vt prudenter omnes homines facturi sint, si illis potius crediderint. Solam autem doctrinæ veritatem prætendunt Sectarij: Non sunt igitur diuinitus ad persuadendum omnibus instructi: atque adeo neque missi diuinitus ad docendum extraordinariè, vt antè conclusimus.

Hoc vt clarius intelligeretur, hominem faciebam aliquem prudenter, neque tamen rerum Theologicarum peritum, secum ratiocinantem hunc in modum. [Audio Catholicos, & Sectarios contrarias mihi sententias de fidei questionibus proponentes. Vtri verò parti potius adhaream? Certè illi debeo, cui si re circumspexerit deliberata potius credidero prudenter sim facturus. Vult enim Deus, vt non nisi prudenter credam. Sed quosnam potius veritatem proponere mihi prudenter persuafero? Catholicosne, an Sectarios? Omnino duplex ratio suppetere potest ad id diiudicandum. Vna, si veritatem apud hos potius, quam illos esse ipse perspiciam. Altera, si horum potius auctoritate mouear, vt ab his potius, quam ab illis veritatem (tamen eam ego non satis intelligam) doceri statuam. Priori modo, nempe vt ipse ex ratione doctrinæ de veritate iudicem, nequaquam pru-

denter definire possum, vtri potius veram doctrinam profiteantur. Neque verò, vt hac ego via ad veram fidei cognitionem perueniam, Deus à me requirit. Non enim res ipsas controuersas satis intelligo: nec me Deus obligat, vt quò fidem incorruptam tenere possim, in studium incumbam Theologiæ. Restat igitur, vt auctoritate me induci oporteat, quò demum statuum, apud hos potius, quam apud illos esse doctrinæ veritatem. Quod si auctoritate hominum me duci oportet: certè est necesse, vt quorum auctoritas, consideratis omnibus, maior & fide dignior est, ijs potius assentiar. Porro eorum hominum, qui docent, auctoritas partim existit ex rebus naturalibus, quæ fidem conciliare solent, partim aliquando ex mirabilibus signis, quibus doctrinæ veritas nonnunquam solet diuinitus comprobari. Naturalia quasi ornamenta, quæ ad auctoritatem faciunt, sunt, ingenium, studia, antiquitas, multitudo, & id genus prærogatiue eorum, qui in eadem doctrina consentiunt. Supernaturalia sunt, miracula, qualia ediderunt olim Prophetæ, & Apostoli, & alij qui ad doctrinam supernaturalem aduersus errores inueteratos hominibus persuadendam diuinitus missi aliquando fuerunt. Iam igitur vt maioris pondere auctoritatis prudenter impellat, ad assentiendum alterutri parti; videlicet Catholicorum, vel Sectariorum: comparatio mihi auctoritatis horum, & illorum facienda est, vt quorum, omnibus consideratis, maior & fide dignior videbitur esse auctoritas, eos potius credam verum docere. Considerabo autem, atque comparabo in vtraque parte sigillatim tum naturales, tum supernaturales causas auctoritatis. Certè quod ad naturales attinet, nihilo sunt Catholici, atque ordinarij ministri Sectarijs extraordinarijs (sic se volunt nominari) inferiores, quinimò multis partibus eis antecellunt. Quis enim ita desipiat, vt censeat eos, qui fuerunt post Lutherum, Sectarios, vel ingenio, vel studiis, vel multitudine, vel antiquitate, vel integritate vitæ, aut superiores, aut pares esse ijs omnibus Catholicis ministris, atque Doctoribus, quos illi oppugnant, id est, omnibus qui à tot sæculis sunt, ac fuerunt in Germania, Gallia, Hispania, Italia, in toto orbe Catholici? Quod si verò me ad causas supernaturales auctoritatis conuerto, planè reperio, ne comparari quidem vilo modo cum ordinarijs ministris Catholicis Sectarios extraordinarios posse. Quod enim aut quale, aut quando miraculum ediderunt, quo diuinitus probaretur, digniores esse ipsos fidei? De nullo prorsus constat. Cum tamen apud Catholicos nullo non ferè tempore varijs in locis admirabiles euentus, Beatissimæ præsertim Virginis, aliorumque Sanctorum intercessione, contingant. Si igitur extraordinarij Sectarij, neque naturalibus ornamentis, aut superiores, aut pares Catholicis, & ordinarijs Doctoribus, neque supernaturalibus vilo modo cum ijs comparandi sunt; consequitur certè, Catholicorum auctoritatem, consideratis omnibus, præponderare apud me debere. Cumque auctoritate ipse in hac varietate sententiarum de doctrina fidei (vt antè conclusum est) duci debeat: neque prudenter moueri possim, nisi à maiore auctoritate;

tate; statuo proflus Catholicis potius, quam Sectarijs assentiri. Hos doctrinam fidei verissimam proponere: hos legitimos esse Doctores, & Ministros: ab his doctrinam diuinis reuelatam, & à Christo traditam, & ab Apostolis verbo, scriptis, miraculis confirmatam doceri credo: Sectarios autem omnes, non extraordinariè diuinitus ad docendum missos, neque adeo vera docere, sed hæreticos planè extradiuinos esse (quales à Catholicis iudicantur) mihi persuadeo.]

Ex his certò concludēbam, omnino nihil Deum habiturum, quod in illo tremendo tribunali opponat huic opifici, huic mercatori, huic nobili, huic homini illiterato, qui hunc in modum apud se ratiocinatus, doctrinam potius Catholicorum de multiplicibus, atque varijs illis quæstionibus hodie controuersis veram esse crediderit? An enim is conuinci poterit minus prudenter credidisse? Certè non poterit. [Vna est enim auctoritas, inquit verissimè Augustinus, qua fultus, hoc est indoctus, ad sapientiam peruenire oportet.] Neque minori, sed maiori auctoritate hominem moueri par est, vt animum inducat credere. Antecellunt autem auctoritate Catholici longè Sectarijs, qua merito, atque prudenter mouentur, præferim ij, qui non sunt docti. Quod cum ita sit, non sunt diuinitus instructi ad persuadendum omnibus Sectarij: vnde sequitur, neque esse eos extraordinariè missos ad docendum; sicut antè sumus argumentati.

Atque id probamus rursum hoc modo: Quotiescumque Deus voluit, vt paucis, & in speciem minus fide dignis aduersus reliquam multitudinem, tanquam extraordinariè missis, crederetur, toties supernaturalibus signis, quæ naturalibus omnibus alijs ornamentis præponderarent, eorum auctoritatem hominibus comprobauit. Hoc animaduertere licet in Moyse, in Prophetis, in Apostolis, quorum doctrinæ veritatem signis mirabilibus, atque prodigijs Deus contestatus est, vt inquit D. Paulus. Hoc etiam ipsa ratio diuinæ providentiæ requirit. Si enim supernaturalibus saltem virtutibus ij, qui naturæ alioqui ornamentis inferiores auctoritate sunt; superiores esse non videantur, quomodo poterunt homines, præsertim indocti, qui sola auctoritate commoueri debent, prudenter illis assentiri? Neque professò rectè ab hominibus exigeretur, vt id crederent, quod non possent prudenter credere. Atqui nullis Deus mirabilibus, ac supernaturalibus signis auctoritatem nobis istiusmodi predicantium, extraordinariorum commendauit; & sunt alioqui Catholicis; si cætera spectemus ornamenta, impares: Nequaquam sunt igitur diuinitus ad eam rem missi, vt doctrinam à Catholicis ministris ordinarijs traditam ipsi resellant.

At illis ipsæ miraculis, inquit Caluinus, feci sumus, quæ Apostoli ediderunt, quandoquidem non nisi illam ipsam doctrinam proponimus, quæ ab ipsis Apostolis est explicata. Quid verò magis ineptè responderi potuit? Quæstio enim omnis inter nos est, vtri potius doctrinam illam Apostolicam sequantur? Catholice, atque ordinarij Doctores, an verò Sectarij extraordinarij? Quod cum

quæritur, simul quæritur, vtrine nitantur illis miraculis, quibus est Apostolica doctrinæ diuinitus probata. Ita fit, vt ea quæstio iniuimè ex illis ipsis Apostolorum miraculis determinari debeat, aut possit. Vtraque enim pars illa miracula vnà cum ipsa doctrina Apostolica sibi vendicat: Et quaruntur præterea indicia, ex quibus constet ad quam partem illa potius pertineant, Catholicorumne, an Sectariorum? Hic igitur Sectarij respondeant, ad se pertinere, quia ipsi doctrinam Apostolorum miraculis confirmatam tradant; quis non videat eos ludere, & principium petere, hoc est, id ad probandam suam causam sumere, quod est in quæstione positum, & aliunde deberent probare? Veritate, inquit, ipsa doctrinæ id probamus. At hanc veritatem non omnes intelligunt, vt antè dictum est. Auctoritatis igitur pondere necesse est homines impellatis ad vobis assentiendum. Hac cum non excellaris, vt potè neque præstantioribus naturæ ornamentis, neque vllis supernaturalibus indicijs diuinitus commendari: concludimus, non fuisse vos extraordinariè à Deo missos, vt mundum doceretis, quod (vt inquit Hieronymus) antè necessitauerat. Huc accedit, quod ne ijs quidem, qui ad oppugnandam Ecclesiæ doctrinam, miracula ederent, nunc credi debet: cum necesse sit ea esse falsa miracula, facta in astutia Satanz, quæ opiniones confirmant pugnantes cum certissima veritate diuinitus iam pridem nobis testata. Id autem cum ita sit, quanto minus credendum Sectarijs est, qui nullis neque veris, neque apparentibus miraculis confirmant doctrinam pugnantem cum orbis vniuersi consensione?

Sed quàm non sint isti diuinitus ad docendum extraordinariè missi, satis hætenus demonstratum esse puto. Cum autem neque sint Doctores, & Pastores ordinarij, vt ipsi met fatentur: restat, vt ascenderint aliunde in ouile ouium, atque adeo, vt (Christo iudice) sint fures, & latrones, qui non pastorem doctrinæ salutarem præbeant Christi ouibus, sed eas furentur, hoc est, abstrahant ab Ecclesiæ ouili, perdant, & macient: Quod cum ita sit, non sunt Christi Ecclesia illi cæcus, qui adherent Sectarijs. Nam Ecclesia, vt antè argumentabamur, sine ordine legitimorum Ministrorum, Pastorum, & Doctorum nunquam est. Tales autem, vt offensum est; non sunt Sectarij, sed Catholici ministri, vt probauimus. Cæcus igitur ille, in quo Catholicorum Doctorum, atque Pastorum ordo conspicitur, id est, qui Romano Pontifici patet, est vera Christi Ecclesia. Et hætenus quidem hoc modo ad eam assertionem confirmandam argumentum ab Ecclesiæ prerogatiua, quæ in ordine consistit, duximus.

Eminet etiam Ecclesiæ ordo maxime in differentia, atque varietate vitæ statuum, & officiorum, seu administrationum, quæ in illa cernuntur. Quæ differentia partim nascitur ex differentia obligationum, quibus alij, atque alij fideles ad alia, & alia genera vitæ astringuntur, partim ex differentia gratiarum, & potestatum, quæ ad varias functiones in Ecclesia obeundas, diuinitus distribuntur. I Diuisiones enim, inquit Apostolus, gratiarum sunt, & diuisiones operationum,

num, & diuisiones administrationum.] Atque pro differentia quidem obligationum ad alia, & alia genera vitæ, tres in vniuersum status fidelium maxime insignes in Ecclesia distinctos animaduertere licet, quorum quilibet in Scriptura sacra noui Testamenti commendatur. Vnus coniugatorum, qui sola communi obligatione seruandæ legis diuinæ tenentur, quod ad beatitudinem peruenire possint. Quæ vitæ ratio satis ab ipso etiam Christo Domino probata est. Alter status est Episcoporum, & Presbyterorum, à quibus, & officij, & dignitatis ratio singularem vitæ perfectionem requirit. De quorum obligatione sæpe verba facit Apostolus. Tertius est religiosorum, quorum vitæ institutum; nisi obedientiæ, & castitatis, & paupertatis professio, in Scripturis sanctis luculenter commendata & proposita, impiè vituperetur; sperni non potest. Porro ex differentia etiam earum operationum, quæ secundum legem Dei ordinariæ in Ecclesia necessariæ sunt, vt ad beatitudinem peruenire possint fideles; differentia etiam nascitur officiorum Ecclesiasticorum. Sunt autem tria genera eiusmodi operationum. Nempè diuini verbi prædicatione. Sacramentorum administratio. Gubernatio, seu regimen animarum. Quæ tria genera actionum D. Dionysius Areopagita alijs verbis expressit, cum actus hierarchicos tripartito diuisit. Docet enim ad Ecclesiasticum ministerium tria pertinere, nempe purgare, illuminare, & perficere. Fit enim purgatio prædicatione diuini verbi, Illuminatio administratione Sacramentorum, quibus animus splendore gratiæ exornatur, vt D. Dionysius interpretatur. Perficere autem ad eos maxime spectat, qui regunt alios; vt ad Episcopos: quos idcirco D. Dionysius appellat perfectiores. Iam concionandi muneri destinantur propria quadam ratione quidam in Ecclesia cum delectu: neque cuius id munus usurpare licet. Administratori autem Sacramentorum varij ministri, secundum varios gradus, qui continentur ordinis Sacramento, destinati sunt. Item regendi auctoritas multis, neque omnibus vno modo conuenit: quin alijs amplior, vt Episcopis; alijs angustior concessa est; vt Presbyteris Pastoribus animarum. Qui omnes vni Pastori, summo secundum Christum, subiecti sunt, cui est omnis Ecclesiæ cura (sicut postea videbimus) commissa. Hac varietate tum vitæ statuum, tum officiorum, tum graduum, tamquam vestitu deaurato, circumamicta Ecclesia summam obtinet dignitatem. Hunc ordinem, & hierarchiam inigne Christi Ecclesiæ ornamentum esse, passim sancti Patres, integris etiam voluminibus de hoc argumento editis, testificantur. Quin & Scriptura sacra multis modis significat huiusmodi ex varietate Ecclesiæ esse constitutam. Ideo enim corpus (vt superius quoque notauimus) ideò regnum, ideò ciuitatem, ideò domum, & ne omnia nomina id genus persequar, ideò castrorum aciem ordinatam Ecclesiā vocat: in quibus rebus magnam licet officiorum, ac munerum varietatem animaduertere. Et [alios, inquit D. Paulus, dedit Apostolos, alios Præphetas, alios Euangelistas, alios Doctores, & Pastores, &c. in consummationem

Sanctorum, & vt efficiatur (sicut alibi inquit) omnis homo perfectus;] qui finis, atque scopus est huius Ecclesiæ varietatis, atque Hierarchiæ. Et quemadmodum bouitas, atque perfectio Dei varijs admodum creaturis, & varia multiplice ratione communicatur, vt eo magis in illis omnibus emineat: ita etiam conuenit, vt multiplex Christi gratia, tanquam à capite in membra, variè deriuetur in varios fideles, quò magis pateant diuitiæ gratiæ, & donationis ipsius.


Hac verò varietate, & ordine Hierarchico Ecclesiā Romanam insignem esse, nemo est, qui dubitet. Carent autem prorsus illa cætus Sectariorum. Non illi igitur, sed Ecclesia Romana est ea Christi Ecclesia, quæ in Scripturis sanctis corpus, regnum, ciuitas, & domus Dei propter eiusmodi varietatem, nominatur. Quid enim aliud in Sectariorum Synagogis, præter Babyloniam confusionem, & velut orbitatem quandam, atque desolationem tristissimam, apparet? Reiciunt varietatem vitæ statuum: oderunt obedientiæ, castitatis, paupertatis professionem: nullam ministrorum differentiam, quæ quidem auctoritate aliqua, seu potestate peculiari ad munus rectè obeundum (præter meram ad id depurationem, seu designationem) agnoscunt: Omnes apud eos, quod ad munus auctoritatem attinet, sunt sacerdotes, & Euangelij ministri: iidem pastores, & oues: nulli qui certa professione virtutum præstantissimarum, obedientiæ, castitatis, paupertatis, secundum consilia Christi, ad beatitudinem contendunt, per (viam (vt Apostoli vocabulo vtar) excellentiorem:] nulla ferme cultus cærimoniam: Denique talia apud eos omnia, vt in eorum religionis ratione vix aliquod Christianæ disciplinæ signum reliquum sit, quo eos possis ab ethnicis, nulla veri Dei cognitione imbutis, discernere. Sed de probatione ab Ecclesiæ ordine satis hæcenus multa.

VI. Postremò, quòd sola Ecclesia Romana perpetuò fuerit visibilis (hac enim vltima prærogatiua est, ex qua supra conuicimus, probari etiam debere veram Ecclesiā Christi) ne ipsi quidem Sectarij diffiteri possunt. Quare in eo magis laborant, vt Ecclesiā, inuisibilem nobis faciant: ne si visibilem esse concedant, fateri cogantur à vera Ecclesia se defecisse tum cum deiecerunt ab Ecclesia Romana, quæ sola, ante desertorem Lutherum, fuit in orbe cognita. Quando enim, aut vbi ante annos circiter sexaginta Lutheri Synagoga fuit, hoc est, hominum aliquis cætus, qui doctrinæ, qui cultus rationem à Luthero traditam sequerentur? [Audemus, inquit ipse Lutherus, gloriarì, Christum primò à nobis vulgatum. Et Wigandus: Secundum, inquit, Germaniæ beneficium est, articulum fidei illustratio, qualis ab Apostolorum temporibus hucusque in mundo non est cognita.] Si igitur doctrina Lutheri tam multis illis seculis ante Lutherum non fuit: qui esse poterunt ante Lutherum cætus, qui sequerentur doctrinam Lutheri?

Sed iustaurauit, inquit, Lutherus omnino doctrinam veterem, adeoque veritatem in tenebris per tot sæcula delitescentem in lucem protulit. Hoc verò est, quod offendimus esse incredibile; vt tot sæculis veritas, atque

atque adeo Ecclesia Christi latuerit: vt nulli fuerint cogniti, & successione aliqua constanter Pastores, & Doctores, ad quos communiter oues Christi recurrerent pro salutari patu doctrinæ. Ecclesia enim Christi, qualis ea quidem in Scripturis descripta est, omnino talis est, nempe conspicua, supra montem posita, in qua sint veri Doctores, & Pastores, in qua vltus legitimus vigeat Sacramentorum, in qua sonet, & audiat vox veræ doctrinæ, vt superius abundè probatum est. Talis igitur Ecclesia si aliquot sæculis non fuit, prorsus Ecclesia Christi nulla tunc fuit: quod sine ingenti blasphemia dici non potest. Ac multo nos sanè ineliore iure Sectarijs ita tergiversantibus possumus idem obijcere, quod olim Tertullianus, ducentorum tantum annorum præscriptione fretus, nec tam latè, quàm modo propagata Ecclesia, sic hæreticis obijcebat. [Quid? inquit, Verisimilene est, vt tot, ac tantæ Ecclesiæ in vnâ fidem errauerint? Scilicet, aliquos Marcionitas, & Valentinianos (dicamus nos, Lutheranos, & Caluinianos) liberanda veritas expectabat? Interea perperam euangelizabatur, perperam credebatur, tot millia millium perperam tincta, tot opera fidei perperam administrata, tot virtutes, tot charismata perperam operata, tot sacerdotes, tot ministeria perperam functa. Item, Hoc, inquit, si ita est, neglexit officium Dei villicus, Christi vicarius, Spiritus sanctus, sinens Ecclesiam aliter interim intelligere, aliter credere, quod ipse per Apostolos prædicabat.] At enim veteres ita contra eiusmodi hæreticos ratiocinabantur, qui manifestos errores contra Scripturas defen-

debant. Nos autem, inquit Sectarij, nihil docemus, nisi quod continetur in scriptis Apostolicis. Ego verò quin hæc à Patribus contra errores disputarentur, miuimè dubito. Sed hoc vrgeo, eo demum argumento, tanquam compendio quodam, veteres ostendisse, erroneam, & à Scriptura alienam fuisse doctrinam illam veterum hæreticorum, quoniam à doctrina multis sæculis in Ecclesia recepta discreparet; nec verisimile esset tot Ecclesias, tot sacerdotes, tot Christi fideles tanto tempore in errore fuisse versatos. Hoc idem argumentum, cum nobis aduersus Sectarios eò etiam magis comperat, quò diuturniore tempore fuisse Ecclesiam sine doctrina Lutheri constat; rectè similiter concludimus, nihilo minus illos, quàm veteres hæreticos à vera, & Apostolica fide aberrare. Vanissimè igitur nobis doctrinam talem venditant, quæ verà fuerit, & Apostolica; & tamen cum ea doctrina, quæ tot sæculis palam apud fideles sonuit, pugnarit, ipsaque latuerit in inuisibili Ecclesia, qualem Christus certe nullam instituit, vt suprà probatum est. Quæ cum ita sint, rectè initio conclusimus, solam Ecclesiam, quæ Romano Pontifici pro tempore existenti paret: quoniam (vt hactenus demonstratum est) sola (vna, sancta, Catholica, Apostolica, rectè ordinata, & visibilis est:] veram illam, atque legitimam esse Christi Ecclesiam, in qua vnica demum queri debeat, atque inueniri possit auctoritas illa infallibilis, magistra fidei in omnibus quæstionibus controuersis. Deinceps, quæ sunt reliqua, prosequamur.





P A R S S E P T I M A.

Pontifex ipse Romanus est, in quo auctoritas illa residet, quæ in Ecclesia existat ad iudicandum de omnibus omnino fidei controuersijs.



Qum varij sint ordines fidelium in Ecclesia Christi; alius eorum, qui docent, & præfunt, quales in primis sunt Episcopi; alius eorum, qui ab ijs reguntur, ac pascuntur doctrina salutari; atque vsu Sacramentorum; cuiusmodi sunt vulgo ipsi fideles: hic non iam disputamus, an illa auctoritas infallibilis, cuius definitione oportet in Ecclesia dijudicari posse quæstiones fidei omnes, sit etiam in Episcopis, & Doctoribus, adeoque in Concilijs, aut in cætu ipso vulgarium fidelium (quorum ordinum quatenus certa sit sententia in fidei controuersijs, infra dicemus) neque vllam etiam comparationem huius, aut illius ordinis iam instituiamus: sed affirmamus, nunc certè absolute, cuiusmodi auctoritatem in Romano Pontifice, qui pro tempore existit, residere. Quam assertionem satis ipso iudicio legitime Christi Ecclesie confirmare possemus. Ita enim persuasus est ille hominum cætus, qui Romano Pontifici pareat. Quem cætum, & veram esse Christi Ecclesiam, neque falli posse, hæcenus à nobis demonstratum est. Sed vtemur præterea ijs probationibus, quæ sunt huius loci propriæ. Atque vt viâ, & ratione de re latissime patente disseramus, placet hanc totam disputationem huiusmodi argumentandi forma concludere.

Cui Ecclesia tota obtemperare tenetur in ijs rebus, quæ ad spirituales animæ salutem pertinent, siue illæ fidem, siue cultum, siue mores concernant; in eo auctoritas est infallibilis ad fidei quæstiones omnes dijudicandas. Sed Romano Pontifici, pro tempore existenti, ita prorsus vniversa Ecclesia obtemperare tenetur. Igitur in Romano Pontifice est eiusmodi auctoritas infallibilis.

Prima istius argumenti propositio facile probatur ex his promissionibus, quæ de doctrinæ veritate sunt diuinitus factæ ipsi Ecclesie. Quod enim in vniversa Ecclesia credere tenetur: id infallibiliter verum esse oportet. Alioqui falsum illa quandoque obligaretur credere. Quod plurimum abhorret ab illarum certitudine promissionum: [Hoc scædus meum cum eis: Spiritus meus, qui est in te, & verba mea, quæ posui in ore tuo, non re-

cedent de ore tuo, & de ore seminis tui, amodò, & vsque in sempiternum.] Item: [Alium paracletum dabit vobis, Spiritum veritatis: vt maneat vobiscum in æternum.] Item: [Ille vos docebit omnia &c.] Vt alia nunc præteream, quæ supra, cùm de ea Ecclesie prærogatiua ageremus, disputata à nobis sunt. Si alicuius igitur in rebus ad salutem pertinentibus, atque ad eò in fidei controuersijs iudicium sequi debent omnes fideles: is quin auctoritatem infallibilem ad fidei controuersias omnes determinandas habeat, dubitari non potest: vt in illa priori propositione nostri argumenti posuimus.

Illud maius est, & accuratiore demonstratione indiget, quod in altera propositione assumpimus, Pontificem Romanum esse, in quo talis, ac tanta dignitas præmineat, vt in ijs, quæ ad animi spectant salutem, adeoque ad ipsam fidem, omnes fideles ei obtemperare, parereque teneantur. Quæ sanè assertio illum in Ecclesie principatum Romano tribuit Pontifici, quem Sectarij omnes cum primis reuocant in dubium, imò verò iustificunt. Neque enim aliud nomine eiusmodi primatus intelligimus, quam talem auctoritatem, cui omnes fideles in vtroque foro interno, & externo parere debeant in ijs, quæ spectant, vel ad mores, vel ad cultum, vel ad fidem, idest, in salutis negotio. Ac sanè Romanum Pontificem hunc principatum obtinere, demonstratum luculenter à quàm plurimis catholicis Auctoribus est: ex quibus mihi valdè probatur Thomas Waldensis lib. 2. doctrinalis fidei antiquæ cap. 29. & deinceps: Turrecremata lib. 2. de Ecclesia ferè per totum. Rossius art. 25. contra Lutherum. Ioannes Driedo lib. 4. de varijs dogmatibus cap. 4. par. 2. & 3. Melchior Canus lib. 6. de locis Theologicis per totum, vt eos nunc omittam, qui doctissime etiam de hoc ipso argumento potenter scripserunt: vt Sanderum, Stapletonum, Francicum Turrianum &c. Nos quidquid in eius assertionis confirmatione præcipue disputari solet ad hanc rationem commodè methodo reuocare possumus: videmus; Auctoritas illa in Ecclesia primaria prorsus à Christo tributa est B. Petro, & ipsius successoribus, vsque ad consummationem sæculi. Sed Romanus Pontifex pro tempore

existens, B. Petri est successor. Igitur Romano Pontifici pro tempore existenti illa auctoritas à Christo tribuitur.

Hoc in argumento tria ponimus. Primum. Auctoritatem illam primariam Diuo Petro esse à Christo collatam. Secundum. Non illi solum, sed etiam eius successoribus. Tertium. Romano Pontificem pro tempore existentem B. Petri successorem esse. Quæ tria cum ordine probauerimus, locus hic erit expeditus.

Primariam in Ecclesia auctoritatem fuisse à Christo collatam Diuo Petro.

Primum illud, quoniam questio hæc omnis est facti, probandum est ex historia Evangelica, ubi Christi Domini gesta narrantur. Et quia mihi in hac tractatione, ac Analýsi fidei, propositum (vt initio monui) est, non tam proferre noua, quàm & explanatione nonnihil illustrare, & argumentis communire vetera, quæ solent esse fere firmiora: vt iam etiam ad probationem illis potissimum Euangelij locis, ex quibus vniuersi Ecclesiæ Doctores (quos etiam allegabimus) eiusmodi primatum Petri collegerunt. Primus igitur locus valde illustris est apud Diuum Matthæum: ubi Christus Dominus eam auctoritatem verbis amplissimis Diuo Petro promittit. Cum enim is Christo, communit ex omnibus Apostolis percontanti: [Vos autem quem me esse dicitis? tanquam os omnium Apostolorum, & vertex totius confortij,] vt inquit Diuus Chrysostomus, respondisset: [Tu es Christus Filius Dei viui:] vicissim Christus ad eum, ita loquitur: (Beatus es Simon Bariona, quia caro, & sanguis non reuelauit tibi, sed Pater meus, qui in cælis est. Et ego dico tibi, quia tu es Petrus, & super hanc petram ædificabo Ecclesiam meam. Et portæ inferi non præualebunt aduersus eam. Et tibi dabo clauces regni cælorum. Et quodcumque ligaueris super terram, erit ligatum, & in cælis; & quodcumque solueris super terram, erit solutum, & in cælis.) Ex quo sanè loco ad confirmandam illam Petri auctoritatem totidem argumenta duci possunt, quot sunt penè in illa Christi oratione verba. Expendamus igitur singula, quò demum intelligatur non perperam eruditissimos Ecclesiæ Patres hoc inprimis testimonio Christi singularem illum Diui Petri primatum (vt post videbimus) àsseruissse.

I. Beatus es, inquit, Simon Bariona. Quemadmodum ex omni illo numero Apostolorum Petrus solus responderat, & vsque adeò præclaram de Christo confessionem ediderat: ita Cõfessus prætermisiss cæteris, nomine proprio eum compellat, parentis etiam nomine indicato, vt ea re facilius intelligeretur ad quemnam propriè, atque singulariter sequentes promissiones referendæ essent.

II. [Quia caro, & sanguis non reuelauit tibi, sed Pater meus, qui in cælis est.] Nempe declarauit etiam ijs verbis quantam certitudinem habitura esset ea doctrina fidei, quæ à Petro traderetur ex præcipua illa auctoritate, quam deinde illi promittit, vt iam iam videbimus. Non enim sensu, qui sæpè fallit,

carnis, & sanguinis, sed cælestis Patris inspiratione fides de Christo, atque adeò de alijs omnibus mysterijs (vt quæ ad Christum omnia reuocantur) concipiendæ à Petro, atque explicandæ erat.

III. Et ego dico tibi: [Mercedem, inquit B. Hieronymus, recepit vera confessio.] Et B. Cyrillus: [Tam verè, inquit, sententiæ remunerationem Petrus reportauit, idest, donum aliquod, atque prærogatiuum singularem, vicissim Christus pollicetur in præmium illius verissimæ confessionis, quam ipse solus præ alijs de Christo fecerat. Quod similiter D. Chrysostomus, Theophylactus, Euthimius, Hilarius intellexerunt.

IV. Quia tu es Petrus. Hæc nominis commutatio promissæ etiam in omnes fideles auctoritatis iudicium est. Quod primum, apparet ex Scripturæ analogia in alijs locis. Vbi enim aliàs similis commutatio nominis diuinitus facta perhibetur, singularis alicuius dignitatis symbolum eam fuisse intelligimus. Id videre est in Abraham, Sara, & Iacob, & alijs. De qua re sic Diuus Chrysostomus: [Ipse Deus est, qui nomina aptè imponit. Qui Abram, Abraham, & Sarai Saram, & Iacob Israel vocauit. Multis à natiuitate, nomina imposuit. Vt Isaac, & Samson, & ijs quorum meminit Isaias, & Osee. Quibusdam quam acceperunt à parentibus appellationem mutauit, vt prædictis, & Iesu. Mos etiam antiquitus erat à rebus nomina imponi. Quod & Elias fecit. Hoc autem non temerè fit: sed vt ea appellatio imponatur, quæ sit diuini beneficij perpetuum monumentum, & memoria per prædicta nomina auditorum animis imprimitur.]

Deinde idem in proposito confirmat ipsa ratio impositi nominis. Petrus enim, Latine; Græcè *Petros*, & Syriacè, atque Hebraicè (qua lingua Christus, tunc vltus est) *Cepha* Cephas est. Quod vocabulum significat saxum firmum, & magno ponderi sustinendo aptum. Eum igitur, qui inprimis doctrinæ cælestis soliditate, ac firmitudine totam Ecclesiæ fabricam sustentaturus erat; aptissimo vocabulo Christus Petrum appellat: nempe qui tanquam saxum immobile in ædificio Ecclesiæ futurum esset, [quod totius operis christiani molen, atque compagem, contineret,] vt D. Ambrosius disertis verbis interpretatur.

Accedit quod multò etiam antea eam, appellationem Petro Christus promiserat. Cum primum enim Petrus ab Andrea est adductus ad Christum: [Inuitus eum Iesus dixit. Tu es Simon filius Iona, Tu vocaberis Cephas, quod interpretatur (inquit Euangelista) Petrus.] Quorsum tanto antea hæc tam seria appellationis promissio, si vocabat mysterio? Equidem hic nūhi subaudire videor Christum rationem eius nominis ab officij auctoritate, quam erat Petro aliquando collocaturus, reddentem: perinde ac si aperte subiunxisset: ideo Cephas vocaberis, quoniam instar firmissimi saxi totam molem ædificij Ecclesiæ sustentaturus es. Hoc enim proculdubio illud est, quod animo Christus volebat tum, cum minimè ociosè intuens in Petrum, aiebat: [Tu vocaberis Cephas.] Sic enim hunc locum interpretatur Diuus Cyrillus:

rillus: [Respicit, inquit, ut Deum decet, qui corda, & renes scrutatur. videtque, qui nihil ignorat, ad quantam fidem, & virtutem discipulus peruenitur sit, &c. nec Simon fore iam nomen sibi, sed Petrus prædicit: vocabulo ipso commodè significans, quod in eo tanquam in petra lapideque firmissimo suam esset ædificaturus Ecclesiam. Quamvis non omnia quidem, inquit Chrysostomus, quæ euentura ei erant, hoc primo congressu prædixit. Non enim tum dixit: super hanc petram ædificabo Ecclesiam meam, &c. Illud enim maioris erat potestatis nec non, & auctoritatis.] Quemadmodum igitur Deus Abraham dicens: Tu vocaberis Abraham: rationem eius appellationis duxit ab eius futura dignitate, subiungens: [Quia Patrem multarum gentium constitui te:] ita Christus Petro dicens: [Tu vocaberis Cephas,] futuram illius dignitatem, & principatum in ædificio Ecclesiæ insinuat, etiam nondum, tum quidem penitus id expresserit, sed postea demum, [cum is esset confessus Christi diuinitatem, ut ait idem Chrysostomus.

V. [Et super hanc petram ædificabo Ecclesiam meam.] Quam non explicarat rationem appellationis cum Petro, id nomen promitteret; eam tandem his verbis apertissime exponit, in ipsa nominis attributione. [Tu es, inquit, Petrus.] Quamobrem verò? & qui tamen eiusmodi appellatio tantum valet, ut mercedem illam contineat, quam (ut Patres asseuerant) recepit vera confessio? Nempe quia super hanc, inquit, petram, id est, super te Petre (ut statim probabimus) ædificabo Ecclesiam meam.] Sane ex multis alijs nominibus, quibus Ecclesiæ dignitas, atque status propter veritatem, & ordinem, qui in ea cernitur, commodè significari potest, vnum est, Domus, ut supra notatum est, cum de prerogatiua ordinis Ecclesiæ ageremus. Quod vocabulum ideo etiam in Ecclesiam bene conuenit, quia ut domus ab inquilino, ita cœtus fidelium à Spiritu sancto inhabitatur. Hanc domum Deus per filium eius Iesum Christum ædificat: ut Apostolus inquit: [Dei ædificatio estis.] Nec verò diuinitis hanc domum edificari aliud est, quam fide, cultu, & moribus aprari diuino beneficio, atque perfici fideles; ut postquam gratia deum expoliti, ac tum inter se, tum cum Christo quam optime coniuncti fuerint ex illis quasi construat dignum Deo habitaculum, secundum gratiam quidem in hac vita, & secundum eternam etiam beatitudinem in altera, quò spectat hæc omnis Ecclesiæ fabrica. Hæc illa ædificatio est, cuius Apostolus præsertim sepe meminit; quam dicit esse cum primis in charitate, & in fide; ad quam omnia quæ sunt, referri vult, & in qua perficienda suorum opera ministrorum Deum, ut docet, hoc est, [Doctorem, & Pastorem, quos dedit Deus, inquit, in ædificationem corporis Christi ad consummationem sanctorum, ut euadamus omnes in virum perfectum.] Cum Christus igitur singulariter supra Petrum se Ecclesiam suam ædificaturum dixit, Petrum constituit facere huius domus, atque ædificationis singulare fundamentum: ut ei videlicet post Christum tanquam firmæ petre tota illa fabrica spiritalis innitatur. Id

verò aliud non est, quam auctoritatem præ se solidam, ac firmam Petro promissam esse qua certò niti oporteat omnes fideles, in ijs rebus, quæ ad fidem, cultum, & mores, hoc est, quæ ad ædificationem Ecclesiæ, ut explicatum est, pertinent. Etenim, ut eandem Petri personam æque intelligamus, hoc loco significatam à Christo esse nomine petre (super quam ædificaturum se Ecclesiam dicit), atque nomine Petrus; multis modis confirmari potest.

Primò. Quia Christus non duobus illis vocabulis, Petrus, & petra, sed vno, & eodem, nempe Cephas, cum Syriacè loqueretur, utrobique vsus est. Quod vocabulum, ut Beatus Hieronymus notat, absolute significat saxum: sicut etiam, *Petros*, Græcè indifferenter significat, & Petrum, & petram, ut igitur, si Christus Latine dixisset: [Tu es saxum, & super hoc saxum ædificabo Ecclesiam meam;] non dubitarem quin utrobique illo eodem vocabulo, saxum, vnam & eandem personam significasset: ita sentiendum est illum scilicet cum Syriacè loquens utrobique similiter vocabulo, Cephas, vsus est quod saxum significat. Neque quidquam impedire nos in ea re debet, quod primò quidem ubi magis expresse ad ipsam Petri personam vocabulum, Cephas, & *Petros*, refertur, interpretes à Græco Petrus veterit, postea autem, petra. Hoc enim ille fecit, non quia diuersæ res vocabulo Petrus, & petra in eodem loco significentur, sed ut commodius loqueretur secundum vocum formationem Latinam.

Secundò. Idem ostendit ipsa series orationis Christi, & maxime vis illius demonstratiui pronominis, Hanc. Super quam enim petram dicit ædificaturum se Ecclesiam? Super hanc, inquit: nempe quam proximè antecedentibus verbis demonstrarat, inquit; Tu, tu es Cephas; id est, petra seu Petrus. Alioquin quorsum tunc attinebat ipsum Petrum, seu saxum appellare, nisi illud etiam quod de petra subiunxit, ad eundem retulit? Certè id fecit, ut aptè ostenderet, rem illius nominis in Petri personam conuenire. Ut cum Dominus dixit ad Abraham: [Tu vocaberis Abraham:] ad ipsum accommodauit rem etiam nominis, illud subiungens: [Quia patrem multarum gentium constitui te.] Sic etiam Angelus de ipso Christo: [Vocabis, inquit: nomen eius Iesum. Ipse enim, inquit, saluum faciet populum suum à peccatis eorum.] Ut iam alia exempla similia præteream.

Tertiò. Si non eundem Petrum eam petram esse Christus significauit: quem igitur, aut quam rem ibi nomine petre intellexit? Scilicet, inquit, ut postea videbimus, plerique Sectarij. Primum, qualis esset illa orationis consequentia? Ut Petrus es: Ego super me ædificabo Ecclesiam meam. Deinde cur dicit hanc? Num dignitatem in se intendit, aut manu sublata sese indicauit, ut commodè, Hanc, diceret? Accedit quod rem illis verbis facturum se promittit, planè futuram, quam nondum, aut fecisset tunc aut etiam inchoasset. At ipse Christus iam inde ab origine mundi erat fundamentum Ecclesiæ, ac super illum iam tum bona ex parte Ecclie-

Ecclesia edificata. Item si se, non Petrum ibi petram esse intellexit; quam, obsecro, mercedem illis verbis Petro propter factam ab eo confessionem promisit? Non enim Petri prerogativa est, quod super Christum edificetur Ecclesia. At recte sentiunt veteres, Petri confessionem illis Christi verbis, atque promissionem singulariter remunerari, ut antea dictum est. Necesse est igitur, ut intelligamus Christum ibi ipsum Petrum appellasse petram, super quem adeo promiserit Ecclesiam se suam edificaturum.

Quarto. Ita locum illum vniuersi Patres interpretati sunt, neque prorsus dubitauerunt, quin Petrus ibi petra dictus à Christo sit. Et si vnus quidem excipiendus est Augustinus, qui cum vtroque modo locum interpretatur, scilicet, & de Petro, & de Christo, iudicium ad extremum permittit liberum Lectori, ut quam interpretationem probabiliorem putet, eam sequatur. Sed cum ipse Augustinus nihil hac de re certi definiat, atque etiam permittat per petram ibi Petrum intelligere: Sequi nos oportet communem sententiam aliorum Patrum, qui in eiusmodi interpretatione consentiunt. Maxime cum ratio ipsa loci eum sensum praeferat, ut ostensum est, nec ex contrario sit firma ea ratio, quae Augustinum de eiusmodi interpretatione addubitare fecit: [Non enim, inquit ipse, dictum est Petro: Tu es petra, sed tu es Petrus.] Atque si de vocabulis quaerimus; ne Petrus, quidem à Christo dictum est illi, sed Cephas. Quod vocabulum petram, seu saxum significat, ut supra notatum est. Quare nihil impedit, quo minus petram à Christo Petrum esse appellatum intelligamus, quamuis secundarius quidem post Christum, ut paulo post docebitur.

Nunc Patres cum locum ita interpretantes audiamus. Dionysius Petrum affirmat ab Apostolo Paulo vocatum fundamentum Ecclesiarum. Tertullianus: [Latine, inquit, aliquid Petrum, edificandae Ecclesiae petram dictum.] Clemens: Simon Petrus fundamentum Ecclesiae definitus est. Quia de causa, etiam Domini ore cognominatus est Petrus. Origenes: Vide magno illi Ecclesiae fundamento, & petra solidissima, super quam Christus fundauit Ecclesiam, quid dicatur à Domino: Modice fidei quare dubitasti? Cyprianus: Petrum primum Dominus elegit, super quem edificauit Ecclesiam. Hippolytus: Princeps Petrus, fidei petra. Ambrosius in hymno, teste Augustino: Hoc (gallo gallinaceo) ipsa petra Ecclesia canente culpant diluit. Qui sensus, inquit Augustinus, multorum ore cantatur in verbis beatissimi Ambrosii. Item Ambrosius in alio loco: Petrus pro soliditate deuotionis Ecclesiarum, petra dicitur, sicut ait Dominus: Tu es Petrus, & super hanc petram edificabo Ecclesiam meam, petra enim dicitur eò, quod primus in nationibus fidei fundamentum. [Inuenit, & tanquam saxum immobile totius operis Christiani compagem, molemque contineat.] Ac rursus de claudo illo homine, qui diuinitus à Petro sanatus est, loquens: [Si Petrus, inquit, petra est, super quam aedificatur Ecclesia, recte prius pedes sanat, ut sicut in Ecclesia fidei fundamentum contriuet, ita

& in homine membrorum fundamenta confirmet. Gregorius Nazianzenus: Vides, inquit, quemadmodum ex Christi discipulis, magnis vtique omnibus, & excelsis, atque electione dignis, hic, Petrus, petra vocetur atque Ecclesiae fundamenta (nempe intelligit reliquos Christi Apostolos) fidei suae credita habeat. Hieronymus: Secundum metaphoram, inquit, petra, recte dicitur ei, Petro, edificabo Ecclesiam meam super te. Basiliius: Petrus cum dixisset: Filii Dei es altissimi; & audisset, petra es; encomijs celesber factus est. Etiam si autem petra est, non vt Christus petra est, sed vt Petrus petra. Christus enim reuera petra inconcussa est, Petrus verò propter petram. Largitur enim Iesus suas dignitates, & non euacuatur, sed habens dat. Hilarius: O in nuncupatione noui nominis felix Ecclesiae fundamentum, dignaque aedificatione illius petra, quae infernas leges dissolueret. O beatus coeli ianitor, &c. Paulinus petra est Christus. Etiam discipulo huius vocabuli gratiam non negauit, cui dicit: Tu es Petrus, & super hanc petram edificabo Ecclesiam meam. Chrysostomus: Princeps Apostolorum Petrus super quem Christus fundauit Ecclesiam, verè immobilis petra, & firma confessio. Prosper Aquitanicus: Hec fortissima petra ab illa principali petra, Christo, communionem, & virtutis lumpsit, & nominis. Epiphanius: Ipse Dominus constituit Petrum primum Apostolorum, petram firmam, super quam Ecclesia Dei aedificata est. Maximus: Per Christum Petrus factus est petra: dicente ei Domino: Tu es Petrus, & super hanc petram edificabo Ecclesiam meam. Concilium Chalcedonense: Petrus Apostolus est petra, & crepido Ecclesiae Catholicae. Theodoretus: In Petro Apostolorum principe Dominus in Euangelio se Ecclesiam suam edificaturum promissit. [Eadem sententia (ne simus plioxi) reliquorum Patrum est. Quin, & ipse Augustinus multis in locis Petrum à Christo dici petra, & fundamentum Ecclesiae interpretatus est. [Vt cum, inquit: Petrum fundamentum Ecclesiae Dominus nominauit: & idco digne fundamentum hoc Ecclesia colit, supra quod Ecclesiastici aedificij altitudo surgit. Item: Petrus Christum confensus erat filium Dei: & in illa confessione appellatus erat petra, super quam fabricaretur Ecclesia. Item: Respondit Petrus, petra illa, voce omnium: Domine, ad quem ibimus?] Erst autem in alijs quibusdam locis petram Christum interpretatus sit; tandemque, ut antea diximus, dubitauerit, vero modo potius ille quidem locus Mat. 16. intelligi debeat: tamen de ipso principatu alioqui, quem habuerit Petrus in Ecclesia, quemque vocabulo petra, capitis, fundamenti, ianitoris coeli, metaphoricos significare Orthodoxi solent, nullo pacto dubitauit vniquam Augustinus. Eius enim sunt illa verba: [Quis nesciat primum omnium Apostolorum esse beatissimum Petrum? Item: Ipsum, inquit, constituit Dominus esse caput eorum, vt pastor esset gregis Domini. Item: Primatum in discipulis habuit. Item: Quis nesciat illum Apostolatus Petri principatum cuiuslibet Episcopatu praeferendum?] Ac exstat locus Augustini in epistola ad Casula-

nus;

nam ; ex quo satis apparet, minimè illum improbare, quo minus Petrus etiam Apostolorum caput, cœli sanctorum, & Ecclesiæ fundamentum nominetur. Tot enim, ac talibus nominibus, Augustinus referente, & minimè reprehendente, Petrum (ex vulgarissima procul dubio Ecclesiarum omnium sententia) appellauit in contra quem ibi Augustinus de ieiunio Sabbati disputat. Sed reliqua argumenta, quæ continentur in illo loco Matthæi pro primatu Petri prosequamur.

VI. Et tibi, inquit, dabo clauces regni cœlorum. Illustrat his verbis Christus aliam metaphoram vim auctoritatis illius primariæ, quam Petro ad constituendum de ijs rebus, quæ pertinent ad salutem fideliū, pollicetur. Namque clauces regni cœlorum eam potestatem vocat, propterea, quod eius vñ multiplici cœli fidelibus, vel clauditur, vel aperitur. Quid enim aliud est, doctrinam fidei certò explicare; peccata remittere; leges salutares condere; quæ ad sanctissimum cultum pertinent, constituit; alijsque id genus rationibus hominum salutem consulere; quam ijsdem cœlum, hoc est, aditum ad eternam beatitudinem aperire? Contrà verò, cum beneficium remissionis peccatorum iusta ex causa negatur; cum alicuius, aut vita, aut doctrina condemnatur; cum excluditur ex communione fidelium; huc nimirum quasi clauditur cœlum. Itaque intelligendum est, cum soli Petro in hoc loco clauces regni cœlorum singulariter promittuntur, summam illi post Christum in Ecclesia promitti potestatem. Nempe eiusmodi, qua, & omnibus alijs (atque adeo etiam ipsis Apostolis); & omnibus modis aperire potuerit regnum cœlorum. Non enim Apostoli rem reliquis clauces ipsas cœli; aut promississe, aut tradidisse Christum legimus. Et attribuit illis quidem quamdam auctoritatem vñs eiusmodi clauum; vt scilicet clauderent cœlum, aut aperirent, retinendo, vel remittendo, seu quod idem est, soluendo; vel ligando peccata. Clauces autem ipse, hoc est, plena atque summa potestas id omni ratione faciendi, Petro soli promissa atque adeo tributa sunt; quæ est Christi promissionum fidelitas.

Quod sanè discrimen inter Petrum, & reliquos Apostolos, quod attinet ad potestatem eam clauum, præclare veteres Patres animaduertunt. Nam Augustinus, quoniam ad utilitatem ipsius Ecclesiæ, principatus eius auctoritatis Petro tributus est, ideo scribit Ecclesiam illum representasse tum cum ei à Christo diceretur; Et tibi dabo clauces regni cœlorum. [Quædam, inquit, dicuntur, quæ ad Apostolum Petrum propriè pertinere videantur, neque tamen habent illustrem intellectum, nisi cum referuntur ad Ecclesiam, cuius ille cognoscitur in figura gestasse personam propter primatum, quem in discipulis habuit: sicuti est: Tibi dabo clauces. Et rursus: Quod ad Petrum, inquit, propriè pertinet, natura vnus homo erat, gratia vnus Christianus, abundantior gratia vnus primusque Apostolus. Sed quando ei dictum est: Tibi dabo clauces; vnuerſam significabat Ecclesiam. Item: Petrus, inquit, Apostolus propter Apostolatus sui primatum totius Ecclesiæ gerebat figurata generalitate perso-

nam.] Conſentit cum Augustino Optatus Mileuitanus, qui ob eam amplitudinem auctoritatis Petri, qua cæteris Apostolis antecelluit; differtis verbis inquit: [Solutus Petrus clauces accepit. Item Origenes: Quoniam oportebat, inquit, aliquid maius habere, Petrum, ideo illi quidem sic dicit: Et tibi dabo clauces regni cœlorum, & quæcumque ligaueris super terram, erunt ligata, & in cœlis. Non ergo modica differentia est, quod Petro quidem sint datæ clauces non vnus cœli, sed multorum cœlorum, vt quæcumque ligaueris super terram, sint ligata, non tantum in vno cœlo, sed in omnibus cœlis, & quæ solueris super terram, sint soluta non solum in vno cœlo, sed in omnibus cœlis. Ad eos autem, qui multi sunt ligatores, & solutores in terra, sic dicit, vt soluant, & alligent, non in cœlis, sicut Petrus, sed in vno cœlo; quia non sunt in terra perfectione sicut Petrus.] Item beatus Leo: [Petro, inquit, præ cæteris est tradita soluendi, atque ligandi potestas.] Neque verò præminentiam hanc auctoritatis clauum in Petro Hieronymus, & Cyprianus ignorauerunt, cum ille scripserit, [inter duodecim vnus eligi, vt capite constituto schismatis tollatur occasio: hic autem, primum Petro dari, vt vna Christi Ecclesia, & vna Cathedra monstretur.]

Huc præter auctoritatem sanctorum Patrum accedit analogia Scripturæ, eiusque phrasim in alijs locis. Etenim clauum nomine summa potestas designari in Scriptura sæpe solet: [Dabo (inquit Dominus Eliachim summo sacerdoti, qui typum Christi gessit) clauem domus David super humerum eius. Et aperiet, & non erit, qui claudet, & claudet, & non erit, qui aperiat.] Quid verò hæc clauis significat? Nempe potestatem talenti in domo David, hoc est, in Ecclesia, vt quod ab ea rectè, ac legitime constitutum sit, ratum apud omnes, ac firmum esse debeat; ne possit à quoquam rescindi. Hæc enim est quædā ait: [Aperiet, & nemo claudet, & claudet, & non erit qui aperiat.] Hanc clauem, hoc est, potestatem in Ecclesia, quæ, & dicitur regnum cœlorum, Christus præstantissima ratione habet. [Ipse enim est sanctus ille, & verus (inquit Ioannes Apostolus) qui habet clauem David, qui aperit, & nemo claudet, claudet, & nemo aperit.] Petro igitur vices suas in hac vsurpanda clauē, hoc est, summam post ipsum auctoritatem in terris promittit, cum se illi clauces regni cœlorum traditurum pollicetur est. [Largitur enim Christus (inquit Basilus) suas dignitates, & non euacuatur, sed habens dat.] Ac sanè in politicis etiam id similiter obtinuissē videmus, vt cui regendæ ciuitatis summa auctoritas attribuitur, hoc iniquam eius dignitatis symbolum quoddam clauem ciuitatis tradatur. Ab hac igitur siquissima, atque receptissima consuetudine existimare debemus, Christum (qui solitus fuit ex rebus sæpe vulgo vñtatis sermonis rationem, ac modum petere) illam metaphoram mutuatam esse: vt amplitudinem eius potestatis, quam Petro promittebat, quam aptissime exprimeret.

VII. [Et portæ inferi non præualebunt aduersus eam. Portæ inferorum, inquit Epiphanius, sunt hæreses, & hæresiarchæ. Iuxta omnem]

omnem enim modum in ipso Petro firmata, est fides, qui accepit claves regni celorum.] Quo pacto, & alij Patres portas inferorum, hoc loco interpretantur. Si igitur ita super Petrum Ecclesia fundata est, ut possit opere Petri, ac ministerio aduersus omnes hæreses, & omnem vim inferorum firma stare: confiteri necesse est, eam auctoritatem Petro tributam esse, qua potuerit tum in omni fidei questione, quod verissimum est certo docere, tum quæ essent fidelibus, aut in cultu, aut in moribus salutaria, sanctè constituere. Quod enim Christus subiunxit: [Et portæ inferi non præualebunt aduersus eam,] id ad antecedentia referri debet, vt inde præstantiam, atque firmitudinem illius potestatis intelligamus, quam Petro pollicebatur, affirmans se super illum Ecclesiam fundaturum, eique traditurum claves regni celorum. Nam, & ad explicandam etiam vim, atque vsum eius auctoritatis adiunxit, illud quod ad extremum sequitur.

VIII. [Et quodcumque ligaueris super terram, erit ligatum, & in celis; & quodcumque solueris super terram, erit solutum, & in celis.] Quibus verbis non qualicumque modo eum significat soluere, atque ligare posse, sed tamquam eum nimirum, qui auctoritatem ipsam clauium regni celorum absolutam atque plenam habet: vt ex verbis antecedentibus, quæ hæcenus exposita sunt, didicimus. Quod sanè pacto cæteri Apostoli clauium auctoritatem non acceperunt: vt testimonijs Patrum, quæ partim adduximus, partim postea adducemus, perspicuum sit.

Hic verò quo minus ex hoc Euangelij loco primatum illum Petri colligamus, nobis obijciunt Aduersarij primò, Non Petrum, sed Christum ipsum nomine petræ, super quam Ecclesia ædificanda fuerit, intelligi hoc in loco debere: vel certè confessionem ipsam fidei de Christi diuinitate à Petro editam. Atque hic vrgent illud: [Fundamentum aliud nemo potest ponere, præter id quod positum est, quod est Christus Iesus.] Secundò. Quidquid hic Petro, promissum est, alijs etiam Apostolis esse tributum. Nam, & omnes fundamenta appellantur, in Apocalypsi Ioannis: & omnibus Christus dixit: [Quæcumque ligaueritis super terram, erunt ligata, & in celo, & quæcumque solueritis super terram, erunt soluta, & in celo.] Et illud item omnibus: [Ite, ego mitto vos, quorum remiseritis peccata, remittentur eis, &c.] Quò accedit auctoritas Patrum, qui pares omnes Apostolos fuisse, testari videntur. Cyprianus enim dicit: [Hoc erant vtique cæteri Apostoli, quod erat Petrus, pari consortio præditi, & honoris, & potestatis.] Quod ipsum similiter affirmant Anacletus, Hieronymus, Leo. Terriò. Quod Petro peculiariter videatur Christus claves regni celorum promississe: id, inquit, ad confirmandum illius principatum non valere. Non enim ipsi Petro peculiariter, sed Ecclesie, cuius figuram ibi Petrus, auctore Augustino, præferebat, esse promissas, atque datas claves.

Ad primum respondemus: Etsi Christus aliqui petra angularis, & fundamentum, præcipuum sit, quo Ecclesia omnis nititur, tamen in eo quidem loco apud Matthæum.

Tom. XIII.

petræ nomine non posse ipsum intelligi, sed Petrum significari. Quod cum antea perspicuis argumentis ex ipso loco ductis, & consensiente auctoritate sanctorum Patrum, confirmauerimus, nihil est necesse idem denudò probare. Nam quod Augustinus, vt diximus, subdubitarit, Petrusne, an potius Christus ibi petra nominetur; vbi tam est aliorum omnium Patrum sententia concors, & constans, nihil nobis præiudicare debet.

Vt autem ibi per petram, confessio fidei etiam, à Petro facta, intelligatur, non impedimus. Nam quod ad rem ipsam attinet, nihil inest, vtrum supra Petrum, fidem certò, ac singulariter consistentem, atque docentem, vel supra certam, & singularem Petri confessionem, Ecclesiam fundatam esse, dicas. Eodem enim res redit. Nam neque nos, cum ex sententia Patrum supra Petrum fundatam Ecclesiam esse affirmamus, personam Petri cogitamus nudam, sed explicantem certam de Filio Dei fidem: neque etiam illo loco, vel nuda fidei confessio per se ipsa, vel alterius hominis, præterquam Petri, potest intelligi: Dicit enim Christus: Super hanc petram, id est, super te, Petre, consistentem, atque adeò super confessionem fidei tuam certam, ac immobilem.

Itaque vtrumque videmus à vteribus explicatum esse, & supra Petrum, & supra Petri confessionem Ecclesiam esse fundatam. Quoniam nihil re ipsa inter vtrumque inter, est, vt dictum est. [Princeps, inquit Chrysostomus, Apostolorum Petrus, super quem Christus fundauit Ecclesiam, verè immobilis petra, & firma confessio. Ac rursus alio in loco, posteaquam supra fidem Petri Ecclesiam ædificatam esse dicit, vt magis explicet hoc tantumdem esse, ac supra Petrum certò de fide pronunciantem ædificari, hæc verba subiungit: [Id Christus agit, vt homo piscator quauis petra firmior reddatur, vniuerso terrarum orbe relucante.] Atque ibi ad extremum super ipsum Petrum Ecclesiam ædificatam esse disertis verbis testatur. Item Diuus Cyrillus: [Insignem remunerationem, atque honorem ipsius Petri maximum fuisse asserit, quòd inconcussam, & firmissimam illius fidem petram Christus vocarit. Et Hilarius: Hæc, inquit, fides Petri Ecclesie fundamentum est. Cuius tamen illa etiam sunt verba: O in nuncupatione noui nominis felix Ecclesie fundamentum! O beatus celi ianitor! Sic etiam Diuus Cyprianus: Super illum vnum, inquit, ædificat Ecclesiam suam. Qui tamen eodem loco, paulò post dicit: Super cathedram, id est, supra doctrinam Petri, Ecclesiam esse fundatam. Et ob id etiam Diuus Basilius, Petri nomine prærogatiuum Simonis, filij Ionæ, intelligi docet: Qui de piscatoribus, inquit, ad Apostolorum functionem vocatus, propter fidei excellentiam, Ecclesie ædificationem in seipsum suscepit.] Quibus verbis, an non Basilius clarissime significauit, nec Petrum siue fide, nec fidem siue Petro, ædificio Ecclesie, quasi fundamentum, subesse?

Iam illud quod vrgent Sectarij, solum Christum esse fundamentum, facillimè expeditur. Ita enim Christus solus est Ecclesie fundamentum, sicut solus est mundi lux, sicut

P solus

solus est noster Pontifex, Episcopus, Doctor, & Pastor animarum. Ex tamen sunt præter Christum alij etiam in Scripturis lux mundi, Episcopi, Doctores, Pastores, verissime appellati. Nempe non eadem, sed alia ratione. Ita quoque fundamenta in Apocalypsi Ioannis appellantur Apostoli. Nam verò id impedit, quo minus verè dictum sit; [Fundamentum aliud neminem posse ponere præter, id quod positum est, quod est Christus Iesus?] Minime. Est igitur intelligendum, quæ primario, & principaliter, hoc est, præstanti quadam, & singulari ratione Christo conueniunt, eadem alijs conuenire secundario. Lux ipse solus est, [quæ illuminat omnem hominem venientem in hunc mundum.] Item solus ipse est ille [Pastor, qui posuit animam pro omnibus suis, sequæ dedit redemptionem pro omnibus. Et Pontifex solus, qui penetrauit coelos,] introiuitque per sanguinem suum in sancta, æterna redemptione inuenta. Sic Doctor est vnicus, in quo, vt in alio nullo absconditi fuerint, omnes thesauri sapientiæ, & scientiæ Dei. Denique fundamentum est primum Ecclesiæ, & maximum, & vt Augustinus appellat, fundamentum fundamentorum, quod videlicet seipso consistat, neque vlli alteri innitatur, sustineatque quicquid omnino pertinet ad Ecclesiæ ædificium, adeoque ipsum etiam confirmet Petrum. Sed vt alij post Christum suo quodam modo lux mundi sunt. Itemque Episcopi, Pastores, & Doctores: sic etiam Petrus est quasi secundarius, ac præcipuum, post Christum, Ecclesiæ fundamentum. Nempe cuius fidei ipsa etiam Ecclesiæ fundamenta commissa sunt, vt ait Gregorius Nazianzenus, id est, Apostoli ipsi, qui, vt alios in religione confirmarunt, fundamenta etiam quædam fuerunt. Atque hoc idem & veteres ipsi, qui Petrum fundamentum Ecclesiæ constitutum esse affirmauerunt, luculenter notarunt. [Sicut, inquit Hieronymus, lumen Apostolis donauit, vt lumen mundi appellarentur, ceteraque ex Domino sortiti sunt vocabula: ita & Simoni, qui credebatur in petram Christum, Petri largitus est nomen: & secundum metaphoram petræ rectè dicitur ei: Edificabo Ecclesiam meam super te.] Et Basilius: [Christus verè est petra inconcussa, Petrus verò propter petram, largitur enim Deus suas dignitates, & non euacuatur, sed habens dat. Lux est, & dicit: Vos estis lux mundi, Sacerdos est; facit sacerdotes. Ouicula est, & inquit; Ecce ego mitto vos, sicut oues in medio luporum. Petra est, & petram facit.] Nec opus est prolixius referre, quæ in eandem sententiam dicit Ambrosius, Leo, Prosper, & alij. Ac potest, qui plura de hoc discrimine fundamentorum Ecclesiæ cognoscere volet, legere inter cæteros doctissimum Turrecrematam in erudito illo suo opere, quod summam Ecclesiæ nominauit.

Ad secundam objectionem Sectariorum, de Apostolorum omnium æqualitate, doctè sanè à multis catholicis auctoribus iam pridem secundum doctrinam Orthodoxam responsum est, vt à Ioanne Driedone, à Caietano, à Melchiorre Cano, à Dominico Soto, &c. Res autem, & summam, & aliquantò planius explicat, sic habet. Ad Aposto-

latus prærogatiuam, atque dignitatem duo pertinuerunt. Vnum est, quod ab ipso Christo proximè auctoritatem Ecclesiastici ministerij Apostoli acceperunt. Quomobrem, & ab eo missi, sicut ipse missus erat à Patre, dicuntur. Alterum est, quod eam auctoritatem sic à Christo acceperunt, vt non tantum in hac, vel in illa orbis parte, sed vbique, prorsus possent ritè, ac legitimè fungi muneribus Ecclesiasticis. [Euntes enim, inquit, docete omnes gentes &c. Et Prædicate Euangelium omni creaturæ.] In his duabus rebus, atque adeò in huiusmodi dignitate, atque prærogatiua Apostolatus, pares omnes Apostoli fuerunt. Atque hæc dumtaxat æqualitas Apostolatus probari potest ijs testimonijs, vel Scripturæ, vel Patrum, quæ nobis obijciuntur.

Cæterum aliz duæ res sunt, in quibus Petrus Apostolus reliquis Apostolis, non quidem propriè, vt Apostolus, sed vt singulare fundamentum, & caput Ecclesiæ, & Pastor ouium Christi, & cæli ianitor constitutus, antecelluit. Vna est, quod illam Apostolatus auctoritatem in vniuerso orbe, tanquam ordinariam, & duraturam, suisque adeò successoribus relinquédam, ipse accepit: eò quod vniuersæ Ecclesiæ, quæ vnquam futura esset, fundamentum est constitutus: sicut infra ostendemus, nec talis fundamenti locum ipse perpetuò, nisi per suos etiam successores tenere potuit. Reliqui vero Apostoli eam auctoritatem non eo modo acceperunt. Quin eorum quasi extraordinarium priuilegium fuit, quod & in orbem vniuersum, & à Christo proximè illam auctoritatem Apostolatus acceperunt. Itaque illis è vita decedentibus, dignitas etiam eiusmodi Apostolatus esse desiit, neque est ad vltos eorum, successores deriuata. Quod cum ita dicimus, minime volumus, nullam iam peruenire, Apostolatus auctoritatem ad Episcopos, qui sunt, vt Anacletus explicat, Apostolorum, successores. Habent enim hi, in suis quique Ecclesijs, vicem, atque functionem Apostolorum: estque adeò perpetuum illud Dei in Ecclesiam beneficium, quo inter cæteros ministros ei attribuantur Apostoli, ad consumptionem Sanctorum, vt D. Paulus disputat. Hoc igitur tantum dicimus, si & in modum, quo Apostolicam auctoritatem reliqui præter Petrum acceperunt, & acceptæ auctoritatis amplitudinem, in totum scilicet orbem, spectemus; non transiisse eiusmodi dignitatem Apostolicam ad eorum successores. Nam, neque auctoritatem ex quo in vniuersum orbem habent; neque eam quam habent, habent ita proximè à Christo, sicut habuerunt Apostoli; cum Christum nimirum illam ipsis Apostolis per se tribuit, eaque re officium ordinarium Petri (id est, vniuersalis Pastoris, à quo nimirum potestas aliorum Pastorum ordinariè alioqui deriuanda est) suam quadam excellenti potestate quasi præuenit.

Altera res, in qua Petrus reliquis Apostolis antecelluit, est, quod ipse quidem potestatem accepit etiam quandam in ipsos Apostolos: tanquam omnium videlicet, nemine excepto, qui ad Ecclesiæ ædificium, & ad Christi gregem pertinent, fundamentum, & Pastor, vt post ostendemus, singulariter con-

constitutus. Itaque regere ipsos, atque in fide confirmare cum auctoritate potuit, iisque præscribere, & modum, & locum ad fungendum ministerio Apostolico, quatenus ad Ecclesiæ bonum id expediret. Quam sanè rem doctè mihi videtur Caietanum expedituisse, ubi scribit, Apostolos reliquos, quatenus Apostolos, fuisse quidem Diuo Petro pares: tamen, quia ratione erant oues Christi, fuisse Petro subiectos.

Porro, Hanc Petri præminentiam inter reliquos Apostolos minimè negauerunt veteres Patres. Quin imò ex loco Matthæi hætenus à nobis exposito, & ex alijs, quos deinceps adducemus, luculentissimè eam, asseruerunt: etiam illi ipsi, qui pares alioqui in Apostolatus dignitate omnes fuisse affirmant. Et enim Diuus Cyprianus in eo ipso loco, ubi dixit, [pari consortio præditos reliquos Apostolos fuisse, & honoris, & potestatis:] mox subiungit: [Sed exordium, ab unitate proficiscitur, Petro primatus datur, vt vna Christi Ecclesia, & vna cathedra monstretur.] An non in pari consortio Apostolatus primatum Petri agnoscit? Legat, cui otium est, locum illum integrum Cypriani, & satis impudentiam Sectariorum mirari non poterit, quod ex ea Cypriani disputatione probare velint: ita fuisse Apostolatus dignitate pares Apostolos, vt Petrus illis præpositus à Christo non fuerit. Dicit: [compendio veritatis facile fidei probari posse, si caput teneatur, ac illud consideretur, quod Dominus loquitur ad Petrum: Tu es Petrus, &c.] Dicit: [Super vnum Petrum Ecclesiam esse fundatam.] Dicit rursus: [Quamuis, & alij Apostoli Pastores constituti sint; tamen vt unitatem manifestaret, vnam cathedram Christum constituisse, & unitatis eiusdem originem ab vno incipientem sua auctoritate disposuisse.] Dicit rursus: [super cathedram Petri Ecclesiam esse constitutam.] Et illud item quod antè recitatum est: [Primatus Petro datur, vt vna cathedra monstretur.] Denique causam, quam ob rem hæretici perfidiam sub prætextu fidei, & Antichristum, sub vocabulo Christi mentiantur, esse, quia ad veritatis illam, & unitatis originem] de qua dictum est, non rediunt, nec caput, inquit, querunt. Quid hæc omnia, si nulum habuit Petrus principatum auctoritatis, sibi volunt?

Nec minus profectò clarè Hieronymus; [Super Petrum, inquit, fundatur Ecclesia. Et licet id ipsum in alio loco super Apostolos fiat, & cuncti claus regni cælorum accipiant, & ex æquo] quod attine quidem ad prærogatiuam Apostolatus, [super eos Ecclesia fortitudo solidetur: tamen propterea inter duodecim vnus eligitur, vt capite constituto schismatis tollatur occasio.] An verò ab Hieronymo, vel amplius aliquid ad equalitatem in Apostolatu declarandam, vel clarius ad Petri nihilominus præminentiam in auctoritate regimini tuendam dici potuit? Quid Diuus Leo? [Inter beatissimos, inquit, Apostolos in pari honoris consortio fuit quedam discreto potestatis. Et cum omnium par esset electio, nempe ad Apostolatam, vni tamen datum est, vt cæteris eminere.]

Et Anacletus, ubi pari etiam consortio

honorem, & potestatem Apostolicam reliquos accepisse dicit; perspicue nihilominus assernat [à Petro post Christum in nouo Testamento sacerdotalem Ordinem cepisse, & ipsum Apostolos reliquos habuisse pro principe.] Mitto, quòd auctor alioqui eruditissimus Ioannes à Turrecremata contendit, in hoc etiam Apostolos cæteros D. Petro fuisse inferiores, quòd à Christo acceptum Apostolici muneris auctoritatem non nisi per ipsum Petrum. Id quod etiam probat ex Anacleto, qui affirmat, Iacobum fratrem Domini fuisse ordinatum Episcopum Hierosolymitanum à Petro, & Ioanne, & altero Iacobo. Sed hæc quidem sententia minus communis est, neque etiam ad Petri primatum asserendum necessaria. Nam etsi demus, à Christo proximè omnes Apostolos auctoritatem Apostolicam, vt antè docuimus, accepisse; satis nihilominus defensum iam est, quòd ad auctoritatem quidem regiminis attinet, fuisse illos ipso Petro inferiores. Ex qua re fiebat, vt in modo certè exercendi munus illud Apostolicum à Petro dirigi cum auctoritate possent. Quod verò de ordinatione Iacobi dicit Anacletus: id ad designationem quandam loci referri potest.

Denique quod tertio aduersus probationem nostram, ex illo Matthæi loco sumptam, obijciunt Sectarij, claus regni cælorum, nec promissas, nec datas Petro esse, nisi in persona Ecclesiæ; id verò magis ipsos redarguit. Ideò enim de Petro peculiariter Augustinus scripsit, eum in persona Ecclesiæ claus accepisse, quoniam non vt priuata persona, neque vt quascumque alius Ecclesiæ minister, sed vt Ecclesiæ totius præfatus, qui singulariter proinde totam Ecclesiam, representauerit, eamque in utilitatem Ecclesiæ, eas accepit; vt supra quoque exposuimus, & diligenter etiam à Caietano, & Eckio notatum est. Sed satis, vt arbitror, de loco Matthæi 16. dictum est, ex quo certè est perspicuum, præcipuum illam in Ecclesia auctoritatem fuisse Petro promissam.

Secundus Euangelij locus, valde etiam illustri, quo auctores catholici principatum Petri probare conseruerunt, est apud Lucam. Vbi Christus, contentione exorta inter discipulos, [quis eorum videretur esse maior:] primum ambitionem eam, atque superbiam, vtpote secularium principum ambitioni similem, refutat, & sui exemplo proposito modum humilitatis præscribit ei, qui maior esset futurus, inquit: [Reges gentium dominantur eorum, & qui potestatem habent super eos, benefici vocantur: Vos autem non sic. Sed qui maior est in vobis, fiat sicut minor, & qui præcellit, sicut ministrat. Nam quis maior est, qui recumbit, an qui ministrat? Nonne qui recumbit? Ego autem in medio vestrum sum, sicut qui ministrat.] Deinde conuersus ad Petrum, eique imperans vsum illius primariæ auctoritatis in confirmandis in fide fratribus; satis profectò indicauit, eum ipsum Petrum esse, cui antecedentibus verbis modum in supremo dignitatis gradu tenendum proposuerat. Ait enim è velligio ad ipsum solum: [Simon ecce Sathanas expetiuit vos, vt cribraret, sicut triticum; Ego autem oraui pro te, vt non deficiat

ades tua. Et tu aliquando conuersus confirma fratres tuos.]

Hoc ego loco peto à Lectore, vt quatuor apud te diligenter expendat. Primò. Primum enim in illa discipulorum contentione minimè sanè Christus negauit, aliquem in Ecclesia superiorem reliquis fuisse futurum. Quin potius id planè affirmat: Qui maior, inquit, est, (quia uidelicet iam erat Christo decretum, aliquem præficere, & caput cæterorum facere) in vobis. Itaque hunc monet, vt in maximo gradu dignitatis post constitutus, non mundanorum principum arrogantiam, sed suam moderationem, atque submissionem imitetur. [Ego enim, inquit, sum inter vos, sicut qui ministrat. Secundò. Quis autem ille maior futurus est? Nempe Petrus, pro cuius uidelicet fide, vt ad communem aliorum utilitatem sit firma, orat: quem iubet fratres aliquando, hoc est, accepta post lapsum, & resipiscientiam cura Pastoralis, confirmare in fide. Quo sanè confirmandi vocabulo, auctoritatem in docendo significari, ex alijs Scripturæ locis intelligi potest. Tertiò. Atque Petrum maiorem reliquis significari hoc loco futurum, non propriè in vite sanctimoniam, aut virtute, sed in muneris auctoritate; tum ex eo confirmandi præcepto, quod illi deinde tanquam Maiori datur, tum ex ipsa ratione huius Christi sermonis apparet. Monuit enim, vt is, qui maior futurus esset, fieret virtute humilitatis, & submissionis, sicut minor. Quæ monitione non magnoperè iam cget, qui in maximo virtutis, atque sanctitatis est gradu, adeoque perfectionem humilitatis consecutus est. Sed is demum ita cum primis admonendus est, qui in alio aliquo genere excellit; nempe potestatis, quæ nimirum cum importunitatis, atque superbæ vitio faciliè coniungi solet, vt est videre in regibus gentium, quorum voluit Christus eum esse dissimilimum, qui maior inter Apostolos futurus erat. Quartò. Nec verò putare hoc in loco possumus, sermonem Christo fuisse de potestatis alicuius temporalis principatu, quem moderatè ab aliquo Apostolorum sustineri vellet. Perspicuum enim est de eiusmodi auctoritatis præstantia eum ibi agere, cuius maximè proprius sit usus confirmare in fide fratres. Quæ auctoritas, spiritualis est. Quamquam, nec indignum est, [vt qui spiritualia seminant, temporalia etiam metant,] vnumquique quantum opus habet, speciatà temporum ratione, & sui cuiusque in Ecclesia gradus.

Sed ipsos etiam sanctos Patres audire, operæ precium est, qui etiam ex hoc loco Petri in Ecclesia principatum rectissimè collegerunt. [Commune, inquit D. Leo, erat omnibus Apostolis periculum de tentatione formidinis, & diuinæ protectionis auxilio pariter indigebant; quoniam diabolus omnes exagitare, omnes cupiebat elidere. Et tamen specialis à Domino Petri cura suscipitur, & pro fide Petri propriè supplicatur. Tanquam aliorum status certior sit futurus, si mens principis victa non fuerit. In Petro ergo omnium fortitudo munitur, & diuinæ gratiæ ita ordinatur auxilium, vt firmitas, quæ per Christum Petro tribuitur, per Petrum Apo-

stolis conferatur. Cum itaque dilectissimi tantum nobis videamus præsidium diuinitus institutum; iuste in ducis nostri meritis, & dignitate lætamur, gratias agentes redemptori nostro, qui tantam potentiam dedit ei, quem totius Ecclesiæ principem fecit.] Et Diuus Ambrosius: [Petrus, inquit, Ecclesiæ præponitur. Itaque antè significat Dominus quid sit illud, quod postea cum pastorem elegit Dominici gregis. Nam huic dixit: Tu autem conuersus confirma fratres tuos. Item Theophylactus: [Planus, inquit, huius loci intellectus hic est: Quia te habeo, vt principem discipulorum; postquam negato me flexeris, & ad penitentiam veneris, confirma cæteros. Hoc enim te decet, qui post me Ecclesiæ petra, & fundamentum es.] Tum D. Augustinus: [Quid ambigitur? inquit. Pro Petro rogabat, & pro Iacobo, & Ioanne non rogabat: vt cæteros taceam. Manifestum est, in Petro omnes contineri: Rogans enim pro Petro, pro omnibus rogasse dignoscitur. Semper enim in præposito populus, aut corrigitur, aut laudatur.]

Et tamen vsque adeò miserabilis cecitas Sectariorum est, vt contra Petri potius principatum ex hoc ipso Lucæ loco, quo ille, vel maximè stabilitur, argumentum petant, Vrgent enim admodum inconsideratè illud: Vos autem non sic: ergo nemo, inquit, debet in Ecclesia cæteris omnibus imperare, id quod faciunt Reges gentium. Quantò rectius contrarium isti concluderent, hoc modo: Si non sic, id est, si non eo modo dominari, seu imperare aliquis Apostolorum debuit, sicut dominantur Reges gentium. Ergo debuit quidem aliquis ex Apostolis imperare (de quo inter eos fuit contentio quis esset) sed alio quodam modo. Quo tandem? [Qui, inquit, maior est in vobis, fiat sicut minor.] Non dicit: [Nullus erit in vobis maior: Nemo imperabit.] Nec: [Qui maior est, fiat, aut sit minor, aut omnino non imperet.] Quorsum enim esset maior? Sed: Fiat, inquit: Sicut minor; hoc est in mansuetudine, sine superbia; sine importunitate imperet. Non igitur summam auctoritatem hic Christus remouet, sed modum in auctoritate summa requirit, eumque longè diuersum ab eo, quem Reges gentium tenent.

Id ipsum confirmamus rursum hoc modo: Qui inter Apostolos maior sit, eum ita vult Christus erga reliquos se gerere, sicut ipse Christus se gessit erga Apostolos. Exemplum enim suum proponit eis, inquit: [Ego aut in medio vestrum sum, sicut qui ministrat.] Atqui Christus ita fuit, sicut, qui ministrat, vt non ideo tamen potestate caruerit. Igitur, nec vult potestate carere eum, quem esse vult, vt minorem cum sit maior, sed modum in vsu potestatis ei præscribit, vt dictum est. Quid multa? Ipse Apostolus Petrus, quò pertinuerit illud Christi magistri sui præceptum, disertè explicat, cum ipsam propè verbis id repetens, ac alios etiam Ecclesiæ Pastores de eo commonefaciens: [Pascite, inquit, qui in vobis est gregem; prouidentes non coactè, sed spontaneè secundum Deum: neque turpis lucri gratia, sed voluntariè. Neque vt Dominantes in-

cle-

cleris, sed forma facti gregis ex animo.]

Tertius locus est clarissimus apud Ioannem. Vbi Christus Dominus ascensus in celum, [Vicarium amoris sui erga gregem (vt inquit Ambrosius) Diuum Petrum relinquens; omnibus eum Apostolis, antetulit,] eique summam tandem auctoritatem Ecclesiam suam regendi, toties antea promissam, attribuit. [Erant, inquit Euangelista, Simon Petrus, & Thomas qui dicitur Didymus, & Nathanael, qui erat à Cana Galilæe, & filij Zebedæi, & alij ex discipulis eius duo, &c. Et dicit Simoni Petro Iesus: Simon Ioannis diligis me plus his? Dicit ei: etiam Domine: tu scis, quia amo te. Dicit ei: Pasce agnos meos. Dicit ei iterum: Simon Ioannis diligis me? At illi, etiam Domine: tu scis, quia amo te. Dicit ei: Pasce agnos meos. Dicit ei tertio: amas me? Contristatus est Petrus, quia dixit ei tertio: amas me? Et dicit ei: Domine tu omnia scis, & scis quia amo te. Dicit ei: Pasce oues meas.] Hic etiam petimus à Lectore, vt hunc in modum ex hoc tam illustri loco, pro Petri principatum in Ecclesia, ratiocinetur. Si Petro singularis aliqua regendi vniuersam Ecclesiam auctoritas à Christo tributa est, qualem ceteri Apostoli non habuerunt; certe Petrus habuit regiminis in Ecclesia principatum. Namque maior in Ecclesia regendi auctoritas sit, quam ea, quæ antecelluit auctoritati alioqui Apostolicæ? At singularis Ecclesiam vniuersam regendi auctoritas, qualem ceteri Apostoli non habuerunt, Petro est à Christo tributa. Habuit hic igitur regiminis in Ecclesia principatum.

Id probatur perspicue ex circumstantijs eius loci apud Ioannem. Primò, [Simon, inquit, Ioannis diligis me plus his?] Cur de præstantiori charitate tum, præ ceteris tum præsentibus, interrogasset, nisi maioris etiam, atque præstantioris muneris auctoritatem ipsi attribuire voluisset? Secundò, [Pasce agnos meos.] Vel vt est Græcè, [Rege oues meas.] Et denique: [Pasce oues meas.] Nempe commisit ei curam omnium Ecclesiæ ordinum; vt regeret non modò vulgares, atque imperfectiores fideles, qui quasi agni suut, & velut paruuli lacte pascendi: sed etiam perfectos, adeoque Pastores ipsos Ecclesiarum, qui velut oues, ac matres sunt cæterorum. Sic enim Diuus Ambrosius hanc Christi sermonis varietatem in hoc loco interpretatur. [Tertio, inquit, Dominus interrogauit: Et iam non agnos lacte pascendos, vt primò, neque ouiculas, vt secundò, sed oues pascere iubetur, perfectiores vt perfectior gubernaret. Tertio. Neque inter has, aut illas oues distinxit: Sed absolute: [Pasce, inquit, oues meas.] Quo ipso aperte significauit, alienum esse à suo ouili quicunque Petrum pastorem non agnosceret; vt scite, atque eleganter concludit Diuus Bernardus. Quamobrem nec Apostolus quidem à Petri cura exemit. Nisi forte non etiam illi Christi oues fuerunt. Quarto. Denique vis verbi, pasce, consideranda est. Quod vsum auctoritatis salutarem in subditos, in regendo & docendo; secundum Scripturæ sacræ consuetudinem, significare, dubium nullum est: quidquid Caluinus contra obgannuerit. Quare Ioannes in recitanda

ea Christi sententia, tali verbo Greco (*poimainein*) vsus est, quod & pascere, & regere significat, vt à sanctissimo Rosensio, & ab alijs ex Scriptura etiam sacra passim est notatum. Nec aliter Augustinus, & Chrysostomus, & alij Patres eius verbi significationem hoc in loco intellexerunt.

Sed quemadmodum hic Christus auctoritatem in Ecclesia primariam Petro attribuerit, quam antea tot modis eidem erat pollicitus, præstat vt Lector ex ipsis verbis sanctorum Patrum, quàm ex nostris intelligat. Chrysostomus: [Ceteris, inquit, omnis solum Petrum alloquitur, curam ei committens fratrum suorum. Et rursus: Interrogat, inquit, discipulum magister, num ab eo ametur? Non quò id ipse edoceatur; verum vt nos doceat, quantæ cura sibi sit gregis huius præfectura. Item ibidem paulò post: Illum, inquit, auctoritate præditum, esse voluit, ac reliquos item Apostolos longè præcellere. Petre enim, ait, Amas me plus quàm hi omnes? Ac rursus: Ecclesiæ, inquit, primatus gubernatioq; per vniuersum mundum ei à Christo concessitus est. Ambrosius: Interrogabat; inquit, Dominus, non vt diceret, sed vt doceret, quem eleuandis in celum amoris sui velut vicarium nobis relinquebat. Sic enim habes: Simon Ioannis diligis me, &c. Petrus testificatur affectum, & ideo quia solus proficitur ex omnibus, omnibus antefertur. Et paulò post: Oves pascere iubetur, perfectiores vt perfectior gubernaret. Cyprianus, Petro, inquit, post resurrectionem suam dicit: Pasce oues meas, super illum vnum edificat Ecclesiam suam (en, sententia Cypriani, quando Christus impleuerit illam promissionem: Super hanc petram, &c.) & illi pascendas mandat oues suas. Et Origenes: Cum Petro, inquit, summa rerum de pascendis ouibus traderetur, & super ipsum, velut terram, fundaretur Ecclesia (en etiam quando impleta promissio?) nullius confessio virtutis alterius, nisi charitatis ab eo exigitur. Theophylactus: Petro, inquit, non alij præferatur omium per vniuersum mundum tribuit. Gregorius: Totius, inquit, Ecclesiæ curam Petro dominica voce commissam esse, cunctis legentibus Euangelium liquet. Item Arnobius, Petrum Episcopum Episcoporum esse inde ostendit, quòd nullus, inquit, Apostolorum nomen pastoris accipit (intellige, ita singulariter & ab ipso Christo) solus enim Dominus dicebat: Ego sum Pastor bonus. Hoc nomen sanctum, & ipsius nominis potestatem post resurrectionem suam Petro penitenti concessit, & ter negatus negatori suo hanc, quam solus habuit, tribuit potestatem. Nec multò aliter hoc idem expressit Diuus Augustinus, vbi ita eleganter scripsit: [Sit amaris officium pascere dominicum gregem, si fuit timoris indicium negare Pastorem.] Quibus verbis quis maximè sit sensus illius loci literalis, quòd toties tamque accurate de singulari amore Petrus examinatus fuerit, Augustinus significauit. Nempe vt intelligeretur, quantopere charitas in subditos, & eorum Dominum, in Præposito necessaria sit. Quod Chrysostomus voluit, vbi suprà, cum dixit: [Dominum interrogasse, vt nos doceret, quan-

quantæ curæ sibi sit gregis huius præfectura.] Et alio loco:] Ter, inquit, interrogat, & semper idem præcipit, inquit: Pasce, vt demonstrat quanti ouium suatum curâ faciat.] Neque ideo tamen id improbamus, quod Augustinus etiam de hoc loco ita commentatus est: [Redditur, inquit, negationi trinitæ trina confessio, ne minus amoris lingua, seruiat, quam timoris; & plus vocis eliciuit feruor, quam imminens quam vita presens.] Quod ipsum & Cyrillus notat in eodem loco; simul ibi Petrum appellans, & principem, & caput ceterorum Apostolorum. Neque eiusmodi Augustini interpretatio impedit, quo minus maximè etiam propter præfecturam gregis Petro commendandam, ita illum Christus interrogauerit, vt Chrysostomus, & alij Patres exponunt.

Sed aliud, inquit Caluinus, est; pasce oues meas, quam habet auctoritatem in eas omnes. Accedit, quod non dicit, omnes. Et ipse Petrus alijs Episcopis inquit: [Pascite qui in vobis est gregem;] Tanquam habeant omnes ex æquo curam Dominici gregis sibi commissam. Atque hæc ferè sunt, quæ aduersus pondus ranti, tamque illustis testimonij, quo Petri principatum confirmant Catholici, leuissimè obijciunt Sectarij.

Quibus respondemus, & vsum aliqui sacræ scripturæ; & huius loci circumstantias; & collationem eius cum locis alijs, in quibus ante summa auctoritas Petro promissa est; & quod magni momenti apud nos esse debet, consentientem interpretationem sanctorum Patrum, satis superque comprobare, pascendi vocabulo, in eo loco, metaphoricè significari etiam regendi auctoritatem. Significat enim ea vox officium eiusmodi erga oues Christi, quod bene, atque conuenienter illæ, & in spiritali vita sustentari, & omnino ad illa vsque pascua vberima vitæ sempiternæ dirigi, atque deduci possint. Hoc autem, si speciemus hominum naturæ conditionem, sufficienter præstari nequit, sine auctoritate etiam, atque vi præcipiendi, adeoque obligandi ipsas oues ad eum doctrinæ, & religionis quasi pascum sumendum, qui iudicetur salutaris à pastore. Quare, in quo Ecclesiæ Præposito Christus significauit esse auctoritatem pascendi, in eodem auctoritatem quoque spiritaliter regendi esse intelligere, debeamus, vt auctoritate Scripturæ, & sanctorum Patrum, & ipsa illius loci ratione, satis hæcenus demonstratum est.

Nec nobis illud quicquam obstat, quod Aduersarij obijciunt, Christum non dixisse: [Oues omnes.] Etenim loci circumstantiæ iam commemoratæ, & sententiæ communis Patrum cogit, nisi velimus esse impudentes, intelligere omnes. Obsecro enim, quænam, & quot, & quales oues intelligendæ ibi sunt, si non oportet omnes intelligi? Certè Christus non distinguat inter has & illas; sed absolute: [Pasce, inquit, oues meas.] Vnde sic sanè, præter ea, quæ prius à nobis allata sunt, licet ratiocinari: Dubium nullum est, quin Christus, ita diligenter commendans Petro oues suas, voluerit ab eo satis intelligi, de quibus ouibus loqueretur. At nisi de omnibus, quæcunque essent suæ, sit loquutus, non satis potuit Petrus, de quibuscumque diceret, intelligere. Con-

sistendum est igitur, illum de ouibus suis omnibus in eo loco loquutum esse. Non enim de ijs, aut illis determinatè, locutus est; nec verò de nullis; nec, si indeterminatè & confusè de aliquibus locutus esset, satis illæ à Petro potuissent distinctè cognosci. Quod rectè etiam ante nos doctissimus Caietanus in eruditissimo illo suo tractatu de Romani Pontificis institutione concludit.

Iam verò Petrus Episcopos item alios, vt gregem pasceret, admonuit; non quia, par illis esset commissæ cura totius Christi gregis in vniuerso orbe pascendi: sed quia, illi etiam certè, sub Petro, pascere oues Christi debuerunt, & hodie debent: vnusquisque in assignato sibi loco. Itaque nec dicit Petrus absolute: Pascite gregem; sicut ipsi à Christo generatim, atque absolute dictum est; [Pascite oues meas. Sed: Pascite, inquit, qui in vobis est, gregem;] id est, vnusquisque illum, quem fidei, atque curæ suæ habet commendatum. Vt si Rex ad consules diceret: Regite prudenter commissas vobis ciuitates: nunquid propterea significaret, auctoritate regendi consules esse sibi ipsi pares?

IV. Atque hæc quidem testimonia, quæ pro Petri primatu hæcenus ex Euangelio proposuimus, potissima sunt: quibus etiam SS. Patres ad eam rem maxime sunt vsi. Sed illis tamen ita positis, atque confirmatis, non minimi ponderis ad eam assertionem stabilendam alia quædam Euangelij testimonia videri debent, quæ solent huc etiam auctores Catholici non immeritò referre. Huius generis est, quod Christus Dominus soli Petro nominatim iussit, vt pro se, & pro illis ijs, qui tributum exigebant solueret statuerem, id est, duo didrachma, vt exponit eo loco Diuus Hieronymus. Qua re primatum Petri significari Christum voluisse, Patres non absurde intellexerunt. Genus enim illud tributum, quidam erat census capitis, id est, vel patrisfamilias, vel certus primogeniti, ac præcipui in familia post ipsum, vt D. Chrysostomus interpretatur. Qui & propterea ita inquit: [Cum primogenitus esset Christus; Petrus quoque discipulorum primus esse videretur, ipsum adeunt, &c.] Ac post aliqua: [Hunc locum, inquit, Marcus, qui discipulus Petri fuit, ideo non scripsisse videtur; quoniam ingens hinc honor magistro deferretur.] Item paulò post: [In illa hora, inquit, Petrum omnibus discipulis prætulit.] Item Augustinus: [Saluator, cum pro se & Petro dari iubet, pro omnibus exsoluisse videtur. Quia sicut in Saluatoris erant omnes causæ magisterij, ita & post Saluatorem in Petro omnes continentur. Ipsum enim constituit esse caput eorum, vt pastor esset gregis Dominici.] Hinc factum est, vt occasione huius honoris Petri, [in illa ipsa hora, sicut Euangelista uarrat, discipuli adierunt Iesum, dicentes; quis putas maior est in Regno cælorum? Quia viderant, inquit Hieronymus, pro Petro, & Domiuo idem tributum redditum; arbitrati sunt Petrum omnibus Apostolis esse Prælatum. Item Chrysostomus: Veritè, inquit, turbationem præsteri suam, non aperte quare Petrum ipsis præponeret, sed confusè: Quis ergo maior est, interrogarunt? Et rursus: Cum ad vnum, inquit,

inquit, delatus honor est; tunc nimirum doluerunt. Quanquam non ex hac re solum, sed ex alijs multis inflammari fuerunt. Tum, quia dixit illi: Dabo tibi clauis Regni celorum. Tum quia: Beatus es tu Simon, &c. Tum etiam hic; Da illis pro me, & pro te. Eodem serè modo loquitur in illum locum Origenes.

Huc addunt etiam Doctores Catholici, quòd Matthæus, cum Apostolorum nomina recensere constitueret: [Nomina, inquit, Apostolorum hæc sunt. Primus Simon, &c. Vbi apparet, illum ad ordinem dignitatis respexisse, non ad ordinem temporis, quo essent Apostoli à Christo vocati. Ita enim Andreæ primum dicere debuisset: nempe quem primò vocatum esse constat. Quare Ambrosius: [Prior, inquit, secutus est Andreas Saluatorem, quam Petrus: & tamen primatum non accepit Andreas, sed Petrus.] Et animaduertatur contra Sectariorum cauillationes, Doctores Catholicos non inde argumentari, quòd Matthæus primò nominauerit Petrum, sed quòd diserte dixerit: Primus Simon, &c.

Nec obscure idem Petri primatus significatur etiam illius generis locis, quibus perhibetur ipse nomine omnium Apostolorum, vel interrogasse Christum, vel eidei respondisse, vel ab eo, de necessaria doctrina pro omnibus, peculiariter fuisse instructus. [Per vnum, inquit D. Cyrillus, qui præerat, omnes respondent. Sanctam profectò disciplinam optinè seruantes, & posterioribus prudentiè, atque modestè relinquentes exempla. Decet enim non omnes confusè proflire, sed credere ijs, qui & consilio, & ordine præpositi sunt. Hæc Cyrillus in eum locum vbi Christo interroganti: Nunquid, & vos vultis abire? Petrus respondit: Domine, quo ibimus? Verba vitæ æternæ habes.] Accedit quòd vbi mentio in historia sacra collegij Apostolici facienda fuit, passim videas solum Petrum, cæteris non nominatim expressis, planè tanquam ipsorum caput nominari, [Prosecutus est eum, inquit Marcus, Petrus, & qui cum eo erant. Item Lucas: Dixit Petrus, & qui cum illo erant. Et rursus: Stans autem Petrus cum vndecim, leuauit vocem suam, &c.] Nonne modus ipse narrationis indicat, ex omnibus Petrum fuisse præcipuum, cui reliqui tanquam præposito suo adhererent? Hoc ipsum, & ea re significatum est, quòd ad illum primò Christus lauaturus omnium pedes accedit; quòd illi nominatim suam resurrectionem nunciari voluit, &c. Atque inter cætera eiusdem generis indicia, quæ ex Euangelio pro primatu Petri, diligenter etiam à Ioanne Turrecremata collecta sunt: illud mihi videtur à D. Bernardo pulchrè notatum esse, quod apud Ioannem legimus, Petrum fe mari commississe, vt ad Christum in littore consistentem perueniret, cæteris discipulis nauigio venientibus. [Quid istud est, ait Bernardus: Nempe signum singularis Pontificij in Petro, per quem non vnâ Ecclesiam, vt cæteri quique suam, sed sæculum ipsum gubernandum suscepit. Mare enim sæculum est; naues Ecclesiæ. Hinc est, inquit, quod altera vice, insitit Domini, gradiens super aquas, vnicum se Christi vicarium designauit, qui non vni populo, sed cunctis

præesse deberet. Siquidem aquæ multæ, populi sunt multi.]

V. Præterea colligit Orthodoxi primatum Petri ex rebus ab eo gestis, quæ in actis præsertim Apostolicis commemorantur. Ille enim post Christi resurrectionem publicè ad multitudinem ex omni natione congregatam primus concionem habuit, adeoque in nationibus, inquit Ambrosius, fidei fundamenta posuit. Ille omnium primus in curatione claudi mirabiliter fidem confirmat. [Si enim Petrus petra est, inquit Ambrosius, super quam ædificatur Ecclesia; rectè primus pedes sanat, vt sicut in Ecclesia fidei fundamentum continet, ita & in homine membrorum fundamenta confirmet. Ille exurgens in medio fratrum, statuit aliquem in locum Iudæ fuisse eligendum. Qua de re Chrysostomus: Vide, inquit, seruorem. Quam agnoscit fidei creditum à Christo gregem? Quam in hoc choro princeps est, & vbique primus omnium incipit loqui? Ad hunc enim, inquit Christus: & tu aliquando conuersus confirma fratres tuos.] Ille præ cæteris in Anania, & Saphira condemnandis auctoritate vltus est. Ille Simonem Magum, hæreticorum primum, ex Ecclesia eiecit, deinde Romæ palam reuicit, vt plerique veteres testes sunt. Ille mota controversia de obseruatione legalium, primus in Apostolico Concilio loquitur, reaque definit tanquam princeps decreti, vt affirmat Hieronymus. [Vos enim scitis, inquit in eodem Concilio Petrus, quoniam ab antiquis diebus Deus in nobis per os meum (neque singulari cum auctoritate) elegit audire gentes verbum Euangelij, & credere.] Vnde & ipsi omnium primò visionem celestis monstratum est, gentes etiam in Ecclesiam Christi debere recipi. [In summa vbique, inquit Chrysostomus, Petrus primus inuenitur. Quando eligendus Apostolus, hic primus: Quando loquendus Iudeis, non esse Apostolos ebrios; quando curandus claudus; quando concionandus; quando agendum, contra principes; quando contra Ananiam, quando ab vmbra sanationes fiebant, hic erat. Et vbi quidem erat periculum, hic; & vbi moderatio. Vbi autem tranquillitate res erant plenz; communiter omnes. Sic non exigit honorem maiorem.] Atque vt hic Chrysostomus Petrum à facilitate, & submissione commendat, quòd vbi opus auctoritate non fuit, cæteris Apostolis minime se antecellit: ita vicissim Apostolis reliquis laudi dat, quòd sine controversia Petrum, post Christi resurrectionem superiorem suum, in omnibus illis actis, de quibus iam dictum est, agnouerunt. [Considera, inquit, quo pacto concedunt ei solum (cum de successore Iudæ eligendo ageret) nec amplius ambigunt disceptantes inter sese, quis futurus esset eorum maior. Et clarissimè in alio loco: Nondum, inquit, gratia Spiritus sancti corroborati, faciliè mouebantur, gratia verò accepta non tales nempe fuerunt, sed vbique primatum Petro præbent, & in concionibus cum anteponunt, quamuis cæteris rudior videretur.] Tractat hoc argumentum à Petri rebus gestis eruditè inter cæteros Rossensis, articulo 25. aduersus Lutherum.

Verùm hic Lutherus & Caluinus, & Scgarj

Alij reliqui clarissimæ luci tenebras offendere nituntur, contenduntque impudenter, Petrum nequaquam exercuisse aliquando eiusmodi in Ecclesia primatum. 1. Non enim constat, inquit, cum in reliquos Apostolos auctoritate esse vsum. 2. Quinimò ipse cum Ioanne missus est ab illis in Samariam. 3. Deinde cum electio Matthiæ, & septem Diaconorum facienda fuit, non à Petro est facta, sed ab omnibus æquè Apostolis facta sunt sortes. 4. Nec solus etiam controuerfiam de religione definiuit, sed in concilio res decernitur. Vbi & Iacobus quidem cum auctoritate dicit: [Ego iudico &c.]. Sed & D. Paulus dissentit ait: Mihi autem, qui videbantur esse aliquid [loquitur de Petro, Iacobo, & Ioanne] nihil contulerunt. Sed contra, cum cognouissent, quod creditum est mihi Euangelium præputij, sicut Petro circumcissionis (qui enim operatus est Petro in Apostolatam circumcissionis, operatus est, & mihi inter gentes) & cum cognouissent gratiam, quæ data est mihi, Iacobus & Cephas, & Ioannes, qui videbantur columnæ esse, dexteræ dederunt mihi, & Barnabæ societatis: ut nos inter gentes, ipsi autem in circumcissionem. 6. Accedit quod Paulus etiam in faciem Petrum reprehendit.

Hæc ita ordine expediuntur. 1. Aliud est; Petrum non habuisse auctoritatem in reliquos Apostolos: Aliud; propter eam modelitiam, atque submissionem, quæ ipsi à Christo Luca 22. commendata fuit, eiusmodi auctoritate in illos non fuisse vsum. Illud primum omnino falsum est: Hoc vltimum, absque incommodo dari potest. Atque id tantum ea fere probare possunt, quæ sunt obiecta. Nam cum reliqui Apostoli ipsi per se, quam decentissimè omnia facerent, quid opus habuerunt Petri imperio? Rectissime enim, D. Gregorius: [Si qua, inquit, culpa in Episcopis reperitur; nescio quis Episcopus sedi Apostolicæ subiectus non sit. Cum verò culpa non exigit: omnes secundum rationem, humilitatis æquales sunt.] Huius igitur moderationis seruanda exemplum suis Petrus successoribus præbuit.

2. Quod verò ab alijs Apostolis, ut Samaritanis manus imponeret, cum Ioanne missus fuerit, id verò nihil obstat. Sæpe enim, qui præcipui sunt de collegio, mittuntur. Nam & filij Israel miserunt ad filios Ruben Phinees, filium Eleazari sacerdotis, [& decem principes cum eo.] Fuit autem Phinees Dux eorum coram Domino, [ut historia sacra testatur.] Ac sanè si mittendi vocabulum nimis hoc loco premere velint Sectarij; non modò Petrum superiorem cæteris non fuisse, concludere debebunt, sed ne parem quidem: quod illi tamen non contendunt. Etenim vulgò, & communiter, ut inferior non mittit superiorem, ita neque æqualis æqualem. Peculiari autem modo missionis, videlicet rogatu potius, & conuentione, quam imperio; constat & pares, & superiores etiam quandoque solere mitti, præsertim à toto aliquo collegio, sicut tunc Petrus, & Ioannes missi fuerunt.

3. Quod autem ad electionem Matthiæ, & Diaconorum atinet, respondet pro nobis luculenter D. Chrysostomus: [Quid? inquit. An non licebat ipsi Petro eligere? Licebat ei

quidem maximè. Verùm id non facit, nec qui videretur gratificari.] Non igitur, quia non potuit, sed quia expedire non putauit, ipse non elegit. Et tamen in eo ipso genere satis ea re primatum suum ostendit, quod de electione faciendâ reliquos ipse cum auctoritate admonuit: ut Chrysostomus etiam annotauit supra intelleximus. [Oporteret enim, inquit, ex his viris, qui nobiscum sunt vnum eligere, &c.]

4. Idem de congregato Concilio Apostolico, ob controuerfiam de obseruatione Legalium, sentiendum est. Quid enim auctoritati suæ Petrus derogauit, quod ex aliorum etiam consensu rem decerni voluerit? Nec verò in ea ipsa re auctoritas Petri non emiuit. Ipse enim primus sententiam pronunciauit, [quo etiam loquente, tacuit omnis multitudo,] cæterique deinde illius sententiam sunt sequuti. Nam quod Iacobus dixit: Ego iudico; quid obstat? Nempe iudicant idem, quod caput cæterorum Petrus. Et expediebat, ut de Iacobi sententia, iudicioque constaret; quia Hierosolymis quæstio mota fuit, [vbi ille, inquit Chrysostomus, Episcopus erat, & ut in ore duorum, vel trium testimonium staret omne verbum.]

5. Iam verò D. Paulus significat quidem Apostolatus dignitate parem se Petro, & reliquis Apostolis fuisse. Quod minime sanè impedit, quo minus, ut ipse etiam omnis Christi erat, Petro inferior fuerit: quemadmodum hoc idem communiter de cæteris Apostolis ex Patrum sententia superius à nobis expositum, atque defensum est. Itaque Diuus Gregorius Paulum cum Petro comparans, minorem fratrem eum appellat: Itemque Diuus Augustinus, posteriorem Petro. Quin & Paulus ipse hunc primatus honorem D. Petro non obscure derulit. Quorum enim [post annos tres prædicationis suæ, ut in eadem epistola ad Galatas legimus, venit Hierosolymam videre Petrum?] Nempe, inquit Chrysostomus, quia os Apostolorum Petrus erat, princeps, & vertex ipsius cætus: propterea Paulus ascendit eum videre præ alijs. Et Ambrosius, vel quisquis fuit ille vetus auctor: [Dignum, inquit, erat ut vellet videre Petrum, cui delegauerat Dominus curam Ecclesiarum.] Et D. Hieronymus: Iuit, inquit, non discendi studio, sed honoris priori Apostolo deferendi. Item Tertullianus: Ascendit, inquit, Hierosolymam Petri cognoscendi causa ex officio, & iure scilicet eiusdem fidei, & prædicationis. Et Theodoretus: Principi, inquit, Apostolorum quem par erat, honorem tribuit.]

Iam quod nihil sibi à Petro, & ab alijs collatum esse dicit: significat quidem, nihil se ab illis didicisse, quod pertineret ad fidem: ut qui erat ab ipso Christo satis in eo genere eruditus, quemadmodum ipse initio etiam eiusdem epistolæ declarat. Quamquam approbationem quidem Euangelij sui à Petro, ut à principe, & ab alijs, [qui videbantur, ut inquit, aliquid esse,] hoc est, ab Ecclesiæ auctoritate, cui Petrus præsidebat; petijt. Adeò ut neget aperte D. Augustinus, fideles fuisse ei Euangelio, quod Paulus prædicauit, credituros, nisi cum illis Apostolis illud contulisset. Quod idem affirmant D. Hieron. & Tur-

& Tertullianus. Atque id clarissime significat illa eiusdem Apostoli verba: [Contuli, inquit, cum illis Euangelium, quod prædico in gentibus, seorsum autem ijs, qui videbantur aliquid esse, ne forte in vacuum currerem, aut ecurrissem.] Iam verò, quod dexteram societatis ei dederunt aliud nihil, quàm equalitatem in Apostolatu significat: quæ non pugnat cum D-Petri principatu, quatenus illius curæ singulariter ipsa fidei fundamenta, ut inquit Nazianzenus, commissa sunt, hoc est, ipsi etiam Apostoli; ut auctoritate Scripturæ, & Patrum suprâ confirmatum est.

Nec quod ait illic Paulus. [sibi in Gentibus, Petro autem in circumcissione Euangelium commendatum fuisse,] ita intelligi debet, quasi nec Petro liceret Gentibus, nec Paulo Iudeis prædicare Euangelium. Contrarium enim constat ex Actis, capite decimo. Vbi legimus, viso linco cælitus monstrato; in quo essent omnia reptilia, & quadrupedia terræ. Petrum cognouisse ad se pertinere, ut Gentēs etiam ad Ecclesiam aggregaret. Quare, & postea quoque discretis verbis pronunciat, [Deum elegisse se, ut ad eius prædicationem gentes crederent Euangelio. Ac de D. Paulo vicissim scriptum est: quod ingressus in Synagogas prædicabat Iesum, affirmans quoniam hic est Christus, & confunde-
bat Iudeos.] Est igitur illa distributio præputij, & circumcissionis inter Petrum, & Paulum facta per accommodationem tantum, quamdam: ut illo videlicet tempore (quoniam ita expedire videretur) Paulus gentibus, Petrus Iudeis singulari cura unciaret Euangelium, quemadmodum rectè Ioannes à Turrecremata exponit. Neque verò qualicumque hæc distributio præputij, & circumcissionis quidquam obstitit, quo minus, & in præputio, & in circumcissione, hoc est, in Iudeis, & gentibus singulari Petrus auctoritate eminerit, ut supra probatum est.

6. Denique, quod Paulus Petrum reprehendit (si maxime illud ab eo non simulatè, ut Hieronymus contendit, sed ex animo, ut vult Augustinus, sit factum) argumento esse non debet, vel parem, vel superiorem auctoritatem ipsum Petro fuisse. Quando enim ita res (præsertim publica) postulat, licet etiam inferioribus superiorum peccata debito cum modo redarguere, ut à D. Gregorio luculenter est explicatum.

VI. Et hæcenus sanè illustrata testimonia pro Petri primatu à nobis allata, & confirmata, & ab Aduersariorum cauillationibus defensa sunt. Sed ut clarius adhuc ipsorum, pertinacia, quod tanta mole testimoniorum non moueantur, ante omnium oculos constituantur; Probemus rursus eam assertionem ipsam ex testimonijs hoc modo: Si posteaquam Christus, & Petro, & reliquis omnibus Apostolis auctoritatem Apostolici muneris communiter attribuit, inquit, [Ite, ego mitto vos: quorum remisistis peccata, &c. Et: Prædicate Euangelium, &c. nihilominus singulariter Petro eum ita dixisse legeremus: Petre, non edificabo super te Ecclesiam meam: Non tibi dabo clauēs regni cælorum: Non quodcumque tu solueris, aut ligaueris super terram, erit solutum, aut ligatum in cælis: Non confirmes tu in fide fratres tuos: Non

pascas tu oues meas. Item: Petrus non est primus Apostolorum, &c.] Si, inquam, hæc in Euangelij historia sic legeremus: obsecro, quis ex Sectarijs dubitaret, quia in eiusmodi enunciationibus negatiuis, [edificatio Ecclesiæ super Petrum; clauēs regni cælorum; cura singularis pascendi oues; auctoritas fratres in fide confirmandi; primatus,] & similia vocabula potestatem in Ecclesia post Christum summam significarent; Au clariora (dicerent) testimonia contra Petri primatum requirimus: En, verbum habemus ipsius Christi manifestum. [Non edificabo, ô Petre, super te Ecclesiam meam. Non tibi clauēs regni cælorum dabo. Non pascas tu oues meas. Non confirmes tu in fide tuos fratres, &c.] Quid vos Papistæ? An non videtis hic à Christo discretis verbis negari primatum? Quid enim aliud clauēs regni cælorum? Quid Ecclesiæ fundamentum? Quid cura singularis oues pascendi, & confirmandi fratres, nisi primatum in Ecclesia significat? Et tamen, hæc omnia (dicerent) Christus negat Petro, &c. Equidem minime dubito, quin pluribus etiam verbis, si quæ talia testimonia ex Euangelio recitari possent, nobis isti insultarent, ut qui nec iam venient, nullis, ne probabilibus quidem, testimonijs aut argumentis freti lactare, eius primatus assertorem, & commentitiam, & cum Euangelio pugnantem, esse. Nunc igitur ita concludo. Quod in enunciationibus illis negatiuis: [Non super te, ô Petre, edificabo Ecclesiam meam. Non tibi dabo clauēs regni cælorum. Non es tu primus Apostolorum, &c. vocabula illa: Fundamentum ædificationis Ecclesiæ; clauēs regni cælorum; manus pascendi, & confirmandi primatus, &c.] significant; hoc idem significant in contradicentibus enunciationibus affirmatiuis, quæ iam exstant in historia Euangelij: Nempè in his: [Super te edificabo Ecclesiam meam: Tibi dabo clauēs regni cælorum: Confirma fratres tuos: Pascas oues meas: Primus Apostolorum Petrus, &c.] (Eadem enim ipsa vocabula in his affirmatiuis enunciationibus usurpantur) Sed in illis enunciationibus negatiuis ea vocabula significarent primariam aliquam, ac summam in Ecclesia auctoritatem post Christum, quæ Petro negaretur (ut iam ex ipsa etiam mente, & sensu tacito Aduersariorum ostentum est) Igitur hanc eandem primariam auctoritatem, quæ Petro sit tributa, significant illa vocabula in ijs enunciationibus affirmatiuis, quas in Euangelio iam legimus: & vi consequens efficitur, optimè primatum Petri testimonijs illis ex Euangelio productis confirmari.

Hic nili, vel concientia reclamante, vel præcipitante inleuiā, & incogitantia, nihil ab Aduersarijs responderi posse, certissimum sanè sum. Nam quid dicant? An non idem illa vocabula in enunciationibus affirmatiuis significare, quod significarent in negatiuis? At cum propositiones contradicentes, hoc est, affirmatiuæ, & negatiuæ, ex ipsam alioqui terminis constantes, formantur: quis tam, omnis artis, atque etiam rationis expertus est, ut non intelligat, eosdem terminos siue vocabula eandem significationem vtrouique retinere? Quid igitur? Num contendunt, in negatiuis illis: [Non edificabo super te, ô Petre,

tre, Ecclesiam meam, &c.] vocabulis illis fuisse Christum significaturum non propriè aliquem auctoritatis principatum, sed ipsam omnino auctoritatem Apostolicam muneris, quam solam proinde etiam in affirmatiuis nunc significat? At excludit proflus hanc responsionem nostri argumenti hypothesi; quæ cum nihil contineat repugnans; & explanationis tantum gratia à nobis sumatur; rejici certè, nec debet, nec potest. Posuimus enim, Christum, posteaquam, & Petro, & reliquis Apostolis communiter auctoritatem, Apostolice muneris alijs verbis concessisset; nihilominus singulariter Petro dicere. [Non super te, ô Petre, ædificabo Ecclesiam meam: Non tu confirmes fratres tuos, &c.] Ita principatum propriè aliquem auctoritatis Apostolicæ eiusmodi verbis Christus significasset, Petroque negauisset: Non autem communem Apostolorum auctoritatem, quam alijs concessisset eidem, vt ponimus. Quandoquidem igitur iisdem illis vocabulis in affirmatiuis enunciationibus contradicentibus, quæ in Evangelio exstant, vtitur; profectò eundem à Christo auctoritatis principatum inibi significari, Petroque attribui consistentem est.

VII. Suppetit etiam Catholicis ad eandem confirmandam assertionem præter testimonio ratio, quæ partim ex Scriptura, partim ex ipsa natura Ecclesiæ, & diuina providentia erga illam duci potest hoc modo: Si Christus voluit Ecclesiæ regimen esse monarchicum, quod ab vno videlicet, in quo principatus auctoritatis post Christum esset, penderet; necesse est sateri, Diuum Petrum esse, quem huic rei præfecit. Nam quem, obsecro, potius existimare possumus? cum tantum non expressis verbis legamus in Evangelio Christum dicentem; [Volo, vt Petrus summa post me auctoritate in Ecclesia poleat,] vt ex allatis supra testimonijs apparet. Atqui Christus Ecclesiæ suæ regimen monarchicum esse voluit. Petrum igitur illi præfecit. Id confirmamus. Nam constat Christum conuenientissimo, atque optimo modo voluisse providere, vt Ecclesia, quæ varia, atque multiplici conditione hominum continetur, vna esset vnitæ doctrinæ, caritatis, pacis, &c. vt supra demonstratum est, cum de eiusmodi Ecclesiæ proprietate, quæ est vnitatis, inter cætera ageremus. Nec enim fuisset aliqui Christus Dominus vtilitatem Ecclesiæ sponsæ suæ satis prouidus: Siquidem experientia cognitum est, perniciem, ac pestem communitatem omnium esse dissidia: contra verò optimum illarum esse statum, cum est omnium partium consensio stabilis, atque firma pax. Est autem eius vnitatis in Ecclesia conseruandæ modus sanè optimus, si omnes ex vnius auctoritate in terris post Christum suprema pendeant.

Quod dupliciter probamus. Primum ab ipsa profectò ratione vnitatis. Nam, quod potest accommodatius esse quasi principium, & causa vnitatis, quam vnitas? Etenim contra videmus, omnia dissidia, & quæcumque controuersias in communitatibus non nisi ex aliqua tamdem diuersitate proficisci, vel opinionum, vel voluntatum. Deinde id ipsum intelligi debet ex ijs omnibus rebus, quas vi-

demus, ab auctore ipso mundi Deo, quam optime factas, atque constitutas esse. Quæcumque est enim in omni genere multitudo, sic est ab eo condita, institutaque, vt quoad eius fieri potest, ex vnitæ pendeat, ab eaque contineatur. Satis, vt appareat bene esse, multitudini eo modo prouidum. Hoc in corpore animaduertere humano licet; cuius omnes partes ab vna quadam præcipua, nempe à capite, vel corde, in quo sit vix quasi principatus, vim suam percipiunt. Hoc in arboribus, quarum omnes ramusculi per ramos, & omnes rami per truncum ad vnam radicem pertinent, ex qua succum attrahunt. Idem in bestijs etiam minimis, quæ quidem congregari solent, cernere possumus. Vt in gruibus, vt in apibus, quæ ducem vnum, & tamquam regem suum sequuntur. Denique ne singula persequar, id in ipsa cernitur vniuersitate rerum, quæ quidem res, quoniam (vt ait in duodecimo libro primæ Philosophiæ Aristoteles) nolunt malè disponi, sed bene, hoc est, quia rectissima quadam inclinatione omnes in optimum sui statum propendunt; non plura principia, sed vnicum habent à quo velut à principe vno reguntur, vt concludit etiam in illo loco Philosophus.

Ac sanè Respublicas, quam optime constituit monarchico ordine, idem Philosophus libro octauo Ethicorum, & tertio Politicorum euincit. Itaque, & in veteri lege vnus sacerdos summus præficebatur, cuius auctoritate finirentur omnes controuersiæ: quaudiu Synagoga quidem finem nondum fuit habitura, sicut habuit temporibus Christi. Quin & Sæcarius quidam, non infimi inter Lutheranos nominis, palam aliquando affirmauisse ferunt, nisi vnus aliquis, tamquam Archiepiscopus, reliquis omnibus Sæcarijs in causa religionis præsit, Synagoga ipsorum neuriquam posse consistere. Nempe quia, & isti experiuntur, nullam aliquam disciplinam religionis facile conseruari posse, nisi contineatur vnus auctoritate. Ac multa præterea, quæ illustrent, confirmantque hoc argumentum, tractata sunt inter cæteros à D. Thoma lib. 4. contra Gentem, cap. 76. & à Turceremata lib. 2. de Ecclesia, cap. 2. & 4. & plura non ita pridem à Nicolao Sandero in accurato illo suo opere de visibili Ecclesiæ monarchia in quinque libris prioribus. Nos breuiter tantum volumus ostendere nequaquam defuisse rationem, quæm obrem Christus regimen, Ecclesiæ voluerit esse monarchicum, cui Petrum præfecit, vt in primis constat ex propositis auctæ Evangelij testimonijs; si maxime nulla nobis eius institutionis ratio perspecta esset.

Verum hoc etiam loco nobis obstrepat Caluinus. Arbitratur enim ille nequaquam expedire, vt vnus Ecclesiæ toti præficiatur; vt nec expediat, inquit, vnum orbem toti in temporalibus dominari. Quin, & exempla nostra aduersus nos retorquet. Nam quod ad apes attinet, singuli, inquit, Reges suis aluearibus contenti sunt. Cur non igitur sit contentus Romanus Pontifex Romana suæ diocæsi? Præterea, vt maxime oportet Ecclesiæ totius esse vnum caput, illud certè est Christus, non alius.

Respondet. Primum assertio nostra non illa

illa ratione præcipue nititur, sed Christi instituto, quod constat ex Euangelij perspicuis testimonijs. Deinde, & illam quoque rationem congruentem esse defendimus. Nec enim, si non expediret, vnum præfelle vniuerso mundo in temporalibus, illico sequeretur, neque in spiritualibus vnum præponi omnibus debere. Gubernatio enim temporalis plus multo habet negotij, & ac proinde non æquè commodè potest per vnum administrari. Præterea longè difficilis est, pena temporali, quàm spirituali eos coercere, qui longissimè distant. Animaduersioni enim spiritualis, vt excommunicatio, &c. nullo locorum intervallo, quo minus efficax esse possit, impeditur. Denique reliqua omnia, quæ ad gubernationem spirituales pertinent, faciliè ab vno Pontifice administrantur, modò Episcopis & alijs ministris inferioribus tantam pro ratione locorum, & rerum, & aliarum circumstantiarum impertiat auctoritatem, quantum satis sit ad commodam omnium expeditionem. Neque enim, qui vniuersæ Ecclesiæ Præfatus est, debet omnia per se ipse conferre.

Quod autem Caluinus deinde nobis obijcit, singulos quoque apium reges contentos esse suis alucariis: id sanè rationem nostram confirmat. Cogitare namque Caluinus debuit, non modò vnamquamque Ecclesiam, aut diocesim particularem, sed Ecclesiam etiam vniuersam tanquam vnum esse aluere. Itaque vt qualibet alucaria suum habent regem; sic tota Ecclesia, quæ vniuersa est vnitatem totius, vnum etiam, quasi regem, idest, vniuersalem Pastorem habeat oportet: non minus, quàm vt qualibet Ecclesia particularis habeat etiam particularem Præpositum suum. Caluini verò cauilario procederet, si particulares duximur Ecclesias voluisset Christum vnitatem retinere, & non etiam statueret, vt vniuersa quoque Ecclesia, quæ ex particularibus, tanquam ex partibus, constat, vnica esset. Nunc verò, quia Ecclesia etiam tota, instituto, atque voluntate Christi, est vnica, necesse Caluinus habet, huic quoque magno aluari suum, quasi regem concedere.

Quamuis autem Christus sit nunc etiam omnis Ecclesiæ caput: tamen vt fidelium congregatio visibilis est, sic oportet, vt, quò suauiter gubernetur, caput etiam in terris visibile, idest, vnum Pastorem habeat: licet is ipse quidem ab illo pastore primario Christo pendeat, vt supra satis ex sententia Patrum explicatum est. Nec ideo, vt Aduersarij nugantur, Ecclesiam monstrosam corpus facinus: Sed ratio metaphoræ animaduerti debet. Christus regit Ecclesiam primò, & principaliter. Vicarius eius etiam id facit in terris summa secundum ipsum auctoritate. [Omnes enim hic propriè regit, inquit Diuus Leo, quos principaliter regit, & Christus.] Hoc solum, quod ad rem ipsam attinet, significare volumus, cum & Christum, & eius Vicarium caput Ecclesiæ appellamus. Quemadmodum etiam, & Petrus petra fundamentalis Ecclesiæ est à Christo appellatus, cum ipse Christus maximè sit petra, & fundamentum. Communicat enim Christus alijs sua nomina, & potestatem, & habens dat, vt

Tom. XIII.

supra ex sanctis Patribus audiuius.

VIII. Quæ cum ita sint, meritò sanctissimi Ecclesiæ Patres quorum sententias magna ex parte hæcenus recitauimus, Euangelij testimonijs supra citatis adducti sunt, vt Petro primatum in Ecclesia fuisse à Christo prætutum assererent. Ambrosius asseruit, D. Petrum [à Christo omnibus prætatum fuisse, & tanquam Vicarium in terris relictum.] Hieronymus, [fuisse caput omnium Apostolorum.] Augustinus, [Primum in discipulis habuisse.] Gregorius: [Cunctis Euangelium legentibus liquere, voce Dominicæ Petro Apostolorum principi totius Ecclesiæ curam commissam esse.] Idem quod ij quatuor Ecclesiæ Doctores, asseruerunt, æquè luculentis verbis ceteri Patres Latini. Hilarius, Cyprinus, Optatus, Prosper, Maximus, Anobius, Beda, Bernardus &c. Nec minus clarè Doctores Ecclesiæ Græcæ veteriores, à quibus recentes Schismatici degenerarunt. Dionysius vocat summum, & verticalem. Basilus ait: [Omnibus discipulis fuisse prætatum.] Gregorius Nazianzenus: [Vnum ex omnibus discipulis fuisse electum, & eius curæ fundamenta ipsa fidei,] hoc est, reliquos Apostolos, fuisse commissa. Chrysostomus: [Pastorem, & caput fuisse, & vniuerso terrarum orbi à Christo præpositum.] Cyrillus Alexandrinus: [Principem caputque cæterorum.] Cyrillus Hierosolymitanus: [Principem discipulorum, & regni cælorum clauigerum.] Epiphanius: [Ducem discipulorum.] Eusebius: [Christianorum Pontificem primum.] Idem Origenes, Theophylactus, Euthymius, Occumenicus, vt reliquam vtriusque Ecclesiæ Doctores turbam iam omitam, quem dinumerare nemo potest, inquit appositè Caietanus in tractatu de institutione Romani Pontificis cap. vltimo.

Neque tamen antiqui Pontifices sanctissimi, iidemque maiore ex parte insignes Christi Martyres, qui & ipsi Petri primatum ex Euangelio confirmauerunt, quæ testimoniū in propria causa perperam dicerent, vt calumniatur impudentissimè Scædarij, parui pendii in hac quæstione debent. Nam præterquam, quòd eos, & sanctitatis, & doctrinæ singularis existimatio, & martyrij gloria, iure, ac merito apud prudentes omnes ea suspicione liberat, obscuro, qui fieri potuit, vt ad vnum omnes tam multi, tamque, & uatione, & ætate varij ad causam propriam, inique tuendam conspirassent? Igitur ex eo numero Summuorum Pontificum non tanquam priuatam causam, sed tanquam Ecclesiæ Christi communem, plerique viri, & zelo religionis, & studio veritatis, vsque ad vitæ profusionem, magna ex parte, insignes Diui Petri primatum asseruerunt; præsertim Clemens, Anacletus, Euaristus, Alexander, Pius primus, Victor, Cæphrinus, Marcellus, Eusebius, Melchisedes, Iulius Primus, Felix secundus, Damasus, Innocentius Primus, Leo Primus, Gelasius, Anastasius, Vigilius, Pelagius Primus, Gregorius, & reliqui omnes his posteriores. Quibus adde grauissima, sanctissimaque iudicia Patrum in Occumenicis Concilijs, Nicæno primo, & Chalcedonensi. Item in quinta, & sexta, & septima, & octaua Synodo, & in Romana sub Symacho,

macho, & in alia sub Nicolao, & in alia Lateranensi, sub Innocentio Tertio, & in Florentina, ubi Græci tandem in ea sententia cum Latinis conuenerunt. De provincialibus autem Concilijs longum esset dicere. Quare habentes tantam nubem testium, tamque firma ad hanc rem Scripturæ sanctæ testimonia, iure, ac merito hunc in modum cum Diuo Leone concludimus. [Quisquis Petro, inquit, principatum æstimat denegandum, illius quidem nullo modo potest minueri dignitatem, sed inflatus spiritu superbiæ suæ, semetipsum in inferna demergit.]

*Primariam illam in Ecclesia auctoritatem
successoribus etiam Diui Petri à
Christo conferri.*

Hæc vis, atque sententia huius propositionis est, voluisse Christum, vt Petro vita defuncto aliquis perpetua serie successionis in locum Petri ab Ecclesia reciperetur, cui Christus ipse auctoritatem supremam, sicut Petro conferret de fidei, & alijs rebus ea constituendi, quæ ad salutem fidelium pertineant. Hanc autem catholicam assertionem Ioannes Wiclephus hæreticus negauit, cuius error vigesimus septimus (vnà cum alijs in Concilio Constantiensi damnatus) fuit talis: Non est, inquit, scintilla apparentis, quod oporteat in spiritualibus esse vnum caput regens Ecclesiam, quod semper cum ipsa Ecclesia militanter conuersetur, & conseruetur. Quem errorem Lutherus, & Caluinus, & reliqui Sectarij recentiores secuti sunt.

Probatio Prima.

Contra hos omnes probatur assertio nostra; Primum ex consensu Conciliorum, & Patrum supra citatorum, atque adeo totius Ecclesiæ catholicæ, quæ verba illa: [Tu es Petrus, idest, solidus in fide; & super hanc petram &c.] Itemque illa: [Confirmabo fratres tuos, & Pasce oues meas;] ad Petri etiam successores pertinere intellexit. Quod vnum aduersus omnes hæreticorum corruptelas, & vanas interpretationes satis esse nobis deberet. Nam quod sæpè dicendum est, ille est certissimus Scripturæ sensus, quem Ecclesia esse intelligit. Peculiariter autem ad eius rei confirmationem valent ea sanctorum Patrum testimonia, quæ etiam nominatim confirmant, Romanos ipsos Pontifices, illos Petri successores esse, ad quos item ea Christi verba, Diuo Petro dicta, pertineant. De quibus testimonijs postea etiam suo loco dicemus.

Probatio Secunda.

Deinde eadem assertio probatur tum ex ipsis Christi verbis ad D. Petrum, tum etiam ex eo fine, cuius causa Petrum vniuersæ Ecclesiæ præfecerat. Ex verbis quidem. Nam dum ait absolutè: [Super hanc petram ædificabo Ecclesiam meam:] proculdubio de Ecclesia illa loquitur, quæ iuxta certissimas promissiones ad finem. vsque mundi duratura est: hæc enim est omnino illa Eccle-

sia ipsius. Hanc autem Ecclesiam ita perpetuò duraturam edificare supra Petrum ipsum solum non potuit. Intellexit igitur ibi Petrum, & successores eius, vt optimè Diuus Thomas libro aduersus gentes, tertio est argumentatus. Item ex eo quod Christus dicit: [Pasce oues meas,] dupliciter eadem veritas colligitur; vt eruditè à Caietano in tractatu de institutione Romani Pontificis notatum est. Primum, quoniam officium, ibi pastoris ordinarij insituit: vt vel ex ipso pastoris nomine (quod ordinarium quoddam officium significat) intelligi potest. Necessè autem est, vt pastoris officium ordinarium tamdiu duret, quamdiu ipsum ouile duraturum est. Fuit autem Christi ouile in finem, vsque mundi duraturum; neque illud solus Petrus sine successoribus perpetuò pascere potuit: Est igitur auctoritas eius officij non Petro tantum, sed etiam eius successoribus à Christo commissa. Deinde, quia oues meas itidem absque exceptione dicit: proinde oues omnes intelligit, quæ vsque ad consummationem sæculi essent vnum ouile serie perpetua. Has autem omnes solus Petrus, vt iam dictum est, pascere non potuit. Quare tradita est etiam successoribus auctoritas illas pascendi.

Probatio Tertia.

Iam ex ipso etiam fine, cuius causa Petrus eiusmodi auctoritatem accepit, idem probatur. Is enim finis fuit, vt vno pastore, [atque capite constituto, schismaticis tolleretur occasio, inquit Hieronymus, & vt vna Ecclesia, & vna cathedra esse monstraretur, inquit Cyprianus, & vt in illa vna cathedra vniuersitas ab omnibus seruaretur,] inquit Optatus, & in summa, vt Ecclesiæ ipsi toti, quam rectissime Christus ipse sponsus consulere, sicut supra ostensum est. Atqui non minus voluit Christus Ecclesiæ suæ consultum esse defuncto Petro, quam eo viuente, siquidem eam perpetua charitate diligit. Voluit igitur vnum aliquem Petri successorem, illo defuncto, perpetua serie in Ecclesia præesse.

Probatio Quarta.

Accedit quod non minus Ecclesiam suam modo Dei filius diligit, quam olim Synagoga, de qua per Isaiam dixit: [Quid est quod debui ultra facere vineæ meæ, & non feci?] Sed illi pastorem vnum prouidit (omni tempore, quo stare certè illa debuit) vt illius auctoritate controuersæ omnes exortæ definirentur. Igitur & iam Ecclesiæ suæ Petrum pastorem præficiens, perpetuò eum in successoribus suis præesse illi voluit. Nam quod Sectarij quidam comminiscuntur, vnum illum sacerdotem in veteri Synagoga tantummodo debuisse iudicare de controuersijs politicis; nonne ex ipsis Scripturæ verbis manifestissime redarguitur? Etenim cum absolutè dixisset Moyses: [Venies ad sacerdotes, & ad iudicem, qui fuerit illo tempore &c. & facies quodcumque dixerint, qui præsent loco, quem elegerit Dominus, & docuerint te;] quia nimirum consilio etiam illi sacerdoti erat vetendum aliorum, [iuxta legem eius, sequerisque sen-

sententiam eorum, nec declinabis ad dexteram, neque ad sinistram:] continuo subiungit: [Qui autem superbiert nolens obedire Sacerdotis imperio, qui eo tempore ministrat Domino Deo, ex decreto iudicis morietur homo ille.] In omnibus igitur omnino, atque adeo multo maxime in materia religionis, dicto audientes sacerdoti esse oportebat.

At, inquit Caluinus, dispar ratio est. Nam Synagoga, atque etiam Ecclesia, quo tempore vivebat Petrus, angustis terminis continebatur: postea per uniuersum orbem diffusa est. Ita si maxime expediuisset, tunc temporis illi præferre pastorem vnum: tamen non etiam expediret, vt postea quoque vnus ei pastor præsit. Quemadmodum, nec si commodè possit alicui colono vnus, vel alterius agri cura committi, illico sequitur, vt inde expedire, vt agrorum totius orbis cultura vni committatur. Non vidit hic Caluius, illa, quam obijcit, rationis disparitate, nostro argumento vim addi, non minui. Etenim quò maiore ouium varietate, & numero existente, maius est periculum dissidiorum, quibus Ecclesia scindatur; eò maior nunc necessitas est vnus pastoris, cuius auctoritate, & officio controuersie componi possint. Cuius rei, vel ipsæ dissensiones Sectariorum, irreconciliabiles, eò quòd extra ouile Christi oberrantes pastorem vnum minime agnoscant, argumento esse possunt.

Neque verò Caluini exemplum nobis obstat. Pontifici enim vniuersalis quædam cura, eademque spiritualis incumbit, quam ille attributa ministris inferioribus tanta potestate quanta satis sit, haud difficulter sustinere potest, vt supra à nobis explicatum est. Muneris agrorum colendorum alia est ratio. Ex qua si libeat Caluino argumentum ad propositum petere, longius quam ipse etiam volet, progrediatur necesse est. Nempè vt similiter probet, ne vnus quidem diocesis paulò amplioris curam vni Episcopo rectè committi possit. Nam nec vnus potest colonus omnes vnus prouinciæ agros conuenienter colere.

Atque eiusdem farinae sunt reliquæ cauillationes, quibus Sectarij conantur perperam efficere, Euangelij locos, qui sunt de Petri auctoritate, ad aliquos eius successores minime pertinere. Sed ad omnes id genus cauillationes refutandas hæc quasi regula adhibenda est. Quæ Dico Petro à Christo Domino dicta esse Euangelium commemorat, ea duplicis sunt generis. Quædam ad ordinarium Pastoris officium spectant. Vt illud: [Tu es Petrus, & super hanc petram; &c. Et: Confirma fratres tuos. Et: Pascis oues meas, &c.] Alia ad Petri priuatam personam pertinerunt. Vt illud: [Vade post me Sathana. Et: Alius cinget te, & ducet quò non vis.] Et illud etiam: Tu aliquando conuersus, id est, postquam à peccato resipueris per penitentiam. Nec enim necesse est, omnes, qui officio summi pastoris in Ecclesia functuri sunt, prius quam fratres cum auctoritate conferant, in peccatum illud Petri, aut aliud incidere, à quo resipiscant. Iam verò quæ sententiæ sunt prioris generis, ea ad successores etiam Petri rectè censet Ecclesia re-

ferri debere. Posterioris generis non item. Qua de re plura Lector, si necesse esse putat, videre potest apud Turrecreram, & Thomam Waldensem, Caietatum, & Melchiorum Canum. Ego, quæ à me sunt iam breuiter explicata, satis esse iudicio, vt intelligatur, rectissime à D. Leone de auctoritate successorum D. Petri illud scriptum esse, quòd in huius puncti conclusionem oportuè poni potest: [Soliditas, inquit, illius fidei, quæ in Apostolorum principe est laudata, perpetua est. Et sicut permanet, quòd in Christo Petrus credidit; ita permanet, quòd in Petro Christus instituit. Manet ergo dispositio veritatis, & beatus Petrus in accepta fortitudine petre perfruerans, suscepta Ecclesiæ gubernacula non reliquit.]

*Romanum Pontificem pro tempore existentem
Diuini Petri successorem esse.*

Hoc vt probeamus, in primis demonstrandum est, quid propriè sit, aliquem esse Diui Petri successorem in Ecclesiæ principatu. Quamuis enim is, qui Diuo Petro succedit, à Christo ipso certissime accipiat illam in Ecclesia auctoritatem, quam habuit Diuus Petrus: tamen si rationes ipsas vocabulorum, atque adeo rerum etiam significatarum propriè consideremus, non idem significamus, cum dicimus, hunc esse Diui Petri successorem; & hunc à Christo recipere eandem auctoritatem, quam habuit Petrus. Patet: Nam hoc secundum ex priori rectè concluditur, tanquam ex eo quòd est clarius. Itaque supra, vt efficeremus, Romanum Pontificem habere in Ecclesia primariam à Christo potestatem, quam habuit Petrus; sine vilo vicio argumentationis assumpsimus, cum esse Petri successorem; vt inde demum eius in Ecclesia principatum euinceremus. Quemadmodum igitur in ciuilibus aliud est propriè, Ioannem, verbi gratia, esse successorem Petri; & aliud, Ioannem legitime possidere patrimonium à Petro relictum, nam ex illo probari hoc solet, ita in proposito aliud propriè est, aliquem esse Diui Petri successorem; & aliud, cum à Christo habere illam potestatem, quam habuit Diuus Petrus. Merito itaque propria huius successionis ratio explicanda est, vt eam demum ostendamus in Romanum Pontificem pro tempore existentem competere: vnde tadem efficitur id quòd supra conclusimus: Romanum Pontificem, Petri principatum, quasi patrimonium quoddam à Christo constitutum, in Ecclesia obtinere.

Sanè aliquem esse Diui Petri successorem, nihil aliud est, quam cum ab Ecclesia in locum Diui Petri legitimo modo recipi, ac veluti Christo offerri, vt is illi supremam auctoritatem, quam Petrus habuit, conferat: hoc est, vt certa lege statuat, peculiari quadam assentia cum eo concurrere ad ea in doctrina, & moribus constituenda, quæ ad bonum Ecclesiæ statum pertineant. Hoc enim est aliquem habere supremam illam in Ecclesia potestatem, atque principatum, quem Petrus habuit. Porro modis legitimis recipiendi aliquem in locum Petri, omnino is est, quem Ecclesia ipsa pro ratione cuiusque

que temporis, & aliarum omnium circumstantiarum præscribit, atque adhibet.

Quod ut melius intelligamus expendenda diligenter est vis illarum promissionum: (Ego vobiscum sum vsque ad consummationem seculi. Et: Ut maneat vobiscum, in æternum, &c.) Ex his enim & similibus intelligitur, curam & charitatem Christi erga sponfam suam Ecclesiam perpetuò eam esse, quæ ad Ecclesiæ statum suauiter, & conuenienter hominum naturæ conferuandum, accommodatissima sit. Dubitari autem minime potest, quin hominum natura, atque conditione considerata expediat, ut qui Ecclesiam vniuersam, accepta à Christo auctoritate, gubernaturus sit, is ab eadem Ecclesia ad id muneris recipiatur approbeturque. Proinde volens Christus Dominus, in Ecclesia perpetuò esse, ut superius est probatum, Petri successores, quibus ille supremam in terris auctoritatem, quam Petro contulerat, attribueret; necesse fuit, Ecclesiæ suæ hoc dare, ut eum ipsa deligeret in talem Pastorem, quem pro ratione temporis, & circumstantiarum iudicaret esse ad id muneris aptissimum. Quod ipsum perpetua Ecclesiæ consuetudo in successione sedis tum Petri, tum aliorum Episcoporum confirmat. Is enim habitus est semper Episcopi alicuius successoris legitimus, quem in eius locum Ecclesia recepit ea forma, & modo, qui pro ratione circumstantiarum in vnoquoque loco maxime conuenire existimatus est.

Iam cum hoc ita sit, facile intelligitur, qua ratione probari oporteat, Romanum Pontificem, pro tempore existentem, D. Petri successorem esse. Nempe non hic aliquibus argumentis à ratione ductis opus est; ut cum de rebus agitur, quæ non sunt in facto positæ, sed satis superque id testimonijs omnium ætatum locupletissimis probamus, quibus sanè constat, Pontifices Romanos continua serie successione in Diui Petri locum, absque ulla potestatis restrictione, fuisse ab Ecclesia receptos, atque ad eos, tanquam ad Petri in eadem potestate successores, per omnes Ecclesiæ ætates fuisse relatas maiores Ecclesiæ causas, ut persequitur diligenter Turrecremata lib. 2. de Ecclesia cap. 36. 37. & 38. & Caietanus de institutione Romani Pontificis cap. 13. & Canus lib. 6. de locis, cap. 4. 5. & 6. & admodum copiosè, ac luculenter Nicolaus Sanderus, in suo opere de visibili Ecclesiæ Monarchia, lib. 7. ut alios iam omittam.

Quæ de re hæc in specie testimonia antiquitatis noverunt, Irenæus, Epiphanius, Augustinus, Opatrus, sui temporis Romanos Pontifices, quorum & posteriores Pontifices constat successores fuisse, ad Petrum ipsum continua serie successione ordine deducunt. Innocentius primus, Eulogius, Petrus Chryzologus, Leo, & alij, [Petrum in sua adhuc Cathedra] Romanorum Pontificum ipsius successorum ministerio, præsidere asserunt. Tertullianus, Augustinus, Hieronymus Gregorius, Eusebius, & alij infiniti eisdem Romanos Pontifices, successores esse Diui Petri aperte asserunt. Anacletus, Marcellus, Sozomenus, Theodoretus, Cyprianus, Augustinus, & alij Patres, idcirco etiam Sedem Romanam, Petri locum, & Cathedram,

seu Apostolicam Sedem vocant. Itaque Romano Pontifici, non nisi tanquam Petri legitimo successori, principatum auctoritatis in Ecclesia tribuit omnis antiquitas, Concilia, Patriarchæ, Patres vniuersi.

In Concilio Nicæno primo, Iulius I. restatur, decretum fuisse, ne Concilia præter sententiam Romani Pontificis celebrarentur, itemque ut ad eum liceret Episcopis alijs ex toto orbe appellare, confirmatque solemni iuramento eos Canones in sacro Sedis Apostolicæ serinio asseruatos fuisse. Quod itidem in eo Concilio Nicæno fuisse sic statutum, restatur. Diuus Athanasius, & alij Episcopi Thebaidis, & Lybiæ, qui ipsi Concilio Nicæno interfuerunt. Fuerunt autem huius Iulij epistolæ receptæ in Concilio Ephesino; ut Vincentius Lyrinensis ante annos mille testatus est. Item illius primam epistolam recitat in Apologia sua secunda D. Athanasius. Nec sanè obstat, quod Africani Episcopi, in epistolâ Pontificem Cælestinum negant, eiusmodi Canonem de appellationibus ad Romanum Pontificem inter Concilij Nicæni Canones, quos à Patriarchis Constantinopolitano, Alexandrino, & Antiochæno petierant, reperiri. Certum enim est, longè plures Concilij Nicæni Canones fuisse quam illos viginti & vni, quos illi Patriarchæ ad Africanos miserunt, vel luculentissimis veterum testimonijs à nonnullis demonstratum est. Itaque ex illis Canonibus Concilij Nicæni, qui desiderantur, quique hæreticorum fraude, ut conquireretur etiam Felix Secundus, interierunt, proculdubio illi etiam fuerunt, quos ab Iulio I. & ab Athanasio commemorari diximus. Ac licet patres illi Africani apud eundem Pontificem Cælestinum egerint, ne appellationes vltas ab Africanis ad Sedem Apostolicam facias admitteret, aut de causis eiusmodi ipse, vel per se, vel per Legatos suos constitueret, sed iudicium omne provincialibus Episcopis permitteret, ut rectius cognita causa in eo ipso loco ubi criminis delatio instituta esset, ipsi litem finirent: tamen nihil minus illi Patres ea re agebant, quam ut supremam alioqui in Ecclesia potestatem, adeoque auctoritatem in iudicio etiam quarumcumque causarum Ecclesiasticarum, Romanæ Sedi competere negarent: Sed putabant certè non expedire, ut eiusmodi auctoritatem Pontifex Romanus in litigiosis controuersijs, quæ in transmarinis illis prouincijs inciderent, uti vellet, cum melius existimarent eiusmodi causas personarum, & criminum in proprio loco posse cognosci, & definiri.

Alioqui, quàm illi Patres Africani Romanæ Sedis primatum agnouerint, suspexerintque, vel ex vna epistola Mileuitani Concilij ad Innocentium primum, cui Concilio plerique ex illis ipsis Patriarchis Africani Concilij paulò antè interfuerant, clarissimè licet intelligere. [Quia te inquirunt, Dominus, gratiæ suæ præcipue munere, in Sede Apostolica collocauit, talemque nostris temporibus præstitit, ut nobis potius ad culpam negligentie valeat, si apud tuam venerationem, quæ pro Ecclesia iuggerenda sunt, tacuerimus, quàm ea tu possis, vel fastidiosè, vel negligenter accipere; magnis periculis infirmorum membrorum Christi pastorem diligenter]

ligentiam quæsumus adhibere digneris. Nova enim hæresis, Pelagianorum, surgere cœpit, &c. Et post aliqua: Hæc insinuantes Apostolico pectori tuo, non opus habemus tantam impietatem verbis exaggerare, cum proculdubio te ita permoucant, ut ab eis corrigendis ne latius serpent, multosque contaminent, vel potius intermint, omnino dissimulare non possis. Et sub finem epistolæ. Hæc ad sanctitatem tuam de Concilio Numidæ scripta direximus, imitantes Carthaginensis provinciæ Coepiscopos nostros, quos ad Sedem Apostolicam, quam benignus illustras, de hac causa scripsisse comperimus.] Certè luce clariùs ostendit hic locus, Romanum Pontificem ab Africanis Episcopis, & pastorem Ecclesiæ summum, cui aliarum etiã Ecclesiarum præter Romanam cura pastoralis, sollicitudoque incumbat, & iudicem causarum religionis, ac fidei agnitus fuisse. Carthaginensis autem provinciæ Episcopi, quorum in ea epistola mentio facta est, hunc in modum ad eundem Innocentium in ea causa scripserant: [Hoc gestum charitatis tuæ inrimandum duximus, ut statutis nostræ mediocritatis etiam Apostolicæ Sedis adhibeat auctoritas pro tuenda salute multorum, & quorundam peruersitate etiam corrigenda. Et iussu: Pror ipse, & impietas quæ tam multos assertores habet etiam auctoritate Sedis Apostolicæ anathematizanda, est. Consideret ergo sanctitas tua, & pastoralibus nobis compariatur visceribus, &c.] Et certè ex epistolis quibusdam D. Cypriani ad Pontificem Cornelium licet intelligere, antiquam etiam fuisse Africarum consuetudinem ad Apostolicam Sedem appellandi: ut mirum sit hoc ab illis Patribus Africanis cogitatum non fuisse: sicut etiam in antiqua Synodo Sardicensi eiusmodi appellationes ex omni loco ad Sedem Apostolicam, disertissimis verbis & concessæ, & probatæ fuerant, ut paulo post dicemus.

Sic etiam, neque testimonio illi Concilij Nicæni, quod pro Romanæ Sedis primatu, ex Iulio I. & Athanasio commemorauimus, auctoritatem detrahunt vilo, modo Sectarij, cum ex Canone 6. eiusdem Concilij hæc verba, sicut ea quidem Rufinus refert, nobis obijciunt: [Apud Alexandriam, & in vrbe Roma vetusta consuetudo seruetur, ut ille Episcopus Alexandrinus, Ægypti, hic, Episcopus Romanus, suburbicariarum sollicitudinem Ecclesiarum gerat.] Primum enim Canon hic sextus in exemplo à tribus Patriarchis, sicut antè commemorauimus, ad Episcopos Africanos misso non omnino ita habet, ut refert Rufinus, sed quadam verba ibi adduntur, ex quibus clariùs apparet nihil ibi minus, quam supremam in omnes auctoritatem Romani Pontificis negari. Sic enim dicitur: [Antiquiores, Episcopi, obtineant; id est, honore præcedant, qui apud Ægyptum sunt, & Lybiam, & Pentapolim: ita tamen, ut Alexandrinus Episcopus horum omnium habeat sollicitudinem; quia & vrbs Romæ Episcopo similis mos est. Similiter autem & circa Antiochiam, & in cæteris provinciis priuilegia propria seruentur Metropolitanis Ecclesijs.] Noui igitur negat hic Canon Romano Pontifici primatus auctoritatem, quam habet is

alioqui tanquam successor D. Petri in omnes Ecclesias, sed significat certè, habere eum, quoque specialem quandam Metropolitanam auctoritatem in adiacentes diocesi Romanæ Ecclesias; quam quidem auctoritatem similiter, & alijs Archiepiscopis Metropolitanis, vnicuique in sua provincia, Concilium Nicænum voluit constare. Accedit deinde, quod in Concilio Chalcedonensi Canon hic sextus Nicæni Synodi, recitante Paschasius, & nemine prorius contradicente, sic incipit: [Ecclesia Romana semper habuit primum, &c.] Ac tunc subiunguntur reliqua de auctoritate Metropolitanorum, quæ ex illo Canone iam à nobis exposita sunt. Denique in eadem actione Concilij Chalcedonensis, post recitatum illum Nicænum Canonem, & omnium sententias auditas, Iudices ita dixerunt: [Ex his quæ gesta sunt, vel ab vnoquoque deposita, perpendimus, omnem quidem primum, & honorem præcipuum secundum Canones (nempe secundum illum etiam Nicænum,) antiquæ Romæ Deo amantissimo Archiepiscopo conseruari. Ac tunc Patres ipsi Concilij dixerunt: Hæc iusta sententia, hæc omnes dicimus, &c.] Sed de Canone Nicæni Concilij satis.

Item in Sardicensi Concilio, quod generale etiam fuisse graues auctores testantur, appellationes ex toto orbe factæ ad Romanum Pontificem approbantur, & Iulio Pontifici ius competiuisse euocandi cum auctoritate alios Episcopos non obscure agnoscitur. In Constantinopolitano primo, generali secundo, post Romanum Episcopum primatus honor tribuitur Patriarchæ Constantinopolitano. Atque etiam eius Concilij Patres testantur, se Damasi Romani Pontificis literis monitos conuenisse Constantinopoli: Vicissimque Damasus reuerentiam ab illis in ea re exhibitam Sedi Apostolicæ collaudat. In Ephesiuo, generali tertio, Cyrillus locum, Cælestini Romani Pontificis tenens eius mandato dicit, se (vnâ cum alijs Patribus) compulsum fuisse, ut Nestorium damnaret. Itemque Patres eiusdem Concilij ad eundem Cælestinum hoc modo scribunt: Ioannis Antiocheni temeritatem, quod Cyrillum deposuerat, reseruauimus tua pietatis iudicio. In Chalcedonensi porro Concilio, generali quarto, iterum probatur iudicium illud Synodi Constantinopolitanæ, quod Constantinopolitano Patriarchæ secundæ concedantur post Romanum Pontificem. Et rursus ibi, Marciano Imperatore præsentem, sine vlla controuerfia, caput omnium Ecclesiarum Romanæ Ecclesiæ appellata est. Atque etiam ipse Imperator Marcianus ibidem Leonem, tum Pontificem Romanum, [Apostolicum thronum gubernare,] dicit. Itemque Concilij Patres eundem Pontificem his modis compellant: [Tu, sicut caput membris, præteras, Dioscorus contra te, cui vineæ custodia à Salvatore commissa est, extendit insaniam. Tuis decretis nostrum honora iudicium: & firmitas tua filijs, quod deest adimpleat.] Itaque in eo Concilio Paschasius cum Lucentio, & Bonifacio, loco Leonis sic præfuit, ut inter cæteras, quæ cum auctoritate ipsi gessit etiam prohibuerit, ne Dioscorus cum reliquis Episcopis Orthodoxis federet. In Concilio secundo Con-

Constantinopolitano, generali quinto, Patres profiterentur, se per omnia sequi velle sententiam summi Pontificis Agapeti in causa Anthimi heretici, quem idem Agapetus ex sede Constantinopolitana, & à communione fidelium eiecerat. Cuius etiam sententia vi Synodus eundem quoque eiecit ex sede Trapezuntina. In Constantinopolitano tertio, generali sexto, dicitur, per Agathonem Romanum Pontificem loquutus esse Petrus princeps Apostolorum, cuius nimirum ille, & imitator fuisset, & successor. In Constantinopolitano quarto, generali octavo, Patriarchas omnes honorandos, præcipue verò sanctissimum Papam seniores Romæ. In Nicæno secundo, quod fuit septimum generale, Romanam sedem primum per orbem totum obtinere, omnium Christi Ecclesiarum caput existere, &c.] Similia in Lateranensi sub Alexandro III. & Lateranensi item, sub Innocentio III. Lugdunensi secundo, Viennensi, Constantinensi, Lateranensi sub Iulio II. & Leone X. Tridentino. Quibus adde provincialia, Arelatense, Aurelianense quartum, Toletanum primum, Africanum, Mileuitanum, &c.

Nec minus perspicue Patriarchæ quatuor. Certè Athanasius Patriarcha Alexandrinus, ad Iulium I. Romanum Pontificem in sua causa contra Arianos appellauit. Itemque ad Felicem II. Papam ita scribit: [Vos, præfessoreque vestros Apostolicos videlicet præfules in summitatis arce Deus constituit: omnium Ecclesiarum curam habere præcepit. Item: Romanus, inquit, Episcopus Iulius Synodum iussit fieri, vt tutò, & crimina obijcerent, & inuicem sibi oblata refutarent.] Item D. Cyrillus, & ipse Alexandrinus Patriarcha, ad Cælestinum Romanum Pontificem in causa Nestorij scribens: [Ab illis, inquit, inuicem cum fiducia nos non eximimus, donec ista pietati tue communicaremus. Quapropter quid videatur, exprimere dignare, an aliquando illi communicare debeamus.] Item Antiochenus Patriarcha Calandio, Ioanni Talaiz Patriarchæ Alexandrino fuisse, vt contra Petrum Moggum, quem Achatius intruserat, ad Simplicium Romanum Pontificem appellaret. Item Flavianus eiusdem sedis Patriarcha à Romano Pontifice, vt causam diceret euocatur, pro eoque apud Damasum intercedunt Chrysostomus Patriarcha Constantinopolitanus, & Theophilus Patriarcha Alexandrinus. Item Petrus Patriarcha Hierosolymitanus affirmat, Agapetum Papam diuinitus fecisse, quod Anthimum, Constantinopolitanum aliquando Patriarcham, de se deiecit. Denique D. Chrysostomus, Constantinopolitanus Patriarcha, ad Romanum Pontificem appellauit. Macedonius, eiusdem sedis Patriarcha, Macerasio Imperatori vehementer virgenti, & mandanti, vt Episcopos sibi subiectos ad Synodum conuocaret, nihil omnino se in ea re facturum respondit, [absque vniuersali Synodo, cui magnæ Romæ Episcopus præfideret.] Menas Seuerus, Petrus, & Zoaræ vitio vertit, quod contemplerint Ecclesiam Romanam, à quæ Apostolis, inquit, succedens, contra ipsos sententiam protulit.]

Longum igitur est aliorum Patrum sen-

tentias referre. Irenæus ad [Romanam Ecclesiam propter potentiorum principalitatem necesse esse affirmat omnem aliam Ecclesiam conuenire. Cyprianus eandem esse, Ecclesiam matricem. Ambrosius, Siricius Papam Christi ouile custodire, dignumque esse, cui omnes Domini audiant. Hieronymus, Damasum piscatoris, id est, D. Petri, successorem esse in eadem fidei Cathedra, super quam sit ædificata Ecclesia. Augustinus, in Romana Ecclesia Apostolicæ Cathedræ semper viguisse principatum. Idem obsecrat Innocentium I. vt pastorem diligentiam adhibeat magnis periculis infirmorum in Africa propter hæresim Pelagianam imminentibus. Quod eius studium laudat idem Innocentius, quod antiquæ regulæ formam secutus opem imploravit ab ea sede; cui maneat sollicitudo omnium Ecclesiarum. Gregorius, Romanam Ecclesiam Deo auctore cunctis Ecclesijs esse prælatam. Isidorus, nullam se Synodum reperisse nisi, vel congregatam, vel sultam. Romanæ sedis auctoritate. Prosper, Romam pastoralis honore factam esse caput mundi. Vincentius Lyrensis, Romanum Pontificem esse caput orbis. Beda, Gregorium in toto orbe Pontificatum gerere. Origenes, libellos penitentia de suis erroribus offert Fabiano Papæ. Basilus, ad Romanum Pontificem referendum iudicat, vt iudicij sui decretum interponat. Chrysostomus postulat ab Innocentio, vt decreta Theophili rescindantur, & vt pœnis Ecclesiasticis, qui inique agerent, coercerentur. Theodoretus, ad Romanam sedem appellat, & illius dicit se expectare sententiam. Socrates, Romanam Ecclesiam priuilegium præ cæteris obtinere.] Et quid omnes seu Latinos, seu Græcos commemorem?

Iam verò Pontifices ipsi Romani, sanctissimi; & antiquissimi, successores se esse D. Petri in cura vniuersalis Ecclesiæ, ipsidem in locis palam protulisti sunt, quos pro ipsius D. Petri primatu superius magno numero allegauimus. Quorum testimonia quamobrem in hac questione, & causa minime suspecta esse debeant, supra causas exposui. Clarissima verò, grauissimaque sunt in hoc genere, illa verba Iulij I. de causa Athanasij: [Semper inquit, maiores Ecclesiæ causæ ad sedem Apostolicam multis auctoritatibus referri præceptæ sunt: Ipsa namque omnibus prælata est Ecclesijs, quæ non solum canonum, & Sanctorum Patrum decretis, sed Domini vocem singularem obtinuit principatum, cum inquit: Tu es Petrus, &c. Atque illa quoque Innocentij I. ad Patres Concilij Mileuitani: [Per omnes, inquit, provincias de Apostolico fonte petentibus responsa semper emanant. Præsertim quates fidei ratio ventilatur, arbitror omnes fratres, & Coepiscopos nostros non nisi ad Petrum, id est, sui nominis, & honoris auctorem referre debere; velut nunc retulit vestra dilectio; quod per totum mundum possit omnibus Ecclesijs in communem prodesse. Item: Diligenter ergo, & congruè Apostolico consulitis honori, honori, inquam, illius, quem sollicitudo manet omnium Ecclesiarum, super anxijis rebus, quæ sit tenenda sententia, antiquæ scilicet regulæ formam sequuti, quam toto semper ab orbe me-

in eum nobis esse seruatum. Et Leo ad Anastasium Thelonicensem Episcopum; Sicut praecessores mei, inquit, praecessoribus tuis, ita etiam ego dilectioni tuae vices mei moderaminis delegavi, ut curam, quam vniuersis Ecclesijs principaliter ex diuina institutione debemus, imitator nostrae mansuetudinis effectus adiunares.]

Sed exstant multa testimonia similia Pontificum in locis supra citatis. Quorum sane in Ecclesia, tamquam successorum Petri, primatum agnouerunt, non Patres tantum, sed etiam ipsi Imperatores Maximi, & disertissimis verbis protestati sunt. Valentinianus affirmat, [Romano Pontifici principatum sacerdotij collatum.] Marcianus, principatum in Episcopatu fidei obtinere. Iustinianus, [primum omnium esse Sacerdotem secundum quatuor Synodorum definitionem.] Quibus Imperatoribus posterior fuit Phocas, à quo tamen Romanum Pontificem primatum accepisse Caluinus ineptissime negatus est. Carolus Magnus Romanum Pontificem, vniuersalem Papam compellat. Sed & haeretici aliquando cum principatum Romani Pontificis à nemine ignorari probe intelligerent, se idem cum illo de rebus fidei sentire, ut facilius lacerent, subdole simulauerunt. Caelestinus Pelagianus cum Innocentio. Meletius, & Vitalis cum Damasus, &c.

His accedit, quod Romanus Pontifex perpetuo in Ecclesia eorum, quae essent fidei controuersiarum iudex agnitus est: quod ipse haereses condemnauit: quod leges cum auctoritate sancit: quod Concilijs generalibus praesuit, eademque confirmat: quod ad eum vndique in grauissimis causis Ecclesiasticis appellatum est: quod alios Episcopos auctoritate sua in varias mundi partes misit; vicarios suos constituit, creati, confirmat, pallio inuestiuit, deposuit, restituit. Quem vsu auctoritatis tam varium, tamque late patentem, eundemque Romano Pontifici per omnes recte sentientes in Ecclesia semper integrum, atque liberum, quis non videat indicem, atque testem locupletissimum esse, quod D. Petrus in cura Ecclesiae vniuersali, ad constituendum de ijs rebus, quae ad fidem, & salutem spectent, Romani Pontifices succedant? Quoniam igitur, & primariam in Ecclesia potestatem, atque adeo infallibilem auctoritatem de rebus fidei omnibus controuersis iudicandi, D. Petro datam esse; nec illi solum, sed etiam illius successoribus esse datam; & eius in eo genere successorem Romanum Pontificem pro tempore existentem esse, probatum est: verè ac rectè initio conclusimus, atque posuimus Romanum Pontificem esse eum, in quo auctoritas illa primaria, de quaestionibus fidei omnibus infallibiliter statuendi, resideat.

Sed cum Romanum Pontificem D. Petri successorem in vniuersali Ecclesiae cura esse dicimus, forsitan aliquis sciscitabitur, eoque iam iure successor talis Dni Petri is sit, qui Pontifex est Romanus? Vtrum scilicet diuino? ita ut Christus Dominus non modo voluerit in Ecclesia esse perpetuo eiusmodi successorem Petri, cui ipse supremam aucto-

ritatem, quam habuit D. Petrus, conferret; sed etiam statuerit, ut hic successor esset perpetuo Romanus Episcopus? An verò id obtinuerit in Ecclesia solum iure humano, hoc est, ipsius Ecclesiae instituto, quae non nisi Romanos Episcopos in D. Petri locum, quod ad vniuersalem Ecclesiae curam attinet, recipiendos esse putarit.

Refert autem non parum hoc scire. Nam si solum ex iure Ecclesiastico ratio hae successionis cum Romanae diocesis Episcopatu coniuncta est; posset fieri eiusdem Ecclesiae, atque adeo ipsius etiam Pontificis auctoritate, ut aliquando is, qui vniuersalis Ecclesiae pastor est, non idem sit Romanae diocesis Episcopus, sed vel alterius diocesis; ut cum Petrus Antiochiae sedebat, erat Episcopus non Romanus, sed Antiochenus; vel etiam nullius particularis determinatissimè eo tempore quo nondum D. Petrus Antiochiae sedebat, cum tamen nihilominus esset tunc pastor vniuersalis Ecclesiae, à Christo constitutus. Sin autem diuino iure constitutum est, ut non alius, praeterquam Romanus Pontifex, sit Petri successor, non erit in Ecclesia potestate id institutum mutare. Item etiam ex hac quaestione pendet, ut postea patebit, quomodo illud Ecclesiae Romanae priuilegium, intelligendum sit, cum ab ea dici solet recta, atque Apostolica fides non posse deficere: siue iam defecit exempli causa ab Ecclesia Constantinopolitana.

Ego verò hac de re varias reperio sententias Doctorum. Nam Canus, & Driedo, & Turrazemara, & alij communiter, sine dubitatione affirmant, ex Christi Domini institutione Romanum Episcopum fuisse, & futurum esse semper Dni Petri successorem in cura vniuersalis Ecclesiae. Fundamentum istorum praecipuum est in modo loquendi Patrum, ac Conciliorum, cum passim assuecant, Romanum Pontificem ab ipso Christo Domino potestatem obtinere. Item Romanam sedem à Christo Domino priuilegium habere, ut sit peculiariter Apostolica, à qua fides recta nequeat deficere. Deinde ex Romana sede definitionem certam in controuersijs fidei petendam esse, atque illos Catholicos esse, qui illius sequuntur doctrinam: illos è contra haeticos, qui reiciunt. Ex quibus, & id genus alijs Ecclesiae Romanae elogijs, quae magno numero superius recitauimus, colligi videtur, institutionem Christi esse, ut qui successor Petri futurus esset, sit Romanus Episcopus. Accedit, quod Diuus Ambrosius, & Egesippus referunt, Christum Dominum Petro ex vrbe decedenti occurrisse, ac interroganti quò pergeret, respondisse: [Eo Romam iterum crucifigi.] Ex qua historia conijci potest, Petrum ex voluntate, atque praecepto Christi Romam reuersum esse, ibique morientem reliquisse Romanum Episcopum successorem.

Alia sententia est Dominici de Soto, qui contra existimat, Apostolicam sedem, hoc est, dictae successionis rationem iure Ecclesiastico tantum annexam esse Episcopatu Romano: ac proinde fieri posse auctoritate Ecclesiae, ut Petri successor, Romanus Episcopus non sit, sed vel alius diocesis, vel nul-

R. lius

lius decernatur; sed dumtaxat Pastor vniuersalis. Fundamentum eius auctoris est, quod Christus Dominus instituens Petrum vniuersalem pastorem, nulli Ecclesie particulari addixit; neque aliunde institutio Christi circa hoc satis constat; quare videtur potius totum hoc reliquisse Christus dispositioni Ecclesie, vt scilicet illa pro ratione circumstantiarum, ac temporum variè statuere posset de conditione personarum eligenda, quod expedire maximè videretur: sicut constat, vt postea videbimus, mutasse illam quandoque circumstantias electorum summi Pontificis, & modi eundem eligendi.

Hanc verò opinionem, vt Sotus defenderet, sanè oportuit eum imprimis dicere, Concilia, & Patres neutram partem huius questionis aperte satis determinauisse. Quod enim dicunt, Romanum Pontificem habere potestatem à Christo, eiusque institutione primatum obtinere; id verò non nisi ex quadam hypothesi ab illis dictum esse, nimirum vt id intelligatur, quamdiu Romanus Episcopus est ille, quem Ecclesia ipsa successorem Petri constituit, sine hoc illa faciat propria auctoritate, sue institutione Christi. Nihil verò, vel patres determinare circa hanc hypothesin, verum scilicet illa sit ex institutione Christi, vel tantum ex Ecclesiastica traditione. Quidquid enim horum dicatur, manere ex fide certum est, quod ipsi asserunt, Romanum Pontificem, quamdiu in Petri successorem (sicut fit) eligitur, ab ipso Christo accipere auctoritatem vniuersalis Pastoris. Quod verò attinet ad illam historiam ex Egesippo; licet Christus Dominus præcepit tunc Petro, vt Romæ maneret vsque ad mortem, inde tamen non necessariò sequi, præcepisse etiam eum, vt successor illius in cura Ecclesie vniuersalis esset perpetuò Romanus Pontifex; sed bene inde consequi, institutionem ipsius Petri, & Ecclesie, qua cautum est, vt Romanus Pontifex sit Petri successor, habuisse fundamentum in Christi voluntate, statuente, vt Petrus Romæ permaneret, & suo martyrio Ecclesiam illam decoraret. Quod nisi accidisset, non fuisset dispositum, vt Romanus Episcopus Diuo Petro in vniuersali cura Ecclesie succederet. Quod ipsum etiam Caietanum tantummodo voluisse videri potest, cum ait, causam ob quam Romanus Pontifex sit is, qui Petro succedat, fuisse (vt ille inquit) appropriationem Romanæ Ecclesie ad Petri vniuersalem Pontificatum firmatam Christi auctoritate volentis, vt Petrus Romæ maneret, ac ibi moreretur: non Evangelicam institutionem.

Ceterum vtrumque ista subtiliter pro Soti opinione disputari possint: mihi certè videtur ea opinio in re tam graui nimium esse singularis, nec verò satis tuta. Quæ enim testimonia Patrum, & Conciliorum pro contraria sententia Driedonis, Cani, & Turrecrematæ allegari possunt, maius omnino pondus habent, quam vt tam subtilibus distinctionibus eludi possint. Quin prorsus arbitror, cum Patres tot modis asseuerant, Romanam sedem à Christo obtinere auctoritatis in Ecclesia primatum, non aliam institutionem, nisi ipsius Christi, à qua totum id

privilegium sedis Romanæ pendeat, cogitauisse. Penderet autem id privilegium etiam ex Ecclesie ipsius humana institutione, si posito tantum, quòd Ecclesia auctoritate sua velit in Petri successorem eligi Romanum Pontificem, Romana sedes diceretur habere, à Christo primatum. Atqui Patres hoc minime putauerunt: sed absolute, Romanam Ecclesiam, Deo auctore, cunctis Ecclesijs esse prælatam, inquit Diuus Gregorius: item illi ex diuina institutione curam incumbere, aliarum omnium Ecclesiarum, affirmat Diuus Leo: item ad Ecclesiam Romanam, cuius fides sit ab Apostolo Paulo laudata, non posse perfidiam habere accessum, ait D. Cyprianus ad Cornelium: Item ad Romanam Ecclesiam propter potentiorum principalem oportere omnes alias Ecclesias conuenire, censet Irenæus: [Quæ semper (inquit Hieronymus aduersus Rufinum) immaculata permanet, & Domino providente, ac beato Apostolo ferente opem, in futuro manebit.] Et clarissimè sanctus Anacletus: [Hæc sacrosancta Romana, & Apostolica Ecclesia non, ab Apostolis, sed ab ipso Domino saluatore nostro primatum obtinuit, & eminentiam potestatis super vniuersas Ecclesias, actorum Christiani populi gregem assecuta est, sicut ipse beato Petro Apostolo dixit: Tu es Petrus, &c.] Et Iulius huius nominis primus: [Sanctam, inquit, Romanam Ecclesiam ipse Dominus allocutus est, inquit: Tu es Petrus, &c.] Atque vt alia eiusmodi antiquitatis testimonia (quæ sunt magno numero collecta etiam à Cano) præteream, in magno certè Lateranensi Concilio, ex certissima Ecclesie sententia, disertis verbis Ecclesia Romana dicitur, [Deo ipso disponente, mater esse, & magistra omnium Ecclesiarum.]

Itaque vetus patrum traditio indicare videtur, Christi etiam institutionem esse, vt qui Petro successurus esset, atque adeò, qui esset à Christo accepturus primatum, is alius non sit, nisi Episcopus Romanus, vt copiose etiam ac diligenter disputat auct. eruditissimus Ioannes Driedo. Quæ sanè ex re sequitur, numquam omnino futurum, vt ij à recta fide descendant, qui fidem sequentur eius, qui legitimus erit, atque permanebit Episcopus diocesis Romanæ, siue is in illius diocesis loco morabitur, siue alibi. Nam idem ex institutione Christi erit successor Petri in cura Ecclesie vniuersalis, ac proinde in fidei doctrina proponenda errare minime poterit, vt postea etiam sumus probaturi. Nunc satis fuerit ita breuiter explicauisse, quod est à nobis tertio loco probatum. Nempe Romanum Pontificem D. Petrum in cura Ecclesie vniuersalis succedere. Videamus modò quid contra id soleant, aut possint etiam hæretici obijcere.

Argumentum Primum.

P Rincipio, Petrum Romæ fuisse nedum, Romæ mortuum esse Velenus quidam, & Sebastianus Francus, & alij eiusdem farinae hæretici negant: Quin etiam dubitat ea de re Caluinus. Fallum igitur aut certè minus

exploratum eſt, quod Romanus Pontifex ſuccedat Petro deſuncto.

Reſpondeo, quod hoc iſti negent, vel in dubium vocent facere eos ſtultiſſimè, atque pueriliter, cùm ſit res omnium hoſtoriarum, & Patrum teſtimonio, & iſpis Petri in vrbe veſtigijs confirmata. Qua de re quoniam non niſi ſuſſimas ratiunculas pro ſuis ſomnijs Sectarij illi aſſerunt, quæ nemini prudenti perſuadent, non opus eſſe iudico iam à me repeti, quæ ſunt ab alijs ſufficienter, vel potiùs dicam, penè ſuperuacaneæ (quis enim ſanus de hoc dubitet?) tractata. Huc accedit, quod ſi maxime dubitari poſſet, vtrum Diuus Petrus Romæ fuiſſet, (quæ tamen ipſa dubitatio niſi proſectò diſſerret ab inſania) adhuc tamen non id haberent Sectarij, quod volunt. Nam inde ſolum ſequeretur, non eſſe Romanum Pontificem ſucceſſorem. Diui Petri, etiam in cura diœceſis Romanæ (ſicut iam ex omnium traditione eſſe conſtat) poſſe tamen adhuc ille Diuo Petro ſuccedere in cura vniuerſalis Eccleſiæ, quam potuiſſet Petrus annexere Romanæ Sedi, tamenſi ille fuiſſet alibi Epicoſopus, aut etiam nullius fuiſſet particularis Eccleſiæ Epicoſopus. Quemadmodum etiam manens Romæ potuiſſet alterius diœceſis Epicoſopo vniuerſalem curam Eccleſiæ demandare, ſi coniunctio illa quidem Romanæ Sedis cum ſucceſſione D. Petri in vniuerſalis Eccleſiæ cura non eſſet de iure diuino.

Argumentum Secundum.

Secundum Argumentum eſt, quod Concilia, & Patres veteres, quorum auctoritate vitmur, non de huius temporis Pontificibus loquuntur, cùm affirmant illos eſſe Petri ſucceſſores legitimos, ac proinde in Eccleſia tenere primatum, ſed de illis qui priſcis temporibus Eccleſiæ Romanæ præſuerunt. Nihil ergo eorum Patrum auctoritas Pontifici Romano præſenti, & alijs pro tempore futuris ſuffragari videtur.

Reſpondeo, veterum Patrum, & Conciliorum teſtimonia omnino, etiam ad hunc præſentem Pontificem Romanum, & alios, qui pro tempore, taquam Petri ſucceſſores, ab Eccleſia recipientur, pertinere. Nam ratio, ob quam Patres illi ſuorum temporum Pontifices Romanos, Petri ſucceſſores eſſe agnoſcebant, alia propriè non erat, niſi quia illi legitimo modo ab Eccleſia Catholica in locum Petri recipiebantur, in qua re, vt ſuprà diximus, conſiſtit hæc ratio ſucceſſionis. Sed hic etiam pontifex qui nunc eſt, legitime item ab eadem Eccleſia in locum D. Petri receptus eſt, & alij quoque qui ſuccedent, ſimiliter, vt pono, recipientur. Ergo huic item pontifici, & futuris, veteres illi patres teſtimonium ſucceſſionis legitime perhibuerunt. Quemadmodum ſimili quoque ratione ſuprà conſuſimus, teſtimonia veterum patrum, qui congregationem Romanis pontificibus ſuis illis temporibus adharcentem legitimam eſſe Eccleſiam aſſeruerunt, ad hanc quoque numero congregationem pertinere, quæ Gregorio XIII. pontifici maximo hodie obtemperat.

Tom. XIII.

Argumentum Tertium.

Tertium Argumentum eſt propriè contra hoc ipſum, quod nunc ponēbamus, eos Pontifices Romanos, qui autecerunt, vſque ad præſentem, eſſe legitime receptos ab Eccleſia. Etenim à tempore Vrbani Sexti, qui Gregorio vndecimo demortuo, anno 1378. electus fuit in menſe Aprilis, vſque ad præſentem pontificem, nullus videtur legitime ſucceſſiſſe. Nam, vt videre eſt apud Diuum Antoninum, & in initio Concilij Conſtantiens, eodem anno 1378. in menſe Iulio ex Cardinalibus quidam, quod pontificis electi mores diſciles uon ferrent, Roma diſceſerunt, & in ſequenti menſe Septembris elegerunt alium pontificem, qui nominatus eſt Clemens Septimus. Porro, Vrbano Romæ manebat, Clemens Auennionis. Et vterque ſuos aſceſas habebat. Quod ſchiſma vſque ad annum 1417. quo, vndecimo die menſis Nouembris, Martinus Quintus electus eſt, ita continua ſucceſſione vtriuſque pontificis, & Cardinalium ab iſpis Creatorum, continuatum eſt, vt non poſſet ſatis dignoſci vter illorum eſſet verus pontifex. Imò & alius etiam tertius pontifex anno 1408. acceſſit, dictus Ioannes XXIII. quem aliqui Cardinales ex vtraque ſactione ad eam rem deſignati creauerunt, vt reſert Turrecremata. Taudem Martinus V. à Cardinalibus multis ex illis dubijs, & ſchiſmaticis, anno, vt dictum eſt, 1417. creatus eſt in Concilio Conſtantiens. Itaque nec præcedentes pontifices, nec ipſe Martinus V. & conſequenter, neque alii pontifices poſteriores, qui Martino deinceps ſucceſſerunt, legitimo modo videntur ab Eccleſia recepti. Accedit etiam, quod poſt Martinum Quintum, tempore Eugenij Quarti, fuit aliud ſchiſma. Amadens enim quidam in Concilio Baſilienſi, à quibuſdam electus eſt, & vocatus Felix; Is poſtea Nicolao Quinto ceſſit, à quo & Cardinalis creatus eſt. Neque tamen videtur ſatis compertum, vtr iſtorum habuerit maius ius ad pontificatum, atque ita propter hoc etiam ſchiſma pontifices illi omnes, qui Nicolao vſque ad pontificem præſentem ſucceſſerunt, videntur dubij.

Reſpondeo, Tempore illo, quod ab Vrbano Sexto, vſque ad Martinum Quintum, interceſſit, illos ſanè pontifices cenſeri poſſe legitime fuiſſe receptos, qui in huius Vrbani locum ſucceſſionis ſerie recepti ſunt, alios vero fuiſſe ſchiſmaticos. Nam de electione iſtius Vrbani non videtur dubitandum, quin fuerit legitima. Qui proinde de modo, rationeque eligendi ſuos ſucceſſores, poterat id ſtatueri, quod in illa ſchiſmatici difficultate magis expedire iudicabat, donec aliquid aliud, ipſo deſuncto, Eccleſia ea de re decernendum putaret. Sed ſue hi, ſue illi, durante eo ſchiſmate, fuerint legitimi pontifices, ſue nullus eorum, qui in ſchiſmate electi ſunt, ſed tunc ſedes quaſi vacuerit niſi hoc quidem intereſt: modo conſtet certè ipſum tandem Martinum Quintum in Concilio poſtea Conſtantiens legitimo modo receptum fuiſſe in locum illius Vrbani, & antecſorum, atque adeò etiam in locum iſtius D. Petri.

R 2 Id

Id autem ita esse, hoc modo probamus. Nam, vt suprà dictum est, modus legitimus recipiendi aliquem in Petri successorem ille prorsus est, quem Ecclesia pro ratione temporis, & aliarum circumstantiarum præscribit, rectumque esse indicat; siue is modus præscribatur ab ipso pontifice, in quo tanquam in capite residet primaria auctoritas Ecclesiæ, atque adeo ius etiam constituendi modum in electione pontificis, siue præscribatur ab Ecclesia in Concilio, vel aliter decernente; quando Sedes quidem Apostolica vacaret, aut illius possessio non esset admodum certa, & graues aliquæ circumstantiæ postularent eligendi modum aliquem extraordinarium; sicut intelligi potest ex his, quæ eruditè Turrecremata scripsit de decem vijs sedandi schismata in electione pontificis. Nunquam enim deest Christus ecclesiæ suæ, quin in omni casu possit illa ex schismatum difficultatibus emergere, indubitatum, & certum pontificem pacificè, & absque scandalis recipiendo in D. Petri locum. Nunc certum est, Martinum quintum electum in Concilio Constantiensi fuisse eo modo, qui omnibus circumstantijs illorum temporum, consideratis, indicatus est ab Ecclesia in Concilio tunc congregata optimus. Nam Gregorio Duodecimo, qui tum erat Urbani successor, suo iuri, propter Ecclesiæ pacem, atque bonum, cedente, & alijs duobus Antipapis, scilicet Benedicto Decimotertio, & Ioanne Vigemotertio depositis, omnibus Cardinalibus, qui Concilio quidem interfuerunt, siue illi veri essent, siue falsi, & sex præterea ex qualibet natione, qui Concilio interessent, dilectis, ius suffragij actiui, & passiu datum est, quorum demum suffragijs Martinus Quintus est electus. Quæ quidem ratione nihil prudentius tunc temporis, ad tantæ schismatum difficultates, & scandala sedanda, conficiui potuit. Itaque perspicuum certè est, Martinum Quintum, legitimum fuisse Petri successorem, & consequenter etiam alios pontifices sequentes, quia omnes recepti sunt eo modo, quem habita temporis ratione Ecclesia legitime præscripsit: quamvis pro ratione temporis modus ille quidem, quo Martinus electus est, fuerit à solito diuersus. Ordinariè autem iam ea ratio seruatur, vt qui à duobus partibus Cardinalium eligitur, ille pontifex legitimus habeatur.

Ex quibus intelligitur, quàm turpiter Wiclephus, quem & alij Sectarj sequuntur, errauerit, cum propositione nona damnata in Concilio Constantiensi asseruit, à tempore Urbani Sexti nullum esse recipiendum, tanquam pontificem, sed more Græcorum proprijs legibus esse viuendum. Errant illi turpissime: quoniam via ac ratio fuit, ac erit semper in Christi Ecclesia, vt schismate sedato, vicus, verus, & indubitatus pontifex ab omnibus agnoscat. Neque enim illud schisma, primum fuit in Ecclesia, sed schismata omnino viginti illud præcæserunt, vt Turrecremata etiam commemorat. Nec ideo tamen nullus ante Urbanum Sextum fuit verus in Ecclesia pontifex.

Jam verò ad illud, quod in confirmam-

tionem eius argumenti de schismate Amadei addebatur, facilis est responsio. Nihil enim huiusmodi casu successio pontificum dubia redditur, cum constet Amadeum illum cuius suis electoribus apertè schismaticum fuisse, maxima Ecclesiæ parte Eugenium Quartum, legitimum sine controuersia successorem, Martini Quinti, & successorem Eugenij, Nicolaum Quintum, pro legitimis pontificibus cognoscente.

Argumentum Quartum.

Quartum Argumentum, fieri porro potest contra hoc, quod nunc dictum est, eum esse legitimum Petri successorem, quem Ecclesia recipit modo, quem iudicat conuenientissimum. Qui legitimus Petri successor est, is à Christo Domino certò, & infallibiliter accipit supremam in terris potestatem, qualem habuit Petrus, vt suprà probatum, est. At non semper, qui ab Ecclesia legitimo modo in locum Petri recipitur, eam potestatem à Christo Domino accepit. Ergo non illico legitimus Petri successor is est, qui ab Ecclesia recipitur modo legitimo. Id patet in casu, quo per errorem eligeretur mulier, quod saltem posse accidere non admodum dubitare videntur quidam, etsi falsa, atque commentaria omnino sit alioqui historia illa de Ioanne femina, vt Onuphrius demonstrauit. Item idem patet, si errore eligeretur infidelis quispiam non baptizatus. Talis enim aliqua persona non recipere verè à Christo primariam potestatem, neque verè esset pontifex, vt ex communi Orthodoxorum sententia ponit Turrecremata.

Respondeo. Quod dictum est, illum esse legitimum Diui Petri successorem, atque adeo primariam auctoritatem à Christo accipere, quem Ecclesia modo legitimo recipit in locum Diui Petri; id non aliter intelligendum est, nisi posito, quod Ecclesia legitimo modo eum eligat, ac recipiat, qui sit alioqui capax pontificatus, Mulier autem & infidelis Pontificatus minime sunt capaces. Quare argumentum hoc non euerit ea, quæ sunt dicta.

Sed hinc rursus nascitur alia difficultas, de qua non inutiliter tractari solet ab ipsis Catholicis Theologis in Scholis. Nam si casus isti, in quibus incapaces pontificatus eligantur, possibiles sunt; sequitur, non posse nos penitus esse certos; vtrum hic vel ille electus, sit verus pontifex? Nam licet sumus omnino certi, Ecclesiam veram modo conuenientem, tum ex parte electorum, tum ex parte modi in eligendo, hunc aut illum legitime recepisse; at dubitare poterimus, vtrum ille baptizatus sit, atque adeo num sit capax pontificatus. Ita nec poterimus esse certi, omnino de ijs, quæ ille tanquam de fide definierit; Eodemque res recidet, atque si liceret dubitare, vtrum Deus voluerit esse aliquem omnino successorem Petri in Ecclesia perpetuò, qui sit regula fidei & morum, infallibilis. Illud enim idem incommodum, quod ex hac dubitatione sequeretur; videlicet incertitudo eorum, quæ Romanus pontifex decerneret: perinde sequeretur ex illa, etiam

etiam dubitatione, vtrum videlicet hic sit verus successor Petri nec ne.

Ad hanc expediendam difficultatem, libenter illud solum responderem, quod multi docti, ac pij viri merito credunt, atque ipse mihi persuadeo: nempe nunquam futurum, vt incapax eligatur; Deo, ad auertendum ab Ecclesia sua periculum, facile (vt potest) id prohibente. Sed quia graues etiam Doctores eiusmodi casum, tanquam possibilem admittunt; consequenter sane concedendum est ab illis, non ex hoc ipso tantum, quod aliquis ab Ecclesia in D. Petri locum electus est, penitus esse certum, quod is sit verus Pontifex; quandoquidem incapax eius muneris eligi posset, vt admittunt. Ceterum non inde sequitur illud incommodum, quod obieciatur, nempe vt a se esse sit de certitudine definitum, siue decretorum electi Pontificis dubitare. Hoc, inquam, incommodum dico non sequi, idque ostendimus duplici ratione.

Prima, quia certa fide compertum est, firmum esse, ac ratum quicquid circa vniuersam Ecclesiam statuit is, qui existimatur ab omnibus fidelibus Pastor Ecclesie vniuersalis; nam illud Ecclesia tota, quae decipi nequit, tenetur recipere, vt paulo post probabitur. Atqui Pastor vniuersalis ab omnibus fidelibus is existimatur, qui ab Ecclesia in locum Dni Petri legitime est receptus. Igitur si is aliquid erga vniuersam Ecclesiam decernat, à nemine dubitari potest, quin illud sit ratum, & firmum: siue id quidem infallibiliter decernat tanquam verus Pontifex, cuius videlicet ministerio Deus, ex certa, & ordinaria lege in Ecclesia gubernanda, tanquam instrumentum, vtatur; siue Deo tantummodo in particulari casu non permittente vt erret, in erroremque adeo inducat vniuersam Ecclesiam, cui se Deus nunquam defuturum promissit. Proccedit enim perinde hæc prima ratio, siue concedamus fieri etiam posse, vt falsus Pontifex statuatur aliquid circa vniuersam Ecclesiam, siue id non concedamus, vt concedi reuera non debet, sicut iam iam videbimus.

Secunda ratio, quare non sequatur illud incommodum, quod obieciatur, est, quia cum primum is, qui est electus Pontifex, statuit aliquid in fide, aut moribus, quod ad vniuersam Ecclesiam pertineat, eo ipso est nobis certum de fide, quod ille sit Pontifex legitimus, qui à Deo videlicet acceperit potestatem illam iurisdictionis primariam. Quæres autem vnde hæc fidei certitudo tunc eliciatur? Respondeo: ex duabus propositionibus de fide, hoc modo: Quem Christus Dominus in ijs, quæ vel ad fidem, vel ad mores, pertinet, ab vniuersa Ecclesia audiri vult; is verus, ac legitimus est Pastor Ecclesie vniuersæ. Sed Pontificem ab Ecclesia legitimo modo electum, cum is aliquid ad vniuersam Ecclesiam pertinet in fide, aut moribus statuit, audiri vult Christus Dominus ab vniuersa Ecclesia. Ergo verus ille Pastor est vniuersæ Ecclesie.

Prior propositio patet ex illis Scripturæ testimonijs, quibus superius probauimus, Christum Dominum super Petrum determinatè, & eius successores. (quorum vnusquis-

que, communionem quidem eiusdem auctoritatis, esset in Ecclesia futurus quasi alter Petrus) voluisse vt exurgeret totum ædificium Ecclesie. Nam: [Super te, inquit, ædificabo Ecclesiam meam. Et: Pascere (ru Perre) oues meas. Et: Tu aliquando conuersus confirma fratres tuos.] Quorum certè sententiarum, ea vis est, vt per neminem alium hominem singularem, nisi qui communionem eiusdem auctoritatis reuera sit, tanquam ipse Petrus, quique præceptum illud pascendi oues Christi vniuersas habeat, Ecclesiam regi, hoc est, obligari eam ad recipiendum fidem, & morum instituta, quibus illius ædificium continetur, intelligere debeamus. Ideo enim cæteris Apostolis præteritis solum Petrum ex nomine toties tamque singulariter Christus, dum eam illi auctoritatem vel promitteret, vel tribueret compellauit, vt ea re clarè significaret, per neminem alium hominem singularem, velle se spiritu suo sancto ita instruere Ecclesiam, sicut per Petrum, & eos, qui in eadem auctoritate, tanquam ipse Petrus, futuri essent, vt supra disputatum est.

Iam probatur illa altera propositio posterior: nempe velle Christum, vt is in rebus fidei, atque morum ab vniuersa Ecclesia audiatur, qui ab Ecclesia est legitime in Pontificem electus. Nam cum in Scriptura datur præceptum subditis, vt Præpositos suos audiant; de ijs Præpositis omnino sermo est, quos subditi suos esse præpositos agnoscunt, & pro talibus habent; alioqui frustra proflus id præciperetur. Quare certum ex fide est, velle Christum, vt quem Ecclesia vniuersa pastorem suum esse agnoscit, eum de rebus fidei, & morum docentem audiat. Agnosceat autem omnino eum esse suum Pastorem, quem ipsa legitime elegit, ac recepit. Huic igitur ex Christi voluntate tenetur audire. Certe igitur ex fide est quoque posterior illa propositio. Atque ita patet, conclusioem etiam, quam ex vtraque propositione deduximus, certam ex fide esse: videlicet, electum legitime in Pontificem, posteaque aliquid erga vniuersam Ecclesiam definitum, verum esse Pontificem: ac proinde minime de certitudine illius decretorum esse dubitandum.

Ex quibus rebus consequitur, si quis forte in pontificem, huius auctoritatis incapax (quod minime vercor futurum) eligeretur, nunquam tamen fore, vt is aliquid erga vniuersam Ecclesiam decerneret, sed vel discederet è vita, priusquam ad id ventum esset, vel illius certè vitium, & incapacitas Deo providente detegeretur. Neque verò hoc foret aliquid miraculum, sed quiddam omnino consequens ex ordinaria illa Christi lege, quæ is voluit Ecclesiam suam vniuersam non per ministerium alicuius alterius hominis singularis, præterquam legitimi pastoris, gubernare.

Erga particularem verò Ecclesiam aliquam, aut aliquas etiam personas, non esset vsque adeo incommodum concedere, posse aliquid statuere eum, qui verus non esset Pontifex. Quo casu Deus per se (sicut in similibus casibus pie credi posse, notat ex sententia D. Thomæ, & aliorum Theologorum Turrecreniana) suppleret, ad aliorum videlicet

et necessariae utilitates, ministerium pastorem veri. Vt confirmo maudo per se, exempli causa, eos Episcopos, quos ille pontifex confirmasse verè putaretur.

Sed quæret hic aliquis: cuiusmodi debeat esse illud, ad vniuersalem Ecclesiam pertinens, quod cum pontifex statuit, intelligitur sine ulla dubitatione esse verus pontifex. Nam si opus est, vt aliquid circa fidem definiat; cum cuiusmodi definitiones à paucis pontificibus, & rarò fiant; rarò etiam ex fide constabit, aliquem esse pontificem verum.

Respondeo primò, quàm diu pontifex quidem nihil erga vniuersam Ecclesiam statuit, nihil vel parum admodum imminere periculi, si diu aut etiam omnino non constaret ex fide, illum esse verum pontificem, sed certitudine tantum morali. Plus enim quiddam est, sedem Apostolicam omnino vacare; quàm non prorsus ex fide constare, num is, qui in ea præsidet, legitime, ac verè præsideat. Et tamen vacat quandoque sine magno Ecclesie incommodo sedes Apostolica aliquamdiu. Minus igitur incommodum erit, si is qui in ea præsidet, morali tantum certitudine existimetur ritè præsidere, non autem indubitata fide.

Deinde dicimus, non modò ex definitione fidei, sed etiam ex aliqua institutione, circa mores, ad vniuersam Ecclesiam pertinente, quales sæpe sunt à pontificibus, colligi posse de fide, quòd aliquis sit verus pontifex. Imò etiam ex dispensatione Thesauri Ecclesie per generalem indulgentiam, siue iubilæum. Nec enim his etiam modis Christus Ecclesie suæ prospicit, alterius ministerio præterquam veri pastoris. Quare non ita rarò accidit, vt per fidem constet de vero pontifice.

Postremò à nobis illud breuiter refellendum est, quod vaniloqui hæretici obijciunt, aliquos Romanos pontifices à nonnullis principibus, aut etiam ab alijs grauibz viris vehementius quandoque reprobos fuisse, atque etiam eo loco habitos, quasi non Petri successores, & Christi Vicarij, sed Antichristi essent. Quo in calumniæ genere eò etiam nostri Aduersarij processerunt impudentiæ, vt eam communem fuisse Ecclesie existimationem de pontificibus Romanis suadere, quidam vanissime, & mendacissime conentur. Sed cum hauc de Antichristo contumeliam varij Theologi, nec ita pridem, doctissime refutarint; & quo loco Romanus pontifex in Ecclesia semper sit habitus ex allatis suprà testimonijs aduersus istorum vanitatem, satis superque iam constet; breuiter iam pro instituto nostro respondemus: Si qui ex Orthodoxis acris aliquando in Romanum pontificem inuecti sunt, ij non ad locum, & auctoritatem, sed ad priuata vitia personæ, seu conficta, seu verà, respererunt. Quod nobis nihil sanè obstat. Nec enim, vt illi sedi auctoritas sua constet, defendi necesse est, omnes & singulos, qui in ea sederunt, fuisse innocentissimos.

Quin imò Schismaticis istis Romanorum pontificum obreptatoribus, qui mendacijs ferè à diaboli voce confictis aduersus sacerdotes Dei (vt de suis temporis hæreticis

grauissimis verbis scripsit Cyprianus) Catholica vnitatis concordiam rumpere conantur, i fidenter idem respondemus, quod ad similes criminationes (sunt enim omnes hæretici, quod ad odium Sedis Apostolicæ attinet, similes) olim respondit D. Augustinus Donatistis hæreticis. [Cathedra, inquit, tibi quid fecit Ecclesie Romanæ? in qua Petrus sedet, & in qua hodie Anastasius, dicamus nos, Gregorius, sedet, quibus nos in Catholica vnitatem connectimur, & à qua vos nefario furore separastis. Quare appellas Cathedram pestilentie, Cathedram Apostolicam? Si propter homines, quos putas legem loqui, & non facere; numquid Dominus Iesus Christus propter Phariseos, de quibus dixit: Dicunt enim, & non faciunt; Cathedra, in qua sedebant, vllam iniuriam fecit? Nonne illam Cathedram Moysi commendauit, & illos tamen, seruato Cathedræ honore, redarguit? Aut enim: Super Cathedram Moysi sedent, quæ dicunt, facite, quæ autem faciunt, facere nolite. Dicunt enim, & non faciunt. Hæc si cogitaretis (nonne Sectariorum hodie etiam alloqui videtur?) non propter homines, quos infamatis, blasphemaretis Cathedram Apostolicam, cui non communicatis. Tum etiam idem Augustinus: Cùm tales (Pharisei) federint super Cathedram Moysi, cui Dominus honorem seruauit: quare vos propter eos, quos istis siue iustis, siue iniustis comparatis, Cathedram Apostolicam blasphematis?] Hæc Augustinus. Quæ à nobis hoc tempore similiter, aduersus Sectariorum maledicta in Romanos pontifices, iure optimo vsurpantur.

Ex quo etiam intelligi potest, quæ ratio, & illud accipit debeat, quòd D. Gregorius scripsisse legimus: [Antichristi præcursorem eum esse, quiuisque se, contemptis reliquis, Episcopum vniuersalem appellare, audet.] Non enim locum ipsum, & dignitatem vniuersalis Episcopi Gregorius exagitat, sed superbiam, & arrogantiam in eo nomine temerè vsurpando. Quod vitium iure optimo in illo Ioanne Constantinopolitano, schismaticè primatum affectante, aduersus quem Gregorius eo loco scribebat, reprehendere potuit. Ac sanè maximam esse Sectariorum vanitatem, quòd illud etiam Gregorij dictum aduersus Pontificis Romani primatum obijcere soleant, ex ea re perspicuum est, quòd in eo ipso loco, vbi Gregorius vocabulum illud exagitat, simul etiam, Petri primatum, cuius ipse successorem se proficitur, agnoscit, ac luculenter asserit. [Cunctis, inquit, Euangelium scientibus liquet, quod voce Dominica, sancto, & omnium Apostolorum principi Petro, totius Ecclesie cura commissa est, &c.] Et infrà vocabulum etiam ipsum vniuersalis Episcopi Romano Pontifici à Chalcedonensi Synodo delatum esse memorat; quamuis illud Pontifex modestè detræxerit. [Certè, inquit, pro Beati Petri Apostolorum principis honore, per venerandam Chalcedonensem Synodum Romano pontifici oblatum est (uomen vniuersalis.) Idem alibi scribens ad illum ipsum Ioannem: Nunquid non, sicut vestra sanctitas nouit, per venerandum Chalcedo-

cedonense Concilium huius Apostolicæ Sedis Antistites, cui, Deo disponente, deferuio, vniuersales, oblato honore, vocati sunt.

Tria igitur à nobis hactenus probata, atque defensa sunt, ex quibus certissime concludimus, Romanum Pontificem suprema in Ecclesia auctoritate ad constituendum infalibiliter de rebus fidei, & morum præditum esse. Primò, auctoritatem eiusmodi Diuo Petro à Christo tributam esse. Secundò, non Petro solum, sed eius etiam, vsque in sæculi

finem legitimis successoribus eam à Christo auctoritatem tribui. Tertiò, Romanos omnino pontifices esse in eo genere legitimos Diui Petri successores. Quare manet professò Romanum pontificem pro tempore existentem eum esse, cui tanquam successor Diui Petri, vniuersalis Ecclesiæ cura, quod ad fidem moresque spectat, commissa sit, & in quo proinde de quæstionibus omnibus fidei decernendi auctoritas resideat.





P A R S O C T A V A.

Quotiescumque Romanus Pontifex, in fidei quaestionibus definiendis, illa qua est praeclatus auctoritate utitur; ab omnibus fidelibus, tanquam doctrina fidei recipi diuino praecepto debet ea sententia, quam ille decernit esse sententiam fidei. Toties autem ea ipsum auctoritate, uti credendum est, quoties in controuersia fidei sic alterutram sententiam determinat, ut ad eam recipiendam obligare velit uniuersam Ecclesiam.



Rior huius assertionis pars facile probatur ex his, quae hactenus sunt constituta. Nam si D. Petro, tanquam uniuersali Ecclesiae Pastori, Christus auctoritatem tribuit, infallibiliter constituendi de quaestionibus fidei: & hæc eadem auctoritas Romanis Pontificibus Diui Petri successoribus diuinitus confertur (quæ duo hactenus à nobis confirmata sunt) dubitari non potest, quin etiam Christi oues teneantur, tunc salutarem praeceptum doctrinae fidei acceptare, cum usu illius auctoritatis à Romanis Pontificibus ipsis ostenditur. Omnes enim in primis hanc obedientiam suo Pastori, atque praeposito debent, ut si quid ille in quaestionibus fidei infallibiliter verum tradiderit, id sibi verissimum esse persuadeant, nec possint assentiri contrario.

Ac nisi eiusmodi auctoritatem docendi Christus Diuo Petro (atque adeo etiam successoribus eius) attribuisse, sanè quidem, nec absolutam curam pascendi Dominicum gregem Petrus suscepisset (cum pascatur ille in primis veritate doctrinae) neque omnino clauis regni caelorum accepisset, cum aperiretur in primis caeli vera doctrina fidei, sine qua impossibile est placere Deo.]

Huc apertissime quoque spectat illud Christi: [Ego, inquit, rogavi pro te, ut non deficiat fides tua. Et tu, aliquando conuersus, confirma fratres tuos.] Quod rectè in primis ad officium docendi sancti Patres referunt. Hoc & ipse Petrus etiam illis verbis testatus est: [Viri fratres, inquit, vos scitis, quoniam ab antiquis diebus elegit Deus per os meum audire gentes Euangelium, & credere.] Atque eam etiam D. Petri auctoritatem D. Ambrosius pulchrè colligit, ea re à

Christo significatam esse, quod alijs Apostolis praesentibus soli tamen Petro dixit: [Duc in altum, idest, in profundum disputationum.] De quo multa etiam superius à nobis dicta sunt, & multa quoque disputatur eruditè tum ab alijs scriptoribus, tum praecipue à Ioanne Turrecremata.

Cum igitur constet, id ab omnibus in materia fidei recipi debere, quod Romanus pontifex D. Petri successor utens ea docendi auctoritate, qua est praedatus, infallibiliter tradit; altera nunc pars assertionis à nobis confirmanda est, nempe toties Romanum pontificem illa docendi auctoritate uti, hoc est, infallibiliter Spiritu sancto assistente docere, quoties de rebus fidei controuersis alterutram sententiam ita determinat, ut ad eam recipiendam obligare velit uniuersam Ecclesiam. Nisi enim etiam de hoc constet, dubitare liceret, num ob eam rem fortassis pontificis definitio in fidei quaestionibus falsa sit, quod non sit in definiendo usus illa infallibili auctoritate docendi, qua est praedatus.

Id autem, ut probemus, distinguendi modi sunt, quibus potest contingere, pontificem aliquid asserere. Primum enim potest, sibi persuadere, aut asserere aliquid, ut priuata persona quaedam, vel Doctor alius quispian. Ut, si noller Ecclesiam uniuersam ad recipiendam suam assertionem obligare, sed tantum sententiam ipse suam reputaret veram. Hoc modo Innocentius Tertius, & nonnulli alij pontifices opuscula varia ediderunt. Ac illa quidem, quæ sic pontifex asseruerat, communis sententia omnium Theologorum est, non oportere esse omnia vera, & infallibilia, quasi à pontificia auctoritate profecta. Quinimò à plerisque auctoribus conceditur, fieri posse, ut pontifex tanquam quaedam priuata persona in hæc sim labatur.

Quod

Quod & quandoque euenisse, ex sexta, & septima Synodo generali, itemque ex nonnullis pontificum epistolis nonnulli colligunt, in quibus commemoratur, Honorium Pontificem, defunctum, condemnatum esse, tanquam fuerit errore Eutycheris, de vna voluntate, & operatione Christi, infectus. Et tanquam Albertus Pyghius Campensis, & ante eum Ioannes à Turrecremata, pie conentur hunc pontificem; sicut & nonnullos alios, de quibus minor difficultas est) à nota hæresis vendicare, defendente eum, aut omnino damnatum ab Ecclesia non fuisse, aut non, nisi secundum falsò allegata, & probata fuisse damnatum: tamen (quidquid de ea questione, particularis facti, statueretur) videtur saltem in illis Concilijs, & epistolis pontificum, atque etiam in Concilio Quinro Romano, admitti tamquam possibilis eiusmodi casus, quo scilicet Romanus Pontifex in hæresim, priuacim labatur.

Secundò, modo potest pontifex aliquid asserere obligando vniuersam Ecclesiam, vt illud recipiat, nec quispiam audeat, sibi persuadere contrarium. Et quæcumque pontifex in aliqua de religione controuersia sic asserit, certa fide credendum est, illum infallibiliter, ac proinde ex auctoritate pontificia, hoc est, ex diuina assistentia, id asserere.

Atque hoc ipsum est, quod ponimus in secunda parte illius nostræ assertionis. Quæ sic probatur: Quidquid eo modo pontifex determinat, id sine contradictione Ecclesia vniuersa tenetur recipere. Sed quidquid Ecclesia vniuersa tenetur recipere vno aliquo homine docente, tenetur recipere, id est veritas infallibilis, quam Spiritus sanctus ministerio legitimi pastoris illi suggerit. Ergo quidquid eo modo pontifex determinat, id suggerente, Spiritu sancto, tanquam legitimus pastor, ac proinde ex pontificia auctoritate infallibiliter determinat. Maior propositio probatur. Nam cum Christus dedit Petro, & successoribus (vt superius probatum est) auctoritatem regendi totum Ecclesiæ ouile, atque adeò illud pascendi verbo doctrinæ; dubium non est, quin etiam oues vniuersas obligarit, ad sui pastoris, atque præpositi vocem audiendam: idque tunc præcipue cum pastoris cura, & ducatus maxime illis necessarius est, videlicet in rebus de fide, ac religione controuersis. Quinundò, Diuum Petrum habuisse & successores eius Romanos pontifices, nunc habere potestatem à Christo cum auctoritate docendi vniuersam Ecclesiam (quod abundè superiore assertionem probatum est) hoc ipsum sanè est, ira docendi munus illis commissum à Christo esse, vt eorum vocem audire vniuersi fideles teneantur. Quod præclare intelligens D. Cyprianus, verissime illud scriptum reliquit: [Non aliunde hæresis oriri, quam quòd sacerdoti Dei non obtemperatur, nec vnus in Ecclesia ad tempus sacerdos, & ad tempus iudex vice Christi cogitur.] Vt iam cætera testimonia veterum duabus præcedentibus assertionibus pro Diui Petri, & successorum auctoritate citata, non repetam. Certa est igitur illa propositio maior. Minor autem eiuſdem argumenti propositio patet certè ex promissionibus diuinis, quas habet Ecclesia de doctrinæ veritate certissimas, ne

vnquam tota in errorem induci possit, sicut supra in loco de vera Ecclesia vidimus; itemque ex Scripturæ testimonijs supra in præcedente assertionem allatis, quibus sanè constat, lege ordinaria Spiritum sanctum, non per aliquem alium hominem singularem, veritatem suggerere vniuersæ Ecclesiæ (cum obligatione acceptandi) nisi per legitimum pastorem, cui nimirum traditæ sunt oues Christi pascendæ; & super quem est ædificata ipsa Ecclesia. Ac sanè insit petra firmissimas, maximeque infallibiles eiusmodi pontificum Romanorum definitiones esse, passim est à sanctis Patribus, & Concilijs constitutum, vt videre est in perisque testimonijs ex ijs, quæ supra non paruo numero pro primatu Petri, & successorum citauimus. Prorsus vt iure, ac merito Leo Decimus, articulum etiam Lutheri vigesimum octauum damnauerit, qui continebat non obstante determinatione pontificis posse quempiam contra eam sentire.

Obiectio Prima.

Ceterum, vt magis etiam huiusmodi assertio confirmetur, nonnullæ iam expediendæ sunt hoc in loco difficultates. Quod faciam breuiter ad ea ipsa respondendo, quæ, contra constituta hæcenus de pontificis auctoritate infallibili, opponi possunt. Potest autem opponi primò, quod non satis compertum esse videatur, vtrum pontifex in canonizatione sanctorum errare nequeat. Cum enim ille testimonijs hominum, & probatione necessario in ea re nitatur; vt hoc testimonium fallibile est, sic videtur pontifex falsò posse pronuciare, aliquem reuera esse sanctum. Item in approbandis religionibus similiter errare posse videtur. Nam ex iure Canonico constat, aliquas Religiones prius approbatas, postmodum improbatas, & expiosas esse, vt patet in libro sexta decretalium, Titulo de religiosis domibus, capite vnico, & in extrauaganti Sancta Romana, quæ est Ioannis 22. Non igitur ea, quæ pontifex determinat, omnia sunt infallibilia.

Respondeo. Non est negandum, quin quod dictum est de infallibili certitudine definitionum pontificis, inprimis locum habeat in ijs, quæ pontifex ad doctrinæ controuersias finiendas errorisque exterminandos, fidelibus proponit, tanquam à Deo reuelata, & credenda ex fide. Ceterum quoniam pastorem suum semper audire tenetur Ecclesia, quam diuina Scriptura absoluit prædicat, [Columannum esse, & firmamentum veritatis,] idèque nunquam errare tota potest, dubium esse non debet, quin in alijs quoque rebus omnibus asserendis, quæ ad pietatem spectent, & Ecclesiam totam concernant, infallibilis sit pontificis auctoritas. Neque sanè arbitror, hoc absque errore negari posse. Vt enim alijs omnibus Ecclesiæ Ministris, ita etiam inprimis summo Ecclesiæ pastori potestas, auctoritasque sui muneris ad ea, quæ pertineant ad Ecclesiæ ædificationem, attributa est. Talia autem cum sint quæcumque spectant ad pietatem, dubitari non debet, quin in ijs constituendis pontifex officio suo fungatur. Cumque in usu

sui muneris ille, si quid pro Ecclesia vniuersa statuit, errare, vt antea probatum est, non possit: fit vt in omnibus, quæ ad pietatem, religionemque spectent, illius auctoritas, quemadmodum dixi, sit infallibilis.

Itaque quod ad canonizationem Sanctorum attinet, omnino nego id, quod communiter Doctores catholici iure optimo negant, videlicet posse pontificem hac in parte errare. Quamuis enim testimonia, quæ pro alicuius hominis sanctitate afferuntur, sint humana, ideoque natura sua fallibilia: tamen posito, quod pontifex illis inducat tandem ad pronuntiandum quempiam sanctum, atque beatum iam esse, certa fide credendum est, testimonia illa) quatenus in genere saltem probant pie, atque sancte quemquam ex hac vita excessisse) vera esse, & hominem eiusmodi ex eorum esse numero, quos reuelationibus Scripturæ generalibus in communi constat, diuinæ gratiæ beneficio consequi æternæ vitæ beatitudinem.

Quæ sanè certitudo ipsdem illis Dei promissionibus nititur, ex quibus competere habemus, numquam esse futurum, vt vniuersa Ecclesia in rebus religionis fallatur. Falleret autem grauius in negotio religionis, si Sanctum reputaret, ac pro tali veneraretur eum, qui Sanctus non est. Hic autem illud, quod aliàs ab Orthodoxis probatum, atque defensum est, tanquam ex fide certum pono, nempe rem esse omnino, quæ ad Ecclesiæ ædificationem, adeoque ad officium pontificis pertineat, vt Sancti quidam aliquando canonizentur: ac proinde vniuersam Ecclesiam debere, vt Sanctum venerari illum, quem Summus Pontifex numero Sanctorum adscribit; sicut etiam vsus ipse perpetuus, atque traditio Ecclesiæ confirmat. Qua de re videri plura possunt apud Thomam Waldensem, & Alphonsum à Castro, itemque apud Diuum Thomam.

Ad aliud quod de Religionum approbatione in argumento obijciatur, ita respondeo. Cum pontifex religionem aliquam, hoc est, certum aliquod vitæ institutum approbat, duo in eiusmodi sacro pontificis considerari debent. Vnum est in ipsa definitione pontificis, atque iudicio positum: nimirum quod is asseuerat, institutum illud vitæ malum non esse, sed Euangelicæ potius perfectioni omnino consentaneum. Alterum vero spectat ad quamdam pontificis prudentiam in gubernando: nempe quod tali vitæ instituto suum quemdam in Ecclesia concedit locum.

Iam in primò illo quidem nullo modo pontifex errare potest. Deciperetur enim, tunc Ecclesia tora non parum, si is illi hominum ordo, eaque Religio à pontifice commendaretur, vt sancta, quæ non esset sancta, sed profana potius, ac perperam instituta. Quocirca in Concilio Constantensi damnatur vltimo loco error quidam Wicleffi impudentissimè asserentis, omnes Religiones indifferenter esse introductas à diabolo. Neque ob aliam certè rationem hic error damnatur, nisi quia multæ sunt Religiones per Sedem Apostolicam approbatæ. Quare prorsus errare censendus est is, qui hanc, vel illam religionem, à Sede Apostolica approbatam, di-

ceret esse, aut malam, aut pugnantem cum doctrina Euangelij.

Quod verò attinet ad pontificis prudentiam in admittenda hac, vel illa religione, quibusdam sanè visum est, errari posse à pontifice, sic vt religionem aliquam admittat, quam circumstantiis omnibus spectatis oportuisset rejicere. Sed ea tamen opinio iure, ac merito reprehenditur. Neque enim debet vllò modo concedi, posse pontificem vniuersam Ecclesiam ad rem aliquam obligare, quæ ipsa tamen non ad ædificationem, sed ad destructionem (quacumque tandem ratione) pertineat Ecclesiæ, vt satis superque iam ex dictis intelligi potest. At cum pontifex locum concedit in Ecclesia alicui Religioni; cerè vniuersam Ecclesiam eatenus etiam ea re obstringit, & obligat, vt nequeat illa obfistere, quo minus talis Ordinis Religiosi inter fideles ipsos versari possint. Hoc igitur si incommodum ipsi Ecclesiæ esse posset, iam illam pontifex, ad rem obligaret, quæ non ad fideliū ædificationem spectaret, sed ad destructionem potius. Et tamen quoniam, & rerum, & temporum, & personarum circumstantiæ sæpè mutantur, concedendum nihilominus est euenire posse, vt quæ Religio prius bene, ac prudenter approbata, atque recepta fuit, postea item bene, ac prudenter rejiciatur.

Quod igitur in argumento obijciatur, Religiones quasdam antea probatas, postea explosas esse, id non ita faciū est, quasi aliquando fuerit probata Religio, quæ esset male, ac imprudenter instituta: sed quod postea progressu temporis visum fuerit, magis ad ædificationem Ecclesiæ conuenire, vt ex Religionibus antè probatis quædam exploderentur. Cauenda autem in hoc genere præsumptio, atque temeritas est in arguendo, sibi iudicio, quod pontifex in hac, cui illa Religione prius admittenda, vel post retinenda, & fœuenda minus faciat conueniret. Non enim ad quoscumque pertinet hoc iudicium, sed ad pontificem tantum, vel ad eos, quorum ille opera vitur in ijs rebus instituendis, quæ ad commune Ecclesiæ bonum spectant. Quæ sanè in re dicendi libertas auctoris cuiusdam, & catholici aliqui, & bene eruditi, merito ab alijs est notata, atque reprechsa.

Sed dicit modò aliquis: Si certum infallibiliter est, hominem illum in cælis esse, quem pontifex canonizat: Item illud Religionis institutum Euangelio consentaneum esse, quod ipse approbat: erit igitur fidei assensus ille, quo nobis Sanctum aliquem in cælis esse, & Religionem aliquam esse bene institutam, persuademus. Quod si ita est, primū oportebit reuelationem aliquam assignare diuinam, quæ eiusmodi veritas contineatur, id quod videtur difficile. Deinde falsum erit, quod Theologi tradunt, numquam aliquid per pontificis definitionem fieri nobis ex fide certum, quod sit omnino nouum, hoc est, quod fuerit Apostolis, ac veteribus Patribus incognitum. Quid enim Apostoli de Diui Francisci verbi gratia, & Ordinis ab ipso instituti sanctitate nouissent? Postremò ex ea re sequetur, hæreticum esse, cum, qui negat D. Franciscum, verbi gratia

clic

esse in cælo; at talis à Doctõribus hæreticus non putatur apertè, vt videre est nominatim apud Melchiorem Canum.

Hæc paucis expediri possunt. Quod enim ad reuelationem attinet, dico satis esse in proposito generalem illam, qua constat, quidquid pontifex determinat ad vniuersam Ecclesiam pertinens: id esse verissimum. Item ad Sanctos canonizatos illæ etiam, vt supra attigi, reuelationes Scripturæ pertinent, quibus generatim ijs, qui piè viuunt, beatitudo cælestis promittitur. Per determinationem enim pontificis cognoscimus, Sanctum canonizatum in eiusmodi propositionibus Scripturæ vniuersalibus contineri: atque ita possumus sanè propter illas, fidei assensum elicere, quo nobis persuademus eiusmodi sanctum æternam beatitudinem adeptum esse.

Iam quod de nouitate assensus fidei obieciatur, id nec incommodum habet vllum, neque doctrinæ Theologorum repugnat. Etenim cum illi aiunt, nullam fidei veritatem nouam in Ecclesia definiri; id intelligunt de veritate dogmatum, quæ controuerti possint circa nostræ Religionis capita: vt circa Deum, circa Sacramenta, & similia. Nihil autem obstat, quo minus de particularibus, & contingentibus materijs, quales sunt illæ in nostro proposito, aliquid per definitionem pontificis innotescere nobis de nouo possit. Quod sanè potest confirmari hoc exemplo. Communiter enim dici solet, eum qui debita cum intentione infantem baptizat, credere ex fide debere (propter reuelationem scripturæ ea de re vniuersalem) talem infantem esse in gratia. Quod ipsum tamen ab Apostolis certè non fuit ita determinatè de eiusmodi infante creditum.

Ad illud autem, quod obieciatur potestemò, negari debet illa consequentia. Non enim est hæreticus, quicumque negat aliquid, quod reuera pugnat cum sententia fidei, sed is, qui negat, quod scit, vel debet scire esse contra sententiam ab Ecclesia, tanquam de fide, sine vlla apud Orthodoxos controuersia, traditam. Non est autem ita prorsus ab Ecclesia tradita hæc doctrina, quæ ponimus, pontificem non posse etiam errare in canonizatione Sanctorum, & proinde ex fide credi Sanctum canonizatum esse in cælo: Sed cum Theologi nonnulli sentiant, certum quidem esse, non posse in eo genere pontificem errare; non esse id autem certum ex fide: opinamur nos sanè, id etiam verè esse certum de fide propter promissiones factas Ecclesiæ de omni veritate, quæ ad illius ædificationem spectet. Et consequenter etiam putamus, vel hoc ipso ab Ecclesia id esse nobis propositum, quod proponit nobis Scripturas, in quibus sunt tales promissiones. Id quod nobis quidem satis est, vt conemur ipsi elicere assensum fidei circa eiusmodi veritatem, atque adeo etiam eum omnino eliciamus, si nostra sententia, quemadmodum existimamus est vera.

Alij autem, cum non teneantur quidem sibi persuadere, veritatem eiusmodi ex fide esse certam; non illico sunt hæretici, si eam negent; quamdiu Ecclesia quidem non apertè declarat, certam illam ex fide esse. Sed essent tamen illi sine controuersia temerarij,

Tom. XIII.

& scandalosi, atque adeo digni, qui ab Ecclesia puniantur, vt rectè notat Melchior Canus. Atque hæcenus de ijs, quæ primo loco aduersus certitudinem definitionum Summi Pontificis opponebantur.

Obiectio Secunda.

SEcundò, opponi potest, quòd aliquorum Patrum scripta ab Ecclesia sunt approbata, vt Cypriani, Chrysostomi, Gregorij Nazianzeni, Basilij, & Ambrosij, quæ approbantur à Gelasio Papa, neque tamen omnes istorum Patrum sententiæ, infallibiles existimantur. Non igitur quidquid pontifex decernit verum esse, id infallibiliter verum est.

Respondeo breuiter, pontificem eiusmodi approbatione non vtique decernere; verum esse, quicquid illi Patres scriperunt; solum affirmat, illos benè, atque vtiliter, addo etiam sanè de Religione scripsisse; sed vt homines tamen, qui non ita fuerint Spiritu Dei præditi, sicut fuerant scriptores canonici, quique proinde in illis rebus, quæ suo tempore non erant adeò expressæ de fide, errare interdum potuerunt. Quæ de re eruditè mihi scripsisse videtur Canus.

Obiectio Tertia.

Tertio, mouere fortè potest, quod nonnulli scriptores catholici negauerunt, oportere verum esse infallibilitatem, quicquid pontifex determinat. Non ergo vsque adeò, id est certum, quod de infallibilitate pontificis auctoritatis statuimus.

Respondeo. Quid eiusmodi auctores voluerint, non satis illi perspicue, vt mihi videtur, declarauerunt, atque ita non est mirum, si non satis etiam constet, illos contra fidem apertè errauisse. Nam, si tantummodo voluerunt, pontificem, vt priuatam personam, errare posse, aut etiam priuatam aliquem suum errorem in fide manifestum, peruersè velle Ecclesiæ ipsi, aduersus exploratam alioqui in eadem Ecclesia fidem, obtrudere; rem illi opinantur non penitus improbabilem. Nam pontificem posse priuatim in hæresim incidere, multi, vt supra vidimus, concedunt: & posse eum præterea, frustra velle priuatam suam hæresim manifestam alijs etiam obtrudere, auctores etiam graues admittunt. Neque esset id sanè coniunctum cum Ecclesiæ periculo: vt potè, quæ iam agnoscens, per hæresim manifestam pontificem eiusmodi de auctoritate sua decidisse, & contra compertam in Ecclesia fidem docere, minimè tunc eum tanquam pastorem audire, sed tanquam lupum manifestum fugere teneretur. Sin autem auctores illi volunt, pontificem in rebus alioqui omnino controuersis, hoc est, non satis expressè in Ecclesia compertis, ac determinatis, definire posse, vt personam publicam errorem re ipsa contra fidem; errant ipsi in fide grauissimè. Posset enim, imò teneretur tunc Ecclesia, vniuersa pontificem de re controuersa docentem, ac nondum hæresi manifestam notatum, pro pastore suo agnoscere, atque adeo ipsum omnino audire. Ita fieret, vt si ruc ille errare posset; Ecclesia etiam vniuersa,

posset, immò teneretur errare, quæ est hæresis intolerabilis, vt supra satis disputatum est.

Atque hinc intelligi debet, multum interesse, cuiusmodi sit ea questio fidei, quam Pontifex determinat. Aut enim est, vel esse potest controuersa omnino, etiam inter ipsos Orthodoxos: aut tantum est cum hæreticis certè controuersa, ipsis autem Orthodoxis explorata. Si questio apud omnes, etiam Orthodoxos, sit aut possit esse controuersa; fieri nullo casu potest, vt alterutram talis questionis partem Pontifex recipi velit ab vniuersa Ecclesia, & tamen in ea te erret. Quoniam consequenter etiam errare tunc posset, immò errare teneretur vniuersa Ecclesia: cum nullo alioqui posset nisi certo præiudicio, quo minus proposuim ad suo alioqui pastore in tali questione doctrinam ipsa reciperet. Si autem questio tantum cum hæreticis, sit controuersa, & alias iam definita in Ecclesia; porro distinguendum est. Nam, vel controuersa peculiaris ab hæreticis rursus de illa mouetur, ita vt peculiare scandalum oriatur in Ecclesia, cui per clariorem Pontificis definitionem occurrat ad confirmandos in fide fideles, expedit: vel nulla denuò peculiaris controuersa de eiusmodi questione mouetur. Si nulla controuersa talis rursus mota sit; tunc quidem illud posset habere locum, quod non improbabilius quidam (vt antè diximus) admittunt, nempe fieri posse, vt Pontifex tamquam priuata persona in hæresim ante ab Ecclesia damnatam lapsus, eam etiam frustra vellet Ecclesie obstrudere: quæ res cum nullo esset coniuncta ipsius Ecclesie periculo, vt paulò antè expositum est. Sin autem de eiusmodi questione fidei, rursus controuersa moueretur; nulla tunc ratio fieri posset, vt Pontifex sententiam hæreticam de ea questione vellet recipi ab Ecclesia vniuersa: quin immò simpliciter, & absolute eam quoque fidei controuersiam infallibiliter determinaret, nec posset nisi sententiam veram, in Ecclesia prius definitam, fidelibus credendam proponere. Omnino enim earum promissionum, quas, vel D. Petro, & successoribus, vel ipsi etiam Ecclesie Christus fecit, ea etiam vis, atque ratio est, vt moris controuersijs nunquam non infallibiliter summus Ecclesie pastor confirmatus sit fideles in veritate, etiam si antè in Ecclesia haberetur eiusmodi veritas manifestè præiudicata.

Porro, & illud hinc etiam intelligi debet, cum à Pontifice Romano, vel per se, vel vnà cum Concilio, definitiones eiusmodi questionum fidei instituuntur, quæ apud Orthodoxos quidem sunt alioqui exploratæ, & cum hæreticis tantum (vt ferè sit) controuersæ, non ideo institui, vt quasi de re per se dubia, & accipiti disceptetur, sed vt re alioqui certa rursus diligenter discussa, & argumentis contrarijs, quæcunque possint opponi, confutatis, illutriori quadam cum auctoritate, & veritas ipsa fidei commendetur fidelibus, & damnetur, atque proscribatur hæresis contraria. Quo sanè fit, vt minimè mirum videri debeat, si per eiusmodi Ecclesie definitiones rarò, vel nunquam ij hæretici, aduersus quorum pertinaciam illæ institui solent, in viam reuocentur. Cum enim id ge-

nus definitiones à præiudicata Ecclesie sententia, qua tales alioqui hæretici damnati etiam sunt, minimè discrepent; æquè demum pertinaciter solent ab illis contemni, atque ipsa Ecclesie sententia præiudicata. Et de terra quidem obiectione satis.

Obiectio quarta.

Quartò, posset item aliquem fortasse perturbare, quod Doctores aliqui etiam Catholici, cum concedunt, Pontificem in rebus controuersis infallibiliter definire: addere tamen solent; si res illæ ad salutem sint necessariæ. Quasi aliquæ controuersie sint, de quibus Pontifex, non semper verè constituat. Quæ si sunt, non igitur est vniuersum verum, quod hæcenus docuimus.

Respondeo. Si Pontificis auctoritas infallibilis esse dicatur in ijs tantum rebus, quæ per se ad pietatem, & religionem (& eatenus quidem ad salutem) spectare possunt, non, autem in alijs, cuiusmodi sunt res (v. gr.) Mathematicæ, aut Physicæ: rectè id dicitur. Non enim ad scientiarum cognitionem, sed ad Ecclesie ædificationem, quæ in pietate, est, & ad salutem animarum, omnis auctoritas Pontifici attributa, spectat. Si autem preterea in earum rerum genere, quæ ad religionem pertinent, dicat aliquis, Pontificem, tum demum infallibiliter definire, si res illæ ad salutem sint necessariæ: videri certè potest loquendi modus non satis expeditus. Nam si necessaria ad salutem hoc loco intelligantur ea esse, quæ à fidelibus cunctis explicite sunt credenda: immeritò infallibilis auctoritas Pontificis ad hæc tantum coarctabitur. In alijs enim ferè rebus definitis illa exerceatur, quas videlicet non omnes fideles explicite scire tenentur; vt, quod essentia diuina non generat (v. gr.) quod sumus Iusti per inhærentem iustitiam, & id genus alia. Sin verò necessaria ad salutem in proposito appellentur illa, quæ nemini certè absque salutis periculo negare licet; tunc quidem omnia simpliciter, quæ Pontifex in rebus de Religione controuersis, tamquam persona publica, determinat, necessaria hoc modo ad salutem efficit hoc ipso, quod vniuersam Ecclesiam obligat ad illarum determinationem recipiendam; si non explicite credendo, necessitate, vt vocant, quoad actus exercitium, certè non ea negando cum fuerint proposita, atque adeò credendo ea necessariò, quoad actus, vt dicitur, specificationem. Ita absque ulla restrictione dicendum est, quicquid Pontifex in rebus controuersis ad pietatem spectantibus determinat, infallibiliter illum determinare, quando, vt expositum est, vniuersam Ecclesiam obligat.

Obiectio quinta.

Quinto obijci posset, quod sicut potest Pontifex (multorum quidem sententia) errorem aliquem in fide manifestum sibi, vt priuata persona persuadere, ita etiam errorem contra fidem quidem, sed non manifestum. Rursus sicut liberè potest (vt quidam admittunt) velle quantum in se est obstrudere Ecclesie priuatum errorem suum manifestum: ita

ita etiam videtur posse eadem libertate velle ipsi obtrudere errorem aliquem non manifestum. Fieri igitur potest aliquo casu, ut de re aliqui controuersam, nec satis apud Catholicos explorata, errorem definiat. Atque id rursus ea re confirmatur. Nam potest accidere, ut quo tempore Pontifex errore non manifesto imbutus esset, eodem tempore necesse esset in Ecclesia determinari controuersiam circa materiam illius erroris. Quo casu, ut apparet, Pontifex erroneam sententiam suam definiret.

Respondeo ad hoc argumentum, fidelitatem Dei, qua is ex promissione tenetur communem Ecclesiam errorem impedire, tunc obstat, quo minus Pontifex errore non manifesto imbutus, vellet Ecclesiam ad illum recipiendum obligare. Teneretur enim illa, tunc errorem eiusmodi recipere, si res esset plane controuersa; atque ita teneretur errare, quod est absurdissimum. Hac verò Dei fidelitas non perinde obstat, quo minus possit Pontifex iam aperte hereticus, atque adeo non amplius, aut re ipsa, aut etiam fidelium existimatione Pontifex, velle frustra errorem manifestum Ecclesiae obtrudere. Nam, ut suprà diximus, ex tali conatu Pontificis nulum periculum errandi toti Ecclesiae immineret; ut quæ statim agnosceret, non iam eum esse reuera Pontificem, atque pastorem suum, quem obaudire oporteat, sed lupum manifestum ab ouili arcendum.

Ad confirmationem autem illius argumenti respondeo, similiter ad fidelitatem Dei erga Ecclesiam spectare, ut impediret in eo casu, quo minus per Pontificem illum controuersia falsò definiretur. Id quod facere Deus posset, aut Pontificem de medio tollendo, ne ipse, sed successor potius rem decerneret: aut interna mentis illustratione, vel alio aliquo modo Pontificem ab errore reuocando. Neque verò huiusmodi providentia Dei in similibus casibus miraculosa esset censenda, sed esset potius quidam effectus eius legis ordinariæ, qua Deus per promissiones de veritate factas, sese obstrinxit Ecclesiae.

Ac sanè huius rei exemplum illud proferri potest, quòd cum Ioannes XXII. existimaret, Sanctorum animas ante diem Iudicii diuinam sententiam non videre (idque eo tempore, quo in Ecclesia, sicut Canus etiam notauit, nondum erat satis explicata hæc controuersia) & ad rem definiendam sese comparere priuilegium id faceret, è vita excessit. Quod, & illius successor Benedictus vndecimus refert. Qui tandem (Deo Ecclesie suæ prospiciente) contrariam sententiam definiuit: nimirum, Sanctorum animas ante diem extremi iudicii Deum videre.

Obiectio Sexta.

Sexto obijci potest, quod, ut postea dicuri sumus, ut Pontifex in definiendo auctoritate sua rectè utatur, studio, & diligentia in inquirenda veritate opus habet. Nihil autem obstat videtur, quo minus possit interdu illi eiusmodi diligentia prætermissa, controuersiam definire. Poterit igitur tunc saltem errare.

Respondeo. Siue Pontifex in definiendo studium adhibeat, siue non adhibeat: modò tamen controuersiam definiat; infallibiliter certè definit, atque adeò re ipsa utetur auctoritate sibi à Christo concessa. Quod ex promissionibus diuinis de veritate per magistrum vnius postoris Ecclesie factis certissimè colligimus, ut æpius argumentati sumus. Itaque studium, ac diligentia Pontifici necessaria est, non ut omnino definiat, atque infallibili auctoritate sua utatur, sed ut conuenienter, ac rectè (hoc est sine peccato) ea utatur: sicut patet etiam ex ijs, quæ post dicemus.

Huc accedit, quod si maxime diligentia Pontifici necessaria esset, ut omnino definiat tamen eadem fide credere deberemus, illum quando rem controuersiam definit, sufficientem adhibuisse diligentiam; qua suprà demonstratum est, debere nos credere, quòd tunc ille infallibiliter, ac verè definiat. Ratio est, quoniam eo ipso, quòd Christus promissit Ecclesie, numquam futurum, ut ipsa fallatur, atque adeò neque, ut Pontifex controuersiam falsò definiat, etiam promississe censendus esset, numquam futurum, ut is prætermissa debita diligentia definiat; si eiusmodi quidem diligentia necessaria omnino Pontifici esset ad definiendum. Quenadmodum, si Deus nobis promitteret, futuram anno sequenti magnam frugum copiam; promittere hoc ipso quoque censeretur aeris temperiem, quæ ad eum effectum necessaria esset, ut appositè ad hanc rem inquit Melchior Canus. Ceterum non est ratio vlla firma, quam ob rem existimare debeamus studij diligentiam Pontifici necessariam esse non modò, ut conuenienter, ac sine culpa auctoritate sua infallibili utatur, verum etiam, ut omnino illa utatur. Quare quod à nobis ante responsum est, abundè sufficit ad id explicandum, quod obijciebatur.

Obiectio vltima.

Postremò ad probandum fieri posse, ut Pontifex erret, opposui hoc loco nonnulli casus solent, quibus Pontifices aliqui ipso facto videntur errauisse. Summa autem rei est. Qui Pontificum tamquam errores obijciuntur, eos vel errores non esse; vel falsò Pontificibus imponi; vel certè Pontifices non ita definiuisse; sed sensisse tantum, ut priuatas personas, aut aliquid aliud agendo, aut etiam obiter inter probandum id quod ex instituto determinare voluerunt. Neque enim omnia, quæ Pontifices ad rem confirmandam asserunt, volunt illi definire, hoc est, obligare ad ea etiam recipienda vniuersi Ecclesiam, sed illa tantum, quæ ex instituto determinant. Quæ autem sint huiusmodi, colligi potest, aut ex erroribus contrarijs, aduersus quos Pontifices aliquid definiunt, aut ex asseuerandi modo, acque forma; ut si aliquid sub anathemate statuant, aut si ex fide certum esse asserunt, &c. id quod rectè notauit Canus, & Caicatanus etiam ante illum attigerat.

1. Ut igitur casus illos, qui solent obijci, breuiter percurramus: minimè Cælestius Tertius definiuisse existimandus est, tri-

rimonium dissolui, si alter coniugum in hæresim labatur. Innocentius enim Tertius significat quidem illum ita visum esse sentire; sed non dicit tamen ipsum ita determinasse. Et certe in eo loco vbi Cælestinus perhibetur illud dixisse, nequaquam ea de questione, sed de alia diuersa interrogabatur: satis vt appareat, si quid ille tale ibi dixit (non enim eiusmodi Cælestini sententia amplius iam reperitur) non nisi obiter ex priuata sua opinione interferuisse, cum res adhuc nondum esset satis explicata in Ecclesia.

II. Item, cum Alexander Tertius definit, matrimonium ratum non irritari per secundum matrimonium consummatum, additque id ita tenendum esse, quamuis aliqui sui precessores aliter iudicauerint: minime asserit absolute, tales aliquos fuisse pontifices, qui contrarium iudicauerint; de nullis enim omnino id constat. Imò expresse Innocentius Tertius in capitulo vltimo eiusdem tituli contrariam sententiam ita definit, vt planè significet, eam fuisse perpetuam sententiam Sedis Apostolicæ. Sed loquitur Alexander per exaggerationem, significatque, vsque adeo certam esse illam suam definitionem, vt quâvis contrarium precessores etiam sui iudicassent, tamen ita tenendum sit. Quo sanè modo loquendi Apostolum ille imitatus est, cum dicit: [Licet nos, aut Angelus de cælo euangelizet vobis præterquam quod euangelizauimus vobis, anathema sit.] Atque est Alexander ita loquutus, quoniam, vt conijcere licet, contraria illi consuetudo diuturna, atque adeo velut à pontificibus aliquibus approbata, obijciebatur.

III. Item cum idem Alexander Tertius ait: à sanctorum Patrum institutis, & ab Ecclesiæ consuetudine generali, & à diuina lege esse alienum, vt in testamentis plures quam duo, vel tres testes requirantur (cum in ore duorum, vel trium iter omne verbum) iubetque vt rata habeantur si sint adhibiti duo, vel tres testes coram Parocho: cum hoc, inquam, dicit, nihil ille sanè errat in ipso decreto sine definitione. Primum, quoniam, quicquid illud sit tandem quod significat cum dicit, illum morem esse à diuina lege alienum: id tamen non dicit, nisi in ratione, quam affert pro decreto. Non autem à pontifice definiti putandum est, quod ab eo pro ratione affertur, vt antea notatum est. Deinde, quia non significat, id institutum legum civilium esse diuinæ legi contrarium, sed non satis illi certè, aut etiam consuetudini Ecclesiæ in alijs causarum generibus, consentaneum. Nec id institutum abrogat, nisi in testamentis, vt vocant, pijs, sicut rectè Doctore colligit ex eiusdem Alexandri decreto, quod in eodem titulo proximè sequitur.

IV. Item, cum Innocentius primus, qui viduas acceperunt vxores, Sacerdotes fieri non debere, preceptum vocat diuinæ legem Mosaicam subnixum: minime ille quidem vult, legem Mosaicam nunc etiam vim obligandi habere, sed significat, legem Ecclesiasticam, quæ bigamis Sacerdotio interdicit, exemplum, & quasi fundamentum in lege illa antiqua habere.

V. Atque eodem modo Innocentius tertius intelligi debet, cum controuersias in

Ecclesia per Summum Pontificem definiri oportere, ea re confirmat, quoniam in Deuteronomio præceptum fuit, vt obediretur sacerdotis imperio: Et cum Deuteronomium, inquit, secunda lex ex vi vocabuli sit, inde comprobatur, vt quod ibi decernitur, in nouo Testamento debeat obseruari. Quod minime sanè eruditissimus aliqui Pontifex ita intelligi voluit, quasi illa ipse per se, quæ in Deuteronomio præcipiebantur, nunc sint necessario faciendæ, sed quia illa certè figura fuerunt eius, quod nunc ex nouæ legis præscripto fieri debet. Quod proinde cum sit, illa lex Deuteronomij quasi seruatur quodammodo in suo prototypo: vt ipsemet Innocentius pluribus verbis in loco declarat.

VI. Præterea nec in definitione errauit Nicolaus, cum ad consulta Bulgarorum respondit, baptizatum à quodam Iudæo, etiam in nomine tantum Christi, rebaptizandum non fuisse. Hæc enim vis definitionis est, non fuisse illum rebaptizandum propterea, quod baptizatus esset à quodam Iudæo; de quo propriè Pontifex interrogabatur. Valere autem Baptismum in nomine tantum Christi, obiter ipse ex opinione sua (quæ etiam fuit aliorum) adiunxit.

VII. Item Ioannes Vigefimus secundus, quamuis vt fertur opinatus sit, animas iustorum ante extremum Iudicii diem non videre Deum (qui sanè error non fuit semper in Ecclesia manifestus) tamen nunquam id definiuit, vt illius successor Benedictus Vndecimus disertis verbis testatur.

VIII. Item Nicolaus Tertius, cum inquit Christum abdicationem proprietatis rerum, tum in communi, tum in particulari, exemplo etiam suo docuisse, minime sanè vult, illum omnino nunquam habuisse proprium in particulari, vel in communi (quod asserere esse hæreticum, vt Ioannes postea vigefimus secundus definiuit, sed significat certe, quandoque etiam Christum abdicando se in communi, & in particulari à proprietate aliorum rerum, vitæ etiam perfectionis exemplum præbuisse: vt suam ipse Nicolaus sententiam satis declarat, & repetit quoque ex eius mente Ioannes Vigefimus secundus.

IX. Item neque errarunt Gregorius primus, & tertius, cum definiuerunt, si mulier ob infirmitatem debitum reddere non possit, licere viro alteram ducere. Loquuntur enim illi planè in casu, quo eiusmodi aliqua infirmitate ante matrimonium initum mulier correpta fuerit, vt minime proinde fuerit matrimonium validum.

X. Item Pontifex Gelasius minime sensit (vt Secarij obijciunt) substantiam panis manere post consecrationem in Eucharistia. Non enim huius Gelasij Pontificis est fragmentum illud libri, quod Gelasij nomine, de duabus naturis contra Eutychetem, circumfertur, vt aliàs diximus, & à Melchiorè etiam Cano, ac ab alijs bene animaduersum, atque probatum est. Quanquam nec prorsus aiserit ille liber, substantiam ipsam panis remanere, vt in alio loco exposuimus.

Denique quod Honorius, & nonnulli alij Pontifices in errore lapsi fuisse dicuntur (quanquam de nullo prorsus satis compertum est, pertinaciter certè errauisse) id quidem

dem utcumque res habeat, non nisi ad priuatum acriter personarum vitium: atque adeo nihil nobis ob stare potest, ut qui non ipsas personas, sed auctoritatem illam Apostolicam Sedis in definiendo defendimus, sicut supra Augustini etiam exemplo, respondeamus.

De modo quo Pontificem oportet auctoritate sua uti.

Sed cum hactenus expositum, atque defensum sit, toties Pontificem auctoritate sua uti, atque adeo Spiritu sancto assistente infallibiliter decernere, quoties in rebus controuersis alteram partem definit, & ad eam recipiendam obligare vult vniuersam Ecclesiam: merito quæri hoc loco potest, quidnam illud sit, quod Pontificem præstare oporteat, ut illa auctoritate non modò utatur, sed etiam rectè, hoc est, sine culpa utatur. Nec enim existimandum est, nullum modum in eius auctoritatis usu Pontificem seruare debere.

Ac principio quidem illud extra omnem controuersiam est, Pontificem in vnaquaque re decernenda ijs argumentis, vel testimonijs niti oportere, ex quibus veritas quam determinaturus est, pro ratione materiz, possit colligi quàm certissimè. Hoc primum patet ex ipsius Pontificis officio, quod est, ut patet ex Orthodoxa doctrina, quam passim etiam Vincentius Lyrinensis in libro aduersus hæreses inculcat, non noua fidei dogmata constituit, sed eruit vetera. Quam ad rem inquisitione aliqua pro rei subiectæ natura, opus est. Patet id etiam ex perpetuo Pontificum usu, tam vsque ab Apostolo Petro, qui saue controuersiam de celsatione legalium non nisi facta prius magna conquisitione in Concilio Hierosolymitano constituit. Denique ob eam rem etiam hæc Pontificis diligentia necessaria est, ut quæ ille, tanquam regula doctrinæ quædam nobis notior, constituit, ea facilius nobis persuadeamus vera esse, si adhibita etiam studij diligentia sint constituta.

Diximus verò debere Pontificem ea argumenta conquirere, quæ ad veritatem, pro ratione vniuscuiusque materiz, quæ possunt in controuersiam venire, sic etiam argumenta, quæ Pontifici consulenda sunt, latè patent. Verbi gratia, si de Sancto Canonizando, aut de Religione approbando agitur; humana informatione, & historia utatur, necesse est. Si verò determinaturus est dogma aliquod, ut diuinitus relatum; illa consulari oportet, quibus diuina reuelatio pura, atque integra custoditur. Cuius generis est primum Scriptura sacra, ut quæ tota est reuelatio diuina. Secundò, traditio Apostolica, quæ & ipsa, ut dicemus, diuina quadam reuelatio est, tamen non consignata literis. Tertiò, definitio priorum Pontificum, & Conciliorum. Quartò, concors sententia Patrum, atque Doctorum omnium. Quintò, quadam etiam ratione, consensus fidelium. De quibus rebus consuetudinem erit hoc in loco quædam generatim, cum delectu, & nonnulla explanatione, breuiter annotare, ut quis sit in Pontificum definitionibus istorum locorum usus, & quàm rectè ipsis imitari illæ soleant, plenius

intelligatur, & plenius etiam à nobis absolatur communis principiorum fidei Analysis.

De quibusdam quasi definiendi regulis, quæ in determinandis fidei controuersijs consuli debent, & primum de sacra Scriptura.

VT igitur à sacra Scriptura exordiamur, quinque potissimum, quod rem omnem suffissimè ab alijs tractatam paucissimè complectamur, de ea sunt annocanda. I. Quid sit. II. Quibusnam libris contineatur. III. Quantam habeat auctoritatem. IV. Vtrum, ij etiam numero Bibliorum libri, quos hodie habemus, suppedicare omnino possint argumentum infallibile ad concludendum aliquid siue definiendum tanquam certum ex fide: in quo est sanè huius loci præcipua quædam difficultas. V. Postremo, quibus rationibus uti oporteat, ut vera sententia ex Scripturæ locis elici possit.

Scriptura sacra ratio quæ sit.

I. Quid ad primum attinet, constat inter omnes, Scripturam, diuinam esse doctrinam, quam Spiritu sancto inspirante, atque dictante auctores sacri literis mandauerunt. Itaque & Apostolus eam nominauit doctrinam diuinitus inspiratam; & idcirco etiam Dei verbum literis expressum dicitur. Etenim cognitio illa sacris expressa literis, quam Deus Canonicis scriptoribus indidit, quamque per illos voluit cæteris scripto patere, velut sonorum quoddam verbum Dei est, quo is videlicet conceptum eterne mentis suæ, noticiamque verissimam, hominibus eloquitur, atque manifestat.

Cæterum cum doctrinam hanc Spiritu sancto dictante esse à sacris auctoribus exceptam, literisque mandata dicimus, non, ut eunque significare volumus, Spiritu sancto dirigente sacros auctores illam infallibiliter scripsisse. Nam & Pontifices summi certam quandam Spiritus sancti assistentiam habent, cum definiunt controuersias fidei, ut antè ostensum est; neque tamen illorum definitiones, quantumuis ab ipsis conscriptæ, Scriptura sacra sunt, aut esse dicuntur, sicut nunc quidem loquimur de Scriptura sacra. Auctores igitur Canonicos scribere Spiritu sancto dictante, ob eam rem propriè dicimus, quoniam in doctrina scripto tradenda sic illorum opera Spiritus sanctus utitur, ut in eo quidem negotio; non tam illi agant, quàm agantur à Spiritu sancto; planè instar calami, cuius, usurpatur à scriptore. Quò & illud Davidis spectat: [Lingua; inquit, mea, calamus Scribæ velociter scribentis.] Nec enim alium, hoc Iob scribam significat præterquam ipsum Deum: quem & alibi ait: [Emittere eloquium suum terræ, & velociter currere sermonem eius.]

Potro sacrum Scriptorem agi potius à Spiritu sancto, quàm agere, asserimus, primum propter facilitatem, qua is sine vilo suo labore, Spiritu sancto docente, ac dirigente, cognoscit, ac scribit omnia etiam minutissima verissimè; cum tamen Pontifex, ut rectè, hoc est, sine culpa definiat, & studio ac dili-

gen-

gentia, opus habeat; nec etiam omnia sint certa ac infallibilia, quæ obiter ille inter definiendum asserit, ut supra notauimus. Hanc autem auctoritas sacri facilitatem in cognoscendo, atque scribendo certissimè, velocitas illa significat, quam David locis proximè citatis diuino tribuit eloquio. Itaque cum Baruch à Principibus Israël interrogatus esset, quæ ratione Ieremias ipsi librum dictauisset: [Loquebatur, inquit, ex ore suo, quasi legens omnes sermones istos.] Quo loco significat, perinde fuisse facillè Ieremiam, Spiritu sancto suggerente, illa omnia pronuntiare, atque est omnino aliquam scripturam simpliciter legere.

Deinde ob eam causam quoque Scriptorem sacrum agi potius à Spiritu sancto asserimus, quia etsi sponte quidem scribat, at scribit tamen omnino necessariò, ita ut (Spiritu sancto sic efficaciter volente) minimè in ipsius arbitrio sit positum, aut non scribere, aut alio modo, alio tempore, alijs verbis scribere; cum tamen summus Pontifex, quod ad eas quidem attinet definitionis circumstantias, arbitrio suo in definiendo utatur. Atque hoc ipsum propriè est, auctorem sacrum esse quasi Spiritus sancti calamum, in cuius videlicet potestate non est, ut eo scriptor utatur, vel alio modo utatur. Ex quibus non modò Scripturarum sacrarum ratio, sed etiam discrimen inter illas, & alias Scripturas humanas, perspicuum est. Quæ sanè de re, & de Scripturarum nomine, argumento, antiquitate, &c. eruditè inter cæteros tractat Ioannes Driedek.

Qui libri sint Canonici.

II. **D**E secundo autem puncto breuiter statuentum est, Scripturam sacram illis omnibus, ac solis contineri libris, qui communiter nunc exstant in Biblijs sacris, excepto tertio, & quarto libro Esdræ. Quæ assertio ex fide est certissima. Nam libros hos Ecclesiæ Canon ex veteri traditione probauit. Est enim Ecclesiæ officium ea, quæ sunt diuinitus reuelata, fidelibus credenda proponere, ac prouide etiam quinam sint libri sacri in primis determinare. Id quod etiam D. Augustinus, & passim alij Patres confirmant: ut non immeritò idem sit in Concilio etiam Tridentino definitum.

Porrò libri iam dicti tanquam sacri, & Canonici non modò in Concilio Florentino sub Eugenio IV. & in Tridentino numerantur, sed iidem etiam probati olim fuerunt à Concilio Carthaginensi tertio, à Leone IV. Pont. confirmato, & ab Innocentio I. Et eodem tanquam Canonicos numerauit Innocentius I. & Augustinus, qui Concilio illi Carthaginensi interfuit. Quanquam fatendum est, ante Concilium Florentinum non fuisse in locis citatis factam libri Baruch expressam mentionem: Sed ut à pluribus rectè notatum est, causa cur hic liber in Catalogo olim præteriretur, non fuit, quòd pro Canonico non haberetur; (est enim illius etiam propheta planè diuina, ut iam olim Eusebius Cæsariensis, & Clemens Alexandrinus discretè testati sunt) sed quòd Baruch scriptor fuerit Ierinia. Itaque librum illius ad Ieremiam

librum veteres Patres retulerunt.

Atque auctoritas quidem eorum etiam librorum nominatim, quos huius tempestatis Sectarij pro Canonicis non habent, præterquam quòd hi etiam libri inter Canonicos ab Ecclesiâ locis citatis numerati sunt, passim quoque ab antiquis Patribus asseritur, atque ut sacrosancta usurpatur. Libri quidem Tobiz, à Clemente I. ab Anacleto, ab Alexandro I. à Marcello I. à Gelasio. Libri Iudith ab ipsè Patribus; itemque teste D. Hieronymo, à Nicæna Synodo. Libri Sapientiz, & Ecclesiastici, ab Euaristo, à Fabiano I. à Sixto I. ab Augustino: quin etiam in ipsa Scriptura noui Testamenti ex eiusmodi libris, sicut ex alijs Canonicis, testimonia citantur. Librorum Maccabeorum ab Origene, ab Augustino, ab Isidoro (sicut & libri omnes iam commemorati) & ab alijs. Epistolæ ad Hebræos, à Concilio Nicæno teste D. Thoma, item à Concilio Ephesino, & grauissimis sanè verbis ab Athanasio, ab Origene, à Theodoro, ab Augustino, ab Hieronymo, Posterioris epistolæ Diui Petri ab Hieronymo, ab Augustino, ab Isidoro, à Damasceno. Secunda, & tertia epistolæ Iannis ab ipsè Patribus, itemque à D. Dionysio. Epistolæ Iacobi à Concilio Laodiceno, à Clemente, Romano, ab Anacleto, ab Alexandro I. ab Urbano I. ab Hieronymo, ab Augustino, ab Isidoro, à Damasceno. Epistolæ Iudæ ab Anacleto, à D. Dionysio, ab Hieronymo, ab Isidoro, à Damasceno, & passim alijs. Apocalypsis denique D. Ioannis, à Concilio Ancyrano, à Toletano quarto, à Tertulliano, Origene, Epiphanio, Chrysostomo, Hieronymo, Damasceno, passimque ab omnibus alijs.

Nec verò Sectarij, ut hos libros Canonicos esse negent, iuste ea ratione mouentur, quòd à nonnullis olim fuerit de horum auctoritate librorum addubitatum. Quid tum? An non etiam pleraque fidei Decreta, motis præsertim controuersijs, tandem clarè definita in Ecclesiâ, atque ad credendum sine ulla dubitatione fidelibus proposita sunt, de quibus antea tamen obsecrata nonnihil fidei veritate, ut hominum interdum conditione innataque caligine sit, dubitari potuit? Nonne & ipsi etiam veteres, eos libros, de quibus aliquando dubitatum fuisset, tandem viu, atque Decreto Ecclesiæ certam auctoritatem, obtinuisse agnouerunt? Sed Ecclesiæ, inquit Kemnitius, quæ nunc est, & post Apostolorum tempora fuit, auctoritatem assensent aliquorum librorum tum demum credendum est, si possit proferre certa testimonia eorum, qui acceperant, & nouerant testificationem primæ Ecclesiæ de Germanis scriptis. Agnoscunt, atque fatentur isti igitur, posteriorem Ecclesiâ in eo ipso quidem, quod de primæ Ecclesiæ testificatione documenta quædam, atque testimonia proferat, non posse nos fallere. Nam si illa ipsa testimonia, atque documenta potest comminisci, non esset illi tum certè credendum. Quid igitur? An in proferendis antiquæ primæque Ecclesiæ testimonijs de libro aliquo sacro fallere Ecclesiâ non potest, & in ipsa assertionem auctoritatis libri sacri, potest tallere? Quid autem, si veterum documenta de alicuius libri sacri antiqua testificatione interirent? Idèò ne dubiam oport-

oportere esse semper in posterum auctoritatem eiusmodi libri, nec posse aliquid de illa certi, Spiritu sancto suggerente, Ecclesia statuere? Accedit, quod ex allatis testimoniis veterum pro auctoritate illorum librorum, apparet ita tandem fuisse pro maiori, & posteriori parte in Ecclesia eos olim pro Canonici habitos, vt si qui contra illorum auctoritatem recesserunt, ferè enim in genere tantum perhibetur, à quibusdam illos non fuisse receptos, vel de illis fuisse dubitatum, &c. fidem non mereantur: meritoque habeantur ab Ecclesia testimonia contraria pro certis. Et nihilominus tamen rectè monuit Augustinus, ex mente etiam aliorum veterum, in ipsis Scripturis illas primo loco habendas esse, quæ vel auctoritate communi, vel certè plurium Ecclesiarum, sint olim receptæ: non quod aliquas ex ijs, quas Augustinus in Canone numerat, putari ipse non esse infallibiles, vocat enim absolute eas omnes Scripturas diuinas, sed quoniam illæ certè, quæ vel à nullis, vel à paucioribus in dubium reuocatz fuerunt, quodammodo, ex parte quidem ipsorum hominum, sunt certiores, magisque adeo idoneæ ad auctoritatem dogmatum in controuersis questionibus confirmandam. Quod est diligenter aduersus Kemnitij, & aliorum Sectariorum cauillationes in hac questione notandum. Itaque licet alicubi memoret D. Augustinus, sapientiz librum à quibusdam receptum non fuisse; tamen disertis verbis eodem loco confirmat, eum esse diuinum: [Non debuit, inquit, repudiari sententia libri sapientiz, qui meruit in Ecclesia Christi, de gradu Lectorum Ecclesie Christi tam longa annositate recitari, & ab omnibus Christianis, ab Episcopis usque ad extremos Laicos fideles, poenitentes, catechumenos, cum veneratione diuinz auctoritatis audiri. Et infra: Qui sententias, inquit, tractatorum instrui volunt, oportet ut istum librum sapientie omnibus tractatoribus anteponant, quoniam sibi eum anteposuerunt, etiam temporibus proximi Apostolorum, egregij tractatores, qui testem istum adhibentes, nihil se adhibere, nisi diuinum testimonium crediderunt.] Et tamen tam perfidie frontis fuit Kemnitius, vt dissimulatis, fraude qua solet, his omnibus Augustini verbis, scribere non erubuerit, non defendi, vtor istius verbis, ab Augustino in eo loco, librum sapientie esse verè Canonicum: quia scilicet ibi Augustinus dicit, sententiam illam: [Raptus est ne malitia mutaret intellectionem] quam ex eo libro citarat, etiam sine libri huius attestacione per se esse alloqui certam. Atqui D. Augustinus non ideo hoc dixit, quod ipse putaret hunc librum non esse Canonicum, sed vt ijs, qui auctoritatem eius libri in dubium reuocabant, aliunde quoque sententiam illam comprobaret. Sed neque institutum meum postulat, nec patitur breuitas mihi proposita, vt argumentum hoc à pluribus alijs copiose tractatum, prolixius hic ego persequar; quod ipsum tamen satis mihi videtur hac explicacione, & illis, quæ commemorauimus, Ecclesie, antiquitatique testimonijs, esse firmatum.

Illud fortasse dicit nunc aliquis: Scriptura quædam quasi regula est, vt in hac di-

Tom. XIII.

spuratione ponimus, quæ debet Ecclesie, adeoque summus Ecclesie Pastor, niti in fidei controuersijs determinandis. Non igitur ad Ecclesiam spectat constituere, quænam sit Canonica Scriptura. Nam si ad eam id spectat, primum Ecclesia regula potius iam erit Scriptura, non è contrario. Deinde, perinde nobis erit, si Ecclesia ex Scriptura tanquam ex regula definiat, atque si absque illa regula definiat: siquidem ipsa Ecclesia si auctoritate propria constituit ad definiendum regulam. Ita definitiones illius non esse debebunt apud nos magni ponderis.

Ego verò ad hoc breuiter ita respondeo: Si Ecclesia in determinandis libris Canonici humano spiritu duceretur, omnino incommodum esset, quod ad Ecclesiam pertineret determinatio Scripturæ Canonice, ex quæ sunt ab ipsa Ecclesia definiendæ fidei questiones. Modo verò, cum à Spiritu sancto in ea determinatione, sicut & in alijs omnibus, vt supra demonstratum est, Ecclesia dirigatur; nullum omnino est incommodum, quod ipsa etiam Ecclesia regulam illam infallibiliter diiudicet, ex qua oporteat fidei controuersiam certò determinare. Habet enim Ecclesia de vtroque certam à Deo promissionem, videlicet, & quod controuersiam fidei certò definiat, & quod infallibiliter adeo cognoscat, quænam sit Scriptura diuinis reuelata, cui oporteat esse consentaneam illam fidei definitionem.

Hoc ex ea potissimè Christi promissione colligitur, quæ extat in Euangelio Ioannis: [Ille, inquit, vos docebit omnia, & suggeret vobis omnia, quæcumque dixerò, seu dixi, vobis.] Hoc enim vel maxime propriè est, Spiritum sanctum Ecclesie suggerere, quæ Christus dixit; docere nimirum illam, quænam sit cælestis doctrina, quam Christus per Apostolos suos vel scripto, vel viva voce loquutus est. Itaque si hanc Ecclesie auctoritatem tribuimus; nullum iude incommodum consequitur ex ijs, quæ obijciebantur. Primum enim non ideo concedendum est, Ecclesiam esse regulam ipsius per se Scripturæ, vt Sectarij nos existimant, vel malitiose, vel ignoranter cauillantur, sed nobis ipsis potius auctoritatem Ecclesie pro certa regula propositam esse, vt quænam sit diuina doctrina sine errore cognoscamus. Deinde cum Spiritu sancto docente, atque adeo infallibiliter, Ecclesia etiam determinet quænam sit Scriptura diuina; nihilo minoris ponderis apud vos esse debent Ecclesie definitiones consentaneæ huic Scripturarum regulæ, quàm si non ipsius Ecclesie auctoritate, sed aliunde quænam sit diuina Scriptura certò nobis constaret. Quid enim omnino certius eo esse potest, quod Spiritu sancto suggerente ab Ecclesia decernitur?

Quanta Scripturæ sacre sit auctoritas.

III. **Q**uibus rebus ita explicatis, nihil ferè difficultatis superest in puncto tertio supra posito: nempe quanta sit Scripturæ auctoritas. Est enim diuina prorsus, ac proinde omnino infallibilis. Quod ipsum quidem ex fide nobis constat, tum ob reuelationem diuinam in eadem Scriptura contentam, tanquam ob rationem, in quam propriè ipsa

J

fides

fides respiciat: tūc etiam ob Ecclesiæ propositionem, tanquam ob conditionem quandam, vt id ipsi Christiana fide credamus, requisitam: tūc postremo ob communia fidei moria, tanquam propter argumenta, videlicet, quibus animum inducimus credere non modò, quæ in Scripturis continentur esse omnia verissima, sed in primis etiam Scripturas esse diuinas. De quibus rebus cum in huius libri initio satis à nobis dictum sit, nihil est hoc loco repetendum.

Tantum ad questionem illam, quam nonnulli, nescio an satis vtiliter, hic mouerunt, vtra videlicet sit maior auctoritas, Scripturæ ne, an Ecclesiæ? Breuiter mihi videtur tribus pronuntiatis responderi posse. Primò, auctoritatem Ecclesiæ latius quidem patere, atque ita extensius quidem, sicut in scholis loquimur, posse dici maiorem. Secundò, re ipsa sanè neutram per se, seu intensius esse altera maiorem absolute, parique adco per se veneratione vtramque esse dignam. Tertio, si ad vtriusque auctoritatis quemdam quasi modum, maioris cuiusdam esse dignitatis auctoritatem Scripturæ, hoc est, merito à nobis eam tanquam diuinus aliquid suscipi.

Primum probo. Quoniam Ecclesia sanè auctoritatem habet infallibilem, & asseuerandi directio ipsam veritatem fidei, in quo cum Scriptura, quoad infallibilitatem quidem, conuenit, etsi non quoad modum asseuerandi, & præterea proponendi fidelibus ad credendum tūc ipsam Scripturam, tūc etiam clarè, & expressè quæcumque fidei veritatem in omnibus omnino controuersis, quæ oriri possunt, id quod non perinde Scriptura præstare potest, vt satis suprà docuimus.

Secundum autem pronuntiatum ea ratione probo, quòd tam Ecclesia, quam Scriptor Canonicus eodem Dei Spiritu suggerente pronuntiant. Itaque, quod attinet quidem ad asserendi infallibilitatem, & certitudinem, paris sunt per se auctoritates. Tertium denique probo ex diuerso modo, quo, vt suprà docuimus, aliter, atque aliter Ecclesia, & scriptor Canonicus, Spiritus sancti instinctu pronuntiant. Habet enim modus ille scriptoris Canonici nescio quid maioris dignitatis propterea, quòd non tam ipse scriptor agit in ea re, quam agit, nec videtur proinde nisi Deus ipse per Scripturam loqui. Accedit quòd Ecclesia ipsa etiam nititur in suis definitionibus Scripturæ auctoritate, tanquam fidei quodam fundamento ob diuinam reuelationem, quæ sacris ipsis literis continetur. Quæ omnia sanè efficiunt, vt secundum nos quidem, & secundum modum vtriusque auctoritatis, maior quædam in Scriptura, quam in Ecclesia dignitas esse videatur. Quæ explicatione adhibita, non erit difficile auctoritatem hac de re varias sententias in concordiam redigere. Et certè oportet conueniat re ipsa inter Orthodoxos de hac questione, modò rectè illius ambiguitas distinguatur.

Vtrum hi libri sacri, qui nunc extant, sunt infallibiles.

IV. Quartum, quod de Scriptura explicandum proposueramus, difficul-

tatem propterea non exiguum habet, quòd vt ex ijs numero libris sacris, qui circumferuntur, argumentum infallibile ducatur, necesse est constet, illos ipsos prorsus esse sacros, qui veritatem videlicet infallibilem contineant. At hoc non satis constare posse videtur.

Argumentum Primum.

Primò, quoniam non sunt Latini isti libri illi ipsi, qui Spiritu sancto dictante à Canonicis auctoribus partim Hebraicè, partim Græcè excepti sunt, sed alij certè vel interpretum, vel impressorum opera descripti: qui quidem errare poterunt negligenter ex alio idiomate vertendo, aut imprimendo typis. Cuius rei argumento etiam esse videtur impressionum, atque versionum tanta varietas.

Argumentum Secundum.

Secundò, quoniam si maximè constaret, hos libros nullo modo, quod ad sententiam attinet, ab originalibus discrepare, ac proinde esse diuinos; at non satis constare videtur, omne illud esse infallibile, quod diuinitus est dictatum. Cur enim non posset Deus, potentia saltem sua absoluta, per se, aut per hominis ministerium generare in hominibus, mentibus conceptum falsum? Et accedit ad huius rei confirmationem, quòd non semel videtur Deus iam falsum per se, aut per alium dixisse. Quod probari posset ex nonnullis Scripturæ locis. Primus est Genesis quarto, vbi Dominus Cain verenti ne occideretur dixit: Nequaquam ita fiet, & tamen ita postea factum est. Nam aliqui Doctores putant, eum interfectum à Lamech. Secundus est Genesis 22. vbi Abraham consensurus montem, vt immolaret Isaac, dixit ad pueros: [Expectate hic: ego & puer illic, vsque properantes, postquam adorauerimus, reuertemur ad vos.] Quo loco primum instinctu diuino Abraham est locutus, vt ait D. Ambrosius; & tamen, vt apparet, est mentitus: siquidem putabat se immolaturum Isaac. Tertius est Genesis 27. vbi Iacob fraudulenter egit cum Isaac patre suo, & omnino mentitus fuisse videtur, inquit: Ego sum primogenitus tuus Esau, quæ tamen, vt ait Innocentius Pontifex, Spiritu Dei instinctus ille ita dixit. Quartus est Esaiæ 38. (de quo etiam 4. Reg. 20.) vbi Dominus per Esaiam Ezechia nunciavit mortem eius instare, quod tamen falsum fuit, cum quindecim annis ultra vixerit. Et extant multæ tales prophetiæ, quæ videntur similiter fuisse falsæ. Quintus, est 3. Regum 22. vbi cum Dominus diceret: Quis decipiet Regem Achab, &c? prodixit Spiritus, (nequam videlicet) qui suscepit se decepturum & illum, & omnes eius Prophetas. Quod Dominus vt faceret iussit: inquit: Egredere, & fac ita. Vnde Propheta Michas ibidem: [Ecce dedit Dominus spiritum mendacij in ore omnium Prophetarum.] Adde quod multis alijs Scripturæ locis aperte dici videtur, Deum solitum esse, decipere, & tradere in reprobum sensum. Ex quibus apparet Deum re ipsa decipere, nedum posse id facere de potentia ordinaria, aut absoluta.

soluta. Quod rursus confirmatur etiam auctoritate Augustini, qui negat quidem Deum decipere per spiritum bonum: concedit tamen eum posse decipere per spiritum malum. Item alibi fusè docet, solere Deum mouere, etiam hominis mentem ad falsum.

Argumentum Tertium.

Tertio, dato quòd hoc ipsum satis constaret, videlicet verum esse id omne, quod Spiritu sancto dictante scriptum est, at non videtur satis item constare, id omne, quod in his libris continetur Spiritu sancto dictante esse scriptum: imò quædam videntur Scriptores Canonici de suo spiritu interfuisse, præsertim quæ sunt minoris momenti; quæ videtur illud, quod Apostolus scribit: Lucas incertum est. Et: Penulam, quam reliquit Troade apud Carpum, veniens affer tecum;] & alia horum similia. Ita cum non possit facile disceri, quo loco Scriptor Canonicus infallibiliter loquatur suggerente Spiritu diuino; ex nullo Scripturæ loco argumentum infallibile duci posse videtur.

Argumentum Quartum.

Quarto, dato quòd etiam constaret, sententias omnes horum librorum profectas esse ex Spiritu diuino; at scilicet illarum verus admodum obscurus est, nec satis in controuersis materijs exploratus. Quapropter cum ex sensu Scripturæ, (quæ ut inquit Diuus Hieronymus, Non in verbis, sed in sensu est) argumentandum sit; argumenta, quæ ex dubio, & incerto sensu deucunt, non poterunt esse ad controuersias determinandas penitus certa, atque infallibilia. His igitur rationibus probari videtur, non posse hosce libros, quos habemus, infallibile argumentum suppeditare ad definiendum.

Cæterum hæc quidem nullo modo, vel possunt, vel debent mouere eos, qui grauissimis illis nostræ fidei motibus, à nobis initio huius libri expositis, prudentissimè ac necessario adducti iam (Dei beneficio) sunt, ut doctrinam Christianam, atque adeo Scripturam sacram, quæ nunc videlicet in Ecclesia habetur, verissimam esse sibi persuadeant. Quo fundamento iacto, facile fuerit aduersus obiectas rationes defendere, infallibile profus argumentum ad definiendum peti posse ex his ipsis Bibliorum libris, quos Ecclesia hodie vsurpat: Id quod sanè certissimum est ex fide.

Nam primum ex ipsa Scriptura sacra, quam veram esse euincunt illa fidei motiua, de quibus dixi, constat, Christum Dominum sufficienter providere Ecclesiæ suæ, ne tota erraret. Errare autem posset, si libri illi numero, quibus vt sacris vtitur, non essent sacri. Certum igitur ex fide est, libros huiusmodi veram, & infallibilem veritatem continere, sacrosque esse.

Deinde hoc idem confirmatur auctoritate ipsius Ecclesiæ, quæ hos ipsos libros tanquam Canonicos recipit. Vt enim suprâ dictum est, ipsi Ecclesiæ commissi sunt custodia librorum sacrorum. Vnde non minus debemus ei credere proponenti nobis hos libros,

Tom. XIII.

quàm si ipsos originales seruaret. Nam ne tunc quidem aliunde compertum haberemus, tales, esse libros Canonicos, nisi ex Ecclesiæ testimonio, vt benè, ac prudenter hoc loco à Ioanne Driedone notatum est.

Ad primum igitur argumentum contrarium, responderetur, potuisse quidem vnum, aut alterum interpretem, vel impressorem, errare, aut etiam aliquos, sed vt omnes omnino errarent, fieri nequaquam potuisse; diuina nimirum prouidentia, propter Ecclesiæ bonum, id prohibente. Quam ob rem omnes illi codices (quocunque idiomate conscripti fuerint) quibus Ecclesiæ Catholica, tanquam authenticis in materia fidei, aliquando vsa est, certi & indubitati fuerunt, quod attinet ad illa omnia, in quibus eiusmodi libri concordant. Nam de locis quidem aliquibus minutoribus non pertinebitus ad ipsa dogmata fidei, aliqua potuit esse controuersia, quamdiu Ecclesiæ nullam editionem Bibliorum speciali definitione approbavit.

Iam verò, post Concilium Tridentinum dubitare non licet, quin editio vulgata vetus, quæ in primis à Diuo Hieronymo partim conscripta, partim emendata est, diuinam doctrinam contineat, sitque per omnia in sensu quidem concors illi Scripturæ, quæ primò ab actoribus sacris spiritu sancto dictante est excepta. Etenim eiusdem Ecclesiæ auctoritate (nempe Romanæ, quæ sola vera, & Catholica est, vt suprâ conuincimus) quæ omnino etiam aliquam esse Scripturam Canonicam constat, in eo Concilio definitum est, editionem hanc authenticam esse, grauiusque præceptum, vt pro authentica in concionibus, lectionibus, disputationibus, & expositionibus, habeatur, nec vllus eam reijcere quouis prætextu audeat, vel præsumat. Esse autem versionem aliquam authenticam, nihil hoc loco aliud est, quàm esse eam omnino in sententia conformem Scripturæ originali, ac proinde doctrinam diuinam continere, ex qua certò possunt controuersie fidei determinari.

Quod autem Concilium addit: ne vllus illam quouis prætextu audeat reijcere, id profectò euidentè argumento est, in omnibus omnino locis, & quod attinet ad omnes Scripturæ sententias, esse hanc editionem, vt authenticam à Concilio approbatam. Secus enim, prætextus aliquis superesset, quo, non obstant hac definitione Concilij, posset aliquando ea editio in disputationibus reijci: nempe si diceretur, aut in illo loco non esse huius editionis auctorem Spiritus sancti mentem assecutum. At, ne vllò vnquam prætextu hæc editio reijceretur, omnino voluit Concilium prohibere. In omnibus igitur locis eam haberi voluit pro authentica.

Neque tamen contendimus, errores etiam Typographorum, vt Kemnitius, & alij Sectarij calumniantur, si qui in aliqua exemplaria irrepserunt, à Concilio Tridentino probari: Vt quod obijciunt isti, capite vdecimo Iudicum, pro, Altera matre, lectum fuisse, Adultera matre, & similes quasdam nugæ. Sed probauit Concilium veterem, eam editionem benè; atque correctè typis

T 3 im.

impressam. Hanc nimirum definitiū habendam esse pro authentica. Et certē quod ad rem ipsam attinet nihil aduersus hanc editionem obijciunt Sectarij, quod alicuius sit ponderis. Nam quod illam ab Hebraicis, aut Græcis exemplaribus discrepare dicunt, id vel falsum est, si correctiora exemplaria inspiciantur, vel certē quod ad ipsam sententiam attinet nihil interest. Vt quod obijciunt, Genesis tertio, dici: Ipsa conteret caput tuum; cūm dicendum esset iuxta vim verbi Hebraici: Ipse. Eodem enim res redit. Nam si Filius Virginis Christus Iesus contriuit caput serpentis; ipsa Virgo quoque suo modo contriuit, quatenus genuit nimirum Iesum Saluatorem. Quare non malē etiam interpres, propter contextus Latini commoditatem, Ipsa, vertit, vt sequentia cum antecedentibus melius Latine cohererent. Item, quod obijciunt, Matthæi nono, iuxta Græcam dictionem, dici debere: non ueni vocare iustos, sed peccatores ad pœnitentiam, eamque postremam uoculam in vulgata editione esse omissam; obsecro quid interest? An nou enim satis per se intelligitur, peccatores à Christo cūm vocabantur, ad pœnitentiam uocatos fuisse? Sed nolo reliqua omnia persequi, quæ perinde facili expirari possunt.

Porro ex dictis intelligitur, nullo modo auctores illos audiendo esse, qui adhuc post Concilium Tridentinum contendunt, posse etiam nunc editionem vulgatam per Hebraicos, & Græcos codices, tanquam per fontes, vt aiunt, in locis aliquibus, quod ad ipsam sententiam attinet, emendari. Non licet hoc facere. Quin potius Græci, & Hebraici codices, sicut à nostra editione dissideant, per nostram corrigendi, & emendandi sunt. Nam hanc Ecclesiam peculiari definitione per omnia probauit, non illos: quanquam nec illos reiecit, nisi ubi huic nostræ editioni fortē contradicerent.

Neque uerò possunt illi codices potiori iure fontes iam appellari, quam editio hæc nostra. Primò, quia neque illi, originales ipsi libri sunt, sed variorum Typographorum opera excusi: Deinde, quoniam magna est etiam horum voluminum varietas, magna etiam eorum interpretum inconstantia, qui illos Latine ad veritatem fontium, vt ipsi dicunt, verrere conantur: prorsus ut, quemadmodum Melchior Canus argutè ait; non tam fontes vertere, quam ipsi circa fontes verti videantur. Tertio, quoniam, & Rabinorum, & aliorum Ecclesiæ Catholicæ hostium, fraude, sæpe potuerunt deprauari. Itaque minime illi in sua origine purè tanquam fontes scaturiunt: sed per varia loca, hoc est, per hominum operas, à quibus infici potuerunt, ad nos derivati sunt.

Quo circa satis multò est huic vulgatæ editioni per Ecclesiam approbatæ fidem adhibere. Quemadmodum etiam quandoque melius est ex nitido fontis riuislo, quam ex turbido ipso fonte aquam ad bibendum haurire. Quæ de re eruditè, & diligentissime scripsit inter alios Canus. Qui nihilominus bene docet, varium, ac multiplicem esse linguarum usum ad Scripturam diuinam,

& ad hanc ipsam vulgatam editionem intelligendam: non quidem vt illa quoad sensum emendetur, sed vt proprietates originalium, quàm ipsa, ob idiomatis diuersitatem, obscurius interdum exprimit, melius percipiatur. Verùm de primo argumento hætenus.

Ad secundum respondeo, ne per potentiam quidem suam absolutam posse omnium Deum, qui prima, atque summa veritas est, fallere, vel per se, vel per alium: vt nec potest ipse, cūm summa, atque infinita sit bonitas, vel peccare, vel ad peccandum impellere. Quod adeo verum est, vt minime Diuus Augustinus, ac Diuus Anselmus scribere dubitauerint, non magis Deum mentiri posse, quàm Deum esse desinere. Mentitur autem certè si quencquam ipse falleret. Nam cūm omnia ipse sciat; si falsum aliquid significaret; minime id quidem præter mentem suam, sed planè contra eam significaret; quod ipsum mentiri est.

Ac sanè postquam grauissimis nostræ fidei motibus necessariò, vt initio libri vidimus, demonstratur, Christianam doctrinam, atque adeo Scripturam sacram, dignissimam esse assensione prudentum; non est admodum difficile, tanqua ab effectu, & consequenti quodam, euincere, per nullam potentiam Deum, vel per se, vel per alium, quencquam fallere posse. Etenim si Deus illo modo posset fallere, neque deberemus sanè, neque possemus eniti, vt per fidem supernaturalem, absque omni formidine, finis penitis certè de veritate doctrinæ Christianæ. At id & possumus, & debemus; (vt illis fidei motibus efficitur, & alioqui etiam illi ipsi auctores concedunt, qui temerè existimant, Deum fallere per potentiam absolutam posse.) Non potest igitur Deus illo modo fallere. Hæc enim humanæ mentis natura est, vt nisi nobis persuaderemus, aliquid certo, atque infallibili fundamento niti, de eo penitus certè esse non possumus. Si autem Deus potentia absoluta posset fallere, nulla tunc nobis ratio suppetere, quæ nobis persuaderemus; doctrinam fidei aliquo infallibili fundamento niti. Nam quoniam obsecro? An fundamento clarè, & euidentis demonstrationis? Minime? Est enim doctrina fidei de rebus, vt Apostolus inquit, non apparentibus, id est, non manifestè notis. Qualinam igitur, aut quo infallibili fundamento doctrinam fidei niti, persuadere nobis tunc possemus? Num verè reuelationis? nec enim aliud restat. At si Deus natura sua falsum absolute affirmare posset, vnde persuaderemus nobis, eam ipsam reuelationem diuinam doctrinæ fidei, veram ac certam, esse? Non? certè ex natura Dei, si is quidem ponitur natura sua posse falsum absolute docere. Nec rursum ex ordinaria lege, ac promissione Dei, quæ ille statuerit, sed non nisi veram, unquam reuelationem. Cūm enim hanc etiam ipsam lege, siue promissionem Dei non possumus cognoscere, nisi ex reuelatione diuina, qua ille nimirum significauerit id se promississe, ac statuisse: si Deus natura sua absolute posset dicere falsum, de ea ipsa etiam reuelatione poterimus meritò dubitare; num videlicet tunc Deus,

vel

vel maxime potestatem mentiendi vsus sit, cum nobis significauit numquam se mentiturum. Ita minime viam haberemus, vt ex aliqua lege Dei ordinaria ipsi semper esse veracem cognosceremus. Vt enim dictum est, viam, ad id cognoscendum oporteret esse reuelationem, per quam sola ipsa lex Dei ordinaria in hoc genere innotescere potest; de qua tamen reuelatione, si Deus sua natura fallere potest, in primis dubitamus.

Cuius sane argumenti vis hoc exemplo elucescit. Si quem hominem numquam mentiri, alia ratione cognoscere non possemus, nisi quia ipse dicit statuisse se numquam mentiri: non vtrique penitus esse certi possemus, quod numquam ille mentiatur. Cum enim natura sua mentiri possit; vereri possemus ne tunc, vel maxime, cum se diceret nolle mentiri, mentiretur. Ita igitur, si Deus natura sua fallere posset, numquam ex ipsius Dei lege, atque promissione per reuelationem ab ipso patefacta, certo nobis persuaderemus illum numquam fallere. Vereremur enim ne vel illa maxime reuelatione legis, atque promissionis suae nos falleret.

Huc accedit auctoritas etiam ipsius Scripturae, quam quidem, vt alioqui ea nobis per communia illa fidei motiua probata est, non perperam ad hoc ipsum confirmandum, nempe Deum natura sua omnino fallere non posse, vsurpabimus. [Est, inquit Scriptura, Deus verax, omnis autem homo mendax. Item: Non est Deus quasi homo, vt mentiatur.] Quid his in locis, & quantum dignitatis existimabimus tribui Deo? An illud tantum, quod actu quidem ipse non mentiatur, cum homines ferè mentiri soleant? Atqui nonnullos etiam homines reperire liceat, qui prorsus à mendacio abstineant. Non igitur de actu ipso, sed de conditione, atque discrimine naturæ vtriusque videlicet Dei, & hominis, sermo ibi est. Nempe, vt intelligamus, Deum omnino esse eiusmodi, vt natura sua mentiri, & fallere non possit; hominem verò contrà ea natura prædictum esse, vt id possit. Vt, cum simul Scriptura dicit: [Neque esse Deum, & filium hominis, vt mutetur;] non tantum certè significat ipsum actu non mutari, sed omnino natura sua mutari nullo modo posse.

Ac sunt præterea duo Scripturae loci, qui maxime valent ad hanc ipsam rem confirmandam. Alter est in epistola ad Hebræos. Vbi Apostolus, cum firmitatem promissionis, qua Deus Abraham, & semini eius, benedictionem gratiæ suæ pollicitus est, commendare velleret, ita inquit: [Volens Deus abundantius ostendere pollicitationis hereditibus immobilitatem consilij sui, interposuit iurandum, vt per duas res immobiles (scilicet per promissionem, & iuramentum) quibus impossibile est mentiri Deum, fortissimum solatium haberemus.] Hic sanè cum D. Paulus negat, potuisse Deum, vel in promissione, vel in iuramento mentiri, procul dubio secundum potentiam Dei etiam absolutam loquitur. Nam si solum negat, potuisse Deum mentiri posita ipsius promissione, atque lege ordinata; minime fortissimum illud solatium haberemus, quod tamen nobis Paulus pollicetur. Vereremur enim, ne illa ipsa reuelatione,

qua legem eiusmodi, & promissionem diuinam cognosceremus, Deus nos fessellisset, vt ex eo argumento pater, quod paulò antè fecimus.

Alter locus est in posteriori epistola ad Timotheum. Vbi cum similiter idem Apostolus homines certissimos reddere conaretur de diuina promissione qua præmium æternum, pips operibus decretum est, ita inquit: [Ille (videlicet Deus) fidelis maneret: Negare seipsum non potest.] Quo etiam loco sine dubio negat Deum vlla ratione fallere posse. Alioqui penitus certum de diuina promissione (vt vult Apostolus) esse non possemus, quem admodum antè ostendimus.

Ad Scripturae autem locos, qui ad confirmandam posse Deum fallere, obijciebantur, non est difficile respondere. Nam quod ad primum locum attinet, possumus in primis negare, Cain fuisse hominem illum, quem Lamech interfecit. Neque enim id ex Scripturis constat, quin immò à pluribus putatur commentum. Secundo, dato quod fuerit, non ideo erit in Dei oratione mendacium. Etenim cum is ad Cain dixit: [Nequaquam ita fiet:] sensus fuit: nequaquam impune à quoquam interficeris, sicut verebaris. Quæ expositio satis congruit cum ipso textu.

Ad secundum locum, quod attinet, sunt qui concedant Abraham dissimulandi causa fuisse mentium. Ita Adrianus, quem Canus sequitur. Consequenter ij dicunt, quod Abraham mentitus sit, hoc illum ex insinuatione Dei non fecisse; quod verò nesciens prophetauerit verum, hoc esse Deo adscribendum. Atque ita interpretantur sententiam Diui Ambrosij. Mihi sententia Diui Augustini magis placet, qui negat, Abraham tunc mentium esse. Et si enim persuaderet sibi fore, vt immolaret filium, sperabat tamen etiam futurum, vt confestim ille ad vitam diuinitus reuocaretur, quo posset impleri promissiones. Ita verè potuit dicere: [Expectate hic, ego & puer illuc properantes, postquam adorauerimus, reuertemur ad vos.] Sententiam hanc Augustini sequitur Gabriel, & Carthusianus in illum locum. Neque obscure illam insinuauisse videtur Apostolus, cum dixit: [Fide Abraham obtulit Isaac Deo, cum tentaretur, qui suscepit re promissiones] ad quem dictum est, quia in Isaac vocabitur tibi semen) arbitrans, quod, & à mortuis suscitare potens est Deus, &c.]

Afferit Carthusianus, & aliam expositionem; vt nimirum quod solus Abraham erat suo iudicio præstiturus, nempe vt rediret, id iuxta vsitatum alias Scripturae phrasim, & filium facturos fuisse affirmaret. Ad quem modum intelligitur illud: [Videntes autem discipuli, indignati sunt dicentes, vt quid perditio hæc?] Quod tamen vnus Iudas dixit. Item illud: [Et qui cum eo crucifixi erant, conuiciabantur ei.]

Ad tertium locum, quod attinet, plerique concedunt, Jacob minime Spiritus sancti afflatu loquutum fuisse, sed ex se fuisse mentium, cum diceret: [Ego sum primogenitus tuus Esau:] neque verò Innocentium aliquid contrà de ea re definiuisse, sed exposuisse tantum priuatam suam opinionem, cum asseruit, Jacob, diuinitus inspiratum, ita fuisse

fuisse loquutum. Ceterum communior sententia Doctorum, ac Patrum est contraria, ut videre est etiam apud Melchiorem Canum, loco citato. Quamvis enim Iacob natura non esset primogenitus: at iure erat ex diuina voluntate, quam vel priuata reuelatione cognouit, vel ex instructione Rebeckæ matris, quam constat diuinitus edocum fuisse, fore, ut maior seruiret minori, &c. Potuit ergo Iacob absque mendacio dicere: [Ego sum primogenitus tuus: intelligens, iure, non natura. Ad eum modum, quo populus gentillum, per eundem ipsum Iacob significatus Rebeckæ, postquam per fidem, Abraham succellit, potuit verè dicere, se iure, & voluntate diuina semen esse verum, & heredem Abraham, quod ad diuinas promissiones attinet: vt perspicue Diuus Paulus verbis illis ostendit; [Non omnes, qui ex Israel sunt, is sunt Israelitæ, neque qui semen sunt Abraham, omnes filij eius, sed qui filij sunt promissionis, æstimantur in semine.]

Ad quartum locum responderetur, primò, sententiam illam fuisse explanatoriam, quæ, ut rectè inter cæteros explanauit Canus, iuxta commune loquendi vsum, accipienda est tacita quadam conditione intellecta: Si nimirum is, ad quem dirigitur comminatio, non respiciat. Respicit autem Ezechias. Itaque nulla fuit in oratione Isaie falsitas, siquidem defuit conditio. Secundò ad eam responsionem, & hoc addendum est: Deum per Prophetas solum esse prænuunciare, non, modò id, quod omnibus consideratis futurum est; sed etiam id, quod attendendo ad aliquas inferiores causas; vt ad merita hominum, &c. verè iudicari potest esse futurum, tametsi ex voluntate diuina, & spectatis omnibus causis, secus futurum sit. Atque hoc modo Isaías eo loco verè prædixit mortem Ezechie, videlicet spectata quidem causa particulari, hoc est, solum respiciendo ad merita ipsius in præsentia. Ita similes quoque prophetias interpretatur rectissimè Diuus Thomas.

Ad quintum Scripturæ locum respondeo, non illo significari propriè Dei præceptum, quasi is positiuè (vt claritatis causa in Scholis loquimur) impulerit spiritum nequam ad decipiendum, sed significatur diuina permissio, quæ in Scripturis plerumque eodem genere sermonis designatur, quo præceptum, & positiua voluntas Dei. Ita intelligitur illud Christi, ad proditorem Iudam: Quod facis, fac citius, sicut Canus etiam rectè annotauit. Atque eodem modo ad omnes alios Scripturæ locos, qui sunt eiusdem generis, respondemus: neque aliter etiam intelligi debet Diuus Augustinus. Quod enim is ait, per spiritum malum Deum solum esse decipere, non per bonum, ideò dicit, quòd spiritus malus sit, qui permittente Deo decipere solet; quod ille non solet permittere, vt fiat per spiritum bonum. Ac est etiam illud hoc loco diligenter notandum: quamuis Deus ipse per se neminem (vt dictum est) in errorem, aut etiam in peccatum impellar, tamen suo quodam iusto iudicio ad res quasdam per se aliquo non malas quandoque homines impellere, quibus rebus ipse præuidet eos ad errorem, peccatumque abiuros; idque

ipsum, vt fiat, certo quodam consilio statuit permittere. Atque hæc videlicet ratio est, quam ob rem in quibusdam præsertim Scripturæ locis ita significetur eiusmodi Dei permissio, quasi ipse per se traderet homines in reprobum sensum, ad peccandumque impelleret. Nimirum ita Scriptura loquitur, quoniam eius rei certe, ex qua sumit aliquis occasionem erroris peccatique, Deus (quidem peculiari permittendo consilio, & prouidentia) est causa. Quæ explicatio disputationes quoque Diui Augustini de hoc genere tum alias, tum maxime in libro de gratia, & libero arbitrio, non parum illustrare potest. Nam, quòd non nisi permittendo aliqui Deus tradat in reprobum sensum, ipse etiam Augustinus ad extremum satis declarat in illo eodem libro. Sed de secundo argumento nihil multa fortassis.

Argumentum Tertium.

Ad tertium responderetur. Nihil omnino in Scripturis esse, quod peculiari Spiritus sancti instinctu scriptum non sit. Quod patet profectò ex communi etiam consensu fidelium, manifestèque probatur ex eo, quòd si aliquid humano spiritui auctores sacri scribere potuerunt, magna ex parte Scripturarum labefacteretur auctoritas. Poterit enim quis dubitare, vbi nam spiritus proprio, vbi diuino auctor loqueretur. Neque facile esset discernere in hoc genere, quæ lenioris, quæ grauioris essent momenti: vt optimè Canus differit ad coarguendum tum Erasmi, tum aliorum quorundam veterum errorem, quos Hieronymus sensisse commemorat, Scriptores Canonicos in rebus maioris momenti Spiritu sancto affatos scripsisse, in leuioribus autem potuisse hallucinari. Certè D. Paulus, [Omnes Scripturam diuinitus inspiratam, vtilem esse pronunciat.] Itaque nihil est in ea, quod vel per se, vel ad alia relatum, non sit magni momenti. Petrus quoque absolute sine omni exceptione ait: [Spiritui Dei inspiratos, locutos esse sanctos Dei homines.] Quare dubium esse non debet, quin omnes, & singulæ Scripturarum particule sint Spiritu sancto dictatæ exaratz. Id quòd meritò etiam in Concilio Tridentino sub anathemate definitur.

Argumentum Quartum.

Ad quartum argumentum quid respondendum sit, facile patet ex dictis. Vt cumque enim Scriptura difficilis ad intelligendum sit, tamen ille sine omni dubitatione verus, atque genuinus Scripturæ est sensus, quem Ecclesia Spiritu sancto suggerente asserit. Atque ita non deest modus ex Scriptura depromendi infallibilia argumenta ad definiendas controuersias. Fatendum tamen est, multos esse locos Scripturæ, ex quibus, quoniam eorum sententia, neque euidenter per se patet, neque auctoritate Ecclesiæ satis declarata est; non potest argumentum firmum duci ad faciendam fidem. Sed, & nonnullæ quoque controuersie sunt, quæ per Scripturam solam definiti satis, ac determinari nequeunt, vt suprà demonstrauimus, atque

etiam

etiam paulò post necessariò repetetur.

V. Ad postremum caput quod attinet, rarissimè de ratione interpretandarum scripturarum scripsit inter ceteros Driedo libro tertio de dogmatibus scripturæ, & Caterinus de clauibus scripturæ, & Michael Medina. Nos breuiter præcipua quædam documenta ad eam rem trademus (quæ partim supra etiam attigimus, cum de scripturæ obscuritate ageremus) ex doctrina Diui Augustini potissimum collecta in libris quatuor de doctrina christiana, quos ille hac de re doctissimè scripsit.

Primum documentum est, vt quis benè perfectos habere studeat libros omnes scripturæ sacræ, in eorumque lectione, quantumuis multa non intelligat, assidue versetur. [Erit enim, inquit Augustinus, diuinarum Scripturarum solertissimus indagator, qui primò totas legerit notasque habuerit, si nondum intellectu, iam tamen lectione.] Et infra: [Prima, inquit, huius laboris obseruatio est, nosse istos libros, etsi nondum ad intellectu, legendo tamen, vel mandare memorie, vel omnino incognitos non habere.] Ac ratio huius documenti est, quoniam multorum locorum obscuri sensus disertis verbis sunt alijs quibusdam in locis explicati, quos idcirco minimè ignorare is poterit, qui scripturam totam assidua lectione reddiderit, sibi familiarem. Sicut illud Psal. [Nec dabis sanctum tuum videre corruptionem;] sanctus Petrus ad Christi corpus in sepulchro positum pertinere est interpretatus, vt iam similia exempli multa præteream. Accedit, quòd etiam sensus vnus loci obscurus in nullo alio loco disertè explanetur; tamen ex diligentibus locorum collatione, sæpè colligi poterit: quod sanè videmus passim, & magno cum fructu veteres Patres in scripturis interpretandis facitasse.

Secundum documentum est, vt quis similiter multum in lectione Patrum, Conciliorum, & Decretorum pontificum versetur. Cuius documenti ratio ferè eadem est. Passim enim à Concilijs, à pontificibus, ab alijsque Patribus Scripturæ sacræ loci obscuriores declarantur.

Tertium est, vt quis etiam probè teneat eam linguam, qua sacræ literæ, vel traditæ, vel expositæ sunt; itemque figuras, seu tropos loquendi in illa visitatos; quorum est sanè in sacra Scriptura frequentissimus, idemque multiplex, ac varius vsus. Hinc enim quod de Christo dicitur, plerumque de eius membris intelligi oportet, & quod de vna ciuitate; de tota prouincia &c. Et si autem ob hanc causam vtile sit Græcæ etiam, & Hebraicæ literas, ob earum etiam proprios quosdam modos, callere: tamen vt rectè etiam notat Ioannes Driedo, & possumus quoque colligere ex Diuo Augustino, non est id iam prorsus necessarium, posteaquam tam multi sunt, qui latine, beneque doctè explicauerunt difficultates omnes, quæ ex earum linguarum proprietate oriuntur.

Quartum documentum est, vt quis etiam liberalium cognitione, & scientia naturalium rerum, quoad eius fieri possit, instructus ad sacrarum literarum studium accedat. Ita enim earum rerum proprietates cogno-

scet, quarum nominibus diuina mysteria sæpè in Scriptura sacra metaphoricè declarantur: atque adeò facilius etiam intelliget, quid Spiritus sanctus eiusmodi rerum similitudine significare voluerit. Inprimis autem D. Augustinus docet, vtilem esse Dialecticam ad discernendum in Scripturarum expositione, quæ sint fidem consequentia; & quæ contra veræ fidei repugnent. Itemque in viuere affirmat, nos omnino vti debere scientijs Philosophorum; repudiatis tamen eorum erroribus. Veritates enim (quas iniuste, & indignè Philosophi possidebant) quasi thesaurum quemdam erutum ex fodijs diuinæ providentiæ vbique diffusæ, debere nos nostro iure ad Scripturas intelligendas usurpare. Sicut filij Israel relictis ægyptiorum idolis, cum ex ægypto discederent, vasa aurea, & argentea illis surripuerunt.

Quintum documentum, idque latissimè patens, est, vt si quis locus est ambiguus; vel propter obscuritatem dictionis, quia dubium est, quomodo sit distinguenda, vel pronuntianda, num seriò, an ironicè, absolute, an per interrogationem &c. vel etiam ob significatarum rerum obscuritatem; consulat quis alia dogmata fidei clariora, antecedentiaque, & consequentia perpendat. His enim diligenter consideratis, quancumque sententiam aliquis ex eiusmodi Scripturæ loco eliciendam putet, modo fidei consentanea illa sit, & charitatem Dei; & proximorum, quæ finis est sacrarum literarum, promouere possit. Non fallitur perniciose: inquit sanctus Augustinus, etiam si non assequatur id ipsum, quòd Scriptor Canonicus intendit.

Sextum documentum est, vt consulatur etiam ratio naturalis. Nam etsi multa suprarationem naturalem doceat Scriptura, tamen nihil omnino contra illam docet. Vt cimus dicitur: [Si oculus tuus scandalizat te, erue illum, & proijce abs te.] Ipsa certè ratio admonere nos debet; ne huiusmodi locum intelligamus proprie: sicut verba ipsa sonant. Atque huius quidem documenti, quò quisque doctior, & in animaduertenda vi rationis naturalis perspicacior fuerit, eò quoque maiorem vsum habere poterit. Denique intelligentia Scripturarum inprimis à Deo cum veræ animi submissione petenda est, qui dat omnibus affluenter, & non impropèrat. Et hæc quidem de Scripturis sacris summatim exposuisse sufficiat.

De traditionibus Apostolicis.

DE traditionibus Apostolicis, nunc dicendum. Primò. Quæ sit ipsarum ratio, & differentia. Secundo. Quanta autoritas, quamque certum sit illas existare. Tertiò. Quomodo sint internoscende.

I. Traditiones in proposito dicuntur doctrinæ quædam dogmata, aut etiam morum instituta, quæ Apostoli, vel ex ipsius Christi ore, vel ex Spiritus sancti suggestione, accepta, viua voce tradiderunt Ecclesiæ, quæque illi, aut omnino non scripserunt, aut ceterè non nisi obscure scripto insinuarunt. Itaque duplex, in viuere loquendo, Apostolicarum traditionum genus est. Quædam ad doctrinam tantum pertinent. Vt, quòd mater Dei

Dei fuerit perpetuò virgo: quòd veteris, & noui Testamenti libri omnes, & singuli sint Spiritu sancto dictante scripti: quòd distinctio diuinarum personarum sit per relationes: quòd Christus Dominus in cœna eleuatis oculis in cœlum benedixerit, & fregerit panem: quòd etiam illa verba in consecratione calicis dixerit, *Mysterium fidei*. Et alia id genus, quæ colligit Innocentius III. Aliæ verò traditiones sunt practicæ, quæ proinde ad mores, siue ad vsum propriè pertinent. Quamquam vix quidem vlla est traditio ad praxim pertinens, quæ non etiam veritatem aliquam ex fide credendam contineat: nempe rectum id esse omnino, quòd circa vsum à traditione instituitur. Cuius generis passim in materia Sacramentorum traditiones multæ occurrunt: vt paruulos esse baptizandos; Illam esse materiam, & formam Ordinis, confirmationis, Extremæ vnctionis à Christo institutam, qua Ecclesia vitur; Sacramenta quædam iteranda non esse. Huius generis est etiam Sanctorum, & Imaginum veneratio, vt habetur in Synodo septima: Item, templorum vsum, luminarium, & aliarum, similibus rerum, quæ ad cultum, & cœremonias Ecclesiasticas pertinent.

Ac est præterea in hoc genere practicarum traditionum, quatenus practicæ sunt, discrimen aliud obseruandum. Nam quædam eiusmodi instituta Apostoli tradiderunt ad certum dumtaxat tempus duratura. Tale fuit decretum illud de sanguine, & suffocato, quòd commemorat Dñus Lucas in actis: Item etiam institutum illud baptismi in nomine Christi. De quo etiam legimus in eadem historia. Si tamen solius Christi, vt multorum sententia est, mentio in eo baptismo fiebat, & non etiam exprimebatur Trinitas. Aliæ verò absque vlla limitatione temporis tradiderunt Apostoli.

Inter quæ rursum est differentia, quòd quædam huiusmodi sunt, vt ne ab ipsis quidem Apostolis ex officio, & auctoritate sua propria, atque adeò nec ab Ecclesia vnquam mutari possent credantur, secus à extraordinaria aliqua, & peculiari reuelatione Christi. Huiusmodi sunt ea, quæ Apostoli ex ore ipsius Christi Domini acceperunt: vt illa, quæ pertinent ad substantiam Sacramentorum. Itaque si aliquando Apostoli baptismum in solius Christi nomine contulerunt, id Dñus Thomas, & alij Theologi aiunt fecisse eos ex peculiari Christi Domini reuelatione pro eo tempore, quo nomen ipsius celebrari, quàm maxime oportebat. Aliæ fuerunt ab Apostolis traditæ, absque certa quidem temporis determinatione, sed quæ illi tamen ex auctoritate, & officio proprio, Spiritu sancto suggerente, ad vtilitatem Ecclesiæ, circumstantijs temporum, ac rerum omnibus consideratis, instituerunt. Et quæ huiusmodi sunt, quemadmodum Apostolica auctoritate, sic requiruntur temporum, circumstantijs, consitui poterunt, ita etiam postmodum ab eo, qui Apostolica auctoritate fungitur, hoc est, à Romano Pontifice, mutari, & aboleri, sicut & alia quocumque de nouo institui possunt. Vt enim circumstantiæ rerum progressu temporis variantur, sic etiam oportet rationem Ecclesiasticæ

gubernationis esse in quibusdam rebus alio, atque alio tempore variam.

Atque ad hoc sanè genus multi ritus Ecclesiæ veteris pertinuerunt, qui modò non sunt in vfu. Vt communio laicorum sub vtraque specie, & aliquando quidem omnium quicumque sacrificio Misse interessent, & alia id genus, quæ in varijs materijs Theologicis commemorantur. Hæc igitur traditionum Apostolicarum varietas est. De quibus tamen hoc loco præcipuè tractamus, non quatenus ad praxim pleræque illarum pertinent: sed quatenus, vt supra diximus, omnes illæ ad fidei veritatem quadam etiam ratione spectant; nempe vt credi certè debet eas omnes esse rectas. Quæ quidem ratione immutabiles omnes sunt. Nam quod semel verè per fidem credimus, ita esse, aut non esse, sic rectè fieri, aut non fieri, ad tempus, siue perpetuò &c. id semper manet de fide verum. Non enim, vt gubernationis, sic etiam veritatis ratio cum tempore, & rerum circumstantijs mutatur. De primo igitur puncto hæc sint satis, quæ fusius Melchior Canus, & alij multi Theologi persequuntur.

II. Quod ad secundum attinet, non dubitatur, quin si quæ sint dogmata ab Apostolis, Spiritu sancto suggerente, vel Christo auctore, tradita viua voce, perinde illa infallibilem auctoritatem habeant, ac si scripta fuissent. Neque hoc propriè vlli hæretici negauerunt. Intelligunt enim, doctrinam sacram infallibilem esse, non quia literis, & atramento expressa est, sed hoc ipso quòd est diuina, siue literis, siue viua voce declaratur. Sed controuersia omnis est, verum aliqua eiusmodi dogmata Apostoli viua voce tradiderint sine scripto, quæ nunc etiam in Ecclesia suppedient ad fidei controuersias finicndas argumentum infallibile. Ac negant hæretici non modò recentiores nostri, sed etiam veteres penè omnes. Omnia enim, hæreticis hoc ferè in more fuisse positum, vt ad Scripturas solas prouocarent, nec vllum præterea fidei principium admitterent. Sic Arius, Nestorius, Eutyches, Dioiscorus, fecerunt, vt Basilus Ancyranus Episcopus, refert, in confessione, quam exhibuit septimæ Synodo. Sic etiam Iconomachi, vt ex eadem Synodo patet. Sic Ariani, vt auctor est Epiphanius. Sic Marcion, & Valentinus, vt videtur est apud Tertullianum. Sic Wicleffus apud Waldensem. Sic denique Lutherani, Calviniani quæ omnes. Fundamenta verò illorum eiusmodi sanè sunt, vt etiam ex illis ipsis, aduersus eos optimo iure retortis, catholicam traditionum assertionem, quemadmodum videbimus, facile sinus probaturi.

Argumentum Primum.

Primum autem est tale: Traditiones esse aliquas Apostolicas, quæ non etiam scriptæ sunt, tum denum concedi oporteret, si non omnis doctrina diuinitus reuelata, mandata est sacris literis. At omnis prorsus eiusmodi doctrina sacris literis consignata est. Perperam igitur tales asserunt traditiones. Id confirmant ex Apostolo, qui scripturam affirmat [vilem esse, vt perfectus sit homo

homo Dei ad omne opus bonum instructus.] Quo loco peculiariter Kemnitius vrget, quod pluribus etiam verbis Apostolus eam Scripturæ vim, atque vsum declarauit. Ait enim, [vtilem esse ad docendum, ad arguendum, ad corrigendum; ad erudiendum in iustitia.] Vnde concludit Kemnitius sufficere ipsam posse etiam Euangelij ministro, vt omnes partes sui muneris explere possit. Et accedit huc sanè quod in Deuteronomio non iubebantur fideles credere, nisi quæ sacerdos docuisset iuxta legem Domini, hoc est, secundum ipsum Dei verbum; tanquam hoc videlicet ad omnia diiudicanda sufficeret. Quod cum ita sit, sine causa, inquit, recipi doctrinas alias, & mandata hominum. Id quod Phariseis Dominus in Euangelio Matthæi exprobrauit. Quin etiam contra præceptum illud ea re committi: [Quod præcipio tibi, hoc tantum facito Domino, nec addas quicquam, nec minuas.]

Argumentum Secundum.

Secundò, ostium ea ratione peruersis, ac phanaticis erroribus aperitur. Facile enim cuius est, cum scripturarum testimonijs destitutus fuerit, traditionem communifici Apostolicam. Sic Papias errorem illum suum de mille annis regni Christi in terris post resurrectionem futuri, commentitia traditione Apostolica tueri conabatur. Quinimò Kemnitius contendit (vt postea videbimus) traditionum prætextu errores aliquos, qui vniquam in populo Dei fuerunt, sparsos fuisse, eoque consilio, & vetus, & nouum testamentum diuinitus fuisse mandatum literis, vt commentitijs traditionibus scripto occurreretur. Adde quod hæreticorum quidem morem, & institutum traditiones illæ redolent auriculares, & clanculariæ. Cum contra Christus palam mundo locutus sit: Et, si quid in tenebris dixit Apostolis, certè iussit, vt in lumine id dicerent; itemque vt quod in aures audierunt supra tecta predicarent. Non igitur sapiunt hæ traditiones Christi doctrinam.

Argumentum Tertium.

Tertiò, doctrinæ, inquit, cœlestis capita eo modo Apostoli Ecclesiæ tradiderunt, qui conuenientissimus esset, vt illa perpetuò pura, atque integra in Ecclesia conseruarentur. Sed talis modus non est, vt viua voce tantum sine scripto illa tradiderint. Ergo credendum non est, illos sic aliqua fidei capita tradidisse. Id confirmant. Quia vel impossibile, vel difficile admodum est, vt quod auditione tantum accipitur, integrum retineatur, & conseruetur. Aut enim, qui audit non satis assequitur, aut certè postmodum obliuiscitur, aut alijs minus deinde fideliter tradit. Quo facile fit, vt paulatim ea ratione immutetur, & corrumpatur tandem doctrina. Itaque, quod maxime Kemnitius inculcat, & Apostoli idcirco scripserunt, vt cœlestis doctrina memoria retineri à fidelibus posset.

Argumentum Quartum.

Quartò, auctoritatem Patrum obijciunt. Nam Augustinus inter cetera ait: [Etsi multa Christi verba, & gesta scripta non sunt; illa tamen scripta esse, quæ credentium salutem sufficerent.] Et rursus: [Vbi de re obscurissima disputatur, non adiuuantibus claris Scripturæ testimonijs, cohibere se debet humana præsumptio.] Et Hieronymus: [Sine Scripturarum, inquit, auctoritate garrulitas non haberet fidem.] Et alijs quoque eadem dogmata damnat, quæ absque Scripturarum auctoritate, & traditione Apostolica profertur. Itaque traditionem veteris cuiusdam historiæ, quod Zacharias Ioannis Baptistæ pater, fuerit is, quem Iudæi inter templum, & altare occiderunt, idcirco etiam idem Hieronymus rejicit, [quia de Scripturis non habet auctoritatem.] Origenes item ait: [Sine Scripturæ testimonijs sensus nostros non habere fidem.] Item Constantinus in Concilio Nicæno, vt Theodoretus refert: [In disputationibus, inquit, rerum diuinarum habetur Spiritus sancti doctrina præscripta. Euangelici enim, & Apostolici libri, cum Prophetarum antiquorum oraculis, planè nobis ostendunt sensum numinis, proinde sumamus ex dictis diuini spiritus explanationes questionum.]

Verùm his nihil obstantibus contrariam nos omnino veritatem ex ijs ipsis principijs, quæ ad suum hæretici errorem peruersè accommodant, ostendemus, eademque opera, & sententiam catholicam confirmabimus, & eas quas adduximus argumentationes hæreticorum refellemus.

Probatio Prima.

Atque vt eodem ordine ea nos principia aduersus hæreticos pro veritate vsurpemus, quo sunt ab ipsis pro mendaciora perperam assumpta, sit hæc prima probatio. Apostolicæ traditiones non scriptæ, omnino concedendæ sunt, si doctrina diuinitus reuelata non omnis est consignata sacris literis. At planè non est. Igitur traditiones eiusmodi prorsus concedi debent. Etenim multa, tanquam à Deo reuelata, ex fide credenda sunt, quæ in scriptura, aut omnino non sunt, aut non ita sunt, vt ex illa tantum persuaderi queant, nec dicam, contentiosis, sed ne moderatis quidem hominibus. Id autem supra Diui Augustini aliorumque Patrum auctoritate probauimus, nunque etiam confirmo exemplis paulò antè adductis, cum de traditionum differentia, & ratione dicerem. Credimus enim, & credidit semper Ecclesia, libros noui, ac veteris Testamenti sacros esse; quod tamen ex scripturis discere non possumus, sed ex Ecclesiæ Romanæ traditione, à qua, vel ipsi etiam Lutherani, aliquæ hæretici libros sacros acceperunt. Vt (quemadmodum supra ex Diui Augustini sententia istis obijciebamus) mirum sit eos fidem Ecclesiæ Romanæ in re tanti momenti adhibuisse, & eidem in ceteris negauisse tam facile.

Quòd si respondeant, diuina prouidentia factum esse, vt libri sacri apud Romanam

Ecclesiam seruarentur incorrupti, ac proinde non potuisse illam supposititios, ac falsos obtrudere: Accipio sanè quod dicunt. Neque enim aliqui auctoritatis Ecclesie tribuendum est, exclusa Spiritus sancti cura, & prouidentia. Sed cum id ita sit, cur non etiam in dogmatibus alijs, quæ Ecclesia eadem Romana tradit, regi illam, ac protegi à Spiritu sancto concedunt, ac proinde non posse errare? Sed inquit Kemnitius, ostendant prius Ecclesiam Romanam esse verè Apostolicam. vt credamus ei. Optime verò. Iam enim euidentissimè supra id ostendimus.

At dicent illorum aliqui fortassis, nec se, nec maiores suos (Lutherum, videlicet Caluinum, & similes hæresiarchas) ob Ecclesie Romanæ traditionem, & testimonium Scripturam sacram pro diuina recepisse. Vnde nam igitur illam habent? An in ipsa Scriptura vsquam legerunt, hos libros ad numerum esse omnes sacros? Aut id habent ex reuelatione diuina sine vlllo, vel Scripturæ, vel Ecclesie presentis testimonio, cuius ex auditu fides de istorum auctoritate librorum concipiatur? At suprà conuincimus, Deum sine ministerio auctoritatis humanæ nequaquam de rebus fidei docere. Sed neque dicere possunt, Scripturam recepisse se propter solum testimonium antiquioris Ecclesie, quæ longè antè præterijt. Non enim eius Ecclesie testimonium auditu ipsi percipere poterunt. Fides autem (de tali præsertim articulo, qui quasi caput est omnium) necesse est, vt ex auditu, hoc est, ex ministerio legitimo verè Ecclesie, omni tempore, iuxta Christi promissiones, perdurantis, concipiatur: maxime cum ne testificationem quidem Ecclesie antiquioris, nisi ab Ecclesia presentis habere possimus. A quam igitur Ecclesia presente Scètarj Scripturam, tanquam certam, & infallibilem acceperunt, si non eam acceperunt ab Ecclesia Romana? An ab Ecclesia illa sua inuisibili, à qua, cum inuisibilis esset, nihil accipere potuit?

Sed quamdam canillationem potissimum inculcat Kemnitius, vt persuaदेat, non illico reliqua dogmata ab Ecclesia Romana accipienda esse, si ab ea Scripturas ipsas oportuit accipere. Quid enim? An ideo Synagoga traditiones, contra mandata Dei, vel olim à Iudæis fidelibus, vel etiam ab ipsis christianis recipienda fuerunt, quoniam ipsas quoque Scripturas veteris Testamenti ab eadem illi Synagoga acceperunt? Ego verò ad cauillationem istam hunc in modum respondeo. Primum, quod ad christianos attinet, certissimum est, eos nec debuisse vnquam, neque debere iam ob traditionem aliquam, ac decretum Synagoga recipere libros veteris Testamenti velut Canonicos, ac infallibiles. Nulla enim nos illius Synagoga sanctio, leguè teneatur, quinimo ne testimonio quidem ipsius opus habemus, vt libros illos Testamenti veteris sacros esse nobis persuaदेamus, cum abundè nobis eam rem sufficiat ipsum per se testimonium Christi, & Apostolorum, quo eorum est auctoritas librorum commendata. Itaque hos quidem libros non propter Synagoga traditionem nos christiani, nam Scètarj, ipsi viderint, verum Iudæi esse maline, recipimus, sed quia de illorum

vsu, atque auctoritate, vt etiam disputat D. Augustinus, à Christo ipso, & Apostolis, atque à Christi Ecclesia sumus eruditi. Id autem cum ita sit, nondum nobis quidem monstrant Scètarj aliquam eiusmodi auctoritatem, à qua libros sacros, & non etiam alia dogmata similiter, recipere ipsi debeamus.

Quod autem attinet ad fideles ipsos, qui fuerunt ex illo populo Iudaico, itidem planè affirmit, qua ratione illi ex auctoritate Synagoga debuerunt recipere libros sacros, consequenter etiam debuissent ex eadem auctoritate recipere eas quidem traditiones, quæ similiter, atque libri sacri à Synagoga commendarentur. Hoc autem ita declaro, ac probō. Libri illi sacri ea ratione ritè tradebantur à Synagoga, quia & communi planè consensu fidelium omnium, atque adeo totius illius Ecclesie, & legitimo iudicio sacerdotis, qui pro tempore in cathedra Moysi præsidebat, commendabantur. Et vobis legitimum iudicium sacerdotis illud, quod neque ex præiudicata planè sententia illius Ecclesie, & sacerdotum antecessorum, neque ex euidenti vicio electionis personæ, neque etiam ex diuina planè prædicatione Prophetarum, aut Christi, & Apostolorum, quæ manifestè erat fide, & assensione digna, clarè deprehendi posset, non iam à Pastore reuera ex auctoritate ipsi diuinitus attributa decernendi de causis etiam religionis, sed à lupo, maculante, & dispergente oues, proficisci. Quodcumque etiam sacerdotis iudicium tale esse manifestè aliquo modo ex dictis deprehendi non potuit, ei omnes fideles illius Ecclesie tanquam sententia Superioris sui, & Præpositi ex Mosaica Cathedra profectæ, acquiescere, atque obtemperare oportuit, iuxta præceptum Domini: & consequenter iudicium fuit legitimum Pastoris veri, cuius videlicet opera, & auctoritate Ecclesiam, quoque illam Deus regi voluit.

Iam igitur, si quæ etiam traditiones communi illius Ecclesie consensu, & legitimo Mosaicæ cathedræ iudicio, similiter, atque libri illi sacri commendabantur, eas etiam consequenter fuisse à fidelibus item recipiendas affirmit: quales profectò fuerunt quædam bonæ, ac sanctæ traditiones illius populi, quæ vel ad interpretationem ipsius scriptæ legis, vel etiam ad quendam quoque cultum, vt in confutatione secundæ argumenti hæreticorum, videbimus, spectabant. Etenim vt tota illa Ecclesia erraret, sententiamque sequens ex Moysis Cathedra prolata, quam ipsa amplecti deberet, in re nimium dubia, aut non aliter diuinitus, ac manifestè præiudicata, falleretur, diuina promissio obstabat. Quamobrem, & Christus ipse, quæcumque dicerent Pharisei, & Scribæ ex sententia illius Cathedræ, fieri imperabat. [Nam de malis etiam Præpositis, inquit D. Augustinus, plebem securam faciebat, ne propter illos doctrinæ salutaris cathedra decideret, in qua] cum scilicet agitur de re dubia, nec aliter manifestè ab ipsa Ecclesia, præiudicata, [cognuntur etiam mali bona dicere. Neque enim sua sunt, quæ dicunt, sed Dei, qui in cathedra vnitatis doctrinam posuit veritatis.] Atque inde etiam est, quod licet olim Propheta diuinitus missi, multa con-

contra vitia, & errores, quibus subinde obstringebantur in illo populo, cum alij, tum etiam, vt apparet, ipsi quandoque sacerdotes, vt priuatae personae, qui proinde ex auctoritate illius sacerdotij, & Cathedrae Moysis ob infidelitatem decidebant, illiusque adeo titulum non nisi perperam, sibi ad defensionem erroris vendicabant: tamen numquam eiusmodi Prophetæ in gradum ipsum auctoritatis sacerdotum, certitudinemque per se Moisaicæ illius Cathedrae sunt inuecti, nec aliam ipsi cathedram, tanquam altare, contra altare erexerunt: vt verissimè etiam Donatistis hæreticis ab Augustino, & alijs catholicis iam olim est responsum. Sic enim in breuiculo collationis Augustini, & aliorum catholicorum cum Donatistis, legimus: [De Prophetis etiam, quia dixerant Donatistæ non eos communicare illis, in quos mala tanta dixerunt: Responderunt catholici, quod vnum templum fuerit, quo vniuersi utebantur, nec quemquam Prophetarum, qui tanta dixerunt in malos, constituisse sibi (audiant Sectarij) aliud templum, sacrificia, aut Sacerdotes.]

Quæ autem dogmata, seu traditiones non erant probatæ communi consensu illius Ecclesiæ, nec iudicio Moisaicæ Cathedrae ita legitimo, vt antè explicauimus; hæc quidem minime idcirco debuerunt recipi ab Iudaico populo, quoniam libros sacros ab illa Ecclesiâ traditos, recipere est debuit: non enim illæ similiter, atque ipsi libri, neque eadem auctoritate, proponebantur. Ac tales omnino fuerunt traditiones illæ contra mandata Dei, quas Christus etiam ipse manifestè ostendit, nequaquam defendi posse tanquam ex Moysi Cathedra, quæque proculdubio etiam, vel manifestè ex præiudicata sententia Ecclesiæ erant damnatæ, vel ante ipsam certè testimoniationem Christi, legitimorum Sacerdotum iudicio, minime receptæ, sed tantum toleratæ; sicut multæ tales corruptelæ in illo populo, præsertim ad interitum Synagoga propius tendente, corrigi satis per Sacerdotum auctoritatem non poterunt. Item etiam eius generis fuit maximè sententia Synagoga de Christi, & Apostolorum doctrina; liquet propter testimonium Christi, & Apostolorum, manifestè diuinum, non eam sententiam ex Cathedra Moysis, proficisci, sed illi potius repugnare, & quasi enanidam esse (iuxta diuinæ prædicationes) iam iam morientis Synagoga vocem, omnes prudentes poterant, & debebant credere.

Quæ cum ita sint, firma prorsus nostra argumentandi forma manet ab auctoritate, videlicet Ecclesiæ Catholicae in tradendis libris sacris ad certitudinem aliorum dogmatum, quæ eadem Ecclesiâ similiter tradit: Quin imò magis etiam id argumentum nostrum, Sectariorum illa caillatione, quam ex traditione Synagoga petunt, confirmatum iam est. Ostendimus enim, Iudaici etiam populi temporibus, firma quoque consequentia rationis probari potuisse, illa dogmata fuisse certa, quæ ex eadem auctoritate, & similiter, atque ipsi libri Canonici, tradebantur. Quantò igitur nunc magis ea consequentia, in questione de auctoritate traditionum Ecclesiæ Catholicae valebit, quæ & il-

Tom. XIII.

lucitiores longè quàm Synagoga, de veritate promissiones habet, nec cit porro vnquam ipsa defectura, antiquandaue, sicut Synagoga, per aliquam aliam formam legitimæ religionis?

Verum vt alia traditionum non scriptarum exempla (præter ipsam traditionem Scripturæ) de quibus supra etiam dictum, est, nunc præteream, certè quædam ob diuinam reuelationem credi debere, quæ scripta non sint, vel Lutheranorum testimonio conuincere possumus. Nam, vt Ioannes quidam Galtius, & ipse Lutheranus, commemorat, cum Basileæ à Lutheranis, & Anabaptistis aliquando fuisset instituta disputatio: ex malequæ intellectis Scripturis Anabaptistæ colligerent, paruulos baptizandos non esse, & alia quædam id generis peruerfa dogmata; non habuerunt tandem Lutherani, quod contrà obijcerent, nisi communem Patrum, atque adeo Ecclesiæ consensum, quæ illos Scripturæ locos aliter intellexerit, atque Anabaptistæ interpretarentur. Et certè D. Augustinus sentit, consuetudinem baptizandi paruulos traditione non scripta niti.

At enim, possunt tandem (inquit Kemnitius) eius etiam generis dogmata, quod ad rem ipsam attinet, ex Scripturis confirmari, sicut etiam sunt confirmata à Patribus. Quam obsecro ratione tandem? Nunquid clarè, & euidenter? Non certè: sed bene quidem, vt res quæ sint ipsi Scripturæ analogæ, & consentaneæ, & quarum ratio, atque vis, adhibita forma cuiusdam argumentationis, magis aut minis propè (vt est conditio subiectæ materię) ex Scriptura ipsa deduci possit. Hoc autem modo, quenam obsecro traditio Ecclesiæ Catholicae per Scripturam, etiam confirmari non potest? At sunt etiam earum traditionum quædam à Scriptura abhorrentes, imò pugnantés cum Scriptura. Ita quidem Sectarij ipsi indicant. Sed Ecclesiâ ipsa Christi vera, & Catholica, cuius iudicio, qui repugnant, hæretici sunt, secus iudicat.

Accedit, quod Scriptura ipsa non obscure declarat, verbo tenus Apostolos multa tradidisse, quæ certè omnia ipsos literis mandasse, nunquam poterunt probare Sectarij. [Quæ audisti (inquit Apostolus) à me per multos testes, hæc commenda fidelibus. Et rursum: O Timothee, depositum custodi,] hoc est, vt pluribus verbis persequitur vetus auctor Vincentius Lyrinensis, doctrinam quam à me audiisti. De qua item doctrina iterum eum sic admonet: [Formam, inquit, habes sanorum verborum, quæ à me audiisti, bonum depositum custodi.] Atque etiam ad Thessalonicenses: [State, inquit, & tenete traditiones, quas accepistis, siue per epistolam, siue per sermonem.] Quo ex testimonio luculenter sanè D. Baſilius, & Chrysostomus, & alij Patres, vt postea videbimus, auctoritatem traditionum non scriptarum confirmant. Item: [Lando, inquit, vos quod sicut tradidi vobis præcepta mea teneris, &c. Et ibidem: [Cætera, cum venero, disponam.] Ex quo etiam loco D. Augustinus constare putat, quæ egeremoniæ in sanctæ Eucharistiæ celebratione passim, atque

V 2

ybi.

vbique similiter, in Ecclesia adhiberi sint solite, eas à Diuo Paulo sine scripto traditas esse. Præterea Diuus Ioannes: [Plura, inquit, habens vobis scribere, nolui per chartam, & atramentum: Spero enim me futurum apud vos, & ore ad eos loqui.] Nec dubium est, quia toto illo tempore, quo post resurrectionem Christus cum discipulis suis versatus est, & locusus de Regno Dei, vt Lucas refert, plurima Ecclesiæ salutaria eos docuerit, ex quibus pauca tamen illi literis prodiderunt. Neque verò tacuisse illos prorsus credendum est, sed viua voce, pleraque ex illis Ecclesiæ tradidisse. Ioannes rursus ait: [Sunt & alia multa, quæ fecit Iesus, quæ si scriberentur per singula, nec ipsum arbitror mundum capere posse, qui scribendi sunt, libros.] Sicut autem multa Christi facta scripta non sunt, ita proculdubio multa verba, atque præcepta illius; quæ Apostoli minime quidem negligenda putarint, sed ad vtilitatem Ecclesiæ viua voce tradiderint. Vnde etiam Diuus Paulus dictum illud Christi commemorat, ab Euangelistarum nemine scriptum: [Beatus est dare quam accipere.] Neque verba hæc solum, sed etiam ipsa sententia planè (quidquid Kemnitius, & alij Sectarij fingant) in Euangelica historia desideratur. Vbi nam enim illa comparatio in Euangelij peripicue significata est, non modo bonum esse in alios esse munificum, sed etiam melius, quam beneficium accipere?

Tam verò, quæ ad inuicendas has traditionum probationes ex Scriptura à Catholicis duci solitas, Sectarij disputant, nullius profectò sunt ponderis. Contendunt, singulos quosque Scriptores sacros, noui Testamenti, eo consilio, ac in eum vsum fidei dogmata mandasse literis, vt doctrina cœlestis custodita scriptis tutior esset à commentitiorum traditionum corruptelis. Nos verò, quin pleraque ab Apostolis (præsertim à Diuo Paulo) aduersus adulterinas traditiones hominum, scripto disputata sint, minime quidem negamus. Oportuit enim etiam absentes, vt & res postulabat, & occasio dabatur, ab ipsis Apostolis quandiu superstites fuerunt, doceri, & de erroribus, qui erant vitandi commonesceri, quò ita demum auctoritate Apostolica, partim scriptis, partim prædicatione Ecclesia Christi facilius coalesceret. Ceterum id fuisse consiliū Apostolorum, vt quidquid esset fidei dogmatum, hoc totum scriptis mandaretur, nec nisi traditione ab ipsis scripta in Ecclesia deinceps custodiretur, planè commentum est Sectariorum vanissimum, quod probare non possunt. Quisenim locus in Scriptura noui Testamenti est, vbi vel vnus vel aliquis Apostolorum, vel omnes illi omnia fuisse scribenda significauerint? Non, certè vel omnes simul, vel aliqui eorum id asseuerant. Quinam illorum igitur? Sanè discussit Kemnitius scripta omnia, & libros noui testamenti, vt tale aliquod testimonium de consilio eiusmodi Apostolorum inueniret, sed nihil omnino in eo genere inde proferre potuit, quo planè concludatur omnia prorsus dogmata fidei mandata literis fuisse, nisi quòd præstigij quibusdam, & nescio qua proluxa verbositate Lectori fucum videtur facere. Etenim cogitur ipse tandem agnosce-

re nullum aliquem noui testamenti Scriptorem omnia fidei dogmata fuisse in aliquo libro complexum, ne ipsum quidem Diuum Paulum in epistola ad Romanos, quæ tamen illi alioqui, propter doctrinæ copiam, appellare solent Christianæ fidei methodum. Hoc autem, concessio (quod certè est euidentissimum) manifestè consequitur, nullum Apostolorum, vel Euangelistarum vnquam significauisse omnia omnino fidei dogmata fuisse scribenda. Quicumque enim illorum aliquid fuisse scribendum dixit, non nisi de ijs fidei dogmatibus, quæ ipse scripserat, aut instituebat scribere, id dixit: Sicut ex omnibus eiusmodi locis noui Testamenti, in quibus descriptionis fit mentio apparet. Ita ite, vt nullus omnino eorum Scriptorum significauit, aut dixerit, omnia dogmata fidei fuisse scribenda, sed quedam, nempe illa, quæ ipse instituit scribere. Quid igitur est, quòd ex Scriptura noui Testamenti conatur nolis persuadere Kemnitius omnia fuisse scribenda, si neque omnes, neque aliqui Scriptores noui Testamenti, neque vllus illorum id significauit, aut dixit?

At vrget Kemnitius. 1. Propterea scripsisse illos sacros auctores, ne habere locum possent commentitij traditiones. 2. Significare etiam, vt illa eadem scribere, quæ auctore voce tradiderant, 3. Id fecisse vt credentes salui esse possint. 4. Non satis esse putauisse, si aliquos mitterent, qui verbo doctrinam explicarent, sed adiunxisse etiam literas, vt absentes illi, quænam esse doctrina Apostolica, certò cognoscere possent. 5. Voluisse ad eos scribere, qui ab ipsis quidem Apostolis viua voce coram non erudebantur: quales nos etiam sumus, & reliqui omnes fideles, quibus videre & audire ipsos Apostolos non contigit. 6. Si ipso tempore Apostolorum, scriptis Apostolorum aduersus hæreticas traditiones opus fuit: multo magis postremis his temporibus. 7. Vocasse Apostolorum Scripturam suam Canonem, & Regulam, quam qui sequerentur, pacem essent habituri. 8. Scripsisse illum ita, vt intelligi posset mysterium Christi, atque etiam illa, quæ extruenda essent super id fundamentum: præter quæ nihil amplius est desiderandum, &c. Hæc enim præcipua capita probationis Kemnitianæ sunt, ad quæ reuocantur omnia, quæ prolixè & verbosè de hac ille re frustra inculcat, & repetit. Quibus nos breuiter, & ordine sic respondemus.

1. Quòd voluerint Apostoli scriptis etià suis confutare commentitias priuatorum hominum traditiones; id sanè non idem est, atque voluisse, vt nullæ exstarent communi Ecclesiæ auctoritate probatæ, atque custoditæ traditiones non scriptæ. Multum enim inter has, & illas traditiones differt: nec nos illas, sed has defendimus: nec Sectarij disputationem vllius Apostoli, aut Euangelistæ, aut Orthodoxi alicuius Patris proferre possunt, aduersus communem aliquam ipsarum Ecclesiarum traditionem, institutam; sicut iam ipsi Sectarij contra receptas à cuncta Christi Ecclesia traditiones, ex insolentissima infania (vt postea ex Augustino audiemus) disputant. Quia imò, & ipse Diuus Paulus communem vsum, & traditionem em

Eccle-

Ecclesiarum opponendam contentiosis hominibus existimauit.

2. Frustra verò isti laborant, ut ostendant illa eadem, quæ ante Apostoli viuâ voce tradiderant, postea etiam scripsisse. Quis enim hoc negat? Quod autem omnia prorsus, quæ voce tradiderunt, mandarint etiam literis, id verò est. quod nusquam, ut antè ostendi, in Scriptura noui Testamenti Sectarij legunt. Itaque Diuus Irenæus, cum antè dixisset, [Euangelium, quod prius Apostoli præconauerunt, postea ipsos per Dei voluntatem nobis in Scripturis tradidisse fundamentum, & columnam fidei nostræ futurum:] tamen paulò post nihiloominus discretis verbis docet, solitos fuisse Orthodoxos ad traditionem Apostolicam præter Scripturam prouocare hæreticos, sicut suprà etiam illius verba recitauimus. Vnde perspicuè apparet non omnia omnino dogmata, quæ ad Euangelicam doctrinam pertinent, significasse ibi Irenæum fuisse mandata literis, ut perperam Kemnitius contendit, sed præcipua quædam eius capita, qualia sunt de vita, & morte Christi, & redemptione generis humani per ipsum facta, & reliqua, quæ ipsi certè quatuor Euangelistæ literis consignauerunt. De horum enim Scriptura duntaxat se ibi loqui declarat Irenæus, quam etiam verissimè columnam nostræ fidei, atque fundamentum appellat, non autem de omni doctrina fidei, neque etiam de tota Scriptura noui Testamenti, ut Kemnitius comminiscitur, Irenæi sententiam suo more deprauans.

3. Ita, nec sequitur, illos libros continere omnia fidei dogmata, qui idèò scripti dicuntur, ut credentes salui fiant. Non enim vniuersa solum fidei doctrina, sed quæcumque etiam eius pars ad eum finem traditur, atque adèò scribitur: nempe, ut credendo illam, & quatenus id quidem necesse sit) reliquas omnes partes doctrinæ, salutem consequi valeamus. Ut præterea plerosque Scripturæ libros ferè continere præcipuos illos articulos, quos absolute quidem, & explicitè satis est fideles scire, & credere, ut salutem consequi possint. Sed patere tamen doctrinam fidei multò, quàm illos articulos, latius, suprà explicauimus.

4. Literas autem ad nuncios idèò Apostoli quandoque etiam addiderunt, quoniam, vel homines nimis mirebantur priuatæ auctoritatis, quam proinde Apostolico quasi sigillo communicare oportuit, ut fidem certior mereretur; vel quia exemplum etiam Decreti, Apostolici Concilij, cum pluribus absentibus communicandum fuit, Actor. 15. At Ecclesie auctoritas, qua nobis Traditiones Apostolicæ quædam non scriptæ commendantur, non priuata, sed communis, & infallibilis auctoritas, tamquam columnæ firmum veritatis est, cui etiam sine sigillo, & literis Apostolicis fidem necesse est adhibere.

5. Iam antè diximus, in illis quidem Ecclesie incijs, supersticiis adhuc Apostolis, omnes oportuisse, ad maiorem conciliandam doctrinæ auctoritatem, Apostolico ministerio, vel voce in præsentia, vel scripto in absentia erudiri. Apostolis autem vita defunctis, ipsius etiam Ecclesie per illos plantatæ

auctoritatem clarissimam satis fidelibus esse debuisset, ut crederent quoque viuæ vocis Traditiones Apostolicas ab Ecclesia propositas, atque commendatas. Itaque accipio sanè, quod proficitur Kemnitius, si tam certò constaret, eas, quæ nunc proponuntur Traditiones Apostolico titulo, doctrinam Apostolicam continere, quàm ipsam Scripturam, quæ pro Apostolica iam habetur, ab omnibus tales Traditiones æquè, atque Scripturam ipsam esse recipiendas. Accipio hoc, inquam, atque; ita deinde subsumo; Omnino æquè certò vtrumque constaret: nempe eiusdem Ecclesie auctoritate, à qua sola similiter certò, & infallibiliter accepimus, libros illos, qui Apostolorum nomine sunt inscripti, esse planè Apostolicos. Consequitur igitur, vel ipsis Sectarijs iudicibus, Traditiones, quas Ecclesia Catholica, ut Apostolicas commendat, æquè ab omnibus recipiendas esse, atque Scripturas ipsas Apostolicas.

6. Verum quidem est, multò etiam nunc magis Scripturæ Apostolicæ aduersus commentitias traditiones particularium seductorum, quæ cum vera traditione Apostolica scripta, & non scripta, pugnent, vsum esse posse. Sed, ut tempore ipso Apostolorum, nullus vnquam Scripturæ Apostolicæ contra traditiones communi Ecclesie sententia, & auctoritate receptas vsum fuit, ita neque illis futuris temporibus esse, aut potuit, aut debuit: cum eodem spiritu veritatis, omni tempore Ecclesia regatur.

7. Non modò Scriptura vniuersa, sed etiam illius pars rectè dicitur regula fidei, & Canon, modo suo sufficiens ad id quidem infallibiliter credendum, quod tradit. Ceterum Apostolus nusquam dixit, vel suam aliquam, vel etiam totam Scripturam esse sufficientem fidei Regulam, seu Canonem in omnibus omnino quæstis. Sed dogma quoddam certè, quod aduersus Galatarum errorem confirmarat, rectè dixit esse fidem quamdam Regulam, & Canonem: nempe illud, quod his verbis exprederat: [In Christo Iesu neque circumcisio aliquid valet, neque præputium, sed noua creatura.] Tum subiunxit: [Quicumque hanc regulam sequuti fuerint, pax super illos, & misericordia.] Nempe quia, & cum etiam articulum de salute per solum Christum parta, vel maxinè tenere, necesse est, ad veram animi pacem, atque iustitiam beneficio diuinæ misericordie comparandam. Cum igitur Kemnitius contendit, non posse regulam fidei id appellari, quod ad omnes omnino quæstiones fidei non sufficiat: nun tam contra nos contendit, quàm contra ipsum Apostolum Paulum, qui vnum quoddam fidei dogma (sicut iam dictum est) vocat etiam suo modo credeudi regulam: quæ proinde, si materia quidem, de qua propriè est id dogma, spectetur, additamento non indiget, ut de amussi, & regula ratiocinatur Diuus Basilus, à Kemnitio non intellectus.

8. Sanè verò, si non ita & Diuus Paulus, & reliqui Apostoli scriptissent, ut intelligi tandem posset, quid de Christi mysterio, & reliquis fidei dogmatibus, quæ scripto tractantur, dicerent, frustra scriptissent. Sed qua tandem ratione hinc sequitur, omnia, pro-

prorsus dogmata, quæ quomodocumque pertinerent ad struendum fidei, & Apostolos tradidisse? Certe nusquam hoc illi dicunt, vt antea demonstratum est. Neque verò, si quædam intelligibiliter satis Apostolus scripsit de ipso mysterio Christi, idcirco omnia omnino, quæ in Scriptura sunt illius, & aliorum Apostolorum, putare debemus esse prorsus clara, & intellectu facilia. Quin immò quædam sunt, & in Diui Pauli epistolis, & in alijs libris sacris intellectu difficilia, quæ instabiles homines deprauant ad suam perditionem, vt superius ex Diui Petri sententia satis conuicimus. Est igitur planè commentitium, quod Sectarj dicunt, absoluto, atque perfecto iam vniuerso Scripturæ noui Testamenti Canone, nihil prætere de dogmatibus fidei superesse, quod illo non fuerit comprehensum, idcirco non licere iam ad traditionum probationem vsurpare, quod Diuus Paulus ad Thessalonicenses, de traditionibus per sermonem acceptis, scripsit, cum nondum esset Scripturarum Canon completus. Defendimus enim hæcenus, probari nulla ratione, posse, quod in ipsa etiam tota Scriptura comprehendantur omnia.

Quæ cum ita sint, falsissimum illud est, quod hæretici putant, Dei verbum vniuersum sacris libris contineri. Rectius, ac verius multo de reuelata doctrina, siue de verbo Dei Orthodoxi docent, cum aiunt: Dei verbum duplex esse, siue potius dupliciter illud existere; impressum, & expressum. Impressum dicitur, vt interna notitia Prophetæ, vel Apostoli, quem Spiritus sanctus inspiratione sua primò docuit, continetur. Expressum autem, vt idem per Prophetas, & Apostolos est hominibus alijs patet. Hoc rursus verbum expressum esse item duplex; Vnum quod dicente Spiritu sancto Apostoli, aut Prophetæ literis consignarunt. Alterum, quod viuæ voce tradiderunt. Proinde doctrinam reuelatam, siue Dei verbum latius multò patere, quam Scripturam, neque illud esse ad mutas literas alligatum. Itaque, & ante legem scriptam per Moysen, in Ecclesia fuit procul dubio doctrina reuelata aliarum Propositionum fidei, atque adeò Dei verbum, quod proinde viuæ vocis traditione custodiebatur. Sed & Ecclesia ipsa Christiana, Apostolorum & Euangelistarum scriptis est antiquior; neque tamen illa vniuersum verbo Dei, siue doctrina reuelata caruit. Ppius enim Apostoli Euangelium viuæ voce, quam scriptis tradiderunt. Vt videre est apud Eusebium, & Hieronymum, itemque apud Diuum Chrysostomum. Quod ipsum D. Lucas initio Euangelij sui aperè indicat, cum sic præfatur: [Quoniam multi, inquit, conati sunt, ordinare narrationem, quæ in nobis completæ sunt, rerum, sicut tradiderunt nobis, qui ab initio ipsi viderunt, & ministri fuerunt sermonis, visum est mihi assensum omnia à principio diligenter, ex ordine tibi scribere, optime Theophile.] Quæ ratione igitur verbum Dei aliquando totum traditione consistebat, eadem nunc etiam quadam ex parte in Ecclesia (vt probaui) viuæ vocis traditione, conseruatur: vt eo verius sit illud, quod de Ecclesia Dominus prædixerat per Isaiam: [Verba mea, quæ posui in ore tuo, non re-

cedent de ore tuo, & de ore seminis tui, amodo, & vsque in sempiternum.]

Responsio ad primum argumentum Sectariorum.

Quibus rebus explicatis, nullo iam negotio conuellitur primum illud hæreticorum frudamentum suprà positum. Nam quod ex Apostolo assumunt, Scripturam, doctrinam vtilem ad omnia continere, id non ita intelligi debet, quasi ipsa sola propriè, & per se omnia distinctè tradat, quæ vel credenda, vel facienda sunt, sed quoniam, quæ sunt credenda, & facienda, aut ipsamet tradit, aut certè regulam indicat, ex qua ea sunt discenda, nempe Ecclesiæ, & traditionum auctoritatem, quam ipsa quoque Scriptura commendat. Hoc modo Apostolus vult, & Orthodoxi etiam docent, Scripturam continere, quæ sunt ad salutem necessaria; vt superius etiam explicauimus. Ita fit, vt suus etiam traditionibus sit locus: atque etiam, vt ea quidem ratione, ministro Euangelij (quod vrgebat Kemnitius) vilis Scriptura sit ad munus suum absolutè explendum: siquidem eum ipsa admonet Ecclesiæ quoque, & traditionum auctoritate in functione muneris Ecclesiastici esse vtendum.

Quod verò in primo illo fundamento Sectariorum ex Deuteronomio addebatur, credendum esse sacerdoti iudicanti secundum legem, & non aliter, libenter id sanè damus Sectarj. Sed duo tamen his eos meminisse oportet. Alterum, quod, vt paulò antè dicebamus, lex, siue Dei verbum latius multò, quam lex, siue Dei verbum scriptum patet. Alterum, quod nemini subditorum tamen, fas erat iudicium sibi de Iudicis sui, sacerdotisque definitione arrogare (cum res aliter manifestè præiudicata non erat) num diuinæ legi esset consentanea; quin simpliciter omnes iubeantur sacerdoti de rebus controuersis aliquid statuenti acquiescere. [Qui enim, inquit, superbiebat, nolens obedire sacerdotis imperio, morietur homo ille.] Itaque cum sine contradictione vlla obedire homines iussi sunt sacerdoti iudicanti secundum diuinam legem; persuadere sibi etiam diuinitus iussi sunt, illum cum de rebus controuersis iudicabat, omnino iudicare secundum diuinam legem: Quod ipsum multò etiam maxime persuadere nobis de summo Ecclesiæ Pastore, cum ex traditione Ecclesiastica controuersias religionis definit, nunc iubemur.

Neque verò (quod in eodem argumento addebatur) si traditiones Ecclesiasticas sequimur, ea hominum instituta sequimur, quæ Christus repudiari vult, nempe quæ pugnent cum lege diuina. Non enim eiusmodi nos traditiones tenemur, sed eas quæ rectissimæ sunt, & auctoritatem etiam habent diuinam. Quare neque in illud etiam præceptum: Non addetis, &c. ea ratione quicquam committimus. Non enim addere, & detrachere; hoc & similibus locis intelligitur, nisi is qui aliquid contra Dei legem, vel doctrinam, aut agit, aut agere prætermittit. Aliàs nec Prophetis post Moysen, nec Apostolis post Euangelistas scribere quicquam licuisset. Quæ de re quoniam alijs etiam in locis multa contra

Secſarios ad explicationem eius præcepti, de non addendo, diſputauimus, non eſt operæpretium hic plura dicere.

Probatio Secunda.

Secunda probatio. Si fidei, ac religionis negotium doctrina tantum ſcripta contineretur, magnum hæreticis ad errores in Eccleſiam inuehendoſ pateret oſtium. Sed, vt argumento ſuo ſecundo hæretici ipſi ſumunt, credendum non eſt, Apoſtoloſ vſque adeo apertum oſtium erroribus reliquiſſe. Ergo minimè exiſtimandum eſt, eoſ tradiſſe omnia ſcripto. Id confirmatur. Nam doctrina Scripturæ, cum (vt ſuprà conuicimus) obſcura ſit, & multis literis incluſa, quæ neque declarate palam ſciſa, neque in controuerſia tueri aduerſuſ nouarum interpretationum corruptelas poteſt; facillimè à contentioſis, callidiſque ingenijs adulteratur. Contrà verò traditio ſucceſſione continua viuit in animis fidelium ſemper, inprimiſque Catholicorum Doctôrum, qui à Maioribus illam acceperunt. Proinde ab hæreticis reiſci quidem nequitè traditio Eccleſiæ communis poteſt: adulteri autem, & corrupti, ſicut Scriptura, non poteſt.

Cuius rei argumentum clariſſimum eſt, quod Egeſippus, referente Euſebio, ſcribit, quæ tempore ſuperſtitibus adhuc Apoſtoliſ viuz vocis traditio magis vigebar, ſeo virginem mundam, & immaculatam manſiſſe Eccleſiam; verbi Dei temeratoribus, aut nuſquam omnino extantibus, aut certè deliteſcentibus. Vbi verò Apoſtolorum chorus, & omnis ætas illa, quæ à Domino ſuſceperat viuz vocis auditum, de hac luce deceſſit, tunc velut in vacuum domum, falſe doctrinæ impium ſe immerſiſſe errorem; & tanquam nulluſ iam diuini ſenſuſ deſenſor exiſtiter, nudato, vt aiunt, capite corripientes verba mendacij oppugnare Apoſtolicam veritatem hæreticoſ cæpiſſe.]

Item huic rei argumentum eſt omnium hæreticorum inſtitutum, quibus uſi Eccleſiaſtica traditio ram eſſet contraria, tanque Scripturæ facilis ad corruptendum, noui illi tantoperè omnem traditionem execrarentur & amplecterentur ſolam Scripturam. [Videas, inquit Vincentiuſ Lyrinenſiſ, illoſ volare per ſingula quæque ſacræ legiſ volumina, per Moysiſ, per Regnorum libros, per Pſalmos, per Apoſtoloſ, per Euangelia, per Prophetas. Siue enim apud ſuoſ, ſiue alienoſ, ſiue priuati, ſiue publici, ſiue in ſermoniſ, ſiue libriſ, ſiue conuiuiſ, videtur de noſtriſ in Germania Secſarijſ loqui, ſiue in plateiſ nihil vquam de ſuo proferunt, quod non etiam Scripturæ verbiſ adumbrare conentur. Et paulo poſt: Sciunt enim ſectoreſ ſuoſ nulli ſere placituroſ, ſi nudè & ſimpliciter exhalentur. Atque idcirco illoſ cœleſtiſ eloquiij verbiſ velut quodam aromate aſpergunt. Et poſt aliqua: Quonam modo igitur Catholici, in Scripturiſ ſanctiſ veritatem à falſitate diſcernent? Diuinum, inquit, Canonem ſecundum vniuerſaliſ Eccleſiæ traditioneſ, & iuxta Catholici dogmatiſ Regulaſ interpretentur.] In eandem ſententiam multa præclare D. Hilariuſ, & Irenæuſ ſcripta reliquerunt.

Quocirca meritò Tertullianuſ in libro de præſcriptionibuſ hæreticorum moner, aduerſuſ illoſ traditione magiſ, quàm Scriptura agendum eſſe. Et Iguatiuſ apud Euſebium ea ratione docet hæreticorum vitari poſſe contagia, ſi diligentiuſ traditioni inheræcant. Quod idem pluribuſ argumentiſ Vincentiuſ Lyrinenſiſ, in libro illo ſuo pulcherrimo ſapienter admodum oſtendit.

Reſponſio ad ſecundum argumentum hæreticorum.

EX quibuſ ſecundum illud hæreticorum argumentum facile refutatur. Nam ſine comparatione vlla plureſ hæretici ſunt, atque fuerunt, qui Scriptura ad errorem abuterentur, quàm qui commiſcicerent falſaſ traditioneſ. Et noſ non vanas, atque Apocryphaſ tuemur traditioneſ, ſed illaſ tantum, de quibuſ legitima via, rationeque (iudicio Eccleſiæ) conſtitit.

Ac eſt plaueſ vaniſſimum ſigmentum, quod Kemnitiuſ contendit, erroreſ eoſ, qui ante ſcriptam legem circa verum Dei cultum, religionemque irrepreſent, prætextu traditionum ſuſceptoſ ab hominibuſ, atque deſenſoſ fuiſſe. Vbi nam enim hoc iſte legit? Certè in libro Sapientiæ origo idololatriæ, quæ temporibuſ illiſ longè latèſque ſerpiſt, non aliqua ementita traditio, tanquam à primis Patriarchiſ accepta, eſſe dicitur, ſed aliæ cauſæ eiſ erroriſ fuiſſe narrantur. Quanquam ſi maximè homineſ illi traditionem etiam maiorum, ad erroriſ prætextum commenti ſint, quid hoc, obſectro, nobiſ obſtat? An indè ſtatim conſequitur, pari modo poſſe conſtrui erroreſ ab Eccleſia ipſa probati, & retineri commentitiâſ traditioneſ?

Sic & illud etiam eſt Kemnitij ſigmentum, quod ait, eo conſilio à Moysiſ, & ab alijs deinceps doctrinam cœleſtem diuinituſ mandataſ literiſ fuiſſe, vt Scriptura ſola vnoquoque tempore eſſet fidei norma, neque vlluſ locuſ traditionibuſ relinqueretur, ex quo homineſ occasione ſumere poſſent commentitiâſ traditioneſ fingendi: itemque vt non foret opuſ præter Scripturam ipſam peculiariſ porro reuelationibuſ. Hæc dico à Kemnitio non probari, ſed fingi. Primum enim quò poſt ſcriptam legem nulla fuerint, comuni iudicio illiuſ Eccleſiæ veteriſ, bonæ ac probatæ traditioneſ, quæ vel ad cultum, vel ad ſententiam, & interpretationem legiſ, de fide præſertim in Chriſtum, pertinerent; proſuſ falſum eſt. Suppetebat enim proculdubio remedium aliquod ſeminine proli, etiam poſt ſcriptam legem, ad expiationem peccati originaliſ; neque vſquam tamen id remedium ſcriptum in veteri Teſtamento reperitur. Item commemorat, vt alia omittamus, & laudat Scripturaſ traditioneſ plureſ nouiſ ſcriptaſ Rechabitarum. Neque certè etiam dubitandum eſt, quin orandi inſtitutum pro deſunctiſ ex maiorum traditione, Machabæi acceperint: cum in lege quidem nihil ea de re ſit ſcriptum. Deinde ſi libri veteriſ Teſtamenti eo conſilio ſcripti fuerunt, vt præterea non eſſet opuſ reuelationibuſ; qui factum eſt, vt poſt ſcriptam etiam legem nunquam Prophetæ, & Prophetiæ deſcriberentur.

Scripti.

Scripturæ igitur veteris aliæ proculdu-
bio causæ fuerunt. 1. Vt ea etiam ratione,
per se quoque optima, hominum salutem con-
suleretur. 2. Vt ad plures cognitio cælestis
doctrinæ, propius imminente tempore gra-
tia, facilius deriuari posset. 3. Vt quia latissi-
mè patebat ratio eius legis, quam Deus per
Moysen sancire, stabilireque voluit, descripta
esset in promptu. 4. Vt, vel ipsis Iudæis in-
uitis, Christianus populus aliquando copiam
eius doctrinæ haberet ad comprobendam il-
lius etiam auctoritatem, atque antiquitatem ra-
tionem Christianæ doctrinæ tanquam ex suo
quodam teste, & typo, &c.

Quod verò alijs hereticis in illo secundo
argumento addebant, traditiones nimirum
Ecclesiasticas clanculariam, ac proinde fal-
sam doctrinam redolere; id vanissimè ab illis
dicitur. Aliud enim est, celari omnino do-
ctrinam (quod heretici interdum faciunt, ne
illorum errores à doctores redarguantur) aliud
non passim vulgari totam scripto, sed
apud doctores capita quædam censuari,
alijsque non nisi habita ratione personarum,
& loci, & temporis patefieri: id quod iam
iam probabimus; plurimum expedire.

Probatio Tertia.

Tertia probatio. Doctrina cælestis co-
modo fuit ab Apostolis Ecclesiæ tra-
denda, quo pura censuari commodissimè
posset, vt ipsi etiam vrgent heretici. Sed ta-
lis omnino modus erat, vt non omnia Apo-
stoli scripta traderent, sed quædam tantum-
modo viua voce. Ergo conueniendum est, sic
ab Apostolis factum esse. Id verò, & exem-
plis, & ratione confirmamus. Exempla sanè
quàm plurima refert Canus, ex quibus illud
memorable fatissè esse videtur, quòd toto tem-
pore legis nature ante Moysen Ecclesia fide-
lium viua dumtaxat vocis traditionibus con-
seruata, & gubernata est. Quod profectò
Dei consilium optima, & congruentissima
ratione carere non potuit.

Sententia præterea non Hebræorum solùm,
sed etiam D. Hilarij, & Origenis est; Moysen
non modò legem à Domino in monte acce-
pisse, verùm etiam arcanam quædam mysteria,
quæ ad legis interpretationem, & expositionem
pertinerent; iussuque fuisse, vt legem
quidem ipsam scriberet, illius autem inter-
pretationem viua tantum voce ministro suo
Iosue secretò traderet, vt is deinceps cum sa-
cerdotibus alijs similiter eam communicaret,
perpetua vt traditione apud illos conseruaretur.
Cui sententiæ consentaneum est, quod
de Deo legimus in libro quarto Esdræ. [Enar-
raui, inquit, Moysi mirabilia multa, & præ-
cepi ei dicens: Hæc in palam facies verba, &
hæc abscondes.] Quod certè diuinum con-
siliū (verum enim ab illis Patribus, atque
etiam in eo libro Esdræ, licet non planè Ca-
nonico, narrari videtur) ratione similiter ca-
rere minime potuit. Nec, si occasione diui-
ni eius consilij Hebræi Thalmudici ad fingendū
postea falsas traditiones quasdam abusi
sunt, idcirco sua veris traditionibus, quæ
essent communi iudicio populi Dei probatæ,
perijsse (illo tempore) auctoritas. Vt neque
ideo Scriptura suam amittit auctoritatem,

quoniam sine comparatione plures illius no-
mine; quàm traditionum titulo ad patrocini-
um erroris sunt abusi; magna profectò, vt
sit impudentia Kemnitij, quòd similiter ad
traditiones communi Ecclesiæ Catholicæ iu-
dicio probatas pertinere illa velit, quæ in
commentitijs quibusdam Thalmudicorum
traditionibus meritò reprehendi possunt.

Sed omisiss veteribus exemplis, osten-
damus rationibus, quamobrem oportuerit,
vt aliqua per Apostolos viua dumtaxat voce
traderentur. Primum, maiori certè in præ-
tium, ac veneratione habetur doctrina sacra,
dum non omnia illius capita quibusvis de
media plebe hominibus scripto euulgantur,
sed aliqua apud doctores, velut thesauri qui-
dam reconditi custodiuntur, vt ea, quæ scri-
pta sunt, facilius illi, vbi, & quando, & qui-
bus opus est, exponere possint. Quia sanè ra-
tione D. Basilij, atque etiam Origenis au-
thoritatem traditionum Apostolicarum non
scriptarum probant, eandemque exemplo
Mosis confirmant, qui nec omnibus omnino
loca omnia templi patere olim voluerit,
I probè gnarus, inquit Basilij, ei quod con-
culcatum est, & per se apprehendi potest, im-
minere contemptum: quod verò remotum est
ac rarum; ei naturaliter quodammodo esse
coniunctam admirationem.] Sic etiam
D. Paulus delectum non mediocrem habebat
earum personarum, quibus essent exponenda
diuina mysteria, ne omnia promiscuè omni-
bus euulgarentur. [Non iudicau], inquit,
me scire aliquid inter vos, nisi Christum, &
hunc crucifixum: Sapientiam autem loqui-
mur inter perfectos. Quam etiam in docen-
do discretionem Timotheo commendat: For-
mam, inquit, habe sanorum verborum; &
quæ audisti à me per multos testes, hæc com-
menda fidelibus hominibus, qui idonei
erunt, & alios docere. Atque id ipsum di-
ligenter monet D. Dionysius. Neque tamen
idcirco volumus, vt doctrinæ cælestis tradi-
tiones perpetuò vulgaribus hominibus igno-
tæ sint: sed ne, si omnis doctrinæ ratio expo-
sita scripto, atque in promptu passim sit om-
nibus, contemptui pateat. Alioqui, vt pos-
tea dicemus, neminem sanè, cum id est op-
portunum, celat Ecclesia traditionum mys-
teria.

Huc accedit, quòd Scripturam, sicut
superius demonstrauimus, obscuram esse vo-
luit Spiritus sanctus, nec id sine magna ratio-
ne: nec verò expediebat, vt idem facri au-
ctores in suos ipsi libros scriberent commen-
tarios clariore. Oportuit igitur, vt Scripturæ
sensus genuinos, & proprios Apostoli sal-
tem viua voce traderent, vt de aure in aurem
ad posteros quoque fideles deriuarentur. De-
nique & hac ratione ordo Ecclesiasticæ Hie-
rarchiæ longè melius conseruatur, si quod ad
doctrinam adeoque religionem attinet, infe-
riores à maioribus, & doctiorum traditione
pendeant. Quæ mihi satis esse videtur ad
congruentiam quidem traditionum osten-
dendam.

maduerſa, caullationes ſectariorum, quibus ſe in hac quæſtione à quibuſdam Patrum teſtimonijs expedire conantur, facile omnes reſutari poſſunt. Porro Cyprianus aquam miſcendam vino eſſe in calice ex Chriſti inſtitutione probat: quæ tamen inſtitutio nuſquam ſcripta reperitur: ſicet Kemnitius, forte ſomnians, aſſerit, mixtionis huius traditionem ſcriptam extare. [Origenes: [Eucharitiæ, inquit, percipiendæ, vel eo ritu, quo geritur, explicandæ, & eorum quæ geruntur in Baptiſmo, verborum, geſtorumque, & ordinum, atque interrogationum, & reſponſionum, quis facile explicet rationem? Et tamen hæc omnia, inquit, implemus & exequimur, vt à magno Pontifice, Chriſto, & eius filijs, Apoſtoliſ, tradita, & commendata ſuſcepimus. Ac rursus in alio loco: Quoties hæretici, inquit, Canonicas proſequentur Scripturas, videntur dicere: Ecce in domibus eſt veritas. Sed nos illis credere non debemus, nec exire à prima, & Eccleſiaſtica traditione, neque aliter credere, niſi quemadmodum per ſucceſſionem Eccleſiæ Dei tradiderunt nobis. Item D. Baſilius: Apoſtolicum, inquit, arbitror eſſe, etiam in non ſcriptis traditionibus perſeuerare. Laudo enim, inquit Apoſtolus, vos, quòd omnia mea meminiftis, & quemadmodum tradidi, vobis traditiones continetis, & obtinetis traditiones, quas accepiftis ſive per ſermonem, ſive per epiſtolam. Nec minus ſanè vel luculenta, vel gravis in eundem locum Apoſtoli D. Chryſoſtomi oratio eſt. Hinc patet, inquit, quòd non omnia per epiſtolam Apoſtoli tradiderint, ſed multa etiam ſine literis. Eadem verò fide digna ſunt tam illa, quàm iſta. Itaque traditionem Eccleſiæ, fide dignam, putamus. Traditio eſt: nihil quæras amplius. Haſtenus Chryſoſtomus. Item Auguſtinus: Multa, inquit, non inueniuntur in literis Apoſtolorum, & tamen quia cuſtoduntur per vniuerſam Eccleſiam, non niſi ab iſtis tradita, & commendata creduntur.] Quod & ſæpiſſimè Auguſtinus aliàs repetit. Hieronymus paſſim contra Vigilantium traditionem non ſcripta nititur. Itemque contra Luciferianos: vbi inter cætera hæreticos non eſſe rebaptizandos ait: [Quoniam ita, inquit, noſtri tradidere maiores. Ibi etiam Aduerſario concedit, multa in Eccleſia per traditionem, quæ ſcripta non ſunt, auctoritatem ſibi præſcriptæ legis uſurpare poſſe.] Ambroſius quoque idem omnino agnoſcit. Et Orthodoxa eſt planè, ne omnes recenſeam, illi D. Ioannis Damasceni ſententia: [Multa, inquit, ſine ſcripto nobis Apoſtoli tradiderunt.] Hæc & Conciliorum auctoritas accedit, quorum quidam definitiones magna ex parte Eccleſiaſtica traditione nituntur: vt præſertim videre eſt in ſeptima Synodo generali. Cuius in actione ſeptima traditiones Eccleſiaſticæ probantur. Itaque non immerito huiusmodi etiam traditionum aſſertio in Concilio Tridentino ſub anathemate confirmata eſt.

Reſponſio ad teſtimonia Patrum, quibus abutuntur hæretici contra traditiones.

NVnc breuiter ad auctoritates Patrum, quas pro hæreticis quarto loco poſuimus, reſpondendum eſt, quod facile à nobis iam fieri poterit, quandoquidem eorundem ipſorum Patrum, quos perperam nobis obijciunt ſectarij, teſtimonia pro traditionum auctoritate clariffima protulimus. Igitur quod ad priorem locum Auguſtini attinet, de his ille rebus ibi loquitur, quæ ad perſonam Chriſti, & geſta pertinebant, non de omnibus omnino Chriſtianæ doctrinæ capitulis. In poſteriori autem loco non eſt intelligendum excludere traditiones, quas aliàs paſſim commendat, ſed ſenſus Auguſtini verborum eſt, in rebus fidei controuerſis argumentandum eſſe ex Scripturis, vel ex ijs principijs certè, quæ eandem cum Scripturis, hoc eſt, quæ diuinam habent auctoritatem, non ex alijs vanis, aut rationibus, aut coniecturis. Atque eadem Diui Hieronymi mens eſt. Nam ſi ſis traditiones alias, præter vanas, quæ cum veritate Scripturarum, & doctrinæ Eccleſiaſticæ pugnant, reiſcere voluiſſet, nunquam Eccleſiaſtica traditione aduerſum Luciferianos, & Vigilantianos paſſim, vt fecit, egreſſet. Tantumde de Origene dictum ſit. Non enim, ſed earum traditionum fide dubitat, quas Scriptura commendat, hoc eſt, quas Eccleſia legitime recipit, ſed de alijs argumentis, quæ diuina non nituntur auctoritate. Atque, vt ſuperius etiam notabam, quemadmodum Theologi dicere ſolent, cum in Scriptura vni tantum diuinæ perſonæ attribuitur aliqua, abſoluta perfectio, non excludi ab ea perfectione perſonas alias eiſdem naturæ, ſed tantummodo creaturas: ita Patres, ſi quando ſolius Scripturæ auctoritatem idoneam eſſe ad fidem faciendam pronuntiant: traditiones ab Eccleſia receptas, quæ eiſdem ſunt cum Scriptura auctoritatibus, nempe diuinæ, minime excludi volunt, ſed alia humana, priuatæque auctoritatis vel teſtimonia, vel argumenta. In quam planè ſententiam Auguſtinus inquit: Non audiamus: Hoc dico, hæc dicis. Sed audiamus: Hæc dicit Dominus. Atque eo ſanè modo, & Conſtanti teſtimonium, quod in illo quarto hæreticorum fundamento referebamus, & à Caluino in primis vrgetur, accipi debet. Vbi tamen, textus Theodoretæ non habet planè ſicut Caluinus recitat, ſed planè, *ſapbos*. Et verò, vt rectè Melchior Canus notat, licet Conſtanti aliquid illa oratione aduſuiſſet falſum, tamen non propterea deuiſiſſet illico à Concilij Patribus interpellari. Diſſimulant enim illi prudenter aliqua, quæ non ſunt definitionibus fidei factura, aut detractura fidem.

Opponit præterea Kemnitius alia nonnulla veterum teſtimonia; ſed eiſmodi tamen, quæ aut ſolùm continent ſimplicem Scripturæ commendationem; aut illam quidem ſufficere ſignificant in quibuſdam hiſtoricis narrationibus, certisque quæſtionibus, ac in aliquibus fidei articulis, qui ab omnibus explicite ſciri, atque credi debent; aut erroribus tantum à Scriptura ipſa alienis, vel proprijs opinio-

nionibus, quæ non modo Scripturæ, ſed etiam Eccleſiæ, & Doctōrum auctoritate deſtituantur, fidem detrahunt, non autem probatis Eccleſiæ traditionibus: ſicut ex ipſa ſententia Patrum iam explicatum eſt. Neque tamen quædam eius generis teſtimonia Kemnitius rectè citat. Verbi gratia, Dixit (ſecundum veram, & vulgatam iam pridem interpretationem) Diuus Athanaſius, [Sufficere Scripturas ad veritatis indicationem: [in articulis nimirum illis de vno Deo, & de Incarnatione Verbi, quos aduerſus errores Ethnicorum Macario confirmare inſtituebat. Kemnitius autem, nunc citat, Diuum Athanaſium ibi dixiſſe, [Sufficere Scripturas ad omnem inſtructionem veritatis.] Item recitat hæc verba ex Diuo Auguſtino: [Cluiſas Dei credit Scripturæ ſanctis, veteribus, & nouis, quas Canonicas appellamus, vnde fides ipſa concepta eſt, ex qua iuſtus viuunt, per quam ſine dubitatione ambulamus, quamdiu peregrinamur à Domino.] Diſſimulat autem quod in eadem periodo continetur D. Auguſtinus ita ſubiungit: [Qua fide, ſalua, atque certa, de quibuſdam rebus, quas neque ſenſu, neque ratione percipimus, neque nobis per Scripturam Canonicam clauerunt, nec per teſtes, quibus non credere abſurdum eſt, in noſtram notiſſimam peruenerunt, ſine iuſta reprehentione dubitamus.] Ex quibus verbis, an non clariffimum eſt, ita D. Auguſtinum Scripturæ ſacræ ſuam auctoritatem, tribuere, vt tamen etiam conſenſit, communi Eccleſiæ traditioni credendum, cuius teſtimonio non credere non modo abſurdum, ſed etiam (vt idem aliàs affirmat) inſolentiſſima inſania eſt. Item citat Hieronymum, quaſi ita dixerit: [Quidquid de Scripturis ſacris auctoritatem non habet, eadem facilitate contemnitur, qua probatur.] Hieronymus autem non dicit generatim, Quod, aut quidquid, quaſi etiam illud, quod habeat Eccleſiæ quidem, non autem Scripturæ auctoritatem, reiſciendum ſit. Sed nominatim diſputans contra eorum opinionem, qui ex quibuſdam, inquit, Apocryphorum ſomnijs Zachariam illum, iuter templum, & altare occiſum, patrem ipſum Ioannis Baptiſtæ eſſe contemnerunt; ita ſubiungit: [Hoc, quia de Scripturis non habet auctoritatem, eadem facilitate contemnitur, qua probatur.] Nempè, quia Apocryphum alioqui commentum, ideſt, quod neque Eccleſiæ, neque adeo Scripturæ vllō modo habet auctoritatem. Item redarguens idem Hieronymus hæreticorum in vſurpanda Scriptura impudentiam, ideſt, eius teſtimonijs illos vt ſolitos ideſt dicit: quia ſine auctoritate, inquit, Scripturarum garrulitas (nempè eorundem hæreticorum) non haberet fidem: Nempè quoniam alioqui auctoritate etiam Eccleſiæ, quam Scriptura commendat, tales ſeducatores in primis deſtituuntur. Kemnitius autem abſolute, & præciſe citat Hieronymum ita dixiſſe: [Sine auctoritate Scripturarum garrulitas non habet fidem.] Ex qua ſententia, ita præciſe poſita, facile quiſpiam poſſet colligere Hieronymum ſenſiſſe, illud omne, quod ſine Scripturæ teſtimonio proſertur, quantumcumque alioqui Eccleſiæ auctoritate confirmatum ſit, eſſe velut garrulitatem quandam

inanem reiſciendum, nec in materia religionis fidem vllam mereri. Item citat illa verba Epiphani: [Nos vniuſcuſque quæſtionis inuentionem non ex proprijs ratiocinationibus dicere poſſumus, ſed ex Scripturarum conſequentia.] Et tamen idem ipſe Kemnitius adeo agnoſcit Epiphani mentem, eo loco non eſſe excludere Traditiones Apoſtolicas non ſcriptas, quæ à Scriptura ipſa commendantur, vt etiam Epiphaniū ſugillet quodd plus nimio eiſmodi Traditionibus delectatus, hoc enim iſte vocabulo vtitur, ſue rit. Exſtat enim de auctoritate Traditionum non ſcriptarum luculentiffimum, hoc Epiphani j teſtimonium: [Oportet, & Traditione vti. Non enim omnia à diuina Scriptura accipi poſſunt. Quapropter aliqua in Scripturis, aliqua in Traditione, ſancti Apoſtoli tradiderunt.] Quod igitur ait, ex Scripturarum conſequentia quæſtionum explicationem eſſe petendam, non ſic accipit vult, quaſi non liceat ex legitima Traditione, quæ parem etiam cum ipſa Scriptura auctoritatem habet, argumentari, ſed quia non ſunt certè ex proprio ingenio determinandæ fidei quæſtiones. Item Diuus Baſilius inquit: [Omne quod extra diuinitus inſpiratum, Scripturam non ex fide eſt, peccatum eſt.] Intelligit autem quod ita eſt extra Scripturam, vt non ſit ei conſentaneum, ſed potius repugnans, quodque adeo non eſt ex fide, ſed potius peccatum contra fidem, dignum illo anathemate, de quo Apoſtolus inquit: [Si nos, aut Angelus de cælo euangelizet vobis præterquamquod euangelizauimus, anathema ſit:] quem locum idem D. Baſilius ad hoc ipſum propoſitum antea vſurpauerat. Kemnitius autem hunc D. Baſilij locum ſic recitauit: [Omne quod extra Scripturam diuinitus inſpiratum, quia non ex fide eſt, peccatum eſt.] Aſſuit autem ipſe de ſuo illud, quia, vt veriffimiliſ Lector decipi poſſet, quaſi Baſilius ſignificauiffet, hoc ipſo aliquid non eſſe ex fide, quia non contineatur in Scriptura. Baſilius autem non hoc voluit: ſed dicit ſimpliciter, illud, quod extra Scripturam non eſt ex fide (cum ſcilicet, & à Scriptura, & à Traditione etiam quæ in Scriptura commendatur, cuique aſſentiri, ſecundum eundem Baſilium, vt ſuprà vidimus, Apoſtolicum eſt) peccatum eſt. Græcè Baſilius eodem modo habet: *καὶ οὐκ ἐκ πίστεως ὄν*. Sed quis vbique enumerare facile poſſit Kemnitij corruptelas, & impoſſuras omnes aduerſus doctrinam Catholicorum?

Traditio verè Apoſtolica, quo modo dignoſcenda: quam ad rem 4. aſſignantur Regula.

III. **R** Eſtat nunc, vt breuiter expediamus poſtremū illud caput de Traditionibus propoſitum, qua videlicet ratione certò dignoſci queat Apoſtolica Traditio. Quam ad rem quatuor quaſi viz, certiffimæque Regule communiter tradi ſolent. Prima eſt in Eccleſiæ auctoritate ſita. Nam ſi quid illa tauquam Apoſtolicam Traditionem recipit; idque fidelibus omnibus, vt credatur proponit, ſine vlla dubitatione pro Apoſtolica Traditione recipiendum eſt. Sic Patres in ſeptima Synodo imaginum venera tionem, vt ab Apoſ-

stolis traditam probauerunt. Quod si verò obijcias: Ecclesiam ex Apostolica Traditione iudicare debere, tanquam ex vna quadam definiendi Regula; ac proinde illius munus non esse, quæ sit Apostolica Traditio determinare: facillimè id quidem expeditur. Sicut enim Ecclesia ex Scriptura iudicat, nec tamen ideo, vt suprà declarauimus, incommodum est, illam ipsam quoque, quæ sit Scriptura sacra, determinare; ita etiam nullum incommodum censi debet, quod eadem Traditiones Apostolicas iudicet, ex quibus fidei controuersias determinet. Vtrumque enim Spiritu sancto suggerente certissimè facit.

Secunda Regula sumitur ex Patrum sententia concordi, idque dupliciter. Vno modo, si illi omnes recipiant dogma aliquod, tanquam de fide, contrariumque damnent vt hereticum. Altero modo, si expressè etiam asserant, sententiam aliquam, seu institutum, esse Apostolicam Traditionem. Quod enim alterutro modo, aut vtroque illi alieuerant, nec in Scripturis alioqui est expressum; credendum est, ex Traditione manare Apostolica. Non enim possunt omnes errare, vt paulò post ostendetur. Ac priori quidem modo sententia Patrum per traditionem constat perpetua virginitas sanctissimæ Dei Mariæ. Posteriori autem veneratio imaginum, Apostolicum Symbolum, & id genus alia.

Tertia Regula est, communis consensus fidelium, si quid illo approbari constat, quod alioqui Scriptura non tradit; præsertim si maius quiddam, & excellentius, id est, quàm vt humana auctoritate constitui poterit. Quæ enim eiusmodi sunt credendum est, Apostolos diuinitus inspiratos Ecclesiæ tradidisse. Quo sanè pacto per Traditionem probari potest auctoritas, quam habet Ecclesia dispensandi in votis, & relaxandi iuramenta. Itemque diremptio matrimonij rati per votum solemne religionis. &c.

Quarta eaque latissimè patens Regula est, quam Diuus Augustinus, magno Orthodoxorum omnium consensu, tradit: [Quod vniuersa, inquit, tenet Ecclesia, nec Concilijs institutum, sed semper retentum est, non nisi ab Apostolica auctoritate traditum, reuocissimè creditur.] Ac ratio est manifesta. Quia si ante quemcunque, vel Patrem, vel Concilium mentio alicuius, vel dogmatis, vel instituti facta in Ecclesia est, initium sine dubio habuerit oportet ab Apostolis. Huius generis sunt ordines minores, Ieiunium quadragesimæ, & similia, de quibus rebus rectè mihi inter ceteros Melchior Canus scripsisse videtur.

Illud tantummodo hoc loco addam: cum dicimus, quatuor has esse Regulas cognoscendarum Traditionum, non hoc ita intelligendum esse, quasi velimus aliquas esse traditiones, quæ tantum ex vna, vel ex altera eiusmodi Regularum consentiant (constant enim ferè omnes ex illis omnibus) tantum volumus, quamlibet earum Regularum esse ad traditionem Apostolicam cognoscendam per se sufficientem. Quò fit, vt eò certiores sint Ecclesiæ traditiones, quòd ex illis Regulis ferè omnibus sunt compertæ. Atque hæc quidem de traditionibus nunc sufficiant.

De Concilijs.

DEinde dicendum est de Concilijs, primum, quæ illorum sit ratio, & varietas, tum quanta auctoritas in definitione fidei.

Conciliorum ratio, & varietas.

I. Synodi, vel Concilij nomine intelligimus generatim loquendo Episcopos, vel Sacerdotes in vnum locum conuenientes ad constituendum de negotijs Ecclesiasticis, quæ ad religionem pertinent, hoc est, de fide, aut cultu, aut moribus. Porrò Conciliorum triplex genus est. Alia sunt Oecumenica, siue vniuersalia. Alia prouincialia. Alia Episcopalia.

Vniuersalia Concilia dicuntur ea, quæ coguntur Summi Pontificis auctoritate, præcipuos Ecclesiæ Prælatos, hoc est, Episcopos, & ijs superiores Antistes conuocantis. Nec verò est opus, vt omnes omnino euocet; multòque minus, vt omnes veniant. Satis fuerit magnam partem illorum euocari, atque congregari, vt rectè Canus, & Ioannes à Turrecremata declarant. Potest autem, ac solet Pontifex alias graues personas Ecclesiasticas (cuiusmodi sunt Generales religionum) vt in Concilio sententiam dicant, ac ceteros, tamen Episcopi non sunt. Itemque adhibentur alij docti viri Ecclesiastici, tantum, vt de rebus tractandis differant. De quibus, & alijs id genus rebus, quæ ad formam, ac modum Concilij vniuersalis pertinent, copiosè sanè, ac diligenter scriptum est à Turrecremata. Quod autem volunt Sæcularij Laicos etiam homines sacrarum literarum peritos in Concilio vniuersali adhibendos esse, id quidem proluxa refutatione non indiget.

Quid enim à ratione magis alienum sit, quàm si vbi agitur de discernendis doctrinæ pascuis salutaribus ab noxijs, iudicium ea de re ipsis ouibus committatur? Pastorum hoc certè proprium munus est. Quamobrem Diuus Paulus officium Pastoris, & Doctoris coniunxit: [Alios dedit, inquit, Pastores, & Doctores.] Et ipse Dominus per Ieremiam: [Dabo, inquit, Pastores, & pascunt vos scientia, & doctrina.] Itemque in Deuteronomio: [Si difficile, & ambiguum apud te iudicium esse perspexeris, venies ad Sacerdotes (ad Sacerdotes inquit) Leuitici generis, &c.] Denique perpetua quoque fuit in Ecclesia Christiana consuetudo, vt Prælati tantum maiores ad Concilium euocarentur, quemadmodum eruditè ostendit Turrecremata. Iam Concilia Prouincialia sunt, quæ congregantur auctoritate Metropolitani, vel Primatis euocantis Episcopos vnius prouinciæ, aut Regni. Episcopalia verò, quæ auctoritate Episcopi conuocantis Sacerdotes suæ diocesis.

Conciliorum quanta auctoritas sit.

II. Hæc ita breuiter positis, quæstio huius loci propria, ac præcipua est, qualem,

lem, & quantum auctoritatem habeant Concilia in ijs rebus, quæ ad fidem spectant, determinandis? Cui questioni breuiter duabus assertionibus responderi potest. Prima. Nullum Concilium infallibilem auctoritatem definiendi per se habet scilicet Romani Pontificis approbatione. Secunda. Accedente Romani Pontificis confirmatione Concilium quoduis est infallibile.

Probatio Prima.

Primam assertionem ea ratione manifeste probamus, quod aliqua Concilia etiam vniuersalia per Pontificem non confirmata quandoque errauerunt. Vt Ephesinum secundum cum Dioscoro, & Leone quidem indictum, sed non confirmatum. Item Basiliense sub Eugenio Quarto, ut infra videbimus. Item Ariminense, sexcentorum Episcoporum cum Arrio; & Constantinopolitanum sub Leone Imperatore, recentiorum Episcoporum. Quanquam neque hæc duo postrema, Romani Pontificis auctoritate congregata sunt; ut neque quoddam aliud Pisanum, quod à Schismaticis quibusdam Cardinalibus congregatum fuit anno Domini 408. Atque ita ex ea etiam parte facilius eiusmodi Concilia errare potuerunt. Concilium enim vniuersale, quod à Pontifice, vniuersalis Ecclesie Pastore, non indicitur, nec Concilij quidem nomine dignum est, sed Conciliabulum potius est appellandum, ut ait Pelagius Pontifex. Etenim ab omni ratione alienissimum est, ut de ijs rebus, quæ ad vniuersam Ecclesiam pertinent, cum auctoritate agatur, nisi ex eius præscripto, qui præest Ecclesie vniuersæ.

Probatio Secunda.

Accedunt præterea pro eadem illa assertionem plurima testimonia non modò veterum Pontificum, sed etiam ipsorum Conciliorum, ac aliorum Patrum, quorum pleraque sententias suprà in confirmatione Primatus Romani Pontificis allegauimus. Peculiariter id asserunt, Alexander Primus, Sixtus Primus, Anicetus, Zepherinus, Calixtus, Marcellus, Melchisedes, Iulius Primus, Damasus, & alij eiusmodi antiqui Pontifices, vel gloria martyrij, vel sanctitatis, atque doctrinæ laude ita clari, ut illorum hæc de re testimonium, quasi ambiciosè, atque falsò, & temerè propriam tantum causam egerint, à nemine sine summa lenitate rejici possit: maxime cum illis id palam docebimus nullus illis temporibus Scriptor Catholicus, tanquam falsam sibi dignitatem arrogarent, contradixerit. Idemque asseritur in septima, & octaua Synodo generali, & in Synodo Romani à sub Symmacho, itemque in alia Romana sub Damaso, & in Concilio Florentino, &c. Et verò Concilium Nicænum à Siluestro Pontifice; Constantinopolitanum primum à Damaso; Ephesinum à Celestino; Chalcedonenfè à Leone: Omnia denique quæcumque in Ecclesia habuerunt auctoritatem, à Romano Pontifice confirmata sunt, ut superius etiam commemorauimus. Quod etiam testatur Paschalis Papa: Omnia, in-

quit, Concilia per Romanæ Ecclesie auctoritatem, & facta sunt, & robur acceperunt. Et Symmachus de prouincialibus Concilijs à Pontifice non confirmatis ait: [Quod quia non habent præsentiam,] id est, auctoritatem, Pontificis, valetudinem perdidierunt. Quæ de re multa sanè, eaque luculentissima testimonia concessit in sua summa de Ecclesia Ioannes à Turrecremata.

Probatio Tertia.

Postremo eadem assertio faciliè probatur ex his, quæ suprà de Romani Pontificis primatu constitutum: ex quibus ita formo rationem. Eius tantum est controuersias fidei cum auctoritate infallibili determinare, cuius est in Ecclesia suprema post Christum potestas spiritualis. Sed suprema hæc potestas, Romani duntaxat Pontificis est, non autem vllius Concilij, etiam vniuersalis scilicet Pontificis. Ergo solius Pontificis siue per se, siue conuocato ad id etiam Concilio, est infallibiliter determinare controuersias fidei, non autem vllius Concilij per se, scilicet Pontificis.

Maiorem huius rationis propositionem confirmo primò. Nam Christi promissiones, quibus ille pollicitus Ecclesie est cognitorem omnem veritatis, satis, superque adimplebuntur, si per supremam in Ecclesia potestatem, controuersie omnes fidei cum auctoritate infallibili definiri possint. Frustra igitur, ac sine fundamento in alio, vel alijs, qui potestatem eiusmodi in omnes fideles supremam non habeant, infallibilis ea auctoritas asseritur. Deus enim, ut non deficit in necessarijs rebus, ita nec illius providentia superuacaneè abundat. Secundo probatur eadem propositio. Quoniam infallibilis definitio fidei vniuersam obligat Ecclesiam, hoc est, omnes omnino fideles. Ergo munus infallibiliter definiendi solius potestatis in Ecclesia suprema est. Tertiò. Quia definitionem fidei infallibilem etiam ille debet recipere, qui supremam in Ecclesia potestatem habuerit; ergo non potest illa fieri per aliquem, vel per aliquos inferiores, qui scilicet potestatem eiusmodi supremam non habeant. Per absurdum est enim, ut superior teneatur id decretum, acceperat, quod nec ipsemet, nec aliquis superior faciat, sed is potius, qui illo inferior sit, & de cuius prouide factio iudicandi auctoritatem ipse habeat.

Iam confirmo similiter propositionem alteram minorem, videlicet solum Pontificum Romanum prædium esse supremam post Christum potestatem in omnes fideles. Nam quod ipse certè Romanus Pontifex supremam potestatem habeat, suprà probatum est, cum & Euangelij, & omnis antiquitatis testimonijs ostendimus, præfuisse Christum Petrum, eiusque successores vniuersæ Ecclesie. At non sunt, nec esse possunt in Ecclesia due suprema potestates tales; hoc est, nequeunt esse quasi magistratus duo, quorum quilibet per se supremam in omnes omnino fideles potestatem habeat. Solum igitur Romanum Pontificem habere eiusmodi potestatem supremam, consistendum est. Etenim, si due tales essent potestates supremae; quælibet illarum,

rum, & neutra illarum esset suprema: quod ne intelligi quidem potest. Quilibet: quoniam ita ut certe poneret. Neutra: quoniam vnaquæque haberet alteram se superiorem, siquidem altera etiam esset simpliciter suprema, hoc est, super omnes omnino oues pertinentes ad Christi ouile, qualem certe potestatem superius probatum est Petrum, & eius successores habere.

Atque hinc profectò illorum auctorum sententia manifestè reuincitur, qui Concilium vniuersale Pontifice superius faciunt. Pugnant enim illi reuera (licet non aduertentes) cum certissima fide de Diui Petri, ac Romani Pontificis in Ecclesia primatu. Refellunt autem eam opinionem copiosius Ioannes Turrecremata, & Franciscus Turrianus, & Caietanus, qui mihi quidem his de rebus admodum eruditè scripsisse videtur.

Nunc prima assertione probata, facile ex eodem fundamento confirmari poterit secunda, videlicet quodlibet Concilium, accedente approbatione Pontificis, esse infallibilis auctoritatis. Nam auctoritas Pontificis ad definiendum, infallibilis est, vt supra copiosè ostendimus. Sed Concilium, quod Pontificis auctoritate confirmatum est, Pontificis auctoritatem habere censetur; siue illud Generale, siue Prouinciale, siue Episcopale sit. Ergo quoduvis Concilium à Pontifice confirmatum infallibile est, siue infallibilem auctoritatem habet. Atque hoc ipsum ostendit perpetua Ecclesiæ traditio, & vsus. Etenim illi semper in Ecclesia hæretici sunt habiti, qui Concilijs à Pontifice confirmatis (cuiuscumque generis ea fuerint) damnati sunt.

Porrò ex hac assertione sequitur, verum omnino esse illud, quod supra de Ecclesia, circa septimam eius proprietatem diximus, & animaduertit etiam rectè Melchior Canus: videlicet, eandem prorsus auctoritatem infallibilem ad definiendum esse illam, quæ Summo Pontifici, & quæ Ecclesiæ Catholice, & quæ Concilijs tribuitur. Neque enim putandum est, auctoritatem vnā infallibilem habere Pontificem, alteram Ecclesiam, alteram Concilium. Id non ita est. Quinimò illa ipsa auctoritas, quæ in vno Pontifice residet; auctoritas etiam dicitur esse Ecclesiæ; quippe cum Ecclesia nimirum quoddam, quasi corpus sit, cuius caput est Pontifex, vt proinde in ea quodque esse, meritò censetur illa auctoritas, quæ in ipso est capite. Atque eadem item Pontificis auctoritas, Conciliorum auctoritas esse dicitur, quatenus eorum acta, & determinationes ille confirmauit. Itaque Conciliorum auctoritas, vt est quidem infallibilis, non alia quādam auctoritas est per se distincta ab auctoritate Pontificis, sed eadem planè, vno quodam modo vsurpata ex multis, quibus, vt infra docebimus, potest Pontifex suam infallibiliter definiendi auctoritatem exercere.

Quæret autem hic aliquis, Ecquæ sint Concilia per Pontifices confirmata? Respondeo, ex vniuersalibus quidem illa confirmata sunt, quæ in tomis ipsis Conciliorum referuntur, Basilienfi excepto. Cuius vitia, & defectus à Turrecremata, & à Caietano demonstrati sunt. Præterea pleraque Concilia

Romana sunt Romæ per Pontifices ipsos celebrata, quæ proinde Pontificis quoque auctoritatem habent. Quin etiam licet non conuenerint in eiusmodi aliquibus Romanis Concilijs Episcopi variarum prouinciarum, tamen ratione Pontificiæ auctoritatis, quæ vniuersalis est, vniuersalia quodammodo dici possunt; vt notauit Turrecremata. Quod verò attinet ad alia prouincialia Concilia, Episcoporum, primum quædam ex illis sunt expressè per Pontifices confirmata. Vt Concilia Carthaginensia, & Ancyritanum, Neocaesariense, Gangrense, Sardicense, Africanum, à Leone Quarto. Sicut etiam Trullana quoque Synodus, quæ aliàs quinifexta dicitur, quædam Concilia prouincialia probauit. Deinde reliqua Concilia prouincialia antiqua, quæ ad communem quidem Ecclesiæ notitiam peruenierunt, neque reprobata sunt, sed potius in vsu, ac veneratione apud omnes habentur; tacitè hoc ipso ab Ecclesia approbata censi possunt, vt rectè Caius notat. Iam verò ex Episcopalibus Concilijs vnum illud fertur per Sedem Apostolicam expressè confirmatum esse, nimirum Complutense sub Alphunso Carillo Archiepiscopo Toletano, in quo errores damnari sunt cuiusdam Petri Oxomensis, qui de clauibus, & de penitentis Sacramento falsò docebat. Fuit autem Synodus hæc per Sixtum Quartum confirmata. His ita explicatis, argumenta quædam diluenda sunt, quæ contra primam assertionem probare videntur, Concilium saltem vniuersale per se infallibiliter posse sine Pontificis auctoritate definire.

Primum argumentum. Concilium vniuersale Ecclesiam rotam representat, vt definiuit Martinus V. in fine Concilij Constantiensis, hoc est, tenet veluti vicem totius Ecclesiæ, quæ non potest videlicet alio modo congregari, nisi quatenus Prælati conueniant vice, atque loco fidelium omnium. Sed vniuersalis Ecclesia errare non potest. Ergo neque vniuersale Concilium, quod virtute nimirum est quasi rota Ecclesiæ. Atque id rursum confirmatur. Nam saltem quando Concilio intersunt Legati Pontificis, nihil videtur deesse, quod minus Concilium habeat tantam totius Ecclesiæ auctoritatem. Tunc igitur certè confirmatio Pontificis necessaria non erit.

Respondendum est, secluso Pontifice Concilium *acepholum* non representare perfectè rotam Ecclesiam, ac proinde errare illud posse. Deinde, si maxime concederemus Concilium *acepholum* Ecclesiam simpliciter representare, tamen ex ea re solum consequetur, omnes Patres Concilij ad vnum, vsque errare non posse, sicut nec errare possunt simul omnes fideles. At posset tamen nihilominus errare maior illorum pars, atque adeo ipsum etiam Concilium, quippe cum ex sententia maioris partis congregatorum decreta Concilij confici soleant. Ita sanè responderet ad hoc argumentum Melchior Canus. Sed prior mihi responsio magis placet, quæ est doctissimi Caietani.

Ad confirmationem verò eius argumenti cum distinctione respondendum est. Nam si legati sequuntur instructionem, & quasi conceptam iam ante definitionem Pontificis, quam

quam ab ipso prius acceperint; tunc sanè eo ipso, quod Concilium habeat auctoritatem legatorum, habet etiam ipsius Pontificis, ac proinde errare nequit: Si autem talem à Pontifice instructionem nondum illi acceperunt, aut eam non sequuntur, errare Concilium ipsi etiam consentientibus, potest. Quia ut Turcreminata, & Canus rectè docent, potestas ipsa Pontificis ad infallibiliter definiendum delegari alijs nequit. Quare ante Pontificis confirmationem minime constat esse ratæ Concilij decreta.

Secundum argumentum. Si infallibilitas omnis Conciliorum à Pontifice penderet; frustra igitur illa coguntur; siquidem æquè certò ab ipso Pontifice solo posset res definiri.

Respondetur, nequaquam propterea frustra institui Concilia. Quò enim maior in illis inquisitio firmanentorum veritatis sit, ex plurimumque sententia decernitur, eò in ijs rebus, quas cum Concilio definit Pontifex, plus est momenti, ac ponderis, ut ipsi certè homines, sibi persuadere possint, verum, atque ratum id esse, quod tanto studio, atque diligentia adhibita, tantoque consensu definitur. Quare omnino est saluberrima in Ecclesia, ut præclarè D. Augustinus inquit, Conciliorum auctoritas, sapienterque facit Pontifex, si cum ita, vel hæreticorum pertinacia, vel alia grauis causa postulare videtur, non nisi conuocato Concilio rem esse definiendam existimat.

Tertium argumentum. Christus ait: [Vbi fuerint duo, aut tres congregati in nomine meo, ibi sum in medio eorum.] Ergo multò magis, vbi tam multi congregantur.

Verùm hoc facillimè expeditur. Non enim ad infallibilem certitudinem alicuius sententiæ, in quam plures in nomine Christi consentiant, locus hic Euangelij propriè accommodari debet, sed ad efficaciam confessionis plurium ad id impetrandum, quod vnanimiter in Christi nomine petunt, si id quidem ad eorum salutem expediat. Secus enim, non modò ex illo loco probabitur, infallibilem esse sine Pontificis assensu definitionem Concilij vniuersalis, sed etiam provincialis, imò & Episcopalis, imò & aliorum quorumcumque duorum, aut trium in nomine Christi conuenientium ad aliquid statuendum. Quòd si ad Concilij etiam congregationem, quæ maxime fit in Christi nomine, cum Euangelij locum accommodare velimus; dicam equidem, eatenus Concilij Patribus Christum sua prouidentia adesse, ut eorum doctrina, atque definitio per Pontificem confirmetur, si vera fuerit, sin autem falsa, per eundem corrigatur.

Quartum argumentum. Patres Concilij vniuersalis pronunciant de rebus fidei tanquam iudices: Nempe cum dicunt: [Ita statuit sancta Synodus. Qui aliud dixerit, anathema sit &c.] Infallibiliter igitur pronunciant. Quod ea ratione confirmari potest; quia Ecclesia certè vniuersa tenetur eos audire, si ut iudices in vniuersali Concilio, quod iam ostensum est, pronunciant; ac proinde, si non illi infallibiliter pronunciant, tota Ecclesia ipsos audiendo posset, imò teneretur errare. Quod absurdissimum est.

Item, quia si ut Iudices pronunciant de fide; ergo ex auctoritate diuina pronunciant. Humana enim auctoritas non videtur per se tantum valere, ut fidei materiam determinare ipsa possit. Quòd si auctoritate diuina Concilij vniuersalis Patres pronunciant; consequitur certè, infallibiliter eos pronunciare: Siquidem non potest ab auctoritate diuina prodire vlla falsitas. Accedit, quòd si Patres per se non definiunt infallibiliter, minime ipsi, Iudices esse controuersiarum fidei, censi debent, sed quasi quidam tantum Pontificis Consiliarij, quorum munus videlicet sit Pontifici proponere quidam esse definiendum videatur. At sunt omnino Iudices, ut antè probatum est. Infallibiliter igitur ipsi definiunt.

Respondetur. Quod Patres statuant in Concilio, ut Iudices, non est sanè negandum. Hinc tamen non illicò sequitur, ipsos infallibiliter per se definire. Nam quod primò ad eius rei confirmationem obieciatur, Ecclesiam vniuersam debere eos audire, id verò non ita est, donec per confirmationem Pontificis innoteat, eos verè definiuisse. Ea verò Pontificis confirmatio cum accesserit, iam tum vniuersa Ecclesia debet Concilij decreta recipere, non modò quatenus Pontificis decreta sunt, sed etiam quatenus Concilij quòque Patrum auctoritatem habent. Porro auctoritas hæc Patrum, per quam scilicet de fide pronunciant, non est (ut deinde obieciatur) propriè diuina, quæ scilicet in assistentia peculiari Spiritus sancti ad definiendum, quam ipsi per se Patres habeant, consistat: Sed est humana Ecclesiastica, deriuata quidem à diuina, & concessa illis à Pontifice, ut ipsi nimirum soli possint ritè, atque ex ordine ad totius bonum Ecclesie iudicare de rebus fidei, atque adeò ita denum ad credendum Ecclesiam vniuersam obligare, si iudicium suum fuerit Pontificis approbatione confirmatum. Ut verò ita dependenter à sententia summi Pontificis, definiant illi res fidei, satis ipsis est auctoritas illa Ecclesiastica, nec per se opus habent infallibili assistentia diuina.

Quòd si propterea, quòd Pontifex huiusmodi Patrum opere, atque iudicio in determinanda fidei sententia utitur, idcirco quis putet Pontificis quasi Consiliarios eos appellari posse, non est de vocabulo magnopere laborandum. Nam neque cuiusmodi certè appellatio fundamentum prorsus careret: siquidem sæpè dicitur Pontifex hoc, aut illud statuere sancto approbante Concilio. Quæ cum ita sint, facile conciliari hoc in loco possunt opiniones duæ, quas Canus tamquam diffidentes commemorat. Vna est, Concilij Patres esse Pontificis Consiliarios in fidei negotio. Altera, eosdem esse sanè Iudices. Vtrumque enim verum est diuersa ratione, ut ex dictis intelligi potest.

Quintum argumentum. Concilij Patres asserunt se in Spiritu sancto legitime congregari: itemque statuunt sub anathemate, &c. At nisi infallibiliter per se definiunt, arroganter id quidem ab illis, vel dici, vel fieri videri posset. Aut sunt igitur arrogantes, quod putandum non est, aut infallibiliter professò definiunt.

Respondeo. In Spiritu sancto legitime congregari Concilium non aliud est, quam omnino placere Deo, vt ex præscripto Pontificis conueniant Patres ad decernendum, eisque proinde Spiritum sanctum assistere, vt per Pontificem posita, vel confirmantem, vel emendantem eorum decreta, infallibiliter de veritate doceantur, Quod verò statuunt sub anathemate, faciunt quidem hoc illi, vt quantum est in se astringant hac ratione magis obligationem eam, quam sperant per Pontificis futuram confirmationem, robur habituram. Et verò Concilia olim, nisi prius accepissent sedis Apostolicæ decretum, controuersias fidei non definiebant, vt ostendit Turrecremata. Quod ipsum magno argumento est, verissimum id esse, quod docemus, Concilij vniuersalis decreta ante Pontificis confirmationem non habere certitudinem infallibilem.

Sextum argumentum. Suprema potestas clauium non Pontifici, sed Ecclesiæ ipsi propriè collata à Christo est. Ergo Concilium vniuersale, quod est vice Ecclesiæ, infallibiliter potest definire, sine Pontifice. Id autem multis sanè modis probatur. Primò, auctoritate Diui Augustini, qui sæpè affirmat Ecclesiæ datas illas clauis esse, cum datæ sunt Diuo Petro. Secundo. Quia in Euangelio Matthæi Apostolis, qui representabant Ecclesiæ, sine exceptione dicit Christus: Quodcumque ligaueritis, &c. Quare videtur Ecclesiæ etiam in Pontificem ipsum habere ligandi, & soluendi potestatem. Tertiò, quia ibidem quoque Christus omnem illum, qui frater cenferi potest, subiecit Ecclesiæ, atque adeò etiam ipsum Diuum Petrum cum dixit: Si peccauerit in te frater tuus, &c. Et tandem: Si Ecclesiam non audierit, sit tibi sicut Ethnicus, & Publicanus. Quarto, quia ipsum etiam Petrum remittit ibi ad Ecclesiam, cum non minus illi, quam discipulis alijs præcipit: Dic Ecclesiæ. Itaque ipse postmodum interrogat: Domine, quoties peccabit in me frater meus, & dimittam ei. Quintò, quia Ecclesiæ potest Concilium congregare sine Pontifice. Vt si quando Pontifex aliquis non sine controuersia pro Pontifice haberetur. Quemadmodum euenit tempore Concilij Constantinensis: vel si fortè esset hæreticus. Quo casu posset ille etiam ab Ecclesiâ deponi. Sextò, quia cum Pontifex sit vnus quidam homo, qui proinde videretur errare posse, consentaneum sanè erat, vt Ecclesiæ in illum auctoritas daretur, vt siquid fortè peccaret, ab ea corrigere. Septimò, quia id etiam est definitum in Concilio Constantinensi, sessione quinta, cuius Concilij Decreta ad fidem pertinentia confirmauit Martinus quintus: Itemque posita in Basilien. Octauò, quia non sanè obstat, quod Pontifex à Christo accepit in Ecclesiâ primum. Habet enim illum certè respectu singularum personarum, atque etiam respectu quarumcumque prouinciarum, non tamen respectu totius Ecclesiæ, vt est vnus quoddam corpus ex omnibus suis partibus simul coniunctum: atque adeò, nec respectu vniuersalis Concilij, quod est vice Ecclesiæ totius. Nonò, quia non bene aliàs Christus Ecclesiæ suæ prouideret, si cogeretur illa nimirum

ferre Pontificem quantumvis impium, nec haberet in eum aliquam potestatem.

Atque hæc fecè sunt, quæ quosdam mouerunt, vt & Concilia esse per se infallibilia, & in ipsum etiam Pontificem auctoritatem habere disputarent. Sed ea tamen omnia mouere similiter nos minime debent, vt à verissima sententia superius probata desistamus. Quare respondendum ad argumentum est, omnino falsum id esse, quod in illo assumebatur, nempe non ipsi Pontifici propriè, sed Ecclesiæ toti clauis à Christo datas esse. Pugnât enim hoc prorsus cum certissima fide, de primatu Diui Petri, quæ suprà multis, & testimonijs, & argumentis confirmata est.

Ad primam verò eius assumpti probationem respondetur, sententiam Diui Augustini non esse, nisi quod accepit Petrus singulariter clauis in persona Ecclesiæ tamquam illius præpositus in eiusdemque utilitate, vt suprà satis à nobis explicatum est.

Ad secundam respondet optimè Caietanus, potestatem illam à Christo datam esse Apostolis, vt eam quidem exerceant in quibuscumque sibi subiectis: Papa autem non est subiectus vlli alteri potestati, cum ipse habeat potestatem supremam, vt suprà probatum est. Quamuis ipsemet etiam lege diuina teneatur id credere, quod in materia fidei determinat, sicut etiam illius successores.

Ad tertiam probationem similiter respondetur, agi nimirum ibi de fratribus subiectis. Quæ professò expositio, vel ea ratione apertè confirmatur, quòd ibi nomine Ecclesiæ intelligitur etiam quicumque Prælatus, qui peccantem possit excommunicare, & quem possimus statim adire: vt auctoritate sanctorum Patrum confirmat Caietanus. Certum autem est, Prælatum non habere potestatem, nisi in sibi subiectos. Quare non nisi de subiectis fratribus ille locus intelligi debet; ac proinde, si quis est nulli omnino potestati in Ecclesiâ subiectus (vt Pontificem non esse suprà ostendimus) is ab eo loco prorsus excipiendus necessariò est.

Ad quartam probationem respondeo, Christum ibi non cum persona Petri, vt erat futurus summus Ecclesiæ Pastor, loquutum esse; sed doctrinam tradidit in communi pro fidelibus omnibus, qui Ecclesiæ Prælati vniquam futuri essent, quique ab illo collegio discipulorum, cum quibus Christus agebat, representabantur.

Ad quintam probationem respondeo, posse quidem in illis duntaxat casibus Ecclesiam id facere non ex auctoritate, quam habet supremam, & ordinariam ad omnia, quæ sint eius generis, facienda, sicut habet Pontifex, sed ex quadam imperfecta auctoritate, quam habet tantum in illis duobus casibus, ad personam videlicet Pontificis, vel eligendam peculiari modo, vel deponendam, seu potius ad declarandum, quòd sit iam à Christo deposita. Hanc auctoritatem Ecclesiæ in his casibus appellat Caietanus ministerialem. Et potest sanè ita appellari, quia ratione in aliquo eiusmodi casu Ecclesiæ Pontificem eligit. Vt enim superius expositum est, non ipsa Ecclesiæ propriè constituit Pontificem, sed determinat duntaxat personam,

nam, & quasi offert illam Christo, vt ab eodem accipiat supremam regendi potestatem. Si quando autem Ecclesia congregaretur ad mouendum loco Pontificem hæreticum, non propriè illa diceretur per auctoritatem ministerialem eum deponere, quasi tunc primum Christus per Ecclesie ministerium eiusmodi Pontificem deponeret. Hoc enim ipso, quod Pontifex in hæresim, siue occultam, siue manifestam laberetur, Pontificia auctoritate per se caderet, vt asserit certior, atque communior Theologorum sententia. Quare Ecclesia in eo casu, ne ministerialiter quidem talem Pontificem deponeret, sed efficaciter ipsa per se declararet, ipsum iam esse à Christo depositum.

Ad sextam probationem respondetur, Pontificem in fidei quidem iudicio non posse errare, vt supra ostensum est. Nec verò minus potest Christus assistere ipsi per se Pontifici, quam toti Ecclesie, ne aberret. Immo toti Ecclesie ille assistit, quatenus assistit semper Vicario suo ne in regendo erret. Itaque minimè profectò deuit, vt Vicarij sui curam alteri alicui potestati Christus committeret; sicut, nec decet, vt princeps aliquis quempiam alium præficiat Vicario suo, cui ille præsens adest.

Ad septimam probationem respondetur, decreta illius quidem sessionis Concilij Constantiensis non habere certam auctoritatem. Nam ea tantum Martinus quintus probauit, quæ essent circa fidem determinata (vt inquit) conciliariter, hoc est, adhibita prius disputatione; & sententiarum collatione rectè, atque sedatè, sicut fieri in Concilijs sollet, instituta. Illa verò sessio quinta Concilij Constantiensis edita fuit importunitate tantum quorundam Schismaticorum non, nisi admodum tumultuariè, vt ex actis Concilij constet, & benè à Caeterano, & ab alijs animaduersum est. Porro Concilium Basiliense nunquam fuit confirmatum: etsi ante apertum sanè schisma fuerit habitum pro legitimo, quod ad inchoationem quidem, & prosecutionem eius Concilij attinebat, vt rectè quoque notauit Caeteranus.

Ad octauam probationem respondetur, primatum Petri, vel maximè etiam esse erga Ecclesiam totam collectiue (sicut in Scholis loquimur) consideratum. Hoc inde patet, quod Ecclesie nomen, collectiuum (vt vocant) est, sicut etiam uomen ouile. Quare loca Euangelij, quibus Christus tradidit Petro, & successoribus potestatem supremam, in Ecclesiam suam, suumque ouile, inprimis de tota Ecclesia collectiue intelligi debent, quomodo etiam intellexerunt semper Concilia, & Patres magno numero supra citati. Ac discrimen diligenter perpendi debet, quod est inter potestatem Ecclesiasticam Christi Vicarij, & potestatem cuiuspiam alterius monarchæ, seu principis secularis. Princeps enim secularis, potestatem ab ipsa communitate, cui præest, obtinuit. Vnde fit, vt quibuslibet partibus communitatis superior sit; non perinde autem tota ipsa communitate coniunctim spectata, saltem in omnibus casibus. At verò Christi Vicarius supremam potestatem accepit propriè ab ipso Christo, non ab Ecclesia communitate; qua proinde non solum

diuifim, sed etiam coniunctim spectata in omni casu superior est, quamdiu quidem verus Pontifex manet. Itaque, quod Deus per Esaiam promissit Eliachim, filio Helchiz, futuro veteris Synagoge Pontifici, inquit: [Et dabo illi clauem domus David supra humerum eius (quod est Symbolum supreme potestatis) & aperiet, & nemo claudet: claudet, & nemo aperiet, &c.] hoc certè Dñs Petrus, eiusque successor Romanus Pontifex à Christo accipere existimandus est, cui longè etiam luculentius clauis regiminis Ecclesiastici promissæ sunt; nempe, vt quod auctoritate eiusmodi clauium ipse Pontifex in Ecclesia aperuerit, vel clauserit, nulla alia potestas in terris, contra claudere, vel aperire possit, quemadmodum eruditè persequitur Franciscus Turrianus, de qua re etiam supra à nobis copiosè disputatum est.

Ad nonam probationem respondetur, alia superesse remedia in eiusmodi casu, etiam si non habeat Ecclesia auctoritatem coercenti Pontificem. Primum enim, qualicumque ipse Pontifex, quod ad suam personam attinet, sit, nunquam tamen Deus permittet, ve aliquid efficiat, quod cum Ecclesie perniciè sit coniunctum. Deinde varijs rationibus admoneri officij sui posset. Itemque assidue esset orandus Deus, qui Ecclesie suæ, præsertim affligat, nunquam non est adfuturus. De quibus, & alijs id genus remedij copiosè à Turrecremata est scriptum.

Vnum ad extremum in hoc loco argumentum superest, quo non iam solum videatur probari, Concilium, sine auctoritate summi Pontificis errare posse (vt hæcenus à nobis concessum, atque defensum est) sed etià si maximè fuerit à Pontifice summo confirmatum, putari posse fallibile, quod in assertionem altera negauimus. Scriptura enim affirmat (inquit superbissimus quidam Sectarius) esse quædam Concilia malignantium, quædam vanitatis, quædam impiorum. Habemus autem scuerissimum mandatum: [Nolite omni spiritui credere, sed probate spiritus si ex Deo sint.] Rectè igitur, & necessariò is facit, qui non statim, atque aliquid à Concilio quantumvis Pontificia auctoritate munito definitum est, id putat esse infallibile, sed illius decreta potius ad normam sacre Scripturæ exigit.]

Ego verò non Concilium vllum improborum tam esse vanitatis, impietatisque putor, quam est ista ratiocinatio vanitatis, impietatis, atque superbiz plenissima. Quando enim est aliquis controuersiarum exitus futurus, fit etiam tum, cum illæ ab Ecclesia, Ecclesieque Pastore Christi Vicario in Concilio Oecumenico constitutæ sunt, priuato cuius liceat ad Scripturæ normam, hoc est, ad propria somnia de Scriptura, Concilij decreta renouare? Cæterum, ne rursus repetam, quæ sunt supra satis abundè pro auctoritate Pontificis, siue per se, siue vnà cum Concilio definitis disputata, ad id nunc propriè, quod est obiectum respondeo; cum à legitimo Ecclesie Pastore Concilium aliquando confirmatur, satis hoc ipso nobis probari, non illud esse vanitatis, aut impietatis Concilium, sed Ecclesie Christi legitime, quæ columna, & firmamentum est veritatis. Nec enim cum Deus om-

nes iubet probare spiritus, atque doctrinam verum ex Deo sit, tam ex ratione ipsa per se doctrinæ, quam ex conditione, auctoritateque Doctorum, eius rei iudicium vult fieri. Pertinet enim id præceptum ad omnes: Ex ratione autem ipsa per se doctrinæ diiudicare num ea sit à Deo, quam paucissimi possunt: Ex vocatione verò, ex auctoritate, atque conditione Doctoris omnino omnes possunt. Itaque modum Christus ostendens de doctrina iudicandi ad Doctores ipsos attendi vult: [Attendite, inquit, à falsis Prophetis, qui veniunt ad vos] vltro scilicet, sine ordinatione, vocationeq; diuina in vestimentis ouium, &c.]

Tum igitur doctrinæ spiritum ex Deo esse satis (vt dixi) intelligimus, cum à legitimo Ecclesiæ Pastore, præsertim Concilio inferiorum etiam Antistitum assentiente, proponi eam animaduertimus. Hic quisquis non acquiescit, sed vltius iudicium sibi in suos Iudices arrogare vult, in disputationemque reuocare verane sint, quæ ab Ecclesiæ præpositis, per quos nos Spiritus sanctus doceri voluit, definita sunt, non vtique exequitur, sed transgreditur superbe, ac contumaciter modum probandi Spiritus à diuina lege præscriptum, planque conuincitur esse hæreticus, nisi omnino negandum sit, villos vnuquam in mundo existisse hæreticos. Quis enim aliquando hæreticorum fuit, qui non hoc ipso prætextu, & modo, nempe ad Scripturæ normam (vt isti dicunt) ea exigendo, quæ ab Ecclesiæ Præpositis essent fidelibus ad credendum proposita?

At illi veteres hæretici (inquiunt nunc isti noui) falsò, ac perperam id examen doctrinæ instituebant. Cuiusnam obsecro id iudicio? Certè non nisi eorumdem Ecclesiæ præpositorum, aliorumque Orthodoxorum; quibus contradicebant. Ipsi enim hæretici, quicumque olim exstiterunt, non minus profectò pertinaciter, quam hodie Sectarij, in sententia persistebant, perpetuòque contendebant, se id ipsum docere planè, quod in Scriptura contineretur. Cum igitur hodie etiam Sectarij iudicio similiter Ecclesiæ præpositorum, aliorumque omnium, quibus contradicunt, perperam etiam iam examen instituant eorum, quæ in Oecumenico Concilio definita sunt, profectò consequitur, illos eodem ipso modo, atque ratione esse hæreticos, qua fuerunt vnuquam ij hæretici, qui sine controuersia olim hæretici fuerunt.

Nam quod rursus ex desperatione quadam dicunt, non esse legitimam Ecclesiam, illam, cuius à præpositis ipsi condemnantur? Similiter hic interrogandi sunt, quorumnam illa iudicio Ecclesia legitima non sit? Certè non nisi ipsorum Sectariorum. Atqui similiter etiam Ecclesia illa vetus, cuius à præpositis hæretici veteres condemnabantur, iudicio quidem ipsorum hæreticorum, legitima Ecclesia non erat. Et tamen quoniam ab illa Ecclesia damnabantur, quæ ante ipsos in orbe pro legitima Ecclesia habita fuerat, & adhuc à cæteris omnibus præter ipsos habebatur, verissime illi fuerunt hæretici. Cum igitur similiter hodie Sectarij ab eius Ecclesiæ præpositis in Concilio damnati sint, quæ ante ipsos in orbe pro legitima Ecclesia habebatur,

& etiamnum ab omnibus præter ipsos habetur; profectò consequitur, eos si Concilio repugnare pergant, illo eodem modo ex omni parte esse hæreticos, quo hæretici olim veteres, hæretici fuerunt. Tantummodò enim iudicio suo proprio hæretici non sunt; quo quidem pacto, nec vlli vnuquam in mundo hæretici fuerunt; nec tamen propterea satis illi ab hæresis nota absoluti sunt, sed multo etiam magis iudicio suo proprio (hoc est, ob eam pertinetiam) sicut inquit Apostolus condemnati.

Quæ sanè omnia sapienter admodum, considerata olim esse apparet, tum à religiosissimo Imperatore Martino, tum etiam ab ijs, qui suasores ei fuerunt; vt feuerissimè lege, quæ, & hodie existat, caueret: [Ne quis, inquit, in Synodo semel iudicata, & rectè disposita, disputando reuoluat, tumultus, aut perfidia occasionem inde quærens.] Cuius Imperatoris, & illa etiam in actis Concilij Chalcedonenis referuntur hac de re verba: [Cesset iam, inquit, prophana contentio: Nam verè impius, & sacrilegus est, qui post sacerdotum sententiam opinioni suæ aliquid tractandum relinquit. Extremæ quippè demeritis est, in medio, & pæspicuo die commentitium lumen inquirere: Quisquis enim post veritatem repertam aliquid vltius discutit (examen Kemnitij) mendacium quærit.]

At religiosissimus Imperator, inquit examinatore ille, quæ rectè disposita sunt, non esse in disputationem reuocanda dicit. Item ait: Post veritatem repertam. Inter nos verò, inquit iste, ardua illa quæstio controuertitur, an ea, quæ in Synodo Tridentina iudicata sunt, rectè sint disposita? An de controuersijs horum temporum veritas sit ibi reperta? Et his, inquit, disputationibus non quærimus tumultus, & perfidia occasionem, quod Imperator Martinus rectè pro hibet.]

Sed quæro ego nunc ab egregio isto examinatore, vel si illum respondere pudebit, ab ijs, qui examen illud ipsius passim, in Germania legunt, quæro inquam, vtrum post repertam in Synodo veritatem, iudicio ipsius Synodi, an non nisi post repertam, iudicio etiam quorumvis aliorum, Martinus ibi prohibuerit, præterea de rebus definitis disputationem institui? Certè nisi velimus ridiculum planè Martiani decretum, facere, confiteri oportet, eum post repertam veritatem, iudicio quidem ipsius Synodi, disputationes eiusmodi prohibuisse. Eas enim procul dubiò disputationes prohibere voluit, quas solent nimirum hæretici contra iudicium Synodi præterea instituire, dum ipsi quidem non iudicant veritatem in Synodo repertam esse, aut omnia ibi esse rectè disposita. Ac propterea Martinus addidit, quod falsariè Kemnitius suo more, in recitatione illius decreti prætermisit, [Impium, & sacrilegum esse, qui post tot Sacerdotum sententiam opinioni suæ aliquid tractandum relinquit.] Item: [Extremam dementia[m] esse in medio die,] hoc est, in luce doctrinæ per Synodum monstrata, commentitium lumen, per vltierius videlicet examen inquirere. Quòd si tantummodò Martinus prohibuisse,

fer, ne quis, postquam ipse etiam iudicet, veritatem in Synodo repertam esse, de rebus ibi definitis disputaret, nemo non vider, quam fuisse Martiani decretum non modò ridiculum, vt antè dixi, sed planè etiam nullum. Quotus enim quisque hæreticorum, quorum ibi Martianus coercere voluit audaciam, est, qui iudicans ipse verum id esse, quod in Concilio definitum sit, de eo præterea contentiosè disputet? Cùm igitur examinatore Concilij Kemnitius negare non possit, quin contra ea disputet, quæ iudicio quidem eius Synodi, quam oppugnat, vera sunt, rectèque disposita; fateri etiam prorsus, & ipse, & quotquot habet sibi assentientes coguntur, contra legem se planè religiosissimi, vt appellat, Martiani Imperatoris committere, eiusque adeò, aliorumque Patrum veterum iudicio, tam verè se hæreticos esse, quam fuerunt illi, quorum pertinacissimam contumaciam seueritate illius legis coercendam esse antiquitas existimauit.

Atque eadem omnino ratione euidentissimè demonstramus, non nisi mendacium istos, occasioneque perfidiae, vt Martianus etiam inquit, post definitionem Concilij disputando querere. Hoc enim querunt, qui contra veritatem, sententia quidem Synodi, repertam, disputant, vt ostensum est: id quod isti nunc pertinacissimè faciunt. Cuius certè rei consideratio, vel sola sufficere prudentibus hominibus deberet, vt tandem euigilarent aliquando, apertisque oculis clarissimè hæresum laqueos intuerentur, quibus Sectariorum prædicantium fraude, atque perfidia implicari tenerent. Sed satis hætenus, vt arbitror, pro instituto nostro, de Concilij dictum est.

De consensu Doctorum.

IN definiendis controuersijs fidei concordis etiam sententia Patrum, siue Doctorum omnium idcirco haberi ratio debet, quia quod illi vnianimi consensu circa religionem tradunt, infallibiliter verum est. Sunt namque illi diuinitus Ecclesiae dati, [vt non circumferatur omni vento doctrinæ:] Sicut Apostolus docet. Ex quo loco formare possumus hanc rationem. Quod vniuersi Doctores vnianimi consensu tradunt, id sibi vniuersa potest, ac debet persuadere Ecclesia; vt colligitur ex eo loco Apostoli. Sed quod vniuersa Ecclesia potest, ac debet credere, id infallibiliter verum est, vt supra sæpè probatum est. Ergo quidquid vniuersi Doctores tradunt, id est infallibile. Accedit quod id sunt, propter doctrinæ lumen, Doctores in Ecclesia, quod sunt oculi in corpore humano. Sed quod oculus videt, aut non videt, id corpus ipsum videre, aut non videre meritò censetur. Ergo similiter quod vniuersi Ecclesiae Doctores sentiunt, id Ecclesia ipsa sentire censenda est. Nihil autem Ecclesia vniuersa sentire potest, nisi verum, cùm habeat illa perpetuò veritatis spiritum, sibi assistentem. Nihil igitur, nisi verum vniuersi Ecclesiae Doctores docent.

Sed queret hic aliquis: Quinam in proposito dicantur Ecclesiae Doctores? Respon-

Tom. XII.

deo, primùm illi, quos iam inde à tempore Apostolorum varijs ætatibus Ecclesia, tanquam Patres venerata est, ac fidei magistrorum loco habuit, quorum exstant illustria doctrinæ monimenta. Deinde etiam illi, quos habet quauis ætate præfentes. Ac primum quidem illorum sententiam concordem à Spiritu sancto esse profectam, atque adeò esse infallibilem, eò certius apud nos esse debet, quò minus videtur fieri humanitus potuisse, vt tot, talesque viri doctissimi, & sanctissimi, qui tam varijs locis, ac temporibus vixerunt, in eandem sententiam conuenirent, quemadmodum rectè expendit D. Augustinus. Ac de his quidem loquitur D. Hieronymus, cùm super illa verba Apostoli ad Philemonem: [Audiens fidem, quam habes in Domino Iesu, & in omnes Sanctos;] sic inquit: [Non est in Deum perfectæ fides illa, quæ infidelitate erga ipsius ministros extenuatur.] Ad illos quoque idem Hieronymus accommodat illud ex libro Ecclesiastes: [Verba sapientum, sicut stimuli, & quasi clauis in altum defixi, quæ per magistrorum consilium data sunt à Pastore vno: ijs, fili mi, ne amplius requiras.] Itaque meritò in Pontificum, & Conciliorum deliberationibus, cùm aliquid fuit definiendum, concursus Patrum sententia, verissima, atque infallibilis semper est habita. Qua de re plurima testimonia diligenter sanè collegerunt Thomas Waldensis, & Melchior Canus. Et exstat denum hæc de re post aliorum Conciliorum decreta, Concilij quoque Tridentini definitio, quæ iuræ idèo vetat Scripturam exponere contra vnianimem consensum Patrum, vt qui sit prorsus infallibilis.

Addidi verò, cùm dicimus, concordem sententiam omnium Doctorum esse infallibilem; intelligendos etiam in proposito esse Doctores omnes catholicos, quos vnoquoque tempore præfentes habet Ecclesia. Quod ita sanè probò: Ecclesia quouis omnino tempore, quasi corpus quoddam, perfectum, atque absolutum est, quod suos proinde oculos omni tempore habet, suumque spiritum veritatis, iustarum animarum, perpetuò secum mauentem, membraque ipsius, pro conditione cuiusque illorum vegetantem. Sed, vt probatum est, Ecclesiae quasi oculi sunt Doctores, quorum conditio ea est, vt nunquam omnes circa religionem errare possint. Ergo quouis tempore in Ecclesia Doctores esse existimandum est, qui à Spiritu sancto eum quasi vitæ influxum percipiant, vt nunquam omnes à superiorum Patrum, & Doctorum concordia sententia, atque adeò, nec à vera doctrina fidei, vel ipsi aberrare, vel alios auertant.

Quamquam fatendum est tamen, raro accidere posse, vt quæ sit Doctorum omnium, vno tempore viuientium, de religione sententia, satis cognoscatur. Sunt enim catholici Doctores in Ecclesia vbique diffusa plurimi, qui proinde omnes, nec facile congregari, nec interrogari possunt, quid sentiant. Illud solùm assero, vbi contingeret, notam esse Doctorum huiusmodi omnium de re aliqua controuersa concordem sententiam, posse, ac debere Pontificem in fidei definitione illa nitì.

Fit autem frequentius, ut in definiendo ritatur Pontifex sententia concordii eorum Doctorum, qui varijs ætatibus religionem, suis scriptis illustrauerunt: eo quod hi, & celebriores, nec ita multi sunt. In quorum sanè numero scholasticos Doctores omnino ponendos indico, quod attinet ad propositum. Nam & hi quoque fuerunt catholici, ac celebres, & idem quod Patres alij, tamen si diuersa ratione, de religione tradiderunt. Solùm est in eo discrimen, quod si quid vniuersi Patres de religione tradunt concorditer, id statim, tanquam dogma commune Doctorum omnium, qui varijs ætatibus vixerunt, recipitur, quoniam illud etiam scholastici Doctores, saltem pro maiori parte, recipiunt, ut qui in materia fidei, atque religionis sanctos Patres duces sequuntur. At non vicissim quicquid scholastici Doctores concorditer tradunt, id existimandum est Ecclesiæ alios Doctores omnes, qui varijs ætatibus vixerunt, tradidisse. Multa enim Scholastici ad doctrinam Patrum explicatius addiderunt. Atque hæc causa est, cur sanctorum Patrum omnium dogma illico censetur esse infallibile; dogma verò omnium Scholasticorum non item, nisi quoque omnium Patrum fuerit. Etsi negare quidem commune placitum Doctorum scholasticorum valde fæ temerarium.

Sed restat præterea exponendum, quoniam in proposito existimandi sint omnes omnino Doctores; cum illorum etiam concordii sententia Pontificem niti possit asserimus. Nam qui sint Doctores hoc loco intelligendi iam diximus. Quinam igitur omnes esse censi debent? Quod sanè perinde queri potest, siue de ijs sermo sit, qui varijs ætatibus de religione scriperunt, siue de ijs, qui vnoquoque tempore in Ecclesia viuunt. Respondeo, Doctores omnes in proposito dici, non omnes mathematicè tantum loquendo, idest, nullo planè excepto, sed etiam moraliter. Quo quidem pacto omnes esse censentur ij, quorum auctoritatis pondus tantum est, circumstantijs omnibus consideratis, eruditionis, pietatis, multitudinis &c. ut à prudentibus certè eorum solummodo ratio haberi debeat, cæteris neglectis, quasi nihil sint, si cum illis conferantur. Atque hoc rectè mihi videtur Vincentius Lyrinensis attigisse, cum in libro aduersus hæreses inquit: [Confessionem verò Doctorum sequemur, si in ipsa verustate, sacerdotum, omnium, aut penè omnium, & magistrorum iudicium, atque sententiam scemur.] Ita via nobis patebit vrgendi errantem Doctorem vnum, aut alterum, aut etiam plures auctoritate reliquorum. Quod si per sententiam Doctorum aliqua fidei controuersia, non satis commodè componi posset (eò quod de illorum consensu non apertè constaret) sua tunc constar auctoritas Pontifici, ut consulitis alijs ad definiendum regulis, de quibus antè est dictum, Ecclesiæ proponat quid sit sciendum. Quod munus ad nullum alium præterquam ad legitimum Ecclesiæ Pastorem spectat, vti supra ostensum est.

Obijciunt autem hæretici: Patres homines fuisse, qui interdum etiam errauerunt, sæpè inter se pugnarunt &c. Quare auctorita-

tem illorum magnificandam non esse. Quasi vero, quod Patres, atque Doctores Catholici homines sint, obflare debeat, quod minus à Spiritu sancto, ita dirigantur, ut errare, omnes quidem non possint in materia religionis. Quid enim Prophetæ, & Euangelistæ? An non homines fuerunt? Quæ igitur illorum sententia habetur infallibilis? Nempe quia etsi homines essent, tamen cum Spiritu sancto dictante scriberent, errare minime potuerunt. At est inter Scriptores sacros, & alios Ecclesiæ Doctores discrimen. Fateor. Attamen id discrimen ad rem, de qua nunc quidem agimus, prorsus nihil pertinet. Solùm enim volumus, sicut Scriptores Canonici, tamen homines essent, Spiritu veritatis dirigi suo modo potuerunt, ne vnquam videret erraret illorum aliquis: ita etiam ab eodem spiritu dirigi Doctores modo quodam suo, ne videlicet illi omnes errarent. Quod verò addunt hæretici, Patres interdum errauisse, ac inter se pugnare, id nihil nobis obstat. Non enim singulorum auctoritatem, ut infallibilem asserimus, sed omnium. Ac quantum etiam singulorum, aut plurium auctoritati tribui debeat, in alio loco aduersus Sectariorum in hoc genere arrogantiam, atque temeritatem diligenter explicauimus. Maneat nunc igitur, in his regulis, quas Pontifex, ut infallibiliter definat, consulere debet, Doctorum etiam sententiam concordem esse numerandam.

De consensu fidelium.

ESt etiam in definitionibus fidei, sicut supra diximus, habenda ratio, quoad fieri potest, consensus fidelium, quoniam, & ij sanè, quatenus ex ipsis constat Ecclesiæ, sic Spiritu sancto assistente diuinas reuelationes integrè, ac purè conseruant, ut omnes illi quidem aberrare non possint, sicut patet ex superius dictis circa septimam Ecclesiæ proprietatem. Neque tamen idcirco volo, debere Pontificem, de quauis controuersia, fidelium omnium sententiam inquirere. Hoc enim neque fieri potest, neque si posset, expediret. Ferè enim eiusmodi sunt, quæ in controuersiam fidei adducuntur, ut captum vulgarium fidelium longè suporent. Illud solùm contendo: Si quando de re aliqua in materia religionis controuersa constaret, fidelium omnium concordem esse sententiam (solet autem id constare, vel ex ipsa praxi, alicuius cultus communiter apud Christianos populos recepta, vel ex scandalo, & offensione communi, quæ ex opinione aliqua oritur, &c.) merito posse, ac debere Pontificem illa niti, ut quæ esset Ecclesiæ sententia infallibilis. Atque hoc mihi tantum voluisset Thomas Waldensis videtur, cum ait, Ecclesiam, cuius est determinare doctrinam fidei, testimonium communium fidelium non excludere, sed includere, tamen non foleant, inquit, interrogari, quod minus commodè valeant sententiam explicare suam. Quare, minime debuit Canus hanc Waldensis sententiam reprehendere.

Quem modum debeat tenere Pontifex in definiendo secundum prædictas regulas.

Sed existit hic ad extremum quaestio, quæ ex dictis oritur. Nam si regulæ infallibiles ad controuersiam fidei constituendam, tam multæ sunt, tamque latè patent, dubium esse potest, utrùm Pontifex determinatè debeat illas omnes consulere, vel certè aliquam, aut aliquas? Item utrùm determinatè debeat in eiusmodi inquisitione, & studio, aliorum quoque vti opera; vt Episcoporum, vel Cardinalium &c. an verò omnia ista sint planè in illius arbitrio posita: nimirum, vt in adhibenda diligentia cum ipse modum teneat, quem expedire magis putauerit?

Respondet. Primum, vt alios etiam, qui in diuinis literis, rebusque Theologicis exercitati sunt, consulat, eorumque opera utatur, omnino esse consentaneum. Hoc enim, & ipsa rei conditio postulat, quæ sanè est grauissima, & perpetuus etiam Pontificum vsus declarat, quodcumque illis fuit aliquid in materia fidei constituendum. Cætera verò, quæ ad diligentem modum in definiendo adhibendum pertinent, planè pendent ex libero Pontificis arbitrio: nempe vt opera horum, vel illorum Doctorem potius utatur siue Cardinales illi, siue Episcopi, siue alij sint: Item vt hanc vel illam, vel illas regulas consulat, quatenus requiret ratio subiectæ materiæ. Satis enim ad rectè definiendum fuerit, si eam ille diligentiam adhibeat, quæ ad ipsam rem, quæ de re agitur, iudicari possit sufficiens. Vt enim in alijs negotijs, ita etiam in hoc necessaria, & sufficiens diligentia multum latè patet. Id quod etiam ex Pontificum more in definiendis controuersijs confirmare possumus. Multæ enim, ac varieg illorum definitiones extant in Ecclesia, quæ omnes habentur infallibiles; neque tamen illi semper ratione eadem ad definiendum processerunt. Aliquando enim ad id conuocauerunt Episcoporum Concilium (Nam & Concilij definitionis auctoritas non ex multitudine, sed ex Pontificis auctoritate potissimum pender, sicut supra confirmatum est) aliquando sine Concilio ipsi definierunt. Quare sicut in hoc, arbitrio suo sunt vsi, sic etiam in alijs, quæ ad modum diligentiz spectant, illo citra culpam aliquam vti possunt.

Ex quo nonitiam cuiusdam auctoris, eaque minime tolerabilis, opinio reuincitur. Qui Pontifici in vtriusque sua auctoritate, vique adeo angustos limites præscribit, vt censet, illum infallibiliter non definire, nisi de consensu Cardinalium definiat. Itaque distinguat hoc loco inter Romanam Ecclesiam, seu Apostolicam Sedem, & ipsam Romanum Pontificem. Apostolicam Sedem ait non Pontificem modò, sed etiam collegium Cardinalium continere. Hanc proinde dicit errare in definiendo non posse. Pontificem verò, si absque consensu, & approbatione Cardinalium definiat, errare posse. Hac sententia meritò viris doctissimis valde displicet. In alterutrum enim incommodum incurrit, quorum vtrumque maximum, ne-

que villo modo ferendum est; videlicet, aut auctoritatem infallibiliter confirmandi fratres in fide non Petro tantum, & illius successoribus à Christo Domino collatam fuisse, sed etiam Cardinalibus; qui est error in fide manifestus: aut certè auctoritatem hanc Pontificis, quod attinet ad eius usum infallibilem, esse Cardinalium sententiz quasi alligatam, hoc est, si Pontifex sine illorum consensu aliquid in fidei controuersia definiat, non obligari Ecclesiam ad ipsum audiendum iure diuino, siquidem ita errare possit. Quod etiam planè commentitium, atque absurdum est, cum semper teneatur Ecclesia Pastori suo assentiri, quem solum fidei magistrum infallibilem ab ipso Christo accepit, vt ex supra dictis patet.

Neque verò nego, quin Pontifices conuenientissime faciant, quod Cardinalium de controuersijs fidei iudicia consulunt, in definiendo. Solum assero non esse hoc ita necessarium, vt nisi fiat, errare Pontifex possit, aut etiam contra officium suum sit peccaturus in definiendo. Quin imò dicimus, posse illum pro negotij conditione aliorum duntaxat Doctorem opera ad eam rem vti: sicut sine controuersia posset, quando Cardinales ipsi inter se minime consentirent, & oporteret quaestionem à Pontifice definiri. Quare rectissime Melchior Canus notat, in iudicio fidei non esse inter Apostolicam Sedem, seu Romanam Ecclesiam, & Romanum Pontificem ita distinguendum, quasi iudicium sedis, siue Ecclesiæ Romanæ sit infallibile, iudicium verò Romani Pontificis non, item: quin potius esse hæc re ipsa vnum, & idem. Propterea enim Sedes Apostolica, seu Romana Ecclesia infallibilis dicitur, quia is, qui præest illi, auctoritatem habet per se infallibilem.


Ostendimus igitur in hac postrema parte nostræ tractationis, Pontificis sententiam, cum in rebus definiendis auctoritate sua utitur, ab omnibus fidelibus recipi debere. Itemque toties ea illum auctoritate vti, quoties in quaestionibus fidei controuersis, sic alteram sententiam determinat, vt ad eam recipiendam obligare velit vniuersam Ecclesiam: & quas denique velut definiendi regulas, & quæ ratione consulere ipsum oporteat, vt auctoritate illa sua legitime etiam, hoc est, sine culpa, utatur.

Quæ Pontificis auctoritas, in iudicando de causis religionis, cum alijs argumentis omnis generis, (quæ in superioribus adducta sunt) tum illo quod sumitur ex ipsa Ecclesiæ praxi perpetua (de qua multa quoque parte præcedenti commemorauimus) clarissime confirmatur. Si enim iam vsque, ab exordio Ecclesiæ memoriam temporis ordine repetamus, constat perfectò controuersias omnes de religionis moras, ex Diui Petri Cathedra fuisse iudicatas, eosque tandem, & solos, communi Ecclesiæ iudicio, hæreticos esse habitos, qui repugnarint definitioni eius Cathedræ. Etenim ortam quaestionem de obseruatione legalium in primis ipse Diuus Petrus in Apostolico Concilio terminauit. Deinde qui volebant Pascha non nisi decimaquarta luna, etiam Dominicus dies tunc non esset, celebrari debere, tandem obtin-

tinente sententia; atque definitione Romani Pontificis Victoris, hæretici sunt habiti, & à propria festa, vt fit, nominati Quartadecimani. Cornelius in Concilio Romano Nonatianorum damnauit errorem. Item damnauit idem Cornelius, atque etiam Stephanus errorem rebaptizantium hæreticos. Item Arriani in Concilio Nicæno, Syluestri Legatis, Vito, & Vincentio, & Hosio, in eo præsentibus, & eodem postea Syluestro, ad Patrum petitionem, Concilium id confirmante, damnati sunt. Item Macedoniani in Concilio primo Constantinopolitano, quod Damasus Pontifex ad eum finem suis literis mandauit congregari. Item Nestoriani Concilio Ephesino, Celestini Pontificis vices gerente Diuo Cyrillo. Item Eutychiiani in Concilio Chalcedonensi, Paschasino, & Lucentio, locum Leonis tenentibus. Item Pelagiani ab Innocentio, & Zozimo. Item Monothelitzæ in Synodo sexta, & Iconomachi in septima, similiter præsentibus Romani Pontificis Legatis. Item error Berengarii à Leone Nono, & Nicolao Secundo: & Petri Abailardi ab Innocentio Secundo: & Gilberti Porretani ab Eugenio Tertio: & Abbatibus Ioachim ab Innocentio Tertio: & Bergardorum, ac Beguinarum à Clemente V. & Ioannis Wiclephi, & Ioannis Hufs à Martino V. & Græcorum ab Eugenio Quarto: Vt dubitare iam nemo possit, quin sententiæ quoque nostri temporis Sectariorum, similiter à diuersis hoc nostro sæculo Pontificibus condemnatz, hæreticæ sint.

Quibus rebus explicatis, non mihi iam aliquid ex ijs, quæ initio proposui supersit, quod præterea dicam, sed est tamen, prouidentem Lectorem ad extremum obsecrem, vt vel ipsa serie, atque ratione huius Analysis fidei repetita, quantoperè à vera fide, atque religione, qui sunt hodie Sæctis addiçti, aberrant, velut secum pendere. Nam, si Christianæ doctrinæ assensum præbere necesse est: Si prorsus nihil in ulla quæstione de eadem doctrina, quantumuis per se difficili, quod à verissima sententia abhorreat, absque iactura salutis, sentire licet: Si auctoritas extat aliqua, cuius magisterio commodè possint omnis conditionis homines, quantumuis rudes, atque imperiti, discere, atque intelligere, quid in omni controuersia cauendum, quid sequendum sit: Si auctoritatem huiusmodi, humanam etiam (diuina virtute sussultam) vt cum hominibus ipsis palam loqui possit, esse oportet: Si ad eundem etiam finem perpetuò ea auctoritas in vera Ecclesia fidelium præsens vt vigeat, necesse est: Si eiusmodi fidelium Ecclesia, aut omnino nulla est, quod cogitare impium est, aut illa est, quod Romano Pontifici tanquam pastori suo grex, adunata, vt Cyprianus inquit, adhæret: Si in ea ipsa vera Ecclesia fidelium ille idem Romanus Pontifex, vt suc-

cessor Diui Petri, is est, super quem, tanquam super suadamentum firmum, & immobile, ædificium Ecclesiæ totum spirituale consistit, atque adeò docendi auctoritas constituta, est: vt & Christus ipse & omnis antiquitas ijs verbis asseuerauit, quibus si negasset, nihil præterea ad perspicuum, & palam determinationem eius quætionis, vt supra notauimus, desiderarent Sectarij: Si hæc, inquam, omnia ita se habent; quod hætenus certè in hoc libro, si omnino quicquam in causa religionis probari, atque defendi potest, probatum à nobis, atque defensum est: quomodo non illi omnes in errore maximo religionis versentur, qui errantes extra vnum istud Ecclesiæ Catholicæ ouile sub vno Pastore constitutum, ad vocem Christi verissimam in suo Vicario loquentis absurdescent? Etenim, quod sibi per se sibi videntur, & loquentem in Scripturis Christum audire (cum tamen, eam ille vocem suam non nisi ex ore Ecclesiæ percipi velit) & lumen in ipsidem Scripturis videre; (cum tamen in tenebris proprijs, & exigui indicij sui Scripturæ lucernam, tanquam sub modio posuerint) id verò blandiente, inquit verissimè D. Cyprianus, aduersario, atque fallente sit, qui, secundum Apostoli vocem, transfiguratur se velut Angelum lucis, & minus subornat suos, asserentes noctem pro die, interitum pro salute, disperationem sub obtentu spei, perfidiam sub prætextu fidei, Antichristum sub vocabulo Christi: vt dum verisimilia mentiuntur, veritatem frustrentur. J Vbi è vestigio, illa ipsa fete, qua nos; Analysis fidei, eodemque compendio, ad eiusmodi Pseudochristianorum errorem conuincendum, vtens Diuus Cyprianus: [Hoc, inquit, ideo fit, fratres dilectissimi; quia ad veritatis originem non reditur, nec caput quæritur, nec magistri cælestis doctrina seruatur. Quæ, si quis consideret, & examinet, tractatu longo, atque argumentis opus non est. Probato est enim ad fidem facilis compendio veritatis. Loquitur Dominus ad Petrum: Ego dico tibi, inquit, quia tu es Petrus, & super istam petram ædificabo Ecclesiam meam, & portæ inferorum non vincunt eam, &c.] En sententia Cypriani, quod sit compendium probandæ veritatis? nempe, vt ad eam auctoritatem, quam Diuo Petro, & successoribus Christus attribuit, tanquam ad regulam certam, atque amussim veritatis, doctrina exigatur. [Quomodo enim, inquit, qui Cathedram Petri, super quam fundata, est Ecclesia, deserit, in Ecclesia se esse confidit?] Te, Christe, precor, vt & nobis, qui summo gratiæ tuæ beneficio sanctissimam religionem ex hac Cathedra discimus, eidem etiam in posterum perpetua communione consociari, & ijs, qui nefario errore illi resistunt, ad eam aliquando tandem redire, quæ tua est benignitas, atque clementia, contingat.



G A S P A R I S
C O N T A R E N I
C A R D I N A L I S .

AD PAVLVM III. PONT. MAX.

DE P O T E S T A T E P O N T I F I C I S

*In vsu Clauium, & compositionibus,
duæ Epistola.*

Gaspar Contarenus clarissimus genere, natus est Matre, quæ natos plurimos peperat, sed brevis vitæ, vnde huic vel simplicitate, vel Diuino disponente numine, vt diu viueret, nomen primi ex tribus magis imposuit. Mercaturæ in rebus publicis, non modo turpi, sed etiam honestæ, Pater eum à primis annis destinauerat, sed vbi vidit naturam, ingeniumque pueri altius spectare, consilium illud funditus abiecit. Patauium ergo profectus puer Petro Pompanatio Magno, nobilique Philosopho Mantuano se in disciplinam dedit. Tribus tantum horis quotidie studio vacabat, cæteras in amicorum colloquutione impendebat, quæ de literis erant, ne cum vacare quidem videretur à studio cessaret. Duodevigiinti annos natus erat Gaspar, cum mortem Aloysius Pater obiit relinquens septem filios, quatuor filias, præterea magna cum multis contracta, implicitaque negotia. Inuitus & mærens discessit Patauio, & fratribus partim in Apuliam, partim Alexandriam, vbi Pater multas societates habuerat, distributis, partim in patria relictis benè domi constitutis rebus, Patauium reuersus est, studiumque cupide renouauit. In ea vrbe aliquot annis commoratus hoc assecutus est, vt nil esset tam abstrusum, ac absconditum, quin ex tempore solueret. Cum Florentiæ esset iter habiturus ad Cæsarem Petrus Victorius, & Franciscus Medices ad eum aduentabant, sermonemque de physicis miscebant, audiebantque ipsum facilitate summa difficilima explicantem. Doctus etiam Græcis literis Homerum, Lucretium, cæterosque poetas eruditionis captandæ gratia legerat. Ex vitijs etiam hominum virtutes excipiebat, habebatque eos etiam loco fratrum, causamque quærentibus? cur mundus immundis misceretur, respondebat. Nunquamne absinthio, aut scamoneæ radice curari nos patimur? nunquamne forberemus sapores teterrimos, vt succo epoto illius vi saluari iuuemur? Accedit autem eo tempore, vt omnis panè terrarum orbis eo tempore contra Venetos conspiraret, teterrimumque ei bellum indiceret, afflictis Venetorum opibus Patauio ipso obfesso, nec multò post amisso, maturius omnino, quàm in animo habebat inuitus nondum discendi siti expleta, domum sese recipere coactus est. Erat eius ætas nondum firmata, vt reipublicæ operam nauare posset, itaque in ijs sese studijs aliquot annos continuit, cum eius domus, vt gymnasium quoddam frequentaretur. Verumtamen ad reipublicam vbi primum accessit, eius inge-

ingenium, quod de Hortensio est memoria proditum, tanquam Phidiae signum, simul aspectum, ac probatum est. Itaque cum tres, ac triginta tum haberet annos à ciuitate ad Carolum V. in Germaniam orator est missus. Gerebat illis temporibus in Italia bellum Cæsar cum Rege, atque cum eo se Leo X. coniunxerat, cum Rege Venetici conspirauerant, atque omnis impetus belli ad Mediolanum confederat, nam eam urbem Gallis, Venetisque defendentibus, Cæsaris, ac Leonis copię oppugnabant. Ad hostem igitur Contarenius ire se intelligebat, apud quem exploratoris, non legari locum obtinere necesse erat, & res ipsa cogebat, & Cæsar ipse amarior esse solebat in eos, qui Gallorum partes tuerentur. Ast fama eius ingenuitatis, & doctrinæ apud hostes ipsos animos conciliauit, & in primo congressu hilariter fuit à Cæsare exceptus, eo semper propitio deinde, & familiari vsus. Itaque cum certior factus esset Gallorum, Venetorumque copias in Insularibus fusas, Gallos ex oppido esse expulsos cæde, & fuga suorum, dicitur misisse Contarenò, qui eam rem nunciaret, atque ijs præcepisse, vt de Venetorum incommodo sileret, neque illorum copias in eo prælio dicerent interfuisse. In Hispaniam Cæsar constituerat reuerti, neque per Gallorum fines, qua proximum erat iter, quod exercitum non habebat, ire poterat. Itaque per Belgas profectus, ad Oceanum perrexit, atque ibi nauibus conscensis, in Britanniam appulit, paucisque intermissis diebus, rursum naues soluit, atque in Hispaniam contendit. Toto hoc itinere cum Contarenius profectus est, cumque in Hispaniam peruenisset, biennium apud eum est commoratus, atque in ea legatione omnino quinquennio consumpto, Venetias rediit. In ea legatione multa obtinuit suo nomine, & multa Reipublicæ mandata perfecit, quamuis omni eo temporis spatio Cæsar, & Veneti inimico essent inter se animo, & rerum tractandarum miram dexteritatem acquireret. Itaque probata ea diligentia, & prudentia suæ ciuitati, absens & sine precibus lectus est in Senatum, dictum Rogatorum Concilium, quod olim exiguis ciuitatis rebus rogarentur, vt relicta domesticarum rerum cura ij incumbere, nunc amplissima potestate summa contentione expetitur. Magnæ præterea auctoritatis est in ea ciuitate Magistratus, quem Sapientes terræ firmæ vocant, quibus demandata est procuratio ærarij, ac vestigalium existentium in continetis, & hanc potestatem Contarenius, statim renuntiata legatione omnibus suffragijs est adeptus. Eodem tempore Brixie Præfectus renunciatus est, quem Magistratum Veneti appellant Capitaneum, quod cum proficisci cogitaret, repente horribilis nuntius affertur Romam à Cæsaris militibus captam, Pontificem Maximum in arcem compulsum, urbem ipsam diripi, ac vastari, quibus rebz Venetis nuntiatis magnus & dolor, & terror inuasit; vnde mutato Consilio Contarenius cum vereretur Brixiam, alijs armis egere, quam consilij, cum Magistratum recusauit, & otium à Republicaactus, suis sese studijs totum deuouit. Commoti ea fœditate Christianorum Principes, plerique omnes inter se de Pontifice Maximo è custodia educendo conspirauerunt, & eius rei causa Concilium Ferrariæ indictum est sub Alphonso Estensi, quò Galliar, Britanniarque Reges Legatos miserunt cum mandatis homines nobilissimos, & Mediolanensis Dux Franciscus Sfortia, eodẽdem Veneti Contarenum mittunt, maximè curantes Pontificem confederatum liberari. Et Concilio peracto, atq; haud ita multò post Pontifice liberato, ad eum Contarenius suæ ciuitatis iussu Legatus profectus est. Magna erat tunc rerum perturbatio, Pontifice irato in Cæsarem, in Florentinos, qui Hyppolitum, atque Alexandrum Pontificis fratrum Filios è ciuitate eiecerant, Gallorum Rege ob eandem causam irato. Venetis volentibus Sfortiam in regnum restitui. Interim Clemens cum Cæsare in gratiam redierat, amicitiamque conciliauerat, vt acerbis in Patriam exardesceret, quàm per Duces Cæsaris oppugnaturus, vt proprior esset, Bononiam petiit, quò etiam ex Hispania se consulit Cæsar, imperij insignia ab eodem Summo Pontifice, vt moris est, accepturus. Ei aduentanti Bononiam, obuiam iuit Contarenius extra urbem, quem Cæsar subito à longè vultu agnouit, serenitatem ipsi ostendens, & per ipsum Patriæ. Nam præter omnium opinionem in tanta tempestate pax subito orta est, recessum ab armis, & inter omnes malitia nata est. Quæ res peperit tantam auctoritatem Contareni, vt ipsi dictum fuerit, quòd Archimedi parua machina maximam nauim trahenti credatur certò habiturum effectum, quod Archimedes, quod Contarenius suscipit exequendum. Postquam Roma rediit Contarenius, confestim ad summos honores acclamatus est, nam & maturius quàm ciuitatis consuetudo ferebat Sapiens Magnus factus est,

est, & Consiliarius, qui duo Magistratus apud Venetos summi sunt. Neque dubium erat, quin si quis ex D. Marci Procuratorum Collegio mortuus esset, eius Contarenus in locum substitueretur, id vnum ad honorum perfundionem Contarenus defuit, ille vnus Magistratus in patria perpetuus, quem non habuit fors, ne eum aliorum morti deberet. Exstat Venetijs quoddam Comitum ab illis magnum Concilium appellatum, ad quod omnes statutz ætatis conuenire licet consuetis diebus. Ibi cum Contarenus fortè esset Consiliarius, custosque positus fortibus, quibus Veneti in petendis Magistratibus vtuntur, nam quorum fors exiitij pronunciat aptiorem gerendis Magistratibus. Itaque mirifico casu accidit, vt ibi in omnium oculis publicè allatz sint literæ Romæ, quibus à Paulo in amplissimum Cardinalium Collegium cooptabatur. Natus ingens susurrus, & plausus, ipsum recusantem ad curiæ vestibulum ab vniuerso Concilio comitatum deducunt, & domum reducere parant, sed suauis pertinacia ipsos deuicit. Inter tot plausus non deerant, qui Pontificem arguerent, quod vno optimo ciue Rempublicam priuasset. Consilio dimisso vniuersa ciuitas Contareni domum confluxit, ipsumque se excusantem renitentem, quæ precibus, quæ rationibus mouit vt acceptaret. Diaconum S. Mariæ in Aquiro à Paulo initio constitutum constar ex Monumentis Vaticanis die 30. Maij, ex Diaconatu gradum fecit ad Episcopatum. Felix Contelorius Presbyterum S. Balbinæ primò, deinde Sancti Apollinaris, ac S. Vitalis. Demum S. Praxedis dixit. Paulus III. in literis indictionis Concilij Tridentini Cardinalem S. Praxedis nominauit. Vndè non benè Cabrera titulum S. Praxedis ij primùm datum affirmat. Anno eodem, seu sequenti, vt alij volunt, Episcopatum Bellunensem obtinuit. Quamuis Vghellius dicat Bergomensem. Sed in hoc fallitur, nam tomo 4. egerat de Episcopis Bergomensibus, nec tamen ibi fecerat mentionem de Gaspare, nam ab anno 1484. vsque ad annum 1542. quo è vita migravit Gaspar, Ecclesiæ illi præfuerunt Laurentius Gabriel ab anno 1484 vsque ad annum 1512. huic successit Nicolaus Lippomanus, qui anno 1516. Episcopatu illo se abdicauit, post Nicolaum Ecclesiam eandem suscepit regendam Petrus Lippomanus Nicolai nepos, quam non dimisit nisi ann. 1544. quo vt iam diximus Gaspar è vita excesserat. Ab hoc tempore aliud Contarenus tanquam vitæ exordium, & origo nascitur; & vice crescendi, superbia decreuit. Frequentissimè omnes audiebat, vndè admonitus est à suis eum gradum non ita faciliè omnibus horis quemlibet admittere, sed esse statutas, quibus ille respondit se non putare illum honorem sibi solum datum esse, sed eius partem amicos, & egentes iure sibi optimo vindicare; & cum è domesticis vnus iussisset inopem altera die redire, mox verbo asperiori castigatum iussit vnus reuocare. Pontifici Maximo loquebatur pro iustitia confidenter, & nulla nota adulationis, vndè cum ageretur quæstio de Camerino in feudum tradendo vni ex nepotibus Pontificis, ipse respondit primùm examinanda Varanorum iura. Accidit autem, & alia splendidissima Legatio ad Cæsarem, ad quam sine vlla dubitatione selectus est Contarenus. Cùm enim Cæsar maximè indigeret Germanis vtpotè robustis in bello, nec posset habere subsidium ob dissensiones de Religione grauissimas, & pugnas bellicosissimas, considerauit an posset illas gentes componere, cum Pontifice agitauerit de Concilio, quod illi quærebant, maximè cum nollent, sed eo concordato noluerunt, electi doctissimi, & disputatum est, sed nullo exitu felici. Tandem conuentum Ratisbonæ indicit, còque proficiscitur, vt maiore Auctoritate eos sistat, & à Paulo Legatum tantæ rei idoneum petit, obtinetque Contarenum magnæ apud Germanos opinionis. Ipsum Germaniæ Principes omnes, & ipse Romanorum Rex honoris causa domum venit. Illud autem negotium pacis, dum optima haberet initia, ruptum est occasione bellorum ob incursum Turcarum in Pannoniam. Cum ergo muneris, quod sustinebat, non sine animi sui molestia finem impositum videret, vnà cum Cæsare reuersus est. Posteaquam venit Tridentum rogauit Imperatorem, vt se dimitteret Ecclesiæ suæ ibi proximæ. Venerunt tamen eo tempore à P. Maximo literæ, quæ iubebant ipsum in persona Legati apud Imperatorem esse, Mediolanumque cum eo proficisci, vbi Imperator semper lateri suo voluit hærere. Lucam deinde contendit, quo Pontifex hilarissimè eum excepit. Multa tamen sparsa fuerant contra eum, quæ Imperator vnà cum Pontifice reprobauerunt; quæ gratis actis dedit ei potestatem redeundi Romam, & post duos menses Legatum Bononiæ fecit. In ea vrbe omnium lætitia exceptus tota die causis audiendis, & controuersijs finiendis operam dabat. Cum repentè Roma venerunt literæ

destinantes ipsum Legatum pacis inter Carolum V. & Franciscum I. & eum misit ad Carolum. Hoc accepto nuntio cum nullis vnquam pepercisset laboribus, nec huic parcere volebat. Interim tamen ex calore summo, & aura leni, quæ propè Bononiam fruebatur æger septimo die mortuus est. Sepultus in templo Sancti Petronij 1. Septembris 1542. meridie. Paulus III. ægerimè tulit, & cum ipsum non posset, domum illius liberalitèr adiunxit. Innumeri cum laudant; Petrus Maffeus vocat Senatorem, & ingenio, & doctrina ijs temporibus facilè principem, Aubertus Mæraus Virum doctissimum, & Doctorem Mæcenatum, Beza ipse Calvinista assignauit in sua Porticu Iconem Virorum Illustrium. Scripsit de elementis libros 5. lib. 4. de Philosophia, 2. libros de officio Episcopi, duos de potestate Romani Pontificis, de Immortalitate animæ contra Magistrum suum. De ritibus cæremonijs libros 4. Institutionem hominis Christiani, super epistolam Pauli, de æstu Maris, de 4. figura Galeni, de Homocentricis. De ratione anni, contra articulos Lutheri, & alia multa. Innumerus esset cathalogus Auctorum eum laudantium, qui vult fusè eius vitam, legat Ioannem de Casa, & Ciacconium sub Paulo III.

AD PAVLVM III. PONT. MAX.

DE POTESTATE PONTIFICIS

*In vsu Clauium, & compositionibus,
dua Epistola.*



Beatissime Pater equidem, tot curis, & grauissimis occupationibus, cum videam Sanctitatem tuam distineri: & non queat omnibus per se satisfacere, hominum nostri ordinis officium esse duco, quoniam in partem huius sollicitudinis publicè vocati sumus, vt quisque nostrum, pro virili, eam, quam potest, opem, ferat Beatitudini tuæ; præsertim his temporibus, quibus multò magis, quam per multa sæcula retro nauicula Petri fluctuat, ac vndique oppugnatur. Innumera ferè tibi sunt negotia obeunda; verum horum maximum, non iniuria cuius censuerit, hoc, quod aggressus es reformationis negotium. Super quo, cum hesternæ die, multa vltro, citroque dicta fuerint in conuentu Reuerendissimorum Cardinalium, & prudenter, & doctè; attamen, quoniam nonnulla incidit dubitatio, de his, quæ in principio statim illorum capitulorum, quæ iussu Sanctitatis tuæ confecimus, dicta fuere; an liceat Romano Pontifici Christi Vicario; vel cuius alteri, qui est particeps potestatis clauium, aliquid sibi ex vsu illius potestatis comparare; meas partes esse duxi, non ex rituali, sed ex fontibus Theologorum, ac Philosophorum (nam eorum, quæ ad hanc rem pertinent, multa vtrisque communia sunt) paucis, totius huius rei principia, super ea re, scriptis mandare, ac tibi legenda tradere: ex quibus perspicuè intelliges, quibus fundamentis nitamur; & quidnam dicamus. Omnia tamen subijcio examinanda, & corrigenda Sanctitati tuæ, omnibusque melius sentientibus.

Verùm; vt ad rem deueniam, illud primò Beatissime Pater, est animaduertendum, quod dicit Dionysius in libro de Diuinis No-

minibus. Quòd bonum constat ex vna, integraque causâ, quæ omnia complectitur illa, quæ ad rem bonam eam requiruntur. Malum verò contingit ex singulis defectibus. Sicuti pulchritudo sit ex proportionem membrorum omnium conuenienti, simulque decencia coloris, & reliquorum omnium, quæ corporis sunt, adiectis. Deformitas verò contingit ex singulis defectibus.

Huic illud est adiungendum. In actione quauis humana, seu morali esse, & naturam, siuè essentiam appellare maluerimus, actionis illius: & circumstantias, quæ sunt veluti accidentia quædam, quæ circumstant actionem. Natura actionis sumitur ex obiecto, circa quod est actio.

Circumstantiæ verò multæ sunt, inter quas est finis agentis, idest, id cuius gratia, agens agit. Qui non inest actioni illi ex sua natura; sed quoniam agens, eam actionem, dirigit in eum finem. Quamobrem eiusdem naturæ, & speciei actionis, possunt esse diuersi fines, ad quos, scilicet, agentes causæ eam actionem direxerint.

Ex his sequitur. Quòd si actio bona futura sit, necesse, vt & natura sui, sit bona, & etiam vt circumstantiæ conueniant ei. Quòd si fuerit defectus in horum quopiam, actio illa, & si fuerit suapte natura bona, mala, efficitur. Vt exempli causa. Si quis elemosynam daret, vt facilius adulterium perpetraret, aut vt aliquem deciperet: actio hæc, est bona per suam naturam: efficitur tamen mala propter circumstantias; quia sit gratia finis mali. Si verò actio quæpiam sua natura fuerit mala, & deformitatem contineat naturalem, nullis circumstantijs quantumuis perfectis, & excellentibus, potest fieri bona. Nam bonum contingit ex omnibus conuenientibus. Malum ex singulis defectibus.

His

His discussis facilis erit quæstionis huius solutio. Nam cum vsus potestatis à Christo traditus, sit vsus spiritualis potestatis, cuius ipse est dominus, nos autem ministri, vtiq; gratis dari debet. Quod si gratis non datur, sed ob lucrum: vtiq; ea actio suapte natura est mala. Est etenim circa materiam, & obiectum minime ei conueniens. Quod rationibus euidentissimis, sumptis è Scriptura sacra probatur.

Nam dono Spiritus sancti, & rei spiritualis nullum quantumuis maximum temporale bonum comparari potest. Nos verò equiparamus bonum illud spirituale pecuniæ; pro qua id damus.

Præterea: Dispensator non potest vendere id, quod non suum est, sed Domini. Neque etiam potest transgredi in dispensatione mandatum Domini. At Pontifex, & quilibet Episcopus est dispensator mysteriorum Dei, vt inquit Paulus expressè. Sic existimet nos homo vt ministros, & dispensatores mysteriorum Dei.

Item expressè Christus in Euangelio præcepit. Gratis accepistis, gratis date. Qui ergo ob lucrum dat, facit se Dominum bonorum Dei, cum tamen sit seruus, & dispensator. Item transgreditur præceptum Domini, qui mandauit nobis, vt gratis daremus, sicuti gratis accepimus.

Hæc ergo actio, cum ex vsu clauium, & potestatis à Christo traditæ, lucrum nobis comparamus, nec gratis ea vitmur, cum ex obiecto tot deformitates contineat, sua natura est mala. Nunquam igitur bona fieri potest, ad quemcunque finem, quantumuis bonum ab agente dirigatur. Siue ad sustinendum bellum contra Turcas, siue ad redimendos captiuos, vel quiduis aliud pium, illud lucrum, quod sibi adsciuit vtens ea potestate, dirigat. Quare Paulus dixit. Non sunt facienda mala, vt eueniant bona. Hoc Aristoteles, omnesque Philosophi, & Theologi dicunt.

Vt autem explicatur, quid sit, non gratis dare, paucis explicabo. Illud proculdubio non datur gratis, si pecunia enumeretur; si verò pecunia non enumeraretur, non datur. Quis dicere auit dari quippiam gratis quod datur, si adsit pecunia: non datur, si pecunia desit. Vbi tamen imponitur multa pro satisfactione peccati, potest imponi multa pecuniaria, in pios vsus expendenda, si res, & personæ conditio videbitur id exi-

gere. Sic etiam in ingressu monasterij pauperis. Nam cum ingrediens monasterium, indigeat victum, & vestitum à monasterio sibi præstari, posset monasterium quippiam accipere ob grauamen illud. Sed quod Episcopus quispiam, aut quiuis alius possit, si quis ab eo petierit (verbi gratia) dispensationem, quampiam, & ob causam legitimam petat, quam noscat Episcopus, dicere; Si dederis pecuniam, do dispensationem, si non dederis, non do. Vtiq; puto Beatissime Pater hanc conclusionem esse impiam, & alienam ab auribus Christianis. Nam is proculdubio non gratis dat (quis enim secus dicere auit, nisi qui sensu communi careat?) Christus dicit in Euangelio. Gratis date, & erit quispiam tam audax, & tam impius, vt audeat dicere; Licet tibi non gratis dare? absit Beatissime Pater, ab hac sanctissima Ecclesia Romana, quæ fuit, & est magistra aliarum Ecclesiarum tam impia doctrina.

Nescio quid nam fiat in compositionibus. Sed si ita sit, vt suprà diximus, corrigendum est. Vel si non corrigitur, saltem, non est scedanda huius Sanctæ Romanæ Ecclesiæ Doctrina huiusmodi positionibus obliquis. Si mores sunt quopiam pacto obliqui, doctrina tamen perseueret recta. Neque velimus veritatem Dei nostris moribus, & consuetudinibus accommodare.

Pater Sanctissime ingressus es viam Christi, audacter age. Neque magno isto tuo animo vilo pacto vercaris, si ob correctionem huius rei desint tibi ob distractionem bonorum Ecclesiæ factam à tuis prædecessoribus viginti, aut triginta millia nummorum aureorum ad sustinendam vitam Pontificis. Quin facillimè multis modis refarcire hæc possis cum immortalis tuæ, tuorumque omnium laude, ac sempiterna memoria. Vniuersa Christiana Respubl. summum gaudium capiet, te venerabitur, vt Deum alterum. Nullumque Pontificum post Beatissimum Petrum, tibi præferendum ducent, & nostræ gratiæ homines, & vniuersa posteritas. Hoc castigat, quod ad te pertinet, cætera omnia erunt facillima. Deus omnipotens diriget gressus tuos, & tuorum omnium. Familiæ tuæ Protector erit, & super omnia bona sua, constituet te, vt ipse in Euangelio pollicetur seruo fideli, quem constituit super familiam suam. Dominus diu nobis seruet Sanctitatem tuam incolumem.



EIVSDEM AVCTORIS.

AD PAVLVM III. PONTIF. MAX.

*De Potestate Pontificis in compositionibus
epistola.*



Beatissime Pater, in plerisque rebus ita vñ euenire solere sæpenumero animaduerti, vt nimio quodam animi affectu, & studio, dum cum eis consulere, & earum amplificationi studeamus, multum plerumque eis detrahimus, & auctoritatis, & dignitatis; ac interdum nimio hoc studio nostro potius perniciem, & interitum imprudentes illis procuremus, quàm vllam opem, aut vllam maiestatem. Præclarissimus Philosophorum omnium, itemquæ sapientissimus non tantum naturæ rerum, sed etiam humanæ vitæ percrutator Aristoteles in Politicis præceptum nobis reliquit, admonuitque prudentissimè. Multas earum legum, quæ populares videntur solere destruere popularem statum: itemque plures constitutiones, quæ paucorum potentæ fauere videantur, solere perniciem adferre paucorum illorum dominationi. Idem mihi ptopemodum fecisse videntur iurisperiti quidam: Qui dum præ omnibus operam dant, vt auctoritatem, & potestatem Pontificis amplificent, eò deueniunt, vt dum vana quædam, quid dicam vana? immò falsa; & quæ iudicio Doctorem, & Proborum hominum, potius sapiunt idolatriam, quàm pietatem vllam, adstruere conantur, aduersarijs huius sanctissimæ sedis occasionem dederunt, vt queant facile populo Christiano illudere, eique persuadere nullam esse Romani Pontificis auctoritatem: eumque aquent quibuscumque episcopis. Quodque si humano quodam iure hauc obtinuerit Romanus Pontifex hucusque auctoritatem, posse etiam in tot abusibus, ea auctoritate priuari. Hoc facile multis populis persuaferunt, occasionem naçi ab argumentis vanis illis, quibus nimio quodam affectu, diçi quidam iurisperiti student hanc Pontificis auctoritatem amplificare. Adeo, vt eorum quidam non vereantur dicere voluntatem Pontificis regulam quamdam esse; qua eius actiones dirigantur. Neque in iure positio constitueno, aut abrogando, aut etiam dispensando regulam quampiam Pontifici constitutam esse, præter eius voluntatem. Adeo, vt omne huiusmodi ius, arbitrarium esse, persuadere nobis voluerint. Idcirco Pater Sanctissime, cum sim vocatus in

partem sollicitudinis publicæ, debeamque pro virili Maiestatem huius Sanctissimæ sedis tue-ri, decreui paucis completi ea, quæ mihi videntur facere ad horum errorem manifestandum.

Iam enim cum essem Laicus, incidissemque in locum, vbi oportebat Maiestatem, & auctoritatem huius Sanctissimæ sedis tue-ri, non tantum verbis, & oratione id præstiti, verum etiam amico cuidam meo, viro grauissimo, opusculum quoddam conscripti: quo, quantum pro temporis angustia, & per negocia, quæ mihi obeunda tunc erant, licuit, satis perspicue, ni fallor, ostendi summam hanc Pontificis auctoritatem nullo humano iure constitutam fuisse, sed à Deo optimo, vnicoque eius filio, collatam fuisse Sanctissimo Petro, eiusque successoribus. Tu verò Beatissime pater, pro tua sapientia, & in Deum pietate imitaberis Maiores nostros sanctissimos homines, qui in scripturis canonicis approbandis, quanuis multa opera extarent, ex quibus facilius Christiana religio aditui posse videbatur; & quæ pro confirmanda, & augenda populi fide mirifice faciebant, nihilominus omnia ea, quæ non certissimis auctoribus constarent fuisse conscripta, vt Apocrypha reiecerunt. Hæc etenim, vt inquit Augustinus, est rerum, quas oportet verissimas esse natura; vt si in quibusdam, vel minimis falsum quippiam inesse deprehendatur, confestim omnem amittant auctoritatem, & maiestatem: Sic tu in hac parte, in hac diuina auctoritate, quæ tibi est tradita, à quæ vniuersa pendet Christiani populi vita, & gubernatio, dabis operam, scio, vt nihil falsi, nihil, quod non pietati Christianæ conueniat, deprehendi queat. Hæc etenim ratione, cum maximè consules Christiani populi gubernationi, tum præcipuè auctoritatem huius Sanctissimæ sedis tuebere. Memini me legisse apud Thomam Sanctissimum, & Doctissimum hominem, vbi eam quæstionem tractat, quæ maxima semper fuit inter Philosophos Peripateticos, & Christianos, seu potius trium harum, quæ extant Religionum, cultores, de mundi, scilicet, Aternitate, seu Nouitate, in qua quidam doctissimi etiam homines, non contenti soluissè rationes, & argumenta illa apparentia: quibus mundi Aternitas probari videtur ab Aristotele, vo-luc-

luerunt ipsi rationes inuenire, quibus è contra, aduersùs Philosophus probaretur Mundi Nouitas. Quas cum admodum friuolas esse, vir hic Doctissimus percepisset, nos omnes admonet, vt abstineamus ab hac prouincia. Efficacique, vt dum credimus prodesse, rei, & Dogmatibus Christianis, multum eis detrimenti adferamus. Verùm, cum plucibus sapientissimo Pontifici, conatus fuerim ostendere id, quod ipse optimè omnium intelligit, ad rem deueniam. Vtarque dicendi genere, quod sit illud, quod rem explicet, nullo adhibito orationis fuso.

Illud primùm omnium constituere oportet, si huius rei inuestigatio rectè sit processura, omnem cuiusque rationis, & ordinis Gubernationem, seu Regimen maximè pertinere ad rationem: esseque rationis opus. Hinc videmus ita natura comparatum esse, vt quæque ratione pollent, natura etiam magis imperare, & regere. Vnde hominum genus omnibus alijs animantibus imperat, quæ rationis capaces minimè existunt. Inter homines vero Senes regunt, ac gubernant iuniores. Sic viri Fœminas. Sic in vnoquoque, qui seruat ordinem à natura institutum. Ratio sensui: & Anima corpori imperat. Relinquo nunc differentiam eam, quæ est inter illud imperium, quod Dominus Seruo imperat, & illud; quo Pater Filius, & Bonus Princeps hominibus liberis, ne longius digrediar ab inuestigatione quætionis propositæ, & quoniam omnibus puto compertissimum esse, regimen Pontificis esse maximè liberorum hominum Regimen, ad eorumque vtilitatem, & bonum maximè spectare; cum Dominus doceat nos in Euangelio, bonum Pastorem potere etiam animam suam pro oïbus suis. Cum igitur constet Regimen esse opus rationis, vtique exploratissimum etiam illud esse oportet potestatem omnem, seu potentiam appellare malueris, esse potentiam naturalem, seu rationis, idest, quæ vitur cum ratione. Quæ nimirum Ratio prædicta est, seu Actiua. Quæque constituto fine certo, conuenientibus sibi medijs, & instrumentis, conatur eos, qui refectioni illi subduntur, ad prædictum finem, seu bonum perducere.

His hæcenus discussis, nulli potest esse dubium, quin auctoritas, & potestas hæc Pontificis, sit rationalis, seu rationis potentia, à Deo optimo beatissimo Petro, eiusque successoribus collata. Quæ tanquam Christi Vicarius, & eius ouium Pastor, regat sibi commissum gregem, ac dirigat ad æternam felicitatem, diuinamque vitam. Quam nobis Christus meruit sanguine fuso. Quo lauit nos à peccatis nostris, & in filios, per regenerationem baptismatis in mortem suam adoptauit. Hæc potestas est omnium maxima in terris. Quæ etiam inter homines nulla superior.

Verùm superius dictis, illud addendum est, quod Aristoteles dicit in nono libro Metaphysices, vbi loquitur de potentia actiua. Quod potentia actiua naturalis differt à potentia rationis, seu rationali. Quoniam naturalis potentia est determinata ad vnum. Potentia verò rationalis est indeterminata. Immo eadem potentia est contrarium. Nam caliditate, ignis non potest frigidificare,

nisi per accidens, sed calefacit tantum. Sic graue, grauitate descendit. Et leue, ascendit leuitate. Et medicus arte medicinæ, quæ rationalis est potentia, potest & pharmacum, & venenum misceere. Sic nauis gubernator potest arte, quam habet peritia, scilicet, quæ vitur cum ratione, & in portum nauem dirigere, & in scopulum impellere. Quamobrem, cum contraria simul effici non valeant, potentia rationalis non prodeit in actum, scilicet, vt agat quippiam, nisi fuerit determinata ad vnum quippiam per electionem. Electio igitur potestatem omnem rationalem determinat ad vnam, quod piam, quod efficit. Electio verò omnis est voluntatis. Quæ ob sui imperfectionem est veritabilis in malum; ideoque, & benè eligit, & male. Bonam electionem facit virtus, & perfectio. Malam verò electionem facit vitium, & imperfectio. Neque hoc, quod male possit eligere voluntas, pertinet ad eius potentiam, sed ad impotentiam. Quemadmodum non est potentia corporis, quod queat egrotare, sed impotentia, & imbecillitas. Sic etiam non est potentia cruris, quod possit claudicare. Quamobrem in prædicamentis Aristoteles appellauit huiusmodi qualitates naturales non potentias, sed impotentias. Igitur est impotens voluntas, quatenus malum eligit. Atque potest id eligere. At quamuis voce dicamus voluntatem posse malum eligere, re tamen, id potest ob impotentiam, non ob potentiam.

Hanc voluntatis Impotentiam Philosophi cognoscentes, querentesque quo nam pacto ea tolli possit, inuenerunt virtutes morales. Quæ assuetudine bonorum operum comparantur. Quibus veluti quibusdam perfectionibus, nature vi, superadditis, si non tolli, saltem minui vulerunt hanc voluntatis Impotentiam. Quæ de se Aristoteles inquit, virtutis proprium esse, ac Studiosi hominis, vt sciens, bonum eligat, & honesti gratia insuper, vt immobiliter id faciat. Ecce quam vim habeat virtus Moralis apud Philosophos, vt scilicet, firmet, & stabilem voluntatem faciat, ne verratur ad eligendum malum. Neque tamen propterea virtus moralis repugnat libertati arbitrij. Non enim pertinet ad libertatem voluntatis, vt deficere queat, sed, vt proprio nixu: non alieno impulsu, quippiam agat, simulque, vt ad prædictum bonum finem eligat ex multis vijs, ac duabus, instrumentaliuè, quod voluerit. Et quod à fine deniet, & erret, neque ad libertatem, neque ad potentiam referri debet voluntatis, quin potius ad impotentiam, & feruitutem.

Christiana verò Doctrina, beatissime Pater (cui quantopere conueniat Philosophia moralis, ex his, quæ dicemus, facillè quibus iudicare poterit, nec mirum, cum & lumen naturale inditum animis nostris, & Christianum lumen ab eodem sunt Auctore, à Patre, scilicet, Luminum; Signatum, nanque est, vt ait Propheta, super nos lumen vultus tui domine) nos docuit hoc, quod Philosophi videntur, ablationem, scilicet, huius impotentia voluntatis, fieri non posse virtutibus moralibus, assuetudine bonorum operum nobis comparatis, id, quod experientia etiam vnumquemque, qui se ipsum decipere nolit, misericè docuerit, sed tantum per gratiam Dei,

Dei, qua sanamur ab hac ægritudine animi, impotentia illa, inquam, contracta per peccatum originale, à primo parente in nos deriuatum.

Nos item docuit hanc ægritudinem, & impotentiam, seruitutem esse. Qua seruimus peccato. A qua seruitute liberamur, & in libertatem asserimur per gratiam Dei ex fide, in Sanguine Iesu Christi, Sine qua non possumus diutius perseuerare, quin ruamus in peccatum, cui seruimus. Non tamen donec hanc mortalem vitam ducimus, sumus ita ab hac ægritudine, atque impotentia liberati, vt nos etiam nolentes noui stimulet, consistereque interdum faciat, ne toto animi impetu feramur in Deum, bonorum omnium fontem. Hoc etenim, quamuis Christus nobis etiam meruit, nondum tamen id adepti sumus. Sed in patria celestis erimus penitus liberi, ab hac seruitute, ac penè liberi. Peccare non poterimus. Hæc est maxima libertas, maxima omnium potestas.

His addendum, vt tota hæc res, de qua est à nobis disputatio instituta, illustrior fiat, quòd voluntas, cuius est electio hæc bona, per gratiam Dei, charitatem, cæterasque virtutes, ideò, benè eligit, quia non deficit à regula rationis. Quæ pendet, & ab his, quæ lumine naturali, nobis sunt comperta, à Patre luminum, animis hominum inserta; & à Diuina lege in sacris Scripturis nobis tradita, & ab ijs, quæ nos docet vnctio, vt ait Apostolus, in qua vncti sumus, Charitas, scilicet, Dei, & proximi diffusa in cordibus nostris per Spiritum sanctum, qui datus est nobis. Hæc sunt regulæ, quibus bona voluntas dirigitur. Et à quibus non posse dimoueri, summa est libertas, summa potentia.

His hætenus discussis, quæ sunt luce meridiana clariora, veniamus ad Pontificis potestatem. Suprà diximus illam potestatem, cum regiminis sit, immò, Summi regiminis, esse potestatem rationis. Quæ cum, non prodeat in actum, idest, non agat, nisi electione fuerit determinata, electio verò bona queat esse, & mala ob impotentiam, seu imperfectiorem voluntatis hominum, vtique hæc potestatem, poterit benè, & malè vti. Benè si sequatur regulas illas, paulò suprà enumeratas. Malè si ab illis recesserit. Quæ Pontificis potestas, sicut optima est, & Christiani populi Salus, si Pontifex benè ea fuerit vsus, ita pessima efficitur, si Pontifex ea malè vtatur: Non quia tunc non habeat potestatem illam, immò, quoniam habet, Aristoteles in politicis inquit. Hominem esse optimum animalium, si fuerit rectè institutus. Item esse pessimum omnium, si fuerit malis moribus præditus. Adfert huius rei rationem. Sæua namque est iniustitia, ferens arma, homo autem fert arma per innatam prudentiam. Ecce, quàm clarè nobis rem nostram explicat. Homo cum malè vtitur prudentia, & pessimum est animalium. Caret nè tunc potentia illa naturali prudentiæ; quinimò habet, idcirco esse pessimum. Sic Papa cum malè vtitur potestate, an tunc caret? minime. immò habet. Et ob eam rem est Christiano populo perniciosus. Sæua est etenim iniustitia ferens arma: Pontifex autem fert arma per potestatem ipsi traditam. Res hæc

tota hætenus est clarissima. Nunc videamus, quo nàm pacto, ex ignorantia eorum, quæ diximus, in diuerfos quosdam errores Nonnulli, qui periti dici, & haberi volunt, inciderunt. Nam cum non satis discernere inter intellectum, & voluntatem, putarunt hanc Pontificis auctoritatem, ad voluntatem eius pertinere; ideòque in contrarios errores inciderunt. Nam horum nonnulli putarunt: cum potestate sua Pontifex quippiam mali agit; vt exempli causa, si excommunicat quempiam iniuste, quòd excommunicatio illa, nullius sit ponderis, neque vllò pacto seruanda. Rationem in promptu habent. Inquiunt enim. Cum hæc potestas diuinitus sit data Pontifici, Deus verò non cooperetur malo, ea excommunicatio iniusta non prouenit à potestate diuinitus Pontifici data; ideò nihili facienda. Vnde sicuti virtutis, nulla malè vti potest, quoniam virtus est voluntatis perfectio, quæ vtitur viribus alijs animæ, præsertim rationi subiectis, ideò nullus potest virtute malè vti. Quemadmodum nullus potest peripicacia visus hallucinari; & obaudire subtilitati auditus. Ita etiam existimauere hi Pontificem, malè vti non posse potestate sibi à Deo collata, ac si potestas illa esset perfectio quædam voluntatis, sicuti charitas, quæ nemo potest malè vti.

Alij è contrà, eodem fundamento nixi, quòd, scilicet, hæc potestas sit voluntatis, arbitrati sunt hanc potestatem esse voluntariam, ita quòd in constituendo iure positiuo, & lege, in eo abrogando, id dispensando, etiam nullam aliam habeat regulam Pontifex, nisi voluntatem propriam. Sic iurisperiti quidam voluerunt id licere Pontifici, quod vult; quoniam nullam habeat regulam præter voluntatem sui ipsius. Hæc etenim censueverunt esse Pontificis huius summæ potestatis.

Hæc positio adeò est falsa, adeò repugnans sensui communi, adeò est contraria Doctrinæ Christianæ, adeò deprauat vniuersi Christiani populi gubernationem, vt nihil perniciosius inueniri poterit.

Nam per Deum Immortalem, nonnè Hæc Positio idolatriam sapit? Cui namque Creaturæ hoc attribui potest, quòd actionum suarum voluntas eius sit Regula? An non, hoc proprium est solius Dei, primi omnium rerum principij, à quo pendet vniuersa omnium natura. Angeli in cælo, Cherubim, Seraphim, Anima Gloriosissima Virginis, Anima Christi habet ne hoc? quòd ipsorum voluntas sit Regula actionum suarum. Minime omnium. Confirmari vtique sunt, ne deficere valeant à Dei voluntate, quæ est omnium Regula. At quòd sibi ipsi sint Regula, abicit. Illi vero ob imperitiā huius potestatis, qualis nam sit, & ad quam animi virium pertinet, & vt adulerent Pontificibus, adeò absurdam positionem, non veriti sunt in publicum prodere.

Amplius, Quis sanæ mentis diceret bonam quampiam gubernationem posse constitui, in qua voluntas vnus hominis sit regula illius regiminis? Quæ sua natura, prona est ad malum. Quæ innumeris animi affectibus hinc, illuc ducitur. O præclaram Aristotelis summi Philosophi sententiam in Politicis. Qui facit, inquit, hominem principem

pem non legem, facit principem hominem, & feram, ob ferinas appetitiones, atque affectus hominum animis coniunctos.

Amplius. Quid magis contra legem Christi, quæ est lex libertatis, excogitari potest? quam Christianos subiectos esse, parereque debere Pontifici, cui tributum sit à Christo, vt pro arbitrio leges constituat, leges abroget, dispenset in legibus, habeat in his omnibus voluntatem suam pro regula? Conuenit ne huiusmodi Imperium, non dico Christianis hominibus, qui adsciti sunt in legem libertatis, ac propterea, vt inquit Augustinus scribens Ianuario de Ritibus Ecclesiæ, quàm paucissimis exterioribus legibus adstringendi sunt; non dicam etiam liberis hominibus, & cuiuspiam gubernationi hominum liberorum, quales sunt recta populorum, atque approbata imperia, sed cuiam Dominio in seruos, quibus Domini imperant, ad sui ipsorum utilitatem, quibusque vtuntur, vt organis animatis, conuenit hoc imperium, atque Dominium, vt pro voluntate eis imperet? Facebat Deum Immortalem precor à Christianis hominibus hæc impia doctrina. Non igitur pro arbitrio constituat leges Pontifex. Non pro arbitrio abroget. Non pro arbitrio dispense. Sed sequatur regulam rationis naturalis; regulam diuinorum præceptorum; regulam charitatis. Quæ in Deum omnia dirigit, & ad bonum commune, quod est maximè diuinum; ad bonum tandem proximi cuiusque secundum Deum.

Nec putent hi Iurisperiti Ius positium esse Ius arbitrium, sed dependere à iure naturali. Nihilque aliud esse Ius positium, quàm determinationem quandam Iuris naturalis, seu diuinorum præceptorum ad tempora, ad locos, ad personas, statumque rerum: quæ prudenter considerata efficiunt, vt & constituitur lex debeat. Et in diuersis prouincijs leges etiam sint constituendæ diuersæ. Itemque pro mutatione temporis, & rerum status, leges debeant abrogari, & immutari.

Similiter in dispensatione, in legibus voluntas non debet esse regula, sed qualitas illius personæ, Occasio, immutatio rerum, & temporum; quibus prudenter consideratis ratione illa naturali, Dei gratia, charitate: quæ maxima esse debet in animo Pontificis, Pontifex rectè dispensat in lege scripta. Sic Aristoteles inquit in Ethicis. Quod æquum naturale est melius iusto legitimo. Et quod vt in paucioribus facit contra iustum legitimum: illudque corrigit, hoc est Ius positium. Hæc est eius natura, non autem est Ius voluntarium, vt perhibent hi Iurisperiti, qui ita sentiunt. Quoniam radices ve-

re Doctrinæ, & Christianæ, & Philosophiæ ignorant.

Pater Beatissime, Tu, qui doctrina excellis, & rerum experientia, naturalique prudentia plurimum vales, perpende, an ex hac doctrina, temere Lutherani ansam sumpserint componendi libros illos suos de captiuitate Babylonica. Nam per Deum immortalē, quæ maior captiuitas. & seruitus induci potuisset Christiano Populo? quàm hæc, quàm proficetur horum Iurisperitorum doctrina; de qua agimus? Nulla equidem. Paulò longius Sanctitas tua dirigat aciem præclarissimi ingenij sui. Si quispiam Infidelibus hanc doctrinam prædicaret, secundum religionem à Christo nobis traditam, ita Christianum Populum gubernari vnus Pontificis gubernatione, vt non tantum, non habeat superiorem potestatem in terris (hoc enim rationi consonum esse, non esset difficile probare) sed nec tenetur vlli regulæ, præterquam ipsius voluntati, nonnè confestim riderent; putarentque hoc regimen Christiani populi esse omnium pessimum?

Nolimus ergo excusare auaritiam nostram, nostram ambitionem, ceterasque prauas actiones nostras prodendo falsam doctrinam. Quæ sit accommodata appetitionibus nostris. Prohibet Propheta, excusationes in peccatis. Quæ faciunt ne ingenue fateamur peccata nostra. Deum quæ precatur dicens. Ne declines cor meum in verba malitiæ, ad excusandas excusationes in peccatis. Et nos volumus non tantum verbis excusare peccata nostra, sed doctrinam in medium adferre, qua testi, dicamus iure, malum bonum, & bonum malum, non veriti Prophetam Esaiam, imo Dominum per Prophetam dicentem. Veh his qui dicunt bonum malum, & malum bonum.

Vt paucis ergo totam hanc rem claudamus. Habes Beatissime Pater summam à Christo potestatem in gubernando Christiano Populo. Hæc potentia rationis est. Det operam Sanctitas tua, vt habeat summam, illam, quantum fieri potest, potentiam, & libertatem voluntatis, vt scilicet, per diuinam gratiam, tuumque nixum, non recedas à regula, vt supra diximus. Neque te veritas ad impotentiam voluntatis; quæ malum eligit; & ad seruitutem, quæ seruit peccato. Hæc etenim libertas, hæc potentia voluntatis, cum coniuncta fuerit potestati Pontificis à Christo tibi traditæ, tunc eris potentissimus, tunc maximè liber, & totius Reipublicæ Christianæ vita. Et sic moderante, & gubernante cœlesti quoddam in terris viuendi genus exprimet.



EIVSDEM AVCTORIS.

DE POTESTATE PONTIFICIS,

Quòd diuinitus sit tradita.

Ad Nicolaum Teupolum Commentariolus.



Vm hoc vesperi tecum in-
eum sermonem incidissem,
an auctoritas illa, & pote-
stas, qua Pontifex Maximus
fungitur, sit ei consensu
quodam hominis tributa,
an potius diuinitus tradita,
qua de re hisce temporibus maximos tumultus
excitatos esse perpiscimus, nec etiam veri-
ti sint viri in omni disciplinarum genere ce-
lebres, ac in Christianæ Thologiæ studiis
illustres, in magno hominum conuentu as-
serere se, hoc ius Pontificis humanum esse:
dixi confestim me ab horum hominum sen-
tentia maxime dissentire, ac propè comper-
tum habere, diuinitus concessum esse Ponti-
fici ius illud, eamque potestatem, qua regit,
ac moderatur Christianum gregem, in qua
sententia cum te quoque esse constantissimè
asserueras, neque commodè tamen posses
per tuas occupationes familiares, quibus
adeò te implicitum esse noui, vt vix habeas
liberam spirandi facultatem, nunc memoria
repetere rationes illas, quibus iam pridem in-
ductus in hanc sententiam deuenisses, roga-
sti me hominem minus occupatum, vt breui
commentariolo eas colligerem rationes, qui-
bus mihi persuasum est à Deo Optimo pote-
statem hanc datam esse Romano Pontifici,
neque à consensu hominum vllorum pendere.
Respondi paratum me esse morem tibi gene-
re in quacunque re opera mea vt velles, pos-
sequè te amicitie nostræ iure, mihi quod vo-
lueris munus iniungere, neque dissiteri me
minus occupatum, quam te esse, longe ta-
men magis inertem. Quamobrem ea me ti-
bi conditione hanc operam præstiturum, vt
mihi necesse non sit vllum auctorem videre,
neque ab aliorum pendere commentis, sed
ea tantum in medium afferre, quæ mihi vi-
deantur: tuum verò fore, vt omnia acerrimo
illo ingenio tuo discutias, ac diiudices, quæ
rectè, item quæ perperam dicta tibi videbun-
tur: nam cum doctissimus sit, pariterque
mihi amicissimus, nimirum neque te aliquid
præteribit, quòd minus rectè prolatum sit,
atque pro amicitie nostræ iure, illud ipsum
quidquid erit mihi ingenuè significabis, verum
ne te amplius morer de veniam ad discu-
tiendam quæstionem propositam. Dico ex

Euangelij dictis perspicuè colligi, à Christo
Dei Filio tributam fuisse Petro, eiusque suc-
cessoribus hanc potestatem, ex epistolis Pau-
li colligi etiam potestatem hanc eandem di-
uinitus ei datam fuisse: item assero ratione
euidētissima hoc idem probari, adeo vt si
quis negare non audeat diuinam prouiden-
tiam gubnationi Ecclesiæ non deuisse, nec
deesse, à ratione nostra dissentire non valeat.
Docebo postremo, sed paucis, rerum euentu
comprobari clarissimè id, quod auctoritates
sacræ paginæ, & ratio astruunt. Potestas
omnis, quam non tantum Romanus Ponti-
fex Petri successor, verum etiam Episcopi,
Sacerdotesque omnes habent, non ea, in-
quam, qua sacramenta conficiant, sed qua
vtantur in Populo Christiano ad beatitudi-
nem perducendo, & in Christiana vita eru-
diendo, cui veluti Architectonica, & Principi.
Ciuiilis quæcunque potestas inferuit,
cum inferiores quosdam fines habeat, qui
omnes ad supremum illum referri debent,
colligitur quantum memoria repetere possum
ex his Euangelij locis. Apud Ioannem, c. 20.
postquam Christus à mortuis surrexisset, disci-
pulisque apparuisset, insufflauit eos, &
dixit Accipite Spiritum sanctum, quorum-
cunque remiseritis peccata, remissa sunt: &
quorumcunque retinueritis peccata reten-
ta sunt: item apud Matthæum cap. 8. in-
quit. Quæcunque ligaueris super terram,
ligata sunt, &c. Item apud Matthæum
cap. 16. post Petri confessionem, quòd
Christus sit Filius Dei, inquit Christus.
[Quia tu es Petrus, super hanc petram ædifi-
cabo Ecclesiam meam, & portæ inferi non
preualebunt aduersus eam: tibi dabo cla-
ues Regni Cælorum, & quodcunque ligaue-
ris super terram, sit ligatum, & in cælis, &
quodcunque solueris super terram, sit solutum,
& in cælis:] item alibi dicitur in Euangelio
apud Lucam, cap. 22. Petre, Sathanas expeti-
nit, vt cribraret vos, ego autem pro te orauī,
vt non deficiat fides tua, & tu aliquando con-
uersus confirma fratres tuos: item alibi in
Euangelio Ioannis cap. 11. dicitur. Petre,
amas me, cui Petrus Domine, tu scis, quia
amo te, & rursus Christus: pascere oues meas,
iterumque interrogat. Petre, amas me plus
his? cui Petrus. Domine tu scis, quia amo
te:

te : Pasce, inquit, agnos meos; sicque tertio Petro iniunxit, ut pasceret oves suas. Ex his Evangelij locis, ut reor, quadruplex quædam potestas perspicue colligitur tributa à Christo discipulis omnibus; vna planè: item altera non tamen omnino, neque planè. Petro verò soli posterior hæc, quam diximus alijs etiam tributam, sed non planè, plenissimè, ut ita dixerim, tributa est, itemque duæ aliæ. Omnibus tributa est potestas remittendi peccata per insufflationem, & largitionem Spiritus sancti. Hac potestate quilibet sacerdos in confessionis sacramento vitur, soluitque à peccatis confitentem curę ipsius subiectum; hæcque potestas sequitur ordinem, & characterem sacerdotalis ordinis, & à Spiritu sancto dependet; sicuti etiam operatio baptismatis, confirmationis, aliorumque huiusmodi sacramentorum, quorum ministri sunt sacerdotes. Diuina verò virtus agens est, sicuti enim solus Christus baptizat, ita solus Christus, qui & Deus est, solus peccata dimittit, & gratiam confert, hoc certissimis argumentis, & Sacræ paginæ locis comprobatur à Theologis christianis, quæ te non latere probè intelligo, sed præter alia, hoc, quod adduximus ex Evangelio Ioannis cap. 20. euidenter id adstruit, inquit enim, Christus. Accipite Spiritum sanctum, quorumcumque remiseritis peccata, remittuntur eis, quali expressè dixerit. Potestas hæc remittendi peccata, ex Spiritu sancto est, quem vobis trado, licet ergo collatio ordinis fiat à Pontifice, seu ab Episcopo, potestas ea tamen sequitur characterem, & participationem Spiritus sancti, non autem est participatio quædam potestatis, quam primo, & periclitè habeant Pontifex, Episcopus ve, sicuti quamvis baptismus conferatur à sacerdote, sanctificatio tamen, & character non est à sacerdote, neque participatio aliqua sanctitatis sacerdotis, sed à Deo tantum est, hæc prima potestas omnibus data, & nulli præ alijs, nullibi namque in vniuersa sacra pagina, comperies aliqui præcipue, ac præ alijs tributam fuisse hanc potestatem. Altera potestas omnibus, item Episcopis tributa est, sed præcipue, ac præ alijs Petro potestas, hæc ligandi, ac soluendi, quam fecor ego non esse priorem illam, de qua fecimus mentionem, qua scilicet, remittuntur peccata, sed esse potestatem infligendi Ecclesiasticas multas, & ab eis soluendi (an verò comprehenditur sub hac potestate solutio à purgatorij ignis poenis, nolo ut in præsentia discutiamus, ea namque, quæ pertinent ad vitam aliam, omnia mihi nunc omitenda esse duxi) opus est proculdubio, ut quicumque gubernationi aliquorum præest, aliquam potestatem habeat coercendi contumaces, tum ut facilius metu poenæ corrigantur, tum ne eorum aegritudo, si liberè, & impunè negari possent, alios, gregemque totum inficiat, idcirco vocis illius diuinæ oraculo data est hæc potestas præcipue, & cum prærogatiua quadam soli Petro, deinde discipulis omnibus. Hac ergo ratione præcipue adducor, ut credam, potestatem hanc ligandi, & soluendi non præcipue pertinere ad peccatorum absolutionem, sed ad multas, quas infligit Pontifex contumacibus, & peccantibus,

Tom. XIII.

ut alias omitam, quoniam sicuti prior illa potestas primum respicit peccatorum remissionem, per accensum verò, & oblique retentionem, ita è contra potestas hæc coercendi, primum respicit poenarum infligationem, deinde solutionem, item prior illa sequitur characterem ordinis, & à Spiritu sancto est per sacerdotem ministrum, ita hæc posterior iurisdictionis cuiusdam est, non ordinis, aut characteris; ideò in dando priori illa, inquit, Christus, Accipite Spiritum sanctum, deinde, quorumcumque remiseritis peccata, remissa sunt eis, addit postremò, quorum retinueritis, retenta sunt, in hac verò posteriori, non facta mentione de datione Spiritus sancti, confestim, & primum tradit potestatem ligandi, cui subdit potestatem soluendi, idem & illustrius ostenditur ex eo Matthæi loco, in Evangelio cap. 18. vbi omnibus discipulis, inquit, quæcumque ligaueritis in terris, erunt ligata in caelis, & quæcumque solueritis, erunt soluta; nam posteaquam præcipit fratrem corrigendum esse si peccauerit primum solum, deinde adhibitis testibus: postremò dicit, quòd si in peccato perseverauerit, sit tibi sicuti Ethnicus, & Publicanus, hoc verò nihil est aliud, quam cum ablegare à cætu fidelium, sicuti Ethnicus, idest, Gentiles separati sunt, quòd vni obtinet excommunicationis, confestim subdit, amen dico vobis, quæcumque ligaueritis super terram, erunt ligata, & in caelis, & quæcumque solueritis, erunt soluta, ac si diceret, erunt verè hi si vti Ethnicus, nam vobis hanc potestatem trado ligandi, & soluendi, idque, quod ageris ratum habeo; Ecce quam luculenter apparet ex hoc loco, potestatem hanc pertinere ad poenas Ecclesiasticas infligendas, hæc ergo potestas, quamvis discipulis omnibus tributa sit, nihilominus si quis non conuictus oculis legerit Evangelium, luce clariùs perspiciet, præcipue, ac præ omnibus alijs; tributam fuisse Petro: per quem, scilicet, ad alios denentura esset, nam si nihil magis auctoritatis in hac ligandi, & soluendi potestate voluisse Christus Dei filius à quo nihil temere, nihil inconsideratè actum vnquam, fuit (quo namque pacto à Diuina sapientia quippiam temere?) Petro concedere, quam alijs omnibus, cur ergo magna ea verborum mole vsus, ad Petrum, inquit. Simon bariona, amen dico tibi, quoniam caro, & sanguis non reuelauit tibi, scilicet, quòd sis Dei filius, sed Pater meus, qui est in caelis: & quoniam tu es Petrus, super hanc petram ædificabo Ecclesiam meam, & portæ inferi non præualebunt aduersus eam, sed tibi dabo clauas regni calorum, ut quodcumque ligaueris super terram, sit ligatum, & in caelis, & quodcumque solueris, sit solutum, videat vnusquisque tam magnam præfationem, consideret datas clauas Petro soli, alijs nequaquam. Potestas verò clauium, ut omnes Theologi dicunt in quarto sententiarum, est potestas iudicandi, & hæc est vna clavis: altera potestas ligandi, & soluendi, cum ergo hæc sint clauas, nullaue mentio fiat eas alijs datas fuisse, sed soli Petro: quis sanè mentis negare audeat, in hac ligandi, & soluendi potestate principem esse Petrum, cui plenè, & perfectè sit data; alijs verò per participationem.

A a

tio-

tionem quandam huiusce potestatis, quæ tota est in Petro, ac ideo posterius datam. Hoc verò magis corroboratur ex his, quæ infra dicturi sumus. Dux alia sunt potestates; de quibus non fit mentio in Euangelij, quòd datæ sint alijs vijs, præterquam Petro, prior est pascendi Christianum gregem, altera discutiendi, & confirmandi dogmata ea, quæ pertinent ad christianam fidem. Quantum ad priorem soli Petro dictum est à Christo non semel, sed ter, qui numerus maximè perfectionem ostendit, magnæque continet sacramenta, quemadmodum etiam Philosophi testantur, vt præteream tot, & tam magnos christianos auctores, obtestatur ergo Christus Petrum per eum amorem, quo præ alijs omnibus ab illo amabatur, vt pasceret oues suas, vt pasceret agnos suos. Potestas hæc pascendi oues Domini, nulli data præterquam Petro, volue totum Euangeliorum codicem, neque verbum comperies. Sed forsasse quispiam ridebit, huiusmodique potestatem nihil esse existimabit, ideo erit operæ pretium, si paululum in hac re morabimur, & perscrutabimur, quæ nam, & qualis sit hæc potestas. Potestatem dedit Christus pascendi oues suas, igitur absque dubio Petrus constitutus est Pastor Christiani gregis. Nam quis nam alius officium habet oues pascendi præterquam Pastor, proportio igitur Petri, eiusque successorum ad populum christianum, est proportio Pastoris ad oues. Non reor posse quempiam in hac re ambigere, adeo perspicua est, ex hoc duo sequuntur, prius quòd Petrus sit Christi Vicarius, seu Christi vicem gerat in terris, alterum quòd quemadmodum omnia, quæ pertinent ad salutem, ad curationem, ad directionem, ouium, seu intra septa detinendæ esse videantur, seu ducendæ, vel curandæ, necnon acie ferri vlcus quarundam rescindendum sit, seu potius à grege reliquo relegendæ non nullæ fuerint Pastoris muneris sunt: ita etiam quæcumque pertinent ad institutionem christianæ gregis in vita christiana, quæcumque ad gubernationem, ad curationem, ceteraque huiusmodi, spectant ad Petrum, & successores Petri, ex quo elicitur, quòd etiam potestas ligandi, & soluendi præcipue, & præ alijs data sit Petro. Quòd prius sequatur Vicarium, scilicet, Christi esse Petrum, comperit omnibus esse potest, qui locum illum, annotauerint Euangelij Ioannis cap. 10. vbi inquit Christus, Ego sum Pastor bonus, & cognosco oues meas; aliasque oues habeo, quæ non sunt de hoc ovili, si Christus Pastor suarum ouium constituit Petrum, item, Pastorem ouium non Petri, sed suarum (non enim, inquit, pascit oues tuas, sed pascit oues meas, item pascit agnos meos) cui non exploratum fuerit, Christum Pastorem esse, & dominum ouium, Petrum Pastorem, tamen non Dominum, à Domino tamen constitutum, vicem ergo gerit Petrus Christi Domini ouium, alterum quoque absque dubio euidenter sequitur; nam cuiusque aliquod munus iniunctum fuerit, utique omnia etiam, quæ pertinent ad id munus iniuncta illi fuisse videri debent. Si ergo munus Pastoris datum est Petro, quæcumque pertinent ad Pastorem, omniique potestas illa tradita sunt

Petro; quamobrem cum coercere, multasque imponere præcipue spectet ad eum, cui commissæ sunt gubernatio, præ alijs ergo data est Petro ligandi, & soluendi potestas, cui rationi adimplatur locus ille Euangelij, de quo à nobis superius est facta mentio, & per Petrum alijs Episcopis participatione quadam, sicuti, & ouium regimen, & potestas coercendi, puniendi vè eos, qui contumaces fuerint, præter has potestates, alia item potestas data est Petro tantum declarandi, scilicet, & discutiendi ea, quæ pertinent ad fidei christianæ Dogmata, cuiusque sententiæ parere ceteri debent. Nolo nunc adducere in hac parte innumeras sanctorum auctoritates, satis nobis sint Christi verba, inquit, ipse apud Luc. cap. 22. Sathanas expetiuit, vt cribraret vos, si aliqua videlicet posset ratione vos remouere à vera fide, ego verò orau pro te Petre, vt non deficiat fides tua, nititur ergo fides Petri Christi oratione; quæ inefficax nulla ratione esse potest, subdit deinde, & tu conuersus confirma fratres tuos, ecce quod cura confirmandi alios, non omnes, non puillos, sed fratres suos, tradita est Dei oraculo tantum Petro non alijs, luce meridiana illustrius ostensum puto ex diuine sapientiæ vocibus ius hoc Romani Pontificis nullo hominum consensu, sed diuinitus ei tributum esse, de industria præterui locum illum in Euangelio Matthæi cap. 18. qui à perisique notatur, ad asserendam nostram, hanc sententiam, vbi scilicet, Petrus Dominum rogauit, quoties dimittendum esset à se peccatum fratri, an vsque ad septies? quoniam mihi videtur potius eò spectare ille locus, vt semper sit danda venia peccanti in se fratri, semperque acceptas iniurias obliuiscendas, quam ad vllam potestatem Petro concessam. Hanc item potestatem concessam fuisse diuinitus Paulo, ex perisique locis epistolarum eius, colligi certissime potest, & primò ex Epistola prima ad Corin. c. 5. Nam tradere hominem Sathanæ ad interitum carnis, vt lucrificaret spiritum, potestatis fuit, venit etiam in virga, vt ex eadem Epist. c. 11. est potestatis, item in Epistola secunda ad Cor. 10. inquit, iuxta potestatem, quæ data est mihi in ædificationem. Episcopos instituere, vt instituit Paulus Timotheum, & Titum, & per eos item alios, potestatis fuit, hos locos notasse tantum, & innuisse sit satis, tute per te alios quoque in memoriam tibi rediges, vereor ego ne noscitur hic libellus modum excedat: iam satis auctoritatibus probatum est diuinitus non hominum consensu Pontifici Romano Petri successori hanc fuisse auctoritatem attributam: nunc paucis explicemus an idem etiam ratio nobis persuasum deat; multitudinem omnem, quæ vna sit, nequaquam posse vnam esse perseuerare, nisi contineatur ab vno, & Philosophi omnes prodidere, & voce ipsius rerum naturæ docemur: nam suapte natura multitudo omnis in plura dilabitur: aliud verò vna est, & vna esse perseuerat, id verò à quo est vna, & in vniione continetur, necesse est vt sit vnum, alioqui ipsam quoque aliena opera indigebit, vt vnum sit: vnde illud Homericum ab Aristotele, vt notissimum prolatum in duodecimo libro prius Philosophiæ. Multitudo principatus

patus mala, vtpote, quæ inepa sit ad continendam vnitatem multitudinis subditorum hominum: cum ergo Ecclesia Christiana vna sit (sicuti enim vna fides est, vnum baptisma, vna vocatio, ita vna Ecclesia, quin potius omnes vnum corpus sumus, inuicemque membra, vt perhibet Apostolus Paulus, sed cur amplius moror? symbolo ab omnibus Christianis pradicatur, se credere vnam esse sanctam Catholicam, & Apostolicam Ecclesiam) indiget ergo vno principe, à quo contineatur; si secus sit confectum dissipari vnitatem necesserit; vni ergo eius gubernationem demandandam fuisse oportuit; nec vllò pacto satis esse potest id, quod Lutherani dicunt, vt hanc rationem vitent, Christum vnum esse, à quo contineatur Ecclesia; nam & si Ecclesia, primò contineatur à Christo Deo optimo, quemadmodum etiam vniuersa rerum natura, est tamen à summa illa bonitate institutum, vt cuique rei pro eius natura prouideatur; cum ergo hominum genus à sensu maximè pendeat, à sensibilibusque hauriat, & disciplinam, & institutionem omnem, indiget ergo homine, quem sentiat, gubernatore, & principe; quin quòd maius videri potest, sacramenta, quibus gratia nobis Diuina confertur, in rebus sensibilibus constituta sunt, sic enim natura humana est, à Deo facta; vni ergo homini hanc gubernationem demandari oportuit, quòd partim pertinet, vt dixi, ad hominis imperfectionem, qui à sensu pendet, partim etiam ad eius perfectionem, & præstantiam; nam hoc pacto ipse sibi quodammodo felicitatis lux est auctor, pro naturæ suæ imbecillitate; vnus ergo homo vni Ecclesiæ prærit, vt ratio à natura nobis indita vnicuique facile suadet; is verò hanc potestatem habere non potest à quouis hominum consensu, seu cœtu, sed diuinitus habet necesse est: nam constituere Vicarium Domini, non pertinet ad quempiam alium nisi ad Dominum. Ecclesia verò Christum habet, cuius sunt omnia, tum quia empti sumus magno pretio, eius, scilicet, sanguine, vt ait Apostolus 1. Cor. cap. 3. ad ipsum ergo pertinet instituire Vicarium sibi, ad nos minimè; nisi ergo velimus fateri defuisse, deesse ve Diuinam prouidentiam gubernationi, ac vnitati Ecclesiæ, cuius ratio persuasit diuinitus Pontifici Petri successori hanc potestatem collatam fuisse; quo fit: vt si nullus esset sacræ paginæ locus, ex quo id alstruere possemus, pium tamen esse credere diuinitus datam fuisse Petro hanc potestatem: sicque per manus, non per præscriptionem ad nos deuenisse; sed cum tam euidentia sint Christi oracula, quæ supra tetigimus, quis amplius in dubium verterit rem tam claram, & omnibus obuiam? at dixerit quispiam fortasse rerum euentus, quæ res tertio loco à nobis proposita fuerat, huic sententiæ non adimplatur;

quin potius nihil magis: nam confectum post Christi Ascensionem cum adhuc Petrus Hierosolymis esset, cuius Urbis Episcopus erat Iacobus, inquit Paulus in epist. ad Gal. c. 2. qui enim operatus est Petro in Apostolatam circumcissionis, operatus est mihi inter gentes. Iacobus erat Hierosolymitanæ Urbis Episcopus, Petrus tamen erat à Deo Apostolus circumcissionis, id est, Iudæorum, quibus tunc præerat, nondum enim Romani venerat; ecce à Deo traditam Petro potestatem quandam, qua Episcopum superabat; nonne illis temporibus, tum Petrus, tum Paulus Episcopos instituebant; de Paulo diximus. Petrus nonne Prodicium creauit Episcopum Patrauinum, cum Romam venisset; dicerem, etiam alios, & per inertiā meam possem libros euoluere, in quibus eorum temporum, Historia continetur; vterque postea Romam venit, ibique sub Nerone Imperatore in Vrbe vniuersi orbis principe martyrio coronati sunt; quibus successit Linus, deinde Clemens, cæterique sanctissimi viri, à quibus plurimos Episcopos creatos fuisse comperies, si eorum vitas perlegeris; itaque semper à probis omnibus Christianis Romana sedes, sedes, inquam Petri, summa veneratio, summa auctoritas est delata. Iactata fuit magnis procellis cum Imperatorum Constantinopolis arrogantia, interdum eius Urbis Antilitum, tum Gothis, ac Longobardis res Italiæ, ac præsertim Romanæ Urbis turbantibus, qui etiam Arrianam hæresim sectati sunt, tamen semper eminuit, ac pristina dignitatem paulò post recuperavit; nec obstat his, quæ diximus, quòd Constantinopolis Imperatores Pontifices Romanos conhrmabant, quasi ab Imperatoribus potestatem haberent, non à Deo: nam nullus sanæ mentis putauerit, potestatem Pontificis, qua gerit vicem Christi, ab Imperatore pendere; sed quoniam Pontifices ab Imperatoribus habuerant Urbis Romæ Imperium, quo res Italiæ maximè nitebantur, ideo præter clerum Romanum, & populum requirebatur etiam Imperatoris suffragium ad Pontificem eligendum: eius tamen auctoritas, quatenus Pontifex est, non princeps Romanus à Deo est, non ab homine aliquo. Cum ergo Historia, ratio, & euidentissima Christi oracula nobis ostendant à Christo Dei filio datam esse Romano Pontifici auctoritatem, & potestatem hanc, qua vicem Christi gerit, nullus nisi pertinax, & qui partes, quas temere suscepit, tueri velit, inficias iuerit. Christiani hominis est fateri, & credere Pontificis potestatem non ab hominum consensu pendere, sed diuinitus prodixisse: longius quam putaram processit Commentariolus hic, quem vnico spiritu conscripsi: tum erit corrigere, ac summam manum ei imponere. Mihi satis sit hucusque laborasse. Vale.



GENNADIJ SCHOLARIJ

Patriarchæ Constantinopolitani.

DE PRIMATV PAPÆ.

*Quinti Capit is in Sancta Oecumenica Florentina
Synodi Decreto contenti*

RESPONSIO.

Gennadius Scholarius nobili progenie Constantinopolitanus, ibidem & Rethoricæ studio, & sacro floruit, primoque gradus occupatus tum Laicos, tum Ecclesiasticos, primum eius Urbis Senator, deinde Patriarcha. Eius tempore durante adhuc Concilio Basileensi Eugenius Quartus Summus Pontifex conuocauit Concilium Generale Ferrariæ, vt tractaretur de Vnione Ecclesiæ Orientalis cum Ecclesia Latina, & Græcos inuitauit, tandemque traxit, reluctantibus quamuis Basileensibus; quod tamen opus inchoatum non potuit absolui propter ingruentem pestem, & translatum est ab eodem Eugenio Florentiam, vbi & absolutum est. Ioannes Palæologus Constantinopolitanus Imperator, Ferrariam euocatus pro Ecclesiæ concordia ex sua etiam parte componenda, eduxit secum viros Ecclesiasticos, Laicosque omni virtutum genere insignes. Inter cæteros ex Clericis Nicænum Bessarionem, & Isidorum Ruthenorum Patriarcham, ex Laicis Georgium Scholarium Senatorem, & alios quosdam, quos non est necesse commemorare, cum in Concilio Florentini actis assatim legantur; cæterum disputationes de fide inter Ecclesiasticos intercesserunt, Laicis, vt mos est, seclusis. Scholarius igitur etsi dignitate multis esset inferior, doctrina tamen nulli erat secundus, vt ex hoc commentario patet, in quo decreta Concilij tuetur. Sed & in eodem Concilio duos libros edidit suæ fidei confessionem in ijs exponendo, quos Imperatori, alijsque in Synodo legendos tradidit, & deinde Parisijs latini facti sunt, atque editi. Præterea ibi etiam tres Orationes composuit, vbi Græcos suos ad vniionem cum Latinis hortatur locupletissimas; nam eloquentiæ palmam huic tribuere tunc Græci videbantur; idcirco ex iussu Imperatoris volumini Concilij actorum insertæ sunt. Celebratum est Concilium prædictum per viginti, & quinque sessiones, quarum sexdecim celebratæ sunt Ferrariæ reliquæ verò Florentiæ. In quibus omnibus disputatum est inter Latinos, & Græcos. Primum de Processione Spiritus Sancti à Filio, & an ritè facta fuerit à Latinis ea additio, Filioque. Secundò de igne Purgatorio. Tertiò de Papæ Principatu. Quartò de Azymo, & fermentato Papæ. Quintò de panis in Eucharistia transmutatione. Quæ tamen disputationes solam contentionem inter Græcos, & Latinos pepererunt, vnde coacti sunt cessare à disputatione, & res citrà vllam controuersiam tractare, & sic vnio facta est earum Ecclesiarum. Ea vnione facta, Imperator cū suis Constantinopolim est reuersus, pius profectò, & Catholicus Princeps. Verùm eo paulò post vita defuncto, in regno successit Constantinus eius frater cognomento Dragafes, non eadem, qua frater erga Romanam Ecclesiam pietate. Opera igitur & suasu Marci Ephesini Episcopi omnia perturbata sunt,

quo-

quoniam nec Græci (vt est eorum leuitas, & vt est in prouerbio Græca fides) conuentus stare voluerunt. Nam Marcus scriptis aduersus Latinos editis à Catholica fide suos abalienauit. Huius temeritatem cum Scholarius ferre non posset; monito Gregorij Protosungeli Patriarchæ omnibus eius capitibus respondit, qui liber imprefus non est, & paucis cognitus. Defuncto Gregorio suffectus est in eius locum Scholarius anno Domini 1452. vt patet ex Chronico Ecclesiastico Onofrij Panuini, factusque est à Georgio Gennadius Græcorum more, qui cum ad Patriarchalem apicem erecti sunt, nomen assument, quod ab eadem litera incipit, quâ proprium paulò diuersius, quàm Romani Pontifices consueuerunt. At ne ijs contentus, scripsit in Patriarchatu librum commentarijs quinque distinctum secundum quinque articulos in Florentino Concilio firmatos, in quibus copiosè eius decreta asserit, Marciq; impudentiam simul, & temeritatem retundit, qui lapis & petra scandali dici potest veluti præcipuus inter Græcos Schismatis Auctor. In tractandis quæstionibus secutus est ordinem in Concilio habitum Gennadius, quæ quinque extiterunt; In qua re oblata est ei occasio omnem eloquentiæ suæ copiam effundendi, non vt in alijs capitibus euenit, quæ acrimoniam tantum postulant disputandi, quamquam vbique eius explendescat oratio. Is hunc librum in Vrbe Constantinopolitana videtur conscripsisse paulò post direptionem eius sub Mahometo Turcarum Imperatore, quam rem ad eò tragicè in quinto deplorat, vt cuiuis lachrymarum excutere posset. Angelus etiam Iustinianus homo Græcus (maximè enim florebat in Græcia hac familia præcipuè in Insula Chio) Gebennensis Episcopus aiebat se legisse Monodiam Gennadij eiusdem argumenti, in qua copiosè explicat, & lamentatur suæ ciuitatis, & gentis interitum, vel magis excidium. Retulit etiam se habere Opusculum D. Thomæ Aquinatis de ente, & essentia ab eodem Auctore in Græcum conuersum, & commentarijs ab eo illustratum, quod apertè indicat eum vel latina calluisse, cum multa ex Latinis Auctoribus in hoc libro adducat. In tractatu de Papæ Primatu citat quedam ex Gratiani Decreto, ex quibus deprehenditur ea sermonis scientia esse vera; quamuis hoc non sit argumentum demonstratiuum, cum Diplobarazius Latinus Iurisconsultus, quamuis Græcus natione, scribit se vidisse Venetijs Gratiani decretum Græcè conscriptum eò allatum à quodam Legato Regis Cypris; nam satis notum est iuniores Græcos complures ex Latinis Scriptoribus in suos vsus verfisse, qui hodie leguntur in Vaticano, & alibi. Robertus Constantinus Gallus in sua Bibliotheca testatur Gennadium hunc scripsisse libros de fide, de Dei cultu, & contra Iudæos, & responsiones pro Christianis, & in Bibliotheca Regia Manuscriptis Parisijs asseruari. Loronico Chalcondyles Atheniensis libro 6. historiæ Turcicæ meminit huius tamquam primas apud Græcos sapientiæ partes obtinentis. Quanti fecerit hunc celeberrimo, ille Bessarion Cardinalis Nicænus ostendit in Epistola quadam ad Græcos de Petri Primatu, in qua eadem ferè leguntur, quæ apud Gennadium conscripta sunt, interdumque ijsdem verbis, vnde quamuis in Bibliotheca nostra adhuc sub litera B, non extat Bessarion, iam extat in Gennadio. Nec dici potest primùm scripsisse Bessarionem, cum eius epistola data sit anno 1463, & Gennadius obierit 1460. secundum Panuini Chronicon, vt liquidò pateat, & tunc apud omnes eius virtutem claram, & celebrem apud prima Græcorum capita extitisse. Vixit ergo Gennadius, obiitque Catholicæ fidei semper propagator, & vindex. Versus est autem in latinum sermonem à Fabio Beneuolentio Senensi ex quatuor Codicibus M. S., quorum primus est aduectus à Creta, Georgij cuiusdam Corinthij viri in Græcis literis non mediocriter eruditi, secundus Marcelli secundi Papæ emptus à Cardinali Pisleto centum aureis, tertius ex Vaticano, quartus vetustior delatus ab Insula Naxo vna ex Cycladibus ad Cardinalem Farneſum communicauit ergo Latinus, & dedicauit Gregorio XIII. Est autem optimus hic liber ad confundendos Græcos obstinatiores in negatione Petri, & Romani Pontificis primatu (vt expertus est Antonius Cauerus Archiepiscopus Corcyrensis Cameræ Apostolicæ Clericus, obiens Episcopi munus apud Orientales Græcos) Luthero, & Caluino, quoniam huic obijcere non possunt, vt alijs quibuscumque cum esse Latinorum assecclam, & in eorum gratiam scribere, cum fuerit Constantinopolitanus Patriarcha, & ab ijs electus, nec quòd Romæ versatus sit, vt sæpè mustitant, cum is occasione Florentini Concilij tantum sit in Italia commoratus, vbi semper Ecclesiæ Romanæ fuit, vt in actis Synodi, & eius orationibus patet. Frustrà autem congeruntur Auctorum lau-

des pro commendatione Gennadij, cum vnum sit pro omnibus, quod doctissimus non à priuato quopiam laudatore, sed ab Vniuerso Concilio nominari meruerit. Leo Allatius de eo Diatribam scripsit. Labbeus dicens cecidisse Patriarchatum, & factum Monachum non habet certum meritum 460. Præter Orationes in Bibliotheca PP. excusas extat Confessio, seu Sermocinatio habita cum Sultano Mahomete II. traducta in linguâ Arabica ab Achmete Bertheæ Prætorum. 4. Bibl. Libellus de articulis fidei ad eundem col. 956. Græcè, & Latine in hæresiologia Gregorio. Hermonymo Spärtano Interprete Basilæ 1556. & Helmstadii 1611. de Prædestinatione Tractatus ad Iosephum Monachum Thessalonicensem Græcè editus Augustæ Vvindclitorum. Orationes in vnum in natura, & trinum in Personis tom. 4. Bibliotheca col. 1056. Græcè, & Latine Venetiis apud Aldum. Expositio literarum in sepulchro Magni Constantinæ excusarum. Sixtus Senensis in sua Bibliotheca habet, quod in lectione antiquorum ita fuit expertus, vt Danielem ex integro exponeret. In defensione quinque Capitum Florentinæ Synodi Romæ typis propagandæ fidei extat tractatus Græcè, & Synodo Florentinæ. Vixit eodem tempore, & alter Georgius Scholarius, qui factus Monachus Gennadii quoque nomen assumpsit hostis Latinorum infensissimus; de quo idem Allatius plura aduersus Cariophilum, & Arcudium alioque, qui cum Gennadio Patriarchæ confundunt. Eius nomine extat à Londinensibus, vt par est credere libellus in lucem editus aduersus Synodum Florentinam petulanter, & inconditè scriptus, indignus qui legatur à cordatis viris. Tanta autem extitit rabies hæreticorum pro libro hoc Defensionis, vt Andreas Riuetus de Cyrillo Alexandrino verba faciens nostrum Gennadium Florentinæ Synodi Defensorem egregium, ac Primatus Romani vindicem personatum Patriarcham, eaque quæ sub eius nomine scripta sunt à Græcis transfusis à Pontifice conductis scripta esse maior ex parte desumpta à D. Thomæ Opusculis aduersus Græcos. Sed nil aliud expectandum erat ab homine vsque ad insaniam, ac rabiem adactum contra Romanum Pontificem, & Ecclesiam Catholicam, à qua vt putridum membrum eiectus fuit. Videatur Allatius.

SECTIO PRIMA.

Quod iuste, verèque dictum sit, Papam caput esse totius Ecclesie Caput.



Ecce nunc quintum, & vltimum decreti caput accedit, vt suam responsionem accipiat, quemadmodum & præcedentia. Ergo quia laborem explicandi, quæ mihi de quatuor primis capitibus viderentur, non defugi, nequaquam decet hoc, aut silentio inuoluere, aut debita responsione fraudare. æquum est igitur omni adhibitio studio, & de hoc capite, quæ dici possunt asserere, ne & ipsum debita sibi careat portione: immò & alijs adiungatur sacrorum patrum, & doctorem diuinis, & theologicis testimonijs communium, vt cumulâtè quod polliciti sumus præstemus. Quidnam verò hoc est? Ecclesie caput, Papæ primatus, quemadmodum sacre synodi decretum, apertè clamat. Præterea decernimus Apostolicam sedem, & Romanum Pontificem in vniuersum Orbem primatum obtinere, eundemque esse beati Petri principis Apostolorum successorem, & ipsius Christi in terris Vicarium patrem, & magistrum omnium Christianorum. Hoc profecto nescio quomodo quis inficiari possit: cum apertissime

Christus, & omnes doctores manifestius, quam si vel tonitruum personaret, hoc ipsum vociferentur. Christus ergo ante suæ passionis tempus ad Philippi Cæsaream pergens, interrogauit Discipulos suos dicens; Matth. 16. [Quem me dicunt homines esse filium hominis?] animaduerte exquisitum theologi sermonis sensum. Nam quando de communibus hominum sententijs percontatur, Apostoli occupant responsionem dicentes per singulos: [Quidam Ioannem Baptistam, alij dicunt Heliam, alij Hieremiam, alij vnum ex Prophetis.] Quando verò de illorum sententia explicanda interrogat; & quam existimationem de eo haberent, cum diceret: [Vos autem quem me esse dicitis;] tunc nemo Apostolorum locutus est, quia ipsi alios præfides erant; Petrus autem ijs, & toti Orbis tetrarum præsidebat. Et ij quidem tamquam præfides aliorum, aliorum sententiam explicabant: At cum Petrus Apostolorum præfides esset, pro illis asserit responsionem. Illi enim primatum velut eiusdem scholæ socij detulerunt: vnde, & audacter Christo responderet: [Magister interrogas quem te dicimus esse, tu es Christus filius Dei viui;] considera magnificam Petri confessionem. Ideò & Saluator ad eum: [Beatus es Simon Bariona, quia caro, & sanguis non reuelauit tibi, non humana sapientia hoc te docuit, neque ab hominibus didicisti, sed Pater meus qui in Cælis est;] hanc tibi admirabilem theologiam reuelauit. [Pater igitur meus te docuit; ego autem tibi dico, quod tu es Petrus,

eris; & super hanc petram ædificabo Ecclesiam meam; & portæ inferi non præualebunt aduersus eam;] neque hic substitit, immò progrediens dicit; [& dabo tibi clauēs regni cælorum, & quæcumque ligaueris super terram, erunt ligata, & in cælis. & quæcumque solueris super terram, erunt soluta, & in cælis. Quis ergo se christianum professus hæc abnegabit. nisi fortè christianissimum exueret velic.

SECTIO II.

Sed quid huic obijciunt, qui id oppugnant ad omnes, hoc dixit Christus vbi dicit; Io. 20. [Accipite Spiritum sanctum: quorum remiseritis peccata, remittentur eis, quorū retinueritis, retenta sunt.] Et alibi; Luc. 10. [Ecce dedi vobis potestatem calcandi suprà serpentes & scorpiones, & super omnem virtutem inimici.] Et rursus, Mar. 16. [Euntes in Mundum vniuersum prædicate Evangelium omni creature.] Et alibi, Matr. 16. Quæcumque ligaueritis super terram erunt ligata & in cælo, & quæcumque solueritis super terram erunt soluta, & in cælis.] Hæc & nos confitemur; dicimusque quod in commune hos constituit Magistros Orbis terrarum, & omnibus gratiam tribuit peccata dimittendi, quoniam vsque ad Orbis terminos ipsos destinauit, necesse enim erat, eos habere potestatem baptizandi, docendi, prædicandi, & omnibus gentibus dicendi quæ opus esset. Cæterum erat vtile, vel potius necessarium hos caput habere, vt inter eos esset ordo & caput, ne sine capite aberrarent, vnde confusio magis oriretur quàm vnio, ex quo dissolutio, & ordinis perturbatio esset consecuta, quia vbi non est ordo, ibi dissolutio; nam ordinis perturbatio dissolutionis principium. Gregorius cognomento Theologus id confirmat, nam mundanos principatus videmus perturbari, discindi: atque aboleri quando inter se iuncti non sunt, quoniam si duo de primatu regna decerent: vtrumque exinguitur, hoc & Saluator dixit, Luc. 11. [Omne, inquit, Regnum in se ipsum diuisum desolabitur.] Igitur in commune ad omnes hoc Christus dixit (nemo negabit hoc) sed scorsum Petro. [Tu es Petrus, & super hanc petram ædificabo Ecclesiam meam, & reliqua, ne oriretur inter eos diuisio, vt diximus, ac perturbatio. Si ergo ea vera sunt, quod mundanæ potestates quando diuisæ sunt, intereunt, & dilabuntur, quomodo Christus debuit Ecclesiæ suam omittere sine Capite? vt confusio sequeretur, & ex confusione destrueretur. Sed vti supra omnem ordinem positus, & vti existens is, qui ordinem constituit, voluit, & ordine suam societatem, videlicet Ecclesiasticam contineri. Et vti ipse in terris erat caput; Dominus: & magister discipulorum; & Pater, & Pastor, sic eam decreuisset ad paternum thronum ascendere, Petrum præfatum ipsi constituit patrem, & magistrum, vt vno verbo dicam suum Vicarium, ac successorem. Ostendit autem, & alibi ante suam passionem, se principatum, primatum, & Petro tradidisse, vbi dicit, Luc. 22. Petre sæpius expetiuit Sata-

nas vos erubere, sicut triticum, ego autem rogavi pro te, vt non deficiat fides tua, & tu aliquando conuersus confirma fratres tuos. Audis hoc, ego rogavi pro te, & illud. Tu aliquando conuersus confirma fratres tuos, quid tibi videtur scilicet confirmare fratres? nisi eum esse illorum Principem, & eos confirmare. Et alibi, Matth. 16. [Idem ostendit dicens Simon vade ad mare, & mitte hamum, & cum pisce, qui primus ascenderit, tolle, & aperiens os eius, inuenies staterem, illum sumens da pro me & te, ex eo cognouerunt discipuli Petrum ipsi principem præfuisse. Hæc Christus ipse antequam pateretur, enunciauit, vt dictum est. Post resurrectionem autem (vt Ioanni conitui filio videtur, qui scripsit Euangelium) Petrus intuens in iucundissimū Domini vultum, inquit, Domine quid placet tibi vt ego faciam? Iesus interrogauit hunc tēr, Petre amas me, & in vnaquaq; interrogatione Pastore illis designauit, dicens: [Pisce agnos meos, Pisce oues meas qui terna interrogatione constitutus,] ait, vbertim flens, Domine tu scis omnia, tu scis quia amo te, cuius Dominus triplici interrogatione, voluit triplici abnegationi mederi. Postea terræ constituit ipsum pastorem & magistrum. Idque multis ostendemus rationibus, & testibus, præcipue verò Ioanues Damasci oculus in vita Barlaam, & Isaphat Indorum testatur ita dicens. Ausugit hosti-diabolus ob Petri poenitentiam pudore suffusus, at ille rursus Princeps electus erat, veluti terræ magister, Id & sapientis Leo Imperator in exapostiliarijs dicit, partim quidem post diuinam resurrectionem ter, [Petre, amas me,] interrogans Dominus suum, ouium constituit pastorem. Partim verò Simoni oues tradidit ad pascendum, vt charitatem mutuum rependeret, requirens ab eo curam pascendi, & ideo dixit. Petre si amas me, pascite agnos meos.] Petrus verò intelligens, quod magnum est primatus, & multæ virtutis egens, vidensque Ioannem, quem valde Christus diligebat: qui sequebatur, ait, Hic autem quid? quasi verò dicens me Domine, & magister designas caput discipulorum, hunc autem ante dilectum, quid inbes esse? qui & petijt ab eo sedere à dextris, & antequam peteret, curauit à matre id fieri, vt vel à dextris? vel à sinistris collocaret ipsum in gloria Saluatoris, ex quibus aperte colligitur hic cathedræ primatus, quod si de cælesti cathedra, doctores hoc intellexerunt, tamen, & hoc pacto possumus interpretari. Sed ne cui occasione præberetur exponendi, quod de omnibus dixit discipulis, quæcumque solueritis, & quæcumque ligaueritis, respondet Dominus velut cum increpans. Petre sic eum volo manere, donec rursus veniam, quid ad te? tu sequere me. Nam sequere, nil aliud ostendit, nisi sequere me hoc baculo pastoralis, ac veluti quando ego vobiscum eram, custodiebam vos, cum pater essem vester, caput & magister, sic, & tu sis pro me, & sequere me in hoc principatu, docens, & confirmans fratres tuos, te enim in terra esse volo pro me. Ideoque manet vsque ad hanc diem & manebit Petrus Christum sequendo per successores suos, vt in orationis progressu declarabitur, ex his

Saluator suam mentem ostendit, vt dictum est, antequam pateretur, & post resurrectionem.

SECTIO III.

Ceterum sancti patres, & acta œcumenicorum conciliorum manifestissime idem comprobant, quid igitur iure aduersus hæc potestis afferre? nisi forte id quod à multis audio prædicari, quod hi vitam Petri non viuunt, nam ille pauper, hi verò sunt diuites, & aliud vitæ genus nunc Papa ducit, quam Petrus, quomodo est ergo successor eius? duo animaduerto hic reprehendi, quæ omitti non possunt. Primum, quod ille, pauper erat: hic diues. Secundum, aliud genus vitæ viuere illi, aliud hic. Ad primum quidem illis sic respondendum est, scilicet quod opes, & ea quæ possidet, non ipse sibi comparauit, neque per vim ab aliquo extorsit, sed ante multas ætates, & annos, non tantum ante schisma, & diuisionem Ecclesiarum, sed paulò post Christi assumptionem in cælum, & ante sanctam magnam, & primam synodum, magnus Constantinus Imperator inuictus, Siluestro sanctissimo, summoque Pontifici largitus est, quemadmodum in edicto continetur. & in sacris canonum libris inuenitur. At & nos id ad verbum apponemus, ne aliud videamus afferre, quam propria eius verba sonant.

Decretum inuicti Imperatoris, & Magni Constantini ad Sanctissimum Siluestrum Romanum Papam.

AEquum esse iudicamus vna cum omnibus sacerdotibus nostris, & vniuerso senatu, optimatibus & cuncto populo Imperio Romanæ gloriæ subiacenti, vt sicut sanctus Petrus Vicarius ex persona filij Dei est constitutus in terris, ita & Episcopi successores Principis Apostolorum, ampliorem principatus potestatem, quam regnum gloriæ nostræ habeat; obtineant. Hoc & à nobis & à nostro concessum est Imperio. Et volumus ipsum principem Apostolorum, & successores ipsius ex eius persona, primos apud Deum esse patres, & defensores. Et sicut nostra Imperialis potestas in terris colitur, & honoratur, ita eius sanctam Romanam Ecclesiam veneranter honorari decernimus, & amplius quam nostrum imperium, terrenumque thronum. Sedem sacratissimam B. Petri gloriose exaltari. Sancimus etiam, vt principatum teneat tam super quatuor sedes, Alexandrinam, Antiochenam, Hierosolymitanam, Constantinopolitanam, quam etiam super omnes in vniuerso Orbe terrarum Ecclesias Dei. Et Pontifex, qui per tempora ipsius Sanctæ Ecclesiæ extiterit, celsior, & princeps cunctis Sacerdotibus totius mundi existat. Et eius iudicio, quæ ad cultum Dei, vel fidem christianorum; vel stabilitatem procuranda fuerint, disponantur. [Æquum est enim, vt ibi diuina lex obtineat apicem, & primum

vbi sanctus legislator Christus Iesus Saluator noster misso Beato Petro iussit cathedram tenere, & vbi crucis paribulum passus est, & beatæ mortis calicem bibit, vestigijs inherendo sui, nostrique magistri, & ibi gentes capita inclinare propter confessionem nominis Christi, vbi eorum magister beatus Paulus protensa ceruice propter Christum, coronam martyrij suscepit, & vt vsque ad mundi consummationem ibi quærant magistrum, vbi sanctorum suorum reliquiæ conqutescunt, & ibi proueniunt. & in terram procedentes cælestis regis Dei, & Saluatoris nostri Iesu Christi ministerijs inferuiamus, vbi seruiimus illi superbo regi.] Tradimus igitur, ipsis sanctis Apostolis beatis Petro, & Paulo & post hos beato Siluestro, & omnibus successoribus eius, qui vsque ad consummationem mundi ascensuri sunt ad sedem beati Petri ab hoc die palatium imperij nostri Lateranense, quod omnibus mundi palatii præfertur; & supereminet, deinde diadema suæ coronam capitis nostri, simulque, & lorum, necnon, & superhumeralia quod imperiale afolet circumdare collum, verum etiam claudem purpuream, atque tunica in coccineâ, imperialia indumenta, seu etiam dignitatem imperialem præfidentium equitum, conferentes ei etiam imperialia sceptrâ, simulque cuncta signa, & banda; & reliqua ornamenta imperialis culminis, & gloriam potestatis nostræ. Viris etiam diuersi ordinis Reuerendiss. Clericis sanctæ Romanæ Ecclesiæ seruentibus, illud culmen singularis potentie, & præcellentiæ habere sancimus: cuius amplissimus noster Senatus videtur gloria adornari, id est patricios, & consules effici, necnon, & cæteris dignitatibus imperialibus eos promulgamus decorari. Et sicut imperialis est decorata militia, ita Clerum sanctæ Romanæ Ecclesiæ adornari decernimus, & quemadmodum imperialis potentia diuersis officijs cubiculariorum, necnon & hostiariorum atque omnium excubitorum, ita & sanctam Romanam Ecclesiam decorari volumus. Et vt amplissime pontificale decus præfulgeat, decernimus, vt clericis eiusdem Romanæ Ecclesiæ linteaminibus, id est caudidissimo colore decoratos equos equitent, & sicut noster senatus calceamentis vtatur; siue scandalij albo ex linteamine, ita & cælestia sicut terrena ad laudem Dei decorentur. Præ omnibus autem licentiam tribuimus; & concedimus Beato Siluestro Episcopo Papæ Romanæ Urbis, & successoribus eius Beatis Episcopis ad honorem, & gloriam Dei & Saluatoris nostri Iesu Christi, & magnæ Apostolicæ Ecclesiæ, vt si quis senator proprio consilio clericare voluerit, & in religiosorum numero clericorum connumerari in magna, & Apostolica Ecclesia, nullus ex omnibus præsumat impedire. Præterea decernimus, vt ipse religiosissimus pater Siluester magnus Episcopus, & eius successores omnes Episcopi ferant diadema, suæ coronam; quam ex capite nostro ipsi tradidimus ex auro purissimo, & preciosis margaritis, vt ipsi ad ornatum capitis vtantur ad laudem Dei, & honorem sanctorum Apostolorum. Ipse verò Beatus Papa Siluester sub corona, suæ papalithria, quam habebat ad gloriam Dei, & sancti Petri, no-

luit

Inic ferre coronam ex auro, & margaritis, & ideo quia ipse noluit ex auro coronam, nos splendidiss. lorum: quod significat sanctam resurrectionem capiti sancto eius, nostris manibus imposuimus, & tenentes frznum equi ipsius pro reuerentia Beati Petri, stratoris officium illi exhibuimus, statuentes eodem loco, omnes eius successores singulariter uti in processionibus ad imitationem imperij nostri. Vade vt pontificalis apex non vilescat, sed magis, quàm terreni imperij dignitatis, gloria & potentia decoretur: ecce tam palatium nostrum, vt prædiximus, quàm Romanam Urbem, & omnes Italiæ, siue occidentalium regionum prouincias, loca, ciuitates, castra Beatissimo Pontifici, & patri nostro, & vniuersali Papæ Siluestro tradidimus, atque reliquimus ipsi, & successoribus eius potestatem, & robur firmitum imperialis iustionis. Et per hoc diuinum iussum, & pragmaticum constitutum sanctis Patribus Romanæ Ecclesiæ in perpetui decernimus permanenda. Vnde congruum persequimus nostrum imperium, & regni potestatem ad Orientales transferri regiones, & in Byzantiæ Prouinciæ optimo loco nomini nostro ciuitatem ædificari, & nostrum illic imperium constitui, quoniam vbi principatus Sacerdotum, & Christianæ religionis caput, ab Imperatore cælesti constitutum est, iustum non est vt illic Imperator terrenus habeat potestatem: Huius verò imperialis decreti paginam proprijs manibus roborantes, super venerandas reliquias sancti Apostoli, & Principis Petri posuimus, & ibi iurauimus hæc omnia inconcussa seruare; & successores nostros, Imperatores in archiuijs nostris hæc custodire, tradidimus patri nostro sancto, & vniuersali Episcopo, & Papæ, & per eum omnibus successoribus eius Episcopis, Domino, & Salvatore nostro Iesu Christo annuente, iubemus omnia, quæ supra scripta sunt firmiter in secula obseruari.

SECTIO IV.

Vides quo pacto inuictus Imperator, magnus dico Constantinus is fuit, qui largitus est: quæ nunc ab Ecclesiâ possidentur; quodque neque per vim accepit, neque alicuius extorsit; & quod cuncta ad honorem, & gloriam Cælestis Regis terrenus consecrauit? quodque omni reuerentia, & pietate, adhibita liberalissimè Ecclesiæ donauit? ea accepit Siluester duas potissimum ob causas; vnam quidem propter fidei feruorem, & Imperatoris propositum, ne eius animi pietatem scandalizaret si munus reieciisset: alteram, vt Ecclesiæ reuerentiam apud omnes excitaret, quæ egestate premebatur, & persecutioni patiebatur, & contemnebatur ab impijs tyrannis, & Imperatoribus, qui Constantinum præcesserant, ad hæc vt terrena potestate fruere, quoniam complures habebat aduersarios, & tunc, & in præsentia habet, spirituales, & mundanos, qui mentem habet intelligat. Nam in egestate constituta, denuò fuisse exagitata, vt sub Constantino euenit, & Izuior consecuta esset persecutio, quam tunc sub quibusdam, qui palam quidem

Christianismum profitebantur, clam verò Græcam religionem amplecebantur: negantes penitus Christi in carne præsentiam, & apulique tentantes eam imminuere, & ad nihilum redigere. Tertiam quoque responsum merito adiungemus: quod primi admirabiles Summi Pontifices multò ante prouiderunt; & omnium primus beatus Siluester, scilicet quod in extremis diebus apud homines fides imminuenda foret; nec eundem feruorem, & reuerentiam habitura, quam iam inde à principio obtinebat inops, & egens Christi Ecclesiæ; quodque habentes præualituri forent, non habentes autem pro nihilo futuros propter decreuerunt, vt aliquid haberet ad sumptus faciendos Ecclesiæ, ne ab illo contemneretur. Quicumque enim Romanam Ecclesiam conspexerint, vt ipse conspexi; qualemque reuerentiam terræ Reges, & Principes esse conferentes ipsi exhibent, ij profecto eum testantur me vera dicere; nam si inops esset, in nullo prorsus honore haberetur apud eos, qui inani gloria tantum permouentur, & per vim coli volunt. Quid ergo? ideo non est Ecclesiæ, & hac de causa nõ debemus obediunt, & honorem ei præstare, quod opulenta est, & potestatem magnam habet? absit tanta absurditas. Nam, & Christum in similibus, qui mendicus natus est, & mendicitate exercuit, & inopiam prædicauit. Postea, docuit se esse terræ Regem sempiternum. Et rursum Matth. 28. [Data est mihi omnis potestas in Cælo, & in terra.] Et iterum, Matth. 13. [Quando veniet filius hominis in potestate sua.] Num dices hæc vera non esse? minimè profecto, minimè. Itaque Ecclesiæ contigit, vt sponso eius Christo, scilicet inopem esse genitam ex infertus uosa Iudæorum synagoga; paulatim verò effectam diutem ex aqua videlicet, & spiritu; nunc autem opulentam, magnamque potentiam consecutam. Ad secundum quod Summi Pontifices in præsentia, Petri vitam non viuunt, respondendum, quamquam asperum alicui dictum videbitur; si prædixem, fratres, Romæ Sedis inculcatis; cur non, & inculcatis orientis Pontifices; qui veterum Pontificum, & Apostolorum vitam non viuunt? Hoc est Alexandrinum, qui non viuunt sicuti Marcus; Antiochenum, sicut Ignatius cognomine Deifer; Hierosolymitanum sicut Iacobus, qui fuit Domini frater; Constantinopolitanum sicut Andreas Protocletus; sed Romanum tantum reprehendere vultis. Quanam id de causa? quia Latinus, & barbam radit, atque quarta feria, & Parasceue oleum, ac pisces comedit. Hæc igitur sunt quæ carpere scitis, avaritiam, ebrietatem, insecitiam necitis carpere. [Si peccatores, vt vos arbitramini, sunt Romani Pontifices, quid ad vos? non nostro est disquirere, & damnare nostros Principes. Propheta aperte clamante: [Principi populi tui non maledices.] Sed nec insurgere aduersus pastorem ouibus licet, audimus enim dicentem Dominum: [Super cathedram Moysis sederunt scribæ, & Pharisei: omnia quæcumque dixerint vobis facere, facite; secundum verò opera eorum nolite facere.] Quoniam poterant, & illi Domino respondere; non tenemur Pontificibus obedire, quamuis in Moysis cathedra sedent, quia sunt peccatores.

res. At id non dixerunt, sciebant enim quod in cathedra Moysis sedebant, ostendit eos potestatem Moysis habere, quamquam essent peccatores, & Moysis vitam non viuerent, quod Propheta, & sancti non erant sicuti Moyses, ita & illi beati Petri Sedem regunt, potestatemque illius habent; ac veluti principum gerentes, & domini iubent, nos verò subijciunt. Sin autem vitam Petri non vident, in villicationis die, rationem verbo reddent: at nos pro illis non reddemus, quod enim eis nos debemus, agimus, & obedientiam pro virili exhibemus. Beatum Gregorium audire dicentem orat. 7. [Ones pastores nolite pacere, neque ultra fines vestros insurgere: satis est vobis si bene pascamini.]

SECTIO V.

Sed ut penitus os vobis obstruam, ostendere vobis ex testimonio sanctorum Doctorum Ecclesie incipiamus, quòd Romana Ecclesia alias antecellat, & Monarchiam obtinet, tamquam inter ceteras potior, atque excellior. Inquit Anacletus: [Sacrosancta, Romana, & Apostolica Ecclesia non ab Apostolis sed ab ipso Domino, & Salvatore nostro Primatum obtinuit, sicut Beato Petro Apostolo dixit: [Tu es Petrus, & super hanc petram edificabo Ecclesiam meam;] quam Beatissimi Apostoli Petrus, & Paulus suo martyrio consecrarunt.] Dignus Marcellus ita scribit: [Rogamus vos ut non aliud doceatis, & sentiat, quàm quod à Beato Petro, & reliquis Apostolis, & Patribus accepistis. Ipse enim est caput totius Ecclesie: cui ait Dominus, [Tu es Petrus, & super hanc petram edificabo Ecclesiam meam;] eius enim sedes primitus apud vos fuit, quæ postea iubente Domino Romam translata est: cui administrante gratia diuina hodierna presidemus. die.] Item Leo Papa ait: [Cum Beatissimus Petrus Apostolus à Domino acceperit principatum, & Romana Ecclesia in eius remaneat institutis; nefas est credere, quòd Sanctus Episcopus discipulus illius Marcus, qui Alexandriam primus gubernauit Ecclesiam, alijs regulis, & traditionibus sua decreta firmauerit: cum sine dubio de eodem fonte gratia vnus spiritus discipuli fuerit, & Magistri nec aliud ordinatus tradere potius, quàm quod ab ordinatore suscepit. Præterea hoc decreto Constantini confirmatur, quod in Canonicis constitutionibus legitur, in quo præter alia multa, & hoc habetur: [Decernentes sanctimus, ut sacrosancta Romana Ecclesia principatum teneat, tam super quatuor sedes Alexandrinam, Antiochenam, Hierosolymitanam, Constantinopolitanam, quàm etiam super omnes in vniuerso orbe terrarum Ecclesias. Deinde ex quo colligere possumus eum Romanam Ecclesiam veluti principem omnibus præponere, cui non solum Antiochia, Ecclesia, verum etiam Constantinopolitana, & reliquæ commendantur.] Gregorius dialogis ita dicit: [Constantinopolitana Ecclesia Sedi Apostolicæ subiecta est.] Item in Synodo Constantinopolitana Constantinus, inquit, civitatis Episcopum habere oportet primatus honorem post Romanum Episcopum. Ad hæc

Anacletus dicit: [Romana Sedes primatu Dei gratia exornatur, quæ à Domino, non ab alio eum cepit, & sicut cardine ostium regitur, sic huius Apostolicæ sanctæ Sedis auctoritate omnes Ecclesie Domino disponente reguntur.] Item Callistus dicit: [Non decet à capite membra discedere, sed iuxta Scripturæ testimonium, omnia membra, caput sequantur, nulli verò dubium est, quòd Apostolica Sedes mater sit omnium Ecclesiarum, à cuius regulis nullatenus nos conuenit deuiare.] Item Gregorius dist. 19. & Nulli aperte dicit: [Nulli fas est vel velle, vel posse transgredi Apostolicæ Sedis præcepta, nec nostræ dispositionis ministerium. Sic ergo nostræ sine dolore prostratus, quisquis Apostolicis voluerit contraire decretis; nec totum deinceps inter Sacerdotes habeat, sed exors fiat à sancto mysterio.] Item Cyrianus sanctissimus dicit: [Quicumque Petri Cathedram, in qua Ecclesia fundatur, dereliquerit, in ea ulterius esse non audeat.] Item Nicolaus Summus Pontifex ita scribit: [Romanam Ecclesiam solus Christus fundauit, & supra petram fidei mox nascentis erexit; qui beato Petro æternæ vite Clauigero, terreni simul, & cœlestis imperij iura commisit.] Non ergo quolibet terrena sapientia, sed illud Verbum, quod constitutum est cœlum, & terra, per quod denique omnia condita sunt elementa, Romanam fundauit Ecclesiam. Illius certè priuilegio fungitur, cuius auctoritate fulcitur: vnde non dubium est, quia quisquis eni libet Ecclesie ius suum detrahit, iniustitiam facit: qui autem Romanæ Ecclesie priuilegium ab ipso summo omnium Ecclesiarum capite trahit, auferre conatur, hic procul dubio in hæresim labiatur: cum ille vocetur iniustus, hic est dicendus hæreticus. Fidem quippe violat, qui aduersus eam agit, quæ est mater fidei. Item Pelagius addit: turpissimum esse scilicet, quod homines eodem modo ab alienigenis potestatibus conterantur, & canonicæ scripturæ auctoritas, & antiquorum canonum veritas doceat. Qui igitur ab Ecclesiastica Sede scinditur, in schismate ipsum esse demo ambigit: quodque aduersus Romanam, & Oecumenicam Ecclesiam conatur mensam erigere, & ut schismaticum est Romanam Ecclesiam pro capite non habere, sic & hæreticum iura eius auferre. Apertum est enim, quod quicumque ab unitate fidei, vel societate Petri Apostoli quodlibet modo semetipsum separauerit, tales nec vinculis peccatorum absolui, nec iam possunt Regni Cœlestis ingredi. Et hæc quidem Occidentales Patres Doctores sine tergiversatione sic vti vides, & aperte pronunciant. Secundum hos: Orientales Doctores in testes adducimus; eosque inter se consensu manifestissime comprobabimus.

SECTIO VI.

Et primus Damasci præclarum lumen accedat, hic enim in oratione in Domini transfigurationem à se conscripta, cuius principium est: Eia festum diem celebramus, à Deo cara societas; post alia multa sic de proposita questione discribit. Ut homo quidem

inter-

interrogationem proponit: ut verò Deus la-
teenter ostendit, qui proximè secutus est,
quem sua præcognitione prædestinavit di-
gnum Ecclesiæ præsidem, hunc tamquam
Deus inspirat, & per eum loquitur. Qualis
autem est interrogatio? quem me dicitis esse?
at Petrus ardenti incensus zelo, & sancto
actus Spiritu; respondit: [Tu es Christus fi-
lius Dei viui.] O beatum os, o labia felicis-
sima. Et paulò post: Hæc est fides recta, &
inconcussa super quam, ut super petram Ec-
clesia est firmata, ex qua dignè cognomen
accepisti, hanc portæ inferi hæreticorum ora-
dæmonum machinamenta incurionibus ve-
xabunt, at non præualebunt: armis oppu-
gnabunt, at non vastabunt, tela infantium
sunt, & erunt eorum vulnera, languescunt il-
lorum linguæ, & in ipsos conuertentur, sibi
ipsi perniciem struit, qui se opponit veritati,
hanc ipse suo redemit sanguine; tibi verò ut
fidissimo seruo in manus tradit, hanc incon-
cussam, & mergi nesciam tuis precibus serua;
quia numquam subuertetur, numquam vasta-
bitur; secunda fiducia Christus dixit à quo Cæ-
lum firmatum est, terra fundata, & manet
inconcussa; nam verbo Cæli firmati sunt. Et
paulò post Christum deprecatur, qui te Regni
clauigerum prædicaui, qui peccata ligare,
& soluere est elargitus, & post alia quædam
rursus dicit, sed cur Petrum, Ioannem, &
Iacobum assumpti? Petrum, ut verè offen-
deret testimonium à Patre testificatum, ver-
baque à se dicta comprobaret, quemadmo-
dum Pater cælestis ei reuelauit; & ut eum, qui
princeps futurus erat, & totius Ecclesiæ cla-
uum suscepit. Animaduertis quod Petri,
ut prædici, & totius Ecclesiæ principatum ob-
tinenti clauum tradidit? profecto surdo aspi-
di, & aures obturanti sunt similes; qui neque
audire volunt, nec videre. Nimirum inquirunt,
at Petro tantum hoc datum est, sed non eius
successoribus, hoc ut à fatuis prolaturum ver-
bum, omnique sensus expertibus, silentio
præterire oportebat; quoniam nulla planè
indiget responsione. Sed in gratiam eorum,
qui volunt eos strenuè propellere, id ipsi ut
omnis incitæ refertum resellamus; alioquin
si id concesserimus, Catholicam Fidem sub-
uerteremus, & Christum falsum prædicasse di-
cemus, & alia insinuit absurda inde sequen-
tur: si Christi fides vsque ad Petrum, & cæ-
teros Apostolos perdurauit; postea verò non;
si Petro tantum, & Apostolis tradita est, at
non eius successoribus. O stultitiam nimis
apertam, o mentem peruersam; quomodo
Synodi sunt constitutæ in Ecclesiæ subsidium?
quomodo Canones Synodales instituti sunt,
si potestatem non habuerunt? quomodo Ma-
gnus Constantinensis obedienciam Siluestro ex-
hibuit in omnibus tamquam Petro? ut antea
ex eius decreto scriptum est: quomodo Ro-
manorum Imperator Alexandro Papæ incli-
nata ceruice collum eius pedi submisit, cum
diceret: [Super aspidem, & basilicum ambu-
labis, & conculcabis leonem, & draconem;]
at ille respondit: [Non tibi, sed Petro obedi-
entiam exhibeo.] Et Pontifex, [I & mihi,
& Petro.] Quomodo igitur non erubescitis
hec pronuncians? quomodo Hæretici à Sum-
mo Pontifice fuisse expulsi, à sacrisque Con-
cilij, si vsque ad Apostolos Ecclesia valui-

Tom XIII.

set; postea verò non? quomodo hæc non di-
xerunt, qui per temporum vices hostes, &
inimici Ecclesiæ Dei extiterunt, Hæretici ni-
mirum: illi enim ab æcumenica Ecclesia pulsi,
& exagitati, hoc dicere non audebant; vos
verò hæc afferentes illorum defensionem sus-
cipere videmini. Oportet igitur Arium, &
Macedonium, Nestorium, Dioscorum, Se-
uerum, cæterosque impij illius cætus hæreti-
cos refugere, gratiasque vobis reddere, &
obnoxios esse, quia quod illis ne in mentem
veniam, vos eorum suscepta defensione
assertis. Sed quod multa, & infinitæ ab-
surditates hinc oriuntur, & cæcis est manife-
stum, ideòque satis de his.

S E C T I O VII.

Afferemus etiam alia testimonia, & sen-
tentias sanctorum Doctorem Ecclesiæ,
apertè comprobantur propositam à nobis
quæstionem, quod Pontifex Romanus totius
Ecclesiæ caput est, & magister, & ipsi tantum
datum est iudicare, & de fide inquirere, & or-
dinare totum Orbem terrarum, atque Hæreti-
cos sedibus pellere, & orthodoxos restitue-
re. Ac primum vobis sententiam latam con-
tra sacrum Chrysostomum in hoc testem ad-
ducemus: qua iniuste damnatus est ab ijs,
qui Constantinopolitanas res gerebant, &
exilio multatus: cuius rei Innocentius Papa
certior factus, Imperatorem cum vxore, cæ-
terisque Sacerdotibus, & Pastoribus excom-
municationi subiecit; ea cõditione nisi Chry-
sostomum in suam sedem reuocaret; nam de
Chrysostomo lata sententia, & in gratiam
Eudoxiæ damnato in Cucullum Armeniæ op-
pidum, acerbò exilio ablegarunt, quam rem
is ad Innocentium sanctissimum Romanum
Pontificem detulit; non enim habebant aliò
quò confugerent Orientales Pontifices, nisi
ad Romanum Pontificem, cum iniurijs affi-
cerentur: dictum Domini ad Petrum in me-
moriæ renocantes: [Et tu aliquando con-
uerfus confirma fratres tuos.] Quam ob rem
Dinus Innocentius sacra Ioannis acceptis li-
teris, Constantinopolim scribit, ut Ioannem
in suam sedem restituant; quibus dicto non
parentibus, ac Ioanne vita functo, iterum ad
Arcadium & Eudoxium Imperatores literas
scribit huius exempli.

Epistola Innocentijs Papæ.

Vox sanguinis Ioannis fratris mei ad
Deum clamat aduersum te o Impera-
tor, ut olim iniusti Abel, contra fratricidam
Cain, sed omni ratione vindicabitur, neque
ide commissisti tantum, verum etiam pacis tem-
pore persecutionem magnam, in Ecclesiam
Dei, & Sanctos eius institui, magnum ter-
ræ Doctorem è sua sede idemnatum pellendo:
Christum etiam vni cum eo infectus, neque
verò vicem eius doleo, quia is hereditatem
accepit cum sanctis Apostolis in Dei Salu-
toris nostri Iesu Christi regno; quanquam non
ferenda est ea iactura: Sed animo angor, pri-
mum reputans salutem animarum vestrarum,
postea ob eos, qui illo destituuntur; & elu-

Bb 2

runt

riunt suæ sapientissimæ doctrinæ præceptis, ac monitis imbui, neque solum Constantinopolitana ciuitas detrimentum sensit eius mellifluz lingue, sed & omnis occidentalis plaga est viduata, eo amisso diuino viro; vnus mulierculæ suauis, quæ hanc voluit excitari tragœdiam. Verumtamen huius mundi vltionem ea non effugiet; & æternam postea paucis diebus intericis sentiet, decedendo, quamuis enim beatus Ioannes hanc vitam, reliquerit fidem tuendo, & fluctuantes confirmando, in sempiterna tamen secula inextinguitam gloriam, atque immortalē est consecutus. At hæc noua Eudoxia sensim erroris nouacula te abradens, aduersus semet maledictionem comparauit ex ore multorum, vincendo onus peccatorum graue, atque intollerandum; hoc præterea adiuncto proximè perpetratis facinoribus. Ideo ego peccator, & niminus, vt cui Sedes est credita magni Petri Apostoli interdico tibi, & illi participatione intemeratorum mysteriorum Christi Dei nostri. Præterea qualemcumque Episcopum, vel Clericum in ordinibus constitutum sanctæ Dei Ecclesiæ, qui ausus fuerit auxilium præbere, & communicare vobiscum, ex quo tempore legitis præsens vinculum, deponi iubeo. Quod si vos vt potestatem habentes, alicui vim inferetis, & transgressi fueritis canones vobis traditos à Salvatore per sanctos Apostolos: Scitote quod non ad paruū vobis, imputabitur peccatum in tremenda die iudicii, quando non poterit vlla dignitas mundana prodesse, & quæ latent in omnium conspectum, auspicenda fundentur. Arfacium verò, quem vos in Sedem Episcopalem pro magno Ioanne induxistis, post mortem etiam deponimus cum omnibus eiusdem sectæ Episcopis, atque socijs. Indignus enim est tamquam adulter Episcopatus: nam omnis plantatio, quam non plantauit Pater meus Cælestis, eradicabitur, nec nomen illius in sacris voluminibus inscribitur. Theophili depositioni addimus excommunicationem, anathematizationem, & plenam à Christianismo separationem. Animaduertis ex hoc loco auctoritatem illius diuinæ sedis? quod non solum viuentem deposuit Arfacium, verum etiam defunctum. Arfacium dicit, quem in sedem Ioannis induxistis, & defunctum, deponimus, quod idem est, ac si dixisset, nolimus eum Pontificem in libro inscribi in futuro iudicio; nam in eo facile iubemus Ioannem aureum Constantinopolitanum Pontificem esse nunc, & in futurum; Arfacium nullo pacto. At Theophili Alexandrini depositione (eo quod in Synodo Thessalonice coacta, in Eudoxiæ gratiam curauit vt damnaretur, & in exilium pelleretur Chrysostomus) non fuit contentus diuinus hic Summus Pontifex, quamquam Synodalis erat ea depositio, eamque Legatis adiecit excommunicationem (ò malum) & pœnam à Christianismo separationem: ò rem admirabilem: eum qui semel baptizatus est in nomine sanctæ Trinitatis, & in Christianismo albo inscriptus, hic de libro delet, & exiit Christianismo. Hoc liquido ostendit potestatem, quam habet ea diuina sedes. Si ergo, vt vos creditis Petro tantum tradita est, non eius successoribus, quoniam pacto Theophilus, Arfacius, Arca-

dus, Eudoxia, & cæteri à Romano Pontifice depositi, & damnati non responderunt; tuas reprehensiones non æstimamus; quod Petro tantum non tibi datum est id, at id quidem non potuerunt, nec dicere ausi sunt; immò veniam errorum ab eo petierunt. Sed hoc plane sufficit, vt arbitror ad comprobandum Petri, & reliquorum Apostolorum successores eandem potestatem obtinere, neque minorem horum successores.

SECTIO VIII.

Nunc ad alias probationes, & indubitata testimonia accedemus, quod is, & non alius caput est plenitudinis Ecclesiæ ex epistola Imperatoris ad Epiphaniū Constantinopolis Patriarcham in sancta Synodo Truli ab ipso coacta, cuius principium, Imperator Iustinianus Augustus. [Cum recta, & inculpata religio, quam proficitur, & prædicat sancta Dei Catholica, & Apostolica Ecclesia nullo modo innouationē admittat, nos doctrinam sanctorum Apostolorum, & eorum, qui post illos in sanctis Dei Ecclesijs versati sunt, sequentes, æquum esse existimauimus notam, & testatam omnibus spem, quæ in nobis est relinquere, & cætera eiusdem epistolæ, in qua aperte perpicitur fides, & confessio ipsius erga Catholicā Ecclesiā.] Postea in sequenti alia epistola, cuius principium, Idem Imperator Epiphanio sanctissimo, & beatissimo Archiepiscopo huius Regiæ Vrbs, & Occumenico Patriarchæ hæc scribit: [Cū tuam sanctitatem scire velimus, omnia, quæ ad Ecclesiasticum statum pertinent, necessariū esse duximus hac epistola eidem significare; & per eam eidem aperire, quæ innouata sunt, quæ, & eandem scire confidimus.] Nam cum hic quosdam alienos à sancta Catholica, & Apostolica Ecclesia inuenerimus, sectantes errorem impiorum Nestorij, & Eutyphetis, & eorum blasphemij vs, diuinum pronulgauimus edictum, quod, & tua sanctitas nouit, quo hæreticorum insaniam confutauimus, eum nihil penitus immutauerimus, vel mutemus, vel transgrediamur Ecclesiastici status, qui hucusque Deo fauente perdurat, vt tuæ notum est beatitudini: sed per omnia seruauimus statum vnionis sanctissimarum Ecclesiarum, quæ cum sanctissimo Papa, & Patriarcha veteris Romæ transacta est; ad quem his consentanea conscripsimus, numquam enim seremus, quin omnia ad statum Ecclesiasticum pertinentia, ad illius beatitudinem, vt ad caput sanctissimorum Dei Sacerdotum deferantur. Et quia quoties in his partibus hæretici exorti sunt, sententia, & iudicio illius venerandæ Sedis, sunt repressi; licet, & nobis dicere sic, & concludere, quod omnes, qui volunt, & habent ipsum pro capite sancti sunt, & veri Dei Sacerdotes, & serui fideles; qui verò nolunt neque habent eum pro capite, non sunt Dei Sacerdotes. Ita enim sacra illa Synodus decreuit, cilm, dicit, [vt capiti omnium sanctissimorum Sacerdotum Dei.] Quod verò iudicium omne Ecclesiæ Dei in eo situm sit, audi, quod quoties in his partibus orientabilibus scilicet, hæretici exorti sunt, iudicio, & sententia,

cuius

eius sunt repressi. Quare, qui cum non sequeatur, schismatici sunt, & in hæresim delabuntur. Ideo cuncta quæ agunt adulterina sunt, & inutilia. Huius rei testis est S. Synodus Carthaginensis in epistola, quam sancta Synodus Carthaginensis, & magnus Cyprianus ad Iouianum dedit, cuius est principium: [Cum in vnum conuenissemus dilecti fratres, inquit, cum sit vnum baptisma, vnus Spiritus sanctus, vna Ecclesia, viuine fundata super Petrum Apostolum iam inde à principio, vt Christus Dominus noster dixit; propterea omnia, quæ ab ipsis scilicet schismaticis, & hæreticis arguntur, falsa, stulta, inania, & adulterina sunt.] Audis quod adulterina, & inania vocat, quæ præter iussionem eius sunt gesta? sic cum ab omni parte fides exagigaretur, inde præsidium parabatur. Anastasius sancti Maximi discipulus inquit: [Cum fides concordissimè ab omnibus exagigaretur, nisi speciali gratia opem tulerit, qui semper succurrit, femine religionis apud veterem Romanam nobis relicto, ad confirmandam promissionem mentiri nesciam, quæ facta est Principi Apostolorum.] Quænam est promissio, quæ facta est Principi si nostri, illud est: [ego oraui pro te, vt non deficiat fides tua, & illud, confirma fratres tuos, & illud; portæ inferi non præualebunt aduersus eam.] Ex disputatione sancti Maximi cum Theodosio quodā Cæsare Episcopo. Theodosius. Excipe vocem, neque scruteris illius sensum. [Maximus nouas profectio, & ab Ecclesia alienas de vocibus inducitis leges, si secundum vos non opus est scripturarum, & patrum voces scrutari; totam scripturam, abijicimus veterem, & nouam.] Audiui enim Dauid Psal. 118. dicentem: [Beati qui scrutantur testimonia eius; in toto corde exquirent eum,] & iterum, Psal. 129. [mirabilia testimonia tua; ideo scrutata est ea anima mea.] & Dominus in Euangelij Ioan. 5. [Scrutimini inquit, scripturas. Certior ergo, fiat Dominus meus, quia non feram excipere vocem sine sensu, qui in ea latet, ne fiam manifeste iudeus. Theodosius: [Si quid dixerint patres dico, & id scriptura facio, duas naturas, duas voluntates, duas operationes: ingredi nobiscum adiungere, & vnio fiet.] Maximus: [Domine non audeo hac de re à vobis capere assensionem, cum sim simplex monachus. Sed quoniam pupugit vos Deus, exciperetis sanctorum Patrum voces, vt Canon docet, Romam de hac re scribite, vel Imperator, vel Patriarcha, vel Synodus, quæ ibi est.] Et post alias neque vitabit Imperator, vel Patriarcha imitari Dei humilitatem, inter seque concorditer constituit, synodali petitione ad Romanum Pontificem transmissa, omnino si reperiat ratio Ecclesiastica, quæ id concedat ob rectam fidei confessionem, conuenite super hoc inter vos.

S E C T I O IX.

Vides tu non vis Petri successores eandem cum Petro potestatem habere, quomodo non alius ex Patriarchis potest de fide, diquirere, & ordinare tantum nisi Romanus Papa? quod pacto hæc auderet dicere, impu-

deter blasphemare? Nam hæc vobis solum audire exhorresco, ne dum asserere scilicet, quod Christi fides vsque ad Petrum permansit. Post Petrum, & vsque ad hanc diem: non permansit. Vos verò qua ratione id dicatis, quod totum est blasphemia, mirum est; quoniam si hoc concesserimus, tota fides diabitur, & perit. O tuam patientiam Christe Rex; quomodo tuam fidem, & Ecclesiam tuam permisisisti Petro tantum, at non eius successoribus? Quomodo hucusque administrata est; quomodo sumus baptizati, quomodo Synodi constitutæ, quomodo hæretici ciecti, quomodo Ecclesia illustrata est, capite sublato? Quomodo Ecclesia hucusque perdurasset, (dicam fortasse audacius) nisi omnino caput habuisset, & potestatem, & vnum Pastorem, & Regem secundum Euangelicam vocem: Ioan. 16. [vnum ouile eius, & vnus Pastor. multis capitibus res non eget, vbi Pastores vni non subiiciuntur, destrunt magis, quam construunt; & subuertunt propè potius, quam dirigunt.] Quomodo Saluator ait; Mach. 28. [Ecce Ego vobiscum sum omnibus diebus vsque ad seculi consumationem.] Non enim vsque ad seculi consumationem in hac vita, Petrus mansurus erat. Quare per hoc verbum manere, hic in præsentī seculo declaratur Christum manere vnā cum successoribus Petri, cæterisque Apostolis. Legite, & scitote, & attentè audite, quod qui hoc dicunt, Catholicam fidem, & Oecumenicas Synodos evertunt, omniaque, quæ sancti tradiderunt, & docuerunt, inania, & stulta efficiunt. Legite acta synodalia, & percipite ex ijs Ecclesiæ caput, ac Petri monarchiam; quoniam, in eius successoribus manet. An nescitis Ephesinam Synodum latronis more à Dioscoro Patriarcha Alexandrino conuocatum, & à luenali Hierosolymitano, & ab alijs eiusdem sectæ Episcopis, contra veram fidem Flauiani Constantinopolitani Patriarchæ, sanctissimum Leonem Papam illum diuinum solum eam disijcisse, & anathemati supposituisse? epistolamque misisse ad Chalcedonem. S. Synodum perferendam; qua accepta illam S. Synodum orthodoxæ fidei columnam eam vocasse? & secundum eam de propostis questionibus iudicasse, Episcoposque acclamasse, æterna Leonis memoria, vt Leo credit, ita nos credimus: vt Leo docet, ita nos predicamus. Ac dum Synodus celebraretur Eutychanistas monachos à Marciano Imperatore petijisse, vt Synodus disijceretur, & symbolum Nicænum fuisset: nihilque præterea quereretur; ab eisque sanctam Synodum postulas, vt epistola sanctissimi Leonis subscriberent, ac non obtemperantes, vt hæreticos condemnasse? Vides, & audis quod Oecumenica sancta Synodus sexcentorum triginta patrum, nil egit aliud, quam quod sanctissimus Leo Papa docuit solus? Quodque hæretici disijcere Synodum conati, synodus postulat, vt vel Leonis epistolæ subscriberent, vel anathemate ferirent: cui non parentes anathematizati sunt: quomodo igitur vsque ad Petrum mansit? postea non. Nam Leo quingentos propè annos à Petro vixit. Quomodo Athanasius ad Iulium, Chrysostomus ad Innocentium, Ignatius III. ad Nicolaum, Theodoretus ad Leonem, Maximus ad

Mar.

Martinum, & cæteris, orientis Sacerdotes eieci, ac suis sedibus pulsi, vel ipsi venientes confugerut, vel literas dantes significauerunt; vnde literis acceptis suas sedes receperunt; nisi ij Summum Pontificem, ac Petri successorem agnouissent; vt qui poterat eis esse praesidio? quomodo Reges, & Principes inspectis Papæ litteris tacuissent, ac illis permississent suas recipere sedes, quibus expulsi sunt, si Petri tantum potestas fuisset, non eius successorum? Satis igitur, vt arbitror, ostensum est, quod non solum ad Petrum tantum, verum etiam ad eius successores eadem potestas extenditur, vsque ad huius seculi consummationem.

SECTIO X.

O Stendetur præterea quod sine illius assensu, non potest Oecumenica Synodus, vel omnino vocari Synodus, vel auctoritatem habere; quod in multis quidem alijs licet inquiri, vt in præcedentibus exposuimus, & in sequentibus exponemus: præcipue vero in vita sancti Stephani iunioris, de quo Metaphrastes diligenter scribit vigesima tertia die Nouembriis, vbi Dius Stephanus ab hæreticis accusatus, quod eorum se non subijceret Synodo, quam antea condiderunt contra venerandas, & sanctas Imagines, cum eum subscribere decreto cogerent ab ipsis promulgato: legit mihi, inquit, vestrum decretum, cœperuntque dicere, decretum sanctæ, & Oecumenicæ sextæ Synodi: ne progressus vltius, facer Stephanus magna voce clamauit: Quomodo sanctam vocare audetis vestram Synodum, quæ sancta prophanauit? Ipsa enim in suis actis constituit non vocare Apostolos, & martyres Sanctos. Sed quo pergis? ad eadem Apostolorum, ad templum Diui Georgij martyris; vnde venis? ab æde quadragesima martyrum. Propter ea dicit diuinus vir, quomodo vestram Synagogam sanctam vocare audetis, cum ea sancta violarit: neque vult Sanctos vocare Sanctos? ò magnam inscitiam. A. Apostolos Dei, & Saluatoris nostri Iesu Christi non vultis vocare sanctos, & vestrum satellitium aduersus Ecclesiam coactum vocatis sanctum; quo pacto Oecumenica appellabitur vnquam, in qua Romanus Praefes non praesuit? sine cuius assensu non possumus res ecclesiasticas ordinare. Intelligis Oecumenicam Synodum non posse vocari, nisi Romanus Pontifex eam constituat: ac sine eo impossibile esse res ecclesiasticas ordinari? quomodo ergo vos hæc non percipitis? quoniam peritos videre, atque audire non vultis. Et ideo quia semel cor vestrum falsa credulitate imbutum est, non potestis audire veritatem, vel cernere. Maximus præterea ab hæreticis exagitatus veterem Romam se contulit, vbi Martinum, sanctissimum Papam nostrum est, quem die decima tertia Martij, & facta Ecclesia pro sancto colit: quam de causâ quia illum Ecclesiæ Caput esse agnoscebat, eo confugit, ex eo loco epistolam confertit ad Marinum Cypri presbyterum, cuius principium, diuina lege secundum Deum locupletatus Pater venerande; subdit paulo post, ex synodalibus actis

Martini sanctissimi Papæ nostri, de quo nunquam scripsisset, vt de sanctissimo Papa, nisi Dominum totius Ecclesiæ cognouisset, eaque de causa rogauit, vt synodum suorum Episcoporum cogeret, & impij dogmatis auctores anathematizaret, qui vnâ tantum voluntatem in Christo esse conuiciabantur; hoc in Synaxario apud sanctum Maximum scriptum est, legat quilibet die decimatertia Augusti. Si ergo vt vos arbitramini, is non est, qui possit ordinare, inquirere, confirmare, dirigere, administrare Ecclesiam Dei, vt gubernator dirigit nauim quomodo hæc gesta sunt? & alia multa his similia, quæ propter sermonis prolixitatem omittimus; nam si de ijs voluerimus dicere, in illis exponendis tempus nobis deerit. Quomodo cum ipsos excommunicationi subiecisset, qui ab eo anathematizati sunt, non contradixerunt, quamquam essent Episcopi, Patriarchæ, Archiepiscopi; sed tanquam patri obtemperantes paruenerunt nunc vero & qui neque ante pedes posita cernunt, contradicunt: quos ego Ecclesiæ aduersarios, hostes & inimicos esse iudico, & conspiratores aduersus Apostolicos, & synodales Canones, qui rectè docuerunt nos Ecclesiæ subijci oportere. Nam statim à principio 133. Iustitiani nouella: Sanctimus, inquit, secundum Sanctorum decreta sanctissimum veteris Romæ Papam primum esse omnium Sacerdotum. Constantinopolitanum vero secundum locum obtinere post Apostolicam Sedem. Præterea quintus Canon Sardienis Synodi eodem modo eadem scribit: etiam, Anastasius sancti Maximi discipulus, post historiam sancti Maximi, post quædam alia, inquit: Ad hæc & Martini Papæ sanctissimi & Capituli Apostolici, & martyris totius Ecclesiæ Occidentalis Principis. Item magnus Gregorius Theologus in Epitaphio in magnam Basilium, inquit, quod eius ætatis Papa duos Episcopos misit Luciferum, & Eusebium ad Ecclesiam Celsæ Cappadociæ pacificandam; quomodo in Orientem misisset ad Ecclesias componendas nisi Principes, & Gubernator fuisset totius Orbis terrarum? Præterea Anatolius Constantinopolitanus Patriarcha à Dioscoro hæretico electus. Sanctissimus vero Leo Papa in epistola ad Marcianum Imperatorem post alia multa ait: Electionem Anatolij Patriarchæ nulla habita, quæstione omisimus, eo quod orthodoxæ fidei se adiunxit. Ecce ex hoc deprehenditur, quod si Anatolius Dioscori hæresim sequutus esset, ab eo vtiq; fuisset iudicatus: nec valeret contradicere: nam is erat Constantinopolitanus Patriarcha, & si huius Iudex, ergo & exterorum, Alexandrini, Antiocheni, Hierosolymitani; itaque omnium Iudex: Agapetus Papa præterea ipsemet Constantinopolim est profectus, vbi Anthimum Trapezuntium, qui erat Constantinopolitanus Patriarcha, sed hæreticus, sede deiecit, in locumque eius sanctissimum Menam successe. Vnde hoc? nisi quod in omnes obtinet imperium, & quia iam inde ab initio id Apostolo Petro à Deo tributum est, & successoribus eius. Proculus præterea de Romani Pontificis assensu in Sedem Patriarchalem euectus est, secundum Zonaram. Ecce ostensum est Romanum Pontificem de Anthimo Constantinopolitano iudi-

dicasse: Leo sanctissimus Dioscorum Alexandrinum, & Iuvenalem Hierosolymitanum condemnauit, & vt de hæreticis iudicium tulerit, Felix sanctissimus, Petrum Antiochenum deposuit, & anathemati subiecit. Quamobrem cum Romanus sit Summus Pontifex in omnes Patriarchales Sedes obtinet Principatum: quomodo ergo tunc, nunc verò non? nemo dicere hoc audebit. Sed tunc, & nunc, & vsque ad seculi consummationem habebit imperium. Et vt planè intelligatis nos vera dicere, & quam habeat potestatem ea diuina Sedes, ad verbum Felicis epistolam adiungemus, quæ sic habet.

SECTIO XI.

*Gloriosissimo & serenissimo filio Zenoni
Augusto Felix Episcopus in
Domino salutem.*

TVA humanitati ea significari oportet, quæ rerum ordo postulat, quod & significari par est in utilitatem serenitatis imperij tui, ac veluti adesse rogo, vt meas preces admittas apud amicas, & rectas aures tuas, tamquam Christianissimum Imperatorem, nulloque pacto pietas tua existimet nos alium magis beneuolentia, quam te prosequi, eo tamen excepto, qui te cupit cum Deo pacem habere. Quoniam tu fidei corde permotus de temporalis Sedis potestate non ambigis, atque æternæ vitæ retributionem ex superna voluntate pendere arbitraris, à mea paritate suscipere digneris venerabilem, & diuinam, Beatissimi Petri Principis Apostolorum confessionem; cui cum regni clauis tradita sint, Christianissimo imperio tuo præparabit in Cælis cum Angelis mansionem: qui cum primus incommutabilem, & inculpam in Dominum nostrum Iesum Christum fidem declarasset, ab ipso Salvatore beatificatus est; nam cum dixisset ad Dominum, Tu es Christus filius Dei viui, responsum ab eo tulit, Beatus es Simon Bariona, quia caro, & sanguis non reuelauit tibi, sed Pater meus, qui in Cælis est; & super hanc confessionem tuam ædificabo Ecclesiam meam, & portæ inferi non præualebunt aduersus eam; vt ex ea tolleretur, unde suum cognomen accepit, quod est Christus Iesus & Deus, omnipotentis filius. Petrus progenitus diaboli filius, cum indigne se in Antiochenam sanctam Dei Ecclesiam insinuauit, & Pontificiam Sedem Ignatii martyris coinquinauit, qui Petri dextra Pontificatum accepit, & Eustachij Confessoris, & Præsidis 313. sanctorum Patrum, qui apud Nicæam coacti sunt: ausus est dicere non oportere Christum vocare filium Dei, secundum diuinam Saluatoris sanctionem, diuinarumque Scripturarum traditionem, & Patrum expositionem; sed vnum ex Trinitate passionem pro nobis sustinuisse secundum diuinitatis essentiam, veluti Arius, Apollinaris, & Eunomius tradiderunt: his verbis adiutis salutiferam humanitatem conuellere, secundum quam Christum passionem sustinuit. Fecit etiam, & vnus ex nostris tamquam de semine Abraham progenitus

multiplicitatem Deorum inuexisse: nam sanctus veterum tres Deos inducit, mortuum, & vnum, duosque viuos, abolet autem, & consubstantialem, sanctasque Synodos reddit irritas, Nicænam, Constantinopolitanam, & Chalcedonensem. Quin & Mariæ Virginitatem non recipere reperitur. Si enim verbum ex ea internatam non suscepit humanitatem, quid Virgine opus est? Luc. 1. [Cum Gabriel dixit ad illam, quod ex te nasceretur sanctum, vocabitur filius Dei, & dabit ei Dominus Sedem David Patris eius.] Præter hæc impia, & contumeliosa facinora cum adulteraret trisagium conatus sit addendo crucifixus propter nos, & infinitas absurditates rem adduxit. Ac quamuis sapius à nobis, & à tua in Christo fraternitate sit monitus, & Orientalibus, & ab Acacio Archiepiscopo vestræ Regiæ Urbis, & Christi amice conuertere se nunquam voluit. Propterea nunc sancta Dei Ecclesia ex materno affectu non cessat tamquam ad præcipium eius filium verba faciens dicere. O Christi amice Imperator, culcus nostri vitium, quo vincuntur fideles, dissolui ne patiaris, Christi Domini, & vnigeniti Filij tui cognomen non permittas violari; sanctissimum hymnodiam, quæ & urbem vestram seruauit periclitantem, tamquam ab Angelis traditam inuiolatam, conserua. Petrum Arrianus superstitionis sectatorem ab Antiochena Ecclesia deturba. Ioan. 29. [Quamobrem Petrus mea fide abrogata scindit Mundi consensum? quanam de causa Petrus scindit tunicam meam desuper contextam? Deus Pater Principi Apostolorum præcepit, quomodo vocari suum Filium oporteret.] ad Cor. 1. 2. [Vnigenitus in Petri confessione fundauit me.] Spiritus sanctus quotidie testatur mihi dicens: ne quid iudices scire, nisi Iesum Christum, eumque crucifixum. Inimici inobedientes, dolosi, extra vineam positi vnigenitum Dei filium mactantes, & lapidantes, & ligno Crucis affligentes, eius vestem non diuiserunt, & Petrus vestem meam discindet? Portæ inferi non præualebunt aduersus me, & Petrus conatur meum parietem demoliri? Ego religiosissime Imperator te regno pulsum reduxi: improbos, & meis dogmatibus non parentes pro tuo funere tradidi, & potentia tibi viam reueraui; inimicos vnà cum corum impio dogmate deiecti, antiquum tibi imperium à Deo imptatui, qui in Cælis regnat, à quo imperium accepisti. Respice ad tuum prædecessorem, Imperatorem Marcianum, cuiusque fidem libens amplectere: hæreticam Petri tyrannidem radicibus quamprimum euellere, Valentinianum, Eurychetisque discipulum ab arce deiectum; & ab Ecclesiastica administratione, simulque & à Sacerdotali dignitate præcipitari decernite. Reputa tecum o Maxime legitime fili, & inuicte Imperator, quam certa vltione Chalcedonenis Synodus sit vindicata, & quæ pena de tuo hoste sumpta; libera populos ab hæretica Petri doctrina; hac tecum legatione fungitur sancta Dei Catholica, Apostolica Ecclesia: & ab ea ob iam expostas causas depositum in posterum in communionem ne recipiatis, vestrisque diuinis literis, vt paries inter eum, & Antiochenam Ecclesiam, intercedat, efficiat. In locum verò illius virum

suu.

sufficite; qui operibus Sacerdotium exornet; ac neque sit custos Chalcedonensis sanctæ Synodi, suorumque decretorum. Omnipotens Deus imperium vestrum semper in pace custodiat.

SECTIO XII.

Vides potestatem, quam obtinet ea divina Sedes? audis quo pacto induit non solum Petri personam, verum etiam ipsius Iesu Christi? cum dicit Petrus fidei meæ tunica scindit. Inspicite igitur, & videte sedulo totam epistolam, & agnoscite auctoritatem Romanæ Ecclesiæ, adiungamini illi & vos, nec veritati aduersamini, quamvis enim ex persona Ecclesiæ loquatur, id est ramen, qui Ecclesiam dirigit, ac gubernat. Addimus etiam præter hæc Orientalium Doctorum testimonia. Cyrillus Beatus Alexandriæ Archiepiscopus in thesauris ita scribit: Quod oportet nos tamquam membra Caput sequi, id est, Romanum Pontificem, & Apostolicam Sedem, à qua debemus petere quid credere, & sentire debemus, ac teneri: quia ipsius tantum est consuetudo, dirigere, redarguere, confirmare, ordinare, solvere, & ligare. Audis tu, qui Cyrillo contradicis? nostri officij esse, vt membra corpus, ita & nos Apostolicam Sedem sequi: quodque ad eam solum pertinet dirigere, & gubernare Catholicam Dei Ecclesiam. Si ergo ita scribit, vt sentit scribit. Si sic sentiebat, ita & agebat. Si is obedientiam, & reuerentiam tunc Romano Pontifici exhibebat, quis contradicit, nisi indoctus fortasse, vel stultus. Hæc igitur mecum reputanti subit mihi vehementer ridere, seu despectu potius, ac vicem eorum dolere, qui sponte oculos comprimunt aduersus lucem; nec veritatem sustinent audire. Quis est, qui negat confessionem sublimi voce ab Ecclesiâ decantatam, siue fidei Symbolum? in quo aperte confitemur vnam sanctam Catholicam, & Apostolicam Ecclesiam in omnis terræ partibus disseminatam? hanc nemo vnquam dixerit vnam, nisi cæteræ omnes tamquam membra coagmentatæ secundum Beatum Paulum, eam veluti Caput sequantur, quæ omnia simul iuncta vnum constituunt corpus: & vt secundum eundem Apostolum, ad Cor. 12. [Non potest pes, vel manus, vel aliud corporis membrum capiti dicere, non opus habere te; ita nec cæteræ Ecclesiæ, Romanæ possunt Ecclesiæ dicere, non indigemus te.] Omnes ab illa auctoritatem capiunt, & omnes ab illa confirmantur: testabuntur id omnes Doctorum Scripturæ. Illa namque vt Caput omnia membra recognoscens, & de omnibus æque sollicita, vt quod in supremâ situm sit parte, moerret si membrum aliquod langueat; curamque illius gerit, & ad sanitatem perducit, vt dictum est. Inquit enim, & aperte clamat, ad Cor. 12. [Quis infirmatur & ego non infirmor? quis scandalizatur? & ego non vror? Si vero membrum aliquod abscindatur, marcescit & male olet; sed exap (quod aliqui nec laboribus; nec cruciatibus cedit) minime lædit.] Oportet autem qui Symbolum, confitentur, & vnam Ecclesiam prædicant, nosse qualisnam ea sit, vna sancta, & Apostoli-

ca Ecclesia, ea est aut Occidentalis, aut Orientalis, quod idem est, ac si dicas Latina, vel Græca; alia namque præter has non reperitur: alia enim præter has superstitiones sunt, falsæ synagoga, & hæresibus referta. Enumera diligenter & vide, quod si Græcorum arbitraris Ecclesiam esse hanc, quam Symbolum designat, in nihilum Petri confessionem concludis; aduersus quam portas inferi non præualiturus professus est Christus; nam omnis Græcorum Ecclesia, immò verò totus Oriens à Mahomete aborsus est: nonne videmus omnes Patriarchas, atque Episcopos, ac Sacerdotes in potestatem venisse Mahometis? & ab eo petere Sacerdotij facultatem? & pedibus eius aduoluntur, & pro eo etiam iuuiti deprecantur? in quo loco collocabis, Portæ inferi, id est hæreticorum ora aduersus Christi Ecclesiam non præualebunt? eo loco, vbi non solum ora hæreticorum dominantur illi; sed etiam impij, & alienigenæ imperium tenent? eo loco vbi nec sacrificare tuto possis, nec nola, vel tintinnabulum nec crucis signum apparet? eo loco vbi nemo libere potest dulce Christi nomen proferre? Si verò protrulerit, in duas partes discinditur? eo loco, vbi si Sacerdotes sacrificantes inuenti fuerint, Christi hostes ingrediuntur, atque substant? proterunt altaria, & profanant; & sancta projiciunt, & plagas Sacerdotibus infligunt, & protrudunt, & derident Christianorum religionem? nequaquam. Sed ibi oportet esse, vbi Christi signum refulget, & Ecclesiæ exornantur, nola, imagines, & altaria omnia, magno cum cultu conspiciuntur, & adorantur; & Sacerdotibus eminus reuerenter assurgunt populi. Ibi vbi palam Christi fides prædicatur, ibi vbi tetra reges, & Principes venientes ad sacra loca inspicenda, & Apostolorum capita adoranda, vnâ cum illis, & præsidem eorum Pontificem adorant, & eius pedibus aduoluntur. Marc. 16. ibi vbi festi dies, psalmodiæ præces sine metu celebrantur, Vbi nemo reformidat ibi quemquam aduersari: Ibi vbi summus pontifex, doctores & prædicatores in omnem terram dimittit ad prædicandum, & annunciandum verbum Dei; Christi imitatione immò Saluatoris nostri vices in terris gerens. Nam sicut in Apostolis dixit, ecce mitto vos, euntes in mundum vniuersum prædicare Euangelium omni creaturæ, ita, & hic in vniuersum orbem magistros mittit magna cum cura, qui non solum ad Christianos proficiuntur; sed etiam ad omnes gentes, vel ex Sancti Francisci ordine, vel Dominici, vel ex alia regula. Ergo ibi Ecclesiam constituitur, vbi non est hæresis, nec iniquitas, neque infidelitas: immò verò firma fides, & inconcussa. At non ita apud Orientales, Vbi abundat iniquitas, & infidelitas. Nec meus sermo est hic, sed Theodorus Studites prodeat, & dicat hoc testimonium, quod nemo poterit inficiari in decima quinta catechesi, quam legitis quidem, at non intelligitis, quia non vultis. Videtur enim Doctor hic aduersus oppugnatores imaginum pugnare; quando dicit. Audio autem quod Romæ, Principis Apostolorum Petri clauas proponuntur ad adorandum, atque in honore haderi; quamquam non clauas sensibiles Dominus ei tradidit: sed intellectuales ad ligandum,

gandum, & soluendum, ac illi argenteas populo proponunt ad adorandum. Tantra igitur apud eos est fides, & ibi solida Petra fidei, secundum Dei verbum fundata. Hic verò ut videtur, abundat infidelitas, ac improbitas. Vides quodd, & beatus hic, ibi consistit solida fides, nec in Petro tantum, sed & in eius successoribus. Hæc quidem cum audiaris, & videatis, nec possitis contra resistere, velut aduersus refulgens, & coruscans lumen veritatis, ad ea confugitis, quæ nefas est dicere; scilicet peccatorem esse Romanum Pontificem, & carnalibus voluptatibus inferuentem, & ideo nolle vos honorem, & reuerentiam debitam exhibere.

SECTIO XIII.

AC tamen si his, in præcedentibus responderimus, exactius rursum vobis dicimus, quodd aperte mendaces estis. Nam non quia peccator est refugitis ei obedire: sed quia Latinus est, & barbam tondet. Si enim illum vitaretis propter peccatum, vosmetipsos vitaretis, quia estis peccatores. Quomodo ergo nobis eum iudicare, vestros verò non iudicatis omnes ne Orientis Sacerdotes sancti sunt? vos hoc non potestis demonstrare. Non ergo illum tanquam peccatorem deuitatis, quia nec vos sine peccato estis. Sed quia Latinus, & ab opinionibus vestris euariet. Vos namque Latinos tanquam à fide alienos existimatis, & ab eis refugere tanquam à facie serpentum simpliciores edocetis: idque liquido patet. Ac quis ex Latinis videtur sanctus, vos hunc salutare non vultis: immò verò maledicta ingeritis. Græcos quamuis flagitiosissimos, & stultissimos, si solum aduersus Latinos dicant, omnium sanctissimos arbitramini. Inter alios quidem multos, quemdam qui vocatur Palamas, & Ephesi Marcum, hominem, nec satis mentis competentem, fide timidum sapientiæ ostentatorem; nulla virtute, vel sanctitate subnixos, quia loquuntur solum, & scribunt contra Latinos extollitis, & celebratis, eorumque imagines exornatis; festumque agentes diem colitis, ac veluti sanctos adoratis. Latinos verò quamvis iam pridem Ecclesia pro sanctis colendos duxerit, vos incessanter blasphematis. Ita & de summo Pontifice facitis: nam illum omnino Christianum esse non existimatis, quia Latinus. Id enim sub dentibus stridetis maledictis incessentes; & eorum, qui rerum potuerunt, metum reueriti, ad aliud quasi aranei ymbra confugitis, eum peccatorem appellantes, ac cætera conuicia effundentes. Ioann. 8. [Cauete ne id audiat: Qui vestrum est sine peccato, primus lapidem tollat; id est, qui peccatum non commisit, incipiat iudicare de peccato: & non iudicate, vt non iudicemini. Ne capietis occasionem fratres, in peccatis.] Matth. 8. [non est officii vestri de peccatis principum vestrorum inquirere; doctores omnibus aperte clamantibus, & Ioanne lingua aurea in multis quidem orationibus, & in oratione, cuius est titulus, quod oportet colere suos magistros spirituales, non maledicere illis. Principium

orationis,] Nulla res ad loquendi licentiam magis allicit, paulo post inquit: Si qui patri vel matri maledicunt parentibus secundum, cernem, ex lege morte moriuntur, quali nam dignus erit pena, qui virum spiritualem magis, quam multi parentes necessarium, audeat maledictis incensere? non reformidans ne terra dehiscens, ipsum de medio tollat; vel fulmen cælo demissum maledicani linguam adurat. Audistis quid Moysi sorori contigerit, cum fratrem suum accusasset, & principem, quomodo impura facta est, & in lepram incidit, maximamque infamiam subiit? fratreque de ea sollicito, Deumque deprecante veniam non impetrauit? & paulo post; & Deum placare non potuit, sed magnam poenam perpeffa est: vt intelligamus quam magnum crimen fit principes redarguere, & de aliorum vita iudicare. Et post pauca: Si in carnalibus parentibus ita, quanto magis in spiritualibus parentibus hanc seruare legem oportet, & vnumquemque in vita laborare, & sollicitum esse, ne in illa die audiamus, [Matth. 7.] hypocrita, cur festucam vides in oculo fratris tui, trabem verò in oculo tuo non vides? & statim postea, cum Principes à subditis colantur, id ipsi obijciunt, vt Heli dixit Deus: cœpi te ex domo patris tui. [Regum 1. 20.] Si verò contumelia afficiantur, vt in Samuele, non te abiecerunt, inquit, sed me, qui Sacerdotem honorat, Deum honorat, [Regum 1 c. 8.] qui didicit Sacerdotem contemnere in via progressus, & aduersus Deum erit contumeliosus, qui vos recipit, inquit, me recipit, [Matth. 10.] & honorifica, inquit, Sacerdotes rudos. [Eccles. 7.] Indè Iudæi didicerunt Deum contemnere, quia Moysen contemserunt, eumque lapidibus impetierunt. [Exod. 17.] Ac si quis Sacerdotibus debitam exhibuerit reuerentiam, multo magis id erga Deum egerit: & quamuis improbus sit Sacerdos, videns Deus, quod eius causa etiam indignum honoras, ipse retributionem reddet tibi. Et rursum post pauca: An nescitis, quod Sacerdos nuncius Dei est? non enim ex se dicit, quæ dicit. Si contemnis Sacerdotem, non eum contemnis, sed Deum, qui ipsum elegit; & vnde dignoscitur, inquit, Deum ipsum elegisset? Ergo si hac es in opinione, spes tua inanis est reddita. Si enim per eum Dominus nihil operatur; neque laucarum habes, neque mysteriorum es percipies; & benedictionibus non frueris, igitur Christianus es. Quid ergo inquit, omnes eligit Deus? [Num. 22.] per omnes ipse operatur quamquam indigni sunt, quia populus saluatur, nam si per asinam, & Balam schelestum hominem operatus est, multo magis per Sacerdotem. Si per Iudam operatus est, & per falsos Prophetas prophetantes, quibus dicit, nescio vos, discedite à me, qui operamini iniquitates, multo magis per Sacerdotes operabitur, nam si nos Principum vitam scrutari oporteret, oportet & nos magistrum eligere, & quæ supra sunt, infra fient: supra pedes, infra caput, si fratrem tuum tibi iudicare non concedit, multo magis neque tuum Doctorem: post pauca, tu quis es, ne sis anxie curiosus aduersus Pastorem, ne de his, quæ tu arguis illum, peccatis. Et quod

paſto me admones? Ipſe non ſatiens? non ipſe tibi dicit, ſi ei credis, mercedem non accipies, Chriſtus hæc docet; nè iudicemus nos mutuo. ſed ſuæ vniuſquique. Et paulo poſt, ne maledicamus rogò magiſtris. Si quis patrem habuerit multis criminibus obnoxium, nonne ea obreget? ne exultes, inquit, in decore patris tui, multò magis de ſpiritalibus patribus hoc dicendum, exhibe reuerentiam, quia quotidie miniſtras tibi, curat vt propter te legantur. Scripturæ, ſacram domum exornat propter te, vigilat propter te, orat pro te, cultus eius erga Deum omnis propter te, hæc reuerere, hæc tecum cogita, & omni preſtita obſeruantia, ad eum accedito. Et paulo poſt, audi quid dicat de Principibus Iudæorum Deus. Super Cathedram Moysiſ ſederunt Scribæ, & Phariſæi, quæcumque dixerint vobis, ſeruate, & facite: ſecundum verò opera illorum nolite facere: quænam deterior eorum vita tepetitur? eos ramen nec dignitate deiecit, neque vt à ſubditis deſpicerentur, curauit, & rectè. Si enim hanc ſibi arrogari ſubditi poteſtatem, omnes ſtatim abrogabuntur, & de tribunali deiciuntur. Propterea & Paulus cùm in Pontificem Iudæorum continuiſſas effuſiſſet, ac dixiſſet, percutiat te Deus paries dealbare, & tu ſedens iudicas me? ſed mōnitus à quibuſdam, vt reticeret, dicentibus, Dei Pontificis maledictis offendere volens quanto honore, & reuerentia. Principes proſequi teneant, inquit, neſciebam eum eſſe Dei Pōſitiſſimem. Ideò & alibi dicit: Obedite præpoſitis vſtris, & ſubiace illis: ipſi eōm peruiſigant quaſi rationem. pro animabus vſtris reddituri. [Ad Hebr. 13.] Ideò, & huius cultus fructu potiri eos æquum eſt. Et poſt pauca: Cogita quid dicat Deus de Iudæis, ſuper Cathedram Moysiſ ſederunt Scribæ, & Phariſæi, quæcumque dixerint vobis facere: facite: ac nunc non poſſumus dicere, ſuper Cathedram Moysiſ ſederunt, ſed ſuper Chriſti, propterea inquit Paulus pro Chriſto legatione fungimur, tamquam Deo exhortante per nos. [Ad Cor. 2. 5.] Abſiſti ab hoc Doctore, quo paſto colendi ſunt Sacerdotes. Si ergo de Sacerdotibus hoc dicit. Multò magis de Principibus Sacerdotum, & Patriarchis, & Doctores Eccleſiæ, quia à vobis in præſentia non ſolum non coluntur, verùm etiam impudentiſſimè lacerantur, quas penas quæſo ſubitori eſtis? magnas vt arbitror, imò verò non ſecundum meam ſententiam ſed ſecundum auctræ lingue, & admirandum loannem: cùm dicit: Qui Sacerdotes iniuriæ aſſicit, Chriſtum iniuriæ aſſicit. Qui verò Chriſtum iniuriæ aſſicit, quid reſpondebit illa tremenda die? Sic iraque concludit Chryſoſtomus: Si cogita ſunt vobis, quæ ex mellibuis eius orationibus expoſuiſimus, præſertim quo honore Principes ſunt colendi, quia ſuper Cathedra Ieſu, & Dei ſedent. Subieſti igitur eſſote illis vt & nos ſubiſciamur, non vt Sanctis ex virtute: ſed vt Principibus iniquitatem neque nos, vt ſanctum ex virtute Romanum Pontificem colimus, ſed ex primatu, & Sacerdotio: nam ſi ſanctus eſt, me ſanctum non facit, ſi peccator ſuero: ſi verò peccator eſt, mihi non obſeſt ſi iuſtus ſuero. An exiſtimatis quia Papa eſt, eum hæredem fore

regni celorum? minimè gentium: ſed ob eius virtutes, ſi quas habet; nam Pape multi hæredes erunt ſempiternæ damnationis: non quod Latini, & Summi Pontifices Romani: ſed propter peccata eorum. Multi etiam, Conſtantiopolitani Patriarchæ, Græci videlicet, & Alexandriæ, & Antiochiæ, & Hieroſolymorum hæredes erunt perennis ignis, non quia Græci ſint, vt Patriarchæ, ſed propter eorum ſcelera, & contrà: non eſt enim acceptio perſonarum apud Deum, vt terrenæ huius vitæ Principes protinùs, & futuræ conſpiciantur hæredes? verùm omninò qui probi ſunt. At non auditis ſapientiam dicentem: Tunc ſtabit iuſtus in magna conſtantia, aduerſus eos, qui ſe anguſtiauerunt. Ij verò videntes ſuſpirabunt, & dicent: hic eſt iſ, quem aliquando habuimus in deriſum, & in ſimilitudinem improperij? Iuſti: nunc verò comparatus eſt in filium Dei, & inter Sanctos fors eius eſt, ergo aberraviſus à via veritatis: quare non debemus de cuiuſvis vitæ iudicare, vel nimis eſſe curioſi? nam vniuſcuiuſque opus in eo publico conuentu manifeſtabitur. Igitur fratres reſpiciſcite, & pro ſalute vſtra certate, hoc pro certo ſcientes; quod qui Romano Pontifici non ſubiſciunt, Chriſto non ſubiſciunt; qui Petro dixit: Tu es Petrus, &c. ac nunquam ſalutem conſequetur; nam cùm dicitis vos illi ſubiſci nolle, quia peccator eſt, id ſtultorum eſt hominum, & omnis proſus ſenſus expertum, cur iudicas Eccleſiæ Pontificem, quem neſcis qualiſiam ſit? nemo enim, dicit Scriptura, nōit facia aliena, quo paſto vos iudicatis, quem omninò, vt peccatorem non noſtis? Omnes quæſo, qui Cathedram Petri adepti ſunt, improbi ſunt, & peccatores; num data opera ceteri Eccleſiæ Pontifices, atque Proceres, Papam eligunt peccatorem; nonne, erubescitis Eccleſiæ electionem proſequi contumelijs? an neſcitis quòd & Conſtantiopolitani creabant Patriarcham, qui præcipue erat honore perſpicuus, & virtute? nam & apud hoſtem virtus eſt honorabilis, ita & hic eum, qui ſupra ceteros honore, & virtute antecellit, conſtituunt ſuum Sacerdotem, & Regem. Si verò peccator eſt, quid ad nos? is pro ſe rationem reddet, quemadmodum & nos noſtri: nemo namque pro alio iudicabitur.

SECTIO XIV.

AT tu vitra modum Papam deſcas, nos verò ſcimus eum hominem eſſe, & peccato, & probis poſſe demergi. Propterea in ijs, quæ ad fidem pertinent, nolimus ei inhærere. Sed à nobis iam antea dictum eſt, hoc nihil eſſe; quoniam neceſſe eſt nos aliquem ſequi paſtorem: ille namque vt homo peccat quotidie. Si enim vna tantùm hora eſſet vita noſtra, nec ita ſine ſordibus eſſe poſſemus, ſed de proprijs peccatis vniuſquique pro ſe rationem redditurus eſt, vt ſæpè iam diximus. Satis eſt nobis ſi benè paſcamur, ſecundum magnum Theologiæ Doctorem Gregorium. At ſeditionis, & contentioniſ ſtudioſus. inquit, peccatorem caput eſſe non probo; ad quos reſpondendum, quòd benè cogitata vſtra percipimus, quæ poſtea inſe-

rius retegimus, & si vos ob ignauam obumbrare conamini. Nunc autem ijs respondemus, quæ palam dicitis, quia ex animi vitio hoc dicitis, non enim vobis cognitum est eum esse peccatorem, neque vobis eius vitæ ratio satis est comperta: sed impudenter calumniamini, & conuinciamini illi, qui Petri successores est, & Iesu Christi figuram in terris gerit, nam qui eum peccatorem appellant, ijs, quæ Iudæi afferbant, similia asserunt, quoniam illi à natiuitate cæcum cernentes videre, inuidia torti, eum interrogant, dicentes: Quis aperuit oculos tuos? respondit, homo qui vocatur Christus: is mihi dixit, lauare in Siloam, & lotus recepi lucem, at illi ira accendi dicunt, da gloriam Deo, quia hic homo peccator est, [Ioan. 9.] quibus ille qui nuper cæcus fuerat, respondit, si peccator est, nescio, vnum scio, quod cæcus cum essem, modò video, in hoc enim mirabile est, quod peccator cum esset, aperuit oculos meos, qui cæcuseram, a seculo non est audi-eum, quia quis oculos aperuerit cæci nati, nisi esset hic à Deo, non poterat facere quidquam. Possumus igitur hæc ad successorem Dei traducere, qui est sanctus Papa, [Nicolaus I. vide epist. eius ad Michaelem Imper. & apud Nicephor. Ioan. 9. Innocen. I. de quo supra Constantinus Dragafes successit in Floren. Ioan. Paleologo fratri qui interfuit Florentino Concilio. Et epist. Nicolai V. ad Imp. Constantinum.] Si peccator est, quomodò maledixit vobis? & Græcos excommunicauit Nicolaus I. temporibus Photij, & excommunicationi illi non defuit iora vnum; sed facti sunt captiui, vt is in excommunicatione dixit, in omnes gentes, tamquam Iudæi, scriptum est enim, peccatores non audit Deus. Si peccator est, quomodò fuit exauditus? at hic quidem sic. Innocentius ante hunc, Eudoxiam ob Chrysostomi exilium excommunicauit, & intremuit eius sepulchrum, donec reuocato eo, excommunicationem remisit. Et statim constitit illius tremor sepulchri, sed quid euenit nostra memoria nunc sub Nicolao V. Pontifice Maximo? cum legati à Constantino Imperatore, qui vocabatur Dragafes, ad eum missi adhuc superflint, quibus literas dedit plenas timoris, & horrois, vbi apertè cum execratione prophetizat excidium, & internecionem extremam infelicio Græcorum, in quibus post alia multa (cum conuicia, & probra rescisset, quæ à Græcis quotidie impudentissimè iactabantur) mirè, & hoc dicit. Omnes gentes decreti, quod sancti, est, receperunt: Græci neque receperunt, neque spes est eos vnquàm esse recepturos; quæ super concordia, & vnione decreta sūt, procastinationes enim procastinationibus ab eis semper pretextantur, excusationes, & responsiones in singulis. Neque verò Græci arbitrentur Romanum Pontificem ita esse mente destitutum, omnemque occidentalem Ecclesiam, vt non intelligat quæ in singulis dilationibus respondendo nugantur, optime cuncta nouimus: sed toleramus in Iesum respicientes sempiternum Sacerdotem, & Dominum: qui sterilem illam sicutum vsque ad annum tertium iussit afferuari, agricola iam ad excidendam arborem se accingente, quia nullam fructum ferebat. O magnam calamitatem, anno 1451. hæc conscripsit epistola: & 1453. capta est Constantinopolis, num potestis dicere hæc vera non esse? minime gentium, cum id sit manifestum, & res ipsa apertè loquatur, tres inquit annos expectabimus, si vos fortè à schismate, & separatione conuerteritis, & vos vere decreto adiunxeritis, secundum Saluatoris de sicu præceptum. Si verò non excindimini, ne terram otiosam, & inutilem reddatis, hoc miraculorum miraculum maximum: quod (vt in epistola ipsa scribit Nicolaus Papa) Græcorum gens illa magna, & formidabilis, sapiens, clara, fortis, terrarum domina ob Diuinam vltionem, in barbarorum feruitutem abducta sit. Hæc enarrant mihi subit lamentari, & deplorare excidium gentis nostræ quamquam vos non intuemini.

S E C T I O . XV.

IN primis ergo (vt indè initium sumam) in memoriam reuocate fratres, & patres, qualisiam, & quanta extiterit nostra natio. Fuit enim quondam Sapiens, clara, generosa, prudens, fortis, & quæ omnem terram suo subiecerit imperio. Præterea virtutis studio, & sanctitate omnes gentes est supergressa, ieiunijs, vigilijs, orationibus, elemosynis, & (vt vno verbo dicam) veluti sponsa hausit omnem virtutem, Deo semper accepta. At in præsentia (proh dolor) omnia intercederunt. Constantinopolis capta est; cuius rei solum recordatione cogor prorumpere in verba, cum clamore, & eiulatu, & vltimum effundere spiritum. Qua Vrbe expugnata, Arx sunt prophana, Templum conculatæ, magna sanguinis effusio secuta, polluta Moniales, virgines corruptæ, caput infantibus abscissum, impiorum manibus Principes occiderunt: Monachi sacri, Sacerdotes, Præpositi, viri, feminae, Connubia sunt diuulsa, sacra vasa confracta, Imagines ornatisimæ conculatæ sunt, ac sputis conspurcatæ. O me miserum, atque infelicem, quis poterit vnquam tantam cladem deplorare, & verbis acerbum casum exprimerè? heu vbi regius apparatus, & comitatus? vbi ordo Palatii, & disciplina? vbi tot Principum examen? vbi scholæ sapientiæ? vbi mihi misero, vbi Patriarchalis administratio? vbi ornatu Ecclesiæ? vbi tantus, & talis sacrorum Monachorum, ac non sacrorum ordo chorus, & numerus? vbi Monachorum, & Monialium ordines? Ecce nonne cuncta sunt à Mahomete absorpta? Nec tantum in ipsa Vrbi Regia ea mala obuenerunt, verum etiam in subiectis regionibus plura, ac deteriora; perque singulos dies hæc apertis oculis intuemur, & intelligimus. Quamobrem ergo hæc? vel vos mihi dicite per Dominum, si dixeritis, vt dicere consueitis, ob nostra delicta hæc euenisse, non ita se res habet ego dicam. Quoniam non magis nos, quam ceteræ Christianorum gentes, nostris criminibus Deum irritamus. Sunt enim & aliæ nationes magis sceleribus, & peccatis obnoxie. Quomodò non affliguntur vt nostra infelicitissima, & miserranda natio? Vbi mihi misero, alius ex alio subinde fio, cum ad hæc animum conuerto, & cor meum

conturbatur, & spiritus meus æstuat; quia Iudaorum gens, quæ duo crimina commisit. secundum Prophetam dedit pœnas duo enim mala fecit; inquit primogenitus meus filius Israel: me dereliquit fontem aquæ viæ, & ædificat sibi cisternam dissipationem. Et Ecclesia, me in ligno crucifixerunt, Barrabam verò postulauerunt, & liberarunt. Primum igitur cum Idolis inuersis, in captiuitatem abductus est in Median, & Babylonem. Secundum cum crucifixent Dominum nostrum, & Deum, profecti sunt captiui in omnes gentes. Nostra verò natio (proh infortunium, proh dolor) neque Idolis seruauit vnumquam, neque Dei Filium crucifixit. Quæ de causa tam acerbè vexatur? Sed non solum eadem, verum etiam multò peiora, quàm impij Iudæi perpetitur. Ij namque in seruilitatem abducti, omnium gentium facti sunt serui, vt omnibus iniussu, & Dei hostes. Hi verò non solum gentium facti sunt serui; sed & Iudæis ipsis, qui sunt serui omnium gentium. O meam calamitatem. Nonne reliquum est plorare, & lamentari, ac disquirere causam, & videre propter quæ patimur. Hæc ergo verò aliam non possum inuenire (neque enim virtute, nostra natio cæteris gentibus peior est; immò verò melior, nam dictum est, verèque dictum, nationem nostram omnes nationes virtute, & moribus antecellere) nisi schisma, & quod se subtraxerit ab obedientia, & subiectione Romanæ Ecclesiæ, eam, & solam discernere esse, causam interitus nostræ gentis? quia postquàm ab ea diuissi sumus, maledictionem accepimus, & patimur, quæ nos patimur, nec ideo penitet nos; sed deteriores euadimus, & maledictis impetimus ipsam Ecclesiam; dicenda, & tacenda aduersus eam impudenter euomimus. Quamobrem fratres mei per Christum, desperationem omittamus. Accedamus verò Christianorum vnioni; agnoscamus peccata nostra, ne peiores Iudæis euadamus; neque falsa suasionem, malitia, & præsumptionem ita aures obstruamus, vt nec audiamus, nec intelligamus. Audiamus Christum clamantem Apost. Luc. 10. [Qui vos audit, audit me; & qui vos spernit, me spernit; qui verò me spernit, spernit eum, qui misit me.] Verè ergo licet dicere, qui Papam audit, Dominum audit; qui verò Papam non audit, Dominum non audit; qui verò Dominum non audit, audit captiuos, & gladijs comminutos. Vidi, & rectè memini, cum interfuerim disputationibus cuiusdam Monachi Barlaam, quæ habitæ sunt Constantinopoli cum quodam Legato Apostolico de primatu Papæ, vbi concludens Legatus dicit: [Ego quidem possum cunctas obiectiones vestras diluere (non enim Christi Ecclesiæ, & Præses illi us Summus Pontifex misit hominem, qui nesciat vestris dubitationibus respondere) sed vos semper in nugacibus verborum argutijs versamini. Quare mihi liber dicere tibi breue, ac verum verbum; quod & alijs Græcis, mihi iniunctum est dicere. Hæc dicit Papa: [Si volueritis, & audieritis me, bona terræ comedetis, secundum Prophetam. Si verò nolueritis, neque audieritis me, gladijs vos deuorabit.] Nunc Pontificis os locutum est hæc? Nunc habes huic quid contradicant? Lege, & expende, an euenit sicut ipse dixit: [Si ergo euenit,

debetis, immò verò potius necesse est illam audire: secundum verò opera illius non facere, si mala fuerint.] Ita & nobis præcepit Dominus: Super cathedram Moysis sederunt Scribæ, & Pharisei; omnia quæcumque dixerint vobis facere: facite, secundum verò opera illorum nolite facere. Quando ergo & hic super cathedra Petri sedet; debemus ipsum tamquam Petrum audire, & imitari sermones eius: opera verò non imitari, si praua sint. Ita vos Sancti docent, ita leges, & Canones clamant, vt antea demonstrauimus, & paulò post etiam demonstrabimus. Nunc detegere volumus, quod vos intrus aduersus Papam, ac Latinos iniussè continetis. Dicitur enim, quod propter peccatum illum vitatis. At hoc verum non est, sed causas quaritis fratres parum veras. Maledixit enim vobis, & vos inuenit excommunicatio; delerique funditus estis. Sed alius est morbus, ex quo ægrotat intus anima vestra, vt antea exposuimus. Non audientes palam dicere, ne fortè cunctis Hæreticis peiores vocemini, & scitis cogniti apud omnes; magisque vultis mandare sub dentibus. Sed aliud quid est, quod labijs præmitis. Quidam ramen adeò stolidi sunt, qui apertè Latinos hæreticos esse dicunt: & Papam, præter cæteros omnes. Ideoque vnionem refugitis, neque Papæ memoriam audire, neque qui vnionem ex vestris Sacerdotibus amplectuntur, videre sustinent. Neque qui cum ipsis cōmunicant, omnino pro Christianis habetis; & si fortè contingit, vt in aliquod incurrat, quod vos Papæ commonefaciat, pauem oblationis non accipitis. Sed furij agitamini, ac dentibus aduersus ipsos Sacerdotes sœuissimè infenditis, & Iudæis deteriores esse putatis. Hæc igitur proferre reformidantes, vt iram quorundam declinetis, ad apertum integumentum strenuè confugitis, & aduersus veritatem pugnatis de asini vmbra (vt fertur) decertantes.

SECTIO XVI.

AT nos in præcedentibus, quos antea edidimus quatuor libris multa de ijs eisdem tractauimus, veritatem pro viribus apertè prædicantes. Latinosque in dogmatibus orthodoxos esse liquido ostendimus, & falsis eos præmi calumnijs egregiè demonstrauimus, & in hoc quinto præfatio non pauca attulimus, scilicet Pontificem esse Petri successorem, & Vicarium Saluatoris nostri Iesu Christi comprobando, eumque solum obtinere potestatem, omnem Ecclesiam absolutè dirigendi. & gubernandi, ligandi, & soluendi, redarguendi, benedicendi, maledicendi, corrigendi, ac medendi; solumque illum habere facultatem de fide, & Sacerdotio exquirendi. Nam statim magnus Theodorus Studites in epistola ad Palchalem Papam hæc inquit: [Audi Apostolicum caput à Deo electè Pastor ouium, Christi, Clauiger Regni Cælorum: petra fidei, per quam ædificata est Catholica Ecclesia. Nam [Tu es Petrus] Petri Sedem exornans, & gubernans; & post quendam Psal. 43. [Huc ades, ab occidente exurge, & ne repellas in finem]

Tibi

Tibi namque dixit Christus Deus noster: [Et tu quandoque conuersus confirma fratres tuos.] Audis quomodo appellat Pontificem magnus hic Pater Petrum, & Clauigerum, Vitæ æternæ, & Pastorem, & Apostolicum caput? rogateque, vt Constantinopoli subsidium ferat, propter eorum hæreses, qui Imagines oppugnabant. Vnde nam hoc? non ob aliud aliquid, nisi quia is habebat potestatem cæteras Ecclesias confirmandi, tamquam qui omnibus hæresibus superior esset; longæque positus esset ab omni procella Hæreticorum. Huius rei ipse testis est in epistola ad Paschalem, dicens: [Vos igitur verè illimis fons, ac sincerus iam inde à principio veræ fidei: vos ab omni Hæreticorum procella longè positi: securus totius Ecclesiæ portus: vos à Deo electa Ciuitas ad salutis refugium.] Intelligis quo pacto securum portum appellat totius Ecclesiæ Romanum, Pontificem? ad quem vt nauigia ab vndis in medio Maris agitata in portum perfugiunt, ne foris relicta à fluctibus, atque æstu nergantur: sic & omnes Ecclesiæ ab Hæreticis tamquam à fluctibus vexatæ ad Romanum, Pontificem, veluti ad portum salutis confugiunt, vbi tranquillitatem, & quietem omnem nanciscuntur. Nam eo loci fidei clauis Christus apud Petrum Apostolum deposuit, vt Ecclesiam totam pasceret, atque gubernaret. Nec apud illum tantum, sed etiam apud eius successores, ipsi dicens: [Et tu aliquando conuersus, confirma fratres tuos:] quæ quidem non soli Petro contigerunt, sed & eius successoribus. Nam Siluester Magnus Papa Romanus post Baptismum Constantinianum hæresim aboleuit, & in eadem Vrbe Liberius, ac Iulius Athanasium confirmarunt, & Alexandriam remiserunt, cum ab Arianis persecutionem pateretur. Damianus Papa Euthymij heresim Constantinopolitanam Patriarchæ funditus sustulit. Diuus Cælestinus impij Nestorij etiam Constantinopolitani Patriarchæ heresim per Cyrillum Theogorum deleuit. Leo sanctissimus sacrilegam Eutychem, & Dioscori heresim damnavit. Martinus, & Agathon, Monothelitarum sceleratam hæresim verbo, & operibus sustulerunt. Gregorius Magnus Dialogos impietatem eorum, qui Imagines oppugnabant, anathemati subiecit. Deinde post inobedientiam, & schisma, Nicolaus primus ipse Constantinopolim profectus est Photij tempore, vt tolleret schisma: quem cum non recepissent, excommunicationi ab eo suppositi sunt post hunc Summi Pontifices per septemdecim vices non desisterunt scribere, & hortari Græcos ad Ecclesiæ conuersionem, & obedientiam, quousque coacta est Synodus apud Lugdunum, quam Græci octauam vocant; cuius auctor extitit Gregorius Papa Decimus, & vnio est subsecuta. Sed iterum defecerunt, & iterum Legatos Ecclesiæ receperunt. Cogitur Synodus Constantinopolitana cum Papæ Legatis Ioannis Becci temporibus Constantinopolitanam Patriarchæ, & vniorem amplexi sunt; ad breue tempus, obedientiam ostendentes, & pacem. Sed postea rursus ad suum, & primum vomitum reuerterunt. Sed nec rursus defatigati sunt Ecclesiæ Catholicæ Præsides, eos ad obedientiam, & pacem excitare. At illi cum semel

obsurduissent, non paruerunt. Protracta est igitur res vsque ad nos, aspeximusque nostris oculis, quod multi antè nos Patriarchæ, & Reges videre exoptarunt, nec viderunt. Nos verò vidimus beatissimum Eugenium IV. Romanæ Ecclesiæ Pontificem Summum quanto studio in hoc sanctum opus incubuerit, tririmis missis, & sumptibus, vt hoc magnum vulnus sanaretur; celebrataque est Synodus ingens, atque admirabilis Ferrariæ, & Florentiæ insignibus Italiæ Urbibus, magna Doctorum, & sapientum Virorum frequentia, & Theologiæ scientia, ac virtute illustrum. Tandem decretum sanctum est omni sapientia, & veritate conspicuum; quod vbique est promulgatum, & ab omnibus gentibus receptum. Græci verò, & ex ijs, qui peioris sunt conditionis vulgares quidam, & homines indocti huic contradicunt. Ac si quis rationis particeps decreto contradicit. Id non à doctrina proficiscitur, sed ab animi prauitate, falsa, & stulta præsumptione, & gloria inani, quam ex vulgi imperitia aucupantur. Quod quidem decretum, & nos in manus fumentes perlegimus omni studio; idque toto ex animo verum esse credentes. Adorauimus, atque amplexari sumus. Vnde sumministrata est nobis materia respondendi quinque articulis, qui in eo continentur; quorum extremus hic est de Papæ Primatu; quem nemo mentis compos poterit pernegare.

SECTIO XVII.

AT non rectè sentit: inquiunt, quia præter communes Patrum, & Doctorum sententias ea præscripsit. Si ergo illa Diuina Sedes non rectè sentit, mentitur Christus cum dicit: [Cælum, & terra transibunt, verba autem mea nunquam transibunt.] Is enim Ecclesiæ pollicitus est se cum ea fore, & portas inferi non præualituras aduersus eam. Ideo ne Christum mendacem efficiamus, (quod si vel cogitetur solum est blasphemia) inerrantè Dei Ecclesiam esse dicimus. Quam rem testificabitur rursus ipse Theodorus Studites ad Michaellem Imperatorem scribens ex persona omnium Præpositorum hoc pacto: [Cum nos in vnum conuenissemus venerabilis Imperij vestri iussu, minimi Episcopi, & Præpositi, post pauca dicit: nos diluimus omnes dubitationes vestras. Si verò aliquid dubitare, vel non credere videtur vestra Diuina magnificentia, eius rei explicatio à Pontifice piè est postulanda. Magna & à Deo firmata manus vestras, vt publicè cupida vilitatis, inbeat à veteri Roma capere declarationem; vt à principio à Patribus nostris est traditum: ea ò Christi imitator Imperator inter omnes Ecclesias Dei summum, & supremum obtinet locum, cuius Petrus tenuit primam sedem, ad quem dicit Dominus: [Tu es Petrus, & super hæc petram ædificabo Ecclesiam meam, & portæ inferi non præualebunt aduersum eam.] Et iterum idem in alia epistola ad Naucratium, cuius principium est, non implebunt aures meæ à vocibus auditionis, inquit, testor nunc coram Deo, & hominibus, diuisi sunt à corpore Christi, & à suprema Sede, apud quam Christus deposuit

posuit clauis fidei; aduersus quam portæ inferi à seculo non præualuerunt, nec præualebunt vsque ad consummationem eius, Hæreticorum videlicet effrenata ora, secundum promissionem veracis Domini. Audis, quo pacto ea est caput Ecclesiæ Christi, cuius Petrus est primus Præses; & quod numquam præualuerunt, neque præualebunt vsque ad consummationem seculi Hæreticorum effrenata ora, secundum promissionem veracis Saluatoris? Si ergo numquam præualuerunt Hæretici aduersus Christi Ecclesiam, quomodo auderis dicere eam errare? quæ inerrans à Doctoribus prædicatur. Id etiam ostenditur in tertia sancta Synodo, in qua allatis ab Apostolica Sede literis. Arcadius Episcopus cum surrexisset ad Synodum dixit: [Iubeat vestra Beatitudo Reuerendissimi Patres allatas ad vos literas sancti, & cum adoratione vocati Celestini Papæ Apostolicæ Sedis Episcopi, legi: ex quibus percipere poterit vestra Beatitudo, quanto studio prosequitur omnes Ecclesias.] Eadem, & horum similia proiecit Episcopus protulit. Et paulò post Cyrillus Alexandriæ, dixit: [Literæ acceptæ à Sanctissimo Apostolicæ Sedis Episcopo Romano Celestino cum decenti honore legantur.] Audis Arcadium, & proiectum, quod omnium Ecclesiarum curam gerit Romanus Pontifex? ob quidnam aliud, nisi quia caput est omnium. Quod verò Cyrillus dicit, cum decenti honore legi, quæ scripta sunt à Celestino, comprobauerunt Patres aperiendo capita sua, & reuerenter audiendo, quæ dicta sunt.] In quarta verò sancta Synodo, ut in titulo Diuinae Scripturæ apparet, talia dicta sunt: [Vt Beatissimus Episcopus Romane Urbis, cuius Sacerdotium super omnes antiquitas esse voluit, potestatem, & facultatem habet de fide, & Sacerdotibus determinandi. Ergo quia de fide, & Sacerdotibus determinandi facultatem habet, meritò Caput, & Magistrum omnium Christi Ecclesiarum in decreto scribitur, & à nobis colitur, & adoratur; atque omnis obedientia, & obseruantia ei à nobis exhibetur, & exhibebitur, donec in hac vita permanebimus; recordati illius, qui dicit, [obedite Præpositis vestris, & subditi estote. Ipsi enim vigilantes pro animabus vestris, vt rationem reddantur.] Et meminisse eius numquam cessabimus in sacris Missarum precibus secundum Sanctorum nostrorum traditiones; ne impiorum erroribus obsecundantes, à firmitate Orthodoxæ fidei excidamus, pro comperto habentes, quòd qui ipsi non subieciunt, numquam saluabuntur. Simili modo, & qui eius non meminit, neque Sacerdos est, neque Sacerdotis meretur habere potestatem, vt 13. Canon primæ, & secundæ Synodi aperte testatur. Habet enim ad verbum sic: Hæreticarum zizaniarum semina in Christi Ecclesiam spargens aduersarius, & videns has gladio spiritus radicatus euelli, alia via aggressus est; assumpta secum schismaticorum insania, Christi corpus diuidere. Sed & has insidias sancta Synodus anticipans, vnde cumque decreuit imposterum, vt si quis presbyter, vel diaconus tamquam ob aliquod delictum suum desipiens Episcopum, ante synodalem cognitionem, & causæ disquisitionem ab eius communione deficere ausus

fuerit, & nominis eius in sacris Missarum precibus secundum Ecclesiæ traditionem non meminerit, hunc depositioni subijci, & Sacerdotali omni honore priuari; qui enim in presbyteri ordine est constitutus, & Metropolitaonum præuenit iudicium, & ante iudicium (quantum in se est) condemnat suum patrem, & Episcopum; hic neque presbyteri dignus est honore, nec nomine; & qui hos sequuntur si qui fuerint ex constitutis in sacris ordinibus, & ipsi suis dignitatibus excident. Monachii verò, vel laici expellantur penitus ab Ecclesia, donec relicta cum schismaticis coniunctione, ad suum Episcopum reuertantur. Non ne ex hoc loco deprehendis, quòd Sacerdotes sacerdotio abdicat, neque Sacerdotis nomen vult obtinere, qui mentionem non faciunt primatus eorum; eorumque Sectatores, & si qui sacris sunt ordinibus insigniti, prophanos iubet esse? qui in sacris non sunt, cuiuscumque sint conditionis, excommunicat. Respicite tandem fratres per Deum, respicite: nec amplius tam aperte veritati obstitatis, nec aduersus pastores animarum vestrarum deceretis. Durum est enim, immò verò fatui, & dementis, nudis pedibus aduersus stimulum calcitrari. Marci 21. 21. [Nam quemadmodum oua lapidibus, sic & capita vestra, Ecclesia confringuntur: lapis namque, & petra scandali est Ecclesia.] Et Christus ipse illi se similem facit: beatus Paulus ad Corinth. 1. 10. ita scribit: [Bibebant enim de spiritali consecrati eos petra: petra autem erat Christus, hic est lapis de monte virginali abscissus.] Dan. 11. Christus verò ad Petrum: [Tu es Petrus, & super hanc petram ædificabo Ecclesiam,] & reliqua, vt sapius dictum est. Ecce igitur ostensum est quòd petra, & lapis Christi est Ecclesia, qui igitur in eam impingit, lux in eo non est: sed qui seruat præcepta eius, non impingit, vera luce, quæ in ipso est illuminante, Ioann. 1. [Quæ illuminat omnem hominem venientem in hunc mundum.] Lux enim veritas est, & cognitio: ac illuminantur ab ea qui volunt, & manent in ea. Sed qui nolunt obtemperare, insipientiæ tenebræ eorum oculis obtegunt, & impingunt, & conteruntur, ac tandem exterminantur; & responsum ferent, quòd præcepit Dominus, Ioann. 10. [Quod oues meæ, meam vocem audiunt, quæ verò meæ non sunt, vocem meam non audiunt; & lupus rapit, & dispergit eas.] ita eueniet, & rationalibus ouibus, quæ vocem pastoris non audiunt, impingent enim, & labentur in hæreses, absurditates, & schismata.

SECTIO XVIII.

Quod verò non possit decipi, vel errare, vel infringi, vel perire Ecclesia: imò verò id euenire ijs qui eam oppugnant; ostensum est antea multis egregijs argumentationibus. Nunc efficacius quodammodo per sanctum Chrysostomum aureæ tubæ diuinum Ioannem audiamus ex oratione in pentecosten. cuius principium Cælum hodie nobis facta est terra. Dicit enim ibi post alia multa sic; magno studio incumbit Deus in Ecclesiam,

fiam, non parietibus fulciam, sed gratia custoditam, propter Ecclesiam constitutum est Cælum; terra firmata est, & mare effusum, & aer repletus, paradysus est plantatus, lex tradita, missi prophetae, miracula facta sunt. Mare diuidebatur, & resarciebatur: petrae scindebantur, & tursus iungebantur, manna de Cælo descendebar, & ex tempore mensa disponebatur. Propter Ecclesiam Prophetae, propter Ecclesiam Apostoli. At cur tam multa? propter Ecclesiam vnigenitus Dei filius, filius hominis factus est, vt Paulus ait, qui proprio filio non pepercit, vt Ecclesiae parceret, filij sui sanguinem effudit propter Ecclesiam. Hic sanguis irrigat illam. Per eum non possunt illius plantae tabescere, neque folia decidere. Non est obnoxia temporum necessarijs vicibus, neque tempori inferuit. Æstate quidem folijs vernat, hyeme verò non nudatur. Non enim temporum necessitates, sed gratia spiritus eam colit. Propterea non euellitur; neque mirum est eam non euelli. Quot iam inde à principio aduersus Ecclesiam bellum gesserunt, cum erar planta recens. Arma aduersus eam sunt expedita. At nunc Dei gratia, & sancti Spiritus robore, & Imperator est pius, & milites & omnis terra fide est repleta. At in origine eius, in exordio, Reges Impij, milites irreligiosi ob iussa Principum. Aræ ardebant: vndique fumus, & nidor. Aer inquinabatur dæmones bacchabantur, diabolus salrabat, pater silium abdicabat, filius Patrem non colebat. Natura scindebatur, & religio. Vbi igitur qui ausi sunt aduersus Ecclesiam in acie stare? Cum erat planta recens, non tamen iniuriam passa est; cum Cælum attingit speras illam posse debellare? quando vndecim erant Apostoli, à nemine superati sunt: immò verò vndecim, tot millia Ecclesiarum, super expiscati. Nunc cum terra, & mare culta, & inhabitabilis, regio & vrbs, & omnes fines religionis referri sunt, runc speras ei dominari? at tu non potes. Christus dixit, quod portæ inferi non præualebunt aduersus eam, facilius est Cælum deleri, & terram exterminari, quam Ecclesiam extingui. Quis hæc dicit? ipse Christus. Cælum, & terra transibunt, verba autem mea nunquam transibunt, & rectè, nam Dei verbum ipso Cælo est potentius, quia Cælum est opus verbi. Dixit Deus, fiat Cælum, & verbum fuit opus. Excurrebat natura nemine impediente, quoniam ipse Dominus est natura, & eam immutandi. Ego eam subtruxi, qui Cælum constitui, sed pro Cælo sanguinem non effudi. Pro Cælo cruci non fui affixus. Pro Cælo cæleste corpus non assumpsi. Sed quid dico de Cælo? Angelorum corpus non assumpsi: vt intelligas me Ecclesiam magis æstimare, quàm Cælum, & terram, & omnem creaturam, & ideo Cælum, & terra transibunt, verba autem mea nunquā transibunt. Facilius est Cæli aboleri, & terram extingui, quàm mea verba intercidere. Qualia sint verba eius in medium deducamus. Videamus an intercederint. Non reuoco ego in dubium, sed hæreticis os obstruo. Qualia sunt verba? Cælum, & terra transibunt, verba autem mea nunquam transibunt. Qualis verbum? [Tu es Petrus, & super hanc petram ædificabo Ecclesiam meam, & portæ

inferi non præualebunt aduersus eam. Super hanc petram,] dixit, [non in Petro.] Non enim super hominem, sed super fidem Petri Ecclesiam suam fundauit. Quid autem erat fides? [Tu es Christus filius Dei viui.] Petram vocauit Ecclesiam vndas excipientem, sed non concussam: Ecclesia namque suscipit tentationes; at non superatur. Quid ergo est super petram? id est super confessionem Petri non super opes. Non lapides iacis? non ligna? non spicula? nequaquam dicit. Non enim est sensibilis structura. Hæc qualicumque sint tempore dilabuntur. Confessionem verò neque dæmones possunt superare. Testantur martyres. Qui latus perfoxi, fidem non amiserunt. O rem admirabilem murus foditur, & thesaurus non diripitur, caro absumitur, & fides non consumitur. Ea est martyrum vis. [Super petram ædificabo Ecclesiam meam, & portæ inferi non præualebunt aduersus eam.] Attendite sedulo, eos vocat portas inferi, qui mortem pariunt. Quid igitur? in infernum intrabit, si in discrimen venerit? vtique. Nam vt portæ Vrbs sunt ingressus in Vrhem, sic portæ inferi, ingressus ad mortem. Cur, inquit tentationes non prohibes? nequaquam. Vt ostendam vires meas, si nemo eam oppugnat, possunt respondere: uam fi fuisset oppugnata, fuisset vtrique & expugnata. Propterea eam permittito oppugnari, ne propugnatorum solitudini, victoriæ titulus inscribatur, & portæ inferi non dixit non aggredientur eam. Quid ergo? oppugnabitur quidem, sed non superabitur. Fluctuat Ecclesia, sed non mergitur, sed non perit profundum. Excipit tela, sed non admittit vulnera. Excipit machinas, sed turris non quassatur. Sed quid dico Ecclesiam? vnum verbum, piscator locutus est. & turris stetit inconcussa. Quot tyranni conati sunt hoc verbum abolere, nec potuerunt: super petram enim fundata est. Cogita quot Reges diademate redimisti, enses acuti, ferrorum dentes, mortes imminentes, fartagine, fornaces, & phatetrarum suam exhaustis diabolus, & Ecclesia non obtuit. Qua nam de causa? quia portæ inferi non præualebunt aduersus eam. Ipsa res testimonium perhibet. Testatur euentus experientia. Quot bellum gesserunt, num euicerunt? sed qui bellum gesserunt, silentio transigunt, & obliuioni mandantur, Ecclesia verò floret. Vbi Claudius? vbi Augustus? vbi Tiberius? nuda sunt nomina; eorum meminit nemo. Nam postquam Ecclesiam oppugnarunt, memoria eorum deleta est; & Ecclesia super solem refulget. Audisti verba Doctoris aurei animo & corpore? audisti à Deo affirmari, theologum Patrem hunc? scilicet quod Ecclesie oppugnatores abolerent & obliuioni mandantur. Ecclesia verò floret; & contorquent quidem tela pugnatore, at ipsi vulnerantur. Cur nam hæc? quia Christus ipsam suo redemit sanguine. Per quem Cælum firmatum est, terra fundata. Domini enim verbo, dicit David, Cæli firmati sunt, & spiritu oris eius omnis virtus eorum. Igitur verbo quo firmavit Cælum, firmavit Ecclesiam suam dicens: [Super hanc petram ædificabo Ecclesiam meam.] Quam petram, solidam fidei confessionem Petri piscatoris; quæ firmata, manet inconcussa, & immo.

immota & inexpugnabilis: quemadmodum & Cælum stat, & permanet vi verbi. Ideo in cælo & in terra Ecclesia Dei honorabilis, & sancta est. Immo verò secundum aureorum verborum, & sermonum Patrem hunc, Cælo & angelis & omni creatura præstantior est. Ideo & subijcit Christus dicens, Cælum & terra transibit, verba autem mea numquam transibunt. Id est facilius est Cælum, & terram, & omnia concuti, quam Ecclesiam meam. IncurSIONES hæretici facient, at non præualebunt. In petram impinget capita sua, & dispergentur, quia super petram fundata Ecclesia est. Propterea Ecclesia ramquam petra manebit inconcussa, secunda fiducia Christus dixit. Nam qui à principio suæ predicationis eam oppugnaverunt. Deleti sunt & memoria eorum cum sonitu perijt: Ecclesia vero vernat, & resurgit super solem. Vbi Reges qua in eam deferuerunt? vbi Principes, vbi hæretici? vbi Arius, & Eunomius? vbi Nestorius, & Dioscorus? vbi Severus, & Eutyches? vbi qui præcesserunt, & qui postea subsecuti sunt omnes? nonne perierunt? nonne extincti sunt? sed Ecclesia tunc, & nunc, & semper est, usque ad seculi consummationem & finem.

prehendis ex his, alterum vna cum munere scripturas faciliè interpretandi, & harum intelligentiam à datore sapientiæ adiunxisse; alterum verò vna cum facultate solvendi, & ligandi, & intelligendi; iniunxisse, & pie in Iesum Christum Dei Filium per eum credendi? Credite in posterum quod sine obedientia erga Petrum, saluari non potestis, & iure quidem, namis est porta salutis. Qui per eum in cognitionem fidei non ingreditur, idest vt eum agnoscat esse Christi Vicarium, non poterit vnuquam salutem consequi. Nam vt Christus inquit. Ego sum ostium, qui non intrat per ostium, sed aliunde ascensum parat: fur est & latro. Ita & Petrus eius successor dicit. Ioann. 10. qui non credit per me filium inuisibilis Dei, & Patris in carne genitum, qui passus est & resurrexit, & cætera dispensationis mysteria, hic hæreticus est; & saluari nullo vnquam tempore poterit. Hæc igitur, & talia tenentes, quorum referte sunt omnes Doctorum scriptura, Ecclesie subiungimur. In eaque permanemus, & in obedientia eius persistere in omnia secula deprecamur vt propitium Deum nanciscamur in tremenda die retributionis, Fiat fiat.

SECTIO XIX.

TOrigitur, & egregijs rebus expositis ex mellissimis sacri Doctoris sermonibus: æquum est, quod illi, dum oraret, euenit cum omni reuerentia commemorare. Sic enim inuenimus scriptum in eius vita, quam Metaphrastes enarrat, cuius initium, & omnium qui secundum Deum in hac vita versati sunt, post multa ait: Cùm is noctu in oratione peritaret, se obtulit quædam diuina res, & sublimior, quam vt oculis cerni posset, & quemadmodum rem in medium proponere, lingua vix audeat, ita & audire nouum videatur. Itaque nouum quiddam, & horrore plenum audisse. Cæterum animaduertendum quod huic narrationi, æque mista sunt timor & læticia. Duo quidam viri alba amici veste aspectu horrifco visi sunt ei de Cælo descendere, huicque præclaro viro dum oraret in confectum venisse. Quorum alter volumen, alter clauas manibus continere videbatur. Cumque Ioannes hanc nouam speciem miraretur timore esse correptum; hos vero manibus apprehensum exiisse, & metum absterxisse, bonoque animo eum esse iussisse. Percontanti quinquam essent ij viri tanta præditi gloria, qui accedere ad se dignati essent; ne timeas, eos dixisse; nos venimus à Christo missi. Alterum postea manu protensa volumen tradidisse, dicentem fume librum. Nam ego sum Ioannes, cui sapientia Dei pectus tradidit, in quod & recumbere voluit. Quæ quidem te, & per nos ad scripturas pernoctandas idoneum reddet, & te quasi manu ducet ad eius cognitionem. Alterum vero manu extensa, fume dixisse, has clauas. Meque Petrum esse scito, cui Deus clauas in manus tradidit. Quem nunc per me crede te eadem gratia, qua me participem facere. Quare quæcumque ligaueris, vel solueris super terram, erunt ea ligata, vel soluta & in Cælis. Nonne de-

SECTIO XX.


IAm quoad eius fieri potuit præstitimus, quod polliciti sumus allata ad quinque articulos, responsione qui in decreto Florentinæ Synodi continentur. Conscriptimus verò hæc à communibus Patribus, ac Doctoribus desumpta materia: quos Ecclesia sanctos esse decernit, illorum vestigijs insisterendo, & qui hæc literis theologicis mandauerunt, & tradiderunt, vt veraces suscipiendo, quibus Ephefius Marcus non valens in Synodo contradicere, & sui incertus certamen contrecidit. Perfecimus autem hoc opus multo labore, ac studio, propterea omnes qui hæc perlegerint, oro ne dolose: & cum presumptione, aut proprio affectu induci, percurrant, sed sincera dispositione adhibita, suam conscientiam iudicem dictis præciant. Arbitror enim cum qui hac conditione ad legendum accesserit, à morbo se vindicaturum; magnamque gratiam habiturum ei, qui hæc edidit, & laborauit, cum hanc commentationem ex multis locis collegerim, & coagmentarim. Exaltauimus verò hunc laborē vt Dominus scit, qui occulta cognoscit, non gloriam aucupandum temporariam, neque opum comparandarum gratia, sed pura, & pia mente pro virili veritati patrocinari exoptantes. Quæ quidem ijs, qui aperte sanctis contradicere nolunt, liquido est demonstrata, & ea præterea de causa hoc opus aggressi sumus, vt qui horum studiorum sunt ignari, & tamen de hoc dogmate ambigunt, nequaquam amplius excusationem afferre possint se sententias, & dicta sanctorum planè ignorare. Ideo æquum mihi visum est volumen hoc rerum contexere, & resipiscere aliquando volentibus, veluti sumptuosum quoddam conuiuium apponere Cantic. 4. Ecclesia verò sponsa immaculata nullas sordes, vel rugas admittens, sole lucidior denudò apparebit, vt fuit, & est, & erit; quamquam disrumpantur, qui contra sentiunt. Nam

scm.

semper extitit extra errorem, neque diuerſas opiniones prædicaui: ſed eaſdem illas, quas à diuino ore Saluatoris accepit. Rogo vos iterum ò cariffimi, vt hæc cum charitate Legatis, & ſpiritu fidei: ac ſi vera & iuſta viſa fuerint, ijs aſſentiamini. Si verò contra conſutetis, & ſcriptis editis rationes aſſeratis: vt & nos ijs perpenſis, ſententiam noſtram cum charitate dicamus, retraſtantes noſtra, vel delentes. Spero igitur Deo ſiſus, qui pacis eſt Pater, vos his rationibus ſuaſos veritati ceſſuros, animi candorem, & obedientiam Deo præſtando, mutuoque accipiendo paracleti gratiam, & prudentiam; nam eo concedente, nulla mutatio, vel imminutio pij, & Patrij Spiritus conſequetur: neque orthodoxa veritas imminuitur. Abſit: malò enim milles mori, quam ſuadere vos vt tantillum quidem à vera fide declinetis. Reſpiciſcite rogo fratres reſpiciſcite. Quamdiù vos in hac falſa ſuaſione perdurabitis? quandiù ſi non vtroque, altero tamen pede claudicabitis? excitemini ſe-

gnes, qui humi repitis, exurgatis, ne dum vos malum ſomnum ſteritis, facilè inimicus diſſeminet diſcordiæ zizaniæ. Tollatur paries, qui dirimit ſepem, ſiamus vnum corpus ſub eodem capite; eſt autem caput ipſe Chriſtus. Quem vt magiſtrum: ac vitæ datorem pie, & pura conſcientia ſequendo, cognoscemus Deum, & Patrem eius: à quo ab æterno ſine tempore, ſine deſluxu, & ſine paſſione eſt genitus, ſanctiſſimumque, & viuificantem eius Spiritum à Patre; tamquam productore ab æterno, & à principio productum, & procedentem; & per eum emanantem, & ſcaturientem eſſentialiter, & ſubſiſtenter, & prodeuntem, & editum, vnam increatam potentiam, & ſine fine Regnum, immortalẽ vitam, & beatitudinem; quam vtinam omnes conſequamur, ne de via declinantes in montes: ſolitudines, & foueas delabamur: & in loca, quæ non aſpicit lux vultus Domini noſtri, & Saluatoris noſtri Ieſu Chriſti, cui gloria, & victoria in ſecula ſeculorum. Amen.





H E N R I C I

R E G I S A N G L I Æ

Huius Nominis Octavi.

*DE PRIMATV ROMANI PONTIFICIS,
& de Indulgentijs aduersus Lutherum.*

Henricus Octauus verè Angliæ Salomon Primum Sapiens, deindè Apostata iuxta Prouerbiũ dicentis; experientia confirmatum, Virum & mulieres faciunt Apostatæ Sapientem; innumera Ecclesiæ ytilia gessit antequam in eam phrenesim incideret, & de ea valet illud Origenis, vbi benè, nemo melius. vbi malè nemo peius. Propositum in præsentĩ nobis est ea tantum exponere, quæ sanus gessit; & dicere de ipso, vt de Saul, duobus annis tantum regnauit, idest ijs tantum, in quibus verè regnauit. Anno 1511. Studet conciliare pacem inter Pontificem, & Gallorum, & Germanorum Reges, vt arma contra Turcas vertantur Ludouico Gallorum Regi æquas pacis cum Pontifice leges proponit: & aduersus cum iniquè pacem æquam respuentem, se Pontifici; & Hispanis coniungit. Adiungit se Concilio Lateranensi, arma sumit contra Gallos schismaticos pro Pontifice; eaque illius rogato deponit. Decernitur maritimi belli dux eum Emanuele Rege Lusitaniz aduersus Turcas, Audita sententia Papæ contra Lutherum, eã mandari operi iubet eiusq; pestiferos libros exuri. Audita Clementis Septimi captiuitate, quaritur de Carolo Quinto; & agit cum Francisco I. de eo liberando, & arma cum Gallis Heluetijs, Venetisque iungit. Hæc & innumera alia pro Sedis Apostolicæ munimine egit. Vt autem etiam calamo, ne dum gladio Romanum Pontificem defenderet. edit librum aduersus Lutherum pro Sacramentis Ecclesiæ de Primatu Romani Pontificis, vbi assert vnicum, quod omnibus combustis alijs, vult Lutherus ab omnibus teneri, nempe Papatum romanum esse robustam Venationem Nembroth, & illud argumento insigni destruit, Primatumque confirmat. Missæ Sacrificium egregiè propugnat aduersus Nouatores; & confessionem auricularem, traditiones, & audiendum Paraclitum qui per Ecclesiam loquitur, non Lutherum, ex Christi imperio fugiendum potius, quam audiendum, defendit Sacerdotis dignitatem, demonstrat eadem ratione Christianos esse Reges, quæ Sacerdotes, defendit Sacramentum extreme unctionis, deridet Lutherum Immortalitatem suis spondentem; ostendit plures illum trucidasse, neminem sanasse. Oratoris opera porrigit librum Pontificis, sua scripta Pontificiæ Auctoritati subijcit. Iste liber aduersus Lutherum versus in Germanicum sermonem, Catholicos confirmat; & quamuis à Luthero proscinderetur omni scurrilitatum genere, à Leone Decimo ornatur innumeris elogijs; & nobilissimo Defensoris fidei titulo decoratur, occasio ergo huius libri fuit Martinus à Lauther, seu Luther; qui anno 1517. incepit disputare de indulgentijs, & peccatorum condonationibus. Accidit eo tempore vt Leo Decimo nouas indulgentias per orbem diuulgaret, elegit autè Pontifex Archiepiscopus Moguntinum; & Magdeburgensem S. R. E. Cardinalem, & Germaniæ Primatem;

tem; qui elegit ad hoc exequendum Ioannem Telzel virum insignem Ordinis Prædicatorum; qua ex re ira commotus Lutherus, ex inuidia, & auaritia scripsit ad Ioannem Starpitiu Vicarium Generalem Augustinianorum in Germania epistolam; & in publicum euulgauit 95. propositiones, quibus impugnabat communem opinionem, & Ecclesiæ sententiam de Indulgentijs, & earum abusu, Telzelius Commissarius Apostolicus 106. edidit propositiones, quibus contrariam explicabat sententiam. Hinc lites & disputationes. Commissa fuit Caictano, tunc temporis in Germania Legato à Latere, ibique comparuit; sed nil dedit, nisi verba. Commissa deinde est pugna inter Ioannem Echium, & Carolstadio, qui cum parum laudis reportaret, habuit socium Lutherum, nec rogatum, nec prouocatum per 11. dies. Sed factus; è iacturis suis obstinatio, scripsit contra Romanam Ecclesiam, indulgentias, & Sacramenta, & collegit in vnum omnes hæreticorum errorem. Cum igitur Lutherus, complicesque sui præ se contemnerent omnem iudicium Ecclesiasticum, rebelles non modo ordinarijs iudicibus, sed & Principibus, Papæ; & Concilio ipsi Generali, misertus, condolenque Germaniæ Nationi Henricus, calamum non erubuit tractare è trono, decertaturus contra maledicum & Apostatam. Scripsit itaque assertionem 7. Sacramentorum aduersus captiuitatem Babylonicam Lutheri ad Leonem Decimū; adeo sanè disertè, eruditè, vt eo labore promeruerit ipsius Papæ, omniumq; Cardinalium iudicio perpetuæ laudis titulum, vt publicæ fidei defensor nuncuparetur. Quod, & inuitus tamen testatur Sleidanus lib. 3. Postea quam autem sensit Lutherus, hoc libro regio per Hieronymum Emperum in linguam Germanicam translatum, multum existimationis apud Germanos detrahi, Euangelio suo longè atrocissimè contra omnem pudorem humanum inuectus est in Regem Angliæ, & quidquid ei in buccam venit, sine aliquo rubore euomit, ius gentium, quo Regiæ Maiestati deferretur, ac fas omne furiosè, contemnens. Vocat eum sordem; & Labem hominum. Quis, est dicens, iste Henricus nouus Thomista? Item rectè coniungitur simul Papa, & Henricus de Angliæ, ille Papatum suum tam bona habet conscientia, quàm hic suum possidet regnum. Dum tamen sic furebat Lutherus piam, et eruditam Regis Angliæ assertionem coeperunt à Lutheranis calumnijs, asserere, et mendacia in os; et calamum Lutheri retorquere D. Ioannes Echius Latinè, et Thomas Minrucus Theutonicè; et inter ceteros Ioannes Dientenbergius pius; et eximius Theologus, in duabus duntaxat consultationibus, de votis; et de confessione, quas in Lutherum scripsit, plusquam octingenta mendacia in Luthero detexit. Cæterum ex Angliæ quoque viri duo Regem suum à Lutheri obiectionibus, et calumnijs defenderunt; nempe Roffensis, et Gulielmus Roffeus Quibus nec Lutherus, nec Lutheranorum quispiam vnquam responderè attentauit Henricus autem, vbi intellexit Lutheri in maiestatem suam furorem veriùs, quàm librum, non contra Lutherum iratus rescripsit leuiter, aut contentiosè, sed grauitè cum summa et pietate, et prudentia per literas admonuit periculi Saxonie Duces, quas literas attulit eis Nuncijs Regius, qui à Principibus illis honorificè susceptus; liberalitè habitus, literis, & muneribus datis, dimissus, ad Regem suum redijt. Sed iam videmus quid obijciant aliqui, cur huius Regis monumenta emittamus, quem à Catholica tandem Ecclesia defecisse, omnibus compertum est, & præcipuè in eo, quod se ipsum supremum Caput Ecclesiæ Anglicanæ constituerit. Maximè ergo dolendum est; quod ceciderit ista cedrus Libani, & non respexerit retrò tam diuersus à se ipso. Cæterum Salomon omni gratia & sapientia donatus à Domino, ad idolatriam à mulieribus inducitur, prouerbia tamen, & reliqua; quæ conscripsit, non ideò ab Ecclesia sunt reiecta, sed nihilominus, in Canone Ecclesiastico recepta. Sic in hoc Rege ira accenso; maximè instigante illa noua Iezabele, quæ odio in Pontificem flagrabat, tam impijs nuptijs approbare renuentem, quæ tandem iusto Dei iudicio debitas perfidiæ poenas luit, ab ipso Rege, vt adulteram, capite damnatam. De hoc autem libello scribit Erasmus in epistola ad Georgium Ducem Saxonie anno 1522. Vocat libellum elaboratum & ingenium Principis mirè felix, ac versatile, & dicit eundem scripsisse disputationem Theologicam, an laicus obligaretur ad orationem vocalem, & gaudet versari in libris scholasticorum Theologorum; & in conuijs differere de re Theologica. Roffensis in assertionibus Lutheranæ consultatione, ait; calamo totius Ecclesiæ fidem tutatum esse, idquè tam splendide, tamque copiosè fecisse, vt nescias quod primum in eo mireris in genium, eruditionem, an facundiam, vt de cæteris fileam; ne captare gratiam

eius videat. Albertus Pius Carpirum Comes in responsione ad epistolam primam Erasmi laudat summopere, nō quod potentissimus Angliæ Rex fuerit, quod plerisque contigit; sed quod tatarus fuerit Ecclesiam Catholicam; & armis & lingua, & asserit monumentum illud perpetuum testari eum referendum inter Heroes, & esse præferendum cæteris triumphis, quantō gloriosior est triumphus de inimico Christi; quam de priuato, de ingenijs, et sapientia; quam de corporibus, et de Regno cœlesti, quam terreno propagando eogitare. Ea impressa Lugduni 1561. pauca de Primatu Romani Pontificis ponimus.

Sanctiss. Domino Nostro Domino
Leoni X. Pont. Maximo

*Henricus Dei gratia Rex Angliæ, ac
Dominus Hiberniæ perpetuam
felicitatem.*



Vm partim bellicis, partim alijs; ðge diuersis studijs Reipublicæ causa adulescentiam nostram infuuerimus, miraturū te beatissimē Pater non dubitamus, quōd eius nunc hominis partes nobis sumplerimus, qui omnem potius ætatem consumpsisset in literis, ut grauem scilicet, hæresim pullulantem comprimamus. Sed desinet (opinor) tua sanctitudo mirari, postquam causas expenderit, quæ nos subegerunt, ut hoc scribendi onus (quāquam non ignari, quāsumus impares) subicerimus. Vidimus siquidem in messem domini iacta zizaniz semina pullulare scias, hæreses in fide succrescere, & tantam per Orbem totum Christianum seminatum discordiz materiam, ut nemo, qui sincera mente Christianus sit, hæc tanta mala tam late serpens, ferre diutius possit, quin & studium cogatur, & vires qualescunque possit, opponere. Mirum igitur videri non debet, si nos quoque, tametsi potestate non maximi, fide tamen, ac voluntate nemini secundi in opus tam pium, tam vtile, tam necessarium, ut à nemine ferre possit absque piaculo prætermitti: & nostram erga tuam sanctitatem, obseruantiam, & erga religionem Christi studium, erga Dei cultum obsequium nostrum declarare constitimus: maximē fidentes, etsi eruditio nostra sit tam exigua, ut propemodum nulla, gratiam tamen Dei sic cooperaturam nobiscum, ut quod doctrinæ nequimus, perficere, id ipse pro sua benignitate, summæque potentia plenius absoluat, ac nostram in literis imbecillitatem suo vigore suppleat. Quamquam in literis quoque, præsertim sacris, etsi certō sciamus nusquam non esse multos, qui hoc scribendi munus, & obire commodius, & præstare possint vberius, tamen non vique adeo rudes sumus, ut in communi causa deceat nos quoque pro nostra virili, calamo quid possemus (quantulum id cumque fuerit) experiri. Postquam enim in administranda Republica maximam semper vim, inaximumque momentum Religionem habere multo vīu aduertimus, ut primum maturiores annos attigimus, cepimus eius contemplationi non nihil studij impen-

dere. Plurimum profectō (postquam cepimus) in eo delectati consecuti tamen, non nos laret, quā exiguū. Tantū tamen (ut speramus) quantū, adiuuantibus præsertim, vel potiū intelligantibus ijs, quæ vel admodū rudem abundē reddere instructum possent, pietate scilicet, & læsæ religionis dolore, ad Lutheranz hæresis fraudes rationibus detegendas, sit satis. Itaque etiam hac fiducia rem tentamus, & quæ in ea meditati sumus, sanctitati tuæ dedicauimus, & sub tuo nomine, qui Christi vicem in terris geris, publicum iudicium subeant. Sic enim nobis persuasimus, cum ea hæresis aliquandū inter Christianos grassata grauissimæ, saluberrimæque, sententiæ tuæ vi, & manibus hominum sit excussa, siquid eius in pectoribus, vel capione aliqua deceptis, vel blandis pollicitationibus inescatis, adhuc resedit, id esse iustis rationibus eximendum. Sic enim futurum, ut cum duci, quā trahi se ingenia libentius pariantur, non desit his mitoris quoque remedij ratio, in qua promouerimus ne nos quicquam, an non, beatitudinis tuæ iudicium erit. Cuius etiam arbitrio, siquid est à nobis erratum, corrigendum offerimus.

AD LECTORES.

Motus quidem fidelitate, ac pietate, quamquam mihi nec eloquentia sit, nec scientiæ copia: cogor tamen, ne ingratitude macule, matrem meam, Christi sponsam, vtiqam tanta facultate, quanta cum voluntate defendere. Quod licet alij præstare possint vberius, ac copiosius, mei tamen officij esse duxi, ut ipse quoque quantumvis tenuiter eruditus, quibus rationibus possem, Ecclesiam tueri: meque aduersus venenata iacula hostis eam oppugnantis obijcerem. Quod ut faciam, tempus ipsum, & præsens rerum status efflagitat: nam antea cum nemo oppugnaret, nemini propugnare necesse erat. At cum iam hostis exortus sit, quo nullus potuit exoriri malignior, qui demonis insinatu charitatem prætexens, ira, atque odio stimulat, & contra Ecclesiam, & contra Catholicam fidem viperum virus enouit, necesse est aduersus hostem communi Christianæ fidei, omnis Christi seruus, omnis sexus, omnis ordo confurgat: ut qui viribus non valent, officium saltem alacriter testentur affectu. Nunc itaque continet, ut duplici armatura muniamur, cœlesti scilicet, ac terrestri. Cœlesti, ut qui fidei charitate, & alios perdit, & periciple, vera charitate lucifragus, alios lucifragat, & qui falsa doctrina depugnat, doctrina vera vincatur. Terrestri vero

verò, ut si tam obstinatè malitiæ sit, ut consilia sancta spernat, & correptionem piam contemnat, meritò correatur supplicio: ut qui benè facere non vult, desinat malè facere: & qui nocuit verbo malitiæ, supplicij proste exemplo. Quæ pestis vniquam tam perniciosa inuasit gregem Christi? Quis serpens vniquam tam venenatus irrepsit, quàm is, qui de Babylonica captivitate Ecclesiæ scripsit, qui scripturam sacram ex suo sensu contra Christi sacramenta detorquet, traditos ab antiquis patribus ecclesiasticos ritus eludit, sanctissimos viros, vetustissimos sacrarum literarum interpretes, nisi quatenus ipsius sensui conveniunt, & consentiunt, nihil pendit: sacrosancam sedem Romanam Babylonem appellat, summum Pontificem vocat tyrannidem, totius Ecclesiæ decreta saluberrima captivitatem censet, sanctissimi Pontificis nomen in Antichristum convertit, O detestabilis arrogantia, contumeliæ, ac schismatis buccinator. Quantum inferorum lupus iste iste, qui Christi gregem dispergèrè querit? Quantum diaboli membrum, qui christianos Christi membra querit à capite, suo decerpere? Quàm putris huius animus, quàm execrabile propositum, qui & sepulta resuscitat schismata, & vetustis adjecit noua, & hæreses æternis abdensa tenebris, velut Cerberum ex inferis producit in lucem, diguamque ducit se, cuius vnus verbo (post habitis antiquis omnibus) vniuersa regatur, immò subvertatur Ecclesia? De cuius ego malitiæ quid dicam, nescio: quam tantam, cenfeo, quantam neque lingua cuiusquam, neque calamus exprimere possit. Quam ob rem vos omnes Christi fideles hortor, oro, & per Christi nomen (quod professi sumus) obtestor, ut qui Lutheri opera (si modo is Babylonicæ captivitatæ sit auctor) omnino velint inspicere: cautè illud, & cum iudicio faciant, ut quemadmodum Vergilius aurum se colligere dixit è stercore Ennii, sic è medijs malis colligant bona. Nec ita (siquid ardet ipsis) afficiantur, ut cum melle simul imbibant venenum. Multò enim satius fuerit vtroque carere, quàm vtrumque glutire. Quod ne accidat, vti nam auctor aliquando resipiscat, ut convertatur, & viuat: ac suos libros omni malitiæ refertos, exemplo Augustini (cuius regulam profutur) retractet, erroresque reuocet. Quod si recusset Lutherus, breui certè fiet, si Christiani principes suum officium fecerint, ut errores eius, euniquè ipsum (si in errore persisterit) ignis exurat. Interea nobis visum est in captivitate Babylonica quadam loca commonstrare lectoribus, in quibus præcipuum latet venenum.

Ex quibus appertè satis constabit, quàm exulcerato animo aggressus sit opus, qui cum publicum bonum prætendat, nihil præter malitiam adscribendum asserat.

Ut hæc doceamus, quæ diximus, haud

longè nobis petendæ probationes sunt: nam nequis ob eam rem sursum, deorsum cussiter, Lutherus vtrò se se atque animum suum primo statim principio prodit. Quis enim dubitet, quò tendat, quò se proripiat is, cuius vel hunc vnum versum legerit:

Indulgentiæ sunt adulatorum Romanorum nequitia.

QVemadmodum animal omne potissimum ex facie dignoscitur, ita ex hac quoque prima propositione clarescit, quàm suppuratum, ac putridum is habeat cor, cuius os amaritudine plenum, tali exundat sanie. Nam quæ de indulgentijs olim disse-ruit, ea plerisque multum videbantur adimere non modo de potestate Pontificis, verum etiam de bona spe, ac sancta consolatione fidelium: hominesque vehementer animare, ut in poenitentia suæ consili diuitijs, ecclesiæ thesaurum, & vltro neam Dei benignitatem contemnerent. Et tamen ea, quæ tum scripsi omnia, idcirco mitius accepta sunt, quia pleræque disse-rebat dumtaxat, non assererat. Subinde etiam petens doctri, seque pollicens meliora docenti paritum. Verum, istud quàm simplice scripsi animo, homo sanctulus, & omnia referens ad spiritum, qui fictum effugit: hinc facile deprehenditur, quòd simul, atque à quoquam salubriter est admonitus: licet pro beneficio regessit maledictum, conuicijs, & contumelijs insaniens: quibus operæ precium est videre, quo vesania tandem prouectus est. Ante factus est indulgentias hæstentis (altem valere, ut præter culpam etiam à pœnis absoluerent, quascumque videlicet, vel ecclesia statuerat, vel suis cuique sacerdos iniunxerat. Nunc verò non eruditione, ut ipse inquit, sed malitiæ tantum, profecit, ut sibi ipsi contrarius indulgentias in vniuersum condemner. Ac nihil aliud eas dicat esse, quàm meras imposturas ad nihil omnino valere, præterquam ad perdendam hominum pecuniam, ac Dei fidem. Quæ in re quàm non sceleratè modo, verum etiam furiosè bacchar, nemo est qui non videt. Nam si nihil omnino valent indulgentiæ, sed meræ sunt, ut Luth. ait, imposturæ, tunc necesse est impostores fuerint, non hic tantum Pontifex Leo Decimus (cuius innocens, & inculcata vita, morsque sanctissimi ab ineunte ætate per Orbem totum satis explorati sunt; quemadmodum in epistola quadam ad Pontificem Lutherus etiam ipse facetur) verum etiam tot retro sæculis omnes Romani Pontifices, qui (quod Lutherus ipse commemorat) indulgere solebant, alius remissionem annuam, alius triennem, quidam aliquot condonare quadragesimas; nonnulli certam totius poenitentia partem, tertiam puta; vel dimidiam: aliqui demum remissionem indulserunt, & pœnæ, & culpe plenariam. Omnes ergo (si vera dicit Lutherus) fuerint impostores. At quanta magis cum ratione, creditur hunc vnum fraterculum morbidam esse ouem, quàm tot olim Pontifices pœcidos fuisse pastores? Nam Lutherus, ut dixi, cuiusmodi vir sit, quàm nihil omnino charitatis habeat, euidentissimè declarat: cum non vereatur tot summis, tot sanctis Pontificibus tantum crimen impingere. Si Deus in Levitico 19. dicit omnibus; Non eris criminator, nec susurro in populis: quid de Luthero censendum est? qui tam immane crimen non in vnum aliquem hominem, sed in tam mul-

cos, tam venerandos spargit antistites, idemque non in vna quapiam Vrbe susurrat, sed per totum buccinat Orbem? Si maledictus in Deuteronomio 27. dicitur, qui clam percussit proximum, quanta maledictione percussit, qui palam tantis opprobrijs insular in Przpositos? Denique si homicida est (vt ait Euangelista) nec vitam habet æternam, qui odit fratrem, an non hic æterna dignus morte parricida est, qui odio prosequitur patrem? Qui cum cõsueque progreditur, vt neget indulgentias quicquam valere in terris, frustrâ cum eo disputem, quantum valeant in Purgatorio. Præterea quid profuerit cum illo loqui, quibus subsidij liberemur à Purgatorio, qui totum sermẽ tollit Purgatorium? Vnde cum pati nōa possit, vt Pontifex quemquam eximat, ipse sibi tantum sumit, vt neminem ibi relinquat. Quid attinet cum eo pugnare, qui pugnat ipse secum? quid argumentis promoueam si cum eo agam, vt donec quod ante negauit, qui nunc id ipsum negat, quod ante donauerat? Verum quantumuis disputentur indulgentiæ Pontificis, necesse est inconcussa maneat verba Christi, quibus Petro clauẽ commisit Ecclesiæ, cum dixit: Matth. 16. [Quicquid ligaueris super terram, erit ligatum & in cœlo: & quicquid solueris super terram, erit solutum & in cœlo.] Io. 20. [Item quorum remisistis peccata, remittentur: & quorum retinueritis peccata, retinebuntur.] Quibus verbis si satis constat sacerdotem quemlibet habere potestatem à mortalibus absolendi criminibus, & æternitatem pœnæ tollendi, cui non videatur absurdum sacerdotem omnium Principem nihil habere iuris in pœnam temporariam? Verum aliquis fortasse dicit: Lutherus ista non admittet, sacerdotem vllum quicquam ligare, vel soluere, aut Pontificem summum plus habere potestatis, quàm alium quemuis Episcopum, immò quàm quemlibet sacerdotem. At quid id mea, quid admittat, aut quid non admittat is, qui quorum nihil admittat nunc, eorum pleraque paulò prius admisit: quique omnia nunc rejicit solus, quæ tota tot seculis admisit Ecclesia? Nam (vt cætera taceam, quæ nouus iste Momus reprehendit) certè indulgentias, si Pontifices peccauere, qui concesserunt, immuniis à peccatò non erat tota congregatio Fidelium, qui eas tamdiu tanto consensu susceperunt: quorum ego iudicio, & obseruatæ Sanctorum consuetudini non dubito potiùs acquiescendum, quàm Luthero soli, qui totam Ecclesiam tam furiosè condemnat. Cuius non modo summum Pontificem conuicijs infans incescit, verùm etiam proclamare non veretur: Pontificum ipsum inane prorsus nomen esse, nec re quicquam aliud esse censendum, quam regnum Babylonis, & potentiam Nembroth robusti venarioris: eoque lectores orat: Orat librarios, vt omnibus, quæ prius de Papatu scripsit exultis, hanc vnã propositionem teneant.

Papatus est Robusta Venatio Romani Pontificis.

Iud hercle non absurdum votum est, quo d quæ ante scripsit, flammis opat: absumi. Erant pleraque flammis digna: sed multò tamen ista propositio dignior, quàm, exultis illis, iubet velut dignam æternitate substitui. Quanquam quis non hic quoque, nisi malitiam norit, miretur inconstantiam? Nam prius papatum negauerat esse diuini iuris, sed humani iuris esse concesserat. Nunc verò secum diffidens neutrius iuris esse confirmat: sed Pontificem sibi mera vi sumpsisse, atque usurpasse tyrannidem. Senebatur ergo pridem humanum saltem consensu, propter bonum publicum Romano Pontifici super Ecclesiam catholicam, delatam esse potestatem. Idque, vsque adeò sentiebat, vt Boemorum quoque schisma detestaretur, quod se ab obedientia Romanæ sedis abscederent: pronuncians eos peccare damnabiliter, quicunque Papæ non obtemperarent. Hæc quum haud ita pridem scripserit, nunc idem quod tum detestabatur, incidit. Quin istud quoque similis est constantiæ: quod cum in concione quadam ad populum excommunicationem doceat esse medicinam, & obedienter, patienterque ferendam, paulò post excommunicatus ipse, idque meritissimo iure: sententiam tamen tam impotenter tulit, vt rabie quadam furibundus in contumelias, conuicia, blasphemias, supra quàm vllæ possint aures ferre, proruperit sic, vt suo furore planè perspicuum fecerit eos, qui pelluntur gremio matris Ecclesiæ, statim furis corripì, arque agitari demonibus. Sed istud rogo, qui illam tam nuper vidit, vnde nunc subdito videt, nihil se tunc vidisse? Quos nouos oculos induit? An acutiore cernit obtutu post quam ad superbiam solitam, ira quoque superuenit, & odium, & longius videlicet prospicit, vltus tam præclaris conspicijs?

Non tam iniurius ero pontifici, vt anxie, ac sollicitè de eius iure disceptem, tamqua res habetur pro dubia. Satis est ad præsens negotium, quòd inimicus, eius ita furore prouehitur, vt sibi fidem derogat ipse, ac dilucidè se ostendat præ malicia, neque constare secum, neque videre quid dicat. Nam negare non potest, quin omnis Ecclesia fidelium sacrosanctam sedem Romanam, velut matrem, primatemque recognoscat, ac veneretur, quæcunque saltem neque locorum distantia, neque periculis interiacentibus prohibet accessu. Quanquam, si vera dicunt, qui ex India quoque veniunt huc: Indi etiam ipsi tot terrarum, tot marium, tot solitudinum plagis disiuncti, Romano tamen se Pontifici submittunt. Ergo si tantam, ac tam latè fassam potestatem, neque Dei iussu Pontifex, neque hominum voluntate consequutus est, sed sua sibi vi vindicauit, dicat velim Lutherus, quando in tantæ ditionis irrupit possessionem. Non potest obscurum initium esse tam imensis, potentie præsertim, si intra memoriam hominum nata sit. Quòd si rem, dixerit vnã fortassis, aut duas ætates superare, in

In memoriam nobis rem redigat ex historijs. Alioqui, si tam vetusta sit, vt rei etiam tantæ obliterata sit origo: legibus omnibus cautum esse cognoscit, vt cuius ius omnem hominum memoriam ita supergreditur: vt sciri non possit cuiusmodi habuerit initium, censeatur habuisse legitimum, veritumque esse, constat omnium consensu gentium, ne, quæ diu manserunt immota, moueantur. Certè si quis rerum gestarum monumenta reuoluat, inueniet iam olim protinus post peccatum orbem, plerasque omnes christiani orbis ecclesias obtemperasse Romanæ. Quin Græciam ipsam, quamquam ad ipsos commigrasset imperium, reperimus tamen, quod ad Ecclesiæ primatum pertinebat, præterquam dum schismate laborabat, Ecclesiæ Romanæ cessasse. Beatus vero Hieronymus quantum Romanæ sedi censet deferendum, vel inde, luculenter ostendit, quod cum Romanus ipse non esset, tamen apertè fateatur sibi satis esse, si suam fidem, quibusuis improbantibus alijs, comprobaret Papa Romanus, cui cum Lutherus tam impudenter pronunciet (idque contra suam pridem sententiam) nihil omnino iuris in Ecclesiam catholicam, ne humano quidem iure competere, sed Papam mera vi, meram occupasse tyrannidem, vehementer admiror, quod aut tam faciles, aut tam stupidos speret esse lectores, vt sacerdotem credant inermem, solum, nullo spectum satellito (qualem fuisse cum necesse est, priuquam eo potiretur, quod eum Lutherus ait inuasisse, vel in spem inuenire vnquam potuisse, vt nullo iure fultus, nullo fretus titulo, in tot vbique pares Episcopos, apud tam diuersas, tam præculdificas gentes, tantum obtineret imperium. Nedom, vt credat quisquam, populos omnes, vrbes, regna, provincias, suarum rerum, iuris, libertatis, fuisse tam prodigos, vt externo sacerdoti, cui nihil deberent, tantum in sese potestatis darent, quantum ipse vix esset ausus optare. Sed quid refert, quid in hac re,

Lutherus sentiat, qui præ ira, atque inuidia non sentit ipse: quid sentiat, sed benè declarat offuscata scientiam suam, & cor ipsius insipiens obsecratum, traditumque in reprobum sensum: vt faciat, ac dicat ea, quæ non conueniunt. Quam verum est illud Apo. Si habueris prophetiam, & nouerim omnia mysteria, & omni scientiam, & si habueris omnem fidem, ita, vt montes iransferam, charitatem autem non habueris, nihil sum. A qua quam longè abest iste, non illud tantum ostendit, quod præ furore perit ipse, sed illud multò magis, quod vniuersos secum trahere conatur in perditionem, dum omnes ab obedientia summi Pontificis laborat auertere: cui ipse triplici vinculo tenetur astrictus, vtpotè Christianus, sacerdos & postremo fraterculus, tripliciter à deo vicissim puniendus. Neque meminit quicquam, quando melior est obedientia, quam victimæ. Neque considerat, si in Deuteronom. cauetur, vt qui superbiebit, nolens obedire sacerdotis imperio, qui pro tempore ministrat Domino Deo suo & decreto iudicis, moriatur: quam atroci fit supplicio dignus is, qui sacerdoti omnium summo, eisdemque supremo in terris iudici non paruerit. Nam, & cum vocaretur ad Pontificem, oblatiis expensis, & data fide, venire, tamen fraterculus, nisi munitus præsidio contempsit, & iam, quoad potest, totam perturbat Ecclesiam, corpusque totum sollicitat ad rebellandum capiti, cui quasi peccatum arolandi est repugnare, & quasi scelus idolatriæ nolle acquiescere. Quamobrem cum Lutherus odio prouectus, se præcipiret in perniciem, & legi Dei recuset esse subiectus, suam nimirum querens constituere: nos vicissim christicolæ caueamus, ne (quod Apostolus ait) per inobedientiam vnius hominis peccatores constituti simus multi, sed illius iniquitatem perosi, domino cum propheta canamus: Iniquos odio habui, legem autem tuam dilexi.





HIERONYMI

MUTII

IUSTINOPOLITANI.

DE ROMANA ECCLESIA

TRACTATVS.

Hieronymus Mutius Iustinopolitanus, seu vt sæpè citat se in operibus suis Mutius Iustinopolitanus relicto nomine, quod familiare est Scriptoribus Gallicis diuersis artibus operam nauauit, Morali, Rethoricæ, Militari, & Theologiæ. Patria eius fuit Iustinopolis dicta Egida à Plinio, Istriæ Vrbs primaria, Episcopalis sub Patriarcha Aquileiensi, distans inde ab ea Vrbe trigintaquinque mille passus in ora littorea, in Peninsula vulgò propterea Capo d' Istria vocata. A Iustino Imperatore illius Instauratore nomen habet, inter Tergestum ad Occasum, & Parentium in Ortum, subestque Dominio Serenissimæ Reipublicæ Venerorum. Non ante docuit, quàm disceret longo tempore, & veluti Pictor ille tardus pingebat Æternitati, & de se faretur in vinea Domini otiosum ferè tota die fuisse, vix circa sextam, & nonam horam vocatum ad laborem, vti nam & ad æqualem cum alijs mercedem. In alieno solo Patriam inuenit, degens cum tota domo suo Pisauri, è qua Ciuitate sæpè veniebat Romam; In qua Vrbe familiaritate utebatur cum Cardinali Alexandrino, & erat optimè cognitus à Summis Pontificibus, à quibus non mediocria priuilegia habuit pro se, suisque libris. Ab eodem Cardinali Romam degente, & amicis extrà Italiæ fines constitutis dabantur ei in manus hæreticorum libri, vt illis responderet, & tanta erat anxietas Catholicorum, vt si aliquo tempore tardasset extemplo à Catholicis damnaretur, indigeretque Apologia. Scripsit autem libros suos lingua materna, excepto illo de Ecclesia Romana scripto Latine, qui mos apud Germanos est in vsu. Edidit ergo Venetijs apud Ioannem Andream Vvaluassorem dictum Guadagninum 1572. Siluam odoriferam, quasi ipse varias arbores plantauerit vllò sine ordine postea eas in ordinem vnum collegerit, & Siluam conflauerit, inscribit eos Tractatus pro Dei vinea editos diuersis temporibus. Sub Paulo Tertio cæptum est loqui de Concilio Tridentino, an deberet nec ne congregari, & statim de hac materia scripsit librum, Vtrum nec ne deberet Concilium conuocari. Exierat declaratio illa celeberrima nominata interim, & subito scripsit de Communionem sub vna, & altera specie, & de vxoribus Clericorum. Ad Principem Vrbinate, deinde misit breuem institutionem circa Sanctam Catholicam Fidem, & eam inscripsit Antidotum Christianum. Post vidit pestilentem librum Brentij, in quo volebat suadere Principibus, vt vnusquisque sibi arrogaret Auctoritatem spiritualement Catholicæ Ecclesiæ opposuit doctrinam tamquam clypeum, & inscripsit Catholica disciplina Principum. Exijt deinde ex Saxonia infernalis spiritus, vt ipse vocat, qui Papam vocabat Antichristum, & ipsum Auctorem libri nominauit Hæreticum furibundum. Postea Pius Quartus intentionem habuit denuò aperiendi Concilium Tridentinum, aliqua conscripsit consideratione digna, adiungens etiam discursum hortatorium vnionis Italiæ. Publicato verè Concilio promulgauit Bullingerus librum pessimum, vt destrueret Auctoritatem, & doctrinam Sacrorum Conciliorum, qui liber velut hydra nas-

scens

scens subito igne extinctus est. In Tridentina Synodo inter alias materias tractata est per diuersos Articulos ea Sanctissimi Sacramenti, & super tria capita posuit suas responsiones. Eodem tempore Concilij sub nomine Apologiæ exijt ex Anglia inuectiua contra Papam, & Ecclesiam Romanam, & subito ipse responsum dedit contra Apologiam Anglicanam. Et cum in dubium vereretur vtrum Papa esset Episcopus vniuersalis scripsit librum de Romana Ecclesia distinctum in 12. Capitula, vbi demonstrat eam Matrem, Caput, & Principem totius Christianitatis. Ediderat interim hic Auctor responsionem cuidam Epistolæ Francisci Betti hæresibus plenæ, & in lucem editæ, vt vbique spargeretur. Ille librum edidit contra hanc Epistolam inscriptum *Malitiæ Bettinæ in Italico*, distinctum in quatuor partes. In prima demonstrat malitiosas allegationes, & interpretationes Sacrorum Doctorum factarum à Francisco Betti. In secunda demonstrantur eius malitiæ in allegando, & interpretando Sacra Concilia. In tertia ostenditur, quomodo malitiosè allegat, & interpretatur Sacram Scripturam. In quarta auferitur velum illius notabilibus mendacijs. Pisauri per hæreses Bartholomæi Cefani 1565. Cum autem particularem seruitutem haberet erga Vrbinates Principes illis dedicauit librum *Sylux odoriferæ*, & scripsit illius Historiam. Plura alia in lucem edidit, varia Opuscula Moralia omnia Italice, librum inscriptum *Tria testimonia*, librum de *Bellis Rimas*, librum de *Duello*, & innumera alia volumina sed exigua, quæ passim inueniuntur, & ipse de semet fatetur; enumerans enim varios libros suos, concludit vltra millena alia, quæ in diuersis materijs necesse fuit scribere; quæ materiæ etiam indicantur, in Motu proprio Pij V. moralia enim sunt, militaria, & Catholica, Poetica, adde & Historica. De eo mentionem facit Mathæus Koningius in sua Bibliotheca mentionem faciens etiam de paruo libro in his non comprehenso, & apud Auctores passim citantur isti exigui Liberculi, & Opuscula, ex quibus vnum de Ecclesia excerpimus. Sub quibus autem Pontificibus, & quo tempore vixerit satis indicant quæstiones ab eo motæ desumpta semper à tempore occasione, & priuilegio Pij V. illi concesso.

AD S. VNIVERSALEM SYNODVM

TRIDENTINAM

P R Æ F A T I O.



PETITIVIT Sathanas vt cribraret nos: & cum homines sui similes inuenisset, per illos Ecclesiam Dei oppugnare aggressus est; quàm vt facilius possit euertere, illius Rectorem artibus suis impetere est adortus; fallacijs scilicet, & mendacijs, quorum ille Pater est, & quibus ipse armis contra veritatem innicitur. Hinc illæ blasphemiz, Romanum Pontificem cæteris Episcopis non esse superiorem: Non à Deo, sed à Phœca potestatem habuisse: Non esse illum Caput, non Episcopum vniuersalis Ecclesiæ. Quæ vulgò sparsa ita innaluerunt, vt in plenarium etiam Concilium irrepserint. Hæc itaque cum ego non sine stomacho circumferri audirem, diutius me continere non potui, quin veritatis tela arripere, meque (quantulæ sint vires meæ) eorum furori opponerem. Summatim igitur Decreta Patrum, & Conciliorum antiquorum excerpti à Clemente Pontifice Primo vique ad finem Chalcedonenfis Concilij, vt quatuor sanctissimas generales Synodos comprehenderem. Quibus temporibus nemo sanæ mentis neget veram Catholicam Fidem, veramque Fidelium doctrinam claruisse: nosque secundum eorum dogmata vitam debere instituerè, ac populos docere. Hoc autem fidel meæ in hac parte testimonium vobis amplissimis, ac Reuerendissimis Patribus (qualecunque sit) reuerenter offerre statui, ac illius diuini spiritus iudicio subijcere: nosque Ecclesiæ suæ sanctæ (quæ repræsentatur in vobis) pollicitus est Dominus, vt eo dicente per vestram definitionem, aut recipiatur, aut eijciatur.

CAPVT PRIMVM.

*De B. Petri, & Successorum dignitate,
& auctoritate.*

Clemens Papa in Epistola prima.

Simon Petrus verè fidei merito, & integrè prædicationis obtentu fundamentum esse Ecclesiæ definitus est.

Si definitus est, disputatione opus non est: & si fundamentum est Ecclesiæ, nimirum rotam sustinet: & totam simul, & dissilam, & collectam.]

*Petri verba ad Populum de Successore
in eadem epistola.*

Et vos charissimi fratres conferui mei huic, qui præsidet vobis ad veritatem docendam, in omnibus obedite, scientes, quòd si quis hunc contristauerit, Christum, qui ei docendi dedit Cathedram, non recipit.

Attendant qui Pontifici non obediunt, sed ei potius detraxerunt, se Christum non accipere.]

Petrus item de Successore, ibidem.

Si inimicus est alicui pro actibus suis, vos nolite expectare ut ipse vobis dicat, cum illo nolite amici esse: sed prudenter obseruare debetis, & voluntati eius absque commotione obsecundare, & auertere vos ab eo, cui ipsum sentitis aduersum: sed nec loqui ijs, quibus ipse non loquitur.

Videant quàm rectè Petro obediunt ij, qui desertores Romanæ Ecclesiæ defendunt, ijsque in dogmatibus se coniungunt.]

Verùm quoniam veritatis oppugnatores hanc negant Epistolam esse Clementis, faciliè mentiri probantur Anacleti, Alexandri Primi, & Marcelli Primi auctoritate, qui ex hac Epistola, sub Clementis nomine, adducunt testimonia: & Alexandri bis in prima sua decretali Epistola, & semel in tertia; Alexander in prima; & Marcellus in secunda.]

*Anacletus in tertia Epistola, cum Petri,
& Pauli mentionem fecisset, addit.*

Ambo sanctam Romanam Ecclesiam, consecrauerunt; alijsque omnibus Urbibus in vniuerso Mundo præesse voluerunt.

Vniuerso Mundo dicit Anacletus. Sunt tamen nostra ætate qui id negent. Sed illis fortè maior adhibenda est fides, quippè qui antiquorum decretorum, & Apostolicorum statutorum maiorem notitiam habeant, quam ille qui à Petro presbyter fuit ordinatus, & Clementi in Pontificatu successit.]

Alexander in prima Epistola.

Nobis vobis loqui necessitas imperat dicente Propheta, ut tuba exalta vocem tuam: Et cui omnium Ecclesiarum commissa est cura, si dissimulem, audiam, Domino dicente: Reiecistis mandatum Dei.]

Scribit hanc Epistolam Alexander omnibus Orthodoxis per diuersas Prouincias Christo Domino famulantibus; Agnoscitque

auctoritatem suam omnes Ecclesias gubernandi: Ideoque illis decreta præscribit, dicens sibi omnium Ecclesiarum curam esse commissam.]

Verba hæc Alexandri sunt etiam in Prima Siricijs ad vniuersos Orthodoxos.]

Sixtus Primus in secunda Epistola.

Si quis auctem vestrum pullatus fuerit in aliqua aduersitate, licenter hanc sanctam, & Apostolicam appellet Sedem, & ad eam quasi ad Caput effugium habeat.

Scripta est omnibus Episcopis. Ergo ad eum omnes confugere debent, non ei insidiari.]

Pius in prima.

Vos Apostolica auctoritate institimus omnes eadem sentire debere, quia & nos eadem seruamus, nec debetis à capite quoquomodo dissidere.

Omnibus Ecclesijs scribit: omnes igitur simul instituit, & omnibus imperat.]

Marcellus in prima ad Antiochenes.

Sollicitudinem omnium Ecclesiarum, iuxta Apostolum, circumferentes, diuine circa nos gratiæ memores esse debemus, qui nos per dignationis suæ misericordiam, ob hoc ad fastigium sacerdotale promouit, ut mandatis suis inherentes in quadam eius sacerdotum specula constituti prohibeamus illicita, & sequenda doceamus. Vnde directis per Bonifacium Diaconum nostrum literis adiuuamus, ut quæ malè pullulant abscondantur, & malè facta corrigantur: atque bona fectentur: & Patrum nostrorum statuta, & exempla imitentur. Rogamus ergo vos fratres, ut non aliud doceatis, neque sentiat, quàm quod à beato Petro Apostolo, & ab reliquis Apostolis, & Patribus acceptis: Ab illo enim primo instructi estis. Ideo non oportet vos proprium derelinquere patrem, & alios sequi. Ipse enim Caput est totius Ecclesiæ, cui ait Dominus: [Tu es Petrus, & super hanc petram edificabo Ecclesiam meam, & reliqua.] Eius enim Sedes primitus apud vos fuit; quæ postea iubente Domino Romam translata est. Cui (adminiculante gratia diuina) hodierna præsidemus die. Nec ab eius dispositione vos deuiare oportet, ad quam cuncta maiora ecclesiastica negotia (diuina disponente gratia) iussa sunt referri, ut ab ea regulariter disponantur, à qua sumptere principia. Si vltra verò Antiochena, quæ olim prima erat, Romana cessit Sedi, nulla est, quæ non eius subiecta sit ditioni: ad quam omnes quasi ad Caput, iuxta Apostolorum, eorumque successorum sanctiones, Episcopi, qui voluerint, vel quibus necesse fuerit suffugere, eamque appellare debent: ut inde accipiant tuitionem, ac liberationem, vnde acceperunt informationem, ac consecrationem.]

Legitur in hoc textu in Romana Ecclesia esse fastigium sacerdotale, ut inde quasi de specula prohibeantur illicita, & facienda doceantur. Quod etiam Apostolicam Sedem, omnes audire debent. Item Petrum Caput esse totius Ecclesiæ. Sedem iussu Domini de Antiochia Romam translata; non à Phoca

exteris præpositam. Ad eam diuina gratia maiora negotia iussa referri, tamquam ad Caput: cùmque Antiochena Ecclesia cesserit, alias omnes multò magis oportere subiectas esse. Hæc benè examinanda sunt modernis Episcopis.]

Eusebius in tertia.

Benedictus Dominus Deus noster, qui per misericordiam suam Romanam Ecclesiam beati Petri Apostolorum Principis sacerdotio ditauit, nobisque viam monstrandam circa nos propter vniuersalem curam, quam nobis propter priuilegium eiusdem Ecclesiæ charitas indulsit.

Ad omnes Episcopos Campaniæ, & Thusiæ scripta est hæc epistola: & in ea vniuersalem curam habere dicitur Pontifex Romanus.]

Iulius in prima.

Inter beatissimos Apostolos in similitudine honoris fuit quadam discretio potestatis; & cùm omnium par esset electio, vni tamen datum est, vt cæteris præmineret.

Repetuntur etiam hæc verba à Leone I. in epist. 62. cap. 11.]

Item cum Apostolorum, & eorum successorum mentionem fecisset Iulius subiunxit.]

Romanam Ecclesiam Primatem omnium Ecclesiarum esse voluerunt.

Liberius in prima.

Olim & ab initio tantam percepimus à beato Petro Apostolorum Principe fiduciam, vt habeamus auctoritatem pro vniuersali Ecclesia ad rectam defendendam fidem quatenus nulli liceat Statum Ecclesiæ commouere ad læsionem rectæ credentium absque sui periculo honoris.]

Damasus in quarta ad omnes Episcopos.

Cuncta, quæ possunt aliquam recipere dubitationem, ad nos, quasi ad Caput, (vt semper fuit consuetudo) deferre non desinatis.

Nota Decretum: Nota Caput: & nota continuum consuetudinem.]

Siricius ad Himerium Tarraconensem.

Pro officij nostri consideratione non est nobis dissimulare, non est tacere liberum, quibus maior cunctis Christianæ Religionis zelus incumbit: portamus onera omnium, qui grauantur. Quinimodò hæc portat in nobis beatus Apostolus Petrus, qui nos in omnibus (vt confidimus) administrationis suæ protegit, & tueretur hæredes.

Si administrationis Petri sunt hæredes Rom. Pont. sequitur vt sint etiam auctoritatis, & potestatis.]

Innocentius in Epistola prima.

Quis enim nesciat, aut non aduertat id, quod à Principe Apostolorum Petro Romanæ Ecclesiæ traditum est, ac nunc vsque custoditur, ab omnibus debere seruari: nec super induci, aut introduci aliquid, quod aut auctoritatem non habeat, aut aliundè accipere videatur exemplum? Præsertim cùm sit manifestum in omnem Italiam, Gallias, Hi-

Tom. XIII.

spanias, Aphricam, atque Siciliam, Insulasque interiacentes nullum instituisse Ecclesias, nisi eos, quos venerabilis Apostolus Petrus, aut eius successores constituerunt sacerdotes. Aut legant si in ijs Prouincijs alius Apostolus inuenitur, aut legitur docuisse.]

Notent Episcopi omnes, & notent omnes extera nationes: & discant à quibus Christianam acceperint institutionem. Et ab eisdem discere non dedignentur.]

Cælestinus in prima.

Reprehendit Galliæ Episcopos, quòd presbyteri super eos habeant copiam disputandi.]

Leo Primus in 30.

Memor sum me sub illius nomine Ecclesiæ præsidere, cuius à Domino Iesu Christo est glorificata confessio; & cuius fides omnes hæreses destruit.

In 82. eiusdem Leonis Epistola.

Apparet Thessalonicensis Episcopos per longinquas Regiones vicem Romauz Sedis impleuisse, ibique scriptum est.]

Vices enim nostras ita tuæ credidimus auctoritati, vt in partem vocatus sis sollicitudinis, non in plenitudinem potestatis.]

In 87. scribit Leo.

Huius muneris sacramentum ita Dominus ad omnium Apostolorum officium pertinere voluit, vt in beatissimo Petro Apostolorum omnium summo principaliter collocaret: vt ab ipso, quasi quodam capite, dona sua velut in corpus omne diffunderet: vt exortem se ministerij nouerit esse diuini, qui ausus fuisset à Petri soliditate discedere.

Audiant qui iam discesserunt: & qui de discessu meditantur, sequitur.]

Hunc enim in consortium diuinæ vnitatis assumptum.

In consortium diuinæ vnitatis assumptus est Petrus.]

Hunc in consortium diuinæ vnitatis assumptum. Id quod ipse erat, voluit nominari, dicendo, [Tu es Petrus, & super hanc petram ædificabo Ecclesiam meam,] vt ætæri ædificatio Templi mirabili munere gratiæ Dei in Petri soliditate consisteret, hanc Ecclesiam sua firmitate corroborans, vt illam nec humana temeritas posset appetere, nec portæ contra illam inferi præualerent. Verùm hanc petræ istius sacratissimam firmitatem Deo (vt diximus) ædificante constructam, nimis impia vult præsumptione violare quisquis eius potestatem tenat infringere, fauendo cupiditatibus suis, & id quod acceperit non sequendo, cùm nulli se subditi legi, nullis institutionis Dominicæ credit se legibus contineri.]

Quantum hæc nostris temporibus conueniant ita est iam omnibus manifestum, vt de ijs superfluum sit breuè facere.]

Sed Leonis plurimæ Epistolæ per omnia Apostolicam præferunt auctoritatem, verùm non omnia nec illius, nec aliorum Pontificum dicta retuli, nec in posterum relaturus sum, quæ ad hanc rem faciunt: qui potius modum seruabo, ne maior sit labor, aut liber quàm necessitas postulat. Atque huic capiti

E c 2 fucm

finem imponam, si duo addidero desumpta ex præcedentibus Chalcedonense Concilium.]

Dominus Caput totius Ecclesiæ constituit; membris, talia fieri prohibemus.

In Epistola Petri Rauennatis Episcopi, ad Eutychem.

In omnibus autem hortamur te frater honorabilis ut is, quæ à beatissimo Papa Romanæ Ciuitatis scripta sunt, obedienter attendas. Quoniam beatus Petrus, qui in propria Sede & uiuit, & præsidet, præstat quærentibus fidei veritatem.

Dicit beatorum Petrum viuere, & præsidere, ut ostendat eandem semper in Romanæ Ecclesiæ successoribus esse auctoritatem.]

In Epistola Flauiani Constantinopolitani Episcopi ad Leonem.

Causa enim eget solummodo vestro solatio, atque defensione, qua debetis consensu proprio ad tranquillitatem, & pacem cuncta perducere.

Constantinopolitanus Episcopus, qui iam in Oriente sibi celsiorem Sedem usurpauerat, scribit de hæresi in Oriente orta, nec in Oriente magis, quam Constantinopoli: & ab Romano Pontifice solatium, ac defensionem requirit. Cur non damnabat ipse Eutychem? Cur non conuocabat ipse Concilium? Cur non Imperator, qui tunc in Oriente Sedem fixerat? Cur non ipsi contra Dioscorum, sententiam pronuciabant? Aut quid erat Orienti opus solatio, & defensione Romani Pontificis, si non apud illum supra vniuersalem Ecclesiam erat ius, auctoritas, & potestas? Sed hinc videant quam iniquè, quam impudenter, quam infideliter faciant ij, qui negant Romanum Pontificem alijs Episcopis esse superiorem.]

C A P. II.

Romanam Ecclesiam à Deo immediate auctoritatem accepisse.

Anacletus in Epistola prima.

Maiores, & difficiliore quæstiones semper ad Sedem referantur Apostolicam, supra quam Christus vniuersam construxit Ecclesiam.

In Tertia.

Hæc sacrosancta Romana, & Apostolica Ecclesia non ab Apostolis, sed ab ipso Domino Salvatore nostro Primatum obtinuit; & eminentiam potestatis super omnes Ecclesias, ac totum Christiani populi gregem assecuta est.

Item.

Hæc verò Apostolica Sedes Cardo, & Caput omnium Ecclesiarum à Domino, & non ab alijs est constituta. Et sicut cardine hostium regitur, sic huius sanctæ Sedis auctoritate omnes Ecclesiæ Domino disponentes reguntur.

Alexander in prima.

His, & alijs fulti quamplurimis Dominici præceptis, vitantes hominum perditiones cum omnibus huius sanctæ Sedis, quam

Pius in prima.

Christus hanc sanctam Sedem Apostolicam omnium Ecclesiarum Caput esse voluit.

Sother in secunda.

Diuinis præceptis, & Apostolicis monitis informantur, ut pro omnium Ecclesiarum statu impigro vigilemus affectu, ut si quid vsquam reprehensioni inuenitur obnoxium, celeri sollicitudine ab ignorantæ imperitia, & præsumptionis vsurpatione reuocemus.

Diuinis præceptis de omnium Ecclesiarum cura dicit se informari.]

Eadem sententia est in secunda Zephirini.]

Iulius in Epistola prima facta mentione de Apostolica Sede subnequit.

Ipsa namque omnibus maior, & prælata est Ecclesijs: quæ non solummodo Canonum, & sanctorum Patrum Decretis, sed Domini Saluatoris nostri voce singularem obtinuit Principatum.

In eadem.

Sicut beatus Petrus Apostolus primus fuit omnium Apostolorum, ita & hæc Ecclesia ipsius nomine consecrata Domino instituentem prima, & Caput sit cæterarum; & ad eam quasi ad matrem, atque apicem omnes maiores causæ, & iudicia Episcoporum recurrant.

Felix Secundus in prima.

Salua in omnibus Apostolicæ Sedis dignitate, quæ ei ab ipso Domino est concessa, & à sanctis Patribus roborata.

Sirinius in prima.

Præfatam regulam omnes teneant sacerdotes, qui nolunt ab Apostolicæ petre (super quam Christus vniuersam construxit Ecclesiam) soliditate diuelli.

Meminerimus etiam in primo capite dictum à Clemente, vel potius à beato Petro per Clementem, Romanis Pontificibus docendi Cathedram à Christo datam; Et à Marcello, iubente Domino Romam Sedem transferam; Ac diuina disponente gratia ad eam deferri iussa ecclesiastica negotia: Et à Leone, eam Domino ædificante construam. Et ij quidem, & omnes quos supra nominauimus, per multos annos ante Phocas fuisse. Quomodo ergo Phocas eis hanc præminentiam detulit? Aut quomodo non pudet impios homines tam impudenter mentiri?]

C A P. III.

Sacerdotium esse à Romano Pontifice.

Anacletus in secunda Epistola.

IN nouo Testamento post Christum Dominum à Petro sacerdotalis cepit ordo, qui ipsi primo Pontificatus in Ecclesia Christi datus est.

Mar-

Marcellus in prima de Romana Ecclesia.

Episcopi, qui voluerint, vel quibus necesse fuerit suffugere, eamque appellare debent, ut inde accipiant tuitionem, unde acceperunt informationem, ac consecrationem.

Iulius in prima.

Quam culpam nullo modo potuisset incidere si unde consecrationem honoris accepisset, inde legem torius obseruantiae sumeretis; Et beati Petri Apostoli Sedes, quae vobis sacerdotalis mater est, esset ecclesiasticae magistra rationis.

Haec verba repetit etiam Leo in epist. 4. cap. 1.

Sirius in quarta ad Episcopos per Africam, cap. primo.

Ut extra conscientiam Sedis Apostolicae, hoc est Primatis, nemo audeat ordinare.

Innocentius in 25. ad Concilium Carthaginense.

Scientes quid Apostolicae Sedi (cum omnes hoc loco positi ipsum sequi desideremus Apostolum) debeatur, à quo ipse Episcopatus, & tota auctoritas huius nominis emerit.

Idem in 26. ad Concilium Mileuitanum.

Quoties fidei ratio ventilatur, arbitror omnes fratres, & Coepiscopos nostros, non nisi ad Petrum (idei sui nominis auctorem) referre debere, sicut nunc fecit vestra dilectio.

Ex Epistolis precedentibus Concilium Chalced.

In Epistola Galla Placidiae ad Pulcheriam Augustam.

Primus Apostolorum beatus Petrus, clausa Regni Coelestis suscipiens, sacerdotij Primatum tenuit.

In Epist. Valentiniani, Placidiae, & Eudoxiae Augg. ad Theodosium.

Beatissimus Romanæ Ciuitatis Episcopus, cui Principatum sacerdotij super omnes antiquitas contulit.

In Epist. Galla Aug. ad Theodosium, de Sede Apostolica loquitur.

In qua primus ille, qui caelestes clausas dignus fuit accipere, Principatum Episcopatus ordinauit.

Haec etiam diligenter examinent, qui Decreta, & Canones formant de sacerdotio, & de Episcoporum auctoritate, dignitate, & institutione.

C A P. IV.

Episcoporum appellationes, & maiores causas ad Pontificem Romanum pertinere.

Anacletus in prima Epistola.

VNaqueque Prouincia tam iuxta Ecclesiam quam iuxta seculi leges suos debet iustos, atque non iniquos habere iudices; & non externos, nisi Apostolicæ Sedis huius decreuerit auctoritas; si difficiliores vtræ fuerint quæstiones, aut Episcoporum, vel maiorum iudicia, aut maiores causæ fuerint, ad Sedem Apostolicam, si appellatum fuerit, referantur, quoniam Apostoli hoc statuerunt iussione Saluatoris, ut maiores, & difficiliores quæstiones semper ad Sedem referantur Apostolicam, supra quam Christus vniuersam construxit Ecclesiam.

Audimus quam antiquum sit hoc Romanæ Ecclesiæ priuilegium de maioribus causis, cum testatum reliquerit Anacletus, qui à Petro Presbiter fuit ordinatus, & Clementi in Petri Cathedra successit, id ab Apostolis iussu Domini statutum esse. Et tamen non verentur impudentes aduersarij passim scribere posteriores Romanos Episcopos hanc sibi auctoritatem usurpasse. Viguit semper hæc iudiciorum consuetudo in Romana Sede; de quibus etiam decreta habentur per Pontificum Romanorum successiones, sicut in tertia eiusdem Anacleti, in secunda Enaristi, in prima Alexandri, in secunda Sixti, in prima Victoris, in prima Zephyrini, in secunda Cornelij, in vnica Caij, in vnica itidem Melchiadis; & per tempora successiue, veluti in aliorum Pontificum est inuenire Decretis; quæ omnia recensere quemadmodum longum esset, ita non est necessarium.

Priuilegium hoc sanctæ Romanæ Ecclesiæ à Domino concessum in Concilio Nicæno sanctissimo fuit postea roboratum. Verum ab Hæreticis incensa fuerunt de Concilio illa plura Capitula (Scimus enim septuaginta canones in eo conditos fuisse, cum ne tertia quidem pars superfit.) unde etiam in Concilio Africano quæsitum fuit de canone Nicæni Concilij super appellationibus Episcoporum. Et inde moderni hæretici ansam arripuerunt, accusandi Romanos Episcopos de mendacio, cum ipsi in hoc sicut in cæteris etiam sint mendacissimi. Nam de hoc fidem faciunt patres, qui etiam illi Synodo interfuerunt. Sunt enim literæ Athanasij, & Concilij Alexandriæ congregati vniuersorum Episcoporum Ægyptiorum, Thebaicorum, & Lybiorum ad Felicem II. Pontificem Romanum, in quibus sic legitur.]

Scimus in Nicæna magna Synodo 318. Episcoporum ab omnibus concorditer esse roboratum, non debere absque Romani Pontificis sententia Concilia celebrari, nec Episcopos damnari; licet hæc, & alia quàm plura necessaria ab hæreticis, qui nos continuè infestant, & perdere nituntur, ut facilius nos capere possint, sint Synodica capitula incensa, nobisque sublata.

Ecce igitur quàm aperte mentiantur blasphemones aduersarij, Hinc legitur.]

In prima Iulij Epistola ad Orientales Episcopos.

Ipsi verò primæ Sedis Ecclesiæ conuocandarum Synodorum iura, & iudicia Episcoporum, singulari priuilegio Euangelicis, & Apostolicis, atque Canonicijs concessa sunt institutis.

In eadem.

Quoniam, & prius à tempore sanctorum Apostolorum hæc huic sanctæ Sedi concessa sunt, & postea in Nicænâ Synodo propter prauorum hominum infestationes, & insidiantium molimina fratrum, sunt concorditer ab omnibus corroborata.

Notandum in literis Athanasij, & Concilij, de quibus modo mentio facta est, scriptum esse ab omnibus concorditer esse roboratum; & in epistola Iulij: Hæc in Nicænâ Synodo concorditer corroborata; vt intelligant omnes: Non à Nicænâ Synodo priuilegia hæc fuisse primùm concessa, sed potius approbata: nauilegimus etiam.]

In epistola prima Feliciis II.

Salua in omnibus Apostolicæ Sedis dignitate, quæ ei ab ipso Domino est concessa, postea à sanctis Patribus corroborata.

In Concilio Sardiceni per quarrum, quintum, & septimum canonem appellatio Episcoporum ad Romanum Pontificem approbata est.]

Hoc item priuilegium iudiciorum quemadmodum à Domino Ecclesiæ Romanæ datum est, & à Patribus est corroboratum, ita etiam est consuetudine confirmatum; vnde ita scribit.

Damasus in epistola quarta ad omnes Episcopos.

Cuncta qua possunt aliquam recipere, dubitationem ad nos, quasi ad caput, (vt semper fuit consuetudo) deferre non desinatis.

Nec silentio prætereundum est quod Stephanus Archiepiscopus, Concilij Mauritanie, & vniuersi Episcopi de tribus Concilijs Africane Prouinciæ ad Damasum in hæc sententiam scripsere.]

Cum vestræ Sedi Episcoporum iudicia, & summorum finem Ecclesiasticorum, negotiorum in honorem beatissimi Petri patrum Decreta omnium cunctam referuauerint sententiam.

Diligenter hæc verba perpendantur cum sequentibus.]

Patrum decreta omnium cunctam reseruauerint sententiam inquirendi reuerentia de Dei rebus, quas omni cura, & sollicitudine obseruare debemus. Maxime verò iuste debent ab ipso Præsulum examini vertice, Apostolico, cuius vetusta sollicitudo est tam mala dammare, quàm releuare laudanda. Antiquis enim regulis sancitum est, vt quicquid horum, vel in longinquo positus ageretur Prouincijs, non prius tractandum, vel accipiendum sit, nisi ad noticiam almæ sedis vestræ fuisset deductum, vt eius auctoritate iuxta

quod fuisset pronuntiandum, firmaretur.

Huius sententiæ verba etiam prius scripserant Episcopi Alexandriæ in Concilio cum Athanasio congregati, vt externorum etiam scripta cum Romanorum Pontificum decretis appareant conuenire, dicente scilicet Spiritu sancto, & virtutem suam inspiante, & Pontificibus, & Concilijs.]

C A P. V.

De minis, & censuris Apostolis.

Anicetus in sua epistola ad Gallos.

Tractat de Metropolitanis se inordinatè gerentibus, & post admonitionem addit:

SI verò incorrigibilis, inobediensque apparuerit, ad Apostolicam hanc Sedem, (cui omnia iudicia terminare præcepta sunt) eius contumacia referatur; vt vindicta de eo fiat, cæterique timorem habeant.

Agnoscant hinc Galliæ Episcopi Apostolicam auctoritatem: videantque an ex ipsis aliqui à maiorum suorum tramite deerrauerint, atque etiam an & illis timeundum sit.]

Vittor in secunda.

Si hoc agere citò neglexeritis, & vicissim reconciliari non studueritis ab Apostolicæ Sedis, & totius Ecclesiæ communionem vos pelli non dubitetis.

Ad vniuersos Episcopos Aphricæ missa est hæc epistola, in qua Romani Pontificis suprema auctoritas ostenditur.]

Sixtus II. in secunda.

Fratres verò, quos timore terrene iniuste damnastis, scitote à nobis iuste esse restitutos; quibus ex sancti Petri, & Apostolicæ auctoritate omnia, quæ eis ablata sunt, integerrimè reddi præcipimus, si non vultis vos, & Principes vestri à Collegio nostro, & membris Ecclesiæ separari.

Ad Episcopos Hispaniæ est hæc decretalis. Arrigant ergo aures illius nationis Episcopi; & se, Principesque suos censuris Romanæ Ecclesiæ nouerint esse subiectos, non minùs ac fuerint eorum maiores.

Iulius in prima ad Orientales Episcopos.

Et nos scitote hunc typum deinceps non esse passuros, vt ea, quæ ad hanc sanctam specialiter pertinent Sedem, sicut iudicia Episcoporum, & maiores Ecclesiæ causas, vos patiamur nobis inconsultis inuadere absque vestri status periculo; sed si quis ab hodierna die, & deinceps, Episcopum, præter huius sanctæ Sedis sententiam damnare, aut propria pellere Sede præsumperit, sciat se irreperabiliter esse damnatum; & proprio carere perpetim honore.

Vide auctoritatem Pontificiam, quæ non vni, aut alteri Episcopo, sed pluribus, & longè positis Orientalibus legem præscribit, & damnationem statuit.]

*Damasus in epistola tertia ad Stephanum
Archiepiscopum, & tria Concilia
Aphrica.*

A talibus deinceps omnes se abstineant
Sacerdotes, qui noluerint ab Apostolicæ pet-
ræ, suprà quam Christus vniuersalem con-
struxit Ecclesiam, &c. censura, & Sacerdotali
honore secludi.

In quarta.

Omnia hæc decretalia, & cunctorum
decessorum nostrorum constituta, quæ de
Ecclesiasticis ordinibus, & canonum pro-
mulgata sunt disciplinis, ita vobis, & omni-
bus Episcopis, ac cunctis generaliter Sacer-
dotibus custodiri debere mandamus, vt si
quis in illa commiserit, veniam sibi deinceps
nouerit denegari.

Vniuersale præceptum, & ab vniuersali
auctoritate procedens.]

In sexta ad Episcopos Italia.

Relatum est ad Sedem Apostolicam vos
accusationes fratrum per scripta suscipere,
absque legitimo accusatore, quod deinceps
in omni Orbe terrarum fieri Apostolica au-
thoritate prohibemus.

Ad hanc vocem omnes Episcopi contrem-
iscant, ne furdis auribus prætereant, ad
omnem Orbem terrarum pertinere, vt Pon-
tificis parcat præceptis.]

Sirius in epistola prima cap. 2.

Hactenus erratum in hac parte sufficiat.
Nunc præfatam regulam omnes teneant Sa-
cerdotes, qui nolunt ab Apostolicæ pet-
ræ (super quam Christus vniuersalem construxit
Ecclesiam) soliditate diuelli.

*Innocentius in 22. ad Episcopos
Macedonie.*

Nos autem omnes, qui per Orientem,
Occidentemque Ecclesias regimus, nouerit
vestra dilectio hæc penitus non admittere;
nec ad vicinum Ecclesiastici ordinis locum
assumere; & si reperti fuerint subinouere.

Omnes per Orientem, & Occidentem
Ecclesias regit Episcopus Romanus.]

Zosimus in prima.

Sciet quisquis hoc postposita Patrum,
& Apostolicæ Sedis auctoritate neglexerit,
nobis districtius vindicandum. Vt loci sui
minimè dubitet sibi non constare rationem,
si hoc putet, post tot prohibitiones, impunè
posse tentari.

*Celestinus in secunda ad Gallia
Episcopos.*

Daniel, qui accusationes Pontificali
honore subterfugere se credit posse; & ad
fastidium tantum, accusatores suos latendo,
peruenit, à sanctitatis nostræ cætu interim
se nouerit segregatum. Qui se nostro iudicio
debet obijcere, si conscientiz suæ nouit fidu-
ciam obtinere.

Et si Romani Pontifices per Orbem
vniuersalem auctoritatem habent imperandi,
deponendi, & excommunicandi, quis illo-
rum iurisdictioni poterit terminos præscri-
bere?]

C A P. VI.

Conciliorum testimonia de Romana Ecclesia.

In præfatione Nicæna Synodi.

Sciendum est sanè ab omnibus Catholi-
cis, quoniam sancta Ecclesia Romana,
nullis Synodicis decretis prælata est; sed
Euangelica voce Domini, & Saluatoris no-
stri Primatum obtinuit.

Conuenit hic textus cum eo, quem no-
tauimus Anacleto in cap. 2.

Huic Concilio præfuerit Apostolici Le-
gati; & à Pontifice petijt Concilium decre-
torum suorum confirmationem. 1

*Athanasius, & Aegyptiorum Episcopi
ad Marcum Papam.*

Oportamus, vt à vestra Sedis auctoritate,
quæ est Mater, & Caput omnium Ecclesia-
rum, ea ad correctionem, & recreationem
Fidelium Orthodoxorum percipere per præ-
sentes Legatos mereamur.

Audi Caput, audi Matrem, audi quòd
pro Fidelibus etiam longinquarum partium
correctionem, & recreationem petunt. Vt
quid hæc si non summa est Rom. Pontif.
auctoritas?]

*Athanasius, & Aegyptiorum Episcopi vniuersi
Alexandria in Concilio congregati
ad Liberium Papam.*

Huius rei gratia vniuersalis vobis à
Christo Iesu commissa est Ecclesia, vt pro
omnibus laboretis, & cunctis opem ferre non
negligatis.

*Athanasius, & vniuersi Aegyptiarum, Theba-
dorum, & Libiorum Episcopi in Synodo
Alexandrina congregati ad
Felicem II.*

Ideo, Pater Beatissime, quia semper
antecessores nostri, & nos à vestra Aposto-
lica sancta Sede hausimus, & nostri vos cu-
ram habere agnouimus, præfatam Aposto-
licam, & summam expetimus, iuxta cano-
num decreta, sedem, vt inde auxilium ca-
piamus, vnde prædecessores nostri ordina-
tiones, & dogmata, atque subleuationes cæ-
perunt.

Item.

Deus ob id vos, prædecessoresque ve-
stros Apostolicos viros Præfules in summi-
tatis arce constituit: omniumque Ecclesiarum
ijs curam habere præcepit, vt nobis succur-
ratis.

De Apostolica item Sede loquentes ità
dicunt:

Ipsa enim firmamentum à Deo fixum,
& immobile percepit. Quoniam ipsam for-
mam vniuersorum titularum lucidissimam
Dominus Iesus Christus vestram Apostoli-
cam constituit Sedem: Ipsa est enim facer
vertex, in quo omnes vertuntur, sustentantur,
& releuantur.

Lc-

Legant, & relegant hæc Episcopi nostri moderni, & ipsi etiam, quæ sequuntur animum intendant.]

Et sicut in Christo Christiani, & in Petro (idest Christo) Petrus, Petri rehouantur Ecclesiæ. Tu es enim (sicut Diuinum veraciter testatur eloquium) Petrus; & super fundamentum tuum Ecclesiæ columnæ, idest Episcopi, qui Ecclesiæ sustinent, & proprijs humeris portare debent, tibi sunt confirmatæ.

At si fundamentum hoc destruis, quemadmodum multi (Episcopos eos dicant an Antichristos) facere nituntur, ubi subsistent columnæ? sequuntur.]

Tibique clares Regni Cælorum commisit, atque ligare, & solvere potestatiue; quæ in terra, & quæ in Cælis sunt, promulgauit. Tu prophætarum hæresum, & imperitorum, atque omnium infestantium depositor, ut Princeps, & Doctor, caputque omnium Orthodoxæ doctrinæ, & immaculatæ fidei existis.

Audiant Principem, audiant Doctorem, audiant Caput omnium Orthodoxæ doctrinæ, & immaculatæ fidei; & ad cor redeant, qui iamdiu insaniunt.

Plura sunt ibi in hanc sententiam scripta, quæ consulo breuitatis causa prætermitto.

Id addiderim.

Vestrum est enim nobis manum porrigere, quia vobis commissi sumus.

Romano Pontifici sanctissimi illi Episcopi se prostentur esse commissos. Inter eosque meminerimus fuisse sanctissimum Athanasium, Athanasium illum Catholicæ fidei acerrimum propugnatorem. Hæc igitur qui negant sese ab omni sanctitate, & fidei veritate fatentur esse alienos.]

Stephanus Archiepiscopus Concilij Mauritaniæ, & tria Concilia Africæ ad Damasum Papam.

Beatissimo Domino, & Apostolico culmine sublimato sancto Patri Patrum Damaso Papæ, & Summo omnium Præsulum Pontifici.

Aures porrigant huic salutationi, qui superiorem habere noluunt Romanum Pontificem, cum sit à pluribus Concilijs appellatus Pater Patrum, & Summus omnium Præsulum Pontifex.

Episcopi per Africam acceptis à Seritis Decretalibus literis in rescripto inter cetera dicunt:

Sed quid plura apud Magistrum, atque Doctorem?

Magistrum, atque Doctorem appellant Romanum Pontificem Ægyptij, atque Aphrii nostri autem negant.]

In Concilio Vafensi secundo cap. 4.

Ut nomen Papæ Urbis Romæ in nostris Ecclesijs recitetur.

Cur non aliorum Episcoporum? aut alterius Ciuitatis Episcopi? quoniam dignum, & iustum est in omnibus Ecclesijs illius nomen recitari, qui omnibus præfuit Ecclesijs.]

C A P. VII.

Pontificum Romanorum auctoritatem esse supra Concilia.

Concilium Constantinopolitanum primum, quod fuit secundum generale, petijt à Damaso, ut ipse Orientales damnaret Hæreticos; unde in eius epistola ad Concilium sic rescriptum est.

CUt igitur à me quæritis rursus damnationem Timothei, qui & hic iudicio Apostolicæ Sedis, præsentæ quoque Petro Alexandrinæ Ciuitatis Episcopo, cum Apollinari suo Doctore damnatus est?

Colligitur ex ijs verbis & Concilium ab eo petiisse, & ipsum Pontificem, qui id sui iuris esse intelligebat, antequam peteretur, fuisse.]

Ex Toletano primo.

Si quis in errore Priscilliani sedam sequitur, vel proficetur, ut aliud in salutari Batismo contra Sedem sancti Petri faciat, anathema sit.

Cum Toletanum fuerit Concilium, quare dictum non est, contra sedem Toletanam? quia leges ex traditionibus Romanæ Ecclesiæ præscribendæ sunt; per quas traditiones, ubi ex indicantur, omnes Hæreticos confundit, asserit Irenæus.

Concilium Carthaginense ab Innocentio I. petijt definitionem quæstionis de libero arbitrio: quemadmodum ex epistola eius 25. eam legentibus apparet.

Concilium Mileuitanum, in quo etiam fuit doctissimus pariter, ac sanctissimus Augustinus, eundem Innocentium de eadem consuluit quæstione, sicut etiam monstratur per epistolam eiusdem Concilij ad Pontificem, ac per ipsius Pontificis rescriptum, in quo sunt hæc verba:

Innocentius in epistola 26.

Diligenter ergo, & congruè Apostolicis consultiis honoris arcana; honoris inquam illius, quem (præter illa, quæ sunt extrinsecus) sollicitudo manet omnium Ecclesiarum, super anxijis rebus, quæ sit tenenda sententia. Antiquæ scilicet regulæ formam sequuti, quam toto semper ab Orbe mecum nostis esse seruatum. Verum hæc misa facio: non enim credo vestram hæc latere prudentiam, quia id etiam actione firmatis, sciens quæ per omnes Prouincias de Apostolico fonte petentibus responsa semper emanant. Præsertim, quoties fidei ratio ventilatur arbitror omnes fratres, & Coepiscopos nostros, nonnisi ad Petrum, idest sui nominis, & honoris auctorem referre debere, sicut nunc fecit vestra dilectio; quod per totum Mundum possit Ecclesijs omnibus in commune prodesse, &c.]

Gemino igitur bono charitas vestra fungetur; nam & canonum potius in gratia seruaturum, & beneficio vestro totus Orbis tutabitur.

In his verbis dicitur inter cetera ex antiquis

etiquis regulis seruatum, vt in quæstionibus dubijs Romana Ecclesia conſolatur: quod etiam à Damaso dictum fuerat in epistola 4. ad omnes Episcopos in hæc verba:

Cuncta, quæ poſſunt aliquam recipere dubitationem ad nos, quaſi ad caput, vt ſemper fuit conſuetudo, deferre non deſinatis.

Semper hæc fuit conſuetudo.

Nec tantum de litibus, & iudicijs hæc intelligenda ſunt, verum de ijs etiam in primis, quæ ad fidem ſpectant. Dicit enim Damasus: Cuncta, quæ poſſunt aliquam recipere dubitationem. Et Innocentius: Præſertim quoties fidei ratio ventilatur. Id etiam patet ex Pontificum reſcriptis de fide ad Orientales, & Occidentales Episcopos. quorum reſerta ſunt volumina. Atque hic ſeruatum videmus à Carthaginenſi Concilio, & à Mileuitano.

Notauiſmus etiam in ſecundo generali Concilio, à Pontifice requiſitum, vt Orientales damnaret Hæreticos. In Ephesine etiam tertio generali, Neſtorius ex ſententia Romani Pontificis damnatus eſt, ſicuti verba ipſius Concilij teſtantur: ſic enim ab eo ad Neſtorium ſcriptum legimus.

Si hoc religio tua facere diſtulerit iuxta dilationem literis præſtatam Sanctiſſimi, ac Reuerendiſſimi Conſacerdotis noſtri Romanæ Præſulis Eccleſiæ Ceſtini ſcias te nullam ſortem habere nobiſcum; nec locum cum Dei Sacerdotibus, aut Episcopis obtinere.

Sed & verba etiam ſententiæ ipſius Concilij adnotemus.

Et quoniam impietatem, & ſentire, & docere deprehendiſſimus neceſſitate nobis à canonicis, & ſanctiſſimi Patris collegæque noſtri Romanæ Eccleſiæ Episcopi epistola, impoſita, Diu, multumque lachrymantes ad hanc peruenimus ſententiam, & quæ ſequuntur.

Romani Episcopi epistola Neſtorium, damnandi Concilio impoſuit neceſſitatem, & quomodo ſi non ſuper illud erat eius auctoritas?

In Chalcedonenſi etiam Concilio deſinitio de duabus naturis in Chriſto facta eſt per Leonis epistolam (vt eſt in actione ſecunda) Ea etenim lecta clamauerunt Patres.]

Hæc Patrum fides: hæc Apoſtolorum fides; omnes ita credimus; Anathema qui ita non credit: Petrus per Leonem ita loquutus eſt.

Vndè & Synodus ad Pulcheriam Auguſtam (vt eſt in tertia actione) ita ſcripſit.]

Chriſto intelligentiam propere dirigente, qui offendit in Leone mirabilium veritatem, qui ſicut ſapiente Petro, ita & iſto vtitur aſſertore.

Valentinianus etiam, & Martianus Imperator (vt eſt in eorum epistola in tertia actione) ita dicunt.]

Venerabilis Synodus dum fidem diligenter inquiri, auctoritate beatiſſimi Leonis Episcopi æternæ Urbis Romæ, & religionis fundamenta conſtituit ſanctæ Ciuitatis, & Flauiana palmam moris tribuit glorioſæ.

Nec permittenda quæ Synodus ipſa ad Leonem ſcripſit in eadem actione.]

Repletum eſt gaudio os noſtrum, & lingua noſtra exultatione. Hanc tamquam propriam nobis prophetiam gratia coaptauit, à

Tom. XIII.

quibus pietatis eſt reſtitutio confirmata. Quid enim fide ſublimius ad lætandum? Quid agnitione dominicæ feſtiuius ad coronas? quam nobis olim Saluator ipſe tradidit ad ſalutem, inquit, Euantes docere omnes gentes baptizantes eos in nomine Patris, & Filij, & Spiritus ſancti, docentes eos ſeruare omnia quæcumque mandaui vobis. Quam velut auro textam ſeriem ex veſte Chriſti, & præcepto legislatoris venientem viſque ad nos ipſe ſeruaſti; vocis beati Petri omnibus conſtitutus interpres, eius fidei beatificationem ſuper omnes adducens.

Concilium ſatetur Pontificem omnibus eſſe Magiſtrum, & rerum fidei interpretem. Dicitur, & in eadem epistola, quod Leo Concilio ſicut membris caput præerat, quod ſuperioritatem Pontificis oſtendit etiam in collecta Eccleſia, & non tantum diuiſum, vt quidam volunt. Dicitur Viueæ cuſtodiam illi ab Salvatore commiſſam eſſe. Inſuper in fine ſic legitur:]

Rogamus igitur, & tuis Decretis noſtrum honora iudicium: & ſicut nos capiti in bonis adieciſſimus conſouantiam, ſic & ſummitas tua filijs, (quod decet) adimpleat.

Concilium agnoſcit Pontificem caput, & Patrem, & caput omnia membra regit, & Pater Filijs imperat collectis etiam; & Filij Patri obediunt niſi ſint rebelles, & contumaces. Non prætereundum ſilentio in hoc textu ubi nos ſcripſimus capiti, communiter legi cupidi, ſed corruptè; nam vera lectio, & germanus ſenſus eſſe capiti.]

Eam etiam, de qua diximus, Leonis epistolam, per Orbem delatam Scimus à Catholicis cum veneratione ſuſceptam.]

Nam & Gallix Episcopi ad Leonem ſcripſerunt eius fidei aſſertioni ſe ſubſcribentes: maximeque cum reuerentia Leonem, ac Romanam Apoſtolicam Sedem commendantes. Atque inter cætera hæc eorum ſunt verba.]

Quod nos ante oculos ſemper habentes, non deſinimus Deo, ac Donino noſtro gratias agere, & pariter ſupplicare gratulantes, quod tantæ ſanctitatis, tantæ fidei, tantæque Doctrinæ Apoſolicæ Sedi, vnde religionis noſtræ, propitio Chriſto, ſons, & origo manauit, Antiſitem dederit.

Videant ergo qui nunc viuunt Episcopi ne ab eius Sedis reuerentia diſcedant, vnde eorum manauit ſons religionis. Nam hoc eſt à capite membra diuelli.]

Reſpondit huic epistole Leo per quinquageſimam ſuam, vt qui voluerit eam facilius inuenire valeat.]

Eidem etiam Leonis epistolæ ſubſcripſit Euſebius Mediolanenſis cum pluribus alijs Episcopis Gallix Ciſalpinæ. Vt pateat Romanæ Sedi ab omnibus præſtitam eſſe reuerentiam, atque obedientiam.]

Sed & in prima actione Chalcedonenſis Concilij clamante Concilio contra Theodoretum vt eiſceretur, dixerunt Iudices.]

Theodoretus Reuerendus Episcopus proprium recipiens locum à ſanctiſſimo Episcopo Urbis Romæ in locum accuſatoris ingreſſus eſt: vnde patiamini ea, quæ incepta ſunt finire.

Et quamvis denuò reclamaret Concilium, tamen Theodoretus Apostolica auctoritate suffultus in Concilio locum tenuit. Denique in octaua actione acta causa Theodoret, cum demonstratum esset ipsum à Pontifice restitutum, ita scriptum est.]

Omnes Reuerendissimi Episcopi clamauerunt Theodoretus dignus est Sede. Archiepiscopo Leoni multos annos. Post Deum Leo iudicauit.

Quin & in eodem Chalcedonenſi Concilio, cum de causa Dioscori Episcopi Alexandriæ ageretur, per hæc verba Concilium Legatos est alloquutum.]

Petimus vestram sanctitatem, qui habes, magis autem, qui habetis locum sanctissimi Papæ Leonis, promulgare in eum, & regulis inscriam contra eum proferre sententiam. Omnis enim, & tota vniuersalis Synodus concors efficitur vestræ sanctitatis sententiæ.

Ecce quanta cum reuerentia Legaros Apostolicos ipsum amplissimum, ac celeberrimum Concilium loquebatur, ut eorum se profiteantur sequuturos sententiam, quid ipsi Pontifici, si affuisset, putamus fuisse facturos?]

Et iuxta petitionem Concilij factum est. Nam Legati Dioscorum damnauerunt. In eaque sententiâ hæc sunt verba.]

Vndè sanctissimus, & ter beatissimus Archiepiscopus magnæ, ac senioris Romæ Leo per nos, & per præsentem sanctam Synodum vna cum ter beatissimo, & omni laude digno beato Petro Apostolo, qui est petra, & crepido Catholice Ecclesiæ, & ille, qui est rectæ fidei fundamentum, nudauit eum tam Episcopatus dignitate, quam etiam ab omni sacerdotali alienauit ministerio.

In his verbis non omitendum significari Romanum Pontificem Concilio vti quasi ministro, sicuti & ministri sunt eius Legati: Dicitur enim Leonem vna cum beato Petro damnare Dioscorum per Legatos, & per Synodum. Vndè Pontificia superioritas apertissimè demonstratur.]

Quod Legati Romanæ Sedis Concilij generalibus præfideant probatione non indiget.

Et quid præfidere significet non indiget interpretatione, & qua auctoritate præfideant & modò dictum est, & dicitur adhuc. Omitto, quòd primi nominentur; quòd ante omnes Patriarchas decretis se subscribât. Sed audiamus quid ipsi dicant, & quid de eis dicatur; verba sunt Paschasini Legati in tertia actione ad Concilium, cum de Leone fecisset mentionem.]

Nostram paruitatem huic sancto Concilio pro se præfidere præcepit. Ideoque necessarium est hæc, quæ in medium proferuntur, per nostram interlocutionem disceptari. Propter hoc igitur porrectus libellus à religiosissimo Fratre nostro, & Coepiscopo Eusebio susceptus à religiosissimo Archidiacono, & Primocerio Notariorum recitetur. Et suscipiens Actius Archidiaconus, & Primocerus notariorum recitauit.

Per interlocutionem Legatorum, quæ in medium proferuntur, sunt disceptanda, & non alijs interlocutionibus. Nam & id neces-

sarium dicit esse Legatus, & à Concilio est opere approbatum. Dictum esse etiam in octaua actione.]

Missi apostolici semper in Synodis primi loqui soliti sunt.

Verum hæc de illa sanctissima Synodo collegisse satis sit ne in infinitum procedatur. Puto etiam nos quamplura eiusmodi inuenturos fuisse in antiquioribus tribus Synodis generalibus, si ea integra haberemus. Paret tamen ex Nicæna Patres illos religiosissimos 318. statutorum suorum à Synestro petiisse confirmationem.]

Sicuti etiam de Chalcedonenſi constat, nec dubitandum quin idem ab alijs seruatum sit.]

Non enim pro generali Concilio habetur, quod à Romana Apostolica Sede non est roboratum: quemadmodum in sequenti capitæ demonstrabitur.]

C A P. VIII.

Concilia à Romano Pontifice conuocanda.

Marcellus in prima epistola de Apostolis loquitur, & de Romana Sede.

Inspirante Domino constituerunt ut nulla Synodus fieret præter eiusdem Sedis auctoritatem.

In secunda ad Maximum.

Synodum absque huius Sedis auctoritate Episcoporum (quamquam quosdam Episcopos possitis congregare) non potestis regulariter facere.

Vndè igitur vaniloqui Schismatici iactant conuocandam Synodorum auctoritatem esse penes Imperatorem? Ex antiquissimis Apostolorum decretis statutum fuerat, & de Concilijs, sicut, & de Episcoporum iudicijs; quæ postea per Concilia renouata, & approbata sunt. Non enim à Concilijs Romanæ Ecclesiæ concessa fuere illa priuilegia, sed potius renouata (ut diximus) & approbata ad notificationem antiquarum legum Apostolicarum; & ad resistentium confutionem: sicuti ex Iulij Papæ epistolis vnicuique patere potest.

Iulius in prima ad Orientales Episcopos.

Ipsi verò primæ Sedi Ecclesiæ conuocandarum generalium Synodorum iura, & iudicia Episcoporum, singulari priuilegio Evangelicis, & Apostolicis, atque Canonis concessa sunt institutis.

Item.

Porro dudum à sanctis Apostolis, successoribusque eorum in antiquis decretum fuerat intutis (quæ hæcenus sancta, & Apostolica tenet Ecclesia) non oportere præter sententiam Romani Pontificis Concilia celebrare.

Idem in epistola contra Orientales Episcopos.

Vellem enim vos magis ad iam dictam conuenire vocationem, ut coram vniuersali Con-

Concilio redderetis rationem cur Synodum ad statum Ecclesiarum, & Fratrum in Antiochia subuertendum, & Nicæni magni Concilij destructionem, fecistis: aut cur nobis inconsultis Episcopos in eam conuocastis? ad quam nec Maximus Hierosolymitanus venit, nec nostra interfuit Legatio. Canonibus quippe in Nicæna Synodo iubentibus non debere præter sententiam Romani Pontificis vlllo modo Concilia celebrari, nec Episcopos dam- nari.

Item.

Miror vos tam audaces esse, tam impudenter egisse, & terminos, ac iura beati Petri Apostolorum Principis inuassisse. Sui enim iuris erat vt absque huius sanctæ Sedis auctoritate, nullus deberet, aut Concilia celebrare, aut Episcopos ad Concilium conuocare, vel damnare.

Aduertant ergo qui de conuocandis Concilijs absque Pontificis auctoritate cogitant, se iura Petri inuadere, atque audaciz, & impudentiz notari. Additur in decreto eius 29.

Odio prædicti Athanasij hanc regulam protulisti: quæ nullas habet vires, nec habere poterit; quoniam nec ab orthodoxis Episcopis hoc Concilium aſum est: nec Romanæ Ecclesiæ Legatio interfuit, Canonibus præcipientibus sine eius auctoritate Concilia fieri non debere; Nec vllum ratum est, aut erit vnequam Concilium, quod non fultum fuerit eius auctoritate.

In epistola Concilij Constantinopolitani ad Damasum.

Concurreramus Constantinopolim ad vestra reuerentia litteras post Concilium Aquileienſe missas Theodosio, pietate summa Imperatori.

Hinc intelligitur Imperatores Concilia conuocasse, ex Romanorum Pontificum auctoritate, ac eisque requestos; quoniam etiam patet ex literis Valentiniiani, & Marciani Imperatoris, ad Leonem Pontificem de Chalcedonenſi Concilio, in quibus ita scriptum est.]

Vt & tale propositum, ac desiderium habeamus quatenus omni impio errore sublato per celebrandam Synodum te auctore, maxima pax circa omnes Episcopos fidei Catholicæ fiat.

In epistola Pulcheriæ Augustæ, ad Leonem.

Tua reuerentia quocumque modo prosperit significare dignetur, vt omnes etiam totius Orientis Episcopi Thraciæ, atque Illyrici (sicut etiam nostro Domino piſſimo Imperatori placuit) in vnam ciuitatem velociter ab Orientalibus partibus valeant conuenire, & illic factò Concilio, & de Catholica confessione, & de his Episcopis, qui ante hac segregati sunt (sicut fides, & Christiana pietas exigit) te auctore decernatur.

Exemplum capiant nostræ ætatis mulieres à sancta pulcheria Augusta, quæ Leonem auctorem Conciliorum, & Magistrum intelligebat, & venerabatur.]

In Chalcedonenſi Concilio cum de Ephesina secundo facta esset mentio, scriptum est.

Cecropius Reuerendissimus Episcopus Sebastopolitanus dixit, illud Concilium dicere non debemus, quia nec Apostolica auctoritate coactum est, neque ritè peractum. Reuerendissimi Episcopi clamauerunt, omnes sic dicimus.

Non prætermittendum quod Valentinianus Imperator, cum de celebrando Concilio fuisset requisitus, responsum hoc Episcopis remisit.]

Mihi quidem, cum vna de populo sim, fas non est talia perferuari. Verum sacerdotes, quibus hæc cura est, apud se ipsos congregentur, vbi voluerint.

Verè Christiani Principis vox qui, & suum agnoscebat officium, nec usurpare sibi volebat alienum.]

Si Romanis, & sanctissimis Pontificibus, si Imperatoribus, si Matronis Augustis, si denique Concilijs Provincialibus, si nationalibus, si generalibus fidem volumus adhibere, nobis profitendum est Conciliorum conuocandorum auctoritatem à Romana Apostolica Sede pendere; atque ab ea petendam, & accipiendam esse.]

C A P. I X.

Nullius iudicio in terris subiacere Romanum Pontificem.

In Antheri Pape epistola vnica.

FACTA enim subditorum iudicantur à nobis; nostra verò iudicat Deus.

In Concilio Marcellini Pape.

Synodus autem vniuersa hoc dixit cunctorum iudicio. Tu enim eris iudex. Ex te enim damnaberis, & ex te iustificaberis, tamen in nostra præsentia. Illuc verò dum veneris ad iudicium tuum, ex te tunc damnaberis, & ex te iustificaberis.

Hi sunt, qui introierunt Episcopi audientes, non tamen iudicantes.

Presbyteros, & Diaconos damnant, qui Marcellinum Papam dimiserunt: ipsos verò damnauerunt, & iudicabant; non tamen iudicabant Pontificem: quia hoc ex vno ore erant corroborati, vt intra horum septuaginta duo testimonia ipse iudex, ipse reus, ipse semetipsum in præsentia eorum innocentem se seruaret, aut infidelem se damnaret.

Iam audi Pontifex, & iudica causam tuam; quoniam ex ore tuo iustificaberis; & ex ore tuo condemnaberis.

Non enim nostro ore iustificaberis, aut nostro ore condemnaberis.

In sinu autem trecentorum Episcoporum caput cinere conuolutum habens Marcellinus Episcopus Vrbis Romæ, voce clara clamans dicebat: [Peccavi coram vobis; & non possum in ordine esse sacerdotum, quoniam auarus corruptus me auro. Subscripserunt igitur in eius damnationem, & damnauerunt eum extra Ciuitatem. Sacerdos nomine Helchiades Episcopus subscripsit pri-

ff 2. nius

mus in eius damnationem, non tantum tempore, quod exigebat ordo, sed etiam in exemplum futuri temporis. Quoniam & ipse clara voce dicebat, iuste ore suo condemnatus est, & ore suo Anathema sumpsit. Maranatha. Quoniam ipse ore suo condemnatus est. Nemo enim vnquam iudicauit Pontificem, nec Praeful Sacerdotem suum: quoniam prima sedes non iudicatur à quoquam. Hoc autem factio Diocletianus, cum esset in bello Persarum, audiuit quod trecenti Episcopi, & triginta Presbyteri, & tres Diaconi in eandem condemnationem conuenissent: quodque dum subscriberent omnes, ipse omnium primus Marcellinus manu sua propria concluderat in suum Anathema, Anathemati subscribens.

[Ecce quanta cum reuerentia contra Idololatram Pontificem antiqui illi boni Patres processerint, cum nemo contra eum ausus sit ferre sententiam, nisi ipse se prius ore suo condemnasset, quare etiam illa vox reiteratur: Ore suo condemnatus est.]

In Concilio Romano sub Siluestro.

Nemo enim diiudicat primam sedem: quoniam omnes sedes à prima sede iustitiam desiderant temperari: Neque ab Augusto, neque ab omni clero, neque à Regibus, neque à populo iudex iudicabitur. Et subscripserunt 284. Episcopi, 45. Presbyteri, 5. Diaconis, & duo sequentes. Et Augustus Constantinus, & mater eius Helena.

[Si non ab omni Clero potest Pontifex iudicari, ergo neque à Concilio. At verò nostri Principes, nostri Episcopi, & nostra plebs de Pontifice iudicant.]

In Concilio contra Sixtum Tertium.

Non licet aduersus Pontificem dare sententiam. Respondit Sixtus, & dixit, quamquam in meo arbitrio sit iudicari, an non iudicet, tamen meo iudicio non abscondatur veritas.

[Romani Pontifices si errare comprehendantur, reuerentèr admonendi sunt: Ab eisque petendum ut ipsi se reforment, non ut se ab alijs reformari patiantur.]

C A P. X.

Non in Petro tantum fuisse, sed in Successoribus eius, & in Romana Sede esse supremam Ecclesie auctoritatem.

Habemus in primo capite huius tractatus Clementis verba, in quibus de successore suo dicitur à Petro.

SI quis hunc contristauerit, Christum, qui ei docendi dedit Cathedram, non recipit.

[A Christo igitur, & Successoribus auctoritas data est.]

Et Marcelli.

Sollicitudinem omnium Ecclesiarum

(iuxta Apostolum) circumferentes, diuine circa nos gratie memores esse debemus, qui nos per dignationis suae misericordiam, ob hoc ad fastidium sacerdotale prouexit, ut mandatis suis inhærentes, in quadam eius sacerdotum specula constituti prohibeamus illicita, & sequenda doceamus.

[Eusebius etiam dicit se habere vniuersalem curam.]

Liberius in Prima.

Olim, & ab initio tantam percepimus à beato Petro Apostolorum Principe fiduciam, ut habeamus auctoritatem pro vniuersali Ecclesia ad rectam defendendam fidem, quatenus nulli liceat statum Ecclesiae commutare ad laesionem recte credentium absque sui periculo honoris.

Damasus.

Cuncta, quae possunt aliquam recipere dubitationem, ad nos quasi ad caput (ut semper fuit consuetudo) deferre non desinatis.

[Continuata consuetudo Romani Pontificis ostendit primum.]

Leo.

Memor sum me sub illius nomine Ecclesiae praesidere, cuius à Domino Iesu Christo glorificata est confessio, &c.

Dicit se Ecclesiae praesidere, non Romanae simpliciter, sed Ecclesiae, hoc est Christianae Ecclesiae.]

Item.

Hanc petrae istius sacratissimam firmitatem, Deo aedificante constructam, nimis impia vult presumptione violare quisquis eius potestatem renat infringere.

Et eius potestatem tenet infringere, qui in Pontifice Romano negat esse Petrum.]

Petrus Rauennas Episcopus, de Leone.

Petrus, qui in propria Sede, & viuic, & praesidet, praestat quærentibus fidei veritatem.

In secundo autem Capitulo habemus dictum Sotheris.

Diuinis praeceptis, & Apostolicis monitis informamur, ut pro omnium Ecclesiarum statu impigro vigilemus affectu.

Inlij.

Sicut beatus Petrus Apostolus primus fuit omnium Apostolorum, ita & hæc Ecclesia ipsius nomine consecrata, Deo instituenta prima, & caput sit cæterarum.

In capite tertio ex rescripto Innocentij ad Concilium Milenitanum.

Quoties fidei ratio ventilatur, arbitror omnes fratres, & Coepiscopos nostros non nisi ad Petrum, id est, sui nominis auctorem, referre debere, sicut nunc fecit vestra dilectio.

Seipsum Petrum appellat Innocentius, ad quem de fide quaestionem reulerat illud Concilium, ut in se ostendat vigere Petri auctoritatem.]

In quarto capite habetur ex Anacleto,

Quoniam Apostoli hoc statuerunt iussione Salvatoris, ut maiores, & difficiliore questiones semper ad Sedem deferantur Apostolicam, supra quam Christus vniuersam, construxit Ecclesiam,

Sedi Apostolicæ Romanæ data esse auctoritas, ut maneat Ecclesiæ firmitas, non duratura, si Petro tantum data esset, Et semper ad Sedem deferantur Apostolicam dicunt Anacletus.]

Ex Iulio.

Ipsi verò primæ Sedi Ecclesiæ conuocandarum Synodorum iura, & iudicia Episcoporum singulari priuilegio Euangelicis, & Apostolicis, atque Canonici concessa sunt institutis,

Ex Felice Secundo.

Salua in omnibus Apostolicæ Sedis dignitate, quæ ei ab ipso Domino est concessa, & postea à sanctis Patribus corroborata,

Audi Iulium, & Felicem testimonia reddentes Sedi Romanæ datam auctoritatem, non Petro tantum, sed & quæ sequuntur, audiantur testimonia de Sede.]

*Ex Epistola Stephani Archiepiscopi,
& Conciliorum ad Damasum.*

Cum vestræ Sedi Episcoporum iudicia, & summorum finem Ecclesiasticorum negotiorum, in honorem beatissimi Petri, Patrum decreta omnium cunctam reseruauerint sententiam.

Item.

Antiquis enim regulis sanctum est, ut quidquid horum, vel in longinquo positis ageretur Prouincijs, non prius tractandum, vel accipiendum sit, nisi ad noticiam altæ Sedis vestræ fuisset deducum.

In sexto capite.

*Athanasius, & Ægyptiorum Episcopi
ad Marcum Papam.*

Optamus, ut à vestræ Sedis auctoritate, quæ est mater, & caput omnium Ecclesiarum, ea ad correctionem, & recreationem, fidelium orthodoxorum percipere per præfatos Legatos mereamur.

Ægypti Pontifices ad Liberium Papam.

Deus ob id vos, prædecessoresque vestros Apostolicos viros Præfules in summitate arcis constituit, omniumque Ecclesiarum ijs curam habere præcepit, ut vobis succurratis.

Item.

Tibique clauis regni celorum commisit, atque ligare, & soluere potestatiue, quæ in terra, & quæ in celis sunt, promulgauit. Tu prophandarum hæresium, & imperitorum, atque omnium infestantium depositor, ut Princeps, & Doctor, caputque omnium orthodoxæ doctrinæ, & immaculatæ fidei existis.

Item.

*Vestrum est nobis manum porrigere,
quia vobis commissi sumus.*

Verum quid in hac parte pluribus moriamur, Cum ostenderimus in eodem sexto

capite dictum in præfatione Nicenæ Synodi Romanam Ecclesiam voce Domini primatui obtinere; & in septimo, Constantinopolitanum Concilium à Damaso damnationem hæreticorum orientalium petijisse; Toletanam legem ex traditione Romanæ Ecclesiæ statuisse; Carthaginensē, & Mileuitanum de fidei questionibus Pontificem Romanum, consuluisse; Ephesium de Romani Pontificis sententia Nestorium damnasse; Concilium item Chalcedonensē definitionem fidei à Leone accepisse: Dioscorum Episcopatus dignitate, & omni Sacerdotali ministerio priuasse, & cætera egisse, quæ in eodem capite continentur; Impij nimirum, & ab omni veritate alieni sunt, qui se Romanorum Pontificum auctoritati opponunt, & indigni quibus aue dixerimus.]

CAP. XI.

*Romanum Pontificem esse Episcopum
vniuersalis Ecclesiæ, nec distributiue
modo, verum etiam collectiue.*

Obseruandum est in præcedentibus capitulis Romanum Pontificem sæpius caput Ecclesiæ vocari, quod si caput est, ab ipso (quemadmodum in primo capite à Leone scriptum retulimus) Diuina dona in corpus omne diffunduntur; non in vnum, aut alterum membrum tantum, sed in corpus, inquam, etiam vniuersum.

Doctor quoque, & Magister appellatur; neque, id est, singulorum solummodo, verum etiam vniuersorum. Quod etiam manifestè apparet ex antiquorum Pontificum decretis, scriptis scilicet ad ciuitates, ad Prouincias, ad Nationes, ad Concilia, ad omnes Episcopos, & ad vniuersos Christi fideles.

Mater etiam omnium Ecclesiarum Romana Sedes appellatur. Et sicut mater non singulis modo filijs, verum omnibus etiam in vnum collectis iure imperat, ut iam diximus; ita sancta mater Romana Ecclesiæ, & diuisim, & coniunctim omnibus Christi fidelibus præsidet; eosque sua doctrina pascit, ac gubernat.

Non incongruè igitur Romanus Præsul vniuersalis Ecclesiæ Episcopus appellatur. Sunt tamen qui id negent, ac mendacissimè quidem. Nuper etiam in quadam Apologia. (seu potius inuectiua) Anglicana scriptum reperi, Numquam quemquam Romanum, Episcopum, ante Phocam, se passum esse vniuersalis nomine salutari, impudentissimè dictum.

Per quadringentos enim, & amplius annos ante Phocam, & successiue deinde hoc nomine appellati sunt Romani Pontifices, ut statim elucescet.

Sixtus Primus in secunda Epistola sua.

Sixtus, vniuersalis Apostolicæ Ecclesiæ Episcopus,

Victor in prima.

Victor Romanæ, ac vniuersalis Ecclesiæ Episcopus.

Et

Et deinde Romanam Sedem vocat Sedem vniuersalis Apostolicæ Ecclesiæ.]

Pontianus in secunda.

Pontianus, sanctæ, & vniuersalis Ecclesiæ Episcopus.

Syluestri rescriptum ad Concilium Nicanum.

Syluester Episcopus Sedis Apostolicæ, & sanctæ Ecclesiæ Catholicæ.

Et quid est Catholicæ, nisi vniuersalis; sed etiam alia testimonia videamus.

Episcopi Ægypti ad Marcum Papam.

Domino sancto, & Apostolico culminis venerando Marco sanctæ Romanæ, & Apostolicæ Sedis, & vniuersalis Ecclesiæ Episcopo.

Marcus ei ita rescripsit.

Domini venerabilibus fratribus Athanasio, & vniuersis Ægyptiorum Episcopis, Marcus sanctæ Romanæ, Apostolicæque Sedis, & vniuersalis Ecclesiæ Episcopus.

Athanasius, & Ægyptiorum Episcopi, in Synodo apud Alexandriam congregati ad Liberium.

Huius rei gratia vniuersalis vobis à Christo Iesu commissæ est Ecclesia, vt pro omnibus laboretis.

Felix Secundus in rescripto ad Episcopos Ægypti.

Reuerendissimis, acque dilectissimis fratribus, &c. Felix almæ Romanæ vrbs, & vniuersalis Ecclesiæ Episcopus.

In Concilio Chalcedonensi in actione tertia libellus Theodori Diaconi.

Sanctissimo, & Deo amantissimo, & vniuersali Archiepiscopo, & Patriarchæ magnæ Romæ Leonis.

Libellus Ischironis Diaconi.

Sanctissimo, & beatissimo vniuersali Archiepiscopo, & Patriarchæ magnæ Romæ Leonis.

Libellus Athanasij Presbyteri.

Sanctissimo, & beatissimo vniuersali Patriarchæ magnæ Romæ.

Libellus Sophronij Christiani.

Sanctissimo, & beatissimo vniuersali Archiepiscopo, & Patriarchæ magnæ vrbs Romanæ.

Legati etiam Leonis in eo Concilio, in quarta actione illum appellat Apostolicum virum vniuersalis Ecclesiæ Papam. In octaua dicitur, sanctissimus, ac beatissimus vniuersalis Ecclesiæ Episcopus vrbs Romæ Leo.]

In Epistola Legatorum de damnatione Dioskori.

Sanctissimus, ac beatissimus Papa caput Ecclesiæ Leo.

Hæc in medium adduxisse libuit, vt appareat quam aperte, quam impie mentionem Anglicanæ illius Apologiæ auctores, qui se Theologos nominant. Nam Patres ij, quos modo nominauit, fuerunt ante Concilium

Chalcedonense, vel cum ipso Concilio. Chalcedonense autem Concilium fuit per annos centum quinquaginta ante Phocam. Hinc igitur potest quilibet de Apologia illa quales sint homines illi iudicare, quem mendacis sit refertissima. Et crimine ab vno disce omnes.

Non desunt qui dicant: Vbi legitur vniuersalis Ecclesiæ Episcopus, vniuersalis non esse secundi, sed primi casus. Vt si Episcopus vniuersalis, non Ecclesiæ vniuersalis. O bellos homines, & acutos interpretes. Ijs primum responsum velim, me non magnificare, an sit dictio illa vniuersalis recta, vel obliqui casus, idem enim mihi significat. Nec id modo, verum si dicatur Romanus Antistes Episcopus Ecclesiæ, simpliciter, absque additione loci, vel ciuitatis, vel Prouinciæ, illum intelligam vniuersalis Ecclesiæ Episcopum, cum Ecclesiæ nomine Christianorum vniuersitas comprehendatur: cinique vna sit Ecclesiæ, vnusque Ecclesiæ Episcopus, cæterique in partem laboris, ac sollicitudinis vocati.

Sed dicant mihi quæso Grammatici isti Theologi vbi à nobis recitatum est.]

Victor Romanæ, ac vniuersalis Ecclesiæ Episcopus.

Pontianus sanctæ, & vniuersalis Ecclesiæ Episcopus.

Syluester Episcopus Sedis Apostolicæ, & sanctæ Ecclesiæ Catholicæ.

Marco sanctæ Romanæ, & Apostolicæ Sedis, & vniuersalis Ecclesiæ Episcopo.

Marcus sanctæ Romanæ, Apostolicæque Sedis, & vniuersalis Ecclesiæ Episcopus.

Felix, almæ Romanæ vrbs, & vniuersalis Ecclesiæ Episcopus.

Dicant inquam his omnibus in locis: Vniuersalis cuius casus? Sed & respondeant etiā vbi dictum est: Ab Episcopis Ægyptijs. Vniuersalis vbi à Christo Iesu commissæ est Ecclesiæ.

Cui substantio adhareat adiectiua vox vniuersalis? Addo vbi scriptum est.]

Sanctissimus, ac beatissimus Papa caput vniuersalis Ecclesiæ Leo.

Caput cuius generis? Et cuius generis est vniuersalis? Ah pudeat graues viros ita cauillari. Pudeat Christianos tam iniquamente in Patrem Patrum, & Præfulum Antistitem verba iactare.

Nec magis probarim illorum doctrinam, qui dicunt Ecclesiam vniuersalem duplici modo capi, distributivè, & collectivè. Pontificemque Romanum rectorem esse Ecclesiæ vniuersalis primo modo, non autem secundo, id est, singulis separatim Ecclesijs præesse, non autem Ecclesiæ vniuersæ. Hanc definitionem velim ex antiquis sanctorum Patrum regulis mihi demonstrari, non ex recentiorum hominum sophismatibus. Ego enim ex antiquorum sanctissimis Decretis assero Romanum Pontificem, & singulis Ecclesijs & Prouinciæ Ecclesijs, & Nationum Ecclesijs, & totius Orbis Ecclesijs præfidere; earumque esse rectorem, ac gubernatorem. Id constat ex Decretalibus Pontificum Epistolis Clementis, Anacleti, Euaristi, Alexandri, Sixti I. II. & III. Thelephori, Igini, Pij, Aniceti, Socheris, Eleutherij, Victoris, Zephirini, Calisti, vrbani, Pon-


Pontiani, Antheri, Fabiani, Cornelij, Lucij, Stephani, Dionysij, Felicis I. & II. Eutichiani, Caij, Marcellini, Marcelli, Eusebij, Melchiadis, Syluestri, Marci, Iulij, Liberij, Damasi, Siritiij, Anastasij, Innocentij, Zosimi, Bonificij, Calestini, & Leonis; vt eorum taceam successores. Ex eorum decretalibus inquam literis id constat, scriptis scilicet ad vnum, vel plures Episcopos, & ad clericos, aut laicos, ad Hierosolymitanum Episcopum, ad Antiochenum, ad Alexandrinum, ad Constantinopolitanum, ad Athenienses, ad Macedones, ad Episcopos Campaniz, Italiz, Siciliz, ad Gallos, ad Hispanos, ad Gallos simul & Hispanos, ad Episcopos Bethicæ Prouinciz, ad Bethicz, & Toletanz simul, ad Germanos, & Burgundos, ad Aphros, ad Egyptios, ad Orientales, ad omnes per orbem Episcopos, ad Concilia, ad Cæsares, & ad omnes simul Christi fideles; quibus in omnibus Romani Pontifices eos docent, movent, instrunt, arguunt, minantur, & castigant. Et quid hoc est, nisi vniuersam Ecclesiam regere? At collectæ inquirunt non est rector. Id perinde est ac si quis dicat Regem Francorum Galliam vniuersam regere, ex eaque exercitum cogere posse, coactio autem non posse imperare. Ostendimus ad Romanum Pontificem Conciliorum conuocationem pertinere. Et quid aliud est Concilium, quàm exercitus fidelium, ad veritatis defensionem, & Ecclesiæ tuitionem congregatus, cuius Imperator est Romanus Pontifex? Iam suprà demonstratum est Concilia ad Romanos Pontifices questionis de fide retulisse, eorum definitiones recepisse: nec Concilia tantum Prouincialia, verum etiam generalia. Petijt Concilium Constantinopolitanum à Damaso Timothei damnationem: Damnatus est Nestorius à Concilio Ephesino iuxta præscriptionem Calestini. Damnatus Dioscorus per Legatos, & per Concilium Chalcedonenſe, quasi per Ministros. Accepit idem Concilium à Leone fidei definitionem. Et cur præſident Legati Concilij generalibus? Et cur Concilia confirmationem à Pontifice requirunt? Et qua auctoritate approbavit Leo de Chalcedonenſi Concilio Canones 27. vigesimum autem octauum reiecit?

Vnum addam. Vidimus ex Decretis Pontificum, & aliorum testimonijs Romanos Episcopos vniuersam Ecclesiam regere. Concilia generalia sunt inſtrà vniuersam Ecclesiam, illam enim repræſentant, & maior est, quæ repræſentatur, quàm quæ repræſentant, qui ergo maiorem regit, suprà minorem dici non debet non habere potestatem.

CAP. XII.

Dictorum in præcedentibus approbatio.

Hæc sunt, quæ de sanctorum Patrum antiquorum Scriptis, deque sacrosanctis Concilijs excerptimus. Plura etiam omisimus breuitati consulentes. Verum & hæc non ita pauca sunt, vt ad veritatis testimonium non sufficiant. Doctrinam nascentis (vita dicam) atque adultæ Ecclesiæ recitauimus: Et in ea Pontificum, & Synodorum Decreta, & consuetudines trecentorum, & sexaginta annorum demonstrauimus: In illis que 34. Pontificum responsa attigimus; quorum etiam maior pars scripta sua per tormenta, & sanguinem approbarunt, & roborarunt. Adde Patres in Concilijs generalibus mille ferme, ac trecentos, præter Mileuitanum Concilium, Carthaginense, ac Vassense, aliaque Africæ, & Egypti, quæ suprà nominauimus: Non paucos item Episcopos diuersarum regionum, Cæsaresque, & Augustas, quæ Pontificum Romanorum dogmata cum reuerentia receperunt. Hæc igitur sana; hæc vera; hæc Catholica doctrina à sanctissimis, doctissimis, ac reuerendissimis Patribus promulgata; quàm nostrates omnes Scholæ, Collegia, ac Vniuersitates, Canonistæ omnes, omnes Scholastici, omnes cuiuscumque Sectæ Theologi Christi nomen recipere profitentes debent, approbare, & venerari. Quod si fortè quis contra sentiat, eum de tot Patrum, & Conciliorum sententia arbitror contrà Ecclesiæ veritatem sentire, nisi sacrosanctum generale Concilium Tridenti congregatum, aut etiam Romana sancta Apostolica Sedes, quæ illius caput est, aliter censuerit.



I A C O B I L A T O M I C A M B E R O N E N S I S,

Sacræ Theologiæ apud Louanienses Professoris
celeberrimi Opera, quæ præcipuè aduersùs
horum temporum hæreses eruditissimè,
ac singulari iudicio conscripsit, ab
innumeris vitijs, quibus sca-
tebant, diligenter
repurgata.

D E P R I M A T V P O N T I F I C I S *Aduersùs Lutherum.*

*Cùm adhuc exiguus esset hic Tomus addimus Auctorem unum è litera I,
qui eius tenuitatem suppleat.*

Iacobus Latomus Senior Camberonensis vulgò Cambrai Prouinciæ Hannoniæ do-
ctissimus inter Louanienses commendatur. In multa scientiarum eruditione
perspicuus, & notissimus. Maximam habuit notitiam literarum sacrarum, di-
dicit exactè Græcam linguam, quam penè pro materna habuit, & Hebraicam
cum admiratione. Post ipsius studia S. Petri Louanij Canonicus electus est, &
cùm in Theologia maximoperè celebraretur, in ea celeberrima vniuersitate pro-
fessus est maxima sui nominis celebritate. Fuit alter Iacobus Latomus Iunior,
qui Threnos, & psalmes in carmine descripsit, & omnia opera huius Latomi Se-
nioris in volumen vnum redegit Louanij Typis Bartholomæi Grauis anno 1550.
in folio. Fuit autem capitalissimus Lutheri hostis, quem voce, & scripto ac-
riter insectatus est, necnon aliorum omnium hæreticorum, quorum hæreses suo
tempore grassantes, multis libris editis profligauit, vt scribitur in eius Epitaphio
posito post Altare maius Ecclesiæ S. Petri, in quo etiam nominatur vir multæ
eruditionis, pietatis, & modestiæ. Sunt autem infrascripta eius opera. De
trium linguarum, & studij Theologici ratione Dialogi duo. Apologia pro duo-
bus Dialogis de trium linguarum, & studij Theologici ratione. De Ecclesiâ.
De primatu Pontificis aduersùs Lutherum. De varijs articulis in Ecclesiâ con-
trouersis. De Confessione Secreta, De legis humanæ obligandi ratione, De Fi-
de, & operibus, De Matrimonio, De Monachorum institutis, votis, & obli-
gationibus. Disputatio Quodlibetica. De Oratione pro Defunctis. De inter-
ces-

De primatu Pontificis aduersus Lutherum. 233

cessione Sanctorum. De cultu imaginum. De ciborum delectu, & ieiunio. Responsio ad Lutheri libellum. De articulis à Theologis Louanienſibus damnatis. Responsio ad Helleborum Ioannis Oecolompadij. Confutatio aduersus GuilieImum Tindallum lib. 3. aduersus librum Erasmi Roterodami de Sarcienda Ecclesiæ concordia. Quibus addi debent duæ epistolæ Antuerpiæ 1544. in 8. Excusæ vnâ cum libello de Ecclesia Philippo Melancthonij inscriptum, alterum contra Orationem Factiosorum in Comitij Ratisponensibus habitam. Mortuus est ipse Louanij vigesima nona die Maij anni 1544. & post altare maius digno sepulchro, & inscriptione tumulatus. De eo celeberrimam mentionem faciunt Valerius Andreas in sua Bibliotheca Belgica, & in fastis Academicis, & omnes aliæ ferè Bibliothecæ, vtpotè notissimo inter Louanienſes. Omnium autem, risu, & cachinnis excipienda est ea fabella, quam sinxerunt de Iacobo Lathomo Seniore hoc M. Vvolf Krygerus in cathalogo suo Germanorum mille Virorum illustrium pag. 92. & Michael Dilcherus Theologus Norimbergenſis est autem huiusmodi. Cum Louanij Iacobus Lathomus ad finem vitæ peruenisset, in lecto decumbens, mærens, & furioso similis, vocauit ad se Theologos omnes, & protestatus est amarissimo animo coram illius se peccasse in Spiritum sanctum, ideoque peccato in hac, & altera vita irremissibili, se innumeras animas ad barathrum duxisse; quæ alioquin ad puram Euangelij interpretationem properabant, & de puro Euangelij fonte bibebant, se innumera damna toti Ecclesiæ intulisse. Cum autem omnes illi Theologi vellent eum consolari, proponentes Dei misericordiam omni peccato, & peccatoris obstinatione maiorem, ipse dixit se infallibiliter damnatum, se iam pedem in inferno tenere, & iam sentire ardentissimas illas flammæ in terra viuentem. Et his dictis sine vlla compunctionis, poenitentia, & fiducia nota, mortuum desperato similem. Hæc & alia de Iacobo Lathomo ipsorum capitalissimo hoste scribunt illi hæretici. Sed quid facilius ista resoluitur. Post eius mortem inter celeberrimos Theologos nedom eruditione, sed pietate reponitur, dicitur vixisse capitalissimus omnium hæreticorum hostis, viuit celeberrima apud Louanienſes eius memoria, eius libri ipsum satis defendunt, nec in Spiritum sanctum, nec in fidem peccasse. Quid plura congerimus? Ipsæ accusationes eum expurgant, dicitur enim damnatus, & Spiritus sancti hostis, quia non ambulauit ad puram Euangelij interpretationem, quod æquivalentibus verbis sonat odisse illos, qui ad puram Euangelij doctrinam dicunt se properare, & innumeras animas retraxit ab ea doctrina, quod ex confessione ipsa Hæreticorum extortum testimonium maximum est Iacobi nostri Elogium,



DE PRIMATV PONTIFICIS *Aduersus Lutherum.*



IRCA ea quæ Lutherus dicit de Primatu Romani Pontificis, sic procedam.

Primò, tractabo sex rationes, quibus ipse asserit Romani Pontificis primatum sic stabiliri posse, vt per ipsas possit etiam hæreticis, & schismaticis efficaciter resisti.

Secundò ostendam, quòd non benè respondeat testimonijs scripturæ, & sanctorum, per quæ probatur Ecclesiæ Romanæ primatus.

Tertiò, respondebo authoritatibus, rationibus, & historijs ab eo citatis. Ex quibus omnibus vtrumque apparebit quatenus Romani Pontificis primatus diuini iuris sit.

CAPVT PRIMVM.

*Ostendens sex rationes esse inefficaces, quas
Lutherus adducit tanquam necessa-
rias, quibus ostendi possit quod
potestas Pontificis Romani
profecta sit ex diuina
institutione.*



Rimò igitur argumentatur Martinus. Ex voluntate Dei beneplaciti: quam in ipso facto videmus. Neque enim, inquit, sine voluntate Dei, in hanc Monarchiam venire potuisset Romanus Pontifex.

Respondeo. Ista ratio nihil concludit aliud, quam Dei voluntatem patienter esse ferendam: quando ipso facto innouescit quomodo ferendus est morbus, aut mors, vel damnum rerum: quantumuis iniuste à proximo illatum: non autem, quin tempore futuro, pro quo de diuina voluntate non constat, liceat ad euasione[m] conari: se videlicet, à damno, morbo, vel morte, per media opportuna, liberando. Neque plus iuris, hoc medio, Romano Pontifici tribuitur in subiectos, quam cuius tyranno, qui ciuitatis principatum contra ius, & æquitatem, inuasit. Vel quam ipsi Pylato, aut Iudæis, aduersus Christum. Nam in istis omnibus, voluntas Dei beneplaciti declaratur in facto: nec est potestas, nisi à Deo: quam, & ipse Christus aduersum se Pylato desuper datam, confitetur. Quòd autem, hac sola ratione, glorióssimus martyr Cyprianus, contra omnes Episcoporum, aduersarios gloriatur: miror in quibus epistolis Martinus hoc legere: quod videlicet: sola voluntas Dei beneplaciti Christianos Papæ, aut Episcopo subijciat. De Romanis tamen principibus, qui Ecclesiam persequébantur id, opinor, dicit Cyprianus: ac Dei voluntatem amplectitur, qui tyrannorum persecutione quantumuis iniusta vtendo, suos punit, & probat. Nec valet quod adducit de Roboam, tertio Regum. Is enim

se continuit propter Dei præceptum. Vnde cap. 12. dicit textus. Factus est autem sermo ad Seneian, virum Dei, dicens. Loquere ad Roboam, filium Salomonis. Et infra. Hæc dicit Dominus. Non ascendetis, nec bellabitis contra fratres vestros, filios Israel, reuertatur vir in domum suam: à me enim, factum est verbum hoc.

Secunda ratio eiusdem ponderis est: quæ similiter nihil iuris Papæ tribuit: plusquam raptori competat, quando homo Christianus Christi consilium, aut præceptum secutus, aduersario non resistit, aut angarianti obsequitur.

Tertía ratio, quòd videlicet forsitan, Papa sit flagellum Dei, propter peccata nostra, eandem vim habet cum duabus prioribus. Nam ista tria fundamenta æque bene concluderent, de Antichristi primatu, sicut Papæ.

Quarta ratio, eodem deducit, quòd videlicet Dei ordinationem ratam habere, & æquo animo ferre debeamus. Quamuis enim non sit potestas nisi à Deo: & in respectu ad Deum semper iusta sit, & ordinata: tamen, frequenter ipsius potestatis vsus in homine, est facti solum, & non iuris. Concluderet enim æqualiter de Antichristo, imò, & diabolo, qui Beato Iob, vel alteri sancto nocere non potuit, nisi diuinitus accepta potestate.

Quinta ratio probat eos peccare, qui se irrationabiliter subducunt obedientiæ magistratus humanitatis institui: qualem supponit esse Papatum, quòd nihil est speciale de Papa, plusquam de quocunque alio, multis aut paucis humanitatis prelato.

Sexta ratio, puta communis omnium fidelium, qui hodie Romano Pontifici subsunt, consensus, concludit æqualiter de Soldano: nam communis omnium fidelium, qui hodie Soldano subsunt, consensus talis est. Ac ipsius Soldani potestas, vel imperium, res indigna est, pro qua Ecclesiæ vnitas scindatur. Etiam Soldano, vel Turcæ subesse temporaliter, non est contra Christi præceptum.

Quid autem momenti habeat consensus iste communis subditorum, pro primatu

Papæ stabiliendo, considerandum est: si ipsi primatus sit euangelica lege prohibitus, sicut infra Mart. probare nititur. Nam contra euangelicam legem, nullus hominum consensus, quiquam valet, ad rectificandum, quod Euangelium reprobatur. Itaque id efficiunt istæ sex insolubiles rationes, ut homini Christo peccatum non sit Papæ subesse, eidemque parere, in his, quæ contra Dei mandata non sunt. Et istarum rationum inefficaciam, facto suo Martinus declarat: quem nihil mouerunt, neque impediuerunt, quod minus se & alios, suis scriptis, & factis, Romani Pontificis imperio subduceret.

CAPVT II.

Confutans cauillationes quibus Lutherus veram Scripturæ sensum conatur subuertere, ex qua primatum Romani Pontificis Catholicus demonstrat.

Consequentè ostensus partis aduersæ rationum inefficaciam.

Primum tractat illud Matthæi 16. [Tu es Petrus, &c.] ubi cauillatur ex glossa in cap. Considerandum, &c. dist. & ex Panorm. in cap. significasti de elect. quod Christus hoc verbo. Petro non dedit, sed tantum promiserit clauces, sed cauillatio frivola est. Cum enim noui sit in Christo, est, & non, secundæ ad Corinth. 1. tam firma est eius promissio, quam certa est donatio. Et cum valde impium Christi promissionem in dubium reuocare: perinde efficax est argumentum, siue illo verbo Petro dederit primatum, siue promiserit. Nec opus est in Euangelio aliud verbum querere, vel inuenire, quo Christus promissum impleuerit, sed firmiter credendum est promittenti. Canones igitur in hoc verbo fundati, idem robur obtinent, siue illum primatum illis verbis dederit, siue promiserit, quid enim Martini adiuuat glossa, dicens Petrum, toti Ecclesiæ præpositum à Christo, illo verbo. [Pasce oues meas,] cum ipse textus aperte dicat eum, quem cunctæ Ecclesiæ præterit disposuerat?

Deinde textum ipsum multis verbis pertractat, cō tandem rem deducens, ut quæ in ea sententia Christus dicit, velit de Petro, aut alio quocunque singulari homine, non posse intelligi, quod videlicet: certum, & infallibile non sit, alicuius hominis fidem, & confessionem perseverantè, & indeclinabiliter esse mansuram, vsque in finem, sed de sola Ecclesiâ certitudo habeatur, intendens illi datas esse clauces tantummodo, cuius fides, & confessio fidei, talis sit. Contra quod, primum facit, quod hac ratione nulla particularis Ecclesiâ habeat, aut habuerit aliquando clauces: contra ipsummet Martinum cum nulla talis Ecclesiâ habeat infallibilem, & indeclinabilem, vsque in finem in fide confessionem: igitur hoc argumento non conuincitur Petro clauces Ecclesiæ non esse datas, aut eadem, (ut dictum est) ratione nullius ciuitatis Ecclesiæ, quæ aliquando defecit, aut defecit omnino à fide vnquam habuit clauces, & ita Antioch. aut Alexandriæ ciuitas nunquam

habuit clauces, nec cuiquæ earum potuit vsum dare, quas non habuit. Itaque hac Mart. ratione, sola Ecclesiâ vniuersalis clauces accepit, quæ habet eas non in vniuersali separato à singularibus, nec in singulis scorsum, igitur in aliquo, vel in aliquibus, eas habet. Si enim omnis habens rectam fidem, Ecclesiæ clauces habeat: Laicus vel mulier eas habet, quod falsum est, & antiquitatis ab Ecclesiâ reprobatur. Clauces itaque Ecclesiæ datæ sunt in Petro, & Apostolis, cum Petro in Christo coniunctis, non toti collectioni multitudinis Ecclesiæ, nec singulis membris eius, rectam fidem, & confessionem eius habentibus: quod apparet diligenter consideranti textus circumstantiam. Cum enim dixisset, & super hanc petram ædificabo Ecclesiā meam, non addidit, & illi dabo clauces, quod tamen videbatur esse dicendum: si eas, non Petro, sed Ecclesiæ, id est credentium multitudini, daturus erat: sed addidit, & tibi dabo clauces. Er quodcumque ligaueris, &c.

Dicuntur igitur clauces Ecclesiæ. Primò, propter vniōnem membrorum, in vno corpore, ad Romanos 12. Multi vnum corpus sumus in Christo. Idè quæ membri data sunt, rectè ipsi corpori data esse dicuntur. Tum, quia teste Hieron. clauces Ecclesiæ datæ sunt in Episcopis, & presbyteris, qui potiores partes Ecclesiæ sunt. Tum tertio: quia potestas, quæ in vno aut pluribus alicuius communitatis perpetuari non potest: sed tantum per successionem, nominari soler potestas communis: quamuis non omnibus, nec singulis, sed quibusdam de communitate conueniat: sicut est in priuilegio, dignitati alicuius Ecclesiæ concessio: ut rectè dicitur dignitas Regalis data populo Iudæorum, quamuis in sola tribu Iudæ, & in illa, solum in domo David. Quartò, quia ad bonum, & vtilitatem totius Ecclesiæ, Petro, & successori eius, datæ sunt clauces: sicut de sua potestate loquitur Paulus, 2. ad Corinth. 13. dicens. Secundum potestatem, quam Dominus dedit mihi, in adificationem. Quintò, quia per eas clauditur, & aperitur Ecclesiâ. Sextò, quia in ipis operatur fides Ecclesiæ.

Nec mirum quod clauces Petro datæ, dicantur esse Ecclesiæ, cum ipsius Pauli Apostolatus non ab homine, neque per hominem acceptus, ipsius Ecclesiæ esse dicatur, primæ ad Corinthios 3. Omnia vestra sunt, siue Paulus, siue Apollo, siue Cephas, omnia enim electorum sunt, non quia singuli habeant omnia, sed propter vniōnem in vno corpore. Neque istas clauces, vel earum vsum, alicui dare potest, quilibet fidelium multitudo, sed dantur à Christo diuinitus ipsi ordinato, per ministerium Episcopi ordinantis: per quod, sicut accipit ordinatus consecrandi potestatem, ita & potestatem dimittendi, vel retinendi peccata. Non eo ipso quo eligitur à populo: quod vel hinc manifestum est: quia contingere potest. Ut nullus eligentium sit Sacerdos, vel episcopus: cum negari non possit potestatem remittendi, vel retinendi peccata pertinere ad clauces. Licet igitur electione cleri, & populi, aut eorum, quorum interest, administrationem, & iurisdictionem fori exterioris habeat canonice

ele-

De primatu Pontificis aduersus Lutherum. 237

electus in Episcopum Sedis Apostolicæ, siue diuinitis, siue humanitis (de quo inferius dicitur) tamen claus non accipit, vel eorum vsum, quo ad forum conscientie, nisi diuinitis per ministerium consecrantis.

Vnde constat, verum non esse, quod cuiuslibet ciuitatis Ecclesia, vel fidelium multitudo, electo Episcopo det clauas, vel eorum vsum, quas ipse eidem Ecclesie relinquat, dum moritur, sicut Martinus putat euidenti ratione concludere, dicens. Quando Papa eligitur, aut secum affert clauas, aut non: si affert: ergo erat Papa antequam eligeretur, si non affert, à quo accipit? nunquid ab Angelo de Cælo? Nonne ab Ecclesia? Item, quando, inquit, Papa moritur, cui reliquit clauas? aufert eas secum? Si non aufert: cui relinquit, nisi Ecclesie à qua accepit?

Dicendum secundum Hieronymum, secundo comentariolum in Matthæum, quia tu mihi dixisti. Tu es Christus filius Dei viui, & ego dico tibi, non sermone casto, & nullum ante opus: sed ego dico tibi, quia meum dixisse fecisse est. Quia tu es Petrus. Vbi etiam Chrysostomus inquit, quod Christus hæc dicens, ea Petro promittit, quæ solius Dei est dare. Cum igitur eandem clauas Papa, Petri successor, hodie accipiat, quas Christus, Petro se daturum promissit: sequitur illas non ab Ecclesia, sed à Deo, Papæ dari. Vnde, illa quæ in hoc loco dicit Martinus de datione vel acceptione clauium, veniunt ex illa sententia, qua alibi expresse dicit, omnes Christianos esse Sacerdotes: & quod ordinatus per ordinationem, nullam potestatem accipiat, quam antea non habuerit: sed solum deputetur ad licite vtendum potestate prius habita, quæ sententia, olim est ab Ecclesia damnata. Aliud est enim consistere, vel facere Sacerdotem, vel Episcopum, aliud vero Sacerdos, vel Episcopum dare materiam: cum possit Episcopus esse, non habens populum. Qui cuius talem, populo alicui præficit, quicumque sit ille, non dat ei clauas, quas prius non habebat: nec dat ei vsum clauium, sed dat materiam, circa quam clauæ vtatur.

Est ergo à Christo Petro credita Ecclesia, non hæc vel illa particularis: sed vnica catholica, cuius veluti centrum quoddam, finit locus Petri, dum in carne viueret, & hanc auctoritatem habebat vbicumque locorum esset, siue Hierosolymis, siue in Iudæa, vel Samaria, & postea Anthiochiæ, & tandem Romæ, vbi postremam sedem suam fixit. Et teste Hieronymo in lib. de viris illustribus, 25. annis cathedram sacerdotalem tenuit: & ita post eius dormitionem, transijt potestas ad successores, eandem sedem regentes, quam Petrus suo martyrio decorasset: non illi loco necessarii alligata, secundum quod est hæc terrena particularis ciuitas: quin ex causa, transferri possit ad alium locum: vt fecerunt sibi succedentes Pontifices, annis circiter septuaginta, in Aquinone sedentes: qui licet essent Romani Pontifices, non tamen Romæ residebant.

Vnde apparet quid habeat momenti, quod Martinus citat de Ecclesijs Christi, quæ in Iudæa, & alijs orbis partibus, Romanam antecesserunt, Et similiter quantum valcat

argumentum à simili de promissione facta Abraham: vt hæres esset mundi, ad Romanos 4. Et ad Galatas 4. Non enim habet Romana Ecclesia, vt talis, hunc primatum: sed vt Petri sedes fixa, & postrema idem iuris habitura fuit Babylon, vel Alexandria, si diuino iussu Petrus illic sedem fixisset.

Deinde verbum, pascere oues meas, nihil suffragari primatu Romani Episcopi, iuritur Mart. ostendere multis verbis, vel quod non dixerit omnes oues meas, vel quod oues suas Christus vocat Iudeos sicut Paulus ad Galathas, Petrum appellat Apostolum circumcissionis. Item, ex eo quod pascere sit docere Euangelium, & Petrus non poterit totius orbis oues docere, ergo nec pascere. Item quod aliud est pascere, & præesse, vel primatum habere, & ita torquetur textus Euangelicus, cum pastoris nomen ad primum trahitur.

Ad ista dicendum, quod etiam Christus non dixit, Pascere quasdam oues meas. Ideo indefinitè dictum, rectè intelligi potest vniuersaliter, vt cum dicitur diliges proximum tuum, non additur omnem, sed tamen rectè intelligitur.

Secundo cum Christus dicat Ioannis 10. Et alias oues habeo, quæ non sunt ex hœouili, & eas oportet me adducere, vt fiat vnum ouile, & vnus pastor, ostendit etiam gentiles contineri nomine suarum ouium, nec voluit eas colligi in duobus ouilibus, sed in vno: cui præficit Petrum, dicens, pascere oues meas. Quod igitur Paulus dicit ad Galatas 2. Petro creditum Apostolatam circumcissionis: accipiendum est, non cum exclusione Apostolatatus in gentes, cum diuino iussu Petrus iurrit ad Cornelium, actum 10. sed quod prius, & specialius missus sit ad conuertendos Iudeos: in hoc similis magistro suo, dicenti, se non esse missum nisi ad oues perditas Israel (propter quod Apostolus cum appellat ministrum circumcissionis, ad confirmandas promissiones factas patribus) qui tamen, iuxta Isaiam, datus est in lucem gentium: vt sit Isaias mea, inquit, vsque ad extremum terræ, & iuxta Ioannem moriturus erat pro gente, & non solum pro gente, sed vt filios Dei, qui dispersi erant, congregaret in vnum. Et iuxta eundem, in canonica. Ipse est propitiatio pro peccatis nostris, non pro nostris autem tantum, sed etiam pro totius mundi. Igitur Petrus, & Paulus administratione pares erant: vtrique à Christo credita est Ecclesia: & pares erant diuina electione, vt testis est Ambrosius, hinc dicit Paulus Instantia mea quotidiana, sollicitudo omnium Ecclesiarum. Vnde non debent separari Petrus, & Paulus, quibus simul commissæ est vniuersalis Ecclesia: licet in Petro magis emineat auctoritas, inest Paulo sapientia. Ex quibus duobus constat perfectus principatus. Nec tamen legitur Paulum alicubi sedisse: & sacerdotalem cathedram rexisse: quemadmodum Petrus Anthiochiæ primum, deinde Romæ sedit: fortasse ne præiudicaretur vnitati, quam Dominus demonstrauit: iuxta Cyprianum dum Petro Ecclesiam commisit.

Tertiò dicendum, sicut Salomon templum ædificauit, non solum per seipsum. Et Imperator, Ecclesiam tuetur armis: non sua, solius

solius manu : sed per duces , Principes , & perfectos , usque ad ultimum decurionem : ita similiter Petrus , vel eius successor , oues sibi creditas pascit , & docet per Patriarchas , Archiepiscopos , & Episcopos , usque ad ultimum sacerdotem .

Quod autem Martinus addit , Romanos Episcopos nunc per seipsos non docere , ut detur hoc pertinere ad negligentiam , & abusum , non continuo inferri debet ipsius potestatis , vel auctoritatis abolitio , potestate enim contingit bene , & male vti : vel etiam per otium non vti . Postremo , quia qui ouibus praeferitur , & cui tamquam pastori , oues creduntur , eo ipso potestatem accipit educendi , & reduendi , separandi morbosas à sanis , lupos arcendi , & defendendi à furibus , & alia faciendi : quae eleganter describit Ezechiel , sub pastoris , & onium metaphora , principum & praelatorum officium explicans . Non male igitur argumentantur , qui ex verbo , pascere oues meas , specialiter dicto Petro , concludunt potestatem quamdam , & primatum super oues , traditum . Nec hoc facientes , Euangelicum textum torquent , vel aduletrant : sed vim significationis , quae tacite inest , explicant .

Tenendum est igitur : Christi ordinatione , vnum esse toti Ecclesiae Praetatum . Hanc autem Christi ordinationem , sancti patres intellexerunt , ex verbo Christi .

Matthaei 16. Tu es Petrus , Et Lucæ 22. Ego pro te rogam Petre , ut non deficiat fides tua , & tu aliquando conuersus , confirma fratres tuos . Et Ioannis ultimo . Pasce oues meas . Nam in his locis , Cyprianus , Hieronymus , Augustinus , Ambrosius , Theophylactus , Chrysostomus , Leo , Gregorius , Bernardus , sanctimoniam vitae , & scripturarum eruditione insignes , & omni exceptione maiores , quorum verba , infra ponemus : cum alijs , siue numero , tam veteribus , quam recentioribus , statuunt cathedrae Petri primatum . Quem sensum explicant sacri canones , dist. 9. capit. Ita Dominus , quod est Leonis primi . Et dist. 20. cap. de libellis , quod est Leonis quarti . Et dist. 21. cap. Cleros , quod est Isidori . Et eadem dist. cap. In nouo , quod est Anacleti , & 22. dist. cap. Omnes , & alij quidam . Quod si illis nonnulli ad alium sensum , quam sancti patres voluerint , abusi sunt , nulla culpa sacrorum canonum est : cum & sacro Euangelij textu abutantur haeretici , ad suorum peruersorum dogmatum confirmationem .

C A P V T III.

Continens responsiones ad diuersa argumenta probante conclusionis adducta , & iuxta eorum diuersitatem diuiditur in sex partes .

Prima pars declarat allegata ex beato Hieronymo esse perperam ab Luthero intellecta .

Nequae contrarium probant auctoritates sanctorum , rationes , & historiae , quae

per Martinum allegantur : quod erit manifestius , singulis per ordinem respondendo . Et primo , ad ea quae ex Hieronymo adducit , in epistola ad Euagrium . Hieronymi verba , sunt . Legimus in Isaia , stultus satua loquatur . Audio quempiam in tantam erupisse , vaeordiam , ut diaconos presbyteris , id est Episcopis , anteferebat . Nam cum Apostolus perspicue doceat , eisdem esse presbyteris , quos Episcopos : quid pariter mensarum , & viduarum minister , ut supra eos se tumidus efferat , ad quorum preces , Christi corpus , sanguisque consecitur . Queris auctoritatem ? Audi testimonium , Paulus , & Timotheus serui Christi Iesu , omnibus sanctis in Christo Iesu , qui sunt Philippis , cum Episcopis , & diaconis . Vis , & aliud exemplum ? In actibus Apostolorum ad vnius Ecclesiae sacerdotes , ita Paulus loquitur . Attendite vobis , & cuncto gregi , in quo vos , spiritus sanctus posuit Episcopos , ut regeretis Ecclesiam Domini : quam acquisiuit sanguine suo . Ac ne quis contentiosus , in vna Ecclesia plures Episcopos fuisse , contendat , audi & aliud testimonium in quo manifestissime comprobatur , eundem esse Episcopum , atque presbyterum .

Propter hoc reliqui te in Creta , ut quae dearent corrigeres : & constitueres presbyteros per ciuitates : sicut , & ego tibi mandauimus . Si quis est sine crimine , vnius uxoris vir , filios habens fideles , non in accusatione luxuriae , aut non subditus . Oportet enim episcopum sine crimine esse , quasi Dei dispensatorem . Et ad Timotheum . Noli negligere gratiam , quae in te est , quae tibi data est per prophetiam , per impositionem manuum presbyteri . Sed & Petrus in prima epistola . Presbyteros , inquit , in vobis praecor , compresbyter , & testis passionum Christi : & futurae gloriae , quae reuelanda est , particeps : regere gregem Christi , & inspicere , non ex necessitate , sed voluntarie iuxta Deum : quod quidem graece significantius dicitur *episcopos* , id est super incendentes , unde & nomen Episcopi tractum est . Parua tibi videntur tantorum virorum testimonia ? Clangat tuba Euangelica , filius tonitruum , quem Iesus amauit plurimum , qui de peccatore saluatoris doctrinarum fluentia potauit . Presbyter electae domine , & filijs eius , quos ego diligo in veritate . Et in alia epistola , presbyter Caio charissimo , quem ego diligo in veritate . Quod autem postea , vnus electus est , qui ceteris praeponebatur : in schismatis remedium factum est , ne vnusquisque ad se trahens , Christi Ecclesiam rumperet . Nam & Alexandria , à Marco Euangelista , usque ad Heraclium , & Dionysium , Episcopos , presbyteri , semper vnum ex se electum , in excelsiori gradu collocatum , Episcopum nominabant : quomodo si exercitus Imperatorem faciat , aut diaconi eligant de se , quem indultum nouerint , & archidiaconum vocent . Quid enim facit , excepta ordinatione , Episcopos , quod presbyter non faciat ? Nec alia Romanae vrbis Ecclesia , alia totius orbis existimanda . Et Galliae , & Britanniae , & Africa , & Persiae , & Oriens , & India , & omnes Barbarae nationes vnum Christum adorant , vnam observant regulam veritatis . Si auctoritas quaeritur : orbis maior est verbe . Vbi cumque fuerit Episcopus .

scopus, siue Romæ, siue Eugubij, siue Constantinopoli, siue Rhegi, siue Alexandriæ, siue Tanis, eiusdem meriti, eiusdem est, & sacerdotij. Potentia diuitiarum, & paupertatis humilitas, vel sublimiorum, vel inferiorum Episcopum facit. Cæterum omnes Apostolorum successores sunt. Ex his Hieronymi verbis non concludi. Nullum Episcopum iure diuino, alteri esse Prælatum, apparet consideranti primùm intentionem Hieronymi. Loquitur enim de potestate ordinis, non iurisdictionis: volens sacerdotem ordinæ maiorem esse diacono: id quod probat in sine allegatæ epistolæ: quia ex diacono, prouehitur ad sacerdotium. Qui prouehitur, inquit, de minore, & maius prouehitur. Aut igitur ex presbytero ordinatur diaconus, ut presbyter minor diacono comprobetur, in quem crescit ex paruo, aut si ex diacono ordinatur presbyter, nouerit se lucris minorem, sacerdotio esse maiorem. Hæc ille.

Eodem enim argumento probatur Episcopus esse maior simplici sacerdote: quia uidelicet, ex sacerdote, ordinatur Episcopus: & non e conuerso. Nec ea ordinatio, post tempora Hieronymi nata est, sed antea fuit. Quam, & Dionysius in lib. Ecclesiasticæ hierarchiæ describit. Item quod loquatur de potestate super corpus Christi verum: in qua omnes sacerdotes, & Episcopi simpliciter æquales sunt: constat ex epistolæ principio: ubi dicit, quid pariter mensarum, & viduarum minister, ut super eos se tumidus efferat, ad quorum preces, Christi corpus, sanguisque conficitur? Quod autem addit, postea vnum electum, qui cæteris preponeretur, in schismatis remedium factum esse, nihil noui iuris inducunt, sed Christi ordinatio, ex causa executioni demandata est. Nam teste eodem Hieronymo lib. 1. aduersus Iovinianum, Petrus à Christo, Apostoli caput constituitur, ut schismatis occasio tolleretur, Hieronymi verba sunt. Ad dicis super Petrum fundatur Ecclesia, licet idipsum in alio loco super omnes Apostolos fiat. Et cuncti, clauis regni cælorum accipiant. Et ex æquo, super eos Ecclesiæ fortitudo solidetur, tamen propterea inter duodecim, vnus eligitur, ut capite constituto, schismatis tollatur occasio. Sed cur non Ioannes electus est virgo? ætati delatum est: quia Petrus senior erat: ne adhuc adolescens, ac penè puer, progressæ ætatis hominibus, præferretur &c. Neque etiam in potestate ordinis æquales facit, presbyterum, & Episcopum, dum Episcopo, & non presbytero ordinationem concedit, dicens. Quid enim facit Episcopus, quod non presbyter excepta ordinatione? Et in dialogo, aduersus Luciferianos: Ecclesiæ, inquit, salus in summi sacerdotis dignitate pendet: cui, si non exors quædam, & ab omnibus emineat detur potestas: tot in Ecclesijs efficientur schismata, quot sacerdotes.

Neque ex sacris literis inducta testimonia aliud probant, nisi quod Episcopi nomen, in principio commune erat omnibus presbyteris. Et cum omnis Episcopus sit presbyter, quid mirum si Petrus se conpresbyterum, vel confacerdotem vocet: cum ipse Christus, Apostolos fratres appellat? quem Paulus non meuit ministrum circumcisionis, id est Iudæo-

rum, nominare. Hæc enim modestiæ, vel humilitatis causa, dicuntur: licet verè, tamen citrà Prælationis præiudicium, quemadmodum Dominus discipulis loquitur. Vos vocatis me magister, & Domine, & benè dicitis: sum etenim. Et quod Hieronymus addit. Si auctoritas quaeritur, orbis maior est vrbe. Intendit consuetudinem generalem magis esse sequendam, quam particularem. Loquitur enim de ea consuetudine, quam Ecclesiæ Romana seruauit, aut tolerat, non, alijs seruandam mandat. Ex istis apparet, quod Mart. malè concludit, verbis Dei, primatum negari. Non enim quicquid scriptura non dicit, censendum est negare: nisi sumas argumentum ab auctoritate, negatiuè, qui locus Martino satis familiaris est. Nunc vero etiam primatum scriptura asserit, ut ostensum est.

Et cum dicit Hieronymus. Vbi cumque fuerit Episcopus, eiusdem meriti, eiusdem, est, & sacerdotij, intendit quemlibet Episcopum in sua ciuitate omnia posse facere: quæ pertinent ad ordinem Episcopalem, eo quod sit suæ ciuitatis supremæ Hierarchia. Potest enim sacerdotes, & clericos ordinare, virgines benedicere, Ecclesias consecrare, conhrmare, & si quæ sunt alia propria ordinis episcopalis. Neque in hoc, aliquam differentiam facit magnitudo, vel paruitas ciuitatis, parochiæ, vel dyocæsims, diuitiæ, vel paupertas. Nec loquitur de potestate regiminis, administrationis, vel iurisdictionis, quod patet ex probatione, quam adducit, dicens. Cæterum omnes Apostolorum successores sunt. Apostolos enim vni subdidit, ut iam dictum est. Et similiter successores Apostolorum successoribus Petri in regimine: vniuersalis Ecclesiæ subdidit.

Per eadem, responsum est ad id quod allegatur ex commentarijs in epistolam ad Titum: excepto quod ibi addit Hieronymus. Sicut ergo presbyteri sciunt se ex Ecclesiæ consuetudine ei, qui sibi præpositus fuerit, esse subiectos, ita Episcopi nouerint se, magis consuetudine, quam dispensationis diuinæ veritate, presbyteris esse maiores, & in commune, debere Ecclesiam regere. Ex hoc verbo videtur haberi, quod omnes presbyteri ordinatione diuina sint, æquales, & quod humano decreto factum sit, aut consuetudine (quæ in posituiis eandem vim obtrinet) ut vnus alijs superponeretur, ad quem omnis Ecclesiæ cura pertineret.

Dicendum, ex hoc non sequi, quod vnus non sit in Ecclesia alteri præpositus diuina ordinatione: vtraque enim ordinatio diuina est, & quod in humilitate, mansuetudine, atque mutua charitate, sibi mutuo inferuiant christiani, singuli in suo ordine, non quærentes, quod sibi uile est, sed quod alijs: Et etiam, quod quidam alijs præponerentur cum potestate coercendi malos, & tuendi bonos: Priorem vocat Hieronymus. dispensationis diuinæ veritatem, & veluti legislatoris Christi principalem intentionem: iuxta id quod ipse dixit. Discite à me, quia mitis sum, & humilis corde, & qui maior est vestrum, fiat sicut iunior, & qui præcellor est, sicut ministrator.

Alteræ verò videtur esse secundaria, legislatoris intentio, non per se bona, neque

expetibilis, sed magis necessaria, ex præsuppositione mali, propter schisma tollendum, vel impediendum. Simile esse videtur. Diuino iure, omnia esse communia inter homines, videtur fuisse veritas diuinæ ordinationis: quæ ilibata mansisset, durante statu innocentie, post peccatum autem, ab illa veritate recessum est: etiam diuina ordinatione, propter hominum malitiam, ex qua factum est, vt melius fuerit, & ad communem vitam conducibilis, singulis sua esse propria, quam omnibus omnia communia. Similiter in proposito. Stantè vinculo charitatis fraternæ, quod fuit inter Apostolos, non opus fuisse vnum alijs superponi, qui potestatem exerceret: non quin à principio sit data potestas, cum (vt dicit Hieronymus) Dominus Petrum caput constituerit, vt schismatum materia tolleretur, & Cyprianus de eodem Petro loquens, dicit, vt vnitatem manifestaret, vnitatis eiusdem originem ab vno incipientem sua auctoritate disposuit. Sed quod omnibus persecutoribus in bonitate, nullus fuisse illius potestatis vsus, saltem ad coercendum. Ita orabat Paulus: vt ipse nihil posset aduersus Corinthios, dicens, vt vos probati sitis, nos autem, vt reprobis sumus. Operabat enim illorum bonitate fieri, vt ipse impotens videretur, nec vt posset potestate coercendi sibi in ædificationem data, & pro necessitate magis, atque ex præsupposita aliena malitia. Quoniam igitur ab initio sensum, & paulatim nascentibus diuisionibus, & peccatis multiplicatis, collectio iam magno Christianorum numero, cepit fieri executio potentie, & superioritatis: dicit Hieronymus ex Ecclesiæ consuetudine, vnum alteri fuisse præpositum.

Si autem, vt quibusdam placet, Christus præcepisset, aut statuisset, omnes presbyteros, & Episcopos omnibus modis esse debere æquales: quis fuisse ausus contrarium statuere, sicut Hieronymus asserit, toto orbe fuisse decretum? Illud enim decretum si non à Christo, saltem ab ipsis Apostolis emanauit. Nam quis alius, tunc fuit tantæ auctoritatis, qui toti Orbi legem imponeret, prima facie libertati multitudinis contrariam, quam orbis vniuersus, sine contradictione, reciperet?

Constat enim ex Dionysio, & Ignatio contemporaneis Apostolorum, quod Episcopus illo tempore toti clero Ciuitatis præerat, vt sacerdotes Episcopo, sacerdotibus ministris, ministris populus subesset. Imò & ex Hieronym. scriptis de viris illustribus, pariter idem. Describit enim primos Episcopos Alexandrie, Antiochie, Hierosolymorum, & Romæ, Eusebium in chronica secutus, quibus concordat Augustinus in epistola ad Genesios, ubi describit ordinem Episcoporum Ecclesiæ catholicæ à Petro, vsque ad tempora sua.

Præterea nulla consuetudo contrà ius diuinum præceptum valet, sed potius corruptela vocanda est cap. postrema, de consuetudine. Si ergo præceptum diuinum est, omnes presbyteros esse æquales: consuetudo cuius meminit Hieronymus corruptela dicenda est. Cum enim consuetudo sit ius quoddam, non scriptum: quod à nullo homine,

vel hominum multitudinè statui potest: nequit obtinere vim legis per consuetudinem. Vfus enim quantumvis diuturnus, vim iuris non habet, nisi ex tacito populi consensu, qui aduersus Dei legem nihil valet, Mart. 15. Irritum fecistis mandatum Dei, propter traditionem vestram, & sine causa colunt me, docentes doctrinas, & mandata hominum. Rectè dicit quidam gentilis auctor. Non omnis vsus viuendi, sed vsus viuendi bonorum consuetudo est, nec omnis vsus loquendi, sed vsus loquendi eruditorum, consuetudo loquendi, dicenda est.

Sed diligenter aduertendum est, quod aliqua diuina ordinatio, est ius concedens, non imperans: vt liberum sit vti, vel non vti, vnde Apostolus primæ ad Corinth. 9. Dominus ordinauit eis, qui Euangelium annunciant, de Euangelio viuere: hæc Domini ordinatio præceptum non est: aliàs, vt rectè argumentatur August. contrà præceptum fecit Paulus prædicans Euangelium apud Corinthios: viuendo interim labore manuum, aut aliorum liberalitate. Sic intelligit Augustinus, quod Matth. 10. Marci 6. Lucæ 9. scribitur Dominus, Apostolis suis ad Euangelizandum destinatis, dixisse. Nolite possidere anrum, neque argentum, neque pecuniam in zonis vestris, non peram in via, neque duas tunicas, neque calciamenta, neque virgam: dignus est enim operarius cibo suo. Ius dedit, & licentiam, vitæ necessaria non portandi: quod à populo quem doceret, capere liceret: qua potestate apud Corinthios, se non vsum fuisse, gloriatur Apostolus. Simile est in multis, ius præminentie, & principatus, diuinitus concessi, quo superior vti non tenetur omnibus modis, quibus potest erga subiectos: vt quamvis se iure possit defendere, inclinet in partem mitiorem, nisi quantum Dei honor, & subditorum vtilitas postulat. Eodem iure potest superior alteri vices suas committere: nec potestatem concessa, in omnes semper vti tenetur.

Per hæc, multa Mart. argumenta soluantur in hac materia, & alijs, in malo intellectu iuris diuini, fundata: vt illud. Si Petrus iure diuino fuit omnibus superior, ergo peccauit superioritatem, seu primatum, in omnes non exercendo. Vel ergo ipse, vel Papa, non posset vices suas alteri committere. Similiter ergo peccauerunt primitiue Ecclesiæ sancti, & martyres. Item illud: Si omnes Romano Pontifici subssint, peccant christiani, qui sunt in India, aut sub turcis. Hæc enim omnia falsum supponunt, vt dictum est, & talibus sufficit, quod voto subssint Vicario Christi, parati, quantum in se est, ad obedientiam, secundum legem Christi, & doctrinam Apostolicam, atque regulas Ecclesiasticas, totam Ecclesiam concernentes, salua vnicuique libertate, in alijs sequendi consuetudinem suæ patriæ, vel Ecclesiæ propriæ, quæ varia esse potest, in his, quæ subsunt humanæ ordinationi, apud varios, salua vnitæ fidei, & Ecclesiæ. Quamuis enim ordinatione diuina, Romanus Pontifex legitimus Petrus successor sit, omnium summus, tamen aliter præest suæ diocesi, aliter diocesibus suorum suffraganeorum, quibus Sedes Romana est Metropolis. alijs

De primatu Pontificis aduersus Lutherum. 241

alijs prouincijs Ecclesiæ Occidentalis, vt Africæ, Germaniæ, Galliarum, Hispaniarum, quarum est Patriarcha. Aliter ceteris Patriarchis, Hierosolymitano, Antiocheno, Alexandrino: Aliter generaliter toti Orbi Christiano. Nam suam diocesim regit, sicut alij Episcopi suas regunt, iuxta diuinas, & Apostolicas leges, ac Patrum canones: tantum Metropolitanis curat prouinciam, sicut alij Metropolitanis, celebrando Concilia prouincialia, vel bina, vel singula annuè: non omnia absolute regendo, vel ordinando; sed suffraganijs suis, sua iura seruanda. In Episcopatibus prouinciarum, in quibus Romanus Patriarcha est, aliquid plus curæ impendit, ac magis regulariter superioritatem exercebat, quam in Episcopatibus, qui suberant alijs primatibus: non tamen sibi omnes eorum ordinationes vendicando, sed legatos mittendo, qui errata corrigerent, canones Ecclesiasticos seruari curarent: vnicuique quamuis irreprehensibiliter administraret, sua iura seruando: aliter autem toti mundo in quantum, vt Christi Vicarius, & Petro successor: cui pro se, & successoribus, à Christo commissa est vniuersalis Ecclesia. Ex hoc enim iure, Patrum canones decreuerunt in Concilio Nyëno, vt vnicuique Episcopo grauato libere liceat appellare ad Romanam Sedem. Item, vt Romano Episcopo inconstituto, non destituatur Episcopus: quodque Concilia generalia, aut etiam particularia, in materia fidei eo inconstituto conuocari nequeant: & quòd cum fuerint conuocata, nihil aliud concludant, quam id propter quod, conuocata sunt: aut saltem quòd concludi non possint, antequam Romanus Pontifex consular, aut saltem conclusio mittatur Sedis Apostolicæ approbanda, vel reprobanda, & eius auctoritate, per vniuersum orbem dirigenda. Id quod obseruatum videmus in Concilio Africano, contra Pelagium, & in Concilio Mileuitano, contra eundem, vt ex epistolis August. ad Innocentium, & Innocentij ad Patres Concilij, constat. Item id obseruatum est in Concilio Chalcedonensi, sub Leone Primo: Imò & in Concilio Nyëno, interfuerunt secretarij Sedis Apostolicæ: qui septuaginta duo capitula, Patrum manu signata, retulerunt seruanda in Archiaijs Sedis Apostolicæ, vt patet ex epistola Iulij Papæ ad Athanasium, & Marci Papæ ad eundem: atque Athanasij, & Ægyptiorum Episcoporum ad Iulium, & ad Marcum Pontifices. Vnde patet, quòd acta Conciliorum, ad Sedem Apostolicam illis temporibus mittebantur approbanda, & seruanda. Ex hoc iure, potuit Papa duos Episcopos, in vnum vnire: vnum in duos diuidere: quemlibet Episcopum iudicare, & exigentibus meritis deponere: ad se vocare: pro Ecclesiæ necessitate, vel salute, secundum potestatem, quam accepit in ædificationem, & non in destructionem, non pro libito propriæ voluntatis: licet supponatur ratio, duci: nisi constet de opposito. Videtur enim diuino iuri consonum, Episcopum secundum Christi legem irreprehensibiliter suo officio fungentem, non debere turbari in sui Episcopatus administratione: Ex hoc iure dicit Cyprianus, epistola 3. statutum, vt

vnicuiusque causa illi audiat, vbi crimen est admittum, & singulis Pastoribus portio gregis sit ascripta, quam regat, vnicuique rationem sui actus Domino redditurus: quando autem à lege deuiat, vel potestatem vertit in tyrannidem, atque ea in Ecclesiæ perniciem abutitur: tunc locus est superioriori potestati, vt videlicet Episcopus emendetur, vel puniatur sacerdos: & ipse Episcopus iudicetur à suo Archiepiscopo, aut à prouinciali Concilio, & sic ascendendo, vsque ad supremum Christi Vicarium, vnde ex abusu potestatis inferiorum prelatorum erga subditos, primitus nata sunt exemptiones canonicorum, aut monachorum ab ordinarijs locorum: quas Petri successorem facere posse certum est, sed ex causis vrgentibus pro vtilitate, vel necessitate totius Ecclesiæ, non pro suæ voluntatis arbitrio: Positus est enim, vt alijs sua iura custodiat, non auferat, teste Bernardo in lib. de consideratione ad Eugenium Papam: Sicut enim dux exercitus, imperium habet in omnes, & singulos de exercitu, secundum quòd ad finem, victoriam scilicet, vel pacem congruit: non pro sua libidine, sed sicut ratio dicitur, pro congruentia finis: qui & in arduis communicare debet Concilia cum principibus partium exercitus. Ita credendum est esse in Ecclesia, quæ est, vt castrorum acies ordinata. Et Moyse commissus fuit diuinis, totius synagoge ducatus, cui dictum est. Stulto labore consumeris: eo scilicet, quòd personaliter audire, & dissimulare, totius populi sibi crediti causas: cui Deus per Getro cognatum eius, ostendit, vt eligeret viros, quos constitueret super hoc opus. Ita Papa potest secundum plenitudinem potestatis vniuersæ cuiusque causam audire, & finire, de quacumque orbis parte, quia ei dictum est. Quodcumque solueris, & quodcumque ligaueris. Nihilominus, omnia volendo per seipsum, agere, aut ad suum tribunal deducere, potestate non veretur in ædificationem corporis Christi: pro qua dedit Deus quodammodo Pastores, & Doctores. Scenim grauarer, & populum sibi creditum. Sic enim vna pars corporis curanda est: vt altera non grauetur. Præst enim omnibus christianis in spiritualibus Papa, sed tanquam liberis, non tanquam seruis. Sicut igitur Moyses audiuit consilium alienigenæ, ita & multo amplius debet Pontifex audire collegas, & fratres, & conseruos in Christo, atque coheredes regni, conparticipes coronæ immarcescibilis, quam reddet pastorum principes.

Pro supradictis facit quod scribit Leo Papa ad Anastasium Episcopum Thessalonicensem: epistola quinquagesima quarta, vbi inter cetera scribit. Quoniam sicut præcessores mei præcessoribus tuis, ita etiam ego dilectioni tuæ prius secutus exemplum, vices mei moderaminis delegaui; vt curam, quam vniuersis Ecclesijs principaliter ex diuina institutione debemus, imitator nostræ mansuetudinis adiuuaret: & longinquas ab Apostolica Sede prouincijs, præsentiam, quodammodo nostræ visitationis impenderes: quia de continenti, oportunoque profectu, promptum tibi esset agnoscere, quid, vel in quibus rebus, vel studio componeres, vel

nostro iudicio, referuāres. Nam cum maior negotia, vel difficiliōres causarum exitus, liberum tibi esset, sub nostrā sententiā expectatione suspendere, nec ratio, nec necessitas fuit, in id quod mensuram tuam excederet deuiandi. Abundant enim apud te monumentorum scripta nostrorum; quibus te de omnium actionum temperantia, frequenter intruximus; vt commendatis tibi Ecclesias, per exhortationem charitatis ad salutitatem obedientiā procurares. Et in eadem epistola, circa finem scribis. Nemo quod suum est querat, sed quod alterius, sicut Apostolus ait. Vnusquisque vestrum proximo suo placeat in bono, ad edificationem. Nec enim poterit vnitatis nostrā firma esse, compago: nisi nos ad inseparabilem soliditatem, vinculum charitatis astrinxerit, quia sicut in vno corpore multa membra habemus: omnia autem membra non eundem adum habent. Ita multi vnum corpus sumus in Christo: singuli autem alter alterius membra. Hęc connexio, totius quidem corporis vnitatem requirit: sed præcipue exiget concordiam sacerdotum, quibus cum dignitas sit communis, non est tamen ordo generalis. Quoniam, & inter beatissimos Apostolos, in similitudine honoris fuit quidam discretio potestatis. Et cum omnium par esset electio: vni tamen datum est, vt ceteris præmereretur, de qua forma, Episcoporum quoque est orta distinctio, & magna dispositione prouisum est, ne omnes sibi omnia vendicarent, sed essent in singulis prouincijs singuli: quorum inter fratres haberetur prima sententia. Et rursus, quidam in maioribus vrbibus constituti, sollicitudinem susciperent ampliore, per quos ad vnam Petri sedem vniuersalis Ecclesiæ cura confluere, & nihil vnquam à suo capite dissideret. Eadem est sententia Hieronymi, & Cypriani. Item pro eo quod non passim ordinationes sibi vendicat Papa: facit quod idem Leo scribit vniuersis Episcopis per Viennensem prouinciam constitutis epist. 67. his verbis. Non enim nobis, ordinationes vestrarum prouinciarum descendimus, quod potest forsitan ad deprauandos vestræ sanctitatis animos Hyalarius pro suo more mentiri; sed per vestram sollicitudinem vindicamus, ne quid vltius liceat nouitati; nec presumptori locus ultra iam pateat privilegia nostra cassandi. Nostrę enim gratulationi hoc solum crescere profitemur: si Apostolicę Sedis diligentia apud vos illibata feruetur, & per sacerdotalis discipline custodiam honori vestro perire, quod suum est, pro nouis usurpationibus non sinamus. Sed de his infra latius.

Secunda pars tradit verum sensum sententiarum, quas ex beato Cypriano citat Martinus.

Venio ad id quod allegat Martinus ex Cypriano. Et quod recitat ab Augustino lib. 2. de baptismo cap. 2. Nec enim quisquam nostrum, Episcopum se esse Episcoporum constituit, aut tyrannico terrore ad obsequendi necessitatem, collegas suos adigit: quando habet omnis Episcopus pro

licentia libertatis, & potestatis suę arbitrium proprium, tanquam iudicari ab alio non possit: quomodo, nec ipse potest alterum iudicare, sed expectemus vniuersi, iudicium Domini Nostri Iesę Christi, qui vnus est solus habens potestatem, & præponendi nos in Ecclesię suę gubernatione, & de actu nostro iudicandi. Ex quo Cyprianus verbo, Martinus inferre conatur, omnes Episcopos æquales esse, nec vnum altero esse superiorē, cum non possit ab altero iudicari, aut compelli ad obedientiam.

Sed non eam esse mentem Cyprian, manifestum est, consideranti ea, quę scribit Cornelio Papę epistola 4. libri primi, vbi scribit de Basilide, in cuius locum ordinatus est Sabinus. Item ea, quę narrat de priuato quodam, quem scribit ob multa, & graui delicta, nonaginta Episcoporum sententia, condemnatum: cui & ipse Cyprian Concilio audientiam denegauit. Item Cyprian, Iovinus, & Maximus, & Felix, ob nephandia sacrificia, & crimina in se probata, sententia, inquit, nouem collegarum nostro condemnati, & iterato quoque à pluribus nobis anno priore in consilio abstinent.

Cum his autem quartus iunctus est, & repositus, Sturnicensis, & ceteri. Hinc liquet iudice Cyprian Episcopo Episcoporum: Imò Episcopos iudicatos fuisse, & damnatos. Nec dici potest, à Concilio Episcoporum, non ab aliquo vno, Episcopos fuisse iudicatos, & damnatos: quia in verbis allegatis Cyprianus Episcopum soli Christo iudicandum subiecit, cum dicit, sed expectemus vniuersi iudicium Domini Nostri, qui vnus est solus habens potestatem, & ponendi nos in Ecclesię suę gubernatione, & de actu nostro iudicandi. Si igitur ex supra allegatis verbis Cypriani habeatur Episcopum non subesse Episcopo in aliquo casu, ex eisdem, habetur, quod non subit Episcoporum collegio. Præterea presbyter, qui secundum Martinum iure diuino, in nullo est Episcopo inferior, accusari potest dicente Apostolo ad Thimotheum. Accusationem aduersus presbyterum noli accipere, nisi sub duobus, aut tribus testibus. Vnde sumitur argumentum, quod presbyter possit accusari coram Episcopo, & consequenter in iudicio confectus, aut conuictus iudicari. Dices, Chrysostomus, & qui cum ferē sequitur, & breuiat Vulgarius, græcē explicantes eum locum, dicunt presbyterum eo loco significare ætatem non dignitatem, Adde Cyprianum 3. lib. ad Quirinum, ita eum locum citare maiorem natu.

Respondeo, presbyter (teste Hieronymo) est equiuocum apud græcos, quandoque significat ætatem, quandoque dignitatem, & iuxta loci circumstantiam, nunc hoc, nunc illo modo, nun vtroque indifferenter accipitur. Mihi videtur hoc loco potius significare dignitatem, quā ætatem: quadrat enim magis antecedentibus, vbi habes: Presbyteri, qui bene præfunt, duplici honore digni habeantur, maxime qui laborant in verbo, & doctrina. Itaque in hac parte feror Ambrosium, & Hieronymum, & canones Ecclesię: quamuis iuxta Augustinum, cum Scripturę locus plures sensus habet, nil

De primatu Pontificis aduersus Lutherum. 243

hij vetat vtrumque esse de mente principalis authoris, & vtroque sensu citari, maxime cum vtrunque sit eadem ratio, vt in presenti capitulo, aduersus maiorem natu non temere recipienda accusatio: quod non sit verisimile progressu ætatis hominum peccare: Similiter eum, qui in tanta dignitatis excellentia (vt ait Ambrosius) constitutus sit, non temere accusandum esse.

Tertiò, si nullo modo Episcopus posset Episcopum iudicare, aut Episcopo præcipere, id quod Hieronymus constitutum esse toto orbe asserit, statim post initia Ecclesiæ ad obuiandum schismatibus esset iuri diuino contrarium, vt videlicet vnus ex Sacerdotibus eligeretur, qui alijs supponeretur. Is enim alijs superponitur, & princeps constituitur: Igitur è diuerso, alij supponuntur, & obedi-re iubentur: alioqui quo pacto hoc decreto schismatis materia tollitur, si nihilominus omnibus Sacerdotibus esset relicta libertas, quanemini nisi soli Christo redderent administrationis suæ rationem? Non igitur voluit Cyprianus nullo casu, nulla causa, Episcopum posse iudicari, alioqui non sua facta solum, sed & omnium veterum Conciliorum contrà hæreticos celebratorum, rescinderet. Sed intendit in re ambigua, & obscura, ex scriptura, & regulis Patrum, nondum ad ad plenum declarata ante plenariam determinationem, Episcopum diuino iudicio relinquendum: neque à diuersum sentientibus, à communione separandum. Vnde Aug. 3. de Baptismo cap. 3. continuo post dicta Cypriani verba addit, velut expones: Opinor vti-que in ijs questionibus, quæ nondum eliquatissima perfectione discussæ sunt. Nouerat enim quanta sacramenti profunditate, tunc omnis Ecclesia varia disputatione versabat, liberumque faciebat querendi arbitrium, vt examinata veritas panderetur. Vnde, & in libris allegatis de Baptismo, & in epistola ad Vincentium Donatistam, Augustinus aliquo modo excusat errorem Cypriani, & Concilij provincialis ab eo celebrati, quo non excusat partem Donati, longo tempore post Cyprianum, quod pleuario totius orbis concilio, res, in qua probabiliter errabat Cyprianus, manifesta esset. Augustini in epistola ad Vincentium Donatistam verba sunt. Porro autem Cyprianus, aut non sensit omnino, quod eum sensisse recitatis: aut hoc postea correxit in regula veritatis: aut hunc quasi neuum sui candidissimi pectoris cooperauit vberè charitatis: dum vnitatem Ecclesiæ toto orbe crescentis, & copiosissime defendit, & persequantissime tenuit vinculum pacis. Scriptum est enim: Charitas cooperit multitudinem peccatorum. Accessit huc etiam, quod tanquam fructuosissimum sarmentum, si quid in eo fuerat emendandum, purgavit pater, falce passionis. Sarmentum autem, ait Dominus, quod in me facit fructum, purgat illud Pater meus, vt maiorem fructum afferat. Vnde? nisi quia hærens in diffusionè vitis, radicem non deseruit vnitatis? Nam etsi traderet corpus suum vt arderet, charitatem autem non haberet, nihil ei prodesset. Hucusque Augustinus. Et idem lib. 6. de Baptismo, cap. 7. post hæc, & alia verba Cypriani in eandem sententiam allegata, in-

Tom. XIII.

quit: Quibus eius sermonibus satis appareat illo tempore ab eis ista fuisse tractata: quonondum sine ambage hauriebantur, sed adhuc clausa magno molimine quærebantur.

Tertia pars interpretatur canones, & acta Conciliorum Aphricani, & Chalcedonensis, quibus vititur Martinus.

Argumentatur Martinus, ex eo quod habetur 99. distinct. in cap. primæ Sedis, quod est Concilij Aphricani.

Primæ Sedis Episcopus non appelletur princeps Sacerdotum, vel Summus Sacerdos, aut aliquid huiusmodi: sed tantum primæ Sedis Episcopus, vniuersalis autem, nec etiam Roman. Pont. appellatur. Respondeo. Primæ Sedis Episcopus dicitur non Romanus solum, sed primas quilibet, vel Patriarcha, vnde in capite præcedit eadem dist. dicitur. Nulli Archiepiscopi, primates vocentur, nisi illi qui primas sedes tenent, quarum Episcopos, Apostoli, eorumque successores, regulariter patriarchas, vel primates esse constituerunt: nisi aliqua gens deinceps ad fidem conuertatur: cui necesse sit præ multitudinem, primatem constitui. Itaque textus non loquitur peculiari-ter de Sede Romana, sed in genere de Sede Patriarchali. Clausula verò, vniuersalis autem, &c. non est Concilij Aphricani, cuius canon sextus ponitur dicto capitulo: sed est ipsius Gratiani, [quam probat duobus capitulis sequentibus: vno Pelagij, altero Gregorij, quibus non probatur, quin aliquo vero sensu, Episcopus Sedis Apostolicæ dici possit vniuersalis: puta, tanquam is cui vniuersalis Ecclesiæ cura commissa est, in qua Petro succedit. De quo Gregorius asserit libro quarto epistola trigesima secunda, quæ est ad Mauritium Augustum, vbi inter cætera sic inquit: Cunctis enim Euangelium scientibus liquet, quod voce dominica, sancto, & omnium Apostolorum Petro principi Apostolo, totius Ecclesiæ cura commissa est, Ipsi quippe dicitur. Petre amas me: pascere oues meas. Ipsi dicitur. Ecce Sathanas expetijt cribrare vos, sicut triticum, & ego pro te rogavi Petre: vt non deficiat fides tua, & tu aliquando conuersus, confirma fratres tuos. Ipsi dicitur. Tu es Petrus, & super hanc petram edificabo Ecclesiam meam, & portæ inferi, non præualebunt aduersus eam, & tibi dabo clauis regni cælorum, & quodcunque ligaueris super terram erit ligatum, & in cælis, & quodcunque solueris super terram, erit solutum, & in cælis. Ecce clauis regni cælestis accepit: potestas ei ligandi, & soluendi tribuitur.

Cura ei totius Ecclesiæ, & principatus committitur: & tamen, vniuersalis Apostolus non vocatur, & vir sanctissimus confacerdos meus Ioannes, vocari vniuersalis Episcopus conatur. Et infra. Nunquid ego hac in re piissime Domine, propriam causam defendo? Nunquid speciale iniuriam vindico, non magis causam omnipotentis Dei, quam causam vniuersalis Ecclesiæ? Quis est ille qui contra statuta euangelica contra canonum decreta, nouum sibi vrsurpare nomen præsumit? vtiā & sine aliorum immi-

H h 2

nutio-

natione vnus sit, qui vocari appetit vniuersalis. Ex his, & alijs quæ scribit Gregorius Eulogio Patriarchæ Alexandrino, Constantinæ augustæ: & Ioanni Constantinopolitano Episcopo, manifestè apparet, ex quo sensu neget aliquem vocari posse vniuersalem, qui videlicet omnium sit Patriarcha, & Episcopus, per exclusionem episcopalis dignitatis, ab omnibus alijs: sic quod alij eius vice gerentes, aut commissarij solum existerent: hoc significat cum dicit. Vniuersa ergo Ecclesia (quod absit) a statu corrumpitur, quando is qui appellatur vniuersalis cadit, hoc est: si vnus tantum sit vniuersorum Episcopus: cum is cadit in hæresim, nullus in Ecclesia remanet Episcopus, quia hæreticus perdit administrationem, & iurisdictionem, licet retineat characterem, & ex consequenti omnes eius Legati, vel Vicarij. Idcirco enim (inquit Cyprianus scribens Stephano Papæ) Copiosum corpus est Sacerdotum, concordie mutue glutino, atque vnitatis vinculo copulatum, vt si quis ex collegio nostro hæresim faceret, & gregem Christi lacerare, & vastare tentauerit: subueniant ceteri, & quasi pastores viles, & misericordes, oues dominicas in gregem colligant. Hæc ille.

Certum est quod sancta Synodus Chalcedonenfis Episcopo Romano nomen vniuersalis in hoc sensu non obtulit. Non enim voluerunt patres illic congregati, collegium Episcoporum dissoluere, & collegas sacerdotali dignitate priuare, ergo in aliquo alio sensu verò, nomen vniuersalis Roman. Episcopo obtulerunt præfati Concilij Chalcedonenfis Patres: quo tamen propter humilitatem, & concordiam seruandam, vt noluerunt, ipsa re contenti, hoc est quod Gregorius refert à se predecessore Pelagio, acta Synodi Constantinopolitaneæ esse cassata, per quam Ioannes dictæ vrbis Episcopus nomen vniuersalis assumere tentauit, & de eo, literas fecit ad vniuersos Episcopos: quem & ipse Gregorius fraternè admonet, ac minas addit, quod nisi obtemperauerit: eum sit habiturus sicut Ethnicum, non vtique facturus: nisi noscet ad se pertinere, ob Apostolicæ Sedis honorem, atque prerogatiuam. Sic refert historia tripartita, quod Iulius Papa Athanasium iniussu ab Arrianis cecum, in Sedem Alexandrinam reposuerit, & Cyprianus Stephanum Papam monet, dicens, dirigantur in prouinciam, & ad plebem Arelatensem consistentem, à te literæ, quibus ab isto Marciano, alius in locum eius substituitur, & grex Christi, qui in hodiernum ab illo discipulus, & vulneratus continetur, colligatur.

Ex istis apparet quo sensu Romanus Episcopus vniuersalis appellari possit, & que sit eius prerogatiua, super alios Episcopos, & qualiter est caput collegij Episcoporum, sicut Petrus caput collegij Apostolici.

Quarta pars interpretatur scripturas ex euangelio per Martinum perperam citatas.

Venio ad allegata ex euangelio. Primum est Matth. 20. vbi post petitionem filiorum Zebedæ, & audientes decem, indignati sunt de duobus fratribus. Iesus autem voca-

uit eos ad se, & ait. Scitis quia principes gentium dominantur eorum: & qui maiores sunt, potestatem exercent inter eos: non ita erit in vos: & quicumque voluerit inter vos maior fieri, sit vester minister: & qui voluerit inter vos primus esse, erit vester seruus: sicut filius hominis non venit ministrari, sed ministrare, & dare animam suam in redemptionem pro multis. Vbi Chrysostomus. Sicut duo carnaliter perierunt, ita & decem, carnaliter contristati sunt. Nam velle quidem, esse super omnes, vituperabile est. Sustinere autem alium super se, minus est gloriosum. Et Origenes. Non contenti tantum regere suos subiectos, sed violenter eis dominari nituntur, inter vos autem, qui estis mei, non erunt hæc, quoniam sicut carnalia in necessitate sunt posita, spiritualia autem in voluntate: sic & qui principes sunt spirituales, principatus eorum in dilectione subditorum debet esse positus, non in timore corporali. Chrysostomus, super Matthæum. Et opus quidem desiderare bonum, bonum est, quia nostræ voluntatis est, & nostra est merces. Primum autem honoris concupiscere vanitas est. Hic enim consequi iudicium Dei est, propter quod ex primatu honoris necimus, si mercedem iustitiae mereamur. Neque enim Apostolus laudem habebit apud Deum, quia Apostolus fuit, sed si opus apostolatus sui, non impleuit. Nec Apostolus pro merito suo antecedenti, honoratus est, sed ad hoc ministerium aptus est inducatus, secundum motum animæ suæ. Primum etiam fugientem se desiderat, & desiderantem se horret. Conuersatio ergo melior desideranda est, non dignior gradus.

Volens ergo Dominus, & duorum fratrum filiorum Zebedæ, & aliorum indignationem extinguere, introducit differentiam inter principes seculares, & ecclesiasticos: ostendens, quia primatus in Christo, nec ab aliquo appetendus est non habenti: alteri inuidendus est habenti, quia principes mundi idcirco sunt, vt dominentur minoribus suis, & eos seruituti subijciant, & expolient, & vsque ad mortem eis vtantur, ad suam vtilitatem, & gloriam.

Principes autem Ecclesiæ sunt, vt seruiant minoribus suis, & ministrent eis, quicumque acceperunt à Christo, vt suas vtilitates negligant, & illorum procurent, & mori non recitent pro salute inferiorum.

Primum ergo Ecclesiæ concupiscere, neque iustum est, neque vtile.

Nullus sapiens vult vltro subijcere seruituti, & periculo tali, vt det rationem pro omni Ecclesiæ, nisi forte qui non timet Dei iudicium, abutens primatu suo ecclesiastico seculariter, ita vt conuertat illum in secularium.

Secundò allegat Marci 10. Et audientes decem indignati sunt, de Iacobo, & Ioanne, Iesus autem vocans eos, ait illis. Scitis, quia hi qui videntur principiari gentibus, dominantur eis, & principes eorum potestatem habent ipsorum. Non ita est autem in vobis, sed quicumque voluerit fieri maior, erit vester minister. Et quicumque voluerit in vobis esse primus, erit omnium seruus. Nam & filius hominis non venit, vt ministraretur ei, sed

De primatu Pontificis aduersùs Lutherum. 245

vt ministraret, & daret animam suam redemptionem pro multis. Hæc eundem sensum habent cum allegatis ex Marthæo. Vnde Theophilus. Quia reliqui Apostoli vident Iacobum, & Ioannem, honorem petere, patienter ferre non possunt. Vnde dicitur. Et audientes decem indignati sunt, de Iacobo, & Ioanne. Patientes enim, humana inuidia mouebantur. Item Luc. 22. Facta est autem, & contentio inter eos, quis eorum videretur esse maior, dixit autem eis. Reges gentium dominantur eorum, & qui potestatem habent, super eos, benefici vocantur. Vos autem non sic, sed qui maior est in vobis, fiat sicut minor, & præceptor est, sicut ministrator. Nam quis maior est, qui recumbit, an qui ministrat? Nonne qui recumbit? Ego autem in medio vestrum sum, sicut qui ministrat. Ista eundem sensum habent cum præcedentibus. Similiter allegata. Lucæ 9. & Matth. 18. In omnibus enim istis, humilitas commendatur, & fraternæ charitatis affectus: dum ostenditur in Christi Regno futurus prior, qui hic illi fuerit virtute vicinior, Cyprian. Cum Dominum discipuli interrogassent, quis inter illos maior esset, qui fuerit, inquit, minimus in omnibus vobis, hic erit magnus: amputauit omnem emulationem, responso suo, omnem causam, & materiam mordacis inuidiæ eruit, & abscedit: discipulo Christi zelare non licet, non licet inuide-re. Exaltationis apud nos non potest esse contentio: de humilitate, ad summa crescimus. Similiter ostenditur vtrumque vituperabile esse, scilicet velle præesse, & nolle subesse, nec solum reprehenditur appetens Monarchiam, sed appetens quantaluncunq; primatum. Et attende Christum non dixisse. Nullus inter vos erit princeps, aut nullus erit maior. siue superior. Sed dedit modum, & formam principatus inter Christianos: inter quos princeps non tam sibi, quam alijs principatum gerit, atque ne parum facerent verba, sui dedit exemplum, qui cum inter discipulos versaretur, quamuis esset similis ministranti, retinebat tamen magistrum, vt ipse dicie. Vocatis me magistrum, & Domine, & benedicitis, sum etenim. Et hoc demonstrat ipsa textus circumstantia, cum dicit, qui maior est inter vos, fiat sicut iunior, & qui voluerit esse maior, sit omnium seruus: vbi supponit aliquem altero esse maiorem, sed illum primatum vult non sibi haberi sed fratribus: vt eis ad salutem inferuiat. Cuius ministerij memores, Petrus & alij Apostoli, in suis literis vtuntur vocabulis fraternitatis, seruitutis, societatis, sine præiudicio primatus, non minus, quam Iulius Cæsar, citra imperialis dignitatis præiudicium, milites appellat commilitones. Et Æneas apud Vergilium socios, Adde, illa Christi verba dirigi ad omnes Christianos, non ad Ecclesiasticos tantum. Omnes enim Christiani veniunt nomine discipuli, & fratris. Et loquitur de illis, quos distinguit à gentibus, cum dicit reges gentium dominantur eis. Non sic erit inter vos scilicet Christianos, vbi non ipsum principatum, sed principandi modum prohibet, neque Christianis regalem, aut imperialem tollit dignitatem: sed tyrannidem, quam, & ipsi Ethnici iniquam inter

homines esse fatentur, vt videre licet apud Platonem, Xenophontem, Arist. Ciceronem, & alios, Imò neque Christus prohibet inter Christianos dominium seruorum etiam Christianorum: vbi tamen seruilius est, sed propter Dominum, non è contrario vetat liberos regi seruilliter.

Quod autem in primatu constitutus, debeat constanter dignitatis, quam gerit, exercere officium, quamuis non ambiat primatum, ostenditur ex dictis Gregorij, in epistola ad Eulogium Episcopum Alexandrinum, & Anastasium Episcopum Antiochenum, dicentem. Oportet, vt constanter, ac sine præiudicio seruetis, sicut accepistis, Ecclesias: & nihil sibi in vobis hæc tentatio diabolice usurpationis ascribat, State fortes, state securi, scripta cum vniuersalis nominis falsitate, nec dare vniquam, nec recipere presumatis. Omnes Episcopos curæ vestræ subiectos ab huius elationis iniquatione prohibete, vt vniuersa vos Ecclesia Patriarchas, non solum in bonis operibus, sed in veritatis auctoritate cognoscat. Si qua autem forsan aduersa subsequuntur, etiam moriendo debemus ostendere, quia in damno generalitatis, nostrum specialiter aliquid non amamus, dicamus cum Paulo, mihi viuere Christus, & mori lucrum. Audiamus quod prius omnium pastorum dicie. Si quid patimini propter iusticiam, beati eritis: mihi enim credite, quia honorem, quem pro prædicanda veritate suscepimus, si necessitatis causa exigat, securius pro eadem veritate relinquemus, quam tenemus. Item in epistola ad Mauritium Augustum, apparet Gregorij in hac re cum vera humilitate constantia. Inquit enim. Ego cunctorum sacerdotum seruus sum, inquantum ipsi sacerdotaliter viuunt. Nam qui contra omnipotentem Dominum per inanis gloriæ tumorem, atque contra statuta patrum suam ceruicem erigit, in omnipotenti Domino confido, quia meam sibi, nec cum gladijs sescit. De eadem rescribit idem Gregorius Aniano Diacono Constantinopolitano. Nos rectam viam tenemus, nihil in hac causa aliud, nisi omnipotentem Dominum metuentes: vnde tua dilectio in nullo trepidet, omnia, quæ in hoc sæculo videt alta esse contra veritatem, pro veritate despiciat in omnipotentis Dei gratia, atque beati Petri Apostoli adiutorio confidat, vocem veritatis recolat, dicentis. Maior est, qui in vobis est, quam qui in mundo: in hac causa quicquid agendum est, cum summa auctoritate agat. Postquam enim defendi ab inimicorum gladijs nullo modo possumus, postquam pro vtilitate reipublicæ argentum, aurum, municipia, vestes perdidimus, nimis ignominiosum est, vt per eos etiam fidem perdamus. In isto enim seculo vocabulo confitemur, nihil aliud quam fidem perdere.

Ex his apparet temerarium esse, Gregor. & alios sanctos Pontifices, etiam martyres dicere, ex amore primatus, vel ambitione Prælationis tam constanter egisse, damna, inimicitias, & mortem denique ipsam contempsisse.

Nam, & Apostoli Domini carnalem affectum accepto spiritu deposuerunt, vt inquit Chrysostomus.

Andia-

Audiamus, & Bernardum, verè, & libere, atque constantè Romanorum vitia describentem, quid tamen ipsi Pontifici sedis Apostolicæ tribuat audiamus.

Vndè in fine quarti de consideratione ad Eugenium, inquit. De cætero oportere te esse considera formam iustitiæ, sanctimoniam speculum, pietatis exemplar, assertorem veritatis, fidei defensorem, doctorem gentium, Christianorum ducem, amicū sponsi, sponsæ paranympum, cleri ordinatorem, pastorem plebium, magistrum insipientium, refugium oppressorum, pauperum aduocatum, miserorum spem, tutorem pupillorum, iudicem viduarum, oculum cæcorum, linguam mutorum, baculum senum, vltorem scelorum, malorum metum, bonorum gloriam, virgam potentium, malleum tyrannorum, regum patrem, legum moderatorem, canonum dispensatorem, sal terræ, orbis lumen sacerdotem altissimi, Vicarium Christi, Christum Domini, postremò Deum pharaonis. Intellege, quæ dico. Dabit tibi Dominus intellectum. Vbi malitiæ iuncta potentia est, aliquid tibi supra hominem præsumendum. Vultus tuus super facientes mala, Timeat spiritum iræ tuæ, qui hominem non veretur, gladium non formidat. Timeat orationem, qui admonitionem contempnit. Cui iraseris tu, Deum sibi iratum, non hominem putet. Qui te non audierit, audirum Deum contra se, pæueat. Nūquid hic sanctus Romano Pontifici adulatur, aut errans nescit, quid loquatur?

Quinta pars tractans historiam, & res per maiores nostros in Ecclesia sancta gestas.

Quia Martinus magnificat rationes, & historias, & quædam earum, reputat iniurias, & insolubiles: respondendo ponam primò verba eius, ne conqueratur, quod rationes truncauerim. Prima inquit historia est. Actum Apostolorum: vbi Petrus equalis scribitur cæteris Apostolis, denique sui sermonis cap. 15. confirmationem à Jacobo accepit, deinde nullum Apostolorum ipse ordinauit, nec vllus sub ipso fuit: quomodo ergo successores Petri omnium Apostolorum successores sub se habere potest? quid quæso ad hæc dici ab illo potest? Item Mathiam, nec ipse, nec omnes simul, ausi sunt in Apostolum ordinare: sed ex Deo postularent tantum. Hæc Martinus.

Vbi nam quæso à beato Luca omnes Apostoli æquales esse scribuntur? Nisi dixeris, non eos ab illo describi inæquales: hoc, quid ad rem? nisi argumenteris ab auctoritate negatiuè, hoc pacto, Petrus non illic scribitur alijs Prælati, igitur Prælati non est: quin potius è contrario in eo lib. penè semper Lucas soli Petro honorem desert, primus numeratur, surgit in medio, & verbum facit de eligendo alium in locum Iudæ, accepto spiritu, ipso die Pentecostes. Petri solius sermo ad populum habitus refertur: claudum in nomine Iesu sanat, ad tanti miraculi nouitatem stupeuti populo satisfacit, principibus constantè loquitur: sententiam terribilem in

Ananiam, & Saphiram profert: vnus Petri vmbra ægrotos sanasse refertur, sententiam profert in Simonem magum: Ananiam sanat: Tabitam suscitatur: lintheum quatuor initijs è cælo demissum videt. Petro dicitur, occide, & manduca, ad Cornelium centurionem gentilem mittitur. Ecclesia sine intermissione orante de manu Herodis liberatur. Quæstione mota, an lex Moysi gentilibus seruanda traderetur, primus verbum facit, ac non esse illis imponendam decernit: vt teste Hieronymo sit ipse auctor decreti, in cuius sententiam Iacobus, & cæteri Apostoli, ac seniores iuerunt. Nec video, quam aliam confirmationem sui sermonis à Jacobo Petrus acceperit. Reliqua penè tota Actuum historia, describendis Pauli gestis occupatur: qui tandem orbe peragrato Romæ Petro coniunctus, in morte quoque non est separatus: vt quibus erat, vniuersalis Ecclesiæ communis administratio, esset coniuncta corona martyrij. Quòd autem Martinus addit. Nullum Apostolorum à Petro ordinatum, qualecumque sit, eius non, meminit Actuum historia. Quod verò vltèrius dicit. Nec vllus sub ipso fuit, ibi non dicitur, & merito, quia verum non est, vt ex allegatis ex Hieronymo, Chrysostomo, Augustino, Gregorio, supra monstratum est. Vndè non est mirum, quòd sub Petri successore sint aliorum Apostolorum successores.

Est tamen circa hæc aduertendum, quòd sicut in omni re, alia est ratio initij, alia progressus, sic & in constitutione Ecclesiæ. In semine arboris, virtute continentur omnia, quæ progressu temporis explicantur: quamuis distinctio non appareat. Similiter in principio constitutionis ciuitatis, regni, vel Ecclesiæ. Antequam enim ciuitas ordinetur, oportet congregari multitudinem, & congregatam distingui, ac ordinari, ad quod opus est legibus, & magistratibus, legum custodiibus. Sic antiquis Hebræorum populus primùm de Ægypto separatus, deinde legem, & sacerdotium accepit: pariformiter Christus, primùm discipulos congregauit, congregatis legem tradidit: quosdam ex eis Apostolos fecit: tanquam præcipuos magistratus, & legum custodes: deinde alios secundi gradus discipulos ordinauit, Apostolos, & discipulos tanquam futuræ Ecclesiæ semina in orbem vniuersum sparsit, per quos populum primo collegit, populo autem congregato capta est euidentius explicari forma Ecclesiæ, distributo populo per conuenticula, secundum distinctiones, & gradus. Ex quibus patet, quòd ex gestis à principio, non oportet omnino similiter argumentari de gerendis in progressu: quia, enim vnusquisque Apostolorum Spiritum sanctum acceperat, & opera excedentia naturam faciebat, atque signa, & prodigia, quæ Apostolus signa Apostolatus appellat: ideo poterat indifferentèr omnibus doctrinam pietatis, & sacramenta Christi ministrare. Postquam autem illa signa cessauerunt, pro vnitate, & pace, executum est, quod Hieronymus dicit toto orbe decretum, vt vnus superponeretur: & quòd Christus vnus constituit, qui esset caput collegij Apostolici, pro remedio schismatis: quod non tam illis, quam posterioribus necessarium erat, quòd essent posteris charitate, & sanctitate præstantiores,

De primatu Pontificis aduersus Lutherum. 247

tiore: vnde etiam hodie habenti sufficiens diuinæ missionis testimonium, humana missio, vel ordinatio necessaria non est: vt de Equitio abbate scribit Gregorius, i. Dialogorum. Et ne cui istud nouum videatur, audiat Ambrosium, in explanatione epistolæ ad Ephesios, dicentem. Postquam omnibus locis, Ecclesiæ sunt constitutæ, & officia ordinata, aliter composita res est, quam cœperat.

Primum enim, omnes docebant, & omnes baptizabant, quibuscumque diebus, vel temporibus fuisset occasio. Nec enim Philippus tempus quæsiuit, aut diem, quo eunu-chum baptizaret, neque ieiunium interposuit, neque Paulus, & Silas tempus distulerunt, quo custodem carceris baptizarent cum omnibus eius. Neque Petrus diaconos habuit, aut diem quæsiuit, quando Cornelium cum omni domo eius baptizauit, nec ipse, sed iussit fratribus, qui cum illo erant ad Cornelium ab Ioppe, adhuc enim præter septem diaconos nullus fuerat ordinatus. Vt ergo cresceret plebs, & multiplicaretur, omnibus inter initia concessum est, & Euangelizare, & baptizare, & scripturas in Ecclesia explanare. At ubi omnia loca circumplexa est Ecclesia, conuenticula constituta sunt, & rectores, & cætera officia in Ecclesijs sunt ordinata: vt nullus de clero auderet, qui ordinatus non esset, præsumere officium, quod sciret non sibi creditum, vel concessum: & cœpit alio ordine, & prouidentia gubernari Ecclesia, quia si omnes eadem possent, irrationabile esset, & vulgaris res, & vilissima videretur. Hinc ergo est, vnde nunc, neque diaconi in populo prædicant: neque clerici, vel laici, baptizant: neque quocumque die credentes tinguntur, nisi ægri, idcirco non per omnia conueniunt scripta Apostoli, ordinationi, quæ nunc in Ecclesia est, quia hæc inter ipsa primordia, sunt scripta. Hæc ille.

Secundo argumentatur Martinus ad Galathas 2. Antiochiæ Petrus à Paulo reprehendebatur: in quo patet, Romanum Pontificem subesse cuiuslibet melius sentienti: nec ideo verum esse, aut bonum: quia ipse sic dicit, aut facit: sed rationem reddere tenetur. Immo non semper potest reddere: sed cum Petro aliquando errat.

Hæc ratio nihil aliud concludit, quam non peccantem peccante cæteris paribus esse meliorem, & eum, qui peccat posse redargui, & reprehendi, vel clam, vel palam, pro facti qualitate. Nihil autem concludit de superioritate Prælationis: quia neque ipse Martinus vult Prælatum, aut Principem, quandocumque peccat, amittere principatum. Quod si quis in hoc facto, Origenis, Chrysostomi, & Hieronymi sententiam sequi velit, dicit Petrum non peccasse, sed dispensatorio fuisse reprehensum. Vnde Hieronymus primò commentariorum in epistolam ad Galathas. Cum vidisset Apostolus Paulus periclitari gratiam Christi, noua bellator eius vsus est arte pun-gendi, vt dispensationem Petri, qua Iudæos saluari cupiebat, noua ipse contradictionis dispensatione corrigeret, & resisteret ei in facie, non arguens propositum, sed quasi in publico contradi-cens, vt ex eo, quod Paulus cum arguens resisteret, hi qui crediderant ex

gentibus seruarentur. Et interpositis probationibus, atque ostenso, quod simulatio quædamque sit utilis, addit. Et quomodo cum etiam de minimis fratribus hoc faciendum Dominus iusserit: ausus est Apostolorum maximum in publica facie, tam procaciter, tam constantè arguere, nisi & Petro se placuisse argui? & Paulus non ei faceret iniuriam, de quo ante dixerat, veni Hierosolymam videre Petrum, & mansi apud eum quindecim diebus. Alium autem Apostolorum vidi neminem. Et rursus. Qui enim operatus est Petro in Apostolorum circumcisionis, Et infra. Petrus, & Iacobus, & Ioannes, qui videbantur columnæ esse, & cætera, quæ in eius laudes perorat: Si, inquam, hunc sensum sequimur, exclusa est ratio argumenti, & præter hoc, habetur tanti viri testimonium de Petri prærogativa, & præminetia, propter quam non audet Hieronymus asserere eum à Paulo reuera publicè reprehensum. Hoc est enim, quod illos in hanc dispensationem reprehensionem deduxit, ne Paulus arguatur procacitatis, aut Petrus erroris.

Qui verò contra sentiunt, inter quos est Cyprianus, Ambrosius, & Augustinus nihilominus honorificè defendunt Petri præminetiam. Vnde Ambrosius. Post concordiam societatis, & honorificentiam primatus, quam sibi inuicem per gratiam Dei detulerunt, nunc interueniente causa negligentia, vel erroris, dissidere inter se videntur Apostoli: non in propria causa, sed in sollicitudine Ecclesiæ. In faciem, inquit, illi resisti, quid est hoc, nisi in præsentem ei contradi-xi? & qua causa subiunxit, dicens, quia reprehensus erat, reprehensus vtique ab Euangelica veritate, cui hoc factum aduersabatur. Nam quis eorum auderet Petro primo Apostolo (cui clauis regni cælorum Dominus dedit) resistere, nisi alius talis, qui fiducia electionis suæ (scilicet se non imparem, constantè improbare, quod ille sine consilio fecerat? & infra. Ideo in solum Petrum inuehitur, vt in eo, qui primus est, discedent cæteri. Hæc ille.

Irem Augustinus in epistolam ad Galathas. Quod autem hoc ei coram omnibus dixit, necessitas coegit: vt omnes illius obiurgatione sauerentur. Non enim vile erat, errorem, qui palam noceret, in secreto emendare: Huc accedit, quod infirmitas, & charitas Petri, cui ter à Domino dictum est, amas me, Pasce oues meas, obiurgationem talem posterioris pastoris, pro salute gregis libentissime sustinebat. Nam erat obiurgatore suo, ipse qui obiurgabatur, mirabilior, & ad imitandum difficilior. Facilius est enim videre, quid in alio corrigas, atque id vituperando, vel obiurgando corrigere, quam videre, quid in te corrigendum sit, libentèque corrigi, vel per teipsum: ne dum per alium, adde posteriorem, adde coram omnibus. Vallet autem hoc ad magnum humilitatis exemplum, quæ maxima est disciplina Christiana. Humilitate enim conseruatur charitas. Nam eam nihil citius violat, quam superbia. Hæc ille.

Ex his, vides hæc Petri reprehensione, siue vera, siue simulata, tantorum virorum testimonio, non solum nihil decedere primatui, sed aliquid etiam accedere: dum sum-

ma humilitate maxime à minore, primus à posteriore, vtilem Ecclesiæ tollerat reprehensionem.

Tertio, argumentatur Martinus ex Ecclesiastica historia lib. 5. Victor Primus Romanus Pontifex, Afiaz Episcopos voluit excommunicare. Redargutus autem est, non à Paulo, sed ab Hyrenzo Lugdunensi, & coeclitus; etiam à ceteris omnibus monitus, & iussus pacem habere, & Ecclesiam non conturbare, quibus sicut decuit, cessit. Item ibidem, Anicetus quoque cessit Polycarpo Smyrneo Episcopo: nec eum cogere potuit in sua decreta. Item historia tripartita lib. 4. Iulius Primus conatus prohibere, ne citra suam auctoritatem consilium cogerent Orientales Episcopi, inaniter egit; quia illi nihil hoc curarunt, & acutissime ei rescripserunt.

Quod hæc non offendant Romanum Pontificem non habere primatum super alios Orbis Episcopos, sed è contrario, patet consideranti allegatum hostoriam, Nam lib. 5. cap. 22. sic dicitur. Ob quam causam conventus Episcoporum, & consilia per singulas quasque provincias conuocantur, prorogatisque ad se inuicem epistolis de singulis quibusque locis, vnum omnes Ecclesiasticum dogma confirmant, ne liceat aliquando, nisi in die dominica, in qua Dominus resurrexit à mortuis, dominicum paschæ celebrare mysterium, & in hac sola, soluendum esse paschale ieiunium. Extat denique decretum, vsque in hodiernum, Concilij apud Cæsaream Palestinæ habiti: in quo primus est Theophilus, ipsius Cæsareæ Episcopus, & Narcissus Hierosolymorum sacerdos. Habetur, & in Urbis Romæ Concilio simile aliud decretum, cui præfuisse Victor Episcopum iudicatur. Et Ponti. provincie Palmeas: Gallorum quoque sacerdotalis conventus extat, Hyreneum præfulem scribens. Achaig verò Babilum Corinthiorum Ecclesiæ Episcopum: qui omnes diuersis locis vnam eandem iudicij sui sententiam protulere.

Vides hic omnes Orbis Episcopos vnum Ecclesiasticum dogma confirmantes, à quo (vt capitulo sequenti dicitur) Episcopi Afiaz, quorum primas erat Policrates Ephesij Episcopus, dissentiebant, suam veterem consuetudinem præferentes, & Euangelicam traditionem esse prætebantes, pascha celebrare eo die, quo Iudæi, videlicet quarta decima luna, quacumque die venisset: vbi etiam significat se conuocasse Episcoporum sue provincie Concilium, ad petitionem Victoris, his verbis. Poteram autem præsentium Episcoporum facere mentionem; quos ipse petisti, vt euocarem, sicut & feci. Et infra. Sed adhuc victor Romanæ Ecclesiæ Episcopus pertinacius agens, passim totius Afiaz, ac vicinarum provinciarum Ecclesias à communionis societate abscondere nititur, tanquam in hæresim declinantes, & literas mittit, quibus omnes simul absque discretionem, ab Ecclesiastico federe segregaret; Sed hoc, non omnibus placebat Episcopis, quin potius, & è contrario scribentes ei, vt magis, quæ pacis sunt ageret: & concordie, atque vnanimitati studeret. Denique etiam extant ipsorum literæ, quibus asperius obiurgant Victorem, velut inutiliter Ecclesiæ compo-

Tom. XIII.

dis consulentem; Nam & Hyrenus cum ceteris, quibus præerat, Galliarum Episcopus scribens, confirmat quidem, vt in dominica die Resurrectionis Domini Mysterium celebraretur. Victorem tamen arguit, quod non recte fecerit, abscondere à corpore vnitatis, tot & tantas Ecclesias Dei, quæ morem antiquitus, sibi traditum custodierunt. Et inducit historia Policrati, & Aniceti, probat vtrumque eorum, morem suum esse secutum, salua pace, & communione. Huius memipit, & Hieronymo in Hyreneo, dicens, feruntur elus; & aliaz ad Victorem Episcopum Romanum de questione paschæ, epistolæ: in quibus commonet eum non facile debere vnitatem collegij scindere. Siquidem Victor multos Afiaz, & Orientis Episcopos, qui decima quarta luna cum Iudæis pascha celebrabant: dammandos crederat. In qua sententia, hi qui discrepabant ab illis, Victori non dederunt manus.

Ex istis omnibus bene consideratis, apparet primo auctoritate Romani Pontificis super questione paschæ celebrata fuisse per omnes provincias Episcoporum Concilia, & ad Episcopum Romanum pertinuisse, hereticos, aut schismaticos, à communione separare. Non enim reprehenditur ab alijs Episcopis in facto, sed in causa faciendi, & modo. Non enim illis videbatur causa esse sufficiens, tot & tantorum separationis; Hic erat modus celebrandi plenaria, & generalia totius Orbis Concilia, tempore principum Paganorum: ob quorum vim nequibant ex omnibus provinciis, Episcopi conuenire in vnum locum. Similiter dicendum est de historia tripartita, quam licet Sedes Apostolica non recipiat, tamen quia id quod allegatur aliunde verum esse constat, & facit contra, allegantem videamus quid dicat. Vnde c. 9. dicti libri scribitur, ad subuersiorem, atque destructionem Nicæni Concilij, in Antiochia Syriz, Synodum congregatam fuisse, ad quam conuenerunt ex ciuitatibus diuersis Episcopi nonaginta. Maximus tamen Hierosolymitanus Macharij successor non adfuit: cogitans, quia ei posset furripi, vt in damnationem subscriberet Athanasij. Sed neque Iulius interfuit maxime Romæ præsul, neque in locum suum aliquem destinauit: cum vti que regula Ecclesiastica iubeat non oportere præter sententiam Romani Pontificis Concilium celebrari. Et infra cap. 15. Cognoscens ergo Romanus Episcopus crimina singulorum, & omnes Concilio Nicæno concordare comperiens, eos in communionem suscepit, tanquam omnium curam gerens, propter sedis propriæ dignitatem, singulique reddidit suas Ecclesias. Et orientalibus scriptis Episcopis, culpans quia non recte tractassent viros inculpabiles, de suis Ecclesijs eos expellentes, & quod statuta Nicæni Concij minime conseruarent.

Ex his perpendis hanc historiam magis facere pro Romano Pontifice, quam contra: nec Orientalibus suffragari, quantumuis acerbe Iulio rescripserint, cum haberent malam causam, vtpotè Arriani, & catholicorum Episcoporum persecutores, ac consilij Nicæni violatores,

Quarto, argumentatur Martinus Romanum

manum Pontificem esse omnibus superiorum. Humano decreto sancitum est. Nempè Constantini Quarti Græcorum Imperatoris, vt scribit Platina in Benedicto II. nec sic tamen obseruatum Episcopis alijs. Constat ex solutione præcedenti regulas Ecclesiasticas habuisse longè ante Benedictum secundum, vel Constantinum Imperatorem IV. concilia non debere celebrari, aut Episcopum deponi, non consulto Romano Pontifice. Ex quo apparet, sanctione Constanti Quarti non primitus Romanum Pontificem omnibus fuisse prælatum. Sed Platina dicit Imperatorem concessisse, vt Pontifex legitimè Pontificatum administraret, non prærequisito Imperatoris, aut hexarchi Italix consensu in electionem, Platinx verba sunt. Adhuc autem Constantinus Imperator, hominis sanctitate per motus, sanctionem, vt deinceps quem clerus, populus, exercitusque Romanus in Pontificem delegerent, eundem statim verum Christi Vicarium esse, omnes crederent, nulla autem Constantinopolitani principis, aut Italix hexarchi expectata auctoritate, vt antea fieri consueuerat. Id enim ratum erat in creando Pontifice, quòd princeps confirmasset, vel qui eius vices in Italia gerebat: Hæc ibi. Per hanc Imperialem constitutionem, non est Episcopus Vrbs Romæ alijs prælatus, sed modus electionis est reductus ad libertatem, vt electus, haberi debeat pro verò Pontifice, absque Constantinopolitani Imperatoris, aut eius in Italia vices gerentis, auctoritate, & consensu, sublata contraria consuetudine. Non est enim in potestate Imperatoris, verum Christi Vicarium constituere. Secundò, non quicquid ab hominibus statuitur, præcipitur, vel prohibetur, continuò humani iuris esse, dicendum, est, cum sæpè homines statuunt id quod antea iuris naturæ, vel diuini erat, vt Victor primus statuit, quod in omni aqua potest baptismus celebrari. Alius quòd natus de muliere christiana debet baptizari, quæ tamen nemo dubitat esse diuinæ, & non humanæ ordinationis.

Quintò, argumentatur Martinus, Nunquid Cyprianum, & Augustinum aliosque, Aphricæ Episcopos confirmauit Papa, qui tamen de Ecclesia latina erant? Nunquid eorum Concilia impediuit? aut conciliabula fuerunt, quia sine Romani Pontificis auctoritate gesta sunt? vt in eorum libris clarè habetur?

Episcopum Romanum fuisse supra alias Ecclesias, & habuisse Episcoporum ordinationem, apparet inter alia plurima, etiam ex facto Nouatianis, qui tempore Cornelij, schisma fecit, de quo Cyprianus epist. 22. lib. 4. Item Episcopatus vnus Episcoporum multorum concordia numerofitate diffusus, ille post Dei traditionem, post connexam, & vbiicumque coniunctam Ecclesiæ catholicæ vnitatem, humanam conetur Ecclesiam sacræ, & per plurimas ciuitates novos Apostolos suos mittere, vt quædam recentia institutionis sue fundamenta constitueret. Cumque iam pridem per omnes prouincias, & per Vrbes singulas ordinati sint Episcopi, in ætate antiqui, in fide integri, in præsura probati, in persecutione proscripti, ille super eos creare alios

Tem. XIII.

Pseudoepiscopos audeat, quasi possit, aut totum Orbem noui conatus oblatione, peragrarè, aut Ecclesiastici corporis compaginem, discordiæ suæ seminatione rescindere.

Ex hoc facto patet ad Episcopum Romanum, pro quo se gerebat, licet illicitè Nouatianus, pertinuisse per singulas ciuitates, Episcopos creare, dum opus erat, & in hæresim, vel schisma lapsos deponere, alios surrogare. Id quod habetur ex epistola Cypriani ad Stephanum Papam de Episcopo Arelatensis, qui Nouatiano consensit. Quod euidentius apparet ex vitis Pontificum, vnde Platina dicit, Siluestrum Pontificem quinque, & sexaginta creasse. Damianum duos, & sexaginta. Leonem primum sex & octuaginta, & Stephanus Papa reposuit Basilidem ab Aphricanis depositum, licet per surreptionem deceptus. Et Cyprianus aliquoties excusat, quod non ciò certiorè reddiderit Cornelium de actis in Aphrica. Cõstat etiam Cornelium Pontificem, & Stephanum Cypriani consilium, & acta, reprobasse. Item Augustinus, & patres in Mileuitano Concilio congregati aduersus Pelagium ante conclusionem consulunt Innocentium, Idem de Patribus Concilij Carthaginensis, quibus rescribens Innocentius, inter cetera dicit. In inquirendis de his rebus, quas omni cum sollicitudine decet à sacerdotibus, maxime à vero, iustoque, & catholico tractari Concilio, antiquæ traditionis exempla seruantes, & Ecclesiasticæ memores disciplinæ, vestræ religionis vigorem, non minùs, nunc in consulendo, quàm antea cum pronuntiaretis vera ratione firmatis, qui ad nostrum referendum approbatis esse iudicium, scientes quid Apostolicæ Sedi cum omnes hoc loco positi ipsum sequi desideremus Apostolum, debeat, à quo ipse Episcopatus, & tota auctoritas nominis huius emerit, quem sequentes tam mala iam damnarè nouimus, quàm probare laudanda. Vel id verò, quod patrum instituta, sacerdotali custodiendos officio non censetis esse calcaanda, quod illi non humana, sed diuina decreuere sententia, vt quicquid de difunctis, remotisque prouincijs ageretur, non priùs ducerent finendum, nisi ad huius sedis noticiam perueniret, vbi tota huius auctoritate, iusta quæ fuerit pronuntiatio firmaretur. Indèque funderent ceteræ Ecclesiæ, velut de natali suo fonte aquæ cunctæ procederent, & per diuersas totius mundi regiones puri capitis incorruptè manarent, & cetera.

Similia respondet ad epistolam Patrum: inter quos erat Augustinus, in Concilio Mileuitano congregatorum, Ex quo patet verum non esse, de illorum Patrum Concilijs, quod Martinus asserit: sed & ipse Cyprianus suam Synodum Episcopo Romano misit, testè Hieronymo in Dialogo aduersus Luciferianos. Hieronymi verba sunt. Conatus est B. Cyprianus contritos lacus fugere, nec bibere de aqua aliena, & idcirco hæreticorum baptismum reprobans, ad Stephanum tunc Romanæ Vrbs Episcopum, qui à B. Petro vigesimosexto fuit, super hac re Aphricanam Synodum direxit, sed conatus eius frustratus fuit. Denique illi ipsi Episcopi, qui reba-

prizandos hæreticos cum eo statuerunt, ad antiquam consuetudinem reuoluti, nouum emiscere decretum. Hæc ille.

Præterea, pro primatu Romani Pontificis facit, quod Hieronymus scribit in explanatione symboli ad Damasum, quam hoc sine concludit. Hæc fides est Papa beatissime, quam in Ecclesia catholica didicimus: quamque semper tenuimus, & tenemus, in qua si minus periret, aut parum caute aliquid forte positum est: emendari cupimus à te, qui Petri, & fidem, & sedem tenes.

Sin autem hæc nostra confessio Apostolorum tui iudicio comprobatur: quicunque, me maculare voluerit, se imperitum, vel maleuolum, vel etiam non catholicum, non me hæreticum comprobabit. Hæc ille.

Scio nonnullos ambigere, an hæc fidei descriptio Hieronymi sit, cum quibus non est mihi propositum certare, vnuquique in suo sensu abundet, si quis videtur contentiosus esse: inquit Paulus, nos talem consuetudinem non habemus, neque Ecclesia Dei, vt enim stylus Hieronymi non sit, sensus eius indubitanter est, vt patet ex duabus epistolis ad Damasum, quas nemo negat esse Hieronymi, vna incipit. Quoniam vetus oriens.

Alter, Importuna in Euangelio mulier. In epistola ad Marcum presbyterum Celestensem de fide, quam ille presbyter scribit sancto Cirillo, dicit. Dedi conscriptam fidem, qui fide non credit, alienus à Christo est. In his enim tribus epistolis eundem honorem Sedi Romanæ tribuit: quem in dicta fidei explanatione.

Sexto, argumentatur Martin. Quando Alexandrinum, Antiocheum, Hierosolymitanum, & alios Ægypti, Arabiæ, Syriæ, Asiæ, rotiusque Orientis Episcopos constituit? hi omnes ergo hæretici fuerunt? absit.

Neque quisquam asserit Romanum Episcopum omnes Orbis Episcopos constituisse: propter quod non sequitur, quin omnibus Episcopis, etiam ab alijs constitutis, sit superior, cum in Concilio Nicæno constitutum sit, quemlibet Episcopum grauatum, vel cui suus Metropolitano, vel patriarcha suspectus sit, liberè posse Romanam Sedem appellare; atque ratum haberi quod illic decretum fuerit, & Episcopum non posse deponi, Romano inconsulto, vt scribit Iulius Episcopus Orientalibus, allegans ad hoc certum numerum capitulorum Nicæni consilij. Neque hoc primum natum est illic, sed semper fuit. Concilij verba sunt, vt Iulius refert, Et omnes Episcopi, qui in quibusdam grauioribus pulsantur, vel criminantur, causis, quoties necesse fuerit, liberè Apostolicam appellent sedem, atque ad eam quasi matrem, confugiant, vt ab ea sicut semper fuit, fulciantur, defendantur, & liberentur, cuius dispositioni, omnes maiores Ecclesiasticas causas, & Episcoporum iudicia antiqua, Apostolorum, eorumque successorum, atque canonum auctoritas referantur. Quoniam culpantur Episcopi, qui aliter erga fratres egerint, quam eiusdem Sedis Papæ fieri placuerit, placuit, vt accusatus, vel iudicatus à comprouincialibus in aliqua causa Episco-

pus licenter appelleret, & adeat Apostolica Sedis Pontificem, qui aut per se, aut per Vicarios suos retrahat negotium procuret. Hæc ibi.

Quod autem Romanus Episcopus antiquitus non omnes ordinauerit, etiam in Ecclesia Occidentali, patet ex verbis Leonis Papæ scribentis vniuersis Episcopis per provinciam Viennensem constitutis: Leonis verba sunt: Non enim nobis ordinationes vestrarum provinciarum defendimus: sed per vestram sollicitudinem vindicamus, ne quid viterius liceat nouitati, nec præsumptori locus ultra iam pateat privilegia nostra cassandi: nostræ enim gratulationi hoc solum crescere profitemur, si Apostolica Sedis diligentia illibata seruetur: & per sacerdotalis disciplinæ custodiam honori vestro perire, quod suum est, pro nouis usurpationibus non finiamus.

Hic habes, quod Romanus Pontifex, licet ordinationem, sibi non defendat, tamen errata castigat, illicitè usurpata resecat, quod superioris non dubium est esse, etsi hoc accidit in provinciis, quarum est ipse patriarcha proprius: quare non potest, & alijs patriarchis esse præpositus? quamuis illos non ordinet, aut Episcopos constituat, quamuis sit probabile, & scriptis veterum, consensum, alios patriarchas ab Episcopo Romano accepisse synodicam epistolam, vt loquitur Gregorius in Registro, aut, vt Augustinus appellat, communicatorias literas, cum etiam constet ex supradictis, Romani Episcopi fuisse, illegitimè, & illicitè ordinatos, aut per vim intrusos eijciendo, spoliatis Ecclesiis restituere: id quod Iulius fecit de Athanasio Patriarcha Alexandrino, vt supra citatum est ex historia tripartita.

Septimò, argumentatur Martinus? Nec hodie sub Romano Pontifice sunt, qui in Perside, India, Scithia, toraque oriente sunt. An putas nullos ibi esse christianos? & regnum Christi Romam coactum, cuius sunt omnes fines terræ Psalmo 2. & 21. An non sunt Episcopi, qui non induunt vestes? non habent palatia, equos, aliasque pompas Romanas? Sufficit quod verbum Dei docent, & diligant, ac pascant, quia sic nec Apostolos confiteberis Episcopos fuisse, si facies rerum, non res ipsas contemplari cõperis, imò eò meliores Episcopi, quo à laruis facierum remotiores, & cõminis Episcopi, quo propiores. Vt supra dictum est, potentia, & diuitiæ, & contraria humilitas, & paupertas, nihil variant de sacerdotio, vel Episcopatu. Sed vbicumque est, siue Romæ, siue Engubij, Alexandria, vel Tanis, Constantinopoli, vel Rhegijs, eiusdem meriti est, & sacerdotij. Et nonnunquam, vt inquit Hieronymus, sub tunica penitentis est regis animus, & è diuerso. Nec negamus christianos sacerdotes, aut Episcopos in India, aut vterioribus regionibus esse. Vtrum autem habeant equos, & palatia nescimus. Quod autem dicit illos non subesse Sedi Apostolicæ, nescio vnde nouerit. Audiui à fide digno, sub Sixto IV. ab India Romam venisse legatos, pro communicatione fidei. Subesse enim Sedi Apostolicæ, non est ab ea accipere Episcopos, sed eandem fidem, spem, charitatem, Euangelium,

De primatu Pontificis aduersus Lutherum. 251

gelium, & eadem sacramenta seruare, atque Romano Pontifici cum deferre honorem, qui successori Petri, & Christi Vicario debetur, qui si nihil exigit, sed (vt fecerunt maiores) donet potius cum summa libertate: vbiuis terrarum sita Ecclesie illi subfunt. Nec eis obest si aliqua necessitate, salua charitate, communicare cum ea non possunt: sicut non nocet christiano, si ex aliqua necessitate, sine sacramentis, aut viuat, aut moriatur: censetur enim in sacramentis communicare, qui vinculum pacis, & charitatis seruat, & illa ardentius desiderat. Romanæ enim Ecclesie communicat, etiam longissime distans. Vnde Hieronymus ad Theophilum, aduersus Ioannem Hierosolymitanum, inquit: Præterea quod scribit nos pergere tecum Romam, & Ecclesie communicare ei, à qua videmur communione separati, nec necesse est ire tam longe, & hic in Palestina eodem modo ei coniungimur, & ne hoc quod procul sit, in viculo Bethleem presbyteris eius, quantum in nobis est, communione sociamur. Secus si ex contemptu, vel negligentia, aut hæresi aliqua, vel schismate non subsit: aut non communicet, quemadmodum Donatista, & populi orientales, tempore Hieronimi de quibus inquit: Quoniam vetus oriens in se populorum furore collisus, indiscissam Domini tunicam, & desuper textam, minutatim per frusta dicerpit, & Christi vineam exterminant vulpes, vt inter lacus contritos, qui aquam non habent, difficile, vbi fons signatus, & hortus ille conclusus sit, possit intelligi: Ideo mihi cathedram Petri, & fidem Apostolice ore laudatam censui consulendam. Inde nunc mea animæ postulans cibum, vnde olim Christi vestimenta suscepi. Neque verò tanta vastitas elementis liquentis, & interiacens longitudo terrarum, me à pretiosa margarita potuit inquisitione prohibere. Vbi cumque fuerit corpus, illuc congregantur aquilæ: profligat à sobole mala patrimonio, apud vos solos incorrupta patrum seruatur hereditas, ibi cespitem terræ facundo, dominici seminis veritatem centeno fructu refert: hic obruta sulcis frumenta, in lolium, aenaeque degenerant, nunc in Occidente sol iustitiae oritur. In Oriente autem lucifer ille, qui ceciderat supra sidera posuit thronum suum. Vos estis lux mundi, vos sal terræ. Vos aurea vasa, & argentea, hic testacea vasa, vel lignea, virgam ferream, & æternum operiuntur incendium, quamquam ergo tua me terreat magnitudo: inuitat tamen humanitas, à sacerdote victimam salutis, à Pastore præsidium ouis peto. Fac cessat inuidia Romani culminis, recedat ambitio, cum successore piscatoris, & discipulo crucifixi loquor, ego nullum premium, nisi Christum sequens, beatitudini tuæ, id est, cathedræ Petri communione confocior, super illam petram ædificatam Ecclesiam scio. Quicumque extra hanc domum, aquam comederit, prophanus est. Si quis in Arca Noe non fuerit, perhibet, regnante diluuiio. Et infra, Quicumque tecum non colligit, spargit.

Ex his duo habemus, Vnum pro Ecclesie Romanæ præminencia, & cathedræ Petri. *Tom. XIII.*

tri dignitate. Alterum, quod iam tunc in partibus Orientis penè extincta erat fides Christi, cum tamen nondum esset nefanda secta Machometi, quæ illas partes conlatis simul multis, & magnis hæresibus, occupauit, annis plus minus octingentis, atque vsque in hodiernum diem tenet, vnde non mirum videri debet, si illic, aut nulli, aut pauci sint christiani. Neque ex Psalmo secundo, vel vigesimo primo concluditur, omni tempore christianos futuros per vniversum orbem.

Octauo, argumentatur Martinus. Scribit Hieronymus de illustribus viris, quod Acatius Episcopus Cæsariensis, discipulus Eusebii Pamphili, imperante Constantino, Liberium Papam deposuerit, & Felicem constituerit; Item Ioannem Chrysostomum, non Romanus Pontifex, sed Theophilus Alexandrinus: & Epiphanius Cyri Episcopi, vt in tripartita historia, deposuerunt. Item Epiphanius Cyri Episcopus, minor Ioanne Hierosolymitano Episcopo eundem excommunicauit. Si Hieronymum sequimur, non est mirandum per viam ab hæretico Imperatore deponi catholicum Episcopum. Hieronymi verba sunt in lib. de viris illustribus. In tantum autem sub Constantino Imperatore claruit Acatius, vt in Liberij locum Romæ Felicem Arrianum Episcopum constitueret. Nonnulli, inter quos Platina, mirantur Hieronymum hoc scribere de Felice, quem alij scribunt bonum fuisse, & à catholicis constitutum: sed vtrumque sit, sententia Hieron. magis facit contra Martinum, qui debuit non ignorare argumenta ex his, quæ facti sunt, nullius esse momenti. Et per idem, responsum est argumento de depositione Chrysostomi, quæ iniusta fuit, & contra canones, pro qua, Innocentius excommunicauit Acatium Imperatorem. Ex historia tripartita non habetur quod Epiphanius Chrysostomum deposuerit, sed potius contrarium, licet aliquid querelæ inter eos fuerit, propter damnationem librorum Origenis, & communionem cum Dioscoro. Vnde lib. 10. cap. 12. in fine, sic dicitur: Cum reuersurus esset ad Cyprum, serunt quidem hæc eum mandasse Ioanni. Spero, quia non morieris Episcopus: At ille remandauit, Spero te ad tuam patriam non redire. Hæc verum verè dicta sint, nescio. Ambo tamen hunc habuere finem. Nam, nec Epiphanius viuis peruenit ad Cyprum, sed in naue defunctus est. Ecce Ioannes post paululum Episcopatu depositus est. Et cap. sequenti dicitur. Cumque Epiphanius discessisset &c. vbi narratur, cur Theophilus conuocato Concilio, Ioannem deposuerit. Ex qua narratione colligitur à Theophilo sine Epiphania, depositum fuisse Chrysostomum, mandato Imperatoris, ad suggestionem Augusti Eudoxii, & damnatus est solium, quia vocatus non comparuit, & Prosper in Chronicis, loquens de Ioanne in Pontum relegato, solius Theophili meminit.

Hæc tibi replico lector, vt intelligas, quæ fide Martinus historias citet.

§. Quod autem Martinus addit, Epiphanius minorem, Episcopo Ioanne Hierosolymitano.

rosolymitano : eundem excommunicasse, nescio vnde habeat. Primum, quod sit Salaminæ Episcopus, Hierosolymitano minor. Nam, teste Hieronymo, Epiphanius hæc verba dixit, Cuncta quæ locutus est collegio frater, ætate filius meus, contra anthropomorphitarum hæresim, benè, & fideliter locutus est, quæ mea quoque damnantur voce. Sed æquum est, vt quomodo hanc hæresim, condemnauit, etiam Origenis peruersa dogmata condemnemus. Non fuit enim Epiphanius sub cura, & sollicitudine Episcopi Hierosolymitani, neque minor, nisi fortè diuitiis, & potentia. Et ex epistola Epiphani, & Apologia Hieronymi aduersus Ioannem, constat Epiphanium Ioanni communicasse : & comperto quod esset Origenista, perituit cum eo habuisse communionem : Hieronymi verba sunt. Cum obijceret nobis, quare ei communicasti si hæreticus erat ? Audiuit ab omnibus, communicauimus, nihil de hæresi suspicantes. Postquam verò à beato Papa Epiphanio conuentus tam sermone, quam literis respondere contempsit, cunctis Monachis ab eodem Epiphanio scripta venerunt, vt absque satisfactione fidei nullus ei temerè communicaret. Hæc ille.

Hinc sumit Martinus, quod Epiphanius Ioannem excommunicauit, sed non rectè. Non enim cum excommunicauit, sed excommunicatum esse declarauit, aut saltem de hæresi suspectum : erat etiam excommunicatus, quia in hæresim ab Ecclesia damnatam, Origenis scilicet, inciderat. Hæreticus autem vitari debet iure diuino, postquam constiterit de perinacia, ad Titum Tertio, hæreticum hominem post viam, & secundam correctionem deuita. Ioannes in Canonica, Si quis venit ad vos, & hanc doctrinam non, affert, nolite recipere eum in domum, nec aue ei dixeritis : qui autem dicit illi aue, communicat operibus eius malignis.

Nono argumentatur Martinus. Quid ad hoc dicemus ? Vera est ne illa sententia, quam tota Ecclesia, omnia etiam decreta, omnes doctores tenent esse, videlicet, Episcopos Apostolorum successores ? vt dist. 21. cap. In nouo, Si est falsa, quid iactatur tanta auctoritate ? Si vera, quomodo solus Romanus Pontifex est successor vnus Apostoli Petri ? & ceteri omnes Romano Pontifici sunt subditi ? Cur non & alij Apostoli habent successores ? Aut fuerunt ceteri Apostoli successores vnus Petri ? Cur ceteris Apostolis aufertur sua gloria, & tribuitur soli Petro ? Cur non quilibet Episcopi habent, quod Apostoli eorum habuerunt, cum Romanus habeat, quod Petrus suus prædecessor habuit ? Mutæ ergo verbum, & dic quod Episcopi sint Apostolorum successores, sed vnus Episcopus Romanus est vnus Apostoli successor. Ista ratio (fateor) nisi ego sum insensator trunco, cogit, & omnium obstruit os, esse Episcopos omnes æquales. Et sicut Romanus Pontifex à nemine ordinatur, ita quilibet per solam electionem, sicut ipse ordinari debet iure diuino.

Huic rationi sufficienter responsum est in præcedentibus, tractando verbum. Tu es Petrus, & pascue oues meas : & respondendo

ad argumentum ex epistola Hieronymi ad Euagrium. Ex quibus patet, omnes Episcopos esse æquales ordine, sed non prælatione, vel administratione. Addo vnum verbum. Hieronymi, primo aduersus Iouinianum. Propterea inter duodecim vnus eligitur, vt capite constituto, schismatis tollatur occasio. Sed cur non Ioannes electus est virgo ? ætati delatum est, quia Petrus senior erat, ne adhuc adolefcent, ac penè puer, progressæ ætatis hominibus præferretur. Et magister bonus, qui occasionem iurgij debuerat auferre discipulis, & qui dixerat eis pacem meam do vobis, pacem relinquo vobis, & qui voluerit inter vos maior esse, minimus omnium sit, ne in adolefcentem, quem dilexerat, causam præbere videretur inuidiæ. Hic videt Petrum alijs Prælatum, & rationem reddi, cur Ioannes non sit Prælatus. Quod si Martinus intelligat, sicut patet ex dictis suis prioribus & sequentibus, iure diuino nullum Episcopum alteri subdi, ad hunc sensum quod Deus ita præceperit, necessariò consequitur Patres Nicæni Concilij contrà ius diuinum alios Episcopos Romano subdidisse, vel subditos esse declarasse, vnumquemque Episcopum ita Metropolitano, vt ordinationem, sine eius præsentia, vel auctoritate factam, irritam esse decernant.

Decimo argumentatur Martinus. Si Romanus Pontifex præcepto Dei est Vicarius Generalis in tota Ecclesia : sequitur inuicibiliter peccare eos, imò esse hæreticos, qui non sub eo fuerint. Ad tunc Ecclesia tota, primitiua, saltem, vsque ad quadringentos annos cum tot martyribus, & sanctis hæretici erunt. Obsecro quid prodest tanta blasphemiam in Ecclesia pro fumidæ potestatis pompa, statuere ? Denique, etiam sanctus Petrus erit hæreticus, qui ante Romanum Ecclesiam cum Apostolis fuit Hierosolyminis. Vincit me hæc ratio iniuncta.

Ista ratio fundatur in falso intellectu superioritatis, & inferioritatis. Licet enim, Petrus sit caput collegij Apostolici, & ex consequenti successor Petri, caput eorum, qui alijs Apostolis successerunt : non tamen principatu tyrannico, aut dominatiuo, sed paterno. Sicut autem Pater non perdit superioritatem in filios, quamuis eos sinat agere, quod volunt, quamdiu irreprehensibiliter agunt : Ita Episcopus, vel Papa, qui preest alijs principatu quasi paterno, qui fundatur in amore, non perdit superioritatem, quam preest tanquam liberis. Vnde Hieronymus ad Theophilum, Amare parens debet, amari parens, & Episcopus debet non timeri. Antiqua sententia est, Quem metuit quis, odit, quem odit, perijisse cupit. Vnde & in nostris literis, cum initia paruulorum in timore, consistant, perfecta dilectio foras mittit timorem. Et infra : Exhibes inilem, & ducem impetras, quasi vnus in pluribus es, vt sis vnus ex pluribus, citò indignatur libertas, si opprimitur, nemo plus impetrat à libero, quam qui seruire non cogit. Hæc ille.

Deinde non statim hæreticus est, quicunque præceptum Dei transgreditur, vputà sur, vel adulter, sed qui contra fidem, vel scripturam pertinaciter sentit. Itaque qui

Romano Pontifici non obedit, eo loco vel tempore quo obedientia non exigitur, vt dē Patre dictum est, non peccat. Qui verò recte præcipienti obedire recusat: peccat quidem, sed non est hæreticus, nisi credat non esse illi obediendum sicut Petri successor, & Christi Vicario. Qui enim hoc pacto non est sub illo, in schisma, vel hæresim cadit: sed abist, vt omnes martyres, & tota Ecclesia primitiua, hoc modo non fuerint sub Romano Pontifice, vsque ad annos quadringentos: nam Siluester sub Constantini imperio, Sedem Apostolicam rexit, Platina teste, anno Domini tricentesimo trigésimo octauo, quo tempore fuit Nicenum Concilium, tribuens Romano Pontifici prærogatiuum primatus, vt antè est, & infra amplius dicitur. Quod autem addit, denique etiam sanctus Petrus erit hæreticus, &c. valde ridiculum est: quis enim vnquam dixit Petrum Romanæ Ecclesiæ aliquando fuisse subiectum? Regendam suscepit Sedem Romanam, & Ecclesiam, non ipse regendus ab ea, atque suo aduentu Romanis primatum attulit, non ab illis accepit, sed à Christo, qui loco, vel tempore non clauditur, vnde suam pastoralē dignitatem quocunque pergeret circumferebat, sicut hodie Papa, cum Romam decedit, sua dignitas, & prælatio Romæ non remanet, sed Pontificem sequitur.

Vndecimo argumentatur Martinus. Si vlla Ecclesia est prima, & mater omnium: non est alia, nisi Hierosolymitana, vt dixi suprā: quid enim faceret Romana, si haberet hæc pro se, quæ habet illa? Nempè quod Isaias, & Michæas, & omnes Prophetæ pronuntiarent de Syon exituram legem Euangelij, & de Hierusalem, verbum Domini. Item quod Dominum ibi dedit gloriam in domo sua nouissima, vt Aggeus dicit: Quod Christus ibi Pontifex, Apostoli autem velut presbyteri: quod Christus ibi oblatas, Spiritum sanctum misit. Et breuiter hinc, in omnē terram exiuit verbum Dei, hinc omnes Ecclesiæ. Nec est vilius tam impudens frons, qui possit negare hanc esse verè matrem Ecclesiarum omnium, fontem, radicem, ac matricem, etiam Romanæ Ecclesiæ. Si ergo hæc non habet primatum, imò vix quintum locum ei dederunt, quantò minus Romana habet, quæ est eius discipula? Dicat aduersus hæc aliquid, qui potest. Iudæis dictum est, auferetur à vobis Regnum Dei, & dabitur genti facienti fructus eius, & quia terrena Hierusalem non cognouit tempus visitationis suæ, prædicitur ei à Domino, non remansurum in ea lapidem suprā lapidem. Illi etiam dicitur: Hierusalem, quæ occidis Prophetas, & lapidas eos, qui ad te misit sunt: quoties volui congregare filios tuos, quemadmodum gallina congregat pullos suos sub alis, & non iuisti? Ecce relinquetur vobis domus vestra deserta, vbi Hieronymus quarto commentariorum in Matthæum. Hoc ipsum ex persona Hieremie, iam antè dixerat. Reliqui domum meam, dimisi hæreditatem meam, facta est mihi hæreditas mea quasi spelunca hienæ, desertam Iudæorum domum, id est, templum illud, quod sublebat augustius oculis comprobamus, quia habitatoreum Chri-

stum perdidit, & hæreditate præripere gestiens, occidit hæredem.

Ex his, & alijs Domini Prophetarum, & Apostolorum testimonijs, manifestè habetur, principale militantis Ecclesiæ Sedem non fuisse figendam in Hierusalem, licet in templo Christus sit oblatas, prædicauerit, & docuerit, Hierosolymis extrā portam crucifixus sit, in monte Sion legem dederit, spiritum miserit: quia terrena Hierusalem ijs inauditis beneficijs ingrata, legis præcones de finibus suis expulit, Iudææ fonte siccat, deserta gentium irrigata sunt: licet igitur dum Christus carne versabatur in Iudæa, vel Hierosolymis, illic esset caput Ecclesiæ, & suprema potestas, & post Ascensionem, quādiū illic erant Apostoli, operis Domini Vicarij, cum principe suo Petro, illic esset summus Ecclesiæ principatus, tamen postquam Iudæa de finibus suis Euangelij prædicatores expulit, iuxta verbum Pauli, Primum oportebat vobis euangelizare verbum Dei, peragratis diuersis regionibus, Petrus Sedem suam posuit primū Antiochiæ ad tempus: quam tandem Romam transfudit, ac suo sanguine, cum collega Paulo honorauit. Testimonia igitur Prophetarum allegata, non eò spectant, vt terrena Hierusalem prima Sedes Ecclesiæ esse demonstretur: sed solum, vt illic initium habuisse declaretur. Cum dicitur: De Syon exiit lex, & Verbum Domini de Hierusalem. Et Dominus ad Apostolos, Oportet prædicari poenitentiam, & remissionem peccatorum, incipiendo à Hierusalem, vsque ad vltimum terræ: & alibi, Eritis mihi testes in omni Iudæa, & Samaria, &c. Vnde Melchisedes Papa vndecima, quæst. 1. Futuram Ecclesiam, &c. dicit: Futuram Ecclesiam, Apostoli in gentibus præuidebant, idcirco prædia in Iudæa minime sunt adepti, sed pretia tantummodò ad fouendos egentes: igitur domus Domini, ad quam inuiau Isaias, non est templum materiale Salomonis, sed Ecclesiæ toto orbe diffusa, & mons eleuatus super verticem montium, non est mons Syon, vel mons Moria, sed Christus, ad quem fide venitur, eleuatus super Patriarchas, & Prophetas, & Apostolos, qui etiam montes dicuntur, vt in Psalmo. Fundamenta eius in montibus sanctis.

Duodecimo argumentatur Mart. Concilium Nicænum, vt scribitur lib. 10. cap. 6. historię ecclesiasticę, statuit articulo sexto in hunc modum, Et apud Alexandrinam, vel in vrbe Roma, vetusta consuetudo seruetur, vt vel ille Ægypti, vel hic suburbanarum Ecclesiarum sollicitudinem gerat. Respondeo, hoc Concilium omnium ferè sacerdotum est. Et ecce non modo non primatum, & Monarchiam, Romano dæ Pontifici, sed ex vetusta consuetudine, non iurē diuino, tribuit sollicitudinem Italicarum, & suburbanarum Ecclesiarum. Atque hæc in propositione mea tetigi, quando dixi, quod contrā frigidissima decreta statet decretum huius Concilij. Si ergo sum hæreticus, age, tollant primū hoc Concilium, cui me ipsa quoque decreta tanquam Euangelio cogunt obedire, non possunt duobus Dominis seruire contrarijs.

Ruffinus præter fidei symbolum viginti capita Nicæni Concilij historia suæ inferit, cum fuerint ipsius Concilij in summa capitula septuaginta. Et capitulum à Martino citatum, de speciali sollicitudine loquitur, quam Romanus Pontifex præter generalem, totius ecclesiæ curam, gerit de ecclesijs vicinioribus eiusdem Prouinciæ, vel vicinarum Prouinciarum, seu totius Ecclesiæ Occidentalis, id quod primarui Romanæ Sedis nihil derogat: cum teste Iulio Papa in epistola ad Orientales Episcopos, in eadem Nicæna Synodo iubentibus Canonibus decretum sit, non debere, præter sententiam Romani Pontificis, vilo modo Concilia celebrari: nec Episcopos damnari: Et infra allegat capitula vigintiquinque eiusdem Concilij: inter quæ vnum est. Et omnes Episcopi, qui in quibusdam grauioribus pulsantur, vel criminantur causis, quoties necesse fuerit liberè Apostolicam appellent sedem: atque ad eam, quasi ad matrem, refugiant, vt ab ea (sicut semper fuit) fulciantur, defendantur, & liberentur: cuius dispositioni omnes maiores ecclesiasticas causas, & Episcoporum iudicia, antiqua Apostolorum, eorumque successorum, atque Canonum auctoritas referauit, & infra. Vt si accusatus, vel damnatus Episcopus appellauerit Romanum Pontificem, id statuendum quod ipse iuste censuerit. Etiam non sequitur: Romanus Pontifex ecclesiarum suburbanarum ex veruſta consuetudine sollicitudinem gerit, ideò non iure diuino illis præest, aut illarum curam habet. Nam vt Christi Vicarius, & Petri successor, iure diuino generalem omnium Ecclesiarum curam gerit, cui non repugnat, vt quarundam specialem ex consuetudine obtimeat, sicut alibi faretur Martinus, vnicuique Ciuitati iure diuino præſte vnum Episcopum: qui tamquam Ciuitatis pastor, totius Ciuitatis sollicitudinem habeat: cui non repugnat, eundem Episcopum alicuius partis suæ Parochiæ specialiorum curam possidere, lege humana, aut priuilegio superioris, vel vsu vetustæ consuetudinis, vt (v. gt.) accidere potest, vt vnius partis habeat plenariam, & immediatam ordinationem, & omnium officiorum, & beneficiorum collationem, non autem alterius partis. Huiusmodi enim multa consuetudine obtinentur, vel perduntur, in his quæ iuri diuino, canones patrum, vel humane leges addiderunt. Plerumque enim quod iure diuino est indifferens, consuetudine fit debitum: & quod iure diuino licet, consuetudine non licet. Exemplum constat ex scriptis veterum Hieronymi, Chrysostomi, Augustini, & Gregorii Episcoporum, totius ecclesiasticæ pecuniæ, ex decimis, primitijs, & oblationibus collectæ, in solidum administrationem habuisse, ex qua suæ domui necessaria sumere, deinde Clericis, & viduis, monachis, virginibus, aliundè non habentibus. Item peregrinis, & fabricis, atque Ecclesiæ ornamentis. De qua sequenti tempore per Canones factæ sunt certæ portiones, & alia mutata sunt, partim humanis legibus, partim consuetudine. Sic est & in proposito, de speciali cura per consuetudinem acquisita Pontifici Romano.

Quod autem addit Mart. quòd quatuor primis Concilijs, tamquam Euangelio obe-

dire iubemur, non est accipiendum de omnibus indifferenter, quæ in illis statuta, vel ordinata leguntur: sed in illis, quæ de fide determinantur. Secus est de regulis concernentibus administrationem ordinum, & graduum Ecclesiasticorum, & similibus. Illa enim sensum verè Euangelicum expriment, & declarant, sufficienti, & plena determinatione, vt in dicto Nicæno Concilio declarata est filij cum Patre confubstantialitas, quæ Euangelica veritas omnem locum, omne tempus, & omnem hominem æqualiter respicit. Ista, autem quandoque pro necessitate, vel communi vtilitate mutari, vel non obseruari possunt. Plerumque enim multitudo, vel magnitudo peccantium, studium colligendæ fraternitatis, & seruandæ pacis, disciplinæ Canonice rigorem temperari compellit. Nam leges hominum pro communi vtilitate feruntur: contrà quam militare non debent: Si nobis parum credis, lege Cyprianum, Hieronymum, & sacros Canones.

Decimotertio argumentatur Mart. Idem Concilium statuit, non à Romano Episcopo omnes Episcopos ordinari, sed à prouincialibus Episcopis, dicens. Et vt, si fortè in ordinando Episcopo, duo vel tres pro aliqua contentione dissentiant, reliquorum auctoritas, & præcipuè Metropolitani, cum cæteris firmior habeatur. Obsecro, quid amplius facere debeat? Non satis quòd Romano Pontifici omnia, quæ sibi arrogat libens credo? Debeo insuper probare, quòd hæc decreta sunt contempta, & irritata, humano vnus Episcopi arbitrio.

Hic Mart. consultò dimittit vltimam capituli particulam, scilicet, absque quo ordinationem irritam esse voluerunt: sciens eam contra se facere, in eo, quod superius dixit, sicut Romanus Pontifex à nemine ordinatur, ita quilibet per solam electionem, sicut ipse, ordinari debet iure diuino, intelligens per ordinationem, confirmationem: & iure diuino, idest præcepto diuino: sic enim accipit. Hic verò Concilium Nicænum decernit irritam esse ordinationem absque Metropolitani presentia, vel auctoritate. Primo igitur exposuit Mart. cum Concilio Nicæno, cur contra ius diuinum irritam faciat electionem, cleri, populi, & comprouincialium Episcoporum, sine Metropolitani presentia, vel auctoritate. Et cur contra ius diuinum, totius prouinciæ Episcopos Metropolitanò subiecerit? Deinde demonstrat decreta Nicæna, non facta, aut roborata auctoritate Romani Pontificis. Amplius, cur Concilium voluit saluam manere, in suis decretis (vt sæpe dictum est) auctoritatem Sedis Apostolicæ? Postremò, attente, non rectè omnem culpam in solum Romanum Pontificem reijci, cum sæpe Canonica non sit electio, propter potentiam principum, propter dissensiones populi, vel quòd variant vota eligentium, aut propter ambitionem, vt summus Pontifex, (etiam si velit Canonica formam seruare) non possit: in quo tamen sicut nolumus eum solum culpam, ita nec excusari, sed cum alijs dolemus tantum inualuisse vitia, vt nunc maxime verum sit, quod Hieron. conqueritur. Multi ædificant parietes, & columnas Ecclesiæ substruunt, marmora nitent, auro splendent la-

quearia, geminis altare distinguitur, & ministrorum Christi nulla electio est. Episcoporum enim hodie, & sacerdotum prouisio fit (proh dolor) in multis, præter legem. Euangelicam, præter Apostolicam formam, præter sacrorum canonum decreta, imò, & longè aliter, quàm Ciuili, & Imperiali lege, decretum sit, vnde Codice de Episcopis, & Clericis, l. si quinquam, ita loquitur Imperator: Si quemquam vel in hac Vrbe regia, vel in cæteris Prouincijs, quæ toto Orbe diffusæ sunt, ad Episcopatus gradum proueli, Deo auctore, contigerit, puris hominum mentibus, nuda electionis scientia, sincero omnium iudicio proferatur, nemo gradum sacerdotij venalitate pretij meretur, quantum quique mereatur, non quantum dare sufficit, estimetur: profectò enim quis locus tutus? & quæ causa poterit esse excusata? si veneranda Dei templa pecunijs expugnentur: quem murum integritatis, aut vallum fidei prouidebimus, si auri sacra fames penetralia veneranda proserpit? denique quid cantum esse poterit, & securum, si sanctitas incorrupta corrumpitur? Cæter ætatis iuamur prophanis ardor auaritiæ, & à sacris adytis repellatur piacularè flagitium. Ita castus, & humilis nostris temporibus eligatur Episcopus, vt locorum quocumque peruenerit, omnia vitæ propriæ integritate purificet, non pretio, sed precibus ordinetur Antistes, tantum ab ambitu debet esse sepositus, vt queratur cogendus, rogatus recedat, inuitatus effugiat, sola illi suffragetur necessitas excusandi. Profectò enim indignus est sacerdotio, nisi fuerit ordinatus inuitus. Scribat piissimus Iesus in cordibus, & manibus Principum Christianorum hanc legem, & spes erit, quòd sint Ecclesiam iustè, & sanctè reformaturi.

Decimoquarto argumentatur Mart. Idem Nicenum Concilium, Episcopo Hierosolymitano, non Romano, tribuit honoris primatum, dicens ibidem: Et vt Episcopo Hierosolymorum antiquitus tradita honoris prerogatiua feruetur, manente nihilominus, & Metropolitani ipsius Prouinciæ dignitate. Doce me lector, quid faciendum sit, quòd non satis est me hodierno tempore confiteri Romanum Pontificem esse primum, nisi mentiar quoque, & negem alium antiquitus fuisse primum, & tanti Concilij auctoritati resistam?

Sunt qui Martini admirentur doctrinam, alij virtutem, integritatem, fidem. Et puto in eo qui velit aliorum, & maxime maiorum errata liberè redarguere, nihil prius requiri quàm fidem. Hanc autem Martinus ferè prætermittebat. Si Pape relinqueret, quæ iure posset, crederetur abusu, & excessum velle tollere. Nunc autem dum omnia tollit, nihil pensi habens veris an falsis argumentis, ipsi fidem abrogat vt inimico. Si, inquit Bernardus: [Mala carpinus, & bona filemus, corrotores non correctores sumus.]

Hierosolymorum Metropolitani, est Cæsareæ Palestine Episcopus: & totius Orientis, Antiochia Metropolis est. Quis autem dubitat Episcopum subesse suo Metropolitano, etiam tacente Concilio? quanto magis, quando ipsum Concilium cauer seruandam Metropolitani dignitatem. Vnde Hierony-

mus scribens aduersus errores Ioannis Hierosolymitani. Tu qui regulas quæris Ecclesiasticas, & Niceni Concilij canonibus vteris, & alienos Clericos, & cum suis Episcopis commemorantes tibi niteris vsurpare, responde mihi, ad Alexandrinum Episcopum Palestina quid pertinet? Ni fallor hoc ibi decernitur, vt Palestine Metropolis Cæsarea sit, & totius Orientis Antiochia. Aut igitur ad Cæsariensem Episcopum referre debueras, cui spreta communione, tua communicare non noueras: aut si procul expetendum iudicium erat, Antiochiam potius literæ dirigenda. Hinc vides, quòd antiquitus tradita honoris prerogatiua, Hierosolymorum Episcopum non eximit Antiocheno, vel Cæsariensi, quanto minus anteposit Romano? Potest enim esse honoris prerogatiua, secundum aliquem modum, qui non pertinet ad principatum, sicut in publico contentu, antiquiores fundationes habent loci prerogatiua. Neque hoc accipias ita ibi decerni, vt non antea fuerit Cæsarea Metropolis, cum Eusebius in historia Ecclesiastica dicat, Theophilum Episcopum Cæsareæ Palestine primum fuisse, deinde Narcisum Hierosolymorum Episcopum in dignitate super Paschate, tempore quo Victor Romæ, & Irenæus Lugduni prærant, multis annis ante Concilium Nicenum.

Decimoquinto argumentatur Martinus: Si Romana Ecclesia est prima, propter primum Apostolum Petrum: Eadem necessitate constebimus, & Compstellanam Ecclesiam esse secundam, propter Apostolum secundum Iacobum, & Ephesium tertiam, propter Apostolum tertium Ioannem: & sic deinceps secundum ordinem Apostolorum? At ille ordo nunquid seruatur? Quo iure ergo solus Petrus primus facit Ecclesiam, nisi humano? Cur non Constantinopolitana, quæ nullum habet Apostolum, præferat secundo loco Compstellanz? Cur Alexandrina, quæ & ipsa nullum habet Apostolum, præferat Ephesinæ? Cur Antiochena sine Apostolo præferat Edissenæ, quæ Apostolum Thomam habuit? Cur Hierosolymitana his omnibus quinto loco postponitur, quæ Christum, Petrum, Iacobum, Ioannem, item Iacobum columnas (vt Paulus ad Galatas 2. scribit) habuit? Vides quàm sit nulla ratio, quàm Christus studiosè huius primatus ambitionem præuenit, & causas eiusdem penitus confudit.

Hæc ratio (si ratio dicenda est) sufficienter soluta est ex dictis, quia Petro pro se, & suis successoribus, credita est vniuersalis Ecclesia, successores autem Petri, Romæ sunt. Hinc est quòd Ecclesia Romana, prima est: Aliæ autem Ecclesiæ sortitæ sunt consequenter honorem, & administrationem, prout Petro, vel eius successori cum sanctis patribus collegis visum est, paci & saluti gregis expedire. Nec opus est, quòd si Romana diuino iure est prima, quòd eodem iure aliqua sit secunda vel tertia, sed solum quòd nulla alia eodem, vel alio iure sit prima. Simile est: Sæpè prælati aliquo iure, puta electionis, aut postulationis, in aliqua communitate, primus est, quo iure aliquis alius non est ibi, aut secundus, aut tertius. Nam (vt sæpè dictum est) Romana non obtinet primatum, quia talis, sed quia sedes finalis Petri, quæ

habet.

hæcenus in recta fide permansit, alijs quæ eius communionem recusatuerint, in hæresim vel schisma prolapsis. Et Martinus loquens de Ecclesijs, quæ habuerunt Apostolos, vel intelligit, quod Apostoli illic præsentem vitam finierunt, aut solùm quod illic fuerint, vel habitauerint. Non primo modo: quia dicit Hierosolymitanam habuisse Petrum, Ioannem, & vtrumque Iacobum, qui non omnes, illic mortui sunt. Item hoc modo Compositella non habebit Apostolum Iacobum maiorem, quem ab Herode occisum, tradit Actuum Apostolorum historia. Si secundo modo, vnde poterit doceri, quod Alexandria nullus fuerit Apostolorum, aut etiam Constantinopoli? quid si honorare placuerit Antiochenam sedem, quia Petrus eam aliquot annis rexit? & Alexandrinam propter Marcum Euangelistam, Petri discipulum, & interpretem? Sed siue hæc, siue alia causa patres moti sint, constat eos non secutos neque ordinem, neque numerum Apostolorum in constituendis sedibus primis. Et sedes successoris Petri etiam ex aliqua necessitate transferri posset, vt supra dictum est.

Decimosexto argumentatur Martinus: si ad solos Petri successores pertinet verbum Christi: [Tu es Petrus, & Pasce oues meas:] pari sequela concludetur, solius Ioannis successores, esse filios Mariæ in Cruce commendatos solos, quia plus cæteris dilectos, quia hunc solum in Cruce allocutus, matri commendauit, ergo ab Ephesinis Episcopis accipiunt cæteri, vt sint filij Ecclesiæ, & Mariæ. Item soli successores Iacobi, & Ioannis essent filij tonitru: & soli successores Iacobi minoris sint fratres Domini. Et omnino omnium ad quos Christus semel locutus est, successores habent eodem iure diuino. Quo quid vanius dici potest?

Hic aperit calumniatur, dum verbum [Pasce oues meas,] ostendere nititur non, plus pertinere ad Petrum, quam ad quemuis alium. Certum est autem quædam à Domino in Euangelio dicta Petro, quæ propriæ ad eum pertinent, nec personam transgrediuntur, vt illud, [Tu es Simon filius Ioannis, Tu vocaberis Cephas,] quod interpretatur Petrus, Ioannis primo. Et illud: [Antequam Gallus caneret te me negabis.] Item: Cùm esses iunior, &c. Hæc testimonia neque ad Ecclesiam, neque ad successores Petri referuntur. Quædam verò Petro dicuntur, quæ non ad eum propriæ, & singulariter, sed ad omnes, & singulos dicta esse, credenda sunt, vt illud Matthæi 18. Dixit Dominus Simoni Petro, [Si peccauerit in te frater tuus, vade, & corripe eum inter te, & ipsum solum:] & hoc mandatum fraternæ correptionis singulos de Ecclesia respicit, vsque ad finem seculi. Quod verò statim sequitur: [Amen dico vobis, quæcumque ligaueritis:] vbi dat, vel daturum se promittit excommunicandi, & absoluedi potestatem: non singulos, sed quosdam solum respicit. Nemo enim potest ligari, vel solui, nisi à suo iudice, neque vnusquisque de Ecclesia cuiuslibet alterius index est, sed præpositus: Præpositis enim alij subesse iubentur, ad Hebræos vltimo: [Obedite præpositis vestris, & subiaceat eis, &c.] quod non conuenit puero aut mulieri, de qua

Apostolus ad Timotheum: 1. Timoth. 12. [Mulieri in Ecclesia loqui non permitto, neque dominari in vtrum:] & ad Corinthios; 1. Corinth. 14. [Turpe est mulieri loqui in Ecclesia.] Item verbum, [Pasce oues meas] non potest referri ad personam Petri solius, excludendo successores, aliqui desijserit obligare defuncto Petro. Neque respicit singulos de Ecclesia. 1. ad Corinthios 13. [Nume quid omnes pastores?] Respicit ergo in persona Petri ordinem pastorum, quod Petrus intelligens alijs pastoribus consequenter præcipit: 1. Petri 5. [Pasce eum qui in vobis est gregem Domini.] Et tamen sancta Ecclesia, & sancti patres Concilij Nicæni, & anteriores atque posteriores, intellexerunt illud verbum modo quodam dirigi ad Petrum, & successores; quo non ad aliquem alium. Hinc sumptis Hieron. Petro & non Ioanni creditam Ecclesiam, & ipsum alijs caput constitutum, & Gregor. atque alij, de quibus supra. Nec mouere debet, quod quidam tractatorum illa verba Domini ad Petrum tractantes, huius primatus non meminerint: quia non omnes omnia possunt explicare, tanta est vbertas, fecunditas, copia, & profunditas scripturarum. Et vnusquisque tractat, quod suo proposito feruit, ad edificationem. Dicit enim Seneca: [In eodem prato canis leporem sequitur, bos herbam, ciconia lacertam.] Sic & tractatores in campo scripturarum. Verbum verò [Ecce Mater tua] beatus Ioannes intellexit ad se propriè pertinere, & non transgredi personam, eò quod sequitur: Et ex illa hora suscepit eam discipulus in sua, vbi Aug. super Ioannem, vt ad eius curam quicquid ei esset necessarium, pertineret. Suscepit ergo eam in sua, non prædia, quæ nulla propria possidebat, sed officia, quæ propria dispensatione exequenda curabat, vt supra. Distribuebatur autem vnicuique prout cuique opus erat, vt illic etiam beatæ Mariæ tamquam Matris eius portio poneretur. Ioannes, & Iacobus frater eius acceperunt nomen, vt filij tonitru dicerentur, quorum sublimè meritum in monte meretur audire tonitruum Patris, per nubem de filio tonantis: quod quidem verbum vocatur tonitruum, secundum illum modum loquendi, quo dicitur Iob. 26. [Cùm vix paruum stillem sermonis eius audierimus, tonitruum magnitudinis eius, quis poterit intueri?] Vel secundum Bedam: Quorum vnus intonans vocem theologum, quæ nemo prius edere nouerat, emisit, in principio erat Verbum,] quàm tanto pondere grauidam reliquit, vt si aliquantulo plus intonare voluisset, nec ipse mundus capere potuisset. Cernis secundum hæc, filios tonitru dici propriè, nec transire eorum personam, vt veniat ad successores, qui in monte non fuerunt, nec Euangelicum scripserunt. Sic & Iacobus minor dictus est frater Domini, modo quodam speciali, vt inquit Hieronymus primò commentariorum in epistolam ad Galatas Galat. 1. [Propter egregios mores, & inseparabilem fidem, sapientiamque non mediam, frater dictus est Domini.] Sicut Moyses specialiter dictus est famulus Domini: sic & beatus Iacobus specialiter frater Domini appellatus est. Hæc ille, sed de his plus satis. Nullus enim erit finis res.

respondendi, si talibus calumnijs pergamus per singula satisfacere. Quod enim verbum inuenies in sancto Euangelio; quod non simili calumnia pateat? si contempta interpretatione maiorum, tui capitis sensum sequaris, & quicquid in buccam venerit, euomas. Contender alius quæcumque Dominus Apostolis, discipulis, vel turbis locutus est, ad nos non pertinere, & personam audientium non excedere, nisi hoc illis expressè diffinatur.

Addit Martinus: In fine dico me nescire, an Christiana fides pari possit, quod in terris aliud caput Ecclesiæ vniuersalis statuitur præter Christum. Sunt qui Christum in Ecclesiam triumphalem reiciunt, & Romanum Pontificem militantem Ecclesiæ caput constituunt, contræ expressum Euangelium Matthæi vltimo. [Ecce ego vobiscum sum, vsque ad consummationem seculi.] Et illud Act. 9. [Saul, Saul, quid me persequeris?] Ideo enim regnum fidei Ecclesia vocatur, quod Rex noster non videtur, sed creditur, sicut primæ ad Corinth. 1. 3. dicit: [Oportet illum regnare donec ponat inimicos suos scabellum pedum suorum.] Et tunc tradet regnum Deo, & patri. Ad hi regnum rerum præsentium faciunt, dum visibile caput erigunt. Nam & mortuo Pontifice, Ecclesia non est sine capite, cur ergo viuo Pontifice Christus non pro capite solus habetur? An viuo Pontifici credit, & mortuo succedit, velut quidam alterius Pontifex? Si autem & viuo Pontifice caput est, ut quid duo capita in Ecclesia statuiuntur?

Dicis te nescire, an Christiana fides pari possit, quod in terris aliud caput Ecclesiæ vniuersalis statuitur, præter Christum. Primum responde an in particulari Ecclesia putes fidem permittere aliud caput esse præter Christum? Item an particulare Ecclesiæ membrum salua fide habere possit aliud caput? Si in istis concedis, in illo cur negas? Nonne idem inconueniens, vnum membrum subesse duobus capitibus, & vnum corpus habere duo capita? Si autem velis in istis argumentum valere, reprehendatur. Samuel loquens Regi Saul, primi Regum decimoquinto, vel Dominus potius per Samuelem: Nonne cum paruulus es in oculis tuis, caput in tribubus Israel factus es? Reprehendatur, & Apostolus, qui dixit: 1. Corinth. 11. [Caput mulieris vir, caput viri Christus;] & ad Ephes. 3. [Vir caput est mulieris, sicut Christus caput est Ecclesiæ.] Itaque lex Christi, & fides, non admittit in Ecclesia, vel in membro Ecclesiæ duo capita contraria, non sibi subordinata, sicut Dominus dicit: Matth. 6. [Nemo potest duobus dominis seruire,] cui Domini sententiæ non aduersatur, hominem Christianum habere Dominum hominem, & Deum. Præcipit enim Apostolus seruis, ut dominos suos omni honore dignos habeant, ut non contradicant, non fraudent. Pariformiter Christus, & Ecclesiæ caput est, tamen (Hieronymo teste) Petrus à Domino caput constitutus est, & Gregorius: [Certè Petrus Apostolus primum membrum sanctæ vniuersalis Ecclesiæ est.] Paulus, Andreas, Ioannes, quid aliud quam singularum sunt capita plebium? & Christus Ecclesiæ Pastor, Ioan-

Tom. XIII.

nis 10. [Ego sum Pastor bonus;] ad Hebræos vltimo: [Qui eduxit pastorem magnum, ouium, Iesum;] & tamen Ecclesiæ dedit pastores, & Doctores. Ipse etiam à Paulo vocatur Apostolus: [Et fecit homines Apostolos.] Et vnus est pater fidelium Christus: [Et tamen Paulus scribit ad Corinthios 1. Cor. 4. [Et si dece m milia pedagogorum, sed non multos patres habetis, per Euangelium enim ego vos genui.] Scribens, & Timotheo dilecto filio, similiter, & Tito. Et vnus est magister fidelium Christus; & tamen Paulus confidenter loquitur, Doctor veritatis, Magister gentium in fide, & veritate. Sic ipse est caput Ecclesiæ tam vniuersalis, quam particularis, & vniuersi cuiusque membri, quantumlibet exigui; & dedit Ecclesiæ capita, pastores, & Episcopos, vel principes. Quemadmodum enim nihil derogatur eius Regiæ maiestati, quod aliquis alius sit Rex, neque eius potestati, si aliquis alius sit Dominus: In cuius fœmore scriptum est: [Rex regum, & Dominus dominantium:] de quo Psalmista canit: [Rex omnis terræ Deus.] Ita nihil derogatur Christo capiti vniuersalis Ecclesiæ, per hoc quod homo caput constituitur. Quod autem dicit Ecclesiam esse regnum fidei, eod quod rex eius non videtur, sed creditur: esto, licet non facile monstrari possit scriptura, quæ hoc dicat. Nam Ecclesiæ pars videt faciem patris, alia pars, quæ adhuc peregrinatur, credit. Non tamen oportet, quod si fides sit inuisibilis, & rerum inuisibilium, quod fidei & sacramentorum ministri, aut nulli sint, aut solum inuisibiles. Sub priori testamento Ecclesia erat etiam regnum fidei, habebant eundem spiritum fidei, habentes nihilominus duces visibiles, similiter in nouo testamento: aliter non misisset Christus Apostolos, operis sui vicarios, nec eos constituisset principes super omnem terram. Non erat Deo difficile, homines ad salutem reducere per semetipsum, absque humano ministerio, aut veritatem docere, & sui notitiam tradere, sine doctoribus hominibus. Sed ut ait August. in præfatione lib. de doctrina Christiana: [Abiecta esset humana conditio, si per homines hominibus Deus verbum suum ministrare nolle videretur.] Quomodo enim, verum esset, quod dictum est: [Templum Dei sanctum est, quod estis vos:] si Deus de humano templo responsa non redderet, & totum quod descendum hominibus tradi veller, de Cælo, atque per Angelos personaret? Quauis igitur verum sit verbum. Matth. 28. [Ecce ego vobiscum sum vsque ad consummationem seculi, quia Christus opus suum, operatur inuisibiliter, seruis suis efficaciam tribuens suis ministris, & sacramentis pascens, regens, sanctificans, viuificans, custodiens, tamen ministris visibilibus vitur. Verum est etiam Aduum 9. [Saul, Saul, quid me persequeris:] quia qui membrum corporis persequitur, caput persequitur. Verum est etiam illud: [Oportet illum regnare donec ponat, &c.] & tamen regit Ecclesiam suam, quæ vtique visibilis est, per duces visibiles. Ridiculum est autem quod addit Martinus: [Nam & mortuo Pontifice Ecclesia non est sine capite.] Sic enim potest argumentari, mortuo viro mulierem non esse sine

K k cap.

capite, quia Christus caput eius viuit. Ergo viuente viro solus Christus est mulieris caput dicendus, & non vir.

*Sexta pars confutans insignem illam
hæresim, quam Martinus ex
conclusionem suam colligit.*

Prosequitur Martinus dicens: Concludo, Omnis sacerdos in articulo mortis, & necessitatis, est Episcopus, est Papa, habens plenissimam plenitudinem potestatis super consistentem, vt tenet sententia communis totius Ecclesiæ, & ex beati Cypriani epistolis euidenter conuincitur. Ergo nec Papa est Episcopus, nec Episcopus est superior presbyteris iure diuino, tenet consequentia, quia ius diuinum est immutabile, tam in vita, quam in morte.

In hac concl. duo tanguntur. Vñ qualem, & quam potestatem habeat sacerdos suprà penitentem in mortis articulo. Alterum, quo iure, diuino aut humano. Et si diuino an illam potestatem habeat etiam extrà articulum mortis, vel necessitatis. Dico igitur in primis, In dicto articulo necessitatis Papa vel Episcopus aliquod potest, quod non simplex sacerdos. Potest enim eum sacerdotem ordinare, quod satis est, pro differentia potestatis eorum.

Dico secundò, quòd eodem casu licet simplex sacerdos possit quemuis Christianum penitentem Ecclesiæ reconciliare, communioni restituere, & ei pacem dare; vt habetur ex sacris canonibus 26. qu. 6. capit. Si presbyter &c. Agnouimus; &c. presbyteri, &c. Si quis de corpore. Quod etiam habetur ex epistolis beati Cypriani, licet Cyprianus quibuscumq; nec in morte concedat communionem. Et beati Leonis, in quo includitur absolutio, tam à censuris, quam à peccatis; tamen differt reconciliatio facta per Papam, ab ea quæ fit per simplicem sacerdotem, propter casum necessitatis vel articulum mortis, quia si languens, à simplici sacerdote sic absolutus conualuerit, quandoque teneatur se Papæ representare, eius mandato pariturus; vt de sententia excommunicationis. Si quis inuadente, expressum est cap. ea noscitur, &c. quod de his, &c. quamuis de sententia excommunicationis. Et quod plus est, quandoque recidit in sententiam: ipso iure, vt expressum est in cap. eos qui, eodem lib. 6, vbi sic dicitur, Eos qui à sententia canonis, vel hominis (cum ad illum), à quo alijs de iure fuerant absoluedi, nequeunt propter imminenti mortis articulum, aut aliud impedimentum legitimum, pro absolutionis beneficio habere recursum à alio absoluitur, si cessante postea periculo, vel impedimento huiusmodi, se illi à quo (ijs cessantibus) absolui debebant, quam citò commodè poterunt, contempnerint presentare, mandatum ipsius, super illis, pro quibus excommunicati sunt, humiliter recepturi, & satisfacturi, prout iustitia suadebit. decernimus (ne sic censuræ illudant Ecclesiasticæ) in eandem sententiam recidere ipso iure, secus si à suo iudice, vel superiore eius fuissent ab-

soluti. Ex quo apparet differentia absolutionis à censura per simplicem sacerdotem in necessitate data, & facta à Papa, qui est omnium iudex ordinarius. Tertio, etiam differentia est in absolutione à peccatis, loquendo pro tempore, quo penitentia non erant arbitraria, sed canonibus decreta: & specificata, quia absolutus à simplici sacerdote in articulo necessitatis, aut mortis, postea liberatus, tenebatur statuta tempora penitentia implere 26. qu. cap. 1. quòd etiam in regulis Nicæni concilij continetur, vbi datur facultas Episcopo moderandi penam, canonicam, quam Martinus alicubi facitur Papam in totum posse auferre id, quod non potest facere simplex sacerdos, licet illam, morituro imponere non debeat. Nec intendi Cyprianus, quod peccator penitens ad pacem receptus, & cum pace vadens ad Dominum, immunis sit à pena purgatorij; vt alibi ex eodem Cypriano in libro de lapsis declarauimus. Quantum ad secundum quod in conclusione tangitur de iuris diuini immutabilitate aduertendum est, quòd legis tria, sunt officia principalia, iubere, vetare, permittere. Lex iubet opera virtutum, vetat opera vitiorum, permittit indifferentia. Secundò considerandum est, in omnibus istis tribus legis officijs ratione legis manente in seipsa, & non mutata, variari circa hominem rationem præcepti prohibitionis, vel liciti propter variationem loci, aut temporis & alterius circumstantia, vt nunc tenearis iure diuino, vel naturæ, hoc, vel illud facere & statim non tenearis. Similiter de prohibitione, & licito, siue permissio. Exemplum; Homo priuatus, lege naturæ, & diuina tenetur non occidere, nec potest iure alium hominem occidere, & tamen in articulo inuitabilis necessitatis eodem iure naturæ vim, vi repellendo, cum moderamine inculpatæ tutelæ, iniussè inuadentem occidere potest. Et si velis inferre hoc casu, iure naturæ potest ergo semper potest, quia ius diuinum, & naturale est immutabile, falleris. Item aliud exemplum iure diuino iubemur, rem alienam inuito Domino non trahere, aut nobis vendicare: & tamen in extrema necessitate famis, iure naturæ, & diuino omnia sunt communia & iure possint vendicari; quod locum non habet extra casum necessitatis extremæ. Item vna obligatio diuini vel naturalis iuris cedit fortiori, & pro tempore: seditur, vt iure diuino tenemur subuenire parentibus, & tamen cum patria vel fides periclitatur, licet eos præterire. Et iure diuino diliges proximum tuum sicut teipsum, tenemur nostram vitam tueri, quod tamen ius cedit honestati operis, etiam supererogationis, in eo: qui pro fratribus martyrio se offert; etiam pro tempore, quòd latere licebat. Et iure diuino tenemur soluere debita; secundum quòd dicit Apostolus, ad Romanos 13. Nemini quicquam debeatis, nisi vt inuicem diligatis, tamen necessitas facit, vt quandoque non solvens, sine peccato sit. Lex etiam charitatis exigit, vt proximo efficaciter velim bonum beatitudinis, à qua lege me liberat ipsius proximi damnatio. Ijs exemplis demonstratur ius diuinum aut naturale, siue præceptum siue prohibitum, siue permissum; non eo

fen-

De Primatu Pontificis aduersus Lutherum. 259

sensu debere dici immutabile, vt omni casu, omni loco, vel tempore, id quod talis iuris est, homini sit aut præceptum, aut prohibitum, aut licitum. Et frequenter id quod secundum naturale ius indifferens est, secundum ius positum, diuinum vel humanum, est præceptum, vel prohibitum. Vnde quoddam est ius diuinum præsupponens actum hominis, vel humanam ordinationem, vt præceptum non furandi supponit rerum distinctionem, & appropriationem, quæ per hominem facta est, sicut Augustinus cap. Quo iure 8. d. Item obligatio, vota reddendi, & promissa seruandi, diuini iuris est, & tamen nascitur ex actu hominis libero primitus ipsa obligatio. Pariformiter aliquid est homini licitum, vel in hominis potestate. stando in limitibus iuris nature, aut diuini, quod propter actum hominis, vel humanam ordinationem efficitur licitum, vel simpliciter definit esse in hominis potestate, pater de contractibus serui, filij familias, aut pupilli qui ad limites iuris diuini, & nature validi sunt, & propter humanam legem irritantem efficiuntur inualidi; & nullius efficacie. Similiter sacerdos aliquid potest iure diuino, quod faciente lege humana. quamuis faciat illicitè; tamen facit: vt puta baptizat vel consecrat. In quibuscumque autem etiam si tenet: nihil facit, vt abfoluendo à peccatis aut à censuris, cum qui humana lege vel ordinatione ipsi est non subditus, vel simpliciter, vel quo ad hoc. Simpliciter dico propter non habentem curam animarum, quo ad hoc autem, propter eum qui habet, sed limitatam, & restrictam iusta, & rationabili superioris ordinatione, quæ cessat, aut suspenditur in articulo necessitatis: ne sit contra salutem communem, aut priuatam subditorum.

Ex his elici potest quid momenti habeat referatur casuum, & non debet videri mirum, si humana lege limitetur potestas homini diuinitus concessa, cum recte leges hominum moderentur potestatem parentum in liberos: dominorum erga seruos, emptionum venditionum, donationum, secundum quod expedit communi utilitati, cum negari non possit potestatem parentum in filios, & domini in res possessas iuris nature, & diuini esse.

Sed de his hæcenus dicta sufficiant, propter argumentum: quo Martinus nititur concludere cuiuslibet sacerdotis, & Papæ, vel Episcopi potestatem esse æqualem, quia illam habeat in articulo mortis, iure diuino quod immutabile est: in vita & in morte, contendens potestatem alicui diuinitus concessam aliquid faciendi, semper illi adesse, nec ab alio, saltem inferiori, posse aut tolli aut diminui, quod falsum esse monstrauimus & aliàs Deo dante: latius monstrabimus; quando de libertate Christiana sermo erit hoc loco satis est: ius diuinum vel naturale respiciens res mutabiles aliquo modo effemutabile, vt habet Aristoteles 5. Ethicorum, & Aug. multis locis, vt epistola quinta, quæ est ad Marcellinum, ubi inter cætera sic inquit. In epistola tua posuisti moueri quoddam, Cur hic Deus: qui & veteris testamenti Deus esse firmatur, spretis veteribus

crificijs, delectatus sit nouis. Nihil enim corrigi posse asserunt, nisi quod ante non rectè factum probaretur, vel quod semel rectè factum sit, nullatenus immutari debuisset. Rectè enim facta dicunt, mutari (nisi iniuste) non posse. Hæc verba ex literis tuis in has meas transuli, quibus si respondere copiose velim; tempus me citius, quam exempla defecerint, quibus rerum ipsa natura, & opera, certa ratione pro temporis opportunitate mutantur, nec tamen eadem ratio sit mutabilis, qua ista mutantur, vnde pauca commemorem, vt ex his excitata quodammodo, iam per plura similia, vigil currat intentio. Nonne hyemi æstas, addito sensu calore, succedit. Nonne diurnis tempora nocturna vertuntur? Quoties nostræ variantur ætates? Adolescentiæ pueritia non reditura cedit. Iuuentus adolescentiæ non mansura succedit, finiens iuuentutē senectus, senectus autē morte finitur. Hæc omnia mutantur nec mutatus diuinę providentię ratio, qua fit vt ista mutantur. Non autē opinor, cum Agricola æstas aliud iusserit, quā iusserat hyeme, ratio mutetur Agriculture. Et cum mane surgit, qui nocte quiescebat, vitæ consilium non mutat. Aliud magister adolescenti, quā puer lolebat, imposuit. Doctrina igitur constans, mutato præcepto, non mutat instructionem. Nam magnus ille nostrorum temporum medicus Vindiciensis, consultus à quodam; dolori eius adhiberi iussit, quod in tempore congruere videbatur, adhibitum sanitas consecuta est. Deinde post annos aliquot, eadem rursus corporis causa commota, hoc idem ille putauit adhibendum, vertit in peius, miratus currit ad medicum, indicat factum. At ille, vt erat acerrimus ita respondit, idco malè acceptus es, quia ego non iussi, vt omnes, qui audissent, parumque hominem noissent, non cum arte medicinali fidere, sed nescio qua illicita potentia putarent. Vnde cum essent à quibus poterat stupentibus interrogatus, aperuit quod non intellexerant; videlicet illi ætati iam non hoc se fuisse iussurum. Tantum igitur valet; ratione atque artibus non mutatis, quid secundum eas fit pro temporum varietate mutandum. Non itaque verum est quod dicitur, semel rectè factum nullatenus esse mutandum. Mutata, quippe temporis causa. quod rectè ante factum, fuerat: ita mutari vera ratio plerumque flagitat, vt cum ipsi dicant rectè non fieri, si mutetur, contra veritas claret rectè non fieri, nisi mutetur, quia vtrumque tunc erit rectum, si erit pro temporum varietate diuersum. Quod enim in diuersitate personarum, vno tempore accidere potest, vt huic liceat aliquid impunè facere, quod non liceat illi, non quod dissimilis sit res, sed is, qui facit. Ita ab vna, & eadem persona diuersis temporibus tunc oportet aliquid fieri; tunc non oportet, non quod sui dissimilis sit qui facit, sed quando facit. Hæc questio quam latè pateat, profecto videt quisquis pulchri, aptique distantiam sparsam quodammodo in vniuersitate rerum valet, neque negligit intueri. Pulchrum enim per seipsum consideratur atque laudatur: cui turpe, ac deformē contrarium est, aptum verò; cui ex aduerso inoprum quasi relegatum pender aliunde, nec

ex seipso, sed ex eo cui conneſcitur, iudicatur, nimirum etiam decens atque indecens vel hoc idem est, vel perinde habetur.

Idem Augustinus in tertio de doctrina Christiana, ubi post multa concludit. Quid igitur locis, temporibus, & personis conueniat, diligenter attendendum, ne temere flagitia reprehendamus. Fieri enim potest; vt sine aliquo vitio cupiditatis, vel voracitatis, pretiosissimo cibo sapiens vtatur. Inſipiens autem fœdissima gula flamma in vilissimum ardeſcat, & sanius quisque maluerit more Domini, pisce vesci, quam lenticula, more Esau nepotis Abraam, aut ordeo: more iuueniorum. Non enim propterea continentiores nobis sunt, plerumque bestiz, quia viſioribus aluntur elcis. Nam in omnibus huiusmodi rebus, non ex earum rerum natura, quibus vimur, sed ex causa vtendi, & modo appetendi, vel probandum est, vel improbandum, quod facimus.

Quartum caput continens responsiones ad nonnulla argumenta, quæ Martinus alijs quibusdam libellis suis ad corroborandum eandem suam conclusionem collegit.

A Libi argumentatur Martinus pro sua conclusione, & primo probat quamlibet in Ciuitatem habere debere Episcopum, proprium iure Diuino, ex Paulo ad Titum primo: Huius rei gratia reliqui te Crete, vt quæ desunt corrigas, & constituas Presbyteros per Ciuitates. Probat etiam ex Hieronymo, quod idem sit ibi Presbyter, quod Episcopus, & ex epistola Augustini 29. dicentis: [Erat enim Ciuitas;] quasi dicat, Non erat simplex Presbyter, sed Episcopus, quia Ciuitas erat cui præerat.

Secundo supponit Christum habere, aut aliquando habuisse Christianos in omni termino terræ, vt in extrema parte Indiz, & Æthiopiz, Psal. 2. [Possessionem tuam termino terræ:] & 71. [Dominabitur à mari vsque ad mare, & à flumine vsque ad terminos Orbis terrarum.]

Tertio, supponit fideles Christianos posse esse perfectos, & pauperes. Tunc istis suppositis arguitur, talis Ciuitatis homines non posse à Roma Episcopum palliatum, & confirmatum accipere, & si hoc Christus ordinasset, coegisset eos pauperatui Euangelicæ renunciare, & de coaceruandis diuitijs sollicitos esse, quo pallia, & confirmationes impetrare possent.

Respondeo ad primam suppositionem: Si iuris Diuini est quamlibet Ciuitatem habere vnum Episcopum, contra ius Diuinum fecerunt Patres primitiue Ecclesiæ, statuentes Episcopos non debere ordinari, nisi in maioribus Ciuitatibus dist. 80. in cap. Episcopi, vbi textus: [Episcopi non in Castellis, neque in modicis Ciuitatibus debent constitui, sed Presbyteri per Castella, & modicas Ciuitates:] & infra: [Non ad modicam Ciuitatem.] Si verò nomine Episcopi omnem Plebanum, vel Curatum accipias, non solum per Ciuitates, & Oppida constitui debent,

sed etiam in Castellis, & pagis.

Ad secundam dicit Augustinus illud Psal. 18. adhuc quotidie impleri, in omnem terram, de quo tractat Augustinus in fine epistolæ ad Eusebium, quæ est 8. & cætera, & ita non oportet omnem terminum terræ habere, aut habuisse Christianos, sed quia idem iudicium est de futuro, denus veram esse suppositionem.

De tertia verò suppositione. Cum Ciuitas sit societas hominum, sufficiens ad viuendum, & bene viuendum, quod esse non potest, nisi habeat agrum, aut sufficientes prouentus quomodo vna tota Ciuitas potest esse eo modo pauper, vt nihil habeat, nec in proprio, nec in comuni? Quamuis enim haberent singuli, & omnes Ciues aliquis Ciuitatis omnia communia, tamen debent habere facultates, aut ex seipsis, aut ex alijs. Nec repugnat consilio Evangelico quolibet sollicitudo habendi, sed superfluat. Nam & Apostoli, pauperes, qui erant in Iudæa, Pa vltro commendauerunt, quod (vt ipse dicit) sollicitus fuit, & facere, colligendo non paruam pecuniam à gentibus. Et vt hæc omnia vera sint, nihil ad propositum. Nemo enim dicit iuris Diuini esse, omnem Episcopum immediate à Roma peti, vel confirmari debere: & si hoc diuini iuris esse diceretur, non tamen annatum soluere, aut literas prouisionis, institutionis, vel confirmationis, magno, vel paruo pretio redimere, propterea esset iuris Diuini. Si verò propterea Romani dicerentur non habere primatum, vel institutionem, quia id non faciunt omnino gratis, sed capiunt pecuniam, aut pro literis, aut pro sigillo, aut plumbo. Eadem ratione dici posset, quod quiuis alius Episcopus, Presbyter, vel laicus non habebit prouisionem, institutionem, præsentationem, propterea quod non facile reperitur, qui non aliquid pro talibus accipiat, quocumque titulo id fiat. Vnde iniquum est in pari causa non similiter omnes delinquentes reprehendere.

Addit Martinus: [Sed finge aliquam Ecclesiam ad hostibus captam, vt non possit ad Romam mittere pro Episcopo.] Quid hic faciet? Si est ius Diuinum? Captiuitas non excusat. Ius enim Diuinum est nulli rei alligatum, sed super omnia in omnibus seruandum. Si dicis, sufficit vorum mittendi, dico: Cur non, & in alijs Episcopatibus hoc vorum sufficit, qui exausti sunt? Tanti longè à Roma positi, vt magno suo detrimento (contra charitatem) Episcopum emere cogantur?

Licet concedamus non esse præceptum Diuinum, ex quacumque parte terræ, ab Vrbe Roma petere Episcopum: Cum possit iuxta Canones Nicæni Concilij à Clero, & populo electus, ab Episcopis Comprovincialibus, auctoritate Metropolitanis interueniente, ordinari, & confirmari: Tamen Martini ratio nihil valet, cum dicit: [Si est ius Diuinum, captiuitas uo excusat, &c.] Hoc est manifestè falsum: quam multa enim iuris Diuini sunt, quæ propter impossibilitatem, vel necessitatem, sine peccato prætermittuntur? & vt cætera taceam, nonne Cathecumenus captiuus, non habens, qui cum sciat, aut velit baptizari: excusatur à præcepto suscipiendi Baptismum aquæ?

aquæ? quod tamen est diuini iuris: Ioannis 3. [Nisi quis renatus fuerit ex aqua, & Spiritu sancto, non potest intrare Regnum Dei.] Er Marci ultimo: [Qui crediderit, & baptizatus fuerit, saluus erit.] Er Marthæ ultimo: [Docete omnes gentes, baptizantes eos in nomine Patris, & Filij, & Spiritus sancti.] Er quauis eo casu votum sufficiat ad salutem, non tamen sufficit voluntas Episcopatus, vel Sacerdotij. Non enim, qui vult esse Sacerdos, vel habere Sacerdotem, idcirco habet: quamuis excusetur, si propter Sacerdotis, vel Episcopi absentiam sine confessione, vel reconciliatione, Eucharistia, vel Confirmatione, decedat.

Secundò argumentatur Martinus: Sequitur ex verbo Pauli, (quod cuilibet Ciuitati Episcopum tribuit, qui nunc Plebani dicuntur) Episcopos, Patriarchas, Primates, qui hodie vnt, esse iuris humani tantum: Quod & decreta indicant: quibus & Romani Pontifices sibi tribuunt omnium Ecclesiarum, & dignitatum constitutionem: Atque ita iure diuino Papa nulli est superior omnino: Aut solus Plebanis superior est: Cæteris medijs, ac maioribus suo iure, & vsu superior est, quo & Cardinalibus, atque vt Plebanus, alteri non præfertur iure diuino, ita nec vllus Episcopus vlli Episcopo. Omnia enim hæc per Ecclesiam ordinata sunt.

Respondet: Si Papa toti Ecclesiæ diuinitus Prælatas est, singuli de Ecclesia illi iure diuino subunt: Quemadmodum si omnibus Regni incolis iure successionis, aut electionis præstet Rex: eodem iure singuli Regni incolæ Regi subunt. Et si pater iure naturæ liberis præstet, eodem iure patri subunt liberi. Cum igitur supra monstratum sit, vniuersam Ecclesiam Petro, & successoribus creditam ordinatione Christi, consequens est singulos de Ecclesia, eadem ordinatione Petro, & successoribus esse subiectos.

Sed dices: Martinus intendit ordinatione Christi solos Plebanos, siue Parochiales Sacerdotes esse constitutos. Differentia verò Sacerdotis Parochialis, & Episcopi ex hominum constitutione veniat, quemadmodum Archiepiscopus Episcopo antepositur, & Patriarcha Archiepiscopo, Papa verò Patriarchæ.

Respondet: Essentialis distinctio partium Ecclesiæ ab eodem est, à quo ipsa Ecclesia; sicut principales partes domus, ab eodem sunt, à quo est ipsa domus. Cum igitur Christus dixerit se Ecclesiam ædificaturum, ea sine quibus Ecclesia esse non potest, ab eodem Christo esse, necesse est. Ab eo igitur est Baptismus, in quo communicant omnes de Ecclesia: ab eodem est & Sacerdotium, & Episcopatus, & quæcumque per consecrationem, vel ritum diuinitus traditum, constituuntur. Vnde Augustinus concordante vniuersa Ecclesia, asserit Sacerdoti auferri non posse potestatem baptizandi, neque Episcopo potestatem ordinandi: quod verum non esset, nisi ordinato per ordinationem, vel consecrationem, aliqua potestas diuinitus traderetur: quod enim à solo humano consensu dependet, contrario sensu auferri potest. Secus est autem de potestate iurisdictionis, quæ non est necessariò consequens Sacerdotium, vel

Episcopatum: & potest esse magna, parua, vel nulla, saltem quoad executionem, & penes illam sumitur distinctio accidentalit Episcoporum inter se: vt vnus dicatur simpliciter Episcopus, alius Archiepiscopus, alius Patriarcha. Illa enim distinctio subest Pontifici Romano, vel Ecclesiæ: & potest casu aliquo extrinseco contingere, vt Episcopus, seruat ordine Episcopatum, iurisdictionem nullam habeat, vt si tota sua Ciuitas bello, peste, diluuiò, vel incendio consumatur. Is, si alteri Ciuitati non habenti Episcopum, præficiatur, non de nouo ordinatur, quia retinuit ordinem: sed acquirit iurisdictionem, & administrationem in populum, cui præficiatur. Ista est mens sancti Dionysij in libro Ecclesiasticæ Hierarchiæ; & Hieronymi, qui Episcopo tribuit ordinationem, non simplici Sacerdoti. Ea est mens Augustini. Er quod maioris est ponderis, is ritus ab initio seruatus est in Ecclesia, cuius auctoritas maior est, quàm vnus hominis, quantumvis sancti, vel eruditi. Er sicut, qui tollit à Ciuitate distinctionem, tollit ordinem: ita qui tollit ordinem, tollit ipsius Ciuitatis bonum. Vnde Aristot. [Ciuitatem destrunt, qui eam nimis vnã facere volunt.] Et idem dicit: [Bonum carmen non est cantus vnisonus, ita Ecclesiam destrunt, & bonum eius auferunt, atque Christo, cuius opera perfecta sunt, iniuriam faciunt, qui ab Ecclesia, quàm ipse ædificauit, gradus, ordines, & distinctiones auferre conantur, summa imis permiscentes, qui dum omnibus omnia tribuunt, nihil cuiquam certum relinquunt.] Vnde vnus articulorum, hæresis Arianz (teste Augustino) fuit, Episcopum Presbyterum esse æqualem, dicebant, inquit, Presbyterum ab Episcopo, nulla differentia debere discerni.

Sequitur Martinus. Ex quo vltierus sequitur, quòd cum vnus Romanus Episcopus non possit omnium Parochiarum curam habere, quibus solis est superior iure diuino. Si superior est, vt dixi, non esse credendum, quòd Christus ad impossibile vnus voluerit iure diuino astringi, ac per hoc nec iure diuino superiorem esse omnibus. Quòd si non omnibus, eadem ratione nulli particulariter: ac sic omnes omnium Ciuitatum Episcopi, æquales iure diuino sunt.

Pndet me nomine communi Theologorum huiusmodi argumenta per Orbem spargi, ab eo qui Theologiam proficitur. Simili enim argumento probaretur Rex David Regno Israel diuinitus non fuisse Prælatas, Deus enim noluit Regem David obligari ad impossibile. Est autem impossibile vnum hominem tot Oppida, tot Castra, tot Villas, tot denique hominum milia solum regere. Similiter probaretur Moysen diuinitus non fuisse Prælatum filijs Israel, dum egrederetur ex Ægypto: vbi præter pueros, & mulieres, & promiscui sexus aduenas innumerabiles, erant sexcenta hominum milia. Hic enim, & illic argumenta sunt similia, quæ nihil habere momenti vident, quicquid aliquid luminis habet. Ex quibus manifestum est Martino euenire, quòd ait Hieronymus, vt voluntatem quidem habeat mentiendi, sed artem fingendi non habere.

Quod Martinus vltierus addit: Si Papa iure

iure diuino Prælati est, non licet illum deponere vilo modo, siue sit malus, siue bonus, siue Hæreticus, siue Catholicus, sed est tolerandus vsque ad mortem, quare iterum errant decreta, quæ statuunt Papam pro hæresi deponendum.

Primum hoc argumentum retorquetur in arguentem, secundum quem Plebanus iure diuino constitutus est. Nam hoc argumento non poterit deponi ab aliquo, quàm diu viuât. Et sic improbanda erunt omnia acta sanctæ Ecclesiæ, & sacrorum Conciliorum, à quibus Episcopi, Presbyteri, & hæretici, damnati, anathematizati, & de Ecclesiâ proiecti sunt. Et hæc dicentes nobis placemus, soli sapinius, & quod verum est, videmus, soli Euangelicum, & Apostolicum sensum capimus, ac nobis idonei videmur, qui Ecclesiâ à captiuitate Babylonica liberemus.

Secundò patet ex suprà dictis, consequentiam nihil valere, declaratum est enim id quod alicui, iure diuino conuenit, aliquando eidem alio iure diuino non conuenire. Non enim diuini iuris regulæ mathematicæ sunt, sed applicantur pro loco, tempore, causa, & persona: & fortasse hæreticus ipso iure diuino priuatus est administratione Ecclesiastica, quo inuenitur Christiani cum vitare, cum tamen suis Prælati etiam discipulis iubeantur subesse & obedire, de quo aliàs latius.

Argumentum Martinus: Jam quod in principio ceginus Concilium Constantiense determinauit Concilium esse supra Papam: sicut, & huius determinationis vsum, ibidem seruauit, deponendo, & statuendo Papam. Dicendum primò, quòd Martinus non est audiendus, allegans pro se concilium, cui appetit, & contumeliosè derogat, falsum, imponit, dum dicit inter cætera, concilium damnaſſe, quòd diuino humanorum actum sit per immediatam, sic vt uultus sit actus medius inter bonum, & malum: sed concilium damnauit vnum articulum Ioannis Hus, comprehensum his verbis. Diuino immediata humanorum operum est, quod sunt vel virtuosæ vel vitiosæ, quia si homo est vitiosus, & agit quicquam, tunc agit vitiosè, & si est virtuosus, & agit quicquam, tunc agit virtuosè, quia sicut vitium, quod crimen dicitur, seu mortale peccatum, inficit vniuersaliter actus hominis virtuosus.

Hæc propositio habet multas partes, in quarum quasi probationem assumitur illa diuisio, de qua Concilium non iudicat, nec eam approbat: sed iudicium fert de tota propositione, quæ falsa est, & ritè damnata. Vnde Martinus multis verbis frustra laborat illam actum humanorum diuisionem approbare, quæ siue bona siue mala sit nihil ad decretum Concilij.

Secundò tale decretum in actis Concilij Constantiensis nusquam legitur, eo sensu, & tenore verborum, quo Martinus allegat, vnde sessione quarta sic legitur: Hæc sancta synodus Constantiensis generale Concilium faciens pro extirpatione præsentis schismatis, & vniõne, ac reformatione Ecclesiæ in Capite, & in membris fienda, declarat, quod ipsa in Spiritu sancto cõgregata generale Concilium faciens, Ecclesiâ catholicam militantem repræsentans, potestatem à Christo immediatè habet,

cui quilibet cuiuscunque status vel dignitatis (etiam si papalis existat) obedire tenetur, in his, quæ pertinent ad extirpationem dicti schismatis, &c.

Ecce manifestè patet, quod decretum illorum patrum non loquitur vniuersaliter de qualibet synodo vniuersali: sed de illa singulariter pro cuius tempore non erat in Ecclesiâ vnus pastor totius Ecclesiæ indubitatus, cum eo tempore tres diuersi se gererent pro Romanis Pontificibus.

Præterea ipsum concilium nondum erat plenarium & vniuersale, cum solum essent illi, qui obediant Ioanni vigesimo tertio, duobus alijs partibus nondum præsentibus, neque consentientibus, vnde seſſione decimaquarta, Dominus Angelus Coreacius, qui dicebatur Gregorius duodecimus, misit cessionem Papæ, saluo quod eius nomine de nouo fieret patrum conuocatio, & ipsi concilio traderetur eius nomine auctoritas. Et seſſione vigesima illi qui adharebant Petro de Luna, qui dicebatur Benedictus decimus tertius, vniuerunt se alijs duabus partibus, saluo quòd eorum auctoritate fieret noua sollemnis concilij conuocatio: & tunc primum fuit perfectum, & plenarium concilium.

Item alia ratione non valet argumentum, quoniam auctoritati illius primæ congregationis apertissimè contradixerunt aliæ duæ partes, quarum contradictio fuit acceptata, vt patet euidenter ex gestis eiusdem Concilij. Nam qui obediebant Gregorio, non habebant primam vocationem pro legitima: & postea illa parte addita priori, adhuc contradixit eidem decreto pars tertia, obediens Benedicto decimo tertio, non tenentes congregationem Ioannis, & Gregorij facere, vniuersale concilium, nec repræsentare Ecclesiâ Catholicam, & noluerunt se vnire illi, nisi prius iuxta compacta in Narbona, cum Sigismundo Imperatore, noua fieret per eos, apud quos veram esse arbitrabantur Ecclesiâ, conuocatio, sicut, & factum est.

Non desunt etiam qui asserant, quòd non omnes illius primæ concretionis consenserint illi decreto. Nec ipse Ioannes Vigessimus tertius, qui se clam subdlexerat primum adhibuit consensum, vel auctoritatem suam. Dicitur enim fuisse conquestus post abscissum suum aliqua esse decreta erronea, & falsa, aduersus auctoritatem Romani Pontificis. Præterea ipsa tota synodus ex tribus partibus in vnum consentiens, & congregata, videtur statutis suis significasse decretum illud nunquam in mentem suam incidisse. Primò id apparet ex eo quod in seſſione quadagesima sacrosancta synodus Constantiensis statuit, & decreuit, quòd futurus Romanus Pontifex per Dei gratiam de proximo assumendus, cum hoc sacro Concilio, & deputandis per singulas nationes, debeat reformare Ecclesiâ in capite Romanæ curiæ, secundum æquitatem, & bonum regimen Ecclesiæ. Et articulo decimo tertio, propter quæ, & quomodo Papa posset corrigi, vel deponi. Ecce quòd datur intelligi satis apertè, quòd synodus adhuc determinandum reliquit, quibus causis, & quali modo Papa posset corrigi, vel deponi. Addeponi. Adde quòd Concilium, electo Martino, petijt ab eo confirmationem decretorum, suo-

suorum, iuxta morem antiquum obseruari consuetum in concilijs. Præterea in literis condemnationis errorum Ioannis Wyclæf. & Ioannis Hus hoc manifestè apparet, in quibus Martinus approbante, & consentiente Concilio, damnat certos articulos, quorum vnus: Quòd Petrus non est, nec fuit caput Ecclesiæ catholicæ. Alius articulus est, de quo mandat præfatus Dominus Martinus Prælati, & Inquisitoribus fidei vt inquirant suspectos de præfatis erroribus, & querant ab eis vtrum credant, quòd Papa canonicè electus, sit successor beati Petri habens auctoritatem supremam in Ecclesia Dei.

Hic vides approbante, & consentiente Concilio, determinari errorem esse, quòd Papa canonicè electus non habeat supremam potestatem in Ecclesia, quod non stat simul cum eo, quòd Concilium sit superius Papa, & quamuis vacante Sede summa potestas sit apud Concilium, si sit alicubi legitime congregatum: sicut erat Constantiæ ante electionem Martinianam facta canonica electione iam potestas suprema est apud electum, id quod vindicat ipse tenor literarum ante electionem, & post expeditarum. Ante enim fiebant nomine Concilij, hoc modo: Sacrosancta synodus, &c. Electo viro Martino, fiebant nomine Martini, sic: Martinus Episcopus, &c. sacro approbante, & consentiente concilio.

Si igitur placet concilij Constantiensis auctoritas, maior vtique fuit in fine, quam in principio: & cum esset Concilium omnino plenarium, quàm quando solus partialis erat, & hic aperte asserit Papam Canonicè electum, habere supremam potestatem in Ecclesia: & hoc decernit Pontifex consentiente, & approbante Concilio: quod decretum quamuis (vt declaratum est) non repugnet priori, tamen maioris est roboris, & si priori repugnaret, ei magis standum esset.

Item esto, quòd in sancto Concilio Constantensi in vno, aut altero articulo, aliqua obscuritate veritas latuisset, etiam circa pertinencia ad fidem, vel sacramenta: non propterea in reliquis amitteret honorem, & auctoritatem. Non enim omnis deuiatio à veritate detrahât erranti auctoritatem, maximè quando erratur retenta charitate, & humilitate. Vnde secundò de Baptismo contra Donatistas, inquit Augustinus. Ideò plerumque doctioribus, minùs aliquid reuelatur, vt eorum patiens, & humilis charitas, in qua fructus maior est, comprobetur, vel quomodo teneant vnitatem, cum in rebus obscurioribus diuersa sentiunt, vel quomodo accipiant veritatem, cum contra id, quòd sentiebant, declaratum esse cognoscunt, & infra: Homines enim sumus. Vnde aliquid aliter sapere, quam res se habet, humana temperatio est. Nimis autem amando sententiam suam, vel inuidendo melioribus, vsque ad præsidendam communionis, & condendi schismatis, vel hæresis sacrilegium peruenire: diabolica præsumptio est: In nullo autem aliter sapere, quam res se habet, angelica perfectio est, quia itaque homines sumus, sed spe angeli sumus, quibus æquales in resurrectione futuri sumus: quamdiu perfectionem Angeli non habemus: præsumptione diaboli non habeamus. Hæc ille,

Communis sententia est, in his quæ fidei sunt, omnibus ad salutem necessaria vniuersale Concilium errare non posse, quam credo veram esse, maximè quando concilium debito modo procedit, propter promissionem Christi, Matth. 18. Vbi duo vel tres consenserint, &c. & Iacobi primo: Si quis indiget sapientia, postulet à Deo, qui dat omnibus assuetum, & Matthæi vltimo: Ecce ego vobiscum sum, & primæ Ioannis 4. Vñctio docet vos de omnibus. Et tamen in rebus fidei vel sacramentorum obscurioribus, aut ante tempus reuelationis, vel declarationis factæ, generale Concilium errare posse, patet ex August. secundo de baptismo cap. 3. dicente. Quis autem nesciat sanctam Scripturam Canonicam tam veteris, quàm noui testamenti, certis suis terminis contineri, eamque omnibus posterioribus Episcoporum literis ita præponi, vt de illa omnino dubitari, & disceptari non possit, vtrum verum vel vtrum rectum sit, quicquid in ea scriptum esse constiterit. Episcoporum autem literas, quæ post confirmationem canonem, vel scriptæ sunt, vel scribuntur, & per sermonem fortè sapientiorum cuiuslibet in ea re peritioris, & aliorum Episcoporum grauiorem auctoritatem, doctorumque prudentiam, & per Concilia licere reprehendi, si quid in eis fortè à veritate deuiatum est. Et ipsa Concilia, quæ per singulas regiones, vel prouincias fiunt, plenariorum Conciliorum auctoritati, quæ sunt ex vniuerso Orbe Christiano, sine vllis ambagibus cedere: ipsaque plenaria sæpè priora posterioribus emendari, cum aliquo experimento rerum, aperitur quod clausum erat: & cognoscitur quod latebat, sine vllò typo sacrilegæ superbiz, sine vlla inflata ceruicæ arrogantiz, sine vlla contentione liuidæ inuidiz, cum sancta humilitate, cum pace catholica, cum charitate Christiana. Hæc ille.

Similia dicit secundò, & tertio de Trinitate, & in epistola ad Vincentium Donatistam, Hic vides Episcoporum literas, per sapientiorum, aut peritiorum sermonem licet reprehendi, aut per Concilia, si quid à veritate dauiatum sit, vbi cæteris paribus maior est auctoritas Concilij, quàm vnus hominis, & Concilij plenarij, quàm prouincialis. Et quod in plenarijs concilijs sæpè priora posterioribus emendantur, & retinent tamen auctoritatem suam in alijs. Si enim Cyprianus vel Hilarius auctoritatem, & honorem suum non perdidit, qui tamen in aliquo errauit, quod per posteriores deprehensum est, quanto magis concilium, aut particulare, aut vniuersale, sua auctoritate priuari non debet, licet deprehendatur in aliquo articulo deuiasse à veritate.

Ex quibus concludo, Martinum malè dicere, cum ait: Via nobis facta est eneruandi auctoritatem Conciliorum, & liberè contradicendi eorum gestis, ac iudicandi eorum decreta. Nam, vt dicunt, si in vno articulo errasse deprehenditur, iam et ora eius vacillat auctoritas, &c. Id non ita esse, patet ex dictis. Licet enim iuxta Aug. 3. de baptismo, capite 4. fieri possit, vt in obliquissima questione, verius pluribus vnus, paucius sentiant, sed non faciliè pro vno, vel pro paucis aduersus ciuilem religionem, & vnicaris viros, & magno inge-

ingenio, & vberi doctrina præditos, nisi pertrahatis pro viribus, atque perfectis rebus ferenda sententia est. Quod autem dicitur, si in vno articulo errauerit, tota vacillat auctoritas, intelligendum est de scripturis diuinis, per homines spiritu sancto inspiratos, nobis traditis. Hæc enim sunt in summo culmine auctoritatis, quia auctorem habent, qui nec falli, nec fallere potest: idcirco si in illis aliquid falsi à primo auctore scriptum esse dicatur: consequenter fateri necesse erit, eas non totas à diuina pendere auctoritate: & ita earum vacillat auctoritas, non quidem ut nulla sit, sed ut neque diuina, neque summa dici possit. Sic accipiendum est quod dicit Augustinus in epistola ad Hieronymum. Quod si ad scripturas sacras admissa fuerint, vel officiosa mendacia, quid eis remanebit auctoritatis? quæ tandem de scripturis illis sententia proferetur, cuius pondere contentiose falsitatis obleretur improbitas?

Hic vides non omnem tolli auctoritatem cuiuslibet scripturæ, ex eo quod in ea forte aliquid erratum sit, sed eam solam, cui cedere compellatur, etiam pertinax, & improbus, vel contentiosus, quæ solius canonicæ scripturæ est. Neque hæc dico quod credam Concilium Constantiense circa articulum potestatis Papæ, aut Concilij, errasse, aut non rectè determinasse, sed quod etiam si vno, aut alio articulo deprehenderetur à veritate deuiasse: non propterea deberet in alijs sua auctoritate priuari.

Contra prædicta obijciunt, communis animi conceptio est omne totum esse maius sua parte, sed Ecclesia dicit quoddam totum: Papa autem non est tota Ecclesia, sed pars eius, ergo sequitur quod Ecclesia est maior, & superior auctoritate, & potestate, ipso Papæ, & per consequens ipsum generale Concilium, quod Ecclesiam vniuersalem representat.

Dico primò, quod hæc non est communis animi conceptio intelligendum vniuersaliter de quocunque toto, sed solum de toto integrali, non autem de toto potentiali, ut rectè dicit Thomas tertia distinctione prima, loquens de partibus imaginis, vbi dicit, hoc verum est de totalitate quantitatis dimensionum vel numeralis, quæ eiusdem rationis sunt: & non de totalitate quantitatis virtualis. Et si ratio absolute coccideret, probaretur quod Christus esset potestate minor ipsa Ecclesia, quia Christus esset membrum Ecclesiæ, ut inquit Aug. pluribus locis: quod tamen est falsum, ad Ephesinos primò, Omnia subiecit sub pedibus eius, & ipsum dedit caput super omnem Ecclesiam, quæ est corpus ipsius, & ad Ephesios, quinto, Christus caput est Ecclesiæ, ipse saluator corporis eius, & sequitur, Ecclesia subiecta est Christo.

Secundò, dico quod argumentum nihil aliud concludit, nisi quod tota Ecclesia est maior, quam aliqua pars eius, sic ut Papæ cum omnibus alijs aliquid maius sit, quam aliqua pars totius congregationis, cum quæ stat quod rector congregationis secundum aliquid, maior sit tota residua parte sicut dux reliquo exercitu potestate regendi maior est: & paterfamilias potestate excedit reliquas omnes partes domus. Non igitur valet con-

sequentia, Papa est membrum Ecclesiæ, ergo potestate iurisdictionis non est maior toto residuo corpore Ecclesiæ. Quod etiam patet exemplariter in corpore naturali, quia caput est membrum corporis, & nihilominus maius virtute sensitiua toto residuo corpore, cum in eo sit plenitudo sensuum, in alijs autem sit solus sensus radus. Vnde Ambrosius lib. 6. in Hexamero, cap. 29. inquit. Caput supra reliquos artus nostri corporis cernimus eminerere, præstantissimumque esse omnium: & ex illo omnibus membris vigorem prudentiamque deferri: quamuis igitur non sit dubitandum, quin Ecclesia sit maior, quam Papa, putà perfectione gratiæ, & amplitudine virtutum, quoniam vna muliercula potest hoc modo maior, & perfectior esse, quam Papa, tamen potestate iurisdictionis, de qua sermo est, vnus peccator potest esse maior multis iustis. Et Papa maior toto residuo Ecclesiæ corpore. In gratijs enim gratis datis nihil prohibet vnum membrum corporis præcellere omnia reliqua, ad Romanos 12. In vno corpore multa membra habemus: omnia autem membra non eundem actum habent, & infra: Singuli autem alter alterius membra, habentes donationes, secundum gratiam, quæ data est nobis differentes, siue prophetiam secundum rationem fidei, siue ministerium in ministrando, siue qui docet in doctrina. Bene enim stat, quod aliquod membrum Ecclesiæ in donatione sibi facta, excedat (ut dictum est) omnia reliqua, ut Propheta omnes alios, vel doctor omnes alios excedere; ita minister Ecclesiasticus potest in potestate administrationis, & iurisdictionis, omnes alios superare.

C A P. V.

Continens testimonia veterum, de primatu Petri, & Ecclesiæ Romanæ.

Hirenus libro tertio contra hæreticos, inter cætera sic inquit. Quoniam valde longum in hoc tali volumine, omnium Ecclesiarum enumerare successiones, maximè, & antiquissimæ, & omnibus cognita à gloriosissimis duobus Apostolis Petro, & Paulo Romæ fundatæ, & constitutæ Ecclesiæ, eam quam habet ab Apostolis traditionem, & annunciatâ hominibus fidem per successionem Episcoporum peruenientem vsque ad nos, confundimus omnes eos, qui quoquo modo, vel per philautiam, vel vanam gloriam, vel per cæcitatem, & sententiam malam, præterquam oportet, colligunt ad hanc enim Ecclesiam propter potentiorum principatatem, necesse est omnem cõueniri Ecclesiam: hoc est eos, qui sunt vndique fideles. In qua semper ab his qui sunt vndique conseruata est ea, quæ est ab Apostolis traditio. Deinde enumerat successores Episcopos, vsque ad sua tempora: hoc ordine Linus, Anacleus Clemens, Euaristus, Alexander, Sixtus, Telesphorus, Eginus, Pius, Anicetus, Soter, Eleutherius. Tertullianus libro de præscriptionibus hæreticorum, de Petro sic loquitur. Latuit aliquid Petrum ædificandæ Ecclesiæ petram

petram dictum, clauēs regni cælorum concessurum, & soluendi, & alligandi in cælis, & in terris potestatem. Idem libro quarto aduersus Martionem, loquens de mutatione nominis, inquit: Mutat, & Petro nomen, de Simone: quia & creator Abraham, & Sara, & Iosue nomina reformauit, hunc vocando Iesum, illis syllabas adiungendo: sed cur Petrum, si ob vigorem fidei, multæ materiæ solidæque nomen de suo accommodarent, an quia, & Petra, & lapis Christus? Siquidem, & legimus positum eum in lapidem offendiculi, in petram scandali. Omitto cætera. Itaque affectauit charissimo discipulorum de figuris suis peculiariter nomen communicare. Idem libro de præscriptionibus hæreticorum, post commemoratas alias Apostolicas Ecclesias de Romana subdit, Si autem Italiam adieceris, habes Romanam, vnde nobis quoque auctoritas præstò est statuta. Felix Ecclesia, cui totam doctrinam Apostoli cum sanguine suo profuderunt, vbi Petrus passioni Dominicæ adæquatur, vbi Paulus Ioannis exitu coronatur, vbi Apostolus Ioannes posteaquam in oleum ignem demersus, nihil passus est, in insulam relegatur. Cyprianus tractatu de simplicitate Prælatorum, vel de vnitatē Ecclesiæ, inquit. Loquitur Dominus ad Petrum. Ego dico (inquit) quia tu es Petrus, & super istam petram ædificabo Ecclesiam meam, & portæ inferorum non vincunt eam: tibi dabo clauēs regni cælorum: & quæ ligaueris super terram erunt ligata, & in cælis, & quæcumque solueris super terram erunt soluta & in cælis. Et eidem post resurrectionem dicit: Pasce oues meas.

Et quamuis omnibus Apostolis post resurrectionem suam parem potestatem tribuat, & dicat. Sicut misit me pater, & ego mitto vos, accipite Spiritum sanctum, si cui remiseritis peccata, remittentur illi: si cui tenueritis, tenebuntur. Tamen vt vnitatem manifestaret, vnitatis eiusdem originem ab vno incipientem, sua auctoritate disposuit, hoc erant vtiq; & cæteri Apostoli, quod fuit Petrus, pari consorcio præditi, & honoris, & potestatis, sed exordium ab vnitatē proficiscitur, vt Ecclesia vna monstretur. Christus ante passionem, & resurrectionem bis legitur promississe. Semel Petro, Matthæi 16. Secundò, Petro cum alijs, eiusdem 18. Et post resurrectionem bis legitur donasse potestatem, & auctoritatem. Primò, Ioannis 30. dicens omnibus Apostolis communiter. Sicut misit me pater, & ego mitto vos, quorū remiseritis, &c. Deinde Ioannis vltimò, Petrum singulariter præfecit, dicendo, Pasce oues meas. Et hunc ordinem designat Cyprianus intendens primum sine discrimine potestatem, & auctoritatem apostolicam, omnes Apostolos à Christo æqualiter accepisse: & postmodum Petrum cæteris præfuisse tum cum dicitur. Pasce oues meas, hoc enim aperte indicant verba Cypriani dicentis. Tamen vt vnitatem manifestaret, vnitatis eiusdem originem ab vno incipientem sua auctoritate disposuit. Et ne quis in dubium reuocet an de Christo, an verò de Petro intelligat, addit, hoc erant vtiq; &c. Intendens alios Apostolos non quidem honore, & potestate prius acceptis à Christo esse spoliatos, aut diminutos, sed

vni Petro subiectos, atque hoc idè fecisse Christum dicit Cyprianus, vt Ecclesiæ vnitatem demonstraret: imò, vt verbis Cypriani vtar, vt vnitatem, & eius originem ab vno incipientem, sua auctoritate disponeret. Igitur Apostolos vni Petro, quo ad regimen, iurisdictionem, & administrationem, subiecit. & hoc fecit propter vnitatem Ecclesiæ vnde consequenter declarat, non fuisse factis Christo pro suæ Ecclesiæ vnitatē, quòd credentium in ipsum multitudo, aut vniuersi, vel singuli credentes, ipsi Christo ita immediate subessent, & ad ipsum referrentur, tamquam ad caput, pastorem, & rectorem, sed voluit eos vniri inter se, sub vno Pastore, seruo Christi. Ex quo vterius declarat quòd cum ciuitatem tribus modis contingat vnam esse, atque permanere, & bene regi, quando videlicet summa potestas est apud multitudinem, aut apud optimates, aut apud vnum commune ciuitatis bonum curantem, Christus Ecclesiam suam vnam esse nolit, primo modo tantum, aut secundo, sed potius tertio, aut saltem ex tribus temperato. Subiecit enim orbem terrarum senatui apostolico, Apostolorum verò senatum Petro, hoc modo super Petrum ædificans Ecclesiam suam. Quoniam autem Ecclesia in finem vsq; sæculi eadem perseuerat, Apostoli autem, præacto vitæ præsentis cursu quieuerunt. Hinc est quòd auctoritas senatus Apostolorum ad collegium deuoluta est episcoporum, Petri verò pastoralis auctoritas ad successores vsque ad præsentem Clementis Septimi Episcopatum continuata, vt totius Ecclesiæ vnus sit quodammodo episcopatus, cuius, vt idem Cyprianus inquit, à singulis episcopis in solidum pars tenetur.

Est igitur Petrus origo sacerdotalis auctoritatis, & Ecclesiastici principatus, cui vnitatis ecclesiasticæ non tantum in fieri, sicut Adam, & Noe carnalis omnium hominum generationis, hic à diluuiò, ille ab solute, sed etiam in conseruari, & permanere: quia Petri auctoritas ad successorem transiit, sicut regni potestas rege mortuo transiit ad heredem. Et fortasse propter hæc Cyprianus Ecclesiæ exordium à Petro incipiens, comparat origini riui à fonte, & radij à sole. Prior modus originis ab vno, ad vnitatem ciuitatis non satis est alioqui omnes mundi ciuitates præfentes, & præteritæ essent vna ciuitas, aut numero, aut specie. Ciuitatem enim vnam, vel non vnam, efficit vna, vel diuersa habitudo ciuium, ad vnum principale magistratum.

Neque supradictis obstat, quòd Cyprianus Cornelium Papam, & successores eius, Lucium, Fabianum, Stephanum fratres vocat, vel collegas. Omnes enim Episcopi fratres sunt, & omnes de collegio collegæ sunt, sed non propter hæc regimine pares sunt, sicut Petrus pars fuit collegij, & Apostolorum collega, & eorum coepiscopus, & tamen pastor eorum, & Prælatus. Vnde idem Cyprianus libro 4. epistola 8. quæ est ad Cornelium Papam, sedem Romanam Ecclesiæ catholicæ matricem, & radicem appellat. Et Hieronymus ad Damasum Papam, in Epistola, quæ incipit: Vetus oriens nris preconijs Petri cathedram effert, & Damasum in ea sedentem alijs præfert, in quâ nihilominus Ægypti Episcopos

Damasi collegas appellat. Et Ambrosius epistola 78. Ecclesie Romane sacerdotem, fratrem appellat, quem tamen honore, & auctoritate longe ceteris anteponit. Et evidentiuss epistola sequenti ad Syricum Papam. Item Hilarius supra Mattheum canone decimofexto tractans verba Domini ad Petrum, inquit. Et dignum plane confessio Petri premium, consecuta est: quia Dei filium in homine vidisset, beatus hic est, ut ultra humanum oculos etiam intendisse, & vidisse laudatus est, non id quod ex carne, & sanguine erat continens, sed Dei filium celestis patris revelatione conspicimus, dignusque iudicatus, qui, quod in Christo Dei esset, primus cognosceret. O in nuncupatione nominis felix Ecclesie fundamentum, dignaque edificatione illius petra, quae infernas leges, & tartari portas, & omnia mortis claustra dissolveret. O beatus celi ianitor, cuius arbitrio claves aeterni aditus traduntur, cuius terrestri iudicium praedicatorum auctoritas sit in celo, ut quae in terris aut ligata sint, aut soluta, statuti eiusdem conditionem obtineant, & in celo.

Hieronymus pluribus locis primatui Romani Pontificis aeternatur, & saepe dicit Ecclesiam supra Petrum edificatam, & praecipue in duabus epistolis ad Damasum, & in explanatione fidei, ut ex supra dictis clarum est; sed evidenter mentem suam ostendit, scribens adversus Iovinianum libro primo. Cum enim partes virginis adversus conjugatam suscepisset, & conveniencia causa vndique colligeret, tandem obiecit sibi, ad dicis, super Petrum edificatur Ecclesia, Respondit. Propterea inter duodecim vnum eligi, ut capite constituto, schismatis occasio tollatur, & rationem reddat, cur Ioannes virgo electus non sit, quia Petrus senior erat, ne adhuc adolescens, ac penes puer, progressus aetatis hominibus praeretur, quae utique ratione nihil opus esset, si omnibus modis omnium Apostolorum inter se esset aequalitas. Est igitur (ut dixi) in catholicorum doctorum scriptis, electionis circumstantia diligenter attendenda, ut iuxta Hyalarium ratio dicti ex dicendi causis assumatur, quod, & Augustinus notat primo retractationum, & in epistola ad Valentinum per hoc ostendens, ea quae dixit de natura, & libero arbitrio, adversus Manichaeos scribens, nihil adiuuare partes Pelagianorum, qui naturam adversus gratiam defendunt, & e diverso, ea quae de gratia scripsit contra Pelagianos, non suffragari Manichaeis, creaturam Dei damnantibus, sed quod ex utriusque collatis plena veritas appareat. Eadem regula sequenda est in Hieronymi scriptis, tum in alijs materijs, tum in ea, quae praemanibus est. Nam iuxta causa dicendi, in epistola ad Euagrium, & in commentarijs epistolae ad Titum, & considerato totius dictionis filo, nihil comperietur repugnans alijs suis scriptis, ut supra laetius paruit, si tamen sibi alicubi de hac materia repugnet, praesens locus esset acceptandus tamquam maxime mentem eius explicans. Ambrosius in libro de Isaac, capite tertio, Petro dicenti quod vadis, respondit verbum Dei, non potes me sequi modo: sequeris autem postea: claves autem commiserat regni caelorum, & sequendo imparem iudicavit.

Idem in epistolam ad Galathas, quibus auferret Petro primo Apostolo, cui claves regni caelorum Dominus dedit, resistere? nisi alius talis, qui fiducia electionis suae sciens se non imparem constanter improbare, quo ille sine consilio fecerat?

Idem sermone 47. Fidelior enim factus est, postquam fidem se perdidisset deservit, atque ideo maiorem gratiam reperit quam amisit. Tamquam bonus enim pastor tuendum gregem accepit, ut qui sibi ante infirmus fuerat, fieret omnibus firmamentum, & qui ipse interrogationis tentatione nuntiaverat, ceteros fidei stabilitate fundaret: deinde pro soliditate devotioris ecclesiarum petra dicitur, sicut ait Dominus: Tu es Petrus, & super hanc petram edificabo Ecclesiam meam. Petra enim dicitur, eo quod primus in nationibus, fidei fundamenta posuerit, & tamquam saxum immobile totius operis Christiani compagem, nolumque contineat. Petra ergo pro devotione Petrus dicitur, & Petra pro virtute Dominus nuncupatur. Sicut ait Apostolus: Bibebant autem de spiritali consequenti eos petra, petra autem erat Christus. Recte consortium meretur, & operis. In eadem enim domo Petri fundamentum posuit Petrus plantat, Dominus incrementum dat, Dominus irriguum subministrat.

Ut noverimus haec dicta esse, non de petri solius persona, sed & successorum Romanorum episcoporum, facit, quod idem Ambrosius prima ad Timotheum 3. in verbo, ut scias quemadmodum oporteat te in domo Dei conuersari, inquit: Cum totus mundus, Dei sit Ecclesia, tamen domus eius dicitur, cuius hodie rector est Damasus. Haec ille. Ecclesiam utique regebat Ambrosius, & ceteri Episcopi, sed Damasus rector erat vniuersalis Ecclesiae, Ambrosius autem, & ceteri, in partem sollicitudinis assumpti.

Idem epistola 78. quod ab arbitris datus a Concilio Capiensi pro terminanda discordia inter Euagrium, & Flavianum, decretum fuerit, censet referendum esse ad episcopum Romanum ijs verbis: Sanè referendum arbitramur ad sanctum fratrem nostrum Romanum sacerdotem Ecclesiae, quoniam praesumus ea te iudicaturum, quae etiam illi displicere nequeant, ita enim utile erit consultum sententiae, ita pacis, & quietis securitas, si id vestro statuatur consilio, quod communioni nostrae disensionem non afferat, ut nos quoque accepta nostrorum serie statutorum, cum id gestum esse cognouerimus, quod Ecclesia Romana haud dubie comprobauerit, laeti fructum huiusmodi examinis adipiscamur. Augustinus, Apostolicæ sedis Episcopum, & Beati Petri successorem, omnibus alijs orbis Episcopis anteponit, ut patet ex epistolis scriptis ad Papam Innocentium, de actis Conciliorum Mileuitani, & Carthaginensis, sed & ex alijs pluribus locis, ut capitulo primo libri primi, ad Bonifacium Papam, ubi dicit Romanum Episcopum alijs Episcopis altius praefidere, quodque licet omnibus Episcopis communis sit specula pastoralis, tamen Romanus in ea praemineat celsiori fastigio. Et lib. 1. adversus Iulianum, citatis adversus dogma Pelagianum Orientis, & Occidentis, Graecis, & Latini pluribus

Episcopis; eisdem annumerans Innocentium Papam, ad propositum addit. Cum is etiam consideret, & si posterior tempore, prior loco.

Idem contra Faustum lib. 22. cap. 70. post alia, infert: Quid ergo incongruum, si Petrus post hoc peccatum, factus est Pastor Ecclesie, sicut Moyses post percussum Ægyptiū factus est Rex & illius Synagoge. Et quod Augustinus officium pastorale Petri transfusum intelligit ad successores, patet ex ante allegatis, ex epistola ad Generosum, & ex lib. contra epistolam fundamenti, ca. 4. Nam illic inter ea, quæ ipsum in Catholica Ecclesia tenebant, ponit successionem Episcoporum in sede Petri, sibi succedentium, ijs verbis: Tenet (inquit) ab ipsa sede Petri Apostoli, cui pascendas oues suas post resurrectionem Dominus commendauit, vsque ad præsentem episcopatum, successio sacerdotum.

Idem in fine libri de uilitate credendi, inquit, dubitamus nos eius Ecclesie condere gremio, quæ vsque ad confessionem generis humani ab Apostolica sede per successiones Episcoporum, frustra hæreticis circumlatrantibus, & partim plæbis ipsius indicio, partim conciliorum grauitate, partim etiam miraculorum maiestate damnatis, clumen, auctoritatis obtrinit.

Idem in Psalmo, aduersus partem Donati, dicit inter cætera: Num erate sacerdotes, ubi ab ipsa Petri sede. Et in ordine patrum, quis cui successit, videre. Ipsa est petra, quam non vincunt superbi inferorum porte. Idem lib. 2. contra secundam epistolam Gaudenti. cap. 23. Numquid melior Rastus, quam Petrus Apostolus, qui ubi dixit, Tu es Christus filius Dei uiui, tam beatus à Domino appellatus est, ut clauis regni cælorum accipere mereretur, nec tamen creditur imitandus, vbi mox eodem momento reprehensus audiuit, [Vade post me Satana, &c.] Ex his omnibus manifestum fit beatum Augustinum sensisse Romanum Episcopum, Petri successorem alijs orbis Episcopis prælatum, in dignitate, præminencia, & auctoritate, atque cura pastoralis, tamquam eum, cui à Christo vniuersalis Ecclesia regenda commissa sit.

Et quæ alibi dicitur non contra ista, sed secundum ista esse accipienda, ut ex utrisque testimonijs inter se collatis, plena veritas de hac materia accipiarur. Nam ne quis diceret, quæ Dominus ad Petrum dicit, ita referri debere ad Ecclesiam, ut nihil ampliùs ipsi Petro, quam alijs Apostolis tribuerent, contradicunt allegata testimonia. Ex altera verò parte, ne quis dicere possit dictas Petri prærogatiuas eius personam non excedere, ad alios Apostolos, & Ecclesie Prælatos, atque ad successores in Ecclesia vsque in finem mundi duratura non transire, vel extendi, contradicunt ea, quæ idem Augustinus dicit alijs locis, ut in Psalmum centesimum octauum, circa principium. Sicut quædam dicuntur, quæ ad Apostolum Petrum propriè pertinere videantur, nec tamen habent illiorem intellectum, nisi cum referuntur ad Ecclesiam, cuius ille cognoscitur in figura gestasse personam, propter primatum, quem in discipulis habuit, sicuti est, [Tibi dabo clauis Regni Cælorum, & si quæ huiusmodi. In-

Tom. XIII.

rendit Augustinus hoc loco similitudinem, ponere inter Petrum, & Iudam, in hoc quod sicut, quæ de Iuda in hoc Psalmo propriè prædicuntur, conueniunt Iudæis, inimicis Christi, qui & tunc oderant Christum, & nunc per successionem perseverant genere, ipsius impietatis odorem, figuratiuè, & mysticè per similitudinem, vel proportionem transferendo, id quod de vno malo dictum est, ad collectionem, suè corpus malorum, ita quæ propriè dicuntur ipsi Petro mysticè, & figuratiuè, referantur ad Ecclesiam, suè ad corpus bonorum. Ita ut de Iuda, vel Petro, Psalmus, vel Euangelium loquatur in dictis locis secundum historiam, & primum ac literalem sensum: de corpore verò bonorum, vel malorum secundum sensum mysticum, & figuratiuum. Vnde illic dicit Augustinus. Evidenter apparere de Christi traditore Iuda prophetatum esse. Fiant dies eius pauci, & episcoporum eius accipiat alter, quod tamen secundum mysticum intellectum rectè de malorum multitudine per Iudam significatorum, prophetatum intelligitur. Similiter de Petro, & ad Petrum à Christo propriè dicta: rectè accipiuntur dicta ipsi Ecclesie, & corpori bonorum secundum mysticum intellectum, quæ Augustinus non dicit veriorum, sed illustriorum, suè clariorem, & magis perspicuum, id quod solet euenire, ubi cumque aliquis scripserit locus præter primum sensum, qui literalis dicitur, alium habet spirituale, & mysticum. Similiter contra prædicta non faciunt, quæ idem Augustinus scribit lib. de verbis Domini, in Euangelio secundum Matth. ferm. 13. tractans illum locum Matthæi 16. [Tu es Christus filius Dei uiui, &c.] Quod ut lucidius pateat, Augustinus verba subiicio. Qui tu dixisti mihi. Tu es Christus filius Dei uiui. Et ego dico tibi, Tu es Petrus, Symon quippe ante vocabatur, hoc autem nomen ei, ut Petrus appellaretur, à Domino impositum est; idque ut ea figura significaret Ecclesiam, quia enim Christus petra, Petrus populus Christianus. Petra enim principale nomen est, & ideo Petrus à petra, non petra à Petro: quo modo non à Christiano Christus, sed à Christo Christianus vocatur. Tu es ergo (inquit) Petrus, & super hanc petram, quam confessus es: super hanc petram, quam cognouisti, dicens: Tu es Christus filius Dei uiui, ædificabo Ecclesiam meam, id est, super meipsum filium Dei uiui ædificabo Ecclesiam meam, Super me ædificabo te, non me super te. Nam volentes homines ædificari super homines dicebant. Ego quidem sum Pauli, ego autem Apollo, ego verò Cephas, ipse est Petrus. Et alij qui volebant ædificari super Petrum, sed super petram, ego autem sum Christi. Apostolus autem Paulus, ubi cognouit se eligi, & Christum contemni, diuisus est (inquit) Christus. Numquid Paulus pro vobis Crucifixus est? Aut in nomine Pauli baptizati estis? Quo modo non in Pauli, sic nec in Petri, sed in nomine Christi, ut Petrus ædificaretur supra Petram, non petra super Petrum.

Hæc, inquam, sententia, quam alijs pluribus locis librorum suorum habet Augustinus, non est contraria eius, vel aliorum dictis, ubi habetur, quod Petrus sit Ecclesie fundamentum.

rum, aut quod Ecclesia sit super Petrum ædificata. Vt enim interim nihil dicamus de circumstantia textus, & germano sensu verborum, interrogemus ipsum Augustinum: Dic nobis beate Doctor Ecclesiæ, quid sentis de Cypriano, & alijs Orthodoxis? Non enim ignoras gloriosum Martyrem, quem optimo iure copiose laudasti, propter perseverantissimum amorem charitatis, & pacis. Non(inquam) ignoras eum pluries dicere, itaut vix aliter Petrum nominet, quin adiungat, super quem Christus ædificaturus erat Ecclesiam suam. An tibi videtur spem ponere in homine, aut hoc docere velle Fideles, vt ponant carneni brachium suum, aut persuadet Fidelibus, vt ædificent super homines, & non super Christum, & sic loquendo Christum contemnit, & Petrum eligit? An propterea docet in Petri nomine baptizare? Respondebis, non dubito te non id sentire de quocunque vero Catholico, & multo minus de beato Cypriano. Et quod ira sit responsurus Augustinus notum est, ex libro 1. retractationum cap. 21. In hoc libro, inquit, dixi quodam loco de Apostolo Petro, quod in eo, tamquam in petra fundata sit Ecclesia, qui sensus etiam cantatur ore multorum in versibus beatissimi Ambrosij, vbi de gallo gallinatio ait: [Hoc ipsa petra Ecclesia canente culpam diluit.] Deinde ponit alteram sententiam, & tandem concludit his verbis: [Harum autem duarum sententiarum vera sit probabilior, diiudicat Lector. Vnde idem Augustinus scribens in Psalmum 86. qui incipit: [Fundamenta eius in montibus sanctis.] dicit: [Vt noueritis, quia fundamentum Christus, & primum, & maximum.] Fundamentum, inquit Apostolus, nemo potest ponere, præter id, quod positum est, quod est Christus Iesus. Quomodo ergo fundamenta Prophetæ, aut Apostoli? Et quomodo fundamentum Christus Iesus, quo vltimus nihil est? Quomodo puramus, nisi quemadmodum aperit dicitur: Sanctus Sanctorum, sic figuratiue fundamentum fundamētōrū? Ex his sufficeret, vt arbitror, demonstratur, quæ sit mens Augustini in hac materia, quod videlicet homo non sit primum Ecclesiæ fundamentum. Nec mirum, si Petrus tale fundamentum non sit: quale nulla creatura esse potest, immo nec ipse Christus secundum humanam naturam, quod videlicet alia omnia portat, & sustinet, & a nullo sustinetur. Quod enim ad Hebræos 1. dicitur: [Portans omnia verbo virtutis sue, Christo secundum Diuinitatem conuenit, non secundum humanitatem.] Et nihilominus supra hoc primum fundamentum, alia esse fundamenta Fidelis non negabit, cum Scriptura dicat Apoc. 21. [Munis Ciuitatis habens fundamenta duodecim.] Et ad Ephes. 2. [Superædificati super fundamentum Apostolorum, & Prophetarum.] vbi & Christus dicitur summus lapis, & lapis angularis, non autem solus lapis. Et similiter dicitur Christus, Caput Ecclesiæ, & Pastor, & fundamentum.

Et quia ista dicuntur de Christo per similitudinem ad caput animalis in corpore naturali, & ad fundamentum domus, vel Templi materialis. Ideo notandum, quod duplex sit influxus capitis in membra, vnus intrinsecus,

prout scilicet virtus mortua, & sensitiua à capite ad cætera membra detraitur. Alius extrinsecus secundum quamdam exteriorem gubernationem, prout scilicet secundum visum, & alios sensus, qui in capite radicanter, dirigitur homo in exterioribus actibus. Intrinsecus influxus gratiæ non est ab aliquo, nisi à solo Christo, sed extrinsecus influxus in membra Ecclesiæ potest alijs continere, & secundum hoc, aliqui alij possunt dici capira Ecclesiæ, secundum illud Amos 6. Optimates capita populorum, differenter tamen à Christo. Primum quidem, quantum ad hoc, quod Christus est caput omnium eorum, qui ad Ecclesiam pertinent, secundum omnem locum, & tempus, & statum. Alij autem homines dicuntur capita, secundum specialia loca, sicut Episcopi suarum Ecclesiarum, vel etiam secundum determinatum tempus: sicut Papa est caput totius Ecclesiæ, pro tempore scilicet sui Pontificatus, & secundum determinatum statum, prout scilicet sunt in statu vioris. Alio modo, quia Christus est caput Ecclesiæ, propria virtute, & auctoritate. Alij verò dicuntur capita, in quantum vicem Christi gerunt, secundum illud, secundum ad Corinthios 2. Nam & quod donauit, si quid donauit propter vos in persona Christi. Et secundum illud secundum ad Corinthios 5. [Pro Christo legatione fungimur, tamquam Deo exhortante per nos.] Pariformiter dicendum est de fundamento, quod Christus sit fundamentum omnium, secundum omnem locum, omne tempus, & omnem statum. Alij verò homines vt Episcopi, secundum determinata loca, vel secundum determinatum tempus, & statum, vt Papa. Etiam Christus fundamentum est, Ecclesiam portans propria virtute, & auctoritate. Alij verò homines, virtute, & auctoritate Christi, tamquam eius ministri, legati, & dispensatores. Item Ecclesia quoad se totam, & quamlibet partem suam immediatè super Christum fundatur, quantum ad gratiam, & gloriam, quam Christus per seipsum creat, & conseruat: homines verò quoad ista nihil faciunt, præter ministerium, secundum illud 2. ad Corinth. 3. [Ego plantaui, Apollo rigauit, Deus autem incrementum.] dedit.] Vbi Augustinus: [Iam verò, quod sequitur, sed Deus incrementum dedit, non per illos, sed per seipsum facit, excedit hoc humanam humilitatem, excedit Angelicam sublimitatem: nec omnino pertinet, nisi ad agnicolam Trinitatem.] Et quia gratia, & gloria præcipua sunt Christi munera, in quæ omnia à Christo Ecclesiæ donata, vt fines, referuntur: hinc est, quod Augustinus in suis posterioribus tractatibus, vbi cumque loquitur de petra, fundamento, vel capite Ecclesiæ, ad illa respexit. Et vetum quidem dixit conuenienter loco, tempori, & personis, quia in Aphrica, quam penè totam occupauerat schisma Donatistarum, qui ministris Sacramentorum nimium tribuebant, dicentes, oportere Sacramenta Christi, & Ecclesiæ à Mundis, & Sanctis ministrari, & quod aliter Sacramenta essent inania, & vacua, atque iteranda. Vnde ab Hæreticis, vel à Catholicis, à quibus tamquam mundi ab immundis separati schisma fecerunt, baptizatos præsumebant rebaptizare.

De primatu Pontificis aduersus Lutherum . 269

Et eadem ratione coniunxit Augustinus duos locos Euangelij, vbi agitur de petra. Vnum Matthæi 7. vbi Saluator dicit: [Omnis ergo, qui audit verba mea hæc, & facit ea, assimilabitur viro sapienti, qui ædificauit domum suam supra petram.] Et Matthæi 16. [Tu es Petrus, & super hanc petram ædificabo Ecclesiam meam,] intendens vtroque loco, per petram intelligi Christum. Et quo-

niam illic capit Ecclesiam pro corpore Christi mystico, constante ex solis bonis, ideò non fundat illud corpus, nisi super Christum, vt ex dictis manifestum est, nec latet aliquem eruditum, & diligentem Lectorem Augustini. Aliorum posteriorum tempore, vel minoris auctoritatis dicta, breuitatis gratia omitto, quorum tamen nonnulla passim posita sunt, & allegata suis locis, per totum librum.





I A C O B I
S I M A N C Æ
P A C E N S I S E P I S C O P I .
D E C A T H O L I C I S I N S T I T U T I O N I B V S
L I B E R

*Ad præcauendas, & extirpandas hæreses admodum
necessarius.*

Iacobus Simancas, seu Septimanticensis, cognomen istud induit ab Oppido natali, quod Simanca populariter appellatur. Ius Civile, & Canonicum Salmanticæ per multos annos professus est, ex quo reddidit se aptum ad quasvis dignitates tum seculares, tum Ecclesiasticas. Ob quæ in Vallisoletano Prætorio factus Senator Regius, ibi non contentus seculari gubernatione, & mente plurium capaci scripsit, & ibi edidit in 8. Catholicas Institutiones aduersus hæreses, adhuc in habitu Senatoris iam Ecclesiasticus. Cum ergo Ecclesia plus suum, quam seculi considerasset, & ex factis aptissimum cognouisset, cum elegit Episcopum Pacensem, in quo munere totus, & Episcopalem dignitatem validè sustinuit, & Mundo plura opera dedit. Interrogatus post suam electionem vter meliùs esset in Episcopi munere aptus Theologus, an Iurisconsultus, nulla meræ hæsitacione respondit pro sua causa, nempe Episcopum longè præstantiorem esse Iurisperitum, quam Theologum; Scripsit de Episcopis, & Iurisperitis opusculum in 8. Antuerpiæ Plantin. Scripsit etiam librum, cui titulus, Praxis hæreseos, siue, Enchiridion Iudicum violatæ Religionis ad extirpandas hæres Theoricas, & praxim complectens, Venetijs 1569. 8. Item additis duobus opusculis Annotationibus in Zanchinum, cum Animaduersionibus in Campegius, & de dignitate Episcopali, Antuerpiæ 1573. 8. Venetijs 1573. 8. eleganti stylo, vt Aubertus Miræus, & phrasis ipsa testatur. Item de Republica Collectaneorum libri nouem Venet. 1569. & Antuerp. apud Plantin. 8. & Argentinx apud Zetzner in 8. 1609. Edidit etiam librum de rebus Criminalibus in eodem loco impressum. Tandem scripsit librum de Catholicis institutionibus ad omnes hæreses euertendas summe necessarium, quem Vallisoleti in 8. edidit Romæ tertia vice recusum, sic communi omnium utilitate comprobatum. Meminerunt huius Auctoris cum laude Aubertus Miræus, & Mathæus Koningius, Iosias Symlerus, qui Collectaneorum libros nouem eximiè laudat, dicitque collectos ex illustribus Theologis, Legumlatoribus, Iurisconsultis, Philosophis, Poetis, Historicis, alijsque bonorum artium peritis, Venetijs apud Bologninum 1560. in 4. In tertia cuius operis editione adiecti sunt ab Auctore plusquam mille loci memorabiles in 8. Antuerpiæ apud Plant. anno 1589. ex quo perspicuè apparet Auctorem præcipuam curam nauasse Iuri tum Canonico, tum Ciuili, cæterum & alias scientias siccò pede non transuadasse, vel fuisse non purum legistam, sed omni ornatum scientia. In libro ergo de Catholicis institutionibus Romæ edito in Aedibus Populi Romani Anno Iubilæi 1575. sexaginta sex titulos habemus. Primo, de Abiuratione, 2. de Absentibus, 3. de Absolutione, 4. de Accusationi-

tionibus, 5. de Aduocatis, 6. de Appellationibus, 7. de Apostatis, 8. de Blasphemis, 9. de Bonis Hæreticorum, 10. de Ceremonijs, 11. de Communicatione Hæreticorum vitanda, 12. de Concilijs, 13. de Confessis, 14. de Contumacibus, 15. de Credentibus, Defensoribus, Fautoribus, & Receptoribus, 16. de Custodia reorum, 17. de Defensionibus reorum, 18. de Defunctis, 19. de Denunciatione, 20. de Disputatione, 21. de Diuinatione, & reuelatione, 22. de Doctoribus Ecclesiæ, 23. de Dominis temporalibus, 24. de Ecclesiâ, 25. de Episcopis, 26. de Errore, & ignorantia, 27. de Excommunicatione, 28. de Fide Catholica, 29. de Filijs, & minoribus, 30. de Hæresi, 31. de Hæreticis, 32. de Idololatria, 33. de Imaginibus, 34. de Inquisitoribus Apostolicis, 35. de Iudæis, 36. de Iudicijs secularibus, 37. de Lamijs, 38. de Libris, 39. de Mahumetanis, 40. de Matrimonio, 41. de Ministris, & eorum officijs, 42. de Occultis, 43. de Officio receptoris, 44. de Ordine procedendi, 45. de Papa, 46. de Pœnis, 47. de Pœnitentibus, & conuersis, 48. de Pertinacibus, & impenitentibus, 49. de Prædicatoribus, 50. de Præsumptionibus, & suspicionibus, 51. de Probationibus, 52. de Procuratoribus, 53. de Promotore Fiscali, 54. de Propositionum qualitate, 55. de Protestatione, 56. de Purgatione canonica, 57. de Relapsis, 58. de Schismaticis, 59. de Scripturis Diuinis, 60. de Sententijs, 61. de Seruis, 62. de Sorilegis, 63. de Superstitionibus, 64. de Testibus, 65. de Tormentis, 66. de Vfuris.

T I T V L V S XLV.

D E P A P A.

S V M M A R I V M.

- 1 Papam Lutherani, & Sacramentarij conuicijs, & mendacijs primatu expellere conantur.
- 2 Pontifex Max. Christi Vicarius est sub Cælo.
- 3 Petri primatus ex pluribus locis Evangelicæ historia ostenditur.
- 4 Petri prærogatiue ex multis euangeliorum locis demonstrantur.
- 5 Petro plus eminentiæ datum est in actis Apostolorum, quam ceteris omnibus.
- 6 Pontificem Max. Petro successisse in Apostolica Sede apertissime ostenditur.
- 7 Pontificem Max. Petro successisse, probatur sumpta similitudine ab Ecclesiâ triumphante ad Militantem.
- 8 Pontificem Max. Petri successorem esse probatur sumpto argumento à synagoga ad Ecclesiâ.
- 9 Monarchia regimen omnium aliorum optimum est.
- 10 Pontificem Max. vnum esse debere, penes quem summa Ecclesiæ potestas sit, probatur, quia regimen Monarchia optimum est.
- 11 Ecclesiâ Catholicâ nullo modo consistere posset absque vno supremo capite, cum quo in terris communicaret.
- 12 Pontificem Max. vnum esse oportet in Ecclesiâ, aliter enim multa incommoda oriuntur.
- 13 Petro non tanquam piscatori & homini priuato, sed tanquam Apostolorum Principi, & Antistiti maximo, promissit Christus clauis Regni Cælorum.
- 14 Petro, non tanquam piscatori clauis Regni Cælorum relictas esse, probatur.
- 15 Lutherani, Sedis Apostolicæ, & Pontificis Max. auctoritatem, ac potestatem negant.
- 16 Pontificis Max. auctoritatem, & potestatem quomodo Lutherani elenare studeant.
- 17 Pontifices Max. à Lutheranorum conuicijs asservantur.
- 18 Pontificum Max. successio.
- 19 Pontifex Summus quomodo eligendus esset ab Ecclesiâ, etiam si Petrus nihil olim de successore promississet, aut hodie Cardinales omnes perijissent.
- 20 Pontifices Max. vt nunquam defecerunt à Fide Catholica, sic nunquam defecturos esse, multi sanctissimi viri docent.
- 21 Pontifices Max. semper in Fide Catholica permansisse, & permansuros, Synodi quamplurimæ testantur.
- 22 Pontifices Max. semper in Fide Catholica permansuros probatur ex verbis Christi.
- 23 Pontifices Max. semper in Fide Catholica permansuros probatur rationibus.
- 24 Pontificis Summi amplissima potestas, & quomodo ab eo inceptit, & pendeat Romanorum imperium.
- 25 Pontifex Max. in ordine ad finem spiritualem, amplissimam habet potestatem in omnes Principes orthodoxos.
- 26 Pontificis Max. hæc amplissima potestas, probatur rationibus.
- 27 Lutherus, Ecclesiarum, & Pontificum bona diripienda esse, impiissime docebat.
- 28 Pontificibus, & Episcopis necessarius est rerum externarum splendor, & affluentia.
- 29 Paupertas quantum imminuat auctoritatem Antistiti, & Presbyterorum.

- 30 *Paupertas neque ex se ipsa quidpiam habet magna commendatione dignum, neque vituperandum diuitiæ.*
- 31 *Diuitias, si cum sapientia coniunctæ sint, multi sapientes viri meritis laudant.*
- 32 *Quæstiones dubiæ de fide, quæ ad Papam referri debent, quando ab inferioribus Prælati decideri possunt.*
- 33 *Inquisitores Hispani, si scandalum timeatur ex qualitate, aut multitudine eorum, qui de heresi suspecti sunt, quid facere debeant.*
- 34 *Papa, si concedat rescriptum, seu priuilegium in præiudicium Officii sanctæ Inquisitionis, quomodo obtemperandum.*
- 35 *Papa, si hæreticus esset, quomodo obuiam ire oportet.*
- 36 *Papa nomen solus Romanus Pontifex retinuit.*



Voniam, Lutherani, & Sacramentarii, alijque huius temporis pestiferi Hæretici, Papam, Pontificem Maximum in ordinem cogere, ac primum expellere impijs conuicijs, mendacijs, cauillationibus, argumentis fallacibus, diuersijs sacrilegijs, & mille nocendi artibus, persæpe tentarunt, in dieque idipsum conari, & perpetrare non desinunt: sentientes nimirum, Petri gladium suis ceruicibus imminere: operæpretium me facturum putari, si pauca, quæ hanc hæresim euidentissimè confutant, breuiter à me, strictimque dicantur, in eorum præcipue gratiam, qui præter Bartholomæum, & Baldum nihil ferè legere solent: ne si casu in libros, aut Hæreticorum colloquia inciderint, turbati eos, aut hæsitare contingat.

- Constante igitur asserimus, & cum
2 Catholica Ecclesia constitemur, omnes Pontifices Max. rectè iustèque electos, Christi Vicarios esse sub Cælo, & legitimos Petri Apostolorum Principis successores, eosque habere summam in Ecclesia Catholica potestatem, quibus obtemperare in his, quæ ad fidem, & religionem pertinent, & in spiritualibus obedire tenemur, si modo ad ouile Christi pertinere uoluerimus, quæ veritas literis sacris, Conciliorum Canonibus, Patrum decretis, sanctorum Doctorum sententijs, & vnanimi orthodoxorum omnium, quotquot vnquam fuerunt, consensu, & Ecclesiæ vniuersalis traditionibus approbata, peruagata, tradita, & consecrata est, cap. omnes, 22. distinct.

- In primis ergo primatus Petri à nobis
3 asserendus est, quia ille fuit, vt verè dixit Eusebius primus Christi Vicarius, & Christianorum Pontifex. Ex pluribus autem locis euangelicæ historię primatus Petri ostenditur manifestè. Primò, ex Euangelio Matthæi, ubi Iesus dixit Petro: [Tu es Petrus, & super hanc Petram ædificabo Ecclesiam meam: & portæ inferi non præualebunt aduersus eam: & tibi dabo clauis Regni Cælorum: & quodcumque ligaueris super terram, erit ligatum & in Cælis: & quodcumque solueris super terram,

erit solutum & in Cælis.] Deinde, ex verbis illis à Ioanne relatis eadè veritas comprobatur, quibus Redemptor Mundi eidem Petro dixit: *Pasce agnos meos, pasce oues meas: ego orami pro te, ne deficiat fides tua: & tu aliquando conuersus, confirma fratres tuos.* Alij quoque Euangelistæ cæteris Apostolis Petrum præferre solent, ac multis prærogatiuis eum Prælatum esse offendunt. Sic à generalitate aliorum honoris gratia eximitur: sic pro eo census soluitur, sic ipse tanquam os Apostolorum sæpè Domino nostro solus respondit: sic Iesus eius nomen mutauit: sic solus Petrus ad Christum super aquas venit, & misit se in mare: alij autem Discipuli nauigio venerunt: sic alijs mandatur, vt laxent retia sua, & soli Petro dicitur, [Duc in altum.] Matth. 16. Ioann. vii.

- Præterea, Petrus autem alios Apostolos
4 fraternæ correctionis modum diligenter quæsiuit: & alibi ad Ecclesiæ Catholicæ vtilitatem, ipse solus Iesum interrogauit, dicens: [Ecce nos relinquimus omnia, & secuti sumus te, quid ergo erit nobis?] & imminente passionis tempore, soli Petro dixit Iesus: [Non potuisti vna hora vigilare mecum?] volens ostendere, Petrum præ cæteris ex commisso sibi officio vigilare debuisse. Et cum multi Discipulorum abissent retrò, & Iesus dixisset Apostolis: [Nunquid & vos vultis abire?] respondit ei Simon Petrus: [Domine, ad quem ibimus? verba vitæ æternæ habes, & nos credimus: & cognouimus, quia tu es Christus filius Dei.] Item Petrus amputauit Malchi auriculam, & vt inquit beatus Gregorius, Ipse tollit gladio spiritali aurem interiore malè intelligentis. Postremò, Iesus dixit Petro: [Sequere me,] quod non modo intellexit de genere martyrij, sed de ordine magisterij, vt ait Theophilus, & alij exponunt: [Sequere me,] scilicet, gerendo vices meas, & in officio pastoralis, & in martyrio. Quæ omnia ex ipsimet euangelijs Petri primatum non obscurè ostendunt.

- In actis quoque Apostolorum plus
5 eminentiæ datum est Petro, quàm cæteris omnibus, neque vllus fuit Apostolus, qui præsentibus reliquis tanta fecerit, quanta Petrus. Ille enim primatus officia exercuit in electione Mathiæ, & in concilio Apostolorum. Idem ipse in die Pentecostes, omnes Apostolos defendit: ipse locutus est in concilio repletus Spiritu sancto. Ananiam quoque & Saphiram solus Petrus sententia mortis damnauit: Simonem illum Magum ipse confudit, & quàm plurimos Iudæorum ad Christi fidem conuertit, multisque miraculis præ alijs omnibus clauit. Sed & Paulus ille diuinissimus Petri primatum agnouit, ascendens Hierosolymam, vt cum eo conferret Euangelium. Denique Petrus in fide ardentior em omnibus prestitit. Quas ob causas vniuersi sapientes Christiani Orbis semper & vbique Petrum Apostolorum Principem, & Christi Vicarium vno ore confessi sunt.

- Quod autem omnes Summi Pontifices
6 cæ Petro successerint in Apostolica Sede, cum

cum eadem auctoritate, & æquali potestate super vniuersum Orbem, non solum perspicuum est fundatissima Ecclesiæ Catholicæ traditione, sed vnanimi etiam Christianorum omnium sententia receptum, & probatum est. Hoc sanè multi gloriosi Martyres, atque Pontifices scriptis suis subinde testantur: hoc omnia iusta concilia fatentur: hoc omnes sanctissimi, & sapientissimi viri asserunt: hoc denique omnes Christi oues ab exordio nascentis Ecclesiæ semper cognouerunt. Ceterum vt cursum quosdam commemorem, qui scriptis suis hanc veritatem asserunt: quos mihi videre contigit, hi verè sunt: Clemens, Anacleus, Sixtus, Iulius, Anicius, Eleutherius, Zepherinus, Anterus, Fabianus, Marcellus, Melchisedech, & Cyprianus, Martyres, Pontificesque sanctissimi: item Polycarpus, Irenæus, Athanasius, Ambrosius, Hieronymus, Augustinus, Optatus, Cyrillus, Socrates, Anselmus, Bernardus, Thomas, & innumerabiles alij. Hoc idem in omnibus sacris Synodis, generalibus, Sacerdotalibus, & Prouincialibus sæpissimè confessi sunt Patres: hoc tandem antipodas ipsos, & eos omnes, qui in Prouincijs, Insulisque remotissimis sub Hispanorum ditione viuunt, hodie tenere, ac profiteri scimus. Hieronymus in epist. ad Damasum, & in epist. ad Theophilum, Chrysostom. epist. 11. ad Innocent. August. contra Donatistas epist. 162. & epist. 165. Cyprianus epistola 11. & epist. 13. lib. 3. Gratianus in Patrum decretis distinct. 17. cum seq. Athalaricus apud Cassiodorum lib. 8. variatum. Thomas contra errores Græcorum opusc. 1. Turcremata lib. 2. de Ecclesiâ cap. 48. cum seq. Armacanus lib. 7. de erroribus Armenorum. Aluarus Pelagius lib. 1. de Planctu Ecclesiæ arch. 60. Pomponius Letus in vita Galli. Alciatus in epist. inter claras, C. de Summa Trinit. Lindanus lib. 4. Panoplie. Euangelicæ, cap. 352. & deinceps. Canus lib. 6. de locis theologicis cap. 3. & ultimo. Cornelius Iansenius in concordiam euangelicam cap. 66.

7 Et quamuis argumenta humana debiliora sint, quàm vt in rebus fidei summæ ope eis niti oporteat, quia tamen ingenia nostra solidis rationibus plurimum delectantur: aliquas vrgentissimas, & vt Plato dicebat in Gorgia, ferreas, adamantinasque breuiter iam addere placuit, quarum prima sumitur à similitudine militantis Ecclesiæ ad triumphantem: illa enim ad exemplar huius effigiata est. Quemadmodum igitur in Ecclesiâ cælitum vnus Deus hierarchiæ cælesti præest, vbi ipse est omnia in omnibus; sic in Ecclesiâ militante necessarius est Summus Pontifex, qui in omnibus Ecclesiasticis ordinibus præsit. Hac similitudine vitatur Apostolus in epistola ad Hebræos: hac facit Dionysius in Ecclesiastica Hierarchia: Hac Bonifacius XII. in epistola ad Eulaliū: vbi elegantèr ostendit, per diuinam sapientiam optimè constitutum esse, vt minora maioribus subdantur, & omnes Episcopi Papæ obediunt. Eadem vitatur Diuus Gregorius & post eum Bernardus lib. 3. de considera-

Tom. XIII.

tionem ad Eugenium: hac tandem vti sunt Patres in Concilio Romano sub Iulio XII. ad Hebræos 8. Ioann. Turcremata lib. 2. de Ecclesiâ cap. 1. cum seq.

Deinde, à synagoga ad Ecclesiā, sicut à figura ad veritatem, efficax argumentum est, dicente Apostolo; Omnia in figura contigebant illis, & ait alibi: Lex vmbra habet futurorum bonorum, non ipsam imaginem rerum. Sicut ergo synagoga Iudæorum præfuit vnus, qui Princeps sacerdotum dicebatur, cui qui non obtemperabat (vt in Deuteronomio legitur) morte dignus erat; sic & in Ecclesiâ Christi, quæ longe melior & perfectior est, quàm Iudæorum synagoga fuerit, Pontifex Summus venerandus, & suspiciendus est. Quanti autem fuerit Pontificatus, Rex Agrippa testatur in ea epistola; quam ad Caium Imperatorem scripsit; Equidem, inquit, Iudæus natus sum, narale solum mihi sunt Hierosolyma, auos, proauosque Reges habui, & ex his etiam aliquot Summos Pontifices: quam illi dignitatem pluris faciebant, quam regiam, rati quanto Deus antestaret homini, tanto Pontificatum Regno excellentiorem: ad huius pertinere. Hæc apud Philonem libro de legatione ad Caium 1. Corint. 10. ad Hebræos 20. Deuter. 17. Echius lib. 2. de Primatu Petri capit. 27. Albertus Pighius lib. 3. hierarch. Ecclesiæ cap. 3.

9 Ad hæc, regimen Monarchiæ omnium aliorum est optimum: iuxta quod lib. 2. Iliados Homerus cecinit:

Non bona multorum ditio: Rex imperet vnus.

Et Darius apud Herodotum in Thalia inquit: Vnius viri qui optimus sit, Imperio nihil esse melius: additque Monarchiam esse omnium præstantissimam. Et Plato libro ciuili ait: Vnius dominatio bonis coniuncta legibus sola omnium rectissima est. Et Iocrates in Symmachio: Si & ingenia hominum, & actiones intueamur, vniuersi Monarchias præstare cæteris fateantur. Et ciuis meus Lucanus:

*Nulla fides Regni socijs, omnisque potestas,
Impatiens consortis erit:*

Et Seneca item Cordubensis in Agamemnone:

*Nec Regna socium ferre, nec tædæ
sunt:*

Et Quintus Curtius: Imperium, quod sub vno stare potest, dum à pluribus sustinetur, ruit, & Origenes homilia nona in Ezechielem: Principium malorum omnium est multitudo, & diuisio: Principium verò bonorum vnitates, & à turbis, à multitudine in vnitatem redactio. Et Cyprianus tractatu de idololorum vanitate: Quando vnquam Regni societas, aut cum fide cæpit, aut sine cruore desijt? Ad summam, post Aristotelem in libris Ethicorum, hæc

M m

est

est omnium, qui rectè philosophantur, concors, vnanimisque sententia 8. Eth. cap. 10. Stobz. sermone 47. Tiraquel. de iure primogeniorum quest. 4. & quæ ipse collegi lib. 3. de repub. cap. 2. & 3.

Cum autem opera Dei perfectissima sint, vt in Deuteronomio traditur, quis crederet illum Ecclesie suæ dilectissimæ regimē aliud reliquisse, quam optimum? quod & ipse per Esaiam haud obscure significasse videtur, dicens: Quid vltra debui facere vineæ meæ, & non feci? Accedit Ezechielis vaticinium: Pastor vnus erit omnium. Et iterum: Suscitabo super eos Pastorem vnum. Et illud idem Osæ: Congregabuntur filij Iuda, & filij Israel pariter & ponet sibi caput vnum. Deuteron. 32. Esaiæ 4. Ezechielis 37. & 34. Osæ cap. 1. Gregorius ad Episcopos Gallie. Leo IX. aduersus præsumptiones Michaelis Bernar. lib. 3. de consideratione ad Eugenium, Thom. lib. 1. de regimine principum cap. 2. & 5. Tiraquel. de iure primogeniorum, quest. 4. num. 23.

Accedit eodem, quod Ecclesia Catholica, quæ maximam vnitatem habet, nullo modo consistere posset sine vno supremo capite, cum quo in terris communicaret: perinde atque alia omnia corpora naturalia, & mystica. Etenim omnis multitudo, vt subsistere possit, ordinari debet per vnum aliquod principatum obtinens: neque Regnum sine Rege, neque exercitus sine Duce, neque ciuitas sine præfide, diu permanere possunt: quod non tantum recta ratio, & rerum experientia docet: sed naturæ quoque, ordo id ipsum euidenter ostendit. Planetæ inferiores subsunt superioribus: & animalia, brutaque Ducem sequuntur; auis item vna cunctas ducit: apes in ministerio Regi obediunt: in corporibus quoque animantium, caput cetera tuentur, & venerantur membra: & in parvis animæ rationi appetitus subijcitur; quod si ab eo deficiat, in præceptis non solum animam, sed corpus trahit: denique sine ordine, nec reipublica gubernari, nec natura constare, nec vlla ratio in hominum mentibus esse potest. Vnde cognoscere facile licet, quales nouitij hæretici sint, qui omnem Ecclesie ordinem è medio tollunt, & hierarchiam Ecclesiasticam peruertunt, & accephalos nos esse volunt. Basilii de præceptis religiosorum. Seneca lib. 1. de clementia. Cyprianus tractatu de simplicitate Prælatorum. Chrysostom. in epist. ad Roman. sermone 23. & in epistola ad Hæbreos homilia vltima. Nazianzen. sermone, de moderandis disputationibus. Hieronymus ad Rusticum Monachum. capit. in apibus 7. quest. 1. Albertus Pighius, libro 2. de hierarch. Ecclesiastic. cap. 2. Confessio Polonica de fide, & symbolo cap. 26.

Ad hæc, rerum contingentium difficultas atque perplexitas Principem vnum in Ecclesia desiderant: nam quoties de fide, aut religione, aut intelligentia sacræ Scripturæ questiones, & contentiones emergunt, necesse est, vt supremus aliquis iudex adæatur, cuius inuitabile sit iudicium; qui

possit Ecclesiasticas lites, inter ipsos etiam Episcopos ortas, componere, & contumaces punire: alioqui nec vnam fidem haberemus omnes, nec foret vnquam illius controuersiarum finis: sed schismata, & hæreses vniuersam Ecclesiam concurbarent: essetque deformio, & fœdior Christianæ reipublicæ facies, quam alterius cuiuslibet scetæ, religionis, aut superstitionis. Accedit Cyprianus pluribus epistolis dicens: Vnde schismata, & hæreses abortz sunt, & oriuntur, nisi dum Episcopus, qui vnus est, & Ecclesie præest, superba quorundam præsumptione contemnitur? & Hieronymus aduersus Luciferianos: Ecclesie salus in summi sacerdotis dignitate pendet; cui si non exors quædam, & omnibus eminens detur potestas, tot in Ecclesia efficiuntur schismata, quot sacerdotes: quæ omnia hodie rebus ipsis in hæreticorum, conciliabilis experimur. Cyprianus epistola 3. lib. 1. & epistola 9. lib. 4. Ambros. Cathar. in secunda clauæ scripturarum prope finem. Bartholomæus Latomus aduersus Bucerum post dimidium controuersie de auctoritate Ecclesie.

Deinde verba illa omnia, quibus Iesus promisit Petro clauas Regni Cælorum, & illi dedit iurisdictionem summam ligandi, atque soluendi: & illa item quibus Petro commisit omnes omnes suas, & constituit eum Summum Ecclesie Pastorem: & illa denique verba, quibus priuilegium illud prorsus diuinum imperauit Petro, ne scilicet fides eius vnquam defecere posset: ea inquam omnia credenda sunt Petro dicta, non quasi piscatori, aut homini priuato post paucos annos morituro: sed potius tanquam Apostolorum Principi, & Ecclesie Catholicæ antistiti maximo: ac proinde cum vita Petri extincta non fuerunt, sed ad omnes eiusdem dignitatis legitimos successores eodem iure diuino transierunt. Ea etenim quæ dignitati conceduntur non pereunt morte regentis, aut habentis illam, sed ad omnes successores eiusdem dignitatis transeunt, cap. quoniam Abbas, de offic. delegat. l. mortuo l. proponebatur de iudicijs.

Quæ veritas comprobatur, quia Christus Ecclesiam suam constituit, & ordinauit, vt esset in seculum seculi duratura, iuxta diuinum illud Esaiæ vaticinium: Super solium Dauid, & super Regnum eius sedebit, vt confirmet illud, & corroboret in iudicio, & iustitia: amodo & vsque in sempiternum. Accedit veritas ipsa per Marthæum dicens: Ecce ego vobiscum sum omnibus diebus, vsque ad consummationem seculi: sed Christus ædificauit Ecclesiam suam super Petrum: consequens ergo fuit, vt eo mortuo; alius post alium cum eadem Petri potestate semper substitueretur: sicuti & in veteri lege semper fuit aliquis Summus sacerdos: nec minus diligit nunc Ecclesiam suam Christus, quam tempore Petri dilexerit. Adde, quod longissime distaret à diuina sapientia, talem Primatum Ecclesie suæ relinquere, qui in ipso statim exordio periret, & cum primo Pontifice extingueretur. Postremo, eadem ratio;

ratio; qua Petrus factus fuit Princeps Ecclesie, durat in successoribus eius: quin immo, longè magis necessarius fuisse videtur post Petrum Primatus ille, quàm Petri tempore: tum quia in ipso initio religionis Christiane, per alios Apostolos, atque discipulos potuisset Ecclesie melius consuli, quàm illis defunctis: tum etiam quia postea maior, diffusiorque facta fuit Ecclesia, & plures subortæ sunt hæreses, maiorque schismatum superuenit occasio. Quid multa? cui hæc non sufficient, plura nihil proderunt. Esaiz 9. Matt. vlt. Turrecremata lib. 1. de Ecclesia cap. 28.

Lutherani tamen contra rerum naturam, contra sacras literas, contra Ecclesiam Catholicam, contra Synodos 15 omnes, contra vnanimem consensum Patrum, denique contra veritatem clarissimam, Sedis Apostolicæ, atque Pontificis Maximi auctoritatem, & potestatem ore sacrilego negant: nosque accephalos, id est sine capite, sine ordine, sine vinculo, & vnitæ, in schismate, ac plusquam Babyloica confusione perpetuo esse volunt. Nam vt Gregorius Nazianzenus quadam oratione scribit: Sine capite, nullus ordo sine ordine, nulla multitudo subsistit: vbi autem ordo non est, quid aliud quàm confusio esse potest? Etenim, vt Apostolus ait quæ sunt à Deo ordinata sunt, & alibi inquit: Omnia secundum ordinem fiant in vobis. Et in Canticis canticorum, Ecclesia dicitur esse terribilis, vt castrorum acies ordinata. E contrario autem, in inferno nullus est ordo: cui similis est Lutherano Ecclesia, in qua nullus est ordo, sed sempiterna confusio, quibus illud euenit, quod libro Iudicum ligitur: in illis diebus non erat Rex in Israël, sed vnusquisque, quod sibi videbatur bonum, hoc faciebat. Nazianz. orat. 21. ad Roman. 13. Cantic. 6. Iudicum 17. & cap. vltim. Augustin. lib. 1. de libero arbitrio cap. 6. & lib. 2. de ordine.

Sed aiunt hæretici, multos Pontifices Summos malos viros fuisse, ac proinde 16 de illis parendum non esse: quibus veritas per Matth. respondet: Super Cathedram Moysi sederunt scribæ, & pharisæi: omnia ergo quæcunque dixerint vobis seruare, & facite, secundum opera verò eorum nolite facere. Nec enim dignitas officij dampnanda est propter hominum peccata: quod olim prudenter admodum Catonem dixisse, Plutarchus est auctor: nam cum Publius Clodius accusaretur à Cicerone, & Cicero diceret à Clodio in tribunatu gesta irrita esse oportere, non placuit id Catoni, sed assurgens dixit: Si tribunatu quemadmodum cæteri multi abusus est Clodius, ipsum corrigere oportere, qui deliquerit, non verò potestatem tribuniciam dissoluere. Et vt beatus Augustinus inquit: verissimum est, non res ipsas, sed homines, qui eis male vtuntur, esse culpandos: quod & Fabius eleganter differit, & Hieronymus ad Rusticum Monachum scribit: In omni conditione, & gradu optimis mixta sunt pessima. Fuerunt inter sanctos angelos dæmones: inter prophetas Balaam: inter Apo-

Tom. XIII.

stolos Iudas; inter Diaconos Nicolaus: denique inter optimos pessimi. Matth. 23. Plutar. in Catone Vticensi. August. lib. 1. de libero arbitrio cap. 15. Fabius lib. 2. institutio oratoria cap. 17. Reginaldus libro 2. ad Henricum Octauum Regem Angliz, confessio Polonica de fide & symbolo cap. 29.

17 Adde quod plurimi iam olim fuerunt sanctissimi, doctissimi, & sapientissimi Pontifices Maximi, qui glorioso martyrio consummati sunt: quorum vitam, & mortem Omnipotens Deus plurimis, maximisque miraculis illustravit: qui Primum Ecclesie, nec approbassent, nec gessissent, nisi ab ipso Christo illum constitutum, creatum, & comprobatum esse certissime nossent. Addo etiam Chrysostomi verba, qui quodam loco scribit: cum videris sacerdotem indignum, ne traducas sacerdotium: non enim oportet damnare res, sed eum, qui re bona male vtitur; quandoquidem & Iudas proditor fuit: verum non ob id accusatur ordo Apostolicus, sed illius animus, nec crimen est sacerdotij, sed malum animi: & tu igitur ne sacerdotium vituperes, sed sacerdotem male re bonam vtentem. Etenim si quis tecum disputet, dicatque: Vidisti illum Christianum? Respondeto, at ego non de personis, sed de rebus tibi loquor. Alioqui quot medici facti sunt carnifices, ac venena pro pharmacis dederunt? non tamen arteni vitupero, sed male vtentem arte. Quot nauæ male rexerunt nauigia? verum non eis nauigandi mala est, sed illorum animus. Si Christianus fuerit improbus, nec incus profectiouem, ac sacerdotium, sed re bonam vtentem male. Hæc ille, & alia in eodem loco plurima. Ex quibus omnibus, multisque alijs perspicuum est, istam perditionem hominum opinionem, non tam hæresim, quàm phrenesim esse. In Summa, Pontifex Maximus ab omnibus venerandus & in terris Christi Vicarius credendus, & asserendus est, hoc visum est Diuinitus, hoc à beatis maioribus traditum: hoc perturbare velle, atque peruertere (sicuti quodam loco beatus Augustinus inquit) nihil est aliud, quàm ad veram religionem sacrilegam viam quærere. Ad summam, vt nosser Prudentius in Hippolyto cecinit:

*Vna fides vigeat, prisceque condita sem-
plo est,*

*Quam Paulus retinet, quamque Cathedra
Petri.*

Chrysostomus de verbis Esaiz, vidi Dominum homilia 4. & in epistola ad col. homil. 3. in fine, & in epist. 2. ad Timoth. hom. 2. col. 4. cum seq. & serm. de virtutibus & vitijs col. pen. August. lib. de vtilitate credendi cap. 10.

18 Cæterum, quia de successione Pontificum nihil ferè iure diuino cautum inuenitur, sciendum est, omnes antistites maximos solemnè electione successisse, nonnullos etiam à suis prædecessoribus nominatos, ac designatos fuisse, quod iu exordio Catholicæ Ecclesie interdum factum

M m 2

fuisse

fuisse traditur : quia Christiani tunc non habebant liberam eligendi facultatem, propter tyrannorum persecutiones : quam ob causam auctoritas Summa Pontificum eisdem temporibus cognita cunctis non erat ; quia impedita , & suppressa fuit gentilium & hæreticorum tyrannide . Ipse autem Petrus Clementem sibi successorem elegit, dicens : Sicut mihi gubernandi tradita est à Domino meo Iesu Christo potestas ligandi, solvendi : ita & egotibi committo , vt ordines dispositores causarum diuersarum . Cuius rei Clemens ipse, Alexander Primus, Ioannes Tertius , Agelippus, Nicephorus, alijque multi auctores sunt . Et Hadrianus Primus Concilio Græcorum scribens ait, Petrum Diuino iussu auctoritatem potestatis, & pastoraliam curam successoribus sui reliquisse . Clemens epist. 1. ad Iacobum Fratrem Domini . Alexander epist. ad omnes orthodoxos . Ioannes epist. decretali ad vniuersos Episcopos Germaniæ, & Galitiæ, Nicephorus lib. 2. histor. Ecclesiasticæ cap. 25. cap. si Petrus 8. quest. 2. cum seq. Turrecremata lib. 2. de Ecclesia cap. 35. cum seq. & iterum cap. 51. Platina de vitis Pontificum .

- 19 Quamvis autem Petrus nihil de successore prouidisset, aut hodie Cardinales omnes bello, peste, aut alio casu simul perirent, Ecclesia tamen non posset Pontificem Summum eligere . Quia cum hæc dignitas à Christo creata sit, vt perpetuò duret in Ecclesia, consequens etiam est, vt Ecclesia semper ius habeat eligendi, alioquin fieri posset, vt perpetuò vacaret Sedes Apostolica, & conditio Ecclesiæ deterior esset, quàm culuisus alterius Reipublicæ . Quod si talis casus eueniret, tunc ius eligendi Papam ad solos Episcopos pertineret : quia illi sunt Pastores, quibus post Antistitem maximum tota rerum Ecclesiasticarum administratio iure Diuino cõcessa est, quippe qui successerunt in locum Apostolorum . Sed hæc electio multis Ecclesiasticis Constitutionibus iam pridem Cardinalibus commissa est, à quibus Pontifices Summi, non interrupta serie temporum, vsque ad præsens certa successione electi sunt, cap. in nouo distinct. 21. cap. vlt. distinct. 68. cap. In nomine distinct. 23. cap. licet, de electio, cap. vbi periculum eodit. lib. 6. & in Clementina Ne Romani, de elect. Thomas Vvaldensis in doctrinal. to. 1. lib. 2. cap. 39. Driedo libro 1. de libertate Christiana cap. 2.

Hæc autem sententia memoratu digna est, fidem, ac definitionem Sedis Apostolicæ, principium esse certissimum indubie veritatis eorum, quæ certa fide teneunda, credendaque nobis sunt : nec enim dissensit vnquam à sententia Catholica Ecclesiæ : sed cùm sacris literis, & Apostolicis, Ecclesiasticisque traditionibus semper ei conuenisse compertissimum . Quam veritatem plurimi sanctissimi, & sapientissimi Viri docent, & comprobant : asserentes, Cathedram Apostolicam ab ipso Deo Christo tali privilegio in persona Petri donatam fuisse, vt sicuti numquam errauit hætenus, sic etiam in finem vsque se-

culi, fidem eius numquam defecturam esse credamus . Hoc scriptis suis testantur Antistites multi sanctitate, doctrina, & antiquitate venerandi : Lucius, Sixtus, Felix, Marcus, Eusebius, Euaristus, Alexander, Iulius I. Bonifacius II. Agatho, & Leones duo, I. & IX. quorum verba scienter omitimus, vt breuitati consulumus, vno tantum, aut altero testimonio contenti . Leo ille maximus inquit : [Venerabilis, & efficax oratio Christi obtinuit, quòd hæc fides Petri non defecit, neque defectura credatur in throno illius in seculum seculi :] sed confirmabit corda fratrum, sicut hucusque confirmare non cessauit . Et Leo Nonus contra Michælem hæc verba scripta reliquit : [Nonne à Sede Principis Apostolorum, tam per eundem Petrum, quàm per successores suos reprobata, conuicta, atque expugnata sunt omnium Hæreticorum commenta, & fratrum corda in fide Petri, quæ nec defecit, nec vnquam deficiet, sunt confirmata ?

- Comprobant eandem sententiam, multarum Synodorum, & sanctorum Patrum testimonia complura . Hoc enim docuit Alexandrina Synodus sub Athanasio, & Ecclesia Carthaginensis temporibus Bonifacii XI. & Concilium Alexandrinum in epistola Synodali ad Felicem, & magna Synodus Chalcedonenfis ; & sexta Synodus generalis, & item octaua : hoc etiam confessi sunt omnes Episcopi Tarraconenses antè mille annos : & vniuersi Episcopi Numidix aptè mille ducentos : quod & Irenæus, Cyprianus, Athanasius, Ambrosius, Hieronymus, Augustinus, & ceteri omnes consentiunt . Sed vnus diuinissimi Bernardi verba præterire non potui, qui ad Innocentium scribens, inquit : [Oportet ad vestrum referri Apostolatam periculum quæque, & scandala emergentia in Regno Dei, ea præsterni, quæ in fide contingunt : dignum namque arbitror, ibi potissimum relarciri damna fidei, vbi non possit fides sentire defectum : hæc quippe est huius Sedis prærogatiua .

- Hæc eadem sententia satis aptè probatur illis Christi verbis : [Ecce Sathanas expetiuit vos, vt cribraret sicut triticum : Ego autem rogaui pro te, vt non deficiat fides tua : & tu aliquando conuersus confirma fratres tuos .] Et item ex illis, [Pascite oues meas,] & [Non pro eis rogo tantum, sed & pro eis, qui credituri sunt ;] & ex illis, [Tu es Petrus, & super hanc petram ædificabo Ecclesiam meam ; & portæ inferi non præualebunt aduersus eam .] Quæ verba non tantum de Petro, & pro ipso Petro dicta sunt, sed etiam pro Summis Pontificibus legitimis Petri successoribus, quorum fides in officio illo Pastoralis non defecit, nec deficiet vnquam : [& portæ inferi,] hoc est, hæresis, infidelitas, & erronea fides, non præualebunt aduersus hoc fundamentum Ecclesiæ . Adde, quod si verum est, sicuti est, quod Sacerdoti legali concessum erat in veteri Synagoga, privilegium hoc, vt in rebus fidei, ac religionis indicaret semper iudicij veritatem, vt in Deuteronomio continetur, multo

multo magis credendum est, concessum idipsum fuisse Pontifici Summo, qui praeest Apostolicæ Cathedræ, quam elegit Dominus, Luc. 22. Iouu. 21. & 17. Matth. 16. & Deuter. 17.

Hanc veritatem Catholicæ Ecclesiæ traditiones, sacræque literis fulcitam, rationes quoque multæ viuz, atque spirantes comprobant. Nam omnis de fide quæstio ad Summum Pontificem referenda, & iudicio eius terminanda est: quod si in Diuino illo privilegio munitus non esset, profectò malè consultum foret Ecclesiæ in tantis errorum, hæresumque procellis. Si Papa vt vnus nostrum permitteretur errare: quorsum quæstiones fidei iudicio eius erant committende? Quomodo potest cæteros fratres confirmare, qui æquè labi possent, vt illi labantur? Multa præterea ex opinione contraria consequerentur absurda: quippè nullus teneretur definitioni Summi Pontificis in rebus fidei credere: nec Ecclesia facillè suum finem attingere, posset, inexplicabilibus tenebris, & hæresibus confusa, & inuoluta plurima suborerentur schismata; nec haberemus omnes vnā fidem: nec vlus esset hæresum finis; Sed longè melius res habet: Christus enim constituit, & ordinauit, vt fides Apostolicæ Sedis nunquam deficeret: sed semper præfulgeret Ecclesiæ: vt facillè possent hæreses omnes extirpari: quod & rebus ipsis, & subsecutis effectibus perspicuum factum est. Accedit eodem, quod hanc Diuinam constitutionem nihil hætenus dissoluere potuit: non schismata, non hæreses, non mors, aut vincula, non odium, non amor, non timor, non corruptissimi mores: nihil horum, inquam, efficere potuit, vt Sedes Apostolica deficeret, aut quippiam definiret Hæreticum. Quæ cum ita sint: quis vique eo desipiat, vt iudicium Dei non agnoscat? Numquid non dicere possumus, verè digitus Dei est hic? cap. Quoties 24. qu. 1. cap. Maiores, de Bapt. cap. Cuncta 9. quæst. 3. cap. A recta 24. quæst. 1. cum seq. Turrecremata lib. 2. de Ecclesia cap. 109. cum seq. Albert. Pighius libro 4. hierarch. Ecclesiast. Hosius libro 2. aduersus Brentium.

Nec tantum in controuersijs fidei Papa summus Iudex est, verum etiam in rebus Ecclesiasticis, & spiritualibus ipse summus Princeps est. ad quem omnes Christi ones in his causis confugere, atque appellare possunt. Eius curæ, atque regimini Christus Deus noster subiecit Fideles vniuersos, quando suas oues illi pascendas commisit. Hunc omnes Reges, & Principes venerari, & adorare teuentur, iuxta vaticinium illud Esaie: [Reges eorum ministrabunt tibi.] Et mox: [Gens, & Regnum, quod non seruerit tibi, peribit.] Ab eodem Summo Pontifice incipit iussum Romanorum Imperium, quod Leo III. transtulit à Græcis ad Germanos. Imperij quoque electores instituit Gregorius V. Item ab eodem Antistite maximo confirmatur electus, inungitur, consecratur, & coronatur, & eidem Pontifici solemniter

Imperator iurat. Præterea Pontifices Maximi Imperatores etiam ipsos condemnare, & exaugurare possunt. Sic Innocent. IV. Federicum II. damnauit. Gregorius VII. Henricum IV. abiecit. Innocentius III. Philippum eiecit, & confirmauit Orthonè: quod & Clemens VI. fecit, repudians Ludouicum Bauarum, & in eius locum Carolum IV. confirmans, cap. Si quis vestrum 2. quæst. 6. cum seq. Esaia cap. 60. cap. Venerabilem, de elect. cap. Tibi domino dist. 63. Clementina 1. de iure iuran. Thom. lib. 3. de regimine Principum cap. 10. & 19. & Platina de vitis Pontificum.

Quamvis autem Ecclesiastica potestas distincta sit à seculari, & Papa iurisdictionem ciuilem non habeat in secularium, Principum Regna, nihilominus tamen in ordine ad finem spiritualem habet Pontifex Maximus amplissimam potestatem in omnes Principes Orthodoxos. Vnde si Princeps aliquis inutilis esset, aut iniquas leges contra religionem, aut contra bonos mores conderet, aut quippiam simile faceret in detrimentum rerum spiritualium, posset Papa, seruatis iustis circumstantijs, congruum remedium adhibere: priuando etiā talem Principem administratione, & iurisdictione, si id res ipsa exposcularet. Quod Zacharias Pontifex aduersus Childericum Francorum Regem fecisse traditur; & Innocentius IV. aduersus quemdam Portugalliz Regem. Quæ omnia nisi Summus Pontifex posset, manca procul dubio eius potestas esset: nec satis perfectè Christus prouidisset Ecclesiæ. Ceterum, cum respublica spiritualis perfecta sit, & sibi sufficiens, vt seipsam indennem seruet: potest ea omnia facere, quæ necessaria fuerint ad suum finem consequendum, exercendo etiā iurisdictionem in eos, qui in rebus temporalibus aliqui sibi subiecti non essent: quod quidem iure naturali cuiusque Principi facere contra aliorum tempus, licet, cap. Cum ad verum, cap. Duo sunt, dist. 96. cap. Si duobus, §. ult. de appellat. cap. Grandi, de suppl. neglig. Prælatorum, cap. Alius, distinct. 15. quæst. 6. Turrecremata libro 2. de Ecclesia cap. 113. cum seqq.

Accedit eodem, quod finis temporalis potestatis pendet quodammodo à fine potestatis spiritualis: felicitas enim humana, quæ secularis potestatis finis vltimus est, vt potè imperfecta, in beatitudinem supernaturalem ordinatur, tamquam in sui perfectionem, & summum omnium bonum: ergo si temporalis potestas ab illo fine deuians, rebus spiritualibus obstat, meritò à summo rerum spiritualium Principe moneri, ordinari, & coerceri iure Diuino, & naturali potest. Præterea, cum Christus ipse omnes oues suas Pontifici Maximo regendas commiserit, addita potestate plenissima ligandi, atque soluendi: consequens eriam est, vt omnia illi concessa esse intelligamus, quæ necessaria sunt ad id munus perfectè gerendum. Poterit igitur omnes Christianos ad concordiam, & unitatem cogere: delinquentes punire: excelsus

ius corrigere; officio inutiles amouere; lites componere: controuersias definire; denique omnia Ecclesiarum necessaria ordinare, regere, & conseruare, l.2. de iurisd. omn. iud. cap. Præterea, de officio deleg. leg. vlt. de officio eius, leg. 1. si quis iurisd. non obtinere, vide Abulen. Numeror. 15. qu. 43. omnes Theologos in lib. 4. sentent. dist. 18. Albertum Pighium lib. 5. hierarch. Ecclesiast. Hermam lib. 7. de instauranda religio. Martinum Ayalam lib. de Diuinis, & Ecclesiasticis traditionibus par. 3. tit. de Episcopali potestate.

27 Et quia impius Lutherus, quosdam alios secutus Hæreticos, Ecclesiarum, & Pontificum bona diripienda esse docebat, id scilicet moliens, vt auctoritas, atque potestas Ecclesiastica vilesceret, atque periret: (nam spiritualia sine temporalibus vix sustentari possunt) non fuerit alienum pauca, quæ hanc infamissimam hæresim destruant, breuiter hoc loco perstringere. Ac primum quidem Hæretici cum Laurentio Valla suadere nituntur, Magnum Constantinum Ecclesiarum Romanarum nullam fecisse donationem: sed quæ nunc possident bona, iniuste ab Ecclesia, & Summis Pontificibus occupata fuisse; quod quidem est à ratione, & veritate longe aduersum: satis enim constat, non modò Magnum illum Constantinum, sed etiam Aribertum, & Liuthprandum, Longobardorum Reges, Pipinum quoque, & Carolum Magnum, alios item complures, multis, magnisque donationibus Ecclesiam Romanam iam olim locupletasse, capit. Ego Ludouicus dist. 63. cap. Futuram distinct. 12. quæst. 1. leg. Diui, C. de natura liberis, cap. Constantinus distinct. 96. cap. Fundamenta, de elect. lib. 6. Gratianus 12. qu. 1. Nicephor. libro 8. histor. Ecclesiast. cap. 54. Paulus Diaconus lib. 6. de gestis Longobardorum cap. 10. & cap. 13. Albertus Pighius lib. 5. Ecclesiast. hierarch. cap. vlt. Alphonsus Castren. lib. 6. aduersus hæreses tit. de Ecclesia, hæresi 4. Alciatus lib. 7. parer. iurisd. cap. 19. Couarru. lib. 4. resolution. cap. 16. & Eugubinus duobus libris contra Valam.

Habet itaque Romana Ecclesia sub Antistitiū sacra ditione, magnum, iustumque Principatum: non solum iustis quæsitum titulis, sed etiam Diuina pronidentia ordinatum. Æterna quippè Dei sapientia, humani iugenij, morumque nostrorum conscia, sanè intelligens, carnalibus hominibus (vt est pars maxima Ecclesiæ) non satis reuerendam, & venerabilem fore sacrosanctam Pontificum auctoritatem, à qua regi voluit vniuersalem Ecclesiam, si abiecta lateret in paupertatis sordibus, externarum rerum affluentia eam extulit, & sublimauit: vt omnibus etiam Principibus esset venerabilis, nocentibus, & sceleratis metuenda. Quod & in reliquis Episcopis, atque Prælati necessarium esse perspicuum est: non enim magis eos, quàm Reges, & Principes, aut seculi Milites, paupertatis iugo onerauit Christus: nec minus in Rectoribus Ecclesiæ, quàm

in Magistratibus secularibus necessarius rerum externarum splendor, si modò veneranda, & meruenda esse debet eorum, auctoritas. Quam doctrinam tantum, aut moribus, aut vitæ exemplo, (ceteri quipsi diui Petri sanctimoniam haberet) tantum deploratissimo hoc seculo assequi, atque tueri, quanta necessaria est, nullo sanè modo poterit. Vt enim lib. 3. de summo bono Isidorus noster ait: [Plus venerantur homines in hoc seculo pro temporali potentia, quàm pro reuerentia sanctitatis,] l. cap. 63. adde Gersonem tract. de statibus Ecclesiasticis.

Enim paupertate vilescunt, ac penè ludibrio habentur isti titulo tantum Episcopi, & Clerici mercenarij: è contrario autem diuites, atque potentes omnibus sunt venerabiles. Paupertas enim, vt ille ait:

Ridiculos homines facit, & ubique iacere.

Et sicuti Sapiens in Pronerbijs inquit: Etiam proximo suo pauper odiosus est. Et iterum: Farres hominis pauperis odierunt eum, insuper, & amici procul recesserunt ab eo. Præterea consultò plura, quæ in eandem sententia Ioannes Stobæus, alijque retulerunt. Prou. 14. & 19. Stobæus sermone 94. Lucas de Pena in l. vlt. C. de his qui num. libero lib. 10. Seneca de vita beata ad Gallionem.

Nihil ex se ipsa paupertas habet magna commendatione dignum, nec vituperatione diuitiæ. Abiit ab animis fidelium, vt inquit Ambrosius, tam irreligiosa persuasio, vt cuiquam sanctorum, quibus Deus, & diuitias est largitus, & honores, ad verè humilitatis meritum credatur, vel opulentia offuisset, vel dignitas: cum eis ad huius virtutis profectum vtrique profuerint. Quamuis enim tota vita hominis tentatio sit super terram: & tam abundantia, quàm inopia, materia soleant esse peccati, cum vel diues extollitur ad superbiam, vel pauper prosilit ad querelam: extiterunt tamen in omni tempore, & in nostra quoque ætate non desunt, sicut, & boni pauperes, ita & boni diuites. Cui consonant Hieronymi verba, in epistola ad Saluinam: Nec diuiti obusit opes, si eis benè vtatur; nec pauperem egellas commendabiliorem facit, si inter sordes, & inopiam peccata non caneant. Ad vtriusque rei testimonium, & Abraham Patriarcha, & quotidiana exempla suppeditant: quorum alter in fumis diuitijs amicis Dei fuit: alij quotidie in sceleribus deprehensis, pœnas legibus soluant. Vide Chyrosi. in epist. ad Philipp. ferm. 2. col. pen. 25.

Adde quod, vt Ecclesiasticus ait, Vtior est sapientia cum diuitijs, & magis 31 prodest videntibus Solem: sicut enim protegit sapientia, sic protegit pecunia: cui sanè obediunt omnia, Et rursus: Bona est substantia, cui non est peccatum in conscientia. Et Plato lib. 1. de legibus, diuitiæ cæcæ non sunt, sed acutè cernunt, si prud-

dentiam sequantur: quod, & in lib. 1. de repub. docet. Et Aristoteles lib. 1. ethic. Fieri non potest, aut non facile sit, ut is res agat præclaras, cui defunt facultates: quia, ut alius ait:

... plurimum virtutibus obstat
Res angusta domi.

Pindarus quoque asserit, diuitias, si cum sapientia coniunctæ sint, præstantissimas esse. Nec alij his dissentit Horatius in-
quiens:

Scilicet uxorem cum dote, fidemque, &
amicos:

Et genus, & formam regina pecunia donat.

Et alibi ait:

..Et genus, & virtus nisi cum re, vilior
alga est.

Verèque ille censuit, ut apud Plutarchum est, qui primus pecunias, rerum agenda-
rum neruos esse dixit. Et Leo ille magnus sermone quinto de collectis. Diuitiæ, in-
quit, bonæ sunt, & humanæ societati plu-
rimum profunt, cum à beneuolis habentur,
& largis: nec illas aut luxuriosos prodigit,
aut auarus abstrudit. Denique, Redem-
ptio animæ viri diuitiæ eius: quoniam
qui pauperi donat, redimit animam suam.
Improbè igitur malignèque faciunt sacrile-
gi hæretici, qui Ecclesiarum, & Sacerdotum
bona, occupanda, expilanda, rapi-
endaque esse, contra naturalia, diuinaque
iura impudenter, impièque asserere non
verentur. Ecclesiastes 7. & 10. & 13. Ari-
stotel. 1. Ethicorum. 8. Prouerb. 13. Plutarc.
in Cleome. Ambrosius lib. 8. in Lucam.
Augustin. lib. 50. homiliarum hom. 30.
Greg. lib. 10. in Iob. cap. 28. Stobæus
serm. 89. cum seq.

Verè quidam rerum non ignarus di-
xit: ubi est abundantia, ibi est obseruantia
rerum sacrarum, cum pietas, religio, ritus-
que sacri cum pompa sacra peraguntur,
quæ populus cernens veneretur, & admire-
tur. Sordida religio cõtemnitur nisi diuites
sint Episcopi, & Sacerdotes facillè contem-
nuntur: quibus contemptis sacramenta ipsa
contemnuntur, & religio, ac Deus ipse
contemnuntur. Quod si aliqui Clerici malè
diuitijs veniunt, culpa illorum erit, & eo-
rum, qui elegerunt illos, cum longè me-
liores eligere potuissent: in Germania, &
Polonia soli ferè Antistites diuites super-
sunt, ceteris ab hæreticis suppressis. Po-
stremò considerandum est, an laici diuites
plùs minùsque diuitijs abutantur, quàm
Clerici: Vide Eugubinum lib. 1. contra
Laurentium Vallam §. 7. cum seq.

Ceterum, ut à digressionem reflecta-
mus ad id, quod erat institutum, quamuis
32 dubiæ quæstiones, quæ in fide Catholica,
& Religione Christiana oriuntur, ad Pon-
tificem Max. referendæ sint: inferiores ta-
men Prælati in Concilijs Prouincialibus
eas interdum definire poterunt: pimi-

rum, cum erit in mora periculum.

Quod eleganter his verbis Hermas
Lermarius ait: Si verò quis plique dogma
in vulgus sparserit, de quo dubitari possit,
hæreticum ne esset, an religioni consen-
taneum, huius dijudicatio est, summo sum-
mæ societatis religiosæ tribunal referenda:
ut sapientissimæ potestatis difficillima
detur quæstio excutienda. Nec enim prius
inferioris dignitatis personis libera de his
sententia dabitur, quàm super iam diuulga-
to dogmate ita suprema potestas pronun-
ciauerit, ut de re iudicata nulla ampliùs
superfuit ambiguitas. Si tamen illi, quibus
harum rerum summa commissæ est, seram
sint allaturi opem, & periculum sit, ne
ipsum negotium in peius serpat, erit interim
inferiori potestati huius suspecti dogmatis
discussio permittenda: ut tamen illi, cum
res postularit, superioribus iudiciis eam
committant. Hoc propter cautum, ne
dùm superiorum censura specietur, populo
Christiano pestilens doctrina pro sano dog-
mate diuulgetur, cap. Maiores, de Bapti.
cap. Quoties dist. 24. qu. 1. Hermas lib. 2.
de instaur. Relig. cap. 9.

33 Adde etiam, quod si ex qualitate,
aut multitudine illorum, qui suspecti de
hæresi essent, graue scandalum timeatur,
non liceret Inquisitoribus aduersus eos
procedere, non consulto Pontifice Summo.
Sed Inquisitores Hispaniæ consulere de-
bent in his, alijsque grauioribus causis
Inquisitorem generale, & Senaturn, cap.
Inquisitores, de Hæreticis lib. 6. & iuibi.
Ioannes Andr. & Philippus Franc. 4. instr.
Toletana cap. 21. vide Gonfalus de hæret.
prauit. quæst. 7. Alphonsus lib. 1. aduersus
hæreses cap. 8. & lib. 1. de iusta Hæreticor.
punit. cap. 3. & deinceps.

34 Illud autem præterendum non est,
quod si Papa concesserit prescriptum, seu
priuilegium aliquod in præiudicium Of-
ficij sanctæ Inquisitionis, obtinendum
est illi, sed nõ est executioni mandandum.
Debet ergo supplicari ab eiusmodi rescrip-
tis, ut Papa rectius informatus à Regio
Legato ea reuocet, vel suspendat. Nec
enim verisimile est, ut Summus Pastor Ec-
clesiæ quippiam facere voluerit in detri-
mentum Catholicæ fidei, & Hæreticorum
favorem, 2. instr. Hispanen. cap. 3. cap. Si
quandò, & illic interpretes, de rescript.
Hostien. & Io. Andr. in cap. Proposuit, de
cõnsecr. præbend. Florian. in leg. Sed, &
loci, §. 1. finium regundo, Ludou. Careu-
tract. de Hæreticis num. 99.


35 Postremò, si Papa Hæreticus esset,
generale Concilium de illius heresi cogno-
scere posset: si verò Hæreticus decesserit,
successor eius Index esset, cap. Si Papa di-
stinct. 40. & illic Præpos. & ceteri dist. 24.
qu. 1. cap. 1. Archidia. Io. Andr. Anchar.
Dominic. & Philippus Francus in cap. In
fidei, de Hæret. lib. 6. Albericus in rubr.
C. de Hæreticis, Gonfalus de hæret. prauit.
quæst. 7. Almainus de auctor. Ecclesiæ
cap. vlt. Decius consil. 151. Caietanus de
potestate Papæ cap. 18. cum seq. Alberus
Pighius lib. 6. de Eccles. hierarch. cap. 24.
& de.

& deinceps Alexand. Iason. Decius, & Horosius noster in leg. Est receptum, de iurisdic. omn. Iud. Iason conf. 95. lib. 4.

36 Neque est prætereundum id, quod Honuphrius annotavit in vita Bonif. III. his verbis: [Additumque ut Papæ nomen, quod omnium vocabulorum Episcopaliū excellentius esse statutū est, solus Romanus Pontifex (cū autē omnibus commun-

esset Episcopis) retineret, quo vno, & illi tantū particulari nomine potestatis eius dignitas, & supra cæteras Ecclesias verus prærogatiua designaretur.] Divus quidem Hieronymus beatum Augustinum in epistolis ad eum scriptis, Papam vocat, & olim alij Episcopi venerandi, appellari Papæ solebant.





I O A N N I S DE TURRECREMATA

ORDINIS PRÆDICATORVM,

Et S. R. E. Cardinalis S. Sixti.

S V M M Æ

DE POTESTATE PAPALI.

LIBER SECVNDVS.

Ioannes de Turrecremata, Natione Hispanus, Patria Vallisoletanus, seu de Turrecremata, quod est Oppidum Palentini Episcopatus in Hispania ex vetere pura, nobilique Familia de Turrecremata, filius Aluari Fernandez amplissimis dotibus floruit. Adolescens Prædicatorum vestem induit in Cœnobio Vallisoletano S. Pauli Apostoli, & primæ adolescentiæ annos humanis literis morali, ac naturali Philosophiæ dedicauit. Et quod in puero præcipua laude, & præcipua admiratione dignum erat, tanta indole, ac tanta facilitate hausit primæ literarum rudimenta, vt illi, qui à principio ipsum instituebant, incertum haberint, essetne illud discere in tam puerili ætate, an vt Plato persuasum habuit, multique ex acutis potius, quàm veris Recentioribus speciebus à Deo inditis, peccatoque confusus, fuerit reminisci. Erat in eo amor innatus bonarum artium, vt ceterarum rerum oblitus quiduis ageret, ac pateretur ipsa cognitione, ac scientia captus curas, vigilias, ac sollicitudines perferret, nec voluntatem requirens aliam, quàm quæ ex Studijs capitur. Erat in eo inexhausta auiditas legendi, nec satiari poterat, dicere solitus omne tempus deperire, quod in literis non poneretur, ac nihil expetendum præter sapientiam, & scientiam, esse hanc vnam, quæ breuitatem vitæ spe immortalitatis, & posteritatis memoria consolaretur. Philosophiæ Studijs absolutis Parisijs ita Sacræ Theologiæ incoluit, vt breui Magisterium maxima omnium admiratione adeptus fuerit, & cum esset suæ Religionis obseruantissimus in Hispaniam reuersus, nonnullos obtinuit Prioratus. Primo enim Prior S. Pauli Vallisoleti, deinde S. Petri Martyris Toletani factus in eo officio ita se gessit, vt omnibus charus, & summa in veneratione haberetur, intrepidum se ostendit ad quæque agenda, & præcipue pro Republica. Christiana. Cum enim suauiter, ac fortiter suis præfuisset, ac dulcissimum nominis, & morum suorum odorem vniuersæ afflasset Hispaniæ Romam euocatum Magistrum Sacri Palatii Eugenius, renunciauit. In eo positus gradu ob eminentem, eruditionem ab eodem Eugenio Quarto Basileam cum quibusdam alijs Viris doctrina præstantibus pro vniuersali Conuentu edendo Legatus missus est. Sed cognita vafritie quorundam Principum, qui abrogari Eugenium suadebant,

iussu ipsius dissolutus ibi Conuentus Ferrariam primò deinde Florentiam transfatus est. Senfere cum Basileensibus plures Ecclesiæ, ac Principes non soluendum Concilium illud, & etiam Præsules congregati apud Bituriges consulere Carolo Regi, vt Oratores ad Pontificem mitteret, qui ipsum ad instaurandam Basileensem Synodum permouerent, sollicitaret etiam literis Sigisfinundum Romanorum Regem, ac Mediolani, ac Sabaudig Duces, ne quid aduersus Ecclesiasticum Imperium quidquam innouari permetterent. Sollicitati sunt etiam Angli, vt Basileensi Concilio fauerent, & Rex Anglus hortatus est eos Hussitarum hæresim comprimere, Reges inter se conciliare, & Cleri mores, & questus est cum Papa dimissam ab eo maximo cum rei Christianæ discrimine Synodum Basileensem. Celebrarunt interea Basileæ congregati Præsules, quorum numerus in dies augebatur suas Sessiones, in quarum secunda xv. Kalendas Martij habita speciosa promissa contrarijs factis euertentes erroribus se implicare ceperunt, dum Conciliorum auctoritatem veri, nec ambigui Pontificis Auctoritati prætulerunt, falsamque sententiam confirmare nitentes duo Concilij Constantiensis Decreta instaurarunt, sed in alienum detorta sensum, ex quibus falsam consequentiam elicuerunt. Alterum est his conceptum verbum. Primò declarat, quòd ipsa Synodus in Spiritu sancto legitimè congregata Generale Concilium faciens, & Ecclesiam militantem representans potestatem immediatè à Christo habet, cui quilibet cuiuscumque status, vel dignitatis, etiam si Papalis existat obedire tenetur in his, quæ pertinent ad fidem, & extirpationem dicti Schismatis, & ad generalem reformationem Ecclesiæ Dei in capite, & in membris. Subsequitur autem Odoricus Raynaldus continuator Baronij Anno 1432. num. 8. Refellit porro seditiosorum ausus Ioannes Turrecremata Cardinalis S. Sixti his grauissimis sententijs, quas fusè ipse extendit; nos autem non ponimus, quia eas legere possumus de Ecclesia lib. 2. cap. 100. Cum ita Basileenses euertendæ Pontificiæ Auctoritatis cupidi schisma, & hæresim cuderent Christi Vicarius, vt eos ad saniora consilia, atque ad pristinam sententiarum cum Romana Ecclesia confessionem reduceret Internuncios Basileam mittere decreuit, è quibus Andreas à Petra Archiepiscopus Colocensis 22. Augusti die luculentam ad Conuentus Basileensis Patres orationem habuit, qua ipsos à constando schismate absteruit, si excindere hæreses, si Clerum ad virtutis studium incitare, si Principum discordias dissipare cuperent, atque vbi Schismaticis refertas ferè vniuersas Orbis plagas descripsit, duo addidit esse hominum genera aduersantium Catholicæ Ecclesiæ Hussitarum, & Græcorum, & loquens de Græcis hoc petentibus ait. Vnde cum honestissimæ Græcorum petitiones Principibus nostræ Religionis visæ fuerint, mox Dominus Ioannes Episcopus Cardinalis S. Sixti Vir omnium suæ ætatis religione, & sapientia spectatissimus, Legatus in Græciam declaratus est, quem illuc properantem, si mors non sustulisset plurimi nunc populi, ac nationes ritu, & religione essent vobis simillimi, quorum nullum in præsentiarum habetis. Hoc grauissimum Elogium in eo publico Concilio coram Basileensibus publicatum æternitati plus Turrecrematam consecrant, quàm innumera alia, quæ ab Auctoribus illi attribuuntur. Florentiæ denique adscriptus est in numero Cardinalium; sed vt erat moribus grauis adamussim in omnibus pristinum seruauit viuendi morem, quem tot annis in Ordine Prædicatorum firmis radicibus didicerat, rogam non mutauit cum gradu, utebatur lanea ad carnes subuenia; & alia, quæ ad nos non spectat, & longum esset prosequi. Tam infrastructi animi fuit, vt nunquam nec precibus, nec minis in ijs, quæ fidei, quæ veritatis, & religionis erant, posset auerti ab opinione sua, quapropter Fidei defensor est appellatus. Templum S. Mariæ ad Mineruam nuncupatum testudine, & primum ædium impluuium eius Templi, quod Claustrum vocat à fundamentis crexit, & picturis exornauit, quibus meditationes vtriusque testamenti graphice inscriptas, vt facilius picturæ dignosci valeant, iussit apponi, Euangelium, & Scripturam in imaginibus ipsis docens. Eugenius Legatus interfuit Concilio Bituricensi in Gallijs iussu Caroli Regis Francorum habito ad tollendum Schisma, quod Basileenses Patres excitant in Ecclesia Catholica. In quo Conuentu Carolus Rex publicè fassus est ex Consilio Prælatorum, ac Procerum Regni sui velle in obedientia Eugenij permanere. Primum apud sui temporis Theologos locum tenuit, disputauit egregiè in Concilio Florentino pro Latinis, quare à Græco Scriptore apud Henricum Spondanum in Annalibus Ecclesiasticis dicitur Philosophus Latinorum, & Dialecticæ peritissimus. Acerrimus fuit defensor, &

vindex Reuelationum cœlestium prædictæ Sponsæ S. Birgittæ Viduæ de Regno Sueciæ; cùmque ex commissione Sedis Apostolicæ has S. Birgittæ Reuelationes studiosè, ac diligenter perlegisset, affirmavit veraciter à bono Spiritu promanasse, & omnes Fidei Catholicæ veritate saluæ, & sine Doctorum SS. iniuria sustineri posse. Legionensem Episcopatum Pius II. Ioanni huic Cardinali S. Sixti contulit, sed Henricus Castellæ, ac Legionis Rex illi possessionem numquam concessit; hac de causâ multæ, & magnæ contentiones inter Regem, & Pontificem emerferunt. Tres Principes Hæreticos in aula Regis Bosniæ potentes victos ad Pontificem Maximum ductos Ioannes hic in fide instruxit, ac tandem persuasit abiuratis erroribus Ecclesiæ Romanæ, quæ nec falleret, nec falleretur documenta suscipere. Horum duo in fide permanere, tertius ad vomitum rediens, dum in Patriam tenderet ex itinere dilapsus ad Stephanum Bosniæ Ducem perfidiae socium confugit. Su blacense Monasterium administravit; atque in illo Pium II. Romanum Pontificem magno cum apparatu hospitio excepit. Nemini visus est obrectare, Amicos habuit doctissimos, Nicolaum Perottum, Bessarionem, Ioannem Antonium Campanum. Edidit autem infrascripta Opera, in Gratiani Decreta Volumina quatuor: De Pœnitentia, de Concilio Florentino, de Consecratione, de Concilijs. De Conceptione Domini libri tres. De Corpore Christi contra Bohemorum errores. De Aqua lustrali. Meditationes in Vitam Christi. Contra Ismaelitas de Animæ salute. De Vnitæ Græcorum. De Sacramentis librum vnum. Summa Ecclesiæ libri sex. De Auctoritate Romanæ Ecclesiæ. In Regulam S. Benedicti Quæstiones, seu Scholastica. Postilla in totius anni Euangelio. Sermones de tempore, & de Sanctis. Commentaria, seu Paraphrasim breuissimam, locupletissimam, lucidissimamque simplicem, & apertam Sermonem ad Pium II. dictam in omnes Psalmos Davidicos. De Conceptione Deiparæ Mariæ libros tresdecim, & alia quædam. Tostati Theologicas quasdam Theses impugnauit. His actis de Catholica Ecclesia benemeritus 79. vel 80. anno mortuus Romæ in Cœnobio Mineruæ sui Ordinis Spiritum Deo reddidit, & in Sacello à se constructo in honesto Sepulchro visitur, cum tribus inscriptionibus, quarum vnâ posuit Societas Annunciationis ab ipso erecta de maritandis quotannis in Festo Annunciationis Puellas multas nobiles, quas dotes multis centenarijs virginibus donat Summus Pontifex ipse sua manu, in æternam tanti Auctoris memoriam. Innumeri sunt, qui eum laudant Ciacconius, Balchassar Porreghius in Elogijs Cardinalium Hispanorum, Aubery in Vita, & innumeri alij, qui seriè rem texerent maximam.

CAPVT PRIMVM.

Quòd in Ecclesia sit Ordo.

EXPLETO sermone de vniuersali Ecclesia in superiori libro: reliquum est, vt secundum librum, in quo de Ecclesia Romana, & Pontificis eius Primatu nos loqui polliciti sumus attingamus. Ostendemus autem in primis tamquam omnium dicendorum in hoc libro potissimum fundamentum: quòd in Ecclesia, quam in superiori libro multiplicium ordinum, statuum, ac officiorum varietate distinctam, ornataque ostendimus, ordo esse debeat: & sit siue gradu superioritatis, quo quidam in ea potestate, ac dignitate, siue officio alijs superiores sint, ac potiores. Quod nobis ostendere ex multis facile est.

Primò sic iuxta S. Thom. in 25. [Deus enim ita opera sua in sui similitudinem producere voluit, vt perfecta essent, & per ea cognosci posset, & ideo in suis operibus repræsentaretur: non solum secundum quod in se

est, sed etiam secundum quod alijs insuit.] Hanc legem naturalem posuit omnibus, vt vltima per media perficeretur, & media per prima, vt dicit beatus Dionysius: Decentissimè ergo ne huiusmodi pulchritudo deesset Ecclesiæ, posuit ordinem in ea, vt quidam alijs influerent sacramenta, alijs dispensando, suo modo in hoc Deo assimilari, quasi Deo cooperatores; ergo in Ecclesia est ordo, & graduum differentia potestatis.

Secundò sic: æquè, vel magis debet esse regulatus processus Ecclesiæ ordinatus ad esse gratiæ, quam processus naturæ ordinatus ad esse naturæ: sed in processu naturæ est ordo, quo quidam alijs sunt superiores officio, & habent alijs influere; ergo & in Ecclesia debet esse ordo, quo quidam alijs sint superiores potestate, & officio, & habent alijs influere: doctrina scilicet, & sacramentorum dispensatione.

Tertiò sic: Ecclesia militans exemplaria est à triumphante, siue cœlesti: secundum illud Exod. 25. [Inspice, & fac secundum exemplar tibi monstratum in monte.] Vnde beatus Dionys. in cap. 6. Eccle. Hierarc. dicit ita: [Nostra enim Hierarchia à Deo traditis ordinibus sanctè disposita sanctis, & cœ-

lectibus Hierarchiis conformis est. De qua etiam conformitate ipse Caelorum Conditor, & amator inquit Job 38. [Numquid nosti ordinem Caeli, & rationem eius pones in terra, subaudi vt ego.] inquit beatus Greg. in glos. Ordo quidem Caeli in terra ponitur, hoc est in militante Ecclesia: cum a triumphantis Ecclesie exemplari militans disponitur, & formatur; sed in Ecclesia triumphanti est ordo, quo quidam Angeli sunt alij potestate superiores, & dignitate, & habent eis influere diuinas illuminationes; ergo similiter in Ecclesia militante talis ordo, siue gradus superioritatis ponendus est, quo quidam alij habeant diuina ministrare. Et hæc est ratio beati Greg. in cap. ad hoc, 89. dist. ita loquentis. Quia verò quæcumque creatura in vna, eademque qualitate gubernari, vel viuere non potest, coelestium militarium exemplar nos instruit: quia dum sunt Angeli, & Archangeli: liquet quia non æquales sunt, sed in potestate, & ordine, sicut nostis, differunt alter ab altero.

Quartò confirmatur ista ratio sic: Ecclesia militans est instituta ad formam Hierarchiæ. Vnde de Ecclesiastica Hierarchia beatus Dionys. librum illustrem fecit, qui ita de Ecclesiastica Hierarchia intitulatur: Sed ratio Hierarchiæ in ordine potestatis consistit. Dicitur enim Hierarchia à Hieros, quod est sacrum, & Archos, quod est Princeps: quasi facer Principatus. Et Dionys. definiens Hierarchiam lib. coelest. Hierarch. cap. 3. dicit: quod est ordo, scientia, & actio, &c. ergo sequitur, quod præfatus ordo hierarchicus sit in Ecclesia ponendus.

Quintò: Ecclesia constituitur ex duplici pariete, siue latere, scilicet laicali, & clericali; sed in pariete laicali est ordo: vt potè Imperator, Rex, Dux, Comes, tribunus, balliui, Centurio, Decurio: omnia hæc ordine dicunt; ergo videtur, quod in pariete clericali, qui spirituali militia Deo militat, debeat esse huiusmodi ordo; ratio est manifestata.

Sextò sic: Omnis multitudo aut confusa est, aut ordinata; sed vniuersitas Ecclesie cum sit à sapientissimo Christo instituta: & Apostolus dicat ad Rom. 13. [Quæ à Deo ordinata sunt, confusa esse non possunt.] Vnde de ipsa dicitur Cant. 4. [quod sit vt Castrorum acies ordinata;] ergo necesse consistendum est, quod in ea ordo sit, & esse debeat: maximè cum ordo faciat ad concordiam, & decorem, & ad firmam existentiam vniuersitatis: secundum illud beati Greg. in cap. ad hoc, dist. 89. ita dicentis: Ad hoc dispensationis prouisio gradus diuersos, & ordines constituit esse distinctos: vt dum reuerentiam minores exhiberent potioribus, & potiores minoribus dilectionem impenderent, & vera concordia fieret ex diuersitate contextio, & rectè officiorum gereretur administratio singulorum: nec eum vniuersitas alla poterit ratione consistere, nisi huiusmodi eam magnus differentia ordo seruet. Hæc ille. Ratione autem pulchritudinis, quæ in Ecclesia ex huiusmodi ordinis differentia confurgit dicitur, 3. Reg. 10. [Quod Regina Saba videns omnem sapientiam Salomonis, & habitacula seruorum, & ordines ministrantium

non habebat vltra spiritum.] Quod verbum pertractans Origenes lib. 2. super Cant. dicit: [Per hoc puto ecclesiasticum ordinem dici, qui in Episcopatus, vel Presbyterij Sedibus habetur.] Ex quibus apertissime conuincitur error, & stulticia negantium ordinem in Ecclesia, asserentes omnes Ecclesie ministros æqualis esse potestatis.

C A P. I I.

Quod talis ordo sit, & debeat esse in Ecclesia, vt vnus in ea superior sit Princeps, ac Rector existat.

ORdo autem, qui in Ecclesia est, & esse debuit ita accipiendus est: vt vnus in tota vniuersitate Reipublice Christianæ Summus Princeps Rector, ac Gubernator existat. Quod multiplici ratione colligitur.

Primò sic: Ex dictis ordo potestatis est in Ecclesia: vt in præcedenti capite est ostensum; sed ordo iste intelligitur secundum prælationem, & subiectionem: prælatio autem attenditur secundum ascensum, & descensum non secundum æqualitatem: & ascendendo superius necesse est status, & reductio ad vnum: cum non sit processus in infinitum, & è conuerso descendendo multiplicatio; ergo secundum rectum Ecclesie ordinem oportuit aliquem vnum esse Prælatum, & supremum, in quo totius potestatis ecclesiasticæ esset Status, qui omnium aliorum esset Rector, & Pastor. Vnde Dominus de hac Ecclesie suæ regiminis dispositione futura loquens per Prophetam air. [Suscitate super eos Pastorem vnum.] Ezech. 34. [Et Pastor vnus erit omnium vestrum.] Ezech. 37.

Secundò sic iuxta S. Thom. in 4. contra Gentiles: [Nulli dubium esse debet, quin Ecclesie regimen sit optimè ordinatum: vt potè per eum dispositum, per quem Reges regnant, & legum Conditores iusta decernunt.] Optimum autem regimen multitudinis, est, quod regatur per vnum, quod patet: tum auctoritate Arist. 11. metaphysicè, & 3. politicorū: tum ex fine regiminis. Pax autem, & vnitas subditorum est finis regentis, vt inquit Aug. [Vnitatis autem causa congruentior est vnus, quàm multi; ergo regimen Ecclesie sic à Deo esse dispositum creditur: vt vnus in eo toti Ecclesie præsit.]

Tertiò sic: Ad vnitatem Ecclesie requiritur, quod omnes fideles in fide conueniant. Vnde 1. ad Cor. 1. inquit Apostolus: [Idipsum dicatis omnes, & non sint in vobis schismata.] Est autem fides Religionis Christianæ fundamentum: secundum illud ad Heb. 11. [Sine fide impossibile est placere Deo.] Circa ea verò, quæ sunt fidei contingit questiones moueri: per diuersitatem autem sententiarum diuideretur Ecclesia, nisi in vnitatem per viuis sententiam conseruaretur. Exigitur ergo ad vnitatem fidei in Ecclesia conseruandam, vt sit vnus, qui toti Ecclesie præsit, vt Doctor, & Rector; manifestum est autem, quod

Quod Christus Ecclesie non deficit in necessariis, quam dilexit, & pro qua sanguinem suum fudit: cum & de Synagoga dicatur per Dominum: [Quid ultra debui facere vinee mee, & non feci.] Isa. 5. Non est ergo dubitandum, quin ex ordinatione Christi vnus toti Ecclesie prae sit.

Quarto sic: Ecclesia militans, sicut in precedenti capite argutum est, ab Ecclesia triumphante deriuatur; vnde Ioan. in Apocalypf. 21. ait: [Vidi Ciuitatem sanctam Hierusalem nouam descendentem de Caelo à Deo paratam sicut sponfam ornatam viro suo;] sed in triumphante Ecclesia vnus praesidet, qui etiam praesidet toti vniuerso scilicet Deus; ergo in militante Ecclesia etiam debet esse vnus praesidens etiam vniuersis. Hac ratione beatus Bern. vitit. lib. 3. de consideratione ad Eugenium ita dicens: [Non vitem reputes formam hanc, quae in terris formam habet in Caelo;] vidit hoc, qui dicebat: [Vidi Ciuitatem sanctam Hierusalem nouam descendentem de Caelo, &c.] sicut enim ibi Seraphym, & Cherubym, & ceteri ordines sub vno Capite Deo: ita & hinc Patriarchae, Archiepiscopi, & reliqui sub vno Pontifice Summo, quod non est parui pendendum, quod Deum habet auctorem, & quod de Caelo duxit originem. Hæc ille.

Quinto: In Ecclesia Dei non debet esse minor vnitas, quam in Synagoga: immò tanto maior, quanto sacerdotium euangelicum excellentius est Levitico; sed in Synagoga erat vnus Summus Pontifex, qui praeerat omnibus sacerdotibus scilicet Aaron, & postea Eleazar: & sic de alijs successoribus, cum summo sacerdoti, qui non obediebat, reus erat: mortis vt habetur Deut. 17. ergo multo magis in Ecclesia debet esse vnus Summus Pontifex, cui omnes tamquam superiori obedire teneantur.

Sexto: In vno spirituali populo vnus Ecclesie requiritur vnus Episcopus, qui sit totius populi Caput, cum summa regiminis fidelis populi ad episcopalem pertineat dignitatem; ergo etiam in toto Populo Christiano requiritur, quod sit vnus totius Ecclesie Caput; consequentia patet.

Septimo sic iuxta S. Thom. in 4. Vbi cumque sunt multa ordinata in vnum, oportet esse aliquod vniuersale regitium super particularia regitiua; quia in omnibus virtutibus, & actibus, vt dicitur, 1. Ethicorum: est ordo secundum ordinem finis; bonum autem commune dicitur diuini, quam bonum speciale; & idè supra potestatem regitiuum, quæ communicat bonum speciale, oportet esse potestatem regitiuam respectu boni communis: aliàs non potest esse colligatio ad vnum; ergo cum tota Ecclesia sit vnum Corpus, oportet si ista vnitas debeat conservari, quod sit aliqua potestas regitiua respectu totius Ecclesie supra potestatem episcopalem, quæ vnaqueque specialis Ecclesia regitur & gubernatur: & hæc est potestas Papæ. Vnde ex hoc concludit S. Thomas, quod qui hanc potestatem supream negant, Schismatici dicuntur, quasi diuisores ecclesiasticæ unitatis.

Octauo confirmatur sic: Regimen Ecclesie non creditur minus ordinatum esse,

quam regimen naturæ; immò ordinatius dispositum, cum gratia supergrediatur naturam; sed in his, quæ videmus in natura, vbi cumque est regimen naturale, semper illud totum regimen reducitur ad vnum principale regitium omnium, vt in corpore animalis, in quo sunt diuersa membra diuersis officiis, & actibus diuersis deputata, oportet dare vnum membrum; videlicet cor, vel caput, vnde omnium aliorum membrorum motus sensus, & gubernationis regimen deriuatur. Item tota machina vniuersi est vnum celeste Corpus; videlicet primum mobile, per cuius motum mouentur, & teguntur motus corporum inferiorum, vt habetur per Arist. 8. physik. In toto etiam Mundo est vnus supremus scilicet Deus vnus Rex vniuersæ terræ; ergo pariter in regimine Ecclesie oportet, quod sit vnus, qui toti Christianæ vniuersitati præsideat Caput, & Rector illius.

Nonò sic: Tota Ecclesia Dei est vna. Cant. 6. [Vna est columba mea. Est vnum Corpus.] 1. Cor. 12. [Multi vnum Corpus sumus. Est vna Ciuitas:] secundum illud Psalm. [Hierusalem quæ ædificatur vt ciuitas. Vna Hierarchia:] vt probatur per sanctum Dionys. lib. Eccles. Hierarch. [Vnum. Ouille.] Ioann. 10. Ergo necessario in tota Ecclesia est dandus vnus supremus Praesidens, & Rector, vnum Caput totius Corporis, vnus Princeps totius Ciuitatis, vnus Hierarcha totius Hierarchie, vnus Pastor totius Ouilis, siue Gregis Domini, & ita idem, quod prius. Hinc dicitur, Ioel. 1. [Congregabuntur filij Iuda, & filij Israel patiet & ponent sibi Caput vnum.] Et Dominus ait, Ioan. 10. [Erit vnum Ouille, & vnus Pastor.]

Decimò sic: Ecclesia est Regnum, siue Ecclesie Principatus est Monarchicus, siue Regalis. Hoc patet cum ex multis sacre Scripturæ locis, vbi Ecclesia Regnum Cælorum nominatur. Vnde & Isa. 9. dicitur: [paruulus datus es nobis, & filius datus est nobis.] Et sequitur: [Super Solum Dauid, & Regnum eius sedebit.] glo. 1. Ecclesiam. Et Luc. 1. dicitur: [Et Regni eius non erit finis.] Tum etiam, quia optimum genus politie est monarchicum, siue regale; cum iuxta sententiam Arist. 3. polit. omnium vrbaniatum perfectissima sit regnum, quod consistit ex omni ordine ad vnum secundum perfectissimam gubernationem. Propter quod Dionys. lib. de di: no: cap. 2. dicit. Quod regnum est omnis finis legis, & ordinis distributio; sed regnum est, in quo potestas regiminis residet apud vnum toti multitudinī praesidentem, vt tam ex 8. ethi. quam ex 3. polit. aperte colligitur; ergo talis à Deo Ecclesie Principatus constitutus est, vt vnus in eo superior potestate præsideat, & principetur. Hoc enim est de ratione regalis, siue monarchici Principatus, vt dictum est. Dicitur enim monarchicus à Monos, quod est vnum, & Archos, quod est Princeps: quasi vnus Princeps toti multitudinī praesidens. Et confirmatur per illud, quod idem Diuus Dionys. in principio tam celestis, quam ecclesiasticæ Hierarchie dicit: Quod ratio ornatus, & decentissimæ dispositionis attenditur in ordinatore consonantia, & connexion ad iuicem, & ad vnum simpliciter primum Monarcham.

Vnde.

Vndecimò sic: Principatus ille videtur omnibus alijs præstantior, & nobilior, quo inter subditos charitas, & pax, ac concordia: maxime nutritur, fouetur, & conseruatur: & quo seditio, & discordia, quæ est cuiuslibet coniunctionis corruptio, præcipue deuatur, hoc quoniam patet hæc sunt, quæ maxime Princeps cuiuscumque Principatus tenetur nutrire, & fouere in subditis, nam vt Cassio. in Epistolis suis dicit: Decet regalis apicis curam, gentē sibi commissam custodire concordem, quoniā ad laudem regnātis trahitur, si à sibi subditis pax habeatur, nihil quicquid est, quod sic Principem prædicet, sicut quietus populus, & concors seuatus, totaq; Respublica morum honestate vestita. Vnde Princeps pacis Christus, super cuius humerum factus est Principatus Isa. 9. corporaliter à fidelibus discensurus, pacem, & dilectionem præcipue illis commendauit, dicens: Pacem meam relinquo vobis: Pacem meam do vobis Ioan. 13. Et iterum: Hoc est præceptum meum, vt diligatis inuicem &c. sed hoc magis & congruentius fit, si Principatus fuerit apud vnum, sicut est in Regno, quā si fuerit apud plures, sicut in aristocrachia, siue in politia: vnitas enim, & pacis congruentior causa est vnus, quā plures, ergo sequitur, quod talis Ecclesiæ Principatus, siue Monarchicus, siue Regalis, in quo omnium ordinatorum reductio, ac adunatio, est ad vnum Principem potestatis, & auctoritatis omnibus præsentem. Hinc Ecclesia per Archam Noe designatur, quæ in vno cubito consummata fuit Gen. 7.

Duodecimò præfatus ordo, scilicet omnium ad vnū adunatio, in Ecclesia clarissime probatur ex eo quod commendabilior est, atque præstantior. Vnde de eius cōmēdatione loquitur B. Alber. M. in l. suo de Missa dicens: Hæc adunatio, scilicet multorum, per omnē ordinem graduū Ecclesiæ ad vnū caput in Cælo refertur, in naturis ostenditur: in operibus exemplificatur in Diuinis legibus præcipitur, & in toto corpore mystico obseruatur. In Cælis enim Angeli ad Archangelos, Archangeli ad Principatus, & Principatus ad Potestates, Potestates ad Virtutes, Virtutes ad Dominationes, & Dominationes ad Thronos, & Throni ad Cherubim, & Cherubim ad Seraphim secundum obedientiæ, & illuminationis ordinem ordinantur, & ipsa multitudo Angelorum, quæ in quolibet est agmine, ad vnā personam, quæ in quolibet ordine præminet, adunatur. Et ideo ordo Cæli vocatur, quia omnis ordo est multorum in gradibus differentiam ad vnum. Iob. 38. Numquid nosti ordinem Cæli, & rationem eius pones in terra? Hoc etiam in naturis ostenditur: vbi multi ramusculi ad virgas, vbi multe virgæ ad ramum, vbi multi rami ad stipitem vnum, vbi multi stipites in vna radice insiguntur, vt omnia socia fiant, & participia succi, qui est in radice; ad Rom. 11. Socius radicis oliuæ, & pinguedinis factus est. Sic multi grues vnani sequuntur ordine literato, sic multa membra in corpore vnus capitatis percipiunt beneficia 1. Cor. 12. Sicut enim multa membra in vno corpore habemus, omnia aut membra non eundem actum habent, ita multi vnum corpus sumus

in Christo. In Christi operibus hæc adunatio etiam exemplificatur, quia Christi opus semper est, in vnum colligere disperfa. Diaboli autem opus est, adunata diuidere, & dispergere. Hinc est quod Ioan. 10 dicitur: Fiat vnum ouile, & vnus Pastor. Et Mat. 12. Qui non colligit mecum, dispergit. Hæc adunatio præcipitur in legibus Diuinis, quia, sicut dicit beatus Dionysius, lex Diuinitatis est, per prima media, & per media vltima reducere. Talis autem reductio vltimorum ad media, & mediorum ad prima, non potest esse nisi in ordine ad primum, sic ergo lex Diuinitatis est, sicut descensus est illuminationum, & charismatum ab vno, sic reductio ad primum. Hæc enim lex sicut superiora mouet, & ligat ad inferiori prouidentiam, & curam; ita inferiora ligat ad superiorum obedientiam, vt omnia hoc modo sint conuexa. Psal. Distribuite gradus eius, vt enarratis in progenie altera. & Daniel. 9. Sta in gradu tuo. Sic enim octo gradibus ascenditur ad Deitatis templum, & culturam, vt dicitur Eze. 41. Papatu scilicet, Patriarchatu, Primatu, Archiepiscopatu, Episcopatu, Abbatum reuerentia, præpositura, Decanatu, Cura Parochiali. Curam enim Archidiaconorum sub præpositura comprehendimus. Hoc etiam in toto corpore mystico, quod est Ecclesia, obseruatur, in quo omnia ad vnum diriguntur, quæ Petri clauibus committuntur, Mat. 16. Tibi dabo clauis Regni Cælorum, & quodcumque solueris super terram &c. Hæc clauis vni committitur, vt plenitudo potestatis in vno ostendatur, & in alios ab illo, secundum partē sollicitudinis, ad quam vocatur, committatur. Hæc Albertus Magnus. Ex quibus manifeste conuincitur error dicentium Principatum Ecclesiæ non esse Monarchicum.

CAP. III.

In quo ponuntur obiectiones quedam aduersariorum contra prædicta de vnitatis vnus Presidentis, & Capituli in Ecclesia.

SVNT quidam aduersariorum prædictæ vnitatis hostes, qui rationes inductas in præcedenti capite ad ostendendum quod in Ecclesia dandus sit vnus Princeps, rector, & gubernator cunctorum fidelium, euacuare molientes, respondent ad rationes præfatas, dicentes: quod ille vnus rector, & Pastor, quem rationes præfatæ in Ecclesia esse necessario concludunt, sit Christus, qui caput est omnis Principatus, vt inquit Apostolus ad Colo. 1. & quod nullus alius purus homo Princeps in vniuersali Ecclesia vnus dandus sit. Quam responsionem tribus rationibus fulcire nituntur.

Primo, quia vt dicunt, vnitas vniuersalis Ecclesiæ, ex ordine populi Christiani ad vnum caput, quod est Christus Saluator, & Redemptor ipsius, & cui fide, & spe, & charitate coniungitur, non respectu alicuius alterius fumenda est.

Secundo, quia dicunt, quod etsi Principatus Ecclesiæ sit Monarchicus, siue Regalis,

lis, hoc est respectu Christi, & non respectu alicuius alterius, qui vnus principetur, & præsideat toti Ecclesiæ, cuiusmodi sit Papa: quoniam si respectu alterius, Principatus Ecclesiæ esset Regalis, iam alius, quàm Christus Rex, vniuersalis Ecclesiæ veniret dicendus quod non videtur conueniens.

Tertiò dicunt, quod sicut in potestate, & Principatu seculari, non obstantibus præfatis rationibus, non videtur necessarium, nec fortè expediens, quòd vnus sit Princeps super omnes alios laicos Principes, & Reges; ita non videtur in Principatu Ecclesiastico necessarium, quod detur vnus, qui omnibus præsideat.

CAP. IV.

In quo confutatur prædicta aduersariorum responsio, ut respondetur rationibus eorum.

Quòd responsio præfata aduersariorum ad rationes inductas in præcedenti capite pro vnitatem vnus rectoris, & Principis, qui toti Ecclesiæ præsideat, nulla sit: nec rationes inductæ in fauorem eorum, alicuius sint roboris facilius ostendimus.

Et primò, quòd responsio data nulla sit sic: Oportet omnem Communitatem habere vnum caput, siue rectorem, qui visibiliter cum illa conuerfetur circa personas illius regiminis, sui ministerium pro varietate temporum, locorum, ac personarum exercendo, sententiando de illa, vel de illa: corrigendo hanc, vel illam personam, secundum communem cursum. Christus autem non conuerfatur nunc cum fidelibus suis modo prædicto. Necessarium ergo videtur secundum rationes prius factas ad bonum regimen Ecclesiæ, quòd aliquis alius à Christo, vices tamen eius gerens, sit ipsius Ecclesiæ rector, & Pastor, qui cum ipsa Ecclesia visibiliter conuerfatur. Vnde beatus Thom. in 4. contra Gentiles, cap. 76. responfionem præfata, aduersariorum tandem minùs sufficientem euacuans, ita inquit. Si autem quis dicat quòd vnum caput, & vnus Pastor est Christus, qui est vnus vnus Ecclesiæ sponsus, non sufficienter respondet, manifestum est enim quòd omnia sacramenta Christus ipse perficit: ipse enim est qui baptizat Ioan. 1. & ipse est, qui peccata dimittit Ioan. 1. ipse est verus Sacerdos, qui se obtulit in ara Crucis, in cuius virtute corpus eius continuò in altari consecratur; vt etiam habetur extrà de Sum. Trinit. & Fide Catholica c. 1. §. vna de consecr. dist. 2. c. quia corpus. Et tamen, quia corporaliter non erat cum fidelibus omnibus permanens, elegit Ministros, per quos prædicta fidelibus dispenseret: eadem ratione, qua præsentiam corporalem erat Ecclesiæ subtrahturus, oportuit quòd alicui committeret, qui loco sui vniuersalis Ecclesiæ curam gereret. Hinc est quod Petro inquit ante Ascensionem suam: Pafce oues meas Io. vlt. Et ante Passionem: Tu autem aliquando conuersus confirma fratres tuos, Luc. 22. Hæc S. Thom. Quòd verò rationes quas ad-

uersarij in eorum errorum inducunt nullius roboris sint, ostendimus.

De prima quidem pater Licet enim vnitatis corporis Christi quod est Ecclesiæ, principaliter sumenda sit, ex ordine ad Christum, qui principale caput eius est: cuius omnes fideles, qui eius vera membra sunt Fide, Spe, & charitate, conuectuntur: nihilominus Ecclesiæ vnitas quantum ad gubernationem exteriorem, secundum quam ex Diuina institutione est ordo inter ipsos Ecclesiæ Prælatos, & rectores, etiam assumenda est, & assumitur ex ordine ad vnum principalem Christi Vicarium totius vniuersalis Ecclesiæ Principem, & Pastorem. Est autem huiusmodi vnitas ostensua, & conseruatua vnitatis interioris Ecclesiæ ad Christum. Ostensua quidem: Dicit enim Cyprian. in Epist. ad Magnum: Dominus insinuans nobis vnitatem de Diuina auctoritate venienti ponit, & dicit: Ego & Pater vnum sumus, ad quam vnitatem redigens Ecclesiam suam, ait: Et erit vnus grex, & vnus Pastor. Item in c. loquitur 24. quæst. Cyprian. ita inquit: Loquitur Dominus ad Petrum: Ego dico tibi quia tu es Petrus, & super hanc petram ædificabo Ecclesiam meam, super vnum ædificabo Ecclesiam. Et 1. Exordium ab vnitatem proficiscitur vt Ecclesiæ Christi vna monstretur. Cæterum vnitatis hæc in Ecclesia penes ordinem ad vnum generalem gubernatorem, & rectorem Ecclesiæ est conseruatua vnitatis interioris fidelium ad Christum. Dicit enim gloss. super illud Matth. 16. Tibi dabo clauis &c. Spiritualiter potestatem clauium Christus Petro concessit, vt ad vnitatem nos inuicaret. Ideò enim eum Principem Apostolorum constituit: vt Ecclesiæ vnum principalem Christi haberet Vicarium, ad quem diuersa membra recurrerent, si fortè inter se dissentirent: quòd si diuersa capita essent in Ecclesia, vnitatis vincula rumperentur. Hæc ibi. Et Hieronym. ait: Ex 12. vnus eligitur, vt capite constituto schismatis tolleretur occasio.

Secunda ratio aduersariorum etiam nullius est roboris, quoniam falsum est quòd aiunt, videlicet quòd Principatus Ecclesiæ respectu Papæ non sit Monarchicus, siue Regalis, hoc enim videtur contrariari & Sacre Scripturæ, & rationi. Sacre quidem Scripturæ contradicit: quæ habetur Io. 10. Erit vnus ouile, & vnus Pastor. Item Scripturæ Sanctæ illi, vbi beatus Ioan. Apoc. 21. ait: Vidi ciuitatem sanctam Hierusalem nouam descendentem de Cælo &c. vbi Ecclesiæ militans dicitur imitatione descendere a Cælo, quia formam ordinis cœlestis habet, sicut beatus Bernardus ait 3. de consideratione ad Eugenium Papam ita dist. sicut fuit §. 2. cap. inductum. Non vitem reputes formam, hanc quæ in terris est: formam habet in Cælo, vidit enim hoc, qui dicebat: Vidi ciuitatem sanctam Hierusalem nouam descendentem &c. sicut enim ibi Seraphim, & Cherubim, & cæteri Ordines sub vno capite Deo; ita & hic Patriarche, Archiepiscopi, & reliqui sub vno Pontifice Summo; quòd non est paruipendendum, quòd Deum habet auctorem, & quòd de Cælo sumptum originem. Hæc ille. Ex quibus pater quòd aduersariorum fantasia Sacre Scripturæ aduersatur.

Quod

Quod Aduerferetur etiam rationi patet. Tum quia eadē species politię manet in Principatu respectu principalis, & respectu Vicarij instituti à principali cum plenitudine potestatis. Vnde idem Consistorium reputatur Episcopi, & sui Vicarij, vt in c. Romana extra de appellationibus l. 6. Tum quia Ecclesię regimen non solum in pręsentia corporali Christi debuit optimē disponi, quod est disponi, & ordinari sub suprēma, & nobiliori specie regiminis, siue politię, cuiusmodi est regalis, sed etiam in eius absētia corporali. Sunt etiam ad hoc rationes factę supra in 2. c. Facit etiam ad hoc; primò quia naturalior est Principatus vnus in multos, quā possit esse multorum in vnum. Natura enim principiorum amat singularitatem, vt ait beatus Augustinus primò de nuptijs, & concupiscentia. Hinc Aristoteles probans vnitatem primi principij 12. metaphys. ait: Entia nolunt malē disponi, neque bona pluralitas Principatuum, vnus ergo Princeps, in apibus etiam vnus est Princeps, & grues vnā sequuntur ordine literato, ait beatus Gregorius in c. in apibus 7. q. 1. Secundò, quia inter species regiminis humanarum ciuilitatum nobilior, & pręstantior est species Regalis regiminis, in quo summa potestatis, & Principatus auctoritas est apud vnum, vt 3. politic. Arist. docet. Tertiò, quia huiusmodi regiminis dispositio magis assimilatur diuino regimini in quo Deus pręsidet toti Mundo, vnus Deus omnium gubernator, & rector: Ecclesiastici 1. Vnus est altissimus creator omnium. Quartò, quia in triumphante Ecclesia, à qua Ecclesia militans exemplariter descendit Apoc. ult. Hierarcha vnus supremus est cunctis Ordinibus pręsiciens, in quem omnis hierarchia consummatur, vt ostendit Diuus Dionys. 5. Eccles. hierarch. Quintò, quia in lege veteri, quę figura nouę legis fuit, vnus summus Sacerdos diuina dispositione fuit institutus, cui ceteri omnes parere debent. Sextò, quia vno toti Ecclesię pręsidente, nulli dubium, quòd vnitas fidei per quam Ecclesia maximē vna dicitur, melius conseruatur, de qua Apost. 1. ad Cor. 1. Idipsum dicatis omnes, & non sint in vobis schismata. Quod verò aduersarij arguunt, quòd si Principatus Ecclesię esset Regalis respectu alterius, quā Christi, alius quā Christus Rex Ecclesię dicendus veniret, quod inconueniens esse putant. Hoc parum valet. Tum primò, quia non est inconueniens reputandum Papam dici Regem Ecclesię, sub Christo tamen, sicut eius Vicarium, licet hoc vnus non habeat; quoniam cūm Papa rector Ecclesię sit quantum ad interpretationem vocabuli, non dubium quia Rex rectē, & veraciter dici possit. Dicunt enim Rex, vt ait Iud. à regendo. Præterea non videtur magis inconueniens quòd Papa Rex nominetur, quā quòd Princeps. Legitur autem à Christo nominatus Princeps, secundum illud quòd Ecclesia dictum esse à Christo. Petro commemorat, cūm ait: Simon Petre antequam de meam vocarem te, noui te. & super plebem meam Principem te constitui. Ceterum hoc nomine etiam omnes Apostoli à Spiritu Sancto per os Prophete appellati leguntur ps. 44. Constitues eos Principes super omnem terram.

Vnde etiam Episcopi loca Apostolorum tenentes Principes nominantur in c. Ecclesię Principes, dist. 35. Quocirca non mirum si etiam Reges nominantur, attento maximē quòd Apostoli ipsi, eorumque successores sub Regis nomine à Spiritu Sancto describuntur psal. 44. vbi dicitur: Delectauerunt te filiæ Regum. Quod verbum Augustinus exponens super psalm. 44. ita inquit: Etenim omnes Ecclesię, quę illis euangelizantibus, & prædicantibus natę sunt, filiæ Regum sunt, ille enim Rex Regum, illi autem Reges, de quibus dictum est: Sedebitis super duodecim Sedes iudicantes duodecim Tribus Israel. Hęc Augustinus. Nihilominus tamen licet Papa, & Prælati Ecclesię Reges nuncupari veraciter possent. Hoc tamen non fit duplici de causa, vt tangit Dominus Aluarus in l. suo de Potestate Ecclesiastica. Prima est propter superbiam vitandam, quę nomine Regis importari videtur, secundum illud Apostoli Petri: Regi quasi præexcellenti, 1. Petri 2. Christus enim humilitatis magister, iuxta illud March. 11. Discite à me, quia mitis sum, & humilis corde. Suos Discipulos, ac Vicarios vult per omnia humilitatem seruare, vnde Luc. 22. dicebat: Qui maior est vestrum fiat sicut minor, & qui prædecessor, sicut ministrator; propter quòd illos non solum superbiam, verum etiam superbiam vocabula vult declinare, maximē cūm nihil in Episcopali ceruice splendidus fulgear, quā humilitas, vt in c. contra morem, dist. c. Secunda causa est, vt quemadmodum inter spirituales, & temporales Principes est discretio potestatis; ita etiam sit in nominibus differentia. Assumpserunt ergo sibi seculares Principes nomen mundanę glorię expressiuum, scilicet nomen Regis. Spirituales verò alijs humilioribus proprium officium designantibus, & vltimum finem demonstrantibus nominibus nuncupantur. Dicuntur enim Pastores, Rectores, Iudices, Sacerdotes, Præpositi, Pontifices, &c. Vnde in c. Duo sunt, dist. 96. dicitur: Duo sunt quibus principaliter hic Mundus regitur, auctoritas facta Pontificum, & regalis potestas. Probatur ergo quòd licet Papa ratione humilitatis Rex non nominetur Ecclesię, ex hoc tamen non sequitur quòd Principatus Ecclesię non sit monarchicus, siue regalis; & quòd regimen Ecclesię non sit monarchicum, siue regale, quia propria ratio Regni in hoc consistit, quòd regimen, & Principatus eius sit apud vnum quicumque nomine nominetur ille vnus, siue Regis nomine, siue Ducis, aut Pontificis, siue Pastoris, siue Imperatoris. Tum secundò, ratio aduersariorum vacua est viribus, quoniam vt patet ex dictis non est inconueniens vt alius in persona à Christo dicatur Rex, aut Rector, aut Pastor, aut Princeps Ecclesię; dum tamen non sit alius auctoritate. Papa enim cūm Vicarius sit Christi, vices eius gerens in Ecclesia, non est alius Rex Ecclesię alicuius auctoritatis, quā Christus.

Ceterum, tertia ratio etiam non militat duplici de causa. Prima, quia præsupponere videtur, quòd in vniuersitate Christiana non sit vnus, qui tam in spiritualibus, quā in temporalibus præsides vniuersis, quòd

sim.

ſimpliciter, & abſolute negare, non videtur nobis conuenienter dici, quoniam vt nos 1. auxiliante Deo oſtenſuri ſumus, Papa qui eſt ille vnus, qui vice Chriſti omnibus præſideat, non ſolum in ſpiritualibus, ſed etiam aliquo modo inferius exponendo, in temporalibus, Principatum, ſive poteſtatem habet in tota Republica Chriſtiana, diſponente eo cuius Vicarius eſt. In cuius ſermone ſcriptum eſt Rex Regum, Dominus Dominantium, Apoc. 19. Secunda cauſa eſt propter quam ratio adueſariorum non valet, dato quòd ille vnus non præſideat in temporalibus, eſt: quia non eſt eadem ratio de præſidendo vnum in temporalibus, & in ſpiritualibus. Primò quia ſciffura vnitatis, ſcilicet fidei in Eccleſia, ad quam conſeruandam maximè inſtitutum eſt, vt in 3. c. oſtendimus quòd vnus præſideat toti Eccleſiæ, eſt maximè periculofa fidelibus, cum extrà illam non fit ſalua iuxta illud Marc. vlt. Qui verò non crediderit, condemnabitur. Et illud Apoſtoli ad Hebr. 11. Sine fide impoſſibile eſt placere Deo. Non ſic autem eſt de aliqua alia vnitare in quacumque politiâ inter fideles obſeruanda, cum non ſit neceſſe omnes eos conuenire in politiâ communi, ſed poſſunt ſecundum diuerſitatem climatum, & linguarum, & conditionum hominum eſſe diuerſi modi viuendi, diuerſe politiæ, ſicut ſunt: propter quòd non eſt ita neceſſe Mundum regi per vnum in temporalibus plenam in omnibus poteſtatem habentem, ſicut in ſpiritualibus. Secundò quia non eſt neceſſarium leges ciuiles, quibus Regna, & Prouinciæ reguntur, eſſe conformes, ſive eaſdem apud omnes nationes propter varietatem morum, & conditionum hominum in diuerſis Prouincijs, imò ſecundum varietatem nationum, variantur, quia non omnibus egedem leges conuenire poſſunt, nec etiam omnes omnibus ſecundum naturam, & conſuetudinem poſſibiles eſſe poſſunt, quòd tamen eſt de ratione legis ſecundum illud Iſidor. lib. ethyæ. & habetur diſt. 4. cap. erit autem, vbi dicitur: (Erit autem lex honeſta poſſibilis ſecundum naturam, & ſecundum conſuetudinem propriè loco, temporique conueniens.) Eſt autem neceſſarium, vt obſeruantiâ diuinæ legis, per quam eſt ingreſſus ad vitam ſecundum illud Matth. 19. [ſi vis ad vitam ingredi, ſerua mandata:] vniſormiter in tota Republica Chriſtiana ab omnibus obſeruetur.] Et quia ad hoc multum operatur, vt ſuprà probauimus, quòd vnus in tota politiâ Chriſtiana rector, & magiſter præſideat: ideo magis eſt neceſſarium, vt in ſpiritualibus præſideat vnus in Republica Chriſtiana, quam in temporalibus. Terciò, quia facilius vnus poteſt præſeſſe toti populo Chriſtiano in ſpiritualibus, quam in temporalibus. Tum propter diuerſitatem, & variam multipliciſſimam, quæ in temporalibus negotijs maior, quam in ſpiritualibus inuenitur. Tum quia micro, quo princeps Eccleſiæ contra rebelles, & errantes vitæ, quæ eſt excommunicatione: facilius extenditur in quantumlibet longinquas nationes, quam facit gladius materialis, quo principes ſeculares vtuntur. De quo Apoſtolus ad Rom. 14. inquit: [Quòd non ſine cauſa gladium portat.] Quarto, quia quòd vnus

præſideat in tota Eccleſia in ſpiritualibus, eſt iure diuino, & diuina inſtitutione: iuxta illud Io. vlt. [Simon paſce oves meas.] Quòd verò vnus plene in temporalibus in toto populo Chriſtiano præſideat, nec naturali iure, nec diuino videtur haberi expreſſum: quoniâ licet Philoſoph. in polit. dicat dominationem eſſe in ſingulis Ciuitatibus, vel Regionibus: non autem dicitur Imperij, vel Monarchiæ. Vnde Aug. 4. de Ciuitate Dei dicit: [Quòd melius, ideſt, magis pacificè regebatur reſpublica, quando vniuſcuſque regnum ſuæ patriæ terminis finiebatur.] Ex dictis in hoc capite clariſſimè conuincitur error dicentium: [quòd non eſt ſcintilla apparentiæ, quòd oporteat eſſe vnum caput in ſpiritualibus regens Eccleſiam, quòd ſemper conſeruetur cum ea:] qui error inter errores 10. Huſ conſignatus eſt in Concilio Conſtantiæ. vt patet in Bulla Domini Papæ Martini V.

C A P. V.

In quo oſtenditur. multiplici ſacræ Scripturæ argumento, quòd beatus Petrus primatum inter Apoſtolos habuerit.

O ſtenſo, quam conuenientiſſimè in Eccleſia Dei dandus ſit vnus omnium, paſtor, & rector, qui Chriſti vice vniuerſitati præſideat fidelium: conſequens eſt videre, quis in Eccleſia ille ſit. Pro quo probabimus imprimis, quòd beatus Petrus primus poſt Chriſtū fuerit huiusmodi, qui in Eccleſia ſuper omnes primatum habuerit: quòd tam ſacræ ſcripturæ auctoritatibus, quam appetitis rationibus facile eſt offendere.

Primò quidem primatus beati Petri inter Apoſtolos, & principatus eius in Eccleſia Dei oſtenditur ex illo Matth. 10. vbi beatus Matthæus Euangelifta nomina Apoſtolorum deſcribens ait: Duodecim nomina Apoſtolorum ſunt hæc: primus Simon, qui dicitur Petrus, & Andreas frater eius, &c. In hoc autem, quòd primum Apoſtolorum Petrum nominat, & cum in capite Apoſtolorum ponit, manifeſtè ipſum habuiſſe primatum Apoſtolice dignitatis offendit, cum de prioritate dignitatis videatur loqui, non autem vocationis: quoniam ordine temporis non Petrus, ſed frater eius Andreas prius fuit ſecutus Chriſtum: & per conſequens ordine temporis prior fuit in diſcipulam Chriſti, ſicut habetur Io. 1. Vnde Dominus Albertus Magnus ſuper Matth. exponens illud: [Primus Simon &c.] ita dicit: Primus dignitate non vocatione, propter quòd vertex dicitur Apoſtolorum, Andreas verò ſecundus, & ſic deinceps: quia omnes ſubditi Petro, ſunt æquales. Et attende, quòd licet Petrus verax dicatur primus, non tamen dicitur Andreas ſecundus, nec Philippus tertius: & ſic deinceps: quia omnes ſecundi ſunt Petro, quoad iuriſdictionem: quia non vnus ſub alio, ſed omnes ſub Petro. Hæc Albertus, Gloſ. etiam ordinaria ſuper illud Matth. 10. Primus Symon, qui dicitur Petrus: ſatis explicat Petri pri-

matum ita dicitur. Voluit Dominus Apostolorum principem prius alio nomine vocari, vt ex ipsa con- uocatione nominis sacramenti uiuacitas commendaretur.

Secundò primatus beati Petri ostenditur ex illo Matth. 16. ubi dicens singulariter loquens Petro, inquit: [Et ego dico tibi: quia tu es Petrus, & super hanc petram edificabo Ecclesiam meam: & tibi dabo clauces regni Cælorum: & quodcumque ligaueris super terram erit ligatum, & in Cælis, &c.] Super quo uerbo glos. ord. inquit: Specialiter Petro clauces concessit, vt ad unitatem nos inuicaret: idè enim ipsum principem Apostolorum constituit, vt Ecclesia vnum principalem haberet Christi Vicarium, ad quem diuersa Ecclesiæ membra recurrerent, si fortè inter se dissentirent, quòd si diuersa forent in Ecclesia capita, unitatis vincula rumperebantur. Item ad idem Rabanus in glos. & etiam Beda in homilia sic dicit: Qui enim regem Cælorum maiori dilectione præ ceteris concessus est: meritò præ ceteris ipse collatis clauibus regni Cælestis donatus est.

Tertiò primatus Petri ostenditur ex illo Mat. 17. ubi Dominus postularum solutionem tributi ad Petrum inquit: [Vade ad mare, & mitte hamum, & cum pisce, qui primus ascenderit, tolle: & aperto ore eius inuenies scelerem: illum sumens da pro me, & pro te:] ubi manifestè designatur prerogatiua primatus Petri ex eo, quòd in solutione tributi Christus solum Petrum sibi sociauit. Pensa enim didragme, vt inquit Ambros. [Solutio erat capris: vnde iam dabatur intelligi, quòd Petrus post Christum super alios Apostolos caput, & prius constituendus ueniret.] Vnde August. lib. de quæstionibus noui, & veteris testamenti quæst. 79. mouens hanc quæstionem cur Christus tantus pro se, & Petro soluit didragma, ita respondendo dicit: [Saluator noster cum pro se, & Petro dari iubet didragma, pro omnibus soluisse videtur: quia sicut in Salvatore erant omnes causæ magistris, ita, & post Saluatorem in Petro omnes continentur: ipsum enim constituit esse caput eorum, vt pastor esset gregis dominici.] Hæc August.

Quartò, Petri primatus ostenditur ex illo, quòd Matth. 19. sequitur: ubi Apostoli interrogant Dominum dicentes: [Quis putas maior est in regno Cælorum:] quòd idè quærent, vt Chrysost. & gloss. interlin. dicunt: [Quia Discipuli videntes in tributi redditione, quòd Petrus Domino fuerat comparatus, arbitrati sunt Petrum Apostolis prælatum.]

Quintò Petri primatus ostenditur ex illo Luc. 22. ubi dicit: [Quòd facta est contentio inter eos, scilicet, inter Discipulos Christi, quis eorum videretur esse maior.] Quòd uerbum Greg. ita commentatus est: [Videtur hæc contentio habuisse mortuum: quia cum Dominus ab hominibus transigaret, oportebat aliquem eorum fieri principem aliorum, quasi Domini vicem gerentem.] Et rursus Chrysost. in eodem loco: [Credenda erat Petro summa Apostolorum. Dixit autem eis: Reges gentium damnantur &c.] Ecce hic apparer, quòd vnus inter eos, scilicet, Apostolos, maior certis, & præ-

decessor, & princeps erat ordinandus, vnde ait: [Sed qui maior est in vobis fiat sicut minor, & qui prædecessor est sicut ministrator:] quis autè esset huiusmodi prædecessor sue maior, non aperuit Christus quousque loquens ad Simonem Petrum ait: [Simon ecce sarhanas expetiuit vos, vt erubesceret sicut triticum: ego autem rogavi pro te, vt non deficiat fides tua: tu autem aliquandò conuersus confirma fratres tuos.] Vbi ex hoc, quòd præcepit Petro coram alijs Apostolis, vt deficiente, vel titubante fide in eis, ipse eos confirmare debebat: manifestè dat illis intelligere, Petrum, esse prædecessorem, rectorem, ac principem illis ordinatum. Vnde beatissimus Leo Papa in sermone quodam ita inquit: [Commune erat omnibus Apostolis periculum de temptatione formidinis, & diuinæ protectionis auxilio pariter indigebant: quoniã diabolus omnes exagitare, omnes cupiebat elidere: & tamen specialis cura à Domino Petri suscipitur, & pro fide Petri propriè supplicatur, tamquam aliorum status certior sit futurus, si mens principis victa non fuerit.] In Petri ergo omnium fortitudo munitur, & diuinæ gratiæ ita ordinatur auxilium, vt firmitas, quæ per Christum Petro tribuitur, per Petrum Apostolis conferatur. Hæc ille.

Sextò primatus Petri ostenditur apertissimè ex illo Io. 13. ubi Christus pedes Discipulorum lauaturus, venit ad Petrum, & dixit ei Petrus: [Tu mihi lauas pedes?] Super quòd dixit glos. interlin. [Venit ad Petrum, non post alios, sed prius ad primum Apostolorum.] Et August. in glos. [Quis nesciat primum Apostolorum esse beatissimum Petrum.] Primus autem vt in superioribus circa primam rationem diximus: intelligendum est dignitate non vocatione: quia vocatione primus non fuit.

Septimò primatus Petri ostenditur ex illo Ioan. vlt. ubi Christus ascensus in Cælum præsentibus alijs Apostolis, soli Petro omium suarum curam vniuersaliter committit dicens: [Simon diligit me, pasce agnos meos, pasce oues meas.] Super quo uerbo inquit beatus Chrys. primo, loco mei præpositus esto, & caput fratrum tuorum. Ex quibus manifestè constat, quòd Christus beatum Petrum loco sui in Ecclesia primum singulariter habere voluit.

Octauò Petri primatus ostenditur ex eo: quòd Christus doctrinam, quam omnibus Apostolis, & Discipulis tradebat, per Petrum voluit in alios deriuari. Vnde Matth. 18. scribitur: [Aspiciens Iesus in discipulos suos dixit Simoni Petro: [Si peccauerit in te frater tuus vade, & corripe eum inter te, & ipsum.]

Nono primatus Petri ostenditur ex eo: quòd ipse Petrus quasi semper, aut responderet Christo, aut interrogare Christum pro omnibus Discipulis solitus est. Vnde interroganti Christo Discipulos: [Vos autem quem me esse dicitis.] Respondit Simon Petrus dixit: [Tu es filius Dei viui.] Matth. 16. Super quo uerbo beatus Chrys. ita loquitur: De plebis opinione interrogat omnes: sed omnibus discipulis interrogatis Petrus tamquam os Apostolorum, & caput pro omnibus respondet. Vnde sequitur. Respondens Si.

Simon Petrus &c. Item Interroganti Christo, an Apostoli cum alijs Discipulis, qui retrō abierant, abire vellent. Respondit Simon Petrus gl'os, vnus pro omnibus: [Domine ad quem ibimus.] Verba Dei habes Ioann. 6. Præterea dicenti Christo: [Et vos estote parati: quia qua hora non putatis filius hominis veniet.] Solus pro omnibus interrogat, an Christus Doctrinam suam ad solos ipsos referebat Discipulos, an ad omnes dicens. Domine an ad nos dicis hanc parabolam, an ad omnes, Luc. 12. Super quo, inquit gl'os. Theophil. Petrus, cui committenda erat Ecclesia, quasi omnium curam gerens inquit: vtrum ad omnes hanc parabolam protulisset. Item Christo dicente difficile fore diuitem intrare regnum Cælorum: solus Petrus pro omnibus interrogat: [Ecce nos reliquimus omnia, & secuti sumus te: quid ergo erit nobis &c.] Math. 19. Super quo verbo beatus Chrysostomus inquit: [Qui clauis regni Cælorum acceperat, de his, quæ ibi sunt, iam confidit, & pro Orbe terrarum interrogat vniuersa.] Et sic de multis alijs. Quis ergo iam dubitabit attentæ, ac continuo interrogandi, respondendique pro omnibus licentia, quàm sibi Petrus vindicabat: ipsum Petrum Apostolorum fuisse dignitate primum, & præstantiorem auctoritate.] Ait enim gl'os, in cap. placuit dist. 16. illi in conuentu debere prius loqui, cuius potior erat auctoritas.

Decimo, primatus Petri ostenditur ex his, quæ Petrus post Domini Ascensionem, præsentibus alijs Apostolis, ac consentientibus publicè gessit. In primis quidem sicut habetur Act. 1. Exurgens Petrus in medio fratrum ostendens ex veteris testamenti Scriptura alium loco Iudæ proditoris fore subrogandum in Apostolatu inquit: [Oportet ergo ex his viris, qui nobiscum sunt congregati, testem resurrectionis eius nobiscum fieri vnum ex istis.] Planè hoc verbum principis esse videtur: quod beatus Chrysostomus testatur super illud: Exurgens Petrus in medio fratrum dixit: Petrus vt inflammatus, & sicut ille, cui à Domino commissum erat ouile, & vt princeps semper incepit sermonem. Item 120. erant, & vnus quærit ex omni multitudine. Opportunè verò primo Petrus huiusmodi rei dominatur: quia ipse omnes in potestate acceperat. Ad eum enim dixerat Christus: [Et tu aliquando conuersus cõfirma fratres tuos.] Cæterum cum effuso Spiritu Sancto super Discipulos in die Pentecostes, & illis varijs linguis loquentibus multi irriterent illos, dicentes eos multo repletos: Petrus præsentibus alijs 11. Discipulis eleuans vocem suam locutus est: ostendens Ioelis Prophetæ testimonio eos non esse ebrios, sed Spiritu Sancto repletos, vt habetur Act. 2. Quod autem hoc etiam in Petro primatum designat ostendit gl'os. interlin. dicens. [Loquitur pastor pro ouibus.] Præterea Petrus Ananiam, & Saphiram Spiritui sancto mentientes, & Apostolis, sententiam mortis protulisse solus legitur dicens sic ad Ananiam. [Cur temptauit sathanas cor tuum mentiri Spiritui sancto, & fraudari de pretio agri?] In qua re maxime primatus Petri ostenditur. Vnde gl'os. dicit: Quamuis ante pedes Apostolorum Ananias, & Saphira, scilicet, partem pretij agri posuissent,

Tom. XIII.

tamen Petrus, quasi princeps Apostolorum, loquitur. Pari etiam modo in Simonem magum offerentem pecuniam Apostolis, vt potestatem haberet dandi Spiritum sanctum: Petrus in illum condemnationis sententiam protulit dicens. [Pecunia tua tecum sit in perditionem, quia donum Dei existimasti pecunia possideri.] Act. 8. vbi gl'os. interlin. super illud: Petrus autem dixit, inquit sic. [Petrus quasi princeps loquitur primus.] Amplius sicut legitur Act. 15. [Cum fieret magninquisitio inter conuersos ad fidem: vtrum conuersi ex gentibus circumcidi deberent, & alia legalia seruare; conueniunt Apostoli, & Seniores videre de hoc verbo.] Surgens autem Petrus, dixit ad illos. [Viri fratres vos scitis &c.] vbi Petrus protulit in Concilio generali sententiam, quod non teneretur conuersi ex gentibus circumcidi, aut legis ceremonias seruare.] Quod etiam hoc fuerit signum primatus Petri ostendit gl'os. super verbo: Sugens Petrus dicens sic. Præ omnibus quasi princeps loquitur. Ex his ergo gestis per beatum Petrum post Ascensionem Christi, quæ clarissima Principatus Petri testimonia sunt, manifestè apparet quod Petrus maior, ac Princeps Apostolorum fuerit: cum non sit verisimile quod beatus Petrus Spiritu sancto repletus præcipuus humilitatis commentator talia præ alijs attemptasset, nisi ex officio sibi incumbere cognouisset, & cæteris Prælatum se fore non dubitasset. Ex quibus apertissimè conuincitur error dicentium: quod beatus Petrus Apostolus, non ratione alicuius maioritatis potestatis, siue auctoritatis sed ratione tantum alicuius virtutis in eo præstantioris, cæteris præferebatur Apostolis.

C A P. VI.

In quo inducuntur aliquæ rationes ad idem, videlicet ad probandum, quod Petrus Apostolus Primatum habuerit super Apostolos.

L Icet ad probandum beati Petri Primatum, & superioritatem auctoritatis super Apostolos cæteros, & per consequens omnes alios Fideles: sufficere debeant sacre Scripturæ inducta testimonia: nihilominus ad ampliorem veritatis illustrationem Principatus beatissimi Petri Apostoli, illum apertis rationibus demonstrare curabimus.

Primo, sic ratione naturali: Dicente, & experientia docente videmus quod quisque sapiens paterfamilias habens plures filios, ne familiam relinquat confusam, & sine ordine, vnum aliquem, quasi primogenitum cæteris præponit, quem facit heredem vniuersalem: alios verò hæredes particulares sub eo: sicut Genes. 27. inquit Isaac filio suo Iacob, cui primogenita dederat: Esto Dominus fratrū tuorum, ergo videtur, quod similiter paterfamilias sapientissimus Christus cuius omnes credentes in eum, filij sunt secundum Ioann. 1. [Dedit ei potestatem filios dei fieri his qui

credunt in nomine eius.] Qui etiam dicit ad Apostolos omnes: [Vos fratres estis.] Matthæi 23. ira credendum est fecisse: ne familiam suam confusam, sine rectore relinqueret, ut aliquem unum alijs Apostolis præficeret Prælatum, ac Pastorem. Huiusmodi autem Petrus fuit, ut sacræ Scripturæ testimonia, quæ in cap. præcedenti induximus, apertissimè designant. Dicit Cyrellus vir, ac doctior clarissimus super illud Luc. 22. [Ego rogavi pro te Petre, ut non deficiat fides tuas ita, inquir.] Christus omisissis cæteris, venit ad Petrum cæteris Prælatum.

Secundò: Ille, cui commissum est à Christo cæteros fratres suos deficientes, & titubantes in fide confirmare, siue roborare, viderur Primatum, & magistrum auctoritatem super alios à Domino suscepisse; sed beato Petro Apostolo commissum est à Christo, ut cæteros fratres Apostolos, ac Christi Discipulos si forte eos fluquare, aut deficere à fide contingeret, in fide firmaret, ac roboraret iuxta illud Luc. 22. [Et tu aliquando conuersus confirma fratres tuos.] Ergo beatus Petrus Primatum habuit super Apostolos. Dicit beatus Cyrell. tradens præfatum verbum: [Tu aliquando conuersus confirma fratres tuos.] quasi diceret, [postquam me negato ploraueris, & si peniteris, corrobora cæteros fratres tuos, cum te Principem Apostolorum deputauerim.] Hoc enim decet qui tecum robur es, & petra Ecclesiæ.

Tertiò: Ille, cuius curæ, & regno tempore Apostolorum fuit totus grex Dominicus commissus à Christo super omnes, qui tunc erant, & futuri erant de grege Dominico Primatum habuit, siue obtinuit. Sed curæ, & regimini beati Petri totus grex Dominicus commissus est à Christo dicente Petro: Ioa. vlt. [Simon pasc oves meas:] inter has, & illas non distinguens: & Apostoli ipsi nequaquam extrà gregem Dominicum censendi sunt, sed intra computandi. Ergo beatus Petrus Primatum, & Principatum habuit super Apostolos; consequentia patet.

Quartò sic: Caput super omnia membra Primatum habere dinoscitur. Sed beatus Petrus caput fuit Apostolorum, vnde Ioa. 1. inquit Christus Petro: [Tu vocaberis Cephas,] quod scilicet secundum vnâ linguam, caput sonat. Dicit enim beatus Anacletus, ut habetur in cap. sacrosancta, dist. 22. inter beatos Apostolos quædam fuit discretio potestatis: & licet sint omnes Apostoli; Petro tantum concessum est, ut reliquis omnibus præficeret Apostolis, & Cephas idest caput, & Principatum teneret Apostolatus. Et eadem sententia colligitur ex illo cap. beati Leonis Papæ; ita dicens dist. 19. [Ergo sequitur, quod beatus Petrus Primatum habuit super omnes alios Apostolos.]

Quintò sic: Beatus Petrus potestatem acceperat à Christo regendi, & gubernandi omnes Apostolos, & cæteros fideles teste beato Gregorio, & habetur in cap. Petrus 2. quæst. 7. qui ait: Petrus potestatem regendi acceperat, & tamen idem Apostolorum primus quarimoniz contra eum à Fidelibus factæ &c. Ergo sequitur quod beatus Petrus Apostolus super omnes alios Apostolos, & reliquos fideles habuit Principatum.

Sextò hoc idem apertissimè habetur cõtius Ecclesiæ testimonio, quæ illi viuens saliter decantat: [Tu es Pastor ouium Princeps Apostolorum, tibi tradidit Deus claus Regni Cælorum.]

C A P. VII.

In quo ponuntur improbationes quedam aduersariorum, contra fundamenta, quæ inducta sunt pro Primatu beati Petri.

ADuersarii veritatis ex opposito multipliciter insurgunt. Primò quidem fundamentales rationes inductas ex auctoritatibus sacræ Scripturæ, pro Primatu beati Petri supra in 5. cap. insufficientes esse offendere nituntur.

Et in primis dicunt: Quod ratio ex eo, quod Matthæus Apostolorum nomina describens Matth. 10. inter Apostolos Petrum nominat, non sufficienter probetur beatum Petrum habuisse Primatum, quia pari ratione beatus Iacobus dicens, esset maior beato Petro; eo quod Paulus ad Galat. 2. describens Apostolos, cum quibus fuerat Hierosolymis: Iacobum præferat beato Petro, sic dicit. Et cum cognuissent gratiam, quæ data est mihi Iacobus, & Cephas, & Ioannes qui videbantur columnæ Ecclesiæ, dexteras dederunt mihi, & Barnabæ societatis, &c. ubi Petrum Cepham vocat Apostolus iuxta illud Ioa. 1. Tu vocaberis Cephas. Ergo videtur quod ratio illa non faciat fidem sufficientem quod Petrus Primatum habuerit.

Secundò etiam ratio illa non videtur sufficienter probare Primatum Petri, quæ inducta est ex illo; quod beatus Petrus dictus est fundamentum Ecclesiæ: cum ei dictum sit: [Tu es Petrus, & super hanc petram ædificabo Ecclesiam meam:] quia pariter idem de duodecim Apostolis arguendum esset, cum ipsi etiam fundamenta Ecclesiæ dicantur. Vnde Apoc. 8. dicitur, quod murus Ciuitatis, scilicet Ecclesiæ habebat 12. fundamenta, & in ipsis erant nomina 12. Apostolorum, & ita videtur quod ratio illa non sufficienter probet Primatum beati Petri.

Tertiò etiam ratio illa, non videtur sufficienter probare Primatum Petri, quæ ex illo sumebatur, quod consequenter dictum Petro legitur: [Tibi dabo claus Regni Cælorum,] quoniam hoc idem dictum est omnibus Apostolis, sicut legitur Matth. 18. [Amen dico vobis, quæcumque ligaueritis super terram, erunt ligata, & in Cælis: & quæcumque solueris super terram, erunt soluta & in Cælis.] Claus enim Regni Cælorum nihil aliud videtur, quàm potestas soluendi, atque ligandi.

Quartò: nec illa ratio videtur sufficienter probare Primatum Petri, quæ ex illo sumebatur Ioa. vlt. [Pasc oves meas:] quia pascere oves specialiter, non contingit nisi tripliciter, scilicet doctrina salutari: vita exemplari: disciplina, seu correptione, sed qui-

quilibet istorum modorum pascendi oues Christi communis fuit omnibus Apostolis; vniuersi enim Apostoli omnes oues Christi doctrina pascere debuerunt, ipsa veritate testante, quæ omnibus præcipit Apostolis, Matth. ult. dicens: [Euntes docete omnes gentes, baptizantes eos, &c.] Omnes etiam debebant pascere vita exemplari, Christo dicente illis Matth. ult. [Vos estis lux Mundi.] Et sequitur: [Sic luceat lux vestra coram omnibus, &c.] De modo pascendi correctione, & disciplina habetur Ioann. ult. vbi Christus dixit omnibus Apostolis, [quorum reniseritis peccata remittuntur eis, &c.] Ergo videtur, quod Christus omnibus Apostolis, potestatem corrigendi alios commisit; & per consequens ratio illa non videtur sufficiens ad probandum Primatum beati Petri.

C A P. VIII.

In quo ponuntur alie rationes aduersariorum contra Petri Primatum ex Euangelij scriptis.

Amplius contra ipsam principalem conclusionem, quam nos Primatum beati Petri supra Apostolos ceteros firmanimus, aduersarij multa obijciunt, & ex Euangelij.

Primò sic: Omnes Apostoli videntur recepisse æqualem potestatem à Christo. Ergo nullus eorum Christi institutione super alios consequentia patet, quia par super parem, nullum noceat Primatum habere. Antecedens autem deducunt ex multis Euangeliorum locis. Primò ex illo Matth. 18. [Amen dico vobis, quicumque ligaueritis super terram, erunt ligata & in Cælis.] Secundò ex illo Ioann. 20. [Quorum reniseritis peccata, remittuntur eis, &c.] ex quibus verbis dicunt aduersarij manifestè patere, quod potestas ligandi, & soluendi æqualiter data sit à Christo Petro, & alijs Apostolis. Quod etiam confirmari credunt aliquorum sanctorum, Patrum testimonijs. Primò: auctoritate beati Anacleti Papæ, qui vt habetur in cap. in nouo, dist. 22. inquit: [quod ceteri Apostoli cum B. Petro pari consortio præditi, & honorem, & potestatem acceperunt.] Secundò auctoritate beati Cypriani; qui vt habetur in cap. loquitur Dominus 24. qu. 1. dicitur; quod hoc ceteri Apostoli erant, quod Petrus fuit, pari consortio præditi, & honoris, & potestatis.

Secundò sic principaliter: Christus interdicti Apostolis dominatum, & Primatum potestatis. Ergo sequitur, quod nullus inter eos habuit Primatum super alios; consequentia patet, quia recipere potestatem super alios, quam non debet in eos recipiens exercere, superfluum, & vacuum est, ac inotile; quod in operibus Christi, qui summa sapientia est, esse non potest. Antecedens probatur ex illo Matth. 20. vbi Christus inquit ita Apostolis: [Scitis quia Principes gentium dominantur eorum, & qui maiores sunt, potestatem exercent in eos; non ita erit inter vos.] Et Marc. 10. idem habetur.

Tertiò sic Luc. 22. dicitur de Aposto, quod facta est cōtentio inter eos quis eorū videretur esse maior. Dicit autē eis Saluator: [Reges gentium dominantur eorum, & qui potestatem habent, super eos benefici vocantur, vos autem non sic; sed si quis maior est in vobis, fiat sicut minor, & qui præcessor est, sicut ministrator, &c.] Ex ista auctoritate aduersarij arguunt dupliciter. Primò: Si Apostoli de maiori, scilicet honoris, siue Primatus contendebant. Ergo sequitur, quod nullus inter eos Primatum habebat; patet consequentia quia si habuissent, cum eis fuisset notum, non contendissent super hoc. Secundò ex eo quod Dominus contentionem resolvens dicitur eis, vt singuli se minores singulis reputarent. Sed hoc Apostoli facere non potuissent, si aliquis inter eos habuisset Principatum; cum ipse seipsum alijs minorem estimare non posset cum veritate. Ergo videtur quod nullus inter Apostolos habuit Principatum.

Quartò sic: Siquis maior fuit inter Apostolos, & Princeps, ille potius dici deberet, qui immediatè Christo successit in Ecclesia militante, in qua Christus Pontificatum tenuit; & quam sui passione glorificauit. Er ita ergo Iacobus Alphaei potius Christi Vicarius, & eius successor, ac Ecclesie Princeps dici deberet, quam Petrus; sed hoc non. Ergo videtur quod nec Petrus Principatum habuisse dicendus sit.

C A P. IX.

In quo ponuntur aliquæ aduersariorum rationes ex epistolis beati Pauli collectæ.

Arguunt communiter aduersarij ex cap. 2. epistolæ beati Pauli ad Galat. & maxime ex eo primò, quod beatus Paulus de Christi Apostolis principalibus loquens, ita dicit: [Mihī enim, qui videbantur esse aliquid, nihil contulerunt, inter quos erat Petrus; sed etiam cum cognouissent, quod creditum est mihi Euangelium præputij. Idem prædicandum gentibus; sicut & Petro circumcisionis. Idem iudeis, qui enim operatus est Petro in Apostolatu circumcisionis, operatus est mihi inter gentes; dexteræ dederunt mihi, & Barnabæ societatis, vt nos inter gentes, & ipsi in circumcisione.] Ex quo loco contra Petri Primatum arguunt aduersarij ex quatuor capitibus.

Primò ex illo, quod ait Paulus: Nihil mihi contulerunt. Ex quo pater, inquit Gloss. quod non illis inferior fui, qui à Domino Deo ad eum perfectus sum, quod nihil esset, quod in collatione perfectionis meæ addiderint, qui enim illis imperitis tribuit sensum, dedit & mihi. Hæc Gloss. Ex hoc sic arguunt: Si Petrus Princeps fuisset, Primatum habens inter Apostolos; profectò Paulus, & ceteri in Ecclesia potestatem habentes, eam à Petro suscepissent, cum capitis sit influere sensum, & motum regiminis ceteris membris omnibus.

Secundò arguunt ex illo, vbi inquit Apo-

sto.

stolus: Cūm cognouissent, quōd creditum est mihi Euangelium, pręputij, sicut & Petro circumcissionis. Quia in hoc videtur Paulus ęquiparare se Petro, cum innuat se potestatem recipisse inter gentes ęqualem potestati Petri inter iudeos, maxime cūm dicat Glos. in hoc loco: [Creditum est Euangelium mihi fideli, ita principaliter, sicut & Petro.] Non est autem dubium, quin ista repugnent Principatui Petri.

Tertiō arguunt ex illo, quōd ait Apostolus, quōd sibi, & Barnabę dexteris societatis dederunt. Cūm enim societas videatur importare paritatem quamdam, non videtur Princeps nominandus socius subditi, sue subiecti.

Quartō ex illo quod sequitur: Ut nos inter gentes, & ipsi in circumcissione. Vbi videtur Paulus restringere Apostolatū Petri ad circumcissionem tantūm. Ex quibus dicitur, manifestē videri, quōd ex institutione Christi Petrus non fuerit Paulo; nec alijs Apostolis superior. Consequenter arguitur per aduersarios ex illo, quod in pręfatio c. ad Galat. dicit Apostolus sic: [Cūm autem venisset Petrus in Antiochiam in facie ei relictus, qui reprehensibilis erat.] Ex hoc arguunt, quōd Paulus nequaquam ita publicē ausus fuisset Petrum Apostolum reprehendere, si Petrus Princeps eius fuisset, aut superior: cum pręceptum legis sit. Deuter. 21. Dijs non detrahes, & Principi populi non maledices. Vnde beatus Hieronymus, in hoc loco inquit, & habentur 2. quęst. 7. cap. Paulus, quōd Paulus, Petrum reprehendit, quod non auderet, nisi se non imparem sciret; ergo videtur, quod Petrus non fuit Paulo maior, & per consequens, nec Princeps Apostolorum.

C A P. X.

*In quo sunt aduersariorum rationes.
contra Petri Primatum sum-
pta ex actibus, Apo-
stolorum.*

Amplius errorem suū aduersarij firmare videntur ex actibus Apostolorum.

Ex primō ex illo Act. 1. vbi de electione Apostoli Matthię agitur, quia si Petrus habuisset Primatum inter Apostolos, non conuenerit cum eis ad electionem cuiuscumque inferioris, sed potius sua auctoritate institueret, sed Petrus concurrit cūm alijs Apostolis ad electionem Matthię, vt habetur Act. 1. vbi dicitur, quęst. 11. statuerunt duos scilicet Ioseph, qui vocabatur Barfabas, qui cognominatus est iustus, & Matthiam, & orantes dixerunt, &c. Et sequitur: Dederunt eis sortes, & cecidit fors super Matchiam, & annumeratus est 11. Apostolis. Et sic patet, quōd Matthias simul electus est à Petro, & ab alijs, ergo sequitur, quod Petrus non habuit aliquem Primatum super Apostolos.

Secundō idem arguitur ex illo Act. 6. vbi de electione 7. Diaconorum ita scribitur: Conuocantes autem 12. multitudinem Discipulorum dixerunt: Non est ęquum, &c. Et

primō elegerunt Stephanum, & alios sex, & statuerunt eos ante conspectum Apostolorum & orantes imposuerunt eis manus. Ex hoc arguitur sic: Si Petrus Princeps Apostolorum fuisset, sibi pręferendi debebant electi, & non omnibus Apostolis, & ad ipsum, & non ad omnes Apostolos confirmatio, siue manus impositio debuit pertinere, sed videmus, quod hoc non est factum, sed ęqualiter omnibus. Ergo videtur, quōd Petrus Primatum inter Apostolos non habuit.

Tertiō sic: Contra rationem esse videtur, quōd inferiores mittāt superiores, missio enim superioritatem importare videtur in mittente respectu personę missę. Non est autem credendum, quōd Apostoli aliquid egerint contra rationem, sed Act. 8. habetur, quōd cum audissent Apostoli, quōd receperit Samaria verbum Dei: miserunt ad illos Petrum, & Ioannem, ergo videtur, quōd Petrus non fuit superiōr cęteris Apostolis cum mittentibus.

C A P. XI.

*In quo respondetur ad improbationes
factas contra fundamenta,
quę inducta fuerunt
pro Primatu bea-
ti Petri.*

Facile patebit aduersariorum improbationes superius inductas contra ea, ex quibus principaliter Petri Principatum probauimus, nullius foret vigoris; cum ostenderimus aliunde rationes nostras recepisse fundamentum, quān vnde aduersarij arbitrari sunt.

In primis quidem prima improbatio nulla est, non enim argumentati sumus, Petrum Apostolum Primatum habuisse, quia inter Apostolos primo fuerit nominatus, sed quia Apostolorum primus fuerit nuncupatus, ait enim sic Euangelista: Duodecim nomina Apostolorum sunt hæc: primus Simon, qui dicitur Petrus. Dicitur est autem primus vt supra in cap. 5. diximus, prioritare Apostolicę dignitatis, non prioritare temporis vacationis ad Apostolatū. Vnde glos. super hunc locum, quę est Rabani dixit sic: Simon, idest obediens, qui propter Primatum Apostolice ordinis vocatur Petrus, idest firmus. Pręterea, quod beatus Paulus ad Galat. 2. prius nominauit Iacobum, quā Petrum: hoc non ideo, quōd Iacobus maior, aut ęqualis Petro fuerit auctoritate: sed vt dicit S. Thom. super epistolam ad Galat. quia Episcopus erat Hierosolymitanorum, vbi hæc fiebant. Et ita dicit Dominus Petrus de Tarranathia super epistolam Pauli.

Ceterum secunda improbatio nulla fuit, quia non argumentati sumus, Petrum Primatum habuisse, quia dictus fuit fundamentum, siue petra Ecclesię, sed ideo, quia singulariter Petrum alijs pręsentibus Apostolis Christus petram nominauit Ecclesię. Ex quo videtur, quōd licet alijs Apostolis commune fuerit cum Petro fundamentum esse Ecclesię: vt

apertè ad Ephes. 3. habetur, & Apoc. 1. sicut idest plenius habebitur. Nihilominus Petrus post Christum principale fundamentum fuerit, & totius fundamentum Ecclesiæ. Vnde beato Dionysio, teste: Paulus fertur Petro versus mortem dixisse: [Pax, inquit, tecum fundamentum Ecclesiæ, & Pastor omnium Christi.] Vnde Leo Papa in sermone 3. consecrationis suæ dicit, quod in Petro omnium fortitudo iunuitur, & diuinæ gratiæ ordinatur auxilium, ut firmitas, quæ per Christum Petro attribuitur, per Petrum Apostolis conferatur. Hæc illæ.

Tertiò improbatio tertia nulla fuit, quoniam non probauimus Petrum Primum habuisse nec ex eo, quod clauis à Christo acceperit, nec ex eo, quod dictum fuerit illi: [Quodcumque ligaueris,] sed ex eo, quod ipsi singulariter alijs presentibus Apostolis, Christum clauis regni Cælorum promittit: & prius tempore ipsi soli dicit: [Quodcumque ligaueris super terram, &c.] quam ipsi, & alijs discipulis communiter dixerit. [Quodcumque ligaueritis, &c.] Vnde ut dicit S. Thom. in 4. dist. 24. [Quamuis omnibus Apostolis data sit communiter potestas ligandi, & soluendi:] tamen ut in hac potestate aliquis ordo significaretur, primò soli Petro data est, ut ostendatur, quod ab eo in alios debeat deriuari. Hoc planè manifestum signum est Primatus Petri. Cæterum ex differentia etiam verborum, quibus Christus vsus est cum Petro soli potestatem clauium dat; & quibus vsus est, cum illi, & alijs communiter tribuit, etiam ipse Petri Primatus arguitur. Nam ad Petrum vsus est his verbis: [Quodcumque ligaueris super terram, erit ligatum, & in Cælis, &c.] Ad Apostolos vero sic. [Quodcumque ligaueritis super terram, erunt ligata, & in Cælo.] Super quo dicit Origen. [Apostolis, inquit, in Cælo non in Cælis sicut Petro, quia non erant tantæ perfectionis sicut Petrus.] Et sic patet, quod improbatio illa aduersariorum nulla sit.

Quartò hoc idem facillè ostenditur de improbatioe quarto loco facta, & hoc propter tria. Primò, quia non sumus argumentari Primatum beati Petri ex sola Pastoralis curæ commissione, sed ex eo, quod presentibus alijs Apostolis nulla de illis mentione facta, soli Petro Christus indefinitè curam gregis suæ committit dicens Simon, Ioannis [dilige me, pascere agnos meos, pascere oues meas.] Theophilus in gloss. ait: Præteritis autem Dominus alios, Petro de talibus loquitur: eximius enim erat Apostolorum, & vindex Collegij. Item beatus Greg. super Ioann. & Sanct. Thom. adducit in gloss. super illud Ioann. 21. Accessit Simon, & traxit rete, Petro autem sancta Ecclesia est commissa: ipsi specialiter dicitur. [Pascere oues meas.] Nec obuiat huic, quod August. dicit, quod etiam hoc ad omnes dictum est, quia etiam ad omnes Apostolos dictum esse intelligatur: hoc tamen in Petri persona tanquam à quo in alios deriuanda erat potestas, dictum est illis, per quod singularis prærogatiua Primatus Petri demonstratur in hoc, quod figuram gessit omnium aliorum. Vnde beatus Augustinus super Ioann. dicit, quod totius Ecclesiæ Petrus Apostolus propter Apostolatus sui Pri-

matum gerebat figurata generalitate perfonam. Secundò nulla est aduersariorum improbatio, quoniam licet modus ille pascendi, communis fuisse omnibus Apostolis, non tamen æqualiter, cum discretio potestatis fuerit inter eos, ut dicit B. Anacleti in cap. sacrosanctæ dist. 22. Solus enim Petrus habuit in vniuerso Orbe pascendi auctoritatem, ut potè totius gregis Dominici pastor. Alij verò non vniuersaliter, sed secundum mensuram taxandam, & limitandam per Petrum. Vnde gloss. super illud primi Petri quinti. Pascite eum, qui in vobis est gregem, dicit sic: Sicut Dominus Petrum curam totius gregis habere iussit: ita Petrus sequentibus iure mandat, ut eum quisque, qui secum est, gregem Dei sollicita gubernatione tueatur. Hæc ibi. Hanc singularitatem præminentie Petri beatus Ambrosius tangit super Luc. cap. ultimum. exponens præfactum verbum Ioannis ultimum. [Petre amas me, &c.] ubi sic dicit: Bene conscius fui non ad tempus assumptum, sed iamduddum Deo cognitum Petrus testificatur affectum, quis est alius, qui de se hoc facillè profiteri possit? & idè quod solus proficitur ex omnibus, omnibus antefertur. Hæc Ambrosius. Tertiò potest dici, quod falsum aduersarij assumunt cum arguendo dicunt, quod pascere oues non contingit nisi tripliciter, quod patet ex gloss. Ioannis ultimum. quæ Alchuius est sic dicentur. [Pascere oues est, credentes in Christo ne à fide deficiant, confortare: terrena subsidia, si necesse fuerit, subditis providere, & exempla virtutum cum verbo prædicationis impendere, aduersarijs resistere: errantes subditos corrigere.] Hæc gloss. Patet ergo, quod cura Pastoralis beato Petro commissæ plus continet auctoritatis, quam illa contineant, quæ Petro, & alijs Apostolis simul dicta fuerunt. Sed de hoc plenius inferius habebitur.

C A P. XII.

In quo respondetur rationibus supra factis contra beati Petri Primatum, quæ ex Euangelio sumi videbantur.

Datis responsonibus ad improbationes aduersariorum inductas contra principalem fundamenta, ex quibus beatum Petrum Primum habuisse inter Apostolos ostendimus, iam reliquum est respondere rationibus, quibus aduersarij Primum ipsum beati Petri impugnant. Et primò ad eas, quæ ex Euangelio videbantur sumi.

Et ad primam cum dicitur, quod Apostoli æqualem potestatem receperunt, &c. respondetur hoc assumptum esse falsum. Et ad probationem, quæ inducitur ex auctoritate Matth. 18. & Ioann. ultimum. respondetur, quod ex illis auctoritatibus nihil probatur, quoniam licet ex illis auctoritatibus habeatur, quod potestas clauium sit data omnibus Apostolis, non tamen habetur, quod æqualiter data sit omnibus, sicut licet, ut inquit Apostolus ad Rom. 13. non sit potestas nisi à Deo non tamen sequitur, quod omnibus rebus potesta-

restant habentibus, potestas æqualis data sit, & ita est in proposito. Licet enim omnibus Apostolis potestas clauum data sit, nihilominus tamen Petro, qui caput, & Princeps aliorum ordinabatur, plenius data est, sic ex gloss. Matth. 16. superius inducitur in cap. 5. Vnde patet, inquit S. Thom. in 4. dist. 24. Quamuis omnibus Apostolis communiter data sit potestas ligandi, & soluendi: tamen ut in hac potestate aliquis ordo significaretur, primò soli Petro data est, ut ostendatur, quòd ab eo in alios debeat ista potestas descendere, propter quod ei dixit singulariter: [Confirmata fratres tuos, & pascite oues meas.] id est loco mei ut Chrysost. dicit. Præpositus, & caput cetero fratrū, ut ipsi te in loco meo assumentes, ubique terrarum te in throno tuo sedentem prædicent, & confirmant.

Ad duas autem auctoritates consequenter inducitur scilicet sanctorum Anacleti, & Cypriani: in quibus dicitur, quod Apostoli pari consortio honoris, &c. respondetur dupliciter. Primò, quod cum dicitur: [Pari consortio, &c.] dicimus quod ly pari non dicit æqualitatem potestatis, aut honoris, sed similitudinem. Vnde exponendus est pari, id est communi, siue simili potestate, paritas enim non tantum æqualitatem, sed etiam similitudinē in sacris literis legitur designare. Vnde Leuit. 18. dicitur: [Cancte ne vos similiter euomat, cum paria feceritis] gloss. id est familia. Et quod in hac significatione nomen paritatis accipiendum sit in proposito ex sententia beati Leonis Papæ: qui scribens ad Anastasium Thessalonicensem Episcopum ita dicit: Quoniam inter beatiss. Apostolos in similitudine honoris fuit quædam discretio potestatis, & cum omnium par esset electio uni tantum datum est ut ceteris præmineret. Ecce, quod ibi Anacletus, & Cyprianus dicunt, pari consortio honoris, &c. Leo Papa quia si exponens dicit: in similitudine honoris. Secundò respondetur, quod ut supra dictum est in 1. libro, & in gloss. sacrosancta distinct. 22. tangitur duplex dicitur potestas. Quædam scilicet ordinis, siue consecrationis, & quædam regiminis, siue administrationis. Dicimus ergo, quod paritas illa, de qua loquitur Anacletus, & etiam Cyprianus accipienda est quantum ad dignitatem ordinis, siue consecrationis, illa enim æqualis fuit omnibus Apostolis, non autem intelligenda est quantum ad potestatem regiminis, siue administrationis, quoniam in hac potestate Petrus superior, & maior fuit, & quod talis fuerit intentio prælatorum sanctorum patet ex eorum dictis, nam Anacletus in cap. prælegato scilicet sacrosancta distinct. 22. ita inquit: Inter beatos Apostolos quædam discretio fuit potestatis, & licet omnes essent Apostoli, Petrus tamen concessum est à Domino, & ipsi inter se voluerunt idipsum ut reliquis omnibus præstet Apostolis, & cephas, id est caput, & Principatum teneret Apostolatus. Item hoc idem beatus Cyprianus designat in cap. loquitur Dominus 24. quæst. 1. ubi post verba inducitur ita subiungit. Sed ab unitate exordium proficiscitur, ut Ecclesia Christi una monstretur. Præterea probatur ex eo; quod infra huius Ecclesiæ caput, & potestatis originem dicitur esse Apostolicam Se-

dem. Et quibus clarissimè ostenditur, quòd sententia horum sanctorum est, Petrum Primum habuisse inter Apostolos, ac Principatum habere in vniuersali Ecclesia.

Ad secundam rationem respondetur negando antecedens, & ad probationem ex cap. Matth. 20. respondetur, quod Christus non interdicat omnem dominatum ab Apostolis, siue Principatum, sed tantum dominatum, quo gentiles, & homines mundani videntur in subditos. Pro quo notandum iuxta S. Thom. in postilla sua super Matth. exponendo prædictam auctoritatem, quod dominari dupliciter accipitur. Vno modo accipitur pro præesse, & hoc modo non loquitur Christus in præfato loco Matth. 20. nec talis dominatus interdicitur Apostolis. Vnde Christus legitur dixisse Petro: Super plebem meam Principem te constituam. Et Apostolis dicitur Psalm. 44. [Constitues eos Principes super omnem terram.] Et de exercicio Pastoralis præsentis commisit beato Petro dicitur Io. ult. [Simon Ioannis pascite oues meas.] Alio modo dominari dicitur, prout relictivè dicitur ad ferum, &c. vniuersaliter sic dominari est idem, quòd feruenter sibi subicere feruiri; & hoc modo sumitur in loco prælegato, cum ait Dominus: [Principes gentium dominantur eorum, &c.] Principes enim constituti sunt ad hoc, ut bonum procurent subditis. Si verò illos volunt in seruicium redigere, tunc abutuntur Principatu, qui videntur liberis, ut feruis. Et quia hoc consuetum erat apud Gentiles, & adhuc est apud aliquos dicit: [Principes gentium dominantur eorum;] id est, in seruicium redigunt sibi subditos secundum illud Ezech. 20. [Principes tui in medio eius quasi lupi rapaces.] Et talis primatus, siue dominatus interdicitur à Christo Apostolis, cum ait dicens: [Non erit ita inter vos.] Vnde beatus Chrysostomus super Matth. petraçans hoc verbum, ita inquit: [Principes mundi idè sunt, ut dominantur minoribus suis, & abutuntur vite eorum ad suas utilitates, & glorias.] Principes aut Ecclesiæ, ut seruiant minoribus suis, & ministrent eis quæcumque acceperunt à Christo, ut suas utilitates negligant, & illorum procurent.] Hæc Chrysost.

Ad tertiam rationem, quæ sumitur ex illo Luc. 22. [Facta est contentio, &c.] Respondetur ad primam partem negando consequentiam. Dicimus enim, quòd licet Apostoli tunc nondum plenè cognouerint quis inter eos post Christi corporalem abscedum ceteris præferre deberet, & idè de hoc contendere: non sequitur propter hoc, quòd Christi dispositione nullus inter eos maior esset præordinatus: imò hoc expresse innuit Dominus cum ait: [Qui maior est inter vos, &c.] Ad secundam partem eiusdem rationis respondetur, quòd Christus in verbis illis non docuit Apostolos, ut singuli reputarent se singulis minores inferioritate officij, seu auctoritatis: nec hoc Christus suo exemplo docuit, qui dicit Io. 13. [Vos vocatis me Magister, & Domine, & benedicitis.] Sed hoc docuit, ut quantò inter Apostolos, quis esset maior, tantò esset humilior, secundum illud Ecclesiast. 3. [Quanto maior es, tantò te humilia in omnibus.]

Ad quartam rationem respondetur, cum dicitur, quod ille debuit Principatum habere inter Apostolos, qui immediate Christo succedit in Ecclesia, &c. Respondemus, quod verum est intelligendo de successione tamquam generalis Vicarius. Unde iste solus fuit beatus Petrus, qui tamquam generalis Vicarius in toto Orbe Christo successit, & non Iacobus Alphaei, qui ab ipso Petro post Hierosolymis Episcopus est ordinatus. Unde sanctus Thomas exponens illud Io. ult. [Sequere me;] dicit iuxta Chrysost. quod Iacobus licet post Ascensionem Christi specialem curam illius loci habuerit: Petrus tamen, vniuersalem totius Ecclesie curam obtinuit. Quod autem Petrus Christo immediate etiam Hierosolymis successerit, patet ex hoc, quod ibi officia Summi Pontificis quoad predicationem, quoad Matthie electionem, & quoad alia superius expressa primo inter omnes exercuit, sicut supra in cap. 5. copiose monstratum est. Verum locus Hierusalem, licet consecratione sanguinis Christi fuerit gloriosior: nihilominus tamen Roma per successione Summi Pontificis fuit aptior: sicut inferius ostendetur. Hiuc Petrus Sedem specialem suam tandem Romae elegit constituto Hierosolymis Episcopo beato Iacobo: & hoc pulchre, siue conuenienter, ut dicit beatus Bernardus libro 2. de considerat. ad Eugenium; ut ibi positus suscitaret semen defuncti fratris, ubi occisus est ille: nam dictus est frater Domini.

CAP. XIII.

In quo respondetur rationibus sumptis ex epistolis beati Pauli.

AD primam rationem sumptam ex prima parte auctoritatis inductae ex Apostolo ad Galath. 2. respondetur negando consequentiam: quoniam Apostolus Paulus in praedictis verbis non negat se aliquid auctoritatis à Petro suscepisse; sed tantum ostendit veritatem Euangelij sui ex collatione cum alijs Apostolis, & eorum approbatione. Ascendit enim (ut dicit in principio eiusdem capit.) post 14. annos à Passione Christi Hierosolymam, & contulit cum Petro, & alijs secum stantibus, Euangelium, quod praedicabat in gentibus, & ostendit tria. Primo, quod alij Apostoli, cum quibus contulit, nihil in sua predicatione correxerunt quasi falsum. Secundo, quod nihil suppleuerunt, vel addiderunt quasi diminutum. Tertiò, quod cum in societatem suam receperunt tamquam verum Apostolum: propter quod ex parte perfectionis doctrinae, ut dicit Gloss. non fuit inferior alijs Apostolis, qui ita à Deo perfectus fuit, ut nihil esset, quod in collatione perfectionis suae adderent. Dei enim perfecta sunt opera Deuteron. 32. Et ita patet quomodo, siue in quo Paulus non dicebatur inferior Petro, scilicet in duobus. Primo in hoc, quod à Christo immediate erat institutus Apostolus, ut Petrus, & alij. Secundo in hoc, quod adeo perfecte instructus in Euangelio

Tom. XI. I.

erat sicut & ipse Petrus. Non autem dictus est par Petro in potestate iurisdictionis: quoniam non latebat ipsum Paulum, Petrum caput esse Ecclesiae; unde cum vocat Cephas, quod caput, secundum linguam graecam sonat, ut dicit beatus Hieronymus. Ceterum, licet Paulus non immediate à Petro Apostolatus officium suscepisset, sicut nec alij Apostoli, sed à Christo immediate; non sequitur, quod beatus Petrus non fuerit Pauli, sicut & aliorum Apostolorum Princeps, & Praelatus. Sicut enim superius in cap. praecedenti diximus, licet potestatem Christi reliquis Apostolis contulerit. In ordine tamen ad Petrum contulit eis, cui primo singulariter ait: [Tibi dabo claves Regni Caelorum, &c.] In cuius signum beatus Paulus, licet à Deo esset immediate Gentium praedicator constitutus: nihilominus ad Petrum venit, cum eo de Euangelio suo collaturus. De quo Hieron. in epistola ad August. 22. Denique tantae auctoritatis Petrus fuit ut Paulus in epistola sua scribit: [Deinde post tres annos veni Hierosolymam videre Petrum; & mansi apud eum diebus 15. Rursumque insequentibus, post annos 14. ascendi iterum Hierosolymam cum Barnaba assumpto, & Tito: ascendi autem, secundum reuelationem, & exposui eis Euangelium, quod praedicauimus inter gentes, ostendens non habuisse securitatem, Euangelij praedicandi, nisi Petri, & eorum, qui cum eo erant fuisset sententia roboratum.] Haec Hieron.

Ad secundam rationem, quae ex secunda parte inductae auctoritatis ad Galath. 2. assumebatur: respondetur, negando, quod per illa verba Paulus equiparare se vellet Petro in potestate regimini, quem sciebat Rectorem constitutum, & Caput totius vniuersitatis Ecclesiae; nec Paulus credidit Petri potestatem restrictam esse solum ad circumcisos, licet appropriatè pro illo tempore ad illos specialiter verbum predicationis extendit: quoniam Petrus in Antiochia sedit, & in Hierusalem, & multos conuertit ibidem, & alibi ex gentibus, sicut patet Act. 10. de Cornelio; & 11. ubi reprehensus legitur à circumcisis fratribus, quod ad gentes ingressus fuisset, & cum conuersis ex gentibus manducasset. Ad id autem, quod Gloss. dicit: quod ita principaliter, sicut Petro erat sibi creditum Euangelium. Respondetur, quod ly principaliter, ut exposuit Magister Nicolaus Gozram in postilla sua, super epistola Pauli, dicit esse intelligendum quoad officium predicationis, non quoad officium praedicationis. Quod ex ipsis verbis Pauli manifestè colligitur. Paritas autem, haec potestatem ordinis, quae par fuit in Apostolis, ut supra declarauimus, respicit: non autem potestatem iurisdictionis.

Ad tertiam rationem, quae ex tertia parte auctoritatis praefatae assumebatur: respondetur, negando consequentiam. Sicut enim ex hoc, quod Christus, Ioan. 20. vocat Apostolos fratres, non sequitur, quod non fuerit eis superior. Similiter, sicut nec ex hoc, quod Papa Episcopos vocat fratres, in aliquo primatus Apostolico derogatur; ita nec ex hoc, quod Petrus frater, & socius dictus sit Pauli modo praedicto, sequitur, quod

P p non

non fuerit Princeps eius, ac superior. Præterea falsum est, quod assumitur, videlicet, quod Princeps, aut superior numquam dicatur subditos habere socios. Nam 1. Reg. cap. 23. dicitur: [Fuit Rex Saul, & socij eius ad querendum Dauid.]

Ad quartam rationem sumptam ex quarta parte supradictæ auctoritatis, respondetur falsum esse, quod Paulus crediderit Petri potestatem restrictam esse solum ad circumcisos; immò eius auctoritas, & potestas etiam ad gentes se extendit: sicut in responsione ad secundam rationem diximus, quod etiam manifestè colligitur Act. 10. vbi ostenso sibi linteo pleno animalibus dictum est ei: [Surge Petre, occide, & manduca.] vbi Glossa interlin. ita dicit, idest, recipe ad vnitatem corporis Ecclesiæ, cuius Petrus Princeps; & occide in gentibus, quod fuerant, & fac, quod es.]

Ad vltimam rationem, quæ sumpta est ex illo loco in ea legitur epistola: vbi Apostolus Paulus dicitur Petro in facie resistisse; respondetur, negando consequentiam; quoniam ex hoc, quod Paulus resistit in illo casu Petro in faciem publicè, non sequitur, quod maior, aut par in auctoritate Petro fuerit; quoniam vbi imminet periculum, fidei, siue animarum subditi, etiam publicè possunt in faciem resistere Prælati suis, vt beatus Gregorius inquit, & habetur in cap. Paulus dist. 2. qu. 7. vbi ita dicit: [Paulus dicit, seniorem ne increpaueris;] sed hæc eius regula in eo referuanda est; cum culpa senioris suo exemplo nō trahit ad interitum corda iuniorum. Et hac ratione inquit beatus Thomas in 2. 2. [Paulus licet esset subditus Petri, propter imminens scandalum periculum circa fidem Petrum publicè arguit.] Et sicut Glossa dicit ad Galath. 2. [Petrus exemplum maioribus tribuit, vt sibi fortè rectum reliquissent, non dedignarentur etiam à posterioribus corrigi.] Id autem, quod inducebatur Deuter. 21. [Dij non detrahes, & Principi populi tui non maledices;] non facit ad propositum, quoniam talis reprehensio non est detractio, nec est maledictio. Ad Gloss. autem Hieronym. dicentem, quod Paulus Petrum reprehendisse, non auderet, nisi se illi non imparem sciret: dicit Gratianus in cap. Paulus 2. qu. 7. ita: [Hoc non de officio Ecclesiasticæ dignitatis, sed paritate vitæ, & sanctitate conuersationis intelligitur.] [Solus enim Petrus, inquit, inter Apostolos primatum gerebat.] Sed melius videtur dicendum iuxta S. Thom. in 2. 2. quæst. 34. art. 4. quod Paulus erat par Petro quoad fidei defensionem, non quoad dignitatem prælationis; quoniam de paritate vitæ, aut conuersationis sanctitatis, non bene videtur intelligendum, cum Paulus dicat: [Nihil mihi conscius sum; sed non in hoc iustificatus sum, 1. Corinth. 4. vbi Gloss. magistri ita ait, idest, non idem me iustum puto; quia potest esse, quod nescio; delicta enim, quis intelligit, & quis gloriatur se mundum habere cor, &c.] humilitas se Apostolus, hoc dicens, vt homo loquitur, qui potest habere culpam nescius.] Hæc Gloss.

C A P. XIV.

In quo respondetur rationibus Aduersariorum, quæ sumuntur ex Actibus Apostolorum.

AD rationem primam sumptam ex c. 1. Act. Apostolorum respondetur, negando consequentiam; & ratio est, quoniam licet Petrus non solus, sed simul cum alijs elegerit Matthiam: non est factum ex defectu potestatis, quæ fuerit in Petro ad electionem illam faciendam, cum Princeps Apostolorum foret. Vnde Gloss. super illud. [Exurgens Petrus in medio fratrum dixit.] Dicit Gloss. interlin. [Pastor pro ouibus loquitur, sed factum est religiosa intentione pacis, & vnitatis causa. Quod manifestè beatus Chrysostomus exponens hunc locum super Actus Apostolorum profectetur, ita dicit, [Petrus vt inflammatus, & sicut ille, cui à Christo commissum erat ouile, & vt Princeps Apostolorum semper primus incipit sermonem.] Vide autem, quia Petrus omnia facit communi omnium voluntate, nihil agit principaliter, aut dominatiue. Et idem. [Oportet ergo ex his, qui nobiscum sunt viris in omni tempore.] Quare ita palam omnibus loquitur, [ne contentiosè res fierent, & ad litem deuenirent, & idèò scandalum vitabatur.] Quapropter incipiens, dicit: [Viri fratres oportet eligi ex vobis; multitudini populi electionem concedit, vt & ipse à contentione liberaretur, & alijs honor exhiberetur.] Et idem Quid ergo, &c. [Eum eligere non poterat, vtique poterat, sed ne videretur ipse gratiam dare, idèò non fecit.] Et idem: [Centum & viginti erant, & vnum quærit ex omni multitudine.] Opportunè verò primus Petrus huiusmodi rei dominatur, quia ipse omnes in potestate acceperat. Ad eum enim dixit Christus: [Et tu aliquandò conuersus confirma fratres tuos.] Hæc Christof. Ex qua expositione beatiissimi Chrysostomi, multa Aduersariorum deliramenta confunduntur, quæ ex falsa intelligentia libri Actuum Apostolorum conflata sunt.

Ad secundam rationem, quæ sumitur ex cap. 6. de electione septem Diaconorum, patet responsio ex responsione data ad rationem superiorem, negando consequentiam; cuius ratio est, quoniam non obstat Primatui, siue Principatui beati Petri, quod ad id, quod solus agere poterat alij, Apostoli secum ad agendum conuenirent; cum hoc non ex eo factum sit, quod alij Apostoli maioris potestatis essent, quam solus Petrus; aut quod Petrus egerit illorum adiutorio potestatis; sed factum est ita, rationibus iam dictis iuxta beatum Chrysostomum, videlicet vt contentio vitaretur, vt honor etiam alijs exhiberetur Apostolis, & vt in Petri obferuantia, doctrina Magistri sui resfulgeret: [Qui maior est in vobis, fiat sicut minister.]

Ad tertiam rationem sumptam ex c. 3. de missione Petri respondetur, quod assumptum est falsum; videlicet, quod omnis missio importet superioritatem in mittente respectu

CAP. XV.

Qua missi; hoc enim fuit vnum de fundamentis Arij ad ponendum inæqualitatem substantiæ, & potestatis in Diuinis Personis; quia in Scriptura sancta legitur & Pater mittere, & Filius, & Spiritus sanctus leguntur mitti; vt ex lib. 4. de Trinit. beati Augustini aperte colligitur. Præfatum etiam fundamentum Aduersariorum fuit vnum de fundamentis Armenorum contra Primatum Romani Pontificis, vt deducit D. Richardus in lib. de quæstionib. Armenorum lib. 7. cap. 3. Item quod sit falsum præsuppositum illud patet ex illo Matt. 2. vbi dicitur Herodes mittens tres Reges Magos, qui venerant adorare Dominum in Bethleem dixit eis; Ite & interrogate diligenter de Puero &c. Et tamen clarum est, quod Herodes nullam auctoritatis (superioritatem) habebat supra Reges prædictos. Cæterum Gen. 41. dicit Ioseph fratribus suis: Mittite ex vobis vnum, vt adducat fratrem vestrum minimum, planum est, quod huiusmodi missio non importabat superioritatem auctoritatis in mittentibus respectu missi. Videtur ergo, quid est missio, videlicet secundum auctoritatis Imperium: vt seruus mittitur à Domino, quemadmodum Rex mittit senescalum, aut Papa legatum. Alia est secundum Consilium, vt consiliarij, siue Senatus dicitur mittere Regem ad belandum. Istos duos modos missionis tangit, S. Thom. in 1. p. quæst. 43. art. 1. Tertius modus est, secundum auctoritatem amoris, sicut quandoque socij, aut etiam inferiores mittunt Nuncium, siue Ambasiatorem ad Regem, siue Papam aliquem maiorem inter eos, respectu cuius nullam habent auctoritatem prælationis, sed tantum amoris. Qua distinctione habita potest dupliciter dici. Primò, quod Apostoli non miserunt auctoritatis Imperio, sed miserunt eum, prouidentie Consilio, suggerentes ei, vt ipse iret, vtpotè magis accommodus. Tum ratione auctoritatis. Tum quia præ cæteris, maiori splendebat miraculorum gratia. Talis autem missio non dicit superioritatem auctoritatis in mittente. Et quod talis fuerit, illa missio, videtur aperte colligi ex glo. ordi. eiusdem textus, quæ dicit sic. Petrus Ioannem associat sibi, quia Virginitas Ecclesiæ grata est, & placet: planè si ista missio facta fuisset ab aliquo superiori, nõ diceretur, quod Petrus associat sibi Ioannem, sed diceretur magis, quod Ioannes associatus sibi esset ab alijs. Secundò potest dici, quod ista missio, qua Petrus dicitur missus ab Apostolis, fuit, vt dicit Dominus Vlticus in summa sua Theologiæ, auctoritate amoris, qui gradum nescit, non auctoritate prælationis, cum Petrus vertex fuerit Apostolorum. Hæc ille.

Quod Beatus Petrus non solum inter Apostolos, sed super omnes fideles in toto Orbe terrarum habuit Principatum.

Quod verò Beatus Petrus non solum, aliorum Apostolorum Princeps fuerit, sed in totum Chrianum Orbem Principatum & prælationis habuerit auctoritatem, tam sacrarum Scripturarum testimonijs, quam rationibus efficacibus facillè ostendemus.

In primis ex eo, quod Matth. 16. inquit, Dominus. [Tu es Petrus, & super hanc Petram ædificabo Ecclesiam meam, & tibi dabo clauas Regni cælorum.] Quod verbum Beatus Chrysost. super Matth. pertractans ita inquit, prout inducit S. Thom. Filius quod Pater est, & ipsius filij potestatem Petro vniuersaliter concessit vbique Terrarum & homini mortali, omnium, quæ in cælo sunt, dedit auctoritatem; dando ei clauas ad hoc, vt Ecclesiam vbique amplificet. Item super ad. Apostolorum idem beatus Chrysostomus, ita propositum optimè confirmat, Petrus Apostolus à filio, super omnes, qui filij sunt. potestatem accepit, non vt Moyses in gente vna, sed in vniuerso Orbe.

Secundò idem trahitur ex illo Ioan. vlt. vbi Christus Petro ait, Simon Ioannis [pasc oves meas, inter has, & illas non distinguens, sed vniuersas eius curæ commendat. Vnde Beatus Chrysost. exponens hoc verbum sic ait, [Pasc oves meas.] idest loco mei præpositus, & caput eisdem fratribus, vt ipsi te in loco meo assumens, vbique Terrarum te in Throno tuo sedentem prædicent, & confirment.

Tertiò idem ostenditur ex illo Io. etiam vlt. cap. vbi Christus ait Petro, Sequere me. Quod verbum non tantum intelligi debet de genere martyrij, quàm de ordine magisterij. Nam & Andreas, & quidam alij per Petrum, in crucifixione secuti sunt Christum: sed solum sibi Petrum substituit Dominus, & in officio Vicarium, & in martyrio successorem. Vnde S. Thom. exponens hunc locum, de vtroque dicit sic, vel secundum Chrys. Sequere me in prælatione. officio quasi diceret sicut ego habeo à Deo Patre curam Ecclesiæ Psal. 2. [Postula à me, & dabo tibi gentes &c.] ita tu loco mei sis supra totam Ecclesiam. Vnde Theophylus super eodem verbo inquit, Per hoc, quod Dominus ait, Petro: sequere me, cunctorum fidelium prælatum eum insinuat, Et Beatus Bern. ad Eugenium lib. 2. de consideratione cap. 6. ex hoc loco Euangelij; amplitudinem Principatus Apostolici probans, ita illi inquit, [Tu es, cui traditæ sunt clauas Regni cælorum, cui oves traditæ sunt] Sunt quidem & alij cæli ianitores, & gregum Pastores, sed tu tantò gloriosius quantò, & differentius vtrumque præ cæteris hereditasti. Habent alij assignatos Greges, singuli singulos, tibi vniuersi crediti sunt, vnus vni, nec modico vnum sed & Pastorum, tu

omnium Pastor, unde illud probetur quæris, ex verbo Domini, cui non dico Episcoporum, sed Apostolorum etiã sic absoluit, & indistincte totæ committit sunt oues, si me inquit amas, pascere oues, quas illius, vel illius populi ciuitatis, aut regionis, aut certæ Regni, oues inquit meas, cui non planum non designasse aliquas, sed assignasse omnes, nihil excipitur. Vbi dicitur nihil, & forte præfentes ceteri discipuli erant, cum committens Ecclesiam vni, vnitatem omnibus commendaret in vno grege, in vno Pastore secundum illud. Vna est columna mea, formosa mea, perfecta mea, vbi vnitas, ibi perfectio, reliqui, numeri perfectio nem non habent sed distinctionem recedentes ab vnitatem. Indè est quod alij singulas fortiter sunt plebes scientes sacramentum. Denique Iacobus, qui vocabatur columna Ecclesiæ vna continetur Hierosolymitana, Petro vniuersitatem cedens, pulchre verò ibi positus est fucitate semen defuncti fratris, vbi oculus est ille, nam dictus est frater Domini; Petro sedente Domini fratre, quis se ingerat alter prærogatiuæ Petri, ergo iuxta Canones tuos alij in partem sollicitudinis, tu in plenitudinem potestatis: vocatus es &c.

Quarto eadem sententia colligitur & illo Ioan. in eodem cap. vbi solus Petrus super Mare venire iussus est, per quod dabatur intelligi: quod totum Mundum per Mare designatum, sub vna ditione obtineret. Vnde beatus Bernardus vbi supra, ita præfatio Pontifici subinfert. Accipe illud, quod nihilominus prærogatiuam tuam confirmat. Discipuli nauigabant, & Dominus apparebat in littore, sciens Petrus quia Dominus est, in mare se misit, & sic venit ad ipsum alijs in nauigij venientibus. Quod illud est? nempe signum singularis Pontifici Petri, per hoc, non nauim vnam, vt ceteri quisque suam, sed seculum ipsum, suscepit gubernandum. Mare enim seculum, nauis Ecclesiæ. Hinc est etiam, quod altera vice instar Domini gradiens super aquas, vnicum se Christi Vicarium designauit: qui non vni populo, sed cunctis præesse deberet, siquidem aquæ multæ populi, itaque cum quisque ceterorum suauitibus vna commissæ est nauibus facta ex omnibus, ipsa vniuersalis Ecclesiæ toto Orbe diffusa. Hec Bernardus.

Quinto Pontificatus Apostolici vniuersitas, ostenditur ex eo: quod consequenter in eodem Euangelio Ioan. sequitur, vbi legitur Petrus solus ascendisse & transisse rete in terram plenum magnis piscibus. Super quo beatus Gregorius rationem assignans huiusmodi inquit. Ipsi enim sancta Ecclesiæ est commissæ, ipsi dicitur specialiter, [Pascere] oues meas, hoc autem ipse nunc prefiguratur in opere, nam pisces ad soliditatem littoris pertrahit, quia stabilitatem æternæ patriæ fidelibus ostenditur.

Sexto idem ostenditur ex illo Act. 10. vbi soli Petro ostensum est lintheum submissum de tælo, & super eum solum submissum, in quo erant omnia quadrupedia, & serpentina terræ, & volatilia, & sibi soli dictum est, de omnibus illis animalibus: Surge Petre occide, & manduca. Quod lintheum nemo ambigit vniuersum Mundum cum cunctis hominibus diuersorum rituum designare, nec

dubium, quin occidere, & manducare non aliud erat, quam peruersos mores in ipsis præscindere, & eos in sua persona toti incorporare Ecclesiæ, vt satis colligit ex glo. interli. Vnde, & beatus Augustinus trahens hoc verbum super illud Psal. 30. Portabunt omnes bestię agri, ad propositum nostrum de extensione Principatus Petri in omnes homines fideles quorumcunque nationum ita loquitur. Quia tuor enim lineis vas submissum est de cælo Petro, vbi erant omnes generis animalia, & sonuit ei vox, Surge Petre mastra: & manduca, omnes enim mastrat Petrus in eo, quod mali sunt, & manducat in corpus Ecclesiæ traiciendo. Et idem Omnes enim erant in Archa, omnes in disco, omnes mastrat Petrus, & manducat omnes. Hec Augustinus.

Septimo hoc idem ostenditur ex illo, quod Ecclesiæ per totum Orbem in festo beati Petri Apostoli dicitur ad Petrum: [Tu es Pastor omnium Princeps Apostolorum: tibi tradidit Deus omnia regna mundi:]

Octauo ex illo quod in eadem historia fertur Dominus dixisse Petro. Simon Petre antequam de nauí vocarem te, noui te, & super plebem meam Principem te constitui, plebs autem Christi tota vniuersalis Ecclesiæ dicitur. Relinquitur ergo ex inducibus sacre Scripturæ testimonijs clarissimum, quod beatus Petrus fuit, & nunc eius successor habet auctoritatem prælationis super totam Ecclesiæ Christi, vt veraciter sit seruus ille, de quo dicit Christus. Luc. 12. Fidelis seruus, & prudens, quem constituit Dominus super familiam suam, glo. dicit idem Ecclesiæ.

Nono hoc idem ostenditur ex Concilio Chalcedonensi, quod S. Thomas in tractatu contra errores Grægorum in cap. 67. inducit ad hoc probandum, scilicet, quod prædictus Christi Vicarius in totam Ecclesiæ vniuersalem prælationem obtineat. Legitur enim Chalcedonensi Concilio, quod tota synodus Leoni Papæ acclamauit. Leo sanctissimus, Apostolicus, & Acomenicus, idem vniuersalis Patriarcha per multos annos viuat. Item inducit Chrysostomus super Ioan. dicens Iacobum localiter in loco terminat, Petrum autem totius Orbis ordinat magistrum, & Doctorem.

Hoc etiam ratione sic ostenditur. Principes, lex, & finis videntur sic commensurata vt sibi inuicem par sit vniuersalitati, & extensionis, Principium, scilicet regulatinum, medium quo, & finis, ad quem, sed sic est: quod lex Evangelica, secundum quam Pontifex Ecclesiasticus regit Ecclesiæ, & finis, quem intendit in regimine Ecclesiæ ipse Princeps Ecclesiasticus, scilicet suprema beatitudo, se extendit ad omnem hominem fidelem, ad omnem sexum, ad omnem statum, ergo ad omnes fideles cuiusque conditionis, & status exstant, congregatos simul localiter, siue dispersos per Orbem, extendunt auctoritas regiminis, & administrationis summi Pontificis.

Et quibus apertissimè coniunctur error dicentium beatum Petrum, siue Romanum Pontificem non habere primatum, siue Principatum super totam Ecclesiæ. Cuius erroris granitate B. Thomas contra errorem Græcorum in cap. 66. ita loquitur. Similis autem error est dicentium Christi Vicarium

Romanæ Ecclesiæ Pontificem, non habere vniuersalis Ecclesiæ Primatum, errori dicentium: Spiritum sanctum à filio non procedere. Ipse enim Christus Dei filius suam Ecclesiam consecrat; & sibi conſignat Spiritum sanctum, quasi suo carere, & sigillo; vt ex suprapositis auctoritatibus manifestè habetur, & similiter Christi Vicarius suo Primatu, & prouidentia, vniuersalem Ecclesiam tanquam fidelis minister Christo subiectam conseruat. Hæc S. Thom.

CAP. XVI.

In quo ponuntur aduersariorum obiectiones contra id, quod dictum est, quod Romanus Pontifex habeat vniuersalis Ecclesiæ Primatum, & responſio ad illas.

ADuersus prædicta arguunt aduersarij ex aliquibus auctoritatibus sanctorum. Primò ex cap. primæ Sedis. dist. 99. vbi ex Concilio Africano habetur, quod primæ Sedis Episcopus non appelleretur Princeps Sacerdotum, aut summus Sacerdos, aut aliquid huiusmodi, sed tantum primæ Sedis Episcopus.

Secundò arguunt ex cap. nullus, ea di. in quo habetur, quod Romanus Pontifex non appelleretur vniuersalis.

Tertiò ad idem arguunt ex cap. sequenti: ecce, in quo beatus Gregorius vniuersalem se vocari prohibet: Sed istis non est difficile respondere.

Ad primam enim dicimus, quod non sit ad propositum, quoniam cap. illud non loquitur de Episcopo primæ Sedis simpliciter, quæ est Romana, sed de primæ sedis, scilicet Patriarchæ Pontificis. Vnde glo. super illud cap. ita habet. Primæ idest Patriarchalis, alius Papa benè. Eodem modo exponit Dominus Archidiaconus di. Primæ Sedis idest Patriarchalis.

Ad alia duo sequentia, quæ loquuntur de Romano Pontifice, dicimus, quod non ideo prohibitum est: Romanum Pontificem, vocari vniuersalem, quia non sit vniuersalis Pastor totius Ecclesiæ, & caput vniuersalis Ecclesiæ, cum in Concilio Chalcedon. acclamatum legatur beatissimo Leoni Papæ: viuat Leo sanctissimus Æcumenicus idest, vniuersalis Patriarchæ. Præterea multi sancti Pontifices, ita se nominasse in suis epistolis leguntur, vnde beatus Sixtus scribens omnibus episcopis ita in secunda epistola, vt recitat beatus Iſid. in lib. Pontificum loquitur. Sixtus vniuersalis Apostolicæ Ecclesiæ Episcopus omnibus Episcopis, &c. Item S. Victor Papa in epist. de Pascha, & Baptismo Theophylus Alexan. directæ, sic scribit. Victor Romanæ, ac vniuersalis Ecclesiæ Episcopus. Itē S. Eleutherius in epistola, quam vniuersis Episcopis per Gallias provincias scribit, dicit sic. In finē huius rei gratia vniuersalis nobis à Christo Iesu commissa est Ecclesia.

Sed ideo prohibetur vocari vniuersalis. Tum propter humilitatem. Tum quia non præſcitur cuiuslibet particulari Ecclesiæ, vt proprius. & specialis illius Ecclesiæ rector, & immediatus administrator: Vnde S. Thom. in lib. contra impugnantes Religionem ad hoc caput respondens dicit sic. Quod autem Papa vniuersalem Pontificem se prohibet nominari, non ideo hoc est, quod ipse non habeat auctoritatem immediatam, & plenam in qualibet Ecclesia, sed quia non præſcitur cuiuslibet particulari Ecclesiæ, vt proprius, & specialis. illius Ecclesiæ rector, sic enim cessarent omnium aliorum Pontificum potestates, & hoc cap. inductum, nullus pro ratione inducit. Hæc S. Tho.

CAP. XVII.

Quibus rationibus Beatus Petrus fundamentum Ecclesiæ dictus sit.

Postquam probatissimis testimonijs ostendimus Beatum Petrum Apostolum inter Apostolos habuisse primatum, & Ecclesiæ Principem, ac Rectorem à Christo institutum: esse: perſecutabimur consequenter quibus de causis fundamentum Ecclesiæ dictus sit. Dicimus autem, quod est omnibus Apostolis fundamenti vocabulum attributum legamus iuxta illud Psal. 86. [Fundamenta eius in montibus sanctis.] Gloſ. 1. in Apostolis. Et Apo. 2. dicatur: Murus ciuitatis, idest, habens fundamenta duodecim, & in ipsis nomina duodecim Apostolorum. Et hoc, quia omnes Apostoli fundauerunt Ecclesiam in fide, & doctrina Christi. Sicut fundauerat Apostolus Paulus, qui dicebat 1. Corinth. 3. Vt sapiens architectus fundamentum posui. Gloſ. fidem Christi non aliam. Nihilominus singulari quadam prerogatiua Beatus Petrus post Christum fuit, & dictus est Ecclesiæ fundamentum. Vnde Matth. 16. ita Christus singulariter Petro loquitur: [Ego dico tibi Petre, quia tu es Petrus, & super hanc petram edificabo Ecclesiam meam.] Quod verbum petra trans Beatus Hieronymus in commentario, ita inquit: [Tu mihi dixisti: tu es Christus filius Dei viui: & ego dico tibi sermone non casso, & nullum opus habente: sed dico tibi, quia meum dixisse fecisse est: quia tu es Petrus, sicut enim lumen Apostolis donauit, vt lumen mundi appellarentur, & cetera quæ à Domino dicta sunt vocabula: ita, & Simoni, qui credebat in petram Christum, Petrus largitus est nomen,] ac secundum methaphoram Petrus, rectè dicitur ei [edificabo Ecclesiam meam super te,] & hoc est quod sequitur, [& super hanc petram edificabo Ecclesiam meam.] Hæc Hieronymus. Percurrentes autem nos plures Sanctorum Patrum expositiones, & commentaria: inuenimus multis rationibus, siue considerationibus nomen fundamenti, finē petre, Petro conuenientissimè, & pertissimèque attributum.

Primò quidem, ratione illius gloriosissimæ confessionis, qua Christum præ cæteris omnibus Apostolis Christum confessus est, dicitur Matth. 16. [Tues. Christus filius Dei viui,

viui.] Confessio certe omni laude digna: in qua rotius Ecclesie fides offertur, vt inquit Augustinus, Christum enim, & Deum verum, ac hominem verum confiteatur, inquit Glos. Confessio certe salutifera, ac necessaria, absque qua nullus celorum regnum ingreditur, vt inquit Glos. Hanc rationem tangit beatus Maximus in sermone Apostolorum Petri, & Pauli, qui incipit: Gloriosissimos Christiane fidei Principes: ita dicitur. [Hic est Petrus, cui Christus Dominus communionem nominis libenter indulsit, vt enim sicut Apostolus Paulus edocuit, Petra autem erat Christus: ita per Christum Petrus factus est petra, dicente enim Domino. [Tu es Petrus, & super hanc petram edificabo Ecclesiam meam.] Nam sicut in deserto iussu domino sitienti populo aqua effluxit: et petra: ita vniuerso mundo perfidie ariditate lassanti de ore Petri fons salutiferæ confessionis emerit. Hæc ille. Et Leo sanctissimus in sermone secundæ ordinationis de hac Petri confessione, ita loquitur. Tu es Christus filius Dei viui quotidie Petrus dicit, & omnis lingua, quæ Dominum confiteatur, magisterio huiusmodi vocis imbutur. Hæc fides Diabolum vincit, & captiuorum eius vincula dissoluit. Hæc exutos mundo inserit celo, & portæ inferi eam præualere non possunt. Tanta enim diuinitus soliditate munita est, vt eam, nec hæretica vnquam corrumpere prauitas, nec pagana potuerit superare perfidia.

Secundo, Beatus Petrus dictus est conuenientissimè Ecclesie fundamentum, quia primus in nationibus fidei iacuit fundamentum, vt inquit Ambrosius in cap. fidelior. 50. dist. Siue, vt inquit Beatus Anacletus in cap. in. nouo dist. 21. Primus ad fidem virtute suæ prædicationis adduxit, verboque instituit, ipse enim Apostolus Petrus primos Iudæos, primos Gentiles, post Christi Ascensionem, ad Christi fidem conuertit, vnde die Pentecostes ob eius exhortationis verbum circiter Iudæorum tria millia conuersa Baptismi Sacramentum suscepisse leguntur Ad. in cap. 2. ac deinde Cornelium Centurionem Gentilem, & suos quasi gentium primitias baptizasse actuum historici testatur.

Tertio, Petrus dictus est Ecclesie fundamentum propter constantiam singularem, ac insuperabilis fidei firmitatem, de quo beatus Leo Papa tractans in sermone primo consecrationis suæ illud Luc. 22. Ecce Simon, Sathanas expetuit vos, ita loquitur. Commune erat omnibus Apostolis periculum de tentatione formidinis, & diuinæ protectionis auxilio pariter indigebant, quoniā diabolus omnes cupiebat elidere, & tamen spiritualis à Domino Petri cura suscipitur, & pro fide Petri propriè supplicatur tanquam aliorum status certior sit futurus, si mens Principis victa non fuerit, in Petro ergo omnium fortitudo munus, & diuinæ gratiæ ita ordinatur auxilium, vt firmitas, quæ per Christum Petro attribuitur, per Petrum Apostolis conferatur.

Quarto, Beatus Petrus conuenientissimè Ecclesie dicitur fundamentum, quoniam aliorum omnium factus est fundamentum, vnde Dominus ait Luc. 22. [Tu aliquando conuersus confirma fratres tuos.] Quod verbum per-

trans Beatus Ambrosius lib. 1. homeliarum, & habetur in cap. fidelior dist. 50. ita inquit: Fidelior factus est Petrus postquam fidem se perdidisse desceuit, atque ideo maiorem gratiam reperit, quam amisit, tanquam enim bonus pastor tuendum gregem accepit, vt qui sibi ante infirmus fuerat, feret omnibus firmamentum, & qui se interrogationis tentatione mutauerat, ceteros fidei stabilitate fundaret. Hæc ille: item Theophilus tractans præfatum verbum: Confirma fratres tuos: ita inquit. Hoc enim decet te, qui mecum robar es. & Petra Ecclesie. Item Chrysostomus super verbo illo Matth. 16. [Tu es Petrus, &c.] ita proposito nostro alludit, sic dicens. [Vide qualiter Christus reducit Petrum ad excelsum de ipso intelligentiam: hæc enim permittit, quæ sunt propria Dei solus, scilicet soluere peccata, & Ecclesiam immutabilem, sine non conuertibilem inter tot persecutionum, & tempestatum procellas facere. Ad idem beatus Hylarius super eodem verbo, ita loquitur: Est autem in nuncupatione noui nominis felix Ecclesie fundamentum digna ædificatione illius petra, quæ inferi leges, & tartari portas, & omnia claustra mortis dissolueret, hæc ille. Item Damasus Papa scribens Stephano Archiepiscopo sic inquit ad propositum: Scitis fratres charissimi firmamentum à Deo fixum, & immobile, atque titulum lucidissimum suorum Sacerdotum, idest omnium Episcoporum Apostolicam sedem esse constitutam, & verticem Ecclesiarum, tu es enim, sicut diuinum pernuatit veraciter verbum, Petrus, & super firmamentum tuum Ecclesie columnæ, quæ Episcopi intelliguntur, confirmatæ sunt, vt tibi clauces regni Celorum commisit, atque ligare, & soluere potestatem, & quæ in caelis sunt, & in terris promulgari, hæc ille. Item Leo Papa in sermone 3. ordinationis suæ petra tractans illud Matth. 16. [Ergo dico tibi, quia tu es Petrus, &c.] ita pulchre ad propositum loquitur. [Ego dico tibi, hoc est sicut tibi pater meus manifestauit diuinitatem meam: ita, & ego notam facio tibi excellentiam tuam, quia tu es Petrus, idest cum ego sim inuoluabilis petra: ego lapis angularis, qui facio vtraque vnum, ego funicamentum, præter quod nemo potest ponere aliud: tu quoque petra es, quia mea virtute solidaris, vt quæ mihi potestatem sint propria, sint tibi mecum participatione communia, & super hanc petram edificabo Ecclesiam meam, & portæ inferi non præualebunt aduersus eam, super hanc inquit fortitudinem æternum extruam templum, & Ecclesie meæ celo inferenda suplimitas, in huius fidei firmitate confuset.] Hæc ille. Ad idem est Beatus Gregorius Papa in epistola ad Siracusanum Episcopum. Quis nesciat sanctam Ecclesiam in Apostolorum Principis soliditate firmatam, qui firmitatem mentis traxit in nomine vt Petrus à petra vocaretur, cui veritatis voce dicitur: Tibi dabo clauces Regni Celorum, item pascere oues meas. Itaque cum multi sint Apostoli pro ipsorum principatu, sola Apostolorum Principis Sedes in auctoritate conualuit.

Quinto, Ecclesie fundamentum Petrus dictus est propter eius cathedræ insuperabile magisterium, in qua, vt in cap. in sede, & in cap.

cap. hæc est fides 24. quæst. 1. habetur : extra maculam semper est catholica seruata religio. Quocirca Beatus Hieronymus in cap. quoniam vetus, ibidem clamat Cathedræ Petri communione conficior, super illam petram Ecclesiam fundatam scio; quicumque extra hanc domum agnum commederit, prophanus est, qui in Archa non fuerit, peribit regnante diuino. Et Cyprianus, qui Cathedram Petri, supra quam fundata est Ecclesia, deserit, in Ecclesia esse non confidat.

Sexto, Petrus Ecclesiæ fundamentum dictus est ratione sui primatus: cuius Sedis auctoritas quoddam fundamentum est Ecclesiæ, vt dicit S. Thomas in fin. 2. libri sententiarum. Sedes enim Petri prima est à Christo, & super Christum fundata, vt in cap. omnes dist. 22. à qua ipsa vniuersi ordinis ecclesiastici dispositio pender, ac totius ecclesiastici ædificij altitudo post Christum confurgit. Ipsa enim est, quæ vt ait Nicolaus Papa in cap. omnes dist. 22. Omnes siue Patriarchæ cuiuslibet Apicem, siue Metropolitæ Primatus, aur Archiepiscopatum Cathedralas, vel Ecclesiæ cuiuscumque ordinis dignitatem instituit, ac fundauit, illam verò solus ipse fundauit, & supra petram fidei mox nascentis erexit, qui Beato Petro æternæ vitæ clauigero terreni simul, & cælestis Imperij iura commisit. Et hoc modo videtur, intelligendum illud, quod Damasus in sermone de transfiguratione, respondens Petro dicenti: [Bonum est nos hic esse, faciamus hic tria tabernacula dicit: Non te Dominus tabernaculorum, sed vniuersalis Ecclesiæ constructionem constituit.] Quocirca, vt Beatus Augustinus in sermone quodam qui legitur in festo Cathedræ Sancti Petri inquit: Rectè Ecclesiæ natale sedis Petri colunt, quam Apostolus pro Ecclesiæ salute suscepit, dicente Domino: [Tu es Petrus, & super hanc petram ædificabo Ecclesiam meam.] Petrum itaque fundamentum Ecclesiæ nominauit, & ideo digna hoc fundamentum Ecclesia colit, supra quod ædificij altitudo confurgit, hæc Augustinus. Item idem beatus Augustinus in sermone quodam Apostolorum Petri, & Pauli, qui de beato Petro loquens, ita inquit: [Petrus audire meruit, amen dico tibi, quia tu es Petrus, & super hanc petram ædificabo Ecclesiam meam.] Dignus certè, qui ædificandis in domo Dei populis lapis esset ad fundamenta, columna ad sustentaculum, clauis ad regnum. Item idem Augustinus & habetur in cap. putenda, inquit 24. quæstion. 1. quod Ecclesia est fundata in radice Apostolicæ Sedis.

Septimò, Beatus Petrus dictus est fundamentum Ecclesiæ ratione irrefragabilis firmitatis iudiciorum suæ Apostolicæ Sedis. De quo Origen. in Glos. super illud Matth. 16. Quodcumque ligaueris &c. dicitur sic: Vide quantam potestatem habet, suprâ quam ædificatur Ecclesia, vt etiam iudicia eius manent firma, quasi Deo iudicante per ipsam, Item Maximus in sermone Apostolorum Petri, & Pauli, qui incipit: Beatissimorum, Apostolorum, &c. de hoc ita inquit: Quid etiam de Petro referam, cuius est à Deo tanta approbata iustitia, tantaque ei attributa est potestas iudicandi, vt in arbitrio eius pone-

retur cælestis iudicium, perspicite ergo, & æstimate quanto sit nobis Petrus Apostolus honore reuerendus, cuius sententiam in terris prolatam sempiterni Iudicis æquitas non repellit. Et beatus Bernard. in sermone quodam Apostolorum Petri, & Pauli, qui incipit: Petrus Apostolorum Princeps vnus est quem prænobilitant singularis primatus insignia, Clauicularius Regni Cælorum linguæ dei fundamentum, conlummat horror, & dignatio gloriosa, hominem in terris positum in cælis imperare, & inter Angelorum chorus iudiciariæ potestatis exercere virtutem, & in terra ligandi, & soluendi, nullus Angelorum possidet, adest Petrus, & ad eius arbitrium vniuersitas Orbis ligatur, & soluitur, & præcedit Petri sententia, sententiam Redemptoris, quia non quod Christus, hoc ligat Petrus, sed quod Petrus, hoc ligat Christus, ipso ad ipsum attestante: [Quodcumque ligaueris &c.] O quam potens dignitas, quam digna potentia, iudicabit Petrus, & omnipotens Petri iudicia confirmat, & est in manu Petri manus altissimi, solusque ille efficitur familiaris Christi, qui Petri familiaritatem habuerit, hæc ille.

C A P. XVIII.

In quo aduersariorum obiectiones quædam ponunt contra hoc, quod dictum est, quod Petrus Apostolus Ecclesiæ Catholica fundamentum verè dictus sit.

ADuersarij primatus Apostolici hostes Sanctorum Patrum doctrinis non consentientes, alium, quam Christum dici Ecclesiæ fundamentum non ferentes, ausi sunt dicere, quod beatus Petrus verè non fuerit dicendus fundamentum Ecclesiæ, talibus nituntur probare rationibus.

Primò, sic 1. Cor. 3. Paulus Apostolus inquit: [Vniuscuique videat quomodò ædificet, fundamentum enim aliud nemo ponere potest præter illud, quod positum est Christus Iesus, ergo manifestè apparet, quod nullus alius potest veraciter poni fundamentum, Ecclesiæ.

Secundò, in Glos. interlin. super illud, Matth. 16, [Tu es Petrus, habetur sic, à me, petra, ita tamen, vt mihi retineam fundamenti dignitatem, & tu super me ordinabis lapides mundos, & abijceis improbos. Ecce quod Christus retinet sibi dignitatem fundamenti, ergo sequitur, quod nec Petrus, nec alius Apostolus fundamentum Ecclesiæ dicendus sit.

Tertio, idem arguitur ex expositione, quam beatus Augustinus ponit in de verbis Domini, homil. 13. vbi tractans illud Matth. 16. ita inquit: [Tu es, ergo inquit, Petrus, & super hanc petram, quam confessus es, ædificabo Ecclesiam meam: super me ædificabo te: non me super te.] Et super Joann. dicit: [Non super petram Petrum, sed super petram Chri-

Christum ædificasse Ecclesiam;] ergo idem, quod prius.

Quartò sic: Vnius ædificij non est nisi vnum fundamentum, sed Ecclesiæ ædificium vnum est, cum Ecclesia vna sit; ergo sequitur, quod illius vnum tantum sit fundamentum dandum, scilicet Christus, & non plura.

Quintò, fundamenti non est aliud fundamentum, quia sic esset processus in infinitum, sed Petrus habet fundamentum sui, scilicet Christum, patet ex dictis beati Augustini; ergo ipse non potest dici alterius, scilicet Ecclesiæ fundamentum.

Sextò, fundamentum est prius eo, cuius est fundamentum, sed Petrus non potest dici prior Ecclesia, quæ ab ipso Abel iusto dicitur incepisse, ergo sequitur, quod Petrus nullo modo potest dici verè fundamentum Ecclesiæ.

C A P. XIX.

In quo respondetur ad superiores obiectiones aduersariorum.

NON parum certè admirandum est, quod aduersarij inter tot sanctorum Patrum luminaria, scilicet splendidissima testimonia, tanta cecitate laborant, vt Petrum Apostolum præsumant fundamentum Ecclesiæ negare, nihilominus tamen respondeamus ad rationes eorum.

Ad primam quæ sumitur ex Apostolo 1. Cor. 3. respondetur, quod Christus est primum, & præcipuum fundamentum Ecclesiæ, vt potè à quo Ecclesia principaliter dependet, & sustentatur, & præter hoc fundamentum, nemo potest aliud ponere tanquam primum, & principale, nihilominus Apostoli secundo dicti sunt fundamenta, & inter eos principaliter, & maxime beatus Petrus, vt visum est supra. Vnde Apostolus Paulus, vt beatus Dionys. testatur, fertur dixisse beato Petro versus mortem: [Pax tecum fundamentum Ecclesiæ pastor ouium Christi,] vidè ly præter in auctoritate Apostoli magis videtur nota antinomasiæ, quam sit nota exclusionis, sicut ibi: [Tu solus sanctus.] Huius sententiæ est Doctor egregius Augustinus super Psalm. 86. ita dicens. Vt noueritis quòd fundamentum, Christus sit primum, & maximum fundamentum, inquit Apostolus, nemo potest ponere aliud præter id, quod positum est, quod est Christus Iesus, quomodo ergo fundamenta Prophete, & Apostoli, & quomodo fundamentum Christus Iesus, quo vterius nihil est, quomodo putamus, nisi quemadmodum aptè dicitur Sanctus Sanctorum, sic figuratè fundamentum fundamentorum, si ergo Sacramenta cogites, Christus Sanctus Sanctorum, si gregem subditum cogites, Christus pastor pastorum, si fabricam cogites, Christus fundamentum fundamentorum. Hæc Augustin. Et idem ponitur in glos. ad Ephes. 3.

Ad secundam rationem, quæ sumitur ex Glos. interlin. Math. 16. licet pateat responso ex dictis; dicimus, quòd verum est,

quòd Christus reseruauit sibi dignitatem, principalis fundamenti: sed hoc non obuiat quin Petrus secundariò fuerit fundamentum. Verum pro ampliori intelligentia huiusmodi materiæ est sciendum, quòd fundamentum dicitur dupliciter. Vno modo id, cui adhæret prima pars edificij, quod tamen non includitur in edificio, sicut terra solida, vel petra, siue rupis. Alio modo potest dici fundamentum prima pars ipsius edificij, supra quam residuum edificij fundatur. Primo modo fundamentum, quod scilicet sustentat totum ædificium, est Christus, & hoc modo dicti fundamenti dignitatem retinuit sibi Christus. Sed fundamentum secundo modo dictum bene conuenit alijs scilicet Apostolis. Vnde de vtroque horum dicitur Eccles. 116. [Fundamenta æterna supra petram solidam, & inter Apostolos maxime hoc modo competit beato Petro, & sedi eius.] Et ita glossa illa non obstat.

Ad tertiam rationem, quæ sumitur ex dictis August. respondetur, quod etiam beatus Augustinus, vt superius paruit, fuit alterius sententiæ; videlicet, quod Petrus fundamentum fuerit Ecclesiæ, super quod ipsa Ecclesia fundata sit. Quod ipse testatur, quod in illo, tanquam in petra, fundata sit Ecclesia, in lib. retractationum cap. 2. vbi ita dicit: [Dixi quoddam loco de Apostolo Petro, quòd in illo, tanquam in petra, fundata sit Ecclesia. Qui sensus etiam cantatur ore multorum in versibus beatissimi Ambrosij, vbi de gallo gallinatio ait: [Hoc ipsa petra, Ecclesia canente, culpam diluit.] Sed scio me postea sæpissime sic exposuisse, quod à Domino dictum est: [Tu es Petrus, & super hanc petram ædificabo Ecclesiam meam;] vt super hunc intelligeretur, quem confessus est Petrus dicens: [Tu es Christus Filius Dei viui;] ac si Petrus ab hac Petra appellatus, personam Ecclesiæ figuraret, quæ super hanc petram ædificatur. Nec dictum est illi: [Tu es Petra] sed [Tu es Petrus;] Petra autem erat Christus. Harum autem sententiarum, quæ sit probabilior, eligat Lector. Hæc ille. Verum vtraque sententia, siue expositio, potest habere locum, & simul stare, vt dicamus, quòd supra Christum petram primò, & principaliter ædificatur Ecclesia. Secundariò verò supra Petrum, vt supra exposuimus. Vnde ipse August. in sermone de Transfiguratione. Domini ita loquitur: [Quam conuenienter petra Petro respondit: [Ego dico tibi Petre, quia tu es Petrus, &c.] quasi diceret: [Super Me ædificabo te, qui figuram eius geris Ecclesiæ, quæ in te ædificatur super Me.] Hæc August. Verum si quis considerat bene seriem literæ illius Marth. 16. [Tu es Christus Filius Dei viui,] & [Ego dico tibi, quia tu es, &c.] iuxta sententias Chryostomi, Hylarij, Hieronymi, Theophili, Origenis, Ambrosij, & Leonis Papæ, quæ superius inducæ sunt, videtur, quòd ad litteram auctoritas illa Math. 16. de beato Petro accipienda sit; quoniam, vt arguit Dominus Richardus in questionibus Armenorum libro 7. cap. 11. & bene, iuxta seriem literæ, Petrus primò, & singulariter constituitur; [Tu es Filius Dei viui,] volens Christus pro tanta confessione, aliquid notabile recompensare, respondit, [Bea-

[Beatus es Simon Bariona, quia caro, & sanguis non reuelauit tibi, sed Pater meus, qui est in Caelis; & Ego dico tibi, quia tu es Petrus, & super hanc petram ædificabo Ecclesiam meam, &c.] Vnde videtur prædicare, Petrum debere fore fundamentum suæ Ecclesiæ, quia aliàs essent impertinentia sequentia ipsius præcedentibus. Non enim videtur sibi pertuere, [Ego dico tibi, quia tu es Petrus;] & quod sequitur, [& super hanc petram, (scilicet super Christum,) ædificabo Ecclesiam meam.] Vnde quod hoc, quod dictum est, [& super hanc petram ædificabo Ecclesiam meam,] de Petro intelligendum sit: hoc manifeste ostendunt auctoritates Sanctorum inductæ in cap. 17. maxime illa Chrysost. & illa beati Leonis Papæ.

Ad quartam rationem, cum dicitur, quod vnus ædificij, &c. respondetur, quod verum est de principali fundamento; secundaria vero possunt esse plura. Et ita est in proposito.

Ad quintam cum dicitur, quod fundamenti non est fundamentum, respondetur, quod licet nō cuiuslibet fundamenti sit aliud fundamentum, quia primi, & principalis fundamenti non est aliquod aliud fundamenti; nihilominus secundariorum fundamentorum bene est aliud fundamentum, scilicet primū, & principale. Petrus autem Apostolus non ponitur primum, & principale fundamentum Ecclesiæ, sed Christus: qui, vt patet ex August. in responsione ad primam rationem, non modo dicitur fundamentum, sed fundamentorum fundamentum.

Ad sextam rationem, cum dicitur, quod fundamentum est prius eo, cuius &c. Dicendum, prout etiam ex suprapositis sanctorum Patrum sententijs, dicentium beatum Petrum fundamentum Ecclesiæ, colligere possumus. Dupliciter loqui possumus de fundatione Ecclesiæ. Vno modo quantum ad fidem, & profectum virtutum; de qua dicitur ad Ephesios 3. in quo glossa in Christo, omnis ædificatio, gloss. tam de gentibus, quam de Iudeis constructa, gloss. in fide crescit, glossa per augmentum virtutum in Templum sanctum in Domino. Alio modo possumus loqui de fundatione Ecclesiæ quantum ad potestatem iurisdictionis Ecclesiasticæ, prout structura Ecclesiæ confurgit secundum diuersos ipsius potestatis gradus, secundum quos quidam quantum ad ipsam potestatem sunt infimi, vt Curati; quidam medij, vt Episcopi; quidam vnus solus summus est, sicut Papa. Et de vtroque modo fundationis potest. intelligi illud verbum Matthæi 16. Secundum enim primum, dicitur Petrus fundamentum Ecclesiæ inter alias rationes, quia in eius fide, & confessione, vt inquit Hieronym. & gloss. Matth. 16. ædificata est Ecclesia. Secundum secundum verò modum intelligendi, Petrus dicitur Ecclesiæ fundamentum in quantum ipse primus in Ecclesia Principatum, Ecclesiasticæ potestatis obtinuit, dicente sibi Domino: [Et tibi dabo clauis Regni Cælorum.] Vnde beatus Cyrilianus, & habetur in cap. Loquitur Dominus distin. 24. quæst. 1. Loquitur Dominus ad Petrum, dicent: [Ego tibi dico, quia tu es Petrus, & super hanc petram ædificabo Ecclesiam meam.] Super vñ

Tom XIII.

ædificat Ecclesiam. His præsuppositis respondetur ad rationem sic, quod si loquimur de fundatione Ecclesiæ in fide Christi, licet Ecclesia prius absolute fuisset, quam Petrus confessus fuisset Christum, dicens: [Tu es Christus, &c.] cum multi forent antè credentes, scilicet Petrus, & alij Apostoli: nihilominus tamen ipse Petrus, quantum ad eos, qui credituri erant per verbum predicationis illius in Christum, prior erat ipsa Ecclesia. Vnde sicut prius dictum est in cap. 17. ex dicto beati Ambrosij, ipse Petrus primus in nationibus fidei fundamenta posuit. Et vt dicit Anacletus, primus ad fidem populum virtute suæ predicationis adduxit. Si verò loquimur de fundatione Ecclesiæ, quantum ad potestatem Ecclesiasticam, eo modo, quo superius diximus, Ecclesia non videtur prior fuisse Petro: cum fundatio huiusmodi Ecclesiæ facta fuerit in Petro; quoniam, vt ait sanctus Anacletus in cap. In nouo distin. 21. In nouo Testamento post Christum Dominum à Petro Sacerdotalis cæpit ordo; quia ipsi primo Pontificatus in Ecclesia Christi datus est, dicente Domino ad eum: [Tu es, inquit, Petrus, & super hanc petram ædificabo Ecclesiam meam.] Ex his manifeste confunditur error dicentium, quod non magis Petrus, quam cæteri Apostoli dicendus fuerit fundamentum Ecclesiæ Christi.

C A P. XX.

Quod beatus Petrus caput fuerit sanctæ, & vniuersalis Ecclesiæ.

Cum autem fundamentum in spiritualibus non sit in imo, vt in corporali ædificio, sed in summo existat: ostendo, quod beatus Petrus Ecclesiæ Dei fundamentum, fuerit: clarissime arguitur, quod etiam caput fuerit Ecclesiæ. Vnde beatus Hieronymus in libro de obitu, siue ortu Sanctorum Noui Testamenti, sic ait: [Petrus in Christo Ecclesiæ firmamentum Cephas, Corporis Christi Princeps, & Caput est.]

Præterea, quod beatus Petrus caput Ecclesiæ à Christo institutus fuerit, ex illo in primis aptissime colligitur Saluatoris verbo, quo inquit: [Tu vocaberis Cephas,] Io. 1. Cephas enim, licet secundum vnam linguam interpretetur Petrus: nihilominus secundum aliam, vt sanctus Anacletus in cap. in nouo distin. 21. Et beatus Isidorus 7. ethic. cap. 3. voluit: Caput sonat. Cephalym enim græcè, Caput latine dicitur.

Secundò hoc idem habetur testimonio beati Chrysostomi, qui tractans illud Io. 21. [Simon Ioannis, pasc oves meas,] dicit sic: [Præteriens autem alios Petro loquitur: eximus enim Apostolorum erat Petrus, os Discipulorum, & vertex Collegij.]

Tertiò, ad idem, quod beatus Augustinus in quæst. Noui, & Veteri Testamenti, vbi respondens illi quæstioni: Cur Saluator tantum pro se, & Petro solui didragma iussit, ita dicit: [Saluator eum pro se, & Petro dari iubet didragma, pro omnibus soluisse videtur; quia sicut in Salvatore erant omnes

causæ

causa Magisterij, ita & post Saluatorem in Petro omnes continentur; ipsum enim constituit Caput eorum, ut Pastar esset Gregis Dominici.] Hæc August.

Quartò, idem testatur idem beatus Augustinus in sermone quodam Passionis Domini, ubi assignans rationem, quare Deus permiserat Petrum eum negare, ita dicit: [Ideò Diuinæ prouidentie secretum ita temperauit, atque permisit, ut primus ipse laberetur, atque rueret in peccatum; quo erga peccantes duriorē sententiam proprii calus iunctu temperaret. Quantum igitur Diuini muneris erga salutem hominum, quantum curæ, quantum sollicitudinis impendatur aduertite, totius corporis morbum in ipso capite curat, & in ipso vertice componit membrorum omnium sanitatem, & in ipsa confessionis Christi trepidum in ipso immobilis fidei fundamento, in Petro dico, scilicet illo, qui dixerat: Etiam si me oporteat mori, non te negabo. Hic est Petrus, qui Diuina reuelatione prior omnium veritatem meruit confiteri, dicens: Tu es Christus Filius Dei uiui.] Hæc August. Ecce, quod beatus Augustinus Petrum vocat & caput, & verticem Ecclesiæ, necnon immobilis fidei fundamentum.

Quintò, ad idem est testis illustris Calixtus Papa in cap. non decet distinct. 12. ubi dicit vniuersalis Ecclesiæ caput esse Romanam Ecclesiam. Idem etiam Iustinianus ponit in leg. luer. claras, C. de summ. Trinit. ubi Papam caput vocat omnium Ecclesiarum.

Sextò, hoc idem ratione probari potest sic: Quilibet rector cuiuscumque communitatis dicitur caput illius. Vnde Reges, sine Præfidentes in communitatibus secularibus, propter excellentiam auctoritatis, dicuntur capita populorum suorum, secundum illud Amos 6. [Optimates capita populorum.] Vnde etiam Dominus per Samuelem ait ad Saulen: [Cum esses paruulus in oculis tuis caput in tribubus Israel factus es.] Cum ergo Petrus constitutus fuerit rector, & pastor vniuersalis Ecclesiæ, ut superius amplissime ostensum est, probatur manifestè, quod beatus Petrus veraciter caput fuerit Ecclesiæ vniuersalis, &c.

C A P. XXI.

In quo Aduersariorum ponuntur obiectiones contra hoc, quod dictum est, quod beatus Petrus caput fuerit vniuersalis Ecclesiæ.

EXaduerso veritatis, & Apostolici Principatus Aduersarij negant beatum Petrum Apostolum, & eius successorem caput fuisse sanctæ Ecclesiæ Catholicæ, aut esse. Inducunt autem in suorum errorum fauorem rationes sequentes:

Primò sic: Capitis non est caput, sed Petri, & successor eius Christus est caput, cum sit caput super omnem Ecclesiam ad Ephes. 1. ergo sequitur, quod Petrus, nec eius succel-

lor, illius potest dici caput Ecclesiæ.

Secundò. Vnius corporis vnum est caput, sed corpus Ecclesiæ est vnum, dicente Apostolo ad Roman. 12. Multi vnum corpus sumus, & huius corporis Christus est caput, testatur Apostolus ad col. 1. ergo, nec Petro nec successor suo conuenit caput esse corporis Ecclesiæ.

Tertiò: Christus est caput Ecclesiæ, & sufficientissimum; ergo videtur, quod otiosum, & frustra sit quodcumque aliud detur, & ita non videtur dicendum, quod beatus Petrus, aut successor eius sit caput Ecclesiæ.

Quartò: Sicut in capite corporis animalis est plenitudo sensuum, vigent enim in eo omnes sensus interiores, & exteriores: cū in cæteris membris solus sensus tactus sit: ita in capite Ecclesiæ esse debet. Vnde de Christo Ecclesiæ capite dicitur Ioann. 1. Vidimus eum plenum gratia, & veritate, sed in beato Petro, nec in successoribus est plenitudo sensuum spiritualium, ergo non potest dici caput Ecclesiæ.

Quintò: Capitis est influere sensum, & motum, sed nec à beato Petro, nec eius successore influitur membris Ecclesiæ sensus fidei & motus charitatis, cū ab ipso non redundet gratia in corpus Ecclesiæ, ergo ei non est attribuendum nomen capitis.

Sextò sic. Si Petrus fuisset caput Ecclesiæ, ab ipso inter cæteros deriuata esset potestas spiritualis. Sed hoc non est, tū quia non ipse solus recepit clauas, sed tota Ecclesia in ipso, qui significabat Ecclesiam, vt habetur in cap. quodcumque 24. quæst. 1. tū quia omnes Apostoli cum eo æque principaliter potestatem à Christo suscepere Matth. 18. [Amen dico vobis quæcumque alligaueritis,] ergo &c.

Septimò sic: Si Petrus fuisset caput Ecclesiæ videtur, quod ab ipso venissent denominandi fideles, vt videtur, sed à Petro non denominantur fideles Petri, sed à Christo Christiani, vt dicit August. de verbis Domini homilia 13. ergo, &c.

Octauò arguitur: Corporis ad caput est necessaria connexio, sed ad Petrum, & ad eius successores Ecclesiæ corpus non habet necessariam connexionem, patet, quia Ecclesia quandocumque stetit sine Petro, & stat sine eius successore, scilicet quando decessit, aut quando Papa efficitur hæreticus ergo, &c.

Nonò confirmando rationem factam sic: Capite separato à corpore expirat corpus, & priuatur vita, & motu, sed Petro, aut eius successore sublati per mortem à corpore militantis Ecclesiæ, corpus Ecclesiæ non expirat, & tamen priuatur vita, ergo nec Petro, nec eius successoris competit esse caput Ecclesiæ.

C A P. XXII.

In quo improbatu aduersariorum prefata sententia, & ostenditur qualiter ratio capitis respectu Ecclesie Petro conuenierit, ac eius successori.

QUOD prefata aduersariorum sententia negantium beatum Petrum vniuersalis Ecclesie caput fuisse erronea sit: non solum ex his, quæ supra induximus in cap. 20. verum etiam ex multis alijs sanctorum Patrum testimonijs exploratissimum est. Ait enim beatus Anacletus Papa & martyr, vt habetur in cap. sacrosancta distinct. 22. inter beatos Apostolos quendam fuit discretio potestatis, licet enim omnes essent Apostoli: Petro tamen concessum est à Domino, & ipsi inter se voluerunt idipsum, vt reliquis omnibus illis præficeret Apostolis, & cephas, idest caput, & principium teneret Apostolatus, qui & eandem formam suis successoribus, & reliquis Episcopis tenendam tradiderunt. Hæc ille. Item Marcellus Papa, & martyr vt habetur in cap. rogamus 24. quæst. 1. scribens vniuersis Episcopis per Antiochiam constitutis, ita inquit: Rogamus Fratres dilectissimi, vt non aliud doceatis, nec sentiat, quam quod à beato Petro, & reliquis Apostolis, & principibus acceptis; ipse est enim caput totius Ecclesie, cui ait Dominus: [Tu es Petrus, & super hanc petram ædificabo Ecclesiam meam.] Hæc ille. Ex quibus omnibus nunc, & superius inducitis apertissimum est aduersarios grauiter errare negantes beatum Petrum fuisse caput Ecclesie sanctæ Catholice. Quo circa rationabiliter Papa Ioann. 22. in extrauaganti, quæ incipit: [Licet secundum Apostolum: Marfilium de Padua, & Ioannem de Iaudino tamquam hæreticos condemnauit; qui inter cæteros errores, quos contra Sedem Apostolicam dogmatizare præsumperunt, fuit, quod Petrus Apostolus non plus auctoritatis habuit, quam alij Apostoli habuerunt, & aliorum Apostolorum non fuerit caput. Item Papa Martinus V. in Concilio Constantienſe condemnauit errores Ioann. Hus, qui, inter alios, iste est vnus, scilicet septimus in ordine, quod Petrus nec est, nec fuit caput Ecclesie sanctæ Catholice.]

Viso ergo, quod iuxta Catholice doctrinæ normam necesse sit concedere beatum Petrum Apostolū pro primatus sui excellentia caput fuisse sanctæ Ecclesie Catholice, & per consequens eius successor, sub Christo tamen, qui principale caput est Ecclesie, ostendendum est qualiter nomen capitis Petro Apostolo conuenierit, ac eius successori conueniat, quia qualiter Christo conueniat supra in lib. 1. huius nostre sum. in cap. 46. explicauimus. Pro quo notandum iuxta S. Thom. in 3. par. qu. 8. artic. 1. quod sicut tota Ecclesia dicitur vnum corpus mysticum per similitudinem ad corpus naturale hominis, secundum quod diuersa membra habent diuersos actus, vt Apostolus docet ad Roman. 12. & 1. Corinth. 12. ita Christus, siue etiam Papa, dicitur caput Ec-

Tom. XIII.

clesie, secundum similitudinem capitis humani. Inuenimus autem in capita hominis quatuor.

Primò conformitatem naturæ cum alijs membris.

Secundò ordinem, quia caput est prima pars corporis incipiendo à superiori, & ita sicut est superius alijs membris.

Tertiò perfectionem, quia in capite viget plenitudo sensuum.

Quartò virtutem influentem cæteris, quia ab ipso motus est cæterorum membrorum, & gubernatio in suis actibus propter vim sensitiuam, & motiuam ibi dominantem. Qualiter ista quattuor competant Christo, supra libro primo exposuimus, vbi cum Ecclesie caput esse ostendimus. Iam ostendamus qualiter Petro Apostolo, & nunc eius successori conueniant.

Primò quidem, Petrus fuit conformis naturæ alijs fidelibus: cum homo fuerit eiusdem speciei cum eis.

Secundò, ipse in ordine Apostolorum fuit primus, vnde primus annumeratus legitur Matth. 10. Et de Episcopo Romano successore suo dicit Canon Concilij Constantini: vt deducit S. Thom. in 4. distinct. 24. Veneramus secundum scripturas, & canonum distinctiones sanctissimum antiquæ Romæ Episcopum primum esse, & maximum Episcoporum. Et Iulianus in authentic. de Ecclesiastic. tit. col. 9. inquit. Nemo est, qui dubitet sanctissimum senioris Romæ Papam primum esse omnium sacerdotum.

Tertiò, in ipso solo inter alios fuit plenitudo potestatis, vt potè in quo posuit Dominus totius Ecclesie principatum, vt in cap. nolite distinct. 11. dicit Iulius Papa, & cui soli, inquit beatus Chrysost. Christus dedit, quod suum est plenum, & q. i. solus vocatus est in plenitudinem potestatis, alijs vocatis in partem, vt in cap. decreto, & in cap. qui se scit. 2. quæst. 6.

Quartò, ab ipso est deriuata potestas iurisdictionis in alios, dicente Leone Papa in cap. ita Dominus distinct. 19. Huius muneris Sacramentum ita Dominus ad omnium Apostolorum officium pertinere voluit, vt in beatissimo Petro Apostolorum omnium summo principaliter collocaret, vt ab ipso quasi quodam caput dona sua velut in corpus omne diffunderet. Hæc illa.

C A P. XXIII.

In quo respondetur ad obiecta aduersariorum contra illud, quod beatus Petrus fuerit caput Ecclesie sanctæ Catholice.

SUPERIORIBUS bene notatis, respondendum est iam ad obiecta aduersariorum.

Ad primum, cum dicitur, quod capitis non est caput, &c. Respondetur hoc esse verum de eo, quod est caput naturale alicuius corporis naturalis, non autem de capite mystico, siue per similitudinem dicto, sicut enim S. Thom. in tertia parte respondens huic

Q9 2 obic-

obiectioni ait : In metaphoricis locutionibus non oportet attendi ad similitudinem, quantum ad omnia : sic enim non esset similitudo, sed rei veritas, capitis ergo naturalis non est aliud caput, quia corpus humanum non est pars alterius corporis, sed corpus similitudinariè dictum, vt potè aliqua multitudo ordinata, est pars alterius multitudinis, sicut multitudo domestica, est pars multitudinis ciuilis, & ideo paterfamilias, quod est caput multitudinis domesticæ habet supra se caput Rectorem ciuitatis, per hunc modum dicit Apostolus 1. Corint. 11. Omnis viri caput Christus est, caput autem mulieris vir, caput verò Christi Deus. Et idem ad Ephes. 5. Et ita dicendum est in proposito, illa sunt bene simul, quòd Papa sit caput Ecclesiæ, & ipsius Papæ Christus sit caput.

Et ad secundam rationem cum dicitur vnus corporis, &c. Respondetur sicut ad primam, quod assumptum illud verum sit de corpore naturali, non autem de corpore mystico, siue per similitudinem dicto, quoniam vnus, & eisdem corporis mystici, id est alicuius multitudinis, possunt esse plura capita vnus subordinata tamen, sicut multitudinis ciuilis est caput, & rector Ciuitatis, & etiam Rex, qui totius Regni est caput supremum. Item licet mulieris caput sit vir, vt inquit Apostolus, nihilominus etiam Christus est caput mulieris fidelis, qui caput est totius Ecclesiæ. Ita in proposito vnus, & eiusdem corporis Christus est caput principale, & Papa etiam est caput, subordinatum tamen sub Christo eius vices gerens, dissentent tamen multum, dicitur caput Ecclesiæ Christus, & Prælati dicuntur capita eius, vt dicit S. Thom. in 3. parte vbi supra. Primo quidem quantum ad hoc, quòd Christus est caput omnium eorum, qui ad Ecclesiam pertinent secundum omnem locum, & tempus, & statum. Alij autem homines dicuntur capita secundum quendam specialia loca, sicut Episcopi suarum Ecclesiarum, vel etiam secundum determinatum tempus: sicut Papa est caput totius Ecclesiæ, scilicet tempore sui Pontificatus, & secundum determinatum statum, prout scilicet, secundum sunt in statu viatoris. Alio modo secundum quòd Christus est caput Ecclesiæ propria virtute, & auctoritate. Alij verò dicuntur capita in quantum vicem gerunt Christi secundum illud 2. Corinthe. 2. I Nam & ego, quod donauit, si quid donauit propter vos in persona Christi.] Et 2. Corinthe. 5. Pro Christo legatione fungimur tanquam Deo exortante per nos; secundum Dominum Aluarum in lib. suo de potestate Ecclesiæ. Potest aliter responderi ad rationem sciam, quòd Christus & eius Vicarius non sunt duo capita, sed vnum, quia Papa non dicitur caput, nisi in quantum gerit vicem Christi, & eius personam repræsentat. Item ita etiam dicit Papa Bonifacius VIII. in Extrauaganti sua, Vnam sanctam.

Ad tertiam, cum dicitur Christus est caput Ecclesiæ sufficientissimum, &c. Respondetur negando consequentiam, dicimus enim quòd licet Christus caput Ecclesiæ sit, quia tamen est inuisibile, oportuit ponere aliquod caput visibile specie, & mortalitate conforme, & consimile statu, & conditione corpori, &

membris ipsius Ecclesiæ, quod visibiliter regat, & præsit toti Ecclesiæ, & tale caput fuit beatus Petrus, & est nunc successor eius. Cuius conuenientia licet superius satis ostensa sit, pro pleniori tamen noticia potest sic ostendi, vnitas corporis mystici, siue Ecclesiastici Principatus non dicitur habere minorem vnitatem, quam habeat seculares politiz, siue principatus inuenit industria humana, siue naturali ratione, cum vinculum membra Ecclesiæ colligans adinuicem, sit quolibet alio vinculo maius, & vnitas, lexque ipsa diuina, secundum quam principaliter regitur, & gubernatur Ecclesia, præstantior sit omni alia lege humana, sed sic est, quod humanæ politiz ad sui vnitatem [absque hoc, quòd vniantur in vno Deo : à quo sicut principio vniuersali effectiuo, formalis, exemplari, ac finali omnis potestas, & dignitas deriuatur secundum illud Sapient. 8. Per me Reges regnant, &c.] requirunt vnum caput homogenum, seu conforme in natura, & statu, vt vnum Regnum vnum Regem, vna provincia vnum Principem : ciuitas vnum potestatem, vna domus vnum patremfamilias; ergo vnitas Ecclesiæ omnium fidelium, quæ est multo maior, & perfectior, quàm vnitas politiz humanæ, debet habere vnum caput sibi conforme: & sibi simile in natura mortali, & statu. Conueniens ergo fuit, & hoc ipsa vnitas corporis Ecclesiæ requirit, vt Ecclesia vnus habeat hominem mortalem secum visibilem conuersantem, corpori ipsius Ecclesiæ, & eius membris conformem, qui sit caput, & rector, & sit viator, sicut tota Ecclesia, & eius membra sunt viatores.

Ad quartam, cum dicitur, quòd in capite corporis animalis est plenitudo sensuum, & quòd in Petro, siue in Papa non est plenitudo, &c. dicendum est iuxta S. Thom. in 3. parte vbi supra, quòd caput in alia membra dupliciter influat. Vno modo quodam intrinseco influxu, prout virtus motiua, & sensitiua à capite deriuatur ad cætera membra. Alio modo secundum exteriorè quādam gubernationem, prout scilicet secundum visum, & alios sensus, qui in capite radicantur, dirigunt homo in exterioribus actibus, interior autem influxus non est ab aliquo, nisi à solo Christo, cuius humanitas ex hoc, quòd est diuinitati coniuncta, habet virtutem iustificandi; sed influxus in membra Ecclesiæ, quantum ad exteriorè gubernationem, potest alijs conuenire, & secundum hoc alij possunt dici capita Ecclesiæ, secundum illud Amos 6. Opimate capite populorum. Hoc notato, patet responsio ad præfatas rationes, dicimus enim, quòd primus modus influendi, scilicet influxu intrinseco, qui est influxus sensus, & spiritalis motus, requirit in capite influente plenitudinem sensuum spiritualium, & hinc est quòd Christus, qui influat hoc modo, dicitur plenus gratia, & veritate, Ioanne primo. Secundus verò modus influendi influxu, scilicet extrinseco, quantum ad gubernationem non requirit plenitudinem sensuum spiritualium, sed quòd habeat plenitudinem potestatis sufficientis ad regimen populi sibi commissi. Et quoniam beatus Petrus, aut eius successor non est constitutus, vt influat in corpus Ecclesiæ primo modo, scilicet, influxu intrin-

intrinseco, sed extrinseco; idèd non requiritur ad rationem capitis in eo, quòd habeat plenitudinem sensum spiritualium, sed quòd habeat plenitudinem potestatis sufficientis ad regnum vniuersalis Ecclesiæ, & hanc habuit quando pastor, & rector Christiani populi factus est, dicente sibi Domino, Io. ult. [Pascè oues meas.]

Paret etiam ex hoc responsio ad quintam cùm dicebatur, quòd capitis est &c. quia non tantum capitis est influere vno modo, sed dupliciter vt dictum est; beato verò Petro, & eius successor, licèt non conueniat influere, primo modo, influit tamen secundò modo, & hoc sufficit ad rationem capitis per similitudinem dicti, siue mystici. Vel dicendum quòd licèt beatus Petrus non influxerit, nec successor eius influat motum, & sensum spirituales in membra Ecclesiæ, nec per modum efficientis, sicut Christus inquantum Deus: nec per modum meriti, siue redundantiæ, sicut Christus inquantum homo; tamen per modum ministri potestatem clauum secundum plenitudinem habentis, & thesaurum Ecclesiæ dispensantis, influit ministerialiter sensum, & motum omnibus debetè preparatis, ac Ecclesiæ sacramenta dignè suscipientibus; vnde Dominus Albertus Magnus in tractatu de Missa dicit: quòd presbyterorum Ecclesiæ officio toti corpori mystico gratia influit ad sensum spirituales, & motum meritòrum, & augmentum spirituale, quòd officium est in verbo doctrinæ, & Eucharistia, & huiusmodi alijs sacramentis. Et quòd hoc sufficit ad rationem capitis ministerialis patet: quoniam vt inquit sanctus Thom. in 3. quæst. de veritate quæst. 29. art. 5. Minister Ecclesiæ non agit in sacramentis, quasi ex propria virtute, sed alterius, scilicet Christi, & idèd in eo non requiritur gratia personæ, sed sola auctoritas ordinis, per quam quasi Christi Vicarius constituitur, Christus autem operatus est nostram salutem, quasi ex propria virtute; & idèd oportuit, quòd in eo esset gratiæ plenitudo. Hæc S. Tho.

Ad sextam rationem quòd dicitur, quòd à Petro non est deriuata potestas; respondetur, quòd loquendo de potestate iurisdictionis falsum est; vt patet ex cap. ita Dominus dist. 19. supra inducto. Confirmatur etiam hoc eiusdem beati Leonis sententia dicentis sic in tertio sermone ordinationis sue. De toto mundo vnus eligitur, qui & vniuersum gentium vocationi, & omnibus Apostolis, cunctisque Ecclesiæ Patribus proponatur, vt quamuis in populo Dei multi sacerdotes sint, multique pastores; omnes tamen regat Petrus, quos principaliter regit, & Christus. Magnum, & mirabile dilectissimè huic viro consortium potentia suæ tribuit diuina dignatio; etsi quid cum eo commune cæteris voluit esse principibus, nunquam nisi per ipsum dedit, quamquam alijs non negauit. Hæc Leo Papa sanctissimus. Et cùm dicitur, quòd Petrus non solus clauas accepit; respondetur, quòd licèt Petrus non solus receperit, sed tota Ecclesia in Episcopis, & presbyteris in eo; ipse tamen est solus principaliter, & in plenitudine recepit; vt habet glos. Matth. 16. superius inducta. Cùm verò dicitur, quòd alij Apostoli æquè principali-

ter &c. dicendum quòd falsum est. Vnde licèt Matth. 18. Christus omnibus communiter potestatem dederit ligandi, & soluendi: nihilominus, vt inquit sanctus Thom. in 4. vt in hac potestate ordo aliquis significaretur, primo soli Petro data est, vt ostendatur quòd ab eo in alios debeat ista potestas descendere; propter quòd dixit ei singulariter; [Confirmate fratres tuos: & pascè oues meas;] idest loco mei; vt inquit Chryl. [Prepositus, & caput esto fratrum tuorum.]

Ad septimam cum dicitur, quòd si Petrus Apostolus fuisse caput &c. dicimus, quòd hoc non sequitur, cùm non ponatur caput fuisse principale Ecclesiæ, à quo sensus spiritualis gratiæ, & motus charitatis deriuatur in corpore Ecclesiæ, sed sic caput, est Christus; & idèd meritò ab eo tamquam à principali, & sicut à quo in membra Ecclesiæ vnusquisque diuine gratiæ influitur, denominatur Christiani, & non à Petro Petri.

Ad octauam cum dicitur, quòd corporis ad caput est necessaria connexio, & talis non est connexio Ecclesiæ ad Petrum: respondetur, quòd licet corporis Ecclesiæ non sit habitudo, siue connexio necessaria ad Papam, vt singularis homo est: tamen necessaria est ad ipsum in quantum est Papa, siue rector, & pastor eius à Christo constitutus, sicut hac diuina ordinatione. Vnde de necessitate salutis est fuisse Romano Pont. vt in extragenti Bonifacii est declaratum; & vt S. Tho. inquit in expositione super Ioann. vbi supra illo verbo [Simone Ioann. Dilig me, pascè oues meas] dicitur. Non potest se dicere Christianum; qui dicit se non subesse sub cura huiusmodi pastoris; & beatus Gregor. in cap. si quidem dist. 81. inquit: [Peccatum, paganitatis incurrit quisquis dum Christianum se asserit, Sed à Apostolicis obedire contemnit.] Præterea ista necessaria est ista connexio stante diuina ordinatione, vt extra Ecclesiæ corpus sit, qui cum Episcopo eius non est; dicente Cypr. & habetur in cap. qui cathedrali dist. 93. [Qui Cathedrali Petri, super quam fundata est Ecclesia, deserit, in Ecclesia se esse non confidat.] De ista materia vide superius lib. 1. huius operis in cap. 3. & in cap. 2. huius 2. lib.

Ad aliam rationem cum dicitur de capite separato &c. Respondetur quòd hoc est verum de capite, à quo influit sensus, & motus in membra corporis: sed hoc modo Petrus non fuit caput, sed Christus, non est autem verum de capite, à quo solus est influxus extrinsecus secundum exteriorem gubernationem cuiusmodi fuit Petrus, & est eius successor; tali enim capite amoto ad tempus à corpore; non propterea perit corpus multitudinis gubernatæ, licèt ex diuturnitate vacationis posset aliqua incommoda, & dispensanda pati; iuxta cap. vbi periculum maius, de elect. lib. 6. Hæc pro nunc sufficiant, licèt posset dici, quòd licèt persona Papæ deficiat, non tamen Apostolica Sedes, quæ nunquam moritur, extra de rescript. in cap. si gratiose in 6. vbi dicit glos. & concordat Archi. licèt enim habens Papatum, vel dignitatem sit corruptibilis: Papa tamen & Imperium, & dignitas semper sunt, vt in arch. quomodo oportet Episcopos. 5. licentiam, &

& idco corrupto subiecto hæc non dicuntur non existere, sed vacare, hoc est: administratore iuris, vel facti carere, vt de concess. præbend. cum nostris; de quo plenius infra dicendum est.

C A P. XXIV.

De quorundam errore dicentium Petrum non fuisse caput vniuersalis Ecclesiæ, licet benè singularum Ecclesiarum particularium.

SUPEXIT diebus nostris nouellus quidam error apud quosdam nouellos magistros, qui Basileen. Concilio in defensionem, & colorem inobedientiæ, ac rebellionis eorum, aduersus Romanum Pontificem dogmatizare non sunt veriti: quod nec beatus Petrus fuerit, nec successor eius, scilicet Papa caput vniuersalis Ecclesiæ, & per consequens vt aiunt, nec Concilij vniuersalis illam representantis, licet benè concedant, quod sit caput particularium Ecclesiarum, & singulorum fidelium; & iuxta hunc sensum omnes auctoritates sanctorum Patrum dicentium, Petrum fuisse caput vniuersalis, siue totius Ecclesiæ, exponunt dist. 7. particularium, siue singularium Ecclesiarum. In fauorem autem huius erroris eorum faciunt sequentes rationes.

Primò arguunt ex cap. quamuis dist. 21. ubi Gelasius Papa dicit sic, quod quamuis vniuersæ per Orbem Catholicæ Ecclesiæ vnus thalamus Christi sint, tamen Romana Ecclesia Catholica, & Apostolica cæteris Ecclesijs prælata est. Ecce inquit, quod dicit cæteris, & non vniuersalis Ecclesiæ prælata est.

Secundò sic: vniuersalis Ecclesiæ caput est Christus: ergo nec beatus Petrus, nec successor eius Papa, consequentiam dicunt non tam, quia monstruosa res est, vt vnus corporis assignentur duo capita.

Tertiò, caput dicitur vno modo ratione perfectionis, sicut primum in quolibet genere dicitur caput, sicut leo in genere animalium. Secundò ratione ordinis, quia est prima pars corporis incipiendo à superiori, & inde omne, quod est principium consuevit vocari caput secundum illud Hierem. 2. [Ad omne caput vix posuisti lupanar tibi:] & principium libri consuevit dici caput libri. Tertiò ratione directionis, & sic rector dicitur caput populi secundum illud Anos 6. Optimates capita populorum, sed licet Papa ista habeat respectu singulorum, & ita merito dicatur caput singulorum, non tamen respectu vniuersalis Ecclesiæ, quoniam non est perfectior Ecclesia vniuersali, nec prior, siue dignior illa, sed director illius, sed ipsa congregata magis est directrix illius in his, quæ sunt fidei, & salutis; ergo illius non debet dici caput.

Quartò sic: Papa non est caput totius Ecclesiæ distributione, quia non est superius, item nec totius Ecclesiæ collectione, quia nec scsum per fidem, nec per sacramenta gratiam influit collectioni totius Ecclesiæ, quia sicut

non habetur animam, ita non capit baptismum, nec indiget sacramentis, licet membra indigeant, & suscipiant; ergo &c.

Quintò: vniuersalis Ecclesia non potest errare, siue deficere: ergo respectu illius non potest aliquis homo, qui peccare potest, & deficere, dici caput; consequentia videtur manifestata: ergo non videtur dicendum, quod beatus Petrus fuerit, aut nunc successor eius caput vniuersalis Ecclesiæ.

C A P. XXV.

In quo improbat error præfatus aduersariorum.

CONTRÀ præfatum aduersariorum errorem negantium beatum Petrum caput fuisse sanctæ Ecclesiæ Catholicæ, siue vniuersalis, procedemus hoc ordine. In primis confutabimus illum aliquibus rationibus: secundò commemorabimus aliqua sanctorum Patrum testimonia: tertio ostendemus responsa, quæ dantur per aduersarios ad dicta præfata sanctorum Patrum, nulla esse: quartò in cap. sequenti respondebitur rationibus dictorum, aduersariorum. In primis præfati erroris stultitia in hoc, quod dicit, quod beatus Petrus fuit caput singularum Ecclesiarum, & omnium fidelium, sed non vniuersalis Ecclesiæ, ostenditur ex multis.

Primò quidem, quia aduersarij dicendo Petrum esse caput vnum, & non assignando illi vnum corpus, cuius sit caput, sed plura corpora, quia singulos fideles, siue singulas particulares Ecclesias, videntur facere Ecclesiam monstruosam, quod est inconuenientissimum.

Secundò, quia dicendo, quod Petrus fuerit caput singularum Ecclesiarum particularium, & non vniuersalis Ecclesiæ, videntur implicare contradictionem, cum Ecclesia vniuersalis non sit aliud, quam vniuersæ Ecclesiæ Catholicæ in vna fide Christi vnite. Vnde in cap. quamuis dist. 21. Papa Pelagius dicit, quod vniuersæ per Orbem Catholicæ Ecclesiæ vnus thalamus Christi sunt.

Tertiò: quia cum vniuersalis Ecclesia sit vnum corpus, vt inquit Apostolus; & corpus vnum habere debeat immediatum caput hominem, id est, eiusdem naturæ, & eiusdem status, & conditionis, vt scilicet sit visibile, & conuersabile cum corpore, cuius sit caput, aduersarij negando beatum Petrum post Christi corporalem absentiam ab Ecclesia fuisse caput vniuersalis Ecclesiæ: necessarium videntur consiteri corpus vniuersalis Ecclesiæ esse acephalum, quia sine capite visibile, & conuersante cum ea, quod est hæreticum. Vnde Martilius de Padua dicens, Christum nullum caput dimisisse Ecclesiæ, condemnatus est per Sedem Apostolicam; vt patet in extrauaganti Jo. 22. quæ incipit: Licet iuxta doctrinam Apostoli. Item in Concilio Constantien. per Papam Martinum condemnatus est Ioannes Hus asserens, quod non erat scintilla apparentiæ, quod oporteat esse vnum caput in spiritualibus regens Ecclesiam, quod semper conuersetur cum ea.

Quar-

Quartò sic: vnitas Ecclesiæ prout lib. 1. cap. 8. & in hoc 2. lib. cap. 2. ostendimus, non modo accipienda est, stante ordinatione Euangelij in ordine ad Christum, quemadmodum Græci, Armeni, & plures alij hæretici, & scismatici volunt, sed etiam in ordine ad vnum Christi Vicarium, scilicet, summum Pontificem, ad quem vniuersum corpus ligari, ac vñiri necesse est; vnde gloss. Matth. 16. ita dicit: Ideò specialiter potestatem ligandi, soluendi Petro Christus concessit, vt ad vnitatem nos inuitaret;] Ideò enim eum principem Apostolorum constituit, vt Ecclesiæ vnum haberet principalem Vicarium, ad quem diuersa membra Ecclesiæ recurrerent, si fortè inter se dissentirent, quòd si diuersa capita essent in Ecclesia, vnitatis vincula rumpèrentur. Hæc gloss. & beatus August. super Psal. 49. exponens illud. [Deus deorum locutus est, & vocauit terram;] de Christo loquens dicit sic. Deinde quadagesimo, scilicet Ascensionis die, commendans sancto Petro Ecclesiā, idest vocatam terram à Solis ortu, vsque ad occasum, ne haberent excusationem, qui volunt in schismate deperire.

Quintò contra hunc errorem est verbum manifestè Christi dicentis; [Petre tu vocaberis Cephas.] Cephas enim, vt parum antè dictum est, Græce caput sonat. Quòd autem in hoc loco totius Ecclesiæ caput Petrus describeretur futurus, testatur venerabilis Beda in gloss. ita dicens. [Intuitus autem Petrum Christus vidit cordis simplicitatem, animi sublimitatem, cuius merito cunctæ esset præferendus Ecclesiæ. Hæc Beda.

Sextò contra hunc errorem est illud, quod à Domino Petro dictum legitur. [Super plebem meam principem te constitui:] non dicit plebes particulares, sed plebem ipsam, scilicet, vniuersalem Ecclesiā, quæ est plebs Dei.

Septimò contra hunc errorem esse videtur, quòd beatus Petrus constitutus sit pastor vniuersalis Ecclesiæ. Ioann. vlt. [Pascite oues meas;] si ergo pastor totius Ecclesiæ; ergo & caput. Quod autem quidam aduersarij veritatis dicebant Basilæ nobis audientibus, & in scriptis suis damnatissimis reliquerunt, quòd beatus Petrus non fuerit constitutus pastor Ecclesiæ, quia Christus non dixit pascere Ecclesiā meam, sed pascere oues meas; est stulte dictum. Tum primò, quoniam cum Ecclesia vniuersalis nihil aliud sit, nisi ipse Grex Dominicus, siue Ovis Christi; sicut beatus Petrus dicitur esse Pastor Gregis Domini, ita & vniuersalis Ecclesiæ. Tum secundò, quia oratio ipsa Ecclesiæ, quæ per totum Orbem terrarum in Ecclesia pronuntiatur, est in contrarium; vnde in ea sic dicitur. [Deus omnium fidelium Pastor, & Rector famulum tuum N., quem Pastorem tuum Ecclesiæ præfæcisti voluisti &c.] Tum tertio, quia in contrarium est beatus Gregorius in Homilia Dominicæ Resurrectionis, & habetur in cap. considerandum dist. 50. qui ita dicit. Considerandum nobis est, cur omnipotens Deus eum, quem cunctæ Ecclesiæ præfære disposuerat, ad ancillæ vocem pertimescere, & seipsum negare permisit; quod nimirum magnæ actum pietatis dispensatione cognoscimus, vt is, qui futurus erat

Pastor Ecclesiæ, in sua culpa disceret, qualiter alijs misereri debuisset. Hæc ille. Ad idem sunt verba beati August. inducenda supra in cap. 20. Patet ergo manifestè, quòd grauiter errant, qui beatum Petrum fuisse, & eius successorem Rom. Pont. negant esse Caput vniuersalis Ecclesiæ.

Secundò, vbi ad reprobationem præfati erroris commemoranda erant sanctorum Patrum testimonia sufficiant, quòd in capitulis proximè superioribus habentur ad hoc testimonia Chrysostomi, Hieronymi, Augustini, Anacleti, Marcelli, & Gregorij, quorum Patrum sanctorum sententijs Synodus Constantinensis illustrata, condemnauit præfatum errorem inter errores Ioannis Hus dicens, quòd Petrus non fuerit Caput Ecclesiæ sanctæ Catholicæ error, Catholicum idem est, quod vniuersale; Cathos enim Græcè commune, siue vniuersale dicitur.

Tertio videndum est, quomodo responso aduersariorum, quam ad Sanctorum dictandam, nullius sit roboris, ac virtutis. Pro quo sciendum, quòd ad omnes auctoritates dicentes Petrum fuisse, vel Romanum Pontificem esse Caput vniuersalis Ecclesiæ; respondent sub hac distinctione; quia dicunt, signum illud vniuersale accipiendum esse distributiue, vt scilicet distribuat pro singulis Ecclesiæ membris; non autem collectiue pro ipsa vniuersali Ecclesia. Sed quòd ista responsio sit vana, & quodammodo stulta & errorem sapiat, licet ex supradictis quisque sapiens manifestè intelligat; nihilominus sic ostendimus. Vana quidem præfata responsio est; quia licet signum vniuersale cum cadit supra nomen commune non collectiuum, posset fieri ista distinctio, verbi gratia; distinguitur apud Logicos ista. Omnes Apostoli Christi sunt duodecim, quia collectiue est vera, distributiue sumpto signo vniuersali, est falsa, & è conuerso illa. Sortes est fortior omnibus hominibus; quia distributiue potest esse vera, collectiue est falsa, tamen quando signum vniuersale cadit super nomen collectiuum, cuiusmodi est Ecclesia, Plebs, Populus, Familia, Grex, Collegium, Concilium, Synodus, & huiusmodi; non videtur habere locum ista distinctio; quia contra naturam nominis collectiui est, quòd tueatur distributiue, & non collectiue.

Præterea falsitas præfate distinctionis ostenditur ex professione Patrum Chalcedonensis Concilij; qui vt in Gestis eiusdem Concilij colligitur, scribentes Leoni Papæ profiterentur in Concilio per suos Misso, quòd eis, vt Caput præparat, vbi bene patet, quòd isti Patres sancti Chalcedonensis Concilij sublimius sentiebant de auctoritate Romani Pontificis, quam nouelli Magistri Basilicæ, sentiant; & qui in tantam stulticiam deuenerunt, vt Romanum Pontificem non Caput Concilij cognoscerent, sed tantum membrum partiale, licet principale. Secundò, quòd Papa dicitur Caput singulorum membrorum corporis Ecclesiæ, & non ipsius corporis, quod ex ipsorum membrorum resultat multitudine, videtur nobis stultum; sicut quòd Episcopus sit Caput fidelium Diocesis suæ, & non Diocesis. Rex sit Caput omnium Regnicularum, & non Regni. Tertiò videtur erro-

erronea, quoniam contra Euangelium, & sanctorum Patrum doctrinam est, & quia expressè damnata est, vt diximus in Concilio Constantiensi inter articulos Ioannis Hus.

C A P. XXVI.

In quo respondetur rationibus inductis in fauorem erroris præfati.

Improbato errore tam auctoritatibus, quam rationibus; iam aduersariorum rationibus restat respondendum; quod erat quartum faciendum. Pro quarum solutione, & multarum aliarum similium est notandum; quod sicut de corpore naturali animalis contingit loqui dupliciter; quia vel corpus nominat membra cum capite simul, aut tantum residuam partem à capite; ita de Ecclesiæ corpore contingit loqui dupliciter. Nam vt sanctus Thomas dicit in 4. 49. dist. nomen Ecclesiæ dupliciter accipitur; quandoque enim nominat tantummodò corpus, quod Christo coniungitur sicut capiti; quandoque nominat caput, & membra simul coniuncta. Et ita similiter possumus loqui dupliciter de vniuersali, siue de tota Ecclesiâ in proposito nostro, videlicet: Vno modo, vt dicit collectionem, siue vniuersitatem absolutè omnium fidelium, nullo dempto, siue non intellecto; & hoc modo nominat membra omnium cum capite suo, & sic est sermo de vniuersali Ecclesiâ, cum de ea absolutè loquimur non distinguendo, aut referendo eam contra aliquem fidelem; sicut cum dicimus, quod vniuersalis Ecclesiâ est Sponsa Christi, quod errare non potest, & huiusmodi. Alio modo contingit loqui de corpore vniuersalis Ecclesiæ, prout nominat membra tantum, siue fideles commissos curæ beati Petri, siue eius successoris, & sibi tanquam capiti vnitos, & hoc modo de Ecclesiâ vniuersali fit sermo, cum de ea loquimur, sicut de corpore in comparatione ad caput eius. Cum enim nihil referatur realiter ad se ipsum, nec aliquis sibi ipsi subiectus esse possit; necesse est, vt ista ad inuicem, vt distincta accipiantur, vt cum dicimus, quod Papæ est commissâ cura totius Ecclesiæ, vt inquit beatus Gregorius, & quod beatus Petrus fuit Caput totius vniuersalis Ecclesiæ, vt inquit beatus Marcellus Papa in cap. rogamus, 24. quæst. 1. & quod est Cephas Corporis Christi, vt ait beatus Hieronymus. Et similis fit distinctio de Regno, & de omni Principatu; quandoque enim nominat simul Principem, & subditos; aliquando Regnicolas tantum subditos alicui Principi, sicut dicimus istud Regnum est illius, ille dominatur huic Regno.

His autem notatis dicendum est ad rationem primam, quæ sumitur ex cap. quamuis. Respondetur primò negando consequentiam; quia arguit ab auctoritate negatiuè, & talis argumentatio nulla est, præterea si ibi non habetur; habetur tamen in multis alijs locis, sicut patet supra cap. 20. Secundò respondetur; quod Papa Pelagius rectè loquitur, sed nihil in fauorem aduersariorum, quod patet; quia cum nihil sit maius, aut su-

periùs se ipso, oportet, quòd inter Prælatum, & subditos sit distinctio; cum ergo Romanam Ecclesiâ ponimus prælatum, necesse est, vt intelligamus, quòd respectu cæterarum omnium Ecclesiarum, quæ distinguuntur ab ea, non debuit autem dicere, quòd vniuersali Ecclesiæ est prælata, prout vniuersalis Ecclesiâ includit etiam Romanam; quia tunc suspicius esset prælata; nihilominus beatus Petrus, qui prælatus est etiam Ecclesiæ Romanæ, dicitur prælatus vniuersalis Ecclesiæ, quæ ex omnibus particularibus Ecclesijs confurgit.

Ad secundam rationem, in qua dicitur: Christus est Caput Ecclesiæ, &c. Respondetur negando consequentiam, & ad probationem supra est responsum dupliciter in cap. 23. ad secundam rationem. Primò; quod licet hoc verum sit de corpore naturali hominis, quia tale non est pars alterius; non de corpore per similitudinem dicto, siue mystico, quòd vnus, & eundem possunt plura capita subordinata esse, scilicet vnum principale, & aliud secundarium principali subordinatum, sicut in vno corpore ciuitatis est caput rector eundem, & cum hoc Rex, qui totius Regni caput est. Secundò dicebatur, quòd propriè loquendo non ponuntur duo capita distincta; quoniam Papa non est omnino aliud caput distinctum à capite, quòd est Christus, sed est eius Vicarius, & vicem eius, & personam, potestatem, & auctoritatem representans in terris; & eius iudicium, iudicium Dei reputatur, & sententia eius, & consistorium eius, consistorium Dei, & ideo non sunt propriè duo capita, sed vnus; vt declarat Bonifacius VIII. in Extrauaganti; Vnam sanctam; quoniam vbi vnus propter alterum, vtrobique tantum vnus.

Ad tertiam rationem cum dicitur, quòd Papa non est perfectior vniuersali Ecclesiâ; respondetur negando totam illam minorem: dicimus enim, quòd cum Papa fit constitutus Princeps super totam Ecclesiâ secundum illud, quòd dictum est à Domino Petro. Super plebem meam Principem te constitui; perfectior perfectione potestatis, & superior, ac dignior superioritate auctoritatis est toto residuo corpore Ecclesiæ; licet in comparatione ad alia bona spiritalia, quorum cum maior copia inueniatur in vniuersitate Ecclesiæ, quam in vno solo prælato; non est dubium, quin Ecclesiâ perfectior, ac dignior sit plenitudine copie bonorum spiritalium. Papa quantumcumque sancto. Potest etiam quantum ad perfectionem interiorem, quæ attenditur penes charitatem, quæ ab Apostolo dicitur vinculum perfectionis, isto modo vetula dici perfectior esse; quam Papa, est etiam Director Ecclesiæ, cum Princeps, & Pastor illius sit; hoc siue sit dispersa, siue collecta, collectio enim omnium ad vnus locum nihil auctoritatis minuit in Pastore; vnde canon. in cap. vbi periculum maius extra de elect. in 6. Et qui factus est in Concilio Lugdunensi, nominat Papam Vicarium Iesu Christi successorem Petri, Rectorem vniuersalis Ecclesiæ Gregis Domini Directorem. Item Leo Papa in quadam epistola ad Palestinos in princ. sic dicit. Sollicitudini meæ, quam vniuersali Ecclesiæ, omnibusque eius filijs debeo, &c. ecce quod non solum filiorum, sed vniuersalis Ecclesiæ, omnibusque filijs eius debeo, &c.

ecce quod non solum filiorum, sed vniuersalis Ecclesie dicit se curam regiminis habere.

Ad quartam cum dicitur Papa non est Caput, &c. respondetur negando assumptum; dicimus enim, quod est Caput vniuersalis Ecclesie distributiuè; quia omnium aliorum fidelium à se, sicut Rex dicitur caput totius Regni, licet non sit caput sui ipsius. Item, dicimus, quod sit etiam Caput vniuersalis Ecclesie collectiuè cum sit Director illius, sicut Princeps populi sui. Et ad probationem cum aduersarij dicunt, quod Papa non est Caput vniuersalis Ecclesie collectiuè; quia, per Sacramenta non influit toti Ecclesie collectiuè, quia sic non habet animam, nec indiget Sacramentis, licet membra eius indigeant; videtur nobis, quod hæc probatio implicet tria, quæ nobis videntur erronea, saluo semper meliori iudicio. Primum est, quod dicunt, quod Ecclesia vniuersalis collectiuè sumpta, cuius Caput esse Christum dicunt, & non Papam, sit res, non habens animam, siue sit inanimata. Secundum est; quia ipsa Ecclesia vniuersalis non indiget Sacramentis, licet membra eius indigeant. Tertium est, quod ipsa vniuersalis Ecclesia sit aliud, quam ipsa eius membra indigentia Sacramentis. Contra primum est, quod Corpus Christi mysticum, quod est ipsa vniuersalis Ecclesia, non potest esse, nisi vnum; quomodo enim Caput Christus influere potest sensum, & motum, spirituale in corpus, non habens animam, nec spiritum, cum solus spiritus susceptiuus sit huiusmodi influxus; quomodo Ecclesia vniuersalis creditur sancta, si non habet animam; quomodo vniuersalis Ecclesia collectiuè sumpta potest dici Sponsa Christi, si non habet animam; quomodo inter Christum, & Ecclesiam vniuersalem potest esse matrimonium, si vniuersalis Ecclesia animam non habet, & per consequens nec fidem, nec charitatem, quibus viuatur Sponsio suo; quomodo habet clauem, & potestatem directiuam omnium, vt aduersarij dicunt, si non habet animam; quomodo Christus mortuus est pro Ecclesia vniuersali, si illa caret anima, & sensu, quomodo vniuersalis Ecclesia militans coniungenda est in gloria triumphanti, si animam non habet, & per consequens nec capacitatem gloriæ? Videtur nobis, quod aduersarij delirant in cognitione Ecclesie vniuersalis; & ideo non mirum, si multis perouoluantur erroribus. Contra secundum errorem est Apostolus ad Ephes. 5. dicens [Christus dilexit Ecclesiam, & tradidit semetipsum pro ea, vt illam sanctificaret, mundans eam lauacro aque in verbo vite:] glossa. 1. quo datur vita; quo accedente ad elementum sit Sacramentum, sequitur, vt exhiberet ipse sibi; glossa. in futuro gloriosam Ecclesiam non habentem maculam, neque rugam, aut aliquid huiusmodi, quod verbum beatus Augustinus. tractans in lib. retract. de lib. moribus Ecclesie dicit sic. Sic accipiendum est, quod ait Apostolus. [Christus dilexit Ecclesiam suam, &c.] hoc est enim lauachrum aque in verbo, quo mundatur Ecclesia; sed cum tunc dicat quomodiū hic est, dimittite nobis debita nostra; non vtiq; hic est sine macula, & ruga, aut aliquo huiusmodi. Hæc Augustinus. Sanè manifestum est, quod auctoritas ista Pauli

Tom. XIII.

apertissime ostendit opinionem aduersariorum esse erroneam, quam habent de Ecclesia vniuersali. Contra tertium errorem videtur esse illud, quod glossa. habet super illud, Ps. 127. [Vxor tua sicut vitis abundans, &c.] vbi glossa. exponens illud, vt sit sermo ad Christum Caput dicit sic: [Vxor Christi est Ecclesia, &c.] & exponens sequentem versum: Filij tui, &c. dicit sic. Idem sunt filij Christi, qui & vxor, idest Ecclesia; ipsa enim est coniux Christi; ipsa filij. Hæc ibi. Item idem notatur Luc. 10. vbi dicitur. [Fidelis seruus, & prudens, quem constituit Dominus super familiam, idest Ecclesiam; vt det illis triticum, &c.] Ecce idem dicitur, Ecclesiam, & illos, quibus ministrandum erat triticum. Item beatus Bernardus in sermone de nuptijs, vbi aqua in vinum est mutata ita ait. [Sponsa Christi uos ipsi sumus, & omnes simplici vna sponsa, & animæ singulorum quasi singule sponse.] Hæc ille. Est ergo Corpus Ecclesia, ipsi fideles ipsa membra eius, sed de hoc supra lib. 1. vbi de Ecclesia vniuersali, quid sit plenius explicauimus.

Ad quintum respondetur, negando consequentiam, quæ tamquam erronea condemnata legitur in Concilio Constantiensi inter errores Ioannis Hus, qui dicebat, quod si Papa est malus, non est Caput Ecclesie militantis, Concilium dicit error, consequentia ergo talis nulla est: vniuersalis Ecclesia militans tota deficere non potest, aut in moribus, ergo homo, qui deficere potest, non potest illius esse Caput ministeriale.

C A P. XXVII.

*Quod Papa aliquo modo dicendus sit
Sponsus Ecclesie vniuersalis.*

Quemadmodum Romanus Pontifex Caput Ecclesie vniuersalis est; ita etiam Sponsus illius dici potest. Sunt enim Prælati sponsi Ecclesiarum suarum, vt in capite. sicut alterius vxor, 7. quæst. 1. vbi dicit beatus Calixtus Papa. Sponsa, vxorque Episcopi dicitur eius Ecclesia: vnde in eius signum. Episcopus porta anulum; sicut enim in electione alterius prælati fit matrimonium inter vnam Ecclesiam particularem, & Episcopum; ita in electione Summi Pontificis per Cardinales vice totius Ecclesie fit matrimonium spirituale inter Papam, & vniuersalem Ecclesiam, sicut aperte colligitur in cap. Ecclesie meæ, dist. 97. hinc extra de immunit. eccles. in cap. quoniam, lib. 6. dicit Papa. Nos iustitiam nostram, & Ecclesie Sponsæ nostræ nolentes negligere, &c. Quod autem Christus communicet alijs etiam nomen Sponsi, habet expressè glossa. Isa. 61. super illud. Dedit me, quasi sponsum decoratum corona, & sponfam ornata monilibus suis, quod dicit sic. Christus Ecclesie Sponsus; sed tamen perfectus in Ecclesia eodem nomine dignatur secundum illud Apostoli. 1. Corinth. 3. [Tamquam paruulus in Christo lac vobis potum dedi, non escam: ipse ergo Sponsus Christus sponso facit, & sponfas; tamen vna est in capite,

R & pite,

pite, & in membris Ecclesia.] Hæc gloſ. Præterea cum inter Episcopum, & Ecclesiam suam ſexus coniugij ſit, quod vt ait Innoc. in cap. licet, extrâ de translat. Episcopi; in electione initiatur: ratificatur in confirmatione, & in consecratione intelligitur consummatum. Nulli debet in dubium verti, quin Episcopus sponſus dici poſſet Eccleſiæ, & per consequens Papa Sponſus vniuerſalis Eccleſiæ, cui præſt tamquam Rector, & Paſtor.

CAP. XXVIII.

In quo obijcitur, quod Papa non poſſit dici Sponſus vniuerſalis Eccleſiæ, & reſpondetur ad obiecta.

Nominis Sponſi dignitatem aduerſarij non patientes Romano Pontifici, reſpectu vniuerſalis Eccleſiæ attribui; arguunt multipliciter contra dicta in præcedenti capitulo.

Primò ſic; Solus Chriſtus videtur eſſe, Sponſus Eccleſiæ, ſecundum illud Ioannis 3. [Qui habet ſponſam, ſponſus eſt;] Illi Eccleſia per hdem coniungitur, ſecundum illud Oſee 2. [Sponſabo te mihi in fide;] Ergo ſequitur, quod Papa non ſit dicendus ſponſus Eccleſiæ.

Secundò ſic; Beatus Bernardus ſcribens Eugenio lib. de conſiderat. paranympum, Papam dicit, & amicum ſponſi; non autem ſponſum: ergo &c.

Tertiò; Sponſus eſt, qui de ſponſa ſua ſuo nomini filios generat, ſed Papa non generat de Eccleſia filios ſuo nomini: vnde non dicuntur à Petro, Petriini; ſed à Chriſto, Chriſtiani; ergo Papa non poteſt dici ſponſus Eccleſiæ.

Quartò ſic; Vnius ſponſæ vnus debet eſſe ſponſus Genef. 2. [Erunt duo in carne vna;] Ergo reſpectu Eccleſiæ ſanctæ Dei vnus ſponſus debet dari, non duo, vt enim ait beatus Calixtus, & habetur in cap. ſicut in vnaquaque Eccleſia, 21. quæſt. 2. Eccleſia Chriſti vxor, & ſponſa debet eſſe non ſcortum: ergo, &c. Nec valet, inquit aduerſarius, quod dicitur, quod Papa ſit ſponſus miniſterialis; quia licet ex commiſſa plenitudine poteſtatis aliquis ſit ſupremus Vicarius, aut Miniſter alicuius Regis, non audeat tamen vſurpare quomodolibet Regium nomen, nec ſe nominare ſponſum vxoris Domini ſui.

Quintò arguitur ſic; Sponſa, ſive vxor eſt ſubiecta ſponſo, ſive viro, ſicut habetur ad Ephes. 5. vbi inquit Apoſtolus: [Sicut Eccleſia ſubiecta eſt Chriſto, ita & mulier ſuis in omnibus, ſed Eccleſia vniuerſalis non eſt Papæ ſubiecta; cum ſit miniſter eius:] ergo, &c.

Ad iſta reſpondentes pro intelligentia eius, quod dictum eſt, quod Papa ſit ſponſus vniuerſalis Eccleſiæ; inducemus in primis, quod ſanctus Thomas in Tractatu ſuo contra impugnantes Religionem in hac materia dicit, ait enim ſic: [Sponſus Eccleſiæ proprie loquendo Chriſtus eſt,] de quo dicitur

Ioan. 3. [Qui habet ſponſam, ſponſus eſt; ipſe enim de Eccleſia nonini ſuo filios generat.] Alij autem dicuntur ſponſi, ſicut miniſtri ſponſi exterius cooperantes ad generationem ſpiritualium filiorum, quos quidem non ſibi, ſed Chriſto generant; qui quidem miniſtri in tantum ſponſi dicuntur, in quantum vicem veri ſponſi obtinent, & idè Papa, qui obtinet vicem veri ſponſi in tota Eccleſia, vniuerſalis Eccleſiæ Sponſus dicitur. Hæc S. Thomas. Quo habito dicendum eſt ad rationes aduerſariorum.

Ad primam cum dicitur: [quod ſolus Chriſtus &c.] reſpondetur: [quod verum eſt, quod ſolus Chriſtus proprie loquendo, ſit ſponſus Eccleſiæ ſicut is, quo ſponſa ſecundatur, & cuius nomini Eccleſia filios generat;] nihilominus tamen Prælati in quantum, vt miniſtri Chriſto, exterius cooperantur per diſpenſationem Sacramentorum, ſive diuini Verbi ad generationem ſpiritualium Filiorum Dei dici poſſunt. Sicut parum, ante diximus in cap. 23. de capite loquendo, quod quoad influxum interiorem gratiæ, ratio capitis ſoli Chriſto attribueda erat, quo verò ad influxum exteriorem, ſcilicet per modum diſpenſationis Sacramentorum, aut diſpoſitionis in agendis, ratio capitis, etiam alijs conuenire poterat, ſcilicet Prælati Eccleſiæ.

Ad ſecundam rationem: Reſpondetur vno modo negando conſequentiam iſtam: Bernardus non nominat eum ſponſum. Ergo nõ eſt aliquo modo ſponſus, conſequentia non valet. Secundò reſpondetur: quod dato, quod beatus Bernardus diceret, quod non eſſet ſponſus, verum diceret, quod Papa non eſt proprie, vt dictum eſt, ſponſus Eccleſiæ, ſicut ſcilicet cuius virtutē ſecundetur Eccleſia, ſive Eccleſiæ Sacramenta ad generationem ſpiritualium filiorum, & cuius nomini Eccleſia filios generet, licet bene dicatur Paranympus, & cuſtos Eccleſiæ, ac amicus ſponſi, vt de Ioan. Baptiſta dicitur Ioan. 3. Paranympus enim dicitur à para, quod eſt iuxta, & nympha, quod eſt ſponſa, quaſi ſponſam coniungens, ſive deſponsans viro. Et hoc modo dicit S. Thom. in 4. diſt. 38. quod Episcopis cui cura Eccleſiæ committitur virgines deſponsat non ſibi, ſed Chriſto quaſi ſponſi Paranympus, & amicus, nihilominus tamen ratione illius miniſterij, aliquo modo poſſunt dici Prælati ſponſi Eccleſiæ, vt dictum eſt.

Ad tertiam cum dicitur ſponſus eſt, &c. Reſponſio patet ex dictis, quoniam talis non eſt, niſi Chriſtus, nihilominus miniſterio cooperatiouis, Prælati bene poteſt dici ſponſus, aliquo modo etiam generans. Vnde Paulus inquit: In Chriſto enim Ieſu per Euangelium vos genui.

Ad quartam cum dicitur, quod vnus &c. Reſpondetur quod, vt inquit ſanctus Thom. vbi ſuprà, quod etſi Episcopus ſue diœceſis ſponſus ſit, & Presbyter ſue Eccleſiæ. Vnde & diœceſis ſponſus Papa eſt, & Episcopus Parochiæ, non tamen propter hoc ſequitur, quod ſint plures ſponſi vnus Eccleſiæ, quia Sacerdos ſuo miſterio cooperatur Episcopo tanquam principali, & ſimiliter Episcopi Papæ, & Papa ipſi Chriſto. Vnde Chriſtus, & Papa & Episcopus, ac Sacerdos non com-

computantur nisi vnus sponſus Eccleſiæ. Hæc S. Thom. Ad illud autem, quod dicit aduerſarius, quod Papa etiam non poſſet dici ſponſus miniſterialis ex ſimilitudine carnalium ſponſorum, nihil valet, cum non ſit ſimile. Vnde aduerſarius ille in hoc multum decipitur, & in multis locis, quia ex ſimilitudine carnalium minus ſobrie iudicat de ſpiritualibus. Non eſt autem ſimile de miniſtro alicuius Regis reſpectu vxoris ſuæ, & de miniſtro Chriſti reſpectu ſponſæ ſuæ Eccleſiæ, quoniam miniſter reſpectu filiorum, quos Rex habet de vxore ſua, non cooperatur Regi ad generationem filiorum illorum, & ideo nullo modo etiam miniſterialiter poteſt habere nomen ſponſi. Sed quoniam miniſtri Eccleſiæ cooperantur Chriſto miniſterialiter ad generationem ſpiritualium filiorum, qui de Eccleſia ſponſa generantur: ideo aliquo modo dici poſſunt etiam ſponſi Eccleſiæ ſponſæ Chriſti. Verum eſt tamen, vt dictum eſt vnus ſponſus numerantur cum eo.

Ad quinta rationem: Reſpondetur negando minorem. Cum enim Summ. Pontifex ſit Paſtor, rector, & caput vniuerſalis Eccleſiæ eo modo, quo oues ſubiiciuntur Paſtori, & ſubditi rectori, & Corpus capiti, Eccleſia ſubiſcitur Summo Pontifici. Et cum arguitur, quod Papa eſt miniſter Eccleſiæ; dicendum pro nunc, quod miniſter alicuius dicitur quis duobus modis. Vno modo qui alteri aliquod impendit auxiliũ, ſuſſidium, aut opem ſalutarem, & hoc modo Papa eſt miniſter Eccleſiæ, & Prælati Eccleſiarum ſuarum. Quo etiam modo Angeli dicuntur miniſtri hominum, vnde Apoſtolus dicit ad Hæbr. 11. Eos in miniſterium miſſos propter eos, qui hæreditatem capiunt ſalutis, dicitur enim, Chriſtus hoc modo miniſter, vnde ipſe ait Matth. 20. Non veni miniſtrari, ſed miniſtrare. Et hoc modo capiendum nomen miniſtri non valet iſta conſequencia. Iſte eſt miniſter illius, ergo eſt illi ſubiectus. Inimò poteſt eſſe ſuperior, aut Dominus, ſicut patet in exemplis inductis. Alio modo dicitur quis miniſter alterius, ſicute cuius virtute operatur, & cuius vices gerit tamquam principalis, & de tali miniſtro alicuius bene verum eſt, quod ſit ſubiectus illi, cuius eſt miniſter. Sed hoc modo Papa non eſt miniſter Eccleſiæ, ſed Chriſti; cuius auctoritate, & vice regit, & gubernat ipſam vniuerſalem Eccleſiam. Vnde 1. ad Corinth. 4. dicit Apoſtolus ſic: Nos exſtimet homo, vt miniſtros Chriſti &c. Item legatione fungimur pro Chriſto 2. Corinth. 4.

C A P. XXIX.

*De tempore, quo Pontificali auctoritate
beatus Petrus à Chriſto ſubli-
matus, ac conſecra-
tus ſit.*

Poſquam pleniffimè monſtrauiſmus, quod beatus Petrus à Chriſto Primatum, & Pontificatum in Eccleſia habuerit, conſequens eſt pro pleniori tractatus intelligentia enucleare, quo tempore ipſus Pontificalis ſacriſogium ſublimatus fuerit, ac donatus.

Tom. XIII.

Pro quo in primis dicimus, quod beatus Petrus à Chriſto immediate poteſtatem, & dignitatem Episcopalem habuit, ab eodem factus, & conſecratus Episcopatus. Vnde Anacleus Papa, & martyr diſc. 21. in cap. 9. dicit ſic: Ipſi ſancto Petro primo Pontifex in Eccleſia Chriſti daſtus eſt dicente Domino ad eum: [Tu es Petrus, & ſuper hanc petram ædificabo Eccleſiam meam.] Et ratio huius eſt, quia Dei perfectæ ſunt opera, Deuter. 31. Vnde ſicut Deus in creatione homines perfectos fecit, ex quibus propagatio naturaliter præcedere potuit; ſic Deus Apoſtolos, quos tamquam principia, ſue fundamenta Eccleſiæ in recreatione fecit, ſic perfectè debuit, vt per eos Eccleſia propagari poſſet. Sed ſine Episcopo Eccleſia non poterat perficere à quo ſolo omnia Eccleſiaſtica Sacramenta poſſunt miniſtrari. Oportuit ergo, vt Chriſtus Pontifex recedens corporaliter, & viſibiliter ab Eccleſia, aliquem loco ſui relinqueret in Eccleſia. Sed ſi pro quia, aliquem fecit loco ſui vices ſuas agentem Pontificali dignitate præditum, veriffimilius eſt de Petro, qui cæteris dignior fuit, ac ſublimior, vt ex ſuperioribus patet. Vnde Chryſoſt. ſuper illud Luc. 24. Apparuit Simoni dicit ſic: Primo digniori, & fideliori omnibus apparuit. Et idem Auguſt. dicit ſuper illud Ioa. 13. Venit ergo ad Si monem Petrum. Super quo ita dicitur: Quis enim nesciat primum Apoſolorum eſſe beatiffimum Petrum? Præterea cum ex diuinorum operum perfectione apertiſſimè hoc intelligamus, quod cum aliquid alicui committitur, per conſequens commiſſum intelligatur, & illud, ſine quo commiſſum explicari non poteſt. Paſcere autem gregem Dominicum, quod commiſſum eſſe Petro, ipſum ſanctum, Euangelium teſtatur, perfectè nullus poſſet, niſi Episcopus, qui ſacramentorum omnium habet diſpenſationem, maniſeſtum eſt, quod cum Chriſtus Petro gregis Dominici paſtorem commendauit officiũ Paſtorale Episcopati ſimul impoſuerit, ſue tradidit. Si quidem Chriſtus propter excelſentię poteſtatem, quam in ſacramentis habuit, rem ſacramenti ſine Sacramento conſecræ potuit. Vnde ſolo Verbo Petrum Episcopum fecit.

Cæterum ad videndum, quo tempore, Petrus Apoſolorum primus Episcopus à Chriſto factus ſit, conſiderandum eſt, quod quia tempore, quo Saluator noſter corporaliter inter homines viſibilis conuerſabatur, per ſeipſum rexit Eccleſiam, nulla neceſſitas, ſed neque decentia, neque vtilitas fuit, quod ipſe alium loco ſui paſtorem poneret ſibi Episcopum. Sed ſolum quando poſt Reſurrectionem præſentiam ſuam corporalem viſibilem eſſet ab Eccleſia ſubtracturus. Quemadmodum Prælati, tunc demum, quando ſe per longum tempus à ſuis Eccleſijs abſentare diſponunt, loco ſui generales vicarios conſtituunt. Vnde beatus Petrus factus eſt à Chriſto Paſtor, Princeps, & Episcopus Eccleſiæ vniuerſalis, quando poſt Reſurrectionem Aſcendurus in Cælum, nunquam inde ad conuerſationem mortalitatis noſtræ reuerſus, inquit Simoni Petro: Simon Ioa. diligis me, [paſce oues meas.] Ideſt poteſtatem accipe paſcendi gregem meum paſtura, per omnium adminiſtrationem Sacramentorum, quibus ipſa pa-

secunda, & nutrienda est. Vnde super illud Lucæ 22. [Facta est contentio inter eos, quis eorum esset maior, dicit Gregor. quod contentio illa videtur habuisse motium, quod cum Dominus ab hominibus migraret, dicebat aliquem eorum fieri aliorum Principem, quasi Domini vicem gerentem. Quasi diceret: antequam transmigraret, non erat necesse, Vnde beatus Petrus non est factus Pastor, & Episcopus ante Christi Resurrectionem. Quod multis sanctorum Patrum auctoritatibus, & rationibus comprobatur.

In primis est illustris testis beatus Hieronymus super illud Matth. 16. [Tu es Petrus,] dicens hanc potestatem, & Ecclesiæ ædificationem, super Petrum in futuro promissam, non in presenti datam esse.

Secundò ad hoc est beatus Chrysostomus super illud Luc. 22. Facta est contentio inter eos, ubi sic ait: Credenda erat Petro populorum innumera multitudo. Nota, quod dicitur credenda, quod est futuri temporis.

Tertiò, confirmat hoc beatus Ambrosius in cap. fidelior. dist. 50. ita dicens: Fidelior factus est Petrus postquam fidem se perdidisset desieuit, atque ideo maiorem gratiam inuenit, quam amisit, tamquam enim bonus pastor tuendum gregem accepit. Hoc autem cum post Resurrectionem contigisse manifestum sit: nulli dubium, quod Petrus pastorem curam, atque dignitatem pontificalem post Resurrectionem à Christo suscepit.

Quartò, hanc conclusionem roborat beatus Gregor. in homilia Dominice Resurrectionis, & habetur in cap. considerandum, dist. 50. ita dicens: Considerandum nobis est cur omnipotens Deus cum, quem cunctæ Ecclesiæ præferre disposuerat, ancillæ vocem pertimescere, & seipsum negare permisit: quod nimirum actum magnæ pietatis dispensatione cognoscimus, ut is, qui futurus erat pastor Ecclesiæ, in sua culpa disceret, qualiter alijs misereri debuisset, ubi nota duo verba futuri temporis. Primum ibi cum ait, quem cunctæ Ecclesiæ præferre disposuerat, quasi diceret, quod nondum præfecerat. Secundum ibi cum ait, qui futurus erat pastor Ecclesiæ, quasi dicent, quod nondum erat. Et ita videtur, quod beatus Petrus ante Christi passionem neque præpositus, neque pastor erat actus Ecclesiæ.

Quintò, hoc confirmat glossa in præfatio cap. considerandum, quæ ita dicit, hoc verbo: [Pascite oues meas,] factus est Petrus princeps Ecclesiæ, extra de elect. cap. significasti, non in illo: [Tu es Petrus,] quia illud fuit ei dictum ante passionem,] hæc glossa.

Sextò, ad hoc facit id, quod habetur in cap. solite, extra de maior. & obed. §. nobis. Item id, quod habetur in Extrauaganti Domini Bonifacii VIII. Ad idem Innoc. & Hostien. in cap. licet, de foro compet. & Archid. in cap. ubi periculum, de elect. lib. 6. in glossa magna circa finem,

C A P. XXX.

In quo ponuntur aliqua obiecta contra prædicta.

Contra conclusionem præfatam de tempore quo Pontificatus datus sit Petro, aduersarij auctoritatibus, & rationibus insurgunt.

In primis inducunt illud Anacleti in cap. in nouo distinct. 21. qui ait: Ipsi Petro primo Pontificatus datus est, dicente Domino: [Tu es Petrus, &c.] sed hoc fuit ante passionem, ergo ante passionem Pontifex factus est.

Secundò, beatus Chrysostomus super illud Luc. 22. Facta est contentio inter eos, dicit, quod creditæ erant Petro claus Regni Cælorum, sed hoc fuit ante passionem, ergo, &c.

Tertiò, idem beatus Chrysostomus super illud Matth. 16. [super hanc petram, &c.] dicit: Hic erigit eius sensum, & pastorem, facit.

Quartò est glossa Rabani super illud Matth. 16. [Tibi dabo claus Regni Cælorum,] dicit, quod Petrus specialiter claus Regni Cælorum, & principatum iudiciariæ potestatis accepit, sed hoc manifestè insinuat eius pontificatum; ergo sequitur, quod ante passionem Petrus factus fuit à Christo Pontifex, siue Episcopus.

Ratione sic quintò. Aaron simul factus est Sacerdos, & Episcopus; ergo similiter, & multò magis Petrus, qui per Aaron fuit figuratus, sed Petrus in Cena factus est Sacerdos, ergo etiam factus est Episcopus.

Sextò sic, Iudas factus fuit à Christo Episcopus, sed non post passionem, & resurrectionem, ut patet; ergo ante, ergo similiter, & multò magis Petrus fuit factus Episcopus ante passionem, consequentia pater, antecedens colligitur ex illo Psalm. 108. & Act. 1. ubi de Iuda dicitur: Episcopatum eius accipiet alter.

Septimò sic: omnia Sacramenta debuerunt institui ante passionem, inter quæ confirmatio Sacramenti Ordinis est Episcopatus; ergo ante passionem Petrus fuit Episcopus, & alij, si qui fuerunt à Christo facti, consequentia est manifesta.

Octauò sic: Dei perfecta sunt opera Deuteronom. 31. vnde instituens Sacramentum, debuit perfectè ipsum instituere, & quantum ad materiam, & quantum ad Ministerium; vnde sicut instituens Eucharistiam, instituit Ministerium, faciens Apostolos Sacerdotes: ita instituens Sacramentum Ordinis, debuit instituere Ministerium, qui est Episcopus ordinans Sacerdotes.

Nonò sic, & arguitur, quod Petrus, & alij Apostoli facti sint Episcopi, per illud Ioann. 22. [Accipite Spiritum sanctum, & quorum remiseritis peccata remittentur eis:] super quo dicit beatus Gregor. Principatum superni iudicii sortiti sunt, ut Vice Dei quibusdam peccata retineant, quibusdam relaxent; quorum nunc in Ecclesia Episcopi locum tenent ligandi, & soluendi auctoritatem sulci.

fufcipiunt, qui gradum regiminis fortiuntur; ergo, &c.

C A P. XXXI.

*In quo respondetur ad obiectiones
præfatas.*

IS autem difficile non est respondere ponderantibus bene dicta fauorum Patrum non ad corticem literæ, sed ad sanam intelligentiam, dicendum est ergo ad ea, quæ inducta sunt in contrarium.

Ad primam autem auctoritatem, quæ sumitur in cap. i. nouo dist. 21. respondetur per gloss. eiusdem cap. quæ ita habet, videtur ergo, quod per hæc verba: [Tu es Petrus;] datus sit Petro pontificatus, & ita antè passionem, quia ante fuit ei dictum, cui videtur contradicere, cap. considerandum distin. 50. & cap. fidelior. Nam ibi dicitur, quod post passionem, quia ante non fuit datus Ecclesiæ pastor; hæc gloss. Dicendum est ergo iuxta beatum Ambrosium, cuius sunt illa capitula, quod post passionem Christi Petro pontificatus à Christo sit datus, & non quando dictum est sibi: [Tu es Petrus, &c.] maxime quia, cum tunc non fuerit Sacerdos, Episcopus esse non potuit. Quod ergo dicitur in auctoritate Anacleti, quod datus est, exponendum est, idest promissus. Promisit enim Christus ei summum Pontificatum tunc; quam promissionem adimpleuit post Resurrectionem. Illud etiam, quod dicitur, dicente Domino, exponendum videtur, idest promittente Domino. More sacre Scripturæ posuit futurum quasi præteritum, & sciendum quasi factum, propter certitudinem promittentis, qui veraciter adimplet, quod promittit, dicente Psalmist. [Fidelis Dominus in omnibus verbis suis.]

Ad secundam auctoritatem, quæ est Chrysostomi, eadem responsio est; vt quod dicitur, quod clausæ credite erant Petro: intelligatur promissione, non actuali donatione.

Ad tertiam auctoritatem eiusdem Chrysostomi, similis responsio est; vt quod dicitur, quod fecit eum pastorem, exponatur, idest disposuit eum facere pastorem, quod postea adimpleuit, cum ad eum ait, [Pascite oues meas,] Io. vii.

Ad quartam auctoritatem, quæ est Rabani, eadem responsio est; vt quod dicitur, quod Petrus specialiter clausæ Regni Cælorum, & Principatum iudiciariæ potestatis accepit, intelligatur in promissione, siue in spe, non autem in actuali possessione.

Ad quintam, cum arguitur de Aaron, respondetur negando consequentiam, quoniam non est simile de vpo, & de alio, vt dicit Dominus Petrus de Palude, quia iam erat populus Israel collectus, cui Aaron proficiendus erat. Vnde Aaron debuit fieri Episcopus, ne oues errarent in deserto sine pastore. Sed antè passionem Christi oues non erant redemptæ adhuc. Vnde non conuenienter ouibus non redemptis pastor fuisset datus; & ita ratio non procedit.

Ad sextam respondetur de Iuda, negando antecedens, & ad probationem respondetur, quod per Episcopatum intelligitur Apostolatus eius, vt exponit Nicolaus de Lyra, tam super Psalm. 108, quam super Ag. 11.

Ad septimam respondetur secundum Dominum Petrum de Palude, quod omnia Sacramenta sunt instituta antè passionem Christi, sed non sunt omnia tunc executæ, verbi gr. Sacramentum Pœnitentiæ à Christo fuit institutum, quando dixit: [Agite pœnitentiam, appropinquabit Regnum Cælorum,] Matth. 4. Sicut Sacramentum Baptismi, quando dixit: [Nisi quis renatus fuerit ex aqua, & Spiritu sancto, &c.] Io. 4. Vnde sicut Ioannes baptizando prædicauit Baptismum, ita sic dicendo: [Agite pœnitentiam,] Matth. 3. Prædicauit Pœnitentiam Noui Testamenti. Vel quando Christus dixit Leprosis: [Ostendite vos Sacerdotibus,] Luc. 17. Vel Discipulis: [Soluite eum,] Io. 11. Tunc instituit Sacramentum Confessionis, & Absolutionis, non tamen fuit executum antè Passionem; quia nec erant Ministri instituti, nec clausæ adhuc datæ Regni Cælorum; quæ etiam dari non debuerunt, antequam esset apertum Regnum Cælorum, nisi impliciter ex naturali concomitantia ad Sacerdotium imminente passione; quia quod parum deest, quasi nihil deesse videtur. Vnde instituendo Sacerdotium Christus, ordinem Episcopalem instituit; sed tamen tunc non dedit, quia non deiecit.

Ad octauam secundum eundem Dominum Petrum de Palude de institutione Sacramenti, dicendum, quod Dei perfecta sunt opera, secundum tamen congruentiam, & decentiam operis operati, & modi operandi. Non decebat autem pro tunc Episcopos facere, sicut decebat facere Sacerdotes, quia ex quo Sacramentum cepit esse in vfu, ex tunc semper debuit esse in Ecclesia vel formaliter, vel virtute. Et maxime Sacramentum, de quo specialiter dictum est illud: [Ecce ego vobiscum sum omnibus diebus, vsque ad consummationem seculi.] Subtrahatur igitur sui præsentiam palpabilem, & visibilem; inuisibilem, & sacramentalem, perpetuam nobis promissum. Vnde ex tunc Eucharistia debuit esse in Ecclesia formaliter, vel virtute; sed formaliter tunc de Eucharistia nihil reueruatum fuit: sicut nec de Agno Paschali propter legis prohibitionem. Exod. 12. Ideo Sacerdotes debuerunt fieri, in quorum virtute remaneret Eucharistia consocienda. Sed Sacramentum Ordinis quoad effectum, suum indelebilem remanebat in Apostolis. Vnde non erat necessitas instituendi eius Ministrum, scilicet Episcopum, præteritum, quia futurus erat Christus adhuc cum eis præsentia corporali, licet impassibili. Et sic non erat adhuc necessarius Episcopus.

Ad nonam responderetur, negando assumptum; dicimus enim, quod per illa verba nec Petrus, nec alij Apostoli facti sunt Episcopi. Et ad dictum Gregor. respondetur, quod non probatur propositum; quoniam per id, quod est commune simplicibus Sacerdotibus, cuiusmodi est relaxare quibusdam peccata, & quibusdam retinere: non possunt Apostoli dici facti Episcopi, vt de se patet. Vel soluitur

tur, quod quorum remiseritis, refertur ad tempus, quo erant constituendi Sacerdotes.

C A P. XXXII.

Quod solus Petrus inter Apostolos à Christo immediate ordinatus, & factus fuerit Episcopus.

SAnd ex Patrum sanctorum sententijs in superioribus capit. inductis, aperte satis colligere possumus, quod solus Petrus inter Apostolos immediate à Christo factus, & ordinatus fuerit Episcopus. Cum enim teste beato Anacleto in cap. in nouo distinct. 21. sancto Petro primo Pontificatus fuit. Et Felix Papa etiam dicat in decretis suis, quod per Petrum Apostolatus, & Episcopatus in Christo cepit exordium. Patet, quod ipse ante alios Apostolos Episcopus à Christo fuerit ordinatus, & consecratus. Cumque, ut iam ostensum est, parum ante Petrus non sit factus Episcopus ante Christi resurrectionem, sed post. Et in ultimo recessu suo ab Apostolis, quando Petro inquit: [Simon Ioannis diligis me, pascue oues meas.] Io. ult. Post quæ verba, cum nulla alia legatur, per quæ alij Apostoli à Christo immediate intelligantur Episcopi necessarii: videtur dicendum, quod solus Petrus inter Apostolos à Christo immediate Episcopus sit ordinatus. Alij verò Apostoli à Petro mediâtè, vel immediate, solo, vel cum alio, vel cum alijs sint Episcopi facti, vel ordinati, quod tam auctoritatibus, quam rationibus confirmatur.

Primum quidem patet hoc ex capit. porro dist. 67. vbi ita inquit Anacletus Papa: [Porro Hierosolymitanorum primus Archiepiscopus beatus Iacobus, scilicet Alphei filius à Petro, & Iacobo Zebedeo, & Ioanne Apostolis ordinatus est.] Ex quo manifestè apparet, quod iste Apostolus non à Christo immediate, sed à Petro cum alijs Apostolis fuerit ordinatus; & per consequens verum est, quod non omnes Apostoli à Christo immediate sunt ordinati Episcopi. Quod verò de vera ordinatione Episcopali intelligatur text. ille, non obstantibus varijs modis loquendi Glossatoris patet. Tum primo testimonio beati Rhemigij, qui supra Matth. cap. 10. vbi Apostolorum nomina recitatur, ita de isto Iacobo dicit: [Cuius meriti beatus Iacobus fuerit, testes sunt Apostoli, qui eum Episcopum Hierosolymitanorum ordinarunt. Tum secundò, quia si non fuisset hæc vera ordinatione Christi facta, non conuenienter susciperetur ex ea forma ordinationis aliorum Episcoporum in Ecclesia: & tamen dicit consequenter beatus Anacletus in dicto cap. in nouo distinct. 21. quod hic fuis successoribus Apostoli dederunt formam, ut videlicet nullus minus, quam à tribus Episcopis in Episcopum ordinetur. Aduerte ergo si non minus quam à tribus, & Petrus solus erat Episcopus primò: quibus ergo ordinauit Ioannem, & Iacobum?

Secundò sic, beatus Anacletus in cap. in

nouo distinct. 21. dicit, quod in Nouo Testamento post Christum Dominum à Petro Sacerdotalis ordo incepit, idest Pontificalis, sicut Sacerdos exponitur, idest Episcopus de consecrat. dist. 1. cap. solemnitates. Ergo videtur, quod alij Apostoli à Petro facti fuerunt Episcopi. Consequentia patet, quoniam cum alij facti fuerunt, ita citò Sacerdotes sicut Petrus, & non sub ipso, non potest dici ab ipso incepisse simplex ordo Sacerdotalis. Similiter si ipse factus fuisset à Christo Episcopus, etiam prius tempore, sed etiam alij à Christo facti essent immediate Episcopi, non diceretur verè à Petro Pontificalis ordo incepisse. Ergo necessariò videtur ita fortè intelligendum, quod à Petro ordo Pontificalis cepit, quia ab ipso omnes alij Apostoli Episcopi facti sunt vel immediate, vel mediâtè, & ipse solus à Christo.

Tertiò arguitur sic: soli Petro à Christo commissæ est cura pastoralis. Ergo solum ipsum Pontificem Ecclesie, siue pastorem constituit. Consequentia nota est. Antecedens verò per plura capitula superius ostensum est, & est specialiter beati Chrysostomi super illud Io. ult. [Simon Ioannes, pascue oues meas,] ita dicentis, præteritis alios, scilicet Apostolos, Petro de talibus loquitur. Eximius enim Apostolorum erat Petrus, & os Discipulorum, & vertex Collegij. Ecce, quod dicit præteritis alios, &c. Ergo soli Petro est hoc dictum; quod non esset, si auctoritatem pastorem assecuti fuissent alij Apostoli immediate à Christo.

Quartò sic, Marcellinus Papa in epistola sua prima inquit: Ad Sedem Romanam, omnes subterfugere debent, ut inde accipiant tuitionem, vnde acceperunt consecrationem, ergo videtur, quod cæteri Apostoli à Petro receperunt consecrationem, tenet consequentia quoniam quod omnes ceperint consecrationem à Sede Romana, verum esse non posset, ut videtur, nisi alij Apostoli, qui in diuersis sedibus federunt, distributi per Orbem à Petro, qui sedet Romæ, consecrationem habuissent.

Quintò, in epist. 2. Clementis, Petrus non solum dicitur Princeps Apostolorum, sed etiam eorum ordinator, idest consecrator, ergo, &c. consequentia videtur nota, antecedens est beati Clementis in secunda sua epistola, Petrus magister, insitutor, & Princeps Apostolorum, atque eorum ordinator fuit.

Sextò sic, Paulus, & Barnabas fuerunt ordinati à beato Petro, ergo, & alij Apostoli consequentia patet, cum illi non fuerint inferiores alijs, antecedens patet, A8. 13. Dixit eis Spiritus sanctus, [segregate mihi Paulum, & Barnabam in opus, ad quod assumpsi eos, tunc ieiunantes, & orantes, imponentesque eis manus dimiserunt eos,] vbi Gloss. super verbo imponentes eis manus, dicit in modum ordinandum. Quod tunc fuerint ordinati, testatur Leo Papa in cap. quod autem dist. 75.

Septimò, sic: Nihil est asserendum de diuinis, nisi quod ex diuinis scripturarum testimonio, aut ratione probari potest, ut dicit, tam Hieronymus, quam Augustinus sed alios Apostolos à Petro, nulla auctoritas; nulla ratio conuincit, fuisse à Christo immanè.

immediatè factos Episcopos, ergo non est asserendum. Quod verò non auctoritate patet, quia in Canone non inveniuntur nisi tria. Primò quidem illud Matth. 18. [Quicumque ligaueris,] sed per illud non sunt ipsi facti Episcopi propter tria. Primò, quia Petrus, per similia verba, & etiam maiora, Matth. 16. [Quodcumque ligaueris, non sinit factus Episcopus.] Secundò, quia ipsi nondum erant sacerdotes, nec per consequens poterant fieri Episcopi. Tertiò, quia illud fuit promissio non alicuius potestatis, nec Episcopalis, nec sacerdotalis collatio, ut dictum est ergo, &c. Secundò: illud Luc. 22. [Hoc facite in meam commemorationem,] sed nec per hoc facti sunt Episcopi, quia per verba consecrationis non efficitur plus, quam per illa verba significetur, nisi propter concomitantiam, & inseparabilem significationem, vel accessoria, sed potestas Pontificalis non est accessoria, nec concomitans ad sacerdotalem: & illa verba non indicant, nisi nudum actum sacerdotalem, quem potest facere quilibet simplex sacerdos, scilicet consecrare Corpus Christi, & Sanguinem Christi, quod importat cum dicitur [Hoc facite,] scilicet, quod feci in Eucharistia, videlicet corpus, & sanguinem esse sub speciebus, ergo per illa verba non fecit eos, nisi simplices Sacerdotes. Tertiò est illud quod dicit Ioan. 20. [Quorum remiseritis &c.] sed, nec per istud sunt ordinati Episcopi: quia cum ordinatio Episcopi sit distincta ab ordinatione simplicis sacerdotis, non est verisimile, quòd illud, per quod propriè, & præcisè facta est ordinatio primo- rum Episcoporum, dicatur communiter omni illi, qui ordinatur in simplicem sacerdotem, vòdè cum in omni ordinatione simplicis sacerdotis dicatur ab Episcopo cuilibet ordinando: [Accipite Spiritum sanctum, quorum remiseritis, &c.] non est verisimile, quòd per illa verba propria, & præcisè facta fuerit ordinatio Episcoporum primorum, qui fuerunt Summi Sacerdotes: quia etiam in lege, erat alià ordinatio simplicium sacerdotum, alià summi. Et confirmatur, quia verba sacramentalia prolata à ministro sunt eiusdem virtutis in effectu sacramentali, sicut prolata à Christo, sicut patet in forma sacramenti Eucharistia, in qua verba illa, [hoc est corpus meum,] illud idem efficiunt, quòd effecerunt Christo ea dicente. Si ergo Christus dicendo illa verba: [Accipite Spiritum sanctum, &c.] fecisset Apostolos Episcopos: qui iam erant facti sacerdotes in cæna quòd ad characterem sacerdotalem per illa verba, [hoc facite, &c.] Ieis data in traditione panis, & calicis, pariratione Episcopus dicens illa verba, scilicet, [Accipite Spiritum sanctum, quorum remiseritis, &c.] illi qui iam factus est Sacerdos, per verba sibi dicta in traditione calicis cum pane, & vino accipite potestatem, &c. faceret eum Episcopum, quòd est absurdum. Item Thomas, qui præsens non erat illis verbis, non fuisse factus Episcopus. Item, quòd per neutra verba scilicet, hoc facite, & quorum remiseritis, sunt facti Episcopi, patet, quia sicut dicit Anacletus dist. 21. in nouo. Petro Primo pontificatus in Ecclesia Christi datus est, sed illa verba dicta sunt simul, & semel Apostolis,

& per consequens habuerunt suum effectum vnum, & indiuisibilem, & sine ordinis prioris, & posterioris, ergo tunc non est datus alicui pontificatus primò. Sic ergo patet, quòd nulla auctoritas canonis cogit dicere, alios Apostolos à Petro, Episcopos à Christo factos esse. Item nec ratio cogit, in modò magis oppositum, & maxime propter duo.

Pro quo arguitur octauo loco sic, in creatione humani generis, ut esset maior vnitas, Deus ex vno homine fecit omne hominum genus, ut dicit Paulus Act. 17. ergo similiter ad conseruandam Ecclesiæ vnitate videtur, quòd Deus non fecerit simul plures Episcopos, à quibus alij deriuarentur, sed vnum primum à quo ceteri fierent.

Nonò sic, in Ecclesia non dicitur esse, minor vnitas, neque minus bonus ordo, quam fuerit in Synagoga, sed in illa ad bonam ordinationem, & vnitatem illius pertinuit, ut Moyses legislator non fecerit simul plures Episcopos, sed vnum tantum, scilicet Aaron, à quo omnes alij immediatè processerunt, ergo nouus legislator, & Ecclesiæ ordinator Christus non debuit simul facere plures Episcopos, sed vnum tantum, scilicet Petrum: à quo omnes mediatè, vel immediatè postmodum omnes fierent. Videtur ergo rationale, quòd iste fuerit processus in ordinatione episcopali Apostolorum, scilicet, quòd Petrus factus fuerit solus Episcopus à Christo ante Ascensionem, post Spiritus sancti autem missionem, (sive ipsa die prima Dominica, sive alia, Petrus solus episcopus fecit Ioannem Episcopum, deinde Petrus, consecrato Ioanne, fecit Iacobum Zebedi, quibus tribus factis, tunc ordinauit Petrus, quòd deinceps non ordinaretur Episcopus, nisi à tribus Episcopis, ut dicitur in præfato cap. porro. Et ad ostendendum formam huiusmodi, ipse cum duobus prædictis ordinauit Iacobum, ut dicitur in prædicto cap. porro, licet propter paucitatem Episcoporum quandò Apostoli fuerunt, non potuerit hæc forma semper seruari. Immo Paulus solus fortè Thimotheum, & Titum ordinauit Episcopos, qui separatus à Barnaba non habebat in societate sua Episcopos, nisi quos postea fecit. Nam Lucas, Demas, Syllas, & hi non fuerunt Episcopi, sed quandò potuerunt habere duos, tunc cum eis ordinauerunt, non soli. Ratio, autem quare filij Zebedi credantur prius à Petro in Episcopos ordinati est, quia illi post Petrum fuerunt maiores, fuerunt & honorabiliores, & hos cum Petro Christus præ cæteris præferbat, ut patuit in transfiguratione, in suscitatione filia Archifynagogi, in oratione in orto, & similibus, in quibus hos solos, quasi familiariores secretarios secum assumpsit Matth. 9. 17. 16. vnde super illud Luc. 6. Non permittit intrare secum quenquam, nisi Petrum, & Ioannem, & Iacobum: dicit Theophilus, solum hos intromisit tamquam discipulorum vertices. Item, Matth. 17. super illud assumpsit Iesus, Petrum, Iacobum, & Ioannem, dicitur Chrysostomus, idèd hos sumpsit, quia alijs potiores erant. Quòd autem Ioannes fuerit maior, licet minor fratre, & idèd sibi Prælatas, patet super illud Matth. 10. Et Andreas frater eius, ubi dicit Glof. Chrysostomus. Marcus autem post duos

duos verices Petrum, & Ioannem, Andream numerat, vbi inuuit Petrum, & Ioann. inter ceteros Apostolos fuisse sublimiores. Item, super illud ibidem. Iacobus Zebedei, & Ioannes frater eius, dicit Chrysost. vide autem, quia non secundum dignitatem ordinat, mihi autem videtur Ioannes non alijs solum, sed fratre etiam, maior esse. Ex prædictis apparet falsa Glos. super illud cap. 66. dist. porro, quæ dicit, quod à principio, & primitiua Ecclesia omnes Apostoli erant simplices Sacerdotes, & tamen poterant consecrare Episcopos, nam Moyses simplex sacerdos fuit, & tamen consecrauit Aaron in Pontificem, neque tunc erat differentia inter Episcopum, & simplicem sacerdotem 95. dist. in. quia sicut Augustinus, in prima rerum creatione non queritur, quid Deus facere poruerit, sed quod decerneret, & quod ratio, & natura rerum requireret. Cum autem dicat Apostolus, quod minor, sine vlla contradictione à maiore benedicitur Hebræ. 8. & Philosophi asserant, quod nihil agit vltra suam speciem, licet Christus per simplicem Sacerdotem de potentia absoluta possit facere Episcopum, non tamen decet, nec congruit officijs: quod minor faciat maiorem dans alteri, quod non habet, nec per consequens est verisimile, quod Christus voluerit per simplices sacerdotes, qui sunt inferiores, summos sacerdotes, qui sunt Episcopi, consecrare. Vnde considerandum est, quod Moyses licet non esset sacerdos, & Pontifex vnus visibiliter cum Aaron, quem fecit Pontificem, & cum alijs eius, quos fecit simplices sacerdotes, vt habetur Leuitici 7. & recitatur 21. dist. c. 1. erat tamen dignior illis, & virtute maior illis in omnibus, quia in illis ordinibus non erat character, nec illi sacerdotes habebant clauas, sed tantum offerebant pro populo, & erant mediatores, quod multo melius faciebat Moyses. Secundum veritatem autem in Ecclesia nulla maior est dignitas, quam sacerdotalis, excepto pontificali, vnde omnis non Episcopus est inferior eo, & per consequens non decuit, quod non Episcopus, Episcopum consecraret, nec est possibile apud homines etiam de potentia absoluta. Sed Christus verus Sacerdos in æternum secundum ordinem Melchisedech, & Pontifex futurorum honorum, licet equiuoce sacerdos, & Episcopus ad alios in quo non fuit character, nec consecratio visibilis, tamen fuit dignior cæteris. Sicut ergo Moyses consecrauit Aaron in Pontificem, & filios eius in simplices sacerdotes, à quo quidem Aaron deriuatus est pontificatus ad omnes alios, sic vt ad filium suum Eleazarum induti vestibus eius unum. 20. & post ad Phinees, & sic de alijs, sic & Christus per se immediate fecit Episcopum, à quo postea in omnes pontificatus deriuatus est: & per se fecit alios Apostolos simplices Sacerdotes, vt 21. dist. in nouo, dicit Anacle. In nouo testamento post Christum à Petro sacerdotalis cepit ordo, quia ipsi primo pontificatus in Ecclesia Christi datus est. Et exponitur, sacerdotalis id est pontificalis, sicut sacerdos exponitur pro Episcopo, de consecr. dist. 1. cap. solemnitates. Sicut autem superius argumentati sumus cum alijs Apostoli fuerint ita citò facti sacerdotes, sicut ipse Petrus, & non sub ipso, non po-

test dici ab ipso cepisse simplex sacerdotalis ordo. Similiter si ipse fuisset à Christo factus Episcopus, licet prius tempore, & alij etiam tunc à Christo, non ab ipso Petro cepisset pontificalis ordo, ergo videtur, quod propter hoc, quod ab ipso Petro facti sunt omnes alij Episcopi mediare, vel immediate, & ipse solus à Christo, idè verè dictum sit à Sancto Anacleto, quod ab ipso Petro post Christum cepit pontificalis ordo, quod etiam, sicut supra induximus, requirit vnitas Ecclesie habere, scilicet vnum caput, à quo dona fluant, vnde 19. dist. in. cap. ita Dominus, Beatus Leo sic de Beato Petro loquitur, vt ab ipso, quasi quodam capite, dona sua velut in corpus omne diffunderet.

C A P. XXXIII.

In quo ponuntur aliquæ obiectiones contra prædicta.

ADuersum præfatam conclusionem aduersarij multipliciter instant.

Et primò sic, omnes Apostoli à Christo simul facti sunt sacerdotes, ergo simul ab eo omnes debuerunt fieri Episcopi; consequentia videtur nota, quia non videtur maior ratio de vno, quam de alio, ergo, &c.

Secundò dicit Augustinus de quæstionibus noui, & veteris testamenti, quod Christus omnes Apostolos, fecit Episcopos ergo habetur propositum.

Tertiò arguitur ex illo extrà de Sum. Trinit. & fidei Cathol. cap. 1. §. vna, vbi dicitur, quod Sacramentum Eucharistie non potest conficere, nisi sacerdos, qui ritè fuerit ordinatus secundum clauas, quas ipse concessit Apostolis, suisque successoribus, sed constat, quod sacerdos non ordinatur à clauæ sacerdotali, sed episcopali, ergo videtur, quod Christus Apostolis tradidit clauas pontificales, à quibus soli Presbyteri ordinantur, & ità videtur, quod non solum Petrum, sed etiam alios Apostolos fecit Episcopos.

Quartò arguitur ex illo, quod habetur dist. 21. in nouo vbi dicitur, quod Petro primò pontificatus in Ecclesia datus est, & post pauca dicit, cæteri verò Apostoli pari consortio honorem, & potestatem acceperunt, sed non habuissent honorem, & potestatem pari consortio, nisi fuissent Pontifices, sicut Petrus, ergo idem quod prius.

Quintò, Glos. vbi supra dicit, Episcopi successerunt in locum Apostolorum 68. dist. quorum ergo, & Apostoli fuerunt Episcopi.

Sextò arguitur ex illo, quod scriptum est in Psalm. 103. & Ag. 1 de Iuda, quod Episcopatum eius accipiat alter, si Iudas fuit Episcopus ante resur. rectionem, multo magis, & alij Apostoli, & potius non possunt dici facti à Petro; ergo à Christo immediate.

Septimò dicitur ad Ephes. 4. Dedit quosdam Apostolos, quosdam Pastores, quosdam Doctores, sed Pastor nomen est, & officium Episcopi, ergo ipse fecit aliquos Episcopos: sed non nisi Apostolos, ergo &c.

Octauò habetur dist. 21. cap. 1. vltra medium,

dium, quod Christus duodecim Apostolos tamquam maiores facerdoes instituit, 72. discipulos, qui minores sacerdotes instituit.

Nono, Paulus etiam Episcopus fuit, qui, & Thimotheum Episcopum ordinavit 1. Thimoth. 4. cum impositione manuum presbyterij Glof. 1. Episcopi, sed non videtur nisi à Christo factus, ergo non solus Petrus à Christo Episcopus immediate ordinatus est.

Decimo, Isidorus lib. 2. de origine officiorum dicit Episcopi sunt instituti per totum mundum in sedibus Apostolorum, ex quo habetur, quod Apostoli fuerunt Episcopi, aliis non habuissent sedes episcopales, ergo idem quod prius.

Vndecimo: Dionysius in Ecclesiastica Hierarchia dicit: Ipse Christus in sacerdotalem consummationem dicens discipulos, subsistens, in sanctissimum patrem suum retulit hierarchiæ perfectionem. Ex quo habetur, quod cum sacerdotalis consummatio, & hierarchia perfectio non sit, nisi in episcopatu, quod Christus Discipulos, idest Apostolos, per seipsum fecit Episcopos, aliis non duxisset eos in consummationem illam, sed duci fecisset. Confirmatur per hoc quod Maximus commentator dicit ibidem, quod ipse Iesus Discipulos suos in Episcopos consecravit.

Duodecimo arguitur sic, sicut tradunt Sancti, & specialiter Isidorus de ortu, & obitu Patrum: Matthias fuit vnus ex 72. Discipulis, qui tamen non à Petro factus est Apostolus, sed à Christo, vnde Dionysius de Ecclesiastica Hierarchia exponens illud, Act. 1. [Ostende Domine quem elegeris ex his, &c.] dicit de Petro sic, Ipse discipulorum vertex, cum ordinata sibi Hierarchia: deinde in duodenarij discipulorum veniens, sanctificans consummationem, in diuinitatis electionem, timidus reliquit, dicens, ostende quem elegeris, & diuina forte diuinitus ostensum, in Sancti duodenarij Apostolici suscepit. Et sic videtur quod à Christo immediate fuit Matthias electus, & per consequens alij Apostoli non à Petro, sed à Christo receperunt consecrationem immediatè.

C A P. XXXIV.

In quo respondetur obiectionibus factis in superiori Capitulo.

Obiectionibus prædictis non obstantibus, videtur dicendum, sicut supra diximus, quod beatus Petrus à Christo immediate, & solus ipse dignitate Pontificali fuerit sublimatus. Vnde dicendum est ad rationes in oppositum.

Ad primam respondetur, negando consequentiam, quoniam non est simile de simplici Sacerdote, & Episcopali dignitate, quia enim Petrus in quantum Sacerdos non fuit maior cæteris Apostolis, quia omnes Sacerdotes sunt pares simpliciter, & idco ad illam paritatem inter eos ostendendam, simul, & semel fecit Christus eos Sacerdotes in cæna, & dedit similiter, vel datam declarauit parē potestatem ligandi, & soluendi in foro conscientie in resurrectione, quando dixit eis: Accipite Spiritum Sanctum, & quorum re-

Tom. XIII.

miseritis peccata &c. Vnde Cyrianus in c. loquitur 24. q. 1. dicit, quod Christus Apostolis post resurrectionem suam parē potestatem tribuit, & quia Sacerdotio sic non debetur potestas iurisdictionis, cum sint multi Sacerdotes siue cura animarum, & subditis, sed Episcopo, qui dicitur Superintendens, præter potestatem Ordinis debetur potestas iurisdictionis, & populus subditus, dicit enim Sanctus Thomas in 4. Sententiarum, dist. 24. quod potestas Episcopalis est ordinis, & iurisdictionis, vnde rationaliter statutum est in Concilio Viennensi, quod nullus de Pastore prouideat Ecclesiæ Cathedrali sibi qualitercumque subiectis, quæ Clero careat, & subditis Christianis, de elec. in c. Plerisque, & quia Episcopus siue subditis est quoddam opprobrium dignitatis; licet ergo omnes Episcopi sint pares quoad potestatem Ordinis, non tamen simpliciter, quia non quoad potestatem iurisdictionis, quæ per se debetur Episcopo de congruitate. Ad significandum ergo, quod in Episcopatu Petrus erat maior alijs, non simul debuit fieri Episcopus cum alijs, sed ipse à Christo solus, & alij ab eo postea, vt dictum est. Petrus autem non fuit maior Sacerdos alijs: sed fuit maior Episcopus, non quia habuit maiorem potestatem Sacramentā ad dispensandi, sed quia habuit maiorem potestatem iudicandi, iudicandi, vt potest Superintendens toti Mundo: fuit enim Antistes totius Mundi factus, vt dicit Theophilus.

Ad secundam respondetur dupliciter. Primo, negando consequentiam; quia licet concedatur quod Christus omnes Apostolos fecerit Episcopos, non tamen eodem modo, sed differenter, scilicet Petrum per se, & immediate, alios verò per Petrum immediate, vel mediatè, sicut exponitur illud quod inquit Propheta, & habetur Ioan. 6. Erunt omnes docibiles Dei, scilicet quidā mediatè, & quidam immediate. 2o Respondetur, quod Augustinus cum dicit Christum omnes Apostolos fecisse Episcopos, intelligendum est, id est Sacerdotes. sepe enim Episcopus ponitur pro simplici Sacerdote, sicut probat Hieronimus per illud Act. 20. Posuit vos Spiritus Sanctus Episcopos, id est Presbyteros: & hoc probat Beda per hoc quod loquitur ad seniores vniuersitatis Ephesi, in qua non erat nisi vnus Episcopus. Vnde Augustinus loco præalle. gato postquam dixerat quod Christus Apostolos ordinauerat Episcopos, subiungit, ita dicens: Hoc Apostolus Spiritui Sancto deputat cum dicit: Attendite vobis, & vniuerso gregi, in quo vos Spiritus Sanctus posuit Episcopos, regere Ecclesiam Domini Nostri Iesu Christi; Hæc Augustinus. Et ita videtur quod beatus Augustinus eodem modo capiat nomen Episcopi, sicut capitur in Canone Act. 20. quod iudicatum est.

Ad tertiam respondetur, negando consequentiam, quia dato quod loquatur de clauibus, quæ dicantur Pontificales, licet istæ concedantur datæ Apostolis, & eorum successoribus à Christo, non tamen sequitur, quod immediate illis Christus dederit illas clauēs Pontificales, nam constat, quod successoribus Apostolorum, quibus etiam dicitur dedisse, non immediate per se eas illis dedit,

S f

derit, sed per Episcopum consecrantem; & ita Apostolis alijs à Petro per Petrum eos consecrantes tradidit claus illas.

Ad quartam respondetur etiam negando consequentiam. & committitur fallacia figuræ dictionis, quoniam paritas illa non est intelligenda quoad omnia, quoniam licet quoad substantiam potestatis consecrationis intelligatur, quia omnes tandem fuerunt Episcopi, non tamen quoad ordinem temporis, quoniam non cum eo simul facti sunt, cum in principio illius cap. dicatur, quod primo Petro Pontificatus in Ecclesia datus sit, nec quoad ordinem in-mediationis; quoniam, nec à Christo immediatè, sed ab ipso Petro facti sunt pares, quoad consecrationis potestatem, non obstante quod fuerint ab ipso facti, sicut Episcopus consecratus par est Episcopo consecranti in potestate Ordinis.

Ad quintam respondetur negando consequentiam, quia licet Apostoli fuerint Episcopi, non tamen sequitur, quod immediatè quando fuerunt Apostoli, fuerunt etiam Episcopi, sicut manifestum est, cum nec Sacerdotes etiam tunc fuerint, vt patet.

Ad sextam respondetur, vt superius dictum est de Iuda, quia ipse non fuerat Episcopus secundum veritatem, sed solum fuit Apostolus, & Sacerdos. Et quando dicitur, quod Episcopatum eius accipiat alter, exponendum est id est, locum Apostolatus, vt exponit Nicolaus de Lyra ita dicens: Apostolatus verò dicitur Episcopatus, vnde & ipsi sunt successores Apostolorum, secundum quod dicitur Decretis dist. 21. cap. In nouo, & etiam eodem modo exponit. super Psalm. 108.

Ad septimam respondetur, quod Christus dedit Pastores, dando primum, & vniuersalem Pastorem immediatè, dicendo Petro: [Pascue oues meas] & per illum alios particulares.

Ad octauam respondetur, quod si tamquam soluit art. 1. Christus enim non fecit omnes Apostolos Episcopos, siue maiores Sacerdotes; sed in eis significabatur Episcopi per officium predicandi, & visitandi ciuitates, & castella, & quia erant superiores omnibus alijs, & quia erant futuri Episcopi, similiter fecit Discipulos, non quidem Sacerdotes, sed tamquam minores Sacerdotes, id est, similes in hoc quod sicut illi sub Apostolis predicabant, & curabant infirmos, sic & minores Sacerdotes sub Episcopis predicant, & curant infirmos spirituales per administrationem Sacramentorum, & ita ratio non proci.

Ad nonam respondetur, quod verum est, quod Paulus Episcopus fuit, sed non immediatè per Christum: sed ipse cum Barnaba ab Apostolis cum oratione manum sibi imponentibus, vt habetur Act. 14. [Facti sunt Episcopi.]

Ad decimam respondetur, quod non negatur, quin omnes Apostoli, præter Iudam Scarioth, fuerint veri Episcopi finaliter consecrati, sicut dicitur, quod non omnes fuerint à Christo sine medio consecrati, sed solum Petrus.

Ad vndecimam respondetur, quod Christus Discipulos duxit ad Episcopalem dignitatem, per Petrum eos consecrando; sicut

duxit populum suum per Desertum in manu Moyse, & Aaron. Et ad id, quod inducitur in confirmatione ex commento Maximi respondetur eodem modo; dicimus enim, quod verum est, quod Dominus 11. Discipulos in Episcopos consecrauit; non tamen sicut dictum est eodem modo: sed Petrum immediatè per se, & alios per Petrum; sicut dicitur etiam consecraste Aaron, & cum induisse vestibus Pontificalibus; quauis hoc totum fecerit per Moyse, Ecclesiast. 45. [Excelsum fecit Aaron, &c. dedit illi Sacerdotium gentium, & circumcinxit illi Coronam iustitiæ.]

Ad duodecimam respondetur, quod licet Mathias fuerit consecratus in Episcopum à Deo, non tamen sine Ministro, scilicet beato Petro mediatè; quia probabile est, quod fuerit ultimus de 12. ordinatus, sicut vltimò vocatus, sicut de Paulo dicimus, qui non minus quam Mathias electus est à Deo in Apostolum, & nihilominus factus est Episcopus ministerio aliorum; sic etiam Aaron, dicitur vocatus à Deo, ad Hebr. cap. 5. Nihilominus tamen per hominem, secundum ritum illius temporis consecratus; pariter etiam dicitur de beato Nicolao, & de beato Ambrosio, qui fuerunt Diuina reuelatione, promoti, & electi; nihilominus ab hominibus fuerunt consecrati.

CAP. XXXV.

Quod beato Petro in Apostolici Principatus amplitudine aliquis succedere debuit in Ecclesia vsque ad consummationem seculi.

Licet omnes ferè rationes, quæ superius inducuntur sunt ad probandum, quod vnus in Ecclesia Dei esse debet supremus rector, & gubernator, sufficienter faciant ad ostendendum, quod ciuium potestas, & primatus auctoritas, quibus beatus Petrus à Christo donatus est, & sublimatus, in eius legitimos successores transierit, transitureque sic vsque in finem seculi; nihilominus hoc alijs rationibus comprobabimus.

Et primò ratione S. Thom. lib. 4. contr. Gentiles cap. 76. sic: [Manifestum est, quod Christus Ecclesiam sic instituit, vt esset vsque in seculum duratura,] secundum illud 1a. 9. [Super solium David, & super Regnum eius sedebit, vt confirmet illud, & corroboret in iudicio, & iustitia ammodò & vsque in sempiternum.] Manifestum est igitur, quod ita illos, qui tunc erant in Ministerio, constituit; vt etiam eorum potestas derivaretur ad posteros pro vtilitate Ecclesie, vsque ad seculi finem; præsertim cum ipse dicat Matth. ult. [Ecce ego vobiscum sum vsque ad consummationem seculi.] Contra autem, quod illis personis, quæ citò post erant morituræ, non erat ipse futurus omnibus diebus seculi, ergo in personis illorum etiam suis successoribus esse locutus, cum quibus vsque ad finem seculi esse poterat successus, pro quo facit c. quod cumque 24. q. 1. vbi Augustin. inquit: [Quid quando Petrus claus accepit, Ecclesiam san-

Etiam significauit: quia scilicet non tantum per se, sed etiam pro omnibus successoribus usque ad finem seculi; quo duratura est Ecclesia. Vbi notandum, quod sicut Adam, quendam dona habuit personalia, sicut omnium scientiam, quendam vero pro sua potestate in statu innocentie, sicut originalem iustitiam, sic Petrus aliqua dona habuit à Christo pro sua persona, sicut miraculorum gratiam, ut quod ad eius umbram sanarentur infirmi, quendam vero etiam pro successoribus suis in Ecclesia, & hæc sunt illa, sine quibus Ecclesia non staret, sicut clauis ligandi, & soluendi, aliter portæ inferi prævalerent aduersus eam. Vnde hanc amplitudinem potestatis, & eminentiam Principatus, per quem Ecclesia resistit mundo, & diabolo, Christus contulit Petro pro se, & suis successoribus; & ita cunctas clauis accepit, Ecclesiam dicitur significasse, quia per totam posteritatem Ecclesie in successores Petri esset deriuanda.

Secundo sic: Certum est, quod potestas data Apostolo Petro, data est ad Ecclesie edificationem, ut Apostolus Paulus 1. ad Cor. 10. dicit: [Ergo oportuit hanc potestatem tantum durare in Ecclesia, quamdiu Ecclesia ipsa edificatione indigeret: sed edificatione, indiget usque ad finem seculi, in quo electorum numerus complebitur. Vnde Hieronymus, super illud Psalm. [Hierusalem, quæ edificatur ut ciuitas, inquit, in qua adhuc non est completum ædificium huius ciuitatis: sed continuò edificatur de lapidibus uiuis super fundamentum Apostolorum, & Prophetarum, ab ipso summo angulari lapide Christo Iesu; ergo usque ad finem Mundi Petri primatus, siue Principatus in suis successoribus erit duraturus.]

Tertio sic: si nullus beato Petro in Principatu successisset, pariter nullus cuiuscunque alterius Apostoli dignitatis successisset; cum nulla sit maior ratio de vno, quam de alijs Apostolis, & sic statim ordo Apostolicus in suo exordio defecisset, quod nullus credens Christum sapientissimum affirmaret.

Quarto, arguitur ex illo psalm. 44. ubi dicitur: [Pro patribus tuis nati sunt tibi filij, constitues eos Principes super omnem terram;] ubi expressè dignitas, & auctoritas Ordinis Apostolici per successionem in Ecclesia ostenditur duratura; vnde glossa super illud: [Pro patribus tuis nati sunt tibi filij, dicit, id est, post Apostolos, & pro Apostolis Episcopos, & alios, quos Ecclesia genuit, in sede patrum constituit.] Si ergo dignitas Apostolici ordinis per successionem in Ecclesiam, permanens erat usque in finem seculi, non dubium, quin etiam primatus eiusdem, qui in Petro erat, successore pariter habiturus esset.

Quinto sic: Non minor cura, & dilectio est Dei erga sponsum suam Ecclesiam, post tempus beati Petri, quam fuerit tempore eiusdem Apostoli. Ergo sicut tempore Apostoli Petri Ecclesiam suam gubernauit, & munivit Præfidente, siue Principe vno loco sui, videlicet beato Petro; ita etiam post beatum Petrum taliter gubernasse illam voluisse creditur, ut in illa vnus in eadem potestatis amplitudine, qua Petrus tamquam rector illius, atque protector præderet; maxime cum post

beati Petri tempora Ecclesia Christi in personis multiplicata, multo amplius vno tali gubernatore indigeret, præsertim cum etiam temporibus futuris in Ecclesia tribulationes maiores sperarentur futuræ.

Sexto sic: In temporibus veteris legis Deus sic Ecclesiam suam disposuit, ut toto tempore vnus esset Pontifex, cuius imperio si quis de populo illo contradiceret, moreretur: sicut habetur Deuterion. 17. ergo similiter est credendum, quod Diuina providentia toto tempore legis nouæ disposuerit, quod vnus Summus Pontifex in tota Ecclesia præfideret; pariter consequentia, cum eadem ratio prior sit de Ecclesia, quam de Synagoga, quanto Sacerdotium nouæ legis præstantius sit leuitico: sed hoc esse non potuit, vna persona semper mauente. Ergo per successionem: ordinatione, ergo Diuina, auctoritas, & Primatus Petri in eadem amplitudine potestatis transitura erat in posteros usque in finem seculi, quod videtur per illud confirmari: quod Apostolus dicit ad Hebr. 7. quod Christus sempiternum habet Sacerdotium.

Septimo sic: Naturalis ratio dicitur, & hoc ipsum tota Philosophia testatur, optimus modus regiminis cuiuscunque Communis sit, ut vnus sit Princeps, & rector; sicut est in toto vniuerso, quemadmodum superius ostendimus. Vnde Aug. de nupt. & concupiscentia. Principatus magis naturalis est vnus in plures, quam in vnum potest esse multorum, vnde, ut idem dicit Aug. natura principiorum amat singularitatem. Ergo absque omni dubio tenendum est, quod Dei filius, qui in summa sapientia est, Ecclesiam suam electiorum suorum communis, quam proprio sanguine sibi acquisiuit, sub tali regimini ordine disposuerit usque in finem seculi gubernandam, ut vnus in ea præfideret vniuersalis omnium rector, & Pastor. Cuius autem sicut dictum est: in vna, & eadem: persona semper permanente, fieri non posset, cum nulli deus viuere per totum Ecclesie decursum: necesse est confiteri, quod principatus Petri, cum amplitudine potestatis sue, deriuaret in successores usque in finem seculi. Vnde Chrysost. tractans illud Matt. 24. Cælum, & terra transibunt, verba autem mea non transibunt, dicit, quod verba Christi in æternum mansura sunt illa; quæ locutus est Petro, dicens Mat. 16. [Tu es Petrus: & super hanc petram ædificabo Ecclesiam meam.] Item idem Chrysost. Sicut Christus accepit à Patre, dux, & sceptrum Ecclesie Gentium ex Israel egrediens super omnem principatum, & potestatem, & super quodcumque, ut ei genu currente sic, & Petro, & eius successoribus plenissime commisit. Ecce, quod dicit successoribus. Ergo Petrus in amplitudine auctoritatis habet successores in Ecclesia. Item Cyrillus Hierosolymitanus Patriarcha, dicit, ex persona Christi loquens. Tu cum fine, & ego sine fine cum omnibus, quos loco tui ponam pleno, & perfectò sacramento, & auctoritate cum eis ero sicut sum tecum. Item extrâ de renun. cap. quanto dicit Inno. potestatem transferendi Pontifices ita sibi retinuit Deus & magister, quod eam soli Petro Vicario suo & per ipsum successoribus suis præbuit, &

concessit. Item Patriarcha Ignatius in epistola ad Papam Adrianum, sub quo, celebrata est octava synodus, ita ad propositum post illa verba dicta Petro Apostolorum Principi [Tu es Petrus, & super hanc &c.] ita scribit dicens: Tales enim beatas voces non secundum quandam vique sortem Apostolorum Principi Petro, solum circumscriptis, & diffiniuit, sed per eum, & ad omnes, qui post illum secundum ipsum efficiendi erant summi Pastores, & diuinissimi, sacrique Pontifices senioris Romae. Item Adrianus Papa scribens Constantino, & Hyrenzos Imperatoribus, & toto Concilio in ei decretis, ubi inducit plures auctoritates pro veneratione imaginum inter alia de beato Petro sic ait. Nam ipse Princeps Apostolorum beatus Petrus, qui primitus Apostolicæ Sedis præfedit, sui Apostolatus principatum, ac pastoralis curæ successoribus suis, qui in sua sanctissima Sede successuri sunt perenniter dereliquit quibus, & auctoritatis potestatem quemadmodum à Salvatore nostro, & Domino Deo ei concessa est, ipseque tradidit Diuino iussu successoribus suis, quorum traditione, Christi sacram imaginem, sanctæque genitricis eius, Apostolorumque, & omnium sanctorum venerantur imagines. Hæc ille. Ex quibus verbis manifestè habetur, quod Petro aliquis succedit in Ecclesia, & in eadem potestatis plenitudine. Ex his apertissime conuincitur error dicentium: quod nullus in Ecclesia Petri successerit in plenitudine dignitatis suæ.

C A P. XXXVI.

Quod beato Petro succedens in primatu, & amplitudine Apostolicæ dignitatis sit Romanus Pontifex.

QUOD autem Romanus Pontifex sit, qui beato Petro in amplitudine principatus, & prærogatiua dignitatis in Ecclesia succedat, iam ostendimus. Pro quo aduertendum quod Sedes Episcoporum non ea prima dicitur, in qua 1. sedit, sed vlt. in qua finaliter legitime translatus resedit. Petrus autem vniuersalis Ecclesiæ, factus Episcopus, à principio nullam determinatam Sedem sibi appropriauit: vnde Sedem Hierosolymitanam Iacobo fratri Domini dimisit, postea verò Antiochiæ primò Sedem, & tandem illam dereliquit Ignatio discipulo beati Ioannis Euangelistæ, & Romam veniens, illuc suam transtulit Sedem, ibique, vtque ad mortem finaliter residens. Vnde beatus Marcellus Papa: & martyr Christi vniuersis scribens Episcopis per Antiochiam constitutis; ita ait in cap. rogamus 24. qu. 1. Licet prima Sedes Petri fuerit apud Antiochiam, posterius iubente Domino Romam translata est. Non ergo Antiochia: quæ fuit prima, sed Roma, vltima debet dici Sedes Petri. Vnde, qui in Sede Romana legitime constituitur, successor Petri efficitur: & per consequens plenariusque perfectus Christi Vicarius.

Est autem hic consequenter notandum secundum Dominum Petrum de palude, quod aliud est de electione Episcopi, & aliud de electione Archiepiscopi, quia electio Episcopi solum pertinere debet ad omnes clericos diocesis suæ: vel ad maiores, sicut ad Cathedralē Ecclesiam, quia præficitur solum diocesis. Sed Archiepiscopus præficitur suæ diocesis specialiter: & toti provincie communiter. Quod autem omnes tangit, ab omnibus dicitur approbari. Vnde quantum est de iure primitiuo eligendi non ad solā Ecclesiam cathedralē, cuius specialiter interest; sed ad suffraganeos, quibus præficitur, spectat electio Archiepiscopi: & ita olim seruabatur. Propter quod in electione beati Nicolai in metropolitano Myrreorum Ecclesiæ conuenerunt Episcopi suffraganei: tanquam principales, ad quos solos electio pertineret; si Archiepiscopus nullam sedem determinatam haberet. Sed, quia difficile est semper suffraganeos conuocare, consuetum est de consensu omnium, ad quos spectat, quod ad solam Ecclesiam cathedralē spectat electio Archiepiscopi sicut, & Episcopi. Sic igitur si Petrus mortuus fuisset antequam Romæ Sedem elegisset ad Apostolos solos quasi suffraganeos pertinuisse electio successoris Petri, sed postquam Romæ resedit de iure communi, & ad Patriarchas ratione vniuersalis Ecclesiæ & ad Clerum Romanum ratione appropriationis spectabat electio, vt videtur. Sed quia difficile erat Patriarchas conuocare, nec erat tutum simplicibus canonicis tantum negotium committere, Papa loco patriarcharum, & Canonicorum Romanorum Cardinales instituit, qui Papam eligerent, ita tamen, quod duæ partes consentirent. Vnde qui sic in Romanum Pontificem est electus, est verus Petri successor, & Christi Vicarius plenarius. Vnde dicit Canon Concilij Chalcedonensis. Si quis Episcopus prædicatur infamis liberam habeat potestatem appellandi ad beatissimum Episcopum antiquæ Romæ, quem habemus Petrum petram refugij, & ipsi soli libera potestate loco Dei sit ius discernendi Episcopi infamiam secundum clauas sibi à Deo datas. Item patres in synodo Constantinopolitana, vt supra indusum est. Veneramus secundum Scripturas, & Canonum diffinitiones sanctissimum antiquæ Romæ, Episcopum primū esse, & maximum Episcoporum. Dicit autem antiquæ Romæ, ad differentiam Constantinopolitanæ, quam Constantinus illuc Sedem suam transferens, & à priuilegijs debitis Romæ extollens, novam Romam voluit appellari. Item beatus Hieronymus ad Damasum Papam scribens in cap. quoniam vetus dist. 24. qu. 1. dicit. Cum successore piscatoris loquor. Item huius beati successores veridicus testis est Ignatius Constantinopolitanus Patriarcha, qui in epistola sua ad Adrianum Papam: quæ lecta, & recepta fuit in octaua synodo vniuersali ita loquitur. Solus, & ex toto magister omnium Deus dicit, Petro magno, & summo Apostolorum [Tu es Petrus, & super hanc petram ædificabo Ecclesiam meam, & porte inferi &c.] Et iterum, [Tibi dabo clauas &c.] Tales enim beatas voces non secundum quam

dám vtique sortem. Apostolorum Principi Petro solum circumscripsit, & definiuit, sed per eum, & ad omnes, qui post illu, per secundum ipsum efficiendi erant summi Pastores, & diuiniſſimi, sacrique Pontifices senioris Rome, transmittit. Hac ratione motus Inno. III. Romanus Pontifex scribens Imperatori Constantinopolitano, vt habetur in cap. solite, extra de maio. & obed. dicit sic. Nobis enim in beato Petro sunt oues Christi commisse, dicente Domino [Pascite oues meas non distinguens inter has oues, & illas] vt alienum se demonstret à suo ouili: qui Petrum, & successores illius magistros non recognosceret, & Pastores. Hæc ille. Item, eadem ratione Inno. IV. Romanus Pontifex in Concilio generali Lugdunensi prædicens, vt habetur extra de homin. in cap. pro humani fib. 6. dicit sic. Dei filius Iesus Christus ne gregem sui prætio sanguinis gloriosi redemptum, ascensurus, post resurrectionem ad Patrem, abique Pastore defereret, ipsius curam beato Petro commisit. Vnde nos eiusdem Apostoli effecti, disponente Domino, licet immeriti, successores, & ipsius Redemptoris locum in terris quamquam indignè tenentes &c. Ex his verbis clarissimè sequitur quemadmodum dicit, Iulius Papa, quod sicut beatus Petrus Apostolus primus fuit omnium Apostolorum, ita Ecclesia Romana suo nomine consecrata: Domino insitiente, prima sit, & caput omnium Ecclesiarum verba sunt canonis in capitulo dudum 3. qu. 6. De quo etiam beatus Anacletus in cap. sacrosancta, dist. 22. ita inquit. Sacrosancta Romana Ecclesia non ab Apostolis, sed ab ipso Domino Salvatore nostro primum obtinuit, sicut beato Petro Apostolo dicitur. [Tu es Petrus, & super hanc petram, & reliqua.] vsque soluta, & in celo, adhibita est societas in eadem Romana, vrbe beatissimi Pauli Apostoli vasis electionis, qui vno die, vno tempore, cum Petro gloriosa morte coronatus est, & ambo sanctam Romanam Ecclesiam consecrarunt, atque alijs omnibus vrbus in vniuerso Mundo tam sua præsentia, quam suo venerando triumpho prætulerunt. Et sequitur idem, Prima ergo Sedes, cælesti beneficio, est Romana Ecclesia.

Ex istis apertissimè eliminantur duo errores. Primus est dicentium non esse de necessitate salutis Romanam Ecclesiam credere supremam inter Ecclesias. Ili fuerunt condemnati in Concilio Constantiensi. Secundus error est eorum, qui dicunt beatum Petrum nunquam fuisse Romanum Episcopum, quia vt aiunt, vt refert Ockan in dialogo suo, in tota Scriptura diuina non reperitur, quod beatus Petrus fuerit Romæ. Contra quos primò, est sacra Scriptura; inquit enim beatus Petrus in fine cap. 5. primæ canonice sæ: Saluat vos Ecclesia, quæ est in Babylone. Vbi iuxta gloss. Bedæ Babylon nominat Romam propter cultum idolatriæ. Ad idem est beatus Hieronymus, qui in libro suo de viris illustribus ita dicit. Petrus in prima epistola sua sub nomine Babylonis figuratè Romanam significans, Saluat vos inquit, quæ est in Babylone Ecclesia electa, & Marcus filius meus. Secundo præfatum errorem, dato quod expressè sacra Scriptura non diceret

Petrum Romæ extitisse: sufficienter condemnant testimonia sanctorum Patrum. Inquit, enim Hieron. super illud ad Romanos, primò. Desidero videre vos, vt aliquid impartiar vobis gratiæ spiritualis ad confirmandum vos sicut Romanos Petri prædicatione fidè tenentes confirmare se velle Apostolus Paulus dicit non quod minùs accepissent à Petro, sed vt duobus Apostolis testantibus, atque Doctoribus eorum roboraretur fides. Hæc ille. Item Eusebius Doctor egregius in Ecclesiastica historia cap. 13. illustris testis est huius rei, sic dicens. In ipsis Claudij temporibus, clementia diuinæ providentiæ probatissimum omnium Apostolorum, & maximum fideli magnificentiæ virtutis, meritò primorum, Princepem Petrum ad Urbem velut aduersus humani generis communem perniciem, deducit ducentum quandam, & magistrum militiæ suæ scientem Domini prælia gerere, & virtutum castra tutare, ille veniens ex Orientis partibus, vt cælestis quidam negotiator mercimonia diuini luminis, si quis sit comparatus, aduexit, & salutaris prædicationis verbo, primus in Vrbe Romæ in Euangelij sui clauibus Ianuam Regni cælestis aperuit. Hæc ille. Item beatus Bern. in epistola quadam ad Eugenium Papam ita propositum confirmat dicens. Locus inquit, in quo stas terra sancta est, locus Petri est locus Principis Apostolorum, vbi steterunt pedes eius quæ constituit Dominus Dñm domus suæ, & Principè omnis possessionis suæ. Item contra hunc errorem est beatus Anacletus in cap. sacrosancta distinct. 22. vt pater parum ante. Item beatus Ambro. in epistola contra Auxentium de basilicis tradendis, ita de beato Petro, loquitur. Noscimus muros egredi cepit, & videns in porta Christum sibi occurrere, urbemque ingredi, ait. Domine quo vadis. Respondit Christus Venio Romam, iterum crucifigi. Intellexit Petrus ad suam crucem diuinum pertinere responsum. Hæc Ambr. Hoc etiam confirmat per eundem Ambr. in cap. beati 2. qu. 7. vbi Ambrosius ita loquitur. Petrus, & Paulus martyrium pertulerunt in Vrbe Romæ; quæ principatum, & caput obtinet, nationum scilicet, vt vbi erat caput superstitio nis, illic caput quiesceret sanctitatis, vt vbi gentium, principes habitabant illic etiam Principes Ecclesiarum morarentur. Hoc etiam confirmat beatus Marcellus Papa in cap. rogamus 24. qu. 1. quod supra inductum est. Hoc etiam Imperator Constantinus in epistola, quam vniuersali Ecclesiæ dirigit in cap. Constantinus, d. 96. ita testatur dicens. Vbi principatus sacerdotum, & christianæ religionis caput ab Imperatore cælesti constitutum est, iustum non est, vt illic Imperator terrenus habeat potestatem. Hoc etiam Apostolica Sedes confirmat in cap. per venerabilem, extra qui fi. sunt legiti, & in cap. fundamenta; extra de elect. in 6. Patet ergo, tam sacre Scripturæ, & sanctorum patrum, quam etiam Apostolicæ Sedis testimonio; quod beatus Petrus Romæ fuerit, vbi cathedram tenuerit Episcopalem vsque ad mortem. Ex quibus confunditur Armenorum, & Gregoriam præsumptio, qui Romanum Pontificem successorem Petri, ac vniuersalis Ecclesiæ Pastorem non recognoscunt.

Verum si quærat, quæ Ecclesiarum Vrbis habeat hanc superioritatis prærogatiuam super omnes alias orbis Ecclesias. Ad hoc respondendum videtur iuxta maiores nostros, quod Ecclesia beati Ioannis Lateranensis, vnde Melchisedes Papa in cap. futurâ 12. quæst. 1. loquens de Constantino Imperatore ita dicit. Denique idem præfatus princeps donaria immensa contulit, & fabricam primæ Sedis beati Petri instituit, idest Lateranensis Patriarchij, vt exposit Hug. Secundò ad idem est Nicolaus Papa scribens Archiepiscopis, & Episcopis Metropolitanz Sedis, ac vniuerso Clero Constantinorum Ecclesiæ dicit sic. Collecta synodo in Ecclesia Dei, in qua beatus Petrus Apostolorum princeps corpore redoleat, & virtutibus emicat; vnde propter frigidiores locum in Ecclesia Saluatoris, quæ ab auctore appellatur Constantina, & quæ sub auditu à Constantino prima in toto Orbe terrarum constructa est. Hæc ille. Tertiò ad idem est Petrus de Rauenna in sermone de beato Ioanne Baptista, qui incipit [Hodie dilectissimi,] in quo sic ait: Decimus gradus est assertio matris Ecclesiæ: illa enim magistra omnium Ecclesiarum Ecclesia Romana, cui dictum est. [Ego pro te rogavi, vt non deficiat fides tua, in honore beati Io. Baptiste post Saluatoris nomen consecrata est, & signata.] Hæc ille. Quartò ad idem est Hug. in cap. futuram 12. quæst. 1. qui recitat opinionem dicentium, quòd prima Sedes Petri sit Ecclesia sancti Petri, ita subiungit: Ego tamen credo, quòd Ecclesia sancti Io. de Laterano sit prima Sedes Papalis, & non Ecclesia sancti Petri: illa enim ædificauit Constantinus. Præterea Ecclesia sancti Petri non est Patriarchalis Sedes, vel Episcopalis, sed est de Episcopatu Portuensi. Hæc ille. De hoc plenius diximus super capite dudum 3. quæst. 6.

C A P. XXXVII.

Quòd Romanus Pontifex sit Christi Vicarius, & locum eius teneat in terris.

Quamquam ex supradictis in præcedenti cap. clarissimè habeamus Romanum Pontificem, qui beatissimo Petro in primatu in Orbe Christiano succedit, Vicarium Iesu Christi potissimum esse, ac vices siue locum eius tenere in terris: nihilominus ex alijs hoc ipsum ostendamus. Et primo ex illo Ioann. ult. vbi Petro Christus inquit: [Pascue oues meas,] idest loco mei, vt exponit Chrysost. præpositus esto, & caput fratrum tuorum: vt ipsi loco mei te assentes vbiq; terrarum, te in throno tuo sedentes prædicent, & confirmant. Item beatus Cyrillus Alexandrinus magne auctoritatis Doctor in lib. thesaurorum dicit: quòd Apostoli in Euangelijs, & epistolis affirmarunt in omni doctrina Petrum esse loco Domini in eius Ecclesia, ei dantes locum in omni capitulo, in omni electione, & confirmatione. Et infra. Cui omnes obediunt iure diuino, caput inclinant, & primates mundi, tamquam ipsi Domino Iesu

Christo obediunt. Item ad hoc est canon facti Synodi Chalcedonen. ita dicens. [Si quis Episcopus predicandi infans, liberam habeat licentiam appellandi ad beatissimum Episcopum antiquæ Romæ quem habemus Petrum petram refugij, & ipsi soli libera potestate loco Dei sit ius discernendi Episcopi criminari infamiam secundum claus sibi à Deo datas.] Item Doctor Græcus super illo Luc. 22. [Facta est contentio, quis eorum videretur esse maior.] Ex hoc, inquit, contentio ista habuisse motuum, quia decebat alij quem eorum, cum Dominus ab hominibus migraret, fieri aliorum principem, quasi vicegerentem Domini. Qui autem locum alterius, aut vices gerit, Vicarius illius est vt in cap. si pro debilitate extra de offic. delegat. Præterea hoc testantur multorum Pontificum summorum scripta. Vnde Innoc. III. in cap. inter corporales, extra de translatione. Episc. inquit. Non enim humana, sed potius diuina potestate coniugium spirituale dissoluit, cum per translationem, depositionem, aut cessionem auctoritate Romani Pontificis, quem constat esse Vicarium Iesu Christi, Episcopus ab Ecclesia remouetur. Idem Innocent. IV. in cap. pro humani, extra de homicid. lib. 6. Idem habetur extra de electi. vbi periculum maius in 6. vbi sic ait Gregorius decimus: Vbi agitur de creatione Vicarij Iesu Christi successoris Petri rectoris vniuersalis Ecclesiæ, gregis Domini directoris &c. Hiuc est, quod idem ostenditur esse consistorium Christi, & Papæ vt dicit Ioann. Andr. super cap. quanto de transl. Episc. Quod manifestè testatur Origenes in gloss. super illud Matth. 16. [Quodcumque ligaueris &c.] Vide quantum potestatem habet petra, super quam ædificatur Ecclesia, vt etiam iudicia eius maneant firma, quasi Deo iudicante per eam.

Aduertendum tamen quòd licet omnes Episcopi dicantur Christi Vicarij secundum illud 2. ad Corinth. 6. [Pro Christo legatione fungimur tamquam Deo exhortante per nos.] Et 1. Corinth. 4. [Sic nos existimet homo, vt ministros Christi, & dispensatores mysteriorum Dei.] Hoc enim dicebat Apostolus de Apostolis, & per consequens de eorum successoribus, qui sunt Episcopi, vt in cap. in nouo dist. 21. dicit sanctus Anacletus. In præfatione etiam, quæ in solemnitate cantatur Apostolorum habetur: [Gregem tuum pastor æternæ non deseras, sed per beatos Apostolos tuos continua protectione custodias, vt ipsædem rectoribus gubernetur, quos operis tui Vicarios eidem consulisti præfice pastores.] Nihilominus Papa præcipue, & principalis Christi Vicarius esse, eo pro Ecclesiæ vnitate seruanda maximè constitutus. Vnde gloss. super illud Matth. 16. [Tu es Petrus &c.] inquit: [Speculiter potestatem ligandi, & soluendi Petro Christus concessit, vt ad vnitatem nos inuiteret:] idem enim cum principem Apostolorum constituit, vt Ecclesia vnum principalem Christi Vicarium haberet, ad quem diuersa membra recurrerent, si forte inter se dissentirent, quòd si diuersa capita essent in Ecclesia, vnitatis vincula rumpentur. Hæc ibi. Ex istis aperte elucetur error dicentium, quod Papa non sit immediata-

mediatus, & proximus Christi Vicarius. Qui error inter errores Io. Wicleff in Concilio Constantiensis fuit damnatus.

C A P. XXXVIII.

Quod Romanus Pontifex primum, & amplitudinem dignitatis suæ à Christo immediate habeat.

Quod autem à Christo immediate potestatem suam Romanus Pontifex habeat faciliè ostenditur ex multis.

Primo ex illo Matth. 16. vbi Christus ait Petro, & in eo successoribus. [Tibi dabo claves regni Cælorum &c.] Super quo verbo dicens Chrysof. [Filius Dei ubique terrarum Petro concessit potestatem, & homini mortali omnium, quæ in Cælo sunt, dedit auctoritatem, vt potestate clauium Ecclesiam amplificaret.]

Secundo arguitur idem ex illo Io. vlt. vbi Christus loquens Petro ait: [Simon Ioannis pascere oues meas.] Vbi manifestè curatoris Ecclesiæ Petro commissio est, & in eo suis successoribus à Christo immediate committitur. Super quo verbo dicit beatus Chrysof. [Pascere oues meas, idest, loco mei præpositus, & caput esto fratrum tuorum.]

Tertiò ratione sic: In omni hierarchia primum illius auctoritatem hierarchizandi in sequentes in eodem ordine capit ab eo, qui simpliciter, & primò primæ præsidet toti hierarchiæ. Patet ex dicto beati Dionysij dicentis 6. Cælestis Hierarchiæ. [Proprium est Angelis primæ hierarchiæ esse circa Deum.] Quod non est intelligendum, quo ad beatitudinis participationem: quia sic omnes Angeli boni, & omnes sancti sunt circa Deum: sed quo ad receptionem illuminationis: quas recipere immediate à Deo est proprium illis. Ergo pariformiter primus, qui est in Ecclesiastica hierarchiâ, quæ à Cælesti est exemplata, cuiusmodi est summus Pontifex: dicendus est, capere immediate à Christo potestatem: secundum quam vertex est, & caput Ecclesiasticæ hierarchiæ, consequentia patet. Et hoc est, quod dicit Leo Papa, & habetur 24. quæst. 1. cum beatissimus Petrus Apostolus à Domino accepit primum.

Quartò sic: Prima potestas in vnoquoque ordine potestatiuo, quæ necessariò præsupponitur ab alijs potestatibus inferioribus illius ordinis, necesse est dependere immediate ab auctoritate illius ordinis: pater de se. Sed potestas papalis est prima in ordine ecclesiastico inter omnes potestates illius, dicente beato Anacleto in cap. in nouo dist. 21. Petrus à Christo ligandi, & solvendi primus accepit potestatem, quæ potestas se habet ad reliquas sicut mater, radix, & origo, vt ex cap. loquitur 24. quæst. 1. habetur. Et nos infra, Deo dante, manifestum faciemus. Ergo sequitur, quod Pape potestas immediate sit à Deo, qui auctor, & fundator est ordinis ecclesiastici, consequentia patet.

Quintò, omnis illa potestas, quæ vtitur quis in regimine alicuius communicatis vt

Vicarius alterius, deriuatur immediate ab illo, cuius Vicarius dicitur: patet istud. Sed Papalis potestas dicitur illa, qua summus Pontifex vtitur in regimine communis Ecclesiæ vt Vicarius Christi. Ergo talis potestas in summo Pontifice est immediate à Christo, consequentia patet.

Sextò sic: Papalis potestas non potest conferri ab homine; ergo à solo Christo immediate conferitur, consequentia patet. Antecedens probatur sic: Quia si conferretur ab homine, vel ab ipso homine Papa, vel à tota communitate, vel à vicem eius habente. Non autem confertur primo modo, nec secundo; ergo &c. Probatio minoris, quod non à Papa patet. Quia nullus potest sibi temere conferre potestatem iurisdictionis. Quod verò nec à communitate Ecclesiæ posset conferri, probatur sic: Nulla communitas potest conferre potestatem, secundum quam regitur à superiori Domino: cuiusmodi dominium non dependeat à consensu communis. Sed potestas hæc est huiusmodi, quia potestas Papalis est potestas, secundum quam communis Christiana debet regi à Christo mediante suo Vicario, cuius dominium non pendet à consensu communis Christianæ; ergo &c. Confirmatur hæc conclusio auctoritate. Primò Nicolai Papæ, qui scribens Mediolanen. in cap. omnes 22. dist. ita dicit: Romanam ecclesiam solus ipse, scilicet Christus, fundavit, & supra petram fidei mox nascentis erexit, qui beato Petro æternæ vitæ clauigeo terreni simul, & Cælestis imperij iura commisit. Non ergo quælibet terrena substantia, sed illud verbum, quo constitutum est Cælum, & terra: per quod denique omnia condita sunt elementa, Romanam fundavit Ecclesiam. Hæc ille. Plures ad hoc sunt aliorum sanctorum Patrum auctoritates apertissimæ: sicut in cap. in nouo, & in cap. quamuis, dist. 21. & in cap. sacrosancta dist. 22. habetur. Ex quibus manifestè confutatur error dicentium Petrum principatum super alios Apostolos habuisse non à Christo immediate, sed humana institutione.

C A P. XXXIX.

In quo ponuntur obiectionis contra prædicta.

Aduersarij veritatis multa, & varia obijciunt contra conclusionem iam dictam, & reperiuntur in quadruplici differentia. Quidam enim nituntur probare, quod Pontificatus Papalis dependeat ab Apostolis. Quidam quod à Concilijs. Quidam, quod ab Imperatore Constantino. Quidam autem quod à Cardinalibus. Quidam alij dicunt: quod licet potestas Papalis absolute considerata originaliter, & immediate sit à Deo: nihilominus, quod Papa exercitium, & vsum talis potestatis suscepit ab Ecclesia.

Primi arguunt sic: Nihil, quod pendet ex pura electione, & voluntate, ac ordinatione Apostolorum, videtur à Christo immediate emanare, patet hoc. Sed quod beatus Petrus habuerit primum super Apostolos alios, & per consequens super omnes fideles fuit ex voluntate.

voluntate, & ordinatione Apostolorum. Ergo videtur, quod Papalis principatus non sit immediatè à Christo derivatus, consequentia est bona, minor probatur per illud beati Anacleti Papæ in cap. in nouo distr. 21. vbi de beato Petro loquens ita ait: Ceteri verò Apostoli cum eo pari consortio honorem, & potestatem acceperunt, ipsumque principem esse voluerunt. Item idem colligitur ex cap. dudum 3. quæst. 6. Ergo videtur, quod voluntate, & ordinatione Apostolorum beatus Petrus habuerit principatum. Secundò sic ad idem: Romanus Pontifex dicitur vicarius beati Petri, vt in cap. ego Ludouicus distr. 43. ergo videtur, quod non à Christo immediatè sed à beato Petro potestatem acceperit. Tertiò ad idem, quod Ecclesia Romana non habuerit à Christo immediatè primatum. Quia si sic, sequeretur, quod Papa non posset se, dem suam transferre de Roma, & alibi constituit: quia seruus non potest tollere legem, aut dispositionem Domini sui, & tamen consequens videtur falsum; quoniam in his, quæ sunt iurisdictionis, non minùs potest nunc Papa, quàm beatus Petrus in quantum Papa. Sed ille potuit de Antiochia transferre Romanam. Ergo etiam nunc Papa posset transferre in alium locum.

Secundò argunt sic: Nihil, quod ex ordinatione Sacerdotum Ecclesiæ institutum est in Ecclesia, dicendum est à Christo immediatè institutum, patet ex terminis, quia idem secundum idem non potest habere duas immediatas causas. Sed distinctio superioritatis, & inferioritatis inter Sacerdotes Ecclesiæ, videtur ex ordinatione ipsorummet Sacerdotum ortum habuisse. Ergo superioritas Pontificalis dignitatis super omnes alios Ecclesiæ Prelatos, non videtur esse à Christo immediatè. Consequentia est bona. Minor probatur auctoritate beati Hieronymi, qui super epistolam ad Titum, vt habetur in cap. olim distr. 95. dicit sic: (Olim idem Presbyter, qui & Episcopus, & antequam diaboli instinctu studia in religione fierent, id est, dissensiones, & diceretur in populis, ego sum Pauli, ego sum Apollo, ego autem Cephe, communi Presbyterorum Concilio Ecclesiæ gubernabantur. Postquam autem vnusquisque eorum, quos baptizauerat, suos esse putabat, non Christi, in toto terrarum Orbe decretum est, vt vnus de Presbyteris supponeretur, & schismatum semina tollerentur. Et paulò post. Sicut ergo Presbyteri sciunt se ex Ecclesiæ consuetudine ei, qui sibi præpositus fuerit, esse subiectos, ita Episcopi nouerint se magis consuetudine, quàm dispensationis Domine veritate Presbyteris esse maiores, & in communi debere regere Ecclesiam. Ex quibus verbis manifestè videtur haberi, quod ex institutione Domini inter Episcopos, & Presbyteros nulla est distinctio. Vnde olim quilibet Episcopus erat Presbyter, & quilibet Presbyter Episcopus, & ita vt videtur, tota distinctio inter Papam, & Patriarchas, Archiepiscopos, & Episcopos, & inter Episcopos, & Presbyteros solummodò est ex ordinatione humana, & nõ ex ordinatione Christi. Superioritas ergo Pontificatus Papalis non à Christo videtur esse immediatè, sed à Concilijs vniuersalibus in, quibus Sacerdotes conueniunt.

Cæterum secundò pro hac parte videtur facere cap. Concilia distr. 17. vbi ita dicitur. Sciens quia eius, scilicet Simachi, Sedi primùm Petri Apostoli meritum, deinde secuta iussione Domini, Conciliorum venerandorum auctoritas singularem in Ecclesijs tradidit potestatem.

Tertij argunt sic: Papa, quod sit caput omnium Ecclesiarum, habeatque Primatum in spiritualibus in vniuerso Orbe terrarum, habet ex dono, & institutione Constantini Imperatoris, ergo videtur, quod Papa Principatum suum non habeat immediatè à Christo, consequentia est bona, antecedens probatur ex illo, quod habetur in cap. Constantinus distr. 96. & accipitur ex gestis beati Siluestri, [vbi sic dicitur:] Constantinus Imperator quarta die sui baptismatis, priuilegium Romanæ Ecclesiæ Pontifici contulit, vt in toto Orbe Romanum Pontifices, vel Sacerdotes, ita habeant caput, sicut iudices Regem. Et infra: Itaque decernentes sancimus, vt Principatum teneat tam super quatuor Sedes Alexandrinam, Antiochenam, Hierosolymitanam, & Constantinopolitanam, quàm etiam super omnes in vniuerso Orbe terrarum Dei Ecclesias, & Pontifices, qui pro tempore ipsius sacrosanctæ Romanæ Ecclesiæ steterit, excelsior, & Princeps cunctis Sacerdotibus, & roribus Mundi existat. Hæc ibi. Ex quibus verbis manifestè datur intelligi, quod tam Romanus Pontifex, quàm Romana Ecclesia immediatè à Constantino super alias Ecclesias Primatum habuerit, & non à Christo.

Quarti argunt sic: Collegium Dominorum Cardinalium videtur dare electo Papam, eligendo ipsum ad talem statum. Ergo, & auctoritatem Papalem, & per consequens non habet immediatè à Deo. Consequentia videtur nota, quia quicquid est causa causæ, est causa causati. Sed Domini Cardinales eligentes talem, vel talem sunt causa quod sit Papa. Ergo, & causa potestatis, & dignitatis illius. Secundò sic: Non solum Ecclesia, sed etiam Cardinales ante electionem in multis restringunt futuri Pontificis exercitium. Ergo videtur, quod Papalis auctoritas, quo ad exercitium non dependeat immediatè à Christo. Tertiò sic: Canonica electio non tribuit immediatè Papæ omne potestatis exercitium, nisi cõcomitetur vñctio, & coronatio, vt patet ex practica Ecclesiæ. Ergo, &c. Quartò, si sic esset, quod Papas immediatè esset à Deo, non posset Ecclesia dare ordinem suæ electionis: mandando, quod quicumque se pro Summo Pontifice gereret, nisi à duobus patribus electus, esset excommunicatus: vt extr. de elect. cap. licet. Sed Ecclesia dedit ordinem. Ergo, &c. Quintò, si sic esset, tunc Ecclesia non posset restringere potestatem Papæ, sicut in collatione beneficiorum, & huiusmodi. Sed hoc videtur falsum. Ergo, &c. Sextò, si sic esset, sicut dictum est sequeretur, quod Papa non posset renunciare Papatui, quod est contra determinationem Ecclesiæ, extra de renuntiati. cap. 1. lib. 6. nec deponi, quod est contra cap. si Papa distinct. 40. ergo videtur, quod Papalis auctoritas non dependeat immediatè à Christo.

C A P. XL.

*In quo respondetur ad rationes superius
factas, quod Romanus Pontifex
ex ordinatione Apostolorum
Primitatem habuerit.*

PRæfatis aduersariorum obiectionibus non obstantibus, incunctanter tenendum est: quod Primatus Romani Pontificis, & Ecclesiæ Romanæ à solo Christo immediatè processerit. Vnde non est dicendum, quod ab Apostolis, aut à Concilijs generalibus, siue ab Ecclesiâ vniuersali, aut à Constantino, siue etiam à Collegio Cardinalium dependeat. Respondendum est ergo ad rationes in oppositum.

Ad primam rationem, quæ est dicentium, quod ab Apostolis Primatus Petri ortum habuerit: Respondetur negando minorem. Falsum est enim, quod beatus Petrus voluntate disponente, aut ordinatione Apostolorum Primatum habuerit: sed habuit ab ipso Christo immediatè, à quo vertex, & caput Collegij Apostolici constitutus est. Dicit enim Chrys. super illud Ioann. vltim. [Pasce oues meas:] Præteriens autem Dominus alios, Petro loquitur: eximius enim Apostolorum erat Petrus, & os Discipulorum, & vertex Collegij. Vnde & negatione deleta, committit ei prælationem fratrum. Hæc ille. Caput autem non habet à membris, quibus præfedit, quod sit eorum caput: sed ab eo, qui format totum corpus, habet auctoritatem. Hinc dicit beatus Anacletus Papa in c. omnes dist. 21. sacrosancta Romana Ecclesiâ non ab Apostolis, sed ab ipso Domino, & Salvatore nostro primatum obtinuit, sicut beato Petro dixit: [Tu es Petrus, &c.] Præterea, quod voluntate disponente ab Apostolis Petrum primatum non habuerit, ex illo manifestè colligitur Matth. 18. vbi Discipuli interrogant Dominum dicentes. [Quis putas est maior in Regno Cælorum?] Quod idè querunt, vt gloss. inquit Hieron. quia Discipuli videntes in tributi redditione, quod Petrus Domino fuerat comparatus ex æqualitate precij: arbitrati sunt omnibus Apostolis Petrum esse prælatum. Et Chrys. ad idem, vt deducit S. Thom. in gloss. continua super Matth. dicit sic: Vnde passi sunt aliquid humanum, quod Euangelista designat dicens: In illa hora accesserunt Discipuli ad Iesum, dicentes: [Quis putas maior est in Regno Cælorum: verecundati siquidem passionem, quam passi sunt, uon dicunt manifestè: cur Petrum præhonorasti nobis? sed iudeterminatè interrogant quis maior est.] Quando autem tres præhonoratos videntur: scilicet Petrum, Iacobum, & Ioannem in transfiguratione, nihil tale passi sunt, sed quando verò in vnum contulit honorem? tunc doluerunt. Hæc ille. Ex quibus manifestissime datur intelligi, quod primatus à solo Christo immediatè Petro datus sit, nulla ad hoc dispositione, aut voluntate præiua interueniente, Apostolorum. Quando ergo dicitur in capi-

Tom. XIII.

tulis inductis per aduersarios, quod Apostoli Petrum principem eorum esse vulerunt, intelligendum est de voluntate consequente, siue acceptante dispositionem Christi, non autem de voluntate antecedente, & causante. Ecce hoc est, quod dicit beatus Anacletus in cap. sacrosancta dist. 22. cum ait: Inter Apostolos quidam fuit discretio potestatis: & post: licet omnes essent Apostoli, Petro tamen concessum est à Domino, & ipsi vulerunt inter se idipsum, vt reliquis omnibus præfere Apostolis, & Caphas, idest caput, & principatum teneret Apostolatus. Hæc ille. Patet ergo, quod voluntas Apostolorum non præcessit postulando Petrum, aut eligendo, aut disponendo quoquo modo ad eius Primatum, sed tantum subsecuta est acceptando, gratam habendo dispositionem factam per Christum. Et ita percutitur error quorundam aduersariorum dicentium, Petrum ex electione Apostolorum fuisse à Christo principem constitutum, & prælatum aliorum.

Ad secundam dicendum, quod impropria locutio est cum dicitur, quod Romanus Pontifex sit Vicarius beati Petri, cum solius Dei, cuius vices gerit in terris, Vicarius sit: Petrus autem Apostolus cum Vicarius esset Christi, non poterat facere alium Vicarium, vt in cap. clericus extrâ de offic. Vicar. Exponenda est ergo illa litera sic. Vicarius, id est successor illius, vel Vicarius, idest Vicariam potestatem, quam ipse Petrus gessit tenens, siue exercens.

Ad tertiam videtur respondendum iuxta opinionem Petri de Palude, quod Dominus Papa non potest transferre Sedem suam de Roma in alium locum sine speciali reuelatione Christi: cuiusmodi speciali iussione translata est Roma. Et cum dicitur, quod hoc sit falsum, negatur, & ad probationem responderetur, quod Papa non possit mutare Sedem suam, non est, quod minoris sit auctoritatis, quam Petrus, sed quia hic interuenit specialis iussio Christi, contra quam seruius venire non potest.

C A P. XLI.

In quo respondetur ad obiecta aduersariorum, quod Romanus Pontifex ordinatione, & dispositione Sacerdotum, siue Conciliorum Primatum habuit.

IAm dicendum est ad rationes dicentium, quod ab ordinatione vniuersalis Ecclesiæ, siue sacrorum Conciliorum Sacerdotum casualiter penderet principatus Romani Pontificis. Respondetur in primis, quod hoc falsum est, quod ratione, & auctoritate probatur. Ratione sic: Impossibile est spirituale potestatem, qua quis ligatur, vel absoluitur in anima respectu cæli, dependere immediatè ab illo, vel ab illis, qui eadem potestate absoluntur, vel ligantur. Sed Papalis potestas Petro, & successoribus suis collata extendit se ad ligandum, & soluendum omnes, & singulos de Ecclesiâ militante. Ergo impossibile

T t est,

est, quod ab aliquo, vel aliquibus de Ecclesia collectiue, siue distinctim acceptis, immo nec ab ipsa tota Ecclesia potestatem clauum Ecclesie Petro collatam casualiter pendere; consequentia patet. Antecedens pro maiori parte patet etiam de spirituali potestate, de qua loquimur, intelligendo, quicquid sit de temporalibus, quæ ex consensu populi alicui subijcientis se, consurgit. Vnde licet consensus populi possit sacerdotem in temporalibus, non tamen in spiritualibus. Nullus enim populi consensus potest sibi constituere confesorem, aut Iudicem potentem excommunicare, qui ante nullius iurisdictionis potestatem habuerit. Minor patet ex sepe supra repetitis, maxime ex illo Matth. 16. [Tibi dabo claves Regni Cælorum.] Et sequitur: [Quodcumque ligaueris, &c.] Auctoritate vero idem probatur Papæ Pelagij, qui in cap. quamuis dist. 21. ita dicit: Sancta Romana Ecclesia Catholica, & Apostolica nullis Synodicis statutis, ceteris Ecclesijs prælata est: Sed Euangelica voce Domini Saluatoris nostri primatum obtinuit.

Quo habito, respondendum est ad rationem, negando minorem. Et ad probationem dicimus, quod dictum beati Hieronymi non facit contra conclusionem positam propter duo. Primo, si Hieronymus ibidem loquitur de Episcopis, & Presbyteris, quorum distinctio tam in nomine, quam in alijs quibusdam ministrantibus ministeria, siue officia eorum, non erat in principio tanta sicut postea ibidem innuit glossa, non autem loquitur de Primatu Rom. Pontif. ut stultus aduersarij interpretantur, dicendo, quod aut non fuerit à principio Ecclesie post Ascensionem Christi aut quod à Christo non fuerit institutus, cum beatus Hieronymus opposita manifeste docuerit, ait enim super illud Matth. 16. [Tu es Petrus, & super hanc, &c. dicit. Sicut Christus lumen Apostolis donauit, ut lumen mundi appellerent, & cetera, quæ ex Domino sortiti sunt vocabula, ita & Simoni, qui credebatur in petram Christum, Petri largitus est nomen, ac secundum metaphoram petre recte dicitur ei.] [Edificabo Ecclesiam meam super te.] In quo manifeste primatus Petri super totam Ecclesiam designatur, cum super eam edificata dicatur. Et in cap. quoniam verus oriens 24. quæst. 11. scribens Damasus Papæ ita dicitur: Ego nullum primum nisi Christum sequens, beatitudini tue, idest Cathedræ Petri communionem conforior, super illam fundatam Ecclesiam scio. Item in libro de ortu, siue obitu sanctorum de nouo Testamento, ita de Petro loquitur, Petrus in Christi Ecclesie firmamentum, est Cæphas corporis Christi, principatus, & caput est. Patet ergo, quod beatus Hieronymus apertissime credidit beatum Petrum primatum habuisse in Ecclesia à Christo, & ita per consequens successorem eius. Secundo inducta auctoritas Hieronymi, per aduersarium non militat contra propositum, quia sicut superius lib. 1. cap. 79. plenissime explicauimus: Hieronymus non vult, quod realis non fuerit distinctio inter Episcopum, & Presbyterum, cum oppositum dicat beatus Dionysius, qui fuit discipulus Pauli 5. Ecclesiasticæ hierarchiæ, & beatus Augusti-

nus dicat, quod hæc fuerit vna de hæresibus Arii, sed vult dicere, quod differentia nominis semper non fuerit, quia qui dicebatur Episcopus, dicebatur Presbyter, & e converso, quæ differentia nominum ad vitandum schismaticum scandalum, Consilio Sacerdotum, idest Patrum, ablata est, & constitutum, ut quemadmodum differabant re, ita, & vocabulis differerent. Et ista est responsio beati Thom. Ista etiam sententia Archidiaconi super cap. legimus, dist. 93. qui ita dicit: [Ego credo, quod ab initio differentia fuit inter Episcopos, & Presbyteros simplices Sacerdotes, sicut modo est, in administratione, & Prælatione, & officijs, & in Sacramentis, sed quo ad appellationem non erat differentia, quia indifferenter, & communiter hi, & illi dicebantur Episcopi, & Presbyteri. Sed quia schismata ceperunt esse in Ecclesia ex ipsa paritate appellationis, est facta differentia in appellatione, ut simplices Sacerdotes non dicerentur Episcopi 80. dist. in illis, secundum Hugonem.] Hæc Archidiaconus.

Ad rationem secundam fundatam in cap. Concilia dist. 17. respondet glossa, quod Romana Ecclesia principaliter primatum habuit à Christo, secundario à Concilijs. Sed ne hoc male intelligatur, quoniam male intelligeretur, si Concilia vniuersalia, quæ quomodo robur, vigor, ac firmitas pendet ab Apostolica Sede, ut dist. 17. per totum. Extra de electis in cap. significasti; intelligerentur effectiue, siue casualiter dare aliquam auctoritatem Sedi Apostolicæ, cum vt probatum est, nec ipsa vniuersalis Ecclesia aliquid auctoritatis illi conferat. Quod manifeste attestatur Papa Nicolaus, scribens Imperatori Michaeli, & loquens de priuilegijs Apostolicæ Sedis ita subiungit: [Illa ergo priuilegia huic Sanctæ Ecclesie à Christo sunt donata, à Synodis non sunt donata, sed solummodo celebrata, & venerata, per quæ non tam honor, quam onus nobis incumbit.] Item in eadem epistola. Proinde animaduertendum est, quod non Nicæna, non denique vlla Synodus, quodquam Romanæ Ecclesie contulit priuilegium, quæ in Petro nouerat eam totius iura potestatis plenius meruisse, & cunctarum Christi omnium regimen accepisse, sicut beatus præsul Bonifacius, attestatur vniuersis Episcopis per Thessaliam constitutis, scribens, Hæc ille. Dicimus ergo, quod hoc, quod dicitur: Concilia tradiderunt potestatem secundario Apostolicæ Sedi, est intelligendum executiue, & declaratiue. Executiue quidem obediendo diuine ordinationi, sedem illam honorando vt caput, & matrem omnium aliarum Ecclesiarum, adimplentes illud, quod ex persona Christi beatus Crysolostom. dicit super illud Ioann. vi. [Pascite oues meas:] Idem loco mei Præpositus, & caput esto fratrum, ut ipse in loco meo affluentes, te in throno tuo sedentem prædicent, & confirmant. Mane hoc obseruauerunt semper sacra Concilia vniuersalia. Vnde Agatho Papa in suggestionem, quam sextæ Synodo misit, ita scribit: A postolicæ sedis auctoritatem, vt potest Apostolorum omnium Principis, semper omnis Catholica Christi Ecclesia, & vniuersales Synodi fideliter amplectentes, in cunctis secutæ sunt. Ecce quomodo executiue dicuntur tradidisse potestatem.

Itatem Apostolicæ Sedi: Declaratiuè etiam vniuersalia Concilia dicuntur tradidisse potestatem Apostolicæ Sedi, quoniam maximè per vniuersalia Concilia declarata est Christiano populo, quanta sit eminentia Apostolicæ Sedis. Vnde in Concilio Constantinopolitano ita scribitur, vt deducit sanctus Thomas in 4. dist. 24. Veneramus secundùm scripturas, & canonum diffinitiones sanctissimum, antiquæ Romæ Episcopum primum esse, & maximum Episcoporum. Hæc ibi. Et ad hunc intellectum Dominus Archidiaconus in præfato cap. Concilia. Exponit verbum illud, tradidit. Idest traditum esse ostendit.

CAP. XLII.

In quo dantur responsa, ad obiecta aduersariorum dicentium, quod dispositione, & dono Constantini Romanus Pontifex habeat primatum super alios.

Consequenter est respondendum ad rationes dicentium, quod eminentia Papalis auctoritatis super alios venit ex constitutione, & dono Constantini. Dicimus enim, quod in hoc grauiter errant aduersarij, quoniam sicut non est possibile, vt spiritus quo ad eius essentiam, & dignitatem dependeat à corpore, aut Sol à Luna, ita nec est possibile, quod potestas spiritualis, aut primatus Papalis dignitatis pendeat dependentia causalitatis ab imperio, aut à Constantino. Quotò enim, vt inquit Hugo de sancto Victor. lib. de Sacramentis parte 2. lib. 2. cap. 4. vita spiritualis dignior est, quàm terrena, & spiritus, quàm corpus, tantò spiritualis potestas terranam potestatem, siue secularem honorem, & dignitatem præcedit. Nam spiritualis potestas terranam, & instituitur habet vt sit, & indicare si bona non fuerit. Ipsa vero primò instituta est, & cum deuiat à solo Deo, iudicari potest.

Ad rationem ergo in se, respondetur negando minorem. Et ad probationem dicimus, quod Constantinus non instituit legem illam de præminetia Apostolicæ Sedis, & obedientia ei ab omnibus danda, quasi ius ex auctoritate de nouo condendo, quoniam antequam Constantinus esset Rom. Pontifex primatum habuit in Ecclesia Dei ex collatione Christi facta beato Petro; sicut superius est ostensum. Sed bene Constantinus fidei seruire, & Ecclesiæ Romanæ amore reuerentiali incensus, diuinam ordinationem de primatu Romani Pontif. & de obedientia ab omnibus fidelibus illi præstanda, executus est promulgando illam, vt nullus per ignorantiam se excusaret, & præcipiendo illam obseruari, vt nullus malitia se Romani Pontif. obedientie subijcere recusaret; ita quod magis fuit promulgator, siue executor diuinæ ordinationis, quàm conditor nouæ legis. Hinc rationabiliter condemnatus est error dicentium, quod Papalis dignitas à Cæsare inoleuit, & Papæ præfectio, & institutio à

Tom. XIII.

Cæsare emanauit. Qui error primò fuit Marci filij de Padua, & fuit condemnatus in extrauaganti Ioan. 22. & post renouatus per Ioan. Hus, & condemnatus in Concilio Constantiensis.

CAP. XLIII.

In quo respondetur rationibus aduersariorum dicentium, quod à Cardinalibus pendeat primatus Romani Pontificis.

Consequenter respondendum ad rationes dicentium, quod Papalis dignitas, siue Pontificatus Apostolicus à Collegio Dominorum Cardinalium pendeat, dicimus enim in primis, quod hoc sit falsum. Pro solutione tamen argumentorum est notandum, quod in Papatu duo est considerare, scilicet formale, & hoc est officium ipsum, siue auctoritas Pontificatus Papalis. Et est considerare materiale, quod est determinatio personæ talis vel talis, videlicet Petri, vel Nicolai. Qua distinctione habita, respondetur ad rationes.

Ad primam cum dicunt, quod Cardinales dant electio Papatum, dicimus quod loquendo de Papatu, quo ad id, quod est formale, in eo antecedens est falsum. Quoniam Papatus à solo Deo est, sicut probatum est; ita negandum est antecedens. Si verò loquimur de materiali Papatu, quod est determinatio personæ, respondetur, quod antecedens potest concedi, & negatur tunc consequentia: Domini enim Cardinales eligendo, bene determinant personam, non tamen dant ipsi dignitatem, siue potestatem Papalem. Aliud enim est conferre potestatem determinatæ personæ, & aliud est determinare personam, quæ ex collatione iam facta assequatur talem potestatem.

Ad secundam respondetur negando antecedens. Cardinales enim, nec tota Ecclesia possent restringere, nec ampliare, quæ à Deo immediatè sunt instituta.

Ad tertiam respondetur negando antecedens. Dicimus enim, quod cum aliquis est electus in Papam, immediatè habet omnem plenitudinem potestatis iurisdictionis, vt patet ex cap. in nomine Domini, dist. 23. licet non ordinis quousque consecratur.

Ad quartam respondetur negando consequentiam, quoniam sicut diximus parum supra, in Papatu est duo considerare, scilicet principatum ipsum, & determinationem personæ. Quamquàm autem Ecclesia nihil posset facere circa ipsam potestatem augendo, vel diminuendo, potest tamen circa determinationem personæ aliquid facere ordinando de modo electionis, sicut factum est per Nicolaum Papam, in cap. in nomine Domini 23. dist. & per eundem; si quis Apostolici Sedis dist. 79. & extra de elect. vb. periculum lib. 6. & in Clem. ne Romani.

Ad quintam dicitur, sicut iam dictum est, quod Ecclesia non potest restringere potestatem.

Tt 2

testa-

testatem Papæ, sicut nec ampliare, aut instituire illam potest.

Ad sextam respondetur negando consequentiam, multa enim à Deo infunduntur, sicut anima rationalis, quæ opere humano tolli possunt. De istis autem inferiùs erit plenior tractatus.

C A P. XLIV.

*Quòd potestas Papalis à nullo alio,
quam à Deo restringi possit,
nec ampliari.*

Demonstrato, quòd potestas, siue Pontificatus Papalis à solo Deo sit institutus, facile est intelligere, quod à nullo puro homine, nec à toto Mundo possit restringi, aut ampliari, sed à solo Deo.

Primo: Ad illum enim pertinet potestatem aliquam restringere, aut ampliari, ad quem pertinet eam instituire; cum ad instituentes potestatem aliquam pertineat determinare potestatem, quanta, & qualis sit. Sed potestas Papalis, vt superius pleuè ostendimus, à solo Deo est instituta, & habetur in cap. quamuis dist. 21. Ergo per nullam aliam potestatem à Diuina, potest restringi, aut ampliari.

Secundo: Potestas Papalis est superior omni alia potestate Ecclesiastica. Ergo à nulla alia potestate Ecclesiastica potest restringi, aut ampliari. Consequentia est bona, vt enim habetur in cap. inferior, dist. 21. Inferior sedes potiorum absolueret, aut ligare non potest. Antecedens est notum ex superioribus: Immo est articulus iam fidei dissinitus in Concilio Constantiensi, quòd potestas Papæ, sit suprema potestas in Ecclesia,

Tertio sic: Nullus potest mutationem, facere restringendo, siue diminuendo, siue destruendo in potestate, super quam fundata est vniuersalis Ecclesia, nisi solus Christus, qui eam fundauit: aliàs non esset vera illa Christi promissio, quòd aduersus eam portæ inferi non prævalerent. Sed potestas Papalis est huiusmodi. Ergo nullus hominum potest, nec etiam totus Mundus potestatem Papalem, tollere, restringere, aut diminuere. Consequentia est bona. Maior, ater. Minor probatur per illud Matth. 16. [Super hanc petram ædificabo Ecclesiam.] Quod, vt in c. 17. superius ostendimus, non solum per sanctos Patres refertur dictum esse ratione confessionis fidei Petri, sed ratione potestatis sibi datæ. Vnde sanctus Thom. in fine 2. sententiarum dicit, quòd potestas Papæ fundamentum quoddam est Ecclesiæ. Vnde etiam Origenes, dicit super illud Matth. 16. [Quodcumque, &c.] Vide quantum potestatem habet Petra, super quam fundatur Ecclesia, vt etiam eius iudicia maneant firma, quasi Deo iudicæ per ipsam. Item B. Anaclet. in quodam decreto suo ait: Apostoli statuerunt iussione Saluatoris, vt maiores, & difficiliores quæstiones semper ad sedem referantur Apostolicam, super quam Christus vniuersam construxit Ecclesiam, dicente Domino ad Principem

Apostolorum: [Tu es Petrus, &c.] Et Vigilus Papa scribens dilectissimo fratri Eleutherio dicit: Nulli, vel tenuiter scienti, vel pleniter sapienti dubium est, quòd Ecclesia Romana fundamentum sit, & forma Ecclesiarum, à qua omnis Ecclesia principium sumpsit, nemo rectè credentium ignorat.

Quarto sic: Non licet sine periculo hæresis detrahare priuilegio Apostolicæ Sedis dato sibi à Christo. Sed diminuere, aut restringere potestatem Apostolicæ Sedis, est detrahare priuilegijs, iuri, honori, & dignitati datis Apostolicæ Sedi à Christo. Ergo hoc nulli licet. Consequentia est bona. Maior patet ex cap. omnes, dist. 22. vbi dicitur sic: Qui autem Romanæ Ecclesiæ priuilegium ab ipso summo omnium Ecclesiarum capite conatur auferre, hic proculdubio in hæresim labitur. Minor verò patet, quoniam præcipuum priuilegium à Christo Apostolicæ Sedi datum, est ipsa plenitudo potestatis, & eius potissimè dignitas. Dicit enim Leo Papa in epist. ad Marcionem Imperatorem: Magnus honor est vnicuiquam dignitas sua. Quocirca Nicolaus Papa in epistola quadam ad Michaelen Imperatorem ita ait: Priuilegia Apostolicæ Sedis nullatenus possunt minui, nullatenus infringi, nullatenus commutari, quoniam fundamentum, quod Deus posuit, humanus non valet amouere conatus, & quod Dominus statuit, firmum, validumque consistit, illeque potissimum peccat, qui Dei ordinationi resistere tentat. Priuilegia inquam huius sedis perpetua sunt, diuinitus radicata, atque plantata, impingi possunt, trasferri non possunt, trahi possunt, euelli non possunt. Hæc ille. Non potest autem dici, quòd hæc Apostolicæ Sedis priuilegia, aliqua præsumptum indignitas minuire possent, attestante eodem beatissimo Leone, qui ait: Non nunquam diuersa sunt merita præsulû, iura tamen permanent sedium, quibus possunt & multi perturbationem aliquam inferre, non tamen possunt minuire dignitatem. Non est autem hic prætereundum, quod ait Greg. IX. contra presumptionem Michaelis Constantinopolitani: Quisquis Romanæ Ecclesiæ auctoritatem, vel priuilegia euacuare, vel diminuere nititur, non hic vnus Ecclesiæ, sed totius Christianitatis subuersionem, & interitum machinatur, cuius compassione, vel sustentatione vltèriùs respirabunt filij à quouis oppressi, vnica illa suffocata matre, ad cuius refugium appellabunt, ad quam refugium habebunt? ipsa enim Athanasium, ipsa omnes Catholicos suscipit, fauet, defendit, & proprijs sedibus pullos restituit. Hæc ille.

Quinto, potestatem cuiuscumque Vicarij nouo potest restringere, aut ampliari, nisi principalis, cuius est Vicarius. Sed Papa est Vicarius Iesu Christi, eius vices gerens in terris. Ergo huiusmodi Vicarij potestatem, nemo, nisi Christus, cuius Vicarius est, potest restringere, diminuere, mutare, aut etiam ampliari, consequentia est bona, & præmissæ patent. Sed si quis aduersariorum vellet dicere ad ista, sicut multos sequentes doctrinam cuiusdam Iarlon audiuimus dicere, cum Basilæ essemus, quòd etsi potestas Papæ per nullos homines tolli possit, aut dimini, possent tamen Patres in concilio congregati executione-

eutionem potestatis illius impedire; aut restringere, aut sic regulare, ut non valeat exire in actum, nisi ut ei per Concilium generale fuerit dictatum. Taliter respondens, iudicio nostro male respondet, immò videtur insipienter loqui, cum videatur, aut opinionem in obiecto, aut vocis ignorantiam implicare. Quod sic patet: Est enim iurisdicção, ut aliàs in lib. diximus, potestas ius dicendi, siue iudicandi, & exequendi, similiter plena, & totalis iurisdicção est tota plena, & perfecta potestas iudicandi, & iudicatum exequendi, aliàs non est plena, & perfecta. Vnde dicere, quod aliquis habeat iurisdiccionem: ita tamen, quod non possit iudicare, & exequi, etiam si vellet, est dicere, quòd habeat potestatem iudicandi, & non possit iudicare, quod est habere potestatem, & non habere. Similiter habere totam, plenam, & perfectam potestatem iurisdiccionis, & non habere totum, plenum, & perfectum exercitium, ita quod non esset validum omne, quod iuxta potestatem sibi datam facere vellet, est dicere habere plenam potestatem, & perfectam iudicandi, vel alia faciendi, & tamen non posse illa facere, nec perfectè, nec totaliter, quod est habere plenam, & non plenam, quod est manifestè contradiçio. Præterea quod præfata responsio nullius sit roboris, & valoris, patet, quia sicut tollere potestatem aliquam non potest nisi potestas superior, ita nec restringere, aut impedire de iure exercitium illius potest, nisi superior potestas. Cum ergo fide tenendum sit, ut diximus, quòd potestas Papæ sit suprema in Ecclesia, nulli dubium, quòd sicut nulla quorumcumque potestas Ecclesiastica potest tollere potestatem Papæ: ita non possit impedire, aut restringere exercitium eius. Sed de his in 3. lib. vbi de Concilijs vniuersalibus, & eorum auctoritate agendum est plenius, Domino adiuuante dicemus.

CAP. XLV.

De errore quorundam aduersariorum dicentium Papam non habere iurisdictionem coactiuam super fideles, & rationibus eorum.

FVerunt quidam Hæretici homines perditissimi, qui in tantum veritati Apostolici Principatus, & Ecclesiæ sanctæ honori detrachere præsumperunt, vt affirmare non vererentur Romanum Pontificem, aliosque Ecclesiæ Prælatos, nullam coactiuam iurisdictionem super alios habere fideles, nisi Imperator concederet, dicentes Prælatorum Ecclesiæ principatum ex institutione Christi in administratione, & seruitio consistere aliorum, & non in coactiuâ iurisdictione. Quem errorem damnatissimum multipliciter confirmare nituntur, quorum motiua, vt deducit Ockan in dialogo suo, sunt, quæ sequuntur.

Primò sic, dicitur Matth. 20. [Scitis, quia Principes gentium dominantur eorum, & qui maiores sunt potestatem exercent in eos, non ita erit inter vos, sed quicumque

voluerit inter vos esse maior, erit vester seruus.] Ex quibus verbis dicunt dari intelligi, quod maioritas, & primas illius, qui est maior, & primas inter omnes fideles, in ministrando, & seruando consistit. Cum ergo Papa sit maior, & primus inter omnes Christianos, sua maioritas in ministrando, & seruando tantum consistit, & per consequens nullam iurisdictionem coactiuam super alios habet, cum illa omnibus Ecclesiæ Prælatiis videatur interdicta.

Secundò sic, Papa non habet maiorem iurisdictionem coactiuam, quam habuit Christus, cuius est Vicarius. Sed Christus in quantum homo mortalis non habuit iurisdictionem coactiuam. Tum quia, iurisdicção coactiuâ sine diuitijs, aut sine adiutorio diuitias habentium exerceri non potest, quas Christus non habuit. Tum quia, ipso teste, ministrare venit, non ministrari, ergo non venit coactiuam iurisdictionem exercere, ergo eam non habuit, ergo nec per consequens eius Vicarius habet.

Tertiò sic, auctoritate Origen. qui super illud Matth. 20. [Reges gentium, &c.] sic ait: [Scitis, quia Principes gentium dominantur eorū, idest uoluerunt tantum regere suos subditos, violenter eis dominare nituntur, inter vos autem, qui estis mei, non erunt hæc, quoniam omnia carnalia in necessitate sunt posita: spiritualia autem in voluntate. Sic & qui Principes sunt spirituales, idest Prælati: principatus eorum in dilectione penitus debet esse, non in timore.] Ex quibus verbis datur intelli inquit, quod totus principatus Prælatorum Ecclesiæ, & per consequens Summi Pontificis, in voluntate, & dilectione, & non in timore debet consistere, ergo diligi debent, non timeri. Qui autem iurisdictione coactiuâ vtuntur, à malis timentur, teste Apostolo ad Rom. 13. qui ait: [Si autem malè feceritis, timete, scilicet potestatem Prælati; ergo Prælati Ecclesiæ iurisdictione coactiuâ uti non debent.]

Quartò, ad idem inducunt Chrysostomum, qui ita super eundem locum ait: [Principes mundi, idest sunt, vt dominantur minoribus suis, & eos seruituti subijciant, & expolient, & vsque ad mortem eis vtantur ad suam vtilitatem, & gloriam. Principes autem Ecclesiæ sunt vt seruiant minoribus, & ministrent eis quæcumque acceperint à Christo, vt suas vtilitates negligant, & illorum procurent.] Ex quibus verbis inquit: patet distinctio inter Principes seculares, & Ecclesiæ, quia Principes seculares suis subditis dominantur: Principes autem Ecclesiæ minoribus suis seruiunt, & ministrant; ergo in eis iurisdictionem coactiuam exercere non valent.

Quintò, inducunt ad idem beatum Ambrosiū, qui vt recitatur, 23. qu. 8. cap. conuenit, ait sic: [Dolere potero, genere potero, aduersus arma, militesque, cohortesque, lachrymæ meæ sunt mea arma, talia enim sunt instrumenta Sacerdotis, aliter nec deo, nec possum resistere.] Ex quibus verbis inquit, habetur, quòd Sacerdos orationibus, & lachrymis debet malis resistere, & non per potentiam temporalem, & per consequens non habet iurisdictionem coactiuam.

Sexto, inducunt beatum Chrysostomum, qui in lib. suo dialogorum, § qui de dignitate Sacerdotali intitulatur lib. 2. cap. 3. super id Apostoli 2. Corinth. 1. [Non dominantur fidei vestre,] ita dicit : [Hi, qui foris sunt, iudices malignos cum subdidicint, ostendunt in eis plurimam potestatem, & inuitos eos à priorum prauitate morum, compescunt; in Ecclesia verò non coactum, sed acquiescentem, oportet ad meliora conuerti, quia nec nobis à legibus data est talis potestas, quòd auctoritate sententiæ homines cohibeamus à delictis.] Clarius inquit dici non posset, quòd Ecclesia non habeat iurisdictionem coactiuam, cum in Ecclesia nullus ad meliora debeat cogi, nec aliquis debeat cohiberi per iudicalem sententiam à delictis.

Septimo sic, ad habentem iurisdictionem coactiuam spectat negotijs secularibus implicari, quia ad ipsum pertinet contentiones, & lites dirimere. Contentiones autem, & lites, & rixæ inter negotia secularia computantur, extrà ne cleric. vel monac. secul. negot. se immis. cap. 1. Sed ad Summum Pontificem non pertinet secularibus negotijs implicari, teste Apost. 2. ad Thim. 2. qui ait : [Nemo militans Deo implicat se negotijs secularibus.] Ergo ad Summum Pontificem non pertinet iurisdictionis coactiuæ.

Octauo sic, Papa non habet iurisdictionem maiorem, quam beatus Petrus, sed beatus Petrus, & alij Apostoli iurisdictionem coactiuam à Christo minime receperunt; ergo nec Papa habet iurisdictionem coactiuam ex ordinatione Christi; maior est manifesta, minor probatur auctoritate beati Bernardi, qui in lib. ad Eugenium Papam, inquit : [Non monstrabunt puto, qui hoc dicent: vbi nam quispiam Apostolorum iudex fedit hominum?] Et parum post : [Stetisse namque lego Apostolos iudicandos, fuisse iudicantes non lego, etiam illud non fuit.] Ex quibus verbis datur intelligi, quòd Apostoli iudices hominum non fuerunt. Ergo beatus Petrus iurisdictionem coactiuam non habuit.

Nonò, hoc quòd Apostoli hominum iudices non fuerunt, beatus Gregorius sentire videtur, qui tractans illa verba : [Secularia iudicia si habueritis;] in moralibus ita dicit : [Hi terrenas causas examinent, qui exteriorum rerum sapientiam perceperunt. Qui autem spiritualibus dotati sunt, terrenis non debent negotijs implicari, ut dum non coguntur inferiora bona disponere, valeant bonis superioribus deferuire. Cum ergo Apostoli maximis bonis spiritualibus fuerunt dotati: ipsi non fuerunt circa causas hominum, & lites aliquid occupati.]

Decimo, hoc etiam gloss. super illud ad Corinth. [Secularia igitur iudicia, aperte sentire videtur: ait enim, contemptibiles enim, idest aliquos sapientes, qui tamen sunt minoris meriti, constituunt ad iudicandum, Apostoli enim circumuehentes talibus non vacabant. Sapientes ergo, qui in locis consistebant fideles, & sancti; non qui hac atque illac propter Euangelium discurrebant, negotiorum examinatores esse voluit.] Quibus verbis, inquit, ostenditur, quòd Apostoli causas hominum terminandis minime insistebant. Ex quo inferitur, quòd non acceperant

iurisdictionem à Christo coactiuam, quia, omne officium iniunctum eis à Christo diligentissime perfecerunt.

CAP. XLVI.

In quo improbat error prefatus.

Quàm damnatissime errent prefati auctuarij dicentes, tam Romanum Pontificem, quàm alios Ecclesiæ Prælatos nullam ex Christi ordinatione habere iurisdictionem coactiuam, sed ex concessione Imperatoris, facile ostendemus. Ostendemus autem in primis falsitatem, & errorem primæ partis, in qua dicunt, Prælatos ex Christi ordinatione non habere super fideles iurisdictionem coactiuam, sed ex concessione Imperatoris, in qua dicunt, quòd huiusmodi iurisdictionem coactiuam Prælati habuerunt ab Imperatore, siue à seculari potestate. Prima autem pars ostenditur erronea multipliciter. Primò, auctoritate sacræ Scripturæ. Secundò, auctoritate sacrorum Conciliorum. Tertiò, diffinitione Apostolicæ Sedis. Quarto, sanctorum Doctorum testimonio. Quintò, rationibus.

In primis autem, sacræ Scripturæ auctoritate erronea pars illa ostenditur. Primò ex illo, quod Christus Petro, & in Petro Successoribus suis, cunctisque Ecclesiæ Prælati, ait Matth. 16. [Tibi dabo clauis Regni Cælorum.] Clauis dicitur plurali, quia scilicet vt est doctrina communis Sanctorum, tam clauem in foro conscientie, quàm in foro exterioris iudicii. Vnde ait gloss. interlin. [Idest presentis iudicii potestatem.] Et sequitur : [Quodcumque ligaueris super terram, siue in foro conscientie, siue exterioris iudicii, ligatum erit, & in Cælis.] Cum autem non tantum voluntarij ligentur, sed etiam inuiti, manifestum est, quòd in clauibus datis Petro, & in eo suis successoribus intelligitur data iurisdictionis coactiuæ. Secundò improbat prefatus error ex illo Matth. 18. vbi habetur : [Si autem peccauerit in te frater tuus, vade, & corripe eum inter te, & ipsum :] Et infra : [Si autem te non audierit, dic Ecclesiæ : si autem Ecclesiam non audierit, sit tibi sicut ethnicus, & publicanus : Amen dico vobis, quæcumque alligaueritis;] gloss. vinculo Anathematis : [Super terram, erunt ligata, & in Cælo, &c.] Vbi Hieronymus in gloss. ait : Potestatem tribuit Apostolis, vt sciant, qui à talibus damnantur, humanæ sententiam diuinæ sententiæ roborari. Cæterum Apostolus, primo Corinth. 6. repræhens Corinthios, quòd contemptis fidelibus, coram infidelibus iudicibus litigassent, ad probandum, quòd de rebus secularibus, & terrenis, indicandi potestas esset apud Ecclesiam, inquit : [Nescitis quoniam Angelos iudicabimus, quantò magis secularia :] gloss. idest, de rebus seculi. Non est autem dubium; quin talis damnatio pertineat ad iurisdictionem coactiuam. Ergo Apostoli, & eorum successores ex Christi ordinatione, coactiuam iurisdictionem habuerunt. Tertiò idem ostendi potest ex illo Matth. 26. vbi de Petro dicitur, exemit gladium suum, & percutiens ferum Prin-

Principis Sacerdotum, amputauit auriculam eius: Per quod designatur apud Petrum futuram esse potestatem coactiuam ad correctionem. Vnde beatus Gregorius, vt habetur in cap. si Petrus 24. quæst. 1. inquit. Tollit ergo Petrus aurem: quare Petrus? quia ipse est, qui accepit clauis Regni Cælorum, ille enim condemnat, qui, & absoluit, quoniam ligandi, & soluendi, idem adeptus est potestatem, tollit autem aurem malè audientis, tollit autem gladio spirituali aurem interiori malè intelligentis. Quarto idem colligitur ex illo Luc. 22. vbi Apostolis dicens. [Ecce duo gladij hic:] respondit Dominus [satis est.] Vbi cum per gladios duos mystice intelligantur duæ potestates: spiritualis scilicet, & temporalis: vt beatus Bernardus lib. de consideratione ad Eugenium Papam exponit: quas apud Romanum Pontificem aliquo modo residere dicit, manifestè datur intelligi Romanum Pontificem ex Christi ordinatione iurisdictionem coactiuam, quæ per gladios designatur habere. Quinto erroris præfati ostenditur stultitia ex illo, quod Dominus ait Petro: Ioann. vlt. [Pasc oves meas,] vbi officium pastoris committit beato Petro, quod officium planissimum est non posse benè agi sine iurisdictione coactiuâ, cum Glossa in eo loco dicat: [Pascere oves, est credentes ne deficiant confortare, terrena subsidia, si necesse est, subditis prouidere: exempla virtutum perhibere, aduersarijs obliuiscere, peccantes corrigere.] Sexto idem ostenditur ex Apostolica doctrina, vnde 1. ad Corinth. 4. Paulus inquit. [In virginiam ad vos in charitate, & spiritu mansuetudinis, vbi aptissime se demonstrat habere iurisdictionem coactiuam,] vnde in sequenti cap. habetur, quod Paulus fornicatorem quemdam tradidit Sathanæ in interitum carnis, vt spiritus eius saluus fiat. Ex quo manifestè apparet, quod Apostolus iurisdictionem coactiuam haberet, & patet, quod non ab Imperatore, qui infidelis erat, ergo à Deo.

Consequentèr secundò confutatur error præfatus ex gestis, quasi omnium Conciliorum vniuersalium, & maxime illorum quatuor principalium, in quibus damnati, excommunicati, & à suis dignitatibus depositi leguntur plures hæretici, sicut in Nicæno Arrius, in Constantinopolitano Macedonius, in tertio, scilicet Calcedonen. Euthic. vt in cap. canones dist. 15. Et simili modo in alijs Concilijs. Hoc autem Sancti Patres minime facere potuissent, nisi habuissent ex Christi ordinatione iurisdictionem coactiuam. Præterea totus quintus liber decretalium; qui de pœnis intulatur, manifestè ostendit stultitiam erroris præfati.

Tertio erroris præfati temeritas ostenditur ex Apostolicæ Sedis, quam fidei magistra est, determinatione, quæ in extrauaganti Ioan. 22. quæ incipit. Licet secundum doctrinam Apostoli, vbi Marfilum de Padua, & Ioann. de Landino præfati erroris, & aliorum quorundam auctores, reprobat, & condemnat.

Quarto præfatus error damniabilis ostenditur etiam ratione. Potestas spiritualis est maior, & Deo coniunctior, quam secularis, vt superius circa finem primi libri multiplici-

tèr ostendimus. Sed secularis potestas ad exercitium officij sui habet iurisdictionem annexam coactiuam, est enim Dei minister ad Rom. 13. Ergo etiam potestas spiritualis, cum eius minister sit etiam vices eius gerens, paritèr ad exercitium eorum, quæ ad officium ei iniunctum pertinent, necessariò habet modo sibi conuenienti annexam iurisdictionem coactiuam. Vnde Ecclesiast. 10. dicitur: Iudex sapiens iudicabit populum suum. Ergo etiam potestas spiritualis, consequentia est manifesta. Secundò sic: De ratione cuiuscumque perfecti principatus est habere iurisdictionem coactiuam. Sed principatus Ecclesiasticus est maxime perfectus: vnde comparatur Soli iuxta cap. solit. extr. de maior. & obed. Ergo principatus ecclesiasticus habet iurisdictionem coactiuam, consequentia est bona, maior est Aristot. 4. ethic. Cum enim sermones persuasui qualicumque ratione fulciti, non sint semper potentes mouere subditos ad bonum, quod est principalis intentio boni Principis, necessario est, vt apud principem sit iurisdicção coactiuâ, quæ per pœnas faciat quod persuasionibus non potuit. Hinc est quod legis, vt dicit Isidor. lib. ethic. & habetur in decreto dist. 3. omnis autem lex, non solum est imperare, vetare, permittere, sed etiam punire. Et hoc sufficit de improbatione primæ partis præfati erroris.

Secunda verò pars, in qua præfati pestiferi, aut damnatissimi aduersarij dicunt, quod iurisdicção coactiuâ, quæ apud Ecclesiam est, ex concessione Imperatoris sit: patet luce clarius erroneum esse: Primò ex dictis iam supra in reprobatione primæ partis erroris præfati. Constat enim beatum Petrum pro se, & suis successoribus à Christo principatum suscepisse, ergo ab eo, scilicet Christo iurisdictionem habuit, & habent eius successores, & non ab aliquo alio, consequentia est manifesta, antecedens non modo ex dictis patet, sed etiam supra ex cap. 21. Secundò idem ostenditur ex antiquitate ecclesiasticij principatus, sic arguendo: Principatus ecclesiasticus etiam cum iurisdictione coactiuâ præcessit multo tempore Imperatores Catholicos, ergo sequitur quod ipse in iurisdictione coactiuâ, quam habet, non dependet ab Imperatoribus, consequentia est manifesta, cum prius non dependeat à posteriori, nisi aduersarius tanta caligaret cæcitate, vt ab imperatoribus etiam infidelibus, quales omnes fuerunt, fuerint enim duo Philippi Pater, & Filius, sed non apertè Christiani, vt dicit Eutropius, vsque ad Constantinum magnum diceret Romanum Pontificem suscepisse Principatum. Tertio ostenditur sic: Nobilior, & perfectior non recipit à minùs nobili, & minùs perfectio, perfectionem potestatis, & virtutis suæ, vt enim ait Aristot. 2. de Anima, & Augustinus super Genes. agens nobilior est, & præstantius passio. Sed Principatus Ecclesiasticus est multò nobilior, ac perfectior, quam secularis, quantò scilicet anima corpore, vt dicit Hugo de sancto Victore, quantò Sol Luna, vt dicit Innocentius in proximè allegato cap. solitæ, quantò aurum plumbo, vt ait Ambrosius in cap. duo quippè dist. 96. Ergo nullo modo est dicendum, sed tamquam falsum, & c.

& erroneum abiiciendum est, quod iurisdictione coactiua papæ, & prælatorum Ecclesiæ dependeat ab Imperatore. Quartò sic: Ab illo, à quo alicui committitur aliquod officium committuntur ea, sine quibus officium, agi non potest. Sed à Christo, & non ab Imperatore commissum est Petro, & eius successoribus pastorale officium, & cura totius populi Christiani, ac regimen, ut supra ostensum est. Ergo necesse est dicere, quod à Christo, & non ad Imperatorem terreno, aut ab aliqua terrena potestate; habet iurisdictionem Romanus Pontifex coactiuam. Quintò sic: Imperatores leguntur puniti; utpote excommunicati, & priuati dignitate à Romanis Pontificibus, imò etiam ab alijs minoribus Ecclesiæ prælatis. Ergo iurisdictione coactiua Romani Pontificis, & aliorum prælatorum Ecclesiæ non dependet ab Imperatoribus, siue ab aliqua alia terrena potestate, consequentia est clarissima, antecedens licet pateat ex multis historijs, quæ notæ sunt, nihilominus probatur per illud, quod Gelafius Papa in cap. duo quippè distin. 96. dicit, 'ubi ad Imperatorem Auastasium scribens, ita inquit. Duo quippè sunt Imperator auguste, quibus principalitèr hic mundus regitur, auctoritas sacra Pontificum, & regalis potestas; in quibus tantò grauius est pondus sacerdotum, quantò pro ipsis regibus in vitio reddituri sunt examine rationem. Et post pauca, Nolui itaque inter hæc, & illorum te pendere iudicio, non illos ad tuam redigi voluntatem, talibus igitur institutis, talibusque soliti auctoritatibus pluresque Pontificum, alij Reges, alij Imperatores excommunicauerunt. Nam si speciale aliquod de personis principum requiratur exemplum, beatus Innocentius Papa Archadium Imperatorem, quia consensit, ut sanctus Chrysostomus à sua Sede pelleretur, excommunicauit, beatus Ambrosius, licet sanctus, non tamen vniuersalis Ecclesiæ episcopus, pro culpa, quæ alijs Sacerdotibus non adeo grauis videbatur, Theodosium, magni Imperatorem excommunicans ab Ecclesia excludit. Manifestè ergo patet stultitia præfati erroris in vtraque sui parte,

C A P. XLVII.

In quo respondetur ad obiectiones aduersariorum supra positis.

Improbato errore præfatorum hominum, perditorum, iam respondendum restat coram obiectionibus.

Ad primam, quæ sumitur ex illo Matt. 20 Scitis quia principes &c. respondetur, quod auctoritas illa nihil facit pro aduersarijs. Non enim bene: ac rectè intelligunt illam, sed deficiunt in duobus. Primò quidem in hoc, quia non est verum: ut prætendunt, quod in verbis præfatis Dominus omnem dominatum, siue principatum interdixerit Apostolis, nec per consequens simpliciter omnem iurisdictionem coactiuam, cum Christus legat dixisse Petro, Super plebem meā principem te constitui, & de Apostolis dicatur

psal. 44. Constitues eos principes super omnem terrarum, sed tantum dominatum: & iurisdictionem, quæ gentiles, & homines mandantur in subditos suos in feruitutem eos redigendo, & eorum vita abutendo ad suas utilitates. & gloriam, sicut plenius explanauimus in superioribus cap. 12. respondendo ad hanc obiectionem. Secundò deficiunt aduersarij in hoc, quia administratio illa, ad quam Ecclesiæ maiores deputantur, non est, ut ipsi pretendunt administratio, qua seruus administrat Domino suo, aut frater: fratris suo, sed qua Dominus, & præsidens intendit commoditatibus subditorum, qua medicus intendit saluti infirmantium, pater correctioni filiorum, pastor curæ gregis, rector regimini populi, & gubernator nauis directioni. Huiusmodi autem administratio non excludit iurisdictionem coactiuam in ministris præter eos, quibus administratur, ut præfati hæretici facit imaginantur, sed potius includit. Undè patet: quod auctoritas illa Catholicè intellecta non facit pro aduersarijs.

Ad secundam respondetur, negando minorem tanquam falsam, immò hæreticam, cum de Christo dicatur Isai. 33. Ipse Dominus noster Iudex nollet, Legisfer nollet, & Rex nollet, quæ absque iurisdictione coactiua non videntur posse prædicari de Christo. Cæterum ipse Christus ait Matt. vlt. Data est mihi omnis potestas in calo; & in terra. Præterea quomodo iurisdictionem coactiuam, dedisset Apostolis Matt. 18. di. Quæcumque alligaueritis &c. nisi ipse habuisset. Et ad probationem: cum primò dicitur, quod iurisdictione coactiua sine diuitijs exerceri non potest; respondetur, quod hoc sit falsum, & stultè dictum: sicut manifestum est de iurisdictione coactiua spiritualiquez exercetur convenientissimè à quolibet prælato, quantumque diuitijs caret, quicquid sit de iurisdictione seculari coactiua, quæ armorum potentia quandoque executioni mandatur. Ad id autem, quod secundò dicitur, quod Christus venit, ministrare non ministrari, iam in prima responsione respondimus hoc insipienter esse dictum, quoniam huiusmodi ministratio Christi, non euacuabat iurisdictionem coactiuam in Christo, sicut nec, ut dictum est, in Apostolis; quoniam huiusmodi administratio erat sicut maioris, & Domini, & magistris erga discipulos; & seruus eius, secundum illud Ioan. 13. Vos vocatis, me magister, & Domine, & bene dicitis, sum eternum. Et iterum, Quemadmodum ego feci, & vos faciatis, non est seruus maior domino suo; nec Apostolus maior est eo, qui misit eum. Quod vobis tertio inducitur, quod Christus iurisdictionem coactiuam nequaquam exercuit, falsum est. Quod patet ex multis. Primò in eo, quod Christus non modo consilia, sed præcepta dedit, tam circa sacramenta, quam circa conuersationem vite. Circa sacramenta inquit Ioan. 3. Nisi quis renatus fuerit ex aqua, & spiritu sancto, non potest introire in Regnum Dei. De sacramento Eucharistiæ. Nisi manducaueritis carnem filij hominis, & biberitis eius sanguinem non habebitis vitam in vobis. De sacramento penitentiae, ait. Matt. 4. Penitentiam agite

appropinquabit Regnum Cælorum. Circa conuerſationem vitæ, ait. Ioan. 15. Hoc eſt præceptum meum, vt diligatis inuicem ſicut dilexi vos, & ſimilia. Præcipere autem non eſt niſi habentis iuriſdictionem coactiuam, quoniam vt inquit Græg. & habetur in cap. quod præcipitur 14. qu. 2. Quod præcipitur, imperatur, quod imperatur neceſſe eſt fieri, ſi verò non fiat, pœnam habet, vbi conſilium datur, offerentis arbitrium eſt; vbi præceptum, neceſſitas ſeruientis. Et Auguſtinus in ſermone Domini in monte, Quiſquis præceptis non obtemperat, reus eſt, & debitor pœnæ. Tum ſecundò iuriſdictionem coactiuam exercuit, cum adiecit pœnas æternæ damnationis non obedientibus præceptis; & inſtitutis ſuis, ſicut patet ſuperius, quòd maxime ſpectat ad iuriſdictionem coactiuam. Tum tertio, etiam iuriſdictionem coactiuam exercuit, cum Chriſtus vendentes de templo, & euentes violenter eiecit, vt legitur Matt. 21 & Ioan. 2. Super quo verbo beatus Grægorius XXV. moralis ita loquitur, quod plurimum percutit ſtultum intellectum aduerſariorum; Nec fruſtrà per ſemetipſum Deus æs nummulariorum fudit, & Cathedras vendentium columbas euerſit: quia uimirum ſignans per magiſtros quidem iudicat vitam, plebium; ſed per ſeipſum examinat magiſtrum.

Ad tertiam obiectionem, quæ ſumitur ex auctoritate Origenis, reſpondetur, quòd Origen. non vult ſecludere iuriſdictionem coactiuam à prælatis Eccleſiæ; ſed per hoc tantum vult, quòd etiam alij dicunt Doctores ſancti, vt Auguſtinus, Iſidorus, & Bernardus, quòd prælati ſpirituales debent, velle plus diligi, quàm timeri. Hoc autem patet, quoniam per ſolam manuſuetudinem, & beniuolentiam ſine correptione diſciplinæ nulla reſpublica in hac mortali vita perfectè gubernari poſſit. Nam vt inquit Græg. in moralibus, & habetur in cap. diſciplina diſt. 45. diſciplina, vel miſericordia multum deſtituitur, ſi vna ſine altera teneatur. Sed circa ſubditos inſeſſe debet rectoribus, & iuſte conſulens miſericordia, & piè ſeuſiens diſciplina, & multa ibi ad propoſitum.

Ad quartam obiectionem patet reſponſio ex prima reſponſione. Dicimus enim, quòd non ſit verum; quòd beatus Chryſoſt. ſecludat omnem iuriſdictionem coactiuam à prælatis Eccleſiæ, cum ipſe dicat ſuper Matt. Ità ſe debet exhibere prælarus, vt poſſit ridens timeri; & iratus amari, ſed excludit, quemadmodum Chriſtus, iuriſdictionem illam coactiuam tyrannicam, quo principes gentium vtuntur in ſubditos, quia vt ſuperius diximus, talis non decet prælatos Eccleſiæ. Vnde differentia inter principes Eccleſiaſticos, & ſeculares non eſt pœnes habere, & non habere iuriſdictionem coactiuam, vt falſe aduerſarij ſomniant, ſed pœnes habere, & non habere iuriſdictionem coactiuam tyrannicam, ſicut ſuprà explanauimus.

Ad quintam, quæ eſt beati Ambroſij in cap. conuenior. 23. qu. 8. reſpondetur, quòd bene intellecta conformiter ad alia dicta cuiusdem doctoris parum facit ad propoſitum aduerſariorum, quoniam licet potentia armorum, & in propria perſona non con-

gruat ſacerdotibus reſiſtere inuadentibus bona Eccleſiaſtica; cum Eccleſia corporalia neſciat arma, vt in cap. porro 16. qu. 2. dicit Ioan. Papa: non tamen propter hoc excluditur à ſacerdotibus potentia, ſive iuriſdictio coactiua ſpiritualis, cum ipſe beatus Ambroſius legatur, vt ſuprà induximus excommunicari Theodoſium magnum Imperatorem, vt in cap. duo quippè diſt. 96. quod facere non potuiſſet, ſi iuriſdictionem coactiuam nullam habuiſſet.

Ad ſextam, quæ ſumitur ex auctoritate beati Chryſoſtomi in lib. Dialogorum ſuorum: reſpondetur, quòd non facit ad propoſitum aduerſariorum; quoniam Chryſoſtomus loquitur de his, qui foris ſunt, ideſt qui numquam fidem Chriſti perceperunt, talibus enim non eſt viſ inferenda, ſed ſunt cum charitate inuitandi ad fidem, & morum correptionem; non autem loquitur de his, qui iam fidem perceperunt; quoniam tales cogendi ſunt retinere fidem, & religionem, quam ſemel receperunt, votisque firmauerunt. Vnde in Concilio Quarto Toletano de Iudæis ità definitum legitur: vt habetur in cap. de Iudæis diſt. 45. De Iudæis autem præcepit ſancta Synodus nemini deinceps ad credendum vim inferre; cui enim vult Deus miſereri, & quem vult indurare, non enim tales inuiti ſaluandi ſunt, ſed volentes: vt integra ſit forma iuſtititiæ; ſicut enim homo propria arbitrij voluntate ſerpenti obediens periit; ſic vocante ſe gratia Dei propria mentis conuerſione quiſque credendo ſaluatur: ergo non vi, ſed libera arbitrij voluntate, & facultate, vt conuertantur ſuadendi ſunt, non potius impellendi; qui autem iam pridem fide ſemel imbuti ſunt; quia iam conſtat eos Sacramentis diuiniſſis aſſociatos: oportet vt fidem, quam ſuſceperunt, tenere cogantur. Hæc ibi. Iſta eſt ſententia Apoſtoli, 1. Corinth. 5. cum ait: Quid enim mihi eſt de his, qui foris ſunt, ideſt extrà Eccleſiam, iudicare. His enim, vt dicit gloſ. potius blandiendum eſt. Nonne de his, qui intus ſunt, vos iudicatis, vbi gloſ. ſic habet: Intus, ideſt in Eccleſia, profeſſione, & nomine; in his enim putredo ſecanda eſt. Hæc gloſ. Maniſteſtum eſt autem, quòd hoc ſine iuriſdictione fieri non poteſt: ergo Apoſtoli ſupponit in Eccleſia eſſe iuriſdictionem coactiuam.

Ad ſeptimam, quæ aſſumitur ex illo. 2. Thimoth. 2. [Nemo militans, &c.] reſpondetur negando maiorem, in qua dicitur, quòd ad habentem iuriſdictionem coactiuam ſpectet implicari negotijs ſecularibus. Et ad probationem cum dicitur quia ad ipſum pertinet contentiones, & lites dirimere: reſpondetur, quòd probatio iſta nihil valet; quoniam dirimere contentiones, & lites inter aliquos, maxime eccleſiaſticos, & de eccleſiaſticis rebus, non eſt implicari negotijs ſecularibus. Et cum dicitur, quòd contentiones, & lites, & rixæ inter negocia ſecularia computantur, extrà ne cler. vel mon. ſecul. ſe immiſ. cap. 1. reſpondetur, quòd in præfato cap. bene computantur inter negocia ſecularia amare contentiones, vel lites: non autem lites dirimere, magna certe eſt differentia inter amare lites, & contentiones, quod viſ carnalitatiſ eſt, & dirimere lites, quod cha-

charitatis est; vt de se pater.

Ad octauam, quæ accipitur de Bernardo, respondetur; quod nihil facit ad propositum; quoniam beatus Bernardus loquitur de terrenis, & secularibus causis, atque tumultuosis litibus; istis enim Apostoli non intendebant, non quia omni potestate iurisdictionis carerent, sed quia maioribus, scilicet prædicationi, & orationi essent intenti. Præterea si huiusmodi secularibus iudicijs Apostoli non intenderent; sed relinquerent huiusmodi curam hominibus inferioribus, iuxta consilium Apostoli 1. ad Corinth. 6. [Secularia iudicia si habueritis, contemptibiles, idest sapientes minoris meriti, qui sunt in Ecclesia, constituite ad iudicandum, non propter hoc sequitur, quod non fuerint in alijs causis spiritualibus hominum iudices.]

Ad nonam obiectionem, quæ sumitur ex dicto beati Gregorij, respondetur, quod in nullo fauet proposito aduersariorum; quoniam licet Gregorius dicat, quod qui spiritualibus donis dotati sunt, non debeant negotijs secularibus implicari, sed maxime superioribus intendere; non tamen propter hoc negat tales habere iurisdictionem coactiuam simpliciter. Quod clarissime apparet, si auctoritas beati Gregorij ex integro ponatur, ait enim sic: vt habetur in glossa. 1. ad Cor. 6. Hi terrenas causas examinent, qui exteriorum rerum sapientiam perceperunt; qui autem spiritualibus bonis ditati sunt, terrenis non debent negotijs implicari; vt dum non coguntur inferiora, bona dispositione valeant bonis superioribus deferuire, sed tamen magnopere cauendum est, vt hi, qui bonis spiritualibus emicant, nequaquam proximorum infirmantium negotia funditis deserant; sed hæc alijs, quibus dignum est, tractanda committant, vel per se gerant. Hæc ille. Ex quibus manifeste patet, quod aduersarij contra se habent Gregorium, & non pro se.

Ad vltimam obiectionem, quæ sumitur ex glossa. 1. Cor. 6. respondetur, quod illa glossa, in nullo fauet aduersarijs, sicut supra diximus de dicto beati Gregorij, licet enim dicat glossa illa iuxta Apostolum: quod ad iudicium causarum secularium, & negotiorum temporum non maiores, qui maioribus, & spiritualibus intendere debebant; sed alij inferioris meriti instituendi sunt; non tamen excludit Prælatos Ecclesiæ iurisdictionem coactiuam, quod est propositum aduersariorum, vt patet manifeste. Ex quibus clarissime confutatur error Martij de Padua damnatissimus dicentis, quod nec Papa, nec etiam tota Ecclesia simul iuncta potest aliquem hominem punire punitione coactiuâ, nisi concedat Imperator.

CAP. XLVIII.

*Quod Romano Pontifici ab omnibus
Christifidelibus parendum sit,
& obediendum.*

EX his, quæ de superioritate auctoritatis, & vniuersalitate Apostolici Principatus super vniuersam Christi Ecclesiam exposui-

mus: manifestum habemus, quod Romanus Pontifex cunctis de Orbe terrarum fidelibus, siue magnis, siue paruis cuiuscumque gradus, aut conditionis existant: iure diuino præcipere possit, ac quod vniuersitas fidelium eodem iure illi in omnibus licitis, & honestis, ac iustis parendi habeat necessitatem. Sicut enim actiones rerum naturalium procedunt ex potentijs naturalibus; ita etiam operationes humane procedunt ex humana voluntate. Oportuit autem in rebus naturalibus, vt superiora mouerent inferiora ad suas actiones per excellentiam naturalis virtutis collata diuinitus; vnde etiam oportet in rebus humanis, quod superiores moueant inferiores per suam voluntatem ex vi auctoritatis diuinitus ordinata. Mouere autem per rationem, & voluntatem, est præcipere; & ideo sicut ex ipso ordine naturali diuinitus instituto inferiora in rebus naturalibus necesse habent subditi motioni superiorum: ita etiam in rebus humanis ex ordine iuris naturalis, & diuini teneantur inferiores suis superioribus obedire. Vnde Apostolus ad Hebr. vi. inquit [Obedite Præpositis vestris, & subiaceite illis.] Cum autem Romanus Pontifex sit Pater Patrum, & Præpositus, & Caput omnium fidelium; sequitur, quod ab omnibus, qui Christiano nomine gloriantur, cuiuscumque conditionis, aut status existant; diuino iure obedientia ei debetur. Sicut enim in maioribus est regendi; & iubendi potestas; ita in minoribus obsequendi necessitas, vt in cap. cum inferius dist. 21. Debetur autem hæc obedientia Summo Pontifici maxime in tribus, in quibus constitit obedientia iuxta notata in cap. 1. dist. 93. videlicet in exhibitione reuerentia, in mandatorum susceptione, & subiectione iudicij. Vnde beatus Cyrillus lib. Thefaurorum dicit; quod Romano Pontifici omnes iure diuino Caput inclinant, & Primates Mundi, tamquam ipsi Domino Iesu Christo obediunt. Quocirca beatus Thomas in Tractatu, quem contra errores Græcorum edidit, dicit, subesse Romano Pontifici esse de necessitate salutis. Quod sequentibus auctoritatibus probat. Dicit enim Cyrillus lib. Thefaurorum; Itaque fratres mei, si Christum imitamur, vt ipsius oues vocem audiamus, manentes in Ecclesia Petri, non insuemur vento superbiæ, ne forte tortuosus iterps propter nostram contentionem nos deiciat, vt Euam olim de Paradiso. Et Maximus in epistola Orientalibus directâ dicit: Coadunatam, & fundatam supra petram confessionis Petri dicimus vniuersalem Ecclesiam secundum definitionem Saluatoris, in qua necessario salutis animarum nostrarum est manere, & ei est obedire suam seruantes fidem, & confessionem. Hanc sententiam secutus Papa Bonifacius in Decretali sua: vnam sanctam in fine dicit. Porro subesse Romano Pontifici, omni humane creaturæ declaramus, definimus esse de necessitate salutis. Definitio planè Catholica, vt potest de diuina auctoritate veniens, tantus, nempe honor, legitur de diuina dignatione Summo Pontifici esse concessus, vt quisquis ei non obtemperaret, statim necaretur. Vnde Deuteronom. 17. ita loquitur Dominus: [Qui autem superbiert nolens obedire Sacerdotis imperio, qui eo

tempore ministrat Domino Deo tuo, & decerere Iudicis, morietur homo ille, & auferetur malum de Israel, cunctusque populus audiens timebit, vt nullus deinceps intumescat superbia.] Vbi gloss. ordinaria ita dicit: [Christus, qui est Sacerdos, secundum ordinem Melchisedech, Vicarios sibi instituit,] quibus ait: [Qui vos audit, me audit; & qui vos spernit, me spernit.] Iure ergo damnationis sustinet sententiam, qui contemnit diuinitatis potentiam. Hæc gloss. Quantum autem detestandum sit, ac damnandum non obedire Romano Pontifici, ex illo colligitur 1. Reg. 15. vbi dicitur: [Quoniam quasi peccatum ariolandi est repugnare, & quasi scelus idololatriæ nolle acquiescere.] Vbi gloss. inquit: [Sola obedientia est, quæ fidei meritum possidet, sine qua quisque infidelis esse conuincitur.] Et beatus Gregorius in cap. si qui. dist. 81. ad idem sci ait: [Peccatum paganitatis incurrit quisquis, dum Christianum esse se asserit, Sedi Apostolicæ obedire contemnit.] Quocirca dicitur in cap. obedientiam, dist. 93. Obedientiam inferiores ex ordine superioribus debent; Summo enim Pontifici ea debetur ab omnibus obedientia, vt nulli liceat ei communicare, cui pro actibus suis ipse inimicus exiterit; nec in Ecclesia esse potest, qui eius Cathedram deserit. Hæc ibi. Ex quibus excluditur, vt inquit sanctus Thomas in 4. lib. contra Gentiles: error quorundam, scilicet Græcorum, presumptuosus, qui se subducere nituntur ab obedientia, & sublectione Petri; Successorem eius Romanum Pontificem vniuersalis Ecclesiæ Pastorem non recognoscentes. Ex quibus etiam confunditur stulticia quorundam aduersariorum Basilienium, qui verbo, opere, & factis prædicare non sunt veriti; quod Prælati, & Clerici in Synodo congregati non tenerent Romano Pontifici parere, aut obedire. Mira certe iudicio nostro, & à seculis inaudita phantasia, quod oves eo quod in vnum locum conuenerint, desinant subiectæ esse Pastori; & Pastor ipse, & nomen pascendi, & regendi perdidit auctoritatem; & quod Romanus Pontifex, congregatis in Synodo Prælati subditis suis, ipse minus habeat in eo auctoritatis. Quis audiuit vnquam tale; quod dum filij, siue subditi, aut discipuli simul conueniunt; Pater, Prælati, atque Magister omnium, paternitatis, prælationis, & magisterij, perdidit dignitatem? filius subditus, atque discipulus filiorum subditorum, aut discipulorum omnium factus. Cæterum confutatur tertio falsitas imaginationis, qui imaginantur, licitum esse suspendere, aut subtrahere obedientiam, quandoque à vero, & indubitato Romano Pontifice, qui videtur esse similes illis, de quibus Saluator inquit, Matth. 15. [Cæci sunt, & duces cæcorum.] Planè huiusmodi suspensio obedientiæ nullo modo videtur esse licita. Tum primò, quoniam apertè est contra naturalem, & diuinam legem; vt ostendimus in cap. superiori, in qua per hominem dispensatio fieri non potest. Præcipit autem legislator Christus Iesus Matth. 23. de sedentibus super Cathedram, etiam malis: [Omnia quæcumque dixerint vobis, facite.] Item ad Hebr. vlt. dicit Apostolus: [Obedite Præpositis vestris, & subia-

cete illis.] Secundò, talis obedientiæ subtrahitio est illicita; cum videatur esse sacrilegia. Est enim diuinæ Maiestatis offensiuæ, siue læsiva, cum enim Saluator Rex Regum dicat de Vicarijs suis: [Qui vos audit, me audit; & qui vos spernit, me spernit.] Luc. 10. Profectò qui obedientiam subtrahit à vero, & indubitato Vicario Christi, læsor videtur Maiestatis diuinæ. Tertio, talis suspensio, & subtrahitio est illicita, cum sit contra iustitiam; cuius est reddere vnicuique quod suum est. Debent autem inferiores obedientiam suis superioribus, vt est manifestum; & habetur in principio dist. 93. vbi dicitur: Obedientiam autem inferiores ex ordine superioribus debent. Quarto, est illicita, cum sapiat schisma, separant enim se tales ab Apostolica Sede, siue à Romano Pontifice, à quo quisque diuisus, ab Ecclesia est separatus, iuxta beatum Cyprianum in cap. scire debes 7. q. 1. & iuxta beatum Hieronymum in cap. hæc est fides, 24. quæst. 1. & iuxta Papam Pelagium in cap. schisma, 24. quæst. 1. Quintò, talis subtrahitio, vel suspensio est illicita; cum sit scandalosa, & mali exempli ceteris fidelibus. De cuius grauitate peccati, ait Dominus, Matth. 18. [Qui scandalizauerit vnum de pusillis istis minimis, qui in me credunt; expedit ei, vt suspendatur mola asinaria in collo eius, & demergatur in profundum maris.] Sextò, est illicita talis obedientiæ subtrahitio; quoniam est damnoſa, & periculosa. Incurrunt enim talis subtrahentes obedientiam penas, non solum spirituales maledictionem, quam non obedientes Patribus eorum, & subtrahentes illis honorem, & reuerentiam debiram incidunt; sed etiam penas, & censuras iuris, quæ per sacros Canones à sanctis Patribus huiusmodi obedientiam subtrahentibus, siue suspendentibus inferuntur. De quibus in cap. non vos, 23. qu. 5. & est Canon Chalcedonen. Concilij, qui à communionem seipsum suspendit, & collectam facit, & altare constituit, & noluit vocati Episcopo consentire, & noluit eidem acquiescere, atque obedire, habet omnino damnari, nec vnquam vel communionem mereri, nec recipere eum, posse honorem. Hæc ibi. Item in cap. si inimicus, in cap. miraris, in cap. qui Cathedram, dist. 93. Item in cap. nulli fas, dist. 19. vbi multa de huiusmodi. Vnde videtur, quod sicut solum propter hæresim Papa accusari posset; ita propter solam hæresim, aut fauoriam, aut participationem prohiberi possit ab eo obedientia subtrahi; vt est casus in cap. Anastasius, dist. 19. & confirmatur per cap. Sacerdotes, 2. quæst. 7. in quo Clemens ita dicit: Sacerdotes, & reliqui Ecclesiæ Ministri, omnesque plebes, Episcopos suos diligere debent, & eorum præceptis obedire, etiam si Episcopi aliter, quod absit, agant, nisi in Fide Catholica errauerint. Hæc ibi.

C A P. XLIX.

In quo ponuntur obiectiones contra prædicta de obedientia debita Romano Pontifici ; & respondetur eisdem .

ADuersarij obijciunt contra hoc ; quod dictum est, quòd ab omnibus Christianis cuiuscumque status, aut conditionis existant, obediendum sit Romano Pontifici.

Primò sic : Quilibet, qui tenetur alteri obedire, debet necessariò habere voluntatem præcipientis, tamquam regulam suæ actionis ; sed sola Dei voluntas, quæ semper est recta ; est regula humanæ actionis . Ergo nullus tenetur obedire, nisi Deo .

Secundò : Papa potest errare, & deficere ; iuxta cap. si Papa, dist. 40. Ergo non videtur, quòd ei sit ab omnibus obediendum ; sed solum ei, qui errare, & deficere non possit .

Tertiò sic : Sicut lex vetus fuit figura nouæ legis ; ita Sacerdotium vetus figura Sacerdotij euangelici . Sed Sacerdotium vetus erat subiectum Regiæ dignitati ; ita quòd Sacerdotes erant subiecti Regibus ; non autem e conuerso . In cuius signum dicitur, Exod. 19. [Sacerdotibus, quòd sunt Regnum sacerdotale, ubi datur intelligi, quòd potestas regalis erat principalior, & sacerdotalis minor.] Ergo videtur, quòd Summo Pontifici, qui Summus Sacerdos dicitur, non teneantur obedire Reges Christiani .

Quartò sic : Videtur, quòd sit magis obediendum Prælati inferioribus, quam Papæ . Probatur sic : Potestas immediata magis insuit, quam mediata . Sed potestas inferior magis est immediata, quam superior, videtur, quòd magis obediendum sit potestati inferiori, quam superiori ; & ita plus Episcopo, aut Abbati, quam Papæ .

Sed, istis non obstantibus, dicendum est, sicut dictum est in præcedenti cap. quòd omnes Christiani, cuiuscumque conditionis, aut status existant, tenentur obedire Summo Pontifici, & in his, in quibus obedire tenentur, prius, & magis, quam cuiuscumque alteri humanæ potestati, quòd ex superioribus notum est ; & ex responsionibus ad obiectiones dandis luculentius fiet . Ad rationes ergo in oppositum est respondendum .

Ad primam responderetur, negando minorem ; videlicet quòd sola diuina voluntas sit regula humanæ actionis, dicimus enim, quòd diuina voluntas est bene prima regula, quæ regulantur omnes rationales voluntates, sunt tamen alie regulæ secundariæ, secundum quod sunt causæ secundariæ, mouentes inferiores : & hoc modo voluntas vnius hominis præcipientis potest esse quasi secunda regula voluntatis alterius obediens : vnde ad Hebr. vii. dicit Apostolus : [Obedite Præpositis vestris, & subiaccete illis ;] quia Dominus dicit de illis : [Qui vos audit, me audit.] Sicut autem inter secundas causas mouentes est gradus ; ita inter istas regulas secundarias in quantum vna magis prius appropinquat,

quam alia, secundum ordinem diuinitus institutum ; cuiusmodi est voluntas Summi Pontificis, qui est Vicarius principalis, & Rector omnium fidelium : vnde ei sicut supremæ regulæ post diuinam parendum est ab omnibus .

Ad secundam responderetur, negando consequentiam ; quoniam licet ex hoc, quòd Papa possit aliquando errare, & præcipere non faciendum, bene sequatur, quòd ei in omnibus simpliciter obediendum non sit ; non tamen, ex hoc arguitur, aut sequitur, quòd cum bene præcipit, non sit ei ab omnibus obediendum . Verum ad sciendum, in quibus obediendum sit, & in quibus non ; quia vt dicit August. & habetur in cap. non semper 11. quæst. 3. non semper malum est non obedire Prælato : est notandum iuxta 5. Thom. in 2. 2. quæst. 104. artic. 5. quòd dupliciter potest contingere, quòd subditus suo Superiori obedire non teneatur . Vno modo propter præceptum maioris potestatis . Vnde August. & habetur in cap. qui resistit, 11. quæst. 3. & in gloss. ad Rom. 13. dicit sic ad propositum : [Qui resistit potestati, Dei ordinationi resistit.] Sed quid si ille iubeat, quòd non debet facere ; hic sanè cõtemnet, potestatem ipsos humanarum legum gradus aduertere, si aliquid iusserit eorum : si tamen contra, Proconsul iubeat, non vtrique contemnis potestatem, sed eligis maiorem ; seruire, nec hic debet minor irasci, si maior Prælati est . Rursus si aliquid Proconsul iubeat, & aliud Imperator, numquam dubitatur, illo contempto, ipsi esse seruendum . Ergo si aliud Imperator, aliud Deus iubeat, quid indicatis, maior potestas Deus, contempto illo, obtemperandum est Deo . Ideò habetur in cap. si Deus iubet, & in cap. Iulianus . Et hoc est, quòd habetur Act. 4. [Obedire oportet Deo magis, quam hominibus ;] ubi ergo Papa iuberet aliquid contrarium sacre Scripturæ, siue Articulis fidei, aut veritati sanctorum, aut mandatis iuris naturalis, siue diuini ; ei obediendum non esset, sed talia præcipientis, despiciendus est : vnde Isidor. & habetur in cap. si quis, 11. quæst. 3. Si quis prohibeat vobis, quòd à Domino præceptum est ; vel rursus imperari fieri, quòd Dominus fieri prohibet, execrabilis sit omnibus, qui diligunt Deum . Et iterum idem in sequenti cap. is, qui præest . Si præter voluntatem Dei, vel præter quod in sacris Scripturis euidenter præcipitur, vel dicitur, vel aliquid vobis imperat ; tamquam falsus testis, aut sacrilegus habeatur . Hæc ille . Alio modo quis non tenetur suo Superiori obedire ; si aliquid ei præcipiat, in quo ei non subdatur . Dicit enim Seneca in 3. lib. de Beneficijs : Errat si quis existimat seruicium in totum hominem descendere, pars eius melior excepta est, corpora obnoxia sunt, & ascripta sunt Dominis ; mens quidem est sui iuris, & idè quæ pertinent ad interiorem motum voluntatis, homo non tenetur homini obedire ; sed Deo solum . Tenetur autem homo homini obedire in his, quæ exterius per corpus sunt agenda ; in quibusdam tamen secundum ea, quæ ad naturam corporis pertinent, homo homini obedire non tenetur, sed solum Deo ; quia omnes homines natura sunt pares : puta in his, quæ pertinent ad corporis sustentationem,

nem, & prolis generationem; vnde non tenentur ferui Dominis, nec filij parentibus obedire de matrimonio contrahendo, vel virginitate seruanda, aut aliquo alio huiusmodi; sed in his, quæ pertinent ad dispositionem actuum, & rerum humanarum, tenentur subditis suo Superiiori obedire, secundum rationem superioritatis; sicut miles Duci exercitus in his, quæ pertinent ad bellum, seruus Domino in his, quæ pertinent ad seruilia opera exequenda, filius Patri, in his, quæ pertinent ad disciplinam vitæ, & curam domesticam; omnes verò Christiani Papæ in his, quæ ad religionem Christianam, & ad Cathedram pertinent consona iuri diuino, & naturali.

Ad tertiam rationem respondetur, quod non est simile de sacerdotio veteris legis, & nouæ. Cuius ratio est tam secundum sanctum Tho. in lib. quem fecit de rege, & regno ad Regem Cypri 15. cap. secundum Bonauenturam in 4. cap. in fine dist. 24. quæ differentia est inter nouum, & vetus testamentum, & inter comparationem sacerdotis, & regni. Quia enim vetus testamentum erat adhuc carnalium, & carnaliter viuendum; ideo potestas secularis erat principalior, & sacerdotalis potestas erat minor. Et ideo signanter dicebatur in lege, regnum sacerdotale, quia sacerdotium pendebat ex regno. Sed de contra in noua dicitur 1. Petri 2. f. Regale sacerdotium, quia principalis est nunc sacerdoti, quam regnum, & potestas spiritalis, quæ temporalis, siue carnalis:] sic enim competebar statui gratiæ.] Hæc domus Bonauentura.

Ad quartam rationem respondetur, quod sanctus Tho. & Dominus Bonauentura notant in fine secundi sententiarum, quod potestas superior, & inferior dupliciter se possunt habere.] Aut ita, quod inferior potestas ex toto oriatur à superiori, & tunc cum virtus tota inferioris fundatur in virtute superioris, simpliciter in omnibus est magis obediendum superiori, quam inferiori, sicut etiā in naturalibus, causa prima plus iussit super causam causæ secundæ, quam etiam ipsa causa secunda, vt in lib. de causis dicitur, & sic se habet potestas Dei ad omnem creatam potestatem: sic etiam se habet potestas Imperatoris ad potestatem proconsulis; sic etiam se habet potestas Papæ ad omnem spirituales potestatem in Ecclesia, quia ab ipso Papa gradus dignitatum diuersi in Ecclesia, & disponuntur, & ordinantur; vnde eius potestas est quoddam Ecclesiæ fundamentum, vt patet Matth. 16. & ideo in omnibus magis tenemur obedire Papæ, quam Episcopis, vel Archiepiscopis, vel etiam Monachis Abbati absque vlla distinctione. Potest iterum potestas superior, & inferior ita se habere, quod ambe oriuntur ex vna quadam suprema potestate, quæ vnā alteri subdit secundum quod vult, & tunc vna non est superior altera, nisi in illis in quibus vna supponitur alteri à suprema potestate; in illis est tantum magis obediendum superiori, quam inferiori. Et hoc modo se habent potestas Episcopis, & Archiepiscopis descendentes à Papæ potestate. Et ita patet responsio ad rationem, quod etiam dicebatur, quod potestas inferior esset magis immediata, falsum est; imò potestas Papæ cum sit causa potestatis inferioris, cum

ab ea emanet, & descendat, magis est immediata, quam inferior, vt patet ex dictis. Vnde vt sanctus Thomas dicit in tractatu contra impugnantes Religionem: Papa habet immediatam iurisdictionem in omnes Christianos, quia Romana Ecclesia, nullis synodicalis constitutionibus, cæteris prælatis Ecclesijs: sed Euangelica voce Domini, & Saluatoris sui primatum obtinuit: vt habetur in decretis dist. 22. quamuis colligitur etiam in cap. per principalem 9. quæst. vltima.

CAP. L.

*De errore dicentium, quod non sit
obediendum statutis
Papalibus.*

Satis facile intelligere ex iam dictis est, quam longè à veritate, & à statu salutis oberrant, qui dicunt non esse obediendum statutis Papalibus. Contra quod præterea, quæ in superioribus dicta sunt, est Leo Papa, qui ita in cap. hoc dist. 11. ait: Hoc vestræ indicimus charitati, vt ab Apostolicis institutis nullo vterius recedatis excessu, quia, inultum post, hoc esse non poterit, si quicquam Apostolicas regulas in aliquo crediderit negligendas. Item est beatus Gregorius in cap. præceptis dist. 12. ita dicens: Præceptis Apostolicis non dura superbia resistatur, sed per obedientiam, quæ à sancta Romana Ecclesia, & Apostolica auctoritate iussa sunt, salubriter impleant, si eiusdem sanctæ Dei Ecclesiæ, quæ est caput nostrum, communionem habere desideratis. Item Pius Papa omnibus Ecclesijs scribens, sic inquit: Instruimus vos Apostolica auctoritate omnes eadem seruare debere, quæ & nos seruamus, nec debetis à capite quoquo modo diffidere; Christus enim hanc Apostolicam Sedem omnium ecclesiarum caput esse præcipit, ipso dicente principi Apostolorum Petro: Tu es Petrus & super hanc petram ædificabo Ecclesiam meam &c.] Hæc ille.

Item ad idem est beatus Calixtus Papa, qui omnibus Episcopis scribens, ita ait in cap. non deest dist. 12. Non deest à capite membra diffidere, sed iuxta sacra Scripturæ testimonium, omnia membra caput sequantur. Nulli enim dubium est, quod Apostolica Ecclesia mater sit omnium ecclesiarum: à cuius regulis nullatenus conuenit deuiare. Hæc ille. Item in cap. si quis dogmata 22. quæst. 2. Nicolaus Papa vniuersali Synodo præsidens ita ait: Si quis dogmata, mandata, interdicia, sanctiones, vel decreta pro Catholica fide, & Ecclesiastica disciplina, pro correctione imminuentium, vel futurorum malorum à Sedis Apostolicæ præfule salubriter promulgata contempserit, anathema sit.

Præterea dicere, quod fideles non teneantur Apostolicæ Sedis mandatis, siue constitutis obedire, sit erroneum, siue hæreticum, patet: quia hoc ipso negant Romanum Pontificem esse caput, ac rectorem, siue pastorem Ecclesiæ: quod, vt in superioribus monstratum est, Euangelio contradicit, & per consequens hæreticum. Vnde sanctus Tho. in probatio.

batione huius in tractatu contrā impugnantes religionem ait sic: Dicitur in decretis dist. 22. in cap. omnes. Qui autem Romane Ecclesie privilegium ab ipso summo omnium Ecclesiarum capite traditum, auferre conatur: hic proculdubio in hæresim labitur. Et infra: Fidem quidem violat, qui aduersus illam agit, quæ est mater fidei. Hoc autem privilegium Christus Romanæ Ecclesiæ contulit, ut omnes illi, sicut Christo obediant. Vnde Cyrillus lib. thesaurorum: Ut membra maneamus in capite nostro Apostolico throno Romanorum Pontificum, à quo nostrum est quærere, quid credere, & quid tenere debeamus, ipsum venerantes, ipsum rogantes pro omnibus; quoniam ipse solum est reprehendere, corrigere, statuere, disponere, soluere, & loco eius ligare, qui ipsum ædificauit, & nulli alij, quod suum est plenum: sed ipsi soli dedit, cui omnes iure diuino caput inclinant, & primates mundi tamquam ipsi domino Iesu Christo obediunt. Vnde patet, quod quicumque dicit non esse obediendum in his, quæ per Papam instituantur, in hæresim labitur. Hæc sanctus Thomas. Ex his manifestè patet, quàm rationabiliter in Concilio Constantiensi damnatus fuit error ille Io. Hus dicentis, quod obedientia Ecclesiastica est obedientia secundum adinventionem sacerdotum Ecclesiæ præter expressam auctoritatem scripturæ.

C A P. LI.

*De rationibus, propter quas successoribus
Petri Romani Pontifices magis per
electionem, quam per carnis
successionem, aut institu-
tionem prædecessoris ad
Pontificatum assu-
muntur.*

Quam conuenientissimum fuerit, ut hi, qui beato Petro in Pontificatu in Ecclesia successuri erant per electionem, & non per carnis successionem, aut institutionem, prædecessoris assumerentur, ex multiplici capite colligere possumus.

Primo hoc conuenientissimum fuit, quoniam sicut ait Apostolus ad Hebr. 7. translatio sacerdotio, necesse est, ut etiam legis translatio fiat, ita necesse fuit, ut etiam forma determinationis persone in summo Sacerdotij Pontificatu transmutaretur. In sacerdotio autem legali determinatio personæ assumendæ ad Pontificatum fiebat per successionem originis sue carnis, quoniam soli de stirpe Aaron descendentes succedebant Aaron in Pontificatu, sicut habetur Exod. 28. Decuit ergo, ut huiusmodi forma, translatio sacerdotio, transferretur in aliam, ut iam non per carnis originem, sed per electionem assumptio fieret personæ ad Pontificatum. Hinc est, quod Dominus, & Saluator noster Iesus Christus Sacerdos, & Pontifex summus, non ex leui, cui debebatur sacerdotium, sed ex Iuda, cui de sacerdotio nihil pertinebat,

carnem assumpsit. Er hoc est, quod Paulus Apostolus ad Hebr. 7. designat dicens. In quo enim hæc dicuntur, scilicet, Christo Iesu de alia tribu est, de qua nullus altari præsto fuit. Manifestum est enim, quod de Iuda ortus sit Dominus noster, in qua tribu nihil de sacerdotibus Moyse locutus est.

Secundo conuenientissimè fuit, scilicet, propter spiritualitatem Euangelicæ sacerdotij, cuius sanè principatus, qui summus est, non carni, sed vitæ merito debetur. Hanc rationem videtur tangere beatus Hieronymus in cap. Moyses 8. quæst. 1. Moyses amicus Dei, cui facie ad faciem locutus est Dominus, potuit vitæ successores principatus filios suos facere, & posteris propriam relinquere dignitatem, sed extraneus ex alia tribu eligitur Iesus, scilicet, Iosue, ut sciremus principatum in populum, non deferendum, esse sanguini, sed vitæ.

Tertiò huiusmodi conuenientia colligitur ex vniuersalitate Euangelicæ Sacerdotij. In hoc enim cum nulla sit differentia tribuum, aut nationum, sed ut dicit Apostolus ad Galat. 3. Quicumque baptizati estis, Christum induistis, non est Iudæus, nec Græcus, non est seruus, nec liber. Et ad Coloss. 3. Vbi non Gentilis, & Iudæus, circumcisus, & præputium, barbarus, & scita, seruus, & liber, sed omnia. & in omnibus Christus. Si autem per successionem carnis assumeretur Põtifex, nunquam posset indifferenter assumi de omni natione aliquis ad Pontificatum sacerdotalem Euangelicum, sed de vna natione, aut tribu, quod vniuersalitati Euangelicæ sacerdotij minimè conueniret.

Quartò, conuenientia huius colligitur ex qualitate vitæ, & sanctimonie, quæ requiruntur in assumendo ad summum Pontificatum. (Oportet enim principem esse optimum, & perfectum virtute: ut dicitur 2. Ethic. & ut Hieronymus habet super Leuit. & habetur in cap. licet 8. quæst. 1. quod qui præstantior est ex omni populo, qui doctor, qui sanctior, qui in omni virtute eminentior eligendus est. Per illam ergo viam melius est assumi vniuersalis Ecclesiæ principem, per quam conuenit meliorem inueniri. Sed huiusmodi via est electio, quæ sequitur rationis maturam deliberationem, cum sit conclusio Concilij, ut dicitur 3. ethic. Ergo melius est assumi principem, & rectorem in Ecclesia per electionem, quàm per originis successionem.

Quintò sic. Quoniam periculosum valde est rem maximam fortunæ committere. Principatus autem, & potissimè Ecclesiasticus cum maximus sit, committere illum fortunæ, periculosum esse nemo ambigit. Sed hoc contingere videtur, cum princeps assumitur per successionem generis, cum non sit necessarium, quod bono bonus succedat: imò quandoque stultos sapientibus, & sceleratissimis virtuosos succedere videamus.

Sextò conuenientia ista colligitur, ex vtilitate Christiani populi, cui præficitur, cuius sanitas mukum pender ex bonitate capitis, & rectoris, iuxta cap. si Papa dist. 40. Sed certius prouideret populo de vtili pastore, & accommo, per viam electionis, quàm successionis carnis, ut manifestum est. Ergo con-

conuenienter per electionem prouidetur de Romano Pontifice.

Septimò hoc arguitur conuenientissimum: quoniam rationi naturali consonum videtur, quia nullus videtur iuste præesse alicui multitudini, nisi de eius consensu, aut superioris ordinatione, aut prouisione. De primo dicit Leo Papa: Nulla ratio finit, vt illi inter Episcopos habeantur, qui nec à Clericis sunt electi, nec à plebibus experti dist. 23. in nomine Domini. De secundò patet, quia ex quo aliquis ordinariè præfideret alicui multitudini iure suo, potest ponere super eam, quem vult in adiutorium sui, & vice, & loco sui, quamdiu præstet. Christus autem Ecclesiæ suæ immediatè non prouidit, nisi de Petro, vnde per consequens, quia non prouidit de persona nominatim successoris Petri Ecclesiæ electionem dimisit, prout videtur haberi in cap. electionem dist. 79. hanc; vbi sic Anacleus Papa inquit: Electionem verò summorum Pontificum, vel sacerdotum sibi Dominus reseruaui, licet electionem eorum bonis sacerdotibus, & spiritualibus populis concessisset. Vnde de iure naturali, & quasi diuino videtur esse, quòd Papa non faciat sibi successorem: nec post mortem, nec post resignationem, quando non præstet, licet quamdiu viuic Papa, possit loco sui ponere legatos, & Vicarios, vbi vult, & sicut vult. Sic ergo patet, quòd tam iure diuino, quam naturali consonum esse videtur, quòd ex electione vniuersalis Ecclesiæ, vel illorum, ad quorum de consensu vniuersalis Ecclesiæ translaturum est ius eligendi, sicut hodiè sunt Cardinales, vt in cap. in nomine Domini dist. 23. & 79. cap. 1. fiat Papa, siue assumatur summus Pontifex. Quia verò contingere posset discordia inter Cardinales, idè vt non omnes simul concurrerent ad aliquem vnum eligendū, ordinatum est in Concilio vniuersalis Ecclesiæ, vbi præfuit Alexander Tertius, quòd à duobus partibus concorditer electus haberetur pro Romano Pontifice, vt in cap. licet de elect.

Ex quibus manifestè apparet stulticiā erroris Ioannis Wicleff dicentis, quòd electio Papæ à Cardinalibus, per diabolum sic introducta.

Cæterum, quòd nec conueniat assumi aliquem ad Pontificatum per institutionem prædecessoris, potest colligi ex aliquibus.

Primò ex fallibilitate humani iudicii, periculum enim valde est, vt ex vnius hominis iudicio, qui errare potest, & falli, & fallere, summi Pontificis institutio penderet. Christus autem, qui Deus, & homo est, cum in suo iudicio falli non possit, nec fallere, benè congruit, vt ipse, non concurrente aliorum iudicio, Pontificem in Ecclesia per seipsum institueret, atque ordinaret: quemadmodum beatum Petrum fecit. Quia verò alij homines falli, & fallere possunt, nisi à Deo Spiritu sancto sint confirmati: vt errare non permittantur, ad omnem errorem evitandum conueniens fuit, vt post Petri mortem quicumque promouendus esset in Ecclesiæ pastorem, aut principem, plurimorum discretorum maturo iudicio concurrente, per electionem assumeretur. Nec obuiat huic, quòd beatus Petrus successorem legatur instituisse,

scilicet Clementem, vt in cap. Petrus 8. q. 1. habetur. Tum quia Petrus ita plenus erat Spiritu sancto, vt in iudicio de aptitudine, beati Clementis ad Pontificatum inter omnes alios non falleretur. Tum secundò, quia cum vt ait historia, & habeatur in cap. præfato, Petrus in auribus totius Ecclesiæ Clementem instituerit, & ita omnium consensu interueniente, videtur, quòd ipsa Clementis institutio fuerit etiam per modum electionis, nam ad consensum cleri, & populi consuevit antiquitus fieri electio, dist. 43. cap. quanto, & cap. plures. Verum quia non omnes successores Petri futuri erant tales, qualis Petrus fuit: forma ista prouidendi de successore poterat esse futuris exemplo perniciofa, sancti Patres ordinarunt, vt nulli liceret successorem sibi constituere. Hinc beatus Clemens intelligens hoc posteris futurum fore perniciosum exemplo, quòd aliquis sibi successorem eligeret, renunciasset dicitur papatu, & electus fuit Linus, vt habetur in glos. cap. si petrus 8. quas. 1. in §. his omnibus; vbi vt dicitur, illud beati Petri Apostoli ab illis valeat in argumentum sumi; qui talem sibi substituerunt, qualem sibi successorem beatus Petrus quaesivit, verum quia officium non vitæ, sed sanguini cæpit deferri ad Episcopum, tales quique successores querere cepit, qui vel odiosi populis, vel à plebe docendi inuenirentur. Idcirco in sacris Canonibus constitutum est, ne quisquā sui officij querat sibi successorem: sed populi electione queratur, qui eorum utilitati dignè deserviat, qui illorum utilitatem non sua lucra querat, qui Christo vellet semen suscitare, non sibi diuitias congregare, quod qui facere contemplerit ab Ecclesia repudiatur. Hæc ibi. Tertiò conueniens fuit, vt per electionis viam assumeretur Petri successor ad Pontificatum propter populi testimonium, quod in pastore eligendo conuenientissimè præexigitur, Apostolo Paulo dicente primò Timotheo tertio. [Oportet Pastorem testimonium bonum habere, ab his, quæ foris sunt. Super quo verbo dicit beatus Augustinus. Non solum oportet Pastorem habere testimonium à domesticis, verum etiam ab alienis Iudeis, gentibus, & hæreticis, vt qui detrahunt religioni, salutem vitæ eius detrahare non audeant. Hoc autem cum melius inquiratur, & inueniatur hominum electione, quam alia via, videlicet, aut successione carnis, aut institutione prædecessoris, consequens est, vt conuenientissimè Petri successores assumantur per viam electionis, quam aut successione carnis, aut institutionis prædecessoris.

C A P. LII.

Quòd Romanus Pontifex habeat plenitudinem potestatis in Ecclesia Dei;

¶ explicantur 15. in quibus maxime illa ostenditur.

Cæterum considerata bene Principatus amplitudine, ad quem Romanus Pontifex assumptus est, & multitudine, ac varietate rerum, in quibus per eum vniuersitati fidelium providere occurrit; necesse habemus confiteri, quòd Romanus Pontifex, cui vniuersalis Ecclesiæ cura commissa est, in plenitudinem potestatis sit à Christo euocatus. In omni enim communitate bene reâ, oportet apud supremum residere plenam potestatem, se extendentem ad omnia necessaria, & euidenter expeditio bona Reipublicæ illius communitatis. Cùm ergo Papa sit supremus in communitate totius Christianitatis, vepote caput, & rector omnium fidelium, sequitur, quòd apud illum plenitudo residere potestatis extendens se ad omnia necessaria, & expeditia saluti Reipublicæ Christianæ. Quod etiam sanctorum Patrum testimonij clarissime ostenditur. Dicit enim beatus Cyrillus Alexandrinus Patriarcha in lib. thesaurorum: Sicut Christus accepit à Patre Duxceptum Ecclesiæ gentium, ex Israël egrediens super omnem Principatum, & potestatem, & super omne quodcumque est, vt eius gunga cuncta currentur, sic & Petro, & cius successoribus plenissime commisit. Item beatus Chrysost. ad consulta vulgariorum in persona Christi loquens, ita ait: Ter interrogo an me diligis, quia ter me trepidus, & timidus negasti, nunc antem reduimus ne credant te fratres, gratiam, & clauium auctoritatem amississe, quia amas me, coram ipsis iam tibi confirmo, quod meum est plenum. Item Innocentius Tertius in Concilio generali præsidens vt in cap. cum ex extra de pœnit. & remissidicit: Cùm Romanus Pontifex, qui plenitudinem obtinet potestatis, &c. Vbi considerandum, quòd plenitudo ipsa potestatis, quam in Romano Pontifice esse dicimus, non est ita simpliciter intelligenda, sicut est illa supremæ auctoritatis, quæ Deo Omnipotenti attribuitur, apud quem non est impossibile omne verbum Luc. 1. vt patet, nec est illa plenitudo potestatis excellentiæ, quam prædicamus in Christo, vt etiam patet. Pro quo notandum, quod vt inquit sanctus Thomas in 4. sententiarum dist. 16. quæst. 3. artic. 1. quòd ministri Ecclesiæ insistantur in Ecclesia Diuinitus fundata, & ideò institutio Ecclesiæ præsupponitur ad operationem ministrorum, sicut opus creationis ad opus nature. Quæ institutio Ecclesiæ consistit in fide, & Sacramentis, & ideò ad ministros Ecclesiæ, nec novos articulos fidei edere; nec editos remouere, nec noua Sacramenta instituire, nec instituta remouere pertinet, sed hæc est potestatis excellentiæ, quæ soli debetur Christo, qui est Ecclesiæ fundamentum. Et ideò sicque Papa

non potest dispensare, ve aliquis sine baptis-
mo saluetur ita nec quod saluetur, sine
confessione, secundum quod oblat ex vi Sa-
cramenti. Hec sanctus Thomas. Sed plenu-
tudo potestatis, que ponitur in Papa est plu-
nitudo potestatis ministerialis, quanta scilicet
necessaria est ad regimen vniuersalis Ecclesie,
& salutem fidelium procurandam: sicut dici-
mus, quod plenitudo scientie, sue omnis no-
ticia veritatis est Christo Ecclesie promissa
Ioann. 16. vbi dicitur. [Cum venerit Spiritus
veritatis, docebit vos omnem veritatem,]
quod non est accipiendum ita vniuersaliter,
quod quicquid scire posset ab homine
revelandum foret Apostolis, fed omne illud,
quod nobis ad salutem erat necessarium, vnde
gloss. super verbo: Omnem veritatem, dicit,
saluti necessariam. Amplius considerandum
est, quod plenitudo potestatis in Romano
Pontifice attenditur in multis, de quibus in-
ducemus 15. tantum ad præsens.

Primo quidem offenditur plenitudo potestatis Romani Pontificis ex his, ex quibus excellentia Papalis dignitatis, sive Principatus nobis figuratiter describitur. Beatus autem Bernardus describens nobis excellentiam dignitatis Papalis lib. 2. de consideratione ad Eugenium, ita inquit. Tu quis es tu Sacerdos magnus, Pontifex Summus, Princeps Episcoporum, hæres Apostolorum, Primatu Abeli, gubernatu Noe, Patriarchatu Abraham, ordine Melchisedech, dignitate Aaron, auctoritate Moyses, iudicatu Samuel, potestate Petrus, vñctione Christus. Hæc ille. Ex qua admiranda descriptione Ince clarius, patet Romanum Pontificem in plenitudine potestatis, de qua diximus, esse vocatum.

Secundo offenditur plenitudo potestatis in Romano Pontifice in extensione Principatus sui, extenditur enim in totum Orbem terrarum, nullus enim fidelis in toto Orbe Christiano eximitur ab eius Principatu. Quod manifestè ex superioribus patet, maxime ex illo Ioann. ult. Simon Ioannis [Pascæ oues meas, inter oues, illas, & istas non distinguens, sed vnuerfas oues illi commendans,] vt exponit Chrysost. De qua Principatus vnuerfali- tate beatus Chrysostomus super Ag. Apostolorum, ita inquit: Petrus à Filio super omne, quod est filij, potestatem accepit: non vt Moyses in gente vna, sed in vnuerfo Orbe.

Tercio plenitudo potestatis in Romano Pontifice offenditur in potestate clauium in foro conscientie. Extenditur enim potestas clauium in eo ad omnia loca, ad omnes personas, ad omnes casus. Vnde glossa super illud Matth. 16. [Tibi dabo claus Regni Caelorum, & quodcumque, &c.] dicit. Quia Christus Petrus præ ceteris maiori deuotione confessus est, merito præ ceteris ipse collatis clauibus donatus est. Sequitur infra in gloss. [Quodcumque ligaueris super terram], idest, quæcumque iudicium remissionis iudicaueris, dum viuit, indignus apud Deum iudicabitur, & quodcumque solueris, idest, quæcumque soluendum iudicaueris, dum viuit, remissionem peccatorum consequetur a Deo. Hæc glossa. quæ dicitur Rabbi, sine, sine Beda.

in clauibus iudicialiæ potestatis in foro exteriori. Valer enim de omnibus personis Orbis Christiani cuiuscumque status, aut conditionis existant, iudicare, est enim index totius Ecclesiæ. Vnde in cap. Episcopo 9. quæst. 3. dicitur: Ecclesia Romana sua auctoritate, valet iudicare de omnibus. Item Pelagius in cap. cuncta, inquit, Apostolica Sedes de omni Ecclesia habet Cephas iudicandi, & per consequens mala, quibus homines à Deo auertentur, correctionis disciplina de medio tollere, & eradicare. Vnde in figuram Romanum Pontificis videtur esse dictum illud Hierem. 1. vt testatur Innocentius Tertius in cap. solit. extra de mand. & obed. qui cum fuerit de Sacerdotibus Anatoch, & interpretatur excelsus Domini, significat summum Pontificem, qui in Ecclesia Dei est celsior cæteris, vt puta Generalis Vicarius Christi. Ecce constituta te super gentes, & regna, vt euellas gloriæ idest mala: & destruas, & disperdas gloriæ interlin. ragna diaboli, ædifices gloriæ idest Ecclesiam, & plantes, idest bona. Cùm enim Romanus Pontifex caput totius Christianæ communitatis Princeps existat, eius non tantum est promouere ea, & ordinare, quæ ad bonum Reipublicæ, & confectionem supernæ beatitudinis, quæ finis vltimus Christianorum est, conferunt, sed ea tollere, & subiuere prohibendo, & corrigendo, quæ ad motionem ad talem finem fideles impediunt. Vnde Alexander Tertius in cap. cùm, & plantare, extra de priuilegiis, ita inquit: Cùm plantare sacram religionem, & plantatam fouere modis omnibus debeamus, nunquam hoc melius exequimur, quàm si nutrire ea, quæ sunt recta, & corrigere, quæ perfectam virtutis impediunt, commissa nobis auctoritate curamus. Hæc ille. Quocirca Innocentius Tertius in cap. nouit. extra de iudic. dicit: Nullus, qui sit fancti mentis, ignorat, quoniam ad officium nostrum expectet de quocumque mortali crimine corripere quemlibet Christianum, & si correctionem contempserit, per diffinitionem Ecclesiasticam coercere. Hæc ille.

Quintò, plenitudo potestatis Romani Pontificis ostenditur in depositione Episcoporum. Vnde beatus Bernardus in epistola quadam ad Eugenium Papam, pro Episcopo Eboracensi intruso dicit. Peremptoriam sententiam dare ad depositionem Episcoporum solius Romani Pontificis noscitur esse. Pro eo nimirum, quod etsi alij vocati sunt in partem sollicitudinis, solus ipse plenitudinem habet potestatis. De hoc etiam idem Bernardus in lib. de consideratione inquit, quod supra diximus in cap. 17.

Sextò, plenitudo potestatis Romani Pontificis ostenditur in hoc, quod eius potestas à nulla potestate humana excedit: vel superatur, sed ipsa omnem aliam excedit, & superat. De Ecclesiastica potestate patet, quoniam vt ait Iulius Papa in cap. nolite errare distinct. 11. In Sede Petri Dominus totius Ecclesiæ Principatum posuit. De potestate terrena, siue seculari patet etiam, & diffusè ex dictis in primo lib. cap. 92. Ait enim ad propositum Gregorius Nazianzenus scribens Imperatoribus Constantinopolitan. vt in cap. suscipitis distinct. 10. habetur. Lex Episcopi

Tom. XIII.

Sacerdotali vos subijcit potestati, atque istis tribunalibus vos subdit, dedit enim nobis potestatem, dedit Principatum multò perfectiorem Principatibus vestrarum: an numquid iustum vobis videtur, si cedat spiritus carni si à terrenis cælestia superentur, & diuinis peferantur humana? q. d. non.

Septimò, plenitudo potestatis ostenditur in hoc, quod non arctatur eius potestas ad hoc, vt semper seruetur ordine inferiorum potestatum operetur, sed potest mediatis illis, vel illis intermissis, immediatè in quemcumque Christianum operari, vt in immediatis ordinariis Pastor, & Prælati, quando videri expedit, vt ex illo vltim. cap. extra de foro compet. aperte colligitur. Vnde S. Thomas in tractatu contra impugnantes religionem inquit. Papa habet iurisdictionem immediatam in omnes Christianos: quia Romana Ecclesia nullis Synodis instituitur Prælati est, sed Evangelica voce Domini, & Saluatoris nostri Primatum obtinuit in cap. quamuis dist. 21. In hac autem parte similitudinem, quam tam habet Omnipotentis Dei, qui mediatis secundis causis operatur multa, quæ se ipsum facere potest, & aliquando prætermisso regularum causarum ordine, operatur. Propter quod Innocentius Tertius in cap. antiqua extra de priuilegiis, dicit. Romana Ecclesia, disponente Domino, super omnes alias Ecclesias ordinariæ potestatis obtinet Principatum, vt potè n. ater vniuersorum fidelium, & magistræ.

Octauò, plenitudo potestatis Romani Pontificis ostenditur in exemptione inferiorum Prælatorum à superiori, vt Abbatum ab Episcopo, vel Episcopi ab Archiepiscopo, vel subditorum à suo priori, sicut monasteria & capitula ab Episcopis, quæ exemptio fit à Romano Pontifice. De quo Bernard. lib. 3. de consideratione. Subtrahuntur Abbates Episcopis, Episcopi Archiepiscopis: Archiepiscopi Patriarchis, siue Primatibus, bona ne species hæc est. Nimirum si excusari queat, vel opus sit faciendū, probatis vos habere plenitudinem potestatis, sed iusticiæ forte, non ita facitis hæc: quia potestis, sed verum debeat, quomodo est. Hæc ille.

Nonò, plenitudo potestatis Romani Pontificis ostenditur in hoc, quod non ligatur legibus à se factis, aut etiam sacrorum Conciliorum Canonibus, sed potest ex plenitudine potestatis super ius, & leges positas facere, & in Canonibus Conciliorum iuxta temporis opportunitatem, aut locorum, & personarum condiciones dispensare. Vnde vt dicitur in 5. is autem 24. quæst. 5. Romana Ecclesia ius, & auctoritatem sacris Canonibus impartitur, sed non eis ligatur. Idem in cap. significasti extra de elect. Propter quod Innocentius Tertius extra de concess. præben. in cap. proposuit dicit. Nos secundum plenitudinem potestatis de iure possumus supra ius dispensare. Cui sententiæ beatus Thomas in quodlibeto art. 13. alludens ita dicit. Papa habet plenitudinem potestatis in Ecclesia, & ita quæcumque sunt constituta per Ecclesiam, vel Ecclesiæ Prælatos, sunt dispensabilia à Papa, hæc enim sunt, quæ dicuntur esse iuris hominum, siue positui. Circa verò ea, quæ sunt iuris diuini, vel naturalis, dispensare non potest

X x

quod

quia ista habent efficaciam ex institutione diuina.

Decimò, plenitudo potestatis Romani Pontificis ostenditur in dispensatione actionum humanarum, puta votorum, & iuramentorum. Vnde S. Thomas in 4. dist. 38. qu. 4. querens, vtrum quilibet Prælatum in votis possit dispensare, dicit sic. Plenitudo potestatis in dispensando residet penes Summum Pontificem, alij autem participant de hac potestate quantum eis concessum est, & in 2. 2. q. 88. art. vlt. dicit, quod quia Summus Pontifex gerit plenarie vicem Christi in tota Ecclesia, ipse habet plenitudinem potestatis dispensandi in omnibus dispensabilibus votis.

Vndecimò, plenitudo potestatis in Romano Pontifice ostenditur in administratione, & dispensatione rerum Ecclesiasticarum. Alij autem Prælati, & Collegia habent potestatem coarctatam in administrando, & dispensando res suas, & transferendo dominium ipsarum, obligando, & alienando, quia non nisi ex certis causis, & cum certis solemnitatibus iure possunt res Ecclesie alienare, sicut patet extra de rebus Ecclesie non alienand. Papa vero in istis solus sine consensu etiam cuiuscunque, & sine solemnitatibus potest res quasque cuiuslibet Ecclesie alienare, & alienando, dominium transferre; dum tamen hoc faciat ex iusta causa. Vnde Hadrianus Papa omnes Ecclesias, etiam Romanam, submisit Carolo, & eius successoribus quo ad temporalia; de quibus per Imperatorem debere inuestiri. Et hoc confirmat Leo Papa Othoni, & eius successoribus, vt habetur in cap. Hadrianus dist. 63. vbi D. Archidiaconus narrando varios modos dicendi, ita inquit; [Alij dicunt, quod hoc fecerint Apostolici ex plenitudine potestatis, sicut decimas aliquibus Regibus concesserunt, quod alius concedere non possit.] Hæc ille.

Duodecimò, plenitudo potestatis Romani Pontificis ostenditur in hoc, quod, vt dicit sanctus Thomas in 3. dist. 72. quæst. 11. quod quædam sunt superiorum ordinum, quæ potest Papa committere inferioribus quibuscunque, sicut Presbyteris; sicut concedit conferri minores ordines, quod pertinet ad potestatem Episcopalem. Ex qua etiam plenitudine potestatis, vt idem sanctus Thomas ibidem dicit; [Beatus Gregorius concessit, quod simplices Sacerdotes conferrent Sacramentum Confirmationis, vt in cap. Peruenit habetur dist. 95.]

Decimotertiò, plenitudo potestatis Romani Pontificis, ostenditur in dispensatione thesauri Ecclesie; quoniam ipse solus, vt potest Christi principalis Vicarius, & dispensator dat plenariam indulgentiam, & omni homini Fidei de toto Mundo. Vnde sanctus Thomas in 4. dist. 20. dicit sic: [Papa habet plenitudinem Pontificalis potestatis, quasi Rex in Regno; sed Episcopi assumunt in partem sollicitudinis, quasi Iudices singulis Ciuitatibus præpositi.] Et ideo potest facere indulgentias, prout vult, causa tamen existente legitima. Sed in Episcopis est taxata, secundum ordinationem Papæ.

Decimoquarto, plenitudo potestatis Romani Pontificis ostenditur in hoc, quod dispositio totius Ecclesiastici ordinis quoad

dignitates Ecclesiasticas, tamquam ad principalem Architectorem in Templo Domini; & dispensatio beneficiorum, tamquam ad seruum, quem constituit Dominus super familiam, vt dei illis tritici mensuram, pertinent ad Romanum Pontificem. Nam extra, de præbend. lib. 9. cap. licet, dicitur: quod dispositio Ecclesiarum, & omnium beneficiorum Mundi ad Sedem Apostolicam noscitur pertinere. Et in cap. Si duobus, extra, vt lit. penden. in Clementina dicitur; & est definitio Viennen. Concilij, quod ad Romani Pontificis potestatem pertinet Ecclesiarum personarum dignitatum, aliorumque beneficiorum plena, & libera dispositio ex sua potestatis plenitudine.

Decimquinto, plenitudo Romani Pontificis ostenditur in Canonizatione Sanctorum, quæ ad solum Romanum Pontificem, vt ad Iudicem, & Principem vniuersæ Ecclesie cum plenitudine potestatis præsentem, pertinet, vt dicunt Doctores, & colligitur extra de reliquijs, & veneratione Sanctorum cap. 1. & 2. Et hæc de illis, in quibus amplitudo Principatus Summi Pontificis ac plenitudo potestatis Apostolicæ Sedis attendatur, ad præsens dixisse sufficiat. Quorum autem debitor exiit Romanus Pontifex, ex tanta amplitudine dignitatis, & potestatis, declarat deuotus Bernardus in lib. 4. de consideratione ad Eugenium, ita dicens: [De cætero te esse oportere, considera formam iustitiæ, sanctimonie specimen pietatis exemplar, assertorem veritatis, fidei defensorem, Doctorem gentium, Christianorum Ducem, amicum Sponsi, Sponsæ Paranympum, Cleri Ordinatorem, Pastorem plebem, Magistrum insipientium, refugium oppressorum, pauperum Aduocatam, Ministrorum spem, Tutorem pupillorum, Iudicem viduarum, oculum cæcorum, linguam mutorum, baculum senum, vltorem icelerum, malorum metum, bonorum gloriam, virgam potestatum, malleum Tyrannorum, Regum patrem, legum moderatorem, Canonum dispensatorem, sal terræ, Orbis lumen, Sacerdotem Altissimi, Christi Vicarium, Christum Domini, & postremò Deum Pharaonis.] Hæc ille. Quæ omnia rectè etiam plenissimam, & amplissimam insinuant in Romano Pontifice potestatem. Ex his clarissimè confunditur error dicentium Romanum Pontificem non habere in Ecclesia plenitudinem potestatis; qui, vt sanctus Thomas ponit in tractatu contra Græcos, contra unitatem Ecclesie errant.

C A P. LIII.

Quod solus Romanus Pontifex in Ecclesia Dei habeat plenitudinem potestatis.

Ostenso, quod Romanus Pontifex plenitudinem habeat potestatis, iam quod ipse solus in Ecclesia Dei huiusmodi potestatis habeat plenitudinem, delucidandum est. Quod licet satis aperte ex superioribus posset intelligi, ex quibus Primatum eius demonstramus; nihilominus hoc pro amplio.

pliori notitia auctoritatibus, & rationibus comprobabimus.

Et primò quidem colligitur ex illo, quòd Dominus ad solum Petrum ait, Luc. 5. [Duc in altum, & laxate retia vestra.] Vbi Glof. ita dicit: [Alijs imperatur, vt laxent retia; soli Petro dicitur, [duc in altum,] idest in profundum disputatorium.]

Secundò ex illo, quòd Matth. 17. [Dominus soli Petro iubet hamo piscari.] Super quo beatus Ambrosius dicit; & habetur in cap. Est aliud distinct. 24. quæst. 1. Est aliud piscandi genus, quo genere solum Petro piscari Dominus iubet, dicens: [Mitte hamum, &c.] Vbi Glof. dicit: [Per hamum, intellige iurisdictionem, qua Petrus præfuit alijs: hoc genere piscandi, solus Petrus piscatur, quia habet potestatem ligandi, & solvendi præ alijs.] Hæc Glof. .

Tertiò, idem testatur beatus Cyrillus in libro thesaurorum, ita dicens: [Sicut Christus à Patre accepit ducatum, & sceptrum.] Ecclesie gentium super omnem principatum, & potestatem, & super omne quodcumque est, vt ei genua cuncta curruerunt plenissimam potestatem; sic & Petro, & successoribus eius plenissimè commisit.] Et infra: [Nulli alij, quàm Petro, quòd sum est plenum, sed ipsi soli dedit.] Hæc Cyrillus.

Quartò, huius rei testis illustris est beatus Chrysostomus super illud Matth. 16. [Tibi dabo claves, &c.] ita dicens: Sicut Filius à Patre veniens, ad salutem omnium mittitur cum potestate plena super omnes, sic à Christo Petro, & eius Ecclesia ad salutem omnium mittitur cum potestate omni super omnes, quod nulli hominum credimus esse concessum.

Quintò; hoc idem attestatur beatus Leo Papa in cap. multum 3. qu. 6. & B. Gregor. in cap. decreto, & Iulius Papa in c. qui se scit 2. quæst. 6.

Sextò, ad idem est beatus Bernardus, qui vt in superiori cap. inductum est, in quadam epist. ad Eugenium Papam apertissimè proficitur, quod solus Romanus Pontifex habet plenitudinem potestatis.

Septimò, ad idem est beatus Thomas, qui sæpè hoc repetit, vt in superioribus patet.

Consequenter hoc idem rationibus ostendamus.

Primò sic: Solus Romanus Pontifex in toto corpore vniuersalis Ecclesie post Christum est caput vniuersale mynisteriale ad regimen, & gubernationem totius vniuersitatis fidelium, ergo solus ipse in corpore vniuersalis Ecclesie habet plenitudinem potestatis. Consequentia patet, quoniam solum caput in corpore hominis, ad cuius similitudinem de corpore Ecclesie iuxta Apostolum ad Roman. 12. loquimur, habet plenitudinem sensus, & regimini, ac gubernatiui virtutis. Antecedens verò patet ex illo Ioann. 1. [Tu vocaberis Cephas.] Quoniam iuxta Anacleum, & Isid. interpretatur caput.

Secundò sic: Solus Petrus, & eius successor est Generalis Vicarius Christi, in Ecclesia Dei locum eius tenens, ergo solus ipse habet plenitudinem potestatis, consequentia patet, antecedens etiam ostensum est supra in cap. 37.

Tom. XIII.

Tertiò sic: Romanus Pontifex est supremus hierarcha immediatus totius Ecclesiæ Hierarchiæ, patet, ipse enim est Princeps, in quo totius Ecclesiæ Dominus posuit Principatum, vt in cap. nolite errare dicit Iulius, Papa dist. 11. ergo in solo ipso ponenda est plenitudo potestatis, consequentia videtur manifesta, quoniam in omni Hierarchia, in solo Hierarcha ponitur plenitudo potestatis. Vnde Dionys. 3. Eccles. Hierarc. postquam vnamquamque Hierarchiam in suum Hierarcham docuit terminari, de proprietate Hierarcharum ita subiungit. Hierarchiæ autem ordinis virtus in omnibus caput sanctis totalitatibus, & per consequens ordines operatur propriæ Hierarchiæ mysteria. Et infra. Est ergo Hierarchicus ordo perfectiua nature virtute adimpletus.

Quartò sic: Ecclesiasticus Principatus est Monarchicus, ergo in solo Summo Pontifice est potestatis plenitudo, antecedens patet supra ex multis in cap. 2. Vnde Ioann. 10. dicitur. [Erit vnum ouile, & vnus Pastor, & loquitur de Ecclesia.] Super quo Theophilus in glof. inquit: Attendant Manichæi: [quoniam vnum ouile, & vnus Pastor est noui Testamenti.] Consequentia patet, quia in Principatu Regali, siue Monarchico suprema potestas in solo Principe collocatur, vt est Aristot. sententia octauo Ethic. & 3. poli.

Quintò sic: Romanus Pontifex habet plenitudinem potestatis in Ecclesia, & nullus alius à Romano Pontifice habet plenitudinem potestatis in Ecclesia. Solus ergo Romanus Pontifex habet plenitudinem potestatis in Ecclesia. Consequentia est manifesta per regulam ab exponentibus ad expositam. Maior patet ex precedenti cap. Minor etiam patet. Tum auctoritatibus sanctorum in principio huius cap. inductis, scilicet beati Cyrilli, beati Chrysostomi, beati Gregorij, beati Leonis Papæ, beati Bernardi, beati Thomæ dicentium, quod non solus Romanus Pontifex sit vocatus in plenitudinè potestatis, alij autem in partem sollicitudinis. Tum etiam ratione: quia si alij vt puta Apostoli recipissent à Christo, sicut Petrus plenitudinem potestatis, iam Petrus neque maior, neque superior, nec caput, neque Princeps fuisset Apostolorum, sed omnes fuissent in potestate pares, quod est hæreticum, & sæpe numero ab Ecclesia condemnatum, vt supra inductum est.

Sextò sic: Dicit Apostolus ad Rom. 13. Omnis anima potestatibus sublimioribus subdita sit. Et subiungit: Quæ à Deo sunt, ordinata sunt, ergo oportet, quòd Prælati attendatur secundum ascensum, & descensum, non secundum æqualitatem. Quare necesse erit secundum ordinem rectum Ecclesie, quòd suprema potestas regimini, & plenitudo iurisdictionis sit in vno primo, & supremo, in quo solo sicut in primo, & in simplicissimo in illo genere est status omnis Prælationis Ecclesiasticæ.

Vltimò sic: Principatus est quoddam totum potestatiuum, cuius hæc est natura, quod secundum complectamur rationem, & plenitudinem perfectionis sit in vno solo, scilicet in Principe, in alijs verò, in quos distribu-

Xx 2

tum

tum est per gradus diuersarum dignitatum, ac officiorum, est aliqua participatio ipsius sicut Principatus Regni est in vno, videlicet Rege, in alijs verò secundum participationem quandam, videlicet secundum potestatem præsidis, & tribuni, & milenarij, & centurionis, & quinquagenarij, & decani, siue decurionis. Exemplum etiam huius totius potestati apparere in sacramento ordinis: cuius tota plenitudo est in vno ordine, scilicet Sacerdotio, in alijs verò est quædam participatio ordinis, vt dicit S. Thom. in 4. distinct. 24. Et hoc figuratum est in hoc, quod Dominus dicit num. 11. Moysi: Auferam de Spiritu tuo, & tradam eis, vt sustentent tecum onus populi. Ergo in Principatu Ecclesiastico ita dicendum est, quod plenitudo potestatis illius in vno solo sit, putà in Principe supremo vniuersalis Ecclesiæ, putà in Romano Pontifice. Vnde in cap. Basilicas de consecr. distinct. 1. & in cap. nolite errare distinct. 11. habetur, quod in Apostolica Sede Dominus totius Ecclesiæ posuit Principatum, & beatus Augustinus, contra Donatistas, & in epistola ad Glorium, & Eliutium dicit, quod in Romana Ecclesia semper Apostolicæ Cathedræ viguit Principatus. Ex quibus manifestè confunditur error, & stultitia Marfilij de Padua dicentis, Papam non habere aliquam plenitudinem potestatis, absque determinatione, idest concessione Imperatoris.

C A P. LIV.

Quod potestas iurisdictionis omnium Prælatorum Ecclesiæ deriuatur à Papa, siue Apostolica Sede mediata, vel immediata. Arguitur prima via, scilicet ex ordine aliorum Apostolorum ad Petrum.

Postquam pro modulo patuitatis nostræ superius explicauimus, quod tam ad fidei Christianæ conseruandam vnitatem, quam ad optimum Ecclesiæ regimen necessarium vnus in Ecclesia erat dandus Rector, & caput totius Reipublicæ Christianæ cum plenitudine potestatis, & quod huiusmodi sit Romanus Pontifex, restat nunc videndum de habitudine, quam habet ad alios Ecclesiæ inferiores Prælatos in origine potestatis, vtrum scilicet alij Ecclesiæ Prælati potestatem iurisdictionis, quam habent, immediate suscipiant à Apostolica Sede? an sicut Papa, ita, & Episcopi immediate suscipiant à Christo? Dicimus cum sancto Thoma tam in 2. sententiarum, & in 4. sententiarum, quam in 4. contra gentiles, qui sanctus Thomas inter Doctores de hac materia loquentes magis rationabiliter, & magis conformiter ad dicta sanctorum Patrum, & per consequens magis consonanter ad pietatem fidei loqui videtur, quod tota iurisdictionis potestas aliorum prælatorum, de lege communi deriuatur à Papa. Quam conclusionem triplici via, probare intendimus. Primò ex ordine aliorum Apostolorum ad Petrum in potesta-

te iurisdictionis. Secundò rationibus. Tertiò ex inconuenientibus, quæ sequuntur ex opposito modo dicendi.

Prima via sic arguitur: A Apostoli alij à Petro, non susceperunt potestatem iurisdictionis immediatè à Christo, sed mediata à Petro. Ergo sequitur, quod etiam nunc Prælati, qui sunt in Ecclesia, iurisdictionis potestatem suscipiant immediatè à Papa, & non à Christo. Consequentia est optima, antecedens verò auctoritatibus, & rationibus multipliciter probatur, & declaratur. Auctoritate primò beati Anacleti, qui vt habetur in cap. sacrosancta, distinct. 22. dicit: Inter Apostolos quedam fuit discretio; licet omnes Apostoli essent: Petro tamen à Domino concessum est, vt reliquis omnibus præficeret Apostolis, & Cephas, idest caput, & principium teneret Apostolatus. Cum autem nomine capitis, & principij, origo designetur potestatis, non videtur posse dici beatus Petrus caput, & principium tenere Apostolatus, nisi ab eo potestas iurisdictionis, deriuaretur in Apostolos ceteros.

Secunda auctoritas est beati Cypriani in epistola, quæ de vnitatē Ecclesiæ, inscribitur ad Nouatianum, & habetur in cap. loquitur Dominus ad Petrum 24. quæst. 1. [Ego dico tibi, quia tu es Petrus, & super hanc petra ædificabo Ecclesiam meam:] Super vnum ædificat Ecclesiam. Et quamuis Apostolis omnibus, post Resurrectionem suam parem, idest communem potestatem tribuat, & dicat: [Sicut me misit Pater, & ego mitto vos; accipite Spiritum sanctum:] Tamen vt vnitatem manifestaret, vnitatem eiusdem, originem ab vno incipientem sua auctoritate disposuit, hoc erant vtique ceteri Apostoli, quod Petrus, pari consortio præditi, & honoris, & potestatis, gloss. in ordine, & dignitate consecrationis, non administrationis plenitudine, sed exordium ab vnitatē proficiscitur, vt Ecclesia Christi, vna esse monstratur. Hæc Cyprianus. Vbi cum ait, quod Christus, vt Ecclesiæ vnitatem manifestaret, potestatis originem ab vno incipiente disposuerit, manifestè dat intelligi, quod solus vnus, scilicet Petrus, super quem vnum fundaram dicit Ecclesiam, à Christo immediatè potestatem suscepit iurisdictionis, alij vero Apostoli, mediata ipso Petro: Planè, vt videtur, si immediatè omnes Apostoli potestatem iurisdictionis recepissent à Christo, origo potestatis non incepisset in Ecclesia ab vno Apostolorum, cum data fuisset simul, & immediatè omnibus.

Tertia auctoritas est, B. Augusti. qui super Joann. homil. 114. dicit sic: Petrus Apostolus propter Apostolatus sui primatum gerebat figurata generalitate Ecclesiæ personam. Quod enim ad ipsum propriè pertinet natura, vnus homo erat, gratia vnus Christi, vnus idemque primus Apostolus. Sed quando ei dictum est: [Tibi dabo clauēs Regni Cælorum, & quodcumque ligaueris, &c. vniuersam significabat Ecclesiam.] Et infra: [Ecclesia ergo, quæ fundatur in Christo, clauēs ab eo Regni Cælorum accepit in Petro, idest potestatem soluendi, & ligandi peccata.] Sed videtur, quod hoc, quod soli Petro attribuitur ratione primatus, non esset verum, si alij Apo-

stoli

Steli cum eo immediate iurisdictionem receperint à Christo, quia, dato illo, Ecclesia non in solo Petro, sed etiam in alijs Apostolis claus receptis diceretur.

Quarta auctoritas est beatissimi Leonis, qui ut habetur in cap. Dominus, dist. 19. ita dicit: Huius muneris Sacramentum, ita Dominus ad omnium Apostolorum officium pertinere voluit, ut in beatissimo Petro omnium Apostolorum summo principaliter collocaret, ut ab ipso quasi quodam capite dona sua velut in corpus omne diffunderet, et extorere se ministerij intelligeret esse diuini, qui ausus fuisset à Petri soliditate recedere.

Quinta auctoritas est eiusdem in sermone 3. ordinationis suæ ita dicentis: Multo dignum est ad beatissimi Petri gloriam contemplandam, aciem mentis attollere, & hunc diem in illius potissimum veneratione celebrare, qui ab ipso omnium charismatum fonte, ita copiosis est irrigationibus inundatus, ut cum multa solus acceperit, nihil in quenquam sine eius participatione transiit. Et infra: De toto Mundo vnus Petrus eligitur, qui, & vniuersarum gentium vocationi, & omnibus Apostolis, cunctisque Ecclesiarum patribus præponatur, ut quauis in populo Dei multi sint Sacerdotes, multique Pastores, omnes tamen propriè regat Petrus, quos principaliter regit, & Christus. Magnum, & mirabile dilectissimi huic viro consortium, potentia suæ tribuit diuina dignatio, ut si quid cum eo commune cæteris voluit esse principibus, numquam nisi per ipsum dedit, quicquid alijs nõ negauit. Ecce quæ clara luce Leo iste beatissimus irrefragabilis auctoritatis inter Patres Ecclesiarum dicit, quod quicquid commune Christus cum Petro cæteris voluit esse principibus, videlicet Apostolis, non nisi per Petrum dedit, quicquid, scilicet, quod donabile esset per hominem, alijs non negauit. Et ita manifestè habetur, quod ceteri Apostoli, non immediate à Christo iurisdictionem acceperint, sed mediante Petro Apostolo eorum Principe.

Sexta auctoritas est Alexandri Papæ in cap. audiuius 24. quæst. 1. sic dicentis: Vnde cum Dominus daret omnibus discipulis parem ligandi, ac soluendi potestatem: Petro præ omnibus claus Regni Cælorum se daturum promissit, dicens. [Tibi dabo claus Regni Cælorum.] Quicumque ergo ab vnitate Ecclesiarum, quæ per Petrum intelligitur, fuerit alienus, exccrare potest, consecrare non vale: excommunicationis, vel reconciliationis potestatem non habet. In qua auctoritate duo sunt præcipue notanda. Primò, quod beato Petro præ omnibus datæ sunt claus, in quo datur intelligi, quod beatus Petrus in potestate iurisdictionis superior, & maior fuerit omnibus alijs Apostolis, etiam simul coniunctis, & per consequens successor Petri, videlicet Romanus Pontifex superior, maiorque sit omnibus Prælati, etiam simul coniunctis. Secundò notandum est id, quod dicitur, quod beatus Petrus Apostolus pro omnibus suscepit claus Ecclesiarum, in quo manifestè denotatur, quod alij Christi discipuli, & eorum successores potestatem iurisdictionis non acceperunt, nisi per Petrum, & ita non immediate à Christo. Vbi consideran-

dum est, quod cum dicitur Petrus suscepisse pro omnibus, & præ omnibus potestatem, non est intelligendum ipsum pro omnibus accepisse ad modum, quo vnus procurator nomine aliquorum aliquid donum, sicut castum, aut principatum accipit à principe; sed intelligendum est ad modum, quo dicimus Solem recepisse lumen à Deo pro omnibus Stellis, & præ omnibus. Præ omnibus, quantum in maiori plenitudine, quam cætera Stellæ: Pro omnibus, quantum in eo ordine, ut ab ipso sicut à fonte in cæteras Stellis lumen descendat. simile est de capite, quod pro omnibus, & præ omnibus membris virtutem recepit, præ omnibus quidem, quia in solo capite est plenitudo sensuum; pro omnibus quidem, quia ab ipso cætera membra sensum motus, & regimini suscipiunt. Ità est de Petro, qui non tantum auctoritate præ omnibus alijs donatus est, sed etiam caput, & princeps alijs influens, in toto corpore Ecclesiarum constitutus est, ut apertissime superius ostensum est ex doctrina Sanctorum. Vnde Innocentius, in epistola, quam scribit ad Patres Episcopos in Concilio Carthagine. dicit: quod à beato Petro Episcopatus, & tota auctoritas nominis huius emerit.

Consequenter hoc idem ratione probatur. Et primò sic: Ab eo, à quo quis non habet subditum; ab illo non habet aliquam potestatem iurisdictionis, sed alij Apostoli non habuerunt immediate subditos à Christo, ergo ipsi non habuerunt potestatem iurisdictionis immediate à Christo; consequentia patet, maior etiam: cum nullus ligare, aut absoluerè possit, nisi subditum, cum à non suo iudice ligari nullus valeat; nec absolui, de penit. & remis. cap. omnis, nam potestas iurisdictionis, quæ aliquis potest absoluerè, & ligare, dicitur relatiue ad subditum, relatiue autem, ut habet doctrina Aristot. in prædicamentis; posita se ponunt, & perempta se perimunt, vnde sicut si non est seruus, non est Dominus. Propter quod secundum August. lib. de Trinit. Deus non fuit Dominus, quousque habuit creaturam suam. Ità non est subditus, non est Prælati, nec iudex, qui possit eum iudicare ad Rom. 14. Tu quis es, qui iudicas alienum seruum, suo Domino aut stat, aut cadit. Minor verò probatur, quia si Christus dedisset alijs à Petro subditos, aut omnes dedisset, aut aliquem. Non est dicendum primum, quod didisset omnes, quia ut dictum est, pluralitas principatum non est bona, ut dicitur 12. metaphysices. Et ideo ibi concluditur, vnus ergo princeps. Tum secundò: quia tunc vnus Christi non esset vnus, nec vnus omnium pastor, sed plures, contra illud Ioan. 10. [Erit vnus ovile, & vnus Pastor.] Præterea secundum non est dicendum: cum nullibi legatur Christus Apostolis populos immediate diuissit, nec facile est fingere, quos quibus subiecerit.

Item secundò ratione arguitur sic: Si Christus dedisset Apostolis immediate potestatem iurisdictionis; aut dedisset plenam, & omnimodam sicut Petro, aut particulariter limitatam, & coarctatam, sed neutram, ergo nullam, consequens est bona, maior patet à sufficienti diuisione. Minor quod ad primam partem patet. Primò quia dicit beatus Cy-

Cyrrillus in lib. thesaurorum, nulli alij quàm Petro Christus quod suum est plenum commisit, sed ipsi soli dedit. Secundo quoniam si alijs Apostolis data fuisset potestas in ea plenitudine, qua Petro data est, Petrus nec maior, nec superior, nec princeps, nec caput fuisset Apostolorum, sed omnes in iurisdictionis auctoritate pares fuissent, quod est erroneum, vt enim S. Anacletus inquit in cap. sacrosancta, dist. 22. inter Apostolos quedam fuit discretio, sicut enim omnes Apostoli essent, Petro tamen à Domino concessum est, vt reliquis omnibus præflet Apostolis, & Cæphas, idest caput, & principatum teneret Apostolatus. Secunda verò pars minoris, quæ dicit, quod etiam Christus non dedit Apostolis potestatem aliquam limitatam, patet, vnde nec possibile est fingere certitudinem talis limitationis: De talibus autem, quæ facta esse dicuntur maximè circa Apostolos de clauibus Ecclesiæ, nihil videtur asserendum, quod de Scripturis sanctis non habear testimonium explicitè, vel implicitè, quod in hac parte non datur: Et hoc de primo puncto breuitatis causa sufficiat.

C A P. I X.

*In quo probatur eadem conclusio
secunda via, scilicet per
rationes.*

Consequenter eadem conclusio, videlicet quod potestas iurisdictionis prælatorum deriuatur à Papa, probanda est secunda via, videlicet per rationes.

Primo sic: In omni principatu potestas iurisdictionis deriuatur ad quancumque personam illius principatus à Monarcha, siue Principe illius principatus; sed Papa est Princeps, siue Monarcha in sacro Ecclesiæ Principatu; ergo sequitur, quod potestas iurisdictionis omnium inferiorum Prælatorum deriuatur à Papa, consequentia est bona, maior patet ex sententia Diod. qui tam in de Ecclesiastica, quàm Cœlesti Hierarchia docet, ab ipso Hierarcha in omnes hierarchiz personas lumen irradiationis persuere. Minor verò, quod scilicet Papa sit Princeps, & Monarcha totius Ecclesiastici Principatus, ex superioribus inductis auctoritatibus ostensum est; in quibus sancti Patres ipsum, & Ecclesiæ totius Principem, & caput prædicant, & attestantur. Dicit etiam Chrysost. super Act. Apostolorum; quod Petrus à filio super omnes, qui filij sunt, accepit potestatem, non vt Moyses in gente vna, sed in vniuerso Orbe. Et Theophilus super illud Luc. 22. [Tu aliquando conuersus, confirma fratres tuos.] dicit: quod Petrus obtinuit, quod esset antistes Mundi. Item in Ecclesiastico officio legitur ei Christus dixisse: [Super plebem meam Principem te constitui.]

Præterea sic confirmatur ista ratio: In vnoquoque ordine ab eo, in quo maximè residet plenitudo virtutis, siue potestatis, originaliter dependet virtus omnium sequentium in illo ordine, sed Rom. Pontif. est primus in ordine Prælatorum Ecclesiæ, & in quo

solo residet plenitudo Ecclesiasticæ potestatis, ergo sequitur, quod potestas omnium sequentium Prælatorum Ecclesiæ dependeat, & deriuatur ab ipso Rom. Pontif. consequentia est bona, maior colligitur ex sententia Aristot. 2. metaphys. minor est canon Concilij Constantinopolitani dicentis: Veneramus secundum Scripturas, & canonum distinctiones sanctissimum antiquæ Romæ Episcopum, primum esse, & maximum omnium Episcoporum. Item in Concilio Calcedon. acclamatum legitur à tota Synodo Papæ Leonis: Leo sanctissimus Apostolicus œcumenicus, idest vniuersalis Patriarcha, per multos annos viuat. Confirmatur hoc argumentum per illud beati Anacleti, qui vt dicitur in cap. in nouo, dist. 21. ita dicit: In nouo Testamento, post Christum Dominum à Petro incepit Sacerdotalis Ordo. Et causam subiungens ait: Quia ipsi primo Pontificatus in Ecclesia datus est, dicente Domino ad eum: [Tu es Petrus, & super hanc petram ædificabo Ecclesiam meam.]

Tertiò sic: Inter habentia ordinem secundum influentiam, omnia, quæ alijs influunt, virtutem influendi recipiunt à primo illius ordinis: sed ordo, qui est inter Romanam Ecclesiam, & alias Ecclesias, siue inter Romanum Pontificem, & alios Prælatos, est secundum influentiam, prout vnus mouet alium ad actus hierarchicos; ergo potestas iurisdictionis omnium Prælatorum Ecclesiæ deriuatur à Romano Pontifice; consequentia est bona, maior probatur ex commento primæ propositionis de causis; causa enim secunda virtutem causandi habet à prima. Minor verò patet auctoritate beatissimi Cypriani, qui vt in cap. Loquitur, 24. qu. 1. Ecclesias particulares ad Ecclesiam Romanam comparat, sicut radios ad Solem, fluuios ad fontem, sicut ramos ad radicem. Patet etiam per illud, quod Iustinianus Imperator Christianissimus in auctoritate, vt Romana Ecclesia Col. 3. ait: quod legum, originem antiqua Roua sortita est, & summi Pontificatus apicem, & Sacerdotij fontem, apud eam esse, nemo est qui dubitet. Si ergo Romana Ecclesia fons est, & à fonte deriuentur riuuli, sequitur quod aliarum Ecclesiarum iurisdictionis deriuatur ab ea.

Quarto sic: Omnia membra à capite, recipiunt immediatè deriuationem virtutis, sensus, & motus, siue regiminis: sed Romana Ecclesia est caput cæterarum Ecclesiarum; ergo cæteræ Ecclesiæ, & earum Prælati potestatis suæ originem suscipiunt à Romana Ecclesia, siue à Romano Pontifice; consequentia est bona, maior patet, quoniam vt superioribus habitum est ex sententia Isidor. ex eo datum est capiti hoc nomen, quod sensus omnes, & nerui indè initium capiant, atque ex eo omnis vigendi causa oriatur. Minor verò ponitur in cap. Sacrosancta, dist. 22. vbi S. Anacletus dicit, quod Apostolica Sedes caput, & cardo, scilicet omnium Ecclesiarum, est à Domino, & non ab alio constituta, & sicut cardine osium regitur, sic huiusmodi sanctæ Apostolicæ Sedis auctoritate omnes Ecclesiæ, Domino disponente, reguntur. Hoc autem quod ait, quod Apostolicæ Sedis auctoritate omnes Ecclesiæ reguntur, non videt.

videtur habere veritatem, nisi Prælati inferiores, qui regunt Ecclesias, regendi, & gubernandi illas ab Apostolica Sede accipiant potestatem.

Quintò sic: In omnibus causis agentibus ordinatis semper causæ sequentes agunt in virtute causæ primæ, sicut in rebus naturalibus corpora inferiora agunt in virtute corporum cælestium, & in rebus voluntariis omnes artifices operantur secundum Imperium summi architectoris; in ordine autem politici regimen administrantiū, omnes particulares potestates auctoritatem iurisdictionis suscipiunt à suprema potestate, sed in regimine Ecclesiastico, in ordine Prælatorum Ecclesiæ habentium iurisdictionem, & potestatem actus Diuinos exercendi circa fideles, primus, & Summus Pontifex est; ergo &c.

Sextò sic: Perfectionis est Princeps Ecclesiæ, quàm legalis, Papa, quàm Moyses: sed à Summo Præsidente Synagogæ omnis alia potestas inferiorum deriuabatur; ergo similiter est in Ecclesiâ, quòd omnis iurisdictionis auctoritas inferiorum Prælatorum deriuatur à Summo Pontifice, scilicet Papa; consequentia patet, quia Synagoga figura fuit Ecclesiæ, secundum quod dicit beatus Augustinus, & beatus Dionysius. Minor verò patet Exod. 18. & expressè Num. 11. vbi Dominus ad petitionem Moysi, qui in multitudine regiminis grauabatur, voluit quòd idem Moyses eligeret sibi aliquos in adiutorium ad populi gubernationem. Et dicit textus, quòd dedit Deus de Spiritu, qui erat in Moysè, illis septuaginta ecclesiis; & hoc vt videtur, ad significandum omnem potestatem iurisdictionis, & regiminis, à Summo Ecclesiæ præsidente in alios deriuari.

Septimò sic: Hierarchia Ecclesiastica est exemplata à cælesti, sicut ait beatus Dionysius, & supra in c. 11. induimus: sed in cælesti hierarchia sic est, quòd radius Diuino illuminationis descendens in inferiores, tali ordine descendit, vt primò in superiores recipiatur, deinde per illos in inferiores profluendo descendat; hæc autem est lex Diuinitatis, inquit Dionysius. 3. hierarchiæ, per prima, media, & per media, vltima illuminari, ergo sic erit in hierarchia Ecclesiastica, quòd potestas iurisdictionis, secundum quam attenditur ordo superioritatis, & inferioritatis inter Prælatos Ecclesiæ, quòd primum à Deo immediate in Papam descendat, & per eum in sequentes deriuetur.

Octauò, teste eodem beato Dionysio. 10. cælestis hierarchiæ: Omnes hierarchiæ sunt connexæ, & ordines ipsi cuiuslibet hierarchiæ sunt etiam connexi, hæc autem conuexio, secundum eiusd. diuini Doctores doctrinam, vt S. Thomas, & Albertus declarant, non tantum attenditur per relationem ad vltimum finem, secundum quem omnis hierarchiæ finis est similitudo, & vnitas ad Deum, sed secundum ea, quæ sunt de essentia hierarchiæ, scilicet secundum ordinem, scientiam, & actionem. Secundum ordinem quidem, in quantum in omnibus hierarchiis inuenitur distinctio per primum, medium, & vltimum. Secundum scientiam verò, in quantum irradiatio extenditur, procedendo à primo vsque ad vltimos. Secundum actionem autem, in

quantum primi habent actionem hierarchicam in medios, & per medium in vltimos: sed Ecclesiâ nostra est ad instar hierarchiæ disposita, & formata, ergo necesse est, nisi hierarchiam nostram inconuenientissime afferere inconnexam vellemus potestatem Ecclesiasticam à primo nostræ hierarchiæ, qui est Romanus Pontifex, in omnes inferiores procedere, & derinari, processus patet; huius autem connexionis hierarchiæ nostræ duo sunt euidentissima testimonia: primum est, quod, qui à beati Petri societate, & connectione Apostolicæ Sedis segregatur, non potest absolui à peccatis. Secundum est, quòd talis existens sic Prælati, ipsa potestate Ecclesiastica denudatur. De primo habetur in glossa. Matth. 16. quòd Petrus ideo specialiter clauis Regni Cælorum, & Principatum iudiciali potestatis accepit; vt omnes per orbem credentes intelligant, quòd quicumque ab vnitate fidei, & societate Petri quouismodo seipso segregant, nec vinculis peccatorum absolui, nec ianuam Regni Cælestis ingredi possunt. De secundo habetur in cap. Factus, & in cap. Nouatianus 7. q. 1. quæ omnia sunt beatissimi Cyprian. testimonia.

Nonò sic: Potestas, quæ data est vni in sua fontali plenitudine, non est in alijs, nisi deriuata, & limitata, etiam præ illius voluntate, & ordinatione: sed potestas iurisdictionis Ecclesiasticæ tota in sua fontali plenitudine data est Petro soli, & in eo suis successoribus, quoniam cura totius Ecclesiæ sibi commissæ est, Domino dicente: [Pasce oues meas.] Ioann. vlt. Hoc enim, teste Chrysostomo, nulli alio Apostolo dictum est, neque tunc, neque ante, neque post. Ergo talem potestatem perfectam, ac plenam solus Petrus habuit, habetque, solus successor Petri, qui ob hoc Papa, id est pater patrum nominatur. Ergo omnes alij Ecclesiæ Prælati non habent potestatem iurisdictionis, nisi prout Papa limitat, & disponit.

Decimò, confirmando rationem prædictam, arguitur sic: Ecclesiæ particulares ad Ecclesiam Romanam comparantur, sicut radij ad solem; sicut riui ad fontem; sicut rami ad radicem. Ergo sequitur, quòd quidquid potestatis habet iurisdictionis, habet à Romana Ecclesiâ; consequentia est bona, antecedens patet tam auctoritate Cypriani c. Loquitur, 24. q. 1. quàm Concilij Ephesini, quàm etiam Petri Rauennatis, qui dicit, quòd spiritui rami; quòd capiti membra; quòd soli radij; quòd fonti riui; huic Apostolicæ Sedis reuerentiæ debent omnes Ecclesiæ, quas vbique terrarum Religio Christiana fundauit. Confirmatur hæc ratio ex illo, quòd Vigilius Papa scribens Eleuterio Episcopo, dicit: [Nulli, vel tenuiter scienti, vel pleniter sapienti dubium est, quòd Ecclesiâ Romanâ fundamentum est, & forma sit Ecclesiarum, à quo omnes Ecclesiæ principium sumpsisse, nemo rectè credentium ignorat.] Hæc ille.

Vndecimò sic: Omnis iurisdicção, & potestas cuiuslibet Ecclesiæ, & personarum in ea videtur ab eo deriuari, & procedere, qui illam Ecclesiam sic fundauit in auctoritate, & iurisdictione; patet, cum fundamentum sit origo, & principium totius ædificij: sed omnes alie Ecclesiæ per Orbem diffusæ, sunt

sunt à Romana Ecclesia institutz, & fundataz. Ergo omnis iurisdictionis Ecclesiasticæ auctoritas aliorum Prælatorum derivatur à Papa, siue à Romano Pontifice; consequentia est bona, & antecedens pro minori habetur in cap. Omnes, dist. 22. vbi Nicolaus Papa ita inquit: Omnes, siue Patriarchæ cuiuslibet apicem, siue Metropoleon primatus, aut Episcoporum Cathedras, vel Ecclesiæ, siue cuiuscumque ordinis dignitatem, instituit Romana Ecclesia; illam verò solus ipse Christus fundavit &c. Item in cap. In illis, dist. 80. dicit Clemens Papa: Quod in illis Ciuitatibus, in quibus olim apud ethnico primi flammis eorum, atque primi legis Doctores erant Episcoporum Primates, atque Patriarchas beatus Petrus poni præcepit, in illis verò, in quibus erant eorum archisacramines, Archiepiscopos institui præcepit. In singulis verò cæteris Ciuitatibus singulos, & non plures Episcopos constitui præcepit, qui Episcoporum tantum vocabula fortiterentur; quoniam nec inter ipsos Apostolos par fuit institutio, sed vnus præfuit omnibus. Hæc ille. Item ad idem facit cap. Quis nesciat, dist. 11.

Duodecimo, Omnis ille, cui committuntur vices alicuius superioris, habet iurisdictionem suam à committente, non autem à se, nec ab alio; sed Papa, cui à Christo omnium fidelium cura commissæ est, omnibus alijs committit vices suas, & impertitur partem sollicitudinis suæ, in his quæ exequuntur pertinentia ad regimen Ecclesiæ, ergo videtur, quod omnes alijs Prælati à Papa immediate habeant, quicquid iurisdictionis voluntarie, vel contentiose habeant; maior patet, quoniam is, qui mandata iurisdictionis vitur, nihil proprium habet, sed vitur solam iurisdictionem eius, qui mandauit; minor verò probatur auctoritate beati Gregorij, & habetur in cap. decreto 2. q. 6. vbi sic ait: Sancta Romana Ecclesia ita vices suas alijs impertit Ecclesijs, vt in partem sint vocati sollicitudinis, non in plenitudine potestatis; & in cap. sequenti Iulius Papa ita dicit: Ipsa namque Ecclesia, quæ prima est, ita reliquis Ecclesijs vices suas credidit largiendas, vt in partem sint vocatæ sollicitudinis, non in plenitudinem potestatis. Et Leo Papa in epistola ad Anastasium Episcopum Thessalonicensem inquit: Vices enim nostras ita tux credimus charitati, vt in partem sis vocatus sollicitudinis, non in plenitudinem potestatis. Vnde Magister in historia Ecclesiastica tractans illud Exo. 18. Moyses omnia quæ Ietro, &c. dicit sic: Sicut Moyses consilio Ietro constituit Tribunos, & Centuriones, & Quinquagenarios, & decanos; sic Romana Ecclesia plurimos vocauit in potestatem sollicitudinis; scilicet Primatos, Episcopos, Archiepiscopos, Archipresbyteros, & minores Sacerdotes. Si ergo hos vocauit Sancta Ecclesia, impertiendo eis partem administrationis suæ, videtur, quod ipsi non sunt à Christo immediate, sed à Petro; vel successoribus eius.

Tredecimò sic: Quilibet fidelis tenetur credere vnani esse Sanctam Ecclesiam Catholicam: sed ad vnitatem Ecclesiæ requiritur, quod omnium Prælatorum potestas iurisdictionis deriuetur à Romano Pontifice, ergo

necesse est, quod quilibet fidelis hoc credat, & reseat; consequentia bona, maior patet, cum sit articulus fidei, & dicatur Cant. 6. Vna est columba mea, vna est perfecta, dicit gl'id est, Ecclesiast. minor probatur, quoniam vnitas Ecclesiæ, vt habetur à beato Cypriano in epistola de Vnitate Ecclesiæ, & habetur in cap. Loquitur, 24. q. 1. necessario attenditur in ordine ad vnani fontem originem totius potestatis Ecclesiasticæ, quam esse dicit Apostolicam Sedem, siue Romanum Pontificem, super quem fundatam dicit Ecclesiam esse. Vnde ait Ecclesia Dei luce perfusa, per totum Orbem radios suos porrigit; vnum tamen est, quod vbique diffunditur, nec vnitas corporis separatur, radios suos super vniuersam terram copia vbertatis extendit, perfluentes largitur riuos, latius pandit, vnum tamen caput est, & vna origo, & vna mater fecunditas copiosa. Hæc ille. Item S. Thomas contra Gentiles lib. 4. cap. 76. dicit: Soli Petro promissum: [Tibi dabo clauem regni cælorum] vt ostenderetur potestas clauium per eum ad alios deriuanda ad conseruandam Ecclesiæ vnitatem. Ex quibus manifestè colligitur pertinere ad vnitatem Ecclesiæ, quod à Romano Pontifice omnium aliorum Prælatorum derinetur auctoritas, quæ erat minor probanda. Ex quibus videtur, quod negare potestatem iurisdictionis inferiorum Prælatorum in Ecclesia, à Romano Pontifice immediate non dependere, non solum præiudicet Primatui Apostolicæ Sedis, sed etiam vnitati vniuersalis Ecclesiæ.

C A P. LVI.

In quo probatur eadem conclusio tertia via, seu ex inconuenientibus, quæ ex contrario modo dicendi sequuntur.

Illustrata præfata conclusionis veritate duabus vijs, iam tertia via, quæ sumitur ex inconuenientibus, quæ ex opposito modo dicendi sequuntur, restat declaranda.

Primò sic: Nullus potest licite immutare illud, quod est ex institutione, vel ordinatione Christi, sed si potestates inferiores essent immediate à Christo, sequeretur, quod Papa non posset circa eas facere mutationes, quas fecit diuidendo Episcopatus, & ampliando territoria, & restringendo casus, vel extendendo; ipse enim erigit, siue de nouo ordinat Ecclesias Cathedralis 16. q. 1. felix, & cap. Præcipimus. Item ipse subijcit vniam Ecclesiam Cathedrali alteri, extrâ de officio deleg. quod translationem. Item vnit duos Episcopatus in vno, & vnum diuidit in duos 16. q. 1. & temporis. Item mutat Sedes Episcopales de vno loco ad alium, extrâ de translat. Præl. cap. 1. & ita Sedes Apostolica hoc faciendo, sicut frequenter facit, de facto, erraret in his, quæ sunt iuris Diuini, extendendo potestatem vtrâ mensuram debitam, quod est inconueniens; in Apostolica enim Sede, vt habetur in cap. In Sede 24. quæst. 1. semper immaculata permanit Religio Christiana.

Secundò sic: Nullus potest licite augere, vel diminuerè ea, quæ sunt iuris Diuini, nisi ipse institutor: sed si potestates inferiorum Prælatorum essent immediatè à Christo iure Diuino, sequeretur, quòd Papa non posset curam Parochialem, aut Abbatialem augere in Episcopalem; sed hoc est inconueniens, & contrà vsum Ecclesiæ Romanæ, quæ de nouo sæpè erigit Ecclesias Cathedrales 16. q. 1. felix, ergo &c.

Tertiò sic: Si potestas iurisdictionis inferiorum Prælatorum est immediatè à Christo, & nullo modo collatiue à Papa, falsum diceret Papa: cum de Ecclesijs prouidens ait: Prouidemus Ecclesiæ tali, de tali persona, & præficimus eum in Patrem, & Pastorem, ac Episcopum eiusdem Ecclesiæ, committentes ei administrationem in temporalibus, & spiritualibus in nomine Patris, &c. Sed quòd erret Apostolica Sedes in his, est inconuenientissimum dicere, ergo & illud, ex quo sequitur.

Quartò sic: Simili modo arguitur ex communi modo loquendi, quo vruntur tam Summi Pontifices, quàm Episcopi in institutione alicuius Curati in aliqua Parochia; dicunt enim: Ego confero tibi curam talis Parochiæ, cura autem nihil aliud est, nisi potestas ipsa spiritualis iurisdictionis: sed si potestas iurisdictionis esset immediatè à Christo, falsum dicerent omnes Ecclesiæ Prælati sic loquentes: sed hoc est inconuenientissimum asserere, ergo illud, ex quo sequitur.

Quintò sic: Si potestas iurisdictionis inferiorum quorumcumque Prælatorum esset immediatè à Christo, sicut est potestas ordinis, tunc sicut Papa non potest solo verbo conferre, vel auferre potestatem ordinis ab aliquo inferiori Prælato, per quamcumque depositionem, aut degradationem, quia non potest tollere, quod non dedit. Item non potest Papa solo verbo dare, vel auferre potestatem iurisdictionis cuiusque inferiori Prælato, nec ipsos deponere, vel degradare, quod est inconuenientissimum, cum sit negare, tam plenitudinem potestatis Apostolicæ Sedis, quàm iura communia. Nec valet, si dicatur, quòd non sit simile de potestate ordinis, & iurisdictionis, quia super potestatem ordinis non habet Papa plenitudinem potestatis, habet autem super potestatem iurisdictionis, & idè potest hanc tollere, & non primam. Istud non valet, quia si potestas inferiorum Prælatorum est à Deo immediatè, sicut potestas Papæ; Papa non habet super illam plenitudinem potestatis, immò nihil habet potestatis super illam, cum sit immediatè à Deo, & per consequens sicut nec vnàm tollere potest, ita nec aliam; seruius enim nec tollere, nec mutare potest legem Domini sui, iuxta cap. Sunt quidam, 25. q. 1. sed hoc est aptè falsum, & inconueniens, ergo & illud, ex quo sequitur.

Sextò sic: Si potestas inferiorum Prælatorum esset immediatè à Christo, sicut potestas Papæ, sequeretur, quòd inferiores Prælati electi non indigerent ab homine confirmari, nec Curati per Patronos presentati indigerent institutione Episcopi, nec oporteret, quòd ab alio eis cura committeretur, sicut nec Papa indiget, qui electus canonicè à

Tom. XIII.

solo Christo confirmatur, & instituitur: sed hoc est inconuenientissimum, cum hoc sit, Ecclesiasticum ordinem perturbare, quia Curati ab Episcopis influuntur, qui Ecclesias eis committunt, & curam animarum; vnde mirum est dicere, quòd ille, cui ab aliquo cura animarum committitur, non habeat illam curam immediatè ab illo. Episcopus etiam ab Archiepiscopo, & ille à Papa confirmatur, & qui confirmat, iusdat & confirmatus à confirmannte habet illam potestatem, quam acquirit per ipsam confirmationem. Et sic patet quòd cum Archiepiscopus, siue Patriarcha recipiat à Papa suam immediatè potestatem, & ab illo Episcopus, & ab Episcopo Curatus; quòd omnis potestas Ecclesiasticæ iurisdictionis deriuatur à Papa mediatè, vel immediatè.

Septimò ad idem sic: Si ita esset potestas iurisdictionis inferiorum Prælatorum, immediatè à Christo, tunc Papa non posset ea, quæ ad inferiorum Prælatorum iurisdictionem pertinet, ad se aduocare, vel alijs committere ad iudicandum: sed hoc est falsum, & inconueniens, & contrà plenitudinem potestatis Papalis; est enim Iudex vniuersalis Ecclesiæ, & habet potestatem de omnibus iudicare; ergo inconuenientissimum est illud, ex quo sequitur.

Octauò sic: Si potestas iurisdictionis inferiorum Prælatorum in vtroque foro esset immediatè à Deo, & non à Papa, cum potestas diuina non possit impediri ab homine, sicut nec potestas naturæ; sicut potestas Papæ non potest facere, quin ignis comburatur stupam, si eam habet proximam: ità Papa non poterit facere per quamcumque excommunicationem, quin Episcopus possit excommunicare, & Curatus à peccatis absoluerè, consequens est falsum, & inconueniens: ergo & antecedens; consequentia videtur esse boua, & tamen falsitas consequentis patet, quia excommunicatus non habet vsum clauium, nec etiam executionem in aliquo foro, vnde sententia lata in non suditum, licet iurisdicatio sit de iure Diuino, sicut potest de facto subtrahere materiam Eucharistiæ Sacerdoti, tunc non poterit celebrare, non est simile, quia cum potestas iurisdictionis, & prælationis non sit aliud, quàm relatio ad subditos, & relatiua posita se ponunt, & perempta se perimunt, vt si est pater, est filius; & si est pater iure Diuino, habet & filium iure Diuino; si Prælati, & Episcopi habent potestatem prælationis, & curam animarum de iure Diuino, per consequens habent subditos de iure Diuino, nisi eis subtrahatur de facto, sicut panis potest subtrahi Sacerdoti volenti conficere, & tunc non poterit conficere, non quia panis desinit esse materia consecrationis, sed quia desinit esse materia præfens, & consecratio requirit materiam debitam, & præsentem: sed subtrahens non potest facere, quin panis de iure sit materia Sacramenti, & quin præfens de iure possit confici. Ita absolutioni sacramentali, quæ requirit præsentem, potest materia de facto subtrahi, & sic absolutio

Yy

tio

tio impediri: sed si de facto non subtrahatur, non potest de iure subtrahi, si subiectio est de iure Diuino, & per consequens non poterit Papa impellere Episcopum, & Curatum, quin verè absoluat sibi penitentialiter confitentem, sicut nec quin consecraret panem præsentem: sed excommunicatio, & absolutio non requirunt materiam præsentem in prospectu, sed solum in districtu; quia extrà territorium ius dicenti impunè non paretur: vnde si Episcopus, & Curatus habent populum subditi in foro exteriori de iure Diuino, si de facto expellantur de Parochia, & Diocesi, per nullam excommunicationem desinunt esse materia sua, quin possint ab eis absolui, & ligari, quia ius Diuinum per hominem non potest solui. Si dicatur quòd absolutio penitentialis facta ab excommunicato non valet, quia scienter ei confitendo penitens, nouum peccatum committit, ideo non est absolutionis capax, non valet, quia possibile est, quòd ei confitens nescit Curatum excommunicatum, & sic non ponit obicem. Item in foro exteriori cessat instantia, in quo indistinctè non tenet absolutio, nec excommunicatio facta ab excommunicato.

Nonò sic: Si inferiores Prælati habent immediatè à Christo, & non à Papa potestatem iurisdictionis, tunc Papa non posset iudices dare, nec Legatos mittere ad Dioceses Episcoporum, etiam propter eorum negligentiam, & defectum, nec Episcopi Confessores, & Prædicatores per Diocesim; consequens est falsum, & absurdum, ergo & antecedens; consequentia patet per simile, quia Papa non mittit inquisitores per terram Regum, & Principum ad puniendum, & corrigendum; quia non habent ab eo suas iurisdictiones, & iustitias. Ergo similiter si Episcopi non habent iurisdictionem suam ab eo, non poterit eis mittere Legatos, nec parè ratione Episcopos Prædicatores, nec Confessores per Parochias; falsitas autem consequens apparet de officio. Legat. per totum, & de officio ordin. c. inter cetera, ubi Episcopi mittunt per Diocesim Prædicatores, & Confessores.

C A P. LVII.

In quo obijciunt contrà antedictam conclusionem per aduersarios, ex ordine.

Apostolorum ad Petrum.

ADuersus conclusionem præfatam aduersarij plurima obijcere perlegimus, quorum obiectiones ad eam triplicem formam reduci possunt, quæ processum est ad confirmandam conclusionem præfatam.

Inchoantes verò ab ordine aliorum Apostolorum ad Petrum arguunt sic: Apostoli, & Christi Discipuli potestatem iurisdictionis, quam habuerunt, non receperunt immediatè à Petro, sed à Christo, ergo sequitur quòd Prælati in Ecclesia non recipiunt immediatè potestatem iurisdictionis à Papa, sed à Christo; consequentia est bona; quoniam Prælati maiores, vtpotè Episcopi, succedunt Apostolis, & Prælati minores succe-

dunt 72. Discipulis, vt in cap. In nouo di. 21. ait Anacletus, & habetur in glos. Luc. 10. ergo videtur, quòd sicut Papa dicitur suscipere immediatè potestatem à Christo, quia succedit Petro, ita alij inferiores Prælati dicuntur suscipere potestatem à Christo immediatè, quia succedunt alijs Apostolis, & Discipulis Christi; antecedens verò probatur auctoritatibus, & rationibus.

Primò auctoritate illa Matt. 18. [Quodcumque alligaueritis super terram, erit ligatum & in Cælis.] Quod verò hoc intelligatur de potestate iurisdictionis in foro exteriori per censuram Ecclesiasticam, patet, tum ex glos. interli. quæ super verbo [alligaueritis,] dicit: vinculo anathematis; tum ex glos. beati Hieronymi. ibidem quo dicit: Potestatem tribuit Apostolis, vt sciant, cum à talibus condemnantur, humanam sententiam Diuinam sententia roborari.

Secundò, auctoritate illa Ioannis 20. [Quorum remiseritis peccata, remittuntur eis, &c.] Quod verbum petra dicens Leo Papa in Sermonè Pentecostes, ita ait: Reducentur peccatorum etiam tunc Apostoli receperunt potestatem, cum post Resurrectionem insusauit, & dixit: [Accipite Spiritum Sanctum, &c.] Ioann. 20. Item Gregorius super eodem ita inquit: [Principatum superni iudicii fortiuntur, vt vice Dei quibusdam peccata retineant, quibusdam relaxent, quorum in Ecclesia Episcopi locum tenent.] Non potest autem dici, quòd intelligatur de potestate characteris, quia ordinati sunt Sacerdotes, quia talis fuit eis collata in Cæna, quando dictum est. [Hoc facite in meam commemorationem;] ergo necesse est dicere, quòd aliam potestatem, quam ordinis receperunt tunc Apostoli à Christo, & non est alia, nisi iurisdictionis; cum tamen duplex distinguatur potestas, scilicet ordinis, & iurisdictionis; ergo &c.

Tertiò, probant auctoritate illa Mat. 16. [Tibi dabo clauis regni cælorum,] super quo verbo Leo Papa ita inquit: [Transiit in alios Apostolos ius ipsius potestatis, & ad omnes Ecclesiæ Principes decreti huius constitutio commauit: sed hoc singulariter creditur, quia cunctis Ecclesiæ Recltoribus Petri forma præponitur. Item Rabanus ibidem in glos. ita inquit: Ligandi, & soluendi potestas, quamuis soli Petro videatur data à Domino, tamen & cæteris Apostolis data est, nec non nunc in Episcopis, & Presbyteris omni Ecclesiæ.

Quartò, auctoritate illa Luc. 6. [Vocauit Discipulos suos, & elegit duodecim ex ipsis, quos Apostolos nominauit.] Super quo verbo dicit beatus Ambrosius, quòd cum ad propagandum auxilium salutis humanæ per terrarum orbem, satores fidei destinaret, &c. ergo videtur, quòd immediatè Apostoli sunt à Christo destinati, & per consequens immediatè ab eo potestatem iurisdictionis acceperunt.

Quintò, auctoritate illa Luc. 9. [Conuocatis duodecim Apostolis, dedit illis potestatem super omnia demonia, & vt languores curarent; & misit illos prædicare regnum Dei, & sanare infirmos, & ita videtur idem quòd prius.

Sexto, probatur illa auctoritate Luc. 10. [Postquam designauit Dominus & alios 72. & misit illos binos ante faciem suam in omni ciuitatem, & locum, &c.] Super quo beatus Cyrillus ita dicit: [Postquam dixit, rogate Dominum Messis,] hoc fecit per seipsum, ita quod per se ipsum misit eos: sed ipsa missio, ut videtur, fuit collatio potestatis, ergo &c.]

Septimo, auctoritate illa Anacleti, & habetur in cap. In nouo, dist. 21. ubi dicitur: [Ceteri Apostoli cum eodem, scilicet Petro, pari consortio honorem, & potestatem acceperunt.] Ecce quod dicit cum eo, non autem dicit ab eo; ergo videtur, quod omnes alij Apostoli acceperunt à Christo immediatè potestatem, sicut & Petrus.

Octauo, auctoritate illa Cypriani, quæ ait in cap. Loquitur 24. quæst. 1. quod Dominus post Resurrectionem parem potestatem omnibus Apostolis tribuit.

Nono sic: Petrus non videtur contulisse potestatem iurisdictionis Matthiæ: sed eam immediatè habuit à Christo; ergo similiter alij Apostoli, & per consequens alij Ecclesiæ Prælati, qui eorum loca in Ecclesia tenent; consequentia est bona, quia non magis videtur de Matthia, quam de alijs Apostolis; antecedens patet, quia electus fuit immediatè à Christo, non autem à beato Petro. Vnde super illud Act. 1. [Ostende quem elegeris,] dicit beatus Dionysius in libr. de Ecclesiastica hierarchia, quod Petrus recepit Matthiam ad numerum Apostolorum, Diuina electione ostensum.

Decimo, arguitur idem de Paulo, qui potestatem iurisdictionis immediatè videtur à Christo recepisse, vnde ipse ait 2. Co. 10. [Et si amplius aliquid gloriatus fuero de potestate nostra, quam dedit nobis Dominus, non alius in edificatione &c.] videtur, quod si non alius, quam Dominus, ergo non Petrus. Item ipse ait ad Galat. 2. [Mihi enim qui aliquid esse videbantur, scilicet Iacobus, Cephas, & Ioannes, nihil mihi contulerunt,] ergo maiori ratione alij Apostoli receperunt à Christo, quos ipse Christus immediatè vocauit.

C A P. LVIII.

In quo contra conclusionem præfatam per aduersarios obijciatur via rationum.

Secunda via sic, scilicet per rationes aduersarij sic arguunt.

Primo: Dicit Bernardus scribens ad Eugenium: [Erras, si vsum summam, ita, & solam institutam à Deo æternas tuam Apostolicam potestatem:] ait enim Paulus ad Romanos 13. [Omnis anima subdita sit potestatibus sublimioribus;] non ait sublimiori, tamquam in vno, sed sublimioribus, tamquam in multis; non tua ergo potestas sola à Christo instituta, sunt & mediocres, sunt & inferiores. Ecce quod ponit alias potestates inferiores institutas à Christo.

Secundo sic: Episcopi sunt sponsi Ecclesiæ: sed hoc non nisi immediatè gerendo vicem Christi veri Sponsi, ergo, &c.

Tem. XIII.

Tertio, Actorum 15. super quæstione mora de Legalibus veteris Testamenti obseruandis, vel non, cum fide Christi scribitur, secundum quod dicit magister in historijs, quomodo Petrus furgens primus ratiocinando dicit, non esse imponendum fidelibus iugum legis: facta autem silentio, Iacobus Hierosolymitanorum Episcopus adhaerens verbis Petri, auctoritate Pontificis protulit definitiuam sententiã dicens: Viri fratres audite me, Simon narrauit, &c. propter quod ego iudico, &c. quasi diceret, meum est proferre sententiam, quia est in Dicecxi mea. Hoc autem non faceret post iudicium Petri, & in præsentia eius, si iurisdictionem haberet ab ipso Petro: quare nec Episcopi, qui sunt successores Apostolorum iurisdictionem habent à Papa, qui est successor Petri.

Quarto sic: Quod competit Sacerdotibus ex vi Sacramenti sui Ordinis habent immediatè à Christo, sed potestas iurisdictionis quoad forum conscientie est huiusmodi; ergo, &c. Maior supponitur, minor probatur: quia quilibet Sacerdos accipit potestatem ligandi, & soluendi in susceptione Ordinis, sed posse ligare, & soluere pertinet ad potestatem iurisdictionis: ergo, &c.

Quinto sic: Nobilior, & firmior videtur esse Principatus, cuius potestas iurisdictionis in singulis gubernantibus deriuatur à Deo quam si ab aliquo homine puro deriuetur, cum talis potestas sic nobiliorem habeat originem, sed id, quod maioris nobilitatis est,tribuendum est Principati ecclesiastico: ergo, &c.

Sexto sic: Dionysius VI. Cælestis Hierarchiæ postquam posuit, quod ordo pontificalis esset primus, & diuinissimus omnium ordinationum dicit: Videmus enim omnem Hierarchiam in Iesu consummatam. Ex quo habetur, quod omnis Hierarchia immediatè reduciatur ad Christum: quod non esset, nisi omnis potestas in Hierarchia ecclesiastica esset immediatè à Christo: ubi commentator ait, quod ordo episcopalis præ cæteris ordinibus ecclesiasticis proximus est Deo, & vltimus, id est consummatus aliorum; quia in ordine episcopali impietur omnis Hierarchiæ dispositio.

Septimo: Ab illo, quis dicitur in Ecclesia habere potestatem immediatè iurisdictionis, à quo ponuntur Rectores Ecclesiæ; à quo enim habet causa secunda, quod sit, habet quod causa sit; sed à Spiritu sancto ponuntur, qui Rectores, & Prælati Ecclesiæ sunt: secundum illud Act. 20. [Attendite vobis in vniuerso regi, in quo posuit vos Spiritus sanctus Episcopos regere Ecclesiam Dei.] Ex quo videtur, siue loquatur ad Episcopos propriè, siue ad Presbyteros largè dictos Episcopos, siue ad vtrosque simul: quod illi, de quibus loquitur, ponantur in regimine Ecclesiæ à Spiritu sancto, sicut successores Petri in loco eius: & per consequens, quod potestatem regiminis non habeant ab homine, sed à Christo, processus videtur notus.

Octauo sic: Ab illo quis dicitur habere iurisdictionis potestatem in aliqua communitate, cuius dicitur esse Vicarius in communitate illa, sed sic est, quod alij Prælati in Ecclesia, siue Episcopi, siue etiam Curati non

X y 2 di-

dicantur Papæ, sed Dei Vicarij: ergo immediate habent à Deo potestatem suam; consequentia patet, & antecedens pro maiori parte; minor verò patet ex glossis super epistolam 2. ad Corinth. 6. & habetur 34. quæst. 4. muliet. De Curatis verò patet per illud de pœnit. dist. 3. §. inter hæc; ubi dicitur: Ecce eum, quem Sacerdos iudicat, Deus iudicat, cuius personam in Ecclesia gerit.

Nono sic: Sicut se habent Principes ad Regem, ita videntur Episcopi se habere ad Papam, sed Principes non semper habent iurisdictionem suam à Rege; ergo nec Episcopi à Papa, maior videtur patere: vnde de Apostolis dicitur Psal. 44. [Constitues eos Principes super omnem terram.] Minor verò probatur; quia sæpe contingit, quod à Principibus habentibus iurisdictionem eligitur Rex, sed iurdictio, quæ habetur ante iurisdictionem Regis, non habetur à Rege.

Decimo: Illud, quod habetur per electionem populi, non habetur à Papa, sed iurdictio Episcoporum habetur per electionem populi: ergo, &c. Si dicatur quod non, quia requirit confirmationem. Contrà; quia illa confirmatio non semper fit à Papa, sed ab Archiepiscopo: ergo non oportet, quod potestas Episcoporum sit à Papa.

Vndecimo sic: Papa non habet rationem capitis principalis in Ecclesia, sed ministerialis: ergo influentia eius respectu Ecclesiæ non attenditur quantum ad donationem, siue collationem potestatis, sed tantum quoad dispositionem subiecti recipientis: sicut instrumentum non attingit per se principalem effectum, sed disponit materiam ad dispositionem effectus, quem causa imprimere intendit, & ita, ergo dato, quod Papæ, utpotè Capitis, sit influentia in membra ecclesiastica, non sequitur propter hoc, quod eius influentia attendenda sit quantum ad collationem cuiuscumque potestatis: sed tantum quantum ad dispositionem recipientis; quia scilicet nominatio Papæ, siue institutio, siue confirmatio disponit personam sic institutam, ut assequatur potestatem ex antiqua collatione, processus videtur bonus.

Duodecimo sic: Alij Apostoli dicuntur fundamenta Ecclesiæ sicut & Petrus. Vnde ad Ephes. 4. scribitur: [Superedificati super fundamentum Apostolorum,] & Apoc. 21. dicitur: [Fundamenta ciuitatis 12. in quibus scripta erant nomina 12. Apostolorum,] sed illi, super quos fundatur Ecclesia, videntur immediate adhærere Christo per acceptationem potestatis: ergo omnes Apostoli receperunt immediate à Christo potestatem.

C A P. LIX.

In quo obijcitur contra præfatam conclusionem in speciali de presbyteris curatis.

Quidam aduersariotum de ordine presbyterorum curatorum plusquam oportet, ut videtur: sapere volentes: ita statum presbyterorum curatorum extollere præsumpserunt, ut illorum statum, & illos à Christo immediate institutos esse assererent: ita ut illorum iurisdictionis auctoritas, nec à Papa, nec ab Episcopis in aliquo dependeret.

Pro qua parte Ioannes de Poliacho quodlibeto 5. quæst. 14. ita arguit: Sacra scriptura statum curatorum dicit esse institutum, & ipsos à Christo, quia accipio tamquam manifestum, quod status, in quo est potestas, & iurdictio, continuatur in diuersis temporibus ab illo, à quo fuit institutus à principio, cum institutus fuit, & consecratur in omnibus temporibus sequentibus, & quod successor eius in aliqua dignitate, officio, aut statu ab illo eodem instituitur in illo, in quo antecessor institutus est, cum in eodem statu succedat, quasi eadem persona, sicut patet per iurisdictionem in omnibus baluvis præpositis prioribus, & magistris ordinum, & sic de alijs: alijs successor nullo modo censetur, quasi eadem persona cum antecessore, sed status, & potestas, & iurdictio 72. discipulorum continuatur in sacerdotibus curatis, sicut status Apostolorum, & potestas, & iurdictio in Episcopis, & succedunt sacerdotes curati 72. Discipulis, sicut Episcopi succedunt Apostolis, dicens glossa Luc. 10. Sicut in Apostolis forma est Episcoporum, sic in 72. forma presbyterorum secundi ordinis: ergo sequitur, quod ab ipso eodem à quo status Discipulorum fuit institutus à principio, modo est institutus status curatorum, & à quo fuerunt instituti Discipuli, sunt instituti curati habentes auctoritatem, & iurisdictionem ab illo eodem, à quo & 72. Discipuli, sed status Discipulorum à Christo est institutus, & ipsi ab eo instituti, & missi potestatem immediate ab ipso Christo accipientes, non ab aliquo Apostolorum, sicut nec alij Apostoli, Discipulis enim simul, & Apostolis potestatem prædicandi, & potestatem clauium contulit vtrique quando dixit: Sicut misit me pater, & ego mitto vos, scilicet ad prædicandum. Et postea: Quæcumque remiseritis &c. quo ad potestatem ligandi, & soluendi. Item Matth. ult. in fine dicit Dominus in monte Gallilææ parum ante Ascensionem: [Euntes igitur, docete omnes gentes.] Ecce, quod eis dat officium prædicandi. [Baptizantes eos in nomine Patris, & Filij, & Spiritus Sancti.] Ecce potestatem baptizandi dat eis. Item Marc. ult. Euntes in mundum vniuersum prædicare Euangelium omni creature. Sequitur postea: Illi autem profecti prædicauerunt ubique Domino cooperante, & sermonem confirmante sequentibus signis. Fortè dices, quod ibi non fuerunt 72. Discipuli quando hoc dixit Apostolis, imò fuerunt,

C A P. I X.

In quo ponuntur aduersariorum obiectiones sumptæ ex inconuenientibus, quæ dicuntur sequi ex conclusione præfata.

Potestatem aduersarii conclusionem præfata tam labefactare nituntur ex inconuenientibus quibuscumque, quæ videntur eis ex præfata conclusione sequi.

Arguunt enim sic: Potestas, quæ est ab aliquo, deficit illo deficiente: cum virtus sequentium pendeat ex eo vnde siccata radice, ramorum deficit virtus, & extincta fonte, riuiulorum aqua siccat: si ergo potestas iurisdictionis aliorum prælatorum Ecclesie deriuatur à Papa, sequitur, quod eo expirante, siue moriente, deficeret cæterorum prælatorum auctoritas; sed hoc est falsum, & inconuenientissimum; ergo illud, ex quo sequitur, consequentia est bona, & antecedens patere videtur, cum deficiente causa, deficit eius effectus.

Secundò sic: Si inferiores prælati iurisdictionem suam acceperunt immediate, non à Christo, sed à Papa, tunc videtur, quod potestas Papæ se haberet ad potestates Episcoporum, sicut potestas regis ad potestatem iudicium institutorum per eum, & non sicut ad potestates principum, sed hoc est inconueniens, quia sequeretur, quod Episcopi non essent ordinarii, aut curati: sicut iudices non sunt ordinarii, ut videtur, consequentia videtur bona, & totum assumptum.

Tertiò sic: Si potestas Episcoporum, & curatorum non differt à potestate iudicum, qui instituuntur à principibus, ita scilicet, quod tota potestas eorum est à potestate Papæ, & quod pro libito talem potestatem conferat Papa secundum quod sibi placet, tunc potestas eorum non differt à potestate commissariorum, quia utrobique quilibet habet tantum de potestate, quantum placet instituenti, sed hoc est falsum, & inconueniens, quia tunc Episcopus non posset committere, cum commissarij non possint committere.

Quartò sic: Si prælati alij potestatem iurisdictionis, quam habent, habent non immediate à Christo, sed à Papa, tunc Papa possit ad libitum deponere etiam sine culpa, & sine causa Episcopos, sed hoc est falsum, & inconueniens: ergo & illud, ex quo sequitur, consequentia videtur bona satis, maior patet, quia quilibet superior, à quo totaliter pendet potestas inferiori, pro libito voluntatis potestatem amouere, & potestatem subtrahere à suis inferioribus, sicut Rex balium, & Papa legatum suum mutare potest ad libitum sine peccato. Minor patet, quia dicit ibi Apostolus 2. Corinth. 10. Potestatem, quam dedit mihi Dominus, in ædificationem, non in destructionem, non est dubium, quin vtens potestate ad oppositum eius, ad quod est ordinata peccet.

runt, & negare hoc, videtur manifestè hæreticum, & contrà sacram Scripturam, quæ aliàs saluari non potest. Vnde Act. 1. quando reuerſi fuerunt de monte Oliueti, vnde Christus ascendit, dixit Petrus: Oportet ex his viris, qui nobiscum sunt congregati omni tempore, quo Christus intrauit, & exiuit Dominus Iesus inter nos iucipiens à baptismo, Ioannis vsquequò assumptus est à nobis, testem resurrectionis eius fieri vnum ex illis, & statuerunt duos, Ioseph, & Matthiam, qui fuerunt de 72. Discipulis; ergo, & ipsi, & alij Discipuli fuerunt in ascensione Christi, cum iterato misit eos ad prædicandum, & baptizandum, immò si debeat illa scriptura verificari, oportet eos 72. Discipulos fuisse semper cum Christo, sicut & 12. ergo Apostoli, & Discipuli sunt immediate instituti à Christo, & ab ipso receperunt sine medio potestatem; ergo & status curatorum, & ipsi sunt immediate à Christo instituti, & ab ipso immediate potestatem habent, status enim istorum, non est alius, & alius: sicut status isti non sunt alij, quam erant ante centum annos, sed est vnus status continuatus à Christo semper, & potestas data illis à Christo, est continuata in istis, quare enim potestas collata Petro continuata est in Rom. Pontif. & potestas collata alijs Apostolis non est continuata in alijs Episcopis, & potestas collata Discipulis, non est continuata in curatis, non potest dicere, & ideo curati sunt veri ordinarii habentes iurisdictionem ordinariam non iure humano sibi datam, sed à Christo immediate in prima institutione Ecclesie, in qua hos duos ordines, & solum illos instituit, & etiam non sunt Vicarij Episcoporum, sed Iesu Christi ab ipso instituti: inferiores tamen, & minores Episcopis, nec ab ipsis possunt delitti, nisi ex rationabili causa, sicut nec Episcopi à Papa, cum non sint eorum Vicarij, sed Iesu Christi. Item, Episcopi habent inferiorem potestatem à Deo immediate sub Papa, sed non à Papa: quia tunc, Sede Papali vacante, potestas in prælati inferioribus periret: sicut sensus abscisso capite deficiunt in cæteris membris. Et si ita esset, adhuc manifestius constaret, quod Episcopus ordinarius tempore vacationis nullam haberet potestatem, & cum illa vacatio posse durare in multis annis, sequeretur, quod potestas Ecclesie totaliter deperiret, quod nepharium est dicere. Cogsimiliter potest argui, quod curati suam potestatem non habent, nec à Papa, nec ab Episcopis, ergo, &c. Ex quo patet, quod nec Papa à prælati potest potestatem datam à Christo eis, auferre, & alijs non prælati dare: nec statum Ecclesie à Christo institutum destruere, & mutare, cum sit ei data potestas in ædificationem, non in destructionem, sicut ait Apostolus 2. Corinth. 10. Et hoc pulchrè dicit Urbanus Papa. 25. quæst. 1. sunt quidam, vbi sic dicit. Inde nouas leges condere potest Romanus Pontifex, vbi Euangelistæ aliquid nequaquam dixerunt, vbi verò Dominus, vel eius Apostoli, & eos sequentes sancti Patres sententiales aliquid diffinierunt ibi, nec nouam legem Romanus Pontifex dare potest, sed potius quod prædicatum est, vsque ad animam, & sanguinem confirmare debet, &c.

CAP. LXI.

In quo respondetur ad obiecta aduersariorum primò sumpta ex parte Apostolorum.

Tanta firmitate veritatis stabilita, videtur conclusio præfata dicens, quòd omnium aliorum prælatorum Ecclesiæ iurisdictionis auctoritas, non modo quoad executionem, & vsum, vt volunt aliqui dicere: sicut Gofridus de Fontanis, & Henricus de Gandano in suis quodlibetis, & alij eorum sequaces: sed etiam quoad substantiam potestatis à Romano Pontifice mediare, vel immediate regulariter sit deriuata, vt saluo meliori iudicio, in nullo ei videatur per aduersariorum rationes præiudicatum. Quod nos maxime faciemus manifestum, cum ad singulas aduersariorum rationes adiungemus responsa. Habet autem inter alia fundamenta, præfata nostra conclusio fundamentum irrefragabile, diffinitionem scilicet, Apostolicæ Sedis, quæ cum supra petram Christum fundata sit, in ea semper fides illibata permanfit, permanebitque. Diffiniuit autem videtur Apostolica Sedes hoc per plures summos Pontifices.

Primò quidem per Vigilium Papam, qui in decretis suis scribens Eleutherio Episcopo ita dicit: Nulli vel tenuiter scienti, vel pleniter sapienti dubium est, quòd Ecclesia Romana fundamentum sit, & forma Ecclesiarum: a qua omnes Ecclesiæ principium sumpserunt, nemo rectè credentium ignorat. Hæc ille. Nota bene verba, quia si nullus credentium ignora debet, quin omnes Ecclesiæ à Romana sumpserunt initium, nullus etiam ignorare debet, quin etiam sumpserint, & auctoritatem.

Secundò, hoc idem diffiniuit per Nicolaum Papam Primum, qui scribens Mediolanensibus, vt habetur in cap. omnes dist. 22. ita dicit: Omnes siue Patriarchæ, idest, Patriarchatus cuiuslibet Apicem, siue Metropolitæ primatus, aut Episcopatum Cathedralis, vel Ecclesiarum, siue cuiuscumque ordinis dignitatem instituit Romana Ecclesia: illam verò solus ipse fundauit &c. Nota verba, quòd Ecclesia Romana instituit, cuiuscumque ordinis dignitatem; ergo quòd cuiuscumque ordinis iurisdictionis potestas ab Ecclesia Romana dependeat, nullus debet dubitare fidelis.

Tertiò, diffiniuit Apostolica Sedes per Innocentium Papam Primum, qui vt habetur in cap. quis nesciat dist. 11. ita Episcopo Decentio scribens dicit: Quis nesciat, aut quis non aduerat id, quod à Petro Apostolorum Principe Romanæ Ecclesiæ traditum est, ac nunc hucusque custoditur, ab omnibus debere seruari, nec superinduci, aut introduci aliquid, quod auctoritatem debeat generali aliunde accipere, vel exemplum, præsertim cum sit manifestum in omnem Italiam, Galliam, Hispaniam, & Aphricam, atque Siciliam, Insulasque interiacentes nullum instituisse Ecclesiæ, nisi eos, quos venerabilis Petrus, aut successores eius constituerunt sacerdotes, & ita oportet eos hoc sequi, quod

Ecclesia Romana custodit à qua principium eos accepisse, non dubium est. Hæc ille. Nota verba: principium accepisse, non dubium est; ergo, & auctoritatis substantiam. Quarto diffiniuit, siue testatur Apostolica Sedes per beatum Gregorium Papam, qui scribens Episcopis per vniuersas Prouincias, vt habetur in cap. decreto 2. quæst. 6. ita de Romana Ecclesia ait, quòd ita alij vices suas impertinit Ecclesijs, vt in partem sint vocatæ sollicitudinibus, non in plenitudinem potestatis. Quintò hoc idem attestatur Apostolica Sedes per Iulium Papam, qui vt in cap. qui se scit, causa & quæst. supradictis ita dicit: Ipsa namque Ecclesia, quæ prima est, ita reliquis Ecclesijs vices suas credidit largiendas, vt in partem sint vocatæ sollicitudinibus, non in plenitudinem potestatis. Nota verba impartiuit, & largitus est vices suas alijs Ecclesijs. Cui iam dubium est, quin omnes alij Ecclesiæ auctoritatem suam habeant ab ipsa Romana Ecclesia, sicut in partem, & largiente illam. Nec potest dici, quòd illa partitio, & largitio vicum suarum intelligatur de particulari, speciali, accidentali commissione, quam Papa facit quibusdam Ecclesijs quoad primatum, & dignitatem legationis, aut quotidianis commissionibus, quas facit ecclesiasticis personis. Tùm primò: quia hoc non conuenit nisi certis, & paucis, ac determinatis Ecclesijs, & personis, auctoritates autem omnes loquuntur de omnibus alijs Ecclesijs in communi, sicut apparet ex forma dicendi. Tùm secundò: quia huiusmodi commissio, quæ fit certis personis, aut Ecclesijs est accidentalis, illa enim, quæ sunt per accidens, non cadunt sub arte 2. Metaphys. vnde auctoritates sunt intelligendæ de potestate, quam habent cæteræ Ecclesiæ communiter, & non accidentaliter, quòd scilicet talis procedat ab Ecclesia Romana.

Roborata iam sic conclusione nostra, Apostolicæ Sedis auctoritate, cuius non est contradicere, respondendum est ad obiecta. Pro quorum tamen solutione, & materiz præsentis notitia clariori præmittimus in primis hoc notabile, tam ex beato Thom. in 1. sententiarum dist. 12. quàm ex communi aliorum doctorum doctrina colligitur, quòd cum dicitur aliquid habere potestatem immediatè ab aliquo alio, potest intelligi dupliciter, vel quantum ad immediationis virtutis, vel quantum ad impediacionem suppositorum agentium, à quibus habetur talis potestas. Si sermo curat de primo modo immediationis, tunc dicimus, quòd omnis virtus, auctoritas, potestas, & iurisdicchio, quæ est in Papa, siue in aliquo quocumque Prælate, est à Christo immediatè. Hoc patet, quoniam à nullo alio potest talis potestas conferri, nisi per potestatem existentem in Christo, siue collatà à Christo, sicut nulla alia causa à prima potest agere, nisi per virtutem causæ primæ. Et de hoc modo immediationis non loquimur hic, quoniam hoc modo immediationis omnis potestas quoruncumque de Ecclesia, est immediatè à Christo. Sed loquimur de secundo modo immediationis, quæ est ex parte suppositorum agentium, siue potestatem conferentium, quo modo tunc quæ dicitur à Christo immediatè, potestatem aliquam suscipere, quam

quando inter accipientem potestatem, & ipsum Christum conferentem, non est aliquod medium, scilicet suppositum suscipiens à Christo, & conferens ipsam potestatem alteri. Et de isto modo immediationis loquentes, hic dicimus, quod solus Petrus immediatè à Christo potestatem iurisdictionis accepit, cui soli dictum est: [pascue oves meas, & tibi dabo claves Regni Cælorum.] Omnes verò alij Apostoli à Christo, mediante Petro potestatem susceperunt, dicente beatissimo Leone, Papa, vt suprà inducitur, quod Christus si quid alijs Ecclesiæ Principibus voluit cum Petro esse commune, numquam nisi per ipsum dedit: quicquid alijs non negavit. His habebitis dicendum est, ad rationem in oppositum.

Ad primam respondetur dupliciter. Primo negando consequentiam, ista enim consequentia non est bona: Apostoli, & Discipuli habuerunt potestatem iurisdictionis à Christo immediatè, ergo, & nunc Ecclesiæ Prælati potestatem iurisdictionis habent immediatè à Christo. Quod duobus exemplis facimus manifestum. Primum est de constitutione mundi, manifestum est, quod licet in principio mundi prima individua specierum, sint immediatè facta à Deo, tamen de nouo non sunt immediatè à Deo, quantum ad ordinem suppositorum agentium, immò sunt medianter virtute cælesti, & mediantibus alijs causis secundis. Vnde Aristot. 2. physicorum ait, quod Sol, & homo generant hominem, sicut ergo non valet ista consequentia: In institutione mundi, cæli, & elementa, ac alij principales partes mundi fuerunt immediatè à Deo facta, ergo etiam in propagatione rerum institutarum omnia, quæ sunt, sunt immediatè à Deo. Ità etiam ista consequentia non est bona: Christus in prima constitutione, & foundatione Ecclesiæ immediatè constituit Apostolos, Episcopos, & Curatos, quantum ad potestatem iurisdictionis, ergo similiter in progressu Ecclesiæ fundata, alij, qui sequuntur post institutos à Christo, sunt immediatè à Christo instituti. Hoc etiam similiter patet in secundo exemplo, quod consideratur in regimine ordinis politici, licet enim Christus Princeps, & pastor principalis Ecclesiæ, dum præsens esset in regno militantis Ecclesiæ, secundum conseruationem humanam, instituit per se Apostolos, & Discipulos in diuersis iurisdictionibus, non sequitur propter hoc, quod ipso absente secundum conseruationem humanam, alij, qui in regno Ecclesiæ succedunt primis per eum institutis, sint ab ipso immediatè instituti, poterunt enim esse instituti à suo Vicario generali, cui totius regni sui curam, & regimen committit: sicut contingit in politijs secularibus, & etià spiritualibus, quod cum principalis Dominus, longo tempore disponit absente se committit suo generali Vicario; vt si interim vacare contingat officia, aut loca aliqua, provideat de idoneis ministris. Quod ità credendum esse factum esse, cum Christus altæ cælorum peteret, ab ecclesiæ militante potentiam suam corporalem, visibilemque subtraheret, betao Petro, tamquam eius generali Vicario curam, & regimen totius Ecclesiæ suæ plenissime commendaret. Vnde in huius-

modi figura legitur Efdr. 7. Artaxaxes Rex Regum Efdr. 9. Vicario suo generali dat potestatem constituendi omnes Iudices in provincia suæ Vicarij dic. Tu autem Efdra, &c. constitue præfides, qui iudicent omni populo. Quod maxime hic ità factum esse credidit, quoniam hoc & ad firmitatem vnitatem Ecclesiæ conseruandâ, & ad obedientiam pleniorè inferiorum Prælatorum ad suum generale, Vicarium plurimum conferret. Et ità patet, quod consequentia illa aduersariorum nulla sit. Et ad probationem cum dicitur, quod Episcopi succedunt Apostolis, & Præbyteri 72. Discipulis, ergo &c. respondetur, quod consequentia ista non est necessaria: Iste succedit illi in aliqua iurisdictionis potestate, ergo habet eam immediatè ab eo, quò prædecessor habuit, clarissimum enim, est quod multi Prælati succedunt alijs in similitudine officij, aut potestatis, & non in modo accipiendi: sicut patet exemplariter de duobus Episcopis eiusdem loci sibi succedentibus, quod licet habeant similem potestatem episcopalem, non oportet, quod illam habeant eodem modo, quia vnus potest habere eam per institutionem Papæ, alius per electionem. & simile exemplum est de curato, qui potest poni à Papa in immediatè, vel per confirmationem Episcopi. Et ità dato, quod Apostoli receperint à Christo immediatè potestatem, non sequitur propter hoc, quod Episcopi, & Curati eodem modo, scilicet immediatè suscipiunt à Christo potestatem. Quod etiam manifestè videtur patere ex Glof. Aug. & Cassiodori super illud Psalm. 44. [Pro patribus tuis nati sunt tibi filij, vbi dicit. Post Prophetas Apostoli, & pro Apostolis Episcopi, & alij, quos Ecclesiæ genuit, & in sede patrum constituit. Hæc Glof. Ecce quod manifestè facit, quod Ecclesiæ Episcopos genuit, & in sede Patrum constituit, ergo per consequens illis Ecclesiæ immediatè potestatem contulit, & per consequens non habuerunt illam immediatè à Christo, non ergo valet ista consequentia: Episcopi succedunt Apostolis in similitudine officij, aut potestatis, ergo in modo recipiendi, ità quod immediatè habeant illam à Christo, sicut Apostoli. Quod verò constanter dicitur ad probationem, cum inducitur similitudo de Papa, quod ipse dicatur, ideò immediatè accipere potestatem à Christo, quod succedit Petro, qui à Christo habuit immediatè, respondetur, quod non, est simile de Papa, qui est vniuersalis Vicarius Christi in tota vniuersali Ecclesiâ, & de alijs Prælati, qui sunt particulares Vicarij, quoniam Vicarij particulares constitui possunt ab alio, quàm à principali Domino, quoniam possunt institui à generali Vicario, non sic autem de generali Vicario, quoniam pro amplitudine, & vniuersalitate potestatis, & auctoritatis suæ non potest, nisi à principali Domino immediatè constitui, & ideò nou est simile. Verum de hoc pleniùs dicemus in sequenti, & videbitur planè, quod rationes aduersariorum sint parui prætij. Et hæc sunt dicta, quo ad primam rationem. Secundò respondetur ad præfacam obiectionem negando antecedens, suæ assumpti: videlicet quod Apostoli, & Discipuli receperint à Christo immediatè potestatem iurisdictionis, quam habus:

habuerunt, quoniam hoc non videtur bene probabile iuxta auctoritates, & decreta sanctorum Patrum, ac rationes supra inducias per diuersa capitula. Quare respondendum est ad auctoritates, & rationes inducias ad probandum antecedens prædictum.

Ad primam, quæ inducitur Matth. 18. Quodcumque alligaueritis super terram, &c. respondetur, quod auctoritas nihil facit pro aduersarijs, quoniam per illa verba non est tunc data actu aliqua potestas iurisdictionis Apostolis, bene tamen promissa, vel insinuata dari in futurum eis, & successoribus eorum, non enim videtur, quod ante passionem, suam Christus alicui Apostolorum dederit aliquam potestatem iurisdictionis. Quod ex multis colligi videtur. Tum ex eo, quod illo tempore conuenienti alibi habere potestatem iurisdictionis, pro quo competit exercere, actum iurisdictionis in foro conscientie, vel contentioso, sed ex dictis euangeliorum non apparet, quod aliquis Apostolorum exercuisset aliquem actum iurisdictionis ante passionem Christi, maxime cum illo tempore nondum facti essent sacerdotes, ergo, &c. Tum secundò, quia Christus ante passionem per se regebat Ecclesiam suam, non per officiales, aut Vicarios, ergo non videtur, quod tunc aliquis Apostolorum habuerit potestatem iurisdictionis alicuius maxime cum nulli Apostolorum Christus assignasset subditos aliquos, in quos iurisdictionem sibi datam exequi uoluissent. Tum tertio, quia si data dicatur potestas iurisdictionis Apostolis à Christo actu regente Ecclesiam, aut plena, & illimitata super omnes fideles, sicut ipse Christus habebat, aut dara est eis potestas limitata super aliquos, & super aliquos non, sed nullum horum uidetur dicendum, non primum patet, non secundum, quia non est fingere limitationem talem, ergo, &c. Tum quarto: quia si tunc data fuisset Apostolis potestas iurisdictionis tunc videtur, quod omnes alij Apostoli equalem potestatem iurisdictionis, recepissent cum Petro, quod non est dicendum, quia solus ille vocatus est in plenitudinem potestatis, qui etiam ipsorum Apostolorum Princeps erat à Christo ordinatus. Dicendum ergo videtur, quod per illa verba dicta Apostolis ante passionem, scilicet, [quodcumque alligaueritis, &c.] nulla auctoritas iurisdictionis data sit Apostolis, sed solum promissa, & insinuata dari in futurum, sicut prædiximus, sicut nec Petro per verba illa Matth. 16. [Tibi dabo clauis Regni Cælorum, & quodcumque solueris, &c.] Et ad verba Hieron. dicentis in Glos. quod potestatem tribuit Apostolis. Dicimus, quod ly tribuit exponendum est, idest tribui promissit, quoniam enim Dei promissio certiissima est, ideo Hieron. de potestate promissa loquens, more scripturæ loquitur, ac si iam data fuisset.

Ad secundam auctoritatem, quæ habetur Ioann. 20. [Quorum remiseritis &c.] respondetur, quod ista auctoritas non loquitur de aliqua auctoritate iurisdictionis, sed tantum de potestate ordinis, unde S. Thomas respondens ad hanc auctoritatem in 4. dist. 19. dicit sic. Ad absolutionem peccatorum, requiritur duplex potestas, scilicet ordinis, &

potestas iurisdictionis, prima quidem potestas est equaliter in omnibus sacerdotibus non autem secunda: & ideo, ubi Ioann. 20. Christus dedit Apostolis communiter potestatem dimittendi peccata, intelligitur de potestate, quæ consequitur ordinem, unde, & sacerdotibus, quando ordinantur, illa verba dicuntur: Hæc S. Thomas. Hæc autem potestas, quæ consequitur ordinem, est ille principatus superni iudicii, de quo dicit Greg. quæ Apostoli tunc à Christo suscepunt. Cum autem arguitur ex aduerso, quod non possit intelligi de potestate ordinis, quia illam habuerunt in cena Domini, cum facti sunt sacerdotes. Respondemus cum eodem S. Thomas in 4. dist. 23. sicut superius lib. 1. cap. 92. notauimus, quod Dominus dedit Discipulis suis sacerdotalem potestatem, quantum ad principalem actum ante passionem, quando dixit: [Accipite, & manducate.] Vnde subiungit. [Hoc facite in meam commemorationem,] sed post resurrectionem dedit eis potestatem sacerdotalem, quantum ad actum secundarium, qui est ligare, & soluere. Et ita patet, quod per illam auctoritatem non probatur intentum aduersariorum. Præterea quod prædicta auctoritas non faciat ad aduersariorum propositum, sed magis confirmat propositum, patet ex ordine temporis, quo Christus verba illa dicit Apostolis, quoniam ut inquit sanctus Thomas in 4. dist. 23. Quamuis omnibus Apostolis data sit communiter potestas ligandi, & soluendi, tamen ut in hac potestate ordo aliquis significaretur, primò soli Petro dara est, ut ostendatur, quod ab eo in alios debeat descendere, propter quod ei singulariter dixit Christus, [confirma fratres tuos, & pasci oves meas, idest loco mei,] ut dicit Chrysostomus, præpositus, & caput esto fratrū tuorum, ut ipse in loco meo assumentes, vbique terrarum te in throno tuo sedentem prædicent, & confirment.

Ad tertiam auctoritatem, quæ ponitur Matth. 16. [Tibi dabo clauis, &c.] Super qua dicit Leo Papa, quod transtulerit in alios Apostolos ius illius potestatis, respondetur, quod beatus Leo Papa verum dicit, nec dubium est aliquod, an Apostoli habuerint potestatem ligandi, & soluendi, sed an habuerint immediate à Christo, vel non loquendo de immediate suppositorum agentium. Dicimus ergo, quod ius potestatis transtulit, & commauit in alios Apostolos, & Principes Ecclesiæ, sed per Petrum, nam ut idem Leo inquit in 3. sermone ordinationis suæ. Quicquid cæteris cum Petro voluit esse commune, non nisi per Petrum dedit, quicquid alijs non negauit. Et hoc sonat verbum transtulit, qui de extremo ad extremum non fit, nisi per medium, & quod ita etiam veniat intelligendum, non modo patet ex supradictis, sed ex eo, quod dicitur in fine eiusdem auctoritatis, ubi sic dicitur, quod Petro hoc singulariter creditur, scilicet alijs dispensandum secundum illud 1. Corinth. 9. Dispensatio mihi credita est, fuit enim Petrus dispensator ille fidelis, quem constituit Dominus super familiam suam, glos. idest Ecclesiā Luc. 22. Eodem modo respondetur ad auctoritatem Rabani in glos. Dicimus enim, quod potestas data Petro, sit data alijs Apostolis, nihilominus, ta-

muta differenter, sicut exemplariter possumus dicere, quod Deus dedit lumen Soli, & Stellis, sed differenter, quia soli immediate, & in plenitudine, stellis verò per medium solis & in minori quantitate. Sic Christus dedit Petro Vicario suo generali, & Gubernatore totius Orbis Christiani, & in quantitate, siue mensura per Petrum limitanda secundum partem sollicitudinis, ad quam essent euocandi.

Ad quartam auctoritatem, quæ habetur Luc. 6. respondetur negando consequentiam, quomodo ex illa auctoritate, nec ex dicto Ambrosij habetur, quod Christus tunc contulerit potestatem aliquam iurisdictionis Apostolis, aut discipulis, sed bene potestatem prædicandi. Huiusmodi autem potestas prædicandi distincta est à potestate iurisdictionis, quemadmodum multe aliæ potestates, quæ in Euangelij legitur date Apostolis, sicut est potestas miracula faciendi, sicut est potestas baptizandi, sicut est potestas Sacerdotalis, siue conficiendi, sicut est potestas, temporalia pro spiritualibus metendi, sicut est potestas ligandi, & soluendi in foro conscientie. Vnde ex collatione talium potestatum facta Apostolis, aut Discipulis non arguitur, quod data fuerit eis potestas iurisdictionis aliqua tunc à Christo.

Ad quintam, & sextam auctoritates per idem patet responso. Quod verò dicebatur, quod missio sit collatio potestatis iurisdictionis falsum est; licet enim sit collatio potestatis prædicandi, non tamen potestatis alienius iurisdictionis. Quocirca ex hoc, quod Christus immediate misit Apostolos, & discipulos ad prædicandum, non habetur, quod Christus immediate dederit eis aliquam potestatem iurisdictionis.

Ad septimam auctoritatem, quæ est Anacleti: respondetur iuxta gloss. decreti, quod loquitur de potestate ordinis, siue consecrationis, non autem de potestate iurisdictionis, de qua est presens sermo, & ideo textus ille non fauet in aliquo aduersariis.

Ad octauam auctoritatem, quæ est Cypriani in cap. loquitur 24. quæst. 1. facilis est responso per gloss. eundem cap. quæ ait, quod paritas illa accipienda sit in ordine, & dignitate consecrationis non in administrationis plenitudine, in hoc enim Petrus superior fuit, & maior, ut potest Apostolorum Princeps, ait enim beatus Clemens, & habetur in cap. in illis distinct. 80. quod inter Apostolos non fuit par institutio, sed vnus præfuit omnibus. Et ita videtur, quod textus ille non de potestate iurisdictionis loquitur, sed de potestate ordinis, & ita non est ad propositum.

Ad nonam, in qua obijciuntur de electione Matthie: responderetur negando assumptum, & ad probationem dicimus, quod non sufficienter probat negatum, quoniam licet dicatur, quod à Christo immediate fuerit electus ad dignitatem Apostolatus, & ascribens sacro numero duodenario Apostolorum, non habetur ex hoc, quod non fuerit aut Episcopus immediate à Christo consecratus, aut Donatus aliqua iurisdictionis auctoritate, ista enim non habent ad inuicem connexionem, essentialem, sicut manifestum est, multo enim tempore Apostoli fuerunt Apostoli, & non Episcopi, nec aliquam habentes potestatem iurisdictionis, plures etiam in primitiua Eccle-

sia fuerunt Episcopi, qui non fuerunt Apostoli.

Ad decimam obiectionem de Paulo respondetur multipliciter. Primò, quod argumentum hoc non videtur fatere ad propositum, quoniam cum dictum est, quod omnes Prælati Ecclesiæ à Romano Pontifice suscipiunt immediate potestatem iurisdictionis, additum est regulariter, non volumus denegare quin aliqui potuissent recipisse à Christo immediate, licet enim lege communi nullus munderetur ab originali, sine baptismo, secundum illud Ioann. 3. Nisi quis renatus fuerit ex aqua, & Spiritu sancto, non potest intrare in Regnum Dei, quod nullus ingreditur, nisi mundus, quia nihil inquinatum currit in illam gloriam. Nihilominus Deus, qui nullis refringitur legibus, qui nec sacramentis suam ligauit potentiam, potest quencumque munderare, sine baptismo, aut aliquo Sacramento, per sanctificationis munus in vtero, vel alio modo, sicut sibi placet. Ita in proposito dicimus, quod Deus Petrum instituit Pastorem, Principem, ac caput Ecclesiæ, voluit de communi lege ad vnicaem Ecclesiæ seruandam, ut ab ipso suo vniuersali Vicario, & consequenter à suis successoribus omnes alij inferiores Prælati, & Rectoris Ecclesiæ vniuersali iurisdictionis potestatem, ac regiminis auctoritatem susciperent, & recognoscerent, Nihilominus Paulo, aut alteri Apostolorum, siue etiam, non Apostolo, sicut sibi placet dare potest, & potuit illam potestatem, & etiam maiorem, quam alij susceperunt mediante Petro. Sicut ergo non valet ista consequentia. A. est munderatus ab originali peccato à Christo immediate sine baptismo, ergo, & alij, ita nec illa. Secundò, respondetur, quod inducitur de Paulo non procedunt, quoniam in illis non fit mentio de potestate iurisdictionis, sed de auctoritate prædicationis siue Euangelizandi verbum Dei, & ad hoc ipse immediate electus est à Christo secundum illud Act. Vas electionis est mihi iste, &c. Vnde gloss. secundum illud 2. Corinth. 10. quoniam inducitur ex aduerso. De potestate nostra, quam dedit Dominus, dicit gloss. De potestate Apostolatus, quam Dominus dedit nobis, non illis. Tertiò respondetur, quod licet in principio Apostolatus, Paulus à Christo immediate auctoritatem prædicationis habuerit, nihilominus tamen post etiam à Petro recepit, quando auctoritate Petri Paulus, & Barnabas per inspirationem Spiritus sancti missi sunt ad prædicandum Act. 13. sicut tangit gloss. decreti capit. quis nesciat, dist. 11.

CAP. LXII:

In quo respondetur ad secunda obiecta aduersariorum, scilicet per rationes.

Responso data ad obiecta aduersariorum sumpta ex ordine Apostolorum, ad Petrum, iam restat respondendum alijs rationibus illorum.

Et ad primam sumptam ex auctoritate
Z z bea-

beati Bernardi respondetur, quod beatus Bernardus dicens non solum Papalem, sed etiam alias potestates Ecclesie esse à Christo, verum dicit, & oppositum asserere est erroneum, quoniam vt Apostolus ait ad Rom. 13. omnis potestas à Deo est, sed hoc non obuiat proposito nostro, quoniam non dicimus, quod potestas iurisdictionis Prælatorum Ecclesie non sit à Christo, absit hoc ab ore Christiano, sed quod non sit immediatè à Christo immediatione suppositorum agentium, sed sit hoc modo immediatè à Romano Pontifice, qui in regimine Ecclesie, & dispositione eius vices gerit Iesu Christi sicut eius Generalis Vicarius, non dicit autem Bernardus, quod omnes potestates aliæ Prælatorum sint immediatè à Christo vnde non est ad propositum.

Ad secundam rationem, quam fecit Henricus de Gandauo, quod Episcopi sunt sponsi Ecclesie, &c. respondetur. Primò, quod vt inquit S. Thom. in tractatu contra impugnantes Religionem, & nos in superioribus terigimus in cap. 27. sponsus Ecclesie propriè est Christus, de quo dicitur Ioann. 3. Qui habet sponfam, sponsum est, ipse enim de Ecclesia suo nomini filius generat. Alij autem, qui sponsi dicuntur, sunt ministri sponsi exterius cooperantes ad generationem spiritualium filiorum, quos tamen non sibi, sed Christo generant. Qui quidem ministri in tantum sponsi dicuntur, in quantum vicem veri sponsi obtineant, & ideo Papa, quod vicem sponsi obtinet in tota Ecclesia, vniuersalis sponsus Ecclesie dicitur, Episcopus autem suæ diocesis. Secundò respondetur negando istam consequentiam: Episcopi in hoc gerunt vicem Christi ergo per potestatem, quam immediatè receperint à Christo. Ista consequentia non valet, quia vicem Christi gerunt per potestatem, quam immediatè receperunt à Rom. Pontifici, qui immediatè vocat eos in potestatem sollicitudinis suæ.

Ad tertiam de beato Iacobo, qui dixit: Ego iudico, &c. dicunt quidam, sicut Henricus de Gandauo vbi supra in responsione cuiusdam argumenti, quod licet Petrus potuisset ferre sententiam, nihilominus, quia congruum fuit, & decess, vt quilibet superior permittat gaudere inferiorem sua potestate ordinaria, vbi eam habet exercere, & ideo Petrus permisit Iacobo in sententia illa ferenda vt iure suo, sicut Papa cum est in Ciuitate aliqua, non aufert propter hoc officialem, nec curiam Episcopo illius Ciuitatis; sed de his, quæ ibi emergunt ei iudicium, dicitur. Sed ista responsio non videtur nobis rationalis, quoniam hic est spiritualis causa propter quam hoc non debuit Petrus permittere, licet enim communiter fiat, & decenter, sicut dictum est, in particularibus negotijs ad tribunal Episcopi deductis, non tamen decenter, & conuenienter hoc fit, cum fidei vniuersalis est, quod ventilanda, & declaranda, non ad tribunal Episcopi deducitur, sed ad tribunal Papæ, siue Concilij vniuersalis, vbi Papa vniuersaliter præsideat; sicut fuit de questione legalium super qua venit Paulus, & Barnabas ad Petrum, & ad alios Apostolos, & Presbyteros, qui erant Hierusalem, vt dicitur Act. 15. quoniam,

tunc non ad loci Episcopum, sed ad Papam, ad quem maiores causæ pertinet, & qui in omni loco est ordinarius, cum approbatione Patrum Concilij pertinet præfata questionis diffinitio, & ita factum est hic, quoniam non Iacobus, sed Petrus tanquam omnium Princeps diffiniuit, vnde beatus Hieron. in epistola 22. ad August. Petrus Principem dicit huiusmodi decreti, ideo institutorem, beatus verò Iacobus non diffiniens, sed definitionem factam per Petrum premulgans, siue pronuncians, quia specialis illius loci erat Episcopus, ait: Ego iudico. Vnde magister Nicolaus de Lyra super hunc locum Act. 15. ita dicit: Licet Petrus esset principalis inter Apostolos, tamen detulit Iacobo in sua diocesi, vt determinationem dubij proferret. Nota, quod non dicitur diffinire, aut determinare, scilicet determinationem, sed iam factam per Petrum proferret coram Concilio.

Ad quartam cum dicitur, quod competit Sacerdotibus, &c. respondetur negando minorem, & ad probationem respondetur, quod licet posse ligare, & solvere ad exendum in actum necessariò requirat potestatem iurisdictionis; nihilominus tamen secundum se ad potestatem ordinis pertinet.

Ad quintam cum dicitur, quod nobilior, & firmitior, &c. respondetur dupliciter. Primò, quod non facit ad propositum, quoniam nos concedimus, quod in omnibus gubernantibus, siue regibus habentibus in Ecclesia Principatu iurisdictionis potestas sit à Christo; licet in aliquibus inferioribus, mediantibus superioribus suis, vtque ad primæ Sedis Pontificem, à quo velut omnium capite, omnibus inferioribus profluit, iuxta sententiam sanctissimi Leonis Papæ in cap. ita Dominus, dist. 19. quemadmodum in Hierarchia Cœlesti, à qua exemplata est Ecclesiastica; licet lumen reuelationis in quemcumque Angelum descendat, à Deo Patre lumen descendat, nihilominus lumen diuinitatis ita habet, vt inferiores per medios, & medijs per superiores illud recipiant. Secundò respondetur, quod si aduersarij ita dicere vellent, quod nobilior sit principatus, cuius potestas iurisdictionis in singulis gubernantibus, deriuatur immediatè immediatione suppositorum à Deo; quam sit mediantem aliquo alio. Decimus, quod videtur nobis hoc esse falsum, quoniam non facere, magis videtur ad nobilitatem principatus, quod rectores eiusdem habeant immediatè immediatione suppositorum agentium potestatem à Deo, quam si mediatè, dum tamen habeant immediatè immediatione virtutis. Vnde non videtur, quod nobilior esset principatus vniuersi, in quo pæsidet Deus, si ipse immediatè ageret omnia, nullo interueniente ordine causarum secundarum, quam nunc sit nec sacer Principatus Hierarchiæ Cœlestis videtur, quod esset nobilior, si lumen reuelationis, quod à superioribus per medios descendit in infimos, immediatè à Deo in singulos descenderet: Immo videtur è contra, quia per hunc modum Deus magis nobilitat Angelos superiore, & medios, quos non tantum lumine suo replet, sed etiam participatione potestatis suæ cooperatores efficit, dum ipsi à Deo illuminatis, alios illuminant, & illustrant.

Vnde

Vnde beatus Dionys. in fine 3. cap. Cœlestis Hierarchiæ de hoc ita dicit: Vnusquisque Hierarchiæ dispositionis ordo secundum propriam analogiam, reducitur ad diuinam cooperationem, illam perficiens gratia, & à Deo data virtute, quæ diuinitati, & naturaliter, & supernaturaliter insunt, & ab ea supersubstantialiter in inferiores actus, sunt ad possibilem Deum diligentium aliorum imitationem. Sensus est, vt dicit Albertus Magnus in 2. parte, quod illuminati à Deo reducuntur ad Dei cooperationem in hoc, quod sunt, sicut illuminati à Deo, ita alios illuminant, & perficiunt per gratiam, & virtutem datam eis à Deo. Item beatus Thom. in 1. parte, quæst. 103. artic. 6. hoc probat sic: Cum per gubernationem res, quæ gubernantur, sunt ad perfectionem deducendæ, tantò erit melior gubernatio, quantò maior perfectio à gubernante rebus gubernatis communicatur. Maior autem perfectio est, quod aliquid in se sit bonum, & etiam sit alijs causa bonitatis, quàm si esset solummodò in se bonum, & ideo Deus sic gubernat res, vt quasdam aliarum in gubernando causas instituat, in quibus etiam est Ordo deriuationis potestatis superiorum ad inferiores; quoniam, vt dicit S. Thom. ibidem, ex ordine ministrorum potestas Regia præclarior redditur.

Ad sextam rationem, quæ sumitur ex Dionys. respondetur, quod parum facit ad propositum aduersariarum, aut nihil. Concedimus enim in primis, quod Ordo Episcoporum sit primus, atque sublimissimus, scilicet ordinis dignitate, in qua omnes Episcopi sunt æquales; neque in ea Papa alios Episcopos excolit. Hoc autem dicimus non facere ad propositum; quia nos in presenti non loquimur de potestate ordinis, sed iurisdictionis, in qua dicere quemlibet Episcopum esse summum, & sublimissimum esset hæreticum, quia licet quilibet Episcopus possit dici summus Sacerdos, vt in cap. videntes 12. quæst. 1. & 2. quæst. 7. accusatio, vnus solus tamen est Summus Pontifex, scilicet Romanus Episcopus. Quod autem communiter dicitur, in Christo Iesu omnem hierarchiam consummatam, conceditur, vt tandem in Iesum, vt potè in vltimum consummatorem, & perfectorem omnium, omnis hierarchia præficiatur, & consumatur, ordine tamen quodam, ita quod infima hierarchia per medium, & media per supremam reducantur in Iesum, consummatorem omnium, quæ reductio intelligenda est, non quo ad diuinæ essentiae visionem, quam omnes Angeli habent sine medio aliquo, sed quo ad reuelationem mysteriorum gratiæ. Quod verò vterius dicitur, quod hoc non esset, nisi omnis potestas in Ecclesiastica Hierarchia esset immediata à Christo, & non à Petro, respondetur, quod hoc est falsum de potestate iurisdictionis loquendo, sicut patet ex dictis, & facilius potest exemplariter ostendi in Hierarchia Cœlesti.

Ad septimam rationem, quæ sumitur ex illo Act. 10. Attendite, &c. respondetur, quod maior illius rationis est vera de eo, à quo sicut influente immediate sunt in Ecclesia positi rectores, sicut autem non omnes rectores Ecclesiarum sunt positi à Spiritu sancto.

Tom. XIII.

Et ad auctoritatem, quæ inducitur est, respondetur, quod positio illa, quæ Spiritus sanctus dicitur posuisse ministros illos ad regendum Ecclesiam Dei, intelligenda est, non per modum immediatæ institutionis, siue immediatæ collationis potestatis iurisdictionis, sed per modum inspirationis, quemadmodum, qui canonica institutione positi sunt in Ecclesia Prælati, siue Rectores à Deo, siue à Spiritu sancto, dicuntur vocati ad regimen Ecclesiæ suæ; licet tamen non sint immediatè à Deo instituti, sed mediante superiori Prælato. Vnde gloss. super illud Apostoli ad Hæbr. 5. [Ne quis sibi honorem assumat, sed qui vocatur à Deo,] dicit: Qui rectè eligitur, à Deo vocatur.

Ad octauam rationem, in qua dicitur, quod Episcopi sunt Vicarij Christi, respondetur. Primo, negando maiorem vniuersaliter illius argumentationis, dicentes, solum habere veritatem de Vicario generali à Principe constituto, non autem de particularibus; & secundum quid Vicarijs, qui à generali Vicario constitui possunt, sicut est manifestum; s. vnde & Episcopi dicuntur Vicarij Apostolorum, cum eorum vices gerant in Ecclesia, vt in cap. quorum vices dist. 68. & nihilominus volunt aduersarij concedere, quod ipsi receperint potestatem immediatè ab Apostolis, illa ergo maior propositio non est vniuersaliter vera, vnde bene stat, quod tales particulares Vicarij à Vicario generali immediatè constituentur, & nihilominus aliquo modo dicantur Domini principalis Vicarij in quantum ministerialiter sibi cooperantur dispensando Sacramenta fidelibus, sicut patet de Sacerdote Curato, qui licet sit institutus immediatè à Papa, siue ab Episcopo, Pastore, vel Confessor vnus populi; nihilominus dicitur Vicarius Christi de pen. dist. 4. 9. Inter hæc. Secundo respondetur, quod falsum est, quod Episcopi non sint Vicarij Papæ, nam Ecclesia Romana, vt habetur in cap. decreto, & in cap. sequenti, 2. quæst. 6. dicitur impartiri, & largiri alijs Ecclesijs vices suas. Item curatis quibusdam in sua ordinatione dicit Episcopus: Quantò fragiliores sumus, tantò amplius necessarii auxilijs indigemus. Illius ergo vices gerunt, ad cuius auxilium assumuntur. Nec obstat, quod sunt Ordinarij, quia etiam Legatus à Latere est Ordinarius, & tamen est Papæ Vicarius.

Ad nonam rationem cum dicitur, quod Papa sit caput ministeriale, &c. respondetur, concedendo antecedens, & negando consequentiam. Pro quo notandum, quod sicut superius in cap. 22. commemorauimus, iuxta sanctum Thom. caput in alia membra dupliciter influit. Vno modo, quodam intrinseco influxu, prout virtus moriua, & sensitiua à capite deriuatur in cætera membra. Alio modo secundum exteriorem quandam gubernationem, prout scilicet secundum visum, & alios sensus, qui in capite radicantur, dirigunt homo in exterioribus actibus. Interior autem influxus non est ab aliquo, nisi à solo Christo, cuius humanitas, ex hoc, quod est diuinitati coniuncta, habet virtutem iustificandi, & per consequens Papa, & alij Ministri Ecclesiæ, quantum ad hunc influxum non videtur habere ministerium, nisi quantum ad dispositionem subie-

subiecti per dispensationem Sacramentorum. Sed secundum influxum in membra Ecclesie, quantum scilicet ad exteriori gubernationem potest alijs competere, & secundum hoc Papa dicitur caput Ecclesie, in quantum est gubernator, & rector Ecclesie, dicente Domino beato Petro, cuius Romanus Pontifex successor est: [Pascite oues meas,] Ioann. ult. Et secundum hunc influxum exteriori influentia Papæ respectu Ecclesie attenditur etiam quantum ad collationem potestatis in eos, quos vocat in partem sollicitudinis sue; quemadmodum in regimine regni videmus, quod à Rege, qui caput regni dicitur secundum illud Osee 6. [Optimates capita populorum, omnis potestas regiminis, & gubernationis inferiorum ministrorum derivatur. Quod verò inducitur, quod instrumentum, non attingit ad principalem effectum, sed disponit materiam, non est ad propositum, quoniam potestas regiminis non est principalis effectus, quem Christus principalis agens intendit inducere in animabus fidelium, ut omnibus notum est, sed fit quasi instrumentum, quo mediante populus per Ecclesie ministros gubernatur, & disponitur ad susceptionem hic diuinæ gratiæ, & gloriæ in futuro.

Ad ultimam rationem, in qua arguitur, quod Apostoli fuerint fundamenta Ecclesie, sicut Petrus respondetur negando assumptum: si intelligatur, quod alij Apostoli fuerint fundamenta Ecclesie, sicut Petrus, id est in omni ratione, siue modo, quo Petrus, quoniam hoc est falsum, quoniam sicut superius in cap. 17. explicauimus, beatus Petrus non solum dictus est fundamentum Ecclesie ratione illa communis, qua ceteri Apostoli videlicet, quia in fide, & Christi doctrina Ecclesiam fundauerunt, sed spiritali quadam ratione, scilicet ratione principatus, & auctoritatis summæ sibi datæ, principatus enim eius quasi basis quadam est totius Ecclesie; unde sibi soli dictum est Matth. 16. [Tu es Petrus, & super hanc petram ædificabo Ecclesiam meam.] Et ideo licet commune fuerit Apostolis, quod immediate per fidem adhererent Christo, suscipientes ab eo illustrationem doctrinæ, siue fidei, nihilominus hoc proprium fuit Petro adherere Christo per immediatam susceptionem potestatis, & auctoritatis iurisdictionis ab eo: alij verò mediante Petro recipiunt à Christo. Et ideo hoc modo super alios Apostolos non dicitur fundata Ecclesia, quia tota potestas Ecclesie fuit Petro collata, nec habet Ecclesia aliam potestatem iurisdictionis, nisi quam Deus Petro concessit. Et ideo dicit August. in cap. quodcumque 24. quest. 1. quod in Petro Ecclesia clausa accepit.

C A P. LXIII.

In quo respondetur obiectionibus, quæ inducuntur sunt pro Curatis.

IAM reliquum est respondere obiectionibus, quibus aduersarij niti sunt ostendere in speciali, quod Curati non à Papa, nec ab Episcopis suæ iurisdictionis potestatem acci-

piant, sed immediate à Christo. Vbi tamen admirandum venit, quod prefati aduersarij voluerunt Curatos non solum eximere à dependentia potestatis à Papa, & Episcopis, sed etiam equiparare eos Episcopis in iure, quod in Parochia habent: eum tamen ipsi non sicut propriæ Prælati, sed adiutores Episcoporum, quibus principaliter imò tota iurisdic-tio plebis commissæ est, unde in eorum ordinatione dicunt Episcopi: [Quanto fragiliores sumus, tanto magis his adiutorij indigemus:] unde eos Apostolus 1. Corinth. 12. cum dicit: Alij sunt gubernantes, alij opitulantes: per opitulantes secundum glossam, intelligit, qui maioribus opem ferunt, cuiusmodi sunt Archidiaconi, & Curati. Propter quod dicit S. Thom. in lib. de perfectione vite spiritualis, quod si quis recte consideret, hoc modo in regimine Ecclesie competant Archidiaconi, & Plebani ad Episcopos, sicut in Regno temporali, propositi, & balui ad Regem. Quod etiam ex hoc videtur, quia cum plebs principaliter Episcopo committatur, isti non possunt aliquid, nisi quantum eis ab Episcopis committitur. Unde in e. quæcumque 11. quest. 1. ex Concilio Antiocheno sic habetur. Quæcumque res Ecclesie sunt, conuenit cum omni diligentia gubernari, & dispensari cum iudicio, & potestate Episcoporum, cui totius plebis animæ videntur commissæ, ut in cap. cunctis 16. quest. 1. Clemens Papa ita dicit, Concilio verò fidelibus, & summo opere omnibus fidelibus, & summo opere omnibus Presbyteris, & Diaconibus, & reliquis Clericis attendendum est, ut nihil absque proprii Episcopi licentia agant, non vitæ, missæ sine eius iussu quisque Presbyterorum in sua parochia agat, non baptizet nec quicquam absque eius permisso faciat. Hæc ibi. Planè si Presbyteri Curati haberent potestatem immediate à Christo, & non à Papa, aut Episcopis suis non possent ligari ab aliquo inferiori, ut sine licentia speciali, vel saltem Generali Episcoporum non possint agere ea, quæ competunt eis iure Diuino. Respondendum est ergo ad rationes eorum, quibus, ut apertius, & plenius respondeatur, resoluemus omnem argumentationis illorum processum ad vigesima puncta.

Dicunt autem in primo, quod Scriptura sancta dicitur statum curatorum institutum esse immediate à Christo, & etiam ipsos Curatos, hoc videtur esse falsum, ut dicit Dominus Petrus de Palude, quia Christus per se non fecit, nisi vnum Curatum, scilicet Petrum quando ei dixit soli: [Pascite oues meas.] Et prius ei promiserat dicens. [Tibi dabo clausas Regni Cælorum.] Matth. 16. [Et confirma Fratres tuos.] Luc. 22. [Et si peccauerit in te Frater tuus, corripe, & cetera.] Matth. 18. quæ omnia pertinent ad Curatum, & soli Petro dicta sunt, unde sibi soli legitur cura animarum Christus commississe, sed quia impossibile erat, quod per se solum perfectè totius gregis curam ageret, ideo per consequens commisit illi facere alios Curatos, quotquot ipse pro adiutorio suo, & populi salutis opus esse cognosceret, nec Christus per se instituit, nisi vnam solum curam totius Ecclesie suæ, non enim dimisit pastores suos dicens Petro, [Pascite oues circumcissionis, & Pau-

Paulo, Pasce oves gentium &c.] sed vnam curam totius bullis instituit, quam Petro commisit, ut fiat vnum ouile, & vnus pastor, sed Petrus postmodum per se, & per alios diuisit prouincias, & dioceses, & parochias, vt ex eo in illis di. 80. colligitur, vnde status curatorum distinguitur à statu Episcoporum, & statum Papam non fuit à Christo institutus immediatè cū nullas parochias, aut casus & potestatis limitationes, sub Episc. distinxit nec ipsi curati sunt à Christo instituti in suis parochiis, sed solus Petrus, vt dictum est.

Quod consequenter, secundo loco dicunt ad probationem primi, quod status in quo est iurisdicção continuatur in diuersis temporibus ab illo, à quo fuit institutus, & conseruatur. Dicendum, quod verum est secundum intentionem instituentis, & non contrariam, & mediatè, & immediatè.

Quod autem dicunt tertio loco, quod successor alicuius in aliqua dignitate, aut officio, ab illo instituitur à quo antecessor. Dicimus, quod verum est, quādo instituens antecessor, retinet sibi institutionem successoris & potest hoc facere, secus autem si non sibi retineat sed alteri committeret. Vnde quoniam Papa erigit de nouo sedem cathedralē, ipse primò sibi præsulem instituit, successores autem non sibi instituendos semper reseruat, sed electionem illis, quos facit canonicos, committit, & confirmationem, & per consequens institutionem metropolitano, cui eam subiecit sicut in baliuis, & præpositis idem, & vniū est institutor prædecessorū, successorū quādo Rex instituit sibi hoc ipsum reseruat, aliter non. In Prioribus etiam, & Abbatibus communiter consuevit primus institui ab aliquo saltem immediatè, quā successores sicut beatus Bernardus, prædictus est in Abbatem clareuallensē ab Abbate Cisterciensē dante subditos, & simul vtrosque mittētes, successores autem facti sunt per electionem, quo etiam modo vtuntur omnes religiones in conuentibus nouis formandis, nihilominus, tamen secundum veritatem semper institutor primi prælati in statu, est etiam institutor successorum immediatè, vel mediatè, in quantum eius virtute sit institutio ab alio, cui ipse commisit, sicut Archiepiscopus, cui Papa submittit Episcopum, quem instituit, ab ipso Papa ius instituendi accipit.

Quod autem dicunt quarto loco ad probandum id, quod dixerant, scilicet quod non cōsecratur eadem persona successor cum prædecessore nisi ab eodem institueretur, non est verum, quoniam à quocunque instituitur, dum tamen in idem succedit, quantum ad id reputatur ante, sicut patet in exemplis positæ parum antè, de prælati, qui nouiter in religionibus instituuntur, & eorum successoribus, qui successores eadem persona reputantur cum prædecessoribus: licet à diuersis sint instituti. De quo etiam exemplum ponere possumus, quod si quis succedens non habens aliā hereditatem iure suo licet non instituitur à quo institutus fuerat defunctus, tamen in hereditate, in qua succedit, reputatur eadem persona cum defuncto, & dicitur verus successor.

Quod autem dicunt quinto loco status & potestas discipulorum continuatur est in,

curatis, sicut status, & iurisdicção & potestas Apostolorum in Episcopis, & quod succedunt curati discipulis sicut Episcopi Apostolis, non videtur verum, intelligendo, quod status sacerdotum curatorum præcessit explicite in discipulis Christi aut Christi ascensionem, & sic continuatur semper in sacerdotibus curatis, & hoc patet, quia discipuli pro tempore discipulatus Christi, id est vique ad passionem, vel ascensionem: non fuerunt sacerdotes, nec fuerunt curati, licet post Pentecostes, quidam ex eis fuerunt sacerdotes, quidam Episcopi, & quidam dyaconi, & quidam nec sacerdotes, nec curati. Vnde non habuerunt, ex quo vocati sunt discipuli, statum euratorum, nec quantum ad ordinem, nec quantum ad curam determinatam parochiarum: & ita status eorum non est continuatus in curatis, sed verum est, quod status illorum fuit figura status euratorum, quo ad statum prædicandi, & temporalia merendi, & quantum ad hoc succedunt eis, id est hanc habent potestatem, sicut illi, & ita intelliguntur omnes auctoritates, quæ hoc sonant. Et similiter dicendum est de Apostolis, quod ante passionem non habuerunt ipsi statum Episcoporum & ordinem, sicut supra in cap. 21. ostendimus. Quod ergo dicunt, quod status Apostolorum continuatur in Episcopis, verum est & quo ad statum primum, quo ad potestatem & auctoritatem prædicandi, si tamen illa in eis non fuerit interrupta, & quo ad dignitatem super alios, & quo ad statum vltimum, quia finaliter omnes Apostoli fuerunt Episcopi. Et similiter, quod dicit de discipulis, quod status continuatur est in curatis in parte, verū dicit scilicet quantum ad aliquid, quoniam aliquo modo status eorum continuatur in curatis, quia sicut illi sub Apostolis habuerunt potestatem prædicandi, sic, & curati, & isti post illos, vnde ista successio, qua Episcopi succedere dicuntur Apostolis, & curati discipulis, licet habeat bene aliquam similitudinem successionis: quo ad aliquam, quæ dicta sunt, non tamen habet veritatem successionis, sicut nunc Episcopus succedit alteri Episcopo, qui præcessit in episcopatu aut curatus, qui nunc est, alteri curato in parochia, qui ante fuit, vt patet ex dictis.

Quod autem concludunt sexto loco ex prædictis, videlicet quod ab eodem à quo fuit institutus status discipulorum, sit institutus status euratorum, non sequitur, quia curati non sunt veri, & proprii successores eorum, vt dictum est, imò in quantum sacerdotes, curati differunt totaliter ab eis, quia nec illi erant sacerdotes, vnde beatus Marcus, qui fuit de præstantioribus discipulis, vt dicit Hieron. in prologo super Marcum, pollicem sibi post amputauit, vt indignus sacerdotio reputaretur. Nec illi erant curati, quia non habebant aliquam plebem determinatam sibi commissam, sicut curati, nec poterant aliquem absolueret, vel ligare, vnde est totaliter alius status, licet in aliquibus sit similitudo, scilicet in potestate prædicandi, & temporalia merendi, & in inferioritate ad Apostolos. Hac ratione dicitur in glo. Luc. 10. quod discipuli figuram, suæ formam gerentes sacerdotum secundi ordinis.

Quod vltimè septimo loco dicunt quod

ab eodem instituuntur curati, à quo, & discipuli. Dicendum, quod non sequitur, etiam si esset idem status iste, & ille, quia Dominus, qui discipulos primò instituit, dato quòd fuissent primi curati, sequentes curatos non sibi referuauit instituendos, sed commisit vicario suo generali cōmisi cui curā omnium ouiu, dicens [Pascite oues meas] Ioan. vlt; Illas autem oues Petrus pascit, quas pascendas ipse committit quia qui per alium facit, per seipsum videtur facere, sed illas Petrus non videtur pascere. quas aliquis pascit, non nomine Petri, nec à Petro institutus, sed ab alio: vnde quicunque dicit, quòd aliqui pastores, vel curati in ouili Christi instituuntur non à Petro, sed immediate à Christo, falsissime videtur verbum Domini dicentis Petro. [Pascite oues meas], sed debuit dicere, [Pascite oues meas vna cum pastoribus, quos tibi adiungo, vel adiungam] Et est bene mirum, si Christus erat immediate institutus omnes alios pastores per mundum particulatim, sicut successorem Petri vniuersaliter, quare non ita dicit de alijs Apostolis pro Episcopis, & discipulis pro curatis, pascite oues meas, & vos cum Petro, sicut paterfamilias omnibus operarijs, quos immediate conduxit, dicit. [Ite, & vos in vineam meam &c.] Matt. 20. Præterea si eis erat daturus æquē immediatē, sicut Petro, claus iurisdictionis, sicut successor Petri, mirum est, quare non ita dixit eis, aliquando dabo vobis claus Regni cælorum cum Petro, sicut hoc dixit Petro, nam de alijs, quos dedit eis, sicut Petro, putā intellectum scripurarum, & gratiam prædicandi, dixit communiter. Dabo vobis os, & sapientiam, cui non poterunt resistere. Et de potestate miraculorum inquit, Dedi vobis virtutem, & potestatem &c. Luc. 10. Vnde cum non legatur Christus Apostolis dedisse claus iurisdictionis, nec curam animarum alijs Apostolis, nec discipulis, sicut Petro, dato quòd Episcopi succedant Apostolis, & curati discipulis sicut Papa Petro, non sequitur, quod habeant curam, nec potestatem, sicut Petrus, & Papa à Christo immediate.

Quod autem octauo loco dicunt, quòd sicut Apostoli non habuerunt potestatem suam à Petro; nec discipuli ab Apostolis, nec etiam à Petro, sed omnes immediate à Christo, sic Episcopi, & curati non à Papa, sed à Christo, in duobus peccant, sicut diximus supra in cap. 61.

Primò, quia sicut supra dictum est, Apostoli, & discipuli omnem potestatem iurisdictionis acceperunt à Petro. Secundò peccant, quia dato, quòd ita esset, quòd omnes illi quasi primi Episcopi, & primi curati accepissent immediate à Christo, non propter hoc sequitur, quod alij successores accipiant immediate ab eo, sed magis à successore suo; quia Christus hoc non sibi retinuit, sed suo Vicario generali commisit.

Quod constanter dicunt nono loco quòd Christus immediate dedit potestatem prædicandi, & baptizandi etiam post resurrectionem, & in die ascensionis, parum valet, quia ex hoc non habetur, quòd dedit eis potestatem iurisdictionis, vt superius habitum est in præcedenti cap. Caterum, etiam non sequi-

tur, quòd si Christus adhuc præsens corpore & per se Ecclesiam suam regens, per seipsum, dedit Apostolis potestatem prædicandi, & baptizandi, vel aliam quamcunque potestatem, quòd propter hoc det eorum successoribus, sed magis, quòd successor Petri det successoribus illorum, maxime quia facta paucorum, communem, legem non faciunt. Vnde si illi propter suam sanctitatem hoc habuissent, qui confirmari non poterant abuti, non oportet; quòd ita sit de alijs; sed debuit feruari communis causa vtilitatis: quòd ab vno capite omnes acciperent suam potestatem limitatam.

Quod autem decimo loco dicunt, quòd data sit discipulis in resurrectione potestas ligandi, & soluendi simul cum Apostolis, manifestè videtur fallum ex prædictis, maxime quia ipsi non erant sacerdotes. Illud autem dictum in resurrectione. Quorum remiseritis peccata &c. non nisi de potestate soluendi, & ligandi in foro conscientie loquitur.

Et cum dicunt 11. loco ad probationem iam dictorum, quòd quando Christus dixit. Sicut misit in eum Pater, & ego mitto vos; quòd tunc dedit potestatem prædicandi discipulis; sicut Apostolis, dicendum videtur, quòd ita sit, quia ex quo sacramentum ordinis fuit institutum, quòd fuit in cena, cum ordo doctorum in Ecclesia sit præcipuus, ex tunc non licuit nisi ordinato (saltem in dyaconum prædicare: vnde etiam post spiritus sancti missionem, cum erant sanctiores sancti, & doctiores facti, nullus nisi dyaconus legitur prædicasse, vnde cum tunc non essent discipuli dyaconi, sed postmodum fuerunt ordinati, non est verisimile, quòd eis Christus dederit potestatem prædicandi, & quòd potestas prædicandi, quam prius habuerant, expirauit quòd, scilicet ventum est ad illud tempus quando soli ordinati debebant prædicare, quòd fuit, postquam sacramentum ordinis fuit institutum.

Quod autem constanter duodecimo loco dicunt, quòd discipuli receperunt potestatem prædicandi in monte gallilee, & in ascensione cum Apostolis, non est verum, dato etiam, quòd fuissent presentes, quia scilicet non erant capaces illius potestatis de congruitate, & decentia, & quòd dictum est de prædicatione appropriata ordini sacro, etiam dicendum est de baptismo, videlicet, quòd post institutionem ordinis, ipse baptismus cum sit ianua sacramentorum, debetur sacerdotibus, qui habent claus, vel eorum immediate ministris, sicut dyaconibus. Hi enim soli in primitiua Ecclesia baptizabant, tunc enim in baptizando iuabant leuitæ sacerdotes, sicut Philippus dyaconus baptizauit eunuchum, & plures alios in samaria. Act. 8. vnde actus actiuorum sunt in patiente, & dispositio. Cum ergo discipuli nondum essent apti, nec dispositi secundum exigentiam legis nouæ ad prædicandum, nec ad baptizandum, per consequens Christus pro tunc nullam eis potestatem dedit, dato, quòd essent presentes. Vnde etiam Matt. & Marc. vbi hoc referunt, scilicet vlt. cap. de 11. discipulis qui intelliguntur Apostoli, faciunt mentionem, de alijs discipulis tacentes, quòd non

est, nisi aut quia non erant presentes, aut si erant presentes, ad solos Apostolos dirigatur sermo Christi, & illis solis datur potestas modo supra dicto. Magister etiam Nicolaus de lyra (supra ult. cap. Matt. & Mar. solum de Apostolis intelligendo) explanauit litteram illam. Et si queratur quid est de potestate, quam prius ante passionem habuerunt? Respondit Dominus Petrus de palude in tractatu suo de potestate Ecclesiastica, quod illa videtur defecisse in passione, quia non miserat eos simpliciter ad predicandum in omnem locum, sed in omnem ciuitatem, & locum, quo ipse erat venturus, vnde postquam cessauit via Christi cessauit eorum potestas, sicut cessat virtus legalium adueniente veritate, vsque ad cuius aduentum erant imposita, vt ait Apostolus ad Gal. 4. & ad Hebr. 9. Et eadem ratio, inquit, videtur de Apostolis specialiter, quia in passione omnes deuauerunt a fide, præter beatam Virginem, vt videtur dicere beatus Anselmus, potestatem, & auctoritatem, quam habuerunt, perdidērunt, vnde post resurrectionem, de nouo modo supra exposito potestatem receperunt, & quasi contraria continentem, quia prius dictum est: In via gentium ne abieritis, & in ciuitates Samaritanorum ne intraueritis. Postea verò dictum est Matth. ultimo: [Docete omnes Gentes,] & Marci ultimo: [Euntes in Mundum vniuersum, prædicate Evangelium omni creaturæ.] Act. 1. [Eritis mihi testes in Iudæa, & Samaria, & vsque ad vltimum terræ.]

Quod autem consequenter aduersarij dicunt 13. loco, quod sit hereticum dicere, quod 72. Discipuli, sicut & 11. Apostoli non fuerunt semper cum Christo, periculosè dictum est: quoniam oppositum dicere manifestè contradicit Evangelio in pluribus passibus. Nam Ioan. 4. habetur, [quod Discipuli abierunt in ciuitatem, vt cibos emerent, quando inuenus est solus cum muliere:] I vnde Apostoli mirabantur, quod cum muliere loquebatur: alijs non fuisse mirati: quia alijs presentibus sæpè cum mulieribus, etiam extraneis loquebatur: sicut Chananeæ Matth. 15. Magdalene Luc. 7. & sic de alijs: vnde tunc non fuerunt Discipuli, nec Apostoli cum eo. Vnde Magister Nicolaus de Lyra super illo verbo [Da mihi bibere,] dicit sic: Causa autem quare petijt à muliere, subditur. Discipuli autem eius abierunt in ciuitatem, & idcò non erant presentes ad dandum sibi potum. Hæc ille. Similiter quando pernoctabat solus in oratione, Discipulis in mari laborantibus Matth. 14. Item in transfiguratione, & suscitatione puellæ non fuerunt secum nisi tres Matth. 7. & Luc. 9. nec in Cæna nisi 12. Matth. 16. & Marc. 14. & Luc. 22. aliàs frustra illi soli nominarentur. Vnde etiam hoc Ecclesiæ testatur in Officio Corporis Christi, cum sic cantat: [In supremæ noctis cæne recumbens cum fratribus: Obseruata lege, plene, cibis in legalibus: Cibum turbæ duodenæ se dat suis manibus.] Item in Resurrectione quando ostendit eis manus, & pedes, & latus, Thomas vnus ex Discipulis non erat cum eis, quando venit Iesus. Non ergo omnes Apostoli, & multò minùs omnes Discipuli semper fuerunt cum Christo. Quod

ergo dicit Petrus: Oportet ex his viris, qui nobiscum sunt congregati omni tempore, quo intrauit, & exiit Dominus Iesus, incipiens à baptismo Io: vsque in diem, qua assumptus est: non est intentionis suæ, quod 72. ex quibus vnus erat eligendus in Apostolum, semper actū fuerunt cum Apostolis, & cum Christo in omni loco: quia hoc, sicut offensum est, repugnat Evangelio in multis locis; maximè Matth. 20. vbi dicitur: [Ascendens Iesus Hierosolymam assumpsit 12. Discipulos secretò:] vbi ait Magister Nicolaus de Lyra, assignans rationem, quia secretæ mysteria sunt tantum maioribus reuelanda, & detegenda, cuiusmodi erant Apostoli: sed intentionis suæ fuit dicere, quod semper fuerunt de eorum congregatione familiari cum Christo, non abeuntes retrò, sicut quidam ex toto, nec sicut turba Discipulorum omnium, qui ibant, & redibant quasi diceret Petrus non de còmunibus Discipulis, nec de turba, sed de illis, qui erant de familia Christi, qui erant ab ipso iuncti Christo iam electi, & informati ad prædicandum, sicut Apostoli, in modo viuendi consimiles ipsis Apostolis: de illis, inquam, non de alijs erat merito eligendus Apostolus, vnde sensus est: Qui nobiscum sunt congregati omni tempore, idest communiter, qui, vt exponit Nicolaus de Lyra, per experientiam nouerunt conuersationem Christi, & opera eius.

Quod autem consequenter 14. loco dicunt, quod status curatorum, & status discipulorum sunt vnus status, sicut status Episcoporum, & Apostolorum; sicut status isti non sunt alij, quàm ante centum annos: licet concedatur ita esse quodammodo: non tamen necessariò sequitur, sicut superius sæpè commemoratum est, quod successores immediatè habeant potestatem ab eodem, à quo prædecessores: quoniam ad vnitatem status hoc non requiritur, sed sufficit, quod habeant à Vicario illius, cui suum plenum commisit. Præterea falsum est, quod dicunt, quod Christus fecerit Discipulos curatos in locis illis: vnde nunquam in nouo Testamento legitur, quod Discipuli à Christo facti sint curati: similiter nec Apostoli sint facti Episcopi, nisi Petrus, sed immediatè, vel mediatè à Petro facti sunt finaliter omnes alij Episcopi.

Quod verò 15. loco dicunt, quod non potest dari ratio, quare potestas Petro data sit continuata in Summo Pontifice à Christo: & data Apostolis, & Discipulis non sit continuata in Episcopis, & Curatis: non est verum; immò ad hoc datur multiplex ratio, & assignatur multiplex differentia inter Papam, & alios Ecclesiæ Prælatos.

Prima quidem, quia Summus Pontifex in eadem Sede materiali succedit Petro in Ecclesiâ Romana, in qua Petrus sedet, & vltimò resedit: non est autem dare aliquem Episcopum alium, qui in eadem succedat alicui alteri Apostolo, nisi fortè Patriarcha Hierosolymitanus, qui succedit Iacobo Alphei: vnde non est simile.

Secunda ratio, quia potestas data Petro non potest dari ab homine puro: vnde oportet, quod ab illo, à quo data est Petro potestas, idest Christo, continetur cuiuslibet successor, sed potestas data alijs Apostolis, & Di-

scipulis, cum sit limitata, & coarctata, potest dari ab homine, sicut fit saltem quando Papa dat alicui Episcopatum, vel curam, vel de nouo instituendo nouum Episcopatum, vel curam nouam; quia tunc dat illi, quem promouet tantam potestatem, quantum habet alius Episcopus, vel Curatus, etiam si à Christo esset immediatè institutus.

Tertia ratio; quia Vicarij particulares possunt institui ab alio, quam à principali, scilicet à Vicario Generali: Vicarius autem Generalis non potest institui, nisi à principali Domino, & ideo necessarium non est, quod Vicaria particularis instituantur, vel conferantur, aut continuentur immediatè à principali Domino, sicut de Vicario Generali.

Quarta ratio; quia statui Episcoporum, & Sacerdotum non est annexa potestas iurisdictionis, sicut est statui Papatus. Cuius probatio est; quia illa, quæ sunt annexa iure diuino, homo non habet ab innicem separare: secundum illud Matth. 18. [Quos Deus coniunxit, homo non separet;] sed Papa potest facere verum Episcopum, & verum Sacerdotem, qui nullum habet subditum, nec aliquam iurisdictionem in aliquo foro, nec ex hoc, quod aliquis est Sacerdos maior, sicut Episcopus, vel Sacerdos minor, habeat aliquam potestatem iurisdictionis, nisi cum hoc aliunde sibi detur, è conuerso, vt patet, sed papaui licet similiter potestas ordinis non sit annexa, quasi ex debito: nihilominus potestatis plenitudo est ei annexa: Papatus enim dicitur statum praelationis super totam Ecclesiam, cum plenitudine potestatis; vnde annexa est hæc potestas sibi inseparabiliter à Deo, & ideo potestas papalis continuatur ad successores, quod non sit de alijs.

Quinta ratio, & differentia est propter determinationem communitalis ex vna parte, & indeterminatione ex alia, nam communitas, ad quam pertinet electio Papæ, est certa, & determinata, scilicet communitas vniuersalis Ecclesiæ, communitas, ad quam pertinet electio Episcoporum, non sic est determinata: quia expedit aliquando diuidere Episcopatus, vel multiplicare, acquiruntur etiam sæpe nouæ Gentes, ubi oportet fundare nouas Sedes, ad quas pertineat eligere Prælatos suos propter quod oportuit committere hoc Vicario Generali, ordinare de talibus.

Sexta ratio, & differentia dissimilitudinis est, quia non sic succedunt Episcopi Apostolis, aut Curati Discipulis, sicut Papa Petro: quia Petro succedit Papa indeterminata potestate, & certa, & quantum ad territorium, & quantum ad casus, siue extensionem potestatis, non sic Episcopi Apostolis, nec Curati Discipulis, prout est manifestum.

Septima ratio potest dari, quia magis pertinet, siue facit ad vnitatem Ecclesiæ seruandam, quod potestates aliorum Prælatorum immediatè deriuentur à Generali Vicario immediato, quam si immediatè essent à Christo: sicut est potestas Papæ, sicut supra ostensum est.

Quod autem consequenter dicunt decimosexto loco, quod Curati sunt veri Ordinarij habentes iurisdictionem ordinariam, concedendum est, quod ita sit in foro conscientie: ne tamen propter hoc sequitur, quia

status eorum, & iurisdicção sit à Papa, qui potest dare ordinariam iurisdictionem, non solum personæ, sicut Legato, sed etiam Ecclesijs, sicut Monasterijs, etiam Monialium quarundam, quæ habent officiale suum, quibus solus Papa potest dare clausas iurisdictionis, quamuis non clausas ordinis.

Quod verò dicunt decimoseptimo loco, quod Curati habent iurisdictionem ordinariam, non iure humano sibi datam, sed à Christo immediatè in prima institutione Ecclesiæ: non videtur verum, quia si loquamur de iurisdictione in foro exteriori certum est, quod hanc non habent Curati, nisi iure humano, quia nec nisi de consuetudine, de qua in paucis casibus excommunicant etiam iuris ordine non seruato de offic. ordin. cap. 2. nec illa potestas fuit eis data in prima institutione, in qua nec Discipulis data fuit, vt supra dictum est. Eodem modo de iurisdictione ordinaria in foro conscientie non potest dici, quod eam habeant à Christo in prima institutione; id est in Discipulis, quia nec illam Discipuli habuerunt, cum non essent Sacerdotes.

Quod autem dicunt decimo octauo loco, quod Christus hos solos ordines instituit, in parte videtur verum, & in parte falsum. Verum quidem, si referatur ad potestatem ordinis; quoniam Christus ordinem simplicium Sacerdotum instituit in cæna, quando per se ipsum omnes Apostolos Sacerdotes fecit, similiter ordinem Episcoporum instituit, quando Petrum consecrauit, qui in hoc omnibus Episcopis par fuit: non autem instituit ordinem Episcoporum in Apostolis alijs, sicut in primis Episcopis à se factis, quia non sunt ab eo facti Episcopi, vt dictum est, nec instituit ordinem Sacerdotum in Discipulis: quia nusquam fecit eos Sacerdotes. Si autem considerentur isti duo ordines quantum ad potestatem iurisdictionis sibi propriam; sicut quod Curatus in vna Parochia sub Episcopo habeat populum subditum ad forum conscientie, Episcopus sub Papa super suam, Diocesim habet potestatem in vtroque foro: sic isti duo ordines non sunt instituti in prima institutione Ecclesiæ: quando scilicet elegit 12. Apostolos, & 72. Discipulos, quasi dedit Apostolis pro se, & futuris Episcopis potestatem iurisdictionis in vtroque foro, & Discipulis pro se, & pro omnibus futuris Curatis, sicut dedit Petro pro se, & pro suis successoribus, sicut intendunt illi, qui sunt contrariæ opinionis, & quod ita non fuerit, apparet ex præcedentibus; quia nihil iurisdictionis eis contulit, sed Petro soli pro se, & suis successoribus totam potestatem iurisdictionis Ecclesiæ distribuendam Episcopis, & Curatis, & alijs sicut expediens iudicaret.

Potest tamen dici status Episcoporum, & Curatorum institutus à Deo dupliciter. Vno modo à Christo in generali, & implicite, & in virtute in Petro, quia Petrus fuit verus Curatus, & cunctislibet Parochiz, & Diocesibus. Vnde sicut in quaternario continetur binarius, & trinarius materialiter, etsi non formaliter: ita in Petro vtrumque statum, Christus instituit materialiter. Item virtualiter: quia in ipso fuit potestas Diocesces, & Parochias Episcopis, & Presbyteris assignan-

di. Secundo modo à Spiritu sancto, à quo inspirati Apostoli in primitiua Ecclesia per Diœceses, Episcopos, per Parochias, Presbyteros posuerunt, & ab illis primis verè, & propriè Episcopatus, & rectoriæ continuatæ fuerunt ad succedentes in illis. Quod ergo dicebatur de ordinibus illis duobus: quod essent instituti à Christo, quod si intelligantur instituti præfiguratiuè, vel præordinatiuè, & in generali, & impliciter, modo, quo suprâ expositum est, conceditur, sed ex hoc non sequitur, quod Papa in speciali, & expressè non instituerit tales potestates; sed solum sequitur, quod hæc habeat ex commissione, siue ordinatione Christi. Si autem intelligatur, quod sint instituti explicitè, & quantum ad propria, secundum tales potestates determinatas, & quantum ad casus, & quantum ad territoria, falsum videtur, vt visum est suprâ.

Quod autem decimono loco dicunt, quod si ita esset, quod omnes aliæ potestates penderent à Papa, tunc vacante Sede, potestates illæ perirent: non est verum, nec hoc sequitur; quoniam duratio statutorum, & officiorum in Republica non mensuratur secundum mensuram vitæ statuentis, siue statuat aliqua pertinentia ad mores, siue statuat aliqua pertinentia ad iurisdictionem: alioquin Principe, vel Prælato quocumque moriente, omnia statuta sua perirent, quod falsum est, sed duratio talium habet mensurari secundum quod vult instituens, manente illa auctoritate in Republica, sicut etiam patet in Principibus, qui fiunt per electionem: quoniam non est dubium, quod talibus Principibus morientibus adhuc manent statuta eorum in vigore suo, & quantum ad mores, & quantum ad officia, & quantum ad gradus officiorum, vt per multa capitula patet, qu. 20. causa 25. vbi inter alia dicit Anacletus in cap. priuilegia. Priuilegia Ecclesiarum, & Sacerdotum intemerata, & inuiolata cunctis decernimus manere temporibus, & idem Leo Papa in cap. sequenti.

Quod autem dicunt 20. loco, quod papa non possit auferre à prælatis inferioribus potestatem eis datam, & eam alijs non Prælati conferre, & statum à Christo institutum mutare, verum est, sed quo ad potestatem, quam Episcopi receperunt immediatè à Christo, quæ est ordinis non autem iurisdictionis, sicut sepè superius repetitum est.

C A P. LXIV.

In quo respondetur obiectionibus aduersariorum sumptis ex parte inconuenientium, quæ dicuntur sequi ex conclusione præfata.

Vltimò argutum est contra præfatam conclusionem per aduersarios, ex parte inconuenientium, quæ affirmant sequi ex illa conclusione, quibus respondendū iam est.

Ad primam ergo dicitur: quod si sic esset, tunc deficiente Papa, aut vacante sede, deficeret potestas aliorum prælatorum, re-

Tom. XIII.

spondetur dicendum, quod hoc non sequitur, sicut superius iam diximus ad simile argumentum, quia cessante causa in fieri, tamen non oportet, quod cesset effectus iam factus, sed solum cessante causa in esse, non dicitur autem Papa ratione personæ, quæ corruptibilis est, quod sit causa in esse potestatis Ecclesiæ, quia tunc benè sequeretur, quod aduersarij dicunt, sed isto modo, scilicet in esse sedes Papalis, quæ non moritur, extrâ de rescript. cap. si gratiosæ lib. 6. & quæ fundata est à Deo, non potest destrui, & est causa omnium istorum in esse, persona autem non est causa, nisi in fieri, quando ipse facit aliquem Episcopum, vel Curatum. Et satis apparet consequentia illa aduersariorum deërisoria, quia isto modo probaretur, quod constitutiones factæ per Papam non haberent vigorem sede vacante. Vnde argumentum concludit, quod potestas Episcoporum, aut Curatorum non sit à Papa sicut à causa in esse, considerata persona sua. A sedo autem papali sunt sicut à causa communij, quæ semper permanet fundata super firmam petram. Vnde, & hoc argumentum benè probat, quod potestas Curatorum non sit ab Episcopis, nec ab eorum sedibus, sicut à causa in esse, quia destructa etiam sede episcopali in aliqua ciuitate, adhuc remanet potestas Curatis. Simili modo probatur, quod potestas Episcoporum non est à Metropolitanis, nec Patriarchis, nec ab eorum sedibus sicut à causa conseruante, quia manet etiam illis destructis, propter quod oportet omnem aliam potestatem Ecclesiæ institutam esse à sede immortalis, & immobilis, scilicet Romanæ.

Ad secundam, cum dicitur, quod potestas Papæ se habet, &c. respondetur, quod potestas Papæ se habet ad potestates Episcoporum, & Curatorum nõ sicut potestas Regis ad potestates Principum habentium potestatem iure hæreditario, nec etiam sicut potestas regis ad potestates Iudicum habentium potestatem delegatam, vel commissariam, sed sicut potestas Imperatoris, vel Regis se habet ad potestates Iudicum in aliquo gradu regiminis regni, vel imperij simpliciter institutorum ad regendum populum per se, vel per alium. Ista est sententia S. Thom. Vnde in 4. dist. 19. dicit, quod potestas Papæ se habet ad potestates Episcoporum, sicut potestas Regis ad potestates Iudicum constitutorum per singulas ciuitates. Et in fine secundi sententiarum dicit, quod ita se habet potestas Papæ ad potestates inferiorum, sicut potestas Imperatoris se habet ad potestatem proconsulis. Item in lib. de perfectione vitæ spiritualis dicit idem sanctus Thomas, quod si quis rectè consideret hoc modum regiminis Ecclesiæ, comparantur Archidiaconi, & Plebani ad Episcopum, sicut in regimine temporali præpositi, & balij ad regem. Et cum arguitur ex aduerso, quod hoc sit inconueniens, negatur hoc, & ad probationem respondetur, negando consequentiam, ratio patet ex dictis, quia isti Iudices non sunt commissarij, sed ordinarij ponuntur. Pro quo notandum, quod ordinarij dicitur ab ordine, vnde ordinarij videtur importare id, quod secundum communem ordinem in Republica sit semper, propter quod, illud, quod competit diuersis

Aaa

gra

gradibus, & statibus in Republica ordinatis, ordinarius dicitur, vnde potestates competentes statibus huiusmodi institutibus in Ecclesia, scilicet Patriarchali, Archiepiscopali, Episcopali, & Parochiali, dicuntur ordinari, & illi, qui simpliciter in talibus statibus, & gradibus statuuntur, vt regant populum per se, vel per alium secundum statum, & gradum, in quibus statuuntur, dicuntur ordinarij. Potestas autem commissarij proprie loquendo videtur dici, quando alicui ab alio quo sic instituto committitur eadem potestas, quæ est sua ordinaria, secundum quam vicem eius aliquid agat, vnde collatio talis potestatis non dicit nouum gradum potestatis, vel institutionem simpliciter in aliquo gradu nouæ potestatis, sed dicit commissionem eiusdem potestatis ab instituto in ipsa potestate, ita quod potestas commissaria est commissæ ab instituto in gradu potestatis simpliciter. Et ita patet, quod Prælati isti à Papa positi non sunt commissarij, sed verè ordinarij.

Ad tertium obiectum cum dicitur, quod si sic esset, tunc Iudices, siue prælati non differrent à commissarijs, respondetur iuxta dicta, quod hoc sit falsum, Argumentum autem procederet, si potestas Prælatorum esset sicut potestas indicum non simpliciter positorum in aliquo situ, & gradu regiminis, constitutorum ad regendum populum per se, vel per alios: tunc enim non possent committere, nunc autem, quia non ponimus eos tales, sed sicut diximus, licet potestas eorum sit à Papa immediate, possunt tamen committere.

Ad quartum cum dicitur, quod si ita esset, tunc Papa &c. responderetur, negando consequentiam, & ad probationem negatur vniuersaliter assumptum. Et cum arguitur de legato, non est ad propositum, sicut patet ex dictis.

C A P. LXV.

Quod Papa est immediatus Prælatus, & Index omnium fidelium, ac in toto terrarum Orbe facere possit quicquid inferiores Prælati facere possunt.

Sane clarissime colligere possumus ex premissis, quod Romanus Pontifex immediatus Prælatus, & index sit omnium Christianorum, possitque facere in toto Orbeterarum, quicquid inferiores Prælati agere possunt. Quod licet tam ex traditionibus Patrum, quam ex rationibus in superioribus articulis satis apertum sit, nihilominus, vt veritas clarius eluceat, illud auctoritatibus, & rationibus remaneat curabimus.

Primo sic: In quocumque ordine quando tota potestas inferiorum dependet, & originatur à potestate superioris, ad quacumque se potest extendere potestas inferiorum, ad omnia illa se potest extendere immediate potestas superioris, sed potestas iurisdictionis, de

qua est sermo, omnium aliorum Prælatorum in Ecclesia à potestate Papæ derivatur, ergo sequitur, quod summus Pontifex potest in toto Orbe omnia facere immediate, quæcumque possunt alij Prælati consequentia patet, maior propositio est per se nota, quoniam secunda causa, siue potestas non substantiatur, nisi ex prima, nec virtutem influendi accipit, nisi à prima, à qua secundum totum esse suum potestatiū dependet, vt ex commento primæ propositionis de causis habetur, minor verò demonstrata est supra in cap. 60.

Secundo sic: Pro quo supponitur, vt dicit Sanctus Thomas 2. sententiarum dict. 9. quod dispositio Hierarchiæ in ordines, est totius potestati in partes potentiales, cuius totius conditio est, quod secundum completam virtutem est in parte supremæ & quod talis potentia, siue potestas superior habet in se completius ea quæ sunt inferioris ordinis, tunc sic: In ordine Hierarchico quicquid potest inferior virtus, siue potestas potest superior, sed virtutes, siue potestates inferiorum prælatorum in Hierarchia Ecclesiastica sunt inferiores potestate summi Pontificis, ergo quicquid potest virtus, siue potestas cuiuscumque prælati inferioris in sua diocesi, vel plebe commissæ, potest ipse Papa, consequentia patet, maior verò est Boetij dicentis. Quicquid potest inferior virtus, potest superior, & non e converso. Item est Dionys. 5. celestis Hierarchiæ, ubi dicit: Diuiniore virtutes, cum proprijs habent subiectis, id est subiectorum, siue inferiorum operationes, minor verò notissima est.

Tertiò sic: potestas Papæ in Ecclesiastica Hierarchia, est potestas vniuersalis, potestas verò aliorum prælatorum est potestas particularis, sed potestas, & virtus vniuersalis efficacius agit in id, quod subiecit virtuti particulari, quam ipsa particularis virtus, ergo Papa, sua vniuersali potestate, potest in toto, & in omni plebe, quicquid possunt prælati inferiores, & amplius, & perfectius, consequentia patet, antecedens pro maiori parte patet, quoniam totius Orbis cura commissæ est Papæ. Domino dicente sibi, [pace oues meas.] In cuius signum Synodus Calcedonenfis acclamauit Leoni Papæ: Leo sanctissimus, Apostolicus, vniuersalis Patriarcha per multos annos viuat, alij verò prælati vocati sunt in partē sollicitudinis, non in plenitudinem potestatis. Minor verò patet, quoniam vt dicitur in prima propositione libri causarum, causa primaria vniuersalis plus influat in causatum suum, immò secundæ causæ, quam causa secundaria. Et dicitur vniuersalis hic, non per prædicationem, sed extensionem influentis virtutis, quæ influat vniuersaliter omnibus sub se existentibus.

Quartò sic: non minoris auctoritatis, & amplitudinis potestatis est Papa summus regis Vicarius in Regno Ecclesiæ, quantum ad immediatam executionem auctoritatis suæ, & extensionem suæ potestatis, quam reges temporales, in regnis temporalibus in executione potestatis suæ: vt patet, sed quilibet Rex potest immediate in regno suo facere, quicquid inferiores potestates possunt, etiam eis irrequisitis, vt patet, ergo multo fortius Papa ratione amplitudinis suæ potestatis, potest in re.

in regno Ecclesiæ, vbiicumque, & quando-
cumque sibi videbitur facere, quicquid infe-
riores Prelati possunt facere, consequentia
patet, cum toto antecedente.

Quintò sic: Episcopi dantur Papæ in
adiutores, & vocantur in partē sollicitudinis,
sicut 70. Senes in adiutorium Moyfi Num. 11.
vnde Papa ordinando Episcopos dicit: Man-
data cœlestia efficacius gerimus, si nostra cum
fratribus onera partiamur, sed ille, qui assu-
mit aliquem in adiutorium, non ex hoc amit-
tit potestatem operandi, cū sibi vacauerit,
aut voluerit: immò ipse est principalis ope-
rans, & adiutor secundarius, ergo Papa po-
test omnia agere circa plebes totius Orbis
quæ inferiores prælati, quæcumque possint,
etiam ipsi irrequisitis, consequentia patet,
cum toto antecedente.

Sextò, Quicumque facit aliquid per
alium, hoc etiam per se ipsum facere potest,
sed dum inferiores prælati actus Hierarchi-
cos exercent circa subditas plebes, hoc age-
re dicitur summus Pontifex per eos, ergo se-
quitur, quod Papa in tota Hierarchia eccle-
siastica potest per seipsum facere quemcumque
actum Hierarchicum, quem inferior præla-
tus facere potest, consequentia est nota, ma-
ior etiam est nota, cum agens secundarium,
sue ministeriale dependeat à principali in
virtute agendi, minor vero est Dionys. dicen-
tis 3. cap. cœlestis Hierarchia: Is, qui secun-
dum nos est summus Sacerdos per suos mini-
stros, aut sacerdotes purgans, aut illuminans,
ipse dicitur purgare, aut illuminare alios in
ipsum reponentibus proprias sacras opera-
tiones.

Septimò: Ordo ecclesiasticus tunc opti-
mè ordinatur, cum regimen diuinum imita-
tur, sed sic se habet regimen diuinum, quod
Deus sic agit res mediatis secundis causis,
quod eas potest agere immediatè, sicut quan-
doque facit, cum suæ voluntati placeat, ergo
similiter Papa actum regiminis Ecclesiarum,
quem mediantibus inferioribus prælatis exe-
quitur, potest cum sibi videbitur expedire, per
seipsum exequi, consequentia patet, & ante-
cedens pro vtraque parte. Nec potest alle-
gari non esse simile, quia Deus non potest er-
rare, Papa vero sic, & abuti potestate: quo-
niam licet illud sit verum: verumtamen, cum
æque inferiores prælati errare possint, & er-
rent, & abutantur suâ potestate, sicut, & Pa-
pa, argumentum manet in suo robore.

Octauò: Cuicumque committitur ali-
qua iurisdicção illi videntur commissæ om-
nia, siue quibus iurisdicção explicari non
potest, patet, frustra aliàs esset commissio,
sed Papæ est commissæ iurisdicção totius
Orbis omnium omnium Christi hæc autem iurisdicção
executari non potest per eum in toto
Orbe, nisi per seipsum valeat exercere omnem
actum pastoralis dignitatis debitum: ergo idem
quod prius, consequentia patet, maior pa-
ter. Tum quia aliàs frustra esset commissio,
quod in operibus Dei non est ponendum:
Deus enim, & natura nihil faciunt frustra.
Tum secundo, quia, qui vult voluntate per-
fecta, & vltimaria aliquid, per consequens
vult omne illud, sine quo scit illud non posse,
vel non esse. Minor vero patet ex illo Ioan. vlt.
[Pascite oues meas], & ex dictis allegatis supra.

Tom. XIII.

Nono: Papa instituens prælatos in Ec-
clesijs vocans eos in partem sollicitudinis, non
expoliat se potestatis plenitudine, nec iuris-
dictio per commissionem, irâ propria ordi-
nario fit, quod Papa amplius ibidem non
habeat potestatem ad tanta, sicut ante
commissionem, ergo sequitur, quod Papa
semper potest immediatè exercere, & exequi
in toto terrarum Orbe, quicquid alij inferio-
res prælati possunt, consequentia videtur cla-
rissima, antecedens etiam patet, tum aucto-
ritate, & exemplo. Auctoritate quidem,
quoniam Num. 61. Moyfi in constitutione Se-
niorum iudicum in adiutorium eiusdem, dicit
Dominus: [Auferam de spiritu tuo,] vbi
Glos. Origenis dicit, non tamen, quod Moy-
ses minus haberet. Exemplum vero est de
potestate terrena regia, vbi Rex constituit
Prætores in vna causa, non expoliet se iure,
aut potestate sua, nec iniuriâ prætori face-
re est dicens, si de quocumque alteri com-
misso immediatè proferat sententiam.

Decimò sic. Papa tenet in Ecclesia lo-
cum Domini nostri Iesu Christi: cæteri verò
prælati, aut Apostolorum locum, vt Episco-
pi, aut Discipulorum, sicut minores præby-
teri, sed ridiculum esset, & blasphemum,
quod Christus princeps Ecclesiæ suæ corpora-
li præsentia non posset per Orbem totum im-
mediatè, quicquid Apostoli, & Discipuli
eius poterant in Ecclesia, ergo similiter vi-
detur blasphemie vicinum, quod Christi Vi-
carius non possit immediatè exercere in toto
Orbe, quicquid alij prælati possunt, vel quod
eorum licentia esset expectanda; consequentia
est manifesta, qualis enim est ordo dependen-
tiæ superioris in aliqua cōmunitate ad alias
inferiores potestates, talis videtur esse locum-
tenentis eius cum plenitudine potestatis ad
easdem, maior est manifesta, quo ad Papam:
cum Papa sit Vicarius Christi in terris, &
Chrysostomus dicat pro illo Ioann. vltim.
[Pascite oues meas,] idest locum mei præpositus
esset, & caput fratrum tuorum. Secunda pars
patet per Glos. Luc. 4. minor verò est clara.
Ex istis manifestè confutatur plures errores.
Primus est dicentium, quod Parochiani non
possunt reduci in Deum per penitentiam, nisi
mediantè parochialibus sacerdotibus. Se-
cundus est, quod licet Papa, & Episcopi sint
principales parochianorum, non sunt im-
mediatè aliorum Curati, siue, quod non
immediatè eorum curam habent. Tertius est:
quod nec Papa, nec Episcopus possunt au-
dire confessiones Parochianorum, quin te-
neantur eadem peccata confiteri Parochia-
libus sacerdotibus. Quartus error est, quod
nec Papa, nec Episcopus possunt dare gene-
ralem potestatem audiendi confessiones ali-
quibus, quoniam confessi talibus, eadem pec-
cata confiteri Parochialibus sacerdotibus te-
neantur. De errore istorum manifestè patet,
& etiam colligitur ex extrauaganti Ioan. 21.
quæ incipit. [Vas electionis,] in qua prælati
articuli, qui fuerunt Ioan. de poliaco, fue-
runt condemnati.

C A P. LXVI.

C A P. LXVII.

In quo obijcitur contra prædicta:

Objiciunt autem aduersarij contra conclusionem iam positam, licet clarior sole esse videatur.

Et primò sic: Vnius, & eiusdem non possunt esse duo Iudices, vel Prælati ordinarij immediatè, vt videtur, sed Episcopi sunt Ordinarij in Episcopatu, & Curati in Parochia, ergo videtur non posse Papa concurrere cum Episcopo in Episcopatu, vt ordinarius, & Episcopus cum Curato in Parochia, vt sic.

Secundò sic ex similitudine Hierarchiæ Ecclesiæ Militantis ad triumphantem. Sicut in Hierarchia Angelica, siue Ecclesiæ triumphantis est, ita in Hierarchia Ecclesiæ Militantis esse debet, quia vna est exemplata, ab alia, sed in Hierarchia Angelica diuersi ordines, vel illi, qui pertinent ad diuersos ordines, non possunt immediatè se habere ad vnum, & eundem ordinem, ergo in Hierarchia Ecclesiæ Militantis Papa, Episcopi, & Curati non possunt se habere immediatè ad infimos, scilicet Parochianos, sed constat, quod Curati immediatè se habent ad eos, ergo non Papa; nec etiam Episcopi.

Tertiò ex similitudine ordinis, qui est inter membra corporis naturalis, sic: Sicut est in ordine membrorum corporis, quòd est impossibile vnum membrum pluribus coniungi immediatè membris, sic similiter in Ecclesia, quæ instar corporis naturalis corpus quoddam dicitur, Roman. 12.; illos, qui sunt vnus gradus, impossibile est coniungi pluribus gradibus immediatè, sed Parochiani, qui sunt infimi, constituunt vnum gradum, ergo impossibile est, quòd immediatè subdantur Curato, Episcopo, & Papæ, qui sunt diuersorum graduum.

Quartò sic: Potestas Papæ, aut se habet ad potestates Episcoporum, & Curatorum sicut potestas Regis ad potestates Principum aut sicut potestas Regis ad potestates iudicum institutorum per eum. Si primò modo, sequitur, quòd potestas Episcoporum, & Curatorum non sit à potestate Papæ, sicut potestas Principum non est à potestate Regis. Si secundò modo, sequitur, quòd Episcopi non sunt ordinarij, sicut iudices non sunt ordinarij, vt videtur.

Quinò arguunt sic: In cap. omnis vtriusque sexus extra, de pœn. & rem. præcitur, quòd omnis vtriusque sexus Fidelis cum ad annos discretionis venerit, omnia peccata sua saltem semel in anno confiteatur proprio Sacerdoti, ergo sequitur, quòd Papa non sit immediatus singulorum Pastor, consequentia videtur nota, quia si alius est proprius, per consequens non Papa, & idè non immediatus.

In quo respondetur obiectionibus aduersariorum iam factis.

His faciliè est respondere benè intelligentibus, quæ iam diximus.

Ad rationem ergo primam cum dicitur, quòd vnus, & eiusdem, &c. respondetur, quòd maior illa non habet veritatem, quando vna potestas est ab alia totaliter, tunc enim duæ potestates ordinariæ immediatè possunt esse respectu eiusdem, & personæ, & casus, ita scilicet, quod tam ista, quam illa potestas possit exercere iurisdictionem immediatè in personam istam, & in tali casu, sed quòd duæ potestates ordinariæ sint, quarum vna non sit sub alia, nec subest ei totaliter immediatè respectu eiusdem, est impossibile, quia cum vna non refrenet aliam, nec ei imponeret legem, impossibile esset eundem subditum vtrique satisfacere, sed quando vna potestas subest alteri, benè potest subditus satisfacere, quia potestas superior potest suspendere inferiorem, quoad executionem: Vel dicendum, vt dicit sanctus Thomas in 4. distinct. 17. quòd inconueniens esset, quòd duo æqualiter super eandem plebem constituerentur, sed quòd duo, quorum vnus est principalior alio, super eandem plebem constituerentur, non est inconueniens, & secundum hoc super eandem plebem immediatè sunt Sacerdos parochialis, Episcopus, & Papa; & quilibet horum potest committere ea, quæ sunt iurisdictionis ad ipsum, pertinentia alteri.

Ad secundam, quæ sumitur ex similitudine Hierarchiæ Cælestis, respondetur. Primò sic, negando minorem, dicitur enim, quòd potest ordo ille mutari, quia ordo ille non est necessarius, sed voluntarius quando ad caput totius ordinis, scilicet Deum, qui omnia potest agere immediatè per seipsum, Angeli etiam superiores, quantum est de potestate absoluta, possunt illuminare ordinem remotum obmisso ordine medio, quia probabile est, quòd quicquid potest inferior Angelus per virtutem datam sibi à superiori, instruendo alios, possit superior per seipsum, de facto etiam tenetur à multis Doctõribus, quòd aliqui de superioribus ordinibus missi fuerunt ad aliquos homines, qui sunt sub ordine Angelorum. Si ergo secundum eos simile est de ordine Hierarchiæ Cælestis, & Ecclesiasticæ, ergo ordo Ecclesiasticæ Hierarchiæ non est necessarius, sed voluntarius, & per consequens potest mutari prout placeat capiti totius ordinis, scilicet Summo Pontifici. Secundò respondetur iuxta sanctum Thomam, quòd Ecclesiastica Hierarchia imitatur Cælestem aliquammodo, sed non perfectè assequitur similitudinem eius, quia non in omnibus, & maxime in hoc, quoniam, vt ipse inquit in libro contra impugnantes religionem, in Cælesti Hierarchia distinctio donorum gratuitorum, secundum quæ ordines distinguuntur, sequitur distinctionem naturæ, non autem in hominibus, & idè cum Angelorum natura sit inmutabilis, ordo inter eos habet immutabilitatem aliquam.

quam, quæ in Hierarchia Ecclesiastica non est, & ideo ratio non procedit.

Ad tertiam rationem sumptam ex ordine membrorum corporis naturalis; respondetur eodem modo, sicut ad præcedentem, quia non est simile per omnia de corpore naturali, & corpore mystico, quoniam licet in utroque sit ordo, non tamen æquè necessarius, sicut nec ordo, quo quis mouet lapidem mediante baculo, est æquè necessarius sicut ordo, quo homo mouet manum mediante brachio, & ideo sicut homo potest mouere lapidem mediante baculo; & sine baculo mediante, & hoc absque monstruositate, ita potest Papa, vel Episcopus exercere actum potestatis suæ, siue Hierarchizare quemcumque infinium parochianum per se, vel per alium, siue Curatum, siue Commissarium institutum ab eo, absque monstruositate aliqua, aut confusione corporis mystici, quod est Ecclesia.

Ad quartam patet responsio, ex responsione data ad secundum obiectum in cap. 64.

Ad quintam respondetur, quod, ut dicit sanctus Thomas, & Dominus Albertus, & Dominus Bonauentura exponentes illam decretalem dicunt, quod proprius Sacerdos non solus est Parochialis, sed etiam Episcopus, vel Papa, ad quos etiam magis pertinet cura populi, quam ad Sacerdotem parochialem, ut multipliciter est ostensum supra. Vnde in decretali illa, proprium non accipitur secundum quod diuiditur contra commune, sed secundum quod diuiditur contra alienum, vnde qui confessus est Episcopo suo, vel alicui habenti vicem eius, aut Papæ, aut Commissarijs suis, sicut poenitentarijs, aut priuilegium habentibus ab eo audiendi confessiones, confessus est proprio Sacerdoti, & ita ratio non procedit.

CAP. LXVIII.

*Quod præter Romanum Pontificem
sunt in Ecclesia necessarij
alii Prælati.*

QUæiam fortassis ex hoc, quod diximus, Romanum Pontificem immediatum Patrem, ac iudicem omnium fidelium, omniaque posse, quæ singuli alij Prælati apud fideles sibi subiectos perficere possunt, videtur aliquibus sequi, quod alij Prælati in Ecclesia, aut superflui forent, aut non necessarij: opportunum duximus declarare, quod non obstante tanta amplitudine potestatis Romani Pontificis, quæ iam nos esse diximus, adhuc præter eum, qui vniuersalis Pastor est, necessarij sunt in Ecclesia alij Prælati, & hoc ratione multiplici.

Primo iuxta sanctum Thomam in 4. distinct. 19. sic. Ea, quæ circa singularia oportet operari, non eodem modo omnibus competunt, vnde sicut præter generalia medicinalia præcepta, oportet adhibere Medicos, quibus præcepta vniuersalis medicinæ singulis infirmis secundum quod debent, aptentur: ita in quolibet Principatu præter illum, qui vniuersaliter præcepta legis tradit, oportet

esse aliquos, qui ea singulis secundum quod debent adaptent, & propterea etiam in Cælesti Hierarchia sub potestatibus, qui distinctè præstant, ponuntur Principatus, qui singulis Prouincijs distribuunt, & sub his Angeli, qui singulis hominibus in custodiam deputantur, vnde & ita debet esse in Prælatione Militantis Ecclesiæ, ut apud aliquem esset prælatio indistinctè in omnes, & sub hoc essent aliqui, qui super diuersos distinctam potestatem acciperent.

Secundò hoc idem necessarium ostenditur ex eo, quod impossibile erat totum populum Christianum per vnum solum hominem immediatè regi, atque gubernari. Quocirca manifestè apparet pro bono Ecclesiæ regimine fuisse necessarium, ut præter Summum, ac vniuersalem Prælatum Romanum Pontificem, alios in Ecclesia institui Prælatos.

Tertiò hoc etiam luce clarius apparet ex ipsa diuersitate actionum necessarium in Ecclesia Dei, ad quas cum vnus simul, & semel sufficere sit impossibile, necesse fuit diuersos ministros in Ecclesia deputari ad hoc, quod expedientius, & sine confusione omnia peragantur rectè. Quæ ratione beatus Gregorius Papa inquit in cap. singula distinct. 89. Singula Ecclesiastici iuris officia à singulis quibuscumque personis sigillatim committi iubemus, sicut enim in vno corpore multa membra habemus, omnia autem membra non eundem actum habent, ita in Ecclesiæ spirituali corpore conferendum est hoc officium vni, alij committendum est aliud, nec eam quantumlibet exercitatz vni personæ, vno tempore duarum rerum officia committenda sunt, quod si totum corpus, oculus vbi auditus. Hæc ille.

Quartò hæc conuenientia arguitur ex decentia, decens enim est, ut sicut in vniuerso inueniuntur diuersæ causæ mediz præter causam primam, licet ipsa per se possit immediate in effectum cuiuscumque causæ efficiens, ita in vniuersali Ecclesia præter potestatem Papalem, institui debuissent diuersi gradus aliarum potestatum.

Quintò huiusmodi conuenientia arguitur, quia sic nobilior redditur Principatus Ecclesiasticus, dum plures in eo diuinæ cooperationis participes sunt dispensatores diuinorum mysteriorum.

Sextò hoc idem arguitur, quia ex tali varietate potestatum, & graduum, sponsa Christi Ecclesia pulchrior, & ornatior confurgit. Hanc rationem assignat beatus Gregorius in cap. singula distinct. 89. ita dicens: Sicut varietas membrorum per diuersa officia & robur corporis seruat, & pulchritudinem repræsentat, ita varietas personarum per diuersa nihilominus officia distributa, & fortitudinem, & venustatem sanctæ Dei manifestat Ecclesiæ.

Septimò, hoc factum est propter vtilitatem Ecclesiæ: cuius vniuersitati satisfieri non posset, nisi præter Summum Pastorem Papam forent aliqui alij.

CAP. LXIX.

Quod omnes in Ecclesia Dei, alie à Papali, potestates Ecclesiasticæ subijciuntur potestati Romani Pontificis quantum ad obedientiam præceptorum, quantum ad correctionem, & quantum ad subuentionem in necessitatibus.

A Pertet satis ex superius iam explicatis, tam de summitate Apostolici Principatus, quam de dependentia, & deriuatione omnium potestatum aliarum Ecclesiasticarum ab Apostolica Sede colligitur, quod omnes Ecclesiæ Prælati, tam maiores, quam minores subijciantur Romano Pontifici, tam quo ad obedientiam præceptorum, quo ad correctionem abusus, quam quo ad subsidiorum administrationem in casibus necessarijs.

Quo ad obedientiam præceptorum patet. Tum ex his, quæ dicta sunt supra in cap. 48. & 50. Tum ex illo, quod sanctus Calixtus Papa scribens omnibus Episcopis dicit in canon. non decet dist. 12. Non decet membra à capite discedere, sed iuxta scripturæ testimonijs, omnia membra caput sequantur. Nulli verò dubium est, quod Apostolica Ecclesia mater sit omnium Ecclesiarum, à cuius vos regulis nullatenus conuenit deuigare. Hæc ibi. Quam obedientiam debitam esse Romano Pontifici Imperator Iustinianus intelligens, ait in epistola scribens Papæ Ioann. quæ habetur C. de sum. Trinit. & fid. cath. inter claras. Omnes Sacerdotes Orientalis tractus, & subijcere, & vnire Sedi vestræ sanctitatis properamus, eo quod caput est omnium sanctarum Ecclesiarum. Et subdit. Per omnia properamus, vt dictum est, honorem, & auctoritatem crescere vestræ Sedis. Hæc ille. Quocirca Papa Ioann. vbi supra, Iustiniano scribens in epistola inter claras, ita ait. Inter claras sapientię, & mansuetudinis vestræ laudes, Christianissimè Principum, puriore luce tanquam aliquod sidus irradiat, quod amore æternę fidei, quod charitatis studio edocui, Ecclesiasticis disciplinis Romanæ Sedis reuerentiam conferuatis, & ei cuncta subijcitis, & ad eius deductis vnitate ad cuius auctorem Principem, hoc est Apostolorum primum, Domino loquente, præceptum est. [Pascite oues meas.] Quem esse verè omnium Ecclesiarum caput: & Patrum regulę, & Principum statuta declarant, & pietatis vestræ Reuerendis, simi testantur assatus. Hæc ille.

Quo verò ad correctionem abusus, patet quidem. Primò quoniam ad supremum iudicem, apud quem suprema potestas residet, & maxime à qua omnium inferiorum iudicum auctoritas omnis pendet, spectat correctio abusus commissi per inferiores potestates, patet hoc, sed Papa est supremus iudex in Ecclesia, à cuius potestate tanquam à radice singulę alię potestates originem sumunt, sicut in superioribus notum fecimus. Ergo omnes potestates inferiores, quo ad correctio-

nem abusus potestatis, subicte sunt Romano Pontifici, consequentia bona. Hinc in cap. sola 9. quæst. 3. dicit textus. Romana Ecclesia sua auctoritate valet indicare de omnibus, & in cap. cuncta ead. causa, & quæst. dicit textus. Cuncta per mundum nouit Ecclesia, quod Romana Ecclesia de omnibus fas habet indicare. Vnde beatus Bernardus ad Eugenium scribens, hoc confirmans, ita dicit. Iuxta Canones tuos alij in partem sollicitudinis, tu in plenitudinem potestatis vocatus es, aliorum potestas certis arctatur limitibus, tua extenditur, & in ipsos, qui super alios potestatem acceperunt. Nonne si causa extiterit tui potestate Cælum claudere, tu ipsum ab Episcopatu deponere, & etiam tradere potes. Hæc ille.

Quod autem ad præstantionem adminiculi, ac subsidij in casibus necessitatis ceteris subijciantur Apostolicæ Sedi, facillè est ostendere. Cùm enim Respublica, & quilibet potestas in ea teneatur ad conseruationem illius potestatis, à qua totius reipublicę bonum dependet, & bonum Reipublicę Christianę maxime pendeat ex Romani Pontificis potestate, quæ vniuersam Ecclesiam ordinare, regere, ac gubernare habet. Quocirca sanctus Bonifacius martyr. in cap. 1. Papa, dicit. Quod pro Papæ perpetuo statu vniuersitas fidelium tanto instantius orat, quanto suam salutem post Deum ex illius incolunitate animaduertit perperis pendere; ergo videtur, quod omnes aliæ Ecclesiæ ad conseruationem, tuitionem, atque defensionem Ecclesię Romanę adminiculi teneantur; vnde Symmachus Papa in cap. aliorum, rationem huius assignans, inquit Episcopis: Si hæc humiliarur, ad cuius confugietis auxilium? & vbi relinquitis gloriam vestram? Hoc etiam sanctus Thomas in 2. 2. qu. 82. art. 4. ostendit tam exemplo veteris Legis, quam ratione naturali, ita dicens: In veteri Lege primitiæ debebantur Sacerdotibus decimę autem Leuitis. Et quia sub Sacerdotibus Leuitę erant, Deus mandauit, vt ipsi loco primitiarum, soluere Summo Sacerdoti decimam decimę; vnde nunc eadem ratione Clerici tenentur Summo Pontifici decimas dare, si exigeret: naturalis enim ratio dicit, vt illi, qui habet curam de communi multitudinis statu, prouideatur, vt possit exequi ea, quæ pertinent ad communem salutem. Hæc sanctus Thomas. Ad idem est Ioann. in nouella super cap. 1. extra de decim. vbi quærens: Nunquid à Clericis Summo Pontifici decimę sint soluendę? respondet, quod sic, quia cùm inferior teneatur soluere suo superiori spiritualia ministranti: Papa autem cuiuslibet intelligitur spiritualia ministrare: cum omnis anima immediate subdarur ei. Tum etiam, quia Summus Sacerdos est, ipse tamen hoc iure non vtitur; forsitan ideo, quia totum habet, 9. qu. 3. cuncta, & cap. per principalem; vnde quodcumque placet, decimam, vel vigesimam omnium prouentuum Ecclesiarum, vel aliam quotam partem pro subsidio Terrę Sanctę, vel necessitatibus suis, vel alterius, exigit, sicut quotidie experimur. Hæc ille. Præterea alia ratione probatur præfata conclusio, secundum legem naturę, membra capiti debent præstare subsidium, & filij parentibus in neces-

cessitatibus; sed omnes fideles sunt membra corporis Ecclesiæ, cuius ipse Romanus Pontifex caput est, sunt etiam eius spirituales filij; unde Pater Patrum nominatur: ergo non solum Clerici, sed etiam vniuersi fideles tenentur Romano Pontifici in necessitatibus auxilium præstare, & adminiculari quilibet secundum facultatem suam, cum fuerit requisitus, sicut in fine huius secundi libri plenius dicitur.

Ex quibus aperte confutatur præsumptio diabolica eorum, qui Romano Pontifici patri, ac principi omnium fidelium, non modo in necessitatibus adminiculari refugunt, sed illius iura, & priuilegia prouentus, atque emolumenta solita violare, usurpare, aut diminueri, temere quomodolibet præsumunt, quos videtur inuoluere sententia illa Deuteron. 27. [Maledictus, qui non honorificat patrem, suum, & matrem, & dicit omnis populus, Amen.]

CAP. LXX.

In quo obijciuntur contra id, quod dictum est superius, quod solus Romanus Pontifex in Ecclesia habeat plenitudinem potestatis.

Quamquam superius habita conclusio in cap. 53. dicens, quod apud solum Romanum Pontificem residet plenitudo potestatis Ecclesiæ, fuerit tam sanctorum Patrum testimonijs, quam rationibus plenè demonstrata, nihilominus aduersarij illam impugnare multipliciter nuncunt, ponentes hanc conclusionem, videlicet, quod plenitudo potestatis clauium, non solum sit in Papa capite, & pastore vniuersalis Ecclesiæ, sed in ipsa vniuersali Ecclesia, & in Concilio vniuersali. Sed istorum duplex est modus dicendi.

Quidam enim numero Magistrorum, qui fuerunt in Concilio Constantiensi, prout ex eorum tractatibus colligitur, dicunt: quod potestatis plenitudo est sic in Papa, & in Ecclesia vniuersali, & in Concilio vniuersali illam representant, aliter tamen, & aliter. Pro quo distinguunt, quod aliquid tripliciter potest esse in aliquo. Primò, tamquam in subiecto, sicut virtus est in anima, & accidens in substantia subiecti. Secundò, tamquam in obiecto, sicut effectus dicitur esse in sua causa, vel in suo fine, quia in illum tendit, tamquam in suum obiectum finale. Tertiò, tamquam in exemplo, sicut res visa dicitur esse in speculo, vel aliqua doctrina in libro, quia ibi est representatiue. Primò, ergo modo ut aiunt, plenitudo potestatis est in Papa, tamquam in subiecto eam recipiente, & ministratim exerceente. Secundò modo est in Ecclesia tamquam in obiecto causaliter, & finaliter continente. Tertiò est in generali Concilio, tamquam in exemplo ipsam representante, & regulariter dirigente. Primum patet, quia Papa proprie loquendo est minister hanc potestatem subiectiue recipiens, & administratiue dispensans, iuxta illud Luc. 22.

[Qui præcessor est in vobis, fiat sicut ministrator.] Secundum patet, quia plenitudo potestatis non est causaliter, & finaliter propter Papam, sed Papam, & eius potestas propter Ecclesiam, & ad eam ordinatur sicut ad finem, idest ad eius ædificationem, quia secundum sententiam Apostoli 2. Corinth. 10. & vlt. capitulis: hanc potestatem dedit Dominus in ædificationem Ecclesiæ, & non in destructionem. Tertiū patet ex eodem verbo Apostoli, quia si Papa vretetur hac potestate ad destructionem Ecclesiæ, generale Conciliū esset in exemplum, vel speculum dictam vniuersalem Ecclesiam representans, & eius vice, & nomine abusus huiusmodi plenitudinis potestatis coercens regulans, & dirigens, & etiam puniens. Hæc illi. Sed illorum positio, & imaginatio videtur nobis saluo semper meliori iudicio, omnino sine intellectu, quia multa implicat, quæ simul stare non possunt: immò partes ad inuicem sibi contradicunt. Implicant autem contradictionem. Primò, nam in ea parte, in qua dicunt, quod plenitudo potestatis sit in Papa, ut in subiecto administrante illam, & in Ecclesia sicut in obiecto finali, & in Concilio sicut in exemplo, contradicit eorum opinioni in ea parte, in qua dicunt, quod plenitudo potestatis principalis, & excellentius sit in Ecclesia, aut in Concilio, quam in Papa. Patet, quia potestas quæcumque proprius, & principalis dicitur esse, ubi est subiectiue, & administratiue, siue dispensatiue, quemadmodum est in artifice, aut duce exercitus, aut magistro opetis, quam sit in obiecto, siue in exemplo, sicut potestas medicandi proprius, & principalis habet esse in medico, quam in corpore infirmo, ad cuius curationem ordinata est, quam in libro medicinarum: ars etiam ædificandi principalis, & proprius habet esse in artifice, quam in domo ad cuius ædificationem ordinatur. Cæterum falsum dicunt, quod Ecclesia sit obiectum finale potestatis Papalis: quoniam licet potestas Papalis sit ei data in ædificationem Ecclesiæ, non tamen ipsa Ecclesia dicitur finis vltimus intentus potestatis eius, sed est ipsa beatitudo, ad cuius pascua ipsa vniuersalis Ecclesia per pastorem suum, atque rectorem, qui est Papa, secundum illud Ioann. vlt. [Pascue oues meas:] est dirigenda, & deducenda, sicut inferius plenius ostendemus. Præterea falsum esse videtur, quod potestatis plenitudo sit in Concilio, sicut in exemplo, & speculo, sed potius hoc modo dicenda est esse in lege Christi, siue evangelica, secundum quam tota Ecclesia est regulanda; unde in persona Ecclesiæ dicit Propheta de ea: [Lucerna pedibus meis verbum tuum, & lumen semitis meis.] Secundò, positio illa implicat contradictionem, nam in ea parte, ubi in Papa, & in Ecclesia vniuersali, & in Concilio ponunt vnam, & eandem potestatem, contradicit ei, quod dicunt, quod Concilium vniuersale potest corrigere, coercere, reſtare, & punire abusus potestatis Papalis. Patet, nam cum huiusmodi non possit in Papam, nisi qui sit altioris potestatis, iuxta cap. inferior dist. 21. impossibile est, quod Concilium ista posset facere, si non habet nisi eandem numero potestatem, quam habet Papa. Tertiò, positio illorum implicat, nam

in ea parte in qua dicunt plenitudinem potestatis in Concilio esse non sicut in subiecto, & administrante, sed sicut in exemplo, siue in speculo contradicit ei, quod dicunt, quod Concilium potest coercere, reſrenare abusus Papæ, & abutentem corrigere. Patet, quia licet per modum Concilij auſare, & dirigere quis poſſit alium non habens aliquam auctoritatem iurisdictionis ſuper eum, corrigere, tamen correptione, quæ eſt actus iuſtiriz, & coercere, reſrenare, & huiusmodi. non poſſe niſi is, in quo eſt potestas iurisdictionis ſicut in ſubiecto adminiſtrante, & exercente illam, ve manifeſte patet, cuius enim eſt potestas, eius eſt actus, inquit Philoſophus. Propter quæ ſicut ſupra diximus, poſitio illa aduerſario- rum videtur nobis ſine intellectu.

Alij verò de numero magiſtrorum nouel-
lorum, qui Baſile fuerunt alius ſapere præſu-
mentes, quàm illi qui fuerunt in Conſtancia,
verpote cupidi glorie, & principatus, dixerunt,
quod potestatis plenitudo eſſet in Eccleſia, nõ
modo ſicut in obiecto finali, aut in Concilio,
ſicut in exemplo, ſicut prædixerant ſupradic-
ti; ſed ſicut in ſubiecto adminiſtrante, &
exercente, ſicut practica demonſtrarunt, om-
nem Papalis potestatis adminiſtrationem, &
exercitum ſibi aſſumentes. Dicunt enim,
quod ipſi vniuerſali Eccleſiæ, quæ dicitur
collectio omnium fidelium in omnibus mem-
bris ſuis coniunctim, data ſit ipſa potestas
clauium in plenitudine, etiam principalius,
quam Papæ, ſicut ſi dicamus, quod vni col-
legio data ſit aliqua auctoritas alicuius iur-
isdictionis exercentis, vel electionis celebra-
ndæ. Ad quam concluſionem probandam perle-
gis multis eorum tractatibus; reperimus eos
multis medijs in varijs ſuppoſitionibus fun-
datis procedere.

Prima ſuppoſitio eſt, quod ea, quæ dic-
ta ſunt Petro, aut Apoſtoliſ, trahenda ſunt
ad Eccleſiam. Hanc ſuppoſitionem probant
per id, quod dicit beatus Auguſt. in epiſtola
ad Eſtrium de die nouiſſimo, ait enim ſic:
Verba, quæ locutus eſt Chriſtus ad Apoſtolos,
oportet de ſucceſſoribus intelligere, ſicut
illud: [Eritis odio omnibus gentibus propter
nomen meum.] Et illud: [Eritis mihi
teſtes in omni Iudæa, & Samaria, &c.] ſicut
& illud: [Ego vobiſcum ſum vſque ad con-
ſumationem ſeculi.] Quod tamen cum vni-
uerſæ Eccleſiæ promiſiſſa, quæ alijs morienti-
bus, alijs naſcentibus, vſque in ſeculi conſum-
mationem futura eſt, quis non intelligat?
Hæc ille. Item ſuper Pſalm. 108. idem Auguſt.
itã inquit: Quædam dicuntur, quæ, etſi ad
Apoſtolum Petrum propriè pertinere videan-
tur, non tamen habent illuſtrẽ intellectu, niſi
cũ referuntur ad Eccleſiam. Ex hac
ſuppoſitione, arguunt aduerſarij ſic: Si dicta
Petro, & alijs Apoſtoliſ trahenda ſunt ad
vniuerſam Eccleſiam. Ergo dicta Petro, per
quæ designatur in eo plenitudo potestatis,
intelligenda etiam veniunt de vniuerſali Ec-
cleſia, & per conſequens potestatis plenitudo
non tantum apud Petrum fuit, ſed etiam
apud vniuerſam Eccleſiam.

Secunda ſuppoſitio eſt, quod omnia
dicta Petro importantia auctoritatem eius,
ſunt etiam dicta alijs Apoſtoliſ, & in illis toti
Eccleſiæ. Quam ſuppoſitionem oſtendunt

veram maxime in duobus, in quibus potissi-
me data Petro potestas exprimitur. Primò
de illo Matth. 16. vbi Chriſtus ait Petro:
[Tu es Petrus, & ſuper, &c.] ſequitur:
[Tibi dabo, &c.] Quod verò ſit hoc dictum
omnibus, probant ex eo, quod cum Petrus
non ſolum fuerit interrogatus, ſed etiam omnes
Apoſtoli, & Petrus pro omnibus reſpon-
det, vt dicit gloſſa. ſequitur, quod cum col-
latio clauium videatur fuiſſe ob meritum
confeſſionis fidei, quod non ſolum pro Petro,
ſed etiam pro alijs Apoſtoliſ dictum ſit illi:
[Tibi dabo clauẽs, &c.] Quod itã confir-
mant auctoritate beati Auguſt. ſermone 20.
ſuper Ioann. itã dicens: Cũ eſſet ipſe nu-
merus duodenarius, ideſt quatuorpartitus in
ternos, & omnes eſſent interrogati, ſolus Pe-
trus reſpondit: [Tu es Chriſtus filius, &c.]
Et ei dicitur: [Tibi dabo, &c. tamquã
ligandi, & ſoluendi, ſolus acceperit poteſta-
tem:] Cũ & illud pro omnibus dixerit, &
hoc cũ omnibus, tamquam perſonam ge-
rens ipſius vnitate accepit. Secundo hoc
conſirmit auctoritate Leonis Papæ, qui in
ſermone quodam Apoſtolorum tractans illud:
[Quodcumque ligaueris, &c.] itã dicit:
In Apoſtolos alios ius huiusmodi potestatis,
& ad omnes Eccleſiæ Principes huius decreti
conſtitutio commeauit. Tertiò auctoritate
Rabani, qui gloſſa. Matth. 16. itã dicit: Quam-
uiſi ſoli Petro hæc potestas data videatur, cæ-
teris tamen Apoſtoliſ datur. Conſequenter
præſatam ſuppoſitionem verificare nititur ex
illo Ioann. ult. vbi dictum legitur Petro:
[Paſce oues meas.] Quod verbum ad om-
nes etiam dictum eſſe probant per beatum
Auguſt. qui in lib. de agone Chriſtiano itã
dicit: Non enim ſine cauſa inter Apoſtolos
Eccleſiæ Catholice perſonam ſuſtinet Petrus,
huic enim Eccleſiæ clauẽs datæ ſunt, cũ
Petro datæ ſunt, & cũ ei dicitur, ad omnes
dicitur: [Amas me, paſce oues meas.] Item
ad idem videtur eſſe beatus Ambroſius in
principio paſtoralis ſui, itã dicens: A Domi-
no dicitur Petro: Petre amas me.] Et ille:
[Tu ſcis, quia amo te.] Et cũ reſponſio
fuiſſet ſubſecuta, repetitum eſt à Domino:
[Paſce oues meas;] quas oues, & quem gre-
gem non ſolum tunc ſuſcepit beatus Petrus,
ſed & nobiſcum eas ſuſcepit, & nos cũ illo
eas ſuſcepimus omnes.

Tertia ſuppoſitio, quod omnia dicta
Petro ad poteſtatem expectantia, ſint ei dic-
ta in figura Eccleſiæ, ideſt in nomine, ſue
perſona Eccleſiæ. Ad quã ſuppoſitionem
probandam, inducunt multa dicta Auguſt.
quoniam ipſe ſolus videtur vſus hoc modo
loquendi. Et in primis inducunt illud, quod
Auguſt. dicit ſuper Ioann. & habetur in ca-
p. quodecunq. 24. quaſtione 1. vbi itã dicit:
[Quodcumque ligaueris ſuper terra, erit
ligatum, & in Cælis.] ſi hoc tantum Petro
dictum eſt, non hoc facit Eccleſia, ſi autem
in Eccleſia ſit, vtiq. quæ in terra ligantur, &
in Cælo, & quæ ſoluntur in terra ſoluta ſunt,
& in Cælis, ſi ergo hoc in Eccleſia ſit, Petrus
quandò clauẽs accepit, Eccleſiam ſanctam
ſignificauit. Vbi Archidiaconus exponit,
ideſt ſub ſigno, & nomine Eccleſiæ Petrus
clauẽs accepit. Secundo ad idem inducunt
illud Auguſt. in ſermone, quodam Apoſto-
lorum

lorum Petri, & Pauli sic dicentis: Dominus Iesus discipulos suos ante passionem suam sicut noster, elegit, quos fratres appellauit, inter hos penè, vbiq; Petrus solus totius Ecclesiæ gestabat personam, & propterea audire meruit: [Tibi dabo clauas Regni Cælorum.] Has enim clauas non ipse, vt homo vnus; sed vnitas accepit Ecclesiæ; hinc ergo Petri excellentia prædicatur, quia ipsius vniuersitatis, & vniuersalis Ecclesiæ curam gessit quando ei dictum est: [Tibi dabo clauas Regni Cælorum, quod omnibus traditum, est.] Nam, vt noueritis, Ecclesiam recepisse clauas Regni Cælorum, audite in alio loco quid Dominus dicat omnibus Apost. [Accipite Spiritum sanctum; & cōtinuò subiungit:] Si cui remiseritis peccata remittuntur ei: Si cui tenueritis tenebuntur;] hoc ad clauas pertinet, de quibus dictum est, quæ solueritis in terra, soluta erunt in Cælis, & quæ ligaueritis in terra, ligata erunt in Cælo. Tertiò inducunt illud Augst. in lib. 5. de vnico baptismo dum inquit: [Sicut misit me Pater, & ego mitto vos.] Hoc cum dixisset spirauit, & ait illis: [Accipite Spiritum sanctum, cui remiseritis, &c.] Ergo si personam Ecclesiæ omnes gerebant Apostoli, & sic eis hoc dictum est, raquam ipsi Ecclesiæ diceretur pax Ecclesiæ, dimittit peccata, & ab Ecclesiæ pace alienatio, tenet peccata non secundum arbitrium hominum, sed secundum arbitrium Dei. Quartò inducunt illud Augst. super Ioann. sermone 124. vbi de Ecclesia loquens, ita ait: [Huius Ecclesiæ Petrus Apostolus propter Apostolatus sui primatum gerebat, figurata generalitate personam, quantum, verò ad ipsum propriè pertinet natura, vnus homo erat, gratia vnus Christianus, abundantior gratia vnus, idemque primus Apostolus, sed quando ei dictum est: [Tibi dabo clauas Regni Cælorum: & quodcumque ligaueris super terram, &c.] vniuersam significat Ecclesiam, quæ in hoc seculo diuersis temptationibus quatitur.]

Quarra suppositio est, quod quæ dicuntur apud sanctos Doctores esse in vniuersali Ecclesia, aut vniuersali Ecclesiæ data, intelliguntur data vniuersali Ecclesiæ, vt vniuersitati, siue omnibus membris eius coniunctim. Quam suppositionem veram esse credunt, quia nomen Ecclesiæ, est nomen collectivum, & quia signum vniuersale videtur distribuere pro omnibus. Qua suppositione præsupposita, pro conclusione eorum inducunt multas auctoritates sanctorum Patrum. In primis est illa Hieronymi in cap. omnibus 24. quæst. 1. vbi dicit sic: Omnibus consideratis puto me non temere dicere, aliquos ita esse in domo Dei, vt ipsi sint eadem domus Dei, quæ dicitur edificari supra petram. Et post pauca: Quæ domus etiam clauas accepit, atque potestatem soluendi, & ligandi. Secundò inducunt illud Augst. de doctrina Christiana, vbi ita dicit: Est Ecclesia corpus Christi, sicut Apostolica doctrina commendat, quæ corpus etiam dicitur. Et sequitur infra: Has ergo clauas dedit Ecclesiæ suæ, vt quæ solueret in terra, essent soluta & in Cælo, & quæ ligaret in terra, ligata essent in Cælo, vt quisque in Ecclesia eius peccata dimitti non crederet, non ei dimitte-

rentur. Tertiò inducunt illam auctoritatem Augst. super Canonicam Ioann. homilia 10. ita dicentis: Vbi fit remissio peccatorum, ibi est Ecclesia, quomodo Ecclesiæ: sili enim sunt datæ clauas Regni Cælorum, vt quæ solueret in terra, essent soluta in Cælis, & quæ ligaret in terra, essent ligata in Cælis. Quartò inducunt illud extrà de summa Trinitate, & fid. cath. in cap. firmiter, vbi dicit: quòd Sacramentum Eucharistiæ nemo potest conficere, nisi Sacerdos, qui fuerit ordinatus secundum clauas Ecclesiæ. Non dicit Petri inquit, nec concessa Petro, ac per eum, alijs, sed Apostolis, ac eorum successoribus. Vndè Ioann. An. in glossis dicit: quòd non soli Petro clauas concessit, sed & cæteris Apostolis. Quintò inducunt illud Act. 20. [Attendite vobis, & vniuerso gregi, in quo posuit vos Spiritus sanctus Episcopos regere Ecclesiam Dei, quam acquisiuit sanguine suo.] Sextò inducunt illud, quòd habetur in præfatione, quam in celebratè singulòrum Apostolorum cantat Ecclesia: Gregem tuum Pastor æternæ non deseras, sed per beatos Apostolos continua protectione custodias, quos operis tui vicarios eidem contulisti præfæ pastores.

Quinta suppositio eorum est, quòd nunquam legitur aliqua potestas data Petro, nisi simul cum alijs Apostolis. Probat hanc suppositionem sic: quoniam si de concessione potestatis promissæ Petro queratur, non reperitur aliquis locus aprior, quàm ille Matthæi 18. [Quæcumque alligaueritis.] Vndè videtur, quòd promissio illa: [Tibi dabo clauas, &c.] debeat intelligi prout declarant verba concessionis, sed illa non ad solam Petri, sed ad Ecclesiam diriguntur principaliter; cum dicit: [Amen amen dico vobis; quæcumque ligaueritis super terram, &c.] ex qua auctoritate dicunt aliqui aduersariorum notari aliqua. Primum, quòd clauas Regni Cælorum, de quibus dixerat Matthæi 16. [Tibi dabo, &c.] hic Ecclesiæ sunt concessæ, cum eadem verba, sub quibus facta est promissio, hic exprimentur; nec in toto sacro Canone bibliæ reperitur locus alius, vbi expressius legatur, quòd potestas clauum sit data Petro, aut Ecclesiæ sub eisdem verbis, quibus promissa fuit. Secundò notatur, quòd concessio ista sit in omni stabilitate firmata, quia additur verbum iuramenti, vel assertionis, Amen. Tertiò, quòd in his verbis intelligitur potestas concessa Ecclesiæ non limitata, & in certis casibus, sed in omni plenitudine; quod probare nituntur ex signis vniuersalitatis: [Quæcumque alligaueritis, & quæcumque absolueritis;] sic arguendo: Si ex illo verbo, quodcumque ligaueris super terram, notatur in Petro plenitudo potestatis illimitatæ. Ergo pariter ex alijs verbis notabitur plenitudo potestatis in Ecclesia, cum non sint minoris continentis quæcumque, quàm quodcumque, ergo non solum in Rom. Pontif. residet plenitudo potestatis, sed etiam in ipsa vniuersali Ecclesia.

Sexta suppositio eorum est, quòd sicut Deus cuilibet creaturæ, cui dedit certam periodum, quæ dereminatur, quamdiu possit viuere, vel durare, dedit propriam virtutem innotam, & intrinsecam, qua possit se in suo

esse conseruare, & contra destructionem sui aduersantibus, resistere, ita Ecclesiam, quam voluit vtque in finem seculi durare, dedit virtutem, & potestatem, qua se in suo esse posset conseruare, & potestatem, qua posset se regere, & potestatem, qua aduersantibus, siue conantibus ad sui destructionem, resistere. Patet inquit hoc ex euidentia terminorum, immo à fortiori cum Christus ipsam Ecclesiam plus alijs diligit. Hoc etiam videtur notari, inquit, in verbis de Ecclesia dictis in sua fundatione, &c. Cum enim dixisset super se Petram edificare Ecclesiam, subiungit statim; Et portæ inferi non praeualebunt aduersus eam. Ex hoc etiam, aiunt, dicitur in Canticis de Ecclesia, quod est perfecta [terribilis, vt castrorum acies ordinata.] Quomodo autem, inquit, esset perfecta in se, & terribilis, si ad conseruandum se, & tuendum non haberet in terram virtutem, ac potestatem, sed oporteret ab extrinseco subsidium querere. Nam si Ecclesia ex se auctoritatem non haberet se conseruandi; tunc pro tempore, quo Ecclesia sine Papa esset, aut ipse nollet eam tueri, non posset se in esse conseruare; quod nemo sane mentis assereret. Habet ergo Ecclesia virtutem à Christo fundatore eo ipso, quod fundata est, ad se conseruandum in suo esse; nec per creationem Papæ eam perdit, quia principia essendi, & conseruandi intrinseca sunt cuilibet rei, sicut ergo Ecclesia propter creationem Papæ non deficit à virtute essendi, ita nec à virtute, & potestate se regendi, & conseruandi in suo esse. Postea verò declarantes, quæ sit ista virtus, & potestas se tuendi, dicunt, quod est communis sententia doctorem, quod est potestas clauium, videlicet scientia discernendi, & potentia iudicandi, ligandi, & soluendi. Ex hac suppositione arguunt concludendo, quod potestas clauium, & eiusdem potestatis plenitudo, sit data ipsi communitati, siue corpori vniuersitatis Ecclesie.

Septima suppositio est, quod plenitudo potestatis semper debet manere in Ecclesia, quia alias non videretur Ecclesie sufficienter prouisum, sed in Papa non potest semper manere, vt patet, cum ipse non semper maneat; ergo oportet dicere, quod maneat in Ecclesia. Confirmatur hoc ab alijs dicentibus: quod quemadmodum regimen Ciuitatis consistit penes congregationem Ciuium, vel ipsius congregationis partem valentiorē, vt dicunt haberi ex sententia Aristot. 3. polit. cap. 8. Et conformiter dicendum est, quod regimen Orbis penes Congregationem hominum totius Orbis, vel ipsius partem valentiorē consistat: ita regimen vniuersalis Ecclesie vacante Papatu penes ipsam vniuersalem Ecclesiam, quæ representatur per Concilium generale, & ipso Concilio congregato consistit penes ipsius Concilij partem valentiorē. Ex his omnibus concludunt, quod potestatis plenitudo, non ratiū apud Romanum Pontificem resideat, sed etiam apud vniuersalem Ecclesiam, & multo principalius, vt potest quia in eact immobiliter, & indefectibiliter. Vnde ad auctoritates sanctorum dicentium, quod soli Petro data sit à Christo plenitudo potestatis, aut quod solus Romanus Pontifex sit vocatus in plenitudinem

potestatis, respondent, quod per ly solus sit exclusio inferiorum, siue particularium personarum, non autem ipsius communitatis Ecclesie, & etiam quod ly nullus, non distribuat pro communitate, sed pro singularibus personis.

C A P. LXXI.

In quo impugnatur prefata conclusio aduersariorum dicentium, quod in alio, quam in Romano Pontifice resideat plenitudo potestatis in Ecclesia.

Quoniam principalis, & quasi fundamentalis punctus huius materie est intelligere, qualiter potestas clauium data sit Ecclesie, siue qualiter sit in Ecclesia; ideo nos pro ampliori illustratione huius materie, & veritatis, quam de Apostolico principatu, vt supra, tam auctoritatibus sanctorum, quam rationibus firmavimus, talem ordinem tenuimus. In primis in hoc cap. positis quibusdam notabilibus, impugnabimus modum aduersariorum ponendi in Ecclesia vniuersali potestatem clauium, & per consequens plenitudinem potestatis. Secundo impugnabimus responsiones datas aduersariorum ad auctoritates sanctorum Patrum inductas pro conclusione nostra. Tertiò in sequenti capite explicabitur modus verus, & Catholicus, quo potestas clauium sit data vniuersali Ecclesie, siue sit in Ecclesia. Quarto, per diuersa capitula sequentia, pro pleniori danda responsione, respondebitur ad obiecta aduersariorum.

Circa primum, in primis est considerandum, quod de Ecclesia, quæ dicitur clauis recepisce, potest esse sermo duplex. Aut enim, capitur ibi Ecclesia in sua vniuersalitate, prout, scilicet, dicitur vniuersitas, siue collectio omnium fidelium generaliter, prout in cap. Ecclesia de consecr. dist. 1. Aut capitur ibi sub minori vniuersalitate, scilicet, pro vniuersitate tantum omnium clericorum, siue sacerdotum, vt alij volunt. Secundo est notandum, quod potestas clauium est duplex, vt in lib. 1. distinximus, videlicet potestas ordinis, quæ propriè, & immediatè, vt dicunt Doctores, dicitur clauis regni Cælorum, quia immediatè extendit se ad ipsum Cælum remouendo impedimenta introitus in Cælum per dimissionem peccati, vt sanctus Tho. dicit in 4. dist. 19. in 1. art. Alia est potestas iurisdictionis, & hæc est duplex, quædam in foro conscientie, alia in foro exterioris iudicii, siue causarum. Tertiò notandum, quod de plenitudine potestatis possumus loqui dupliciter. Vno modo prout plenitudo potestatis includit tam potestatem ordinis, quam potestatem iurisdictionis. Alio modo prout solum includit potestatem iurisdictionis. Quarto est notandum, quod licet aliqua similitudo sit corporis mystici Ecclesie ad corpus naturale hominis, vt in multitudine membrorum, & aliquali vnione eorum adinuicem

& in

& in officiorum diuersitate, iuxta illud Apostoli ad Rom. 12. Sicut in vno corpore multa membra habemus, omnia autem membra non eundem actum habent, ita multi sumus vnum corpus in Christo, singuli autem alter alterius membra, nihilominus multiplex est differentia, & dissimilitudo. Vna quidem est, vt dicit sanctus Tho. in 3. parte, quod membra omnia corporis naturalis sunt omnia simul, membra autem corporis mystici non sunt omnia simul, nec quantum ad esse naturæ, quod corpus Ecclesiæ constituitur ex hominibus, qui fuerunt à principio mundi vsque in finem eius, nec quantum ad esse gratiæ, quia etiam eorum, qui sunt vno tempore, quidam gratia carent, alijs eam iam habentibus. Secunda differentia est, quia membra corporis humani constituunt aliquod vnum numero reale totum, quod subiectiue in se toto capax est alicuius formæ, aut qualitatis, siue influxus realis, quod est ipsum corpus humanum, non autem sic membra, quæ dicuntur corporis mystici, quoniam licet fideles fide, spe, & charitate, vt dicit August. vniantur: tamen cum distinguantur personis, & locis, non dicuntur constituere aliquod reale vnum numero totum, quod subiectiue in se toto capax sit alicuius formæ, aut qualitatis, aut influxus alicuius effectus realis, vnde quando Ecclesia dicitur vna unitate fidei, spei, & charitatis, non est intelligendum, quod vnus numero habitus fidei, vnus numero habitus spei, & vnus numero habitus charitatis in toto ipso corpore sit, quoniam ipsum corpus Ecclesiæ non potest esse talium formarum, subiectum; vnde etiam iuristi dicunt, quod vniuersitas non habet animam, glossa super cap. Romana, §. in vniuersitatem, sed sunt tot numero habitus distincti virtutum fidei, spei, & charitatis, quot numero sunt fideles. Quod ergo dicitur: vna fides Ecclesiæ, vna spes, vna charitas, non accipitur unitas ex parte vnius subiecti numero earum, quia nullum tale est, sed ex parte obiecti, quia videlicet omnes fideles, qui numero, & merito sunt in Ecclesiæ corpore, idem credunt, idem sperant, idem amant, sic dicit sanctus Tho. in 3. dist. 13. Per hanc planè considerationem euanescent multe phantasie aduersariorum nouellorum Magistrorum, atque Doctorem Canonistarum sicut videbitur infra.

Quibus notatis restat ostendere, quod positio aduersariorum falsa sit, quod vt plenius fiat, ponemus aliquas conclusiones, quas probando, improbabimus positionem ad plenum aduersarium.

Prima conclusio sit ista: Potestas clauium ordinis, quæ propriè dicitur clauis Cæli, quia ea sit remissio peccatorum, non est data toti corpori Ecclesiæ sic, vt singulis eius membris data sit. Probatur ista conclusio: primò auctoritate beati Ambr. lib. de penitentia, & habetur à Magistro sententiarum in 4. dist. 19. & à Magistro Gratiano de penit. dist. 1. s. nemo, ita dicentis. Ius ligandi, & soluendi solis sacerdotibus permiscum est. Patet etiam ex eo, quod olim soli sacerdotes indicabant inter lepram, & lepram, vnde Matth. 8. Dominus inquit leproso. Vade ostende te sacerdotibus, & Luc. 17. vbi inquit etiam decem leprosis. Ire ostendit.

Tom. XIII.

dite vos sacerdotibus, vbi dicit glossa interlin. Qui erant figura sacerdotij futuri in Ecclesia. Item patet ex eo, quod Dominus non nisi Apostolis sacerdotibus iam constitutis, ait Io. 20. Quorum remisistis peccata, remittuntur eis. Ratione sic probatur iuxta sanctum Tho. & Albertum Magnum. Gratiæ, quæ in sacramentis datur à capite in membra descendit, ergo solus est minister sacramentorum, in quibus gratia datur, qui habet ministerium super Corpus Christi verum, sed hoc est solus sacerdos, qui consecrare Eucharistiam potest; ergo solus sacerdos est minister sacramenti penitentiarum, & per consequens solus ipse habet potestatem ligandi, & soluendi à peccatis. Non enim est opus ad hanc conclusionem inducere plures probationes, quoniam ita nota est, quod oppositum eius non tam est hæreticum habitum, & condemnatum in reprobatione errorum Valdensium, qui dicebant omnes bonos homines habere potestatem clauium, quam derisorium.

Secunda conclusio. Potestas clauium ordinis, idest, potestas ligandi, & soluendi à peccatis, non est data vniuersali Ecclesiæ, vt vniuersitati siue omnibus eius membris coniunctim. Probatur ista conclusio ex præcedentibus sic. Prædicta potestas clauium solis sacerdotibus conuenit; ergo non conuenit communitati Ecclesiæ, vt vniuersitati, siue in omnibus membris suis; consequentia patet, quia quod vni soli patri vniuersitatis cōuenit, non potest dici conueniri toti vniuersitati in omnibus membris suis. Secundò sic: Potestas prædicta datur in consecratione sacerdotij, vnde cum ordinantur sacerdotes, dicuntur eis illa verba, quæ Dominus dixit Apostolis Ioann. 20. Accipite spiritum sanctum, quorum remisistis peccata, remittuntur eis; sed communitas Ecclesiæ non consecratur, nec insignitur sacerdotio; ergo non potest dici, quod vniuersali Ecclesiæ, vt vniuersitati, sint datæ clauis ordinis, siue potestas ligandi, & soluendi à peccatis. Terriò sic: Nulla vniuersitas potest dici cum veritate habere perfectè, aut plenè aliquam potestatem, in cuius exercitium numquam per se potest exire. Istud assumptum patet, quoniam vt inquit Aristot. de somno, & vigilia, cuius est potentia, eius est actus, sed tota communitas Ecclesiæ non potest exire in actum potestatis ligandi, & soluendi à peccatis. Tùm quia solus sacerdos est minister sacramenti penitentiarum, vt in cap. omnis vtriusque sexus, extrà de penit. & remis. Tum quia actiones suppositorum sunt; ergo conclusio vera. Quod autem dicitur à quibusdam aduersarijs, quod licet Ecclesia vniuersalis non habeat exercitium potestatis clauium absolouendo aliquem à peccatis, potest tamen mandare, quod fiat per aliquem sacerdotem, nihil valet, quoniam hoc cum sit imperatiue facere, non elicitue, non arguitur, quod communitas ipsa haberet potestatem, sicut nec potestatem consecrandi ex hoc, quod manderet alicui celebrare, sicut nec electus, aut Archidiaconus nondum in sacerdotio constituti, licet possint mandare alicui sacerdoti absoluerè, aliquem à peccatis, non propter hoc dicentur habere potestatem clauium, de qua loquimur. Non est autem opus hic multiplicare.

B b b 2

argu.

argumenta, quia conclusio clarissima est apud Theologos, vnde Albertus Magnus, sanctus Tho. & Dominus Bonavent. in 4. d. 19. quærentes, verum soli sacerdotes habeant claves, non solum dicunt, quod soli sacerdotes habeant claves, quod diximus in prima conclusione, sed etiam quod non sit possibile, quod conueniant alicui communitati, quod dicit ista secunda conclusio nostra. Pro hac etiam conclusione in primo libro aliquas rationes induximus.

Ex istis duabus conclusionibus sequuntur aliqua correlaria. Primum est, quod prædicta potestas clauium, nec subiectiue, nec formaliter, nec radicaliter, nec fundamentaliter, vt omnibus verbis vtamur aduersariorum, potest esse in Ecclesia vniuersali, nec in vniuersitate Clericorum, aut Collegio sacerdotum in quodam subiecto communi, patet correlarij manifestè ex dictis. Secundum correlarium est, quod omnes auctoritates sacre Scripturæ, quæ de potestate clauium ordinis, quæ dicitur potestas ligandi, & soluendi à peccatis, loquuntur, non possunt veraciter exponi de vniuersali Ecclesia pro omnibus suis membris, siue diuissim, siue coniunctim, nec de aliqua alia quacumque communitate minus vniuersali. Patet correlarium ex præfatis conclusionibus, & per consequens non potest de Ecclesia vniuersali exponi prædicto modo auctoritas illa Ioann. 20. Quorum remiseritis peccata, remittuntur eis, cum loquatur de potestate præfata ordinis. Quod patet: Tum ex glossa interlin. quæ ita habet, idest, quos dignos remissione iudicaueritis, duabus videlicet clauibus, scilicet, potestatis, & discretionis, dimittentur eis. Tum ex eo, quod huiusmodi verba omnibus sacerdotibus dicuntur, dum ab Episcopis ordinantur, quibus tamen omnibus non committitur aliqua potestas iurisdictionis. Tercium correlarium est, quod auctoritates sanctorum dicentium, quod Petrus in figura Ecclesiæ suscepit huiusmodi potestatem clauium, impossibile est eas intelligi cum veritate ad intellectum aduersariorum sæpè dictum, patet ex dictis. Quartum correlarium est: quod plenitudo potestatis ecclesiasticæ, vt includit potestatem clauium ordinis, non potest esse in Ecclesia vniuersali ad intellectum dictum aduersariorum, patet ex superioribus.

Tertia conclusio: Potestas clauium iurisdictionis ecclesiasticæ, siue in foro conscientie, siue exterioris iudicii, non est sic data vniuersali Ecclesiæ, quod singulis eius membris sit data, vt singularis. Ista conclusio licet per se nota videatur, nihilominus probatur sic. Inter Ecclesiæ membra, omnes fideles tam Clerici, quam Laici, tam viri, quam femine includuntur; vnde Apostolus ad Gal. 2. Quicumque enim in Christo baptizati estis, Christum induistis. Et vt ait August. ad Bonifacium, & ponitur in cap. nulli de conec. dist. 4. in baptismate quisque efficitur membrum Christi, sed non omnibus fidelibus est data potestas clauium iurisdictionis spiritualis, patet, quia non feminis, nec laicis, nec Clericis omnibus etiam sacerdotibus vt patet; ergo conclusio vera.

Quarta conclusio. Potestas iurisdictionis Ecclesiasticæ, non est data toti Ecclesiæ,

vt vniuersitati, siue omnibus membris Ecclesiæ simul iunctis. Probatur ista conclusio ex præcedenti sic: Nulla potestas potest conuenire alicui vniuersitati, siue in omnibus membris eius simul, ad quam est inhabilis magna pars illius vniuersitatis, sed ad potestatem iurisdictionis ecclesiasticæ, siue in foro conscientie, siue exterioris iudicii magna pars vniuersitatis Ecclesiæ est inhabilis, nec est capax illius; ergo talis potestas non potest dici conuenire vniuersitati Ecclesiæ vt sic, consequentia est bona, maior etiam nota, & potest colligi ex cap. cum dilectus extra de consuet. & cap. constit. extra de appellat. minor vero patet. Tum ex conclusione præcedenti. Tum quia cum Ecclesia, vt inquit Beda, in glossa super Luc. & etiam dicit Hugo de sancto Victore lib. de Sacramentis parte 2. duos complectatur ordines, scilicet, laicos, & clericos, quasi duo latera corporis vnius: maior pars, scilicet laicorum, est inhabilis, siue incapax iurisdictionis Ecclesiasticæ, vnde in cap. bene quidem dist. 96. tota synodus protellatur quod laicis personis nulla facultas data est de disponendis ecclesiasticis officiis, idem in cap. sequenti. Patet etiam hoc manifestius de mulieribus, quæ quantaeumque polleant sanctitate, inhabiles sunt ad claves recipiendas, mulier enim non est subiectum idoneum principatus, sed magis subiectionis. Quam ob rem dicit Apostolus 1. ad Corinth. 14. Mulieres in Ecclesia taceant, non enim permittitur glossa ab aliqua auctoritate eas loqui, sed subditas esse. Etiam dicit in polit. Philosophus, quod corruptio vrbauitatis est, cum regimen, siue donum ad mulierem peruenit, non videtur autem intelligibile, quod potestas clauium sit data Ecclesiæ, vt vniuersitati, siue in omnibus membris eius, & quod excludantur à participatione prædictæ potestatis fideles laici viri, & mulieres, quæ sunt non modo vera membra corporis Christi, quod est Ecclesia, sed etiam in maiori numero, siue maior pars. Secundò probatur sic præfata conclusio. In qualibet vniuersitate, cui data est aliqua potestas, vt vniuersitati, omnes de illa vniuersitate æqualiter se habent ad ius illius potestatis, patet, quia Canonici omnes æqualiter se habent in actu cuiuslibet potestatis, quam habent vt collegium, sed non omnes fideles, immò nec omnes clerici, immò nec omnes sacerdotes, qui includuntur infra ambitum corporis Ecclesiæ æqualiter se habent ad ius potestatis clauium, vt patet manifestè, quoniam aliis non fuisset distinctio potestatis inter Apostolos, nec fuisset distinctio inter sacerdotes maiores & minores, nec Petrus fuisset magis caput Ecclesiæ, quam aliquis cæterorum. Quæ omnia nedom falsa sunt, sed etiam tamquam heretica per Ecclesiam condemnata; ergo sequitur: quod vniuersitati Ecclesiæ, vt tali, idest, vt in omnibus membris suis, simul non sit data potestas talis clauium à Christo, consequentia est bona, & formalis. Tertiò sic: Quodcumque alicui vniuersitati in communi, vt vniuersitati, est data aliqua potestas, siue aliqua clausula, non possunt quicumque illius vniuersitatis exire in actum, siue in executionem potestatis, nisi simul omnibus concurrentibus, aut saltem vocatis, aut nul-

lo contempto omnibus illius vniuersitatis membris, hoc videtur manifestum, vt colligitur ex cap. quia propter, & cap. coram extrâ de elect. sed si vniuersali Ecclesiæ in communi, vt vniuersitati, data esset potestas clauium iurisdictionis, sequeretur, quod nec Papa, nec Ecclesiæ prælati possint exire in actum, siue exercitum eiusdem potestatis, nisi ad minus conuocatis omnibus fidelibus tam laicis, quam clericis, sed hoc est falsum, vt patet cum hoc non obseruetur in Ecclesia, nec etiam ad vniuersalia Concilia omnes fideles vocantur, nec omnes clerici, nec etiam omnes sacerdotes, nec tamen reputantur contempti, si non vocantur, nec etiam Papa requirit quorumcumque consensum ad executionem potestatis sibi datæ, nec etiam alij prælati, ergo falsum est, quod toti Ecclesiæ in communi, aut toti collegio clericorum, aut sacerdotum, data sit potestas clauium, vt vniuersitati. Quarto sic. Quandocumque omnibus membris alicuius vniuersitatis est data potestas aliqua, vt vniuersitati, cum omnes ad ins potestatis æqualiter se habeant regulariter, maior pars communiter præponitur minori in iudicio. Arg. ex cap. quia propter extrâ de elect. & cap. cum in cunctis, extrâ de his, quæ sunt à maior. par. cap. si ergo corpori vniuersalis Ecclesiæ data esset potestas clauium huiusmodi, aut collegio omnium clericorum, siue sacerdotum in communi, sequeretur, quo ad maiorem partem huius vniuersitatis, quæ est pars laicorum, vel ad minores sacerdotes, seu clericos, qui sunt maior pars collegij eorum, tandem posset deuolui regimen, & potestas iudicij totius Ecclesiæ, quod est absurdum, iuxta cap. cum inferior, & cap. denique dist. 21.

Quinta conclusio: Plenitudo potestatis clauium iurisdictionis, non est data vniuersali Ecclesiæ, vt vniuersitati, siue in omnibus eius membris coniunctim. Hæc conclusio licet pateat ex præcedenti, quia probato, quod Ecclesiæ vniuersali, vt communitati, non sit data potestas clauium, probatum relinquitur, quod nec plenitudo potestatis clauium illo modo sit data illi, nihilominus probatur multipliciter. Primo sic: Regimen Ecclesiæ est à Deo institutum monarchicum, sicut supra sæpe probatum est, patet, quoniam hoc regimen est nobilissimum reputatum tam à Philologis, vt patet 8. ethic. & 3. polit. quam à Theologis, & credendum est, quod Deus instituerit regimen Ecclesiæ suæ in nobiliori specie regiminis, sed in principatu Monarchico plenitudo potestatis non est apud omnes, siue apud communitatem, sicut est in regimine politico, sed solum apud vnum, scilicet apud principem, qui solus principatur; ergo sequitur, quod ex institutione Christi plenitudo potestatis non sit data vniuersitati Ecclesiæ in omnibus membris eius, sed tantum in vno, scilicet, Romano Pontifice, qui princeps Ecclesiæ à Christo institutus est, vt supra ostendimus. Secundò sic confirmando rationem factam: Si plenitudo potestatis est apud vniuersalem Ecclesiam totam, sequitur, quod non est apud Papam, consequens est falsum, cum sit contrâ apertissima testimonia sanctorum patrum, vt supra visum est; ergo antecedens est falsum, cum ex verò non

sequatur nisi verum, probatur consequentia, quia si apud totam multitudinem populi Christiani, quæ dicitur Ecclesiæ vniuersalis, quæ est collectio omnium fidelium, resideret, sequitur quod principatus Ecclesiæ sit politicus, & non monarchicus, & per consequens in nullo, quàm in ipsa tota communitate est ponenda potestatis plenitudo. Hæc autem, differentia ponitur ab Aristot. 8. ethic. & 3. polit. inter tres species principatus, quas ponit, videlicet monarchicam, quæ dicitur à monos, quod est vnus, & archos, quod est principatus, quasi principatus vnus, in quo solo residet plenitudo potestatis. Secunda dicitur Aristocrasya, quæ dicitur ab aris, quod est virtus, & cratos, quod est potestas, quasi potestas, siue principatus plurium secundum virtutem imperantium, ita quod nullius. Tertia species communi nomine dicta politia, in qua multi, vt populus principatur, ita quod apud nullum residet plenitudo potestatis, sed apud omnes, vt ibidem dicitur, & sic patet consequentia. Tertiò sic. Nulli communitati, cuius cura, regimen, & gubernatio à superiori suo est commissæ alicui particulari, est data potestas regimini sui, & gubernationis, ista videtur nota, sed regimen vniuersalis Ecclesiæ est commissum Romano Pontifici, vt tota clamat sanctorum Patrum. Doctrina, ait enim beatus Greg. ad Imperatorem Mauritium scribens: Cunctis Euangelium scientibus liquet, quod voce Dominici sancto, & omnium Apostolorum principi Petro Apostolo totius Ecclesiæ cura commissæ est, ipsi quippe dicitur: [Petre amas me, pasc oves meas:] ergo videtur, quod vniuersali Ecclesiæ, vt communitati non sit data potestas vniuersalis regiminis totius Ecclesiæ, sed tantum Petro, & successoribus eius. Quarto confirmando hanc rationem arguitur sic. Illi soli videtur data potestas plenitudo, qui solus est pastor totius gregis Domini; sed solus Petrus est pastor totius gregis Domini, & nullus alius, nec ipsa communitas Ecclesiæ, quæ est ipse grex pascendus, & gubernandus; ergo videtur, quod solus Petrus, & ita solus Romanus Pontifex sit vocatus à Christo in plenitudinem potestatis clauium. Quintò sic. Impossibile est, quod in aliqua vna vniuersitate prælatus, & subditi habeant eandem plenitudinem potestatis, patet, quoniam non capit ratio, quod illud, per quod quis constituitur superior, & prælatus aliorum, sit commune prælato, & subditis in eadem plenitudine, sed in tota vniuersitate, Christiana Rom. Pontif. est prælatus, & cæteri omnes alij fideles sunt subditi, vt in superioribus est demonstratum; ergo conclusio vera. Sexrò confirmando præcedentem rationem arguitur sic: Plenitudo potestatis, quæ ponitur in Ecclesia, aut est vna, & eadem numero cum ea, quæ ponitur in Papa, aut est alia, sed non potest dici, quod sit alia, quia sic essent duæ supremæ potestates, siue plenitudines potestatis, quod esse non potest. Tum quia quod per superabundantiam dicitur in vnoquoque genere vnum tantum esse. Tum quia pluralitas principatum non est bona, 12. metaphys. Tum quia duas supremas potestates non patitur vnitas Ecclesiæ. Non potest etiam dici, quod sit vna, & eadem nume.

numero plenitudo potestatis, quia si sic, tunc neque Papa esset superior, & prelatus Ecclesie, nec Ecclesia posset dici superior potestate ipso Rom. Pontifici, quod tamen aduersarii volunt, patet, quia si par in parem imperium non habet, multo minus, ubi est idempitras potestatis. Responsio autem, quam ad hanc rationem dant quidam aduersariorum dicentes, quod licet sit eadem, quia tamen, ut dicunt, illa potestas est excellentiori modo in Ecclesia, scilicet, inuariabiliter, & inobliquabiliter, quo modo non est in Papa, Ecclesia habet iurisdictionem supra Papam, non valet aliquid. Tum primo, quia presupponit falsum, quia ut iam probauimus, talis potestatis plenitudo non potest esse subiectiue, & formaliter in viuificatore Ecclesie, sed solum in Romano Pontifice. & per consequens, sicut superius circa cap. 7. esse probatum, non potest esse excellentiori modo in viuificatore, Ecclesia, quam in Romano Pontifice. Tum secundo, quia etiam datur, quod esset, scilicet, una, & eadem numero potestas Ecclesie in utroque, sicut in vno subiecto, est impossibile intelligere, quod Ecclesia habeat iurisdictionem super Romanum Pontificem, nec e converso, nec potest circa vnam, & eandem potestatem numero in vno, & eodem subiecto pro eodem tempore attendi talis comparatio, ut in vno dicatur esse excellentiori modo, quam in alio. Præterea dato etiam quod sit, cum talis differentia, puta esse, inuariabiliter, & variabiliter non augeat, nec minuat potestatem ipsam, non potest ex tali differentia argui, quod vnus habeat iurisdictionem super alium, aliis, qui sanctior esset, aut diuturniorem haberet potestatem in Ecclesia, diceretur iurisdictionem maiorem habere, quod est falsum, immo inter errores Ioan. Hus, & Vicleff. condemnatum. Septimò arguitur sic. Ex tota scriptura sancta non potest hoc haberi; quod vniuersali Ecclesie in communi, suæ in omnibus membris eius simul sit data plenitudo potestatis, sed magis contrarium, ergo hoc non videtur attendendum, consequentia patet, quoniam ut ait Hier. quod de S. Scriptura firmitatem non habet, eadē facilitate contemnitur, qua probatur antecedens; patet, quoniam si aliqua scriptura talis esset per aduersarios, esset inducta. Quod autem nulla earum, quas inducunt, faciat ad propositum positionis eorum, nos ostendimus infra, cum ad argumenta eorum respondebimus. Ex his conclusionibus sequuntur aliqua correlaria. Primum quod auctoritates sanctorum patrum, quæ videntur attribui toti Ecclesie in communi potestatem clauium, aut auctoritatem iudicii; aut magistris; non sunt accipiendæ sic, quod omnibus fidelibus, nec omnibus clericis, aut ut singulis, aut in vnum simul coniunctis, ut vniuersitati, talis auctoritas, aut potestas, diuina ordinatione data sit. Patet quoniam, ut probauimus multiplicitè, hoc non modo falsum est, sed etiam, ut videtur erroneum, cum, contra Euangelium Christi, & sanctorum patrum doctrinam videatur negare beatorum Petrum fuisse caput vniuersalis Ecclesie; videatur etiam negare principatum Ecclesiasticum esse monarchicum. Item videatur negare principatum Ecclesie esse hierarchicè di-

positum, & Rom. Pon. potestatis plenitudinem habere, quod etiam sit positio illa, quasi impossibilis, partim ostendimus supra, & iustā in responsione argumentorum clariùs videbitur. Secundum correlarium est, quod auctoritates sacræ Scripturæ & sanctorum, quas aduersarii inducunt intelligentes modo præfato, peruersæ, & aliter, quam spiritus sanctus efflagitat, illas interpretari videntur, patet ex dictis, & plenius ex dicendis in responsione ad argumenta. Tertium correlarium est, quod falsum est, quod aduersarii in secunda parte conclusionis eorum dicunt, videlicet, quod potestatis plenitudo principalis sit in Ecclesia vniuersali, quam in summo Pontifice. Patet Tu ex dictis sic: Potestatis plenitudo clauium non est in vniuersali Ecclesia ad intellectum eorum, ut probatum est, ergo nec est in ea principaliter, nec minoribus principaliter, ad intellectum eorum, videlicet in omnibus membris Ecclesie simul. Præterea falsitas illius manifestissima patet ex forma absolutionis, qua sacerdos quilibet vtitur in Ecclesia in absolutione sacramentali; ait enim sic, Auctoritate omnipotentis Dei, & beatorum Apostolorum Petri, & Pauli, non autem dicit auctoritate Ecclesie vniuersalis, & tamen scindum necessarium esset, si potestas clauium esset principalis in vniuersali Ecclesia ad intellectum aduersariorum, quam in Petro; suæ eius successore. Et hæc de primo principali.

Circa secundum, in quo impugnanda est responsio aduersariorum, quam dant ad auctoritates sanctorum patrum dicentium, quod solus Romanus Pontifex vocatus sit in plenitudinem potestatis, aut quod nulli alteri sit data plenitudo potestatis à Christo, est sciendum, quod responsio eorum ita in hoc: quod per se solus, non fiat exclusio communis Ecclesie, sed particularium personarum, siue singulorum membrorum de Ecclesia, & similiter; quod cum dicitur, quod nulli, nisi Petro sit data plenitudo potestatis, ly nulli, distribuat pro singulis particularibus non autem pro communitate. Sed quod ista responsio nulla sit, & sit contraria mentibus sanctorum patrum, quorum auctoritates inductæ sunt, patet: Tum primo, quia presupponit, quod potestatis clauium plenitudo possit esse subiectiue, & formaliter, ac dispensat in ipsa vniuersali Ecclesia, siue in omnibus membris eius simul, quod superius est improbatum sufficienter. Tum secundo quia doctores præfati dicentes soli Petro datam esse plenitudinem potestatis, ponunt Ecclesie principatum esse monarchicum: iuxta Euangelium Christi, de ratione autem principatus monarchici, ut sæpe repetitum est, est quod plenitudo potestatis residet apud vnum scilicet principem, & non apud omnes, Tum tertio, quia præfati doctores ponunt, quod Petrus sit Princeps, pastor, & caput totius Ecclesie vniuersalis, cum quibus non potest stare, quod in ipsa vniuersali Ecclesia; cui ipse præfideat, sit eadem plenitudo potestatis cum eo: & maxime, cum additione ista; & principalis, quam in eo, unde sanctissimus Leo Papa in cap. ita Domini dist. 19. apertissima luce dicit, quod ita Dominus huiusmodi muneris sacramentum ad omnium

Apostolorum officium pertinere voluit, vt in beatissimo Petro Apostolorum omnium summo principaliter collocaret, vt ab ipso quasi à quodam capite dona sua velut in corpus omne diffunderet. Hæc ille. Ergo ex intentione illorum patrum est; quod per ly solus & per ly nullus, non solum excluduntur alij particulares, sed etiam ipsa communitas ad intellectum aduersariorum, Et ita patet quod responso aduersariorum nulla sit.

C A P. LXXII.

*In quo datur vera intelligentia huius
quod à sanctis Patribus dicitur,
quod Ecclesiæ vniuersali
sint clauēs datae.*

Improbata sufficienter prout nobis visum est, aduersariorum intelligentia huius, quod dicitur: quod vniuersali Ecclesiæ clauēs datæ sunt, iam restat explicare, quæ sit vera intelligentia huius.

Pro quo notandum, quod huius propositionis; Ecclesiæ vniuersali datæ sunt clauēs triplex potest esse intellectus. Vnus est, quod clauēs datæ sint Ecclesiæ in singulis suis membris diuini. Et iste intellectus est falsus, & erroneus, & iam condemnatus inter errores Valdensem, qui dicebant singulos bonos homines habere clauēs, siue potestatem absoluenti, & ligandi; Secundus est, quod vniuersali Ecclesiæ in omnibus membris suis coniunctim, siue simul, datæ sint clauēs, sicut dicitur de principatu politico, in quo potestas, siue principatus dicitur esse apud communitatem. Sed iste intellectus, qui videtur esse aduersariorum iam est improbat non modo tanquam falsus, sed etiam quodammodo impossibilis, nam ostensum est clarissime; quod sit impossibile, quod alicui communitati siue congregationi fidelium simul, siue omnium clericorum, siue etiam omnium sacerdotum collegio conueniat habere clauēs regni celorum, quibus peccatorum sit remissio, quoniam ostensum est, nullam communitatem, vt sic posse esse subiecti talis potestatis. Item ostensum est, quod nec communitati vniuersalis Ecclesiæ, siue vniuersitati omnium clericorum, nec omnium sacerdotum collegio, vt communitati, siue simul in omnibus membris datæ sint clauēs iurisdictionis, & minis plenitudo potestatis. Tertiū intellectus est: quod vniuersali Ecclesiæ datæ sunt, clauēs non in omnibus membris eius, sed in aliquibus membris eius tantum, & plenitudo potestatis data sit illi in vno membro tantum scilicet principali: quod est caput in corpore, quod est Rom. Pont. Et iste est verus, & catholicus sensus, & quem habent sancti Doctores, cum dicunt clauēs datas esse vniuersali Ecclesiæ. Vnde de potestate ligandi, & soluendi à peccatis dicit beatus Ambr. lib. de peniten. quod ius ligandi, & soluendi solis sacerdotibus est permittum. Et beatus Hieron. & habetur in gloss. Matr. 16. quod datæ sunt clauēs omni Ecclesiæ in Episcopis, & presbyteris. De potestatis verò plenitudine, dicunt sancti

Doctores, quos supra indoximus, quod soli Petro data sit, & in eo Rom. Pont. eius successor. Pro cuius intellectus pleniori notitia est sciendum, quod potestas clauium, vt colligitur, ex Apostolo tam 1. ad Corinth. 12. quam ad Eph. 4. ponitur inter gratias gratis datas, quas Christus dedit corpori Ecclesiæ, vnde ait. Dedit quosdam pastores &c. Gratia autem gratis datæ non sunt ita datæ corpori Ecclesiæ, quod omnibus Ecclesiæ membris sint distributæ: sed quibusdam tantum aliquæ, & alijs aliæ. Vnde ait Apostolis 1. Corinth. 12. Diuisiones gratiarum, sunt, idem autem spiritus, vbi dicit glossa, gratias, hic appellat diuersos gradus: & ordines, qui sunt in officiis Ecclesiæ. Et infra; inquit Apostolus. Posuit quidem Deus quosdam in Ecclesiæ, primum Apostolos; secundo Prophetas, tertio Doctores, deinde virtutes, & exinde gratias curationum, opitulationes, gubernationes, genera linguarum, nunquid enim omnes Apostoli? numquid omnes Prophetæ? numquid omnes Doctores? numquid omnes virtutes? numquid omnes habent gratiam curationum? numquid omnes linguis loquuntur? numquid omnes interpretantur? Hæc Apostolus qu. d. no. Et ad Rom. 12. postquam dixit, multi vnum corpus sumus in Christo, singuli autem alter alterius membra. Sequitur. Habentes donationes secundum gratiam, quæ data est nobis differentes, siue prophetia secundum rationem fidei. siue ministerium, gloss. Ecclesiasticum, habentes in ministrando, gloss. affluens, qui docet in doctrina &c. Ex quibus verbis Apostoli manifestum habetur. Primo, quod huiusmodi gratiæ non infunduntur, nec sunt singulis membris Ecclesiæ corporis communes. Secundo, quod huiusmodi gratiæ infunduntur singularibus membris corporis particulatim, non autem vniuersitati, aut communitati membrorum, nullus enim doctus ignorat, quod talium gratiarum subiectum capax, esse non potest ipsa communitas. Præterea notandum est, quod propter vnitatem ipsorum membrorum in ipso corpore Ecclesiæ, ipsum corpus Ecclesiæ dicitur sæpè recipere, habere, & exercere, siue operari; quæ officialia membra sua, vel aliquod etiam vnum membrorum recipit, habet, aut operatur, licet illud tale conuenire non possit toti vniuersitati membrorum, nec propriè veraciter posse dici de ea, sed tanquam figurâ synodochē denominando totum à parte: sicut in corpore naturali hominis exemplum est manifestum, homo crispus dicitur, vel casuus, licet caluities; & crispitudo vni tantum membro hominis, scilicet capiti intersint, ita similiter reperitur in corporibus per similitudinem dictum, plura namque attribuantur vni populo, licet toti non conueniant, sed tantum aliquibus illius populi, vnde gloss. ordinaria super illud Apostoli 1. Corinth. 10. Sedit populus manducare, dicit sic, Populus, id est quidam de populo, totum pro parte ponit: sic in proposito propter vnitatem in corpore Ecclesiæ multa, quæ quibusdam tantum conueniunt, attributa leguntur ipsi toti corpori Ecclesiæ, vt potestas ministerialis clauium ligandi, & soluendi à peccatis, quæ solis sacerdotibus conue-

nit, & in quibus subiectiue, & dispensatiue esse potest, dicitur Ecclesie data, cuius membra sunt ipsi sacerdotes. Vnde Ambr. vbi supra: Ius ligandi, & soluendi habet Ecclesia, quæ veros habet sacerdotes, & similiter de alijs actibus. Vnde Archidiaconus super illud, Ecclesie charitas, de con. di. 4. dicit, Ecclesia dicitur facere, quod eius ministri faciunt secundum institutionem, puta paruulos baptismo offerre, baptizare, peccata dimittere. Hæc ille, Propter præfatam etiam vnitatem corporis mystici non solum dicitur Ecclesia habere illud, quod singulariter prælati in Ecclesia habent, sicut clauis, & plenitudinem potestatis, quam solus Papa habet, sed etiam, quod Christus principale ipsi Ecclesie caput habet, vnde beatus Aug. tractans illud Apoc. 2. Qui vicerit, & seruat opera mea vsque in finem, dabo potestatem ei super gentes, & reget eos in virga ferrea, vt vas figuli comminuntur, sicut, & ego accipi à patre nico dicit, sic in Christo habet Ecclesia hanc potestatem, sicut dicit Apostolis, cum illo omnia nobis donauit. Vbi considerandum multum vtiliter venit ad vitandos multos errores: quod cum aliqua legantur attributa Ecclesie est aduertendum, respectu quorum, vel respectu cuius illa talia attribuantur ei, cum non omnia omnibus conueniant, sed quedam quibusdam, quedam alijs, & quedam vni alijs facilliter quis posset errare. Cuius considerationis defectus videtur nobis, quod fuerit causa aduersarijs multorum errorum, vnde valde conuenienter venit in hoc loco notanda illa regula, quæ ponitur in gloss. supra 17. quæ originaliter est beati Aug. di. Attende regulam vnitatis capitis, & corporis, quasi enim vna persona est caput, & corpus, ideoque vna voce vtitur caput cum membris, licet ea, quæ dicuntur, ad diuersa referantur, quedam enim soli capiti conueniunt, quedam solis membris, quedam capiti conueniunt, quedam capiti, & membris. Item quæ membris conueniunt, quedam præteritis, quedam præsentibus, quedam futuris, quedam perfectis, quedam imperfectis conueniunt, & tamen in tanta diuersitate, vna vox est, & quasi vna persona loqui videtur. Hæc gloss. Ex quibus omnibus manifestè patet, qualiter intelligendæ veniant omnes auctoritates sanctorum dicentes, quod Ecclesie catholice datæ sunt clauis, quia non quidem in ipsa tota communitate, siue multitudine membrorum, sed in aliquibus tantum, scilicet in principalibus, scilicet in Episcopis, & Presbyteris: vt ait Hieron. & in istis. vt singularibus, non vt collegio, quoniam sicut apertissime monstratum est, in communitate, siue vniuersitate non potest esse subiectiue, nec dispensatiue potestas ligandi, & soluendi à peccatis, de qua auctoritates sanctorum maxime loquuntur, vt patet ex ipsa litera.

C A P. LXXIII.

In quo responderetur ad rationes fundatas in prima suppositione.

EXposita veritate intelligentiæ, sub qua accipiendæ sunt auctoritates sanctorum patrum dicentes clauis esse datas Ecclesie vniuersali, iam restat respondere ad obiectiones aduersariorum, & iuxta numerum suppositionum illarum quibus veluti fundamentis vsi sunt arguendo, tot capitula subiungemus respondendo rationibus eorum.

In primis ergo respondententes ad primum præpositum dicimus, quod falsum est, quod dicunt: videlicet quod omnia dicta Petro, & Apostolis trahenda sint ad Ecclesiam ad intellectum, quem aduersarij prætendunt, videlicet, quod conueniant communitati Ecclesie, quoniam multa sunt, quæ dicta sunt à Christo Petro, & Apostolis, quæ nullo modo conuenire possunt ipsi communitati Ecclesie, nec etiam singulis fidelibus: non potest vniuersali Ecclesie, aut alijs fidelibus conuenire illud, quod Christus ait Petro, Matt. 16. beatus es Simon Bariona, quia caro & sanguis non reuelauit &c. vt est manifestum. Item nec potest trahi ad Ecclesiam illud Luc. 22. Tu conuersus confirma fratres tuos &c. Item nec illud Ioan. vlt. potest trahi ad Ecclesiam. Simoni Ioan. [pasc oves meas &c.] Ecclesia enim grex est non pastor. Item nec potest referri ad Ecclesiam illud Matt. 5. quod dictum est Apostolis. Vos estis sal terræ, quod &c. vbi, vt inquit Hilarius, & habetur in gloss. contr. Apostolorum designatur officium, vnde gloss. ait. Sunt Apostoli sal terræ, id est, hominum terrenorum, qui amando terram terram vocantur. Et Hieron. Sal dicuntur Apostoli, quia per illos vniuersum hominum conditur genus. Item nec potest referri ad Ecclesiam illud Matt. 19. Amen dico vobis vos, qui secuti estis me, in regeneratione cum sederit filius hominis in sede maiestatis sue, sedebitis, & vos iudicantes 12. tribus Israel: vbi licet, vt dicit August. 20. de ciuitate Dei, per numerum duodenarium significetur vniuersa multitudo indicantium, huiusmodi tamen non sunt omnes fideles, sed vt idem Aug. dicit, illi intelliguntur, qui propter Euangelium sua omnia diuiserunt, & secuti sunt Christum. Item nec potest referri ad vniuersam Ecclesiam illud, Venite post me, & faciam vos fieri pisces hominum, vt patet. Item nec illud potest conuenire communitati Ecclesie Luc. 22. Hoc facite in meam commemorationem, per quod verbum Apostoli dicuntur effecti sacerdotes. Item nec potest toti communitati Ecclesie conuenire illud Ioan. 20. Quorum remiseritis peccata, remittuntur eis, quoniam sicut supra sufficienter ostensum est, potestas ligandi, & soluendi à peccatis, nec omnibus fidelibus, nec ipsi communitati Ecclesie modo prædicto data est. Item nec illud Matth. 18. Quæcunque alligaueritis &c. quoniam potestas hæc non data est Ecclesie in omni-bus eius membris, sed vt inquit gloss. in Episcopis

scopis, & presbyteris, & ita non potest referri ad ipsam communitatem Ecclesie modo predictam. Item nec potest ad communitatem Ecclesie referri illud, Matth. ult. [Euntes docete omnes gentes &c.] Clarissimum autem est, quod officium docendi, & baptizandi non committitur toti Ecclesie, nec isti sunt actus, qui omnibus fidelibus conueniant. Item nec illud Ioann. 20. [Sicut misit me Pater, & ego mitto vos,] licet enim hoc Apostolis dictum sit, & successoribus, qui dicuntur fungi legatione Christi, derisorium tamen videretur ad communitatem Ecclesie esse hoc referendum: ita quod Christus vniuersalem Ecclesiam miserit ad predicandum, & sic de multis alijs, in sequenti vero cap. ostenditur hoc idem de eis, quae dicta specialiter leguntur Petro. Patet ergo falsitas suppositionis aduersariorum dicentium, quod omnia, quae dicta sunt Apostolis referenda sint ad Ecclesiam, tamquam toti communitati conuenientia. Et ad probationem primam quando dicitur, quod quae dicta sunt Apostolis, oportet intelligere de successoribus, concedimus hoc maxime de pericentibus, vel ad officium Apostolatus, vel ad doctrinam veritatis, vel ad tolerantiam passionum. Quod vero dicitur consequenter, quod illud. Ego autem sum vobiscum vsque ad consummationem saeculi: promissum esse vniuersae Ecclesiae; nullus ambigat: concedimus, sed ex hoc non sequitur, quod ea, quae dicta sunt Apostolis pertinentia ad potestatem, siue ad officium Apostolicum, sint communia ipsi toti communitati, siue vniuersitati Ecclesiae, siue omnibus fidelibus simul iunctim. Ad secundam probationem, cum dicitur, quod ea, quae dicta sunt Petro, non habent illustrem intellectum, nisi cum referantur ad Ecclesiam, respondetur, quod hoc non est sic accipiendum, quod talia dicta Petro, ad auctoritatem, siue potestatem clauium spectantia, ipsi communitati Ecclesiae conueniant in communi, vt aduersarii praetendunt, quia vt supra ostendimus, hoc non est possibile, sed intelligendum est sic, quod illa, quae dicta sunt Petro importantia auctoritatem, aut potestatem, non habent illustrem intellectum, nisi etiam ad eius successores per totam Ecclesiam decursum referantur, & hoc verissimum esse, supra ostendimus. Ex quibus patet, quod ratio aduersariorum, quae fundabatur super suppositione predicta, nulla sit, cum falso fundamento innitatur.

CAP. LXXIV.

In quo ponitur responsio ad rationes fundatas in secunda suppositione.

EVacuatis argumentis aduersariorum, fundatis in suppositione prima, respondeamus ad ea, quae super secunda suppositione fundantur.

In primis dicimus, quod suppositio ipsa secunda, in qua aduersarii dicunt, quod omnia dicta beato Petro, importantia, aut designantia auctoritatem, siue potestatem, sint etiam dicta alijs Apostolis, & in illis toti

Ecclesiae; falsa sit, vt patet exemplariter de multis. Et primo de illa, quae ponitur Ioannis 1. [Tu vocaberis Cephas,] quod secundum sanctos Anacleum, & Isidorum, caput sonat, manifestum est autem, quod hoc, nec alijs Apostolis, nec ipsi toti Ecclesiae dictum est. Item nec illud Matth. 16. [Beatus es Simon Bariona, quia caro, & sanguis non reuelauit tibi, sed Pater meus, qui est in caelis, & ego dico tibi, quia tu es Petrus, & super hanc petram aedificabo Ecclesiam meam,] hoc autem soli Petro dictum est, & non alijs Apostolis, nec ipsi communitati Ecclesiae, quae super petram, aut Petri confessionem, fundari dicitur, vnde beatus Chrysost. ait: Vide qualiter Christus reducit Petrum ad excessum de ipso intelligentiam: haec enim ei promittit se daturum, quae sunt propria Dei solius, scilicet peccata soluere, & Ecclesiam immutabilem facere inter tot persecutionum, & temptationum procellas. Item Beatus Augustinus in sermone quodam Apostolorum Petri, & Pauli ita propositum nostrum aperitissime confirmat, dicens: Hic est Petrus in illa celestium discipulorum schola praecipuus, ac primus idoneus, quae verba vitae ex Christi ore suscipiens, interpres legis, assertor gratiae, destructor Synagoga, Ecclesiae repator, & ideo solus inter Apostolos meruit audire. [Amen dico tibi; quia tu es Petrus, & super hanc petram &c.] Quod vero aduersarii dicunt, quod Petrus pro omnibus respondit: dicitur, quod verum est, quoniam vt ait beatus Ambrosius, licet ceteri Apostoli siluerunt, Petrus tamen respondit pro omnibus, vnde Chrysostomus super Matth. ita inquit. Quando vero Dominus de plebis opinione interrogat, omnes respondent, sed de omnibus discipulis interrogatus Petrus, tamquam eos Apostolorum, & caput pro omnibus responderet, vnde sequitur: Et respondens Simon Petrus, &c. Quod vero aduersarii subiungunt, quod non solum pro se, sed etiam pro alijs dictum sit Petro; [Tibi dabo:] respondetur, quod hoc est verum, sed differenter, quia Petro datae sunt, seu promissae clauae immediate, & in plenitudine, siue in excellentia, alijs vero mediantes Petro, siue in ordine ad eum, & iuxta mensuram dispensationis fiende per eum. Sicut enim principalior fuit in confessione, ita principalior fuit in remuneratione, licet enim receperit pro omnibus, nihilominus, etiam praeter omnibus, vnde glossa super hunc locum, ita inquit: Quia praeter ceteris confessus est, praeter ceteris collatis clauibus donatus est. Hoc etiam manifeste patet ex dictis sanctorum, quae inducunt pro se, si non truncatae, vt moris est eorum, sed integre recitentur. Patet de Leone Papa, qui in sermone tertio consecrationis suae, ita loquitur: Primus est in confessione Domini, qui primus est in Apostolica dignitate, propter quod dicitur beatissimo Petro, [Tibi dabo clauae Regni Coelorum, &c.] transiit quidem in alios Apostolos ius potestatis istius, & ad omnes Ecclesiae Principes decreti huiusmodi constituto conueniunt: sed non frustra vni commendatur, quod omnibus inimitetur, Petro enim hoc singulariter creditur, quia cunctis Ecclesiae Rectioribus Petri forma proponitur haec ibi. Item patet de Rabano, quem

inducunt, si integrè ducantur in medium, aut enim, ut in glos. consequenti habetur. Hæc autem potestas ligandi, & soluendi, quamuis soli Petro videatur data à Domino, tamen cæteris Apostolis datur, necnon nunc in Episcopis, & præbyteris, omni Ecclesiæ: sed ideo Petrus specialiter claus Regni Cælorum, & principatum iudiciariæ potestatis accepit, ut omnes per orbem intelligant, quod quicumque ab vnitate fidei, vel societate eius, quomolibet seiplos segregant, tales, nec vinculis peccatorum absolui, nec ianuam Regni cælestis ingredi possunt. Ecce, quod dicta sanctorum inducitur per aduersarios, cum integrè deducuntur in medium, manifestè confirmant propositum nostrum, videlicet, quod singulariter, & specialiter Petro dictum sit: [Tibi dabo claus Regni Cælorum.] Quod etiam aptissime ostenditur ex eo, quod solus inter Apostolos, cum clauibus depingitur. Item de solo eo cantat Ecclesia. [Deus qui beato Petro Apostolo tuo collatis clauibus Regni Cælestis ligandi, & absoluendi Pontificium tradidisti, &c.] Præterea, quod supposito aduersariorum, videlicet, quod dicta Petro importanter potestatem, sint etiam dicta alijs Apostolis, & illis toti Ecclesiæ, sit falsissima, patet de illo, quod Christus ait Petro; [Simon Io: diligis me plus his, pasc oves meas.] Planissimum est autem, quod ista verba soli Petro dicuntur, quod etiam manifestè Sancti Patres attestantur: vnde beatus Chrysostomus super Ioann. tractans verbum hoc, ita inquit. Alios præteriens, & transiens huic de talibus loquitur: eximius Apostolorum erat Petrus, & os discipulorum, & vertex collegij: Hæc Chrysostomus. Ecce clarissimum testimonium, quod soli Petro illud dictum fuerit à Christo. Præterea, beatus Bernardus hoc idem testatur sic ad Eugenium libro secundo de consideratione scribens. Tu es, cui traditæ sunt claus Regni Cælorum, cui oves credite sunt, sunt quidem, & alij cæli ianitores, & grægum Pastores: sed tu tantò gloriosius, quantò, & differentius verumque præ cæteris nomen hereditasti, habent alij assignatos greges, singuli singulos: tibi vniuersi crediti sunt, vnus vni, non modo ouium, sed & pastorum, tu vnus omnium pastor, vnde id probem queris? ex verbo Domini, [cui enim, non dico Episcoporum, sed etiam Apostolorum, sic absolute, & indistinctè tota commissa sunt oves, si me, inquit, amas, pasc oves meas &c.] Quod verò aduersarij inducunt de B. Aug. li. de Agone Christiano, quod Ecclesiæ, claus datæ sunt, cum Petro datæ sunt, dicimus, quod verum est, sed ut diximus supra, & habetur in Glos. Matt. 16. in Episcopis, & præbyteris non autè in tota communitate Ecclesiæ. Et similiter id, quod consequenter dicit Augustinus: quod cum Petro dicitur, ad omnes dicitur, Amas me, pasc oves meas, non est intelligendum, quod tunc per se, & immediatè ad omnes Apostolos Christus direxerit verbum illud, cum dicat B. Chrys. ut visum est, quod alios Apostolos præteriens Christus, Petro fuerit locutus. Et dicit Beatus Bernardus, quod nulli Apostolorum, quàm Petro, ita absolute, & indistinctè oves commisit. Tam quia si Christus omnibus Apostolis illud dixisset, tunc plures

pastores vniuersalis Ecclesiæ constituisset contra illud Ioann. 10. Erit vnus ouile, & vnus Pastor. Præterea, derisorium esset, quod verbum illud intelligatur referri ad omnes fideles, cum consent non omnes positos esse pastores. Inquit enim Apostolus ad Ephes. 4. Quosdā posuit pastores, quosdā dixit, non dixit omnes. Nec etiam potest referri ad totam communitatem fidelium, sicut supra ostendimus: ipsa enim non pastor, sed grex Domini dicitur, cuius cura Petro commissa est, inquit Gregorius. Sed Augustini dictum est, sic accipiendum, iuxta eiusdem sancti Doctoris sententiam, quod illud, quod tunc soli Petro dictum est, in persona propria dictum sit, etiam in figura omnium aliorum Apostolorum, & futurorum prælatorum, quibus datus claus esse dicebat in Ecclesia, secundum proportionem tamen sollicitudinis, ad quam vocandi essent per Petrum. Vnde idem Augustinus in sermone quodam Apostolorum Petri, & Pauli, qui incipit: Apostolorum Petrum primum omnium Apostolorum, &c. tractans illud verbum Ioann. Petre amas me, pasc oves meas:] dicit sic: Per singula dicebat Petro, Dominus Iesus, dicenti [Amo te, pasc agnos meos pasc oves meas;] in Petro figurabatur vnitas omnium pastorum. Hoc etiam vult dicere Beatus Ambrosius in principio pastoralis, cum ait, quod oves non solum tunc suscepit Petrus, sed nobiscum eas suscepit, & nos cum eo, loquitur de pastoribus, cuiusmodi erat ipse Ambrosius; vnde liber ille pastoralis dicitur, cum enim Christo fuerit cura de ouibus suis non solum pro tempore Petri, sed etiam pro toto decursu temporis vsque ad finem sæculi, certum est; quod cum Petro commiserit oves suas, in eo etiam omnibus alijs eius successoribus, & prælatis in partem sollicitudinis sue euocandis intelligitur commississe, & per consequens verum est, quod Petrus, cum oves pascendas suscepit, cum alijs, & alij cum eo suscepisse dicuntur, sed cum hoc fiat, quod Petrus pro tempore suo oves Christi vniuersas solus ipse absolute, & indistinctè, sicut ait beatus Bernardus, pascendas suscepit.

Cæterum, quod supposito præfata aduersariorum etiam falsa sit, patet in eo, quod Luc. 22. dictum est Petro à Christo: [Tu aliquando conuerfus confirma fratres tuos;] hoc autem soli Petro dictum est, non alijs Apostolis, ut est manifestum ex ipsa litera; & tamen in hoc plurimum auctoritatis datum est Petro, quod patet ex illo beati Ambrosii in cap. Fidelior factus est Petrus, postquam fidem se perdidisset defecuit, ac ideo maiorem gratiam reperit, ut qui sibi antè infirmus fuerat, fieret omnibus firmamentum, ut qui se interrogationis tentatione mutauerat, ceteros fidei stabilitate fundaret. Hæc Ambrosius. Amplius, quod supposito præfata falsa sit aduersariorum, patet in eo, quod Petro legitur dictum Luc. 5. [Duc in altum.] Quod autem hoc non sit dictum Apostolis, sed soli Petro, expressè glos. testatur, ita dicens: [Vnde et si alijs imperatur ut laxent retia, soli Petro dicitur, duc in altum, id est, in profundum disputationum.] Et idem testatur beatus Ambrosius in cap. Et aliud, 24. quest. 1. Ex quibus manifestè patet falsitas

tas suppositionis præfate aduersariorum, & per consequens rationes in eadem fundatas nullius esse roboris, vel momenti.

CAP. LXXV.

In quo respondetur ad rationes fundatas in suppositione tertia, ubi de multiplici modo, quo aliquid dicitur figurare, aut representare personam alterius.

Ceterum videndum venit quid veritatis habeat suppositio tertia aduersariorum dicentium, quod dicta Petro designantiam auctoritatem, aut potestatem aliquam, sint ei dicta in figura Ecclesie. Et quoniam hæc suppositio potest esse vera in vno sensu, & in alio sensu non modo falsa, sed etiam erronea, & hæretica, opus est discernere in quo sensu vera sit, & in quo non. Pro quo notandum, quod multipliciter reperitur aliquis figurare, aut representare personam alterius. Vno modo similitudine, aut identitate eiusdem naturæ, hoc modo filius dicitur figura patris; filius enim, vt ait Chrysostomus super Matth. dicitur, quod sit vt ille, scilicet pater, & ideo dicitur Ecclesiasticus. 30. [Mortuus est pater eius, & quasi non est mortuus:] similem enim relinquit post se, vbi glos. interli. dicit: [Qui cum dictis, & factis representat,] de filio etiam Dei dicitur ad Hebr. 1. [Qui cum sit splendor gloriæ, & figura substantiæ eius, glo. id est patris.] Secundo modo dicitur aliquid figurare aliud conuenientia, aut similitudine alicuius proprietatis, sicut dixit Augustinus super psalm. 130 tractans illud: [Potabunt omnes bestię agri, id est gentes, quæ figura bestiarum intelliguntur,] vt patet ex Archa Noe, in qua omnes fuerunt, quæ figurant Ecclesiam, in cuius compagine vnitate omnes gentes colliguntur. Hæc Augustinus: [Ecce quod bestias, gentes, & Archam, Ecclesiam figurasse dicit.] Hoc modofigurationis multa in sacra Scriptura, & in dictis Sanctorum reperimus figurare, seu significare; sicut Gen. 20. habet glos. [Abraham in multis significauit Christum, & Sara Ecclesiam, & hoc modum, & idem potest plura significare diuersis respectibus.] Terrio modo dicitur aliquis figurare, seu representare alium, cuius scilicet potestate, ius auctoritatis, aliquid facit; sicut Ministri in Ecclesia dicuntur representare, siue figurare Christum, cuius auctoritate funguntur. Hinc Apostolus inquit 2. Cor. 5. [Pro Christo legatione fungimur,] & 2. Cor. 2. [Si quid donauimus in persona Christi donauimus:] dicitur enim de pœnit. dist. 3. §. Si quem: [Quem Sacerdos iudicat, Deus iudicat, cuius personam in Ecclesia gerit.] Hoc modo representationis dicitur Vicarius representare Episcopum, Legatus Papam, cuius vices gerit, vt in cap. Sanæ de offic. deleg. & ita Papa Christum in tantum, vt dicitur: Hosti. in cap. Quanto, extrâ de translat. Prælat. quod papæ, & Christi idem dicitur esse consistorium. Et idem satis aperte

Tom. XIII.

colligitur ex illo, quod ait Origenes, & inducitur in glos. cont. super. March. 16. [Vide quantam potestatem habeat petra, super quam fundatur Ecclesia, vt eius iudicia maneat firma, quasi Deo iudicante per eam.] Hoc autem modo representationis, siuefigurationis, non potest dici sine errore, quod Petrus significauerit Ecclesiam, quoniam ipse cum non ab Ecclesia potestatem acceperit, sed à Christo immediate, vt supra monstratum est, & habetur in cap. Sacrosanctæ, dist. 22. non Ecclesie, sed Christi vices gerit, & non Ecclesie, sed Christi legatione fungitur; non Ecclesie, sed Christi Vicarius est; sicut cuius auctoritate fungitur. Et ideo hoc modofigurationis, non Ecclesie, sed Christi in Ecclesia Romanus Pontifex representat personam. Quarto modo dicitur quis alium representare, cuius nomine aliquid accipit, aut agit; sic Procurator in contrahendo matrimonium per verba de præsentia, representat personam Domini, cuius nomine contrahit; vt in cap. vlr. de procurat. lib. 6. vnde is dicitur agere, cuius nomine agit. Item Canonicus dicitur representare personam Canonici, qui interesse non potuit in causa electionis, & sibi commisit vicem suam in eligendo. In quo casu ille poterit eligere vnum ex persona sua, & alium ex persona mandantis, quam representat. Hoc autem modo representationis, autfigurationis non potest dici sine graui errore, quod beatus Petrus, quando claves accepit, Ecclesiam sanctam significauit, quo tamen errore multi aduersariorum inuoluuntur. Illud tamen patet manifestè ex eo, quia cum qui Procuratorio solo nomine agit, aut accipit, nihil auctoritatis, aut dignitatis sibi acquirit, sed tantum illius, cuius nomine, aut accipit, vel agit. Sequeretur, quod beatus Petrus ex collatione clauium sibi facta, non solum præ cæteris Apostolis nihil habuisset auctoritatis, sed quod nullum penitus ius potestatis sibi esset acquisitum, sed tantum Ecclesie, quam figurasse dicitur. Item nec ex collatione clauium aliquid dignitatis nomen, vt quod esset caput Ecclesie, aut Princeps, ac Pastor, siue Papa, esset sibi acquisitum: sed tantum Ecclesie, cuius nomine dicitur claves accepisse. Quæ omnia esse hæretica, manifestum est, cum sit contra sacram Scripturam expressè, & fidem sanctorum Patrum, ac sacras Canonum diffinitiones, sicut ex superioribus patet. Quinto dicitur aliquid aliud figurare, quod non habet veritatem illius, sed similitudinem solam, sicut dicitur, quod agnus paschalis, & Manna fuerunt figura corporis Christi, vt inquit Apostolus 1. Cor. 11. [Et multa alia quæ in veteri Testamento figura fuerunt eorum quæ in nouo per Christum, sunt adimpleta:] secundum illud 1. Cor. 10. [Hæc omnia in figura continebant illis.] Hoc autem modofigurationis dici non potest sine errore maximo, quod beatus Petrus claves suscepit in figura, quia cum figuram distinguatur hoc modo contra veritatem, sicut umbra contra corpus, sequeretur ex illo, quod Petrus non verè, sed figuratè claves recepisset. Quod non modo falsum est, sed hæreticum, cum manifestè sit contra illud Matth. 16. [Tibi dabo claves regni cælorum,

Ccc 3 &

& quodcumque ligaueris, &c.] Sexto dicitur aliquis in receptione alicuius beneficii, gratia, aut auctoritatis, alium, vel alios figurare, in quem, vel in quos deriuanda est ex intentione donantis talis gratia, aut auctoritas; sicut qui a Rege accipit castrum pro se, & ab eo descendentes, dicitur in receptione castrum figurasse omnes ab eo descendentes. Hic autem figuratio, aut representationis modis conuenit beato Petro in clauium receptione. Nam cum Dominus, vt supra dictum est, clauem, quas Petro dedit, voluerit in Ecclesia vique in finem seculi permanere, manifestum est, quod Petrus non tantum pro se, sed etiam pro omnibus, in quos esset deriuanda clauium potestas, clauem accepit. Vnde beatus Ambrosius dicit, quod omnes Sacerdotes in Petro clauem susceperunt. Et Augustinus in sermone, quod in vno Petro figurabatur vnitas omnium Pastorum. Hoc etiam modo figuratio est intelligendum cap. Quodcumque, 24. quæst. 1. vbi dicit Augustinus quod beatus Petrus quando clauem accepit, Ecclesiam sanctam figurauit, non quidem tamen in omnibus eius membris, sed vt inquit gloss. videlicet in Episcopis, & Presbyteris. Hoc etiam modo est accipiendum, quod Archidya. super illud cap. Quodcumque, dicit, quod nomine, & signo Ecclesie Petrus clauem accepit; quia non tantum accepit nomine suo, sed omnium eorum, in quos per totam Ecclesie posteritatem esset clauium potestas deriuanda. Septimo dicitur aliquis alium figurare, siue representare, in cuius honore succedit, pariter & dignitate. Hoc modo Episcopi dicuntur figuram gerere Apostolorum, & Presbyteri 73. Discipulorum, iuxta gloss. Luca 10. & iuxta cap. In nouo, dist. 21. vnde successit intelligitur vna persona cum predecessore, vt in c. Quoniam Abbas, in gloss. super verbo, substitutum, de offic. deleg. Hoc autem modo figuratiois nullo modo dicendum est, quod Petrus significauerit Ecclesiam, sed Christum, cuius locum tenuit, & vices gessit in terris: sic Romanus Pontifex representare dicitur & Christum, cuius Vicarius est, & Petrum, cui in honore, & Principatu succedit. Hinc beatus Bernardus ad Eugenium Papam scribens, inter alia dicit: [Tu potestate Petrus, vnctione Christus.] Octauo dicitur Princeps representare Provinciam, Rex Regum, caput corpus, & Episcopus Ecclesiam; dicuntur autem Principes continere populos, quibus præsumt; vnde Sapientia 6. dicitur: [Audite Reges: gloss. iuterl. Prelati intelligite; Iudices finium terre præbete aures vos, qui continetis multitudines.] Vnde & beatus Augustinus libro Questionum veteris & noui Testamenti, dicit de beato Petro, quod sicut in Christo omnes erant cause magisterij, ita post Salvatore omnes in Petro continentur; ipsum enim constituit caput, vt Pastor esset gregis Domini. Hæc Augustinus. Hinc etiam dicit beatus Ambrosius, quod nomine senioris, vnde ceteri pendunt, tota domus intelligitur. Hæc etiam ratione, vt dicitur 9. ethic. quod rector ciuitatis facit, dicitur tota ciuitas facere. Et simili ratione quod Papa facit, dicitur Ecclesia facere; vt in cap. Pia, extra de except. lib. 6. Hæc etiam ratione cum Papa,

& Prelati maiores Ecclesie congregantur, dicitur vniuersalis Ecclesia congregare, & quæ ibi stabilita sunt, vniuersali consensu, dicuntur firmata, iuxta cap. Sicut, dist. 15. Nono aliquis dicitur alium figurare, sicut Concilium ciuitatis dicitur representare totum populum; vt Senatus populum Romanum; sic habetur gloss. Iuris Ciuilis super Rubrica, quæ sit lon. consuet. Hoc autem modo figuratiois, siue representationis Confessorium Dominorum Cardinalium, quod est quasi Senatus vniuersalis Ecclesie, iuxta cap. Ecclesia, 16. q. 1. dicitur representare vniuersalem Ecclesiam. Decimo dicitur aliquis representare alios, sicut Capitulum personam Episcopi Sede vacante in omnibus casibus notatis in cap. In his, & in cap. Cùm, olim, de maioris, & obed. & in cap. Episcopus, & in cap. vlt. Hoc modo Dominorum Cardinalium Collegium dicitur representare Papam Sede vacante in aliquibus, vt in cap. In nomine Domini, dist. 23. cap. Ne Romani, extra de elect. in Clemen. & in calu. necessarijs, quorum expeditio sine grandi periculo speciare non possit creationem Summi Pontificis, vt notant Doctores ibidem. His notatis facilis patet responsio ad singulas auctoritates inductas per aduersarios, & ad omnes eis similes, vt patet per singulas discurrendo.

Ad primam ergo, quæ est beati Augustini super Ioan. & ponitur in cap. Quodcumque 24. quæst. 1. dicimus, quod huiusmodi dicti Augustini non est intelligentia, quam aduersarij prætendunt, & in qua pro maiori parte fundant somnia sua; quoniam sicut sæpe repetitum est, beatus Petrus non ita nomine, aut signo Ecclesie dicitur clauem suscepisse tamquam Procurator, aut Syndicus eius, cum ipse præ cæteris omnibus, tamquam caput, plenius ea suscepit, nec etiam cum clauem suscepit, significasse Ecclesiam in omnibus membris eius, quia hoc est derisorium; sed tantum in principalioribus, videlicet Episcopis, & Presbyteris, vt supra commemorauimus. Sed vera, & sana intelligentia illius dicti iuxta Catholicam fidem hæc est, quod data est Petro potestas clauium, non tantum pro se, sed etiam vt significanti, & figuranti vniuersos Ecclesie Prelatos, in quos eius potestas deriuanda esset; quemadmodum qui suscipit a Rege castrum, aut aliquam potestatem in aliqua ciuitate pro se, & ab eo in recta linea descendentes, dicitur in figura omnium talium castrum, aut potestatem suscepisse. Ita in proposito, quia Petrus pro se, & omnibus eius successoribus legitime intransitibus, atque Prelatis futuris in Ecclesia clauem accepit, Petrus cum clauem accepit, dicitur Ecclesiam significasse, siue nomine, aut signo Ecclesie in principalioribus, scilicet eius membris, Episcopis, & Presbyteris. Quod verò hæc sit intelligentia Augustini, colligere possumus ex multis. Primo ex ipsa littera Augustini integrè deducta; dicit enim beatus Augustinus super Ioan. sermone 49. super illo verbo: [Me autem non semper habebitis,] sic intelligendum est, [me autem non semper habebitis, noli expauescere,] Iudæ dictum est. Quare non dixit, habes, sed habebitis, quia non vnus est Iudas,

das, vnus, malus corpus malorum significat, quomodo vnus corpus bonorum, corpus Ecclesie, in vno corpus Ecclesie, sed in bonis; nam si in Petro non esset Ecclesie Sacramentum, non ei diceret Dominus: [Tibi tradam clauēs regni cœlorum, quæcumque solueris in terra, soluta erunt & in cœlo, & quæ ligaueris in terra, ligata erunt & in cœlo;] si hoc Petro tantum dictum est, non hoc facit Ecclesia; si autem & in Ecclesia sit, vt quæ in terra ligantur, ligentur & in cœlo, & quæ soluuntur in terra, soluantur in cœlo; quia cum excommunicatur Ecclesia, in cœlo ligatur excommunicatus; & cum reconciliatur ab Ecclesia, in cœlo soluitur excommunicatus; si ergo in Ecclesia sit, Petrus quando clauēs accepit, Ecclesiam sanctam significabat, si in Petro persona signati sunt in Ecclesia boni, in Iuda persona signati sunt in Ecclesia mali, ipsi dictum est: [Me autem non semper habebitis.] Hæc Augustinus. Ex quibus manifestè colligitur, quòd intentio Augustini non sit, quàm aduersarij interpretantur, sed ea, quam nos explicamus. Secundò, hoc idem patet ex eo, quòd idem beatus Augustinus dicit in homel. 13. de verbis Domini tractans illud: [Abiit a te Domine, ne fiat istud;] vbi ita inquit, in eo quòd dicit Petrus: [Tu es Christus filius Dei viui,] firmos significat, in eo, quòd trepidat, & titubatur, & Christum pati, non vult, mortem timendo, vitam non cognoscendo, infirmos Ecclesie significat, in illo ergo vno Apostolo, id est Petro, in ordine Apostolorum primo, & præcipuo, in quo figurabatur Ecclesia, vtrumque genus significandum fuit firmi, & infirmi; quia sine vtroque non est Ecclesia. Hæc Augustinus. Ex quibus verbis clarissimè colligitur, quòd Petrus significando Ecclesiam, aliquando figurabat eam quòd ad aliquos tantum, non quoad omnes; & ita in propositione Petrus quando clauēs accepit, Ecclesiam sanctam significauit, non quoad omnes de Ecclesia, sed quoad aliquos tantum, videlicet successores eius, & alios Prælatos in Ecclesia sancta futuros, in quos ab eo deriuanda erat ipsa clauium potestas. Tertiò, quòd hæc fuerit sententia Augustini, patet per Archi. quòd exponens illud verbum: Si hoc tantum Petro dictum est, ita dicit: [Id est, vt eius personam non transgrediar, non hoc facit Ecclesia, id est eius auctoritas.] Hæc ille. Planè hæc est argumentatio beati Augustini, vt ille exponit, si potestas data Petro, soli eo data fuisset, ita quòd eius personam non transgredieretur, professò potestas ligandi, & soluendi in Ecclesia non esset, cum ergo in Ecclesia sit, quia continuè per Prælatos sit ligatio, & absolutio; sequitur manifestè, quòd Petrus quando clauēs suscepit, Ecclesiam, sanctam in Prælati suis significauit. Ex quibus omnibus patet, quòd auctoritas illa non fauet aduersarijs.

Ad secundam auctoritatem, quæ est eiusdem beati Augustini in sermone quodam Apostolorum Petri, & Pauli, responderetur, benè intellecta in nullo fauet aduersarijs; nã quòd inprimis dicit, quòd solus Petrus vniuersalis Ecclesie gestabat personam, verum est, quoniam cum ipse solus inter Apostolos esset Princeps, & caput ordinatus à Christo

totius Ecclesie, ipse solus erat vniuersalis Ecclesie gestare personam, sicut supra exposuimus in octauo modo representationis. Et ex hoc magna excellentia commendatur beati Petri, vt infra dicitur. Quod vero consequenter dicit, quòd clauēs non vnus homo, sed vnitas accepit Ecclesie, verum dicit ad hunc intellectum, quoniam Petrus non singulariter pro se tantum clauēs accepit, quòd designat verbum, non homo vnus, sed etiam pro omnibus futuris Prælati infra tamen vnitatem Ecclesie constitutis, quòd designat verbum, sed vnitas accepit Ecclesie, vt infra plenius declarabitur. Quod vero subiungit, hinc Petri excellentia commendatur, quia, ipse vnitatis, & vniuersalis Ecclesie figuram gessit, quando ei dictum est: Tibi dabo clauēs Regni Cœlorum. Quod omnibus traditum est, verum dicit ad intelligentiam datam, videlicet in successoribus, & alijs Prælati Ecclesie. Quòd autem subinfit, quòd Ecclesia suscepit clauēs, quando dixit Dominus Apostolis. [Quorum remiseritis, &c.] verum est ad intellectum datum, non scilicet in omnibus membris suis, sed in illis, & eorum successoribus, quibus dictum est. [Quorum remiseritis peccata, &c.] Clarissimum est autem, quòd illud non potest cum veritate intelligi dictum omnibus fidelibus diuini, aut coniunctim consideratis, sed tantum discipulis Christi, sicut supra plenè ostensum est. Et licet ista sufficiant pro auctoritate præfata, nihilominus pro pleniori intelligentia mentis beati Augustini in illa auctoritate, & similibus est sciendum, quòd duo errores principales circa clauēs Ecclesie perniciosissimi fuerunt, contra quos beatus Augustinus in multis libris suis summo studio confutauit, & eradicare curauit. Vnus error fuit Novatianorum, qui vt dicit sanctus Thomas in tertia parte quæst. 83. art. 10. negabant penitentiam post baptismum, dicentes nullam apud Sacerdotes facultatem esse absoluedi à peccatis. Istum errorem tangit beatus Augustinus, & impugnat viri-ter libro primo de penit. vbi in principio 2. cap. ita dicit. Sunt quidam, qui credunt vique in baptismum proficere, postea peccantibus, cassam perseuerare. Item in principio 3. cap. dicit sic. Adhuc sunt, qui reclamant non esse peccatorum remissionem baptizatis. Ad quem errorem radiciter eradicaui beatus Augustinus, vtpotè subtilissimus argumentator nifus est ostendere, quòd non soli personæ Petri clauēs datæ sunt, sed in Petro etiam datæ sint toti posteritati Ecclesie in Prælati ipse Ecclesie. Vnde in cap. 40. præfati libri dicit sic: Scimus, autem, & primos Patres, & in omni tempore Ecclesiam Dei semper vique septuagesies septies, quòd est semper peccata dimittere, quam potestatem isti ab Ecclesia auferre conantur. Ceterum de errore istorum in fine lib. 2. de Agone Christiano sic dicitur. [Nec nos audiamus, qui negant Ecclesiam Dei omnia peccata posse dimittere, itaque miseri dum in Petro clau- tram non intelligant, & nolant credere clauēs Regni Cœlorum esse datas Ecclesie, ipsi eas de manibus amiserant.] Hæc Augustinus. Hoc tamen sicut sæpè reperitum est, non est sic accipiendum, quòd ipsa vniuersalis Ecclesia,

quæ

quæ dicitur omnium fidelium collectio in alijs membris, quam in Sacerdotibus, hanc habeat potestatem dimittendi peccata, sed irâ, quod toti posteritati Ecclesiæ in Sacerdotibus datæ sint clauis Ecclesiæ. Secundus error fuit eorum, qui, in hæresi, & schismate, constitutos, & ita ab vnitate Ecclesiæ diuissos, dicunt ligare, & absolueri posse à peccatis, qui error est communiter omnium schismaticorum. Contra quem errorem beatus Augustinus in præfato tractatu de penitentia ostendere volens necessariam esse vnitatem Ecclesiæ; tam ad vsum, quam ad fructum, consequendum clauum, ita inquit. Nemo penitere dignè potest, quem non sustineat vnitatem Ecclesiæ, ideoque non petat Sacerdotes ab vnitate Ecclesiæ diuissos. Hæc ille. Ad destruendum ergo errorem primum dicentem nullam in Ecclesia apud Sacerdotes facultatem esse remittendi peccata, dicit Augustinus, [Petrus quando suscepit clauis vniuersitatis Ecclesiæ, in Prælati scilicet, & Sacerdotibus figuram gessit.] Ad excludendum verò secundum errorem dicentem, apud diuissos ab Ecclesiæ vnitate clauis esse Ecclesiæ, dixit beatus Augustinus, quod Petrus quando clauis accepit, etiam gessit figuram vnitatis Ecclesiæ. Et ita patet, quæ fuerit intelligentia beati Augustini in dictis suis. Quod autem illa fuerit, etiam ostenditur ex processu, quo beatus Ambrosius vsus est in confutatione præfatorum errorum in libro suo de penitentia, vbi in cap. 2. ita dicit. Sed aiunt, scilicet Nouatiani, se Domino deferre reuerentiam, cui soli remittendorum criminum potestatem referuât, immò nulli maiorem iniuriâ faciunt, quam qui eius, volunt mandata rescindere, casum munus refundere, idest euacuare. Nam ipse cum in Euangelio suo dixerit. [Accipite Spiritum sanctum, & cui dimiseritis peccata, dimittuntur ei, & cui retinueritis detenta sunt.] Quis magis hoc horreat, vtrum, qui mandatis obtemperant, an qui resistit? Ecclesia in vtroque obseruat obedientiam, vt peccatum, & alliget, & relaxet: hæresis in altero immitis, in altero inobediens, vult ligare, quod non resoluat, non vult soluere, quod ligauit, in quo se, suamque damnat sententiam, Dominus enim par ius, & soluendi esse vult, & ligandi, qui vtrumque pari ratione permittit, ergo qui soluendi ius non habet, nec ligandi habet. Ita istorum assertio seipsam strangulat, & quia soluendi sibi ius negant, negare debeant, & ligandi, quomodo potest alterum ligare, & non ligere alterum, quibus vtrumque datur, vtrumque ligere manifestum est, aut vtrumque non ligere, certum est, Ecclesiæ autem vtrumque licet, hæresi autem vtrumque non licet, ius enim hoc solis permittitur est Sacerdotibus. Rectè ergo Ecclesia vtrumque vendicat, quæ veros Sacerdotes habet, hæresis vendicare non potest, quæ Sacerdotes Dei non habet. Hæc Ambrosius. Ex quibus omnibus patet tam, quæ fuerit mens beati Augustini in præfatis auctoritatibus, quam quod præfate auctoritates nihil faciunt ad propositum aduersarij.

Ad tertiam auctoritatem, quæ est beati Augustini libro de vnico baptismo, patet responsio ex dictis, quoniam omnes illæ auctoritates beati Augustini eandem intelligen-

tiam habent. Persuadere enim iurendi duas conclusiones contra duos præfatos errores. Prima, quod clauis sint apud Sacerdotes in Ecclesia, & esse debeant per totam posteritatem Ecclesiæ vsq; in finem seculi, & hoc contra primum errorem. Secunda conclusio sua est, quod clauis non sint apud omnes, sed tantum apud constitutos in vnitate Ecclesiæ, & hoc contra secundum errorem. Istæ duæ conclusiones sequuntur ex hoc, quod dicit, quod Apostoli quando eis dictum est. [Quorum remiseritis peccata, &c.] personam Ecclesiæ gestabant, quia si personam Ecclesiæ gestabant, tunc sequitur primum, quod non tantum pro seipsis, sed pro suis successoribus erat eis dictum à Domino. [Quorum remiseritis, &c.] & sic error primus eliditur. Præterea secundum ex hoc, quod personam gestare dicuntur Ecclesiæ, quando eis dictum est: [Quorum remiseritis:] Cum Ecclesia sit vna, extra quam non est salus, sequitur necessariò, quod clauis non sint, nisi apud in vnitate Ecclesiæ constitutos, & sic destruitur secundus error. Et hoc est, quod dicit, quod cum illis dictum est. [Quorum remiseritis, &c.] idem est, ac si ipsi Ecclesiæ diceretur: [Pax Ecclesiæ dimittit peccata, &c.] Et hoc est, quod idem Augustinus dicit in libro de remissione peccatorum, & habetur in cap. Ecclesiæ charitas de consecr. dist. 40. quod Ecclesiæ charitas dimittit peccata. Dicitur autem vnitas, siue charitas Ecclesiæ dimittere peccata, quia nec consecrati consequuntur fructum clauum, nec minister habet earum executionem, nisi infra vnitatem Ecclesiæ fuerint ambo constituti, vè in cap. dicimus, in cap. schimat. 24. quæst. 1.

Ad quartam auctoritatem Augustini super Ioann. in sermone, vt dicitur cap. 8. respondetur sicut ad superiores auctoritates dictum est, quod verum est; quod quando Petro dictum est. [Tibi dabo clauis, &c.] vniuersam significat Ecclesiam, ad intelligentiam datam superius, scilicet in omnibus eius membris, sed in principalioribus solum, scilicet Episcopis, & Presbyteris. Et si dicatur, quod Augustinus dicit vniuersam significabat Ecclesiam, ergo in omnibus: Respondetur, & est bene notandum in huiusmodi auctoritatibus beati Augustini, quod vniuersitas importata nomine vniuersæ Ecclesiæ, non est vniuersitas membrorum Ecclesiæ vt fiat distributio pro singulis membris Ecclesiæ, aut pro ipsa communicate fidelium, quoniam, vt in superioribus apertissimè demonstratum est, impossibile est, quod Petro dicta sunt, de clauibus Ecclesiæ; siue diuisim, siue coniunctim consideratis conueniat, sed est vniuersitas locorum, & successiōis, siue decursus etatis Ecclesiæ. Vnde est sensus, quod quando Petrus clauis accepit, accepisse designetur etiam pro omnibus successoribus suis, & alijs Ecclesiæ Prælati, non tamen in vno loco, aut Provincia vna, aut vno tempore, sed in vniuerso Orbe, & per totam etatem Ecclesiæ, scilicet vsque in finem seculi, & hoc est vniuersam figurare Ecclesiam, & hoc modo accipit vniuersalitatem gloss. Matth. 6. cum ait, quod clauis datæ sunt omni Ecclesiæ in Episcopis, & Presbyteris. De hoc modo vniuersalitatis loquitur idem beatus Augustus.

Augustinus homilia 6. super Apocalyp. exponens illud. Stellæ ceciderunt in terram, ita dicens. Hoc est stellæ Ecclesiæ, sed à toto pars intelligitur. Non enim tota Ecclesia, sed qui mali sunt in Ecclesia, ipsi cadunt de Cælo. Tota autem dixit, quia in toto Orbe terrarum erit persecutio magna, & tunc qui iusti fuerint manebunt in Ecclesia tamquam in Cælo. Hæc ille. Item super can. Ioann. in tractatu quarto inquit. Totus Mundus Christianus est, & totus impius, per totum enim Mundum impij, & per totum Mundum pij. Ecce quod totalitas Ecclesiæ non accipitur ibi à totalitate, siue vniuersitate membrorum eius, sed à totalitate locorum. Et ita in proposito nostro, planè visum est nobis, quòd inaduerterentia huius diuisionis vniuersitatis dedit occasionem magnam aduersarijs malè intelligendi multa dicta sanctorum Patrum, & maxime Augustini de vniuersali, siue de vniuersa Ecclesiæ loquendum.

CAP. LXXVI.

In quo respondetur ad auctoritates, & rationes fundatas in quarta suppositione.

Consequenter restat videndum de suppositione quarta aduersariorum, & de auctoritatibus, quas inducunt in fauorem eorum. Suppositio quarta eorum est, quòd quæ dicuntur apud sanctos Doctores esse in Ecclesia, aut data Ecclesiæ vniuersali, intelligantur data Ecclesiæ vt vniuersitati, siue in omnibus eius membris simul iactis. Planè, quòd ista suppositio non solum est falsa, sed etiam derisoria sit, facis vniuersique ex supràctis intelligit, maxime vbi improbandò aduersariorum positionem offendimus multa fore, quæ in Ecclesia esse, aut Ecclesiæ data dicuntur, quæ nullo modo ipsi communicati Ecclesiæ in omnibus membris suis conuenire possunt, immò illa communitati attribueri illo modo, esset omninò stultum. Nam sicut in superioribus diximus, quemadmodum in corpore naturali hominis, ad cuius similitudinem Ecclesia corpus nominatur, aliqua data sunt corpori sic in vno membro, quòd non in alio membro, nec in omnibus simul, sicut visus datus est homini in oculo, auditus in aure, odoratus in naribus, ita quòd non in alijs. Ità est in corpore Ecclesiæ, multa data sunt Ecclesiæ, sicut sunt gratiæ, quæ gratiæ gratis datæ dicuntur, de quibus Apostolus ad Roman. 12. & 1. ad Corinth. 12. & ad Ephes. 4. quas supra commemorauimus, quæ non sunt ita corpori Ecclesiæ datæ, vt omnibus membris eius simul conueniant, sed tantum aliquibus aliqua & alijs aliæ, dicente eodem Apostolo. Diuisiones gratiarum sunt, vt superius plenè ostendimus. Falsa ergo est suppositio illa aduersariorum, nec probatio eorum est alicuius apparentiæ, cum dicunt, quòd Ecclesia sit nomen collectivum, quia ex hoc non sequitur, quòd quicquid dicatur esse in Ecclesia, aut datum Ecclesiæ, quòd conueniat omnibus

membris eius simul collectivis. Vnde Apostolus 1. Corinth. 12. Si totum corpus oculus, vbi auditus? si totum corpus auditus, vbi adoratus? Veritas ergo est, quòd multa sunt data Ecclesiæ, aut in Ecclesia esse dicuntur, aut quòd Ecclesia illa habeat, quæ tamen, non in omnibus membris simul collectivis habet sed in quibusdam tantum. Quibus habitis dicendum est ad singulas auctoritates, quæ ex aduerso inducuntur.

Ad primam, quæ est de cap. omnibus 24. quæst. 1. respondetur, quòd verum est, quòd Ecclesiæ clausæ recepit, & hoc nullus Christianus negat, sed dicitur, quòd non in omnibus eius membris, sed tantum in quibusdam, scilicet Episcopis, & Presbyteris sicut sæpè commemoratum est.

Ad secundam, quæ est August. de doctrina Christiana, respondetur eodem modo, concedendo, quòd Christus dedit Ecclesiæ suæ clausæ, vt quæ solueret in terra, &c. sed istas clausæ dedit, sicut diximus, non in omnibus eius membris, sed in principalioribus, scilicet Episcopis, & Presbyteris.

Ad tertiam, quæ est eiusdem Augustinus super cantic. Ioann. respondetur eodem modo.

Ad quartam, quæ est extra de summa Trinitate, respondetur primò, quòd auctoritas illa non videtur ad propositum facere, quoniam gloss. super verbo, secundum clausæ, exponit secundum formam Ecclesiæ. Secundo, respondetur, negando consequentiam istam: clausæ nominantur Ecclesiæ; ergo communitas Ecclesiæ in se, & in omnibus suis membris, atque principalibus, quam Petrus clausæ habet. Ista consequentia nulla est, hoc enim commune est, quòd clausæ dicuntur castri, aut ciuitatis, & tamen aperiendi facultas, nec castro, nec ciuitati propriè ascribitur, sed ostiario. Sic in proposito, licet clausæ nominentur Ecclesiæ, sicut, & Sacramenta; nihilominus potestas absoluedi à peccatis, & Sacramenta dispensandi, solis sacerdotibus conuenit, & aliorum dispensatio solis Episcopis, sicut alijs dictum est. Tertiò, respondetur, quòd clausæ non sic dicuntur Ecclesiæ, quòd communitas ipsa Ecclesiæ habeat in se subiectiuè, formaliter, & dispensatiuè illas, sicut aduersarij prætendunt; hoc autem modò benè fuerunt in Petro, & nunc sunt in eius Successoribus; vnde Sancti, Petrum nominantur Clauicularium & Ianitorem Regni Cælestis. Verum, quòd clausæ Regni Cælorum, licet solis Sacerdotibus conueniant, dicantur tamen datæ Ecclesiæ, & dicantur clausæ Ecclesiæ, possunt assignari plures rationes.

Prima est, propter vnitatem membrorum in corpore Ecclesiæ, sicut supra diximus, quia enim, vt ait Apostolus ad Roman. 12. [Multi vnum corpus sumus in Christo, immò quæ membris corporis data sunt, ipsi corpori, cuius partes sunt, data esse dicuntur.]

Secundò, quia clausæ datæ sunt prioribus paribus communitatis Ecclesiæ, quia, sicut ait Hieronymus, datæ sunt omni Ecclesiæ in Episcopis, & Presbyteris, solum autem, vt quòd principales faciunt in communitate ipsa, tota communitas facere dicitur, quoniam vt inquit Philo sophus 19. ethyc. [Ciuitas dicitur id, quòd principalissimum est

est in ea, sicut homo dicitur suus intellectus, non quia intellectus sit totus homo, sed quia intellectus est principalior pars in homine, in quo virtualiter consistit tota hominis dispositio.]

Tertio, dicuntur clausae Ecclesiae, quia potestas, quae non potest perpetuari in uno, aut in pluribus suppositis alicuius multitudinis, sed tantum per successionem, consuevit nominari potestas communitaris, licet non omnibus de illa communicare talis potestas conueniat, sicut est in privilegio perpetuo dato dignitati alicuius Ecclesiae, vel Religionis.

Quarto, dicuntur clausae Ecclesiae, quia ad bonum totius Ecclesiae à Christo Petro, & eius successoribus datae sunt; unde Apostolus 2. Corinth. 13. dicit: [Secundum potestatem, quam Dominus dedit mihi in aedificationem.]

Quinto, dicuntur clausae Ecclesiae, sicut dicuntur clausae domus, quia per eas datur ingressus in Ecclesiam, vel excluditur quis ab Ecclesia.

Sexto, clausae dicuntur Ecclesiae, quia fides Ecclesiae multum operatur in ipsis, quomodo & Sacramenta dicuntur Ecclesiae. Patet ergo, quod auctoritas inducitur ex parte aduersarii nihil faciat ad propositum ipsorum aduersariorum. Quod verò praefati aduersarii dicunt, quod in auctoritate illa non dicitur, quod soli Petro concessae sunt clausae, nec quod per ipsum alijs concessae sint, non est dignum responsione: quoniam omnibus doctis notum est, quod argumentatio ab auctoritate negatim nullius roboris est. Multa quippe beato Petro conueniunt, quae negare esset haereticum, licet de eis nulla fiat mentio in cap. illo allegato per aduersarios extra de Summ. Trinit. & fide cath. Præterea, si ibi non dicitur, alibi dicitur, ut in cap. fundamenta de elect. lib. 6. & in multis alijs locis, sicut supra commemoratum est.

Ad quintam auctoritatem, quae de actibus Apostolorum inducitur, respondetur, quod auctoritas illa non facit aliquid contra propositum nostrum, licet enim Spiritus sanctus dicatur posuisse illos Phariseos regere Ecclesiam Christi pro parte illa, in qua pastores, & rectores praefati fuerunt, non propter hoc sequitur, quod apud illos esset potestas clauium in plenitudine sua, sed tantum secundum potestatem sollicitudinis, ad quam essent vocati. Plenitudo verò potestatis, est tantum apud illum, cuius regimini ipsa tota vniuersalis Ecclesia toto Orbe diffusa commissa est, quod est Romanus Pontifex; unde cum alij à beato Petro dicuntur Principes, aut Rectores, aut Pastores gregis Domini, non est intelligendum, quod tales sint respectu totius Ecclesiae, sed respectu partis, aut partium, cui, vel quibus praefati sunt, ut puta respectu talis, vel talis Prouinciae, aut Diocesis, aut Parochiae secundum potestatem sollicitudinis, ad quam per vniuersalem totius Ecclesiae Pastorem, & Rectorem vocati sunt; unde gloss. super illo 1. Petri 5. Pascite qui in vobis est gregem, dicitur sic: Sicut Dominus Petrum totius gregis curam habere, iussit, ita Petrus sequentibus Ecclesiae pastoribus iure mandat, ut cum quique, qui secum est, gre-

gem Domini, sollicita gubernatione tueatur.

Ad sextam auctoritatem, quae sumitur de praefatione, quae in festo Apostolorum dicitur, similis patet responsio: dicimus enim, quod licet alij Apostoli etiam fuerint Ecclesiae pastores, sicut & modo Episcopi sunt, nihilominus non vniuersaliter super totam Ecclesiam, sed tantum secundum illam potestatem sollicitudinis, ad quam vniuersique vocatus est, solus autem Petrus pastor fuit vniuersalis Ecclesiae, cui soli absolute, & indistincte dictum est Ioann. vlt. [Simon Ioannis diligis me, pascue oues meas,] in qua vniuersalitate solus Romanus Pontifex illi succedit.

C A P. LXXVII.

In quo respondetur ad obiectiones fundatas in suppositione quinta.

Suppositio autem quinta aduersariorum est, quod nunquam aliqua potestas legatur data Petro, nisi simul cum alijs Apostolis. Quod autem hæc suppositio falsa sit, manifeste ostenditur. Primo, quoniam illud, quod Ioann. vlt. scribitur: [Simon Ioannis diligis me plus his, pascue oues meas,] in quo maxime tam secundum Doctores Theologos, quam Canonistas Petro cura totius Ecclesiae, & principatus committitur, soli Petro dictum est, ut supra ostensum est, tunc ex litera, cum ait Christus [Simon Ioannis diligis me plus his, &c.] tunc beati Chrysostom. testimonio, qui super Ioann. ita inquit: Alios, scilicet Apostolos, præteriens, huic de talibus loquitur, eximius Apostolorum erat Petrus, & os Discipulorum, & vertex Collegij. Ecce quod inquit, alios præteriens, ergo soli Petro est hoc dictum. Item Gregor. ibidem: Petro sancta Ecclesia est commissa, ipsi specialiter est dictum: [Pascue oues meas.] Et cum dicitur ex aduerso, quod non sit alius locus apertior concessionis potestatis Petro commissa, Matth. 16. quam Matth. 18. ubi dicitur ei, & alijs simul: [Quicumque alligaueritis, &c.] Dicimus, quod hoc videtur falsum, quia hic non videtur aliqua facta concessio potestatis, sed tantum promissio, sicut quando Petro dictum est: [Quodcumque ligaueris, &c.] Quod ex tribus videtur colligi. Tum primo, quia si tunc Matth. 18. concessio fuisset potestatis clauium, quae promissa erat Matth. 16. cum dictum est Petro: [Tibi dabo clausae Regni Caelorum,] profecto non indignati fuissent ad inuicem Apostoli, nec concertassent de primatu, infra Matth. 20. cap. cum iam certi essent de voluntate, & dispositione Christi, ac de potestate sibi concessa, & tamen Christus indignatis Discipulis aduersus filios Zebedei ait. Scitis, quia Principes gentium dominantur eorum, & qui maiores sunt, potestatem exercent in eos, non ita erit inter vos, sed quicumque voluerit inter vos primus esse, erit vester seruus, non ergo videtur, quod Matth. 18. adimpleta fuerit promissio clauium facta Petro. Tum secundò, quia Matth. 16. vtraque clauis, scilicet tam ordinis, quam iurisdictionis ad regimen, & rui-

tionem Ecclesie promissa fuit Petro. Vnde Chryfoft. & habetur in glos. continua. Vide qualiter Christus reducit Petrum ad excelsum de ipso intelligentiam, hæc enim se promissit daturum, quæ sunt propria Dei solius, scilicet peccata soluere, & Ecclesiam immutabilem facere inter tot persecutionum, & temptationum procellas, sed Matth. 18. tantum de clauis iurisdictionis in exteriori iudicio fit mentio, vt patet ex litera, dicitur enim si Ecclesia non audierit, sit tibi sicut Ethnicus, &c. Sequitur, [quæcumque alligaueritis, &c.] glos. interlin. vinculo anathematis, non ergo tunc adimpleta fuisse videtur promissio facta Petro. Tum tertio, [quia clauis. Regni Cælorum, quæ promissæ erant Petro, non dantur nisi Sacerdotibus.] Tales autem non erant Apostoli, quando dictum est eis, [quæcumque alligaueritis, &c.] cum facti fuerint Sacerdotes iudicæ cœnæ, ergo falsum est, quod id, quod promissum erat Petro Matth. 16. fuerit adimpletum Matth. 18. quantumcumque currat aliqua similitudo in verbis inter verba dicta Petro Matth. 16. & verba dicta omnibus Apostolis Matth. 18. Et si dicatur, quod Hieron. dicit in glos. Matth. 18. quod potestatem, tribuit Apostolis. Dicendum, quod debet exponi, id est designatur, vel insinuat danda Apostolis, & eorum successoribus, & hoc in Petro, in quo sicut ait Augustin. figurabatur vnitas omnium Pastorum. Si queratur autem quando data est potestas clauium Petro & alijs Apostolis? Ibi respondendum nobis videtur saluo meliori iudicio sub sex conclusionibus sequentibus.

Prima est, quod Matth. 16. cum dictum est Petro: [Tibi dabo clauis Regni, &c.] non est Petro data potestas, sed promissa. Patet conclusio ex ipsa litera, dicitur enim dabo, quod est fururi temporis, patet etiam expressè ex superius dicto beati Chrysostomi, qui ait promittit, &c. hoc etiam patet testimonio beati Hieronymi, qui supra Matth. tractans prefata verba Christi Matth. 16. [Et ego dico tibi, quia tu es Petrus, & super hanc petram ædificabo Ecclesiam meam, &c.] dicit. Consideret, qui hæc querit Petro illâ benedictionem, & beatitudinem; atque potestatem, & ædificationem super eum, Ecclesie in futuro promissam, non in præfenti datam.

Secunda conclusio, promissio illa potestatis facta Petro, fuit promissio tam potestatis clauium ordinis, quam iurisdictionis. Patet conclusio ex dictis. Hæc conclusio videtur esse, tam Alex. de Alis in 4. & S. Thoma, & Alberti, ac Bonauenturæ in 4. quoniam clauis in sua plenitudine promissæ sunt tunc Petro.

Tertia conclusio, potestas iurisdictionis in foro exteriori designata Mat. 18. non videtur data tunc a Petro, sed bene insinuat dari sine promissa cœcedi Apostolorumque successoribus. Patet conclusio ex superius dictis.

Quarta conclusio, potestas clauis ordinis fuit actû donata Petro, & Apostolis alijs simul, quando Ioann. 20. dictum est illis. [Accipite Spiritum sanctum, & quorum remiseritis peccata remittuntur eis.] Super quo verbo dicit beatus Gregorius in homilia, quod hic Apostoli Primum Dei iudicij fortissimum, vt vice Dei quibusdâ peccata teneant, & quibusdâ relaxent.

Tom. XIII.

Quinta conclusio est, quod potestas iurisdictionis plena in vtroque foro data est Petro, cui ei dicitur Ioann. vlt. Simon Ioann. [diligis me, pascere oues meas.] Pascere enim propriè est Regis potestatis. Vnde olim Reges Pastores dicebantur. Pascere, vt inquit glos. est oues credentes in Christo, ne à hîe deficiant, confortare, terrena subsidia, si necesse est subditis prouidere, & exempla virtutum cum verbo predicationis impendere, aduersarijs obistere, errantes subditos corrigere. Ex quo habetur, quod hîc, vt dictum est, plenitudo potestatis iurisdictionis data sit Petro. Vnde beatus Gregorius inquit, quod eura totius Ecclesie, & Principatus Petro committitur. Et beatus Chrysostomus super eodem loco, inquit: [Pascere oues meas:] negatione deleta committit Petro residentiam Fratrum.

Sexta conclusio, adimpletio promissæ, sue insinuatæ potestatis iurisdictionis dandæ alijs Apostolis à Petro, fuit facta mediantè Petro propter Ecclesie vnitatem seruandam. Patet conclusio tam ex illo Leonis Papæ in cap. ita Dominus distinct. 19. quam ex illo eiusdem in sermone 3. ordinationis suæ irâ dicentis. Magnam, & mirabile est dilectissimi, huic viro, scilicet Petro, confortium potestatis suæ tribuit diuina dignatio, & si quid commune cum eo cæteris voluit esse Principibus, numquam nisi per ipsum dedit, quicquid alijs non negauit.

Ad id verò, quod ex aduerso arguebatur ex prædicta suppositione, quod cum sub eadem vniuersalitate dictum esset Petro, & Apostolis: [Quæcumque alligaueritis, &c.] Matth. 18. sub qua dictum fuerat Petro Matth. 16. [quodcumque ligaueris, &c.] non tamen plenitudo potestatis residere dicenda est apud Petrum, sed etiam apud alios, respondetur dupliciter.

Primo, quod falsum est, quod sub eadem vniuersalitate, & cæter. quoniam cum Petro Matth. 16. promissio fiat veriusque clauis, tam scilicet in foro conscientie, quam in foro exterioris iudicij, & cum dictum est Apostolis Matth. 18. [quæcumque alligaueritis, &c.] tantum promissio sit iurisdictionis in foro exterioris iudicij, manifestum est, quod quodcumque dictum Petro est maioris vtilitatis, quam quodcumque dictum Apostolis, & hoc notat etiam Origenes in glos. quæ tractans illud Matth. 18. [quæcumque alligaueritis super terram, alligata erunt in Cælo] sic ait, [in Cælo dicit, non in Cælis sicut Petro,] quia non sunt tantæ perfectionis sicut Petrus, loquimur autem de perfectione potestatis, & auctoritatis.

Secundo respondetur, quod dato, quod Matth. 18. data esset Apostolis potestas actû Petro promissa Matth. 16., non propter hoc sequitur, quod in eadem vniuersalitate, aut plenitudine data esset Apostolis alijs dispersis, aut simul collectis, in qua Petro. Et ratio huius fuit ex dictis Domini Alberti Magni, & beati Thomæ. Dominus autem Albertus Magnus respondens ad vnum simile argumentum in 4. dist. 17. dicit, quod cum Dominus dixit Apostolis, [Accipite Spiritum sanctum, & quorum remiseritis, &c.] præsupponit esse ordinem in Discipulis, quoniam ante præf-

D d d

ecrat,

cerat, siue ordinauerat Petrum super omnes esse Matth. 16. [Tibi dabo clauēs, & quodcumque, &c.] & Luca 22. [Et tu aliquando conuersus confirma Frates tuos.] Cum ergo hic ordo iurisdictionis à Domino ante fuerit institutus, præsupponit illum, ut secundum illum conferret executionem officij, quando insufflauit, & dixit. [Accipite Spiritum sanctum, & quorum, &c.] Hæc Albertus. Sanctus uero Thom. in 4. distinct. 29. respondens quasi ad idem argumentum de æqualitate potestatis in Apostolis, dicit sic, quod quamuis omnibus Apostolis communiter data sit potestas ligandi, & absoluedi, tamen ut in hac potestate significaretur aliquis ordo, primò soli Petro data est, ut ostendatur, quòd ab eo in alios debeat ista potestas descendere; hæc sanctus Thomas. Ex quibus uerbis manifestè colligimus, quòd dato iuxta aduersarios, quòd in uerbo Matth. 18. daretur potestas Apostolis omnibus, quæ Petro promissa fuerat Matth. 16. uerba tamen dicta Petro Matth. 16. cum ei sicut capiti à quo in alios deriuanda erat potestas, dicta intelligantur, sunt extensioris uirilatis, quam dicta alijs Apostolis Matth. 18. quibus non absolute sicut Petro, sed supposito ordine ad ipsum Petrum, dicta necessàriò intelligenda veniant.

C A P. LXXVIII.

In quo respondetur ad ea, que inducuntur in suppositione sexta.

Reliquum est explicare, quid ueritatis, aut falsitatis aduersariorum suppositio 6. contineat; & ità uidebitur, cuius ponderis sint obiecta, quæ inde sumpta sunt: In primis dicimus, quòd suppositio illa in omnibus eius partibus est falsa, quod nos sic ostendimus. Pro quo sciendum, quòd suppositio illa plures partes continet.

In prima eius parte aduersarij dicunt, quòd cuilibet creaturæ, cui Deus dedit certam periodum, quæ determinatur quamdiu possit uidere, uel durare; dedit propriam uirtutem innatam, & intrinsecam, qua possit in suo esse se conseruare, & contrà destructionem sui aduersariis resistere. Ista pars uidetur nobis falsa, quoniam conseruatio cuiuslibet creaturæ dependet ab extrinseco, ad ipso scilicet Deo, qui est causa subsistendi omni creaturæ, secundum illud ad Hæbr. 1. Portans omnia uerbo uirtutis suæ, ubi dicit gloss. Sicut ab eo creata sunt, ità per eum immutabilia conseruantur. Item in lib. de causis dicitur: Omnis intelligentiæ fictio, idest permanentia est, per bonitatem puram, quæ est prima causa: Si ergo fictio intelligentiæ non est per uirtutem aliquam innatam, aut intrinsecam ipsi intelligentiæ, sed per causam primam; multò fortius aliarum creaturarum conseruatio dependet ab intrinseco. Pro cuius suppositionis aduersariorum euidentiori confutatione, & ostensione falsitatis, est sciendum iuxta sanctum Thom. in prima parte, question. 104. artic. 3. quòd aliquid conseruatur

ab alio dupliciter. Vno modo indirectè, & per accidens, sicut ille dicitur rem conseruare, qui renouet corruptens, puta si aliquis puerum custodit, ne cadat in ignem, dicitur eum conseruare, & sic etiam Deus dicitur conseruare aliqua, sed non omnia, quia quedam sunt, quæ non habent corruptentia, quæ necesse sit amouere ad rei conseruationem. Alio modo dicitur aliquis rem aliquam conseruare per se, & directè in quantum, scilicet id, quòd conseruatur, dependet secundum esse à conseruante, ut sine eo esse non possit; & hoc modo, omnes creaturæ indigent diuina conseruatione, dependet enim esse, cuiuslibet creaturæ ità, quòd nec ad momentum existere possunt; sed in nihilum redigerentur, nisi conseruarentur operatione diuine uirtutis in esse, ut dicit beatus Gregorius. Quo notato perscille colligitur falsitas illius partis suppositionis aduersariorum dicentium, quòd Deus dedit cuilibet creaturæ, &c. Nam si loquamur de modo conseruationis, quo aliqui per se, & directè dicitur aliud conseruare, manifestè falsum est, quòd dicunt aduersarij, quia hoc modo conseruationis nulla res dicitur conseruari nisi ab eo, à quo dependet secundum esse, sed nulli creaturæ data est uirtus, qua à seipsa dependeat secundum esse; ergo nulli creaturæ est data uirtus, qua seipsam conseruet. Consequentia est manifeste, & confirmatur dictis aduersariorum dicunt enim, & bene, quòd eadem sunt principia essendi, & conseruandi, sed non est intelligibile, quòd aliqua creatura per quamcumque innatam uirtutem sit principium sibi essendi. Ergo nec intelligibile est, quòd per aliquam innatam uirtutem seipsam in suo esse conseruet. Ex hoc fundamento S. Thom. in prima parte summæ ubi supra, conseruat suppositionem præfatam aduersariorum sub his uerbis, cum propriè causa conseruatiua sit sui effectus ab ea dependentis, sicut nulli effectui potest præstari, quòd sit causa sui ipsius, ità nulli effectui potest præstari, quòd sit conseruantius sui ipsius. Si uero loquamur de secundo modo conseruationis, scilicet indirectè, & per accidens, quo aliquid per remotionem, & impedimentum actionis corruptentis dicitur aliud conseruare. Suppositio etiam prædicta aduersariorum uidetur esse falsa, quia licet naturale sit unicuique conseruare se quantum potest, tamen, quòd cuilibet creaturæ etiam corruptibili inest aliqua uirtus, siue potestas intrinseca, qua in esse suo se conseruet hoc modo conseruationis, scilicet resistendo aduersantibus, & corruptentibus, non uidetur uerum, uidemus enim quotidie innumeras res destitui, corrupti, aut consumi, in quibus nulla apparet uirtus, aut potestas, quæ corruptentium se actionem impedire, aut amouere possit. Et ità apparet, quòd suppositio aduersariorum in prima sui parte sit falsa.

Secunda pars eiusdem suppositionis, in qua dicitur, quòd Ecclesiæ Deus dedit uirtutem, siue potestatem intrinsecam, qua in suo esse se conseruare possit, etiam, quòd sit falsa, facillè ostenditur. Et primò, de illo modo conseruationis, quo aliquid dicitur aliquid conseruare per se, & directè patet, quoniam dicere, quòd hoc modo conseruationis

Ecclesia habeat potestatem, & virtutem intrinsecam conseruandi se in esse suo, non modo est falsum, sed erroneum, pater, quoniam cum hoc modo conseruandi, Ecclesiam conseruare in esse suo, non competat, nisi ei, à quo dependet secundum esse, dicere Ecclesiam habere virtutem, & potestatem intrinsecam se conseruandi, est dicere Ecclesiam dependere à seipisa secundum esse, quod manifestè est hæreticum, & stultum. Planè sicut solus Deus Ecclesiam fundauit in esse uaturæ, & gratiæ, ita ipse solus hoc conseruationis genere conseruat, & custodit illam, hinc Propheta sicut ait Psalm. 126. [Nisi Dominus ædificauit domum, in vanum laborauerunt, qui edificauit eam:] ita subiungit: [Nisi Dominus custodierit Ciuitatem, frustra vigilat, qui custodit eam.] Vbi gloss. ait: Psalm. iste docet, quod ædificatio, & custodia Ecclesiæ non, nisi à Deo est: Patet ergo, quod loquendo de hoc modo conseruationis, quo scilicet directè, & per se dicitur aliquis conseruare, aliquid, falsum sit, quod Ecclesia ipsa per virtutem aliquam intrinsecam sibi datam, se conseruet in esse suo, sed conseruatio sua hoc modo, soli virtuti diuinitatis attribuenda sit. Ea verò, quæ per aduersarios inducuntur ad probationem suppositionis suæ nulla sunt: Non primum quidem, quia suppositio præcedens, ex qua arguitur hic de Ecclesia, vt ostendimus, falsa est: Nec secundum, videlicet illud, quod dicitur Matth. 16. quod portæ inferi, non præualebunt aduersus Ecclesiam, facit ad præpositum eorum; quia hoc, quod portæ inferi non præualeant sint aduersus Ecclesiam, non sequitur, quod hoc sit, eo quod Ecclesia habeat aliquam talem virtutem, aut potestatem intrinsecam, quia seipsam conseruet in esse suo, sed hoc conuenit gratia fundamenti sui, qui ininitur, scilicet Christi. Vnde si bene textus ille ex integro legatur, apparet clarissimè, quod tota fortitudo, & virtus persistendi Ecclesiæ, pendet non ex aliqua intrinseca sibi virtute, sed ex virtute fundamenti, super quod fundata est, quod est Christus. Vnde ibidem ita dicitur: [Super hanc petram:] Gloss. idest Christum, in quem credis: [Ædificabo Ecclesiam meam.] Sequitur: [Portæ inferi non præualebunt aduersus eam.] Gloss. idest non separabunt à charitate mea, & fide, fortitudo ergo tota Ecclesiæ, & firmitas eius pendet ex adhesionem eius per fidem, & charitatem ad Christum fundamentum eius, & non ex alia virtute, aut potestate sibi intrinseca, quæ fingitur ab aduersariis. Vnde gloss. super illud Matth. 16. [Portæ inferi non præualebunt aduersus eam.] Ità dicit: Portæ inferi sunt peccata, ming blandimenta, hæreses, quibus infirmi ruunt in mortem, qui non verè supra petram, sed super arenam domum professionis suæ credendi sunt ædificasse, qui enim intimo cordis amore, fidem Christi percepit, quicquid ingruit extrà, facitè vincit, hæc gloss. Hoc apertius declarat beatus August. tractans illud Psalm. [Qui fundasti terram super stabilitatem suam:] Ità dicit: firmavit terram, terram intelligo Ecclesiam, quæ est firmitas eius, super quam fundata est, nisi fundamentum eius. An. incongruè intelligimus firmitatem Ecclesiæ, super quam fundata est terra fundamentum,

vbi constituta est Ecclesia, quod est illud fundamentum, inquit Apostolus, nemo potest ponere aliud præter id, quod positum est, quod est Christus Iesus. Hæc August. Tertiò inducunt aduersariis illud Cant. 6. vt dicitur de Ecclesia [Terribilis vt castrorum acies ordinata.] Sed nec illud facit aliquid pro aduersariis, quoniam ex hoc non habetur, quod Ecclesia per aliquam virtutem, aut potestatem sibi intrinsecam conseruet se in esse suo. Quod maximè patet ex gloss. eiusdem textus, quæ sic habet, terribilis, quia per vnitatem charitatis compacta, nullum locum aperit per malum discordiæ hostibus, idest hæreticis, vel immundis spiritibus. Quod verò aduersarij subiungunt, quomodo Ecclesia, esset perfectæ, & terribilis, si oporteret ab extrinseco subsidium conseruationis suæ queritare? Videtur nobis valde insipienter dictum propter duo. Tum primò, quia licet opera Dei perfectæ esse dicantur; Deuter. 31. nihilominus conseruatio eorum ab extrinseco pendente, scilicet à Deo, sicut dictum est, vnde dicit sanctus Thom. in questione de potentia; inter alia, quæ ad perfectionem eorum pertinent, est hoc, quod à Deo contineantur in esse. Et ita dicendum est de Ecclesia, quod quantumcumque perfectæ esse dicatur, hoc ad perfectionem eius pertinet, quod continuè à Deo conseruetur in esse, quoniam, vt inquit Propheta vbi supra: [Nisi Dominus custodierit Ciuitatem, frustra vigilat, qui custodit eam.] Secundò, quia in hac sua argumentatione videtur aduersarius innuere vnum de duobus erroribus; videlicet, quod conseruatio rerum creaturarum non dependeat à Deo, aut quod Deus sit principium intrinsecum rerum creaturarum, quorum vtrumque est hæreticum. Quod verò aduersarius dicit, quod principia essendi, & conseruandi sunt intrinseca, falsissimum est; principium enim primum, quod est Deus, à quo præcipuè esse, & conseruatio rerum dependet, nulli creaturæ est intrinsecum, vnde etiam principium, siue causa æfficiens distinguitur contra principia intrinseca, vt habetur 2. physic. & 5. methaphys. Secundus autem modus conseruationis, scilicet indirectè, & per accidens, qui est per remotionem impedimentorum aduersantium salutis alieius rei respectu Ecclesiæ, bene potest attribui alijs à Deo, non tamen sine Deo, videlicet Angelis, Prelatis, ac principibus secularibus fidelibus. De Angelis expresse dicitur Isai. 62. [Super muros Hierusalem Gloss. interlin. Ecclesiam, constitui custodes tota die, & tota nocte:] super quo verbo beatus Bernardus, ita dicit: [Benignus es domine, qui non es contentus nostrorum fragilitate murorum, sed ipsis hominum custodibus, Angelorum custodiam, superponis.] Planè hic est ordo diuine prouidentie, vt Hierarchia humana iuuetur præsidij Angelicæ Hierarchiæ. Custoditur etiam Ecclesia hoc conseruationis modo ab omnibus Sanctis, & Doctoribus, illam doctrinam illustrando, aut Deum continuis intercessionibus interpellando. Vnde super illud Psalm. 124. [Montes in circuitu eius:] dicit Augustin. [Magnum aliquid esse nos in ea Ciuitate, quam circunderunt montes, montes mirabiles, montes excessi:] predicato-

res veritatis, siue Euangelistæ, siue Apostoli, siue Prophetæ; ipsi sunt in circuitu Hierusalem, ambiunt illam, & quasi murum illi faciunt. De quo etiam Bernardus. Ità super Cant. homilia 78. loquitur: [Benè tecum agitur ò Mater Ecclesia; benè tecum agitur in loco peregrinationis tue, de Cælo, & de terra venit auxilium tibi, qui custodiunt te, non dormitant, neque dormiunt custodes tui Angeli Spiritus, & animæ iustorum, non errant, qui te ab vtriusque sentit custodiri.] Hæc Bernardus. Quod verò etiam Prælati tribuatur Ecclesiæ custodia, manifestum est, cum Pastores eius esse dicantur; ad quorum officium nullus ambigit pertinere, tueri, ac conservare greges sibi creditos. Vnde beatus August. super illud Psalmi. [Nisi Dominus custodierit Ciuitatem, &c.] Dicit sic. [Habet Ecclesia custodes, quo modo habet ædificantes, quo modo habent laborantes, ut ædificetur, sic habet custodientes: Nam ad custodiam pertinet:] Quod dicit Apostolus: timeo ne sicut Serpens seduxit alludia sua, sic & vestre mentes corrumpantur, à charitate, quæ est in Christo, custodiebat, custodierat, vigilabat, quantum poterat super eos, quibus præerat, & Episcopi hoc faciunt, nam indè altior locus positus est Episcopis, ut ipsi superintendant, & custodiant populum. Hæc August. Hinc est, quod Romano Pontif. vtpotè totius Ecclesiæ Pastori, maxime conuenit hoc conseruationis genere Ecclesiam tueri, & custodire, dicit beatus Bonifacius martyr. vt habetur in cap. si Papa, dist. 40. quod pro perpetuo statu Papæ vniuersitas fidelium, tantò instantius orat, quanto suam salutem post Deum ex illius incolumitate animaduertit propensius pendere: verum, quia Papa, & alij Ecclesiæ Prælati non sunt principales conseruatores Ecclesiæ, sed solum vt ministri; nec sunt conseruatores directè, & per se, tamquam hi, à quibus dependeat esse Ecclesiæ, sed indirectè, & per accedens. Hinc est, quod si Prælati nolint, aut negligant custodire, non propter hoc Ecclesia deficit, licet interdum multipliciter molestetur, & varijs perturbationibus concutiat, quoniam semper vigilat custos eius principalis, & conseruator, scilicet Christus, qui custodit eam, secundum illud Prophetæ [Non dormitabit, neque dormiet, qui custodit Israel.] Vnde Aug. super illud Psalmi. 126. [Nisi Dominus custodierit ciuitatem, in vanum laborant, qui &c.] loquendo de Prælati ad populum dicens sic: Quomodo ergo custodimus, quomodo homines quantum possumus, quantum accepimus, & quia nos sicut homines custodimus, & perfecte custodire non possumus, idè sine Custode remanebitis i. absit. Nam vbi est ille, de quo dicitur: [Nisi Dominus custodierit ciuitatem, in vanum laborant, qui custodiunt eam,] laboramus in custodiendo, sed vanus est labor noster, nisi ille custo diat, qui vidit cogitationes vestras, custodit ille, cum vigilatis: custodit ille, cum dormitis; ille enim dormiuit semel in Cruce, & surrexit, iam non dormit: estote Israel, quia non dormit, neque dormitabit, qui custodit Israel. Hæc Augustinus. Cæterum hic modus conseruationis Ecclesiæ, & tuitionis aliquo modo etiam conuenit, si-

cut dicimus, Principibus fidelibus secularibus: vnde beatus Ildorus; & habetur in cap. principes 23. qu. 5. dicit: Cognoscant Principes seculi, Deo se debere esse reddituros rationem propter Ecclesiam, quam Christo tuendam suscipiunt. Vtrum autem hoc conseruationis genere, scilicet indirectè, & per accedens, possit quis dici conseruare se in esse, suo: dicimus, quod sic, eo modo, quo quis naturalis rationis auxilio, aut alterius doctrina eruditus, aut diuinæ gratiæ præsidio munus, præseruare se, & custodire se à malis potest: quæ ei, aut in esse naturali, aut morali, siue gratuito nouimenta inferre possunt, aut etiam vim vi repellendo: cum vnicuique naturale est, conseruare se in esse quantum potest, sed ex hoc modo conseruationis inesse, cum communis sit omnibus, nihil sequitur ad propositum aduersariorum.

Tertia pars suppositionis aduersariorum est, quod Ecclesia habeat virtutem intrinsecam, & potestatem regendi se ipsam, ac gubernandi se. Ista suppositio potest benè, vel malè intelligi, & secundum vnum intellectum erit falsa. & secundum alium erit vera, nihilominus videtur nobis, quod secundum intellectum, quem prætendunt aduersarij, sit falsa. Prætendunt enim, vt sæpe visum est; quod Ecclesiæ in omnibus suis membris data sit potestas spiritualis gubernandi, & regendi: more quo dicimus, quod in principatu politicæ potestas gubernationis est apud populum, & non apud aliquem vnum, qui toti populo præsideat. Pro quo sciendum: quod potestas regendi, & gubernandi dicitur dupliciter, vna scilicet, quæ dicitur potestas publicæ administrationis, de qua dicitur 3. Regum 21. Grandis auctoritas es, & benè regis regnum Israel. Talis autem potestas regendi non est data cuilibet indifferenter, nec cuilibet conuenit, sed his tantum, qui in communitate publicam habent administrationem regiminis secundum diuersas species politicæ, siue principatus. Sanè sine huius ordinis differentia nulla vniuersitas subsistere, posset, vt dicit Bonifacius in cap. ad hoc dist. 89. Ecclesia autem, cum credatur à Christo in optima dispositione regiminis, & principatus constituta, incunctanter creditur regimini Ecclesiæ ab ipso Christo Monarchicum, siue Regale constitutum esse, ità quod potestas suprema regiminis totius communis Ecclesiæ in vno tantum, & non in pluribus, aut in ipsa vniuersitate locata sit, sicut superius multipliciter ostendimus. Et ita, loquendo hoc modo de potestate regiminis, falsa est pars illa suppositionis aduersariorum. Alio modo dicitur potestas regendi se, & gubernandi facultas, qua vnusquisque ratione vtens potest virtuosè regere se in operationibus suis. De qua potestate dicit Prosper: Non caret Regia potestate, qui corpori suo nouit rationabiliter imperare, & Greg. in moralibus ait: Reges sunt, qui semetipsos prædant: Reges sunt, qui semetipsos regere sciunt, qui dum desideriorum motus in se temperant, super subiectas cogitationes lege virtutis regnant. Et Seneca: Vis regnum, do tibi magnum, rege teipsum. Huius regiminis facultas, siue potestas, communis est omnibus rationabilibus creaturis, & de tali veri-

veritatem habet suppositio aduersariorum : cum Ecclesia collectio sit, siue conuocatio rationabilium creaturarum fidelium, sed ex tali potestate regimini nihil est ad propositum aduersariorum.

Quarta pars suppositionis aduersariorum est, quod Ecclesia habeat intrinsecam virtutem, siue potestatem aduersantibus ad sui destructionem resistendi. Pars ista, sicut superior, potest habere duplicem intellectum : quoniam vel loquitur de potestate resistendi per viam gladii spiritualis iurisdictionis, aduersantes compellendo, & puniendo, tunc dicimus, quod Ecclesia bene habet hanc partem, sed in Prælati suis, quibus dictum est Matth. 18. [Quicumque alligaueris, &c.] Maxime hanc habet in Prælato Prælatorum, cuiusmodi est Romanus Pontifex, in cuius Sede, ut habetur in cap. nolite errare dist. 11. Deus totius Ecclesiæ posuit principatum, in cuius signum Petrus ad defensionem Domini succensus, resistere volens turbæ venienti ad capiendum Christum, gladio percussit unum de seruis Principis Sacerdotum, super quo verbo dicit Greg. & habetur in cap. si Petrus 24. qu. 1. Tollit Petrus aurem, quare Petrus quia ipse est, qui clauas accepit Regni Cælorum ; ille enim condemnat, qui & absoluit : quoniam ligandi, & soluendi idem est adeptus potestatem. Resistere autem hoc modo, scilicet gladio spiritualis potestatis, non est cuiuslibet, cum gladius spiritualis potestatis non sit datus cuiilibet, nec etiam ipsi communitati Ecclesiæ simul in omnibus membris, sicut superius aperitissime demonstratum est. Vnde ad hunc sensum, videlicet, quod ipsi corpori Ecclesiæ simul in omnibus membris suis data esset huiusmodi potestas, sicut videntur aduersarij prætere, falsa est pars illa præfata suppositionis. Si verò potestas resistendi aduersantibus dicatur facultas quocumque modo contradicendi, & resistendi aduersantibus, & conantibus ad destructionem sui ; suppositio aduersariorum vera est, sed non facit ad propositum : cum talis facultas omnibus hominibus non modo fidelibus, sed infidelibus communis sit, naturale enim est vnicuique, ut supra diximus, quod conseruet se in esse quantum potest. Hinc etiam secundum iura : Vim vi repellere licet : cum moderamine tamen inculpatæ tutelæ.

Quinta pars suppositionis aduersariorum est : circa quid sit illa intrinseca data virtus, siue potestas data Ecclesiæ, qua in esse suo se conseruare possit, ac tueri, dicunt enim quod communis sententia Doctorum sit : quod talis potestas sit potestas clauium, videlicet scientia discernendi, & potentia iudicandi. Quod autem ista pars non modo sit falsa, sed stulta multipliciter ostenditur.

Tum primò : quia præfata potestas se conseruandi in esse suo, ut ex aduersariorum dictis colligitur, semper inquit, & inest, & inheret Ecclesiæ, cum dicatur, quod sit virtus eius intrinseca, potestas autem clauium non semper fuit in Ecclesia, patet, quia non tempore legis naturæ, quo tamen tempore Ecclesia erat, quæ ab Abel incipisse dicitur, ut enim dicit beatus Augustinus, quandiu Sancti fuerunt in terra, Ecclesia fuit, sicut ple-

nus in primo libro disputauimus. Non fuit etiam potestas clauium tempore legis ut patet : quoniam cum ante passionem Christi non esset apertum Regnum Cælorum, ad quod aperiendum ordinantur clauas : Sacerdotes illius temporis non dicuntur habuisse clauas, huius scilicet Regni Cælorum, sed clauas tantum templi materialis, & tamen pro illo tempore dictum est de Ecclesia, [quod est terribilis, ut castrorum acies ordinata.] Cant. 6.

Secundò, quod potestas conseruandi se in esse inest cuiilibet creaturæ rationali, ut dicit aduersarius, sed huiusmodi potestas non potest dici potestas clauium, ergo nec illa, quæ toti communitati Ecclesiæ dicitur inesse ; consequentia patet, quia virtus partis, & virtus totius videntur esse eiusdem rationis, sicut Arist. 1. physic. de gleba terræ, & de tota terra arguit.

Tertiò : Angeli, ut dictum est, potestatem ministerialem habent custodiendi Ecclesiam, & tamen potestas illa non est potestas clauium.

Quartò, potestas se conseruandi in esse ad bonam intelligentiam capta : ut superius patuit, est pluribus communis in Ecclesia, quam potestas clauium, ut per se patet : ergo non sunt idem. Quod verò dicitur exaduerso, quod sententia esset omnium Doctorum, quod talis potestas esset potestas clauium : manifestè patet falsum.

CAP. LXXIX.

In quo videndum est de veritate septimæ suppositionis aduersariorum, & de validitudo eorum, quæ inde concludebant.

Vltimo iam de septima suppositione aduersariorum, in qua aduersarij dicunt, quod plenitudo potestatis semper debeat manere in Ecclesia : videndum est, quid veritatis habeat. Pro quo dicimus, quod plenitudo potestatis semper manet aliquo modo in Ecclesia, etiam Papa mortuo, sed non ad mentem aduersariorum, Pro quo notandum, quod de potestate ecclesiastica loqui possumus dupliciter. Vno modo quantum ad ipsam potestatem, siue auctoritatem. Alio modo quantum ad actuale administrationem plenitudinis eiusdem potestatis.

Loquendo primo modo, dicimus, quod potestas, & dignitas ipsius Principatus Ecclesiæ semper manet in Ecclesia, etiam Papa mortuo, & hoc multipliciter. Primò quidem in principali, videlicet in Christo Sacerdote Summo, & Capite principali Ecclesiæ, est enim Christus Caput super omnem Ecclesiam, quæ est corpus eius, & plenitudo eius, qui omnia in omnibus adimplet ad Ephes. 1. ubi dicit gloss. Ideo dicitur esse omnia in omnibus ; quia omnia ab ipso sunt in eis, cuius virtute sunt, quid sunt, licet enim deficiat Vicarius, non deficit principalis, de cuius potestate dicitur Daniel. 7. [Potestas eius potestas æterna, quod non auferetur & Regnum eius, quod non corrumpetur.] Secundò di-

citur potestas papalis, etiam Papa mortuo, manere in ordinatione diuina, sicut dicimus, quod dignitas episcopalis manet in aliqua Ecclesia, etiam Episcopo mortuo, quamdiu inuariata manet dispositio Apostolica Sedis, quæ instituit, quod in tali Ecclesia dignitas episcopalis esse deberet, sed si Apostolica Sedes reuocaret dispositionem illam: iam dignitas episcopalis non diceretur amplius esse in præfata Ecclesia, sicut patet de ciuitate, quæ priuata est dignitate episcopali, vt in cap. ita nos 25. qu. 2. Exemplum etiam de privilegio reali, quod in hoc dicitur distinguatur à personali, quod non extinguitur cum persona, vt habetur in l. sicut, ff. quod cuiusque vniuersit. & in l. proponebatur, ff. de iudic. Est autem institutum à Deo, vt quamdiu Ecclesia Catholica in hac peregrinatione durauerit, in ea sit vna suprema potestas regitua cum ea plenitudine, quæ sufficere valeat ad regimen totius vniuersalis Ecclesiæ, vt superius circa principium huius secundi libri ostensum est, & ideo quantumcumque fiat variatio in personis præsentium summorum Pontificum per mortem naturalem, siue civilem, semper summi Pontificatus potestas manet in Ecclesia. Tertiò dicitur eadem potestas, etiam mortuo Papa, manere in Sede Apostolica, quæ numquam moritur, extra de rescrip. cap. si gratiose, lib. 6. vbi dicit gloss. & concordat Archid. & Io. Monachi, quod licet habens papatum, vel dignitatem sit corruptibilis: Papatus tamen, & imperium, & dignitas semper sunt, vt in auct. quomodo oportet Episcopos, s. licentiam, coll. 2. & ideo corrupto subiecto, hæc non dicuntur non existere, sed vacare; hoc est administratore iuris, vel facti carere, vt de concess. præben. cum postis, vnde beatus Leo Papa in sermone secundo consecrationis suæ dicit, quod in Sede Petri viuit potestas, & excellit auctoritas. Quartò dicitur, papalis potestas manere, etiam Papa mortuo, in Ecclesia in potentia, siue habitualiter ad illum sensum, quia in Ecclesia semper manet potestas ad eligendum personam, quæ succedat in tali dignitate.

Alio modo possumus loqui de hac suprema potestate, quoad actuale eius administrationem. Er tunc videtur dicendum, iuxta Doctores notabiles tam Canonistas, quam Theologos; quod quoad plenam administrationem plenitudinis potestatis, Papa mortuo, non manet in Ecclesia, vnde dicitur tunc Sedes vacare, id est carere administratore, sicut dictum est ex præfato cap. si gratiose, nec propter hoc, quod nullus succedit Papæ in plenitudine administrationis potestatis suæ, sequitur, quod aduersarij dicunt, quod non esset sufficienter prouisum Ecclesiæ, quoniam nullum detrimentum patitur Ecclesia, si per paucos dies vacet administratio plenitudinis illius potestatis, maxime cum tam per Officiales Curie Romanæ, quam per Sac. Reuerendissimorum Dominorum Cardinalium Collegium, quam etiam per ceteros Orbis Prælatos, quos Apostolica Sedes in partem sollicitudinis suæ vocauit, sufficienter in necessarijs prouideri possit Ecclesiæ.

Id autem, quod in confirmationem aduersarij inducunt de potestate ciuitatis, aut

communicatis terrenæ, non videtur facere ad propositum propter duo. Primò: quia potestas illa regiminis, de qua Philosophus loquitur in polit. est potestas, quæ ex donatione, populi ortum habet. Potestas verò papalis non est à Ecclesia, siue Populo Christiano, sed à Deo solo, vt supra declarauimus. Secundò: quia communitas ciuitatis, aut vrbs est capax potestatis, & regiminis ciuiliis, siue terreni, Communitas autem Ecclesiæ, siue vniuersitas tota fidelium non videtur esse simul in omnibus eius membris capax potestatis ecclesiasticæ, sicut superius demonstrauimus, & ideo non est simile in hoc de potestate terrena, & de spiritali. Et ita patet quod dicta aduersariorum nullam necessitatem habent, immò videntur in multis magis somnia; salua pace, quam aliquid realitatis habentia.

C A P. LXXX.

Quòd Romanus Pontifex iurisdictionis auctoritate, ac potestate superior, ac maior existat tota vniuersali Ecclesiæ.

Consideratis bene his, quæ in superioribus amplissimè dicta sunt: luce aperta quisque potest cognoscere, quòd Romanus Pontifex superior, ac maior iurisdictionis auctoritate sit tota ipsa residua vniuersali Ecclesia. Quam conclusionem de superioribus aliqua commemorando sic probamus.

Primò, omnis Pastor regiminis auctoritate, ac potestate iurisdictionis superior est grege, cuius est pastor, fed Romanus Pontifex est Pastor Ecclesiæ vniuersalis, ergo ipse est auctoritate, ac potestate iurisdictionis superior vniuersali Ecclesiæ, consequentia est bona, maior etiam patet ex superioribus, dictum est enim à Christo Petro, & in Petro Rom. Pont. [pascere oues meas.] Ioan. vlt. in quibus verbis, & beatus Petrus Pastor vniuersalis Ecclesiæ fuit constitutus, & in eo quilibet eius in Apostolica Sede legitimus successor. In cuius confirmationem Ecclesia pro Romano Pontifice orans, ita inquit: [Deus omnium fidelium Pastor, & Rector famulum tuum Nicolaum, quem Pastorem Ecclesiæ tuæ præesse voluisti, &c.] Et in oratione consecrationis Rom. Pont. dicitur: [Tribues ei Domine Cathedram pontificalem ad regendam Ecclesiam tuam, & plebem tuæ sortis intra Mundi limites vniuersam.]

Secundò sic: Romanus Pontifex est Caput vniuersalis Ecclesiæ, ergo superior est vniuersali Ecclesiæ; consequentia est bona: quoniam caput supereminet toti corpori, & auctoritate regiminis, & amplitudine virtutis, antecedens autem ostensum est auctoritate, multorum sanctorum Patrum supra à cap. 19. vsque ad cap. 24. Patet etiam ex illo, quòd sanctus Marcellus Papa, & martyr in cap. rogamus 24. qu. 1. scribens vniuersis Episcopis per Antiochiam constitutis ait: Rogamus vos fratres dilectissimi, vt non aliud doceatis, nec sentiat, quam quòd à beato Petro, & re-

& reliquis Apostolis, & Patribus accepistis, ipse enim est Caput totius Ecclesie: cui ait Dominus: [Tu es Petrus, &c.] Idem testatur beatus Callixtus Papa, & martyr in cap. non decet, dist. 12. Idem beatus Anacletus Papa, & martyr in capit. sacrosancta distinctione 22.

Tertio sic: Romanus Pontifex est Prælat, prelationem habens in totam Ecclesiam, ergo superior est, atque maior auctoritate tota Ecclesia; consequentia est bona, antecedens patet, cum Prælat sit, ac Rector eiusdem, vnde in Chalcedonensi Concilio legitur: quod tota Synodus acclamauit Leoni Papæ: Leo sanctissimus, Apostolicus, & Oecumenicus, idest vniuersalis Patriarcha per multos annos viuat. Et Chrysof. super Matth. inquit: [Filius quod patris est, & ipsius filij, potestatem Petro vniuersaliter concessit, vbique terrarum, & homini mortali omnium, quæ in celo sunt, dedit auctoritatem, dando ei claves ad hoc, vt Ecclesiam vbique amplifcet.] Item idem super Actibus Apostolorum: Petrus à filio super omnes, qui filij sunt, potestatem accepit: non vt Moyses in gente vna, sed in vniuerso Orbe. Hæc ille.

Quarto confirmando sic: Romanus Pontifex est Princeps vniuersalis Ecclesie, ergo habet Primatum vniuersalis Ecclesie, & per consequens maior est auctoritate illa; consequentia est bona, antecedens patet ex illo primo, quod Christus legitur in Ecclesia Petro dixisse: Et super plebem meam Principem te constitui, plebs autem Christi vniuersalis Ecclesia est, vnde veraciter Romanus Pontifex est seruus ille, de quo Luc. 21. dicitur: [Fidelis seruus, quem constituit Dominus super familiam suam:] glossa. 1. Ecclesiam, vnde Leo Papa in 3. sermone consecrationis suæ ita dicit: Cum itaque dilecti filij tantum vobis videremus prædium diuinitus institutum, rationabiliter, & iuste in duas, vobis scilicet Petri meritis dignitate letamur, gratias agentes Deo Redemptori nostro, qui tantam potentiam dedit ei, quem totius Ecclesie Principem fecit, vt si quid etiam nostris temporibus recte per vos agitur, recteque disponitur, illius sit gubernaculis deputandum, cui dictum est: [Confirma fratres tuos, &c.] Et Bernardus in epistola quadam ad Eugenium Papam, quæ est 31. ita inquit: Locus, in quo stas, terra sancta est: locus Petri Principis Apostolorum, vbi steterunt pedes eius, quem constituit Deus Dominum domus suæ, & Principem omnis possessionis suæ. Hæc ille. Conuenit etiam huic loco, quod Moyses ante mortem suam orans Dominum, vt populo, in quo tunc erat Ecclesia Dei, dicebat Num. 27. [Prouidet Dominus Deus spirituum omnis carnis hominem, qui sit super multitudinem hanc.] Princeps ergo Ecclesie super totam Ecclesiam primatum, & auctoritatem habet, hoc autem in tam immobili veritate stabilitum esse videtur, vt contrarium dicere, erroneum esse censetur, vnde sanctus Thomas in tractatu contra errores Gregoriorum cap. 63. ita inquit ad propositum: Similis est error dicentium, Christi Vicarium Romanæ Ecclesie Pontificem, non habere vniuersalis Ecclesie primatum: errori dicentium Spiritum sanctum à filio non procedere, ipse enim Chri-

stus Dei filius Ecclesiam suam consecrat, & sibi assignat Spiritu sancto, quasi suo characteri, & sigillo, & similiter Christi Vicarius suo primatu, & prouidentia vniuersalem Ecclesiam tanquam fidelis minister, Christo subiectam seruat. Hæc ille.

Quinto sic: Romanus Pontifex habet supremam potestatem in Ecclesia, ergo ipse est superior omni alio prælato, & tota ipsa vniuersali Ecclesia, consequentia est bona, cum potestas suprema non possit esse nisi vna, & non nisi in vno, antecedens est articulus definitus in concilio Constantensi per Dominum Papam Martinum, vnde Nicolaus in epistola ad Patriarcham, & Clerum Constantinopolitanum, ita scribit: Iudicate cui potius resistendum sit, an potestati, quam in Petro Deus omnipotens ordinauit, quemque super cunctam Ecclesiam extulit, an ordinationi Gregorij Syracusani, cui miles, vt dicendum est huiusmodi, per quem in Ecclesia Christi tot scandala venerunt, hæc ille. Item habetur in cap. nolite errare dist. 11. quod in Apostolica Sede totius Ecclesie Dominus posuit principatum.

Sexto sic: solus Romanus Pontifex habet in Ecclesia pleuitudinem potestatis, ergo ipse omnibus alijs de Ecclesia est superior potestate, consequentia est bona, & antecedens superius est demonstratum in c. 70. habetur etiam in cap. decreto, & in cap. qui se fuit 2. quæst. 6.

Septimo sic, Romanus Pontifex est generalis Christi Vicarius in tota vniuersali Ecclesia, ergo maior, & superior est auctoritate vniuersa Ecclesia, consequentia est bona, quoniam cum idem tribunal censetur Christi, & Pape in terris, secundum illud Matt. 16. [quodcumque ligaueris super terram &c.] super quod dicit Origen. Vide quantam potestatem habet petra, super quam fundatur Ecclesia, vt etiam iudicia maneant firma, quasi Deo iudicante, per eam: sequitur, quod Christus superior est tota Ecclesia auctoritate iurisdictionis, ita videtur etiam eius Vicarius generalis.

CAP. LXXXI.

In quo per aduersarios obijciuntur contra prædicta.

ADuersus præfatam conclusionem obijciunt aduersarij multipliciter.

Primo sic: Ecclesia dicitur esse corpus quoddam, & singuli fideles membra illius; vnde Apostolus ad Rom. 12. Multi vnum corpus sumus, singuli autem alter alterius membra. Tunc sic: Papa est membrum Ecclesie non totum corpus, ergo sequitur, quod vniuersalis Ecclesia, quæ ipsum corpus Ecclesie est, sit amplioris virtutis, & potestatis, quam ipse Papa, consequentia patet, quoniam membrum, cum dicat partialitatem, minoris est virtutis, & perfectionis ipso toto corpore.

Secundo sic: communis animi conceptio est, quod totum est maius sua parte, sed Ecclesia dicitur quoddam totum, Papa, autem, non est tota Ecclesia, sed pars eius, ergo sequitur, quod Ecclesia sit maior, & superior, aucto-

autoritate, & potestate ipso Papa. Et confirmatur per illud Hieronymi, in cap. legimus dist. 93. si auctoritas quæritur Orbis, maior est Verbe. Vbi glossa colligit argumentum, quod statutum Concilii præiudicat statuto Papæ si contradicatur. Hanc autem rationem de toto, & parte dicit quidam aduersariorum in Basilea in quodam tractatu suo, tantæ esse efficacie, ut ab aliquibus doctoribus inferatur, quod cum Christus sit pars corporis, cuius est caput, quod tota Ecclesia est nobilior Christo in quantum est homo, & in quantum ipse est, in membris corporis Ecclesiæ comprehenditur, secundum illud Apostoli primo Cor. 12. [Vos estis corpus Christi, & membra de membro,] Glossa dependencia de membro, id est Christo capite, & cum membro nostro. Dicit constanter præfatus aduersarius, quod ratio dictorum præfatorum doctorum potest assignari, quia cum Ecclesia includat assensum Dei, iuxta illud: Vbi duo, vel tres congregati fuerint in nomine meo: ibi, ego sum in medio eorum, nec est possibile intelligi Ecclesiam sine hac assensu, & affluentia gratiarum intrinsecæ, manifestum est quod quicquid citrà Deum excogitari potest, non possit Ecclesiæ comparari in excellentia, & dignitate, hæc aduersarius.

Tertiò sic, Papa est propter Ecclesiam, sicut pastor propter gregem, secundum illud 1. Corinth. 10. Potestatem nobis dedit Deus in edificationem, non in destructionem, & non è conversò, ergo &c. constantia patet, quia semper deterius est gratia melioris secundum philosophum in polit.

Quartò vbi videtur esse maior sapientia, & charitas, ibi videtur esse superioritas, sed in Ecclesia est maior sapientia, & charitas, quam in aliqua alia persona, ergo Ecclesia est superior Papa.

Quintò arguitur sic: Ecclesia vniuersalis dicitur mater omnium fidelium, vnde Ecclesiastici 24. dicitur: Mater pulchræ dilectionis: & ad Galat. 4. Illa aurem quæ sursum est hierusalem libera est, quæ est mater nostra: Glossa id est credentium. Et Proverbia 1. dicitur. Ne dimittas legem matris tuæ. Glossa id est Ecclesiæ, Papa verò filius Ecclesiæ dicitur, ergo Ecclesiæ vniuersalis excellentia dignitatis, & potestatis maior, atque superior est Papa filio suo, consequentia videtur bona, nec potest dici, quod Papa sit pater Ecclesiæ, cum nullus sit pater sine matris, vnde etiam Saluator Matth. 23. dicit, quod vnus est pater, videlicet, qui in celis est, sic autem in terris vna est Ecclesia omnium fidelium mater.

Sextò sic, Ecclesia vniuersalis dicitur, secundum illud Trenoium 1. Domina gentium. Tunc arguitur sic: maior est potestas in Domino, quam in seruo, sed Ecclesia est Domina, ut dictum est, Papa verò, & alij prælati non sunt Domini, sed, ut consuevit Apostolus 1. Corinth. 4. ministri, & dispensatores misteriorum Dei. Vnde Christus, cum de parvipendenda maiestate, doctrinam Apostolis daret, dixit: quicumque voluerit inter vos maior fieri, sit vester minister, videtur ergo quod Papa non Dominus, sed inter ministros summus minister dicendus sit, vnde, & Bernardus lib. de consideratione dicit in fine quarti lib. Consideres omnia, sanctam Roma-

nam Ecclesiam, cui Deo auctore præses, matrem esse non Dominam: te non Dominum, Episcoporum, sed vnus ex eis.

Septimò aduersarij arguunt sic: papa non est Dominus rerum Ecclesiæ, sed hoc dominium videtur esse apud Ecclesiam: Papa enim solum est dispensator, ergo idem quod prius.

Octauò sic: Ecclesia dicitur esse regina, secundum illud Psalm. 44. Assitit Regina à dextris tuis in vestituro deaurato circumdata varietate. Tunc arguitur, potestas est in Ecclesia sicut in regina: in Papa autem non sicut in Rege, quia regimen Papæ respectu Ecclesiæ non videtur regale, sed politicum, dicente Domino Apostolis de primariis contententibus Matth. 20. Scitis, quia Principes gentium dominantur eorum, & qui maiores sunt, potestatem exercent in eos, non ita erit inter vos, sed quicumque voluerit inter vos maior fieri, sit velut minister. Item Christus fugit, ne facerent eum regem.

Nonò sic, eadem Ecclesia Dei vniuersalis dicitur Sponsa Christi, ut patet in pluribus locis in lib. Cantica. Et Apoc. 21. dicitur: [Vidi Ciuitatem sanctam Hierusalem nouam descendentem de Cælo tamquam Sponsam ornata viro suo.] Papa verò non est Sponsus, sed Paranympus Sponsæ, ut beatus Bernardus in lib. de consideratione ad Eugenium dicit. Tunc arguitur sic: maior est auctoritas in Sponsa, quam in Paranympo Sponsæ, ut patet; sed vniuersalis Ecclesia, ut iam ostensum est, est Sponsa Christi; Papa verò Paranympus. Ergo Ecclesia, potestate, & auctoritate est maior, & superior Papa.

Decimò sic, Ecclesia non potest errare, & ita est indeclinabilis à rectitudine fidei. Papa potest errare, ut in cap. si Papa distinct. 40. Ergo videtur, quod Ecclesia sit superior potestate ipso Papa.

Vndecimò arguitur sic, illius potestas est maior, ad quam vltimatiò remittitur quilibet Fidelis, sicut quasi ad vltimum tribunal. Sed hæc est potestas Ecclesiæ, & non alicuius personæ, cuiuscumque dignitatis sit, etiam Papalis. Ergo Papa non est maior potestate ipsa Ecclesia, sed è conuerso. Consequentia est bona. Maior patet, minor probatur ex illo Matth. 18. vbi Christus inquit Petro: [Si peccauerit in te frater tuus, &c. dic Ecclesiæ.] Hoc autem non potest intelligi de Papa, siue de Prælato: tùm quia Petro hoc dictum sit, qui Prælatus futurus erat Ecclesiæ, & ad se nullus remitti dicitur. Item, quia nomen Ecclesiæ est collectiuum, & per consequens per ly Ecclesiæ, non persona Prælati, sed congregatio ipsa Fidelium accipienda est; tùm ideo, quia Glossa ibi inquit, [Dic Ecclesiæ] id est toti Ecclesiæ. Et ita patet, quod per Ecclesiam ipsa vniuersitas Fidelium veniat intelligenda.

CAP. LXXXII.

In quo respondetur ad obiectionem primam.

Daturi responsa ad obiecta præcedentis capituli. Obseruabimus hunc ordinem pro pleniori illustratione veritatis, quia istæ rationes sunt potiores aduersariorum: respondebimus singulis obiectionibus per se, per capitula distincta.

Ad primam ergo obiectionem, cum dicitur, quod Papa sit membrum Ecclesiæ, &c. respondetur dupliciter.

Primò, concedendo antecedens, & negando consequentiam, loquendo de maiori potestate iurisdictionis, de qua in præsentem loquimur. Quod pro tanto dicimus, quia non dubitamus hic an Ecclesia sit maior simpliciter Papa, purè perfectione gratiæ, & amplitudine virtutum: quoniam etiam vna vetula potest esse hoc modo perfectior, ac ipso Papa. Sed dicimus, quod in potestate iurisdictionis, in qua vnus peccator potest esse maior multis iustis, Papa sit maior toto residuo corpore Ecclesiæ.

Et ad probationem, cum dicitur, quod membrum cum dicat partialitatem minoris sit virtutis, & perfectionis toto residuo corpore.

Respondemus, quod hæc probatio non probat consequentiam: & ratio est, quoniam licet membra corporis partialiter se habent in participando virtutes totius corporis, quia non quodlibet membrum omnia potest habere, sed singula singulis sunt distributa, dicente Apostolo ad Rom. 12. [In vno corpore multa membra habemus, omnia autem membra non eundem actum habent, & per consequens nullum membrum potest simpliciter præferri toti corpori: nihilominus in virtute, aut gratia, quæ vnum membrum recipit, potest ita excellere omnia alia membra, vt licet non simpliciter possit dici maius toto residuo corpore, possit tamen in tali gratia dici maius.] Quod facilliter patet ex verbis Apostoli, vbi supra, ait enim: [Singuli autem alter alterius membra, habentes donationes secundum gratiam, quæ data est nobis differentes, siue prophetiam, secundum rationem fidei, siue ministerium. Gloss. ecclesiasticum, in ministrando, siue que docet in doctrina, &c. non est dubium, quod cum hoc, quod membra singula corporis Ecclesiæ, vt ait Apostolus, partialiter, & non vniuersaliter percipiunt donationes factas toti corpori Ecclesiæ: stat bene, quod aliquod membrum Ecclesiæ in donatione sibi facta, excedat omnia alia membra Ecclesiæ. Sicut, quod in gratia prophetiæ vnus sit excellentior Propheta omnibus alijs, vnus Doctor maior omnibus alijs, siue toto residuo corpore.

Non ergo valet ista consequentia, Papa est membrum Ecclesiæ; ergo sequitur, quod potestate iurisdictionis non possit esse maior toto residuo corpore Ecclesiæ. Quod etiam exemplariter offendimus in multis.

Primò, in capite corporis naturalis, Tom. XIII.

quod caput, est membrum sit corporis, nihilominus præstantius, & maius virtute sensitua est toto residuo corpore: cum in eo solo sit plenitudo sensuum, in alijs autem sit solus sensus tactus. Vnde Ambrosius libro 6. in Hexameron. cap. 29. inquit: [Caput supra reliquos artus nostri corporis cernimus eminere, præstantissimumque esse omnium, & ex illo omnibus membris vigorem, prudentiamque deferri.]

Secundò, hoc patet in quolibet Principe respectu multitudinis, cui præsidet: non est dubium quin Princeps sit membrum vniuersitatis reipublicæ, quam Polycrates instar corporis dicit esse formatam; & tamen licet non possideat omnes virtutes, & gratias, quæ possidentur ab omnibus alijs illius vniuersitatis; sed partialiter fortè aliquas earum; nihilominus potestate iurisdictionis superior vniuersis alijs, siue tota illa vniuersitate est.

Tertiò, insufficiens præfatæ consequentiæ offenditur in Domino Nostro Iesu Christo, qui cum hoc, quod caput super omnem Ecclesiam, vt inquit Apostolus. ad Eph. 1. & dicatur etiam membrum Ecclesiæ ab eodem, qui de eo loquens, ait, 1. Corinth. 12. [Vos estis corpus, & membra de membro, Glossa dependentia de membro, idest Christo capite, & cum membro nostro.] Et nihilominus non modò falsum, sed hæreticum esset dicere Christum minorem esse perfectione, aut gratia, aut potestate ipsa Ecclesia, cum ab ipso dependeat totum bonum Ecclesiæ, de plenitudine enim eius accepimus omnes Io. 1. Est tamen hic notandum, sicut supra tetigimus lib. 1. cap. 47. vbi notauimus, qualiter esse membrum Ecclesiæ conuenit Christo, & qualiter non, quod membrum importat duo, scilicet, partialitatem virtutis respectu totius corporis, & distinctionem respectu aliorum membrorum, quæ duo explicatur, cum ait Apostolus, vbi supra, quod omnia membra non eundem actum habent, Christus autem, vt dicit S. Tho. non dicitur membrum Ecclesiæ, vt membrum importat partialitatem, quoniam in Christo bonum spirituale, nou est particularizatum, sed totaliter integrum, vnde ipse non totum bonum Ecclesiæ, nec est aliud maius cum alijs, quam ipse solus, sed dicitur membrum, prout dicit, siue importat distinctionem ab alijs, distinguitur autem ab alijs membris, & perfectionem, & officio. Perfectione quidem, quia vt inquit sanctus Tho. in quest. de veritate, in ipso est vniuersaliter gratia non autem in aliquo aliorum membrorum. Officio verò, quia vt idem sanctus Tho. dicit in 4. dist. 49. inuise alijs vitam. Simili autem modo videtur dicendum de Romano Pontifici in duobus. Primò, quia licet Papa sit membrum Ecclesiæ, vt etiam partialitatem importat, quoniam virtus eius, siue bonum spirituale, non est vniuersaliter integrum, sicut est bonum totius corporis Ecclesiæ, sed est particularizatum, & ideo non potest dici maior perfectione simpliciter toto corpore Ecclesiæ: nihilominus in donatione sibi specialiter præ alijs facta, huius particularis gratiæ gratissimæ, videlicet potestatis iurisdictionis, ipse est maior toto residuo corpore Ecclesiæ, cum ipse solus sit

vocatus in plenitudinem potestatis, quem admodum si alicui prae omnibus alijs in membris Ecclesiae donaretur gratia curationis infirmitatum, talis etiam veraciter posset dici maior in hac particulari gratia potestatis curandi omnibus alijs fidelibus, sine coniunctis, sine dispersis. Secundo posset dici, quod Papa quoad potestatem iurisdictionis, non est membrum Ecclesiae, vt importat partialitatem, cum potestas in eo, non sit particularizata, sed sit plena, & integra, sed dicatur membrum, prout dicit distinctionem. Distinguitur enim ab alijs membris Ecclesiae in duobus, scilicet, perfectione potestatis, & in officio. Perfectione quidem, quia in eo est plenitudo potestatis, vt sancti clamant, non autem in aliquo aliorum membrorum Ecclesiae, neque in omnibus membris alijs ab eo etiam simul sumptis. Officio vero distinguitur, in quantum ipse inluit in totum corpus Ecclesiae potestatem iurisdictionis in eos, qui participes eius esse possunt, prout supra in c. 54. multis sanctorum testimonijs, & rationibus ostendimus, & maxime habetur in cap. ita Dominus dist. 12.

C A P. LXXXIII.

In quo respondetur ad secundam obiectionem.

AD secundam rationem aduersariorum, quae apud eos Achilles reputatur, respondetur dupliciter.

Primo, negando assumptum, si capiatur vniuersaliter, videlicet, quod communis animi conceptio sit, quod totum sit maius sua parte, dicimus enim, quod hoc verum est de toto integrali, non autem de toto potenciali; vnde magister sententiarum in lib. 1. dist. 3. comparando partes imaginis ad invicem, & vnam ad omnes alias, dicit sic: Aequalia sunt non solum singula singulis, sed etiam singula omnibus. Contra quod sanctus Tho. in fine praefata tertiae distinctionis ibi arguens ad probandum, quod vna potentia animae non sit aequalis omnibus alijs, vtiur hoc argumento. Omne totum est maius sua parte. Ad hoc ipse respondens, dicit sic, quod hoc verum est de totalitate, quantitatis dimensionis, vel numeralis, quae eiusdem rationis sunt, & non de totalitate quantitatis virtualis, potest enim contingere, quod vna virtus potest in toto obiecta, quot aliae plures. Et simili modo ad idem argumentum, respondit Dominus Petrus de Tarantasia, qui fuit Innocentius Quintus, vbi supra, ita dicit, quod id, quod dicitur, quod omne totum est maius sua parte, verum sit de toto integrali, non autem de toto potenciali. Et ita secundum haec concedendo de toto integrali, quod omne totum sit maius sua parte, argumentum aduersariorum nihil facit ad propositum, quoniam nos non loquimur de maioriore, quantitatis dimensionis, vel numeralis, secundum quam non est debium, quod qualibet congregatio maior sit suo Praelato, aut Rectore, sed loquimur de maioriore quantitatis virtualis, siue potentialis, secundum quam stat,

quod vna virtus potestatiua sit maior omnibus alijs inferioribus, quae in partem tantum vocatae sunt sollicitudinis, vnde si ratio illa aduersariorum valida esset, pari modo militaret contra Christum, sicut contra Papam, sic arguendo, sicut aduersarii arguunt. Communis animi conceptio est, quod totum maius sit sua parte, sed Christus est pars Ecclesiae; ergo Ecclesia est maior Christo. Quod vero Christus dicatur pars Ecclesiae, patet tum ex illo, quod supra induximus in praecedenti c. Apost. 1. ad Cor. 12. vbi dicitur membrum Corporis Christi, quod est Ecclesia, tum ex eo, quod ait Bernardus in sermone quodam corporis Christi, qui sic ait. Est enim Corpus Christi vniuersa Ecclesia Caput, scilicet, cum membris. Inveniuntur autem in illo corpore, quasi tres partes, ex quibus totum corpus constat, vna pars est ipsum caput, caput enim caput est, & pars corporis &c. Et tamen his non obstantibus conclusio est falsa, & haeretica, scilicet, quod Ecclesia sit maior Christo. Vnde quod quidam aduersariorum in suo quodam tractatu dicit, vt in argumentum tetigimus, quod Ecclesia sit maior, siue nobilior Christo in quantum homo, & in quantum ipse comprehenditur in membris Ecclesiae, erroneum est, & haeticum, cum manifeste sit contra Scripturam sanctam, dicitur enim ad Ephes. 1. quod Deus omnia subiecit sub pedibus eius, scilicet Christi, vbi glossa inquit, quasi diceret, non solum praestit hominibus dignitate, sed etiam sub eo sunt. Et sequitur infra in glossa ad propositum, sub pedibus eius, id est, sub humanitate eius, quae signatur per pedes. Sequitur in Apostolo. Et ipsum dedit caput super omnem Ecclesiam, quae est corpus ipsius, glossa super omnem Ecclesiam, quae in Caelo, & in terra est. Item est contra scripturam eiusdem Apostoli dicentis ad Ephes. 5. Christus caput est Ecclesiae, ipse Saluator corporis eius, sequitur, Ecclesia subiecta est Christo. Praeterea quomodo animus fidelis concipere potest, quod Saluator non sit superior saluatis, sponsus sponsa, vir vxore, & caput toto corpore. Quod autem dicit praefatus aduersarius, quod aliqui Doctores hoc dixerint, falsum est, nisi fuerint aliqui haetici, verum reperiuntur aliqui Doctores, qui in 4. sententiarum dist. 13. super illo verbo, quod inducit magister, quid melius corpore, & sanguine Christi querunt, verum Corpus Christi querunt, verum Corpus Christi verum, sit melius corpore Christi mystico? Et respondentes dicunt, Dominus Gwillus Altisiodorensis, Dominus Albertus, & sanctus Tho. quod Corpus Christi mysticum, si accipitur cum ipso capite, est melius, quam Corpus Christi verum. Si tamen accipitur Corpus Christi verum sine dinicatione, cui est vnium, alijs non, quia Deus, & omnes creaturae non sunt aliquid melius, quam Deus tantum. Si autem accipitur Corpus Christi mysticum, absque capite Christo, sic Corpus Christi verum non est nobilior, haec sanctus Tho. formaliter, & eadem est sententia aliorum. Attendat Docti viri, quam contraria sit Doctrina horum Doctorem Doctrinae aduersariorum: Praeterea id, quod inducit aduersarius pro ratione ad colorandum praefatum errorem, est omnino stultum.

Tum quia supponit, quod humanitas Christi, quæ est in eodem supposito vnita diuinitati, cui non est datus Spiritus ad mensuram, non includit assentientiam Spiritus sancti, sicut Ecclesia. Quod videtur omnino alienum, non modo à fide Catholica, sed à bono iudicio cuiuscumque hominis Docti. Cum enim influentia gratiæ in Corpus Ecclesiæ proveniat à capite, magis intrinseca est assentientia Spiritu sancti, qui est fons omnium donorum, capiti Christo, qui est sanctus sanctorum corpori influenti, quam recipiendi ab eo sanctitatem. Quod autem dicit in fine aduersarius manifestum esse, quod quicquid citra Deum, excogitari potest, non posse in excellentia, & dignitate comparari Ecclesiæ, falsissimum est, & hæreticum iudicio nostro, quoniã humanitas Christi, quæ est citra Deum nobilitate, & perfectione, nobilior, & dignior est ipsa Ecclesia militante, de quo dicit Psal. 44. Quod speciosus est forma per filijs hominum. Secundò Angelica, siue Cælestis hierarchia citra Deum est, & nihilominus excellentior, & dignior ecclesiastica. Item beata virgo, quæ exaltata legitur super choros Angelorum, excellentior, & dignior est tota residua Ecclesia, vnde de ea exponitur illud Apocal. 12. à Sanctis [Mulier amicta Sole, & Luna, idest, Ecclesia, sub pedibus eius, quoniam supereminet toti Ecclesiæ, & ita in proposito.

Secundò responderetur ad rationem, negando minorem, scilicet, quod Papa sit pars Ecclesiæ, si referatur ad rationem potestatis, quoniam in ratione potestatis est magis dicendum Papa tota Ecclesia virtualiter, cum in eo solo sit totalitas, & plenitudo totius potestatis ecclesiasticæ, iuxta dicta Leonis Papæ, beati Gregorij, Iulij, & beati Bernardi superius commemorata, sicut in solo capite corporis naturalis est plenitudo sensus, propter quod, vt inquit beatus Ambrosius in hexameron, totus homo in capite dicitur esse. Quod autem totalitas potestatis Ecclesiæ in Papa sit, facile ostendimus, tam ex ordine potestatis Papalis, quam ex conditione, & natura totius potestatiui. Ordo namque inter potentias hoc habet, vt dicit Boetius, quod quicquid virtutis potestatiui sit in inferioribus, est in superioribus; vnde in suprema potentia quantitas omnium aliarum inferiorum, potentiarum includitur, & ita cum potestas Papalis sit suprema, in ea continentur virtute omnes aliæ potestates Ecclesiæ, & ita ipsa in ratione potestatis non habet rationem partis, sed potius totius, vnde beatus Dionys. in 6. Ecclesiasticæ hierarchiæ dicit. Ipsa autem hierarchia ordinis dispositio in omnibus locatur sanctis naturalibus. Secundò hoc idem ostenditur ex natura totius potestatiui, potestas enim Ecclesiæ, non est arbitrandi, siue existimandi, quasi sit aliquod totum integratum ex particularibus potestatibus, vt peruersè multi aduersariorum intelligunt, sed ad instar totius potestatiui. Cuiusmodi natura, vt ait sanctus Tho. in 4. dist. 24. talis est, quod secundum completam rationem est in vno, in alijs autem est quædam participatio ipsius. Et ponit exemplum in sacramento ordinis dicens, quod tota plenitudo huius sacramenti est in vno, scilicet sacerdote, sed in alijs est quædam parti-

cipatio ordinis, & hoc dicitur esse signatum in hoc, quod Dominus dicit Num. 11. Moysi: Auferam de spiritu tuo, & eradam eis, vt sustentent tecum onus populi; hæc sanctus Tho. Secundum exemplum ponit in sequenti responsione de Regno dicens, quod in Regno quamuis tota plenitudo potestatis residet pones Regem, non tamen excluduntur ministrorum potestates, quæ sunt participationes quædam Regis potestatis, in Aristocrachia autem apud nullum residet plenitudo potestatis, sed apud omnes, hæc sanctus Tho. Patet ergo, quod loquendo de maioritate, quantitas virtutis, sicut caput in corpore, naturali est maius toto residuo corpore, licet non maioritate quantitatis dimensuræ, siue numeralis, sic Papa maior est, maioritate potestatis toto residuo corpore Ecclesiæ, sicut pastor auctoritate vniuerso grege suo.

Restat iam respondere ad c. legimus d. 93. vbi dicit Hieron. quod si auctoritas quaritur &c. Ad quod respondentes dicimus, quod hoc dictum Hieron. licet sæpè, & maxime inducant illud aduersarij pro se, in nullo tamen fauet eis, nec præiudicat veritati positæ, nam Hieron. non loquitur ibi de auctoritate potestatis, aut iurisdictionis Orbis respectu Ecclesiæ Romanæ, siue Apostolicæ Sedis, sed loquitur de auctoritate consuetudinis, quæ tantò maioris auctoritatis esse dicitur, quantò generalior est, siue à pluribus obseruatur, sicut de Canonicis scripturis loquitur Augustinus, & habetur in cap. in Canonicis dist. 19. secundum quam regulam, non est dubium, quin consuetudo Orbis maior sit consuetudine Vrbis, quam nec Apostolica Sedes seruet, nec obseruari mandauit. Quod verò Hieron. non de auctoritate Orbis respectu Apostolicæ Sedis, sed de auctoritate consuetudinis Orbis respectu Vrbis loquatur, patet ex multis. Primò ex intentione ipsa loquentis, loquitur enim Hieron. contra consuetudinem, quæ in Vrbe Romana regnabat, qua quidem Diaconi præferebantur presbyteris. Ex qua consuetudine aliqui Diaconi per Orbem sumebant occasionem præferendi se presbyteris suis, cum tamen contraria consuetudo esset per Orbem, de qua Hieron. ad Episcopum Euandrum scribens sic ait, vt patet ex text. allegati cap. Quid mihi proferis vnus Vrbis consuetudinem? quid pancitatem, de qua ortum est supercilium, in Ecclesiæ leges vendicas? omne quod ratum est, plus appetitur: Pulegium apud Indos pipere præciosius est, Diaconos paucitas honorabiles facit, presbyteros verò turba contemptibiles facit, hæc Hieron. Sed hoc idem colligitur ex gloss. cap. quæ sic ait: maior est, & ideo magis sequenda consuetudo generalis, vt hic. Tertiò potest idem colligi ex cap. hæc est fides 24. quæst. 1. quod est ipsius Hieronymi. Ad gloss. verò inductam, dicimus, quod gloss. illa argumentando loquitur, vnde refert se ad ea, quæ dicitur 9. quæst. 3. nemo, sed de hac gloss. & similibus in 3. lib. vbi de auctoritate Conciliorum, optulante Deo, loquendum est, plenius dicitur.

CAP. LXXXIV.

In quo respondetur ad obiectionem tertiam.

AD tertiam rationem, qua sicut maxima quadam potissime aduersarij vtuntur in confirmationem suarum opinionum, qua sic arguunt: quod Papa sit propter Ecclesiam, &c. Respondetur negando consequentiam. Et cum dicitur, quod deterius est gratia melioris: respondetur, quod dupliciter dicitur aliquid finis alicuius rei. Vno modo id, in quod tendit res illa ex ordine sibi dato naturali, aut supernaturali, siue id, quod est intentum ab agente. Alio modo dicitur finis id, ad cuius vtilitatem est ordinatum opus agentis.

Cuius exemplum possumus dare in potestatibus secularibus, in quibus finis ad quem tendit regimen praesidentis, & gubernantis est ipsa pax, & tranquillitas vniuersitatis, siue felicitas politica, cum hoc sit bonum principale, ad quod vniuersum regimen gubernatoris intendere, & respicere videtur, ipsa vero vniuersitas dicitur sicut finis regiminis, sicut ad cuius vtilitatem est ordinatum vniuersum opus praesidentis, & gubernantis.

Ita applicando proposito nostro dicimus, quod finis propter quem est Papa constitutus, & ad quem ordinatur potestas Papalis, sicut principale intentum ab instituyente, non est Ecclesia ipsa vniuersalis, sed est beatitudo ipsa Coelestis, ad quam per vsum, & regimen potestatis Papalis, ipsa, scilicet, vniuersalis Ecclesia est dirigenda. Est autem ipsa Ecclesia vniuersalis finis secundò modo, videlicet sicut id, ad cuius vtilitatem est ordinatum opus Papalis potestatis. Hic duplex modus finis satis aperte designatur in distinctione illa, quae datur etiam per quosdam ex aduerso in tractatibus suis, ita dicentes: Quod potestas Ecclesiastica sit, quae à Christo supernaturaliter, & specialiter collata sit Apostolis, & suis Discipulis, atque eorum successoribus legitimis ad aedificationem. Ecce vtilitatem Ecclesiae, ad quam ordinatur potestas ecclesiastica. Et sequitur pro consecutione felicitatis aeternae, ecce finem vltimum, & principalem. Hac distinctione habita ad probationem consequentiae, cum dicebatur, id, quod est deterius, sit propter melius, dicimus, quod hoc non sit verum, quando hac ratione aliquid dicitur propter aliud, sicut propter id, ad cuius vtilitatem est ordinatum opus, agentis, quemadmodum Papa, siue Papalis potestas dicitur esse propter Ecclesiam. Quod patet exemplariter in multis. Primò quidem patet in pastoribus, qui propter gregem dicuntur instituti, nihilominus non minores, sed maiores, ac nobiliores sunt gregibus quorum pastores sunt. Secundò patet in principibus: Princeps enim tam secularis, quam ecclesiasticus dicitur esse propter vniuersitates sibi commissas regendas, & non e conuerso, & nihilominus non sunt inferiores, sed maiores auctoritate subiectis sibi populis.

Tertiò, Angeli, qui vt ait Apostolus ad Hebr. i. sunt in ministerium missi propter eos, qui hereditatem capiunt salutis, & tamen non sunt hominibus inferiores, sed superiores sunt, ac nobilitate naturae praestantiores. Quartò patet in Christo, qui licet aduenit de Caelis in terram propter Ecclesiam, & mortuus fuerit propter Ecclesiam: ait enim Apostolus ad Ephes. 5. Christus dilexit Ecclesiam, & tradidit semetipsum pro ea, vt illam sanctificaret, nihilominus Christus non est inferior Ecclesia, sed omni maioriore perfectionis, & virtutis, & auctoritatis superior, vt in superiori capitulo ostensum est: vnde Bernardus in sermone de nuptijs, loquens de Christo sponso Ecclesiae, dicit sic: Multò hæc sponsa inferior sponso suo, inferior genere, inferior specie, inferior dignitate. Ex quo patet, quod hoc modo esse aliquid propter aliud, potest competere etiam superioribus, & nobilioribus respectu inferiorum, & minus nobilium, vt inquit Dominus Albertus in secunda parte summæ suæ, tractando de Custodia Angelorum, & etiam sanctus Tho. in 1. dist. 2. Respondetur etiam secundò, quod licet Ecclesia sit melior Papa maioriore gratiæ, aut perfectionis gratuitæ, non tamen maioriore auctoritatis iurisdictionis, de qua ad praesens loquimur, sicut plenius dicitur in responsione ad quartam obiectionem.

CAP. LXXXV.

In quo respondetur ad quartam obiectionem sumptam ex eo, quod apud Ecclesiam sit maior sapientia, & charitas.

Quarto loco arguebatur, vbi videtur esse maior sapientia, & charitas ibi &c. Ad hoc respondetur negando hoc assumptum, quoniam non modò falsum est, sed etiam sapit hæresim Valdensium.

Quod sit falsum patet sic, vt enim in lib. 1. cap. 99. argumentati sumus, homo dicitur bonus, vel malus, sapiens, vel stultus, sanctus, vel impius, secundum virtutem, vel vitium, quæ sunt habitus quidam. Habitus autem à potentia in hoc differt, quod per potentiam sumus potentes aliquid facere, per habitum autem non reddimur potentes, vel impotentes ad aliquid faciendum, sed habiles, vel inhabiles ad id, quod possumus bene, vel male, agendum; per habitum ergo, nec datur, nec augetur, nec tollitur à nobis aliquid posse, sed hoc per habitum accipimus, vt bene, vel male aliquid agamus, non ergo ex hoc quòd aliquis homo, aut populus sit bonus, sapiens, & sanctus, aut malus, insipiens, & peccator, est aliquid potens, aut impotens, vt putà ad dispensandum sacramenta, vel ad regendum populum, sed idoneus, vel minus idoneus ad huiusmodi dispensandum. Falsum est ergo illud assumptum aduersariorum, quòd vbi maior est sapientia, aut charitas, sit maior auctoritas iurisdictionis. Quod manifestè colligitur ex illo, quod habetur de penit. & remis. cap. noua quædam. Secundò idem ostenditur sic, si potestas ecclesiastica sit:

ca sequeretur gradum sapientiæ, & sanctitatis, cum iste gradus inter homines sit incertus, ignoramus enim quis quo sanctior sit, aut sapientior, sique gradus iste sæpe transmutabilis, quia qui hodie sanctior est altero, cras, aut minus sanctus esse potest, nulla stabilitas, nulla certitudo esset potestatis ecclesiasticæ in ministris Ecclesiæ, quod horret fides Christiana, sicut plenius disputauimus lib. 1. cap. 99. Manifeste ergo patet falsitas præfatæ suppositionis aduersariorum.

Quodd vero eadem suppositio sapiat hæresim Valdensium patet, quoniam si ubi est maior sapientia, & charitas est maior auctoritas, sequitur quodd solum apud sanctos viros essent clauces Ecclesiæ, quod fuit error Valdensium, & Ioannis Wicleff, consequentia tamen patet. Contra quos est illud, quod ait Dominus. Matth. 23. [Super Cathedram Moysi sedebunt scribæ, & pharisæi, quæ ergo vobis dicunt seruare, & facite &c.] Quibus prælatis malis obediendum, non iuberet Deus, nisi etiam cum malicia in eis integra maneret auctoritas potestatis. Secundo sequeretur, quodd cum Paulus sapientiæ fuerit sublimioris, vtpote qui raptus est vsque ad tertium Cælum, maioris fuisset auctoritatis, quam Petrus, quod est falsum. Tertiò, etiam sequeretur ex illo, quod apud laicos, qui sæpe numero sapientiores, atque sanctiores sunt multis Prælati: maior auctoritas, ac plenior clauium potestas esset, quam apud Prælatos minus laicis sapientes, aut sanctos, quod etiam fuit error illorum Valdensium. Præterea non est impossibile, immò possibile, quodd vnus pro aliquo tempore in Ecclesia esset sapientior, & sanctior toto residuo militantis Ecclesiæ, & quodd huiusmodi esset Papa. Præterea apertissime ostendit fundamentum illud aduersariorum esse falsum, ac erroneum illud, quod beatus Innocentius Papa dicit in cap. noua quædam de pœnit. & remis.

CAP. LXXXVI.

In quo respondetur ad quintam obiectionem sumptam ex eo, quodd Ecclesia dicitur mater fidelium.

QVINTò obiectum est per aduersarios ex illa nominatione, qua Ecclesia Dei dicitur Mater omnium fidelium, & per consequens Papæ. Ad quam obiectionem responderetur negando consequentiam. Pro cuius intelligentia, duo faciemus. In primis ostendemus pro pleniori illustratione veritatis, qualiter Ecclesiæ vniuersali conuenit ratio maternitatis respectu Papæ, & aliorum fidelium. Secundo explicabimus, quodd ex tali maternitate nulla auctoritatis, aut potestatis iurisdictionis superioritatis necessario arguatur in Ecclesia suprà Papam.

Circa primum, notandum, quodd Ecclesia dicitur Mater fidelium, vt dicit beatus August. super Psal. 127. quia per baptismum continuè dicitur parere Christianos, vbi secundum quodd ait August. super Ioann. tractans illud Ioann. 3. I Numquid potest homo

in ventrem matris suæ iterato introire? Aqua baptismi locum materni vteri habet.] Et ideo baptismus dicitur, vt inquit Apostolus ad Timoth. 3. [Lavachrum regenerationis.] Sed nec hoc ita Ecclesiæ attribuitur, quodd ipsa vniuersitas Ecclesiæ ministerium baptismatis per seipsam alicui tribuat: hoc enim non videtur bene possibile, sed pro tanto Mater dicitur, quia baptismus, quo quis regeneratur in filium Dei, & Ecclesiæ, à quocunque detur, in fide Ecclesiæ tribuitur, & efficaciam habet. Vbi aduertendum, quodd sicut in regeneratione carnali hominis concurret virtus patris principaliter, & virtus matris quasi dispositiue, sic in generatione ista spiritali concurret virtus diuina tamquam semen; Vnde August. super Ioann. vbi suprà dicit: [Ex semine enim veri Abrahæ sunt nati fideles, siue per liberam, siue per Ancillam.] Et in fine libri de Trinitate, inquit ipse. [Sacri fontis irriguum illa, qua dudum Mariam locupletauit virtute, fecundat.] Hinc est, quodd per baptismum dicuntur generati filij Dei Ioann. 1. & per consequens confortes naturæ diuinitatis, vt inquit beatus Petrus. 2. Petri 1. [Est ergo agens in generatione ista spiritali ipse Deus per auctoritatem, & ipse Christus secundum quodd homo meritorie, cuius meritum in Baptismo operatur. Secundo concurret tamquam virtus dispositiua, fides Ecclesiæ, secundum illud ad Rom. 3. Iustitia Dei per fidem Iesu Christi fides enim precipuè operatur in sacramentis, quoniam per illam quodammodo sacramenta suæ causæ principaliter agentis continuantur, & etiam ipsi recipienti, vnde sanctus Thom. in 4. d. 1. ad propositum ita loquitur. Instrumentum non recipit virtutem, nisi secundum quodd principali agentis continuatur, & virtus eius quodammodo instrumentum transfundatur, principale autem, & per se agens ad iustificationem, est Deus, sicut causa efficiens, & passio Christi, sicut meritoria, huic autem causæ continuatur sacramentum per fidem. Ecclesiæ, quæ instrumentum refert ad principalem causam. vt signum ad signatum. Et ideo efficacia sacramentorum, vel virtus est ex tribus, videlicet ex institutione diuina, sicut ex principali agente, ex passione Christi sicut ex causa meritoria, ex fide sicut ex continuante instrumentum principali agentis Et hoc est, quodd dicit sanctus Thom. in 3. parte: quodd virtus passionis Christi, quæ operatur in sacramentis, copulatur nobis per fidem, secundum illud Rom. 3. Quem proposuit propitiatorem per fidem in sanguine eius. Ex quibus hæc manifesta luce colligimus quodd fides Ecclesiæ sit dispositio ad consecutionem effectuum sacramentorum, cuius Ecclesiæ fidem repræsentare videntur offerentes paruulos ad baptismum, qui interrogati, pro paruulis fidem Ecclesiæ in personam eorum profitentur, dicentes, credo, vnde Aug. in lib. de meritis, & remis. peccatorum, & habetur de consecrat. dist. 4. cap. mater. dicit sic. Mater Ecclesia os maternum paruulis præbet, vt sacris mysterij imbuantur, quia nondum posunt corde proprio credere ad iustitiam, nec ore proprio confiteri ad salutem. Quare dicit beatus Thom. in 3. par. qu. 69. quodd pueri credunt non per actum proprium,

prium, sed per fidem Ecclesie, quæ eis communicatur, & huius fidei virtute conferuntur eis gratia, & virtutes. Et idem dicit in 4. quod pueris pro dispositione ad salutem est fides Ecclesie, pro effectui salutis virtus passionis Christi. Cum ergo gratia, qua iustificamur in baptismo, & efficiamur filij Dei, à Deo infundatur disponente fide vniuersalis Ecclesie, ut sic sit quodammodo conformitas geniti ad pignem, patet quod rectè dicatur, quod in generatione ista spirituali Deus sit Pater, & Ecclesia Mater. Vnde etiam si hæreticus, aut infidelis baptizet, dum tamen intendat facere, quod Ecclesia facit, Christo & Ecclesie dicitur parere filios, non autem hæresi, aut infidelitati suæ. Sicut enim Iacob genuit filios per liberas & Ancillas, ita Christus per Catholicos, & hæreticos, bonos, aut malos, vt Aug. dicit contrà Donatistas. Mater ergo omnium fidelium est Ecclesia, vnde Aug. lib. de symbolo dicit. Si quis ab Ecclesia iuuenius fuerit alienus, erit à numero filiorum Dei, nec habebit Deum Patrem, qui Ecclesiam noluisset habere Matrem. Et hoc sit pro primò.

Iam videndum est secundò loco, quòd ex præfata ratione maternitatis nulla necessitas sit dicendi: quòd vniuersalis Ecclesia superior sit auctoritate, siue potestate iurisdictionis Romano Pontifici, quòd etsi satis de se appareat, ostenditur tamen ex hoc, quòd etsi ratio maternitatis attribuat Ecclesie, vt dictum est, ministris tamen ratio paternitatis conuenit, vnde Aug. in sermone de epiphania, vt refert S. Thom. in 3. par. qu. 67. Locum Patris obtinet, qui baptizat, matris autem aqua baptismi. Et maxime ratio paternitatis conuenit summo ministro Dei, scilicet Romano Pontifici, quocirca dicitur pater Patrum. Vnde clarè patet, quòd esse prædicto modo matrè, non arguit superioritatem potestatis iurisdictionis spiritualis super filios, immò stat bene, quòd aliquis sit filius Ecclesie, & alia ratione Pater Ecclesie. Sicut quod conuenit pateri, quòd aliquis sit genitura filius alicuius mulieris, & sit cura spiritualis regiminis pater eius, & quòd ita sit de Ecclesia exemplariter, ostenditur in multis. Primò quidem in Christo: Christus enim quandoque, dictus est etiam filius synagogæ; vnde glossa super illud Iob. 1. Nudus egressus sum de utero matris meæ, dicit sic. Mater Christi synagoga est, quæ in se cum opertum litera tenuit, nec nudum in diuinitate vidit, sed ab ea nudus ad gentes exiit. Item Christus quandoque est dictus filius Ecclesie. Vnde ipse ait Marc. 3. de discipulis suis ecce mater mea, & fratres mei, vbi dicit glossator, frater credendo, mater prædicando, dum per verba prædicationis amor Christi, quasi ipse Christus in corde auditoris generatur. Item hoc verbum pertrahens beatus Aug. psalmi. 137. dicit, quomodo mater eius est Ecclesia, nisi quia ipse Christus, est in Christianis, quos per baptismum continuè parit Ecclesia. Item ipse Christus est filius beatissimæ Virginis Mariæ, nihilominus super omnes istas matres superior est auctoritate, & eminentia potestatis. Similiter non est inconueniens, quòd Papa, cum hoc, quòd sit filius Ecclesie, quia sacramento baptismi regene-

ratus, sit etiam Pater Ecclesie; vnde etiam pater patrum appellatur, & ipse vniuersitari fidelium scribens, ait in cunctis literis suis; dilectis filijs &c.

Nec hoc videtur magis inconueniens, quàm quòd dicatur princeps, caput Pastor, & magister Ecclesie, quæ à sanctis Patribus attributa leguntur Romano Pontifici. Verùm hoc etiam auctoritate Scripturæ firmamus, scribitur enim psalm. 44. & est dictum Prophetæ ad Ecclesiam, Audi filia, & vide &c. vbi dicens glossa Augustini. Sic alloquitur Propheta reginam istam: audi filia, vide: alloquitur eam tanquam vnus de Patribus. Item in eodem psalm. super illud. Pro patribus tuis nati sunt tibi filij, dicit idem Aug. & habetur in ea. quorum vices dist. 68. Sic genuerunt te Apostoli: ipsi missi sunt, prædicauerunt, ipsi patres, sed nunquid nobiscum corporaliter esse poterant vsque in posterum? ergo illorum abscessu deserta est Ecclesia, cui abisti, pro patribus nati sunt tibi filij: patres missi sunt Apostoli, pro Apostolis filij nati sunt tibi, constituti sunt Episcopi Hodie enim Episcopi, qui sunt per totum mundum, vnde nati sunt tibi ipsa Ecclesia Patres illos appellat, ipsa illos genuit, & ipsa illos constituit in sedibus Patrum; non ergo putes te desertam, quia non vides Petrum, quia non vides Paulum quia non vides eos per quos natus es, de prole tua tibi creuit paternitas: pro patribus tuis nati sunt tibi filij hæc Aug. Ex quibus clarissimè patet simul ista stare, quòd Rom. Pont. sit filius Ecclesie, quia per baptismum regeneratus, & sit pater Ecclesie ratione prædicationis, & auctoritatis, qua præest Ecclesie vt rector, & gubernator, vnde beatus Bernardus scribens ciuitati Pisanæ in quadam Apostolica, ita inquit de Innoc. Papæ honorarium, & vniuersitatis patrem, & idè non mirum si sicut ratione filiationis, Papa veneretur Ecclesiam, vt matrem, ita & ratione prædicationis præferatur Ecclesie, vt pastor grægi, vt princeps plebi, & vt rector familiaris. Ad quod satis opitulatur illud, quòd Apostolus ad Rom. vlt. salutando quosdam obseruauit, filium enim, quia erat in ordine Ecclesiastico constitutus, præponit in salutando matri suæ, sic dicens. Salutate mihi Rufum electum in Domino, & matrè scilicet carne secundum glossa & meam, scilicet beneficii, vbi glossa ordi. dicit, quòd Apostolus filium matri præponit pro Ecclesiastico officio. Quod autem dicit aduersarij, quòd Papa non potest dici pater Ecclesie, quia nullus potest dici pater suæ matris. Dicendum est, quòd falsum est, diuerso enim respectu, & secundum aliam rationem potest quis dici pater alicuius, & filius illius. Nam Christus dicitur, & filius David & pater Dauid, & filius beatæ Virginis, & pater eius, & Christus filius est mulieris, cuius est pater spiritualis. Quod autem inducitur ex Salvatore Matth. 23. Vnus est pater &c. non est ad propositum, quoniam Christus in illis verbis, vt habetur ex glossa. non vult dicere nisi, quòd vnus sit pater principalis auctor vitæ, naturæ, & gratiæ, & gloriæ, vt potest in quo viuimus, mouemur, & sumus, non autem, vult negare quin aliquo modo, participatio-

ne, scilicet quadam aliquibus alijs nomen, & ratio paternitatis conueniat. vnde Iacobi 1 dicitur. Omne datum optimum, & omne donum perfectum de sursum est descendens à patre luminis, à quo est omnis paternitas in cælo, & in terra. Præterea Scriptura sancta plena est de honore impendendo patri, & matri. Exod. 20. Et in proposito dicimus, quod Papa, participatione potestatis diuinæ sibi datæ à Deo, est pater omnium fidelium. Non est autem hic prætereundum, quod Ecclesia Romana dicitur mater nostra; siue fidelium, vnde Matth. 7. super illud, mulier enim staret. vt audiuit eos dicit glos. Mulier est mater nostra Romana Ecclesia, quod ideo putamus dictum esse.

Tum primò, quia Ecclesia Romana est magistra fidei, per quam efficiuntur filij Dei, vt in cap. omnes di. 22.

Tum secundò, quia ipsa est mater omnium Ecclesiarum Christi, in quibus fit generatio filiorum Dei, vt in c. non decet dist. 12 dicit Calistus Papa.

Tum tertio, quia veluti mater omnibus fidelibus subuenire solita est, vnde Zepherius Papa in decretis suis inquit, Tantam à Domino huiusmodi sanctæ Sedis, & Apostolicæ Ecclesiæ fundatore beato Petro Apostolorum Principe accepimus fiduciam, vt pro vniuersali Christi sanguine redempta Ecclesia impigro vigilemus affectu, & omnibus Domino famulantibus succurramus, & cunctis pie viuentibus opem feramus. Hæc ille Quocirca Adrianus Papa in epistola quadam ad Basilium Imperatorem IV. inquit. O inquam, est laudabilis, & merito à cunctis moralibus afferenda Apostolica Sedes, quæ semper catholicis subuenire consuevit, quæ semper gaudere cum gaudentibus, & flere cum flentibus non cessauit: hæc ille. Propter quam rationem inquit suprâ. Sixtus Papa in cap. omnes 2. qu. 6. Omnes Christi, qui in aliquibus pulsantur, vel erimantur gravioribus causis: quotiens necesse fuerit, liberè Apostolicam Sedem appellent, atque ad eam quasi ad matrem confugiant, Hæc ille. Et Papa Zepherinus in cap. ad Romanam Ecclesiam eadem causa, & qu. ita ad propositum inquit, Ad Romanam Ecclesiam ab omnibus, maxime tamen oppressis, esse appellandum, & concurrentum, quasi ad matrem, vt eius vberibus nutriantur, & auctoritate defendantur, & à suis oppressionibus releuentur, quia non potest, nec debet mater obliuisci filium suum. Hæc ille.

CAP. LXXXVII.

*In quo respondetur ad Sextam
rationem sumptam ex eo,
Ecclesia quod dicitur
domina.*

AD sextam rationem, quæ inducitur, quod Ecclesia sit Domina &c. & Papa non sit Dominus, sed minister &c. Respondetur negando utramque partem antecedentis,

videlicet primò, quod Ecclesia vniuersalis sit domina.

Secundò quod Papa non sit Dominus. Et ad probationem primæ partis dicimus, quod auctoritas illa Trenorum, primò ad litteram intelligitur non de vniuersali Ecclesia; sed de Ciuitate Hierusalem & vniuersitate populi Iudaici, cuius ruinam lamentabatur Prophetæ, vnde glos. ita inquit. Quomodo sedet sola ciuitas Hierus. scilicet populo expoliata ignominia plena inter hostes humiliata, olim populosa; & inter hostes gloriosa, facta quasi vidua domina gentium, regibus delituta, sacerdotibus desolata, templo prophanata, & vniuersæ gloria spoliata &c. & ita secundum litteralem sensum. Vnde sumitur efficax argumentum, vt ait Aug. auctoritas illa non est ad propositum. Caterum licet allegoricè auctoritas illa exponatur, & in glos. de Ecclesia vniuersali, non tamen ad intelligentiam aduersariorum, videlicet, quod communitas Ecclesiæ per Orbem diffusa, aut collecta synodaliter, sit domina gentium, & princeps prouinciarum. Sed exponitur, & intelligitur sic, quod Ecclesia sit domina, vt glos. iuristi. habet in prælatis, non enim Ecclesia dominatur instar vnus communis in omnibus membris suis, sed in prælatis tantum, & maxime in summo prælatorum scilicet Romano Pontifice Quoniam regimen, & principatus Ecclesiæ non est institutus, vt suprâ declarauimus, ad modum regiminis aristocratiæ, in quo summus principatus non est apud aliquem singulariter, sed apud multos, sed ad modum regiminis regalis, in quo summus principatus est apud vnum, videlicet Romanum Pontificem, sicut habetur in capit. nolite errare. di. 13. vnde ipse dicitur princeps Ecclesiæ, & vocatur Dominus noster. vnde synodus vniuersalis vocat Romanam Ecclesiam dominam in cap. oportebat di. 79. Vbi sciendum quomodo Romanus Pontifex possit, & debeat dici Dominus Ecclesiæ. & alij prælati suarum Ecclesiarum, & quomodo non est notandum, quod tangit S. Tho. in prima p. qu. 96. art. 4. dominium dupliciter accipitur. Vno modo secundum quod opponitur seruituti, & sic Dominus dicitur, cui aliquis subditur, vt seruus, hoc modo prælati Ecclesiæ non sunt Domini aliorum. Alio modo accipitur Dominum secundum quod communiter refertur ad subiectum qualitercunque: & sic etiam ille qui habet officium gubernandi, & dirigendi liberos, Dominus potest dici, & hoc modo Romanus Pontifex cum sit vniuersalis gubernator, & director omnium fidelium, potest dici Dominus Ecclesiæ siue fidelium, & ita appellatur ab omnibus. Qui modus dominationis etiâ fuisse in statu innocentie sicut etiam est inter angelos inter quos vnus ordo dominationum vocatur. Quod verò dicunt aduersarij, quod prælati Ecclesiæ sunt dispensatores, & ministri. & per consequens Papa, & ita non Domini. Dicendum est, quod ista consequentia nulla est. Tum primò, quia bene stat cum Domino, quod aliquis sit minister alterius superioris Domini, sicut de Principibus tam spiritualibus, quam secularibus, qui omnes sunt Ministri Dei, sicut Apostolus inuocat ad Roman. 13. Tum secundò, quia bene stat cum

CAP. LXXVIII.

In quo respondetur ad obiectionem septimam sumptam ex eo, quod Ecclesia est domina rerum Ecclesiasticarum.

cum domino secundo modo dicto, quod aliquis sit etiam Minister eorum, quorum dicitur Dominus, eorum utilitati seruendo; vnde Papa dicitur seruus seruorum Dei. Præterea Christus, qui fuit Regum terræ Princeps, & Dominus Dominorum est, Ministrum nostrum se vocat; vnde Marth. 20. inquit: [Filius non venit ministrari, sed ministrare. Stat ergo quod Papa sit seruus seruorum Dei mysterio charitatis, & Dominus superioritate auctoritatis; vnde falsum est, quod aduersarij dicunt: quod Papa sit Minister Ecclesiæ, sicut cuius vice, aut nomine agat; hoc enim modo solius Christi Minister est, & Vicarius, cuius vices agit in terra, vt in superioribus ostendimus in cap. 37. Ad id, quod inducitur de Bernardo libro de Consideratione, respondetur, quod beatus Bernardus dicens, quod Papa non sit Dominus, aut Romana Ecclesia, capit Dominium primo modo sumptum, videlicet secundum quod opponitur seruituti Domini autem ad seruum, vt dicit Aristotel. 8. Ethic. est prelatio tyranni ad subditum. Differt autem tyrannus a Rege, vt ibidem dicit Philosophus; quia Rex ordinat prelationem suam ab bonum gentis, cui preest propter eorum utilitatem, statuta, & leges faciens. Tyrannus autem dominatur ad utilitatem propriam, & talis dominatus non est, nec esse debet in Ecclesia. Et iste est dominatus, qui prohibetur Apostolis à Domino Marth. 20. cum ait: [Scitis quia Principes gentium dominantur eorum, & qui maiores sunt, potestatem exercent in eos;] [non ita erit inter vos, & de tali dominio loquitur beatus Bernardus,] & non de dominio secundo modo dicto. Quod verò patet ex eo, quod dicit in epistola quadam ad Eugenium Papam, vbi de duplici dominio præfato distinguens, ita loquitur: [Si Christus te misit, estimabis te non ministrari, sed ministrare venisse, & ministrare non solum substantiam, sed ipsam quoque animam, verus successor Pauli dicit cum Paulo: [Non quia dominamur fidei vestræ, sed adiutores sumus gaudij vestri; Petri hæres audiet Petrum dicentem, nec vt dominantes in Clero, sed forma facti regis.] Ecce vbi primum modum dominij excludit à Papa. De secundo subiungit sic parum post in eadem epistola: [Terribilis, prorsus terribilis est locus iste; Locus, in quo stas, terra sancta est locus Petri, locus Principis Apostolorum, vbi steterunt pedes eius, locus illius, quem constituit Dominus dominum domus suæ, & Principem omnis possessionis suæ.] Hæc ille. [Ecce quod Petrum nominat dominum domus Dei.] Et ita patet quid dicendum sit ad dictum Bernardi. Præterea ad dictum beati Bernardi respondit Archid. super cap. Fidel. extrà de Summ. Trinit. & Fide, cap. in 6. post recitatum præfatum verbum Bernardi in glossa dicentis [quod Romana Ecclesia non est domina,] dicit sic: [Quidquid Bernardus dicat, Ecclesia Romana in Canone domina nuncupatur. [79. dist. Oportebat.

CAP. LXXXIX.

In quo respondetur ad obiectionem octauam sumptam ex eo, quod Ecclesia dicitur Regina.

I Am ad obiectionem octauam sumptam ex eo, quod Ecclesia nominatur Regina, respondeamus. Dicimus autem hanc consequen-

sequentia
gina, ege
ditionis i
notandum
cientis sin
te; dona g
dona grat
ex hoc, q
quitur, q
latius, nec
Prophe
quod sit
fit excell
sublimio
maiori c
quæst. de
dens ad a
surrexit n
est Ioann
maior, p
lus fuerit
tiz: [Et r
non sit d
test esse m
rito. Hæc
quod non
est attri
tione vir
regis, se
rexeris, e
dorus d
sunt, qui
dominan
lib. 11.
bene reg
cancur. j
attribui
clerici vn
vna coll
mum 4
nominat
Sexagin
[Filios
tes.] I
immedi
mea, j
Columb
uersum e
nis, & a
tis, quon
gina dic
cap. 43.
do esse
tumfacie
text. [C
cit enim
ruis in
tate, j
varietate
glos. 2. I
Regina i
lis, quæ
glos. ordi
sunt Regi
que intu
idco dicit
Præcepto
bent, ve
regulam
Ex quib
bris dico
Tom

sequentiam nullam esse: Ecclesia dicitur Regina, ergo est maior Papa auctoritate iurisdictionis. Pro quo, & multis similibus est notandum, quod cur dona gratiæ gratumfacientes sint distincta à donis gratiæ gratis datæ; dona gratiæ gratumfacientes non arguunt dona gratiæ gratis datæ: patet, quoniam ex hoc, quod aliquis est in charitate, non sequitur, quod sit Propheta, Doctor, aut Prælatus, neque è conuerso ex hoc, quod quis sit Propheta, Doctor, aut Prælatus, sequitur, quod sit in charitate, aut ex hoc, quod quis sit excellentior Doctor, aut Propheta, aut sublimior Prælatus, sequitur, quod sit in maiori charitate; vnde sanctus Thomas in quest. de Veritate, quest. 12. art. 2. respondens ad auctoritatem illam Matth. 11. [Non surrexit maior Ioanne Baptista,] dicit, quod etsi Ioanne Baptista nullus fuit simpliciter maior, propter hoc non sequitur, quod nullus fuerit eo excellentior in gradu Prophetiæ: Et ratio sua est, quia cum Prophetia non sit donum gratiæ gratumfacientis, potest esse maior Propheta, qui est minor in merito. Hæc sanctus Thom. Secundò notandum, quod nomen Regiæ, sicut nomen Regis, potest attribui alicui dupliciter, Vno modo ratione virtutis regiminis, quo quis bene se regit, secundum illud Senecæ: [Si bene te rexeris, es dignus nomine Regis.] Et Cassiodorus dicit super Psalm. 37. [Reges terræ sunt, qui corporibus suis Diuinitatis munere dominantur.] Et Gregorius in Moralibus lib. 11. [Qui membrorum suorum motus bene regere sciunt, non immerito Reges vocantur.] Hoc modò esse Reginam legimus attribui, & animæ rationali deuotæ, & Ecclesiæ vniuersali, quæ ex sanctis animabus vna colligitur, vt ait Augustinus super Psalmum 44. [Quod verò animæ sanctæ Reginæ nomen, habetur Cantic. 6. vbi dicitur: Sexaginta sunt Reginæ,] vbi glos. interli. ait: [Filios ex amore sponsi, & regni generantes.] De Ecclesia verò vniuersali sequitur immediatè: Vna est Columba mea, perfecta mea,] vbi glos. Aymonis ira habet: [Vna Columba mea, hæc vna est Catholica per vniuersum Orbem diffusa Ecclesia, quæ ex Reginis, & adolescentibus constat.] De hoc satis, quoniam quomodo vniuersalis Ecclesia Regina dicatur, plenè diximus in primo libro cap. 43. Tertiò, considerando, quod hoc modò esse Reginam, respicit dona gratiæ gratumfacientis, sicut patet ex ipso prophetico text. [Qui inductus est per aduersarios;] dicit enim Propheta, [Assitit Regina à dextris tuis in vestitu deaurato, circumdata varietate,] id est, auro charitatis decorata, & varietate circumdata meritorum, vt inquit glos. 2. Et hinc est quod Ecclesia non dicitur Regina in omnibus membris suis, sed in illis, quæ in gratia & charitate sunt; vnde glos. ordin. super illud Cant. 6. [Sexaginta sunt Reginæ, &c.] dicit sic: [Reginæ sunt, quæ intuitu Regni Cœlestis inferunt.] Et ideò dicuntur sexaginta, quia sola dilectione Præceptorum Dei perfectionem operum habent, vel quia corporeos quinque sensus ad regulam Apostolicæ doctrinæ obtemperant. Ex quibus patet, quod Ecclesia in eis membris dicitur Regina, quæ quinque suorum

corporum sensus ad regulam Diuinæ legis disponentes per gratiam, & charitatem, thoro æterni Regis appropinquant. Ex quibus aptissimè colligitur, quod sæpè contingit, quod Ecclesia habet altiore gradum auctoritatis, & potestatis Ecclesiasticæ, in quibus non habebit præfatum nomen Reginæ, vt potè in Prælatis malis, siue malè viuentibus, malè se regentibus, & è conuerso in multis erit Regina, in quibus nihil habet auctoritatis Ecclesiasticæ, sicut patet de multis Sanctis.

Quocirca arguere ex hac appellatione, Reginæ altiore gradum superioritatis potestatis Ecclesiasticæ, videtur sapere errorem Waldensium, & Ioannis Wickliff dicentium apud solos exilientes ingratiæ gratumfacientes esse clauēs Ecclesiæ. Habemus ergo manifestum, quod ista consequentia nulla est: Ecclesia est Regina, ergo superior est Papa, auctoritate potestatis, maxime si attendamus, quod etsi beatissima Virgo Maria nouo modo hominum, sed etiam Angelorum Regina sit, clauēs tamen regni cœlorum non sunt ei datæ, sed Apostolis, vt habetur extrà de penit. & remis. cap. Noua.

Secundo modò potest attribui Ecclesiæ nomen Reginæ ratione prælationis, aut principatus; & hoc in Prælatis qui sunt rectores eius, sicut sæpè diximus, & maxime in Romano Pontifice, cui omnes Primates Mundi iure Diuino caput inclinant, qui etiam Reges dici possent, sicut supra in cap. 33. plenè ostendimus, secundum illud Psalm. 44. [Delectauerunt te filiæ Regum in honore tuo,] vbi dicit glos. ordin. [Reges dicit Apostolos, qui se, & alios in virtutibus regunt, quorum filiæ sunt omnes Ecclesiæ per eos in fide genitæ.]

Quod verò dicunt aduersarij, quod Papa non possit vocari Rex, negatur tanquam falsum; quoniam sicut supra ostendimus, cum Rex à regendo dicatur, vt ait Isid. [Et Romanus Pontifex rector sit vniuersalis Ecclesiæ, Rex conuenientissimè possit appellari.] Et ad probationem eum dicitur, quod regimen Ecclesiæ respectu Papæ non sit regale, sed politicum, dicimus, quod hoc sit falsum, sicut sufficienter probatum est in superioribus, maxime circa cap. 2. Et ad probationem, quam inducunt ex illo Matth. 20. [Scitis &c.] respondetur, quod probatio illa nullius virtutis est, quoniam per illa verba Christi non negatur Principatum Ecclesiæ esse regalem, aut monarchicum; sed tantum quod Principatus, & dominium Prælatorum Ecclesiæ non debeat esse more Dominorum, seu Principum huius Mundi, qui ideò sunt, vt dominantur in minoribus suis, Prælati verò vt seruiant; vnde beatus Chrysost. super illo verbo ita ait: [Principes Mundi ideò sunt, vt dominarentur minoribus suis, Principes autem Ecclesiæ, vt seruiant minoribus suis, vt suas utilitates neglegant, & illorum procurent.] Hæc Chrysostomus.

Quod verò vltimò inducunt, [quod Christus fugit, ne faceret illum Regem] insipienter inducunt, nec facit ad propositum; quoniam ideò fugisse dicitur, ne faceret cum Regem, vt inquit sanctus Thom. super Ioann. 1. quia cum ipse esset verè Rex,

derogasset suæ dignitati, si regnum ab hominibus receperit, qui sic Rex erat, ut eius participatione Reges omnes essent. Prouer. 8. [Per me Reges regnant.] Secundò, quia præiudicasset suæ doctrinæ, si claritatem, & robur ab hominibus acceperet; sic enim operabatur, & docebat, ut totum Diuinæ virtuti adscriberetur, & non fauori humano. Ioan. 5. [Claritatem ab hominibus non accepi.] Tertiò ut erudiret nos mundanas contemnere dignitates. Ioan. 13. [Exemplum enim dedi vobis &c.] Ecclesiastic. 7. [Noli querere ab homine ducatum, & ita patet, quòd auctoritas nullo modo probat propositum aduersariorum.]

C A P. XC.

In quo respondetur ad obiectionem nonam sumptam ex eo, quòd Ecclesia dicitur Sponsa Christi.

NONò, arguatur per aduersarios ex eo, quòd Ecclesia dicitur sponsa Christi, Papa autem non sponfus, sed paranympus, &c. Ad hanc obiectionem respondententes dicimus, quòd ratio illa in nullo fauet propositio aduersariorum, quod ex multis colligitur; tum primò, quia Ecclesia, quæ dicitur sponsa Christi, non dicit aliquam personam, aut communicatam secluso Papa, cum dicat Bernardus super Cantic. homelia 69. [Quid sponsa, nisi congregatio iustorum?] quid ipsa, nisi generatio quærentium Dominum, quærentium faciem sponfi? Secundò, quia ratio, & dignitas sponsæ conuenit etiam personæ Papæ, si sit in amore Christi; vnde ipse Bernardus in sermone de Nuptijs, dicit sic: [Sponsa Christi ipsi nos sumus, & omnes simul vna sponsa, & animæ singulorum singulæ sponsæ.] Hæc Bernardus.

Tertiò, quia ratio huius sponsalitatæ non arguit superioritatem auctoritatis, de qua loquimur; de quo rationem supra assignauimus in superiori capitulo, quia hoc respicit gratiam gratum facientem, cum sponsa dicatur propter dilectionem.

Ait enim Bernardus super Cant. homilia 77. Ecclesia dicitur Ciuitas propter collectionem, sponsa propter dilectionem, oues propter mansuetudinem; superioritas autem, & excellentia auctoritatis innititur dono gratiæ gratis datæ.

Et inde est, quòd Ecclesia dicitur Sponsa Christi in omnibus membris, quæ in Christi amore florent, id est in his membris, quæ numero, & merito sunt Christi membra. Vnde glossa super illud 2. Cor. 11. [Respondi enim vos vni viro, &c.] dicit: quòd Ecclesia in omnibus veris membris virginitatem mentis seruat, etiam non corporis. Et infra, singulariter dicit virginem, quia omnes sunt vna virgo propter fidei integræ unitatem, solidæ spei, sinceræ charitatis. Virgo sunt, quia à prauitate erroris, & ab opere malo incontaminati. Casta, quia non habent æstum malæ voluntatis.] Hæc glossa.

Et nihilominus Ecclesia non habet in omnibus illis potestatem clauium, quinimò

habet in multis, quæ non sunt inter membra vera Sponsæ, sed odientiam Deum.

Esse ergo Sponsam Christi, licet arguat fidem per dilectionem operantem, Oleez 2. [Sponsabo te mihi in fide.] Non tamen arguit auctoritatem iurisdictionis, aut superioritatem Principatus; aliàs personæ sanctæ, quæ sponsæ Christi sunt, & vocantur, superiores essent, & potestate, & auctoritate iudicij multis prælatis, qui sunt peccatores; quod est error Valdensium.

Consequentia ergo aduersariorum: vniuersalis Ecclesia est Sponsa Christi, ergo superior est auctoritate Romano Pontifice, nulla est. Vnde etiam tempore veteris Legis Ecclesiæ dicebatur Sponsa, sicut in multis locis habetur in libro Cantic. & nihilominus Moyses superior erat auctoritate tota illa multitudine Ecclesiæ; sicut in superioribus sæpè numero inducitur.

Et cum dicitur, quòd maior sit potestas regimini in Sponsa, quàm in Paranympo: dicimus, quòd verum est, nisi Sponfus aliter ordinauerit, sicut factum est hic: quoniam ipse Sponfus, scilicet Christus regimen, & gubernationem, ac curam Sponsæ suæ Romano Pontifice, tamquam Vicario suo plenè commisit.

Præterea falsum dicunt, quòd Papa non sit etiam Sponfus Ecclesiæ, sicut superius ostendimus cap. 27. Vnde Bonifacius in cap. Quoniam, extrà de immunit. Ecclesiast. lib. 6. dicit: [Nos iustitiam nostram, & Ecclesiæ Sponsæ nostræ noleutes negligere.]

C A P. XCI.

In quo respondetur ad obiectionem decimam sumptam ex eo, quòd Ecclesia errare non possit.

DECIMò obijciebatur sic: Ecclesia non potest errare, & per consequens indeuialis est; Papa errare potest, & deuiare à rectitudine tam morum, quàm fidei. Ergo Ecclesia est superior potestate, &c. Ad hoc respondentes dicimus, quòd ratio ista nulla est; quoniam hæc argumentatio nullas vires habet: Ecclesia vniuersalis errare non potest in fide, Papa verò sic. Ergo Ecclesia est maior, & superior potestate clauium, aut auctoritate iurisdictionis Romano Pontifice.

Cum enim, ut supra diximus, ista pertineant ad diuersas gratias gratis datas: distincta namque est gratia confirmationis à gratia potestatis clauium: vna non arguit aliam, ut est manifestum: aliàs quicumque esset in gratia confirmatus, non modò clauēs haberet, sed etiam in clauium potestate superior esset omni non confirmato; quod absurdum est, & à fide vniuersalis Ecclesiæ alienum. Vnde istæ consequentiæ aduersariorum non modò sunt nullæ, sed etiam videntur sapere errorem.

De hoc autem, quòd dictum est, quòd Ecclesia vniuersalis errare non potest in fide, licet plura dixerimus in libro 1. cap. 18. ubi aperitissimè declarauimus, quod in Ecclesia Dei fides, sanctitas, doctrina, prælatio, & sacra-

CAP. XCII.

sacramenta vsque in finem essent duratura : nihilominus duximus hoc hic explicandum , qualiter iuxta sanctorum Patrum doctrinam sit accipiendum , quòd Ecclesia errare non possit .

Dicimus autem hoc , quòd Ecclesia in fide , & moribus errare non possit , sic accipiendum esse , quòd Deus ita assistet Ecclesie vsque ad consummationem seculi , vt numquam vera fides deficiat in ea : nullum enim erit tempus vsque ad finem seculi , in quo non sint aliqui , etsi non omnes , qui veram fidem per dilectionem , etiam operantem , siue charitatem formatam non habeant .

Quod pulchrè ostendit Augustinus super illud Psalm. 103. [Ne auferas de ore meo verbum veritatis vsquequaque ,] sic dicit : [Ex ore suo quippè dicit , quòd vnitas corporis loquitur , in cuius membris etiam illi deputantur , qui defecerunt ad horam negando , sed poenitendo postea reuixerunt , vel etiam martyrij , quam perdidit palmam , reparata confessione sumperunt . Non igitur vsque valdè , sed sicut quidam codices habent , non vsque quaque hoc enim non omnimodè ex ore Petri , in quo erat typus Ecclesie , verbum veritatis ablatum est ; qui etsi ad horam negauit timore turbatus , tamen stendo est reparatus , & confitendo postea est coronatus . Totum itaque corpus Christi loquitur , idest Ecclesie sancte vniuersitas , in quo toto corpore , siue quia negantibus plurimis , remanserunt fortes , qui vsque ad mortem pro veritate certamen certant : siue quia ex his , qui negauerunt , multi reparati sunt : non est ablatum ex ore eius verbum veritatis vsq; valdè .] Hæc Augustinus .

De isto etiam Ecclesie priuilegio habetur Matth. 16. vbi Petro Christus ita ait : [Tu es Petrus , & super hanc petram ædificabo Ecclesiam meam : & portæ inferi non præualebunt aduersus eam ;] gloss. interlin. [non separabunt eam à charitate mea , & fide .] Super quo verbo Dominus Archidiaconus in cap. Itæ Dominus distin. 19. ita dicit : [Portæ inferi , peccata mortalia sunt , quæ dicuntur portæ inferi , quia per ea paratus est aditus ad inferos . Hæc autem non præualebunt contra Ecclesiam sic , quòd non sint aliqui boni semper in Ecclesia . Vel portæ inferi dicuntur hæreses , & schismata , quia per ea similiter est aditus ad infernum . Hæc similiter numquam contra Ecclesiam præualebunt , sic , vt eam totaliter polluant , dist. 24. q. 1. à recta .] Hæc ille .

Item eodem modo exponit sanctus Thomas in 4. distin. 6. loquendo de Baptismo , vtrum possit dari ab Hæreticis , dicit sic : [Non requiritur fides personalis offerentium ad Baptismum , nec alicuius personæ determinatæ , sed solum fides Ecclesie Militantis , quam non est possibile deficere totaliter Deo ordinante , qui dicitur Matth. vit. [Ego autem vobiscum sum vsque ad consummationem seculi .]

In quo respondetur ad vltimam objectionem fundatam super illo
Matth. 18. Dic Ecclesie .

Reliquum idem restat , vt vltimè satisficiamus obiectioni , qua aduersarij potissime fulciuntur ad probandum , quòd vniuersalis Ecclesia auctoritate , & iurisdictionis potestate superior sit Romano Pontifici , dicentes , quòd ad vniuersalem Ecclesiam , sicut ad supremum Iudicem quilibet Fidelis , & per consequens ipse etiam Romanus Pontif. remittatur . Ad quam respondentem , dicimus hoc esse falsum . Et ad probationem , quam faciunt ex illo Matth. 18. [Dic Ecclesie ,] dicimus , quod auctoritas bonè , & catholice intellecta non facit pro aduersarijs . Alia , nempe est intelligentia præfatæ auctoritatis , iuxta Sanctorum , & clarissimorum Doctorum interpretationem , quam aduersarij prætendant .

Pro cuius declaratione , quia hac auctoritate maxime aduersarij armanur , est notandum , quòd illud dictum Christi : [Dic Ecclesie ,] exponitur dupliciter , iuxta gloss. ordinar. & Expositores .

Primo sic : [Dic Ecclesie ,] scilicet tamquam Iudici denunciando illi peccatum fratris corrigendum .

Alio modo : [Dic Ecclesie ,] idest coram Ecclesia obiurga fratrem delinquentem ; vt , iuxta Hieron. in glossa ordinar. detestationi eum habeat ; & qui non poruit pudore saluari , saluetur opprobrijs . Quo notato faciemus quinque .

In primo probabimus , quòd exponendo illud , [Dic Ecclesie ,] tamquam Iudici , secundum literalem sensum : ex quo solo efficax argumentum sumitur , vt inquit tam Dionysius , quam Augustinus , per Ecclesiam non possit vniuersalis Ecclesia per Orbem diffusa intelligi .

Secundò probabimus , quòd etiam per hoc , [Dic Ecclesie ,] non possit intelligi ad literam Vniuersalis Ecclesia Conciliariter congregata .

Tertiò probabimus , quòd per Ecclesiam in prædicta auctoritate intelligatur Prælati .

Quartò soluemus rationes inductas contra hanc intelligentiam .

Quintò ostendemus etiam , quod ex sensu literali non possit rectè intelligi illud , [Dic Ecclesie ,] iuxta secundam expositionem , qua exponitur , idest coram Ecclesia , obiurga , de vniuersali Ecclesia , siue dispersa , siue synodaliter collecta .

Pro deductione omnium istorum , præsupponimus cum omnibus sacre Scripturæ Doctoribus , quòd correctio fraterna , de qua in præfata auctoritate , datur generalis doctrina , cadit sub præcepto .

Qua suppositione posita , sit ista conclusio . Per Ecclesiam , cui tamquam Iudici præcipi-

tur denunciari cuiuslibet fratris delinquentis peccatum, ex sensu literali, aut ex intentione Christi, non potest accipi Ecclesia vniuersalis per Orbem diffusa.

Ista conclusio probatur multipliciter; & primò sic:

Nullus potest intelligi rectè assignatus ab aliquo sapiente Iudex in causa aliqua, cui est impossibile, vel quasi, denunciari culpam delinquentis. Hoc est manifestum, quia talis frustra assignaretur Iudex. Sed Ecclesie vniuersali dispersæ per Orbem, non est quasi possibile simul denunciari posse peccatum cuiuslibet fratris delinquentis, ut patet. Ergo ex intentione Christi sapientissimi Legislatoris, non potest intelligi per Ecclesiam, cui tamquam Iudici est denuncianda culpa delinquentis fratris, vniuersalis Ecclesia per Orbem dispersa. Consequentia est bona. Et confirmatur, tum quia de ratione legis est, quòd sit possibilis, ut in cap. erit autem lex distincta. dicit Isidorus; tum quia, ut inquit Hieronymus, anathema sit, qui Deum dixerit aliquid impossibile præcepisse.

Secundò sic: ad nullum tamquam ad Iudicem sapiens Legislator remittit aliquem, qui non potest exire in actum, siue exercitium iudicii, audiendo querelas, condemnando reum, vel absolviendo innocentem; & ista videtur manifesta. Sed vniuersalis Ecclesia per Orbem diffusa non potest exire in actum iudicii, ut est manifestum, cum non esset in vno loco congregata. Ergo Legislator Christus nullum hominem remittit ad Ecclesiam vniuersalem, quæ per Orbem diffusa est, tamquam ad Iudicem. Ergo per Ecclesiam, de qua Christus in Euangelio inquit, [Dic Ecclesie,] non potest verè intelligi Ecclesia vniuersalis.

Tertiò sic, vniuersali Ecclesie, quæ dicitur collectio omnium Fidelium, nec in singulis membris, nec in omnibus simul vniuersitati sunt datæ clauis Regni Cælorum, aut potestas Ecclesiasticæ iurisdictionis, ut manifesta luce ostendimus in superioribus. Ergo ad eam, ut ad Iudicem nullus remittitur. Consequentia est bona, quoniam cuius non est potentia, eius non est actus, ut dicit Aristot. in libro de sono, & vigilia. Ergo falsum est, quòd ad Ecclesiam vniuersalem remittatur quis, sicut ad Iudicem. Et hæc de primo.

Secundum verò, quòd per Ecclesiam, ad quam, ut ad Iudicem dicitur remitti quilibet Fidelis, non possit intelligi ex intentione Christi, siue ex sensu literali vniuersalis Ecclesia conciliariter congregata, probatur ex multiplici capite.

Primò ex raritate congregationis vniuersalis Ecclesie. Planè non est credendum, quòd sapientissimus Legislator cum vniuersalem Iudicem, & supremum poneret in Ecclesia ad correctionem peccatorum, quæ quotidie est necessaria in Ecclesia, quem rarissimè contingit pro tribunali sedere, & maximè eum, qui per plures annos non conueniret ad iudicium. Patet, quia sic periret iustitia, & correctio non haberet locum; sed vniuersalis Ecclesia rarò congregatur; immò quòd que plus quam per centum annos non fuit celebratum vniuersale Concilium. Ergo nullo

modo credendum est, quòd ad talem Iudicem sapientissimus Christus Fideles suos remittit voluit, siue ordinauerit.

Secundò idem ostenditur: dato etiam, quòd semper celebraretur Synodus aliqua, vniuersalis, ex eo, quòd insoportabili onere grauaretur populus Christianus, si pro adimplendo præcepto de correctione fraterna tenere nec Fideles venire ad Ecclesiam vniuersalem actu congregatam.

Planè huius insoportabilis grauitas repugnat suauitati legis Christi, iuxta illud Deuteronom. 30. [Mandatum hoc, quòd ego præcipio tibi hodie, non est supra, nec procul positum in Cælo situm, ut possis dicere, quis nostrum ad Cælum valet ascendere, ut deferat illud ad nos, ut audiamus, & opere compleamus? nec trans Mare positum, ut cauearis, & dicas: quis ex nobis transiret potest, & illud ad nos deferre, ut possumus audire, & facere, quòd præceptum est? sed iuxta est valde: glossa interlin. Mandata Dei temperata, & moderata sunt humanis viribus.]

Et Mat. 11. dicit ipse Legislator: [Iugum enim meum suauis est, & onus meum leue,] planè non leue esset præceptum Diuine legis de correctione fraterna, si fidelis quilibet illud adimpleret ad vniuersale Concilium, actu existens venire teneretur. Ad quod proculdubio obnoxius esset venire, si per Ecclesiam, cui denunciandum est peccatum fratris delinquentis, vniuersalis Ecclesia Synodally congregata ex Christi intentione venire intelligenda. Quocirca manifestum videtur non esse de intentione Legislatoris Christi per Ecclesiam in prædicta auctoritate designare vniuersalem Ecclesiam, siue dispersam, siue congregatam. Quæ ratio maximè ex eo loco Diuine legis confirmatur vbi Deuter. 17. iudices in portis esse. Et primò Machab. 14. in plateis sedere leguntur, quòd idèo à Deo stabilitum esse creditur, ut administratores iustitiæ in promptu, & sine difficultate haberi possent, quòd de Conciliis vniuersalibus contingere non potest.

Tertiò sic, ita femina tenentur ad correctionem fratrem, quem admodum viri, & pauperes sicut, & diuites, hoc est manifestum, sed femina non remittuntur ad Ecclesiam, nec dispersam, nec Synodally congregatam, tamquam ad Iudicem, cui proximi denuncianda est culpa commissa, ut patet, ergo sequitur, quòd per illud: [Dic Ecclesie:] non potest rectè accipi vniuersalis Ecclesia, etiam actu Synodally congregata, consequentia est bona, quia alias femina tenentur ire ad vniuersalia Concilia ad denunciandum delinquentium vitiorum, aut mulierum, culpas, & maleficia, & ita omnes fideles, siue pauperes, siue diuites, quòd est absurdum.

Quartò nihil, quòd est impeditum iustitiæ, perturbatum pacis Ecclesie, occasio multorum schismatum, & per quod ratione appellationum, quæ interuenient in omni causa ad illum supremum Iudicem, vacarent omnia tribunaia Prælatorum, & Iudicum: creditur institutum à Christo, qui est Rex iustitiæ, & pacis amator, sed omnia ista mala sequerentur, si Ecclesia vniuersalis cōgregata, esset instituta Iudex, ad quem cum frater delin-

linquens non audiret fratrem corripientem esset recurrendum, patet, quia Ecclesia raro congregatur, & congregata, nec ad eam possent omnes fideles Orbis concurrere, nec etiam mittere denunciations omniū finilium fratrum delinquentium, ut patet, ergo nullo modo est dicendum, quod per Ecclesiam intelligatur vniuersalis Ecclesia congregata, etiam cum dicitur: [Dic Ecclesiz.]

Quintò sic, Concilium vniuersale institutionem, & robur auctoritatis accipit à Papa, ut distict. 17. per totum, & extrà de elect. cap. significasti, ergo sequitur, quod Papa non remittitur ad Concilium vniuersale, sicut ad iudicem suum superiorem consuetudine est manifesta.

Sextò arguitur sic, Concilia vniuersalia sunt humana institutione introducta, ut patet in cap. Canones distict. 16. & 17. ergo non potest rectè intelligi secundum sensum litteralem per Ecclesiam, cum dicitur: [Dic Ecclesiz.] Concilium vniuersale, patet consequentia, quia aliàs institutio, & celebratio Concilij vniuersalis esset diuina lege, & non tantum humana institutione, quod non videtur, ergo manifestum est, quod per Ecclesiam, cui tamquam iudici peccatum delinquentis fratris incorrigibilis denunciandum est, ex sensu literali, & intentione Legislatoris Christi non potest intelligi Ecclesia vniuersalis, nec dispersa per Orbem, nec Synodaliter congregata. Et hæc de secundò.

Tertiò verò, quod scilicet per Ecclesiam, cui tamquam iudici denunciandum est peccatum fratris delinquentis, & incorrigibilis, ex intentione Christi sit intelligendum Prælatus, multiplices Sanctorum, & clarissimorum Doctorum testimonio probatur.

Primò ex eo arguitur manifestè, quod Christus non vniuersali Ecclesiz dispersæ, aut congregatæ, sed Apostolis, & eorum successoribus Prælati, ait. [Amen dico vobis, quæcumque alligaueritis super terram, erunt ligata & in Cælo.] Vbi gloss. Hieronym. dicit sic: [hic potestatem tribuit Apostolis, Prælatis ergo vniuersitatum sunt, ad quos tamquam ad iudices fideles remittuntur, & non ipsæ vniuersitates.]

Secundò hoc idem ostenditur auctoritate beati Chrysostomi, qui super Matthæum, ut habetur in glossa continua, exponit sic: [Dic Ecclesiz.] id est his, qui Ecclesiz præstant.

Tertiò idem arguitur ex glossa decreti in capitulo si peccauit 2. quest. 1. quæ ita habet: [Dic Ecclesiz.] id est Sacerdoti.

Quartò idem ostenditur ex interpretatione Apostolicæ Sedis in cap. nouit. extra de iudic. vbi ly [Dic Ecclesiz.] de Pastore, & Rectore vniuersalis Ecclesiz interpretatur, & exponit.

Quintò ostenditur auctoritate B. Thomæ, qui tam in 4. distict. 19. quàm in 2.2. qu. 34. in materia de correctione fraternæ exponit: [Dic Ecclesiz.] id est Prælato in iudicio præstanti.

Sextò auctoritate eiusdem sancti Thomæ in tractatu de correctione fraternæ, vbi exponens prædictam auctoritatem dicit, præceptum de correctione potest pertinere ad

omnes, vel ad Prælatos, si ad omnes communiter, tunc Ecclesia non vocatur hic congregatio, sed Prælatus, si istud pertineat ad Prælatos, tunc sensus est: [Dic Ecclesiz.] id est congregationi fidelium, & debet coram ea excommunicari, ut sit diuisus ab Ecclesia per sententiam excommunicationis, & donec redeat, ab Ecclesia debeat vitari, & haberi sicut Ethnicus, & Publicanus. Ad idem est sanctus Thomas super Matthæum, sic dicens, [Dic Ecclesiz.] id est toti multitudini, ut confundatur, & qui noluit sine confusione corripi, cum confusione corripiatur, est enim confusio adducens gratiam. Vel [dic Ecclesiz.] id est iudicibus, ut corrigatur, secundum illud Deuteronomio. 22. Si generit homo, filium contumacem, & proterum, apprehender eum, & adducat ad seniores Ciuitatis. Hæc sanctus Thomas.

Septimò patet ex sententia Domini Alfisiodoren. in summa sua 3. lib. cap. 31. rubrica, quomodo sit intelligendum hoc præceptum, si peccauerit in frater, &c. cuius sententia est, eadem quasi in forma cum illa, quæ posita est sancti Thomæ in tractatu de correctione fraternæ.

Octauò, ad idem est Dominus Hugo Cardinalis primus postillator Bibliæ, qui iuxta duas gloss. quæ ponuntur in gloss. continua. quarum vna dicit: [Dic Ecclesiz.] id est his, qui Ecclesiz præstant, & alia dicit: [Dic Ecclesiz.] id est toti Ecclesiz, ut maiorem erubescerentiam habeat, dicit super Matth. sic. Si priuata persona corripit, sic exponendum est: [Dic Ecclesiz.] id est coram Prælato Ecclesiz cum conuince per testes, quos noluit audire corripientes, & hoc iuxta primam gloss. Si verò Prælatus corripit, sensus est: [Dic Ecclesiz.] coram Ecclesia, scilicet congregatione fidelium excommunicata.

Nonò, eadem sententia quasi formaliter venerabilis Magister Nicolaus Goram super Matth.

Decimò, ad idem est Dominus Albertus Magnus, qui super Matth. ita exponit: [Dic Ecclesiz.] id est Prælato in conuentu, siue in Synodo, etsi Ecclesiam non audierit, ut secundum arbitrium Prælati corrigatur, sit tibi tamquam Ethnicus, & Publicanus. Hæc Albertus.

Vndecimò, ad idem est communis postillator Magister Nicolaus de Lyra, qui super Matth. ita exponit: [Dic Ecclesiz.] id est Prælato.

Duodecimò confirmatur ex practica, & consuetudine obseruata à sanctis Patribus, & ab vniuersitate fidelium ab ipso nascentis Ecclesiz exordio. Manifestum est autem, quod practica obseruata in Ecclesia Dei circa obseruantiam præcepti, siue ordinis de correctione fraternæ, semper fuit, & est denunciare Prælato, & non vniuersali Ecclesiz, siue dispersæ, siue congregatæ fratris delinquentis peccatum. Cum ergo consuetudo obseruantiz sit interpretis legis, ut dicit Augustinus in libro de mendacio, ex factis Sanctorum colligemus, quid in scripturis sentire debeamus. Manifestum est, quod verus, & proprius, ac principalis intellectus præfate auctoritatis sit, ut per ly Ecclesiam, cui tamquam iudici denunciatio fienda est, siue ad quem fidelis remittitur,

tur, Prælatuſ Eccleſiæ intelligi debeat, ſiue accipiendus veniat, & non vniuerſalis Eccleſia, aut per Orbem diſperſa, aut Synodaliter congregata. Quibus teſtimonijs conſideratis, valde ridiculum eſt, & ſatis abominabile, quod aduerſarij contemptis tantorum ſanctorum, ac Patrum, & Doctorem teſtimonijs, & aſſertionibus, præſumant ſacram Scripturam ad propriam voluntatem exponere, ſimiles illis de quibus Clemens Papa in cap. perlatum diſtinct. 37. loquitur dicens. Perlatum nobis eſt, quod quidam in partibus veſtris commorantes ſanis doctrinis aduerſantur, & prout videtur non ſecundum traditionem Patrum, ſed iuxta ſuum ſenſum docere videntur. Et hoc tantum dictum ſit de tertio articulo.

Quartò reſtat reſpondere, ad rationes aduerſariorum.

Ad primam cum dicitur, quod non poſſit per Eccleſiam intelligi Prælatuſ, quia Chriſtus loquebatur Petro, qui futurus erat Prælatuſ Eccleſiæ, & nulluſ ad ſe remittatur, per conſequens non Prælatuſ, ſed vniuerſalis Eccleſia ſit intelligenda, eo modo, quo haberi poſſet, ſcilicet Synodaliter. Ad hoc reſpondetur, quod ratio non militat. Pro quo primò notandum, quod hæc doctrina de correptione fraterna data à Chriſto, generalis eſt omnes fideles reſpiciens, & non ſolum Petrum, licet ad ipſum ſpecialiter in figura totius Eccleſiæ directuſ ſit ſermo in ſignum Principatuſ ſui, ad quem à Domino erat electuſ, & ita Legislator Chriſtuſ tam ſubdituſ, quam Prælatuſ ad obſervantiam huiuſ præcepti aſtringere voluit. Verum, vt ſuperiùs commemorauimus ex ſententia beati Thomæ in tractatu de correptione fraterna, & Hugonis Cardinalis, & Magiſtri Nicolai Gorram ſuper Math. exponentes iuxta duas gloſſas. ordin. dupliciter hunc text. Alia eſt intelligentia huius nominis Eccleſia, quando priuata perſona corrigit, & alia quando publica perſona. Nam ſi priuata perſona corrigit, tunc eſt ſenſuſ: [Dic Eccleſiæ,] id eſt Prælatuſ. Si verò publica perſona corrigit, tunc eſt ſenſuſ: [Dic Eccleſiæ,] id eſt coram congregatione cum excommunicata, vt ſic, quemadmodum ait Hieronym. in gloſſ. multorum deteſtationi habituſ, opprobrijs ſaluetur, qui pudore ſaluari non potuit. Sed cum hoc modo Prælatuſ remitti ad Eccleſiam, non ſit remitti ad ſuperiorem, ſiue ad Iudicem, vt de ſe patet, manifeſtum eſt, quod ratio aduerſariorum, non probat inrentum.

Præterea ſecundò, ratio præſata non procedit, quoniam non videtur inconueniens, quod quicquid remittatur ad ſeipſum ſecundum aliam, & aliam habitudinem conſideratum. Prælatuſ enim, vt ait S. Thom. in 4. diſt. 19. q. 2. dupliciter poſſet conſiderari, aut ſecundum quod in iudicio præſidet, & ſic dicere Prælatuſ, inquit, eſt dicere Eccleſiæ, per quem modum perſona in prælatione conſtituta poſſet à ſe, vt eſt priuata perſona remitti ad ſe, vt eſt perſona publica, & tunc dicere Eccleſiæ, nihil aliud eſt, quam exire in actum iudicii puniēdo, & corrigendo fratrem delinquentem, qui denunciatus eſt. Quod beatus Gregorius ſcribens Ioanni Patriarchæ Conſtantiopolitano ſuper vſurpatione vocabuli vniuerſalis

epiſtola 266. offendit ſic dicens. [Nos quidem, in quibus talis, tantaque per aſum nepharium culpa committitur, ſeruamus, quod præcipit veritas dicens. [Si peccauerit in te frater tuuſ, corripere eum inter te, & ipſum, ſi autem te non audierit, dic Eccleſiæ:] Si verò Eccleſiam non audierit, ſit tibi ſicut Ethnicuſ, & Publicanuſ. Ego itaque per reſponſales meoſ ſemel, & bis verbis humilibuſ hoc, quod in tota Eccleſia peccatur, corripere ſtudi, per me ſcribo quicquid humiliter facere debui, non omiſſi, ſi in mea correptione deſpiciat, reſtat, vt Eccleſiam debeam adhibere. Hæc B. Gregoriuſ. Vbi Eccleſiam adire, vel adhibere, eſt cenſuram Eccleſiaſticam apponere, ſicut fecit, non conuocando ſuper hoc aliquod Conciliuſ vniuerſale. Præterea, hoc modo ait Nicolauſ Papa in cap. præcipue, vbi ita dicit Regi Lothario. Cæterum caue, ne quando noſ ſecundum præceptum Domini duoſ, vel treſ teſtes adhibeamuſ, immò verò hoc ſanctæ Eccleſiæ dicamuſ, & quod non optamuſ, decreto cunſiſ ſias Ethnicuſ, & Publicanuſ. Quod verò ibi per Eccleſiam, non aliud Iudicem, quam ſeipſum intelligat, patet ex gloſſis. quæ in eo loco dicit. Sic ergo in cauſa denunciationis idem poſſet eſſe iudex, & accuſator, & teſtiſ, vt extra de ſymon. cap. licet. Cæterum ipſe beatus Petruſ, in cuiuſ perſona, hæc conſtitutio diuina primò emanauit, abſque hoc, quod vniuerſali Eccleſiæ diceret, aut vniuerſale conciliuſ conuocaret, Ananiam, & Saphiram eiſ coniugem ſua auctoritate damnauit. Nimiſ plane foret periculoſum aſſerere beatuſ Petruſ, alioſque ſanctuſ Patreſ tranſgreſſoreſ eſſe diuini præcepti, qui ad correptionem peccatorum abſque denunciando vniuerſali Eccleſiæ, ſua auctoritate proceſſerunt. Et hæc ad primam rationem dixiſſe ſufficiat.

Ad ſecundam rationem cum dicit, quod nomen Eccleſiæ ſit collectivuſ, & per conſequens non poſſit per Eccleſiam intelligi Prælatuſ, ſed vniuerſitaſ. Reſpondetur, quod ratio nulla eſt, quoniam ſæpe nomine communitatiſ exprimitur, & intelligitur Prælatuſ, aut Princepſ eiſ.

Et ratio eſt: quoniam vt inquit Ariſtotel. 9. ethyc. [Ciuitaſ eſt id, quod principaliffimuſ eſt in ea; vnde quod facit Prælatuſ, dicitur facere Eccleſia.] Adde quod intelligitur de ea parte vniuerſitaſ, quæ iuriſdictioniſ eſt capax, non de tota, quæ non eſt capax. Vel de tota Eccleſia intelligi poſſet, prout Eccleſiæ ſententia iudiciſ denuntiatur.

Ad tertiam rationem cum dicit, quod gloſſas ordin. dicit, dic Eccleſiæ, id eſt toti Eccleſiæ, & ita per conſequens non eſt exponenda illa litera de prælatuſ, reſpondetur, quod ratio illa non militat, quoniam gloſſas illa non fauet propoſito aduerſariorum, ſed magis eorum intentionem infirmat, ſi gloſſas illa more eorum, qui non contentioniſ, ſed inquisitioniſ veritatis ſtudent, integrè legatur. gloſſas autem illa ita habet, vt dic toti Eccleſiæ, vt maiorem erubeſcentiam patiatur, in quo verbo nihil auctoritatiſ attribuitur communitati, vnde ſequitur in gloſſa: hæc omnia ſequatur excommunicatio, quæ fieri debet per oſ Eccleſiæ, id eſt per Sacerdotem, vbi manui-

C A P. XCIII.

*Quòd Romanus Pontifex extra casum
hæresis, non habeat Iudicem supe-
riorem in terris.*

manifestè innuit, quòd non per communica-
tam illam Ecclesiæ, sed apud Prælaturam, qui
os, & vertex est Ecclesiæ, sit auctoritas iudi-
cij, quo excommunicante, siue puniente, tota
illa Ecclesia, quæ est corpus eius, cuius assen-
su, & approbatione in contumacem fratrem
condemnationis sententiam profert, dicitur
cum eo operari. Et ita patet, quòd illa glos.
non intendit dicere, quòd quando commu-
nicati Ecclesiæ præcipitur denunciari fratris
delinquentis peccatum, quòd denunciatur ei
sicut iudici, sed sicut coram quo frater ipse
contumax obiurgandus, aut excommunican-
dus veniret. Qualitèr autem etiam intelli-
genda veniat illa totalitas Ecclesiæ, de qua
glos. loquitur, cum ait, dic Ecclesiæ, idest
toti Ecclesiæ, infra in sequenti articulo expli-
cabitur. Et hæc de quarto.

Restat iam declarare, quòd quinto loco
polliciti sumus, videlicet probare, quòd ex
sensu literali, illud, dic Ecclesiæ, idest coram
Ecclesiâ obiurga, siue excommunicare, non
possit rectè intelligi de vniuersali Ecclesiâ
dispersa, siue synodaliter collecta. Quod fa-
ciliter ostendimus ex rationibus, quibus pro-
bauimus, quòd etiam iuxta expositionem
primam non poterat vniuersalis Ecclesia ac-
cipi nomine Ecclesiæ, cum dicitur, dic Ec-
clesiæ, scilicet tamquam iudici.

Primò, ex impossibilitate denunciandi,
aut obiurgandi aliquem coram tota vniuer-
sali Ecclesiâ per Orbem dispersa; fidelibus
enim in diuersis regionibus Orbis constitutis,
hæc adimplere non esset possibile.

Secundò, ex insupportabili onere, quo
grauaretur populus Christianus, & etiam Præ-
latorum, si fideles tenerentur venire ad vni-
uersalem Ecclesiâ congregatam ad obiur-
gandum quemlibet fratrem contumacem, aut
singuli Prælati ad excommunicandum illum;
planè hoc esset insupportabile onus, quòd
non paritur suauitas diuinæ legis, sicut supe-
rius ostendimus.

Tertiò, quia ex huiusmodi difficultati-
bus periret iustitia, & omnis disciplina à re-
publica Christiana, cum raro posset fieri ius-
titiz executio, non est ergo illa totalitas Ec-
clesiæ, de qua dicitur in glossa præfata, dic
Ecclesiæ, accipiendum ita vniuersaliter, vt per
totam Ecclesiâ intelligatur vniuersalis Ec-
clesia, sed est accipienda strictè; videlicet,
quandoque pro Collegio Dominorum Cardi-
nalium, quandoque pro congregatione vni-
uersali, quandoque pro congregatione
vnius communitalis vnius populi, quando-
que pro congregatione vnius familiæ. Hoc
enim modo accommodata locutione, sæpè
numero sacra Scriptura vitur nomine vni-
uersalis Ecclesiæ, sicut Apostolus ad Rom.
vlt. ait: [Salutat vos Gaius hospes meus, &
vniuersa Ecclesia;] vbi per vniuersam Ecclē-
siā solam prouinciam Gai intelligit, vt ait
glos. Et hoc de quinto articulo. Et per con-
sequens de responsione ad auctoritatem illam
Matth. 18. Dic Ecclesiæ.

Dilucidata in superioribus amplitudine,
& superioritate primatus Romani Pon-
tificis, luce clarissima patet, quòd Romanus
Pontifex verus, & indubitatus, extrà casum
hæresis, pro sublimitate principatus sui iudi-
cem non habeat superiorem in terris. Quæ
conclusio licet in superioribus apertissima se-
quela habeatur, nihilominus pro ampliori il-
lustratione veritatis, multiplici via demon-
stratur, Primò, rationibus. Secundò, sacra
Scripturæ exemplis. Tertiò, sanctorum Pa-
trum auctoritatibus. Quarto, sanctorum Con-
ciliorum definitionibus. Quintò, à Apostoli-
cæ Sedis determinatione. Sextò, clarissimor-
um Doctorum sententia, & doctrina.

Circa primam viam, scilicet per ratio-
nes arguitur.

Primò sic: ille qui est omnibus superior
in terris, non habet iudicem superiorem in
terris; ista patet, quoniam idem non potest
esse respectu eiusdem, vel eorundem esse su-
perior, & inferior, sed Papa est omnibus Ca-
tholicis superior, cum sit Princeps, & Caput
eorum, vt superius tam ex sacra Scripturæ,
quàm sanctorum Patrum testimonijs ostendi-
mus; ergo Romanus Pontifex non habet iu-
dicem superiorem in terris; vnde glos. super
illud Psalm. [Tibi soli peccaui,] inquit, quia
Rex est omnibus superior, ideo à Deo tan-
tum, qui est maior eo puniendus est, si quis
de populo errauerit, & Deo peccat, & Regi:
Rex verò non habet hominem, qui sua facta
dijudicet, & ideo ait: [Tibi soli peccaui.]
Confirmatur ista ratio: Si Papa haberet iu-
dicem aliquem in terris extrà casum hæresis
superiorem, iste iudex, aut esset potestas ali-
cuius secularis Principis, aut potestas Con-
cilij vniuersalis: hoc videtur manifestum à
sufficienti diuisione. Non potestas secularis,
vt patet, & aperta luce colligitur ex multis,
vt ex cap. suscipitis dist. 10. quod est Gregorij
Nazianzeni, & ex cap. definimus, quod est
oñtæ Synodi vniuersalis. Non potest etiam
dici, quod sit Concilium vniuersale, patet,
quia Concilium non habet potestatem supe-
riorem potestati Papæ; immò potestas ipsa
Concilij, cum sit à potestate Papæ, vt in cap.
significasti de elect. & dist. 17. per totum, vna
& eadem est cum illa, vnitæ ordinis, & de-
pendentiæ, sicut de lumine Stellarum, & Solis
dicimus, & per consequens Concilium vni-
uersale non potest esse iudex Papæ veri, & in-
dubitati, cum ordinarius iudicium non ha-
beat fieri, nisi per potestatem superiorem, vt
in cap. inferior dist. 21.

Secundò sic: in omnibus ordinatis ad
iuricem, prima agunt in posteriora, & non
è conuerso, sed Romanus Pontifex est pri-
mus, & supremus in toto ordine Ecclesiæ;
ergo ipsius est corrigere, & iudicare alios, &
non è conuerso, consequentia est manifesta, &
antecegens patet.

Tertio sic: confirmando eandem rationem, sicut in ordine totius vniuersitatis quo ad esse naturæ in genere mobilium, & motuum non est processus in infinitum; nec ordinis retrogradatio, vt Aristotelis demonstrat, sed deuenitur ad vnum, quod sic omnia mouet, quod a nullo alio mouetur in genere illo, ita videtur dicendum in ordine vniuersitatis Ecclesiasticæ, quo ad esse disciplinæ, quod sit deueniendum ad vnum, qui omnes habet corrigere, & iudicare, & a nemine in ordine isto iudicari possit; consequentia videtur nota, quoniam non minus resplendet pulchritudo Diuinæ sapientiæ in genere gratiæ, quam in genere naturæ, hic autem est Romanus Pontifex, qui in genere regiorum, & iudicium habet supremum locum, vt potest totius Ecclesiæ Princeps, & Rector; ergo in terris non habet iudicem superiorem.

Quarto sic: ille cuius auctoritate maius non est iudicium in terris, non habet iudicem superiorem in terris, ista est manifesta de se, & colligitur aperte ex cap. cum inferior, dist. 19. sed Romanus Pontifex est hic: dicit enim Nicolaus Papa in cap. patet 19. quæst. 3. Patet professio Sedis Apostolicæ, cuius auctoritate maius non est iudicium, a nemine fore retractandum, nec cuiquam de eius iudicio iudicare; ergo sequitur, quod Romanus Pontifex non habet iudicem superiorem in terris.

Quinto sic: ille qui solius Dei referuatus est iudicio, non habet iudicem in terris, cuius iudicio sit subiectus, sed causæ Papæ sunt singulariter referuata diuino iudicio; ergo quamdiu nianet Papa, solum Deum habet iudicem, consequentia est nota maior patet; minor habetur in cap. aliorum p. quæst. 3. vbi sic ait Symmachus Papa. Aliorum hominum causas Deus voluit per homines terminari, sed Sedis istius Præfulem suo sine quæstione referuauit arbitrio, voluit beati Petri Apostoli successores cælo tantum debere innocentiam, idest rationem de sua innocentia, vt exponit Archid.

Sexto sic: Romanus Pontifex est primus, & supremus Vicarius Christi, vices eius gerens in Ecclesia, vt superius ostensum est, & ita potestas sua non est primaria, sed delegata, seu vicaria, sed talis potestas non habet supra se, nisi potestatem principalem eius, a quo instituta est, nisi principalis illam alteri submiserit, sed non reperitur, quod Christus, qui principalis est Ecclesiæ Rector, & Pastor, Romanum Pontificem Vicarium suum alicui personæ, aut communitati submiserit, sed vt sancti Patres dicunt, vt in cap. aliorum iam inducto, & in cap. facta subditorum: Deus referuauit sibi iudicium illius; ergo sequitur idem, quod prius.

Septimo sic: ille, a quo non licet appellare, non habet superiorem in terris, patet, quia ab inferiori ad superiorem est licitum appellare. 2. qu. 7. placuit, sed a Papa appellare non licet, 9. qu. 3. cap. ipsi sunt, & cap. cuncta; ergo Papa non habet iudicem superiorem in terris.

Secunda via, videlicet sacræ Scripturæ auctoritate, siue exemplis, patet eadem conclusio: dicitur enim Exodi 19. [Bestia, quæ tetigerit montem, lapidabitur.] Et 2. Reg. 6.

habetur, quod Oza percussus est a Domino, quia arcam tetigit. Per arcam, & montem intelligitur Prælati, per bestiam autem, & Ozam designatur subditi, vt notatur 2. qu. 7. s. Ex his, vbi manifeste ex ipsa animaduersione instruitur grauitur eos Diuinam Maiestatem offendere, siue dispersos, siue congregatos, qui Prælatum suum tactu correctionis tangere præsumunt. Præterea hoc ipsum nos docet Regum historia, 1. Reg. 24. vbi habetur, quod licet Saul iam a Domino reprobatus esset, & ex inuidia Dauid electum quæreret ad perdendum: nihilominus Dauid graniter dolens, percussit cor suum, quod oram chlamydis præcidisset illius: dixitque ad viros, qui Saul extinguere moliebantur: Propitius sit mihi Dominus ne faciam hanc rem Domino meo Christo Domini, vt mittam manum meam in eum, quia Christus Domini est; viuit Deus, quia nisi Christus percussisset eum, aut dies eius venerit, vt moriatur, aut descendens in prælio perierit, non mittam manum meam in Christum Domini. Per Saul, vt dicit Gratianus in loco pernominato, Prælati intelliguntur, per Dauid subditi. Chlamydem verò Regis præcidit, qui Prælatum suum sententia damnationis ferit, quod minimè subditi licet, quia facta pastoris oris gladio ferienda non sunt, quamquam reprehendenda rectè videantur, vt in cap. oues 2. quæst. 7. quod inferius inductur. Quæ historia maxime proposito nostro seruire censetur, si Augustinum audiamus lib. 1. quæstionum Noui, & Vetricis Testamenti, ita quærentem, & respondentem, qua ratione Dauid Saul, postquam Deus ab eo recessit, Christum Domini vocat, & desert ei, non nescius Dauid, Diuinam esse traditionem in officio ordinis regalis, idcirco Saul in eadem adhuc traditione positum honorificat, ne Deo iniuriam facere videretur, qui his ordinibus honorem decreuit. Dei enim imaginem habet Rex, sicut & Episcopus Christi, quamdiu ergo in ea traditione est, honorandus est, si non propter se, vel propter ordinem. Vnde Apostolus omnibus, inquit, potestatibus sublimioribus subditi esto, non est enim potestas, nisi a Deo. Quæcumque sunt, a Deo ordinata sunt. Cæterum hoc confirmatur ex illo Luc. 12. vbi ait Saluator: Quis putas est fidelis dispensator, & prudens, quem constituit Dominus super familiam suam; Glos. interlin. idest Ecclesiam: Vt det illis in tempore tritici mensuram: Beatus ille seruus, quem cum venerit Dominus, &c. Et sequitur: Si dixerit seruus ille in corde suo: moram facit Dominus meus venire, & caperit percutere pueros, & ancillas, & edere, & bibere, & inebriari. Et sequitur: Veniet Dominus serui illius in die, quæ non sperat, & hora, quam nescit; glos. iudicii, vel mortis, & diuidet eum: glos. a consortio fidelium, partemque eis cum infidelibus ponat; hæc ibi: Ecce, quod Saluator iudicium sibi referuat serui delinquentis, scilicet Summi Pontificis, quem super familiam suam, idest Ecclesiam, Pastorem constituit, atque Rectorem.

Tertia via, videlicet sanctorum Patrum, & Romanorum Pontificum auctoritatibus sic præfata conclusio demonstratur.

Est in primis ad hoc beatus Anacletus Papa,

papa, & Christi martyr, qui vt habetur in Canone electionem, distin. 79. ita dicit: Electionem Summorum Pontificum sibi Dominus reseruauit, licet electionem eorum bonis Sacerdotibus, & spiritualibus populis concessisset, vbi inquit gloss. & ita fallit regula, ad quam spectat institutio, & destitutio, 16. qu. 2. vltis.

Secundo, ad hoc expressè est auctoritas B. Bonifacii Papæ, & mart. qui vt in c. si Papa, habetur dicit: Huius, scilicet Rom. Pontif. culpas redarguere præsumit nullus, quia, cunctos ipse iudicaturus, à nemine est iudicandus, nisi deprehendatur à fide deuius. Ad id verò, quod dicit hic gloss. respondebitur infra.

Tertio, ad idem est auctoritas Innoc. qui in cap. nemo 9. quæst. 3. sic dicit: Nemo iudicabit primam sedem iustitiam temperare desiderantem, neque enim ab Augusto; nec ab omni Clero; nec à Regibus; nec à populo Iudex iudicabitur. Quæ verba veniunt intelligenda diuifim, & coniuñctim. Vnde, gloss. hic ait: Argumentum, quod Concilium non potest Papam iudicare, vt extrà de elec. 8. significasti.

Quarto, ad idem est Gelasius Papa ea cau. & quæst. in cap. ipsi sunt, vbi ita inquit: Ipsi sunt canones, qui appellationes totius Ecclesiæ ad huius sedis examinem voluerunt deserre, ab ipsa verò nulumquam prorsus appellare debere sanxerunt, ac per hoc illam de tota Ecclesiâ iudicare, ipsamque ad nullius commovere iudicium, nec de eius vnquam, perceperunt iudicio iudicari, sententiamque eius constituerunt, nec oportet dissolui, cuius potius sequenda decreta mandarunt. Ex quibus manifestè datur intelligi, quod Romanus Pontifex superior sit omnibus, & iudex totius Ecclesiæ, & non e conuerso.

Quinto, ad idem est Papa Gelasius, ea cau. & quæst. in cap. cuncta, vbi sic ait omnibus Episcopis scribens: Cuncta per mundum nouit Ecclesiâ, quod sacrosancta Romana Ecclesiâ de omnibus fas habet iudicandi, nec cuiquam de eius liceat iudicare iudicio. Ex quibus verbis habetur idem quod prius, vbi tamen singulariter ponderandum est illud quod ait: cuncta per mundum nouit Ecclesiâ. Ex quo manifestè colligitur, quod aduersariorum doctrina, sit contra antiquam vniuersalis Ecclesiæ fidem, & doctrinam.

Sexto, hoc colligitur ex allocutione tertia PP. Hadriani in Conc. Rom. quæ lecta fuit etiam in 8. Synodo. vbi ita inquit: Siquidem Romanum Pontif. de omnium Ecclesiarum præsulibus iudicasse legimus, de eo verò quæquam iudicasse non legimus, licet enim Honorio ab Orientalibus post mortem anathema dictum sit: sciendum tamen est, quia super hæresi fuerat accusatus, propter quam solam licitum est minoribus maiorum suorum motibus resistendi, vel prauos sensus eorum liberè repudiandi; hæc ille. Nota tamen, quod dicit, quod ab Orientalibus, & post mortem; quoniam Honorio ille numquam; nec dum viveret; nec post mortem repertus fuit, posuisse in Christo vnam tantum voluntatem, & vnam operationem; vnde nec ab Apostolica Sede, nec à patribus occidentalibus talis iudicatus est. Immo Agatho Papa,

sub quo sexta Synodus illa celebrata est, cum condemnauit ponentes vnam voluntatem, tantum in Christo, & vnam operationem, videlicet Sergium, Pyrrum, Paulum, & Tyrum nullam mentionem fecit de illo Honorio, quem Orientales dicunt, fuisse erroribus Sergij, vnde creditur hoc, quod fecerāt Orientales ex mala, & falsa, ac sinistra informatione præfato Honorio decepti. Vnde Emanuel Caletus, & grecus vir magnæ sapientiæ, frater Ordinis Prædicatorum in tractatu suo contra Græcos dicit, quod beatus Maximus, qui fuit eo tempore, quo sexta Synodus couersata est, in disputationibus aduersus Pyrum Constantinopolitanum Patriarcham, qui in eadem Synodo damnatus fuerat, Honorium præfatum, quem aliqui, vt Hæreticum causabantur, purgat, cum hæreticus Pyrrus Constantinopolitanam tunc Ecclesiam regeret, & munimen erroris sui Honorium proferret; ei verò iste respondit: Honorium pietatem tollere, sibi que ipsi in his, quæ dixit, illius sensum congruere, si mulque, & illius Pyrrus verba proposuit, quosdam, asserens, illius sensum ignorantes, siue etiam calumniantes, falsam de illo seminaffe famam; hæc ille.

Septimo, idem testatur Innocentius III. qui in sermone consecrationis Romani Pontif. qui incipit: Quis putas fidelis est seruus: ita inquit: In tantum mihi fides est necessaria, vt cum de cæteris peccatis Deum iudicem habeam, propter solum peccatum, quod in fide committitur, possem ab Ecclesiâ iudicari, nam qui non credit, iam iudicatus est; hæc ille.

Octauo, testatur idem dominus Innoc. in sermone alio eiusdem solemnitatibus, cuius principium est: Qui habet sponsam sponsus est; vbi ita inquit: Propter solam fornicationem non dico carnalem, sed spiritualement, quia non est carnale, sed spirituale coniugium, idest propter infidelitatis errorem, quoniam qui non credit, iam iudicatus est, & hoc intelligitur in Euangelio, quod audistis, vos estis sal terre, quod si, &c. Hæc ille.

Nono, testatur hoc idem sanctus Eusebius Papa, qui in cap. oues 2. quæst. 7. ita inquit: Oues, quæ suo pastori commissæ sunt, cum, nec reprehendere, nisi à fide exorbitauerit, nullatenus accusare possunt, quia facta pastoris, gladio ferienda, non sunt, quamquam reprehendenda rectè videatur. Ex quibus manifestè patet, quod quamdā Romanus Pontif. à fide non exorbitauerit, à nullis fidelibus, quantumcumque sinul congregatis, cum omnes sint oues curæ suæ commissæ, potest iudicari.

Consequenter præfata conclusio ostenditur quarta via, scilicet Sacrorum Conciliorum diffinitionibus.

Primo quidem patet hoc ex diffinitione Concilij vniuersalis Romani, in quo beato Siluestro præsidebat, ita legitur definitum, & est cauon vltimus eiusdem Concilij. Nemo iudicabit primam Sedem, quoniam omnes à prima Sede iustitiam desiderant temperari, quoniam; nec ab omni Clero; nec ab omni populo Iudex iudicabitur, & subscripsit 284. Episcopi, & 42. Presbyteri, & 5. Diaconi, & Augustus Constantinus, & Mater eius Helena.

Secundò, hæc eadem sententia colligitur ex professione Synodi, quæ occasione beati Marcellini Papæ, qui mortis timore idolis thurificasset, Romæ copiosa conueniatur. De qua in cap. nunc autem, dist. 21. ubi Papa reatum suum confitente, & se offerrentem paratum suscipere, quicquid Patres Concilij sibi uoluissent imponere: Synodus non est in eum ausa pferre sententiam. Et rationem assignans ait, quoniam prima Sedes non iudicatur à quoquam, ubi Archid. ait: nisi de hæresi dist. 40. cap. si Papa.

Tertiò, eadem confirmatur ex Calcedonensi Concilio in sententia contra Dioscorum, in qua sancti Patres grauissimè notarunt Dioscori præsumptionem, quæ ausus fuit in secunda Synodo dare excommunicationem in Leonem Papam, de qua in cap. tantum, dist. 21.

Quartò, hæc eadem sententia roboratur professione Synodi illius, quæ super obiectis contra Symmachum Papam mandato Regis Theodorici stetit Romæ congregata, in qua cum præfatus Rex iuberet, ut sancta Synodus iudicaret de his, quæ venerabili Symacho ab aduersarijs impingebantur, concorditer Synodus ipsa respondit, Apostolicæ Sedis antistitem minorum non subiacere iudicio. De quo in §. hinc etiam, dist. 17. ubi dicit Hug. super verbo subiacere, nisi in crimine hæreses, ut dist. 40. si Papa.

Quintò, hæc eadem sententia confirmatur diffinitione Synodi illius, quæ super criminibus, quæ quidam mali homines obijcere contra Sixtum Papam temperant Romæ legiti conuenisse, ubi cum præfatus Imperator Valentinianus aduisset Synodum dicentem, non licere aduersus Romanum Pontif. sententiam, dare foris, & in arbitrio præfati antistitis tribuit iudicare iudicium suum, de quo in §. prædicto nunc autem, dist. 21.

Sextò, hæc eadem sententia Synodali-ter definita, habetur ex Synodo Romana 119. Episcoporum Præsidente sanctissimo Papa Symmacho temporibus Theodorici Regis: ubi ita habetur: Non est necesse super his noua cogitare, sed uetera recitare, atque firmare. Et enim à multis ex nostris antecessoribus Synodaliter decretum, atque firmatum, ut oues, quæ pastori suo commissæ fuerant, cum, nec reprehendere, nisi à recta fide exorbitauerit, præsumant.

Septimò, hæc eadem sententia roboratur definitione octauæ Synodi vniuersalis Constantinopolitanæ, in qua inter alia, ita legitur definitum: Poterit si Synodus vniuersalis fuerit congregata, & facta fuerit de sancta Romanor. Ecclesia quæuis ambiguitas, oportet venerabiliter, & cum conuenienti reuerentia de propofita quæstione sciscitari, & solutionem accipere, & proficere, vel profectum facere, non tamen audaciter sententiam dare contra summos seniori Romæ Pontifices. Vbi notanda sunt uerba huius sanctæ Synodi, dicit enim, quòd non sit audendum, siue presumendum dare sententiam contra Romanum Pontif. & hæc rationabiliter valde dicit, quoniam si Romanus Pontif. ab alio, quàm à Christo extrà casum hæresis iudicandus uideret, iam non Summus Pontifex, nec summus, & Generalis Christi Vicarius esset cum

superiorem iudicem haberet in terris.

Octauò, eadem sententia colligitur ex Concilio illo vniuersali Lateranensi, in quo Alexander III. ut in cap. licet extrà de elect. ita inquit: In Ecclesia Romana aliquid specialiter constituitur, quia non potest ad superiorem haberi recusus: ubi gloss. Hosti. quia nulla superior est, sed ipsa super omnes est. Et idem Io. An. addens: Ideò iudicio Dei relinquatur §. quæst. 3.

Nonò, hæc eadem sententia definitio- ne habita in Concilio Constantiensi, per omnes Patres utriusque obedientiæ, & confirmata per Papam Martinum, in qua ut habetur in epistola, quam præfatus Martinus edidit, habetur, tamquam pro articulo fidei habendo, quòd Papa Canonice electus habeat supremam auctoritatem in Ecclesia Dei. Ex qua determinatione clarissimè habetur, quòd Romanus Pontif. extrà casum hæresis, in quo à Papatu decidit, nullius potestatis, quàm solius Dei subiaceret iudicio, aliàs non esset suprema potestas Ecclesiæ in eo, sed in alio, cuius iudicio subiceretur; quoniam, ut habetur in cap. inferior, dist. 21. Sola potior sedes inferiori conuenienter absoluti; nec potest quisquam, qui minoris auctoritatis est, cum, qui maioris potestatis est, iudicij suis adijcere, aut proprijs diffinitionibus subijcere. Hæc ibi.

Quinta uia, uidelicet Apostolicæ Sedis determinatione probatur eadem ueritas, Papa namque Bonifacis VIII. in epistola sua decretali extrauagante, quæ incipit: Vnam sanctam: inter alia definita, ita inquit: Si deuiat terrena potestas, iudicatur à spirituali, si deuiat spiritualis, iudicatur minor à superiori, si uerò suprema, à solo Deo, & non ab homine potest iudicari. Hæc ibi. De sanctionibus autem Apostolicæ Sedis, dicit Agatho Papa in cap. sic, dist. 19. quòd sic omnes Apostolicæ Sedis sanctiones accipiende sunt, tamquam ipsius de diuina uoce Petri firmatæ.

Amplius uia sexta, uidelicet clarissimorum Doctorem doctrina, & apertissimis sententijs, & determinationibus. Ait enim in Psalm. uenerabilis Hug. de sancto Viator. li. teris, & religione clarissimus, secunda parte de Sacramentis sic: Potestas Summi Pontificis à Deo primùm instituta est, ut cum deuiat, à solo Deo iudicari potest. Eandem sententiam sequuntur alij clarissimi, & præcipuè in Theologica facultate Magistri, ut dominus Albertus, sanctus Thomas in 4. dist. 19. Alexander de Ales in 3. dominus Bonauentura Cardinalis in 4. Petrus de Tarantasia. Innocentius V. in 4. dominus Vlianus in sum. sua; dominus Ricardus de Alta Villa in 4. dominus Petrus de Palude Patriarcha Hierosolymitanus in tractatu suo de potestate Ecclesiastica. Magister Herueus in tractatu suo de Ecclesiastica potestate. Magister Augustinus de Ancona in summa sua de Ecclesiastica potestate. Frater Alexander de Alpidio in tractatu suo de Ecclesiastica potestate. Qui omnes aperissime tradunt, & attestantur Romanum Pontif. uerum, & indubitatum extrà casum hæresis strictè sumptum nullum in terris iudicem habere superiorem, sed tantum Deum in Cælis, cuius uices gerit

in terris. Sunt præterea huius conclusionis omnes præcipui Doctores iuris Canonici, vt Hostiensis. Ioannes Andreas, Guido, Archidiaconus, Innocentius in diuersis passibus, & etiam Dominus Aluarus in libro de statu, & planctu Ecclesiæ: Qua sententia tantis, & tam irrefragabilibus testimonijs firmata, manifestè conuincitur aduersariorum præsumptuosa assertio, qua contra rationes manifestas, contra sanctorum Patrum traditiones, contra Sacrorum Conciliorum, & Apostolicæ Sedis diffinitiones, nec non contra clarissimorum Doctorem, ac præcipuorum iu tota Dei Ecclesiæ sententias dogmatizare, non sunt veriti Romanum Pontif. verum, & iudicatum extrâ casum hæresis, pro quocunque peccato mortali, de quo incorrigibilis apparet, hominum subiacere iudicio.

C A P. XCIV.

In quo obijciuntur contra prædicta, & primo, quod Imperator sit Iudex ordinarius Papæ.

Veritatis aduersarij multiplici via nituntur infringere conclusionem prædictam, quorum quidam præ cæteris magis à fidei veritate exorbitantes asserunt, quod Imperator, vel Princeps secularis, aut populus sit Iudex ordinarius Summi Pontificis: Quorum rationes sunt, quæ sequuntur.

Prima, Papa nõ est magis exemptus à iurisdictione Imperatoris, quàm fuerit Christus, in quantum homo mortalis fuit, sed Christus in quantum homo mortalis fuit subiectus iurisdictioni Imperatoris, ergo & per consequens Imperator est Iudex ordinarius Papæ, consequentia videtur bona, maior etiam patet; quoniam Vicarius non est maior eo, cuius est Vicarius, minor verò probatur auctoritate Christi dicentis Pilato Ioan. 19. [Non haberes potestatem aduersus me vllam, nisi esset tibi datum desuper, &c.] Ex quibus verbis manifestè colligitur, quod Pilatus iurisdictionem habuit coactiuam super Christum.

Secundò sic: ille est Iudex ordinarius Papæ, à quo Papa habet super alias Ecclesias principatum, sed Papa ab Imperatore videtur habere huiusmodi principatum: scilicet per priuilegium Constantini Imperatoris concessum Romano Pontifici, de quo habetur dist. 96. cap. Constantinus, ergo &c.

Tertiò sic: Imperator fuit ordinarius Iudex sancti Petri, ergo Imperator est Iudex ordinarius Papæ; consequentia videtur euidentissima: quia Papa non videtur magis exemptus, quàm fuit beatus Petrus, antecedens probatur, quia omnes Apostoli quantum ad hoc, quod essent subiecti, vel non subiecti iurisdictioni Imperatoris, fuerunt pares, sed beatus Paulus fuit subiectus iurisdictioni Imperatoris, quia ad Cæsarem tamquam ad superiorem appellauit, ergo & beatus Petrus fuit subiectus eidem.

Quartò sic: sicut in nouo Testamento potestas Summi Sacerdotis pendet immediate à Deo; sic etiam in veteri Testamento præ-

eminencia Summi Sacerdotis fuit à Deo instituta: sicut patet Exod. 18. sed non obstante prædicta eniuentia Summus Sacerdos in veteri lege potuit ab homine iudicari, immò & deponi, sicut patet de Abiathar, quæ erat verus, & legitimus Summus sacerdos, & tamen fuit depositus, & eiectus de summo sacerdotio per Salomonem, non propter crimen hæresis: sed quia conspirauerat cum Adonya: vt patet 3. Reg. 1. & 2. ergo similiter in nouo Testamento Summus Sacerdos subiectus erit in casibus criminalibus potestati seculari.

Quintò, arguitur ex illo, quod Leo Papa scribit Imperatori Ludonico in cap. nos 2. qu. 7. vbi ita inquit: Nos si incompetenter aliquid agimus, & in subditis iustæ legis trauitem non seruauimus, vestro, ac missorum, vestrorum cuncta volumus emendare iudicio, vbi Papa missorum ab Imperatore voluit subire iudicium, ergo videtur, quod Papa subdatur iudicio potestatis secularis.

C A P. XCV.

In quo præfatus error dicentium, quod Imperator, aut secularis potestas sit Iudex ordinarius Papæ confutatur.

Licet luce clarissima ex superioribus ram in primo lib. circa cap. 90. quàm in hoc secundo libro circa cap. 38. & manifestè appareat præfati erroris stulticia, vt non sit opus ad illius improbationem alia inducere: maxime cum iam condemnatus sit per Apostolicam Sedem in Extrauagante Ioannis 21. quæ incipit Licet iuxta doctrinam Apostoli: nihilominus pro ampliori veritatis illustratione aliquibus auctoritatibus, & rationibus, paucis tamen illum improbare curauimus.

Primò occurrit nobis definitio octauæ Synodi vniuersalis, quæ vt in cap. definiuit, dist. 22. habetur, ita ait: Definimus neminem protùs potentem quemquam eorum, qui patriarchalibus Sedibus præsumt, inhonorare, aut amovere à proprio throno temptare, præcipue quidem sanctissimum Papam senioris Romæ, &c. Ex qua definitione manifestè colligitur, quod ordinarius Iudex Papæ non sit Imperator, aut potestas secularis.

Secundò, ad idem est beatus Gregorius Nazianzenus, qui scribens Imperatoribus Constantinopolitanis ita inquit: vt habetur in cap. suscipitis, dist. 10. Suscipitis ne libertatem verbi Dei libenter, accipitis, quod lex Christi sacerdotali vos subijcit potestati, atque istis Tribunalibus subdit, dedit enim & nobis potestatem, dedit principatum multò perfectiorem principatibus vestris. Ex quibus manifestè patet præfati erroris stulticia; quoniam si lege Christi principatus secularis spirituali potestati subijcitur: impossibile est, quod potestas secularis sit iudex ordinarius potestatis spiritualis.

Tertiò, ad idem est, quod in cap. continua 11. quæst. 1. legitur de Constantino, qui cum in sancta Synodo, quæ apud Nicenam congregata est, quærelam quorundam clerici-

corum conspiceret coram se deferendam alit: Vos autem à nemine diiudicari potestis, qui ad solius Dei iudicium referamini. Eadem etiam historia ponitur in c. Sacerdotibus 11. qu. 1. Ex quibus manifestè patet, quòd Constantinus Imperator Christianissimus non fuit illius opinionis, quòd Imperator esset Iudex ordinarius Papæ, aut clericorum. Ex qua ratione concludit Nicolaus Papa in cap. satis, dist. 96. Satis evidens est à seculari potestate non solui prorsus, nec ligari Pontificem, quem constat à pio Principe Constantino, quem longè superius nominavimus, Deum appellatum, cum nec posse Deum ab hominibus iudicari manifestum sit. Hæc ille.

Quartò, contra præfatum errorem sunt omnes auctoritates sanctorum Patrum, & sacrorum Conciliorum, quæ ponuntur 11. qu. 1. quæ sunt plures, quibus strictissime prohibetur Episcopos, aut reliquos clericos in sacris constitutos apud iudicem secularem pertrahi, aut accusari, vnde in cap. placuit, 11. qu. 1. expressè Canon Concilij Africani dicit: Placuit, vt quicumque clericus ab Imperatore cognitionem publicorum iudiciorum petierit honore proprio priuetur: Quæ prohibitio infra, & rationalis, cum à sanctis Patribus edita sit, manifestè ostendit stultitiam erroris præfati dicentium Imperatorem, aut potestatem secularem iudicem esse ordinarium. Papæ, & clericorum.

Quintò contra præfatum errorem est, cap. si Imperator, dist. 96. vbi Papa Ioannes ita inquit: Si Imperator Catholicus est; quòd salua pace ipsius dicimus, filius est, non Præsul Ecclesiæ, quod ad religionem competit: discere ei competit, non docere. Ex quibus etiam manifestè patet præfati erroris stultitia; quia si Imperator Catholicus est filius Papæ, non potest esse Iudex ordinarius patris sui: filius enim patrem non corrigit, sed è contra. Erubescit enim lex filios correctores parentum in auct. de nup. §. si verò. Quocirca beatus Gregorius ad Hermanum Episcopum Metensem scribens in cap. quis dubitat, dist. 96. ad propositum dicit: Quis dubitat Sacerdotes Christi Regum, & Principum, omniumque fidelium Patres, & Magistros censeri? nonne enim mirabilis infantia esse cognoscitur, si filius patrem, si discipulus magistrum conetur subiugare, & iniquis obligationibus illum suæ potestati subiungere, à quo credit non solum in terra, sed & in Cælis se ligari posse, & solui? Hæc Gregorius.

Sextò, sanctitatem præfati erroris apertissimè, ac sapienter confutat Innocentius in cap. solite, extrà de maiorit. & obed. vbi scribens Constantino Imperiali Imperatori post multa, ita subiungit: Præterea nosse debueras, quòd fecit Deus duo magna Luminaria in Firmamento Cæli, luminare maius, vt præflet diei, & luminare minus, vt præflet nocti; vtrumque magnum, sed alterum maius. Ad Firmamentum ergo Cæli, hoc est vniuersalis Ecclesiæ, fecit Deus duo Luminaria, id est duas instituit dignitates, quæ sunt pontificalis auctoritatis, & regalis potestas, sed illa, quæ præflet diebus, id est spiritualibus maior est, quæ verò nocti, id est carnalibus minor, vt quanta est inter Lunam, & Solem, tanta inter Pontifices, & Reges differentia cognoscatur. Hæc ille.

Septimò, ratione sic argui potest contra præfatum errorem; inferior non est Iudex ordinarius superioris sui, sed Papa est superior Imperatore, & omni seculari potestati, ergo Imperator, siue potestas secularis non potest esse Iudex ordinarius Papæ, consequentia est bona, maior est manifesta, dicit enim Papa Nicolaus in cap. inferior, dist. 21. Sole clarius exhibuimus non posse quemquam, qui minoris auctoritatis est, cum, qui maioris est potestatis, iudicijs suis adiecere, aut proprijs definitionibus subiugare. Minor etiam patet ex capitulis supra inductis, maxime extrà capit. si Imperator, & cap. duo sunt, dist. 96. & in cap. solite, extrà de maior. & obed.

Octauò sic: potestas spiritualis habet iudicare terrenam potestatem, si bona non fuerit, ergo terrena potestas non est Iudex ordinarius Papæ, in quo spiritualis potestas in plenitudine residet, consequentia est bona, antecedens patet in cap. duo, & in cap. si Imperator, dist. 96. & in cap. alius 15. quæst. 1. Item patet auctoritate venerabilis Hugonis de sancto Victore lib. 2. de Sacramentis, ita dicentis: Spiritualis potestas iudicat terrenam, si bona non fuerit, ipsa verò spiritualis à Deo primò instituta est, & cum deuiat, à solo Deo iudicari habet, & potest, sicut scriptum est infra, 1. Cor. 2. [Spiritualis homo omnia iudicat, & ipse à nemine iudicatur.]

Nonò: sicut Papa non est de foro Imperatoris, nec ratione Papatus, quem non tenet ab Imperio, sed à solo Deo Ioan. vlt. [Pascite oues meas,] & dist. 21. in nouo, nec ratione alicuius rei terrenæ, quam ab Imperatore teneat. Nam etsi Imperator donationem fecit Ecclesiæ de temporalibus, ipsam tamen donationem liberam eam fecit, nec fecit Papam feudatarium, aut emphyteutam, aut vassallum, vt est expressum dist. 63. ego Ludouicus dist. 96. Constantinus. Si ergo Papa non est de foro Imperatoris, fallum est, quòd Imperator sit Iudex ordinarius eius, extrà de foro compet. per totum.

C A P. XCVI.

In quo respondetur obiectionibus aduersariorum dicentium, quòd Imperator, aut secularis potestas non sit Iudex ordinarius Papæ.

Improbato sufficienter præfato aduersariorum errore; reliquum est respondere obiectionibus eorum.

Ad primam cum dicitur, quòd Christus subiectus fuerit iurisdictioni Pilati, & Cæsaris, respondetur dupliciter. Primò negando consequentiam: Tum primò, quia subiectio illa, qua Christus subfuit iurisdictioni Cæsaris, non fuit ordinaria, sed voluntarie assumpta, ex summa enim charitate, & humilitate Christus ei subijci voluit, vt in hoc ostenderet quantam ad humanum genus charitatem habuit, quia à non suo iudice iudicari voluit, & absque causa morte turpissima condemnari, vnde Isa. 53. dicitur: [Oblatus est, quia ipse

ipse voluit.] Simile habetur circa obseruanciam legalium, quibus voluntariè subijci voluit, vt alios ab homine onere liberaret, dicente Apostolo ad Galat. 4. [Vbi venit plenitudo temporis, misit Deus Filium suum factum de muliere, factum sub lege, vt eos, qui sub lege erant, redimeret.] Clarum est autem, quod ex opere supererogationis non arguitur debitum in eo, nec in eius Vicario, aut eius Discipulis.

Secundò, ratio illa non procedit; quoniam vt Dominus Aluarus in libro de hæresibus parte quinta responder: Pilatus non iudicauit Christum vt personam publicam, aut dignitate præminentem, sed tamquam personam priuatam accusatam sibi à principibus synagogæ, & à populo Iudeorum tamquam malefactorum, quia in hoc erat de foro Cæsaris, & Pilati, quia præses erat in Iudæa pro Imperatore, vnde ipse Pilatus ait Luc. 23. [Obtulisti mihi hunc hominem; hunc in quantum hominem quasi priuatam, & non Pontificem, non in dignitate constitutum,] tunc enim, vt dicit Dominus Aluarus, Christus non gerebat personam Papæ, sed simpliciter hominis coram suo iudice accusati, nec in hoc Papa Christo succedit, aut vices eius gerit, sed in pontificatu, in potentia, & in auctoritate; non autem in maligna accusatione facta de eo. Cum ergo Christus nec coram suo iudice fuerit, vt Sacerdos, vel vt Pontifex accusatus, nec à iudice suo, vt talis iudicatus; in isto exemplo nihil potest concludi de subiectione Papæ, aut cleri, potestati Cæsaris, aut principatus secularis, sicut si laicus iudex ferat sententiam mortis contra clericum, cum putans eum non esse clericum, vt putat, quo nulla clericalis discipline vestigia apparent, non potest ex hoc actu acquirere in clericis aliquam iurisdictionem.

Secundò, potest responderi ad prædictam obiectionem, negando minorem, videlicet quod Christus secundum quod homo mortalis fuerit ordinari subiectione subiectus iurisdictioni Imperatoris; Christus enim ab instante conceptionis constitutus est iudex vniuersalis viuorum, & mortuorum, vnde Act. 10. dicitur de eo: [Hic est, qui constitutus est iudex viuorum, & mortuorum.] Et Matth. ult. dicit ipse: [Data est mihi omnis potestas in Cælo, & in terra,] hoc autem licet post Resurrectionem Christus dixerit, quia tunc eius potestas manifestata est, & notificata; nihilominus potestatem ipsam ab instante conceptionis, in qua erat homo mortalis, auctoritatem habuit, vt tam Magister sententiarum, quam sanctus Thomas in 4. dicunt. Quod circa manifestum videtur, falsum esse, quod aduersarii dicunt, Christum subiectum fuisse iurisdictioni Cæsaris tamquam sui iudicis ordinarij. Hoc etiam manifestè videtur colligi extrâ Matth. cap. 17. vbi Christus ostendit, & probat, se non esse obnoxium, siue obligatum ad soluendum tributa Cæsari, ad quod tamen videtur fuisse obnoxius, si Cæsar eius ordinarij iudex fuisset, census enim signum est subiectionis, extrâ de censib. omnis anima, ait autem sic Christus Petro: Quid tibi videtur Simon? Reges terræ, à quibus accipiunt tributum, vel censum, à filiis suis, an ab alienis? At ille dixit, ab alienis. Di-

xit illi Iesus: ergo liberi sunt filij, vt autem non scandalizemus eos, &c. vbi gloss ita inquit, Dominus noster, &c. secundum carnem filius Regis erat ex David natus, & omnipotentis Verbum, ergo vt filius Regum, tributa non debebat, sed pro humilitate carnis: decet enim implere omnem iustitiam. Hæc ibi. Et ad probationem aduersariorum, quam inducunt ex illo Ioannis 19. [Non haberes potestatem aduersus me, &c.] responderetur, quod ex hoc loco non habetur, quod Pilatus, aut Cæsar fuerit iudex Christi ordinarij; quoniam licet Pilato dicenti: Mihi non loqueris? qui potestatem habeo crucifigere te, & potestatem habeo dimittere te: Christus respondit: [Non haberes potestatem aduersus me vllam, nisi esset tibi datum desuper;] puta à Cæsare, cuius erat Vicarius in Iudæa, vel à Deo permittente, non sequitur ex hoc, quod Cæsar fuerit Christi iudex ordinarij, sicut nec alij Imperatores, ac Iudices seculares per hoc, quod permitti sunt à Deo perimere multos martyres, sequitur, quod fuerint ordinarij iudices sanctorum martyrum. Et ita in proposito; quoniam concessio illa potestatis à Deo, intelligenda est per permissionem, vt dicit Chrysost. & habetur in gloss. continua, nisi tibi desuper datum esset, idest concessum, ac si diceret, permittit hoc fieri. Hæc Chrysost. Nec facit ad propositum aduersariorum, quod inducunt de Bernardo ad Archiepiscopum Senonensem. quoniam dato, quod ita dicat beatus Bernardus; magna differentia est inter ordinatum, & ordinarium; cum enim omnia, quæ à Deo fiunt, aut fieri permittantur, necesse est omnia esse ordinata; nihilominus tamen non omnia dicuntur ordinaria. Dicitur enim ordinarium, non tantum quod sit ordinatum, sed quod sit ordinatum secundum communem legem, aut ordinem institutum in Republica. Clarum est autem, quod tali lege, ad ordine vniuersitatis, Christus, in cuius fmore scriptum est: [Rex Regum, & Dominus dominantium.] Apoc. 19. non fuit subiectus Cæsari, sed Deo Patri, de quo ait Ioan. 14. [Pater maior me,] scilicet homine est, vt inquit gloss.

Ad secundam obiectionem de priuilegio Constantinensi; responderetur, negando minorem. Romanus enim Pontifex primum suum non habet à Constantino, sed à Christo, qui beato Petro, & in Petro suis successoribus ait Ioan. ult. [Pascite oues meas.] Et ad probationem de cap. Constantinensi, distinct. 96. responderetur, quod in roro cap. non habetur, quod Romanus Pontifex haberet primum à Constantino, immò Constantinus asserit, quod beatus Petrus, cui succedit Romanus Pontifex habuit à Christo primum, vnde ait sic: Sicut beatus Petrus in terris Vicarius filij Dei dicitur esse constitutus, &c. vnde ipse non dedit priuilegium primatus, sed id, quod à Christo credidit donatum esse Romano Pontifici, præcepit obseruari, & venerari per omnes Orbis Ecclesias, & ita non fuit inflictor primatus, sed magis executor legis, & ordinationis Christi; prout etiam dictum est supra circa cap. 42.

Ad tertiam responderetur, negando assumptum, videlicet quod Imperator fuerit iudex ordinarij beati Petri. Et ad probationem

respondetur dupliciter. Primò, negando assumptum, in quo dicitur, quòd omnes Apostoli fuerunt quoad subiectionem pares. Dicimus enim, quòd beatus Petrus, in quo erat summa potestas spiritualis, & Vicarius Christi, magis repugnabat sibi, esse subiectum iurisdictioni Imperatoris, quàm cæteris Apostolis, qui non erant assumpti ad vniuersalem principatum, & generale Christi Regis Regum Vicariatum. Et ita non est simile de Petro, & de alijs Apostolis. Secundo respondetur, negando, quòd Paulus fuerit subiectus iurisdictioni Imperatoris, sicut iudicis ordinarij. Et cum dicitur, quòd ad Cæsarem appellauit tamquam ad superiorem; dicimus, quòd appellauit contrà iniuriam sibi factam, ad Cæsarem tamquam ad superiorem ordinarium, non suum, sed iudicis illius, à quo appellauit, à quo pariebatur iniuria, & irà ratio non procedit. Posset tertio responderi negando consequentiam; quoniam si consequentia illa esset bona, sequeretur, quòd potestatibus, siue principibus infidelibus cuiusmodi fuerunt Cæsar, & Pilatus, tam Papa, quàm totus Clerus subiectus esset, quod est fatuum dicere; licet enim, vt dicit S. Thomas in 2. 2. qu. 10. art. 10. in principio; Ante perfectam diuisionem fidelium ab infidelibus, Cæsar, & aliorum infidelium prelatus non cesserat in rotam propter conuersionem aliquorum conuersorum ad fidem; nihilominus post aucta multitudine fidelium non sequitur, quòd idem sit, vnde 1. ad Cor. 6. in principio reprehendit Apostolus fideles Corinthos, quòd auderent prouocare proximos suos coram iudicijs infidelium, dicens: Audet aliquis vestrum habens negocium aduersus alterum iudicare apud iniquos, idest infideles, & non apud Sanctos, idest fideles.

Ad quartam de sacerdotio veteris legis, respondetur iuxta Magistrum Alexandrum de Ales, & supra inducta est similis responsio ex Domino Bonauentura, quòd non est simile de sacerdotio veteris Testamenti, & noui, sacerdotium enim veteris legis erat carnale: & per carnalem propagationem succedebat, & continuabatur, quamuis esset ordinatum ad spirituale obsequium, scilicet, diuinum cultum, & signam spiritualis sacerdotij noui Testamenti, & idè ex parte illa, in qua carnale erat, & terrenum subiectum erat terrenæ potestati, scilicet Regali; sicut enim dicit Augustinus, idè dicitur vetus Testamentum, propter promissionem terrenam, quæ pertinet ad veterem hominem, & idè in veteri Testamento summa potestas, erat potestas terrena, in nouo autem Testamento, non vbi est spirituale sacerdotium, & promissa spiritualium. In nouo enim Testamento, non promittuntur terrena in mercedem, sed adduntur ad sustentationem, & necessitatem, iuxta illud Matth. ult. [Primum quærite Regnum Dei, & hæc omnia adiicientur vobis:] vnde non subditur status ecclesiasticus temporali, & multominus princeps status spiritualis principi cuiusque terreno. Concordat sanctus Thoma, lib. 2. de regimine principum.

Secundo respondetur, quòd Salomon, hoc fecit ex speciali Dei præcepto, qui ei hæc prædixerat: vnde 3. Reg. 2. sic dicitur: [Elicit igitur Salomon Abiathar, vt non esset sa-

cerdos Domini, vt impleteretur sermo Domini, quem locutus est, super domum Eli in Sylo.] Et ita ratio non est ad propositum.

Ad vicimam obiectionem de Leone Papæ respondetur iuxta Magistrum Alexandrum de Ales, quòd Leo Papa se submisserat iudicio Ludouici Imperatoris, siue nunciorem eius, hoc fuit opus supererogationis, & non debiti; vnde ex tali opere argumentum non procedit, sicut superius dictum est.

C A P. XCVII.

In quo ponuntur aduersariorum rationes ad probandum, quòd Papa extrà causam hæresis habeat iudicem in terris, videlicet Ecclesiam vniuersalem.

SVNT alij aduersarii, qui licet non asserant Papam subiectum iurisdictioni Imperatoris, aut alicuius potestatis secularis, nihilominus affirmare contendunt, quòd Romanus Pontifex non tantum pro hæresi, sed pro quocunque notorio crimine, de quo incorrigibilis appareat, aut Ecclesiam scandalizaret, iudicem habeat ecclesiam vniuersalem, quæ ipsum iudicare, & punire possit. Et circa hoc faciunt duo.

Primò enim nituntur respondere ad omnes auctoritates, quæ dicere videntur, quòd Papa à nemine potest iudicari, nisi à fide deuiet, dicentes primo, quòd ista nomina distributina nemo, nullus, sumuntur pro singulari hominibus ipsius Congregationis fidelium, non autem pro ipsa Congregatione, quæ vniuersa plurificari non potest, & idè vt dicunt, nomen distributium ei competere non potest, sicut non potest dici propriè omnis Deus, cum non possit esse, nisi vnus. Concludunt ergo, quòd in prædictis auctoritatibus, aut similibus fiat comparatio Papæ ad alias personas Ecclesiæ, tamquam membri, & partis ad alia Ecclesiæ membra, & partes, non autem ad ipsum corpus totum, quòd est Ecclesia.

Secundo dicunt, quòd præfate auctoritates, non militant, quia iudicium vniuersalis Ecclesiæ dicitur iudicium Dei, prout dicitur Act. 25. Secundo loco nituntur habere eorum opinionem multiplici via veram ostendere. Primò, auctoritatibus sacre Scripturæ. Secundo, auctoritatibus Conciliorum. Tertio, auctoritatibus Doctorum. Quarto, rationibus. Quintò, exemplis.

Prima via sic. Et primò ex illo Matth. 18. vbi Christus sic ait Petro: Si peccauerit in te frater tuus &c. Si autem te non audierit &c. Sequitur: Dic Ecclesiæ. Certum est autem, quòd Papa frater noster est, cum vnus Pater, scilicet Deus, & vna Mater, scilicet Ecclesia omnibus fidelibus sit; ergo sequitur, quòd ad ipsum se extendat præfata auctoritas: [Si peccauerit &c.] vbi ergo de peccato correctus emendare se noluerit, dicendum est Ecclesiæ: sicut sic alijs confatribus, & hoc non nisi, vt iustitia fiat, quia alijs frustra dice-

diceretur, sed iudicium sit per superiorem, ergo videtur, quod Papa habeat in terris iudicem superiorem, scilicet, Ecclesiam vniuersalem, quæ ipsum incorrigibilem existentem iudicare, & punire valeat.

Secundò, argumentatur ex illo ad Galat. 2. vbi Paulus legitur Petro in faciem resistisse, quia reprehensibilis erat; ergo si hæc egit Paulus, multò fortius poterit Ecclesia vniuersalis resistere Papa, vbi cum contingeret errare, & Ecclesie immineret periculum, alias esset in potestate vnus hominis Ecclesiam destruere, aut confundere, quod est absurdum.

Tertiò, arguitur ex illo Aq. 11. vbi legitur, quod illi, qui ex circumcisione venerant reprehenderunt Petrum, discipulantes cum eo dicentes, [quare intrasti ad viros præputium habentes, & manducaisti cum illis?] Ergo multò magis hoc posset facere vniuersalis Ecclesia.

Secunda via, arguunt auctoritate, vt aiunt sacrorum Conciliorum: dicunt enim quod contra præfatam conclusionem sit decretum Concilij Constantiensis, in quo dicitur esse decretum, quod generalis Synodus in Spiritu sancto legitime congregata, potestatem à Christo immediatè habet, cui quilibet cuiuscumque status, vel dignitatis etiam si papalis existat, obedire tenetur &c. Item secundò, est Concilium Basileense, in quo tam in secunda sessione, quàm in duodecima refutatur decretum præfatum Concilij Constantiensis. Ex quibus manifestè sequitur, quod Papa superiorem iudicem habet in terris.

Tertia via, scilicet, auctoritate Doctorum, arguunt. Et primò auctoritate beati Petri, qui ita dicitur locutus ad beatum Clementem, vt dicitur in epistola eiusdem Clementis ad Iacobum. Si enim mundanalibus curis fueris occupatus, & te ipsum decipies, & eos, qui te audiunt; non enim poteris ea, quæ ad salutem pertinent plenius quibuscumque distinguere, & ex eo fit, &c. vt tu tamquam qui non docueris, quæ ad salutem hominum pertinent, deponaris.

Secundò, arguunt ex auctoritate glossæ in cap. si Papa dist. 40. quæ ita habet. Credo, quod si notorium sit crimen eius, scilicet, Papæ quodcumque, vnde scandalizatur Ecclesia, & incorrigibilis sit, quod possit inde accusari, nam contumacia dicitur hæresis, vt 81. dist. si qui Presbyteri.

Tertiò, arguunt hac via, auctoritate beati Gregorij, quæ habetur in cap. si quis 2. quæst. 7. ita dicentis: Si quis super hoc nos redarguere voluerit, vel extrà auctoritatem facere nos contenderit, veniat ad Sedem Apostolicam, vt ibi ante confessionem beati Petri mecum iuste discipet, quatenus vnus ibi ex nobis suscipiat sententiam suam; ergo videtur, quod Papa habeat iudicem superiorem in terris.

Quartò, arguunt eadem via, auctoritate beati Thomæ de Aquino, dicant enim, quod idem Doctor dicit libro de regimine Principum, quod si ad ius alicuius communitatis pertineat sibi prouidere de Rege, ab eadem Rex institutus, si fuerit in tyrannum conuersus, poterit destitui, & resrenari eius potestas,

si potestate Regia tyrannicè abutatur, sed ad communitatem Ecclesie spectat per Cardinales ius eligendi Papam; ergo ad eandem spectat corrigere, & punire eum, si Ecclesiam scandalizaret. Et ita apparet, quod Papa habet iudicem superiorem in terris.

Rationibus autem arguunt. Primò sic: Papa si est deuius à fide, potest iudicari ab Ecclesia, per cap. si Papa dist. 40. ergo pariter si aliquo alio crimine, de quo Ecclesia scandalizetur fuerit deprehensus. Probatur conuentia. Tum quia non legitur in sacra Scriptura, quod in causa fidei Deus dederit maiorem potestatem Ecclesie, quàm in alijs casibus, Christus enim in datione potestatis generalibus terminis vnus est, dicens: [Quicumque alligaueritis, &c.] Matth. 18. Tum secundò, quia qui potest maius, potest, & minus, & vbi maius conceditur, minus concessum videtur, vt dicitur text. in cap. ex parte, extrà de decim.

Secundò arguunt sic: nulli corpori videtur sufficienter prouisum, nisi membrum putridum, quod totum corpus valet inficere, posset abscidi, sed tota Ecclesia militans est vnus corpus ordinatum per Christum: dicente Paulo ad Rom. 12. [Omnes vnus corpus sumus in Christo.] Iste autem corporis Papa est vnus membrum, quia caput, si ergo illud sit damnosum scandalizans notoriè Ecclesiam: sequitur, quod non est sufficienter prouisum corpori Ecclesie, nisi per ipsam abscidi posset, cum ergo Christus non defecerit in necessarijs Ecclesie militanti: sequitur quod per Ecclesiam Papam, nedum si sit hæreticus, sed etiam vbi aliquo alio crimine notorio scandalizat Ecclesiam, iudicio vniuersalis Ecclesie est subiectus.

Tertiò sic: si Papa peccans non posset per alios, puta per Ecclesiam corrigi, & puniri, sequitur, quod non perfectè, ac sufficienter eam Christus ordinasset, nec ei debetè prouidisset, sed hoc est hæreticum: cum Dei perfecti sint opera, Deuteronom. 32. probatur tamen conuentia, quia illa communitas non videtur sufficienter ordinata, aut prouisa, quæ suæ perditioni, aut demolitioni non potest occurrere, sic autem esset de Ecclesia posita in casu, quo Papa præter hæresim manifestam, aut tyrannidem notoriam, aut aliud crimen notorium Ecclesiam subuertere, aut scandalizare conaretur, & vniuersalis Ecclesia ei resistere non posset ipsum corrigendo, & deponendo, hoc enim esset concedere potestatem datam esse in destructionem contra Apostolum, & Aq. 10.

Quartò sic: omne, quod debemus Papæ pro vitanda morte corporali, debemus ei pro vitanda morte spiritali, sed in casu vbi Papa iniuste, & sine causa quacumque vellet proximum interficere, quilibet tenetur, & potest de iure Papam inspicere: ergo vbi Papa notoriè scandalizat Ecclesiam, vbi animas fidelium ducit ad baratrum inferni, potest, & debet quilibet eum impedire.

Quintò sic: si Papa vellet vxorem alicuius cognoscere, vel propria illius rapere, licet eum sit resistere; ergo vbi Ecclesia videt ipsum Papam malis moribus scandalizantem fideles, potest ei resistere, & ipsum impugnare: maxime cum dicat Apostolus 1. Timoth. 4.

moth. 4. I Peccantem coram omnibus argue.]

Sexto sic: si Papa infamatur per viros prouidos, & honestos de aliquo crimine, vnde Ecclesia scandalizatur, quero an Papa teneatur purgare se de hoc, an non? Si dicas, quod non: Contrà: qui tenetur scandalum vitare, tenetur suscitatum tollere, & sedare si potest; ergo debet se purgare, sicut legitur de Papa Damaso accusato à subditis de adulterio, vt refert Hieron. libro de viribus illustribus, sed purgatio pertinet ad sententiam iudiciorum; ergo sequitur, quod in terris Papa habeat iudicem superiorem.

Septimò, arguitur sic confirmando rationem factam: Prælati, qui tenetur subditos à minori damno, vel periculo liberare, à fortiori tenetur à maiori, sed Papa tenetur suos subditos à damno, & periculo temporali eripere, secundum illud: Eripite egenum, & pauperem: ergo multò fortius à spirituali, vtpura à scandalo de ipso habito, sed hæc se purgando, ergo idem, quod prius, vnde ita fecerunt Sixtus, Leo, & Symmachus Romani Pontifices, vt habetur 2. quæst. 7.

Quinta via, scilicet, exemplis, aduersarij etiam ostendere nituntur, quod Romanus Pontifex in terris iudicem habeat, quoniam vt aiunt, Ecclesia vniuersalis sæpe numero summos Pontifices, siue à fide desirantes, siue prauis moribus notorios Ecclesiam scandalizantes, correxit, iudicauit, & puniuit.

CAP. XCVIII.

In quo reprobantur responsiones aduersariorum, datae ad auctoritates sanctorum Patrum, & iura inducta pro conclusione nostra, & respondeatur obiectionibus ipsorum aduersariorum sumptis ex auctoritatibus sacrae Scripturae.

Conclusio superius posita, videlicet, quod Romanus Pontifex, pro sui Principatus excellentia extra casum hæresis iudicem non habeat in terris; tantis est supra sanctorum Patrum roborata testimonij, tam irrefragabilibus fulcita rationibus, & sanctorum Canonum luminibus illustrata, vt superuacuum censeatur alia inducere testimonia, vnde non restat, nisi aduersariorum obiectionibus respondere. Faciemus autem hic duo.

In primis ostendemus, quod responsiones datæ per aduersarios ad iura, & dicta sanctorum Patrum dicentium Papam à nemine iudicandum, intelligenda sint de singulis personis, & non de tota communitate Ecclesie, quod ex multis facili colligitur. Tum primò ex eo, quod ratio superioritatis, & dependentie Papatu à solo Deo assignata per Doctores, quare à nemine Papa est iudicandus, ita currit de ipsa communitate, sicut de singulis personis, nam Romanus Pontifex, non modò est singulis personis auctoritate superior, sed etiam toto Ecclesie corpore vtpotè, qui Pastor, & Caput est totius Ecclesie.

Tum secundò, responsio illius ostenditur vacua, ex text. cum glos. ait enim sic text. Non iudicabit primam Sedem, sequitur: Non enim ab Augusto, nec ab omni Clero, nec à Regibus, nec à populo iudex iudicabitur. Ecce quod textus excludit à potestate iudicandi Papam singulas personas, & omnem communitatem, tam spiritualement, quæ designatur nomine Cleri, quam seculari designatam nomine populi. Præterea glos. super verbo, ab omni Clero, ait: argumentum, quod Concilium non potest Papam iudicare, vt extrà de elect. significasti, hæc glos. Ex quo patet, quod ly nemo in auctoritatibus præfatis, non solum accipiendum est pro singulis personis diuini, sed etiam pro singulis conuentionibus, siue collectiui.

Quod autem dicunt aduersarij, quod nomina distributiuè propriè competere non possunt Congregationi fidelium, quæ vnica, & implurificabilis est, parum valet, quia nomina, siue signa talia addita nominibus collectiui, vt sunt populus, Clerus, domus, Ecclesia &c. non distributiuè, sed collectiue tenentur, significant enim id, quod totum, sicut est illud, quod habetur ad Hebr. 3. Sicut Moyses: supple fidelis, fuit in omni domo sua, quod exponitur; id est in tota domo, scilicet Synagoga Iudeorum. Item eodem modo videtur sumi illud 3. Reg. 8. [Conueritque Rex faciem suam, & benedixit omni Ecclesie.] Item illud 1. Paralip. 19. Præcepit autem vniuersæ Ecclesie benedicite Deo nostro, & benedixit omnis Ecclesia domino Patrum suorum. Item illud Matth. 2. [Turbata est cum illo omnis Hierosolyma: idest tota. Et ita in auctoritate supradicta, illud, nec ab omni Clero: exponitur, idest nec à toto Clero, iuxta etiam glos. quæ dicit argumentum, quod Concilium non potest iudicare Papam. Tertiò, quod talis intellectus sit præfatorum iurum, luce clarius colligitur ex confessione, & testimonio tam Concilij congregati Romæ tempore Marcellini, de quo dist. 22. in cap. nunc autem, quam Concilij congregati ratione Symmachi Papæ, de quo dist. 17. in §. hinc etiam, quæ manifestè confessa sunt, à nemine Præfulem Romanum posse iudicari includendo etiam Concilium vniuersale, alias non loquerentur ad propositum. Quartò, colligitur idem ex cap. si Papa dist. 40. vbi dicit text. quod Papa à nemine est iudicandus, nisi deprehendatur à fide deiui. Clarum est autem, quod non est cuiuscumque singularis personæ Papam iudicare, etiamsi deprehendatur à fide deiui, sed solius Concilij vniuersalis; ergo per ly neminem, non solum excipiuntur singulares persone, sed etiam ipsa vniuersitas fidelium, quod etiam ex hoc manifestè habetur, vt scilicet sit conformitas huius text. ad iura alia, & determinationes Conciliorum, de quibus parum ante factus est sermo.

Præterea secunda responsio aduersariorum, in qua respondententes ad auctoritates dicentes, quod Papa reseruatur iudicio diuino, dicunt, quod iudicium Ecclesie congregatæ est iudicium Dei, & ita non videtur absolutus Papa à iudicio vniuersalis Ecclesie, nulla est, quia licet iudicium Ecclesie sit etiam Dei, sicut etiam de quolibet sacerdote dicitur de pœni.

penitentia distinet. 3. §. sed quam, quod quærit sacerdos iudicat, Deus indicat, cuius personam gerit, & in cap. nemo 11. questione tertia, dicit beatus Chrysostomus. [Nemo contemnat ecclesiastica vincula: non enim homo est, qui ligat, sed Christus, qui hanc potestatem dedit; & Dominus fecit homines tanti honoris, est tamen hoc iudicium Dei per homines.]

In auctoritatibus autem supradictis loquentibus de Papa, excluduntur omnino homines à iudicio suo. Vnde in cap. aliorum distin. 9. quæst. 3. habetur, quod aliorum hominum causas Deus voluit per homines terminari: sed Sedis istius Præfulem suo sine questione referauit arbitrio, voluit beati Petri successores sibi tantum debere innocentiam. Nota verbum [tantum.]

Item in cap. electionem distin. 79. dicit beatus Anacletus Papa, & mart. [Electionem Summorum Pontificum sibi Dominus referuauit, licet electionem eorum bonis Sacerdotibus concessisset.]

Ecce, quod manifestè responsio aduersariorum non responderet auctoritatibus sanctorum Patrum: sed manifestè est opposita. Et hoc idem ostenditur per alias auctoritates, quas supra induximus. Et hoc de primo.

Reliquum autem est aduersariorum obiectionibus respondere, quibus pro pleniori illustratione veritatis, distinet per quinque capitula, iuxta quinque vias, quibus procedunt, respondebimus.

Ad primam ergo obiectionem sumptam ex illo capitulo Matth. 18. [Si peccauerit in te frater tuus, &c.] responderetur negando consequentiam. Et ad probationem, cum dicitur, quod Papa sit frater, dicimus, quod hoc non militat, quoniam cum hoc, quod Papa est frater noster natura, conformitate, & fidei religione, est etiam Princeps, & caput totius vniuersalis Ecclesie, supremam potestatem habens in Ecclesia ratione primi, videlicet, quia est frater noster, extendit se ad eum auctoritas præfata in ea parte, in qua simplex tangitur fraternam correctio, quæ dicit simplicem quamdam admonitionem, quæ cum sit actus charitatis, extendit se ad omnem proximum, siue superiorem, siue æqualem, siue inferiorem, sicut & ipse charitatis effectus.

Ratione verò secundi, videlicet, quod Princeps, & caput est, supremam potestatem habens in Ecclesia, non extendit se ad eum auctoritas præfata in ea parte, in qua contra non sufficientem correctionem fraternam iubetur denunciationem fieri, quia cum denunciatum non acquiescentis fraternæ correctioni ordinetur ad finem, vt talis punitione corrigatur, qui per simplicem admonitionem non corrigitur, non fiat nisi superiori, non potest denunciari Præfatus, qui superiorem non habet, nisi sit tale peccatum eius, per quod à superioritate cadat, cuiusmodi est peccatum hæresis. Quare consequentia illa aduersariorum, quæ apud eos Achilles existimata est, nulla prorsus est, processus enim positus in Euangelio de correctione fraternæ non habet locum in eo, qui non habet in teris superiorem.

Tam. XII.

Clarissimum est autem ex superioribus, quod nullus in Ecclesia est superior Papa, nisi Christus, cuius generalis Vicarius est in terris, nec potest dici, quod congregatio subditorum suorum, aut cuius suarum superioritate auctoritatis sit illo maior, nisi quis vellet euertere, vt aliàs deducum est, doctrinam Christi, & diceret, quod licet Christus dicar, Matth. 1. [Non est discipulus supra magistrum, nec seruus supra dominum suum; nihilominus discipuli sunt supra magistrum, & subditi supra prælatum suum.] Hinc est, quod, vt clarissimè Sanctorum, & sacrorum Conciliorum, ac Doctorum excellentissimorum apertissimè testimonia proclamant Pontificum Romanorum causas Deus dicitur suo referuasse iudicio. Vnde Dominus Albertus Magnus in 4. dist. 19. vbi quærit, vtrum correctio fraterna sit omnium, respondens, ita dicit: [Omnis homo omnem hominem cum reuerentia, & mansuetudine teneretur admonere, & corrigere de delicto, sed non vltimus potest denunciare si est inobediens, quando prælatus supremus est, quia non habet iudicem.] Hæc Albertus Magnus.

Ad idem est sanctus Thomas in 4. ead. distin. sic dicens: [Quamvis prælati sint corripiendi à subditis, non tamen est eis poena infligenda, sed recurrendum est ad superiorem denunciando, vel, si non habet superiorem, ad Deum, vt eum emendet, aut de medio tollat.]

Idem Magister Vlticus in summa sua, excellentissima Theolog. qui libro 6. tract. 3. cap. 15. de accusatione loquens, ita inquit: [Accusari etiam non possunt aliqui propter excellentiam dignitatis, vt Papa non potest accusari, nisi de crimine hæresis,] vt dicitur in gestis Bonifacii martyris, & ponitur auctoritas dist. 40. cap. si Papa. Tamen apparatus dicit ibi, quod licet specialiter dicatur de hæresi, eo quod de illo potest accusari, etiam si occulta sit, cum non vult corrigi; aliàs enim non posset accusari: tamen etiam de alio crimine potest accusari, si sit notorium, per confessionem, vel facti euidenciam, & incorrigibilis sit, & Ecclesia inde scandalizetur, probat per hoc, quod contumacia dicitur hæresis, distin. 91. qui Presbyteri: & contrumax dicitur infidelis, distin. 27. nullus. Ideo quidem dicunt idem de quolibet crimine notorio, de quo ipse non corrigit se propter correctionem fraternam. Sed hoc non credo verum esse, quia cum stabilis maneat sua auctoritas, quamdiu in Petra, quæ Christus est fundator, & hoc etiam sit per informem fidem, ipsa sola fide, manente non habet superiorem, à quo iudicari possit.

Insuper, quod soli infidelitati tribuitur, de alijs criminibus negatur. Symbolica autem, & transumptiua locutione contumacia dicitur infidelitas, vel hæresis, & argumenta ex talibus tamquam sint propriè dicta, nihil valent.] Hæc Dominus Vlticus.

Item idem lib. 6. tract. 3. cap. 17. vbi de denunciatione Euangelica loquens, dicit sic: [Primum, scilicet admonitio priuata habet locum etiam in prælato non habente superiorem, sed sequentia membra non habent ibi locum, quia non habet superiorem, cui ipse denunciatur, vel coram quo comunicatur,]

H h h

catur, vel à quo excommunicatur; & ideo si per admonitionem non corrigitur, non restat nisi orare pro eo, vel vt emendetur, vel vt subtrahatur de medio, ne Ecclesiam suo exemplo perdat.] Hæc ibi.

Item hæc de causa dicit Hostien. quòd denunciari non potest crimen Papæ, si corrigi vellet.

Item Ioannes in summa Confessorum, lib. 3. tit. 9. §. 9. vbi dicit, quod licet principium, scilicet admonitio locum habeat in prælato non habente superiorem, tamen sequentia non habent ibi locum, quia superior non habet, &c. sicut dicit Dominus Viricus.

Ad idem plures alij illuminatissimi Doctores, sicut Dominus Petrus de Palude, Dominus Heruæus, Magister Augustinus de Ancona in libris suis de potestate Ecclesiastica.

Præterea, hæc sententia manifestè colligitur ex beato Bernardo, qui scribens Domino Innocentio Papæ, ita dicit: [Quis faciet mihi iustitiam de vobis, si haberem Iudicem, ad quem vos trahere possem? iam nunc offenderem vobis, vt parturiens loquor, quod mihi eminet; extat quidem tribunal Christi, sed abest, vt ad illud appellem vos, &c.]

Ecce, quàm manifestè innuit beatus Bernardus, quod Papa Iudicem non habet in tertis. Et ita patet, quòd ratio aduersariorum nulla erat, quia cum Papa aliquid plùs habeat dignitatis, quàm ceteri homines; quia cum hoc, quod est frater, est etiam Pater, & Princeps, non est mirum, si plùs se extendat ad alios fratres auctoritas præfata: [Si peccauerit in te frater, &c.] quàm se extendat ad Papam.

De vera autem intelligentia præfate auctoritatis in ea parte, in qua dicitur, [Dic Ecclesiæ,] amplissimè superiùs contrà minùs benè sapientes, circa illam disputatum est.

Ad secundam obiectionem, quæ sumitur ex illo Galath. 2. vbi Paulus dicitur resistisse in facie Petro. Respondetur, quòd auctoritas illa nihil facit pro aduersariis: aliud quippè est resistere, & se opponere Papæ, vbi immineret periculum fidei, aut si aliquid præciperet contrà legem Domini: & aliud est iudicare per coactionem pænæ, siue punire; quia primum potest esse inferioris, secundum autem nonnisi superioris, iuxta cap. infetior. dist. 21. Ad Corinth. 4. dicitur: [Qui autem iudicat me, Dominus est.] Vnde concedimus, quòd vbi immineret periculum fidei manifestum, posset vniuersalis Ecclesia, siue Synodus vniuersalis resistere Romano Pontifici, sicut Paulus Petro, sed ex hoc nulla superioritas auctoritatis arguitur in Ecclesia super verum Romanum Pontificem, sicut nec in Paulo ex præfata correctione suprà Petrum; sed benè arguitur, & commendatur in Paulo charitas, & libertas, & in Petro in susceptione patienter correctionis humilitas.

Vnde Glossa, quæ est Augustini in epist. ad Hieronymum super illud, [Dixi Cephe coram omnibus,] dicit sic: [Ipse Petrus, quòd à Paulo fiebat vtiliter libertate charitatis, sanctæ, acque benignæ pietate humilitatis accepit, atque ita exemplum posteris tribuit, quòd non dedignaretur, vbi fortè rectè trahit rem reliquissent, à posterioribus corrigi,

laus utique iustæ libertatis in Paulo, & sanctæ humilitatis in Petro.] Hæc Glossa.

Item idem Augustinus. super epistolam ad Galath. de obiurgatione ista Pauli coram omnibus facta Petro loquens, ita dicit: [Quod autem hæc ei coram omnibus dixit, necessitas coegit, vt omnes illius obiurgatione sanarentur: non enim vtile erat, errorem, qui palàm noceret, in secreto emendare, hic accedit, quòd infirmitas, & charitas Petri, cui ter à Domino dictum est: [Amas me, pasc oves meas,] obiurgationem talem posterioris pro salute gregis libentissimè sustinebat.] Hæc Augustinus.

Hanc Augustini doctrinam secutus beatus Thomas dicit in 4. sententiarum dist. 19. quòd beatus Paulus Petro in facie resistit excedit modum fraternæ correctionis, quæ prælatis à subditis debetur, non enim prælati à subditis coram multitudine, sed humiliter in privato corripiendi sunt, nisi vbi immineret periculum fidei.

Ad tertiam obiectionem, quæ sumitur ex obiurgatione facta Petro, Act. 11. quod ad gentes diuertisset: respondetur, quòd auctoritas illa nihil facit pro aduersariis, sicut manifestè colligitur ex dictis beati Gregorij, qui, vt habetur in cap. Petrus dist. 2. quæst. 7. sic inquit: [Petrus potestatem regendi acceperat, & tamen idem Apostolorum primus, quærimoniæ contra eum factæ: cur ad gentes introisset: non ex potestate officij, quæ posset dicere, oves pastorem suum non accusent, nec reprehendant: sed ex auctoritate.] Diuina virtutis, quæ Gentiles acceperant Spiritum sanctum, respondit dicens: [Eandem gratiam, quàm vobis, dedit eis Dominus.] Hæc Gregorius.

Ex quibus patet, quòd cum, vt ait Gratianus ibidem, beatus Petrus ex officio potuerit repellere querelas illorum, & sola dispensatione humilitatis illas sustinuerit, non potest accipi argumentum ex illorum reprehensione, quod prælati cogantur reprehensionem subditorum suscipere, & minùs ex hoc potest accipi argumentum, quòd vniuersalis Ecclesia extra calum hæresis possit Papam iudicare.

C A P. XCIX.

In quo respondetur aduersariorum obiectionibus fundatis in Decretis Conciliorum Constantiensium.

DATA responsione ad auctoritates sacræ Scripturæ, quas aduersarii in eorum fauorem inducunt: consequens est, vt responsa demus ad ea, quæ inducunt secunda via, videlicet ex Decretis Conciliorum Constantien. & Basilien. Ad quæ respondentes, dicimus, quòd nihil eorum, quæ inducunt, militat contra conclusionem præfatam. Quod verò non militat ea, quæ inducunt de Concilio Constantien. apertissimè ex multis ostenditur.

Primum quidem, quia non est verum, immò falsum, quod aduersarii dicunt, videlicet,

licet, quod Constantiæ declaratum sit, sua decretatum, quod vniuersalis Synodus in Spiritu sancto legitime congregata, generale Concilium faciens, Ecclesiam militantem representans, potestatem à Christo habet immediatè, cui quilibet cuiuscumque status, sue dignitatis, etiam si Papalis existat, obedire tenetur, &c.

Planè nunquam in Constantia sub hac forma legitur aliquod Decretum factum. Declaratio autem facta per Patres illos sub obedientia Ioannis XXIII. congregata, emanauit sub hac forma:

Hæc sancta Synodus Constantiensis generale Concilium faciens pro extirpatione præsentis Schismatis, & vniõne, ac reformatione Ecclesiæ in capite, & in membris fienda, declarat, quod ipsa in Spiritu sancto congregata, generale Concilium faciens, & Ecclesiam Catholicam militantem representans, potestatem à Christo habet immediatè, cui quilibet, &c.

Ecce manifestè, quod Decretum illorum Patrum non loquitur vniuersaliter de qualibet Synodo vniuersaliter, sed de illa singulariter, pro cuius tempore non erat in Ecclesia vnus Pastor totius Ecclesiæ indubitatus. Et ita patet, primum, videlicet, quod falsum sit, quod tale Decretum in forma, qua proponitur, fuerit factum Constantiæ.

Secundò, non militant, quæ inducuntur de Concilio Constantien.; quoniam dato, quod tale Decretum, sicut dicitur per aduersarios, ibi fuisset factum, non habet necessitatem, quod aduersarij præsupponunt, videlicet, quod fuerit ab vniuersali Concilio legitime congregato, & representante vniuersalem Ecclesiam militantem, est valdè dubium apud multos, immò plurimorum iudicio, scilicet eorum, qui fuerunt de obedientia Gregorij, & Benedicti, falsum; quoniam sicut apertissime patet ex gestis illius Congregationis, Decreta illa, si ita sint appellanda, facta sunt solum à Patribus aliquibus obedientiæ Ioannis XXIII.

Pro quo notandum, quod Congregatio illa Constantiæ celebrata, tria tempora habuit:

Primum fuit, in quo sola obedientia præfati Ioannis Balthasar Constantiæ conuenerat.

Secundum tempus fuit, in quo Angelus Corarius vocatus in obedientia sua Gregorius XII. iuribus cedens, præfatæ Congregationi sub certis modis, & formis se coniunxit.

Tertius tempus est, in quo Reges, & Principes, ac Prelati obedientes Petro de Luna, Benedicto XIII. vocato in obedientia sua, per suos Oratores noua facta conuocatione Concilij, se vniueris præfatæ Congregationi ad pacem dandam vniuersali Ecclesiæ; & suis nos tunc præsentibus in minoribus constituit; pro quo solo tempore conuenientibus omnibus simul tribus obedientijs, fuit certum dicere, quod vniuersalis Ecclesia representatiue congregata esset Constantiæ: nullus autem dubitat, quin asserere, quod sola obedientia Ioannis faceret Concilium vni-

Tom. XIII.

uersale, vniuersalem Ecclesiam representans, esset temerarium, & scandalosum alijs duabus obedientijs.

Tertiò, ea, quæ inducuntur de Decretis Concilij Constantiensis, non militant: quoniam auctoritati illius aliæ duæ obedientiæ, scilicet Gregorij, & Benedicti, apertissima contradictione in plena Congregatione se opposuerunt, & eorum contradictio fuit acceptata. Contradixit, ac reclamauit in primis Gregorius, ita in sua obedientia vocatus, qui verum se Romanum Pontificem asserens, & scribens, mittens post præfatam declarationem factam ab illis de obedientia Ioannis Oratores suos ad Constantiam, committit eis Dominis, scilicet Cardinali sancti Sixti, Ioanni electo Patriarchæ Constantinopolitano, Archiepiscopo Treuerensi, Comiti Palatino Carolo de Malatesta, auctoritatem, Congregationem ipsam Constantiensem; in quantum per Serenitatem Regiam, & non per Balthassar, se nuncupari facientem Ioannem XXIII. vocatam, vice sua conuocandi, & auctorizandi in generale Concilium, remota tamen omnimodè indè prædicti Balthassar præsentia, & præsentia ab eisdem, &c. Verba sunt formalia Bullæ datæ auctoritatis præfatis Oratoribus, quæ inserta est in gestis præfati Concilij.

Quod autem hæc verba, & gesta Domini Gregorij præfato Decreto contradicant, & opponantur, manifestum est.

Contradixit præterea eidem Decreto obedientia Dominorum Regum, Prelatorum, & Principum, & Communitarum, qui Petro de Luna Benedicto XIII. vocato, tamquam vero Summo Pontifici vniuersalis Ecclesiæ adhaerebant.

Nam, ut ex gestis eiusdem Concilij patet, pro eo, quod tenebant præfatos Patres Constantiæ congregatos sub obedientia Ioannis, siue etiam Gregorij, non facere Concilium vniuersale, nec eorum Congregationem representare Ecclesiam Dei Catholicam, noluerunt se vnire illi, nisi prius, iuxta compagiam in Narbona cum eo memor. Domino Imperatore Sigismundo, noua fieret per eos, apud quos veram esse arbitrabantur Dei Ecclesiam, Concilij conuocatio, sicut & factum est nobis præsentibus in minoribus constitutis.

Quæ omnia ita facta esse, & ab omnibus acceptata, Synodus ipsa Constantiensis, per diuersas sessiones apertissime testatur.

Quibus tribus obedientijs tandem, ita in nomine Christi Constantiæ conuenientibus sub intentione celebrandi Concilium vniuersale, habita est certitudo, & fides apud omnes Christi-fideles, vniuersale Concilium vniuersalem Ecclesiam representans Constantiæ celebrari, & non antè concurrente ambigua inter Fideles concertatione, apud quem trium pro Romanis Pontificibus segerantem Apostolicæ Sedis auctoritas resideret, & Principatus, ut enim testatur deuotissimus Bernardus lib. 5. de consideratione: [Fides ambiguum non habet, aliàs si habet, fides non est, sed opinio.]

Ex qua contradictione aliarum duarum obedientiarum clarissime percepit quisque doctus, quam præsumptuosa sit illa assertio, quod

H h h 2

quod obedientia illa Balchassar Constantiæ conueniens faceret Concilium vniuersalem, Ecclesiam representans.

Quartò, ea, quæ indicuntur de Decretis Concilij Constantiensis nullius sunt roboris, aut momenti: quoniam in illorum determinatione non modo non interuenit vniuersalis Ecclesia, sed obedientia vna tantum, scilicet Ioann. XXIII. vt dictum est; sed etiam non integrè tota illa obedientia: quoniam plures Patres doctissimi illius obedientiæ illis non præstiterunt consensum, aut assensum suum. Item nec ipse in sua obedientia vocatus Ioann. XXIII. quoniam cum post recessum suum à Constantia Scaphusæ constitutus, audiret præfatam declarationem, Dominis Oratoribus Christianissimi Regis Franciæ visitantibus eum, videlicet Domino Duce Buariz, Domino Nicolao de Calauilla, alijsque eorum collegis, amaro animo conuersus est, falsa quadam, & erronea aduersus auctoritatem Romani Pontificis decreta per emulos suos post recessum eius esse conclusa.

Quintò, præfata decreta Concilij Constantiensis non militant, quoniam nunquam fuerunt per omnes alias obedientias simul approbata, immò nec repetita, immò tota Synodus ex tribus obedientijs congregata, statutis suis videtur designasse decretum illud nunquam in mente sua inuoluisse. Quod patet ex duobus.

Primò, ex eo, quod in sessione 36. ita dicitur. Sacrosancta Constantiensis Synodus statuit, & decreuit, quod futurus Romanus Pontifex per Dei gratiam de proximo assumendus cum hoc sacro Concilio, vel deputandus, per singulas nationes, debeat reformare Ecclesiam in capite Romanæ curiæ secundum æquitatem, & bonum regimen Ecclesiæ, &c. Et sequitur in 13. articulo, propter quæ, & quomodo Papa possit corrigi, vel deponi. Ecce quod manifestè datur intelligi, quod Synodus illa hoc discernens non approbauerit, aut mente habuit illa decreta prima Constantiæ.

Secundò, ex illo, quod præfata Synodus Constantiensis postquam Papa Martinus fuit creatus, morem obseruando antiquorum Conciliorum, humiliter petiuit ab eo confirmationem, & roborationem omnium, quæ fecerat, cum autem confirmare, & roborare superioris auctoritatis sit, planissimum est, quod Synodus illa integra ex omnibus obedientijs Christianitatis non erat huiusmodi fidei, quod Concilium vniuersale habeat à Christo immediatè potestatem, cui etiam Papa obedire teneretur.

Sextò, præfatum decretum Constantiensis non militat, quoniam per Apostolicam Sedem non fuit approbatum, immò videtur per Dominum Martinum reprobatum, siue anullatum in condemnatione erroris Ioannis Vilelxi, & Ioannis Hus, inter quos, vt patet in bulla, quam approbante Concilio Constantiensis Dominus Martinus misit vniuersis Prælati nationis Germaniæ, vnus articulus condemnatus est. Quod Petrus non est, nec fuit caput Ecclesiæ sanctæ Catholice.

Secundus articulus, de quo mandat præfatus Dominus Martinus Prælati, & Inquisitoribus fidei, vt inquirant suspectos de præ-

fatæ erroribus, verum credant, quod Papa Canonice electus, qui pro tempore fuit, eius proprio nomine expresso, sit Successor B. Petri habens auctoritatem supremam in Ecclesia Dei. Hæc ibi. Clarissimum est autem, quod hi duo articuli per Dominum Martinum, assensiente, & approbante Concilio plenario Constantiensis, videlicet, quod Papa sit caput sanctæ Sedis Catholice, idest vniuersalis, & quod habeat supremam potestatem in Ecclesia Dei, non possunt simul stare cum decreto illo, quod Constantiæ factum legitur per quosdam de obedientia Io: Balchassar de superioritate Conciliorum supra Papam, quoniam vt habetur in cap. inferior distinct. 21. sola Sedes prior inferiori conuenienter absoluit, nec potest quisquam, qui inferioris auctoritatis est, eum, qui maioris potestatis est, adicere, aut proprijs subiicere diffinitionibus. Si Papa, manens Papa, alterius iudicio, præterquam Dei subiacer non potest stare in veritate articulus illè diffinitus Constantiæ per Dominum Martinum, quod Papa habeat supremam potestatem in Ecclesia, vt in superioribus etiam deduximus.

Septimò, præfata decreta, quæ inducunt aduersarij de Concilio Constantiensis, non militant, quoniam expressè sunt contra sacrorum Conciliorum Canones, & Apostolicæ Sedis diffinitiones, sicut in superioribus est demonstratum, quare quicquid diffinitum sit in contrarium, quibuscunque viribus caret iuxta cap. hæc est fides Pater beatissimè.

Octauò, decreta illa non militant, quoniam sanctorum Patrum sententijs, quorum Doctrinam in his, quæ fidei sunt, vniuersalis iam approbavit Ecclesia, manifestè contradiunt, sicut patuit exemplariter in superioribus, vbi pro Principatu Romani Pontificis testimonia induximus de beatis Hieronymo, Augustino, Ambrosio, Cyrillo, Chrysostomo, Theophilo, & Cypriano, atque Leone Primo, quorum sententiæ in materia fidei, cum iam ab vniuersali Ecclesia sint firmatæ, vt patet in quinta Synodo, nulla auctoritate, nulla hominum diffinitione possunt repelli. Omnis quippè contradictio facta horum Patrum sententijs, fieret profectò fidei ipsius vniuersalis Ecclesiæ: prima namque salus, vt habetur in cap. prima 25. qu. 1. est rectè fidei regulam custodire, & à constitutis Patrum nullatenus deuiare.

Nonò, præfata decreta locum non habent, quoniam contradicunt communi Doctrinæ clarissimorum Doctorem, tam iuris Diuini, quam humani, qui, vt in superioribus declaratum est de venerabili Hugone, de sancto Victore, de Alberto Magno, de sancto Thoma, de Magistro Alexandro de Ales, de sancto Bonauentura, &c. qui testimonijs Scripturarum sanctarum, & Canonum reuerentia totius Orbis consecratorum, & auctoritatis Summorum Pontificum clarissima luce demonstrant, Romanum Pontificem ità Principatum habere in vniuersa Ecclesia, vt extra casum hæresis, in quo à Papatu cadit, solum Deum Iudicem superiorem habear, cuius Vicarius immediatus existit. Est autem mirabile, quod Patres illi Constantiæ congregati voluerunt vno ictu non solum dedecere, sed hæreticare tantorum Patrum Doctrinam.

nam. Est autem hic non prætereundum, quod habetur in cap. placuit 36. qu. 2. quod auctoritas Concilij non præiudicat auctoritati Hieronymi, & maxime cum Diuina Scriptura innitatur, ubi dicitur gloss. quod hæc ratio est, quia roboratur auctoritate veteris Testamenti, & Concilij Meldenfis. Si autem vnus Doctor sancti auctoritas roborata auctoritate sacre Scripturæ, & auctoritate vnus Concilij præiudicat auctoritati vnus Concilij vniuersalis, vt ibidem dicitur, quanto magis auctoritas tantorum Doctorum, & sanctorum roborata, & sacra Scriptura, & Concilij vniuersalibus, & distinctionibus Apostolicæ Sedis præiudicare debet decreto vnus obedientiæ tantum, & tempore schismatis? Ex quibus omnibus liquidò colligitur, quod præfata decreta, quæ ex aduerso allegantur à Patribus aliquibus Constantiæ; edita vnus obedientiæ tantum tempore schismatis, nec necessitatem habent, nec virtutem euertendi fidem, quam de Romani Pontificis Principatu semper seruauit sanctorum Patrum auctoritas, & vniuersalis Ecclesiæ pietas venerata est.

CAP. C.

In quo respondetur obiectionibus aduersariorum sumptis ex decretis Concilij Basiliensis.

Amplius secundò, ea, quæ inducuntur de Concilio Basiliensi ex diuersis sessionibus eius, minimè etiã militant propter multa.

Primò, cum dicunt, quod sancta Catholica Ecclesia in sancto Constantiensi Concilio, &c. præsupponunt duo. Quorum primum est manifestè falsum, ubi dicunt, quod in Concilio Constantiensi fuerit vniuersaliter, definitum, quod Concilium generale, &c. quoniam non vniuersaliter, aut indefinitè, sed singulariter facta fuit illa definitio, siue declaratio, vt in responsione ad ea, quæ inducuntur de Concilio Constantiensi, plenè in præcedenti capitulo dictum est.

Secundò, supponunt, quod illud decretum factum sit à sancta vniuersali Ecclesia, hoc enim salua pace eorum, qui ita opinati sunt, nullo modo potest probari verum esse, sicut iam ante diximus, immò temerarium videtur, plurimumque scandalosum, velle definire, quod obedientia sola Ioannis Balthasar, quæ sola Constantiæ conueniens fecit id decretum tempore schismatis, esset vniuersalis Ecclesia Catholica, legitimè à verò, & indubitato Pastore vniuersalis Ecclesiæ congregata, sanctum vniuersale Concilium faciens, hoc enim esset dicere, quod sola obedientia Ioannis Balthasar inter tres obedientias fuisset Ecclesia, & thalamus Christi, & alix obedientiæ, scilicet Gregorij, & Benedicti fuissent prostibula, & synagoga Sathanz, & hoc non est aliud, quàm suscitare antiquum schisma in Ecclesia Dei.

Secundò, non militant præfata decreta

Basiliensis Concilij, eo quod Concilium illud noluit recipere presidentes Papæ in auctoritate sua debita iuxta morem antiquorum Conciliorum vniuersalium, de quorum auctoritate in actione sexta Concilij Chalcedonensis, vt refert Isidorus in libro Conciliorum ita habetur, in omnibus Synodis Apocrisarij Apostolici, decretas sententias, primò propter summam auctoritatem sanctæ eiusdem Sedis confirmabant, & subscribebant, quia aliter nullum robur habebant, vnde scribit Paschasius, &c. Ex quibus patet decreta illa omnino vacua esse auctoritate.

Tertiò, patet idem, quia non fuerunt conclusa vnanimi consensu totius Synodi. Si autem Concilium non agant, vt inquit Isid. 6. Ethic. & in cap. 1. dist. 15. Qui non consentiunt in vnum, non potest dici conclusio Concilij vniuersalis, maxime in materia fidei, cuius vnitas maxime requiritur in corpore Ecclesiæ, quæ ex vniuersali consensu non emanat. Quod autem vniuersalis consensus in decretis illis Basiliens. non interuenit, patet. Tum quia multis Prælati, & Doctoribus in vtroque iure graduatis, sapientia, & virtutibus clarissimis, non consentientibus, edita sunt, quorum plures eorum attendentes prædicta decreta aduersa esse sanctorum Patrum Doctrinis, non modo in disputationibus suis contradixerunt, & reclamauerunt, verum etiã in sessionibus ipsius Concilij, in quibus talia decreta ad furorem quorundam hostium Apostolicæ Sedis cum multitudinem populi parui præcij, & nullius auctoritatis publicata sunt, interesse noluerunt. Secundò, non fuerunt vnanimitate vniuersali conclusa, quia non expectata plenè vniuersali Ecclesia, nec integrè Synodo congregata, non enim expectatis plurium Regum, & Principum oratoribus conclusa fuerunt, licet aliquos eorum nonerint iam in via constitutos, vnde Basiliensē cupidi renouare decreta sua, postquam sanctæ memoriæ Dominus Eugenius ad Principum preces reuocauerat dissolutionem Concilij, quam fecerat, timentes Dominum Castellæ, & Angliæ oratores, quos iam propinquos nouerant, pro eorum sapientia, & zelo ad fidem, & Apostolicam Sedem conclusionibus eorum non præbituros consensum, praticauerunt, vt ante aduentum præfatorum Dominorum oratorum innouatio fieret suorum decretorum, quod factum est in sess. 18. Nullus profectò sanæ mentis vir, qui nouit cum quanta grauitate, integritate, & modestia fidei iudicia tractanda sunt, iudicabit esse vniuersali consensu totius Ecclesiæ conclusa, Spirituque sancto dictata, in quibus huiusmodi factiones, & practicę interuenerunt.

Quartò, decreta Basiliensium inualida esse, monstratur eo, quod in eis non interuenit assensus Apostolicæ Sedis, quæ vniuersam Synodum sua auctoritate confirmat, vt in cap. consideremus 25. qu. 1. Quod, verò ad hoc dicunt aduersarij Basilienses quod in sessione 17. quando presidentes Domini Eugenij fuerant admissi, iurauerunt, defendere decreta præfati Concilij, & specialiter decretum de auctoritate Conciliorum nullius est ponderis, & inter alia ex hoc, quod vt in gestis eiusdem Concilij habetur præfati Domini.

Dominus iurauerent nominibus propriis, ut scilicet particulares personæ, & hoc necessitate maxima compulli, quia aliter in maximum scandalum totius Ecclesiæ non admittebantur ad præfidentiam, non autem iurauerunt illa tenere, ut Nuncij Apostolici, immò in quantum huiusmodi protestati sunt in contrarium, nec interesse voluerunt sessionibus, in quibus talia concludebantur. Quis autem iam, etiam Patrum, in sanctorum Patrum literis doctus dicit vnanimi consensu vniuersalis Ecclesiæ esse conclusa, quæ, Apostolica Sede, in qua Dominus totius Ecclesiæ Principatum posuit, non consentiente, sed potius contradicente, per suos Oratores, & reclamante, conclusa sunt, sicut patet ex distinct. 17. per totum. Sed replicant aduersarij Basilenses, quod immò in decretis eorum interuenit consensus Apostolicæ Sedis, quoniam Dominus Eugenius per Bullas suas de Concilio, & assensu Dominorum Cardinalium tunc secum in Curia existentium decreuit, & declarauit multa circa præfatum Basilense Concilium.

Primo, quod generale Concilium Basilense fuerit pro extirpatione hæresum, pro pace populi Christiani, ac generali reformatione Ecclesiæ in capite, & in membris, & pertinentibus ad ea legitime inchoatum.

Secundo, quod à tempore suæ inchoationis legitime inchoatum extiterat, & esse, prosecutionemque semper habuisse, & habere, &c.

Tertio, prædictam dissolutionem irritam & inane declarauit.

Quarto, quod ipsum generale Concilium pure, & simpliciter, & cum effectu, ac omni deuotione, & fauore prosequi intendebat.

Quinto, reuocauit, quicquid per eum, aut eius nomine in prædictum, & derogationem prædicti Concilij Basilensis, seu contrarius auctoritatem attemptatum esset. Ad ista facili est responso, maxime si vera sunt, quæ à pluribus magnæ probitatis, & grauitatis viris dicta sunt in Curia, videlicet, quod præfata Bullæ magis extortæ fuerunt minis, quam de mente Dñi Eugenij emanauerint.

Nam, ut fertur Dominus Andreas Venetus Dominij Venetorum tunc Orator, & aliqui Domini Cardinales tunc a quo Dominum Eugenium præfentes, tinentes futurum magnum scandalum in Ecclesiâ, minati sunt præfato Domino Eugenio, quod nisi bullas illas adhesionis concederet, ipsum solum, recedentes, relinquerent, vnde præfato Domino in lecto decubente, præfati Domini referunt bullas illas taliter, qualiter expedituisse, & misisse Basileam.

Sed dimissis istis, nos aliter respondemus dicentes: quod nihil eorum, quæ in præfatis bullis continentur, suffragatur aduersarijs, quoniam Dominus Eugenius numquam præbuit consensum decretis Concilij Basilien. nec ipse, ut Basilenses fabulantur, & garrunt, cum sancta Catholica Ecclesia fuit complexus Doctrinam, quam aduersarij de auctoritate conciliorum fingunt: quoniam nec ipse Summus Pontifex, nec vnquam vniuersalis Ecclesia complexa est talem doctrinam, sed ipse semper tenuit cum sancta Ca-

tholica Ecclesia, quod scriptura sancta, & sanctorum antiquorum Canonum firmat auctoritas, & sanctorum patrum ac clarissimorum doctorum ab ipso nascentis Ecclesiæ exordio communis tener doctrina. Et ad probationem, quam inducunt ex partibus bullarum adhesionis, respondetur negando, quod ex aliqua illarum partium cum veritate potest argui, quod Dominus Eugenius complexus fuerit, aut approbauerit præfaram Basilien. doctrinam. Quod, per singulas partes discurrendo, facimus manifestum.

Non quidem ex prima, in qua dicit concilium Basilense congregatum esse legitime pro extirpatione hæresum, patet: quoniam, ex hac concessione nullo modo sequitur, quod ipse summus Pontifex complexatur, aut approbet quicquid per illud Concilium fuerit institutum, aut diffinitum, licet enim vniuersale Concilium Ephesinum secundum extirpandi hæresis gratia fuerit legitima auctoritate inchoatum, nihilominus Leo Papa, non complexus est præfati Concilij definitiones: immò illas in Concilio Chalcedonen. sequenti tanquam hæreticas reprobari instituit, & damnauit. Præterea licet sancti patres in concilijs vniuersalibus legitima continuatione processerint: nihilominus pro suorum canonum robore, atque firmitate ad Apostolicam sedem leguntur semper habuisse iu sine recursum, sicut liber conciliorum, & Summorum Pontificum aperte testatur, quod etiam nos in tercio sequenti libro ostendimus.

Cæterum, nec ex secunda parte bullarum adhesionis, aduersarij habent intentum: quoniam licet Dominus Eugenius declararet præfatum concilium fuisse continuatum, & continuari debere, propter hoc non sequitur, quod decreta sua, aut statuta, super quibus eius sedes numquam fuerat consultata, approbauerit: & tamen, ut scilicet, & sanctæ memoriæ Nicolaus Papa in epistola, quam Michaeli Imperatori scribit, à sanctis Patribus in Concilij obseruatum extitit, ut absque Romani Pontificis consensu nullius insurgentis deliberationis terminus daretur, ipse, videlicet Eugenius, Florentiæ in disputatione publica, de qua nos in minoribus constituti respondebamus alleganti in fauorem Basilien. reuerendissimo Domino Inliano de Césariis sanctæ Sabinæ Presbytero Cardinali, præfentibus Dominis Cardinalibus, pluribusque alijs prælatis, & officialibus curiæ, ad argumentum de huiusmodi bullis respondit, ita dicens. Nos quidem bene progressum Concilij approbauimus, volentes, ut procederet, ut inceperat non tamen approbamus eius decreta, & in hoc sapientissime fecit. Quis enim, nisi imprudentissimus Princeps approbaret decreta, quæ numquam vidisset, aut quæ prius non examinasset si quod in eis minus expedirens contineretur. Vnde mos fuit summorum Pontificum, cum confirmaturi essent decreta conciliorum vniuersalium, quibus personaliter non interfuerant, congregare Synodum prælatorum, qui erant sub patriarchatu Romano, & ibidem diligenti examinatione facta, illa confirmabant, sicut de beato Siluestro legitur, cum decreta Concilij Nicæni approbasset. Item duobus posterioribus Papa

Papa Clemens Quintus ita fecisse legitur: vt Ioann. an. in principio Clem. ponit de constitutionibus factis in concilio Viennen. quæ quia, vt inquit, aliquæ earum erant ineptæ, aliquæ proluxæ, aliquæ defectiue compositz, aliquæ etiam non expediebant, fecit illas Clemens recenseri per peritiores, qui aliquas illarum in toto resecrauerunt, aliquas in totum resecrauerunt, aliquas mutarunt, quo ad verba mente seruata: aliquibus verò earum quibusdam detractis quo ad verba, & quo ad mentem, aliqua sunt addita. Præterea quod Dominus Eugenius approbando processum Concilij, non approbaret decreta illius, exinde manifestè colligitur, quod licet Basilien. cum maximo studio repetitis vicibus supplicauerunt, exorauerunt, ac requisierunt per oratores suos, vt Dominus Eugenius eorum decreta approbaret, & confirmaret, nunquam tamen talem approbationem, aut confirmationem habere ab eo potuerunt. Et merito, quia Sedes Apostolica, in qua religio christiana semper immaculata permanfit, & permanebit, talia decreta, quæ ab Euangelica veritate, & sanctorum Patrum doctrina, aliena videbantur, nullo modo ab eo passa sunt confirmare.

Ceterum, nec ex tertia particula bullarum prædictarum habent aduersarij intentum. Tum quia, non idè Dominus Eugenius dissolutionem factam concilij irritam esse declarauit, quia ipse, qui Princeps erat Ecclesiæ facere illam non potuerit, sed quia agnouit, ex non veris causis, licet veris autem æstimatis, ex aliquorum relatione illam fecisse, vnde cognita non exilentia causarum, & quod, vt in bulla inquit, ex prædicta dissolutione orta erant graues dissensiones, & grauiores oriri possent, necnon quod præstabat impedimentum executioni sanctorum operum, ad quæ Synodus fuerat congregata data promissione à Synodo, & securitate à Principibus, quod Apostolicæ sedis honor, & sanctitatis suæ illibatus seruaretur, mutauit sententiam, & voluit dissolutionem factam pro bono pacis Ecclesiæ nullam haberi: nec habuisse firmitatem, reuocans illam, ac irritans.

Non enim est nouum, quod sententiæ summorum Pontificum pro consideratione temporum, & locorum, & personarum, ac grauium occurrentium necessitatem in melius commutentur. Ait enim Papa Nicolaus in cap. sententiam. 25. quæst. 7. Sententiam Romanæ Sedis non negamus in melius posse commutari, cum aut surreptum aliquid fuerit, aut ipsa pro consideratione ætatum, & temporum, seu grauium necessitatum dispensatoriè quædam ordinare decreuit: quoniam, & egregium Apostolum Paulum quædam fecisse dispensatoriè legimus, quæ postea reuocasse legitur. Amplius, nec ex quarta particula cedit aliquid fauoris aduersarijs, quoniam licet Dominus Eugenius diceret se velle præsequi, cum omni deuotione, & fauore illud Concilium: hoc tamen intelligendum est in his, quæ iussit, & rationabiliter, salua fide, salua sanctorum Patrum doctrina salua Apostolicæ sedis auctoritate, & reuerentia, per concilium constituerentur.

Præterea, dato quod Papa tunc promisit

Concilium illud, cum omni deuotione, & fauore præsequi, intelligatur approbasse illius decreta: illa intelligitur approbasse, quæ iurisdictionem, & auctoritatem papalem non offendunt, & honori, atque præminentiæ Apostolicæ sedis non repugnant, seu obuiant, quæ, vt supra repetitum est, superiorem nullum præter Deum recognoscit de elect. cap. licet.

Item nec ex quinta particula aduersarij habent propositum suum quoniam ex tali reuocatione, & cassatione eorum, quæ attemptata fuerunt in præiudicium Concilij Basilien. non sequitur, quod Dominus Eugenius asserere voluerit, aut credere voluerit, eadem de Concilio Basiliensi, aut quocumque alio, quæ cum veritate Concilij non conueniant, nec contrā auctoritatem Concilij sit negando ei conuenire, quæ iuxta sanctorum Patrum doctrinam ei non competunt. Cæterum nec per illam reuocationem voluit Dominus Eugenius à se, & à sede sua abnegare, quæ iuxta scripturas sanctas, & sanctorum Patrum sententias Apostolicæ sedi diuinitus sunt concessa, cum hoc non posset facere: inter quæ est illud de dependentia auctoritatis Conciliorum à Papa, & non è conuerso, vt patet dist. 17. per eorum, de quo etiam duce Christo, plenior tractatus erit in sequenti huius summx libro tertio.

Quintò, decreta Basilien. prædicta non sunt valida: quoniam sicut de decretis factis Constantiæ per patres aliquos obediens Ioannis Balchassar, qui dictus est apud illos Ioan. 23. dictum est: sunt sanctorum Patrum sententijs, & præstantiorum doctorum in tota schola theologia doctrinæ aduersa, & contraria. Vbi non parum admirandum aduersarios Basilien. tanta caligine mentis inuolutos, & excæcatis malitia, vt in materijs fidei definiendis, & declarandis maluerunt sequi homines ab Ecclesiâ Dei in doctrina sua damnatos, sicut fuit Marius de Padua, Ockan cum complicitibus suis, ex quorum doctrina extracta sunt pro magna parte decreta illa præfata Basilien. & quosdam alios nouellos doctores præfati Ockan, & aliorum fraticellorum opiniones erroneas renouantes, quam Doctores Sanctos ab Ecclesiâ approbatos, & alios præstantissimos doctores antiquos, & reputatissimos in schola theologica, quorum doctrina fulget Ecclesiâ, vt Sol, & Luna. Contrā quos ait Hieronym. & habetur in canone non afferamus 24. q. 1. Non afferamus stateras dolosas, nec appendamus, quod volumus pro arbitrio nostro, dicentes, hoc graue, hoc leue est, sed afferamus diuinam stateram ex scripturis sacris tamquam de thesauris dominicis, & in illa quid sit grauius appendamus, hæc Hieronymus.

C A P. CI.

In quo respondetur aduersariorum obiectionibus sumptis ex auctoritatibus Doctorum.

IAm respondeamus ad auctoritates Doctorum, quas aduersarij in eorum fauorem inducunt.

Et Primò ad illam, quæ dicitur esse beati Petri ad Clementem, respondetur, quòd auctoritas illa non militat contra conclusionem nostram propter multa. Tum primò, quoniam cum beatus Iacobus multo tempore fuerit mortuus ante beatum Petrum bene scilicet ad minus octo annis, vt colligitur ex Chronicis non videtur verisimile, quòd beatus Clemens scripserat illam epistolam, post mortem beati Petri, beato Iacobo. Tum secundò, quia multi tex. habent, vbi aduersarij ponunt deponaris: puniariis: & hoc intelligitur à Deo, & non ab alijs. Etiam si dicatur deponaris, intelligentiam est scilicet à Deo. Et quòd ita sit intelligendum, patet satis testimonio beati Anacleti, qui immediatè secutus est beatum Clementem, qui ait in capit. ejectionem dist. 79. Ejectionem Summorum Pontificum sibi Deus referuauit.

Tum tertio, quia dato, quòd dicatur in auctoritate prædicta, deponaris, & intelligatur per Ecclesiam: non sequitur, quòd extrà casum hæresis veniat deponendus per Ecclesiam, vnde solus casus hæresis tangitur in auctoritate prædicta, cum dicitur: Ex eo fit, quòd & tu tamquam, qui non docueris, quæ ad salutem hominum pertinent, deponaris, vel puniariis, huc enim concedimus, quòd si Papa non docuerit, quæ ad salutem hominum pertinent, sed errores, & hæreses, meritò puniendus est tamquam hostis Christi, & euerfor fidei cuius veniat. Et ita ratio non procedit contra conclusionem nostram.

Ad secundam, quæ sumitur ex glos. c. si Papa, dist. 40. respondetur, quòd de glos. illa parum curandum est. Tum primò, quia vt patet ex modo loquendi non assertiuè, sed opinatiuè loquitur, ait enim credo. Secundò, quia non firmatur aliqua ratione, contumacia enim non propriè dicitur hæresis, sed symbolica, & transumptina locutione, vnde argumeta sumpta ex talibus, tamquàm sint propriè dicta nihil valent, vt dicit Aug. ad Vicen. Tum tertio, quia manifestum est contrà textum, vnus summi Pontificis, & martyris, qui multo præstantioris auctoritatis est, quam glosator ille. Quartò, quia est contrà multos tex. & canones sacerorum Conciliorum, & sanctorum Patrum, de quibus superius in cap. 93. multa commemorata sunt. Tum quinto: quia contraria est doctrina Doctorum, sicut pater ex superioribus, vnde etiam Archidiaconus in Rosario super illud glos. Numquid potest denunciari crimen Papæ dicit: quòd denunciatio fit ad correctionem, ad quam compelli non potest, cum superiore non habeat. Tum sexto, quia contraria est multis alijs glo. vt illi in cap. mandasti 3. qu. 5. quæ dicit, quòd Papa non potest ab aliquo

iudicari, nec etiam ab vnuerfali Concilio. Item illi in cap. nemo 9. quæst. 3. super verbo ab omni clero, quæ dicit argumentum, quòd Concilium non potest Papam iudicare, vt extrà de Elect. cap. significasti, vnde si totus mundus sentiret in aliquo negotio contrà Papam, videtur sententia Papæ standum esse, vt 34. quæst. 1. hæc est fides, hæc glos. prædicta. Item contraria est glos. in cap. si quis pecuniam dist. 79. quæ vult, quòd tantum pro stricta hæresi papa possit iudicari, & deponi, scilicet si peccat contrà articulos fidei. Quorum glos. contradictione visa, siue sint vnus glosatoris, siue diuersorum, illa sententia magis tenenda est, pro qua maior numerus glosatorum facit.

Secundò potest responderi ad illam. Glos. vt quidam Theologi respondent, & maxime Magister Augustinus de Ancona in summa sua, de potestate Ecclesiastica, quòd Papam esse incorrigibilem potest intelligi dupliciter. Vno modo continuatione criminis, puta, quia admonitus non desistit peccare peccato fornicationis, aut alio accusatione digno, absque hoc, quòd crederet licet facere. Secundò modo per ipsius criminis pertinacem defensionem, vt dicat, & defendat tale crimem, quòd circumumolatum habet malitiam non esse peccatum. Glos. verò non habet locum in primò modo, sed bene in secundò; tunc enim concordat cum Glos. cap. si quis pecuniam, dist. 79. de qua parum ante. Si autem dicatur, quòd Papa fit incorrigibilis, tantum primò modo, per continuationem scilicet in peccatis, adhuc scandalizaret: & ita videtur, quòd veniret iudicandus, respondetur, quòd non propter hoc veniret iudicandus. Tum quia illud non esset scandalum perlicitationis Ecclesie, hinc est, quòd licet talia scandala præuideret Dominus in sua Ecclesia, nihilominus dicit Dominus de Prælati Matth. 23. Super Cathedram Moysi, &c. Et hoc est, quòd aperte dicit, cap. si Papa. Tum secundò, quia vt ait Gregorius, vtilius scandalum nasci permittitur, quàm veritas relinquatur. Cum autem iuxta Canones, sanctorum Patrum, & sanctorum Doctorum doctrinam; Papa, nisi in fide deuict à solo Deo iudicandus veniat propter quodcunque scandalum veritas doctrinæ, tantis inconstantijs sanctorum Patrum radicibus fundata, non est aliquo modo relinquenda. Præterea vt inquit Apostolus, mala non sunt facienda, vt eueniant bona, malum est autem facere contra diuinam dispensationem, aut vsurpare diuinum iudicium. Cum autem ista sint peccata mortalia, ergo hæc facienda non sunt propter quæcunque alia bona.

Ad tertiam obiectionem sumptam ex auctoritate beati Gregorij, respondetur, vt dicit Magister Alexander de Aliis in tertio, quòd hoc, quòd fecit Gregorius, factum est ad exemplum humilitatis, non ex necessitate iuris, quòd enim Papa se vultuere subijcere in aliqua causa aliorum iudicio supererogationis est, & tale non inferri necessitatem. Vnde ex hoc non arguitur, quòd habeat iudicem ordinarium superiorem eo.

Ad quartam auctoritatem, quæ dicitur esse beati Thomæ in libro de regimine principum; respondetur, quòd nõ facit ad propositum.

tum, dato, quod liber sit sancti Thomæ, si bene intelligatur ea, quæ idem Doctor ibi posuit, non enim loquitur ibi sanctus Thomas, nisi de communicare, quæ ius habet prouidendi sibi de Rege per institutionem, siue donationem iurisdictionis, sicut est communiter in institutione Regum, & principum secularium, secus est de Principe Ecclesiæ, cuius auctoritas ab ipso Deo immediate pendet, & non à communitate Ecclesiæ, sicut iura multa dicunt, ut in cap. quamuis, dist. 21. & in cap. omnes, dist. 22. & in cap. sacrosancta. Præterea hoc etiam patet ex eo, quod licet aliquod Collegium Canonicorum aliquius Ecclesiæ Cathedralis expectet prouideri sibi per electionem de Episcopo, nihilominus, quantumcumque conuersus in tyrannum, aut scandalizet Ecclesiam, non pertinet ad eum deponere illum, sed oportet recurrere ad superiorem. Ex his pater deceptio eorum, aduersariorum, qui ex conditione cumunitatis mundanæ, ad quam spectat, ut dicunt, Principis correctio, vel totalis destitutio, si inemendabilis perseveret, arguunt de communitate Ecclesiæ, quod ita sit, aut debeat esse in ea respectu ipsius Principis Ecclesiæ, decipiuntur autem turpiter, cum nullo modo sit simile hic, & inde, ut dictum est.

C A P. CII.

In quo respondetur aduersariorum obiectionibus sumptis ex rationibus, & qualiter Papa per hæresim publicè predicatam, & contumaciter defensatam cadat à Papatu.

Consequenter respondendum est ad obiectiones quartæ viz, scilicet ad rationes.

Ad primam rationem sumptam de cap. si Papa, respondetur negando consequentiam. Et ratio est, quoniam per hæresim Papa cadit à Papatu, quod non fit per alia peccata, & ita cum per hæresim Papa fiat omnibus fidelibus minor, ut dicit sanctus Thomas in 4. & habet Gloss. in cap. achatus 24. quæst. 1. per Ecclesiam iudicari poterit, siue iudicatus à Deo declarari, quod non potest propter alia peccata: Quod verò Papa per hæresim notoriam, & contumaciter defensatam cadat à Papatu, & ita ipso iure sit priuatus, patet ex multis. Tunc ex eo, quod fide perdit, per quam fit prima unio ad corpus Christi, quod est Ecclesia, membrum Ecclesiæ esse definit, & per consequens esse caput, quomodo enim intelligi potest, ut aliquis sit caput corporis Ecclesiæ, cuius non modo membrum non est, sed nec etiam in corpore ipso, sed extrà est.

Secundò, quia Ecclesia est fundata super Petram, & scilicet Fidem Christi, Matth. 16. I Super hanc petram ædificabo Ecclesiam meam. Ergo qui cadit à petra, scilicet Christo, siue fide eius notoriè, & contumaciter, cadit omnino ab Ecclesia Christi, & per consequens à Principatu eius, qui importatur nomine Papatus.

Tertiò patet ex his, quæ sanctus Thomas Tom. XIII.

dicat in 2. 2. quæst. 39. artic. 3. ubi querens, an Schismatici habeant absolendi potestatem, & distincta duplici potestate, scilicet Sacramentali, & iurisdictionali respondet, quod potestatem Sacramentalem non perdunt, quoad essentiam potestatis, licet bene, quoad legitimum usum: Potestatem verò iurisdictionalem, quæ non per consecrationem, sed per solam commissionem datur, prædunt, quoad essentiam potestatis Schismatici, & Hæretici. Unde non possunt absolvere, vel excommunicare, nec indulgentias dare, nec aliquid huiusmodi, quod si fecerint nihil est ædum. Iudicet ad hoc auctoritatem Cyprianus, qui in cap. nouatianus 7. quæst. 1. ita inquit: Qui nec unitatem spiritus, nec communicationem pacis obsequatur, fe ab Ecclesiæ vinculo, & Sacerdotum Collegio separatur, nec Episcopi potestatem habere potest, nec honorem.

Tunc quartò, hoc colligitur ex eodem sancto Thoma in 4. dist. 19. ubi inquit, quod si Papa in hæresim labitur, minor efficitur quocumque fidei, & hoc idem habet Gloss. super cap. achatus 24. quæst. 1. quæ ita habet: Hic est casus, in quo Papa Papam ligare potest, in quo Papa Canonem latè sententiæ incidit. Nec huic obuiat regula, par parem soluere, vel ligare non potest, quia si Papa hæreticus est, minor est quolibet Catholico. Hæc Gloss.

Tunc quintò, hoc videtur colligi ex capitulis multis in decreto, sicut ex cap. quod autem, & cap. Achatus, & ex cap. audiimus 24. quæst. 1. Unde in cap. audiimus, ita expræse habetur: Si autem in corde suo nouam hæresim confinxeris, ex quo talia predicare ceperit, neminem damnare potuit, quia non potest deicere quenquam, iam prostratus.

Item ex cap. omnis, qui recedit, & non permanet in doctrina Christi, &c. eadem causa, & quæst. & ex cap. didicimus ibidem, ubi beatus Cyprianus ita ait: Dicimus omnes omnino Hæreticos, & Schismaticos nihil habere potestatis, aut iuris.

Item ex §. his auctoritatibus eadem, & causa, & quæst. ubi sic habetur: His auctoritatibus perspicue monstratur, ex quo aliquis contra fidem ceperit aliquid docere, nec deicere quenquam valet, nec damnare, unde propriè loquendo, nec propter hæresim Papa deponitur à Concilio, sed potius declaratur non esse Papa, cum ostenditur, quod in hæresim fuit collapsus, & incorrigibiliter in ea obstinatus perseuerat: unde Gloss. in cap. 1. extrà de schismaticis super verbo carcam firmitate, dicit, quia dum Ecclesia Pastorem habet Hæreticum, vel Schismaticum, vacare intelligitur, suprà de præscrip. cap. 1. verum, quod quis in hæreticam prauitatem pertinaciter lapsus sit ipso iure omni Ecclesiastica potestate priuatus, plenius opitulante Deo ostensum sumus in quarto libro huius operis, cum de hæreticis erit sermo.

Ad probationem autem primam consequentiæ, respondetur: Primò, quod dato, quod Scriptura Sancta aperte non expræsserit, ius tamen Canonicum hanc differentiam satis sufficienter expræssit, ut in cap. si Papa, & in multis alijs, ut cap. oues. Magnani faciens differentiam, in hoc loco de peccato hæresis,

& de peccatis aliorum generum, & hoc sufficit.

Secundò, potest responderi negando, quòd in Sacra Scriptura talis differentia inter hæresim, siue infidelitatem, & alia peccata non reperiatur expressa: De peccato enim infidelitatis dicitur Matth. 10. [Qui negauerit me coram hominibus, negabo eum coram Patre meo.] Item Ioann. 3. [Qui non credit iam iudicatus est.] Item 2. Ioann. 1. [Si quis venit ad vos, & hanc doctrinam non asserit, nolite eum recipere in domo, nec aue ei dixeritis: Qui enim dixerit ei aue, communicat operibus eius malignis.] Vbi inquit gloss. nolite, idest non tantum non assentiaris, sed nec ad horam recipiatis. Et ista ita se extendunt ad Prælatos Christi, doctrinam non accipientes, sicut ad subditos. De alijs autem peccatis, non sic loquitur Scriptura Diuina, sed ait Matth. 23. [Super Cathedram Moysis sederunt Scribæ, & Pharisei, quæcumque dixerint vobis, seruare, & facite, secundum opera eorum nolite facere. Ecce quòd Dominus non dicit abijciendos malos Pastores, qui bonam doctrinam habent, vitam verò malam, sed audiendos in doctrina, in operibus verò non imitandos.] Vnde Augustinus in epistola ad Gerosum assignans rationem, quare Prælati etiam malis, vtpote Papæ, etiam malo moribus, obediendum esset, sic dicit: Ab ipso Petro numeramus Episcopos, & infra: in hoc ordine successionis Episcoporum, qui deducitur ab ipso Petro, vsque ad Anastasium, qui nunc eandem Cathedram sedet, etiam si quisquam traditorum per illa tempora surrexisset, nihil præiudicaret Ecclesie, & innocentibus, quibus Dominus prouidens ait de præpositis malis, quæ dicunt, facite, quæ autem faciunt, nolite facere, vt certa sit spes fidelium, quæ non est in homine, sed in Deo collocata, nunquam tempestare sacrilegij schismatis dissipetur. Hæc ille. Item colligitur ex Apostolo ad Rom. 13. [Omnis anima potestatibus sublimioribus subdita sit:] Gloss. bonis, vel malis, primæ Petri 2. [Obedite præpositis vestris, non tantum bonis, & modestis, sed etiam discolis.] Ecce quàm clara dicta ex Sacra Scriptura colliguntur inter peccata infidelitatis in pastoribus, & alia peccata.

Ad secundam probationem respondetur, quòd falsum præsupponitur; videlicet quòd maius sit iudicare Papam in casu hæresis, quàm in casu aliorum peccatorum. Et ratio est, quia in primo cadendo à Petra fidei, cadit à Papatu, vt dictum est, & ita efficitur minor quocumque fidei, & ita minus est in hoc casu iudicare illum, quod non est in alijs peccatis, in quibus non cadit à superioritate officij. Quòd autem dicitur, quòd vbi conceditur maius, &c. respondetur, quòd hoc verum est, vbi maius, & minus sunt eiusdem ordinis, siue rationis, vt de se patet.

Ad secundam rationem, vbi dicitur, quòd nulli corpori, &c. respondetur, quòd ratio non procedit propter multa.

Tum primò, quia maior illa deficit in veritate de membro capite, quia ab illo pendet sensus motus, & vitæ corporis, & sine quo corpus non viuit. Hinc est quòd Christus Matth. 18. inter membra ratione scanda-

li abscindenda, non nominat caput, sed membra illa, cum quorum abscissione stat vita sensus, & motus corporis. A Papa autem, vt habetur in cap. si Papa, dist. 40. post Deum salus vniuersitatis fidelium specialiter pendet.

Tum secundò, ratio non videtur ad propositum induci, quia quantumcumque Papa efficitur malis moribus membrum putridum, non potest totum corpus inficere, non permitte hoc ipso Spiritu sancto, quo Ecclesie corpus, & viuit, & vegetatur, & à quo salus eius principaliter dependet, maxime cum Christus pollicetur sit semper cum corpore suo manere, dicens: [Ego vobiscum sum, vsque ad consumationem seculi.] Matth. ult.

Tum tertio, ratio non procedit, quia etsi huiusmodi membri abscissionem alijs de Ecclesia, vel Ecclesie non commisit, sibi tamen reseruauit, secundum illud Symmachi in cap. aliorum 9. quæst. 3. dicentis: Aliorum hominum causas Deus voluit per homines terminari, sed sedis istius præseleui fine questione reseruauit arbitrio. Stultum autem esset cogitare, quòd minus sit prouisum corpori Ecclesie per hoc, quòd Christus Vicarij sui causas suo siue questione arbitrio reseruauit, quàm si aliorum iudicio voluisset terminari. Nec etiam mirandum est, si aliqua in hac vita remaneant impunita, & iustitia aliquotiens exulet; quia multa diuino examini reseruantur, quæ in hoc seculo manent impunita, vt in cap. si ostenditur 6. quæst. 1.

Ad tertiam rationem, quasi similis patet responsio; dicimus enim, quòd consequentia illa aduersariorum nulla est: Inimò Christus instituendo, quòd Papa eius Vicarius generalis extrà calum hæresis propter alia quæcumque peccata, propter quæ non cadit à Papatu, & Vicarius eius non possit corrigi ab alijs, quàm ab eo, ordinatissime fecit: quia sic relucet in ordine Ecclesie ordo Diuine prouidentie, quæ habet, quòd in ordinatis ad ipsum, prima agunt in posteriora regendo, mouendo, corrigendo, & non è conuerso; vnde cum Romanus Pontifex sit primus, & supremus in toto ordine Ecclesie, secundum debitum ordinem ipsius, ita debuit institui, vt ipse alios corrigeret, & ipse à solo Deo veniret corrigendus; vnde gloss. super illud Psalm. [Tibi soli peccaui,] inquit, quia Rex est omnibus superior, idè à Deo tantum, qui maior est eo puniendus est. Et ad probationem respondetur, quòd nulla est. Tum primò, quia aliud est in casu hæresis, & in alijs peccatis, vt sæpe repetitum est. Tum secundò, quia aliud est resistere volenti demoliri communitatem, & aliud est punire volentem demoliri, aut aliquid iniuste attentare, primum potest conuenire inferioribus, secundum non. Tum tertio, quia vt in prima responsione dictum est, casus ille non est possibilis de communitate Ecclesie, sicut de alijs, pollicente Christo Matth. 16. quòd aduersus Ecclesiam, etiam portæ inferi non præualebunt.

Ad quartam rationem, cum arguitur: Omne quòd debemus, &c. respondetur, quòd ratio illa nihil facit ad propositum, aliud enim est impedire aliquem hominem volentem alterum iniuste interficere, aut tenendo eum,

C A P. CIII.

*In quo respondetur obiectionibus aduersariorum sumptis ex gestis,
& exemplis Superiorum
temporum.*

cum, vel remouendo sibi gladium de manibus, vel aliquid huiusmodi, & aliud est esse superiorem iudicem illius, & posse contra illum procedere via iuris ad eum puniendum. Vnde si argumentum procederet omnes homines possent suos quoscumque superiores, cum male agerent, iudicare, & punire, etiam laici clericos. Vnde ista argumenta fuerunt Bohemorum ad probandum, quod eorum, & communitas dissolutum Clerum corrigere, posset.

Ad quintam, cum arguitur, si Papa vellet uxorem alterius, &c. respondetur sicut ad præcedentem, quod ratio non militat. Aliud enim est resistere, & aliud est punire, siue impugnare, primum potest conuenire in casu, inferiori, sicut Paulus resistit Petro, sed secundum non nisi superiori.

Ad sextam rationem, & septimam, in quibus obijciunt, quod Papa diffamatus ad vitandum scandalum debeat se purgare; respondetur, quod rationes illæ non militant in aliquo, quia dato, quod Romanus Pontifex diffamatus, teneatur se expurgare ex debito conscientie ad tollendum scandalum, non sequitur ex hoc, quod aliquis sit iudex eius inferior in causis, quoniam poterit se expurgare absque hoc, quod purget se coram aliquo iudice superiori, sicut aperte colligitur ex purgationibus factis aliquibus superioribus temporibus per Summos Pontifices. Sicut de Leone legimus in cap. auditum 2. qu. 7. quam tamen non fecit coram iudice superiore, vel Concilio vniuersali, sed coram duodecim Episcopis tantum, vt in cap. omnibus ead causa 2. qu. vnde ait: Auditum est fratres charissimi, qualiter mali homines in me graua crimina confinxerunt, quomobrem ego Leo Papa Pontifex sanctæ Romanæ Ecclesiæ purifico me in conspectu vestro coram Deo, & Angelis eius, &c. Item Sixtus Papa se purgavit in Concilio, sed non tamquam superiore iudice, vnde cap. mandastis, 2. qu. 5. scribens omnibus Episcopis, ita ait: Scitote me criminari à quodam basso, & iniuste persequi, quod audiens Valentinianus Augustus nostra auctoritate Synodum congregari iussit. Nota nostra auctoritate, & facto Concilio cum magna examinatione, satisfaciens omnibus, licet euadere aliter potuissim, quia vt ait gloss. ibi Papa à nullo potest iudicari, 19. qu. 3. aliorum, nec ab vniuersali Concilio, 17. dist. 5. Hinc etiam, ff. de lege princeps. suspensionem tamen figens, expurgaui me, scilicet à suspensione, & emulatione liberans, sed non alij, qui noluerunt, aut sponte hoc non elegerint, formam faciendi dans. Hæc ibi. Item patet idem de Damaso Papa, qui non coram superiori iudice, sed coram 42. Episcopis se purgavit, vt in capit. nos si. 2. quæst. 7. in fin. Collige ergo ex dictis beati Sixti in præfato cap. mandastis, quod Papa non teneatur se purgare de obiectis sibi criminibus; siue de aliqua infamia à quibuscumque exorta bonis, vel malis si, non vult, etiam aliqui, vt ipse ex humilitate, hæc legantur fecisse.

Ad ea, quæ aduersarij quinto loco dicunt ad ostendendum, quod Papa habeat iudicem superiorem in terris, & quod vniuersalis Ecclesia sæpe numero Summos Pontifices, siue à fide delirantes, siue prauis moribus Ecclesiam scandalizantes corripit, iudicauit, ac puniuit: licet vno verbo possemus nos expedire dicendo, quod licet vbi deficit ius, recurrendum esset ad historiam Ecclesiæ, non tamen vbi iura non deficiunt, sed multa sunt, & clarissima dicentia, quod Papa in solo casu hæresis, etiam strictè sumpto iudicem habeat in terris, nihilominus respondentibus dicimus, quod id, quod aduersarij dicunt non habet veritatem: quoniam nullo exemplo potest probari, quod aliquis vnquam Catholicus Romanus Pontifex verus, & indubitatus quantumcumque repperit fuerit moribus deprauatus, fuerit per vniuersalem Ecclesiam, siue per Concilium vniuersale depositus, siue punitus, quod patet per omnes Romanos Pontifices, de quorum depositione sit aliqua mentio in gestis, siue Chronicis antiquis. Non quidem Marcellinus Papa, qui licet propter idolatriæ scelus commissum, vniuersalem Ecclesiam scandalizasset, non Concilij, sed suis iudicio sententiam accepit. Nam vt etiam supra commemoratum est, cum confessus esset errorem suum, & iudicio se submitteret Concilio, Concilium dixit: Absit vt à nobis Summus Pontifex iudicaretur, negasti tu; negauit, & Petrus magister tuus, & quis Apostolus ausus fuit, inde eum iudicare? sed egressus foras fleuit amare; tu ergo in sinu tuo causam collige tuam, tuo proprio ore te iudica. Audiens hæc Marcellinus, inquit: Ob idolatriæ scelus, quod infelix commissi, me iudico deponendum. Quæ tamen depositio executionem non habuit, sed in Pontificatu vsque ad mortem permansit; vnde in Chronica Bernardi Guidonis, ita legitur: Huius Papæ tempore tanta vis persecutionis esset, vt infra triginta dies, decem, & septem milia hominum promiscui sexus per diuersas Prouincias martyrio coronarentur; vnde Marcellinus capite truncatus est, à quo die inter persecutiones cessauit Episcopatus annis septem, mensibus sex. Ecce quod dicit, quod à die, quo capite truncatus est, cessauit Episcopatus; vnde manifestum est, quod prius per depositionem non desierat. Cæterum, nec de Felice potest verificari, quod aduersarij dicunt, quia etsi legatur depositus, non tamen ab Ecclesia, nec propter sua demerita, sed quia hæreticos communicare nolebat, immo excommunicauit illis communicantes, à Constantino conuocato Concilio, cum Hæreticis Arianis in exilium missus est, & loco eius Liberius factus hæreticus, substitutus est.

Item, nec facit ad propositum aduersariorum, quod legitur de Anastasio in cap. Anastasius, dist. 19. & in gloss. quoniam licet, ibi dicatur, quod aliqui Presbyteri recessissent ab eo, eo quod communicasset Photio, & Achario, non tamen legitur, quod per vniuersalem Ecclesiam fuerit sententiatum, aut condemnatum, sed bene legitur, quod fuerit Diuino iudicio percussus, & ita à Deo depositus. Præterea, nec facit aduersariis, quod legitur de Constantino quodam, quem Stephanus congregato Concilio Episcoporum, Italix de Ecclesia eiecit, quoniam ille non fuit verus Pontifex, sed tyrannus, qui laicus existens præsumperat innadere Apostolicam Sedem. Similiter, nec facit pro aduersariis, quod Christophorus, de quo dicunt, qui mensibus sex federat in Apostolica Sede, legitur, eiectus de Papatu fuerit, & illo facto monacho, Sergius institutus sit: quoniam ille non verus Papa, sed iniuaser Apostolicæ Sedis fuit.

Item, nec facit pro aduersariis, quod legitur de Benedicto IX. qui successit Stephano, qui eiectus est à Papatu, & factus est Episcopus Sabinen. qui vocatus est Siluester, qui cum per simoniam esset promotus, eiectus est, & Benedictus restitutus est, qui iterum eiectus est, & datus est Papatus Ioanni Archipresbytero sancti Ioannis ante portam Latinam, qui Gregorius VI. vocatus est, qui tandem ab Henrico Imperatore depositus, ultra montes fuit translatus, quoniam ista de facto procedebant, vel à tyrannide Imperatoris, vel à proteruita Romanorum, à quibus exempla non sunt sumenda. Nec ista consequentia est bona: factum fuit sic, ergo legitime factum fuit: nos enim non debemus respicere, quid factum est in præterito, sed quid iuridice fieri debuit in futurum, vt in cap. cum ad causam de elect.

Item, nec facit aduersariis, quod de Ioanne XII. dicitur: diuersæ enim historiæ, diuersimodè narrant gesta huius Ioannis. In quibusdam enim legitur, quod non fuit depositus, sed ad admonitionem Othonis, & Collegij Cardinalium, ac Cleri Romani renunciavit Papatu, & sic non est ad propositum aduersariorum factum huius Papæ, quoniam non negamus Romanum Pontificem, posse renunciare Papatu, Aliæ historiæ dicunt, quod ille non fuerit verus apostolicus, sed magis apostaticus, cum non intrauerit canonicè, dicitur enim, quod adhuc viuente Agapito Papa, pater suus, qui potens erat, prece, & precio induxit nobiles, & potentes Romanos, & iuramento alfrinxit, vt mortuo Agapito, procurarent filium suum fieri Papam, sicut factum est, contra cap. nullus Pontifex dist. 79. vnde cum iste, iuxta cap. si quis pecunia: magis censendus veniret Apostolicus, quàm Apostolicus, non mirum si per Concilium fuit prouisum, atrens maxime sua scandalosissima vita, & ità si hoc sit verum, ratio etiam aduersariorum non est ad propositum. Cæterum etiam non facit aduersariis, dato, quod ita sit, sicut inductum est, quod ipse Ioannes XII. ob turpem, & scandalosam eius vitam per Othonem Imperatorem congregato à tota Italia Episcoporum Concilio, legatus depositus, & communi voto Leo illi sub-

stitutus est: quoniam hoc videtur actum, non de iure, sed de facto per Imperatorem, congregatis non totius Ecclesiæ, sed tantum Italix Episcopis, nec talia facta sunt attendenda, quia non exemplis, sed legibus iudicandum est, C. de sent. vemo. Quod verò illud de facto processerit non de iure, patet, quoniam ipse, post recessum Othonis à Romanis, receptus, Synodum congregauit Romæ, in qua Leonem, & omnia eius gesta damnauit. Nam vt refert Vincentius lib. 25. cap. 86. in hoc Romano Concilio publicè omnium iudicio fuit statutum, Synodum à Leone habitam, in qua ipse Leo assumptus fuerat, Ioanne depositus, non nominandum Synodum, sed postribulum, & ab ipso Leone ordinati, fuerunt degradati, & deordinati, iussi etiam singuli præsentare in carta scripturam hanc: Episcopus meus, scilicet Leo, qui eos ordinauerat, nihil sibi habuit, nihil mihi dedit, sed tamen, quia vita ipsius Ioannis erat detestabilis, & Christiano populo plurimum scandalosa, Dominus Iesus Christus non est passus amplius Ecclesiam suam scandalizari, in eum damnationis sententiam intulit, vtpotè, qui solus in eum potestatem habebat nam cum vxorem cuiusdam oblectaretur, subito à diabolo in tempora percutitur, & ità sine penitentia moritur, cui Benedictus subrogatur, & deinde Leo.

Item, nec suffragatur opinioni aduersariorum, quod factum est in Constantia de Ioanne XXIII. & Benedicto XIII. sic in suis obediencijs nominatis. Tum quia nullus eorum fuit indubitatus Romanus Pontifex habitus ab vniuersali Ecclesia. Tum etiam, quia vt ex eorum gestis patet, pro hæresi inter alia damnati sunt, & ità ad propositum nostrum non facit. Ex quibus manifestum habemus, quod id, quod aduersarij dicunt, videlicet, quod sæpè numero vniuersalis Ecclesia Summos Pontifices, siue à hinc delinquentes, siue prauis moribus notorie Ecclesiam scandalizantes, correxerit, & punierit, non consistat in veritate, & mirum sit, quod multi aduersariorum non sint veriti huiusmodi fictionibus, & mendacijs tractatus suos in deceptionem simplicium replere.

C A P. CIV.

Quod Romanus Pontifex non possit se submittere alteri, aut potestatem concedere, vt aliquis tamquam Iudex eius possit in eum clauis vii exterioris iudicij.

Postquam ostendimus, quod Romanus Pontifex extra casum hæresis ratione, suæ superioritatis, iudicem in terris non habet: nunc perscrutandum, an per submissionem, siue subiectionem, aut potestatis collationem alteri factam, possit aliquis effici iudex eius, qui cum iudicare possit, ac in eum depositionis sententiam, vbi demeretur inferre. In qua re consideratis dictis sancti Thom. in 4. dist. 19. ac aliorum Doctorum, ac his, quæ dicta sunt in superioribus, de super-

rioritate Apostolicæ Sedis, & eius prerogativis, nobis videtur, quod nullo modo Romanus Pontifex potest facere huiusmodi submissionem alicui personæ, aut Collegio talem potestatem dare, immò si temperaret, & cum iuramento contententibus Cardinalibus, nihil faceret. Quod nos ex multis offendere curabimus.

In primis beatus Thomas in 4. vbi supra ad quæst. vtrum quis possit concedere potestatem alicui, vt utatur in eum potestate clausis in foro exteriori, ita vt aliquis possit eum excommunicare, respondet, quod non. Et rationem assignans in responsione vnius argumenti, dicit sic. Iudicium exterius, est secundum homines, sed iudicium confessio- nis, est quo ad Deum, apud quem quis redditur minor ex hoc, quod peccat, non autem apud hominum prælationes, & ideo in exteriori iudicio nullus in seipsum sententiam dare potest excommunicationis nec alteri committere, vt se excommunicet, sed in foro conscientie potest alteri committere, absolutionem, qua ipse vti non possit. Hæc sanctus Thomas. Eiusdem sententia est Dominus Albertus, & Dominus Bonaventura, qui ita ait. Quia prælatus, scilicet Papa, super omnes est prælatus, quæ attenditur quantum ad prælationem super homines, in eum haberi non potest, nec ipse alteri dare, salvo iure suæ dignitatis, ratione cuius potest dicere. Tibi soli peccavi, & ideo non potest alij dare potestatem se excommunicandi. Hæc ille.

Secundò, arguitur ex eo, quod Beda, inquit in cap. sola 14. qu. 3. vbi ait. Sola Romana Ecclesia sua auctoritate de omnibus valet iudicare, de ea verò nulli iudicare permittitur. Ex qua auctoritate manifestè colligitur, quod Romanus Pontifex nullius se potest iudicio submittere, quoniam si Papa posset se submittere alicui, tanquam iudicia iam de Romana Ecclesia iudicare permitteretur.

Tertiò, idem arguitur ex cap. patet eadem causa; & qu. 5. vbi Nicolaus Papa ita inquit. Patet profectò Sedis Apostolicæ, cuius auctoritate maius non est, iudicium à nemine fore retrahendum, nec de eius cuiquam liceat iudicare iudicio, contrà hoc veniret, si Papa se submitteret alicui tanquam iudici super eum, ergo &c.

Quartò, Papa non potest agere id, quod derogat dispositioni diuinæ, patet, quia ius diuinum impermutabile est, distinct. 5. sed dispositio diuina est, quod Papa sit omnibus superior, vt prælatus, & Iudex omnium & nullus illius, nisi Deus, vt patet per multa capitula, ergò non potest personam suam, submittere iudicio alterius, iam enim desineret esse prælatus omnibus. Confirmatur hæc ratio ex cap. in nomine Domini dist. 11 vbi Papa Nicolaus arguit, quia Sedes Apostolica cunctis in Orbe terrarum præfertur Ecclesijs. ideo supra se metropolitanum habere non potest.

Quintò sic. Nullus habens potestatem commissam ab alio, potest facere aliquam, aliam immutationem circa illam, siue iniuria committens, nisi de beneplacito suo, patet hoc sed Papa potestatem, quam habet, habet commissam à Christo, cuius Vicarius est, ergo il-

lam, nec alterare potest alteri, committendo sine speciali commissione Dei, sed talis commissio non legitur facta ergo &c.

Sextò, arguitur sic. Vicarius Episcopi non videtur se posse subijcere iudicio cuiuscunque alterius non superioris eo sine licentia Episcopi sui, ad quem expectat iudicium eius, sed Papa est immediatus Vicarius Christi, & generalis, ergo videtur, quod nullius iudicio sine licentia Christi potest se submittere, consequentia videtur bona.

Septimò arguitur confirmando rationem factam sic. Nullus causam, quæ est reservata iudicio sui superioris, potest submittere iudicio alterius, sed causas præfati Romani Deus reservauit arbitrio suo, vt in cap. aliorum 24. qu. 3. cap. facta ibidem ergo Papa non potest ratione cuiuscunque causæ tangentis personam suam se submittere alterius iudicio.

Octauo sic. Non minùs adhærere videtur Papæ priuilegium superioritatis suæ, quæ tanta est, vt non nisi Deum habeat superiorem, quàm simpliciter clerico priuilegium clericale, sed simplex clericus non potest se submittere iurisdictioni alterius, vt in cap. significasti de foro compe. etiam si sit persona Ecclesiastica, sine licentia Episcopi, qui iudex suus est, ergo nec Papa potest se submittere iudicio cuiuscunque sine expressa licentia Christi, qui superior eius est.

Nonò, Clericus non potest facere, quod aliquis eum percutiat, vel puniat sine excommunicationis pena, vt in cap. contingit de sentent. excommunicata. Et ratio huius est, quia iuri publico derogari non potest, de foro compe. si diligenti, ergo similiter per locum à minori in Papa dicendum est, quod non possit submittere se iudicio alterius, hoc enim esset derogare iuri publico, cum enim priuilegium Apostolicæ Sedis non sit inductum solum in fauorem Papæ, sed in fauorem totius Ecclesiæ est, ius publicum 1. dist. ius publicum, & respicit personam Christi.

Decimo sic. Papa non potest facere id quod implicat contradictionem, sed quod Papa, manens Papa, hoc est in prælatus, & superioritate super omnes fideles, si submittat se alicui fideli, aut aliquibus fidelibus, qui possent ipsum Papam Prælatum omnibus, & superiorem omnibus, iudicare, punire, & deponere, implicat contradictionem; patet, quia simul veniret dicendus Iudex omnium, & subiectus alicui, & superior omnibus, & subiectus alteri, & omnis & quidam non contradicunt.

Vndecimò, Papa non potest facere aliquid, quod vergat in potestatis suæ diminutionem, aut derogationem dignitatis Apostolicæ suæ, sed submittendo se iudicio alterius, constituendo aliquem Iudicem supra se, diminueret auctoritatem suam, & derogaret superioritati suæ, vt patet, ergo Papa non potest se submittere iudicio cuiuscunque, qui eum iudicare valeat. Ex quibus manifestè confutatur error dicentium, quod Papa potest committere vniuersali Concilio, aut etiam Imperatori, vt eum à Papatu deponere possit.

CAP. CV.

*In quo ponuntur aliquae obiectio-
nes aduersariorum, & re-
spondetur eisdem.*

Contrā prædictam iam conclusionem, aduersarij inducunt aliqua, ad quæ veniunt respondendum.

Arguunt enim primò, ex illo, quod Leo Papa I V. scribit Ludouico Imperatori I I. quæst. 7. cap. nos. Nos si incompetenter aliquid egimus, & in subditis iustæ legis tramitem non seruauimus, vestro, ac missorum virorum volumus emendare iudicio, vbi dicit glos. hic Papa se subijcit aliorum iudicio, quod facere potest, non tamen cum possunt deponere 9. quæst. 3. nemo secundum Hu. possunt, quia & seipsum potest deponere, vt 21. di. vt autem.

Secundò, arguunt ex glos. in 6. si Papa d. 40. vbi sic dicitur, Papa à nemine potest iudicari vt 9. qu. 3. nemo: quod intellige, nisi se subijciat alteri vt 2. qu. 7. nos si.

Tertiò, ex glos. in cap. in synodo, vbi quòd Papa posset dare tantum Imperatori, quòd deponeret ipsum, & de consensu Cardinalium, imò in omnibus potest se subijcere vt 2. qu. 7. nos.

Item arguitur quartò, ex eo, quòd summi Pontifices de obiectis criminibus coram Concilio se purgasse leguntur, vbi videbantur se iudicio Conciliorum submittere, vt in cap. mandastis 2. q. 5. & per alia cap. eiusdem quæstionis.

Quintò, arguitur ex cap. cum ex iniuncto, quasi ad finem de hæreticis, vbi habetur quòd Prælati sponte de sua ignorantia confessus subditorum se accusationi supponit, & ita in simili videtur dicendum de Papa.

Sextò, ratione sic, Adrianus Papa propter hæreticorum, & scismaticorum, ac tyrannorum terrores vitandos, se & totam Ecclesiam subiecit Carolo Magno Imperatori, quo ad ordinationem Sedis Apostolicæ, & inuestituras Episcopum, vt in cap. Adrianus dist. 63. Cuius exemplo Leo Papa idem fecit in synodo generali 63. dist. cap. in synodo, quia se supposuit iudicio Ludouici Imperatoris 2. qu. 7. nos si, quod maxime confirmatur per glos. ibidem, quæ supra in tertio argumento induta est. Ad ista faciliè, respondetur.

Ad primam de cap. nos si. 2. qu. 7. respondetur tripliciter.

Primò: quòd verbum illud, iudicio exponitur, id est discretioni, secundum Vincentium, & Archidya. & non iurisdictioni, seu potestati Imperatoris. Ad discretionem enim illorum dicebat Papa se velle omnia illa emendare, non autem ait, quòd iurisdictione illorum emendaret. Item licet dicat, quòd mittat nuncios, qui inquirent; & examinent, quæ iudicata erant, non tamen dicit, quòd illorum auctoritate reuocarentur.

Secundò respondetur, quod Papa ibi loquitur sic ex quadam humilitate, vt dicit Dominus Aluarus libro de statu, & planctu

Ecclesiæ artic. 33. non autem ex debito.

Tertiò, potest responderi iudicio nostro & bene, quòd aliud est submittere causas aliquas, super quibus Papa habet controuersiam contrā aliquem, vt puta super iuribus ita licis, aut causarum particularium respicientium personam Papæ in quantum est homo priuatus, & singularis persona, aut etiam concernentia singulariter iura Ecclesiæ Romanæ, aut etiam in quibus ipse Papa prius iudicauit, & benignitate sua, aut humilitate, vellet reuocare arbitrium aliquorum, quòd dicimus, pro tanto, quia ipse ad hoc non obligaretur iudicio aliquorum submittere vt eorum sententia terminarentur. Est etiam aliud submittere se sine causam tangentem personam suam, & dignitatem Papalem, iudicio alicuius, qui posset iudicare eum, aut punire, aut deponere.

Primum potest, & de hoc intelligitur, cap. illud nos si. & similia non autem secundum nec de tali loquitur præfatum cap.

Ad secundam glos. de cap. si Papa respondetur, quo ad ipsam glos. quòd intelligenda est sicut dictum est de cap. nos si.

Ad tertiam glos. de cap. in synodo breuiter respondemus cum Domino Aluaro vbi supra, quòd falsa sunt ibi notata per Ioannem, qui certè in multis alijs male loquitur, & sentit de Ecclesia.

Ad quartam, quæ sumitur de purgationibus factis per summos Pontifices, vt in ca. mandastis, & in cap. auditum 2. qu. 5. cap. nos si. 2. q. 7. supra respondimus. Etiam constat, quòd ex huiusmodi purgationibus, quas sponte fecisse, aliqui Pontifices leguntur non sequitur, quòd personas suas submiserint iudicio cuiuscunque concilij, quod eos posset punire, aut deponere. Cum etiam purgationes illæ licet sunt factæ in præsentia prælatorum, non tamen coram eis sicut coram iudice superiore, cui se Papa submiserat. vnde bene considerata argumenta illa, nihil faciunt ad propositum aduersariorum.

Ad quintam de cap. cum ex iniuncto. respondetur primò, quòd in illo cap. non habetur; quòd prælati sine licentia Papæ possint non suo iudici submittere se sed tantum, quòd possint se purgationi subditorum supponere, & illos ad sui accusationem admittere, sed hoc non est se illis submittere, vnde non est ad propositum.

Secundò, respondetur, quòd illud cap. non loquitur de Romano Pontifice. sed de alijs inferioribus prælati, tales enim non habent supremam potestatem in Ecclesia, nec apicem principatus eius, nec illud inconueniens, & absurditas sequeretur ex eorum submissione, quæ sequeretur in Papa, si se submitteret, vt patet ex dictis.

Ad sextam de cap. Adrianus, respondetur negando consequentiam, quia ex subiectione illa, quam rationibus prædictis de Apostolicæ Sedis ordinatione fecit Carolo magno dando ei, vt ipse etiam cum alijs in electione interesset, non sequitur propter hoc, quòd Papa potestati, aut iudicio Imperatoris subiecerit personam suam. sicut nec hodie est Papa subiectus Dominis Cardinalibus, quamuis vocem habeant in electione ipsius Papæ. Ad cap. autem nos si incompetentem

2. q. 7. suprà responsum est, quòd ly iudicio exponitur, id est discretioni, secundum Vincentium, & Archi. & non iurisdictioni, vel potestati Imperatoris. Ad glos. cap: si Papa cum alijs responderetur, quòd Papa non potest se subijcere iudicio alterius, quanuis se submittat de necessitate, stare non tenetur, nec etiam de iure ad illud tenetur per iura, & rationes superius allegatas. Ex quibus omnibus habetur, quòd de iure concilium etiam congregatum auctoritate Papæ nullo modo potest se intromittere de persona Papæ, non tantum in ciuilibus, puta aliquid statuendo, quod teneatur de necessitate seruare, vel etiam de criminalibus, de persona eius iudicando, aut condemnando, nisi in casu hæresis stricte sumpto, sicut dictum est. Et si hoc concilium non potest facere, etiam Papa uoluntarie se submittit, nulli dubium, quòd minus potest, Papa illud expresse prohibente, quòd aliquid contra eius personam statuat, aut se intromittat, aut aliquid contra Sedis Apostolicæ priuilegia agat, aut disponat.

Ad septimam de renunciatione; respondetur negando consequentiam, quoniam non est simile, nec sequuntur illa inconuenientia, nec repugnantia ibi, quæ hic. Ex quibus manifestè confutatur præsumptio, & temeritas Basilienfis, qui verum, & indubitatum Romanum Pontificem Dominum Eugenium sanctæ memoriæ citare, suspendere, ac deponere tentauerunt, in quo imitati sunt Dioscorum, qui Concilio congregato excommunicare præsumpsit Leonem Romanum Pontificem. Quam præsumptionem in tantum sancti Patres apud Chalcedoniam detecti sunt, vt inquit Nicolaus in epistola ad Michaelem Imperatorem, vt in cap. in tantum distinct. 27. habetur, vt Dioscorum Alexandrinum antistitem inter cætera sine ulla restitutione, ideòd potissimum damnetur, quia ponens in calum os suum, lingua eius transiit per terram excommunicationem in sanctum Leonem Papam dictauit, ita vt in sententia contra eum prolata hoc videntur præcipue commemorare. scilicet Patres Concilij Chalcedonen. dicentes, quantum in secundis excessibus, præcipue priorem iniquitatem valde transcendit, præsumpsit enim excommunicationem dicere aduersus sanctissimum, & beatissimum Archiepiscopum Ecclesiæ Romanæ Leonem &c.

CAP. CVI.

De remedijs contra Papam, moribus suis prauis scandalizantem Ecclesiam.

Avdientes tam aduersarij, quam etiam alij fideles simplices id, quod dictum est, videlicet quòd Romanus Pontifex extracum casu hæresis, pro sui Principatus sublimitate iudicem non habeat in terris, qui facta sua mala iudicet, aut puniat. Querunt quid fiendum sit contra Papam, si coningeret eum, aut moribus cum scandalo etiam fidelium, incorrigibiliter deformatum, aut potestate sua abutentem, & dilapidatorem esse Eccle-

siam, aut non nisi per simoniam velle Beneficia Ecclesiastica conferre? Quibus respondemus, plura ad hoc esse remedia.

Primum est, humilis admonitio, & fraterna charitativa correctio, quæ vt in superioribus diximus, etiam ad superiores se extendit; deberet autem ipse in tali casu, tam per Dominos Cardinales Prælatos, quam per alios notabiles Prælatos, & Dominos, ac Viros religiosos dulciter admoneri, exhortari, & obsecrari, vt dignaretur vitam suam, quæ multis est in scandalum, corrigere, & emendare, & vt tenetur, sic viuere, vt eius vita cunctis sit in exemplum sanctitatis, commemorando etiam exhortationis gratia aliqua dicta de sacra Scriptura, sicut est illud quod Dominus ait Apostolis Matth. 18. [Qui autem scandalizauerit vnum ex his paruulis, qui me credunt, expedit ei, vt suspendatur mola asinaria collo eius, & demergatur in profundum maris;] quanto magis in damnatione est, qui vniuersam Ecclesiam scandalizat. Item aliqua de sanctis Patribus, & Doctoribus, sicut est illud beati Gregorij, quod habetur in cap. Præcipue, 1. quæst. 3. [Scire debent Prælati, quòd si peruersa vniuersam perpetrant, tot mortibus digni sunt, quòd ad subditos perditionis exempla transmittunt.] Vnde necesse est, vt tanto se cautius à culpa custodiant, quanto per praua, quæ faciunt, non soli moriuntur.

Secundum remedium est, vbi præcedens locum non inuenitur, deuota oratio. Orandus enim est Deus in illo casu pro Domino Papa, per totam vniuersitatem fidelium, hoc constituentibus Prælatibus Ecclesiæ, vt illum Dominus, aut illuminaret, aut de medio tolleretur. Hoc remedium communiter assignant Doctores, quod remedium non parum virtutis censendum est, quoniam si iuxta Scripturam Sanctam Iacobi 5. [De precatio vnius iusti assidua multum valere dicitur,] quanto magis oratio iustorum omnium, qui per Orbem diffusi, Christi Sponsam exornant. De hoc ponit exemplum sanctus Thomas in lib. de Rege, & Regno, dicens: [Quòd si omnino contra tyrannum, auxilium humanum non possit haberi, recurrendum ad Regem omnium Deum, qui est adiutor in opportunitatibus, & tribulatione;] eius enim potentia subest, vt cor tyranni conuertat in mansuetudinem, iuxta illud Salomonis: [Cor Regis in manu Dei est, & à quocumque voluerit, vertet illud. Ipse est, qui cor Regis Asueri crudele, conuertit in mansuetudinem,] quia Iudæis mortem parabat. Ipse est, qui Nabuchodonosor crudeliter in tantam deuotionem conuertit, quòd factus est Diuini potentie prædicator. Hæc ille. Hoc remedio adiuta est Ecclesia contra Anastasium Secundum, qui orationibus iustorum percussus, interijt; dum enim assefaret, emisit intestina; de quo in cap. Anastasius dist. 19. cum glos. Item hoc remedio vsus est beatus Hilarius, qui contra Leonem Papam, secundum alios. Liberius, orando preualuit.

Tertium remedium, vbi præcedentia occulto Dei iudicio non inuarent, hoc superesset, videlicet resistentia; resistentum enim esset in faciem per Dominos Cardinales, mala eius opera exprobrando, ac rationibus con-

conuincendo, & etiam scandalis, & quæ Papa vellet attentare, se opponendo; sic Paulus relict Petro, quia non ambulabat ad veritatem Euangelij, ad Galat. 2. Et sicut Episcopo, vel Abbati, seu Priori dilapidatori Ecclesiæ subditi resisterent, & contrauenerent. Et ita in proposito, vt si Papa prout exemplificat Dominus Petrus de Palude, thesaurum Ecclesiæ vellet dare parentibus suis, aut Ecclesiæ sancti Petri destrueret, & ædificaret Palatia parentibus suis, aut dare patrimonium sancti Petri, quod non licet, vel aliquid huiusmodi, quod tamen non est verisimile, posse contingere, non esset ei permittendum, sed esset ei resistendum, & non obediendum, sine tamen ipsius depositione. Similiter si vellet contra Statum vniuersalis Ecclesiæ aliquid attentare, sicut si vellet omnes Episcopos deponere, aut familia, ex quibus vniuersalis turbaretur Ecclesia. Et hoc modo dicunt Hostien. & Innocentius, & Archidiaconus, quod non esset Papa suslinendus, id est permittendus hoc facere: sed ci, cum tamen humilitate, & reuerentia resistendum foret.

Quartò, attento quòd, vt dicit sanctus Thomas in 2.2. q. 100. art. 2. [Papa potest incurere simoniam, sicut & quilibet alius homo, & oppositum dicere sit erroneum;] vt idem dicit in 4. dist. 25. [Tale remedium, posset dari, videlicet non acceptare ea, quæ malè, & contrà reuerentiam, & legem Dei gesta essent per eum, vt promotiones, prouisiones, Beneficiorum collationes manifestè simoniacè factas; quoniam cum tales in Ecclesiâ, non per Christum, qui est ostium, sed aliunde intrare præsumperint, non Pastores Ecclesiarum, sed fures, & latrones arbitrandi sunt,] ipsa veritate testatur Io. 10. [Amen, amen dico vobis, quod qui non intrat per ostium in ouile ouium, sed ascendit aliunde, ille fur est, & latro:] vnde Gregorius Papa septem falsas talium iudicat ordinationes, in cap. Ordinationes 1. quæst. 1.]

Quintum remedium est, conuocare Concilium generale, quæ conuocatio esset fienda per Cardinales, vbi ipse Papa id nollet congregare, aut per alios illis negligenteribus; & hoc non ad deponendum Papam, quia iuxta superius probata, talem potestatem habere non posset. Sed ad tria prædicta faciendum cum maiori solemnitate, & auctoritate, videlicet primò admonendum, & exhortandum Papam de correctione sua, denunciando ei qualiter perniciosè vite sue exemplo vniuersam Ecclesiam scandalizaret, & conturbaret, quæ exhortatio sic à tota Ecclesia facta, non dubium quin magnæ efficaciz, & virtutis esset ad eius animum in bonum conuincendum. Hoc remedio vsum videtur esse, Concilium congregatum contrà Marcellinum, de quo habetur dist. 21. in cap. Nunc autem, qui cum audiret Patres congregatos cum Dei charitate seicantes, si res ita se haberet, sicut fama ad eos deduxerat, quòd Idolis thurificasset; ille cum omni humilitate confessus est reatum suum, adiiciens se paratum obedire quid illi voluissent imponere. Secundum, quod Concilium facere deberet, vbi primum non fuisset, est deuotissimis præcibus, & ieiunijs, & operibus rectis, Diuinz clementiz aures propitiare, vt dignaretur

tur Ecclesiæ suæ misereri, vt eorum Pontificem, aut illuminare dignaretur, aut auferre de medio. Hoc planè remedium maximè esset virtutis. Tum quia si Dominus pollicetur Matth. 18. [Quòd si duo consenserint super terram de omni re, quæcumque petierint, fiet eis à Patre meo, qui est in cælis;] quantò magis, vbi tot, & tanti Patres Ecclesiæ congregati vno animo, & vna communi intentione consenserint, concurrerint, & potissimè de re maximè necessaria Ecclesiæ ipsi vniuersali. Credendum namque est, quòd nisi peccata, nostra obstitere, quòd Deus preces Ecclesiæ suæ non despiceret, nec pateretur Sponsam suam, pro qua mortem amarissimam pertulit, per vnus hominis malitiam funditis demoliri, aut in tanta necessitate relinquere. Terrium, quod Concilium deberet facere, vbi priora occultis nobis causis vsquequaque non proficerent, etiam cum inuocatione brachij secularis, reputa Imperatoris, vel aliorum Principum, prouideret de modo, & forma resistendi malis, quæ Papa tentaret facere, nè Ecclesia periclitaretur, vt dictum est.

Sextum remedium, vbi occulto Dei iudicio omnia præcedentia non haberent locum, esset, ad tempus patienter tolerare, quod Diuina iustitia tolerat; quoniam non est verisimile, quòd talis diu à Deo toleraretur. Sicut exemplum de Ioanne 12. de quo supra locuti sumus, experientia nos docet; vnde psal. 36. [Inimici verò Domini mox vt honorificati fuerunt, & exaltati, deficiunt, quemadmodum fu. def.] Huiusmodi autem habendæ patientiz, causa posset assignari, quoniam vt inquit Gregorius libro 25. Moralium: [Pro qualitatibus subditorum disponuntur acta regentium, vt sæpe pro malo gregis, etiam boni viri, delinquant vita Pastoris, quia secundum meritum plebium, disponuntur corda regentium.] Vnde idem Gregor. in cap. Ex metro 7. quæst. 1. ait: [Ex merito plebis nonnumquam Episcopi deprauantur, & secundum merita, aut demerita populorum, disponunt à iusto Iudice vita Prælatorum.] Vnde in vltionem peccati populorum quocumque permittitur regnare malos, secundum illud Osee 13. [Dabo vobis Regem in furore meo.] Et Iob 34. dicitur: [Qui regnare facit hominem hypocritam propter peccata populi. Item Hieron. & habetur in cap. Audacter 8. q. 1. [Audacter fortasse aliquid dicimus, tamen quod scriptum est, non semper Princeps populi, & Iudex Ecclesiæ per Dei arbitrium datur: sed proinde merita nostra desolant.] Merito ergo tolerandam esset, tum quia fortè tale malum in Capire in Ecclesia, meritis subditorum euenerit: tum quia vt dicit Augustinus: [Non est magnum tolerare, qui à Domino toleratur;] nec etiam timenda videtur ex huiusmodi tolerandis imminere periclitatio totius Ecclesiæ vniuersalis, sicut aduersarij aliquando arguunt. Tum quia non est verisimile, quòd ob turpem vitam, aut mores vnus Summi Pontificis, Ecclesia ipsa, cù qua Christus pollicetur esse tamquam protectior fortis vsque ad consummationem seculi, debeat omnino perire. Sicut enim ait Leo Papa Sanctissimus scribens ad Pulcheriam Augustam: [Non deserit Ecclesiam, suam Diuinam protectio, dicente Domino: Ec-

ec ego vobiscum sum vsque ad consummationem seculi.] Idem scribens Clero, & Plebi Ciuitatis Constantinopolitane, ait: [Nolite arbitrarî dilectissimi, quod sanctæ Ecclesiæ suæ desit, aut defutura sit Diuina protectio.] Tum etiam, quoniam non est dissidendum in simili articulo de clementia Saluatoris, qui etsi aliquando permiserit nauiculam Ecclesiæ suæ multis persecutionum procellis agitari, numquam tamen passus est, nec passurus est illam perpeti naufragium, assecurante, & dicente Matth. 16. [Et portæ inferi non praeualebunt aduersus eam.]

Ecce remedia, ad quæ conuenientiùs, & cōsultiùs in articulo necessitatibus, siue casus prædicti confugiendum foret, quam vsurpando Diuinum iudicium, & inuoluendo se infinitis difficultatibus, multiplicando scandala scandalis, tentare ad veri, & indubitati Pontificis Romani depositionem; cuius rei practica non modò Diuinæ Maiestatis, cuius iudicium vsurparet, esset offensiuæ: sed etiam nimis difficilis, & schismatis introductiuæ, quæ longè scandalosior, & damnosior Ecclesiæ esse posset, quam vitæ turpis vnus Pontificis.

Quocirca sancti Patres maximo studio prohibuerunt, ne quos Pastorem suum, nisi ex fide exorbitauerit, reprehendere audeant; vnde sanctus Anacletus in epistola, quam omnibus Episcopis, & Sacerdotibus Christi scribit, ita ait: [Doctores, vel Pastores Ecclesiæ si ea fide exorbitauerit, erit à fidelibus corrigendus: sed pro reprobris moribus magis est tolerandus, quam distringendus. Idem Fabianus Papa omnibus Episcopis scribens: Idem Papa Eusebius, vt in cap. Oues 2. q. 7. Quorum omnium Patrum sententiam beatus Gregorius complexus, ita ait in Moralibus, ubi supra. Certe verò est, quod ita sibi inuicem & Rectorem merita connectantur, & plebium, vt sæpe ex culpa Pastoris deterior fiat vitæ plebium, & sæpe ex merito plebium mutetur vitæ Pastorum. Sed quia Rectores habent iudicem suum, magna cautela subditorum est, non temerè iudicare vitam regentium; neque frustrà per semetipsum Dominus es nummulariorum fudit, & Cathedras vendentium Columbas euertit, nimirum significans, quia per Ministros quidem vitam iudicat plebium: sed per semetipsum vitam examinat Ministrorum. Et infra: [Dum igitur salua fide, res agitur, virtutis est meritum, si quid prioris est toleratur; debet tamen humiliter suggeri, si fortassis valeat, quod displicet emendari.] Hæc Gregorius. Et hæc pro nunc sufficiant.

C A P. CVII.

Quod ad Romanum Pontificem pertineat determinare ea, quæ fidei sunt, & sacra Scripturæ sensus interpretari, atque aliorum Patrum Ecclesiæ dicta, vel opuscula approbare, vel reprobare.

E Lucidata superioritate principatus, quæ Romanus Pontifex habet in Ecclesia Tom. XIII.

Dei, facile est intelligere ad Romani Pontificis auctoritatem spectare, tamquam ad Generalem totius Orbis principalem Magistrum, & Doctorem, determinare ea, quæ fidei sunt, & per consequens edere Symbolum fidei, sacra Scripturæ interpretari sensus, & Doctorum singulorum dicta ad fidem spectantia approbare, vel reprobare. Quod nos, & rationibus, & auctoritatibus ostendimus.

Primo commemoramus, quod aliàs circa principium huius secundi probauimus, quod quemadmodum in omni Republica, bene ordinata dandus erat vnus præfident in ea, qui totam Rempublicam possit auctoritate sua mouere ad omnia, maxime sine quibus salus Reipublicæ stare non posset: ita etiam in communitate Ecclesiæ necessariò erat dandus vnus Princeps, qui ea, quæ maxime conferunt ad salutem fidelium, & consecutionem vltimi finis, cuiusmodi est notitia credendorum, & agendorum sua auctoritate, & magisterio totam ipsam Christianam rempublicam moueret, & dirigeret, cum Romanus Pontifex sit huiusmodi Præfident super totam rempublicam Christianam, ipse erit ea, quæ fidei sunt, sine qua impossibile est placere Deo, ad Hebræos 11. Christiano Populo insinuare, & determinare. Ostenditur etiam hoc, quia primum in vnoquoque genere, iuxta Aristot. sententiam 10. metaph. est metrum, & mensura omnium sequentium, & Romanus Pontifex primus, & maximus sit Prælatorum in Ecclesia, ad ipsum maxime pertinebit, vt sit metrum, & regula, ac scientia credendorum, ac omniumque ad directionem fidelium in vitam æternam necessaria sunt. Quocirca dicit Nicolaus Papa in Epistola, quam scribit Photio Patriarchæ. Constat enim, sanctam Romanam Ecclesiam per beatum Petrum Principem Apostolorum, qui Dominico ore primatum Ecclesiæ suscipere promeruit, omnium ecclesiarum Caput esse, & ab ea rectitudinem, atque ordinem in cunctis vtilibus, & ecclesiasticis institutionibus, quas secundum Canonicas, & Synodicas, sanctorumque Patrum sanctiones inuiolabiliter, atque irrefragabiliter retinet, requirere, & seruari. Hæc ille. Hinc Apostolica Sedes per sanctos Patres magistra, ac mater fidei nominatur: vnde in cap. omnes dist. 22. inquit, gloriose memoria, Nicolaus Papa: [Fidem quippe violat, qui aduersus illam agit, quæ est mater fidei, & illi contumax inuenitur, quæ eam cunctis Ecclesijs prætulisse cognoscitur.] Vnde, & ipse sanctus Ambrosius in se omnibus sequi Magistrum sanctam Romanam proficitur Ecclesiam. Item hac ratione dicit Stephanus Papa V. in cap. enimverò, dist. 19. Enimverò in speculum, & exemplum sancta Romana Ecclesia posita est omnibus: quicquid statuit, & quicquid ordinauit, perpetuò, & irrefragabiliter obseruandum est.] Cuius priuilegij Apostolici throni gratia, inquit beatus Cyrillus in libro thesaurorum, vt membra maneamus in capite, in nostro Apostolico throno Romanorum Pontificum, à quo nostrum est querere, quid credere, & quid tenere teneamus, ipsum rogantes, ipsum venerantes præ omnibus, quoniam ipse solus est reprehendere, corrigere, statuere, dis-

Ponere, solvere, & ligare loco illius, qui ipsum edificauit, & elegit, & nulli alij, quod suum est plenum, fide ipsi soli dedit. Hæc ille. Cæterum hanc Romani summi Pontificis prærogatiuam designatam legimus. Exod. 18. vbi Moyss, qui Dux, & Rector Iudæorum, fuit, sicut Papa Christianorum, secundum illud Bernardi ad Eugenium lib. 2. cap. 6. Quis es &c. Et inter alia dicitur potestate Moyses, dictum legitur: [Esto tu in populo in his, quæ ad Deum pertinent, vt ostendas eis exrimonias, & ritum colendi Deum.] Sicut ergo omnes quæstiones emergentes de lege, & cultu Dei referuabantur Moysi determinandæ, sic omnia, quæ sunt fidei Christianæ, referuantur Romano Pontifici determinanda, diffinienda, & emendanda teneri, ac obseruari, hinc est, quod cum Christus alijs Apostolis imperaret, vt laxarent retia, soli Petro inquit, Duc in altum Lucæ 15. idest, in profundum disputationum, vt ait gloss. Ambrosij, & hoc in cap. noui turbetur 25. q. 1. Vnde quia causa fidei ad Sedem Apostolicam est referenda, Paulus super quæstione legalium detulit ad Petrum, vt habetur Act. 15. Item beatus Hieron. mittit ad Romanum Pontificem Damasum Papam professionem fidei suæ examinandam, corrigendam, & emendam dicens in cap. hæc est fides 24. quæst. 1. Hæc est fides Papa beatissime, quam in Catholica Ecclesia didicimus, quamquam semper tenuimus, in qua si minus periclit, aut parum cautè aliquid positum est, emendari cupimus à te, qui Petri Sedem tenes, & fidem: tui autem hæc nostra confessio Apostolatus nec iudicio comprobetur, quicumque me culpare voluerit, se imperitum, aut maliuolum, vel etiam non Catholicum, sed hæreticum comprobabit.

Secundo præfatæ Apostolicæ Sedis prærogatiua, sic ratione ostenditur. Vna fides debet esse totius Ecclesie, secundum illud 1. Cor. 1. Idipsum dicatis omnes, & non sint in vobis schismata, hoc autem seruari non posset, nisi quæstio fidei exorta determinaretur tenenda per vnum, qui toti Ecclesie præest, vt sic eius sententia à tota Ecclesia firmiter teneatur. Hinc Innocentius Papa Siluano Seni, Valentino, & cæteris, qui in Miltitana Synodo interfuerunt, scribens, inquit. [Dilectissimi Fratres in Domino Salutem, diligenter, & congruè Apostolici consultiis honoris arcam super anxij rebus, quæ sit tenenda sententia antiquæ, scilicet, regulæ, formam secuti, quod totum semper ab Orbe mecum nolitis esse seruatum; verum hæc missa facio, nec enim hoc vestram credo latere prudentiam, quod etiam actione firmatis, scientes, quod per omnes provincias de Apostolice fonte petentibus responsa semper emanant: præsertim quotiens fidei ratio ventilatur, arbitror omnes fratres nostros Coepiscopos, non nisi ad Petrum, idest sui nominis, & honoris auctoritatem referre debere, veluti, & nunc resuit vestra dilectio:] hoc habetur in cap. quotiens 24. quæst. 1. Hinc etiam Maximus in epistola missa Orientalibus dicitur. Omnes fines Orbis terræ, qui Dominum sincerè receperunt, & vbique terrarum Catholicæ veram fidem confitentes, in potestatem Romanorum Pontificum, tamquam in solem

respiciunt, & ex ipso lumine Catholicæ, & Apostolicæ fidei respiciunt veritatem, nec immerito, quia Petrus legitur primò perfectam fidem esse confessus, Domino reuelante, cum dicit Matthæi 16. [Tu es Christus filius Dei viui.] Hæc ille. Item hoc testatur Nicolaus Papa in epistola, quam scribit Photio Patriarchæ Monacho: vt habetur in quarta actione Concilij Oecumenici, quā vniuersitas credentium ab hac sancta Romana Ecclesia, quæ caput est omnium Ecclesiarum, doctrinam exquirat, integritatem fidei deposcit, criminum solutionem, qui digni sunt, & gratia Dei redempti, exorant: oportet nos, quibus commissa est sollicitudo esse, & ad speculationem Dominicis gregis tantò feruentius anhelare, quantum hunc auidi lupi ad dilaniandum hinc, inde parentia ora exquirunt, &c. Amplius de hac Apostolicæ Sedis prærogatiua Maximus Papa ait: Decebat tantæ dignitatis, & sapientie virum non ab alio Mystetij Cælestis arcana requirere, nisi ab eo potissimum, quem non potuit cæto, & sanguis instruere, sed cui Dominus ipse sua decreta dignatus est aperire: beatus es, inquit, Simon Bariona: [Quia caro, & sanguis non reuelauit tibi, sed Pater meus, qui est in Cælis.] Hunc enim præ cæteris mortalibus de toto terrarum Orbe, conditor Orbis elegit, cui Cathedram magisterij principaliter possidendam tenere, perpetuò præiudicij iute concessit, vt quisquis diuinum aliquid, aut profundum nosse desiderat, ad huius præceptionis oraculum, doctrinamque recurrat, nec illi humiliter offerre, quod soluendum, est, erubescat, etiam si, & ipse, quod queritur non ignorat. Numquid enim Angelus de Cælo veniens erat nescius docere Cornelium, quomodo videlicet, id, quod sibi agendum esset, addiceret, destinavit ad Petrum? [Mitte, inquit, viros in Ioppen, & accersi Simonem quemdam, qui cognominatur Petrus, hic dicit tibi, quid te oporteat facere.] Poterat planè sanctus Angelus docere hominem gentilem, quid sibi opoteret ad salutem, sed eius nolebat vsurpare officium, cui docendi nouerat fuisse commissum.

Quid ergo mirum, si Sacerdos, licet sanctitate conspicuus, licet eloquij diuinis vehementer instructus, ad Apostolorum Principis magisterium misit, ad quem etiam Angelus docendi gratia primitias gentilium Cornelium destinavit? Pauli enim ad Galat. hæc sunt verba. [Paulus, ait, Apostolus non ab hominibus, aut per hominem, sed per Iesum Christum, & Deum Patrem, qui suscitauit eum à mortuis: hic itaque, qui non ab hominibus, sed ab ipso Christo, & Deo Patre fuerat factus Apostolus, arque ab auctore sapientie sufficienter instructus, de Petri tamen magisterium venit, & non in transcurso, sed per plures dies apud eum veluti in schola permanens:] veni, inquit, Hierosolymam videre Petrum, & mansi apud eum 15. diebus, per mysticum hebdomadis, & octoadis numerum veteris testamenti, simul noui didiciit sacramentum. Hæc ille. Præterea in testimonium huius prærogatiue Romani Pontifici est, quod vbicumque erat Petrus præsens, omnes Apostoli illi, in predicando, & dubia determinando, deferrebant; vnde

vnde in die Pentecosten primum Sermonem fecit A&C. 2. [Stans Petrus cum vndecim eleuauit vocem suam, & locutus est &c.] In quæstione etiam de obseruantia legalium Petrus quæstionem determinauit, licet Paulus pronunciauerit A&C. 15. vbi dicitur, quod cum magna inquisitio fieret, surgens Petrus dixit ad eos: glos. interlin. pr. omnibus prius loquitur, & vt ait glos. omnes alij in sententiam Petri transierant: ita vt Hieronym. dicat scribens ad beatum Augustinum epistola 12. quod Petrus Princeps fuerat illius decreti, legem post Euangelium non esse seruandam.

Cæterum huius prærogatiuæ argumentum capitur manifestè ex eo, quod beatus Hieronym. in epistola ad Augustinum ait, quæ incipit simul tres epistolas. Tantæ Petrus auctoritatis fuit, vt Paulus in epistola sua scripserit, deinde post tres annos veni Hierosolymam videre Petrum, & mansi apud eum diebus quidecim. Rursum in consequentibus: Post annos 14. ascendi iterum Hierosolymam cum Barnaba assumpto, & Tito; ascendi autem secundum reuelationem, & exposui eis Euangelium, quod prædico inter gentes, offendens non habuisse securitatem Euangelij prædicandi, nisi Petri, & qui cum eo erant, sententia corroboratum fuisset, statimque sequitur. Seorsum aut his, qui videbantur, ne forte inuacuum curretet, aut cucurrissem. Hæc Hieronym. Item eiusdem prærogatiuæ argumentum colligitur ex eo, quod beatus Hieronym. libro de viris illustribus lib. 5. cap. 8. dicit Marcus, inquit, Discipulus, & interpres Petri, iuxta quod, Petrum audierat referentem, rogatus Romæ a fratribus breue scripsit Euangelium, quod cum Petrus legisset, approbavit, & Ecclesijs legendum sua auctoritate tradidit. Hæc ille. Ecce quod Apostolica Sedes habet approbare, & auctorizare scripta Doctorem. An plius, testimonium huius insignis prærogatiuæ magisterij Apostolicæ Sedis habetur ex beato Augustino. Tum ex eo, quod dicit contra epistolam fundamenti cito post principium: Euangelio non crederem, nisi me Catholicæ Ecclesiæ commoueret auctoritas. Tum ex eo, quod dicit in lib. de qu. ve. & no. tes. qu. 79. quod sicut in Salvatore erant omnes causæ magisterij, ita, & post Salvatorem in Petro omnes continentur. Tum ex eo, quod scribit ad Gloriam, & Eleusum, quod in Romana Ecclesia Apostolicæ Cathedræ semper viguit principatus.

Omnibus iam dictis, & benè consideratis, & Catholicè ponderatis, manifesta luce sequuntur correlative sequentes propositiones. Primò quidem elicitur correlative, quod ad Romanum Pontificem, pro sublimitate magisterij Apostolicæ Sedis pertineat Symbolum fidei ordinare. Hoc autem iuxta beatum Tho. in 2. 2. quæst. 2. art. vlt. sic probatur: Quoniam noua editio Symboli necessaria est ad vitandum insurgentes errores, ad illius ergo auctoritatem pertinet editio Symboli, ad cuius auctoritatem pertinet sententialiter determinare ea, quæ sunt fidei, vt ab omnibus inconcussa fide teneantur, hoc autem pertinet ad auctoritatem summi Pontificis, vt dictum est, ad quem maiores, & diffi-

ciliores Ecclesiæ quæstiones referuntur, vt in cap. multis dist. 17. habetur, & in cap. rogamus 24. quæst. 1. ergo ad solam auctoritatem Romani Pontificis pertinet noua editio Symboli. Ostendit etiam præfatum correlarium: sanctus Tho. vbi supra ex eo, quod editio Symboli facta est in Synodo Generali, sed huiusmodi Synodus auctoritate solius summi Pontificis potest congregari, vt habetur in decretis dist. 17. ergo editio Symboli ad auctoritatem Romani Pontificis pertinet. Hæc ille.

Ex præfatis inferitur secundò correlative, quod ad Romanum Pontificem pertineat interpretari sacram Scripturam, & dubia declarare, quæ emergunt circa ius naturale, siue diuinum, Hoc autem correlarium sic ex superioribus deducitur. Pro quo, primò notatur, quod determinare dubia in talibus, potest esse dupliciter. Vno modo, scilicet inquisitiuè; sicut potest quilibet ex ingenio, vel habitu inquirere de dubijs alicuius scientiæ, & isto modo declarare, potest pertinere ad quemcumque doctum in aliqua scientia, & vocatur determinatio, siue declaratio magistralis. Alio modo, potest accipi, declarare cum aliqua auctoritate sic, scilicet, quod declaratio debeat pro vera teneri, vel opinari, ita quod non liceat oppositum tenere, vel opinari. Et isto modo, potestas, siue auctoritas declarandi prædicta dubia, est solum apud Summum Pontificem simpliciter. Similiter est distinguendum de interpretatione diuinæ legis, aut sacræ Scripturæ, quia quædam sit per modum disputationis, & inquisitionis scholasticæ perquirendo, quis sit sanus intellectus ipsarum, nihil ad verba legis, vel scripturæ adificiendum, vel subtrahendum. Alius est interpretationis modus, per modum determinationis obligatorie ad tenendum intellectum, siue sensum datum per interpretationem. Primus modus est magistrorum, quorum tamen interpretatio neminem cogit ad sic tenendum. Secundus vero modus interpretationis est Romani Pontificis, cuius determinatio obligat omnes ad sic tenendum, & obseruandum.

Quod ratione potest sic ostendi; oportet ponere in Ecclesia vnum Caput, ad quod pertineat determinare, & declarare, & interpretari illa, quæ sunt dubia circa quæcumque ad fidem pertinentia, siue sint speculatiua, siue agibilia; sed constet, quod in Ecclesia non potest esse aliquod tale Caput, nisi solus Papa, ergo, &c. Minor patet ex superioribus, maior probatur, quia oportet ponere Ecclesiam sic dispositam à Deo, quod tota communitas vniuersalis Ecclesiæ maneat in vnitate fidei, & in vna sententia de fide, vnde Apostolus 1. Corinth. 1. [Obsecro vos fratres per nomen Domini nostri Iesu Christi, vt idipsum dicatis omnes, & non sint in vobis schismata: sitis autem perfecti in eodem sensu, & in eadem sententia.] Sed hoc non potest esse, nisi tota communitas Ecclesiæ recursum habeat ad vnum Caput, scilicet ad Præsidentem, apud quem esset auctoritas declarandi, & interpretandi dubia circa ea, quæ sunt fidei; pertinet ergo ad Romanum Pontificem declarare dubia, & interpretari circa ea, quæ fidei sunt, siue iuris naturalis, & diuini, vnde

Augustinus contra Manichæos, & habetur in cap. palam dist. 11. Palam est, quod in re dubia ad fidem valeat auctoritas Ecclesiæ Catholicæ, quæ ab ipsis fundatissimis Sedibus Apostolorum usque in hodiernum diem succedentium sibi inter Episcoporum serie, & tot populorum consensio confirmatur. Hæc Augustinus. Hinc est, sicut superius dictum est, quod orta questione, an legalia deberent obleruari cum Euangelio, consuluerunt Petrum, & alios Apostolos, qui erant in Hierusalem, & Petrus sicut Princeps Apostolorum, & Præsident supra totam communitatem Ecclesiæ decreuit, & declarauit legalia non esse obseruanda, vt pater A. G. 15. Cæterum ex superioribus elicitur tertio correlari, quod ad Romanum Pontificem pertineat dicta, siue opuscula Doctorum singulorum in his, quæ ad fidem pertinent, approbare, vel reprobare, patet manifestè ex dictis, habetur etiam hoc expressè in cap. si Romanorum dist. 19. vbi sic ait Nicolaus Papa: Si Romanorum Pontificum decreto cæterorum opuscula tractatorum approbantur, vel reprobantur, ita quod verè Sedes Apostolica approbauit, hodie teneatur acceptum, & quod illa repulit, hæcenus inefficax habetur, &c. vbi glossa. Argumentum, quod approbat, vel reprobatur, & nos approbare, vel reprobare debemus, 24. questione prima, hæc est fides, & 35. qu. 9. veniam.

CAP. CVIII.

Quod decreta, siue decretales Romanorum Pontificum sunt à cunctis fidelibus venerabiliter suscipienda.

EX his, quæ de Apostolicæ Sedis iudicio, & magisterio multis sanctorum Patrum testimonijs firmauimus, apertissime confutatur error aduersariorum, qui Apostolicæ Sedis decretales, siue decreta continent, quæ in Canonibus Conciliorum non includuntur. Contra hunc errorem, cum sit perniciosissimus, & ad infinita schismata ianua; sunt multarum sanctorum Patrum argumenta præter ea, quæ in superioribus diximus in hoc secundo libro circa cap. 48. & 50.

In primis est argumentum, quod clarissimè memoriæ Papa Nicolaus omnibus Archiepiscopis per Galliam constitutis scribens facit, vt in cap. si Romanorum, dist. 19. ita dicens: Si Romanorum Pontificum decreto cæterorum opuscula tractatorum approbantur, vel reprobantur, ita quod verè Sedes Apostolica approbauit, hodie teneatur acceptum, & quod illa repulit, hæcenus inefficax habetur; quantò ergo potius, quæ Papa pro Catholica Fide, pro sanis dogmatibus, pro varijs, & multifarijs Ecclesiæ necessitatibus, & fidelium moribus diuerso tempore scribit, omni honore debent præferri, & ab omnibus prorsus in quibuslibet opportunitatibus, discretione, vel dispensatione magistra reuerenter assumi; quamquam quidam nostrum scri-

psierint, non esse decretalia præcorum Pontificum in toto canonum codicis corpore descripta, & idè inter Canones non assumenda, cum ipsi, vbi suæ intentioni hæc suffragari conspiciunt, omnibus illis indifferenter vtantur, & solum nunc ad diminutionem Sedis Apostolicæ potestatis, & ad suorum argumentum priuilegiorum minus accepta esse prohibeant. Item si idè non esse decretales epistolas præcorum Pontificum Romanorum admittendas esse dicant; quia in codice canonum non habentur adscriptæ; ergo nec Sancti, Gregorij, nec vllius alterius, qui ante ipsum fuit, vel post ipsum est, aliquid institutum, vel scriptum recipiendum est, eo, quod in codice canonum non habetur adscriptum ergo doctrinam eorum, & sanctiones, quæ ab omni lingua venerantur, quia in codice canonum habentur adscriptæ, de codicibus erantant suis, vt quid membranas occupant, postquam non habentur receptæ? Sed quæ multum immoremur? cum nec ipsas Scripturas diuinas veteris, & noui Testamenti iam recipimus, si istos duxerimus audiendos, etenim neutrum horum in codice canonum ecclesiasticorum habetur insertum. Sed responsuri sunt isti, qui ad resistendum potius, quam ad obediendum parati sunt asserentes, quod inter canones inueniantur, cap. sancti Papæ Innocentij; cuius auctoritate doceatur à nobis vtrumque testamentum esse recipiendum, quamquam in ipsis prius canonibus nullum eorum ex toto contineatur insertum, quibus ad hoc asserendum est; quoniam si vetus, nouumque Testamentum sunt recipienda, non quod codici canonum ex toto habeantur annexa, sed quod de his recipiendis sancti Innocentij Papæ prolata videatur esse sententia.

Restat nimirum, quod decretales epistolæ Romanorum Pontificum sunt recipiendæ, etsi non sint canonum codici compaginatæ; quoniam inter canones ipsos vnum beati Leonis capitulum constat esse permixtum, quo ita omnia decretalia constituta Sedis Apostolicæ custodiri mandantur, vt si quis in illa commiserit, nouerit sibi veniam denegari; ait in capitulo quinto suorum decretalium: Ne quid verò sit, quod prætermisimus à nobis fortè credatur, omnia decreta constituta tam beatæ recordationis Innocentij, quam omnium prædecessorum nostrorum, quæ de ecclesiasticis ordinibus, & canonum promulgata sunt disciplinis, ita à vestra dilectione custodiri mandamus, vt si quis in illa commiserit, veniam sibi nouerit denegari deinceps; dicenda verò omnia decretalia constituta, nullum de decretalibus constitutis prætermisit, quod non mandauerit esse custodiendum, & rursus asserendo omnium prædecessorum nostrorum, nullum Pontificum Romanorum, qui ante iam fuerunt excepit; cuius ita non præcepit decretalia constituta ab omnibus custodiri, vt si quis in illa commiserit, veniam sibi deinceps nouerit denegari. Itaque nihil interest, vtrum sint omnia decretalia Sedis Apostolicæ constituta, nec ne inter canones Conciliorum immixta, cum omnia in vno corpore compaginari non possint, & illa eis intersint, quæ finitatem his, quæ desunt, & vigorem suum assignant; præsertim cum sy-

nodalia gesta, inter quæ, ipsi canones statuti sunt, in codice canonum non habentur, sed à nobis omni cultu debito venerantur.

Consonat autem huic beatissimo Leoni Papæ, & facundissimus, & sanctus in decretis suis Gelasius Papa, ita inquit: Decretales epistolas, quas beatissimi Papæ diuersis temporibus ab Vrbe Roma pro diuersorum Patrum consultatione dederunt, venerabiliter suscipiendas decreuimus. In quo notandum, quod non decretales dixit epistolas, quæ inter canones habentur, vel quas moderni Pontifices ediderunt, sed quas beatissimi Papæ diuersis temporibus ab Vrbe Roma dederunt, dicens autem diuersis temporibus, & illa tempora vir sanctus comprehendit, quæ crebrentibus Paganorum persecutionibus ad Sedem Apostolicam deferri causas Episcoporum difficillimè permittabant. His ita diuina fauente gratia prelibatis, ostendimus nullam esse differentiam inter illa decreta, quæ in corpore canonum habentur Sedis Apostolicæ Præfules, & ea, quæ præ multitudine vix per singula voluminum corpora reperiuntur; cum omnia, & omnium prædecessorum suorum decretalia constituta, atque decretales epistolas, quas beatissimi Papæ diuersis temporibus ab Vrbe Roma dederunt, fore venerabiliter venerandas, suscipiendas, & custodiendas, eximios Præfules, Leonem scilicet, & Gelasium mandasse, probauimus.

Secundò contra præfatum errorem aduersariorum est Dominus Aymarus Archiepiscopus Rhemensis in libro suo de Synodis, cap. 3. vbi pro auctoritate decretalium summorum Pontificum multa sanctorum Patrum testimonia inducens, ita ait: De auctoritate autem ipsorum pontificalium decretorum, nulla nobis dubitatio relinquitur, cum & ipsa vniuersalia Concilia auctoritatem exinde perceperint, nec aliunde synodicam firmitatem obtinere potuerint. Hoc ergo & nos irrefragabiliter obseruare debemus, vt Apostolici Patres nobis ex Apostolica auctoritate præceperunt, per quam & aliorum statuta nobis ad seruandum canonizasse leguntur. Nempe beatissimi Patres nostri Damasus, & Leo Papa Magnus, quorum alter, secundum vniuersale Concilium, alter, quartum, id est Chalcedonen. Apostolica auctoritate firmauerunt; ipsi inquam eadem auctoritate, eadem etiam auctoritate, & voce, ita generaliter decreuerunt: Omnia inquit decretalia prædecessorum, nostrorum, quæ de Ecclesiasticis ordinibus, & canonum promulgata sunt disciplinis, ita omnibus Episcopis, & generaliter à cunctis Sacerdotibus custodiri debere mandamus, vt si quis in illa commiserit, veniam sibi deinceps nouerit denegari. Idem Damasus alibi omnibus Episcopis scribens: Obseruetur, inquit, ab omnibus, vt illa semper, quæ Apostolica institutione, & Patrum traditione sunt constituta, sub metu irrefragabili auctoritate teneantur.

Item Papa Gelasius scribens vniuersis Episcopis per Siciliam constitutis, ait: Cùm decreta venerabilium sanctionum nos quoque magnopere custodire nitamur, atque sine eorum dispendio, etiam illa, quæ pro alicuius utilitatibus forsasse compendio videantur laxanda, credamus; crimque nobis contra salu-

tarium reuerentiam regulari cupimus temere nihil licere, & cùm Sedes Apostolica superior his omnibus, fauente Domino, quæ paternis canonibus præfixa pio, deuotoque patereat tenere proposito; satis indignum est, quemquam, vel Pontificum, vel ordinum, subsequenter hanc obseruantiam refutare, quam beati Petri Sedem, & sequi videat, & docere: satisque conueniens sit, vt totum Corpus Ecclesiæ in hac sibi obseruatione concordet, quam illic vigere conspiciat, vbi Dominus Ecclesiæ totius posuit principatum, dicente Scriptura: Ordinate in me charitatem. Item omnia cum ordine fiant. Hæc ille.

Item Agapito Papa, qui sextam Synodum vniuersalem per Legatos suos instituit, & institutam Apostolicam auctoritate firmavit; omnibus Episcopis eadem auctoritate nuntiavit, sic inquit: Omnes Apostolicæ Sedis sanctiones accipiendæ sunt, tamquam ipsius Petri diuina voce firmata. Item successor eius beatus Nicolaus Papa Primus Synodo vniuersali præfides, generali ciuendi Synodi iudicio decreuit, vt etiam anathema esset quicumque decreta à Romano Pontifice contempsisset. Sanctus quoque Hadrianus Papa etiam Reges anathematizauit, quicumque Sedis Apostolicæ decreta violare non formidat. His ergo testimoniis satis edocemur, quàm indubitanter Apostolicis institutis obedire debemus. Hæc omnia præfatus Dominus Aymarus.

Tertiò, contra præfatum errorem aduersariorum arguit Papa Nicolaus scribens ad Photium Patriarcham Constantinopolitanum, cuius epistola in sancta octaua vniuersali Synodo fuit recepta, & approbata, cum omnibus gestis eius circa Constantinopolitanam, & contra dictum Photium, ac Michaelen Imperatorem factorem eius. In qua epistola, præter colligitur ex ipsa Aëione 8. Concilij, sic habetur: Decretalia autem, quæ à sanctis Pontificibus Sedis Romanæ Ecclesiæ sunt instituta, cuius auctoritate, atque sanctione omnes Synodi, & sancta Concilia roborantur, & inde stabilitatem sumunt: cur vos non habere, vel obseruare dicitis, nisi quod vestræ ordinationi contradicunt? Et infra; & si ea non habetis de neglectu, atque incuria, estis arguendi, si habetis, & non obseruatis, de temeritate estis corripiendi, & increpandi; & habetur in cap. si decreta, distinctione 20.

Quartò, contra præfatum errorem est cap. in canonicis Scripturis dist. 19. quod est beati Augustini, in quo videtur inter canonicas Scripturas Epistolas Apostolicas Sedis annumerare.

Item quintò, contra eundem errorem est cap. Decretales dist. 20. vbi habetur, quod decretales epistolæ Canonibus Conciliorum pari iure exequantur, gloss. Archidiaconus. In obseruantia, & auctoritate exequantur, scilicet in auctoritate, in reuerentia, in obseruatione huius.

Sextò, contra præfatum errorem videtur esse articulus condemnatus in Concilio Constantiensi, vbi inter alios articulos, Ioannes Wicleff fuit condemnatus ille. Decretales epistolæ sunt Apocryphæ, & seducunt à fide Christi, & Clerici sunt stulti, qui student eas.

Quia

Quia plura dicta sunt de præceptis Apostolicis fulciendis, sicut circa cap. 48. ista pro nunc sufficiant.

CAP. CIX.

Quòd Sedis Apostolicæ iudicium in his quæ fidei sunt, & ad humanam salutem necessaria, errare non possit.

EX his quæ in superiori capitulo dicta sunt, datur nobis luce clarissima intelligi, quòd tanta soliditate veritatis Apostolicum thronum clementia Diuinitatis firmauerat, quòd iudicium eius in his, quæ fidei sunt, errare à veritate non possit; decebat sane, vt Sedes illa, quæ superni dispositione, Concilij, magistra fidei, & cardo omnium insisteretur Ecclesiarum, in his quæ fidei sunt, hominumque necessaria saluti, ab ipso omnium auctore Deo, cuius providentia in sui dispositione non fallitur, hoc singulari infallibilitatis, munere donaretur, in cuius rei Sacramentum primo illius Sedis Pontifici, Diuina dispensationis nonien firmitatis imponitur, scilicet Petrus, quod Syra lingua rupes interpretatur; vnde beatus Gregorius Eulogio Episcopo Alexandriæ scribens epist. 181. [Quis nesciat sanctam Ecclesiam in Apostolorum Principis soliditate firmam, qui firmitatem mentis traxit in nomine, vt Petrus à petra vocaretur. Ipsi veritatis voce dicitur: Tibi dabo clauis regni cælorum,] cui rursum dicitur: Et tu aliquando conuersus conuersus confirma fratres tuos.] Hæc Gregorius. Quòd autem hoc, quod diximus sit privilegium, & munus amplissimum Apostolicæ Sedis, multipliciter, & etiam efficaciter probamus. primo auctoritatibus, secundo rationibus in sequenti capitulo.

Auctoritate primò, illa Saluatoris promissione, quæ cassæ esse non potest, qua Petro locutus est, dicens: [Tu es Petrus, & super hanc petram ædificabo Ecclesiam;] quam Christi promissionem de firmitate fidei Apostolicæ Sedis accipiendam esse, sancti Doctores in religione, & sapientia clarissimi attestantur. Ait enim beatus Cyrillus Alexandrinus Patriarcha, vt inducitur in glos. continua, secundum hanc Domini promissionem Ecclesia Apostolica Petri ab omni seditione, & hæretica circumuentione immaculata manet super præpositos, & Episcopos, & super omnes Irimates Ecclesiarum, & populorum, in suis Pontificibus, in fide plenissima, & auctoritate Petri, & cum aliæ Ecclesiæ quorundam errorum verecundæ sint, stabilita ipsa, impassibiliter regnat, silentium imponens, & omnium obturans ora hæreticorum, & nos necessitate salutis non decepti superbia, nec vino superbiz ebriati, typum veritatis, & sanctæ Apostolicæ traditionis vnà cum ipsa cõstemur, & prædicamus. Hæc Cyrillus. Secundo, beatus Chrysostomus dictus os aureum, ibidem super Matih. hoc idem confirmans, ait: [Vide qualiter Christus reducit Petrum ad excessum de ipso intelligentiam; hoc enim pronuntiat, quæ sunt

propria Dei solius, scilicet peccata soluere, & Ecclesiam immutabilem facere inter rot persecutionum, & tentationum procellas.] Item ad idem Origenes, qui v deducit sanctus Thomas super Matth. rati de Petro, quàm de Ecclesia vniuersali præfatum Christi verbum Matth. 16. [Et portæ inferi non præualebunt aduersus eam,] exponens ita dicit: Non autem exprimitur verum Petro non præualebunt, aut Ecclesiæ, quam ædificat super petram, tamen manifestum est, quòd nec aduersus Petrum, nec aduersus Ecclesiam portæ præualebunt inferorum. Hæc ille. Quod autem de Petro petra verbum Christi intelligatur, idem manifestat, dicens: [Vide quantum potestatem habet petra, super quam ædificatur Ecclesia, vt eius iudicia maneant firma, quasi Deo iudicante per eam.]

Secundo, Apostolicæ Sedis iudicium in his quæ fidei sunt, esse indefectibile, manifestè probatur ex promissione illa Christi, qua Petro pro Sede sua loquens, ait Luc. 22. [Ego pro te rogaui Petre, vt non deficiat fides tua, & tu aliquando conuersus confirma fratres tuos.] Quod autem de fide Petri in Apostolica Sede indefectibiliter semper mansura, intelligendum sit, sancti testantur Doctores. In primis beatissimus Leo in sermone secundò ordinationis sue, eandem Christi pollicitationem pertrahens: [Ego rogaui pro te Petre, vt non deficiat fides tua, &c.] ita ait: [Specialis cura à Domino Petri fulscipitur, & pro fide Petri propriè supplicatur, tamquam aliorum status certior sit futurus, si mens Principis victa non fuerit in Petro; ergo omnium fortitudo munitur, & Diuinæ gratiæ ita ordinatur auxilium, vt firmitas, quæ per Christum Petro tribuitur, per Petrum, Apollolis conferatur.] Hæc ille. Item ad idem est Agapto Papa in suggestione, quam Constantino Imperatori scribit, quæ à tota sexta Synodo vniuersali fuit venerabiliter acceptata, hæc Apostolica Christi Ecclesiæ per Dei omnipotentis gratiam à tramite Apostolicæ traditionis nunquam errasse, probatur, nec hæreticis nouitatibus deprauanda succubuit: sed vt ab exordio norum fidei Christianæ percepit ab auctoribus suis Apostolorum Christi Principibus, illibata fidentius manet secundum ipsius Domini saluatoris dictam pollicitationem, qua suorum Discipulorum Principi in sacris Euangelij fatus est: [Petre, inquit, ecce fathas expectauit, vt cribaret vos, sicut qui cribrant triticum, ego autem pro te rogaui, vt non deficiat fides tua, & tu aliquando conuersus, confirma fratres tuos.] Consideret itaque vestra tranquilla clementia, quoniam Dominus, & Saluator omnium, cuius fides est, qui fidem Petri non defecturam promisit, confirmare cum fratres suos admonuit, quòd Apostolicos Pontifices mæ exiguitas prædecessores, confidenter fecisse semper, cunctis est cognitum.] Hæc ille. Eadem sententia etiam est Lucij Papæ, cuius pars ponitur in cap. A recta 24. 1. Aliqua hic dicit glossator, qui si vidisset ad longum textum Lucij, non ita fuisset interpretatus; & iste frequenter est error istarum glossarum Decreti, qui error possimè inde contingit, quia originalia sanctorum Patrum per glossatorem non sunt

sunt visa, sed detruncata, prout iacent in Decreto. Item beatus Bernardus Domino Innocentio Papæ scribens, hoc insigne Apostolicæ Sedis privilegium ex eodem Salvatore verbo attestatur his verbis: [Oportet ad vestrum referri Apostolorum pericula quæque, & scandala emergentia in regno Dei, ea præferimus, quæ de fide contingunt; dignum namque arbitror, ibi potissimum resarciri damna fidei, ubi fides defectum habere non posset; hæc quippè prærogativa est huius Sedis, cui enim alteri dictum est: [Ego pro te rogavi Petre, ut non deficiat fides tua.] Hæc Bernardus. Item idem Bernardus, vel Ioan. Damian. in sermone Ioannis Baptiste, qui incipit: [Hodie dilectissimi,] dicit sic: [Decimus honor est assertio maris Ecclesiæ, textur ora clamidis, vnguentumque profusum in capite, extremamque vestimentis simbram, inundanter effundit; illa enim magistra, & Regina omnium Ecclesiarum Romana Ecclesia, cui dictum est: [Ego pro te rogavi, ut non deficiat fides tua,] in honore beati Ioannis Baptiste, post Salvatore nomen consecrata est, & signata; dictum namque erat, ut Sponsæ sequeretur auctoritas, & singulare amicum eius illuc prouheret, ubi Principatum ipsa concessit. Item hoc idem ex præfata Redemptoris nostri promissione ostendit Leo Papa nonus in libro, quem contra Michaelem Constantinopolitanum fecit, ubi cap. 7. ita dicit: [Taliter sancta Ecclesia super petram, id est Christum, & super Petrum Cepham filium Ioannis, qui primò Simon dicebatur, ædificata est, quod inferi portæ disputationibus, scilicet hereticorum, qui vanos ad interitum introducunt, nullatenus foret superanda:] sic pollicetur ipsa veritas, per quam sunt vera quæcumque sunt vera, [Portæ inferi non præualebunt adversus eam, cuius promissionis effectum se precibus impetrasse à patre, ipse filius protestatur, dicendo ad Petrum: [Simon ecce sathanas expetiuit, ut cribraret vos, sicut triticum; ego autem rogavi pro te, ut non deficiat fides tua, & tu aliquando conuersus, confirma fratres tuos.] Erit ergo quisque tantæ dementiæ, qui orationem illius, cuius velle, est posse, audeat in aliquo vanam putare? nonne à Sede Principis Apostolorum, Romana videlicet Ecclesia, tam per eundem Petrum, quàm per successores suos reprobata, atque conuicta, atque expugnata sunt omnium hereticorum commenta, & fratrum corda in fide Petri, quæ nec deficit, nec vique in finem deficit, sunt confirmata? Hec ille. Item in Synodica eiusdem Leonis ad Petrum Antiochenum Patriarcham sic scribitur: [Ab Apostolica Sede nostram Catholicam consulendo, perpendifimus tuam prudentiam nolle deuiare à Dominico, & omnium sanctorum Patrum concordia Decreto, quo inuolubiliter cunctis in toto Orbe terrarum Ecclesijs, sancta Romana Ecclesia, & Apostolica Sedes caput præponitur, ad quam maiores, & difficiliore causæ omnium Ecclesiarum diffiniendæ referantur.] sic omnia veneranda Concilia, sic leges humanæ promulgant; sic ipse Sanctus Sanctorum, & Rex Regum Dominus dominantium confirmat, quatenus ibi principalis dignitatis, & totius Ecclesiæ disciplinæ venerabilis

apex præfulgeat, & præcellat, ubi ipse vertex, & cardo Apostolorum Petrus, carnis suæ resurrectionem beatam in nouissimo die spectat, nimirum solus est ille, pro quo nè deficeret eius fides, Dominus, & Saluator asseruit se rogasse, dicens: Simon, ecce sathanas, expetiuit vos, ut cribraret, sicut triticum, ego autem rogavi, ut non deficiat fides tua, & tu aliquando conuersus confirma fratres tuos.] Quæ venerabilis, & efficax oratio obtinuit, quod hæc fides Petri non deficit, nec defectura creditur in throno illius in seculum, seculi: sed confirmabit corda fratrum varijs concutienda fidei periculationibus, sicut hucusque confirmare non cessauit. Hæc ille. Item patet hoc professione octauæ Synodi, in qua lectus est libellus Adriani Papæ, qui acceptus est cum omni laude, in quo sic dicitur: [Prima salus, est rectè fidei regulam custodire, deinde à constitutis Dei, & Patrum nullatenus deuiare; vnum quippè horum ad fidem pertinet, alterum ad opus bonum; sicut enim scriptum est: Sine fide impossibile est placere Deo, sic rursus legitur: Fides sine operibus occisa est. Et quia non potest Domini nostri Iesu Christi prætermitti sententia dicentis: Tu es Petrus, & super hanc petram ædificabo Ecclesiam meam; hæc, quæ dicta sunt, rerum probantur effectibus, quia in Sede Apostolica immaculata est semper Catholica seruata religio, & sancta celebrata doctrina.] Hæc ibi.

Item ipsa Synodus octaua acceptans doctrinam, & sententiam Apostolicæ Sedis ita inquit: [Quoniam sicut prædiximus, sequentes in omnibus Apostolicam Sedem, & obsequantes omnia eius Statuta, speramus, ut in vna Communionem quam Sedes Apostolica prædicat, esse mereamur, in qua est vera, & integra, & vera Christianæ Religionis soliditas, promittentes etiam sequestratos à communionem Ecclesiæ Catholicæ, id est non consentientes Sedi Apostolicæ, eorum nomina, inter sacra non recitanda esse mysteria.] Hec ibi. Item quod prædicta promissio Christi Luc. 22. [Ego pro te rogavi, &c.] intelligenda sit de fide Petri pro Sede sua, testantur Doctores famosiore in Ecclesia Dei, qui exposuerunt Bibliam. Vnde Magnus Albertus super Luc. tractans verbum prædictum, ita formaliter dicit: [Ut non deficiat fides tua, scilicet finaliter.] Hic argumentum efficax pro Sede Petri, & successore ipsius, quia fides eius finaliter non deficit. Naum. 1. [Non adiciet vltra, ut petranseat per te, Belial viueris interije.]

Item Dominus Hugo Cardinalis super eundem locum ait: Argumentum pro Ecclesia Romana.]

Item ad hoc esse gloss. in cap. Quodcumque 24. quæst. prima, quæ dicit sic: [Nisi erraret Ecclesia Romana, quod non credo posse fieri, quia Deus non permetteret.] Hec gloss.

C A P. CX.

In quo responsionibus prafatum Apoftolica Sedis privilegium probatur, & confirmatur.

Postquam sacre Scripturæ auctoritatibus, iuxta sanctorum Patrum, & Doctorum expositiones ostendimus Apostolicam Sedem in iudicio eorum, quæ fidei sunt, & ad salutem Fidelium necessaria, stante Diuina pollicitatione, errare non posse: reliquum est, ut etiam rationibus illud confirmemus.

Primo sic ex superioribus, Sedis illius iudicium, in his, quæ fidei sunt, credendum est indefectibile, ad cuius auctoritatem, & magisterium pertinet determinare, & definire ea, quæ credenda, proponenda sunt populo Christiano, Symbolum edere fidei dubia, quæ in sacra Scriptura emergunt, declarare, & interpretari. Hoc patet: immo tamquam primum principium videtur clarissimum: quia aliàs nihil, quod illius Sedis auctoritate, & iudicio esset, de fide, de condemnatione errorum, de Sacramentis, de Canonizatione, Sanctorum, & de interpretationibus dubiorum difficultum, foret firmum, aut certum; sed dubium, aut fallibile, quod inconuenientissimum, & periculosissimum in religione Christiana esset. Sed Apostolica Sedes est, ad quam pertinet determinare ea, quæ fidei sunt, Symbolum fidei edere, & dubia in sacra Scriptura emergentia interpretari, ut supra in capit. 7. patet. Ergo sequitur, quod eius iudicium, in his, quæ fidei sunt, errare non possit.

Perterea confirmatur ista ratio sic: Assensus omnis, qui est circa aliquid cum possibilitate ad oppositum, includit formidinem, nec est assensus firmus, nec firmiter, quis assentit per illum, quia assentit cum possibilitate ad oppositum. Vnde firmus, & inuariabilis assensus circa aliquid requirit, quod oppositum eius non possit esse verum, sed omnino falsum: propter quod demonstratio, quæ causat assensum inuariabilem, est ex necessarijs, & quæ non possunt aliter se habere.

Similiter fides virtus Theologica ex necessarijs, & cui non possunt subesse falsum, quia inicitur primæ veritati, aliàs non faceret assensum firmum, & inuariabilem. Si ergo Sedes Apostolica, siue Ecclesia Romana, cuius auctoritas, & Principatus in Sede Apostolica locatus est à Christo, in his, quæ fidei sunt, errare posset, & deuiare, tunc credentes illud, crederent possibile, tamen falsum esse, & non necessario infallibiliter verum, & per consequens cum formidine, & cum dubio erroris possibili; & ita credentes fluctuarent, & essent dubij in fide, & ita infideles; & sic multa inconuenientia sequerentur, quæ vniuersisque cognoscere potest.

Secundo sic, illius Sedis iudicium, quod nunquam in fide deficit, nec defectuosum est, videtur esse indefectibile iudicium in his, quæ fidei sunt. Sed Sedes Apostolica iudicium nunquam in fide deficit, nec defectuosum

est. Ergo Sedes Apostolica iudicium indefectibile est in his, quæ fidei sunt. Consequentia patet, maior etiam, minor verò patet multorum sanctorum Patrum testimonijs.

Inquit enim Eusebius Papa in capit. in Sede distinct. 24. qu. 1. [In Sede Apostolica extra maculam semper est Catholica seruata religio.]

Item beatus Sixtus Papa, & habetur in cap. memor distinct. 24. qu. 1. idem testatur dicens: [Memor sum me sub illius nomine Ecclesiæ præsidere, cuius à Domino Iesu Christo est glorificata confessio, & cuius fides nullam hæresim fouet, sed quidem omnes hæreses destruit.] Hæc illæ.

Item beatus Hieronymus in cap. Hæc est fides distinct. 24. quæst. 1. ad idem est ita dicens: [Sancta Romana Ecclesia, quæ semper immaculata permansit, Domino providente, & beato Petro opem ferente, in futurum manebit, sine vlla Hæreticorum insultatione, scilicet prævalente, atque firma, & immobilis omni tempore persistet.]

Hoc etiam Pelagius Papa in cap. quamvis distinct. 21. testatur dicens: [Est ergo prima Apostoli Petri Sedes Romana Ecclesia, non habens maculam, nec rugam, nec aliquid huiusmodi.]

Hoc etiam apertissime testantur auctoritates sanctorum Patrum posite in præcedenti capitulo.

Tertio confirmando iam factam rationem sic: Illius Sedis iudicium in his, quæ fidei sunt, est indefectibile, quod nulla malitia hominis valet extinguere. Sed Sedes Apostolica, siue Romana Ecclesia nulla hominum malitia valet extinguere. Ergo Sedes Apostolica iudicium est indefectibile. Consequentia est bona, maior verò manifesta, minor autem probatur auctoritate Pelagij Papæ, qui, ut habetur in capit. pudenda 24. quæst. 1. ita ait: [Cum Ecclesia vna sit, nulla alia esse constat, nisi quæ in Apostolica est radice firmata, & fundata.] Et infra, recitans verba Augustini, sic subiungit: [Sed nullo modo potest dici Ecclesia, in qua schisma est, restat, ut, quoniam Ecclesia nulla esse non potest, ea sit, quam in Sedis Apostolicæ successiones Episcoporum radice constitutam, nullorum hominum malitia, etiam si uoca, excludi non possit, sed pro temporis ratione, toleranda iudicetur nullo modo valeat extinguere.] Hæc illæ.

Quarto sic, Sedis illius iudicium in his, quæ fidei sunt, est indeuiale, cui quicumque repugnans quocumque tempore, censendus est Hæreticus. Sed quicumque repugnat in his, quæ fidei sunt, Apostolicæ Sedis, Hæreticus est censendus. Ergo Apostolica Sedis iudicium in his, quæ fidei sunt, est indeuiale. Consequentia videtur bona, maior patet, minor verò est beati Hieronymi in capit. hæc est fides distinct. 24. quæst. 1. qui ad Damasum scribens, ita dicit: [Hæc est fides, Papa Beatissime, quam in Catholica didicimus Ecclesia, quamque semper tenuimus: in qua si minus periret, aut parum caute, & forte aliquid positum est, à te emendati cupimus, qui Petri & Sedem, & fidem tenes. Si autem hæc nostra confessio Apostolorum tui iudicio comprobatur, quicumque me incul-

culpae voluerit, se imperitum, & malivolum, vel non etiam Catholicum, sed Hæreticum comprobabit.] Hæc illæ.

Item minor illa probatur auctoritate beati Cypriani martyris; quoniam, ut habetur in cap. aduocauit 24. quæst. 1. sic dicit: [Aduocauit ad se Cyprianus Episcopus Satyrum; nec villam parauit veram Ecclesiam, nisi veræ fidei gratiam, percunctatusque est ex eo, vtrum nam de Catholicis Episcopis esset? hoc est, si cum Romana Ecclesia consentiret.] Hæc illæ.

Quintò sic: Illius Sedis iudicium credendum est in Ecclesia esse indefectibile in his, quæ fidei sunt, à qua quisque diuinus efficitur extrâ Ecclesiam Dei. Sed diuinus ab Apostolica Sedis iudicio efficitur extrâ Ecclesiam. Ergo, &c. Consequentia est bona. Maior non indiget probatione. Minor verò est beati Cypriani, & habetur in cap. qui Cathedram distingt. 93. [Qui Cathedram Petri, super quam Ecclesia fundata est, deserit, in Ecclesia se esse non confidat.]

Item minor illa est beati Hieronymi in cap. Oriens 24. quæst. 1. vbi scribens Damaso Papæ, ita dicit: [Cum successoris Piscatoris, & Discipulo Christi loquor: ego nullum præsumo, nisi Christum sequens Beatitudinem Tuam, idest Cathedræ Petri communionem confessor, super illam petram Ecclesiam fundatam scio; quicumque extrâ hanc Domum Agnum comederit, prophanus est. Si quis in Arca non fuerit, peribit regnante Diluuiio.] Et infra: [Non nouimus Vitalem, Miletum responso, ignoro Paulinum: quicumque tecum non colligit, spargit: hoc est, qui Christi non est, Antichristus est.] Hæc Hieronymus.

Item eadem sententia colligitur ex cap. schisma 24. quæst. 1.

Sextò sic: Illius Sedis iudicium est censendum in his, quæ fidei sunt, indefectibile, ad quod summarum definitiones causarum, grauioreque questionibus, cuiusmodi sunt questiones fidei, sunt referendæ, & inde terminationem sumpturæ. Sed ad Apostolicam Sedem sunt omnes causæ fidei referendæ, & definiendæ. Ergo Apostolicæ Sedis iudicium in fide deficere non potest. Consequentia est bona; & maior est manifesta; quoniam sicut in disciplinabilibus sic resolutio vsque ad prima principia, quæ falsa esse non possunt: ita causæ fidei referendæ sunt ad Thronum, qui in iudicio suo errare non potest; quia aliàs nihil definitum per Apostolicam Sedem, anteterminatum, teneatur firmum, & indubitatum. Et ita sequeretur schisma, & hæresis inter Fideles: & ita fides prima periret. Minor verò patet ex cap. quotiens 24. quæstione 1. vbi ita inquit text. [Quotiens fidei ratio ventilatur, arbitror omnes fratres Coepiscopos nostros, non nisi ad Petrum, idest sui nominis, & honoris auctoritatem resertere debere, veluti nunc retulit vestra dilectio, quod per totum Mendum possit Ecclesijs omnibus in commune prodicere.]

Item eadem sententia est Papæ Pelagij in quadam epistola, in qua in cap. multis distingt. 17. ita inquit: [Maiores verò, & difficiiores questiones, vel sancta Synodus statuit, & beata consuetudine exegit, ad

Apostolicam Sedem semper referantur.]

Item beatus Gregorius, & habetur in cap. præceptis distingt. 12. [Nulli dubium est, quod non solum Pontificalis causatio, sed omnis sanctæ religionis relatio ad Sedem Apostolicam, quasi ad caput Ecclesiarum, debeat referri, & inde normam assumere; vnde sumptis exordium, ne caput institutionis videatur omitti: cuius auctoritatis sanctionem omnes teneant Sacerdotes, qui non lunt ab Apostolicæ Petræ soliditate diuelli.] Hæc Gregorius.

Idem etiam habetur in cap. maiores, extrâ, de Baptismo, & eius effect. vnde in Chalcedonen. Concilio, audita epistola, quam Leo Papa scriptis Flauiano Episcopo contra errorem Eutychei Episcopi, ita clamauerunt: [Hæc est Patrum fides, hæc Apostolorum fides, omnes ita credimus Orthodoxi, ita credimus anathema, qui non ita credit, Petrus per Leonem ita allocutus est.] Hæc ibi.

Septimò sic: Illius Sedis iudicium est indefectibile in his, quæ fidei sunt, cuius sanctiones omnes accipiendæ sunt, tamquam ipsius Petri Diuina voce firmatæ; sed sic est de Apostolicæ Sedis sanctionibus. Ergo, &c. Consequentia est bona. Maior est manifesta. Minor verò est forma beati Agathonis in cap. sic distingt. 19. Ad hoc etiam facit cap. in canonicis eadem distingt.

Item, Hadrianus Papa scribens Imperatori Basilio, dicit sic: [Quoniam tranquillissimè Imperator audistis vocem Dei per Apostolicæ Sedis officium tibi delatum, &c.]

Octauò sic: Illius Sedis iudicium credendum est in his, quæ fidei sunt, indefectibile, ad quod omnes Doctores, quantumcumque docti, aut sancti, dicta sua referunt, & examini, & correctioni submittunt. Sed Sedis Apostolicæ iudicium est huiusmodi. Ergo, &c. Consequentia est bona. Maior manifesta. Aliàs sancti Doctores hoc facientes possent grauius errare. Minor verò patet ex multis.

Primò ex submissione, quam facit beatus Hieronymus in cap. hæc est fides dist. 24. quæst. 1. de qua supra.

Secundò ex submissione, quam facit beatus Augustinus, scribens ad Papam Bonifacium libellum, quem contra duas Pelagiorum epistolas intitulauerat, vbi ita dicit: [Hæc ergo, quæ in istis, ut dixi, duabus epistolis eorum, ista disputatione, respondeo ad tuam potissimè dirigo sanctitatem, non tam discenda, quam examinauda: vbi si forte aliquid displiceat, emendauda constitui.]

Item, idem legimus beatum Anselmum fecisse in epistola de Incarnatione Verbi, vbi ita scribit Vrbano Papæ: [Domino, & Patri vnuerse Ecclesie in terra peregrinationis Summo Pontifici Vrbano, Anselmus vita peccator, habitu Monachus debitam subiectionem, &c.] Et infra: [Quoniam Diuina Prouidencia Vestram elegit Sanctitatem, cui & fidem, & suam Christianam custodiendam, & Ecclesiam suam regendam committeret, ad nullum rectius refertur, si quid contra Catholicam fidem in Ecclesia, ut eius auctoritate corrigatur: nec vlli alij tutius, si quid

contra errorem responderetur, offenditur, ut eius prudentia examinetur: quapropter sicut nulli dignius possum, ita nulli libentius presentem epistolam, quam vestra destino sapientiae: quatenus si quid in ea corrigendum est, vestra censura caltigetur; & quod regulam veritatis tenet, vestra auctoritate roboratur. J. Hæc Aulernius.

Idem beatus Bernardus fecisse legitur, ut patet in capitulo precedenti.

Item patet ex his, quæ inducit in fine epistolæ cuiusdam, quam super celebratione Conceptionis Beatæ Virginis Mariæ scribit ad Canonicos Lugdunensium.

Idem etiam beatus Thomas facit, ut patet in principio glossæ, continue super Evangelia: [Hanc etiam observantiam reuerentiæ ad Apostolicam Sedem, quasi omnes Doctores Scholastici tractatores Diuinarum Scripturarum legimus tenuisse, & tenere, ut omnia dicta sua correctioni Apostolicæ Sedis submittant.]

Nono sic: Illius Sedis iudicium est in his, quæ fidei sunt, indefectibile, per quod approbata non licet reprobare, sed ab omnibus sunt reuerenter suscipienda, sed Sedis Apostolicæ iudicium est huiusmodi: ergo, &c. Consequentia est bona. Maior etiam patet. Minor vero habetur in cap. si Romanorum distinct. 19. vbi sic dicitur: [Si Romanorum Pontificum decreto ceterorum opusculum Doctorem approbantur, vel reprobantur, ita, quod verè Sedes Apostolica approbavit, hodie teneatur acceptum.] Hæc ibi.

Inducit etiam glossa in cap. hæc est, fides distinct. 24. quæst. 1. & in cap. veniam distinct. 35. quæst. 9. in fine.

Decimo sic: Illius Sedis iudicium credendum est his, quæ fidei sunt, esse indeniabile, quam omnes sancti sequuntur, & vniuersales Synodi amplectuntur, & venerantur, ut magistram fidei regulam, & apicem totius Ecclesiasticæ disciplinæ, sed Sedes Apostolica est huiusmodi, ergo, &c. Consequentia est bona, maior videtur clarissima, quoniam aliis videtur sanctorum Patrum fides vacillare, nisi Sedis illius magisterium, & iudicium in fide firmum esset, & inobliquabile, minor verò colligitur ex Agatonis Papæ epistola ad Imperatorem Constantinum, quæ lecta est in sexta Synodo, ut supra retulimus, acceptata est, in qua post superiora verba, ita de Sede Apostolica loquens, inquit. Cuius auctoritatem, ut puta Apostolorum Principis, semper omnis Catholica Christi Ecclesia, & vniuersales Synodi fideliter amplectentes, in cunctis secutæ sunt, omnesque venerabiles Patres Apostolicam eius doctrinam amplexi, per quam, & probatissima Christi luminaria claruerunt, & sancti quidem Doctores, orthodoxi venerati, atque secuti sunt, hæretici autem falsis criminationibus, atque derogationibus odii insecuti. Hæc ille. Item in gestis Chalcedonenſis Concilii, sic legitur. Vnde Reuerendissimi Episcopi clamauerunt, ut Leo sic credimus, qui contradicunt anathema sunt, Leo rectè exposuit, & infra vniuersi Reuerendissimi Episcopi clamauerunt, iustæ persuasioni ac persuasioni vniuersi, hoc omnes credimus, hoc sequimur, hoc tenemus, quod Patris omnium nostrum Leonis confessio ha-

bet. Hæc ibi. Item hoc proficetur octauus Synodus, in qua Patres lecto decreto à Romano Pontifice Hadriano eis transmissio, ita aiunt. Quoniam sicut prædicimus, sequentes in omnibus Apostolicam Sedem, & obseruantes omnia eius constituta, speramus, ut in vna communione, quam Sedes Apostolica prædicat, esse mereamur, in qua est integra, & vera Christianæ Religionis soliditas. Hæc ibi. Item, huius rei testimonium faciunt Patres in Concilio vniuersali Lugdunensi, ut habetur in cap. fideli de Summa Trinitat. & fid. cap. lib. 6. in quo sic dicitur. Hoc firmiter tenet, & prædicat, & proficetur, & docet sancta Romana Ecclesia Mater omnium fidelium, & magistra, vnde in cap. omnis distinct. 22. beatus Ambrosius se in omnibus sequi Magistram sanctam Romanam proficitur Ecclesiam.

Vndecimo arguitur sic: Illius Sedis iudicium est inobliquabile in his, quæ fidei sunt, cuius auctoritate, & iudicio roborantur, & firmanur Canones sanctorum Conciliorum, sed auctoritate, & iudicio Sedis Apostolicæ firmanur, & roborantur Canones sanctorum vniuersalium Conciliorum, ergo necessarium videtur asserendum, quod iudicium Apostolicæ Sedis in his, quæ fidei sunt, sit indefectibile, consequentia est bona, maior videtur manifesta, minor patet etiam ex cap. confidimus 25. quæst. 1. & ex 5. his ergo, ibidem, & ex cap. significasti extrà de election. Patet etiam ex illa laudabili obseruantia sanctorum Patrum in Conciliis vniuersalibus, qua semper soliti sunt petere confirmationem Canonum suorum à Romano Pontifice, ut potest Princeps totius Ecclesiæ, sicut nos in tertio huius operis, dante Christo, explicabimus de multis.

Duodecimo arguitur sic: Cum impossibile sit sine fide placere Deo, ut inquit Apostolus ad Hebr. 11. sique fides primum fundamentum totius Christianæ Religionis, ut ait Chrysostomus, necesse est, ut illa sit stabilis, & incommutabilis, sicut firma petra in ædificio Ecclesiæ, vnde suprà petram Ecclesia dicitur fundata Matth. 16. quoniam diuersæ quæstiones insurgunt, & emergunt dubia inter fideles circa fidem, & impugnationes hæreticorum, necessarium fuit dare vnum tribunal, siue vnum supremum iudicium notum, & certum in Ecclesia Dei, & duraturum cum ea usque ad consummationem seculi, quamdiu scilicet nobis est collectatio aduersus potestates tenebrarum, ad quod iudicium in omnibus arduis, & maxime circa fidem, & doctrinam posset facile haberi recursus, cuius iudicio, & determinationi omnes firmiter parere deberent. Hoc etiam patet, quoniam aliter nulli determinationi, siue definitioni, vel declarationi, quæ in ea fieret circa eas, quæ fidei sunt, firmiter adhereretur, & ita non videretur Ecclesiæ sufficienter fore prouisum in his, quæ necessaria sunt ad salutem, contra illud Isa. 5. Quid est, quod debui facere vineæ meæ, id est Ecclesiæ, & non feci, sed hoc tribunal, siue supremum iudicium, non videtur posse regulariter esse vniuersale Concilium. Ergo videtur, quod Sedes, siue Cathedra Apostolica sit huiusmodi tribunal, cuius iudicio omnes causæ maiores determinandæ.

mandæ veniant, & finiendæ in Ecclesia Dei. Consequenter est bona, maior etiam probata est, minor verò o tenditur ex nullis.

Primò, quia multa Concilia etiam vniuersalia in his, quæ fidei sunt, & necessaria ad salutem, errasse leguntur, & habuisse iudicia defectibilia, sicut patet de Ariminensi Concilio, quod fuit numerosissimum, ut puta 830. Episcoporum, patet idem de Ephesino secundo, quod Leo Papa condemnauit, & in eius correctionem Chalcedonense Concilium instituit. Sedes autem Apostolica, nunquam in his, quæ fidei sunt, errasse perhibetur, ut sancti Patres firmiter, ac multipliciter attestantur, sicut superius induximus in hoc capitulo, & præcedenti. Dicit etiam beatus Ambrosius super Marc. & habetur in cap. non turbatur 23. quest. 1. Non turbatur nauis, quæ Petrum habet, turbatur autem, quæ Iudam habet. Item Augustinus in sermone quarto de sancto Petro, hanc prærogatiuam Apostolicæ Sedis luce clariorem faciens, dicit sic. Natus Petri in ætate huius seculi, ita natus, ut prætereunte mundo, omnes, quos suscipit, seruat illos, cuius figuram iam videmus in veteri Testamento. Sicut enim Noe arca, naufragante mundo, quos suscepit, cunctos incoleuit seruauit, ita & Ecclesia Petri, confragante seculo, omnes, quos amplectitur, seruabit illos. Hæc Augustinus.

Secundò, quod tribunal præfatum sit Apostolica Sedes regulariter, & non vniuersale Concilium, ex eo colligitur, quod tale tribunal debet esse fixum in Ecclesia, & continuè permans, cum quasi omni die sit necessarium, hoc autem non potest vniuersali Concilio conuenire, quoniam rarò, & non modo nunc, sed etiam antiquo tempore leguntur celebrata, Sedes autem Apostolica semper fuit fixa, non enim moritur, ut supra ostendimus, iuxta cap. gratiosè extrà, de rescript.

Tertiò, hoc idem colligitur ex illa sanctorum Patrum professione Catholica, quæ super Apostolicam Sedem dicitur, & prædicant Ecclesiam esse sanctam, ut Cyprianus, Hieronymus, Augustinus, quos superius induximus. Ergo magis videtur congruere dispositioni diuinæ, quod Ecclesia iudicium sumat à Cathedra Petri, quam Cathedra ipsa ab Ecclesia.

Quartò, hoc idem colligitur ex eo, quod sancti Doctores, & Canones, etiam summæ dispositiones causarum, & maxime fidei, ad Apostolicam Sedem, ut supra ostendimus, mandant, eas ad vniuersale Conciliū deferri.

Quintò, quia questio fidei melius videtur determinari per Principem, qui Ecclesiæ præest, quàm per multitudinem, quod sanctus Thomas in 2.2. quest. 1. artic. 10. & in 4. contrà gentiles probat ex eo, quia vna debet esse fides totius Ecclesiæ, secundum illud 1. Corinth. 1. Idipsum dicatis omnes, & non sint in vobis schismata, quæ fidei vnitas seruari non posset, nisi questio de fide exorta determinaretur per eum, qui toti Ecclesiæ præest, ut sic eius sententia à tota Ecclesia teneretur firmiter. Hæc sanctus Thomas. Hinc beatus Maximus in epistola Orientalibus directâ dicit. Omnes fines Orbis, qui Deum sincerè receperunt, & vbique terrarum

Tom. XIII.

Catholicis Christi fidem confitentur, in Ecclesiam Romanorū Pontificū tamquam in Solem recipiunt, & ex ipso Catholicæ, & Apostolicæ fidei recipiunt veritatem, nec immeritò Petrus legitur primò perfectam fidem esse professus, Domino reuelante, Math. 16. [Tu es Christus Filius Dei viui, vnde & ei Dominus dicit, ego rogaui pro te, ut non deficiat fides tua.] Hæc ille. Item Nicolaus Papa in epistola, quam scribit Photio Patriarchæ, ut habetur in actione quarta octauæ concilij Oecumenici, ad propositum dicit, quia vniuersitas credentium ab hac sancta Romana Ecclesia, quæ caput est omnium Ecclesiarum, doctrinam exquirat, integritatem fidei deposcit, criminum solutionem, qui digni sunt, & gratia Dei Redempti, exorant, oportet nos, quibus commissa est, sollicitos esse, &c. Item Gelasius Papa in epistola ad Anastasium Imperatorem: Vna est Christiana fides, quæ est Catholica, Catholica autem veraciter illa est, quæ ab omnium perfidiorum, atque ab eorum successoribus cōsistoribus, sincera, pura, immaculata communione diuisa est, hoc est, quod Sedes Apostolica magnopere taxauit, ut quia Mundo radix est Apostoli gloriosæ confessio, nulla rima prauitatis, nulla prorsus contagione macularetur, nam nisi, ut Deus avertat, quod fieri non posse confidimus, tale aliquid proueniret, vel cui iam resistere auderemus errori, vel vnde correctionem errantibus posceremus? Hæc ille. Ex quibus patet, quàm temeraria, quamque à Christi, & sanctorum Patrum doctrina aliena assertio aduersariorum sit asseruitum, Apostolicæ Sedis iudicium in his, quæ hdei sunt, non esse certum, non esse firmum, sed defectibile, sed deuiabile, & de facto quandoque deficere, & errare. Qui error perniciosissimus, utpotè qui Sedis Apostolicæ definitiones, fidei declarationes, hereticorum damnationes, Canonum confirmationes, Sanctorum Canonizationes, dubias, & ambiguas, & per consequens suspensas de falsitate reddens, fidem enervat, & Christianam Religionem maculat. Hic error fuit communis omnibus hæreticis, vnde depressa Apostolicæ Sedis auctoritate, licentiori presumptione, & audacia, in suis crassarentur erroribus.

C A P. L X I.

In quo obijciuntur contra ea, quæ dicta sunt, tam de infallibilitate iudicij Apostolicæ Sedis in his, quæ fidei sunt, quàm de firmitate fidei semper futura in Ecclesia Romana.

ADuersus præfatam conclusionem, quam de priuilegio Apostolicæ Sedis, & Romanæ Ecclesiæ auctoritatis, & rationibus efficaciter firmamus, est multa turba aduersariorum, & inimicorum Apostolicæ Sedis, qui nuntur illam multis rationibus impugnare. Et primò nuntur infirmare fundamenta conclusionis nostræ præfate.

Primò sic: Quia auctoritas illa Luc. 22. in qua Christus orauit dicitur, ne fides defi-

LII 2

ceret,

ceret, non potest de fide personali Petri intelligi, quia statim illa defecit in ipso negando Christum. Et si dicatur, quod intelligatur de perseverantia finali Petri, non valet, quia dubium est, quod talis perseverantia finalis in fide comperat semper alijs Summis Pontificibus, unde videtur, quod auctoritas illa accipienda sit de fide vniuersalis Ecclesie, quæ nunquam defecit, & nõ de fide personali Petri. Ergo falsò fundatur in auctoritate prefata aliqua firmitas iudicij Sedis, aut alius Ecclesie Petri, consequentia videtur bona.

Secundò sic: Auctoritas illa non potest intelligi de fide Ecclesie Romanæ. Ergo conclusio prefata non habet firmitatem veritatis; consequentia est bona; antecedens probatur, quoniam quando Christus dixit illa verba Petro, Petrus non magis erat caput Ecclesie Romanæ, quàm Antiochenæ, sed tunc habiturus erat primò Sedem in Antiochia, & postea in Roma, cum ergo in prædictis verbis non plùs fiat mentio de Roma, quàm de Antiochia, quia verba generalia ad omnia particularia equè se habent, sed verba prædictionis debent intelligi, de Antiochia, quia fides illius Ecclesie iam defecit, ergo nec de Romana Ecclesia debent intelligi.

Tertiò sic: Doctores exponentes verba illa Scripturæ, non exponunt ea de Ecclesia Romana, prout Ecclesia Romana est pars distincta contrà alias Ecclesias, sed exponunt verba Scripturæ de materia illa, loquentia de Ecclesia Catholica, & Apostolica, quæ comprehendit omnem Ecclesiam tenentem fidem Apostolorum, siue sit Romæ, siue in Hispania, siue in Gallia, unde non dicunt Doctores, inquit aduersarij, quod Romana Ecclesia non possit, vel nunquam errabit contra fidem, licet aliquando affirmet, quod nunquam inueniatur errasse secundum se totam, quamvis aliquando pro maiori parte errauit, sicut tempore Liberij postquam consensit perfidie Ariariorum.

Quartò, illud, quod promittitur toti, & non alicui parti, non debuit alicui parti etià principali, sed nunquam errare contra fidem toti congregationi fidelium promissum fuit à Christo, & nulli parti fuit hoc promissum, ergo non debet hoc alteri Ecclesie particulari Catholicorum attribui; cum ergo Romana Ecclesia, sit pars Ecclesie, non tota Ecclesia non possit errare contra fidem, non est attribuendum Romæ Ecclesie.

Quintò sic, Cum dicis, quod Romana Ecclesia non potest deficere in fide, quero à te, quid intelligis per Ecclesiam Romanam? Aut enim intelligis papam, seu multitudinem Romanorum, siue clericorum, siue laicorum in partibus Romanis degentium. Et hoc modo non est verum, quia omnes Romani habentes domicilia Romæ possunt contra fidem errare, sicut & omnes hierosolymorum errauerunt. Aut vocas Ecclesiam Romanam, clericos, titulos habentes in Roma; hoc modo etiam non videtur verum, quod Ecclesia Romana non possit errare in fide, quia tales clerici habentes titulos Romæ non videntur esse magis electi à Deo, quàm qui habuerunt titulos hierosolymis, sed omnes isti errauerunt, ergo, &c. Aut tertiò vocas Ecclesiam Romanam papam cum Cardinalibus, vel

Papam solum, vel Collegium solum Cardinalium. Nec hoc videtur verum, quod Ecclesia Romana non deficiet in fide, immò videtur temerarium dicere, quod Papa, cum duobus Cardinalibus, si non essent plures, non possit contra fidem errare. Aut quartò, vocas Ecclesiam Romanam illos, qui tenent fidem, quam Apostoli fundauerunt, & prædicauerunt Romæ, tunc benè verum videtur, quod Ecclesia Romana hoc modo sumpta, quæ est Ecclesia vniuersalis, errare non possit, sed hoc, cum non plùs comprehendat Romanos, quàm Hispanos, non est ad propositum.

Sextò sic: Papa potest errare in fide, & hæretica pollui prauitate, hoc manifestum est. Tum ratione, quia Papa, cum sit viator, & non sit per papatum in fide confirmatus, potest errare. Tum auctoritate, vt in cap. si Papa dist. 40. Tum exemplis, sicut patet de Marcellino, & Anastasio secundo, ergo sequitur, quod, & possit in iudicio errare, & ita non est verum, quod iudicium Apostolicæ sedis sit indefectibile, & indeuabile in his, quæ fidei sunt.

Septimò arguitur: Possibile est, quod Romanus Pontifex incidat in hæresim damnatam, & quod talem hæresim definiat in iudicio cum complicitibus suis, ergo Apostolicæ sedis iudicium in tali casu errabit in fide.

Octauò arguitur de declaratione illa, quam Anastasius fecit, de qua habetur dist. 19. in cap. 1. secundum Ecclesie catholice consuetudinem, in qua, quos Achatius post sententiam in se prolata facerdoes, vel leuitas ordinauerat Anastasius, acceptis beneficijs, ritè fungi debere decreuit. Hæc autem rescripta dicit Gratianus illicita, & non canonicæ, sed contra decreta suorum prædecessorū esse data, & videtur Apostolica Sedes hic errasse.

Nonò, arguitur ex historia Stephani Papæ, qui collecto Concilio Formosum Papam condemnauit, & omnes ordinationes eius irritas esse decreuit. Et de Ioanne Nono, qui confirmauit ordinationem, & collecta synodo, Rauennæ synodum, quam fecerat Stephanus contrà Formosum, reprobauit.

Decimò arguitur de Ioanne 22. nulla videtur tergiversatione negari, quin doctrina sua de paupertate Christi, & Apostolorum eius, & de abdicatione proprietatis omnium temporalium in speciali, & in communi, & de paupertate euangelica doctrinæ Nicolai tertij, aliorum summorum Pontificum aduersari, cum ergo illa ad fidem pertineant, vel ad bonos mores, notum est, quod altera istarum doctrinarum, contineatur, sub hæretica prauitate, quod quicquid autem detur, est contrà conclusionem præfatam, ergo, &c. Quod verò doctrina Ioannis 22. de paupertate Christi, & Apostolorum, &c. aduersetur doctrinæ Nicolai tertij, patet: Nam Papa Ioannes 22. in declaratione quadam sua, quæ incipit: Cū inter nonnullos: declarat primò, quod pertinaciter asserere redemptorem nostrum, & dominum Iesum, eiusque Apostolos in speciali non habuisse aliqua, nec in communi, sit Hæreticum, hæc declaratio videtur manifestè repugnare declarationi, & determinationi Domini Nicolai tertij, qui in decreta sua, quæ incipit: Exist qui seminat, quæ declaratio per Bonifacium Papam est inserta in sex-

in sexto libro decretalium, & ab vniuersali Ecclesia recepta, in qua declaratione prefatus Dominus Nicolaus, ita dicit: Porro cum ipsa regula expressè contineat, quòd fratres nihil sibi approprient, nec vinum, nec aliquam rem: sitque declaratum per eundem antecessorem nostrum Gregorium Nonum, & nonnullos alios hoc obseruare debere, tam in speciali, quàm in communi, quam sic artam abdicationem venenosè obreftationibus aliquorum insensata deprauauit astutia, ne fratrum eorumdem claritas talium imperitis sermonibus laceretur: dicimus, quòd abdicatione proprietatis huiusmodi omnium rerum, tam in speciali, quam in communi propter Deum, meritoria est, & sancta, quam, & Christus viam ostendens docuit, & exemplo firmavit, quamque primi fundatores militantis Ecclesiæ prout ab ipso fonte hausserunt, ita volentes perfectè viuere, per vitæ, atque doctrinæ ipsorum alucos deriuauerunt. Hæc ibi. Sed huic declarationi, in qua asserere videtur Dominus Nicolaus, & definire, quòd Christus, & Apostoli perfectionis ostendentes viam, non habuerunt aliqua iure proprietatis in speciali, nec etiam in communi, manifestè videtur repugnare declaratio prefata Ioannis 22. ergo, &c. Præterea Dominus Ioannes videtur reuocasse in constitutione sua, quam determinauit Dominus Nicolaus tertius: videlicet, quòd fratres minores in rebus oblaris eis, nihil iuris, & dominij habent, nisi solum vsum fructum denudatum ab omni iure, & Dominio, ac proprietate tam in speciali, quàm in communi.

C A P. CXII.

In quo obiectionibus prefatis aduersariorum respondetur.

Prefatis aduersariorum obiectionibus nõ obstantibus, quibus non erit difficile respondere, tenendum videtur saluo semper meliori iudicio: quòd si cut suprà probauimus, Apostolica Sedes, ad quam pro principatus sui sublimitate pertinet, quæ ad fidem, & totius Christiani populi doctrinam, & religionem expectant, sententialitèr definire, & interpretari, non possit errare, attentò diuinæ pollicitationis impermutabili decreto, in his, quæ de fide tenenda, & credenda apostolatus sui iudicio publicè Christiano populo decerneret, siue definiret. Tum, quia vt argutum est, aliàs non esset firma, & indubitata credulitas in his, quæ circa fidem per Ecclesiæ statuerentur, cum omnia huiusmodi per Romanos Pontifices statuta sint. Tum quia constat, quòd auctoritate Ecclesiæ, quæ maximè in Romano Pontifice, vt potè ipsius Ecclesiæ capite, & principe, collata est, libri canonis habent robur, vnde, quòd illis verbis sit credendum firmiter, non constat, nisi per auctoritatem Ecclesiæ, vnde Augustinus contra epistolam fundamenti, Euangelio non crederem, nisi auctoritas Ecclesiæ Catholicæ me moueret credere, quòd Ecclesia in electione sacræ scripturæ canonicæ fuerit Spiritu sancto directæ, ergo similiter credendum

est, quòd Romanus Pontifex in Iudicio eorum, quæ fidei iunt, Spiritu Sancto regatur, & per consequens in illis non erret, alias posset quis eadem facilitate dicere, quòd erratum sit in electione quatuor euangeliorum, & epistolarum canonis, & in approbatione vniuersalium Conciliorum, & aliorum librorum doctorum, approbando aliquos, & aliquos reprobandos, quod tamen, vt patet dist. 15. per Romanos Pontifices, scilicet Gregorium, & Gelasium determinatum legitur, & ita nulla fides maneret certa credendorum, quo nihil periculosius, aut etiam absurdius posset in Christiana religione excogitari. Non ergo videtur: quòd Romanus Pontifex in his, quæ Apostolatus sui iudicio credenda fidei, aut detestanda desinit, aut iudicet, errare possit. Quare dicendum est ad rationes in oppositum.

Ad primam cum dicitur, quòd auctoritas illa Lucæ 22. Ego pro te rogaui, &c. non accipienda venit de fide Petri, respondetur, quòd hoc fallum est, quod patet manifestè, tam ex ipsius Domini Saluatoris verbo, quàm ex sanctorum Patrum, & Doctorum expositionibus. Ex textu quidem euangelij patet, ait Christus ad Petrum, [Ego pro te rogaui Petre.] Ecce quòd dicit pro te in speciali, [vt non deficiat fides tua.] Ecce quòd dicit fides tua, & tu aliquando conuersus confirma fratres tuos.] Clarum est autem, quòd pro illius fide personali rogabatur, qui post lapsum conuersus, confirmare iubetur fratres suos, hic autem Petrus erat, & non alius, quia congregatio ipsa vniuersalis Ecclesiæ, quia verba illa non possunt adaptari illi. Tum quia, fides illius non deficit. Tum quia, ipsa non dicitur aliquando conuersa. Tum quia, ipsa non dicitur propriè fideles fratres habere, sed potius in filios. Quod verò aduersarij dicunt, quòd fides Petri statim deficit, respondetur, quòd si ad horam defeci, non tamen finalitèr, & hoc est, quod Christus rogauit, vnde non dixit ei Dominus; [Ego pro te rogaui Petre, vt non neget, sed vt non cadas, sed non deficiat fides tua, scilicet finalitèr;] vnde Beda in gloss. non dicit, non temperis, sed non deficiat fides tua, vt post lapsum negationis, ad pristinum statum penitendo resurgas. Hæc ille.

Hoc etiam innuit manifestè in verbis sequentibus Saluatoris, cum ait: [Et tu aliquando conuersus, confirma fratres tuos,] in quo casu manifestè innuit Saluator, quòd aliquando Petrus erat casurus, siue negaturus, non ergo rogat, ne caderet, sed ne in casu maneret, quod ipse rogatu adimpletum est, quòd postea nunquam ampliùs cadat. Et ita patet ex ipso euangelij textu, & Saluatoris verbo, quòd ad literam loquitur Dominus de fide personali Petri. Hoc etiam apostiffimè ostenditur ex sanctorum Patrum expositionibus, quas induximus suprà in cap. 109. vnde Leo Papa exponens textum hunc sermone secundo consecrationis suæ, ita inquit. Specialis cura à Domino Petri suscipitur, & pro fide Petri propriè supplicatur, tamquam aliorum status certior sit futurus, si mens Principis victa non fuerit, in Petro ergo omnium fortitudo munitur, &c. Ecce testimonium clarissimum huius, quod diximus. Quod vero con-

ro consequenter dicunt aduersarij, quod expositio data de fide personali finali Petri non valeat, quia, ut ait fides personalis in alijs Pontificibus successoribus Petri non semper habuit, aut habet finalem in fide perseverantiam, est solum dictum, quoniam textus præfatus de personali fide Petri loquitur, non de fide personali aliorum Pontificum. Pro quo notandum, quod Romanus Pontifex succedit beato Petro non in gratijs, & prærogatiuis personalibus, sed in sede, & officio Pontificatus, & per consequens in privilegijs sedis, & officij. Habuit autem Petrus privilegium post resurrectionem Christi, ut in fide finaliter non deficeret, siue erraret: & non solum ipse hoc habuit, sed etiam ceteri Apostoli, qui cum Christo manserunt, unde ut dicit beatus Chrysostomus, quod pro omnibus etiam rogavit, cum ait Ioannis 18. [Pater sancte serua eos in nomine meo, unde communis doctrina Sanctorum habet, quod omnes Apostoli confirmati fuerint post resurrectionem, unde gloss. super illud Psalm. 74. Ego confirmaui columnas eius, dicit sic: quæ in Passione nutauerunt: id est Apostolos, qui confirmati sunt in Resurrectione.]

In hoc autem privilegio Romanus Pontifex non succedit Petro, sicut nec alij Episcopi alijs Apostolis. Et idem quod aduersarij inducunt de fide, aut oratione personali Romanorum Pontificum, non facit ad propositum, habuit autem amplius singulariter Petrus super omnes alios Apostolos, ut privilegium, non errandi in fide se extenderet ad sedem, siue cathedram eius, ita quod in cathedra sua semper catholica vigeret doctrina, & in sede sua iudicium in his, quæ fidei sunt, ab omni macula erroris esset alienum: prout superius multis Sanctorum Patrum sententijs firmavimus. Hæc autem prærogativa non est data sedibus aliorum Apostolorum, quorum omnes aliquo modo vereduntur: sicut patet de Achaia, ubi prædicavit beatus Andreas: de Asia, ubi prædicavit Ioannes Evangelista, de India, ubi Thomas, de Æthiopia, ubi Matheus, de alia India, ubi beatus Bartholomæus, de Hierosolyma, ubi Iacobus. Omnes istæ, quasi funditus descenderunt à fide: sola Romana Ecclesia immaculata permansit, & opulante Deo, permanebit semper.

Ad secundam objectionem cum dicitur, quod præfata auctoritas non potest intelligi de Ecclesia Romana, &c. respondetur negando hoc assumptum, quoniam falsum est. Et ad probationem cum dicitur, quod quando Christus dixit illa verba Petro, [Petrus non erat magis Caput Romæ, &c.] respondetur, quod probatio illa nulla est: quoniam licet Petrus tunc nullius Ecclesie caput actu esset, sed esset benè futurus caput: nihilominus quando Christus oravit pro fide Petri, oravit pro fide Ecclesie sue, quæcumque futura esset, cui Petrus tanquam Princeps, & caput præesse deberet, unde cum Petrus præfide Ecclesie Antiochenæ, Ecclesia Antiochena habuit eam prærogativam, cum verò Petrus inde transtulit sedem suam, translata est in Ecclesiam Romanam dicta prærogativa, quæ sedem ipsam Petri, diuina providentia disponente, interuenientibus ipsius beati Petri meritis, inseparabiliter sequitur, & con-

comitatur, unde beatus Leo, in sermone secundo consecrationis sue, ita inquit: Manet ergo dispositio veritatis, & beatus Petrus in accepta fortitudine perseverans, suscepta Ecclesie gubernacula non relinquit: sic enim est ordinatus, ut ante petra dicitur, dum fundamentum pronuntiatur, dum Regni celorum ianitor constituitur, dum ligandorum, solvendorumque arbiter mansurum, etiam in cælis iudiciorum suorum definitionem præficeret, qualis ipsa mihi esset societas per ipsa appellationum eius misteria, nosceremus, & infra.

Si quid itaque à nobis rectè agitur, recteque discernitur, si quid à misericordia Dei quotidianis supplicationibus obtinetur, illiusque operum, atque meritorum, cuius in Sede vivit potestas, & excellit auctoritas, hoc enim obtinuit dilectissimi illa confesso, quæ à Deo Patre Apostolico inspirata cordi, omnium humanarum operationum in terra transcendit, & firmitatem, quæ nullis impulsibus quateretur recepit. Hæc ille. Item Nicolaus Papa ad Michaelem Imperatorem, sic scribit: Petrus confirmatæ petre, quæ Christus est, structuram universalis Ecclesie inconcussam, & fide clarè solidatam, ita præcibus suis munire non cessat, ut errantium vesutiam rectæ fidei norma reformare festinet, ut non intrepidè eam consolidantes, remunerare procuret quatenus porre inferi malignorum spirituum, suggestiones, atque hæreticorum impetus non prævaleant eiusdem Ecclesie unitatem infringere.

Ad tertiam objectionem cum dicitur, quod Doctores exponentes verba illa Christi, non exponunt ea de Ecclesia Romana, &c. Respondetur negando hoc tamquam falsum, & iniquum, quod patet ex testimonijs superioribus inductis pro veritate conclusionis sanctorum Patrum, scilicet Cyrilli, Chrysostomi, Hieronymi, Leonis Agarhous, Bernardi, Anselmi, Alberti Magni, sancti Thomæ, & aliorum plurium Doctorum, omnes enim isti loquuntur de Ecclesia Romana, prout est pars distincta, tamquam Caput, & Magistra contrà alias Ecclesias.

Ad quartam objectionem cum dicitur, illud, quod promittitur toti, & non parti: respondetur negando, quod non errare contrà fidem non sit promissum Ecclesie Romanæ, hoc enim falsum est, ut iam ostendimus in responsione ad secundam. Unde beatus Cyrillus, ut supra iudicimus, ita ait. [Secundum hanc Domini promissionem Ecclesia Apostolica Petri ab omni seditione, & hæretica circumventionem immaculata manet super omnes postpositas, &c.] ut supra.

Ad quintam, cum quaeritur, quid vocatur Ecclesia Romana, cum dicitur, quod in fide errare non possit? Respondetur in primo, quod non accipitur hic Ecclesia Romana ita extenso vocabulo, pro fidelium illorum congregatione, qui tenent fidem, quam Apostoli Romæ prædicaverunt: is enim modus vocandi Ecclesiam Romanam videtur esse improprius. Tum quia, alibi, quam Romæ Apostoli prædicaverunt fidem, quam fideles per Orbem dispersi tenent, & observant. Tum quia, confessio etiam ipsa fidei, qua Petrus Christum Deum, & hominem confessus

ait:

ait: [Tu es Christus filius Dei viui &c.] super quam dicitur Christus Ecclesiam suam edificasse, non primò Roum, sed in Cæsarea Philippi facta est, vt dicitur Marth. 16. [Secundò dicitur, quòd Ecclesia Romana, in qua Religio Christiana à tempore Apostolorum Petri, & Pauli semper immaculata dicitur persistisse, & vsque in finem seculi debere persistere, vocatur congregatio populi fidelis Romani cum suo Pastore. Quod verò dicitur ex aduerso, quòd omnes Romani possunt errare, sicut omnes Hierosolymitani. Respondetur, quòd hoc falsum est; hæc enim gratia data est Romanæ, quæ non fuit data Hierosolymitanæ, de qua gratia Agato Papa in suggestione, quam Constantino Imperatori scribit, ita dicit: [Hæc Apostolica Christi Ecclesia, per Dei omnipotentis gratiam à tramite Apostolicæ traditionis nunquam errasse perhibetur, &c.] vt superius est inductum.

Ad sextam obiectionem, in qua arguitur: Papa potest errare in fide tenendo malam opinionem circa ea, quæ fidei sunt: ergo similiter potest errare in iudicio, malè sententiando de fide: respondetur negando consequentiam, quia licet primum sit possibile, secundum tamen non. Et ratio diuersitatis est: quia assensus Spiritus sancti promissa à Christo, non respicit personam Papæ, sed officium, siue sedem, & idèò cum opinari sit personæ, iudicare verò sit officij: licet esset possibile Papam malè opinari, errare tamen sententiando in iudicio de his, quæ sunt fidei, non est possibile, stante diuina promissione. Pro quo notandum cum sancto Thoma in quodlibeto octauo: in quo quærens vtrum omnes canonizati per Ecclesiam sint in gloria, vel aliqui eorum sint in inferno, dicit: [quòd aliquis potest iudicari secundum se consideratum, quòd relictum ad aliquid extrinsecum, impossibile inuenitur;] dico ergo quòd iudicium eorum, qui præsent Ecclesiæ potest errare in quibuscumque, si personæ eorum tantum respiciantur. Si verò consideretur diuina prouidentia, quæ Ecclesiam suam Spiritu sancto dirigat, sicut ipse Christus promissit Ioannis XIV. Doccebit vos omnem veritatem, scilicet, necessariam ad salutem, certum est, quòd iudicium Ecclesiæ vniuersalis in his, quæ ad fidem pertinent, errare est impossibile: vnde magis standum est sententiæ Papæ, quam de fide in iudicio profert, quam quoruncumque hominum sapientum in scripturarum opinionibus, nam & Cayphas cum esset Pontifex, licet nequam, prophetauit Hæc sanctus Thomas.

Planè huiusmodi dignitates in Ecclesia, sicut multum tributum est eis honoris, & reuerentiæ, ita plurimum virtutis sortita sunt, & gratiæ singularis. Vnde Chrysostomus super illo verbo Ioann. 11. valde pulchrè ad propositum loquitur: Vide, inquit, quantæ Pontificis potestatis sit virtus: quia enim qualitercumque dignus effectus est, Pontificari, & si indignus existens, ore prophetant, nesciens quid dicebat: ore enim illius totum vsa est gratia Spiritus sancti, contaminatum autem cor non tergit, & infrà: Vides quantæ Spiritui sancti virtus à mente perniciose voluit verba proferri prophetiæ plena magnæ,

& mirabilis. Item beatus Augustinus hunc locum traçans libro quæstionum Veteris, & Noui Testamenti, & habetur in cap. dictum est à Domino 1. quæst. 1. ita ad propositum loquitur: Quanta autem sit dignitas sacerdotalis ordinis, hinc aduertamus: dictum est de nequissimo Caypha in seipso iuxta cætera, hoc autem à seipso non dixit, sed cum esset Princeps Sacerdotum illius anni, prophetauit, per quod ostenditur Spiritum sanctum gratiarum datorem non personam sequi, aut digni, aut indigni, sed ordinem traditionis.

Vbi cæterum in hoc loco benè aduertendum, quòd non dicitur, quòd Papa errare non possit, aut malè sentire, aut iudicare in his, quæ fidei sunt, cum error, vt dicit Augustinus nihil aliud sit, quàm pro vero approbare falsum, sed dicitur, quòd sententia, quam in iudicio Romanus Pontifex profert in his, quæ fidei sunt, errare non possit, aut quòd Sedis Apostolicæ iudicium, quòd idem est, errare non possit. Ita enim loquitur Hieronymus in cap. hæc est fides 24. quæst. 1. cum ait: quòd si Apostolatus cui iudicio &c. Eodem modo loquitur sanctus Thomas in præfatio quodlibeto cum dicit: quòd magis standum est sententiæ Papæ, quam de fide in iudicio profert, quam &c. Hinc etiam Agato Papa in cap. sic dist. 19. inquit: Sic omnes Apostolicæ Sedis sanctiones accipiendæ sunt, tamquam ipsius diuina voce Petri firmatæ. Super quo dicit Archidiaconus. Cautè dicit Apostolicæ Sedis, & non dicit Apostolici: Sedis autem Apostolicæ sanctiones, siue sententiæ, in iudicio prolata à Romano Pontifice intelligitur, non quæ occultè, maliciòse, aut inconsultè per solum Romanum Pontificem, aut etiam quæ per ipsum cum paucis sibi fauentibus, alijs in fraudem contemptis, siue non vocatis, ad partem profertur, sed quæ à Romano Pontifice, qui maturo, & graui virorum sapientum, & maxime Dominorum Cardinalium primo Concilio digestæ, & maturatæ sancitur, & profertur. Nam vt ait Albertus Magnus in quæstione de iustitia, & legibus; habentibus auctoritatem secundum consula sapientum est determinare, & interpretari, vel exponere, & quòd ita sit in rebus arduis, dicitur ab Apostolica Sede emanare, secundum illud, quòd beatus Gregorius ait in cap. Apostolicæ Sedis 35. quæst. 9. Apostolicæ Sedis sententia tanta semper Concilij moderatione concipitur, tanta patientiæ maturitate decoquitur, tantaque deliberationis grauitate profertur, vt nec mutari necessarium ducat, nisi fortè sic prolata sit, vt retractari possit &c. Quibus omnibus consideratis, videlicet infallibilitate diuinæ promissionis, efficacia orationis Christi, meritorum affluentia beatissimi Apostoli Petri, & maturitate Consilij, quòd in huiusmodi arduis materijs, quæ fidem tangunt, cum Dominis Cardinalibus, & alijs doctis Patribus Romanus Pontifex semper habet, sine dubio tenendum est hoc, quòd de Apostolicæ Sedis iudicio dictum est: videlicet quòd in his, quæ fidei sunt, deficere non possit.

Ad septimam obiectionem cum arguitur de Papa factò hæretico, & deficiente pro hæresi sua &c. respondetur. Quidam enim volunt

volunt dicere, quod casus non est possibilis quoad hoc, quod Papa possit definire hæresim, dicunt enim, quod in hoc casu Deus non permittit eum definire hæresim, aut aliquid contra fidem, sed prohiberet eum, aut per mortem, aut per aliorum fidelium resistentiam, aut per aliorum instructionem, aut per internam inspirationem, aut per alios modos, secundum quos Dei Ecclesiæ sanctæ, & fidei veritati multipliciter prouideri potest, ad quod inducunt exempla aliqua.

Primo de Balaam Propheta malo, cum non minoris curæ sit Christo de vitanda maledictione infidelitatis, quam de maledictione verbali Prophete talis à populo Iudæorum, sed Deus sic prouidit illi populo, vt patet Num. 22. quod malus Propheta veniens ad maledicendum populo Iudæorum prohibitus est à Deo sic, quod non potuit maledicere, populo, quem Deus benedixerat; ergo multo fortius si Papa esset hæreticus propter immutabilem veritatem fidei datam à Deo toti Ecclesiæ, non permitteret eum Dominus determinare hæresim, aut errorem contra fidem, sed prohiberet aliquo ditorum modorum.

Secundum exemplum de Caypha, qui nesciens prophetauit ob dignitatem Pontificalem, multo magis credendus est Romanus Pontifex prohiberi, ne errorem determinaret, tam propter dignitatem Pontificalem, quam propter honorem Dei, & salutem populi Christiani.

Tertium etiam hic inducunt exemplum de Anastasio, qui licet voluerit reuocare Achatium, non tamen potuit, quia diuino nutu percussus est; vt in cap. Anastasius, & in glos. dist. 19. Nobis autem aliter videtur videlicet, quod ratio illa non sit ad propositum nostrum, quia si Romanus Pontifex efficitur hæreticus ipso facto, quo cadit à fide Petri, cadit à Cathedra, & Sede Petri, & per consequens rudicium, quod faceret talis hæreticus, non esset iudicium Apostolicæ Sedis, immo nec iudicium alius auctoritatis est dicendum, aut momenti, quia cum per hæresim cecidisset à prelacione, per consequens auctoritate iudicandi priuatus esset: vt in cap. Nouatianus 24. q. 1. & cap. factus 7. q. 1. & extra de offic. Vicar. cap. nos in text. & in glos. Prelatio autem, vt ait Archidiaconus in cap. quamuis dist. 21. consistit in tribus. In iudicijs, vt in cap. inferior, in præceptis, vt in cap. nunc autem, in sententijs, vt in cap. denique ear. dist. Et ita patet, quod obiectio illa aduersariorum nulla sit.

Ad octauam obiectionem cum dicitur, & arguitur de declaratione facta per Anastasium: respondetur, quod falsum est, quod declaratio præfata non fuerit Canonica, & vera. Pro quo notandum, quod circa hanc materiam, quæ tangitur in prædicta declaratione, scilicet, an hæretici, & præfisi vera sacramenta conferant? sunt quatuor opiniones, sicut tangit Magister sententiarum in 4. dist. 24. & sanctus Tho. Prima quod hæretici, & præfisi non conferunt sacramenta; sed ista opinio non tenetur. Alia opinio est dicentium, quod conferunt, sed promoti non recipiunt, hæc opinio etiam non tenetur. Alia opinio est dicentium, quod possunt conferre, dum tamen Ecclesiæ formam seruent, & in-

tentionem, & quantum ad primum effectum, qui est collatio sacramenti, & quantum ad vltimum, qui est collatio gratiæ, sed hæc opinio etiam stare non potest, quia ex hoc, quod aliquis communicat hæretico præfiso ab Ecclesia in sacramentis, peccat, & ita fides accedit, & per consequens gratiam consequi non potest, nisi forte in baptismo, in articulo necessitatis. Alia opinio est, quod hæretici vera sacramenta conferunt, sed cum eis gratiam non dant, non propter inefficaciam sacramentorum, sed propter peccata recipientium ab eis contra Ecclesiæ prohibitionem. Iste vero Anastasius in hac sua declaratione quantum colligi potest ex forma, & serie literæ, quicquid dicat Gratianus, non videtur aliud dicere, nisi quod dicit ista quarta opinio, videlicet quod præfisi ab Ecclesia etiam vera sacramenta conferant, & hoc generaliter quo ad omnes, quantum autem ad effectum gratiæ, contrarium est de his, qui impedimentum gratiæ, siue obicem non præstarent. Quod verò talis fuerit opinio huius Romani Summi Pontificis in hoc cap. & verum dicat, patet ex his, quæ inducuntur in glos. secundum Hug. glos. autem sic ait, Varijs modis ponitur casus huius cap. Gratianus inducit quasi sit abrogatum, & Maldensis consentit cum eo, & omnes, qui dicunt veritatem sacramentorum non esse apud hæreticos, vt 24. qus. 1. schisma. & 1. qu. 1. extra Ecclesiæ Hug. dicit quod nec cap. est reprobatum, nec auctor pro his, quæ continentur hic, condemnatus fuit, quia nihil hic continetur, quod non canonicè dicatur &c. Item dicit Dominus Archidiaconus in 5. quod verò, immo dicit, quod ipse Gratianus fuit opinionis illius, quod vera sacramenta non essent apud hæreticos, quod falsum est, & ita verè videtur errasse & non Anastasius in illo, vnde Gratianus cum ait in 5. præcedenti, quod hoc est, quod dicitur, quod decretales epistolæ sunt paræ auctoritatis cum canonibus, siue quod semper fuit accipiendæ, intelligendum sit de his functionibus, vel decretalibus epistolis, in quibus nec præcedentium patrum decretis, nec Evangelicis præceptis aliquid contrarium inuenitur, videtur malè dicere in duobus. Primò vt dicit Archidiaconus in hoc, quod videtur inuenire, quod Papa non possit facere contra decreta prædecessorum suorum, quod non est verum de cap. 1. lib. 6. Secundò in hoc, quod præsupponit, quod à Sede Apostolica possent emanare epistolæ decretales præceptis Evangelicis contrariæ, quod est falsum, iuxta prædicta, & expressè contra cap. sic. dist. 29.

Ad nonam obiectionem, quæ sumitur de factis Formosi Papæ & Stephani Papæ, respondetur, quod obiectio illa non militat contra propositum, quoniam altercatio illa non fuit in materia fidei, aut circa ea, quæ sunt necessaria ad salutem, sed in quibusdam mundanis processibus & iudicijs, vnde Papa Formosus, cum esset Cardinalis, degradatusque fuisset vsque ad habitum laicalem, & iurasset, nec ad Episcopatum nec ad Romam se reuersurum, Stephanus VI. Papa credens, quod talis non potuisset reassumi ad Papatū nec per consequens esse verus Papa, condemnauit

nauit eum, & ordinationes eius, & sententias decreuit per consequens irritas esse, successor verò scilicet Ioan. Nonus credens præfatum formosum non, obstantibus illis, verum fuisse Pontificem confirmavit ordinationes illius, & gesta contra illum in Concilio Rauenne reprobauit. Ista erant in facto, non erat materia fidei, in illis enim, quæ sunt facti Ecclesia errare potest, vt dicit sanctus Tho. tam in quodlibeto 8. quâ in 4. sententiarum dist. 6. vbi ait, quod quamuis Ecclesia dono, & auctoritate diuina fulciatur, tamen in quantum est hominû congregatio, aliquid ex defectu humano in actibus suis prouenit: quod non est diuinum.

Ad decimam obiectionem, quæ sumitur ex declarationibus Ioann. 22. quæ videntur contraria declarationi factæ per Dominum Nicolaum Tertium, respondetur, quod in veritate non opponitur, immò declaratio Ioan. 22. optimè stat simul cum determinatione Nicolai. Pro quo notandum, quod diligenter perscrutati Textum Euangeliorum cum expositionibus sanctorum patrum, & Doctorum catholicorum, duas paupertates legimus Christum ordinasse congruentes diuersis exercitijs perfectorum. Vnam videlicet, & primam pro filiis, qui prædicaturi mittendi erant in iudæam ad annunciandum aduentum Regis; quæ est nihil proprium habere, sub cælo, nec in speciali, nec in communi, de qua Dominus mittens discipulos ad prædicandum Matt. 10. dicit sic Nolite possidere aurum, nec argentum, nec pecuniam, in Zonis vestris non peram nec duas tunicas nec calciamenta neque virgam, dignus est enim operarius cibo suo; hæc ibi. Hoc autem Christus præcepit vt ait Hieronymus in glof. ne causa lucri, & noui causa salutis prædicare viderentur. Item glof. super illud dignus est enim operarius &c. dicit sic. Ecce quare præcipit nihil ferre, quia omnia debetur eis & glof. Luc. 10. dicit. Ecce qui faccum, & peram prohibuit, sumptus ex prædicatione concessit. De Christo etiam dicitur Matth. 8. Filius hominis non habet, vbi caput reclinet, glof. inquit Hieronymus. Quid me propter lucra sæculi vis sequi cum ita pauper sim, vt nec hospitium quidem habeam, nec necessariò vtat tecto. Secunda paupertas est pro illis, qui fixi erant mansuri in congregatione, & ista est nihil habere in proprio, sed bene in communi, de qua A. 4. sic dicitur. Multitudinis autem credentium erat cor vnum, & anima vna, nec quicquam eorum, quæ possidebat suum esse dicebat, sed erant eis omnia communia, vbi gl. Bede pulchrè ita ait. Qui ita viuunt, vt sint omnia communia in Domino Cenobitæ vocantur, quæ vita tantò felicior, quantò statum futuri sæculi imitatur, vbi omnia communia, quia Deus est omnia, & in omnibus hæc ibi. Ergo Christus volens vtramque approbare paupertatem, aliquando tenuit primam nihil penitus habens, nec in speciali, nec in communi, viuens tamen ex his, quæ deuotæ femine sequentes eum ministrabant ei; & Apostolis, vt habetur Luc. 8. super quo verbo ita dicit glof. & creditur esse Bedæ, Antiquus mos erat Iudeorum, nec ducebant in culpam, vt mulieres sua substantia pasce-

rent, & vestirent doctores; quia verò in gentibus hoc poterat facere scandalum, Paulus memorat se abstinuisse, ministrabant ergo Domino carnalia, cuius metebat spiritualia vt formam daret prædicatoribus, quia victu & vestitu debent esse contenti, Hæc glof.

Secundam autem paupertatem approbavit aliquando, & verbo & exemplo Verbo, vnde Luc. 22. inquit Apostolis. Quando misistis vos sine sacculo, & pera, & calciamentis, non quid aliquid defuit vobis, at illi dixerunt, nihil dixit ergo eis. Sed nunc qui habet sacculum tollat similiter, & peram &c. vbi glof. interli. dicit. In hoc quoque vobis datur exemplum, vt non nunquam causa instantie de nostri præpositi rigore, sine culpa intermittere possimus: Ex qua glof. manifestum accipitur argumentum, quod illud præceptum Matt. 10. de non portando aurum, & argentum &c. super quo fit dispensatio non, pertinet essentialiter ad perfectionem vite spiritualis, quia in tali non haberet locum dispensatio, quod multum militare videtur contra fraticellos. Præterea etiam Christus exemplo firmavit præfatam paupertatem habens oculos, in quibus seruabatur ea, quæ ei dabantur ad sui; & eorum necessitates subleuandas, de quibus Ioan. 13. vbi sic habetur, Christus dicit Iudæ. quod facis fac citius. Hoc autem nemo sciuit discumbentium, ad quid dixerat, & quidam putabant, quia oculos habebat Iudas, quod dixisset ei Iesus. Eme ea, quæ opus sunt nobis ad diem festum, aut vt genis aliquid daret. Super quo dicit beatus Augustinus super Ioan. & habetur in cap. habebat 12. qu. 1. Habebat ergo, & Dominus oculos, à fidelibus oblata conseruans, & suorum necessitatibus, & alijs indigentibus tribuebat. Tunc primum Ecclesiæ pecuniæ forma est instituta, vt intelligeremus, quod præcepit non cogitandum esse de crastino, non ad hoc fuisse præceptum vt nihil pecuniæ seruaretur a sanctis, sed ne Deo propter ista seruaretur, & propter inopiam timorem iustitia deferatur. Hæc Augustinus. Item idem August. & habetur in cap. exemplum ea. cau. & q. Exemplum Domini accipite conuersantis in terra, quare habuit oculos; cui Angeli ministrabant nisi, quia ipsius Ecclesiæ oculos habitura erat. Non potest autem dici, quod hic paupertatis modus perfectis non conveniat, tanquam habere aliqua in communi, deroget Euangelicæ perfectioni. Patet, tam ex eo, quod Christus perfectissimus, & Apostoli eius sanctissimi cum obseruauerunt, & obseruandam Ecclesiæ reliquerunt, iuxta iam dicta beati Augustini. Tum patet ex communi obseruantia omnium sanctorum religionum: Basilij. Augustini Benedicti; quæ omnes aliqua habent in communi. Tum patet ex declaratione, quam Gregorius 9. in quadam decretali sua facit extrâ de excef. prælat. cap. nimis iniqua, vbi expresse asserit, fratres prædicatores, & minores in altissima paupertate Christo pauperi famulari, & tamen constare ipsos prædicatores habere aliquid in communi etiam, quo ad proprietatem aliqua, quod eorum regulæ, & statui non repugnat. Hoc etiam Alexander Quartus in condemnatione libelli contra statum prædicatorum, & minorum videtur

senſiſſe : in quo loquendo de diſtis fratribus, ita ſubiunxit. Cum inſuper iſdem fratres omnia propter Deum reliquerunt, exilia, vitę ſub ſidia mendicantes, ipſum Chriſtum imitentur pauperem, perfectionem Euangelicam amplectendo, propter quod euidenter patet eos non ſolum in ſtatu ſaluandorum exiſtere, ſed etiam perfectorum, & per ſue religionis obſeruantiam, quæ quidem ipſius perfectionis Euangelicę tenet formam in eternę retributionis premio præcellentem gloriam promereri. Hęc ibi. Vbi quidem expreſſe dicit prædicatores Chriſtum pauperem imitari, ipſiusque perfectionem Euangelicam amplectari, & in itatu exiſtere perfectorum, quodcumque ipſius religionis obſeruantia perfectionis Euangelicę tenet formam : & tamen, conſtat ipſos habere poſſe, quo ad proprietatem aliqua, iuxta eorundem regulam in comuni. Et ita patet, quod habere aliquid in comuni non derogat perfectioni Euangelicę, quod etiam ſanctus Thomas determinat in 2. 2. q. 188. art. 7. inducens illud Proſperi de vita contemplatiua : & habetur in cap. expedite facultates Eccleſię poſſidere & proprias perfectionis amore contemni, & infra. Quo factis ſatis oſtenditur, & propria debere propter perfectionis contemni, & ſine impedimento perfectionis poſſe Eccleſię facultates, quę ſunt perfectio communes, poſſidere. Atque ergo quod Chriſtus has duas paupertates, & vtraſque Euangelicę perfectionis diuerſis temporibus docuit verbo, & firmavit exemplo, patet quod declaratio Ioa. nes 22. non contradicit declarationi domini Nicolai III. ſed ſunt bene ſimul ad diuerſa tempora diſta eorum referendo. vno enim tempore, Chriſtus, & Apoſtoli nihil habuerunt in ſpeciali, nec in comuni, à mulieribus, quę Chriſtum ſequabantur neceſſaria ſumentes, vt dicit dominus Nicolaus Papa. Alio verò tempore habuerunt in comuni aliqua, vt puta loculos, ſicut dominus Ioannes Papa 21. Et ita patet quid dicendum ſit breuiter ad dictam obiectionem in quantum ſpectat ad præſentem locum. Quod verò ſecundo loco de eodem Ioannis verbo inducitur : quod reuocauerit, quod Nicolaus determinauit : dicimus, quod non eſt verum quod Ioannes reuocauerit ſcilicet habent de clarauit id, quod dominus Nicolaus dixerat, videlicet, quod fratres minores in rebus oblatiſ eis nihil iuris, & domini habent, niſi ſolum ſimplicem vſum fruſtrum denudatum ab omni iure, & dominio, atque proprietate tam in ſpeciali, quam in comuni, debere intelligi in rebus, in quibus vſus poteſt ſeparari à dominio : & proprietate, ſicut ſunt res inanimabiles : & multę mobiles, non autem in rebus, quę vſu conſumuntur, & declarat quod dominus Nicolaus intelligit, quod fratres minores in rebus, quibus vtuntur, habent ius vtendi. Ecce certè abſque præiudicio domini Nicolai, dominus Ioannes 22. potuit hoc declarare. Tùm quia, dominus Nicolaus in ſua conſtitutione expreſſe dicit, quod in dubijs, quę circa determinata per eum occurrerent, habeat dicti fratres recurrere ad Sedem Apoſtolicam per eam declarandis. Tùm etiam quia, Papa declarat Euangelium, ſicut eſt, de iuramento &c. Sicut ergo Romanus Pontifex

ſex abſque præiudicio Saluatoris declarauit, quod præceptum de non iurando non ſe extendat, vt perhibeat in omni caſu iurare, imò damnat hæreticos, qui dicunt, quod non licet omnino iurare. Sic potuit magis dominus Ioannes dictum domini Nicolai declarare, videlicet, quod Chriſtus, Apoſtoli, & fratres minores habentes iſtum vſum, habent ius vtendi. Et de bonorum collatorum fratribus minoribus intelligitur dominus Nicolaus dominium ſibi, & Romani Eccleſię recepiſſe, quo ad omnes res illas, in quibus poteſt ſeparari vſus à dominio, quales non ſunt res neceſſarię ad vitam, & quę vſu conſumuntur. Tum etiam, quia vt dominus Ioannes XXI. dicit. Id non pertinet ad fidem ſpecialiter, quid, & qualiter fratres minores habeant, iſtud enim non pertinet ad fidem & in talibus, quę non ſunt de neceſſitate fidei, & bonorum morum generaliter ſucceſſor reuocare, & mutare poteſt, quę ſtatuit prædeceſſor, prout vſum ſibi fuerit expedire in his par in parem habeat Imperium. Illam inſuper paupertatem, qua Chriſtus noluit vt pauper, cum Apoſtoli habere immobilia, nec multa mobilia in comuni commendat Dominus Nicolaus, non illam, quę excludit ius vtendi, & iſtum vſum, nec illam, quę priuat habere iure, & dominio res vſu conſumptibiles, cum ſit impoſſibilis. Et in hac ratione fundant ſe Doctores, tam Sancti, quam Scholaſtici, quare pro pecunia mutata, aut alia re, cuius vſus eſt eius, conſumptio, vſura licite accipi non poteſt, ſiue merces pro domo, vel re alia non conſumptibili locata poteſt licite recipi, vt oſtendit ſanctus Thomas in 2. 2. quæſt. 78. artic. 1. Et patet etiam huiusmodi ſententia ex ſententia beati Chryſoſtomi ſuper Matth. & habetur in cap. xij. c. 78. Et hoc de iſta materia tantum dictum ſit pro præſenti ; quia forſan alijs in alijs Scripturis noſtris plenior fermo habetur.

C A P. CXIII.

De iuriſdictione, quam Romanus Pontifex habet in temporalibus.

Conſumatis his, quę de amplitudine Romani Pontificis in ſpiritualibus viſa ſunt nobis ; veni in animo noſtro hunc librum claudere conſideratione illa, an ſcilicet principatus Romani Pontificis non ſolum ad ſpiritualia, ſed etiam ad temporalia ſe extendat, ita quod in toto Orbe Chriſtiano iuriſdictionem habeat temporalem. Perſectis autem, diuerſis modis dicendi, modos extremos inter alios reperiimus.

Primus eſt dicentium, quod Romanus Pontifex ratione ſui principatus in ſolis ſpiritualibus conſiſtat, ita quod nullo modo iure Papatus ad temporalia ſe extendat. Iure Papatus dicunt, quia alijs bene concedunt eum in temporalibus iuriſdictionem, aliquam poſſe habere, vt pote in his, quę donatione fidelium, aut principum permiſſione acquiſita ſunt Eccleſię.

Secundus modus dicendi est asserentium totaliter oppositum, scilicet quod Romanus Pontifex iure sui Principatus, siue Vicariatus Christi habeat in toto Orbe terrarum plenam iurisdictionem, non solum in spiritualibus, sed etiā in temporalibus, adicientes, quod omnium Principum secularium iurisdictionalis potestas à Papa in eos derivata sit. Nos verò declinantes quantum in nobis fuerit fas prædictas vias, quæ nobis videntur minus probabiles, salvo semper Apostolicæ Sedis iudicio, cuius ea, quæ nunc, & aliàs scripsimus, emendationi, & correctioni submittimus. Incedentes ergo media viâ, ponemus fas duas conclusiones.

Prima est contra primum modum dicendi, quod Romanus Pontifex iure Principatus sui habeat iurisdictionem aliquam in temporalibus, in toto Orbe Christiano. Hæc conclusio colligitur primò ex cap. omnes dist. 22. in quo Papa Nicolaus, inquit, quod Christus beato Petro vitæ æternæ clauigero terreni simul, & Cælestis Imperij iura commisit, vbi gloss. inquit: Argumentum, quod Papa habeat vtrunque gladium, spirituales scilicet, & temporales 63. dist. tibi Domino, & 15. quæst. 6. alius, & cap. nos sanctorum, & cap. iuratos.

Secundò, patet conclusio auctoritate, & testimonio beati Thomæ, qui in fine secundi libri super sententias dicit, quod spirituali potestati, potestas secularis in Papa coniungitur, qui vtriusque potestatis apicem tenet, scilicet spiritualis, & secularis; hoc illo disponente, sicut qui est Rex, & Sacerdos secundum ordinem Melchisedech, & Dominus damnantium, cuius potestas non auferetur, & Regnum eius non corrumpetur. Hæc sanctus Thomas.

Secunda conclusio contram secundum modum dicendi est; quod licet Papa habeat aliquo modo iurisdictionem in temporalibus in toto Orbe Christiano; non tamen ita amplam, siue plenariam, aut extensam, sicut illi de secundo modo asserunt, siue dogmatizant, sed quantum necesse est pro bono spirituali conferuando ipsius, & aliorum; siue quantum Ecclesiæ necessitas exigit, aut debitum pastoralis officij in correctione peccatorum exposcit, prout plenius explicabimus. Iuxta ergo has duas nostras conclusiones, pro ampliori veritatis illustratione, duo in præsentiarum faciemus. In primis assignabimus modos, secundum quos Romanus Pontifex non videtur dicendus habere iurisdictionem in toto Orbe Christiano in temporalibus.

Secundò, explicabimus modos, secundum quos verè Romanus Pontifex ubique, etiam in temporalibus habeat iurisdictionem, vt in cap. proximo.

Circa primum, sit ista propositio: Papa non sic est dicendus habere iurisdictionem in temporalibus iure Papatus, vt sic dicendus sit totius Orbis Dominus: Ista propositio licet nostro iudicio sit satis clara; nihilominus potest sic probari: Nihil, quod est interdictum Apostolis, potest dici convenire Romano Pontifici iure Apostolici Principatus; patet, quia cum Romanus Pontifex succedat Petro in potestate, & officio, non potest

Tom. XIII.

habere iure Papatus id, quod Petro, & omnibus Apostolis fuit prohibitum, & interdictum, sed Apostolis est interdictum dominatus in temporalibus. Ergo Romanus Pontifex iure Apostolici Principatus non sic habet potestatem, aut iurisdictionem in temporalibus, quod sit Dominus Orbis, consequentia est bona. Maior patet, minor verò habetur Matth. 20. vbi Christus ait Apostolis: Scitis quia Princeps gentium dominatur eorum, & qui maiores sunt, potestatem exercent in eos, non ita erit inter vos, sed quicumque voluerit inter vos maior fieri, sit vester minister, & quicumque voluerit inter vos primus esse, erit vester seruus, sic filius hominis non venit ministrare, sed ministrari, & animam suam dare in Redemptionem pro multis: Et simile per omnia legitur Lucæ 22. [In quibus verbis, quod dominatus fuerit interdictum Apostolis, patet.] Ait enim beatus Bernardus in secundo libro de consideratione ad Eugenium Papam sic: Nam quid tibi aliud dimisit sanctus Apostolus? quod habeo, inquit, tibi do; quid illud? vnum, scio, non est aurum, nec argentum, cum ipse dicat aurum, & argentum non est mecum, esto vt alia quacunque ratione hoc tibi vendices, sed non Apostolico iure; nec enim ille tibi dare, quod non habuit, potuit, quod habuit, dedit sollicitudinem, vt dixit, super Ecclesias, numquid dominationem? audi ipsum, non dominantes autem in Clero, sed forma facti gregis, & ne dictum sola humilitate putes, non etiam veritate, vox Domini est in Euangelio: [Reges gentium dominantur eorum, & qui potestatem habent super eos, beneficii vocantur.] Et inferet; vos autem non sic. Planum est, Apostolis interdictum dominatus, istum quomodo tu, & tibi usurpare audes, aut dominans Apostolatam, aut Apostolatam dominatam; planè ab alterutro prohiberis, si vtrunque simul habere voles, perdes vtrunque, alioquin non te exceperunt illorum numero putes, de quibus queritur Dominus: Ipsi regnauerunt, & non ex me, & Principes existerunt, & non cognoui, at si interdictum audiamus, forma editum, qui maior est vestrum, fiat sicut minor, & qui præcessor est, sicut qui ministrat, forma Apostolica hæc est, damnatio interdictum, interdictum ministratio; hæc Bernardus. Item idem Bernardus infra: Exi inquam in agrum, ager mundus est, tibi creditus est, exi in illum non sicut Dominus, sed tanquam villicus videre, & probare, vnde exigendus es reddere rationem. Hæc ille. Patet etiam propositio prædicta ex donatione temporalium in Italia, quam Constantinus dicitur fecisse beato Siluestro Romano Pontifici; quoniam si Romanus Pontifex iure sui Principatus fuisset Dominus temporalium, non fuisset aliqua donatio facta Siluestro, sed potius restitutio eius, quod suum erat, cuius tamen contrarium Romanus Pontifex confitetur, & Imperator Constantinus; de Constantino habetur in cap. Constantinus, dist. 96. de Romano Pontifice habetur in cap. futuram 12. quæst. 1.

Secunda propositio: Romanus Pontifex non dicitur sic Principatum, siue iurisdictionem plenariam in temporalibus in toto

Mmm 2

Orbe

Orbe Christiano habere, vt nomen Regis, aut Imperatoris Orbis possit sibi verè in temporalibus usurpare. Patet ista propositio ex prima; patet etiam testimonio Papæ Nicolai in cap. cum ad verum dist. 96. vbi sic inquit: Cum ad verum ventum est vltra sibi, nec Imperator iura Pontificatus arripiat, nec Pontifex nomen Imperatoris sibi usurpet; quoniam idem mediator Dei, & hominum, homo Christus Iesus, actibus proprijs, & dignitatibus distinctis officia potestatis vtriusque discernit; hæc ille. Et idem ponitur in cap. quoniam, dist. 10.

Tertia propositio: Romanus Pontifex non dicitur sic habere potestatem secularem, aut iurisdictionem plenariam in temporalibus, vt quemadmodum omnes dignitates Ecclesiasticæ à Sede Apostolica pendere dicuntur ab ea iurisdictionem sumentes, iuxta cap. omnes, dist. 22. & cap. ita Dominus, dist. 19. ita Principatus, & iurisdictiones Regum, & Principum secularium dependent ab ea. Patet ista propositio auctoritatibus, & ratione. Auctoritate primo sic: de Imperio, quod sit à solo Deo, & non à Papa, ait enim Ioannes Papa sic in cap. si Imperator, dist. 96. Si Imperator Catholicus est, filius est, non præsul Ecclesiæ, quod ad Religionem competit, discere ei competit, non docere; habet priuilegia potestatis suæ, quæ administrandis legibus publicis diuinitus consecutus est; vbi dicit gloss. ergo non à Papa; nam Imperium à solo Deo est. Secundo idem constituitur Papa Innocentius in cap. quæsitum 21. quæst. 4. Item tertio, idem constituitur Papa Innocentius III. in cap. solite, de maior. & obed. Vbi Imperator Constantino, ita scribens, inquit. Præterea nolse debueras, quod fecit Deus duo luminaria magna in firmamento Cæli: hoc est vniuersalis Ecclesiæ, idest duas instituit dignitates, quæ sunt Pontificalis auctoritas, & Regalis Maiestas. Hoc etiam habetur in auc. quomodo oportet Episcopos, coll. 1. in princ.

Item Iustinianus Imperator scribit. C. de veteri iure enu. in princ. Deo auctore nostrum gubernare Imperium, quod nobis à Cælesti Maiestate traditum est, &c. Ecce, quod à Cælesti Maiestate sibi traditum dicit Imperium, nullus autem istorum, aut Pontificum, aut Imperatorum constituit, quod potestas Imperialis absolute dependeat à Papa, & ita dicendum est de alijs dignitatibus secularibus. Ratione verò præfata propositio probatur sic: Nullum prius dependet in esse à suo posteriori, sed potestas Principum secularium, siue Regalis, siue Imperialis præcedunt tempore Papatum, siue Principatum. Apostolicum ergo non potest dici cum veritate, quod à Principatu Apostolico dependeat potestas iurisdictionis Principum secularium, consequentia est bona. Maior est manifesta. Minor etiam patet ex illo Apostoli primò ad Corinth. 15. Non prius, quod spirituale, sed quod animale est. Tim ex eo, quod prius fiunt Reges, & Imperatores antequam Petrus fuisset factus Papa, & etiam antequam clauēs Regni Cælorum datæ essent Ecclesiæ, vt manifestum est. Præterea fortificatur ista propositio, quia si sic omnes Principes Christiani, qui domitia sua non reco-

gnoscent à Romano Pontifice, cuiusmodi est Rex Franciæ, vt ipsemet testatur Innocent. III. in cap. per venerabilem, qui fil. sint legit. superiorem in temporalibus minime recognoscit, non essent in statu salutis, cum bona fide illa non possideant, quod esset grauissimum dicere, & totum Mundum conturbare.

Quarta propositio: Romanus Pontifex, iure Papatus non sic potestatem, siue iurisdictionem in temporalibus habet, quod de feudis Principum secularium, aut de possessionibus directæ se intromittere, aut iudicare valeat regulariter. Patet hæc propositio, tam ex præcedenti, quàm ex confessione Romani Pontificis Innocentij III. vt in cap. nouit. extrà de iudic. vbi ita ait: Non enim intendimus iudicare de feudo, cuius ad ipsum, scilicet Regem, spectat iudicium, nisi fortè iure cummini per speciale priuilegium, vel cotrarium consuetudinem, aliquid sit detractum. Patet etiam hæc propositio testimonio Alexandri III. qui in cap. causam extrà, qui fil. sint legit. dicit sic: Nos attendentes, quod ad Regem pertinet, non ad Ecclesiam de talibus possessionibus iudicare, ne videamur iuri Regis Anglicorum detrachere, qui ipsarum iudicium ad se asserit pertinere, fraternitati vestræ mandamus, quatenus Regi possessionum iudicium reliquentes, de causa principalis, &c. Hoc etiam aperte ostendit beatus Bernardus in libro de consideratione ad Eugenium Papam dicens: In criminibus, non in possessionibus potestas vestra, propter illa siquidem has accepisti clauēs Regni Cælorum. Et infra infert: Habet hæc infima, terrena iudices suos Reges, & Principes terræ.

Quinta propositio: Papa non ita iurisdictionem in temporalibus habet, quod à quocunque iudice seculari passim, & regulariter ad eum possit appellari.

Ista propositio patet testimonio Alexandri Papæ, qui in cap. si duobus, extrà de appell. ad quæst. qua queritur, si à ciuili iudice ante iudicium, vel post ad Papam fuerit appellatum, au huiusmodi appellari teneat, respondet: tenet quidem in his, qui sunt temporalis iurisdictioni subiecti: in alijs verò, nisi de consuetudine teneat, secundum iuris tamen rigorem credimus non tenere, vbi gloss. inquit: Et ita patet, quod iurdictio temporalis non pertinet ad Ecclesiam.

Sexta propositio: Papa non habet ita iurisdictionem in temporalibus, vt ipse liberè disponere possit ad arbitrium suum de bonis Ecclesiasticorum. Ista propositio probatur. Pro quo notandum, quod bona Ecclesiastica sunt concessa communitatibus, & non personæ singulari, & ideo in bonis Ecclesiasticis nulla persona singularis habet potestatem, & dominium liberum, sed sola communitas, vt Ecclesia Vallisoletan. vel Toletan. habet dominium, & proprietatem in ipsis locis sibi proprijs, persona autem singularis, non vt iurisdic. sed vt pars, & membrum communitatis habet potestatem in illis vtendi ad suam sustentationem secundum exigentiam, & decentiam personæ, & status, in quo tamen est differentia, quia aliquod membrum est simplex, vt simplex Canonicus, & illud non habet

bet nisi vsum in bonis communitatis secundum exigentiam sui status modo prædicto.

Est autem aliquod membrum, quod habet administrationem, & dispensationem generalem omnium bonorum communitatis appropriatis cunctis, quod ei debetur secundum debitam iustitiam proportionem, disponens etiam pro communi bono Collegij bona fide, ut sibi videtur expedire, & iste est Episcopus in qualibet Ecclesia Cathedrali, unde in cap. Episcopus 12. qu. 1. ex Concilio Antiocheno, ita habetur: Episcopus Ecclesiasticarum rerum habet potestatem ad disponendum erga omnes, qui indigent cum summa reuerentia, & timore Dei; verum quia non solum quilibet Congregatio Ecclesiasticorum virorum est vna spirituali unitate: immo omnes Ecclesiasticæ Congregationes habent quandam generalem unitatem, in quantum sunt vna Ecclesia habens connexionem ad vnum principale membrum, cui ut potest omnium capiti incumbit cura Ecclesiæ generalis, scilicet dominum Papam: ideo ipse tanquam caput, & supremum membrum est principalis, ac vniuersalis dispensator omnium generaliter bonorum Ecclesiasticorum spiritualium, & temporalium: non quod sit dominus, sed sola communitas Ecclesiæ vniuersalis, ut comprehendit caput, & alia membra, scilicet Prælatos, & simplices personas Ecclesiasticas est domina, & proprietaria.

Ex quibus non solum patet veritas propositionis præfate, sed etiam falsitas dicentium, quod nulla persona singularis alia à Papa, nec Collegium aliquod, vel communitas habet ius, siue dominium in bonis Ecclesiæ, sed dominus Papa, qui non solum est administrator, & dispensator, sed verus dominus, & proprietarius bonorum Ecclesiæ, & de his ordinare, & distrahare potest, prout vult. Nam, ut ait Apostolus vniuersaliter de omnibus Prælati loquens, 1. ad Cor. 15. Sic nos existimamus, ut ministros, & dispensatores, &c. I. Ministros, & dispensatores dicat, non dominos; unde sanctus Thomas in 2. 2. quæst. 100. artic. 1. dicit: Quod quamuis res Ecclesiæ sint Papæ, ut principalis dispensatoris, non tamen sunt eius, ut domini, & possessoris. Et in quæst. 175. artic. 3. ponit, quod Prælati bona Ecclesiastica dispensationi suæ commissa, quæ sunt eroganda pauperibus, vel in vsum ministrorum, aut in cultum Diuini exponenda, si infideliter dispensat, non dubium, quod contra fidem dispensationis agat, & mortaliter peccet, & ad restitutionem teneatur. Vbi considerandum, quod Papa, non solum pro statu vniuersalis Ecclesiæ, aut sustentatione Ministrorum, & pauperum, sed etiam pro conuenienti statu personæ potest dispensare de bonis Ecclesiæ, sicut declarauimus libro 2. cap. 69.

Septima propositio, quod Papa non habet potestatem, siue iurisdictionem in temporalibus, ut Reges in bonis temporalibus habent dominium, nec ita ut sit regulariter eorum dispensator. Patet propositio, primo quod ad dominium ex præcedenti, quia si in bonis clericorum Papa non est dominus, minus in bonis laicorum.

Pro declaratione secundæ partis est con-

siderandum, quod bona laicorum non sunt collata communitati, sicut bona Ecclesiastica, sed sunt acquisita singulis personis arte, labore, industria propria, & personæ singulares, quarum sunt, habent in eis ius, & potestatem, & verum dominium, & potest quilibet de suo ordinare, dispensare, retinere, alienare pro libito suo sine alicuius iniuria, cum sit dominus, & ideo talia non habent ordinem, & connexionem inter se, nec ad vnum commune caput, quod habeat ea ordinare, & dispensare, sicut in Ecclesiasticis, cum quilibet rei suæ sit ordinator pro libito; & ideo nec seculares Principes, nec Papa habent dominium, nec dispensationem in talibus; unde Imperator, licet sit princeps summus, & quasi caput inter seculares, ut in cap. in apibus 7. q. 1. non tamen habet potestatem sic liberam dispensandi, siue administrandi bona temporalia secularium, sicut Papa bona Ecclesiastica. Et ita patet propositio, quod licet Papa habeat auctoritatem, & rationem capitis, non solum respectu clericorum, sed etiam respectu secularium, non tamen sit liberè potest dispensare, vel disponere de secularibus, sicut de clericis.

Octaua propositio, Romanus Pontifex non habet ita plenam iurisdictionem in temporalibus, sicut in spiritualibus, ita quod sicut deponere potest Prælatum Ecclesiasticum, etiam sine culpa sua, ita possit deponere Principem secularem, siue laicum. Istam propositionem declarat dominus Petrus de Palude in libro suo de potestate Ecclesiastica, hoc modo: Vnde sciendum, quod cum Papa possit deponere Principem laicum, & Prælatum Ecclesiasticum, non tamen aqualiter, quia Principi laicum, siue vassallum, vel extraneum non potest deponere sine iusta causa, & rationabili, ita quod ille sit indignus illo principatu, & meruerit perdere, & priuari, & si sine tali causa priuet ipsum, non solum peccat conando, sed etiam nihil agit priuando, sicut non valet sententia à non suo iudice lata, sed in Prælati Ecclesiæ secus est, quia non sunt domini, sed procuratores; unde, sicut administrator superior, qui plenam potestatem habet, potest instituere, & destituere inferiores administratores, & tenet quicquid facit, etiam quando minus bonum instituit, licet in hoc ipse peccet, ita Papa ponendo, & deponendo personas Ecclesiasticas, licet peccet, nisi pro meliori Ecclesiæ hoc faciat, tamen tenet, quod facit. In tantum autem procedit ratio, quæ dicit, eos esse procuratores, non dominos, quod sine omni peccato suo, & alieno potest Papa deponere minus bonum, & ponere meliorem, quia in officiis reipublice queritur utilitas publica, non priuata; unde si Prælatum non delinquentem, & bonum amoueat, & ponat meliorem, non peccat, nec ille conqueri potest, sicut nec procurator quando à Domino reuocatur, quia ab onere releuatur. Sed secus in Principibus laicis, qui sunt veri domini eius, quod habent: res autem sua non est alicui aufertenda sine culpa sua; unde nec scizandum à vassallo, & multo minus, quod alicui habet, à nullo alio potest sibi auferri sine culpa sua. Hæc dominus Petrus de Palude.

CAP. CXIV.

In quo exponitur, qualiter Romano Pontifici iure principatus sui competat iurisdictionem habere temporalium in toto Orbe Christiano.

Postquam explicauimus, quibus modis iudicio nostro non competat Romano Pontifici iure papatus iurisdictionem habere in temporalibus, iam perferendum est, quod secundo loco polliciti sumus, videlicet qualiter sibi competat.

Dicimus autem, quod Romanus Pontifex, licet non habeat potestatem regulariter, siue directè, ita plenam in temporalibus, sicut in spiritualibus: nihilominus etiam habet potestatem in temporalibus ex consequenti, & hoc proprio iure, quantum scilicet necessarium est ad conseruationem rerum spiritualium, ad directionem fidelium in salutem æternam, & ad correctionem peccatorum, & conseruandam pacem in populo Christiano. Quod manifestè, atque irrefragabiliter ex multis demonstramus, pro quo duodecim propositiones, tamquam duodecim testimonia veritatis huiusmodi ponemus.

Prima propositio est: Romanum Pontificem potestatem, & iurisdictionem iure papatus sui habere in temporalibus aliquo modo, colligitur ex eo, quod eius principatus directius, & præcipuus sit potestati seculari in administratione sui officij secundum exigentiam finis ultimi, qui est ipsa beatitudo suprema, ad quam omnes fideles dirigendi sunt. Quod sic ratione ostenditur: In omnibus artibus, & potestatibus ordinatis, ars, siue potestas, ad quam pertinet ultimus, & principalis finis, est præcipuua, & imperatiua omnium aliarum artium, siue potestatum, quarum fines ad finem illius ordinantur, sicut habetur i. ethyc.

Præterea patet, quia finis præcipit, & dominatur, atque legem imponit his omnibus, quæ sunt ad finem, vt secundum exigentiam finis debito ordine se coaptent, & ad inuicem ordinentur secundum vniuersiuique mensuram, & modum, sed proprius finis, qui intenditur per principatum papalem, est felicitas suprema, ad quam ordinatur homo per virtutes theologicas, finis autem, quem intendit potestas secularis, est felicitas politica, ad quam ordinatur homo per virtutes morales, sed nulli dubium, quin finis spiritualis potestatis potior, superior, ac principalior sit fine, ad quem dirigit, & tendit potestas secularis: vnde ista ordinatur ad illam: ergo potestatis spiritualis, & maxime Papæ, qui est vniuersalis Dux, & Rector populi Christiani, & dirigere, & regulare, præcipere, atque leges dare potestati seculari, quibus in administratione sui officij dirigatur in finem vltimum felicitatis æternæ. Et secundum hoc Romanus Pontifex se habet ad Reges, & Principes, tamquam architectonicus ad artifices: ille enim propter quid, & regulas iu-

dicandi scit: isti autem, scilicet artifices mechanici, tamquam experti in multis ipsum, quia sciunt, propter quid autem ignorant: propter quod debet illis Papa leges dare, secundum quas debent iurisdictionem suam exequi, & populum regere in ordine ad beatitudinem supernaturalem: vnde beatus Augustinus hanc potestatem cognoscens, & admirans in beato Petro Apostolo in sermone quodam Apostolorum Petri, & Pauli, quæ incipit: Fortis, & humilis; ita inquit: O mira potentia, & ineffabilis gratia Saluatoris, quis plebium piscatorem, Apostolorum facile crederet Principem, & Regibus obistere, Reges sanctificare, regnis omnibus imperare, mundum reserare legibus, dæmones calcare pedibus, iubere virtutibus, Cælum hominibus aperire cum vellet, claudere cum placeret, immortale regnum conuerfis donare, negare peruersis, merita mundi cognoscere, culpas, & crimina hominibus relaxare. Hæc ille.

Propter hanc rationem diximus supra primo libro huius summæ cap. 90. quod potestas temporalis, siue secularis in populo Christiano dependebat quodammodo triplici genere causalitatis à potestate spirituali, scilicet efficientis, formalis, & finalis; vnde ibi plenè. Hac argumentatione vsus videtur Innocentius III. in cap. solitæ de maioris, & obed. vbi scribens Imperatori Constantinopolitano, ita dicit: Poruisses autem prærogatiua Sacerdotij ex eo intelligere potius, quod est dictum non à quolibet, sed à Deo non Regi, sed Sacerdoti, non de Regia stirpe, sed de Sacerdotali prosapia descendenti, de Sacerdotibus videlicet, qui erant in Anathoth: Ecce constitui te super Reges, & regna, vt euellas, & dissipes, ædifices, & plantes. Ex quibus omnibus patet, quod veraciter Romanus Pontifex apicem habeat potestatis, tam spiritualis, quam secularis, vel temporalis, licet temporalis non in omnibus secundum eundem modum, secundum quem habetur à Principe seculari, sed modo digniori, superiori, & perfectiori non enim sic habet eam, vt exerceat eius opera immediatè, nisi in aliquibus casibus, qui tanguntur inferius, sed agit opera eius meliori modo, scilicet imperando, dirigendo, & regulando, & ad suum finem operibus eius vndo.

Secunda propositio: Romanum Pontificem iure Vicariatus sui habere in temporalibus iurisdictionem suam, aliquo modo ostenditur ex eo, quod omnium fidelium generaliter est à Deo Pastor constitutus, dicente Domino beato Petro, & in eo successori suo: [Pascere oues meas.] Ioann. vltim. super quo verbo, dicit gloss. sic: Pascere, est oues credere, ne à fide deficiant, confirmare, terrena subsidia, si necesse est, subditis providere, & exempla virtutum cum verbo prædicationis impendere, aduersarijs obistere, errantes subditos corrigere. Hæc gloss. Clarum est autem, quod pascere gregem Dominicum, terrena subsidia, si necesse est, subditis providendo, aduersarijs resistendo, & errantes corrigendo, non solum exigit in Pastore spiritualem potestatem, sed etiam temporalem, vnde cum concessio alicui aliquo officio, aut regimine censeatur etiam con-

concessa, sine quibus officium, siue regimen rectè expediti non potest, de offic. deleg. c. 1. & cap. præterea, manifestum est, quod Romanus Pontifex apicem potestatis secularis aliquo modo dicendus sit habere. Hac argumentatione vsus videtur fuisse Innocentius Tertius in cap. soluz de maiorit. & obed. vbi ad ostendendum Imperatori Constantinopolitano, quòd iure poterat eum reprehendere, & increpare, ita ait: Nos autem, etsi non increpando scripsimus, potuissimus tamen rationabiliter increpare; nobis enim in beato Petro sunt oues Christi commissæ, dicente Domino: [Pasce oues meas:] non distinguens inter has oues, & alias, vt alienum se à suo demonstraret ouili, qui Petrum, & successores ipsius magistros non recognosceret & pastores. Hæc ille. Ex cura ergo pastoralis, quam Romanus Pontifex habet super omnes fideles cuiuscumque status, dignitatis, vel conditionis existant, statim datur intelligi, quòd apicem non tantum spiritualis potestatis, sed etiam temporalis aliquo modo habere dicendus sit.

Tertia propositio: Romanum Pontificem temporalem etiam iurisdictionem iure principatus sui ostendit habere ex eo, quòd omnis potestas se extendit ad cognoscendum de omnibus peccatis, non solum de his, quæ sunt contra articulos Fidei, & Sacramenta, in quibus principaliter Christiana fundatur religio, sed etiam de omnibus peccatis mortalibus circa quascumque actiones personales etiam seculares, commissis. Quod ratione ostenditur, & auctoritate. Ratione sic: Cuius est finem considerare, eius est iudicare de his, quæ debent ad finem ordinari, quia ratio eorum, quæ ordinantur ad finem, ex fine sumitur, sicut enim ad intendendum in aliquem finem spectat eligere ea, quæ sunt congrua fini: ita tollere ea, quæ finis consecutioni impediunt præstant, sicut patet in medico, cuius non solum est iudicare, & providere de adiuuantibus ad salutem, quam inducere intendit, sed etiam remouere ea, quæ impediunt, & similiter ita est in alijs, sed ita est, quod corpus ordinatur ad animam, etiam secundum gentiles Philosophos, & temporalia ordinantur ad spiritualia, & omnes actiones Christianorum debent ordinari ad consequendum vitam æternam, tamquam nostrum finem vltimum, secundum fidem Catholicam nobis expositam: ergo cuius, vel quorum est considerare de salute animarum, & de spiritualibus, sicut est Prælatorum curam, & regimen animarum habentium, vt sunt Papa, Archiepiscopi, & Episcopi: eorum est iudicare de actionibus spiritualibus hominum, per quas possunt deuiare à salute sua peccando circa quancumque materiam, siue contra Articulos Fidei, siue Sacramenta, siue contra bonos mores, peccando in seipsum, vel proximum verbo, vel facto, seu quocumque alio modo. Secundò, patet idem auctoritate Domini Matth. 18. vbi sic dicitur: [Si peccauerit in te frater tuus, corripe eum inter te, & ipsum; si te non audierit, lucratus es fratrem tuum, si te non audierit, adhibe tecum vnum, vel duos testes, vt in ore duorum, vel trium stet omne verbum, quod si non audierit, dic Ecclesie, si verò Ecclesiam non audierit sit

tibi, sicut Ethnicus, & Publicanus, id est excommunicatus.] Et constat, quòd loquitur de iurisdictione Ecclesie, quam habent Prælati, nam ibidem subditur: [Amen dico vobis, quæcumque alligaueritis super terram, erunt ligata & in Cælo:] Ergo sine vlla dubitatione ad Prælatos Ecclesie, & maxime ad Prælatos Prælatorum pertinet iure sibi à Deo collato recognoscere, & iudicare de peccato quocumque, vnde beatus Paulus excommunicauit fornicatorem notorium, vt legitur 1. Cor. 5. [Cum ergo peccata huiusmodi contingant circa actiones personales hominum, & contractas eorum etiam in temporalibus de omnibus his pertinet ad Ecclesiam iudicare, maxime si attendatur actio per modum iniuriæ, vel cuiuscumque alterius peccati tam inter laicos, quam inter clericos, vel inter clericum, & laicum, quicumque eorum sit actor, vel reus.]

Nec potest dici in prædictis, quòd reus trahatur extrà forum suum, quia omnes Christiani, in quantum Christiani sunt, pertinent ad forum Ecclesie, & hoc est, quod expressè dicitur in can. 11. qu. 1. quæcumque: vbi sic dicitur: Quæcumque contentiones inter Christianos orta sunt, ad Ecclesiam deferuntur & ab Ecclesiasticis viris terminabuntur, & si obedire uoluerint, quousque obediant, à limitibus Ecclesie excluduntur. Hæc ibi. Præterea nec propter hoc impeditur principum secularium iurisdictionio. Tum quia Ecclesia non impedit, quin potestas secularis exerceat iudicium suum in reum secularem, si ad iudicium suum sit euocatus. Est enim in optione actoris euocare reum ad hoc, vel illud iudicium, & non ad vtrumque simul. Tum secundò, quia multæ actiones sunt purè seculares, quæ cum respectum non habeant ad finem vltimum, aut promouendo, aut impediendo, ad principes seculares tantum pertinent, sicut de feudis, & possessionibus, & non ad Ecclesiam, vt in cap. nouit, extrà de iudic. Tum tertio, quia alia correctionis censura vtiut Ecclesiasticus iudex, & alia iudex secularis, quarum vtraque est populo Christiano ad correctionem vitiatorum necessaria. Est verum, quòd, vt dicit Dominus Durandus, quamuis hoc sit ius Ecclesie sibi à Deo collatum, tamen ipsa non semper vsa est isto iure, nec vbi que, partim ad vitandum scandalum, ne putaretur, quòd Ecclesia magis quereret emolumentum pecunie, aut glorie temporalis, quam correctionem vitiatorum, partim propter audaciam aliorum tyrannorum, in quorum terris plures Ecclesie sunt fundate, non quia propter suam violentiam potentiam non permisserunt Ecclesiam vi iure suo. Hac argumentatione est vsus Papa Innocentius Tertius in cap. nouit, extrà de iudic. vbi scribens Prælati Regni Francie, & ostendere volens, quòd Dominus Rex Francie non debebat sibi reputare ad iniuriam in controuersia, quæ erat inter eum, & Regem Anglie Apostolico iudicio se submittere, ita dicens: Nullus, qui sit sanæ mentis, ignorat, quin ad nostrum iudicium spectet de quocumque mortali peccato corripere quemlibet Christianum, & si correctionem contempserit, per districtiorem Ecclesiasticæ censuræ coercere.

Quarta propositio: Romanus Pontifex vide-

videtur iurisdictionem etiam in temporalibus habere, quia non solum principes seculares circa usum suae iurisdictionis delinquentes, potest per censuram Ecclesiasticam coercere, verum etiam eos notabiliter negligentes à dignitate deponere. Hæc propositio patet in cap. alius 15. qu. 6. vbi Gelasius Papa Imperatori Constantino ita scribit. Alius item Pontifex Zacharias, scilicet Regem Francorum, non tam pro suis iniquitatibus, quam pro eo, quod tantæ potestati erat inutilis, à Regno deposuit, & Pipinum Caroli Imperatoris patrem in eius loco substituit, omnesque Francigenas à iuramento fidelitatis absoluit. Hæc ille. Pro cuius propositionis pleniori intellectu est considerandum, iuxta Dominum Petrum de Palude in tractatu suo de potestate Ecclesiastica, quod licet Papa non habeat confirmare omnem Regem, qui consensu populi à principio regimen sumpsit; nihilominus potest omnem talem deponere, non solum propter hæresim, aut schisma, aut aliquod crimen intolerabile in populo, sed etiam propter insufficienciam, vel potest idiota sensu, vel impotens viribus in Regno præfesset, propter cuius insufficienciam Regnum fidelium periclitaretur, talis certum est, quod demeretur deponi, quia bonum commune est præferendum privato, debet deponi per inferiorem, & quia illi de Regno, siue sint proceres, siue alij, sunt inferiores eo, & inferior non potest iudicare superiorem, ideo non potest ab eis deponi, sed quia Papa est superior eo in spiritualibus, & per consequens in temporalibus, in quantum necesse est pro bono spirituali conferuando ipsius, & aliorum, & ad minus ratione delicti, & illæ sana conscientia non potest retinere Regnum, ad quod est insufficiens, & indignus, per consequens Papa potest eum monere, vt Regno cedat, quod sine peccato non potest retinere; quod si nolit facere, excommunicet eum, quia ad officium Papæ spectat de quocumque peccato mortali corripere quemlibet Christianum, & si correctionem contempserit, per distributionem Ecclesiasticam coercere, de iudic. cap. nouit, quod si in excommunicatione perseveret, potest, vt dictum est deponere, & subditos eius ab eius subiectione absolvere, sicut schismaticum propter contumaciam, & inobedientiam pertinacem.

Et ex hoc etiam, quia excommunicatus legitimis actibus, & officiis publicis non debet fungi, & schismatici cingulo militiæ sunt nudandi, 19. qu. 1. qui contra 15. qu. 6. cap. penultimo. Sed si proceres, siue electores prædicti non meruerint perdere ius eligendi, non potest siue eis Papa alium substituere. Hæc ille. Verum gloss. super illud cap. alius exponens; à Regno deposuit; dicit, idest proceribus deponentibus consensit, omnino falsa videtur; quoniam contradicit textui, & intentioni Pelagij, qui inducit illud cap. ad ostendendum excellentiam potestatis Papalis, quæ non ostenditur per hoc, quod dicitur consensit proceribus deponentibus, nisi consensus ille intelligatur dando auctoritatem, vnde Dominus Petrus de Palude, vbi supra, dicit, quod illud, quod dicit gloss. consensit, intelligendum sit quod ad institutionem, quæ per proceres fieri potuit, sed depositio aucto-

ritate Papæ, & non procerum facta fuit, quæ à solo superiore fieri potuit, sed electio potuit ab inferioribus fieri. Confirmatur etiam propositio prædicta exemplo Innocentij IV. qui Regi Portugallie, qui prodigus, & dilapidator erat, & Ecclesias, Monasteria, pia loca, & personas Ecclesiasticas, Viduas, Pupillos, & Orphanos grauabat, & grauari sinebat, dedisse adiutorem, & sibi administrationem Regni interdixisse legitur, vt in cap. grandi, de suppleu. neglig. prælat. lib. 6. Et sic Sacerdos Apostolicus se habet ad Reges, & Principes, sicut Architectus ciuilem ad alios Artifices in Ciuitate, vt inquit Henricus de Gandauo quodlibeto 6. art. 23. sicut enim Architectonicus est præcipere, qui & quales debent exercere scientiam medicinalem theoreticam, & sic de alijs in Ciuitate, & quoddam admittere, & quoddam repellere; sic Sacerdos Apostolicus debet considerare, qui & quales Regna, & principatus regere debeant, & bonos honorare, malos autem, & male regentes deponere, & alios loco illorum substituere. Hæc ille. De hac conclusione talis est Domini Vlrici in summa sua sententia, ait enim: Si Rex esset manifestè hereticus, vel si interpellatus ab Ecclesia, negligenter; nihilominus regimen Regni sui quantum ad ea, quæ sunt fidei scilicet, si non intendere extirpationi hereticorum, potest ab Ecclesia deponi à regia dignitate. Hæc ille.

Quinta propositio: Romanum Pontificem inde iurisdictionem temporalem habere manifestè ostenditur, quod non modò excommunicare potest seculares principes, sed etiam ipsi in contumacia perseverantibus subditos eorum à sacramento absolvere ne eis fidelitatem obseruent. Hæc propositio patet ex cauone Gregorij VII. in Synodo præsentis, qui habetur in cap. nos sanctorum 15. qu. 6. & ex cauone Vrbani II. in cap. iurat. ead. caus. & qu.

Sexta propositio: Romanum Pontificem habere iurisdictionem in temporalibus ex eo ostenditur, quod vtrumque gladium habere dignoscitur. Quod autem gladius materialis quodammodo ad Romanum Pontificem pertineat, patet Ioannis 13. vbi dicit Christus Petro: [Conuerte gladium tuum in vaginam,] quod verbum petra trahens deuotissimus Bernardus ad Eugenium Papam sic inquit: Quid tu denuò gladium vsurpare tentas, quem semel iussus es ponere in vaginam? quem tamen qui tuum negat, non factis videtur mihi attendere verbum Domini dicentis: [Conuerte gladium tuum in vaginam,] Ioan. 18. & Matth. 16. Tuus ergo, et ipse tuus forsitan nutu, etsi non tua manu euaginandus; alioquin si nullo modo ad te pertineret; & de his scilicet Apostolis: Ecce gladij duo hic, non respondisset Dominus satis est, sed nimis est: vterque ergo Ecclesie, & spiritualis gladius, & materialis, sed is quidem pro Ecclesia, ille verò & ab Ecclesia exercendus; ille scilicet Sacerdotis, is militis manu, sed sanè ad nutum Sacerdotis, & iussu Imperatoris. Hæc ille. Nutus verò dicitur non tantum exhortatio, sed etiam dispositio, vnde Leo Papa IV. vt in cap. ergo 23. qu. 8. contra Saracenos iubet populum congregari, & eis ad litus maris occurrere. Item

vt in cap. hortatu, ead. caus. & qu. Hortatu, & precibus Hadriani Papæ exhortatus Carolus Rex contra Longobardos bellum suscepit. Ad idem beatus Gregorius quosdam hortatur nobiles, vt milites congregent contra hostes, & arma viriliter præparent, vt in cap. quidem, ead. caus. & quest. Item in registro etiam legitur, quod beatus Gregorius ciuibz Tulfiz, vt contra Longobardos arma pararet mandauit, & militantibus stipendia decreuit.

Quod etiam huius gladij materialis dispositio, licet non materialis exercitatio conueniat clericis, sanctus Thomas in 2.2. qu. 40. art. 2. declarat, ita dicens: Omnis persona, vel ars, vel virtus, ad quam pertinet finis, habet disporre de his, quæ sunt ad finem: bella autem carnalia in populo fidelis, sunt referenda, sicut ad finem, ad bonum spirituale diuinum, cui clerici deputantur; & idco ad clericos pertinent disporre, & inducere alios ad bellandum bella iusta: hæc S. Thom. Pertinebit ergo dispositio, etiam auctoritatiua gladij materialis aduersus infideles, hereticos, Ichismaticos, & tyrannos maxime ad Romanum Pontificem, qui Dux, & Pastor, & Pugil est Populi Christiani. Hac argumentatione vitur Papa Bonifacius Octauus in extrauaganti sua: Vnam sanctam, vbi sit ait: In hac æquidem, scilicet Romani Pontificis potestate, duos esse gladios, spirituales scilicet, & temporales, euangelicis dictis instrui-mur, nam dicentibus Apostolis, [Ecce duo gladij, &c.] sicut prius inductum est de Bernardo, sequitur: portet autem gladium esse sub gladio, & temporalem auctoritatem spirituali subijci potestati, nam cum dicit Apostolus: Non est potestas nisi à Deo: quæ autem à Deo sunt, ordinata sunt, non autem ordinata essent, nisi gladius esset sub gladio, & tamquam inferior reduceretur per alium ad supremam, nam iuxta beatum Dionysium, lex diuinitatis est infima per media in supremam reduci.

Septima propositio: Romanus Pontifex iure diuino habere videtur iurisdictionem temporalem aliquo modo, videlicet nobiliori, & excellentiori, quam potestates sæculares, quoniam ad eum iure summi Sacerdotij spectat declarare definire, & iudicare dubia, & ambigua circa quascunque actiones hominum personales, quæ inter iudices inferiores, siue clericos, siue sæculares variantur. Hoc probat Innocentius Tertius in cap. per venerabilem extrâ, qui fil. sint legit. ex sacra scriptura, ita dicens: [Non solum in Ecclesiæ patrimonio, super quo plenam in temporalibus gerimus potestatem; verum etiam in alijs regionibus, certis causis inspectis, temporalem iurisdictionem qualiter exerceamus non quod alieno iuri præiudicare velimus: sed quia: Deuteronomio, 17. continetur: Si difficile, & ambiguum apud te iudicium esse prospexeris inter sanguinem, & sanguinem, causam, & causam, lepram, & lepram, & iudicium intra portas videris variari, veniens ad sacerdotem leuitici generis, & ad iudicem, qui fuerit illo tempore, qui iudicabunt iudicij veritatem, & facies quæcumque dixerint tibi, qui præsent loco, quem elegerit Dominus, sequeris: eorum sententiam, qui autem su-

Tom. XIII.

perbierit, nolens obedire Sacerdotis imperio, qui eo tempore ministrat Domino Deo tuo, decreto Iudicis moriatur.

Octaua propositio: Romanus Pontifex iurisdictionem habet temporalem, ex consequenti adiunctâ spirituali, eo quod occurrente casu euidentis necessitatis pro defensione fidei contra hæreticos, aut contra inuasionem paganorum iure principatus sui, quia Caput est omnium fidelium, & Pater; potest exigere decimas, vel decimatas portiones à singulis fidelibus, secundum tamen debitam proportionem, ne aliqui sine ratione plus grauarentur, quam alij, ad succurrendum communi Ecclesiæ necessitati: & possit rebelles contradicentes, per censuram ecclesiasticam compellere. Quod ratione probari potest sic: Quilibet Christianus ex perfectione Christianitatis, siue Christianæ religionis tenetur honorare Patrem, & Matrem, non solum reuerentiam exhibendo, sed etiam necessaria ministrando, & si necesse fuerit pro eorum salute, omnia temporalia exponendo. Et si in hoc patrem, & matrem carnales debeat honorare, multo fortius spirituales, scilicet Christum, & eius Vicarium, & Matrem Ecclesiæ, quando necessitas incumbit periculosa Ecclesiæ, siue Romano Pontifici, si pro salute eius indigeat bonorum temporalium administratione, quilibet Christianus requisitus subuenire, & assistere tenetur. Vbi considerandum, quod fideles non solum tenentur subuenire Romano Pontifici in necessitatibus status sui Apostolici, & personæ: cum enim sit Princeps totius vniuersitatis Christianæ, multis opus habet.

Nonna propositio: Romanus Pontifex arguitur habere temporalem iurisdictionem, quia ipse iure suo legitimat ad sæculares honores, & dignitates, vt habetur in cap. per venerabilem, extrâ, qui fil. sint legit. vbi Papa ita loquitur nobili N. Montispeffolani. Per venerabilem fratrem nostrum Atrebatensem Archiepiscopum, tua nobis humilitas supplicauit, vt filios tuos legitimis cum quibusdam minis decorare, quatenus eis, quo minus succederent, natalium obiectio non noceret. Quod autem super hoc Apostolica sedes plenam habeat potestatem, ex illo arguitur, quod diuersis causis inspectis cum quibusdam minis legitime genitis non naturalibus tantum, sed adulterinis etiam dispensauit: sic ad actus spirituales illos legitimans, vt possent in Episcopos promoueri: ex quo verisimiliter creditur, & probabiliter reputatur, vt eos ad actus legitimare valeat sæculares.

Decima propositio: Romanus Pontifex arguitur, inde habere iurisdictionem temporalem, quia ipse iure pontificatus sui, negligentibus Dominis temporalibus facere iustitiam subditis suis iniuriam patientibus, potest supplere negligentiam illorum, & iustitiam reddere quibuscunque subditis negligentium dominorum. Ista propositio colligitur manifeste ex Innocentio Tertio de foro compe. c. licet: vbi Innocentius ita loquitur Vercellenfi Episcopo. Mandamus, si quando à laicis vercellenfibus literas super rebus, præcipue, quæ forum sæculare contingunt, à sede Apostolica contingerit impetrari, eas surreptitias, appellatione omissa, decernas

N n n

auco-

authoritate nostra irritas, & inanes, dummodo consules, & commune de se conquerentibus in iudicio seculari exhibeant iustitiæ complementum, hæc ibi: Super quo gloss. dicit. Iste casus est, in quo Iudex ecclesiasticus potest immiscere se iurisdictioni seculari, cum Iudex secularis negligens sit facere iustitiam. Planè cum, teste beato Augustino 4. de Ciuit. Dei, remota iustitia regna non sint, nisi latrocinia magna, spectat ad Romanum Pontificem, ne iustitia pereat.

Vndecima propositio: Romanum Pontificem habere potestatem, & iurisdictionem temporalem inconuincibili testimonio arguitur ex eo, quod Imperium Romanum à Grecis transiit in Germanos, & potestatem, ac ius eligendi Regem Imperatorem postmodum certis Principibus contulit: sicut manifestè testatur Innocentius Tertius in cap. venerabilem, extrà de elect. sic dicens. Cum ad eos, scilicet principes ius, & potestas huiusmodi ab Apostolica fide perueniret, quæ Romanum Imperium in personam Caroli à Grecis transiit in Germanos, ubi dicit gloss. Legimus in Chronicis, quod cum Romanæ Ecclesiæ opprimeretur ab Atulpho Rege Longobardorum, petijt auxilium à Constantino, & Berce filio eius Imperatoribus Constantinopolitanis, & cum nolente patrocinari Ecclesiæ, Stephanus Papa Secundus, natione Romanus transiit imperium in Carolum Magnum, qui fuerat filius Pipini, quem Zacharias prædecessor eius substituerat loco Regis Francorum, quem deposuerat, de quo 15. quest. 6. cap. alius. Hæc gloss.

Duodecima propositio: Romanus Pontifex arguitur habere iure suo iurisdictionem temporalem in radice, quia vacante Imperio, ipse habet iurisdictionem in temporalibus, ut in c. licet de for. comp. dicit Innoc. III. & in gloss. etiam notatur. Et est hodie declaratum extrà de re iudic. pastoralis in Clementin. Et ex hoc clarè patet quod Papa iure suo iurisdictionem habeat temporalem, quia alias executionem in prædicto casu, & in alijs non haberet, nisi ei concederet Imperator.

De potestate, quam habet circa infideles sit ista 13. propositio: Papa potest auferre Dominium, siue ius quodcumque, quod habent infideles prælationis super fideles. Ista propositio est beati Thom. in 2. 2. quest. 10. art. 10. ita dicens. Considerandum, quod dominium, & prælatio introducta sunt ex iure humano: distinctio autem fidelium, & infidelium ex iure diuino, ius autem diuinum, quod est ex gratia, non tollit ius humanum, quod est ex naturali ratione. Distinctio fidelium, & infidelium secundum se considerata non tollit Dominium, & prælationem infidelium supra fideles, potest tamen iuste per sententiam, vel ordinationem Ecclesiæ, auctoritate Dei habentis, tale ius dominij, vel prælationis tolli: quia infideles meritò suæ infidelitatis merentur potestatem amittere, supra fideles, qui transierunt in filios Dei, sed hoc quidem Ecclesiæ quandoq. facit, quandoque non facit.

In illis enim infidelibus, qui temporalibus subiectione subiunguntur Ecclesiæ, & membris eius, hoc ius Ecclesiæ statuit, ut patet in c. mancipia, & cap. eternitatem dist. 54. quæ

ambo sunt Gregorij Papæ, ut seruus iudæorum statim factus Christianus à seruitute liberetur, nullo prætatio dato, si fuerit vernaculus, idest in seruitute natus. Similiter si infidelis existens fuerit emptus ad seruitutem, siue causa seruendi, si autem fuerit emptus ad seruitutem, si autem fuerit ad mercationem, siue causa mercimonij puta, ut venderetur cum alteri, tenetur cum exponere ad vendendum infra tres menses, nec iniuriam facit Ecclesiæ, cum ipsi Iudæi sint serui Ecclesiæ, Ecclesiæ potest disponere de rebus eorum: sicut etiam Principes seculares multas leges ediderunt erga suos subditos in fauorem liberatis: in illis verò infidelibus, qui temporaliter Ecclesiæ non subiunguntur, prædictum ius Ecclesiæ non statuit, licet posset iustitiam de iure, & hoc facit ad scandalum vitandum: sicut, & Dominus Matth. 17. dicit, quod poterat se à tributo excusare, quia liberi sunt filij, sed idè mandauit tributum solui ad scandalum vitandum. Ita etiam Paulus, cum dixisset 1. ad Thimot. 5. quod serui suos Dominos honorarent, subiunxit ne nomen Domini de doctrina blasphemet. hæc S. Thom.

Decimaquarta propositio: Papa ostenditur habere potestatem in temporalibus, quia potest punire Iudæos fore facientes tam pœna temporali, quam etiam indirectè pœna spirituali. Ista propositio manifestè habetur primo in c. postulasti, extrà de Iudæis, ubi Innoc. mandat quendam Iudæum, qui manus violentas iniecit in quendam clericum pœna pecuniaria puniri: & clerico læso satisfactione congruam temporalem fieri, quod si non fecerit, Christianis præcipit, necum prætato Iudæo antequam satisfaciat præsumant commercia exercere, ubi gloss. dicit: Excommunicantur indirectè Iudæi. Secundò idem colligitur ex cap. spe 28. quest. 1. ubi ex Concilio Toletano præcipitur, ut Iudæi, qui consortia cum Christianis non vitauerint, publicis cædibus deponentur.

Decimaquinta propositio: Papa arguitur habere iurisdictionem in temporalibus, quia potest Principes apostatantes à fide priuare dominio temporali, quod habent super fideles. Ista propositio licet pateat ex his, quæ dicta sunt in quarta propositioe, nihilominus sic ostenditur ex dictis S. Thom. 2. 2. quest. 12. art. vii. sic dicens: Ad Ecclesiam autem non pertinet punire infidelitatem in illis, qui fidem nunquam perceperunt, secundum illud Apostoli 1. ad Cor. 5. Quid enim mihi de his, qui foris sunt, iudicare, sed infidelitatem illorum, qui fidem prius ceperunt potest sententialiter punire, & communiter in hoc puniuntur, quod subditis fidelibus dominari non possunt, hoc enim vergere posset in magnam fidei corruptionem, quia, ut dicitur Prouerb. 6. Homo Apostata, in corde suo machinatur malum, & iurgia seminat, intendens homines separare à fide: & idè quancitius aliqui per sententiam denunciantur excommunicari propter Apostasiam à fide, ipso facto, ipsi subditi sunt absoluti à Dominio eorum, & iuramento fidelitatis, quo eis tenebantur, hæc Sanctus Thomas. Hoc etiam colligitur ex cap. absolutos extrà de hæretic. & ex cap. nos Sanctorum, & cap. iuratos 15. quest. 6.

Decimasexta propositio: Papa ostenditur habere etiam in temporalibus iurisdictionem, quia potest contra infideles hæreticos, aut tyrannos contumeliosos fidei Christianæ, aut occupatores bonorum Ecclesiæ, aut perturbatores pacis, & quietis populi Christiani, indicere bellum: non quidem, ut occidant, vulnerent, vel mutilent: sed ut fidem defendant, Ecclesiam, & patriam liberent, & terram ab infidelibus occupatam reducant ad Christum, & super hoc potest licite, & iuste dare indulgentias magnas arma ad hoc summentibus. Hæc propositio satis patet, tam auctoritatibus, quam ratione, ex his, quæ inducta sunt circa sextam propositionem.

CAP. CXV.

In quo ponuntur aliquæ obiectiones adversariorum contra ea, quæ dicta sunt de potestate, & iurisdictione Papæ in temporalibus.

Adversarii, qui ab Ecclesia omnino auferre potestatem in temporalibus moventur, multipliciter arguunt contra prædicta nitentes probare, quod Romani Pontificis auctoritas, siue potestas non in temporalibus, sed in spiritualibus tantum sit: quorum rationes potiores sunt, quæ sequuntur.

In sola, & mera commissione Regni cælorum non venit, nec cadit commissio regni terrenorum, cum Regnum Cælorum, & terrenorum ex opposito diuidantur, sicut Regnum carnale, & spirituale, sed Christus commisit Petro, & eius successoribus in persona ipsius claus Regni Cælorum, & non claus Regni Terrenorum, prout patet Matth. 16. cap. ubi legitur, quod Petro dixit: [Et tibi dabo claus Regni Cælorum, & quodcumque, &c.] Claus inquit Regni Cælorum, & non claus Regni Terrenorum, nec unquam in scripturis evangelicis, aut Apostolicis reperitur, quod Christus commiserit Petro claus Regni terrenorum, & quod non est scriptum, non est nouis adinventionibus præsumendum. Unde non videtur, quod Romanus Pontifex hæbeat potestatem vniuersalis iurisdictionis, nisi in spiritualibus tantum.

Secundò sic, Vicarius non habet maiorem plenitudinem potestatis, quam habuit homo Christus, sed Christus non habuit, nec habere voluit huiusmodi potestatem; siue dominium in temporalibus, ergo nec eius Vicarius, consequentia est bona, maior est manifesta, minor probatur multipliciter.

Primò, ex illo, quod Christus respondit cuidam Luc. 12. dicenti sibi. [Magister dic fratri meo, ut diuidat mecum hæreditatem.] Cui Christus, sic respondit. [Homo quis me constituit iudicem, aut diuitem super vos.] quasi dicat nullus.

Secundò, ex illo, quod legitur Ioann. 6. [Iesus cum cognouisset, quia venturi essent, ut raperent eum, & facerent eum Re-

gem, fugit iterum in montem ipse solus.] Quod vtique non fecisset, si Regnum terrenum quæsuisset.

Tertiò, ex illo, quod homo Christus, ait Ioann. 18. [Regnum meum non est de hoc Mundo.]

Tertiò arguitur sic; Hæ duz potestates, scilicet temporalis, & spiritualis non possunt in vna, & eadem persona conuenire, siue concurrere; ergo Romanus Pontifex cum potestate in spiritualibus, non potest habere potestatem in temporalibus, consequentia videtur bona, antecedens patet, quia duz species eiusdem generis non se comparantur in eodem subiecto, sicut homo, & asinus, albedo, & nigredo. Hæ autem duz potestates sunt huiusmodi. Ergo, &c.

Quartò sic; Officia debent esse omnino impermixta, alioquin sequeretur confusio; sed aliud est officium iurisdictionis spiritualis, & aliud est officium iurisdictionis temporalis: ergo hæc officia non debent misceri in vna, & eadem persona. Quæ ratio aperte confirmari videtur per ea, quæ Nicolaus Papa in cap. cum ad verum dist. 96. dicit, quod Christus actibus proprijs, & dignitatibus distinctis officia potestatis vtriusque discreuit.

Quintò arguitur ex illo Matth. 22. ubi dicit Christus. [Reddite, quæ sunt Cæsaris Cæsari, & quæ sunt Dei Deo.] In quo innuere videtur distinctionem prædictarum iurisdictionum spiritualis scilicet, & temporalis, & personarum, in quas cadunt; quia temporalis cadit in Cæsarem, spiritualis verò in Prelatos, qui sunt vice Dei in terris; ergo prædictæ duz dignitates non debent esse in eadem persona.

Sextò arguitur ex lege illa Imperatoris, in qua dicitur. Sic enim magna donat Deo collata sunt Sacerdotum, & imperium, ut Diuinis Sacerdotum, & Imperium humanis præcesset, ergo potestas Ecclesiæ se extendit solum ad diuina, & spiritualia, secularis verò ad temporalia, termini autem antiqui transgredi non debent, secundum illud prouer. 22. Ne transgrediaris terminos antiquos, quos posuerunt Patres tui.

Septimò sic, ad Thym. 2. dicitur. Nemo militans Deo implicat se negotijs secularibus, sed nemo in Ecclesia magis debet militare Deo, quam Papa, ergo minus implicare se debet negotijs secularibus, ergo Papa non habet iurisdictionem temporalem.

Octauò sic; Iudex secularis de re spirituali iudicare non potest, de iudic. cap. decernimus, sic videtur, quod iudex Ecclesiasticus de temporalibus se intromittere non potest, ut contrarium eadem sit disciplina secundum Philosophum, & fide his, qui sunt sui, vel alieni iuris lib. 1. §. videamus.

Nonò: Habere iurisdictionem in temporalibus contradicit perfectioni Apostolicæ, ergo videtur, quod habere iurisdictionem in temporalibus nullo modo conueniat Romano Pontifici, qui singulariter dicitur Apostolicus, consequentia bona videtur, antecedens patet ex illo Matth. 19. Si vis perfectus esse, vade, & vende omnia, quæ habes, & da pauperibus, & sequere me; & illud Luc. 14.

Omnis ex vobis, qui non renunciauerit omnibus, quæ possidet non potest meus esse discipulus.

Decimò sic: Si iurisdicção temporalis esset in Romano Pontifice, sequeretur, quod superflueret, aut in eo, aut in principibus secularibus, sed neutrum est dicendum, cum Deus, & natura nihil faciant frustra 3. de anima, ergo videtur, quod Romanus Pontifex solum in spiritualibus, & non in temporalibus habeat iurisdiccionem, sed solum, Princeps seculares, consequentia tamen videtur bona.

C A P. CXVI.

In quo responderetur obiectionibus præfatis.

Sane considerantibus nobis ea, quæ in superioribus de ordine, & vnitæ Ecclesiæ enucleauimus, necessarium dicendum videtur, saluo semper meliori iudicio, quod ante diximus, videlicet, quod in Hierarchia Ecclesiastica militantis Ecclesiæ potestas spiritualis Principetur seculari potestati. Cum enim, ut inquit Philosophus 1. Polit. quandoque aliquid constituitur ex pluribus ordinatis adinuicem, siue ex coniunctis sicut, homo ex corpore, & anima, siue ex diuisis, sicut exercitus ex militibus, in omnibus est inuenire principem, & subiectum, quemadmodum in armonica musica est vnus sonus principalis, & in mixto vnum elementum prædominans, & in homine anima corpori, & intellectus appetitui sensibilibus, & in domo viri uxori, & vniuersaliter masculus feminae, & homo belisus, sed cum ex spiritualibus, & temporalibus, quasi duobus lateribus, componitur totum corpus vniuersæ Reipublicæ Christianæ, ut inquit Hugo de sancto Victore lib. 2. de sacramentis, & spiritualia preferantur terrenis, sicut anima corpori, necesse est dicere, quod potestati seculari principetur potestas spiritualis, ita quod ad Hierarchiam huius Hierarchiæ Ecclesiæ militantis, qui post Christum est Romanus Pontifex, cui in beato Petro Christus tradidit ambas clauas, & regimen totius Ecclesiæ, non tam in spiritualibus, quàm etiam in temporalibus, aliquo modo pertineat iuxta id, quod dicitur dist. 22. cap. omnes. Vbi Nicolaus Papa dicit, quod beato Petro æternæ viræ clauigero terreni simul & cœlestis Imperij iura commisit, vbi gloss. dicit: Argumentum, quod Papa habet vtrunque gladium, scilicet spirituale, & temporale, quod verum est prima auctoritate, & superiori, sed iurisdiccionis executionem habet in spiritualibus, in temporalibus autem non nisi in casibus, de quibus superius dictum est. Vnde dicendum est ad obiectiones aduersariorum.

Ad primam, negatur assumptum simpliciter positum, & maxime, in eo, in quo est potestas spiritualis regiminis Ecclesiæ secundum plenitudinem, sicut in Papa dicimus, sicut in parte exposuimus supra, quod sicut in collatione principalis intelligitur accessorium, etiam si de illo nulla fiat expressa men-

tio, & in collatione maioris intelligitur collatio minoris, quod ordinatur ad illud, & in collatione regiminis intelliguntur collata omnia ea, sine quibus rectè expediti, siue exequi non potest regimen illud; ita in collatione potestatis spiritualis Papæ, sicut capiti, & Reçtori totius politice Christianæ necessario venit subintelligenda collatio potestatis secularis, quantum necessarium est ad conseruationem bonorum spiritualium, & directionem fidelium in Regnum Cœlorum. Vnde in collatione clauium cœlestium, maxime quo ad clauem iurisdiccionis interuenit traditio clauium terrenorum, in viui cuiusdam necessariæ consequentiæ, modo, quo dictum est superius, nec oportebat aliquid exprimere de collatione Regni terreni, siue iurisdiccionis temporalis; quia ut diximus in collatione principalis, scilicet potestatis Regni Cœlorum, satis intelligebatur. Quod verò dicitur, quod hæc duo ex opposito diuiduntur, responderetur, quod non est verum sicut infra videbitur in responsione ad tertiam obiectionem.

Ad secundam obiectionem, in qua dicitur, quod Christus non habuit potestatem, nec dominium, responderetur, quod falsum est, quoniam, qui dicit Christum non habuisse potestatem temporalem, & spiritualem, sicut etiam dicit Dominus Ioann. 22. in decretali illa: quia vir reprobis; contradicit sacre Scripturæ in multis locis, sed maxime illi Matth. vii. vbi legitur Christus dixisse. Data est mihi omnis potestas in Cælo, & in terra. Et Apocalyp. 1. dicitur, quod Princeps rerum terræ. Et ad Hebr. 1. dicitur, quod sumptum est de Psal. 8. Constituit eum super opera manuum tuarum, vbi dicit gloss. Ecce potestas Christi ostenditur, vt enim in operæ Domini nihil excipitur, ita nec à Christi potestate, hæc gloss. Verum sicut Dominus Durandus bene contingit, quod habens potestatem, & auctoritatem iurisdiccionis non vitur ea in propria persona, nec debet quantum ad omnia, immò minora debent committi minoribus, & mediocra mediocribus, & maiora supremis, sicut consultum fuit Moysi à Ietro, Exod. 18. quod constitueret Iudices, quod minora, & faciliora tantummodo iudicaret, & difficiliora remitterent Moysi iudicanda. Et Apostoli dixerunt Act. 6. cap. Non est æquum nos relinquere verbum Dei, & ministrare mensis. Et per hunc modum Christus, licet haberet omnem potestatem, tamen summum opus, ad quod venerat, fuit nos instruere de vita sua, & Redemptione nostra, per ipsum facienda, propter quod circa ista, quasi totaliter vacauit dimittendo minora, quæ per alios fieri poterant. Vnde Ambrosius super illud Ioann. 18. Regnum meum non est de hoc Mundo, dicit: Bene terrena declinat, quia propter cœlestia descendit.

Ad probationes, quod Christus non habuerit potestatem, responderetur ad primam, quæ est Luc. 12. dicendo, quod illa non probat propositum aduersariorum, quoniam illud Christus non dixit, quia negaret, se habere potestatem omnium; sed propter duo.

Primò, quia dedignabatur executorem habere in tam paruis rebus, & ille poterat recut-

recurrere ad minores, quorum erat talia, immediate exequi. Hanc rationē tangit beatus Ambrosius, in gloss. ita dicens. Non, dignatur esse Iudex litium, aut arbitrer facultatum, qui viuorum, & mortuorum habet iudicium, & meritorum arbitrium ad 1. Corinth. 6. Secularia iudicia, si habueritis, &c.

Secundo, quia diuidere communitem officium erat diaboli, non Christi, Osee 13. Ipse inter fratres diuidit, scilicet diabolus 1. Corinth. 19. Non enim dissensionis est Deus, sed pacis. Hanc rationem tangit gloss. quæ super illud: [Quis me constituit], dicit: Non sum dissensionis Deus, sed pacis, & unitatis, qui veni hominem pacificare cum angelis, ut multi vnum corpus, & omniam vnam habeant, non diuidatur, sed ut habeant omnia communia, ne quis sit egens inter eos, ille, qui non colligit mecum, est fraternitatis diuisorum, dissensionis Auditor, hæc gloss. Ex quo patet, quod auctoritas prefata, in qua aduersarij plurimum confidunt, in nullo suffragatur eis.

Ad secundam probationem, quæ sumitur ex illo Ioann. 6. quod fugit Christus, ne facerent eum Regem: Respondetur, quod nihil facit pro aduersarijs, quod patet sic ex expositione sancti Thome, super hunc locum. Querit enim sanctus Thomas, cum ipse Christus esset Rex, quare fugit ad hoc, inquit, triplex ratio assignatur. Vna, quia derogasset dignitati eius, si Regnum ab homine accepisset, qui sic erat Rex, ut eius participatione Reges omnes essent. Prouerb. 8. Per me Reges regnant. Alia ratio, quia præiudicasset suæ doctrinæ, si claritatem, & robur ab hominibus accepisset, sic enim operabatur, & docebat, ut totum diuinæ virtuti ascriberetur, & non solum favori humano Ioann. 5. Claritatem ab hominibus non accipio.

Tertia ratio est, ut erudiret nos mundanas contemnere dignitates, Ioann. 13. exemplum enim dedi vobis, &c.

Ad tertiam probationem, quæ sumitur ex illo Ioann. 18. [Regnum meum non est de hoc Mundo:] Respondetur, quod auctoritas ista bene intellecta in nullo suffragatur aduersarijs, quoniam per illam non negat se Christus Regem esse, immo postea expressè concessit. Nam cum Pilatus dixisset ei. Ergo Rex es tu, respondit. Tu dicis, quia Rex sum ego, ego enim, inquit, ad hoc natus sum, & ad hoc veni in Mundum, ut testimonium perhibeam veritati. Nec dicit, Regnum meum, non est in hoc Mundo, cum Regnum eius sit in Cælo, & in terra, sed dicit non est de hoc Mundo, non scilicet electione mundana, nec successione humana.

Pro cuius auctoritatis pleniori intelligentia, ut intelligant aduersarij nihil habere fauoris, est notandum, quod, ut dicit S. Thom. super Ioann. exponens hunc locum, quod Regnum dicitur quandoque populus illius, qui regnat, quandoque ipsa Regia potestas.

Primo ergo modo accipiendo Regnum, exponit Augustinus, dicens, Regnum meum, idest fideles mei, Apocal. 5. [Fecisti nos Deo nostro Regnum, non est de hoc mundo,] scilicet per effectum, & imitationem, erepti qui-

dem per gratiæ collationem, sic enim nos eruit de potestate tenebrarum, & transtulit nos in Regnum charitatis suæ. Chrysost. autem exponit accipiendo Regnum secundo modo dicens, Regnum meum, idest potestas mea, & auctoritas, qua sum Rex non est de hoc Mundo, idest non habet originem ex causis mundanis, & electione hominum, sed aliunde, scilicet ab ipso Patre, Daniel. 7. Potestas eius, quæ non auferetur, & Regnum eius, quod non corrumpetur. Et infra concludit. Regnum meum non est hinc, idest non habet principium de hoc Mundo, est tamen hic, quia attingit à fine vsque ad finem fortiter, & disponit omnia suauiter. Et Psalmus: [Postula à me, & dabo tibi gentes, & possessionem tuam, &c.]

Patet ergo, quod in Christo fuit potestas, & auctoritas iurisdictionis temporalis, licet parum vsus fuerit iurisdictione temporali. Et dico parum, quia quando fecit flagellum de funiculis, & eiecit vendentes, & ementes de templo, & nummulariorum mensas euerit Io. 2. videtur vsus fuisse potestate. Vnde Iudej dixerunt ei. In qua potestate hoc facis.

Verum tamen est, quia principaliter venerat nos redimere, & saluare, quasi omnes actus eius versabantur circa cruciacionem nostram, & pauci, aut nulli circa exercitium cuiuscumque iurisdictionis, non quia vtramque potestatem non haberet, sed ut salutem nostram totaliter intenderet, sicut dicitur Ioann. 3. Non enim misit Deus filium suum in Mundum, ut iudicet Mundum, sed ut saluetur Mundus, per ipsum. Expleto autem Sacramento nostræ salutis per mortem Christi, & ius Resurrectionem, Christus commisit Petro regimen Ecclesiæ totum, quod necessarium erat, & expediebat ad regimen totius Ecclesiæ.

Et quia vtraque potestas spiritalis, & temporalis est ad hoc necessaria, & ideo vtramque potestatem contulit Petro, & de potestate quidem spiritali nullus Christianus dubitat, de potestate temporali, patet Act. 5. vbi legitur, quod Petrus damnauit iudicialiter Ananiam, & Saphiram pro crimine furti, & mendacij. Vnde super illud: Dixit autem Petrus ad Ananiam, dicit gloss. quasi Princeps omnium loquitur. Et super illud: Quare posuisti in corde tuo hanc rem? non es mentitus hominibus, sed Deo. Dicit glossa, quæ est Bedæ, sic: Non causa quæstus tam seueram præiudicationis dedit sententiam; sed præuidens futura zizaniam, quæ simplicitatem Ecclesiæ prauis moribus adulerarent, nulla reos passus esse principia curare; sed ad timorem postera, noxium germin radicis amputauit. Hæc Glossa.

Item beatus Augustinus in lib. de mirabilibus sacre Scripturæ, tractans hoc verbum, dicit: Ecce quanta est Apostolica virtus in Christo, sanum Ananiam, dum Petrus arguit per sermonis tantum imperium, morte ligauit; & Tabitam mortis vinculo ligatum, eadem imperij potestate dissoluit. Ideoque prius Ananias, & Saphira in conspectu Ecclesiæ citò mortui sunt, ut Apostolica auctoritas quanta esset ostenderetur. Hæc ille.

Ratio autem alibi legitur, quod ipse Petrus vsus fuerit hac potestate; quia propter paucitatem credentium, super quos fuit sibi data

data potestas, tota intentio Petri, & aliorum Apostolorum, & Discipulorum fuit ad conuertendum alios ad fidem per prædicationem, & miraculorum operationem. Vnde Matth. ult. dicitur: Illi autem profecti prædicauerunt, ubique Domino cooperaute, & sermonem, &c. Multiplicatis autem Fidelibus posteriores, & successores non indebitè, & incongruè aliquando exercuerunt, & vsi fuerunt, quando hoc expedire iudicabant. Vnde Christus, & Apostoli multa exequenda, & ordinanda dimiserunt suis successoribus secundum diuersa tempora, & diuersos status Ecclesiarum, quæ ipsi per seipsum tunc non executi sunt, nec ordinarunt, quia tunc opus non erat, sicut pulchrè ostendit Augustinus in epistola ad Comitem Bonifacium.

Ad tertiam obiectionem, cum dicitur, quod hæc duæ potestates non possunt conuenire in vna persona; respondetur, negando hoc. Et ad probationem, cum dicitur, quod duæ species eiusdem primi, &c. Respondetur, Quod hæc ratio deficit, quia hæc propositio non est vniuersalis vera; sed solum in illis, in quibus ex speciali ratione reperitur repugnantia essendi simul. Verbi gratia, in omnibus uaturis per se existentibus esset repugnantia essendi in eodem subiecto; quia quælibet ex natura sua nata est constituere proprium suppositum, vt homo, & asinus.

Item in oppositis, ubi repugnantia ex natura oppositionis est, ita vt non solum sint distinctæ, sed contrariæ. Et ideo in quocumque genere inuenitur oppositio inter aliquas species: omnes species illius generis sunt incompatibiles, sicut in albedine, & nigredine, & de omnibus medijs coloribus, quia omnes habent oppositionem inter se, saltem imperfectam. Natura enim contrariorum est, vt inueniant se expellant; vnde contrarij sunt, quæ maximè inter se distant, & eidem susceptibili vicissim insunt, non simul, sicut Philosophus dicit in prædicamentis. Sed illæ formæ, quæ se sunt distinctæ, quod non sunt contrariæ, sed disparatæ, sunt composibiles in eodem subiecto; sicut quantitas, & qualitas, quæ distinguuntur in genere generalissimo in homine.

Species etiam generis proximi possunt esse simul, vt patet in virtutibus tam moralibus, quam intellectuales. Potest enim idem homo simul habere virtutes, scilicet temperantiam, iusticiam, & fortitudinem, & sic de alijs. Immo, qui habet vnam perfectè, & completè, habet omnes: sic vt patet 6. Ethic.

Patet ergo, quod non est bonum argumentum: Illæ formæ sunt distinctæ. Ergo non sunt composibiles in eodem subiecto. Sic ergo in proposito, quia iurisdictiones, temporalis scilicet, & spiritualis, licet sint distinctæ, non sunt tamen contrariæ; quod patet, quia vnum contrarium non ordinatur ad aliud, immò corruptip ipsum. Iurisdicatio autem temporalis ordinatur ad spirituale, sic vt supra ostendimus.

Item vna iurisdicatio inuaret, & confortat aliam, & per consequens non sequitur, quod propter earum distinctionem sint incompatibiles in eadem persona.

Quod etiam patet de facto, quia in ca-

dem fuit persona Christi vtraque iurisdicatio; quia dictum est: Domini est terra, & plenitudo eius, Orbis terrarum, & vniuersi, qui habitant in eo, Ps. 23.

Patet etiam ex alio, quia si non essent composibiles, sequeretur, quod nulla persona Ecclesiastica posset habere aliquam iurisdictionem temporalem, nec castrum, nec villam, nec aliquid aliud, quod est valde absurdum.

Patet ergo, quod istæ iurisdictiones sunt composibiles, non obstante earum distinctione adiuncta. Vnde tempore legis naturæ simul ambæ concurrebant Regnum, & Sacerdotium; & omnes primogeniti Regum Sacerdotes erant, & Reges, & iurisdictionem in temporalibus, & spiritualibus exercebant; sic ambæ simul concurrerunt in lege Moysæ, vsque ad Samuelem, sub quo populus petiuit sibi Regem, quem quantum erat ex potestate populi, Dominus concessit eum in onus propter peccata eorum. Vnde dixit Dominus Samueli: Non abiecerunt te, sed me ne regnem super eos; disponente aeterna prouidentia, quæ etiam mala nostra, & ea, quæ concedit pro peccatis nostris, in bonum conuertit.

Hoc factum est in præfatum eius, quod erat futurum, Deo ordinante, in noua Lege, vt Sacerdotes, expediti ad iudicijs temporalium, assuefcerent imminente tempore, aduentus Christi, vacare spiritualibus, qui veniens Rex, & Sacerdos secundum ordinem Melchisedech, qui simul erat Rex, & Sacerdos Dei Altissimi, Sacerdotium, quod per accedens secundum prædicta seruile factum erat in lege Moysæ, in qua Sacerdotes subditi erant Regibus, ad libertatem Sacerdotij legis naturæ reduxit, in qua, in eadem persona, vtraque dignitas iuxta cursum legis naturæ debuit residere. Sed post Christi aduentum, cum tempus erat vacandi spiritualibus: dispositiue à Deo regimen, & auctoritas temporalium, & iurisdicatio omnis circa illa, & executio, commissæ est Imperatoribus, & Principibus secularibus, remanente sola prima auctoritate, vt dictum est, apud Sacerdotes, tamquam apud illos, quorum debet esse nobilior exercitatio, & qui sunt in gradu maiori, & altiori, agentibus Regibus, & Principibus temporalia negotia, qui tamquam minores, & inferiores occupati sunt circa inferiora, vt supra illud 1. Corinth. 6. Si secularia negotia habetis contemptibiles, qui sunt in Ecclesia, illos constituite ad iudicandum; dicit glossa, maiores spiritualibus intendere debent.

Sunt ergo dignitates prædictæ distinctæ non ex natura rei; sed propter Diuinam dispositionem, & tamen non sic penitus distinctæ sunt, quando superior iurisdicatio remaneat penes Papam, licet differenter, vt diximus, in spiritualibus, & in temporalibus; quia in spiritualibus habet executionem regulariter, & immediatè: in temporalibus verò non regulariter, sed in casibus assignatis.

Ad quartam rationem, cum dicitur, quod officia debeant esse distincta, &c. Respondetur, quod illud habet locum, quando plures intromittunt se simul de eodem

dem negotio, quod non est in proposito, quia de spiritualibus nullus potest se intrinsecare, nisi Iudex Ecclesiasticus. De temporalibus verò non intrinsecant se simul Iudex Ecclesiasticus, & laicus Iudex, quia nullus pro eadem causa debet trahi ad diuersa iudicia; sed in optione actoris est recurrere ad vnum eorum, & ille solus habet tunc cognoscere de illo negotio, & iudicare: & sic nulla est confusio.

Ad quintam, quod Dominus ait: Reddite, quæ sunt Cæsaris Cæsari, &c. Dicendum, quòd auctoritas illa in nullo fauet aduersariis, quoniam secundum veritatem textus Evangelij, non fuit intentio Christi in illo loco facere distinctionem prædictarum iurisdictionum, nec assignare personas, in quas cadunt; sed respondere tentatiuæ questioni Iudæorum; qui cum reputarent se solos esse de populo Dei, alijs existentibus Paganis, & Idolatris, non credebant aliqui eorum, quòd tenerentur Cæsari Pagano Imperatori ad soluendum censum, sed immunes esse à censibus, & tributis, qui vacabant cultui Dei veri. Et ideo cum Herodianis, qui erant de gente Imperatoris, venerunt ad Christum, proponentes ei hanc questionem: Licet censum dare Cæsari, vel non? ut si diceret non: accusarent eum apud Imperatorem, si diceret sic: accusarent eum apud Principes Sacerdotum, tamquam dicentem contrà libertatem cultus Dei. Iesus autem sciens nequitiam eorum, ostenso sibi numismate census insculpto imagine Cæsaris, respondet: Reddite, quæ sunt Cæsaris Cæsari, & quæ sunt Dei Deo; id est, reddite Cæsari censum sibi debitum, & Deo cultum in oblationibus, & sacrificijs, secundum ritum legis loquebatur. Ergo de redditione debitorum, & non de distinctione iurisdictionum, & personarum, in quas cadunt.

Ad sextam, cum dicitur, quòd imperium humanis præstet, &c. Respondetur, quòd verum est, quòd Sacerdotium est adeò, ut præstet Diuinis, & spiritualibus, quantum est de prima, & principali intentione Sacerdotij: sed quia Diuina, & spiritualia perturbantur, & quandoque impediuntur per abusum hominum circa temporalia; ideo ad Sacerdotium secundariò, & ex consequenti pertinet impedimenta, & perturbaciones tollere; & impedidores, & perturbatores gladio spirituali ferire.

Isti sunt enim veri termini iurisdictionis spiritualis, & temporalis à fundatione, quos transgredi non licet, quia iurisdicatio temporalis nullo modo se extendit ad spiritualia, de quibus nihil nouit.

Iurisdicatio verò spiritualis se extendit primò, & principaliter ad spiritualia, secundariò, & per quandam consequentiam se extendit ad actiones hominum circa temporalia, quæ ordinantur ad spiritualia tamquam ad finem, quatenus abusus hominum circa ea potest impedire finem.

Ad septimam respondetur, quòd ratio non procedit, quoniam licet secundum sanctum Thomam in 2. 2. quæst. 7. cap. 86. art. 2. causa cupiditatis ingerere se negotijs secularibus Religiosis, & Clericis sit prohibitum,

causa tamen charitatis, se negotijs secularibus, cum debita moderatione ingerere possunt secundum superioris licentiam, & ministrando, & dirigendo. Vnde in decretis dist. 88. cap. decreuit, inquit Melchisedes Papa. Decreuit sancta Synodus nullum deinceps clericum, aut possessiones conducere, aut negotijs secularibus se immiscere, nisi propter curam pupillorum, aut orphanorum, aut viduarum, aut si forte Episcopus ciuitatis Ecclesiasticarum rerum sollicitudinem eum habere præcipiat. Non ergo derogat dignitati Summi Pontificatus si causa charitatis, & urgente necessitate ad cõseruationem spiritualium, ad correctionem vitiatorum, ad punitionem malefactorum, ac manutentionem pacis, & iusticie in populo Christiano, aliquando de negotijs secularibus, se intromittat, ut directior, & præceptor.

Ad octauam cum dicitur, quòd iudex secularis, &c. respondetur, quòd ratio non procedit, quia non est similis ratio de Iudice seculari, & Ecclesiastico, quia Iudex secularis est omnino incapax Ecclesiasticæ, vel spiritualis iurisdictionis, ut in cap. decernimus de iudic. allegato ex opposito. Vnde nec spiritualia possidere potest, causam de re resp. Vnde punitus est Iseph Ozias, qui officium Sacerdotum sibi usurpare voluit. Paralip. 26. iudex autem Ecclesiasticus est bene capax iurisdictionis temporalis.

Primò enim ab initio causæ, etiam temporalis iurisdictionis omnes tractabantur coram Sacerdotibus, ut in cap. per venerabilem, qui filij sunt legitimi; nec etiam istæ duæ iurisdictiones contrariantur adinuicem: imò, ut supra diximus, simul concurrere possunt in vna, & eadem persona.

Ad nonam obiectionem, cum dicitur, quòd habere iurisdictionem in temporalibus repugnat Ecclesiasticæ perfectioni; respondetur, quòd falsum est. Et ad probationem cum inducitur illud Matth. 19. [Si vis perfectus esse, &c.] respondet sanctus Thomas in 2. 2. quæst. 184. artic. 7. quòd abrenunciatio propriarum facultatum, dupliciter considerari potest.

Vno modo, secundum quòd est actus; & sic in ea non consistit essentialiter perfectio; sed quoddam perfectionis instrumentum. Et ideo nihil prohibet statum perfectionis esse sine abrenunciatione propriorum.

Alio modo potest considerari secundum præparationem animi, ut scilicet homo sit paratus, si opus fuerit, omnia dimittere, vel distribuere; & hoc directè pertinet ad perfectionem.] Hæc sanctus Thomas.

Cum autem potestas iurisdictionis possit stare in persona Domini Papæ, cum hæc animi præparatio: patet, quòd possit stare cum Apostolica perfectione. Vnde Christus perfectissimus fuit, & tamen in eo vtraque potestas fuit, ut dictum est.

Multi enim sancti Prælati ex deuotione Fidelium habuerunt multam temporalem iurisdictionem; quorum tamen perfectioni, & bonitati nihil ex hoc derogatum esse creditur.

Ad decimam cum arguitur, quòd superfluent iurisdictiones secularium Principum; respondetur, negando hoc, quòd superfluent

rent iurisdictiones; immò sunt necessariae, sicut aliàs in primo libro ostendimus.

Tùm quia, cùm iurisdicção temporalis plenaria non ponatur in Romano Pontifice, regularitèr quantùm ad immediatam executionem, siue exercitationem; sed in aliquibus casibus, vt dictum est: ad bonum, & perfectum regimen populi Christiani necessariae sunt potestates seculares, quarum est intendere immediatè istis temporalibus, ea administrando, & gubernando. Vndè 1. Petri 2. dicitur de potestate seculari, quòd est ad vin-

dictam malefactorum, laudem verò bonorum.

Tùm secundò, vt potestas spiritualis absoluta in vilioribus, & secularibus negocijs, liberior sit ad vacandum spiritualibus, & ne propter administrationem temporalium, & inferiorum à gubernatione impediatur spiritualium, & superiorum. Vndè hac ratione, distincta dicitur à Deo esse harum dignitatum officia, vt in cap. cùm ad verum distincti. 96. habentur.

Et tantùm dictum sit pro isto secundo libro huius præsentis Summæ de Ecclesia.





LIBER TERTIVS. DE CONCILIIS.

CAPVT PRIMVM.

Quid Concilij nomine importetur .



Recursu pro nostri paruitate ingeuij, primis duobus libris huius nostri operis, videlicet primo libro de Vniuersali Ecclesia, & secundo de Ecclesia Romana, & eiusdem Pontificis primatu. Reliquum est iuxta propositi nostri formam opitulante nobis gratia Saluatoris librum tertium subiungere de Vniuersalibus Concilijs. Præmittimus in primis, quid Concilij nomine importetur. Pro quo sciendum, quod prout ex Isidoro nostro lib. ethic. & cap. Canones dist. 15. colligere possumus, triplex est huius nominis Concilij interpretatio.

Primo quidem Concilium dicitur à confedendo, quasi confidium, d. littera in l. mutata, & hoc quia in Concilio confident maiores secundum morem tractantium grauius, & maturè res ad vniuersitates pertinentes; hinc dicit Isidorus ubi supra. Synodus ex Græco interpretatur comitatus, vel cæterus Concilij verò nomen tractum est ex more Romano. Tempore enim quo causas agebant, conueniebant omnes in vnum, & communique intentione tractabant; scribitur etiam 1. Machab. 14. quod seniores in plateis sedebant, & de bonis terræ tractabant.

Secundo Concilium dicitur à communi intentione; vnde Isidor. ubi supra, vel Concilium dictum est, ea communi intentione, eo quod in vnum dirigitur omnem mentis intuitum. Cilia enim secundum Papiam sunt velamina oculorum dicta à celando oculum. Concilium ergo dicitur à con & cilium, quia omnes in Concilio congregantur, vt in vnum conueniant, omnemque mentis intuitum dirigentes ad vnum, scilicet, ad vtilitatem publicam; vnde Synodus dicitur à Syn, quod est simul, & odos, quod est via, quia omnes ad eundem finem tendunt: vnde sequitur in decreto. Cæterus conuentus est, vel congregatio à coeundo, vel à conueniendo in vnum; hinc etiam conuentus est nuncupatus, quia ibi homines conueniunt, sicut conuentus est cæterus, sic & Concilium à societate multorum in vnum appellatur. Hæc ibi.

Tertio dicitur Concilium à consulendo,

Tom. XIII.

quasi consilium, & hoc rectè quoniam consilium Concilij antonomastice dicitur Concilium. Ad hoc enim viri sapientes ad Concilia vocantur, vt super agendis consulant. Cum enim in rebus agendis multa incertitudo inueniatur, quia actiones sunt circa singularem contingentiam, quæ propter sui variabilitatem incerta sunt, & in dubijs, atque incertis, ratio non proferat rectè iudicium absque inquisitione præcedente; idèò necessaria est inquisitio rationis antè iudicium de eligendis, & hæc inquisitio Concilium vocatur. Ex hac triplici nominis Concilij interpretatione posset vna definitio magistralis elici communis ad omnia Concilia tam Ecclesiastica, siue generalia, siue particularia, siue secularia, aut laicalia, quæ Imperatores, aut Reges cum maioribus proceribus, aut Principibus, & Magistratibus regnorum, pro arduis causis agunt; vnde 1. Paralipom. in cap. 3. ita legitur. Misit quoque Rex Ezechias ad omnem Israel, & Iudam, & scripsit epistolas, vt venirent in domum Domini in Hierusalem, & infra; Inito ergo consilio Regis, & Principum, & vniuersi ceteri Israel decreuerunt, vt facerent, &c. vnde etiam in cap. canonibus dist. 15. inquit Isidorus, quod nomen Concilij tractum est ex more Romanorum; tempore enim, quo causas agebant, conueniebant omnes in vnum, & communique intentione tractabant. Descriptio verò magistralis talis esse potest. Concilium est congregatio, siue conuentus hominum prudentium publica auctoritate conuocatorum, ad tractandum communi intentione de rebus necessarijs, siue commodis Republicæ, siue vniuersitatis. Tanguntur autem in hac definitione quatuor causæ ipsius Concilij.

Primo materialis, ex qua corpus Concilij confurgit, cum dicitur, quod est congregatio, siue conuentus hominum, idest habentium rationem. Solius enim rationalis naturæ est ratiocinari, & inquirere de agendis. Bruta autem animalia, non consilio, sed naturæ impetu se mouent. Vnde Tullius in Reſtoricis desinens Concilium, inquit: Concilium est aliquid faciendi, vel non faciendi rectè excogitata ratio. Additur autem prudentium, quoniam hominum imprudentium congregatio non est digna nomine Concilij. Cum enim prudentia recta ratio sit agibilem, vt sexto Ethicorum dicitur, maximè ad prudentiam pertinet Concilium; vnde prudens, vt ibidem Aristoteles dicit, est

Q o o

bene

benè consiliarius. E conuersò verò imprudens, siue fatuus malè consiliari potest, propterea dicitur Ecclesiastici 8. Cum fatuus consilium non habes, non enim poterunt diligere, nisi quæ eis placent, propria ergo materia, ex qua corpus Concilij instituendum venit, est conuentus virorum prudentum, quæ circa sapiens ecclesiasticus inquit capitulo sexto. In multitudine presbyterorum prudentium sta. & sapientia illorum ex corde coniungere.

Secundò tangitur causa effectiua auctorizans Concilium, cum dicitur auctoritate publica conuocatorum, professio, cum ad potestatem publicam potissimè pertineat eorum consideratio, quæ vniuersitatem respiciunt, ad ipsam maximè pertinet, siue in vno resideat, sicut in regno, siue in pluribus, vt in alijs politiz speciebus, Concilium conuocare efficere, & auctorizare.

Tertiò tangitur quasi causa formalis, cum dicitur communi intentione: planè, quemadmodum forma dari esse rei, & nomen, ita communis intentio dari esse, & nomen. Concilij ipsi congregationi; vnde vt ait lildorus, vbi supra, qui sibimet dissentiant, non agunt consilium, quia non consentiunt in vnum.

Quartò tangitur causa finalis Concilij, cum dicitur ad tractandum de rebus necessarijs, siue commodis vniuersitatis; hic professio esse debet principalis finis Synodalis Congregationis virorum prudentum, siue Patrum, hæc duo præcepta Plato dedisse legitur teste Tull. libro de officijs volentibus proficere Reipublicæ; vnum est, vt vtilitatem ciuium sic tueantur, vt quæcumque agunt, ad eam referant oblixi commodorum suorum. Alterum præceptum est, vt totum corpus Reipublicæ curent, nec partem tueantur, & alias deserant.

C A P. II.

De origine celebrationis Conciliorum in Ecclesia.

Precurrentibus diligenter Scripturam, sanctam facile erit reperire, vnde Conciliorum celebratio in Ecclesia Dei originem habuerit, exemplum inuenimus, siquidè quod à Patribus in veteri Testamento, quod & ab Apostolis in nouo deriuatum esse exemplum celebrationis Conciliorum in Ecclesia. De Veteri quidem Testamento exemplum colligitur ex illo num. 16. vbi dicitur viri proceres Synagoga, qui tempore Concilij per nomina vocabantur. In Nouo verò Testamento exemplum celebrationis Conciliorum ab Apostolis habemus, qui vt colligitur ex libro actuum, & ex traditione Patrum plures Synodos ad nascentis Ecclesiæ informationem instituisse referuntur.

Prima autem Synodus ab Apostolis celebrata fuit illicò post Ascensionem Domini super electione Marthæ, subtrahæ enim corporali. & visibili præsentia Saluatoris nostri ab Ecclesia; Intelligens beatus Petrus ad id tempus, quo Pontificatus sui fungere-

tur officio à maioribus incipiens, curauit in primis, ne sacer ille numerus duodenarius, quo consecratus erat numerus Apostolorum diminutus maneret, vnde Apostolorum collegium, & Christi Discipulos alloquitur, vt Lucas Euangelista, & scriptor veridicus testatur Actuum 1. Viri fratres oportet impleri Scripturam, quam prædixit Spiritus sanctus per os David de Iuda, qui fuit Dux eorum, qui comprehenderunt Iesum, qui annumeratus erat nobis, & sortitus est nomen ministerij huius, & infra. Oportet ergo ex his viris, qui nobiscum sunt congregari in omni tempore, sequitur, testem resurrectionis eius nobiscum fieri vnum ex istis &c. Vbi notandum pro in posterum dicendis, quod in hac prima Synodali congregatione, quam Apostolos legimus celebrasse, non solum Apostoli interfuerunt, sed etiam laici, & etiam femina, quæ communi nomine dicebantur Discipuli Domini, quod apertè habetur ex textu eiusdem, cap. vbi enumeratis Apostolis, sequitur; Hij omnes erant perseverantes in oratione, cum mulieribus, & Maria Matre Iesu, & fratribus, sequitur in diebus illis; gloss. interlinearis cum essent Apostoli in Cœnaclo superiori. Exurgens Petrus in medio fratrum dixit. Erat turba hominum quasi centum viginti.

Secunda Synodus ab Apostolis celebrata fuit, cum septem Diaconi electi dicuntur ad dispensationis quotidianæ ministerium, de quo Actuum 6. sic dicitur. In diebus illis crescente numero Discipulorum factum est murmur Græcorum aduersus hebræos, eo quòd despicerentur in ministerio quotidiano viduæ eorum, conuocantes autem Apostoli multitudinem Discipulorum dixerunt, non est equum relinquere nos verbum Dei, & ministrare mensis. Considerate ergo fratres viros ex vobis boni testimonij septem, plenos Spiritu sancto, & sapientia, quos constituamus super hoc opus, vbi aduertendum, quòd conuocati per duodecim Apostolos ad hæc Synodum, siue ad hoc Concilium fuerunt laici, qui Discipuli Domini vocabantur, quibus Apostoli libertatem dederunt eligendi eos, qui necessariorum dispensationis ministerio superintenderent.

Tertiam Synodum Apostolos Hierosolymis celebrasse legimus, quando audientes, quòd Samaria ad prædicationem Philippi, qui erat vnus de septem Diaconibus, receperunt verbum Dei, miserunt ad eum Petrum, & Ioannem, vt acciperent Spiritum sanctum, scilicet, in visibili signo, non enim in quemquam eorum venerat, scilicet visibiliter, vt habetur Act. 8. Circa quam Synodum, si Synodus appellanda veniat, vt nunc loquimur de Synodo, est etiam aduertendum, quòd in ea non legitur aliqua conuocatio facta quorumcumque aliorum, qui absentes essent Hierosolymis.

Quartam Synodum ab Apostolis celebratam dicunt, vbi cum fidelium populus Apostolica prædicatione coalesceret, angereturque in dies, congregatur Ecclesia, & Apostolis Concilium agentibus, primò Discipuli vocati sunt Christiani, qui prius communi nomine Discipuli appellabantur, de hac Synodo mentionem facit gloss. decreti in cap.

cap. sacrosancta dist. 21. Intra quam Synodum hoc venit notandum primò, quòd in ea non fuerunt, nisi Paulus, & Barnabas Apostoli.

Quintam Synodum, siue quintum Concilium celebrasse dicuntur super questione de obseruatione legalium, de qua Act. 15. vbi sic dicitur. Surrexerunt autem quidam de hæresi Phariseorum, qui crediderunt dicentes, quod oportet circumcidere eos, præcipere quoque seruare legem Moysei, conueniuntque Apostoli, & Seniores Iudæ, vbi dicitur glossa. hic datur exemplum faciendi conuentus ad discernendum ea, quæ sunt fidei sequitur, cum autem magna inquisitio fieret surgens Petrus dixit ad eos, vbi dicit glossa præ omnibus, quasi Princeps Petrus loquitur.

Circa quam Synodum est notandum, quòd ut colligitur ex littera ipsa, ad hanc Synodum, licet grauis esset questio in materia fidei, non tamen conueniunt, nisi quatuor Apostoli, scilicet, Petrus, Paulus, Barnabas, & Iacobus, ut colligitur ex cap. 2. ad Galat. nec etiam alij seniores, quam prouincia Iudæ.

Sexta Synodus, quæ ab Apostolis Hierosolymis celebrata dicitur, fuit super abolenda suspitione quorundam Iudæorum, qui Paulum legales caerimonias, quasi idolatriam respuere putabant, de qua sicut Act. 20. habetur. Cum Paulus venisset Hierosolymam, & introisset ad Iacobum, omnes collecti sunt Seniores, qui dixerunt illi, vides frater, quot milia sunt in Iudæis, qui crediderunt, & omnes æmulatores sunt legis, audierunt enim de te, quia dissensionem doceas ad Moyse, eorum, qui per gentes sunt Iudæorum, dicens, non debere eos circumcidere, pueros suos, nec secundum consuetudinem ingredi debere, quid ergo est? utique oportet conuenire multitudinem, audient enim te superuenisse, hoc ergo fac, quod tibi dicimus, sunt nobis viri quatuor votum habentes super se, his assumptis, sanctificare te cum illis, & impende cum illis, ut radant capita sua, & sciant omnes, quia quæ de te audierunt, falsa sunt, sed ambulans, & ipse custodiens legem; hæc ibi. Circa quam Synodum aduertendum est primò, quòd in ea non videtur interfuisse Petrus, nec alij discipuli nisi isti duo, scilicet Iacobus Episcopus Hierosolymitanus, & Paulus, secundò, quòd ista congregatio facta est per Iacobum, & sub eo, & non nisi sub senioribus, qui erant Hierosolymis; tertio quòd solum videtur facta pro tollenda suspitione, quam ex Iudæis credentes habebant de Paulo.

Septima Synodus legitur congregata sub Paulo in Mileto super regimine Ecclesiæ, in qua congregatis dicitur maiores natu Ecclesiæ, idest Presbyteros Ephesios, quos ipse Paulus ibi venerando nomine appellat Episcopos, quibus ait Act. 20. Attendite vobis, & vniuerso gregi, in quo vos Spiritus sanctus, posuit regere Ecclesiam Dei, quam acquisiuit suo Sanguine. Circa, quam Synodum est aduertendum, quòd in ea solus Paulus interfuit de numero Apostolorum, & sub eo celebrata est, ad quam tantum Presbyteros Ephesi legitur conuocasse.

Tom. XIII.

Octaua Synodus, quam Apostoli celebrasse dicuntur, fuit in illa, in qua Apostoli in vnum conuenientes Symbolum ediderunt, ut enim ex maiorum traditione accepimus, Apostoli discessuri ab inuicem, cum vellent, iuxta præceptum Domini, ad singulas proficisci nationes, normam sibi futuræ predicationis, & fidei regulam credentibus statuere curarunt. Vnde conuenientes in vnum, & singuli singulas proferentes sententias, Symbolum fidei tradiderunt, quòd vniuersalis tenet Ecclesia. Sic enim beatus Clemens Discipulus, & successor Apostolorum in decretis suis trahitur. Item Leo Papa primus Pulcheriz Augusti scribens, ita inquit: Catholici Symboli breuis, & perfecta confessio XII. Apostolorum totidem signata est sententijs. Item beatus Ambrosius clauem Regni Cælorum reputans esse fidem Apostolorum. Clauem, inquit, istam arbitror 12. artificum operatione conflatam, XII. enim Apostolorum Symbolo Fides Sancta concepta est, qui veluti periti artifices in vnum conuenientes, clauem suo Concilio confluunt. Clauem enim quandam ipsum Symbolum dixerim, per quod referantur Diaboli tenebræ, ut lux ipsi adueniat, &c. Hæc ille.

Notandum est, quòd glossa ordinaria super Act. Apostolorum, non ponit nisi quatuor Synodos ab Apostolis celebrata. Quarum prima, ut habetur super cap. 21. est habita pro electione alterius Apostoli loco Iudæ. Secunda, super electione septem diaconorum. Tertia, de circumcisione non imponenda illis, qui credebant de Iudæis, vel gentibus. Quarta, de non prohibendis primo tempore Iudæis legalibus ceremonijs initiari, vbi necessitas exigeret.

C A P. III.

De multiplici specie Conciliorum in Ecclesia.

Tres communiter species apud Doctores inuenimus distinctas Conciliorum Ecclesiasticorum, quorum forma, & exemplum præcessit in Concilijs per Apostolos celebratis, videlicet vniuersale, siue Generale, Prouinciale, & Episcopale. Generale autem, siue vniuersale Concilium inuenitur quandoque distingui dupliciter, secundum quòd ratio vniuersalitatæ potest dupliciter accipi; vno modo videlicet ex parte conuocandorum, siue conuenientium ad Concilium, & sic vniuersale Concilium dicitur, quòd est plerarium, quòd iuxta beatum August. libro de vnico baptismo dicitur, quòd celebratur conuocatis Episcopis de Orbe Christiano, & de tali vniuersali Concilio militat illa definitio, quæ ponitur in gloss. cap. primi dist. 17. vbi dicitur, Concilium vniuersale est, quòd à Papa, vel eius legato cum omnibus Episcopis, idest cum Episcopis de vniuerso Orbe Christiano congregatis constituitur. Et loquendo hoc modo de vniuersali Concilio, plenius illius dicebatur consergere ex quinque sedibus Patriarchalibus, videlicet Constantiniana, Alexandrina, Antiochena, Hierosolymitana,

Ioannis de Turrecremata

tana, & Romana, quando omnes illas fidei lumen irradiabat; unde in nona actione octauum Concilij legitur: Patres eiusdem Concilij in receptione Patriarchæ Alexandrini, qui ultimo venit dixisse. Glorificamus Deum vniuersorum, qui quod deerat vniuersali Concilio suppluit, & nunc eam perfectissimam demonstrauit. Forma verò huiusmodi Concilij vniuersalis præfuisse videtur aliquo modo in Concilio primo ab Apostolis celebrato Ad. 1. quod beatus Petrus vniuersalis Ecclesiæ Pontifex omnibus Apostolis præsentibus celebrauit. Alio modo ratio vniuersalitatis in Concilio accipitur non ex parte conuocandorum, sed ex parte auctoritatis in eo Præsidentis, quæ tanta est, vt legem ponere, & præcipere possit toti vniuersitati fidelium, & hoc modo Concilium vniuersale dicitur, quod papa totius Ecclesiæ Princeps, & Rector per se, aut legatum suum speciali commissione pro rebus totam Ecclesiam concernentibus, conuocatis Prælati Ecclesiæ, & si non omnibus, quia hoc semper non bene possibile est, nec etiam necesse, vt infra ostendemus, celebrat, & hoc modo loquendo de vniuersali Concilio, vniuersalia Concilia multa dicuntur, quæ celebrata sunt per Summos Pontifices cum Episcopis tantum Italiæ, sicut patet in gestis Conciliorum, de Concilio celebrato per beatum Siluestrum Papam post Nicenam Synodum 270. Patrum. In quo confirmata est fides Nicenæ Synodi, & Arius condemnatus. Item patet de Synodo celebrata Romæ per Symmachum Papam, in qua dicitur Symmachus Papa in generali Concilio Præsidentis, & sic de multis alijs ad quæ, & si de toto Orbe Christiano Prælati non conuenerint, nec fuerint vocati, sed tantum de Patriarchatu Romano; nihilominus vniuersalia veraciter dicuntur propter auctoritatem Rom. Pontif. siue Patriarchæ, qui cum non tantum sit Romanus Patriarcha, sed etiam totius Orbis. Vnde in Concilio Calcedonenf. beatus Leo Papa vocatus est Occumenicus, idest Patriarcha, quare in cap. conuenientibus 1. quæst. 7. gloss. definiens Synodum vniuersalem dicit sic: vniuersales Synodi dicuntur, in quibus Rom. Pontif. vel eius legatus interest, quocirca talium vniuersalium Conciliorum Canones, siue Synodice definitiones, non tantum subditis Romano Patriarchatu ligantur, sed vniuersos fideles, qui mediatè alijs Patriarchatibus, & potestatibus subsunt. Forma verò huius Concilij generalis processit in secundo Concilio Apostolorum, quod beatus Petrus præsentibus solum tribus alijs Apostolis, scilicet Paulo, Iacobo, & Barnabæ legitur celebrasse. Est autem hic aduertendum, quod & si Concilium plenarium tempore, quo Catholicæ fidei lumen partes Orientales illustrabat, diceretur, quod ex quicunque Patriarchalibus Sedibus conurgebat, à tempore, tamen quo fidei splendor occubuit in partibus Orientalibus, Concilium Patriarchatus Romani, in quo Christianæ Religionis claritas sincera semper perseuerat, vniuersale est, non tantum ex parte auctoritatis Rom. Pontif. quæ ad vniuersam Ecclesiam extenditur, sed etiam ex parte conuocatorum, siue conuenientium: quia ex vniuerso Orbe Christiano congregantur, cum ad solum Patriarchatum

Romanum Ecclesia redacta sit, dicente beato Hieronymo super Psalm. cap. 32. Ecclesia non in parietibus consistit, sed in dogmatum veritate; vbi vera fides est, ibi est Ecclesia. Et Chrysost. super Matth. vbi fides est, ibi Ecclesia, ibi Sacerdos, ibi Baptismus, ibi Christianus: vbi Fides non est, ibi Ecclesia non est. Et Ambrosio super epistola ad Titum primam cap. 1. Scribo tibi, vt scias quam Ecclesiam ordines, quæ est domus Dei, vt cum totus Mundus Dei sit Ecclesia, tamen domus eius dicatur, cuius hodie rector est Damasus. [Mundus enim in prauaricatione, est diuerso turbatus errore.] Ideo illic necesse est, dicatur dumus Dei, & veritas; vbi secundum voluntatem suam timetur. Non est autem prætereundum, pro pleniori noticia huius nominis vniuersalis Concilij, quod cum vniuersalis Ecclesia Catholica dicatur largo modo loquendo Catholicum, siue vniuersale potest dici Concilium, quod ab eius vnitate non discessit. Quocirca dicit Dominus Aymarus Archiepiscopus Remensis in libro suo de Synodis, cum duarum, aut trium Prouinciarum Episcopi conueniunt, & ea statuunt, quæ Catholica Ecclesiæ conueniunt, fortassis tale Concilium vniuersale dici potest, quamuis non sit ab vniuersis præsentibus actum: sufficit enim, quod ab vnitate diuersorum fidei, & traditionibus non discrepat; hæc ille. Sed hoc in loco, cum distinguamus species Conciliorum non loquimur ita generaliter de vniuersali Concilio, quia hoc modo omnia Concilia Patriarchalia, & etiam multa prouincialia dicerentur vniuersalia, quæ ab vniuersali Ecclesiæ traditionibus non discrepant. Præterea non obuiat prædictis, quod aliquando reperitur Concilium vnus nationis, aut regionis dici vniuersale, sicut in Concilio Africano dicitur, quod ne fatigandis sit annuaria congregatione necessitas, placuit, vt quotiens causa communis totius Africæ hoc exigeret, tunc vniuersale congregemus. Causæ autem cum communes non fuerint, in suis Prouincijs iudicantur; quoniam tale non dicitur Concilium vniuersale simpliciter vniuersalis Ecclesiæ. Nec quo ad congregatos, cum non de vniuerso Orbe congregentur, nec quo ad auctoritatem, cum non auctoritate speciali Rom. Pontif. per ipsum Papam, aut eius legatum Præsidentem fulciatur, sed vniuersale dicitur secundum quid, scilicet vnus nationis, aut regionis.

Secunda species Conciliorum nominatur Concilium Prouinciale, vt in cap. porro dist. 2. Et hoc subdiuiditur: quia aliquod est Prouinciæ decretæ, siue delegatæ Legato à Latere Papæ, siue alteri ad hoc missio, quod ipse iure legationis, aut specialis commissionis celebrat cum Primatibus, & Metropolitanis, & Episcopis, & Clericis etiam exemptis Prouinciæ, seu Prouinciarum infra legationis terminos contentarum iuxta ea, quæ leguntur, & notantur de offic. deleg. cap. ult. & eodem tit. cap. 2. in 6. Aliud dicitur Concilium Prouinciale limitatæ Prouinciæ, scilicet cui præest Patriarcha, vel Legatus maior natus, seu Primas, aut Metropolitanus, qui tale debet celebrare Concilium cum Episcopis sibi subiectis, Abbatibus, & Clericis suæ Prouinciæ non exemptis, vt in cap. 1. de offic.

Offic. deleg. cum notatis ibidem per Hostiens. & Ioann. Andr. Vnde de hoc Prouinciali Concilio loquens gloss. 1. cap. dist. 17. dicit, Concilium Prouinciale est, quod Metropolitanus, vel Primas facit cum suis Suffraganeis, vt dist. 18. cap. 5. & 92. dist. 100. cap. si quis Episcoporum. Sub hac specie Concilij Prouincialis comprehenditur Conciliū Patriarchale, quod ab alijs Patriarchis celebratur, quāā Romano Patriarcha; quia cum Papa non solum sit Patriarcha Vrbis, sed Orbis, Concilium eius cum solis Episcopis Patriarchatus Romani celebratum habet rationem vniuersalis ex parte auctoritatis, vt supra diximus: Forma autem huius Concilij Prouincialis præcessisse videtur in Concilio, quod Paulus in Milero conuocatis maioribus natu Prouinciæ Ephesinæ dicitur celebrasse, de quo Act. 2. cap.

Tertia species Conciliorum dicitur Concilium Episcopale, siue Synodus Episcopalis, quam celebrat Episcopus in Diocesi sua cum Abbatibus, & Clericis sibi subiectis, de quo in cap. quando dist. 38. & 18. quæst. 2. Abbates. Forma autem huius Concilij præcessisse videtur in Concilio, quod beatus Iacobus dicitur celebrasse Hierosolymis cum senioribus pro abolenda suspitione orta contra Paulum, de quo Act. 20. & supra in præcedenti cap. dictum est: Est autem hic aduertendum, quod gloss. in cap. conuenientibus, 1. quæst. 7. omnes Synodos reducens ad duas species dicit, quod Synodorum aliquæ sunt vniuersales, quibus interest Rom. Pontif. eius legatus, aliæ sunt locales, quas congregant Primates, vel Metropolitanus absque præsentia Papæ, vel eius legatis; vbi nota, quod gloss. præfata omnia Concilia præter vniuersalia, quæ dicit esse, quæ Rom. Pontif. per se, vel eius legatum celebrat, vocat localia, quod ideo iudicio nostro facit, quia auctoritas illorum Conciliorum localium certis limitibus artatur, vltra quos non extenditur. Non sic autem de vniuersalibus, cum auctoritate illius fulciantur, qui totius Orbis Christiani caput, & Antistes est.

C A P. IV.

De tempore, quo vniuersalia Concilia in Ecclesia celebrari inceperunt.

Consequenter videndum relinquatur de tempore, quo in Ecclesia celebratio Conciliorum cepit. Pro cuius pleniori notitia memorari necesse est distinctionē Conciliorum vniuersalium, quam in superiori cap. designauimus. Diximus autem, quod Concilium vniuersale vno modo dicebatur ab vniuersitate Orbis, quod scilicet Papa cum Episcopis de toto Orbe Christiano celebrat, quod plenarium Concilium vniuersale iuxta beatum August. appellauimus. Alio modo dictum est Concilium vniuersale ab vniuersitate auctoritatis, quia scilicet tantæ auctoritatis est, vt de vniuersalibus rebus tractet, & omnes fideles ad legum suarum obseruantiam alstringat, & hoc est, quod Papa celebrat cum Prælatibus alicuius Prouinciæ, aut Prouin-

ciarum, & si non de toto vniuerso Christiano euocentur.

Qua distinctione memorata, dicendum videtur, quod si fiat sermo de Concilijs vniuersalibus primo modo, scilicet, quæ plenaria dicantur, & quo tempore inceperint: tunc dicendum est, quod talium Conciliorum celebratio à tempore Constantini Imperatoris inceperit: Nullo quippe tempore per ante, aliquod Concilium legitur celebratum, ad quod omnes Episcopi Orbis conuenerint, aut conuocati sint, licet aliqua similitudo præcesserit in aliquibus Synodis celebratis per Apostolos; vnde beatus Isidor. lib. 6. ethic. cap. 17. Et habetur in cap. Canones dist. 15. de hoc loquens, ita dicit: Canones Conciliorum à tempore Constantini Imperatoris ceperunt; in præcedentibus namque annis, persecutione feruente, docendarum plebium minimè dabatur facultas; vnde Christianitas in diuersas hæreses scissa est, quia non erat Episcopis licentia conueniendi in vnum, nisi tempore supradicti Imperatoris. Ipse enim dedit facultatem Christianis libere congregari. Hæc ille. Si verò fiat sermo de Concilijs vniuersalibus secundo modo dictis: tunc dicendum est, quod non à tempore Constantini Imperatoris inceperunt, sed multo tempore ante celebrari ceperunt, vt partim in 2. cap. supra ostendimus de tempore Apostolorum.

Post tempora etiam Apostolorum ante tempus Constantini Imperatoris plura Concilia celebrata fuisse, antiquæ historiæ nos docent; vnde tempore Vigoris Papæ super questione illa, quæ scilicet die Paschalis solemnitas celebranda foret, vt ex historia Ecclesiastica colligitur lib. 5.

Tres Synodos legitimè celebratas, vnam in Asia, in qua iussu eiusdem Papæ nimia multitudo Episcoporum congregata est, vt Policrates Ephesi Episcopus per epistolam suam ad Victorem Papam insinuat, ita dicens: Nos interemerat Paschæ collum diem, nec addentes, nec auferentes aliquid, & infra. Poteram etiam præsentem Episcoporum facere mentionem, quos ipse voluisti, vt vocarem, sicut, & feci, quorum nomina si scribam, nimia multitudo est, qui omnes scientes paruitatem meam sensu suo confirmant, quæ scripsimus.

Secunda Synodus tempore eiusdem Pontificis, etiam ipso Præsidente celebrata est Romæ super eadem materia, de qua Synodo scriptum est illud, cap. decreti celebratam, de consecrat. dist. 3.

Tertia Synodus celebrata dicitur in Cæsarea Palestinæ, vt in eodem lib. Ecclesiasticæ historiæ habetur, cui frater Martinus in historia sua Summorum Pontificum dicit, eundem Papam Victorem interfuisse. Cæterum tempore Cornelij Papæ, qui præcessit temporæ præfati Constantini Imperatoris, leguntur duo Concilia celebrata contra Nouarum Presbyterum, qui negabat lapsos per penitentiam posse salutem consequi, quorum vni celebratum est Romæ, quod dicitur fuisse celeberrimum, vt refert Cæsarius. lib. 6. Ecclesiasticæ historiæ, in quo præfatus Nouatus damnatus est, & definitum est inter alia eos, qui lapsi fuerunt, per penitentiam Sacramentum posse consequi medelam salutarem.

Secun-

Secundum Concilium super eadem materia celebratum est auctoritate eiusdem Papæ Cornelij, de quo florentissimæ memoriæ Dionysius Alexandrinus commemorat in epistola ad præfatum Papam Cornelium, vt idem Eusebius refert lib. suprascripto, vt dicat se ad illud inuitatum à multis Episcopis, eo quòd ibi Nouati dogma quiddam asserere conarentur.

Præterea tempore Dionysij Papæ duo leguntur celebrata præclara Concilia contra Paulum Samosetanum asserentem Christum tantum hominem esse.

Primum celebratum est Antiochiæ, in quo Apostolicæ Sedis Legatus fuit Episcopus Osius. vt ex 6. lib. Ecclesiasticæ Historiæ habetur.

Secundum etiam celebratum est Antiochiæ, in quo præfatus Paulus arguitur, manifestèque conuincitur. Item tempore Marcellini Papæ, qui iussu Diocletiani, & Maximiani Imperatorum compulsi Deorum templum ingressus, metuque poenarum, Idolis thura obtulit. Congregata est Romæ solennis Synodus, de qua in cap. nunc autem, distinct. 21. Ista sufficiant ad ostendendum, quæ Concilia generalia, & quæ non à tempore Constantini Imperatoris incæpisse dicantur.

C A P. V.

Quid per definitionem dicatur vniuersale Concilium Catholicæ Ecclesiæ.

Quoniam tantum de Concilijs vniuersalibus insequimus loqui, relictis alijs Conciliorum speciebus, quid per definitionem sit Concilium vniuersale Catholicæ Ecclesiæ explicemus, iuxta autem ea, quæ in 1. cap. superius dicta sunt, talis potest magistralis descriptio Concilij vniuersalis Catholicæ Ecclesiæ dari.

Concilium vniuersale Catholicæ Ecclesiæ est congregatio maior Prælatorum Ecclesiæ auctoritate Romano Pontifici speciali conuocata, ad aliquid communi intentione solemniter tractandum in religione Christiana, Papa ipso in Concilio præsentente, vel aliquo loco sui. Ista definitio, siue descriptio videtur conueniens, ac sufficiens, cum contineat ea, quæ ad integritatem essentialiter faciunt vniuersalis Ecclesiæ Concilij, & ea, per quæ congregatio vniuersalis Concilij distinguitur à quacunque alia congregatione.

Tangitur autem in primis materia, ex qua principaliter corpus vniuersalis Concilij consurgit, & constituitur, cum dicitur Congregatio Prælatorum, cuiusmodi sunt Episcopi, & alij superius ascendendo, quoniam vt infra plenius ostensuri sumus, soli tales Prælati per eorum singularitatem dignitatis, & auctoritatis in Ecclesiâ pertineant ad corpus vniuersalis Concilij. Cuius rei illustre facis testimonium est, quòd cum de vniuersalibus Concilijs fiat mentio in corpore decreti, vt distinct. 15. per totum, tantum Episcoporum Concilia esse dicuntur. Ex quo satis aperte colligitur, quòd minus conuenienter definitum sit Concilium vniuersale, cum dicitur,

quod sit congregatio ex omni statu Hierarchico Ecclesiæ Catholicæ, &c. quoniam non requiritur ad esse Concilij vniuersalis hoc, quòd de omni statu Hierarchico Prælati vocentur, sed sufficit, quòd maiores Prælati vocentur, sicut infra plenius demonstrabimus. Ex hac etiam parte colligitur non sufficiens definitio Concilij vniuersalis, cum à quibusdam magistris definitur, quòd Concilium sit societas fidelium in vnum propositum, & propter vnâ communem intentionem congregatorum; pater, quoniam hæc definitio ita conuenit congregationi laicorum fidelium, sicut, & Prælatorum, vt quilibet doctus videre potest.

Secundò, tangitur causa efficiens auctorans Concilium, cum dicitur auctoritate, Papæ speciali conuocata. Ità quòd apud Apostolicam Sedem regulariter singulariter residet auctoritas conuocandorum Conciliorum vniuersalium, vt nulla Prælatorum congregatio, quæ non fuerit Apostolicæ Sedis auctoritate conuocata, siue sulta, nomen Concilij vniuersalis mereatur habere; vnde beatus Marcellus Papa, & martyr scribens Maxentio Episcopo, vt habetur in cap. 1. dist. 17. dicit. Synodum Episcoporum absque huius Sedis auctoritate quamquam quosdam Episcopos possitis congregare, non potestis regulariter facere, vbi glossa inquit, arg. quòd talis congregatio Episcoporum non dicitur Synodus. Dicitur autem speciali auctoritate ad differentiam aliorum Conciliorum Patriarchalium, siue Prouincialium, quæ de licentia Generali, & dispositione iuris, sine alia licentia Papæ celebrantur certis temporibus designatis, distinct. 18. quasi per totum.

Tertiò, tangitur quasi causa formalis Concilij vniuersalis, cum dicitur communi intentione, sicut supra tetigimus, cap. 1. Et beatus Isidor. inquit in cap. Canonibus dist. 15. qui sibi dissentiant, non agunt Concilium.

Quartò, tangitur in prædicta definitione causa finalis vniuersalis Concilij, cum dicitur ad aliquid tractandum in Religione Christiana, quòd scilicet sit vtile, & salutare toti vniuersali Ecclesiæ vt puta, quòd ad fidei illuminationem, ad componendos mores, ad augmentum Religionis Christianæ, ad decorem, & incrementum Diuini cultus, & pacem Populi Christiani pertineat.

Quintò, tangitur ritus Ceremonialis, qui obseruatur in definitionibus, & Constitutionibus Synodalibus, cum dicitur solemniter, per quòd distinguitur congregatio Concilij vniuersalis à Congregatione Consistoriali, siue aliorum Prælatorum Congregationibus, quas quandoque Romanus Pontifex facit in curia arduis rebus concurrentibus sine solemnitate, & ceremonijs in Synodis generaliter conuocatis obseruari.

Sextò, tangitur director, atque gubernator Concilij cum subditur Papa in Concilio, &c. Necesse quidem est, vt multitudo congregata ad aliquid agendum habeat aliquem directorem, & ducem, & per hanc particulam distinguitur vniuersale Concilium à Congregationibus acephalis, quæ sine Præsidente, aut Capite aliquo legitime congregantur. Distinguitur etiam per hoc à Congre-

gregationibus Prælatorum, in quibus præsentent, aut Patriarchæ, aut Primates, aut Metropolitanæ, siue Episcopi, qui non specialiter destinati sunt ad præsidendum loco Papæ, sed præsentent iure legationis, vel propriæ dignitatis, ut notatur dist. 17. in summa.

C A P. VI.

Cuius auctoritate Concilium vniuersale congregandum sit.

SI quis attentè Diuinam Scripturam, & sanctorum Patrum Canones, ac instituta perlegerit, manifestè intelliget ad solius Rom. Pontificis auctoritatem spectare regulariter vniuersalem Synodum congregare.

Sacra autem Scriptura in primis, hoc nos docet, 1. Machabæorum 4. vbi inter alia, quæ Simoni Sacerdoti Magno totius populi, & omnium Sacerdotum consensu attributa sunt, hoc est tanquam singulare Summi Pontificis priuilegium, ut conuentus sine ipso non fieret in regione. Cum autem iuxta Apostolum Sacerdotium veteris Legis figura sit noni Testamenti, & Summus Sacerdos noui Testamenti excellentioris sit dignitatis. Credendum est, quod simile priuilegium Diuina institutione habeat ipse Summus Sacerdos in noua Lege, scilicet Romanus Pontifex, ut scilicet absque eius auctoritate conuentus non fiat vniuersalis in Ecclesia.

Secundò, idem ostenditur ex Canonibus sacrorum Conciliorum. Vnde Synodus Alexandrina, in qua fuit Athanasius, scribens Papæ Felici de huiusmodi priuilegio Apostolicæ Sedis celebre testimonium faciens, ita inquit. Scimus in Nicæna magna Synodo circa 318. Episcoporum ab omnibus esse concorditer roboratum non debere absque Romani Pontificis sententia Concilia celebrari, nec Episcopos condemnari.

Tertiò, hoc patet auctoritate multorum sanctorum Patrum, quæ Gratianus inducit dist. 17. per totum; quorum sanctorum Patrum testimonia venerabilis memoriz dominus Aymarus Archiepiscopus Rhemensis in libro suo de Synodis cap. 18. aliqua commemorans, ita inquit. Ne mireris, quòd ipsorum Conciliorum auctoritatem Romano Pontifici ascribamus; nam nulla Concilia rata leguntur, quæ Apostolica auctoritate facta non fuerint, vt Damascus Papa in decretis suis cap. 9. asserit, cui Athanasius, & Iulius Papa, Nicænum quoque Concilium, & reliqui quoque Patres ascriptantur. Sanctus quoque Marcellus Papa, & martyr in decretis suis cap. 5. Ipsi, inquit, Apostoli, & eorum successores Domino inspirante constituerunt, vt nulla fieret Synodus præter Romanæ Sedis auctoritatem. Nam illius Sedis Episcopus Iudex est totius Ecclesiæ, nec aliquid iudicium valet absque legitimo iudice; vbi nota, quòd Domino inspirante Apostoli illud constituerunt.

Quatò, idem testatur Pelagius Papa scribens omnibus Episcopis, qui illicita vocatione Ioannes Constantinopolitani Episcopum vniuersalem vocauerant, qui ita inquit.

Relatum est ad Apostolicam Sedem Ioannem Constantinopolitanum Episcopum vniuersalem se scribere, volque ex hac sua præsumptione ad Synodum conuocare generali, cum generalium Synodorum conuocandi auctoritas Apostolicæ beati Petri Apostoli Sedi singulari priuilegio sit tradita, & nulla vquam Synodus rata legatur, quæ Apostolica auctoritate non fuerit fulta, quapropter quicquid in prædicto vestro conuenticulo, quia Synodus totaliter præsumpta esse non potest. Statuistis ex auctoritate sancti Petri Apostolorum Principis, & Domini Saluatoris voce, qua beato Petro potestatem ligandi, atque soluendi ipse Saluator dedit, quæ etiam potestas in successoribus eius indubitanter transiuit; præcipio omnia, quæ ibi statuistis vana, & cassa esse, &c.

Caterum quòd ad Romani Pontificis maximè auctoritatem pertinet congregatio vniuersalis Concilij. Rationibus clarissimè ostendimus sic. Illi soli videtur competere omnia agere, & disponere, quæ vniuersam Ecclesiam respiciunt, sicut est congregatio, & conuocatio vniuersalis Concilij, in qua de vniuersali cura Ecclesiæ tractatur. Sed soli Pontifici Romano est commissæ huiusmodi cura vniuersalis Ecclesiæ, vt potè Principi, & Pastori totius Populi Christiani patri; ergo sequitur, quòd ad illius solius auctoritatem regulariter spectat vniuersalis Concilij conuocatio, siue congregatio. Hac ratione vitur ad idem probandum Felix Papa in epistola, quam Synodo Alexandrino scribit, ita dicens: Solummodò Iesus Christus huic sanctæ Sedi Apostolicæ hoc facere commisit, vt potè, qui solus, atque præ omnibus Princeps Apostolorum creditus est, atque percipere meruit à Rege Regum Christo Deo clauus Regni Cælorum. Hac ille.

Secundò, confirmatur ista ratio sic, vt ait Arist. 1. ethic. secundum ordinem finium est ordo actuum, & agentium, respectu ergo finis vltimi totius populi Christiani consideratio pertinet ad eum, qui toti Reipublice Christianæ præsidet: sed solus post Christum Romanus Pontifex præsidet vniuersali Ecclesiæ, vtputa Princeps, Pastor, & Rector illius; ergo illius solius erit regulariter vniuersalia Concilia congregare, cum illorum congregatio maximè concernat bonum vniuersitatis Christianorum, hac ratione vitur ad hoc idem probandum beatus Tho. in 2. 2. quæst. 1. cap. vlt.

Tertiò arguitur sic, ad illius solius auctoritatem videtur pertinere congregare vniuersalia Concilia, cui omnes de tota Ecclesia obedire tenentur, patet, quia alias conuocatio redderetur illusoria, nisi conuocanti deberetur obedientia, sed soli Romano Pontifici omnes de Ecclesia tota ad vniuersalia Concilia conuocati obedire tenentur, vt potè superiori, & inter omnes primum habenti, vt in cap. obedientiam dist. 93. ergo &c. hac ratione vitur Iulius Papa ad idem probandum in epistola Orientalibus directæ, in qua, vt habetur in cap. dudum 3. quæst. 6. sic ait: dudum à sanctis Apostolis, successoribusque eorum in antiquis decretum est statutis, quæ hæcenus sancta, & vniuersalis Ecclesia tenet Apostolica, non oportere, id est, non con-

conuenire sine sententia Romani Pontificis, Concilia celebrari, vel Episcopum condemnari, quoniam sanctam Romanam Ecclesiam primatem omnium Ecclesiarum esse voluerunt, & sicut beatus Petrus primus fuit omnium Apostolorum, ita, & hæc Ecclesia suo nomini consecrata Domino instituentem primam sit, & caput cæterarum.

Quartò sic. Illi soli videtur conuenire auctoritatè congregare vniuersalia Concilia in Ecclesia Dei, qui in omnes Prælatos euocandos ad Concilia potestatem habet coercendi eos ad veniendum, & puniendum negligentes, aut contemnentes venire 18. dist. per totum; sed solus Romanus Pontifex est huiusmodi, cū ipse loco Christi Iudex sit ordinarius super omnes Ecclesiæ Prælatos iurisdictionem habens, vt testatur beatus Gregor. in cap. de Constantina dist. 22. & in cap. si Episcoporum cap. 21. quæst. vlt. ergo &c.

Quintò sic. Ad solius Principis auctoritatem pertinere videtur, omnes alios primates, aut maiores sui principatus, ad generalia Concilia conuocare, hoc nos docet experientia; patet etiam ex primo Machab. cap. 30. in principio, quod supra in primo cap. inducitur est: sed Romani Pontificis est Princeps Episcoporum, qui principaliter aduocandi sunt; ergo solus Romanus Pontifex, auctoritate illi conuocandi sunt, & Synodali ter congregandi, consequentia est manifesta.

Sextò sic. Ad eum, qui maioris dignitatis est in Ecclesia particulari, pertinet particularis capituli conuocatio, vt norat Innoc. de maiori, & obed. cap. 1. & ad eum, qui maioris est dignitatis in Prouincia, pertinet prouincialis Concilij conuocatio, vtputa ad Metropolitanum, vt colligitur ex cap. propter Ecclesiasticas, & cap. si Episcopus, & cap. si quis Episcoporum dist. 18. ergo pariformiter ad eum, qui maioris dignitatis est, in Ecclesia vniuersali, pertinet iure singulari vniuersalis Concilij conuocatio, sed talis est solus Romanus Pontifex, ergo &c.

Septimò hoc idem ostenditur manifestè ex eo, quòd si non soli Romano Pontifici esset reservatum conuocare vniuersale Concilium, quod quilibet in Ecclesia ex maioribus posset congregare Concilium, facillimè schisma oriri posset in Ecclesia Dei; ergo pro seruanda Ecclesiæ vnitatè, credendum est, ita diuinitus ordinatum esse, vt vni, qui totius Ecclesiæ Caput, & Rector est, conuocandorum Conciliorum auctoritas singulariter referuaretur. Et hæc ratio videtur assignari à beato Hieronymo, ad Euandrum presbyterum, & habetur in cap. legimus dist. 93. & idè in schismatis remedium factum est à diuina sapientia, vt vnus electus sit, qui cæteris præponitur, ne vnusquisque ad se trahens, Ecclesia Christi rumpere tur in frustra. Ex quibus clarissimè colligitur, quòd congregatio, quæ auctoritate Papæ conuocata, aut sultra non fuerit, vno, & indubitato Papa in Petri Cathedra existente, nec nominari vniuersale Concilium posse, nec auctoritatem aliquam habere; vnde Papa Pelagius in cap. multis dist. 17. scribens Episcopis, qui conuenerant ad illicitam vocationem Ioann. Constantinopolitanum, ita inquit, multis denno Apostolicis, & Canonicis, atque Ecclesiasticis insti-

turis instruimur regulis, non dedere absque Romani Pontificis sententia Concilium celebrari. Quapropter, vt iam dictum, est rectè non Concilium, sed vestrum conuenticulus, vel conciliabulum castatur, & quicquid in eo actum est, irritum habeatur, & vacuum. Hæc ille.

C A P. VII.

In quo ponuntur aliqua obiectiones contra prædicta in præcedenti cap. de auctoritate conuocandorum vniuersalium Conciliorum.

Arguunt quidam aduersariorum, & obijciunt plurima circa ea, quæ de auctoritate Romani Pontificis in congregandis vniuersalibus Concilijs dicta sunt.

Primò sic ex illo Act. 6. vbi dicitur: Conuocantes autem 12. multitudinem Discipulorum dixerunt: Non est æquum &c. vbi manifestè inquirunt probari, quòd auctoritas conuocandi Concilium non erat solius Petri, sed totius Collegij Apostolici, & per consequens patet, quòd non solius Romani Pontificis sit congregare Concilium vniuersale.

Secundò sic, multa vniuersalia Concilia in Dei Ecclesia, vtputè Nicænum, Constantinum, Ephesium, Chalcedonense, leguntur Imperatores congregasse, sicut patet in cap. canones dist. 15. & in cap. sexta dist. 16. sed de hoc non reprehenduntur Imperatores, tanquam vsurpatores auctoritatis alienæ, sed potius leguntur commendari, quia illud fidei, aut Christianæ Religionis zelo succensi, egisse creduntur; ergo non videtur, quòd solus Romani Pontificis auctoritate vniuersalia Concilia congregentur.

Tertiò sic, casu occurrente, in quo Ecclesiæ imminenti periculo obuiare non posset, nisi mediante vniuersali Concilio, & Papa, uollet id in veritate conuocare, nulli dubium esse debet, quin alius à Papa Concilium vocare posset, aliàs in manu vnus hominis esset fides Christianana, & statum vniuersalis Ecclesiæ subuertere, quod minimè est dicendum, ergo &c.

Quartò sic, in casu, quo Papa de heresi vehementer infamatus, & suspectus esset, alteri, quàm Papæ videtur competere conuocare vniuersale Concilium, quia non videtur conueniens, quòd Papa in proprio factò tribueret auctoritatem, ergo &c.

Quintò sic, in casu, quo Papa efficeretur reticus, non dubium, quin ad alium spectaret conuocatio Concilij vniuersalis, sicut patet tempore Marcellini Papæ, de quo fama decurrende per Ecclesiam, quòd thurificasset idolis, illicò congregati sunt Episcopi ad videndum de hoc, vt habetur in cap. nunc autem dist. 21. ergo idem quod prius.

Sextò sic, in casu, quo duo contenderent de Papatu, iuxta cap. si duo dist. 79. necessaria videtur congregatio Concilij vniuersalis, vt sit Index, quis eorum sit verus Papa, & tamen non videtur ad contendentes spectare con-

congregatio Concilij vniuersalis; ergo ad alios, & idè id, quod prius.

Septimò sic, dato, quòd Papa esset mortuus naturaliter, aut ciuilitè, aut renunciaisset, & Cardinales nolentes procedere ad electionem, non prouiderent Ecclesiæ, videtur, quòd Concilium vniuersale deberet conuocari, vt huic Ecclesiæ necessario prouideretur, & tamen non auctoritate Papæ congregaretur, cum Papa non esset; ergo idem, quòd prius.

Octauò sic: possibile est, quòd Papa incurreret amentiam, ità vt amens factus, inhabilis redderetur ad regendum vniuersalem Ecclesiā, sed in tali casu videtur vniuersale Concilium congregandum ad consulendum vniuersali Ecclesiæ, & non per Papam, patet ex casu: ergo idem, quod prius.

Nono sic, possibile est, vt post mortem Papæ simul cum eo omnes Cardinales morerentur, possent enim simul occidi, & tamen, ad prouidendum Ecclesiæ necessarium videtur, vt fieret vniuersale Concilium, & non posset per Papam, nec Cardinales, vt patet ex casu; ergo auctoritate alterius, & ità idem quod prius.

Decimò sic, contingit quandòque super diuersis agitari causas contrà Papam, sed videtur, quòd tunc eius auctoritate non esset congregandum Concilium, sed ab alio; ne in causa propria &c. ergo idem, quod prius.

C A P. VIII.

In quo respondetur ad obiectiones iam factas.

P Ræfatis obiectionibus perfacile est respondere, si sanctorum dicta rectè accipiantur: Patrum enim sanctorum dicta attribuentia Romano Pontifici auctoritatem congregandi vniuersale Concilium accipienda veniunt, cum vnus, & indubitatus Romanus Pontifex residet in Apostolica Sede, & de congregatione non locali ad certum locum tantum, sed de congregatione auctorizatiua ad disponendum, & ordinandum, aliquid in vniuersali Ecclesia ab omnibus fidelibus obseruandum, quod iuxta sanctorum patrum sententias, vt prædiximus in præcedenti cap., ad eum, qui præsidet Reipublicæ Christianæ, & cui creditum est regimen, & gubernatio illius, cuiusmodi est Romanus Pontifex, singulariter spectare videtur. Ait enim Pelagius Papa in epistola, quam scripsit vniuersis Episcopis Synodorum congregandarum, auctoritas Apostolicæ Sedi priuata commissa est potestate. Nec vllam Synodum generalem ratam esse legimus, quæ eius non fuerit auctoritate congregata, vel fulta, hoc attestantur Canones, hoc historia ecclesiastica roborat, hoc sancti Patres confirmant. Hæc ille. Dicendum ergo est ad rationes in oppositum.

Ad primam respondetur, negando consequentiam: quoniam ad hoc, quòd alij Apostoli cum Petro dicuntur turbam Discipulorum ad Synodum conuocasse, sicut nunc faceret Papa cum Cardinalibus, non sequitur.

Tom. XIII.

quòd Petri auctoritate principaliter facta, non fuit illa conuocatio, licet non exprimat expresse, maior planè fuit reuerentia Apostolorum ad beatum Petrum, vtpote ad Caput, & Principem eorum, quod Scriptura illa commemorat. Maximè cum beatus Cyrillus in lib. thesaurorum dicat, quòd Apostoli in Euangelijs, & Epistolis affirmarunt in omni Doctrina Petrum esse loco Domini in eius Ecclesia, eidem dantes locum in omni Capitulo, & Congregatione, in omni electione, & confirmatione.

Ad secundam rationem respondetur, quòd Imperatores illi non congregarunt vniuersalia Concilia, nisi prius habitis consensu, & auctoritate Romanorum Pontificum: vnde Archid. in Rosario in cap. mandastis 2. quæst. 5. vbi dicit text. Valentinianus Augustus nostra auctoritate Synodum congregari iussit super verbo: nostra auctoritate, dicit sic, vbicumque inuenies Imperatorem Concilium congregasse, intellige secundum istud; vnde Imperatores magis fuerunt executores voluntatis, & auctoritatis Romani Pontificis in Congregatione Conciliorum, quam ex eorum auctoritate congregatores; vnde in cap. sexta Synodus dist. 16. dicitur sic. Synodus vniuersalis Constantinopoli celebrata est, & Græco Sermone conscripta temporibus Papæ Agathonis, exequente pijsissimo Principe Constantino. Ecclesia enim illis temporibus non erat ità potens, vt de facto posset compellere nolentes venire, & securum accessum dare de longinquis partibus vocatis, & congregandis, & idè Apostolica Sedes per Principes faciebat sæpè, quod per seipsam sacre commodè non poterat, postea verò cum disponente Domino potuit per se, non per Principes, sed per ipsam fecit, & facit. Nec obstat, quod in cap. Hadrianus dist. 54. dicitur, quòd Carolus Rex Francorum constituit Synodum cum Hadriano Papa, quia non est intelligendum, quòd Rex Carolus concurreret auctoritatiuè cum Papa ad constitutionem Synodi, cum ad hoc nullam haberet auctoritatem, sed bene concurrir deliberatiuè, vt sit sensus, quòd Rex, & Papa simul deliberarunt, vt Synodus congregaretur, sed tamen solius Hadriani Papæ auctoritate constituenda, & celebranda; vnde Archid. in Rosario super hunc locum, super verbo constituit, dicit sic. Constituit de auctoritate Papæ art. 2. quæst. 5. mandastis, & dist. 17. cap. hinc; vnde melius dixisset è conuerso, scilicet, Hadrianus constituit cum Carolo. Hæc ille.

Ceterum etiam notandum, quòd si aliquando Imperatorum iussu legatur conuenisse Episcopos, non tamen talium Episcoporum conuentus Concilia vniuersalia veniunt dicenda, nisi fulta essent auctoritate Romani Pontificis, apertè colligitur ex cap. bene quidem dist. 96. & ex cap. multis dist. 17. Et idè optimè dicit Pelagius Papa in auctoritate supra posita, quòd nullam Synodum, generalem ratam legimus, quæ non fuerit Apostolica auctoritate congregata, vel fulta. Nota alternatiuam, vnde Episcopi, qui conuenerant Romæ ad præceptum Regis Theodorici tempore Symmachii Papæ, videntes quòd congregatio illa ad præceptum Regis facta non poterat dici Synodus, nisi auctoritate.

P p p

tate.

rate Romanj Pontificis fulciretur, dixerunt oportere ipsum Symmachum Papam Synodum conuocare, quæ conuocatio, siue congregatio non potest intelligi, nisi auctoritatis suæ interpositio, cum iam localiter essent, ubi debebant congregari, aliud enim est præcipere, vt congregentur prælati ad aliquem locum, quod quandoque leguntur fecisse Imperatores, & frequenter faciunt Reges in suis regnis, & aliud est congregare Concilium vniuersale, hoc enim non solum dicit congregationem prælatorum ad certum locum, sed auctorizationem quamdam, siue influxum auctoritatis ad definiendum, disponendum, & ordinandum ea, quæ sunt Ecclesiæ commoda, & necessaria eis dare, quam auctoritatem Imperatores dare non possunt, quibus cum sint laici, de disponendis ecclesiasticis rebus non est data facultas, vt in dicto cap. benè quid, dist. 96.

Ad tertiam rationem plura dicenda veniunt. Primò, quòd casus ille non videtur admissibilis, non enim videtur possibile, quòd possint pericula talia in Ecclesia contingere, quibus prouideri non posset, nisi per Concilium generale, siue vniuersale. Quod patet ex duobus.

Primò, quia vt aduersarij arguunt, sequeretur, quòd in potestate vnus hominis, putà vnus principis potentis impedire ne celebraretur Concilium vniuersale, esset Christianam fidem, & vniuersalis Ecclesiæ Statum subuertere. Tum secundò, quia cum propter bellorum dissidia impediri posset celebratio vniuersalis Concilij, sicut Isidor. dicit, factum esse ante tempora Constantiniani, vt in cap. canones, dist. 15. habetur, tunc possibile esset fidem, & Ecclesiæ Statum periclitari, quod maxime falsum est, cum sit contra illam Christi pollicitationem dicentis. Ego autem vobiscum sum vsque ad consummationem seculi, Matth. ult. vnde dicitur, quòd nullus casus posset contingere in Ecclesia, cui per Romanæ Ecclesiæ diligentiam prouideri non posset, in cuius manifestissimum testimonium sancti Patres docuerunt ad Apostolicam Sedem in maioribus causis recurrendum esse, vt in cap. rogamus, 24. qu. 1. Et etiam cum ratio fidei ventilanda venit, vt in cap. quotiens ead. caus. & qu. vnde beatus Thomas in qu. de potentia, qu. 10. art. 4. dicit, quòd ad explanationem fidei faciendam non est necessarium, quòd Papa vniuersale Concilium congreget, cum quandoque id prohibeant bellorum dissidia.

Secundò respondetur, quòd difficile valde esse pjs mentibus ad credendum, quòd aliquis verus Romanus Pontifex certificatus periclitari fidem, & vniuersalis Ecclesiæ Statum, nisi Concilium generale celebraretur, nollet Concilium vniuersale congregare, cum de Romano Pontifice semper benè præsumendum sit, vt in cap. non uos 40. dist. & Papa dicat in cap. officij nostri, 24. qu. 1. sibi maiorem quam cunctis Christianæ Religionis ze- lum incumbere.

Tertio dicitur, quòd dato, quòd talis casus immineret Ecclesiæ vniuersali, tunc si Papa requisitus per Dominos Cardinales, & per alios Catholicos, maxime Ecclesiæ Prælatos, & Principes, nollet congregare vniuer-

sale Concilium, nec dare auctoritatem congregandi, talis habendus esset suspectus de hæresi, & per consequens dubius in papatu, iam ad alios pertineret vniuersale Concilium congregare, sicut in responsione ad quartam rationem dicturi sumus, quòd verò Papa in prædicto casu suspectus in fide redderetur, probatur apertè ex cap. error 83. dist. ubi dicit Innoc. Error, cui non resistitur, approbatur, & veritas, cum minimè defensatur, opprimitur, negligere quippè, cum possis perturbare petueros, nihil aliud est, quàm fouere, nec caret scitupulo societatis occultæ, qui manifesto facinori definit obuiare. In hoc ergo casu quando Papa nollet Concilium congregare, ad Cardinales spectaret conuocatio Concilij vniuersalis ad faciendum ea, quæ in tali casu necessarij essent faciendi.

Ad quartam respondetur, quòd ratio non videtur facere ad propositum; quoniam, vt diximus, nos loquimur de congregatione vniuersalis Concilij super facto Papæ, sed super definitione, & constitutione canonum, & legum ad regimen vniuersalis Ecclesiæ, & directionem, & reformationem omnium fidelium, quorum Princeps, Pastor, & Director, ac Magister est Romanus Pontifex, vnde ad eius tantum auctoritatem spectat, sicut ad Principem Ecclesiæ congregare vniuersale Concilium. Ad huiusmodi nihilominus respondemus, quòd in casu, in quo Papa dissimatus esset vehementer, & maxime apud graues, & doctos viros de hæresi, quæ infamia sine scandalo Ecclesiæ, vel periculo fidei dissimulari, aut tolerari non posset. Talis videtur nostro iudicio practica seruanda, vt primò per Cardinales requireretur, aut per aliquos alios fideles, illis negligentibus, vt aboleret a se prædictam infamiam, publicè Catholicam fidem confitendo, maxime quibus articulum, siue articulos, de quo, vel de quibus dissimabatur, & huiusmodi confessionem per Bullas denunciaret illis, apud quos eius infamia decurrit. Istam practicam pro parte principaliori legimus obseruatam circa Apostolum Paulum Act. 20. qui cum diffamatus esset apud credentes ex Iudæis, quòd prædicaret, legem Moyse non esse seruandam, consilio beati Iacobi, & seniorum, qui Hierosolymis congregati erant cum eo, ingressus templum, & putificatus more Iudæorum, aboleuit infamiam suam, sicut supra commemoratum est cap. 2. Si verò contingeret, quòd Papa requisitus, nollet hoc facere, tunc requirendus esset, vt congregaret Concilium vniuersale, aut auctoritatem daret illud congregandi. Si hoc faceret tunc Concilium congregatum inquireret de veritate. Si verò nec congregare, nec congregandi auctoritatem dare vellet; tunc iudicio nostro Domini Cardinales, qui præstantiora membra Ecclesiæ Romanæ sunt, quibus potissimè incumbit necessitatis Ecclesiæ vniuersalis prouideri, & imminentibus periculis obuiare, deberent conuocare, & congregare Prælatos Ecclesiæ ad inquirendum, de veritate iustitiae, an scilicet Papa veraciter esset hæreticus, an non?

Vbi verò Cardinales hoc nolent facere, Imperator, aut Principes Christiani possent hoc facere, vel etiam ipsimet Prælati Ecclesiæ intelligentes talem vehementem suspicionem

nem de Papa, possent seipsos congregare, sicut factum est tempore Marcellini Papæ, vt habetur in cap. nunc autem, dist. 21. Congregatis autem Prelatis, & alijs, qui vocati essent in aliquo loco, requirendus esset Papa, vt auctoritate sua auctorizaret illam congregationem, sicut factum legitur in precedenti casu Symmachi Papæ, de quo in cap. hinc etiam, dist. 17. Si verò Papa vellet auctorizare congregationem, sicut fecit Symmachus Papa bene. Si verò nollet, tunc congregatio Prælatorum illa deberet procedere ad inquisitionem veritatis, etiam Papa nolente. Et si queras, qua auctoritate. Respondetur, quod tam auctoritate iuris diuini, quam humani, diuini quidem, quod habetur Ioan. 12. vbi dicitur. [Qui spernit me, & non accipit verba mea: habet, qui iudicat eum. Sermo, quem locutus sum, ille iudicabit eum in nouissimo die.] Vnde S. Thomas super epistolam ad Galatas super illud Apostoli in 1. cap. [Si quis vobis euangelizauerit præter id, quod accepistis, anathema sit.] querit, cum pat in patrem non habeat imperium, & multo magis non habeat in superiorem, videtur, quod Apostolus non potuerit excommunicare Apostolos, qui erant sibi pares, & Angelos, qui sunt superiores, & respondendo dicit ad hoc, sic dicendum, quod Apostolus protulit hanc sententiam non propria auctoritate, sed auctoritate Euangelicæ doctrinæ, cuius doctrinæ auctoritas habet, vt quicumque contra illam dicunt, excludendi, & repellendi sunt, ad hoc iudicant auctoritatem illam Ioan. 12. supra positam.

Secundò, auctoritate iuris humani, siue canonici, cap. si Papa, quod est sancti Bonifacii Papæ, & martyris dist. 40. quia cum huius criminis, scilicet hæresis in Papa, competens Iudex videatur esse Concilium vniuersale dumtaxat, vt colligitur dist. 17. cap. hinc, ipso facto, quod Papa non vult dare, auctoritatem congregationi; ipsum ius intelligitur dare sibi auctoritatem, alijs frustratoria esset prouisio iuris, quod in casu hæresis disposuit, quod Concilium vniuersale possit iudicare Papam hæreticum, si per negationem Papæ pertinaciter in hæresi sua persistente auferretur. Nam frustra essent iura, nisi eis assignaretur minister, vt dicit text. de elect. vbi periculum lib. 6. Auferetur autem proculdubio iuris dispositio, si in casu illo Concilium procedere non posset. Inquisitione autem debite facta, & inuento, quod Papa, veraciter in hæresim lapsus fuerit, tunc Concilium deberet illum informare de veritate, ostendendo per sacram Scripturam, aut per vniuersalis Ecclesiæ determinationem errorem esse, quod teneret, & requirere illum charitativa admonitione, vt dictum errorem abiuraret, siue reuocaret, fidei veritatem publicè confitendo. Et fortassis expediret ad maiorem cautelam assignare sibi terminum, infra quem reuocaturus esset præfatum errorem, quod si infra terminum sibi assignatum fecerit, nihil potest Concilium vterius contra ipsum, ve expressè notauit Hugo in cap. nunc autem dist. 21. & in cap. si Papa dist. 40. super verbo, à fide deus. Sed ipsemet Papa in foro conscientie, quantum culpabilem se fuisse cognosceret, per Confessorem suum.

Tom. XIII.

animæ suæ prouideri faciat de penitentia saluari arg. dist. 21. nunc autem. Si verò hoc agere Papa noluerit, tunc procedendum est contra eum, vt in sequenti responsione dicitur.

Ad quintam rationem respondetur sub tali distinctione, aut est notorium, Papam esse hæreticum, vt putà quod incidit in hæresim damnatam, illam publicè asserendo, & prædicando, aut non est notorium. Si notorium, vt diximus, tunc videtur iudicio nostro talis practica obseruanda; debent enim Domini Cardinales, aut etiam alij Catholici illum, monere, vt abneget prædictum errorem, in quem lapsus est, fidem Catholicam inuolueram, integramque profitemdo; sicut tenetur facere quilibet bonus fidelis, ostendendo illi per sacram Scripturam, aut vniuersalis Ecclesiæ determinationem, quod id, quod tenet, sit erroneum, & à fide Catholica alienum, & si paratus sit corrigi, & abuegaris erroribus fidem Christi tenere, & confiteri: tunc, vt in responsione precedentis rationis diximus, vniuersale Concilium non habet in eum aliquam auctoritatem. Si verò nollet reuocare errorem, fed pertinax, & incorrigibilis in eo persisteret.

Tunc primò, Cardinales ab eo recedere debent, iuxta illud Ioan. in canone 2. cap. 1. de Christi fide loquentis. Si quis venerit ad vos, & hanc doctrinam, scilicet Christi, non habet, nolite eum recipere in domum, nec ei aue dixeritis, vbi gloss. ordin. dicit, nolite, &c. id est, non tantum assentiatis, nec ad horam recipiatis, hoc etiam colligitur ex cap. Anastasius dist. 19.

Secundò, ipsi Cardinales debent denunciare Prælati Ecclesiæ casum præsentem, & conuocare eos, vt veniant, sicut tenentur ad succurrendum Ecclesiæ in hoc horribili casu, & prouidendum Ecclesiæ, quia iam ille à petra fidei, super quam fundata est Ecclesia, Matth. 16. pertinaciter, & incorrigibiliter cecidit, tunc verò, vt in precedenti casu diximus, Concilium Prælatorum congregatum debet iuris auctoritate procedere ad depositionem illius, vt quibuscumque placet, vel vt nobis plus gratum est, iuxta iam dicta ad declarationem, quod ille non sit amplius Papa, & quod vacet Apostolica Sedes; huiusmodi enim criminis proprius iudex est vniuersale Concilium, vt dictum est. Si verò non sit notorium Papam esse hæreticum, sed solum apud aliquos graues tantum, & bonæ fidei homines fama, siue præsumptio processerit, tunc procedendum videtur, vt in responsione ad quartam rationem.

Ad sextam rationem respondetur dupliciter. Primò, quod si certum sit, quod alter contentendum sit verus, & Apostolicus, vt putà quia à duobus partibus Cardinalium electus, cum alius per consequens esse non possit, nisi intrusus, & per consequens non Apostolicus, sed apostaticus, siue prophanus, vt in cap. factus st. 7. qu. 1. tunc cum non occurrat dubitatio rationalis, quis sit verus Papa, non est necessaria vniuersalis Concilij conuocatio ad iudicandum de electione illius, quæ præsumitur iam canonica, sed ad condemnationem intrusi, & ad mandandum, quod omnes fideles pareant, & obediunt verò

Apostolico, iuxta cap. si quis pecuniam distinç. 79. sicut factum legitur, tam tempore Damasi Papæ contra Vrsinum, quam tempore Cornelij contra Nouatianum, & de tali contentione non intelligitur, cap. si forte duo, vt dicit Gratianus, & bene in §. sequenti ibidem.

Secundò respondetur, si fiet contentio inter aliquos super iure electionis, quæ illarum electionum fuerit canonica, tunc iudicio nostro, si contententes vellent se submittere iudicio alicuius sapientis, vel aliquorum, vt scilicet staretur iudicio illorum, tunc non videretur necessaria Concilij vniuersalis conuocatio, sicut factum est tempore, quo Symachus, & Laurentius contendeabant de papatu, vbi cum neutra pars alteri cedere vellet, constituerunt, vt lis iudicio Regis Theodorici finiretur, qui Rauennæ posuit, dum vtriusque partis Legatos audisset, decreuit, vt qui prior ordinatus esset, aut quem maior pars Cleri, & populi simul elegeret, in Sede Apostolica sederet, vbi verò contententes nollent se submittere iudicio aliquorum sapientum tunc congregandum foret Concilium generale, vt de iure electionis discernat, & iudicet, quia, vt in præfato cap. si forte, dicit gloss. Concilium est iudex in isto casu. Sic autem insurgit questio. Si ambo contententes essent in possessione papatus, ita quòd vterque pro Summo Pontifice haberetur à Catholicis viris, videtur nobis, saluo meliori iudicio, quòd ambo deberent congregare Prælatos suarum obedientiarum ad aliquem locum, & ex ambobus congregatis Concilium constitutum iudicaret. Si verò præfati contententes hoc facere nollent; tunc Domini Cardinales deberent, etiam contradicentibus contententibus, Concilium congregare. Vbi verò ipsi nollent, aut negligentes forent, ipsi Prælati Ecclesiæ habentes zelum Dei possent se congregare ad incendium Ecclesiæ extinguendum, aut ipse Imperator, cuius interest, vt pax sit in Vrbe, & fortius in toto Orbe, quæ esse non potest stante contentione super summo Pontificatu, dicente Christo Matt. 11. [Omne Regnum in se diuisum desolabitur.] Sed de his fortassis aliquid plus dicemus, auxiliante Domino, in sequenti libro, vbi de schismate erit sermo.

Ad septimam rationem respondetur, quòd in illo casu vbi Cardinales ad electionem procedere non vellent, iam prouisum est à iure sufficienter in c. Fundamenta de elect. lib. 6. & cap. Nè Romani c. t. in Clementin. Nihilominus vbi Cardinales fugerent, vel deficerent, tunc pro maiori securitate videretur conuocandum vniuersale Concilium, & hoc per Imperatorem, aut Clerum Romanum, & ibi prouidendum esset necessitati Ecclesiæ, cum in talibus necessitatibus, quæ respiciunt totam Rempubicam, deficientibus ordinarijs, ad ipsam Rempubicam spectare videatur prouiso.

Ad octauam rationem respondetur, quòd cum in casu, in quo Papa factus esset demens dementia incurabili per naturam, iudicandus veniat quasi mortuus, cum non possit agere, siue exercere actus officij summi Pontificatus incumbentes, art. de Clero egro. cap. 1. lib. 6. Tunc Domini Cardinales debent hoc

demandare Prælati Ecclesiæ, & inuitare eos, vt conuenientes in vnum, consulunt quid agendum sit, scilicet alius eligendus sit, cum Ecclesiæ quasi vacare videatur in præfato casu vel dandus sit illi adiutor.

Ad nouam respondetur sicut ad septimam.

Ad decimam videtur respondendum, quòd in casu illo auctoritate Papæ, Concilium conuocandum esset, si sine Concilio illa terminari non posset, iuxta ea causa quæ legimus de Papa Sixto in cap. Mandatis, 2. quæst. 6. & de Papa Symacho §. Hinc etiam, dist. 17.

C A P. IX.

De causis congregationis vniuersalis Conciliorum.

Postquam ostendimus, quæ auctoritate regulariter vniuersalia Concilia congreganda sunt, iam videndum est, quibus de causis congreganda veniunt, cum non leui causa, sed pro grauissimis, & arduis Prælati à suis Ecclesijs & euocandi, & fatigandi sint. Decursis autem pluribus historijs, inuenimus Patres Ecclesiæ multis de causis conciliariter conuensi.

Primò quidem, vt super tractandis, & disponendis in vniuersali Ecclesiâ maturis, & sanis Concilium haberetur. [Si enim, vt inquit sapiens Ecclesiastici 37. ante omnem actum præcedere debet Concilium stabile, multò amplius hoc obseruandum est, vbi de maximis rebus, & vniuersam Rempubicam Christianam tangentibus, agendum venit. Ad habendum autem maturum, sanumque Concilium super huiusmodi rebus plurimum operatur multitudo sapientum, secundum illud prouerb. 11. [Vbi multa Concilia, ibi salus.] Et Ecclesiastici 6. [Multitudo sapientum sanitas est orbis terrarum.] Et maximè hoc obseruatum à Patribus legimus in materijs fidei, quia in his periculosissimè erratur, vt ait beatus Augustinus. [Hanc causam celebrationis Concilij tangit beatus Cyprianus in epistola, quam ad Stephanum ipse, & Synodus quædam scribit, dicens: Cyprianus, & cæteri, Stephano fratri salutem: Ad quædam disponenda, & Concilij communis examinatione limanda, necesse habemus conuenientibus iu vnum plurimis Sacerdotibus cogere, & celebrare Concilium.] Item Theodosius Imperator mandato dato, vt Episcopi conuenirent ad celebrandum secundam Synodum Ephesiensem, rationem assignans, dicit: [Quia sanctus Leo Papa cogitabat non esse tutum absque sanctæ Synodo, & vbiq; sanctarum Ecclesiarum Præsulibus huiusmodi questionem de fide enodare, necessarium duximus vestram conuenire fraternitatem.] Vnde & gloss. in cap. Anastasius, dist. 19. dicit, quòd vbi de fide agitur, Papa debet requirere Concilium Episcoporum, quod potissimum venit intelligendum, quando ipsa fidei questio prius non fuerit per Ecclesiam, per se vel in simili determinata, siue diffinita, foret; tante difficultatis, vt Papa cū Collegio

suo non videret plenè quid in ea parte tenendum esset. Et sic in his semper tenenda est illa regula, c. de quibus causis, dist. 20. vbi Innocentius ita consultit, de quibus causis nulla soluendi, ligandique auctoritas in libris noui, & veteris Testamenti, vel 4. Euangeliorum, in scriptis Apostolorum non appareat, ad Diuina recurrit Scripta Græca, si nec in illis, ad Catholicæ Ecclesiæ historias Catholicas ad Doctores Catholicos scriptas, manum mittite; si nec in illis, Sanctorum exempla perspicaciter recordamini; quòd si in omnibus his inspectis, huius quæstionis qualitas non lucidè inuestigatur; Seniores Prouinciæ congrega, & eos interroga; facilius namque inuenitur, quod à pluribus quoque senioribus quæritur. Verus etiam promissor ait: Si duo ex vobis, vel tres in vnum conueniant super terram in nomine meo, de omni re, q. p. n. a. p. me. qui in cælis est.] Hac ille. Hac de causa beatus Petrus, & aliqui Apostoli celebrasse leguntur Concilium Hierosolimis, cum quæstio de obseruatione legalium mota esset, quæ ibi gratia Spiritus sancti aspirante, diffinita est, vt habetur Act. 15.

Secundò, congregata leguntur Concilia vniuersalia ad solemniorem, & abundantiorè auctoritatè reprobationis hæresum, & condemnationis hæreticorum, planè cum de publicis latronibus, & hostibus Reipublicæ venir iustitia exequenda, solitum est, tam ad eius pleniorè noticiam, quàm ad maiorem malefactorum confusionem, & aliorum, tuba, aut campana populum conuocare; ita conuenienter conuocatur Concilium vniuersale, quando reprobationis, & condemnationis iudicium contrà hæreticos exercendum est, quorum errores, & potentes habent auctores, & plures fautores per diuersas orbis partes; qua de causa plura Concilia, & potissimè septem præclara, & principalia celebrata leguntur; quorum primum est Nicænũ 318. Patrum, in quo Arii Episcopi Alexandrini, qui tres gradus posuit in Trinitate, scilicet Patrem maiorem, Filium minorem, & Spiritum Sanctum creaturam, vel seruum, error condemnatus est. Secundum fuit Constantinopolitanum 150. Patrum, in quo error Macedonijs Constantinii Episcopi conuincitur, qui negabat Spiritum sanctum esse Deum. Tertium est Ephesinum primum 300. Patrum, in quo Nestorij impietas iudicatur, qui dicebat beatam Virginem Mariam non Dei, sed tantummodò hominis genitricem, vt aliam personam carnis, aliam personam faceret Deitatis. Quartum Concilium fuit Chalcedonense 530. Patrum, in quo error Eutichij reprobatus est, qui asserbat Christum post humanam assumptionem non ex duabus naturis existere, sed solam Diuinam naturam permanere. Quintum fuit Constantinum, in quo perfidia multorum hæreticorum condemnatur, maximè Theodori Mopsitonii, qui asserbat alium esse Verbum, & alium Christum. Negabatque sanctam Virginem Mariam Dei Genitricem fuisse. Sextum fuit etiam Constantinum 150. Patrum, in quo stulticia Macharij Antiocheni Episcopi, & sociorum eius, qui vnam tantùm voluntatem, & operationem in Christo falsam suspitione astruebant, confutatur. Septimum

Concilium est Nicænum secundum 367. Patrum, in quo hæresis execrantium imagines Sanctorum in Ecclesiâ dicentium illas nec colendas, nec venerandas fore, abraça est.

Tertiò, Concilia leguntur congregata, gratia schismatis extirpandi, sicut octauum Concilium vniuersale 300. Patrum, Constantinopoli celebratum, in quo schisma de depositione Ignatii, & ordinatione Phocij ortum, Patres congregati extirparunt, Phocium anathematizantes, & Ignatium resistentes, Hac etiam ratione legitur Romæ congregatum Concilium, cum de Papatu contenderet Vrñus quidam cum Damaso Papa, in quo confirmato in Apostolica Sede Damaso, Vrñino depulso, sedatum est schisma, vt Eusebius in Ecclesiastica tradidit historia. Item eadem ratione congregata legitur Synodus tempore Regis Theodorici, in quo de contententibus de Papatu Symacho, & Laurentio, schisma ortum est, quod in cap. Symmachus, 2. quæst. 7. fuit extirpatum. Præterea ætate nostra tribus contententibus de Papatu, scilicet Benedicto XIII. & Ioanne XXIII. & Gregorio XII. Synodus congregata est Constantiæ in natione Germanica, in quo vno, scilicet Gregorio renunciantè si quid iuris habebat, alijs duobus depositis, scilicet Ioanne, & Benedicto, data est pax Ecclesiæ.

Quartò, congregata leguntur Concilia ad reductionem, siue consutationem hæreticorum per viam disputationis, qua de causa tempore, & consensu beati Siluestri Papæ, iussu Constantinii Imperatoris, dicitur Romæ conuenisse magnum Episcoporum conuentum, vt cum Iudæis disputaretur de leges, vtrum scilicet Christianorum fides legi Iudæorum preferenda esset? vbi longa concertatione expleta, cum per fide Christi erat conclusum, Augusta Helena cum tribus milibus Iudæorum ad fidem Christi conuersa, Baptismum suscepit. Hac etiam de causa diebus nostris congregata est Synodus Basilienfis pro reductione Bohemorum, vbi data Bohemis licentia disputandi, & dicendi libertate quidquid vellent in defensionem errorum suorum, assignatque per Synodum. 4. Doctores Catholicos, qui in publica congregatione illis responderent, longissima concertatio facta est, nobis ibi semper præsentè, sed quamquàm manifestissimè conuicti essent, foretque confensum illis in multis causa lucrificandi eos, nihilominus recesserant peccatis eorum promerentibus, ita sordidi sicut venerunt. Hac etiam de causa congregata est Florentiæ Synodus amplissima diebus nostris, sub sanctæ memoriæ Eugenio, pro reductione Græcorum, vbi interfuit Imperator Græcorum, & Patriarcha Constantinopolitanus cum multis alijs Prælati Orientalis Ecclesiæ, vbi operante Salvatore nostro, qui vera pax est, sublato de medio pariete, qui Occidentalem, Orientalemque diuidebat Ecclesiæ, vnio, & concordia conclusa est inter eos, licet heu ab omnibus in partibus Orientalibus non fuerit acceptata.

Quintò, Concilia leguntur congregata, cum Ecclesiâ habet magnos, & potentes hostes, & perturbatores. Tunc enim Summus Pontifex Ecclesiæ Princeps, & Rex Regum terz,

ceræ Dei Vicarius solitus est congregare conuentum Patrum, & Principum Ecclesiæ, de quibus in psal. [Constituit eos Principes super omnem terram ad punitionem illorum.] Hac de causa Gregorius III. cum Imperatorem Leonem huius nominis tertium hæreticum incorrigibilem comperisset super depositione imaginum Christi, & beatæ Virginis, ac Sanctorum, quas omnes destrui, ac incendi fecerat in Vrbe Constantinopolitana, congregato Concilio Romæ, quasi mille Episcoporum, Romam, & Italiam totam ab eius obedientia, & potestate discedere fecit, & vœtigalia inderidit, & illum anathematizans, venerationem Imaginum confirmauit. Item hac de causa Gregorius VII. contra Imperatorem Henricum huius nominis III. quia Romanæ Ecclesiæ scindere vnitatem moliebatur, congregauit Romæ Concilium 110. Episcoporum, & illum ibi excommunicauit. Item hac de causa Innocentius IV. Imperatorem Fredericum huius nominis II. hostem rebellem, contumacem, & incorrigibilem comperiens, Concilium congregauit Lugduni, & ibi illum ab Imperio deposuit.

Sexto, legitur congregatum vniuersale Concilium gratia supernæ reuelationis impetrandæ a Deo super arduis in Ecclesijs constituendis. Hac de causa congregata legitur Synodus prima ab Apostolis, vt scilicet quis ad integritatem Apostolici Collegij loco Iudæ proditoris assumendus esset, orationibus a Deo cognoscere, vnde dicitur Act. 1. [Et statuerunt duos, scilicet Ioseph, qui cognominatus est iustus, & Matthiam, orantes dixerunt: Tu Domine, qui nosti corda hominum, ostende quem elegeris.]

Septimo, congregata leguntur Concilia, cum magna imminet Christianæ Reipublicæ necessitas, aut persecutio, cui non nisi a totius Ecclesiæ auxilio subueniri posset. Hac quidem causa inter alias maximè Vrbanus II. audiens Ciuitatem sanctam Hierusalem ab infidelibus captam in Christiani populi dedecus, & confusionem, Concilium generale conuocat in Claramonte Aluerniæ, & in subfidij illius passagium transmarinū ordinatur.

Octauo, leguntur Concilia congregata ad maiorem firmitatem fidei, & acceptationem plenariam, tam constitutionum, quam diffinitionum factarum in præcedentibus Concilijs, vnde post Nicenam Synodum congregata est Romæ per beatum Syluestrum Synodus 277. Patrum, in qua roborata est fides Synodi Nicenæ, & Arrius condemnatus, in qua sic ait beatus Syluester: [Quidquid in Nicenâ Synodo constitutum est, ad robur sanctæ matris Ecclesiæ Catholicæ, & Apostolicæ a sanctis Sacerdotibus 318. nostro ore consortes, firmamus, & omnes, qui ausi fuerint dissoluere diffinitionem sancti magni Concilij, quod apud Nicenam congregatum est sub præsentia piissimi, & venerandi Principis Constantini Augusti, anathematizamus, & dixerunt omnes Episcopi, placet. Item, sexta Synodus apud Constantinopolim celebrata, vt habetur dist. 16. cap. Quoniam, sic inquit: [Confirmamus, & cæteros, scilicet, sanctorum Patrum Canones, & Synodos, scilicet Nicenam, Anthiraniam, Antiochenam, &c.]

Nono, congregata leguntur generalia Concilia inquirendæ veritatis super suspicionem hæresis orta de Romano Pontifice. Hac de causa congregatum legitur Concilium, tam tempore Symachi, Papæ, de qua in §. hinc etiam distinct. 17. quam tempore Marcelini Papæ, qui sacrificauerat idolis, de qua in c. Nunc autem. dist. 21.

Decimo, congregatum legitur Concilium purgationis gratia, quam Papa voluit facere, vt quia si infamia fuit publica, purgatio etiam omnibus nota esset. Hac ratione Damasus Papa, & Leo IV. & Sixtus Romani Pontifices bonæ famæ suæ curam gerentes ad sedandum scandalum Concilia congregasse leguntur, sicut de beato Damaso habetur 2. qu. 7. nos circa finem. De Leone I. V. habetur 2. qu. 5. omnibus circa finem. De Sixto Papa in cap. mandatis 2. qu. 7.

Vndecimo, congregandum venit vniuersale Conciliū, quando vehemens dubitatio, curreret de iure electionis alicuius in summum Pontificem, iuxta gloss. in cap. si forte duo. dist. 79. hac de ca. plura congregata sunt concilia a sanctis, patribus, quæ supra gratia extirpandi scismatis descripsimus.

Duodecimo, concilia aliquando celebrata leguntur, & celebranda rationabiliter veniunt, ad efficaciorē, ad solemniorē, & vniuersaliorem reformationem Ecclesiæ faciendā, quamq. enim summus Pontifex. pro singularitate principatus sui omnem legem condere, & dare posset toti Ecclesiæ, iuxta capit. sunt quidam 25. q. 1. Nihilominus sæpè, & hoc rationabiliter, patres Ecclesiæ synodaliter conuocat, vt leges ad reformationem pertinentes condendæ illorum consilio, & approbatione formatæ; plus habeant auctoritatis, & apud fideles acceptabiliores fiant. Hac de causa plura sunt congregata concilia, in quibus canones continentes plura vitia ad correctionem vitiorum, ad componendos mores, ad honestatem vitæ, ad pacem populi Christiani, sunt instituti. Ex quibus pro magna parte corpus decreti consilium est, intra quæ est synodus illa singularis, quam Romæ Gregorius 7. celebravit ad reformationem Ecclesiæ, in qua anathematizauit symoniacos: clericis uxorem habentibus interdixit: diuina laicis eorum missas audire prohibuit, & investituras ne a laicis susciperentur, sententiam excommunicationis adhibuit.

C A P. X.

De utilitate celebrationis Conciliorum.

Quoniam ex supradictis satis perspicuum sit, quod plurimum utilitatis afferat sanctæ Ecclesiæ ipsa vniuersalium Conciliorum celebratio. Nihilominus ad pleniorē huius rei noticiam aliqua, quasi repetentes ex præcedenti cap. dicimus maximè valere ad sex.

Primo quidem valet celebratio vniuersalium conciliorum ad conservandam christianam religionem in vnitatis fidei, quæ primum vinculum est societatis christianæ, vt dicit

dicit beatus Chrysost. Hanc utilitatem Conciliorum vniuersalium assignat beatus Iulianus in cap. Canones dist. 15. ita dicens. Canones generalium conciliorum à temporibus Constantini Imperatoris exarant. In præcedentibus namque annis persecutione feruente docendum plebem minimè dabatur facultas, vnde christianitas in diuersas hæreses scissa est, quia non erat eis licentia conueniendi in vnum, nisi tempore supra dicti Imperatoris. Ipse enim dedit facultatem christianis liberè congregari. Item hac de causa Martianus Imperator scribens ad omnes vbique terrarum Episcopos, vt ad synodum calcedonem. veniant, ita ad propositum loquitur, omnia ad veram fidem christianam orthodoxam religionem tunc præponenda, alijs rebus exitimauimus: Deo enim proprio existente, et nostrum Imperium, & omnes causas meliores fore contendimus. Quia ergo dubitationes quædam circa orthodoxam fidem motæ sunt, sicut indicant etiam, literæ sanctissimi Archiepiscopi felicissimæ ciuitatis Romæ, placuit nobis propere sanctum Concilium fieri, quatenus concordantibus Patribus, & veritate examinata, & vacante, omni studio, quo quidam iam abusi religionem turbauerunt orthodoxam, vera; atque saluberrima fides sit omni mundo manifestissima, & decreto omnis quæstio, & dubitatio auferatur, & infra quisquis enim in generalem futuram synodum, & omni mundo vilem, peccat æquidem contra Deum, & diuinitatem nostram offendit. hæc ille.

Secundo valet ad faciorem, & firmitorem illucidationem veritatis in dubijs, faciliorem quidem, quia quod à pluribus sapientibus queritur, facilius inuenitur, vt ait Innocentius in cap. de quibus dist. 20. Firmiorem etiam dicimus, quia tanto huius, suæ grauius est iudicium, quanto plurium sententijs confirmatur, & approbatur assensu. vnde in cap. extra conscientiam dist. 61. dicit Innocentius. Integrum iudicium est, quod plurimorum sententijs confirmatur. Vide beatus Augustinus lib. 1. de bapt. contra Donatistas, antiquos patres fluctasse in fide, quodvisque rotius Orbis Concilio firmarentur. Ait enim sic: Iam ne videat humanis argumentis illud agere, quoniam quæstio huius obscuritas prioribus Ecclesiæ temporibus ante scissam donatistam, magnos viros, & magna caritate præditos patres Episcopos, ita inter se compulsi salua pace, disceptare, atque soluere, vt concilium in suis quibusque regionibus diuersa statuta mutarent, donec plenario orbis concilio, quod saluberrimè sentiebatur, etiam remotis dubitationibus, firmaretur hæc ille.

Hinc etiam Theodosius Imperator scribens Dioscoro Archiepiscopo Alexandrino, vt conueneret cum suis metropolitans Episcopis sine dilatione: sic inquit, festinusque cum vniuersis sanctis Episcopis, quos conuenire per sacras nostras epistolas sanximus ad prædictam ciuitatem, & subtilissimè inuestigantibus, & querentibus, omnis de medio error contrarius auferatur, catholica autem doctrina, & orthodoxa fides solidetur, & quietè fulgeat, quod vniuersi in posterum inconcussum, & ineteratum custodiant. Planè cum congregatio tautorum patrum Ecclesiæ,

quibus ait Dominus in Euangelio Matth. 5. vos estis lux mundi, nil aliud videatur esse, quàm multorum luminarium congregatio, benè facit ad illuminationem populi Christiani, & decorem vniuersalis Ecclesiæ synodalis patrum congregatio, vnde bene conuenit proposito illud Eccle. 43. species calis, idest Ecclesiæ, gloria, stellarum: idest doctorum, mundum illuminans, vbi glossa ordinaria ita dicit. Species calis, idest ornatus Ecclesiæ, sanctorum plenitudo, quos Deus excelsus ordinauit, vt prædicatione Euangelij mundi illustrarent.

Tertiò, Conciliorum vniuersalium celebratio utilis est ad culturam agri dominici, vt canon Concilij Constantien. dicit frequens. Sunt quidem patres in Concilio congregati ministri operarij agricolæ illius, de quo Dominus ait Ioan. 15. pater meus agricola est, quorum ministrorum officium est errorum vepes de agro Dominico euellere, plantare fidem, & euulsis vitiorum radicibus, virtutes inferre, vnde dominus Ieremias in figura Romani Pontificis, qui congregator, & director conciliorum vniuersalium est, videtur dixisse illud Ieremi. 1. Ecce constitui te super gentes, & regna, vt euellas, & destruas, & disperdas, & disspes, ædifices, & plantes vt testatur Papa Inno. in cap. solite extra de maior. & obed. vnde Adrianus Papa loquens patribus in Concilio, quod Romæ congregauit, ita ait ad propositum. Cum debeamus o fratres, & filij dilectissimi dominici agri strenui & fideles esse cultores, & spiritalibus ad purgationem ipsius celestium, præceptorum vt legionibus oportet, vt si quis in eo spinosa si qua germinare venenosâ conspiciamus: pari laborum, & vnanime zelo hæc radicibus extirpare studentes arripimus examinis nostrum, & sacrum iudicij, concordi sententia proferamus, ne quæso in nos exprobranter dicatur, Messis quidem multa operarij autem pauci hæc ille.

Quartò, celebratio conciliorum vniuersalium utilis est ad tyrannorum, & infidelium superbiam humiliandam, plurimum profectò, vt intelleximus à fide dignis, qui fuerunt infideles in orientalibus potestatibus, scilicet, Turchi, terrentur audientes apud Christianos vniuersalia concilia congregari, & ita faciunt vbicumque latitent, & hoc rationabiliter, quoniam Ecclesia Dei, vt dicitur can. 6. Terribilis est vt castrorum acies ordinata. Castra sunt doctores patres Ecclesiæ congregati quibus tanquam militibus Christi, & propagatoribus munitur, protegitur, & defensatur Ecclesia, de quibus dicitur Zacha. 9. Circumdabo domum meam idest Ecclesiam, ex his, qui militant mihi, videlicet prælati doctoribus, & principibus fidelibus, qui eam defendendo, Christo militare perhibetur: vnde Paulus Apostolus scribens Thimotheo ait, labora sicut bonus miles, glossa in prædicando Euangelium contra hostes, ad Timoth. 2. cap. 2.

Quintò, celebratio conciliorum est utilis ad refrenandum exorbitantias quorundam Pontificum, qui pontificatum suum: aut spretis sanctorum patrum regulis pro volutate exercent, aut symoniaca prauitate dehonestant, aut seculi vanitate, & vita scan-

scandolosa confundunt: huius cau. congregatum legitur Concilium Episcoporum Italie Romæ per Imperatorem contrā Ioan. Papam Duodecimū, qui venerat, & lubricus publicus & incorrigibilis erat, vt enim ait. Hormisda Papa in epistola decretali ad Episcopos per Hispaniam constitutos, difficile est, vt cuiuscunque cor sic prauis cogitationibus indueretur, vt in se patiatur culpandus fieri, cum nouerit se iudicium subeundum Concilij.

Sexto valet vniuersaliū Conciliorum celebratio ad omnium quasi scandalorum, quæ suscitantur in Ecclesia extinctionem, Illud planè, vt priora exempla nos docent, vltimum refugium Ecclesiæ in omnibus magnis angustijs suis sicut, in præcedenti. cap. exemplariter deductum est in multis, tam de scandalis occasione hæreticorum, aut schismaticorum, quàm aliudè exortis, vnde propter has multiplices vtilitates prouenientes Ecclesiæ sanctæ Dei ex celebratione sacrorum Conciliorum posset optimè adaptari miscicè proposito, tanquam dictum summo Pontifici illud Isa. 16. Ini Concilium, scilicet cum sapientibus. Cogit Concilium idest congrega. vt exponit magister Nicolaus de Lira qu. di. spiritus sanctus Romano Pontifici imminentibus grauissimis periculis in Ecclesia. Ini Concilium & cogit. idest congrega vniuersale Concilium, quoniam si in medio duorum, vel trium in nomine Christi congregatorum ipse est vt spirator, doctor, & adiutor. vt habetur Mat. 18. multo amplius vbi sanctorum Patrum multorum societas in nomine conuenierint Iesu Christi, maxime pro rebus vniuersitate christianæ religionis respectiue concernentibus interessè credendum est. verum est hic aduertendum, quod hæc, quæ dicta sunt, accipienda veniunt, cum in Concilijs vniuersalibus proceditur canonicè, & sanctè quoniam aliàs melius foret superfedere à celebratione Conciliorum, quoniam quemadmodum Concilia ritè celebrata saluberrimos fructus operata sunt, ita non ritè celebrata maximis scandalis vniuersam perturbant Ecclesiam, sicut patrum traditiones, & venerabiles hystoriz nos docent. Quo circa Eusebius religiosissimus Episcopus dorilei ciuitatis, qui damnatus fuerat cum Flavianio iniunctè à Dioscoro. vt habetur in prima actione Calcedonen. Concilij synodi, ad synodum loquens ita dicit. Adimus vestram pietatem supplicantes iussimur promereri, causa autem hæc est nuper factò Concilio in epheo metropoli, quod vltimū fuit, non futurum, &c. vt non tantis malis, & perturbationibus vniuersum mundum repleisset:

CAP. IX.

Quod Romani Pontificis presentia personaliter non necessario requiratur in Concilijs vniuersalibus.

Licet vniuersalia Concilia, vt prædiximus, non nisi per Rom. Pont. regulariter conuocanda sint, & auctoritate fulcienda, nihilominus non est necessarium, nec semper conueniens, vt super illis personaliter interfuit, sed sufficit, quod legati, aut Vicarii, suæ Apocrisarij eius inseruient, quod ex illo aperitissime ostenditur, quod nulli octo Concilio vniuersali, quæ in Ecclesia, vt præstantioris auctoritatis deserviebant, Roman. Pont. personaliter interfuit, sed per legatos suos, vnde Leo Papa huius nominis primus ab Imperatore Christianissimo Martino ad Calcedonen. Concilium deuotissime inuitatus, hac ratione inter alias se excusauit, quod nullum inde exemplum à prædecessoribus acceperit, vt ipse scribit tam patribus Concilij Calcedonen. quam pulcherrimè August. vnde hanc excusationem præfati beati Leonis legati sui assignantes in Concilio Chalcedonen. sic dixerunt, gloriosissimi, & christianissimi nostri Imperatores caritatè catholicam fidem, & affectum tenentes, beatissimum nostrum Leonem Apolicæ Sedis præsulē, vt ad hoc venerabile, & sanctum concilium adesset, dirigentes venerabiles epistolæ, supplicauerunt: cuius pietati placere posset, si in hac re probaretur aliquod simile à prædecessoribus factum. Nam melius vestra potest cognoscere sanctitas, quia nec in Nicæna, nec in Ephesina synodo, nec alio tali sancto Concilio Papa sanctæ Sedis assuit, pro qua re huius formæ sequens consuetudinem nos direxit, qui sanctissimus non dubitans se in nobis hic adesse quos præcipue cognoscit omnia, quæ ad fidei catholicæ sinceritatem, & quæ ad sancti Petri Apostoli pertinent reuerentiam, agere, quæ etiam per nos ad vestram beatitudinem congruas sanctorum patrum Concilij direxit epistolæ; quas recipere, & reuolueri præcipite. Hoc autem quod præsentia Romani Pontificis non necessario requiritur in Concilijs vniuersalibus sed bene eius auctoritas, satis videtur aperte colligi ex eo, quod forma auctoritatum sanctorum Patrum, de quibus, dist. 17. per totum: superius inductum in cap. 6. non habet, quod absque præsentia Romani Pontificis non debeant vniuersalia Concilia celebrari, sed bene, quod absque eius auctoritate, aut sententia celebrari non debent, & hoc bene ostendit gloss. decreti in cap. 1. dist. 17. vbi diffiniens Concilium vniuersale dicit illud esse, quod à Papa, vel eius legato cum omnibus Episcopis constituitur, id est celebratur, huiusmodi verò consuetudinis, quia antiquis superioribus temporibus summi Pontifices præsentialiter non intererant vniuersalibus Concilijs, maxime tempore, quo Imperatores plurimum dominabantur in orbe, triplex ratio assignari potest.

Prima, ne Romanis Pontificibus inferretur aliqua violentia in Concilijs per Imperatores, aut alios tyrannos, sicut de Papa Felice legimus, quod quia celebrato Concilio excommunicauit Vrsacinum, & Valentem Constantinum Imperatorem in perfidia Ariana contententes, depulsi de sede, & ab ipso Imperatore decollatus, martyrio coronatus est.

Similisque violentia legitur facta in secunda Synodo Ephesina Legatis Apostolica Sedis, vbi Fabianus, qui vices beati Leonis Papae agebat, interfecus fuit.

Secunda ratio, vt Romanus Pontifex, qui solitus est vniuersalium Conciliorum, confirmare sententias, & Canones, vt infra ostensuri sumus ex gestis Conciliorum, cum plena libertate, quae plurimum est necessaria in hac parte, in propria Sede existens, quae sibi confirmanda videretur, confirmaret, & quae non confirmanda essent, libera potestate vacua auctoritate relinqueret, aut cassaret.

Tertia ratio est propter necessitates incumbentes tam Ecclesiae, quam Civitati Romae, quibus Romani Pontificis praesentia maxime est praesidio, & auxilio.

Hanc rationem assignat Leo Papa Patribus in Concilio Chalcedonensi congregatis, sic loquens de Imperatore Martino: [Amplectendum est clementissimi Imperatoris plenum religione consilium, quo sanctam fraternitatem vestram ad destruedas insidias Diaboli, & ad reformandum Ecclesiasticam pacem maluit conuenire beatissimi Petri Apostoli iure, atque honore seruato à Deo, vt nos quoque ad hoc inuicaret, vt venerabili Synodo nostram sententiam praestemus. Quod quidem nec necessitas temporis, nec vlla poterat consuetudo permittere, me tamen in his fratribus: hoc est Paschasius, & Licentio Episcopis, Bonifacio, & Basileo Presbyteris, qui ab Apostolica Sede directi sunt Synodo vestra. Vestra fraternitas consilium praestitit, nec iniunctam vobis praesentiam meam existimet.]

Item praefati Legati ad Synodum praefatam ita dixerunt: [Notum est, nempe ab hoc amabili Concilio ad beatum, & Apostolicum, & Catholicum Papam Leonem sacras esse literas destinatas, quae habent, vt huic sacro Concilio se praesentare dignaretur. Sed quoniam nec antiqua consuetudo, neque generalis temporis necessitas permetteret nostram paruitatem, huic sacro Concilio pro se praesidere praecipit. Ideoque necessarium est haec, quae in medium proferuntur, per nostram interlocationem discipari.]

C A P. XII.

Qui ad vniuersalia Concilia necessario vocandi sunt.

Causis, & vtilitatibus celebrationis generalium Conciliorum iam explicatis. Inquiramus, qui ad generalia Concilia sint euocandi? In qua quaestione dicendum est, solos Ecclesiae Praelatos maiores necessario

Tom. I. III.

ad illa vocandos esse. Quod primo multis Patrum testimonijs ostendemus; secundo rationibus.

Primo, hoc colligitur ex illa definitione Concilij generalis, quam ponit Glossa in cap. 1. distinct. 17. vbi dicitur: [Concilium vniuersale est, quod à Papa, vel eius Legato, cum Episcopis celebratur.]

Item hoc ostenditur ex Canonibus, vbi de Synodis vniuersalibus antiquis fit mentio; in quibus omnibus soli Episcopi videntur nominari. Vnde in capit. omnia, distinct. 12. dicit beatus Augustinus: [Omnia talia, quae neque sanctorum Scripturarum, auctoritatibus continentur: nec in Concilijs Episcoporum statuta inueniuntur.]

Item in cap. Canones distinct. 15. habetur, quod prima Synodus, scilicet Nicæna, fuit 318. Episcoporum. Secunda, scilicet Constantiniana fuit 150. Episcoporum. Tertia, quae fuit prima Ephesina 200. Episcoporum.

Quarta, quae fuit Chalcedonen. fuit 500. & triginta Sacerdotum: quod exponendum est; id est, Episcoporum; quia hi, vt habetur infra, Patres vocantur; Patres autem Conciliorum soli Episcopi dicuntur, vt patet eadem distinct. cap. sancta Romana, & in cap. sexta Synodus distinct. 16. vbi Patres vocantur, qui in cap. Canones nominati sunt Episcopi; & hoc conuenientissime, quia ita Spiritu sancto nominati leguntur Psal. 44. vbi ita inquit Ecclesiae militanti: [Pro patribus tuis nati sunt tibi filij.] Vbi glossa Hieronymi de Episcopis hoc exponens, ita inquit: [Fuerunt in Ecclesia Apostoli Patres tui, quia ipsi te genuerunt. Nunc autem, quia ipsi recesserunt à Mundo, habebis pro his Episcopos, qui à te creati sunt. Sunt enim, vt hi, Patres tui, quia ab ipsis regeneraris.]

Item huius testimonium colligitur aperitissime ex capit. Synodum distinct. 17. vbi beatus Marcellus Papa Synodum vniuersalem vocat Synodum Episcoporum.

Item hoc habetur expressè ex illo, quod in gestis Chalcedonen. Concilij legitur, quod Catholici Episcopi videntes quosdam Aegyptiacos non Episcopos, qui de Alexandria cum Dioscoro Haeretico Chalcedoniam venerant tentantes interesse Concilio, clamauerunt dicentes, quod Concilium Episcoporum esset, & alij expelli deberent.

Ceterum hoc etiam arguitur ex eo, quod Leo Papa Ephesino Concilio scribens, postquam de Eucyhet. errore, & suorum complicitum locutus est, sic subiunxit: [Iveniam quia & talium non est intelligenda curatio: pie, ac religiosè Christianissimus Imperator habere voluit Episcopale Concilium, vt pleniori iudicio omnis posset error aboleri.]

Item in epistola, quam Christianissima Pulcheria Augusta ad Consulem Bichyniae Stratigium, vt curam haberet circa disciplinam Synodi prohibendam, antequam placeret ei, & Patribus de Nicæna ad Chalcedoniam mutare Concilium, sic dicitur: [Quidam autem, sicut agnouimus, cum sint solliciti conturbare, & confundere Deo placitam disciplinam, superuenientes in Nicæna Clerici, ac Monachi, ac laici tumultus facere, & tentant in Concilio has pias literas ad tuam

Qq q

dire-

direximus claritatem: quatenus cum omni virtute eos, qui prater nostram euocationem, aut permissionem suorum Episcoporum ibidem commemorantur: Clericos, Monachos, atque laicos, quos nulla ratio ad Concilium vocat, omnino valeas remouere, & ab ipsis locis expellere.] Hec ibi.

Item, vt habetur in prima actione Chalcedonen. Synodi, Abbas Martinus requisitus ab Euthyco, vt se subscriberet in gestis Concilij Ephesini, non acquieuit, dicens: [Non est meum subscribere; Episcoporum tantum est, & eorum, qui digni sunt.]

Praterea, secundo loco clarissime demonstratur rationibus: solos Episcopos, siue Prælatos maiores necessariò conuocari debere ad Concilia vniuersalia.

Primò sic: Illi soli veniunt necessariò conuocandi ad vniuersalia Concilia, cum quibus tractanda veniunt, quæ vniuersitatem Christiani populi respiciunt, qui constituti singulariter leguntur Christiani Populi Principes, & rectores. Patet hoc, quia statuere, corrigere, & reformare, cum sint actus iurisdictionis, vt de reb. Eccles. non alienant. cap. fin. ad superiores pertinent. Sed Episcopi soli sunt huiusmodi, vt patet ex auctoritate inducitur Prophetæ cum gloss. Psalm. 44. [Constitues eos Principes super omnem terram.] Ergo ipsi soli Episcopi ad vniuersalia Concilia veniunt vocandi.

Secundò sic confirmando rationem iam factam: Illi veniunt solum vocandi necessariò super rebus vniuersitatibus, qui maiores sunt de vniuersitate, cum vniuersitas ipsa tota conuocari non possit, quia in maioribus minores contineri videntur, vt notatur extrâ, de his, quæ sunt à maior. par. cap. quasi per totum. Sed Episcopi soli sunt huiusmodi in republica Christiana, vnde Patres Ecclesiæ vocati sunt, vt in cap. Canones distinct. 15. & Columnæ Ecclesiæ Dei, & Legati, & Apostolorum successores, vt ait Anacletus in cap. accusatio 2. quæst. 7. Ergo ipsi soli necessariò, &c.

Tertiò sic: Illi soli veniunt ad vniuersale Concilium vocandi, quibus specialiter à Christo credita est potestas iudiciaria in causis discernendis. Patet. Sed Episcopi soli, qui Apostolorum sunt successores, eorum loca tenentes in Ecclesia, sunt huiusmodi iuxta cap. in nono distinct. 21. Ergo ipsi, &c. Quibus solis dictum est, Matth. 18. [Quicumque ligaueritis super terram, erunt ligata & in Cælis.] Ergo hoc idem, quod prius.

Quartò sic: Illi soli videntur vocandi necessariò ad vniuersale Concilium, qui ex iuramento tenentur ad illud venire, & quibus poena iuris venit infligenda, si venire contemnunt. Sed soli Episcopi sunt, qui ad vniuersale Concilium vocati iurant venire, vt in capit. ego enim extrâ, de iure iurando. Ipsi etiam sunt, quibus venire negligentibus poena infligitur, vt cap. placuit distinct. 18. Ergo ipsi soli videntur necessariò vocandi.

Quintò, Abbates, & alij inferiores Prælati non sunt necessariò vocandi ad Concilium Prouinciale; nec tenentur ad illud venire, nisi ex aliqua magna causa, & specialiter vocati; sed Archiepiscopi, vel Episcopus infra sex menses tenetur omnibus Abbatibus

Prouinciæ suæ, vel Diocesis denunciare; vt ea seruent, quæ in Concilio statuta sunt, vt in cap. si Episcopus, & in cap. discernimus distinct. 18. Ergo multò minus euocandi veniunt ad vniuersale Concilium, Consequenter est manifestum.

Sextò sic: Si inferiores Prælati essent necessariò vocandi ad Concilium vniuersale, sequeretur, quòd ipsis non vocatis redderetur Concilium, siue Synodus nulla. Sed hoc est manifestè falsum. Ergo illud, &c.

Septimò sic: Si inferiores Prælati essent de necessitate vocandi ad Concilium vniuersale, vt habentes voces definitiuas; sequeretur, quòd cum ipsi essent plures numero, quam Episcopi: si differentia esset inter eos, & Episcopos, tota auctoritas Synodi vniuersalis deueniret, siue resoluereetur ad inferiorum vota Prælatorum, cum à maiori parte concluderetur. Sed hoc absurdum, & inconuenientissimum esset. Ergo illud etiam, ex quo sequitur.

Octauò, non parum fauet proposito, quòd Prælati maiores, iuxta Theologorum sententias, superiores Angelos habent custodes, & illuminatores; & per consequens illorum iudicia maiori, & pleniori credenda, sunt firmari veritate, & auctoritate.

C A P. XIII.

In quo ponuntur obiectiones contra iam dicta.

ADuersus ea, quæ iam de euocandis necessariò ad vniuersalia Concilia dicta sunt, ab Aduersarijs multipliciter obijciuntur.

Primò, ex illo a6. 15. in Synodo per Apostolos celebrata Hierosolymis, dicuntur tam Apostoli, quam Seniores conuenisse. Et ita videtur, quòd ad Concilium vniuersale non solum Episcopi, & qui loco Apostolorum sunt; sed etiam Presbyteri, qui ibi videntur dicti Seniores vocandi sunt.

Secundò sic, ex cap. conuenientibus 1. quæst. 7. vbi quidam Petrus Archidiaconus, & quidam Petrus Presbyter, & quidam Abbas interfuisse dicuntur secundo Synodo Nicænæ tenentes locum Hadriani Papæ.

Tertiò, ex cap. Hadrianus distinct. 43. vbi Papa Hadrianus dicitur celebrasse Synodum cum 153. Episcopis, Religiosis, & Abbatibus.

Quartò, ex cap. sequenti in Synodo eadem distinct. vbi Synodo celebrata Romæ sub Leone Papa, dicuntur interfuisse totus Clerus, & Populus Romanus.

Item quintò sic obijciunt: Presbyteri Curati sunt Prælati, & habent curam Animarum sicut Episcopi. Et sicut præsidet Episcopus in suo Episcopatu, ita Archidiaconus in Archidiaconatu suo, & Curatus in Parochia sua. Ergo videtur, quòd ipsi ita sunt vocandi ad Concilium sicut Prælati maiores; & confirmatur ex cap. Concilia distinct. 17. vbi Concilia dicuntur Synodi Sacerdotum; & in §. hinc etiam eadem distinct. dicitur, quòd Imperator Sacerdotes conuenire præcepit ad Urbem.

Sextò,

Sexto sic: Domini Cardinales Presbyteri, & Diaconi nou sunt de numero Prælatorum maiorum, vt colliguntur tam ex textu, quam ex gloss. cap. quamquam 2. quæst. 7. & tamen si verum est, quod soli Prælati maiores vocandi essent necessariò ad Concilium vniuersale: Cardinales prælati non venirent vocandi, quod videtur esse falsum.

Septimò sic: vbi est eadem ratio, ibi videtur esse idem ius. Sed causa, & ratio quare in antiquis Concilijs soli Episcopi vocabantur, erat ex eo, quod in fide, & doctrina religionis Christianæ amplius essent eruditi, & in moribus plus compositi, ac in regimine subditorum plenius circumspècti. Sed hæc quandòque, & frequenter concurrunt abundantius in alijs Prælati inferioribus, in Doctoribus, & eruditis Religiosis, Abbatibus, Prouincialibus, Ministris, atque Prioribus. Ergo videtur, quod tales eodem iure vocandi essent.

Octauò: quæ in vniuersali Concilio agenda sunt, omnes Fideles videntur respicere, & tangere. Ergo videtur, vt ab omnibus approbentur, quæ in eis constituenda sunt, & omnes debeant conuocari: cum regula iuris sit: quod omnes tangit, ab omnibus approbari debet.

Nonò: Concilium vniuersale repræsentat vniuersalem Ecclesiam; sed vniuersalis Ecclesia dicitur collectio omnium Fidelium, vt in cap. Ecclesia, de consecrat. distict. 1. Ergo videtur, quod ad hoc, quod tale Concilium veraciter vniuersalem Ecclesiam repræsentans, rectè celebretur, omnes Fideles, aut saltem de quolibet statu aliqui debeant necessariò ad illud vocari.

Decimò arguitur, quod in Concilijs vniuersalibus primis leguntur non modò Episcopi, sed etiam Monachi, & Presbyteri, & etiam laici subscripserint leguntur; sicut potest colligi ex sexta, & octaua Synodo. Ergo videtur ità esse obseruandum in alijs.

C A P. XIV.

In quo ponitur solutio ad obiecta facta,

VT plenior habeatur veritatis notitia, & clarius satisfiat obiectionibus factis ex aduerso: consideranda sunt, quæ in superioribus tetigimus, vbi descripsimus Concilium vniuersale. Synodus vniuersalis congregatur principaliter ad ordinandum auctoritatiuè aliquid in Ecclesia Dei. Et quia ad hoc rectè faciendum necessariò præire oportet maturum consilium. Quoniam, vt dicit quidam sapiens: Diu deliberandum est, quod constituendum est semel.

Hinc duæ voces distinguuntur in Concilio, scilicet, vox consultoria, siue consultiua; & vox decisiua, siue definitiua.

Prima vox est propriè eorum, qui prudentia præcellunt, quæ mater est consiliorum, & sapientia, quæ ad altissimarum rerum, quæ in Concilijs vniuersalibus sæpe considerandæ veniunt, cognitionem illustrat.

Tom. XIII.

Secunda vox est eorum, qui potestate clauium auctoritatem in Ecclesia superiorem tenent, & quoniam Prælati maiores in Ecclesia verumque habent, vt potè, qui Apostolis succedunt quibus Dominus ait, Mat. 18. [quæcumque ligaueritis super terram, &c.]

Ipsi ergo de iure conuocandi sunt ad vniuersale Concilium, vt potè, quibus ex officio conuenit interesse: quod nulli alijs licitum esse videtur. Quoniam, vt in cap. satis euidenter dicitur distict. 96. [Illicitum, namque est, eum, qui non sit in ordine sanctorum Episcoporum Ecclesiasticorum, interesse tractatibus.] Et sunt verba Theodosij Imperatoris sanctæ Synodo Ephesinæ scribentis.

Secundò considerandum, quod licet Prælati maiores vocandi sint de iure ad Concilium vniuersale: possunt etiam alij vocari per Summum Pontificem ad voces consultiuas; qui, aut pro singularitate prudentia eorum, & experientia in agendis dubijs occurrentibus; aut doctrina Diuini, vel humani iuris idonei: quemadmodum multi Magistri, & Doctores excellentes in Ecclesia sunt, siue sint seculares, siue Religiosi, qui non sunt Prælati. Quemadmodum non tantum factum tempore præterito legimus; sed etiam in diebus nostris tam in Concilio Constantiensi, quam Basiliensi vidimus prædicatum, quibus interfuius; quod etiam opportunum erit continuare plùs, vel minùs, secundum causas, propter quas congreganda veniunt talia Concilia. Et hoc, quia in his nostris diebus pro dolor multi Domini Episcopi, siue Prælati maiores, non tantæ prudentiæ, & sapientiæ splendunt, quanta pro singularitate dignitatis, qua cæteris eminent resurgere deberent. Et ità hoc modo plures non Prælati vocantur ad consiliandum super rebus agendis, vel inquirendis veritatibus ad Concilium vniuersale, qui de iure nec veniunt, nec interesse habent. Et tales solam vocem consultiuam habere debent. Episcopi verò & consiliatiua, & decisiua.

Non negamus tamen quin Papa vocans aliquas personas notabiles inferioris status ad Concilium vniuersale, vt putà Prælatos minores, aut alias personas doctas: possit illas gratiosè honorare, dando eis auctoritatem, vt etiam habeant vocem definitiuam cum Episcopis. Sicut fortè factum est cum Abbatibus, vt in cap. Hadrianus, & in cap. in Synodo distict. 63.

Sed hoc nec regulariter fiendum est, nec ex consuetudine præstant ius habere in definitionibus vniuersalis Concilij.

Nec etiam cum multis hoc agendum est, aliàs iudicio nostro, saluo semper meliori, plura inconuenientia sequi possent.

Primum est, quia, vt dictum est in præcedenti cap. frequenter contingeret, vt iudicium vniuersalis Ecclesiæ non ad vota minorum maiorum Prælatorum, sed inferiorum resolveretur; & tota vniuersalis Concilij auctoritas federet apud inferiores, & minores in Ecclesia. Quod quantum esset periculosum, & quàm absurdum vnusquisque benè doctus, & sanus mente intelligit.

Intelleximus tamen cum in Basiliensi Concilio fuimus, quosdam nouellos Magistros,

Qq q 2

fros, non ætate, sed doctrina ad hoc summa violentia intendere: cognoscentes, quod admissis nouellis doctrinis eorum de auctoritate Conciliorum, & admissione inferiorum. Prelatorum ad voces definitiuas: maior pars Ecclesiæ esset semper apud eos quotiescumque celebrarentur vniuersalia Concilia; à quo periculo dignetur Ecclesiam suam sanctam Christus custodire.

Secundum inconueniens, quod sequeretur, si alij, quam Episcopi admitterentur in multitudine ad voces definitiuas est. Quia hoc dato, esset in potestate vnus Principis, in cuius terra celebraretur Concilium vniuersale, definire quicquid vellet in Concilio, siue aduersus Papam, siue Clerum, siue alios Principes seculares; cum mittere, posset tot Doctores, Magistros, & Abbates, Parochos, & Curatos, qui supergraderentur multitudinem Episcoporum.

Præterea hanc sacrilegam partim oculis nostris apertius dolenter in Basiliensi Concilio. Quid autem hoc magis inimicum fidei, & unitati, ac paci Ecclesiæ esse potest planè nihil.

Præterea tertium inconueniens, quod sequeretur est, quod si inferiores Prelati in Concilijs vniuersalibus haberent voces definitiuas, quemadmodum Domini Episcopi, iam in regimine vniuersalis Ecclesiæ inferiores æquarentur superioribus, quod nec natura patitur, nec ratio admittit, nec dispositioni Diuinæ consonare potest.

Tendendum est ergo, & diligenter obseruandum, vt ad Concilium vniuersale, non nisi Prelati ad voces definitiuas regulariter admittantur.

His habitis, ad rationes iam deueniendum est.

Ad primam respondetur, negando consequentiam, si ex illo vellet aduersarius arguere, quod Seniores illi, qui cum Apostolis conuenisse dicuntur, habuerint voces definitiuas in illo Concilio, maxime, quia Seniores illi, qui etiam ibi dicuntur Presbyteri, dubium est, an fuerint laici, vel Sacerdotes, cum glossa super verbo [Presbyteros,] dicit ætate, vel gradu.

Sciendum ergo videtur, quod Seniores illi, licet conuenierint cum Apostolis in Concilio consultando, nihilominus determinatio, & definitio facta fuit per Apostolum Petrum. Nam, vt ait Hieronymus in epistola ad Augustinum, [Petrus Princeps fuit illius decreti.] Vnde glossa super verbo [tacuit omnis multitudo,] dicit, [concordans Petro.] Et ita etiam exposuit Magister Nicolaus de Lyra.

Nec obstat, quod sequitur: [Visum est Spiritui sancto, & nobis;] quia hoc non arguit, quod omnes habuissent in decreto auctoritatem definiendi, quod solis maioribus conueniret; sed bene, quod omnes concurrerint in consultando, & discernendo, quod conueniebat.

Præterea, nec obstat, quod in personarum omnium scripta legatur epistola, quam ad fratres Antiochie existentes mittebant. Quoniam, vt ibidem dicit glossa, & commemorat Dominus Hugo Cardinalis in expositione.

Ideo titulus communis ponitur in epistola, ne aliqua dissensionis occasio relinqueretur; idest, vt daretur intelligi, quod omnes in illa sententia conuenirent, ratione cuius communis sensus nomine omnium scripta est epistola illa; non autem ex hoc, quod omnes habuerant voces definitiuas in illo Concilio.

Ad secundam rationem respondetur, quod textus præfatus non est ad propositum, quoniam illi dicitur ibi à Papa missi tamquam eius Legati, vt locum eius tenerent in Concilio. Hoc autem fieri bene potest auctoritate Papæ, quemadmodum etiam alij etiam minores, vt Diaconi, loca tenere possunt aliorum Patriarcharum in Concilijs, vt colligitur in capite, præcipuis distinct. 92. quod est factum in sexta Synodo, & ex cap. 1. dist. 94. quod est Symmachi Papæ.

Ad tertiam respondetur, negando consequentiam: quia licet Abbates leguntur interuenisse in præfato Concilio generali cum Episcopis, differenter tamen: Primò, quia Episcopi sunt hi, qui de iure, & officio interesse debebant: Abbates vero sunt hi, qui de gratia Summi Pontificis vocabantur. Secundo, quia in Concilio Episcopi habebant voces consultiuas, & definitiuas: Abbates vero consultiuas tantum; vel si etiam definitiuas, hoc erat ex beneplacito Rom. Pontificis, quod fieri potest, sicut supra diximus.

Ad quartam, quod nullo modo facit ad propositum; quoniam Clerus totus, & populus non est vocatus ad consulendum, siue definiendum aliqui Synodaliter; sed ad hoc, quod ipsis præsentibus, & gratum habentibus, Leo Papa cum maiori solemnitate daret Regi Carolo Patriarici dignitatem, & ordinationem Apostolicæ Sedis, & ita non est ad propositum.

Ad quintam respondetur, negando assumptum: non enim videtur concedendum iuxta sanctum Thomam tam in 2. 2. quam in quodlibetis, & vt nos supra induximus lib. 1. huius nostræ Summæ cap. 78. quod Archidiaconi, & Presbyteri Curati ita Prelati veniant dicendi, sicut Episcopi: quia Episcopi sunt, qui principaliter habent curam populi; Presbyteri autem, vel Archidiaconi habent aliquas subuisiones, sub Episcopis.

Vnde super illud 1. Corinth. 12. [Alij opulationes, alij gubernationes,] dicit glossa sic: [Opulationes, idest, eos, qui maioribus ferunt opem. Vt Titus Paulo, vel Archidiaconi Episcopos, gubernationes, idest minorum personarum, vt Presbyteri, qui plebi documento sunt. Vnde & hoc ipsum ostenditur in ordinatione Sacerdotum, de quibus Episcopus ita dicit: [quanto fragiliores sumus, scilicet Apostolis: tanto magis his auxilijs indigemus.] Vnde in cap. cunctis, ex auctoritate Clementis Papæ, omnibus Presbyteris, & Diaconibus, & reliquis Clericis attendendum præcipitur; vt nihil absque proprii Episcopi licentia agatur; & idem in capite non debere distinct. 80. Vnde patet, quod ad Episcopos principaliter pertineat regimen Ecclesiæ, ipsi sunt veri, & principales Prelati; & ideo ipsorum tantum est habere voces definitiuas in Concilijs vniuersalibus.

libus, in cuius signum cum definitio aliqua fienda est in Concilio vniuersali, ipsi soli regulariter ornamentis Pontificalibus induuntur; vt potest, ad quos iudicium illius tribunalis tantum expectat.

Ad confirmationem autem inductam ex cap. Concilia, respondetur, vt ibi glossa exponit, quod per Sacerdotes intelliguntur Episcopi.

Ad sextam de Cardinalibus, respondetur, quod licet omnes ipsi non sint Episcopi, sunt tamen quasi vnum corpus cum Romano Pontifice Summo Episcoporum. Vnde cum persona Papæ, qui caput Conciliorum est, intelligendi veniunt ipsi Cardinales, cum sint spiritalia membra eius, vt notat Hostiensis in cap. antiqua, de priuilegiis. Et non minus, quam ipsi Episcopi vocem definitiuam habent in Concilijs habent. Vnde simul cum Episcopis, scilicet Pontificalibus vestibus, & mitris in definitionibus synodalibus concurrunt.

Præterea, licet non omnes Cardinales sint Episcopi, vt dictum est, nihilominus habent Episcopalem iurisdictionem; vnde in cap. in nomine Domini, Cardinales Episcopi vocantur: vt ait glossa super verbo [Cardinales Episcopi.] Succedunt etiam Apostolis in dignitate Apostolica, sicut in primo huius operis declarauimus, qui principalem locum in Ecclesia tenent.

Ad septimam respondetur, negando assumptum, videlicet, quod ideo principaliter ad Concilium euocandi sunt vniuersales, quia in lege Domini fuerint plenitudinis eruditi, &c. Hoc enim falsum est, licet tales deberent, iuxta cap. qui Ecclesiastici distinguuntur.

Sed hoc deberetur eis iure dignitatis eorum. Sunt enim Principes Ecclesiæ à Deo constituti. Psalm. 44.

Ad octauam respondetur negando consequentiam. Et cum dicitur, quod regula iuris est. Respondetur dupliciter:

Primò, quod ab omnibus intelligitur, approbatum est, quod à potioribus, siue maioribus in vniuersitate approbatum.

Secundò respondetur, quod regula illa non facit ad propositum, cum non habeat locum, nisi vbi iura aliquorum tangetur cum aliquo præiudicio. Vnde Innocentius notat in cap. vestra, & in cap. fin. de off. Leg. dicens: quod cum Episcopus, vel Legatus velit facere statutum tangens iura aliorum; hoc debet facere cum eorum assensu, etiam si sint laici; vel si non consentiant, saltem debent esse presentes.

Hoc autem non est in Concilijs vniuersalibus, vbi regulæ viuendi, & doctrinæ nemini præiudiciales, sed salutares instituuntur.

Ad nonam respondetur, negando consequentiam. Dicimus enim, quod ad hoc, quod Concilium vniuersale repræsentet vniuersalem Ecclesiam, non requiritur præsentia omnium Fidelium. Hoc enim est impossibile; nec aliquo tempore factum legitur. Sed sufficit, quod in eo sint maiores, siue potiores reipublicæ Christianæ, cuiusmodi sunt Prælati maiores, vt dictum est. Vnde facta in Concilio per tales, tota Ecclesia fecisse dici-

tur, vt aperte colligitur ex cap. confidimus dist. 25. qu. 1.

Ad decimam respondetur, quod licet in aliquibus Concilijs legantur interfuisse Presbyteri, aut Monachi, siue etiam laici, non tamen ad definitiuas voces admissi, sed vel ad consultatiuas, vel vt testes essent; quod manifestè colligitur ex varietate formarum subscriptionum, quibus videntur illi, & illi.

Forma autem Episcoporum subscriptionis est talis:

Flavius Episcopus Constantinus iudicans subscripsi.

Forma vero Presbyterorum Archimandritarum sit:

Faustus Presbyter Archimandrita Monasterij sancti Dionysij subscripsi.

Ecce, quod non ait sicut Episcopus iudicans subscripsi.

Imperatores verò subscribentes non dicebant se definire, vel iudicare; sed definita, & iudicata suscipere; vt patet ex subscriptionibus Imperatorum in octaua Synodo.

De ista autem materia etiam aliquid in cap. sequenti dicitur.

C A P. XV.

Qui admittendi sunt ad Concilium vniuersale, & qui non.

Postquam ostendimus, qui regulariter ad vniuersalia Concilia necessario vocandi sunt, & qui non. Quoniam multi etiam non vocati veniunt petentes admitti. Iam enucleemus, qui & quibus de causis admittendi veniant, & qui non.

In primis notum est hæreticos non esse admittendos ad Concilium iuxta cap. cum quibus 24. quest. 3. vbi Gelasius Papa dicit non esse Ecclesiastici moris, cum his, qui pollutam habent communionem, permixtamque cum perfidis miscere Concilium. De fidelibus verò, quod omnes petentes admitti, admittendi sint, videtur aliquibus de numero nouellorum magistrorum inducentibus per se, & practicum aliquorum antiquorum Conciliorum, & aliquas persuasiones.

Ex practica quidem Conciliorum arguentes inducunt primò, quod in Concilio celebrato per Apostolos, super electione Matthæ, de quo Act. 1. non solum interfuerunt Apostoli, sed etiam laici, & mulieres videatur admissi, vt videtur colligi ex littera illius c.

Secundò, inducunt idem ex Concilio secundo Apostolorum. Vbi multitudo discipulorum vocata legitur, vt eligerent aliquos ad quotidianam dispensationis ministerium peragendum, vt habetur actum 6.

Tertiò, inducunt practicum Conciliorum modernorum, scilicet Pisani, Constantiniani, & Basiliensis, in quibus indifferenter, Abbates, Magistri, Doctores, Licentiat, etiam Baccalarii, & Presbyteri, Religiosi, Pro-

Procuratores, imò etiam quasi quicunque volebant, admissi fuerunt.

Quartò, ratione sic: ad Concilium vniuersale, in quo decidenda veniunt ardua causæ videntur omnes admittendi, quoniam res agitur, & vertitur interesse propriæ salutis, sed huiusmodi sunt omnes fideles, ergo nullus fidelis, qui interesse, vult debet excludi, siue non admitti.

Quintò, quilibet filius tenetur pro sua facultate succurrere Matri suæ in angustiis constitutæ, sed omnes fideles sunt filij Matris Ecclesiæ, vt patet, ergo omnis fidelis tenetur pro sua possibilitate subuenire sanctæ Matri Ecclesiæ, sed vniuersale Concilium ad hoc congregatur, vt necessitatibus Ecclesiæ subueniatur. Ergo ad illud debent admitti omnes, qui opem volunt conferre.

Sextò, confirmatur sic ratio ipsa, quilibet homo sanus mente videns domum propriam, vel Domini sui ardere, debet occurrere, vel cum aqua, vel cum aliqua alia res ad extinguendum incendium, sed domus propria, siue Domini Nostri Dei est vniuersalis Ecclesia. Ergo incenso in illa scandalo, debent omnes fideles concurrere, iuxta illud Prophetæ palm. 68. zelus domus tuæ comedit me, & opprobria exprobatum tibi ceciderunt super me, sed hic concursus fit in Concilio vniuersali. Ergo ad id sunt admittendi omnes fideles concurrentes ad patrocinium conferendum.

In oppositum tamen videntur esse quæ dicta sunt in præcedenti capitulo. Præterea si passim omnes fideles petentes admitti ad Concilium admittendi essent, maximè ad voces definitiuas, & consultiuas, plura mala sequerentur, vt perturbatio pacis scandalorum materia, seditiones, rixæ, contentiones; difficultas aliquid rectè concludendi, orirentur.

Quoniam, vt ait beatus Chrysostomus in princ. suprà 10. in comm. literal. Multitudo Mater est seditionis, & contumaciæ. paucitas magistra disciplinæ. Et Augustinus, contrà Iulianum lib. 2. art. 2. dicit, in causa iudicandi amoto strepitu turbatur, honorandam esse paucitatem, quam ratio eruditionis, libertasque sublimat. Respondendo ergo ad hanc quæstionem, videtur nobis dicendum, quòd nullo modo conueniat admittere omnes, qui admitti postulant ad vniuersale Concilium ad voces definitiuas, nec etiam consultiuas, nisi vt suprà diximus.

Et tamen notandum, quòd reuoluetibus nobis multas historias, & practicas obseruatas in multis Concilijs, cognoscimus occurrere in factò, quòd multis, & varijs de causis aliqui præter Prælatos superiores, quos vt suprà diximus in his, quæ pertinent ad corpus vniuersalis Concilij admissi, & postunt admitti ad vniuersalia Concilia.

Primò, quidem modo ad plenius consultendum in agendis, & disponendis in Concilijs vniuersalibus, vt aliqui prudentes, & experti viri in notitia rerum tractandarum in Concilio, vt etiam si disponeret via in Ierusalem, aut de bello contra Turcas: admittendi venirent homines, qui in dispositiones rerum necessariarum pro tali negotio essent docti, & experti.

Secundò, leguntur admissi gratia dispu-

tationis tantum, vt si contrè hæreticos disputatione agendum esset, vt aliqui doctissimi Magistri, & Doctores, sicut diebus nostris primò vidimus Basilæ, cùm contrà Bohemos disputabatur: secundò Florentiæ ad disputandum cum Græcis. Hoc etiam superioribus temporibus legimus latius pertractatum super quæstionem de gradibus consanguinitatis per Alexandrum Papam II. de quo in cap. ad Sedem 35. quæst. 5. ita Papa loquitur, ad Sedem Apostolicam perlata est quæstio noniter orta de gradibus consanguinitatis, quam quidam legum, & Canonum imperiti excitantes, &c. sequitur, infrà hanc quæstionem discutere curauimus in Synodo habita in Lateranensi Consistorio, conuocatis ad hoc opus Episcopis, & Clericis, arque Iudicibus diuersarum Proinciarum. Hæc ibi.

Tertio, admissi leguntur aliqui tantum Iudices discretiui, ad discernendum inter altercantes aliquos super aliqua profunda, siue ardua quæstione. Vndè in Synodo illa amplissima celebrata Romæ, in qua cùm coram Imperatore Constantino, & Helena disputandum veniret inter Christianos, & Iudæos tempore beati Syluestri, quæ lex, an scilicet Christianorum; an Iudæorum præferenda veniret? Iudices duo positi sunt non suspecti, scilicet Crato philosophus, qui nihil terrenum habere volebat, & Zenosmo, qui consul existens nunquam munus ab aliquo suscepit. Legimus etiam in Concilio Chalcedonensi in disputatione contrà Dioscorum Iudices discretiuos positos fuisse. Vndè de eis in actione 16. sic habetur. Gloriosi Iudices dixerunt, ex his, quæ gesta sunt, vel ab vnoquoque deposita, ante omnia quidem, Primatum, & honorem præcipuum, secundum Canones antiquos Romæ Deo amatissimo Archiepiscopo conservari oportet. Item in 8. Synodo actione 1. sic habetur. Imperatores nostri miserunt nos seruos suos, qui Senatores eorum Senatus vocantur, qui voluntate Dei honoratus est secundum omnia, vt simus discreti eorum, quæ geruntur, Auditores.

Quartò, admissi leguntur ad vniuersalia Concilia, & etiam admitti possent ad conseruationem fidei, & defensionem, & gestarum rerum pleniorum acceptationem. Hoc modo Imperatores, & Principes quandoque leguntur ad vniuersalia Concilia admissi, ait enim Martianus Imperator in Chalcedonensi Concilio. Nos ad conseruandam fidem, non ad potentiam ostendendam exemplo gloriosissimi Principis Constantini Synodo interesse volumus, vt inuenta veritate, non vltra, multitudo prauis doctrinis attrita discordet.

Quintò, admittuntur aliqui ad Concilium gratia protectionis Synodi, & libertatis illius vt Princeps, vel eius locum tenens, in cuius territorio Synodus celebratur, maximè quando Synodum extra terra Ecclesiæ Romanæ celebrari contingit.

Sextò, admittuntur aliqui ad Concilium gratia doctrinæ, & eruditionis. Hac ratione non modo clerici, sed etiam laici admitti possunt, cùm aut de fide agitur, aut de gradibus consanguinitatis, vt erudiantur. Vndè Nicolaus Papa in cap. vbi distinct. 96. inquit. Vbi nam legis Imperatores antecessores vestros Synodalibus in-

ter-

terfuisse conuentibus, nisi forſan, vbi de fide tractatum eſt quæ vniuerſalis eſt, quæ omnium communis eſt, quæ non ſolum ad Clericos, verum etiam ad laicos, & ad omnes pertinent Chriſtianos.

Septimò, admittuntur aliqui, qui habent aliquid opponere, vt putà aut quærelas, vt qui habent cauſas litigioſas, vel qui ſuper aliquibus grauiſſis occurrentibus cauſis circa materias, ſuper quibus Synodus eſt congregata, petunt ſibi per Synodum prouideri. Verum iſti, nec deſinitiuam, nec conſultiuam vocem habent in Concilio, ſed expoſitiuam tantum. Vnde expoſitis verbo, vel ſcripto, quæ exponere voluerunt, non habent amplius Synodo intereſſe.

Octauò, aliqui leguntur admiſſi ad Concilia ad ampliorem notitiam iuſtitiz veritatis. Hac de cauſa Innoc. in cap. ad Apoſto- licæ, & ſententiæ, & re iudic. lib. 6. dicit. Si diceret, ſcilicet ipſe Fredericus, quòd in nullo contra iuſtitiam Eccleſiam læſerat, vel quòd nos cum contra iuſtitiam læſiſſemus. Parati eramus conuocare Reges, Prælatos, & Principes tam Eccleſiaſticos, quàm ſeculares ad aliquem tutum locum, vbi per ſe, vel ſolemnes Nuncios conueniret, &c.

Nonò, admiſſi leguntur aliqui ad Concilia gratia miniſterij, vt officiales Notarij, & Procuratores. Vnde plura verba leguntur in geſſis Conciliorum, quæ ſunt verba Notariorum referentium tam diſſa Patrum, quàm etiam Imperatorum.

Decimò, admiſſi leguntur aliqui ad maiorem ſolemnitatem eiufdem, ſicut patet in Synodo Romæ celebrata, in qua Leo Papa, clero, & populo ſimul conueniente, dat Regi Carolo Patriciatuſ dignitatem, vt in cap. Synodo diſtinct. 63. hoc etiam patet in Synodo Romæ celebrata in qua Nicolaus Papa formam electionis Romani Pontificis diſponens in cap. in nomine Domini diſtinct. 23. in talibus enim Synodis, ad quæ non fiebat conuocatio Episcoporum, de diuerſis prouincijs admittebantur, quandocumque alij inferiores, vt Diaconi, Presbyteri, & Monachi, ſicut in prædictis Concilijs legitur factum pro honore, & amplitudine Concilij.

Vndecimò, reperiuntur aliqui admiſſi ad Concilium, vt ſint teſtes geſtorum in Concilijs per ſubſcriptiones eorum, ſicut in quinta, & octaua Synodis legitur, quòd Presbyteri, Monachi, Diaconi, Lectores ſubſcriperunt, & Imperator, ac Senatus.

Duodecimò, leguntur aliqui admiſſi gratia ſanctitatis, cum ſcilicet aliquid orationum ſuffragio à Deo poſtulan- dum occurrat. Exemplum huius colligitur ex primo Concilio Apoſtolorum, in quo cum orationibus impetrandum foret, admiſſi ſunt omnes 120. qui cum Apoſtolis erant in cenaculo ad Concilium illud, vt omnium orationibus interuenientibus, facilis eorum petitio exaudiretur. His habitis facile reſpondetur ad rationes factas in oppoſitum. Verum pro ſolutione obiectionum, quæ ſumuntur ex practica, & forma præteritorum Conciliorum. Notandum, quòd de modo celebrandi Concilia vniuerſalia, quo ad perſonas maximè vocandas, vel admittendas, præter Episcopos, nulla certa forma data eſt. Cuius ratio eſſe vide-

tur, quia forma, & modus celebrationis vniuerſalium Conciliorum pendet omnino ex diſpoſitione Papæ, qui auctoritate, & poteſtate eſt ſuprà vniuerſalia Concilia, vt extra de elect. cap. ſignificalli, qui pro rerum, & caſuum varietate poteſt illos, vel illos vocare, vel admittere, & ideo ex modo, vel ex forma ſeruata in vno Concilio vniuerſali, vel in alio, ſive per Apoſtolos, & Patres ſuccedentes nõ poteſt capi efficax argumentum, quia variz formæ leguntur obſervatæ circa perſonas iſtantes admittendas, vel non admittendas, vt iam viſum eſt. Et maximè hoc verum eſt ex forma obſervata in quibuſdam Concilijs, quæ non pro grauiſſis cauſis, & vniuerſalibus, ſed particularibus, & non ad deſinendum, vel ſtatuendum aliquid vniuerſaliter pro tota Eccleſia celebrata ſunt. Quare licet primitiua Eccleſia celebrando aliqua Concilia exemplum nobis dederit, vt nos occurrentibus neceſſitatibus illa celebremus; vt ait gloſſ. ad. 15. non tamen obligamur, ritum tunc obſervatum, nunc obſervare, ſicut nec ritum tunc circa Sacramentorum diſpoſitionem obſervatum, obſervare tenemur, ſicut patet de vſu ſacramenti Eucharitiæ, quod inſtitutum, & celebratum poſt cenam legitur, & Apoſtoliſ traditum, Lucæ 22. quod tamen nos nonniſi ieiuni celebramus, & ſumimus, iuxta cap. liquido de conſecr. diſtinct. 2. vbi Auguſtinus, ita inquit. Placuit Spiritui ſancto, vt in honore tanti Sacramenti prius in os Chriſtiani, corpus Dominicum intraret, quàm cæteri cibi, vnde ad argumentum, quòd fit. Chriſtus poſt cenam, vſe cibum ſumpſit Sacramentum, ergo nos ita debemus facere.

Reſponder ſanctus Thomas in 4. quòd non ſequitur, quia non oportet, quòd Eccleſia ſeruet ordinem ſumendi, quem Chriſtus ſeruauit, quia non oportet, quòd conuenit principio, vel generationi alicuius rei, quòd competat ei, quando iam eſt in eſſe, perfectò, & ſimiliter non oportet, quòd conuenit Sacramento in ſui inſtitutione, quòd competat ei quantum ad ſuum vſum. Similiter dicere poſſumus de ordine, & forma celebrandi Concilia.

Non enim oportet, quòd ritus obſervatus per Apoſtolos in Concilijs ſuis, ſeruetur per omnia nunc à nobis, quia aliquid fuit tunc conueniens, quando Eccleſia erat paruula, & in principio ſui, quòd nunc non conueniret Eccleſia producta ad perfectiorem ſtatum, multa varietate ordinum, ac officiorum diſtributum.

Ad argumenta autem duo prima ſumpta ex practica Conciliorum obſervata per Apoſtolos. Reſpondetur, negando conſequentiam factam, tum ratione iam dicta, tum quia nunc non occurrit circa omnes, qui admitti petunt ad Concilia eadem ratio propter quam Apoſtoli alios, quàm Apoſtolos, & Eccleſiaſticos admittebant ad Concilia, ſua.

Ad tertium, quòd iudicatur de Concilio Conſtantiensi, & Baſiliensi.

Reſpondetur primo, quòd conſequentia non valet, vt patet ex dictis.

Secundò dicitur, quòd paruum, aut nullum argumentum faciunt obſervata in præſa.

præfatis Concilijs; tum quia Pisanum, & Conſtantiense, quantum ad eorum principium antequam forent omnes tres obedientie congregatæ, cum fuerint celebrata in schismate non fuerunt vniuersalia Concilia habita à tota Ecclesia. Baſilienſe verò cum fuerit toti Ecclesiæ scandalolum, quod maximè euenit ex hac indiſcretæ admiſſione multorum ad voces definitiuas in Concilio, non eſt habendum in memoria alicuius auctoritatis.

Ad quartam, reſpondetur ſub tali diſtinctione, aut in Concilio vniuerſali, in quo aliquis de inferioribus petat admitti, tãgitur res, & ſalus illius in particulari, vt putà quia eſt accuſatus de aliquo crimine, & proceditur contra eum, tunc concedimus, quòd admittendus eſt omnis talis ad reſpondendum pro ſe, vel ad indulgentiam petendum, quòd etiam, vt ait gloſ. in cap. conuenientibus 1. quaſt. 7. conceditur, & tamen non propter hoc dicuntur admitti in Concilio ad voces conſultatiuas, vel definitiuas. Si verò non agitur de ſalute illius in particulari, ſed in comuni cum omnibus alijs fidelibus, tunc non eſt neceſſarium illum admitti, ſed ſufficit quòd ſuperiores, & potiores, in quibus virtute omnes alij continentur interſint Concilio, alijs quilibet fidelis, & etiam mulieres admittendæ veniunt ad quæcumque Concilia, in quibus tractaretur de ſalute fidelium, aut rebus vniuerſitatibus, quòd eſt abſurdum.

Ad quintam reſpondetur, negando conſequentiam, quoniam licet omnes fideles, qui ſe offerunt ad ſubueniendum neceſſitatibus Ecclesiæ occurrentibus, admitti debeant ad ſuccurrendum Ecclesiæ, & cum magna charitate ſuſcipi, quando iuxta conditionem ſtatus eorum, & facultates in ſubſidium Ecclesiæ ſe offerunt, vt puta ſi agendum eſſet contra hæreticos, & infideles manu armata, aut paſſagium ſciendum in terram ſanctam, offerrent, aut bona ſua, non tamen ex hoc ſequitur, quòd admittendi veniant in Concilio, prout hic loquimur de admiſſione, videlicet ad voces definitiuas, vel etiam conſultiuas habendum in eo, quia ſi hoc daretur, vt iam diximus, nimis conſuſa eſſet Synodalis congregatio.

Ad vltimam rationem, ſimili modo reſpondetur.

C A P. XVI.

*An omnes Prælati maiores totius Orbis
Chriſtiani neceſſario vocandi
veniant ad Concilium
vniuerſales.*

Viſo qui ad vniuerſalia Concilia de per ſe, & neceſſario vocandi veniunt, quia ſcilicet Prælati maiores. Conſequenter enucleandum venit, an neceſſario omnes Prælati maiores Orbis vocandi ſint, & intereſſe debeant vniuerſali Concilio?

Ad cuius quæſtionis determinationem, repetenda nobis eſt diſtinctio Concilij vniuerſalis, quam ſupra poſuimus. Diximus

enim, quòd vniuerſale Concilium ad præſens capitur dupliciter, vno modo dictum ab vniuerſo, ſicut Prouinciæ à Prouincia, & hoc modo Concilium vniuerſale dicitur, quòd Papa, vel eius Legatus cum Patribus de toto vniuerſo celebrat, quòd iuxta Auguſtinum appellamus plenarium Concilium.

Alio modo dicitur vniuerſale ab vniuerſitate auctoritatis, quæ eſt ſupra totam Eccleſiam.

Primo modo loquendo de vniuerſali Concilio, quòd dicitur plenarium, dicimus ad perfectionem huius Concilij omnes Episcopos Orbis conuocandos eſſe, eſſi non particulariter, in comuni ſaltem conuocando, & inuicando Patriarchas omnes, & Primates, vt ipſi cum Episcopis, quos duxerint eligendos, quia nec eſt poſſibile, nec etiam vtile omnes ſimul conuenire, veniant ad Concilium. Hoc ſatis aperte probatur ex geſſis octauæ Concilij, ad quòd Baſilius Imperator dicitur Archieſcopi Eccleſiaſtici tabernaculi à ſinibus Orbis conuocaſſe. Item legitur ibi, quòd in aduentu Vicarij Patriarchæ Alexandriæ, qui deſiciebat. Patres iſtius Concilij dixerunt. Glorificamus Deum vniuerſorum, quòd, quòd deeat vniuerſali Concilio ſuppleuit, & nunc perfectiſſimum demonſtrauit. Hæc ibi. Vnde Abbas Anaſtaſius in epistoſa ad Adrianum Papam de octaua Synodo loquens, ait ſic. Facta eſt ergo hæc ſacroſancta Synodus anno Imperij Baſilij Pij Principis tertio, qui vniuerſos Patriarchales thronos, ſic, vt aliorum nulla in eorum loci ſeruitoribus Præſules habens, vniuerſalis non inconuenienter ab omnibus appellatur. Vniuerſalis eſt enim primo, quia Catholica fides in ea, & ſanctæ leges, quæ non ſolum ſunt à Sacerdotibus, ſed ab vniuerſis Chriſtianis, coli debent & venerari contra hoſtes earum, conſona voce defendi. Deinde quia cum Chriſtus in corpore ſuo, quòd eſt Eccleſia, tot Patriarchales Sedes, quor in cuiuſcumque mortalis corpore ſenſus latauerat, profeſſo generalitate nihil deſt ſe Eccleſia, ſi omnes illæ Sedes vnius fuerint voluntatis. Sicut nihil deſt motui corporis, ſi omnes ſenſus integræ, communisque fuerint ſanitates. Inter quas, videlicet Sedes, quia Romana præcellit, viſui deſt ſe Eccleſia, qui profeſſo cunctis ſenſibus præminet acutior illis exiſtens, & communione ſicut nullum eorum, cum omnibus habens. Hæc ibi.

Ex quibus patet, quòd Concilium vniuerſale non dicitur, quia omnes Orbis Præſules præſentialiter conueniant, ſed repræſentatiue tantum. Vnde ipſi Patres aduenientes, & ſi pauci reſpectu aliorum, tamen cum vniuerſitatem aliorum repræſentent, auctoritatem Concilij adimplent, cum nomine aliorum veniant.

Vnde in ſecundo Concilio Aphricano dicitur, quòd Legati aliorum nomine plenam tribuunt in Concilio auctoritatem. Et inde eſt, quòd quicquid per præſentes conſeſum fuerit, vniuerſali conſeſſu dicitur conſeſum, vt ex cap. ſicut diſt. 15. colligitur, vbi beatus Gregorius, poſt commemorationem quinque primorum Conciliorum vniuerſalium, ita inquit:

Cunctas verò perſonas, quæ præſata
ven-

veneranda Concilia respuunt, respuo, quæ veneranter amplector, quia dum vniuersali sunt consensu constituta, se, & non illa destruit, quisquis præsumit, &c. licet enim omnes Prælati Orbis in illis Concilijs congregati non fuerint, quia tamen præsentis repræsentabant omnes, qui vocati erant, omnium illorum auctoritatem, siue consensum habuisse iudicantur.

Vudè in quodam Concilio Tolletano sic dicitur. Si quis autem, tam nostram, quam eorum, qui nunc ex Prouincia sanctæ Synodo defuerunt huic salubri ordinationi obuiare præsumpserit, conuictus totius fraternæ charitatis habeatur extraneus, censetur enim illi præsentis, alijs ritè ad Synodum expectantibus vocatis, omnem auctoritatem habere. Hæc ibi.

Hoc vniuersalitatis modo prima octo Concilia vniuersalia dicta sunt, quoniam ad ea de vniuerso Orbe Christiano Patres conuenerunt, & licet pauci numero, omnes tamen auctoritatis repræsentatione fuerunt, quia Primum fuit 318. Patrum. Secundum 150. Tertium 200. Quartum 230. æquè tamen dicuntur fuisse vniuersalia, & plenaria Concilia, tum ex præsentia auctoritatis Apostolicæ Sedis, quæ in totum Orbem habet Primum, tum ex repræsentatione in præsentibus consensu omnium Episcoporum Orbis quod etiam manifestè colligitur ex actione tertia septimæ Synodi, ubi in epistola, quam Orientales Episcopi scribunt Cæsario Constantinopolitano Patriarchæ, ira habetur. Si volueritis celebrare Synodum, ne molestia vobis appareat, trium Apostolicarum Sedium Patriarchalium, & sanctissimorum Episcoporum, qui sub ipsis degunt, absentia, non ex proprio eorum accedens proposito, sed ex dominanum illis terribilibus minis, & mortiferis pœnis. Hoc autem subtilius est considerandum, etiam ab ipsa sacra, & vniuersali sexta Synodo, in qua nullus eorum, qui per idem tempus in his partibus Episcopi erant, conuensi repertus propter obscurorum obicentiam, sed nullum ex hoc sanctæ adhæsit Synodo præiudiciū, nec vires habuit prohibitio aliqua standi, & manifesta faciendi recta dogmata pietatis, præcipuè cum sanctissimis, & Apostolicis Papa Romanus concordauerit, & in ea inuentus sit per Apocrisarios suos, & nunc sanctissimè hoc cum Dei adiutorio similiter fiet. Hæc ibi. Vbi non est prætereundum, quod in his Concilijs vniuersalibus in partibus Orientalibus celebratis, pauci, aut nulli de latinis fuerunt præter Legatos Papæ.

Secundò autem modo loquendo de vniuersali Concilio dicto non ab vniuersitate Orbis, ita quod de vniuerso Orbe Patres vocati sint, aut conuenerint: sed ab vniuersitate potestatis, quomodo dicitur vniuersale Concilium, quod Papa per se, vel Legatum suum celebrat aliquibus Prælati vocatis de rebus, quæ vniuersalem Ecclesiam respiciunt, dicimus, quod non est necessarium ad illud vocare omnes Prælatos Orbis, siue Episcopos de toto Orbe, sed sufficere vocare aliquos de aliquibus Prouincijs, & eos, de quibus pro qualitate negotiorum, & temporum opportunitate Romano Pontifici videbitur expedire

& fuerit facultas, nunc de multis, nunc de paucioribus Prouincijs, siue etiam de vna tantum in cap. Guiliamus 23. quæst. 4. dicit Papa cum Episcopis, quos congregare potuit. Hoc autem etiam exemplo offendimus.

Primo quidem exemplo, & practica Conciliorum celebratorum tempore Ecclesiæ primariæ per Apostolos, licet enim beatus Petrus Primus à Christo Summus Ecclesiæ Pontifex constitutus plura legatur cum, Apostolis Concilia vniuersalia celebrasse, vt superius cap. 2. commemorauimus, non tamen omnibus Apostolis præsentibus illa celebrasse legitur, nec absentes Apostoli, qui illis temporibus per Iudæam dispersi erant ad prædicandum, conuocati, nec aduenisse leguntur, sed solum cum his, qui Hierosolymis erant Apostolis, & Senioribus legitur celebrasse, immo in Concilio, quod in materia fidei super quæstione de cessatione legalium celebratum est, solum beatus Petrus, & Iacobus, qui Hierosolymorum Episcopus erat, & Paulus, & Barnabas, qui ad habendum determinationem præfatæ quæstionis venerant Hierosolymam, conuenisse leguntur.

Secundò, hoc idem colligitur ex practica aliorum, quæ Conciliorum: quæ per sanctos Patres celebrata leguntur, tempore enim Cornelij Papæ, cum noua hæresis insurgeret negaurium indulgentiam assequi posse post lapsum, cuius Auctorem Nouatum Presbyterum fuisse ferunt, congregata est Synodus celeberrima Romæ ab ipso beato Cornelio, in qua Nouatus cum suis complicitibus ab Ecclesia procius est, & definitum est, eos qui lapsi fuerunt, indulgentiam consequi posse, ad quam tamen Synodum non omnes Patriarchæ: nec Episcopi Orbis vocati leguntur:

Præterea, idem patet de amplissima Synodo Romæ celebrata per beatum Syluestrum post Nicænam Synodum 277. Episcoporum, in qua confirmatis regulis Nicæni Concilij, & damnato Arrio, multa Ecclesiasticis profutura definita sunt, & tamen ad hanc Synodum non leguntur Episcopi de toto Orbe congregati. Idem est etiam de Synodo tempore Cælestini Papæ congregata Romæ celeberrima, quæ Nestorium velut hæreticum damnavit, de qua Synodo beatus Cyrillus Alexandrinus Episcopus in Synodica epistola ad eundem Nestorium sic ait:

Ecce itaque cum sancta Synodo, quæ apud amplam urbem Romam congregata est præsidente sanctissimo, & venerandissimo fratre, & confacerdore nostro Cælestino Episcopo his scriptis Synodichis te iam tertio conuenimus, &c. & ita de multis alijs, &c. quæ vniuersalia, & celeberrima, ad quæ non de toto Orbe Christiano leguntur conuocati Prælati, sed de aliquibus tantum Prouincijs, de quibus conuenientiùs, atque faciliùs poterant conuenire, & tamen in ipsis de fide, quæ vniuersalis est actum est, & instituta sunt multa, ad quorum obseruantiam tota Ecclesia est astricta, sicut de Concilijs multis exempla adducere possemus facilius, sicut de celebratis, sub Hilario Papa, sub Felice III. sub Gelasio, sub Symacho, sub Stephano III. sub Nicolao I. sub Gregorio VII. sub Calixto II.

to II. sub Innocentio II. sub Eugenio III. sub Alexandro III. sub Innocentio III. & Clemente V. Exemplum etiam, quod ad Synodum generalem, solum Patres vnius Prouinciæ sunt euocati, potest colligi ex Concilio illo Apostolorum, quod congregatum fuit super quæstione legalium act. 15. vbi cum Apostolis seniores tantum Prouinciæ Iudeæ dicuntur conuenisse, nec alij absentes Apostoli, aut Discipuli sunt vocati, sicut superius circa 2. cap. notauimus.

Est autem notandum circa vniuersalia Concilia, quæ plenaria dicuntur, ad quæ de toto Orbe Patres vocabantur, quod quia talia plurimum habebant difficultatis, & laboris, non nisi pro maximis rebus, & arduis congregabantur, vt puta quando hæreses exortæ magnos habebant auctores, & fautores, aut multitudinem Episcoporum, sicut contingit de præfatis octo vniuersalibus Concilijs. Et ideo raro leguntur à Patribus celebrata, prout ex temporibus Summorum Pontificum colligi possunt. Vnde à primo Concilio Nicæno, quod celebratum fuit sub Papa Siluestro, vsque ad secundum, quod celebratum est Constantinopoli sub Damaso Papa, fluxerunt 52. anni.

A secunda Synodo vsque ad tertiam, quæ fuit Ephesina prima, quæ celebrata fuit sub Celestino Papa, fluxerunt anni 60.

A tertio verò Concilio, vsque ad quartum in Chalcedonia, quod celebratum fuit tempore Leonis Papæ Primi, fluxerunt secundum aliquos 30. secundum alios 29. anni.

A quarta vsque ad quintam Synodum, quæ est celebrata Constantinopoli, fluxerunt anni 128.

A sexta vsque ad septimam, quæ celebrata fuit in Nicæna Vrbe tempore Hadriani Papæ, fluxerunt anni 110.

A septima vsque ad octauam, quæ celebrata est in Constantinopoli tempore Hadriani II. fluxerunt anni 82.

Et ita patet, quam raro celebrantur temporibus illis Concilia illa generalia, cum spatio quingentorum quadragintaquinque annorum tantum octo Concilia plenaria celebrata legantur.

C A P. XVII.

In quo ponuntur obiectiones aliquæ contra prædicta.

Aduersus ea, quæ iam dicta sunt, videlicet, quod Concilium, quod Romanus Pontifex, non vocatis omnibus Episcopis Orbis, sed aliquibus tantum, celebrat, vniuersale Concilium dicatur, obuiatur per aduersarios multipliciter.

Primo, ex definitione illa posita in gloss. cap. 1. dist. 17. vbi sic dicitur: Concilium, vniuersale est, quod Papa, vel eius Legatus cum omnibus Episcopis constituit: ergo videtur, quod de ratione vniuersalis Concilij sit, vt omnes Episcopi conueniant ad illud, vel saltem vocentur.

Secundò sic: vniuersale Concilium dicitur representare vniuersalem Ecclesiam, vt

colligitur tam ex cap. confidimus 15. qu. 1. quam ex cap. sicut, dist. 15. ergo necessarium videtur, quod in eo concurrat vniuersitas Prælatorum, in quibus ceteri contineri, & representari videntur.

Tertiò sic, cum Romanus Pontifex non sit vniuersalis dicendus, iuxta capit. vbi distinct. 99. non videtur, quod ipse sine Episcopis totius vniuersi possit constituere vniuersale Concilium.

Quartò sic, si Papa paucis Episcopis vocatis de vna, vel duabus, aut tribus Prouincijs, exclusis omnibus alijs, intrat tamen Ecclesiæ vnitatem existentibus, posset celebrare vniuersale Concilium, tunc totus status tam fidei, quam vniuersalis Ecclesiæ, qui consuevit declarari, & disponi in Concilijs vniuersalibus plenarijs, per hunc modum indiretè ad votum Papæ, & paucorum resolueretur, quod videtur nimis periculosum, vt quod fides nostra committatur arbitrio vnius hominis, vt inquit Archid. in gloss. cap. Anastasius dist. 19.

Quintò sic, si Papa cum paucis Episcopis de vna, vel duabus, vel tribus Prouincijs potest facere Concilium vniuersale tantæ auctoritatis, sicut plenarium, tunc sequeretur, quod frustra fierent, & facta essent Concilia plenaria; quoniam magis viderentur esse in fatigationem Ecclesiæ, quam vtilitatem, quod tamen non est dicendum; cum in maxima veneratione habita sint, iuxta cap. sicut, dist. 15. & cap. octo, dist. 16.

Sextò sic, si Prælati, qui habiles sunt, & de officio interesse tenentur vniuersali Concilio, si non vocantur, videntur posse agere de contemptu; iuxta cap. quod sicut, de elect. sed hoc non esset, nisi quod omnes Prælati tales sunt vocandi, &c.

C A P. XVIII.

In quo datur responsio ad superiora obiecta.

Sane, sicut supra diximus, dicendum videtur, quod & si de congruo omnes Episcopi, qui habiles sunt, & intrat vnitatem Ecclesiæ constituti, si commode fieri posset, ad vniuersale Concilium inuitandi essent; nihilominus tamen non omnes necessariò de toto Vniuerso Christiano sunt semper vocandi. Nam, vt testatur beatus Thomas in questionibus de potentia, qu. 10. art. 4. Constantinus Augustus, sub quo celebrata est Synodus 6. dixit, quod propter imminetia bella vniuersaliter Episcopos congregare non potuit, vnde non fuerunt, nisi 150. & tamen vniuersalis Synodus inter alias est appellata, vt in cap. sexta, dist. 16. dicendum ergo est ad rationes in oppositum factas.

Ad primam, quæ fundatur in gloss. cap. 17. dicimus, quod loquitur de vniuersali Concilio primo modo dicto, scilicet plenario; nec tamen vniuersalis illa, cum dicitur, cum omnibus Episcopis Orbis, accipienda est, vt distribuat pro singulis Episcopis Orbis, quia fortassis numquam adhuc tale Concilium fuit, aut futurum est, in quo omnes Epi-

Episcopi Orbis personaliter conuenient, sed magis videtur accipienda, vt distribuat pro singulis Regionibus Orbis Christiani, vt sit senlus, Concilium vniuersale est, quod Papa, vel eius Legatus cum Episcopis totius Orbis Christiani constituit, iuxta modum loquendi beati Augustini; verum quia in tali Concilio etiam omnes Episcopi iuris interpretatione interesse intelliguntur, vt supra exposuimus, potest adhuc sustineri prædicta definitio vniuersalis Concilij plenarij in prædicta gloss. vt intelligatur cum omnibus Episcopis, scilicet vel personaliter, vel repræsentatiue constitui- tur.

Ad secundam respondetur, quod Prælati illi per summum Pontificem ad Concilium, vocati cum intentione, vel eius auctoritate aliquid disponant in vniuersali Ecclesia, licet pauci sint respectu aliorum; nihilominus tamen Papa, vel eius auctoritate sulti repræsentant etiam vniuersalem Ecclesiam, quemadmodum Concilium populi in ciuitate repræsentat totum populum, vt notat gloss. super Rubr. C. quæ sit longa consuetud. Episcoporum enim est in Ecclesia, & Ecclesia in Episcopo, vt inquit Cyprianus in cap. scite debet 7. qu. 1. Papa etiam singulariter dicitur figurare Ecclesiam, vt dicit Augustinus, iuxta cap. quodcumque 24. qu. 1. hinc est, quod id, quod Princeps totius Reipublicæ Christianæ, cuiusmodi est Papa, facit cum Prælati aliquibus iuxta discretionem secundum temporum dispositionem, & tractandarum rerum qualitatem concludit, ordinauit, totius Ecclesiæ auctoritate dicitur esse factum.

Ad tertiam rationem respondemus: quemadmodum tetigimus in 2. libro, quod Papa veraciter potest dici vniuersalis Episcopus, siue Patriarcha, cum sit Episcopus totius Orbis, vnde in Chalcedonensi Concilio acclamatum est Leoni Papæ, Patres eiusdem Concilij Apostolicus Oecumenicus, idest, vniuersalis, siue Orbicularis, vt etiam testatur beatus Gregorius in registro, & beatus Thomas in tractatu suo contra errores Græcorum. Non est autem credendum, quod sancta Synodus vniuersalis præfata falsè hoc attribuisset beato Leoni Papæ; verum Summi Pontifices noluerunt vti hoc vocabulo duplici de causa. Primò ratione humilitatis, vt dicit sanctus Thomas, videbatur enim in superfluitate sua verbum hoc superbæ appellationis, vt ait beatus Gregorius, vbi supra. Secundò, ne daretur intelligi, quod Papa esset præfatus cuilibet particulari Ecclesiæ, vt specialis illius Ecclesiæ Rector. Sic enim, vt arguit beatus Gregorius, cessarent omnium aliorum Pontificum auctoritates, & administratores, & ista est intelligentia, cap. nullus, & cap. Ecclesiæ, dist. 99.

Ad quartam rationem respondetur primò, negando consequentiam; quia vbi cumque Papa concurrat, non modò Sacrum Dominorum Cardinalium Collegium, sed etiam concens multitudinem Prælatorum synodali- ter conuocatorum, non est verum, quod fides, & Status vniuersalis Ecclesiæ arbitrio vnus hominis committatur, & ita non facit ad propositum, quod dicit Archid. quia ista repugnant, scilicet quod congregatio multorum Prælatorum concurrat cum Papa, quod

Tom. XIII,

ratio Concilij importat; vt supra diximus, vt communi eorum assensu cum omni libertate proferatur definitio fidei, & dispositio Status Ecclesiastici, & quod solius Papæ arbitrio ista dicantur committi. Secundò dicimus, quod falsum est, quod semper solum sit de fide, & Statu vniuersalis Ecclesiæ in Concilijs vniuersalibus disposui, ita quod non alibi; quoniam frequenter per solam Apostolicam Sedem fit, & factum est, vt supra tetigimus, iuxta cap. quotiens, 24. quæst. 1. & cap. hæc est fides.

Ad quintam respondetur, quod non, idè conuocantur vniuersalia Concilia, quod in eis sit plenior auctoritas, aut clauium potestas, quam in sola Apostolica Sede, in quam totius Ecclesiæ Deus principatum locauit, vt in cap. nolite errare, dist. 11. & in cap. Basilicas, de consec. dist. 1. Sed conuocantur propter multa alia, vt superius ostendimus, c. 10. inter quæ sit propter maiorem auctoritatem reputatiuis, quia quæ multorum Sapientum studio diu deliberata, atque approbata sunt, & communi consensu tantorum Patrum definita, maioris auctoritatis reputantur, vnde gloss. super illud Actuum 15. Placuit nobis collectis in vnum, dicit gloss. interlin. vt maior sit auctoritas.

Ad sextam respondetur, quod Episcopi absentes in Concilio, aut fuerunt per Papam, aut alium de mandato eius vocati, aut non, si sic & non venerint, non possunt agere de contemptu; si non fuerunt vocati, & constat de voluntate Papæ, quod ipsi etiam non vocatis haberentur valida, quæ ibi facta sunt, non possunt agere de contemptu; quia Papa est, qui robur Concilij tribuit, & firmitatem iuxta cap. significasti de elect. vnde quod inducitur est de cap. quod sic, non est ad propositum.

C A P. XIX.

De qualitate Prælatorum ad vniuersalia Concilia conuocandorum.

Ostenso iam non omnes Prælatos maiores Ecclesiæ necessariò conuocandos ad vniuersalia Concilia, nec bene possibile fore omnes conuocare; sed oportere sæpe numero aliquos conuocare, alijs prætermisiss; conueniens duximus, vt de qualitate conuocandorum: Capitulum hoc subiungeremus. Requiritur autem potissimè in conuocandis Prælati ad vniuersalia Concilia quatuor, scilicet, Sapientia, Viræ sanctitas, Experientia, & Zelus ad bonum Reipublicæ; vnde Constantinus Imperator pro sexta Synodo congreganda scribens Agatoni Papæ, ita dicit: Adhortamur vestram paternam Beatitudinem per præsentem nostram piam facram dirigere viros viles, & modestos notitiam habentes totius, Deo inspirante, doctrinæ, & peritiam irreprehensibilem habentes dogmatum, induentes personam vestræ Apostolicæ Sedis. Hæc ille.

Merito ergo dicemus, quod in conuocandis requiritur primò sapientia. Sanè, cum inquitente Tullio lib. de senectute. Ma-

R r r 2 g n z

gnz res non viribus generantur, sed Concilio, auctoritate, & opere esse präditos vocandos ad vniuersalia Concilia, in quibus cum de rebus maximis tractandum veniat: vitos oportet esse multa sapientia prestantes, vnde Tobiz 4. dicitur: [Consilium à sapiente semper requirit.] Ecclesiastici 3. [Os prudentis queritur in Ecclesia,] & capit. 9. dicitur, cum sapientibus, & prudentibus tracta. Quantz autem sapientiz lumine fulgere debeant Patres ad vniuersales Synodos conuocandi: qui & doctrinæ lumen, & normam vitæ ceteris daturi sunt, beatus Dionysius docet, dicens, eos, qui alios sup. euehere lumen habent, oportet doctissimæ claritatis esse repletos, & aliorum esse Doctores, 7. qu. 1. cap. conuenientibus.

Secundò, conuocandi ad Concilia debent polleere vitæ sanctitate, vt veraciter eorum Conuentus; Conuentus sanctorum Patrum nominari possit, ac de eo dici cum Propheta. [Consuebor tibi Domine in toto corde meo: in consilio iustorum, & congregatione,] vt enim inquit Ambrosius in lib. de offic. Talis debet esse consiliarius, qui nihil nebulosum habeat, nihil fallax, nihil simulatum, quod vitam eius, atque mores refellat; nihil improbum, aut maliuolum, quod auerterat consulant. Sanè non erunt conuenientes consiliarij, cum tractandum de reformatione Ecclesie venerit: homines vani, carnales, auari, qui iuxta Gregor. præsentia appetunt; æterna despiciunt, iniusta agunt, & iusta decident, sua querunt, non quæ Iesu Christi, & hoc est, quod Sapiens yronicè inquit. Cum viro irreligioso tracta de sanctitate, cum, iniusto de iustitia, Ecclesiastici 37. Quocirca dicitur ibidem. [Noli consiliari cum socero tuo. Socer est Mundus, qui pater est carnis, quæ vxor est spiritus, per quem intelliguntur carnales homines amatores terrenorum,] de quibus Iob in persona Ecclesie dicit otans; Consilium impiorum longè fac. Consilium impiorum, vt ait Gregorius, est terrenam gloriam querere, æternam negligere. Laborandum ergo est, vt cum sanctis viris habenda sint Concilia; quoniam sanctitas plurimum conducit ad benè consulendum, quod sapiens testatur, cum ait Ecclesiast. 37. [Cor boni consilij statue tecum,] & subdit, [anima viri sancti enunciat aliquando vera, quam septem circumspectores sedentes in excelso ad speculandum,] gloss. tanquam magistri.

Tertio, Patres vocandi ad Concilium, debent esse experti, maxime in illis, super quibus querendum est consilium, quia vniuersique in ea re, quæ expertus est, aptius consulere potest, vnde dicit Valerius Maximus. Sux artis vnumquemque & Audorem, & Disputatorem optimum esse non dubitamus; quoniam in multis expertus, vt ait Sapiens Ecclesiast. 34. [Cogitabit multa, & qui multa didicit, enarrabit intellectu, qui non est expertus, pauca recognoscit.] Hinc reprobatur iuuenum consilium; quia inexperti sunt, sicut patet in Roboam, qui relicto senum consilio, & iuuenum adhaerens consilio, pro magna parte Regnum amisit, 3. Reg. 11. propter quod dicitur Ecclesiast. 25. quam speculorum canicie iudicium, & presbyteri cognoscere consilium, quam speciosa veteranis

sapientia, & gloriosus intellectus; & consilium corona senum in multa peritia, & gloria illorum timor Dei, vbi inquit gloss. audiunt presbyteri; & Ecclesiarum Præpositi, quia non licet eis ignorare legis scientiam, & sapientiam. Ex quo loco fati appetit colligitur, quantam impietatem in Ecclesiam, sanctam committant, qui ad diuinam sapientia vacuos, aut moribus deprauatos, aut pueros Ecclesiarum præficti prælatos; qualis enim Synodus constituitur ex istis? quale Ecclesie regimen ab istis spectabitur? &c. De hac impietate beatus Bernardus loquitur, quænam maior impietas, quàm ponere super vnum, puerum onus Angelicis humeris formidandum? Ex hoc etiam cap. ostenditur aperte, quàm dignè reprehendendi veniant, qui ad vniuersalia Concilia homines inhabiles, sine scientia, sine moribus, sine experientia, sine auctoritate admittunt, & maxime ad voces definitiuas cum Episcopis, qui error in Basilienfi Concilio scandala grauissima peperit in populo Christiano.

Quartò, vocandi ad Concilium vniuersale sunt, habentes zelum domus Dei, vt sint de numero eorum, de quibus in psalm. 68. dicitur: [Zelus domus tue comedit me, & opprobria &c.] Siquidem debent habere zelum ad reformationem morum, ad correctionem vitiorum, & ad augmentum Diuini cultus. De hoc zelo exemplum habemus in filiis Israel, qui vt dicitur Iudicum 20. congregati 400. mil. dixerunt, quod non redirent domum, donec viciscerent scelus commissum in vxorem Leuitæ in Gabaa.]

C A P. XX.

De punitione Prælatorum, qui vocati ad Concilium venire contemnunt.

Verum quia sepe numero euenit, vt Prælati ad Concilia euocati venire negligant, siue contemnunt, consequens est, vt de talium punitione aliquid subiungamus. Sanè Prælati ad Concilium venire admoniti, vt vult gloss. in cap. Si Episcopus, dist. 18. nullo legitimo interueniente impedimento, si venire contempserint, multipliciter veniunt rationabiliter puniendi, & potius quàm qui Provincialibus Concilijs, de quibus iura loquuntur expressis, interesse recusant. Vnde Imperator Theodosius scribens Dioscoro, vt veniret ad vniuersalem Synodum, ita ait: [Si quis verò tam necessarium, & verè Deo amicam Synodum prætermiserit, & non omni virtute secundum prædictum tempus ad præfinitum locum peruenierit, nullam excusationem, neque apud Deum, neque apud nostram inueniet pietatem; Sacerdotalem enim conuentum, non nisi quis mala conscientia sauciatus omittit.] Hæc ille.

Veniunt autem huiusmodi Conciliorum contemptores puniendi pluribus animaduersionibus, & primò quidem pœna excommunicationis, iuxta cap. Si Episcopus dist. 18. vbi ex instituto Concilij Agathensis ita scribitur: [Si Episcopus Metropolitanius ad provinciales Episcopos epistolâs direxerit, in-

qui-

quibus eos ad ordinationem Summi Pontificis, vel ad Synodum inuitet, postpositis omnibus, excepta graui infirmitate corporis, aut præceptione regia, ad constitutam diem adesse non differant, quod si defuerint, sicut præfata Canonum præcepte auctoritas vsque ad primam Synodum, à charitate fratrum, & Ecclesie Communionem priuentur. Hæc ibi. Item idem habetur in cap. sequenti, Si quis Episcoporum. Sed hic non est prætereundum, quod excommunicatio in hoc loco, prout colligitur tam ex glos. quam ex Hug. & Archidiacon. non accipitur, prout excommunicatio dicitur separatim à Sacramentis, & à Communionem fidelium: sed pro suspensione quadam à communibus negotijs cum alijs Episcopis in communi prædicandis, ut puta quod non admitteatur talis Episcopus tractatibus communibus Prouinciæ cum alijs Episcopis, non etiam ad scrutinium Episcoporum, non ad consecrationem eorum, non generaliter ad alia, quæ communiter sunt tractanda ab omnibus Episcopis, cum Metropolitano, & hoc est ei in penam, vnde Episcopi. qui taliter dicuntur excommunicati, licet possint celebrare Diuina Officia, & recipere Sacramenta Ecclesiastica, & communicare cum cæteris Episcopis, & alijs, præterquam in præmissis Hug. Non negatur tamen quod tales excommunicari poterint excommunicatione prima, quæ est separatim à participatione Sacramentorum, & Communionem fidelium, si contumaces reperiuntur, vt inquit Archidiacon. in dicto cap. Si quis Episcoporum iuxta cap. Certum, 11. quest. 3.

Secundò præfati Episcopi vocati contemnentes ad Concilium venire, si reperti fuerint transgressores iuramenti secundum formam, cap. Ego enim de iure iurand. puniri possent pœna depositionis à dignitate, quam perierantibus sancti Patres descriperunt iuxta cap. Querelam, &c. tua nos extra de iure iurand.

Tertiò incurrunt pœnam damnationis æternæ, vt potè contemptores, & subannatores patris sui, omniumque fidelium, scilicet Romani Pontificis, & matris suæ vniuersalis Ecclesie per vniuersale Concilium representatæ, quos videtur respicere sententia illa terribilis prouerbij 30. Oculum, qui subfaunat patrem, & qui despicit partum matris suæ, fodient eum corui de torrentibus, & comedent eum filij aquilæ. Notanter autem diximus, Prælatos vocatos ad Concilium, venire contemnentes, præfatis pœnis venire plestendos, quoniam secus esset, si non ex contemptu, sed impediendo legitimo eos non venire contingeret. Quod ex duobus perpendi potest. Primo, si antequam terminetur Concilium, veniant, quia licet à principio non venirent, præsumitur, quod non ex contemptu, sed ex aliquo impedimento demorati sint; sæpè enim ex eo, quod sequitur, præsumitur quale fuerit, quod præcessit, art. 12. quest. 2. quod ait: Ista est sententia tam Hugonis, quam Archidiaconi, in cap. Si Episcopus superius allegato. Secundò si Episcopus excusationes literariæ scribit ad Synodum, vel Procuratorem mittit cum legitimis rationibus, quod venire non poterit. De primo in cap. Placuit, dist. 18. loquitur

Concilium Carthaginense ita dicens: Placuit, vt quòcumque congregandum sit Concilium, Episcopi, qui nec ætate, nec ægritudine, nec grauiori necessitate impediuntur, competenter occurrant, quod si non poterint occurrere, excusationes suas literariæ scribant. De secundo, scilicet de Procuratore habetur in cap. Et si ægotans fuerit, 5. quest. 3. vbi Adrianus in Synodo instituit: Si Episcopus ægotans fuerit, aut aliquis cum graui necessitate detinuerit, pro se Legatum ad Synodum mittat, qui scilicet assignet, siue probet causam legitimam esse, quod Episcopus non veniat, quia non sufficit dicere, non posse, nisi rationem impediementi assignet, vt dicit glos. super verbo, rationem, in præallegato cap. Placuit. Et si queritur quomodo probabitur legitima causa assignata impediementi, responderet glos. ibi, quod sufficit per vnum testem probare cum iuramento suo, quod intellegendum videtur, cum Episcopus per Procuratorem se excusat, quoniam si per se ipsum literariæ adhibito iuramento de veritate legitimi impediementi, sufficienter videtur probata causa absentie, & ita standum erit iuramento suo, & ipsi habendus est excusatus. Verum est aduertendum, quod Prælati, qui ad Concilium vocati, venire neglexerunt, antequam iudicentur contumaces, & vt tales puniendi veniant, admonitio præcedere debet, & requisitio, vt est casus in cap. Propter Ecclesiasticas, dist. 18. super verbo, admoneant autem, &c. vbi glos. inquit art. quod mora potest purgari, licet sit certus dies appositus, & ratio est, quia vbicumque tractatur, quod propter negligentiam quis puniatur, aut priuetur iure suo, requiritur admonitio art. 12. quest. 2. indigne.

CAP. XXI.

De impediens celebrationem vniuersalem Conciliorum.

Postquam de Prælati ad Concilium vocatis, & venire contemnensibus sermo habitus est: Iam loquendum venit de impediens præstantibus, nè Concilia legitima auctoritate conuocata, suam habeant prosecutionem, planè non fuit sermo noster explicare quanta pœna digni sunt, qui Conciliorum celebrationi impediens moluntur inferre. Illi in primis veluti tyranni, & Reipublice hostes habendi sunt, tot morte digni, quot egregia bona per talia vniuersalia fienda sperabantur. Præterea si tollendi schismatis causa Synodus adunata esset, procul dubio tales Conciliorum turbatores, veluti fautores schismatis habendi venirent. Et si ob confundendas hæreses, & hæreticos expugnandos congregata foret, tales certe Conciliorum celebrationi impediens præstantes, hæreticorum defensores, siue fautores viderentur. Si verò reformationis causa Patres conuenissent, certe qui Concilij celebrationi aduersarentur, tamquam hostes Religionis Christianæ, sanctimonie Ecclesie habendi forent, ad quorum propulsandas tene-
rita-

ritates obligati sunt Reges, & Principes Christiani, qui Ecclesiam tuendam susceperunt, vt in cap. Principes 23. quæst. 5. in quo si negligentes reperirentur, suspecti haberentur de fautoria hæresis, aut schismatis, iuxta cap. Qui 23. quæst. 3. vbi dicitur: [Qui potest obuiare, & perturbare peruersos, & non facit, nihil aliud est, quàm fauere impietati eorum.]

C A P. XXII.

Quis in vniuersali Concilio præsidere debeat.

Synodo iam constituta, reliquum est ostendere quis in ea præsidere debeat: cum in omni multitudine bene ordinata necesse sit aliquem præsidendum esse, quoniam vt ait sapiens Proverb. 11. [vbi non est gubernator, corrumpit populus,] dicimus autem, prout tam ex practica antiquorum Conciliorum, quàm ratione colligere possumus de præsentia in Concilijs vniuersalibus, quod regulariter Romanus Pontifex per se, aut Legatos suos habent vniuersali Concilio præsidere. Hanc conclusionem primò ex practica antiquorum Conciliorum sic ostendimus, & primò ex Concilio, quod Apostoli super institutione Mathiæ loco Iudæ celebrasse leguntur Act. 1. in quo beatus Petrus, vtpotè Apostolorum Princeps, ac totius Christianæ plebis præfuisse videtur, quod ex circumstantijs literæ patet, cum ex illo, quod in medio eorum, exemplo Christi, vt ait glossa, fuisse describitur; dicitur enim sic: [Exurgens Petrus in medio fratrum, dixit glossa. Pastor pro ouibus loquitur.] Idem colligitur ex Concilio celebrato super questione obseruantie, vel cessationis legalium, de quo Act. 15. dicitur: [Quia conuenerunt Apostoli, & seniores Iudæorum de verbo hoc, cum autem magna conquisitio fieret, surgens Petrus, &c.] in quo Concilio Petrus præfedit. Vnde glossa super verbo, [surgens Petrus,] dixit ad eos ita præ omnibus, quasi Princeps loquitur. Præterea hoc etiam ostenditur ex aliorum Conciliorum practica, vt luce clariùs, tam ex libro Conciliorum, & ex corpore Decreti, quàm ex Decretalibus colligi potest; habetur enim in libro Conciliorum: [Hilarius Episcopus Ecclesiæ Catholicæ Vrbis Romæ, Synodo præficiens, dixit &c.] Item Gregorius in generali Synodo præficiens, dixit, &c. Item Symachus Papa in generali Synodo dixit, &c. Item in Decreto in cap. In nomine Domini, dist. 23. dicitur præfidente quoque Reuerendissimo Nicolao Papa. Item 25. quæst. 2. c. Si quis dogmata, dicitur. Nicolaus Papa vniuersali Synodo præfides dixit &c. Item, extrà de elect. in cap. Licet, habetur. Innocentius III. in Concilio existens, & præficiens: [Nos ad malum hoc euitandum, &c.]

Cæterum quod præsidere in Concilijs vniuersalibus ad summum Pontificem spectet, etiam rationibus ostenditur multipliciter. Et primò ad hoc faciunt omnes ille rationes, quibus ostensum est suprà in cap. sexto, quod ad solum Romanum Pontificem spectet regu-

riter congregare vniuersale Concilium, & id sua auctoritate fulcire, quoniam ex hoc consequenter concluditur, quod ipse vniuersali Concilio præsidere habeat.

Secundò sic: Caput naturali iure præfidet corpori, sed Papa est caput Ecclesiæ Catholicæ, vt suprà in 2. lib. monstratum est; ergo in Synodo vniuersali Catholicæ Ecclesiæ Papa iure debet præsidere, præsentia dico, non solum honoraria, sed etiam auctoritativa, quemadmodum caput præfidet corpori, non solum situ, sed etiam fluxu regiminis, & auctoritatis. Vnde sancti Patres in Concilio Chalcedonensi constituti scribentes Leoni Papæ, licet ipse non fuerit in Concilio illo personaliter, sed per Legatos suos scribunt: [Tn eis, id est Patribus Concilij, sicut membris caput præerat.]

Tertiò sic: Papa est excelsior, & Princeps cunctis Sacerdotibus, vt in c. Constantinus, dist. 96. ergo ipse vniuersali Synodo, quæ ex Sacerdotibus colligitur, veluti Princeps eorum præsidere debet.

Quartò sic: Si Synodus vniuersalis tempore Christi celebrata fuisset, soli Christo conueniebat præsidere, ergo illo à conuersatione nostra absente, in vniuersali Synodo præsidere soli suo generali Vicario videtur conuenire; consequentia videtur manifesta, cum Romanus Pontifex vices eius gerat. De præsentia verò Romani Pontificis per Legatos suos apertè docemur, tam ratione, quàm exemplis. Ratione verò, quia non dubium est, quod quis potest facere per alium, quod potest per se ipsum, & ita ponere loco sui Vicarium ad præsidendum. Exemplis etiam patet ex Concilijs vniuersalibus, tam antiquis, quàm modernis, in quibus Summi Pontifices personaliter non interfuerunt. Vnde Concilio Chalcedonensi Leo Papa scribens, cum mitteret Legatos suos, ita inter alia dicit: [In his fratribus, hoc est Paschasio, & Vincentio Episcopis, Bonifacio, & Basilio Presbyteris, qui ab Apostolica Sede directi sunt, me Synodo vestra vestra fraternitas confidat præsidere.] Et in epistola, quam ad Anatholium scribit, ita dicit: [Fratres nostri ab Apostolica Sede directi, qui vice mea Synodo præsiderant, probabiliter, atque constanter illicitis ausibus obstiterunt, &c. Vbi etiam notandum venit, quod præsidere in Concilio vniuersali loco Romani Pontificis, non solum possunt Prælati maiores, cuiusmodi sunt Episcopi, sed etiam inferiores, vt Abbates, & Archidiaconi, ac Presbyteri, vt patet, tam ex iam dictis, quàm ex cap. Conuenientibus, i. quæst. 7. Prædicta etiam conclusio ostenditur ex practica obseruata in octaua Synodo, vbi Papa Adrianus scribens Domino Imperatori Basilio, ita dicit: [Volumus ergo per vestre pietatis industriam illic numerosum celebrare Concilium, cui nostri quoque missi præsidentes, & cularum personarum differentias liquidò cognoscentes, iuxta quod in mandatis acceperunt, singulorum liberè discretiones exercent.] Hec ille. Notetur verba. Præterea quod Legati illi fuerint præsidentes, manifestè dicitur ex tenore, & forma subscriptionum Episcoporum eiusdem Concilij; vnde in principio sic habetur.

Ego Donatus Episcopus Hostien. Ecclesie locum obtinens Domini mei Hadriani Summi Pontificis, & vniuersalis Papæ, omnia, quæ superius leguntur, huic sanctæ, & vniuersali Synodo Præsidens, vsque ad voluntatem eiusdem eximij Præstulsi promulgauit, & manu mea subscripsi.

Secundò subscribit Stephanus sanctæ Nersinæ Ecclesie Episcopus eodem modo nominando se Præsidentem.

Eodem modo, & Martinus Romanæ Ecclesie Diaconus subscribit.

Predicta etiam conclusio ostenditur ex practica obseruata in Concilijs vniuersalibus alijs, sicut manifestum est in Concilijs temporum nostrorum.

C A P. XXIII.

In quo obijciuntur per aduersarios, contra ea, quæ dicta sunt de præsentia Romani Pontificis in Concilio vniuersali.

Contra hanc præsentiam in Concilijs vniuersalibus omni iure Romano Pontifici debitam, dum in Basilien. Concilio esset, & quæstio magna, & inaudita mora esset per eos, qui occasionem quærebant turbandi Ecclesiam, an scilicet Præsidentes sanctæ memoriæ Domini Eugenij ad præsidendum Concilio admitterentur. Audiuius aliquos de nouellis magistris multa, & varia circa hanc materiam dicere, & plurimam obijcere, vt non admitterentur, sed hi erant in duplici differentia. Quidam enim dicebant, quòd nullo modo deberent admitti ad præsidendum vniuersali Concilio. Alij verò, quòd admitti deberent ad præsentiam honorariam tantum, videlicet, vt eminentiorem locum in Concilio tenerent, & primò in eo loquerentur, & quæ agenda erant per interlocutionem dirigerent, non autem ad præsentiam auctoritatiuam, dicentes etiam, quòd si Papa præsens esset, nihil auctoritatis haberet propter eminentiam loci, & ministerium directionis. Primi autem opinionem suam, si opinio, & non error dicenda sit, sic fulcire nitabantur.

Primò, in Concilijs vniuersalibus per Apostolos celebratis, Petrus Apostolus primus Romanus Pontifex non legitur præfuisse; ergo videtur, quòd etiam nunc Romanus Pontifex hanc præsentiam in Concilijs vniuersalibus non debet expectare. Consequentia videtur nota: antecedens patet, cum de præsentia Petri, nulla fiat mentio in predictis Concilijs.

Secundò sic. Concilium hoc Basilien. fuit verum Concilium, & tamen nullum in principio habuit præsentem; ergo non videtur necessarium, quòd aliquis, vt putà Papa, aut eius Legatus præsidat in vniuersali Concilio.

Tertiò, Spiritus sanctus præsidet Concilijs vniuersalibus; dicitur enim Matth. 18. [Vbi duo, vel tres congregati fuerint in nomine meo, in medio eorum sum;] ergo non

videtur, quòd sine iniuria Spiritus sancti possit aliquis alius admitti ad præsidendum.

Quartò sic. Nullus inferior præsidere debet suo superiori, sed Concilium vniuersale superius est Romano Pontifici, iuxta decretum Concilij Constantiensis; ergo Papa non debet illi præsidere, nec aliquis loco eius.

Pro opinione aliorum arguebatur sic per alios; si Papa, aut aliquis nomine eius præsidet vniuersali Concilio præsentia auctoritatiua, iam sublata esset essentialis forma à Concilio, puta libertas in consultando, obstante coactione, & sic non omnes, sed unus omnia faceret, & per consequens Synodus nulla redderetur.

Secundò dicebant, quòd etiam non veriti sunt aliqui eorum scriptis demandare, quòd in Concilijs, in quibus Papa non fuit, sed Imperatores interfuerunt, Imperatores, & Iudices destinati, leguntur habuisse primatum, & officium præsentie per interlocutiones, & de consensu Synodi, siue ex mandato conclusiones, & iudicia fecisse, & non reperitur, inquit, instantia in octo Concilijs vniuersalibus, de quibus dist. 16. cap. sancta octo, præterquam in actione 3. Chalcedonenis Concilij, vbi Vicarij Leonis Papæ vicem gerentes, quia nullus pro parte Imperatoris interfuit, aut in Synodo primatum tenuisse, & præfuisse, & Concilium direxisse per prælocutiones, & demum ex iussu Synodi dixisse sententiam in Dioscorum ex communi consensu, alijs omnibus conuincantibus. Hæc sunt verba cuiusdam aduersarij eorum in quibusdam scriptis suis.

C A P. XXIV.

In quo respondetur ad obijctiones præfatas in primo loco positas.

Iscis non obstantibus, quibus facile est respondere teneendum est, quòd dictum est, quòd regulariter in Concilijs vniuersalibus, si Papa præsens sit, ipse præsidet in eo. Non enim Summus Pontifex minus est habens dignitatem, aut auctoritatem in Concilio vniuersali, quam Metropolitani in Concilio Prouinciali, cui præsidet, & Episcopus in Episcopali: immò multò plus, tum quia Romanus Pontifex vocatus est in plenitudinem potestatis, alij verò non, vt dictum est supra, tum quia superioritas Papæ super omnes Prelatos Ecclesie est ex diuina institutione: Metropolitanorum verò supra Episcopos Comprovinciales est ex humana institutione; unde non habent, nisi in certis casibus respectu aliorum, iurisdictionem.

Ad rationes ergo in oppositum est dicendum. Ad primam respondetur dupliciter.

Primò, quòd consequentia illa, quæ sæpè vtuntur aduersarij, videlicet hæc: hoc non legitur factum; ergo non fuit factum, non valet: ergo, locus enim ab auctoritate negatiue nullius roboris est. Dicit enim beatus Ioann. Io. ult. [Multa alia fecit Iesus, quæ non sunt scripta in libro hoc.] Præterea in hoc decipiuntur aduersarij, quòd ex hoc, quòd Petrus,

trus ex humilitate, vt dicit beatus Chriftof. super act. Apoftolor. omnia agebat communi omnium voluntate, & nihil agebat principaliter, aut dominiuē, quod per fe, faciendi non haberet auctoritatem, quod falſum eſt, ſicut patet ex ipſo Chriſto. vt ſupra oſtendimus circa cap. 18. 2. lib.

Secundo, reſpondetur, quod & ſi expreſſe, & formaliter non legatur, quod beatus Petrus præſederit in Concilijs celebratis per Apoftolos, datur tamen intelligi, tam ex circumſtantijs literæ, quam ex gloſis. ſanctorum Patrum, patet primum de primo Concilio, de quo act. 1. & primo ex loco, quia in medio fratrum dicitur fuiſſe, vbi gloſ. dicit, quod exemplo Chriſti, qui in medio Diſcipulorum dicitur fuiſſe, vt habetur Ioann. 20. Secundo ex eo, quod primus loquebatur: hoc enim non ſumpſiſſet Petrus plenus Spiritu ſancto, niſi toti congregationi præſediſſet, vt Princeps, ſive Prælatus; vnde gloſ. ait ſic loquitur paſtor pro onibus ſuis.

Tertiò colligitur hoc ex forma loquendi; ait enim, viri fratres oportet impleri ſcripturam, & iterum: oportet ergo ex his, qui nobiſcum ſunt, &c. Certè iſta loquendi forma magis præſidentiam, & auctoritatem, notat in Petro reſpectu totius congregationis, quam ſubiectionem.

Quarto, hoc irrefragabiliter arguitur ex eo, quod, vt beatus Cyrillus teſtatur in lib. theſaurorum: Apoſtoli in Euangelijs, & Epistoſis affirmarunt in omni doctrina Petrum eſſe loco Domini, & eius Eccleſiæ ei dantes locum in omni capitulo, & congregatione, in omni electione, & confirmatione. Clarifiſſimum eſt autem, quod ſi in congregatione, Apoſtolorum locum Domini noſtri Ieſu Chriſti Petrus tenebat, vt dicit beatus Cyrillus, quod congregationi præſederit, ſicut ipſe, Chriſtus præſidiſſet; vnde beatus Chriſtoſ. beatum Petrum verticem Apoſtolorum vocat.

Ad ſecundam reſpondetur etiam dupliciter. Primò, quod cum Concilium Baſilienſe, vt toti Orbi notum eſt, ſcandalolum fuerit, & in multis præſumptuoſum, transgreſſus terminos quos poſuerunt Patres ſancti in Concilijs vniuerſalibus, ab illo nullum argumentum ſumendum eſt.

Secundo, reſpondetur, falſum eſſe, quod Baſilienſe Concilium Præſidentem non habuit, quoniam habuit Legatum Apoſtolicæ Sedis dominum Iulianum de Caſarinis bonæ memoriæ Diaconum Cardinalem tituli ſancti Angeli, qui Præſidens illius fuit per magna tempora, qui & ſi in principio perſonaliter non interuiſt occupatus cum Bohemis: habuit tamen Locumtenentem.

Ad tertiam reſpondetur dupliciter. Primò negando conſequentiam. Sanè ſi conſequentia illa valida eſſet, nullus Princeps præſideret alicui Regno, aut Prælatus alicui ſanctæ Congregationi; vnde dicendum eſt, quod ſicut cauſalitas primæ cauſæ non tollit cauſalitatem ſecundæ cauſæ, ita nec præſidentia, ſive præſentia Dei tollit præſidentiam Miniſtrorum eius, per hoc ergo, quod Spiritus ſanctus dicitur præſidere ſanctæ Synodo, nec præſidentia Romani Pontifici tollitur, nec eius auctoritas diminuitur. Præterea ſi

conſequentia illa eſſet bona, peccäſſent Summi Pontifices ſancti tamquam præſumptuoſi, qui præſidiſſe leguntur, ſicut viſum eſt in multis Concilijs vniuerſalibus, peccäſſent etiam Concilia ipſa, quæ hoc permittebant, maxime ſi hoc, vt aduerſariorum ſtulticia arguit, vergeret in contumeliam Spiritus ſancti, quorum tamen vtrumque eſſe erroneum nullus Catholicus ignorat.

Secundo reſpondetur, quod falſum eſt vniuerſaliter, quod aſſumitur, ſicut patet de ſecunda Synodo Epheliſina, quæ cum damnatiſſima fuit, magis ei præſidiſſe credendus eſt ſpiritus malignus, quam Sanctus, licet Patres in ea cõgregati ſe iactäſſent, quod Spiritus ſanctus eis conſediſſet; vnde ſicut leguntur dixiſſe in eorum Synodo, ſi ergo Spiritus ſanctus conſeſſit Patribus, ſicut maniſeſt conſedit, & ordinauit, quæ ordinata ſunt, quis retractat? quis Spiritus ſancti caſat gratiam? Quod verò inducitur ex Matth. 18. vbi Chriſtus ait; vbi duo, vel tres, &c. ad propoſitum non eſt, quia cum auctoritas loquatur ad literam de congregatione quorundamque fidelium, ſive Laicorum, ſive Clericorum, qui congregantur in nomine Domini, nec loquatur de congregatione locali in aliquo loco, ſive Ciuitate, ſed de congregatione, quæ eſt vniuerſitas in aliqua vna re, in qua conueniunt, non loquitur ad literam de Concilijs vniuerſalibus, ſicut maniſeſtum eſt cuique, Euangelium legenti. Non negamus tamen dictum illud adaptari poſſe Concilijs vniuerſalibus, & Prouincialibus, & capitulis etiam religioſorum in nomine Domini congregatis, quo ad promiſſionem aſſiſtentię Diuinę gratiæ, arguendo per locum à minori ad maius. Præterea, aſſiſtentia illa ibidem promiſſa congregatis in nomine Domini, non eſt præſidentia Synodalis, vt de ſe patet; vnde non eſt ad propoſitum. Præterea, cum non poſſint dici congregati in nomine Domini, qui eius Vicarium vniuerſalem ad præſidentiam non admittunt, ſed contemnuunt, maniſeſtum eſt, quod ratio illa aduerſariorum nullius ſit roboris, atque momenti.

Ad quartam reſpondetur, negando minorem, videlicet, quod Concilium vniuerſale ſit ſuperius auctoritate Rom. Pont. quoniam hoc videtur cõtrariari iuri naturali, iuri diuino, & iuri poſitiuo. Iuri quidem naturali; quoniam naturaliter, ſicut caput humanum ſitu ſuperius, ita, & virtute, ac regimini auctoritate præſtantius eſt ſuo corpore. Summus autem Pontif. caput eſt, & vertex Concilij vniuerſalis. Iuri diuino etiam repugnat, cum Romanus Pontif. diuina inſtitutione Princeps ſit ſuper totam vniuerſalem Chriſti Eccleſiam, dicente Domino Petro: [Super plebem meam Principem te conſtitui:] Et cùm ei dicitur: [Paſce oues meas] Ioann. 21. Iuri etiam humano contradicere, vt patet extra de electione cap. ſignificati, & ex multis alijs locis ſuperius inducis. Ad id verò, quod inducitur de Concilio Conſtantiensi ſuperius reſponſum eſt in cap. 99. ſecundi libri.

CAP. XXV.

In quo respondetur ad obiectiones secundo positas.

Consequenter respondeamus ad rationes dicentium, quod nec Papa, nec eius Legati debent habere præsentiam in Concilijs auctoritativam, sed tantum honorariam.

Ad primam cum arguitur, quod si sic, tolleretur forma essentialis à Concilio. Respondetur, negando hanc consequentiam, quoniam nulla est. Non enim propter hoc, quod Papa præsidet auctoritatiue in Concilio, sequitur quod remoueat libertas consulendi, nisi quis ita insipienter sapiat, quod non sint alij actus iurisdictionis, quos Papa possit habere in Concilio, quam cogere existentes in eo, ut concurrant ad votum ipsius.

Ad id verò, quod in loco secundo dicitur, quod in Concilijs vniuersalibus cum Papa præsens non fuerit, Imperatores, & Iudices destinati per eos habuerunt primatum, & præsentiam, &c. Respondetur, quod hoc totum, quod dicunt est falsum, ut patet per singula discurrendo; & mirandum est, quod talia, qui Christiani sunt, & Ecclesiastici, & qui doctos se existimant libris suis demandent. Quod enim in primis dicunt, quod absente Papa, Imperatores, & Iudices destinati per eos habuerunt primatum, & præsentiam tenuerunt in Concilijs vniuersalibus, patet esse falsum ex illo, quod Martinus Imperator, inquit, in actione sexta Concilij Chalcedonensis, & ponitur in cap. nos dist. 16. Nos ad fidem roborandam, non ad potentiam aliquam ostendendam, siue exercendam exemplo religiosissimi Principis Constantinii Synodo interesse volumus, ne vltius prauis persuasionibus à recta separentur fide. Ecce quod Imperatores, non primatum, non præsentiam habebant in Concilijs vniuersalibus, in quibus ipsi constituntur, non nisi protectionis gratia velle interesse. Quod autem non solum in actione 3. Concilij Chalcedonensis Vicarij Papæ præsiderent, & primò loquerentur, & dirigerent omnia, ut dicit aduersarius, sed etiam in octo Concilijs, & non Imperatores, aut Iudices patet ex eo quod ponitur in ipsa tertia actione, ubi Vicarij Papæ sic leguntur allocuti sacro Concilio.

Notum est, nempe huic amabili Concilio, ab beato Apostolico Leone Sacras Literas esse destinatas, quatenus huic sacro Concilio se præsentare dignaretur: sed quoniam, nec antiqua consuetudo, nec necessitas temporis permittere videatur nostram paritatem, huic Concilio sacro pro se præsidere præcepit.

Ideoque necessarium est, hæc, quæ in medium proferuntur per nostram interlocutionem discipari, propter hoc ergo portectus libellus à Religiosissimo Fratre nostro, & Coepiscopo Eusebio susceptus recitetur, & factum est ita; hæc ibi.

Tom. XIII.

Ecce manifestè, primò quod Legati Papæ præsidere debeant Concilio loco Papæ; secundo, quod ad eorum officium necessariò spectaret, ut per eorum interlocutiones, ea, quæ præferenda in medium veniret, præponi, & discipari; vnde quod aliquando iudices aliqui deputati legantur in Concilijs vniuersalibus ab Imperatoribus, non fuerunt deputati ad præsidendum, aut desinendum, aut iudicandum auctoritatiue, cum talem potestatem non haberent ipsi Imperatores; vnde si reperiat scriptum, quod Imperatores præsiderent, intelligitur non auctoritatiue, sed ad ornatum. Vnde in epistola, quam Calcedonensis Synodus scribit Papæ sic habetur, quibus, scilicet Patribus congregatis, tanquam caput membris præpositus eras per eos, qui tuam continent vicem rectum Concilium demonstrans. Principes autem fideles ad ornatum præsidebant; hæc ibi.

Et ita patet, quod nec Imperatores auctoritatiue præsidebant, nec deputati iudices per eos, sed cum inter Catholicos, & alios hæreticos esset disputatio, & controversia magna, ponebantur illi quasi auditores discretiui, & testes, ut audirent motiua, & rationes altercantium, ut veritate tandem patefacta, & relatione facta Imperatoribus: Imperatores ipsi fauorantes habentibus veritatem, sententias eorum, & definitiones per disciplinæ timorem facerent ad omnibus obseruari.

Nam ut inquit beatus Iulianus, & habetur in cap. Princeps 23. quæst. 5. Intrà Ecclesiam potestates necessariæ non essent, nisi, ut quod non prævalent Sacerdotes efficere per doctrinæ sermonem, potestas hoc inperet per disciplinæ terrorem; vnde quod ita fit, patet ex illo, quod habetur ex actione quarta octauæ Synodi, ubi sic legitur: post hoc magnificētissimi, & gloriosissimi Principes, per Babanum magnificētissimum Patricium, & præpositum dixerunt: Imperatores nostri miserunt seruos suos, qui Senatus vocatur, qui voluntate Dei honoratus est secundum omnem, ut simus discreti eorum, quæ geruntur, auditores. Si vultis ergo à nobis, sicut se habet Ordo Synodicus in fine sanctæ, & vniuersalis huius Synodi exigere proprias subscriptiones, per me indignum seruum Sanctorum Imperatorum nostrorum cuncti Fratres mei, & Compatrij dicunt Sanctissimo Domino Nostro Patriarchæ, & Sanctissimis Vicarijs, tam senioris Romæ, quam Orientalium Sedium, nisi audierimus, & ab ipso Focio in conspectu nostro stante, & ab Episcopis eius, & ab his, qui habentes consecrationem beatissimi Methodij, & sanctissimi Ignatii, apostolice facti sunt, ut in conspectu nostro obstruant ora ipsorum ex Canonibus, & Synodicis præceptionibus, non scribebunt manus nostræ vnam literam in Synodo ista: audiant, quæ iudicata sunt à seniori Roma in conspectu nostro, & si nihil contradicere potuerint, sanabitur Mundus ex consensu ipsorum. Si autem hoc factum non fuerit, scimus, quia nostri non egetis ad subscribendum in hunc à vobis gestorum, quomodo enim subscribemus in huiusmodi iudicio illis clamantibus, atque dicentibus, audiamus depositionem nostram damnum audientibus nobis, ut postulat iustitiæ ratio, &c. hæc ibi.

511

Ex

Ex quibus manifestè patet, quòd illi deputati per Imperatores non erant Præsidentes vt iudices Concilij per auctoritatem, sicut, nec ipsi Imperatores erant, sed vocati sunt iudices, sicut deputati ad audiendum aliquos altercantes, sicut magis vt auditores eorum, & testes gestorum per Patres ibidem.

Quod etiam manifestè colligitur ex cap. satis 96. dist. vbi Nicolaus Papa, ita inquit. Sed Theodosius minor sanctæ Synodo scribens, primè dixit; deputatus est ergo Candelianus magnificentissimus Comes strenuorum domesticorum transire vsque ad sanctissimam Synodum nostram, & in nullo quidem, quæ faciendæ sunt de pijs dogmatibus quæstiones, seu potius expositiones communicare. Illicitum namque est, eum, qui non sit in ordine sanctorum Episcoporum Ecclesiasticis, immiseri tractatibus; hæc ille.

Ex quibus luce clarius habetur, quòd Laici illi nobiles, qui ad Concilium mittebantur per Imperatores, non ad præsidendum auctoritati, aut ad definiendum, vel iudicandum deputabantur, cū ipsemet Imperator protelleretur illicite esse tales Laicos Ecclesiasticis immiseri tractatibus.

Quod verò vlti. dicitur ex aduerso, quòd prædentes Papæ de mandato, & auctoritate Concilij sententiam proferebant, falsissimum est: immò ipsi auctoritate Summi Pontificis sententiabant, quod manifestè colligitur ex quinta actione præfate octauæ Synodi, vbi prædentes sententiam dantes contra Focium, ita dicunt: vidistis fratres: vidistis, & audistis, quæ ex multo tempore dicta, & gesta sunt de huiusmodi causa, & apparuit vobis omnibus, quia irreceptibilis erat promissio huius viri, & depositio sanctissimi Patriarchæ Ignatii de sede sua sine iustitia, & sine legibus fuerat acta.

Nos ergo non nouum aliquid, vel recens iudicium iudicabimus, sed vetus, & ex multo tempore præiudicium quidem à sanctissimo, & beatissimo Papa Nicolao; firmatum autem à sanctissimo Papa Hadriano, & non possumus transferri, & commoueri à paternis definitionibus, & legibus, nec declinare ad dextram, nec ad sinistram. Scriptum est enim, audi fili leges patris, & ne repellas iura matris tuæ, & infra talem conatum abijcimus, & Anathematizamus ne vltius contra Ecclesiam quælibet alia fortè in omne seculum maligna introducat actio, & infra, quid ergo placet? ita sunt nostra, & nostræ sedis, quæ si apud vos non fuerint acceptabilia, nos tamen super Montem excelsum huius Synodi ascendemus, & exaltabimus in fortitudine vocem nostram Euangelizantes vobis, & consequentiam, quæ facta, & ore promulgata est sanctorum Patrum nostrorum à gratia Spiritus sancti. Et sequitur ad hoc, quid dicit sancta Synodus? sunt hæc, quæ à nobis perlectionem dicta sunt, apud vos accepta? Sancta, & vniuersalis Synodus exclamauit, recipimus omnes, valde quippe sunt discreta, & congrua, & consona Ecclesiasticis regulis atque legibus; hæc ibi.

Ex quibus manifestè patet falsum esse, & iniquum, quod aduersarij dicunt, quòd prædentes Papæ auctoritate, & mandato Concilij sententiam protulerunt.

Nec debet quis moueri per hoc, quòd prædentes aliquando cū sententiam dare deberent, legantur dixisse ad Synodum, vel ad illos iudices deputatos discretos, si iubeatis, quia hoc non erant peritio auctoritatis, sed erat verbum humilitatis, quod sonat, idest, dignemini audire.

C A P. XXVI.

De his, quæ in ipso vniuersalis Concilij prosecutionis exordio obseruanda sunt.

DEsignatis iam patribus ad Concilium vocandis, & prædente in eo. Iam ad ea, quæ ipsius Concilij prosecutione veniunt primitus obseruanda descendamus. Occurrunt autem tria consideranda.

Primum est, quo habitu vestiti Prælati Synodum ingredi debeant, an in habitu communi, an in habitu dignitatis suæ conuenienti.

Secundum est, quomodo ordinari debeant in sedendo.

Tertium est, à quo debeant Synodum inchoare.

Quantum ad primum, conuenientissimum nobis videtur, quòd Prælati vestibus dignitatis suæ congruentibus conueniant ad Synodum celebrandam, quod duo satis persuadent.

Primò, quia cum ea, quæ foris geruntur, conformari & congruere debeant actibus, qui aliqua excellentiori potestate exercentur; vnde non nisi in vestibus sacris Sacerdos ad consecrandum Corpus Christi accedere debet, iuxta cap. vestimenta, de consecr. dist. 1. conuenientissimum videtur, vt Prælati ad actum iudicialiæ potestatis exercendum, & in maximis rebus in Concilio conuenientes, non nisi in vestibus eorum dignitatis, aut prærogatiuis concedentibus accedant.

Secundò, hoc persuadet exemplum: planè si in provincialibus Concilijs hoc obseruatur, vt à Prælatibus vestibus eorum conuenientibus adornatis, & cum mitris in capite celebrentur, iuxta cap. quod sicut, extra de electis. lib. 6. vbi patet, quòd Archiepiscopus sine pallio non congregat Concilium, & de mitra habetur de priuilegijs vt Apostolicæ, lib. 6. Conuenientius est, vt hoc in vniuersalibus Concilijs obseruetur, quæ pro rerum gerendarum maiestate, maiore solemnitate veniunt celebranda. Mitre verò Prælatorum sicut vidimus obseruari, tam Constantiæ, quam Basileæ omnes alibi esse debent, & planè sine ornamentis, iuxta notata per Ioann. Andr. in dicto cap. vt Apostolicæ, vbi dicit, quòd Episcopi in præsentia legatorum Ecclesiæ Romanæ, & per consequens maiorum suorum venturum tantum mitris abbas, & planis, quod fortius obseruandum est in præsentia Romani Pontificis, qui Princeps est Episcoporum; hæc etiam obseruantia tenetur in curia cū Missam in Capella Papa celebrat.

Secundum quod considerandum venit, est de ordine, quem Prælati tenere debent in sedendo, & per consequens in subscriptionibus.

nibus; quia ordine quo sedent, se subscribunt.

Pro quo talis forma obseruanda videtur, vt primum locum teneat Romanus Pontif. qui Caput, & Princeps totius Ecclesiæ, vt in cap. non decet dist. 12.

Secundum locum obtinet Cardinalis Hostiensis, qui hoc habet ex priuilegio, quia Romanus Pontif. consecrat, vt notat Hosti. in cap. antiqua, de priuileg.

Tertium locum, de iure, nisi obuiet aliqua Romanæ Ecclesiæ consuetudo, obtinet Patriarcha Constantinop.

Quartum, Alexandrinus.

Quintum, Patriarcha Antiochenus.

Sextum, Hierosolymitanus.

De quo ordine habetur in cap. renouantes, dist. 21. & in cap. præallegato antiqua, de priuileg.

Post autem has Patriarchales sedes sequuntur alie quatuor sedes, scilicet Aquilegensis, Bituricensis, Grandensis, & Ratislangensis, de quibus Archid. in gloss. fin. dist. 22. Cardinales verò, secundum consuetudinem Romanæ curiæ præferuntur in sedendo istis vltimis Patriarchis, alij verò sequuntur ordinem dignitatis eorum, vt primò Archiepiscopi, deinde Episcopi, deinde Abbates, quando eos Synodus interesse continget, inter autem istos Ordo seruandus est, iuxta tempus ordinationis eorum, dist. 17. §. Episcopos.

Tertium, quod considerandum est, à quo actu Synodus est inchoanda. Ad quod dicimus, quòd ab hac oratione, sicut à Missa Spiritus sancti, quæ celebrari debet per aliquem Prælatus de Concilio: Si enim, vt inquit Plato, in rebus etiam minimis diuinum auxilium est implorandum; multum reprehensibile foret, si cum habenda sunt Concilia de rebus maximis, primò ad Deum, sine quo fieri nihil potest, oratione non præmissa recurreretur; vnde Hieronim. in principio cuiuslibet operis, orationem Dominicam dicit præmittendam.

Item tota Ecclesia in singularum horarum principio diuinum implorat auxilium dicens: *li Deus in adiutorium meum intende.*

Congruitatis autem huius, quod diximus ab oratione in Synodo esse inchoandum, exemplum habetur ex illa religiosa consuetudine in omni capitulo vetustissime obseruata, quòd cum eligendus venit, Prælatus, Missa de Spiritu sancto præmittitur, vt notat Innoc. de elect. cum nobis olim, quod certè fortius sciendum est, cum pro rebus maximis totius reipub. Christianæ vniuersitatem tangentibus, non vnus particularis Ecclesiæ capitulum, sed totius Ecclesiæ representatiua Synodus adunatur, præmittenda est, vt diximus, specialis oratio ad Spiritum sanctum, quoniam & si illud, quod oratione sua impetrat Synodus operæ effectus, communis sit totius Trinitatis, appropriatur nihilominus personæ Spiritus sancti, quod patet, duo namque sunt potissime necessaria ad ritè, & benè celebrandum vniuersale Concilium.

Primum est, illuminatio veritatis in definiendis, & agendis.

Secundum est, vniuersitas Patrum congregatorum in Synodo in concludendis, vt omnium sit vna mens, vna sententia, & vnus

Tom. XIII.

sensus, vtrunque istorum attribuitur Spiritui sancto.

De primò, patet ex illo Ioann. 16. [Spiritus sanctus, quem mittet Pater in nomine meo, ille vos docebit omnia, & surget vobis omnia, quæcunque dixerò vobis.]

De secundo, patet ex illo ad Roman. 8. Ipse enim spiritus testimonium reddit spiritui nostro, quòd sumus filij Dei, super quo verbo dicit gloss. Spiritus sanctus communis est Patri, & Filio amorumque vnio, per ipsum fit societas, & vnitas, qua efficiuntur vnus Corpus vnici filij Dei; vnitas enim nos compaginat, quam fecit charitas, charitas vnde est, nisi à Spiritu sancto? hæc gloss. quia verò hæc dona, quæ diximus, maxime Patribus conuenientibus ad Synodum necessaria dona Spiritus sancti sunt, laudabili consuetudine introducuntur est, vt ipso Concilij principio, antequam ad alia procedatur: Hymnus ille: [Veni Creator Spiritus:] voce alia decantetur. Consequenter proponendus est sermo diuinus de pertinentibus ad Concilium, vt omnes intelligant, quid agendum sit, & monentur ad volendum, & exequendum ea, quæ Deo placita sunt, & vniuersali Ecclesiæ accomoda. Proponendum est ergo verbum Dei coram synodali congregatione, sicut diximus, ad quod nos hortantur inter alia maiorum nostrorum exempla. Exemplum habemus primò à Domino nostro Deo, & Salvatore nostro Iesu Christo, qui Discipulis congregatis coram se fere semper prædicabat eis Matth. 5. Cum sedisset accesserunt ad eum discipuli eius, & aperiens os suum docebat eos. Item hoc exemplum reliquit nobis Vicarius eius beatus Petrus, qui, cum conuenissent Apostoli, & seniores super quæstione de circumcissione, surgens, & prædicans, dixit ad eos viri, fratres vos scitis, &c. ad. 15. Hoc etiam exemplum reliquit nobis vas electionis, qui vocatis maioribus natu Ecclesiæ apud Miletum ab Epheeso prædicauit eis dicens, vos, scitis à prima die, &c. ad. 20.

C A P. XXVII.

A quibus cauendum est in Concilijs.

V Iso à quo synodus est inchoanda. Reliquum est videre, à quibus in processu illius patres congregatos cauere decet, si synodum suam venerabilem mundo, & Ecclesiæ vtilem reddere cupiunt?

Occurrunt autem decem, à quibus cauendum est. Primum est malicia, siue prauitas affectionis, vnde Imperator Basilius in principio octauæ synodi sic hortatur fratres Concilij: commonemus, & exortamur omnes vos fratres, vt cum multo pudore, ac reuerentia conueniatis ad sanctam hanc, & vniuersalem synodum tamquam ad communionem, & vniuersam aptam, atque sine labore medelam, nullam viciosam motionem, vel affectum ferentes, nec ad contentiosam voluntatem respicientes, sed potius vinci, quam benè vincere periculosè, hæc ille. Est ergo excludenda omnis sinistra, ac viciosa affectio à patribus conuenientibus ad Synodum, &

§§§ 2 diri-

dirigenda omnis eorum intentio ad honorem, & gloriam Dei, ne oppositum facientes, videantur magis conuenisse aduersus Christum, quale fuit Concilium Principum Sacerdotum, & Seniorum Populi, de quo habetur Matth. 26. [tunc cōgregati sunt Principes sacerdotum, & Seniores populi in atrium Principis, & conilium fecerunt, vt Iesum dolo tenerent, & occiderent.] Secundò, vt ad statum Apostoli dignitatem, & auctoritatem conferendam, & non ad eius destructionem conspirant, quale fuit Concilium, quod aduersus Apostolos congregatum est, de quo Act. 5. vbi dicitur, quòd Princeps Sacerdotum, & omnes qui cum eo erant conuocarunt Concilium, & sequitur post, & statuerunt illos, scilicet Apostolos in Concilio. Tertiò, vt ad quietem, & ad pacem fidelium, & non ad inquietationem, & turbationem bonorum, studeant, quale fuit concilium contrà beatum Stephanum venerabilem Christi discipulum congregatum, de quo habetur act. 6. vbi sic dicitur. Concurrentes rapuerunt Stephanum, & adduxerunt in Concilium, & statuerunt falsos testes, huiusmodi autem Concilium, quòd in perturbationem virorum religiosorum est, non Concilium Sanctorum. Patrum est, de quo Dominus per Prophetam dicit Concilium malignantium obedit me. Cauendum est ergo à patribus ad vniuersale Concilium conuenientibus, ne aliqua eis insit intentio sinistra, aut affectio praua in eis aliqua regnet, sed prò oculis semper habeant, quæ sunt ad honorem Dei, ad decorem domus Dei, & ad pacem populi Christiani. Tales autem sunt, qui in nomine Domini congregantur, de quibus per Prophetam Isai. 40. omnes isti congregati sunt tibi, idest ad ea, quæ tua sunt, faciendâ in tali Concilio glorificatur Deus, secundum illud Psalm. Deus, qui glorificatur in Concilio Sanctorum. Taliter autem in veritate congregatis in nomine Christi, diuinitatis suæ promittitur assistentia, iuxta illud Matth. 18. [vbi duo, vel tres congregati fuerint in nomine meo, in medio eorum sum.]

Secundum quòd cauendum est à patribus in Concilio, est negligentia circa bonum commune, vt totis viribus, omnique studio publicis commodis intendant: prætermisissis causis priuatis, vnde Leo Papa ad Theodosium Imperatorem scribens, vnde error secundæ Ephesinæ synodi originem traxit: inquit, dum priuatæ causæ religionis exercentur obtentu, commissum est impietate paucorum, quod vniuersam Ecclesiam vulnerat: hæc ille. Quocirca Tull. dicit, eos, qui Reipublicæ profuturi sunt, duo Platonis præcepta obseruare debere. Vnum est, vt vtilitatem ciuium sic tueantur, vt quæcumque agant, ad eandem referant obliiti commodorum suorum. Alterum, vt totum corpus respiciant nedum vnâ partem tueantur, alteram deferant, vnde rectè patribus congregatis in Concilio potest dici illud, quod dicebat. Iosaphat 2. Paralipom. 19. Sit timor Domini vobiscum, & cum magna diligentia cuncta facite.

Tertium, à quo cauendum est in concilio, est timiditas, ne scilicet aliquis propter timorem cuiuscumque pertimescat dicere veritatem eius, quod sentit de his, quæ pertinent

ad gloriam Dei, & decorem domus eius: vt veraciter dicere possit cum propheta: Non abscondi veritatem tuam à Concilio multo, dicit enim August. ad Casulanum, & habetur in c. quisquis 11. qu. 3. quisquis metu cuiuslibet potestatis veritatem occultat, itam Dei super se prouocat, quia magis timet hominē, quam Deum, & Ioann. Christo. vt in cap. nolite, eadem causa, & quæst. prædior est veritatis, qui non libere veritatem pronunciat.

Quartum cauendum à Patribus in Concilio est amor vanæ gloriæ, seu vanitatis, ne scilicet patres ad ostensionem sui, multa, & magnifica introducentes, tempus salubribus rebus deputatum in vanitate confugant. Tale vanitatis concilium detestatur Propheta dicens, non sedi cum Concilio vanitatis, & cum iniqua gerentibus non introibo.

Quintum, quòd cauendum est, est dissolutio, ne scilicet in Concilio, vbi cuncta cū timore Dei, & grauitate peragenda sunt dissolutionibus, & carnalibus solatijs, siue festiuitatibus vacetur. Tale itaque Concilium abominatur Ierem. dicens. Non sedi in Concilio ludentium Ierem. 15.

Sextum, quòd cauendum est in Concilio, sunt tumultus, disceptationes obstinatæ, & dissentiones, ne scilicet inter patres contentionēs, & diuisiones sint, ne eorum congregationes sint, de quibus ait Apostolus 1. ad Cor. 11. Conuenientibus vobis, audio inter vos scissuras esse, ad quod pulchrè exhortatur Concil. Toletan. 11. vt habetur in c. in loco 5. q. 4. sic dicens in loco benedictionis confidentes Domini sacerdotes, nullus debet, aut indiscrētis vocibus pertrepere, aut quibuslibet tumultibus, vel risibus agere, & quod est deterius obstinatis disceptationibus tumultuosas voces effundere. De vitando etiam huiusmodi tumultu in Concilijs vniuersalibus habetur etiam monitorium in gestis Calcedonenſis Concilij à quo describendo superfedemus gratia breuitatis.

Septimum, quod est cauendum à patribus in Concilio, est tepida correctio circa culpas præteritas, & maxime in domo Domini commissas. Hely enim faceds, quia filios suos tepide correxit, diuino iudicio de sede cadens fraſis cruciuis expirauit 1. Reg. 4. Christus etiam, vt habetur Ioan. 2. tanto zelo contrà peccata in templo exarsit, vt factis funiculis negotiatores de templo manu propria eiecerit.

Octauum, quod cauendum est sinistra, persecutio aliorum, ne scilicet aliqui odio contrà alios in Concilio persequantur, contrà eos iniuste aliquid molientes. Odio enim, vt inquit Gregor. & habetur in cap. quatuor 11. quæst. 3. peruerſitur humanum iudiciū, dum cōtrā quemlibet aduersarium molimur: amore, dum aliquo amico, vel propinquo præstare auxilium contendimus. De talibus enim dicitur prouerb. 36. qui operit odium fraudulentè, reuelabit malitia eius in Concilio, dum scilicet apertè contrà sibi odiosos insurgit, quod exemplariter vidimus in Concilio Basiliensi, vbi quorundam studio, qui contrà sanctæ memoriæ Dominum Eugenium, odio habebant, totam quasi synodum ad illius persecutionem in scandalum totius Ecclesiæ commouerunt: quare beatus Gregorius

rius in epistola, quam vniuersis Episcopis, per Siciliam confutatus scribit, vt cum Petro subdiacono suo legato celebraretur Concilium, dicit sic. A quo Concilio procul absint oia facinorum nutrimenta, acque iudicia interna, tabescat nimis execrabilis, animorum, sacerdotes suos concordia Deo placita, & charitas recognoscat: hæc ergo omnia cum maturitate, & tranquillitate gerite, vt dignissime possit episcopale concilium nuncupari.

Nonum cauendum à patribus in Concilio est, ne innocentibus quibuldam phantasijs, aut somnijs, & incertis reuelationibus, siue visionibus aliud ordinent, siue disponant in Ecclesia, sensus enim sanctorum Patrum, non phantasijs, sed sanctorum literarum regulis formari debent, atque inniti, propter quod dicitur Ierem. 14. Prophetæ, qui vident vana, atque diuinam mendacia, in Concilio populi mei non erunt.

Decimum, quod cauendum est à patribus in concilio, est error in promouendo materias in concilio, ne scilicet parua magnis, temporalia spiritualibus anteponan, quod nullo modo faciendum est, promouenda enim principaliter sunt maiora, sicut spiritualia, vt potè, quæ ad fidem catholicam, ac cultum diuinum, ad morum reformationem, ad pacem Christiani populi, ad vtilitatem totius Reipublicæ Christianæ pertinent, ita legitur obseruatum in Concilijs sanctis antiquis vniuersalibus, vnde in gestis Ephesinæ Synodi habetur, quod Telasius Episcopus sic dixit: piissimus, & Christianissimus Imperator desiderans fidem, quæ hæsiens est, inconcussam manere præcepit, nil aliud, nec dicere, nec agere in sancta Synodo, nisi prius de fide, statueretur, vnde omnia nunc negotia vacent, quæ sunt interim de fide, in medium proferantur. Et similia multi alij Episcopi prosecuti sunt. Opposita enim facientes deridet beatus Bernardus dicens: optimi estimatores, qui de maximis minimam, & de minimis maximam curam gerunt.

Vndecimum, quod cauendum est in Concilio, est leuitas, & præcipitatio in consulendo, siue concludendo. Celeritas enim, vt dicit Diogenes, maximè inimicatur consilio, & vt inquit Tullius: est inimica iudicij, quare dicitur proverb. 19. qui festinat, pedibus offendi. Et Sen. ait, velox consilium sequitur penitentia, maximè consilio contraria sunt festinatio, & ira, & ideò dicit beatus Gregorius, & habetur in cap. summoperè, 10. quæst. 3. Summoperè præcauendum est, vt qui iusta iudicia exercent in distans sententijs, nullatenus leuitate, aut fauore ducti sint, præcipientes, sed causis prius diligenter ventilatis, cum res, quæ ignorabatur, plenitèr ad notitiam venerit nunc, diuina, & humana lex resoluitur: & secundum quod ibi constitutum est, remota personarum acceptione, definitiua proferatur sententia.

Duodecimum cauendum est violentia, libertas enim maximè requiritur in consulendo, ita vt vbi libertas non est synodus esse non possit, vnde de violentia facta in secunda synodo Ephesina orientales quidam Episcopi dixerunt, nullus consensit vio-

lencia facta est vix cum plagis, in pura charta subscripsimus, minabatur nobis damnatio, mine exilij tenebantur, milites cum gladijs, & fustibus instabant, timebamus fustes, & gladios: vbi gladij, & fustes qualis synodus? hæc ille, quasi dicat nulla.

C A P. XXVIII.

Quòd vniuersalium Conciliorum auctoritas à Romano Pontifice deriuatur, & pendeat.

SI quis superius dicta, quæ de Roman. Pontificis primatu, & eiusdem sedis prerogatiuis ex Sanctorum Patrum sententijs itabilimus, luce clariùs percipiet, quòd vniuersaliter conciliorum auctoritas à Romano Pontifice pendeat, & emanet, vnde S. Thom. doctor egregius in tractatu suo contra impugnantes religionem, hanc sententiam confirmat dicens: Sancti Patres in Concilio congregati, nihil statuere potuissent, nisi auctoritate Summi Pontificis interueniente, sine qua etiam Concilium congregari non potest: hæc ille.

Quòd autem hæc sententia, tam ex superius dictis, quam ex alijs sit vera, ostenditur primò, ex eo quòd in 2. lib. multipliciter ostendimus, quòd Romanus Pont. caput esset vniuersalis Ecclesiæ, & per consequens vniuersalis Concilij illam representantis. Ex quo manifestè sequitur, quòd habitudo Romani Pontificis ad vniuersalem Ecclesiæ, & per consequens ad vniuersale Concilium ipsam representans; sit habitudo capitis ad corpus, cum autem talis ita sit, quòd corpus, non nisi mediante capite recipiat influxum virtutis sensus, & motus, vt ait Philosophus, & etiam Isid. lib. 10. Ethic. Inquit enim: prima pars corporis caput est, datumque est illi hoc nomen, eo quòd sensus, & nerui, inde initium capiant, vt ex eo omnis vigendi causa oriatur, videtur necessariò, quòd omnis auctoritas, & potestas Concilij vniuersalis à Papa, sicut à capite immediate dependeat, vnde Leo Papa, vt in cap. ita Dominus habetur dicit. 19. hanc conclusionem confirmat, ita dicens: huius muneris sacramentum, ita Dominus ad omnium Apostolorum officium pertinere voluit, vt in beatissimo Petro omnium Apostolorum Summo principaliter collocaret, vt ab ipso, quasi quodam capite, dona sua velut in corpus omne, descenderet, vt exortem se ministerij intelligeret esse diuini, qui ausus fuisset à Petri soliditate recedere.

Secundò sic, in superioribus, in secundo libro ostensum est, quòd Romano Pontifici cura totius Ecclesiæ commissa est, & non alteri personæ, aut congregationi: cum dictum sit soli Beato Petro pro se, & suis successoribus: [Petre pascue meas] Ioann. 21. super quo dicit Theophylus, & habetur in gloss. contin. finito prandio commissionem ouium mundi Petro commendat. Et idem Chrysost. & Greg. & Aug. & Bern. vt superius induximus: ergo ad solius

Solius Romani Pontifici auctoritatem spectat providere, & dare pabulum toti Ecclesie, quod ut in vniuersalibus Concilijs disponendo, ordinando, constituendo, corrigendo, diffiniendo, interpretando: & ad nullos alios dispersos, siue, congregatos, nisi quantum ipse principalis Pastor concedit, & tribuit potestatem, ergo tota potestas vniuersalis Concilij pendet à Romano Pontifice, sicut à capite, & Pastore totius Ecclesie.

Tertio sic, superius in secundo libro inter alia induximus, quod Hierarchia nostra tam in xta Ioan. in cap. 21. quam iuxta beatum Dion. in lib. de Ecclesiastica Hierarchia sit exemplata à cælesti, vnde beatus Ambrosius dicit, quod Ecclesia est imago cælestium, sed sic est, quod in Angelica, siue cælesti Hierarchia nulla potestas ad actus Hierarchie proficiendos tribuitur desuper à Deo personæ, aut ordini, aut toti Hierarchie, quæ non tribuatur, siue descendat mediante Hierarchia illius Hierarchie, vt patet ex ipsa beati Dionysij doctrina, ait enim cap. 5. Ecclesiasticæ Hierarchie, lex diuinitatis sacratissima est, per primam, media in diuinitatem reducere lucem, ergo pari modo nulla potestas à Christo ipsi Ecclesiasticæ Hierarchie, aut vniuersali Concilio ipsam representati, quæ non confertur mediante Rom. Pont. qui est Hierarchia, & primus in tota Hierarchia, & ideo, quicquid auctor. habet vniuersale conciliū immediatè à Rom. Pont. habet vnde oppositum dicere, est negare Ecclesiam militantem ad formam Hierarchie esse dispositam, & negare, quod lex illa sacratissima diuinitatis in illa obseruetur.

Quarto sic, in secundo libro tam auctoritatibus, quam rationibus ostendimus, quod omnis auctoritas iurisdictionis prælatorum in Ecclesia Dei dependet à Papa, & derivaretur à Rom. Pont. ergo Concilium vniuersale, quod ex prælatis Ecclesiæ congregatur, omnem potestatem suam iurisdictionis constituendi, aut diffinendi aliquid auctoritatē, non habet immediatè, nisi à Roman. Pont. consequentia est bona.

Quinto sic, superius in libro secundo ostensum est efficacissimis rationibus, quod vniuersalis Ecclesia, vt vniuersitas in omnibus membris suis nec recipit à Christo immediatè potestatem clauis ordinis, nec iurisdictionis, ergo nec vniuersale Concilium illam representans, consequentia patet, antecedens sicut diximus, secundo libro multis rationibus monstratum est.

Sexto sic: Concilia vniuersalia videntur habere originem ex institutione humana; & non à Christo immediatè: ergo falsum est, quod Concilia habeant immediatè à Christo potestatem iurisdictionis supra omnes fideles. Consequentia videtur bona, & antecedens patet, tam ex cap. canones 15. dist. 8. ex cap. generalia quoque Concilia, dist. 17. tum quia nullibi in sacra Scriptura legitur de institutione facta à Christo vniuersalium Conciliorum, licet bene legatur; quod fuerint aliqua per Apostolos celebrata, vt supra in hoc tertio libro notauimus, sed hoc non arguit institutionem eorum immediatam fuisse à Deo. Septimo sic, nec ex Scriptura sacra noui, aut veteris testamenti, nec ex doctrina sanctorum ab Ecclesia approbatorum

habetur, quod vniuersale Concilium habeat potestatem immediatè à Christo sine ordine ad Rom. Pont. ergo hoc non est dicendum, maxime cum contrariari videatur sacre Scripturæ, & doctrinæ sanctorum doctorum. Consequentia patet, quia, vt dicit Hieronymus. quod de Scripturis non habet veritatem, eadem facilitate contemnitur, quæ probatur, antecedens verò est notum discurrenti per passus sacre Scripturæ, & manifestus factum est, cum responsum est supra libro in cap. 68. ad auctoritates inductas per aduersarios, quod clauis datæ sint vniuersali Ecclesie, quia illis se armant ad probandum, quod vniuersale Concilium; illas habeat immediatè à Christo de quibus etiam aliquid infra, dicitur.

Octauo sic, si Concilium vniuersale recipit immediatè potestatem à Christo, aut quando nondum est congregatum, aut quando congregatur, primum non potest dici, quia non existens capax potestatis non est. Si quando est, quæritur de hora, & si dicunt, quod immediatè adueniente termino assignato conuentiois aliqui conueniunt, tunc sequeretur, quod in potestate duorum, vel trium, aut paucorum concurrentium ad Concilium stabit dispositio totius Orbis terrarum, & ex paucorum, & forte hominum nullius auctoritatis pendet fides, & status vniuersalis Ecclesiæ, quod videtur inconueniens: si detur; quod alia hora: quicquid dicitur, videtur fictitium. Si verò dicatur, quod data sit hæc potestas Concilio. quando data est Ecclesie vniuersali; ita quod potestas, quæ erat in habitu in Ecclesia dispersa, efficitur in actu ipsa synodaliter congregata: hoc stare non potest, quia sicut iam ante diximus, in secundo libro amplissime ostendimus falsum est quod potestas aliqua iurisdictionis, sit data vniuersali Ecclesie, vt vniuersitati in omnibus membris suis, nec etiam toti vniuersitati clericorum ad intellectum aduersariorum. Præterea si dicatur, quod data sit hæc potestas Concilio; quando Episcopis in Apostolis, quibus indistincte, & vniuersaliter videtur data potestas à Christo ad regendum christianum populum, hoc stare non potest, quia, vt superius in secundo libro plenè ostendimus nulla talis potestatis plenitudo data est collectiue omnibus Apostolis simul sed solum Petro, qui Princeps Apostolorum constitutus est, & pastor totius gregis dominici, talis potestas plenè data est, vt dicit beatus Cyrillus, & beatus Crys. & vt supra induximus hoc requirit tam vnitas Ecclesie, quam ratio Princeps patris regalis, siue monarchici, cuiusmodi est principatus Ecclesie, quam est forma dispositionis Hierarchie: sub qua constituta est militans Ecclesia.

Nonò arguitur sic, si vniuersale Concilium recipit aliquam auctoritatem immediatè à Christo, aut eandem, aut aliam: & si sic, aut æqualem cum potestate Papæ, aut maiorem, aut minorem, nec sic nec sic, ergo nullam consequentia patet à sufficienti divisione anteedens etiam non potest dici quod recipiat eandem, quia sicut aliàs argutum, est in secundo, libro nulla superioritas attendi posset in Concilio respectu Papæ, quod

aduersarij prætendunt, nec potest dici quod suscipiat aliam, quæ sit æqualis, tum quia etiam tunc nulla superioritas esset auctoritatis in Concilio supra Papam, quia par in Parem Imperium non habet, tum quia cum Papa, ut habetur in articulo quodam Constant. Concilij, & ratio ipsa manifestat cum, sit caput & Princeps Ecclesie, habet supremam potestatem in Ecclesijs Dei. Si Concilium haberet æqualem potestatem duæ supremæ potestates & duo capita essent in Ecclesia, hoc autem esse non potest, tum quia, quod per superabundantiam dicitur in vnoquoque genere, vnum tantum est. tum secundo, quia pluralitas principatuum non est bona, 12. metaphysicæ, quod autem bonum non est, non est credendum, à Christo in Ecclesia sua constitutum esse, tum tertio, quia duas supremas potestates Ecclesie vnitas pati non potest, quæ non solum in vnitate fidei, charitatis: aut finis vltimi attenditur, sed ex ordine ad vnam supremam potestatem regitiam totius vniuersitatis Christianæ, in secundo lib. ostendimus, vnde ut beatus Cyprianus inquit in epist. ad quosq. presbyteros, Deus vnus est, Christianus vnus, & vna Ecclesia, & Cathedra vna super Petrum Domini voce fundata, aliud altare construi, aut sacerdotium nouum fieri præter vnum altare, & vnum sacerdotium non potest, quisquis alibi collegerit spargit, adulterium est, impium est, sacrilegium est, quodcumque humano fauore constituitur, vs dispositio diuina violetur, hæc Cyprianus.

Item; non potest dici, quod Concilium recipiat maiorem potestatem, quam Papa: patet, tum quia ut iam diximus Papa habet supremam potestatem in Ecclesia Dei, cum, quia tunc constituto Concilio, Papa desineret esse caput Ecclesie, cum desineret habere supremam potestatem, & dignitatem, supra corpus Ecclesie, quod esset absurdum & alienum a fide nostra. Præterea non potest dici etiam, quod minorem recepit, quia talis videretur frustra esse cum potestas Papæ esset maior, & sufficeret ad perficiendum omnia ad quæ Concilium congregaretur, tum, quia Concilium non esset superius Papa, aut Papa illi subiectus, quod tamen aduersarij prætendunt, ergo videtur, quod Concilium nullam potestatem recipit immediatè à Christo sed omnem, quam habet, recipiat à Vicario eius scilicet Romano Pontifice.

Decimo sic viuent vno rectore vnus Ecclesia; alter non substituitur, sicut viuenti marito, alter vic non datur vxori 12. qu. 1. factus est Cornelius Episcopus, & cap. sicut, ergo viuent Papa rectore vniuersalis Ecclesie non substituitur alius rector. eiusdem Ecclesie à Deo, sed hoc fieret, si viuent verò, & indubitato Romano Pontifice vniuersali Concilio daretur aliqua vniuersalis potestas regitina totius populi Christiani, ergo sequitur quod non sit verum, quod vniuersale Concilium recipiat à Christo immediatè potestatem.

Vndecimo sic, si Concilium vniuersale dicitur habere potestatem à Christo immediatè, quia vniuersali Ecclesie quàm representant: daretur, tunc sicut alias argueb. vnus in secundo libro necessarium esset: ut ad Con-

cilium conuocarentur omnes fideles, qui infra vniuersitatem Ecclesie continentur. Concilium debeat exire in actum siue exercitium, potestatis suæ, sed hoc est inconueniens, nec vnquam in Ecclesia fuit practicum. Consequentia tamen patet. quia si aliqua potestas est data Ecclesie, ut vniuersitatis, omnes fideles æqualiter se habent ad ius potestatis illius, & per consequens omnes veniunt vocandi, quoniam quando iurisdicchio ad vniuersitatem, ut vniuersitatem spectat, singuli non sunt iudices, sed omnes sunt conuocantes art. 12. q. 2. qui manumittitur.

Duodecimo sic, superius in hoc lib. 3. in cap. 6. ostensum est. quod auctoritas vniuersalis Conciliorum dependet immediatè ab auctoritate Apostolica Sedis, ut patet ex dist. 17. per totum, nec dependentia ista est solum accipienda respectu conuocationis, aut congregationis Conciliorum, sicut quidam aduersariorum prauè interpretantur, sed etiam quantum ad robur, & firmitatem omnium actuatorum in eisdem, quod manifestum est ex multis, tum ex præfata d. 17 per totum, tum secundo ex eo, quod dicit Papa Pelagius in cap. confidimus. 25. q. 1. quod Apostolica Sedes vnamquamque synodum sua auctoritate confirmat, item tertio synodus venerabilis tempore Symachi Papæ Romæ celebrata, ut habetur in cap. beati distinct. 96. dicit, quod Apostolica Sedes statutis synodalibus consuevit tribuere firmitatem. Ecce, quod non tantum, quo ad vocationem, siue congregationem Concilia pendunt à Papa, sed etiam, quo ad auctoritatem constituendi, & iudicandi, & diffiniendi.

Quarto extra de elect. cap. significasti, dicit Paschalis Papa, quid omnia Concilia per Ecclesie Romanæ auctoritatem, & facta sunt, & robur acceperunt, ergo Concilia vniuersalia immediatè capiunt à Papa potestatem iurisdictionis cum robore eorum, & firmitas pendet à Romano Pontifice: consequentia est manifesta, quia firmitas ista quam Apostolica Sedes statuit tribuit synodalibus, non est firmitas, quam cancellarij dicuntur facere signando literas suorum Dominorum sicut quidam aduersarij erroneè interpretantur: sed est firmitas roboris, & auctoritatis, quam Princeps tribuere dicitur legibus sine quales ipse vigore carent ac firmitate sicut infra plenius explicabimus.

C A P. XXIX.

In quo obiectiones aliquæ aduersariorum ponuntur contra prædicta.

Svrexerunt quidam nouelli magistri hoc nostro tempore, qui dogmatizare ausi sunt, quod Concilium vniuersale potestatem immediatè habeat à Christo, & tantam, & tam plenam, ut ei omnis fidelis cuiuscunque status sit, aut præminentie etiam si Papalis, obedire teneatur, quod etiam præsumpserunt dicere pertinere ad veritatem Catholicæ fidei, quàm nouellam doctrinam multipliciter

iter probare, & roborare moliantur tam auctoritatibus, quam rationibus, quam etiam, vt aiunt, determinatione vniuersalis Ecclesie.

Primo, auctoritate ex illo deuto. 17. Si difficile inquit, & ambiguit apud te iudicium esse prospexeris inter sanguinem, & sanguine causam, & causam lepram, & lepram iudicium intra portas tuas videris verba variari, surge ad locum, quem elegerit Dominus Deus tuus, veniesque ad Sacerdotes leuitici generis & ad iudicem, qui fuerit illo tempore, quaresque ab eis, qui iudicabunt tibi iudicii veritatem, & facies quaecumque dixerint tibi, qui præsunt loco quē elegerit Dominus Deus tuus; & docuerit te iuxta legem eius, non declinabis ad dextram. nec ad sinistram, vbi inquit gloss. hoc quoque in Ecclesia seruandum est. Ex hoc arguunt aduersarij sic, ergo sequitur, quod generale Concilium in loco, quem elegit dominus audiendum est in sententia sua, nec declinandum ad dextram, nec ad sinistram, hoc autem non esset, nisi Concilium vniuersale haberet à Deo immediatē potestatem suprām, & auctoritatem in Ecclesia, ergo &c.

Secundo sic, ex illo Matt. 18. vbi Christus inquit Apostolis, quaecumque ligaueritis in terra, erunt ligata &c. vbi videtur dedisse Apostolis immediatē potestatem iurisdictionis, quibus cum succedant Episcopi, ex quorum congregatione fit Concilium vniuersale, videtur, quod Concilium vniuersale immediatē recipiat à Christo potestatem.

Tertio, ex eo, quod ibidem Matth. 18. sequitur, vbi duo, vel tres congregati sunt in nomine meo, in medio eorum sum, ergo videtur, quod à presentia Christi Concilium capiat immediatē potestatem, & non Papa.

Quarto ex illo Ioann. 20. accipite Spiritum sanctum, quorum remiseritis &c. ex quo videtur, quod Apostoli immediatē à Christo acceperunt potestatem clauium, & per consequens Concilium Collegium eorum representans.

Quinto ad idem arguunt, ex Concilij vniuersalibus, primo, ex octaua Synodo in qua Patres congregati in damnatione Phocij, ita dixisse leguntur: hæc autē nolentē intelligere Phocium, vt benē ageret, sed inobedientem, & resistentem huic vniuersali Synodo repulimus, & anathematizauimus, atque à rota Catholica, & Apostolica Ecclesia fecimus alienum per datam nobis potestatem in Spiritu sancto à primo, & magno Pontifice nostro, & Deo liberatore, & saluatore cunctorum. Ecce inquit, quod Synodus habet potestatem à Christo, & vt videtur immediatē.

Sexto, inducunt decretum, quod esse dicunt Concilij Constantinensis, in quo dicunt haberi, quod Synodus vniuersalis habet immediatē potestatem à Christo, cui quilibet fidelis cuiuscunque dignitatis sit, etiam Papalis obedire tenetur.

Septimo inducunt talem rationem, si Papa mortuo naturaliter, sue ciuilit, aut legitima causa renunciente, vel à barbaris capto, sine spe relaxationis, sue à tyrannis in exilium relegato, sine spe liberationis Ecclesia non haberet potestatem immediatē à

Christo ante creationem Papæ, non videretur, quod sapientissimus legislator sufficienter prouideret Ecclesie sue, quod videtur absurdum; ergo sequitur, quod necessarium sit dicere, quod vniuersalis Ecclesia habeat potestatem immediatē à Christo, cui omnes obedire teneantur.

C A P. XXX.

In quo reprobatu'r predicta aduersariorum assertio, scilicet, quod Concilium habeat immediatē potestatem à Christo, non mediante Romano Pontifice, & quod hoc pertineat ad veritatem fidei.

Quoniam prefata aduersariorum assertio, quantum ad illam partem, in qua ponit, quod vniuersale Concilium, vt dicitur corpus Prælatorum Ecclesie, constitutum à Romano Pontifice, habeat potestatem à Christo immediatē, sine quacumque mediatione Romani Pontificis, satis plenē improbatu'r est: tam libro secundo, cap. 80. quam in hoc tertio libro, cap. superiori, solum nunc testat illam refutare, quantum ad illam partem, in qua aduersarij Basilenses plus sapientes, quam oportebat, stulta temeritate dogmatizarunt ad fidei veritatem pertinere. Agimus autem breuibus, quoniam improbatu'r illorum assertione de continentia veritatis ex supradictis necessariō relinquitur improbatu'r de attinentia ad fidem Catholicam, cum fidei Catholica veritati, non nisi verum consonare possit.

Arguitur autem primo sic: nullum quod repugnat rationi naturali, potest dici ad fidem Catholicam pertinere, sed quod Concilium vniuersale, non habeat potestatem à Papa, sed à Christo immediatē, videtur rationi naturali repugnare, ergo &c. consequentia, est bona, maior etiam patet: quia cum ius naturale deriuetur à iure diuino, impossibile est, vt quod contradicit iuri naturali pertineat ad ius diuinum: maior patet, quoniam rationi naturali repugnat, quod Concilium vniuersale sit corpus, & Romanus Pontifex Caput eius, & tamen Concilium vniuersale, non dependeat, & potestatem, & auctoritatem à Romano Pontifice Caput enim, vt dicit Iudor. libro ethic. prima pars corporis est: datumque est ei hoc nomen eo, quod sensus, & nervi inde initium capiant, atque ex eo omnis vigendi causa oriatur.

Secundē sic: nulla assertio, quæ repugnat Euangelio Christi potest ad veritatem Catholicam pertinere, sed dicere, quod Concilium vniuersale habeat auctoritatem à Christo, cui etiam Papa sit subiectus, videtur repugnare Euangelio: ergo talis assertio non pertinet ad veritatem fidei Catholica: immo tamqua. a erronea, & hæretica est repellenda, consequentia est bona, maior manifestat: minor par: quoniam repugnat Euangelio, vbi Christus ait Ioann. vltimo. Symon Ioan. pasce oues meas; vbi Petrus, & in eo eius iussor Romanus Pontifex totius gregis Do-

Dominiæ vniuersaliter nullo fidelium in illa fidelium congregatione excepto, Pastor, & Rector constitutus est; vnde dicit Chrysost. super hunc locum, quod Petrus supra omnes, qui filij sunt caput potestatem; ergo Synodus si est Christi, necesse est, quod Papa super illam habeat potestatem, & non e conuerso.

Tertio sic: nihil, quod tepugnat verbo Christi pertinet ad veritatem fidei Catholice, sed magis erroneum est dicendum; sed assertio dicens, quod vniuersalis Ecclesia, siue vniuersale Concil. potestatem regitiam, siue curâ regiminis, non tantum recipiat respectu omnium fidelium, sed etiam Papæ, non à Papa, sed à Christo immediate repugnat verbo Christi dicentis Ioann. 10. erit vnum ouile, & vnus Pastor; ergo talis assertio non pertinet ad veritatem fidei, sed magis ei repugnare videtur; consequentia est bona, & maior est manifesta, & minor etiam patet; quia cum Papa sit Pastor omnium fidelium, & assertio illa ponit Concilium vniuersale esse Pastorem omnium fidelium, & vnus istorum non sit alius, sequitur secundum assertionem illam, quod fiat duo Pastores respectu ouilis Christi.

Quarto sic: nihil, quod repugnat articulo fidei, potest dici ad fidem Catholicam pertinere, sed quod Concilia vniuersalia recipiant, non à Romano Pontifici, sed à Christo immediate potestatem iurisdictionis repugnat articulo fidei, ergo &c. consequentia est formalis, & maior est manifesta; minor vero probatur, videtur enim esse contra articulum: Vnam sanctam Ecclesiam, quod sic offenditur, quia cum vnitatis Ecclesie inter alia attendenda sit ex ordine ad vnam supremam potestatem regitiam totius Ecclesie, quæ est in Papa, vni superioribus est ostensum, & deducti sanctus Tho. pulchre in 4. dist. 24. & colligitur ex glof. Matth. 16. sed potest aliam supremam potestatem in Concilio regitiam, cui omnis fidelis obedire teneatur independentem à potestate regitiam datâ Pastori vniuersali totius Ecclesie, est manifestè vnitatem Ecclesie sciudere, cum, rumpat ordinem, & conexiorem totius corporis Ecclesie ad vnam potestatem supremam ipsius Pastoris totius multitudinis Christianorum, qui est Papa: Nam vt dicit Cyprianus in epistola ad quinque presbyteros: Deus vnus est, & Christus vnus, & vna Ecclesia, & Cathedra vna super Petrum Domini voce fundata, aliud altare constitui, aut sacerdotium nouum fieri præter vnum altare, & vnum sacerdotium non potest; si quis alibi collegerit, spargit, adulterium est, impium est, sacrilegium est, quicquid humano furore constituitur, vt dispositio diuina violatur.

Quinto: nullum, quod contradicit dispositioni diuinæ, potest ad fidem Catholicam pertinere, sed quod vniuersalis Ecclesia, per modum vniuersitatis, aut Concilium vniuersale habeat potestatem supremam, non à Papa, sed à Christo immediate, repugnat ordinationi, & dispositioni diuinæ; ergo talis assertio aduersariorum non potest dici ad Catholicam fidem pertinere, sed magis contradicere, & consequentia est bona; maior patet, minor probatur: repugnat enim dispositioni illi, qua Deus Ecclesie regimine consti-

tuit Monarchicum, siue regale, de cuius ratione est, vt colligitur tam ex tertio Politico, quam ex 19. ethic. quod suprema potestas eius non est in multitudine, sed in vno totius multitudinis Principe, siue capite locata sit. Quod verò Ecclesie regimen sit monarchicum, siue regale à Christo constitutum, non solum habetur ex illis locis Scripturæ diuinæ, vbi Ecclesia sub regni nomine describitur, sed etiam ratione manifestè demonstrat sanctus Thom. in 4. contra gentiles, cap. 76. probat enim hoc. fici. Nullum dubium esse debet, quin regimen Ecclesie sit optimè ordinatum, vt potest per eum dispositum, per quem reges regnant, & legum conditores iusta decernunt. Optimum autem regimen multitudinis est, quod regatur per vnum, quod patet ex fine regiminis, qui est pax, pax enim, & vnitatis subditorum est finis regentis, vnitatis autem causa congruentior est vnus, quam multi; ergo manifestum est regimen Ecclesie sic à Deo esse dispositum, vt vnus toti Ecclesie præsit: & potestas, & Principatus non in multitudine ipsa locatus sit, sed in vno supremo, à quo in omnes alios potestas detinetur, quod manifestè in cap. nolite errare dist. 11. attestatur Iulius Papa dicens, nulum conuenit vt totum corpus Ecclesie in hac sibi obseruatione concordet, quæ inde auctoritatem habet, vbi Dominus totius Ecclesie posuit Principatum.

Sexto nulla assertio, quæ derogat honori, & priuilegijs Apostolicæ Sedis, pertinet ad veritatem fidei Catholice: immò tamquam falsa, & erronea est abiicienda, sed assertio dicens, quod vniuersale Concilium non dependeat in potestate à Romano Pontifice detrahunt honori, & priuilegijs Apostolicæ Sedis; ergo talis assertio non pertinet ad veritatem fidei Catholice, sed magis tamquam erronea venit abiicienda, consequentia est bona, maior patet ex cap. omnes dist. 22. minor autem patet quoniam inter alia priuilegia Apostolicæ Sedis hoc connumeratur, quod Romanus Pontifex Concilia vniuersalia congregat, auctoritate fulciat, & eorum gesta sua auctoritate roborat, & confirmet, vt patet ex dist. 17. per totum ex cap. confidimus 25. quæst. 1. ex cap. significasti de elect. & ex multis alijs inferius deducendis, cui priuilegio manifestè derogat assertio dicens, quod vniuersale Concilium non à Papa, sed à Christo immediate potestatem habeat, cui etiam Papa obedire teneatur.

Septimo: nulla assertio, quæ subtrahit obedientiam debitam iure diuino à Romano Pontifice, potest dici pertinere ad veritatem Catholicæ fidei, immò magis tamquam erronea venit abiicienda, sed assertio dicens, quod Concilium vniuersale habeat potestatem non à Papa, sed à Christo immediate, & tantam, quod ei Romano Pontifici obedire teneatur, subtrahit obedientiam à Romano Pontifice debitam iure diuino ei à cunctis fidelibus, quorum pater est, & Princeps, & subijcit eum alijs; ergo talis assertio non pertinet ad fidem Catholicam veritatem: sed magis videtur sapere schismaticam, & hæreticam prauitatem, consequentia est bona, & maior patet ex cap. si qui sunt dist. 81. vbi inquit beatus Gregor. peccatum paganitatis incur-

rit, quisquis dum Christianum se asserit, Sedi Apoltolicæ obedire contemnit, & in extravagante Bonifacii; vnam sanctam Ecclesiam Sedes Apoltolica definiuit de necessitate esse salutis, omnem hominem subesse Romano Pontifici, ex quibus manifestè colligitur, quòd sicut nullus homo alijs à Papa, potest se asserere in veritate Christianum, aut esse in statu salutis, qui subesse renuit Rom. Pontif. ità nulla hominum congregatio quantumcumque nomine gloriatur vniuersalis Concilij potest dici Christiana, aut in statu esse salutis, quæ per obedientiam se negat esse subiectam Romano Pont. minor verò patet ex terminis.

Quòd si nulla assertio, quæ manifestè repugnat Apoltolicæ Sedis definitioni, & sanctorum Doctorum sententiæ est dicenda ad fidei Catholicæ pertinere veritatem; sed assertio illa dicens Concilium vniuersale habere potestatem à Christo, cui etiam Papa subiectus sit, est manifestè repugnans definitioni Apoltolicæ Sedis, & sanctorum Patrum doctrinis; ergo: consequentia bona est, & maior etiam vera ex cap. hæc est fides Pater beatissime; minor verò patet ex cap. significasti extrà de elect. vbi Paschasius Papa dicit, quòd omnia Concilia per Ecclesiæ Romanæ auctoritatem, & facta sint, & robur acceperint. Dicit etiam sanctus Thomas in lib. suo contrà impugnantes religionem, quòd sancti Patres in Concilio congregari nihil statuere potuissent, nisi auctoritate summi Pontificis interueniente, sine qua Concilium congregari non potest.

Nono si nulla assertio pertinet ad veritatem fidei Catholicæ, sed magis erronea, videtur iudicanda, quæ ab Ecclesiâ tollit ordinem, & ornatum hierarchiæ dispositionis, sed assertio dicens, quòd vniuersalis Ecclesiâ, siue Concilium vniuersale, vt dicit congregationem fidelium, aut Prælatorum condistin-ctam à Rom. Pontif. habeat hierarchizandi potestatem, non à Papa, qui est immediatus hierarcha suus, sed immediatè à Christo, tollit ordinem, & ornatum hierarchiæ dispositionis ab Ecclesiâ Dei; ergo talis assertio non est dicenda ad veritatem Catholicam pertinere, sed potius vt inimica fidei est abijcienda, consequentia est bona, maior est manifesta: minor verò sic ostenditur. Præsupponitur in primis cum beato Dionys. libro de Ecclesiastica hierarchia, quòd Ecclesiâ nostra sit ad modum hierarchiæ à Deo disposita. Secundò præsupponitur cum eodem, quòd hierarchia nostra formata sit ad exemplar, & similitudinem hierarchiæ Cælestis; vnde etiâ Moyse à Domino dictum est Exod. 25. Inspice, & fac secundum exemplar, quod tibi in monte monstratum est. Sanctus Turrecræa Ioann. Euangelista dicit se vidisse Ciuitatem sanctam Hierusalem nouam descendentem de Cælo, scilicet exemplariter, vt Doctores exponunt, & beatus Bernard. 3. de consideratione ad Eugenium inducit. Præterea, beatus Ambrosius dicit, quòd Ecclesiâ sit imago Cælestium, sed sic est, quòd in Angelicâ Hierarchia nulla potestas ad actus hierarchicos perficiendos tribuitur desuper à Deo personæ, aut ordini; aut corpori totius hierarchiæ, qui non tribuatur mediante primo

illius hierarchiæ, vt patet ex ipsa Doctrina, beati Dionys. siue enim v. Ecclesiasticæ Hierarchiæ; lex diuinitatis sacratissima est, per primam mediâ, & per mediâ vltimâ, in diuinissimam reducere lucem, an non sensibiles electorum essentias in cognatione primùm videmus venientes, & per illa alia propriam diuidentem operationem, pulchre, ergo omnis visibilis, & inuisibilis ornatus principium, & fundamentum in deiformes primos inferre deificos radios venire, & per illos tamquam lucidiores animos, & ad participationem luminis, & traditionem opportunam habentes in subiectis proportionaliter lucet, & super apparet; ergo pari modo potestas regitiua, à Christo deriuatur Ecclesiasticæ Hierarchiæ, aut vniuersali Concilio illam representanti, quæ non conferatur mediante Romano Pontifici, qui est Hierarcha, & primus in tota Hierarchia, sicut etiam satis aperte colligitur ex cap. ità Dominus, dist. 19. vnde manifestum est, quòd asserere, quòd Ecclesiâ vniuersalem, aut Concilium vniuersale, vt dicit fidelium congregationem condistin-ctam à Romano Pontifice, habeat aliquam potestatem regitiuam non mediante Romano Pontifice, est negare Ecclesiâ Christi hierarchicè esse dispositam, & negare eam ad similitudinem cælestis Hierarchiæ esse formatam, quæ omnia sunt absurda, & erronea. Et hæc pro nunc sufficient ad ostendendum falsum esse, quod aduersarij dicunt, videlicet ad veritatem Catholicæ: Fidei pertinere, quòd vniuersale Concilium regulariter non à Romano Pontifice habeat potestatem, sed immediatè à Christo, cui omnes fideles etiam Papa obedire teneantur.

C A P. XXXI.

*In quo respondetur obiectionibus super-
positis aduersariorum ad proban-
dum, quòd vniuersale Con-
cilium habeat imme-
diatè à Christo
potestatem.*

R Eprobata autem assertione aduersario-
rum iam respondendum est rationibus
eorum.

Ad primum ergo quod inducitur ex illo Deuter. 17. respondetur, quòd auctoritas illa non est ad propositum; quia text. ille non loquitur de Concilio vniuersali, cum Concilia vniuersalia, de quibus nunc loquimur, non essent tunc in usu Ecclesiæ, sed loquitur de loco, vbi Summus Sacerdos erat, scilicet Hierusalem, vbi locus erat tam orationis, quam magisterij diuinæ legis, & tribunal iudicij, & cum dicitur, quòd glof. ait, quòd ità faciendum est in Ecclesiâ; respondetur, quod ità sit, quando in arduis causis, siue maioribus, quæ auctoritatem excedunt particularium Iudicum, siue Prælatorum recurrit ad summam Pontificem, & Dominos Cardinales, qui succedunt Sacerdotibus Leuitici generis, vt dicit Innocentius Tertius

in cap. per venerabilem, qui filij sint legitimi, & hoc in loco, quem elegit Dominus Deus noster, hoc est Apostolica Sedes, in qua Dominus totius Ecclesie principatum posuit.

Secundò respondetur, quòd dato, quòd auctoritas illa applicaretur vniuersali Concilio, non facit ad propositum aduersariorum, sed magis ad propositum nostrum; quoniam & si discussio dubiorum, & referatio veritatis Conueniunt adscribatur sacerdotum, definitum tamen iudicium, & imperium, cui sub pœna mortis obediendum erat, vni scilicet sacerdoti summo conueniebat; vnde sequitur in text. qui superbiebat, nolens obedire, sacerdotis imperio, qui eo tempore ministrat Domino Deo tuo, & decreto iudicis, morietur homo ille. Hæc ille. Hoc autem minime conuenisset, si conuentus ille sacerdotum habuisset potestatem à Deo, non mediante summo Sacerdote.

Ad secundam, quæ sumitur ex illo Math. 13. [Quæcumque ligaueritis, &c.] respondetur tripliciter. Primò, quòd auctoritas illa non videtur facere ad propositum, quia per illa verba, cum tantum dirigerentur Apostolis, quibus promittebatur potestas iurisdictionis, non arguitur aliqua potestas data vniuersali Ecclesie insolitum, siue vt collegio, quòd aduersarij nituntur probare; quoniam Apostoli tunc non erant vniuersalis Ecclesia tota nec re, vt patet; quoniam plures alij tam viri, quam mulieres erant fideles, & ita de corpore Ecclesie, nec representatione cum adhuc non essent Prælati aliorum fidecium, immò nec Sacerdotes, qui facti sunt in Cœna Domini.

Secundò respondetur, quòd Apostolis non est data potestas per illa verba, vt collegialiter congregatis, sed vt singulis, quod manifestè patet, cum in hoc loco fundetur auctoritas iurisdictionis singulorum Prælatorum, qui possunt contumaces gladio excommunicationis ferire; vnde nec hic, nec alibi legitur, quòd Apostolis communiter sit data aliqua potestas, qua quilibet eorum per se non veretur, patet etiam ex eo, quòd Origenes dicit in gloss. ibidem, quòd idè Christus dicens Apostolis: [Quæcumque ligaueritis, &c.] dixit in Cælo, & non in Cælis, sicut Petro, quia non erant tantæ perfectionis, sicut Petrus.

Tertiò respondetur, quòd dato, quòd potestas aliqua attributa esset Apostolis per illa verba, vt collegio, non tamen hoc fuit sine Apostolo Petro, immò in ordine ad Petrum, sicut mediante quo in alios deriuanda erat, quòd manifestè colligitur ex ipso ordine verborum Christi. Primò enim beato Petro Christus ait: [Tibi dabo clauces Regni Cœlorum, &c.] quam Apostolis dixerit: [Quæcumque ligaueritis, &c.] ad ostendendum, vt inquit sanctus Thomas, tam in 4. Sententiarum dist. 19. quam in 4. contra Gentiles cap. 76. quòd per Petrum ad alium potestas clauium esset deriuata ad conferendam vnitatem Ecclesie. Ex quibus clarissimè patet, quòd ex illa auctoritate magis veritas roboratur conclusionis nostræ, quam aduersariorum.

Ad tertiam autem, quæ sumitur ex illo Math. 18. vbi duo, &c. supra factis diximus in Tom. XIII.

cap. 24. nihilominus dicimus, quòd assistentia illa, quam Dominus sanctis congregationibus pollicetur inspirando, quæ bona sunt, & adiuuando ad prosecutionem, non arguit potestatem clauium, aut iurisdictionis, aut regiminis, vt clarissimum est; alijs omnium sanctorum, omnium virorum, siue feminarum congregationes in Christi nomine conuenientes, potestatem haberent, quòd non modò periculosum est, sed etiam videtur sapere hæresim Waldensium, quòd omnes sanctos homines clauces habere Ecclesie asserere præsumperunt; vnde manifestum est, quòd ex illa Christi promissione, qua Dominus pollicetur in nomine suo congregatis adesse, nulla potestas iurisdictionis arguitur in Concilijs vniuersalibus, non interueniente summo Pontifice, & multò minus in congregationibus, in quibus Vicarij Iesu Christi non interueniunt auctoritas, & assensus, sed contradicunt, cum tales non possint dici in Christi nomine conuenire, qui contempto vero Christi Vicario, conuenicula præsumunt facere.

Ad quartam respondetur, quasi sicut ad secundam ad eandem etiam respondimus supra in cap. 61. lib. 2.

Ad quintam, quæ assumit de octaua Synodo, respondetur, negando consequentiam, ex verbis enim illis Patrum congregatorum nec habetur, nec sequitur, quòd Synodus ipsa potestatem à Christo habuerit immediate, immò arguendo sic, committitur fallacia figuræ dictionis, qua sæpè falluntur aduersarij. Sanè si hæc argumentatio locum haberet, cum, iuxta Apostolum ad Rom. 13. [Non sit potestas, nisi à Deo, quilibet, qui potestatem aliquam haberet, dicendus veniret, illam habere immediate à Deo, & ita non solum ab ipsa Ecclesia, verum ab ipso vniuerso tolleretur id, quòd in ipso potissimum est, quòd est ordo; quòd est absurdum, dicente Apostolo, vbi supra; quæ à Deo sunt, ordinata sunt.]

Ad sextam, quæ sumitur de Concilio Constantiensi, iam plenissimè responsum est superius, maxime in lib. 2. cap. 99.

Ad septimam, quæ videtur aduersarijs Achilles, respondetur, negando assumptum, videlicet quòd nisi vniuersalis Ecclesia haberet immediate à Christo plenitudinis potestatem, Christus legislator non sufficienter prouideret sponse suæ; hoc enim est falsum, & præsumptuosè dictum, immò videtur, quòd sufficientius prouisum sit talibus casibus, non dando talem potestatem vniuersali Ecclesie eo modo, quo aduersarij dicunt, quam dando, patet; quoniam si in prædictis casibus esset semper conuocandum Concilium vniuersale, tardè, & per consequens malè prouideretur similibus necessitatibus, quæ quasi subito exposcunt remedia, vnde optime, & sapienter, sufficienterque videtur esse prouisum cum Collegio Dominorum Cardinalium. Apostolica auctoritate commissum est, vt vacante Sede, aut quasi vacante, datum est prouidere posse in his, quæ necessariò occurrerent celeriter prouidenda in Ecclesia vique ad creationem Rom. Pont. vt notatur in cap. vbi periculum de elect. §. idem quoque lib. 6. de quo infra plenius dicitur.

CAP. XXXII.

*Quod quicquid in Concilijs vniuersalibus
statuitur, definitur, aut sententia-
tur auctoritate Romani
Pontificis principaliter fit.*

SANDE si quis superiùs iam dicta attentè rimetur, & practicas obseruaret in Concilijs vniuersalibus, in quibus maxime Romanum Pontificem interfuisse legitur, commemoraret: facile cognosceret, quòd ea, quæ in vniuersalibus Concilijs statuuntur, sententiantur, aut definiuntur, aut interpretantur: auctoritate Romani Pontificis principaliter regulari fiant. Quod licet ex superioribus satis pateat; nos tamen ad abundantiam doctrinæ hoc ipsum rationibus, & plurimorum antiquorum Conciliorum vniuersalium exemplis ostendere curabimus.

Primo fit, vt habet Aristotelis doctrina primo ethic. secundum ordinem finium, est ordo artium; primus ergo finis, siue consideratio, qui totum populum respicit, solum est apud eum, qui toti Reipublice præsidet, sed Papa est huiusmodi in Republica Christiana, cum Caput sit, & Princeps: ergo ipsius tantum est condere, & statuere ea, quæ totum populum Christianum respiciunt, & si alij quandoque hoc faciant, ex derivatione, aut communicatione potestatis illis fit, qui eos conuocat ad hoc; ergo sequitur, quòd in Concilijs vniuersalibus, vbi disponuntur ea, quæ vniuersitatem populi Christiani respiciunt, Papa principaliter cuncta disponat.

Secundo ratione sancti Thomæ, quæ in 2. 2. qu. 1. art. VI. probat, quòd ad summum Pontificem pertineat editio Symboli, sic; noua editio Symboli necessaria est ad vitandum insurgentes errores: ad illius ergo auctoritatem pertinet editio Symboli, ad cuius auctoritatem pertinet sententialiter determinare ea, quæ sunt fidei, vt ab omnibus inconcussa fide teneantur, hoc autem pertinet ad auctoritatem summi Pontificis, ad quem maiores, & difficiliiores quæstiones Ecclesiæ referuntur. Hæc S. Thomas.

Tertio fit: Papa est Princeps Ecclesiæ principatu non dependente ab Ecclesia, sed à Deo immediate, vt in secundo libro copiosè monstratum est, & habetur in cap. in nono dist. 21. & in cap. sacrosancta, dist. 22. leges autem non habent vigorem, & virtutem coactiuam, nisi ex principis auctoritate, siue eius, in quo principatus totius communitatis est collocatus, vt est clarissimum apud omnia iura, vnde sanctus Anacletus Papa, & martyr in cap. leges 3. qu. 6. inquit: Leges Ecclesiæ Apostolica firmamus auctoritate, & ratio est, quoniam in Apostolica Sede totius Ecclesiæ principatus est collocatus, vt in cap. nolite errare dist. 12. & in cap. Basilicas de consec. dist. 1. ergo sequitur, quòd firmitas, & robur auctoritatis quorumcumque gestorum in Concilijs vniuersalibus pendat à Romano Pontifice. Ceterum hoc idem ostenditur

exemplis, & practica antiquorum conciliorum, in quibus siue sit materia fidei, siue de schismate tollendo, siue de reformatione vniuersalis Ecclesiæ faciendâ: omnia Papa principaliter auctoritativè facit, licet alij Patres consulendo, & consentiendo concurrant.

Et primò quidem hoc patet ex Concilijs primitivæ Ecclesiæ, in omnibus enim illis, in quibus præfens fuit beatus Petrus, tamquam vertex collegij, & princeps totius congregationis, loquebatur primus definiens, & sententiens omnia, sicut Act. 1. patet in electione Matthiæ, & Act. 15. in qu. de cessatione legalium, vbi cum grauis quæstio mota esset in Concilio Apostolorum, beatus Petrus tamquam Princeps, vt ait gloss. primò locusus est, & in cuius sententiam tota multitudo Apostolorum transiit, vnde Hieronymus ad Augustinum epistola 23. ita inquit: postquam breui sermone, scilicet Petrus, totam cinxit historiam, ait: tacuit autem omnis multitudo, & in sententiam eius Iacobus Apostolus, & omnes simul presbyteri transierunt; hæc enim non debent esse molesta Lectori, sed & mihi, & illi vtilia, vt probemus aucte Apostolum Paulum non ignorasse Petrum: immò principem esse huius decreti, legem post Evangelium non esse seruandam. Hæc Hieronymus.

Secundò, hoc idem colligitur ex eo, quòd Imperator Martianus scribens Leoni papæ, vt ad Chalcedonem Synodum veniret, ita inquit inter alia, superest, vt si placuerit vix Beatitudini in his partibus aduenire, & Synodum celebrare, hoc facere religionis affectu dignetur, nostris vique desiderijs vestra sanctitas satisfaciatur, & sacræ religioni, quæ vtilia sunt, decernet. Si verò hoc onerosum est, vt in has partes aduenias, hoc ipsum nobis proprijs tua sanctitas literis manifestet, & infra omnes sanctissimi Episcopi debeant conuenire, & quæ Christianæ Religioni, atque Catholice Fidei profint, sicut sanctitas tua secundum ecclesiasticas literas definiuit, sua depositione declarent. Hæc ibi. Ecce quòd Christianissimus Imperator nouerat, quòd si Papa præfentialiter iniret Concilio, ipse decernere debebat; si verò absens, Episcopi conuenientes iuxta prius factam, per eum definitionem, deberent in materia concludere.

Tertio, hoc aperte ostenditur ex Concilio Chalcedonensi in sententia data contra Dioscorum, vnde in actione tertia sic habetur: Iulianus Episcopus Yponen. Paschasio, & cæteris Legatis Papæ. Nunc vestra sanctitas primatum tenens sanctissimi Leonis, nouit, quòd Dioscorus semel, & secundo, & tertio vocatus Synodo præsentari, nullatenus voluit obedire, petimus autem Sanctitatem vestram in eo, quòd magis inter cæteros clementis habentes locum sanctissimi Papæ Leonis, iustam in contumacem promulgare vindictam, ac regulis insitam contra eum proferre sententiam, omnes enim nos, & vniuersalis Synodus concors efficiatur vestræ sententiæ sanctitatis, & infra. Paschasius autem, & cæteri Legati tenentes locum beatissimi Leonis Papæ, replicatis prius sub compendio malis multis, quæ Dioscorus commiserat, pronun-

nunciauerunt sententiam in Dioscorum sic dicentes: Sanctissimus, & beatissimus Archiepiscopus magna senioris Romæ Leo per nos, & præsentem sanctam Synodum vnâ cum beatissimo, & omni laude digno beato Petro Apostolo, qui nuncupatus est à Domino Petrus & spiritualis Catholica Ecclesiæ factus est firmamentum: nudauit eum tam Episcopus dignitate, quàm etiam omni sacerdotali officio, simulque eum alienauit à ministerio sacrosancto, & infra. Anatholius Archiepiscopus Constantinus, & omnes alij Episcopi suum votum exprimentes, in eandem sententiam concordauerunt, omnes se subscribentes, Et ita patet, quòd Leo Papa per suos Legatos sententiauit in Concilijs vniuersalibus.

Quartò, hoc idem colligitur ex gestis octauæ Synodi in qua epistola Nicolai Papæ, quam vniuerso clero Ecclesiæ Constantinæ scribit, lecta fuit, & recepta cùm omni laude, in qua post aliqua decreta, sic habetur. Hæc sunt, quæ Sedes Apostolica statuit, hæc sunt, quæ vos tanto studiosius oportet amplecti, tantò sollicitius obseruare, quantò scitis, quæ ab ea statuta fuerint, hæc vniuersalem Ecclesiam semper tenuisse, ita contra singulos errores in Ecclesia exortos, prior hic secundum Primatus sui auctoritatem sententiam dedit, & ita demum vniuersalis Ecclesia, licet aliquando per aliquantum temporis in quibusdam relictata sit, quæ illa tamen quandoque probauit, probauerit, & quæ illa Sedes restitauerit, & ipsa vniuersalis Ecclesia restitauerit. Item in eodem Concilio scribitur neminem iustificatum per Sedem Apostolicam, damnatum per Ecclesiam: aut damnatum per ipsam Sedem, iustificatum per Ecclesiam. Ex quibus manifestè apparet auctoritas Apostolicæ Sedis respectu Conciliorum, & reuerentia sanctorum Patrum ad eam.

Quintò, patet ex illo, quòd in Chalcedonense Concilio circa 6. actionem legitur, prout refert Isidor. libro Conciliorum, quòd in omnibus Synodis Apocisarij, idest Vicarij, siue Legati Apostolicæ Sedis decretas sententias propter summam Sedis eiusdem auctoritatem confirmabant, & subscribebant, quia ante nullum robur habebant. Hæc ibi. Et infra sic habetur, cùm de Iba Episcopo, Episcopi petierant, quid sanctæ Synodo placeat fieri dum locum Apostolicæ Sedis tenentes quia missi Apostolici semper in Synodis primò loqui, & confirmare sententias soliti sunt, per Palchasmus dixerunt, relecta epistola Iba, cognouimus cum Catholicum, & ob hoc decernimus ad honorem Episcopatus, & Ecclesiæ, de qua iniussè expulsi est, ad præsens reuocandum, similiter, & omnes Episcopi sequentes auctoritatem Apostolicæ Sedis decreuerunt. Hæc ibi.

Sextò, colligitur idem ex vniuersali Concilio Romæ celebrato, in quo Nicolaus Papa præfident, sic inquit, vt in cap. in nomine Domini distinct. 23. quapropter instructi prædecessorum nostrorum, aliorumque sanctorum Patrum auctoritate, decernimus, atque statuimus.

Septimò, hoc idem colligitur, ex Concilio vniuersali Romæ celebrato per Alexandrum Tertium, in quo, vt habetur in cap. li-

cet de elect. dicit. Nos ad malum hoc exitum de Concilio fratrum nostrorum, & sacri approbatione Concilij, aliquid decernimus adiungendo, &c.

Octauò, hoc accipitur ex Concilio Lateranensi, in quo Innocentius Tertius, vt habetur in cap. damnamus, & reprobamus libellum, seu tractatum, quem Abbas loachim edidit contra Magistrum Petrum Lombardum. Item in eodem: reprobamus etiam & condemnamus peruersissimum dogma impij Almarici.

Nonò, idem colligitur ex Concilio generali, in quo Innocentius Tertius, vt habetur in cap. cùm laicis extra de reg. Eccl. non alienan. ita dicit: volentes ergo super his indemonstratis consilium Ecclesiæ, atque tantis graaminibus prouidere, huiusmodi constitutiones, & venditiones, &c. sacri approbatione Concilij decernimus non tenere.

Decimò, idem colligitur ex cap. licet de baptisim. & eius effec. in quo idem Innoc. in Concilio præfident, ita loquitur: volentes ergo tantum scandalum ab Ecclesia remouere, sacro suadente Concilio districtè precipimus, vt talia decreta non præsumant.

Vndecimò, ex cap. in quibusdam extrâ de penis, vbi idem Innoc. in Concilio vniuersali præfident ita dicit, sacri nihilominus Concilij approbatione statumus, &c.

Duodecimò, idem manifestè colligitur ex cap. sacro approbante Concilio extra de sent. excommunic. vbi Innoc. Concilio præfident ita dicit, sacro approbante Concilio prohibemus, ne quis aliquid, &c.

Decimotertio, idem colligitur ex cap. vbi periculum de elect. lib. 6. vbi Gregor. IX. in Concilio præfident, ita inquit. Hæc sacro approbante Concilio statuimus, &c. Et infra auctoritate nostra, & eiusdem approbatione Concilij.

Decimoquartò, idem colligitur ex Concilio vniuersali Lugdunensi celebrato, in quo Gregor. X. præfident ita inquit, vt in cap. de Summa Trinit. & fide Catholice. approbante Concilio damnamus, & reprobamus omnes, qui negare præsumperunt, &c.

Decimoquintò, idem colligitur ex Concilio Viennensi, in quo Clemens V. Concilio præfident, vt habetur in cap. 1. extrâ, de Summa Trinit. & fide cap. in Clement. ita inquit, sacro approbante Concilio declaramus.

Decimosexto, idem colligitur ex epistola, quam Adrianus Papa misit Imperatori Basilio ad octauam Synodum, vbi inter alia dicit sic. Volumus ergo per vestræ pietatis industriam illic numerorum celebrare Concilium, cui nostri quoque præfidentes, & cularum personarum differentias liquido cognoscentes, iuxta quod in mandatis acceptum, singulorum libere discrecionis exerceant, in quo videlicet sacro actu excreandi vauitatis Concilij, quod aduersus Sedis huius aedem est, prorsus reuerentiam cuncta decernimus exemplaria, prorsus à possessionibus suis ablata, in mediumque delata contemplantibus igne cremari, nec superesse apud quemlibet ex his omnibus vnum iora, vel vnum, apicem, nisi forte quis totius Clericatus, inò totius

totius nomine Christianitatis anathemate propulsus carcere noverit. Non enim nos tam detestandum collegium, nisi Ariminen. sub Constantino, vel Ephesino à Dioscoreo congregato latrocinio, comparandum decernimus. Hæc ille. Nota verba, ex quibus luce clarius apparet auctoritas magna Romani Pontificis in Concilio vniuersali.

Decimoseptimo, idem colligitur ex Concilio Constantiensi, in quo postquam Martinus creatus est, Synodus non est vsa nomine constitutis, aut definitis, sed omnia nomine Martini instar aliorum Conciliorum approbante Synodo, definita sunt, & constituta.

Mirum est autem, quod tam gloriosi Principes Ecclesiæ Summi Pontifices præsumperint vti tali modo loquendi, vt omnia definita, constituta, declarata, & prohibita in Concilijs vniuersalibus, suæ ascriberent auctoritati, si ad eorum auctoritatem non pertineret, sed Concilia immediatè à Christo haberent auctoritatem talia faciendi.

Stupendum est insuper, quomodo tot, & tam gloriosa Concilia, in quibus multi sancti Patres religiose, & sapientia celeberrimi interfuerunt permiserunt Summos Pontifices, hæc in Concilijs vti auctoritate, si vt aduersarij garrunt, Concilia vniuersalia immediatè à Christo, & non à Papa habeant auctoritatem definiendi, statuendi, & iudicandi, &c.

Nec dici potest, quod Romani Pontifices in hoc viupauerint auctoritatem alienam, aut quod illis temporibus vniuersalibus Concilijs nondum erat reuelata ista veritas potestatis Conciliorum, qualem præfati nouelli Magistri confingunt, aut quod Romani Pontifices à Concilijs vniuersalibus illam auctoritatem accommodatam suscepert, quoniam verumque horum est inconuenientissimè, & stultè dictum.

Primum enim ponit maculam in multis sanctis Pontificibus, & in Apostolica Sede, in qua tamen, vt ait Hieron. & alij Patres sancti, sicut supra in secundo libro induximus, Christiana religio semper immaculata permansit.

Secundum ponit vniuersalem Ecclesiam vsque ad tempora istorum nouellorum magistrorum tanta caligasse ignorantie cæcitate, vt non noverint hanc prærogatiuam suæ potestatis.

Tertium est falsum, quo uiam vt in secundo plenissime est demonstratum, Roman. Pontif. non à Concilijs, sed ab ipso Christo Salvatore nostro, cuius Vicarius est, & vices gerit, hanc potestatis excellentiam habet, vt etiam habetur in cap. quamuis dist. 21. Ex quibus omnibus confutatur inrer alia erroris stulticia dicentium, quod solum quo ad conuocationem Concilia ipsa indigeant auctoritate Papæ, & non quo ad prosecutionem, videlicet ad definiendum, vel constituendum, aut sententiandum: qui error, cum Papam, non iudicem, sed præconem tantum faciat respectu Conciliorum, iudicio nostro maximè est, & periculosus vniuersali Ecclesiæ, contra quem errorem est sanctorum Patrum, & sacrorum Canonum doctrina, de quo locupletissimus testis est, & clarissimus Pater, & ma-

gnæ auctoritatis in Ecclesiæ Dei Archiepiscopus Rhemenfis Dominus Aymarus, libro de Synodis in cap. 18. ita dicens, non mireris, quod ipsorum Conciliorum auctoritatem, Roman. Pontif. ascribamus, nam nulla Concilia rata leguntur, quæ Apostolica auctoritate fulta non fuerint, vt beatus Damasus Papa in decretis cap. 9. asserit, cui sanctus Athanasius, & Iulius Papa, Nicenum quoque Concilium, & reliqui sancti Patres aspiulantur; nam illius Sedis Episcopus Iudex est totius Ecclesiæ, nec aliquod iudicium valet absque legitimo Iudice. Hæc ille. Nota, quod dicit Iudex, non Præco. Hæc autem, quæ diximus de auctoritate Roman. Pontif. supra Concilium adhuc plenius ex infradicendis, clariora reddemus.

C A P. XXXIII.

De laudabili consuetudine antiquorum Conciliorum, quod absque prius habito decreto Apostolicæ Sedis, non fieret in Synodo definitio cuiuscunque questionis ad fidem pertinentis.

ILLUSTRE planè testimonium emientis præfate auctoritatis Roman. Pontif. respectu Conciliorum vniuersalium colligitur ex obseruantia, quam sancti Patres Spiritu sancto pleni in antiquis, & venerandissimis Concilijs vti sunt, sancti inquam Patres in Concilijs vniuersalibus constituti ante omnem determinationem questionis, quæ de fide orta foret, semper Apostolicæ sedis præstolabantur decretum, de qua beata consuetudine testimonium plura habemus, & egregia.

Primo enim hoc habetur ex actione Ephesini Concilij, vbi sancta Synodus ita loquitur :

[Congregatis nobis, Nestorium à Sacerdotio remouimus, depositionem eius canonicam facientes, atque laudantes Deo amantissimum, & sanctissimum Episcopum maximè Romæ Cælestinum, qui ante nostram sententiam, hæretica Nestorij dogmata, & ante nos protulit aduersus eum sententiam propter Ecclesiarum cautelam, & traditam nobis fidem ab Apostolis.] Hæc ibi.

Secundò, idem habetur testimonio Damasi Papæ, qui & ceteri Episcopi Romæ congregati scribentes de Concilio Ariminen. Episcopis in Illyrico constitutis, sic dicunt:

[Nec enim præiudicium aliquod fieri potuit per numerum Episcoporum Ariminij congregatum, quando constat Roman. Pontif. cuius ante omnia decebat expectare decretum, talibus non præbuisse consensum.]

Tertiò, idem habetur ex eo, quod Leo Papa ad Theodosium Imperatorem scribens, ostendens vnde occasionem erroris suscepit secunda Synodus Ephesina, ita ait, ad Episcopale Concilium, quod haberi apud Ephesum præcipiuit, tam instructi sunt missi, vt scripta, quæ ad sanctam Synodum, vel ad Flavianum Episcopum detulerunt, Epi-

scoporum publicari auribus Alexandrinus permisisset Antistes, ita manifestatione purissime fidei, quam Dininitus inspiratam, & accepimus, & tenemus, vt omnium conuerfationum strepitus quiesceret, vt nec imperitia vitra deficeret, nec docendi emulatio reperiret. Hac ille.

Ceterum idem quartò colligitur de sexta Synodo, in qua suggestio Agathonis Papæ directæ Imperatori per Legatos suos lecta fuit, & subscriptione omnium Episcoporum acceptata:

[In cuius suggestionis epistola, post descriptam fidem Apostolicæ Sedis, ita Papa orat Imperatorem, corde contrito, & fluentibus lacrymis, mente prostratus exoro porrigere dignemini clementissimam dexteram vestram Apostolicæ doctrinæ, quam cooperatoriorum laborum vestrorum beatus Petrus Apostolus tradidit, vt non sub modico conclusam, sed tuba ciarior in toto Orbe prædicetur, quia eius vera confessio à Patre de Cælis reuelata est, pro qua à Domino omnium beatus esse pronuntiatus est beatus Petrus, qui & spirituales oues Ecclesiæ ab ipso Redemptore omnium trina commendatione pascendas suscepit, cuius annuente præsidio, hæc eius Apostolica Ecclesia nunquam à via veritatis, in quamlibet erroris partem deflexa est. Cuius auctoritatem, vt potè omnium Apostolorum Principis, semper omnis Catholica Christi Ecclesia, & vniuersales Synodi amplectentes, in cunctis secutæ sunt, vnde in sexta ipsa Synodo actione octaua Patres susceperunt suggestiones Agathonis Papæ cum multa deuotione, vnde Demetrius Episcopus Pluifados ita dicit:

Suggestiones directas à Patre nostro Agathone sanctissimo Archiepiscopo Apostolicæ, & principalis Sedis antiquæ Romæ ad à Deo coronatum, & magnum victorem Imperatorem ramquam à Spiritu sancto dictatas per os Spiritus sancti, ac Principis Apostolorum Petri, & digito prædicti beatissimi Papæ Agathonis scripta suscipio, & amplector, & ita credo, ita assentio, &c.

Item, Genesius Episcopus Anastasium peleos dixit, secundum veritatem relatarum suggestionum sanctissimi Papæ Romani sic credo, & confiteor.

Item, Georgius Episcopus Camuliorum suscipio, & sequitur suggestiones ab Agathone sanctissimo Papa Romæ, & sic credo, & sic confiteor: & ita de omnibus. Propter quod Papa Nicolaus scribens Michaeli Imperatori, ita dicit:

[Quomodo non egeat quilibet Synodus iuamine Sedis, quando in Ephesio latrocinio cunctis Præsulibus, & ipsis quoque Patriarchis prælabentibus, nisi magnus Leo imitator, scilicet, illius Leonis, de quo scriptum est: Vicit Leo de tribu Iuda, Diuinitus excitatus, os aperiens, totum Orbem, & ipsos quoque Augustos concuteret, & ad pietatem commoueret, religio Catholica penitus corruisset.]

Quintò, idem colligitur ex quarta Synodo Chalcedonen. de qua Leo Papa scribens Theodorico Episcopo Cypri, ita dicit:

[R euenientibus ad nos fratribus, &

Confacerdotibus nostris; quos ad sanctum Concilium Sedes beati Petri direxit, agnouimus dilectionem tuam superno adiutorio nobiscum tam Nestorianæ impietatis, quam Euthycianæ velanæ existisse victicem; vnde gloriamur in Domino, cum Prophetâ canentes: Adiutorium nostrum in nomine Domini, qui fecit Cælum, & terram; qui nullum nos in nostris fratribus detrimentum sustinere, permittit; sed quæ nostro prius definierat mysterio, vniuersæ fraternalitatis irretractabili firmat assensu, vt verè à se prodire ostenderet, quod prius à prima omnium Sede firmatum totius Christiani Orbis iudicium recepisset, vt in hoc quoque capiti membra concordant.] Hæc ibi.

Item sexto, ad idem est beatissimus Leo scribens vniuersis Episcopis per Siciliam constitutis, ita dicit:

[Culpam nullo modo potuissetis incidere, si vnde consecrationem honoris accepistis, inde legem totius obseruatis lumetis, & beati Petri Apostoli Sedes, quæ vobis Sacerdotalis marer est dignitatis, esset Ecclesiasticæ Magistra rationis.]

Item Nicolaus Papa in epistola ad Imperatorem Michaellem, quæ in quarta actione octauæ Synodi lecta fuit, dicit:

[Sicut constat sanctam Romanam Ecclesiam, & beatum Petrum Principem Apostolorum, qui Dominico ore Primum Ecclesiæ suscipere promeruit, omnium Ecclesiarum Caput esse, & ab ea rectitudinem, atque ordinem in cunctis vilitatibus, & Ecclesiasticis institutionibus, quas Canonicas, & Synodicas sanctorum Patrum sermone inuio-labiliter, atque irrefragabiliter retinet, exquirere, atque sectare.] Hæc ibi.

Septimò, idem patet testimonio Nicolai Papæ, qui Imperatori Michaeli scribens, inter alia dicit sic:

[Ad cuius enim, scilicet fidei integritatem obseruationis multotiens conuentus factus est sanctorum Patrum, à quibus & deliberatum, & obseruatum exiit, qualiter absque Romani Pontificis consensu, nullius insurgentis deliberationis terminus daretur.] Hæc ibi.

Octauò, etiam probatur in septima Synodo, ad quam scribit Hadrianus Papa epistolam, siue decretum de adotatione Imaginum, qua perlecta, querentibus Apocriarijs Papæ, An Cæsarius Patriarcha, & rota Synodus acceptarent. Respondit tota Synodus: [Tota factatissima Synodus ita credit, ita sapit, ita dogmatizat.] Et idem perentibus Apocriarijs Papæ, dicat nobis sancta Synodus, si admirat litteras sanctissimi Papæ Senioris Romæ, an non? Respondit sancta Synodus: [Sequimur, & suscipimus, & admittimus.]

Nonò, hoc idem patet ex octaua Synodo Constantinopolitana, ad quam Papa Hadrianus libellum mittit, vt omnes Episcopi secundum formam illius proficiantur, & procedant, quod & factum est. Qui libellus, vt ex gestis eiusdem Synodi patet, incipit:

[Prima salus est rectæ fidei regulam custodire, & à constitutis Dei, & parum nullatenus deuiare, &c.] Quam Patres Synodi proficentes, sic dicunt:

[Porro

[Porro de venerabilissimo Ignatio patriarcha nostro, & de his, qui ex parte ipsius sunt, quod auctoritas Apostolica Sedis vestra decreuit tota mente sequimur, & religioſa deuotione veneramur, arque proſe, & noſſe noſtro, pia intentione, ac ſpirituali conſpectu defendimus: quoniam, ſicut prediximus, ſequentes in omnibus Apoſtolicam Sedem, & obſeruantes eius omnia conſtituta, ſperamus, vt in vna communione, quam Sedes Apoſtolica predicat, eſſe mereamur, in qua eſt integra, & vera Chriſtiana Religioſis ſoliditas, promittentes etiam, omnes ſequeſtratos à communione Eccleſiæ Catholice, ideſt, non conſentientes Sedi Apoſtolicæ, eorum nomina inter ſacra recitanda eſſe myſteria.] Hæc ibi.

Ex quorum Conciliorum ſacrorum laudabili, & debita reuerentia ad Apoſtolicam Sedem, quod ſine cuiusdem præmiſſis decretis, nihil agerent luce clarius, quantum à bonitate, & honeſtate aberrent tam aſcendentes vniuerſalia Concilia à Papa non ſuſcipere auctoritatem ſuam, ſed à Chriſto immediatè, quam præſumptuoſi illi, qui in vniuerſalibus Concilijs, nulla prius habita conſultatione Apoſtolicæ Sedis, quæ & Mater cunctarum Eccleſiarum, & Magiſtra fidei eſt: arduas materias, vt putà fidei, & maiores cauſas definire præſumunt, & ab alijs obſeruari præciunt.

C A P. XXXIV.

Quod vniuerſalia Concilia ſemper ſolita ſunt geſta ſua petere confirmationem per Romanum Pontificem.

Amplius egregium, atque irrefragabile argumentum præſtat auctoritatis, quam Romanum Pontificem diximus habere in vniuerſalibus Concilijs, eſt, quod ſancti Patres in Concilijs vniuerſalibus congregati, definitiones ſuas, & geſta ad eorum vigorem, & firmitatem regulariter ab Apoſtolica Sede confirmari, ac roborari poſtularunt, apertè cognoscentes, oportere leges Eccleſiæ robur accipere, & auctoritatem ab eo, in quo Deus totius Eccleſiæ Principatum poſuit, & Primatum, cuiusmodi eſt Romanus Pontifex, vt in cap. nolite errare diſtinct. 11. dicit Iulius Papa: huiusmodi beatæ obſervationis exemplum in prius habemus à Patribus ſingulariſſimi, & præ alijs, excellentiſſimi Concilij Nicæni, qui omnia geſta ſua, & definita humiliter, & deuotè à beato Silueſtro petierunt confirmari. Vnde in epiſtola, quam eidem beato Silueſtro ſcribunt, ità inquiunt:

[Beatiffimo Epifcopo Vrbis Romæ cum omni reuerentia colendo Silueſtro. Oſus Epifcopus Provinciæ Hiſpaniæ Ciuitatis Cordubenſis, & Macharius Epifcopus Eccleſiæ Conſtantiſopolitane, & Victor, & Vincentius Presbyteri ordinari ex directione Vrbis Romæ, & cæteri Coepiſcopi 318. in Domino ſalutem.

Quoniam omnia corroborata de Diui-

nis myſterijs Eccleſiaſtica vtilitate, quæ ad robur pertinent ſanctæ Eccleſiæ Catholice, & Apoſtolice, ad Sedem tuam Romanam explanari, & de græco in latinum redacta, ſcribere conſitemur.

Nunc itaque ad veſtræ Sedis augmentum occurrimus roborari, itaque conſtat veſtra Apoſtolica doctrina totius veſtræ Apoſtolice Vrbis in vnum conuenire, veſtrumque Concilium, ſicut docet nyſtica veritas. Et ſequitur, infra, quicquid ſtatutum in Nicæno Concilio, præcamur, vt veſtri Oratoris conſortio roboretur.] Hæc ibi.

In decreto veſtro confirmationis, quàm præſatorum geſtorum beatus Silueſter In Concilio congregato Romæ facit, ità ſcribitur:

Silueſter Epifcopus Catholice, & Apoſtolice Sedis Præſul Vrbis Romæ, quicquid in Nicæna ſchola conſtitutum ad robur ſanctæ Matris Eccleſiæ Catholice, & Apoſtolice à ſanctis Sacerdotibus 318. noſtro ore conſortes firmamus, omnes, qui aſi fuerint diſſoluere definitionem ſancti magni Concilij, quod apud Nicænam congregatum eſt ſub præſentia piſſimi, & venerandi Principis Conſtantiini Auguſti, anathematizamus; & dixerunt omnes Epifcopi, placet.] Hæc ibi.

Secundò, teſtimonium habemus de Ephreſino Concilio, de quo dicit dominus Aymarus in libro de Synodis, quod in eo Legati Apoſtolice Sedis beatus Cyrillus, & Archadius Epifcopus ex Italia vice Celeſtini Papæ præſuerunt, & ipſam Apoſtolica auctoritate roborauerunt.

Habetur etiam ex geſtis eiſdem Synodi, quod Imperator, ſcilicet Theodoſius iunior ad perfectionem Diuinitus ſtatutorum petijt Apoſtolice Cathedræ apertam confirmationem, vt ſic tanquam à beato Petro facta mereretur.

Tertiò, habemus de hoc teſtimonium à Patribus in Concilio Chalcedonenſi conuenientibus, qui ad Leonem Papam ità ſcribunt, deprecantes, vt eorum decreta confirmare dignaretur:

[Noſtimus quicquid reſtitutionis à filijs ſit, ad Patres recurrit, facientes hoc quaſi proprium ſibi. Rogamus ergo, & tuis noſtris decretis onora iudicium, & ſicut nos audierimus in bonis cupimus conſonantiam, ſic ſummis filijs, quod deceat, adim. pleat.]

Vbi notandum contra ſuperbiam Baſilicen. quod Synodus Papam Patrem vocat. Et intra:

[Vt autem cognoscatis, quia nihil donando, cuiſlibet gratiam fecimus, aut per inuſtitiam aduerſando, ſed vt nutu gubernante Diuino, omnium geſtorum vim vobis inſinuamus ad probationem veſtræ ſinceritatis, & ad eorum, quæ à nobis geſta ſunt, firmitatem, & conſonantiam.] Hæc Synodus.

Hanc cæterum quartò Apoſtolice Sedis prærogatiuam Imperatores Valentinus, & Martianus non ignorantes, pro confirmatione geſtorum præſati Synodi ſcribentes, ità dicunt: [Miramur per maximè, quod Synodum Chalcedonenſem, & literas venerabilium Epifcoporum, quæ ad tuam Deo amicitiam miſſæ

missæ sunt; per quas omnia, quæ in ipsa facta sunt, nobis nunciarent, nequaquam à tua Sanctitate tales literæ missæ sunt, quæ viderentur in sanctissimis Ecclesijs lætæ, in notitiam omnium deuenirent, quod quorundam animabus, quæ prauam ad hæc opinionem sectantur ambiguitatem, immisit verum, scilicet tua Beatitudo, quæ in sancta Synodo edita sunt, confirmauerit; & propter hæc tua reuerentia literas mittere dignetur; per quas in omnibus Ecclesijs, & Episcopis notum sit, vniuersa, quæ in secunda Synodo gesta sunt, à tua Beatitudine confirmata.]

Quintò patet ex epistola, quam Leo Papa, qui Agathonem succedens, ad piissimum Constantinum super confirmatione gestorum in sexta vniuersali Synodo, scribit dicens:

[Hanc ergo rectè, atque Apostolicæ traditionis normam prædecessor meus Agatho Apostolicæ memoriæ, se Papa cum sua Synodo prædicauit, hanc scriptis, præcurrentibus in suæ suggestionis pagina vestræ pietati per suos Legatos emisit, approbans, & confirmans testimonijis Sanctorum, ac probabilius Doctorum, quam sancta nunc magna Synodus suscepit, & in omnibus nobiscum complexa est, vt potest beati Petri Apostolorum Principis sinceram doctrinam in ea cognoscens.] Et infra:

[Et quia definitionem rectæ fidei, vt dictum est, prædicauit, quam & Apostolica Sedes beati Petri Apostoli, cuius licet impares, ministerio fungimur, veneramus suscepit. Idcirco & nos, & per nostrum officium, hæc veneranda Sedes Apostolica concorditer, & vnanimiter, quæ definita sunt ab ea, consentit, & beati Petri auctoritate confirmat.] Hæc ibi.

Item sextò, patet ex gestis septimæ Synodi, quæ fuit apud Nicenam, legitur, quod Tarasius Ecclesiæ Constantinopolitanæ Præsul, totum processum eiusdem Synodi Summo Pontifici, vt mos erat, retulit, vt tale Concilium sua auctoritate firmaret. Vbi nota, quod dicit, [Vt mos erat;] quia ex hoc aperte colligitur ita fieri per omnia Concilia, sicut & verum est ex prædica aliorum posteriorum.]

Septimò, ad idem est Synodus illa venerabilis Romæ tempore Symachi Papæ celebrata, de qua in cap. benè dist. 96. in qua sic habetur: [Si cuiuslibet Prouinciæ Sacerdotes inter suos terminos consilio habito, quicquid sine Metropolitanis sui auctoritate tractauerint, irritum esse debere, sancti Patres anxierunt; quantò magis, quod in Apostolica Sede iunc stante Præsule, qui meritò beati Petri Apostoli per vniuersum Orbem Primum obtinens, statutis Synodalibus consuevit tribuere firmitatem.] Hæc ibi.

Præterea, dicit Gracianus distinct. 16. cap. placuit, quod Papa recepit sextam Synodum cum Canonibus suis, & etiam sanctæ octo vniuersalia Concilia, quæ Romani Pontificis professione dicit esse roborata. Ex quibus satis aperte apparet, quod alia fides fuit apud illos sanctos Patres antiquorum Conciliorum sanctissimorum de auctoritate Conciliorum, & Romani Pontificis, quam sit apud nouellos Magistros cōturbantes phantasticis adinventionibus suis Ecclesiæ Dei.

Tom. XIII.

Planè si Concilia vniuersalia haberent illam supremam auctoritatem immediatè à Deo constituendi, definiendi, sententiandi, puniendi, & etiam supra Papam, sanctæ vniuersales illæ Synodi, non tam regulariter, tam deuorè, & humiliter à Romanis Pontificibus sua peterent confirmari. Planum est, quod ista stare non possunt simul, quod Concilium habeat immediatè potestatem à Christo, cui etiam Papa obedire teneatur, & quod Concilij sententiæ, & gesta nullius sint roboris, nisi Romani Pontificis auctoritate firmetur, superioris est enim roborare actum inferiorem, & non è conuerso.

Octauò, etiam inducemus testimonium de Concilio Constantiensi. quod cum plenè rium ex omnibus obedientijs existeret integratum, supplicasse etiam legitur Domino Marrino Papæ V. vt dignaretur decreta eiusdem Concilij sua auctoritate roborare, & confirmare.

Nonò, hoc etiam Basilien. non obstantibus eorum erroribus, voluissent obtinuisse à Domino Eugenio, vt eorum decreta approbasset, sed obtinere non potuerunt, & meritò.

Ex quibus luculenter apparet quam periculosè, & quam scandalosè errent, qui statuta Conciliorum, aut definita antequàm Romani Pontificis auctoritate firmetur, atque roborentur, publicant per Orbem, & obseruari præcipiunt, cum tamen antequàm Principis Ecclesiæ auctoritate firmetur, nullum obligent, cum nullum robur habeant, vt patet ex dictis, & colligitur ex Concilio Chalcedonen. Patet etià ex cap. benè dist. 96. Hoc etiam ostendit aperitissime Leo Papa in epist. ad Aquilegiensem Episc. in qua scribens de forma recipiendi hæreticos Arianos, ita inquit: [Inter alia omnia Decreta Synodalia, quæ excisionem huiusmodi hæresis, Apostolicæ Sedis, firmavit auctoritas amplecti se, & in omnibus approbare eloquantur, &c.] Ecce sola illa Synodalia Decreta quæ Apostolicæ Sedis, firmavit auctoritas iubentur amplecti, & venerari. Ceterùm huiusmodi Apostolicæ Sedis prærogatiuam si aperitissime proficitur Christianissimus Imperator Iustinianus, qui vt habetur cap. de sum. Trinir. & fid. Cath. scribens ad Papam Ioannem, petens approbationem fidei suæ, & suorum confirmationem, ita dicit: [Victor Iustinianus &c. Nos reddentes honorem, & Apostolicæ Sedis, & vestræ Sanctitati, quod semper nobis in voto fuit, & est, & vt decet Patrem honorantes vestram beatitudinem, omnia, quæ ad Ecclesiæ statum pertinent, festinamus ad noticiam deferre vestræ Sanctitatis;] & infra, [Omnes verò Sacerdotes sanctæ Catholicæ, atque Apostolicæ Ecclesiæ, & Reuerendissimi Archiepiscopi sacrorum Monasteriorum, & sequentes Sanctitatem vestram, & custodientes statum, & vnitatem sanctarum Ecclesiarum, quem habent ad Apostolicam vestræ Sanctitatis Sedem, nihil penitus immutantes.] Et infra: [Suscipimus autem quatuor Concilia prima, sed secundum quod vestra Apostolica Sedes docet, atque prædicat, omnes ergo Sacerdotes sequentes doctrinam vestræ Apostolicæ Sedis, ita credunt, & consentiunt, & prædicant; vnde properamus hæc ad noticiam deferre vestræ Sanctitatis.] Et infra: [Peri-

V u u ius

mus ergo paternum affectum, ut vestris ad nos delinatis literis, & ad sanctissimum Episcopum huius almæ Urbis, & Patriarcham, manifestum nobis faciatis, quod omnes, qui prædicta continentur, suscipit Sanctitas vestra.] Hæc ille. Cui Imperatori respondens Papa Ioan. ita scribens dicit, ut haberetur, ubi supra: [Liqueat ergo gloriosissime Imperator, ut lectionis, & Legatorum vestrorum patefecit nos Apostolicis eruditionibus studere, cum de Religione Catholice fidei ea sapiatis, ea scribatis, ea populi fidelibus publicatis, quæ diximus, & Sedes Apostolica, & Patrum reuerenda decreuit auctoritas, & confirmamus in omnibus.] Hæc ille. Ecce testimonium clarissimum prærogatiuæ Apostolicæ Sedis, de quo iam diximus. Ex prædictis manifeste confutantur tam erroneæ duæ interpretationes datæ per aliquos nouellos magistros aduersarios, & inimicos doctrine omnium sanctorum Patrum in suis tractatibus. Prima est, quod Papa non confirmat, aut robur auctoritatis tribuit vniuersalibus Concilijs, quæ de toto Orbe Christiano congregantur, sed tantum de Concilijs Patriarchalibus, quæ quandoque etiam dicta reperiuntur vniuersalia. Quod illa interpretatio erronea sit, manifestè patet ex dictis, quoniam Concilium Nicænum, & Chalcedonense vniuersalia fuerunt, & Sancti loquentes de hac prærogatiua, de vniuersalibus Concilijs omnibus loquuntur, & rationes factæ de omnibus etiam concludunt. Secunda interpretatio, quam præfati aduersarii dant, est quod confirmatio, quam Romano Pontifici tribuere dicitur Concilijs vniuersalibus, non est auctoritativa, ita quod auctoritatem, & robur tribuat Concilijs, quia ut aiunt, auctoritatem habent à Deo immediatè, sed in signum tantum, scilicet, quod facta in Synodo in concordia sint acitata, sicut & alij Episcopi se subscribentes in Synodis, dicuntur eas confirmare. Quod autem hæc interpretatio falsa sit, & erronea, patet ex dictis in superioribus, specialiter per illud, quod habetur in 6. actione Chalcedonensis Synodi, ubi dicitur, quod in omnibus Synodis Apocritarij Apostolicæ decretas sententiæ, primò præter summam auctoritatem eiusdem Sanctæ Sedis confirmabant, & subscribebant, quia aliter nullum robur habebant. Ecce quod confirmatio, quæ fiebat per Legatos Papæ, non erat tantum significans, sed etiam auctorizans, quia ut inquit, nullum robur habebat. Præterea, idem habetur ex c. Regula, dist. 17. & ex cap. Benè, dist. 96. quæ expresse idem loquuntur, & de omnibus Synodis vniuersaliter, quod luce clariùs ostenditur ex illo, quod Leo sanctissimus scribit Maximo Antiocheno Episcopo, quod supra eodem cap. inductum est. Ceterum quod erronea sit interpretatio præfata aduersariorum, patet ex hoc, quod respectu Conciliorum vniuersalium nihil plus auctoritatis dant Summo Pontifici Principi totius Ecclesiæ, quam alteri Episcoporum, quod quantum distinet fidei Catholice, & etiam sanctorum Patrum doctrinæ, nullus sanæ mentis, parum etiam in sacris literis nutritus potest cognoscere, patet ergo, quantum errent præfati Apostolicæ Sedis aduersarii.

In quo ponuntur aduersariorum obiectiones.

V Eritatem autem eam, quam in superiori capitulo tantis rationibus, & vniuersalium Conciliorum præfata, & exemplis ostendimus, aduersarii moluntur infringere.

Primò quidem ex veteri Testamento; dicunt enim, quod Eldræ vltimò legitur Concilium vniuersale congregatum in Hierusalem, ut prouideretur super congregationem filiorum Israel, qui duxerant vxores alienigenas, ubi dicitur: [Quod missa est vox, scilicet citationis, in Iudæa, & Hierusalem omnibus filiis transmigrationis, ut congregarentur in Hierusalem, & omnis, qui non veniret tribus diebus, iuxta consilium Principum, & seniorum, auferretur ab eo substantia eius, & ipse obijceretur à cætu transmigrationis & c. vique sic fiat.] Ex illo loco aduersarii arguunt duo. Primum est, quod Eldras, licet non esset summus Sacerdos, sicut Iosue filius Iosedech, nihilominus nomine totius Concilij dedit sententiam in prædicta causa, & ita concludunt, quod determinatio, & diffinitio in Concilijs vniuersalibus non est solius Papæ. Secundum est, quod punitio spiritualis, & temporalis inferenda contemnentibus venire fuit reseruata Concilio auctoritati, & non Summi Pontificis.

Secundò, arguunt ex illo Act. 15. ubi sic dicitur: [Placuit Apostolis, & senioribus cum omni Ecclesia eligere viros, & ex illis mittere in Antiochiam.] Et infra in Epistola, in qua diffinitionem, quam de questione mota de obseruatione legalium fecerant, notificant, dicitur sic: [Apostoli, & ceteri fratres his, qui sunt Antiochiæ, salutem: Et post pauca, visum est Spiritui Sancto, & nobis nihil vltè imponere vobis oneris, quam & c.] Ex quibus videtur manifestè iniquum primò, quod Apostoli, & seniores simul omnia fecerunt, & non Petrus solus. Secundò videtur, quod nomine totius Synodalis Congregationis conscripta est sententia, & non solius Petri.

Tertiò, arguunt ex gestis octauæ Synodi Constantinopolitane, ubi in allocutione Thomæ Metropolitæ Tyri facta ad Synodum incipientem, vestris Ecclesiasticis negocijs consensionem patientibus, & c. cuius verba sunt hæc, loquendo de Imperatore Basilio: [Conuocauit humilitatem nostram de Orientalibus Sedibus, ac Diocæsis cum his, qui putabantur aduenire, atque concurrere à seniori Roma, sanctissimi Papæ Vicarij circumspèctæ Ecclesiastica dissoluerunt certamina, propter quod & nunc vix perseuerantes, illorum præstolamur aduentum, quoniam verò nulla est facta tarditas, & suspicatur ex tyrannica potestate, propter tantam moram multas nobis superueniuras calamitates, atque necessitates, imò verò, & totum nostrum genus Christianorum propter talem causam submittendum varijs reatutionibus, nequaquam eos, qui à Roma venire putaban-

tur, expectare iustum putamus, sicut superfluum, atque superuacuum arbitramur esse, præsertim cum eaque Romæ regulariter, ac synodice gesta sunt, præ manibus habeanus, idæ ut hic constet vñ nobiscum esse beatissimum Papam Nicolaum per literarum suarum voces, adhuc etiam & successorem eius sanctissimum Adrianum, per proprias epistolas; ipsi ergo habentes nobiscum beatissimum Papam Nicolaum, & sanctissimum Papam Adrianum, ineptum, & incongruum, omnino putamus despiciere fluctuantem Christi, & Saluatoris nostri Ecclesiam per dilationem diffinitionis, quæ illi debetur. Hinc ergo velut ex necessitate nunc vobis denunciamus iustificationem Dei, & Diuinæ misericordissimæ providentiæ Concilium, atque iudicium, quantum ad capacitatem nostram attinet.] Hæc ibi. Ex quibus habetur, inquit, quod sine Papa, & eius Legatis Synodus congregata possit procedere ad diffiniendum, ac instituendum.

Quartò sic: in Concilijs vniuersalibus semper nomine Synodi sententiæ leguntur prolatae, & institutiones Canonum, sicut patet in cap. Qsoniam, dist. 16. vbi sic dicitur: Placuit huic sanctæ Synodo. Item infra confirmamus & cæteros Canones. Itæ octaua Synodus inquit, Phocium inobedientem, & resistentem huic sanctæ Synodo reprobamus, & anathematizamus.

Quintò, arguitur ex illo cap. Si Episcopus, 2. quæst. 6. vbi omnes Episcopi in Concilio videntur esse coniudices.

Sextò, ex illo, quod Nicolaus Papa in epistola, quam vniuersis Archiepiscopis, Metropolitanis, ac Episcopis Constantinopolitanæ Sedi subiectis in sententia contra Phocium, scribit, dicens: [Hæc, & his similia contra Euangelica, Apostolica, Prophetica, atque Canonica Statuta se offertens, sit Dei omnipotentis, & beatorum Apostolorum Principum Petri, & Pauli, & omnium simul sanctorum, ac venerandorum sex vniuersalium Conciliorum auctoritate, nec non & Spiritus Sancti per nos iudicio, omni Sacerdotali honore, & nomine alienis &c.] Ecce quod auctoritate Conciliorum pronunciat sententiam, ergo &c.

Septimò, ab aduersarijs arguitur ex similitudine subscriptionis Papæ præsentis in Concilio vniuersali, aut suorum Legatorum cum subscriptionibus aliorum Prælatorum, sic: Omnes isti eandem formam subscribendi se in gestis Conciliorum vniuersalium obseruarunt. Ergo videtur, quod omnes æquè concurrunt ad constituendum, iudicandum, & diffiniendum, & non solus Papa diffinit, aut constituit, siue etiam principaliter; consequentia videtur bona ex similitudine subscriptionis; antecedens dicitur patere ex multis Concilijs; dicitur enim, quod in omnibus vniuersalibus Ecclesiæ Concilijs leguntur Legati absque differentia, pariformiter alijs se subscripsisse. Vnde vniuersique Episcopus, vel dicir annuens, vel statuens, vel diffiniens, subscripsi, itæ paciformiter Apostolicæ Sedis Legati; vnde in Concilio Martini Papæ, quod præcessit sextam Synodum vniuersalem, reperitur Martinus sic subscripsisse, [Martinus sanctæ Catholicæ, & Aposto-

Tom. XLII.

licæ Ecclesiæ Episcopus Vrbis Romæ huic diffinitioni consummationis orthodoxæ fidei, & damnationem Sergii statuens subscripsi, & sic Maximus sanctæ Aquilegensis Ecclesiæ præcisè confirmando, damnando, & instituendo vñ cum 113. Episcopis, se subscripsit quique in eadem forma. Sic etiam, vt aiunt, reperitur in Concilio, cui Gregorius Iunior tempore Leonis, & Constantini Iunioris Imperatoris Romæ præfedit; vnde ipse Gregorius sic ait: [Gregorius sanctæ Catholicæ, & Apostolicæ Ecclesiæ Vrbis Romæ Episcopus, huic Sratuto a nobis promulgato subscripsi.] Agnellus Episcopus sanctæ Ecclesiæ Florentinæ huic consensit a nobis promulgato subscripsi, & ita de cæteris, idem dicunt reperiri in Concilio, in quo Symachus præfedit.

Octauò, arguitur sic: Contingit quòd Concilium congregetur super factio Papæ, vt potè quia accusatus, vel suspectus de heresi, sicut factum legitur tempore Symachi Papæ, vt in §. Huic etiam dist. 17. & tempore Marcellini Papæ dist. 21. in cap. Nunc autem: sed notum est, quod ibi Concilium iudicat, & non Papa, quia nemo index est in propria causa; ergo non est verum, quod semper sententiæ Concilij auctoritate Papæ, & nomine, cum est præsens, proferantur.

Nonò, arguitur ex cap. Constitutum 16. quæst. 1. vbi dicitur: [Constitutum est a præfenti Concilio &c.]

Decimò arguitur sic: Omnium ordinatorum ad suam, regulam, metrum, & mensuram est ipse finis: sed vniuersalis Ecclesia, quam vniuersale Concilium repræsentat, est suis potestatis Papalis; ergo illius mensura, & regula sumenda est ex legibus, & regulis vniuersaliorum Conciliorum, & non è conuerso; ergo videtur, quod magis pertineat ad Synodum ipsam constituere, & regulas dare, ac conseruare sententias Apostolicæ Sedis, quam è conuerso; consequentia videtur bona, maior est Aristotelis 2. Phys. & 1. Ethic. minor patet, quoniam Papa est propter Ecclesiam, & non è conuerso; vnde Apostolus 2. ad Cor. 10. inquit: [Potestatem dedit vobis Deus in ædificationem, & non in destructionem.]

C A P. XXXVI.

In quo respondetur ad obiectiones factas:

AD ista, quæ aduersarij inducunt contrariissimam, & fundatissimam sententiam, quam posuimus, non est difficile ex superioribus respondere.

Ad primam autem, quæ sumitur de veteri Testamento, licet superuacuum sit respondere, cum manifestum sit non facere ad propositum; nihilominus, vt hic liquidius pateat, respondetur primò, negando, quod congregatio illa facta in Hierusalem virore Iuda, & Benjamin cum vxoribus, & pueris suis fuerit Synodus generalis, sicut in presentiarum de Synodo vniuersali est sermo. Secundò etiam dicimus, quod falsum sit, quod Esdras nomine, & auctoritate illius congregationis dederit sententiam in causa

Vuu 2 sepa-

separationis vxorum alienigenarum, sed de-
dit eam auctoritate Regis Artaxerxis, cuius
erat Vicarius, & Princeps constitutus ad re-
ductionem captiui populi in Hierusalem, po-
testatem ab eo habens super omnes trans-
gressores legis Dei, vt patet in cap. 2. eius-
dem libri, vbi exemplar ponitur epistolę datę
sibi auctoritatis. Tertiõ, dicimus quod etiam
falsum sit, quod punitio non venientiam ad
illam conuocationem, fuerit referuata au-
thoritati illius congregationis, imò referuata
fuit Eldrę, qui quasi Princeps erat, vt dixi-
mus, & Regis commissione prefatę congre-
gationis; verum tamen est, quod sciendum
erat iuxta Concilium Principum, & senio-
rum, vt dicit textus.

Ad secundam, quę sumitur ex illo
A. 15. responderet, quod in nullo obuiat
propositio nostra, quoniam licet concedere-
tur, quod Patres existentes in Concilio simul
concurrant cū Papa in definiendo, aut con-
stituendo canones, siue sententiando, sicut
hic de Apostolis, & senioribus cū Petro
videtur aduersarij argumentibus, nihilominus
tamen, quicquid ibi ageretur, principaliter,
& originaliter ascribendum esset Romano
Pontifici. vtpotē Principi totius Reipub. Chri-
stianę; vnde gloss. Hieronym. super illo loco,
vt parum antē in cap. 31. inducitur est, com-
memorato qualiter Iacobus, & omnes alij
seniores in sententiam Petri transferant, dicit
Petrum Principem fuisse illius decreti, legem
post Euangelium non esse seruandam. Ecce,
quod Hieronym. dicit Petrum illius decreti,
quod factum est in illa Synodo, Principem,
id est principalem auctorem fuisse, & hoc pla-
ne manifestum si quis tex. illum attente con-
sideret, postquam enim Petrus definierat non
esse imponendum onus obseruantię legalis
conuersis ex gentilitate, sequitur in tex. ta-
cutem autem omnis multitudo. Dicit Nico-
laus de Lyra iuxta Hieronym. consentiens
Petro, quam Petri sententiam beatus Iacobus
commendat, petulit illam dicens, ego iudico,
scđ quod indicare Iacobi non fuit sententiam
auctoritatiue dare, sed sententiam datam
per Petrum Principem, & verticem congre-
gationis Synodalis proferre, erat enim Epi-
scopus Hierosolymitanus, licet enim, vt ait
Magister Nicolaus de Lyra ibidem, Petrus
esset principalis inter Apostolos, tamen de-
tulit ei in sua Diocesi, vt determinationem
dubij proferret.

Quod verò sequitur tunc placuit Aposto-
lis, & senioribus cum omni Ecclesia eligere
vicos ex eis, & mittere in Antiochiam, non
importat aliquam definitionem alicuius dubij,
sed iam definitam, velle illam publicare,
& notam facere per Nuntios suos fratribus
existentibus Antiochię, per hoc verò, quod
Apostoli scribentes fratribus existentibus
Antiochię, dicunt visum est Spiritui sancto,
& nobis, non habetur, quod ista potestas
iurisdictionis sit data illi cõgregationi Apo-
stolorum, & seniorum immediatē a Spiritu
sancto, sicut aduersarij constringunt, sed tan-
tū habetur, quod definitio illa prefatę que-
stionis spiratione Spiritus sancti facta fuerit
per Apostolos, & seniores, vt gloss. Beda ibi
tangit, quę exponens prædicta verba, itā
dicit; placuit Spiritui sancto, qui arbitrer suę

potestatis, vbi vult spirat, vbi vult loquitur,
& nobis, id est, non solum voluntate nostra,
sed instinctu Spiritus sancti; hæc gloss. & itā
illis verbis nihil aliud habetur, nisi, quod
Petrus, & alij Apostoli, & seniores in sen-
tentiam illius canonis de lege non obser-
uanda post Euangelium instinctu Spiritus
sancti in vnum conuenerant; planē huiusmo-
di assistentia, qua Spiritus sanctus, qui est
auctor pacis, & vnitatis, Sanctis congregatio-
nibus assistit spirando, & docendo, quid
agendum sit, non absulit a Petro, nec nunc
a successoribus suis primatum supra Synodum
vniuersalem, nec vnitatem, nec cõnexionem
totius Corporis Ecclesię ad vnum Caput,
scilicet Christi Vicarium, qui vt dicit Chry-
sost. fuerat vertex Collegij, & Caput Aposto-
lici Chori.

Præterea, quod epistolę illius titulus
scriptus communis fuerat omnibus Aposto-
lis, & senioribus, non obuiat, quin Petrus
auctor, & Princeps fuerit illius decreti, vt dicit
beatus Hieronym. quoniam titulus epistolę
illius formatus, est communis omnibus, vt
omnis disensionis tolleretur occasio; vnde
gloss. interlin. super verbo Apostoli, & senio-
res, dicit sic: Apostolorum communis ti-
culus præfertur, ne aliqua disensionis teliqua-
tur occasio.

Ad tertiam, quę sumitur ex Synodo
Constantinopolitana, responderet, quod ge-
sta illius Synodi benē considerata in nullo
fauent aduersarij propositio, sed magis
confirmant propositum nostrum.

Tūm primò, quia licet Vicarij, & Lega-
ti Papę nouum venissent in locum Synodi,
Patres tamen Synodi auctoritate Papę proce-
debant, tūm quia Synodus ipsa auctoritate
Papę Nicolai esset congregata; tūm quia
Patres ipsi de mente, & voluntate Summi
Pontificis circa definienda, erant iam instructi
sufficienter, vt prefatus Metropolitā consti-
tuitur dicens, præsertim cum ea, quę Romę re-
gulariter gesta sunt, præ manibus habeamus,
libellum scilicet, quem Papa Hadrianus mi-
serat ad Synodum Constantinopolitanam,
secundū cuius formam procedendum es-
set.

Tūm quia, ibi imminerebat casus maxi-
mę necessitatis, quę legem non habet; vnde
imminente tanta necessitate, sicut ipsi Patres
describunt, non erat inconueniens, vt deli-
berarent pronunciare sententiam definitionis
habite per eos, etiam non præsentibus Vica-
rij Papę, maximē quia sicut dictum est ipsi
conformantes se menti, tām Papę Nicolai,
quām Hadriani, sententiam suam conceperant.

Tūm tertiò, quod inducunt non facit
ad propositum aduersarij, quia licet
tardantibus Vicarijs Papę, consulisset præfa-
tus Metropolitā procedere, illis amplius non
expectatis, nihilominus tandem Vicarij Papę,
scilicet Hadriani venerunt, videlicet Donatus
Episcopus Hostiensis, & Stephanus Episcopus
Ephesinę Ecclesię, & Marinus Diaconus
Cardinalis, & tenuerunt locum Rom. Pontificis
in omnibus, sicut patet ex gestis eiusdem Synodi,
& habetur in cap. Hadrianus, dist. 61.
vnde de iudicio, & sententia data per eos in
Fotium, itā in actione 5. eiusdem Synodi
habetur.

habetur, deinde accipiens Theodorus deo-
tus à secretarijs legi, quæ à sanctissimis Vica-
rijs senioris Romæ breuiter dicta sunt habentia
itã, vidistis, & audistis, quæ ex multo
tempore dicta, & gesta sunt de huiusmodi
causa, & apparuit omnibus vobis, quia ire-
ceptibilis erat promotio huius viti, & quòd
depositio sanctissimi Patriarchæ Ignatii de
sede sua inie iustitia, & sine legibus fuerat,
nos ergo non nouum aliquid, vel recens
iudicium iudicabimus, sed verus, ex multo
tempore præiudicatum quidem à sanctissimo,
& beatissimo Papa Nicolao; firmatum autem
à sanctissimo Patre Hadriano: Et infra;
talem conatum abijcimus, & Anathematiza-
mus, ne vltius contra Ecclesiam Dei,
quolibet alia fortè in omne seculum ma-
ligna introducat actio; hæc ibi, & post
infra in fine Synodus conformando se senten-
tiæ Romanorum Pontif. dicit sic, propter
hoc ergo nolentem intelligere, vt bene ageret,
Forum, nec obedientiam eligentem, nec con-
sistentem peccatum suum, & iniquissimum
præsumptum, sed inobedientem, & resistentem
huic sanctæ, & vniuersali Synodo repulimus,
& Anathematizamus, atque à tota Ecclesia
Catholica, & Apostolica facimus alienum, &c.
& sic patet propositum nostrum.

Ad quartam respondetur, quòd licet in
Concilijs vniuersalibus, vbi Papa non præ-
stet personaliter sententiæ, & canones nomine
Concilij proferantur, sicut patet in cap. qui-
dam 19. quæst. 1. de Concilio Chalcedonensi,
nihilominus tamen auctoritate Romani Pon-
tif. statuitur vniuersaliter, quicquid ibi con-
cluditur, habens vim obligandi, vt supradic-
tum est cap. 32. quia cum Papa solus sit Prin-
ces totius Reipub. Christianæ, ipseque, v-
potè Caput Catholicæ Ecclesiæ, sit solus vo-
catus in plenitudine potestatis, non possit
fieri regulariter lex, quæ omnes fideles liget,
sive obliget, nisi illius auctoritate fulciatur;
vnde, vt habetur in cap. bene, dist. 96. Patres
in Synodo congregati loquentes de validi-
tate quatundam scripturarum ad probandum,
quòd præfata scriptura ibidem lecta nullas
vires haberet, his duabus rationibus vtun-
tur; primò, quòd Canonibus non concor-
dabat; secundo, & maxime, quia in ea nullus
præsul Apostolicæ Sedis interfuisset, vel pro-
pria subscriptione eam confirmasse monstra-
retur; vbi supra verbo, nec Canonibus, dicit
glossa, coniuncta accipite hæc duo, indiuisa
iuris conceptio auctoritatem Apostolicæ ex-
postulat.

Ad quintam respondetur, quòd text. ille,
vt manifestum est; loquitur de Concilio Pro-
uinciali; in quo omnes Episcopi sunt coniun-
cti, non sic autem in Concilio vniuersali.
Et si huiusmodi inuestigatio petatur, di-
cendum, quòd ratio diuersitatis est multi-
plex.

Primò, quia non ita pendet auctoritas
Episcoporum ab Archiepiscopo, sive Prime-
ate, aut Patriarcha, sicut à Papa, à quo omnes
grades dignitatum in Ecclesia disponuntur,
iuxta cap. omnes dist. 22.

Secundò, quia à Papa deriuatur omnis
potestas iurisdictionis aliorum Prælatorum,
vt in cap. ita Dominus, dist. 16. vt supra
lib. 2. cap. 54. amplissime ostendimus.

Tertiò, quia Episcopi non subijciuntur
in omnibus Archiepiscopis, Primatibus, aut
Patriarchis, nisi in illis tantum, in quibus
Romanus Pontif. à quo potestas, & Ordo
illorum pendet, illis illis subieci, vt dicit san-
ctus Thom. in 1. sententiarum dist. ult. in ex-
positione literæ, dicit etiam Papa Nicolaus
in cap. conquestus 9. quæst. 3. primates, &
Patriarchas nihil priuilegij habere præ cæteris
Episcopis, nisi, quantum sacri Canones con-
cedunt.

Ad sextam, quæ sumitur ex epistola Pape
Nicolai non est opus respondere, quia primò
auctoritate beatorum Apostolorum Petri, &
Pauli, quæ residet in Apostolica Sede, Papa
Nicolaus pronunciat sententiæ, quam au-
thoritate sex Conciliorum, auctoritatem
autem Conciliorum post suam subiungit ad
maiores exaggerationem penè, siue sententiæ
contra Forum, non autem ad necessitatem;
quoniam potestas illa primatus Romani Pon-
tificis, quæ posset quolibet iudicare, non de-
pendet à Concilijs, sed ab ipso Omnipotente
Deo, sæpè repetitum est, & habetur in cap.
quamuis, dist. 22. quod manifestè patet ex
eo, quòd idem Nicolaus in eadem epistola
condemnat Gregorium Syracusanum Ecclesiæ
Episcopum, quia Forum consecrauerat, scri-
bit, ita dicens, iuxta Canonicam deli betationem
Apostolica auctoritate definimus, &
atque statuimus omni Sacerdotali carere, &
priuari ministerio, ita quòd nullo modo liceat
ei in quacumque Synodo restitutionis spem
habere.

Ad septimam, cum arguitur de subscr-
ptionum pariformitate respondetur dupli-
citer.

Primò, negando atcedens; quoniam
falsum est, quòd regulariter pariformis sit
subscriptio Papæ, ac legatorum eius, & alio-
rum Episcoporum; vnde, quòd subscriptio
Papæ alia sit à subscriptione aliorum Præla-
torum, communiter apertè colligitur ex omni-
bus illis locis in decreto, & decretalibus sexto,
& Clementinis, quæ inducta sunt supra cap. 31.
in quibus Papa solus describitur statuere de
consilio, aut approbatione Patrum consilij,
vbi consultatio, & assensus, vix approbatio
tantum tribuitur Consilio Patrum, statuere
verò Rom. Pontif.

Item diebus nostris in decreto vniouis
Grecorum factò Florentiæ sub Sanctæ Memo-
riæ Domino Eugenio, solus Eugenius in sub-
scriptione dicit, definiens subscripsi; vnde
verba sunt ista. Eugenius Catholicæ Ecclesiæ
Episcopus, ita definiens subscripsi: Alij, vt
Prælati, tam Latini, quam Greci, tantum
dicunt subscripsi, patet etiam falsitas anteceden-
tis illius aduersariorum ex varietate sub-
scriptionum legatorum Papæ, & aliorum
Prælatorum; vnde in libro Conciliorum ha-
betur sic, legatus Papæ se subscripsit in Con-
cilio Chalcedonensi: Paschasius Episcopus
Ciuitatis Lucanæ Vicarius Domini mei bea-
tissimi, atque Apostolicæ, & vniuersalis Ec-
clesiæ Papæ Leonis Vrbis Romæ Synodo
Præsidens, statui, consensi, & subscripsi, nullus
verò Prælatorum aliorum dicit statui, sed de-
finitis subscripsi.

Secundò, respondetur negando conse-
quentiam illam aduersariorum; quoniam ex
hoc,

hoc, quòd aliquando simili modo Papa, & alij in Concilijs se subscribunt, non sequitur, quòd pari, siue æquali auctoritate simul concurrant Prælati cum Papa in statuendo, definiendo, aut iudicando aliquid in Concilijs, cum omnis huiusmodi potestas aliorum Prælatorum pendeat à Rom. Pontif., vt in superioribus, maxime in 2. lib. c. 54. clarè ostendimus. Sicut per hoc, quòd causæ secundæ dicuntur simul cum causa prima operari aliquem effectum, non propter hoc sequitur, quòd pari virtute concurrant omnes ad effectum illum.

Ad octauam respondetur, quòd ratio facta non arguit quin regulariter sit verum, quòd dicimus, licet in aliquo particulari casu possit contingere contrarium, sicut inferius dicemus, nichilominus in casu inducto ex aduerso de accusatione Symmachi Papæ, auctoritate ipsius Symmachi Synodus ipsa fecit, quicquid fecit, vt ex ipso tex. patet.

Ad nonam respondetur, quòd non facit ad propositum; cum quia Concilium illud Toletanum non fuit vniuersale, sed Prouinciale. In Prouincialibus autem Concilijs aliud est, vt suprà diximus respondendo ad quartum, quoniam in vniuersalibus, vbi tota potestas auctoritatis pendet ex Rom. Pontif., vt prædiximus, & ita dicendum est ad multas alias allegationes similes de Concilijs Prouincialibus; vnde in hac argumentatione aduersariorum, qua ex Concilijs Prouincialibus arguunt ad vniuersale, effectus maximus error: non enim est similitudo, vt in superioribus ostendimus, fatemur tamen, quòd quandoque Papa exagerrando prohibitionem, vel volendo honorare Patres in Concilio congregatos, aliquando dicit sacri Concilii auctoritate prohibemus, & alibi dicit generalis Concilij decreuit auctoritas, alibi dicit nostrorum Episcoporum, omniumque cæterorum, Sacerdotum, & Leuitarum auctoritate, & consensu, atque reliquorum fidelium, & cunctiorum Conciliariorum nostrorum consensu definitum est.

Ad decimam respondetur, quòd regula, siue lex Ecclesiæ non potest dici regulariter esse Concilium vniuersale nisi plenarium, in quo auctoritas, & consensus interuenit Apostolicæ Sedis: cum plura Concilia exorbitasse legantur à fide, vt de Ariminensi, & Ephesino secundo, & de alijs, quæ infra commemorabuntur, & etiam colligitur ex glossis. Ipsi sunt canones 9. quæst. 3. sed lex illa, & regula est Apostolica Sedes, quæ nunquam exorbitasse à fide Catholica legitur, dicente Domino Luc. 22. beato Petro: [Ego pro te rogaui Petre, vt non deficiat fides tua,] quòd sancti Doctores de firmitate, & inobliquitate fidei Apostolicæ Sedis exponunt, sicut diffusè suprà in 2. lib. cap. 19. ostendimus; vnde hac ratione Mater fidei, & Magistra dicitur Ecclesia Romana, vt in cap. omnes dist. 22.

Et ad probationem respondemus, quòd nulla est: Pro quo notandum, quòd prout suprà 2. lib. circa cap. 84. distinximus dupliciter aliquid dicitur finis alicuius rei; vno scilicet modo, in quòd tendit res illa ex ordine sibi dato, aut naturali, aut supernaturali, siue id, quòd est intentum ab agente. Alio modo dicitur finis, id est ad cuius utilitatem

est ordinatum opus agentis, cuius exemplum potest poni in arte medicinz: vno modo dicitur finis artis sanitas, quam inducere intendit: alio modo infirmus, siue corpus humanum, sicut ad cuius utilitatem ordinatum est totum opus artis.

Item finis politicæ videtur esse pax, & tranquillitas ordinis, cum hoc videtur bonum ipsius, ad quòd vniuersum regimen eius respicere, & tendere videtur. Ipsa verò communitas dicitur finis regiminis, siue potestatis publicæ, sicut ad cuius utilitatem ordinatum est opus præsentis, & agentis, ita finis potestatis Papalis non est ipsa Ecclesia vniuersalis, sicut id, ad quòd est finaliter ordinatum, sed id, ad quòd per vsum eius ipsa Ecclesia recta, & gubernata perducitur, quòd est ipsa beatitudo cælestis.

Secundo vero modo, scilicet sicut id, ad cuius utilitatem potestas ipsa ordinata est, bene dicitur finis eius ipsa vniuersalis Ecclesia. Qua distinctione habita dicimus ad antecedens, quòd regula regiminis, & lex ordinatio eorum, quæ sunt ad finem, non, capitur à fine secundo modo dicto, sed primo; nam Medicus non capit regulas medicandi à curandis, nec Dux regulam militandi ab exercitu suo, nec Princeps à populo leges regendi, sed è contra. Vnde responsio illa aduersariorum, nullius videtur esse virtutis, licet apud eos aliter videatur.

Er ad probationem, quam inducunt ex Apostolo, respondemus, quòd per illam auctoritatem non probatur, nisi quòd Ecclesia potestatis Papalis sit finis modo assignato; vnde leges, & regulæ, quibus ædificari debet Ecclesia, non sunt fumens ab ipsa Ecclesia ædificanda, & regenda, sed ab ædificatore, Christo, qui sicut est principium Ecclesiæ, ita est finis, ad cuius amplexum per regimen sui generalis Vicarij, scilicet Summi Pontificis, qui vices eius gerit in terris, perducenda est; hinc optimè in definitione Ecclesiasticæ potestatis dicitur, quòd est ad ædificationem, Ecclesiæ secundum leges Euangelicas; & Apostolicæ Sedis, quæ mater cunctarum Ecclesiarum, & caput eximium, atque fidei, ac legum magistra, functiones, & decreta, vnde potestas Papalis non dicitur esse in Ecclesia, sicut in regulante, sed sicut in regulato. In vero autem Vicario Christi est sicut in regulante, & dirigente; vnde Reator Ecclesiæ est, & Pastor, ac Princeps, cuius est, oues, & plebem sibi commissam pascere, regere, & gubernare, iuxta leges, & mandata Christi, cuius est Vicarius.

C A P. XXXVII.

De honorando Summo Pontifice per vniuersalia Concilia, & vniuersos fideles: & de grauitate culpe in honorantium eum.

Perfectis bene his, quæ de Romani Pontificis Principatu super vniuersalem Ecclesiam suprà 2. lib. amplissime disputauimus ostendit.

ostendendo eum; & Patrem, & Pastorem, & Principem, generalem Vicarium super vniuersam Rempublicam Christianam, & quod ab eius potestate excellentia vniuersum Conciliorum robur pendear, & auctoritas sicut in hoc 3. libro copiose supra monstrauimus, luculenter colligitur quanto honore, & reuerentia reaneantur omnes fideles, omnes, maxime Ecclesie Prælati Romanum Pontificem reuereri, colere, ac venerari, quantoque studio ab vniuersalibus Concilijs seruandus sit honor Apostolicæ Sedi debitus, atque quam oppido decertandum, ne auctoritas Roman. Pontif. in qua & Ecclesia fundata est, & vniuersa Concilia robur, & auctoritatem suscipiunt, ab aliquo deprimi præsumatur, cum de hac per Prophetam dictum esse videatur; si hæc humiliatur, ad cuius confugietis auxilium? aut ubi relinquetis gloriam vestram? vt Symmachus Papa in cap. aliorum 9. qu. 3. inquit: Quis enim Sedis illius honorem, quæ fidei magistra est, & cunctarum Ecclesiarum mater, tuebitur, si Concilia generalia depriuantur, que nunc in primis contra oppressores, & contemptores omnes seruare debuerunt? ubi vniuersum auditum est sacras, & venerabiles Synodos, quicquam aduersus Sedem illam inelementer statuissè? certe nusquam, immò inhonorantes illam multa animaduersione castigasse, sicut pater de sancta, & vniuersali Synodo Chalcedonensi, in qua Dioscorus, quia contra Leonem Papam excommunicationem dictauit, sine vlla restitutione damnatus est, vt in cap. in tantum habetur dist. 21.

Item, idem patet de sancta, & vniuersali Synodo 8. in qua Forinus, quia Concilium generale abique consensu Rom. Pontif. congregare præsumpsit in iniuriam, & derogationem Apostolicæ Sedis, damnationis etiam sententia percussus est, vt ex gestis eiusdem Concilij manifestè habetur. Ceterum vniuersalium Conciliorum antiquorum reuerentia ad Apostolicam Sedem illustri testimonio colligitur ex eo, quod Synodi ipsæ vniuersales semper Romanum Pontificem Patrem, & Caput eorum profitentes, semper solite sunt humiliter petere, quæque per eos statuta, & gesta auctoritate Apostolica confirmari, sicut supra de multis exemplariter ostendimus.

Si enim quando Oriens totus, & Africa fidei Christianæ ritu, & gloria erat illustris, quando Orbis totus Christum loquebatur, cum sanctissimis viris omnes ferme Ecclesie Præfules gloriarentur, cum de terra ipsa, & montes sanctos fouerent, nihil vniuersum vllis in locis contra Sedis illius auctoritatem, ac dignitatem leuiter fuit attentatum; modò verò valde dolendum esset, si quando ferme in sola Occidentali parte Christianæ religio sincera, & immaculata seruatur, sacræ illius Sedis minueretur, aut supprimeatur auctoritas? absque maxime considerando quanta mala hic, & in futuro illius imminant, qui Apostolicæ Sedi iniuriari, aut illius honori, & auctoritati derogare præsumunt; incurrunt enim inter alia penam primo maledictionis, qua Cham patris sui derisor prostratus est. Gen. 9. vnde Augustin. nihil ita Deo placet, sicut obedientia. Cham

ideò maledictus fuit, & post multa secula, manet, quia patri non est obsecutus. Ceterum Sem, qui obsecutus est patri, benedictionem habuit in omnia secula; hoc quare dico? vt obedientiam exhibeamus patribus nostris: qui patribus non obsecuerunt, Deo non obsecuerunt. Hæc ille: dicitur enim Deuter. 17. [Maledictus qui inhonorat patrem suum.]

Secundò, incurrunt crucem lapæ maledicti pro eo, quod vniuersalis Ecclesie Principem, & Rectorem, atque in eo Regem Regum, & Dominum Dominantium, cuius Vicarius est, inhonorant, dicente Domino, Luc. 10. [Qui vos contemnit, me contemnit.]

Terriò, incurrunt scelus schismatis pro eo, quod Ecclesiarum omnium fundamentum deserunt, dicit enim beatus Cyprianus in cap. qui Cathedram dist. 93. [Qui Cathedram, super quam Ecclesia fundata est, deserit, in Ecclesia se esse non censet.]

Quartò, incurrunt labem hæresis, eo quod Apostolicæ Sedis præiulia violare præsumant, vt enim inquit Nicolaus Papa in cap. omnes dist. 22. qui Romanæ Ecclesie præiulium ab ipso Summo omnium Ecclesiarum Capite raditum auferre conatur, hic proculdubio in hæresim labitur, fidem quidem violat, qui aduersus illam agit, quæ mater est fidei, & illi contumax inuenitur, qui eam cunctis Ecclesijs præiulisse cognoscitur. Hæc ille.

Quintò, excluduntur omnino à spe Regni Cælestis, quoniam vt Patres Concilij Occidentalis in epistola, quam ad Papam Hadrianum scribunt, quæ lecta fuit in 3. Synodo, dicunt: Nemo quippe fidelium in iuriam beati Petri principis impunè prorumpit, in cuius videlicet contumeliam, vt sanctus Bonifacius Papa scribit, quisquis insurgit, habitator cælestium non poterit esse. Regnorum: [Tibi, inquit, dabo clauis Regni Cælorum,] in quod nullus abique gratia Ianitoris introibit. Hæc ille.

Quanta insuper confusio, & ignominia etiam temporalis hic huiusmodi præsumptis sequatur, non modò antiquæ historiæ, quæ omnes tales communiter mala morte interijisse referunt, sed etiam scandala ipsæ, & ignominie, quæ Basilienibus superueniunt pro eo, quod Dioscori, & Forij præsumptiones imitatoris diabolica temeritate Romanum Pontificem Christi Vicarium, ac Ecclesie Rotundum Prælatum, ac Rectorem sibi subijcere attentarunt, aperta luce demonstrant.

C A P. XXXVIII.

De quibus causis vniuersale Concilium debeat se intromittere.

Cum autem ex iam dictis omnibus notum factum sit vniuersalium Conciliorum, auctoritatem à Papa dependere, & per consequens limitatam habere potestatem, ordo ipse exposcit, vt excutiamus, ad quæ vniuersalia Concilia determinando, sententiando, aut constituendo extendere se debeant, siue possint, aut de quibus causis se debeant intromittere? an scilicet indifferenter de omni-

bus,

bus, an de aliquibus tantum? Apparet autem nobis, saluo semper meliori iudicio, quod stante in Sede Apostolica vero, & indubitato Pontifice, vniuersale Concilium non debeat indifferenter se intromittere de singulis causis, sed tantum de his, ad quorum determinationem, & definitionem extitit congregatum. Quod nos multiplices ex capite rationale ostendimus.

Primo, irrefragabili testimonio beatissimi Leonis Papæ, beatus enim Leo Papa Anatholio Episcopo Constantinopolit. scribens, & reprehendens, quod induxisset Chalcedonensem Synodum, vt prima Sedes post Romanam, quæ prius erat Alexandrina, constitueretur Constantinopolitana, dicit sic: Quibus auditis, & numquam ante tentatis, ita præueneris excessibus, vt sanctam Synodum ad extinguendum solum hæresim, & ad confirmationem Fidei catholice studio Christianissimi Principis congregatam, in occasione ambicus tui trahas, & vt comminutionem suam sibi dedit, interpellas, tamquam irritari nequeat, quod licite noluit multitudo? & infra. Nimis ergo hæc improbanissimis praua sunt, quæ sacratissimis Canonibus inueniuntur esse contraria, in totius Ecclesiæ perturbationem superba hæc tendit elatio, quæ ita abuti voluit Concilio Synodali, vt fratres in fidei tantummodo negotio conuocatos, & definitione eius cauti, quæ erat curanda perfunctos ad consensuendum sibi, aut deprauando traduceret, aut terrendo compelleret. Hæc ille.

Item Papa Nicolaus in secunda epistola, quam scribit Michaeli Imperatori, quæ lecta fuit in quarta actione, manifestè designat, quod sancta Synodus non debeat se intromittere, nisi de eis, quæ Papa concesserit, aut commiserit, ita dicit: Quod verò strennum virum Ignatium Patriarcham vestro speciali deposuisti, damnaſti, & expulisti arbitrio, & Fotium de laicali agnine vobis improvidè in eius loco subrogasti Episcopum, & quantum ferre omnino non possumus, maxime cum horum duorum negotiorum inuestigare, & nobis renunciari, non definire mandauerimus. Hæc ille. Ecce manifestè habetur ex huiusmodi reprehensionibus, quod Concilia vniuersalia congregata, ad ea tantum extendere se debeant, sententiando, siue definiendo, ad quæ congregata, siue conuocata sunt, & non ad alia.

Secundo sic ratione, Concilium vniuersale habet robur, & auctoritatem à Romano Pontifice, vt supra ostensum est multipliciter iuxta dist. 17. per totum, & cap. significasti, extra de elect. ergo Concilium vniuersale ad tantum se extendere potest regulariter, quantum Papa ordinat, vel disponit, qui vniuersale Concilium conuocat, & sua auctoritate fulcit: vnde prædictus beatissimus Leo Papa ad Episcopos, qui in sancta Synodo Chalcedonensi congregati fuerant, inter cetera, ita scribit, vt fraternam vniuersitatem, & omnium fidelium corda cognoscant, me, non solum per fratres, qui vicem meam executi sunt, sed etiam per approbationem gestorum Synodaliū propriam iniſſe sententiam, in sola scilicet fidei causa, quod sæpe dicendum est, propter quæ generale Concilium, & ex præ-

cepto Christianorum Principum, & ex consensu Apostolicæ Sedis placuit congregari, vt damnatis hæreticis, &c. Ecce quod solum Papa approbat ea, ad quæ Concilium fuerat congregatum, & alia non.

Tertio arguitur sic, Concilia vniuersalia non congregantur, nisi pro magnis, & arduis causis, quæ ita commodè expediti non possunt sine Concilio, sicut cum Concilio, ergo ad illarum tantum expeditionem, & quæ necessaria dependent ex illis, aut faciunt ad executionem illorum, Concilia vniuersalia se extendere possunt, patet consequentia, cum ad illorum tantum expeditionem conuocata sint, & auctoritatem receperint: vnde Agacho Papa de potestate, quam apocriſarijs suis dedit; scribens Imperatori, & narrans qualiter mittebat apocriſarios ad sextam Synodum, ita dicit, licentiam dedimus, siue auctoritatem apud tranquillissimum tuum Imperium, dum vixeris tua clementia simpliciter satisfaciendi, in quantum dumtaxat iniunctum est, vt nihil præsumant augere, mutare, vel minuire, sed traditionem Apostolicæ Sedis, vt à prædecessoribus instituta est, sinceriter enarrare, propter quam etiam rationem Legari Papæ in octaua Synodo, vt colligitur ex quinta actione, scientes se non posse extendere, nisi quantum ab Apostolica Sede eorum potestas ampliata erat, dicebant sic ad Synodum: Nos non nouim aliquid, vel recens iudicium iudicabimus, sed verus, & multo tempore, iudicatum quidem à sanctissimo, & beatissimo Papa Nicolao firmatum, autem à sanctissimo Papa Hadriano, & non possumus transferri, vel commoueri à paternis definitionibus, & legibus, nec declinare ad dextram, vel sinistram; hæc ibi.

Quarto sic: si vniuersale Concilium intromitteret se de singulis causis indifferenter, iam in Ecclesia essent duo suprema tribuna, duæ Cathedre supremæ, quod vitis Ecclesiæ non admittit, vt sapius repetitus est supra; ergo Concilium vniuersale non potest se intromittere de singulis causis.

Quinto sic: soli Apostolica Sedes, eo quod in ea Deus totius Ecclesiæ posuit principatum, conuenit de singulis causis omnium fidelium iudicare, & definire, iuxta cap. Episcopus 9. quæst. 3. vbi venerabilis Beda inquit: sola Romana Ecclesia sua auctoritate valet iudicare de omnibus, & in cap. per principalem eodem cap. & quæst. ergo videtur, quod hoc non conueniat Concilijs vniuersalibus, consequentia patet.

Sexto, Papa respectu Concilij vniuersalis est prælatus, comparatur enim ad Ecclesiam, vt Pater, Prælatus, Caput, & Princeps eius, vt patet; ergo Synodus vniuersalis vniuersalem Ecclesiam repræsentans, non potest aliquid, nisi quantum auctoritate Patris, Prælati, & Capitis sui, ac Principis ei conceditur consequi, patet, & specialiter ex glossa illa super illud Psal. 44. [Pro Patribus tuis, &c.] quæ sic habet, æquiparatur in hoc, Patri Episcopus, & Ecclesia filio, quia sicut filius non potest sine auctoritate Patris litigare, sic nec Ecclesia sine auctoritate Prælati.

Septimo sic: Romano Pontif. sunt aliqua in iure reſeruata ratione sui primatus, sicut est conuocatio vniuersalium Conciliorum

rum depositio Episcoporum maiorum causarum discussio, de quibus in cap. dudum 3. quæst. 6. & de multis specificè habetur in decreto, & decretalibus; ergo cum soli Romano Pontifici illa referuata sint, nullus potest sine Apostolicæ Sedis iniuria ad illa manus extendere sine licentia, & auctoritate illius, consequentia patet. Quod verò quidam aduersarij dicunt, quod cum dicitur, quod solus Papa potest illa facere, aut quod soli Papæ sunt talia, vel talia referuata, non sit exclusio, nisi respectu inferiorum, non autem respectu congregationis vniuersalis Concilij, in qua auctoritas Papæ inclusa videtur, hoc nihil valet. Tum primò, quia congregatio ipsa, vt de ea nunc loquimur, vt scilicet distinguitur à Papa, non est, nisi congregatio inferiorum, & ideo si per ly, solus, excluduntur inferiores, clarum est, quod excluditur congregatio eorum, quia inferiores, siue sint dispersi, siue collecti, semper manent inferiores respectu eius, qui eis superior est; tum secundo quia vt infra dicetur, licet Papa conuocet Concilium, non propter hoc incorporat tantam plenitudinem suæ potestatis Concilio ad faciendum quicquid voluerit, sed tantum ad ea expedienda, propter quæ congregatum est, vnde in hoc magistri nouelli decipiuntur, & ideo non mirum si dato malo principio proruperint in varios errores; dicentes, Aristotile parvus error in principio, maximus fit in fine.

Octauo sic: nihil est attribuendum vniuersali Concilio, per quod schismatis occasio daretur in Ecclesia inter Caput, & membra, inter Romanum Pontificem, siue Apostolicam Sedem, & vniuersale Concilium, hoc est notum; sed Concilium vniuersale intermitto de re singulari causis, & de referuatis Apostolicæ Sedi, introducit diuisionem, & schisma inter Apostolicæ Sedis iudicium, & Concilij vniuersalis iudicium, quoniam sæpe contingeret, vt quod ligaret, & solueret Apostolica Sedes, solueret, vel ligaret Concilium, vel e conuerso, vt prædica nobis exemplariter ostendit. Basileæ cum ad persuasione quorundam nouellorum magistrorum congregatio illa de singulari etiam referuatis Rom. Pontifici minus prudenter tentauit se intrinsece, reuocando, retrahendo sententias in Romanæ curia datas per Apostolicam Sedem; vnde multa sunt orta scandala in Ecclesia Dei.

Nono sic: nihil est attribuendum vniuersali Concilio, quod grauiter perturbaret, & damnificaret totam Ecclesiam, patet hoc, sed si Concilium vniuersale se intrinsece indifferenter de singulari causis, oporteret, vt quasi perpetuum fieret, aut in nimium longum tempus extendetur, cum necessarium videretur, vt causas omnes assumptas terminaret: quod certe sine magno dispendio Ecclesiarum, & iactura Episcoporum manifestum est fieri non posse.

Decimo sic: præsupponendo cum dominis iuristis, quod impossibile sit, quod eodem & insolitum eodem modo, & pro eodem tempore possit à duobus possideri, & per consequens nec exerceri, vt digesti commo. lege si vt certo, s. si duobus vehiculis: sed nulli dubium est, quia Papa vpo-

tè Pastor, & iudex totius Reipublicæ Christianæ sit in possessione, & actu exercitio iudicandi de singulari causis fidelium, & exequendi ea, quæ sunt plenitudinis potestatis clauium in tota Ecclesia D: ii ergo pro eodem tempore non videtur possibile, quod hoc conueniat Concilio vniuersali; consequentia patet cum omnibus præmissis. Ex quibus omnibus manifestè conueniunt nullitas dispensationum, indulgentiarum, sententiarum, multarum causarum, atque collationum beneficiorum, & donationis, & aliorum, quæ Basileæ, contradicente Romano Pontifici, sanctæ memoriæ Domino Eugenio, facta esse dicuntur, nisi prius auctoritate Apostolicæ Sedis susceperint firmitatem. Ex dictis autem per multa capitula de dependentia auctoritatis Conciliorum à Rom. Pont. Christi Vicario confutatur manifestè error damnatissimus Matthei de Padua attribuentis vniuersali Concilio, quod vniuersitatem dicit esse omnium fidelium, non distinguens inter laicos, & Clericos sine aliqua dependentia à Papa totum exercitium ecclesiasticæ potestatis, tam in prouisione beneficiorum, & dispensationibus, & indulgentiis, atque correctionibus quorumcumque errantium.

C A P. XXXIX.

In quo obijciuntur contra prædicta.

Aduersus iam dicta arguunt multipliciter aduersarij assentes, quod vniuersale Concilium, cum est congregatum, potestatem habeat exercendi omnem actum potestatis iurisdictionis sicut, & Papa.

Primò sic: Concilium vniuersale habet auctoritatem supremam à Christo immediate super omnes fideles cuiuscumque status, aut conditionis exstant; ergo potest exire in actum illius potestatis, quando est congregatum, cum voluerit, consequentia videtur bona, quia frustra esset potentia, quæ non exiret in actum antecedens colligitur ex decreto Concilij Constantiensis.

Secundò sic: quando Papa congregat Concilium vniuersale, videtur illi incorporare auctoritatem suam; vnde vniuersale Concilium legitime congregatum ipsum Papam, & ita eius auctoritatem includit, & ita dato, quod vniuersale Concilium non à Christo immediate, sed à Papa suscipiat suam auctoritatem, exire poterit in actum potestatis plenitudinis Papalis, sed Papa potest de omnibus causis agere: ergo, & Concilium legitime congregatum, consequentia videtur bona, & antecedens manifestum.

Tertiò idem arguitur ex prædica aliorum præcedentium Conciliorum vniuersalium: primò, ex illo Apostolorum Concilio, de quo act. 1. habetur, vbi vacante Apostolatu Iudæ proditoris, omnes Apostoli, & Discipuli tractauerunt de eius successore, & elegerunt duos ex omnibus, scilicet, Barnabam, & Mathiam, & sic ille fuit susceptus in numero duodenario: ergo videtur, quod Concilium possit se intrinsece de prouisione Prælatorum.

Quartò sic: ex cap. primates 2. quæst. 1.

X x x

vbi

vbi gloss. dicit, quod Synodus auctoritate Rom. Pontif. congregata potest priuare, seu damnare Episcopos, & hoc idem habetur in cap. nullus v. quest. 4. ergo idem, quod prius.

Quinto, arguitur ex practica Conciliorum vniuersalium antiquorum, quæ omnem iurisdictionem videntur exercuisse, etiam in reuerentia Apostolicæ Sedi, quæ non solum excommunicasse, sed etiam deposuisse aliquos Episcopos à suis dignitatibus, & restituisse, depositos, sicut quasi per omnia octo Concilia vniuersalia legitur, cum ergo omnia Concilia vniuersalia æqualis videantur esse auctoritatis, videtur, quod vniuersale Concilium possit se intrinsece regulariter de omnibus causis etiam particularibus.

Sexto, idem arguitur ex cap. inter cetera 10. quest. vlt. vbi Concilium quartum Toleranum ita dicit: Inter cetera denique, quæ consensu communi, inter nos conferre competentem oportuit quærimonia, etiam parochialium presbyterorum Galliarum Prouinciæ solertissime decernere &c. Item in cap. si Clericus 11. qu. 1. vbi dicitur, quod si Clericus habet contra suum Episcopum, vel alium causam, apud audientiam Synodi Prouinciæ conqueratur; ergo idem, quod prius.

Septimo, arguitur etiam de dispensationibus, quod possit facere ex cap. presbyter. dist. 82. vbi Concilium vniuersale dispensat contra Canones Apostolorum, vt dicit text. & gloss. super verbo Apostolorum. Item in cap. presbyteros 50. dist. vbi Concilium vniuersale dispensat cum presbyteris, qui immolauerunt idolis, & postea penituerunt, quod posset retinere beneficia, sed non in ordine ministrare, & hoc dispensatiue, vt dicit gloss. super verboungi.

Octauo, quod etiam ad maiores causas se possit extendere arguitur, quia potest Episcopum depouere, & restituere, vt in cap. si quis Episcopum & cap. certum & cap. Episcopos. & cap. irritam 11. quest. 3.

Nono, arguitur ex practica Concilij Basileensis, quod non modo de causis particularibus, sed etiam plenarias indulgentias dedit.

C A P. XL.

In quo respondetur ad obiectiones prædictas.

BEnè autem considerando ea, quæ dicta sunt superius, facile occurrit, quod obiectiones prædictæ aduersariorum contra conclusionem nostram præfatam parum militent. Conclusio autem nostra fuit, quod vniuersale Concilium stante vnico, & indubitato Rom. Pontif. in Sede Petri, & contradicente, non possit ad alia tractanda, definienda, ac iudicanda debite se extendere, quam ad illa, ad quæ per Rom. Pontif. fuerit conuocatum; vnde dicendum est ad rationes inductas.

Ad primam, quæ sumitur ex Concilio Constantiensis, responsum est, supra tam lib. 1. cap. 99. quam in hoc 3. lib. cap. 31. quod æquum est saltem.

Ad secundam, in qua dicitur, quod Papa conuocans Concilium videatur illi auctoritatem suam incorporare: respondetur, quod concessio, quod Papa conuocando Concilium vniuersale incorporet illi auctoritatem suam, non tamen conceditur, quod incorporaret illi omnem eius plenitudinem potestatis, sed tantum quantum necesse est ad prouidendum super illis, ad quæ illud conuocat; vnde si Patres illius Concilij ad alia se extendant, quam ad ea, ad quæ à Rom. Pontif. receperint potestatem, & errant usurpando sibi, quod non conuenit, & etiam facta sic per eos extra potestatis datæ terminos viribus vacua sunt, sicut aperte colligitur ex Chalcedonensi Concilio, in quo quia Patres, qui tantum ad fidem confirmandam erant congregati, extenderunt se ad alia: Sanctus Leo Papa durè reprehendit Patriarcham Constantinopolitanum, vt patet ex superius in cap. 38. dictis, hoc etiam ex modo subscribendi, quo vsi sunt legati Papæ, in gestis octauo Concilij patet, qui fuit iste:

Ego Donatus Dei gratia Episcopos sanctæ Hostiensis Ecclesiæ locum obtinentes Domini mei Hadriani summi Pontificis, & vniuersalis Papæ omnia, quæ superius leguntur, huic sanctæ, & vniuersali Synodo præfatus, vsque ad voluntatem eiusdem eximij præfatus promulgauit, & manu propria subscripsi. Eadem forma vsi sunt secundus Legatus, & tertius, videlicet Stephanus Ephesinæ Ecclesiæ Episcopus, & Marinus Romanæ Ecclesiæ Diaconus, quia enim alia ibi fuerant conclusa, de quibus fortè prius Rom. Pontif. non fuerat informatus, præter principalem materiam, pro qua erant congregati, Legati Papæ non dabant plenarium assensum, aut confirmationem, nisi vsque ad beneplacitum Rom. Pontif.

Ad tertiam, quæ sumitur ex Concilio Apostolorum: respondetur, non esse ad propositum, quoniam in Concilio illo fuit beatus Petrus, & præfatus, & ad mandatum eius, siue ordinationem electio illa facta est, vnde ait: viri fratres oportet impleri scripturam, quam prædixit Spiritus sanctus per os Dauid de Iuda &c. infra, oportet ergo ex his, qui nobiscum sunt congregati, testem resurrectionis Christi nobiscum fieri vnum ex istis, & sequitur: Et statuerunt duos. Ecce manifestè, quod Principatus huius electionis fuit apud eum, qui caput, & vertex erat Apostolici chori, vt dicit Chrysost.

Ad quartam, quæ sumitur ex cap. primates, respondetur, quod Synodus auctoritate Papæ congregata bene potest condemnasse Episcopos, si ad hoc habeat speciale mandatum, vnde gloss. in cap. allegato nulli 5. q. 4. dicit sic, loquendo de Synodo auctoritate generali: audiri potest causa Episcopi, sed non potest terminari sine speciali mandato Apostolicæ Sedis; hoc ibi, quæ gloss. est multum notanda in hac parte, cum expresse confirmat propositum.

Ad quintam, quæ sumitur de practica antiquorum generalium Conciliorum: respondetur, quod non facit ad propositum, quoniam omnia illa in Concilio præfatis gesta facta sunt auctoritate Rom. Pontif. sicut patet ex superius: Tum secundo, quia

quia licet de aliquibus, ad quæ erant congregata Concilia, & ad eorum dependentia Patres se iutromiserunt, non tamen de omnibus particularibus causis, & omnibus referuatis Apostolicæ Sedis.

Ad sextam, quæ sumitur ex cap. inter cætera 10. quæst. ult. & in cap. si clericus 11. quæst. 1. responderetur sicut ad præcedentia, quod in omnibus gestis illis concurrir consensus, & auctoritas Rom. Pontif. & ita capitula illa non militant contra conclusionem nostram.

Ad septimam, quæ sumitur ex cap. presbyter. dist. 81. & ex cap. presbyteros dist. 50. responderetur primò, quia non faciunt ad propositum, quia illa non sunt Concilia vniuersalia, de quibus loquimur, sed sunt prouincialia, sicut patet ex Rubr. Secundo responderetur sicut ad præcedentia, quod dispensatio illa facta est auctoritate Romani Pontificis, unde in cap. præfato presbyter, quod est Concilij Grangen. ita habetur: presbyter si fornicationem fecerit, quamquam secundum canones Apostolorum debeat deponi: tamen iuxta auctoritatem Siluestri Papæ, si in vitio non perdurauerit, &c.

Ad octauam, quæ sumitur ex cap. si Episcopus 11. qu. 3. & ex alijs capitulis eiusdem causæ, & qu. Responderetur primò, quod in illis capitulis non habetur de depositione Episcoporum, licet bene de damnatione, quæ dicitur ibi excommunicatio, sicut patet ex gloss. cap. si Episcopus. Secundo etiam responderetur, quod dato, quod ita sit, sicut aduersarius inducit, illud non fuit factum sine speciali auctoritate Romani Pontificis, iuxta gloss. cap. nullus 5. qu. 4.

Ad vltimam, quæ sumitur ex practica Concilij Basiliensis, responderetur, quod practica habita in Concilio Basiliensi in multis fuit exorbitans ab omni iure introducta per quosdam temerarios, & presumptuos homines, unde à practica, & gestis illius congregationis, quæ tot scandala in Ecclesia peperit, nulla exempla sumenda sunt, sed potius de omnium fidelium veniunt delenda peccatoribus. Ex istis etiam patet, quàm inualida sint, omnique virtute vacua, quæ in pragmatica sanctione Regni Franciæ ex decretis Basiliens. continentur, quoniam multa illorum, aut falsa sunt, aut viribus carent, cum Apostolicæ Sedis nulla sint auctoritate vallata. Nec potest dici, quod illa decreta per acceptationem illam Regni Franciæ minis bene consultè factam salua reuerentia, acceperunt aliqui firmitatis.

C A P. XLI.

Ad quæ vniuersale Concilium congregatum, aut congregandum, vacante Sede Apostolica, se debet, aut possit extendere, & qua auctoritate.

Postquam ostendimus existente in Sede Apostolica Præfule aliquo indubitato, ad quæ vniuersale Concilium possit, aut va-

leat potestatiuè se extendere. Tam discutendum venit, ad quæ se debeat, aut possit extendere, si congregari contingat, Apostolica Sede vacante. In qua disputatione nobis dicendum videtur, saluo semper meliori iudicio, quod vniuersale Concilium congregatum, vacante Apostolica Sede, ante Romani Pontificis creationem possit, & valeat exequi, quæ necessariò occurrerent pro regimine, & tuitione Ecclesiæ, vbi per dispositionem iuris non possit prouideri, & quæ sine dispendio magno prorogari non possent vsque ad creationem Romani Pontificis.

Quæ conclusio faciliter ostenditur; quia nisi detur, quod, vacante Sede Apostolica, in qua Dominus posuit Ecclesiæ principatum, & gubernaculum populi Christiani, apud Prælatos Ecclesiæ sit potestas prouidendi in casu prædicto necessitatibus imminutibus Ecclesiæ, non videtur sufficere prouisum Ecclesiæ in his, quæ necessaria sunt populo Christiano, quod nullo modo dicendum est de Christo Fundatore, & Capite ipsius Ecclesiæ, cuius sapientia attingit à fine vsque ad finem suauiter cuncta dispositiones Sap. 8. & cuius prouidentia in sui dispositione non fallitur. Sed si queratur, quomodo hoc esse potest, aut qua auctoritate, maxime cum non videatur concedendum, quod aliqua congregatio Prælatorum inferiorum à Rom. Principe sine habitudine ad Apostolicam Sedem, habeat potestatem aliquid ordinandi vniuersaliter in vniuersali Ecclesia, videtur nobis respondendum, saluo semper meliori iudicio, quod Prælati maiores congregati hoc facere possunt auctoritate ipsa, quam prius habebant ab Apostolica Sede, quæ in necessitatibus istius articulo videtur ampliata.

Pro cuius intelligentia, & solutione multarum difficultatum in hac materia videtur nobis notandum, quod quemadmodum simplex sacerdos non obstat, quod limitatam habeat potestatem iurisdictionis, tam quoad personas, ita vt iure prohibeatur ei quemquam absolueri, nisi Parochiam eius, vt in cap. ecce 16. qu. 1. & in cap. placuit, de penitentia dist. 6. quàm quoad casus; quoniam multi sunt referuati, à quibus ipse regulariter absolueri non potest. In articulo tamen, necessitatis potest absolueri omnes homines, & de omnibus peccatis, & de omnibus sententijs. Tum quia, necessitas non habet legem, 1. quæst. 1. remissiones. Tum secundò, quia, vt inquit Bernardus; quod constitutum est pro charitate, contra charitatem militare non debet, ita dicendum videtur in proposito, quod Prælati ipsius Ecclesiæ maiores, qui Apostolis in Ecclesia succedunt, licet regulariter habeant limitatam potestatem, & quoad Territoria, quia distinctas habent Dioceses, & terminos certos, ultra quos non se debent extendere, & etiam quoad casus multos, vtpotè qui non sunt vocati in plenitudinem potestatis, sed in partem sollicitudinis, vt inquit Gregorius in cap. decreto 2. qu. 6. & Iulius Papa in cap. sequenti. In articulo tamen, necessitatis Ecclesiæ, deficiente per naturalem mortem, aut alio modo summo Pontifice omnino impedito, cui cura, & regimen totius Ecclesiæ vniuersaliter est commissa, videtur habere auctoritatem Apostolicam ad prouidendum.

dendum tantum; tamen in necessarijs, quæ immediatam exigunt expeditionem, nec illis per antiquum iuris dispositionem provideri potest, nec prorogari possunt vsque ad creationem Romani Pontificis, sicut in superioribus de Dominis Cardinalibus diximus. Ad providendum autem tantum in necessarijs diximus; quoniam, vacante Sede Apostolica, Patres congregati, nec Domini Cardinales debent se intromittere extra casum magnæ necessitatis de alijs particularibus causis, aut de reſervatis Apostolicæ Sedi, quia, sicut vacante Sede, nullus dicitur succedere Romano Pontifici in plenitudine potestatis, ita nec per consequens in exercitio, aut administratione plena illius, quemadmodum nec capitulum succedit, vacante Sede, Episcopo in his, quæ ad solum Episcopum pertinent, ut puta in potestate conferendi beneficia ad collationem solum Episcopi spectantia, ut habetur in cap. 1. ne Sede vacante lib. 6. multa, alia induci possunt ad hoc, sed ista nobis sufficere videntur.

Ex quibus satis videtur consutata opinio dicentium, quod, vacante Sede Apostolica, Concilium vniuersale congregatum possit exercitium potestatis Apostolicæ, & administrationem eiusdem vniuersaliter, siue plenarie habere sicut Papa. Quorum error iudicio nostro inde oritur, quod non intelligunt, quomodo clauis sint datæ vniuersali Ecclesiæ, iudicant enim de vniuersali Ecclesia ad modum capituli vniuersæ Ecclesiæ Collegiatæ, vel ad modum provincialis Concilij, aut ad modum vnus vniuersitatis popularis laicorum, & non recte iudicant, quoniam non est simile in hac parte hinc, & inde, vt lib. 2. maxime circa cap. 72. offendimus copiose. Habet ergo Concilium congregatum, vacante Sede Apostolica, potestatem ampliata ad providendum Ecclesiæ in necessarijs, quæ immediatam, vt diximus, exigunt expeditionem, nec prorogari possunt vsque ad creationem Romani Pontificis, ad quam omni studio est festinandum. Itaque Concilium Prælatorum in tali casu administrator, & executor est necessarius, & non voluntarius; & inde est, quod in non necessarijs præfati Prælati non habent extensionem potestatis, quia quod necessitate conceditur, cessante necessitate, solui debet, vt in cap. quicquid, de consecr. dist. 5. & hoc videtur alijs obseruatum, vnde cum auditum esset, quod Marcellinus Papa mortis metu, Diocletiano compellente, idolis thurificasset: illiud Episcopi ex diuersis Provincijs in magno numero, nullo eos vacante, ad providendum Ecclesiæ in præfata necessitate Romæ conuenerunt, cognoscentes eorum potestatem in tantæ necessitatis articulo ad hoc se extendere.

Nec debet alicui videri mirum hoc, quod diximus de ampliatione potestatis in casibus necessitatis, quoniam, vt dicitur in libro de regimine principum, qui inscribitur sancto Thomæ libro secundo cap. 19. In duobus casibus ampliatur potestas Romani Pontificis, vel ratione delicti, vel pro bono vniuersalis Ecclesiæ, quod eleganter offendit nobis Hieremia Propheta, cui in persona Vicarij Iesu Christi dicitur: [Ecce constitui te super Gentes, & Regna, vt euellas & destruas,

& disperdas, quod ad rationem delicti ferimus;] vbi in quatuor illis vocabulis diuersa genera poenarum accipimus, quæ infligi possunt vnicuique fidelis, siue subdito, cum dicit super Gentes, siue Domino, cum dicit, & super Regna. Secundum autem est, vnde accipimus ampliata potestatem, cum postea dicitur, vt ædifices, &c. quæ ad prouidentiam Vicarij Christi pertinet pro bono vniuersalis Ecclesiæ. Hæc ibi. Non est autem præterendum, quod salubriter videtur consilium ad auferendum omnem videretis scrupulum, vt omnia, quæ per vniuersale Concilium, vacante Sede, gesta sunt, ac constituta, per Romanum Pontificem futurum confirmantur, sicut practicum fuit in Concilio Constantien. in quo, creato Domino Martino, Patres Concilij supplicarunt Sanctitati suæ, vt ea, quæ ante creationem eius per omnes obedientias simul positas fuerant constituta, confirmare dignaretur, quod & fecit de his, quæ ad fidem expectabant.

C A P. XLII.

In quo obicitur contra prædicta.

Objiciunt autem contra prædictam conclusionem aduersarij multiplices.

Primò sic: Vniuersale Concilium repræſentat vniuersalem Ecclesiam, sed vniuersali Ecclesiæ data est potestas clauium, cum data est Petro, quia vt ait Augustinus super Ioannem, & habetur in cap. quodcumque 24. quæst. 1. cum Petrus clauis accepit Ecclesiam sanctam significauit; ergo videtur, quod cum Ecclesia vniuersalis sit synodaliter congregata, possit, maxime vacante Apostolica Sede, omnia ministrare, ad quæ potestas clauium se extendit; consequentia videtur clara.

Secundò sic: Vniuersale Concilium, vacante Sede Apostolica, potest aliqua, vt habetur ex concessis in præcedenti capitulo; ergo etiam omnia alia; consequentia videtur bona, quia eadem ratio videtur currere de quibuscumque, & de omnibus.

Tertiò sic: Concilium vniuersale Constantiense, vacante Sede, confirmauit Archiepiscopum Lugdunen, dedit etiam indulgentias, & super irregularitate dispensasse legitur, quæ videtur reſervata Apostolicæ Sedi; ergo videtur idem, quod prius.

Quartò, idem arguitur ex Concilio Senensi, quod legitur dedisse indulgentiam plenariam.

Quintò, idem arguitur ex Concilio Basiliensi, quod non modò Rotam audientis causarum crexit, sed etiam indulgentiam plenariam dedit pro negotio Græcorum.

CAP. XLIII.

*In quo respondetur obiectionibus præfatis
adversariorum.*

Præfatis obiectionibus non est difficile respondere superioribus bene consideratis.

Vnde ad primam, quæ sumitur ex illo, quod vniuersali Ecclesiæ datæ sunt clauæ, quod est fundamentum principale fabulatum, & errorum aduersariorum: respondetur, quod vt superius lib. 2. cap. 72. plene ostendimus, id non habet veritatem ad intelligentiam, quam aduersarij interpretantur: videlicet quod vniuersali Ecclesiæ, quæ dicitur omniū fidelium collectio, vt in cap. Ecclesia de consecr. dist. 1. in omnibus suis membris, siue diuini, siue coniunctim data sit clauium potestas. Præterea dicimus, quod soli Petro, & in eo suis successoribus, quem toti vniuersitati fidelium præposuit, Caput, & Principem dedit, vt dicit beatus Cyrillus, quod suum, & plenum, & ipsum solum, vt ait beatus Gregorius, & Iulius Papa, vocauit in plenitudinem potestatis. Quomodo autem sit intelligendum, quod cum Petrus clauæ accepit, Ecclesiam sanctam significauit, supra exposuimus lib. 2. cap. 15. dicentes, quod ideo dictum sit, quia non soli Petro, vt singulari personæ datæ sunt clauæ, quoniam, vt optime arguit beatus Augustinus, si tantum Petro datæ fuissent, nec iam aliquis absoluti posset, nec ligari, nec aliqua reconciliatio fieret in Ecclesiis: cum ergo omni die in veritate fiat per Prælatos, & Sacerdotes Christi, sequitur, quod non tantum Petro datæ sunt, sed in eo omnibus eius successoribus, & vniuersis Prælati futuris in Ecclesia per derivationem ab eo iuxta eos, secundum illud, quod beatus Ambrosius inquit, quod in beato Petro omnes nos sacerdotes clauæ accepimus, & hoc est, ipsum Petrum, cum clauæ accepit, Ecclesiam sanctam significasse, vt patet ex litera beati Augustini bene ponderata; vnde Dominus Archidiaconus in Rosario hunc locum ad hanc intelligentiam exponens, ita dicit: Si hoc tantum Petro dictum est, scilicet vt eius personam non transgrediar, non facit hoc Ecclesia, id est eius auctoritas. Hæc ille. Planè hæc est vera intelligentia illius auctoritatis, & ita patet, quod rectè intellecta, nihil facit pro aduersarijs.

Ad secundam, cum arguitur, potest quædam, ergo omnia. Respondetur, negando consequentiam, quoniam nullam habet apparentiam; & cum dicitur, quod sit eadem ratio de quibuscumque, & de omnibus, respondemus, quod falsum est, quod in exemplo, quod de simplicis sacerdote supra induximus, apertissime patet; licet enim simplex sacerdos in articulo necessitatis posset absolute omniū hominem de omnibus peccatis, & ab omnibus censuris, non tamen hoc potest extrā necessitatis articulum. Item licet in articulo necessitatis posset aliqua, putā quæ necessaria sunt salutis humanæ, sicut est absolutio à peccatis, & ab excommunicatione, si fuerit ex-

communicatus, non tamen alia, quæ necessaria non sunt, sicut dispensare super irregularitatibus, conferre indulgentias, & huiusmodi, quia sine his potest salus animæ haberi. Irā est in proposito, licet Prælati congregati pro bono Ecclesiæ possint, vacante Sede, facere in casu necessitatis aliqua pro defensione fidei, pro bono vniuersalis Ecclesiæ, quæ vsque ad creationem Romani Pontificis sine magno Ecclesiæ dispendio differri non possunt; non sequitur, quod possint omnia, aut quæ necessitas non exposcit, aut quod etiam idem postea possint, quoniam, vt habetur in cap. quod 1. quæst. 7. quod pro remedio, aut necessitate temporis statutum est, constat primitus non fuisse, quod ergo necessitas pro remedio reperit, cessante vtique necessitate, debet cessare pariter quod vtgebatur; quia alius est ordo legitimus, & aliud usurpatio, quod ad præsens fidei tempus impellit.

Ad tertiam, quæ sumitur ex Concilio Constantiensi, respondetur quod ratio illa non militat multiplici ratione.

Primo, quia cum id, quod factum est tunc, cum per vnā obedientiam factum fuerit, videlicet per obedientiam Ioanni. XXIII. quæ apud alias duas obedientias, scilicet Gregorij, & Benedicti non credebatur facere Concilium vniuersale, siue Ecclesiam Catholicam representare, nō est multum ponderandum, sicut, nec multa alia ibi facta, sicut superius diximus in varijs locis, loquendo de decretis factis per illam obedientiam.

Secundo, dato quod concessa fuisset indulgentia per Concilium postquam fuerat congregatum ex omnibus tribus obedientijs ratio adhuc non militat, quia indulgentia illa non fuit plenaria, quæ resecratur Rom. Pontif. hoc enim non præsumperunt Prælati Constantiæ congregati scientes, quod cum ea, quæ sunt multitudinis aliorum, distribuere singulis de multitudine solum competet ordinaria potestate ei, qui multitudini præstet, distribuere verò thesaurum Ecclesiæ Papæ solum competit, qui toti Ecclesiæ præstet, & non multitudini, vt S. Thom. in 4. dist. 20. dicit. Præterea, cum ad sponsum solum pertinere videatur dispensatio dotis sponsæ, vt in lege dote ancillam Cod. de rei vend. & ad Patrem familias thesauri domus in l. fin. Cod. de bonis, quæ liberis, & huiusmodi, sic Summus Pontifex, ad eū solum auctoritate ordinaria, qui solus vocatus est in plenitudine potestatis pertinet dare plenariam indulgentiam. Vnde ad Papam solum pertinet indulgentiam plenariam concedere: ad multitudinem autē, siue congregatam, Synodalem orationum suffragia impartiri, quod apertissime colligitur ex forma indulgentiarum datarum in Lateranensi Concilio pro passagio, quæ habetur in cap. ad liberandum extrā de ludæis, & Saracenis, ubi Innoc. in apparatu, & post eum Io: Aud. formam Indulgentiarum, de quibus ibi fit mentio, narratis quibuscumque, ponentes talem dicunt fuisse formam Indulgentiarum. Nos ergo de Omnipotentis Dei misericordia, & beatorum Apostolorum Petri, & Pauli auctoritate consili, & ex illa, quam nobis, licet indignis, contulit Deus ligandi, atque soluendi potestatem, omnibus, qui laborem istum in proprijs personis subierint, & expe-

expensis suorum peccaminum, de quibus venia fieri corde contriti, & ore confessi, veniam, Indulgentiam, &c. sequitur infra: sancta vniuersalis Synodus orationum, & beneficiorum suorum suffragia impartitur, ut eis dignè proniciat ad salutem, datum Laterani 19. Kal. Ianuarij Pontificatus nostri anno 8. Ecce, quòd Synodus, tam vniuersalis, tam gloriosa, sicut illa non præsumpsit dare Indulgentiam, sciens, quòd ad sponsum, & ad thesaurarium, & præsidentem huiusmodi dispensatio tantummodò conueniebat, vnde Prælati Constantiæ existentes, non plenariam, sed multò minorem, scilicet centum dierum, vel 40. & hoc auctoritate Legatorum Dominorum Cardinalium præsati Ioannis XXIII. qui ex antiqua consuetudine dant centum dies Indulgentiarum, licet Concilio ascripserit.

Tertiò dato, quòd illa Indulgentia plenaria fuit, postquam omnibus tribus obedientijs simul conuenientibus Concilium habitum est, indubitatè dicimus, quòd data est sub spe rati habitationis futuri Romani Pontificis, & ita ratio non procedit.

Ad quartum de Concilio Senensi, respondetur, quòd non est ad propositum, quia Concilium illud non dedit Indulgentias, licet statuerit, quòd Indulgentiam talem, vel talem consequenter præsantes fauorem Inquisitoribus fidei, & quicquid ibi statutum fuit, de mente, & voluntate Summi Pontificis, & eius auctoritate, scilicet Domini Martini, vnde Indulgentia illa data, scilicet præsantibus fauorem inquisitoribus, sub bulla eiusdem Domini Martini, processit, vt à Domino Paduano bon. mem. qui in eodem Concilio vnus de præsidentibus fuit, sæpe numero Basileæ audiuius.

Ad quintum, quòd Inducitur de Basileensi Concilio supra respondimus, quòd cum in illo multa presumptuose in totius Ecclesiæ perturbacionem atque ueritatem fuerint, magis memoria illorum execranda veniit, quam ex eo exempla sumenda.

C A P. XLIV.

In quo ostenditur, quòd Romanus Pontifex auctoritate iurisdictionis superior sit vniuersali Concilio.

ETSI ex antedictis possit quisque doctus sufficienter intelligere veritatem huius questionis, quæ inter multos decurrit. An scilicet Romanus Pontifex superior sit iurisdictionis auctoritate vniuersali Concilio, vel è conuerso nihilominus pro ampliori illustratione veritatis, hoc paucis rationibus probare volumus, videlicet, quòd Romanus Pontifex superior sit vniuersali Concilio, capiendò vniuersale Concilium, vt dicit distinctam congregationem Prælatorum vniuersalis Ecclesiæ conditinctam contra Romanum Pontificem, licet autem ad hoc probandum efficaces sint omnes rationes, quas supra in secundo libro induxi ad ostendendum;

quòd in Ecclesia necessariò esset dandus vnus Rector, & Princeps supremam potestatem habens super totam vniuersalem Ecclesiam, quem ipsum vniuersale Concilium repræsenteret, nihilominus in speciali, & ex proprijs illud probamus.

Et primò sic; omne, quòd tribuit alteri potestatem est superius illo cui auctoritatem tribuit. Hoc patet; quia causa potior est suo effectu, sed Papa tribuit auctoritatem Concilio vniuersali, vt supra circa cap. 32. sufficienter ostendimus, & habetur dist. 18. per totum, & extra de electione cap. significasti. Ergo Papa auctoritate iurisdictionis superior est vniuersali Concilio. Consequentia est bona.

Secundò, omne, quòd tribuit esse, & quasi formam alteri, est superius illo, cui esse tribuit, patet hoc, sed Papa tribuit esse, & quasi formam vniuersali Concilio, illud conuocando, & approbando, patet. Nam absque Romani Pontificis licentia celebratum non Concilium, sed conciliabulum; aut contenticulum nominatur, vt in cap. in multis dicitur dist. 18.

Tertiò sic; omne illud, quòd in aliqua communitate habet rationem Rectoris, & Præsidentis, est superius auctoritate tota illa multitudine, cui præsert, vt Rector, patet, & colligitur ex primo politicorum, sed Papa, est Rector, & Præsident Concilio, vt ostendimus supra in cap. 22. ergo idem, quòd prius.

Quartò sic; Papa tribuit robur Canonibus, & confirmat sententias Conciliorum vniuersalium, vt multipliciter ostendimus supra in cap. 34. ergo Papa est superior iurisdictionis auctoritate vniuersali Concilio, consequentia patet.

Quintò sic; Sedes Apostolica absolute, quandoque quòd Concilium ligat, & damnat ergo sequitur, quòd Romanus Pontifex sit superior auctoritate Concilio vniuersali, consequentia patet, & colligitur manifestè ex cap. inferior dist. 21. antecedens patet, ex eo quòd Papa Nicolaus in epistola, quam scribit Patriarchæ, & toti clero Constantinopolitano: Necnon, & Patrum, & prædecessorum nostrorum secuti vestigia, qui soliti sunt etiam vniuersorum Concilia nequiter celebrata cassare, Pontificum, si qua socia sunt crebro dixit, vel exemplaria fortassis epistolæ, quin potius non solum hoc, sed & omnia scripsit, vel aduersus fratrem, & Coepiscopum nostrum Ignatium, & inique confectæ, vel aduersus nos, causam illius canonice prosequentes furiosè deprompta sunt, perenni damnationi mandamus. Hac ibi.

Item patet ex eo, quòd Papa Delagius vniuersis Episcopis per Dardaniam constitutis scribens, vt habetur in cap. cuncta per Maudum 9. quest. 3. ait. Sed nec illa præterit, quòd Apostolica Sedes frequenter more maiorum, etiam sine vlla Synodo precedente exoluendi, quos Synodus iniqua damnauerat, & damnandi nulla existente Synodo, quos oportuit, habuit facultatem, & hoc nimirum, pro suo Principatu, quem beatus Petrus Apostolus Domini voce, & tenuit semper, & tenebit, sanctæ quippè memoriz Athanasij Synodus Orientalis addi-

xerat,

erat, quem tamen exceptum Sedes Apostolica, quia damnationi græcorum non consensus, absoluit. Sanctæ memoriæ Ioan. Constantinopolitani Synodus Catholicorum Præsulum damnauerat, quem simili modo Sedes Apostolica, quia non consensus, absoluit.

Itaque sanctum Flavianum Pontificem Græcorum damnatum pari renore, quoniam sola Sedes Apostolica nõ consensit, potius, qui illic receptus fuerat, Sedis secundæ Præsulum sua auctoritate damnauit, & impiam Synodum non consentientem sola submouit, & auctoritatem, vt Synodus heret Chalconensis sola decreuit. Hæc ibi. Ex quibus manifestè patet falsitas interpretationis cuiusdam aduersarij, qui vt scribit, auctoritas Apostolicæ Sedis poterat absoluerè, quem Concilia Prouincialia, siue Patriarchalia damnauerant, non autem quos vniuersalia, vniuersale enim fuit Ephesium secundum, in quo Flavianus Præsidentis Papæ fuerat condemnatus.

Sexto sic: solus Roman. Pontif. est vocatus in plenitudinem potestatis, solus ipse habet potestatem illimitatam, in cuius argumentum, vt dicit S. Thom. in 4. dist. 24. Papa non vitur baculo, sicut alij Episcopi, in signum, quod non habet coartatam potestatem, quam curatio baculi designat, sed alij Prælati, ex quibus congregatur Concilium, conuocati sunt in partem sollicitudinis, vt in cap. decreto, ait Gregor. II. quæst. 6. ita habent potestatem limitatam, ergo sequitur, quod Papa sit superior auctoritate vniuersali Concilio.

Septimo sic: omnis Pastor superior est auctoritate grege suo, pater, sed Papa, est Pastor omnium omnium Christi, secundum illud Ioann. ult. [Pascite oues meas,] & Concilium vniuersale pertinet ad gregem Christi, vt patet: ergo necessarium consensendum est, quod Papa sit auctoritate superior Concilio vniuersali. Confirmatur sic ista ratio: Concilium vniuersale solum sumptum à Papa, aut est Pastor, aut ouile, siue grex, non potest dici, quod sit Pastor, quia non potest assignari cuius gregis, aut ouis sit Pastor, patet, quia non potest dici, quod sit Pastor vniuersalis Ecclesiæ, quia cum illam repræsentet, & auctoritate illius dicatur fuleiri, non potest dici Pastor eius, sicut nec superior illa, non potest dici, quod sit caput fidelium singulorum, qui sunt extra Concilium. Tum quia, etiam illos repræsentat, & sic repræsentatiuè ipsi. Tum quia, Papa est Pastor omnium fidelium, vnus autem ouilis vnus esse Pastor secundum illud Ioann. 10. [Erit vnus ouile, & vnus Pastor.] Si autem Concilium est grex, necesse est si sit grex ouium Christi, & non diaboli, quod sit sub Romani Pontificis cura, & potestate, cui in beato Petro Christus vniuersas oues suas sine exceptione quacumque pascendas commisit.

Octauo sic: caput superius est non solum sit, sed etiam auctoritate toto residuo corpore, pater, sed Roman. Pontif. est caput Concilij. Ergo necessariò dicendum est, quod sit superior auctoritate vniuersali Concilio. Consequencia est manifesta, maior est nora, minor etiam notissima, cum sit caput vniuer-

salis Ecclesiæ, quam repræsentat ipsum Concilium, vt in superioribus est demonstratum, vnde etiam beatus Chrysost. beatum Petrum verticem nominabat Apostolici chori, & Synodus Chalconensis Leonem Papam caput suum profitebatur aperte, vt superius introductum est.

Nono sic: Christus est superior vniuersali Concilio potestate auctoritatis, vt pater, ergo, & Papa, patet consequentia, quoniam Papa est Vicarius generalis eius, vices ipsius gerens in Ecclesia Dei, & præsequens in Concilio vniuersali, ergo Papa est super Concilium vniuersale. Vnde beatus Cyrillus in libro thesaurorum dicit, quod Apostoli in Euangelij, & epistolis affirmant Petrum esse loco Domini, & eius Ecclesiæ eidem dantes locum in omni capitulo, & omni electione.

Decimo, Papa, qui præest auctoritate, & prælatione toti Ecclesiæ Dei, vt potè, qui caput, & Princeps eius est, vt in secundo libro multipliciter probatum est. Ergo etiam superior est vniuersali Concilio illam repræsentanti. Consequentia est nota ex alijs etiam dicendis infra hoc magis firmabitur. Ex quibus iam dictis, & superius per diuersa capitula explanatis, facilius quisque intelligit Papam multipliciter esse supra Concilium, videlicet causalitate prælationis, dignitate amplissime auctoritatis, & extensione administrationis. Ex quo manifestè conuincitur error dicentium Concilium vniuersale maius simpliciter Roman. Pontif. auctoritate, & potestate iurisdictionis.

CAP. XLV.

In quo ponuntur aduersariorum obiectiones.

Contra iam dicta de auctoritate Roman. Pontif. & superioritate super vniuersalia Concilia aduersarij multa moluntur, & inducent, vt eis appareat, pro se plurima de auctoritatibus sacre Scripturæ, & de vniuersalibus Concilijs, atque de dictis sanctorum Patrum sumpta, addentes insuper aliquas rationes, de quibus multis principaliora, & quæ eorum iudicio potiora, sunt colligemus, quæ sequuntur.

Primo enim arguunt ex illo Matth. 18. [Si peccauerit in te frater tuus, &c.] sequitur: [Dic Ecclesiæ] in quo loco Petrus, qui futurus ordinabitur Summus Pontifex, remitti videtur ad Ecclesiam in casu iudicii, sicut ad tribunal maius, & per consequens non dubium, quin Ecclesia vniuersalis Synodali ter congregata sit superior ipso Papa, cum nullus remittatur in tali casu, nisi ad superiorem. Quod autem Concilium vniuersale sit intelligendum per Ecclesiam, cui Christus dixit [Dic Ecclesiæ.] Probare nituntur ex tribus:

Primo per Gregor. qui in registro suo epistola 265. reprehendens Ioannem Constantinopolitanum, eo quod vniuersalem se vocabat, dicit sic:

[Nos quidem, in quibus talis, tantaque

que per aulum temerarium culpa committitur, seruamus, quod præcepit veritas, dicens: Si peccauerit in te frater, &c. sequitur. & go itaque per responsales meos semel, & bis, verbis humilibus hoc, quod in tota Ecclesia peccatur, cōtēpse studui; per me scribo quicquid humiliter facere debui, non omisi, in mea cōtēpse despiciat. Restat, vt Ecclesiam habeam adhibere.] Hæc Gregorius.

Vbi dicit aduersarius, quod per ly Ecclesiam adhibendam, Gregor. intelligat Concilium vniuersale.

Item, idem probare secundo nituntur auctoritate Nicolai Papæ, qui in cap. præcipue 9, quæst. 3, ita dicit Regi Lothario:

Ceterum quæ, ne quando nobis secundum præceptum Domini duos, vel tres testes adhibeamus, immo verò hoc sanctæ Ecclesiæ dicamus; & quod non optamus, de cætero cunctis fiat ethnicus, & publicanus,] Hæc ibi.

Dicit aduersarius, quod per ly sanctæ Ecclesiæ dicere, intelligat dicere Concilio vniuersali, tamquam tribunali maiori.

Tertio, probare nituntur per Albertum Magnum, qui dicitur sic exposuisse auctoritatem illam, dic Ecclesiæ, idest Prælati, vel Synodo.

Secundo, principaliter arguunt ex illo Act. 8. vbi dicitur, quod cum audissent Apostoli, qui erant Hierosolymis, quod recepit Samaria verbum Dei, miserunt ad illos Petrum, & Ioannem. Ex quo arguunt, quod commissio importat superioritatem in iudicando respectu missi, quod Collegium Apostolorum, quod representat Concilium vniuersale, esset maius, & superius auctoritate ipso Petro, & per consequens Concilium vniuersale ipso Romano Pontifice.

Tertio, ex illo Act. 15. vbi cum quæstio fieret super obseruatione legalium inter Apostolos, Petrus volens votum suum dicere, surrexit, vt ait textus: [Surgens Petrus, dixit ad eos.] Quod videtur fecisse in signum reuerentiæ, reuerentia debetur superiori. Ergo videtur, quod Collegium Apostolorum fuerit superius auctoritate Petro.

Quarto, ex Concilio octauo Constantinopolitano, in quo habetur sic:

Si Synodus vniuersalis fuerit congregata, & facta fuerit etiam de sancta Romana Ecclesia quævis ambiguitas, & controuersia, oportet venerabiliter, & cum conuenienti reuerentia de proposita quæstione sciscitari, & solutionem accipere, aut proficere, aut profectum facere, non tamen sententiam audacter dare contra Summos Seniores Pontifices. Ex quo exaduerso arguitur, quod Synodus vniuersalis, dum tamen non audacter, sed cum conuenienti reuerentia, aduersus Romanum Pontificem posset proferre sententiam, si fuerit in iudicium, & per consequens, quod Synodus vniuersalis superior sit auctoritate Papa.

Quinto, ex Concilio Constantien. vbi declaratum est, quod Concilium vniuersale habeat a Deo immediatè potestatem, cui quilibet Fidelis cuiuscumque dignitatis sit, etiam Papalis, tenetur obedire.

Sexto, ex eodem Concilio vniuersali,

Papa Martinus, approbante eodem Concilio, condemnans articulum illum, non esse de necessitate salutis; credere Romanam Ecclesiam esse supremam inter alias Ecclesias. Dicit error, si per Romanam Ecclesiam intelligatur vniuersalis Ecclesia, aut Concilium generale, aut pro quanto negaret Primatum Summi Pontificis super alias Ecclesias particulares. Ex quo arguitur ex aduerso, quod Concilium legitime congregatum sit super omnes Ecclesias, & earum Rectores, & ita supra Romanam, & eius Pontificem.

Septimo, ex verbis Hilarij Papæ, qui cum quandam edidisset constitutionem, corrigens excessus quorundam, sic ad congregatam Synodum dixisse fertur; vt haberetur in cap. quod quis 25. quæst. 9. quod, vt deinceps possit illa tenacius custodire sancta Synodus sententiam, & propriam subscriptionem accomodet, vt Synodali iudicio aditus recludatur illicitus. Ex quo arguitur ex aduerso, Papam in Ecclesiæ reformatione Synodi congregare iudicium, vt supremum tribunal cognouisse, cum potentius Synodali iudicio, quam suo aditum ad illicita posse claudi iudicauerit.

Octauo, ex verbis Symmachij Papæ, qui in Synodo præsidens cum de validitate cuiusdam scripturæ, qua cautum erat, vt si Romanum Pontificem hoc ex seculo migrare contingeret, non sine Præfati Vrbis consultatione cuiusquam noua celebraretur electio, quæstionem referret in medium, illam voluit in sancta Synodo perlegi, vt cuius esset vigoris possit agnosci, dicens, id agere ne ipsum, in posterum disputare contingeret cum sacra posset Synodus iudicare, &c. vt in cap. bene distincta. 96. Ex quo exaduerso arguitur, quod Romanus Pontifex proficeretur sanctam Synodum iudicare posse super eo, quod abulum continet, & diminutionem Ecclesiasticæ libertatis.

Nono, ex 5. item Symmachus 2. quæst. 7. vbi ita inquit Gratianus:

[Item Symmachus Papa in Romana Synodo dignitate sua spoliatus, prius statui, pristino restitui discernitur, & tunc venire ad causam, & si ita rectè videretur, accusantium propositionibus responderet, digna res visa est, maximo numero Sacerdotum, ac meretur effectum, sed cum postmodum ordinaretur, quomodo esset accusandus præfatus Papa, vt causam diceret, occurrebat, sed ab emulis est impeditus, &c.]

Ex his arguitur ex aduerso, lucidè haberi, quod Romani Pontif. causam, si in iudicium fuerit, si velut spoliatus restitutioni, siue recuperationi intendat, deferri debere supremo tribunali vniuersali Concilio.

Decimo, ex cap. prouidentiz distinct. 99. vbi beatus Anacletus, & Papa Lucius etiam in cap. Verbes distinct. 80. planè dicunt, non solum Petrum, sed etiam omnes Apostolos, in quibus ipse includebatur tamquam primus, distinctiue Prouincias, Patriarchas, Archiepiscopos, & Episcopos consiluisse, quæ omnia signum sunt iurisdictionis eminentissimæ.]

Ex quo arguunt, quod Petrus non fuerit maior Collegio Apostolorum, & per consequens nec Papa vniuersali Concilio.

Vnde

Vndecimò sic: Eleutherius Papa dicit in cap. quavis 3. quæst. 6., quòd à Cœru Apostolorum, quem generalis Synodus repræsentat, definitum esse, nquini Romanum Pontificem definire Pontificum accusatio- nes.

Item Iulius Papa dicit in cap. dudum 3. quæst. 6. à sanctis Apostolis, & sic ab eorum Cœru statutum fuisse, non oportere absque sententia Romani Pontificis, Concilia celebrari. Quæ quidem, inquit aduersarii, euidentiſſimè demonstrant superioritatem congregatorum Apostolorum; & consequenter Concilij vniuersalis in Romanum Pontificem, cum ex eorum decretis, & non è contra Petri potestas fuerit sublimata.

Planè, etsi definitionem causæ accusati Episcopi transulerit Cœrus Apostolicus in Romanum Pontificem, non tamen illam à se abdicauit; & consequenter nec à Synodo generali, vt est clarissimus textus 4. quæst. 5. quilibet.

Duodecimò arguunt sic: Romanus Pontifex tenetur obedire statuti vniuersalis Concilij, & illa seruare, nec posse soluere, vt patet in cap. sicut, dist. 15. inquit Gregor. & etiam idem habetur cap. contra 25. quæst. 1. & per multa capit. ibidem. Ergo, &c.

Decimotertiò sic: sententia Romani Pontificis examinatur in Concilijs vniuersalibus. Ergo videtur, quòd vniuersale Concilium superius sit potestate, & auctoritate Romano Pontif. Consequenter videtur nota. Antecedens nititur ostendere tribus exem- plis:

Primò, de depositione Dioscori facta per Leonem Papam, quæ fuit examinata in Concilio Chalcedonenſi.

Secundò, de depositione Pyri, & Sergij facta per Martinum Papam in Synodo Romana, quæ fuit examinata in Synodo Constantinopolitana.

Tertiò, de depositione Photij Constantinopolitani, quæ fuit per Nicolaum, & Hadrianum Romanos Pontifices, quæ post examinata fuit in octaua Synodo.

Decimoquartò sic: auctoritate beati Ambrosij in epistola 72. vbi ipse referens epistolam beati Damasi Papæ directam Iudicibus deputatis à Capuen. Synodo in causa Bonosi Episcopi, sic dicit, eum dixisse pro veritate, vel pro modestia nostram sententiam fuscitare voluisset; sed cum huiusmodi fuerit Concilij Capuenſis iudicium, vt finituri, Bonoso, ac eius accusatoribus Iudices tribuerent, & præcipuè Macedones, qui cum Episcopo Thesalonicensi. de eius factis agnoscerent, aduertimus, quòd nobis iudicandi forma competere non posset. Nam si integra esset hodie Synodus rectè de his, quæ comprehendit vestrorum scriptorum series, decerneremus. Vestrum est ergo, qui hoc receperitis, iudicium sententiam ferre de omnibus. Vicem enim Synodi accepistis, quos ad examinandum Synodus elegit. Denique, cum Bosus Episcopus post iudicium vestrum misisset ad fratrem nostrum Ambrosium, qui eius sententiam consulere, interdiciam sibi Ecclesiam, interrumpere, ac ingredi responsiui est ei, quòd nihil temeran-

dum foret; sed omnia modeste, & patienter oportere ferenda, nec contra sententiam vestram tentandum aliquid, vt quòd videretur nobis iustitiz, conuenire statueritis, quibus hæc Synodus dederat auctoritatem. Et idèò primum est, vt hi iudicent, quibus iudicandi facultas est data. Vos enim totius, vt scripsimus, Synodi vice discernitis. Nos enim quasi de Synodi auctoritate iudicare non conuenit, &c.] Et infra subiungit sic: [Vndè vestræ normam expectamus sententia.] Hæc ibi.

Ex hoc arguunt aduersarii, quòd Romanus Pontifex faceret, quòd si Synodus integra fuisset, hoc est si alteri causam non delegasset, ipsum de causa potuisse cognoscere. Sed quia Synodus alij delegando præuenit, dicit se iudicandi onus non posse assumere, cum illi Synodi vice decernant, sibi autem de Synodi auctoritate iudicare, non conuenit, cum tamen si ipse Synodo superior, foret aduocare posset causam per Synodum delegatam, de appellat. cap. vt nostrum.

Decimoquintò sic: ex auctoritate eiusdem Ambrosij, qui in quadam præfatione dedicationis Altaris maioris Ecclesiæ Mediolanen. inter alia, dicit sic:

[Per Christum Dominum nostrum, qui eminentiam potestatis acceptæ Ecclesiæ contulit, quam pro honore suscepto Reginam constituit, & Sponsam, cuius sublimitati vniuersa subiaceret, &c.]

Ex quo arguitur sic ex aduerso: si igitur eminentiam potestatis acceptæ contulit Ecclesiæ vniuersa eius subiiciens potestati, necessario contulit, quòd in eandem transulit potestatem Summum Pontificem iudicandi in casu necessario.

Decimosexto sic: auctoritate beati Hieronymi, qui in cap. legimus dist. 93. dicit sic:

[Si auctoritas quaeritur Orbis, maior est Vrbe.]

Ex quo arguitur ex aduerso, quòd si auctoritas Orbis, maior est Vrbe Romanæ Ecclesiæ. Ergo Concilij vniuersalis potius, & maius est iudicium, in quo representatio est Orbis.

Decimoseptimò, auctoritate eiusdem Hieronymi sic:

[Hieronymus loquens in quadam epistola ad Damasum Papam de supremo ordine Ecclesiæ, scilicet Episcopali, sic ait: [De hoc officio amplius disputare non possum, quoniam quicquid in Clericis consecratum, est, prædixi, Episcopum solum habere, manifestum est. In illis partes, & membra virtutum, in Episcopo plenitudinem Diuinitatis corporaliter habitare; atque ita est, vt in Episcopis Drum, in Presbyteris Apostolos, qui & ipsi sunt recognoscas.] Et infra: [Omni enim potestatem Deus Discipulis dedit; & Moysen Dominum dici voluit Pharaonis.]

Ex hoc arguitur ex aduerso, quòd si Dominus Deus omnem potestatem dedit Discipulis suis, sequitur, quòd & potestatem supra Romanum Pontificem dedit Apostolis congregatis, quorum vices representant Episcopi congregati in vniuersali Concilio. Consequentiam probare nituntur per hoc, Yyy quod

quod Apostolus loquens de Christo ad Hebræos 2. super illud Psal. [Omnia subiecisti sub pedibus eius ;] dicit in eo, quod dicit, omnia subiecit, nihil dimisit non subiectum ei.]

Decimo octauo sic : ex dictis beati Augustini in epistola quadam, quam scribit ad Gloriam I. Iulium, & Felicem Grammatici, qui aduersus Donatum, & aliquos alios calumniatores sententiam, quam Melchisedech Papa cum Episcopis quibusdam promulgauerat, in qua Cæcilianum Episcopum in suo Episcopatu confirmauerat scribens, ita dicit :

Ecce putamus illos Episcopos, qui Romanæ iudicauerunt, non bonos Iudices fuisse. Restat adhuc plenarium vniuersalis Ecclesiæ Concilium, ubi etiam cum ipsis Iudicibus causa posset agitari, & si malè iudicasset, conuicti essent, eorum sententiæ soluerentur.]

Ex hoc arguitur ex aduerso, quod sententia data per Romanum Pontificem, si recta non fuerit, retractari posset per vniuersalem Synodum, tamquam per tribunal superioris.

Decimonono sic : ex dicto Augustini, qui in cap. putò 2. qu. 7. ita dicit :

[Cum Petrus à Paulo posteriore corrigitur, & pacis veritatis vinculo cufodito ad martyrium promouetur, quanto facilius, & fortius, quod per vniuersam Ecclesiæ statutum firmatum est, vel vnus Episcopi auctoritati, vel pro vnus Prouinciæ Concilio præferendum est.] Ex quo ex aduerso concluduntur duo :

Primum est, quod Petrus, licet esset Summus Pontifex, non rectè agens, à Paulo benè sentiente licetè argui potest.

Secundum est, quod statutum vniuersalis Concilii statuto cuiuslibet Episcopi, etiam Romani præferendum sit.

Vigesimo sic, ex glossa in cap. Anastasius distinct. 19. ubi ponitur, quod ubi de fide agitur, tunc Synodus maior est Papa.

Vigesimo primo sic : Concilium vniuersale non potest errare in fide, vt videtur, Papa verò sic, vt in cap. si Papa dist. 40. Ergo Concilium vniuersale est superius Romano Pontifici.

Vigesimo secundo sic : ex gestis octauæ Synodi, ubi reperitur dixisse Zacharias Episcopus contra sententias Nicolai Papæ, & Adriani Summorum Pontificum, & omnium Patriarcharum Canon Princeps est; & secundum illum agentes, nihil faciunt extrà illud, quod decet : cum verò extrà hunc faciunt, siue Papa Nicolaus, siue alius quis, non acquiescimus. Ergo videtur, quod si Canon sit Princeps Papæ, quod per consequens Concilium.

Vigesimo tertio sic : Concilium vniuersale iudicat, & deponit Papam, ergo Concilium vniuersale est auctoritate superius Papa consequentia est manifesta, quia huiusmodi iudicium non est, nisi superioris, vt patet ex cap. inferior dist. 21. autecedens etiam patet, tum ex cap. præallegato, si Papa dist. 40. tum ex practica sepe habita in Ecclesia.

Vigesimo quarto sic : si Concilium vniuersale non est maioris auctoritatis, quam Papa, tunc frustra sit celebratio vniuersalium

Conciliorum, sed hoc non est dicendum, et, go idem, quod prius.

Vigesimo quinto, in cap. de quibus dist. 20. traditur ordo talis seruandus in solutione alicuius questionis, vt primum recurreretur ad scripta veteris, vel noui testamenti, secundò ad canones Apostolorum, vel Conciliorum tertio, ad decreta, & decretalia summorum Pontificum. Ex quo arguitur aduersarij, quod Concilium vniuersale, cuius sunt caues, sit superioris auctoritatis, quam Romanus Pontifex, cuius sunt decretalia. Alia argumenta tanguntur, cum de appellatione, infra erit sermo, & alia tacta sunt in secundo lib. circa cap. 97.

C A P. XLVI.

In quo respondetur obiectionibus præfatis.

HIs non obstantibus, quibus facile est respondere, licet sint multa numero, standum videtur firmiter in sententia prius posita, videlicet, quod Papa Christi generalis Vicarius, & vices suas, & locum tenens in terris, non solum quolibet prælato Ecclesiæ particulari est auctoritate maior, acque superior, sed etiam Concilio vniuersali ex omnibus alijs mundi prælatis congregato, vnde dicendum est ad singulas rationes.

Ad primam respondemus, sicut aliàs in secundo libro cap. 98. responsum est plenius, ubi in conclusione habuit est, quod per ly Ecclesiam, ad quam sicut ad iudicem videtur quilibet fidelis remitti, in auctoritate illa Matth. 17. dic Ecclesiæ, non est regulariter accipienda vniuersalis Ecclesia, nec per Orbem dispersa, nec in vnum synodaliter congregata, sed prælatus Ecclesiæ, iuxta expositionem Chrysostomi, beati Augustini, & beati Thome, & quasi omnium Doctorum antiquorum. Ad illa autem testimonia inducenda per aduersarios ad probandum, quod præfatus tex. dic Ecclesiæ, sic intelligendus de Concilio vniuersali : respondemus, quod falsum, sit, quod aliqui illorum Doctores voluerit hoc intelligere, quod patet discurrendo per singulos. Non quidem beatus Gregorius, cum ait, restat vt Ecclesiam habeam adhibere, quoniam ibi Ecclesiam, non vniuersalem Ecclesiam, quæ collectio est omnium fidelium, nec synodum vniuersale vocat, sed disciplinam, aut censuram Ecclesiasticam auctoritatis, quod patet manifeste ex duobus. Primo, ex forma sermonis, ait enim, si in mea correctione despicias, restat, vt Ecclesiam debeam adhibere, quod nihil aliud videtur sonare, quam si in mea correctione, quam sepe feci meis literis, & per nuncios meos despicias restat, vt disciplinam Ecclesiasticam adhibeam, puta excommunicationis, vel suspensionis. Secundo, colligitur hoc idem ex gestis Beati Gregorij, circa illam causam, quoniam despectus Beatus Greg. in correctione sua à præfato Ioanne Patriarcha Constantinopolitano, non adhibuit vniuersale Concilium ad correctionem illius, sed disciplinam Ecclesiasticam, vnde mandauit responsalibus suis,

fuis, quos ad Constantinopolim mittebat, ne communicaret cum eo in diuinijs, vnde idem Gregorius scribens Imperatori Mauritio, de eodem dicit, eundem fratrem, & confacerdotem meum studiosè admonere curavi vt si pacem omnium concordiamque desiderat, à stultijs vocabuli appellatione compescatur.

Item in epistola frequenti ad Eugenium Episcopum Alexandrinum, & Anastasium Episcopum Antiochenum, de Cyriaco Patriarcha, qui secutus fuerat Ioannem in usurpatione nominis vniuersalis, dicit sic: meus verò dyaconus cum prædicto fratre nostro Cyriaco, missarum solemnias celebrare non debet, quia prophanum vocabulum culpa superbie, aut commisit, aut sequitur, ne si, quod absit, et tali elatione posito procedit, vanitatem stulti nominis confirmare videamur, eundem verò fratrem admonere studui, vt se à tali superfluitate corrigat, quia si hanc non correxeris, pacem nullo modo nobiscum habebit.

Item in epistola alia ad eundem Cyriacum patriarcham, ita scribit. Cum ea charitate, qua dignum est, studemus, vt prophanam elationem peruersi, superbieque vocabuli scandalum de medio Ecclesiæ sistinet auferre, ne à pacis nostræ societate diuisi inueniri possint, hæc ille: Ecce quod beatus Gregorius vocat Ecclesiam, quam adhibere, vel adire vult, quia non nisi Ecclesiasticam censuram, quam ipse facere poterat.

Secundò, responderi potest, quòd dato, quòd beatus Gregorius per Ecclesiam ibi, vniuersale Concilium intelligere voluisset, non sequitur propter hoc, quòd Concilium vniuersale sit superius auctoritate Romano Pontificis, cum vt ipse Gregorius scribens Imperatori Mauritio contra præfatum Ioannem Patriarcham Constantinopolitanum, dicat: Ecce claus Regni Cælestis accepit Petrus, potestas ei ligandi, & soluendi tribuitur, curam ei totius Ecclesiæ, & principatus committitur, & tamen vniuersalis Apostolus non vocatur, vnde non est accipiendum, quòd adhibere erat Ecclesiam, tamquam tribunal maius, sed ad maiorem confusionem, & erubescientiam illius, quemadmodum inquit glossa. Hieron. super illud Matth. 18. dic Ecclesiæ, vt scilicet maiorem erubescientiam patiat, post hæc omnia sequitur excommunicatio, quæ ferri debet per os Ecclesiæ, idest per sacerdotem. Quod verò secundò inducitur ex cap. præcipue 60. quæst. 3. etiam non facit pro aduersarijs, quia cum Nicolaus Papa dicit, quòd dicamus Ecclesiæ, nomine Ecclesiæ non intelligit vniuersale Concilium, sed seipsum designat, vt in iudicio præsentem. Nam, vt S. Thomas, tam in 4. dist. 19. quam in 2. a. quæst. 34. pertractans intellectum præfate auctoritatis: Si peccauerit in te & dic Ecclesiæ, dicit: Quòd Præfato in iudicio præsentis, est dicere Ecclesiæ, & quòd ita sit in præsentem loco, patet per gloss. præfati cap. quæ ita habet, sic ergo in causa denunciationis idem potest esse Index, accusator, & testis extra de lymou. cap. licet. Quod vero tertio inducitur ex Alberto Magno, non facit pro aduersarijs propter duo. Primò, quia falsum est, quòd ita Albertus Magnus dixerit, sicut allegatur, sed verba sua formalia sunt, quæ

sequuntur: dic Ecclesiæ, idest præfato in conspectu, vel synodo, ita quòd, synodo, est ablatiu casus sicut ly conspectu. Secundò, quia dato, quòd diceret Albertus, sicut inducitur est axaduerso, non sequitur propter hoc aliqua superioritas in synodo supra Romanum Pontificem, vt manifestum est.

Ad secundam rationem principalem de aëibus Apostolorum 8. cap. respondetur, quòd falsum est, quòd semper missio importet superioritatem in mittente respectu personæ missæ, vt plenissimè ostendimus in 2. lib. cap. 14. ibi videatur.

Ad tertiam, quæ sumitur ex illo act. 15. surgens, & dicendum, quòd parū valet, quoniam beatus Petrus non dicitur surrexisse ad loquendum propter reuerentiam exhibendam alijs Apostolis, tamquam maioribus, aut subiectionem ostendendam, cum Princeps esset Apostolorum, & caput Apostolici Chori, sed vt in tanta multitudine melius audiretur, vt Nicolaus de Lyra exponens illud act. 15. surgens Petrus dicit. Ex simili modo respondetur ad aliam obiectionem aduersariorum, quæ arguitur ex eo, quòd præfates Papæ leguntur quandoque, cum deberent loqui, surrexisse in Concilijs vniuersalibus, sicut in 6. Concilio in actione 1.

Ad quartam de synodo 7. respondetur, quòd auctoritas illa sano oculo bene visa, consideratis etiam, quæ præcedunt, non facit aliquod pro aduersarijs, sed magis contra, quòd sic patet, dicit enim synodus illa: quòd si aliqua ambiguitas orta fuerit de Ecclesia Romana, liceat venerabiliter, & cum conuenienti reuerentia sciscitari, idest perferari de illa, & sic venerabiliter perferatur, solutionem accipere, aut proficere, aut profectum facere, non tamen audacter sententiam dare, & quasi rationem assignans subiungit, contra summum Senioris Romæ Pontificis, planè Romanus Pontifex, non esset summus, si contra eum ex superioritate, quis posset sententiam dare, consequentia verò, quam aduersarij faciunt dicendo, quòd synodus, & si non audacter, tamen reuenter posset ferre sententiam contra Romanum Pontificem, est nulla, quia in hoc vacat argumentum à contrario sensu, quia non esset reuerentia, sed irreuerentia, & consilio, & temeraria præsumptio, contra summum Pontificem inferiores Pontifices ferre sententiam, similia notat Archidiaz. in cap. non deceat dist. 12. super illo verbo præceptis Apostolicis non dura superbia resistatur, ita dicens: vacat hic argumentum à contrario sensu, quia non esset humilitas, sed indifferetio, si ei resistatur.

Ad quintam, quæ sumitur ex declaratione facta Constantiæ per patres aliquos obedientie Ioann. 23. sic in sua obedientia nominati, sufficienter respondimus supra lib. 2. cap. 94. ibi vide.

Ad sextam, quæ sumitur ex bulla Domini Martini, respondetur, negando consequentiam, quoniam ex hoc, quòd synodus vniuersalis dicatur suprema inter alias Ecclesias, nullo modo sequitur, quòd auctoritas superioritate sit super caput suum, quod est Romanus Pontifex maxime cum tota auctoritas ipsorum Conciliorum, & nomen, &

Dignitas ab Apostolica Sede, in qua Dominus totius Ecclesie posuit principatum, censetur dependere, vt dist. 17. per totum.

Ad septimam, quæ sumitur ex cap. quibus 35. quæst. 9. respondetur, quod aduersarij in duobus peccant. Primò, quia male allegant auctoritatem. Secundò, quia ex illa male concludunt, primum patet: text. enim ille non habet, sicut inductus est, sed sic dicit eum Hilarius Papa, quod scilicet, constitutum per eum, vt deinceps possit renacius custodiri, si placet, omnes vos sententias, & subscriptiones proprias accommodate &c. secundum patet, scilicet, quod ex illo text. male arguatur ex aduersò, quoniam Papa Hilarius non requirebat sententias, & subscriptiones patrum illius synodi, tamquam superioris tribunalis, sed maioris potestatis, sed quia omnium eorum inteneniente consensu, & approbatione, tenacius, vt habet rex, sententia sua, ac institutio custodiretur, superius enim diximus, quod consensus, & approbatio synodi multum operatur, tam ad faciliorem obedientiam statutorum Romani Pontificis, quam ad firmiorem custodiam eorum. Præterea si aduersarius considerasset plenè text. illum, magis inuenisset eum contrà se, quam pro se. Tum ex eo, quia Papa in illo Concilio dicitur præsidere: secundò, ex hoc, quod ipse solus regulam dabat in reformatione Ecclesie, & synodus assentiendo concurrebat.

Ad octauam, quæ sumitur ex cap. bene dist. 96. respondetur, quod in nullo fauet aduersarijs, sed maxime confirmat propositum, quoniam in isto loco non petit Papa, vt synodus sententiet auctoritatiue, tamquam superior, iudex, quid agendum sit de illa scriptura, sed tantum, vt consulat, siue dicat, quod appareat suo discretionis iudicio, verum aliquid roboris habeat illa scriptura, vel non? vnde omnes illi Episcopi, qui responderunt, quod nullius esset roboris, assignauerunt hanc rationem, quia Apostolica Sedis, quæ statutis synodalibus consuevit tribuere firmitatem, non erat auctoritate roborata. Præterea, hoc idem sit manifestum ex verbis ipsius synodi, quæ locuta est post præfatos Episcopos, sic dicens, licet secundum prosecutionem venerabilium fratrum nostrorum Laurentij, Petri, &c. nec apud nos habetur incertum, hanc ipsam scripturam nullius esse momenti, verumtamen, & si aliqua possit ratione subsistere, omnibus modis in synodali conspectu prouida beatitudinis tue sententia enervari conueniebat, & irritum deduci, &c. Ecce, quod synodus cognoscens principatum auctoritatis esse apud Romanum Pontificem, protestetur ad ipsam spectare in Synodo sententiam diffinitiuam dare, quid agendum esset circa præfata scripturam, vel declarando nullius esse roboris, vel cassando, siue irritando illam, & non ad synodum.

Ad nonam, quæ sumitur ex 6. item Symachus, respondetur, quod non fauet in aliquo aduersarijs, tum primò, quia synodus illa auctoritate ipsius Symachi Papæ præcedebat, tum secundo, quia dato, quod in casu aliquo, vt puta, quod Papa incusaretur de hæresi, aut spoliatus, & restituendus veniat, vel non: Concilium esset iudex com-

petens: iuxta notata per Doctores in cap. si Papa dist. 40. non propter hoc sequitur, quod concilium suprà Papam verum indubitarum esset superioritate auctoritatis.

Ad decimam, quæ sumitur ex cap. providentia, &c. respondetur, quod nihil facit ac propositum aduersariorum propter multa. Primò; quia Apostoli simul congregati Synodaliter non leguntur diffinisse aliquas prouincias, aut constituisse aliquos Patriarchas, siue Primates, siue Archiepiscopos, &c. secundò, quia, & si Apostoli dispersi per mundum prædicando, & conuertendo populos ad fidem Christi erexerint aliquas Ecclesias, & constituerint aliquos Prælatos hoc fecerunt auctoritate beati Petri, qui Princeps eorum erat, & quia, quod per Ecclesie Romanæ auctoritatem factum est, ipsa Ecclesia Romana dicitur scilicet; dicit enim Nicolaus Papa in cap. omnes dist. 22. omnes, siue patriarchæ cuiuslibet apicem, siue metropolitani Primatus, ac Episcopatum Cathedras, vel Ecclesiarum, siue cuiuscumque ordinis dignitatem, instituit Romana Ecclesia, illam vero ipse solus fundauit, & super petram videli mox nascentis erexit, qui beato Petro eternæ vitæ clauigero terreni simul, & cælestis Imperij iura commisit.

Ad vndecimam, quæ sumitur ex capit. quamuis & cap. dudum 3. quæ 6. respondetur

Primò, quod falsum dicunt aduersarij, videlicet, quod cætus Apostolorum, quasi synodaliter congregatus talia diffinierit nec hoc dicunt capitula inducta.

Secundò respondetur, quod, dato quod ita esset, quod aduersarius dicit videlicet, quod à cætu Apostolorum, quasi synodaliter congregatorum, fuerit diffinitum, non nisi Romanum Pontificem debere diffinire accusationes Episcoporum, & congregare vniuersalia concilia, non sequitur ex hoc, quod aliqua superioritas sit in Concilio suprà Papam, aut fuerit in Concilio Apostolorum suprà Petrum, tum primò, quia talis diffinitio non contulit Petro aliquam sublimitatem, sicut falsè & erroneè intelligit aduersarius sed bene declarauit id, quod ratione primatus Petro debebatur, tum secundo, quia falsum est, quod subiungit aduersarius, quod cætus Apostolorum transfudit in Petrum auctoritatem, tam de congregandis Concilijs vniuersalibus, quam de determinatione causarum Episcoporum, quoniam nihil auctoritatis Rom. Pont. ab Apostolis alijs suscepit, sed potius ipsi ab eo, vt superius lib. 2. c. 54. multipliciter ostendimus, & habetur in cap. ita dominus dist. 19. & in cap. loquitur 24. quæst. 1. quod verò aduersarij inducunt de cap. quilibet, vbi videtur, quod olim primas, vel Concilium deponebat Episcoporum, parum valet, quia hoc fuit de licentia Papæ vt dicit gloss. in cap. accensat. 3. q. 6.

Ad duodecimam in qua dicitur, quod Papa teneatur obedire &c. respondetur, quod dupliciter potest intelligi Papam teneri obedire statutis Concilij vniuersalis, vno modo quia statuta sunt Concilij vniuersalis: & sic dicimus, quod falsum est, quod Papa teneatur necessario obedire statutis cuiuscumque Concilij, quoniam taliter teneri obedire statuta alterius designat inferioritatem in eo, qui obe-

obedire teneatur : cum autem Papa sit super omnia Concilia, ut probatum est hoc modo, nullo modo dicendum est teneri de necessitate obedire cuicumque, nisi Deo, qui solus est eo superior, sicut de hoc nos infra plenius loquimur. Alio modo potest intelligi teneri obedire statutis Concilij, non quia sunt statuta Concilij, sed quia sunt de tali materia, puta fidei, aut sunt spectantia ad ius diuinum, sicut potissime sunt statuta, siue diffinita pro maiori parte quatuor Conciliorum vniuersalium, de quibus Greg. loquitur in cap. sicut dist. 15. cap. contra 25. qu. 1. & alia similia, & hoc modo obedire teneatur statutis Conciliorum, approbatis tamen per Sedem. Apostolicam ratione materiz, de qua loquuntur, non arguit superioritatem in Concilijs supra Papam, sicut nec in prædecessore si similia statuat, quæ conseruent fidem, aut ius diuinum, sicut Greg. in cap. si ea. 25. qu. 1. dicit. Si ea destruerem, qui antecessores nostri statuerunt, non constructor, sed euerfor esse comprobaretur. & hoc est, quia talia sunt diffinita in Concilijs vniuersalibus, non habent robur à Concilijs, sed à iure diuino, cui subijcitur Papa, vnde etiam gloss. super cap. sicut dist. 15. dicit sic: videtur ergo, quod Papa non possit destruere statuta Concilij, sed intellige, quod hic dicitur contra articulos fidei. I. e. Dominus Archi. in rosario ad idem respondens dicit sic, fateor in his quæ ad fidem pertinent: & generalem statum Ecclesiz; in alijs potest contra statuta Conciliorum venire.

Ad decedimam. quæ sumitur de examinatione sententiarum Papæ, respondetur, negando assumptum, dicimus enim, quod falsum est, quod vnquam sententia Romani Pontificis habita sit, tanquam suspecta de veritate, aut iniustitia in aliquo Concilio vniuersali. & inde venisse in eo examinanda: vnde Agatho Papa scribens Imperatoribus ad sextam synodum de legatis, quos mittebat, ita iniqui quæ suggestionem, in qua Apostolicæ nostræ fidei confessionem prælibamus, offerre debeant, non tamen tanquam de incertis contendere, sed ut certa, atque immutabilia compendiosa diffinitione proferre simpliciter. Ea verò quæ inducta sunt ex aduerso ad probandum antecedens, nullius sunt roboris, si gesta præfatorum Conciliorum rectè ponderentur. Sententia quidem Romanorum Pontificum contra præfatos hæreticos non sunt reuocata: aut lectæ in synodis, ut examinarentur per synodum, sed prout ex gestis præfatorum Conciliorum colligitur, hoc factum esse videtur duplici ratione.

Primò, ut omnibus præsentibus existentibus in Concilio notitia fieret sententiarum, quæ datæ erant à Romano Pontifice, vnde in sexta synodo Georgius Archiepiscopus Constantinopolitanus, & quæ subest synodus, dixerunt ad Imperatorem, petimus vestram tranquillitatem, suggestiones directas ad Deo instructam vestram fortitudinem, tam ab Agathone sanctissimo Papa Apostolicæ Sedis antiquæ Romæ, quam ab eius synodo relegantur, ut auditum capiamus, quatenus & nos cognitionem accipiamus totius virtutis, quæ in ipsis continentur, hæc ille.

Item in octaua synodo in 5. actione ha-

betur, quod cum Focius ductus in presentia synodi interrogatus à synodo ipsa, an Apostolicæ Cathedræ iudicia tam de se, quam de Ignatio Patriarcha, promulgata amplecteretur, & ille raceret, Vicarij senioris Romæ dixerunt, ecce homo, qui obturat aures, sicut aspis surda, & non audit vocem quam ei sancta Synodus obijcit; sed vult per hoc silentium effugere condemnationem, quam sancta Romana Ecclesia ante multos annos promulgauit aduersus eum, veruntamen legatur epistolæ, quæ de eo missæ sunt à sancta Romana Ecclesia, placet ergo omnibus ut legantur, sancta synodus dixit placet. Ecce quod ad petitionem vicariorum Papæ lectæ sunt episcopales illæ, & hoc ut venirent in noticiam omnium; & non, ut examinarentur, an iuste, vel canonice essent licet autem post completionem primæ epistolæ, legatur Vicarij Papæ dixisse ad synodum ad hoc quod dicit sancta synodus est canonica expositione plena epistolæ. hæc, an non, & respondit sancta synodus, canonicam legem complet, & synodicam præceptionem, & legislationem, nihilominus illa non sunt facta aut dicta per viam examinationis, quoniam in actione quarta eiusdem synodi omnes epistolæ ipse lectæ, fuerunt iam acceptatæ, & commendatæ, nec interrogatio ista vicariorum Papæ fuit interrogatio dubitationis, ita quod dubitarent de veritate epistolarum Apostolicarum, sed facta est, ut calumniam tollerent aduersariorum, sicut fuit, quæstio illa Ioannis Matth. 11. Tu quis es alium expectamus. Item quæstio Christi cum de Lazaro quærit, ubi posuisses eum; non quia ignorat, sed, ut illi qui ostenderent sepulchrum non, possent negare nec calumniari. Ità hic interrogatio, ut ex responsione dauda per synodum plenius auferretur calumnia hæreticorum.

Secundò quia condescensum est, ut coram synodo ipsi iudicari, siue condemnari audirentur, si quid vellent contra iudicia obijcere, tam ut obturarentur ora obloquentium maximè, quia conquerebantur licet falsæ, non audiuisse depositionem suam, vnde dicebant audiamus depositionem nostram damnemur nobis audientibus, quam ut iustitia Romani Pontifici illius fieret, quod patet ex his, quæ habentur in actione quarta octauæ synodi, ubi fit legitur, post hæc magnificentissimi, & gloriosissimi Principes per Babanum &c. supra est in cap. 25. ad longum. Cæterum hoc manifestum fit ex actione quarta ubi Babanis magnificentissimus patritius diceret, quod Focius, & complices sui ignorarent iudicium factum per Papam contra eos, & ideo deberet coram ipsis sententia condemnationis recitari; & dicunt sic Vicarij Nicolai Papæ, nobis non licet rescindere iudicium sacrorum Romanorum Pontificum, hoc enim contrarium est canonicis institutis, quoniam præfentes illic per proprios missos, & Romæ demorantes, contra se sententiam; & prolatam damnationem in Focium: & in manus impositionem, eius, & audierunt, & liquido didicerunt, veruntamen, ut manifestiorem eis iustam iudicationem sanctæ Romanæ Ecclesiæ faciamus ingrediantur, & audiant: legi synodicas diffinit.

finitiones, & iudicia beatissimi Nicolai Papæ, & certificentur magis, ac magis, magnificentissimi, & gloriosissimi dixerunt hoc probum, & bonum est, hæc ibi.

Ex quibus verbis manifestè patet; quòd talis repositio fuentis Romani Pontificis rationibus assignatis facta in synodo ad insinuationem præfatorum principum, nullam in synodo superioritatem suprâ Romanum Pontificem arguit.

Ad decimamquartam, quæ sumitur ex epistola Beati Ambrosij, responderetur, quòd nihil est in illa epist. beati Ambrosij, quod in veritate fauet aduersarijs, quod ex multis colligitur: Tum primò, quia cum illud Concilium Capuense fuerit provinciale, & non vniuersale, si ratio procederet, non modò vniuersale, sed etiam provinciale argueretur esse suprâ Papam, quod esset error peior priore. Secundo quòd dato, quòd esset vniuersale Concilium: epistola in omnibus illis partibus, ex quibus argumenta sumunt aduersarij, habet aliam intelligentiam, quam aduersarij pretendit. Nam cum ait Dam. Papa. nobis iudicandi forma competere, non potest, non est sensus, quòd ipse Papa non haberet facultatem iudicandi, sed dicit, quòd forma iudicandi scilicet per modum delegationis a Concilio, non poterat sibi cõpetere, cum scilicet esset superior. Et hoc est quòd infrâ subiungit. Nos enim quasi de Synodi auctoritate iudicare non conuenit, qui, scilicet Christi legatione fungimur, non Concilij vestri. Cum verò consequenter ait, nam si integra esset hodie synodus, rectè de his, quæ comprehendit vestrorum scriptorum series, discernemus, non est sensus ille, quem dat aduersarij dicens, quòd Papa confiteatur, quòd si Synodus non delegasset, Papa potuisset de causa cognoscere, sed quia Synodus delegando præuenit, dicit se iudicandi onus suscipere non posse, ista sunt verba conficta, nec talia in præfata litera continentur, sed verus sensus est: Damascus Papa dicit, quòd si Synodus integra esset, conuenienter de causa illa iudicasset, assumendo ad se iudicium, sed quia integra non erat, quia iam dissoluta, & iudicium ex parte synodi erat commissum illis iudicibus, quibus scribebat, dicit, cum ad ipsum non pertineat talis forma iudicandi, scilicet per delegationem a Concilio, quòd ipsi, quibus causa erat delegata, primò iudicent, & ipse expectabile norma sententiæ eorum, & tunc poterit ipse iudicare, eorum iudicium approbando, aut dissolviendo: vidè nulli dubium est, quòd ex hoc, quòd Papa noluit assumere ad se causas delegatas per synodum, sed voluit, quòd iudices deputati primò iudicarent, non arguitur: quòd synodus sit suprâ Papam, sed bene verum est, quòd arguitur in Papa honestas, cum voluerit, quòd delegatio causæ facta per Synodum haberet locum.

Ad decimamquintam, quæ sumitur ex auctoritate beati Ambrosij, responderetur, quòd auctoritas illa in nullo fauet aduersarijs: dicimus enim quòd verum inquit Ambrosius, quòd Christus dedit eminentiam potestatis Ecclesiæ: cuncta subiungens, sed non ad intellectum aduersariorum, scilicet quòd Ecclesiæ vniuersali in omnibus eius membris coniunctam data sit talis excellentia potestatis, quia

vt inquit, Ambrosio libro de penitentia, & habetur de penit. di. 1. §. certum est. In solis Presbyteris Ecclesiæ clausa accepit. ergo excellentia potestatis Ecclesiæ in est prælatis, & præcipue in prælatorum Prælato Christi generali Vicario, qui solus vocatus est in plenitudinem potestatis, & cui, vt inquit, Cyrillus, omnes iure diuino caput inclinant.

Ad decimamsextam, quæ sumitur ex cap. legimus dist. 93. responderetur, quòd nihil facit ad propositum propter duo.

Primò, quia ibi Hieron. non loquitur de auctoritate iurisdictionis orbis respectu Ecclesiæ Romanæ, siue Apostolicæ Sedis, sed loquitur de auctoritate cõserudinis quæ tantò maioris auctoritatis esse dicitur, quanto generalior & est a pluribus approbatur, vt colligitur ex cap. nouit di. 12. quemadmodum de canonicis scripturis dicit: Aug. & habetur in cap. in canonicis di. 19. secundum quam regulam non dubium est, quin cõserudatio orbis maior sit cõserudine vrbis, quam Apostolica Sedes in omnibus obseruare non iubet. Quòd hoc modo loquitur Hieron. patet ex intentione Hieron. loquentis, loquitur enim contra cõserudinem, quæ in vrbe regnabat; vt quidam Diaconi præferrentur presbyteris, ex qua cõserudine alij Diaconi per orbem volebant præcedere suos presbyteros, cum tamen contrariæ cõserudine esset per orbem; de qua cõserudine ita in tex. loquitur: quid mihi proferis vnius vrbis cõserudinem, quid paucitatem de qua ortum est supercilium, in leges Ecclesiæ veadicas? omne, quod rarum est, plus appetitur; pulegium apud indos pipere pretiosius est, Diaconos paucitas honorabiles facit, presbyteros verò turba contemptibiles facit hæc ille.

Hoc etiam, quòd tex. ille de cõserudine loquatur, patet ex gloss. quæ sic ibidem ait super verbo maior est, & idè magis est sequenda cõserudine generalis, vt hic. Tum secundò auctoritas præfata Hieron. non militat pro aduersarijs, quia Romanus Pontifex non solum vrbis, sed orbis est Episcopus, cum caput, & princeps sit vniuersalis Ecclesiæ, vide ipse Hieron. de obitu, siue ortu sanctorum patrum, de beato Petro loquens, ita ait, Petrus in Christo, Ecclesiæ fundamentum, Cephas Corporis, Christi principatus, & caput est, Apostolorum Princeps, pastor humani generis, petra Ecclesiæ, clauicularius regni.

Ad decimaseptimam, quæ sumitur ex quadam epistola eiusdem Hieron. responderetur, quòd in nullo fauet aduersarijs, quod enim dicit Hieronymus, quòd Deus omnem potestatem suam dedit discipulis, sanè est intelligendum, quia non est intelligendū sic, nec intellexit beatus Hieron. de omni potestate Diuina absolute; quia nec potestatem auctoritatis, quæ est solius Dei, nec potestatem excellentiæ, quæ est propria Christo, dedit Discipulis, sed tantum ministeriale, vt dicit Augustinus: Nec istam ministerialem dedit Discipulis suis sine ordine; quia omnia quæ sunt à Deo, ordinata sunt. Ad Rom. 13. I dicitur ergo Christus dedisse omnem potestatem Discipulis; quia omnes fecit participes illius potestatis, non tamen sic, vt quilibet

bet eorum vocaretur in plenitudine potestatis, sed vnus tantum, scilicet Petrus, quem caput, & Principem omnibus præfecit, sicut ipse Hieronym. ait, vt patet in responsione præcedentis rationis. Et ita patet, quod licet alij Prælati, qui succedunt Apostolis, participes sint potestatis clauium; Romanus tamen Pont. qui succedit Petro, præ omnibus accipit, & per consequens omnibus illis, siue dispersis, hoc congregatis maior, & superior est.

Ad decimam quaestiam, quæ sumitur ex epistola Augustini, respondetur, quod in nullo fuit aduersarijs, licet apud eos representetur Achilles, patet; quia non est intentio beati Augustini dicere in epistola illa, quod Concilium vniuersale sit superius Papa auctoritate potestatis, quod patet, quia in epistola ipsa, sicut & in lib. de vnico Baptismo proficitur, quod in Romana Ecclesia Apostolicæ Cathedræ viguit Principatus, quod verum non est, si superius tribunal, aut superior Cathedra, quam sit Romani Pontificis, alia daretur; quod ergo dicit beatus August. restabat ergo adhuc plenarium vniuersalis Ecclesiæ Concilium; non dicit ratione superioritatis Principatus, aut potestatis, quæ maior sit in Concilio plenario, quam in Apostolica Sede, cum vt dictum est, auctoritas Conciliorum à Romano Pontifice pendeat, sed hoc dixit ratione amplioris, & maioris examinis, quale sperabatur in plenario Concilio Patrum totius Ecclesiæ. Quod verò ista sit intelligentia beati Augustini, patet ex verbis ipsius epistolæ, & ex alijs, quæ de ista materia commemorat in lib. de vnico Baptismo; dicit autem sic in præfata epistola: [Sed iam tamen quali haberent, quod dicerent, malos Iudices esse perperos, quæ vox est omnium malorum litigatorum, cum fuerint etiam manifestissima veritate superati, quasi non aduc eis dici posset, & iustissime dici. Ecce putamus illos Episcopos, qui Romæ iudicauerunt, non bonos Iudices fuisse, restabat adhuc plenarium vniuersalæ Ecclesiæ Concilium, vbi etiam cum ipsis Iudicibus causa possit agitari.] Hæc ibi. Et hoc dicebat Augustinus, maxime, quia, vt in libro de vnico Baptismo idem dicit, maiores accusatorum Episcopi Ceciliani, qui innocens fuerat à Papa iudicatus, quærebantur Imperatori, quod non plenè fuerit illud iudicium Romæ examinatum, atque depromptum; i quam ob causam dicebat Augustinus, quod præfati Episcopi accusatores Ceciliani, qui dicebant: [Licet falsè iudicium factum Romæ minis plenè fuisse examinatum, antequam schisma facerent, separantes se ab Apostolica Sede, debuissent expectasse iudicium vniuersalis plenarij Concilij, vbi cum ipso Papa discussio plenior feret, & consultiatio. Quod verò consequenter dicit Augustinus, quod si malè iudicasse conuicti fuissent, eorum sententia solueretur; non ita accipiendum est, quod auctoritate Concilij plenarij, tamquam superioris Iudicis potestate, sententia illæ solueretur, cum vt superius diximus, ipse Augustinus dicat, quod in Ecclesia Romana semper Apostolicæ Sedis viguit Principatus, sed est intelligendum, quod hoc feret auctoritate ipsius Romani Pontificis, melius consulti, & informati, cuius auctori-

tate præfatum Concilium veniret congregandum, ita quod ipse Papa melius informatus, & consultus per vniuersale Concilium, si ita esset, quod prius malè iudicatum fuisset, præfatum Vincentium Innocentem declarando, sententiam suam solueret, vel sententiam aliorum ab eo comprobata reuocaret, quod non modò mediante Concilio, sed solus hoc posset facere, iuxta cap. Sententiam 35. quest. 9. vnde simile huius legitimus factum in 6. Hinc etiam, dist. 17. in accusatione Papæ Symachi, vbi auctoritate eiusdem, & Synodus congregatur, & sententia in causa. Præterea, simile habetur de beato Gregorio, qui vt habetur in cap. Si quis, 2. q. 7. dicit sic: [Si quis super his nos arguere voluerit, vel extrâ auctoritatem nos facere contendat, veniat ad Apostolicam Sedem, & ibi ante confessionem beati Petri mecum iussè deceret, quatenus ibi vnus ex nobis sententiam suscipiat suam. Clarum est autem, quod sententia per Apostolicam Sedem, siue contra Papam, siue pro eo, non nisi auctoritate Papæ in ea sedentis, à quo eius thronus auctoritatem suscipit, ferenda veniret, aut per alterum, cui ipse committeret, & ita in proposito. Et ita patet, quod præfata epistola Augustini benè intellecta in nullo fuit aduersarijs, licet in ea plurimum funderet aduersarij, sine tamen ratione, iudicio nostro.]

Ad decimam nonam, quæ sumitur ex cap. Puto, 2. quest. 7. respondetur, quod in nulla parte facit pro aduersarijs, non equidem in parte prima, licet Paulus benè sentiens, Petrum non benè sentientem potuerit publice reprehendere, non propter hoc sequitur, quod fuerit superior illo officio Ecclesiasticæ dignitatis, vt patet ex cap. Paulus è causa, quest. 10. Non etiam in secunda parte, quia textus ille non est extendendus ad Episcopum Romanum, qui & Caput, & Princeps, & Iudex est totius Ecclesiæ, & à quo Conciliorum Statuta robur accipiunt, vt sæpentero repetitum est.

Ad vigesimam, quæ sumitur ex gloss. c. Anastasius, dist. 19. respondetur, quod gloss. intelligitur, quod vbi de fide agitur, conueniens Synodalis patrum Ecclesiæ est maior, non maiori potestate, sed maiori auctoritate, iudicij discretionis, superior, ac maior ipso Papa, siue maiori potestate approbationis, secundum quod qui maiore ratione vtiatur, maioris auctoritatis eius verba esse videntur, vt c. 1. dist. 20. & secundum quod pars, quæ iustiori ratione vtiatur, maior esse dicitur, licet sic minor alio respectu, vt habetur gloss. in cap. Multi, dist. 40. maior autem discretio, & iudicium verimiliter regularius arguitur esse in omnibus Presbyteribus vnus Synodi generalis, quam apud vnum solum hominem, etiam si sit Papa, propter hoc, cum casus est valde dubius, & habet fortes pro vtraque parte defensores, recurrendum est ad Synodum, quoniam vt ait Dominus Archidiaconus in hoc loco, nimis periculosum esset fidem nostram committere arbitrio vnus hominis. Secundo posset responderi, quod gloss. Decreti, propter conditionem, quam implicare videntur, parum militent in quæ gloss. super cap. Quodcumque, 24. quest. 1. dicit

dicit sic art. quòd sententia totius Ecclesiæ præferenda est Romanæ. si in aliquo sibi contradicant art. dist. 93. legimus: sed contrariū credo art. infra eod. hæc est fides, nisi erraret Romana Ecclesiæ, quod non credo posse fieri, quia Deus non permitteret art. infra cap. A recta, &c. pudenda. Hæc gloss.

Ad vigesimam primam, quæ sumitur ex non posse peccare, respondetur dupliciter, negando primò vniuersaliter antecedens, quoniam videtur falsum; sic patet de Arimineni Concilio, & de Ephesino secundo, & de multis alijs, de quibus infra habebitur sermo; de Apostolica tamen Sede hoc certissimum esse, quòd in ea Religio Christiana semper immaculata permansit, vt superius ostendimus in secundo libro, & habetur in cap. In Sede 24. quest. 1. Secundo respondetur, negando consequentiam, dato etiam quòd antecedens esset verum, consequentia non valet, rationem aliàs assignauimus, videlicet quoniam ista gratia sunt diuersi ordinis, & rationis, scilicet non posse errare in fide, aut in moribus, & gratia prælationis, aut potestatis iurisdictionis, siue clauis, quæ ita distinctæ sunt, vt vna non arguat aliam, sicut manifestum est, aliàs vnus vir laicus, aut femina in gratia confirmatus, maioris esset auctoritatis Romano Pontifice in gratia non confirmato, quod non modò est erroneum, vt in secundo libro ostendimus, verum etiam absurdum audire.

Ad vigesimam secundam, de gestis in oçana Synodo, respondetur, quòd nihil valet ad propositum aduersariorum, quia dictum illud, sicut patet ex eiusdem Synodi gestis, fuit dictum Zachariæ pertinacissimi defensoris Phocii hæretici, à quo ille Zacharias erat ordinatus Episcopus, & etiam cum eo condemnatus; vnde verba illa tamquam vnus fatui heretici non sunt in auctoritatem adducenda; vnde Imperator dicto Zachariæ, & complicitibus eius respondens, vt habetur in gestis, dixit sic: [Vique in præsens in peccato vestro estis, & in sepulchro nequitie vestre iacetis mortui? vnde omnes summi Pastores Patriarchæ concorditer vos condemnant, J. & infra: Omnes nouimus, quia laici estis, & non adduximus vos latrare, & sine ordine facere verba; omnia enim vestra mendacia sunt. J Hæc ibi. Et infra in actione sexta contra eundem Zachariam Metropolitanæ Metropolitæ Smyrneni respondendo, ait: [Quòd falsum dixerat, dicendo, aliquem iustificatum per Sedem Apostolicam, damnatum per Ecclesiæ, nec damnatum per ipsam Sedem, iustificatum per Ecclesiæ, & respondit ad singula exempla, quæ Zacharias adduxerat, vbi quia præfatos hæreticos Zacharias in fauorem errorum suorum induxerat, inter alia exempla, quòd Apianum iustificatum à Romanis Præsulibus, Aphricana Synodus non iustificauerit, sed repulerit, respondit præfatus Metropolitæ, post multa circa illam historiam, sic inuenitur; ergo Aphricana Synodus paruisse potius iudicio Zosimi Papæ Romani, atque per hoc propriam reprobasse sententiam, & iustificasse Apianum, non, vt falsus es, restitisse voto Romanorum Pontificum. J Hæc ille.

Ad vigesimam tertiam, quæ sumitur ex

eo, quòd Concilium quandoque iudicat Papam; respondetur, non militat illa ratio pro aduersarijs, quod patet ex tribus. Primo, quia falsum est, quòd Concilium vniuersale iure deponat, aut deponere possit Romanum Pontificem, nisi in casu hæresis, quiddam aliquando de facto factum esse legatur, sicut diximus in secundo libro circa cap. 103. In casu verò hæresis est speciale, vt patet ex cap. allegato, Si Papa, dist. 40. quia Papa hæreticus subiectus venit Concilio, sicut & quilibet alius fidelis à fide deuus; cum enim per hæresim à Papatu cadat, factus est, vt ait S. Thom. in 4. dist. 19. omni fideli minor, & idem habet gloss. in c. Achatius 24. quest. 1. vbi sic dicit: [Hic est casus in quo Papa Papam potest ligare, in quo Papa canonem late sententiæ incidit, nec obuiat regula illa, quia par parem soluere, vel ligare non potest, quia si Papa hæreticus est, in eo quòd hæreticus, minor est quolibet Catholico, & ad istum casum facit, cap. indudum ex aduerso, Si Papa, vt patet legenti illud, dicit enim sic: [Si Papa fuit, & fratres salutis negligens deprehenditur, inutilis, & remissus in operibus suis, & insuper à bono taciturnus, quod magis officit sibi de omnibus, &c.] Huiusmodi culpas istic redarguere præsumit mortalium nullus, quia cunctos ipse iudicaturus, à nemine est iudicandus, nisi deprædeatur à fide deuus. J Hæc ibi. Et intelligitur, vt dicit gloss. inuitabiliter, quòd Capitulum, cum loquatur de Papa iam per hæresim notoriam, & contumaciter defensam, in quo casu ipso iure Pontificatus sit priuatus, quia remota fide, per quam sit prima connexio hominis ad corpus Christi mysticum, membrum Ecclesiæ esse definit, & per consequens Caput, manifestè demonstratur, & ex hoc nulla superioritas potestatis arguitur in Concilio vniuersali super Papam Catholicum, & indubitatum. Secundo, hoc ostenditur ex eo, quòd licet iuxta gloss. in cap. Achatius, quæ inducta est parum autè, in casu hæresis Papa Papam ligare possit, non propter hoc sequitur, quòd Papa sit potestate superior prædecessore suo, aut successoris suo Catholico existente. Tertio, idem ostenditur, quòd ratio illa aduersariorum si militaret, militaret contra eos, sic arguendo: Papa reprobas, & damnat mala, & iniqua Concilia, sicut patet de Arimineni, & Ephesino secundo, & de alijs, vt in cap. Cuncta, 9. quest. 3. ergo sequitur potiori etiam ratione, quòd Papa superior sit Concilio vniuersali, quod tamen ipsi negant, licet sit verum.

Ad vigesimam quartam, quæ sumitur ex necessitate Conciliorum, respondetur, negando consequentiam; dicimus enim cum Domino Henrico, & alijs non supradiximus, quòd auctoritas totius Concilij, & auctoritas Papæ non sunt aliquid maius, quantum ad ipsam auctoritatem; nihilominus non sequitur, quòd aliquando non oporteat convocare Concilium generale in aliquibus casibus, quia hoc vni fit ad habendum maiorem auctoritatem, sed ad habendum pleuiorem collationem, & deliberationem, & etiam ad maiorem solemnitatem, & concordiam Ecclesiæ, sicut plenius in superioribus ostendimus.

Ad

Ad vigesimam quintam, quæ sumitur ex cap. De quibus, dist. 20. respondetur, negando consequentiam; decipiuntur enim aduersarij non distinguentes inter auctoritatem, & potestatem iurisdictionis, cum tamen plures dicantur, & sint sapientes, & prudentes, ac magnæ auctoritatis viri, qui nulla potestate iurisdictionis, aut prælationis funguntur; vnde ex isto ordine, quem ponit glossa, obseruandum in solutionem quæstionis, non sequitur aliqua superioritas iurisdictionis supra Papam, & licet Canones, qui sunt in Concilio cum consilio maturo Patrum, totius Ecclesiæ maioris reputetur auctoritatis, idest reputationis, aut a prælationis, quam sint Decreta facta per solos Summos Pontifices, secundum illud, quod habetur in c. Decretales; dist. 20. quod quisque maiori ratione creditur, eo maioris auctoritatis eius verba esse videntur, non tamen propter hoc sequitur, quod Concilium sit maius potestate iurisdictionis ipso Papa, maxime quia, idem est, qui per auctoritatem in Concilio condit Canones, & qui sine Synodo facit Decreta, & Decretales; vnde ex hac parte Decretales, & Canones parisi, imò eiusdem sunt auctoritatis, vt in c. Decretales, dist. 20. Exemplum huius assignare possumus in his, quæ Papa facit cum Cardinalibus in Consistorio, & quæ solus, planum est, quod maioris auctoritatis reputantur facta per Papam in Consistorio cū consilio domini Cardinalium, quæ per eum facta, & nihilominus eiusdem roboris, & auctoritatis sunt hæc, & illa cum eadem potestate sint edita. Ex quibus omnibus bene consideratis deridenda venit manifestè nouellorum magistrorum temeritas, qui antiquos Doctores, qui veritate coacti in fauorem principatus Romani Pontificis locuti sunt: aut de adulatione arguunt, aut de falsa intelligentia, & interpretatione sacræ Scripturæ; in quo stulto, & temerario iudicio potissime hi nouelli magistri tamquam presumptione diabolica repleti veniunt arguendi; quoniam præfati Doctores in honorem beati Petri, & pro eius Principatus amplitudine loquentes, aut sunt Romani Pontifices, pro Christo martyrio coronari, aut confessores gloriosi ab vniuersa Ecclesia venerati, aut sancti Patres, aut in iure diuino, & humano ceteris in Ecclesia Dei præstantiores Doctores, periculosum valde esset, & insanum tantorum sanctorum Patrum traditiones postponere, imò tamquam falsas conculcare, & assertionibus adhxerere nouellorum istorum magistrorum, quorum caput, & magister extitisse videtur Ockan, & eius quidam Discipulus Iarson nominatus, qui prætermisiss sanctorum Patrum, & Doctorum Ecclesiæ expositionibus, Scripturam sanctam hereticorum more ad propriam voluntatem interpretantur, contra quos beatus Hieron. in cap. non asseramus 24. quæst. 1. ait: non asseramus stateras dolosas, vt appendamus, quod volumus pro arbitrio nostro, dicentes, hoc graue, hoc leue est: sed asseramus diuinam stateram de Scripturis sacris, tamquam de thesauris Dominicis, & in illa quid sit grauius appendamus, & in cap. ridiculum dist. 12. ait Papa Nicolaus: ridiculum, & satis abominabile dedecus, vt traditiones, quas anti-

quicus à Patribus suscepimus, infringi patiamur.

CAP. XLVII.

Quod non liceat appellare à Papa ad vniuersale Concilium.

Quamuis ex his, quæ de superioritate Romani Pontificis super Concilium vniuersale demonstrata sunt, facile sit intelligere, quod appellare non liceat à Romano Pontifice ad Concilium vniuersale, sed magis è conuerso, puta à sententia Concilij, quam Apostolica Sedes nondum approbauerit, ad Papam liceat appellare, nihilominus pro ampliore illustratione veritatis, id ostendere ex multis curabimus.

Præsupponimus in primis, quod appellatio fiat ab inferiori ad superiorem iudicem, & non è conuerso, vt colligitur ex cap. omnes 2. quæst. 6. & ff. à qui. appel. non lib. 1. r. & in multis alijs locis, quo præsupposito: dicendum videtur, quod nullo modo liceat appellare à Romano Pontifice ad Concilium, vniuersale, tamquam ad superiorem iudicem, quæ Conclusio in primis ponitur in cap. ipsi sunt 9. quæst. 3. vbi Gelasius Papa ita inquit: ipsi sunt Cauones, qui appellationes totius Ecclesiæ ad huius sanctæ Sedis examinem voluerunt deferri, ab ipsa nulloquam prorsus appellare debere sanxerunt. Nota verbum, nulloquam, nota verbum, prorsus, quasi diceret nullo tempore, nullo casu. Amplius hanc conclusionem, primò rationibus, secundò auctoritate sacrorum Conciliorum, tertio ex gestis, & practicis in Concilijs vniuersalibus, ostendemus vtram esse.

Primò sic: à iudice, in quo est suprema potestas in Ecclesia, & totius Ecclesiæ principatus, non licet appellare ad aliquod Concilium Ecclesiæ, hoc patet ex supposito; sed in Romano Pontifice est suprema potestas in Ecclesia, vt dicit articulus definitus per Papam Martinum in Concilio Constantien. & habetur in cap. patet 9. q. 3. vbi dicit Nicolaus Papa: professio Sedis Apostolicæ, cuius auctoritate maius non est iudicium, dicit etiam in cap. nolite errare dist. 11. quod in ea Dominus totius Ecclesiæ posuit Principatum; ergo sequitur, quod à Romano Pontifice appellare non liceat ad Concilium, sicut ad superiorem iudicem, consequentia est manifesta, quia aliàs oporteret dicere, quod suprema potestas non esset in Papa, quod est contra articulum.

Secundò sic: à capite non est licitè appellare ad membra, patet, quia caput præstantius est auctoritate suis membris; sed Papa Caput omnium fidelium, est Caput Concilij vniuersalis; ergo ab ipso ad quemcumque fidelium conuentum, siue Concilium appellari non potest; consequentia patet, & minor etiam patet ex multis locis maxime in cap. si quis 2. q. 6. vbi habetur, quod quisquis pulsatus aliqua aduersitate licenter possit appellare ad Apostolicam Sedem, & ad eam, quasi caput refugium habeat, & idem in cap. Romanam ead. causa & quæst.

Tertio sic : à matre omnium ecclesiarum, & omnium fidelium nullo modo licet appellare ad filios, nec dispersos, nec congregatos, quia mater semper maior est auctoritate, filijs, & etiam filiorum congregatione; sed Romana Ecclesia, siue Apostolica Sedes est mater omnium ecclesiarum, sicut patet per multa capitula maximè per cap. omnes 2. quæst. 6. ubi habetur, quod omnes Episcopi quibuscumque aduersitatibus propulsati liberè ad Apostolicam Sedem appellent, & ad eam quasi ad matrem fugiant.

Quarto ab eo iudice, cuius est de tota Ecclesia iudicare, & de quo non est datum, alicui iudicare, non est, licitum appellare, patet ex terminis, Papa est huiusmodi; ergo ab eo non est licitum appellare ad quemcumque alium iudicem, consequentia patet, & minor habetur in cap. cuncta 9. quæst. 3. ubi Gelasius Papa omnibus Episcopis scribens ait: Cuncta per mundum nouit Ecclesia, quod sacrosancta Romana Ecclesia de omnibus fas habet iudicandi, nec cuiquam de eius liceat iudicare iudicio, siquidem ad illam de qualibet parte mundi appellandum est, ab illa autem nemo appellare permittitur.

Quinto ab illo iudice appellare non est licitum ad iudicem, qui iudicare non habet potestatem, nisi ab eo, à quo appellatur; patet hoc à primo fundamento, sed Concilium vniuersale auctoritatem constituendi, & sententiandi, siue iudicandi habet à Papa, ut superius ex multis offendimus, & facit ad hoc dist. 17. per totum, & cap. significasti extrà de elect. & cap. benè dist. 96. ergo à Papa ad Concilium appellare non licet.

Sexto sic : idem est censendum tribunal Christi, & Papæ in terris, cum eius sit Vicarius vices eius gerens, in terris; vnde Chrysostomus super illud Ioann. ult. Pasce oues meas; idem loco meo, prappositus esto, & Caput fratrum tuorum. Ut ipsi loco meo te assumentes, ubique terrarum te in throno tuo sedentem, prædicent, & confirmant. Hæc ille. Et hoc pariter colligitur ex cap. putamus de consuet. lib. 6. sed ponere, quod à tribunali Papæ possit appellari ad aliud in terris, aut quod ab alio ad tribunal Papæ non possit appellari, est ponere, quod à tribunali Christi appellari liceat. Item quod illud tribunal sit maius tribunal Christi patet, quia omne tribunal maius tribunal Vicarij Episcopi, est maius tribunal Episcopi, cuius est Vicarius, cum vnum, & idem sit vtriusque tribunal, quorum vtrumque est manifestè erroneum.

Præterea: secunda via eadem conclusio offenditur vera auctoritate, scilicet vniuersali Conciliorum. Habetur primò in gestis Ephesini primi Concilij statutum, quod à sententia Sedis Apostolicæ nulli liceat appellare. Item secundò ex cap. ne Romani extrà de elect. in cle. quod fuit in Concil. Viennensi, ubi dicitur, quod lex superioris per inferiorum tolli non potest, glossa Ioann. an. dicit, quod hoc habet maximè verum, cum inferior ab illo superiore recipit potestatem, in casu nostro cæterus Cardinalium. Et sequitur per quod idem videtur de Concilio supra eodem tit. cap. significasti 9. q. 1. cuncta. Hæc ille. Item tertio, Alexander tertius in Concilio vniuersali cap. licet de elect. dicit: In Eccle-

sia Romana aliquid speciale constituitur, quia non potest ad superiorem haberi recursus glossa Hostien. quia nulla superior, sed ipsa super omnes est. Et idem Ioann. an. ergo videtur, quod iuxta fidem expressam in Concilijs vniuersalibus de superioritate Apostolicæ Sedis, ab ea appellari, non sit licitum ad quodcumque aliud iudicium, siue etiam Concilium.

Cæterum eadem conclusio tertio offenditur ex gestis, & praxibus in Concilijs vniuersalibus, & primò ex gestis in Concilio Ephesino secundo, ubi cum lederetur fides Catholica, Legati Romani Pontificis leguntur appellasse; vnde Leo Papa in Epistola ad Theodosium Imperatorem scribens, & rogans, ut Chalcedonenis Synodus in correctionem Ephesinæ institueretur, ita inquit inter alia: Tota mentis acie reuerenter aspice beati Petri gloriam, & communem cum ipso omnes Sactorum coronas, cunctorumque Martyrum palmas, quibus alia non fuit causa patiendi, nisi confessio deitatis, & veræ humanitatis in Christo, cui sacramento, quia nunc à paucis imprudentibus obuiatur, omnes partium nostrarum Ecclesie omnem manufacturam vestram gemitibus, & lachrymis supplicant sacerdotes, ut quia & nostri fideliter reclamauerunt, & eis libellum appellationis Flavianus Episcopus dedit, generalem Synodum iubeatis intra Italiam celebrari, quæ omnes offensiones ita repellat &c. Item idem secundò colligitur ex gestis Chalcedonenis Synodi super eminentia data Ecclesie Constantinopolitane super Alexandrinam, in qua legati Papæ leguntur contradixisse, ac ad beatum Leonem Papam appellasse; vnde in actione 10. eiusdem Synodi, ita Vicarij Apostolicæ Sedis dixisse referuntur: Sedes Apostolica nobis præsentibus humiliter non debet, & ideo quæcumque in præiudicium Canonum, vel regularum hesternæ die gesta sunt, nobis absentibus, sublimitatem vestram petimus, ut circumduci iubeatis, sin aliâ contraditio nostra his gestis inhereret, ut nouerimus, quid Apostolico vico vniuersalis Ecclesie Papæ referre debeamus, ut ipse aut suæ Sedis iniuria, aut de canonum questione possit ferre sententiam? Hæc ibi. Item de eadem contraditione loquitur Leo Papa, tam in Epistola, quam scribit Martiano Imperatori, quam in ea, quam scribit Anatholio Episcopo Constantinopolitano; vnde sanctus Thomas de Aquino, in quæst. de penitentia q. 10. art. 4. de hoc memoriam faciens, ita dicit: Etiam Romanus Pontifex hæc, sua auctoritate potest, cuius sola auctoritate Synodus congregari potest, & à quo sententia Synodi confirmatur, & ad ipsum à Synodo appellatur, quæ omnia patent in gestis Chalcedonenis Concilij. Hæc sanctus Thomas.

CAP. XLVIII.

In quo aduersariorum obiectiones ponuntur contra prædicta.

ADuersus conclusionem præfatam, quæ multis, & irrefragabilibus testimonijs roboratur, aduersarij multa obijciunt. Et primò quidem arguunt ex illo, quod contineri affirmant in Concilio secundò Chalcedonensi, quòd ab electa Synodo non possit appellari.

Secundò ex Concilio quodam Toletano, ubi dicitur constitutum esse, vt à sententia Synodi non appelletur.

Tertiò sic: à lege, siue constituto Dei nullo modo est appellandum, sed Canones sunt spiritui Dei edicti, vt habetur in cap. violatores 25. q. 1. ergo à canonibus, & per consequens à Concilijs vniuersalibus, in quibus Canones constituuntur non licet appellare.

Quartò: Concilium vniuersale errare non potest, vt præsupponitur; ergo ab eo appellari non potest; consequentia videtur nota.

Quintò sic: à Papa non licet appellare, vt in cap. cuncta 9. q. 3. ergo multò minus à Concilio, quod vniuersalem Ecclesiam repræsentat.

Sextò sic: ex cap. à collatione lib. 6. idem videtur esse Consistorium Papæ, & Concilij, sicut Episcopi, & Capituli, in quo Episcopus, vt Prælarus præsidet; ergo videtur, quòd à Papam appellare non liceat.

Septimò sic habetur, quòd à Prætoribus non appellatur ad Imperatorem; ergo multò minus à Concilio ad Papam; consequentia videtur manifesta. Et idem arguitur de Senatu, à cuius sententia non appellatur, vt ff. à quib. appell. non liceat; & inducitur in cap. Ecclesia 16. quæst. 1.

Octauò: ex Concilio Aphricano Chatthaginensi, cui interfuisse dicitur beatus Augustinus Patres illius Concilij scribunt Cœlestino Papæ, non debere appellationes à Concilio suscipere, subiungentes, quòd ita statutum sit in Concilio Nicæno.

Nonò sic: Petrus accepit clauis nomine Ecclesiæ, vt in cap. quodcumque 24. quæst. 1. ergo videtur, quòd à Concilio vniuersalem Ecclesiam repræsentante, nulli ad Petrum liceat appellare.

Decimò sic: ab illo iudicio appellare, non licet, ad quod vltimatè Deus remittit iudicium omnium causatum, dicens Petro Matth. 18. Si peccauerit in te frater tuus, &c. sequitur: Dic Ecclesiæ.

Vndecimò sic: ab illo iudicio non est licitum appellare, quod relinquitur vltimum, quasi examinans omnia alia, sed iudicium Concilij vniuersalis est huiusmodi, vt patet per August. in epistola ad Glorium, & Eulodium; ergo &c.

Duodecimo sic: à minori, siue inferiori ad superiorem iudicem est licitum appellare, sed Concilium vniuersale est superior iudex, vt habetur ex Concilio Constantensi; ergo idem quod prius.

CAP. XLIX.

In quo respondetur obiectionibus præfatis aduersariorum.

His non est difficile respondere: verum, pro clariore, & breuiore responsione ad obiectiones præfatas, & pleniori intelligentiam materiæ, est notandum, quòd de Concilio vniuersali dupliciter possumus loqui, & ita de sententijs datis in eo, aut enim in Concilio præsidet Papa, vt Prælarus, & Caput Concilij per se, aut per suos Legatos, & ab eo, & à Concilio vnanimi consensu emanant sententiæ, & loquendo hoc modo sit conclusio nostra prima ista: quod nec à Concilio ad Papam, nec à Papa ad Concilium est licitum appellare.

Patet hæc conclusio, cum quia vnum, & idem est tribunal, & consistorium, & idem iudex, modo ab eodem ad eundem non est faciendæ appellatio, per cap. non putamus, de consue. lib. 6. Tùm secundò, quia nullus est superior iudex in terris, ad quem appellatio deuolui possit; vnde ff. à qui. appell. non li. l. 1. dicitur, quòd à Principe, & Senatu appellare non licet. Alio modo loqui possumus de Concilio, in quo Rom. Pontif. nec per se, nec per suos Præsidentes consentit in sententijs datis, aut definitionibus per Concilium. Et tunc fit ista conclusio nostra secunda, quòd in talibus sententijs, aut definitionibus, in quibus non interuenit consensus Papæ, qui, vt sæpè repetitum est, habet confirmare sententijs, & gesta Conciliorum, licitum est appellare à Concilio ad Papam, hæc conclusio manifesta est ex gestis, tã Ephesinæ Synodi, quàm Chalcedonensis, vt vltimè est in cap. præcedenti; his habitis dicendum est, ad rationes in oppositum.

Ad primam, quæ sumitur de Chalcedonensi Concilio, respondetur, quòd Chalcedonense Concilium loquitur de Concilio vniuersali iuxta primum modum, quoniam electa synodus dicitur quæ auctoritate Rom. Pontif. fulcitur, & roboratur, & cuius auctoritate sententiæ eius sunt confirmatæ; vnde in actione 6. eiusdem Concilij habetur, quòd in omnibus Synodis Aprocisatij Apostolici decretas sententijs primò propter auctoritatem eiusdem sanctæ Sedis confirmabant, quia alijs nullum robur habebant; vnde etiam, vt habetur ex decretis Concilij Antiocheni perfectum Concilium dicitur, ubi interfuerit Metropolitanus antistes.

Item ibidem illa dicitur plenaria Synodus, in qua etiam Episcopus Metropolitanus interfuerit. Ità dicendum est de vniuersali, quòd tantum tunc dicitur perfectum plenarium, & electum, quando in eius statuus auctoritate, & consensu interuenierit Romanus Pontif., qui est totius Orbis Antistes.

Ad secundam rationem, quæ sumitur de Concilio Tolentino, respondetur pari modo; quoniam consilium illud Concilij Tolentani, vt ex eius verbis manifestè habetur, loquitur de his, quæ fuerunt definitione descripta vniuersalis auctoritatis, manifestum est au-

tem, quod non possunt dici descripta definitione vniuersalis auctoritatis, quibus non interuenit assensus Romani Pontif. qui totius Orbis Episcopus est, & in quo Deus totius Ecclesie Principatum posuit, vt sæpe dictum est.

Ad tertiam, quæ sumitur de cap. violatores, respondetur, quod propriè sunt canones constituti per vniuersalia Concilia interueniente auctoritate Rom. Pontif. quæ Canonibus robur impartitur, & à talibus sententijs, siue Canonibus vniuersalis Concilij non appellatur, sicut nec à Papa, vt dictum est.

Ad quartam, quæ sumitur ex eo, quod Concilium errare non possit, iam responsum est supra in cap. 46. quod præsuppositum hoc non est vniuersaliter verum; quoniam aliqua Concilia inueniuntur errasse; vnde quia errat secunda Synodus Ephesina, appellatum est ab ea.

Ad quintam, quæ sumitur ex eo, quod à Papa non appellatur, &c. respondetur negando consequentiam, quoniam Papa habet supremam potestatem in Ecclesia, Concilium verò tantam, quantam Papa indulget; vnde non est simile de Papa, & Concilio, sicut etiam ex superioribus patet.

Ad sextam, ex cap. à collatione, respondetur sicut ad primum, & secundum argumentum.

Ad septimam, quæ sumitur ex eo, quod à prætore non appellatur, respondetur simili modo, scilicet quod à prætore, qui speciali auctoritate Imperatoris sententiat, appellatum non est, sicut nec à Concilij sententia, quam Romanus Pontif. confirmat.

Ad octauam, quæ sumitur de Concilio Aphricano, respondetur, quod nullo modo militat aduersus propositum, quod patet ex multis.

Primo enim ex hoc, quod Concilium illud fuit Prouinciale Concilium, & multa videtur dicere, quæ non sunt vera, potissimè, id, quod dicit de Concilio Nicæno; quoniam semper, quicquid statuatur de huiusmodi causis, semper excipitur Romani Pontif. auctoritas; vnde non est tante auctoritatis Concilium illud, quod eius dicta necessariò sint admitenda, quod verò dicunt aliqui, quod beatus August. in hoc Concilio se subscripsit, non est verum, vt patet considerata tempore beati August. & illius Romani Pontif. cui illa Synodus scribit.

Secundo, ratio, non militat, quia Concilium illud non dicit, quod Papa non possit suscipere appellationes à Concilio, quia sic dicendo, falsum diceret, sed quod non debeat faciliter, & indifferenter, hoc videtur satis rationabile, maximè quando appellatio, non nisi ad fugiendum correctionem, fieri videtur, sicut videbatur in casu illo, in quo non modò sceleratissimus referebatur fuisse Episcopus ille, sed etiam conuictus, & confessus dicebatur de criminibus, de quibus erat accusatus.

Tertiò respondetur, maximè ad rem, quod hoc Aphricanum Concilium, quod in multis visum fuerat prius presumptuosum, aduersus Sedem Apostolicam, postmodum venit ad obedientiam, & reuerentiam debitam acceptans definitionem Apostolicæ Sedis, vt

colligitur ex Concilio 8. Conflantiuopolitano, vbi sic habetur: Inuenitur ergo Aphricana Synodus paruile potius iudicio Zozimi Papæ Romani: Iac per hoc propriam reprobasse sententiam, & iustificasse Aparium, non resistisse voto Romanorum Pontif. hæc ibi: quod plenius deducit Papa Bonifacius in epistola, quam Eulalio Alexandrino Episcopo scribit de reconciliatione Carthaginensis Ecclesie, & aliorum Episcoporum, vbi ita dicit: Aurelius enim præfatus Carthaginensis Ecclesie olim Episcopus cum Collegis suis, instigante Diabolo, superbire temporibus prædecessorum nostrorum Bonifacij, atque Cælestij contra Romanam Ecclesiam cepit, sed videns se modò peccatis Aurelij Eulalij à Romanæ Ecclesie communionem segregatum, humilians recognouit se, pacem, & communionem Romanæ Ecclesie petens, subscribendo vnâ cum Collegis suis damnauit Apostolica auctoritate omnes scripturas, quæ aduersus Romanæ Ecclesie præiulia factæ quocunque ingenio fuere; hæc ibi.

Ad nonam, quæ sumitur ex cap. quodcunque, responsum est in 2. lib. circa cap. 75. vbi sententia dictum est, quod falsum sit, quod beatus Petrus clauis accepit nomine Ecclesie ad intellectum aduersariorum, nec hoc vult dicere cap. quodcunque, sicut in superioribus demonstrauimus, & etiam colligitur ex glossis.

Ad decimam, vndecimam, & duodecimam respondetur simul, quod minor cuiuslibet illarum rationum est falsa, & ad probationes earum, iam responsum est supra cap. 46. vbi responsum esse, tam ad auctoritatem illam, Matth. 18. Dic Ecclesie, quam ad epistolam August. & ad declarationem sacram Constant. & plenius in 2. lib. cap. 72. & 99.

C A P. I.

*Quod vniuersale Concilium in Rom.
Pontif. verum, & indubitatum
extrâ casum hæresis, nullam
habeat iurisdictionem.*

EX his, quæ de superioritate Romani Pontif. respectu vniuersalium Conciliorum plenè iam diximus, facile est intelligere nullam iurisdictionem, nullamque facultatem habere vniuersale Concilium supra Papam verum, & indubitatum, etiam si deuiet à vitæ honestate, cum tamen non incidat in hæresim propriè dictam. Planè, cum inferior superiorum ligare, aut solvere, siue iudicare non possit, & multipliciter sit demonstratum, Papam superiorem vniuersali Concilio esse, nulli relinquitur dubia præfata conclusio; vnde Apostoli sententia est, ad Rom. 2. Tu quis es, qui iudicas seruum alienum? suo enim Domino, aut stat, aut cadit. Verum quia ista conclusio ex iam dictis clarissima habetur, & quia in lib. 2. cap. 93. quod Papa extrâ casum hæresis iudicem non habere in terris, sufficientissimè rationibus, & auctoritatibus sanctorum Patrum, sacrorum Conciliorum definitionibus,

bus, Sedis Apostolicæ determinatione, atque clarissimorum Doctorem sententia, & doctrina ostendimus, respondentes etiam obiectio-
nibus aduersariorum, reputamus superfluum
plura ad hoc inducere, & ita breuitatis gratia
ab vterioribus abstinemus. Ex quibus satis
apertè, immò apertissimè eliditur error, &
reuerentia Basilæ congregatorum, qui sibi
Vicarium Christi, & locum eius reuenerunt in
terris, Patrem omnium Christianorum, Pasto-
rem gregis Domini, & Ecclesiæ vniuersalis
Principem Romanum Pontif. verum, & indu-
bitatum, & ita ab vniuersa Ecclesiâ habitum,
scilicet Eugenium sanctæ memoriæ, citare, su-
spendere, ac deponere quantum in eis fuit,
presumpserunt. Audacia planè impia, &
presumptio diabolica nullis anterioribus se-
culis attentata, quæ sanè ampliora futuris
temporibus nocitura generasset scandala, nisi
omnipotens Deus, qui Nauis Ecclesiæ est
certissimus gubernator, Ecclesiam suam ab
huiusmodi tempestatibus, & turbidis flucti-
bus seruasset illesam, Christianorum Prin-
cipum, aliorumque fidelium mentibus inspiran-
do, vt Basilientium presumptionibus, nec
fides, nec locus daretur; vnde etiam factum
est, vt citò eorum memoria, sicut fumus euane-
sceret, & hoc idè, quoniam sicut beatus
Ambrosius, in quodam sermone tractans illud
proverb. 30. Tria sunt mihi difficilia, inter
quæ ponitur semitas scire Nauis nauigantis
dicit: Nauis Ecclesiæ, & si vndarum flucti-
bus, atque procellis sæpè vexetur, tamen nun-
quam potest sustinere naufragium, quia in ar-
bore eius, scilicet Cruce, Christus erigitur, in
puppe Pater residet gubernator, proram Pa-
tricularius seruat Spiritus, hanc per angustias
huius Mundi freta duodecim remiges ducunt,
duodecim Apostoli, & similis numerus Pa-
triarcharum.

CAP. LI.

*Quòd Romanus Pontifex legibus, &
statutis vniuersalium Concilio-
rum, nec ligatur, nec ne-
cessario subijcitur.*

SAnè plene considerationibus, quæ in supe-
rioribus parim antè, tam de superioritate
Rom. Pontif. supra totam Ecclesiam, quàm
de vniuersalium Conciliorum auctoritatis
dependentia à Romano Pontif. quàm ratio-
nibus, auctoritatibus, & exemplis firmiter
stabilitimus, luce clarissima patet, quòd Ro-
manus Pontif. nec ligatur, nec subijcitur
necessitate: quorumcunque Conciliorum, non
tantum Patriarchalium, quia de istis nun-
quam fuit dubium, sed etiam nec vniuersaliū
statutis, legibus, aut Canonibus; quæ sub
iuris positionis genere comprehenduntur.

Primo quidem ex superioritate, qua
Romanus Pontif. superior est, & primatum
habet vniuersalis Ecclesiæ, arguendo, præfata
conclusio patet, ait enim Nicolaus Papa in
cap. inferior dist. 21. Non potest iudicio in-
ferior potiorum ligare; vnde Propheta ait:
[Nunquid gloriabitur securis contra eum,
qui fecit in ea? aut exaltabitur serra contra

eum, qui trahit eam?] His itaque ex diuina
Scriptura commemoratis, Sole clarius exhi-
bimus, non posse quemquam, qui minoris
auctoritatis est, eum, qui maioris potestatis
est, iudicijs suis adijcere, aut proprijs defini-
tionibus subiugatur, hæc ille.

Secundò, idem patet ex eo, quòd à Ro-
mano Pontif. vt superius extitit monstratum,
canonum Conciliorum dependet auctoritas:
alienum profectò est à ratione, vt quis legi-
bus illis alligetur coactus, qui legibus ipsi-
bus, & auctoritatem impartitur; vnde
de iuris peritus ait: Princeps solutus est
legibus, quantum scilicet ad vim coactionum;
vnde S. Thom. in 2.2. quæst. 96. artic. 6. que-
rens an Princeps subijciatur legibus, respon-
dens dicit, quòd Princeps est solutus legibus
quantum ad vim coactionum, & subdenda
rationem inquit: Quia nullus cogitur propriè
à seipso, lex autem non habet vim coactionum,
nisi à Principis potestate, licet quo ad vim
directiuiam Princeps subiectus sit legi propria
voluntate, prout infra dicitur. Cum ergo
Rom. Pontif. Princeps Ecclesiæ sit, nullis Ec-
clesiæ legibus ligatur coactus, siue tenetur
obnoxius. Notanter dicimus Ecclesiæ, quia
aliud est de legibus iuris diuini, aut natura-
lis.

Tertiò sic eadem conclusio apertè de-
monstratur ex cap. significasti extra de elect.
vbi dicitur, quòd Concilia per Romanæ Ec-
clesiæ auctoritatem facta sint, & robur acce-
perunt, & in eorum statutis Romani Pontif.
patenter excipitur auctoritas gloss. Hostien-
tanquam superior 9. quæst. 3. cuncta per
mundum, ergo inferior non potest eum legem
imponere, infra, de maior. & obed. cum in-
ferior; hæc Hostien.

Quartò, eadem conclusio apertissimè
colligitur ex cap. innotuit de elect. vbi In-
noc. III. apertissimè declarat, quòd canon
vniuersalis Concilij, etiam confirmatus per
Papam, non ligat eum, sic dicens: Quamuis
aurem Canon Lateranensis Concilij ab Ale-
xandro Papa prædecessore nostro editus, qui
illegitimè natos ad eum persequeretur, quòd
electionem talium Innuit nullam esse, nobis
tamen per eum adempta non fuit dispensandi
facultas, cum ea non fuerit prohibentis in-
tentio qui successoribus suis nullum potuit in
hac parte præiudicium generare, pari post
eum, immò eadem potestate functuris, cum
non habeat Imperium par in parem; hæc ille.
Ex quibus verbis patet etiam manifestè, quòd
potestas Papæ, & Concilij simul non est
maior potestate Papæ; secundo, quòd tota po-
testas constituendi aliquid in Concilio à
Papa dependet immediate.

Quintò, eadem conclusio luce clarissima
colligitur ex 5. his itaque respondetur 25. q. 1.
vbi Gratianus volens iura iuribus concordare,
& quæ hac parte dissonare videbantur, dicit
sic, his itaque respondetur, sacrosancta Ro-
mana Ecclesiæ ius, & auctoritatem sacris Ca-
nonibus impartitur, sed eis non alligatur,
habet enim ius condendi canones, vt putat, quæ
Cardo est, & caput omnium Ecclesiarum, à
cuius regula nemini dissentire liceat, ita ergo
Canonibus auctoritatem præstat, vt seipsum
sibi non subijciat, sicut Christus, qui legem
dedit ipsam legem carnaliter impleuit o&auo
dic

CAP. LII.

die circumcisus, quadragesimo die cum hostijs in Templo est præsentatus, ut in seipso eam sanctificaret, postea verò, ut se Dominum legis comprobaret, contra literam legis leprosum tangendo sanauit, Apostolos quoque contra literam Sabbati per fata prætergredientes, spicas vellentes, & confricantes manibus suis, &c. & infra hinc de eo dicitur: Erat Ioannis docens tamquam potestatem habens, idest tamquam Dominus legis, addens moralibus ea, quæ deerant ad perfectionem, vtramque figuralem in lucem spiritualis intelligentiæ commutatus, non tamquam scribæ eorum, qui litera legis astricti, non audebant aliquid addere, vel commutare, sicut & summæ Sedis Pontifices Canonibus, siue à se, siue ab alijs sua auctoritate conditis, reuerentiam exhibent, & eis se humiliando, ipsos custodiunt, ut alijs observandos exhibeant; nonumquam verò, seu iubendo, seu definiendo, siue discernendo, seu aliter agendo, se decretorum Dominos, & conditores ostendunt.

In præmissis ergo capitalis, alijs imponitur necessitas obsequendi, Pontificibus Summis ostenditur inesse auctoritas imperandi, ut à se tradita obseruando, alijs non condemnanda demonstrent exemplo Christi, qui Sacramenta, quæ Ecclesiæ seruanda mandauit, primum in seipso suscepit, ut ea in seipso sanctificaret. Oportet ergo primam Sedem, ut diximus, obseruare ea, quæ decernendo mandauit, non necessitate obsequendi, sed auctoritate impartiendo, licet itaque sibi contra generalia statuta decreta, specialia priuilegia indulgere, & speciali beneficio concedere, quod generali prohibetur decreto.

Sacri siquidem Canones, ita aliquid constitunt, ut suæ interpretationis auctoritatem sanctæ Romanæ Ecclesiæ relictent; ipsi namque soli Canones valent interpretari, qui ius condendi eos habent; unde in nonnullis capit. Conciliorum, cum aliquid obseruandum decernitur, statim subinfertur, nisi auctoritas Romanæ Ecclesiæ aliter imperauerit hac ibi. Finaliter patet ergo, quod Papa de necessitate non subiecitur Canonibus, aut statutis Conciliorum; verum, licet ita sit, de honestate tamen tenetur ista obseruare, tum secundum iam dicta, ut alijs det exemplum, obseruandi, secundum illud act. 1. Capite Iesus facere, & docere, tum ut habetur de constit. cap. cum omnes, quod quisque iuris in alterum statuit, ipse debet uti eo. Et sapienter dicit auctoritas. Parere legem, quam ipse tulit; hoc etiam habetur in cap. confidimus 25. quæst. 1. ubi dicitur: Confidimus, quod nullus iam veraciter Christianus ignoret vniuersali quæ Synodi constitutum, quod vniuersalis Ecclesiæ probauit assensus, nullam magis exequi Sedem præ cæteris oportere, quam primam, ubi super verbo oportere, dicit gloss. sic: oportet est hic verbum honestatis addit Archidiaconus & æquitas. Et itaque patet, quod Papa non necessitate, licet bene honestate, Canones obseruare tenetur. Canones dicimus, quæ ipsa Sedes Apostolica confirmauit.

*Quod vniuersale Concilium non possit
facere contra Romanum Pontificem
decretum irritans.*

LVce clariùs ex præmissis confunditur error nouellorum Magistrorum aduersariorum Apostolicæ Sedis, qui per Prælatos Ecclesiæ synodaliiter congregatos posse assentiri, poni contra Romanum Pontificem decretum irritans, & decreta detrahentia constitutionibus Papalibus, & licet, ut diximus, clarissimum sit, omnes in hoc errare, ut ex prædictis: tamen aliqua modica commemorando, sic breuiter ostendimus.

Primo, Concilia vniuersalia non possunt præfigere legem Romano Pontifici; ergo vniuersalia Concilia non possunt contra Romanum Pontificem decretum irritans condere, siue facere, consequentia est manifesta; antecedens patet ex cap. significasti, extra de elect. & habetur in superiori cap.

Secundo sic: contra ordinem naturalis rationis est, quod inferior possit annullare, aut irritare leges superioris, sed Papa est superior auctoritate Concilijs vniuersalibus, sicut caput corpore suo; ergo Concilia vniuersalia nullo modo annullare, aut irritare possunt facta, aut instituta Romani Pontificis, consequentia est bona, maior etiam patet, & colligitur ex cap. inferior, dist. 21. minor est superius multipliciter probata.

Tertio sic: Papa habet supremam potestatem in Ecclesia Dei; ergo sequitur, quod nulla potestas Ecclesiastica potest facta Papalia, siue decreta irritare, siue annullare; consequentia est manifesta; antecedens etiam est notum ex articulo Concilij Constantiensis, ut supra induximus, & colligitur etiam ex cap. patet 9. quæst. 3.

Quarto sic: quicquid auctoritatis habent Concilia vniuersalia instituendo Canones, est à Romano Pontifici; ergo sequitur, quod vniuersalia Concilia nullo modo possunt irritare, aut annullare decreta, aut facta Romani Pontificis, sicut nec Stelle extinguere lumen Solis, à quo illuminationem suscipiunt; consequentia patet, & antecedens probatum est tam in præcedenti cap. quam in superioribus. Ex quibus, & alijs superius habitis aperte confutatur multa somnia, & errores Magistrorum nouellorum Basilensis circa potestatem Conciliorum suorum. Sed de hac materia hic sufficiat, quoniam super hoc tractatum alijs cum Basileæ essemus, edidimus copiosum, qui de decreto irritante, intitulatur contra præsumentes ibi contra Romanum Pontificem in prouisionibus Ecclesiæ, irritans decretum apponere.

CAP. LIII.

Quòd ad Romanum Pontificem pertineat Canonum factorum interpretatio.

ET si facile sit intelligere ex superioribus iam enucleatis de Principatu Romani Pontificis respectu vniuersalium Conciliorum, quòd ad Romanum Pontificem, vt putà ad Principem Reipublice Christiane maximè spectet legum Ecclesie, siue sacrorum Canonum interpretatio, atque declaratio cuiuscumque ambiguitatis, quæ de vniuersalibus Concilijs nasceretur: nihilominus, vt clariùs id fiat, aliqua ad hæc inducimus. In quorum primis notandum occurrit, quid sit interpretatio? Secundò, quòd sunt genera interpretationis. Interpretari legem, siue præceptum legis, est dare rationabilem intellectum, iuxta sensum præcipientis, & præcepti, siue legislatoris in lege, quam condidit. Genera verò interpretationis sunt duo ad præsens, quoddam, scilicet magistrale, cum per inuestigationem rationis quæritur intellectus canonis, siue legis, aut præcepti, & hanc potest facere quilibet doctus, & hoc in manifestis, idest in his, quæ ratione probati possunt, sicut Doctores interpretantur, quòd præceptum Ecclesie de ieiunio non obligat pueros, aut notabiliter debiles, aut grauiter laborantes, siue etiam eos, qui tanta penuria fatigantur, vt non possint vnam refectiõnem sufficientem habere. Hæc autem interpretatio dicitur probabilis, non necessaria; vnde ei non statuitur de necessitate, nisi quantum ratione demonstratur ei standum fore. De hæc magistrali interpretatione habetur, C. de profess. qui in v. Constan. l. 1. lib. 12. & talis interpretatio dicitur magistralis quo ad alios, sed quo ad seipsum epycheia, quæ legem interpretatur, vt eam non sequatur in casu, in quo apparet eam esse contra mentem Legislatoris, de quo Aristot. tractat 5. ethyc. respectu etiam sacre Scripturæ, vt diximus in lib. 2. est interpretatio etiam quædam magistralis, qua Doctores sacre Scripturæ inuestigatione rationis ex alijs sacre Scripturæ locis arguentes, interpretantur talem, vel talem, esse sensum sacre Scripturæ in tali, vel tali loco, sicut communiter fit per Expositores sacre Scripturæ, de quibus videtur, & Efdz 8. vbi Scribæ dicuntur interpretantes legem in populo. Hæc autem magistralis interpretatio non habet necessitatem, scilicet, quòd liget, sed bene probabiliter, nec ei statuitur, nisi quantum ratione ostenditur, quòd talis sit de mente Spiritus sancti, Scripturam sanctam distans, secundum illud Propheta: [Lingua mea calamus scribæ velociter scribentis;] Glos. idest Spiritus sancti, iuxta illud 2. Petri 1. [Spiritu sancto locuti sunt homines Dei,] & idè vt habetur in cap. hæresis, 24. qu. 3. quicumque aliter Scripturam sanctam intelligit, quam sensus Spiritus sancti efflagitat, à quo Scriptura est, licet ab Ecclesia non recesserit, tamen hæreticus appellari potest.

Secundum genus interpretationis est auctoritatum, cui statuitur non ratione aliqua assignata, sed auctoritate interpretantis; vnde talis interpretatio vocatur necessaria: necessitas enim, siue obligat ad tenendum sensum datum per eam, & hoc modo legem interpretari, non est cuiuslibet, sed ad condendis, quia eius est interpretari, cuius est condere, sicut de legibus, cum de consuetudine, aut pariter dicitur, aut par, qui in dignitate succedit, qui idè habet auctoritatem interpretandi legem prædecessorum, quia & tollendi, quia par in parem imperium non habet. Non autem dicitur hic par, qui habet similem dignitatem, sed non eandem, nam statutum vnius Episcopi, aliis alterius Diocesis non habet interpretari, nec falcem suam mittere in messem alienam. Aut interpretari est superioris, scilicet qui potest regulare particularem personam, aut etiam Collegium. Superior etiam hic dicitur, qui iudex est inter aliquos, inter quos interpretatur legem, sicut de legibus, nam vt ait, interpretationi eius in iudicio prolata, partes stare teneantur, nisi appellauerint. Conuenit etiam interpretari inferiori ex commissione superiorum, sicut Legato; vnde Legatus Papæ interpretatur rescriptum Papæ, extra de postulat. cap. 1. circa medium, & extra de sequestra, ad hoc.

Quibus notatis ponuntur duæ conclusiones.

Prima, quod ad Romanum Pontificem maximè pertinet declaratio cuiusvis ambiguitatis, quæ de vniuersalibus Concilijs oritur. Ista conclusio patet auctoritate beatiissimi Gregor. qui in cap. nec sicut, dist. 17. ait: Quotiens aliqua de vniuersali Synodo aliquibus dubitatio nascitur, ad recipiendam de eo, quod non intelligunt, rationem, ad Apostolicam Sedem pro percipienda ratione conueniant, aut forte, sicut de talibus scriptum est: peccator cum venerit in profundum malorum, ita obstinatus, & contumaces extiterint, vt doceri non velint, eos ab eisdem Apostolicis Sedibus, aut attrahi ad salutem quoquo modo necesse est, aut ne aliorum perditio esse possint secundum Canones per seculares comprimere potestates: hæc Gregor. vbi notandum est verbum de vniuersali Synodo, non dicit de Patriarchali contra quosdam aduersarios dicentes, Rom. Pont. tantum Concilij sui Patriarchalis, non autem vniuersalis dubia declarare posse.

Secunda conclusio, Canonum interpretationem maximè conuenire Romano Pontifici. Quæ conclusio ratione probatur sic: Romani Pontificis auctoritate Canones sunt constituti, vt parum ante satis copiose demonstratum est in cap. 31. ergo ad ipsum Romanum Pontificem spectat illorum interpretatio; consequentia patet, cum eius sit interpretari, vt dictum est, cuius est condere, & vnde ius prodit, ab eo interpretatio requirenda est, vt extra de sent. excomm. inter. Hoc etiam aperte demonstrat primò ex 5. Ex his in cap. sicut enim 11. quæst. 1. vbi sic dicitur: Sicut enim solus ille habet ius interpretandi Canones, qui habet potestatem condendi eos: ita ille solus ciuiliu legum debet esse interpres, qui eis ius, & auctoritatem impartitur.

Præterea, conclusio patet ex cap. ideò, 25. qu. 1. §. his, ubi dicitur: Sacri quidem Canones, ita aliquid constituunt, ut suæ interpretationis auctoritatem sanctæ Romanæ Ecclesiæ referent, & rationem subiungens, ait: Ipsi namque soli Canones valent interpretari, qui ius condendi eos habent. De hac autem auctoritate Romani Pontificis, ita testatur sanctus Thom. in quest. de poten. q. 10. art. 4. dicens: quòd sicut posterior Synodus potestatem habet interpretandi Symbolum à priori Synodo conditum, ac ponendi aliqua ad eius explanationem, ita Romanus Pontifex hoc sua auctoritate potest, & à quo sententia Synodi confirmatur, & ad ipsum à Synodo appellatur, quæ omnia patent ex gestis Chalcedonensis Synodi, nec est necessarium, quòd ad eius expositionem faciendam vniuersale Concilium congreget: cum quandoque id fieri prohibeant bellorum dissidia, sicut in 6. Synodo legitur, quòd Constantinus Augustus dixit, quòd propter imminetia bella vniuersaliter Episcopos congregare non potuit, sed tantum illi, qui conuenerunt quædam dubia in fide exorta sequentes sententiam Agathonis Papæ, determinauerunt, scilicet, quòd in Christo sint duæ voluntates, & duæ actiones. Et similiter Patres in Chalcedonensi Synodo congregati secuti sunt sententiam Leonis Papæ, qui determinauit Christum esse in duabus naturis post Incarnationem. Hæc sanctus Thomas, & hæc de præsentem cap. quia de interpretatione dubiorum in lege Dei, siue in sacra Scriptura, qualiter Romano Pontifici maxime competat in 2. libro cap. 107. enucleauimus.

C A P. LIV.

Quòd ad Romanum Pontificem maxime spectet, tam dispensatio sacrorum Canonum, quam regularum sanctorum Patrum moderatio.

Sane quemadmodum ad Romanum Pontificem ratione sui Principatus pertinere, diximus sacros Canones interpretari, ita eadem ratione illi potissimum conuenit dispensatio sacrorum Canonum, etiam vniuersali Concilio, ac regularium sanctorum Patrum moderatio, quod & si satis aperte ex prædictis habeatur, nihilominus ad maiorem noticiam, illud aliquibus rationibus probare curabimus.

Præsupponimus in primis pro fundamento dicendum, quòd in qualibet reipublica necessarium debet esse aliqua potestas dispensandi in legibus suis, quæ cum institutæ sint ad regulandum humanos actus, qui multam fulcipiunt varietatem, non possunt semper impermutabiles permanere: hinc Aristot. 7. ethic. arguit necessitatem ponendi in Principe virtutem & psychiam, quam æquitatem, siue moderamen nos dicimus, cuius virtutis officium est, in quibus legis obseruantia Republicæ utilitati cognoscitur non expedire, prætermisissis verbis legis sequi, quòd ratio,

vel communis utilitas deponat; vnde nisi talis auctoritas dispensandi in legibus, & statutis Reipublicæ daretur, multa, quæ ordinata fuerunt ad utilitatem, & pacem fidelium, vergerent in damnum, & perturbationem totius Reipublicæ. Hinc dicitur in cap. regula distinct. 19. quòd regulæ sanctorum Patrum pro varietate temporum, & locorum temperantur.

Quo habito, dicimus, quòd cum dispensatio, ut communiter dicitur, sit relaxatio iuris communis, siue amotio obligationis à præcepto, dispensatio legis non videtur alicui competere, sicut de interpretatione diximus, nisi ad Legislatorem, vel parem, aut superiorem, aut ad aliquem alium ex superioris cõmissione, hoc est manifestum, sed Rom. Pontif. est Princeps, & auctor canonum, & potest cuius auctoritate conditæ sunt, ac rōbre accipiunt, ut offendimus supra, & ceteris, omnibus superior; ergo ad ipsum solum maxime pertinebit auctoritate propriis in canonibus dispensare.

Secundò sic; ad illum præcipuè, & singulariter spectat dispensatio in legibus reip. prout temporum, & personarum conditio exigit, apud quem residet auctoritas publica, sed huiusmodi in Reipublica Christiana est Roman. Pontif. siue Apostolica Sedes, in qua Dominus totius Ecclesiæ Principatum dicitur collocasse. Ergo sequitur, quòd ad Apostolicam Sedem spectabit singulariter, & maxime dispensatio canonum, siue regularum, sanctorum Patrum. Hoc etiam confirmat beatus Bernardus, qui ad Eugenium scribens Romanum Pontificem nominat Patrem, regem legum moderatorem, sal terræ, Orbis lumen, Sacerdotem altissimi, de qua auctoritate Romani Pontificis in canonibus dispensandis, siue moderandis, illustre testimonium dat Dominus Archiepiscopus Rhemensis lib. de Synodis cap. 39. ita dicens. Facultatem temperandorum, siue mutandorum canonum Romano Pontifici potissimum adiacere non dubitamus, ut sancti Patres docuerunt, nam beatus Gelasius, & Nicolaus Papa Primus in decretis eorum, Symachus verò in generali Synodo, diuerso quidem tempore, sed eadem voce de Romani Pontificis auctoritate, ita protestati sunt: Necessaria, inquit, rerum dispositionem constringimur, & Apostolicæ Sedis moderamine conuenimur, sic canonum Paternorum decreta liberare, & retrò præsum, decessorumque nostrorum præcepta metiri, ut quæ præsentium necessitas temporum restaurandis Ecclesijs relaxanda deponat, adhibita consideratione diligenti, quantum potest fieri, temperemus, habetur 1. qu. 8. cap. necessaria.

Ne miteris, si Romani Pontifices hanc peculiariter habuerunt potestatem; ut canones pro tempore dispenseant, ipsi enim sunt actores canonum, & illa Sedes semper hoc priuilegium habuit, ut ligatum, & solutum, sit quicquid ipsa ligauerit, & soluerit, vnde iuxta attestationem sanctorum Patrum omnibus Ecclesijs præminet, & de omnibus iudicare potest. Hæc ille. De necessitate verò ponendi hanc potestatem in Romano Pontifici, idem Doctor in eodem cap. ita dicit. Nequaquam autem Ecclesiastica disciplina consistere

stiteret posset si uon Præfult Apostolicus illam auctoritatem haberet de canonibus, quam supra reculimus, nam præcedentium Patrum statuta Ecclesiasticam disciplinam aliquando non tam insisterent, quàm confunderent, si nulla ratione à successibus eorum mutari possent, cum tamen necessitas temporis, nunc minus, nunc seuerius incedendum persuaderet, quod illum non latebit, qui præcedentium Patrum, & subsequenitum statuta diligenter inuestigare curauerit. Nempe si beatus Pelagius numerum aunorum, quos sui antecessores singulis gradibus præceperunt, minuire non posset, penuriz Clericorum sui temporis per Presbyteros ex laicis in frã an- num maturatos nullo modo succurrisset.

Item si moderni Pontifices antiquorum rigorem canonum per lapsos Sacerdotes remittere nequiuissent, ipsa Christiana religio destituta Sacerdotali officio penitus stare non posset, cum iam penè nulli Sacerdotes, nisi criminaliter lapsi reperiantur, quos antiqui canones deposuisse leguntur. Hæc ille. Et tangitur in cap. requisitis 1. quæst. 7. Est ergo priuilegium Apostolicæ Sedis, ut iudex sit canonum, & decretorum, ut pro temporis conditione, & rerum necessitate, nunc intendat, nunc remittat prout necessitati, & utilitati Ecclesiæ expedire prospexerit, huius sententia est beatus Thomas tam in 2. 2. quàm in quodlibetis, quàm etiam in tractatu contra impugnantes religionem dicens, omnia statuta sanctorum Patrum, quæ sunt iuris positui, sunt relicta dispositioni Papæ, ut ea possit mutare, vel dispensare secundum opportunitates temporum, vel negotiorum: Vbi pro ampliori declaratione huius cap. est notandum, quod duplex est genus canonum, vel regularum, aut decretorum sanctorum Patrum, ut S. Thom. innuit quodlibet art. 14. Est vnum genus canonum, qui instituti sunt iure Diuino, sicut pertinet ad articulos fidei, ad substantiam Sacramentorum, aut quæ manifestã habent connexionem ad legem diuinam, siue naturalem, pertinentia ad bonos mores, & in talibus Papa dispensare non potest. Et ratio huius est secundum S. Thom. quia ista habent efficaciam ex institutione diuina, de quibus venit intelligendum, quod Papa Zozimus in cap. contra 25. quæst. 1. ait Contra statuta sanctorum Patrum condere aliquid, vel mutare, nec huius quidem Sedis potest auctoritas.

Secundum genus canonum, siue decretorum est eorum, qui insinuerunt Patres de iure positui, licet enim canones à sanctis Patribus vna uim insinuerint, dicantur conditi à Spiritu sancto; non tamen omnes dicuntur pertinere, aut ad legem naturæ, aut ad legem diuinam, sed aliqui dicuntur pertinere ad ius humanum, siue positium, sicut licet omnis veritas à quocumque dicatur, ut ait Ambrosius, à Spiritu sancto est, non tamen omnis veritas pertinet ad ius diuinum, sed erit alterius inferioris generis, aut ordinis, videlicet, aut legalis, aut canonici, aut facultatis medicinalis, & sic de alijs, & de hoc genere canonum loquentes, dicimus iuxta iam dicta, quod Romanus Pontifex potest dispensare in eis à quocumque sint editi, etiam ab Apostolis, ut dicit S. Thom. in tractatu supra Tom. XIII.

nominato. Hoc duplex genus canonum, aut statutorum sanctorum Patrum tangit Leo Papa in cap. sicut sunt distincti. 14. ita dicens: Sicut sunt quædam, quæ nulla possunt ratione conuelli, ita multa sunt, quæ aut pro necessitate temporum, aut pro conditione, gratum oportet temperari. Ex quibus confutatur aduersariorum quorundam error, dicentium Roman. Pontif. non habere potestatem in canonibus Conciliorum vniuersalium.

CAP. LV.

Quod Romanus Pontifex habet auctoritatem tollendi statuta aliqua, tam sacrorum Conciliorum, quàm Prædecessorum suorum.

SI quis benè perferretur Principatum Romanum Pontificis, reperiet, quod Rom. Pontif. non solum auctoritatem in canonibus sacrorum Conciliorum, etiam vniuersalium, & decretis suorum Prædecessorum dispensandi habeat, verum etiam tollendi, aut reuocandi, aut mutandi, prout temporum, aut causarum necessitas exposcerit. Pro quo notandum circa intelligentiã aliquorum terminorum iuxta D. Petrum de Palude in 3. sent. quod dispensatio, & reuocatio in aliquo conueniunt, & in aliquo differunt. Conueniunt autem in hoc, quod tam dispensatio, quàm reuocatio important amotionem ad obligationem præcepti. Sed differunt in hoc, quod dispensatio importat amotionem præcepti in casu, & quo ad aliquem, vel aliquos, non autem quo ad omnes, sed reuocatio absolute importat amotionem obligationis, quo ad omnes. Amotus autè obligationis, siue quo ad aliquem specialiter per dispensationem, siue quo ad omnes generaliter per reuocationem efficitur licitum, quod prius erat illicitum, & sic sunt tria circa præceptum, siue legem, aut canonem.

Primum est interpretatio, quæ non tollit obligationem aliquam, sed declarat solum intentionem precipientis, vel præcepti.

Secundum est dispensatio, quæ tollit obligationem, quo ad aliquos, vel aliquem solum, sicut si dispensaretur cum aliquo, quod non ieiunaret in quadragesima.

Tertium est reuocatio, quæ tollit obligationem simpliciter quo ad omnes, sicut si Papa reuocaret ieiunium quadragesimæ, nullus obligaretur ad ieiunium illud. In superioribus duobus capitulis ostendimus, quod Roman. Pontif. prærogatiua Primatus sui poterat tam interpretari dubia, quæ in canonibus Conciliorum sacrorum orirentur, quàm dispensare in illis, nunc restat ostendere, quod etiam possit tam canones vniuersalium Conciliorum, quàm decreta suorum Prædecessorum aliquando pro temporum, & causarum necessitate reuocare, tollere, atque mutare, licet non vniuersaliter, quod nos triplici via ostendimus, videlicet auctoritatibus, rationibus, & exemplis.

Auctoritate primò, videtur colligi ex

cap. non debet, de confang. & affin. vbi sic dicit Papa Innoc. IV. Non debet reprehensibile iudicari, si secundum varietates statuta varientur humana. Et idem extrâ de sent. excomm. cap. alma. Præterea, auctoritate Aymarj Archiepiscopi Rhemensis, de quo supra in libro de Synodis, item patet, dicens sic, vt supra extitit allegatum in præcedenti capitulo. Temperandorum, siue mutandorum canonum facultatem Romano Pontifici adiacere non dubitamus.

Item ad idem est auctoritas beati Thomæ, qui in tractatu suo contra impugnantes religionem, ita inquit, vt in cap. præcedenti inductum est. Omnia statuta, quæ sunt iuris positiui, sunt relicta dispositioni Papæ, vt ea possit mutare, vel dispensare secundum opportunitates temporum, vel negotiorum.

Secunda via, scilicet rationibus, hoc idem ostenditur sic: Eiusdem est destruere, amouere abrogare, cuius est condere, vt habetur Cod. de leg. lib. 1. de in integr. restit. cum venisset, sed Papæ auctoritate conduntur canones Conciliorum, vt supra probatum est. Ergo apud illum erit facultas illos amouendi, si necessitas Ecclesiæ, aut utilitas exposcerit.

Item secundò, sicut par in parem Imperium non habet, sed tantum potestatis habet vnus Papa, sicut alius. Ergo consuetudo vnus non arctat alium; quin possit illam tollere, & reuocare, si voluerit.

Tertiò sic: sicut se habet Imperator ad ad Imperatorem, ita Papa ad Papam, sed Imperator potest tollere determinata per alium Imperatorem, aut contra ea facere. Ergo & Papa tollere poterit instituta suorum prædecessorum. Ratio autem quare hoc rationaliter potest facere, licet statuta suorum prædecessorum fuerint rationaliter ordinata, est iuxta dicta in superiori cap. quia bonum, vt inquit Dionys. constat ex omni parte, ita quòd defectus vnus circumstantie debite in esse, statim ponit rationem mali, & idè secundum philosophum 2. Ethic. virtus consistit in medio, secundum quòd sapiens determinabit, & quia aliud expedit vni vno tempore, quàm alio, & sic de alijs circumstantijs. Omni enim negotio tempus est, & opportunitas: Ecclesiasticæ. 8. idè frequenter ea, quæ rationaliter fuerunt facta, reuocantur, maxime in agibilibus, in quibus non potest haberi firma stabilitas, nec infallibilis certitudo.

Tertia via, scilicet exemplis, ostenditur primo, exemplo sacræ Scripturæ constat, quòd Dominus mandauit exaltari serpentem enee in deserto, vt in eum aspicientes sanarentur a moribus serpentum, sicut patet numeri 21. quem tamen Rex Ezechias confregit, sicut patet 4. reg. 14. quia filij Israel sibi adolebant incensum. Ex quo patet, quòd id, quod ex præcepto Domini rationaliter ordinatum fuit, postea eiusdè instituti rationalius reuocatur, quia frequenter, quod vno tempore fuit expediens, alio tempore nocuum reperitur.

Item exemplum habemus etiam sacræ Scripturæ de Rege Artaxerxes, qui reuocans literas, quas ad suggestionem Principis Amou dederat, vt tota gens Iudæorum deleteretur, ait sic. Nec putare debetis, si diuersa iubeamus, ex animi nostri venire leuitate, se pro

qualitate, & necessitate temporum, vt Reipublicæ possit utilitas sententiâ ferre: Hest. 11.

Tertiò, patet exemplo, & magis ad propositum ex canone 6. Synodi, qui canon vult quòd Subdiaconus non minor 20. annorum ordinetur, in cap. Subdiaconus dist. 77.

Item ex canone Carthaginensis Concilij qui vult in cap. placuit eadem dicit, quòd nullus ante 27. annos ordinetur Diaconus. Ad idem est canon Concilij Agatenfis iu cap. Episcopos, eadem di. Ad idem canon quatuor Concilij Toletani in cap. veteri lege, eadem di. & nihilominus Roman. Pontif. omnes illos sustulit, vt patet in Clementina generali de etat. & qual. vbi gloss. dicit sic, hic corrigi canones distinct. 77. peruenit distinct. 78. cap. 1. 2. 3. & vltim. & distinct. 38. cap. de his, in quibus dicitur, quòd habens 20. annos Subdiaconus, 27. Diaconus, 30. Presbyter poterit fieri; & hæc ibi.

C A P. LVI.

In quo obijciunt per aduersarios contra prædicta.

EGrè multum ferentes aduersarij, quòd Romanus Pontifex mutare, & tollere possit canones sacrorum Conciliorum, multipliciter nituntur arguere in contrarium.

Primò, ex cap. in istis distinct. 4. vbi inquit Augustin. in istis temporalibus legibus quanquam de his homines iudicent, cum eas instituerit, tamen cum fuerint institutæ, non licebit iudici de ipsis iudicare, sed secundum ipsas. Ex hoc arguitur ex aduerso, quòd Papa non possit mutare canones, aut tollere, sed necessario secundum eos iudicare.

Secundò, arguitur ex cap. sicut dist. 17. vbi beatus Gregorius ita inquit, Sicut Evangelij quatuor libros, sic quatuor Concilia suscipere, & venerari me fateor. Et infra: cunctas verò personas, quos præfata veneranda Concilia respuunt, respuo, & quæ venerantur, amplector, quia dum vniuersali consensu sunt constituta, se, & non illa destruit, quisquis præsumit absolueri quos ligans, aut ligare quos absoluit.

Ex hoc arguunt aduersarij, quòd Roman. Pontif. non possit mutare statuta Conciliorum vniuersalium; quia eadem ratio, quæ currit de istis, videtur currere de omnibus alijs.

Tertiò, arguitur ex cap. sancta octo vniuersalia Concilia distinct. 16. vbi enumeratis octo vniuersalibus Concilijs, sic sequitur in professione Romani Pontificis vsque ad vnum apicem immutata seruare, & puri honore, & veneratione haberi, & quæ prædicauerunt, & statuerunt, modis omnibus sequi, & quæcumque damnauerunt, ore, & corde damnasse profiteor.

Ex isto aduersarij arguunt id, quod prius, maxime quia non viderit, quòd Papa ire velle contra suam professionem.

Quartò, arguitur ex 5. hoc autem intelligendum est distinct. 19. vbi sic dicit Gratian. Hoc autem intelligendum est de his sanctionibus, vel decretalibus epistolis, in quibus

bus nec præcedentium Patrum decretis, nec Euangelicis aliquid contrarium inuenitur.

Ex hoc argunt aduersarij, quòd Romanus Pontif. præcedentium Patrum decreta tollere non possit. Et per consequens nec Canones vniuersalium Conciliorum.

Quintò, ex cap. sunt quidam distin. 25. quæst. 1. vbi Vrbanus Papa inquit, quòd vbi apertè Dominus, vel eius Apostoli, & omnes sequentes Patres sententialiter definierunt, ibi non nouam legem Romanus Pontifex potest dare; sed potiùs, quod prædicatum est, vsque ad animam, & sanguinem confirmare debet.

Sextò inducitur cap. sequens, vbi Zozimus Papa ita inquit:

[Contra statuta Patrum condere aliquid, vel mutare, nec huiusmodi quidem Sedis potest auctoritas; apud nos enim inconuulsa radicibus viuunt antiquitas, cui decreta Patrum sanxerunt reuocentiam.]

Item septimò arguitur ex illo Leonis Primi, qui in octauo Concilio tuba Euangelicæ veritatis legitur nominatus, ad Martianum Imperatorem de Canonibus Nicænis scribens, dicit, quòd nulla possunt improbabilitate conselli nulla nouitate violari. Et addit: In quo opere, auxiliante Christo, fideliter exequendo, necesse est me perseverantem exhibere famulatum; quoniam dispensatio mihi credita est; & ad meum tendit reatum, si Paternarum regulæ sanctionum, quæ Spiritu Dei spirante, sunt conditæ; meque, quod absit, coniuente violentur.

Octauò, arguitur ex cap. violatores distin. 25. quæst. 1. vbi Damasus Papa dicit: [Violatores Canonum, & voluntariè grauiter à sanctis Patribus iudicantur, & à sancto Spiritu iustificati, cuius ac dono ditati sunt, damnantur.]

Ex quo videtur nonò formari talis ratio: inferior non potest tollere, aut dispensare in lege superioris. Ergo nec Papa in Canonibus, cum sint à Spiritu sancto editi. Consequentia patet.

Decimò arguitur: Canon est regula regiminis ad ædificationem Ecclesiæ, secundum quam Architectus tegere, & operari habet, ac vti potestate sua, si bene vult operari. Sed videtur, quòd huiusmodi regulæ debent esse immobiles, etiam inmutabiles, sicut principia in speculabilibus. Ergo Papa, qui Architectus est in ædificando, construendo, & gubernando Ecclesiam, nihil potest immutare circa Canones. Quod confirmatur per illud Hieronimide Papæ in cap. prima salus, distin. 25. quæst. 1. ita dicentis: [Prima salus est rectè fidei regulam custodire, & à constitutis Patrum nullatenus deuiare.]

Vndecimò, si Papa ratione Principatus, siue Primatus potest tollere leges, & instituta inferiorum, sequitur, quòd cum Petrus fuerit superioribus Apostolis, & per consequens Romanus Pontif. ipse poterit tollere, immò Canones condere, contra eà, quæ Paulus posuit in epistolis suis, quod videtur inconueniens.

Duodecimò sic: Romanus Pontif. non potest reuocare, aut tollere dicta Doctorem exponentium sacram Scripturam. Ergo multò minus Summorum Pontificum prædeces-

orum suorum decreta, aut vniuersalium Conciliorum Canones, & instituta. Consequentia est bona. Et antecessus videtur haberi distinct. 20. in cap. decretales, vbi dicitur, quòd in sacrarum Scripturarum expositionibus Doctores excellentes præponuntur; in causis verò definiendis Summi Pontifices præferuntur.

CAP. LVII.

In quo respondetur obiectionibus præfatis.

L Icet paucis verbis possit plene satisfieri obiectionibus aduersariorum: nihilominus pro pleniori præsentis materie intelligentia, quid scilicet Papa, possit in statutis, tam vniuersalium Conciliorum, quam sanctorum Patrum, & prædecessorum suorum, & clariori responsione ad capita inducta, per aduersarios in oppositum, est aduertendum. Quòd, prout apertè colligi potest ex differentia superius assignata inter interpretationem, dispensationem, & reuocationem, siue obligationem; in multis potest cadere interpretatio, in quibus non potest cadere dispensatio, & per consequens nec abrogatio; & in multis potest cadere dispensatio, in quibus non habet locum abrogatio; & in aliquibus potest vtrumque cadere. Quòd luculentissimè ostenditur per conclusiones sequentes:

Prima: Papa potest habere in multis auctoritatem interpretandi, in quibus nullam habet dispensandi facultatem, & multò minis reuocandi.

Ista conclusio patet, quia Papa cum sit Vicarius Christi, habet auctoritatem interpretandi dubia in lege Diuina, quæ Fidelibus occurrere possunt, vt supra lib. 2. cap. 7. ostendimus.

Vndè & in veteri Lege ad Sacerdotes erat recursus de dubijs legis, quorum interpretationi, qui non stabat, mortis reus habebatur, vt pater Deuter. 17. & introducit extrà de test. cap. licet. Vbi Papa interpretatur illud: [In ore duorum, vel trium;] id est, non paucorum, sed quampurum; & tamen in lege Diuina dispensare non potest. Nam in præceptis legis naturæ non potest, sicut in habendo duas uxores, in quo solus Conditor potest dispensare, vt ipsemet Papa dicit extrà, de diuort. cap. gaudeamus. Similiter nec in præceptis positivis vtriusque Testamenti à Deo, vel à Christo immediatè institutis, sicut quòd homo non teneatur ad Baptismum, vel ad Confessionem, vel huiusmodi: quia in lege superioris inferior non potest dispensare, nisi in quantum illi committitur; non videtur autem hoc sibi commissum. Vndè magis commissum legitur immutare, cursum naturæ per miracula, quam disamen iuris naturalis, & præcepta Diuina dispensare, & idem dicendum est de Canonibus, & regulis sanctorum Patrum, & de decretis prædecessorum suorum, in quibus aliqua statuuntur pertinentia ad articulos fidei, siue ad Sacramenta, quæ fundamenta sunt religionis.

gionis Christianæ, siue ad bonos mores.

Certe in talibus, licet possit cadere interpretatio Papæ, cum aliqua ambiguitas nasceretur, non tamen dispensatio, & multo minus reuocatio: quia illis intelliguntur maiora non licere, quibus verita sunt minora, ut habetur extrâ, de sentent. excommunic. & cap. cum illorum.

Minus est autem dispensare, quam reuocare, quia omne totum est maius sua parte. Reuocare autem, est legem totaliter abrogare quo ad omnem personam, locum, & tempus. Dispensatio verò quo ad quosdam, vel quo ad quendam tempora, vel loca.

Et ita patet, quod Papa nec articulos fidei, nec præcepta legis naturæ, vel Decalogi, aut Sacramenta potest mutare, siue reuocare, sicut nec in illis potest dispensare. Et ad illud sensum accipienda, siue intelligenda sunt capitula inducta ex aduerso, sicut cap. si de distinct. 15. & cap. sunt quidam distinct. 25. quæst. 1. & cap. contra, ibidem.

Secunda conclusio est, quod in aliquibus sanctorum Patrum Canonibus, siue statutis potest Papa dispensare, in quibus non potest tollere generaliter aliquid, siue reuocare. Patet conclusio ista: quoniam Papa dispensat in Canonibus Apostolorum. Sicut patet, quod bigamus promoueat, sicut habetur in cap. lector distinct. 34. & quod Presbyter fornicarius non deponatur, ut in capit. Presbyter distinct. 72. Et tamen hos Canones generaliter tollere non possit.

Pro quo notandum, iuxta dominum Petrum de Palude super 3. sententiarum, quod licet illa, quæ Apostoli in primitiua Ecclesia fecerunt propria auctoritate, siue auctoritate solius officij, & proprio instinctu, potest nunc Roman. Pontif. mutare; quia non habet maiorem auctoritatem, quam ipsi habuerunt.

Non tamen ea, quæ ex speciali commissione, aut inspiratione Spiritus sancti; quoniam talia, nec ipsi Apostoli, nec successores reuocare possunt, nisi quantum principalis committeret, sicut Scriba legis Imperialis, vel promulgator reuocare non potest, nisi in quantum Princeps iterum sibi committit. Quicquid autem per Apostolos constitutum est, quod in Canone est receptum, creditur specialiter esse inspiratum à Spiritu sancto. Et similiter, quod in quatuor Concilijs vniuersalibus fuit factum, ita quod in primitiua Ecclesia Apostoli quendam ordinauerunt, non simpliciter, sed ad tempus, quod reuocatum non est, sed impletum est, quando eum tempore finitum est, sicut legalia cum Euangelio seruauit Iudæis, & abstinere à suffocatis, & sanguine, & celebrare in fermentato, & huiusmodi, quæ lapsu temporis cessauerunt. Quidam verò, dicente Spiritu sancto, sic ordinauerunt, ut in perpetuum permanerent, sicut tamen, quod pro loco, & tempore licet dispensare, non tamen totaliter amovere, & sic expedit Ecclesiæ. Et in talibus, licet successibus dispensare, eodem Spiritu committente. Sicut aperte colligitur ex facto ipsorum sanctorum Patrum, qui dispensasse leguntur, sicut patet in exemplis positis, & in multis alijs. Non autem licet huiusmodi generaliter reuocare, quia non est commissum, ut apparet, quia nullus Sanctus hoc præsum-

psit. Et cum ad regimen naturæ, & maxime gratiæ Dominus faciat quod melius est: imò optimi est optima adducere, ideo commisit, quod expedit, & non aliud.

Vtile est autem Ecclesiæ, quod aliquando cum bigamo, & percussore, & huiusmodi dispensetur cum aliquando tales inueniantur meliores, non autem expedit, quod tales indifferenter, sicut ceteri promoucantur. Vnde illud commisit, istud prohibuit. Ergo Papa in talibus potest dispensare; sed non potest ea generaliter, & vniuersaliter reuocare, sicut vnam decretalem à se, vel à prædecessore suo editam. Vnde notauit Alanus extrâ, de decimis, cap. licet, quod Papa possit alicui laico concedere, quod non solueret decimas, aut quod eas percipiet. Non tamen hoc omnibus laicis possit in perpetuum concedere, legem generalem condendo; sed tantum ex causa ad tempus dispensando, sicut Regibus dantur etiam decimæ Clericorum in subsidium Terræ Sanctæ, vel ob aliam iustam causam.

Tertia conclusio: In multis sanctorum Patrum Canonibus, & statutis Roman. Pontif. sicut potuit dispensare, ita & illos abrogare, & omnino tollere, Patet conclusio ista de multis Canonibus abrogatis, & institutis prædecessorum Summorum Pontificum per Romanos Pontif. sequentes. Sicut patet in exemplis prius positis de Canonibus antiquis de ætate ordinandorum.

His habitis, respondendum est ad argumenta in oppositum.

Ad primum de cap. in istis distinct. 54. respondetur, negando id, quod aduersarij arguunt ex 1. capit. sequatur: quoniam capit. illud intelligitur, non de Iudice summo, scilicet Papa, vel Principe; quoniam ista potest etiam post conditas leges de ipsis iudicare, & eas tollere, vel moderare, sed loquitur de inferiori Iudice. Vnde dominus Archidiaconus exponendo hoc capitulum, ita dicit: [Littera hic loquitur de inferiori Iudice. Nam si inferior Iudex velit aliquid proponere, quare lex illa non debeat condici, facilius audiretur primò, quàm postea, argum. ad hoc distinct. 31. Nicæna.

Ad secundum de cap. sicut distinct. 5. respondetur dupliciter:

Primò sic ad antecedens, quod hoc, quod dicitur, quod quatuor illa Concilia non possit mutare, aut reuocare, potest intelligi duobus modis. Vno modo, quia Concilia sunt, & sic non est verum antecedens, quia quod competit alicui in quantum tale, competit omni tali. Sicut quod competit homini in quantum homo, competit omni homini. Si ergo hoc competere illis quatuor Concilijs in quantum Concilia, sequeretur, quod nullas sententias datas, aut constituta facta in quibuscumque Concilijs possit reuocare, quod tamen falsum est, ut in gloss. per principalem distinct. 9. quæst. 3. Aut potest intelligi, quod hoc competit illis quatuor Concilijs, non in quantum Concilia sunt, sed in quantum de tali materia sunt, scilicet de veritate articuloꝝ fidei, & sic dicimus, quod hoc competit illis quatuor Concilijs, quod reuocari nō possunt propter hoc, scilicet, quod non fuerunt nisi declaratiua articuloꝝ fidei.

Secundum.

Secundò responderetur, negando consequentiam, videlicet, quòd ex capit. illo sequatur, quòd Papa in nullis Canonibus vniuersalium Conciliorum possit dispensare, aut aliquid immutare, licet benè concedatur, quòd non possit statuta Conciliorum vniuersalium immutare quantum ad ea, quæ concernunt articulos fidei, & generalem statum vniuersalis Ecclesiæ, vt gloſis. eiusdem capit. habet. Vnde Archidiaconus in Rosario idem dicit in hac forma verborum: [Fateor in his, quæ ad fidem pertinent, & generalem statum Ecclesiæ, in alijs potest contra statuta Conciliorum venire.]

Si dicatur, quæ dicuntur ad generalem statum Ecclesiæ pertinere? Videtur nobis, quòd inter alia sunt ista, quæ omnes Fideles tangere possunt; vt sunt illa, ex quorum alteratione tota Ecclesia turbaretur, sicut ponitur exemplum de depositione omnium Episcoporum simul; quia cum omnes Animæ Christianorum sunt in manibus Episcoporum, hoc quemlibet tangit; & cum Episcopi in loco Apostolorum succedunt, vniuersalem Ecclesiam representant, turbaretur fides Christiana.

Præterea, cum in depositione omnium Episcoporum simul non possit esse causa iusta, maxime præsumeretur in tali depositione defectus fidei in Papa, & hoc faceret in destructionem fidei, ex quo turbaretur tota Christianitas.

Et meritò dicitur pertinere hoc ad vniuersalem statum Ecclesiæ. Et ita posset poni exemplum in multis alijs, ex quibus vniuersalis Ecclesia turbaretur, & scandalizaretur.

Similiter possent ad vniuersalem statum Ecclesiæ dici pertinere præcepta Diuina, præcepta legis naturalis, & Sacramenta, in quibus status, & salus vniuersalis Ecclesiæ consistit, & omnes tangit vniuersaliter.

Ad tertium de cap. sancta octo distin. 16. responderetur eodem modo sicut ad præcedens, videlicet, quòd intelligendum est de his, quæ spectant ad articulos fidei, & generalem statum vniuersalis Ecclesiæ, & quæ necessaria sunt saluti.

Ad quartum de 5. hoc autem intelligendum, distin. 19. responderetur, quòd id, quod magister Gratianus ibidem dicit, intelligendum est de his, de quibus præcedentia capitula exposita sunt, alijs non diceret verum; vnde Dominus Archidiaconus in Rosario, exponendo hunc locum, dicit sic: Videtur dicere, Gratianus scilicet, quòd Papa contra benè statuta suorum prædecessorum non possit aliud statuire, quod non puro verum esse; nam, & benè statuta potest reuocare inspecta causarum modo non tangat præcepta veteris, & noui testamenti, vel articulos fidei, vel ea, quæ sunt necessaria ad salutem, vel quæ pertinent ad generalem statum Ecclesiæ, & ideo non approbo, quòd hic dicit magister, nisi de talibus intelligatur, hæc Archidiaconus.

Ad quintum de cap. sunt quidam 25. quæst. 1. est eadem responsio, quæ data est ad præcedentia, & est responsio gloſ. dicit ibidem quòd verum est, quòd Papa non dispensat in his, quæ pertinent ad articulos fidei, & quæ

sunt iuris diuini, benè autem in alijs sicut, cum bigamo contra Apostolum, vt dist. 34. lektor, & contra canonem Apostolorum, vt in cap. presbyter 82. dist. Item etiam quamquam contra generalem statum Ecclesiæ, sicut fecit Innoc. in Lateranen. Concilio, extrà de cosan. & alibi hæc gloſ.

Ad sextum de capit. contra, responderetur, vt responderet gloſa, quæ super verbo statuta, ita dicit: de articulis fidei, vt dictum est in cap. proximo. Ad hoc capit. etiam S. Thom. responderet eodem modo, in tractatu contra impugnantes religionem, sic dicens: Verum est, quòd hic dicitur in illis, quæ statuta Sanctorum Patrum decreuerunt de iure diuino, sicut articuli fidei, qui determinati sunt per Concilia, sed illa, quæ sancti Patres decreuerunt de iure positio, sunt relicta dispositioni Papæ, vt ea possit mutare, vel dispensare secundum opportunitates temporum, vel negotiorum, hæc sanctus Thomas.

Ad septimum, quòd inducitur de Leone Papa, responderetur: dato, quòd auctoritas illa iaceat, vt inducitur per aduersarium, quòd tamen non est verum in toto, quòd auctoritas illa non facit pro aduersarijs propter duo. Tum primò, quia Leo Papa licet dicat Nicos canones nulla posse improbitate euelli, aut nouitate viciari, non tamen negat quin auctoritate Romani Pontificis, ob necessitatem, & vtilitatem fidelium possit in eis fieri dispensatio, magna differentia est, inter ista duo, improbitate euelli, & necessitate, aut vtilitate moderari. Secundo, quia licet ad Papam pertineat intendere, ne canones, per aliquos pro voluntate violentur: non sequitur, quòd ipse ex rationabili causa dispensare non possit, vt est manifestum.

Ad octauum de cap. violatores 27. qu. 1. responderetur, quòd cap. illud nihil facit pro aduersarijs, quoniam licet violatores canonum voluntate, id est sine necessitate reprehendantur, & veniant damnandi, non propter hoc Romanus Pontifex prohibetur dispensare, aut mutare illos, si personarum, locorum, aut rei conditio expolit, aliud enim est propria voluntate, sine causa, sine necessitate violare canones: & aliud est rationabili causa existente, per habentem auctoritatem dispensare in illis, maxime quia, vt dicit sanctus Thomas in tractatu contra impugnantes religionem, quando Papa dispensat, aut mutat canones secundum opportunitates temporum, & negotiorum, non facit contra canones, aut statuta Sanctorum Patrum, quia seruat intentio statuentium, quæ est vtilitas Ecclesiæ, sicut, & in omni iure positio accidit, derogatur enim prioribus statutis, per statuta sequentia: hæc ille. Ad idem etiam Chrysost. super Matth. dicit sic: Lex legislatori subiecta, non legislator legi, qui ergo soluit legem, literam quidem legis soluit, propositum, autem legis eius non soluit, sed magis illi addit ad hoc dignitatem, hæc ille.

Ad nonam obiectionem sumptam ex eodem cap. violatores, responderetur sicut supra responsum est, ad sextam negando consequentiam. Pro quo notandum iuxta sanctum Thomam, & Doctores, quòd duplex distinguitur genus

genus canonum, qui Spiritu Sancto dicente, per plures Sanctos in Concilijs, siue extrâ Concilia conditi sunt.

Primum genus est eorum: quæ sunt de iure diuino, sicut sunt canones pertinentes, siue statuta ad articulos fidei, aut ad substantiam Sacramentorum, aut quæ manifestam connexionem habent ad legem diuinam pertinentia ad bonos mores, & de talibus intelliguntur omnia illa capitula, vt dicit S. Thomas, iuxta etiam glossa. quæ ponitur 25. quæst. 1. videlicet cap. violatores, cap. sunt quidam, cap. contra statuta, cap. prima salus.

Secundum genus canonum est eorum, quæ Sancti Patres instituerunt in Concilijs vniuersalibus de iure positiuo, licet enim, canones omnes à Sanctis patribus vnanimiter, & vno consensu editi, censentur conditi à Spiritu Sancto, sicut dicente, & inspirante: non tamen omnes dicuntur pertinere, aut ad legem naturæ, aut ad ius diuinum, sicut aduersarij videntur innuere, sed aliqui dicuntur pertinere ad ius positiuum, nam si canones omnes, quia à Spiritu Sancto dicuntur conditi, pertinere ideo dicerentur ad legem naturæ, siue ad ius diuinum, indispensabiles essent, & ita Ecclesia errasset dispensando in canonibus factis à Sanctis Patribus. Item, nec mutari possent, qui semel essent constituti, & multa alia sequerentur, quæ omnino sunt absurda, & inconuenientia. In primo genere canonum, qui pertinent videntur ad legem Domini: Papa non dispensat, nec mutationem facit, in secundo vero genere canonum sic, quæ admodum sæpe dictum est.

Ad decimam, quæ sumitur ex eo, quod canon dicitur regula, respondetur, negando minorem, in qua dicitur, quod oporteat regulas huiusmodi agibilibus esse immobiles, & immutabiles, sicut principia in speculabilibus. Pro quo notandum, quod cum certitudinis firmitatem rerum, vt dicitur, primo de anima, & 1. Ethic. & omnis mensura dicatur regulatiue ad mensuratum, non oportet, quod omnis mensura, aut regula sint æqualis certitudinis, aut firmitatis, nec omnis possunt esse infallibiles, sed quantum possibile est in suo genere, vnde cum illa, quæ regulanda sunt lege humana, siue canonica, siue Concilij, sint contingentia, singularia, multipliciter variabilia, non possunt leges humanæ habere illam immortalitatem, siue immutabilitatem, quam habent principia in speculabilibus, sicut est manifestum, immo propter huiusmodi rerum varietatem, quibus oportet mensuras, & regulas coaptari ad salutem reipublicæ, est necessarium leges ipsas mutabiles fore, vt Sanctorum Patrum auctoritatibus supra ostensum est c. 52. vnde lex, quæ vno tempore est iusta, & iustis, alio tempore seruata, esset iniusta, & nocua. Pro quo aduertendum est iuxta Sanctum Thomam in 1. 2. quod rectum in rebus corporalibus dicitur absolute, & ideo rectum in eis, quantum est de se, manet semper rectum, sed rectitudo legis accipitur non absolute, sed in ordine ad utilitatem communem, cui non semper proportionatur vna, & eadem res, & ideo talis rectitudo mutatur, vnde dicit Aug. in primo de liber. arbit. quod lex tem-

poralis, quamuis iusta sit, mutari tamen per tempora iuste potest. Et ita patet, quod ratio illa, quæ apud aduersarios censetur esse, magni roboris, non procedit, & ad cap. prima salus 25. quæst. 1. quod inducitur, respondetur, quod intelligitur de statutis conditis à Sanctis Patribus, quæ sunt de iure diuino, & non de his, quæ sunt de iure positiuo, quoniam à talibus pro loco, & tempore licitum est declinare, vnde propter hanc differentiam, quæ est in constitutis Sanctorum Patrum, dicit Leo Papa in cap. sicut dist. 14. quod sicut quædam sunt, quæ nulla possunt ratione conuelli: ita multa sunt, quæ aut pro necessitate temporum, aut pro consideratione statum oportet temperari, per quam distinctionem soluantur multa alia argumenta aduersariorum, quæ iuducunt de immutabilitate canonum.

Ad vndecimam, quod possit tollere, &c. respondetur iuxta superius dicta, quod contra dicta Apostolorum extrâ scripturam sanctam potest Romanus Pontifex, quia sic superior est: sed contra dicta contenta in sacra Scriptura, non potest, non quia Pauli sunt, sed quia in Scriptura sunt, quæ necessario continent infallibilem veritatem, & quæ à Spiritu Sancto principaliter est. à Paulo autem est instrumentaliter, iuxta illud Psalm. 44. Lingua mea calamus scribæ &c. Actio autem attribuitur principali agenti, non autem instrumentali, & ideo cum spiritus Sanctus sit superior Papa, si faceret contra Scripturam sanctam, faceret contra Spiritum sanctum, & ita illa consequentia aduersariorum non procedit quia dicunt: ergo Papa potest tollere ea, quæ Paulus posuit in epist. suis, cum epistolæ illæ in canone sacre Scripturæ continentur.

Ad duodecimam de cap. decretales dicendum, quod consequentia non valet: quoniam ad diuersas gratias spectant, primum enim ad excellentiam scientiæ, secundum ad eminentiam potestatis, & ideo licet diuinum scripturatum excellentissimi Doctores scientia Pontificibus Romanis fortè præmereant: & dicimus fortè, quia potest esse ita doctus Romanus Pontifex, quod nullus suo tempore sit par ei, neque superior etiam in scientia, nihilominus in causarum, siue dubiorum definitione, in dispensatione canonum, aut mutatione etiam statutorum, prædecessorum suorum, quæ omnia recipiunt auctoritatem merito Pontifices præferunt, vnde S. Thomas in quodlibeto 5. & vlt. dicit, quod magis standum est sententiæ Papæ, ad quem pertinet determinare de fide, quam in iudicio præfert, quam quorumlibet sapientum hominum in scripturis opinioni, dicit enim in 2. 2. q. 2. artic. 3. quod contra auctoritatem Papæ, nec Hieronymus, nec Augustinus, nec aliquis Sanctorum suam sententiam defendit. Ex quo satis confunditur præsumptio aduersariorum nouellorum magistrorum, quæ aperte Summorum Pontificum sententias, & Sanctorum etiam Patrum sententias suas antefert præsumunt.

CAP. LVIII.

*Quod vniuersale Concilium plenarium
in his, quæ fidei sunt, errare
non possit.*

EX his, quæ de sacrorum Conciliorum vniuersalium canonibus, suprà explanauimus, orta nobis est occasio veniendi ad questionem illam, vtrum vniuersale Concilium in his, quæ fidei sunt, errare possit? Ad quam questionem nobis videtur sub distinctione respondendum: de Concilio vniuersali loqui possumus dupliciter vno modo de Concilio vniuersali plenario, plenarium autem Concilium dicimus, in quo cum Ecclesiæ Patribus Romanus Pontifex eorum Caput, & Princeps vnanimi consensu, & auctoritate, concurrat, siue interuenit; vnde Concilium Antiochenum de plenario Concilio prouinciali loquens ait: perfectum Concilium est illud, in quo interuenit Metropolitanus antistes. Item ibidem, illa dicitur plenaria synodus, in qua etiam Episcopus Metropolitanus interfuit.

Secundo modo loqui possumus de Concilio, prout dicit corpus tantum Patrum, distinctum à capite suo Romano Pontifici, si primo modo loquamur de Concilio sit ista conclusio: Concilium vniuersale in his, quæ ad fidem pertinent, errare non potest, quæ tam patrum Ecclesiæ, quàm Romani Pontificis vnanimi consensu definita sunt. Ista conclusio multipliciter probatur.

Primo sic: Apostolica Sedes iudicium in his, quæ fidei sunt, errare non potest, ergo nec Concilium vniuersale, in quo Apostolicæ Sedis interuenit, siue concurrat auctoritas, & consensus, consequentia est manifestata, antecedens est à nobis multipliciter demonstratum lib. 2. in cap. 109. colligitur etiam ex illo Luc. 22. [Ego rogavi pro te Petre, vt non deficiat fides tua, &c.] Item ex capitulo in sede, & cap. hæc est fides 24. qu. 1.

Secundo sic, in Ecclesiâ militante est certum iudicium de difficultibus, & obscuris, quæ circa fidem emergunt, patet, aliter enim tota Ecclesiâ militans posset circa fidem errare: sed vltimum iudicium circa difficultia, & obscura circa fidem emergentia penes Concilium vniuersale plenarium residere censetur, vt videtur velle Aug. in epistola ad Glorium, & Eleusium, & in lib. 1. de vnico baptismo contra Donatistas, vbi ita inquit: Questionis huius obscuritas prioribus Ecclesiæ temporibus, ante scissam Donati, magnos viros, & magna charitate præditos patres Episcopos, ita inter se compulsi, salua pace, disceptare, atque fluere, vt diu Conciliorum in suis quibusque regionibus diuersa statuta mitterent, donec plenario totius orbis Concilio, quod saluberrimè sentiebatur, etià remotis dubitationibus firmaretur, hæc ille, ergo Concilium vniuersale circa fidem errare non potest.

Tertio sic, vniuersalis Ecclesiâ non potest errare, quia Spiritu Sancto gubernatur, qui est Spiritus veritatis, hoc enim promittit Do-

minus Discipulis suis Ioan. 17. Cum venerit ille Spiritus veritatis docebit vos omnem veritatem, sed definita per Concilia vniuersalia plenaria, sunt definita auctoritate vniuersalis Ecclesiæ, ergo sequitur, quod Concilia vniuersalia plenaria nullo modo errare possunt in fide.

Quarto sic, si Concilia vniuersalia plenaria errare possent nihil certum haberemus de definitis per Concilia vniuersalia, & ita symbolum fidei, quod in missa cantatur factum in Concilio Constantinopolitano, redderetur nobis dubium, quod est absurdum dicere, & multa alia inconuenientia sequeretur. Ista argumentario videtur esse 8. synodi, vnde facta definitione, ita inquit posuit multa: At verò si reprobauiet saltem vnum ex his, quæ hic scripta sunt, & à Beato Nicolao antè iudicata, fieri essus in Ecclesiâ nostra continuus, & simulatas Ecclesiasticorum negotiorum, ita vt nunquam videri posset in Ecclesiâ quilibet ordo, vbi enim concursus omnis patriarchalis throni, & vti didicimus dicatur, omnes sancti Theologi, si diabolico concilio ambiguitatem quis habeat, vocatio profecto, tandem infirmitatem habebit, & ecclesiastica constitutio pacem, anathema ergo illi, qui secundum aliquid præsumpserit reprobare quicquam ex his, quæ hic scribuntur à Patre, & Filio, & Spiritu Sancto amen, hæc ibi.

Quinto sic: à Concilio vniuersali plenario in causa fidei appellari non potest. Ergo sequitur, quod circa causas fidei errare non possit. Consequenter tamen patet, cum omnis causa vitiosa per appellationis remedium sit subleuanda, distinctio 2. quest. 6. cap. licet. Si Concilium tale errare posset in causa fidei, cum illa posset vitari; & ita per appellationis remedium esset subleuanda, & ita liceret appellare à Concilio. Antecedens tamen patet, cum ex decreto Concilij Chalcedonen. vbi statutum legitur, quod ab electa Synodo non appellatur. Electa autem Synodus dicitur, in qua assensus, & approbatio Apostolicæ Sedis interuenit, vt aliàs declarauimus.

Præterea: si appellare liceret, aut ad aliud Concilium vniuersale, aut ad Papam, aut ad Ecclesiâ vniuersalem. Non ad aliud Concilium vniuersale, quia eadem ratione, ab illo appellare liceret; & ita finalis causa imponi non posset. Non esset appellandum ad Papam; quia cum in Concilio plenario interuenire intelligatur consensus Pape, & auctoritas eius; appellatio illa esset à Papa ad Papam, & non ad aliquem superiorem. Nec etiam appellandum ad Ecclesiâ, quia frustra ad vniuersalem Ecclesiâ appellaretur, cum vniuersalis Ecclesiâ simul in vnum conuenire non possit.

Sexto sic: illa congregatio in his, quæ fidei sunt errare non potest, cuius definitiones, & constituta omnes Fideles sub pena, anathematis, siue priuationis communionis Fidelium iubentur obseruare, patet; sed vniuersalia Concilia sunt huiusmodi. Ergo, &c. Minor patet ex multis, cum ex Concilio non Toletano, vbi actione 11. ita dicitur: In quolibet in posterum, aut impune valeat conueniri, aut generalia statuta conuellerè, vt quæ-

quæcumque pro fidei causis, Ecclesiasticisque negocijs, aut in præteritis gestis, aut in præsentibus constitutis, aut in futuris etiam decretis, vel fuit, vel fuerint definitione conscripta vniuersalis auctoritatis, nullus hic deinceps contradicere audeat, nullus reuerberare presumat, nullus implere contendat. Nam si quis ex religione contrà hæc inobediens, aut susurrans, certe latrator, aut inuidus, aut porius non sautor exciterit graciosus, & honoris sui, & communionis sanctæ, lugeat amissione multatus.] Hæc ibi.

Item, hoc etiam à sanctis Patribus legitur institutum, vt dominus Aymarus libro de Synodis testatur, ita dicens: [Sancti Patres sub districto anathemate condemnasse leguntur eos, qui Orthodoxorum Patrum statuta non receperint, quæ vniuersalibus Concilijs consonare perspexerint.] Vnde Gregor. I. omnes à principalibus Concilijs dissentientes, in sua Synodica anathematizauit.

Septimò sic: ea quæ conclusa sunt in Concilio plenarij supradicto dicuntur vniuersaliter rortius Ecclesiæ consensu definita, & conclusa. Ergo sequitur, quòd præfatum Concilium vniuersale in his, quæ circa fidem definit, errare non possit. Consequentia patet argumentatione, quæ beatus Gregor. vitur in cap. sicut distinct. 15. dicens: [Cunctas verò, quæ præfata veneranda Concilia personas reperiunt, respuo, quæ venerantur, amplector, quia dum vniuersali sunt consensu constituta, se non illa destruit, qui quis præsumptet abolere quos ligant, aut ligare quos absolunt.]

Octauò sic: in Concilijs vniuersalibus plenarijs creduntur sancti Patres Spiritu sancto Canones condidisse, & maxime circa fidem, sine qua impossibile est placere Deo; vt inquit Apostolus ad Hebr. 11. Ergo videtur, quod talia Concilia, dirigente Spiritu sancto, in his, quæ fidei sunt, errare non possunt. Consequentia patet, quia Spiritus sanctus, cuius gratia editi sunt Canones, est Magister veritatis, & non erroris. Antecedens habetur ex cap. illo distinct. 15. quod est beati Isidori, vbi enumeratis quatuor vniuersalibus Concilijs plenarijs, scilicet, Nicæno, Constantino-politano, Ephesino primo, & Chalcedonen. ita inquit: [Hæc sunt synodi principales 4. fidei materiam plenissime prædicantes, sed, & si quæ sunt alia Concilia, quæ Sancti Patres Spiritu Dei pleni anxerunt post istorum 4. auctoritates, manent omni stabilitate vigore, secundò ex cap. violatores, vbi Damasus Papa, ita dicit: Violatores Canonum voluntarie, grauiter à Sanctis Patribus iudicantur, & à Spiritu Sancto infunduntur, ac de dono ditati sunt, damnantur, hæc ille.

Nonò sic: illud Concilium errare non potest in fide, quo errante, erraret vniuersalis Ecclesiæ: quia in tali Concilio vniuersali, vniuersalis Ecclesiæ representatur, & virtute con- tinetur.

Decimo arguitur sic: nullum iudicium, quod in materia fidei irreuerabile, & irrevocabile est, defectibile est, aut errare potest in fide, sed iudicium plenarij Concilij in materia fidei, ita habuit esse apud Sanctos Patres,

& definitum, vt inconuulsam, & irrevocabile in eum maneret, ergo Concilium vniuersale, de quo loquimur, in his, quæ fidei sunt defectibile esse non potest, consequentia est bona, maior etiam patet, minor verò est Gelasij Papæ in epistola, quàm vniuersis Episcopis per Dardaniam constitutis, scribit, vbi dicit: Patres nostri Catholici, videlicet doctores Pontifices in vnaquaque hæresi quolibet tempore suscitata, quicquid pro fide, pro veritate, pro communione catholica, atque apostolica in cõsultum voluerint, deinceps firmumque constare, nec in eadem causa denuò, quæ præfixa fuerant, retraheri quolibet recenti præsumptione permiserunt, sapientissime providentes, quoniam si decreta labilitate cuique liceret iterare nullum contra singulos quosque prorsus errorem stabile persisteret Ecclesiæ constitutum: atque semper eiusdem furoribus rediuiuis omnis integra definitio turbaretur, &c. Indè est, vt in cap. maiores 24. quæst. 1. habetur, idem Papa Gelasius dicit: Maiores nostri diuina inspiratio- ne cernentes, necessarii prædicantur, vt quòd contrà vnaquaque hæresin coacta, idem coadunata, semel synodus pro fidei communione auctoritate catholica, atque Apostolica promulgasset, non sine retractionibus mutilari, ne prauis occasio præberetur, quæ medicinaliter fuerant statuta post propulsandam, & infra in fine synodus semel gesta cõdemnans, vltius ad noua Concilia venite non sint, vt scilicet inquit, temere de fide dispunt.

Nam, vt inquit Imperator Martianus de summ. Triu. & fin. cap. iniuria facit iudicio reuocandissimæ Synodi, si quis semel iudicata, ac rectè disposita, reuolueret, atque publicè dispurare contendit, quò circa in cap. confidimus 27. qu. 1. Papa Gelasius inquit. Confidimus, quòd nullus tam veraciter Christianus ignorat vniuersalium synodi consuetudinem, quòd vniuersalis Ecclesiæ probante assensus, nulla magis exequi sedem præ ceteris oportet, quàm primam, quæ & vnamquamque synodum sua auctoritate confirmat, & continuata moderatione custodit. hæc ille. Huiusmodi autem Concilia, in quibus vniuersalis Ecclesiæ concurret assensus, sunt illa, quæ plenaria vocat Augustinus, quorum, vt ipse ait in epistola ad Ianuarium, saluberrima in Ecclesiæ auctoritas est, in cap. illa distinct. 2. de quibus currunt rationes, quæ sunt, quòd vniuersale Concilium errare in his, quæ fidei sunt, non possit.

Vltimò scilicet congregatio in definitione vniuersali sua in his, quæ fidei sunt, credenda est non errare, cuius definitionis oppositum tenentes, sunt hæretici, sed tenentes, & sapientes contrarium eorum, quæ vniuersalis Concilia plenaria de fide definiunt sunt hæretici: ergo, &c. consequentia est bona, maior patet, minor etiam patet, vnde dicitur in Concilio Chalcedonen. actione 5. post datam sententiam de duabus naturis, & vna persona in Christo, dicunt Patres sic. His itaque à nobis dispositis, definiuit sancta, & vniuersalis synodus alteram fidem nulli licere proferre, vel conscribere, aut componere, aut sentire aliter eos, aut qui ausi sunt, aut componere fidem alteram, aut certe proferre, aut decre, aut tradere alterum symbolum: si Epi-

si Episcopi fuerint, aut clerici, alienos esse ab Episcopatu, & clericos à clero, si Monachi, & laici fuerint, anathematizati, multa similia habentur ex alijs Concilijs vniuersalibus.

Secundo vero modo loqui possumus de Concilio vniuersali, prout tantum dicit Prælatorum congregationem distinctam, sue conuiniam à Romano Pontifice, sue non in cluso Romano Pontifice, & hoc modo loquendi sit ista conclusio: Concilium vniuersale non interueniente consensu, & approbatione Apostolicæ sedis errare potest in his, quæ fidei sunt. Quæ conclusio exemplis, & auctoritate ostenditur.

Exemplariter patet primò de Concilio, quod copioso numero Episcoporum conueniente Arimini celebratum est, in quo, vt dicit Hieronymus in altercatione Luciferiani, & Orthodossi nomine unitatis, & fidei infidelitas, scripta est, contrà quod Damasus Papa viriliter insurrexit, & congregato Concilio condemnas Liberium, annullauit quod fecerat, hoc Concilium beatus Augustinus vocat latrocinium, hoc Concilium damnatur in canone in cap. Sancta Romana Ecclesia, vbi Gelasius Papa inquit: In primis Ariminensium synodum à Constantino, Celsare, Constantini filio congregatam mediante Thaurio præfeto, ex tunc, & in æternum conſitemur esse, damnatam.

Secundò, idem ostenditur ex Concilio Ephesino secundo, quod legitime inchoatum fuit, presidentibus etiam Legatis Papæ, nihilominus in euerſionem fidei agitatum est, & in eius correſſionem Leo Papa Calcedonensium synodum inſtituit.

Item Synodus Aquileiæ celebrata, quam quintam vniuersalem synodum à Iuliano Imperatore, & Vigilio Papæ Constantinopoli celebratam ſuſcipere diſſidit: quam Sergius Papa ſalubriter redarguit, & ad concordiam reduxit, vt narrat Vincentius in ſpeculo hiſtoriali lib. 24. cap. 134.

Item ſynodus tricentorum triginta Episcoporum tempore Constantini Constantino- poli congregata, in qua, vt narrat idem, Vincentius libro commemorato cap. 174. ædiſtum promulgatum eſt de imaginibus Dei, & Sanctorum depouendis, contrà quam Stephanus Papa Romæ ſynodum congregat, in qua omnia à Constantino ordinata reor- dinat, & venerationem ſanctarum imaginum confirmat, eorumque prophanatores anathe- matizat, vt idem Vincentius commemorat li- bro præfato cap. 165. vnde ſeptima ſynodus condemnans præſatam ſynodum ſic ait: fremen- ti Concilio, contrà venerabiles imagines ana- thema.

Item, inſrà de peruerſione illius Concilij loquens, & cauſis damnationis eius, ita in- quit: Hoc, nempe Concilium Cayphaicum, conciliabulum factum eſt, illud aduerſus Do- minum inania meditarum eſt, hoc aduerſus imaginem fremuit, & inſrà hoc Concilium ſolam nuncupationem habet ſacerdotalem, ſcientiam autem prænam, atque prophanam, hoc Concilium contumax habet os, & ſpiri- tum mendacio delibutum. Nam veritatem, quamdam ſiſit, in fallacia præſumpſit, hoc Concilium, ſancta ſynodus, vt potè zizaniam Domini: & Aræ, id eſt Eccleſiæ Catholice, ven-

Tom. XIII.

tilauit, & ventilabro Diuini Iudicij proiecta, ablata ergo ſunt à Catholica Eccleſia, & re- darguta hgmata eius, hæc ille.

Item Concilium Aquigrani celebratum cuius definitioni circa materiam Sacramen- ti Matrimonij non ſtatim, videlicet quòd rap- tor non poſſit matrimonialiter cum rapta copulari, de quo in cap. placuit 36. qu. 2. ſed potius ſtatuitur auctoritati Hieron. contra- rium definitis, vt in cap. tria eadem quæſt. de quo ſit mentio, etiam in gloſ. ſuper cap. de libellis diſt. 20. ſic de multis alijs poſſent exempla induci, & cum illis, etiam de Baſi- lien. quod, & ſcandalofum, & in multis à San- ctorum Patrum doctrina erraſſe videtur. Præ- terea, quòd Concilium præſatum errare poſ- ſit, ſatis apertè colligitur ex beato Auguſti- no, qui in epiſtola quadà contrà Donatiſtas, vbi poſt quoddam acerrimum argumentum, ſubinfertur ad propoſitum, ſic faciunt mille con- cilia, Episcopi veſtri huic vnæ ſententiæ reſpondeant; & ad id, quod volueritis, conſentimus vobis.

Item idem colligitur ex beato Iſidoro in cap. Domino Sancti diſt. 50. vbi ait: quòd ſi in geſtis Conciliorum diſtans ſententia inue- niatur, illius Concilij ſententiæ ſtandum ſit, cuius quidem prior, & antiquior erat au- thoritas, numquam autem ad inuicem poſſunt diſcordare, niſi altero illorum à vero decli- nante, quoniam ſecundum Philoſophum 1. Ethic. Omnia vera conſonant, ſed falſum eſt, quòd à vero diſonant, hoc autem nequaquam diſiſſet Iſidorus, ſi fuiſſet impoſſibile Con- cilium aliquod errare. Idem etiam colligitur ex cap. cuncta per mundum. 9. quæſt. 3.

Item Auguſtinus in epiſtola contrà Do- natiſtas, ait: Itaque Concilium illud peruer- ſum, atque neſandum maxime, vt creditur, traditorum fuit. Ex his euulſatur præſentia ſtulta eorum, qui omni Concilio non errandi gratiam, quaſi eſſentialiter inſeſe aſſerunt, cum tam ex Euangelio, quam ex actibus Apo- ſtolorum, & geſtis antiquorum Conciliorum maniſeſte oppoſitum habeatur.

C A P. LIX.

In quo obijciuntur contrà prædicta.

Sunt aliqui aduerſarij, quibus non ſapit veritas prædicta de inſallibilitate iudicij plenariorum Conciliorum, & arguunt contrà illam multipliciter.

Primò ſic, vt Gulielmus Okan inducit in Dialogo ſuo: Vna ſola Eccleſia militans eſt, quæ contrà fidem errare non poſſet, quia de ſola vniuerſali Eccleſia militante inueni- tur in ſcripturis authenticis, quòd errare non poſſet: Concilium autem vniuerſale, ſi- cè ſit pars Eccleſiæ vniuerſalis, non tamen eſt ipſa Eccleſia vniuerſalis; ergo temerarium eſt dicere, quòd Concilium generale circa fi- dem errare non poſſit.

Secundò ſic: Illa congregatio, quæ po- teſt voluntate humana diſſolui, poſſet contrà fidem errare, quia illa Eccleſia, quæ in ſide errare non poſſet vſque in ſinem ſæculi eſt du- ratura, iuxrà verbum Chriſti Matth. vit. I Ego

Bbb b

autem

autem vobiscum sum vsque ad &c.) sed Concilium vniuersale potest humana voluntate dissolui, sicut dissoluitur: ergo Concilium vniuersale potest errare in fide.

Tertio: Illæ personæ, quæ in diuersis locis existentes possunt circa fidem errare: etiam si ad vnum locum conueniunt, possunt circa fidem errare: quia concursus ad eundem locum non reddit illos inobliquabiles à fide, quia sicut locus non sanctificat homines, ita non confirmat in fide, sed omnes ad Concilium venientes generale, antequam conuenirent, potuerunt circa fidem errare: ergo etiam postquam conuenerunt potuerunt, labi in hæreticam prauitatem.

Quarto sic Si in generali Concilio congregati circa fidem errare non possunt, aut hoc est ratione sapientie, quæ præfulgent, aut ratione sanctitatis, quæ pollent, aut ratione auctoritatis, & potestatis, quam habent, aut ratione promissionis Christi, qui promisit Apostolis fidem vsque ad finem seculi duraturam. Non propter primum tantum, quia sæpe multi sapientes Catholici inueniuntur extra generale Concilium, qui habent defensare fidem, licet errare possint. Non propter secundum, scilicet sanctitatem, quia non semper sanctiores sunt, qui ad Concilium conueniunt generale, tum etiam, quia sanctitas in Ecclesia militante nullos confirmat in fide, sicut patet. Nec propter tertium, scilicet auctoritatem, quia Papa est maior auctoritate illis, & tamen errare potest in fide, iuxta cap. si Papa diss. 40. Non etiam propter quartum, scilicet Christi promissionem, quia Christus promittens, quod fides semper duratura foret in Ecclesia, nullam fecit mentionem de Concilio vniuersali.

Quinto arguitur exemplis multorum Conciliorum, quæ videntur errasse, de quibus dictum est in precedenti cap.

Sexto arguitur etiam errasse Concilium plenarium, in quo consensus, & approbatio Apostolicæ Sedis interuenit, patet de Synodo Stephani Papæ Septimi, qui erronee omnes ordinationes factas per Formosum Papam irritas esse decreuit: vnde etiam Synodo celebrata Romæ per Ioannem IX. extitit reprobata: ergo Concilium vniuersale potest errare, quia constat, quod altera illarum Synodorum, quarum vna aliam reprobauit, errauit.

Septimo arguitur ex illo beati Augustini lib. de vniuerso baptismo contra Donatistas: plenaria Concilia sæpe priora posterioribus emendari: hoc autem non esset, nisi priora illa, quæ emendanda veniunt, aliquo modo errassent.

C A P. LX.

In quo respondetur obiectionibus præfatis.

Benè considerantibus, quæ dicta sunt, facile est respondere præfatis obiectionibus.

Vnde ad primam, cum dicitur, quod de sola vniuersali Ecclesia inueniatur in scriptu-

ris authenticis, quod errare non possit infide: respondetur dupliciter.

Primo, negando maiorem illam: quoniam in scripturis authenticis, non tantum de vniuersali Ecclesia, sed etiam de Romana, siue Apostolica Sede reperitur, quod errare non possit: vnde Luc. 22. dictum est Petro pro Ecclesia Romana, & Apostolica Sede: [Petre ego rogavi pro te, vt non deficiat fides tua,] habetur etiam in cap. in Sede, & in cap. hæc est fides 29. quæst. 1. sicut plenius in lib. 2. cap. 109. ostendimus.

Secundo, respondetur ad maiorem, quod licet plenarium Concilium non sit materialiter tota vniuersalis Ecclesia: est tamen tota auctoritate: vnde hac ratione in cap. confidimus 25. quæst. 1. definita in plenaria Synodo, dicitur vniuersalis Ecclesiæ assensu approbata.

Ad secundam, cum dicitur, quod congregatio, quæ voluntate humana, &c. respondetur, negando vniuersaliter assumptum. Vtrumque est notandum, sicut in 2. libro cap. 109. distinximus, quod non errare, siue deficere aliter videtur attribui, quando dicitur, quod vniuersalis Ecclesia errare, vel deficere non potest in fide, & aliter, cum attribuitur, aut Apostolicæ Sedi, aut plenario Concilio, vniuersali quidem Ecclesiæ attribuitur, quia fides nunquam deficit de Ecclesia: quoniam semper in aliquibus multis, aut paucis fides semper permanebit vsque ad finem, sicut nos plenissime ostendimus lib. 1. huius summæ cap. 28. Sedi verò Apostolicæ, aut plenario Concilio attribuitur quo ad iudicium, ita quod dicimus, quod ipse omnipotens Deus hos, quibus fidei magisterium commisit, non permittet in his, quod fidei sunt, errare, vnde stat benè, quod Concilium plenarium dissoluatur humana voluntate, & tamen cum sit congregatum, in his, quæ fidei sunt vniuersali omnium consensu definita, non erret, propter quod Imperator Martinus in epistola, quam in fine Concilij Chalcedonenis scribit Constantinopolitan, dicit sic: Verè impius, & sacrilegus est, qui post sacerdotum sententiam opinionem suam aliquid tractandum relinquit: extremæ quippe dementiæ est in medio, & perspicuo die commentitium lumen inquirere: quisquis enim post veritatem repperit, aliquid vtriusque discurit, mendacium querit, & infra. In iuriam facit iudicio Reuerendissimæ Synodi, si quis scemel iudicata, ac rectè disposita, reuoluere, & publicè disputare contendit. Hæc ille.

Ad tertiam, cum dicitur, quod illæ personæ, quæ in diuersis locis, &c. respondetur, quod ratio non procedit: quoniam licet omnes conuenientes ad locum Concilij sigillatim considerati possent errare, non tamen omnes simul iuncti in iudicio eorum, quæ ad fidem pertinent, Deo sic ordinante. Aliqua enim sunt priuilegia communicatis, quæ non conueniunt singulis de communitate, similiter licet quilibet de Ecclesia possit errare in fide, non tamen ipsa Ecclesia, quæ non est, nisi ipsorum fidelium collectio, sic in cap. Ecclesia de consecr. dist. 1.

Ad quartam, cum arguitur, quod aut ratione sapientie, &c. respondetur, quod principaliter ratione promissionis diuinæ, & ad im-

improbationem, cum dicitur, quod Christus, cum promissit Apostolis fidem duraturam, non fecit mentionem de Concilio vniuersali, responderetur dupliciter.

Primo, quod Christus promittendo beato Petro, quod fides eius in Ecclesia sua, & Sede numquam esset defectura Luc. 22. ut dictum est, & in Concilio pleuario Romanus Pontifex intelligatur, ut Caput, & Magister, ac Definitor, ex consequenti promissio illa extenditur ad Concilium vniuersale plenarium, quod & auctoritate, & approbatione Apostolicæ Sedis fulcitur.

Secundo responderetur, quod Christus promittendo Ecclesiæ vniuersali, quod porta inferi non esset prauertitur aduersus eam Matth. 18. promissio etiam intelligitur hoc plenario vniuersali Concilio, quod ipsam vniuersalem Ecclesiam plena representat auctoritate.

Ad quintam, cum arguitur, quod multa Concilia errasse leguntur, responderetur, quod illa Concilia, de quibus exempla inducta sunt, plenaria non fuerunt, cum in eorum definitionibus, nec approbatio, nec consensus Romani Pontificis, qui est vniuersalis Ecclesiæ Rector, & Princeps, interuenit, & ita non vniuersalis Ecclesiæ fuerunt auctoritate definita.

Ad sextam, cum arguitur de Concilio Stephani Septimi, responderetur, ut aliis responsum est in 2. lib. cap. 109. quod error ille non fuit circa ea, quæ humanæ salutis sunt necessaria, vnde non est ad propositum.

Ad septimam, cum arguitur de beato Augustino, responso eadem est, dicimus enim quod Augustinus non loquitur de emendatione quoad fidem, sed quoad ea, quæ consistunt in factis, in quibus Ecclesia potest falli, vnde ait ipsa plenaria Concilia sæpe priora posterioribus emendare, cum aliquo rerum experimento aperitur, quod clausum erat, & cognoscitur, quod latebat, hoc autem non videtur posse referri ad fidem, ut infra plenius dicetur.

CAP. LXI.

In quo ostenditur, quod Apostoli omnes in passione Christi à fide eius defecerunt.

Quoniam quidam aduersariorum ad probandum, quod Ecclesia vniuersalis in fide deficere possit, & per consequens vniuersale Concilium illam representans, magnum fundamentum capere videtur ex hoc, quod omnes Apostoli, in quibus vniuersalis Ecclesia representari videbatur, in Christi passione defecisse videntur, secundum illud Matth. 26. quod Dominus dixit Apostolis: [Omnes vos scandalum patiemini in me in ista nocte, scriptum est enim: percutiam pastorem, & dispergentur oves gregis.] I gloss. inter 1. ab vnitate fidei solentur. Placuit nobis de hoc aliquid tractare, vbi aduertendum est, quod sunt aliqui aduersariorum dicentes, nullo modo asserendum esse, quod omnes Apostoli in passione Christi defecerint, timentes ex hoc

Tom. XIII.

sequi, quod fides defecit Ecclesiæ, sed istud iudicio nostro, saluo semper meliori, non est bene dictum propter duo: primo, quia suppositum videtur falsum: secundo, quia consequentia, quam faciunt, nullas vires habet.

Primum patet, quoniam suppositum illud, videlicet quod omnes Apostoli in passione Christi à fide eius perfectæ non ceciderint, non videtur consonare, sed repugnare factæ Scripturæ, sanctorum Patrum testimonijs, & communi fidei vniuersalis Ecclesiæ. Repugnare quidem videtur factæ Scripturæ in pluribus locis.

Primo illi, quæ habetur Psalm. 13. [Omnes declinauerunt,] super quo ita inquit Hieron. hunc Psalm. de passione Christi refert, quoniam omnes Dominum reliquerunt, in tantum, ut Petrus quoque, qui Apostolorum vult Princeps, negaret. Item infra super illud. Non est qui faciat bonum vique ad vnum, dicit idem Hieron. sic hic apparet, quod hic Psalm. de passione pertineat: quia nullus de Discipulis, nec Petrus, qui Caput Ecclesiæ est, quia & ipse negauit. Hæc Hieron.

Item secundo, repugnat factæ Scripturæ illi, quæ habetur Psalm. 68. [Laboranti clamans, &c.] sequitur: [defecerunt oculi mei:] vbi sic dicit glossa: à sperando in Deum verum, alia littera habet sic: Discipuli desperauerunt: vnde oculi duorum Discipulorum tenebantur in via Christum non cognoscendum: quoniam desperantes dixerunt: Speramus, quod esset redempturus Israel, quibus extrà factum est, quod intus erat, id est cecitas cordis facta est in oculis, sed spem reddit, quando cicatrices palpandas obtulit, quibus tactis, Thomas ad spem rediit clamans: Deus meus, & Dominus meus. Hæc ibi. Item, repugnat Scripturæ sequentis versus, vbi ait: Multiplicati sunt super capillos capitis mei, &c. vbi ait gloss. tempore passionis recesserunt Iudæi à Christo, & etiam Apostoli: eo vero resurgente, redierunt Apostoli, sed non Iudæi. Hæc ibi.

Item tertio, repugnat Scripturæ illi Psalm. 87. [Oculi mei languerunt præ inopia:] super quo beatus Gregorius, & habetur etiam in gloss. ordinaria, ita loquitur, illi oculi, id est sancti Apostoli, quibus non reuelauerat cæco, & sanguis, sed Pater eius, qui est in Cælis, ut Petrus diceret: Tu es Christus filius Dei viui, videntes eum tradi, atque tanta perpeti mala; quoniam non videbant eum in virtute formæ suæ, sed quasi superatum, atque impotentem, infirmati sunt ab eius inopia, velut subtrahito sibi cibo lumine suo. Hæc ille.

Quarto, repugnat Scripturæ illi Psalm. 88. [Perfudisti eum confusione,] super quo ita inquit Hieron. confusione, inquit, mortis, hoc dicebant Apostoli, ignorantes eam à morte debere resurgere, & Petro quasi deliramenta visa sunt verba Resurrectionis eius, Thomas autem ait: Nisi videro, non credam. Hæc Hieron.

Quinto, contradicit Scripturæ illi Psalm. 108. [Genua mea infirmata sunt à ieiunio:] quod exponens beatus Augustinus de Apostolis ita inquit: vbi significatum esse arbitror eos, qui in membris eius fortes videbantur, tamquam præsentia panis, quo sustentabantur, abstracta in eius passione, defecisse vique ad nega-

B b b b 2 tio-

tionem, quæ apparuit in Petro. Et caro inquit mea immutata est propter oleum, vt eos mea morte deficiens, mea resurrectione firmarem, & misso Spiritu sancto vngerem, qui non ad eos venisset, nisi ego abiissem. Hæc ille.

Secundò, repugnat Scripturæ illi Psalm. 138. [Dies formabuntur, & nemo in eis,] vbi habet alia licera: per diem errabunt, & nemo in eis, quod beatus Augustinus exponens de Apostolis, ita ait: Dies hic adhuc erat Dominus Iesus Christus, vnde dicebat, ambulate, dum lucem habetis; sed per diem errabunt, imperfecti illi putauerunt, & ipsi Dominum Iesum Christum tantummodo hominem esse, non habere in se occultam diuinitatem, non esse occulte Deum, sed hoc solum, quod videbatur, hoc & ipsi putauerunt; nam & ipse Petrus dixerat Domino, cuius interrogasset, quem illum dicerent homines, tu es Christus filius Dei viui: dixerat ei Dominus: Beatus es Simon Bariona, quia caro, & sanguis non reuelauit tibi, sed Pater meus, qui est in Cælis; quare, quia dixerat illum filium Dei, vbi paulò post in eodem loco in ipsa contextione verborum cepit Dominus de passione sua futura dicere: ille autem Petrus, qui iam confessus erat illum filium Dei, timuit, ne sicut filius hominis moreretur: erat enim filius Dei, & filius hominis, timuit Petrus ne in forma serui periret forma Dei, & non potius præsumpsit, quia ex forma Dei reuiuisceret forma serui, & ait illi, habet à te Domine, propitius tibi esto, & Dominus, qui illum beatum dixerat, in illa voce, vade post me, inquit, sathana, neque enim sapi, quæ Dei sunt, sed quæ hominum, & infra: Christus inrer illos ambulauerat ante oculos illorum: fluctus calcauerat: ventis imperauerat, ante oculos ipso forum quadriduanum mortuum suscitauerat, ante oculos ipso rum tanta miracula fecerat: & tamen trepidauerunt in passione eius, quasi amisissent eum, de quo frustrà præsumpserant, sed per diem errabant, & nemo in eis. Nemo prorsus, nec ipse, qui dixerat, tecum ero vsque ad mortem; dixerat enim illis veniet hora, vt me relinquatis solum, & eam vnusquisque viam suam. Hæc Augustinus.

Septimò, contradicit Scripturæ illi, quæ habetur Iob 19. vbi dicitur Pelli meæ consumptis carnibus adhesit os meum, &c. quod verbum exponens beatus Gregor. ita ait: In osse fortitudo, in carnibus infirmitas corporis designatur, per os ergo Christus, per carnem Discipuli, qui tempore passionis infirma sapuerunt. Hæc illæ. Ex quibus auctoritatis videtur iuxta expositiones sanctorum Patrum Discipuli non videntur sapuisse, quæ Dei erant in Christo, sed tantum, quæ hominis erant, quæ dicuntur infirma.

Octauò, repugnat Scripturæ illi, quæ habetur Matth. 26. & Marci 14. vbi Christus ait Apostolis. Omnes vos scandalum patiemini in me in illa nocte: scriptum est enim percussit Pasorem, & dispergentur oues gregis gloss. interlin. ab vnitate fidei soluentur. Item, glossa ord. habet sic: prædicat, quod passuri sunt, vt cum passi fuerint, non desperent, sed pœniteant, qui scandalizantur nocte: scandalizantur, id est mente obcurati. Item, hunc locum exponens sanctus Thomas, ita

dicat Apostoli propter infirmitatem Carnis scandalum passi, aggravatur peccatum eorum ex propinquitate temporis, quia post tantas admonitiones, sacramenti suscepcionem, vnde obliti erant, quæ fecerat eis. Hæc ille.

Nonò, contradicit Scripturæ illi, quæ habetur Lucæ 24. vbi legitur, quod vrbæ mulierum nuncianrium Apostolis Christum resurrexisse, visa sunt Apostolis, quasi deliramentum, & non crediderunt illis.

Decimò, repugnat Scripturæ illi, quæ habetur Marci 16. vbi legitur, quod Dominus apparens Apostolis exprobrauit incredulitatem eorum, & duritiam cordis, quia his, qui viderant eum resurrexisse, non crediderunt; vbi dicit gloss. quæ est Gregorij in homilia, quod Discipuli resurrectionem Domini tardè crediderunt, non tam illorum infirmitas, quam nostra firmitas fuit; dubitantibus enim ipsis resurrectio per multa argumenta probata est, quibus, & nos firmius solidamur. Ad idem beatus Ambros. lib. de incarnatione cap. 7. sic dicit: Discipuli quidem aliquando errauerunt, ne nos postea errare possemus, ergo illorum error nobis profecit, quasi homines errauerunt, quasi Discipuli crediderunt. Hæc ille.

Amplius secundò, dictum etiam aduersariorum repugnat sanctorum Patrum doctrinis: ait enim beatus Isidor. vt habetur in gloss. super illud Exod. 3. ita vt fugeret Moyses, virga in serpente, Christus in morte, expauit Moyses, & fugit, mortuo enim Christo, expauerunt Discipuli à spe, in qua fuerant recedentes. Hæc ille. Cæterum dictum aduersariorum contradicit communi Ecclesiæ vniuersalis fidei; nam vt Gulielmus in rationali diuinorum officiorum testatur Candelam, quæ in diebus occultatur tentabarum hebdomadæ sanctæ, per totam Christi Ecclesiam, designat Christi fidem, quæ in sola Virgine remansit, per quam omnes fideles docti, & illuminati sunt. Item, idem confirmans irrefragabilis Doctor magister Alexander de Ales in 3. sententiarum in expositione Symboli dicit sic: Opinio, quæ dicit quod in sola Virgine stetit Ecclesia, in qua sola fides mansit in passione, videtur nobis vera. Item, Doctores iuris Canonici; vnde Huguccio in apparatu suo super illud de penitentia dist. 1. in §. his auctoritatibus dicit sic: Mortuo Christo, Petrus, & alij Apostoli defecerunt in fide Christi, dubitantes de eo, peccauerunt mortaliter; idem dicit Archid. in eodem loco.

Præterea secundò, dictum aduersariorum non est sustinendum: quoniam consequentia, quam faciunt, nullius efficacia est, Apostoli defecerunt in fide: ergo fides Ecclesiæ defecit: quoniam in beata Virgine dicitur integerrima permanisse, quod non est minus credibile, quam illud, quod beatus August. inquit super Psalm. [Sæpè expugnauerunt me à iuuentute mea;] & habetur in gloss. vbi ita dicit: Aliquando in solo Abel erat Ecclesia. Cæterum ista consequentia non valet; Petrus, & alij Apostoli defecerunt in fide; ergo vniuersalis Ecclesia, siue Concilium vniuersale, scilicet Papa, qui succedit beato Petro, & omnes alij Prælati, qui succedunt;

succedunt Apostolis simul Synodaliter congregari errare in fide possunt propter duo. Tum primo: quia nec Petrus tunc temporis Pastor erat Ecclesie, nec alij Apostoli erant in aliqua praelatione iurisdictionis sublimati: quoniam vt in superioribus commemoratum sæpe est, per verba illa tantum: [Pasce oues meas.] Io. vii. dicta Petro, Petrus constitutus est auct. Pastor Ecclesie vniuersalis: vnde tunc solus Christus erat Pastor Ecclesie, & ideo non mirum si oues Pastorem suum relinquentes, errauerunt, secundum illud Zachariz 13. & Matth. 26. percutiam pastorem, & dispergentur oues. Tum secundò, quia Apostoli deficientes, non defecerunt collegialiter congregati, videlicet defectu, qui ex communi consensu emanauerit, vt patet, sed defecerunt vt singuli, secundum quod Dominus eis prædixit dicens: Veniet hora, vt me relinquant, & eat vnusquisque in viam suam, Matth. 26. ex quibus satis patet aduersariorum dicta sustineunda non esse; sed cum iam ex sanctorum Patrum testimonijs habitum sit Apostolos in Christi passione defecisse in fide, querendum videtur, vtrum ratione illius erroris, quo errauerunt, poterant dici hæretici, vel infideles, ad quod nobis videtur dicendum, saluo semper meliori iudicio, quod non fuerunt hæretici, quia hæresis non tantum dicitur error in intellectu, sed pertinaciam, quæ formale principium, vt colligitur ex cap. hæresis 24. quæst. 3. vnde August. inquit: Non qui falsas opiniones imitantur, sed qui eas contumaciter defendunt, hæretici sunt censendi, cum autem Apostoli non resisterint fidei pertinaciter resurrectionis, aut aliquam animositatem defenderint incredulitatem eorum, non poterant censeri hæretici. Infideles verò dici non poterunt, vt purè sine fidei Christianæ patet ex supradictis: vnde Chrysost. tractans illud Io. 20. Maria Magdalena venit ad monuentum cum adhuc tenebræ essent, dicit, quia adhuc fuit in tenebris infidelitatis. Item, mulier, quid ploras? non lachrymas nudas, sed fidem quæro. Sed surgit hic alia quæstio: si infideles fuerunt, queritur in qua specie infidelitatis errauerunt? communiter enim non dicuntur, nisi tres species infidelitatis, videlicet prima, qua reicitur fidei non susceptæ, & talis est infidelitas Paganorum, siue gentilium; secunda est, qua renitur fidei susceptæ in figura, & talis est infidelitas Iudeorum; tertia est, qua renitur fidei in ipsa manifestatione veritatis. Et quæcumque harum ascribitur Apostolis, videtur inhonorabile eis. Ad hoc respondendum, nobis videtur, saluo semper meliori iudicio, quod nulla specierum Prædicatorum infidelitatis Apostoli dicendi sunt fuisse infideles tempore passionis Christi. Pro quo notandum, quod infidelitas tripliciter potest accipi: duos modos ponit sanctus Thom. in 2.2. quæst. 10. art. 1. Vno modo secundum puram, siue secundum simplicem negationem, vt dicatur quis infidelis ex hoc solo, quod non habet fidem, & hoc modo, vt dicit sanctus Thom. vbi supra, in his, qui nihil audierunt de fide, non habent rationem peccati, sed magis pœnæ, quia talis ignorantia diuinorum ex peccato primi parentis est subsecuta. Secundò, capitur infidelitas secundum con-

trarietatem ad fidem, quia scilicet aliquis repugnat auditui fidei, vel etiam contemnit ipsam, secundum illud Isaia 5. Quis credidit auditui nostro? & in hoc perficitur ratio infidelitatis. Cum autem Apostoli non sint dicendi simplicem negationem fidei habuisse, cum multa de fide, & resurrectione audierint à Christo: immò etiam ipsi confessi fuerint fidem diuinitatis in Christo, quando à Christo interroganti: vos autem, quem me esse dicitis: Petrus pro se, & omnibus alijs respondit. [Tu es Christus filius Dei viui.] Præterea, August. super Ioann. inquit, quod Apostoli à Christo creduntur baptizati, & per consequens habuerunt fidem Christi, & ita non possunt dici infideles per simplicem negationem fidei. Cæterum non poterunt etiam dici infideles secundò modo, scilicet secundum contrarietatem ad fidem, quia nusquam leguntur fidei contradixisse, tenendo, aut pertinaciter defendendo contrarium. Cum autem dicantur fuisse infideles, necesse est ponere tertium modum infidelitatis, qui scilicet medius sit inter duos modos prædictos, qui est quædam fluctuatio inter duas partes, nec vni, nec alteri firmiter adherendo, de quo videtur satis conuenienter ad propositum loqui cap. primum extrà de hæreticis, dubius in fide infidelis est. Fides enim, vt inquit beatus Bernardus, ambiguum non habet, vel si habet, fides non est, & isto modo possunt intelligi, tam dicta sacræ Scripturæ, quam sanctorum Patrum, vbi videntur Apostoli dici increduli, siue infideles. Et ex his patet, quod nulla illarum trium specierum, videlicet Paganorum, Iudeorum, hæreticorum, de quibus arguebatur, Apostoli sunt censendi infideles, quia Apostoli non dicuntur fuisse infideles, secundò modo infidelitatis, scilicet secundum contrarietatem ad fidem, cuiusmodi infidelitatis sunt præfate tres species, vt superius est explanatum.

CAP. LXII.

Quod ad Romanum Pontificem spectat corrigere, & damnare Concilia, quæ in perniciem fidei, aut scandalum Ecclesie processisse contingit.

Quemadmodum ad Romanum Pontificem, vt ad Ecclesie Principem pertinet Concilia vniuersalia, si bene processerint, approbatione, & auctoritate sua confirmando honorare. Ità ipsius est, ea Concilia, quæ in perniciem fidei, aut totius Ecclesie perturbationem celebrata reperta fuerint, corrigere, reprobare, ac cassare ea, quæ minus iuste, minus bene acta sunt, retractando, & condemnando, sicut de Concilio Ariminensi patet, quia enim in eo fides Iæsa fuit, & infidelitas conscripta, Damasus Papa eam annullat, vt iam diximus supra in cap. 58. Item, idem patet de Ephesino Concilio secundo, quod licet auctoritate Apostolica fuerit congregatum, & amplissimo Prælatorum numero venerabile, vtumtamen, quia vt dicit Leo Papa

Papa in eo non fuit obferuata iultitiz moderatio, nec fidei Religio; idem Leo Papa beaiffimus non modo ſine ipſius Synodalis congregationis aſſenſu ſubmouit, ſed etiam condemnato, caſauit, atque reprobauit documento eius, qui ait Iſaia 79. Diſſolue colligationes impietatis: atque in correptionem eius Synodum Chalcedonen. ſua auctoritate inſtituit. Pro cuius Synodi male actæ condemnatione, ſcribit Gaſſa Placida ſemper Auguſta Helenæ pulcherrimæ piſſimo ſemper auguſto orans, vt de illa Synodo Leo Papa permetteretur iudicare, ſicut ad eum iure primatus ſui pertinebat, ita dicens. Cum ergo beato Petro noſtram præſentiam dediffeſmus, illic multitudine Sacerdotum Romanus Leo Papa circumdatus pro dignitate ſui loci, vos primus adit, qui propter impoſitam gemitus ſui criſtiam, deſiderium plenè ſuum verbis inſinuare non poterat, vicit tamen, conſtantia ſapientiz Sacerdotis, vt lachrymas paululum retineret, & cauſam violatz fidei, tamquam huius vindex, manifeſto ſermone, profferret. In quo ſermone cognouimus noſtris Catholicam fidem eſſe turbatam, quam à Divo Patre noſtro Conſtantino noſtri generis parentes ſeruauerunt; ergo tua clementia, ſecundum Catholicam fidem, quod ſemper nobiſcum fecit, & nunc ſimiliter conſpire videtur: dignetur vt quicquid in illius tumultuoſo, miſeroque Concilio, ſcilicet Ephefino conſtitutum eſt, omni virtute ſubmoueat, & omnibus integris permanentibus, ad iudicium Apoſtolice Sedis, in qua primitus beatiſſimus Apoſtolorum Petrus, qui etiam clauis Regni Cælorum ſuſcipiens, Sacerdotij Principatum tenuit Episcopatus cauſa militaret. Hæc illa. Item pro eadem cauſa ſcribens Imperatori Theodoſio, ſic inquit: Dum in ipſo ingreſſu Ciuitatis hanc citram habuiſſemus, vt cultum beato Petro redderemus, in ipſo adorando altari martyrii Reuerendus Leo Episcopos paululum ſe poſt orationem retinens, propter Catholicam fidem apud nos deſcendit, & infra: hæc ergo gratia tua manuſuetudo tantis turbis reſiſtens, veritatem immacularam fidei Catholicæ religionis ſeruare præcipiat, vt ſecundum formam, & definitionem Apoſtolice Sedis, quam etiam nos tamquam præcellentem ſimiliter veneramus, inſtituta Sacerdotij, illiſo manente per omnia Flauiano, ad Concilij, & Apoſtolice Sedis iudicium tranſmittantur, in qua primus ille, qui Cæleſtes clauis dignus fuit accipere, Principatum Episcopatus ordinauit. Hæc illa. Item, pro eadem cauſa, & cum eadem fide Valentinianus Imperator ſcribens Theodoſio Imperatori ita dicit: Cum adueniſſem in Urbem Romam ad diuinitatem placandam, ſequenti die ad Baſilicam beati Petri Apoſtoli proceſſi, & illic à Romano Episcopopo, & ab alijs cum eo ex diuerſis Prouincijs congregatis rogatus ſum, ſcribere veſtre manuſuetudini de fide, quæ cum ſic conſeruatiſſimum animarum, dicitur perturbata, quam nos à noſtris maioribus traditam debemus cum omni competenti deuotione defendere, & dignitatem propriæ venerationis beato Apoſtolo Petro intemeratam, & in noſtris temporibus conſeruare, quatenus beatiſſimus Romanæ Ciuitatis Episcopos, cui

Principatum ſacerdotij ſuper omnes antiquitas contulit, locum habeat, & ſacultatem de fide, & ſacerdotibus iudicare. Hæc ille. Ex quibus manifeſtè patet, quod ad Romanum Pontificem iure Principatus ſui pertinebat iudicare de quibuſcumque ſacerdotum congregationibus, ſi errore aliquo illas contingeret maculari. Quocirca ſanctus Dionyſius Papa ſcribens Severo Episcopopo, dicit ſic, Olim, & ab initio tantam percepimus à beato Petro Apoſtolorum Principe fiduciam, vt habeamus auctoritatem vniuerſali Eccleſiæ, auxilianre Domino, ſubuenire, & quicquid nociuum eſt, auctoritate Apoſtolica corrigere, & emendare, ad hoc enim diuinz diſpenſationis prouiſio gradus, & diuerſos conſtituit ordines eſſe diſtinctos, & ſic dum minores potioribus reuerentiam exhiberent, & potiores minoribus dilectionem impenderent, vna concordia fieret ex diuerſitate contextio, & ratione officiorum geretur adminiſtratio ſingularum, hæc ille.

De hac verò auctoritate Romani Pontificis in caſſando concilia nequiter celebrata, & hoc pro ſua auctoritate, qua à Chriſto donatus eſt, cum ei dictum eſt. Quodcumque ligaueris ſuper terram, erit ligatum, & in cælis, & quodcumque ſoluieris ſuper terram &c. loquitur Papa Nicolaus in epiſt. illa glorioſa, quam ſcribit Archiepiscopos Metropolitans, & Episcopos Conſtantinopolitanæ Sedi ſubiectis pulchrum teſtimonium faciens, ita inquit. Nec non & patrum, ac prædeceſſorum noſtorum ſecuti veſtigia, qui ſoliti ſunt etiam vniuerſorum Concilia nequiter celebrata caſſare, Pontificum ſiqua ſocia ſunt, crebro dicte, vel exemplaria fortassis epiſt. &c. Vnde in geſtis octauæ ſynodi de Papa Nicolao ita habetur, tunc cognolcens Papa Nicolaus ſcilicet, quæ fecerat Phocins contra Ignacium, & ſcrutans omnia, fecit ſynodum, & conuocauit omnes occidentales Episcopos, Archiepiscopos, Metropolitans, & omnem clerum ſanctæ Romanæ Eccleſiæ, atque totum Senatum Principum Romanorum, & damnauerunt Liberium, & Concilium malignantium, quod factum eſt aduerſus ſanctiſſimum virum Ignacium, & depoſuit Apocriſtarios, qui venerant huc, Raydealdū ſcilicet, & Zachariam, & ab omni honore ſacerdotali, ac omni communionem repulit eos: quoniā communicauerunt, & conſenſerunt, & conſtituerunt inuaſorem, & adulterum Phocium, & abdicauit concilium malignantium: hæc ille.

Item, ſynodus Romæ congregata tempore Adriani, qui ſecutus eſt Nicolaum ſupplicans: vt proſequeretur, quod inceperat Papa Nicolaus, dicit ſic, Quapropter oramus te o angelice Papa, vt eundem habens ſpiritum, eundemque zelum pietatis; quem, & fratres tui ſeruentiſſimi præſules, conciliabulum eum geſiſis ſuis, quod Conſtantinopolim nuper contra veritatem ſub tyrannicè impetrante Michael, congregatum eſt, ita ſententie veſtre falce recidatur, vt nullum de eo momentum, nullum de eo remanet omnino veſtigium, ſed ad ſui damnationem vel excommunicationem Ariminenſis ſynodoſo, vel Ephefino latrocinio ſic modis omnibus comparandum. Et infra: Adrianus ipſe proſequens petitionem præſatæ ſynodi, ita inquit, Conci-

liabu.

liabulum vanitatis à Focio, & huius fautore Michaelē, videlicet tyrannicā imperantē Constantinopolim aduersus Apostolicā Sedis reuerentiam, & priuilegium congregatum, ut poceat veritatis inimicum, & omni falsitate, replectum, quod & sibi contentientium animas interficiens, Ephesino latrocinio comparandum fore statuimus; & ipsius execranda gesta, quibuscunque habeantur monumentis inserta, summi iudicis Iesu Christi, sanctorumque Principum Apostolorum Petri, & Pauli, nostraque mediocritatis auctoritate, penitus abolenda decernimus, ita ut igni voranda tradantur, & anathemate perpetuo percellantur: similiter, & de ceteris scripturis, quæ, viris iam nominatis auctoribus, contra eandem sedem tempore diuerso sunt editæ, gerendis modis omnibus diffinimus hæc ille.

Item, idem Adrianus Papa scribens Teopasio Patriarchæ in septima Synodo dicit sic. Vestra sanctitas suggerat pijs Imperatoribus, ut in primis pseudosylogus, idest falsam collegium, ille, qui sine Apostolica Sede inordinatæ, & sylogistice factus est aduersus venerabilium Patrum traditionem, contra diuinas imagines, anaciematizetur presentibus apocifarijs nostris, & omne zizanū eradiceatur ab Ecclesia, & Domini nostri Iesu Christi sermo compleatur, quia portæ inferi non præualebunt aduersus eam, & rursus. [Tu es Petrus, & super hanc petram ædificabo Ecclesiam meam, & tibi dabo clauēs Regni cælorum, & quodcunque ligaueris super terram &c.] cuius Sedes in omnem terrarum Orbem primatum reuens, resurget, & caput omnium Ecclesiarum Dei consistit, hæc ille.

Item, idem testatur Papa Pelagius scribens vniuersis Episcopis per Dardaniam constitutis, ut testatur domini Aymar in libro de syuodis, & habetur etiam in capit. cuncta 9. qu. 2. ubi ita dicit: Cuncta per Mundum nouit Ecclesia, quod sacrosancta Romana Ecclesia de omni Ecclesia phas habet indicare, nec cuiquam de ea liceat iudicare iudicio, siquidem ad illam de qualibet mundi parte appellandum est, ab illa autem nemo appellare permittitur, sed nec illa præterimus, quod Apostolica Sedes frequenter more maiorum, etiam sine vlla synodo præcedente exoluendi, quæ, vel quos Synodus iniqua damnauerat, & damnandi, nulla existente Synodo, quos oportuit, habuit facultatem, & hoc nimirum pro suo principatu, quem beatus Petrus Apostolus domini voce tenuit, & semper tenebat, sanctæ quippe memoriz Athanasij Synodus adixerat, quem tamen exceptum Sedes Apostolica, quia damnationi grecorum non consensit absoluit, itaque Flavianum Pontificem grecorum congregatione damnatum pari tenore, quoniam sibi Sedes Apostolica non consensit potius, qui illi receptus fuerat Dioscorum sedis secundæ præfulem, sua auctoritate damnauit, & impiam Synodum non consentiendo sola submouit; & auctoritate, ut Synodus fieret Calcedonensis, sola decreuit hæc ille.

Huic autem sententiæ dominus Aymar subiungit. Alij sanctissimi patres, scilicet, Calixtus, Fabianus, Sixtus, Siluester, Iulius, & reliqui innumerabiles attulauerunt, quam à

Deo amplexi sunt veritatē, ut potius mori, quam mentiri deliberauerint, hæc Aymarus Item, beatus Greg. in registro scribens Eulogio, & Anastasio Episcopis dicens sic. Ante hos quidem annos octo sanctæ memoriæ prædecessorum mei Pelagij tempore, frater, & coepiscopus noster Ioan. in Constantinopolitana Vrbe, ex alia causa occasionem querens, Synodum fecit, in qua se vniuersalem, appellare conatus est, quod mox ipse decessor meus, ut agnouit, directis epistolis S. Petri Apostoli auctoritate eiusdem Synodi acta cassauit: hæc ille.

C A P. LXIII.

De ordine Conciliorum adinuicem: Cui standum sit, si sibi inuicem dissonare, siue dissonare inueniantur?

Quoniam quandoque Concilia vniuersalia aduersari, siue dissonare ad inuicem videntur, ut in cap. domino sancto dist. lib. ab Ild. innuitur. Iam videndum est, cuius Concilij sententiæ magis obtemperandum, siue standum sit.

Circa hanc quæstionem conclusio videtur esse beati Augstini Concilia provincialia debere credere vniuersalibus, & vniuersalia priora quandoque posterioribus emendari.

Vnde ipse Aug. ponens gradus varios inter eos, qui auctoritatem habent in Ecclesia, ita loquitur lib. 2. de baptismo contra Donatistas, quis inquires nesci sacram Scripturam tam veteris, quam noui testamenti certis suis terminis contineri, & amque omnibus posteriorum, Episcoporum licetis ita præponi, ut de illa omnino dubitari, vel discipulari non possit, verum verum, vel verum rectum sit quicquid in ea scriptum esse constitit, Episcoporum autem licetis, quæ post confirmatum canonem, vel scriptæ sunt, vel scribentur, & per sermonem foris sapientiorum cuiuslibet in ea re potiores, & per aliorum Episcoporum grauiorem auctoritatem, doctorumque prudentiam, & per Concilia, licet repræhendi, si quid in eis forte à veritate deuiatum est, & ipsa Concilia, quæ per singulas regiones, vel provincias sunt, pleniorum Conciliorum auctoritate, quæ sunt ex vniuerso Orbe Christiana sine vllis ambagibus cedere ipsæque plenaria Concilia sæpe priora posterioribus emendari cum aliquo rerum experimento aperitur, quod clausum erat, & cognoscitur, quod latebat sine vllis typo sacrilegæ superbiz, sine vlla inflata ceruicæ arrogantiz, sine vlla contentione liuidæ inuidiz, cum sancta humilitate, cum pace catholica, cū charitate Christiana, ite, in cod. loquendo de Cypriano ita ait, si autem concilium eius attenditur, huic est vniuersæ Ecclesie posteriori Concilium præponendum, cuius se membrum esse gaudebat. Nam, & Concilia posteriora prioribus apud posteros præponenda, & vniuersum partibus semper optimo iure præponitur. Hæc Aug. Sed forassis vide-

videbatur alicui huic sententia Aug. aduersari sententia beati Iſid. qui vt habetur in cap. Domino ſancto diſt. 50. dicit, quod quotieſcunq; in geſſis Conciliorum diſcors ſententia inuenitur, illius Concilij magis ſententia teneatur, cuius antiquior, & potior exiſtit auctoritas, hec ille.

Cui ſententie etiam ſanere videtur Leo Papa ſanctiſſimus, qui ſcribens Anatholio Epiſcopo, ita inquit. Nulla ſibi met de multiplicatione congregationis ſynodalia Concilia, nec 300. illis & 18. Epiſcopis quantumlibet copioſior numerus ſacerdotum, vel comparare leudeat, vel præſerre, cum diuinitus & priuilegio, Nicæna ſit Synodus conſecrata, vt ſiue per pauciores, ſiue per plures Eccleſiaſtica iudicia celebrentur, omni penitus auctoritate ſit vacuum, quicquid ab illorum fuerit conſtitutione diuerſum. Item, eadem ſententia reperitur ab eodem Papa Leone ſcribens Epiſcopis, qui in ſancta Chalcedonenſi Synodo fuerunt congregati. Item, Nicolaus Papa in epiſtola ad Michaelẽ Imperatorem, vt habetur in octaua Synodo ad argumentum Focij, & ſuorum, quia numero Patrum arguebant dicentes, in Concilio vniuerſali, vbi Ignatius ſuit deſcriptus, tot fuiſſe Epiſcopos, ſicut in Nicæno Concilio, reſpondit ita. Nos quidem non numerolum tantum ſanctorum Epiſcoporum Collegium Nicæni, vel Chalcedonenſis Conciliorum cæterorum ſanctorum Patrum Synodicas conſtitutiones ſequimur; ſed eorum liberales veneramus iuſſas, & Diuinitus inſpiratas ſententias, & non tantum pro ſuorum multitudine obſeruauit nobis, quia reuera multi in perſonis fuerunt, ſed inuoluntatis ſententis eos perpendimus plures eſſe, verum pro concordia horum viſum eſt nobis, ſaluo ſemper meliori iudicio, fore diſtinguendum, quoniam diſſonantia illa, quæ inter Concilia plenaria vniuerſalia dicuntur eſſe, vel eſt circa ea, quæ fidei ſunt, aut non, ſed circa iudicia, vel inſtituta circa proficua, & regimen humanæ vitæ, ſiue Eccleſiaſtica diſciplinam.

Si primò modo, ſit iſta conſuſio.

Si diſcordia inueniretur inter Concilia vniuerſalia, quod non credimus, iuxta dicta dicta, poſſibile, ſtandum eſſet, ſententie antiquioris, ſiue prioris Concilij, dum tamen fuerit vniuerſale plenarium, auctoritate Romani Pontificis, & approbatione fulctum, & roboratum, cum enim, vt ſuprà diximus tale Concilium in fide, ſtante diuina promiſſione, errare non poſſit, & fides ſit ſimplex, & incommutabilis, vt ait Auguſt. & Leo Papa: non poſſet ſequens Concilium illi in veritate aduerſari, niſi alterum ipſorum à veritate fidei deuiaret, quia vero non niſi falſum diſſonat, aut ergo controuerſia vera non eſt, quod magis credendum eſt, aut aliquod illorum Catholicum non eſſet: quod magis de poſteriori præſumendum eſſet, cum antiquum iam totius Eccleſie acceptatione fuiſſet approbatum, pro qua parte videtur facere dictum beati Iſidori in cap. Domino ſancto diſt. 50. quod ſuprà inchoatum eſt, vbi etiam non parum vtile erit aduertere, quod ſanctus Thomas dicit, in 4. contra gentiles cap. 25. quod cum dicitur in Chalcedonenſi Synodo, quod Patres apud Conſtantinopolim congregati

doctrinam Nicæni Synodi roborauerunt, non eſt intelligendum per modum additionis, quaſi ad id, quod niſius eſſet inferentes, ſed per modum declarationis, ea, quæ de Spiritu ſancto dicta ſunt contra eos, qui cum Domini reſponſu tentauerunt, Scripturatum teſtimonijs roborantes.

Vndè beatus Hilarius lib. 5. de Synodis, in deſenſione Synodi Chalcedonenſis contra quosdam criminantes eandem Synodum, quia aliqua videbatur addidiſſe, quæ non fuerunt in Nicæno Concilio, ita dicit: neſcientes regulam, & conſuetudinem Conciliorum, ſic noua poſterioribus Concilijs, prout neceſſitas emergentium hæreticorum exegerit fanxite decreta, vt tamen in vita permancant, qui dudum antiquioribus Concilijs contra veteres hæreticos fuerunt promulgata. Nam ſi poſt Nicæni Concilij ſtatuta, niſi amplius liceret recipere, qua auctoritate Spiritum ſanctum vnus gloriæ cum Patre auderemus aſſerere, quod ibi conſtat omnino tacitum fuiſſe? hæc ibi.

Si verò diſſonantia, quæ reperitur inter Concilia, ſit circa ea, quæ iuris ſunt poſitiui circa regimen humane vitæ, aut diſciplinam Eccleſiaſticam, magis ſtandum videtur poſterioribus, per quæ in talibus agilibus, ſiue eorum materia eſt variabilis, ſæpe priora ſupplentur, moderantur, & etiam corriguntur, ſic ut dicit beatus Auguſtinus, vel ſuprà inducitur eſt, quod ſæpe priora poſterioribus emendantur, cum aliquo rerum experimento aperitur, quod clauſum erat, & cognoviſſet quod latebat. In talibus ergo non habet locum antiquitas, quoniam aliqua ſuperioribus temporibus erant conuenientia, quæ noſtis valde inconuenientia forent, & diſpendioſa. Vndè canones Apoſtolorum, licet cæteris vetuſtiores ſint, tamen in multis eorum rigida ſententie non ſtat, ſed ſententie per pietatem mitigatæ per alia ſequentia Concilia, in illis enim etat ſtatutum, vt Presbyter fornicationem quomodolibet committens deponeretur, ſed talis rigor per Gangreſem Concilium hodie mitigatur, & illi ſtat, & ita præiudicatur canonibus Apoſtolorum, vt dicitur 82. Presbyter: ita etiam Concilio Nicæno circa diſpoſitionem Secundum Partiarchalum præiudicatum eſt per Concilium vniuerſale ſextum, quoniam iuxta diſpoſitionem Concilij Nicæni Alexandria Eccleſia habebat primum locum poſt Romanam, iuxta verò diſpoſitionem Concilij Conſtantinopolitani ſexti, Conſtantinopolitana habebat locum ante Alexandriam, vt in cap. renouantes, diſt. 22. & illi nunc ſtat, & præiudicatur Nicæno, licet antiquiori, verum vt tangitur in gloſ. præſati cap. Domino ſancto, diſt. 50. aliqui diſtinguunt de conſtitutionibus, in quibus Concilia reperiuntur diſſonare, quoniam conſtitutiones illæ, aut ſunt locales; & temporales, aut ſunt generales, ſi locales, & temporales, tunc præponenda eſt illa conſtitutio, quam plures grauiores recipiunt illi, quam potiores auctoritate obſervant, iuxta regulam datam in cap. Canonici diſt. 19. & ita videtur ſtandum eſſe in iſto caſu Concilio, cuius potior eſt auctoritas. Si verò ſunt generales, potior videtur præiudicare priori, extra de cognat. ſpir. cap. 1. & ſi. de

ñ. de legi. non est nouum, vbi dicitur, quod posteriores leges trahunt ad se priores: Sed querit, tam Glossator, quam Hugo, qualiter posset esse contrarietas in Canonibus, cum dicitur esse conditi per Spiritum sanctum, vt in cap. violatores 25. quæst. 1. Ad hoc respondens Hugo dicit, quod potest dici, quod sancti Patres non semper loquebantur per Spiritum sanctum, & ita potuerunt dicere contraria, vt ignorant, vel scilicet, vel posset dici, quod non est ibi contrarietas, nisi quo ad nos, qui non plene intelligimus; hæc ille. Glossator verò responder, quod duo canones possunt esse contrarii, & tamen vterque est iuste institutus, quia vnus statuit, & iuste, alter contrarium posset statuere, & iuste, vt 63. dist. 8. verum, quod intelligendum est, habita consideratione ad diuersas causas, vel circumstantias temporum, vel locorum; vade proprie non sunt contrarii: Nam diuersitas statutorum, nequaquam contraria esse censetur, si diuersitas locorum, & temporum atque personarum, quibus distributa sunt intelligatur.

C. A. P. LXIV.

Cuius iudicio standum sit, si in Concilio vniversali contingat Patres à Papa, vel eius legato dissentire?

Postquam visum est, quid arguendum sit, cum discors sententia reperitur in statutis vniversalium Conciliorum: Iam enucleandum venit, cuius sententia, siue iudicio standum sit, cum Patres Concilij in Synodo congregati super definiendis, atque statuendis, siue iudicandis dissentiant. Pro quo videtur nobis per distinctionem procedendum; quoniam dissensio, siue discordia inter Papam, & Patres Concilij, aut est in materia fidei, aut non. Si in materia fidei, hoc dupliciter, aut est materia illa, iam definita prius per Apostolicam Sedem, quam Patres Concilij, aut vellent refutare, aut immutare, & in tali casu: sit ista conclusio, quod sententia Papæ firmiter standum est, iuxta beatum Hieron. in cap. hæc est fides 24. quæst. 1. Et in hoc sensu videtur intelligenda gloss. super cap. quodcuque, quæ ita dicit argumentum, quod sententia totius Ecclesiæ præferenda est Romanæ, si in aliquo sibi contradicant argumentum 93. dist. legitimus, sed contrarium credo argumentum hæc est fides 24. quæst. 1. nisi erraret Romana Ecclesia, quod non credo posse fieri, quia Deus non permetteret, argumentum, infra c. A recta, & cap. pudenda; hæc gloss.

Item, gloss. super cap. nemo 9. quæst. 3. sic dicitur. quod Concilium non potest Papam iudicare, vt extra de elect. cap. significasti; vnde si totus Mundus sentiret contra Papam, videtur, quod sententia Papæ standum esset, vt 24. quæst. 1. hæc est fides; hæc gloss. Secundò modo possumus loqui, quod prædicta contrarietas sit in materia fidei, sed nondum definita, sed quæ nouiter per Consi-

lium veniret definienda, tunc in tali casu ponitur ista conclusio secunda, quod magis regulariter standum foret iudicio Patrum. Concilij, quam iudicio Romani Pontifici. Ista conclusio, in primis videtur colligi ex gloss. in cap. Anastasius dist. 19. quæ ita habet: Papæ tenetur requirere Concilium Episcoporum, vbi de fide agitur, & tunc Synodus maior est Papa, quod intelligendum est maioritate discreti iudicii, secundum quod non dubium, quin regulariter Concilium, sit maius Romano Pontifici. Nam vt Bernardus dicit: quæ maior superbia, quam quod homo toti congregationi iudicium suum præferat, tanquam ipse solus habeat Spiritum Dei? propter quod Archid. approbans gloss. præfati cap. Anastasius dicit: Periculosum esset fidem nostram committere arbitrio vnus hominis. Et non modò Papa vniversalis Concilio, sed etiam vnicoque, qui melius sentiret, deberet credere plius, quam sibi. Sicut exemplum habemus de beato Petro, qui Paulo resistenti sibi rationibus acquieuit, de quo pulchre Cyprianus in quadam epistola, ita loquitur, nam nec Petrus, quem primum, Dominus elegit, & super quem edificauit Ecclesiam suam, cum secum Paulus de circumcisione postmodum disceptasset, nec vendicauit sibi aliquid insolenter, aut arroganter assumpsit, nec dicere se primum tenere, & obtemperari à nouellis, & posteri sibi potius oportere, nec desepit Paulum, quod Ecclesiæ primus persecutor fuisset, sed Concilium veritatis admisit, & rationi legitime, quam Paulus vendicauit, facile consensit, documentum nobis, & concordie tribuens, vt non pertinaciter nostra amemus, si quæ aliquando à fratribus, & Collegis nostris utiliter, & salubriter suggeruntur, si sint vera, & legitima, ista potius, quam nostra dicamus.

Diximus autem regulariter, quia non esset impossibile, quod quandoque vnus homo, & maxime Papa multiplici respectu in aliqua materia melius sentiret ceteris omnibus; vnde secundum communem doctrinam Doctorum in sola beata Virgine fides mansit inuiolata Catholica in triduo, & sanctitas Ecclesiæ. Dicitur etiam in cap. Nicæna 31. dist. quod Panuntius Confessor contradixit Nicænæ Synodo volenti instituire, quod Episcopi, Presbyteri, atque Diaconi cum vxoribus, quas ante consecrationem, duxerant non dormirent: dicit gloss. vnus ergo potest contradicere vniuersitati, si habeat rationabilem causam, vt extra de his, quæ fin. à maior. par. ca. cap. 1. Vbi tamen aduerendum, quod quando talis controuersia in materia fidei orta esset inter Papam, & Patres Concilij licet vniuersitas Patrum sequenda esset, vt potest iudicio discretionis præminior, & superior, nihilominus nihil videretur conciliariter concludendum, quousque concordaret Papa, & Patres in vnâ simul conuenient conclusionem, & sententiam. Si verò materia, circa quam dissensio, & contrarietas esset inter Patres, & Romanum Pontificem, non pertinere ad fidem, sed ius positium, tunc distinguendum, quia aut ista dissensio esset super condendo nouum ius, aut super tollendo in veteri alius positum, aut super dispensando in veteri

iure: Si super ius nouum condendum, est distinguendum, aut tale ius, siue constitutio habet qualitates legis, quas beatus Hieronymus ponit in cap. erit autem lex dist. 4. videlicet, quod sit honesta, iusta, rationalis, iuxta naturam, & consuetudinem patriæ, loco, temporisque conueniens, necessaria, utilis, &c. sit ista conclusio. Quod sententia Papæ est præferenda sententiæ omnium aliorum. Quæ conclusio patet, tum ex superioritate Romani Pontificis, quia in Ecclesia præminet vniuersis, vt Prælati, Magistri, & Princeps, & habet plenitudinem potestatis, vt a. quest. 7. decreto, & extrâ de audi. & vfu palium ad honorem; tum ex qualitate legis, & quæ talis esse possit, quod religioni congruat disciplinæ conueniat, & proficiat saluti; vnde iusta huiusmodi, & præcepta Romanæ Ecclesiæ ab omnibus seruanda sunt, vt dist. 12. cap. 2. & in cap. enim dist. 19. dicit Stephanus Papa V. Enimvero quia in speculum, & exemplum sancta Romana Ecclesia, cui nos Christus præfere voluit, posita est omnibus, quicquid statuit, & quicquid ordinat perpetuo, & irrefragabiliter obseruandum est; hæc ille, hæc est sententia Hug. & Archid. in cap. in istis dist. 4. ad dentes, quod vbi subditi nolent acceperat rationabilem constitutionem, posset eos ad hoc compellere, & sic factum est, vt inquit Archid. 23. q. 5. de liguribus, vt ibi patet in casu, vt eum aliis eius potestas esset delusoria. Si verò contingat, quod id, quod Rom. Pontif. instituit vult, non habeat qualitates præfatas legis, ita quod nec religioni congruat, nec disciplinæ conueniat, nec proficiat utilitati, aut etiam non sit loco, temporisque conueniens, sit ista conclusio, quod potius standum, esset contradictioni Episcoporum, quam voluntati Papæ.

Ista conclusio est gloss. in cap. in istis dist. 4. quæ ita habet: Cum Papa vult condere Canones, Episcopi possunt contradicere, & dicere, Canon iste non conuenit consuetudini religionis nostræ. Si verò controuersia sit super tollendo ius antiquum, vt putâ, quod Episcopi vellent tollere aliquos canones, aut instituta antiqua, & Papa nollet, sit ista conclusio. Sententiæ Papæ in hoc casu potius standum est, patet conclusio; tum quia Episcopi legati sunt per vetus ius, & ideo non possunt de veteri iure iudicare, nec ipsum tollere, dist. 4. in istis; tum quia, quod semel approbatum est, ammodo non potest reprobari, nisi Papa consentiente 8. quest. 2. dilectissimi, & cap. licet gloss. in cap. veniam 35. quest. 9. dicit, quod Papa approbat, non licet alijs reprobare 24. quest. 1. hæc est fides. Si verò controuersia sit in dispensando contra vetus ius, sit ista conclusio. Sententiæ Papæ est magis standum, quam opinioni aliorum, patet conclusio ex cap. veniam 35. q. 9. vbi Papa dispensat cum vno à prædecessoribus suis damnato ad preces, seu petitionem Episcoporum, quod non fuit necesse, quia cum ipse solus plenitudinem potestatis habeat, vt potest Princeps legum Ecclesiæ, ad ipsum per se pertinet dispensatio pro tempore, & loco canonum, & regularum sanctionum Patrum, prout utilitati Ecclesiæ prospexit expedire, vt in cap. necessaria 1. quest. 7. inquit Papa Pelagius, vt supra plenè circa cap. 54. dictum est.

Sed arguunt quidam aduersariorum, quod si Papa præferret in aliquo iudicium suum Patribus existentibus in Concilio vniuersali, cum illi repræsentent Ecclesiam vniuersalem, existimaret posse errare damnabiliter, & per consequens credere Ecclesiam non sanctam contra articulum: Credo sanctam Ecclesiam, sed videtur nobis hoc argumentum valde debile.

Tum primò, quia si loquamur de iudicio auctoritatis, siue potestatis iurisdictionis, cum hoc iudicio Apostolicæ Sedis nullum sit maius, vt supra ostendimus, maxime in secundo libro, & habetur in cap. patet 9. quest. 3. Papa præferendo se in auctoritate huius iudicii omnibus alijs Fidelibus, qui sine sint dispersi, siue congregati omnes, sunt eius oues, & ei subditi, non præfert se vniuersali Ecclesiæ, & vniuersalis Ecclesia nominat Corpus cum capite suo, sed bene præfert se vniuersali Ecclesiæ, prout nominat Corpus vniuersitatis fidelium subditorum ipsi Christi Vicario.

Tum secundò, quia si loquamur de iudicio discretionis, si etiam Papa in aliquo casu, & in aliqua materia præferat iudicium suum iudicio aliorum Patrum existentium in Concilio, non sequitur propter hoc, quod Papa existimaret vniuersalem Ecclesiam posse damnabiliter errare.

Tum primò, quia falsum est, quod aliqua congregatio Presbyterorum seculo Romano Pontifici. vero, & Catholico, qui Princeps, & Caput vniuersalis Ecclesiæ est, repræsentet vniuersalem Ecclesiam.

Tum secundò, quia licet vniuersale Concilium Ecclesiam vniuersalem repræsentet, dicitur, non tamen est ipsa Ecclesia vniuersalis, & ideo aduersariorum consequentia nulla est, vniuersale Concilium errat, ergo vniuersalis Ecclesia errat, vnde licet Concilia aliqua, vt Ariminensis, & Ephesinum secundum errate damnabiliter dicatur, non tamen propter hoc dicitur vniuersalis Ecclesia damnabiliter errasse.

Tum tertio, quia non omnis error est damnabilis, aut obuius sanctitati, Ecclesia enim in multis fallit, & fallitur, vt in cap. a nobis 2. de sentent. ex, & nihilominus talis error non derogat sanctitati militantis Ecclesiæ, obuiaret autem sanctitati triumphantis, vt patet; quoniam illa nullum errorem, nullumque defectum patitur, seu admittit, sed omnia ibi in luce clarescunt.

C A P. LXV.

Cui partii Patrum de Concilio standum sit, si inter eos dissensionem interuenire contingat

Reliquum est, iam videre si dissensionem inter Patres Concilij oriri contingat, quæ illarum pars præferenda sit, vt situr an. scilicet semper arguendum à maiori parte?

Ad quod responsuri, sic distinguendum iudicamus, quoniam materia, super qua est inter Patres dissensio, aut habet pro aliquâ

qua sui parte ita euidenter rationem, aut iram apertam auctoritatem, quod eius oppositum manifeste est falsum, & in isto casu: sit ista conclusio, in Concilijs vniuersalibus in praedicto casu, non est arguendum semper à maiori parte, quæ conclusio primo exemplariter de Concilio Ariminensi, vbi cum inter Patres numero 830. fuisset dissensio, & maior pars fuerat errantium, vt patet ex historia, male argutum fuisse tunc à maiori parte; vnde Damas. Papa Scribens Episcopis per Illyricum constitutis. Nec enim praedictum aliquod fieri potuit per numerum Arimino congregatum, quando constat, nec Romanum Episcopum, cuius ante omnia decebat expectare decretum, nec Vincentium, qui tantis annis Episcoporum inuolabiliter custodiuit, nec alios talibus praebuisse assensum.

Secundò patet in secundò Concilio Ephesino, in quo cum etiam plures fuerint, qui declinauerunt à veritate, pauci verò pro veritate certantes, malum fuisset si in illo Concilio à maiori parte fuisset argutum, possint etiam alia exempla poni de alijs Concilijs, quæ superius errasse commemorata sunt; vnde planum est, quòd in tali casu, vbi apparet, & euidens ratio veritatis est, sacrilegium esset arguere à multitudine, sicut leguntur fecisse Iudei contra Christum, qui vt inquit Chrysost. conuenerunt, vt multitudine vincerent, quem ratione superare non poterant, à veritate se nudos professi sunt, qui se multitudinem armauerunt. Si verò materia, super qua est controuersia, non sit clara, & euidens, vt oppositum per rationem, aut auctoritatem Scripturæ sanctæ, ac sanctorum Patrum definita, manifeste ostendatur falsum, sed videatur habere probabilitatem ad utranque partem, sit ista conclusio, quòd in tali casu regulariter à maiori parte sit arguendum. Patet ista conclusio, quia vbi maior pars, ibi praesumitur esse Ecclesia, vt 56. dist. Apostolica, iuxta gloss.

Tam secundò, quia vt in cap. in cunctis; extrà de his, quæ s. à maior. par. cap. dicit Concilium Lateranense. In cunctis Ecclesijs, quod pluribus, & senioribus fratribus visum fuerit, inuicantur debet obseruari, graue nimis est, & reprehensione dignum, quòd per quasdam Ecclesias pauci, quandoque non tam ratione, quàm propria voluntate ordinationem Ecclesiasticam procedere non permittunt: hec ibi.

Ad hoc etiam iuuat. cap. sicut; dist. 15. hinc in Concilio nonò Toletano est ordinatum sub hac forma, quòd cum qualibet Synodus agitur, aut pacifice inter Pontifices quippiam definitur, si pauciores per nescientiam, vel contentionem forte dissentiant, aut communiter plurium sententia cedant, aut ab eorum cætu cum dedecore, & confusione abscedant, aut excommunicationis annus luant penam. Bene autem dicitur per nescientiam, vel contentionem dissentiant; quoniam si pauciores, immò etiam vnus cum rationabili causa contradicere vniuersitati, vt in superiori cap. tamum est, non est culpabile, iuxta cap. Nicæna 31. dist. Sanè non est prætendum hic silentio, quid olim sancti Patres obseruandum dixerunt, ne in vniuersali-

bus Concilijs super huiusmodi dubijs ventilandum controuersia aliqua oriretur, & vt veritas plenius, & citius illustrata, ac ceptabilis fieret toti Ecclesie. Planè vt tam ex antiquorum Conciliorum historijs, quàm ex beati Augustini sententia colligere possumus, hoc apud veteres Patres obseruatum est. Summus enim Pontifex, quandò Patriarchis, & alijs Ecclesiarum Prælatibus denunciaret voluntatem suam de congregando Concilio vniuersali, semper explicabat necessitatem conueniendi, & materiam, super qua foret prouidendum, mandans, vt ipsi primò in suis Prouincialibus Concilijs deliberarent, & quid totius Prouinciæ Patribus in vnum congregatis visum esset, per nuncios mittendos ad vniuersale Concilium, ipsi vniuersali Concilio explicarent; vnde beatus Augustinus contra Donatistas hoc aperte testari videtur, sic dicens: quomodo enim potuit res ista toto altercatum nebulis inuoluta, ad plenarij Concilij luculentam illustrationem, confirmationemque deduci, nisi prius diuinitus per Orbis terrarum Regiones multis hinc, atque hinc dispositionibus, & collationibus Episcoporum, pertractata constaret?

CAP. LXVI.

Quòd Papa possit transferre Concilium congregatum de loco ad locum, id rationabili causa exigente.

SANè ex his, quæ supra de Principatu Apostolicæ Sedis, ac prægatiua dignitatis, quam habet Romanus Pontifex super vniuersalia Concilia, enucleauimus, manifesta luce colligere possumus hanc conclusionem, quòd Rom. Pontif. sua auctoritate, causa legitima occurrente, potest Concilium vniuersale congregatum, de loco ad alium locum transferre.

Ista conclusio non solum exemplis multis in Ecclesia Dei, in quibus, aut propter pestem, aut guerrarum angustias, translationes sæpe factæ leguntur Conciliorum, sed ita ratione sit manifesta, vt vacuus sensu omnino indicandus veniat, qui Romanum Pontificem, ad quem, & vniuersalia Concilia spectat congregare, auctorizare, confirmare, interpretari, dispensare, & male celebrata cassare, vt in superioribus est demonstratum, neget posse, causa legitima occurrente, sine existente, Concilium sua propria auctoritate de loco ad locum transferre? Præterea, si Pastor potestatem habet transferendi gregem de loco ad locum, prout gregi pascendo cognouerit expedire, quis, nisi sensu vacuus negabit Romanum Pontif. qui Pastor est vniuersalis Ecclesie, & per consequens Concilij eam representantis, posse transferre vniuersale Concilium, cum hoc rationabilis causa exposcit? Cæterum si iuxta sanctorum Patrum irrefragabilia testimonia superius inducta Summus Pontifex rationi sui primatus, pro conditione, & necessitate rerum auctoritatem habet, vt moderatur sit Canonum, prof-

Ad multo magis existente temporis, rerumque necessitate Conciliorum transferre, cum iuxta Gregor. in cap. noui dist. 12. non pro locis res, sed pro rebus loca amanda sunt, & 2. Machab. 5. dicatur, quod non propter locum gentem, sed propter gentem locum Dominus elegit. Planè non videtur parum circa fidem auctoritatis Summi Pontificis desipere, qui hoc priuilegium Apostolicæ Sedi denegaret, verum si per aduersarios huius conclusionis inducatur decretum Constantinien. Concilij, quod incipit frequens, quod etiam confirmatum asseritur per Dominum Papam Martinum, in quo videtur dari lex scripta Papæ in transferendo Concilium; Conciliorum autem vniuersalium decreta videntur obseruanda esse, quemadmodum lib. 4. Euangeliorum, vt testatur Gregor. in cap. sicut dist. 15. Respondetur tamen breuiter abstinendo à multis, quæ rationabiliter in hoc diei possent, quod constitutio illa Constantinensis Concilij non arctat Papam, aut stringit, quin Papa possit dictam constitutionem moderare, siue in ea per temporum, personarumque necessitate dispensare, aut in totum tollere, quemadmodum in superioribus de Canonibus sacrorum Conciliorum manifesta veritate offendimus, manifestè etiam habetur ex 6. ex his 25. quest. 1. Papa enim non subiicitur legibus Conciliorum, vt in cap. significasti, extra de elect. & in l. Princeps ff. de legi, quia non Rex legi, sed lex est subiecta Regi, quæ lex animata dicitur. Quod autem inductum est de cap. sicut, quod decreta Conciliorum obseruanda sunt, sicut 4. libro Euangeliorum, non obstat, quia illud, sicut gloss. testatur, & in superioribus plenè declarauimus, vniuersaliter non est verum, sed tantum habet veritatem in his, quæ de fide, vt putà circa articulos fidei, ac Sacramentis per Concilia definita sunt.

Nec consequenter obstat, quod etiam dicitur, quod constitutio illa frequens fuerit confirmata per Martinum, quoniam approbatio, siue confirmatio Martini præfata in hoc genere rerum, nullum potuit inferre præiudicium suis successoribus pari, immò eadem post eum potestate functuris, cum par in parem non habeat imperium, in cap. ne ruit, 5. Quamuis de elect. & in l. Marcus de arbit. vnde ipse dominus Martinus, non obstante prædicta constitutione Concilij Constantinensis, & confirmationis suæ, dedit Præsentibus suis in Concilio Bonensi potestatem transferendi Concilium, nulla facta mentione consensus Concilij; vnde ratio aduersariorum non militat.

C A P. LXVII.

Quòd Romanus Pontifex causa legitima, siue rationabili existente, possit auctoritate sua vniuersale Concilium dissolvere, etiam inuitum.

Planè considerata benè superioritate Romani Pontificis, atque auctoritate, quam habet in vniuersali Ecclesia, nullus Christia-

nus vertet in dubium, quin Romanus Pontifex, qui Ecclesiæ Princeps est, & cui totius Ecclesiæ vniuersalis cura ab ipso immortalis Omnipotentis Deo commissa est, poterit vniuersale Concilium congregatum, rationabili causa exposcente, absque cuiuscumque alterius consensu, dissolvere, aut in alium locum transferre, quam conclusionem, licet multis rationibus firmare possemus ex superioribus, aliqua commemorando paucis agemus.

Primò sic, ex illo, quod ait Christus beato Petro Matth. 18. [Quodcumque ligaueris super terram, erit ligatum & in Cælis, & quodcumque solueris super terram, erit solutum & in Cælis.] Vnde contra hanc potestatis prerogatiuam dicere videntur, qui negantes Romanum Pontificem ex causa rationabili posse dissolvere Concilium aggregatum.

Secundò sic, principium regulare, ff. de legib. l. 1. est, quod eiusdem est solueri, cuius est condere; vnde etiam iuris regula prima situata extra de regulis iuris est, quod per easdem causas res dissoluitur, per quas nascitur; cum autem vniuersalia Concilia auctoritate Romani Pontificis, & congregentur, & robur accipiant, vt patet dist. 17. per totum: patet quòd Romanus Pontifex poterit Concilium vniuersale, rationabili causa exposcente, dissolvere; vnde remota potestate Papæ, iam non remanet Concilium, sed conuenticulum, vt dicit text. dist. 17. multis.

Tertiò sic, si vt superius ostensum est, Concilia non rite celebrata Romanus Pontifex, vtpotè totius Ecclesiæ Iudex, potest sua auctoritate, sine cuiuscumque alterius consensu, cassare, & reprobare, vt in cap. cunctis per mundum, 9. qu. 3. quis, nisi infensurus, negabit Romanum Pontificem Concilia non rite celebrata, aut in malum machinaria, posse auctoritate sua, sine consensu cuiuscumque, dissolvere, arrento maxime, quòd Dominus per Prophetam Isaiam, ait cap. 54. [Solue colligationes impietatis.]

Quartò, confirmatur auctoritate Papæ Gelasij, quæ in cap. cunctis 9. qu. 3. ira inquit: Cuncta per mundum nouit Ecclesia quoniam quorumlibet sententis ligata Pontificum, Sedes beati Petri ius habet dissoluendi, vtpotè, qui de omni Ecclesia ius habet iudicandi.

Quintò sic, negare quòd Roman. Pontifex non possit dissolvere Concilium congregatum, rationabili causa exposcente, videtur esse nimium periculosum Christianæ fidei, & vnitati Ecclesiæ, ergo nullo modo est dicendum; consequentia patet, & antecedens colligitur ex calibus multis.

Primò quidem, & maxime cum contineret, quòd ad eorum hominum impietatem Synodus esset deuoluta, quorum studia priuata in euersionem fidei, pacis, & vnitatis agerentur Ecclesiæ, sicut ait Leo Papa VIII. de secunda Synodo Ephesina.

Secundò, cum Episcoporum, quæ Patres, & columnæ dicuntur Ecclesiæ, iudicio contempto, inferiores, multitudine seditiosa præualente, hierarchicum ordinem molirentur confundere.

Tertiò, cum Synodus in tyrannidem esset conuersa.

Quartò, cum aliqui in Concilio nouis ausi.

aufibus vſurpare iura Apoſtoliſci Principatus pertinaci animoſitate contenderent.

Quintò, cum contingeret, quòd Concilium faueret hoſtibus Romanæ Eccleſiæ, ac Summæ Pont.

Sextò, cum Princeps tetra, in qua celebrari Synodus contingeret, multitudinem clericorum dominijs fui aduerſus Romanum Pontificem, vel Romanam Eccleſiam, aut alios Prælatos Chriſtianos, aliquod finitrum inentare præſumeret.

Septimò, cum Synodus ad manus deuolueretur eorum, qui pro Principatus ſui gloria augenda, aut temporali vtilitate conſequenda, perpetuare Concilium niterentur.

Oſtauo, cum cauuloſè, aut maliſioſè id ageretur, vt adueniente Romani Pontificis deſeſſu, ad eos futuri Pontificis deuolueretur electio. Et ſic de ſimilibus, quæ tam ex antiquorum quorundam Conciliorum præſcripta, quàm ex præuijs Baſileenſis ſtudijs nota ſunt.

Quis autem in huiusmodi caſibus, niſi ratione vacuus, dogmatizare præſumeret Romanum Pontificem vniuerſalis Eccleſiæ Principem, Paſtorem, & Cuſtodem non poſſe, abſque cuiuſcumque alterius conſenſu Concilium vniuerſalis Eccleſiæ diſſoluere? Planè non niſi inſanus aſſereret quòd turbæ luporum inſidiantium vitæ ouium, paſtor non poſſet abſque luporum conſenſu lupis illis obuiare, & illos proſequere de loco. Ex quibus manifeſtè conſtat error dicentium, quòd Romanus Pontifex, etiam rationabili cauſa expoſcente, non poſſit propria auctoritate ſine conſenſu Concilij diſſoluere ipſum congregatum Concilium. Contra quem errorem poſſunt facere omnia, quæ ſuperius inducta ſunt de Romani Pontificis auctoritate, & ſuperioritate, tam ex auctoritatibus ſanctorum Patrum, & Canonum, quàm gloſarum, quorum ſententiæ potius ſtandum videtur, quàm quorumcumque nouellorum Magiſtrorum adinventionibus. Nam, vt inquit Nicolaus Papa in cap. ridiculum, diſt. 12. Ridiculum, & ſatis abominabile dedecus, vt traditiones, quas antiquitus à Patribus ſuſcepimus, infringi patiamur; vnde Proverb. 22. dicitur: [Non transgrediaris terminos, quos poſuerunt patres tui.]

CAP. LXVIII.

In quo obijciunt per Aduerſarios contra prædicta.

Aduerſarij impugnantes præſertim conſuſionem arguunt multipliciter in contrarium illius.

Primò, ex decreto frequens Concilij Conſtantiſis, in quo cum prohibeatur mutatio loci, prorogatio temporis Concilij, ſine conſenſu Concilij, multò magis prohiberi videtur diſſolutio.

Secundò ſic, Concilium, cum ſit congregatum ad aliqua agenda, videtur, tantò tempore debere durare, quouſque cauſa, propter quas eſt congregatum, ſinem fortiantur optatum; perfectæ enim debent eſſe opera Con-

lij, perfectum autem eſt, cui nihil deſit; ergo videtur, quòd nullo modo conuenienter diſſolui poſſit ante complementum eorum operum, propter quæ ſit congregatum.

Tertiò ſic, ſi Concilium eſt pro cauſa, Papa congregatum, vt putat, quia diſſoluitur eſt de hæreſi, clarum eſt, quòd diſſoluitur id non poſſet Papa; ergo conſoluit præſcripta falſa, conſequencia videtur bona.

Quartò, ſi Concilium congregatur pro extirpanda aliqua hæreſi, quia, vt habet gloſa in cap. Anaſtaſius, diſt. 19. in quaſtione fidei Papa debet requirere Concilium Episcoporum, videtur, quòd aut expeditionem rei Papa non poſſet diſſoluere ſine conſenſu Concilij; ergo, &c.

Quintò, ſi Papa poſſet ſua auctoritate diſſoluere Concilium; ſimiliter poſſet prohibere, ne vnumquam celebrarentur vniuerſalia Concilia, ſed hoc non poſſet, vt patet. Ipſa enim potestas, & priuilegia ſunt ad edificationem, non autem ad deſtructionem; prohibere autem celebrationem Conciliorum, caderet in euersionem fidei, ruinam Eccleſiæ, & perturbationem populi Chriſtiani.

Sextò ſic, ſi Papa poſſet diſſoluere vnum Concilium propria auctoritate, ita & aliud, & ſic de ſingulis, & ita poſſet omnia Concilia, antequam aliquid concluderent, diſſoluere, quod non modo ſcandalolum, ſed pernicioſum fieret Eccleſiæ Dei.

Septimò, ſi hæretici vellent conuerti, & non niſi per Concilium, clarum eſt, quòd tale Concilium Papa non poſſet diſſoluere, niſi conſenſu interueniente Patrum ipſius Concilij.

Oſtauo, ſi Concilium congregatum eſt pro bono vniuerſalis Eccleſiæ, & tale bonum Papa ſolus prohibere non poſſet, videtur, quòd Papa ſine conſenſu Concilij diſſoluere non poſſet, aliàs videretur magis hoſtis Eccleſiæ, quàm promotor.

CAP. LXIX.

In quo reſponderetur obiectionibus factis.

Iam facile reſponderi poſſet obiectionibus factis, vt vnicò quali verbo facisſeri poſſet omnibus ſimul, videlicet, quòd nos non dicimus, quòd Romanus Pontifex pro libito voluntatis quæque Concilia diſſoluere poſſet, ſed tamen legitimis rationibus, ſive rationabilibus cauſis hoc expoſcentibus, hoc enim ſolum dicimus, quòd non modò in ſanctorum Patrum libris, ſed in præſcripta cognouimus vniuerſalis Eccleſiæ, videlicet, quòd ſicut in Romani Pontificis facultate, & potestate eſt pro arduis, magnificis cauſis Concilia temporibus, & locis congruis congregare, ita rationabilibus cauſis expoſcentibus, abſque cuiuſcumque alterius conſenſu, ipſe ſua auctoritate, vtpote qui vices Chriſti gerit in terris, tranſferendi illa, & diſſoluendi illa, liberam habeat facultatem. Et qui contrarium dicit, non modò illius priuilegijs diuinitus conceſſis derogare videtur; ſed Chriſto Saluatori noſtro, cuius Vicarius eſt, qui non tam

Item facultatem Vicario suo dedisset, non videretur ei dedisse plenitudinem potestatis necessarium ad Ecclesiam suam vniuersalis gubernationem, & defensionem, & ita minus sufficeret fuisse prouisum Ecclesie, quod de Deo, cuius prouidentia amplissima est liberalitatis, & quæ in sui dispositione non fallitur, non est fas dicere; licet ergo ista sufficerent ad singulas obiectiones in communi: nihilominus ad singulas in particulari respondemus.

Ad primam, de decreto Constantensi plenè responsum est in cap. 66. præcedenti. Præterea, decretum illud non est ita abusive interpretandum, quod causa imminente, siue vigente, Papa non habeat facultatem dispensandi circa loci mutationem, temporisque prorogationem Concilij; & per consequens dissolutionem eiusdem, cum etiam, nec tale statutum esse posset, iuxta superius demonstrata, & clare habetur extra de elect. cap. significasti.

Ad secundam, cum dicitur, quod Concilium tanto tempore debet durare, &c. respondetur, verum est, nisi aliud impediatur, propter quod rationalis causa exposceret, ut dissolveretur tale Concilium, & reseruentur illa opera complenda alio in loco, & alio tempore.

Ad tertiam, cum arguitur de Concilio congregato ratione hæresis, de qua Papa esset iudicatus, &c. respondetur, quod in hoc casu, ut nobis apparet, Papa, maxime si infraudem faceret, non posset sine consensu Concilij, quod in illa parte Index est, dissolvere Concilium.

Ad quartam, quando arguitur de Concilio congregato pro extirpanda hæresi: respondetur, quod videtur nobis rationale, quod in tali casu Papa non sic dissolveret sine consensu Concilij; nihilominus, ubi Papa de certo ralem dissolutionem non faceret in fraudem, sed manifestè cognosceret, quod pro dicta hæresi extirpanda alio tempore, & alio loco conuenientius celebraretur vniuersale Concilium, posset ipse sua potestate, quæ à nullo, quam à Deo dependet, nec ligari potest, illud Concilium dissolvere, & aliud pro eadem causa instituire celebrandum.

Ad quintam, cum arguitur, quod pari ratione posset prohibere, &c. respondetur, negando consequentiam; manifestum est enim, quod ex hoc, quod Papa habeat potestatem rationabili causa exposcente dissolvere, congregatum Concilium, non sequitur, ergo potest prohibere, ne vniquam celebrarentur Concilia. Concilia enim vniuersalia, cum ut inquit August. sint saluterrimæ auctoritatis illorum celebratio, ut in principio lib. 3. ostendimus ex multis, vtilissima, & accommodatissima esset in Ecclesia Dei, & pertinere videtur ad numerum eorum, qui vniuersalem statum vniuersalis Ecclesie respiciunt; vnde si Romanus Pontifex, instante maxime causa

necessaria celebrationis Concilij vniuersalis, celebrationem eiusdem impedire reperiretur, tamquam hostis fidei, & Ecclesie habendus esset.

Ad sextam, cum arguitur, ergo potest singula Concilia dissolvere, respondetur, negando consequentiam: & ratio est, quoniam rationabilis causa, seu legitima dissolutionis Concilij, ante complementum operum propter quæ congregatum est, non potest omnibus Concilijs esse communis, licet alicui, aut aliquibus possit accedere. Concedimus enim, quod omnia illa Concilia Papa dissolvere posset, quibus eadem causa rationalis dissolutionis esset communis, quia ubi eadem causa, ibi idem ius videtur habere locum.

Ad septimam, cum arguitur de hæreticis, respondetur, quod in illo casu, si aliud non interueniret, verum est, sed nihilominus si sub colore conuersionis hæreticorum, aut reformationis Ecclesie, alia mala committerentur, sicut contigit in Basiliensi Concilio, ubi sub colore reductionis Bohemorum, & reformationis Ecclesie in capite, & in membris, præteata sunt multa mala, & scandala orta; usurpata enim sunt Apostolica Sedis præiulia, plurima mala dogmata seminata, Papa posset reuocare, sicut sanctæ memorie Dominus Eugenius fecit de præfato Concilio Basiliensi.

Ad octauam, cum arguitur de Concilio congregato pro bono vniuersalis Ecclesie, respondetur, sicut ad præcedens; multa autem in his aduersariorum argumentationibus præsupponuntur, ut puta, quod solus Papa inter omnes de Concilio obuiet bono vniuersalis Ecclesie, aut quod ipse videret necessitatem Ecclesie, & fidei periculationem, nisi Concilium continuaretur, & tamen, quod ipse solus nollet continuationem Concilij, & multa similia, quæ aduersarij facili, & temerariè iudicant in Summis Pontificibus, licet tantæ iniquitatis exempla nusquam superioribus temporibus expressè in aliquo vero Romano Pontifice legerint, non respondemus, non quia credamus illa tanta facilitate possibilia, quanta aduersarij illa possibilia supponunt. Nobis enim non videtur tantum malum de Summis Pontificibus faciliè iudicandum, considerata maxime prerogativa illius Apostolicæ Sedis, tam ex parte Divinæ pollicitationis, quam ex parte excellentiæ meritum sanctorum Pontificum, qui in ea sederunt; vnde Symmachus Papa in cap. non nos distinct. 40. dicit, quas enim Sanctum dubitat, quem apex tantæ dignitatis extollit? In quo si desunt bona acquiescentia per meritum, sufficiant, quæ à loci prædecessore testantur. Aut enim claros ad hæc fastigia erigit, aut quæ eriguntur illustrat.

Et tantum dictum sit pro illo tertio libro huius præsentis summæ de Ecclesia.



EIVSDEM AVCTORIS.

DE SVMMI PONTIFICIS,

& Generalis Concilij potestate.

Ad Basileensium Oratorem, in Florentina Synodo
responsio, viua voce, exhibita.

SVMMARIVM.

- 1 *Aposolica Sedes, haereses non fouet, sed destruit.*
- 2 *Romano Pontifici, iure diuino caput omnes inclinans.*

PRÆFATIO.



Ostatis, credo, superiori die, pro vestra sapientia, & humanitate; Reuerendissimi Patres, sanctissimam, & religiosam Intentionem, Sanctissimi Domini Nostri, & celeberrimum eius desiderium; optat enim Sanctissimus Dominus Noster, sicut pius Pater: utpotè qui in cathedra sedet, quæ nullam vniquam hæresim fouet, sed omnes hæreses destruit, nascentes errores de medio Populi Christiani euellere, vult nihilominus hoc cum omni pace, & charitate, quantum fieri poterit, adimpleri, ea grauitate seruata, quam sanctitatis suæ circumspèctio materiam fidei nouit, pro singularitate celsitudinis suæ exigere. Instituit propterea eius sanctitas de controuersia super reprobatione quorundam errorum Basileen. inter deputatos orta, coram prudentissimis circumspèctionibus vestris, pro vtraque parte agitari rationes; Et hoc maxime circa propositionem primam inter tres illas, quas Basileenses intelleximus declarasse, veritates esse fidei catholicæ, cuius Tenor est.

Veritas de potestate Concilij generalis vniuersalem Ecclesiam repræsentantis supra Papam; & quemlibet alterum, declarata per Constantien. & hoc Basileen. generalia Concilia, est veritas fidei catholicæ. Audiuitis iam heri sapientissimum, virum, & celeberrimum Patrem, Dominum meum singularissimum, qui more suo sapientissimè, & amplissimè partem illam fulsit, quam gratia illustrioris veritatis habendæ, defendendam suscepit. Vtinam

tam pro ampliore claritate veritatis, quam pro sublimitate auditorum, alius quam ego institutus fuisset dignitate, & auctoritate maior, perspicacior ingenio, & locupletior sapientia; qui tantæ rerum amplitudini satisfaciens, dictis per eundem clarissimum, & Reuerendissimum Patrem, & Dominum, plena responsa dedisset. Verum quia eius mandatis me parere oportet, cui omnes, iure diuino, caput inclinant, responsionem hanc de eius confusus auxilio, cuius Vicariatum defendimus, & Principatus honorem cum omni humilitate, & reuerentia, & sub omnimoda correctione, & emendatione sanctissimi Domini Nostri, & supportatione pia omnium Reuerendissimorum Patrum, & Dominorum hic existentium, rem ipsam mihi deputatam aggredior. Distinxit autem, præfatus Dominus (si benè teneo) iactum suum in tres Articulos principales: In primis enim arbitratus, quòd illa prima propositio Basileensium, parum ante commemorata, non posset tangi tamen reprobationis, & condemnationis, & nisi pariter decretum Constantien. de potestate Concilij super Papam tangeretur; Induxit primo loco auctoritates multas, & rationes pro veritate præfati decreti Constantien. de auctoritate Concilij vniuersalis supra Papam; secundò visus est per rationes plures persuadere, quòd prædicta prima propositio Basileensium non debeat tangi; Tertiò eius prudentia studuit argumenta soluere, quæ fiebant ab aliquibus patribus inter deputatos; Quòd non possent aliæ duæ propositiones damuari, nec veritas translationis factæ per sanctissimum Dominum Nostrium ab Basilea ad Ferrariam habere firmitatem, præfata illa propositione prima non damnata. Circa primum considerauit Dominus proponens quinque partes in decreto illo Constantien. edito de potestate Conciliorum, secundum quas primum articulum suum in quinque partes subdivinxit; Prima pars illius decreti Constantiensis est, quòd ipsa Synodus in Spiritu sancto legitime congregata, & generalis

Con-

Concilium faciens, Ecclesiam Catholicam representant. Pro huius partis probatione, inducta est illa epistola Domini Martini, quam approbante vniuerso Concilio Constantien. editam, ad Germaniæ Prælatos direxit; in qua inter cætera interrogatoria, quæ secunda instituit capitis hæreticis suspectis de erroribus damnatæ memoriæ Ioan. Wicliffe & Ioann. Hufs. iubetur, vt hæreticas eas intergeret, Verum credat, teneat, & asserat, quòd quodlibet Concilium generale, & etiam Constantien. vniuersalem Ecclesiam representet.

R E S P O N S I O.

Ad primum Articulum.

S U M M A R I U M.

- 1 Concilium ab eo congregatum, qui indubitatus Pontifex non est, legitimum dici non potest.
- 2 Congregatio per Ioannem XXIII. facta, Constantia, non consentientibus alijs duobus obedientijs; nec Synodum legitimam constituit, nec vniuersalem Ecclesiam representant.
- 3 Veritas illa catholica non fuit, cui aliæ duæ obedientie contradixerunt.
- 4 Concilium generale, vniuersalem Ecclesiam representare non dicitur, si integrum, & plenarium non est.
- 5 Integrum, & plenarium Concilium, quando verè existat.
- 6 Congregatio nulla, Canonico Romano Pontifice excluso, vniuersalem Ecclesiam representare potest.
- 7 Definire quod decretum illud Constantiense, ad charitatem fidei catholica pertineat, temerarium & scandalosum est.
- 8 Concilium generale, legitima Apostolica auctoritate congregatum, habere potestatem à Christo immediatè, non est veritas catholica fidei.
- 9 Papa indubitato in Concilio personaliter existente, Synodus constituentis, aut definentis nomine non videtur, sed Pontifex sacro approbante Concilio, vniuersa decernit.
- 10 Quomodo Synodus definiat, statuat, pronunciet, & condemnet.
- 11 Sine Papa auctoritates; nec Concilium congregari, nec quidpiam in eo determinari potest.
- 12 Papa legitimus, Ecclesia catholica caput est, & supremam in illa auctoritatem habet.
- 13 Concilium vniuersale, potestatem habere à Christo immediatè, falsum est.
- 14 Et repugnat articulo fidei, Credo vnā sanctam Ecclesiam.
- 15 Nulli congregationi Synodali Ecclesia, fidelium omnium regimen immediatè commisit.
- 16 Petro soli, & successoribus, vniuersaliter, & indistinctè dixit Dominus, Pasce oues meas.
- 17 Ecclesiæ regimen monarchicum, & regale, à Christo institutum est.

- 18 Species regiminis politia Ecclesiastica, immutabilis est.
- 19 Ecclesiastica Hierarchia, ad exemplar calensis formata est.
- 20 Nulla potestas à Christo Ecclesia, aut generali Concilio tribuitur, qua, Romano Pontifice mediantè, non conferatur, qui Hierarcha, & primus est in tota Hierarchia.
- 21 Conciliorum vniuersalium auctoritas, & quo ad conuocationem, & quo ad auctoritatem robur, & firmitatem, ab Apostolica sedis auctoritate immediatè dependet.
- 22 Iurisdictionis potestatem, à Christo immediatè Apostoli alij non acceperunt, sed mediantè Petro.
- 23 Apostolis alijs Christus immediatè subditos non dedit.
- 24 Nec illis Christum populos immediatè diuississe legitur.
- 25 Nec potestatem aliquam, etiam limitatam eis contulisse.
- 26 Dato quòd Apostoli iurisdictionis potestatem, sicut ordinis, à Christo immediatè receperint, non tamen concedendum est, quòd alij prelati Ecclesiæ eandem potestatem, nunc à Christo immediatè suscipiant.
- 27 Iurisdictionis potestatem, mediantè Romano Pontifice Christi in terris Vicario, prelati Ecclesiæ accipiunt.
- 28 Papa princeps, & monarcha est in Ecclesiæ principatu.
- 29 Est primus in ordine Prælatorum Ecclesiæ, & in eo residet plenitudo potestatis.
- 30 Romana Ecclesiæ, aliarum Ecclesiarum caput est.
- 31 Ad vnitatem Ecclesiæ requiritur, quòd omnium Prælatorum potestas iurisdictionis, à Romano Pontifice deriuetur.
- 32 Dato quòd Ecclesiæ Prælati iurisdictionis potestatem à Christo immediatè susciperent, non tamen sequitur, quòd Concilium vniuersale à Christo immediatè auctoritatem habeat, cui etiam Papa obedire teneatur.
- 33 Cum Matth. 16. Christus dicat, Dico Ecclesiæ, non Ecclesiam vniuersalem dispersam, aut in Concilio congregatam, sed Prælaturam principaliter intendit.
- 34 Fraternelle correctionis preceptum, nec impossibile, nec difficile est.
- 35 Totalitas Ecclesiæ multiplex.
- 36 Quando, & quomodo Papa frateruè corrigendus sit.
- 37 Ligandi, & soluendi potestas, quomodo Episcopis, & sacerdotibus omnibus intelligatur collata.
- 38 In Concilio, qua potestate patres decretum condant.
- 39 Spiritum sanctum pastores posuisse, vt regerent, quomodo intelligatur.
- 40 Clauis Ecclesiæ quomodo Apostolis, & eorum successoribus Christus dederit.
- 41 Augustini locus, 24. q. 1. cap. quodcumque, de Petro clauis accipiente, & Ecclesiam significante, explicatur.
- 42 Non Petro tantum, vt singulari persona data est clauium auctoritas, sed in eo successoribus eius, & vniuersis Prælatibus in Ecclesiæ Dei futuris, quos in partem

- tem sollicitudinis sua vocaret.
- 43 Pape omes meas, non tantum Petro, sed eius successores, & alij in partem sollicitudinis eius euocandis, dictum est.
- 44 Nonationum error est, dicere apud sacerdotes, nullam esse absolueendi facultatem.
- 45 Hæretici, & schismatici, nec ligare, nec solvere possunt.
- 46 Vniuersale Concilium potestatis auctoritate, Romano Pontifici superius esse non sensu Angelinus.
- 47 Iudicium per Papam, & patres vniuersæ Ecclesiæ simul habitum, in quo differat à iudicio cum paucis per Papam factum.
- 48 Dei, & Papæ concistorium idem est, sicut Episcopi, & eius Vicarij, idem nullum manus tribunal in terris inuenitur.
- 49 De iudiciarij potestas, Apostolis, Episcopis, & Presbyteris omnibus à Christo tradita, Hieronymi sententia explicatur.
- 50 Non omnia Ecclesiæ membra clauis habent, sed Episcopi, & Presbyteri.
- 51 Clauis secundum plenitudinem potestatis Ecclesiæ accepti in Petro, cuius Romanus Pontifex successor est.
- 52 Christus donauit Apostolis, ut ipso quoque petra vocarentur.
- 53 Parca Apostolos omnes cum Petro potestatem à Christo accepisse, quomodo intelligatur.
- 54 Pro omnibus, & præ omnibus clauis Petrus, non veluti procurator, & Syndicus, accepit.
- 55 Petrus, & eius successores, in potestate iurisdictionis, ceteris omnibus, etiam simul iunctis, antecellunt.
- 56 Caput, & princeps ad insinens, in toto corpore Ecclesiæ Petrus constitutus est.
- 57 Ex verbis ostense Synodi non habetur, Concilium à Deo immediatè potestatem accepisse, aut illi conuenire, quod Dominus Matth. 13. dixit. Vbi fuerint duo, vel tres congregati, &c.
- 58 Impossibilitas errandi in fide, quomodo Concilijs, & quomodo Papæ conueniat.
- 59 Homo confirmatus in gratia, Romano Pontifice non confirmato, potestate præstantior non est.
- 60 Beate Virgini, quamuis Apostolis omnibus digniori, clauis regni caelorum non commisit Deus.
- 61 An quilibet, etiam Papa, in his quæ sunt fidei, vniuersali Concilio obedire teneatur.
- 62 Concilij generalis, & vniuersalis Ecclesiæ decreta ad fidem expressè spectantia, Papa amplecti & recipere tenetur.
- 63 Concilia vniuersalia non habent priuilegium in iudicio fidei, non errandi.
- 64 Decreto generalis Concilij de fide definiti, per Apostoli. Sedem probato, & confirmato, etiam Papa obedire tenetur.
- 65 Si Apostolica Sedes, aut Ecclesiæ Romanæ Synodo contradicere, defuisioni Apostolicæ Sedis, potius, quam decreto cuiuscumque Synodalis congregationis parendum est.
- 66 Ecclesiæ Romana errare non potest.
- 67 Solo Papa, patribus vniuersis in Concilio, de fide definiti, contradicente, iur.
- dicio potius Synodi, quam solius Papæ standum esset.
- 68 Vbi de fide agitur, Papa Episcoporum iudicium requirere tenetur.
- 69 Synodus quandoque maior est Papa.
- 70 Declarationibus de fide ab vniuersa Synodo, per aperta Scripturæ, aut sanctorum prælatorum testimonia vnanimiter factis, si Papa obedire renuit, veluti hæreticus Concilio subditur.
- 71 Papa in canonem latè sententia incidere potest.
- 72 Concilium supra Papam Catholicum, nullam potestatem habet.
- 73 Papa in casu hæresis Concilio subditur.
- 74 Decretum Constantinense, quod quilibet etiam Papa, Concilio generali in his, quæ pertinent ad extirpationem schismatis obedire teneatur, non loquitur vniuersaliter, sed de illo tempore tantum.
- 75 In casu vniuersalis reformationis, Papa de honestate, non autem de necessitate Concilio obedire tenetur.
- 76 Decretum Concilij necessitatem cohercitiuam, seu coactionem importans respectu Papæ, scripturis & patribus repugnat.
- 77 Concilium Generale, extra casum hæresis, Papam indubitanter, nec depouere, nec indicare potest.
- 78 Dispensator Papa est, à Christo super Ecclesiam constitutus.
- 79 Inferior superiori non indicat.
- 80 Romano Pontifice Solus Deus superior est, cuius & seruus est.
- 81 Pape iudicium sibi Deus reservauit.
- 82 Papa per singularem clauium prærogatiuam ceteris Ecclesiæ fundamentum est.
- 83 Papa vniuersalis Ecclesiæ Pastor, & rector à Christo in Petro constitutus est.
- 84 Grex Pastorem non corrigit.
- 85 Romanus Pontifex in Orbem vniuersum, primum tenet, Petri successor, Ecclesiæ totius caput, fidelium pater, doctor, pastor, rector, in Petro à Christo institutus est.
- 86 Papa per mortale peccatum non definit esse superior.
- 87 Cur ex sola pertinacia in hæresi à iurisdictionis superioritate quis cadat.
- 88 Pastores mali, rectè tamen docentes, abijciendi non sunt.
- 89 Veritas fidei catholice non est, quæ sedis Apostolicæ determinationi contradicere.
- 90 Papa deponendus non est, & si imminente necessitate reformationis Ecclesiæ, Concilio reformare volenti, se opponat.
- 91 Incurribilitas in Papa Ecclesiam scandalizante, non semper depositionis causa sufficiens est.
- 92 Papa tantum pro hæresi stricte sumpta, iudicari potest, & aliter dicere, error est.
- 93 Papa contra Ecclesiæ vniuersalem statum facienti, obediendum non est, sed resistendum, non tamen ob id à Concilio ille iudicandus est.
- 94 Papa volens depugnare simul omnes Episcopos, aut similia facere, quæ à veritate, aut sanctorum Patrum sententijs sunt deuta, aut contra statum vniuersalis Ecclesiæ, agere tentans, sustinendus non est.

Dicimus in primis, quod pars huius decreti non potest habere rationem veritatis catholicæ fidei;

Primò, quia vt exploratissimum est, quòd D. Balthasar in sua obedientia, Ioannes XXIII. vocatus, cuius auctoritate congregatio illa facta est, & legitima esse describitur: fuit summus Pontifex in Ecclesia, verus Christi Vicarius, caput sanctæ Ecclesiæ Catholicæ; non habet eam certitudinem indubitatam apud omnium fidelium animos, qualem veritas catholicæ fidei importat. Nihil enim certius fide, ait Gregorius super Ezech. & vt etiam ait August. nihil est certius homini sua fide.

Secundò, quia quòd obedientia præfati Ioan. 23. quæ Constantiæ congregata, præfatum decretum ante vniõnem Ecclesiæ edidit, sola præter alias obedientias legitimam Synodum vniuersalem constitueret, & Christi vniuersalem Ecclesiam repræsentaret; non habet certitudinem Catholicæ fidei, vt manifestum est.

Tertiò, quia illud non potest habere rationem veritatis Catholicæ, cui in ipsa vniõne Ecclesiæ, dux alia obedientiæ, Gregorius scilicet, & Benedictus apertissime, in plena congregatione contradixerunt, & eorum contraditio fuit accepta; Contra dixit in primis, Dominus Gregorius in sua obedientia vocatus, verum Romanum Pontificem verbo, & scripto se asserens, parti illius decreti: in qua dicitur, quòd congregatio Patrum, quæ sub obedientia Ioannis Constantiæ conueniat, si legitime congregata esset, generale Concilium faceret; Ecclesiam catholicam repræsentans, quare vt clarissimum est ex gestis illius Concilij, mittens idem Dominus Gregorius post Oratores suos ad Constantiam, committit eis, videlicet Domino Cardinali Sancti Sixti, & Domino Ioanni clerico Patriarchæ Constantinopolitano, & Domino Archiepiscopo Treueren. & Domino Comiti Palatino, & Domino Carolo de Malatestis, auctoritatem, congregationem ipsam Constantiæ, in quantum per Serenitatem Regiam, & non per Balthasarem se nuncupari facientem Ioan. 23. vocatum, vice sua conuocandi, & auctorizandi in generale Concilium, remota tamen omnimodò dicti Balthasaris præsidentia, & præsencia ab eisdem, &c.

Verba sunt formalia Bullæ datæ auctoritatis præfatis oratoribus, quæ inserta est gestis præfati Concilij. Quòd autem hæc verba, & gesta Domini Gregorij præfato decreto Constantien. contradicant, manifestum est. Contradixit præterea eidem decreto obedientia Dominorum Regum, & Principum, qui Petro de Luna, Benedictio 13. nuncupato, tamquam verò summo Pontifici adharebant, nam ex gestis eiusdem Concilij patet, pro eo quòd tenebant præfatos Patres Constantiæ congregatos, non facere Concilium vniuersale, nec Ecclesiam Catholicam repræsentare. Voluerunt, iuxta compactata in Natbona cum bonæ memoriæ Domino Imperatore Sigismundo, vt noua fieret Ecclesiæ per eos

Concilij conuocatio, & factum est, ex qua hora tantum, cum iam omnes tres obedientiæ simul essent, habita est certitudo, & fides apud omnes vniuersale Concilium Constantiæ celebrari, & Ecclesiam repræsentare catholicam, quare cum fuit dubium tempore Schismatis, apud quos vera Ecclesia esset, quam supra cathedram Petri Hieronym. dicit esse fundatam, in cap. quoniam vetus oriens, & in sedis Apostolicæ radice Augustinus dicit constitutam, in cap. pendenda, 24. quæst. 1. non potest dici ad veritatem catholicæ fidei pertinere congregationem illam sub obedientia dicti Ioan. 23. Constantiæ congregatam pro tempore illo, quo præfatum decretum de potestate Conciliorum edidit, Concilium facere generale, & Ecclesiam Catholicam repræsentare, sine insupportabili scandalo aliarum obedientiarum. Vnde quòd Dominus Martinus dicit in epistola allegata per Reuerendissimum Dominum meum, referendum est non ad tempus Schismatis, pro quo sola obedientia Ioan. Constantiæ conueniens decretum illud edidit, sed ad tempus, in quo omnes obedientiæ pro vniõne Ecclesiæ faciendæ, simul conueniant.

Est præterea hic considerandum, quòd dictum Domini Martini, in quo ait Concilium generale vniuersalem Ecclesiam repræsentare, accipiendum est de Concilio integro, siue plenario, quòd id dicitur esse ex decretis Concilij Antiocheni, & ex distinct. 17. per totum, in quo auctoritate, & assensu Romanus Pontifex affuit, cum enim dicat Augustin. in sermone quodam Apostolorum Petri, & Pauli, quòd solus Petrus, qui succedit Romanus Pontifex in pleitudine potestatis, inter Apostolos totius Ecclesiæ gesserit personam, nulla congregatio, canonico Romano Pontifice excluso, dicenda est vniuersalem Ecclesiam repræsentare, quare beatissimus Cyprianus in epistola, quam ad lapsos scribit, qui à Romano Pontifice segregati, nomen Ecclesiæ sibi ascribere præsumpserant, ita dicit, Dominus Noster, cuius præcepta inueniri debemus, & seruare, Episcopi honorem, & Ecclesiæ suæ rationem disponens, in Evangelio sic loquitur, & dicit Petro, Tu es Petrus, & super hanc petram edificabo Ecclesiam meam, &c. Infra, cum hoc ita diuina lege fundatum sit, miror quosdam audaci temeritate sic mihi scribere voluisse, vt Ecclesiæ nomine literas facerent, cum Ecclesia in Episcopo, & clero, & omnibus statibus sit constituta. Hæc Cyprianus, &c.

Qua parte sic illustrata, non esset iam opus ceteras præfati decreti partes tangere, quoniam demonstrato non esse veritatem catholicæ fidei, immò nec opinionem communem omnium fidelium partes Constantiæ sub obedientia dicti Ioannis XXIII. congregatos pro tempore, quæ declaratio illa de potestate Conciliorum supra Papam emanauit, facere Concilium vniuersale, aut Ecclesiam repræsentare catholicam, illico ruit omnis auctoritas, & firmitas factæ declarationis; quoniam iuxta

beati

beati Augustini sententiam ad Hieronymum, si dubitatio, aut falsitas ad scripturas sanctas admittitur, nil profecto in eis remaneret auctoritatis. Nihilominus ut ad omnia, quæ tacta sunt per Dominum arguentem, plena de re responsio, ad alias etiam partes præfati decreti, consideratione nostra tendamus.

Dicitur autem in secunda parte præfati decreti, quod Synodus ipsa habet potestatem immediatè à Christo, cui quilibet cuiuscumque dignitatis, etiam si Papalis existat, obedire tenetur. Hæc autem declaratio cum ex ipsa verborum forma, accipienda veniat de congregatione illa patrum tempore schismatis Constantiæ, sub obedientia dicti Ioan. 23. congregata: clarissimum est ex iam dictis, quod nullo modo potest habere rationem veritatis fidei Catholicæ, nec communis opinionis omnium catholicorum, quoniam quicquid fit de fide, aut opinione patrum, qui præfata declarationem ediderunt, patres tamen, & Principes aliarum duarum obedientiarum, scilicet Georgij, & Benedicti, nec tenuerunt pro tunc, nec adhuc viuentes tenent, quod congregatio illa patrum, tempore schismatis sub Ioann. dicto 23. Constantiæ celebrata, potestatem à Christo habere immediatè, cui quilibet cuiuscumque dignitatis existit, obedire tenetur. Quibus rebus sic existentibus, temeraria planè nimis, & scandalosa præsumptio est definire decretum illud Constantiæ, in hac parte ad veritatem catholicæ fidei pertinere. Temeraria quidem diffinitio, quæ nec auctoritate, nec ratione certa probari potest scandalosa verò, quoniam sicut per primam partem decreti, duæ aliæ obedientiæ concluduntur fuisse schismaticæ, per cap. scire debes 7. qu. 1. & c. non vos, 23. quæst. 5. & per cap. pudenda, & capit. schisma 24. qu. 1. Ita per secundam partem de hæresi conuincuntur infectæ, per cap. si qui presbyteri, dist. 81. & cap. arrecta, & cap. alienus 24. qu. 1. Viso iam, & clarissimè demonstrato, partem illam decreti Constantiæ, dicentem Synodum habere potestatem immediatè à Christo, nullo modo dicendam esse ad veritatem fidei catholicæ pertinere, intelligendo illam de congregatione illa, quæ Constantiæ tempore schismatis sub dicto Ioan. 23. conuenit. Reliquum est ostendere, quod etiam accipiendo partem illam de Synodo vniuersali legitima, & indubitata, Apostolica auctoritate congregata, non sit veritas fidei Catholicæ, quod talis potestatem immediatè habeat à Christo, cui &c.

Quod multipliciter ostenditur, & primò ex gestis, & declarationibus fidei in ipso Constantiæ Concilio, facta vniõne Ecclesiæ, conclusis: legitimus enim in primis gestis præfati Concilij, quod cum Dominus Martinus electus fuit in Romanum Pontificem, amplius Synodus non est vñ nomine constitutis, aut dissoluitis, sed ipse Dominus Martinus omnia, Synodo approbante, statuisse & diffinuisse describitur, morem in hoc seculis prædecessorum suorum, qui sue in materia fidei, siue

Tom. XIII.

in materia schismatis, siue reformationis Ecclesiæ, soli in Concilijs vniuersalibus, auctoritate propria statuisse, & sententias leguntur, sicut ipsorum Conciliorum gella in Decretalibus, Clementinis, & Extrauagantibus inclusa, clarissima luce demonstrant, quod planè minime per tam gloriosos, & doctos Romanos Pontifices attentatum fuisset, nec ab ipsis vniuersalibus Concilijs permittum, si esset veritas catholicæ fidei, quod Concilium vniuersale non à Papa, sed immediatè à Christo potestatem haberet in his, quæ sunt fidei, & schismatis, & reformationis Ecclesiæ, & potissimum cum illa infallibilitate iudicij, & superioritate, quam aiunt, auctoritatis. Si enim Ecclesiastici cap. 1. in sacra Scriptura, immò in sacra Scriptura ipse Spiritus sanctus, in medio senum prohibet addiscentem loqui, quanto magis prohibitum esse credimus, ut potè omni reprehensione dignissimum, ut quis iudicio, auctoritate, & potestate inferior, in medio congregationis senum totius Ecclesiæ, dissiniendi, & statuendi sibi assumat superioritatem, & principatum? Cum autem blasphemiam esset dicere, Apostolicam sedem contradinam prohibitionem, hunc in Ecclesia tanto tempore sibi usurpasse statuendi, & dissiniendi auctoritatis principatum, quæ ut in cap. arrecta 24. qu. 1. per Dei omnipotentis gratiam à tramite Apostolicæ traditionis numquam errare probatur; ex ipsa practica Concilij vniuersalis apertissimè colligitur, quod sacra ipsa Synodus Constantiæ, ex omni parte Christianitatis collecta, non tenuit, sicut nec tenendum est, ad veritatem fidei catholicæ pertinere, quod existente in Ecclesia vno, & indubitato Romano Pontifice Synodus vniuersalis potestatem immediatè habeat à Christo.

Si verò dicatur, quod etiam Synodus legitur statuere, & dissinire, sententiare & condemnare, sicut patet ex multis capitulis in decreto, Responderetur primò, quod hoc legitur factum, quando Papa non fuit personaliter Concilij vniuersalibus præsens.

Secundò, quod hoc facit ipsa Synodus non auctoritate, quam immediatè suscipiat à Christo, sed auctoritate Romani Pontificis, ut dicit Sanctus Thomas: cuius verba, in tractatu contra impugnantes religionem, sunt quæ sequuntur, Sancti patres in Concilio congregati, nihil statuere potuissent, nisi auctoritate Romani Pontificis interueniente; sine qua etiam, Concilium congregari non potest, hæc Sanctus Thom. ubi nota, quod Sanctus iste vult, quod auctoritas Papæ non solum respiciat conuocationem Concilij, sed quod paribus congregationis potestatem tribuit dissiniendi, & statuendi. Præterea, hoc idem notari videtur in c. his ita videtur 25. qu. 1. Vbi dicitur, quod summa Sedes Pontificis, canonibus à se, vel ab alijs sua auctoritate conditis, reuerentiam exhibent, & eis se humiliando, ipsos custodiunt, ut alijs obseruandos exhibeant, & manifestum est, quod de canonibus vniuersalium Conciliorum.

Dddd 2

ciliorum loquatur. Ceterum ex hoc ipso, quod Synodus vniuersalis auctoritate Romani Pontificis canones condit, ipse Romanus Pontifex, ut potest totius Reipublice Christiane Princeps, conditor dicitur canonum, ut ex eodem cap. colligitur. Ceterum, quod Synodus vniuersalis absente Papa, auctoritate eiusdem Romani Pontificis principaliter diffiniat, & sententiet, accipitur manifeste ex Concilio Chalcedonensi. In quo sancti Patres congregati, in sententia data contra Dioscorum, ita dicunt, Sanctissimus, & Beatissimus Archiepiscopus magnæ senioris Romæ Leo, per nos, & per præsentem Synodum nudauit eum, tam Episcopatus dignitate, quam etiam omni sacerdotali officio, simulque eum alienauit à ministerio sacrosancto.

Clarum est autem, quod Papa in hoc loco non nisi rationem, siue habitudinem, principij influentis auctoritatem ipsi Synodo importare potest. Vnde in epistola, quam super condemnatione eiusdem Dioscori præfati Patres Imperatoribus Valentiniano, & Marciano scribunt, ita iuxta translationem, quæ habetur in libro Isidori summorum Pontificum, dicunt, Magna Synodus secundum Dei gratiam, & vestræ pietatis sanctionem congregata in Chalcedonensi ciuitate &c. Sequitur, Nos igitur confidentes, & vniuerso Orbi factæ tempestatis causam inquirutes, huiusmodi rei auctorem compremimus Dioscorum Episcopum, quapropter & quia damnatus iam erat à Sedis Apostolicæ Episcopo Leone, cuius auctoritate fultus, & nos omnes consona voce damnauimus. Præterea, quod pars decreti Constantien. dicens Synodum immediate habere à Christo potestatem, &c. non contineat vnitatem fidei catholicæ, manifeste offendunt duo Articuli fidei in ipsa Synodo Constantien. diffiniti, quæ omnia habentur in epistola decretali Domini Martini, quam vniuerso approbante Concilio editam prælati Alemanniæ contra errores Wicleuistarum, Ioan. Huls. direxit. Primus est, quod Papa sit caput Ecclesiæ Catholicæ. Secundus qui inter interrogatoria fienda hæreticis continetur est, quod Papa canonicè electus habeat auctoritatem supremam in Ecclesia.

Quod autem primus Articulus præfato decreto contradicat, patet manifestè, quoniam ex hac propositione Christianæ fidei, quod Papa est caput sanctæ Ecclesiæ Catholicæ, habetur, quod habitudo Papæ ad vniuersam Ecclesiam, & per consequens ad vniuersale Concilium illam representans, sit habitudo capitis ad corpus: sed sic est quod corpus non nisi mediante capite recipit influxum virtutis sensus, & motus, ut communis habet doctrina. Vnde Beatus Isidorus lib. 10. Etymologiarum dicit, Prima pars corporis caput est, datumque est illi hoc nomen, eo quod sensus, & nervi inde initium capiant, atque ex eo omnis vigendi causa oriatur, ergo cum hoc articulo, siue diffinitione fidei, quod Papa sit caput Ecclesiæ sanctæ Catholicæ, non potest stare quod Synodus corpus Ecclesiæ representans, non mediante Papa,

sed immediate à Christo potestatem regitiam, & morium suscipiat, consequentia notissima est, & notum antecedens per processum. Quod vero secundus articulus præfato decreto etiam contradicat, patet manifestè, quoniam si à cunctis fidelibus indubitata fide credendum est, quod Papa canonicè electus, habeat supremam potestatem in Ecclesia Dei, de necessitate sequitur, quod Concilium vniuersale non habeat potestatem immediate à Christo, cui ipse Papa obedire teneretur, cum obedientiam inferiores ex ordine superioribus tantum debeant, ut in cap. si obedientiam, dist. 93. & cap. in his omnibus, dist. 21. Si vero quis contentiois amator, dicat, quod hoc, quod Papa dicitur habere supremam potestatem in Ecclesia, non sit simpliciter accipiendum respectu vniuersalis Ecclesiæ, sed respectu tantum singulorum prælatorum in Ecclesia; animaduertat ne volens vitare vnum errorem, altero inuoluatur. Cum enim ex superiori articulo conuincamur credere, quod Papa sit caput totius corporis Ecclesiæ, quia Ecclesiæ sanctæ Catholicæ; & caput præstantius sit virtute, & potestate, toto corpore; necesse est nos credere, quod Papa habeat simpliciter post Christum, cuius Vicarius est, supremam potestatem in tota Ecclesia, non tantum respectu singulorum, sed etiam respectu totius corporis Ecclesiæ, quare in cap. nolite errare, dist. 11. dicit Iulianus Papa, & in capit. Basilicas, de consecrat. dist. 1. Gelasius Papa, quod in Apostolica sede, Dominus totius Ecclesiæ, posuit principatum.

Amplius confirmando hanc rationem ostenditur multipliciter ex alijs, quod pars decreti, videlicet, quod Synodus vniuersalis immediate habet potestatem à Christo, non contineat veritatem. Potestas, quam dicitur Synodus immediate habere à Christo, aut est eadem cum potestate Papali, aut est alia ab illa. Non potest dici quod sit eadem, nec quod sit alia ab illa, argo fictitium est dicere, quod veritas fidei Catholicæ sit, quod Synodus habeat potestatem immediate à Christo. Consequentia est manifesta, & maior ex sufficienti diuisione. Minor verò pro vtraque sui parte sic probatur, quod enim non possit dici primum, videlicet quod potestas data Synodo, sit eadem cum potestate Papali, patet, quia tunc nulla superioritas attendi posset in Synodo respectu Papæ; Decretum autem dicit, quod Synodus habeat potestatem immediate à Christo, cui etiam Papa obedire teneretur. Si enim par in parum ratione paritatis potestatis, non habet Imperium, multo minus Synodus in Papam, si eadem sit potestas vtriusque. Quod verò non possit dici secundum, videlicet, quod sit alia potestas, & maxime suprema à potestate Papali, patet.

Tum primo, quia repugnat supradictis duobus articulis, quos ad veritatem fidei Catholicæ pertinet, sacra Constantien. Synodo approbante, Dominus Martinus Constantiæ declarauit, quorum primus est: Quod Papa sit caput Ecclesiæ
san-

sanctæ Catholicæ, secundus, quod habeat supremam potestatem in Ecclesia Dei, quod autem per superabundantiam dicitur in vnoquoque genere, tantum vnum esse.

Tum secundò, quia pluralitas Principum non est bona 12. Metaphysicæ, quod autem bonum non est, non est credendum à Christo in Ecclesia sua institutum esse.

Tum tertio, quia talis potestas supremæ; alia à potestate Papæ dari non potest, quia, vt inquit beatus Cyprianus in epistola ad quinque Presbyteros, Deus vnus est, & Christus vnus, & vna Ecclesia, & Cathedra vna, & super Petrum vocem Domini fundata, aliud altare constitui; aut Sacerdotium notum fieri præter vnum altare, & vnum sacrificium non potest, quicquid alibi collaberit, spargit, adulterium est, impium est, sacrilegium est quodcumque humano furore constituitur, vt dispoſicio diuina violeſcit. Præterea Conc. vniuersale habere aliam supremam potestatem immediatè à Christo, à potestate Ro. Pont. videtur esse contra articulum fidei; Credo vnam sanctam Ecclesiam, ergo pars illa decreti dicentis Synodum immediatè habere potestatem à Christo, cui, &c. magis dicenda est continere errorem, quàm veritatem fidei Catholicæ. Conſequentia nota est, antecedens autem ostenditur ex eo, quod vnitas Ecclesiæ attenda est necessariò inter alia ex ordine ad vnam supremam potestatem regimini respectu totius boni communis, legitur enim Canticum 4. de Ecclesia, quod terribilis est, vt Caſſorum acies ordinata in vnum, vt deducit sanctus Thomas in 4. dist. 24. Oportet esse aliquod vniuersale regimen super particularia regimina, quia in omnibus virtutibus & artibus, vt dicitur in primo Ethicorum est ordo secundum ordinem finium. Bonum autem commune, est Diuini, quàm bonum speciale, & ideo supra potestatem regimini, quæ communicat bonum speciale oportet esse potestatem regimini vniuersale respectu boni communis, aliàs non posset esse colligatio ad vnum, & ideo cum Ecclesiæ sit vnum corpus, prima Cor. 12. oportet si ista vnitas debeat seruari, quod sit aliqua potestas regimini reſpectu totius Ecclesiæ supra potestatem Episcopalem, qua vnaquæque ſpecialis Ecclesia regitur, & hæc est potestas Papæ, qui caput est, & Rector totius Ecclesiæ. Vnde gloſ. super illud Matth. 16. [Tibi dabo clauſes Regni Celorum.] Dicit, quod ideo ſpecialiter ligandi, & ſoluendi potestatem Chriſtus Petro conceſſit, vt ad vnitatem nos inuaret, ideo enim eum Principem Apoſtolorum conſtituit, vt Ecclesia vnum principalem Chriſti Vicarium haberet; ad quem diuerſa membra Ecclesiæ recurrerent, ſi forte inter ſe diſſentirent. Quod ſi diuerſa capita eſſent in Ecclesia, vnitatis vincula rumpe- rentur. Cyp. in epist. ad Magnum dicit, Dominus inſinuans nobis vnitatem de diuina auctoritate venientem, ponit, & dicit. [Ego & Pater vnum ſumus,] Ad quam vnitatem redigens Ecclesiam ſuam,

denuò dicit, & erit vnus grex, & vnus Paſtor, quare ſanctus Thomas tam in 4. diſtinct. 24. quàm, & in tractatu de erroribus Græcorum, dicit quod, qui hanc ſupremam potestatem negant in Romano Pontifice, ſchiſmatici dicuntur, quaſi diuiſores Eccleſiaſticæ vnitatis, ſed ponere, quod Synodus vniuerſalis habeat potestatem datam à Chriſto immediatè, aliam à potestate ſuprema Romani Pontificis, eſt vnitatem præſtatæ Eccleſiæ ſcindere: Tum ponendo dualitatem ſupremarum potestatum, cui quilibet fidelis teneatur obedire, manifeſtè eſt rumpere ordinem, & colligationem totius corporis Eccleſiæ, ad vnam ſupremam potestatem, Ducis Paſtoris totius multitudinis Chriſtianæ. Quodcirca beatus Cyprianus in epistola de vnitate Eccleſiæ, ad Nouatianum loquens, ita ait, quis ergo ſic ſceleratus, & perſiſus? Quis ſic diſcordiæ furore veſanus? vt aut credat ſcindi poſſe, aut audeat ſcindere vnitatem Dei, veſtem Domini, Eccleſiam Chriſti? Manet ipſe in Euangelio ſuo, & docet, dicens. [Et erunt vnus grex, & vnus Paſtor.] Et eſſe poſſe in vno loco aliquis exiſtimat, aut multos Paſtores, aut greges plures? Et beatus Gregorius concordans in epistola ad Ruſticum Monachum, vt habetur in cap. in apibus 7. quaſt. 1. ita dicit, in apibus Princeps vnus, greges vnam ſequuntur ordine literato, Imperator vnus, Iudex vnus Prouincię, Roma autem condita, duos fratres ſimul Reges habere non potuit, & cur hæc omnia? certè quia, vt ait beatus Auguſtinus in libro primo de Nuptiis, & concupiscentia, natura Principum amat ſingularitatem, & omnis potestas impatiens eſt conſortis diſt. 23. quaſt. 7. quod autem.

Item arguitur ſic, nulli congregationi 15 nō Synodali Eccleſiæ Chriſtus commiſſit immediatè regimen omnium fidelium, ergo nulli congregationi Synodali Eccleſiæ Chriſtus immediatè regimen omnium fidelium, ergo nulli congregationi Synodali Eccleſiæ Chriſtus immediatè dedit potestatem, cui omnis fidelis cuiuſcumque dignitatis exiſtat, obedire teneatur. Conſequentia patet, quonia auctoritas regendi, & iubendi maiorum, eſt tantum reſpectu ſubditorum. In maioribus ſiquidem eſt iubendi, regendique potestas. In minoribus obſequendi neceſſitas, in 5. in his omnibus diſt. 21. Antecedens probatur, quoniam ſoli Petro, & ſolis ſucceſſoribus eius ait Dominus vniuerſaliter, & indiſtinctè, [Paſce oues meas,] Ioann. 21. Super quo verbo dicit Theophilus, & habetur in gloſ. quod finito prandio, commiſſionem ouium mundi, Petro commendat non alij.

Item Chryſoſtomus ſuper eodè verbo & habetur in eadem gloſ. ita dicit: Præteriens alios, ſcilicet Apoſtolos, Petro de talibus loquitur, eximius enim erat Apoſtolorum Petrus, & Diſcipulorum, & vertex collegij, vnde, & negatione deſerta, committit ei prælationem fratrum. Si diligis me, præſide fratribus, & ſeruentem amorem, quem per omnia demonſtraſti, & ani-

& animam, quam dixisti positurum te esse pro me, hanc da pro omnibus meis. Ecce quod vni tantum, scilicet Christi Vicario, omnium fidelium regiminis cura committitur. Ecce quod vnus tantum totius Christiane Reipublice Princeps à Christo constituitur. Cui ergo dubium, quod soli isti Christus immediate potestatem tribuit, cui quilibet fidelis obediret? Præterea, confirmando hanc rationem, ad idem ar-
17 guitur sic, Ecclesie regimen constitutum est à Christo monarchicum, siue regale, ergo suprema potestas, & supremus Principatus non multitudini alicui, sed vni tantum in Ecclesia à Christo collata est. Consequentia patet, quoniam, ut colligitur ex 3. Politic. In hoc distinguitur Regnum siue Principatus regalis, ab alijs speciebus regiminis, videlicet ab Aristocratia, & Democracia, quoniam in Regno Principatus, & potestas suprema est apud vnum. In Aristocratia est apud paucos, in Democracia verò apud multos. Vnde sanctus Thomas in 4. sententiarum, dist. 24. dicit, quod in Regno tota potestatis plenitudo residet apud vnum: In Aristocratia verò non apud vnum, sed apud plures; antequam verò patet per illud Isa. 9. super solium David, & super Regnum eius sedebit, glossa est Ecclesiam. Præterea, ex illo colligitur, quod in Evangelio Ecclesia, Regni nomine sæpenterò describitur, nostro Salvatore dicente, simile est Regnum, &c. Ratione verò probatur sic, ut sanctus Thomas probat lib. 4. contra Gentiles cap. 76. ita enim dicit. Nulli dubium esse debet, quin regimen Ecclesie sit optimè ordinatum, vt potest per eum dispositum, per quem Reges regnant, & legum conditores iusta decernunt. Optimum autem regimen multitudinis, est quod regatur per vnum, quod patet ex fine regiminis, qui est pax; Pax enim, & vnitas subditorum est finis regentis, vnitatis autem causa congruentior est vnus, quam multi. Manifestum est ergo regimen Ecclesie, sic esse dispositum, ut vnus toti Ecclesie præsit. Hæc sanctus Thomas. Et notandum, quod hac ratione sancti Thomæ ostenditur Ecclesie regimen regale esse, siue Monarchicum, non solum respectu Christi, sed etiam respectu sui Vicarii. Quare beatus Hieronymus in epistola, quam ad Eustochium, de regula viuendi in Monasterijs dicitur scripsisse, dicit, quod piscatori Petro à Christo totius Mundi Monarchie est traditus Principatus.

Item, hac ratione beatus Gelasius Papa in generali decreto de Ecclesiasticis statutis ad omnes Episcopos scribens, ait. Conueniens est, vt totum corpus Ecclesie in hac sibi obseruatione concordet, quam illic vigore videt, vbi Dominus totius Ecclesie posuit Principatum. Dicere autem, quod Synodus aliquam habuerit à Christo immediate potestatem supremam, cui quilibet fidelis obediret, tenetur, est dicere, quod non in vno, sed in multitudine Christus Ecclesie suæ Principatum collocauit. Si quis verò vellet dicere, quod licet regulariter Ecclesie Principatus in vno locatus

sit, nihilominus tempore Concilij vniuersalis, Principatus Ecclesie multitudini committitur: Dicendum, quod hoc nullo modo stare potest.

Tum primò, quia species regiminis 18 politice Ecclesie, non immutabilis permaneret, sed multiplicem pateretur varietatem & corruptionem, contrà illud Dan. 7. Potestas eius, potestas æterna, quæ non auferetur, & Regnum eius non corrumpetur, & Ioann. 10. [Erit vnus ouile, & vnus Pastor].

Tum secundo, quia cùm, ut dictum est, regimen Monarchicum, quod multitudo tota regitur per vnum, sit optimum, & species principalior inrer omnes species politice, si tempore celebrationis Conciliorum, Ecclesie regimen à Monarchia transiret in Aristocratiam, vel Democratiā, profectò descenderet à perfectione sua.

Tum tercio, quia cùm istæ tres species regiminis ex opposito distinguantur, simul esse in vno Principatu non possunt, dicente Aristotele 3. Politicorum. Necessè est dominans, aut vnum esse, aut paucos, aut multos. Si, Synodo existente, Ecclesie Principatus supremus esset apud multos, necesse est dicere, quod congregata Synodo, & Ecclesia, desineret esse Regnum, & Romanus Pontifex desineret esse Princeps Ecclesie, & plenitudinem habere potestatis, quæ omnia sunt inconuenientissima, & absurda. Præterea, quod pars illa decreti dicens Synodum habere potestatem immediate à Christo, &c. Non sit veritas fidei Catholice, sicut luculenter ostenditur, & presupponitur, in primis cùm beatissimo Dionysio libro de Ecclesiastica Hierarchia, quod Ecclesia nostra sit ad modum Hierarchie à Christo disposita.

Secundo, presupponitur cùm eodem, quod Hierarchia nostra formata sit ad 19 exemplar, siue similitudinem Hierarchie celestis; Vnde etiam Mosi à Domino dictum est Exod. 25. Inspice & fac secundum exemplar, quod tibi monstratum est in monte. Præterea, sanctus Ioannes Evangelista dicit Apocalypsis 21. se vidisse Civitatem sanctam Ierusalem nouam descendentem de Cælo, scilicet exemplariter, vt Doctores exponunt. Quare beatus Ambrosius dicit, quod Ecclesia est inago celestium. Et beatus Bernardus libro 3. ad Eugenium Papam clarissimè inducit. Sed sic est, quod in Angelica Hierarchia nulla 20 potestas ad actus Hierarchicos perficiendos tribuitur desuper à Deo personæ, aut ordini, aut toti Hierarchie, quæ non tribuatur mediante primo illius Hierarchie, vt patet ex ipsa doctrina beati Dionysij (ait enim Ecclesie Hierarchie lex diuinitatis sanctissima est, per prima media in diuinissimam reducere lucem) ergo pari modo nulla potestas à Christo ipsi Ecclesiastice Hierarchie, aut vniuersali Concilio illam representanti tribuitur, quæ non conferatur mediante Romano Pontifice, qui est Hierarcha, & primus in tota Hierarchia. Quare manifestum videtur, quod cum veritate Catholice fidei, tam ex Scriptura sancta, quam ex san-
ctorum

ctorum Patrum traditione, habemus, quod Romanus Pontifex caput sit Ecclesie sancte Catholice, & Hierarcha Ecclesiasticae Hierarchiae, & cum nostra Hierarchia ad similitudinem, & exemplar coelestis formata sit, non possit stare, quod existente unico, & indubitato Romano Pontifice in Ecclesia, Concilium vniuersale habeat potestatem à Christo immediatè, cui quilibet fidelis cuiuscumque dignitatis existat, obedire teneatur. Amplius hoc idem sic probatur. Nihil quod in auctoritate sua dependet immediatè ab auctoritate Apostolice Sedis, est dicendum habere immediatè potestatem à Christo, cui etiam Papa, obedire tenetur. Sed auctoritas vniuersalis Conciliorum dependet immediatè ab auctoritate Apostolicae Sedis, ergo Concilia vniuersalia non sunt dicenda immediatè à Christo potestatem habere, cui, &c. consequentia patet, maior nota est, ex terminis, minor patet ex distinctis. 17. per totum. Vnde in cap. regula dicitur, quod nec vllum est ratum, aut vnquam erit Concilium, quod Romanæ Ecclesie, non fuerit auctoritate fuscitum, & quod hæc dependentia non solum accipienda sit respectu conuocationis, aut congregationis Conciliorum, sicut quidam dicere voluerunt, sed etiam quantum ad robur, & firmitatem omnium actuatorum in eisdem, patet ex cap. confidimus 25. quæst. 1. vbi Gelasius Papa, Apostolicam Sedem, vnamquamque Synodum dicit sua auctoritate confirmare, & extra de Elect. in cap. significasti, dicit Paschalis Papa, quod omnia Concilia per Ecclesie Romanæ auctoritatem, & facta sunt, & robur acceperunt. Ecce quàm clare loquitur text. iste, quod per Papam, & per consequens non immediatè à Christo Concilia ipsa vniuersalia robur accipiant. Ex quibus omnibus sic breuiter, & luculenter demonstratur, quod declaratio illa Constantiæ facta, dicens quod Synodus vniuersalis immediatè habeat à Christo potestatem, non contineat veritatem fidei Catholice. Iam ad auctoritates, & rationes accedamus, per quas Dominus arguens pro parte aduersa, nixus est probare declarationem prefatam veram esse. Verum quia in hac argumentationis parte principalior articulus residet præsentis difficultatis, & examinis. Triâ præmittam per ordinem circa hunc articulum, antequam præfatis inductis auctoritatibus, & rationibus formaliter respondeatur.

Primò, quidem ostendam, quod id, quod præsupposuit præfatus Dominus, videlicet, quod Apostoli alij, à Petro, receperunt immediatè à Christo potestatem iurisdictionis, non sit vsque quaque probabile.

Secundò, ostendam, quod dato, quod hoc esset verum de Apostolis, non tamen ita esset dicendum de Episcopis, & curatis, videlicet, quod suscipiant potestatem iurisdictionis immediatè à Christo.

Tertiò, ostendam, quod dato, quod hoc etiam esset verum, non probatur,

aut, sequitur ex hoc, quod sit veritas Catholice fidei, quod Synodus vniuersalis habeat potestatem immediatè à Christo, cui quilibet Fidelis obedire tenetur.

22. Primum verò, quod Apostoli alij à Petro, non immediatè potestatem iurisdictionis acceperunt, auctoritate & ratione multipliciter declaratur, auctoritate primò beati Anacleti, qui vt habetur in cap. Sacrosancta distincta. 22. dicit, inter Apostolos quædam fuit discretio, & licet omnes Apostoli essent, Petro tamen à Domino concessum est, vt reliquis omnibus præflet Apostolis, & Cephas, id est caput, Principatum teneret Apostolatus. Cum autem nomine capitis, & principij, origo designatur potestatis, non videtur posse dici beatus Petrus, caput, & principium tenere Apostolatus, nisi ab eo potestas iurisdictionis detineretur in Apostolos ceteros.

Secunda auctoritas est B. Cypriani in epist. quæ de vnitæ Ecclesie inscribitur ad Nouatianum, & habetur in cap. loquitur Dominus 24. q. 1. loquitur Dominus ad Petrum. [Ego dico tibi, quia tu es Petrus, & super hanc petram ædificabo Ecclesiam meam.] Super vnum ædificat Ecclesiam, & quamuis Apostolis omnibus post resurrectionem suam, potestatem, id est communem potestatem tribuat, & dicat. [Sicut misit me Pater, & ego mitto vos, accipite Spiritum sanctum.] Tamen, vt vnitatem manifestaret, vnitatis eiusdem originem ab vno incipientem ipsa auctoritate disposuit. Hoc erant vsque ceteri Apostoli, quo Petrus pari consortio præditi, & honoris, & potestatis, Glossis in ordine, & dignitate consecrationis, non in administrationis plenitudine. Sed exordium ab vnitæ proficiscitur, vt Ecclesia Christi vna esse demonstraret. Hæc Cyprianus. Vbi cum ait, quod Christus, vt Ecclesie vnitatem manifestaret, potestatis originem ab vno incipientem disposuerit, manifestè dat intelligi, quod solus vnus, scilicet Petrus, super quem vnus fundatus dicit Ecclesiam, à Christo immediatè potestatem suscepit iurisdictionis. Alij verò Apostoli mediante ipso Petro, planè vt videtur, si immediatè omnes Apostoli potestatem iurisdictionis receperint à Christo, origo potestatis non inciperet in Ecclesia ab vno Apostolorum, cum data fuisset simul, & immediatè omnibus.

Tertia auctoritas est beatiissimi Augustini, qui super Ioann. homil. 114. dicit sic, Petrus Apostolus propter Apostolatus sui Primatum, gerebat figuratam generalitatem Ecclesie personam. Quod enim ad ipsum proprium pertinet, natura vnus homo erat, gratia vnus Christianus, abundantiore gratia, vnus idemque primus Apostolus. Sed quando ei dictum est. [Tibi dabo claves Regni Cælorum, & quodcumque ligaueris, &c.] Vniuersam significabat Ecclesiam. Et infra: [Ecclesia ergo, quæ fundatur in Christo, claves ab eo Regni Cælorum accepit in Petro, id est potestatem soluendi, ligandi, &c. peccata:] Sed videtur, quod hoc, quod in Petro attribuitur,

tribuitur, ratione Primatus non esset verum, si alij Apostoli cum Petro immediate potestatem iurisdictionis receperint à Christo, quia dato illo, Ecclesia non in solo Petro, sed etiam in alijs Apostolis elaves recipere diceretur.

Quarta auctoritas est beatissimi Leonis, qui (vt habetur in cap. ita Dominus dist. 19.) ita dicit. Huius muneris Sacramentum ita Dominus ad omnium Apostolorum officium pertinere voluit, vt in beatissimo Petro omnium Apostolorum Summo principaliter collocaret, vt ab ipso quasi quodam capite dona sua velut in corpus omne diffunderet, vt extorem se ministerij intelligeret esse diuini, qui ausus fuisset à Petri soliditate recedere.

Quinta auctoritas est eiusdem in sermone tertio ordinationis sue. Ita dicens. Multo dignius est ad beatissimi Petri gloriam contemplandam, aciem mentis attollere, et hunc diem in illius potissimum veneratione celebrare, qui ab ipso omni charismatum fonte, ita copiosis est irrigationibus iundatus, vt cum multis solus acceperit, nihil in quenquam sine eius participatione transierit. Et infra. Detoto Mundo vnus Petrus eligitur, qui & vniuersum gentium vocationi, & omnibus Apostolis, cunctisque Ecclesie Patribus præponatur, vt quamuis in populo Dei multi sint Sacerdotes, multique Pastores; omnes tamen propter regat Petrus, quos principaliter regit, & Christus: Magnam & mirabile, dilectissimi, huic viro consortium potentie sue tribuit diuina dignatio & si quid cum eo commune ceteris voluit esse Principibus, nunquam nisi per ipsum dedit, quicquid alijs non negauit. Ecce quam clara luce Leo iste irrefragabilis auctoritatis inter Patres Ecclesie, dicit quod quidquid commune Christus cum Petro ceteris voluit esse Principibus, videlicet Apostolis, non nisi per Petrum dedit, quidquid donabile esset per hominem, alijs non negauit, & ita manifeste habetur: quod egerit Apostoli non immediate à Christo iurisdictionem acceperunt, sed mediante Petro beatissimo Apostolo eorum Principe. Consequenter hoc idem ratione probatur, & primo sic, ab eo, à quo quis non habet subditum, ab illo non habet aliquam potestatem iurisdictionis, sed alij Apostoli non habuerunt immediate subditos à Christo, ergo ipsi non habuerunt potestatem iurisdictionis immediate à Christo. Consequentia patet. Maior etiã, cum nullus ligare, aut absolue possit, nisi subditus; cum à non suo iudice ligari nullus valeat, nec absolui, de Pœn. & remiss. c. omnis nam potestas iurisdictionis, qua aliquis potest absolue, & ligare, dicitur relative ad subditum. Relatiua autem, vt habet doctrina Arist. in prædicamentis, posita se ponunt, & precepta se perimunt. Vnde sicut si non est seruus, non est Dominus, propter quod (secundum Aug. lib. de Trinit.) Deus non fuit Dominus quousque habuit creaturam suam; ita si non est subditus, non est Prælatus, nec Iudex, qui possit eum iudicare, Rom. 14. Tu quis es, qui iudicas

alienum seruum? suo Domino, aut stat, aut cadit. Minor verò probatur, quia si Christus dedisset alijs à Petro suscitatos, aut omnes dedisset, aut aliquos; non est dicendum primum, quod dedisset omnes, cum quia, vt dictum, est pluribus Principatum non est bona, vt dicitur 12. Methaphysices, & ideo sic concluditur ibidem, vnus ergo Princeps.

Tum secundo, quia tunc ouile Christi non esset vnus, nec vnus vnus Pastor, sed plures, contra illud Ioann. 10. [Erit vnus ouile, & vnus Pastor, Præterea, secundum non est dicendum cum nullibi legatur Christum Apostolis populos immediate diuuisse, nec facile est fingere, quos, scilicet subditos, quibus scilicet Peglatis subiecerit.

Item secundo, ratione arguitur sic; Si Christus dedisset Apostolis immediate potestatem iurisdictionis, aut dedisset plenam, & omnimodam, sicut Petro, aut particulariter limitatam, & coarctatam, sed neutram, ergo nullam. Consequentia bona. Maior patet ex sufficienti diuisione. Minor quo ad primam partem patet. Primo, quia vt dicit beatus Cyrillus in libro Theaurorum, nulli alij quam Petro Christus, quod fuit esse plenum commisit, sed ipsi soli dedit.

Secundo, quoniam si alijs Apostolis data fuisset potestas in ea plenitudine, qua Petro data est, Petrus nec maior, nec superior, nec Princeps, nec caput fuisset Apostolorum, sed omnes iurisdictionis auctoritate pares fuissent, quod est erroneum, vt enim sanctus Anacletus inquit in cap. sacrosancta dist. 22. inter Apostolos quidam fuit discretio, licet enim omnes Apostoli essent, Petro tamen à Domino concessum est, vt reliquis omnibus præficeret Apostolis, & Cephas id est Caput, & Principatum teneret Apostolatus.

Secunda verò pars minoris, quæ dicit, quod etiam Christus non dedit Apostolis potestatem aliquam limitatam, & coarctatam; patet, quoniam nulli in Euangelis Christus legitur aliquam talem potestatem limitationem Apostolis indulsisse, nec possibile est fingere certitudinem talis limitationis. De talibus autem, quæ facta esse dicuntur, maxime circa Apostolos, de clauibus Ecclesie, nihil videtur ascendum, quod de Scripturis sanctis non habeat testimonium explicite, vel implicite, quod in hac parte non datur. Et hoc de primo puncto breuitatis causa sufficiat; in quo ostendendum erat non esse vsquequaque probabile, Apostolos alios à Petro potestatem iurisdictionis immediate suscepisse à Christo. Reliquum est iam ostendere secundum, quod dato, quod Apostoli immediate à Christo potestatem iurisdictionis, sicut ordinis receperint, non tamen concedendum sit, sed omnino negandum, quod alij Prælati Ecclesie nunc suscipiant potestatem iurisdictionis à Christo immediate. Non enim sequitur, Apostoli, qui primi fuerunt lapides ædificij Ecclesie, habuerunt immediate potestatem à Christo. Ergo & alij Prælati successores illorum nunc

nunc ab ipso immediatè suscipiunt; sicut exemplariter non sequitur. Si Deus in institutione Mundi imediate fecit Cælos, & elementa, & alias partes principales Mundi, sicut prima individua specierum, quòd in propagatione rerum institutarum illa sunt immediatè à Deo, quæ fuerunt secundum speciem facta immediatè in Mundi constitutione. Immo sunt multa, mediante virtute Cælesti, & mediaturibus alijs causis secundis. Sol enim, & homo generant hominem, dicit Aristot. 2. Phylis-
27 corum. Quòd autem Prælati Ecclesiæ non immediatè à Christo potestatem suscipiant iurisdictionis, sed mediante Romano Pontifice eius generali Vicario, multipliciter ostenditur.

Et primò quidem hoc manifestum redditur omnibus illis auctoritatibus, & rationibus superius inductis, quibus ostensum est, Apostolos non à Christo immediatè, sed mediante Petro Ecclesiæ Principe ab eo constituto, potestatem iurisdictionis suscepisse, cum eam habitudinem, quam habuit Petrus postquam fuit Papa ad Apostolos, & primitivam Ecclesiam, habeat Papa ad omnes Prælatos Ecclesiæ, & ad omnes alias Ecclesias: cum succedat Petro in eadem plenitudine potestatis.

Quòd probatum est de Petro respectu Apostolorum, & Discipulorum Christi, probatum relinquitur de quolibet successore suo legitimo Romano Pontifice, respectu omnium Prælatorum Ecclesiæ.

Præterea in speciali auctoritate videtur ostendi manifestè; primò, per illud, quod habetur in cap. omnes dicitur: ubi sic dicit: [Nicolaus Papa, omnes siue Patriarchæ cuiuslibet apicem, siue Metropolitanum, Primum, aut Episcopatum cathedras, vel Ecclesiarum, siue cuiuscumque ordinis dignitatem instituit Romana Ecclesia.]

Ad idem secundò est auctoritas beati Clementis, qui, ut habetur in cap. In illis dicitur. 80. dicit: Quòd in illis Ciuitatibus, in quibus olim apud Ethnicos primi flamines eorum, atque primi legis Doctores erant, Episcoporum Primates, atque Patriarchas, beatus Petrus poni præcepit, qui reliquorum Episcoporum causas, & maiora negocia in fide, idest fideliter, ut ait glossa, agerent.

In illis autem, in quibus dudum apud prædictos Ethnicos erant eorum Archiflamines, quos tamen minores esse tenebant, quàm memoratos Primates Archiepiscopos instituit præcepit.

In singulis verò reliquis Ciuitatibus singulos, & non plures Episcopos constitui præcepit, qui Episcoporum tantùm vocabula sortirentur, quoniam nec inter ipsos Apostolos par fuit institutio, sed vnus præfuit omnibus.

Manifestum est autem, quòd hæc fundamentalis dependentia dignitatis, ordinis, & gradus cæterarum Ecclesiarum ab Ecclesia Romana intelligi sanè non possit, nisi per hoc, quòd cæterarum Ecclesiarum iurisdictionis auctoritas intelligatur ab Apostolica Sede deriuata. Quare

Tom. XIII.

sanctus Thomas in fine secundi sententiarum dicit, quòd sicut se habet potestas Dei ad omnem potestatem creatam, sic etiam se habet potestas Imperatoris ad potestatem Proconsulis, sic se habet potestas Papæ ad omnem potestatem in Ecclesia; quia ab ipso Papa gradus dignitatum diuersi in Ecclesia disponuntur, & ordinantur; vnde eius potestas est quoddam Ecclesiæ fundamentum, ut patet Matth. 16. Hæc sanctus Thomas.

Tertiò auctoritate hoc ipsum ostenditur, per illud, quod habetur in cap. decreto dicitur. 2. qu. 7. ubi beatus Gregorius ita dicit, quòd sancta Romana Ecclesia vices suas ita alijs impartitur Ecclesijs, ut in partem sint vocatæ sollicitudinis, non in plenitudinem potestatis.

Item eadem sententia ponitur in cap. seq. ubi Vigilius Papa ita dicit; [Ecclesia Romana, quæ prima est, ita reliquis Ecclesijs vices suas creditit largiendas, ut in partem sint vocatæ sollicitudinis, non in plenitudinem potestatis.]

Præterea hoc idem ratione probatur sic: in omni Principatu potestas iurisdictionis deriuatur, ad quancumque personam illius Principatus à Monarcha, siue
28 Principe illius Principatus; sed Papa est Princeps, siue Monarcha in sacro Ecclesiæ Principatu. Ergo sequitur, quòd potestas iurisdictionis omnium inferiorum Prælatorum deriuatur à Papa. Consequentia bona, maior patet ex sententia Dionysij, qui tam de Ecclesiastica, quàm de cælesti Hierarchia docet, ab ipso Hierarcha in omnes Hierarchie personas descendere irradiationis profluxum. Minor verò, quòd solus Papa sit Princeps, & Monarcha totius Ecclesiastici Principatus, superius inductis auctoritatibus ostensum est: in quibus sancti Patres ipsum, & Ecclesiæ totius Principem, & Caput prædicant, & attestantur.

Dicit etiam Chrysostomus super Act. Apostolorum, quòd Petrus à filio super omnes, qui filij sunt accepit potestatem, non ut Moyses in gente vnâ, sed in vniuerso Orbe. Et Theophyl. super illud Lucæ 22. [Tu aliquando conuersus confirma fratres tuos;] dicit, quòd Petrus obtinuit, ut esset Antistes Mundi.

Item, in Ecclesiastico Officio legitur et Christus dixisse: [Super plebem meam Principem te constitui.]

Præterea secundò, sic confirmatur idem ratione; & primò, in vnoquoque ordine, in quo maximè residet plenitudo virtutis, siue potestatis, originaliter dependet virtus omnium sequentium in illo ordine.

29 Sed Romanus Pontifex est primus in ordine Prælatorum Ecclesiæ, & in quo solo residet plenitudo Ecclesiasticæ potestatis; ergo sequitur, quòd potestas omnium sequentium Prælatorum Ecclesiæ, dependeat, & deriuatur ab ipso Romano Pontifice. Consequentia est bona. Maior colligitur ex sententia Arist. 2. Metaph. Minor est Canon Concilij Constantinopolitani, dicentis: [Veneramus secundum Scripturas, & Canonum definitiones, sanctissi-

Ecc e numi

num antiquæ Romæ Episcopum primum esse, & maximum omnium Episcoporum.]

Item in Concilio Chalcedonen. acclamatum legitur à rota Synodo Papæ Leonis: [Leo sanctissimus Apostolicus, & Oecumenicus, & vniuersalis Patriarcha, per multos annos viuat.]

Confirmatur hoc argumentum per illud beati Isidori, qui, vt dicitur in cap. in nouo distinct. 21. ita dicit: [In Nouo Testamento, post Christum Dominum, à Petro capit Sacerdotalis ordo.] Et causam subiungens ait: [Quia ipsi primo Pontificatus in Ecclesia datus est:] dicente Domino ad eum: [Tu es Petrus, & super hanc petram ædificabo Ecclesiam meam.]

Item tertio sic, idem confirmando inter habentia ordinem secundum influentiam, omnia, quæ alijs insunt, virtutem influendi recipiunt à primo illius ordinis; sed ordo, qui est inter Romanam Ecclesiam, & alias Ecclesias, siue inter Romanum Pontificem, & Prælatos cæteros, est secundum influentiam, prout vnus mouet alium ad actus Hierarchicos; ergo potestas iurisdictionis omnium Prælatorum Ecclesiarum, deriuatur à Romano Pontifice. Consequentia est bona. Maior patet ex commento primæ propositionis de causis. Causa enim secunda virtutem causandi habet à prima. Minor verò patet auctoritate beatissimi Cypriani, qui, vt in cap. loquitur distinct. 24. quæst. 1. Ecclesias particulares ad Ecclesiam Romanam comparat, sicut radios ad Solem, fluuios ad fontem, sicut ramos ad radicem. Quare, dicit Petrus Raennas, quod stipitem ramum, quod capiti membra, quod Soli radij, quod fonti riuuli, hoc Apostolicæ Sedis reuerentiæ debent omnes Ecclesiarum, quas vbique terrarum Religio Christiana fundauit.

Quartò sic confirmatur eadem ratio, Omnia membra à capite recipiunt immediatè deriuationem virtutis, sensus, & motus sui regiminis. Sed Ecclesia Romana est caput cæterarum Ecclesiarum; ergo cæteræ Ecclesiarum, & earum Prælati, potestatis suæ originem suscipiunt à Romana Ecclesia, siue à Romano Pontifice. Consequentia est bona. Maior patet, quoniam, vt superius habitum est, ex sententia Isidori, ex eo datum est capiti hoc nomen, quòd sensus omnes, & nerui inde initium capiant, atque ex eo omnis vigendi causa oriatur.

Minor verò ponitur in cap. sacrosancta distinct. 22. vbi sanctus Anacletus ait, quòd Apostolica Sedes, caput, & cardo scilicet omnium Ecclesiarum, est à Domino, & non ab alio constituta, & sicut cardine ostium regitur, sic huiusmodi sanctæ Apostolicæ Sedis auctoritate, omnes Ecclesiarum, Domino disponente, reguntur.

Quintò sic: Quilibet Fidelis tenetur credere vnani esse sanctam Ecclesiam Catholicam. Sed ad vnitatem Ecclesiarum requiritur, quòd omnium Prælatorum potestas iurisdictionis deriuetur à Romano Pontifice; ergo necesse est, quòd quilibet

Fidelis hoc credat, & teneat. Consequentia est bona. Maior patet, cum sit articulus fidei, & dicatur Canticoꝝ 6. [Vna est Columba mea, vna est perfecta:] dicit Glossa, idest Ecclesia.

Minor probatur, quoniam vnitatem Ecclesiarum, vt habetur à beato Cypriano in epistola de vnitatem Ecclesiarum, & habetur in cap. loquitur distinct. 24. quæst. 1. necessariò attenditur in ordine ad vnā fontalem originem totius potestatis Ecclesiasticæ, quam esse dicit Apostolicam Sedem, siue Romanum Pontificem, super quem fundaram esse dicit Ecclesiam, vnde ait: [Ecclesia Dei luce perfusa, per totum Orbem radios suos porrigit, vnum tamen est, quod vbique diffunditur, nec vnitatem corporis separat, radios suos per vniuersam terram copia vbertatis extendit, profuentes largitur riuos, latius expandit, vnum tamen caput est, & vna origo, & vna mater secunditatis copiosa.] Hæc illæ.

Item sanctus Thomas contra gentes lib. 4. cap. 56. dicit soli Petro promissum: [Tibi dabo clauem Regni Cælorum, vt ostenderetur potestas clauium, per eum ad alios deriuanda, ad consecrandam Ecclesiam vnitatem.] Ex quibus manifestè colligitur pertinere ad vnitatem Ecclesiarum, quòd à Romano Pontifice omnium aliorum Prælatorum deriuetur auctoritas; quæ erat minor probanda.

Sextò arguitur, confirmando præcedentem rationem sic: Teste beato Dionysio 10. cælestis Hierarchiæ: [Omnes Hierarchiæ sunt connexæ, & ordines ipsi cuiuslibet Hierarchiæ sunt etiam connexi.] Hæc autem connexio, secundum eiusdem Diuini Doctoris doctrinam, vt sanctus Thomas, & Albertus declarant, non tantum attenditur per relationem ad vnum vltimum finem, secundum quem omnis Hierarchiæ finis, est similitudo, & vnitatem ad Deum; sed secundum ea, quæ sunt de essentia Hierarchiæ, scilicet secundum ordinem, scientiam, & actionem.

Secundum ordinem quidem, in quantum in omnibus Hierarchiis inuenitur distinctio per primum, medium, & vltimum.

Secundum scientiam verò, in quantum irradiatio extenditur, procedendo à primo vsque ad vltimos.

Secundum actionem autem, in quantum primi habent actionem Hierarchicam in medios, & per medium in vltimos.

Sed Ecclesia nostra à Deo est, ad instar Hierarchiæ disposita, & formata; ergo necesse est, nisi Hierarchiam nostram inconuenientissime asserere inconnexam vellemus, potestatem Ecclesiasticam à primo nostræ Hierarchiæ, qui est Romanus Pontifex, in omnes inferiores procedere, & deriuari, processus patet: huius autem connexionis Hierarchiæ nostræ duo sunt euidentissima testimonia:

Primum est, quòd qui à beati Petri societate, & connexione Apostolicæ Sedis segregatur, non potest absolui à peccatis. Secundum est, quòd talis existens, si prælatus sit, ipsa potestate ecclesiastica denudatur.

datur. De primo habetur in Glos. Matth. 16. quod Petrus, idē specialiter clauēs Regni Caelorum, & principatum iudicialis potestatis accepit, ut omnes per Orbem credentes intelligant, quod quicumque ab vnitate fidei, & societate Petri, quous modo semetipsos segregant, nec vinculis peccatorum absolui, nec ianuam Regni Caelis ingredi possunt. De secundo habetur in cap. factus, & in cap. No-natianus 7. quæst. prima, & in cap. dicimus 24. quæst. prima, quæ omnia sunt beatissimi Cypriani testimonia. Super se-deo autem multis alijs, quæ induci possent, maxime ex institutionibus, confirmationibus, mutationibus, translationibus, & depositionibus, quas circa Ecclesias, & ca-tum Prælatos, Sedes Apostolica iure ordina-to facere solita est, quas facere minime liceret, nisi earum iurisdictioni auctoritas ab ipsa Apostolica Sede, modo supradicto dependere; quod pro obseruanda breuitate fermonis, tantum de isto secundo pun-cto dixisse sufficiat.

Duobus iam punctis luculenter ex-pressis, venio ad tertium, in quo dicendum institui, quod etiam dato, licet non con-cesso, quod præsuppositum; & fundamen-tum Reuerendissimi Patris Domini ar-32 gumentis verum esset, videlicet quod Ec-clesie Prælati potestatem iurisdictionis à Christo immediatē recipere, sicut Papa, non tamen ex hoc habetur, quod decre-tum præfatum Constantien. in illa parte contineat veritatem fidei Catholice: Pri-mo quia dato, quod quilibet Apostolorum, & nunc quilibet Ecclesie Prælatus, pote-statem iurisdictionis immediatē à Christo habuisset, non tamen ex hoc habetur, quod tota Ecclesie communitas collegialiter ta-lem immediatē à Christo potestatem acce-pisset. Secundo dato quod Apostoli tunc, & nunc Ecclesie Prælati immediatē à Christo potestatem suscepissent, non habet, quod decretum illud Constantiense contineat veritatem, dicens quod Con-ci-lium vniuersale, habet potestatem imme-diatē à Christo, cui etiam Papa obedire tenetur, qui enim Apostolos dicit cum Pe-tro, & Prælatos ceteros cum Papa à Chri-sto immediatē iurisdictionis potestatem suscipere, debet animaduertere si errorem Indorum, & Armenorum, & quondam Græcorum, Valdensium, pauperum de Lug-duno, & nouissimè Boemorum vitare vult; quod non æqualem omnes Apostoli cum Petro, nec Prælati cum eius successore Romano Pontifice, suscipiunt potestatem: solus quidem Papa inter eos tamquam caput totius corporis Ecclesie suscipit: & idē ipse solus in toto corpore Ecclesie, plenitudinem potestatis accepit; cæteris, ut supra habitum est, in partem tantum soli-citudinis euocatis, ut ait beatus Grego-rius in cap. Decreto 2. quæst. 7. in cuius testimonium, cum soli Petro potestas à Christo promittitur, dicitur: [Tibi dabo clauēs Regni Caelorum, & quodcumque ligaueris super terram, erit ligatum & in Cælis.] Matth. 16. cum Apostolis verò alia forma seruat, dicitur enim quodcumque

alligaueris super terram, erunt ligata & in Cælo. In Cælo vno dicit, non in Cæ-lis, sicut Petro dixerat; ait Origenes, & in-ducitur in glossa continua, quia non sunt tantæ perfectionis, sicut Petrus: quare sicut in corpore naturali, cui Apostolus ipsam Ecclesie corpus simile esse dicit, ad Ro-man. 11. nulla aliorum membrorum multi-tudo adæquat virtutem capitis; etiā mille manus, mille pedes, milla oculi, & sic de alijs particularibus membris, in vno corpore aggregarentur. Itā in corpore mystico Ecclesie, nulla membrorum Ec-clesie multitudo adæquare potest virtutem, & amplitudinem potestatis Capitis Ec-clesie, scilicet Romani Pontificis. Quo ergo iure prælati Ecclesie congregati, maiores potestate, aut superiores Romano Pontifi-ce, Capite & Principe totius Ecclesie, di-cendi sunt, non inuenio. Quocirca inter veritates Catholice fidei, nullo modo an-numerandum venit, nisi aliunde apertiori testimonio sacre Scripturæ, aut Sanctorum Patrum fuerit roboratum. Dicit enim, Hieronymus ad Demetriadem Virginem, quod de Scripturis sanctis auctoritate non habetur, eadem facilitate continentur, quæ probatur.

Tribus iam punctis breuiter expedi-tis, venio quarto loco ad respondendum auctoritatibus, & rationibus inducis per Patrem, & Dominum arguentem pro hac parte Decreti Constantien. qui dicit, quod Concilium vniuersale potestatem habet immediatē à Christo, cui &c. Prima au-33 thoritas inducitur illa Matth. 16. Vbi Christus ait: [Si peccaueris in re frater tuus, corripe eum inter te, & ipsum solum, &c.] Sequitur. [Si te non audierit, dic Ecclesie.] Est Ecclesiam non audierit, sic tibi sicut Ethnicus; & Publicanus, quod per ly, Ecclesiam, non solus Prælatus, sed Ecclesia ipsa vniuersalis accipienda sit, patet per gloss. ordinariam, quæ eo loco sic habet, vel dic Ecclesie: id est toti Ec-clesie. Ad istam auctoritatem, in qua maxi-mè aduersa pars fundamentum facere vi-detur, respondens, duo faciam: Primò ostendam, quod in auctoritate Christi per Ecclesiam, cui tamquam iudici, fratris no-stri peccatum post admonitionem denun-ciari præcipitur, ex sensu literali, non vni-34 uersalis Ecclesia, nec Concilium vniuersale, sed prælatus intelligendus sit. Secundo ostendam, quod dato, quod quandoque ad Concilium vniuersale auctoritas illa, per aliquos applicetur: ex hoc tamen nulla superioritas in Concilio arguitur suprà Papam. Primum autem videlicet, quod in dicta auctoritate per Ecclesiam, cui tamquam iudici, delinquentis fratris pec-catum denunciari præcipitur, non sit acci-piendi, ex ipsa principali intentione legis-latoris, vniuersalis Ecclesia, nec dispersa, per Orbem, nec conciliariter congregata; clarissimè ostenditur, supposito primo cum omnibus Doctores sacre Scripturæ, quod correctio fraterna, de qua in præ-fata auctoritate à Christo datur generalis Doctrina, cadat sub præcepto. Quo præ-supposito clarissimum est, primò auctori-
Ecce a tatem

tatem prædictam de Ecclesia vniuersali per Orbem dispersa, non posse accipi ex ipsa impossibilitate adimplendi. At autem Hieronymus. Anathema sit, qui Deum dixerit aliquod impossibile præcepisse. Secundò, hoc idem patet de Ecclesia conciliariter congregata, tum ex ipsa raritate Conciliorum vniuersalium; Tum ex eo, quòd Synodorum congregandarum auctoritas, non in cuiuslibet est potestate, sed solum Romani Pontificis, vt dist. 17, habetur. Tum propter ipsam oneris insupportabilem grauitatem, qua populus Christianus grauaretur, si pro adimplendo præcepto de correctione fraterna, teneretur venire ad Concilium vniuersale, etiam ad congregatum. Tanquam autem grauitas repugnat suauitati legis Christi, qui ait Deuter. 30. [Mandatum hoc, quod ego præcipio tibi hodie, non est supra te, nec procul positum, nec in Cælo situm, vt possis dicere, quis nostrum ad Cælum valet ascendere, vt deferat illud ad nos, vt audiamus, & opere compleamus? neque trans mare positum vt causeris, & dicas, qui ex nobis transiretate poterit, & illud ad nos deferre, vt possimus audire, & facere quod præceptum est? Sed iuxta te est valde;] Gloss. interlin. [Mandata Dei, moderata, & temperata sunt humanis viribus;] & Matth. 11, dicit ipse Legislator. [Iugum enim meum suauis est, & onus meum leue.] Planè non leue esset præceptum Domini de correctione fraterna, si fidelis cuiuslibet id adimplendus, ad vniuersale Concilium actu existens venire esset obnoxius, ad quod proculdubio obnoxius esset, si per Ecclesiam, cui denunciandum est delinquentis fratris peccatum, non prælatus, sed Synodus vniuersalis ex ipsa intentione literalis sensus accipienda veniret. Quare manifestum videtur, non esse de intentione legislatoris Saluatoris nostri Dei, per Ecclesiam, in prædicta auctoritate, designari vniuersalem Ecclesiam, nec Concilium vniuersale; sed prælatum præsentem, secundum eum intelligendi modum, quo Philosophus 9. Ethicorum dicit, quòd Civitas est id, quod principale est in ea, quòd etiam multiplici testimonio roboratur. Primò, ex eo manifestè colligitur, quòd Christus non vniuersali Ecclesie, nec alicui Synodo vniuersali, sed tantum Apostolis ipsis, & eorum successoribus Ecclesie Prælati ait: [Amen dico vobis, quæcumque ligaueritis super terram, erunt ligata & in Cælo:] vbi Gloss. Hieronymi ait: hæc potestatem tribuit Apostolis; Secundò, patet ex Gloss. Origenis, qui, vt habetur in Gloss. continua, ponderans illud: Quæcumque ligaueritis super terram, erunt ligata & in Cælo; ait: Non dixit in Cælis, sicut Petro, sed in Cælo vno, quia non sunt tantæ perfectionis sicut Petrus. Tertiò, patet ex auctoritate beatisimi Chrysostomi, qui super Mattheum, vt habetur in Gloss. continua, exponit: Dic Ecclesie, id est his, qui Ecclesie præstant. Quarto, auctoritate beati Thomæ, qui & in quarto dist. 19. & in 2.2. q. 34. in materia de correctione fraterna, expo-

nit: [Dic Ecclesie:] idest Prælato in iudicio præsidenti. Quintò, auctoritate Alberti Magni super Mattheum, qui ait, sic in forma, Dic Ecclesie, hoc est Prælati in conventu, & Synodo, ita quòd ly, Synodo, sicut ly, conventu, in ablatiuo ponitur. Vnde subiungit, si Ecclesiam non audierit, vt secundum arbitrium prælati corrigatur, sit tibi quasi Ethnicus, & Publicanus. Sextò, ad idem est Dominus Hugo Cardinalis primus postillator Biblie, qui iuxta duas Gloss. quæ ponuntur in Gloss. continua, quarum vna dicit: Dic Ecclesie, idest his, qui Ecclesie præsideant; & alia dicit: Ecclesie, idest toti Ecclesie, vt maiorem cruescentiam habeat, dicit super Mattheum, sic: Si priuata persona corrigit, sic exponendum est: Dic Ecclesie, idest coram Prælato Ecclesie cum conuincere per testes, quos non lauit audire corripientes, & hoc iuxta primam Gloss. Si verò Prælati corripit, sensus est, Dic Ecclesie, idest coram Ecclesia illum excommunicat, idest coram congregatione fidelium. Eandem sententiam, prosequitur Magister Nicolaus Gorram super Mattheum, Septimò, ad idem est communis expositor literalis Magister Nicolaus de Lyra, qui exposuit super Mattheum, Dic Ecclesie, idest Prælato, Octauò, ad idem est Gloss. decreti, in cap. si peccauerit 2. quæst. prima, quæ consimiliter exponit, Dic Ecclesie, idest sacerdoti. Nonò, pater testimonio Innocentij Papæ, qui in cap. nouit, extra de Iudicijs, de Pastore, & Prælato vniuersalis Ecclesie, scilicet de Romano Pontifice, illam exponit. Decimò, patet ex practica, & consuetudine obseruata à sanctis, & ab vniuersitate fidelium, & ab ipso nascentis Ecclesie exordio. Manifestum est autem, quòd practica obseruata in Ecclesia Dei, circa obseruantiam præcepti de correctione fraterna, semper fuit & est, denuntiare Prælato, & non vniuersali Ecclesie, siue dispersæ, siue congregatæ, fratris errantis peccatum. Cum ergo consuetudo obseruantia, sit interpretis legis, & vt dicas Augustinus libro de Mendacio, ex factis Sanctorum colligamus, quid in Scripturis sentire debeamus. Manifestum est, quòd verus, ac proprius, & principalis intellectus prælate auctoritatis sit, vt per ly, Ecclesia, cui tantquam iudici denuntiatio fienda est, Prælati Ecclesie intelligendus veniat, & non vniuersalis Ecclesie Synodus. Ad argumentum autem, quòd quidam professores aduersæ partis contra hoc faciunt, videlicet quòd cum Christus in hoc loco Petro loqueretur, qui futurus erat Prælati Ecclesie, & nemo remittatur ad scipsum per Ecclesiam, cum dicitur, Dic Ecclesie, non intelligendus sit Prælati, sed vniuersalis Ecclesia eo modo, quo haberi potest, scilicet Synodaliter congregata. Responso est manifesta. Dicitur enim primò, quòd hæc Doctrina data à Christo de correctione, fraterna, generalis est, omnes fideles respiciens, & non solum Petrum, licet ad ipsum specialiter vice omnium directus sit sermo Domini, in signum Principatus sui super alios, & ita Christus tam subditos, quam

Prelatos ad obseruantiam huiusmodi precepti obligare voluit. Verum, vt superius commemoratum est, ex sententia Domini Hugonis Cardinalis super Matth. exponents, iuxta duas glossas ordinarias dupliciter hunc textum, alia est intelligentia huius nominis Ecclesie, quando priuata persona corrigit, & alia quando publica persona. Nam si priuata persona corrigit, tunc est sensus, Dic Ecclesie, idest Prelato. Si vero publica persona corrigit, tunc est sensus Dic Ecclesie, idest coram congregatione cum oburga; vt sic, quemadmodum ait gloss. maiorem erubescantiam patitur, vel coram congregatione cum excommunicat, vt sic, quemadmodum ait Hieronymus, multorum derelictioni habitus opprobrijs saluatur, qui pudore saluari non potuit. Sed cum hoc modo Prelatum remitti ad Ecclesiam, non sit remitti ad superiorem, siue ad iudicem, vt de se patet, manifestum est quod ratio ex aduerso, in nullo probat intentum. Preterea, ratio preata non procedit, quoniam non videtur inconueniens, quod quis remittatur ad seipsum secundum aliam, & aliam habitudinem consideratum. Prelatus enim, vt ait sanctus Thom. in 4. dist. 19. quæst. 2. dupliciter potest considerari, aut secundum quod in iudicio præsidet, & sic dicere prelato, inquit, est dicere Ecclesie, aut extra iudicium existens, & sic dicere Prelato, non est dicere Ecclesie, per quem modum persona in prelatione constituta, potest à se, vt est priuata persona, remitti ad se, vt est persona publica, & tunc dicere Ecclesie, nihil aliud est, quam exire in actum iudicii, quo modo beatus Gregorius scribens Iohanni Patriarchæ Constantinopolitano, super usurpatione vocabuli vniuersalis Ecclesie, epistola 265. Ostendit, sic dicens; Nos quidem, in quibus talis, tantaque per ausum nefarium culpa committitur, seruamus, quod præcipit veritas dicens. [Si peccauerit in te frater tuus, corripue eum inter te & ipsum, si autem te non audierit, dic Ecclesie. Si vero Ecclesiam non audierit, sit tibi sicut Ethnicus, & Publicanus. Ego itaque per responsales meos semel & bis verbis humilibus, hoc, quod in tota Ecclesia peccatum corripere studui, per me scribo, quicquid humiliter facere debui, non obmissi. Si in mea correctione deficiat, restat vt Ecclesiam debeam adhibere. Hæc Gregor. Vbi Ecclesiam adire, vel adhibere, est censuram Ecclesiasticam apponere, sicut fecit, non conuocando super hoc aliquod Concilium vniuersale. Preterea, hoc modo ait Nicolaus Papa, sicut habetur in cap. præcipue, vbi ita dicit Regi Lothario. Cæterum caue ne quando vobis, secundum præceptum Domini, duos, vel tres testes adhibeamus, immò vero hoc sanctæ Ecclesie dicamus, & quod non operamus, de cætero cunctis fiat Ethnicus, & Publicanus. Quod vero ibi per Ecclesiam, non alium iudicem, quam seipsum intelligat, patet ex gloss. quæ in eo loco dicit: Sic ergo in causa denunciationis, idem potest esse iudex, accusator & testis, & extra de Simonia cap.

licet. Cæterum ipse beatus Petrus, in cuius persona hæc constitutio diuina primò emanauit, absque hoc, quod vniuersali Ecclesie diceret, aut vniuersale Concilium conuocaret, Ananiam, & Saphiram eius coniugem sua auctoritate damnauit. Nimirum planè foret periculosum asserere, beatum Petrum, aliosque sanctos Patres, transgressores extitisse diuini precepti, qui ad correctionem peccatorum, absque denunciando vniuersali Ecclesie, sua auctoritate processerunt. Amplius, si cum dicitur: [Si in te peccauerit frater tuus &c. Dic Ecclesie,] semper recursus habendus esset ad aliquem alium. Immo nunquam Papa, aut alius Prelatus veniret iudicaturus eum, qui in ipsum peccaret, quod est inconuenientissimum, & ab omni ratione, & veritate separatum. Ad confirmationem autem indubia est glossa ordinaria per Patrem, & Dominum arguentem, qui ait; Vel dic toti Ecclesie, licet iam ex superioribus in responsione præcedentis argumenti pateat copiosè satis responsio eius: nihilominus dicitur, quod gloss. in vilo deferuit proposito partis suæ, quinimò omnino eius intentionem infirmat, si gloss. bene videatur. Gloss. autem ita dicit: Vel dic toti Ecclesie, vt maiorem erubescantiam patiat; post hæc omnia, sequatur excommunicatio, quæ fieri debet per os Ecclesie, idest per sacerdotem, quo excommunicante, tota Ecclesia cum eo operatur: hæc gloss. tria veniunt ponderanda, primò quod cum ait: Vel dic toti Ecclesie, per totam Ecclesiam, non est accipienda vniuersalis Ecclesia, quia, vt superius ostensum est, fidelibus in diuersis regionibus Orbis constitutis, adimplere hoc, esset impossibile, sed illa, 35 totalitas Ecclesie accipienda est valde strictè, quandoque enim pro Collegio Cardinalium, quandoque pro congregatione vna conuentali, quandoque pro congregatione vna capitulari, quandoque pro congregatione vna Synodali, aut provinciali, quandoque pro congregatione vnius parue familie: sic enim accommodata locutione, quandoque nomine vniuersæ Ecclesie sacra Scriptura vtitur, sicut Apostolus ad Rom. ultimo ait: [Salutat vos Caius hospes meus, & vniuersa Ecclesia;] vbi per vniuersam Ecclesiam, solam Prouinciæ Caii intelligit, vt ait gloss. Secundo considerandum est in prædicta glossa, quod dicendum esse toti Ecclesie dicit, vt maiorem erubescantiam patiatur, in quo nihil auctoritatis attribuitur communitati.

Quo circa manifestum, quod remitti Prelatum hoc modo ad communitatem, non est remitti ad superiorem. Tertio, ponderandum est, quod ait: Et post hoc sequatur excommunicatio, quæ fieri debet per os Ecclesie, idest per Sacerdotem, vbi manifestè innuit, quod non apud communitatem, sed apud Prelatum, qui os & vertex est Ecclesie, sit auctoritas iudicii, quo excommunicante, siue veniente, tota illa Ecclesia, quæ est corpus eius, cuius consensu, & approbatione in contumacem fratrem Prelatus sententiam condemnationis profert, dicitur cum eo operari, & hoc

hoc de primo, quod erat dicendum circa auctoritatem illam. Secundò dicitur, quod & si aliquando prædicta auctoritas ad Conciliū vniuersale Apost. auctoritate fullim applicetur, aut ad Conciliū vniuersale, Sede vacante, non tamen propter hoc habetur intentio arguentis, videlicet; quod vniuersalis Synodus supra Papam, vnicam & indubitatam potestatem iudicii haberet, & quod Papa extrā casum hæresis, veniat Ecclesiæ denunciandus. Si verò 36 dicatur, quod Papa frater noster est, ergo videtur, quod ad eum se extendat auctoritas præfata, quæ ait: [Si peccauerit in te frater tuus, &c.] dicendum quod Papa, cum hoc, quod est frater noster, & naturæ conformitate, & fidei religione, est etiam Princeps, Caput totius Ecclesiæ vniuersalis, supremam habens potestatem in Ecclesiæ ratione primi, scilicet quia frater noster, extendit se ad eum auctoritas præfata in ea parte, in qua simplex tangitur correctio fraternalis, prout est affectus charitatis, videlicet prout dicit quandam charitativam admonitionem, quæ potest esse inferioris ad superiorem, sicut & ipse charitatis affectus. Ratione vero secundi, videlicet quod Princeps, & Pastor, supremam potestatem Ecclesiæ habens, totius gregis Dominici est, non extendit se ad eum auctoritas præfata in ea parte, in qua contra non sufficientem correctionem fraternam iubetur Ecclesiæ denuntiationem fieri, & correctionem iustitiz per coarctationem penæ exhiberi; quoniam cum hoc genere correctionis, nemo corrigendus veniat, nisi à superiori, ad illos tantum se extendit Christi institutio, qui superiorem habet in terris, cuiusmodi non est Papa, quem Christus, vepote Vicarium eius, supremum omnibus fidelibus, siue dispersis, siue in vnum conuenientibus præesse voluit, & ideo peccata illius suo solo referuntur iudicio. De hoc plurima inferius dicenda veniet, ideo pro nunc dixisse de ista auctoritate sufficiat.

Secunda auctoritas inducta, est illa Ioann. XX. vbi Christus ait Apostolis: 37 [Accipite Spiritum Sanctum, & quorum remiseritis peccata, remittuntur eis:] super quo verbo beatus Gregor. in homilia, vt deducit sanctus Thom. in gloss. continua, ita dicit de Apostolis. Principatum superni iudicii forsitur, vt vicem Dei, quibuscum peccata retineat, quibuscum relaxent, quorum nunc in Ecclesia Episcopi locum tenent, & soluendi, atque ligandi auctoritatem suscipiunt, qui gradum regiminis forsitur. Ad istam auctoritatem respondetur, vt sanctus Thomas respondet in 4. sententiarum, ad quam dicit, dist. 19. quod ad absolutionem à peccato requiritur duplex potestas, scilicet potestas ordinis, & potestas iurisdictionis. Prima quidem potestas adequatur in omnibus Sacerdotibus, non autem secunda; & ideo vbi Dominus Ioann. XX. [dedit omnibus Apostolis communiter potestatem remittendi peccata:] intelligitur de potestate, quæ consequitur ordinem; vnde & Sacerdotibus quando ordinatur, illa verba dicuntur,

[sed Petro dedit singulariter potestatem, remittendi peccata:] Math. 16. vt intelligatur, quod ipse præ alijs habet potestatem iurisdictionis; hæc ibi sanctus Thom. Secundò in eodem 4. sententiarum, dist. 24. ad eandem auctoritatem respondens, ait, quod quamvis omnibus Apostolis data sit communiter potestas ligandi, & soluendi, tamen vt in hac potestate Ordo aliquis significaretur: Primò soli Petro data est, vt ostendatur, quod ab eo in alios debeat ista potestas descendere; propter quod etiam ei dixi singulariter Christus: [Confirma] fratres tuos, & pasc oves meas:] idem loco mri, vt dicit Chrysostomus. [Præpositus, & caput esto fratrū tuorum, vt ipsi te in throno tuo sedentem prædicent, & confirmant:] hæc sanctus Thomas. Ad idem est sententia Alberti Magni, & Bonaventuræ, ex qua responsione cum duo colligamus, primò quod auctoritas illa inducta Ioann. XX. de potestate ordinis accipienda sit, quæ æqualis est in omnibus Sacerdotibus. Secundò, quod potestas iurisdictionis, quæ non est communis omnibus, nec æqualis in omnibus, in quibus est, à Petro, in quo solo per plenitudinem fuit, in alios deriuata est. Patet quod ex auctoritate illa non probatur quoque modo veritas decreti Constantiensis, nec quo ad immediationem potestatis iurisdictionis à Christo, nec quo ad superioritatem Conciliorum supra Papam.

Tertia auctoritas inducta in ordine, per præfatum Dominum argumentum, est illa Act. 15. [Placuit Apostolis, & senioribus cum omni Ecclesia, eligere viros ex illis, & mittere Antiochiam.] Et infra: [Vilum est Spiritui sancto, & nobis nihil vltra imponere vobis oneris, quam hoc necessarium, vt &c.] Ex hac auctoritate arguit Dominus opponens, quod Apostoli, 38 & seniores fecerunt decreta. Ad hanc auctoritatem respondetur, quod in nullo probat decretum præfatum veritatem continere. Primò quidem, quia licet aliquo modo concedatur, quod Patres in Concilio existentes, simul concurrant cum Papa in decretando, siue in condendo Canones, sicut hic de Apostolis cum Petro legitur; nihilominus principatus decretandi, siue auctoritas principalis competit Romano Pontifici, vepote qui Princeps est totius Reipublice Christiane. Vnde gloss. Hieronymi super illo passu, & habetur in epistola 22. eiusdem ad Augustinum, commemorato qualiter Iacobus, & omnes Presbiteri in sententiam Petri transierant, inquit sic: Non debent hæc molestia esse leuiori, sed & mihi, & illi vtilia, vt probemus antequam Apostolum Paulum non ignorasse Petrum. Principem esse huius decreti, legem post Euangelium non esse seruandam. Ecce quod Hieronymus decreti illius, quod in illa Synodo Apostoli, & seniores fecisse dicuntur: Principem Petrum appellat. Præterea, id quod sequitur: [Vilum est Spiritui sancto, & nobis.] Non arguit aliquam iurisdictionem datam immediatè à Christo, siue à Spiritu sancto toti collegio Apostolorum; sed bene arguit datam inspira-

tionem ad intelligendam veritatem. Vnde venerabilis Beda in gloss. ita dicit. Placuit Spiritui sancto, qui arbitrer suæ potestatis, ubi vult spirat, ubi vult loquitur, & nobis non solum voluntate humana, sed instinctu Spiritus sancti; hæc gloss. Ex quibus verbis nihil habetur, nisi quod Petrus, & alij Apostoli & seniores in sententiam illius Canonis, de lege post Euangelium non seruanda, instinctu Spiritus sancti, siue Spiritu sancto inspirante, & docente conuenerant. Planum est autem, quod huiusmodi assilientia, qua Spiritus sanctus, sanctis congregationibus assiluit inspirando, & docendo quid agendum sit, non absuit à Petro tunc, nec nunc ab eius successoribus Romanis Pontificibus superioritatem, & præsentiam super Synodum, non vnitatem Ecclesie, non connectionem totius Corporis Ecclesie ad vnum caput, Christi Vicarium, præcipue cum, dicar Chryostomus, quod Petrus erat vertex Collegij, & Caput Apostolici chori. Et ita patet, quod auctoritas inducitur, non probat veritatem præfati decreti Constantien.

Quarta auctoritas est illa, quæ Act. 10. 37 habetur: Attendite vobis, & vniuerso gregi, in quo posuit vos Spiritus sanctus regere Ecclesiam, quam acquisiuit sanguine suo. Ad istam auctoritatem dicitur, quod ex ea non probatur intentum arguentis. Et primo quidem, quoniam si ex hoc, quod dicitur, quod Christus posuerit Presbyteros illos, ad quos sermo Pauli dirigebatur, regere Ecclesiam suam arguatur, quod tales acceperint à Christo regimen immediatè, siue potestatem iurisdictionis, consequentia nullas vires habet. Immo sic arguere comitit fallaciam figuræ dictionis, mutando quid in quale. Vnde & Apostolus cum ait ad Rom. 12. Non est potestas nisi à Deo: immediatè subiungit; quæ à Deo sunt, ordinata sunt, stat ergo, quod omnis potestas à Deo sit, & tamen quod non immediatè singulis conferatur à Deo, sicut Ioann. 1. dicitur: [Omnia per ipsum facta sunt.] Et nihilominus multa non, immediatè, sed mediantibus causis secundis à Deo sunt. Præterea secundò, si ex prædicta auctoritate arguens velit inferre, quod alij Apostoli, siue Prælati habeant potestatem regiminis Ecclesie, aut superioris, aut æqualem Petro; negabitur consequentia, quoniam cum dicat Apostolus ad Rom. 13. quod omnis anima potestatibus sublimioribus subdita sit, & subiungat: Quæ à Deo sunt, ordinata sunt; oportet quod prælatio attendatur secundum ascensum, & descensum, non secundum æqualitatem. Quare necesse erit, ut arguat Dominus Cardin. Bonauent. in 4. secundum rectum ordinem Ecclesie, quod suprema potestas regiminis, & plenitudo iurisdictionis stet in vno primo, & supremo, in quo solo, sicut in primo, & in simplicissimo in illo genere, est status omnis prælationis Ecclesiasticæ. Quocirca cum alij à Petro dicantur, aut Principes, aut Rectores Ecclesie, aut Pastores gregis Domini, non est intelligendum, quod aut

tales immediatè constituti sunt à Christo; aut quod vocati sunt in plenitudinem potestatis, sed accipiendum est mediata, & secundum eam partem sollicitudinis, ad quam per supremum Pastorem in Ecclesia S. Romanum Pontificem, vocati sunt. Vnde gloss. super illud primæ Petri 5. [Pascite, qui in vobis est, gregem Dei.] Dicit sic: Sicut Dominus Petrum totius gregis curam habere iussit, ita Petrus sequentibus Ecclesie Pastoribus iure mandat, ut quisquis, qui secum est, gregem Domini sollicita gubernatione tueatur.

Quinta auctoritas est illa, quæ habetur in cap. firmiter, extrà de Summ. Trinit. 5. vnam sanctam, vbi dicitur, & est definitio in Concilio vniuersali facta, quod Iesus Christus concessit clauas Ecclesie Apostolis, eorumque successoribus; vbi Ioann. Andr. dicit: [quod non soli Petro Christus clauas concessit, sed & cæteris Apostolis.] Ad hanc auctoritatem responderetur, & primò ad hoc, quod non idè clauas dicuntur Ecclesie, quod communitati totius Ecclesie datæ sint, ita quod sigillatim, siue collegialiter omnes fideles, clauas à Christo susceperint; cum teste beato Ambrosio libro de penit. & habetur à Magistro sententiarum in 4. dist. 18. ius hoc soluendi, & ligandi, solis Sacerdotibus competat, sed dicuntur esse Ecclesie triplici ratione, primò quia clauas istæ datæ sunt potioribus partibus Ecclesie, sicut ait Hieronymus, quod datæ sunt Ecclesie, in Episcopis, & Presbyteris. Solutum est autem, ut patet nono Ethicorum, *ve communis dicatur id, quod principalissimum est in ea.*

Secundò, dicuntur clauas Ecclesie, quia potestas, quæ non potest perpetuari in vno, aut pluribus singularibus suppositis alicuius multitudinis, sed tantum per successionem consuevit sæpe nominari, & dici potestas communitatis, licet non omnibus de communitate talis conueniat potestas, sicut est in priuilegio perpetuo dato dignitati alicuius Ecclesie, & ita est de potestate clauium Ecclesie data in Episcopis, & Presbyteris.

Tertiò, idè dicuntur clauas Ecclesie, quia ad bonum totius Ecclesie à Christo Petro & eius successoribus donatæ sunt, sicut etiam Sacramenta Ecclesie esse dicuntur, quia ad eius vtilitatem instituta, licet collatio Sacramentorum non ad totam communitatem, sed administratio solos Ecclesie pertineat.

Præterea, ad id, quod consequenter in auctoritate ponitur, videlicet quod Christus Apostolis, eorumque successoribus clauas concessit: Respondetur, quod verum est, & etiam quod Ioann. Andr. in gloss. loquitur, sed ex hoc nihil auctoritatis inducitur pro veritate decreti Constantien.

Primò, quia quod dicitur, quod Christus omnibus Apostolis, & successoribus clauas concessit: Intelligendum est, ut patet ex superius inducis: Petro per se, & immediatè, alijs verò Apostolis mediante Petro.

Secundò, quia quamuis non solus Petrus

ctus accepit claves, solus tamen, ut sæpe ex dictis Sanctoium commemoratum est, in plenitudine suscepit, utpote aliorum Princeps, & Caput, ob quam prerogativam solus Petrus cum clavis depingitur, solus Petrus de collatione clauum sibi à Christo facta in Ecclesia, inter ceteros precipue commendatur.

Sexta auctoritas inducta per Dominum, & Patrem opponentem, fuit illa extra de penit. & remiss. in cap. nona ubi dicitur, quod Apostolis omnibus Deus claves commisit. Ad istam auctoritatem, patet per iam dicta, responsio, per has enim, & huiusmodi auctoritates, sicut iam probatum est, nec habetur, quod alij Apostoli à Petro, immediate à Christo susceperint potestatem iurisdictionis, nec quod si suscepissent, superiorem, aut æqualem, cum Petro eorum Principis potestatem haberent.

Septima auctoritas inducta est illa Augustini super Ioann. & habetur in cap. quodcumque 24. quæst. 1. ubi dicit Augustinus, quod si hoc, scilicet: [Quodcumque ligaueris super terram,] tantum Petro dictum est, non hoc facit Ecclesia. Si autem in Ecclesia, sit vtrique, quæ in terra ligantur, & in Cælo, & quæ soluta sunt in terra, soluta sunt in Cælo. Et sequitur: Si ergo in Ecclesia sit Petrus quando claves accepit, Ecclesiam sanctam significavit. Ad istam auctoritatem dicendum, quod nihil ex ea fauoris, seu virtutis decreto Constantiensis præstat, quoniam non est ea intelligentia Augustini in hoc loco, quam quidam prætendunt, videlicet quod beatus Petrus, ita nomine Ecclesie, ut tamquam syndicus eius, aut procurator, siue vices gerens, à Christo claves accepit, cum ipse Princeps, Caput, & Rector totius vniuersalis Ecclesie in collatione clauum constitutus esse dicatur. Non autem stant hæc duo simul, quod Petrus in susceptione clauum à Christo, fuerit syndicus Ecclesie, siue quod procuratorio nomine illas suscepit, & quod sit per claves illas Princeps, Caput, & Rector Ecclesie à Christo constitutus.

Ceterum hæc intelligentia, ex eo aliena à fide omnino iudicanda est, quia Papa non Ecclesie Vicarius, sed Christi est, non Ecclesie vices, sed Christi gerit in terris non ab Ecclesia potestatem suscepit, sed à Christo super Ecclesiam, quam gubernandam, regendamque suscepit. Præterea, quod dicitur, quod Petrus, quando claves accepit, Ecclesiam sanctam significavit, non est ita accipiendum, quasi voluerit Augustinus, quod vniuerso corpori Ecclesie, in omnibus eius membris datæ sunt claves, cum in solis Episcopis, & Presbyteris, testibus beatissimis Ambrosio, & Hieronymo, illas suscepit. Sed hæc sana, & vera beatissimi Augustini intelligentia, quod non Petro tantum ut singulari personæ data sit auctoritas clauum: quoniam, ut Augustinus optime arguit, si tantum Petro data fuisset, iam nec absolutio, nec ligatio, nec aliqua reconciliatio fieret in Ecclesia, cum ergo in veritate ita fiat, sequitur, quod non

tantum Petro data sit, sed etiam data sit in eo Successoribus eius, & vniuersis Prælatibus in Ecclesia Dei, quos in partem, vocaret sollicitudinis sue. Vnde data est ei potestas clauum, ut signanti, & representanti vniuersos Prælatos futuros in Ecclesia Dei, manentes in vnitæte Corporis Christi, siue in societate Petri; & hoc est ipsam Petrum cum claves accepit, Ecclesiam sanctam significasse: ut patet ex ipsa littera bene considerata. Vnde dominus Archidiaconus in Rosario suo, hunc locum ad istam intelligentiam exponens, ita dicit: Si hoc tantum Petro dictum est, scilicet, ut eius personam non transgrediantur, non hoc facit Ecclesia, id est eius auctoritas; hæc ille. Planè hæc est vera intelligentia, hoc est veraciter Augustini argumentum, sicut ille clarissimus Doctor exponit; si potestas data esset soli Petro, ita quod eius personam non transgredere, profecto auctoritas ligandi, & solvendi in Ecclesia non esset.

Præterea, quod ex ista auctoritate, non sequatur aliquid pro veritate decreti Constantiensis, patet ex ipsa glossa ordinaria, quæ ita habet in hoc loco, Argumentum quod sententia rotius Ecclesie præferenda sit Romanæ, si in aliquo sibi contradicant, argumentum dist. 93. legimus; sed contrarium, inquit, credo, argumentum infra eadem. Hæc est fides, nisi erraret Romana Ecclesia, quod non credo posse fieri, quia Deus non permittere, cap. arcega, & cap. pendenda; hæc glossa. & hoc de auctoritate ista.

Octaua auctoritas inducta est eiusdem Augustini super Psalm. ubi ita dicit: Sunt quedam, quæ dicuntur ad Petrum, & quæ licet proprie ad eum pertineat viderantur, non tamen habent intellectum, nisi cum referuntur ad Ecclesiam, cuius ille agnoscitur in figura gessisse personam, propter primum, quem in Discipulis habuit. Ad istam patet responsio, ex responsione, data ad superiorem auctoritatem. Verum enim est, ut ait Augustinus, quod cum claves Petrus recepit dicitur, licet veraciter hoc dicatur, nihilominus cum intellectu ad Ecclesiam accipiendum est, id est ad omnes successores eius, & alios futuros in Ecclesia Prælatos, sicut sæpe commemoratum est; ex hoc autem non potest argui, quod aliquis in Ecclesia, aut ipsa tota Ecclesia, potestate clauum maior, aut superior fuerit ipso Petro: quod etiam ex eo patet, quod Augustinus in eadem auctoritate dicit, quod Petrus habuerit inter Discipulos primatum.

Nona est auctoritas Augustini, qui in de Agone Christiano, ita dicit: Non enim sine causa inter omnes Apostolos huius Ecclesie personam sustinuit Petrus: huic enim claves Regni Cælorum datæ sunt, & cum dicitur: [Petre amas me? pasci oues meas.] ad omnes dicitur. Ad istam auctoritatem eadem est responsio, quæ ad superiores assignata est, quoniam eadem cum illis sententiam importare videtur. Id enim quod primò dicitur, quod cum Petro claves datæ sunt, Ecclesie datæ sunt, iam

iam in superioribus dictum est, qualiter accipiendum sit, videlicet, quod Ecclesie non in multitudine fidelium, sed in Episcopis, & Presbyteris data sint. Vnde dicit Ambrosius, quod in Petro claus omnes Sacerdotes recepimus, quod vero secundo in auctoritate dicit Augustinus, 43 quod cum dictum est Petro: [Pasce oues meas.] ad omnes dictum sit: non ita accipiendum est, quod omnibus fidelibus Christus commiserit curam pastorem Ecclesie, maxime cum dicat Apostolus ad Rom. 12. [Dedit quidem Deus quosdam Pastores;] quosdam dixit non omnes, sed intelligentia est Augustini, quod ly omnes, solum distribuit pro Pastoribus in Ecclesia successores Petri, & alijs cuocandis in partem sollicitudinis eius: quod manifeste Augustinus offendit in sermone quodam, qui sermo incipit: Apostolum Petrum primum omnium Apostolorum: in quo tradans pratum verbum: [Pasce oues meas.] ita inquit: Per singula enim dicebat Petro Dominus Iesus dicenti: [Ame te, pasce agnos meos, pasce ouiculas meas;] in vno Petro figurabatur vnitas omnium Pastorum: Hec Augustinus. Praterea, licet cura pastoralis multis alijs Prelatis, quam Petro commissa sit, non tamen, vt sepe receptum est, in ea plenitudine, & vniuersalitate, qua Petro, qui ita vniuersaliter totius gregis Domini Pastor ad Christo est constitutus, vt non sit dicendus quis Christianus, nec Christi agnus, nec fidelium hominum conuentus, qui dicit se non esse sub cura huius Pastoris, vt sanctus Thom. ait super Ioann. in cap. vi.

Decima auctoritas inducta est eiusdem beatissimi Augustini, qui in lib. 2. qu. noui, & veteris Testamenti, sic loquitur: Dominus noster Iesus, Discipulos suos ante passionem suam, sicut noscitis, elegit, quos appellauit Apostolos. Inter hos peno, vbi que Petrus solus totius Ecclesie meruit gestare personam, & propterea audire meruit: [Tibi dabo claus Regni Caelorum;] & sequitur: Has autem claus non homo vnus, sed vnitas accepit Ecclesie. Ad istam auctoritatem respondetur, quod non intendit Augustinus negare, Petrum claus accepisse, cum Petro ad Christo dictum sit: [Tibi dabo claus Regni Caelorum;] [Matth. 16. & Ioann. 21. [Pasce oues meas;] & ipse Augustinus ipsum dicat, & Apostolorum Principem, & totius Ecclesie Caput appellet: sed ideo dictum est, quod non vnus, quia non vnus solus singulariter, ita, quod non alij in eo suscepint, plane in eam Ecclesie potestatem in Prelatis suis claus accepit eo modo, quo sepe commemoratum est. Pro cuius auctoritatis, & multarum similium Augustini, plena intelligentia, sciendum est, quod duo errores, inter alios, emanauerunt circa claus Ecclesie, quos veluti perniciosissimos beatus Augustinus perurgili studio eradicare curauit.

Primus error fuit Nouatianorum, vt dicit sanctus Thom. in 3. parte qu. 84. artic. 10. qui negabant penitentiam lapsum post baptismum, dicentes, apud Sacerdo-

tes nullam tales absoluenti: peccatis esse facultatem. Istum errorem tangit Augustinus, & impugnat primo libro de vera, & falsa penitentia, vbi in cap. 3. in principio, ita dicit: sunt quidam, qui credant vique in baptismum penitentiam, proficere, sed postea peccantibus causam perseuerare. Item in princ. capituli quarti dicit, Adhuc sunt, qui reclamant non esse peccatorum remissionem baptizatis per penitentiam. Ad quem errorem penitus eradicandum beatus Augustinus, vt potest acutissimus argumentator, visus est semper ostendere, quod non soli personae Petri claus datae sunt, sed cum Petro datae sunt Ecclesie, id est toti posteritati Ecclesie in Prelatis. Vnde in cap. 5. praefati libri inducens contra praefatos haereticos illud Ioann. 20. quod Christus ait Apostolis: [Accipite Spiritum sanctum, & quorum remiseritis peccata, remittantur eis.] dicit sic. Scimus autem, & primos patres, & in omni tempore Ecclesiam Dei, semper vique ad septuagesies septies, quod est semper peccata dimittere; quam potestatem illi ab Ecclesia auferre conantur.

Praterea, de istorum peruerfionum hominum errore aperitissime loquens, cum que fortissime expugnans, in lib. de Agone Christiano cap. 31. sic dicit. [Nec eos audiamus, qui negant Ecclesiam Dei omnia peccata posse dimittere.] Itaque miserum dum in petra Petrum non intelligunt, & nolunt credere claus Regni Caelorum esse datas Ecclesie ipsi; eas de manibus amiserunt; hac Augustinus. Agit etiam contra hos haereticos Nauatianos Sacerdotes patrem congressum beatus Ambrosius libro suo de penitentia; cuius verba causa breuitatis pertransco.

Secundus error fuit eorum, qui in haerese, & in schismate constitutos, & ita ab vniuersitate Ecclesie separatos, asserunt posse ligare & solvere, qui error est communiter omnium schismaticorum; contra quem errorem dicit beatus Cyprianus in quadam epistola, & habetur 7. q. 1. cap. Nonatianus. Qui nec vnitate, inquit spiritus, nec conventionis pacem, obseruat, & se ab Ecclesia vinculo, atque Sacerdotum Collegio separat, nec Episcopi potestatem habere potest, nec honorem. Item multa huiusmodi sunt in cap. diciamus, & in cap. pudenda, & in cap. schisma 24. qu. 1. vbi maxime ad notitiam huius rei considerandum venit illud, quod Cyprianus ponit in epistola ad Iovinianum, & ita dicens: [Clamans Dominus, vt qui stitit veniat, & bibat de fluminibus aquae viuae, quae de eius ventre fluxerunt.] Quod venturus est qui stitit? Vtrum ne ad haereticos, vbi fons, & fluius aquae vitalis omnino non est? an ad Ecclesiam, quae vna est, & super vnum, qui & claus eius accepit, & Domini voce fundata est? Hec est vna, quae tenet, & possidet omnem sponfui, & Domini potestatem; hac ille. Beatissimus praterea Augustinus lib. de penitentia superius commemorato, contra praefatum errorem loquens, & vnitatem Ecclesie ad vsum clauium necessariam esse ostendens, F f f ita

itā dicit. Nemo penitere dignē potest, quem non sublineat vnitas Ecclesie, ideoque non petat facerdotis ab vnitate Ecclesie diuissus. Ad desitueundum ergo errorem hunc secundum, videlicet quod ab Ecclesie vnitate diuissi, potestatem habeant clauium iurisdictionis, dixit in auctoritate, inducā, quod non vnus, sed vnitas clauis acceperat; ostendens per hoc necessarium esse vnitatem Ecclesie ad habentem communionem potestatis Ecclesiasticę. Et quod hac fuerit Augustini intentio, patet, quoniam post illa verba inducā per Dominum arguentem, quę habentur in sermone Apostolorum Petri, & Pauli, qui incipit. Istum nobis dicm, itā subiungit, Huic ergo Petri excellentia commendatur, quoniam ipse vnuerſitatis, & vnitatis Ecclesie figuram gessit, hæc Augustinus. Planē Petrus vnuerſitatis Ecclesie figuram gessit, & hoc contrā primum errorem, qui ā facerdotibus pręsentis temporis clauium potestatem auferebat. Gessit præterea figuram vnitatis Ecclesie, contrā errorem secundum, dicentium, ab Ecclesia diuissos vsum potestatis clauium retinere, & itā patet, quod beatissimi Augustini dicta, optinē considerata non probant ea, quę Basilienſes asserunt de potestate Concilij vnuerſalis Ecclesiam repręsentantis, sed illa magis infirmant.

Vndecima auctoritas inducā, est illa Augustini de doctrina Christiana: has igitur clauis dedit Ecclesie sue, vt quę soluta essent in terra, soluta essent in cęlo, ad istam auctoritatem, ex dictis, itā plenē patet responsio, vt superfluum sit ad eam aliquid dicere.

Duodecima auctoritas inducā, est illa eiusdem Augustini in Epistola ad Glorium, & Eleusium Episcopos Donatistarum, ad 46 quos, itā post multa alia loquitur. Ecce putemus illos Episcopos, qui Romę iudicauerunt, non bonos iudices fuisse. Restabat adhuc plenarium Ecclesie vnuerſalis Concilium, vbi etiam cum ipsis iudicibus causa posset agitare, & si malē iudicasse conuicti essent, eorum sententię soluerentur. Ad istam auctoritatem, quę partis aduersę videtur Achilles; respondeat, quod per eam nullo modo probatur decretum Constantin. in parte illa, de qua loquimur, continere veritatem, tum primō, quia per illa verba, non est intentio Augustini dicere, quod vnuerſale Concilium potestatis, auctoritate superius sit Romano Pontifici. Primō, quia in eadem epistola, sicut etiam in libro de vnico baptismo, profertur, quod in Romana Ecclesia Apostolicę cathedrę semper viguit principatus. Quod verum non esset, si superior cathedra, quā sit Apostolica, alia in Ecclesia daretur. Secundō, quia idem Augustinus, vt inducitur in cap. pudenda, secundō, & l. qu. i. dicit, quod cum Ecclesia, nulla esse potest, ea sit, quę in Apostolicę sedis radice per successionem Episcoporum constituta est. Quomodo autem Augustinus Apostolicam sedem diceret radicem fundamentalem Ecclesie, si illius sedis auctoritas ad aliquam aliam

aliam altioris potestatis; & principatus resoluenda veniret cum natura radicis, aut vltimi fundamenti, siue primi principij hoc non patiarer, sicut ex primo Posteriorum habetur. Quod autem dicit Augustinus, quod restabat adhuc plenarium Ecclesie vnuerſalis Concilium, non dicit ratione superioritatis principatus, aut potestatis, quę maior sit in plenario Concilio, quā in Apostolicā sede: sed ratione amplioris, & maioris examinis habendi iudicij, quale superabatur in plenario patrum totius Ecclesie Concilio, secundum illud, vbi consilia multa, ibi salus. Prouerbiorum vnde cimo. Quod verō ista fuerit Augustini intelligentia, patet ex verbis Epistolę, & ex illis, quę de ista materia commemorat in libro de vnico baptismo. Dicit enim sic in pręsenti epistola ad Glorium, & Eleusium, Sed iam tamen, quasi haberent, quod dicerent, malos iudices se esse perſectos, quę vox est omnium malorum litigatorum, cum fuerint etiam manifestissima veritate superati, quasi non adhuc eis dici possit, & iustissime dici. Ecce putemus illos Episcopos, qui Romę iudicauerunt, non bonos iudices fuisse, restabat adhuc plenarium Ecclesie vnuerſale Concilium, vbi etiam cum ipsis iudicibus causa posset agitari. Et hoc eo quia, vt in libro de vnico baptismo idem Augustinus dicit, maiores accusatorum Episcopi Siciliani, qui innocens erat iudicatus, querebantur Imperatori, quod non plenē fuerat illud iudicium Romę examinatum, atque depromptum, quā ob causam dicebat beatus Augustinus, quod pręfati Episcopi, qui iudicium Papę dicebant, licet falsō, minus plenē examinatum, quod antequam schisma facerent, se ab Ecclesia Romana separantes, debuissent, si amatores erant vnitatis Ecclesie, iudicium expectasse plenarij Concilij vnuerſalis Ecclesie, in quo cum ipso Papa discussio fieret. Nulli autem dubium est, quod iudicium habitum per Papam, & patres vnuerſe Ecclesie simul, malus estimetur auctoritate reputationis, grauitate examinis, & plenitudine discussionis, quā iudicium habitum per Papam cum paucis, licet non maius dicendum sit superioritate potestatis.

Quod autem consequenter dicit Augustinus, quod si malē iudicasse conuicti essent, eorum sententię soluerentur, non, itā accipendum est, quod auctoritate Concilij plenarij tamquam superioris iudicij potestate, sententię Papę dissoluerentur, cum maius tribunal, siue iudicium, alterius haberi non possit in terris, quā sit Vicarij Iesu Christi. Idem quidem est 48 consistorium Dei, & Papę, sicut Episcopi, & Vicarij eius, vnde glossa super illud Matth. 16. Tibi dabo clauis Regni Cęlorum. I dicit, Vide quantam potestatem habet petra, suprā quam edificatur Ecclesia, vt etiam iudicia eius maneant firma, quasi Deo indicante per eam: & ideo in cap. patet 9 qu. 3. dicit Nicolaus Papa iudicium Apostolicę Sedis, cuius profectō auctoritate maius non est iudicium, ā nemine fore retrahendū, nec decius cuiquam liceat

liceat iudicare iudicio. Quod ergo dicit Augustinus, quod si male iudicatis conuicti essent, eorum sententia dissolueretur, exponendum est, idest nullæ, aut cassæ, aut dissolutæ esse iure ostenderentur: quia, vt ait regula iuris, Quæ contrā ius sunt, debent pro infectis haberi, extrā de regulis in sexto, & hoc modo ponitur illud de cap. multis dist. 17. vestrum conuenticulum, vel conciliabulum cassatur, idest ipso iure cassum est. Itā hic Augustinus hoc accipere videtur, cum ait: Si male iudicasse conuicti essent, eorum sententia dissolueretur, idest ipso iure nullæ, siue nullius firmitatis esse ostenderentur; vel accipendum est verbum illud, quod auctoritate mei ipsius Papæ, cuius auctoritate plenarium Concilium congregatur, & sententia firmantur, debent dissolui, vel declarari nullæ esse, quodam legimus factum dist. 17. cap. huic etiam, vbi Synodo congregata, super criminibus, quibus, impetebatur Symachus Papa, Patres Episcopi ibidem congregati auctoritate ipsius Symachi, sententiarent ipsum Symachum, immunem esse. Præterea, simile legimus de beato Gregorio, qui ait, vt habetur 2. quest. 7. cap. Si quis nos super his arguere voluerit, vel extrā auctoritatem nos facere contenderit, veniat ad Sedem Apostolicam, & ibi ante confessionem beati Petri mecum iussit deceret, quatenus ibi vnus ex vobis sententiam suscipiat suam. Clarissimum est autem, quod sententia danda per Apostolicam Sedem, siue contrā Papam, siue pro eo, non nisi auctoritate Papæ seden. à quo eius thronus auctoritatem suscipit, danda veniret, & itā patet, quod ex auctoritate illa Augustini in nullo probatur veritas Constantien. decreti.

Tertiadecima auctoritas inducta, est illa Hieronymi, quæ habetur in glōf. super illud Matthæi 16. Quodcumque ligaueris super terram, erit ligatum, & in Cælis, &c. vbi sic dicit, Habent quidam eandem iudiciariam potestatem, alij Apostoli, quibus post resurrectionem Dominus ait, Accipite Spiritum Sanctum, & quorum remiseritis peccata, remissa erunt, & quorum retinueritis, retenta sunt. Habet etiam omnis Ecclesia in Episcopis, & presbyteris. Ad istam auctoritatem, patet ex superioribus plenè responsio. Ex ea enim non habetur aliquid pro veritate decreti dicentis, quod Synodus potestatem habet immediatè à Christo, cui etiam Papa obedi- re teneatur, maxime si id, quod sequitur in auctoritate Hieronymi, producat in medium, ait enim Hieronymus, post anteposita verba sic. Sed ideo specialitè Petrus eam accepit, vt omnes intelligant, quod quicumque ab vnitatē fidei, & societate eius se separauerint, nec à peccatis solui, nec cælum possunt ingredi. Ecce, quā manifestè beatus Hieronymus docet, quod Petrus specialius potestatem cœlium, quam omnis Ecclesia accepit. Secundo, quod omnes itā dependent à Petro, vt quicumque ab eius societate, & fidei vnitatē se separauerit, nec vniculis ab- solui possit, nec ingredi cælum.

Tom. XLIII.

Quartadecima auctoritas, est illa eiusdem Hieronymi, & ponitur in cap. omnibus consideratis 24. quest. 1. vbi sic ait, de 50 domo Ecclesiæ loquens. Hæc domus etiam claus accepit, & potestatem ligandi, & soluendi; hanc domum, si quis corrigen- tem, corripientemque contempserit, sit tibi tamquam Ethnicus, & Publicanus. Ad istam auctoritatem respondetur, quod per eam in nullo probatur intentum arguentis, primò quidem, quia domus Ecclesiæ, non itā dicitur habere claus, quod in omni- bus suis membris dispersis, aut simul con- gregatis eas habeat, sed tantum, iuxta eiusdem doctoris superius positam auctori- tatem, in Episcopis, & presbyteris eas ha- bet, in quibus contemni dicitur, aut venerari. Ex cuius gloriosissimi Doctoris sententia satis manifestum est, quā alienum sit à patrum doctrina, quod conuen- tus copistiarum, aduocatorum, & secularium hominum, claus dicatur habere Regni Cælorum, & quod cum illorum con- uentus iudicium contemnitur, vniuersalis Ecclesia contemni dicatur.

Secundo, quia licet domus Ecclesiæ, claus accepit eo modo, quo dictum est, scilicet in Episcopis, & presbyteris; nihilo- minus specialius, quia in plenitudine potestatis eas accepit in Petro, cuius suc- cessor est Romanus Pontifex, in cuius contemtu, vt potè Principis ipsius Ecclesiæ, maxime Ecclesia ipsa contemni dicitur, quoniam Petrus, vt ait Augustinus, totius Ecclesiæ figuram, siue personam gessit: & vt dicit Ambrosius libro de Arca Noe, Senioris nomine, de quo pendent ceteri, domus omnis significatur, qui Romanus Pontifex, cum pro eo, quod Caput, & Rector totius Domus existat, su- periore, extrā casum hæresis, non habeat, non potest propriè dici in alio casu Eccle- siam corrigen-tem, aut corripientem con- temnere, huiusmodi enim contemptus propriè non est, nisi inferiorum respectu su- periorum. Quare manifestum est, quod auctoritas illa nullam superioritatem arguit Concilij vniuersalis suprà Papam.

Auctoritas quartadecima inducta est eiusdem Hieronymi, qui super Ioseph Prophe- tam tertio, itā dixisse fertur. Petra, 52 inquit, Christus est, qui donauit Apostolis suis, vt ipsi quoque vocarentur petra, dicens, Tu es Petrus, & super hanc petram ædificabo Ecclesiam meam. Ad hanc auctoritatem respondetur, quod ex ea non habetur in aliquo proposito arguentis; quoniam licet Christus donauerit Apostolis, vt ipsi quoque vocarentur petra; hoc tamen præcipue Petro donauit, cui specialitè ait, Tu es Petrus, & super hanc petram ædificabo Ecclesiam meam; & in quo omnes alij Apostoli, primo nomine Petro sumperunt. Quare rectè post Christum, fundamentum fundamentorum, ac petra petrarum, ac totius Ecclesiæ firmamentum Petrus assertur: vnde Leo Papa in sermone tertio consecrationis, dicit, quod in Petro omnium fortitudo inuenitur, & diu- inæ gratiæ, itā ordinatur auxilium, vt fir- mitas, quæ per Christum Petro tribuitur,

Ffff 2

per

per Petrum Apostolis conferatur. Et ideo beatus Ambrosius, (& habetur in cap. fidelior, dist. 50.) dicit, eò petra dicitur, quia primus in nationibus fidei fundamenta posuerit, & tamquam saxum immobile totius corporis Christianitatis compagem, molemque contineat. Cui ob hanc singularitatem nominis Petrus, fertur dixisse Paulus Petro, mortis instante hora, vt beatus Dionysius testatur, Pax tecum fundamentum Ecclesiæ, & Pastor ouium. Patet ergo, quòd ex eo, quòd cæteris Apostolis suo modo nomen petreæ, aut fundamenti in Petro Christus donauerit, non habetur quòd Synodus vniuersalis à Christo immediatè potestatem suscipiat, cui ipse Papa obedire teneatur.

Auctoritas sextadecima inducta per dominum argumentum, est illa Cypriani in cap. loquitur. Dominus 24. quæst. 1. vbi irà ait, quamuis Deus omnibus Apostolis, post resurrectionem suam, parem potestatem tribuat, & dicat, [Sicut misit me pater, & ego mitto vos, accipite Spiritum.] 53 Sanctum, & infra: Hoc vtique erant cæteri Apostoli, quod Petrus fuit, pari consortio præditi, & honoris, & potestatis. Ad istam auctoritatem, facilis patet responsio primò per Glossam eiusdem capituli, dicit enim ibi Glossa, quòd ista paritas accipienda sit in ordine, & dignitate consecrationis, non in administrationis plenitudine, in hoc enim Petrus superior fuit, & maior, vt potè Apostolorum Princeps, & totius Ecclesiæ caput. Vt eum ait beatus Clemens, & habetur in cap. in illis dist. 80. inter Apostolos non fuit par institutio, sed vnus præfuit omnibus. Secundò respondetur, quòd paritas in hoc loco non dicit æqualitatem; sed similitudinem, vnde exponendum est, parem, id est similem, aut communem: quomodo loquitur beatissimus Leo Papa in Epistola ad Anastasium Thessalonicensem Episcopum, inter beatissimos Apostolos, in similitudine honoris fuit quædam discretio potestatis. Tertio respondetur, quòd dato, sed non concessio, quòd cæteri Apostoli cum Petro pari potestate iurisdictionis præditi fuissent, non habetur ex hoc, quòd Synodus vniuersalis à Christo potestatem immediatè suscipere, cui Papa obedire teneatur, ipar enim in parem potestatem non habet, nec principatum.

Decimasextima auctoritas fuit Alexandri Papæ in cap. audiuius 24. quæst. 1. sic dicentis. Vnde cum Dominus daret omnibus discipulis parem ligandi, ac soluendi potestatem, Petro pro omnibus, & præ omnibus claus Regni Cælorum se datum promissit, dicens, [Tibi dabo claus Regni Cælorum.] Quicumque ergo ab vnitatè Ecclesiæ, quæ per Petrum intelligitur, fuerit alienus, excommunicari potest, consecrare non valet, excommunicationis, vel reconciliationis potestatem non habet. Ad istam auctoritatem dicitur, quòd non agit contrà, sed plurimum confirmat, quòd nullo modo potest stare cum veritate pars illius decreti dicentis, quòd Synodus habet immediatè potestatem à Christo, cui etiam

Papa obedire tenetur: quod sic ostenditur, quod enim primò dicitur, quòd parem potestatem Dominus Apostolis dedit, accipiendum est, vt proximè dictum est, ad auctoritatem præcedentem, aut quòd sermo sit de potestate ordinis, quæ vt superius ex Sancto Thoma in quarto dist. 19. & dist. 24. commemoratum est, æqualiter fuit illa data omnibus. Quod verò consequenter dicitur, quòd Christus Petrus se datum promissit claus pro omnibus, manifestè declarat partem illius decreti Constantiensis, non continere veritatem. Nam 55 in eo, quod dicit, quòd Petro præ omnibus data sunt claus: datur intelligi, quòd Petrus, & per consequens eius successores, in potestate iurisdictionis superior, & maior omnibus fuerit, etiam simul iunctis. In eo verò, quod dicit, quòd pro omnibus, & præ omnibus potestatem accepit, manifestè designatur, quòd alij Christi discipuli, & eorum successores potestatem iurisdictionis non acceperint, nisi per Petrum, & ita non immediatè à Christo. Vbi considerandum est, quòd cum dicitur Petrus suscepisse pro omnibus, & præ omnibus potestatem, non est intelligendum ipsum pro omnibus accepisse ad modum, quo vnus procurator nomine aliquorum, aliquod donum, sicut castrum, aut principatum accepit à Principe, sed intelligendum est, ad modum, quo dicimus solem accepisse lumen à Deo pro omnibus stellis, & præ omnibus, quia in maiori plenitudine, quàm cæteræ stellæ. Pro omnibus, quia in eo ordine, vt ab ipso, sicut à fonte in cæteris stellis lumen descendat, & simile est de capite, quod præ omnibus, & pro omnibus membris virtutem recipit, præ omnibus quidem, quia in solo capite est plenitudo sensuum. Pro omnibus quidem, quia ab ipso cætera membra sensuum motus, & regimini suscipiunt. Ita est de Petro, qui non tantum auctoritate præ omnibus alijs douatus est, sed etiam Caput, & Princeps alijs influens, in toto corpore Ecclesiæ constitutus est, vt apertissime superius ex doctrina sanctorum ostensum est. Præterea, huius rei causa, videlicet quòd Petrus in Ecclesia non tantum fuit prælatus superior cæteris amplitudine potestatis, sed etiam caput influentia virtutis, dicitur consequenter, quòd vnitas Ecclesiæ, per Petrum intelligitur. Sanè vnitas corporis in vno capite designatur, & exercitus in vno duce. Propter quod optime dicitur in cap. non vos 23. quæst. 5. Quisquis ab apostolicis diuinus est sedibus, in schismate, cum esse non dubium est. Quare optime concludit, quòd quicumque ab vnitatè, quæ per Petrum intelligitur, fuerit alienus, ligandi, & soluendi potestatem priuatur. Auelle radium à solis corpore, inquit Cyprianus in epistola de vnitatè Ecclesiæ, & habetur in cap. loquitur 24. quæst. 1. diuisionè vnitas non capit ab arbore frange ramum, fructus germinare non poterit: à fonte præcincide riuum, præcisus arefcit. Ex quibus omnibus clare satis ostenditur, ex prædicta auctoritate non probari propositum Domini arguentis.

Decimaoctaua, & si bene retinui, vltima auctoritas est illa octauæ Synodi, quæ
 57 dicitur sic in condemnatione Phocij dixisse, hæc autem nolentem intelligere Phocium, vt bene ageret, sed inobedientem, & resistentem huic vniuersali Synodo, repulimus, & anathematizauimus, atque à rota catholica, & Apostolica Ecclesia fecimus alienum per datam nobis potestatem à Spiritu sancto à Christo, & magno Pontifice nostro, & Deo liberatore, & Salvatore cunctorum, & postea subditur, Nullus ergo studeat eorum, qui Christiano vocabulo digni sunt, quique regimen pastorale fortiti sunt, contrarium quicquam agere huius sanctæ, & vniuersalis Synodi, ac per hæc inueniatur Deo contradicens, & illius Concilij iudicium spernens. Dicit enim Paulus magnus Apostolus. Qui spernit nos, non spernit hominem, sed Deum vnum, qui dedit Spiritum sanctum in nobis. Quis enim neceat, quod in medio huius, & vniuersalis Synodi fuerit incircumscriptibilis, & incomprehensus Deus, qui ait, vbi duo vel tres sunt congregati in nomine meo, sum in medio eorum. Ex illis contentis in hac auctoritate arguit præfatus Dominus, primò, quod Synodus habcat immediatè à Deo potestatem. Secundo quod Concilio vniuersali competat illud Matth. 18. Vbi duo, vel tres congregati fuerint &c. Ad istam auctoritatem breuiter respondetur, quod parum habet difficultatis, tum primò, quia non ita habetur in originali, sicut inducitur per argumentum. Sed hic habetur per datam nobis potestatem in Spiritu sancto. à primo & magno Pontifice nostro Deo liberatore, & Salvatore Cunctorum. In quibus verbis Synodus videtur per magnum Pontificem, Papam intelligere: tum secundo, dato, quod sese habeat auctoritas, sicut allegata est, non sequitur id, quod arguitur: nam ad primam partem respondetur, negando consequentiam. Ex verbis enim illis parum in Synodo congregatorum, non sequitur quod Synodus ipsa immediatè à Christo potestatem habuerit, immò vt sæpe repetitum est, in hac argumentandi forma committitur fallacia figure dictionis. Sanè si hæc argumentatio locum haberet, cum iuxta Apostolum Roman. 13. nou sit potestas nisi à Deo, quilibet, qui potestatem aliquam haberet, posset dici illam habere immediatè à Deo, & ita nedum ab ipsa Ecclesia, sed ab ipso vniuerso, id, quod optimum est, scilicet ordo tolleretur. Ad secundam partem respondetur, quod illa, & similia verba Christi, optinè competunt Concilijs vniuersalibus similibus, qualia fuerunt illa 8. Concilia Apostolica auctoritate fulta, & roborata, & quæ debicam reuerentiam, & charitatem obseruauerunt semper ad sedem Apostolicam; sed illa verba non competunt peruersis, & malignis congregationibus Synodalibus, sicut patet de multis, scilicet Ariminensibus, Ephesina secunda, & ita de alijs quibuscumque, quæ fuerint ab Apostolicæ sedis societate, & charitate diuisc. Verum ex eo, quod vniuersali Synodo competat illud

verbum. Vbi duo, vel plures congregati fuerint in nomine meo, in medio eorum sum; non arguitur, quod Synodus immediatè habear potestatem iurisdictionis à Christo, sicut manifestum est. Aliàs omnis congregatio quoruncumque fidelium, siue magna, siue parua, in Christi nomine conueiens, potestatem iurisdictionis haberet immediatè à Christo, quod ab omni ratione alienum est.

Vltimò, quantùm ad istum articulum, respondendum est ad rationem illam supradictam, pro Ecclesia vniuersali, ex parte
 58 impossibilitatis errandi in fide, arguebatur autem sic. Ecclesia vniuersalis nunquam legitur errasse, nec errare in futurum potest. Sed Romanus Pontifex à fide errasse legitur, vt in cap. Anastasius, dist. 19. & potest errare, vt de se patet. Ergo videtur, quod vniuersalis Ecclesia, & per consequens, vniuersale Concilium illam repræsentans, auctoritate superior sit Romano Pontifici. Ad istam rationem respondetur breuiter, primò ad antecedens, quod Ecclesia vniuersalis, quæ errare non potest, non dicit congregationem distinctam, aut separatam à Romano Pontifice, cum illa dicatur collectio omnium fidelium, de Consecrat. dist. prima in cap. Ecclesia. Secundo, ad consequentiam dicitur negando illam. Hæc enim arguendū
 59 ratio nulla est, Ecclesia vniuersalis, non potest errare in fide, Papa verò sic, ergo illa est maior potestate iurisdictionis, siue potestate clauium (de qua maioritate est præfatus sermo) ipso Romano Pontifice, quod ex eo manifestum est, quoniam istæ gratiæ gratis datæ distinctæ sunt, videlicet non errare in fide, & potestas clauium, & vna non arguit aliam de necessitate, sicut planum est. Aliàs quilibet in gratia confirmatus, potior esset auctoritate Romano Pontifici non confirmato, quod esset absurdum. Est autem multum animaduertendum pro solutione multarum huiusmodi rationum illud, quod scribitur extra de penitentibus, & re. in cap. Noua, quod licet beatissima Virgo Maria dignior & excellentior fuerit vniuersis Apostolis, non tamen illi, sed isti, Deus clauus Regni celorum commisit. Ecce quod, licet beatissima Virgo Maria mater Dei, 60 sponsa Christi, Regina mundi, & Angelorum Domina, gratia plena, & in fide, semper immobilis fuerit, non tamen arguitur inde, quod potior fuerit potestate clauium ipso Petro. Tertiò, ratio facta etiam non procedit, eo quod licet vniuersalis Ecclesia priuilegium habear non errandi in fide, hoc tamen priuilegium vniuersalia Concilia non habent, cum multa eorum errasse legamus, cum à doctrina Apostolicæ sedis, in qua semper immaculata Christianæ fidei celi religio seruata, declinauerint: immò si alicuius auctoritatis esset ratio facta, clarè concluderet in oppositum, cum Apostolica sedes, iuxta illud Lucæ 22. Ergo rogauit pro te, vt non deficiat fides tua &c. & iuxta sanctorum patrum doctrinam exponit hunc locum, priuilegium habere à Christo, vt potè tribunal Christi

Christi in terris; in iudicio fidei non errandi: quod Concilia vniuersalia, ab Apostolica sede separata, non habent. Et hæc de omnibus auctoritatibus, & rationibus factis per reuerendissimum Patrem Dominum Cardinalem, pro secunda parte decreti facti Constantiæ, per obedientiam dicti Ioannis 23. dixisse sufficiat.

Tertia pars decreti, quam præfatus Dominus arguens retigit tertio loco, est illa, ubi dicitur, quod quilibet cuiuscunque dignitatis, etiam si Papalis existat, tenetur obedire vniuersali Synodo in ijs, quæ pertinent ad fidem. Dicebat prædictus Dominus, quod decretum illud in hac parte nullam difficultatem habet, & quod omnes in eius sententia concordare videntur. Ad cuius probationem induxit capitulum. Si Papa dist. 40. De hac parte præfati decreti, cum omni tamen correctione sanctissimi Domini Nostri loquendo, cuius auctoritati & iudicio omnia dicta mea subijcio, non videtur mihi simpliciter, & indistincte asserendum decretum illud Constantiæ editum, in hac parte veritatem non continere fidei catholicæ, cuius ratio est, quoniam propositio illa multiplicem habet intelligentiam, in quarum vna, potest decretum illud continere veritatem, & in alia non, potest autem pars illa decreti, primo modo sic intelligi, quod quilibet catholicus, etiam Papa, tenetur obedire, id est amplecti, & recipere ea, quæ Synodus iussit, quæ manifestè ad fidem pertinent, vtpotè in sacra Scriptura expressa, aut per Ecclesiam vniuersalem, aut per Apostolicam sedem iam diffinita, & in hoc sensu decretum illud in hac parte continet veritatem. Sed quod in hoc casu teneatur Papa obedire Synodo, non est ex aliqua superioritate potestatis, quæ sit in Synodo supra Papam, quia in talibus ad fidem pertinentibus obedire tenetur, nedum Synodo sed Apostolicæ sedi talia docenti, quæ nullam habet superioritatem respectu Papæ. Sed obedientia, & reuerentia illa attenditur ratione materis fidei, quæ auctoritatem supremam habet ex parte Spiritus sancti, à quo est omnis veritas, vt dicit Ambrosius, à quoque dicitur: quomodo loquitur Apostolus ad Roman. decimo. Non omnes obediunt Euangelio. Secundo modo pars illa decreti potest habere hunc sensum, quod scilicet Papa teneatur stare, & obedire diffinitionibus vniuersalis Concilij in ijs, quæ ad fidem pertinere ipsa Synodus diffinit. In quo sensu non videtur, quod ita simpliciter, & indistincte loquendo, pars illa decreti contineat veritatem catholicæ fidei, quoniam cum Concilia vniuersalia non habeant hoc privilegium in iudicio fidei non errandi, quia quandoque, vt superius dictum est, leguntur errasse, sicut manifestum est, de Synodo vniuersali secunda Ephes. nullo modo videtur asserendum, quod sit veritas catholicæ fidei, quod ita indistinctè, & simpliciter quilibet fidelis, etiam Papa, tenetur obedire Synodo vniuersali in his, quæ pertinent ad fidem, id est quæ ipsa Synodus iudicauerit, aut diffinit ad fidem perti-

nere. Nec hoc probat capitulum. Si Papa inducitur ex aduerso.

Quare necessariò sensus iste distinguendus est, quoniam, aut Synodus vniuersalis aliquid diffinit de fide, Apostolica sede probante, & confirmante, quæ, vt habetur in cap. omnes dist. 22. mater fidei appellatur. Et tunc dicendum videtur, quod decretum illud contineat veritatem, videlicet, quod tali diffinitioni, & determinationi fidei, quam vniuersalis Synodus modo assignato fecerit, quilibet fidelis tenetur, etiam Papa obedire. In quo casu optime venit illud, quod beatus Gregorius ait, & habetur in cap. situr, dist. 15. sicut sancti Euangelij libros quatuor, sic & quatuor Concilia, & venerari me facior, & hæc tota deuotione complector, integerrima approbatione custodio: quia in his, velut in quadro lapide, sanctæ fidei structura confurgit, & cuiuslibet vitæ, atque communis actionis norma existit, quæ dum vniuersali sunt consensu constituta, se & non illa destruit, quisquis præsumperit aboluere quos ligant, aut ligare quos absolunt, id est iudicare catholicos, quos illa hæreticos iudicat, aut è conuerso. Si verò contingat, quod Synodus aliquid diffinit, cui Apostolica sedes, siue Romana Ecclesia contradicat, sicut factum est de vniuersali Synodo Ephesina secunda, tunc manifestum est, quod magis obediendum est diffinitioni Apostolicæ sedis, quam diffinitioni cuiuscunque Synodalis congregationis. Vnde glof. in cap. quodcumque 24. qu. 1. dicit, Credo quod sententia totius Ecclesiæ preferenda sit sententia Rom. Ecclesiæ, si in aliquo sibi contradicant, art. hæc est fides Papa beatissime, eadem causa, & questione, nisi erraret Romana Ecclesia, quod non credo posse fieri, quia Deus non permetteret, art. eodem cap. putenda, hæc glof. Hoc etiam confirmatur omnium illorum patrum testimonijs, qui Apostolicæ sedis privilegium non errandi in iudicio fidei, esse testantur, de quibus iam aliqua commemorata sunt supra. Præterea, quod hæc consideratio habenda sit in diffinitionibus fidei factis per Synodos quascunque, ostendit beatissimus Leo Papa in epistola, quam ad Nicetam Aquilegensium Episcopum scribit, de quibusdam clericis Pelagiana, & Cælestina hæretibus suspectis, vt errores suos cogantur detectari. Vbi sic inter alia dicit. Damne apertis professionibus tui superbi erroris auctores, & quicquid in doctrina eorum vniuersalis Ecclesiæ exhorruit, detestetur, omniaque decreta Synodalia, quæ ad excessum hæreticos Apostolicæ sedis confirmavit auctoritas, amplecti se, & in omnibus approbare, plenè & apertè, ac propria manu subscriptis protestationibus eloquantur, hæc ille.

Eccè quod non inquit simpliciter, illos debere omnes Synodales decisiones illius hæreticos complecti, sed eas tantum, quas Apostolicæ Sedis confirmavit auctoritas. Si verò casus talis contingeret, quod patres vniuersi in Synodo vniuersali conuenientes unanimiter aliquam diffinitionem fidei

fidei facerent, cui sola persona Papæ contradiceret. Dicerem iudicio meo, quod Synodo standum esset, & non personæ Papæ, iudicium enim tantorum patrum vniuersalis vniuersi Synodi, in materia fidei, merito præferendum videtur iudicio vniuersi hominis. In quo casu optimè venit illa glossa. quæ habetur in cap. Anastasius distinct. 19. quod vbi de fide agitur, Papa testatur requirere Concilium Episcoporum, quod intelligendum est, quando casus est valde dubius, & Synodus conuocari poterit, & tunc Synodus maior est Papa, non quidem potestatem iurisdictionis, sed auctoritatem discretiui iudicii, & amplitudinem cognitionis, vt enim habet glossa. in cap. multi, distinct. 40. pars illa, quæ iustiori ratione vitur, maior dicitur, licet sit minor, scilicet alio respectu, 31. distinct. capit. Nicæna. Vbi autem ita eueniret, quod talibus, quæ ad fidem pertinere tota Synodus, per apertissima testimonia sacre scripturæ, aut sanctorum patrum doctrinam vnanimiter declararet, Papa acquiescere, obedire, & stare noller, sed contumaciter contradiceret, talibus apertè ad fidem catholicam pertinere declaratis, iam vt potè hæreticus subiectus veniret Concilio, sicut & quilibet alius à fide deuius, cum enim per hæresim à Papatu cadat, factus est, vt ait sanctus Thomas in quarto, omni fideli minor: & idem habetur in glossa. in cap. Achatius. el primo, vbi sic dicit, hic est casus, in quo Papa in canonem late sententia incidit. Nec obuiat regula illa, quia par parem soluere, aut ligare non potest, quia si Papa hæreticus est, in eo quod hæreticus, minor est quolibet catholico. Et ad istum casum facit cap. si Papa, indultum ex aduerso, & non ad alium, sicut ex ipso tex. patet. Dicit enim sic, si Papa suæ, & fraternæ salutis negligens depræhenditur, inutilis & remissus in suis operibus, & insuper à bono raciturus, quod magis officit sibi, & omnibus, &c. huius culpas isthic redarguere præsumit mortaliū nullus, quia cunctos ipse iudicaturus, à nemine est iudicandus, nisi depræhendatur à fide deuius, hæc ibi. Et intelligitur, vt dicit glossa. incorrigibiliter, quod capitulum cum loquatur de Papa, cum iam per hæresim notoriam, & contumaciter defensionem, sit ipso iure Pontificatu priuatus, quia remota fide, per quam sic prima connexio hominis ad corpus Christi, membrum Ecclesiæ esse definit, manifestè demonstratur, quod ex eo nulla superioritatis potestatis arguitur in Concilio vniuersali suprà Papam catholicum, siue fidelem, sicut nec ex hoc, quod iuxta glossa. iam dictam in cap. Achatius, Papa, Papam in casu hæresis ligare potest, sequitur quod Papa vnus superior sit potestate, prædecessore, aut successore suo vero catholico existente.

Quarta pars decreti tacta per præfatum Patrem, & Dominum opponentem, quarto loco, est illa, in qua dicitur, quod quilibet fidelis cuiuscumque dignitatis, etiam si Papalis existat, tenetur obedire vniuersali Synodo in his, quæ pertinent ad

extirpationem schismatis. Induxit autem idem Dominius pro hac parte capitulum. Si duo contrā fas dist. 79. circa quam, partem primò considerandum est, quod decretum Constantiæ editum, non loquitur de schismate quocunque, sed tantum de schismate, illo tempore currente, quo decretum est. Nam sic ait, & in his, quæ ad extirpationem præfatis schismatis. Quam pericolosum autem: & scandalosum sit secundum hunc sensum, quem forma huius decreti pretendit dicere, quod sit veritas Catholicæ fidei, quod quilibet fidelis in pertinentibus ad extirpationem illius schismatis, aut in quacunque alia re tenebatur obedire illi congregationi, quæ sub Ioann. 23. dicto tempore schismatis Constantiæ sub nomine generalis Concilij conuenit, patet manifestè, & in superioribus perspicue ostensum est. Quare alijs prætermisissis testimonijs, videndum est, quid veritatis contineat præfatum decretum, accipiendum illud de alio quocumque schismate, & de quacunque alia vniuersali Synodo:

Videtur autem respondendum, quod decretum illud in illa parte veritatem continet, in eo casu, in quo loquitur cap. si duo contra fas indutum per R. P. & Dominum distinct. 79. vbi text. loquitur quando duo contra fas, idest illicite, temeritate concertantium fuerint ordinati; quod capitulum locum habet, quando neuter illorum est canonicè, siue vt ait glossa. electus à duobus partibus, ad quem casum referenda est inrelligentiā decreti Constantiensis, quod incipit, frequens. Sed in casu, quo vnus canonicè electus, & per vniuersalem Ecclesiam per multos annos indubiratus habitus, & veneratus pro tali, & eo superstite, alius per non nullos introitur, non videtur esse veritas Catholicæ fidei, immò falsitas, quod Papa, qui verus, & indubiratus est, obedire teneatur vniuersali Synodo, quæ per extirpando schismate vellet disponere de dispositione eius.

Planè si hæc consuetudo introduceretur, innumera schismata nascerentur in Ecclesia, nullusque suam dignitatem seruaret illam, & peruersis hominibus occasio præberetur audaciæ, & temeritatis plurimæ ad eleuandum idola in Ecclesia; vt hæc occasione ille deponendus veniret, quem quilibet Princeps, aut communitas gratum non haberet, in quo considerandum est, quod beatissimus Cyprianus dicit in epistola ad Cornelium, de quinque Presbyteris, qui tenebant cum Nouatiano intruso. Quod si ita res est, fateor, vt nequissimorum timeatur audacia, vt quod mali iure, atque æquitate, non possunt, temeritate, ac desperatione persciant, ædum est de Episcopatus vigore, & de Ecclesiæ gubernandæ sublimi, ac diuina potestate, nec Christiani vltra; aut durare, aut esse possunt, si ad hoc ventum est, vt perditur minas, atque insidias pertimescamus.

Et in alia quadam epistola, sic dicit. Quid, quia honorem Cathedræ Sacro-

cerdotalis Nouatianus vsurpat? Nunquid idcirco nos Cathedræ renunciare debemus? Et qui Nouatianus altare collocare, & sacrificio offerre contra fas nititur, ab altari & sacrificij cessare nos oportet, ne paria, & similia, cum illo celebrare videamur? Vanum prorsus, & stultum est, quia Nouatianus extrâ Ecclesiâ vendicat sibi veritatis imaginem, relinquat Ecclesiæ veritatem. Hæc Cyprianus. In casu ergo, quod vniuersalis Ecclesiâ pro schismate, huiusmodi tollendo congregaretur, non utique deberet procedere ad deponendum verum, & iudicatum habitum Romanum Pontificem, & quem nullo iure constat à Papatu cecidisse, sed ad persequendos eos perditos homines, qui per noui jodoli erectionem, schisma introducere in Ecclesiâ, tanta temeritate præsumunt, & hoc de quarta parte illius decreti dixisse sufficiat.

Quinta pars decreti tacta per præfatum Dominum opponentem est, quod quilibet fidelis cuiuscunque status dignitatis, etiam si Papalis existat, tenetur obedire vniuersali Synodo, in his quæ pertinent ad generalem reformationem Ecclesiæ, in capite, & in membris. Licet autem idem Dominus dixerit, opus esse, vt hoc decretum in hac parte declararetur, pro eo, quod aliqui illud extendebant, quàm accipiendum esse videretur, nihilominus tres induxit casus, si bene retinui, in quibus dixit gloss. & Doct. aliquos ante Constantinensem Concilium, fuisse illius sententiæ, & doctrinæ, in quibus videtur, quod decretum illud sit verum.

Primus est, quando esset necessitas reformandi Ecclesiâ, & Concilium esset congregatum ad hoc, & ipse nollet facere reformationem, quia in hoc casu videretur, quod nollet, quod Ecclesiâ esset pulchra, & ita decoleret Ecclesiâ.

Secundus casus, quando scandalizat Ecclesiâ sua mala vita, quia ex hoc daretur occasio credendi alijs multa non esse peccata. Pro quo casu induxit gloss. cap. si Papa.

Tertius, quando vellet facere contrâ vniuersalem statum Ecclesiæ, quod tamen non potest facere, vt dicunt Doctores in cap. Sicut dist. 17. & cap. Si illa dist. in c. 25. quæst. 1. Vnde Archidiaconus, & Innocentius dicunt, quod si vellet contrâ vniuersalem statum Ecclesiæ, non esset sustinendus. Ad istam partem in paucis respondet 57 retur, dicendo, quod ly, tenetur obedire, intelligeretur de honestate, non de necessitate, & sic decretum verum esset iuxta gloss. in cap. Confidimus dist. 25. quæst. 1. nisi sequeretur in alio sequenti decreto, quod quicunque cuiuscunque status, vel dignitatis, etiam si Papalis existat, qui mandatis statutis, seu ordinationibus, aut præceptis huius sanctæ Synodi, & cuiuscunque alterius sacris, vel fiendis, obedi- 76 re contumaciter contempserit, nisi respiciet condignæ poenitentia subijciatur. Hic enim tenor, & hæc forma decreti necessitatem coercitium, & coactionem important.

Propter quam causam omnino videtur impossibile, sacræ Scripturæ, & sanctorum Patrum sententijs consideratis, videre quod hæc pars decreti, & veritas Catholicæ fidei, videlicet quod Papa teneatur hoc modo obedire decretis statutis quibuscunque Synodi vniuersalis ad generalem reformationem pertinentibus, vniuersalis Ecclesiæ in capite, & in membris. Itaque, quod Papa illa non obtemperans, per Concilium vniuersale posset puniri, siue iudicari, aut deponi, quoniam ex superioribus, tam ex reprobatione aliarum partium præfati decreti iuxta intelligentiam, quàm de eo Basileenses recipiunt, quàm ex his, quæ de Primatu Romani Pontificis dicta sunt, & de Conciliorum dependentia à Sede Apostolica, manifestum videtur, vt etiam est communis doctrina Theologorum, & Iuristarum, quod extrâ casum hæresis, in quo, vt dictum est, Papa à Papatu eadit, cadens à petra fidei, vniuersalis Synodus non possit Romanum Pontificem verum, & iudicatum prædicto modo iudicare propter non obseruantiam quorumcunque statutorum, seu decretorum vniuersalis Concilij, siue propter quodcunque aliud crimen à crimine hæresis. Oppositum enim dicere, facile est offendere repugnare sacræ Scripturæ, & sanctorum Patrum doctrinis.

Primò quidem repugnare videtur sacræ Scripturæ illi, quæ habetur Matth. 24. & Luc. 12. vbi Christus Petro loquens ait. 78 Quis putas est fidelis dispensator, & seruus prudens, quem constituit Dominus super familiam suam? gloss. 1. Ecclesiâ. Dicunt autem Ambrosius lib. 5. de Trinitate quod seruus ille super Ecclesiâ à Christo constitutus, est Petrus, & per consequens eius successor. Vnde in Ecclesiastico officio, Christus legitur Petro dixisse. Super plebem meam Principem te constitui. Quod autem huic Scripturæ sanctæ contradicat pars illa decreti, patet manifestè, quia hæc scriptura dicit, Romanum Pontificem, potestate sibi à Deo tradita, esse super Ecclesiâ Principem constitutum, decretum verò dici, Concilium vniuersale Ecclesiâ repræsentans, per potestatem à Deo immediate habitam, esse suprâ Romanum Pontificem, & posse illum iudicare.

Notum est autem, quod inferior iudicare non potest superiorem, ad Rom. 14. Tu quis es, qui iudicas seruum alienum? suo Domino stat, aut cadit, & primæ Cor. 4. Qui autem iudicat me Dominus est & in cap. inferiori dist. 21. dicit textus, & sic inferior Sedes, nec absoluet, nec ligare potest potiorum sola potior est, quæ inferiorem conuenienter absoluit, aut ligat. Cum ergo solus Deus superior sit 80 Romano Pontifici, eum illius solius seruus sit, & Vicarius; videtur quod ad solum Deum Dominum eius pertineat, eius iudicium in hoc casu, quod etiam ex sequentibus in præfata auctoritate videtur manifestè colligi, ait enim sic Saluator noster. Quod si dixerit seruus ille in corde suo, Moram facit Dominus meus venire, & coeperit percutere seruos, & Ancillas, & edere,

edere, & bibere, & inebriari glos. 1. ad vitia incitare, & conscientiam infirmotum
 3, paruo exemplo, vel verbo laniare. Sequitur, venit Dominus secui illius in die, quia non sperat, & hora, quia nescit, glos. iudicii, vel mortis, & diuidit eum à consorcio Fidelium, partemque eius cum infidelibus ponet, hoc ibi. Ecce quam manifestè Saluator noster sibi soli teleruat iudicium ferui sui delinquentis, quem constituerat super familiam suam.

Hoc est, quod dicit Symmachus Papa, Concilio generali Romæ præsidens, in quo, teste fratre Martino in chronica, ducenti viginti Episcopi conuenerant. Dicit autem sic, vt in cap. aliorum 9. quæst. 3. Aliorum hominum causas, Deus per homines voluit terminari, sed Sedis istius Presulem, suo sine questione referuauit arbitrio. Præterea, pars illa decreti, contradicit Scripturæ sanctæ illi Math. 16. [Tu es Petrus, & super hanc petram ædificabo Ecclesiam, &c.] ergo non potest dici continere veritatem, sed magis errorem. Consequenter patet, & antecedens deducitur sic. In
 8, hac auctoritate beatus Petrus non solum præ omnibus singulari prerogatiua clauium donatus est, vt ait glos. ordinatua, sed etiam totius Ecclesiæ futurum pronuntiabat fundamentum. Vnde in commentario Hieronymus, & ponitur in glos. Secundum metaphoram petræ, rectè dicitur ei, [ædificabo Ecclesiam nram super te,] & iterum glos. Vide quam potestatem habet petra, super quam ædificatur Ecclesia, vt etiam iudicia eius maneat firma, quæ Deo iudicante per eam. Sed manifestum est, quod ista duo repugnant, Pontificem Romanum fundamentum esse Ecclesiæ per singularem prerogatiuam Principatus clauium, & ipsum esse subditum vniuersali Concilio, Ecclesiam repræsentanti.

Dicit enim Propheta Isaias in cap. 10. & habetur in capit. inferior distinct. 21. Nunquid gloriabatur securis contra eum, qui secat in ea? aut exaltabitur serpa contra eum, qui trahit eam? Et sequitur in præfaro cap. inferior, his itaque ex diuina Scriptura commemoratis, sole clatius exhibuimus, non posse quemquam, qui maioris auctoritatis est, eum, qui maioris potestatis est, iudicij suis addicere. Cæterum arguitur sic: pars illa decreti contradicit Scripturæ illi sanctæ Ioann. vltimo, [Petre pascue oues meas.] Ergo illa non potest continere veritatem fidei Catholicæ, sed errorem magis. Consequenter patet, anteceden-
 8, dens deducitur sic, per hanc Saluatoris institutionem Petrus, cui succedit Romanus Pontifex, constitutus est vniuersalis Ecclesiæ Pastor, & Rector. Vnde beatus Chrysostomus super ad. Apostolorum, Petrus à filio sperat omnes, qui filij sunt, potestatem accepit, non vt Moyses in gente vna, sed vniuerso Orbe, dicente Domino ipsi Petro, [Pascue oues meas, inter oues istas, & illas non distinguens, sed vniuersas oues suas eius curæ commendat.] Et beatus Gregorius ad Imperatorem Mauritium, cum sitis Euangelium scientibus, liquet
 Tem. XIII.

quod voce Dominica sancto, & omnium Apostolorum Principi Petro, totius Ecclesiæ cura commissa est, ipsi quippe dicitur, [Petre amas me, pascue oues meas.]

Sed manifestum est, quod ista repugnet ad inuicem, quod Romanus Pontifex sit Pastor totius gregis Dominici, rector, & gubernator. Et quod ipse greg, aut vniuersalis Synodus gregem ipsum representans, potestatem habeat à Christo immediatè iudicandi, & puniendi Pastorem ipsum, si gregis sui transgrediatur instituta.

Ratio enim Pastoris, & ratio gregis, ista simul stare non patiuntur. Ad Pastoris enim rationem pertinet cura regendi oues; ouiu verò est obedire Pastori. Vnde Io. 10. [Oues meæ vocem meam audiunt.] Et beatus Augustinus in de verbis Domini, homilia 62. Animaduertit charitas vestrarum dictum est Petro à Domino per interrogationem: Diligis me? [Cui respondit ille: Tu scis, quia amo te, hoc secundo, hoc tertio: & ad singula verba respondens, dicebat Dominus, Pascue agnos meos. Commendat Petro Christus agnos suos pascendos, qui pascet & Petrum.] Et infra: [Pertineat ergo ad nos cura, ad oues obedientia, ad nos vigilantia Pastoralis, ad vos humilitas gregis.] Hæc Augustinus.

Nulli ergo dubium, cum contra rationem Pastoris sit, vt oues, aut greg potestate superior sit ipso Pastori, quod contra institutionem Christi, quæ Romanus Pontifex constitutus est Pastor, & rector totius gregis Dominici, sit pars prædicta decreti. Quamobrem dicitur in capit. oues dist. 2. q. 7. oues, quæ suo Pastori commisse sunt, eum nec reprehendere, nisi à fide exhortauerit, nec vitæ ac accusare possunt, quæ facta Pastorum, oris gladio ferienda non sunt, quamquam reprehenda rectè videantur.

Idem habetur dist. 6. q. 1. oues: Oues Pastorem suum non reprehendant, scilicet imperiosè. Et sequitur ratio, quia non est discipulus supra Magistrum.

Præterea, quod pars illa decreti non posset dici continere veritatem fidei Catholicæ. Patet, quoniam contradicit decreto huius vniuersalis, & Occidentalis Synodi Florentinæ: in qua Occidentali, & Orientali Ecclesijs conuenientibus, præsidente sanctissimo, ac beatissimo Domino nostro Eugenio Papa IV. diuina, & Apostolica auctoritate definitum est, Apostolicam Sedem, & Romanum Pontificem in vniuersum Orbem tenere Primatum, & ipsum Pontificem Romanum successorem esse beati Petri Principis Apostolorum, & verum Christi Vicarium, totiusque Ecclesiæ Caput, & omnium Christianorum Patrem, ac Doctorem existere, & ipsi in beato Petro pascendi, regendi, & gubernandi Ecclesiam vniuersalem à Domino Iesu Christo plenam potestatem traditam esse.

Planè hæc simul stare non possunt, vt Romanus Pontifex primus sit totius Orbis, & tamen vniuersali Concilio Ob-

bem representant, sit subiectus.

Quod Princeps sit Apostolorum, seu plebis Christianæ, & illorum Concilio subditus sit.

Quod sit Vicarius Christi præsentia- lis immediatè ab eo constitutus, & alteri, quàm Christo subditus sit.

Quod sit Caput totius corporis Ecclesiæ, & sit Concilio corpus Ecclesiæ re- præsentante, veniat iudicandus, & regen- dus.

Quod sit Pater omnium Christiano- rum, & sub pena damnationis damno- rum, de consilio filiorum suorum parere teneatur mandatis.

Quod sit Doctor omnium Fidelium, & Synodo vniuersali Collegio Discipulo- rum suorum veniat inferior.

Quid plenam à Christo potestatem acceperit pacendi, regendi, & gubernandi vniuersalem Ecclesiam.

Et quod Concilium vniuersale, Eccle- siam representans, superius sit illo pote- state regiminis, & gubernationis.

Planè hunc locum optimè respicit dictum sapientissimi Salomonis, qui Pro- uerb. 20. dicit: Per tria mouetur: glossa interlin. inquietatur, terra; glossa, idest Ecclesiæ; & quantum sustinere non potest; proteritum, cum regnare cæperit.

Quod tunc videtur contingere, cum inferiores, superiores reprehendere, & corrigere, & quos Deus exaltauit digni- tate Principatus, humillitate præsumunt. Vbi compleri videtur, quod dicitur Ec- clesiast. 10. Vidi seruos in aquis, glossa in- terlin. in dignitate, Principes autem am- bulantes quasi seruos.

86 Nec potest dici, quod Papa per pec- catum mortale desinat esse superior: quo- niam hoc falsum est, & erroneum. Vnde in Concilio Constantiensi, vt patet in epi- stola decretali Domini Martini super erro- ribus Wicleff, & Ioannis Hus, sequentes errores sunt condemnati. Nemo gerit vi- cem Christi, vel Petri, nisi sequatur eum in moribus.

Item alius, Papa non est manifestus; & verus successor Principis Apostolorum Petri, si viuat moribus contrarijs Petro.

Item alius, Cardinales non sunt veri, & manifesti successores Collegij aliorum Apostolorum Christi, nisi vixerint more Apostolorum seruantes mandata, & con- silia Domini nostri Iesu Christi, per solum

87 quidem crimen hæresis pertinaciter de- fensionis, quis cadit à superioritate iurisdic- tionis, & potestatis.

Et cum quaeritur, vnde huius differe- rentiæ inter crimen hæresis, & alia peccata habetur fundamentum? Respondetur bre- uiter pro nunc, quod de sacra Scriptura, & ex iure canonico, & ex ipsa ratione. Ex Scriptura quidem, nam de alijs crimini- bus, ait Dominus Matth. 24. [Super cathedram Moysi sederunt Scribæ, & Pharisei.

88 Quæcumque dixerint vobis, facite, & seruate; secundum opera eorum nolite facere.] Ecce, quod Dominus non abij- ciendo, dicit malos Pastores, qui doctri-

nam bonam habent, vitam verò ma- lam.

Item ad Roman. 13. dicit Apostolus: [Omnis anima potestatibus sublimioribus subdita sit, glossa bonis, vel malis.] Et 1. Petri 2. [Subditi estote Dominis vestris, non tantum bonis, sed & sceleris.]

De crimine verò hærescos, quod illud faciat Prælatum cadere ab auctoritate iurisdictionis, & per consequens à Papatu, qui Principatum iurisdictionis importat, colligitur primò secundum quorundam veterum expositionem ex illis Deuter. 17. non poteritis alterius gentis, quàm scilicet Christianæ, hominem regere facere, qui non sit frater suus, scilicet fidei reli- gione.

Præterea, dicit Saluator Matth. 10. [Qui negauerit me coram hominibus, negabo eum coram Patre meo.]

Item, Ioann. 3. [Qui non credit, iam iudicatus est.]

Item, Ioann. secundæ 1. [Si quis venit ad vos, & hanc doctrinam non afferit, no- lite eum recipere in domo vestra, nec ae- dixeritis ei. Qui enim dixerit aue, com- municat operibus eius malignis.]

Ex quibus videtur manifesta differe- rentia inter hæresis crimen, & alia.

Cæterum ex iure canonico huius dif- ferentiæ caput fundamentum, sicut superius ostensum est, in multis capitulis indu- ctis ad ostendendum, quod Hæretici pote- state priuantur iurisdictionis.

Ratione etiam non caret hæc dif- ferentia, quoniam cum fides sit prima con- nexio, qua quis connectitur corpori Chri- sti, sitque primus lapis ædificij spiritualis, impossibile videtur, quod quis habeat ra- tionem capitis, qui non habet rationem membri.

Ecce quàm clara differentia, ex ipsa Scriptura sancta colligitur inter crimen, hæresis, & alia peccata in ipsis Pastoribus Ecclesiæ. Et ideo non mirum, si Doctores eruditissimi Theologi, quàm Iuristi, ma- gnā inter illa differentiam faciant.

Amplius, arguitur sic contra præsa- tam partem decreti. Illa non videtur pos- se dici continere veritatem Catholica fidei, quæ determinacioni Apostolicæ Sedis contradicit. Sed illa est huiusmodi. Ergo non veritatem, sed magis errorem conti- nere dicenda est. Maior pater ex illa Hie- ronymi in cap. hæc est fides Papa beatissi- me 24. quæst. 1. Minor verò patet in de- cretali illa, Vnam sanctam, quam fecit Bo- nifacius VIII. cuius sunt verba, quæ se- quuntur: [Si deuiat terrena potestas, iudicatur à spirituali; si deuiat spiritualis, iudicatur minor à suo superiore; si verò suprema, à Deo solo potest iudicari.] Hæc ibi. Alia plurima facili est inducere con- tra hanc partem decreti, contra quam ma- nifestè sunt, Hugo de sancto Victore, san- ctus Thomas, Albertus Magnus, Alexan- der de Ales, Aluarus, & alij plurimi in fa- cultate Theologica Magistrorum dicia pertranse breuitatis causa. Quibus sic habitis venio ad casus positos per Domi- num argumentum:

90. Primus casus assignatus est, videlicet quando imminente necessitate reformationis Ecclesie, & actu existente Concilio, Papa non licet facere reformationem, non sufficit ad depositionem Papae, cum talis negligentia, aut mala voluntas, non desit cum a superioritate potestatis, nisi ista mala voluntas talis esset, quae manifeste oriretur ex aliquo errore in fide Catholica, ut puta, quia non crederet Ecclesiam sanctam esse, contra illud, quod de ea ait Spiritus sanctus. Tota pulchra es amica mea, & macula non est in te, Cant. 4. Aliud quod non crederet, quod sanctitas vitae requiratur in suscipiendis ordinibus sacros, & promouendis ad Ecclesiasticas dignitates de necessitate praecepti, & si non de necessitate Sacramenti. Contra illud Levit. 27. Homo de femine Aaron, qui habuerit maculam, non offeret panes coram Domino, nec accedat ad ministerium eius, ubi per maculam in gloss. omne vitium intelligitur, iuxta quem sensum intelligendi sunt Doctores qui illum casum proposuerunt, sic dico, quia nullum talem, qui aliquis esset nominis, talia docentem ego legi.

De secundo autem casu, quando scilicet scandalizat incorrigibiliter Ecclesiam, dico quod ista incorrigibilitas mala vitae, quia talis scandalizat Ecclesiam, potest dupliciter intelligi. Vno modo in continuatione criminis, puta quia monitus non curat desistere, seu abstinere a peccatis. Alio modo potest intelligi incorrigibilitas illa in defensione criminis, ut si pernitentia defenderet aliqua non esse peccata, sicut simoniam, sicut auariciam, sicut promotionem indignorum. Ita quod crimina prohibita iure Divino, laudaret, aut defenderet tamquam licita.

Primo modo loquendo de incorrigibilitate, casus ille iuxta superius dicta non habet veritatem.

Secundo autem modo intelligendo locum haberet, quia iam haereticus esse, contineatur sentiens male pertinaciter de lege, & Scriptura sancta. Et ad gloss. quae allegatur in cap. si Papa, dico quod multa sunt, propter quae illa gloss. nullum doctum, seu grauem virum debeat mouere, immo parum, aut nihil est curandum de illa.

Tum primo, quia gloss. illa nulla firmatur ratione, nec hoc, quod inducit, I Si peccauerit in re frater tuus. Facit probationem suam, sicut in responsione, ad primam auctoritatem est ostensum.

Tum secundo, quia gloss. est manifeste contra text. vultus Summi Pontificis, & Martyris, qui multo praestantior est auctoritatis, quam Hugutio vnquam fuit.

Tum tertio, quia est contra alios multos text. sacrorum canonum, sicut patet de capitulo, nemo iudicabit primam Sedem, & cap. aliorum hominum causas, & cap. cuncta nouit. Ecclesia 9. quæst. 3. cap. cuncta dist. 80.

Quarto, quia contraria est multis alijs gloss. & maxime in cap. si quis pecuniam dist. 79. quæ vult quod tantum pro hæresi scilicet sumpta Papa posset iudicari, scilicet

et si peccat contra articulos fidei.

Quinto, quia est contra clariiores Doctores in iure Divino, quorum aliqui superius nominati sunt, quibus merito in hac parte credendum est, & securus creditur eis, quam Hugutioni, inter quos Dominus Aldarus maximus Doctor in vtroque iure positus est presens in libro de hæresibus rubrica 32. quod error est quod Papa possit iudicari extra casum hæresis a Concilio generali.

De tertia vero casu, quando scilicet vult facere contra vniuersalem statum Ecclesie, dicitur quod in isto casu, licet Papa non esset obediendum, sed resistendum, non tamen venit propterea a Concilio iudicandus. Aliud enim est non obedire, quod potest facere inferior, cum aliquid contra diuinam legem a superiore præcipitur. Ut enim dicitur act. 5. Obedire oportet Deo magis, quam hominibus, de quo in cap. qui resistit, & in cap. si ijs qui præst. 1. quæst. 3. aliud est resistere, cum a superiore aliquid dicitur, quod a veritate, aut a sanctorum Patrum sententia sit deuium, sicut Paulus resistit Petro, quia non ad veritatem Evangelij ambulabam ad Galat. 2. aut cum contra statum vniuersalis Ecclesie generaliter agere attentaret, sicut si vellet deponere simul omnes Episcopos, ac similia. Ex quibus patenter vniuersa turbaretur Ecclesia, & hoc modo dicitur Host. & Iacob. & Archidiaconus, quod non esset Papa susciendus, id est non permitteretur hoc facere, sed ei cum omni tamen humilitate, & reuerentia resistendum esset. Non autem dicitur, quod in hoc casu deponendus esset, cum ipsi cum antiquis Doctoribus Theologis concordantes, dicunt Papam propter solum crimen hæresis posse ab Ecclesia iudicari. Aliud est iudicare, & hoc non est, nisi superioris, sicut antedictum est. Qui autem iudicat me Dominus est 1. Cor. 4. Et patet, ita quod nullus illorum casuum sufficiat, ut Papa possit subiacere iudicio vniuersalis Concilij. Et ratio est, quæ superius assignata est, videlicet quod propter nullum aliud crimen venit sub iudicio quorundamque inferiorum. Quare cum, quamdiu Catholicus est, verus Summus Pontifex sit, dicunt Doctores, quod semper in honore habendus est. Vnde Augustinus lib. 9. Veteris, & noui testamenti dicit sic, non ne sciens David diuinum esse traditionem in officio ordinis Regalis. Idcirco Saul in eadem adhuc traditione, positum honorificat, ne Deo iniuriam facere videatur, qui his ordinibus honorem decreuit. Dei enim imaginem habet Rex, sicut Episcopus Christi. Quamdiu ergo in eadem traditione est, honorandus est, siue propter se, siue propter ordinem. Vnde Apostolus inquit, potestatibus sublimioribus subditi estote. Non enim est potestas, nisi a Deo. Hæc Augustinus. Ex quibus omnibus patet, quod decretum illud per Patres obediencie Io. XXIII. dicti, Constantiæ editi iuxta intelligentiam, quam de eo prædicant verbis, & factis Basileæ, secundum quam persecutus sum istam responsum, Gggg 2 non

contineat veritatem fidei Catholice, immo errorem, & impietatem. Quare presumptio maxima, & execrabilis temeritas fuit tali intelligentia data, definire decretum illud, veritatem esse Catholice fidei. Animaduertissent vitium pro eorum salute illud, quod Augustinus dicit in libro de Ecclesiasticis dignitatibus in fine, ubi sic ait, si quis Scripturas præter eas, quas Catholica Ecclesia recepit, vel in auctoritate habendas esse, vel fuerit veneratus, anathema sit. Et hæc dicta sufficiant pro primo articulo propositionis factæ per Patrem, & Dominum arguentem.

RESPONSIO

Ad secundum Articulum.

SUMMARIUM.

- 1 Concilium Constantiense nunquam decreuit Concilium esse supra Papam.
- 2 Patres Constantia congregati, recta iussione procedebant.
- 3 Petierunt confirmationem suorum decretorum à Romano Pontifice, quem Concilio superiorem confessi sunt.
- 4 Basileensium propositio absque offensa Concilii Constantiensis merito veluti hæretica condemnatur.
- 5 Constantiensis decreto de superioritate Concilii sæpe contradixerunt Patres.
- 6 Ioann. XXIIV. remittit iuri Papæ, si aliquod haberet.
- 7 Et probare specialiter fuit à Concilio indicatus.
- 8 Concilium generale, præsertim Sede vacante, potest facere decreta reformationis, pertinentia, tam ad caput, quam ad membra.
- 9 Romanus Pontifex legibus quoad vim constitutionum non subicitur.
- 10 Legis ratio duo includit iuxta sanctam Thomam.
- 11 Concilia in Ecclesia Romana, aut Summi Pontificis præiudicium, non possunt leges statuere.
- 12 Princeps quomodo solutus sit legibus.
- 13 Rex à Deo tantum puniendus est.
- 14 Basileense Concilium legitime convocatum, & continuatum esse quomodo intelligitur.
- 15 Concilium legitime inchoatum, & continuatum errare potest in suis definitionibus.
- 16 Concilium Ephesinum secundum, & Quisgranum legitime inchoata, & continuata, tandem erraverunt.
- 17 Concilia plenaria priora, à posterioribus plerumque emendantur.
- 18 Basileen. obseruasse, qua Eugenio P. max. promiserant, ostenditur.
- 19 Papa, presidentes voluerunt recipere.
- 20 Presidentibus Ap. S. non consentientibus, nulla est Concilii definitio.
- 21 Quomodo Presidentes decretis Concilii subscribant.
- 22 Non errare, non est privilegium Conciliorum generalium.

- 23 Basileensium decreta, nunquam approbavit Eugenius IV.
- 24 Conciliorum decreta à Rom. Pont. necessaria confirmari debent.
- 25 Quamvis potestas Papa in Concilio sit inclusa, necesse est tamen, ut eius decreta ab Apostolica Sede expressè confirmentur.
- 26 Concilium potius includitur in Papa, quam e converso.

Sequitur secundus articulus propositionis, scilicet per dominum opponentem, in quo nixus est duplici via persuadere, quod propositio illa prima Basileensium de potestate vniuersalis Concilii supra Papam, quam veritatem fidei Catholice vocant, quæ superius posita est, non condemnatur, & prima via sumpta fuit ex parte patrum, qui decretum illud Constantie ediderunt, secunda ex parte eorum fratrum, qui illud Basileæ renouarunt. Circa primam viam, prima ratio, si bene mente tenui, fuit, quia non poterat condemnari sine offensa, & scandalo Concilii Constantiensis, quod decretum præfatum de potestate vniuersalis supra Papam edidit. Ad istam rationem respondetur quod, salua pace, nunquam Concilium vniuersale Constantien. tale decretum edidit. Vnde ex hac parte dicimus Basileenses saltem dixisse in propositione illa prima præsupponendo, quod Constantie per vniuersale Concilium, vniuersalem Ecclesiam representans, fuerit illa superioritas potestatis Concilii supra Papam declarata. Cum enim solum pro tempore, quo tres obedientie fuerunt simul, congregatio illa fuerit indubitata Synodus generalis credita, & non à tribus obedientiis decretum illud, sed ab vna tantum fuerit editum, ut sæpe in exordio præsentis responsionis commemoratum est, manifestè falsum est, quod præsupponitur. Quod etiam ex alio colligitur, nam tota Synodus ex tribus obedientiis aggregata, statuto suo designare videtur, præfatum decretum nunquam de mente sua processisse. Vnde in sessione 36. ita dicitur, sacrosancta Constantiensis Synodus &c. Statuit, & decreuit, quod futurus Romanus Pontifex, per Dei gratiam de proximo assumendus, cum hoc sacro Concilio, vel deputandis per singulas nationes, debeat reformare Ecclesiam in capite Rom. Curie, secundum æquitatem, & bonum regimen Ecclesie, antequàm hoc sacrum Concilium dissoluatur, supra materijs articulorum alias per nationes in reformatorio oblatorum, qui sequuntur, Primò de numero, qualitate, & natione dominorum, Cardinalium. Et infra in 13. articulo dicitur, propter quæ, & quomodo Papa posset corrigi, vel deponi, ex quo instituto manifestè datur intelligi, quod Synodus illa hoc decernens, non prius instituerit, aut decreverit, quod Papa non obediens etiam incorrigibiliter statutus, mandatis, & ordinationibus Concilii vniuersalis, ex omnibus obedientiis Christianitatis collectis, in pertinentibus ad fidem, & exstirpationem

tionem schismatis, reformationem in capite, & in membris, veniret per Concilium correctione penali puniendus, & maxime pena depositionis, & precipue eo considerato, quod nullus videatur posse dari casus, qui non continetur in predictis. Secundo arguebatur per eundem Dominum arguentem sic, Dato, sicut verum est, quod decretum illud factum fuisset ab vna obedientia tantum, nihilominus in illa erat maior pars Ecclesie. Vnde non videtur cautum, quod decretum illud à tot populis factum, condemnaretur vt hæreticum. Ad hoc licet plurima possent dici tam circa præsuppositum, quam circa consequentiam, respondetur breuiter sic: Primò quod non tractatur hic, neque est de mente S. D. N. quod decretum illud Constantiæ factum per obedientiam Ioannis 23. condemnatur vt hæreticum, quoniam arbitrarur sanctissimus D. N. pro illorum Patrum reuerentia, religione, & integritate, non alium sensum habuisse in illo decreto, quicquid verba eius in sono literæ pretendunt, quam Sancti Patres habuerunt; sicut colligi potest ex reuerentia, obedientia, & professione humilitatis offensis per eos Domino Martino Rom. Pontifici electo per eos, qui mox vt creati sunt, Cathedrali suppliciter iudicii supremi: ipse quidem desinuit, statuit singula, Concilio sacro approbante. Præterea, ipsi recognoscences Decretorum suorum firmitatem, ab Apostolica Sede penderet, confirmationem eorum à præfato Romano Pontifice humiliter postularunt, per quæ omnia ~~ad præfatum Pontificem~~ ~~profitebantur~~ Romanum Pontificem superiorem Synodo, non inferiorem. Sed tractatur nunc, quod prima illa Basilienfium propositio vnà cum alijs duabus, in quibus omnes conueniunt, pariter damnetur, sicut iure damanda est, manifestum sit illam ad eorum intelligentiam, quam verbis facillime docent, & prædicant, alienam esse à Scripturæ sanctæ, & à Sanctorum Patrum Doctrina, & hoc potest optime fieri, absque offensa decreti Constantiæ facti bene intellecti, & absque scandalo decretantium illud; quoniam planum est, quod vna & eadem propositio multiplicem habens intelligentiam, secundum vnā intelligentiam potest esse vera, & secundum aliam sit hæretica, sicut exempla plurima dari possent, in quibus quia nota sunt, & breuitatis causa, supersedeo.

Secundo respondetur, quod Domini, & Patres de obedientia Ioann. 23. ita debent honorem suum zelare in defensione, præfati decreti, quod non velint alias duas obedientias schismaticas, & hæreticas declarare, quoniam hic error peior esset priore: quod tamen, vt superius ostensum est, difficillimum est observare, nisi decretum illud ad aliam trahatur intelligentiam, quam verba in superficie pretendunt, & quam Basileen. predicauerunt; aliās non videbantur, falsa pace, observare illud, quod Dominus precepit. Quod tibi fieri vovimus, alteri ne feceris.

Tertiò arguit Dominus opponens, Tom. XIII.

quod licet ab vna obedientia tantum fuerit factum præfatum decretum, nihilominus eam post, nulla facta fuerit reclamatio per alias obedientias, videtur approbatum fuisse. Respondetur negando, quod nulla fuerit facta reclamatio, inimò multiplex. Tum primò, quando primò factum est, contradicium, & reclamatum est, tam per Prælatos, & aliquos Dominos Cardinales, qui, vt in gestis eiusdem Concilii patet, se absentarunt à sessione illa, quam per multos doctos viros, sicut à fide dignis, qui interfuerunt, refertur. Tum secundo contradicium est per eum, quem obedientia illa pro Romano Pontifice venerabatur, & cuius auctoritate congregatio illa legitime adunata dicebatur, scilicet Io. 23. dictum, qui decreta illa facta, erronea esse sepe professus est, vt dominus Dyncaſſi ab eius ore in oppido Schaphusen, prope Constantiam audiuit. Tertiò contradicium est per duas obedientias, scilicet, Gregorij, & Benedicti, quæ, vt superius ostensum est in principio præsentis responsionis, manifestè verbis, & factis contradixerunt opinioni dicentium, eos, qui de obedientia præfati Ioannis 23. Constantiæ antè conuenerant, Concilium generale facere, Ecclesiam Christi representare, habere potestatem immediatè à Christo, eui &c. Tum quarto manifestum restimonium huius reclamationis, siue non actionis, colligi videtur ex eo, quod nunquam amplius conuenientibus omnibus obedientijs simul, fuerunt illa decreta repetita, nec confirmata, sed statim fuit, vt iam dictum est, quod per Papam, & per Concilium deberet declarari, per quæ, & quomodo Papa possit corrigi, vel deponi.

Quarto arguit dominus opponens, quod si illud decretum non fuit verum, Ioann. 23. non potuit deponi, maxime cum vt ex sententia eius pateat, non fuit depositus pro heresi, sed iuxta gloss. cap. si Papa, scilicet quia moribus suis prauis scandalizabar incorrigibiliter Ecclesiam. Nec potest dici, inquit, quod postmodum Florentiæ approbauit depositionem suam, & electionem Martini, quia talis approbatio non poterat facere Martinum Papam.

Ad istam rationem, dimissis multis alijs, quæ possent dici, respondetur, negando consequentiam, & hoc duplici ratione. Tum primò, quia ipsi, vt patet per instrumenta, quæ includuntur in gestis huiusmodi Concilij, renuntiavit iuri Papatus, si aliquod habebat. Et quod dicitur, quod approbatio sua nihil iuris coactui Domino Martino, negatur, dicendo, quod approbatio non fuit talis, qualis dicitur esse per dominum arguentem, sed talis fuit, vt Reuerendissimus Placentinus, & alij Domini Cardinales nuper in presentiarum, dixerunt, quod videlicet postquam liberatus à carceribus venisset Florentiam ad Dominum Martinum, approbavit renuntiationem suam, quam fecit in carcere, proficens illam publicè non metu, non sophisticè, sed veraciter, & liberè scisse. Secundo, consequentia non valet, quoniam

in casu heresis, de qua iste accusatus fuit, &

testes inducti, vniuersale Concilium potest Papam iudicare, sicut dictum est, vnde negatur, quod non pro heresi, sed pro alijs criminibus Ioannes ille fuerit iudicatus. Vnde, sicut patet ex gestis illius Concilij, in sententia suspensionis eiusdem facta in sessione decima, vocatur notorius hreticus, & incorrigibilis; Sed licet hoc in sententia condemnationis non exprimitur specialiter, nihilominus in eadem sententia dicitur, quod propter illa crimina tunc ibi nominata, & alia crimina in processu dictae causae contra eum deducta, & contenta, tamquam indignum, & inutilem, & damnosum sancta Synodus priuat.

Quinto arguit dominus opponens, & praesupponit quodd, vt patet ex gestis illius Concilij, inter patres deputatos obedientie Ioann. 23. & Patres de obedientia Benedi. fuerunt compactata Narbonne quaedam capitula, inter quae fuit vnum, scilicet primum, de conuocatione fienda per Praelatos vtriusque obedientie. Aliud vero capitulum fuit, quod est secundum in ordine, quod dicta congregatio, & constitutio Concilij fienda per dictos dominos, fieret generaliter proextirpatione, schismatis, & heresis, & pro sancta vniione Ecclesiae, & pro reformatione vniuersalis Ecclesiae in capite, & in membris &c. Ex istis elicit praefatus Reuerendissimus dominus, quod Concilium habeat potestatem in reformatione capitis faciendam, & per consequens videtur, quod omnium illorum, Patrum fuit haec fides, quod Concilium haberet hanc potestatem.

- Ad istam rationem, dimisso quodd ex conuocatione illa noua, & institutione Concilij, arguatur manifeste non esse creditum apud omnes, veritatem esse fidei Catholicae, Patres conuenientes Constantiae, quando fecerunt decreta, de quibus est sermo, facere Concilium generale, aut vniuersalem Ecclesiam representare; respondetur, quod per cap. illud secundum, quod, vt in eodem continetur, factum est vt deferretur honor Concilij Constantien. & sub certis conditionibus, non arguitur aliquod contra dicta. Non enim negatur, quod Concilium vniuersale, & maxime Sede vacante, possit facere decreta reformationis pertinentia, tam ad Caput Ecclesiae, quam ad membra; sed hoc negatur, quod possit facere leges indifferenter habentes vim coactiuam contra caput eius, Romanum, scilicet Pontif. Pro quo norandum, quod vt ait, sanctus Thomas in prima 2. quaest. 96. quinto art. vbi quaerit, verum omnes subiciantur legi, 10 quod lex de ratione sui duo habet, videlicet, quod est regula humanorum actuum; & quod habet vim coactiuam. Quantum ad primum, Concilium vniuersale potest facere decreta, & instituta, quae respiciant tam caput, quam membra, etiam instituta, quae respiciant ipsa vniuersalia Concilia. Quantum vero ad secundum, scilicet vim coactiuam, iudicium condemnationis inferendi transgressoribus legum, non potest, cum inferior huiusmodi legem non possit impetire superiori, & ideo dicitur

extra de elect. cap. sig. quod Romanae Ecclesiae nulla Concilia legem praefixerint. Quodd etiam in praedictum Romani Pontificis nihil instituire possint, testatur Innocentius Tertius, in cap. innotuit extra de elect. vbi dicit, quodd Caron Lateranen. Concilij ab Alexandro Papa praecedente suo editus, nullum potuit successori suo praedictum generare, cum non habeat Imperium par in parem.

- Quamobrem sanctus Thomas praefato articulo, in responsione ad tertium dicit, quodd Princeps dicitur solutus legibus, non quidem quantum ad vim directiuam, debet enim legibus viuere, sed quantum ad vim coactiuam, quia nullus potest in ipsum iudicium condemnationis inferre, si contra legem agat. Vnde per illud Psalmi. [Tibi soli peccauit,] dicit gloss. 13 Rex est omnibus superior, ideo a Deo tantum, qui maior est, puniendus est. Si quis de populo errauerit, & Deo peccauerit, & Regi, Rex vero non habet hominem, qui sua facta diiudicat, ideo ait: [Tibi soli peccauit,] haec gloss. & haec de rationibus inductis ex parte Patrum de obedientia Ioannis 23. & gestorum Concilij Constantien. dixisse sufficiat.

Item ad argumenta, quae egit praefatus dominus opponens ex parte Concilij Basileen. tendamus, licet ex multis eorum, quia dispensatiue, per modum tolerantiae ad preces Regum, & Principum, Apostolica Sedes fecit, vt schismatis tolleretur occasio, & Bohemorum tractatus ex dilatione non suscipere impedimentum, argumenta sumpta, parum debeant habere virtutis.

Argumentum est autem in primis, si bene retinui, sic, Concilium Basileense fuit legitime inchoatum, quia auctoritate, & Martini, & praesentis S. D. N. & hoc pro reformatione in capite, & in membris, fuitque legitime continuatum, vt in bulla annulationis dissolutionis, sue translationis eiusdem Concilij S. D. N. attestatur, & praefatum Concilium fecit illas declarationes, de potestate Concilij vniuersalis, sicut est manifestum: Ergo videtur decretum illud esse verum, alias Concilium illud non fuit legitime continuatum; errare enim non stat cum legitima continuatione.

- Ad istam rationem respondetur, quodd Concilium legitime continuari, potest intelligi duobus modis, vno modo quia, continuatur eius potestas instituentis, & non est euacuata auctoritate, sed habet processum legitimam potestate sulcitum; Alio modo potest intelligi legitime continuari, non per respectum ad auctoritatem dictam, sed ad materiam processus, ita quod omnis declaratio facta per tale Concilium, fuerit vera. Omnis eius constitutio sancta, est sententia iusta. Capiendo autem hoc secundo modo legitimam continuationem, conceditur consequentia, & negatur antecedens, licet enim S. D. N. declarauerit Concilium illud legitime continuatum, quia non fuerat intentionis sanctitatis suae, quodd Concilium

cilium illud euacuaretur virtute sua, si cause, propter quas illud transfulerat, non essent veræ, aut tantæ grauitatis, sicut eius sanctitas agnouit, non tamen concessit eis, nec declarauit eos in omnibus, quæ dixerant, dehincrant, aut constituerant, bene, sanctè, iusteque fecisse.

Capiendo autem primo modo legitimam continuationem Concilij, conceditur antecedens, & negatur consequentia, 15 stat enim cum hoc modo legitimationis processu Concilij, error aliquis in conclusionibus, sicut patet de secunda Synodo Ephesina, quæ sicut fuit legitima auctoritate incohata, ita etiam continuata, quæ tamen grauissimè errauit. Præterea Concilium Aquilegrani celebratum legitimè fuit, & continuatum, de quo in cap. placuit 36. quasi. 2. & tamen eius definitioni præponitur sententia Hieronymi, ut in eodem loco colligitur, & habetur in. 16 gloss. in cap. de libellis dist. 20. Præterea dicit Augustinus contra Donatistas loci. 1. quens lib. 1. de unico baptismo; plenaria Concilia sæpè priora, posterioribus emendari. Præterea, interrogantur Patres Basilienses, utrum dicant verum apud omnes indubitatum in hoc, quod Synodus vniuersalis Constantien. fecisset illas declarationes, & planè si veritatem loquuntur, dictum sunt contra definitionem eorum, cum manifestum sit per vnā solam obedientiam illas factas esse.

Non ergo erit inconueniens, quod Concilium Basileen. licet dicatur fuisse legitimè continuatum, scilicet quoad processum eius, habeat in eis, quæ decessant aut instituit aliquid emendandum, & corrigendum. Secundò arguebat idem dominus opponens sic, confirmando rationem præmissam, Concilium Basileen. fuit vniuersale, & indubitatum, & renouauit hoc decretum, facta reuocatione dissolutionis: Ergo sequitur, quod illud sit verum.

Ad istam rationem respondetur, primo ad antecedens, quod attento, quod conditiones, & promissiones domino nostro factæ, ut dissolutionem, siue translationem reuocaret, non fuerunt ei obseruata, maxime quod sui præfidentes non fuerunt recepti iuxta dispositionem, & iuxta morem antiquorum Conciliorum, non videtur omnino indubitatum fuisse illud Concilium, immò apud multos doctos, omnino vacuum auctoritate iudicatum est.

Cum præfidentes Papæ iuxta formam à Romano Pontifice datam, noluerit recipere; sed contra omnem morem, & rationem, corpus sine ordine dependentiæ ad caput sibi à Christo superpositum, potestate propria voluit procedere.

Secundò dicitur, quod non videtur verum, quod Concilium Basileen. renouauerit decretum illud Constantiense, immò decretum fecerit nouum: quod patet ex eo, quod forma vnus multum differt, & licet, & intelligentia ab alio, sicut patet inuenti illas, quas supersedeo prosequi breuitatis causa.

Tertiò, præfidentes omnes; quibus infoludum auctoritas data erat, non consenserunt, immò contradiixerunt, & protestati sunt eo modo meliori, quo potuerunt, licet aliqui eorum non ut præfidentes, sed ut particulares personæ quasi violentur, cum aliter non reciperentur ad præfidentiam, in renouatione illa consenserint.

Sed quærebat Dominus arguens, vnde haberetur, quod si Concilium vult aliquid definire, & præfidentes nolunt consentire, quod definitio sit nulla, cum hoc videatur valde mirabile?

Ad hoc respondetur, quod hoc colligitur, primò ex Chalcedonen. Concilio, in cuius gestis in actione 6. ut habetur in libro Pontificum Isidori, ita dicitur: [In omnibus Synodis Apocrypharj Apostolici decretas sententias primò, propter summam auctoritatem eiusdem sanctæ Sedis, confirmabant, & subscribebant, quia aliter nullum robur habebant, vnde scriptum est: 21 [Paschasius Episcopus, vice Domini mei beatissimi, atque Apostolici vniuersalis Ecclesiæ Papæ Urbis Romæ Leonis, Synodo Præfidentis statui, consensui, & subscripsi. Similiter & reliqui fecerunt.] Hæc ibi.

Secundò colligitur ex dist. 17. quæst. per totum, & præcipue in capit. regula, ubi habetur, nullum ratum esse Concilium, quod non fuerit Apostolica auctoritate fultum.

Clarum est, quod ea, quæ sunt Præfidentibus Papæ contradicentibus, non possunt dici fulta auctoritate Apostolica.

Secundò respondetur ad consequentiam, negando illam, assignata est ratio negationis in superioribus, pro eo, scilicet, 22 cet, quod non errare, non reperitur priuilegium esse generaliter vniuersalium Conciliorum etiam indubitatorum, nisi cum ita vniuersali consensu in eisdem cunctis sunt definita, quod Apostolica Sedes consensus, & approbatio interuenierint.

Exempla etiam assignata sunt idæ secunda Synodo Ephesina vniuersali, & indubitata.

Tertiò arguebatur per eundem Dominum Opponentem sic: Sanctissimus Dominus Noster approbasse videtur illud Concilium per Bullas suas; ergo videtur, quod definita per illud, sunt approbata per Apostolicam Sedem, & per consequens vera sunt, aut Apostolica Sedes errauit cum illo.

Ad hoc respondetur, sicut idem sanctissimus Dominus Noster pro se tunc respondit, quod approbauit progressum illius, sicut dictum est, non autem decreta eius, quod sapientissimè factum est. Quis enim, nisi imprudensissimus, approbare decreta aliqua, antequam illa videret, examinaret, atque plenè, & integrè ponderaret, si quid in eis minùs rectum, minùs verum, aut minùs expeditius contineretur? aut si quid ineptum, aut si quid diminutum, aut superfluum sit? quomodo dicitur fecisse Papa Clemens, ut Ioann. ponit in principio Clementinarum, de constitutionibus factis in Concilio Viennensi, quæ quia,

quia, ut inquit, aliquæ earum erant inep-
tæ, aliquæ proluxæ, aliquæ defectiue com-
positæ, aliquæ etiam non expediebant,
fecit illas Clemens reueneri per Peritio-
res, qui aliquas illarum in toto reserua-
runt, aliquas in totum rescaverunt, aliquas
mutarunt quoad verba, mente seruata, ali-
quibus verò earum quibuldam detractis
quoad verba, & quoad uentem, aliqua
fuit addita.

Præterea, si approbando processum
Concilij, sanctissimus Dominus Noster ap-
probasset decreta illius Concilij, cur tan-
to studio, & tam repetitis vicibus laboraret
Basilienfes per Oratores suos, ut sanctissi-
mus Dominus noster approbaret, & con-
firmaret eorum decreta, quod hucusque
habere non poterunt?

42 Sed quærebat Dominus Arguens:
Vnde reperitur, quod necesse est accipere,
aut habere à Romano Pontifice, siue Apo-
stolica Sede confirmationem decretorum
factorum per Concilia vniuersalia, cum in
vniuersali Concilio intelligatur esse aucto-
ritas Papæ?

Ad hoc respondetur, quod huiusmo-
di necessitas confirmandi decreta Conci-
liorum per Papam, colligitur primò ex
auctoritate sacræ Scripturæ; secundò ex
evidentia rationis; & tertio ex practica,
obseruata sacrorum Conciliorum præstan-
tissimorum.

Ex sacra Scriptura quidem colligitur
Deuter. 17. ubi Dominus ait: Si diffi-
cile, & ambiguum apud te iudicium per-
spexeris, (dicit glossa interl.) Hoc quoque
in Ecclesia obseruandum est, & iudicium
inter potas tuas videris verba variari,
surge, & ascende ad locum (glossa 1. Eccle-
siam) quem elegit Dominus Deus tuus,
veniesque ad Sacerdotes Leuitici generis,
(glossa 1. legisticos), & ad Iudicem (glossa 1.
Pontificem) qui fuerit illo tempore, quæ-
resque ab eis, qui iudicabunt tibi iudicij
veritatem. Et facies quodcumque dixerint,
qui præsent loco, quem elegit Dominus,
& docuerunt te iuxta legem eius, sequeris-
que sententiam eorum, nec declinabis ad
dexteram, neque ad sinistram. Qui autem
superbierit, noluus obedire Sacerdotis im-
perio, qui eo tempore ministrat Domino
Deo tuo, & decreto Iudicis, morietur ho-
mo ille. Vbi licet dubiorum difficultum
discussionem, & indagationem veritatis
Deus conueniunt Sacerdotum attribuat,
Imperium tamen, & diffinitiuum iudi-
cium, cui sub pena mortis obediendum
est, vni soli, scilicet Summo Sacerdoti at-
tribuit; vnde manifestè patet, quod robur,
& auctoritas, & vis coactiua decretorum
vniuersalium Conciliorum, ab vno, scilicet
Summo Sacerdote dependet.

Præterea, præcipit Moyfi, qui pote-
state, ut ait diuus Bernardus libro de con-
sideratione ad Eugenium Papam, fuit
figura Romani Pontificis: Esto tu populo
in his, quæ ad Deum pertinent, ut offen-
das eis ceremonias, & ritum colendi Deum,
Exodi 18. Cæterum Christus cum alijs
Apostolis imperauerit, ut laxarent reia
sua, tantummodò Petro inquit, Duc in

altum, Luc. 4. Hoc est in profundum dis-
putationum, ut ait glossa Aubrosij, &
habetur in cap. uon turbatur 24. quest. 1.
Quomodo autem hæc Diuina institutio
integra seruaretur, qua Summo Ecclesiæ
Pontifici Diuinitas tam singulariter in-
iunxit summam causam, & difficultum
questionum in Ecclesiæ iudicium; si Pa-
trum in Synodis conuenientium decreta,
canones, & sententiæ, quæ communiter de
rebus maximis proferuntur, non consensu,
& approbatione firmarentur Summi Pon-
tificis?

Suffragatur præterea ad hoc ratio
euidens, lex enim non habet vigorem, &
virtutem coactiuam, nisi ex Principis au-
thoritate, aut auctoritate eius, in quo
Principatus rotius communitatis est col-
locatus. Illud est clarissimum apud omnia
iura; sed Romanus Pontifex est Princeps
Ecclesiæ, & Principatus totius Ecclesiæ
collocatus est ab ipso Summo omnium.
Principe Christo Salvatore nostro. In Apo-
stolica Sede, ut in cap. Basilicas, de conse-
crat. dist. 1. Ergo necessariò firmitas, ro-
bur, & auctoritas decretorum Concilio-
rum dependet à Romano Pontifice, siue
ab Apostolica Sede, sicut habetur expressè
in cap. confidimus 25. quest. 1, & extrà,
de elect. cap. significasti.

Facit etiam ad hoc ratio beatissimi
Thomæ in secunda secundæ quest. 1. artic.
ultimo, quam sumit ex unitate fidei, sic
vna fides debet esse totius Ecclesiæ secun-
dum illud 1. Corinth. 1. Id ipsum dicatis
omnes, & non sint in vobis schismata, quæ
videtur seruari non posse, nisi questio fidei
de fide exorta determinaretur per vnum,
qui toti Ecclesiæ præest, ut sic eius senten-
tia à tota Ecclesiæ firmiter teneatur. Et
idèd concludit, quòd ad solam auctori-
tatem Romani Pontificis pertinere noua
editio Symboli. Hæc sanctus Thomas.

Ex quibus patet quanta necessitas sit,
ut canones Conciliorum, & maximè fidem
respicientes, per eum, qui vniuersali Ec-
clesiæ præsidet, confirmantur.

Fundatur præterea hoc ipsum in pra-
ctica antiquorum Conciliorum, Nicenæ
scilicet, & Chalcedonæ, in quibus Patres
conuenientes, omnia diffiniri, & confir-
mata per eos miserunt ad Apostolicam Sedem,
rogantes illa per Romanum Pontifi-
cem confirmari, sicut patet de Patribus
Nicenæ Syuodi, ex epistola eiusdem Syno-
di missa ad Papam Siluestrum, quæ habe-
tur in gestis eius: & de Patribus Chalce-
donensis Synodi ex epistola eiusdem missa
super hoc ad Leonem Papam, quas pro
breuitate tenenda, hic interficere non cu-
taui.

Hoc præterea obseruatum in Concilio
Constantiensis legimus, in quo licet Papa
Martinus fuerit præsens, & fortassis pri-
mus omnibus assensum dedisset, nihilomi-
nus factus Pontifex in fine omnium roga-
tus est, ut omnia Apostolicæ Sedis angori-
tate roboraret, quod sub certa forma fecit,
ut patet in gestis eiusdem Concilij.

Quod verò dicebatur per Dominum
25 Arguentem videri, hoc non esse necessa-
rium,

rium, quia, ut inquit, in Concilio vniuersali potestas Papæ includitur.

Respondetur primò, quòd hæc locutio, propriè loquendo, non videtur mihi accipienda, quòd potestas Papæ sit inclusa in Concilio vniuersali ad eorum sensum, quem prætendunt illi, qui dicunt Concilium, omnia posse, quæ Papa, & maiora.

Dicunt enim, quòd Concilium dicit, quodam aggregatum ex potestatibus particularibus, quarum vna sit potestas Papæ, ita quòd Concilium dicat vnum totum, comprehendens omnes istas intrà se potestates. Inde arguentes, quòd cum totum nitiatur sui parte, Concilium sit maius Papa. Sed re vera non ita accipienda est ratio Concilij, sicut isti imaginantur.

Cum autem Romanus Pontifex, vt potest caput Ecclesiæ, plenitudinem, & totalitatem habeat potestatis, & ab ipso omnis potestas iurisdictionis aliorum Prælatorum deriuetur, vt superius multipliciter est ostensum, potestas Papæ non potest comparari ad potestates particulares aliorum Prælatorum, sicut pars totius comparatur ad alias compartes, ex quibus illud totum resultat; sed vt totum comprehendens virtute quicquid potestatis est in illis, sicut dicit Boetius, quòd superior virtus comprehendit in se inferiores. Et beatus Dionysius libro 5. Ecclesiasticæ Hierarchiæ, dicit Hierarchici ordinis virtus in omnibus capit sanctitatis totalitatibus; vnde omnes Episcopi congregati cum Papa, quo ad potestatem iurisdictionis, non videntur dicere plus potestatis, quam Papa solus.

Omnes præterea Reges Officiales Regis, simul conuenientes cum Rege, non dicunt plus iurisdictionis, quam Rex solus, sicut sanctus Thomas inquit, quòd omnes creaturæ, & Deus considerat simul, non porrant plus bonitatis, quam Deus solus, & ideo non est ita dicendum: sicut ex aduerso intelligitur, quòd potestas Papæ includatur in Concilio, immò fortassis magis propriè diceretur & conuerso, scilicet, quòd potestas totius Concilij comprehenderetur in Papa, sicut deriuatum, & dependens comprehenditur in eo, à quo dependet, & emanat.

Dicimus enim, quòd omnium membrorum virtus continetur in capite, & omnium inferiorum potestas in Principe.

Secundò respondetur, quòd ad hunc sensum potest dici, quòd in vniuersali Synodo includitur potestas Papæ, quia si rationem Concilij vniuersalis habet, necessariò consensus Papæ includitur, & auctoritas ad earum rerum prosecutionem, ad quas Synodus ordinata est. Sed ex hoc modo comprehensionis potestatis Papæ in Concilio, non sequitur, quòd conclusa per Patres Synodi non egeant confirmatione Principis Ecclesiæ. Et hæc de secundo Articulo pro mea mediocritate dicta sufficiant.

De tertio autem Articulo, quia cum non fuerit opus lequi, nihil respondi. Ideò in hac recollectione responsionis mee supersedeo: per totum omnia per me di-

ca subiciens correctioni, & emendationi sanctissimi Domini Noltri Eugenij Papæ Quarti verissimi Christi Vicarij, & Principis vniuersæ Ecclesiæ, cuius Sanctitatis mandato hæc responsionem in præsentia Beatitudinis Sux, & Reuerendissimorum Patrum Dominorum Cardinalium, scilicet omnium Prælatorum huius sanctæ Synodi Occumenicæ, multorumque aliorum Patrum, Magistrorum, & Doctorum satis ex tempore factam, nunc parum copiosius, & extensius collegi.

Sicque ipse Deus, omni boni fontalis origo, pro assistentia gratiæ suæ in secula benedictus. Amen.

Explicite Responsio, facta per Magistrum Ioannem à Turrocremata, sacri, & Apostolici Palatii Magistrum, anno Incarnationis Dominicæ 1439.

CAMILVS CAMPEGIVS

Theologus Papiensis, Lectoris.

VT controuersæ status mox intelligatur, hæc ex Constantiensi, & Basiliensi Concilijs fideliter sumpta, subiicimus, ex quibus Aduersarij adeo hallucinati fuisse, vt schisma, cum tanta Christianæ Religionis iactura, concitauerint; quæ si rectè, vt vir iste doctissimus explicat, intelligantur, Romanum Pontificem magis extollunt, quam deprimant.

EX CONCILIO CONSTANTIENSI

Sessio quarta.

HÆC sancta Synodus Constantiensis generale Concilium faciens, pro extirpatione præsentis schismatis, & vnione, ac reformatione Ecclesiæ Dei in capite, & in membris fienda, ad laudem Omnipotentis Dei in Spiritu sancto legitimè congregata, ad consequendum facilius, securius, liberius, & huberius vnionem & reformationem Ecclesiæ Dei, ordinat, (aliàs definit,) disponit; statuit, decreuit, & declarat, vt sequitur.

Et primò, quòd ipsa Synodus in Spiritu sancto congregata legitimè, generale Concilium faciens, Ecclesiam Catholicam militantem repræsentans, potestatem à Christo immediatè habet, cui quilibet cuiuscumque status, vel dignitatis, etiam Papalis, existat, obedire teneatur in his, quæ pertinet ad fidem, & extirpationem dicti schismatis, & reformationem generalem Ecclesiæ Dei in capite, & in membris.

In quinta sessione hoc idem decretum confirmatur, & aliud, quod nos hic apposuimus, additur.

Item declarat, quod quicumque cuiuscunque conditionis, status, dignitatis, etiam si Papalis, qui mandatis, statutis, seu ordinationibus, aut praeceptis huius sacrae Synodi cuiuscunque alterius Concilij generalis legitime congregari super praemissis, seu ad ea pertinentibus, factis, vel faciendis, obedire contumaciter contempserit, nisi resipuerit, condigne poenitentiae subijciatur, & debite puniatur etiam ad alia iuris subsidia, si opus fuerit recurrendo.

Ex Concilio Basileensi, sessione secunda, haec habentur decreta, quae ad negotij cognitionem plurimum conducunt.

Sacrofanda generalis Synodus Basileensis, &c. decrevit, statuit, definit, declarat, & ordinat, ut sequitur:

Decretum, quod Concilium Basileense est legitime inchoatum.

ET primo, quod eadem sacra Basileensis Synodus sacris Constantiensi, & Senensi Concilijs generalibus decrementibus, atque ordinationibus, & auctoritate Apostolica interueniente, fuit & est in hoc loco Basileensi debite, legitimeque, ac rite initiata, & congregata. Et ne de eiusdem sacrae Basileensis Synodi potestate à quocunque dubitetur, ipsa eadem Synodus duas declarationes ex decretis Synodi Constantiensis in praesenti sessione, alijs suis decretis editis, seu edendis inferendas, ordinat, & decrevit, quarum quidem declarationum tenor primae sequitur, & est talis.

Decretum quod Concilium generale est super Papam.

ET primo declarat, quod ipsa Synodus in Spiritu sancto legitime congregata, generale Concilium faciens, & Ecclesiam militantem representans, potestatem immediatè à Christo habet, cui quilibet cuiuscunque status, vel dignitatis, etiam si Papalis existat, obedire tenetur in his, quae pertineant ad fidem, & extirpationem dicti schismatis, & ad generalem reformationem Ecclesiae Dei in capite, & in membris. Alterius verò tenor sequitur in hae verba.

Quod inobedientes Concilio, puniantur.

Item declarat, quod quicumque cuiuscunque status, vel dignitatis etiam si Papalis existat, qui mandatis, statutis, seu ordinationibus, aut praeceptis huius sacrae Synodi, & cuiuscunque alterius Concilij generalis legitime congregari super praemissis, seu ad ea pertinentibus, factis, vel faciendis, obedire contumaciter contempserit, nisi resipuerit, condigne poenitentiae subijciatur, & debite puniatur, etiam ad alia iuris subsidia, si opus fuerit, recurrendo.

Praemissis igitur, & nonnullis illis Constantiensis Concilij, praesertim capite, quod incipit: Frequens; in priori huius sacrae Synodi Basileensis sessione recitati, decretis attentis, praelibata Synodus Basileensis decrevit, & declarat, ipsa pro haereticum extirpatione, ac morum generali reformatione Ecclesiae in capite, & in membris, necnon pace inter Christianos procuranda (ut praemittitur) in Spiritu sancto legitime congregata, per nullum quavis auctoritate, etiam si Papali dignitate praefulgeat, dissolui, aut ad aliud locum, transferri, seu ad aliud tempus prorogari debuit, aut potuit, debet, aut potest, debet, aut poterit in futurum, absque eiusdem Synodi Basileensis deliberatione, & consensu.

Sessio trigesima tertia eiusdem Concilij Basileensis, de veritate fidei Catholicae per tres veritates.

Sacrofanda generalis Synodus Basileensis in Spiritu sancto legitime congregata, vniuersalem Ecclesiam representans, ad perpetuam rei memoriam.

Sicut una est Christi Ecclesia, quae, ut ait Apostolus 2. Tim. 3., est columna, & firmamentum veritatis, sic omnia Ecclesiae membra vnitatem semper obseruare necesse est, in professione Catholicae veritatis, atque fideliter, & firmiter credere, quicquid per ipsam Ecclesiam de veritate fidei fuerit declaratum, ut non sicut paruuli fluctuantes circumferamur omni vento doctrinae, aut per repugnantium dogmatum varietatem in diuisiones, & schismata probabantur.

Dudum autem in sacra generali Constantiensi Synodo conueniens Catholica, Ecclesia, veritatem de generali Conciliorum auctoritate solemniter declarauit.

Deinde in hac sacra generali Basileensi Synodo, eamdem necessariam declarationem sub eodem, qui sequitur tenore, innouauit.

Primo, quod generalis Synodus in Spiritu sancto legitime congregata, generale Concilium faciens, Ecclesiam Catholicam Militantem representans, potestatem à Christo immediatè habet, cui quilibet

libet cuiuscumque status, vel dignitatis, etiam si Papalis existat, obedire tenetur in his, quæ pertinent ad fidem, ad extirpationem schismatis, & ad generalem reformationem Ecclesiæ in capite, & in membris.

Item declarat, quod quicumque cuiuscumque dignitatis, etiam si Papalis existat, qui mandatis, statutis, siue ordinationibus, aut præceptis huius sanctæ Synodi, & cuiuscumque alterius Concilij generalis legitime congregati, super præmissis, seu ad ea pertinentibus, factis, vel fiendis, obedire contumaciter contemplerit, nisi resipuerit, condignæ poenitentiae subijciatur, & debite puniatur, etiam ad alia iuris subsidia, si opus fuerit recurrendo.

Cumque, sicut præfertur, quilibet cuiuscumque dignitatis, etiam si Papalis existat, Concilio generali in (aliis prædictis) præmissis obedire teneatur, declaratum etiam fuit frequenter, ac dilucide, quod ipsum generale Concilium pro præmissis, eaque concernentibus, aut aliquo præmissorum actu congregatum, sine ipsius consensu per nullum quavis auctoritate, etiam si Papali dignitate præfulgeat, dissolui, transferri, aut ad aliud tempus prorogari potest.

Et licet has esse veritates fidei Catholicæ, satis constat ex pluribus declarationibus præcedentibus; tam in præfato Constantiensi Concilio, quam in hoc Basileensi factis, ad maiorem tamen soliditatem, & firmitatem omnium Catholicorum in vniuersi professione veritatum ipsarum, hæc sancta Synodus definire, declarat, prosequitur.

Veritas de potestate Concilij generalis vniuersalem Ecclesiam representantis, supra Papam, & quemlibet alterum declarata per Constantiensem, & hoc Basileensem generalia Concilia, est veritas fidei Catholicæ.

Veritas hæc, quod Papa Concilium generale vniuersalem Ecclesiam representans, actu legitime congregatum super declaratis in præfata veritate, aut aliquo eorum, sine eius consensu nullatenus auctoritative potest dissolvere, aut ad aliud tempus prorogare, aut de loco ad locum transferre, est veritas fidei Catholicæ.

Veritatibus duabus prædictis pertinaciter repugnans, est censendus hæreticus.

Datum in sessione nostra publica, in maiori Ecclesia Basileensi solemniter celebrata 17. Kalendas Iunii, anno à natiuitate Domini, millesimo quadringentesimo trigesimo nono.

FINIS.



REGESTVM.

ABCDEFGHIKLMNOPQRSTUVWXYZ.

Aa Bb Cc Dd Ee Ff Gg Hh Ii Kk Ll Mm Nn Oo Pp Qq Rr
Ss Tt Vv Xx Yy Zz.

Aaa Bbb Ccc Ddd Eee Fff Ggg Hhh Iii Kkk Lll Mmm Nnn
Ooo Ppp Qqq Rrr Sss Ttt Vuu Xxx Yyy Zzz.

Aaaa Bbbb Cccc Dddd Eeee Ffff Gggg.

Omnes sunt Duerniones, præter Gggg, quæ est Ternio:
Principium est Duernio.



ROMÆ, M. DC. XCVIII.
Ex Typographia Ioannis Francisci Buagni.

Superiorum permisso.

